

## 二論玄義

慧日道場沙門吉藏奉命撰

總序宗要開爲二門一通序大歸二別釋  
衆品初門有二一破邪二顯正

夫適化無方陶誘非一考聖心以息患爲  
主統教意以通理爲宗但九十六術極  
火宅爲淨道五百異部繁見網爲泥洹遂  
使鹿苑丘墟鷲山荆蕪善逝以之流憫薩  
埵所以大悲四依爲此而興三論由斯而  
作但論雖有三義唯二轍一曰顯正二曰  
破邪破邪則下拯沈淪顯正則上弘大法  
故振領提綱理唯斯二也但邪謬紛綸難  
可備序三論所斥略辨四宗一推外道二  
折毘曇三排成實四呵大執問以何義故  
遍斥衆師答論主究其原盡其理也一源  
不究則戲論不滅盡理不盡則至道不彰  
以無源不究群異乃息無理不盡玄道始  
通是以斯文遍排衆計問既無法不究無  
言不盡應遍排群異何故但斥四宗耶答  
初一爲外後三爲內內外並收毘曇明有  
成實辨空空有俱攝斯二爲小方等稱大  
大小該羅略洗四迷則紛累都盡耳問此之  
四執優降云何答外道不達二空橫存人  
法毘曇已得無我而執法有性跋摩具辨  
二空而照猶未盡大乘乃言究竟但封執  
成迷自淺至深四宗階級問外道邪言可

得稱破餘爲內教何得亦破答總談破  
顯凡有四門一破不收二破不收三亦破  
亦收四不收不收言不合道破而不收  
說必契理收而不破學教起迷亦破亦收  
破其能迷之情收取所惑之教諸法實相言  
忘虛絕實無可破亦無可收浪上三門  
歸乎一和照斯四句破立較然自以此來  
總明中破

此已去  
別斥四宗

所言推外道者夫至妙虛通日之爲道心  
遊道外故名外道外道多端略陳其二一  
天竺異執二震旦衆師總論西域九十六  
術別序宗要則四執盛行一計邪因邪果  
二執無因有果三立有因無果四辨無因  
無果問云何名爲邪因邪果答有外道云大  
自在天能生萬物萬物若滅還歸本天故  
云自在天若瞋四生皆苦自在若喜則六  
道咸樂然天非物因物非天果蓋是邪心  
所畫故名邪因邪果自在此處  
七時例然難曰夫善招  
樂報惡感苦果蓋是交謝之宅報應之場以  
不達義理故生斯謬又夫人類生人物類  
生物人類生人則人還似人物類生物物  
還似物蓋是相生之道也而謂一天之因  
產萬類之報豈不謬哉問云何名爲無因  
有果答復有外道窮推萬物無所由藉故  
謂無因而現視諸法當知有果例如莊周  
魍魎問影影由形有因造化造化則無  
所由本既自有即末不因他是故無因而  
有果也問無因自然此有何異答無因據  
其因無自然則乎果有約義不同猶是一

執難曰夫因果相生猶長短相形既有有  
果何得無因如其無因何獨有果若必  
無因而有果者則善招地獄惡感天堂問  
曰有人言自然有因自然無因萬化不同  
皆自然有故無同前過答曰蓋未審察之  
故生斯謬如其精究理必不然夫論自者  
謂非他爲義必是因他則非自矣故自則  
不因因則不自遂言因而復自則義成梓  
楠問云何名爲有因無果答斷見之流唯有  
現在更無後世類如草木盡在一期難曰  
夫神道幽玄惑人多昧義經丘而未曉理  
涉且而猶昏唯有佛宗乃盡其致經云如  
雀在瓶中羅穀覆其口穀穿雀飛去形壞  
而神走匡山慧遠釋曰火之傳於薪猶神  
之傳於形火之傳異薪猶神之傳異形前  
薪非後薪則知指窮之術妙前形非後形  
則悟情數之感深不得見形朽於一生便  
謂識神俱喪火窮於一木乃曰終期都盡  
矣後學稱黃帝之言曰形雖糜而神不化  
乘化至變無窮雖未彰言三世意已明未  
來不斷問曰云何名爲無因無果答既檢  
無後世受果亦無現在之因故六師云無  
有黑業無有黑業報無有白業無有白  
業報四邪之間最爲尤弊現在斷善後生  
惡趣問斯之紛謬起自何時答釋迦未興  
盛行天竺能仁既出殄斯謬計佛滅度後柯  
條更繁龍樹後興重加剪伐

次排震旦衆師二研法二嚴人問曰天竺  
四術既是外言震旦三玄應爲內教答釋僧



鑒云。每讀老子莊周之書。因而歎曰。美。即美矣。然。棲神冥。累之方。猶未盡也。後見淨名經。欣然頂戴。謂親友曰。吾知所歸極矣。遂棄俗出家。羅什昔聞三玄與九部同極。伯陽與牟尼抗行。乃喟然歎曰。老莊入玄。故。應易惑耳目。凡夫之智。孟浪之言。言之似極。而未始詣也。推之似盡。而未誰至也。略陳六義。明其優劣。外但辨乎一形。內則朗鑒三世。外則五情未達。內則說六通。微。外未即萬有而為太虛。內說不壞。假名而演實相。外未能即無為而遊萬有。內說不動真際。建立諸法。外存得失之門。內冥二際於絕句之理。外未境智兩泯。內則緣觀俱寂。以此詳之。短羽之於鵬翼。坎井之於天池。未足喻其懸矣。秦人疑其極。吾復何言哉。問伯陽之道。道曰太虛。牟尼之道。道稱無相。理源既一。則萬流並同。什肇抑揚。乃。於佛。此王。無為。道。答伯陽之道。道指虛無。牟尼之道。道超四句。淺深既懸。體何由一。蓋是子安於道。非余。詔佛。問牟尼之道。道為真諦。而體絕百非。伯陽之道。道曰太虛。冥理超四句。彌顯體一。奚有淺深。此義武帝佛經以真空。答九流統攝。七略該含。唯辨有無。未明絕四。若言老教亦辨雙非。蓋以砂糝金同。盜牛之論。周弘政。非也。老。駁人第二。問佛名。大覺。老曰。天尊。人同上。聖法俱妙。極。苟欲存異。將非。杜不二之玄。門。傷得一之淵府哉。此是道士。三。答悉達。處宮方紹金輪聖帝。能仁出俗。遂為三界。

法王。老為周朝之柱史。清虛是九流之派。子若欲令人一法同。何異。堆阜共安。明等高。螢燭與日月齊照。問同人者之五情。異人者之神明。述為柱史。本實天尊。據實而談。齊之一貫。答漢書亦顯品類。以伯陽為賢。何晏王弼稱老未及聖。設令孔是儒童。老為迦葉。雖同聖迹。聖迹不同。若圓應十方。八相成佛。人稱大覺。法名出世。小利即生。人天福善。大益即有三乘賢聖。如斯之流。為上述也。至如孔稱素王。說有名儒。老居柱史。談無曰道。辨益即無人得聖。明利即止在世間。如此之類。為次述矣。折毘曇第二。一立宗。二破斥。有薩衛門人。序其宗曰。阿毘曇者。名無比法。無漏慧根。會理隔凡。其功冠絕。故云無比。超四執之外。越三界之表。群聖之所讚歎。六道之所歸崇。敢有抗言。當屈之以理。問夫欲立理。先須序宗源。未知毘曇凡有幾種。答部類甚多。略明其六。一者如來自說法相毘曇。盛行天竺。不傳震旦。二者隣極聖名。舍利弗解。佛語故造阿毘曇。凡二十卷。傳來此土。三者佛滅度後三百餘年。有三明六通。大阿羅漢。姓迦旃延。造八健度。凡二十卷。傳來此土。所言八者。一雜。二使。三智。四業。五大。六根。七定。八見。言健度者。翻之為聚。以其八義各有部類。因之為聚也。四者六百年間。有五百羅漢。是旃延弟子。於北天竺。共造毘曇沙釋八健度。毘曇沙者。此云廣解。於西涼州譯出。凡有百卷。值兵

火燒之。唯六十卷現在。止解三健度也。五者七百餘年。有法勝羅漢。嫌婆沙太博。略撰要義。作二百五十偈。名阿毘曇心。凡有四卷。亦傳此土。六者千年之間。有達磨多羅。以婆沙太博四卷極略。更撰三百五十偈。足四卷。合六百偈。名為難心也。其間復有六分毘曇。釋論云。目連和須密及餘論師共造。並不傳此土。唯衆事分毘曇是六內之一。此土有之。復有甘露味毘曇二卷。未詳作者。並傳此土。毘曇雖部類不同。大宗明見有得道也。破斥第二。凡有十門。一垂至道。二扶衆見。三達大教。四守小筌。五迷自宗。六無本信。七有偏執。八非學本。九弊真言。十喪圓旨。蓋無比之名有餘。所明之理不足。非但違乖。方等亦近迷三藏。略舉十門。顯其虛實。乖至道者。夫道之為狀也。體絕百非。理超四句。言之者失其真。知之者反其愚。有之者乖其性。無之者傷其體。故七辨輟音。五眼冥照。釋迦掩室。淨名杜口。豈可以有而為道哉。第二扶衆見。然道實非有。遂言見有得道。乃是見有。非見道也。故淨名云。法名無染。若染於法。乃是染著。非求法也。又夫見有者。名為有見。非見道矣。故法華云。入邪見稠林。若有若無等。依止此諸見。具足六十二問。若執有無。此有何失。答正觀論云。淺智見諸法。若有若無等。是則不能見滅。見安隱法。於彼有大過矣。第三違大教。思益經云。於未來世。有惡比丘。說

有相法得成聖道。佛垂此勸。懸誠將來。既曰惡人。理是邪說。違背大教。宜須破之。第四守小答。夫爲未識源者。示之以流。令尋流以得源。未見月者。示之以指。今因指以得月。窮流則唯一源。亡指則但是一月。蓋是如來說小之意也。而毘曇之徒。執固小宗不趣大道。守筌喪寶。故造論破之。第五迷自宗。諸聖弟子有所述作。本爲通經。而阿含之文。親說無相。故善吉觀法空而悟道。身子入空定而佛歎。阿毘曇人但明見有故自迷。本宗第六無本信。文殊問經云。十八及本二皆從大乘出。無是亦無非。我說未來起。十八者。謂十八部異執也。及本二者。根本唯二部。一大衆部。二上座部。而阿毘曇是十八部內薩婆多部。從大乘出。即大爲小本。而執小之流聞大乘不信。信是以破之。問何以知執小之人不信大法耶。答智度論云。旃延弟子答龍樹云。我聞大乘心不都信。故外國執小乘者與學。大乘人分河飲水。第七有偏執。大集經云。雖有五部。並不妨如來法界及大涅槃。而阿毘曇人保執自宗排斥他說。便違法界。拒大涅槃。累障既深。宜須傷歎。第八非學本。大品經云。欲知四緣。當學般若。外人問龍樹云。欲學四緣。應學毘曇。云何乃學般若。論主答曰。初學毘曇。似如可解。轉久推求。則成邪見。問曰。學毘曇云何乃成邪見。答若言四緣生諸法者。誰復生於四緣。若四緣更從他生。則他復從他。如是

無窮。若其四緣自然而有。不從他生者。萬物亦應不由四緣。當墮無因。故從則無窮。窮則無因。由此二門。則不信因果。故久學毘曇。成於邪見。第九弊真言。大集經云。甚深之義。不可說。第一義諦無聲字。陳如比丘於諸法。獲得真實之知見。本起經云。頌神沙門。即五人之一。爲身子說偈云。一切諸法。本因緣空。無主。息心達本源。故號爲沙門。身子聞之。即得初果。尋大小二經。皆明見空成聖。而阿毘曇謂觀有得道。故隱覆真言。第十喪圓旨。涅槃經云。欲令衆生深識真諦。是故如來宣說於俗。若使衆生不因俗諦而識真者。諸佛如來終不說俗。毘曇之流。雖知俗有。不悟真空。既惑真空。亦迷俗有。是故真俗二俱並喪。排成實第三。一立義。二破斥。有詞梨跋摩高足弟子。序其宗曰。成實論者。佛滅度後九百年內。有詞梨跋摩。此云師子鎧之所造也。其人本是薩婆多部鳩摩羅陀弟子。慨其所釋。近在名相。遂從轍。祇大小乘學。鑽仰九經。澄汰五部。再卷邪義。重舒慧日。於是道振。闢實。聲流。赤縣。成是能成之文。實謂所成之理。二百二品十六卷文。四諦建章。五聚明義。說既精巧。歸衆若林。問跋摩既排斥八。贊陶汰五部。成實之宗。正依何義。答有人言。擇善而從。有能必錄。乘衆師之短。取諸部之長。有人言。雖復斥排群異。正用。曼無德部。有人言。偏斥毘曇。專同。譬喻。真諦三藏云。用經部義也。檢俱

舍論。經部之義多同。成實破斥第二。問成實爲是小乘之論。爲是大乘。爲含大小。答有人言。是大乘也。有人言。是小乘。有人言。探大乘意。以釋小乘。具含大小。夫珉玉精龜。蓋是耳目所親。尙有昏明殊鏡。況妙道真偽言。亡慮絕。豈易識哉。今以十義證。則明是小乘非大乘矣。一舊序證。二依論證。三無大文。四有條例。五迷本宗。六分大小。七格優降。八無相即。九傷解行。十檢世人。舊序證第一。昔羅什法師翻成實論竟。命僧叡講之。什師沒後。叡公錄其遺言。製論序云。成實論者。佛滅度後八百九十年。闍寶小乘學者之匠鳩摩羅陀。上足弟子詞梨跋摩之所造也。其論云。色香味觸實也。地水火風假也。精巧有餘。明實不足。推而究之。小乘內之實耳。比於大乘。雖復龍燭之於螢耀。未足喻其懸矣。或有人言。此論明於滅諦。與大乘均致。羅什聞而歎曰。秦人之無深識。何乃至此乎。吾每疑其普信大乘者。當知悟不由中。而迷可識矣。成實是羅什所翻。僧叡爲講論之始。後學不應孤負前匠。依論徵第二。成實文云。諸比丘異論種種。佛皆聽故。我欲正論三藏內實義。詞梨自云。正論三藏。故知成實理是小乘。若言斯論亦明大者。過在門人。非跋摩之咎。問何以知三藏是小乘耶。答法華云。亦不親近小乘三藏學者。恐大照未圓。小法容染。故智形宜隔。行止勿共。誠於大士。勿親近小人。則知三藏非大乘矣。智度論云。迦葉阿難

結集三藏。文殊彌勒集大乘藏。外人問云。何故不於三藏內集大乘耶。論主答云。小乘不受大。不應小內而集大。以此推之。但是小乘耳。無大文第三。原夫作論皆引佛言。如龍樹釋大。而還引大經。詞梨解小經。唯將小證二百二品並探。四阿含。十六卷文。竟無方等。以此詳之。即可知矣。有條例第四。問若成實釋小不許兼明於大。亦應三論解大不應兼明於小。答義有條例。不應相濫。佛經有二。一者小乘。二者方等。若明大乘必兼辨小。若辨小乘不兼明大。故大乘經初有小乘衆。小乘經首無菩薩僧。示大能包小。小不加大。佛經既爾。在論例然。大乘之論兼明小乘。小乘之論不兼明大。若弟子之論探大釋小。如來之經義亦應然。則巨細互兼。何名大小。迷本宗第五。問成實論文盛辨生法二空。與大品明四諦平等。義既無異。故知應是探大釋小。答四阿含教內有二空。論明二空。則還釋三藏。云何乃言探大解小。又身子毘曇亦辨二空。而是小非大。詞梨之論義亦應同。問身子毘曇亦探大釋小。與成實例同。彼既探大。則此非專小。答身子所造還釋佛毘曇。佛說既是小乘。彼論專言探大。分大小第六。問小明一空。大辨二空。可有差別。既同其二空。大小何異。答雖同辨二空。二空不同。略明四種。一者小乘拆法明空。大乘本性空寂。二者小乘但明三界內人法二空。空義即短。大乘明三界內外人法並空。空義即

長。三者小乘但明於空未說不空。大乘明空亦辨不空。故涅槃云。聲聞之人但見於空。不見不空。智者見空及以不空。空者一切生死。不空者謂大涅槃。四者小乘名為但空。謂但住於空。菩薩名不可得空。空亦不可得也。故知雖明二空。空義有異。故分大小。格優降第七。龍樹釋般若果教品云。善吉觀生法二空。欲比菩薩二空。譬如毛孔之空比十方空。即小空為淺。大空為深。成實所明但是聲聞空。非大士所得耳。無相即第八。法華信解品云。四大聲聞自述所得空云。我等長夜修習空法。無生無滅。無小無大。無漏無為。於佛智慧。不生貪著。成實所辨與此全同。故知非大也。問何以知然。答法華之文辨聲聞證空不能即空。觀有即有觀空。故無相即成實所說亦無相即。若明相即。應空有並觀。若空有並觀。與大乘何別。問何以知小乘義無相即耶。答釋論云。小乘內不明生死即畢竟空。唯大乘乃說。故知爾也。傷解行第九。涅槃經云。若以聲聞辟支佛心言。無布施。是即名為破戒邪見。小乘人入於空觀。不見布施。破大乘行。故云破戒破大乘解。故云邪見。而成實明不見布施是實法空。以為宗極。欲為大乘。勿起小心也。檢世人第十。秦弘始七年。天竺有剎利浮海至長安。聞羅什作大乘學。以正觀論等諸而驗之。什公為其敷折。為頂受。絕歎不能已。已白什公曰。當以此明震曜天竺。何由蘊此慶尼乃在邊

地。我在天竺。聞諸論師深怪闢實小乘學者鳩摩羅陀自稱朗月之照。偏智小才非此喻也。而詞梨惜其師以才自傷。以智自病。故作此論。以辨有法之實。明其依實之假。故以成實為名。用天竺剎利之言驗之。跋摩師資皆小乘學也。爰至齊司徒文宣王。誠信三寶。每感嘉瑞。以齊永明十年十月。延請名德五百餘人。於普弘寺敷講。文宣王每以大乘經論。為履道之津涯。正法之樞鍵。而後生棄本崇末。即請諸法師抄此成實。以為九卷。命周顒作序。恐專弘小論廢大乘業。自爾已後。爰至梁武。盛弘大乘。排拆成實。眾師不可具記。問若以十義證成實為小乘者。與毘曇優劣云何。答求那跋摩遺文偈云。諸論各異端。修行理無二。偏執有是非。達者無違誤。又釋論云。有四種門。一者阿毘曇門。二者空門。三者毘勒門。此云。篋藏。四者非空非有門。不得般若方便學。毘曇門。則墮有見學。於空門。則墮空見學。毘勒門。則墮亦空亦有見學。非空非有門。則墮愚癡論。若得般若心無染著。隨機適化。通達利人。無相違背。而成實毘曇各執空有。互相排斥。障道增見。皆失佛旨也。問會空斷結方得道耳。豈有之心何能隔凡。故知毘曇乖宗。成實得理。答若言見空成聖。有不隔凡。三藏教門應無得道。釋迦小乘一化徒然虛設。待成實後興。方有大利。豈可然乎。問毘曇但明人空。成實具明二空。云何兩論無有優劣。答於小乘內分

三品。一者俱不得二空。如犢子部云。四大和合有於眼法。五陰和合別有人法。此下根人也。二者薩衛之流。但得入空。不得法空。爲大根人也。三者譬喻詞梨之流。具得二空。爲上根人也。約空義淺深則毘曇爲小乘之劣。成實爲小內之勝也。問釋論云。佛滅度後分爲二分。一但信入空。不信法空。二俱信入法。二空但應有二。何得分三。答犢子入真觀故則見我空。出於俗諦別有人體。龍樹約其入觀義邊。故但分二也。問三論斥外道毘曇。斯事可爾。而龍樹前與詞梨後出。時節遙隔。何由相破。答俱令執著。即便被破。何論前後。若前論不破後迷。亦應古方不治今病。扁鵲之術末世無益矣。問若法勝詞梨著小論以通三藏。馬鳴龍樹作大教以弘方等。巨細分流。何俟相破。答佛說小乘。本爲詮大。保冥之徒守指忘月。經自斥之。故論主依佛。問有人言。成實論探大釋小。此有何過。答上已明之。必有此迷。今當更述。探大釋小。則小大不收。進不馳於白牛。退失獨於羊鹿。驟論之言驗之久矣。

呵大執第四。初立宗。夫破斥。有大乘師曰。四術三玄並爲外教。毘曇成實蓋是小乘。明理不周。在文不足。既障大乘。理宜須破。自方等結宗衆聖軌轍。教稱滿字。理曰無餘。信之則獲福無邊。毀謗招莫大之罪。但須伏膺甘露頂戴法橋。不應破矣。問必是夜光。宜應頂受。止恐多難。僞寶須

陶汰之。若謂無瑕。可陳其要。答大乘博奧。不可具明。統其樞紐。略標二意。一者辨教莫出五時。二者隔凡宗歸三諦。言五時者。昔涅槃初度江左。宋道場寺沙門慧觀仍製經序。略判佛教。凡有二科。一者頓教。即華嚴之流。但爲菩薩具足顯理。二者始從鹿苑終竟鵝林。自淺至深。謂之漸教。於漸教內開爲五時。一者三乘別教。爲聲聞人說於四諦。爲辟支佛演說十二因緣。爲大乘人明於六度。行因各別。得果不同。謂三乘別教。二者般若通化三機。謂三乘通教。三者淨名思益。讚揚菩薩抑挫聲聞。謂抑揚教。四者法華會彼三乘。同歸一極。謂同歸教。五者涅槃名常住教。自五時已後。雖復改易。屬在其間。教雖五時。不出三諦。三假爲俗。四忘爲真。會彼四忘。忘故有三乘賢聖。破執第二。前資五時。次難二諦。問既有五時。云何分於大小。答初一爲小。後四爲大。問道理爲有大乘。爲無大耶。如其有大則是有見。若言無。大何所立耶。又若謂有大異小。則有小異大。名爲二見。大品云。諸有二者無道無果涅槃云。明與無明愚者謂二。又若實有大乘者。名有所得。有所得者爲魔眷屬。非佛弟子。又有所得者不動不出。無有乘義。不名爲乘。又大乘之宗永斷生死。名爲斷見。涅槃是常。即是常見。乃爲斷常。何大之有。次難五時。前總難。次別責。難曰。但應立大小二教。不應制於五時。略引三經三論證之。大品經云。諸天子數曰。

我於閻浮見第二法輪轉。龍樹釋云。鹿苑已轉小輪。今復轉大法輪。法華經云。昔於波羅捺轉於四諦。今在靈鷲山說於一乘。涅槃經云。昔於鹿林轉小。今於雙樹說大。故知教唯二門。無五時也。智度論云。佛法有二。一者三藏。二者大乘。地持論云。十一部經名聲聞藏。方等大乘名菩薩藏。正觀論云。前爲聲聞說生滅法。次爲菩薩說無生滅法。以經論驗之。唯有二藏。無五時矣。問若乃皆是菩薩藏者。華嚴般若法華涅槃。此四何異。答須識四句。衆經煥然。一但教菩薩。不化聲聞。謂華嚴經也。二但化聲聞。不教菩薩。謂三藏教也。三顯教菩薩。密化二乘。大品以上法華之前諸大乘教也。此法以爲已任。如付窮子財。謂密化聲聞也。四顯教聲聞。顯教菩薩。法華教也。菩薩聞是法疑網皆已除。化菩薩也。千二百羅漢悉亦當作佛。化二乘也。四句之中。三義屬菩薩藏內開之。但化二乘爲三藏教矣。次別難五時。問若立五時有何過耶。答五時之說非但無文。亦復害理。若言第一名三乘別教。是義不然。依毘曇宗。三乘則同見四諦。然後得道。就成實義。但會一滅。方乃成聖。據大乘宗。同契無生。然後隔凡。是則初教亦通。何以言別。次云。大品是三乘通教。是亦不然。釋論云。般若不屬二乘。但屬菩薩。若大品是三乘通教。則應通屬。何故不屬二乘。問若依釋論明般若但屬菩薩。

在經何故勸三乘同學般若。答般若有二種。一者摩訶般若。此云大慧。蓋是菩薩所得。故不屬三乘。若以實相之境名為般若。則三乘同觀。故勸三乘令並學之。經師不體二種之說。便謂般若若是三乘通教。次云淨名是抑揚教者。是亦不然。小品呵二乘為癡狗。淨名貶聲聞為敗根。挫小既齊。揚大不二。何得以小品為通教。淨名為抑揚。次法華為同歸。應無所疑。但在五時之說。雖辨同歸。未明常住。而天親之論釋法華初分。有七處佛性之文。解後段壽量品。辨三身之說。斯乃究竟無餘。不應謂為不了之教。次涅槃為常住教者。然常與無常皆是對治用門。若論涅槃體絕。百非理超。四句舊宗但得用門。未識其體。故亦失旨也。次難二諦。迷失二諦。凡有三人。二者毘曇執定性之有。迷於假有。故失世諦。亦不知假有宛然而無所有。復失一真空。二者學大乘者。名方廣道人。執於邪空。不知假有。故失世諦。既執邪空。迷於正空。亦喪真矣。三者即世所行。雖具知二諦。或言一體。或言二體。立二不成。復喪真俗也。問真俗一體。此有何過。答若俗與真一真。真俗亦異。若真與俗一俗。俗真亦俗。若真真俗不真。則俗與真異。若俗俗真不俗。則真與俗異。故二途並塞一體不成。問一既有過。異應無咎。答經云。色即是空空即是色。若言各體相即便壞。若有雙即。便二體不成。故進退無通。異義亦屈。然五時不立。真俗又

傾大乘之宗言將何寄

顯正第二。自上已來。破外道毘曇成實大乘。從此已後。序前四宗斥於三論。故通其邪難顯明。正理上既遍斥四宗。於時群難競起。咸疑龍樹非是正師。所造之論。應為邪法。是故此章大明顯正義。正義雖多。略標二種。一明人正。次顯法正。言人正者。楞伽經大慧菩薩問世尊。滅度後。是法何人持。佛說偈答。於我滅度後。南天大國中。有大德比丘。名龍樹菩薩。住初歡喜地。為人說大乘。能破有無見。往生安養國。次摩耶經云。摩耶問阿難曰。佛滅度後。何人持法。阿難答曰。如來正法五百年。第一百年優婆塞多。說法教化。住持正法。次二百年尸羅難陀比丘。於閻浮提度十億人。次三百年青蓮華眼比丘。說法教化。度半億人。次四百年閻牛口比丘。演說法要。度一萬人。第五百年寶天比丘。度二萬人。八萬眾生發菩提心。正法便滅。六百年間。九十六種邪見競興。破滅佛法。馬鳴比丘。摧此外道。七百年間。有一比丘。名曰龍樹。善巧說法。燃正法炬。滅邪見幢。尋大小乘經。親記龍樹破邪顯正。今內外並呵。大小俱斥。何所疑哉。又馬鳴龍樹佛有誠記。尚復生疑。法勝詞梨無經所印。云何輒受。問法勝乃未見誠文。詞梨亦有明據。阿含經云。實名四諦。是故此比丘當成四諦。佛垂此勅。懸鑒有在。逮茲像末。允屬詞梨。為成是法。故造斯論。結宗若斯。豈虛構哉。答蓋是通指像末。豈別主詞梨。故非所

據也。顯法正第二。問龍樹著述部類甚多。

三論偏空。似非究竟。答僧叡昔在什公門下。為翻譯之宗。其論序云。夫百梁之構。與則鄙茅茨之仄陋。觀斯論之絃。博則知偏悟之鄙倍。故偏主小乘。正歸此論。又如前云。天竺十六大國。方八千里。有向化之緣。並為委誠。龍樹為無相佛。敢預學者之徒。無不說味斯論。以為喉衿。若是偏空。豈為諸國所重。又羅什本執小乘。因此論而迴轍。正觀厥後。眾師藉斯文而曉迷。以此詳之。蓋是究竟無餘之說。問若內外並呵。大小俱斥。此論宗旨何所依據耶。答若心存內外。情寄大小。則墮在偏邪。失於正理。既失正理。則正觀不生。若正觀不生。則斷常不滅。若斷常不滅。則苦輪常運。以內外並冥大小俱寂。始名正理。悟斯正理。則發生正觀。正觀若生。則戲論斯滅。戲論斯滅。則苦輪便壞。三論大宗其意若此。蓋乃總眾教之旨歸。統群聖之靈府。味道之流。豈不栖憑斯趣耶。問若內外並除。大小俱斥。乃為斷見。何名正宗。答既內外並冥。則斷常斯寂。二邊既捨。寧非正宗耶。難曰。夫有斷有常。故名之為有。無斷無常。目之為無。既其是無。何由離斷。答既斷常斯寂。則有無等皆離。不應更復謂染於無難。曰。雖有此通。終不免難。夫有有無名之為有。無有無無始是大無。既其墮無。何由離斷。答本對有病。是故說無。有病若消。空藥亦廢。則知聖道未曾有無。何所滯耶。難曰。是有是無。名為兩是。非

有非無名為兩非。既墮是非還同。儒墨答本非。二是故有雙非。二是既亡。雙非亦息。故知非是亦復非非。難曰。非是非非還墮二非。何由免非。答。二是生乎夢虎。兩非還見空華。則知本無所是。今亦無非。難曰。若無是非。亦不邪不正。何故建篇章稱破邪顯正。答。夫有非有。是此則為邪。無是非。非乃名為正。所以命篇辨破邪顯正。難曰。既有邪可破。有正可顯。則心有取捨。何謂無依。答。為息於邪。強名為正。在邪既息。則正亦不留。故心無所著。難曰。若邪正並冥。豈非空見。答。正觀論云。大聖說空法。為離諸見。故若復見有空。諸佛所不化。如水能滅火。今水還出火。當用何滅。斷常為火。空能滅之。若復著空。即無藥可滅也。難曰。既著空病。何故不服有藥而言息化。答。若以有化。還復滯有。乃至亡言便復著斷。如此之流。何由可化。問。心有所著。有何過耶。答。若有所著。便有所縛。不得解脫。生老病死憂悲苦惱。故法華云。我以無數方便。引道眾生。令離諸著。淨名云。不著世間。如蓮華常著入於空寂行。達諸法相。無罣礙。稱首如空無所依。三世諸佛為六道眾生心有所著。故出世說經。四依開士為大小學人。心有所依。故出世造論。故有依有得。為生死之本。無住無著。為經論大宗。難曰。若內外並冥。佛經何故說大小兩教。答。法華云。是法不可示。言辭相寂滅。如來於無名相中。強名相說。故有大小教門。欲令

眾生因此名相。悟無名相。而封教之徒。聞說大小更生染著。是故造論破斯執情。還令了悟本來寂滅。故四依出世為如佛也。問。此論名為正觀。正有幾種。答。天無兩日。土無二王。教有多門。理唯一正。是故上來破斥四宗。華嚴云。文殊法常爾。法王唯一法。一切無畏人。一道出生死。但欲出處眾生。於無名相法。強名相說。今冥學之徒。因而得悟。故開二正。一者體正。二者用正。非真非俗名為體正。真之與俗。目為用正。所以然者。諸法實相言。亡虛絕。未曾真俗。故名之為體。絕諸偏邪。目之為正。故言體正。所言用正者。體絕名言。物無由悟。雖非有無強說。真俗故名為用。此真之與俗。亦不偏邪。目之為正。故名用正也。問。既云真俗。則是二邊。何名為正。答。如因緣假有。目之為俗。然假有不可言其定有。假有不可言其定無。此之假有。遠離二邊。故名為正。俗有既爾。真無亦爾。假無不可。定無假無不可。定有。遠離二邊。故目之為正。問。何故辨體用二正耶。答。像末鈍根。多墮偏邪。四依出世。匡正佛法。故明用正。既識正教。便悟正理。則有體正。但正有三種。一對偏病。目之為正。名對偏正。一盡淨於偏名之為正。謂盡偏正也。三偏病既去。正亦不留。非偏非正。不知何以美之。強嘆為正。謂絕待正也。在正既然。觀論亦爾。因於體正。發生正觀。名為體觀。藉二諦用生二諦觀。名為用觀。故觀具二也。觀辨於心。

為眾生故。如實說體。名為體論。若說於用。名為用論。故論具二也。正既有對偏盡偏絕待。觀論亦然。類前可知。次明經論相資。大品經云。雖生死道長。衆生性多。菩薩應如是正憶念。生死邊如虛空。衆生性邊亦如虛空。此中無生死往來。亦無解脫者。然既無生死。亦無涅槃。則知亦無衆生。及以於佛。寧有經之與論耶。故內外並冥。緣觀俱寂。然雖非生死涅槃。而於衆生成生死。故大品云。諸法無所有。如是有。既有衆生。故有諸佛。既有諸佛。便有教門。既有諸佛教門。則有菩薩之論。諸佛為衆生失道。是故說經。菩薩為衆生迷經。是故造論。然經有通別。在論亦爾。所言經通者。通為息。衆生顛倒。通為開。顯道門。所言論通者。諸聖弟子造一切論。亦通為息。迷教之病。申明正道。所言經別者。赴大小二緣。說大小兩教。所言論別者。為破大小兩迷。申大小兩教。故有大小二論也。然就經論之中。具有能所之義。經以二智為能說。二諦為所說。論以二慧為能說。言教為所說。斯則經論各有能所也。次明經論能所。較結有四句不同。一者經能為論所。二者經所為論能。三者論能為經所。四者論所為經能。經能為論所者。如來二智即是論主。所悟故法華明。今昔兩教為直往菩薩及迴小向大之人。並令悟入佛慧。故涌出品云。是諸衆生始見我身。聞我所說。即便信受。入如來慧。此明昔教為直往

菩薩入佛慧也。次云、除先修習學小乘者、我今亦令得聞是經、入於佛慧、此明今教迴小之人入於佛慧、故今昔兩教同明爲「入佛慧」、則知佛慧是所悟也。次明經所爲論能者、經所即是二諦、能發生論主二慧故、佛之二諦爲能生、論主二慧爲所生也。次明論能爲經所者、論主言教能申佛二諦也。次會四句爲二句、經若能若所並是能資、論若能若所皆所資。又論若能若所悉爲能申、經若能若所悉爲所申、故合成一能一所也。次派一句以歸無句、以能而爲、所則能非、定能、以所而爲、能則所非、定所、以能非、定能、是則非能、所非定所、是則非所、故非能非所、非經非論、非佛非菩薩、不知何以目之、故稱「正法強名中實」也。問能非定能、是則非能、所非定所、是則非所、出何文耶。答中論然可然品云、若法因待成、是法還成待、今則無因待、亦無所成法、卽其證也。

次別明造論緣起、然所以造論者、如上所明、如來爲失道故說經、論主爲迷經故造論、爲失道故說經、此是根本失、論主爲迷經故造論、此是枝末失、又佛爲失道者說經、此失謂一往失、論主爲迷經故造論、此失卽失中更起失、所以然者、以其迷道此是一失、如來說經爲令入道、而復迷經故是失中失也、一往之失謂利根人聞經卽悟、失中之失謂鈍根人也、問何等是迷經之

人。答卽是諸部異執、言諸部異執者、或二部或五部、或十八部、或二十部、或五百部、言二部者、如來二月十五日入涅槃、諸聖弟子四月十五日於王舍城祇園鵝山中結集三藏、爾時卽有二部名字、一上座部、謂迦葉爲上座迦葉、上陳如一夏爲佛以法付屬迦葉、名上座部也。迦葉所領但有五百人、依智度論則有千人、二大眾部、卽界外大眾乃有萬數、婆師波羅漢爲主、此云、淚出、常悲苦衆生而淚墮也。卽五比丘中之一人而年大迦葉、教授界外大眾、所以有二衆、迦葉有五百羅漢、前入界內結集三藏、後多人來結集三藏、迦葉並不許之、有二因緣、一者五百皆聰明人故、二者已羯磨竟故、依智度論、阿闍世王但設千人食、故餘人來不得、從是以來至佛滅度後百一十六年、但有二部名字、未有異執、百一十六年外有船主兒名摩訶提婆、端正聰明作三逆罪後入佛法、凡有二事、一者取諸大乘經內三藏中釋之、諸阿羅漢結集法藏時、已簡除此義、而大眾部用此義、上座部不用之、因爾起諍遂成二部、二者摩訶提婆自作偈言、餘人染汚衣、無明疑他度、聖道言所顯是諸佛正教、以此一偈安置戒後、布薩誦戒竟亦誦此一偈、此偈有五事、一餘人染汚衣者、提婆不淨出汚衣、而誦弟子言、我是阿羅漢、實無不淨、但是天魔女以不淨汚羅漢衣、故云餘人染汚衣、然此一語有虛有實、其實凡夫誑弟子說如上事、

是故爲虛、魔女實能以不淨汚羅漢衣、是故爲實、其衆諍其所說、或虛或實、故分二部、二云無明者、然羅漢乃無三界受生無明、而有無知習氣無明、故云無明、時衆或言羅漢有無明、或言無無明、因此起諍故分二部、三云疑者、須陀洹果乃於三解脱門無疑、而於外事有疑、故云疑也、四他度者、鈍根初果而不自知得初果、問善知識、善知識爲說、於三寶四諦無疑、是初果相、其自觀察方知得初果、故云他度、五聖道言所顯者、然得聖道時、亦有言所顯、身子當口誦偈時、卽得初果、故云言所顯、時衆諍此五義、或是或非、故成二部也、問此二部執何義異耶、答義異乃多、今略明其一、大眾部執生死涅槃皆是假名、上座部執生死涅槃皆是真實、至二百年中、從大眾部又出三部、于時大眾部因摩訶提婆私度住央崛多羅國、此國在王舍城北、此部將華嚴般若等大乘經難三藏中說之、時人有信者、有不信者、故成二部、不信者唯言阿難等三師所誦三藏此則可信、自三藏外諸大乘經皆不可信、復有信大乘者、有三因緣、一者爾時猶有親聞佛說大乘法者、是故可信、二者自思量道理應有大乘、是故可信、三者信其師故、是故可信、言三部者、一說部、此部執生死涅槃皆是假名、故云一說、二出世說部、此部言世間法從顛倒生、業生果、故是不實、出世法不從顛倒生、故是真實、三灰山住部、前二從



執義受名。此因住處爲目。此山有石。堪住。故以爲名。其執里是實教。經律爲權說。

故彼引經偈云。隨宜覆身。隨宜飲食。隨宜住處。疾斷煩惱。隨宜覆身者。有三衣。佛亦許。無三衣佛亦許。隨宜飲食者。時食佛亦許。非時食亦許。隨宜住處者。結界住亦許。不結界亦許。疾斷煩惱者。佛意但令疾斷煩惱。此部甚精進過餘人也。至二百年中。從大眾部內又出一部。名多聞部。大眾部唯弘淺義。棄於深義。佛在世時有仙人。值佛得羅漢。恒隨佛往。他方及天上聽法。佛涅槃時其人不見。在雪山坐禪。至佛滅度後二百年中。從雪山出覓諸同行。見大眾部唯弘淺義。不知深法。其人具足誦淺深義。深義中有大乘義。成實論即從此部出。時人有信其所說者。故別成一部。名多聞部。於二百年中。從大眾部更出一部。名多聞分別部。佛在世時。大迦旃延造論解佛阿含經。至二百年。大迦旃延從阿耨達池出。更分別前多聞部中義。時人有信其所說者。故云多聞分別部。於二百年滿有一外道。名大天。爾時摩伽陀國有優婆塞。大弘佛法。諸外道爲利養故。皆剃頭出家。便有賊住比丘。大天爲賊住主。大天身自出家。所度弟子依大天衆出家受戒。爾時衆人共譏斯事。上座部云。和上無戒及破戒。闍梨有戒。大眾亦有戒。受戒則得。戒從大眾得。大眾知和上無戒。而與共受戒者。大眾得突吉羅罪。問戒既不從和上得。何故

稱和上名。答欲令受戒後和上攝錄教誨弟子耳。薩婆多用此解餘部言。和上無戒及破戒。大眾有戒則不得戒。戒從和上得故。因此評論遂不容大天。徒來因爾別住山間。於此山間執義又異。故有支提山部及北山部。佛得道及轉法輪處。大眾處名支提。此處有山。名支提山。於彼山北別有山。名北山部也。大眾部合別數。或五或七或八。言五部者。初一說部。二出世說部。三灰山住部。此初破成三也。次多聞部。次多聞分別部。故成五部。言七部者。因外道分成二部。謂支提山部及北山部。前五因內執起。後二因外道起。故成七部。言八部者。則數根本大眾部也。次上座弟子部者。佛滅度後。迦葉以三藏付三師。以修多羅付阿難。以毘曇付富樓那。以律付優婆塞。阿難去世。以修多羅付末田地。末田地付舍那婆斯。舍那婆斯付優婆塞多。優婆塞多付富樓那。富樓那付寐者柯。寐者柯付迦旃延尼子。從迦葉至寐者柯二百年已來。無異部。至三百年初。迦旃延尼子去世。便分成兩部。一上座弟子部。二薩婆多部。所以分成二部者。上座弟子但弘經。以經爲正。律開遮不定。毘曇但釋經。或過本或減本。故不正弘之。亦不棄捨二藏也。而薩婆多謂毘曇最勝。故偏弘之。從迦葉至掘多。正弘經。從富樓那稍棄本弘末。故正弘毘曇。至迦旃延大興毘曇。上座弟子部見其棄本弘末。四過宜令遣其改宗。遂守宗不改。而上座弟子部移往雪山避之。因

名雪山住部。三百年從薩婆多出。一部。名可住子弟子部。即是舊犢子部也。言可住子弟子部者。有仙人名可住。有女人是此仙人種。故名可住子。有阿羅漢。是可住女人之子。故名可住子。此部是此羅漢之弟子。故名可住子弟子也。舍利弗是羅漢和上。羅漢羅漢是可住子和上。此部復是可住子之弟子。舍利弗釋佛九分毘曇。名法相毘曇。羅漢羅漢舍利弗毘曇。可住子弘羅漢羅漢所說。此部復弘可住子所說也。次三百年中。從可住子部復出四部。以嫌舍利弗毘曇不足。更各造論取經中義足之。所執異故。故成四部。一法尙部。即舊毘曇無德部也。二賢乘部。三正量弟子部。有大正量羅漢。其是弟子。故名正量弟子部。此三從人作名。四名密林部。從往處作名也。三百年從薩婆多部復出一部。名正地部。有婆羅門。是國師名。正地部善解四韋陀。出家得羅漢。取四韋陀好語莊嚴佛經。執義又異。時人有信其所說。故別爲一部。三百年中從正地部又出一部。名法護部。其本是目連弟子。得羅漢。恒隨目連往色界中。有所說法皆能誦持。自撰爲五藏。三藏如常。四呪藏。五菩薩藏。有信其所說者。故別成一部也。三百年中從薩婆多部又出一部。名善藏部。迦留陀夷是其父。及多比丘尼是母。七歲得羅漢。值佛聞法皆能誦持。撰集佛語次第相對。破外道爲一類。對治衆生煩惱復爲一類。時人有信其所說者。故別爲一部也。三百



年中從薩婆多部。又出一部名說度部。謂五陰從此世度至後世得治道乃滅。亦名說經部。謂唯經藏爲正。餘二皆成經耳。從上座部都合有十一部。大眾部有七部。合成十八部。足根本二部爲二十部。而羅婆多傳有異世五師。有向世五師。異世五師者。一迦葉。二阿難。三末田地。四舍那婆斯。五優婆掘多。此五人持佛法藏。各得二十餘年。更相付屬。名異世也。同世五師者。於優婆掘多世。即分成五部。一時並起。名同世五師。一曇無德。二摩訶僧祇。三彌沙塞。四迦葉維。五犢子部。又大集經亦明五部。而文殊師利經部執論及羅什分別部論。此三皆明二十部。所以有五部復有二十部不同者。取其始終異執。故有二十。取其當世盛行。故但說五部。而言五部一時起者。則與上二十部義相違。或可見問各異故也。所言五百部者。智度論釋般若信毀品云。佛滅度後五百歲後。有五百部不知佛意爲解脫故。執諸法有決定相。問畢竟空如刀傷心。龍樹提婆爲諸部異執失佛教意故。造論破迷也。問論主爲並破諸部。亦有不破耶。答凡有四句。一破而不取。若是諸部所說。乖大小乘經自立義者。則破而不取。故智度論呵迦旃延弟子云。三藏無此說。摩訶衍中亦無此說。蓋是諸論義師自作是說。卽是其事。二取而不破。如文殊問經云。十八及本二皆從大乘出。無是亦無非。我說未來起。三亦破亦取。破諸部能迷執情。收

取諸部所迷之教。四不破不取。就正道門。未會有破。亦無所取也。

大明諸部通別義。論有二種。一者通論。二者別論。若通破大小二迷。通申大小兩教。名爲通論。卽中論是也。故前二十五品破大迷申大教。後兩品破小迷申小教。二者別論。別破大小迷。別申大小教。名爲別論。如攝大乘論地持論等。謂大乘通論。十地論智度論等。大乘別論。如成實論等。通申三藏。謂小乘通論。馬鳴菩薩師名脇比丘。造四阿含優婆提舍。別釋修多羅藏。善見毘婆沙別釋毘尼藏。智度論云。八十部律八十部毘婆沙釋之。善見律別釋。師子國要。用十誦律。舍利弗別釋。佛九分毘曇。如此別釋三藏。故是小乘別論。就三藏中復有通別。若具釋一藏名爲通論。別釋一藏中一部名爲別論也。問中論既通釋大小。應名大小通論。不得名爲大乘論也。答雖釋大小。但爲顯大故。是大乘論。所以然者。以初分明大乘。中分明小乘。後分還明大乘。故以是義故名大乘論耳。問十二門論是何論耶。答是大乘通論。以始終破於大迷。通申大教。無破小迷。別申於小教。故是大乘通論也。問百論復云何。答百論通破障大小之邪。通申如來大小兩正。故是大小通論。但始終爲明大乘故。屬大乘通論耳。

論謂從法立名也。二從人立名。如舍利弗阿毘曇等。智度論云。犢子道人受持此毘曇。亦名犢子毘曇也。三從喻立名。如甘露味毘曇等。亦如訶梨跋摩師鳩摩羅陀造日出論等也。四論立名。並是從法。非人非喻。就中自開四種。大智度論從所釋之經立名。大謂摩訶。智謂般若。度謂波羅蜜。論釋經題。故從所釋爲名。中論從理實立名。十門從言教爲目。百論從偈句爲稱也。若通而爲言。四論通顯中道理實。並得就理立名。四論同有言教。開通理實。並得以教爲稱。同有偈句。通得從偈立名。今欲互相開避。故有四部差別。所以立名不同也。大明衆論旨歸門。通論大小乘經。同明一道。故以無得正觀爲宗。但小乘教者正觀猶遠。故就四諦教爲宗。大乘正明正觀。故諸大乘經同以不二正觀爲宗。但約方便用異。故有諸部差別。如明應說不應說。今昔開會名爲法華。破斥八倒辨常無常用。名爲涅槃。至論不二正道更無別異。在經既爾。在論亦然。雖諸部有異。同用不二正觀爲宗。又經論同宗。佛說正觀爲經。論申正觀爲論。經論用異。正觀無別。故無量義經云。如水洗穢義同。約井池爲異。自昔及今。一切諸教。同治斷常之病。同開正道。但約今昔教用異耳。今四論約用不同。故辨四宗差別。智度論正釋大品。而龍樹開大品爲二道。前明般若道。次明方便道。此之二道卽是法身父母。故大品以智慧方

便慧爲宗。論申經二慧。還以二慧爲宗。如中論申二諦。還以二諦爲宗也。問大品何故前明般若。後明方便耶。答般若方便實無前後。而作前後說者。般若爲體。方便爲用。故智度論云。譬如金爲體。金上精巧爲用。故前明其體。後辨其用也。又非凡夫行。非賢聖行。是菩薩行。般若超凡。方便越聖。要前超。凡後方越聖。故前明般若。後辨方便。又衆生起見。凡有二種。一者有見。二者無見。般若破其有見。方便斥其無見。故前明般若。後辨方便。若明次第者。三藏多說有教。以破外道。而封執三藏之有故。般若次說空。惑者著般若之空。故次說方便。令其離空。故智度論序云。知邪病之自起。故阿含爲之作。以滯有之爲患。故般若爲之照。即斯意也。若約位而言。般若配於六地。故前明之。方便在於七地。故後說也。問舊亦明大品二慧爲宗。與今何異。答今明聖心未曾二。爲衆生故無二。說二欲令因二悟於不二。故與舊不同。又雖明二慧。與舊亦異。舊義實慧但照空。不達有。滯和但照有不達空。蓋是限局聖心。便成二見。今明。至人體無礙之道。故有無礙之用。般若既照空。即能照有。方便既涉有。即能照空。具如二智中說。次明中論以二諦爲宗。所以用二諦爲宗者。二諦是佛法根本。如來自行化他皆由二諦。自行由二諦者。如璣經佛母品。明二諦能生佛故。二諦是佛母。蓋取二智爲佛。二諦能生二

智。故以二諦爲母。即是如來自德圓滿。由於二諦。化他德由二諦者。如來有所說法。教化衆生。常依二諦。故中論云。諸佛依二諦爲衆生說法也。問何以知自他兩德並由二諦耶。答十二門論云。以識二諦。故即得自利他利。及以共利。即其事也。以二諦是自行化他之本故。申明二諦以爲論宗。即令一切衆生。具得自他二利也。問何人迷二諦。論主破迷申二諦耶。答有三種人迷於二諦。一者小乘五百部。各執諸法有決定性。聞畢竟空。如刀傷心。此人失第一義諦。然既失第一義諦。亦失世諦。所以然者。空宛然而有。故有名。空有。方是世諦。彼既失空。亦是迷有。故失世諦。故五百部執出。如來二諦之外。二者方廣道人。謂一切諸法如龜毛兔角。無罪福報應。此人失於世諦。然有宛然而空。故空名有。空。既失空有。亦失有。空。如斯之人。亦失二諦。又諸外道亦失二諦。如有見外道。迷於真諦。空見外道迷於世諦。又凡夫著有。故迷真諦。二乘滯空。迷世諦也。第三人得二諦名。而失二諦實。斯執甚多。今略出二種。或言二諦一體。或言二諦異體。並不成立。二諦之義。具如疏初序之。今破此之失。申明二諦。故用二諦爲宗也。問何以得知此論用二諦爲宗耶。答略有三種。一者璣經佛母品。明二諦不生不滅。乃至不來不去。今論正明八不。故知即是辨於二諦。故以二諦爲宗。二者青目序論意。明外人失二諦。龍樹菩薩爲是

等故造此中論。即知破外迷失。申明二諦。故以二諦爲宗也。三者關內曇影中論序云。此論雖無理不窮。無言不盡。統其要歸。會通二諦。今還述舊釋。故知二諦爲宗也。問既名中論。何故不用中道爲宗。乃以二諦爲宗耶。答即二諦是中道。既以二諦爲宗。即是中道爲宗。所以然者。還就二諦以明中道。故有世諦中道。真諦中道。非真非俗中道。但今欲名宗兩舉。故中諦互說。故宗界其諦名題其中。若以中道爲名。復以中道爲宗者。但得不二義失其二義。故也。問經何故立二諦耶。答此有兩義。二者欲示佛法是中道。故以有世諦。是故不斷。以第一義。是故不常。所以立於二諦。又二慧是三世佛法身父母。以有第一義。故生般若。以有世諦。故生方便。具實慧方便慧。有十方三世佛。是故立二諦。又知第一義是自利。知世諦故能利他。具知二諦即得共利。故立二諦。又有二諦故佛語皆實。以世諦故說有是實。第一義故說空是實。又佛法漸深。先說世諦因果。教化。後爲說第一義。又成就得道智者。說第一義。無有說世諦。又若不先說世諦因果。直說第一義。則生斷見。是故具明二諦也。次明百論宗者。百論破邪申明二諦。具如空品末說。亦應以二諦爲宗。但今欲與中論互相開避。中論以二諦爲宗。百論用二智爲宗。即欲明諸智互相成也。問百論何故用二智爲宗耶。答提婆與外道對面擊

揚闢一時權巧智慧。但提婆權智巧能破邪巧能顯正。而實無所破亦無所顯。故名實智二論始終明此二智。故以二智爲宗。中論不與內譯一時權巧。但共同學二諦之人。諍二諦得失。故以二諦爲宗。則中論用所申爲宗。百論用能申爲宗。欲明佛與菩薩能所共相成也。次明十二門論宗者。此論亦破內迷申明二諦。亦以二諦爲宗。但今欲示三論不同。宜以境智爲宗。所言境智者。論云。大分深義所謂空也。若通達是義。即通達大乘。具足六波羅蜜。無所障礙。大分深義謂實相之境。由實相境發生般若。由般若故萬行得成。即是境智之義。故用境智爲宗也。

次明四論破申不同門。所言破申者。凡有三義。一者破外人迷教之病。故名爲破。申佛二諦教門。故名爲申。二者申佛正教而邪迷自破。故名爲申破耳。三者論主申明佛破故名申破。諸大乘經破衆生虛妄。以顯一道。但末代鈍根不了。如來破病顯道之意。四依菩薩還申明佛破故名申破。非是經中自立義。論中自明破也。問何以知龍樹申佛破耶。答最後邪見品云。瞿曇大聖主憐愍說是法。悉斷一切見。我今稽首禮。故知論主申明佛破。非自有破也。問經中有立有破。論主何故一向破耶。答末世鈍根迷佛立破。並皆成病。是以論主須並破之。然後具得申。如來立破。問論主申佛破得稱論主破。論主申佛立。應名論主立

耶。答亦得爾也。問四論破申云何同異。答三論通破衆迷。通申衆教。智度論別破般若之迷。別申般若之教。就三論中自開二類。百論正破外傍破內。餘二論正破內傍破外。所以三論破內外者。一切衆病不出二種。一外道邪見起迷。二內人稟教失旨。若破斯二則衆病皆除。問百論破外可有明文。何處有破內文耶。答破塵品中。外人以內義爲證。論主即破其所引。具如彼明。問何故得破內耶。答有三種義。一者如向釋之。外人立義不成。引內爲證。故須破內。二者內人立義與外道同。如立虛空常遍。乃至立涅槃身智俱無。並與外道同。故須破內。三者外道立義與內人同。故須破之。如破因中無果品說。外道立於三。相前後相生。與譬喻部同。立三相展轉一時生。與薩婆多部同。故須破內。故肇法師云。邪辯逼真。殆亂正道。問中論何故傍破外耶。答凡有四義。一者欲顯中觀無法不窮。無言不說。若一法不窮。一言不盡。則戲論不滅。中觀不生。是故內外並皆破之。二者內人立義與外道同。故須破外。三者外道立義與內人同。故須破外。四者欲顯中實非內非外。不正不邪。故須破外。問百論破外亦有收取義不。答亦有四句。一者破而不取。即是外道邪言。障中迷觀。於緣無益。有損。二者取而不破。外道偷竊如來遺餘善法。今並收之。如賊盜牛。即其證也。又外道各邪心推盡。冥智與內

同。如蟲食木偶得成字。亦取而不破。三者亦破亦取。外道偷竊佛教。不識旨歸。今破其迷教之情。收取所迷之教。四者不破不取。即顯道門未曾內外也。

次明別釋三論問既有四論。何故常稱三論耶。答略有八義。一者一論各具三義。一破邪。二顯正。三言教。以同具此三義故。合名三論。二者三論具合方備三義。中論明所顯之理。百論破於邪執。十二門名爲言教。以三義相成。故名爲三論。三者中論爲廣論。百論爲次論。十二門爲略論。三部具上中下三品。故名三論。四者一切經論凡有三種。一但偈論。即是中論。二但長行論。所謂百論。三亦長行亦偈論。即十二門論。以三部互相開避而共相成。五者此三部同是大乘通論。故名三論。六者此三部同顯不二實相。故名三論。七者同是四依菩薩所造。八者同是像末所作。但欲綱維大法也。

次論三論通別門。以智度論對三論。則智度論爲別論。三論爲通論。就三論中自有三別。即爲三例。百論爲通論之廣。中論爲通論之次。十二門爲通論之略。所以然者。百論通破障世出世一切邪。通申世出世一切正。故名通論之廣。中論但破大小二迷。通申大小兩教。不破世間迷。申世間教。故爲通論之次。十二門但破執大之迷。申大乘之教。爲通論之略。問何故爾耶。答外道邪與通障世出世大小一切教。故提婆遍破衆邪。備申衆教。是以論明。始自三歸終

竟二諦無教不申。無邪不破。中論爲對大小學人封執二教故。但破二迷但申二教是以論文有大小二章之說。十二門論辨觀行之精要。明方等之宗本。故正破大迷獨中大教。是以論文命宗。但說略解摩訶衍義。問十二門亦備破小乘外道。云何言但破大迷但申大教也。答雖備破衆病。而正意爲申大乘。故論文前明略解大乘。而後則言末世衆生薄福鈍根。雖尋經文不能通了。即知尋大乘失旨。但小乘外道障彼大乘。故須破之耳。又欲令小乘外道同入大乘。故須破之。問百論申大小兩教。與中論何異。答百論總申大小。然中論別申二教。又百論從淺至深。中論從深至淺。問何故爾耶。答百論爲迴邪入正。始行之人故。始自三歸終入方等。故從淺至深。中論示諸佛本末之義。大乘爲本小乘爲末。故從深至淺也。

次明四論用假不同門。一切諸法雖並是假。領其要用凡有四門。一因緣假。二隨緣假。三對緣假。四就緣假也。一因緣假者。如空有二諦。有不自有。因空故有空。不自空。因有故空。故空有是因緣假義也。二隨緣假者。如隨三乘根性說三乘教門也。三對緣假者。如對治常說於無常。對治無常是故說常。四就緣假者。外人執有諸法。諸佛菩薩就彼推求檢覈不得。名就緣假。此四假總收十二部經八萬法藏。然四論具用四假。但智度論多用因緣假。以釋經立義門故。中論

十二門多用就緣假。百論多用對緣假。

次明四論對緣不同門。著於四論略明二種提婆菩薩震論鼓於王庭。九十六師一時雲集。各建名理。立無方論。提婆面拆邪師。後還因林撰集當時之言。以爲百論。龍樹菩薩潛惟著筆。探取外情。破病申經。故造中論。問何故爾耶。答龍樹聲聞天下外道小乘不敢與交言。故潛惟著筆以造論也。提婆既爲弟子。物情所不。畏憚故與之交言。故後集以爲論。次明三論所破之緣有利鈍不同門。今略舉中百二論明衆生得悟不同。凡有四種。一自有一種根緣。聞百論始捨罪福終破空有。當此言下得悟無生。二有諸外道。雖聞提婆當時所破言理俱屈。猶未得悟。後出家竟稟受佛經方乃得悟。此中根人也。三有諸外道。聞提婆之言。不了尋經。翻更起迷。爲中論所破方得悟。此下根人也。四有諸外道。初稟提婆之言。乃至尋中論亦未得解。後因十二門觀玄略方乃得悟也。

次別釋中論名題門。此論立名有廣有略。所言略者。但稱中論。故寂法師序云。中論有五百偈。龍樹菩薩之所造。而後但釋中論兩字。故名爲略。問何故但稱中論不題觀耶。答中是所論之理實。論是能論之教門。若明理教故義無不周也。所言廣者。加之以觀。故影法師中論序云。寂此諸邊名之爲中。問答拆微稱之爲論。又云。觀者直以觀辨於心論宣於口耳。問何故具題三字。

耶。答因中發觀。由觀宣論。要備三法義乃圓足也。次第門。問此三字有何次第耶。答有二種次第。一者能化次第。二者所化次第。能化次第者。中謂三世十方諸佛菩薩所行之道。故前明中。由此道故發。生諸佛菩薩正觀。故次明觀。由內有正觀故。佛宣之於口。名之爲經。四依菩薩宣之於口。目之爲論也。約所化悟入次第者。稟教之徒因論識中。因中發觀。若望於佛。因教識理。因理發觀也。次制立門。所以但明三字不多不少者。略有三義。一者諸佛菩薩凡有三德。一者自行。二者化他。中之與觀謂自行也。論之一字即是化他。自行化他義無不攝。故但標三字。二者化於衆生要必具三。一者有所悟之理。二者因理發觀。三者由觀宣論。故但明三也。三者以中對觀。是境智之名。以觀對論。爲行說之稱。因中發觀故。以中爲境。以觀爲智。如說而行爲觀。如行而說爲論。以義唯此四故。名字但有三名也。次論通別門。通而爲言。三字皆中皆觀皆論。所言皆中者。理實不偏。故理名爲中。因中理發觀。觀非偏觀。觀亦名中。因中觀宣論。論非偏論。論亦名中。三字皆觀者。中是義相觀。觀是心行觀。論是名字觀。亦如三種般若。中是實相般若。觀是觀照般若。論是文字般若。三種皆論者。論是能論故名爲論。餘二所論亦名爲論也。就別而言。理實不偏與其中名。智是達照。當其觀稱。論是言教。故目之爲論。次明互發盡門。就中有

中發觀。觀發中。緣盡觀觀盡緣。所言中發觀者。如涅槃經云。十二因緣不生不滅能生觀智。譬如胡瓜能發熱病也。觀發中者。衆生本謂因緣是生是滅。不知是中。以正觀檢生滅不得。方悟因緣是中。此則因觀發中。緣盡於觀觀盡於緣者。凡夫二乘及有所得偏邪之緣。盡菩薩正觀之內。故名緣盡於觀。觀盡於緣者。邪緣既盡正觀亦息。故名觀盡於緣。緣盡於觀故非緣。觀盡於緣故非觀。非緣非觀。不知何以美之。強名正觀也。問既得緣盡觀觀盡緣。亦得中盡觀觀盡中不。答亦得爾也。中是智境。觀是智境。境不自境。因智故境智不自智。由境故智。由智故境。境不自境。由境故智。智不自智。不自智則非智。不自境則非境。故是境盡於智。智盡於境。問亦得緣發於觀。觀發於緣不。答由邪緣故得顯正觀。即是緣發於觀。由正觀故顯緣是邪。謂觀發於緣耳。次明別釋三字門。總論釋義。凡有四種。一依名釋義。二就理教釋義。三就互相釋義。四無方釋義也。依名釋義者。中以實爲義。中以正爲義。中以實爲義者。如涅槃經本有今無偈云。我昔本無中道實義。是故現在有無量煩惱。寂靜中論序云。以中爲名者。照其實也。照謂顯也。立於中名。爲欲顯諸法實故。云照其實也。所言正者。華嚴云。正法性遠離一切言語道一切趣非趣。悉皆寂滅相。此之正法即是中道。離偏曰中。對邪名正。肇公物不遷

論云。正觀論曰。觀方知彼去。去者不至方。故知中以正爲義也。理教釋義者。中以不中爲義。所以然者。諸法實相非中非不中。無名相法爲衆生。故強名相說。欲令因此名以悟無名。是故說中爲顯不中。問中以不中爲義。出何文耶。答華嚴云。一切有無法了達非有無。若爾。一切中偏法了達非中偏。即其事也。所言互相釋義者。中以偏爲義。偏以中爲義。所以然者。中偏是因緣之義。故說偏令悟中。說中令識偏。如經云。說世諦令識第一義諦。說第一義諦令識世諦也。四無方釋義者。中以色爲義。中以心爲義。是故華嚴經云。一中解無量。無量中解一。故一法得以一切法爲義。一切法得以一法爲義。問中有幾種。答既稱爲中。則非多非一。隨義對緣得說多一。所言一中者。一道清淨更無二道。一道者即一中道也。所言二中者。則約二諦辨中。謂世諦中真諦中。以世諦不偏故名爲中。真諦不偏名爲真諦中。所言三中者。二諦中及非真非俗中。所言四中者。謂對偏中盡偏中。絕待中。成假中也。對偏中者。對大小學人斷常偏病。是故說對偏中也。盡偏中者。大小學人有於斷常偏病。則不成中。偏病若盡則名爲中。是故經云。衆生起見凡有二種。一斷二常。如是二見不名中道。無常無斷乃名中道。故名盡偏中也。絕待中者。本對偏病是故有中。偏病既除中亦不立。非中非偏。爲出處衆生強名爲中。謂絕待

中。故此論云。若無有始終。中當云何有。經亦云。遠離二邊不著中道。即其事也。成假中者。有無爲假。非有非無爲中。由非有非無故說有無。如此之中爲成於假。謂成假中也。所以然者。良由正道未曾有無爲化衆生假說有無故。以非有無爲中。有無爲假也。就成假中有單複疎密橫堅等義。具如中假義說。如說有爲單假。非有爲單中。無義亦爾。有無爲複假。非有非無爲複中。有無爲疎假。非有非無爲疎中。不有有爲密假。有不有爲密中。疎即是橫。密即是堅也。次釋中不同得有四種。一外道明中。二毘曇明中。三成實明中。四大乘人明中也。外道說中者。僧伽人言。泥團非瓶非非瓶。即是中義也。衛世師云。聲不名大不名小。勒沙婆云。光非闇非明。此之三師並以兩非爲中。而未知所以爲中耳。毘曇人釋中者。有事有理。事者中。無漏大王不在邊地。謂不在欲界及非想也。理中者。謂苦集之理。不斷不常也。成實人明中道者。論文直言離有離無名聖中道。而論師云。中道有三。一世諦中道。二真諦中道。三非真非俗中道。四大乘人明中者。如攝大乘論師明。非安立諦不著生死不住涅槃名之爲中也。義本者。以無住爲體中。此是合門。於體中。開爲兩用。謂真俗。此是用中。即是開門也。又中假師云。非有非無爲中。而有而無爲假也。



諸說法耶。答曰。凡夫著有二乘滯空。今明。如來因緣有無假有假無。假有故不有。假無故不無。云何增惠耶。問成論師云。十六知見非二諦所攝。十六知見道理無。此出自外道橫計。故非世諦。既非世諦。其即空亦非真諦。此義云何。答若言十六知見出外道橫計。非二諦所攝者。陰界入等亦出凡夫橫計。何得云二諦所攝。若凡夫所見即是世諦者。凡夫人應是聖人。

釋名第二。若如他釋。俗以浮虛爲義。真以真固爲名。世是隔別爲義。第一莫過爲旨。此是隨名釋義。非是以義釋名。若爾可謂世間諸法者有字無義。今明。俗以不俗爲義。真以不真爲義。若具足論之。應以非俗非不俗。這四句爲俗義。但今對他浮虛是俗義。今明。不俗爲義。是名出世法者。有字有義。今引淨名經。不生不滅是無常義。五陰空無所有是苦義。常途真實是諦義。還以諦釋諦。義例前可見。解諦義有四家不同。一云四諦理實是爲諦。這教經云。日可令冷。月可令熱。佛說苦諦。實是苦。不可令樂。故以理實爲諦。第二家云。境理非諦。能觀智爲諦。大經云。若苦是聖諦者。地獄衆生有苦。應是苦聖諦。而今地獄等苦非聖諦。豈得前境爲諦。第三解。取能證理之文。言爲諦。第四家云。合取境智文理爲諦。若單境不智亦非諦。單取智文理亦非諦。今明。四解並是並非。如衆盲摸象。不得象體。然不離象。經中非無此釋。諸佛方便隨從衆生。故作此說。今還一一難之。第一解云。境理審

實名諦者。地獄畜生應是苦聖諦。毒蛇鱗蟲多欲應是集聖諦。第二解云。以智爲諦者。應名權實諦。第三解云。文言詮審實爲諦者。文言終不得理。那得爲諦。第四解云。若以境智合爲諦者。境智既其非諦。今合那得爲諦。如一沙不能出油。合二沙不得油也。今明。此真俗是如來二種教門。能表爲名。則有二諦。若從所表爲名。則唯一諦。故非只以審實爲義。若二於諦。即以審實爲諦。若就因緣教諦。即有多義。或以誠諦之言釋諦。此二教表不二之道。教必不差。違即是諦義。依名釋諦如是。若依義釋諦。諦以不諦爲義。此是堅論。若橫論。諦以諸法爲義。例如真俗義中說。俗以浮虛爲義。俗以真爲義。俗以不俗爲義。真亦然。更料簡諦待不諦有五條意。一者二諦相望。是二不諦。俗非真。真非俗。故二諦成二不諦。二者非有非無。是二不諦義。能表是有無。所表非有無。故成二不諦。三者一智是二不諦義。真俗既二境。境自待不境。不境即是智。四者義有三種。一者就理外凡聖二緣二境。二者就理內凡聖二緣二境。三者堅理內外相望。有凡聖諦不諦義。理外凡聖者。如有於凡實。所以爲諦。空於凡不實。即是不諦。空於聖亦然。凡聖二人各行一實一虛。故有諦不諦義。理內凡聖亦然。大聖論者。若理外凡聖。皆是顛倒有所得行。俱是凡夫。理內若凡若聖。皆名爲聖。二諦亦然。理外若真若俗。俱是俗諦。理內若真若俗。皆是真諦。理內所行。非外所行。理外所行。非內所行。有諦不諦義。五者

直就凡聖各自有諦不諦。如有於凡是實。即此有於聖爲不實。只此一有自有實不實。不須他釋。大更明於諸教諦合論有三句。一者能諦所非諦。二者所諦能非諦。三者亦能亦所諦。能諦所非諦者。即是於諦。有於凡實。空於聖實。取兩情爲諦。不取空有二境爲諦。言教諦是所非能者。二智是能說。二諦是所說。此就境智判能所。亦能亦所諦者。合取於教二諦。更就教諦中復有三句。一能名諦。二所名諦。三亦能亦所名諦。言能名諦者。即是真俗二教。以能表道故名諦。言所名諦者。真俗所表理實故。能表之教亦實。此從表實爲名。亦能亦所者。即理教合說。非理即不教。非教即不理。理教因緣。此二皆實。故能所皆諦。於諦有三句。一皆得二皆失三亦得亦失。言亦得亦失者。凡於是有。此有爲失。諸賢聖真知性空。此空爲得。二皆失者。一皆是於故二皆失。二皆得者。只知於二即知不二。既非二非不二。五句皆淨。然此三句。前二句即於諦後一句即教諦。前二句即於境後一句教境於境即不轉。教境即轉也。立名第三。三門分別。前辨立名。次辨絕名。後辨借名。立名者不真不俗。亦是中道。亦名無所有。亦名正法。亦名無住。此非真非俗無名。今假爲立名。此名以無名之所立名。如提羅波夷真不食油強爲食油。二諦亦爾。以其真表不真俗表不俗。假言真俗。以其假言。名無得物之功。物無應名之實。淨名經云。從無住本立一切法。無住即無本。故云。若能若所皆



以無住爲本。大品云：般若猶如大地，出生萬物。波若正法無住。此三眼目之異名。若就用中，辨二諦反覆得立名，俗爲真立名，世爲第一立名。如言由世故第一，真俗亦如是。真應對世，第一對第二，而今真對俗，世對第一，非正相待義。聖人未必以對立名，故經云：法無有彼此，離相待故。大明相待者，真俗當體受名，世與第一，用中褒貶爲稱也。第二辨絕名，常途相傳，世諦不絕名，引成論文，劫初時物未有名，聖人立名字，如瓶衣等物故。世諦不絕名，真諦與佛果三師不同。光宅云：此二皆不絕名，真諦有真如實際之名，佛果有常樂我淨之名，但絕名不絕細名，莊嚴云：此二皆絕名，佛果出於二諦外，是故絕名。真諦本來自虛，忘四句絕百非故，絕名，開善云：真諦絕名，佛果不絕名，真諦之理，絕四句百非，故是絕名。佛果此世諦，所以不絕名，若佛智冥如絕名，今明一往爲論，何爲不得，然非理實說，今問：若劫初物作名銘者，以真諦無名，假名銘者與真何異？又問：火名爲當即火離火，若使此火名即火，呼火即燒口，若使火名離火，何故不得水耶？故知非即離體有名，若在中不在火上，是即火絕名，且復從來蛇床虎杖世諦絕名，復問：人是何物，人頭手等何意呼人耶？強爲立名，豈非皆絕，次難佛果有三家，今先難初家，若使言真諦與佛果但絕，能名不絕細名者，今難。本以絕故妙，若不絕即不妙，難第二家，真諦與佛果俱絕名者，今難。若以名求真，不得真者，此名便有文爾

無理，真諦有文無理，如私陀言涅槃，佛果有理無文，如續子存焉，難第三家，佛果不絕真諦絕名，同前二家所見，不具辨也。今明以四句辨之，一者俱絕，二者俱不絕，三者真絕俗不絕，四者俗絕真不絕，所言二諦俱絕者，二諦皆如，奈得皆不絕，二諦俱不絕者，得是如相名爲如來，得是二如相，所以皆不絕，又言如來常依二諦說法，大論云：如瓶衣等法，世界悉檀即有，第一義悉檀即無，真如實際等於第一義悉檀即有，世界悉檀即無，此名字互有互無，故知二種俱絕俱不絕，三者真絕俗不絕，此文即多，經云：以世諦法故說，非第一義，四俗絕真不絕，如言生不可說不生，亦不可說生不生，亦不可說不生非不生，亦不可說四句皆不可說，即是世諦絕名，今更作一種方言，世諦即絕實不絕假，真諦即絕假復絕實，何者衆生計有爲有，計無爲無，此之有無是斷常二見，即是性質，今破有故言不有，破無故言不無，所以明佛說假有假無爲世諦，此假有不名有，此假無不名無，問此假有何物有，明此假有不名實有，假無亦是不名實無，是即此假有假無名爲世諦，所以其不名實有實無，故言絕，而此不有，爲成假有不無爲成假無，此即是不絕假義，若言二諦俱絕者，真諦絕四句，離百非，世諦亦絕四句，離百非，然此義從來所無，唯今家有也，言二諦皆絕四句，離百非者，俗不定俗，俗名真俗，真不定真，真名俗真，真俗假俗，俗真假真，假俗即百是不能是，百非不能非，假真亦爾，何者

假俗即是是不能是，百是亦不能是，非非不能非，百非亦不非，假真即非是不能是，百是亦不是，是非不能非，百非亦不非，是故皆離四句，絕百非也，雖二諦皆離四句，絕百非，然二諦俱絕爾大異，何者俗諦絕即絕實，真諦絕即絕假，俗諦絕實者，是是即是實是，非非即是性非，以俗諦絕實故，是是不能是，百是亦不是，非非不能非，百非不能非也，真諦絕假者，非是是與假是非非與假非，真諦絕性假故，非但是是不能是，非是亦不是，非但非非不能非，是非亦不非，是是與非是，一切不能是，非非與是非，一切不能非，真諦雙絕世諦絕實，此即漸捨明二諦皆絕義，俗諦絕實，俗不定俗，由真故俗，真不定真，由俗故真，由真故俗，俗是假俗也，由假俗故真，真是假真，既云假俗，即四句皆絕，假俗非俗，假俗非不俗，假俗非亦俗亦不俗，假俗非非俗非不俗，假真亦爾，第三論借名，就借與不借故，是絕不絕耳，若二諦俱絕，即是兩種皆借名，二俱不絕，即相與不借，今亦次還辨前三家所說，彼三家同明，世諦有物有名以名召物，即得來故不借名，真諦佛果，解有三家，今先難世諦不絕，若世諦有物即有名者，劫初時便應有名，不須聖人爲立名耶？若物本無名，何異真諦本無名後爲真立名，問是假借名者後爲物立名，何故非借名耶？汝若以名求真，去真遠矣，我亦以名求物，去物遠矣，又問：今世諦以名求物，物得應名者，今且問，以瓶名爲



在瓶上爲在口中。具如先難。若在瓶上何處有名。若在口中瓶即無名。豈非是絕名。此即與真何異。若言真本無名就世諦借者。今世諦中若有真名可言其借。而今世諦中無有法名真如絕離可得言借。且復經言。第一義諦有名有實。何時寧無名。經又云。一切諸法。但有假名。但有名無實故言絕。但有名字故謂爲借。若有名但假設。何意空就有借名而有不就空借名也。故若言真諦無名就世諦借名其義不可。今問。若以名求真去真遠者。此真名爲表真理不耶。若使此名表理。依名得理。何謂真理絕名名即無用。此名既其不得理。此名終此浪說。可謂有理而無文。常途解真諦佛果有三家。光宅二種俱不絕妙名。即不須借。莊嚴云。二種俱絕。所以須借。若是開善明。佛果是世諦有名故不須借。真諦無名所以須借。此三解依前而難之。此不復重出。望前可見。今明。借此假之異名然此經論所無。大小乘經。不載此說。恐不應借語。而今言借者。只是隨他意語耳。今明。借此假之異名。今二諦既有四句。辨絕不絕義。今借與不借。准此可知。若二俱絕。即二諦俱不借。二諦不絕。即二俱借。若一絕一不絕。即一借一不借。若言二諦俱絕而論其借義。明真不可說名。二諦之名。無法可說。二諦俱絕故不明借。今以非真假言真。非俗可言俗。俗待真故說。俗從真借名。真待俗故說。真從俗借名。所以二諦俱不絕。假論借名。然此借名亦是不借。今以真不自真。由俗故說真不自故。所以須

他。故言借。若不借者。明若由真故說真可得是借。由真故俗。那得是借也。故言此俗亦是不借也。橫論借名如此。若豎論真從不真以借名。俗從不俗以借名。又問言。若從不真借名。只應真名不真。那得名爲真。俗亦如是。答。今明。真不真一。亦不得借。真亦不得借。因緣假名字故言借。借是待之異名。若不待不真不得說真。由不真故真。由真故不真。真不真因緣假說。故言借。

有無第四。今先辨假有。後辨假無。常途所明。凡有三種假名。一者因成假。以四微成柱。五陰成人。故言因成。二者相續假。前念自滅續成後念。兩念接連。故言相續假。三者相待假。如君臣父子大小。名字不定。皆相隨待故言相待假。若入道所提三乘不同。聲聞用因成。緣覺用相續。菩薩用相待。而成論三藏爲宗。多明因成。以入道。所以然者。凡有二義。一者因成是世諦體。續待爲用。若體已空。用即自遣。二者因成多重數。觀行自淺至深。初提五根以空衆生。次提四大四微以折法。所以多提因成。若是續待二假。即無此重故不用。今明。正大品中三假爲宗。一者法二考受三名。解三假不同。今所用者。以四微成根大並法假。衆生假人。此是受假。一切名皆是名假。名假本通。就名假中。取能成義爲法假。所成義爲受假。不如他家法假爲體除二爲用。故大品云。波若及五陰爲法假。菩薩爲受假。一切名字爲名假。內法如此。外法可知。四微四大爲法假。世界爲受假。一切名字爲名假。今明。

相待爲本者。欲明大士觀行。凡有三義。一者相待假通。無非是待。因續二假未必盡假。二者相待假。無有實法。遣病即淨。因續二假即有實法。遣病有餘。三者相待假無礙。長既待短。短還待長。因續二假。即成義有礙。唯以四微成大。不以大成四微。唯得續前不得續後。故用相待假若是聲聞因成爲體。續待爲用。體空用自去。今觀相待體本來不生今亦無滅。因續用去。從來有通別相待。通是開避相待。別是相集相待。如人瓶衣柱。是通相待。長短方圓等是別相待。問。若相待空因續自去者。觀相待時觀何物相待。豈非先有因成後有續待。答。不然。小乘觀行。先有法體折法入空。故但見於空不見不空。今大乘觀相待者。不立法體。諸法本來不生。今即無滅。初念爲無礙道。後念爲解脫道。是故經言。不但見空。亦見佛性不空。問曰。非有非無而有而無爲疎假。爲是密假。答曰。此是疎假。何故爾。以其兩來就有無二法。辨故是疎假。若辨密假。非有非不有而有而不有。以其就一法明義。是即兩法爲疎。一法故密。今何故辨此疎密。疎密者。爲明經中兩種百非兩種對治。若言苦樂無我等。此是疎對治。若言實不實。衆生非衆生。安非安。等密對治。若言如來涅槃非有非無。此是疎百非。若言非因非不因。非果非不果。此是密義辨非。此明假有疎密。問。前言非有非無。何物非有非無耶。答。前非有非無。非性有無。爲成世諦如義。問。後明非有非不有。何物有非不有耶。答。今如是假有不有故。言

非有非不有。言非有者，非不有。言非不有者，非有不有。此既壞假成真諦如。問有不有是何物。答諸法本從無生，皆以阿字爲本。是即諸法皆歸阿字一無生門。故經言，四十二字皆歸阿字也。

二諦體第五。常解不同。有五家。初家明，有爲體空爲用。何故爾。明世諦是有，行者折有入空。無有因空入有。故有是其本。空爲其末。第二家云，以空爲體，有是其用。何以故。明，空爲理本。古今常定。有是世間法，皆從空而生。故空爲其本。有是其用。第三云，二諦各自有體。以世諦假有是世諦體，假有即空，無相是真諦體。故言二諦各有體。第四云，二諦雖是一體，以義約之爲異。若以有來約之，即名俗諦。以空約之，名爲真諦。而今此二諦唯一。約用有二。第五云，二諦以中道爲體。故云不二而二。二諦理明，二而不二。中道義立，彼家有時亦作體用相即。今皆不然。問第一解，若言以有爲體，空爲用者，可以有爲理，空爲用不。體是理之異名。既言有爲體，是即有爲理。然皆見理得道。今若以有爲理，即見有得道。今聖人皆見空斷結。明知空是理。問第二解，空爲體有爲用者，是即成一諦。何謂二諦。汝今指空當體，是即但空是諦，有非諦。若空有俱諦，何得偏用一空爲體。故不然。問第三解，假有是世諦體，假有即空爲真諦體。若二諦各有體，即應成兩理。有自有爲理，空自空爲理。頌反，何得辨其相即。問第四解，二諦唯一體，以義約之爲異者，今何以二諦唯一體，是何物

體爲當一有體爲當一空體。何處離此空有別有一體。而言以空有約之故。二諦之別。問第五解，二諦同中道爲體者，今問，汝言若用中道爲體，爲是二諦攝爲是二諦外物。彼解云，終是一無名無相，還是二諦攝。此是開善所用。攝山高麗明大師，本是遼東城人，從北土遠習羅什師義，來入南土，住鍾山草堂寺。值隱士周顒，周顒因就師學。次梁武帝，敬信三寶，聞大師來，遣僧正智寂十師，往山受學。梁武帝，得師意，捨本成論，依大乘作章疏。開善亦聞此義，得語不得意。今意有第三諦，彼無第三諦。彼以理爲諦。今以教爲諦。彼以二諦爲天然之理。今明，唯一實諦方便說二。如唯一乘方便說三。故言異。雖復有五解，不出四句之計。初一有句，第二無句，第三第四亦有亦無句。第五解非有非無，既束爲四句，是橫計。何得扶道。問何處經文中道爲二諦體也。答中論云，因緣所生法，我說即是空，亦爲是假名，亦是中道義。因緣生法是俗諦，即是空是真諦。亦是中道義是體。華嚴云，一切有無法，了達非有非無，故有無爲二諦。非有非無爲體。經云，非有非無假說有無，涅槃經云，隨順衆生說有二諦，故以教門爲諦。仁王經云，有諦無諦中道第一義諦。故知有第三諦。問教諦爲是一體，爲是異體。答如前言，中道爲體故是一體。若約用爲論，亦得假爲二體。但非正義。問若言一體者，與他家一體何異。答他家定一定異定亦一亦異。今明，約第一重故作此語。至第二第三第四重，不可言

一不可言異。問於諦爲是一體，爲是異體。答約二妄情爲二體。爾終無有兩物。如眼病空華異空無華故，以一中道爲體，問假有假無爲二諦，非有非無爲中道也。答一往開中假義故。假非中中非假也。究竟而言，假亦是中。故涅槃經文，有無即是非有非無，亦得中爲假。一切言說皆是假故。問何物是體假用假。何爲體中用中耶。答假有假無是用假，非有非無是體假。有無是用中，非有非無是體中。復言，有無非有非無皆是用中用假，非二非不二。方是體假體中，合有四假四中，方是圓假圓中耳。

明中道第六。初就八不明中道。後就二諦明中道。初中師有三種方言。第一方言云，所以撲八不在初者，欲洗淨一切有所得心。有得之徒，無不墮此八計中。如小乘人言，謂有解之可生惑之可滅，乃至衆生，從無明流來，反本還源，故去。今八不，橫破八迷，堅窮五句。以求彼生滅不得故，言不生不滅。生滅既去，不生不滅亦生滅亦不生滅。非生滅非不生滅五句自崩。然非生非不生既是中道，而生而不生即是假名。假生不可言生，不可言不生。即是世諦中道。假不生不可言不生，不可言非不生。名爲真諦中道。此是二諦各論中道。然世諦生滅是無生滅生滅。第一義無生滅。是生滅無生滅。然無生滅生滅。豈是生滅。生滅無生滅。豈是無生滅。故非生滅非無生滅名二諦。合明中道第二方言云，所以明三種中道者，爲顯如來從得道夜至涅槃夜常說

中道。又學佛教人。作三中不成。故墮在偏病。今對彼中義不成。故辨三。問云。何學佛教人三中不成。答他云。實法滅故不常。假名相續故不斷。今謂。不常猶是斷。不斷猶是常。唯見斷常。何中之有。爲對此三中不成。明三種中道。今明。中道者。無生滅生滅爲俗諦中。生滅無生滅爲真諦中。無生滅生滅。豈是生滅。生滅無生滅。豈是無生滅。故非生滅非無生滅。二諦合明中道。問後明三。中與前何異。答前明二諦中道。是因緣假名破性中。第三雙泯二假稱爲體中。亦名因緣表中道。故前語有四重階級。一者初章四句求性有無不可得故。言非有非無名爲中道。外人既聞非有非無。卽謂無復異俗二諦。便起斷見。是故第二說而有而無以爲二諦。接其斷心。第三欲顯而有而無。共是中道。是因緣有無。不同汝性有無義故。第三明二諦用中。變彈兩性。第四次欲轉假有無二故。明體中。初明性空。次後明假。第三明用中。第四明體中。故有四階。此是攝嶺與皇始末對。由來義有此四重階級。得此意者。解一師立中假體用四種意也。又初非性有無以爲中者。此是假前中義。次而有而無名爲二諦。是中後假義。次假有非有。假無非無。二諦合明中道者。此是假後中義。問破性中因緣表中道者。云何中前假中後假耶。答中前假者。未說體中。前明於假。卽上破性中後而有而無是也。中後假者。說用中體中竟。方說而有而無。正是動而常寂。寂而常用。乃是方便智化衆生。又中前假。從用

入體。中後假從體起用。問第一方言出諸師計。後方言出諸師三。中不成。云何異耶。答第一方言。破性外道八迷。破性明中。但出諸師計。諸法師計亦有性義。亦言。正破外傍破內。故出諸師計。第三方言云。世諦卽假生假滅。假生不生。假滅不滅。不生不滅。爲世諦中道。非不生非不滅。爲真諦中道。二諦合明中道者。非生滅非不生滅。問此與上何異。答此有二意。一者卽世諦生是不生。如色卽是空故。不生卽是世諦。真諦不生者。此卽相因義。因世諦生明真諦不生。二者世諦中不生不滅。卽是真諦假。非是破性明中。爲明世諦假生雖生不起。世諦假滅雖滅不失。故生滅宛然而未曾生滅。故世諦中卽是真諦假。問此與上何異。答雖同生滅爲俗不生滅爲真。但不生有三種。初方言破定性生明不生。第二方言破假生明不生。此中有異。破定性生但破不收。破假生亦破亦收。第三方言。約平道門本來不生。故言不生。不言破病也。第二就二諦明中道。此中有三意。第一單義論單複。第二複義論單複。第三就二諦論單複。就初有兩。初正明單複。後明互相出入。今先正論單複中假義。偏說一假有不說無。是單假。偏說一假無不說有。亦是單假。偏說一非有卽是單中。非無亦爾。變說假有假無。是複假。變說非有非無。是複中。次釋其所以。凡有二義。一者爲利根人說單假。約鈍根人說複假。正言利根之者。聞一悟十故。若聞說假有卽解假無。乃至聞說非有卽解非無。所以不勞具明

兩義。爲鈍根之人。隨言得解。若不具說。無有玄悟。所以雙明兩義也。二者爲鈍根人說單。爲利根人說複。爲鈍根之人。不堪受圓教。所以說單義破其執。若利根人堪受圓教。所以爲說複義。便皆領受。次明互相出入。有八句。第一從單假入單中。或言。假有不名有。從有入非有。無亦例爾。第二從單中出單假。或言。非有假說有。非無假說無。第三從複假入複中。假有不名有。假無不名無。無亦例爾。第四從複中出複假。非有非無假說有無。第五從單假入複中。或言。假有不名有。假有不名無。從假有入非有。非無。假無亦例爾。第六從複中出單假。或言。非有非無假說有。非無非有假說無。之。第七從複假入單中。有無卽非有。第八從單中出複假。非有假說有不有。非無假說無不無。次釋所以有二義。一者破衆生執實之病。隨計隨遣。所以遂有多句。二者大士觀行神道自在。無有障礙故。或眼根入正受等。不復委釋。大品云。或從散心中起入滅受定。滅受定起入散心中也。第二就複義論單複。亦有二。初正明單複。二明出入。初正明單複中假。假有是俗諦。假無是真諦。此是單假。非有非無是中道。此是單中。假有假無爲二。是俗諦。非有非無不二爲真諦。此是複假。非二非不二。是中道。此是複中。正言非二盡有無。非不二盡非有非無。所以是複中。次釋其所以有二義。一往爲言。單中單假明義卽淺。複中複假明義卽深。所以然者。單家之二諦。至複義時。還是俗諦。單家之中道。

至複義時。還成真諦。單家之中道。正盡有無二。未能盡不二。複家之中道。盡不二也。二者單明義。即勝複明義。悉劣。所以然者。複假之有無。猶是前單假之有義。複中之非有非無。猶是前單假之無義。複之非二非不二。猶是前單中之非有非無也。但前直言有。便攝得有無。只直言無。攝得非有非無。只言非有非無。便攝得非二非不二。言略意廣。所以為勝。複家中假。言廣意劣。所以有勝劣。大明互相出入有八句。第一從單假入單中。假有不名有。假無不名無。入非有非無中道。第二從單中出單假。非有假說有為俗。非無假說無為真。第三從複假入複中。假二不名二。假不二不名不二。入非二非不二中道。第四從複中出複假。非二假說二為俗。非不二假說不二為真。第五從單假入複中。假有不名二。假無不名不二。從假有無入非二非不二中道。第六從複中出單假。非二假說有為俗。非不二假說無為真。第七從複假入單中。假二不名有。假不二不名無。從二不二入非有非無中道。第八從單中出複假。非有假說二為俗。非無假說不二為真。第三階就二諦論單複有兩。一正明單複。二出入。一者俗諦明單複。二者真諦明單複。假有是俗諦。假無是真諦。是單假。複者假有假不有。是俗諦複假。假無假不無。真諦複假。非有為中道。此是俗諦單中。以非無為中道。此是真諦單中。非有非不有。此是俗諦複中。非無非不無。此是真諦複中。第二明出入有三。一就俗二就真三交絡。先

就世諦明有八句。第一從俗諦單假入俗諦單中。假有不名有。即是假有入非有。第二從俗諦單中出俗諦單假。非有假說有。第三從俗諦複假入俗諦複中。假有假不有入非有非不有。第四從俗諦複中出俗諦複假。非有非不有假說有非有。第五從俗諦單假入複中。假有入非有非不有。第六從俗諦複中出單假。非有非不有假說有為假有。第七從俗諦複假入單中。假有不有入非有。第八從俗諦單中出複假。非有假說有不有。第二就真諦辨有八句。第一從真諦單假入單中。假無不名無也。第二從真諦單中出單假。非無假說無。第三從真諦複假入複中。假無假不無。非無非不無。第四從真諦複中出複假。非無非不無假說無不無。第五從真諦單假入複中。假無非無。假無非不無。第六從真諦複中出單假。非無非不無。假說有為無。第七從真諦複假入單中。假無不無入非無。第八從真諦單中出複假。非無假說無不無。交絡明出入有十二句。第一從俗諦單假入真諦單中。假有不名無。壞有入非無。第二從真諦單中出俗諦單假。非無假說有。第三從真諦單假入俗諦單中。假無不名有。壞無入非有。第四從俗諦單中出真諦單假。非有假說無。第五從俗諦複假入真諦複中。假有假不有。入非無非不無。第六從真諦複中出俗諦複假。非無非不無。假說有不有。第七從真諦複假入俗諦複中。假無假不無入非有非不有。第八從俗諦複中出真諦複假。非有非不有。假說無不無。

第九從真諦單假入俗諦複中。假無不名有。亦不名不有。即是非有非不有。第十從俗諦複中出真諦單假。非有非不有。假說名為無。第十一從俗諦單假入真諦複中。假有不名無。亦不名非無。即是非無非不無。第十二從真諦複中出俗諦單假。非無非不無假說名為有。第七重明相即。次辨二諦相即。經有兩文。若使大經云世諦者即第一義諦。第一義諦即是世諦。此直道即作不相離。故言即。此語小寬。若如波若經空即是色。色即是空。此意為切也。開善明。二諦一體。用即是即。龍光明。二諦各體。用不相離。即。眾師雖多不出此二。今難。若二諦各體如牛角。并達諸經論。不足難也。今問。開善色即空時。為色起時空與色同起。故言色即空。為當色未起已有此空。故言色即空耶。若使色未起時。已有即色之空者。即空本有。色即始生。本與始為異。云何相即。本有是常始有無常。常無常異。不得即也。若言常無常一體者。燒俗時應燒真諦。俗生滅時。真應生滅。若言一體者。俗即真時。俗應是常。二諦但常若真即俗時。真應無常。二諦俱無常。若是一體而言俗無常真常者。我亦言。一體故俗常真無常。次難。汝色即空。為有分際。為無分際。若有分際。異體不得相即。若無分際。即混成一體。皆常皆無常。無分際得一即失二諦。有分際得二諦失相即。若為通耶。龍光二諦異體。開善一體。今明。二諦非一非異。離四句為體。亦明。非一非異非不相離。即非即是即。離四句為即。若於諦為論。謂二

諸各體約兩情爲異。若約無所有爲論。空有皆無所有。故言一體。若教諦爲論。約用有二體。約中道爲論。終是一體。問若爾與他一異有何異耶。答曰。他人二諦定境定理定一定異。今明於諦如空華。眼病故見空華。無有一異。無華故不得言與空一體。教諦者。非有非無假說有無。未曾有無。不得有二體。亦不得言一體。故與他人異。既無有無。論何物即不即。四句皆流。彼有色有空。以色即空。故著前難。今明色畢竟空。將何物即空耶。爲衆生見色故言色即空耳。有一方言云。假名說有爲世諦。假名說空爲真諦。既明假有。即非有爲有。既明假空。即非空爲空。非有爲有。非異空之有。非空爲空。非異有之空。非異空之有。有名空有。非異有之空。空名有空。有名空有。故空有即有空。空名有空。故有空即空有。

攝法第八。論二諦攝法。爲當盡不盡耶。常有三解。第一莊嚴云。二諦攝法。不盡。所以然者。若是惑因感虛果。此即是世諦。虛果故可空。即是真諦。而當作佛果體非虛假。故非世諦。不復可空。故非真諦。引仁王般若云。超出二諦外。第二開善解。二諦攝盡。故云。法無不總義。無不該者。真俗之理。舒之即無法。不是卷之即二諦爾已。故大品云。設有一法出過涅槃者。我亦說如幻如夢。大涅槃空如來空。第三治城解云。佛果爲真諦所攝。而非俗諦所攝。以然者。佛果是真實之法。無復虛假。舉體妙絕。故真諦。舉譬如水本澄淨。以風潮因緣。故生波浪。若風息浪靜。還復本水之清。內合本

唯真諦之理顯。煩惱之風起。致生死之浪。生死既息。還一真之理故。大經云。世諦生死時。名生不生。死者盡也。不死死即是佛果。生滅言世諦。今並不同。第一解佛果出二諦外者。大品云。不見有法出法性者。是名與般若相應。今還有一法出二諦外。即非相應也。不同第二解者。若言佛果爲二諦攝。即佛果定在二諦之內。定是有無。成論云。佛雖在世不攝有無。況滅後耶。中論云。如來在世不言有與無。如來滅後不言有與無。云何有無所攝也。不同第三解者。若言佛果唯是真諦。無世諦者。即失機照之能也。問今時所明二諦攝法。盡不盡耶。解云。大乘經具有二文。此並是如來方便爲緣之說。有時爲緣說二諦攝法。盡有時爲緣說攝法不盡。具有盡不盡二種法門也。又欲令攝盡即盡。欲令攝不盡即不盡。無所妨礙。何者。一家有單複六種二諦。前後明三種二諦。有時有三諦。有諦無諦。非有非無。無中道第一義諦。有時攝三諦爲二諦。有無並世諦。非有非無爲第一義諦。乃至二不二爲世諦。非二非不二爲第一義諦。就此義得無有出二諦。問學佛二諦云。何得失。請爲陳之。答有十句。一者定性二諦爲失。因緣假名二諦爲得。問今只舉成論明三假義不墮失門。彼明三假爲世諦。三假空爲真諦。即三假而常四忘。即四忘而常三假。即三假而常四絕。故有不自有。即四絕而常三假。空不自空。故非性義。今問。三假爲世諦。四絕爲真諦者。世諦之有爲待真空。彼答云。世諦待真諦

者。即世諦爲能待。真諦爲所待。二諦便是相待假。何得云三假爲世諦。四絕爲真耶。若三假世諦之有。不待真空者。既不相待。便成自性。故不可答也。真諦之名。爲是世諦攝爲真諦攝。若是世諦攝者。即世諦還待世諦。長還待長。若真諦之名。爲真諦攝者。真諦無名。何得攝名。問相待假者。成實師云。成已而待。中假師云。待已而成。此云何答。不然。論文自破云。未成云何待。成已云何待。今義待時即是成。成時即是待。故無前後之失。二者有無門。山中與皇和上述攝嶺大明師言。二諦是教。又言。五眼不見理外衆生及一切法。此是二諦外。二諦不攝。理內二諦。宛然而有。不解大師意。執理內理外有異。三者有本無本。門明得失。他無本今義有本。不二正道。是有無之本。華嚴云。正法性遠離一切言語道。一切趣不趣。悉皆寂滅性。故非有非無。非亦有亦無。非非有非非無。故言遠離一切趣。問何故以二諦爲教門。答以有無爲教略有五義。一對理明二諦是教。以理無二故。非有非無。今說有說無。故有無爲教。二者望聖人體。有無未曾有無。今說有無。此爲教緣。故有無爲教。三者爲拔見。舊義執有無是理。由來既久。即二見根深難可傾拔。攝嶺大師對緣斥病。欲拔二見之根。令捨有無兩執。故說有無能通不二理。有無非是畢竟。不應住有無中。有無爲教。四者以有無是諸見根。一切經論盛呵二見。斥於有無。如凡夫著有二乘著無。又愛多者著有。見多者著無。又四見多者著有。邪見

多者執無。又佛法中，五百論師，執有開畢竟空。如刀傷心，方廣執無不信因果。又爲九十六種外道所執，不出有無。諸佛出世復云有無是二理者，便增諸見心。何由可拔。故今明有無是教門，能通不二之理，不應住有無中。以欲息諸見故。經論明有無是教門。五者稟教之徒，聞有無是教，能通正道，超凡成聖，故有無是教。問以何文證二諦是教。答文處甚多。舉一經一論。論云：佛依二諦說法，故二諦爲教。大品云：菩薩住二諦中，爲衆生說法，爲著者說空。爲著空者說有。經論佛菩薩皆明二諦是教。問若以五義二文證二諦爲教者，今亦以五難二文明二諦非教。一者若二諦是教者，佛說時即有，不說即應無二諦。若爾本以二諦生於二智，佛不說二即無二智。既無二諦，佛何所照有二智。二者若世諦是教，六度等行皆是世諦，佛不說世諦即無世諦，便無六度等行。若爾但有詮教法寶，便無涅槃法寶。三者二諦爲境發生二智，二諦名境界法寶。若二諦是教，但有詮教法寶，亦無境界法寶。若言教生智故轉名境界者，佛不說教即無教可轉，便無有境。四者若二諦是教，色等萬法皆是世諦，世諦既是教者，色等萬法亦應是教。若爾佛不說世諦，即無色等萬法。五者世諦是教者，世諦唯有教火應無實火用。若火唯是教，口中說火即應燒口。次二文證二諦非教。若言真諦是教者，經云有佛無佛性相常住。而教即有佛方有，無佛即無，何即得常住。經云十二因緣有佛無佛常自

有之。故知世諦非教。答諦有二種。一於諦二教諦。於諦者，色等未曾有無，而於凡是有名俗諦。約聖是空名真諦。於凡是有名俗諦故，萬法不失。於聖是空名真諦故，有佛無佛性相常住。教諦者，諸佛菩薩了色未曾有無，爲化衆生故說有無，爲二諦教。欲令因此有無悟不有無故。有無是教，而舊義明二諦是理者，此是於諦耳。於諦望教諦，非但失不二理，亦失能表之教。問於凡是有無失者，於聖是空亦是失不。答一往對凡夫明聖爲得，若望教諦皆是失也。以色未曾有無而作有無解，故爲失。問經云：一切世諦若於如來即是第一義諦，亦是失耶。答一往於諦非但不得表不二理，亦不得能表之教。但是謂情所見耳。若識兩種二諦，即五難自祛。問雖有此通，猶未可見今說色有無是教諦者，不說有無即無教諦。答以說爲教者，佛不說即無教諦也。問若爾者唯恒有二於諦耳，即無因緣有無。答一切法常是二於諦有無，亦恒是因緣有無。若於二緣即是二於諦有無，諸佛菩薩了此色即因緣有無，然於與教未曾二於二教。若因緣有無未曾有無，如此有無能不有不無，故名爲教。問他亦云因緣有無，與今何異。答今言因緣有無，此是方便說耳。聖爲教化衆生故，說是有無，叙此有無爲教也。他明道理既有有無，故今不同。但取此一意爲正答也。問有無望佛菩薩即是因緣有無，即是因緣境。云何言是教。答是因緣有無可兩望之，發智即境，能開不有不無不二即是教也。問

佛照有無有無名境。佛說有無有無是教門。他亦云：照有無有無是境，說有無有無亦是教。與今何異。答他但得二於定性有無，此有無不得開不有不無故不教也。又因緣有無是境耳，定性有無非境也。何者有不自有，由無故有，無不自無，由有故無。是有由無故有，有是無有，悟此因緣有無能生二慧，既是定性有無，即生斷常二見，故不得名境也。次說不說門明得失。他但明世諦說真諦不說，世諦是三假，假故可說真諦是四絕，絕不可說。衆師同此一解。今問：世諦唯可說真諦不可說，豈非定性耶也。答今義世諦雖可說，說即真不可說，真不可說即俗可說故，非是定性。問俗即真故不可說，此爲是俗不可說爲是真不可說，還是真不可說者。若爾即俗無不可說義，豈非定性耶。答今總觀經論，具有四句：二世諦說真不說，二真說世不說，三俱說，四俱不說。此四句有多門。今具叙之。一者世諦說生滅，真諦不說生滅。故云世諦說真諦不說也。二真諦說不生滅，俗不說不生滅。故真諦說世諦不說也。三世諦說生滅真諦說無生滅。故二諦俱說。四世諦不說無生滅真諦不說生滅。故二諦俱不說也。問此四句出何處。答釋論初卷云：人等世諦故有，第一義故無。如法性等，第一義故有，世諦故無。即是斯義。二者明生滅。此是世諦說，不生滅是世諦不說，不生不滅是真諦說，非不生非不滅是真諦不說。是即二諦俱說俱不說也。三者說生滅說不生滅，皆是世諦故說，真諦不說

生滅亦不說不生不滅故云。世諦說真諦不說也。四真諦說世諦不說者。世諦雖說生滅不生滅。實無所說。真諦雖無所說。而無所不說。問世諦雖說而無所說。無所說即入真諦。真諦無所說而無所不說。還是世諦。何處有世諦不說真諦說耶。答有所得定性義如此耳。世諦自是說。若無所說即屬真諦。真諦自無所說。若有說還屬世諦。如此真俗皆是障礙法門。今明諸佛菩薩無所得空有。因緣無礙故。空是有空。有是空有。空是有空。雖空而有。有是空有。雖有是空。說是不說說。不說是不說說。說是不說說故。雖說而不說。不說是不說說故。雖不說而常說。故得世諦不說而真說也。問中論云。俗諦有言說。第一義諦無言說。諸人言。真諦無名言。一切名言皆是世諦。若言教為真諦者。言教生滅故真諦應生滅。若真無生滅。汝今何以言真諦並是教耶。答不以言教為真諦。乃言。說真說俗故言真俗耳。四者顯不顯明得失。有所得有無。定住有無。不能顯道。無所得有無。方能顯道故言顯不顯門。五者理教得失。他但有理無教。今有理教。六者淺深門明得失。他但明空有為二諦故淺。今明四重二諦故言深。七者理內外門明得失。一理外義。二理內義。若心行理外故云理外。心行理內故云理內。八者無定性門明得失。如一色未曾自性。亦非是假。於性緣成性。於假緣成假。理內外得無得亦然。如一色未曾真俗。貪人見色為淨。不淨觀人。色為不淨也。九者約相待門明得失。問此

對治何人耶。答凡有三義。一為學攝論人不執三性存三無性理。三性者依他分別真實。分別性者。即是六塵為識。所分別故言分別性。依他性者。本識為種子所依故名依他。真實性者。二無我真如。三無性者。知塵無相故。言分別無相性。依他無生性者。知本識無生故言無生性。知無我理無性故言無生性。三論云。無性法亦無。他家不遺三無性。今論遺三無性故。言皆得相待也。十者浪得失門。若見上來諸義為失。以無內外浪性假為得。故皆為失。若能無得無失。不知何以日之。強稱為得。故以十門分別他今二義也。辨教第九。常途諸師。順漸無方三種判教。於漸教中有五時二諦。初四諸教時。事理二諦。般若教時。空有二諦。淨名經褒貶二諦。法華經三一二諦。涅槃教常無常二諦也。今義菩薩聲聞藏判於佛教。今明。小乘明事理二諦。一切大乘經。通明空有二諦。問若爾者涅槃經明。空者二十五有。不空者大涅槃。以空為世諦。以妙有不空為第一義諦耶。答此對三修比丘昔日灰身滅智為無餘涅槃。今日妙有不空。非是判於二諦。若汝所問。何故經云迦毘羅城空大涅槃亦空。亦空并空。豈非空為第一義有為世諦耶。問四重二諦有文證耶。答文證甚多。經云。或說世諦為第一義諦。或說第一義為世諦。或說空有為世諦。非有非無為第一義諦。問華嚴經為是釋迦所說耶。答釋迦有兩名。盧舍那釋迦。盧舍那名普遍淨。乃是功德之名。釋迦性名。又見者不同

有二佛。故舍那在淨土說法。釋迦在穢土說法。故約見者修者為報佛短者化佛。乃如此方釋迦為本。十方分身釋迦為迹。故言舍那為本釋迦是迹耳。明同異第十。有兩師。一者空假名。二者不空假名。不空假名者。但無性實有。假世諦不可全無。如鼠噬栗。第二空假名。謂此世諦舉體不可得。若作假有觀。舉體世諦。作無觀之舉體是真諦。如水中案爪手舉爪令體出。是世諦。手案爪令體沒是真諦。今明義。就此兩義為三階。一往俱非前二解。不同食栗者。假有法恒不空。假壁內空無性。豈非即有是空耶。所以亦不同第二解者。若沒舉體空。即無復世諦。若出時舉體俗有。無復真諦。亦不得並有時便空空時便有。第二階會時。亦並得會。雖復有而空。即空而有。但言空時。亦不失有言有時。亦不傷空。還同第一。不空世諦義。而未始有一有而不空。無有一空而不有。空時舉體空。有時一切有。亦得還同第一。空世諦義。第三階。一取一捨。碩乖食栗。取用案爪。從來二諦。不成案爪義。從來有二理各別。豈得稱為案爪二諦。今始得用此義。以唯是一爪本非出沒。譬如唯是一道非有非無。而爪用中有時而出。有時而沒。譬二諦用。或時說俗。或時說真。所以始是案爪義。此譬亦小分之說。爪沒時不出。出時不沒。今無有時不空。空時不有。此處不齊。不得舉出沒為譬。今出無別出。還是沒者出。沒無別沒。還是出者沒。故空無別空。說有者為空。有無別有。說空為



有故也。次周顯明三宗二諦。一不空假二空假三假空。空假者。開善等用。假空者。四重二諦中初重二諦。雖空而宛然。假。雖假而宛然。空。空有無礙。問若假空者。假生不生時。爲當不於實生不假生耶。答不。生有三種。若假生不生。此無性實生義。二者自有假生不生不於假生爲世諦中道。用真諦之假爲世諦中。三者明假生即不生。安不生置真諦。若不生不滅合論有三種不生不滅。一者不性生滅明於俗諦。二者不假生滅明真諦。三者俗諦爲有故明不生。真諦無故明不滅。二諦合論故言不生不滅。

大乘玄論卷第一終

## 大乘玄論卷第二

胡吉藏撰

八不義有六重

第一辨大意 第二明三種中道 第三論智慧中道 第四難問 第五論單複諸句 第六明不有有

第一辨大意者。八不者。蓋是諸佛之中心。衆聖之行處也。故華嚴經云。文殊法常爾。一切無畏人。一道出生死。更無異趣也。即是論初八不。故堅實衆經橫通諸論也。故經云。不一亦不二。不常亦不斷。不來亦不出。不生亦不滅也。又經中明百非。非與不及無。三名亦得通目一法。亦不無其異。不得一向一種。後別

明之。異者。如不有非有及與無有。不得不異義。如食無食。則未會有食。若言不食。則非是無食。故知有異也。雖異而爲洗諸法。即明三字不異。還是一意。以八不洗除盡淨諸法。故經中具有百非。即還是百不百無等。故多有所闡義。所以堅入群經之深奧。橫通諸論之廣大也。明經之深處。即是八不。不則不於一切法也。以不而明義。故知其深奧也。如成論等釋。雖言百非百不及與絕等。而有理存焉。謂得還成失。即是小乘觀行有所得。不離斷常心。非開經之深遠也。今明。以不而爲義。義即該廣也。言堅者。謂之縱。縱只是深。即經之深旨。如言非不無等。亦復不於無等。經之深處也。橫通諸論者。橫只是廣闊之稱。亦爲對治藥病。如有無相治等。悉是橫論。如言有即爲橫。不有爲堅。亦如絕爲橫。不絕爲堅。若不絕爲橫。則非絕非不絕爲堅。以不義據初。如是深不亦於不。何所而不不。如言爲橫。不爲堅。橫堅亦不定。隨而望之。若有無斷常相治爲橫。病息藥除故爲堅。故以隨處得論。而言八不堅入經深者。深義經也。橫通諸論者。辨論破病用。經未始無橫。如三修八倒斷常相破。論未始不明堅。如十二門論言。若使無有有。云何當有無。有無既已無。知有無者。豈豈非。還豈義。故經明深堅不義。不義不有有故。未始無橫。論辨而明藥病。藥病無而明不。未始無堅。不不一。以不明義。豈不窮深。深義亦不。即是菩薩觀行。若謂有此深遠。即是聲聞觀也。然不義。非止入經深。亦廣明

衆行。行波若之因。會涅槃之果。皆爲八所不。不此深勝法。以不而爲深義。深義亦不也。但釋八不名者。故如。不生者。諸論師言。此法不生。而不妨有種種釋生相也。今明。此不不於生。生本來不生。亘十方橫通三世。一切佛法皆同無非不生也。如成實論師云。真理名不生理境也。今大乘義。若有理如是生。無有一法是有而不生也。若言有理存焉。是不生者。亦應有存焉。非是有。如本有常住不生等。如是破求之。今明。諸法不生。不生故名無生。無生法忍。既爾。不生何得有滅之對生。生故方滅。既不生亦復不滅也。以有無三時等。檢求滅相不可得。如論破乳。不於乳時滅。亦不異時滅。具出彼論也。

第二明三種中道。成論師解八不同。一云八不並是真諦中道。亦是真諦也。二云不生不滅是中道。即是真諦不有不無中道。餘六不是俗諦中道也。今謂不然。彼不解大乘論意。小乘義意判如此耳。今云。八不具三種中道。即是二諦也。但成論師解三種中道。一。世諦中道。二。真諦中道。三。真俗合論中道也。世諦中道者。世諦不出三假故。依三假明中道。一因成假。二不異明中道也。何者。一柱攬四微爲一。是不一而一。四塵同成。一假。不異而假。殊殊故異。故不一一。故。不異異。不異。因成明中道也。二和合。不常不斷明中道。但相續假不同。一云補處明續假也。二云前玄與後一明續假。如誠心之終想心之初當中央爲假。三龍光傳開善云。明續假。後起



接前，前轉作後，即是生至共成假也。雖三師說不同，而相與續故不斷滅故不常。不斷非常明相續中道也。三相待假明中道，即是有開遮相待。如色心等法，名為通待，亦名定待也。如長短君臣父子等法，短不自短，形長故短，長不自長，形短故長。如此相待，乃至君臣父子等，名為別待，亦名不定待也。通別雖殊，悉是相待假明中道。假而非真，稱當於理，故非虛，非真非虛，通明世諦中道也。真諦中道，無名無相，密名相待，真待真無故，無表非無，亦復非有，非有非無，真諦中道也。真俗合中道者，如俗諦言有，有非實有，真諦名無，無非定無，非有非無，名為兩合中道也。梁武帝勅開善寺藏法師令作義疏，法師講務無闕，諸學士共議，出安城寺開公安樂寺遠子，令代法師作疏。此二人善能領語，精解外典，聽二遍成就十四卷，為一部上，簡法師。法師自手執疏讀一遍，印可言之，亦得去送之。此疏云：一諦中道，云何談物耶？以諸法起者，未契法性也。既未契故，有則此有是妄有，以其空故是俗也。虛體即無相，無相即真也。真諦非有非無而無也，以其非妄有故。俗雖非有非無而有，以其假有故也。與物舉體即真故，非有。舉體即俗故，非無。則非有非無，真俗一中道也。真諦無相故，非有非無。真諦中道也。俗諦是因假，即因非即果故，非有，非不作果故，非無。此非有非無俗諦中道也。龍光作三種中道，與開善作三種中道，言方少異。緯師有二體，藏師一體，而意趣是同，並是有所

得，終恐不離斷常，須一一破之也。先破俗諦中道。汝因成中道，假名不一，實法不異，且問：不異異為是二名，二法為一法。若謂汝四塵是異異目四塵，四塵其實有異，何得言不異異？不異之名，復可得安假上耶？汝言：假名不二，一名諸假不得目實，實名不一，只見兩名，二法。云何是中道？若二名二法而名為中道，總別二名二法亦應中道。色心二名二法亦應是中道。若言色心異故不辨中者，如三聚成假，寧得假實明中道耶？若言相成故名中道者，色心相因故亦得論中也。又汝言不一不異為中者，不一除四塵，不異除假名，除假除實，以何為中？兩除則無物，不可名大虛為中，故安中無所，故虛妄說也。破開善義，汝言有，即此有是妄有，既言妄有，箇妄有法，那得是中道？妄有則顛倒之別名，故非中道也。又言：即因非即果，故非有，非無作果故，非無。此非有非無俗諦中道者，此是何物中道？可非似小兒戲耶？觀百草之中，非關佛法之中，正是外道義也。百論云：迦毘羅弟子，誦佛經云：泥團非即瓶，故非有非不作瓶，故非無。非有無為中道。若爾豈非正是僧伽義耶？次破相續中道。續假雖有三說，人所盛用，後起接前義也。問：無常念念不住，豈得轉前作後，後起續前，前不滅義。彼答云：有為法有二義，一念念滅，不論續，二應滅而不滅，論相續假也。今謂不然，若言應滅而不滅者，亦應應有而不有，而諸法無非有新新生滅，如居士經云：即生即老即死，寧

有應滅而不滅，舉體遂不滅者，復誰滅耶？若舉體滅者，復誰在不滅耶？而滅者刹那念念恒滅，不會不滅，不滅者恒不滅，只見斷常兩片，何得中道？彼謂：一法有此滅不滅二義，故得明中道也。今謂不然，一法有滅有不滅義者，滅義邊無有一法不滅，舉體消亡，何處有不滅義？辨相續假耶？又汝為是一法為中，為是二名為中？若二名為中，二名諸何物？為目二法為目一法，若二名目二法，只見兩名兩法，何得是中耶？若二名諸一法，只見一法上有兩名，如童子上眼目二名，寧得是中道耶？汝言安何處一法有滅不滅義，安一法上。一法是何物？是心是虛空？是心者，心是事有故非中也。應滅不滅，兩義復相違，故非中也。若一名名中者，如色一名，名一色亦應是中道。如向無與向有二義上兩名目者，只見二名，二義不見中道。若兩除則無所，無所何為中也？次破相待假明中。彼云：因成假為體，相續為用，相待為法立名。若言假故不真不異，是虛稱當於理不虛者，此假虛是當理，當理故不虛，以何言耶？若言外道說為虛故不此虛者，他假不當稱理。汝假當理之假虛，不虛不真安何處耶？又若約長短明中者，亦不然，以五尺為短，一丈為長，長自在長不在於短，短自在短不在於長，只見長短兩片，中名出何處耶？若長自長，則不須短者，亦應只用長成於中。若不爾者，二物共為一長，二物共長，定是誰長耶？又言不短不長不彼此名，為中者，此則成兩除，則無所，無所何名為中。

如是應廣破。如論品品悉破相待。自現於文中。如燃可燃品中破也。次破真諦中道。彼云。真不生不滅無相無名。所以寄名名真。無而非無。有而非有。寄名名中道也。今云不然。若言真無名寄名名真爲中者。有能寄有所寄。以不。若有所寄即有所名物。若無所寄非能非所者。則無真理。則同邪見也。若言真是世諦假名寄名真諦者。世諦虛假。何者爲真。真名爲實。世諦浮虛。何得名實。又真諦絕名。何勞須寄名。名若可寄。則不應絕。絕則不須寄也。又行人尋真得真。得云何名中道。若寄名名真。所寄之理不可寄者。只不可寄是名。何謂是無名也。若寄名詔真。真理無名無相者。亦不應言智會真。真不被會故。亦無人會真。斷結若言實理可會者。亦應實理有名。若言世諦有中真理無中不中。此乃是世諦中道。真理無中。云何言真諦中道。開善義。本言虛體則無相無相是真諦者。虛是俗理。無相是真理。既有二理。即是一物。云何是中道也。又真理非有非無而無也。此而無之無。非無爲無。既言非無。那是無。若言對有之無。此無是偏無。故非中也。次破合二諦辨中道。彼言世諦言非無真諦言非有。非有非無合明中道也。今謂不然。既言兩捨。何名中道。又非無則是有世諦。非有只是真諦。無兩名兩處。兩名兩處不同。何得名中道耶。開善義。本云。舉體即真故非有。舉體即俗故非無。則非有非無真俗一中道也。今云不然。既言舉體即真。即是無相。無名。則失俗。復有何物而言相即非有

非無爲中道耶。故雖有三種中道。檢之無所無當。故但有語言。非佛法中道也。次破地論中道。彼云。阿梨耶識本來不生不滅。古今常定。非始非終。但遂真故起妄想。故彼云。六識熾惱。隨覆梨耶名爲如來藏。後修十地之解。分分斷除妄想。六識既盡。妄想之解亦除。顯真成用名爲法身。譬如風起雲除。風息皎日獨明。法身既顯。有諸應能。所以不生現生。不滅現滅。不因不果。因果等諸用非一。故經云。佛真法身猶如虛空。應物現形如水。中月也。今謂不然。法身本有。爲何因可得。若爲因得則非本有。無因則同外道義。若言本有。何以名中道耶。又本來有此四句。百非清淨法。自應遣顛倒。那急爲煩惱所覆。後修得十地之解。尙能遣煩惱。本來常定法身。不能遣之。翻成未之修解却惑。本即不能未亦不能也。今大乘無所得義。約八不明三種中道。言方新舊不同。而意無異趣也。山中師對寂正作之。語待不語不語待語。語不語並是相待假名。故假語不名語。假不語不名不語。不名不語不爲無。不名語不爲有。即是不有不無世諦中道。但相待假故。可有說生可無說滅。故以生滅合爲世諦也。真諦亦然。假不語不名不語。假非不語不名非不語。不名非不語。不爲非不無。不名不語。不爲非不有。則是非不有非不無真諦中道也。相待假故。可有說不滅。可無說不生。即是不生不滅故合爲真諦也。二諦合明中道者。假語不名語。假不語不名不語。非語非不語。即是非有非不有

非無非不無二諦合明中道也。生滅不生滅合明。類此可尋也。今明。必須對他故起。他有可有。則有生可生。有滅可滅。有生可生。生是定生。有滅可滅。滅是定滅。生是定生。生在滅外。滅是定滅。滅在生外。生在滅外。生不待滅。滅在生外。滅不待生。生不待滅。生則獨存。滅不待生。滅則孤立。如斯生滅。皆是自性。非因緣義宗也。今則不爾。無有可有。以空故有。無生可生。亦無滅可滅。但以世諦故。假名說生滅。假生生非定生。假滅滅非定滅。生非定生。滅外無生。滅非定滅。生外無滅。滅外無生。由滅故生。生外無滅。由生故滅。由滅故生。生不獨存。由生故滅。滅不孤立。此之生滅。皆是因緣假名。因緣生生而不起。所以不生。因緣滅滅而不失。所以不滅。故不生不滅名爲世諦中道也。餘句例之可尋。不復具出也。次明。對世諦有生滅故。名真諦不生不滅。所以空有爲世諦假生假滅。有空爲真諦假不生假不滅。此不生不滅。非自不生不滅。待世諦假生滅。明真諦假不生滅。世諦假生滅。既非生滅。真諦假不生滅。亦非不生滅。故非不生非不滅爲真諦中道也。餘句不例之可知也。次明二諦合中道者。有爲世諦有生有滅。空爲真諦不生不滅。此不生滅。即是生滅不生滅。此生滅。即是不生滅生滅。不生滅生滅。是則非生滅。生滅不生滅。是即非不生滅。故非生滅非不生滅。是二諦合明中道也。生滅既爾。餘句應例可解也。又論釋不常不斷。文言。有人不受不生不滅。而信不常不斷也。

成實師釋文云。以相續故常。念念生滅不自顯爲斷。以見斷常故。所以不信不常不斷。須廣破。如前說也。論言。有人不受不生不滅。而信不常不斷者。一云。不受不生不滅者。即是悟不生不滅。而於不常不斷等未悟故。言而信不常不斷。以見有斷常故也。二云。長安影法師云。非是不信不常不斷。但自有人得悟不同。解心未遍。雖知諸法不生不滅。而未悟不常不斷。如前說也。今謂諸法究竟不生理。自不滅。以不生故。何得有常。以無常故。何得有斷。若望論文後解爲勝。文言。雖聞不生不滅與不常不斷。猶謂四門成諸法故也。若例者。雖聞不生不滅。猶謂六門成諸法者。未悟也。故大品經相行品云。行亦不受不行亦不受。行亦不受。非行非不行亦不受。亦不受也。又似如成論賢聖品云。知不作者不信作等。是名上人。也不常不斷者。若以有爲有則常是實常。斷是實斷也。今以空故有。常不名常。斷不名斷。世諦假名說有常有斷。假常不可常。假斷不可斷。即是不斷不常世諦中道也。不一不異者。然不一或可對二乃至百千等。而言對不異者。異一之外二三等。悉是異。謂有一異也。但成論師明假實。有一異義。若以有故有。即是實一異。如前破也。亦如論說。若言有一。不應爲諸法成。以不一故。如手足等諸分成身。何得言異相。異相亦不可得。故論破云。若一者不應芽莖等別。若謂殺有可芽莖等別異者。等是異相。何不名樹等芽莖耶。故知不異。亦復不一故。諸法本來

不生。何得有一異。但一是不一。異是不異異。假一不可爲一。假異不可爲異。既無一無異。即是世諦中道也。不來不出者。既言不來。則應對不去。而言不出者。義有所兼。非止此八則應有無量。不來則應對有不去。不出應對有不入。是互舉耳。凡有二義。一者示有所兼。非止有八事。二者雖異而內有所兼者。既有不來則有不去。既有不出則有不入。不生不滅不有不無等。一切諸法相攝門也。如成論與外道師等所計。或言從冥初來。微塵世性等來。亦如初流水反去出離等。今大乘明義。由出故去。出即是去。由入故來。入即是來。若有來去說作來去者。即實來實去。今明以空來去故不名來去。以世諦假說來去。雖來不可來。雖去不可去。故來無所從。去無所至。故金剛波若經云。若言如來有來有去者。是人不解佛所說義。若言空故說來去。則來無所從。去無所至。故言如來也。有淨名經云。對文殊言。不來相而來。不見相而見。文殊答云。如居士言。來不更來。去不更去。若來有所從。則來已更來。若去有所至。則去已更去。故今來無所從。去無所至也。故論云。如蛇從穴出鳥來栖樹等。不見有如是等相。故知無有來出也。問八不中何故云。不來不出是攝法有所兼。而不生不滅等非耶。答。不生不滅等亦是攝法。如不生則攝一切有生等皆盡。不滅則收一切滅無等。此二自足收攝悉盡。但爲得悟者不同。雖聞不生不滅。而信不常不斷。故須說不常不斷。欲令觀行周普故。今不

來不出亦然。而言攝法者。爲不來應對不去。出即對入。來出既不對故。以來攝去。出攝入。生滅既對。對故不言攝。如不生外。如是不生。豈得不攝。須得此意釋之。可尋也。但明對有二義。一者對治。如不淨觀治貪欲慈悲治瞋恚等。皆是相對治明對義。二者相對名味敵對。如大經言。常樂觀察諸對治門。所謂苦樂乃至恒不恒。恒應對不暫不恒。而不無除切亦是攝法意也。苦樂對義則切。止明二法。異外如是不攝。若言苦不苦異苦外如是不苦。攝義則廣遠。如淨不淨。淨對穢等。一切例然。皆有除切意。可尋。不須復歷法辨也。作三種中道相多種勢。意終是同。但方言異耳。今二種方法作。如前所說也。問何故世諦假生假滅。真諦不生假不滅耶。答有二種勢。一者世諦破性明性空。即是假生假滅。真諦破假明因緣空故。即是假不生假不滅也。問世諦破性明性空。性空爲世諦中道。應用性有爲世諦。既以假有爲世諦。則用假空爲中道也。答。今明。無別有性空。只諍假爲性空。從功用作名。誰能空此性。假能空此性。名假作性空。性空邊故即是中道。假故即名世諦也。二者假生假滅。自是不生不滅中。假不生假不滅。自是非不生非不滅中。即是表義。但橫兩相望。自是因緣義。則造二執也。又攝嶺師云。假前明中是體中。假後明中是用中。中前明假是用假中。後明假是體假。故非有非無而有而無是體中。假有不名有。假無不名無。故非有非無是用中。非有非無而有而無

是體假。假有不名有假無不名無。是用假故用中假皆屬能表之教。無假無中乃是所表之理也。

第三明智慧中道。所言二智中道者。二智是方便慧及以實慧。亦具三中道也。實方便。豈可言方便。豈可言非方便。方便實。豈可言實。豈可言不實。則是二慧各明中道。實方便則非方便。方便實則非實。非實非方便名為二慧合明中道也。然非實非方便名為一正觀。非真非俗名為一正中。亦得是正境故。金光明經云。遊於無量甚深法性也。但是境智。是則非智。既是智境。是則非境。非智非境。眇然無際。前離開境智。竟無所開。今雖浪智境。未曾是合也。若能如此演說。即能滅諸戲論。故亦有能說是因緣。是故龍樹致敬也。問何故不例二諦三種中道。假方便智非方便智。假實智非實智。非方便非實明中道。假非方便非智非方便智。假非實智非不實智。非不方便非不實智。合明中道等耶。答亦得。但欲示多種勢耳。又明二智中道。然諸智非前後。亦非一時故。非諸非智。諸智因緣。假名不二而二。故如來內智明審密照。外彰口吐名諦也。然諸非二。亦復不一諦。此二緣故言二也。如二諦中說。而由智能諸所尋。此智何因而得。亦由悟諸故生。故諸能智所。能所因緣不一不二。乃至應波若此能所則通也。若佛自人。則佛智是能諦是所。若弟子望此者。佛諦能論主智所。然此能所復何定。智生於境託諸則境也。論主智能照。境是所照。但

此諦則是論主所也。佛非因非果。而諸如來為果。波若非因非果。而假名為因。故假名所設差別不同。或名生忍法忍順忍違忍無生忍等。十地亦名十忍。三十心亦名三十忍。即是一無量。無量一等也。然二諦明中道。諸智因緣不一不二。亦非前後。而為前緣開因緣前後方便之教。若無內智明審外照根緣。何能吐此諦。故智能諸所。但佛智不空。而已必由諸故。發諸能智所。是論主。只悟諸能為智所智所見諸能。能所不一不異。二諦既論中道。在智亦名中道。觸事悉得也。但波若非因非果。非佛非菩薩。故假名佛菩薩。佛菩薩所行名為因。名為波若。菩薩佛所行名為果。名為薩婆若。故無差別差別。說因為十地。始則歡喜。終乎法雲。五忍三十心非是堅論也。至論波若。非言可名。非能非所。第一義中行為無學所行。諸佛能行。行亦不受。不行亦不受。行不行亦不受。非行非不行亦不受。不受亦不受。能說是因緣。正明二智中道。能說是佛智。能說於因緣八不正教也。又言。是論主稟佛正經生智。智所諸能。論主得悟生智。智能論所。能造論申經故。佛與論主。師弟相成。其道無異。即是入如來室坐如來座也。論主歸敬。佛能說因緣正經。稟學得解。解由於佛。今申經造論。歸敬三寶。殊於外道。因緣之經。經常無所從出也。諸說中第一者。如來雖復種種說法及當合道。說小乘教未是了義之言。乃是大乘之由漸也。八不顯了究竟之說。故八不收束皆盡。諸佛同此一致故言第一。

又佛弟子說。仙人說。諸天說。變化人說。未是第一。今佛說因緣教故云第一也。二智中道。由諸故智。二諦中道。由智故諸。所以諸智智諸。非諸非智。假名中道。佛意權實是因緣。如前說。亦有人言。論主能說生下論。今亦不乖此言。但今謂教佛智明審密達根緣。能吐此二諦之八不正教。明諸法因緣一道清淨故。戲論門盡。故言為論其意可明。故顯佛圓智。能說諸之言故是智是諦。故龍樹學佛所為。智之未足故。沒其智諦之名也。若未應波若。以來應有所為莫非戲論。若解教體理。能滅於戲論。凡夫二乘心所行。無非戲論。理外行心。無非戲論。應須消滅損之。凡有三種相對。或時四種。一者善惡相對。惡是墮墜。乖理無出功放。十惡為戲論。善是清昇。扶理有出之義故。十善非戲論。成實論亦云。一等四執為戲論。又言。三性中善惡非戲論。無記是戲論。何者善惡二性有果可記。故非戲論。無記沉淡。無得果之功效。名為戲論也。今依華嚴經云。唯善非戲論。惡無記並是戲論。明惡亦得苦果。但非是趣向歸理得佛義故。名為戲論。唯善法能得佛果。故大經云。雖復疊華千斤。不如真金一兩也。二者有相無相相對明之。亦言有漏無漏相對也。有相是分別故為戲論。無相無分別故非戲論。有相善還屬戲論。故大品經云。相善不動不出不為乘也。故佛藏經云。為人說有相法。是眾生惡知識。為眾生說無相法。是眾生善知識。有相乖理。故經云。寧起五逆。一念不起有相心。經所以作

此語者。明相心傷理大故。所以重。實是兩罪盡重。而起五逆者。五逆何損惱身。而不妨心用。得近理義。有相心傷理故。無得近理義。故求相善。比丘則遠離於佛。所以相心現前。定無波若義也。五逆事雖起。而不妨用心見理義也。有漏即有相。無漏則是無相。有漏之善。唯得三有果報。未能出離生死。正是不動不出。故名戲論。無漏之法。破裂生死。故不名戲論也。又地攝成數等師。惡落求相善。比丘宗彼聞之驚怖。而聽大乘無所得宗。人見此意耳。彼師徒無有覺此意也。三者一異相對。雖言有相是戲論。無相非戲論。若是有相異無相。便是戲論。見相無相不異。乃名非戲論。乃至善惡生死涅槃解惑等。並類然。故大經云。明與無明。凡夫謂二。智者了達其性無二也。故大品經三慧品云。諸有二者名有所得。無有二者名無所得也。又大經云。有所得者。無道無果。無所得者。有道有果也。若以異為非。不二為是。此則不識不二。還成戲論。復須遣之。無一無二故。有時就四法辨行四句。是戲論不行四句。則非戲論也。故反折論云。若言諸法有。是增益謗。若言諸法無。損滅謗。若言諸法亦有亦無。是相違謗。若言諸法非有非無。是戲論謗。若言諸法非有非非無。是無慚愧謗也。故思益經云。一切法邪。一切法正也。又大品經云。菩薩無方便。行色無常苦等。並是戲論。故凡厥有所得行心。於波若紛然乖則戲論師也。故因緣門中一不可得。二亦不可得。亦一亦二非一非二非不一非不

二。皆不可得也。如五句三昧。不與二乘共廣大之用也。故四對此三。無出無離。何者諸有所得。別有住處論其出。今謂。本自不住。今亦無出無住。無出故非戲論。若言有戲論可滅。是無戲論。亦是戲論。亦是戲論故。今明。八不戲論。非止滅戲論。不戲論亦滅。滅者非是小乘斷德之滅。此是大乘摩訶衍淨悟。諸法本來不生。今亦不滅。畢竟淨名滅故。言善也。故戲論無戲論論。因緣具足。方便假名。不一不二一道平等。戲論之善。是善巧權行故名善。善者能也。問戲論不戲論等皆滅。即前來所明記無記乃至二不二善惡等。望道悉非者。戲論既非。不戲論亦是戲論也。答須識之。只八不不二善是非戲論。若是不二還成戲論。非謂不二不戲論。自非八不不者。則戲論不滅也。何異絕絕絕不絕。即無絕無不絕。豈可以言言絕不絕耶。

第四難問難問。八不明中假二諦。自心所作有出處耶。答有文有理。文則八不。處處經論散出。但菩薩瓔珞本業經下卷云。二諦義者。不一亦不二。不常亦不斷。不來亦不去。不生亦不滅也。又大經二十五師子吼品云。十二因緣不生不滅。不常亦不斷。不一不二。不來不去。非因非果。與中論次第小異。而意同也。理則二諦是教。故假生假滅等是世諦。假不生假不滅是真諦。故具明中假義也。問八不是不生不滅等。教不生不滅。為理不生不滅之不生不滅等耶。答具含兩不生不滅等。但理為正教則傍也。問何以知之。答彼經中烈八不竟云。而相即聖智無二。故是諸佛菩薩智母也。大經云。涅槃之體非有無。非亦有亦無也。大品經相行品。身子白佛。諸法實相云。何有。佛云。諸法無所有。如是有。如是有無所有。是事不知名為無明也。中論序大意云。聞不生不滅畢竟空便失二諦也。又四諦品云。諸法雖無生而有二諦也。故知具含中假。而中為正宗。二諦為傍。具如二諦中說也。問八不是佛說者。龍樹造中論時。即引經中八不安論初為非。答不可定判。或資伽引經中安處。或可。龍樹引經中八不序無畏論初。故注論者。安中論序意初也。而應非是釋論中八不。安處大論中。至難處即指中論。為正觀論。如正觀論中說。故知。釋論中論後造也。又亦可。青目於千年中出世注中論。或可。引釋論中八不。安處中論序意也。問釋論中指正觀論者。何必是中論耶。答中論觀法品云。正觀論之稱。故知。中論是正觀論也。故相傳云。中論是釋論之骨髓也。問八不八非八無是一是異。答亦可一亦可異。是一眼目異名也。異者八不中為正。故八不無對。非等有對故異也。問八不中不生不滅得云兩不為不得耶。答既云不生不滅。那非兩不也。問不生復不滅兩過謬所不。所以言兩不者。不生復不滅兩過謬不。故得論兩不。不滅不生故應是兩中也。答雙除生滅始是正中也。問若雙除生滅方是正中者。亦應生滅雙除唯是一不不。答不生復不滅。雙不於生滅。所以一中也。問若雙除故一正中者。亦應雙除二諦故一正

中則無三種中也。答實是一箇正中。爲除病故辨三種中亦除執故。兩不二中並得義也。問假生不生假滅不滅。不生不滅名爲世諦中。假不生非不生假不滅非不滅。非不生非不滅名爲真諦中道者。世諦不生不滅中。與真諦假不生假不滅。若爲異耶。答安假簡異中不生等故則殊也。問假不假異耶。答對假生假滅。明假不生假不滅。此假不生等。皆是不二中道之用。除假生假滅與假不生假不滅等。不生非不生不滅非不滅。方是正中也。故假不生假不滅。如假生假滅。悉是假。亦是用亦是未也。不生不滅中。如非不生非不滅中。皆是中。亦是體亦是本也。雖體用與中假等開。而無蹤跡。非體非用非中非假。強名體用中假等也。問中論四諦品云。因緣所生法我說即是無。亦是假名亦是中道。則是三義云何耶。答明此偈多種勢。今一種意釋之。此一偈有三句。即勝八不。八不正是一中道句。言因緣所生者。是因緣所生之生滅法。此所生之生滅。既從因緣而生。故無可爲生。無可爲滅。只是空生空滅。所生既空。能生此生滅之因緣亦空。能生所生既並無故。言我說即是無也。故中論觀法品云。生時空生滅時空滅也。涅槃論云。王宮生而不生。雙林滅而不滅也。亦是假名者。即是第三句。以假故有能生之因緣。以假故有所生之生滅。假生不生。假滅不名滅也。以假生滅不名生滅。故即是第三句不生不滅中道。故云亦是中道義也。大乘論明義有二種法門。一云義

次二謂根緣次也。義次者。必須前後相生始終次第也。根緣者有疾即除。有緣即說。不必須前後相生也。明因緣義則總。若說因緣者名爲佛法。不說因緣則非佛法。故中論四諦品云。若見因緣則見佛與法也。今破外因緣則總破衆病。申佛因緣則總申佛教也。故因緣在論初也。問二諦亦總收衆教。此中論既言二諦爲宗者。若學教之流正迷二諦。何不題破二諦品耶。答亦不得不得者。外人聞不生不滅畢竟空。便失二諦。欲申二諦故造論。又迷佛二諦故生評論。爲此造論。亦得二諦在論初也。不得者。二諦語局。因緣則通以二諦但是二非不二。但是教而非理。若是教之與理二與不二。並是因緣義則總也。問因緣既總。何故不以因緣爲宗。答二諦爲宗。豈離因緣。但諸佛說法常依二諦。今正與外人共評佛二諦。故以二諦爲宗也。又青目序品意云。因緣即是八不。八不即是因緣。八不既貫論初。因緣亦標論首也。問何以知八不即是因緣耶。答偈及長行並有文證。偈言能說是因緣即能說八不因緣。長行云說因緣相。所謂不生不滅等也。問八不是因緣。若破因緣即破八不。若申八不即應申因緣耶。答若體因緣即是八不。無假須破。但外人不知因緣即是八不。八不自是真諦。因緣自是世諦。彼解因緣僻故。所以破因緣品也。問龍樹爲稱佛教申爲不稱教申。若稱教申者。佛前說小後說大。今何故前明大後說小。若不稱教申即是顛倒也。答有四義。一龍樹稱佛本意申

佛教也。所以者何。諸佛出世爲一大事。因緣故。謂一乘道。但爲淺鈍之緣。曲爲小教。今申佛本意故。前申大也。二欲明中百兩端互相開避。百論前淺後深。中論前深後淺也。三佛自前說小後明大。中論自說大乘實不欲說小。但爲外人不堪學大乘觀行故。論主更爲說小乘也。四欲示小乘從大乘出。是故前大後小也。問因緣語通。故生與不生皆是因緣。八不但是不生。云何言因緣即是八不也。答八不生。此是因緣不生。故不生即得生也。故中論云。如經中說。若見因緣即名見法。見法即見佛也。若不見因緣。即不見法。不見法即不見佛也。此是借因緣破不因緣也。故大經云。是諸外道。無有一法不從因緣生。佛性不爾。不從因緣生。故是借不因緣破因緣也。問佛性既非因緣。是無因以不答亦得。故云涅槃無因而體是果。然佛性非因亦非果也。故中論具有二義。如破無因等外道計故。說十二因緣。此是借因破無因。又文中破四緣生。故是借非因緣破因緣。至論正法。未付是因緣及不因緣也。問能說是因緣善滅諸戲論與因緣所生法二處因緣。是因緣是同是異。答既云兩處。事得是同。復是假名因緣。那得異而意同也。今大乘明因緣義。因者如依因習因生因等。並是說緣爲因。若如四緣等。皆是說因爲緣。若緣緣於因。因即是緣。緣義爲因。若因因於緣。緣義亦因。故因緣義通。而言八不生不滅等爲因緣。但因緣義。無差別差別開爲三義。一者當體得因緣名。只八不是

因緣故何者因不生故不滅。不滅故不生則八不是因緣。只八不生等。是言說故無非因緣故。云當和是因緣。名八不為因緣。佛八不一切故也。二者八不是因緣。本故名因緣。則因緣空壞。因緣故。八不非因緣。既八不一切不生不滅等。亦不因緣與不因緣。豈得當體是因緣。是故因緣本也。三者破因緣已得名。如毘曇辨六因等明諸法等也。今明。八不一切。辨無因緣法。破外道因緣義。故名因緣。然備有此三義。遂得悟不同。抑沒不無淺深之異。而具有三義。名觀因緣品也。問能說因緣者。唯障邪說是戲論。邪觀亦是戲論。答有通有不通。何者二而不二通。不二而二別。問若通者邪觀亦是邪說。不答既未邪言云何是邪說。問若未邪言未是邪說者。亦未戲言未是戲論也。答戲論是借譬之名。故名邪觀。於道無所剋獲。如小兒戲論為耳。問未邪說已是戲論者。未正說已是正說。經也。答亦如前。無差別差別即不得。差別無差別亦有明之。故大經云。迦葉。佛時非無此經。但不說耳。問以不戲論止戲論。亦以戲論止戲論。不答亦通得也。問若以戲論止戲論。令不戲論。亦應以不戲論止不戲論。令成戲論。反決也。答兩途既皆言止故。相與令息。故戲論止戲論。尚令不戲論。豈況不戲論止不戲論。而令成戲論耶。問既以戲論止戲論。即以言止言。答得。自有以不聲遮聲。自有以聲遮聲也。問若以言止言。亦應攝出攝。以病治病。即應以長待長也。答相待論相成。就相顯發

為論止治。令有所去離故。此義即通。所以不例也。問上云。常無常等四句並戲論者。四句悉戲論不。答有所得四句並是戲論。無所得方便說四句。悉非戲論。亦是正說。問無所得四句非戲論者。亦應無所得顛倒非戲論也。答無所得假名說四句則便。假安顛倒則不便。何故爾。以衆生多顛倒。少不顛倒。故若任而論之。正善具成。戲。演說四顛倒。即倒也。問若有所得四句皆是戲論。無所得四句並非戲論耶。答一往相對論。常是戲論。無常非戲論。又無常是戲論。常非戲論。復常無常俱是戲論。非常非無常非戲論。總括始終明之。凡論相心四句。成有所得。並是戲論。就後方便。皆非戲論也。故反折論云。謗也。

第五辨單複中假義有三。第一明單義論單複。第二明複義論單複。第三辨二諦單複義。就初有兩。第一正明單複。第二論互得相入也。今先正論單複中假義。若偏說假有不說無。是單假也。偏說假無不說有。亦是單假。偏說一非有。是單中。偏說一非無。亦是單中。雙說假有假無。是復假。雙說非有非無。是復中也。問何意明單複中耶。答凡有二義。一往為利根人說單假。為鈍根人說複假。利根人者。聞一修行十。若聞說假有則悟解假無。乃至聞說非有則解非無。所以不勞具明有二義也。為鈍根人隨言得解。若不具說。不能懸悟故。所以雙明二義也。二者為鈍根人說單假。為利根人說複假。以鈍根人不堪圓教。所以說單義破其病執。若利根人堪聞圓旨。所以說複假義。便能領持也。次明互得相入出有八句。第一從單假入單中。或言假有不名有。從有入非有。無亦然也。第二明從單中出單假。或言非有假說有。非無假說無也。第三明從複假入複中。假有不名有。假無不名無。則是有無入非有非無。無亦然也。第四明從複中出複假。明非有非無說有無非無非有。說無有也。第五明從單假入複中。或言有入非有非無。無入非無非有也。第六明從複中出單假。或言非有非無假說有。非無非有假說無也。第七明從複假入單中。有無則非有。無有則非無也。第八明從單中出複假。非有假說有不有。非無假說無不無也。次釋所以然者有二義。一者破衆生執實之病。隨計遣所以遂成多句也。二者明大士觀行融通自在。無有滯礙。故地持云。從有無方便入非有非無也。華嚴經云。或東方入正受三昧等。不復具出。又大品經云。或散心中起入滅盡定。滅盡定起入散心中。則是迴轉總持出入無礙方便也。第二就複義論單複。複有二。初正明單複。後明出入義。初正明單複中假。假有是世諦。假無是真諦。此是單假。非有非無是中道也。此是單中。假有假無為二。是俗諦複假。非有非無不二。是俗諦。複中二不二。是真諦。是複假非二非不二。是中道。此是複中。正言非二非不二。盡有無非有非無。所以正中也。次明其所以有二義。一往為言。單中單假明義則淺。複中複假明義則深也。所以然者。單義之二諦。至複義時。還俗諦。單家之中



道至複義時，還成真諦。單家之中道，止有無，未能盡不二。複家之中道，盡二復盡不二也。二者單明義則勝。複明義則劣。所以然者，複假之有無，猶是單假之有義。複假之非有非無，猶是前單假之無義也。又複中之非二非不二，猶是前單中之非有非無義也。但前直言有，便攝得有無。止言無，便攝得非有非無。止言非有非無，便攝得非二非不二。言略意廣，所以爲勝。複家中假言廣意略，所以爲劣也。後明互得相出入有八句也。第一從單假入單中，假有不名有，假無不名無。入非有非無中道也。第二從單中出單假，非有假說有爲俗，非無假說無爲真也。第三從複假入複中，假一不名二，假不二不名不二。入非二非不二中道也。第四從複中出複假，非二假說二爲俗，非不二假說不二爲真也。第五從單假入複中，假有不名二，假無不名不二。從假有無入非二非不二中道也。第六從複中出單假，非二假說有爲俗，非不二假說無爲真也。第七從複假入單中，假一不名有，假不二不名無。從二不二入非有非無也。第八從單中出複假，非有假說二爲俗，非無假說不二爲真也。第三就二諦論單複，復有二：一正明單複義，二論出入義。正明復有兩：一者俗單複，二者真單複也。假有是俗單，假無是真單也。複假者，假有假不有是俗諦複，假無假不無是真諦複，非有爲中道，是俗諦單中，非無爲中道，是真諦單中，非有非不有是俗諦複中，非無非不無是真諦複中也。第二明互出入有三：一明俗二

明真三明交絡。先約世諦明有八句。第一從俗諦單假入俗諦單中，假有不名有，即從有入非有也。第二從俗諦單中出俗單假，假非有說爲有也。第三從俗諦假入俗諦複中，假有假不有，非有非不有也。第四從俗諦複中出俗諦複假，云非有非不有假說有非有也。第五從俗諦單假入複中，假有非有，假有非不有也。第六從俗諦複中出單假，非有非不有說爲一假有也。第七從俗諦複假入單中，假有不有入於非有也。第八從俗諦單中出複假，非有假說有不有也。第二就真諦辨亦有八句。第一從真諦單假入單中，假無不名無也。第二從真諦單中出單假，非無假說無也。第三從真諦複假入複中，云假無假不無，非無非不無也。第四從真諦複中出複假，云非無非不無，假說無不無也。第五從真諦單假入複中，假無非無，假無非不無也。第六從真諦複中出單假，云非無非不無假說爲無也。第七從真諦複假入單中，云假無假不無入一非無也。第八從真諦單中出複假，云非無假說無不無也。第三約二諦交絡，明出入有十二句。第一從俗諦單假入真諦單中，云假有不名無，壞有入非無也。第二從真諦單中出俗諦單假，云非無不乖有，非無假說有也。第三從真諦單假入俗諦單中，云假無不名有，壞無入非有也。第四從俗諦單中出真諦單假，云非有不乖無，非有假說無也。第五從俗諦複假入真諦複中，云假有不有入非無非不無也。第六從真諦複中出俗諦複假，云非無

非不無假說有不有也。第七從真諦複假入俗諦複中，云假無假不無，非有非不有也。第八從俗諦複中出真諦複假，云非有非不有假說無不無。第九從真諦單假入俗諦複中，云假無不名有，亦不名不有，即是非有非不有也。第十從俗諦複中出真諦單假，云非有非不有假說爲無也。第十一從俗諦單假入真諦複中，云假有不名無，亦不名不無，則是非無非不無也。第十二從真諦複中出俗諦單假，云非無非不無假說爲有也。第六料簡不有有也。若了單複諸句，則解不有有義，若不了單複，不有有亦難解。故須廣辨也。此意望兩大經宗明之。一經無所有爲宗。故經云：「正法寶城善有一經有所無爲宗。」故大品第三卷相行品云：「身子白佛云：諸法實相云何？」佛言：「諸法無所有，如是有如是無所有。是事不知名爲無明也。不有有若相對而解釋，有十六意也。第一不有有者，明其道非有非無，而結爲有故言不有有也。然只結正道爲有，不論其用。體無二相故。若結爲有，不得結爲無。結爲無不得結爲有，此是結獨義。只道非有復非無非是有而結爲有故言不有有也。約不無無類然也。第二不有有，就假上明之。三假有是不有有也。他假有是有故有。今假有是不有有也。第三不有有者，道非有非無，而側出一用故言不有有。然道非有非無，而起用應雙起。而但起一用故言側出也。不無無亦然也。第四不有有者，明用假有非是有，故言不有，結用歸體，體是有故。



今言不有有也。此異前約體上言不有有，亦異第三體不有是有而起一有用。此但以不特名用，用不是有而體是有故。言不有有也，不無無類之。第五不有有者，爲破有執故。執者謂有是有，不知不有爲有故。今破者，明有非有故有乃是。此是以有破有，但能破是不有有，所破是有有也。約不無無類也。第六不有有者，爲破無執法是無。今以不有有破之，若以有有破無，此乃是敵義。故執不去。今以不有有破無，無而得去。故言不有有也。不無無亦爾也。第七不有有者，破一切有。若有有若無有，皆以不特不之。故言不有。而起一切有用。若有有若無有爲有用故。合言不有有也。不無無亦類也。以不特不一切無故言不無。而起一切無爲有用故。合不無也。第八不有有者，重進明義。明不有則不一切無一切無。合空故言不有。而起一切有。一切無爲有用故。合言不有有。不無無亦爾也。不無以不於一切有無故言不無。而起一切有無故言不無無。然起一切有無用，此用應是有。何得言是無。然今望本爲言。此有無起不有無故此有無。故是無也。又從他所起皆無體故是無也。第九不有有者，橫門明義。不有自有。以無爲有故言不有有。然以無爲有故。是以不有爲有。故言不有有。不無無亦類也。以有爲無故言不無無也。第十不有有者，只以不特不此有有之故言不有有。異前合用不有有破有有。亦異前以不特一切有合無。以起一切有無故言不有有。今但單用一

不特。不此有有之執。令盡而不令起故言不有有也。不無無亦爾也。第十一不有有者，合明具八意。何者爲八意。一不有有屬非有。一不有有屬非無。一不有有屬非亦有亦無。一不有有屬非非有非非無。一不有有屬非一不有有屬非。一不有有屬非亦有亦無。一不有有屬非非有非非無。何者初言不有有。豈可是有。非是有故屬非有也。第二不有有不是無故屬非無。第三不有有既不是有無故。不屬亦有亦無。故言屬非亦有亦無。第四不有有不屬非有無。故言屬非非有非非無。然不有有適當屬有無二句。豈是非有無。故言非非有非非無也。第五不有有屬有者。以不有有爲有。豈不是有耶。第六不有有屬無者。只以不有爲有。此望本故是無也。第七不有有屬亦有亦無者。既雙明不有有。豈不是亦有亦無耶。第八不有有屬非有非無者。不有有不名有。不有有不名無。故名非有非無。故此一章門中合明八意。正爲八意相次第故。不煩離明。而前十章不可合說。故離辨也。不無無亦如是也。第十二明不有有兼用者。不有有故離斷過。何者。若不有不復有可是斷。而今不有有故離斷過。亦離常過者。若以有爲有可是常過。而今只不有有爲有。故離常過。如一異有無是非即離等過皆勉也。不無無亦爾也。第十三不有有若攝諸法者。不有有攝得因得果一切法等故。言不有有也。不無無亦然也。第十四不有有顯諸法者。不有有既具上十意八意及相益相攝等。不因因不果果。如

是不常常不生等。雖一法皆具上意。故可謂是一中解無量無量中解一。如是展轉生非實智者。即無所畏也。第十五不有有得失意者。如經試問。答言諸法不有有即爲得。即具五義。一得不二義。二得不自假名義。三得相待義。四得無所得空義。五得中道義也。若答者言諸法是有爲有者。即失五義故。不有有判道非道義也。不無無亦類也。第十六不有有離門明義者。向合言不有有。今有時復須單言不有。有時應須單言有也。今此中單言不有者。此爲欲明有義。何者。我以不不此有。不以不不此無故。不有得是有也。若以不不於無。可令是無。而今以不不有故。只不有是有。事如小乘明義。色即是好。不可此色非好也。故得不不是有義。得此義故。聞破不畏得詞不瞞等也。次得言有反成破有義。何者。我本破有故言有。如世人不耐惡而言惡。此惡之言。豈不令除此惡。今有亦然。我不耐此有故言有。豈不破此耶。又直言有。不說有因緣故。是破有義。單言無亦然。次單言有則是中道。不得言有非方是中道也。何者。直言有。此非是非有亦是。此有既非是有復非非有。豈非是中道乎。又有上自有是非。我直言有不言其是。復不言非。故此有即離是非。故是中道。若有雖離是非。而有此有故非中道者。汝中道雖離有無而有此中故得是中道者。何妨我有離是非故得是中道耶。且自我直言有亦不言有此有。知無此有故言是中道。單無亦然。次單明有具足一切諸法。何

者。此有是無所有故。若有所無即失一切法。今是無所有有名。故具足一切法也。單言無亦然。但是無所得故言無。此無豈不具足一切法耶。大釋性空意者。然有無所以得有諸法。意無礙者正由有性空故爾。今須釋性空。亦是多意。但辨八意也。一者明本性是空。但遇緣故有。有止還本性故言性空也。二者明本性是空。而末是假有。如是意故性空也。三者本性常空。無有不空時故言性空也。四者明只因緣諸法是空故。言性空也。五者破性有得此空故。言性空也。六者破無性法此法明止空有性故。言性空也。七者明無所有法。性是空故。言性空也。八者有所無法性空故。言性空也。今略明八意異相。而大意無異。但

是一性空。如是諸法性空隨義便用。用一即度之須得意。如空中織羅紋也。性空既爾。畢竟亦然。次明因性空辨得失待不待義也。失此性空故失。失不待得。得性空故得。得即待失。何者正為得失反故。失既失得。故失不待得。得者得於失。故得待失。此分際義也。第一須得意最急事也。如中道絕假故不待假。假不絕故假待中也。次辨歛開意。然得失由歛開故須釋也。但歛開自有橫豎。判自有二望取也。橫開為能。豎即歛。菩薩習行諸行。望道即是自行是歛。若望衆生。即是化他亦是能。但不化他時。是化他。只自行即是化他。如是不有有。有病藥相治去留成壞理內外有得無得反順等種種用。不可具列也。大意如此也。問既有不有有多種勢者。有不有亦

多種勢不。答亦得。假有還結有不有也。又假有不有表理結體也。餘例可尋也  
大乘玄論卷第二

### 大乘玄論卷第三

佛性義十門

胡吉藏撰

一大意門 二明異釋門 三尋經門 四簡正因門 五釋名門 六本有始有門 七內外有無門 八見性門 九會教門 十科簡門

甘藥停山由來已久。圓珠沈水實自積時。而隨其流處六味不同。競捉瓦石三乘成異。謬言羊角之刀。復據如繩之像。敢承佛意輕布弱言。庶得影現鏡中。面還得所。少失鄉土名為弱喪。不知反本稱曰無明。蕩識還原目為佛性

異釋第二。古來相傳釋佛性不同。大有諸師。今正出十一家。以為異解。就十一師皆有名字。今不復據列。直出其義耳。第一家云。以衆生為正因佛性。故經言正因者。謂諸衆生緣因者。謂六波羅蜜。既言正因者。謂諸衆生。故知。以衆生為正因佛性。又言一切衆生悉有佛性。故知。衆生是正因也。第二師以六法為正因佛性。故經云。不即六法不離六法。言六法者。即是五陰及假人也。故知。六法是正因佛性也。第三師以心為正因佛性。故經云。凡

有心者。必定當得無上菩提。以心識異乎木石無情之物。研習必得成佛。故知。心是正因佛性也。第四師以冥傳不朽為正因佛性。此釋異前以心為正因。何者。今直明神識有冥傳不朽之性。說此用為正因耳。第五師以避苦求樂為正因佛性。一切衆生。無不有避苦求樂之性。實有此避苦求樂之性。即以此用為正因。然此釋復異前以心為正因之說。今只以避苦求樂之用為正因耳。故經云。若無如來藏者。不得厭苦樂求涅槃。故知。避苦求樂之用為正因佛性也。第六師以真神為正因佛性。若無真神。那得成真佛。故知。真神為正因佛性也。第七師以阿梨耶識自性清淨心。為正因佛性也。第八師以當果為正因佛性。即是當果之理也。第九師以得佛之理為正因佛性也。第十師以真諦為正因佛性也。第十一師以第一義空為正因佛性。故經云。佛性者名第一義空。故知。第一義空為正因佛性也。但河西道朗法師與曇無讖法師。共翻涅槃經。親承三藏作涅槃義疏。釋佛性義正以中道為佛性。爾後諸師。皆依明法師義疏。得講涅槃乃至釋佛性義。師心自作各執異解。悉皆以涅槃所破之義以為正解。豈非是經中所喻解象之殊哉。雖不離象。無有一人得象者也。是故應須破洗。今一一問義若得立。可得以為正因。義若不成。豈不取邪因為正因耶。大略言有十一家。其間細論更有諸釋。今時無有用者故。不復出之。然十一家。大明不出三意。何者。第一家以衆生為正因。

第二以六法爲正因，此之兩釋，不出假實二義。明衆生即是假人，六法即是五陰及假人也。次以心爲正因，及其傳不朽避苦求樂及以真神阿梨耶識，此之五解，雖復體用真偽不同，並以心識爲正因也。次有當果與得佛理及以真諦第一義空，此四之家，並以理爲正因也。今次第須破之。第一師以衆生爲正因者，今只問，何者是衆生，而言以此爲正因耶。經云，若菩薩有我相人相衆生相則非菩薩。又言，如來說衆生即非衆生，正因本爲菩薩。經既說言有衆生相則非菩薩，事得以衆生爲正因耶。故知，有衆生者皆是妄想，何以妄想顛倒得爲正因耶。又若以衆生爲正因者，只問，昔日初教已明有衆生不，若初教已明有衆生者，便應初教已明正因佛性，彼釋言，初教已明衆生，但未說爲正因耳。若爾後教說衆生爲正因者，還指初教衆生以爲正因不。若爾初教衆生理中已是正因，若理中已是正因者，則理中已明佛性也。若不可言初教已辨佛性者，云何以衆生爲正因耶。又汝引經言一切衆生悉有佛性，故知衆生是正因佛性者不然。既言衆生有佛性，那得言衆生是佛性耶。若言衆生是佛性者，可得言一切衆生悉有衆生，一切佛性悉有佛性不。若不得者，故知衆生與佛性有異，不得言衆生是佛性也。又難第二家，經云，佛性者不即六法不離六法者，言此是何語而橫引之此文乃明佛性，非是即六法，復非是離六法。何時明六法是佛性耶。若言不離六法故

六法是佛性者，復言不即六法故六法非是佛性，此語若爲得通，明知以不解讀經故，所以致謬耳。次問中有五家，雖復五解言異或體或用，而皆是心家體用前第三家，以心爲正因佛性者不然。經云，有心必得菩提者，此明有心之者必得菩提，何時言心是正因佛性耶。于時長有如此謬故，即下經云，心是無常佛性常，故心非佛性也。經既分明，言心非佛性而強言是者，豈非與佛共謬耶。心既不成，心家諸用冥傳不朽避苦求樂等，悉皆同壞也。大涅槃經處處皆明佛性，是故時人解佛性者，盡引涅槃爲證。何處文辨冥傳不朽避苦求樂爲正因佛性耶。勝鬘經云，若無如來藏者，不得厭苦樂求涅槃者，此正明由如來藏佛性力故，所以衆生得厭苦求樂，何時明厭苦求樂是正因佛性耶。彼師云，指當果爲如來藏，以有當果如來藏故，所以衆生得厭苦求樂者不然。性品云，我者即是如來藏。如來藏者即是佛性，明佛性本來有之如貪女寶藏，何勞指當果爲如來藏，且當果體猶尚未有而能令衆生厭苦求樂，豈非是謬語者哉。若據人證者，舊來誰作如此釋。此是光澤法師，一時推畫作如此解，經無證句，非師所傳故不可用也。乃至第八阿梨耶識，亦非佛性故，攝大乘論云，是無明母生死根本，故知六識七識乃至八九，設使百千無量諸識皆非佛性，何以故皆是有所得五眼所不見，故次有第三四家，並以理爲正因佛性，而不無小異，前之兩家，以當果與得佛之理爲正因佛

性者，彼言，是世諦之理，大有兩家，以真諦與第一義空爲正因佛性者，此是真諦之理也。以第一義空爲正因佛性者，此是北地摩訶衍師所用。今問若依涅槃文，以第一義空爲佛性者，下文即言空者，不見空與不空名爲佛性，故知以中道爲佛性，不以空爲佛性也。真諦爲佛性者，此是和法師小亮法師所用，問真諦爲佛性，何經所出，承習是誰，無有師資亦無證句，故不可用也。當果爲正因佛性，此是古舊諸師多用此義，此是始有義，若是始有，即是作法，作法無常，非佛性也得佛理爲佛性者，此是零根僧正所用，此義最長，然闕無師資相傳，學問之體，要須依師承習，今問以得佛理爲正因佛性者，何經所明，承習是誰，其師既以心爲正因佛性，而弟子以得佛理爲正因佛性者，豈非背師自作推畫耶。故不可用也。通論十一家，皆計得佛之理，今總破得佛之理，義通十一家，事既廣宜作三重破之。第一作有無破，只問，得佛之理，爲當有此理爲當是無，若言是有，有已成事，非謂爲理，若言是無，無即無理，即墮二邊不得言理也。第二作三時破，只問，得佛之理，爲是已理爲是未理爲是理時有理，若言已理，則理已不用，無復有理，若言未理，未理故未有，若言理時有理者，若法已成則是已，若法未有則墮未，故無別第三法稱爲理也。第三即離破，只問，得佛之理，爲當即空爲當離空，若言即空者，則早已是空，無復有理，若言離空有此理者，空不可離，豈得離空而言有

理。又離空而有理者。則成二見。經云。諸有二  
者。無道無果。豈可以二見顯倒為正因耶。作  
此三條推求不可得。非唯四家義壞。通十一  
計皆碎也。問破他可爾。今時何者為正因耶。  
答一往對他則須併反。彼悉言有。今則皆無。  
彼以衆生為正因。今以非衆生為正因。彼以  
六法為正因。今以非六法為正因。乃至以真  
諦為正因。今以非真諦為正因。若以俗諦為  
正因。今以非俗諦為正因。故云非真非俗中  
道為正因佛性也。以藥治病則須此說。對他  
雖爾。又須橫堅論之。故此非衆生義有淺有  
深。橫論為藥。則如向辨。堅則望道。只非衆生  
等即是正因。若言是是非是。亦何者非衆生  
而說衆生乎。但非衆生而說衆生。此之衆生  
豈可言其是有。豈可言其是無。豈可言其是  
亦有亦無非有非無耶。若識此衆生者。何為  
問非正因。乃至六法真諦義亦如此。若徹了  
深悟。此則正因佛性義已具足。前是橫論  
一重。此復是堅論一重。便成兩重論正因義  
也。

尋經第三。既識佛性。應須遍讀衆經。由來舊  
辨阿含經中亦明佛性。但有小妨耳。故云。一  
切衆生悉有聲聞性。悉有辟支佛性。悉有佛  
性。阿含既爾。其餘諸經亦有說佛性語。但不  
甚分明。如是衆經明佛性。亦復何嫌。故新金  
光明經云。若了義說是身。即是大乘。即如來  
藏。即如來性也。華嚴經云。菩薩隨喜心不斷  
如來性。又言。欲不斷佛種性者。當發菩提心。  
又華嚴性起品。即是明佛性義。從寶王如來

性而起離世間因。得入法界果。結前因果。生  
後因果。故華嚴明佛性有因有果。而未作正  
因緣因之名。亦未作果與果之稱。至如具  
足明佛性義。即如涅槃中所辨。故具明有因  
有因。因有果。果有果。今時一師每以涅槃經為  
證。然此一教處處皆明佛性。故哀歎品中瑠璃  
珠喻。亦是具足明佛性義。如是如來性品皆  
明佛性義。乃至師子吼迦葉廣明佛性事。義  
乃顯然。故一師所引文句。以師子吼文為正  
也。故師子吼菩薩問言。云何為佛性。以何義  
故名為佛性。如是凡有五問佛性。如來次第  
答。答第一問言。善男子。汝問云何為佛性者。  
善男子。佛性者。名第一義空。第一義空名為智  
慧。斯則一往第一義空以為佛性。又言第一  
義空名為智慧。豈不異由來義耶。今只說境  
為智。說智為境。復云。所言空者。不見空與不  
空。對此為言。亦應云。所言智者。不見智與不  
智。即不見空除空。不見不空除不空。除智又  
除不智。遠離二邊名聖中道。又言。如是二見  
不名中道。無常無斷乃名中道。此豈非以中  
道為佛性耶。是以除不空則離常邊。又除於  
空即離斷邊。不見智與不智義亦如是。故以  
中道為佛性。是以文云佛性者。即是三菩提  
中道種子也。是故今明。第一義空名為佛性。  
不見空與不空。不見智與不智。無常無斷名  
為中道。只以此為中道佛性也。若以此足前  
十一師。則成第十二解。然若識正道知。道無  
有一。豈復有二釋於其間哉。而言第一義空  
為佛性者。非是由來所辨第一義空。彼明第一

義空但境而非智。斯是偏道。今言智慧。亦非  
由來所明之智慧。彼明智慧但智而非境。斯  
亦是偏道義。非謂中道也。但中道義難識。具  
如二諦中辨。非中非邊不住中邊。中邊平等  
假名為中。若了如是中道。則識佛性。若了今  
之佛性。亦識彼之中道。若了中道。即了第一  
義空。若了第一義空。即了智慧。了智慧即了  
金光明諸佛行處。若了金光明諸佛行處。則  
了此經云光明者名為智慧。若了智慧即了  
佛性。若了佛性即了涅槃也。

簡正因第四。但正因難識。今作兩種檢之。一  
作車輪明義。無始終檢。二作三世明義。有始  
終檢也。無始終義。即如涅槃云。十二因緣不  
生不滅。不一不二。不常不斷。不來不去。不因  
不果。又言。佛性者。有因有因。有果有果。  
也。是以無始終義。作四句明之。所言因者。  
即是境界因。謂十二因緣也。所言因因者。即  
是緣因。謂十二因緣所生觀智也。境界已是  
因。此之觀智。因因而有故名因因。好體十二  
因緣。應是因因而有故名因因。彼向望前。此  
即望後。皆是因因也。所言果者。即三菩提。由  
因而得名為果。所言果果者。即是大般涅槃。  
由菩提故。得說涅槃以為果果。菩提即是  
智。涅槃即是斷。由智故說斷也。此是無始終  
義。何者。如所生觀智。因因而有故名因因。十  
二因緣。亦因因而有。又是因因。既互為因與  
因。因故。是無始終也。第二作三世有始終檢  
者。凡有三句。一者是因非果。即是境界因。故  
經言。是因非果如佛性。二者是果非因。即是

果果性。故經言。是果非因名大涅槃。三者是  
因是果。即如了因及三菩提斯即亦因亦果。  
望後爲因。望前爲果。既言境界是因非果涅槃  
是果非因。所以名爲有始終義。問光明四  
句後說三句。有正因不。答未有正因。問若前  
明四句後說三句。既並非正因者未知何者  
爲正因耶。答前四句所明因果。因是傍因果  
是傍果義。所以然者。因則異果。果則異因。豈  
非是傍義。故先言有因有果有果有果果。  
皆未是正。因若言非因非果。乃是正。因耳後  
說三句。是因非果。是果非因。是果。皆未  
名正。若言非因非果。此乃是正。故經云。非因  
非果名爲佛性也。故於四句中。更足第五句。  
方是正。因於三句中。更足第四句。方是正。因。  
所以佛性非因非果。而說因說果。不因而因。  
開境智故有二。因。謂因與因因也。不果而果。  
開智斷故有二。果。謂果與果果。至論正。因。豈  
是因果。故非因非果。即是中道名爲正。因。故  
以中道爲正。因佛性。故經云。佛性是三菩提  
中道種子也。所以佛性即是中道種子。亦可。  
得以中道因爲正。種子也。若單道義者。此中  
應須眼見師子吼文也。然先言正。因佛性。非  
因而因故有二。因。謂境了二。因。非果而果故  
有二。果。謂菩提與涅槃。今此二。因二。果。並非  
正。因。由非因非果正。因故。有此因果。所以此  
二。因二。果。並皆是傍。若非因非果乃是正。因。  
故若緣了並非正。因。非緣了乃是正。因。  
若菩提涅槃並非正。果。非菩提非涅槃乃是  
正。果也。問若爾則成六種佛性。何者因中有

緣了因。復有正。因。豈非三。因。果有菩提涅槃  
則成二。果。復有非菩提非涅槃名爲正。果。  
豈非六種佛性耶。答亦得六種佛性。今則不  
爾。所以然者。但因中名爲佛性。至果便成性  
佛。故在因但名爲非因。在果則名爲非果。只  
是一箇非因非果。而今爲辨佛性。故經爲正  
因。所以但有五性不爲六性也。

釋名第五。釋名有二種。先釋通名。次釋別名。  
通名不同有三家。第一解云。佛性兩字皆是  
果名。佛名覺者。此故宜非因。性以不改爲義。  
果體既常。所以不改也。因中暗識故非覺者。  
既其遷改不得名性。但衆生必有當得此佛性  
之理。故言悉有佛性也。第二師釋。佛性者此  
是因中。難第一家云。經既言一切衆生悉有  
佛性。云何言因中無有此名。因中衆生。有覺  
義故是佛。有必當之理不改名性也。第三家  
分字解釋。佛是果名。性是因名。還舉第一家  
爲難。衆生愚暗癡惑耳。然未有智慧。若有覺  
法。可許佛覺。而即衆生都無有覺。云何言衆  
生是佛。乃研生死小智。終成果地大覺。其果  
始名爲佛。故佛是果名。但衆生必當得。此之  
理不改故名爲性。性只是理。所以性是因中  
也。然此三說。今並不用。皆須洗之。還以三家  
義自相難破也。問今義云何。爲當在因爲當  
在果爲當在因果耶。答今時明義。無在無不  
在。故云無在無不在。佛所說也。只以如此義  
故名爲佛性。雖無在無不在。而說在說不在  
者。佛性在因性佛在果。故果因名佛性。因果  
名性佛。此是不二二義。不二二故二則非二。

故云不二。二是體不二。二是用。以體爲用。以  
用爲體。體用平等不二中道。方是佛性。一切  
諸師。釋佛性義。或言佛性是因非果。或言是  
果非因。此是因果二義非佛性也。故經云。凡  
有二者皆是邪見。故知一切諸師。不知佛性。  
各執一邊。是非謬論。失佛性也。若知因果平  
等不二。方乃得稱名爲佛性。故經云。非因非  
果名爲佛性也。佛性既爾。涅槃亦然。若知生  
死涅槃平等不二。此乃得稱名爲涅槃。故經  
云。佛知一切衆生畢竟寂滅。是涅槃相。不復  
更滅也。次釋別名。先言正。因佛性非因非果。  
非因而因故有二。因。謂境界因與了因。非果  
而果故有二。果。謂菩提與涅槃也。言境界因  
者。即是十二。因緣能生觀智。以是觀智境界  
故名境界因。以能生觀智之前緣故。亦名緣  
因。言了因者。觀智能了出佛果故名了因。既  
了出佛果之緣因故。有時呼了因以爲緣因  
也。菩提者此言正遍知道。是從智爲名涅槃  
者。此言寂滅。是則從斷爲目也。前四句有因  
者。謂十二。因緣。正言十二。因緣。非菩提之正  
因。而言因者。以其能生觀智。與因作因。故名  
爲因。若例此者。大涅槃亦非是正觀之正果。  
以菩提果爲果。故亦應單名爲果。若言涅槃  
與果爲果故宜名果果者。十二。因緣亦爾。與  
因作因故應名因因。而經云。因因者。謂十二  
因緣所生觀智。此因因而有故名因因。若爾  
十二。因緣。亦因因而有。何故不名因因。然雖  
復例通有如此義。但十二。因緣作因。因始故  
單名爲因。所以經云是因非果也。觀智從十

二因緣而生。因因而有故名因也。所以有果則是三菩提。從觀智因而有故名爲果。若言三菩提是觀智之正果故單名果者。觀智亦是三菩提之正因。亦應單名有因。若言觀智從因而有故宜名因因者。三菩提亦從果而有故亦應名果果。而不爾正言三菩提。兩因之始故直名爲果。涅槃從三菩提果而有故名果果也。然此四種兩因兩果。並皆是傍不得名正。非因非果乃名正。不因故有二因。不果故有二果。所以此因是不因。此果是不果。故非因非果乃名爲正。然非因非果自可名正。但其在因故名正。其果則呼爲正。果然此正義終不復可定言。故或時呼爲道。或時呼爲中。或時呼爲正。若齊言而取。終亦不得。何者言其正也。果自不正。因亦非正。亦非是非因非果。亦不非是非因非果也。問若爾是何。答此中無是故。當有以超然悟言解之旨。點此悟心以爲正。付此觀心非言可述。故迦葉每歎不可思議也。

本有始有第六。問佛性爲是本有爲是始有。答經有兩文。一云。衆生佛性。譬如暗室瓶盆力士。類珠寶女寶藏雪山甜藥。本自有之。非適今也。所以如來藏經。明有九種法身義。二云。佛果從妙因生。寶藏馬直不賣。駒直也。明當服蘇今已著矣。食中已有不淨。麻中已有油。則是因中言有之過。故知佛性是始有。經既有兩文。人釋亦成兩種。一師云。衆生佛性本來自有。理性真神阿梨耶識故。涅槃亦有二種。性淨涅槃本來清淨。方便淨涅槃從修

始成也。第二解云。經既說佛果從妙因而生。何容食中已有不淨。故知佛性始有。復有人言。本有於當故名本有。問若爾便是本有耶。答復有始有義。又問。若始有應是無常。答我復有本有義。此何異二人作劫張王互答耶。彼若如本有。應如如來藏經諸喻。若言始有。應是無常。而言本有於當。此是何語。定本定當耶。無量世界無邊佛智。應不圓耶。若言如無邊而照可自破之。何勞更難。照若窮盡。即是有邊。照若不盡。智則不圓。此難那得去。本有始有義亦如是。一切有所得義。無不自死。而人不覺耳。故一切諸人莫不網羅於其中矣。若執本有則非始有。若執始有則非本有。各執一文不得會通經意。是非誣說。作滅佛法輪。不可具陳。但地論師云。佛性有二種。一是理性。二是行性。理非物造故言本有。行藉修成故言始有。若有所得心。望之一往消文。似如得旨。然尋推經意。未必如此。何者。但大聖善巧方便。逐物所宜破病說法。何曾說言理性本有行性始有耶。例如說如來藏義。楞伽經說無我爲如來藏。涅槃說我爲如來藏。此兩文復若爲配當耶。本有始有其義亦爾。若言理性本有非始行性始有非本者。更執成病。聖教非藥。而世間淺識之人。但見其語定以爲是。以成迷執也。今一家相傳明佛性義。非有非無非本非始亦非當現。故經云。但以世俗文字數故說有三世。非謂菩提有去來今。以非本非始故。有因緣故。亦可得說故。如涅槃性品明。佛性本有。如貧女寶藏。而諸衆

生執教成病。故下文即明始有。故知。佛性非本非始。但爲衆生說言本始也。問若言佛性非本始者。以何義故說本始。答至論佛性理實非本始。但如來方便。爲破衆生無常病故。說言一切衆生佛性本來自有。以是因緣得成佛道。但衆生無方便故。執言佛性性現相常樂。是故如來爲破衆生現相病故。隱本明始。至論佛性。不但非是本始。亦非是非本非始。爲破本始故。假言非本非始。若能得悟本始非本始。是非平等始可得名正。因佛性。衆生因是深保成佛道。若不如是非佛性也。若廣論本有始有義。例如新故。何者第一念是新。第二念是故。譬如新米初出者是新。次者非復是新。亦得第一念爲故。第二念爲新。先者名故。後始起者是新。是則先後皆得名新。故言新新生滅亦可。初後皆得名故。故言初故後亦故。新故既通初後。本有始有義亦復然。新故義通初後。但說初故名新。久新名故。定知。何者爲新。何者爲故。故知。都無新無故。故釋十號文云。上者名新。土者名故。體大涅槃無新無故。既言體大涅槃無新無故。亦得言體大涅槃無本無始。此一往明無本無始義。然無本無始義。此是清淨體。亦何失寄言本始義耶。今約事論之。如無明初念始起爲新。佛果後起爲故。何異先兩念相望初念爲新。後念爲故耶。亦得佛果始起此則名新。無明住地已久此則名爲故。何異兩念相望初念名故。後念名新。然本始只是新故。本只是故。始只是新。無明初念與佛果相望。既皆

得是新。皆得是故。亦皆得是始。皆得是本。無明與佛果既得如此。生死涅槃亦爾。皆得是始。皆得是本。是故生死為始。涅槃為本。涅槃為始。生死為本。生死始有。涅槃本有。何異第一念為新。第二念為故。生死本有。涅槃始有。何異第一念為故。第二念為新。故生死涅槃。不是本有。不是始有。而終是無本無始。而今假名說故。更互為本始無異。經言本有。今無本。今有。本若是有。今則是無。本若是無。今則是有。故今之與本。皆得名有。皆得名無。此文意終為明無本無今義。故下文即結言三世有法。無有是處。故知三世皆不得言有。但今假名說故。本有。今無。本無。今有。通生死涅槃。皆是無有。若悟假名。論有論無。至竟終是無有無無。故言三世有法。無有是處。何異說新故本。始至竟終是無有新故本始義耶。當知說新故本。來指新為故。指故為新。本始亦爾。指本為始。指始為本。故。此本是始。本指本為始。故。此始是本。本始非始。始本非本。故云至竟終是無本無始義也。

辨內外有無第七。今辨佛性內外有無義。此重最難解。或可。理外有佛性。理內無佛性。或可。理內有佛性。理外無佛性。今先辨理內外。次說有無。然由來亦言有理內外。凡夫及內道外道。故信等五根未立者。理外行心名外。凡夫五根立者。理內行心名內。凡夫。故言理內行心。理外行心。既有此語。亦即是理內外義。但舊師等不甚分明。作此名教耳。經言。復次道有二種。一外二內。外道者。無常無樂。

內道者。有常有樂。菩提解脫亦復如是。聲聞菩提。無常無樂。諸佛菩薩所有菩提。常樂我淨。解脫亦然也。問。菩提只是道。何故兩出耶。解云。菩提者是所行之道。先明道者是能行之道。能所為異也。又若言一切諸法有生滅者。皆是理外。悉屬外道。若一切諸法無生滅者。皆是理內。則屬內道。故今明發心悟不生不滅。如般若中所辨。名為內道也。分理內外。竟。今次明佛性之有無。問。為理外衆生有佛性。為理內衆生有佛性耶。答曰。問理外衆生有佛性不。此不成問。何者。理外本自無有衆生。那得問言理外衆生有佛性不。故如問炎中之水。本自不曾有。何得更問炎中之水從何處來。是故理外既無衆生。亦無佛性。五眼之所不見。故經云。若菩薩有我相人相衆生相。即非菩薩。是故我與人乃至今人無有佛性。不但凡夫無佛性。乃至阿羅漢亦無佛性。以是義故。不但草木無佛性。衆生亦無佛性。也。若欲明有佛性者。不但衆生有佛性。草木亦有佛性。此是對理外無佛性。以辨理內有佛性也。問。衆生無佛性。草木有佛性。昔來未曾聞。為有經文為當自作。若衆生無佛性。衆生不成佛。若草木有佛性。草木乃成佛。此是大事。不可輕言令人驚怪也。答。少聞多怪。昔來有事。是故經言有諸比丘。聞說大乘。皆悉驚怪。從坐起去。是其事也。今更略舉愚見。以請來問。大涅槃哀歎品中。有失珠得珠喻。以喻衆生。迷故失無佛性。悟故得有佛性。故云。一聞提無佛性。殺亦無罪也。又呵二乘人。

如燼種。永絕其根。如根敗之士。豈非是明凡聖無佛性耶。衆生尚無佛性。何況草木。以此證知。不但草木無佛性。衆生亦無佛性也。又華嚴明。善財童子。見彌勒樓觀。即得無量法門。豈非是觀物見性。即得無量三昧。又大集經云。諸佛菩薩。觀一切諸法。無非是菩提。此明迷佛性。故為生死。萬法悟即是菩提。故摩訶師云。道遠乎哉。即物而真。聖遠乎哉。悟即是神也。若一切諸法。無非是菩提。何容不得無非是佛性。又涅槃云。一切諸法。中悉有安樂性。亦是經文。唯識論云。唯識無境界。明山河草木皆是心想。心外無別法。此明理內一切諸法。依正不二。以依正不二故。衆生有佛性。則草木有佛性。以此義故。不但衆生有佛性。草木亦有佛性也。若悟諸法平等。不見依正二相。故。理實無有成不成相。無不成故。假言成佛。以此義故。若衆生成佛時。一切草木亦得成佛。故經云。一切諸法。皆如也。至於彌勒亦如也。若彌勒得菩提。一切衆生。皆亦應得。此明以衆生彌勒一如無二故。若彌勒得菩提。一切衆生。皆亦應得。衆生既爾。草木亦然。故知。理通故。欲作無往不得。是故得名大乘無礙。此是通門明義也。若論別門者。則不得然。何以故。明衆生有心。迷故得有覺悟之理。草木無心。故不迷。寧得有覺悟之義。喻如夢覺不夢。則不覺。以是義故。云。衆生有佛性。故成佛。草木無佛性。故不成佛也。成與不成。皆是佛語。有何驚怪也。上來至此。明理外無佛性。理內有佛性也。第二明理外有佛性。理內無佛。



性。如般若經云如是滅度無量衆生。實無衆生得滅度者。華嚴亦云。平等眞法界一切衆生入眞實無所入。既言一切衆生入。當知是理外衆生入。而實無所入者。此入理內無復衆生。故言實無所入。是知理外有衆生故得入也。如是滅度實無度者。亦作此釋。此至理內實無衆生得滅度者。當知理內既無衆生。亦無佛性。理外有衆生可度。故言理外衆生有佛性也。然本有理內故說理外。理內既無理外豈復有耶。先則爲成交互辨義故。理外若無理內則有。理內若無理外則有。或時言內外俱有。或時說內外俱無。故經云。闍提人有善根人無。善根人有闍提人無。二人俱有一人俱無也。問那得作此不定說耶。答此豈得有定。故涅槃經云。若有人說一闍提人定有佛性定無佛性。皆名謗佛法僧。今既不欲謗佛法僧豈敢定判。義中自有四句。故內外有無不定。所以作此不定說者。欲明佛性非是有無故。或時說有。或時說無也。問若言定爲非者不定爲是耶。答若言不定爲是者。還復成定。定既非是。不定亦非。具如論破。但破定故言不定有四句如前。若洗淨已。復不定而爲定。亦何得而無定耶。今只就不定爲定者。有理外衆生。理外草木。有理內衆生。理內草木。本定何者有佛性。何者無佛性耶。若不定爲定說者。經中但明化於衆生。不云化於草木。是則內外衆生有佛性。草木無佛性。雖然至於觀心望之。草木衆生豈復有異。有則俱有無則俱無。亦有亦無非有非無。此之四句

皆悉並聽觀心也。至於佛性非有非無。非理內非理外。是故若得悟有無內外平等無二。始可名爲正因佛性也。故涅槃論云。衆生有佛性非密。衆生無佛性亦非密。衆生即是佛。乃名爲密也。所以得言衆生無佛性者。不見佛性故。佛性無衆生者。不見衆生故。亦得言衆生有佛性。依如來藏故。亦得言佛性有衆生。如來藏爲生死作依持建立故。

明見性第八。迦葉問言。云何諸菩薩能見難見性。師子吼問言。若一切衆生有佛性者。何故不見一切衆生所有佛性。十住菩薩。以何等眼不見了見佛。以何眼而了見也。性品答見有二種。一者十地。或言十住。名爲慧眼見。畢珠喻釋。二者外道凡夫名爲信見。或如羊角。或如火聚等。師子吼品明慧眼見故。見不了了。佛眼見故則了了。經文如此。判釋多言。十住菩薩。方見佛性猶如羅縠。九住以還未見佛性。但華嚴經云。初發心時便成正覺。若如此者。初發心時則見佛性。故一師云。涅槃所明十地。應是地前。未得眞悟菩薩故。見性不明。而華嚴所明十地。從佛智慧出。此是眞悟菩薩。故云初發心時便成正覺。但地論師據行位判。行通位別。涅槃辨位別義。故菩薩位智猶未極。故十地菩薩見性不明。九地猶未見。華嚴明行通義。故云初發心時便成正覺也。又涅槃經云。十地菩薩。但見其終不見其始。諸佛如來始終俱見。諸師釋此文種種不同。或言。十地菩薩未斷無明。故言不見其始。而伏惑已周去佛近故言見終也。又云。

十地菩薩。去終近故云見終。去無明住地遠故言不見其始。又云。十地去初地遠故言不見其始。但見其終。佛既衆惑已盡。因圓果備。故云始終俱見。一師云。因果本來不二。乃是無二無不二。故名爲不二。雖復不二。而開因果二。善提心爲因。佛則是果。此是一重開也。又明果不可頓階。所以因中開爲十地。此是第二重開也。如是於一地中。或更開爲三。乃至爲四。如初地先開爲十迴向。乃至十住等。斯則初地爲始。十地爲終。十地非初故。云不見其始。則是第十故言見終。亦得對言初地見始不見終也。果既不開。所以始終俱見。此故是無始終始終。不見而見也。

會教第九。經中有明佛性法性眞如實際等。並是佛性之異名。何以知之。涅槃經自說佛性有種種名。於一佛性亦名法性涅槃。亦名般若一乘。亦名首楞嚴三昧。師子吼三昧。故知大聖隨緣善巧。於諸經中說名不同。故於涅槃經中。名爲佛性。則於華嚴。名爲法界。於勝鬘中。名爲如來藏。自性清淨心。楞伽名爲八識。首楞嚴經名首楞嚴三昧。法華名爲一道一乘。大品名爲般若法性。維摩名爲無住實際。如是等名。皆是佛性之異名。故經云。無名相法假名相說。於一法中說無量名。於一名中說無量門。以是義故。名義雖異。理實無二。問若理實無二。以何義故說種種名。答若依名釋義。非無所以。何者。平等大道爲諸衆生覺悟之性。名爲佛性。義隱生死名如來藏。融諸識性究竟清淨。名爲自性清淨心。爲諸

法體性名為法性。妙實不二故名爲真如。盡原之實故名爲實際。理絕動靜名為三昧。理無所知。無所不知。名為般若。善惡平等妙運不二。名為一乘。理用圓寂名為涅槃。如此諸義如喻似何譬。如虛空不動無礙有種種名。雖有諸名實無二相。以是故。云名字雖異理實無二也。問若言真如法性並是佛性之異名者。經說真如法性亦是空之異名。今未知。佛性是二諦中第一義空不。若言是者既言是空。那得以此爲佛性耶。會通諸經使不相違。善則善矣。然新聞異書未見深旨。一切諸人並皆同疑。願爲開示以遣疑滯也。

答涅槃經云佛性者名第一義空。豈非是空爲佛性耶。若以空爲空者非佛性也。故下文云。所言空者。不見空與不空名為佛性。二乘之人但見於空不見不空。不見佛性。故知。於有所得人。不但空非佛性。佛性亦非佛性也。若於無所得人。不但空爲佛性。一切草木並是佛性也。問若皆是佛性不得言非。若非佛性不可言是。有何所以。言一切並非而復即言一切並是。豈非是過分答耶。答至論平等佛性之理。非空非不空。非有非不有。非法性非不法性。非佛性非不佛性也。以一切並非故。能得一切並是。何者。平等之理。以非空有故。假名法性。非不空有故。假名空有。以非法性故。假名佛性。空有非不法性故。假名法性。以非佛性故。假名法性。空有非不佛性故。假名佛性。當知。平等大道無方無住故。一切並非。無方無礙故。一切並得。若以是爲是以非爲

非者。一切是非並非皆是非也。若知無是非非是無非無不非假名爲是非者。一切是非並非皆是也。故知。上來十一家所說正因。以是爲是故。並非正因佛性。若悟諸法平等無二無是無非者。十一家所說。並得是正因佛性。料簡第十。然料簡中應論得失義。若本來清淨。何因緣故失。本既不失。云何失。若後失者。先亦應失。先既清淨。後亦應淨。答此義者。如第九卷說解純陀疑差別無差別義。若廣辨者。備舉涅槃一部來解釋。猶亦不可盡。此義不可卒了。且待後問也。

一乘義三門。一釋名門。二出體門。三同異門。釋名第一。一乘者。乃是佛性之大宗。衆經之密藏。反三之妙術。歸一之良藥。迷之即八軸冥若夜遊。悟之即八軸如對白日也。釋名者。唯有一理。唯教一人。唯行一因。唯感一果。故名爲一。法華論云。一謂同義。如來法身。身聞法身緣覺法身三乘同一法身。故名爲一。乘者運出爲義。運出有三種。一者以理運人。從因至果。如大品云。是乘從三界出。到薩婆若中住。二者以德運人。如法華云。得如是乘。令諸子等喜戲快樂。三者以自運他。如涅槃云。乘涅槃船。入生死海。濟度群生矣。出體第二。一乘體者。正法中道爲體。攝論云。性乘行乘果乘。中邊分別論云。乘具五義。一乘本謂真如佛性。二乘行即福慧等。三乘攝謂慈悲等。四乘障謂智障無明。五乘果即佛乘也。唯識論云。乘三體六義。三體者。一自性二乘隨三主得。六義者。一體如空出離四誘。

二者因謂福慧。三者攝一切衆生。四者境界真俗。五者障即皮肉心。六者果謂無上菩提。十二門論云。乘具四事。一者乘本謂諸法實相。二者乘主由波若導萬行得成。三者乘行餘一切行。四者果謂薩婆若。法華論云。亦明三種。一者乘體謂如來平等法身。即是佛性。二者乘果謂如來大般涅槃。三乘緣即是六度了因。此猶三種佛性。不說果果性者。果果性屬果門。境界性者。屬因門。故廣說有五。略說唯三也。問乘以何爲體。答經論雖種種說。不過三種。謂理行果。今以正法爲體。問理是不動云何名運出耶。答以其不動故。能令衆生運出。別而論之。順忽爲運。得無生忍爲出。通論一皆運出。因乘自運運他。果乘與理乘。自不運而能運他。問此經明乘。正以何爲體。答若就因果用。以果爲宗。若就正法體。即以正法爲宗。今明若因果皆正法故。運故以正法爲宗。有人言。此經萬善爲乘體。有人言。以果萬德爲宗。有人言。境智爲宗。今明。就用非無此義。而不得乘深體故。以正法中道爲經宗。爲一乘正體。問三論學者恒彈有所得義。云何稱用異說耶。答若言破相爲宗。是有所得義。今申無所得。諸師義皆得皆非。得用不得體。異執永消。同歸一極。無執不破。無義不攝。巧用如甘露。抽服成毒藥也。問大品明理教行果四乘。與今何異耶。答彼經不明開權。與此爲異。問勝鬘法華何異。答法華會三乘。爲漸悟菩薩說。正對三乘。勝鬘爲頓悟菩薩說。不對聲聞緣覺。但對人說。與此爲異。問

若爾法華究竟說。何故須涅槃。答。失心子須涅槃。不失心子不須涅槃。但爲補根衆生故。說是以大通智勝佛燃燈佛。不說涅槃。利根衆生故。又此經明三事。一車。二牛。三僕從。車因果萬行萬德。牛亦通因果。中道正觀。離斷常垢。爲白牛。由正觀故。引萬行出生死。此即婆若導成萬行。問。婆若是乘。云何喻牛耶。答。一法兩義。引導如牛。運義如車。餘不爾。運出故有車義。無引導之能故無牛義。界內爲僕從。果地牛者。真慧爲牛。六通無垢爲白牛。駕遊五道運出衆生。僕從者。即界外因爲僕從。問此經未明正因佛性。此義何耶。答。此人不得經味。法華論云。七處明正因性。今略出四處。諸法從本來常自寂滅相。此明自性住佛性。又云。同入法性。此是佛性之異名。又云。開示悟入佛之知見。論釋知見明佛性。普賢菩薩及授人記有正因性故。問。有人言。此經未明常住。此義云何。答。此是小乘氣分。此經諸法從本來常自寂滅相。此是法常住義。常在靈鷲山。明人常義。我淨土不毀。此名依報常義。依報正報人法皆常。云何是無常耶。依論釋壽量品文。三身壽量法報二身是常。問。有人言。遺三而一存。此義爲得。答。此是有所得義。大品云。非三非一故名大乘。此經不可示。言辭相寂滅。此以超四句百非洞達。強說明乘。三一爲二。非三非一爲不二。二不二爲龜。非二不二爲妙。二不二非二非不二爲龜。言忘慮絕。絕爲妙。三一開會凡有十門。一者開三顯一。二者會三歸一。三者廢三立一。四者

破三明一。五者覆三明一。六者三前明一。七者三中明一。八者三後辨一。九者絕三明一。十者無三辨一也。開三顯一者。開昔三乘是方便。示今一乘是真實。故云開三顯一也。會三歸一者。會彼三行歸一佛乘。故云汝等所行是菩薩道也。廢三立一者。廢昔三教立今一乘教。故云於諸菩薩中正直捨方便但說無上道也。破三明一者。破其執三異之情。以明一乘之道也。覆三明一者。如來趣三一兩緣。當有三一之教。昔則以三覆一。今則以一覆三。三前明一者。未趣鹿苑說三之前。寂滅道場已明一實之教。謂三前明一也。三中明一者。從趣鹿苑說於三乘。佛乘第一緣覺第二聲聞第三。謂三中明一也。三後辨一者。三乘之後法華教門。以會彼三乘同歸一道。謂三後一也。絕待一者。如無言世界。外則無言無示。內則無慮無識。故不論一三而已。即此爲佛事故。則復是一故。云絕待一也。無三辨一者。如香積佛土。彼土無有二乘名字。謂無三辨一也。但有清淨大菩薩衆。謂有一也。前之五種。就義論一。後之五種。約時處。諸女不同教門差別。故開五也。問云。何名會三歸一。答。若識會三歸一。先須知開一爲三。開一爲三者。昔指大乘之因說。爲小乘究竟之果也。今還指小乘究竟之果。即是大乘之因。故名會也。問小乘人謂是究竟。爲是迷因爲是迷果乎。答。實是大因。謂是小果。故是迷因也。問以何義故明一乘是三乘中佛乘。復以何義明一乘非是三乘中佛乘耶。答。若明三乘。攝出

世乘盡。故對二乘之方便。明佛乘是真實。故文云。唯此一事實。餘二即非真。所以明一乘是三乘中之一也。就佛乘中。復開真應。昔爲二乘人說佛方便身。故佛乘是方便身。則以今教明佛身是真實故。真實之乘異方便佛。如師子坐長者異著弊垢衣長者。是以約今昔兩教。明佛有權實不同。是故一乘非三乘中之一也。問此經中始末。或言佛以方便力示以三乘教。則三乘並是方便。又云。唯此一事實。餘二則非真。則二方便。兩文相違。何以會通耶。答。此文猶是一義。無相違也。於一佛乘方便說三。次云。一乘是實。二方便。如人手內實有一菓。方便言三菓。次第論者。一菓是實。二是方便。故方便說三及二。是方便猶是一義。不相違也。問爲會三歸一爲會二歸一。答。此亦是一義。智度論云。於一佛乘開爲三分。如人分一斗米爲三聚。亦得合三聚爲一聚。亦得言會二聚歸一聚。會三會二。猶是一義。不相違也。若究竟爲言。中道爲宗。論云。性乘。若就用爲談。萬善爲乘體。萬善之中。以般若爲體。報習兩善。取習因爲乘體。報因住生死不取。問若爾不應會人天五乘爲一乘。答。曰。人天是報果。而此乘體。有習因義。故會。乃是增上緣義。別而爲論。有漏善非乘體。無漏善爲乘體。乘有二種。有漏善爲遠乘。無漏善爲近乘。乘有二種。一者動乘。二者不動乘。萬行爲動乘。如來藏佛性中道爲不動乘。問乘以運出爲義。中道佛性不運出。云何名爲乘體。答。以其不動故。能令萬善動

出。亦令行者動出生死住彼涅槃故名爲乘。小乘初教以果爲乘。故言三車在門外。此是盡無生智果。大乘因與果爲乘。問曰。若大乘因果爲乘者。何故經言於佛果上更無說一乘法事。答曰。此約自不運義。不言不運他。大同異第三。有人言。因成假爲乘用。一善不滿不成乘用。故合爲萬方有運用。例如梯緣等。非假則無有用。二云相續爲用。若實法念念自滅。無有運用。故言相續爲有用。三云相待爲一。此中果一故因一。善既衆多。以此一果一於萬善。今明萬善悉有運出之義。亦如百流一。自有向海義。不以海一故百流爲一。問曰。若非因成有力。復非相續。云何一念實法善有運出耶。答曰。以不運爲運。不續爲續。終是相待爲本。是以相待有乘用。次引經文。問曰。經云十方佛土中。唯有一乘法。無二亦無三。云何名無二無三耶。答曰。有人言。無二者無聲聞緣覺二。無三者無偏行六度菩薩。又昔三乘皆是方便。今教別有一車異昔三也。問何以然。答經云。佛以方便力。示以三乘法。通以三爲方便。則以三爲方便。則以一爲真實。則會昔三乘歸今一實也。又云。願賜我等三種寶車。昔既索三。今便賜一。故索所不與。與所不索。則知別有大車異昔三。小以文理推之。則有四車也。評曰。三車四車。詳論紛綸由來久矣。了之則一部可通。迷之則八軸皆纏。今以八文徵之。方見此釋爲謬。第一文云。如來但以一佛乘。故爲衆生說法。無有餘乘。若二若三。此文次第列三乘也。但以

一佛乘者。謂佛乘爲第一也。無有餘乘。若二若三者。無有緣覺爲第二。聲聞爲第三。以此文詳之。則唯有三車。則執四爲謬矣。問曰。經常列三乘。不作次。第二。今何以然耶。答曰。以佛乘爲第一。緣覺爲第二。聲聞爲第三。此從上數至下。豈非次第耶。問曰。何故作此次第耶。答曰。此正判三乘有無義也。初句明唯有一佛乘。次句無二無三。明無餘乘。以唯有一佛乘故。佛乘爲實。無二無三故。二乘爲方便也。又普門品中。亦列佛乘爲初。次及緣覺。後明聲聞。與今同矣。第二文云。尚無二乘。何況有三。大論舉況者。皆舉勝以況劣。若言第三是偏行六度菩薩者。昔三乘中。佛乘爲勝。二乘爲劣。若言第三。乃應舉三況餘二。云何舉二況第三耶。三者偈云。唯此一事實。餘二則非真。緣覺聲聞。此二非真也。則以偈文。釋則非真。緣覺聲聞。此二非真也。則以偈文。釋長行無二無三意。佛恐像末鈍根。尋經不解。故轉勢頌之。令煥然易悟。第四文云。諸佛語無異。唯一無二乘。全同前矣。第五文云。但以一乘法教化諸菩薩。無聲聞弟子。此文最分明。既云。但以一乘法教化菩薩。則有菩薩也。無聲聞弟子。則無餘二乘也。六者信解品云。密遣二人。七者化城喻品云。世間無有二乘。而得滅度。唯一佛乘。而得滅度耳。八者偈云。唯有一佛乘。息處故說二。諸文甚多。略舉八證。此釋既非。則四乘義謬。會三亦失。復有人言。但有三乘。會三歸一者。歸三中佛乘。非三外別有一也。評曰。若但有三乘。不違八證。尋經

首尾。復害六文。佛以方便力。示三乘教。則知三乘皆是方便。云何會二方便歸一方便耶。又云。於一佛乘。分別說三。又云。於一佛乘。隨宜說三。又諸子密三。父皆不與。明無三可趣索。有一以賜機。若三中之一是實有者。諸子無所索。父無所賜也。又虛指門外。明有三車。諸子出門。無三可見。若三中之一是實有者。父非虛指。子出應見。又三中之一是實有者。則會二歸一。不名會三歸一。問立四則違八證。辨三復害六文。請會通之。令無蒙滯。答世間淺識言不相達。況復一切智人。說應鉅。又如來說八萬法藏。乃至塵沙法門。尚無二言。況一經中。應有兩說。以此推之。是知失在學人。何復敢嫌大聖。今所明者。八證六文。猶一意耳。且會二文餘皆可領。一云方便說三。次云唯一是實。餘二非實者。唯一佛乘欲引導衆生故。方便說三。考實而言。唯一佛乘。是實。餘二非真。是故說三說二。猶一意耳。假設近喻。以況遠旨。如父手中。唯有一菓。欲引諸子。說一菓爲三菓。考實而論。唯有一菓。無二菓。是故二文無相違也。以三二既明。會義可領。晚見法華論。釋十方佛土中。尚無二乘。何況有三。與今意同。論云。此是遮者。明無二乘。涅槃唯佛究竟。無上菩提。有大涅槃耳。此但明無有二乘。唯有佛乘。不言無偏行六度菩薩。故光宅失旨也。次論四句。問會三歸一。破三歸一。開三顯一。廢三立一。有何異耶。答會三歸一者。乃會教會行會緣。言會教者。昔開三乘五乘之教。並爲顯一道。所表之道。既

一。能表之數亦復言一。故一切教皆名大乘教也。會行者。汝等所行是菩薩道。如來昔說有三行者。爲趣一道。故令修三行。所期之道無二。能趣之行豈三耶。所言會人者。如來出世。本爲教菩薩。不教餘人。三所行既是菩薩道。能行之人。皆成菩薩也。故文云但爲教菩薩無聲聞弟子。會教正是一時。會行及人。遠令至佛也。問會有幾種。答自有融會稱會。自有會歸稱會。如向明也。融會稱會者。既會三歸一竟。緣即疑云。三若歸一。何故說三。是故釋言。昔以方便故說三。今以如實故說一。此是融會。今昔三一之義。亦名會也。若是會歸之義。正就三行。融會之義。宜就教門。所以然者。若會三因同歸作佛。如是之義。會行爲正。不用教門作佛故。教非會歸也。問有人言。此經未明佛性。但明緣因。復言覆相明常。此義云何。答乃是成論淺悟之徒。有如此失。值大寶而不取。遇深經而不求。豈異弱喪與窮子反走於舍宅。此經云。常在靈鷲山。常在此不滅。劫火燒盡時。我淨土不毀。既言依正兩報常住。又法華論云。釋壽量品文。有法身壽量報佛壽量化身壽量。豈非常耶。又處處明法性。法性是佛性之異名。身子言。我等同入法性。云何如來以小乘法而見濟度。又方便品初明佛知見。即是佛性。乘有三種。理乘即是中道佛性。行乘即是緣因佛性。果乘即是果佛性。因性境界性屬正因。果果性屬果性。故不開五性也。索車義第二問。爲是三人索三。爲是二人索三耶。答舊經師云。三人索

三車也。何以知然。下文云。爾時諸子各白父言。願賜我等三種寶車。故知三人索三。又所以索三者。實無三乘。但昔於一佛乘方便說三。以是方便行所以索也。評曰。今以十義推之。不應有三人索也。一者本以三車譬於三果。故云。今此三車皆在門外。二乘人。出門外至許車處。覺果不得。可言索果。菩薩之人。未至許車處。覺果不得。何有索佛果耶。答曰。原索意者。本爲昔有今無是故索耳。若今昔俱有者。必不索也。尋大小乘經始終。皆明佛乘是有。如初教明佛乘是有。至法華亦明佛乘是有。以始終明佛乘是有故不索也。問乘以何物障。答大論既以六度爲大乘體。六弊即是障也。若取乘出義。即著生死以爲障。若取乘廣大義。即以狹劣爲障。若以出世無所得六度故能動出。即以有所得六度爲通障。六弊爲別障。譬中云。三車在門外者。此總相說耳。依昔義者。二車在三界正使門外。佛果在習氣無知門外。二乘人。以正使限域爲門。佛以無知習氣限域爲門。昔說二乘人盡無生智在三界正使門外。今二乘人斷正使盡。而不見車。是故索耳。昔說佛果在習氣無知門外。今菩薩斷正使盡。習氣無知即盡。即便成佛亦無索也。問何時索車耶。答舊云。得羅漢已後。法華之前有索。又難。若未說法華已生疑者。身子得果竟。應言我今自於智疑惑不能了。爲是究竟法爲是所行道。豈待法華方有此釋索。故今明。待法華方索也。次論一乘壽量果。有人言。未明常住。又難。若度五

百而未常。亦應未度五百。即應是常。若未度非常則已度。是常矣。又經云。佛度五百而言未度者。佛昔明度三百亦應未度。若昔言度三百佛實度者。今亦應實度五百也。若順經故。遂度五百。則已免三相。何事非常。今所釋者。壽量品亦具明三身。法華論云。王宮現生伽耶成佛。名爲化佛。久已成佛乃至復倍上數故名爲報佛。如實知見三界之相無有生。死。若退若出。明法身佛。但三身不同。若法華論明三身者。以佛性爲法身。修行顯佛性爲報佛。化衆生義爲化身。若攝大乘論所明。隱名如來藏。顯名爲法身耳。此二皆名法身。就應身中自開爲二。化菩薩名報身。化二乘名化身。或云。化地上名報身。化地前名化身。地論法華論。是菩提留支所出攝大乘。是真諦三藏所翻。此三部皆天親之所述作。而明義有異者。或當譯人不體其意。今欲融者。會衆經及論。或二身或三身或四身。今總束爲四句。一合本迹。如金光明經。但辨一本迹也。故云。佛真法身猶如虛空。應物現形如水月中月。二開本開迹如此。大凡論明有四佛。開本爲二身。一法身二報身。法身即佛性。報身謂修因滿迹。爲二身化菩薩名舍那。化二乘名釋迦也。三開本合迹。如地論法華論所明。開本謂二身。謂佛性是法身。佛性顯爲報身。四開迹合本。如攝大乘論所明。合佛性及佛性顯皆名法身。開迹身爲二。化菩薩名舍那。化二乘名釋迦。此皆經論隨義說之不違。亦皆不體其意。故起謬論耳。若常無常者。別而爲言。法

應二身為常化身無常通而為言。三身俱常俱無常。化身以大悲為體故是常。法身有隱顯故義說無常。應身始起義是無常。金光明經云應化二身無常者。開述合本。問三身有幾名耶。答經論不同。法身舍那身釋迦身。亦名法身報身化身。亦名法身應身化身。又名佛所見身菩薩所見身。二乘凡夫所見身。法身亦名自性身。又名法性身。問若如是者應有六身八身。應有一佛身本迹二身。何故但明三身耶。答依法華論。二身為自德。化身為化他德。攝論法身為自德。二身為化他德。若爾法身為自德。化身為化他德。應身亦自亦化他。故立三身。亦可。法身為體。報身為相。化身為用。體相用故立三身也。

涅槃義三門 一釋名門 二辨體門 三八

倒門 涅槃者。蓋是安心之本宅。凡聖所同歸。故肇公云。九流於是乎交歸。群聖於是乎冥會。諸方等經。亦盛談此說。摩訶言大多勝。而大有二種。教大理大。理大者。文言所言大者。名之曰常。莫先為相。涅槃有二家。一云有翻。二云無翻。無翻有四家。一云佛在西國涅槃。東土無有此語。故無翻。二云涅槃一名含於衆名。其猶一音含無量音故。一音說法以異類各解。三曰涅槃一名含於衆義。故有常樂我淨等。四云涅槃一名不含衆名。亦不含衆義。但以涅槃一名通名諸法。其若先陀波一名四寶。同無翻。有翻六家。一云無為。二云無累。三云解脫。四云寂滅。五但云滅。六云滅度。若言涅槃不翻者。漢地衆生應無利益。二

者大本云大覺世尊將欲涅槃。六卷當此文處。云大牟尼尊今當滅度。經既有翻。云何不翻。今同有翻第六家。但彼一向有翻。今明。相待涅槃有翻。絕待涅槃不可翻也。光宅云法滅入度。今明。若人度法亦應度。生死涅槃。人法俱有。亦應言人滅法度。開善云。滅度之名。皆目無法。度言永滅。今明。若凡夫滅不永滅。故不明度。暫滅故名滅。亦應言暫度故名度。靈正云。滅主於無度。目有法。舉斷德目妙有。圓體不生煩惱為涅槃。今明。若不生煩惱名涅槃者。不由智滅而名涅槃耶。今明。涅槃離四句。中道正觀。永勉為正度。將人帖之。目人將法。帖之目法。至論度非人非法。此是正度。而此正法。離有所得而假名義。名為正度。涅槃無名。強為立名也。

果所得。無至者無處可至。開善云。凡夫不會不冥。初地以上亦會亦冥。佛果冥而不會。又云。金剛以還會而不冥。佛果亦會亦冥。今明。若初地以上冥義應常。亦常亦無常俱有。若佛果冥一者。為智一為境一。一何所目。若智成境者無智耶。彼云。至亡彌存。至亡義成一。彌存義度衆生。彼云。初地以上。稱境而智是會義。而有無當方所不得冥一。佛果萬累永絕。無有方所故冥。若成一者。無有度衆生義。彌存不成。今明。波若無知故冥。無所不知故彌存。為緣故冥。為緣故彌存。非定有冥存。地論云。性淨方便淨涅槃。性淨涅槃。是本有理顯現名性淨涅槃。緣修萬德名方便淨涅槃。二涅槃體別異。今明。二涅槃體無別。非一非異。非亦一亦異。絕四句為涅槃體。成實師云。本有始有涅槃體一。若一者為始有一為本有一。何處離本有始有。別有涅槃一也。今明。於本有始有。始有諸本有。非離本有始有。非離始有本有。離四句名本有始有二涅槃體也。地論師性淨涅槃有二種解。一云本有萬德。二云本無萬德。但是萬德體故言萬德。問修成涅槃假有萬德。正法涅槃有萬德不。答若有亦非。無亦非。四句皆非。故言無受名涅槃。五種不受名五不受三昧。問地論師性淨涅槃。成論師本有涅槃。今日正法涅槃有何異耶。答曰。地論師阿梨耶識。攝論師阿摩羅識。成論師成佛理顯現名為法身。定是有法故。以常為經宗。今明。中道為佛性。中道有何隱顯。若以常為經宗者。大論云。無

辨體第二。靈正云。涅槃體者法身是也。尋此法身更非遠物。即昔神明成今法身。神明既是生死萬累之體。法身亦是涅槃萬德之體。今明不然。以用為體。不及涅槃深體。今以中道正法為涅槃體。開善云。總明萬德體無累為滅度。而經初明三德者。簡異昔日二種涅槃。有餘時。身智在解脫不滿。無餘時。解脫滿身智不在。今日涅槃身智在解脫。滿三德之中。法身為體。波若解脫為用。今明。萬德三德為體者。離此無別涅槃用望。若言法身為體。無有萬德。云何是涅槃體。今明。涅槃體者。正法為體。而正法絕能所四句百非。故中論涅槃品云。有亦非涅槃。無亦非涅槃。亦有亦無非有非無亦非涅槃。無得無至。無得者非因

常一邊常爲一邊，非是常爲究竟。純陀哀嘆，對生死苦無常，明佛果常樂，至後迦葉，涅槃非常非無常，非有非無，非因非果，今明四句，百非洞達爲涅槃體，常無常是用，諸法師，但得其用不識深體，但解涅槃，不同外道三師小乘二說方等四計，權提婆羅門，計於此身即是涅槃，蓋明欲界爲涅槃，阿羅羅仙人，計無想爲涅槃，此計色界爲涅槃，瞿頭蘭弗，計非想爲涅槃，三外道，以三有爲涅槃，小乘二師者，毘曇計無爲爲涅槃，是常是善本有，在煩惱外，斷煩惱起得之屬於行者，成論明涅槃，但是無法，大乘四種，一明涅槃是妙有爲體，是世諦法，二云以空爲涅槃，即是實相名第一義諦，三云涅槃非真非俗，出二諦外，四云超出四句方是涅槃，唯四師大明二義，成實明本有始有，地論師性淨方便淨，攝論師四種涅槃，一本性寂滅涅槃，二有餘，三無餘，四無住處涅槃，法身故不住於生死，應化二身故不住於涅槃，次用無我異如理又三無性理，名無住處涅槃，諸師同釋，涅槃備於三德，謂法身般若解脫，所以三德爲涅槃者，略有四種義，生死與涅槃相對，生死有三障，謂煩惱業苦，對報障故名法身，對業障故辨解脫，對煩惱障說於般若，二者欲顯如來三業自在，有法身故身業自在，具波若故口業自在，有解脫故意業自在，三者無境不照名爲波若，無感不應名法身，無累不盡稱解脫，故三德爲宗，四者爲對二乘三德不圓，有身智解脫不足，解脫亦圓則無身智，故名如來三德

圓備，成論云，佛果名妙有，若爾應是妙爲，若妙故非爲，亦妙故非有，彼云，有是法體，爲即是相，佛果是法體之有，已離生滅相故，非是有爲，又云，若涅槃離相故非爲者，亦應離始故非生，若始起故名生，亦始起故名爲，又云，若有而非爲，亦應爲而非有，成論師云，有四種生死，流來生死，分段生死，八地已上變易生死，七地中間生死，攝論師云，有七種生死，三界分段爲三種，變易有四種，初二三地爲方便生死，四五六地爲因緣生死，七八九地爲有有生死，第十地名無有生死，夫人經言，有漏業因四住爲緣，感分段生死，無漏業因無明住地爲緣，感變易生死，今言方便生死，即是無明住地，因緣生死即是無漏業，有有生死即是生住二相，無有生死即是滅相，若通而爲論，一一地皆具四種，地前三阿僧祇地地三阿僧祇三十三阿僧祇，今望經論無定，若言無量阿僧祇是小劫，言三十三阿僧祇是中劫，三阿僧祇劫成佛是大劫，有人言，從初發心斷五住煩惱，同龜同細，又言，地前斷四住煩惱，又攝論師，地前伏四住上心，初地已上方斷種子，成論師明，地前伏見諦，初地斷上品，二地斷中品，三地斷下品，四地斷修道上品，五地斷中品，六地斷下品，七地斷習氣，八地已上斷無明三品盡，今明，十信伏見一處住地，十解伏欲愛住地，十行伏色愛住地，十迴向伏有愛住地，初地初心斷四住地盡，初地已上斷十重無明，地持論云，二障三處過，地前一向伏，初地至十地，斷煩惱障

盡，從初地斷智障，至金剛心斷智障習氣，問與他家何異耶，答他家生死在此，涅槃在彼，衆生在生死，佛在涅槃，今明，生死即涅槃故，中論云，若求如來性，即是衆生性，求涅槃性，即是世間性，故經云，明無明愚者謂二，智者了達其性無二，若捨生死別取涅槃，是爲愚人，不離生死，若知生死與涅槃無有差別，方得涅槃，他家前有煩惱，後起智慧斷彼煩惱，內外大小乘，皆言有煩惱生而今斷滅，即煩惱不滅今求煩惱，本自不生，今亦無滅，若能如是知，前念爲無礙，後念爲解脫，故能斷惑，外人見煩惱不煩惱二，即同明無明，愚者謂二，今明，煩惱不煩惱本無二相，故能斷惑，問何以得知，地前爲分段，初地已上爲變易耶，答涅槃云，初地菩薩破二十五有得金剛三昧，法華論云，初地以上有無雙照受變易身，若迴小入大聲聞，從初發心受變易果報，問成論師云，一向無實行聲聞，此義爲理不耶，彼言，夫人經云，三乘初業不愚於法故，答此義不然，一切經論，皆有聲聞法華經中內祕菩薩行外現是聲聞者，權行聲聞，故權實二種聲聞，夫人經不愚於法者，是利根人，非是鈍根能爾也，八倒第三，問經明三修八倒，何等是三修比丘耶，答三修者，一常無常，二苦樂，三我無我，常者疑然也，無常者還流，樂者怡愈，苦者逼惱，我者性實，無我者不自在通稱，修者習義也，然此三種相對合辨，名爲三修，離說即是六修，若具足而應是四修，離即八修，謂淨



不淨。所以除淨不淨但明三修六修者。不淨觀是遠方便因中除不淨觀。故果中除淨觀。若對治八倒。應辨八修。因中苦無常無我不淨。果上取常樂我淨故八修。有人言。六修皆是俗觀。又言。果上三修。一向俗觀。因中前三修是俗。無我是真。今明。通皆是俗。皆是真。八倒者。前倒常樂我淨外道時起四倒。謂常倒樂倒我倒淨倒。佛破四倒故。說無常苦無我不淨。比丘佛果上更起苦無常無我不淨。更起後四倒。謂無常倒苦倒無我倒不淨倒。前倒後倒合論故有八倒。外道起生死計有常樂我淨。佛初說四諦破四倒。說生死中但有苦無常無我不淨無有常樂我淨。比丘聞此。非但生死苦無常無我不淨。佛果亦苦無常無我不淨。起後四倒故涅槃云。但生死苦無常無我不淨。佛果是常樂我淨。破其佛果苦無常無我不淨故。有八修八倒。若外凡夫起八倒者。是見諦煩惱。若學人起八倒者。是修道煩惱。若羅漢起八倒者。是界外煩惱。八倒體者。謂三倒是也。一心倒二想倒三見倒。謂一切心了別是心倒。一切心想像皆是想倒。一切心決了名見倒。今所用也。生死中四倒。正迷生死無常苦。傍迷佛果常樂。果上四倒。正迷佛果常樂。傍迷生死無常苦。所以然者。計生死常。非但不識無常。亦不識常。計佛無常者。非但不識常。亦則不識無常。問若計常者。正迷無常。傍迷常法。計無常者。正迷常者。正迷無常者。得言解無常之解即解常。解常之解即解無常不。答惑性浮慢。得言一惑兩

迷。解性不漫。解無常解不解常。解常之解不解無常起倒人者。外凡夫人起前四倒。入內凡位不復起之。後四倒者。入內凡位。乃至羅漢起之。智度論云。三倒生時。前起想心後起見倒。此從輕至重。斷時前斷見倒後斷想心。四倒體者。婆沙云。以慧數為體。前倒是凡夫後倒是聖。合論具八倒也。外謂無常見常為倒。無常見無常不倒。今依中論倒與不倒皆倒。前後八倒前後八行皆倒。故十六倒。常無常亦常亦無常非常非無常四句皆倒。我樂淨皆四句。皆生死十六倒。佛果上苦無常無我各四句。合十六倒。并合三十二倒。問前明斷伏。以何文證初地斷見諦與思惟。答十住論云。初地斷見諦盡。又斷三界思惟。問以何文證初地以上斷十重無明。答相續解脫經云。斷二十二愚。初地斷二愚。第十地斷二愚。金剛心斷二愚。合為二十二無明。攝論云。斷十重無明。初地斷凡夫性無明。問何意初地斷凡夫性無明。答地前猶有習故。離二種我。未真證生法二空。初地以上。真證生法二空。凡夫性無明開為二。一者障一切法無明。二者潤三惡道無明。問何為人斷伏耶。答內凡夫伏惑。聖位斷也。有人言。十解六心為外凡夫。七心以上名內凡夫。今明。若就位退為論。十信六信為外凡夫。七信以上名內凡夫。若就發心為論。未入十信名外凡夫。十信初心名內凡夫。問為空智斷為有智斷。答經云。佛為增上慢人說斷煩惱。實不斷也。又經云。斷。何者是也。若言有煩惱不能斷。無煩惱何

所斷也。若言斷者。為見惑斷。若見惑斷者。即明開並。云何斷煩惱。若不見懸斷者。天竺燃燈。振且闍皆破。如此推之。即畢竟不斷。如此了悟即是斷也。有所得人。空解斷有解不斷。今明。有所得人。空有俱不斷。無所得空有俱斷。自有中伏假斷。如求性有無不可得故名非有非無。但伏性有無猶未斷也。次明假有假無。即性有無始斷。既識假有假無。知畢竟無有定性有無。故名假斷。次云假伏中斷者。對性有無。說假有無。以伏性有無。故云假伏。悟假有無。假無不無為中道。前性有無惑斷故名假伏中斷。亦得假伏假斷中伏中斷。如識假有無。即性有無永斷。名為假斷。自有識假有無但伏性也。問金剛心斷惑盡耶。答開善云。佛地斷惑盡。夫人經云。佛智所斷。佛菩提智所斷。今明。金剛心斷惑盡。夫人經云。斷者。解脫道遮未來不生。正是金剛心無礙道中斷。問得言地前為無礙初地為解脫不。答開善云。爾。今謂不然。初地自開為無礙解脫。問金剛為轉為謝耶。答毘曇則謝。成實則轉。金剛若謝別有佛果。云何波若變名薩婆若。轉金剛成者。云何轉無常而後常。今所明者。應有轉謝及不轉不謝。若了悟金剛本不生滅。即金剛是佛。故不轉不謝。經云。一切眾生本來寂滅。不復更滅。於妄謂之心。息生滅之見。故名為謝。得了悟之者。為生滅悟無生滅故名為轉。

# 大乘玄論卷第四

胡吉藏撰

## 二智義十二門

一翻名門 二釋名門 三釋道門 四境智門 五同異門 六長短門 七六智門 八開合門 九斷伏門 十攝智門 十一常無常門 十二得失門

然昔在江南著法花玄論。已略明二智。但此義既為衆聖觀心法身父母。必須精究。故重論之。此義若通。則方等衆經。不待言而自顯。具有梵本。應云波若波羅蜜。和波羅蜜。故此經云。智度菩薩母。方便以爲父。智則波若。度謂波羅蜜也。但翻波若不同。或言智慧。如教法師云。秦言智慧。或翻爲遠離。出放光經。則釋道安用。或翻明度。出六度集經。或翻清淨。亦出大品。教法師用之。但波若具含智慧。明淨遠離等義。譯經之人。隨取其一。以用翻之。波若以斷衆惑。遠離生死名相之法。故云遠離。明了無暗。故稱爲明。體絕穢染名爲清淨。達照解知名爲智慧。雖有諸義。多用智慧。智慧單複。又名不同。或單名爲智。如釋論及此經稱爲智度。或但名爲慧。如釋論云。波若秦言慧。或俱翻智慧。衆經多爾。今詳會此意。義各有由。通而言之。則智爲慧。指慧爲智。雖廣略不同。體無異也。翻爲慧者。凡有四義。一欲分十度不同。二開空有義異。三明因果差別。四就凡聖爲異。十度者。第六名波若。此翻

爲慧。第十云開那。此名爲智。問開那爲智。術開翻爲何物。答此云明。猶是智見之義耳。空有義異者。照空爲慧。鑒有爲智。故。此經云。知一相門起於慧業。知種種相門起於智業。因果差別者。論云。因名波若。果反名薩婆若。薩婆若名一切智。則知波若名之爲慧。慧名既劣。宜在因中。智則決了故居果地。又佛照空有皆盡。加以一切菩薩未窮但名慧也。不得云因中名智。果名一切智。亦不得云因名智慧。果名一切智。但應言因名爲慧。果名爲智。則於因果優劣義彰。凡聖異者。如涅槃經云。波若者。一切衆生。此名爲慧。慧既通。則凡聖並有。如十大地中定慧之數。毘婆舍那目之爲見。謂一切聖人明見理也。開那爲智。通達決了也。次翻爲智。凡有三義。一者慧名既劣。智則爲勝。今欲稱歎波若名爲智。二者欲顯其名語便如云智度。若言慧度則言不便也。三者欲明智則是慧名異體同故。隨舉其一。次合稱智慧亦具三義。一明波若具鑒空有故名含智慧。慧則照空。智便鑒有。二顯波若通果及因。因中波若爲慧。果地波若爲智。故三德中有波若德。三者欲明六度義含於十經中。但明六度不明十者。以波若之名既含智慧。第十智度蘊在其中。問既具三名。以何翻爲正。答慧爲正翻。餘皆義立。所以知然從多論也。此經云慧與方便。釋論云波若道方便道。涅槃云波若一切衆生。開那爲智。則配諸善薩故。智非波若。又第六名慧。第十爲智。皆有彼此二名故知。以慧爲正。又論云。波若

不屬佛。亦不屬二乘。但屬菩薩。菩薩則道慧道種慧。佛具一切智一切種智。又云。波若名諸法實相慧。如是等諸文非一故。以慧爲正翻矣。問若以慧爲正翻。何故經中多云智慧。答經中多說六度故多云智慧。少說十度故少明慧也。又六度之名皆有複翻。如布施等不單名施。波若亦爾。雖復是慧。欲對上五。亦存複名故云智慧也。次辨無翻義。有人言。波若名含五義。不可正翻宜以慧當其名。如釋論七十一卷云。波若定實相甚深極重。智慧輕薄故。不能稱於般若。此招提用之。今謂不然。釋論乃明不可稱義。非不可翻也。問稱與翻何異。答稱則天竺已明。翻則來於震旦。反彼爲此。前後不同義門各異。又論云。波若定實相故不可稱。不言多含故不可稱。故此釋爲謬矣。復有人言。波若不可稱者。此明觀照智慧不能稱實相波若。實相波若性常住。觀照智慧會境始生。故實相爲深重。觀照智爲輕薄。北人釋也。是亦不然。經以五數歎於波若。不歎實相。云何言實相深重耶。又言波若定實相。則實相爲所定。波若爲能定。若言實相爲深重者。可以實相還定實相耶。復有人言。智慧輕薄不能稱波若者。此是世間智慧。二乘智慧。不能稱量菩薩大智慧耳。何者。大智慧照實相理道成衆行。餘淺智慧豈能稱耶。此南方人釋也。今謂不然。經云智慧不能稱於般若。不言淺慧不能稱深慧。又淺深俱名爲慧。則俱是輕義。並不能稱波若也。今依論釋之。論云。波若定實相故深重。智慧不能

稱也。所言定者。定是契會之名。夫萬化非無宗。而宗之者無相。虛宗非無契。而契之者無心。故聖人以無心之妙慧。契彼無相之虛宗。即內外並冥緣智俱寂。智慧是知照之名。豈能稱絕觀般若。問波若云何能會實相。答由實相生波若故。波若能契會實相也。問依此釋者猶是淺智不能稱深智。答深則愚智皆絕淺則猶有知照。非淺智不稱深智耶。問定實相既是契會之名。與舊釋冥會義何異耶。答語同而意異也。但釋冥會有二師。一云則會是冥。以符合故冥。冥契不乖故會。無優劣也。此莊嚴龍光之義。二云會是符合之名。冥是混一之義。則冥勝而會劣也。何者。因中凡有四義故未冥。一惑未盡。二體有生滅。三智未周圓。四體依方所。故但稱會。佛果離此四義。所以談冥。冥與無生爲一。則境智不分。無應照之異。而無生不乖俗。冥亦不妨會。佛果舉體冥。舉體會。會故應照滿十方。冥故一切皆絕。今總問之。冥既與境混一者。智爲成境爲不作境耶。若不作境云何言一。若智作境者。境既無知。智亦無知。智既有知。則境亦應爾。以其一故。若言與法性同絕故言冥會猶與法性異者。則於會冥之日。猶見境智爲二。何得經云菩薩與波若相應不見應與不應合與不合耶。又具四義故方成冥者。波若教佛智猶有生滅。則不得稱冥。亦無等法性義。故無定實相之義也。問云何名甚深極重。答夫論可稱則不名極重。良由極重故。故不可稱。論主欲釋經不可稱義故云重也。問但應言重。何故云甚深。答爲欲簡釋重義。非如

重物之重。乃是甚深故云重耳。問但言甚重。何故復云極耶。答三乘同契實相。但二乘猶如鬼馬未盡其原。所以不得般若之名。不名甚深極重。今欲簡異。一乘明菩薩照盡其原得名波若。故云甚深極重。問智慧何故云輕薄。答波若體絕緣觀。智慧名主於觀。波若體絕智愚。智慧名主知照。波若體絕名字。智慧則猶涉名言。故對波若之重。明智慧之輕。對波若之深。辨智慧之淺。淺猶薄也。問波若體絕智慧。何故立智慧之名。答不知何以目之。強名智慧。雖立智慧之名。實不稱波若之體。問但應言波若體深重波若名輕薄。智慧體深重智慧名輕薄。云何乃言波若深重智慧輕薄。答今依梵本。則云波若體深重波若名輕薄。但用此意。則應云智慧體深重智慧名輕薄。恐此義難顯。故譯經之人借此方智慧。不能稱梵文波若也。問不可稱與不可量何異。答經有五歎。謂大事故起。不可稱事不可量事無等事不可思議事起。既別有無量等事故起。則稱非量也。不可量則取無有邊際。不可稱明甚深唯至重。例如法稱品明舍利不能稱波若經卷。今智慧名義不能稱絕觀波若也。問論云波若多智慧少故不能稱。云何爲多少耶。答前約重輕釋不可稱。今就多少明不可稱。謂少不能稱多。但解多少不同。有人言。實相則無法不在故多。智慧局之於心故少。今謂不然。前就定實相故明不可稱。今約所含義明不可稱。波若體非愚智能愚能智。智慧唯主於智。故波若多智慧少。又

波若定實相實相既通。波若亦通。智慧不爾。故云少也。問已知波若翻不翻義。方便復云何。答常啼品云。遍和俱舍羅大師方便力。遍和爲方便。俱舍羅名爲勝智。波若之巧名爲遍和。其用既勝名勝智也。淨名以方便爲父。取其生成之能。大品以遍和爲師。明有訓誨之德。善巧化物不證二乘。皆大師之力也。釋名第二。復有二門。一釋權實。二解大義通而言之。二智皆如實而照。並名爲實。皆有善巧悉稱方便。就別言之。即波若名實。遍和稱爲名。故稱爲實。二者波若從實相生。從能生受名故稱爲實。三者如實而照故。當體名實。論云波若波羅蜜實法不顛倒。體離虛妄非顛倒慧。故名爲實。四者對凡夫顛倒不實之慧故。嘆波若爲實。五者對二乘未實謂實故。明波若爲實。六者對方便之用。以波若爲體。故名實。七者對虛明實。未是好實。非虛非實乃名妙實。八者虛實爲二。非虛實爲不二。二與不二皆名不實。非二不二乃名爲實是故論云念想觀已除言語法亦滅也。方便者是善巧之名。此義多門。今略論十對。一者直照空有名爲波若。行空不證。涉有無著。故名方便。此之照巧更無二體。雖巧而照。故名爲實。雖照而巧。故名方便。問照空有並名實者。空有二境應俱得稱真。答能照之智皆名實智。所照之境同稱實境。實智之中。有空智有智。實境之中。有真境俗境。此爲別也。問既有真俗。云何皆名實境。答是如實智境故名實

境從智受名又實是異俗非妄稱之常體名實。二者照空為實。涉有為方便。如釋論云波若將入畢竟空。方便將出畢竟空。以空是實相故名為實。波若照空故名為實。雖復照空即能涉有。此用既巧名為方便。問若爾雖復照有即能照空。此用亦巧應是方便。答此照雖巧。但實智為體故。隱其巧名與其實稱也。三者以內靜鑒為實。外反動為權。問此義與前何異。答此明若照若巧靜鑒之義皆名為實。以外反動故名為權。四者波若為實。五度為方便。所以然者。波若為空解。空解故名實。五度為有行。有行故名權。問此與上照空為實涉有為權何異。答前照空照有皆是智慧。故以二解分權實。今約解行以開二門。空解為實有行為權。與上異也。問有行何故為權。答雖復照空即能起行。此義既巧。故為權。又空是實相有非實相。故空解為實有行為權。五者照空為實。知空亦空即能不證空。故名為權。所以然者。二乘不知空。亦復以空為妙極。故名空但空。所以證空。菩薩知空亦空名不可得空。故不證空即能涉有。故名為權。此明直知空義為實。實義即劣。知空亦空即能涉有。此用既勝故名為權。然此二慧更無兩體。初觀心未妙。故但能照空。既轉精巧。即知空亦空。既知空亦空。而不壞假名。即能涉有。始終論之。猶是一慧。約巧未巧故分權實。六者知苦無常故名為實。而不取滅名為方便。以生死身實是苦空無常過患之法。如實照之故為實。二乘知此。即欲滅之故無方便。

菩薩雖知。而安身處疾自行化人。故名方便。七者直知身病非故非新故名為實。而不厭離稱為方便。此但就有門分權實。八者淨名託跡毘耶。不疾之身為實。現疾之迹為權。此據虛實之義以明權實也。九者以上照空有二為方便。照非空有不二為實。非空非有即是一實諦。照一實諦故名為實。雖非空非有。而空有宛然。不動不二。善巧能二。故名方便。十者空有為二。非空有為不二。照二與不二皆名方便。照非二非不二名實。淨名杜言。釋迦掩室乃名為實。權實多門。略開此之十對。即一途次第。並有經論。可隨文用之。論大義。問何故波若名摩訶溫和不名摩訶。答通皆得稱大。如上云溫和俱舍羅大師方便力也。別而言之。波若稱大。略明十義。一者實相顯而無邊深而無底。無有一法出法性外。波若照於實相故名大慧。溫和雖巧。不照實相故不名大。問二乘亦照實相。何不名大。答二乘未盡其邊。菩薩照窮原底。故名為大。二者三乘實智皆從波若中生。所以然者。所照實相既一。即能照波若無二。但根性不堪故。於一波若開為三乘智慧。三乘智慧攝入波若觀中。故名為大。問云何於波若出生三乘慧。答由實相故生波若。由波若故有菩薩。由菩薩故有佛。由佛故有三乘。即波若為本故出生三乘。所以名大。問三乘同觀實相。乃以實相為本。云何以波若為本。答要由諸佛菩薩體悟波若。然後說三乘教。始得同觀實相故波若為本。問波若本出生三乘。應是三乘通教。答

勝鬘經受正法出生五乘。猶如大地出四寶藏。涅槃云。即是聲聞藏出生聲聞。即因緣藏出生緣覺。即大乘藏出生菩薩。可是三乘通教耶。又如法花明。長者宅內非但具七珍。亦有金銀等物。而名長者大宅。不名通宅。波若亦爾。雖具有三乘之慧。而名菩薩法不名三乘通教。問若非三乘通教。何故勸三乘同觀。答勸三乘人同觀實相波若。不勸三乘人同學摩訶波若。問摩訶波若何故非三乘通學。答論云。波若不屬二乘。所以然者。既稱摩訶波若。即是大乘簡非二乘。故知。波若獨菩薩法。又此波若名波羅蜜。波羅蜜者。到佛道彼岸。二乘不到佛道彼岸。非波羅蜜故。摩訶波若波羅蜜。獨菩薩法不屬二乘。問經但云欲得聲聞等當學波若。云何乃言。當學實相波若。答釋論作此判之。尋文自當見也。又以理推之。必非二乘人學。勸摩訶波若。摩訶波若既是菩薩觀智。豈令二乘學耶。如涅槃云。下智觀故得聲聞菩提。上智觀故得菩薩菩提。此乃明三乘同觀中道。豈令下智學上智耶。問摩訶波若乃是獨菩薩法。而波若教中說三乘人同觀實相。即是三乘通教。答若爾涅槃經中。說三乘人同觀中道。應是三乘通教耶。問若非三乘通教。何故令二乘人說耶。答長者付財凡有一意。一欲顯教菩薩。二密教二乘。此乃欲息於三乘同成菩薩。云何乃言三乘通教耶。三者由實相生波若。實相既無所依。則波若亦無著。以波若無著。能達成衆行亦無所著。故不住三界不中息二乘。直趣

佛道以有引導之能故。名為大。問五度本非度。波若引導故名爲度。亦應五度本非眼波若引導故得有眼。答通義亦類。別即不齊。如五盲雖隨有眼趣道入城而得度名而盲體性終自無眼。五度雖隨波若趣八正路至佛道城。而五度體性終非波若故。開福慧二嚴意顯於斯。問金剛波若云菩薩不住相布施如日光明照見種種色。何得波若導五度不成眼耶。答本以般若爲眼。五度非眼。但波若導之令成無所得。不住三界。不墮二乘。趣佛道故名爲眼。非是成波若之眼也。問若衆行中以無所得爲眼。亦應以無所得爲慧。云何得開福慧二嚴。答無所得即通福慧即別。若以無所得爲慧。亦有此義。但非波若之慧。所以然者。波若有無所得。復有鑒照。五度但有無所得。無有鑒照。故不名慧也。四者五十二種大賢聖位在波若觀中。故名爲大。所以然者。今即唯一波若。但明昧不同故。開成五十二位。五者三大阿僧祇劫。修此大慧故名爲大。六者能斷大惑。所謂無明。是故經云。無明住地其力最大。二乘雖領四住。未能斷之。菩薩照窮實相。方除此大惑。故名爲大。七者拔三界內外一切大苦故名爲大。八者諸大菩薩之所行法故名爲大。九者於衆行中最勝無過故名爲大。十者信之而得大福。毀之而招大罪。故名爲大。此之十義自有偏約波若。自有具通二慧。可隨義配之。問波若待小名大。不待小名大。答具有二義。一者待二乘小慧故名爲大。問二乘爲小慧菩薩爲大慧。二乘

小波若菩薩大般若。何故言波若不屬二乘。二乘心中名道品耶。答講者不體其旨。意滯此言。論云波若不屬二乘。此是摩訶波若。菩薩大慧故。不屬二乘。非二乘之人無有空慧也。不得小名大者。波若體性是大故言不待。不如二乘智慧形凡則大望菩薩即小。問菩薩形二乘即大。望佛即波若爲小。故在佛心中變名薩婆若。寧言體性大耶。答波若是因中之極功在十地。故名爲大。不望佛也。又波若通因果。果地波若即最上無過。故體性爲大。如什公云。薩婆若即爲老波若也。又言絕待大者。得小名大。雖復絕小。猶未絕大。爲名言所及。故非好大。大小雙絕方是好大。問何文證之。答題云摩訶波若。波若深重而智慧不稱。亦摩訶深重。大不能稱。即其證也。又照明品云。不作大小名爲摩訶。復是良證。問雙絕大小。今非大非小。歎美爲大。還復待小。何名絕待。答此大絕小絕大。故名絕待。問絕大絕小名之爲大。即待大待小皆名爲小。還是大小相待。何有絕待大耶。答望前即絕。觀後便待。義不相違。問波若之大與涅槃大何異。答通而爲言。即無有異。是故論云。若如法觀佛波若及涅槃。是三即一相。涅槃之照即是波若。波若滅之則是涅槃。涅槃無累不盡名解脫。無境不照名波若。真極可軌稱法身。故具於三德名爲涅槃。波若即是涅槃。故亦具三德。波若但是智慧。既名爲別。涅槃亦但是果。果亦別也。問波若是涅槃三德中一德。亦應涅槃是波若三德中一德耶。答

亦得爲例。以波若之別即成涅槃。亦取涅槃之別成波若。波若之別即是智慧。涅槃之別名爲滅度。故果德涅槃佛地波若。皆具總別也。問經說三德成涅槃。何故不言三德成波若。答隨舉一德皆攝。何故無耶。但教起各自有由。涅槃教所興。正爲斥小乘灰斷不具三德。嘆大涅槃具於三。波若教起。正明因行斥二乘無二慧。辨菩薩具權實也。問涅槃何故據果波若何故約因。答涅槃名滅度。滅度者大患永滅超度四流。此名必是究竟。故就果門。波若名爲慧。慧猶未決了。宜約因也。釋道門第三。問釋論云。菩薩有二道。一波若道。二方便道。云何爲二道耶。答有人言。波若道即實相波若。方便道謂方便波若。是事不然。大判二道以爲三例。一。全依梵本應言波若道。二。具開此言應云慧道方便道。三。彼此合目如論所明。波若依彼之稱。方便存此之名。今若言實相波若方便波若。皆稱波若。即二道不分。又實相波若是境。方便波若是智。豈可以境智爲二道耶。若言實相波若是實慧方便波若是方便慧。以爲二道。是亦不然。論云波若方便以爲二道。何得皆稱波若。若爾二道俱應名方便。又立三波若。皆就波若道中論之。一實相波若。二觀照波若。三文字波若。實相能生波若。故名波若。文字能詮波若。以所詮爲稱。亦名波若。三觀照當體名爲波若。問何故但立此三不多不少。答凡有三義。實相爲能生之境。觀照爲所生之智。文字爲能詮之文。要具此三不得增減。

又合此三以爲三雙。實相爲境。觀照爲智。謂境智一雙。境智爲所詮。文字爲能顯。能所一雙。境智則自行。爲衆生說。故有文字。自行化他。一雙。二者實相即無爲。波若。觀照即有爲。波若。所以然者。論云諸法實相者。心行言語斷。無生亦無滅寂滅如涅槃。實相既無生滅。故是無爲波若。實相能生觀智。觀智始生。故名有爲波若。一切唯有此二。證此有爲無爲。當體明之。有爲所攝。三者實相是無爲波若。文字是有爲波若。觀照亦有爲亦無爲。菩薩果猶未盡。即未勉生滅故名有爲。佛即無惑不淨。無復生滅。故是無爲波若。問何故有煩惱即有生滅耶。答以有煩惱。不得了悟。本自無生滅。故有生滅。若無煩惱。即悟觀心。本自無生。即是無爲。不言轉有爲波若。故成無爲也。此三門總攝境智爲無爲。理教因果故。但立三也。問亦得實相爲實慧。觀照爲方便。以不答若以佛性爲實相。本自有之。名爲實慧。觀照修習始生名爲方便。此非照有爲方便。照空名爲實。若權若實。始有之義。皆名方便。本有佛性。覺照之義。名爲實也。地論人。真修波若。即本自有之。緣修波若。即修習始起。性淨涅槃。方便涅槃亦爾。此猶是舊本始之義。問與今何異。答本性清淨。名爲本有。約緣始悟。本淨故名始有耳。然正道未付本始。亦非垢淨。又舊宗爲無爲決定是二。今明未得菩提。即無爲成有爲。若得菩提。即有爲成無爲。豈離有爲別有無爲。如前釋也。爲無爲例然。諸

法本性清淨。故名無爲。未悟本無生滅。名有爲。然波若未曾爲無爲也。問波若道既開三。方便道亦有三不。答通亦有。謂境智文字。但實慧從境立名。故必須辨境。方便從巧受稱。故不須辨境。而文字即通二道也。然方便雖不從境立名。實照世諦之境。即亦具三也。觀照既有爲無爲。方便亦爾。如來二智。即是無爲。菩薩二道。猶是有爲。問實相波若。唯是境。亦得是智。答有人言。實相波若。但是境名也。釋論四十三卷問曰。前說智慧名波若。今何故說空爲波若。答果中說因。如云食布。此義應是因中說果。而言果中說因者。通討明義。智慧正是波若。實相能生智慧。智慧是實相之果。而於智慧說實相爲波若。故言果中說因。南北同此釋也。有人言。佛有三種。一者法身。二者報身。三者化身。佛。實相即法身佛。實相可軌。名之爲法。此法有體。故名爲身。而實相非佛。能生佛故。所以名佛。二者報身。即修行會實相理。實相既常。報佛亦常。以法常故。諸佛亦常。三化佛即應物之用。此北土論師釋也。有人言。修空無相。會理圓通。心意識滅。煩惱清淨。此無爲波若。即是實相。若有行境。未勉生滅。即菩薩六度。得十地差別。名有爲波若。此南方尚禪師義也。復有人言。實相即真諦理。會此理煩惱盡。離生滅。同真如等法性。無爲而無不爲。即實相是境也。此亦南方成實師義。今辨釋論意。可得有五句文。一者因中說果。如名實相爲波若。二果中說因。如說波若爲實相。三當因說因。實相非波若。

四當果說果。波若非實相。五非因果。故論釋實相。文云。因是一邊。果是一邊。離此二邊。名爲中道。緣是一邊。觀是一邊。離此二邊。名爲中道。故知實相未曾因果。亦非境智。而隨緣逐義。有上四句不同。衆師不應引隻文。以通圓旨也。問舊云實慧方便。慧普皆稱慧。何故二道不得俱名波若。答外國名波若。此方翻爲慧。梵本名溫。和。此土云方便。譯經之人。欲定彼此方言。故分於二道。若並云波若。即兩名相監。故。寂公述羅什譯經之體云。故音失者。正之以天竺。秦言譯者。定之以字義。不可變者。即而書之。故知二道不得俱稱波若。問若爾。舊何得云實慧方便。答欲明實法方便。俱有鑒照之功。故悉稱慧耳。此是義釋。非立二道之名。立二道之名。但云慧與方便。問何故波若名慧。方便不名慧耶。答通而言之。波若既照得名爲慧。方便亦照亦得稱慧。方便既巧。波若亦巧。但立此二名。欲相開避。隱顯互說。波若顯其照名。隱其巧稱。方便顯其巧稱。隱其照名。所以然者。波若從實相境立名。又當其體。故顯照隱巧。方便不從照俗境立名。但取巧用。故顯巧沒照。又慧名照空。波若既是空慧。所以名慧。方便涉有。應稱爲智。名慧。問波若照空名慧。方便涉有應稱爲智。答如前釋之。方便非不照有。正以取巧能故。不云智也。問何以知波若爲體。方便爲用。答釋論第百卷云。問上已付囑。今何故復囑。果。答上說波若體。今說方便用。故波若爲體。方便爲用。論又云。波若與方便本體是一。

而隨義有異。譬如金爲種種物。此明權實一體約義分二。金喻波若。波若爲體。金上之巧。譬於方便。方便爲用。問波若何故爲體。方便何故爲用。答實相爲本。波若照實相故。波若亦爲本。所以爲體。諸法爲末。方便照諸法故。方便爲用。問何以知實相爲本。答論初卷云。三悉檀可破。第一義悉檀不可破。滅一切言語。過一切戲論。第一義悉檀即實相。論又云。除實相以外一切皆名爲魔。故實相爲本。又迷實相故有六道。悟實相即有三乘。故實相爲迷悟之原。所以稱本也。此是對魔妄名之爲實。若無魔妄即亦無實。如前云。非境非智非果非因。不同舊宗有天然實相境也。問若波若爲本。即波若勝方便劣。何故六地名波若七地稱方便。答金雖是體未作巧物。則金爲劣也。制金爲巧。即巧勝於金。六地雖得波若之體未得妙用故波若則劣。至七地時。波若妙用。故稱爲方便勝也。是以論云波若清淨反名方便。此言反者。照空之慧。未能涉有。故空慧未巧但名波若。照空之慧。即能涉有。故轉名方便。問曰。既反名方便。應失波若之名便無二慧。所以然者。得波若時。未有方便。得方便即無復波若。答二慧更無別。體巧之空慧。即名方便波若。空慧之巧。稱波若方便。譬如金巧巧金。巧不失金。金未有巧也。問空慧有二巧。一照空不著。二即能涉有無滯。二巧之中。以何爲方便。答波若略有四力。一者照實相。二者無所著。三者斷諸惑。四者能導方便。此四用即是次第。由不見一切相。而見

實相。實相既無所依。即波若亦無所著。以無所著。衆累寂然。以無累故。能導方便。令涉有無染。若然者。照空及於空無著。是波若之力。故囑空慧。即空慧而能涉有此囑方便。故兩巧不同。問方便涉有具幾力耶。答一有照境之功。二有不證空力。三起行之用。問涉有無著是方便之功。波若力耶。答涉有即屬方便之力。無著由波若之力。以波若無著。於波若觀中。即有巧方便用。故此方便即能無著。問方便云何能不證空。答波若照諸法實相。方便能照實相諸法。故不沈空。觀名爲不證。如釋論云。波若將入畢竟空。無諸戲論。方便將出畢竟空。嚴土化人。此即證上諸力義。將入畢竟空。即是照實相。無諸戲論。謂無所著及斷惑之功也。方便將出畢竟空。即是爲波若所導。又是方便不證照境起行之力。問波若照諸法實相。云何方便即能照實相諸法。答名爲諸法實相實相諸法。諸法宛然而實相實相宛然而諸法。諸法與實相。不二而二。二常不二。由境既爾故。二慧得然。故波若照諸法實相。而方便即能照實相諸法也。問雖復實相而宛然諸法。照和照此名巧者。亦雖復諸法。而宛然實相。波若照之。何故不巧。答通即例爾。如上隱顯釋之。又波若照實相而能不著。二乘亦有其分。則巧義不彰。故不名方便。即空而能照有。此用既妙。故聲聞絕分。菩薩獨有故與方便之名。問若即空而照有。既稱妙者。亦即有而照空。亦是妙也。答既能即有而照空。便能即空而照有。此是慧有

方便解。方便有慧解。如此二慧。無有優劣。但對二乘照空不能涉有。故明即空而起有用爲妙稱爲方便。又對六地但得波若空觀未能即空涉有。故今明即空涉有是方便也。問於有不著於空不證。俱是善巧。何故不著之巧名波若。波若即劣在於六地。不證之巧名方便。方便即勝在七地耶。答如上釋之。又有是俗諦離有即易。故波若巧劣。空是真諦離無即難。故方便即勝。又入實相觀不著於有。即勉凡夫地。即實相觀而照諸法故不滯空。離二乘地。勉凡即易。故波若劣。超聖即難。故方便勝。所以有六七優劣義也。問若爾六地二慧未等。何得上云初地已並。答初地望地前即並。形七地即未並。所以然者。初地已來即得無生動寂無礙。但寂義小強動用微弱。故云未並。至於七地動寂無礙。二慧並遊。故稱並耳。問何以知然。答若六地已來未並。入空不見有。出有不見空。二乘亦爾。與菩薩何異。故知初地已來。便能已並。但微有強弱。故說未均耳。問於空無著於空不證有何異耶。答二乘入空不存四句。但是不著而不能不證。菩薩入空既無可存。又即能涉有故名不證。問二乘菩薩入空同無所依。何故聲聞住空菩薩不證。答二乘以空爲妙極。依此無依。是故住空。菩薩不以空爲妙極。知空亦空名不可得空。不依此無依故能不證。如大品云。行亦不受。不行亦不受。行不行非行非不行乃至不受亦不受。是名菩薩無受三昧廣大之用。不與聲聞辟支佛共。是故能不證空。又二乘



無顧行資空，故入空便證。菩薩大願大行，資空故入空不證。問論云：因名般若至佛即反名薩婆若，何得又云六地名波若至七地波若清淨反名方便。答如前釋之。六地之時，波若體強方便用弱，以體強故妙於靜觀，故觀空不著，以用弱故，未能即空涉有於有無滯，至於七地，即體用俱等，既能觀空不染，即能涉有無著，故名等定慧地。等定慧地，即波若用巧，故云反，即從八地已上二慧俱巧，若至佛地，即兩慧同反，實慧即反名薩婆若，謂一切智，方便慧反名一切種智也。問若至果反名二智，即因中同名二慧，何故前云波若稱慧方便不名慧耶。答因果立名各有其義，果門照一切空境名一切智，照一切有境名一切種智，俱從境立名，故宜並稱智，因門實慧從境方便約用，故不得並名慧也。問若爾何故菩薩道慧道種慧皆名慧耶。答因中之慧自有多門，立名各異，道慧道種慧，亦是從境立名，故宜並稱慧也。問若爾但應言智慧道種慧至果反名一切智一切種智，云何言波若方便反名二智。答論云：因中名波若，既反名薩婆若，因中方便理數反名一切種智，二慧反為二智，故不待言。問論云：波若反為薩婆若，何處云方便反名一切種智。答波若名慧是照境之名，果地一切智亦從照境為稱，二名相主故。云因名波若果名一切智，方便就用為目。一切種智從境立名，兩義不同，故經論不云方便反為一切種智，然方便雖不從境立名，而體實照有，故反為種智，雖復無

文，理數應爾，又因中名權實二慧，果名權實兩智，亦得即是其文。

渥和而宛然波若，以渥和宛然波若故，不著於有，波若宛然渥和故不滯於無，不累於有故常著水消，不滯於無故斷無見滅。寂此諸邊故名中觀，是以二諦中道，還發生二智中觀，二智中觀，還照二諦中道，故境稱於智，智稱於境，境名智境，智名境智也。二境既正明，二智義明，故須約境以辨於智。二乘不得二智者，良由不見此二諦，不得正觀者，亦由不見二諦即是中道故也。問波若照諸法實相渥和照實相諸法，即波若不照諸法渥和不照實相，將非限局聖心失無礙妙用，答波若為渥和之體，渥和是波若之用，體實相用照諸法，故開此二門，即智無不圓，照無不盡，若同照實相，並照諸法，即二境不分，兩慧相照，問舊說亦然與今何異。答波若體非不能照諸法，但用既照，不煩波若照耳，若用既照諸法，而體復照者，即一境二照，亦應二境一智生，是故二慧不並照也。舊義波若不照諸法，渥和不能照實相，雖復並觀智用恒別，即是格局聖心，封執二見，問前云波若不著有方便不證空，後何故復云渥和涉有不著波若鑒空無滯，答不著空者，凡有二義，一者波若照實相，實相既無所依，即波若亦無所著，此是般若之力，二不證空名為不著，此方便之力，不著有者亦具二義，一者波若入空故不著有，二者方便為波若所導，故能涉有不著，亦是波若之力也。是故經中又言，波若不著空方便不著有，或言波若不著有方便不證空，各舉一門義無違背，問若波若照空

文，理數應爾，又因中名權實二慧，果名權實兩智，亦得即是其文。

論境智門第四。夫智不孤生，必由境發，故境為智本，境非獨立，因智受名，故智為境本，是以非境無以發智，非智無以照境，非境無以發智，故境為能發，智為所發，非智無以照境，故智為能照，境為所照，境為能發為智所照，即境能為智所，智為能照為境所發，則智能為境所，境之所照能發於智，故境所為智能，智之所發能照於境，故智所為境能，不得言境前智後，亦非智前境後，亦非一時，唯得名為因緣境智也。問以何為境而能發智。答如來常依二諦說法，故二諦名教能生二智，故二諦名境，開中疊影法師，注中論親承什公音旨，什公云：傳吾業者，寄在道融疊影僧觀乎。影公序二諦云：真諦故無有，以俗諦故無無，真故無有，雖無而有，俗故無無，雖有而無，雖無而有，不滯於無，雖有而無，不累於有，不滯於無，斷無見滅，不累於有故，常著水消，寂此諸邊故名中，詳此意者，真故無有，雖無而有，即是不動真際，而建立諸法，俗故無無，雖有而無，即是不壞假名而說實相，以不壞假名而說實相，雖曰假名，宛然實相，不動真際，建立諸法，雖曰真際，宛然諸法，以真際宛然諸法，故不滯於無，諸法宛然實相，即不累於有，不累於有故不常，不滯於無故非斷，即中道也。由斯二諦發生二智，以了諸法實相故，生渥和波若，以悟實相諸法故，生波若渥和，渥和波若而宛然渥和波若

渥和而宛然波若，以渥和宛然波若故，不著於有，波若宛然渥和故不滯於無，不累於有故常著水消，不滯於無故斷無見滅。寂此諸邊故名中觀，是以二諦中道，還發生二智中觀，二智中觀，還照二諦中道，故境稱於智，智稱於境，境名智境，智名境智也。二境既正明，二智義明，故須約境以辨於智。二乘不得二智者，良由不見此二諦，不得正觀者，亦由不見二諦即是中道故也。問波若照諸法實相渥和照實相諸法，即波若不照諸法渥和不照實相，將非限局聖心失無礙妙用，答波若為渥和之體，渥和是波若之用，體實相用照諸法，故開此二門，即智無不圓，照無不盡，若同照實相，並照諸法，即二境不分，兩慧相照，問舊說亦然與今何異。答波若體非不能照諸法，但用既照，不煩波若照耳，若用既照諸法，而體復照者，即一境二照，亦應二境一智生，是故二慧不並照也。舊義波若不照諸法，渥和不能照實相，雖復並觀智用恒別，即是格局聖心，封執二見，問前云波若不著有方便不證空，後何故復云渥和涉有不著波若鑒空無滯，答不著空者，凡有二義，一者波若照實相，實相既無所依，即波若亦無所著，此是般若之力，二不證空名為不著，此方便之力，不著有者亦具二義，一者波若入空故不著有，二者方便為波若所導，故能涉有不著，亦是波若之力也。是故經中又言，波若不著空方便不著有，或言波若不著有方便不證空，各舉一門義無違背，問若波若照空

遍和鑒有即二智皆照。何言波若無知。答波若雖知而無所知。雖無所知而無所不知。問波若知實相故言無知。亦即知波若故言無知。答既約二境分於二智。即波若知實相故言無知。不得云知波若故無知。若知波若即是方便。問波若契實相即內外並冥緣觀俱寂方便照俗。何能知此波若。答波若無知而不知為方便所知。知而無知。即方便不知。問波若無知而知。知而無知。方便亦得爾不。答指實為權。指權為實。權實不二亦得爾也。不二而二。則無知而知。名為方便。知而無知。稱為波若。問波若照空具知與無知。方便鑒有何不然耶。答二而不二皆具二也。不二而二。波若所知之境。是空能知之智為有。故具知與無知。而方便能知所知境智皆有。故波若有知有無知。而方便但有知也。問云何波若具知無知。答波若知實相即緣觀俱寂。是故無知。而境智宛然。故不失知。此無知而知。知則無知。問若爾與開善至忘彌存何異。答彼彌存之義。終非至忘。至忘之義。終不彌存。今以彌存為至忘。至忘為彌存故為異也。問舊義亦然。與今何異。答彼至忘時智終不作境。境終不成智。則是境智二見。若智即是境。境既無知。智亦應爾。若境則是智。在智既照。境亦應然。今對此一門。略叙大乘樞要觀行淵府。經云。貪欲則是道。恚癡亦復然。如是三法中。無量諸佛道。貪欲則是道者。然貪欲本來寂滅。自性清淨。即是實相。如斯了悟便名波若。豈有實相之境異波若觀耶。故境智不二。照

貪欲雖本寂滅而於衆生宛然有貪。便名方便。傷其無貪謂貪。而欲拔之故。此方便即名大悲。欲令悟貪無貪與無貪樂。即此大悲復名慈也。故一句觀行。具境智二門慈悲兩觀。初信此法便名十信。次解此法稱為十解。乃至證悟究竟了達名為佛心。豈非一貪觀中具諸佛道。次論二經。問大品明實相不生不滅能生波若。涅槃云十二因緣不生不滅發於觀智。二經同釋境智。有何異耶。答略明四句。一開因果開境智。二合因果合境智。三開因果合境智。四開境智合因果。開因果開境智者。則波若所明。因有道慧道種慧。果則一切智一切種智。謂開因果也。實相能生波若。則實智之境。世諦能生方便。為權智之境。謂開境智也。次合因果合境智者。如涅槃五性之義。一因性。二因因性。三果性。四果果性。五非因非果性。此之五性。更無二體。十二因緣能生之義。則名為境。所發之義。便名觀智。觀智明了故稱菩提。菩提無累即是果果。然十二因緣。本性清淨。未曾因果。亦非境智故名非因非果。然此五性既無二體。則轉境為智。反因為果。如斯因果。未曾因果。故名合因果合境智也。三合因果開境智者。亦如大品以波若為因薩婆若為果。因果更無二體。轉波若之因為薩婆若果故。什公云。薩婆若則是老波若。此名合因果也。開境智者。實相雖能生波若。而不轉實相之境為波若。亦不轉世諦之境為方便之智。故名開境智。次開因果合境智者。亦如涅槃轉境為智故。名合境

智。而有因與因果果與果故。云開因果也。問既轉境為智亦轉因為果。即應同境智俱合。答經開因與因果果與果故。言開因果。而取境智。並作因因之名。沒境智之稱。故言合境智。問二經何故開合不同。答涅槃就十二因緣辨境智義。欲明衆生皆有佛性。衆生即是十二因緣。因緣能生即境。所生即智。更無二體故明合境智也。大品辨實相生波若。能生即是無為波若。所生即是有為觀智。故不轉無為波若。成有為波若故。開境智也。此皆不二而二。故二經不同。若二而不二。更無異也。同異門第五。問凡有五時二智。一照事中之法為權。鑒四諦之理為實。謂三藏教二智也。二照真空為實。鑒俗有為權。此大品教二智也。三知病識藥為權。應病授藥為實。淨名經二智也。四照一乘為實。鑒二乘為權。法花二智也。五照常任為實。鑒無常為權。涅槃二智也。如上所明者。乃是釋大品教意。云何以淨名經宗。答五時之說四宗之論。乖文傷義。古已詳之。今當略說。尋一經之內。具有五文。不待始終。方備諸智。如大品云。廣說三乘之教。菩薩遍學諸道。即識照四諦之理為實。鑒事中之法為權。故大品教中有三藏二智也。波若鑒空。遍和涉有。九十章經盛談此法。即空有二智。論釋畢定品。引法花經。謂三一二智也。法尚品云。諸佛色身有去來。法身無去來。則常無常二智也。知病識藥。衆經皆具。不待言之。故大品一經。備五二智。淨名經中。具

諸智者。問疾品明三空自調爲實慧。既土化人爲方便。即空有二智。弟子品云。佛身無爲。不墮諸數。亦出現生死五濁。則常無常二智。不二法門品。明聲聞心菩薩心不二。謂一乘實智。照大小差別名三乘權智。問不二法門云何。即一乘耶。答不二之理。則是乘本故名爲乘。由體不二之理故。生不二之觀。由不二之觀。能導衆行到薩婆若。故十二門論明大分深義。所謂空也。以通達是義。即通達大乘。具六波羅蜜。無所障礙。問不二之理通爲三乘之本。豈但一乘本耶。答理既無二。乘豈三哉。但唱此言則知歸一。又無二之理。即是一乘異名也。又尙明常住。豈不顯一乘。故知淨名亦具五二智。法花經具諸智者。方便品云。我雖說涅槃。是亦非真滅。諸法從本來常自寂滅相。昔涅槃非真滅。今涅槃爲真滅。則昔涅槃非真常。今涅槃是真常。又天親論釋壽量品。具辨三身。化身則有始有終。報身則有始無終。法身則無始無終。故知具常無常義。又若一乘之果猶是無常。即因異聲聞。果同寂滅。是事不然。聲聞果則是一乘因也。安樂行品明。知一切法空如實相。則是實智。知因緣生。謂方便智。亦具空有二智也。序品列衆。猶依小乘嘆聲聞德。故知亦具三藏二智。涅槃備五不復待言。問若一經之內具諸智者。衆經何別。答諸大乘經。通爲顯道。道既無二。教豈異哉。但入有多門。故諸部差別。雖一經之內具含五種。而明義傍正不同。三藏一教。唯明事理權實。未辨餘門二智。大品以空有

爲正。餘義爲傍。法花三一爲端。餘皆汎辨。涅槃以常無常爲正。餘悉兼明。問衆經何故有此傍正。答有二種菩薩。一直往佛道。二迴小入大。波若爲直往菩薩。說方便實慧不墮三界。不住二乘。有兩健人。各扶一腋。直至佛道。故法花云。有佛子。心淨柔濡亦利根。我記如是人來世得作佛。此則指波若時事。不須明三乘爲方便一乘爲真實。又迴小入大之人。於波若時通根未成。故不正明三一之義。而畢定品引法花經。明退不退。蓋是波若後分傍及之耳。三修比丘無常之執。至大品時。其根未傾故。不廣明常住。波若溫和既是因行。復須識果德。是故大品後分略明法身常迹有去來。又常啼本求波若故。以二慧爲正中道疑佛去來故。傍明本迹。問大品明有爲波若無爲波若。豈不正辨常無常耶。答無爲波若有二種。一者以實相境名無爲波若。所生觀智名有爲波若。二者以佛果法身名無爲波若。菩薩因慧名有爲波若。大品經。正明境智爲無爲義。傍明因果爲無爲也。是以論云。欲得有爲波若。當學無爲波若。此明欲得觀智當學實相境。若言欲得於因當學果者。於義不便也。又云。實相能生波若。正是以境生智。若言以果生因。義亦不便也。若以實相則是法身以如爲佛者。則此境智便是因果。上五句中。以詳此意。問大品何故以境智爲無爲是正。涅槃以因果爲無爲是正耶。答大品明說菩薩行。實相能生波若。波若故有溫和。故以境智爲正。涅槃盛明果德故。因位以

來皆是無常。如來法身始是常住。故以因果爲無爲是正宗。問大品明境智爲無爲。云何傍正。答實相境雖是波若本。而釋論開波若爲二慧。二慧則所生是有爲波若。故以有爲是正。無爲境傍。故不得以境爲宗。問大品不住法住波若具足六度等萬行。爲是有爲爲無爲。答不住法者。不住一切有所得法。以不住一切法故。則住波若。此則是實相無爲波若。次下具足六波羅蜜中。第六波若則是有爲波若。此凡明三法次第。一者能生。謂實相無爲波若。二所生觀智有爲波若。三導成因果之行。問何以知不住法住波若是實相波若耶。答第六度中既有爲則知。初是無爲也。又論辨六家解波若。第六則是實相。仍引不住法住波若。故知第六則是實相。法花經。正爲迴小入大之人。故明三乘爲方便。令其捨小。示一乘爲真實。勸其取大故。正明三一二慧也。既捨小求大。則發菩提心。修菩薩行。須學空有權實。不著三界。不墮二乘。直至佛道。但大品既以廣明故。法花但略說也。三根聲聞。於法花之座。不執無常故。未明常樂。但既說一乘之因。須辨一乘之果。是故後分略明於常。又說常住成前一乘。若是無常。還同灰斷。既異昔三。則知常住。是故略辨常無常也。涅槃教起。正爲無常之執。故開常住。三一定有前教已明。但略說之。問波若爲直往菩薩。法花爲迴小入大之人。即攝緣已周。涅槃教興復何所爲。答說教多意。不可一途。大品爲十九因緣。涅槃所爲非一。依法花釋此

意者諸子有二一者失心。即鈍根之人。二不  
失心。謂利根人。雖有直往之與迴小開波若  
法花並順悟。謂不失心。子利根人也。餘失心  
鈍根。猶未服藥。雙林唱滅。為說涅槃。方乃取  
信。若然者。始蓮花藏終跋提河。但有利鈍二  
緣。爾前為利根人。涅槃之教為鈍根人。又波  
若法花之座。皆已得道。今聞涅槃。更復進  
悟。故云。為人中象王迦葉菩薩。說是經也。又  
有二緣。一歷教已得悟道。二但聞涅槃則便  
取信。故波若法花。雖為兩人。更說涅槃二智。  
別論二經。問大品淨名二智何異。答凡有三  
說。五時者云。大品照空有分二智。淨名知病  
識藥。應緣授教。如上釋之。四時義云。大品淨  
名同是第二時攝。照空為實。鑒有為權。但大  
品通說淺深。淨名偏明八地之法。北土人云。  
淨名是圓頓之教。非染非淨。染淨雙遊。今謂。  
並不然。智度菩薩母。方便以為父。一切衆導  
師。無不由是生。此則空有二慧。斯乃遍貫方  
等。豈局大品耶。又波若鑒空。涵和涉有。此總  
攝諸智。知病識藥。應病授藥。繼在其中。豈得  
彼波若二智不攝淨名權實。故釋為非。龍樹  
烈十大經。謂法花等。而波若最勝。豈言大品  
通說淺深。淨名獨明妙道。若言淨名是八地  
已上之人。故法妙者。如來為究竟果德。說於  
波若。即應最深。又身子善吉小人。說之便非  
大法。若云淨名辨不思議。巨細容入。故為深  
者。大品明指障風力。毛舉大千。豈不明耶。又  
波若涵和不思議之本也。借座請飯。不思議  
之迹也。如大品盛明二慧。則辨不思議本。淨

名現通。乃顯不思議迹。何得本通淺深。獨  
為妙。若云三乘通學。波若故通淺深者。淨名  
亦辨二乘之人。皆以無得為得。豈不通耶。若  
言此經是圓頓教者。是亦不然。大品等辨菩  
薩權道。方便適化不同。寧獨以此經為圓頓  
耶。今所明者。大品淨名所明二智。有同有異。  
智度菩薩母。方便以為父。二經同辨斯法。但  
大品前明實慧。後辨方便。故九十章經開為  
二道。六十六品明波若。後二十四品明方便  
道。所以前明實慧。後辨方便者。實相為本。諸  
法為末。波若照實相。故波若為本。方便照諸  
法。故方便為末。此示二本。二末。從本至末。從  
體起用。故前明實慧。後辨方便。二者一切諸  
見。凡有二種。一者有見。二者無見。波若斥其  
有見。方便破其無見。即顯中道。遠離二邊。故  
前明實慧。後辨方便。謂破見次第也。三者菩  
薩退有二事。一貪三界。二取小乘。方便實慧  
故。不著三界。實慧方便故。不墮二乘。即入菩  
薩位。得至佛道。要前離三界。後離二乘。故前  
辨實慧。後明方便。此如法花經五百由旬。峻  
難惡道。三界為三百。二乘為二百。先離三百。  
後離二百。故先明實慧。後辨權慧。故大品中  
以二乘合為一百。但明四百。雖開合為異。與  
法花大同。如彼廣說。又寂公釋論序云。正覺  
知邪思之自起。故阿含為之作。鑒滯有之由  
惑。故波若為之照。若然者。波若即破小乘之  
有故。前明實慧。雖破著有。復恐證空。故方便  
破空。此約教之前後為次第也。五就位明次  
第者。前明波若道。謂六地已還。次約方便道。

則七地已上。無生法忍。此皆大判為言。龍樹  
云。波若中非無方便。方便中非無波若。但前  
多明波若。後多明方便。次淨名經辨二慧者。  
前明方便。後辨於實。所以然者。此教所興。正  
起於疾。故云。其以方便現身有疾。以有疾。故  
便有方丈二會。菴蘭兩集。故前明方便。後辨  
實也。又成就衆生淨佛國土。此是菩薩方便  
用。故佛國一品。明淨佛土。方便已去。辨成就  
衆生。是以此經多明方便。又大品多明實相。  
少現神通。淨名多現神通。少明實相。又大品  
多明實慧方便。淨名經多辨權實二慧。問權  
與方便有何異耶。答通即無別。皆是善巧之  
義。別而為言。方便則長。權語則短。今總明  
三句。一照實相為實慧。鑒萬法為權。二靜鑒  
萬法為實。外反動為權。三就動用。以不疾之  
身為實。託疾方丈為權。初照實相名為實慧。  
自餘三門。皆屬方便。故權義短者。但取外示  
反動名為權。故權是方便中之別用。所以  
言短。問權與方便既有短長。兩實亦得爾不。  
答方便之實則長。權實則短。所以然者。方便  
既無所不為。實慧照無所不為。而實無所為。  
是故長也。權智但是有中反動。實智是有中  
之靜鑒。故權實則短。問外示反動為權。則照  
動無所動為實。但立此二成權實不。答外示  
反動為權。此是應病授藥。必須內靜鑒根藥  
為實。方成二慧。空慧不知根藥。故不成二慧  
也。  
長短門第六。總論案經。具有四句。一實智長  
權智短。二權長實短。三俱長。四俱短。實智長

權智短者。此約動靜以分二智。靜鑒空有爲實故。實義即長。外反動爲權。權是有用。所以爲短。問內靜鑒空有實智既長。外動鑒說空有。如說二諦。又雙現空有。如文殊爲世王現虛空身。又示丈六千尺之身。若爾動用亦通空有。則二智俱長。答雖外說空有。但從鑒有智起故。權爲短也。所言權長實短者。此約鑒空爲實照有爲權。分於二智照空爲實。實智唯是靜鑒故名爲短。照有爲權。權備動靜內照根藥爲靜。外應病授藥爲動。權通動靜故言長也。二智俱長者。就空有以分權實。實智照空。權智鑒有。鑒有之中。明動靜二有實智短者。但就有中以分於二。內靜鑒有爲實。外動用爲權。故俱短也。亦如淨名不病之身爲實。示疾之義爲權。問但就有智開於權實。就照空智亦得開之。答實智明二不二義。又當其體。是故不開。權智是不二二義。又爲其用。所以開兩。若欲爲類照生空之淺爲權。鑒法空之深爲實。又二乘之空名爲權空。菩薩之空稱爲實空。照此權實二空。亦得爲權實二智。

六智門第七。與皇和上。昔講此經。明六種二智。以爲三雙。謂方便實權實。實方便權方便。方便權實權。故有兩實兩權兩方便也。方便實者。對方便以辨於實。謂知實相慧故名爲實也。權實者。凡有二義。一就菩薩辨之。如照有爲權。就此權中。更復明實。如內靜鑒根藥爲實。外反動爲權故名權實。又如不病之身爲權中之實。亦明權實。二約聲聞明權實者。二乘照事中之智爲權。鑒苦空之理爲實。今以大望小明二乘之實者。蓋是權明實耳。非究竟實也。次雙云。實方便權方便者。實方便。即對照實相之智名爲實方便。權方便者。即對上二乘之實明二乘方便。此是權方便耳。三雙云。實權方便權者。實權即從實起權故名實權。如照空有皆名爲實但取外用目之爲權。又實權者。二乘之權此是虛權。菩薩之權名爲實權。方便權者。此以照空爲實。照有爲方便。就方便中。更復起權。如內照有爲實外動用爲權。此之六門成長短義也。

論開合門第八。二智具有開合四句。一者開於二慧。如前所明。照諸法實相故名波若。照實相諸法稱爲溫和。如來內照此二故有二慧。佛從此二生故。有父有母。外爲衆生還說此二。如釋論云。初說波若道。次明方便道。初明佛母經。次明佛父經。所以波若爲十方三世諸佛父母尊經。信之而得大福。毀之而招大罪。問既以二慧爲父母。何者爲祖父母耶。答約境智分之。即實相及諸法二境。能發生二智。即祖父母。是故爾炎名爲智母。若據衆行爲論。由大悲故方有波若。即大悲爲波若母。亦由大悲故有方便。是方便之母。即是父義但合說之耳。此即是開二慧也。問若以波若爲母方便爲父。何故論云波若爲母般舟三昧爲父。又云波若母五度爲父。答般舟翻爲現前現前者。現前見佛。此是有行。故屬方便名之爲父。五度有行。亦屬方便也。次第二合二慧者。明波若與溫和皆是波若。所以然者。波若爲體溫和爲用。體即波若之體。用是波若之用。故皆名波若。如來雖說大品九十章開。於二道皆稱摩訶波若經。不以後爲方便。故知二慧皆名波若。又如論云。以金爲種種物。而即是金更無別體。又如六度中合方便與實慧皆名波若。問何以知然。答餘五度。但明五種有行。不辨照知空有。今照空義屬波若。知有義亦屬波若。故知二慧皆名波若。即是合權實皆名實義也。第三合權實皆名權者。照有功用既名爲方便。照空之巧。亦是方便故。二照同巧。即兩皆方便。又如七地名方便波羅蜜者。釋論云。是時波若清淨反名方便。以至於六地波若用猶未妙故。不名方便。至七地即波若用妙故名方便。如七地文從方便慧起十妙行。雖知三界空而莊嚴三界等。故知二慧皆名方便。對此義亦得六地有方便與波若皆名波若。又如勝鬘云。一乘大方便。一乘之中。若照空照有。說空說有。皆名方便。以悉是諸佛大善巧故。亦是合二慧爲方便也。四者不開不合。即浪上三句明諸法。正觀未曾有實。亦未曾是權。亦未曾開。亦未曾合。故云是法不可示言辭相寂滅。佛不能行佛不能到。而今有開合實權者。皆是無名相中。爲出處衆生故。明開合不同耳。斷伏門第九。先依中論疏。先立異家義。然後辨。問二智云何斷煩惱耶。答此經云。佛爲增上慢人說斷煩惱。實不斷也。問曰。大小經論皆明斷惑。云何不斷。答若言斷者。今請問之。

爲有惑可斷耶。如其實有即不可斷。又經云。若法先有後無。諸佛菩薩即有過罪。云何言斷。如其無惑。竟何所斷。又有惑即是有見。無惑名爲無見。亦有亦無非有非無。並是煩惱。云何煩惱斷煩惱耶。又縱有煩惱者爲所斷。慧爲能斷。爲見惑故斷不見斷耶。如其見者即明開並。云何斷耶。若不相見。復何所斷。若言解惑相違而懸斷者。即天竺燃燈破震且闍。一品之解。除一切惑。又慧獨能斷假伴共除。若獨能斷者。菩薩何故修八聖道。獨慧不斷。雖復假伴。亦不能斷。如一盲不見衆盲亦然。又一念斷爲相續耶。若一念者惑亦一念。即與俱謝。何能斷耶。若相續斷者。爲滅故續不滅續耶。滅即復無所續。不滅無復能續。云何續耶。以是推之。即無所斷。是以不應言智斷惑。問若爾應無有斷何故經云。一念相應慧斷煩惱習耶。答如上推之。即畢竟無斷。如是了悟即是斷也。所以然者。於一切處求解惑無從。即心無所依。心無所依。即衆累清淨。故名爲斷也。斷與不斷不相違。問以無所依名爲斷者。爲波若斷爲方便斷耶。答舊云。波若是空慧故斷。方便照有即不斷也。今明有所得空有二慧俱不能斷。無所得空有俱能斷也。但不二而二。開二慧不同。方便實慧。即不斷而斷。實慧方便。斷而不斷。問何故爾耶。答有所依著。是諸煩惱根。諸法實相。是無著之本。由實相無所依故生波若。波若即無所著故衆惑清淨。故名斷也。問若會境生智。然後斷惑與他何異。答不言惑外別有實相。

故會實相斷。但了煩惱本自不生今亦不滅。即是實相。故名會實相斷。問爲但波若斷薩波若亦斷。答此義舊有二師。或言金剛心斷。是波若斷。或言佛智所斷。即薩波若斷。今明大品云。菩薩無礙道中行。佛在解脫道中行。無一切暗。詳此文意。無礙解脫俱有斷不斷義。若一念正觀惑不現前。即無礙正斷。解脫出居累外。故解脫不斷。故云。佛在解脫道中行。無一切暗也。若言解脫續於無礙續前無惑之處。遮未來惑不得續生。即有遮斷。故亦名斷。無礙正斷故。得言金剛惑盡。未有解脫遮未來惑。得云不盡故。盡與不盡二既不違。問波若爲無礙薩婆若爲解脫者。得言地前爲無礙初地爲解脫不。答有人云。亦得如此。小乘即苦忍之前習行未久。但伏非斷。大乘地前修行積時。是故能斷也。今謂不然。大小乘義。乃優劣懸殊。如來制立大格相似。小乘即七方便伏苦忍斷之。大乘三十心伏初地斷也。初地中自開無礙解脫。無礙正斷解脫遮斷。如上釋也。問爲轉無礙爲解脫。爲無礙謝解脫生耶。答毘曇即謝。成論即轉。斥此二說餘處已明。今略陳之。金剛若謝別有佛果。云何波若反名薩云若。轉金剛而成佛者。云何轉無常之法而作常耶。今明者。具有轉謝及不轉不謝。若了悟金剛本不生滅。即金剛是佛。故不轉不謝是故經云。一切衆生本來寂滅。不復更滅也。於妄謂之心。息生滅之見。故名爲謝約了悟之者。前謂生滅。今悟無生滅。是故名轉。二文一會義無所違。問若地前

伏初地斷者。何得釋論云初地時未捨結七地方斷耶。答衆師不同。生公用大頓悟義。唯佛斷惑。爾前未斷。故佛名爲覺。爾前未覺。瑤師用小頓悟義。七地方斷。引向文證之。今明皆無所妨。大經云。唯佛名眼見佛性。十地已還皆稱開見。即唯佛斷惑。爾前不斷也。初地已來。但斷龜果未除細惑。故云不斷。七地除細故言斷耳。故各有其義。不應偏執。問爲中伏假斷爲假伏中斷。答適緣取悟無有定也。自有中伏假斷。如求性有無不可得故名非有非無。目之爲中。此但伏性有無猶未斷也。次明假有假無。即性有無始斷。所以然者。識假有假無。即知畢竟無有定性有無。故名假斷也。次明假伏中斷者。對性有無。說假有無。以伏性有無故云假伏。次明悟假有無。假無不無非有非無名中道。前性有無始得永斷故。名假伏中斷也。問亦得假伏假斷中伏中斷以不。答亦有此義。如識假有無即性有無永斷。名爲假斷也。自有識假有無。但伏性有無。猶未斷也。自有悟非有非無。但伏於性。自有悟非有無性惑永斷不須說假也。問云何名假名惑實法惑耶。答成論師云。緣假迷假稱假名惑。則迷假人柱等。緣實迷實名實法惑。如迷五塵等。今明。此是三藏一部之義耳。大乘假實惑者。即向所明之。即前之假名爲假惑。即前之實名爲實惑。所以然者。諸法未曾假實。今有此假實。良非惑耶。問大乘亦有假名實法義不。答二是假名。不二爲中道。中道即是實相。故名實法。迷因緣假名二

諦稱爲假惑。迷不二實相目實惑也。問云何迷耶。答不二名爲二諦。二不二爲中道。二定二故名迷假。不二定不二稱爲迷實。又二不二皆名爲假。非不二方爲實。迷此假實名假實惑也。

攝智門第十。問權實二智攝智盡不。答攝智皆盡。經有一智二智三智四智五智乃至七十七智皆二智攝攝一智者即如實智。如實智即是佛眼。佛眼無法不見。而無所見。無法不見。名權智。而無所見名爲實智。問如實智但是照實相智。唯應是實智。云何有權智耶。答此明如實而知名如實智。故具二智也。次攝二智者。則一切智一切種智。但此二智凡有六門。一空有分二。一切智爲空智。一切種智爲有智。此則權實攝也。次以總別分二。總相知爲一切智。別相知爲一切種智。但總別三門。一以苦無常爲總相。陰入界爲別相。二以無生滅爲總相。諸法差別爲別相。三以略爲總相。廣爲別相。如苦諦爲總相。廣分別苦有無量相爲別相。三別中取初義。第二義猶是空有。第三義屬後廣略也。三者略說爲一切智。廣說爲一切種智。如上釋也。四者因爲一切智。果爲一切種智也。問二智俱是果門。云何分因果耶。答例如菩提涅槃爲果及以因果。涅槃既是果。即菩提亦得爲因。此義論因果。今亦然矣。五者小乘名一切智。大乘名一切種智。此明小乘總相知十二入苦空無常。爲一切智。大乘通知一切法爲一切種智。六者一切種智爲空智。一切智爲有智。以種

名性。性即實相理爲諸法根本。故名爲種。一切智知一切法爲有智也。次攝三智門者。三智多門。涅槃云。一者波若一切衆生之慧。所謂下智也。二毘婆舍那謂二乘智即是中智也。三圓那佛菩薩智謂上智也。又云。波若別相。智別知諸法。毘婆舍那總相。智總知諸法。圓那爲破相。破相者。波若知有。毘婆舍那照空。圓那捨於空有。即中道智也。又如波若三慧品說。二乘爲一切智。菩薩道種種智。佛一切種智。二乘名爲一切智者。十二入攝一切法。二乘知十二苦空無常名一切智。論云。此但有一切智名。而無一切智用。猶如晝燈但有燈名而無燈用。問云何無用。答佛具知一切法別相然後能知一切總相。故名一切智。二乘但總相。知一切不能一一別相而知。如涅槃云。二乘但知於苦。不能分別是有無量相。我於彼經。竟不說之。即二乘不能別知。故但有一切智名。而無一切智用也。道種慧者。菩薩知四種道。人天謂福樂道及三乘道。知佛道自度度他。餘三道但度他也。佛名一切種智者。此一切種智。實異前一切種智。前一切種智但知有法。今合知空有名一切種智。經云。知一相故名一切種智。又云。知一切法行類相貌。名一切種智也。此三智中。一一皆具照空有。皆有權實二智也。次地持論有三智。一清淨智。斷五住惑盡故云清淨。即照第一義空智也。二一切智。即照有智也。三無礙智。無功用智。照一切法。無復功用故。云無礙。初是實智。後二爲權。次攝大乘論有三智。

一加行智。即進求七地心。二正體智。證如之智。謂實智也。三後得智。即寂而動。謂權智也。此三智即爲次第。前有進求之智。次正得實觀。後從實起用。地地中皆具此三智也。又四智攝入二智者。攝大乘論云。一切智一切種智無礙智無功用智。前二知空有。次一不從師。後一無有功用。即法花經云。佛智一切智自然智無師智也。前二別照空有。後二通空有也。次四無礙智。此有多門。今略舉一義。知世諦爲知法。知第一義爲知義。此即二智。樂說及辭皆世語智也。次明四智義。我生已盡梵行已立所作已辦不受後有。釋此不同。婆沙云。我生已盡是斷集智。集因能生未來苦果名之爲生。無學斷竟名我生已盡。梵行已立。是修道智。梵名爲淨。無漏聖道。能除垢染。離障清淨。名爲梵行。無學聖人道行成滿。名爲已立。所作已辦。是證滅智。斷惑證滅名爲所作。無學證果功成。名爲已辦。不受後有。是知苦智。後世苦報。名爲後有。無學聖人。於此有不復更受。名不受後有。問經說四諦。先明苦集後明滅道。今何故前斷集修道後證滅知苦。答四諦示欣厭門。先苦集後滅道。於欣厭門。逆觀次第故。先果後因。四智是順觀門故。先因後果。故前集道。後明滅苦。又要除障。然後善成。故先斷集後修道。後果中。先滅現在過患。後不受未來苦報。故前滅後苦。勝靈涅槃釋四智又異。今不述之。四智皆入大乘權智。是小乘之實智。次五智攝入二智者。一法住智。二泥洹智。三無諍智。四願智。五邊



際智。依小乘。法住智者。知苦集相生諸法存立名法住智。知道及滅名泥洹智。又云。知苦集道名法住智。知於滅諦名泥洹智。令物不起諍爲無諍智。願知未來一切事。即便得知名爲願智。邊際智者。報身最後名爲邊際。聖人修得自在智故。於報身延促自在名邊際智。小乘前二智通利鈍。羅漢皆有。後三但利根羅漢有之。又前二通一切定皆能起。後三但第四禪起。前二通漏無漏。後三但有漏。前二三界身得起。後三但欲界三天下身起。前二以三界法爲所緣境。無諍智者。但以欲界瞋心爲境。大乘五智。一切處一切身五十二位皆得起。通漏無漏也。小乘五智。皆爲大乘權智攝。大乘論五智。泥洹即是實相正法屬實智。餘四屬權智。十一智攝入二智者。十智照四諦。是差別智。屬權智攝。如實智照一實諦。即是實相。謂無差別智。故屬實智也。又論云。十智在四眼。如實智爲佛眼。若爾四眼中具二智。佛眼中亦具二智也。問菩提與薩婆若十智何智攝。答論云。菩提是十智。即是有智。即一切種智。薩婆若爲如實智。謂空智。亦是一切智。四十四智者。約十二因緣作之。如云老死苦老死集老死滅道。一一皆具四諦觀也。七十七智者。生緣老生。不離生緣老死。初是正觀智。次是審法智。又正觀智簡無因。審法智簡異邪因。三世各二爲六。此六是法住智。次一是泥洹智。法住爲明生死因果增長故多。泥洹滅之智。三世合一。此皆小乘之義。皆屬大乘權智攝之。若大乘泥洹智是實

智。如上也。如此皆是無分別中善功分別。雖分別不動無分別。不同數論有所得釋。既是名教。不得不不知。問四十四及七十七同從老死起。有何異耶。答四十四觀果由因。其觀易成。故爲鈍根人也。觀果由因者。初觀老死是果。大明老死集者。觀果由因也。七十七即觀因生果。如云生緣老死。生是因。爲老死之緣。不離生緣老死亦爾。觀因生果。其事既難。故爲利根人。四十四成論文云。在七方便中。七十七文不判位。衆師云。在四現忍中也。問何故不從無明起耶。答尋末至本。此觀易成。又四十四但得從果起。以具四諦故。若從無明起無復因。云何得具四諦耶。七十七不從無明起。但從老死起。其觀易成也。問菩薩觀十二因緣屬何智耶。答菩薩無方。不可定判。釋論云。菩薩爲衆生故。從果觀十二因緣。常無常門第十一。略明四句。一境智俱常。唯大乘有之。小乘無也。以小乘凡聖之智皆無常故。但大乘境智俱常。凡有三義。一常智照實相境。如果德觀照波若。照實相波若。二常智照虛空常境。如大經云。一切常中虛空第一。今常智照此常境也。若以實相即是虛空。如釋論中說。虛空非有非無。言語道斷。心行處滅。即是實相。今且據事。以虛空爲常。此二句示境智二義也。三者常智還自照智。即是反照智義也。次常照無常。凡有二義。一照衆生無常。二照應速無常也。次無常照常。凡爲三句。一照虛空之常。二照實相境常。三照法身佛性常。但是照境非照智常。以因中未有常

智故也。次無常照無常有二句。一照無常境。二者無常自照無常智。問無常智還照無常智。與常智知常智何異。答常智知常。唯有一義。無常智知無常有二義。一者後念智。知前念智。二者一念智。即自能知。得並觀者。具有二義。未能並者。但有前後相知也。常知於常。但有一念自知無前後知也。問北土論師云。初地已上。即有常住法身。亦即有常智。是事云何。答須詳此說意。爲以證真之智爲法身耶。取所證真如佛性爲法身耶。若以能證之智爲法身。常者是事不然。釋論云。在菩薩心名爲波若。在佛心反名薩婆若。若是常者。則無明昧。不應有改反也。又涅槃經云。此常法稱。要是如來。長壽品。凡簡三法常義。一者外道。二者小乘。三者菩薩。並無常住。故以佛性常爲法身者。此猶是江南舊宗。非北方異說也。問有講攝大乘師云。初地見真與佛地不異。是事云何。答若爾。論何得云在菩薩心名波若。在佛心反名薩婆若。既其改反。即知有明昧不同。又論云。波若清淨反名方便。則知六地波若未淨。又本以見真故斷惑。初地見真與佛不異。則一切惑斷。若不以見真斷惑者。便應是有智斷惑。此說不然。如此皆是無分別中善巧分別。不爾者。淺學失於眉眼。爲無巧方便。今既欲釋二智。即廣解方便。方便者。無差別差別智。故須善巧分別法門。然後無方無礙之用。後當廣叙得失。未可驚同舊宗也。今據此門可有四句。一者語同意異。語同上來所辨。乃有常無常。問何故語同耶。

答語出經論。經論共用。何得不同。而意義異者。中論云。言語雖同。其心則異。今明。此是無分別中善巧分別。不二二義。故開常無常境智二義耳。既云不二二。即雖不二二。如大經云。我無我無有二相。常無常亦爾。經云。愚人謂二。智者了達。知其無二。復有愚者但謂不二。智人了知不二而二。何者。愚人。不識常無常。不知境智。故是無明。無明故為愚。智人了知常無常。名為智者。是故名為語同意異也。

二者語異意異。有所得人。不善分別。無所得心。大乘能善分別。故名語異。一者是無所得心。善分別。二者有所得心。不善分別。故名意異。三者語同意同者。語與諸佛菩薩方等經論同。意與諸佛菩薩無依正觀亦同。故名語同意同。又語與有所得人語同。有所得人。復有少分得處。今意亦與彼同。故云語同意同。四語異意同。語雖異經論。而意符合道。亦得用之。又語異舊宗。而意同會佛旨。亦得用之。宜以斯四句總貫諸門。不應一向偏有去取。問何故明此四句。答有二種人。一始學大乘。謂必須一向與舊宗為異。則成謗法。所以然者。語出經論。宜共用之。但得與無得其心各別。不應以意異故令語亦異。二者學小乘人。玄與大乘異。強謂義同。是亦謗法。所以然者。小乘語意與大乘語意實不同。而強謂同。如學成實論者。謂無相滅諦與方等理均。故亦名謗法也。為此大小學人。宜開同異四句。得失門第十二。權實是聖人之觀心。真俗為衆聖之妙境。上已略明二慧。次廣論真俗。真

俗之本。若成權實之末。自正故開十二門詳其得失。  
大乘玄論卷第四終

### 大乘玄論卷第五

胡吉藏撰

教述義三

一釋教不同門 二感應門 三淨土門

釋教第一。至理無言所以言者。言生於群心。然群基百差。致令學教萬殊。萬殊言教解釋不同。成論師。或言四時。或言五時。引涅槃經云。從牛出乳。從乳出酪。從酪出生酥。從生酥出熟酥。從熟酥出醍醐。又從佛出十二部經。從十二部經出修多羅。從修多羅出方等經。從方等經出波若波羅蜜。從波羅蜜出大涅槃。成論師。五味相生配五時教。四諦教。有相差別故出十二部經。修多羅名法本。波若是諸法根本故。波若名修多羅。維摩經廣明菩薩不思議法門故。維摩經名方等經。一乘之中般若最勝。故法華經名般若波羅蜜。涅槃經時常住佛果。故言出大涅槃。今謂不爾。十二部經。是別相修多羅。從十二部經出修多羅者。是通相修多羅。從通別兩教起大乘萬行故。言從修多羅出方等。萬行之中。波若為主。故言從方等出波若波羅蜜。從此二因得大涅槃果故。言從波若波羅蜜出大涅槃。此乃教行因果相生。非是判五時教也。

今此摩訶衍論無作品末云。初轉法輪時。非唯八萬諸天一人得須陀洹果。又無量人。發無上菩提之心。乃至無量人。得一生補處。又成道五年。說十萬偈波若。備明二空。七年為大菩薩說般若三昧經。明色心皆空。十年說如來藏經。顯本有佛性。應知。十二年中。非只說小乘。若大小俱明。而言但說小乘者。亦可十二年後。雖大小俱說。應名小乘。若俱說大小。而名大乘。我亦十二年前。雖大小俱談。而名大乘教。又論云。善吉曾於法華會。聞說菩薩畢定。後聞大品阿毘跋致品。是故今問。為定為不定。故法華不必第四時耳。又成道已來常說般若。所以不局第二時也。地論師云。有三宗四宗。三宗者。一立相教。二捨相教。三顯真實教。為二乘人說有相教。大品等經廣明無相。故云捨相。華嚴等經。名顯真實教。門。四宗者。毘曇是因緣宗。成實謂假名宗。三論名不真宗。十地論為真宗。今謂不然。此人罪過甚深。勿謗波若墮於無間。今依此論具明三佛。又彌勒天親。釋波若經文亦明三佛。故知。波若等經。具明常住佛果佛性正因十地了因。若爾。何不名顯實教。應依四依大聖。莫依凡妄執也。問曰。若言常者。云何此經云三世諸佛皆入無餘涅槃耶。答曰。非是小乘無餘涅槃。若依攝論。大乘無餘涅槃有二種。一者分段因果盡名有餘。變易因果盡名無餘涅槃。二者報應二佛名有餘涅槃。法身名無餘涅槃也。又金剛波若經中。我皆令入無餘涅槃者。是彌勒釋云。大乘第一無餘涅槃

也。問曰。若爾何故此經明十力四無畏十八不共等皆是有為耶。答曰。對法身真如空邊故。報佛十力十八不共等。是有法故言有為。非生滅有為也。又攝論云。無常有二種。一者因中本無今有已有還無無常。二者佛果本無今有已有不無無常。而不同因中生滅無常。但是佛果上報契耶。識五根等始起邊名無常耳。問曰。若此經非直明空者。亦說本有不空之法耶。答曰。論主釋初品中法性云。法名涅槃性者本分。如白石中有銀性。黃石中有金性。一切法中有涅槃性。亦如是。今謂是本有性淨涅槃。是以此經。皆明性淨方便二種涅槃也。問曰。更有明證證此經已明常住已顯真實耶。答曰。明證雖多。不可為煩。今但取法尚品以三譬具明三佛。又云諸佛色身有去來。諸佛法身無去來。有去來是應佛。無去來是法佛。報佛。又論云。佛有二種。一者父母生身佛。二法性生身佛。父母生身者。是應佛。法性生身。是報佛。若但言法性身。是法身佛。論又云。華色比丘尼不見法身佛。善吉得見法身。又此經處處皆云十地行滿得無上菩提。云何十地行滿還得無常身耶。是故涅槃云。我無我無有二相。我於摩訶般若波羅蜜經中廣說。涅槃經明佛果真我。即此經明無上菩提。涅槃經明生死無我。即此經明因中菩薩無我。應知。此經佛果真我生死無我。皆空其相無二具明八倒。應可信受耳。問曰。或謂此經未是會三。感誦法華以為盛難。此義云何。答曰。法華會三歸一。則三遺而一存。一

存未免守相。故以萬善為乘體。般若即三而不三。則三遺而一亡。無有法之可得故。以無生中道為乘體。無生絕於戲論。竟何三之可會。所謂百華異色共成一陰。萬法殊相同入波若。無可分別。又顯一乘真實凡有二門。若是法華。對三乘方便顯一乘真實相。若是波若淨名。毀小乘為劣。讚大乘為勝。顯一乘真實也。是故不可談其二經勝劣耳。若引涅槃明常而難此經。前已明之。不更煩耳。問曰。若唱成地二家之失。今云何判佛敎耶。答曰。菩薩藏聲聞藏。大乘小乘。有餘無餘。作無作了不了。有邊無邊。頓漸。半滿。常無常。有量無量門往收。不以其足十門方收。但以一一門攝無量法藏。攝門非一。故有十門。問曰。前言應依四依莫依凡妄說者。何等是四依。答曰。四依者有二種。法四依者。依法不依人。依義不依語。依智不依識。依了義經不依不了義經。人四依者。依小乘五方便為第一依。須陀洹斯陀含為第二依。阿那含為第三依。阿羅漢為第四依。若依大乘。地前四十心。具煩惱性為第一依。從初地至六地為第二依。七八九地為第三依。第十地為第四依。今是後四依也。問曰。前言十二部經。云何但言十二不大不小耶。答曰。有四句。一大小俱明十二者。以十二是一數之圓。又治眾生十二緣病故也。二者大小同明九部者。亦是一數之圓。又為九道眾生說故九部。小乘約法淺故無方廣經。佛記非小乘之宗。又小乘人。無補佛處故。除授記經。小乘法淺有人能問故。除無問

自說經。又大士能為眾生作不請之友故。有無問自說。小乘不能。要待請方說。故無無問自說。大乘人根利故除三。大乘之根利直說即解。不須因緣及以譬喻。亦不假論義故略以此三部。第三句小廣而大略。如地持論說。菩薩藏名方廣經。聲聞藏謂十一部。此意明大乘十二為明方廣之理。從所詮之理為名。故十二部悉名方廣。小乘十二部。不為明方廣之理故。存其十一部名。沒方廣之稱。第四句大廣小略。顯大乘滿字故。具足十二部。小乘半字故。唯有九部。又得開三。修多羅祇夜伽陀。此三就敎別名。即以敎為此三部體。餘之九部。從別事受名。亦不離此三也。三從文言立名。九從功能受稱。修多羅者。有二種。直說語言為別修多羅。從如是至奉行。通修多羅。三藏中修多羅。豎長橫狹。豎長故攝於十二。橫狹故但一藏。十二部中修多羅。橫闊豎短。不攝十一。故豎短。攝三藏故橫闊。伽陀者。第二部謂不等頌。第三祇夜謂等頌。又九從功能受名。謂授記經。本事經。本生經。未曾有經。因緣經。譬喻經。無問自說經。方廣經。論義經。合為十二部。今小乘九部合為五雙。初長行與偈一雙。諸佛為眾生。或直說修多羅。或命初即為說偈故名伽陀。即知。修多羅不必在前。伽陀不必在後。本事本生。第二自他一雙。本事說他過去世事。如藥王本事品等。說自過去世事為本生經。未曾有因緣經。此明善惡事一雙。未曾有經為善事。如青牛行鉢白狗聽經大地振動。因緣謂起罪本末。隨

本末而說名因緣經。譬喻祇夜法喻一雙。論義經者。則是能論。上八部四雙名爲所論。謂能論所論一雙。佛在世時自說十二部經。佛滅度後。委付迦葉。十弟子之中。最大有四大聲聞。所謂迦葉目連須菩提舍利弗。何獨付迦葉不付餘人者。舍利弗目連早已滅度。須菩提者爲性濡。迦葉爲性剛決。故付迦葉。迦葉滅後付阿難。阿難付末田地。末田地付舍那婆斯。舍那婆斯付優婆塞多。如是隔世五師。至一百餘年。分爲二部。一者摩訶僧祇部。此云大眾部。二者多羯羅部。此云上坐部。從大眾部分爲九部。一名大眾部。二名一說部。三名出世部。四名窟居部。五名多聞部。六名施設論部。七名枝提部。八名阿婆羅部。九名解他羅部。三百年中。上座部因誦論事分爲十一部。一名薩婆多部。二名雪山部。三名犢子部。四名達磨多。五名跋陀耶尼部。六名三彌底部。七名六城部。八名彌沙塞部。九名曇無德部。十名迦葉唯部。十一名修多羅論部。問經言本二及十八皆從大乘中出。何者爲本二及十八耶。答上座大眾兩部爲本二。其後弟子分爲十八部。又經言五部者。佛三藏中毘尼藏多有此名。又十八部中五部盛行。五部者。一薩婆多部。二曇無德部。三僧祇部。四彌沙塞部。五迦葉唯部。五部之中。薩婆多部盛行。故佛滅後二百年中。從上座部出薩婆多部。偏弘毘曇。佛滅後三百餘年。迦旃延子。作毘曇八犍度。六百年五百阿羅漢。造毘曇沙論百卷。七百年爲婆沙大廣。法

勝造毘曇論。爲法勝太略。千年之間。達磨多羅。造難心論十一卷。故毘曇盛行。成實論主。從曇無德部出。出於七百年。名訶梨跋摩。龍樹菩薩。出五百年。破諸異部。造大乘百部論。於闍浮提。轉第二法輪。問有人言。般若若三乘通教。凡引多文。欲得聲聞地。當學般若。乃至欲得菩薩地。當學般若。又云。是般若中。廣說三乘之教。故言三乘通教。此義云何。答曰。論云。佛於三藏中。但爲聲聞。說四諦法。未說菩薩行。今欲爲彌勒等廣說菩薩行。故說般若。即知。般若若非三乘通教。又論云。般若若不屬二乘。但屬菩薩。又論云。在菩薩心中名般若。在聲聞心中名道品。若是三乘通教。則在三乘心通名般若。不應有別名。又難云。若三乘通學般若。般若若是三乘通教者。涅槃經云。三乘人同觀中道。下智觀故得聲聞菩提。乃至上上智觀故得佛菩提。亦應是三乘通教。大論云。十種大經中。般若波羅蜜最深最大。小般若經云。此經爲發大乘者說。最上乘者說。故知。般若若非三乘通教。又說。三乘同學般若者。是密會一乘。若因同果亦應同。又說聲聞緣覺若智若斷皆是菩薩無生法忍。又說一切處求人不可得云何。分別有三乘耶。當知。即是密說一乘。又古舊義。般若已會法但未會人會法者。一切法皆入法性。皆入摩訶衍中。次云。淨名是抑揚轉法輪嘆凡夫有。及覆毀聲聞爲敗根。是亦不然。魔事品云。譬如癡犬不從大家求食。從作務者索。大者聲聞人。大家者大乘教。作務者小乘經。大品經應是

抑揚教耶。問何故餘經不逗緣說此法耶。答大品法華是合明義。涅槃是開明義。所以合明義者。大品直明無所得因無所得果。破衆生有所得心。即便了悟。不須別開緣正因果也。法華直破異因果。明一因一果。衆生即得了悟。亦不開緣正因果。大經爲鈍根衆生開上合說未悟故。廣開緣正兩因果。始得領解。以根緣宜。開合以取悟則爲之合。應聞開以受道故爲之開也。問就大品法華華嚴正有緣正文以不。答傍有此義。釋論解方便品云。般若爲種子。是正因。五度等爲水是緣。因。能生菩提果樹。又大品已有明佛性義。亦有緣正因義也。法華中。明衆生有佛性。即正因。萬行等是緣因。華嚴中正法性起文云。微塵中有一經卷。一經卷中廣記一切事。此即是衆生身中有佛性。破微塵出經卷。即是除煩惱見佛性也。佛性既是正因。諸菩薩修行四十心十地等。即是緣因也。問若皆有緣正二因。云何有四種之異。答但衆經皆有傍正二義。般若廣破有所得。明無依無得。爲正宗。佛性一乘爲其傍義。法華廣明一因一果爲其正宗。無所得及佛性爲其傍義。涅槃廣明佛性常住。爲斥無常之病爲其正宗。一乘及無所得爲其傍義。又衆經迴緣不同。互相開避。般若已廣明無所得實相。故法華不明之。未廣說一乘因果故廣明之。法華已明一乘因果。故涅槃不廣明之。未廣明佛性常住故廣說之。又只是一道三義。說之無境不照義故名般若。真極無二義稱爲妙法。常恒不

總義目爲涅槃。又在菩薩心故名般若。在佛心故名薩婆若。具在佛菩薩心故名一乘。又須領衆經顯道無異而作異名說之。如大品作般若之名。不作一乘及佛性之名。法華作一乘之名。不作般若佛性之稱。乃至涅槃亦然也。

感應第二。有三義。感應者乃是佛法之大宗。衆經之綱要。言感者牽召義。應者赴接義。衆生有善致彼佛前。垂形赴接。理無乖越。謂之感應。凡夫感而不應。諸佛應而不感。菩薩亦應亦感。感者不同。略有四種。一者感形不感聲。但見佛不聞法。二者感聲不感形。直聞教不見佛。三者形聲俱感。見佛聞法。四者不見佛不聞法。直感神力密益。感應體第二。問三世善何善感耶。答有人言。未來善感。若爾者未來佛應不現在佛應。又言。現在善感。亦言過去善感。又言。惡感。有人善感。有人善惡共感。若言惡能感者。一切起惡衆生。何故不見佛。若言善能感佛。衆生既有善根。盡能得道。何用佛爲。如無病何用藥師爲。善惡俱感者。一切衆生皆有善惡。事不感佛在六道受苦。今明三世善感。過去現在爲正感。未來爲傍感。故經云。過去久修善根。及今念佛得見如來。今明善惡感者。將滅惡可生善。問與他感應何異。答今明感是應義。應以感爲義。感應相由。是因緣。問佛爲有應法起息應名滅。爲無應法起而云滅耶。答自古爰今凡有三解。開菩薩師。用阿公義。衆生於法身上見有生滅。佛實無生滅。故經云。慈善根力令彼見之。

指實無師子。莊嚴曼法師云。別有應法起。故以本垂述爲生。息述歸本稱滅。如經云。金翅鳥王。上昇虛空。觀彼水性。及見己影。即其證也。招提談云。具有一義。今正明。爲異論紛輪。或言實滅。或言不實滅。或言有應法起。或言無起。並是評論。是故龍樹出世破之。諸見若息。然後乃識因緣假名無方大用。非起非不起。亦起亦不起。亦非非起非非不起。適緣而用。得諸善巧。雖具諸義。亦不同舊說。蓋是起無所起。名爲不起。不起而起名之爲起。不可聞起。定作起解。聞不起定作不起解也。問由佛滅度故衆生起迷。若不滅則不起迷。則答於佛答智度論云。佛有三時利益衆生。一爲菩薩時。二得佛時。三滅度時。華嚴經云。欲令衆生生歡喜故。現王宮生。欲令衆生生戀慕善。示雙林滅。既云三時益物。知緣自起迷。佛無過耳。問爲習因善感爲報因善感。答云。習因正感。報因傍感。見佛生樂受故。問善惡感佛者。爲善正感爲惡正感。答善正感惡傍感。問有人言。無別應起。但法身上見丈六。此何耶。答達經文。大經云。金翅鳥王。飛昇虛空。下觀水性。及見己影。虛空是法身佛。金翅鳥是報身佛。及見己影是化身佛。表應部第三。佛滅度後有形像及經書。此名表應。非爲正應。所以然者。以丈六及言教觀機而現。既其應機。應謂之正應。衆生見聞之後故。造像表其所見。書寫傳其所聞。既有由衆生非正由佛。故爲表應非正應也。今若相從說者。亦入應中。何以知之。形像既相從入佛寶。何

爲不得相從入應。經書雖是正法。既由衆生書寫。亦相從應也。問諸佛菩薩體不二。能應者未詳不二。是何等法。答成論師真諦謂爲不二法門。智度論師謂實相般若。地論師用阿梨耶識。攝論師真諦三藏即阿摩羅識。四宗之內。初二約境。後二據心。雖識境義殊。而同起四句。故釋迦掩室於摩竭。淨名杜口於毘耶。斯皆謂爲神御故。口以之而默。豈曰無辨辨所不能言也。今明。乃是不可言境心。不可言不境心。中道佛性理也。問何位菩薩能真俗並觀。應物顯形如水月中月。濟度人耶。答靈味師云。初地得無生即能真俗並觀。什肇師云。七地並觀。成論師云。八地並觀。今謂從初發心則學無生習於並觀。故涅槃云。發心畢竟二不別。有四重階級。一者對地前。凡位但明順忍未有無生亦未能真俗並。初地稱聖。始得無生。二觀方並。仁王攝論並有此文。二者初地已上六地已還無生尙淺。與順忍之名。至於七地稱等定慧地。始是無生名爲並觀。智度論云。前三地慧多定少。後三地定多慧少。故定慧不等。至於七地定慧均平。云等定慧地。此說般若靜慧爲定。方便觀照爲慧。六地妙於靜觀拙於涉動。故定慧未均。至于七地則二用俱巧。名等定慧地。三者七地雖得無生已能並觀。但猶有功用。八地於功用心。永不復生名無生。四者八地雖無功用。猶未究竟。究竟無生。在於佛位。方便品云。久於佛道心已純熟。當知。是佛地無生金粟如來則依斯文已顯。無生具在四處。衆師

偏執一徒以失其旨。淨土第三有二義。一通二別。淨土者。蓋是諸佛菩薩之所栖域。衆生之所歸。總談佛土凡有五種。一淨二不淨三不淨淨四淨不淨五者雜土。所言淨者。菩薩以善法化衆生。衆生具受善法。同攝善緣。得純淨土。言不淨者。若衆生造惡緣。感穢土也。淨不淨者。初是淨土。此衆生緣盡。後惡衆生來。則土變成不淨也。不淨淨者。不淨緣盡。後淨衆生來。則土變成淨。如彌勒與之釋迦也。言雜土者。衆生具起善惡二業。故感淨穢雜土。此五皆是衆生自業所起。應名衆生土。但佛有王化之功。故名佛土。然報土既五。應土亦然。報據衆生業感。應就如來所現。故合有十土。就淨土中更開四位。一凡聖同居土。如彌勒出時。凡聖共在淨土內住。亦如西方九品往生爲凡。復有三乘賢聖也。二大小同住土。謂羅漢辟支及大力菩薩。捨三界分段身。生界外淨土中也。三獨淨土。所住土。謂菩薩道過二乘。居士亦異。如香積世界。無二乘名。亦如七寶世界。純諸菩薩也。四諸佛獨居士。如仁王云。三賢十聖住果報。唯佛一人居淨土。諸淨土位不出此四。即從劣至勝爲次第。問以何爲土體。答土體有三。一相論其體有五。謂化處淨化主淨教門淨徒衆淨時節淨。無刀兵等。二若就三世問明土世間。則以七珍爲體。三者堅論義。聖道而言。土以不土爲體。要由不土方得有土。即以有空義故。一切法得成也。攝論師云。識所變異是淨土。以心爲體。今明有三種。若是法身淨土。以中道爲

體。亦是報佛淨土。七珍爲體。亦是化身淨土。以應色爲體。通而爲論。皆是中道爲體。以二是用。有人言。佛無淨土。但應衆生報。以化主爲言。故言佛土耳。此是成論師意。非經論所明。經論云。佛無淨土者。無分段變易淨土。有淨土者。乃是萬行所得真常淨土。故經言法身淨土。是其真淨土。報佛淨土。經論處處皆明淨土。問有人言。淨土二處二質。如西方淨土與此穢土。二者二質一處。三者一質二處。如淨名云。斷取妙喜淨土。置此穢土中。且是一土在彼復來此。故一質二處。如是四師各成證論。今明各有其義。莫執一邊傷其義味。身子見穢土。梵王見真成淨土。上文十七句所明淨土是報土。足指案地等淨土是應土。餘文可知。問經云。衆生見燒盡吾淨土不燒。是何淨土耶。答羅什云。是異質同處。義淨穢土。細不同。故不相礙。如首真天子身不礙於地。又如無間地獄雖百千共處亦不違妨。又如醍醐不礙鹿器。況淨穢二質而相妨耶。故燒穢不燒淨土。佛開三身。以身例土。亦有三土。又仁王云。唯佛一人居淨土。攝論云。眞如即是佛所住。法華論亦明眞如常住爲土。問經云一質異見。是何物一質耶。答一質多種。若以一實相爲一質。以失實相故有六道異見。大經云。是一味藥。隨其流處有六種差別。如人見水即有三應。一鬼見於火。倒心所感。故成水火二見。如人見恒河爲水。鬼見爲火。天見爲地。魚見爲宅。淨穢亦爾。業不同故見淨穢。實無如此淨穢。此是中道土質淨穢二

緣見其二土。攝論師明。皆唯識爲淨土體。就述爲論。一質二見者。身子見佛土穢。但見人土。梵王見天土。而佛土非人天土。如經云。寶莊嚴土。而況釋迦眞土。問一質二見可然。復淨質見穢。穢被燒淨。燒不耶。答惡業故見不淨。燒而淨質不燒也。問淨質壞者穢亦壞不耶。答穢隨壞也。於淨寄見穢耳。以淨壞故即穢緣無所見。如鬼本於水見火。水竭不見火也。於穢質見淨亦然。第二別論西方淨土有五之別。一常無常者。有人言。此經猶是無常覆相說常。與法華相似。今明常住。文云。究竟一乘至於彼岸。故知是常。依論種種說常二明三界非三界者。如釋論所明。在地不名色界。無欲染故不名欲界。有色形故不名無色界。經云。無須彌山大海江河。故知無三界。文云。佛問彌勒阿難。汝見彼國於地以上至於淨居天。其中所有微妙嚴淨自然之物不。阿難對曰。唯然。已見。既言已見。不得無三界。自在物機不可定判。斯則無龜三界有細三界耳。第三有聲聞無聲聞者。經云。有得阿羅漢果。解釋不同。一云。下輩生於花中。退菩提心。出生之後受二乘果。實有聲聞。二云。法藏比丘設願。願國中無有聲聞二乘之名。今言聲聞者。仍本爲名。實無聲聞。今謂。如香積佛國。無有聲聞之名。今此經言有。故應有聲聞。第四有天人無天人者。經云。非天非人。若依此文。則是一相。豈可分別。是人是天。而文云。因順餘方。故有人天之名者。此有時勝者爲天。劣者爲人。欲引穢土人天生於淨土。實無

人天別也。第五有胎生無胎生者。皆應化生。應無胎生。而經言下輩受胎生者。此非胞胎。於花臺中久不出故言胎生。非實胎生。禽獸之類亦如是。實無禽獸而有應禽獸。故經云池中有鳧雁等也。

論述五門

一明破申大意 二明四論宗旨 三明經論能所 四明釋中觀論名 五明論緣起  
大師讀此論。遍數不同形勢非一。今略出十條。一者有時明四論宗旨。釋中觀名題。解經論相資諦智傍正破申近遠。然後乃入論文。所以然者。欲明義有詮次文參渙然稟學門徒尋求易曉。二者在論初直爾散說大意。仍進論文。此欲提綱振領揚略要旨。裕其玄莫彰至其後發。三者先盛解二諦竟即釋論文。明佛說二諦以表正道。今論以二諦為宗推功有在也。四者前明二智後入論文。明佛以二智說教。菩薩今以權實顯正破邪。故須斷簡二智也。五者彈頌古今破斥異部。所以然者。自古迄今。凡諸制作。並不稟龍樹之風。皆是斷常。擾於至道故。須廣破始得讀文也。六者前讀開河舊序。如影叙所作。所以然者。為即世人云。數論前與三論後出。欲示關河相傳師宗有在。非今始構也。七者或直唱無行佛藏等經。然後入論。欲明經論相成共顯一道。經旨可見。論意易明也。八者對詞梨所造旃延之作。欲明大小軀分得無得異也。九者或面折異學。仍即入論。欲使執固者改迷慕位者深悟。十者或直爾披文更無別說。欲明

此論出自菩薩中心精破妙解。繼在文內。輒抽拙意。何以加此。故直讀文也。法師所以講論有多形勢者。略有三義。一者明法師善識根緣調停物性。冥悟既甚多種。演暢亦復不窮。二者欲異他人。他人立義定作一說。聽者唯作一解了無轉悟。今明諸法無一定相。豈唯一種。三者龍樹提婆妙思深遠。權巧萬端。今時傳述寧可一概。今就論初大為五章。一明破申大意。二者明四論宗旨。義有同異。三者明經論能所諦智傍正。四者釋中觀論名。五者明論緣起。問答斷簡。所以須辨破申大意者。無問內外學徒。凡有製作。皆辨破申。故內外並云。自是而非彼。美己而惡人。次內經敘述外道所計云。是事實餘皆妄語。次成實破斥數經。以四諦命。重更顯斯實。如此之流。盡欲破他申己。既出虛妄橫構。皆不成破申。今時論意。善巧方便助佛揚化。方是破申。故在初明其大意也。破申只是破邪顯正。即是滅邪見幢。然正法炬。問誰能破邪用何顯正。答不出入法。人即是聖人。法名正法。若備法人。則能破邪顯正。就此則有三雙。一者佛與菩薩。二者經論。三者破申。言佛與菩薩者。佛以中道二智所說名經。菩薩以中道二慧所吐名論。佛以中道二智所說名經。經即是教。教何所示。教則教緣。緣何所稟。緣只稟教。故緣教相應無不悟入。言悟入者。教辨真俗。緣悟不真不俗。教說因果。緣悟不因不果。其餘例然。故因教悟理。悟理故了教。教是理門。故因教達理。感應因緣。冥若扶契。響然而有。聖

爾而無。此即佛說教為緣之意也。但教流末代。鈍根薄福。尋教失旨。不知佛意。故論初云。求五陰十二入十八界等決定相。但著文字不知佛意。聞大乘法中說畢竟空。不知何因緣故空。即生見疑。故於有生見。於空生疑。所以然者。為有所得心。有依有得。當聞真俗住真俗。不知本於不真不俗。故還就真俗以求真俗之實。不知就非真非俗以求真俗。還就真俗以解真俗。不知用非真非俗以解真俗。還就末中。求末。不知就本求末。本是末本。既不識非真俗本。故不識真俗之末。因果等諸事義例皆然。故如他人。或謂真俗一體。或言異體。或言因中先有果。或言因中先無果。等有所言說。並出彼妄情所構。曾非經論所明。是故斷常交興。生滅競起。邪言隱覆。正教不申。所以龍樹菩薩。府茲弱喪。顯八不教門。折彼斷常。周還不二。破申之義。大略如此也。問若箇是邪而言破邪。何者是正而謬申正。答邪既無量。正亦多途。大略為言不出二種。謂有得與無得。有得是邪須破。無得是正須申。故大品經善吉致問。何等是菩薩道。何等非菩薩道。佛答云。有所得非菩薩道。無所得是菩薩道。問既破有得申無得。亦應但破性執申假名以不。答性執是有得。假名是無得。今破有得申無得。即是破性執申假名也。問既破性申假。亦應但破有申無。若有無兩洗。亦應性假雙破耶。答不例有無皆是性。所以須雙破。既分性假異。故有破不破。問性有性無皆是性。唯破性不破假者。亦應性有假



有皆是有唯破有不破無也。答雖同是有而  
有不同。故但破性有不破假有。問若雖同是  
有而不同故。但破性有不破假有者。亦應  
雖同是性而性不同。不破性無但破性有耶。  
答有例不例。言其例者。既性有性無皆是性。  
所以兩破。亦性有假有皆是。亦須二除也。  
而不例者。明性有住有乖道故須破。假有非  
有扶道故不除也。次時云。前明破邪顯正。即  
是佛與菩薩。今問。爰及正化迄。平像法。傳  
持紹繼其人不少。今定取何人破邪顯正。答  
大格爲論。不出四人。一是調御世尊。是能化  
主。其餘三聖。助佛宣揚。三者所謂馬鳴。開士  
與龍樹提婆也。問此之四人破邪顯正。爲當  
是同爲當有異。答一往且折彼疑。則云不同  
不異。佛與菩薩。所以不同。同顯實相。所以  
不異。此是同異不同不異。既得不同異即得  
同異。佛菩薩具足不具足勝劣故異。皆破邪  
顯正故同也。言佛菩薩異者。佛即說教樹二  
諦赴緣。菩薩直助佛揚化無別制作也。就菩  
薩中自復有異。若是龍樹。作論前破法。後兼  
淨人我。提婆所造。先正破神我。後兼洗法。所  
以然者。中論破內弟子。雖知無我猶計有法。  
是故前正除法。後兼淨人我。故十二門云。有  
爲無爲尙空。何況我耶。百論破外道。如僧伽  
等計云有神我。不知無我故。須前正破我後  
兼破法。故破神辨生空。破一異等明法空。此  
爲異也。問既同破邪皆爲顯正。何故一論申  
大小。一論不申大小。答若俱申大小。何有兩  
論殊。必齊顯小大。焉判兩人異作。折彼問已

是消疑。但意趣不然。更須指掌。中論破執大  
小緣。所以申大小。百論不破執大小緣故。不  
明申大小。即就中論破執真俗緣。可顯真俗。  
百論不破執真俗緣。論未應不明真俗。結論  
歸旨也。釋云。真俗二諦是諸佛教門。譬若衆  
流皆歸大海。凡欲悟入莫不因此教門。論既  
破空破有除斷除常。外人失彼所執情無所  
寄。即問佛法爲何所說。論主應聲即答。有二  
諦。以世諦有故不斷。真諦無故不常。令彼斷  
常見息。是故須說二諦也。問或言破邪顯正。  
或言豈離邪有正。即撥邪者令正。因邪故得  
正。此兩言似如乖反。若言破邪顯正。即不應  
言因邪有正。只令邪者正。若言只因邪故正。  
又不應言破除邪顯正也。又問。邪正一故言  
破邪顯正。爲邪正異故破邪顯正。他人解。邪  
正兩端破除邪故得顯正也。難。若爾瓶衣體  
異。破瓶顯衣耶。彼云。瓶衣乃異不相違害。非  
相障法故。不破瓶顯衣。邪正是相障法。邪障  
正故。破邪顯正也。難。若邪正相違故破邪顯  
正者。水火相害。何不破水顯火。而不爾。故  
知。邪正寧可頌異耶。今若善邪言隱覆正教  
不開破邪言顯正教非爲不爾。但此邪正疎  
遠。非一家意。今明。道非邪正。能體道之緣。  
亦悟非邪正。但以向迷今悟。詔向迷僻爲邪。  
呼今悟爲正。此得悟時了無邪正。問若爾定  
是破邪顯正。定是因邪顯正。答具此兩義。言  
破邪顯正者。向迷成斷常。所以須破此邪。今  
得悟不斷不常名爲顯正義。是以言破邪顯  
正。亦可。言因邪有正者。只令悟斷常者不斷

常。豈得離迷有悟離斷常別有不斷常耶。問  
佛出世既有感緣所感。龍樹出世亦爲感緣  
所感不。答例爾。問佛與龍樹出世俱有感緣  
所感者。佛能照緣。龍樹亦照緣不。答亦例。又  
問若爾佛說教。龍樹亦應說教不。答應例而  
不例。言應例者。佛說經教。龍樹說論教也。言  
不例者。雖同感而感不同。佛爲感緣所感。感  
佛說二諦教。龍樹雖爲感緣所感。但感龍樹  
破邪。破邪令識佛教也。問雖同感感不同。佛  
與論主。雖同照照亦不同。答云實爾。佛照大  
明。論主照小晦也。問他論有破有申。今論亦  
有破有申。今他二論。竟有何異乎。又難。若使  
苟欲爲異者。他論可得有破申。今論應唯破  
不申。答既有一問一難。今亦一答一解。先答  
第一問。上問。俱有破申。今他二論何異。今  
明。他論有破而復更立。今論唯破而不立。言  
他論有破有立者。如破外道神我而更立假  
名行人。破外道二十五諦而立四諦十六諦  
等。外道神我真實不無。汝論世諦假名行人  
亦不可失。若言外道二十五諦爲非。汝四諦  
十六諦。此亦有過。彼計有人有法既成外道。  
汝亦計有人法亦是外道。今論不爾。唯破不  
立。所以然者。論主出世。唯爲破顛倒斷常。更  
無所立。故論序云。言而無當破而不執也。次  
答第二難云。與他論異者。他論可有破申。今  
論應唯破不申。今一往答。且如汝所問。他論  
有破有立。則有破別有所申。今論唯破不立。  
則唯破不申。所以然者。若經若論。唯破顛倒  
虛妄更無所申。本由病故有教。在病既除。教

樂亦盡故百論下文云。破如可破。此論下文復云。無人亦無法。佛亦無所說。佛既無所說。寧當有教可申耶。今次更答。他論有破有立。此乃是增有所得。非唯不能申。亦不能破。自是有得。何能破他。今論但破曾不自立。非止能破。即復能申。故大師舉猛將為譬。前無所立。後無所領。故能剪彼兇醜。顯我皇威。菩薩亦爾。無生正觀。了內外諸法。畢竟清淨。故能破沈虛妄斷常。顯出如來真真正法。如此善巧名為破申。故論序云。儼然摩竭。而事不失真。蕭焉無累。而理自玄會也。問他論非唯不能申。亦不成破。今論具能破申。若爾他論為負。今論居勝。此則勝負心生。是非見起。乃是斷常屈滯。豈能申於正道。答若有勝有負。斯則受屈。只為無勝無負。所以能申。問若有勝有負。可得有破。既云無勝無負。汝何所破邪。答實爾。執有勝有負。則見有破。今無勝無負。我實無所破。問若有勝有負。可得言申。既無勝負。更何所申。答若有勝有負。應申更屈。只為無勝無負。屈者得申。而實無所得。問破何物邪。申若為正。答云。佛赴緣說真俗兩教。意為顯中實之道。但緣迷二教。不悟中實。成斷常病。今破緣邪執。申佛正教也。師云。非無其義。若只作此解。未近一家之意。何故爾。論初八不。為破生滅斷常淨一異來出。若別有二諦中道可申。異於破邪。何謂淨斷常除生滅耶。問前云第一章明破邪顯正。今言但淨斷常來出。無二諦可申。若依前言。即乖今說。若用今解。復反前判。二言銓稱。若為取中。答有

二條。一者反質汝言真俗二諦。是何物。亦聞破病便言不申教。亦聞申教謂非是破邪。作此折疑。已略成可見。但復須巧墨解釋。何故說二諦只為破生滅斷常。世諦假生滅真諦不生滅。欲明假生滅實錄不生滅。今悟生滅不生滅。來出無來出。只此破生滅斷常。即名為教。是破復是教。今論主還說此破斷常生滅之教。以化物令緣作如此悟。即申破病教。破病教申。只申此破名為破申。今此破得申。稱為申破也。破申大意且竟如前。今次第二明四論宗旨義同異。問四論既與為當。是一為當是異。答一往折疑。不一不異。所以然者。八不是衆經之妙旨。方等之宏宗。此論啓初。即明不生不滅。不一不異。故知四論非一不異。問既不一不異。便應不四不論。若言四言論。即是一是異耶。答只這四論不一不異。若不言四論。語何物不一不異耶。如只善色不生不滅。受想行識不生不滅。只善五陰不生不滅。色心不空不有。若不言五陰。善誰不生不滅。若善色心。言何物不空不有。今亦爾。何不言四論。誰誰不一不異。問以何義故言其不一。以何義故語其不異。釋云。以論四故。所以不一。以四論故。所以不異。故言不一不異也。問若爾。論有四故。彌見其是異。同是論故。轉見是一。何得言不一不異。答曰。四若是異。四不四論。論若是一。論不四。只為四非是異耶。所以四論。論非是一。所以論四也。問若非是一異耶。答既非一異。亦復非是非一異。既識非一異。則一異可明也。

今亦可言同。亦可辨其異也。言同者有二義。一者能造論人同。是四依。同稟佛教。同有二智也。二者所造之論同。是無依無得。同申正教。若是有得。即不名論。亦不能有所論。若是無得。方可名論。能有所論。是故若不依空。不成問答。故下文云。問不依空。問同答者疑。答不依空。答同問者所疑也。問此論若不依有。可不當有。既也依空。應是當空。若許當空。則成有當。何謂無依無當耶。答今言依空者。一往對外人多住有。故言依空耳。空依何所依。故是無依無當也。又云。依空者。乃了空。此依非謂有空之可依也。次辨異者。一捉釋論望三論辨異。二者就三論中自復有異也。捉釋論望三論異者。亦有多義。一者文義通別有殊。二者破收之異。文義通別殊者。若三論即別通論。通申一切諸教。無不申。通破一切諸迷。無迷不洗。故是別通論也。若是釋論。即是通別論。意致乃復通漫。而的釋一部文言。是故名通別論也。二者收破之異者。若三論望釋論。則唯破不收。若釋論望三論。亦收亦破。所以然者。三論橫破諸法。堅除五句。故下文云。無人亦無法。佛亦無所說。何處於何時誰起是諸見。即是橫破諸見也。又云。從因緣品來。本末推求。有亦破無亦破。亦有亦無亦破。非有非無亦破。非非有非非無亦破。即是堅論破除五句。故三論唯破不收也。釋論亦破亦收者。破除稟教緣迷。申所迷之教也。問三論破即是捨。釋論收即是取。乃是取捨心生。豈能息諸見。答三論破即不破而破。釋

論收即是不收而收、不破而破、破無所捨、不收而收、收無所取。乃顯不破不收無捨無取、故能善息諸見也。傍明四句：一者但破而不收、如迦旃延子所造、自作此說、非佛三藏中義；二者收而不破、即顯佛方便教門也；三者亦破亦收、破能迷之緣收所迷之教也；四者不收不破、破收非收、收破非破、非收非破乃名實也。此是三論望釋論竟。次就三論中自論異者、凡有八條：一者辨三論受名不同、二者宗旨有異、三者智有長短、四者破有內外、五者用假不同、六者申有遠近、七者破有傍正、八者論對與不對。今前辨三論受名不同、就論立名自有多種、或從譬或從人。如此不定、如甘露味、毘曇從譬為名、若是舍利弗毘曇、則因人受稱、若如成實三論、並從法作名也。若是十二門百論、此是理教為名、中論從教理為稱、通論三論皆得顯中、然者三論同離斷常、俱顯正觀、豈不俱得名中耶、亦皆得從偈、三皆有偈數也、亦可俱得名門、門是能通、三論盡能通生觀解也、今就別義有其強弱、故立名不同。若是中論、以二諦所顯中實當名、百論面折外道由茲有偈、故以偈數為目、十二能通生觀解、故從門受稱也。第二辨三論宗旨有異、若是中論以智諦為宗、百論以諦智為旨、十二門大望同於中論也。中論以二諦為宗者、發初即唱不生不滅不常不斷、即是二諦、環路經云：二諦者不生不滅、又下論文云：佛滅度後五百歲像法中人、根轉鈍、聞大乘法中說畢竟空、不知何因緣故

空、即生見疑、若都畢竟空、云何有罪福報應等、如此則失世諦第一義諦、取是空相而起貪著、龍樹菩薩惡此等故、所以造論、既云惑失二諦、所以作論、故論中二諦、故以二諦為宗也。百論以二智為宗者、提婆面折外道巧用權實、故宜以二智為宗、此是師一時之語、通別圓偏之意耳。若守語作此解者、不可也。須具得通別別通之意、乃可明也。通義中論既以二諦為宗、百論亦爾、百論既用二智為旨、則中論亦然、若唯言中論二諦為宗、百論不爾、此為不可、言不可者、凡有二意：一者菩薩造論、只為欲申佛教、中論申教以二諦為宗、百論亦為申教、何不得以二諦為宗耶、二者親達關中論序、肇師論序云：通聖心之津梁、開真諦之要論、豈不用二諦為宗、又云：仰慨聖教之陵遲、寧非申教耶、百論末文云：佛說二諦、我今隨佛學亦說二諦、豈不用二諦為宗旨、故兩論皆得二諦為宗、次明中百俱得二智為旨者、提婆面折邪學巧由權實故、用二智為旨者、中論主、除於內執亦巧由實方便慧、寧不以二智為旨耶、故二論俱可以二智為旨也。而今師云：中論二諦當宗、百論以二智為旨者、此取中百兩相望強弱作此說也。第三明用智短長、若是百論則用權實二智、中論所用實方便智、然者百論主、與外道同一時頌舌、折挫僧徒衛世、此是權智之能、若中論主、欲提綱振領匡正佛法辨教之大宗、非諄一時唇舌、故用實方便慧、匡持佛法、不可一時邪示其用則長、若百論主、善巧

一時折挫外道、未是要論佛法正、是權智之能、此用即短也。第四明破有內外、凡有兩義、一者若是中論破內迷、百論除外執、故序云：百論治外以開邪、斯文註內以流滯也。二者中論破同學、百論破異學、然者龍樹與失教緣、同稟佛教、但龍樹稟佛教悟解發、主中觀、中觀所吐名為中論、外人亦稟佛教、而顛倒不解、雖欲宣暢、並是斷常、雖同學佛教而有悟迷、論主破彼斷常、令識佛教故是破同學也。提婆所破不爾、論主自學佛經教、外道自稟僧法之典、所習不同故言破異學也。問中論破復有收義、百論所破可得爾不、答亦有此義、何以得知、故經云：圖書識記文章呪術、皆是佛說、非外道說、以外道迷不解故破、方便故須收也。問百論對緣既有收義、中論所破亦應不收、答亦有此義、雖學佛教、自作已解故、如迦旃延子所作不得三藏中義、是故中論所破亦有不收義也。然百論所破緣根性有三種：一者上根、聞提婆破即解、二者中根、聞提婆破不解、止生信心讀佛經乃悟、三者下根、聞破不解、讀佛經亦不悟、若龍樹論始得悟解也。若上根人、則與中論所破緣得悟者齊、中下之徒、即投一階也。第五明用假不同、假乃衆多、略明四種：一因緣二隨緣三就緣四對緣、若排甚深因緣義、即是因緣假、就緣四對緣、即是隨緣假、就緣檢真、即是就緣假、若一一須對破、如對常說無常等、即是對緣假也、就四緣中、則有偏圓圓偏義、若如因緣、隨就對及隨緣故說因緣、對緣如此。

四假未付相離。即是圓義也。若遂時各用不同。即是偏義。問四假佛與菩薩爲當盡具爲當不爾。答差別無差別義。二不二義。佛菩薩皆具四假。若無差別差別不二二義。有具不具。佛當化主。所以具足四假。菩薩助申教旨。唯有兩假。所謂就緣對緣。菩薩雖具二假。而用復有強弱。百論則就緣爲弱。對緣是強。中論對緣爲弱。就緣義強。何故爾。中論初云。諸論師種種說生相。就其實覺生相不得。故言不生。種種說滅相。責滅者不得。故言不滅。即是就緣假義。百論借一對破異等。即是對緣假義也。第六明破申遠近。若兩論相望。中論近申。百論遠申。然者中論之緣。親稟佛經。親迷佛教。亦破即收。故申義成近。百論之緣。不親稟佛經。不親迷佛教。直是自樹己解。遠妨正教。破彼邪執。方入佛法故。申義成遠也。第七明兩論破有正傍。中論正破內迷傍除外執。百論正彈外執傍淨內迷。何故爾。若外道所執與中論所破緣同者。是即從座被破。故中論正破內迷傍洗外執。若有內學執與百論破緣同。亦從座被破。故百論正彈外執傍洗內迷也。次明。中論破有傍有正。若比百論並是傍破。百論破義有正有傍。比中論並是正破也。何故爾。佛說教本爲衆生作明作導。欲令衆生因教悟道。衆生既不識教。則不能悟道。菩薩愍此失道衆生故。欲令佛教如本行世。若不破彼邪執。則正教不申。是故申義爲正。破義居傍。百論破自樹外道未曾稟學佛教。破彼邪執。然後方入佛法。是故破正

申傍也。第八明所破之緣有對不對。提婆面折外道。所以對緣。龍樹潛懷著筆。是故不對外人。問何故一對一對不對。有釋云。龍樹妙思深遠。辨難當。外人無敢與敵。故不對外人。提婆所明。一時面折外人。所以相對也。然此釋極不可解。若言龍樹妙思深遠。無敢與對者。提婆亦爾。便應不對。又且若言龍樹妙思深遠。外人不能與對者。佛與外道相對。便應智淺耶。如來智深而與外道相對。故知。不以龍樹智深故不對也。今不用此釋。問若爾。爾何得二人有對不對。答此亦何定。自有須面折方破外道。自有須潛懷著筆用此破邪。問只當如此。復有餘義。答復有深致。何者明。龍樹出世之時。是正化之末像法之初。衆生雖復尋教失旨。而佛法尙與邪徒由翳。朋成大道。衆生甚多。偏學小心。其事蓋少。龍樹既與望風懸揖。止須著筆。邪徒自喪。無敢對面與共擊揚。是故龍樹不對也。提婆出世。是八百餘年。去聖既遠。邪儻盛興。正化訛替。故序云。邪辯逼真。殆亂正道。金石一貫。得失莫分。菩薩雖興。猶生抗拒。自非對面折挫辭屈。言下。邪心轉熾。無肯改迷。故提婆面對群邪。所以二人有對不對。其意爾也。

次第三章。明經論破立諦智傍正。若如他人所釋。毘曇立而不破。三論破而不立。成實亦立亦破。今問。若言成實破毘曇。故名亦立亦破者。毘曇亦破成實。何故非亦立亦破耶。成實破數人根見。立用識見云。若用根能見。死人有根。亦應能見。眼識在耳中。眼根何意不見耶。而今有根無識。根不見者。故云。根不能見。故破根立識。名爲亦破亦立。數人立根見破識見。若用識見識無障礙。應見障外色。但見障內不見障外者。故知。但是根見非關識見。豈非亦破亦立耶。若止言毘曇立而不破。成實論亦立亦破不可也。又云。三論但破不立。亦不然。誰向君著三論不立而在破耶。彼即引肇師百論序云。言而無當。破而不立。豈非三論不立而有破耶。今明不然。論序云。破而不立者。只不執此破。故言破而不立。何關不立而存有此破耶。何以知然。下文云。破如可破。破本破於可破。可破既無在。破亦盡。只不立有此破。故云破而不立也。今明論顯中觀。經明正法。既稱中觀正法。豈更有破立可論。但若不因破立。無以顯不破不立。故師子吼經言。若不因一二。云何得辨無一無二。是故今時欲顯無破無立故。方便論於破立。就佛菩薩相望。若是佛不具足而具足故。有破有立。菩薩當具足而不具足故。唯破不立。佛破虛妄邪見。後爲說真實正法。是故亦破亦立。菩薩助佛揚化。直破邪迷顯佛方便。無所樹立。是以唯破不立也。人今聞此。便定謂佛有破有立。論主唯破不立。即復成見。今須通釋。非但論主唯破不立。佛亦唯破而不立。非但佛亦破亦立。論主亦得亦破亦立。今人聞此。以復生疑。佛可得有立。論主那得有立。今須返問汝。言佛立者。何所立。佛只立二諦教門。教門只是教示前緣。諸只是諦當前緣。何容只佛能諦當前緣。論主不能諦當前緣。佛既

能當前緣。既有立。論主亦能教示前緣。亦得有立也。大明。非但論主無立。佛亦無立。人以復疑通。論主示可無立。佛何意無立也。今問。汝言佛有立者。相是若為。彼家即齊說。佛二諦即是教門。今問。汝言二諦教門。欲何所為。二諦教門。只是衆生病藥。既無有病則無有藥。且又汝信二諦教門。欲表諸法是有。欲表諸法非有。汝既信二諦教門。有表不有。無表不無。顯諸法無所有。即是顯諸法無所立。那問二諦教門即合有立也。故知。非但論主無立。佛亦無立。次更明。非但無立。亦復無破。人以復疑。佛與論主破衆生病。那得無破。今問。汝言破。何所破。破只是破執耳。有執故名破。執無故無破。論主既無執。故論主無破也。問。若爾論主既無破。論主應不中。答。破本破於執。中本中於屈。論主無所執。故論主無所破。外人有屈。即外人有中。論主既無屈。則論主無有中。問。破名本在外人。中名本屬論主。而今中名既屬外人。破名應屬論主。答。破本破於執。中本中於屈。論主不曾執。則論主無有破。論主不曾屈。則論主無所中。論主尚不受於中。寧當受屈耶。是故非但無執。亦復無破。非但無屈。亦復無中。蕭然無累名得解脫。故外人問云。如此破得何利。答云。名得解脫義。何以加之。大明。諸智傍正。若具足為言。應云。諸智能所傍正。今簡略為語。故云。諸智傍正。若為是其相明。佛以二智為能說。二諦為所說。論主以二諦為能論。以二智為所論。佛既二智為能說。即以二智為正。二諦為

所說。則以二諦為傍。論主既以二諦為能論。則以二諦為正。二智為所論。則以二智為傍。今辨意。正欲明此之諸智能所。傍正章門且置。但須汎明四種能所。一者即是就佛明能所。二者即是就境智明能所。三者就論主明能所。四者就論明能所也。若佛二智為能說。二諦為所說。箇即是就佛明能所也。若菩薩稟二諦教發生二智。教轉名境。境是能生。智是所生。箇即是就境智明能所也。若論主二智為能說。言教為所說。箇即是就論主明能所也。若論是能論經是所論。箇即是就論明能所。而今何故在此論初須辨諸智能所。凡有兩義。一者欲明造論所由。二者欲明能所不二。若為是欲明造論所由。論主稟二諦教發生二智。用此二智故能造論破邪。箇即是造論所由也。若為是欲明能所不二。然雖有四能所。只成一能所。雖有一能所。只成無能所。故不辯不智。不能不所。不傍不正。箇即是欲明能所不二也。今次釋初章門。好體佛以二智為能說。二諦為所說。論主亦以二智為能說。言教為所說。就論主無別智。悟佛教生智。論主無別說。還說佛所說。論主無別論。還論佛所說。故佛若能若所並是所論。論主若所若能並是能論。佛若能若所並是所中。論主若所若能並是能中。何故爾。論主稟二諦教發生二智。諸智不二。以諸成智。故通受諸名。佛以二智說於二諦。諸智不二。以智成諦。故通受智名。佛之諸智。通受智名。故若能若所並是所論。論主之智。諸通名諦。故若所若能

並是能論。故論主以二諦為能論。以二智為所論。以二智為能說。二諦為所說。故佛以二智為正。二諦為傍。論主以二諦為正。二智為傍。故經以智為能。以諸為所。故論以諸為能。以智為所。是則經能為論所。論能為經所。經所為論能。論所為經能。亦是經傍為論正。論傍為經正。經正為論傍。經能為論所。此所則非所。經所為論能。此能則非能。論傍為經正。此正則非正。論正為經傍。此傍則非傍。故非能非所。非傍非正。不經不論。不師不弟。非能非所而能所。非傍正而傍正。不經論而經論。不師不弟而師弟。是佛菩薩經論師弟因緣相成。並得名中也。

第四章明解中觀論名。然中觀論三字無定。亦言中觀論。亦言觀中論。亦言論中觀。若中觀論約論者為名。若觀中論就觀解為目。若論中觀約論功為稱。所以然者。若為是約論者為名。中則通於理教。即是教中理中。稟二諦教發生二智。教轉名境。中境發生觀智。是故初表中境。次表觀智。中觀既與論名得起。中境發生觀智。用此觀智。能研詳往復。是故名論。故言中觀論。若為是就觀解為目。明用此觀智能觀中正之境。用此觀智。研覈是非。故言觀中論。若為是約論功為稱。明論何所論。論只論於中觀。若是他論則論於偏解。若今論則論於中觀。故言論中觀也。此釋不無有意。但非一家正意。今問。何故辟初即題中觀耶。答此深有所以。明失道之緣未見佛性。未應般若。心鎮遊生滅。意恒涉斷常。行生

滅斷常故。所以垂於中道。行邪錯故。所以失正法。虛妄顛倒故。所以無實相。今爲對此。明離斷離常。所以是中道。無邪錯故。所以是正法。離虛妄故。所以是中實。故今對此偏虛。故論題中實。問若箇是失道之緣。答緣乃無量。大略爲言。不出三種。一者即是稟教失旨之緣。二者即是邪見推獲之緣。三者流俗沉爾之緣。亦非稟教失旨。亦非邪見推獲。直是流俗沉爾之緣。今論所除。正破初。兼洗後二也。問起自何時迷教失旨耶。答如論初。佛滅度後後五百歲像法中人。根轉鈍。稟中道二諦教不了。則是生滅斷常一異來出。故成八非不。今論主。稟中道二諦教。則了不生不滅。不斷不常。不一不異。不來不出。故是八不。以八非不。故成虛妄。以八不。故是中實也。問何以詔八非不爲虛妄。以八不。故名中實耶。答外人謂。有生有滅。今就其責生。不可得。故生者不生。今就其責滅。不可得。故滅者不滅。彼言有生滅。今責其生滅。不可得。故即是無而謂有。故是虛妄。論主言。不生不滅。經中辨諸法實錄。不生不滅。果自不生不滅。故是中實。舉例如毘曇義。彼義言。分別諸法時。捨名則說等。分別無所捨。是名第一義等。是名世諦。故虛妄第一義。故則中實。如世諦中言我。責我不得我名。空施無體應名。即是無而謂有。故道捨名則說等。如舊十一種色共成色陰。實錄如此。有名召體。有體應名。故無所捨。即是第一義。今時亦爾。外人所說。無而謂有。故是虛妄。論主出言。果如經辨。故是中實也。問

經中亦辨二諦中道。論中亦辨二諦中道。若爲有異。答異。經中即明二諦中道。論中即明中道二諦。所以然者。經中因教表理。因二顯不二。即是明二諦中道。論中緣稟空有二教。即住空有二。故成迷失。論主今破空有者。不空有。畢竟洗假諦爲中。即是前明中道。前明不二。外人便過論主。若爾。經中那得辨有無二諦。論主即釋。經中辨有無。箇是方便之有無。經中辨二諦。箇是假名之二諦。是故論中明中道二諦。次更反此一句語。經中即辨中道二諦。論中即辨二諦中道。所以然者。佛則以中道正觀赴緣。說真俗兩教。箇即是從體起用。不二出二。是故經中則辨中道二諦。但緣稟真俗二諦教。悉錯。是故成偏。今論主彈真不真。破俗不俗。折彼偏執。皆歸中解。是故明二諦中道也。然此中觀論三名。有時合解。有時離釋。雖復合解。合而不一。雖復離釋。離而不異。合而不一。所以不同。離而不異。所以不別。雖復合釋三義不失。雖復離解一意圓通。今前合釋。次明離解。今前合釋。其相若爲。中觀論非是用中境表觀智欲明境智異。今明以中釋觀。此是何物觀。此是中觀。此觀是中。名爲中觀。體中實發生正觀。只以此正觀能淨斷常。是故名論。所以名中觀論。此論那得異於中觀。何故爾。若行生滅斷常則非中觀。今不行生滅斷常。故是中觀。中觀宜之於口。是故名之爲論。故是中觀。亦是論中觀也。次明離解。不分別自別。但釋中有多師。何故爾。中者言忠。故中只忠理。家家盡言忠理。

解解並謂忠文。是故釋中其計非一。略而爲論。不出四家。一是外道解中。二是毘曇解中。三是成論解中。四是地論解中。此中道義。後自當廣出。今須略釋外道解中。若迦毘羅解中。即言。泥團非瓶。非非瓶。所以然者。不即泥團是瓶。故言非瓶。不離泥團有瓶。故言非非瓶。亦是不即不離也。若是優樓迦解中。聲非大非小。所以然者。如大鐘大聲。小鐘小聲。至論此聲。實非大非小也。若勒沙婆解中。光非明非暗。所以然者。初生故。所以不明。破暗故。所以不暗也。今先破初家。汝不即泥團是瓶。故爲離。不離泥團有瓶。故爲即。只見是離。是即。何處有非離非即耶也。餘兩家同此破也。至如成論家。解世諦有三中。如不即四塵有柱。故非即。不離四塵有柱。故非離。此計既同外道。亦如前破。今問。山門所釋中義。若爲有人解。道非有非無爲中。而有而無爲假。今問汝。爲當別有非有非無以爲中。爲當用破有無者。非有非無以爲中耶。若言別有非有非無。此義不可。何故然。本破有無。故得非有非無。而今何處別得此非有非無以爲中。是故不可。若言只用破有無者。非有非無。即用此非有非無以爲中義。復不可。何故然。汝本破有者。非有。破無者。非無。有無既去。非有非無亦除。何得只用此非有非無以爲中。假亦如此。爲當只用所非之有無爲假。爲當別起有無爲假耶。若言只用所非之有無爲假。是亦不然。何故爾。所非之有無既已被破。那得有此而有而無爲假。若言別起有無爲假。不然。本

因非有非無故得有無。何處別起而有而無爲假耶。今問汝。爲常定用非有非無爲中而有而無爲假。爲常不爾。彼言定用。今問。若爾非內非外爲中。亦內亦外爲假不。答亦然。今難。大經言。非內非外亦內亦外故名中道。若爾非有非無亦有非無故名中道。那得偏用非有非無爲中而有而無爲假。若爾應用非內非外爲中亦內亦外爲假也。且又汝既破有無罷。那得此非有非無爲中。故論言。初後既已無。中當云何有。亦是有無既已無。中當云何有。如破緣說非緣。更無非緣法。亦是破有無說非有非無。更無非有非無法。那得此非有非無法爲中耶。且又汝言非有非無爲中。有無亦是中。汝若言而有而無是假。非有非無亦是假。何故爾。假是不自義。本因非有非無故說有無。有無既是假。非有非無何故非假。中本離斷常。汝因有無故說非有非無。非有非無離斷常既是中。而有而無亦離斷常。何意非中耶。若言非有非無不得是假。有無亦不得是假。若言有無不得是中。非有非無亦不得是中。彼言。若爾有無非有非無併是中好不。今明。有是常見無是斷見。非有非無是愚癡論。那忽是中。彼言。若爾併是假好不。今明。汝執無異有。執有異無。非有非無異有無。那得併是假。今問。汝既破他爲非。今中相若爲答師。只如此破中假即是中。何處別有中。但此意難。更須解釋。箇須識法身義。法身無在無所不在。法身無在。不在有不在無。不在亦有亦無。不在非有非無。乃至諸

法中義亦爾無所不在。法身亦在有亦在無。亦在亦有亦無。亦在非有非無。乃至色心諸法中義亦爾。故無非是中。故二夜經明。從得道夜至泥洹夜。常說中道。既是說中道。二夜中間。何容只說非有非無不說有無等。故知一切諸法無非是中。私云。言其不在只在有得。有得故非中。言其在在在無得。無得故是中。難。若不在有得。何謂無所不在耶。答。今言無所不在。只在無得。有得是橫謂畢竟無所有故。那得爲中一切皆在。論其在也。一切皆在。語其不在。一切皆不在也。問。汝既依二夜經明一切諸法無非中者。論初何故但用不生不滅爲中。不取生滅爲中。答。爲對病故。緣多著生滅。只見生滅不見不生不滅。是故成偏。今對此生滅之偏故。說不生不滅名爲中也。然釋中有三種。一者對偏二者對邪三者實義釋中。只就此中字則復有三義。雖復三義。不妨一意。雖復一意。三義不失。所以然者。只由偏故所以邪。邪故所以不正。不正故所以不中。不中故所以不實。不實故所以是虛。今不偏故所以不邪。不邪故所以正。正故所以中。中故所以實。實故所以不虛。雖復三義。不妨一意。雖復一意。三義不失也。問。偏與邪若爲異。無差別論。偏故所以邪。邪故所以偏。有差別論。中論則對偏說中。百論對邪說中。何故爾。偏是偏錯。真佛教生錯解。所以名偏。是故中論對偏說中。邪是自樹外道橫生。不稟佛教。是故名邪。所以百論對邪說中。過此二階。所以名實。何故爾。對

偏說中。偏去中亦盡。對邪說中。邪破中亦除。不偏不中不邪不正。過此二階。所以名實也。即是實義釋中了。次時云。前辨釋有三種。一者對偏。二者對邪。三者實義。今問。中者言實那得有三。答。中尚不可一。中復那可三。爲緣故亦可一。爲緣故亦可三。然雖有三。只是一義。舉例如十方諸如來同共一法身一心一智慧力無畏亦然。雖復十方諸佛。只同共一法身也。今明。中是實義者。然經中釋義不同。略有三種。一者橫論顯發。二者豎論表理。三者依名釋義。若爲是橫論顯發。如俗以何爲義。故經云。欲令深識世諦故說第一。欲令深識第一故說世諦。今問。箇自是欲令深識世諦故說第一。何謂真以俗爲義。箇自是欲令深識第一故說世諦。何謂俗以真爲義耶。今明。何故說世諦。只爲欲令識第一。豈不是真以俗爲義。俗是真家之所以故。真以俗爲義。何故說第一。只爲欲令識世諦。豈不是俗以真爲義。真是俗家之所以故。俗以真爲義也。二者豎論表理。如俗表不俗。不俗是俗家之所以故。俗以不俗爲義。如真表不真。不真是真家之所以故。真以不真爲義。故金鼓經云。知有非有本性清淨。故華嚴經云。若知有非有。則能見如來。故因教識理悟佛法身也。若爲是依名釋義。如俗是浮虛爲義。真是真實爲義。故涅槃經云。苦者迫迮相。集者生相。滅者盡相。道者通相也。今明。釋中亦具三種。如中以何爲義。中以不中爲義。中以何爲義。中以實爲



義也。次釋觀義。然解中既顯。則觀義可明。何故爾。既稱中觀。中離斷離常。觀亦離常。觀亦離斷離常。是故既解中即是釋觀。雖然今時復須解釋。中既有多種。觀亦復多途。如外道攀上厭下。下則苦痛。上則勝妙。亦是觀義。如毘曇總別念處五停心觀亦是觀義。成論人亦解觀義。不能具出。今迄陌為論。凡有二種。一者有得小乘觀。二者無得大乘觀。若是有得小乘觀。則境無生滅。智有生滅。斷煩惱故即是滅。修智慧故即是生。煩惱則本有。今無。智慧則本無。今有。是則境智殊生滅異。若是無得大乘觀。不爾。境智無二。境無生滅。智亦無生滅。煩惱本自不生。今亦不滅。智慧本自不滅。今亦不生。是境智不二有無平等也。故言。我觀如來。前際不來。後際不去。中亦不住。如此觀者。名為正觀。異斯觀者。名為邪觀也。然觀是何為義。觀是了達義。亦是履照義。然此論要意。即是檢校為義。觀察為義。檢校斷常。觀察虛妄。今何處文是。品品皆檢校斷常。章章並觀察虛妄。只八不即是其相。彼謂是生滅。彼謂是斷常。今就其責生滅不生不滅。求斷常不斷不常。箇即是觀察斷常者不斷常。檢校虛妄者不虛妄。故觀法品云。若法從緣生。不即不異因。是則名實觀。不斷亦不常也。然一家釋。中發於觀觀發於中。今明。非是用中境發觀智用觀智照中境。但此正觀。能體悟中實。中實即是正觀。無中實異正觀。用中實發正觀。無正觀異中實。用正觀照中實。故如以中為名者。照其實也。非別

有此實用照此實。但顯中即是實。故言照實。今亦爾。只體悟此中實。顯我正觀。我正觀即是中實。故中實發我正觀。中實即是正觀也。然觀是了達義。亦稱履照義。明照即俱照邪正。觀則俱觀得失。俱照邪正者。識邪即識正。識正能破邪。俱觀得失者。失了即了得。了得能破失。故涅槃云。正善具成就。演說四顛倒。若不成就正善。豈能演說顛倒。今亦爾。若不解正。豈能破邪。故如喚人字為入字。非但不識人。亦復不識入。今若識人也。非但識人。亦復識入。今亦爾。若不識正。亦不識邪。今良由識正故破邪。識邪故能解正。今明。得失相若。為如論初求五陰十二入十八界等故。是有生滅。此即為失。今就其實。有者不有。生滅者是不生滅。此即為得。邪正亦爾。本因失故得。既破失得亦去。無失亦無得。邪正亦爾。此即是緣盡於觀。此得失緣。由觀得盡故。是緣盡於觀。即是觀盡於緣。何故爾。觀本觀緣。緣盡則觀亦盡。緣盡則觀淨。觀盡則緣淨。緣盡則觀淨。此觀則非觀。觀盡則緣淨。此緣則非緣。故非緣非觀。緣觀俱盡始名好中觀也。離釋中觀已竟。今次解論。然論是何為義。論是論辨為義。只論辨法相。若依寂師序。論是盡言為義。則云盡其言窮其處。若一言不盡。則眾異扶疎。若一慮不窮。則顛倒亂起。今盡其言故。即眾異息。今窮其慮故。則顛倒淨。是故論則盡言窮慮。論功方顯。故。所以言盡虛窮。故論非但盡言。亦復盡觀。觀非但盡緣。亦復盡論。中非但盡觀。亦復盡論。是故今表中

觀論名。只欲盡淨諸法。不如人解以論欲釋中觀義。但欲盡淨諸法可爾。今表一中。非但中是中。辨諸法皆中。既諸諸法中。復有何法可有。故表中則盡淨諸法。中既爾。觀論亦爾。是故中發於觀。辨流神口。所以名論。中發於觀。即是方便實慧。辨流神口。即是實方便慧。方便實慧。即是如說而行。實方便慧。即是如行而說。如說而行。即是二智。如行而說。即是二諦。故如說而行。行則行我所說。如行而說。則說已所行。故所行如所說。所說如所行。是故行說不二。諦智平等也。今明。盡言為論。此義難。今須問。若是影公則濶。問答折微。所以為論。若是寂師則道。以論為稱者。盡其言也。箇則兩語。石垂。二言鐵反。答乃是各據其義。非謂相違。影師就始為言。寂公約終為語。何故爾。良由問答故得盡言。言何因得盡。良由問答。是故二語相成。兩言相順。影公就始為言。寂師約終為語也。今濶盡言為論者。若使外人言是。即濶龍樹為非。若使龍樹言是。即濶若外人為非。是即濶濶莫窮。云云無已。若何猶可見。若使據其本末得失。終自歸龍樹為得。外人為失。故言則盡。良由外人有言故。龍樹有語。外人之言既盡。龍樹之語亦窮。舉譬如張王二人共爭一珠。張謂是張寶。王謂是王物。是則兩人各許。紛然未決。今據其本末得失。終自有歸。實是張物。而王侶誌今果是張物。王即無言。王既無言。張亦不語。今龍樹外人亦然。龍樹實是外人濶非。今龍樹果是。外人無言。外人無言。既盡龍樹

語亦窮。問龍樹外人言俱盡。那得獨稱龍樹論。答雖復二人語俱盡。盡有所由。良由龍樹論是非故。外人爲失。外人言則盡。外人之言既盡。龍樹之言亦盡。二人言盡。功由龍樹。所以稱爲龍樹論。舉譬如兩人相費。雖復俱倒而有勝負。下者爲負。上者爲勝。龍樹外人亦復如此。雖復俱息。言龍樹爲勝。外人爲負。是故稱爲龍樹論也。

第五論緣起。龍樹菩薩者。出南天竺。梵志種也。天聰奇悟。事不再告。在乳哺之中。聞諸梵志誦四章陀典。而識其義。弱冠馳名。獨步諸國。天文地理及諸道術。無不悉綜。契友三人。一生之樂。唯有隱身之術。俱至術師。術師念曰。此四梵志。擅名一世。草芥群生。才明絕世。我不與術法。與青藥一丸。藥盡必來。龍樹磨此藥時。聞其香氣。皆識之。分數多少。如其方藥。藥師怪而嘆曰。若此人者。聞之猶難。而況相遇。我之賤術。足惜之耶。具授術方。四人得術。常入王宮。宮中美女懷妊者多。王太不悅。有舊老智臣言。可以細土置諸門中。斷諸往行者。若是術人。即見其迹自現。可以兵除。若是鬼神。而無其迹。可以呪滅。見四人迹。令諸力士揮刀。宮中斬三人死。唯龍樹不死。出家受戒。九十年中。誦通三藏。後得大乘經。甚大愛樂。大龍菩薩。見其如是。接入海宮。授方等經藏。龍樹深入無生二忍具足。其中有婆羅門。善知呪術。欲與龍樹爭勝。王言。汝大愚癡。此菩薩者。明與日月爭光。智與佛並照。何不恭敬。婆羅門呪作大池千葉蓮華。自坐其

上。龍樹呪作六牙白象。以鼻拔。高舉擲地。婆羅門化作十頭羅刹。龍樹化作毘沙門天王。諸羅刹恐怖而退。婆羅門化作毒龍。雨諸瓦石。龍樹化作曼陀羅華。外道折伏。出家作弟子。龍樹菩薩。作百部論。大行闍浮提。涅槃之後。國國作塔供養也。

大乘玄論卷第五

晨旦名德	法諱吉藏	歷劫仕佛
三論顯揚	深奧宗義	末世如忘
先師悲此	專懷感傷	彼遷化後
屢送星霜	弘安聖曆	第三初商
一十三歲	忌景云當	爲資追福
大乘玄章	謹開印板	以耀餘光
納清瀧宮	法樂增莊	不圖斯印
回祿遭殃	醍醐學侶	不耐愁腸
衣鉢各投	論文再彰	攝嶺雲盡
八不月涼	金陵風扇	一賞華芳
所生慧業	迴向無疆	萬乘聖化
德福三皇	四海靜謐	慶暨百王
七世恩所	佛道增長	廣施群類
利益堂堂		

于時永仁三年三月二十一日菩薩戒比丘寂性

Mo. 1854

補刻二諦章叙

嘉祥藏大師所撰二諦義章三卷。傳流吾國已來。僅一千年奇矣。龍藏之古名藍之間。而不以廣其傳者也久矣。向者龍寶與公。偶得

上下兩通。觀刻木以布海內。譬諸寶鼎之闕一足。不亦恨乎。近有書林某者。幸得古本之全者而來。請余重施國字而傳於千歲之下矣。於是兩本對檢。則與公之本。非但闕中卷。亦於上卷中。脫二十餘紙。況且家亥鳳凰。比比有之。余慨然喟言。曾聞其名未得其書。如渴者聞梅。然而雖偶得傳之。闕而未完全者。幾許年所。今也幸得見其全書。前之所謂渴云者。頓息矣。余既然則人誰不爾乎。今將廣行于天下。此非豈辭勞乎。是余之所以忘固陋而不敢辭其請也。而今上下兩卷。直用與公之所刻者。不復改彫。其中或文字寫誤者。或兩本相異者。或疑而未決者。或恐此處必脫某字者。則皆標之卷眉。而一處未書以私意改易之。務在存古耳。於是乎可謂。寶鼎再得爲完器也。何其快哉。其既然則安知。章主大師之不怡怡微笑於那伽定中也。又安知與公之不忻躍於地下也。是爲序

寶永七年歲次庚寅孟春日  
洛西五智山沙門慧旭寂謹書於忘慮亭

第二諦章叙

夫不了二諦。則契實之境。照俗之智。不可融徹。境智不融徹。而入薩婆若海者。未有之也。宜哉。諸佛說法。常依二諦矣。支桑道學之士。亦恢張真俗。垂統於後昆者不少。且夫二諦二十家往復之族。雖各述其所見。關鍵緊要之處。未嘗著工夫。豈非廣立持門戶皮相矜影響之謂乎。吉藏上人。問出隋世。而稟朗公

之學。豈知難思。無不克獲其髓。遂迺製諸經玄疏。翼贊教乘者。不知其幾千萬言。就中至如今章辨非有非無。而二不二風。稟案。等啓沃舊師之未了。發特見之明也。如此其可忽。諸噫。噫中世以降。其學不傳。其書將泯。余屬日名寺藏中得此之錦本。欣戴捧讀。不揣雀躍。率加點校授書林。于時歲次丁丑元祿十年臘月。穀日。殺青斯竟。

東奧仙臺龍寶實養題於洛之陀峯下

## 二諦義卷上

胡吉藏撰

敎師中論序云。百論治外以開邪。斯文社內以流滯。大智釋論之淵博。十二門觀之精詣。尋斯四論者。真若日月在懷。無不朗然鑒徹矣。若通此四論。則佛法可明也。師云。此四論雖復名部不同。統其大歸。竝爲申乎二諦顯不二之道。若了於二諦。四論則煥然可領。若於二諦不了。四論則便不明。爲是因緣。須識二諦也。若解二諦。非但四論可明。亦衆經皆了。何以知然。故論云。諸佛常依二諦說法。既十方諸佛。常依二諦說法。故衆經莫出二諦。衆經既不出二諦。二諦若明。故衆經皆了也。然四論皆有二諦之言。今且依中論文以辨之。論云。諸佛依二諦爲衆生說法。一以世俗諦。二第一義諦也。然師臨去世之時。登高座付屬門人。我出山以來。以二諦爲正道。說二諦凡二十餘種勢。或散或束。或分

章段或不分分時。或開爲三段。乍作十重。所以爲十重者。正爲對開善法師二諦義。彼明二諦義有十重。對彼十重故明十重。一一重以辨正之。師唯善此義有重數。所餘諸義。皆皆不開。若有重數者。非與皇者說也。十重者。初則二諦大意。最後二諦同異。今第一明二諦大意也。然師善二諦義。多依二處。一依大品經。二依中論。今且依中論明二諦義。所以依中論善二諦者。中論以二諦爲宗。若了二諦。中論即便可明。爲是義故。依中論說二諦也。中論四諦品云。諸佛依二諦。爲衆生說法。此語即難解。若爲依二諦說法耶。解云。二諦是本。說法是末。二諦是所依。說法是能依。然此語驚耳。非從來所知也。問何以得知諸佛依二諦說法。二諦是所依耶。解云。出論不假人解。故云。經有論故義即易解。今依論釋之。論四諦品。前釋二諦。次釋依二諦說法。前釋二諦云。世俗諦者。一切諸法性空。而世間顛倒謂有。於世間是實。名爲世諦。諸賢聖真知顛倒性空。於聖人是實。名第一義諦。次云。諸佛依是二諦。爲衆生說法。此則前釋二諦竟。然後明諸佛依是二諦爲衆生說法。故知。二諦是本。說法是末。二諦是所依。說法是能依。依此二諦。爲衆生說法也。問從來云諸佛依二諦說法者。爲凡說俗。爲聖說真。爲凡緣說有。爲聖緣說空。名爲依二諦說法。既云依二諦爲衆生說法。何得言爲凡說有爲聖說空。爲依二諦說法耶。今明。如上於凡爲實名俗諦。空於聖是實名第一義諦。依此二

諦。爲衆生說法也。又且問。諸佛何意依二諦說法耶。解云。欲明十方諸佛所說皆實。故依二諦說法。何者。諸是實義。有於凡實。空於聖實。是二皆實。諸佛依此二實說法。是故諸佛所說皆實也。外道九十六種所說。何意虛假不實。以其不依二諦故。所以虛假不實。諸佛依二諦說法故。凡所說法皆實。以諸佛所說皆實故。所以諸佛。依二諦說法也。又問。若爲依二諦說法。說法皆實耶。解云。諸賢聖。如實悟諸法性空。如來依彼如實悟而說故。諸佛所說亦實。此則依第一義諦說法是實。世人於瓶衣等是實。諸佛隨俗說瓶衣故。所說亦實。如百論云。佛入舍衛城。隨俗語故無過。此則依世諦說法是實。依彼二實而說故。諸佛說法皆實也。前云依凡諦說名依世諦說法。依聖諦說名依第一義諦說法。依二諦爲衆生說法。此語不可失也。今問。依二諦說法。所依於諦。爲是得爲是失。爲亦得亦失。教諦亦作此問。然大師云。於諦是失。教諦是得。何者。言於諦失者。有於凡是實有。空於聖是實空。此空有於凡聖各實。是故爲失也。言教諦得者。如來誠諦之言。依凡有說有。有不住有。有表不有。依聖無說無。無不住無。無表不無。此則有無二。表非有非無不二。二不二。二不二。二不二。則是理教。二不二。則教理。教理應教。理教表理。理教二不二。因緣。是爲得也。然教諦如此。雖如此而復未可解。何者。汝依二諦說法。依二諦與說法。皆是教諦不。若皆是教諦。則違論文。論云。諸法性空。世間顛倒

謂有爲世諦諸賢聖真知顛倒性空爲第一義諦。諸佛依此二諦說法。那忽併是教諦耶。今正此一句。明依二諦說法。所依是於諦說法是教諦也。問所依二諦爲得爲失者。論自判。論云。諸法性空。世間顛倒謂有。於是諸諸賢聖真知顛倒性空無生。於是聖是諦。此則開凡聖二諦異。凡聖雖復不二。不二而二。有凡諦聖諦。凡諦即是失。聖諦即是得。何者。既云諸法性空顛倒謂有。諸賢聖真知顛倒性空。故知。凡諦失聖諦得。何以故。凡諦是顛倒故是失。聖諦是不顛倒故是得。此即開凡諦聖諦倒諦不倒諦也。問若所依二諦有倒不倒者不可解。何者。佛可依不倒說。云何依顛倒爲衆生說耶。若言二於諦皆不顛倒。則乖論文。論文云。世間顛倒謂有爲世諦。諸賢聖真知顛倒性空爲第一義諦。依是二諦。爲衆生說法。故知。依倒不倒說。若順論文。諸佛菩薩豈得依顛倒說法耶。進退難解未釋云云。問前云所依於二諦有得有失。將不乖師所說耶。師云二於諦是失。今何得判二於諦有得有失耶。解云。汝言於諦並是失。是何處語耶。今明於諦皆失者。非是所依於諦皆失。乃是稟教成於。此於諦皆失。何者。如來說有爲表不有。說無爲表不無。說二爲表不二。彼聞有作有解。聞無作無解。聞有作有解。於凡實名俗諦。聞無作無解。於聖實名第一義諦。此之二諦皆失。問若爲失耶。解云。如來說有爲表不有。說無爲表不無。說二令誠不二。舉指令得月。而衆生聞有住有。聞無住無。守指忘

月。住教道理。豈非是失耶。若爾此則有二種於諦。一者所依於諦。二者迷教於諦。所依於諦。有得有失。迷教於諦。皆失。所依於諦是本。迷教於諦是末。所依於諦是本者。且約釋迦一化爲論。釋迦未出之前已有此二於諦。釋迦依此二諦爲衆生說法。何者。諸佛說法無不依二諦。故發趾即依二諦而說。當知所依於諦是本也。迷教於諦是末者。衆生稟如來有無二諦教。作有無。解成於故。此於諦在後也。又有三異。謂前後能所通別。從後釋之。言通別者。所依於諦則通。迷教於諦則別。所依於諦通者。世間顛倒謂有。於是世間是實爲世諦。諸賢聖真知顛倒性空爲第一義諦。此之二諦通一切凡聖。如涅槃經。涅槃經云。文殊問云。世諦之中有第一義不。第一義中有世諦不。如其有者。卽是一諦。如其無者。將非如來虛妄說耶。佛答云。世諦卽第一義諦。隨衆生故分別說二。世人知者名世諦。出世聖人知者名第一義諦。此卽世出世兩人判於二諦。中論文正爾。世間顛倒謂有爲世諦。此諸賢聖。真知顛倒性空爲第一義諦。故此二於諦通也。言迷教於諦別者。如來說有無二諦。爲表不二之道。有方便者。聞二悟不二。識理悟教名教諦。無方便者。聞二住二。不識理迷教名於諦。於諦但是無方便者。所以是別也。言能所者。所依於諦則是能化。迷教於諦則是所化。此一往偏約第一義諦邊說耳。何者。論云諸賢聖真知顛倒性空故是能化。此如涅槃經。經云。一切世諦。若於如來是第一義

諦。只世諦於如來是第一義故。此第一義諦是能化。論正爾。凡夫顛倒謂有。諸賢聖唯知此顛倒性空不生不滅。於是聖人是第一義諦。若爾當知。此第一義諦是能化諦也。迷教於諦是所化者。稟教成於。雖復是聖。終是稟教。以稟教故是所化也。言前後者。與本末不異。所依於諦是本。迷教於諦是末。是後。發趾依於諦說。然後衆生稟教。有方便悟理成教諦。無方便不識理成於諦。故前後爲異也。次更簡一句。前云諸賢聖真知顛倒性空。於聖人名第一義諦。如涅槃經。一切世諦。若於如來是第一義諦。問既云一切世諦於如來是第一義諦者。亦得言一切第一義諦若於凡夫是世諦不。解云。如此只出論文。論云。世諦者一切法性空。而世間顛倒謂有。於世人爲實。名之爲諦。解世諦。前舉一切法性空以釋之。明一切法性空。世間顛倒謂有。於是世人是實名爲諦。當知。一切第一義諦。於是世諦也。如大品云。諸法無所有。如是有。如是有無所有。如是有於聖人無所有。卽世諦爲第一義諦。無所有於凡如是有。第一義諦爲世諦也。問何意開凡聖二諦耶。解云。今開凡聖得失二諦者。示聖得凡失令轉悟。明此是凡諦此是聖諦此是倒諦此是不倒諦。示是凡聖。令捨凡學聖棄倒從不倒。爲是義故開凡聖得失二諦也。何以知然。具出經論大經云。欲令衆生深識第一義諦。是故如來宣說世諦。衆生若不因世諦悟第一義諦。如來終不說於世諦。說世諦令識第一義諦也。又中論

若不依俗諦不得第一義。不得第一義則不得涅槃。說世諦令得說第一義。說第一義令得涅槃。故開二諦也。又大品云。般若波羅蜜。爲大事故起。所謂示是道是非道。非道即是倒。是道即非倒。示是道是非道。令舉非道從道。亦示倒示不倒。令舉倒從不倒。爲是義故。開二諦示得失。令改悟也。然二諦大判有三節。一者凡聖就倒不倒判二諦。二者就聖中自判二諦。三者就凡中自判二諦。就凡聖判二諦者。凡所解爲世諦。聖所解爲第一義諦。此判凡聖者。就知性空不知性空判凡聖。未知性空爲凡。若知性空爲聖。人就此判二諦也。就聖中自判二諦者。聖人了有空有空是有空。此之二諦皆是聖二諦也。何者。如四諦者。苦集滅道皆名聖諦。二諦亦爾。具俗兩種。皆是聖諦也。問何處作此說耶。解云。如般若四攝品末所明。自有時情轉千開。有時須文義明據。今宜須文義分明也。彼文云。凡夫若知世諦。應是須陀洹乃至於佛。若爾凡夫不知世諦第一義諦。唯是聖人知此二諦。故此二諦皆是聖諦也。大判如此。就聖中復有無量種。如大經云。我一時與彌勒在耆闍崛山。共論世諦。五百聲聞不覺不知。何況甚深第一義諦。約此而論。二乘不知二諦。唯菩薩知於二諦也。此則從來義壞。何者從來云。三乘皆會真諦。並解二諦。聖則真解二諦。賢則似解二諦。小乘七方便。大乘。三十三心相似解。小乘苦忍以上。大乘初地已上。真解二諦。解世諦通緣。似理。解真諦四絕百

非。三乘並解二諦。若是涅槃經。明五百聲聞不知二諦。尚不知世諦。況甚深第一義諦。故從來義不成也。今時得有此義。何者。二乘生滅斷常心。不行中道。不見佛性。中道是本。既不識本。豈能知末。既不見理。豈能識教。何者。彼有不得無。無不得有。有不能無用。無不能有用。二不能不二用。不二不能二用。橫豎皆礙。若是菩薩。有爲空用。空爲有用。二爲不二用。不二爲二用。橫豎無礙故也。就凡中自判二諦者。一切皆是。只從來所釋二諦是也。彼云。三假七實爲世諦。四絕百非爲第一義諦。三假不得四絕。四絕不得三假。亡不得有。有不得亡。絕不得有。有不得絕。如此二諦。皆是凡夫二諦也。何以知爾。大經云。衆生起見凡有二種。一者常見二者斷見。具有有無斷常二見也。又有於凡實爲諦。亦空於凡實爲諦。實有此空故空爲諦。所以凡亦有二諦也。此則皆開三種二諦。從來人二諦。任運墮凡夫二諦中。何者。我有三種二諦。一凡聖判二諦。二就聖中自判二諦。三就凡中判二諦。凡二諦者。三假爲凡俗諦。四絕爲凡真諦。汝義若爲耶。汝義三假是俗諦。四絕是真諦。自墮我凡二諦中。非故安處也。如一家理內外義。汝作義自落我理外中也。論文云。諸佛依二諦爲衆生說法。前來略釋依二諦竟。次釋依二諦爲衆生說法。問既云依二諦說法。爲何人說何物法耶。諸人領大師語云。爲凡說有法。爲聖說空法。爲凡聖兩人說空有二法。名依二諦說法。問師有此語不。答然

師實有此語。但用此語有處。人唯得此語不解此意。何者。爲凡說有。爲聖說空。名依二諦爲衆生說法。此成何物語。諸佛依二諦爲衆生說法。何得言爲凡說有爲聖說空。名諸佛依二諦爲衆生說法耶。又且豈依凡說有還爲凡說有。依聖說空還爲聖說空耶。論文云。諸賢聖真知顛倒性空。既知諸法本性空。云何更爲說空耶。今所明者如論釋。論云。諸佛依二諦爲衆生說法。親善依二諦爲衆生說法。何時善爲聖說法耶。爲凡夫衆生說法。不爲聖人說法也。問此就何義判爲衆生說二諦耶。解云。此就迷悟能所判爲說不爲說。明衆生迷有無未悟有無故。爲衆生說有說無。明此是有此是無此是凡此是聖此是倒此是非倒。令衆生從有入無捨凡取聖。爲此義故說二諦。若是聖人已悟。何須爲說。以凡未悟故須爲說二諦。凡未悟故稟教。聖已悟故不稟教也。言能所者。一切世諦。若於如來皆是第一義諦。既於如來是第一義諦故是能化。豈能化爲能化說法耶。一切第一義諦。若於衆生則是世諦。以衆生是所化所以須爲衆生說法也。次將中論觀法品及大論釋往生品二處文。釋成此義中論觀法品云。諸佛或說我。或說於無我。諸法實相中。無我無非我。長行中釋。爲凡夫說我無我。又爲得道聖人說我無我。我無我即是二諦。故大論初品云。人等世諦故有第一義諦即無當知。我是世諦。無我是第一義諦。既爲凡說我無我。爲聖說我無我。則爲凡說二諦。爲聖說二諦

也。大論釋往生品云。問云。前習應品。明無菩薩則無去來。今何故說有菩薩有去來耶。釋云。不相違。爲凡說無去來。爲聖說有去來。爲聖說無去來。爲凡說有去來。然去來無去來還是二諦。則爲凡說二諦。爲聖說二諦。大意與中論同也。然師復明爲凡說有爲聖說空。爲凡聖說空。此都三節說二諦義。前爲凡夫說二諦。不爲聖人說二諦。亦就迷悟能所判如前也。次釋法品。問法品何意爲凡說二諦。爲聖說二諦耶。解云。爲凡說我無我。如前爲凡說有無。令轉悟不有無。我無我亦爾。衆生迷。我無我。爲其說我無我。令離我無我。離我即離常。離無我即離斷。令其離斷常悟中道故。爲凡說我無我也。爲聖人說我無我者。聖人解我無我。是故爲聖人說我無我。前爲凡說我無我。凡迷我無我。爲聖人說我無我。非是聖迷我無我故。爲說我無我。但聖人問我無我。即解我無我故。爲說我無我。大論引天問經中說。羅漢最後邊身能說我無我不解云。能說故聖人解我無我也。又云。如軍防密號唯防人解餘不解。說我無我。唯聖人解餘人不解。以聖人能解我無我故。爲聖人說我無我也。中論既然。往生品類爾可知也。問凡夫迷我無我。爲凡說我無我。令悟我無我。可有。聖人解我無我。爲聖人說何益耶。解云。此不就利益爲說。直明凡不解我無我。聖解我無我。以聖解我無我故。爲聖說我無我。此爲益。利他不自利。如阿難稱我聞。爲益衆生也。次大師云。爲凡說有爲聖說空者。

此之凡聖是所化緣。裏教凡聖有於凡實爲凡說有令悟不有。空於聖實。爲聖說空令悟不空。令凡聖說有無悟不有無。亦令凡悟不。令聖悟不聖。不。凡不聖中道正法。故云。非凡夫行非實聖行是菩薩行也。又爲凡說有爲聖說空者。明隨凡說有隨聖說無如一色。於凡有於聖無。隨凡說色有。隨聖說色無。色未曾有無也。此正爲對由來人義。彼云。三假爲世諦理。四亡爲真諦理。有二諦道理。今明。隨凡說有。隨聖說無。乃是隨凡隨聖說有無。何處有二諦道理耶。爲是義故。云爲凡聖說有無也。此則釋爲衆生竟。次釋說法。然說法凡有三種。或具說二諦。或但說第一義諦不說世諦。或但說世諦不說第一義諦。此三種並出經論。大智論釋往生品云。問曰。前習應品。明菩薩應隨波若。不見菩薩。不見波若。無菩薩無波若。今何意復說有菩薩往生來生耶。答曰。前明無菩薩無波若者。就第一義諦門說波若。今說菩薩往生者。就世諦門說波若。此就二諦說波若也。又涅槃經云。善男子。莫入甚深空定。何以故。大衆鈍故。當以世諦而解說之。此亦就二諦說涅槃不聞聞義。前云莫入甚深空定。大衆鈍故。即是就第一義諦門說。當以世諦而解說之。此即是就世諦門說也。大智論云。欲說第一義悉檀故。說波若波羅蜜經。此即但說第一義諦。又大經云。與彌勒共論世諦五百聲聞不覺不知。此。即但說世諦。雖復三種不同。如來所說。不出二諦也。問何意如來說法不出二諦耶。解云。二諦

即是四悉檀。三悉檀即是世諦。第一義悉檀即是第一義諦。四悉檀攝十二部經。攝八萬四千法藏。攝法既盡。二諦攝法亦盡。此就不盡盡明義也。以二諦攝法盡故。如來就二諦說法也。問曰。二諦與四悉檀攝法皆盡。何意諸佛依二諦說法。不依四悉檀說耶。解云。通皆得。既依二諦說。亦依四悉檀說。別即不例何者。此有義。欲明諸佛所說皆實。金剛波若云。如來是真語者實語者。是故依二諦說。四悉檀名。不的主實。是故不依四悉檀說也。問不依四悉檀說法。用四悉檀何爲。解云。二諦是所依。依二諦說四悉檀法。此亦兩種。各取一義明。實而說義名四悉檀。說而實義稱二諦。此即依於二諦。方便屬緣不同。是故有四種悉檀也。問若爲依二諦說四悉檀耶。解云。依第一義諦說第一義悉檀。依世諦說三悉檀。依第一義諦說。合而不開。依世諦說。開而不合。以依第一義諦還說第一義悉檀故。合而不開。依世諦說三悉檀故。開而不合也。問何意依第一義諦合而不開。依世諦開而不合耶。解云。既有二諦。那忽併合開。真俗因緣。開合因緣也。問等是二諦因緣。何故第一義諦合而不開。世諦開而不合耶。解云。世諦是空有。第一義諦是有空。第一義諦。差別無差別。世諦無差別。第一義諦二不二。世諦不二。爲是故。世諦開而不合。第一義諦合而不開也。

問依第一義諦說第一義悉檀者。諸賢聖真知諸法性空。還依彼所悟性空。而說諸法本來

無生寂滅。此可解。若爲依一世諦說三悉檀耶。解云。三悉檀並依世諦故說。瓶衣車乘等法。於世間爲實。名之爲世諦。依世諦說世界悉檀。如說輪軸輻輳和合爲車。五陰和合爲人。如此說者。卽世界悉檀。故大論云。人等世界故有。第一義卽無。此卽依世諦說世界悉檀也。依世諦說對治悉檀者。衆生略有三毒之病。廣卽八萬四千塵勞之病。有三法藥八萬四千波羅蜜。對治此病。名對治悉檀。何故名對治。以藥撥病。以藥治病。名對治悉檀。如此藥病相治。卽依世諦說對治悉檀。故論云。對治故有。實性卽無。當知。是依世諦說對治悉檀也。依世諦說各各爲人者。前明三法藥八萬四千波羅蜜。治三毒八萬四千塵勞。卽明一切法盡。更何所論耶。解云。於各各爲人中。更攪之。何故諸佛經中。或說我或說無我。適說常。斯須說無常。何故或說是舍那或說是釋迦。或說淨或說不淨。何故前後更相違反耶。是故次明各各爲人悉檀。昔爲邪常故說無常。明諸佛緣覺尙捨無常身。今爲三修封執故說常。昔爲鈍根故說三。今爲著三故說一。爲大根緣故說是舍那。爲小乘人故說是釋迦。如此等並是爲緣不同。無相違也。此卽依世諦說三悉檀也。依第一義諦說第一義悉檀者。卷前三種。明不生不滅不動不倚。何處有人有車有藥有病有人有法有常有無常有三有一。如是畢竟清淨名第一義悉檀。爲是義故。云依二諦說四悉檀法也。此卽依二諦說四悉檀法竟。今次明依二諦就二諦

門說法。然四悉檀唯是二諦。但合離爲異。離二諦爲四悉檀。合四悉檀爲二諦。四悉檀實義名二諦。二諦究竟義名四悉檀。就二諦門說法者。大有三意。一者說世諦說第一義諦。令衆生悟第一義諦。二者說二諦令離有無二見。三者說有無令悟非有非無。說二悟不二。說二諦令悟第一義諦者。如最初所辨。世間顛倒謂諸法有。於世間是實。名之爲諸。諸賢聖真知顛倒性空。於聖人是實。名之爲諸。此則開凡聖得失二諦。令衆生悟第一義諦。明凡夫世人顛倒謂有。聖人真知顛倒性空。令捨有入空。改凡悟聖。舉失從得。衆生改凡成聖者。悟第一義故也。若不悟第一義諦。則不能改凡成聖。捨失從得。良由悟第一義諦。乃能改凡成聖。捨失從得。爲是義故。開真俗凡聖得失二諦。令悟第一義諦也。說二諦令離有無二見者。故大品經云。菩薩住二諦。爲衆生說法。論釋云。爲著有見衆生。說第一義諦。爲著無見衆生。說世諦。爲著有無二見衆生。故菩薩住二諦說法也。肇師論亦附。借有以出無。借無以出有。借有以出無。住世諦破無見。借無以出有。住第一義破有見。故說二諦破二見也。說二諦令悟不二者。如華嚴明一切有無法了達非有非無。此卽說有無悟非有非無。說二悟不二。此卽理教義也。一切經論。凡有所說者。不出此三種也。然前說二諦令悟第一義諦。此二諦卽有得有失。諸法性空。顛倒謂有名諸。卽是失諦。諸賢聖真知性空。卽是得諦。故此二諦有得有失也。

次說二諦令離二見者。此二諦並是失。何者。爲著有衆生說第一義。爲著空衆生說世諦。此有無並是衆生所著。是故皆失也。次說二悟不二。此二諦並得。何者。因二悟不二。二卽是理教。不二卽是教理。二卽中假。不二卽假中。二卽體用。不二卽用體。故此二諦是得也。次詔前二諦凡諸聖諦。世諦是凡諦性空。卽聖諦。第二二諦。並是凡諦。爲著有衆生說空。爲著空說有。借有破無。借無破有。此之有無。並是凡夫諦也。然復有聖諦義。何者。所借有無。是病皆凡。能借有無。並藥皆聖也。第三二諦。二悟不二。假中義。此二諦並聖。何者。如中論云。因緣所生法。我說卽是空。亦爲是假名。亦是中道義。從來明。此是三義。一因緣卽是空。二是假。三是中。此之二諦。豈凡夫所知。唯聖能了。又非二乘所及。但菩薩境界也。問何故就二諦說法。說二諦有何利益耶。解云。略出兩論文。一者中論四諦品云。若人不能知分別於二諦。卽於深佛法不知真實義。明。若不解二諦。於深佛法不知真實。若了二諦。於深佛法卽知真實義。故知。說二諦有大利益。二者十二門論觀性門云。若人不知二諦。則不得自利他利共利。若知二諦則得三利。此之二諦互出耳。然此二益攝一切益盡。中論明知深佛法益。十二門明利衆生益。上求下化。不出二益也。問若爲人不知二諦無利益耶。解云。佛法中卽薩婆方廣不知二諦。大損佛法。何者。薩婆等計一切法皆有。則不識如來第一義諦。由識第一義諦所以成聖。



既不識第一義諦。則破諸賢聖。論文云諸賢聖。其知性空名第一義諦。汝既不識第一義諦。故破聖人。斯有大損也。次方廣道人。計一切法空如龜毛兔角無因果。君臣父子忠孝之道。此人不識如來世諦。若不識世諦。此有何過。失世諦則失第一義諦。失第一義諦則不得涅槃。中論云。若不。因世諦不得第一義諦。不得第一義諦則不得涅槃。故此人過失極大也。此二人攝一切盡。若內外大小一切計有者。同薩衛有失二切。大小內外計無者。同方廣無失也。又如中論初云。佛滅度後五百歲。人根轉鈍。求十二因緣五陰等決定相。此即不識第一義諦。聞大乘。法說畢竟空。不知何因緣故空。若都畢竟空。則無罪福報應等。此即不知世諦。此有無二見。眾生龍樹菩薩。為此等故造此中論。即是住二諦破眾生二見。大品云。菩薩住二諦。為眾生說法。是何物菩薩。今龍樹即其人也。以眾生求十二因緣五陰決定相。次聞大乘畢竟空。便言無罪福。如此等失於二諦故。龍樹菩薩。為破此二人造中論也。從初至後。求一切法畢竟不可得。即住第一義諦破有見。次復云。雖空不斷。雖有不常。有二諦教門。何時無三寶四諦因果罪福耶。此即住世諦破無見也。又前來借空以破有。後四諦品借有以破空。如百論借一以破異。借異以破一。中論亦爾也。此之二種各示一勢。前申破後過破。前申破。住如來因緣世諦破空見。住如來因緣第一義諦破有見。帶申破。後過破者。借有破無。借無破有。此有無

並是眾生有無。皆須破洗。一無所留。借無破有。有去無亦除。故是過破。此即說於二諦破眾生二見。故有大利益也。次更明前兩人失二諦義。前明薩衛謂諸法有不識第一義諦。方廣計。有分無故諸法無。柱無故四微無。人無故五陰無。計一切諸法無。不識世諦。一往如此耳。再往二人俱失二諦。薩衛既不知諸法性空者。亦不識諸法於顛倒因緣有。既失第一義諦。即失世諦。故中論云。汝破一切諸法。因緣空義。則破於世俗諸餘所有法。此即破空義。即破一切有法也。又云。以有空義故。一切法得成。若無空義者。一切即不成故。薩衛不識空義。二諦皆失也。次方廣明諸法空。失於世諦。既失世諦。即失第一義諦。故中論初云。聞大乘說畢竟空。不知何因緣故空。若都空。則無罪福報應等。如是則失世諦第一義諦。故方廣不知有具失二諦也。何故爾。空是有空。既其失有。是即失空。又且有即是空。中論云。因緣所生法我說是空。既即是空。失有即失空。空既然。有亦爾。為是義故。此二人皆失二諦。以皆失二諦故。破失令識如來二諦也。問何人失二諦耶。解云。大。而為言。有兩種人失二諦。一者不學二諦失二諦。二者學二諦失二諦。凡失二諦不出此二種也。若是百論。即對不學二諦失二諦緣。何者。百論正對破外道。外道不知諸法性空。不識第一義諦。既不知諸法性空。亦不知諸法於顛倒因緣有。不識世諦。所以提婆菩薩。從初破諸法性有。畢竟無所有。次破空品破性空。破外

道性有性空竟。然後示如來因緣二諦。明諸法性空為真諦。隨俗說故無過。即世諦。破彼空有示其二諦。百論作此用也。次明中論者。具破兩種失。百論但破不學二諦失二諦緣。中論具破不學二諦失二諦及學二諦失二諦緣。何者。中論正破內傍破外。正破內。則正破學二諦失二諦緣。傍破外。即破不學二諦失二諦緣。破不學二諦失二諦。如百論也。破學二諦失二諦者。復有兩種。一者正破大乘。二者傍破小乘。大乘學二諦失二諦。小乘不識二諦失二諦。小乘不識二諦。薩衛即是前方廣薩衛兩人。並不識二諦。薩衛明諸法性有。不知諸法性空。既不知性空。即不識諸法顛倒有。不知性空。不識第一義諦。不知顛倒有。即不識世諦也。次方廣不識二諦者。未知此人何學。彼若小乘學。則推畫起邪見。明有分既無諸分亦無。於有起邪見。彼若大乘學。則聞大乘說起邪見。聞大乘說畢竟空。不知何因緣故空。若都畢竟空。云何分別有罪福報應等。若有罪福則不應空。推畫空便起邪見也。既起空見。即不識世諦。既不識世諦。即不識第一義諦。又此空是邪見空故。二諦皆失也。問三藏明諸法有。云何於三藏起邪見耶。解云。於外道中。尙得起邪見。如六師中云。無黑業無黑業報等。於外道中。尙得起邪見。況於三藏中不得起邪見耶。此即小乘不識二諦失二諦也。次大乘失二諦者。大乘學二諦失二諦。龍樹正為此入出世。造此中論及十二門大智論。故為學二諦失二諦也。然大乘失二諦。復有二種。

一者學二諦成性二諦。二者學二諦成一諦。前小乘有兩失。一性有失二諦。二邪空失二諦。今大乘亦兩失。如前佛法中都有四種失。二諦。學二諦失二諦。成性二諦者。聞有住有。聞空住無。如從來初章。他可有有。有無可無。有有可有。不由無故有。有無可無。不由有故無。不由無故有。此有是自有。不由有故無。此無是自無。自有即有故有。自無即無故無。斯即失因緣二成性二。失不二二成二故二也。言學二諦失二諦成一諦者有二種。一者學二諦成空諦。二者學二諦成有諦。學二諦成一空諦者。諸法於顛倒有名世諦。諸賢聖真知性空名第一義諦。明顛倒有為非諸法性空為是。何以故。諸賢聖真知諸法性空。故知諸法性空定是也。此人聞空故空。聞有亦是空。學二諦唯成一空諦也。學二諦成一有諦者。有二義。一者即鼠噉栗二諦。二者心無義鼠噉栗二諦者。經中明色色性空。彼云。色性空者。明色無定性。非色都無。如鼠噉栗中肉盡栗猶有皮殼形容宛然。栗中無肉故言栗空。非都無栗故言栗空也。即空有併成有也。言心無義者。然此義從來太久。什師之前。道安竺法護之時。已有此義。言心無義者。亦引經云。色色性空者。明色不可空。但空於心。以得空觀故言色空。色終不可空也。肇師破此義明。得在於神靜。失在於物處。得在神靜者。明心空。此言為得。色不可空。此義為失也。然此之兩釋。豈是學二諦失二諦。失世諦不識第一義。不識第一義即不識世諦。何者。此

是空有。失有即失空。又設得一有。此有是有。見有。故二諦皆失。空邊亦爾。故皆失二諦。失二諦即失假。失假即失中。中假理教皆失也。學二諦成性二諦。亦一切失。聞二住二不誠不二。不誠不二即失中。失中即失假。此非相待失。失中即失假。何以故。假即中故也。學二諦失二諦。既併失不識二諦。失二諦理然。皆失大有三節。一者學二諦成一諦。失二諦一切失。二者學二諦成性二諦。失二諦一切失。三者不識二諦失二諦一切失。如此等人既一切失。詎作何物人耶。此乃是狂愚人耳。為是人故。四依出世破之。有兩菩薩出世。提婆菩薩出世。破不識二諦失二諦。龍樹菩薩出世。破學二諦失二諦。此二菩薩破病具足也。非但釋迦佛須此二菩薩。十方三世諸佛。並須此二菩薩。何以故。此二菩薩攝一切菩薩。兩失攝一切失。破此兩失。則中一切教。何者。此二失障二諦破此二失。則二諦通。二諦通則一切經申。若爾故知。三論不可思議。所以關中歎云。中百兩論文未及此。人又無通鑒。誰與正之。及至之後歎云。後談道之人。始可與論實矣。實理如此。何者。失不出此二。中百兩論既破此二失。二諦即通。二諦通一切教申故。三論有大利益也。通意如此。次對當路數論者。數人則不識二諦。彼不知諸法性空。但明諸法性有。一切皆有。不識第一義。既不識諸法性空。則不知諸法因緣有。二諦皆不識故。失二諦也。成論者。依彼論宗則同三藏。何者。彼序云。故我欲正論三藏中實義。則

同薩衛不識二諦。若就彼義中有二諦義。彼明人法二空。但是聲聞空。終不識性空。何者。大智論云。佛於聲聞法中。不說自性空。自相空。以不說自性空故。不識第一義。不識第一義。即不識世諦。若爾數論皆失二諦。以如此等人並失二諦。所以諸佛說二諦。菩薩申二諦教。令眾生識二諦。識二諦即識一切中假等。所以說二諦有大利益。前明失二諦有二種。一者不識二諦失二諦者。當世即數論二人。數人不知諸法性空。但明諸法性有。此人不知性空。無第一義諦也。論人雖明諸法空。是聲聞法空。非今第一義空。今以諸法本性空為第一義諦故。論云。諸賢聖真知性空名第一義。成論無此空。何以知爾。成論正明三藏法。龍樹判云。佛於聲聞法中。不說諸法自相空。自性空。既無自性空故。彼無第一義諦。於彼不無人法二空故。彼引羅陀祇喻經。明人法二空。但此空折法明空。不明本性空也。此則據毘曇一節。毘曇不明空。成論則明空。若爾望毘曇則有二諦。望摩訶衍則無二諦。但是世諦。何者。今摩訶衍。正以諸法本性空為第一義諦。彼但折法明空。所以無第一義諦也。問用此語為何耶。解云。欲釋十二門論中一句語。彼論云。汝今聞世諦謂是第一義諦。今將數論等釋此語。問若為聞世諦謂是第一義諦也。解云。毘曇亦明二諦義。謂十六諦理苦無常等為第一義諦。刀杖逼迫等事苦為世諦。彼就事理判二諦也。今明此判二諦倒。何者。理之與事。豈是世諦。諸法性空。

乃是第一義諦。無常等是世諦。謂是第一義諦故云。聞世諦謂是第一義諦。是故墮在失處也。二諦既倒。則一切皆倒。何者。諸佛依二諦說法。二諦既倒。故一切皆倒。所以墮在失處也。次成論聞世諦謂是第一義諦者。明諸法有爲世諦。拆法空爲第一義諦。今明。諸法有拆法空。豈是世諦。何者。今就性空。非性空以判二諦。性空爲第一義諦。非性空爲世諦。汝拆法空非性空故。是世諦。汝謂是第一義故。在失處。何者。汝論宗云。正明三藏。龍樹云。佛以三藏中不說性空故。無第一義。若有第一義。則乖汝論宗。且應云。故我欲正論摩訶衍實義。而傳格違正論三藏義。故無性空。無性空故。無第一義諦。進退皆屈。此非橫破道理如此也。

次明學二諦失二諦者。大師云。此如失琉璃珠。譬在大池浴失琉璃珠。諸人求珠不得。珠各提瓦石歡喜持出。乃知非真。實是魚目。謂爲夜光。此即學二諦不識二諦也。問此人得是聞世諦謂是第一義諦不。解云。亦得。此有二義。一者就破明。二者就立辨。就破明者。論中橫破萬法。堅洗五句。一切畢竟無所有。彼便謂是第一義。此是眞諦遺故一切空也。抽講三論者。亦作此謂。言此等破洗是第一義諦。今明。此是世諦謂是第一義諦。何以知之。且舉譬如十六知見我空。無十六知見我。爲是世諦。爲是第一義諦耶。彼云。十六知見我空。此是世諦。何者。實無十六知見我。外道顛倒謂有。破十六知見我。十六知見我空。

者。此是世諦空。今亦爾。實無此等諸法。特是顛倒謂有。今破橫明諸法空故。是世諦空。亦非是世諦。此乃是世諦所離。離如此等諸法。始是世諦。爲是故。破一切諸法。無所有。是世諦。以彼不了。謂是第一義。是故墮在失處。故是聞世諦謂是第一義諦也。言立義者。因緣無礙二諦。如中論所說。因緣所生法。我說即是空。即是假名。即是中道。橫堅皆無礙。假即中即豎無礙。二不礙不二。不二不礙二。二爲不二用。不二爲二用。因緣生法我說即是空。即橫無礙。有不礙空。空不礙有。有爲空用。空爲有用。何但空有無礙。唯就有中一切法無礙。如華嚴所辨。三世無礙淨穢長短佛刹無礙。如此無礙名曰聖諦。菩薩得無礙者。非是諸法是有礙。菩薩得無礙觀。令諸法無礙。得無礙通使諸法無礙。良由諸法無礙故。菩薩體法無礙故。菩薩得無礙觀。得無礙觀。得無礙辨。得無礙通。若諸法有礙。菩薩得無礙通。使令無礙者。菩薩則有過罪。以諸法自無礙故。菩薩得無礙觀。得無礙通。得無礙辨也。如此無礙故名第一義也。若是由來人二諦即有礙。三假爲世諦。四忘爲第一義諦。三假不得爲第一義。四忘不得爲世諦。第一義不得有名相。世諦不得無名相。所以大師云。彼作兩燈解義。聞說諸法空。即內置眞諦燈中。聞說諸法有。即內置世諦燈中。世諦不得空。眞諦不得有。如此有無皆礙。礙故悉是世諦。彼即云。我有眞俗二諦。云何併是世諦耶。解云。有無礙皆是世諦。汝自。爲是第一

義故。是聞世諦。爲是第一義諦也。如此等。並失如來二諦。不能知佛法深義。若能知二諦。則知佛法深義。何者。識知毘曇二諦是毘曇二諦。知此二諦並是世諦。終不學如此二諦。識成論二諦是成實論折法二諦。非是諸法性空二諦。識從來有得大乘是有礙二諦。識諸佛菩薩無礙二諦。識如此等二諦故。知深佛法義。偈云。若人不能知分別於二諦。則於深佛法不知眞實義。若反此。應云。若人能了知分別於二諦。則於深佛法得知眞實義。爲是故。說二諦有大利益也。前就中論明得失二諦如此。次就十二門論以辨得失二諦。論文云。若人知二諦。則得自利他利共利。若不知二諦。則不得三利。此之二論互明得失也。言自利他利共利者。了世諦第一義諦。發生方便實智名自利。了第一義諦世諦。發生實方便實智名他利。具了眞俗二諦。具生二智名共利也。二者菩薩自了眞俗二諦。發生權實二智名自利。菩薩如實而悟。今還如實而說。令衆生亦了眞俗二諦。發生權實二智名爲他利。自他皆了二諦。皆生二智名爲共利也。問此兩種二智何異耶。解云。初則就眞俗判二智。後就自他內外判二智。前眞俗判二智者。了世諦第一義諦。名方便實智。了第一義諦世諦。名實方便智。了二諦判二智也。後就自他內外判者。內自悟二諦名實智。外爲他說二諦名方便智。此即就實智中開二諦。就方便智中開二諦。此即就內外自悟化他以判二智也。得此二智利益者。明此二智是

十方三世諸佛父母故。淨名經云。智度菩薩母方便以爲父。一切衆導師。無不由此生故。此二智是諸佛父母。若了二諦。則有二智。有二智故。有十方三世諸佛。若不了二諦。則無二智。無二智則無十方三世諸佛。故知。說二諦有大利益也。又利益者。了世諦第一義諦。離凡夫地。了第一義諦世諦。離二乘地。離凡夫地。離二乘地。是菩薩地。若不了第一義諦世諦。不離二乘地。不了世諦第一義諦。不離凡夫地。不離此二地。即在五百由旬嶮道之內。若了二諦。即出五百由旬外。入菩薩位。生在佛家。種姓尊貴。爲是故了知二諦有大利益也。又利益者。離斷常二見。了世諦第一義諦。離常見。了第一義諦世諦。離斷見。離斷常二見。行於聖中道。見於佛性。若不了二諦。即不行中道。不見佛性。不見佛性。即無性佛等。若了二諦。即離斷常。行於中道。見佛性。即有性佛等。爲是故當知。識二諦有大利益也。略明得失利益如此。次明悟教生智義。此義難解。若爲生智耶。大師舊語云。真教得悟。發生二智。教轉名境。若不悟。即不生智。言不悟者。聞有作有解。有即住有。有不表不有。聞無作無解。無即住無。無不表不無。名爲不悟。言悟者。聞有不住有。有表不有。聞無不住無。無表不無。名之爲悟。作若爲悟耶。爲當悟非有非無不二。爲悟有無二耶。若因有無二。悟非有非無不二。應生不二智。云何生二智耶。若言悟有無二者。此乃是悟教不應悟理。既不悟理。那得名悟耶。進退難明。未釋云云。次明二

諦是教義。攝嶺與皇已來。並明二諦是教。所以山中師手本二諦疏云。二諦者。乃是表中道之妙教。窮文言之極說。道非有無。寄有無以顯道。理非一二。因一二以明理。故知。二諦是教也。所以明二諦是教者有二義。一者爲對他。二者爲釋經論。爲對他明二諦是境。彼有四種法實。言教法實。境界法實。無爲果法實。善業法實。二諦即境界法實。有佛無佛常有此境。迷之即有六道紛然。悟之即有三乘十地故。二諦是迷悟之境。今對彼明二諦是教也。言釋經論者。中論云。諸佛依二諦爲衆生說法。百論亦爾。諸佛常依二諦。是二皆實不妄語也。大品經云。菩薩住二諦中。爲衆生說法。又涅槃經云。世諦即第一義諦。隨順衆生故說有二諦。以經明二諦是教故。今一家明二諦是教也。諸得師語。復知其意竟。何者。知爲對他。知爲釋經論。但此義未可解。何者。汝言二諦是教。說二諦有二諦。未說二諦應無二諦。若已有二諦。即同他家。若不同他家。說二諦始有二諦。未說二諦即應無二諦也。又難說二諦始有二諦。未說二諦未有二諦者。說色空始有色空。未說色空應無色空。未說之前。自有色有空。若爾未說二諦已有二諦。已有即同他云云。然二諦是教義。若可了二諦義即可解。三論文亦可解。若不了此義。二諦義即不可解。三論文則不可解。何者。他明二諦是境。汝今明二諦是教。說法是教。二諦亦是教不。若二諦是教。即違論文。論文云。諸佛依二諦說法。那忽言二諦是教耶。

解云。有兩種二諦。一於諦二教諦。於諦者如論文。諸法性空。世間顛倒。謂有於世人爲實名之爲諦。諸實聖真知顛倒。性空於聖人是實名之爲諦。此即二於諦。諸佛依此而說。名爲教諦也。問教若爲名諦耶。解有數意。一者依實而說故。所說亦實。是故名諦。二者如來誠諦之言。是故名諦。三者說有無教。實能表道。是故名諦。外道所說。何故不名諦。外道所說。不能表道。所以不得名諦。諸佛所說。實能表道。是故名諦也。四者說法實能利緣。是故名諦。外道說法。不能實利於緣。不得名諦。諸佛菩薩。實能利緣。所以名諦。五者說不顛倒。是故名諦。如涅槃經釋一實諦義。如來所說。無有顛倒。名一實諦。今亦爾。所說不顛倒故。所以名諦。外道所說。皆悉顛倒。不得名諦。諸佛菩薩說。無有顛倒。是故名諦。六者得如實悟。如實而說。是故名諦。故經云。如語者實語者。不異語者。不誑語者。此即如來誠諦不虛故。教名諦也。次明於諦。何因緣名諦耶。爲從謂情爲名。爲從境爲稱。爲從解爲目耶。解云。於諦從兩情解爲名。但此義有兩種。一者得失判二於諦。有於凡實。名爲世諦。空於聖實名第一義諦。此有謂情有。此空真解空。謂情有爲失。真解空爲得。此就謂情真解判二諦也。何以知爾。故論云。諸法性空。世間顛倒。謂有名世諦。諸實聖真知性空名第一義諦。既云真知性空故是真解。前云顛倒謂有故是謂情。若爾故知。此即謂情真解得失。以判二於諦也。二者就兩謂判二於諦者。如色

未曾空有。凡謂色有。於凡是實名諦。應謂色空。於聖是實名諦。此之有無。皆是謂情故。故皆是失。既凡謂有。聖謂空。此之空有。悉須洗破。無如此有。無如此空。畢竟洗淨。始得明因緣空有。因緣空有。即非空有。空有。既離非空有。空有。即悟空有。非空有也。前之空有。故是所治之病。故皆失也。以如此義名教諦。以如此義名於諦。此是師語不。然此實是師語也。大作一疑難安中。何者。依於諦說法。於諦是境不。若非境即乖論文。論文云。諸實聖真知諸法性空。真知即是智。智必有境。性空即是境。真知即是智。若爾二諦是境。依二諦境。為衆生說法。生得附論文。即成他義。他亦云。二諦是境。說二諦名教。故有言教法實境界法寶。四諦二諦是境界法寶。說四諦二諦。即是言教法寶。今亦爾。與他何異。若言我不如此。即乖論文。論文云。諸佛依二諦為衆生說法。那得言二諦是教耶。進退不可。扶論文即同他。不同他。即乖論文也。又作一掩答難。有於諦有教諦。於諦有真俗。教諦有真俗不。若言教諦亦有真俗者。成論死三論。未知若為成論死者。今且問汝。說俗說是俗。說真說是真。不汝若言說是真。即乖汝義。何者。汝義教諦是言語唯是俗故。不得言教諦具真俗。若畏改語言。若說非真者。那得言教諦有真俗耶。若是成論家解義者。即云。真俗二諦是境。境有真俗。說真說俗。此兩說並俗諦。真不可說。寄俗諦說也。今問三論師。他家真俗是境。境中有真有俗。汝今明二諦是教門。教諦亦

有真俗不。不解義者。必云教諦亦有真俗。何者。有兩諦。有於諦有教諦。於諦有真俗。教諦亦有真俗也。問若為教諦有真俗耶。解云。說俗名俗教諦。說真名真教諦。問說俗名俗教。教是俗。說真教教是真不。說真之說。此是言教。那忽是真。若說俗之說說是俗諦。說真之說說亦是俗諦者。即成他義。他亦明。真不可說。寄俗說真。說真之說。還屬俗諦。今亦爾。故同舊義。三論之義。還是我義也。所以成論。隨正讀中論。中論云。言說是俗諦。第一義諦不可言說。若爾言說皆是俗諦。何得言二諦並是教耶。若又二諦是教。教唯是俗諦者。即學二諦成一俗諦。前來諸人。學二諦成一諦既失。汝今學二諦成一諦。失之甚也。又難。他家明二諦是境。境中有真俗。汝明二諦是教。教為但俗。為具真俗。若但俗即失真諦。便同他家。若具二諦乖論文。義復不可。論云。言說是俗諦。真不可言說。又難。言說若為是真諦。今為取言說空名真諦。為取空言說為真諦。若取言說為真者。言說是有。那是真諦。若云言說空為真諦者。空言說為是何物。汝只應云。空說為世諦。說空為真諦。若云只說空為真諦者。說空之說是真不。若說空之說是真。即並難。若說空與空說皆為真諦者。色空與空色皆真諦。反詰云云。前來至此。都有四難未解。後當釋之。今更簡得失義。前得失凡有四種。今簡最後學二諦失二諦者。若是小乘。不足可簡。但正為學二諦失二諦人也。明他家辨二諦義。今時亦辨二諦義。何異。解

此凡有十句異。一者明理教義。他二諦即無理教。今明二諦有理教。他無理教者。彼明二諦是理。三假是世諦理。四絕是真諦理。今明二諦是教。不二是理。故經云。文殊法常爾。法王唯一法。一切無畏人。一道出生死。又云。一切有無法。了達非有無。故知。有無二。是教非有無。不二是理。具有理教也。唯他二。無不二。則唯有教無理。可謂世間法者。有字無義。一往如此。再往奪併無。何者。字本證義。既無有義。字何所詮。故理教皆失。今明。有無是教。表不有無理。此則有理有教。理教具足也。作如此說者。為對他為釋經云云。大明稟二諦教發生二智教轉名境。何故作此語耶。亦為對由來。由來云。真俗是天然之境。三假是俗境。四忘是真諦境。迷之即六道紛然。悟之即有三乘賢聖。常有此境。若是智從修習生。境即常有。智即始生。未有智時。前已有境。境智非因緣義。今對此明真俗是教。悟教生智。教轉名境。由智故境。由境故智。境能為智所。智能為境所。境所為智。智所為境。境智因緣不二而二也。問諸有二者無道無果。何故明二耶。解云。為對他無智有境。今明由智故境。由境故智。境智因緣不二也。然今明。二諦是教門者。正為拔二理之見。彼埋二理見深。有此二理。終不可改。為是故今明。唯有一理。無有二理。何者。如來說有說無。為表一道。此之有無。乃是道門。非是理。為是故明。二諦是教非是理也。二者有相無相。義從來云。山門得無相義。他家明有相。何故他是有相。

山門明無相耶。解云。他有有相。無有無相。有若無相。即無有有。無若無相。即無有無。便無二諦。既道理有二諦。即有有相。無有無相。名爲有相義。今明。有無有相。有表不有。無無相無表不無。有無表不有不無故。名無相義。以無相故。故名教門也。三者得無得義。他有得義。今明無得義。他有有可得。有無可得。若無有可得無無可得。即無二諦。既有二諦。故有有無可得。名爲有得。今明。有不住有。有表不有。無有無得。無不住無。無表不無。無可得。故名無得義。以無得無。有無名爲教也。四者明理內外義亦爾。他真俗理外。今真俗理內。以理內故名之爲教也。五者明開覆。他二諦是理。即覆。今明二諦是教。即開。何者。他有住有無住無。此有無覆。如來因緣有無也。今明二諦是教。有表不有。無表不無。有無表不有。無。如來教即開。無有壅滯。故經云。譬如秋月。虛空顯露。今亦爾。故有無名教也。六者明滿半義。他家二諦是半。今明二諦是滿。何者。他唯有二無不二。故唯教無理。名爲半字。今明。具足理教。名爲滿字。一往如此。他既無滿。是即無半。何者。半是滿半。既無滿。何得有半。安師云。減滿爲半。足半爲滿。既無滿。何所減爲半。故無滿即無半也。七者明他二諦愚者。今是智者。何者。涅槃經云。明無明愚者。謂二。智者。達其性無二。明無明。既然真俗亦爾。真俗二即愚者。不二即智者。不二之性。即是實性。故知。不二。是理。二是教也。八者。今明體用。彼但有用無體。無體即無用。今

則具有體有用也。九者。明本末。不二。是本。二是末。他既無本。何有末。今具有二不二。具。有本末。故云。二諦是教。不二。是理也。十者。明。了義。不了義。由來釋了義。不了義者。明小乘。教爲不了義。摩訶衍教爲了義。就大乘教中。復有二。般若法華等爲不了義。第五涅槃。常。住教爲了義。此就五時教中。有了義。不了義。如此。二諦義。爲有了義。不了義。別耶。解云。彼。明。若以三假爲世諦理。四忘爲真諦理。此之。二諦。唯是了義。無不了義也。今明。如此。二諦。皆是不了。何者。我二諦說有。欲顯不有。說無。欲顯不無。說有無顯不有不無。名爲了義。汝。有住有不表不有。無住無不表不無。有無不。表非有非無。二不表不二。即不能顯。道故。非。了義。今明。因緣有無。有表不有。無表不無。有無二。爲顯清淨不二之道。故名了義。所以。大經云。如是。二語。爲了一語也。今亦爾。因緣。二。爲顯不二。此因緣。二。悟不二。故。二。爲教門。也。不取兩語爲教門也。然。今家非但有了義。亦有不了義。具有了不了義。何者。只是。二。二。諦教門。有方便。即開。二。不住二。因。二。悟不二。了義。無方便。即開。二。住二。不悟不二。名。了義。故。今時。具有了不了義也。略明十種判。學。二諦。有得有失義。如此。更撮十種者。一者。理。教義。二者。相。無相。三者。得。無得。四者。理。內。外。五者。開。覆。六者。半。滿。七者。愚。智。八者。體。用。九者。本。末。十者。了。不了。云云。次都總料簡。前。云。他。但有教無理。今具足理教。此事不然。何。者。開。善。云。二。諦者。法性之旨。歸一真不二之

極理。又云。不二。而二。中道。即二諦。二而不二。二諦。即中道。若爾。彼有理教。有二不二。何以。言無耶。責云。汝。二。諦。爲是道理。爲是方便。彼。明。二。諦。是道理也。難。若。二。是理。即無不二。理。若。有。不二。理。即成三理。汝。唯。有。二。理。無。有。三。理。故。無。中。道。不。二。理。也。今。明。二。諦。非。理。乃。是。方。便。教。門。如。三。車。門。外。門。外。實。無。三。車。方。便。說。三。令。悟。不。三。今。亦。爾。實。無。二。諦。方。便。說。二。令。悟。不。二。故。二。諦。是。教。門。也。又。責。汝。明。不。二。是。中。道。中。道。爲。在。二。諦。外。爲。二。諦。攝。耶。汝。明。二。諦。攝。一。切。法。盡。真。諦。上。超。涅槃。下。絕。生。死。四。句。斯。忘。百。非。洞。達。一。切。無。即。是。真。諦。諸。法。有。是。世。諦。外。無。處。有。法。若。爾。唯。有。二。諦。理。何。處。有。中。耶。又。且。汝。非。有。非。無。是。何。物。耶。非。有。還。是。無。非。無。還。是。有。還。是。有。無。斷。常。何。說。中。道。耶。爲。是。故。今。明。二。諦。是。教。門。不。二。是。中。道。也。又。他。無。不。有。無。有。無。今。有。不。有。無。無。有。無。反。之。也。他。唯。有。有。無。二。理。無。不。二。之。道。今。即。唯。有。不。二。之。道。無。有。無。也。問。既。無。有。無。應。無。二。諦。解。云。實。無。有。無。但。方。便。故。假。言。有。無。假。言。有。無。爲。悟。不。有。無。以。是。義。故。明。二。諦。是。教。門。也。然。二。諦。更。無。有。二。只。同。學。一。二。諦。有。得。有。失。成。性。成。假。云。云。大。師。從。來。舉。譬。如。甘。露。有。方。便。者。服。即。長。存。無。方。便。者。服。即。天。壽。甘。露。未。曾。脩。天。脩。天。出。自。兩。緣。今。亦。爾。只。是。一。二。諦。有。方。便。學。即。成。假。無。方。便。學。即。成。性。有。方。便。故。爲。得。無。方。便。故。爲。失。二。諦。未。曾。性。假。得。失。性。假。得。失。出。自。兩。緣。也。然。只。自。性。因。緣。亦。復。無。有。二。有。方。便。者。學。自。性。成。因。緣。

無方便者。學因緣成自性。如無方便者。服甘露成毒藥。有方便者。服向毒藥成甘露。學二諦人亦爾。無方便學因緣成自性。有方便學自性成因緣。爲是故。學二諦有得有失。有自性有因緣也。問彼學因緣成自性天然之理。爲當取此理不取此理耶。解云。具有取不取。言取者。今時亦有此二理。何者。於凡有凡理。於聖有聖理。有於凡有理。空於聖有理。然理實未曾有二。於二緣故有二理。故論云。淺智見諸法若有若無相。是即不能見滅見安穩法。非有非無名安穩法。見有無相。即不見安穩之法。好言爲淺智。惡詔則是愚人。見有無相。理實非有無。理實非有無。於彼有有無二理也。若翻此謂即云。深智見諸法非有非無相。是則皆得見滅見安穩法也。言不取者。都無此有無之理。何者。謂有有理謂有無理。有無是謂情。既有是謂情有。豈有此有理。無是謂情無。豈有此無理。都無此有無也。既畢竟知無如此有無。有何物法。唯有四倒八倒。實無有常。倒謂有常。實無無常。倒謂無常。實無有倒。謂有實無無倒。謂無也。彼即云。我有有無二諦道理。云何言無耶。今現見有有無法非是妄。那忽言不見。又有三世法。過未無現在有。諸法從來爲生。謝過去爲滅。有生有滅。有有有無。何得言無耶。爲是故。龍樹出世求檢此執。汝言有有理。若箇是有理。汝言有無理。若箇是無理。求有不可得。云何言有有理。求無不可得。云何言有無理。如此有無生滅。特是汝顛倒。橫謂爲是耳。故中論云。若謂

以現見而有生滅者。是即爲癡。妄而見有生滅。若爾癡妄故見有無生滅。實無汝所見有無生滅也。前取即於二緣有二理。今破謂有實無有也。問前明二諦是教門時。爲當如來說因緣有無爲教。爲當即眼見耳聞有無爲教耶。然師答此語開合不同。今還作開合兩意釋之。言開者。即是理內外義。明理外亦有二諦。理內亦有二諦。理外二諦。即聞有住有不表不有。聞無住無不表不無。有無不能表理。不名爲教。此即理外無理無教。理內二諦。因緣有無。因緣有不有。因緣無不無。有無表非有無故。有無名教門。此即理內有教有理也。此如初章兩節語也。初章前節。即理外義。後節。即理內義。前節者。他有有可有。有無可無。有有可有。不由無故。有有無可無。不由有故。無。不由無故。有有是自有。不由有故。無。是自無。自有即有故。有。自無即無故。無。此之有無。不能表不有無。此有無非是教門。故理外無理教也。今對他明二諦是教門。無有可有。無無可無。無有可有。由無故。有。無無可無。由有故。無。由無故。有。有不自有。由有故。無。無不自無。不自有。是無有。不自無。是有無。無有不有。有無不無。此有無表不有無。故名爲教門。所以理內有理教也。一家初章言方如此。學三論者。必須前得此語。何意名初章。初章者。學者章門之初故云初章。此語出十地經第一卷。明一切文字皆初章所攝。今亦爾。初章通一切法。何者。有無作既然。一切法亦例此作。故知初章通一切法也。

此即開理內外二諦是教非教也。次合釋者。明有無何曾有二。只是此有無。有方便者學即成教門。無方便者學即成自性。有方便學自性成因緣。無方便學因緣成自性。有方便學初章前節成後節。無方便學後節成前節。如前甘露譬。甘露未曾有兩。拙服甘露成毒藥。巧服毒藥成甘露。今亦爾。無方便學因緣成自性。有方便學自性成因緣。猶如一色。不了者。言定有不知不有。了者。知色有不有故。只是此有無。兩人學教非教異也。問何故前開理內外異。後復合明之耶。解云。開合並爲對緣。前開理內外。正爲對由來人。由來人。唯知有一種有無二諦。不知有兩有無二諦。唯知有一三假四忘。不知有兩三假四忘。今明有兩有無。有兩三假。有兩四忘。他有有故。有無故。無。有三假故。三假有四忘故。四忘。此並是理外二諦。今明。因緣有無。因緣三假四忘。是理內二諦。開理內外得失。令彼識理內外得失。捨失學得從外入內也。所以合明者。此爲三論學者。三論學者。聞說理內外。便謂有理內外異。更成理內外二見。爲此人故明。二諦何曾有二。特是無方便不了者。諸爲理外。有方便了者。即名理內。然二諦實無異。爲是故。明開合兩種也。問何故明此開合兩種耶。解云。此之兩種。並爲開道令衆生悟入也。前開理內外令悟者。明有所得理外有無。不能表道。明無所得有無。有是無有。無是有無。有無表不有不無。因教悟理。從假入中。故師云。聖人開真俗以表道。說有無以化物也。次



合明令悟者。明有無未曾二。不了者成自性。了者成因緣。只了自性有無成因緣。因緣有無有無即不有無。悟於正道故。此二種並令悟於一道。經文皆爾。故法華云。唯有一大事因緣故。出現於世。又云。說種種乘皆爲一乘也。次問。既皆爲顯道者。何不發初卽爲說非有非無令悟正道。而忽諸法。非有非無說有無表不有無。然後令悟非有非無。何乃迂迴者耶。解云。此可有兩意。今且作一種釋之。明若直說瓶衣等有是世諦。此賢聖真知諸法畢竟空名真諦。此已憫憫不受。明諸法實錄是有。那得言究竟無耶。此尙不受。何況說諸法非是有非是無。豈當信之。爲此人故。以方便。於無名相中。假名相說。說有是凡諦。說空是聖諦。令其改凡學聖。如法華所明。衆生諸根鈍。著樂癡所盲。如斯之等類。云何而可度。諸法寂滅相。不可以言宣。我寧不說法。疾入於涅槃。若直說世諦有真諦無。何事言不可說耶。只爲諸法非有非無。所以不可作有無說。爲此故。方便說三。脫珍御服。得近其子。不得正門見。於窓牖中窺之耳。若不脫珍御服。不得化子。今亦爾。若卽說非有非無卽不受。所以方便前說有無。令悟不有無也。若爾斯乃物自迂迴。非開佛故曲巧也。廣洲大高釋二諦義。亦辨二諦是教門也。彼舉指爲喻。爲人不識月。舉指令得月。彼云。不識月故。尋指得月。雖尋指知所指。所指竟非指所指。竟非指。指月未嘗同。尋指知所指。所指因指通。所指所指通。通之由神會。指月未嘗同。

所指恒指外。又云。真諦以本無受秤。俗諦以假有得名。假有表有不有。爲息斷見。非謂有也。本無表無不無。爲除常見。非謂無也。言有不畢有。言無不畢無。名相未始一。所表未始殊。此意明因二諦教悟不二。二是所表。如因指得月。月是所表也。古人釋與今意同也。今明二諦如指。爲小兒不識月。此爲小兒不爲大老子。大老子知月。何須爲。爲小兒不識月故。舉指令識月。凡夫衆生亦爾。不識理故。須二諦教。故經云。衆生癡如小兒。亦名著者。故不得前說不二之法也。前已作一種釋明。如須依二諦說法。不得發始卽說諸法非有非無。何者。說有是世諦。說空是真諦。已驚潛不受。況爲說非有非無耶。如脫珍御服也。今更作一種釋。明依二諦說不得說非有非無也。然前須作一問。然後乃得釋之。問云。經中具有說有說無。及說非有非無。非真非俗。非色非空。如涅槃經云。卽於波羅奈轉正法輪。宣說中道。一切衆生。不破諸結。非不能破。非破非不破。是名中道。說法非師非弟子。非得利非不得利。名爲中道。若爾此卽具有說二說不二。何得言唯依二諦說不得說不二耶。又且長者初脫珍御服。後還著珍御服。有脫有著。不常脫。那言常依二諦說不說非有無不二耶。解云。說有說無。說非有非無。並是教非是理。一往開理教者。教有言說理不可說。理既不可說。云何得悟。所以得悟理者。必假言說。爲是故。說有說無說非有無。並是教皆令悟理也。問說有無可是二諦教。說非有無不二。

云何亦是二諦教耶。答爲是義故。所以山門相承與皇祖述明三種二諦。第一明。說有爲世諦。於無爲真諦。第二明。說有說無。二並世諦。說非有非無不二爲真諦。汝所問者。只著我家第二節。二是世諦不二。是真諦。我今更爲汝說第三節。二諦義。此二諦者。有無二。非有無不二。說二說不二爲世諦。說非二非不二爲真諦。以二諦有此三種。是故說法必依二諦。凡所發言。不出此三種也。又此二節二諦。並出經論。有爲世諦。空爲真諦。如論所明。故論云。有爲世諦。此賢聖真知空爲真諦也。二爲世諦。不二爲真諦。亦出論。論云。有無並世諦。故說第一義諦卽無也。又淨名云。我無我不二。是無我義。反卽我無我二爲我義。真俗亦爾也。二不二爲世諦。非二非不二爲真諦者。華嚴云。不著不二法。以無一二故。又大論云。破二不著一。若爾故知。非二非不二。名爲第一義諦也。大明。所以大師明此三種二諦者。有數意。兩意已如前說。一者爲釋諸佛所說常依二諦。亦是明諸佛所發言不出三種二諦也。二者爲釋經論。經論復有此三種二諦。文如前所引云云。然經中所以有此三種說者。並是赴緣不同。卽是各各爲人悉檀。或有聞說有無二諦悟。卽爲說之乃至聞說二不二爲世諦。非二非不二爲第一義諦故說之也。又所以明三重二諦者。此三種二諦。並是漸捨義。如從地架而起。何者。凡夫之人。謂諸法實錄是有。不知無所有。是故諸佛爲說諸法畢竟空無所有。言諸法有者。凡

夫謂有，此是俗諦，此是凡諦。賢聖真知諸法性空，此是真諦，此是聖諦。令其從俗入真，捨凡取聖，爲是義故。明初節二諦義也。次第二重，明有無爲世諦不二爲真諦者。明有無是二邊，有是一邊無是一邊，乃至常無常生死涅槃，並是二邊，以真俗生死涅槃是二邊故，所以爲世諦。非真非俗非生死非涅槃不二中道，爲第一義諦也。次第三重，二與不二爲世諦。非二非不二爲第一義諦者，前明真俗生死涅槃二邊，是偏故爲世諦。非真非俗非生死非涅槃不二中道，爲第一義。此亦是二邊，何者？二是一偏不二是一中，偏是一邊中是一邊，偏之與中，還是二邊。二邊故名世諦，非偏非中乃是中道第一義諦也。然諸佛說法，治衆生病，不出此意，爲是故明此三種二諦也。此之三諦，只得爲一緣，亦得爲三緣者。初節爲凡夫，凡夫謂諸法是有，所以說諸法有爲俗諦。空爲真諦，正爲破凡夫有見故。說有爲俗空爲真諦也。第二重爲破二乘人，二乘謂諸法空，沈空見坑故，法華云：我爾時但念空，無相無願之法，於菩薩遊戲神通淨佛國土，永無願樂。若爾，凡夫著有二乘滯空，此之空有，並是世諦，若非空非有非凡非聖，乃是第一義。故經云：非凡夫行，非聖人行，是菩薩行，亦非有行非空行，是菩薩行，爲是故明第二重二諦也。第三重爲破有得菩薩，有得菩薩云：凡夫見有，二乘著空，凡夫沈生死，二乘著涅槃，我解諸法非有非無非生死非涅槃，爲是故。明有無二非有無不二，生死涅槃二

非生死非涅槃不二，並是世諦。若非真俗非生死涅槃，非真非俗非生死涅槃，乃是第一義諦也。此即攝五乘爲三緣，開三種二諦，赴此三緣，皆令悟一乘一道，若悟此三即究竟，悟此三即非凡非聖非大非小，若爾始是悟也，是故經云：我今得道得果，於無漏法得清淨眼，以得如此悟故，所以如來便入涅槃也。又所以明三種二諦者，爲對由來人，由來人明三假是世諦，四忘是真諦，今明，此之二諦，是我當初節二諦，我家有三重二諦義。汝二諦是初重二諦，今過汝有兩重二諦也。第二節二諦，若真若俗爲世諦，若非真若非俗爲第一義諦，若爾汝二諦是我家世諦也。又第三節，攝彼若二諦若中道，就是今世諦，何者？前第二節明二爲世諦不二爲真諦，汝二諦但是我世諦也，彼即云：我亦有非真非俗中道義爲是故。第三節明二不二爲世諦，汝若二諦若中道，悉是我家世諦，爲是故明此三種二諦義也。問從來明有三諦義，一世諦二真諦三非真非俗諦，故經云有諦無諦中道第一義諦，若爾，云何言諸佛常依二諦說法耶？諸佛常依二諦說法，此即時長佛廣，常依故時長，諸佛故佛廣，此即十方三世諸佛，常依二諦說法，那得有三諦，既有三諦，何得復言常依二諦耶？解云：常依二諦說法，不妨三諦，雖有三諦，不乖常依二諦說法，何者？今真俗是二諦，攝真俗二爲世諦，不真俗爲第一義，若爾唯是二諦故，云諸佛常依二諦說法也。次，時明二諦廢立義，問有無表不有

無，悟不有無時，爲廢有無爲不廢耶。次結二難，若悟不有無廢有無，如得月忘指者，不然，何者？本了有無得不有無，若廢有無即無有無，無有無事有不有無，涅槃經云：菩薩具二莊嚴，即能解知一種二種，若言無一二者，是義不然，何以故？若無一二，云何得說無一無二，要由一二得有無一二，若爾，要由有無得悟不有無，何得廢耶？若便不廢有無者亦不然，若不廢有無者，何得從來云得月忘指會理忘筌耶？師解云：具有廢不廢義，所言廢者，約謂情邊，即須廢之，何者？明汝所見有者，並顛倒所感，如瓶衣等，皆是衆生顛倒所感，妄想見有，故中論云：若謂以現見而有生滅者，即爲是癡妄而見有生滅，顛倒感得此眼，求此眼不可得，諸法亦不可得，特癡妄見有，是故須廢也。此則用空廢有，若更著空，亦復須廢，何者？本由有故有空，既無有，何得有空，故中論云：若使無有有云何當有無，又云：若有不空法，可有於空法，不空法尚無，何得有空法，此之空有，皆是情謂，故皆須廢，乃至第三節，謂情言有，亦皆須廢，何者？並是謂情，皆須廢之也，問若此三種二諦皆廢，用何物爲二諦教耶？解云：約緣邊即是謂情，佛爲說邊即是教門，今明，此等皆謂情，皆須廢之也。何以故？謂情所見皆是虛妄，故廢之也。又非但廢妄，亦無有實，本有虛故有實，既無虛即無實，顯清淨正道，此亦名法身，亦名正道，亦名實相也。然此已拔從來也，何者從來云：取相煩惱感六道果報，此須廢，廢六道生

死。得如來涅槃。今明。有生。死可有涅槃。既無生死。即無涅槃。無生死。無涅槃。生死涅槃皆是虛妄。非生死。非涅槃。乃名實相。一往對虛非實。若無彼虛。即無有實也。若就三重二諦義辨者。即由來人廢立在初節二諦義中。何者彼廢世諦立真諦。何者取相煩惱感得六道果報名為世諦。斷取相煩惱感得六道果報。此即廢世諦而有真諦之境。由真諦境生佛妙智。此即廢世諦立真諦。今明。此之二諦。並是謂情。皆悉須廢。何但初節二諦須廢。乃至第三重皆須廢。何以故。此皆謂情故須廢之也。此即一往廢三。不廢不三也。次就三種二諦中論廢不廢。明無方便三即廢。有方便三即不廢。無方便三廢者。明此三例。謂有三實無此三。是故須廢。如陽炎。謂是水。實無水也。然亦無有廢。何者有水可廢。既無水。何所廢而言廢者。約彼謂有故言廢也。有方便三不廢者。即不壞假名說諸法實相。不動等覺建立諸法。既云不壞假名說諸法實相。豈當得不二廢二。若得不二廢二。即壞假名說諸法實相。動等覺建立諸法。唯假名即實相。豈須廢之。如中論云。是假即中。廢假名即廢中。既不廢中。豈當廢假。斯即空有有空二不二不二。橫豎無礙。故肇師云。欲言其有。有非真生。欲言其無。非像既形。又云。譬如幻化人非無幻化人。幻化人非真人也。此唯幻化人非人。非人不無幻化人。幻化人非人。非人人。諸法亦爾。故不廢也。此就有方便無方便因緣不因緣。論廢不廢如此。次更就謂情

生滅無生滅二觀。明廢不廢。何者由來云。小乘即斷二輪煩惱。得見思兩解。大乘斷五住地惑。得十地解。此即見思伐二惑。十地解斷五住地惑。此廢惑立解。廢凡立聖。若不斷二惑。見思無由成。不伐五住。佛果即不立。故大小乘皆斷惑成聖也。今依法華經望。併除蕢人。何故謂為除蕢人。欲鄙之耳。故經云。念子愚劣。樂為鄙事。二乘斷惑。既是除蕢。菩薩斷惑。亦是除蕢。齊而過甚。何者同斷故是齊。斷少多故過甚。二乘除蕢。蓋是不足言。菩薩時長除蕢。廣故過之甚也。今明。菩薩知惑本不生。今不滅。何所斷。斯即生在佛家。種姓尊貴。如轉輪聖王皇太子也。唯見客作賤人除蕢。何曾聞長者之兒擔屎。故今明。菩薩不斷惑。何者菩薩知惑本不生。今不滅。無所斷也。所以淨名經云。法本不生。今則無滅。法華云。諸法從本來常自寂滅相。從來云。菩薩無生滅觀。何故明無生滅耶。如向所辨。知本不生。今無所滅。故言菩薩不生不滅觀也。問他斷二惑。得小聖。斷五住惑。得大果。汝今不斷。云何得言小聖大果耶。解云。汝斷惑得有聖。我本無惑。豈無聖耶。又反之。汝見惑生。今斷不得聖。若知惑本不生。不滅。乃得聖。何者不生不滅是本。知本可得成聖。汝不知本。豈得成聖。故法華云。世尊。我今得道。得果。於無漏法。得清淨眼。今日得道。當知。前來未得道。又涅槃經云。汝諸比丘。未為大乘除諸結使。為是故。從來斷不斷。今始是斷也。從前來。略明二諦大意如此也。

## 二諦義卷上

## 二諦義中卷

胡吉藏撰

釋二諦名者。此義極難解。二諦名者。俗是浮虛義。真是真實義。從來久解。今未知那得二諦名而欲釋耶。解此問者。我家明二諦有兩種。一教二諦。二於二諦。如來誠諦之言。名教二諦。兩種謂情。名於二諦。此則就情智判於教二諦也。問教諦是佛教。教諦名從佛起。於諦是緣於。於諦名從緣起。不。解云。教諦是佛教。教諦名從佛起。於諦是緣於。於諦名亦從佛起。難云。教諦是佛教。教諦從佛起。於諦是緣於。於諦那得從佛起耶。解云。領僻。我云。教諦是佛教。教諦名從佛起。於諦是緣於。於諦名從佛起。於諦與於諦名。此語大校。今明。教諦名從佛起。於諦名亦從佛起也。問教諦從佛起。於諦亦從佛起。教諦既是教。於諦亦是教。反詰云云。解云。兩種二諦皆是佛教。問教諦可是教。於諦若為亦是教。既有於教之殊。云何併是教耶。解云。二於諦名。亦是為衆生故說。為衆生說有。於凡是世諦。為衆生說空。於聖人是真諦。為衆生說空有。是二於諦故。二於諦亦是教也。問二於諦名是佛說。名從佛起。空有二諦。從何起耶。解云。只空有二諦。諸佛出世故有。佛未出世則無。縮長為短。釋佛未出世時。雖言空有。不知空有是二諦。如佛

未出之時，亦有苦集滅道等名，而不知苦集滅道是歸，由佛出世故說苦集滅道四諦，故經云甘露門初開也。空有亦爾，由佛出世，諸空有爲二諦，故云空有佛出世始名二諦也。大更長釋者，佛出世佛未出世，空有並由佛得知，所以成論云，劫初物未有名，聖人爲受用故，爲物立名，如瓶衣等，空有亦爾，佛未出世時，聖人爲空有立名，若爾，佛出世佛未出世，空有名並由佛有也，次問，於諸名如此，於諸從何而起耶，解云，於諸有兩種，一兩情二於諸，二情智二於諸，兩情二於諸可解，何者，兩情二於諸，從佛教起，明佛爲衆生說二諦教，衆生不了，作空有兩解，成兩於諸，此於從教起也，問情智二於諸何因得有耶，解云，一於但一，一於有二，一於但一者，凡夫顛倒，謂瓶衣等諸法爲有，此瓶衣等物，有佛無佛，常於凡夫是有，如涅槃經云，十二因緣，有佛無佛性相常住，但小乘釋有二，人，毘婆闍婆提云，是無爲常住法，薩婆多彈云，恒有爲常，如火有佛無佛常熱，不可言火有佛熱無佛不熱，有佛無佛恒熱爲常，十二因緣亦爾，今明世諦亦如此，諸法於凡常有，常有世諦也，一於二義者，即是諸賢聖，真知諸法空爲第一義，言二義者，就本迹兩意以釋之，本迹義，則諸佛出世故有，諸佛出世，知向顛倒諸法性空也，迹本義，則諸佛法身，本知顛倒性空，故法華云，我以佛眼觀見六道衆生，此即在法身地，本知顛倒性空也，略釋二諦名根本大意如此，然義必須得其根本識其大意，若不

得意，義不中用，如中論序大小乘人不識佛說空，有意所以成失，前序小乘云，像法鈍根，求十二因緣陰入界等決定相，不知佛意，但著文字，次序大乘云，聞說畢竟空，不知何因緣故空，爲此義故，龍樹出世造論，申佛教意也，既有明則，今訪而學之也，次問，既有於諸教，諸佛何意說於諸與教，諸耶，解云，如來所以說一於諸者，欲令衆生一節轉兩節轉，說於令悟非於非不於，何者，於無名相中，強名相說無名而說名，令悟名無名，亦非於非不於，爲衆生說於，令悟於非不於，故經云，知有非有本性清淨，又云，欲令衆生深識第一義諦，故說世諦，又云，一切有無法，了達非有無，爲是故，說於令悟非於非不於也，所言一節轉二節轉，何者是耶，一節轉者，說有於凡是諸，說空於聖是諸，作如此說者，令衆生轉有入空，何者，有於凡是有，此有實無所有，宣說有，於凡是有，則知此有不有，此正爲凡夫，凡夫謂諸法實有，今說此有於凡是有，若知有於凡是有，即知此有不有，斯則因有悟不有，經云，知有不有，又經云，欲令衆生深識第一義諦，故說世諦，又論云，若不因世俗不得第一義也，兩節轉者，說有於凡是實，對有於凡是實，說空於聖是實名二於諸，既說空有於緣二，即知於二不二，說於二顯不二，故經云，一切有無法，了達非有無也，若好釋者，於二者明非二，非謂是非二，若言於二爲顯不二，此言平鈍，若駭悟解者，於二者，明非是二非謂是非二，亦應須上揚，不得下抑，上

揚則兩塵，何者，於二非是二則離二，非謂是非二，不著不二，此則悟非二非不二非偏非不偏清淨正道也，然作如此說，於諸者即是教，諸何處別有教，諸，只作如此目諸於諸，即是教，諸即是依二諦說法，從來人，聞師說於諸教，諸作二諦解，誦語，鸚鵡鵒鵒脚耳，今明，如向所明，無別教，諸說於即教也，問若爾從來解那得云有於諸教，諸耶，解云，於兩情名二於諸，佛爲衆生說此二於，即是教，諸更無有二，但約義判，何者，於諸即是所教，諸即是能，能所判於教二諦也，又問，何意說於諸教，諸耶，解云，二意，一者爲釋經讀論，經論中並有此言也，二者爲對他，他明二諦是天然之境，有此二理，而二諦名境復名理者，會二諦生二智名之爲境，而道理有二諦故，名之爲理，道理有此二理，道理有此二境，今對彼，明此是於二理，此是於二境，非道理有此理有此境也，若爾，今時有兩境兩理，兩境者，一於境二教境，兩理者，一於理二教理，爲是義故，明於諸教，諸也，然如來直說二於諸，凡有三句，謂得失亦得亦失，直作此說，若爲得解耶，今佛直說二於諸，云何得解，答今明，佛說於諸有三句，一皆得二皆失三亦得亦失，言亦得亦失者，即是前二於諸，諸法於凡是有，此有爲失，諸賢聖真知諸法空，此空爲得，示其空有，令識得失，令其捨有學空改凡成聖也，二皆失者，二皆是於，故二皆失，於凡有，有既失，於聖空，空亦失，何者，諸法未曾空有，於凡謂有，於聖謂空，如一

色未曾空有。有見之人謂色有。空觀之人謂色空。一色於空有兩緣成空有故。此空有豈是失也。兩皆得者。只知於二。即知不二。此下五句皆淨。於緣二。豈是二。問於二非是二。可是非二不二耶。解云。於二非是二。明非是二。非謂是非二。既非二。非不二。五句皆淨。斯則上拂霄漢。下漏淵泉也。從來只云二於諦皆失。不知有此三句。然此三句。有兩種諦。前二句即於諦後一句即教諦。前二句即於境後一句即教境。於境即不轉境。教境即轉境。言前兩句是於諦不轉境者。諸法於凡是實有。有佛無佛常有此境。有境既常有。空境亦常有。諸賢聖常知諸法空。亦常有此空境。今時亦有天然之境。亦有天然之智。常有此境。常有此智。此之境智。並是於緣境智。非是轉悟境智也。言轉悟境者。只說於緣有。即知於有不有。說於緣空。即知於空不空。識於有無不有無。識教悟理。悟理即生權實二智。生二智時。空有之教即轉名境。故是轉悟境也。問猶有一疑妨。何者前明二於諦一得一失。失是所化得是能化。今那得云說於空令悟不空。若說於空令悟不空者。此乃所化。何謂能化耶。解云。前明二於諦。空是能化者。引凡令學聖。凡夫顛倒謂有。諸賢聖真知諸法空。明能化空。令其捨有。若玄變之徒。既知有不有。即知空不空。不須為說空令悟不空。但鈍根之人。捨其所見有。學能化空。既學得能化空。作於空解。為此入故。說薄於汝是空諸法實非空也。此約漸悟為論。前令悟有不有。次令悟

空不空也。問他亦明有境諦有教諦。彼有境界法寶。有言教法寶。境界法寶即境諦。言教法寶即教諦。汝既有教諦他亦有教諦。汝有如來誠諦之言。他可無如來誠諦之言耶。若爾皆有境教。斯有何異。解云。異今明。汝二諦天然之境。是我家於境失。於境失中。有無量失。此是我家龜失。細失非汝所及。故經云。菩薩微細礙相。非二乘境界。今亦爾。汝天然之境。是今家龜失。故與彼大。也。所以大論云。外道與佛法相去玄殊。猶若天地。又云。天食須陀比人中臭糞。又如驢牛二乳。驢乳。押成糞。牛乳。押則成酥。今亦爾。他得為今失也。此即是依二諦說法。二諦是境義也。又問。教諦為若異耶。解云。一往。拔者。我有三種二諦。汝所明二諦。是我初節二諦。三假有為世諦。四絕為真諦。此之二諦。是我家初節二諦也。又問。汝二諦教表何物。彼云。二諦還表二理。若爾。還表一指還指指也。又彼唯有二無不二。則唯有教無理。無理則無教。今有理即有教。具足理教也。前來明立名意。今次釋名。然雖無名而名。是故今釋名也。故肇師云。無名之道。于何不名。師云。於無名相中。強名相說。既無名強說名者。為令因名悟無名。說名不令衆生住名中。若說名令衆生住名中。此還是衆生。非謂是佛。今明。無名強說名。令衆生因名悟無名。然須知此名即無名。只名無名。無名而名。既知無名名。即知名無名。此即除故不違新也。若是從來人。則造新不畢故。何者。本有身心之病。今聞佛說真俗。後作真

俗解。有真可異。有俗可俗。有名異無名無名異名。即有所得義。有所得者。名曰聲聞。是魔眷屬。像法決疑經云。是十方三世佛。佛藏經云。刀輪殺一切。有得之人罪過於此。華嚴云。譬如餓鬼等云云。所以大論云。有生死來。無能治此病也。今攝山與皇出世。拆破此病。說名令衆生悟名無名。不住名亦不住無名。舉譬如雙六打隱。打不隱即為他打。說二諦名。本為除病。若住名中。名復成病。今明二諦如雙六打隱也。問何故恒作此釋。解云。只為恒有此病故。恒作此說。如諸聲聞恒障菩薩道故也。師何因得如此解。學龍樹提婆兩論主。兩論主。何因得此解。學諸佛也。問曰。經中有立有破。何得言皆破耶。解云。經中若立若破。皆為破病何者。經中若說一色一香皆為顯道。若不顯道。可不破病。既若立若破皆為顯道。故破立皆為破病也。經既然。故論主學經。師學論主。大小乘人。有新故兩病故。有兩論主出世破之。提婆破病。龍樹破新病。論主既然。大師亦爾。破此新舊等病故。作如此說也。然道義大意如此。必須得如此意。非為立名道義。乃道義為息名也。將欲息名故。前須釋名。釋名凡有四句。一者一名一義。二者一名無量義。三者一義一名。四者一義無量名。名不出此二種。義莫過斯之二條。言一名一義者。一名即一俗名一異名。一義者。俗以浮虛義。真真實義。從來得此一句。今明。是四句中一句也。次一名無量義者。若為一名無量義耶。解言。一是無量一。一豈不是無量。此則無量

一、一無量。故經云：「中解無量無量中解一。」展轉生非實智。無所畏也。問曰：若爲一名有無量義耶？解云：就四義解之。一隨名釋。二就因緣釋。三顯道釋。四無方釋。隨名釋者：如俗以浮虛爲義。又俗以風俗爲義。然此具出內外故。律有國土昆尼。隨國土處所。風俗不同也。禮記云：君子行禮不求變俗。故風俗爲義也。從來唯得前釋。無有後解也。問此兩釋何異？解云：俗以浮虛爲義。此即望真釋。明聖人所知真實。凡夫所知浮虛對真釋俗也。若是風俗釋俗。則當俗釋俗。只處所風俗不同故名爲俗。此無所望也。前則望他。後則當自。自他異也。又前約經釋。後就律釋。河西云：佛法不出經律二藏。阿毘曇只分別經律耳。故經律攝佛法盡也。前釋約經者。經明諸法浮虛無所有故。浮虛釋俗約經也。風俗釋就律者。明律中不得道諸法浮虛無所有。不得道人是浮虛草木浮虛。何以故？爲制戒令佛法久住故。所以不得明物浮虛無所有。但明國土風俗不同也。此則就經律釋異。由來亦不知也。次第二就因緣釋義者。明俗真義。真俗義。何者？俗非真則不俗。真非俗則不真。非真則不俗。俗不礙真。非俗則不真。真不礙俗。俗不礙真。俗以真爲義。真不礙俗。真以俗爲義也。問前隨名釋有二義。一望他當自釋。二約經就律釋。今就何物義釋耶？解云：對有礙有得。就無得無礙釋。若言俗浮虛義真實義。此是凡夫二乘有得解義。今明。菩薩無得無礙義故。明俗是真義。真是俗義也。他家無此

義。他俗定俗。真定真。三假定俗不得真。四忘定真不得俗。真俗有礙聲聞解義。今明。真是俗義。俗是真義。真俗無礙。菩薩解義也。問何故作如此說耶？解云：對彼自性。明今因緣因緣動彼自性之執故。經云：前以定動。後以智拔。今前明因緣。動彼自性。後當拔之也。但今一往且明因緣。動彼自性。彼明浮虛定俗義真實定真義。爲是故。今動搖已。明俗是真義。真是俗義也。問若爲俗是真義。真是俗義。空是色義。色是空義耶？解云：大品經中自釋。彼經云：色即空空即色。真即俗俗即真。既云真即俗。真豈非俗義。又中論云：因緣所生法。我說即是空。因緣生法即是有。既即是空。真豈非俗義。釋此偈具釋經。論引經釋。論即釋經也。又義是名之所以。真是俗之所以。故真爲俗義。經云：欲令衆生深識第一義諦。是故如來宣說世諦。既說世諦令識第一義諦者。則俗爲真。名真爲俗義也。俗諦既然。真亦爾也。次第三就顯道釋義者。明俗是不俗義。真是真義。真俗不真俗義。真俗不真俗即名義。不真俗真俗即義名。真俗不真俗教理。不真俗真俗教理。斯則名義理教中假橫豎也。何處作如此說也？解云：即如華嚴所明。一切有無法。了達非有無。以達有不有故。不有爲有義。達無不無故。不無爲無義。亦如了達明無明二不二。既達二不二故。不二爲二義。了達真俗不真俗故。不真俗爲真俗義也。問何故明不真俗爲真俗義耶？解云：前明因緣橫義動今真俗不真俗豎義拔。橫義動豎義拔。

故一家從來明假伏中斷義。言假伏者。真是俗義。俗是真義。伏彼自性也。既知因緣真。即知真不真。知因緣俗。即知俗不俗。悟真俗不真俗自性永斷。爲是義故。前橫伏今豎斷也。次第四節無方釋義者。明俗以一切法爲義。人是俗義。柱是俗義。生死是俗義。涅槃是俗義。無方無礙故。一切法皆是俗義也。問何故明一切諸法皆是俗義耶？解云：從前第三義生。前第三義云：俗不俗義。真不真義。真俗悟不真俗。此則悟無礙道。既悟無礙道故。有無礙用。以得無礙用故。所以一切法爲俗義也。前則是從用入道。今則從道出用也。問若爲得一切法皆是俗義耶？且引例通。汝家有別待通待義。長短真俗因果待別對待。長待不長。俗待不俗。此即通待義。所以俗待不俗爲通待者。明除俗之外一切皆不俗故。云通待也。一切法是不俗。不俗待俗。不俗既是俗義。故一切即俗義也。又汎簡待義。從來云長短待因果待瓶衣二果不得待。今明瓶衣二果相待也。問高下相傾有無相生可得待。瓶衣二果云何待耶？反問汝。是非得待。不是瓶待非瓶不。彼云：是非得待。瓶待非瓶也。若爾衣是非瓶。非瓶既待瓶。衣即待瓶也。衣既待瓶。則瓶衣因緣。衣是瓶義。瓶是衣義。衣既是瓶義。一切物皆是瓶義也。又明。一切法是俗義者。就如義顯之。色如一切法如。色如即一切法如。一切法即色。舉譬如破僧法大有與瓶一義。爲有瓶不異有即瓶。有與萬法不異萬法亦即瓶。今亦爾。如與俗不異。俗即如。如

與一切法不異。一切法即俗。何以故。體如故也。華嚴何意云。一念無量劫。無量劫。一念耶。體道故如此。何者。一念即是道。無量劫亦是道。故無量劫即一念。何以故。無礙道故。體無礙道故。得無礙用。一念無量劫。無量劫。一念。無量劫。一念非一念。一念無量劫。非無量劫。非一念非無量劫。而一念無量劫。此中橫堅無礙具足故。經云。一中解無量。無量中解一也。然此四義次第不得前後。何者。第一就世俗以釋義。俗浮虛義風俗義。且隨情釋也。第二漸深。明俗真義真俗義也。第三從真俗入不真俗。從用入道。第四悟道竟從道起用。次第相生也。就真俗釋此四義。例一切因果人法等皆爾也。前釋一名一義一名無量義。今次釋一義一名一義無量名。言一義一名者。以正道為一義。真俗為一名。然正道未曾名為一道。故立乎一名。亦立一名為顯乎一道。何者。既為一道立一名。一名豈不顯一道。故言一義一名也。一義無量名者。還以一道為一義。無量名者。為顯一道立無量名。立無量名為顯一道。既為一道立無量名。無量名豈不顯乎一道。故言一義無量名也。問若為無量名耶。解云。名無量略出四種。謂世諦俗諦真諦第一義諦。問唯有此四名不。解云。名無量。世諦俗諦有諦凡諸真諦第一義諦空諦聖諦故華嚴四諦品云。此娑婆世界。有四十億百千那由他四諦名。況十方世界名號。斯則有衆數名。不可具舉。若具舉。竹帛所不能載。今且略釋世與俗真與第一義四名也。然此四名有

離有合。合者合世俗為一諦。合真第一為一諦。故經云。世俗諦故。說第一實義故。即無也。離者則有世諦俗諦真諦第一義諦。問何故或離或合耶。解云。為存略故。離釋。為義同故。合明。世俗名雖異。其義是同。故名世俗諦。真第一義亦爾也。問此之四諦名何異。他解云。真俗當體得名。世與第一。褒貶為稱。言真俗當體得名者。明俗是浮虛為義。當體浮虛。真是真實為義。當體真實。故真俗當體得名也。世與第一為褒貶者。明世是代謝隔別為義。第一則莫過為義。既隔別為世。莫過為第一。故世與第一。是褒貶之名也。然此釋不可解。且難之。俗當體浮虛。世亦當體隔別。俗體是浮虛。既是當體得名。世體是隔別。亦當體得名。若便貶世是隔別非第一。我亦貶俗是浮虛非真實。俗實是浮虛既非貶。世實是隔別。那忽是貶耶。然俗之與世。世乍可是當體。俗應是貶毀。何者。知世隔別。今言世隔別。豈非當體。俗不知浮虛。今名其是浮虛。豈非是貶。若爾那得言俗浮虛是當體得名。世隔別是貶毀為稱耶。次難。真與第一。真當體真實。第一亦當體第一。若對凡非第一。褒聖為第一。亦對凡非真實。褒聖是真實。若言褒真為第一。亦褒第一為真。何得言真是當體第一為褒耶。問難他如此。今作若為解釋耶。今明。世與俗是橫堅之名。何者。俗名則橫。世名則堅。俗橫者。俗是風俗義。處處皆有風俗之法。故云。君子行禮不求變俗。一切國土各有風俗。故俗名即橫也。世名堅者。世是代謝隔

別三世遷異。豈非是堅。內外具明。經云。生生世世。書云。三十年為一世。雖然終以代謝隔別為世故。世是堅名也。然此二名。並是當體。俗當體是浮虛。世當體代謝。不有世而已有世。即是代別。不有俗而已有俗。即是浮虛。當體是浮虛代謝。豈有褒貶於其間哉。故不可也。大望真釋之。論云。世俗諦者。一切法性空。世間顛倒虛妄謂有。諸賢聖真知性空。俗諦既顛倒虛妄謂有。當知俗諦虛妄顛倒。俗既然世亦爾。此則望聖。世與俗皆虛妄顛倒。就顛倒中。自有俗有世有橫有堅也。此有差別無差別義。以聖望之。同是顛倒故。無差別。而不無世俗橫堅故有差別也。問望聖唯無差別亦有差別耶。解云。就聖亦知彼差別故。大品云。若諸法無所有者。何故有六道差別耶。佛答云。於彼顛倒故。有六道差別不同。若爾佛具知顛倒差別無差別。若是衆生。唯知差別不知無差別也。次釋真與第一。所以說真對凡。凡謂所解真實。佛語云。汝所解者。顛倒非實。聖人所解真實。此則對顛倒明不顛倒。對虛明實。對俗明真也。第一義對凡非第一。明聖所解是第一。何時褒為第一。對非第一。明第一若是褒者。對非真實明真實。亦應是褒反詰云云。問若爾從來何意言真俗當體世第一是褒貶耶。解云。師作此釋別有意。若守語不得意。還成鸚鵡足類耳。且自思之。問前明俗橫世堅。俗有二釋。浮虛義望真釋俗。風俗義當體釋俗。世有代謝義隔別義。此望何義釋耶。解云。代謝隔別並當體釋。



世中自有代謝隔別也。問唯得是當體釋亦是諸佛說耶。解云亦得是佛說。但此說隨世說世。與前說俗異。前說俗是浮虛義。反俗說俗。今說世是代謝隔別。隨世說世也。問何故說此二耶。解云。衆生自謂所解爲實。聖人詔云非實。乃是虛妄。復有衆生謂其所解是第一無過者。聖人詔云汝所解非第一。乃是世人所解耳。爲是故。佛說世說俗也。俗有浮虛風俗。世有代謝隔別。此之四名。有廣有狹。有通有別。何者。風俗與代謝則別。浮虛與隔別則通。別則狹。通則廣也。問何故但解此名耶。解云。此四名具通別廣狹。通別廣狹攝一切盡。故但解此四名也。衆生國土等世間風俗。但是風俗之法。唯是無常。所以爲狹。若是浮虛則廣。浮虛只是虛假。明一切諸法皆是虛假。一切世間。乃至諸佛菩薩所說所現皆是虛假。是故廣也。代謝隔別亦爾。代謝但是無常流動法故狹。隔別則通常無常空有。常無常空有隔別也。故佛母品云。示五陰世間十八界世間十力世間一切種智世間。世間即隔別故。隔別廣也。次釋諸義。例前亦應有四。一依名二因緣三顯道四無方。今就依名釋。諸以審實爲義。於諸於兩情審實故。名爲諸也。問於諸爲當屬境爲當在智耶。解云。於諸於兩情智爲名。何者。於凡所解爲俗諦。於聖所解爲真諦。於兩情智爲諸。不取空有兩境爲諸也。問於諸是智教諸屬何耶。一切法不出境智。境智往收。爲屬境爲屬智耶。解云。教諸屬境。問教諸若爲是境耶。從來多不解此

義。聞此亦不知是何言。今明。是境者。如來如行而說。如說而行。如說而行。即二智照空有境。如行而說。即說二諸故。一家云。潛謀密照名智。外彰神口名諸。今亦爾。以二智照空有。空有則名境。說空有義表一道即名教。境即能所。教即所能。教能表道故。教是所能。境是所照故。境是能所。所照名境。能表爲教。故教諸屬境攝也。問若爾從來那。得云緣裏二諸教生智之時。教轉名境耶。解云。此不相關。前是能化。後是所化。此凡經兩過轉。前境轉爲教。後教轉爲境。何者。如來二智照名爲境。次說表一道。則轉名教。所化緣裏此教。誠教悟理生智。教轉名境。此則教諸。或名境或名教也。問教諸既得是教是境。於諸亦得是教境。已不。解云。於彼何容不得。但無表道教。無生智境。於諸不轉故也。於二諦不能表十方三世諸佛正道故。不得名教。復不能生法身父母故。不得名境。若於彼是諸。於彼是境。於彼是教。於彼是理。何者。彼亦有言說故有教。彼亦言有理故於彼有理。此之理教。並是謂情故也。次更正於諸教諸義。問於諸是兩謂情。教諸得是諸佛二智不。解云。然教諸亦名二諦。亦名二境。亦名二智。亦名二身。諸佛二智爲教。諸衆生謂情爲於諸。此則迷悟判於教。何者。於諸即是迷悟。教諸則是悟智也。問若爲教諸是二智耶。解云。諸佛如行而說。如說而行。如行而說。說我所行。如說而行。行我所說。說我所行。說名行說。行我所說。行名說行。斯行說相應。皆是波若。大論釋聖說法聖

默然云。從波若心還說波若。名聖說法。說般若法已還入般若心。名聖默然。聖默然聖說法皆是波若。今亦爾。如說而行名二智。如行而說名二諸。二諦亦得名二智。何者。說何所說。說只說二智故云。欲知智在說。故二諦即是二智。但隨義不同。表理義爲教。宜智義名智。所照義名境。若爾教諸之名。亦得名境。亦得名智也。問於諸得如此不。解云。於諸於智於教於境定性義也。問他亦明二諦是二境二境是二見。今亦明二諦是二教二教亦是二見。與彼更何異耶。解云。他二諦定是二境。今明二諦是教。不定是教。表理則名教。所照則爲境。宜智爲智。無有定相。既知教不定教。即知境不定境。若如此解。即是悟理。悟時悟教非教。即知理非教。理非教。理如幻化。空谷之響。明鏡之像。雖如幻化而理教宛然也。次更正前二於諸。問前二於諸一往判有得失。有凡聖故。論云。諸法性空。世間顛倒謂有。於凡爲實。名之爲諸。諸實聖真知顛倒性空。於聖是實。名之爲諸。有於凡實。凡但有有諸。空於聖實。聖但有空諸。如此已不。解云。然一往於凡聖兩實名諸。有於凡實爲諸。空於聖實爲諸。若兩互望。二並非諸。何者。有於凡是諸。空於凡非諸。凡夫謂瓶衣等法現見。定有故。有爲實空非實。聖人瓶衣等空是實。瓶衣等有非實。故一家云。凡實爲聖虛。聖實爲凡虛。凡虛爲聖實。聖虛爲凡實。若爾凡聖各有一諸。凡但有有諸。聖但有空諸也。難。凡但有有諸。聖但有空諸。亦應凡但有有權智

聖但有實智解云。有例不例。言例者。於兩情有二諦。於兩情有二智。凡作有解。凡有有智。聖作空解。聖有空智也。言不例者。不可言聖人但有一智。聖人具權實二智也。若言但有一智則謗聖人。信一半不信一半故。經云。信六部。不信六部。信不具足也。今若言聖有空智無有智。則信不具足也。問今明。聖有一諦而具有二智。然此解偏揭聖人。既具有二智。即應有二諦。何得但有一諦有於二智耶。解云。聖有二智者。聖人知諸法性空故有實智。復知凡夫顛倒有故有權智。照不顛倒性空名實智。照顛倒浮虛名權智。諦則不爾。二諦皆不倒智則知倒知不倒也。二者知實為實智。知虛為權智。知虛實故有二智。諦則不爾。二皆是實為是義故。聖人一諦而有一智也。次更釋二諦名。前出他釋。他云。俗諦審實浮虛。真諦審實真實。以審實浮虛故。名真俗二諦。今難。汝真諦審實。俗諦審虛。若爾則審虛為諦。何謂審實為諦耶。彼云。俗審實是浮虛。是故審實為俗諦。何者。俗三假真四忘。俗實是虛假也。今。家者。諦以審實為義。俗於凡實。真於聖實故。諦以實為義也。然此釋具出經論。凡有兩論釋。一者百論。二者中論。百論云。俗於世人為實也。中論云。俗諦者。一切法性空。世間顛倒謂有。於世人為實。名之為諦。諸賢聖真知諸法空。於聖人為實。名之為諦。此則兩論。皆以審實釋諦也。我明諦是審實。出於論文。汝明俗諦審虛。出何處耶。責之無通也。問汝難他如此。汝明二諦皆

審實。若為相待耶。解云。俗諦於凡是諦。於聖非諦。空於聖是諦。於凡非諦。如中論明。諸法性空。世間顛倒謂有為諦。諸賢聖真知諸法性空。此則有於凡是諦。空於凡非諦。何者。凡聞空不信。謂是虛妄非是真實。若瓶衣等法。道理是有。何以故。今現見瓶衣等法是有。故謂諸法道理實有也。問既道理實有。云何是於諦耶。解云。於凡道理是有。故名於諦也。次空於聖是諦。有於聖非諦。何者。聖人知諸法虛妄非實。若諸法性空此為真實。故論云。諸賢聖真知諸法性空故。諸法道理是空也。問既道理是空。云何是於耶。解云。於聖道理是空。故云於諦也。問若爾云何得相待耶。解云。百論明相待義。論文云。相待故如大小。言相待如大小者。如一椽望菰為小。望菰則為大。椽亦大亦小。俗亦爾。望凡為諦。望聖則非諦。俗亦諦亦非諦也。問何意舉大小釋耶。解云。此引例通。前明俗亦諦亦非諦。彼即云。若是則應言是。非則應言非。云何猶豫云亦是亦非耶。即為是故舉椽釋。如一椽亦大亦小。望菰小望菰大。何妨俗亦諦亦非諦。望凡是諦望聖非諦耶。將椽釋俗既然。將椽釋真亦爾。望聖為諦。望凡非諦。故真亦諦亦非諦也。他問。此明俗亦諦亦非諦。此是是非相待。二諦若為言待耶。他二諦是空有虛實。可得言待。汝二諦並實。云何待耶。今且反難彼二諦待義。師云。徑有人堅三假義。問相待假義。汝世諦待何物耶。彼云。俗待不俗。責不俗是何物耶。彼云。不俗是

俗。難。俗持不俗。不俗還是俗。乃俗待俗。長待不長。不長還是長。則長待長也。彼又云。俗待真。難。汝真諦四。念都絕。何得俗待真耶。汝義俗有三假。真非三假。汝今既俗待真。真則是相待假。何者。長待短。長是能待。短是所待。能待所待皆是待。俗待真。俗是能待。真是所待。能待所待皆是待。若爾二諦皆是相待假也。彼脫又解。云俗諦待真諦名。真諦體絕不可待。但真諦名待也。責。汝真諦名是何物耶。若言名是俗諦。則俗還待俗。若名是真諦。那得言真絕名。進退無通也。前明諦非諦義未訖。若為未訖耶。前云俗亦諦亦非諦。俗於凡是諦於聖非諦。真亦爾。亦諦亦非諦。真於聖是諦。於凡非諦。問汝解如此耳。論何時作如此說耶。解云。論所以但明俗是諦非諦。此有義。何者。欲明二諦根本義。發初開真俗二諦者。但俗得是亦諦亦非諦。真唯得是諦。不得是非諦。問何意爾。解云。既名真。真即是真實為義。故真唯得是諦。不得是非諦。若言俗諦即可疑。何者。俗是浮虛非實。既言俗。那得為諦耶。是故釋云。俗亦諦亦非諦。俗於凡是諦。於聖即非諦。故亦諦亦非諦也。又真唯是諦。不得是非諦。俗亦諦亦非諦者。聖得望聖。聖得望凡。凡但望凡。凡不得望聖。故真但諦不得非諦。俗亦諦亦非諦。言聖得望聖聖得望凡者。聖人了達聖境故得望聖。問何物是聖境。解云。諸法性空。聖人還了達。聖空為實故。空於聖名諦。聖人復了達凡夫顛倒虛妄有非實故。有於聖非

諦也。凡但得望凡，不得望聖者。凡但知凡顛倒境，此境於凡是實故。俗於凡是諦，凡不能知聖諸法性空故。真不得是非諦。凡若能了性空，則成聖，真復不得非諦。真有兩義，不得非諦。一者凡都不知聖空故，真不得是非諦。二者若知聖空，則便成聖，空成真諦，復不得是非諦。大而為言，俗為凡知，復為聖知，故俗亦諦亦非諦。真唯是聖知，凡不能知，故真唯諦，不得為非諦也。問若爾，垂前言，前言俗亦諦亦非諦，於凡是諦，於聖非諦，真亦諦亦非諦，於聖是諦，於凡非諦。有四句義：有於凡實，空於聖實，空於凡虛，有於聖虛。凡實為聖虛，聖實為凡虛。凡虛為聖實，聖虛為凡實。今那得言俗有諦非諦，真但諦無非諦。前後之言自相違返耶。解云：不相違。今明俗亦諦非諦，真但諦無非諦者，此約初發心開真俗二諦義。聖人有權實二智，了性空即實智，知顛倒即權智。凡但知俗不知真，是故俗亦諦亦非諦。真但諦非是非諦也。而前明四句互虛實者，還是聖人諦之耳。明凡謂諸法道理實有，若於諸法本性空，便不生信，故性空於凡非諦。非是凡知性空謂性空是虛，非諦乃是聖諦。道凡於性空不生信，故言非諦耳。若爾前後無相違也。次更釋於名。問因緣假有為教諦，謂情性有為於諦不，解云：從來解如此。因緣假有是不有有，不有有悟有不有名為教諦。若是性有則有故，有名於諦，好乎唯得此解。今明不如如此。今明於有為於諦，然諸法本無所有，於衆生有，何以知然。論云：一切

法性空。世間顛倒謂有，故諸法本無於衆生有為於也。若言諸法無所有，因緣有，不有名教諦。衆生有故有名於諦，此是後時語耳。次更釋於諦義。明衆生本無所有，於衆生有，故大品云：衆生顛倒因緣故。有六道差別，又涅槃云：隨其流處有六味不同。然此語就是釋於義。何者，六道本性清淨無所有，於衆生故無所有如是。有也。論釋亦爾。諸法本性空。世間顛倒謂有，名之為諦，亦六道本無所有。於衆生有六道也。既云於衆生有六道，即知不六道。佛說此於名不無所以，說此令衆生悟道。何者，既云於六，即知不六也。如人可憐，實不可憐而言可憐者，於此可憐，既知於可憐，即悟不可憐。諸法亦爾，於有即悟不有也。大釋真於諦也。問俗於諦既然，可得真於諦亦爾不。實無有於凡有，實無空於聖空不耶。解云：一往發趾開真俗二於諦，不得如此。何者，說於凡有，亦為化凡。說於聖空，亦為凡，說此二諦，並為化凡。何者，說俗於為顯迷，說真於為顯悟。如中論所明，諸法性空，凡夫顛倒謂有，諸賢聖真知諸法性空。正開凡聖真俗，明此是凡於聖於，此是真於俗於，正示其是迷是悟，是真真俗，示俗於是迷，示真於是悟。大品云：波若為大事故起。所謂示是道是非道。今亦爾，說俗於示非道，說真於示是道。為是故，於凡有不有，聖空是真空，此即第一節也。第二節併轉，於凡有既不有，於聖空亦不空。諸法非是有於凡有，諸法非是空於聖空，既知於空有，即知不空有。於二即

知不二。關中曇鸞法師，舉漁人與餓鬼譬。漁人入則鼓棹揚波，餓鬼入則炎火焦體。然水未曾水未付火，於人見水，於鬼見火，火有兩微觸，具能燒色，具能照水，有三微，成論云：天雨無香，人中水具四微，餓鬼見則成兩微。漁人見則成四微，於鬼兩微，於人四微，水未曾二之與四也。諸法亦爾，於凡有於聖空，於凡聖空有，實非空有。於凡聖二，實非二，此則於二為世諦，不二為真諦。故經云：明與無明，愚者謂二。智者了達其性無二，無二之性，即是實性。故知不二，始是真實諦也。次第三節，二不二，是俗。何者，於二於不二，正道非二，非不二，正道既非二，豈是不二。但於凡夫聲聞二，於菩薩不二耳。道何曾二不二耶。如淨名云：身子見穢，梵王見淨。華嚴五百聲聞不見法界，諸菩薩見法界。於身子見穢，於梵王見淨。正士非淨非不淨，亦於五百聲聞不見於諸菩薩見。正道非見不見，兩人並非見。一往聲聞，修別異善根，菩薩修無得善，故聲聞不見菩薩見。望道併不見也。問諸菩薩在法界中，既於諸菩薩見者，如來亦在中，亦於如來見不釋云不例。如來隨汝見，如來何曾有見不見。故經云：隨順衆生，故普入諸世間。智慧常寂然，不同世所見，故不得引如來為例。如來非見不見，於汝見，於汝不見，見不見，既是於，即知道非見非不見。今亦爾，於二乘二於菩薩不二，二不二，既是於，即知道非二非不二也。如此三節，並是於非是正道也。問若為是正道耶。解云：諸佛不能行，諸佛不能到，諸佛

不能說今作若爲說耶。故經云諸法寂滅相。不可以言宣。又云甚深微妙法。唯我知是相。十方佛亦然。諸大聲聞不退菩薩。皆不能了也。然此始是好。情智二諦。前來三節。並是情智二諦。離前三節。乃是智諦。所以法華明。如來從三昧安詳而起。歎甚深二智也。次更從前釋。問前云六道無所有於衆生有六道。諸佛隨衆生現五道身。爲是俗諦。爲是真諦。真諦則無六道。衆生無所有。有既是於諦。佛隨衆生有六道。亦是無所有。有亦是於諦不。解云不例。六道無所有。於衆生實有。故是於諦。佛現六道身。非是實謂有。故非於諦。難。既非於應非是俗。解云。是俗非是於。何者。以虛假故是俗。非實有故非於諦。自有是俗非於諦。自有是俗是於諦。顛倒六道。則是俗是於諦。諸佛隨衆生。是俗非於諦也。次。時更簡此語。六道無所有。於衆生有六道。是俗諦。諸佛隨衆生有六道故。經云。隨順衆生故。普入諸世間。既隨衆生有六道身。爲是真諦。爲是俗諦耶。若是真諦。真諦無有六道。若是俗諦。復非實有。那是俗諦。爲是義故。就俗諦中有三句。一是俗非諦。二是諦非俗。三亦諦亦俗。若圓成四句者。望真則有非俗非諦也。一是俗非諦者。諸佛隨衆生有六道。非情謂實有。以有六道故是俗。非情謂實有故非諦。是爲是俗非諦也。然從來無此義。一往聞亦不信受。今明者。諸佛隨衆生有非情謂有所以是俗非諦也。二是諦非俗者。望聖是俗。於其非俗。此兩名相妨。俗即非諦。諦則非俗。望聖

爲俗。於其非俗。但是實有故。是諦非俗也。三亦諦亦俗者。凡聖合論。望聖是俗。於凡是諦。故云亦俗亦諦。又就世俗諦中。復有亦俗亦諦義。何者。其自有風俗世俗之俗。此之風俗及與世俗。於其並實故。亦俗亦諦也。風俗之俗則橫。世俗隔別則豎。此之橫豎皆實故。名俗諦也。問若爾從來。何意云俗非諦緣緣俗故名俗諦耶。解云。此語有兩望。何者。俗非諦則望聖。緣緣俗名諦則就緣。望聖俗是浮虛故非諦。於緣爲實。故稱諦。所以云俗非諦緣俗俗名俗諦耳。非俗非諦者。望真諦並非故。論云。諸賢聖真知顛倒性空。顛倒既空。何處有俗。既非俗。何所論諦。故望聖非俗非諦也。次更簡前諸佛隨衆生有六道是俗非諦。爲當唯得是俗非諦。亦得是諦耶。解云。此言非諦者。明隨順衆生示有六道。非是情謂實有之於諦耳。問既非於諦得是何物耶。解云。得是教諦。然諸佛菩薩。從實方便起述現身說法。所現不出形聲。故形聲等並是教諦。何者。此兩種並諦。當根緣不差。是故名諦。此之兩種實能表道。是故名諦也。問俗諦中有四句。真諦中亦有四句不。解云。真諦但有兩句。一者是真是諦。二者是真非諦。是真諦。此可知。真必是諦也。言是真非諦者。隨真說故是真。非情謂之實故非諦。如前隨俗諦說非俗諦。今亦爾也。次更明於諦教諦合論諦義有三句。一者能諦所非諦。二者所諦能非諦。三者亦能亦所諦。能諦所非諦。即是於諦。所諦能非諦。即教諦。亦能亦所諦。於教合論。言於

諦是能非所者。有於凡實爲諦。空於聖實爲諦。取兩情智爲諦。不取空有二境爲諦。二境那忽是諦。但有於凡是諦。空於聖是諦。取二於爲諦也。此於亦不孤。然於不於。不於本於。空有能所並是於諦。但能邊強。境智並於諦。智邊強。此則帶所明能。取能不取所。帶智論境。取智不取境也。言教諦是所非能者。二智是能說。二境是所說。能說非諦。所說是諦。此就境智判能所。前於諦。亦境所智能取能爲諦。不取所爲諦。今教諦。取所爲諦。不取能爲諦。故一家云。潛謀密照爲二智。外彰神口名二諦。二智能說二諦所說。正取所說真俗化緣名教諦也。亦能亦所諦者。合取於教二諦。爲亦能亦所諦也。更就教諦中復有三句。一能名諦。二所名諦。三亦能亦所名諦。言能名諦者。則是真俗二教。以真俗二教實能表道故名諦。二諦當根緣不差故名諦也。言所名諦者。從所表理爲名。以所表理實故。能表之教亦實也。此則從表實爲名。如法華云。開方便門示真實道。此門即是實門。以通至實故。名方便門。又如佛門通至佛故云佛門。今亦爾。教能通實故云實也。亦能亦所者。即理教合說。非理則不教。不教則不理。非理不教教名理教。非教不理理名教理。理教因緣斯二皆實。故能所皆諦也。問教諦有三句。於諦亦有三句不耶。解云。於諦但有一句。唯是能諦。能謂之情爲諦也。次更舉事顯此三名。自有從能不從所。從所不從能。具從能所從所不從能者。如飲食名爲食。何者。口



相待。故真俗待，二諦不待也。且難。真俗不自。諦是不自不。若真俗與諦皆不自。真俗與諦皆相待。若真俗待諦不待。真俗不自。諦應是自也。今明。無非因緣。無非相待。故師云。我佛法中。無非因緣。若非因緣。乃是外道義也。問若皆相待。師何意云真俗待諦諦不待耶。解云。此語有意。人不解師語耳。原相待義。必須相顯相成。如長短相待。非短不長。非長不短。由長顯是短。由短顯是長。名曰相待。故中論云。非如長短彼此待他而有無自性也。若直云諦諦。若為得相顯。若為相成。故諦諦不得相待也。今言相待者。諦帶真俗。名真諦俗諦。論相待。由性空是真俗。則顯有是俗諦。亦由瓶衣等法是俗諦。顯性空是真諦。此則由真諦顯俗諦。由空諦顯有諦。由聖諦顯凡諦。就此義故。明二諦相待也。舉事如善人惡人。直言人不得相待。由此是善人。顯彼是惡人。善惡二人待。二諦亦爾也。次斷鄭二諦相待義。彈他釋非。顯山門正意。彈他者。凡彈兩人。一者彈成論。二斥學三論不得意者。彈成論者。彼釋俗諦審是淨處。此解定非。今不將三論難彼不學三論。聞三論不信。今將涅槃經文以彈之。經云。世人知者名為世諦。出世人知者名為第一義諦。汝若謂審淨處是俗諦者。世人應知諸法審是虛假。既有此理。世人豈能知諸法虛假耶。世人既不知諸法虛假。故不得以審虛為俗諦也。今釋是諦實義。正會經文。世人所知。於世人是實名為世諦。出世人所知。於出世人是實。名第一義諦。今得

作此解。論釋如此。故云。世若無論。即為邪智所障也。次斥學三論不得意者。明二諦真俗待非真俗。二諦待此義不然。如前所彈。今反此釋明真俗。故宜相待。只二諦正論相待。何者。由二諦相待故有二諦。若不相待。則無二諦。唯有一諦。何以故。若不相待。則無可簡別。混成一諦。要由相待顯別。所以得有二諦。雖二諦相待。要須真俗標別。由真諦顯是俗諦。由俗諦顯是真諦。故真俗二諦待。雖真俗二諦待。正是二諦待。正是二諦待。故。經論皆云諸佛常依二諦說法。二諦若不待。則無二諦。無二諦佛無所依。故是二諦相待也。問若爾用真俗何為耶。解云真俗標別。二諦明此是真諦此是俗諦。由真諦顯彼是俗諦。猶如一赤色雖同是赤色。而色有勝劣。此是劣赤此是勝赤。由劣赤顯此是勝赤。勝劣兩赤待。二諦亦爾。俗是劣諦真是勝諦。勝劣兩諦待。凡聖空有真俗皆例爾。問此為教諦待。為於諦待耶。解云。教諦待義易於諦相待難解。為此義故。今開三句釋之。一者俗於諦。唯有不待無有待義。二者真於諦。亦待亦不待。三者教諦。唯待無不待。言俗於諦唯不待者。凡夫知實有。不知性空。但有俗諦無有真諦。既無真諦。故無相待。若知真諦。即知俗處俗即非諦。此亦無待。以其不知真故。無真諦可待。若知真則無俗諦可待。故俗於無有二諦待義也。真於諦亦待亦不待者。言無待者。例如俗真於聖實。故真是諦聖知俗虛妄不實。俗於聖非諦。若爾唯真是諦。俗非諦。俗非諦故。不得有二諦

待也。言亦有待者。聖有權實二智。就權智中有兩知。一知俗處於聖非諦。二知俗處於凡是諦。就此而論。亦有二諦待義也。言教諦唯待無不待者。此義易知。如來因緣有無教諦。有名無有。無名有無。有無皆是因緣假名義。所以華嚴云。諦了分別諸法時。無有自性。假名說故。有無教諦。皆是因緣假名義也。次更正前二於諦待義。明凡於諦無待義。但聖於諦有待義。有兩種待。一者知俗於聖虛即虛實待。二者知俗於凡實。即兩實待。兩諦待也。凡於諦無兩種待。一者凡不知真故。無虛實待。二者凡不知真。於聖實故。無兩實待。此則聖於有待。凡於無待。以聖於有待。是得是悟是因緣。以凡於無待故。是失是迷是自性。此正開能所得失凡聖故也。然二諦雖有十重。餘重不可要急。今遂要急者以辨之。涅槃聖行品。明十種二諦義。今次第依經釋之。經中。前文殊問。次如來釋。文殊問中有三。一牒二定開三詰難。文殊白佛言。世尊所說世諦第一義諦。其義云何。即牒二諦。世尊第一義中有世諦不。世諦之中。有第一義不。即定開。如其有者。即是一諦。第三詰難。亦前是領佛語。次問佛語。第三難佛語。難中有二。初難第一義中有世諦義。然此中言有者。非如穴中有蛇屋中有人。人屋二諦。論有今言有者。乃明世諦即第一義諦。二諦一義。名之為有也。舉譬如僧佉因中有果。因果一體。名之為有也。為是故難云。如其有者。即是一諦也。如其無者。將非如來虛妄說耶。第二難第一義中無世

諸前難若有即是。今難無則是二。如外道僧法因中有果是一。衛世因中無果即是二。今亦爾。如其有即是二。如其無當知是二。諸也。問既有二諦若爲言虛妄耶。解云。有兩義故虛妄。一者即事虛妄。二者遠望虛妄。言即事虛妄者。那得有二諦。諸是實義。唯有一實。唯有一諦。若有二諦則應有二道。諸有二者。無道無果道既無二。諸那應有二。故云將非如來虛妄說耶。言遠望者。明若第一義中無有世諦。乖大乘經。佛從來於諸摩訶衍經中。說真即俗俗即真。如大品。須菩提問云。世諦第一義諦異耶。佛答云。世諦。如即第一義諦。如是二。無二無別。今若有二諦者。將非如來虛妄說耶。進退兩難也。善男子。世諦即第一義諦。此佛答彼二難。答二難者。即前一關通後一難印。前者明世諦即第一義諦。如汝所言也。答後者明此難虛設。何者我明。唯有一諦無有二諦。但明有義不明無義。故無虛妄之過也。斯則一即之言。二難雙拆也。世尊若爾即無二諦。此更別難。若世諦即第一義諦。即無二諦。佛何意從來說有二諦。又云諸佛常依二諦說法耶。佛答云。有善方便。隨順衆生。說有二諦。即答前一難。明道理唯有一真諦無有二諦。而言二諦者。善巧方便。隨順衆生。說有二諦。隨凡有說有。隨聖空說空。隨兩緣故說二諦也。然此兩隨但爲一緣。兩隨不同也。兩隨但爲一緣者。隨凡說有爲凡。隨聖說空亦爲凡也。隨聖說空亦爲凡者。聖如實悟空。今還說聖所悟。引化凡夫也。兩

隨異者。隨凡說有爲凡。隨聖說空不爲聖。一往開得失二諦。此是能化之聖。何須爲說耶。問若爲凡說空不爲聖者。何故有佛語經却除諸菩薩兩佛共話。此則佛佛相爲也。今明佛話不爲佛。佛話爲衆生。若不爲衆生。佛則非話。故隨凡說有。亦爲凡。隨聖說空。亦爲凡。不爲佛也。善男子。如出世人所知者。名第一義諦。世人之所知者名爲世諦者。前明依二諦說。今明所依二諦。即前是教二諦。今是於二諦。然此文與中論一種。故三論義可信也。中論云。世間顛倒謂有。於世人名俗諦。諸賢聖真知諸法空。於聖人名第一義諦。如此文。世人知名世諦。出世人知名第一義諦也。論次云。依是二諦爲衆生說法。即是此云隨順衆生說有二諦。隨世人說世諦。隨出世人說第一義諦也。成實論義壞今明。隨衆生故說二諦。何時道理有二諦耶。二諦義若壞。一切義壞也。次更簡前一句。前既云世諦即第一義。可得第一義諦即世諦不。解云。通皆得。於聖唯有真諦。世諦即第一義諦。亦於凡唯有世諦。第一義諦即世諦。通論皆得。但今正是世諦即第一義諦。唯有真諦無有俗諦。何者。唯真是實俗非實。唯有一如無二如。唯有一真無二真。故無世諦也。而今有二諦者。有二義。一者隨順衆生故說有二諦。即教諦。二者於衆生有二諦。即於諦也。然於教二諦。他家所無。唯山門相承有此義也。問此經何意明於教二諦耶。解云。爲答支殊與大眾疑。謂唯有一諦。正作無二諦難。爲是義故。佛開

於教二諦答之。明善方便隨順衆生說有二諦。何意無二諦耶。次云。世人知名者名世諦。出世人知名者名第一義諦。何意無二諦。前隨衆生說。即二教諦。世出世人知。即二於諦。爲釋無二諦疑故。明於教二種二諦也。問經明於教二諦可如此。論何意明於教二諦耶。解云。百論正爲諸外道不識不聞如來二諦。所謂迦毘羅論等。昔所不聞。昔所不識。爲其不識二諦。所以論主示其二諦也。中論明。二諦者通爲一切。但正爲內學不識大乘二諦。如薩衛等五百論師。不識諸法性空二諦。此則與百論按一節。有小乘二諦大乘二諦。百論緣皆不識二諦。爲彼不識故。提婆示大乘二諦。此即簡異數論。數論亦破外道。百論亦破外道。何異。解云。大異。數論破外道示小乘法。故是小乘論。百論破外道示大乘二諦法。故是大乘論也。若是中論。緣已學佛小乘二諦。不識大乘本性空二諦。爲是故。龍樹菩薩明大乘本性空二諦也。今此經並異兩論。何者。文殊與大眾已解二諦。但疑無二諦故。佛明有二諦也。善男子。五陰和合有衆生名世諦。即陰離陰。無衆生名第一義諦。此下更就異義。約法廣明二諦義。不同前明教二諦大明於二諦。世人知名者名世諦。世出世人知名者名第一義諦。今第三就我無我明二諦。與前異。前明二諦。通直明世人知名世諦。世出世人知名第一義諦。不判有人無人有法無法。今的就有人無人明二諦也。善男子。或有法有名有實。第四二諦。前就人明二諦。今就法明二諦。



前就真俗明二諦。今就世諦中更開二諦。前就真俗明二諦者。我是世諦。無我第一義諦。大論云。人等世界故有。第一義諦則無也。今就世諦中自明二諦者。世諦者。世諦法中。自有有名有實。自有有名無實。有名有實爲第一義諦。有名無實爲世諦。如火水等物。有名有實。有實者有實義。爲實有義。應名有名。表義故爲第一義諦。有名無實者。如蛇床虎杖。大論云。草名朱利。此云賊。何其曾作賊。但有假名。無有實義。應名以無實義故爲世諦。此則就於虛實判二諦也。善男子。如我來生第五二諦義。此就事理明二諦義。東前有名有實有名無實。並爲世諦。苦集滅道爲第一義諦。何者。陰界入等有有名有實。龜毛等即有名無實。此之二種。並爲事法故爲世諦。苦集滅道是理法故。爲第一義諦。善男子。世法有五種者。第六就如實知不如實知判二諦。不如實知五種世法。則名世諦。如實知五種世法。無有顛倒爲第一義諦。五種世法者。一名世二句世三縛世四法世五執著。如經文釋云。善男子。若燒壞者。第七就續不續明二諦。若謂燒壞等法相續不斷名世諦。若知燒壞等法念念生滅實無相續。爲第一義諦。此異成論假實義。假名不滅。實法則滅。今明。若言諸法相續不斷爲世諦。若諸法實不續爲第一義諦。如聲師物不遷論云。旋嵐偃蹇而常靜。江河競注而不流。野馬飄鼓而不動。日月歷天而不周。即其義也。善男子。有八苦者。即第八就生死涅槃明二諦。有八苦生死爲世

諦。無八苦生死爲第一義諦。然大判生死爲世諦。涅槃爲第一義諦。今言。無八苦不全是涅槃。何者。涅槃有所無無所有義。無八苦生死等。是涅槃有所無義。故經云。空者二十五有。不空者大般涅槃。今無八苦生死。即涅槃有所無義也。涅槃有所無。既無生死。涅槃無所有。亦無生死。今無生死。具含涅槃。故言生死爲世諦。涅槃爲第一義諦也。次文云。依因父母而生名世諦。十二因緣生名第一義諦。此則第九就因緣判二諦。亦是親疎判二諦。亦是龜妙判二諦。因緣者。父母和合則緣。十二因緣即是因。因親緣疎也。又父母生龜。十二因緣生妙。衆生但知龜不知妙。故父母生爲世諦。十二因緣生爲第一義諦。此即九種二諦義。足前菩薩對聲聞判二諦義。爲十種二諦也。中間簡二諦義。舉譬如一人多有所能。或名走者。或名打者。或名鍛者。只是一人。隨義立多名。二諦亦爾。只是一二諦。隨義有多名也。問此經何故明此十種二諦耶。解云。爲答難。故明此十種二諦。文殊與大衆。疑無二諦。正作無二諦難。所以如來開十種二諦答也。此則爲釋無二諦難。故明二諦說。二爲破不二。二既去不二。亦不留。故大論云。破一不著二。又說二表不二。今因二悟不二。二無不二無也。然此十種。置前一種。就答難中。有九種二諦。前明二教誦。次明二於諦。此正明二諦義。從我無我去。就世諦中自有深淺不同。歷法廣論二諦義。然此七種二諦。應須一一判其廣狹辨其深淺。如我無我二諦。但

就人明不就法辨。此義則狹。有名有實有名無實。虛實判二諦。此義則廣義。可知也。須一一釋之。

### 二諦義中卷

### 二諦義卷下

胡吉藏撰

次明二諦相即義第三。然此義橫無不多條緒。墜入極自深玄。今且略出三處經文。明二諦相即義。一者即向所引涅槃經。世諦即第一義。二者大品經。空即色色即空。離空無色。離色無空。三者淨名經。色性自空。非色滅空。然此三經文。雖異意同也。問此三經來意若爲異耶。解云。此三經來意是同。言不無著切。何者涅槃經言者。大品淨名經言切。涅槃經言者。涅槃云世諦即第一義諦。不云第一義諦即世諦。故涅槃言者。大品淨名切者。大品色即是空空即是色。淨名亦爾。所以爲切也。又涅槃經。但明世諦即第一義諦。不明第一義諦即世諦。通皆得。世諦既即第一義諦。第一義諦豈不即世諦。但涅槃隻用故。世諦即第一義諦也。若大品經則平道雙用。空即是色色即空也。問何意涅槃隻說大品雙明耶。解云。通皆例也。問經既不例。汝何得輒例耶。今明所以不例者。涅槃正釋諦義。明唯真是實故。唯真是諦。俗即虛妄非實。故俗即非諦。

爲此義故。但明世諦即第一義。不得言第一義即世諦也。若是大品不爲釋諦義。直明空即色色即空。平道用也。淨名亦是雙用。唯得言色性自空非色滅空。不得言空性自色非空滅色。通即皆得。而今但言色性自空非色滅空者。正對二乘有所得人義。小乘人折色求空。對此故。明色性自空非滅除此色然後方空。此即開兩觀分二空。明小乘人折色空觀。大乘人即色空觀。小乘人折色空。大乘色本性空。爲是故。但明色性自空非色滅空也。雖有三經文。諸師多就大品經。明色即空空即色也。然此義難解。大忍法師云。我三十年思此義不解。值山中法師得悟。此師既悟始信三論云云。由來釋相即義者。有三大法師。光宅無別釋。此師法華盛行成論永絕也。今出莊嚴開善龍光三人釋二諦相即義。莊嚴云。緣假無可以異空故俗即真。四忘無可以異有故真即俗。雖俗即真。終不可以名相爲無名相。雖真即俗。終不可以無名相爲名相故。二諦不異爲相即也。次開善解云。假無自體生而非有。故俗即真。真無體可假故真即俗。俗即真。雖無有。真即俗。雖有無無故不二而二中道即二諦二而不二。二諦即中道。問開善明中道莊嚴不明中道。何意爾耶。解云。莊嚴不以中道爲二諦體故。不明中道。開善明中道爲二諦體故。彼云。二諦是不二一真之極理。是故明中道也。次龍光解二諦相即義。此師是開善大學士。彼云。空色不相離。爲空即色色即空。如淨名經云。我此土常淨。此

明淨土即在穢土處故。言此土淨。非是淨穢混成一土。何者。淨土是淨報。穢土是穢報。淨土淨業感。穢土穢業感。既有淨報穢報淨業穢業故不得一。但不相離爲即也。然此三師釋攝一切人。何者。開善與莊嚴明一體。龍光明異體。釋雖衆多。不出一異。故此三人攝一切人也。龍光明異體。此義自反經。不須更難。今且難莊嚴開善二家。莊嚴云。緣假不異真。四忘不異俗。名相終不爲無名相。無名相不爲名相。此言自相反。汝既真即俗俗即真。名相爲無名相。無名相爲名相。那得俗即真。名相不得爲無名相耶。彼師云。我名相復有即無名相義也。又責汝若名相即無名相。可得世諦無名相真諦有名相不。彼云。真諦終無名相。俗諦終有名相。若爾。終是二見。不得相即也。彼云。我體常即。但名義異耳。又責汝俗體即真。俗名即真。不若名義即真者。真諦既常。名義即常。名義無常。真亦即無常。若名義不即真。名義出異外。出法性外。故不可也。此難如百論難。有一瓶體一名義異。論主難云。汝瓶是有。瓶家之形對及五塵等。亦是有。不若使瓶家之形對五塵等是有者。有既常五塵等即常。五塵既無常有亦無常。總別亦爾也。若言五塵等非大有者。五塵即是空出大有外。大有攝法則不盡。今難彼俗即真義亦爾。此是提婆難即壞。經義亦壞。提婆難既不可壞。故此難不可通也。次難開善有兩闕。非但難開善。遍難衆師。經有二諦相即。總而難之。

第一難云。色即空時。爲色起之時空與色同起故。云色即空。爲當色未起前已有此空故。云色即空耶。若使色未起時。已有即色之空者。此則空本有。色即始生。本始爲異。云何相即。本有空即常。始有色則無常。常無常異故。不得即也。若言空與色俱起者。則空與色俱是始有。皆是本無。今始有。皆無常也。第二難云。汝色即空時。爲空色分際。爲不分際。若不分際。則混成一。若空色一。皆常皆無常。真俗一言俗無常真常者。即例難真俗一真無常俗常也。若分際。則空色異。雖即終分際終異。如沈檀雖合爲案。沈檀終分際終異。若異方等之經便壞。覆面之舌不成也。此即彈他責。次明今釋。要須彈他盡淨乃得出今時解也。大師舊云。假名說有。假名說空。假名說有爲世諦。假名說空爲真諦。既名假有。即非有爲有。既名假空。即非空爲空。非有爲有。非異空之有。非空爲空。非異有之空。非異空之有。有名空有。非異有之空。空名有空。有名空有。故。空有即有空。空名有空。有空即空有也。師釋相即義。方言如此。今作若爲解耶。亦得用前難難之。汝因緣空。色即不因緣色即空。色壞空壞不。又如長短因緣。有長即有短。無長即無短。若爾。空色因緣。有色即有空。色壞空即壞云云。然此義。應須得其根本識其大意。只爲不得意故。所以成失。故中論云。像法中人根轉鈍。雖尋經文。但著文字。此即失因緣有。又云。聞大乘法說畢竟空。不知何因緣故空。此即失空意也。又涅槃經明諸評論。

一一譯論云。是諸弟子不解我意。爲不解教意故。所以成失。是故須知其大意識其根本。故法華云。知佛所說經因緣及次第。隨義而解說。然原由來人不解二諦相即者。凡有兩失故不解。一者不識四悉檀故。不解二諦相即。言二諦相即。是何物悉檀耶。四悉檀是通經之要術。解四悉檀。則一切經可通。若不解四悉檀。一切經即不可通。大師約四悉檀明四假義。四假者。因緣假對緣假就緣假隨緣假。彼尙不識四悉檀。豈解四假。以彼不識四悉檀故。不解二諦相即義也。二者謂有異俗色空道理。道理有色。道理有空。若無空色。則無六道衆生三乘賢聖。由有色空二諦。迷之則有六道。悟之則有三乘。爲是故。道理有空。道理有空。道理有色。道理有空。則是有所得。有所得。豈能通他難。豈能難他通。故中論五陰品末云。不依空問答。問不成問。答不成答。空者只是無得異名。以不依無得故。不能難。不能通也。又只爲有空色道理故。得作前諸難。汝既有色即空。爲當有色之時空色俱時起言色即空。爲當色未起之時已有空言色即空耶。若色起時。空與色俱起爲色即空者。此則皆無常失真諦。若色未起時。已有空爲色即空者。即空本有色始生。空色兩異不得相即。俱起真應無常。不俱起則成異體。大難。汝色即空。爲分際爲不分際。不分際。則混成一體。即皆常皆無常。例難云云。若分際。則異體不得相即。不分際得即失二諦。分際得二諦失相即。進退不可。作若爲解耶。

此難若可通。提婆龍樹則成漫語。此二人若是漫語。佛則漫語。佛親記二論主。二論主豈當漫語。既非漫語。作若爲解耶。龍光難開善。開善云。待我面黃只得解耳。實理如此。若非三論意。終不得解。故叔師云。中百二論文。未及此土。又無通鑒。誰與正之。前匠所以輟章遐慨思。請決於彌勒者。良在此也。中百二論。既至赤縣。歎云。此區之赤縣。忽得移靈。驚以作鎮。險峻之邊情。乃蒙流光之餘惠。而今後談道之賢。始可與論實矣。故除三論之外。有所得心。終不解此義也。問他解既非。今若爲釋耶。師云。只洗淨如此二諦一體異體。畢竟無遺。即是二諦相即義。所以山中師云。今時若更有解。乃是足載耳云云。有開善解莊嚴解龍光解已竟。今攝山復解。即成足載。今何處有別解。但須盡淨從來一異等見。即是二諦相即也。師云。二諦一體異體。只是百論中兩品。二諦一體。即是僧伽義。二諦異體。即是衛世義也。彼云。汝安處如此耳。我義何時如此耶。今明。此義與外道一種。汝真諦。是常是遍是純。瓶衣世諦法等。是無常是不遍是別。彼亦爾。大有是常是遍是總。瓶衣等無常不遍是別。一類如此。又類。彼常無常總別一體。而義常異。義常異。而總別常無常一體。汝義亦爾。真俗一體。而義常異。俗浮虛義。真貴實義。義常異而體常一。此義一種。但大有與真諦爲異耳。雖大有與真諦名異。而常無常義無異。論直破常無常一體。然有預常無常一體者。皆隨此破。言雖屬在外道。意實通

洗衆師。爲是故。百論有傍正。言屬外道故爲正意。遍破衆師故爲傍也。次龍光如衛世。衛世本是僧伽學士。晚推僧伽一義。明大有常瓶等無常。大有遍瓶等不遍。大有總瓶等別。大有了因瓶等生因。大有不可壞瓶等可壞。若言一者。瓶破大有即破。而有常無常異乃至壞不壞異。那得一體。是故明有與瓶異體。龍光亦爾。本開善學士。廣難開善二諦一體義。二諦若一體。燒俗即燒真。俗生滅真即生滅。既有可燒不可燒異。生滅無生滅常無常異。故二諦不可一體。故彼明異義也。二諦雖異而不相離。衛世亦爾。大有雖與瓶異。而不相離。故彼云。瓶有合故。瓶不離有。而瓶與有常異。龍光亦爾。雖異終不離。不離而異。與衛世義一種也。義既是同。破僧伽衛世。即是破開善龍光。又論主直破一異。即一切一異皆破。一異既破。則橫洗萬法。堅窮五句。以洗淨如此等見。所以最後。始得示如來因緣假名二諦。此二諦無得無礙也。百論既然。中論亦爾。前發趾即洗生滅一異。故云不生不滅不常不斷不一不異。既不一不異。則不一切一異。發初彈於八謬。然中論有兩種八謬。如章紐天生微塵世性等。此是一種八謬。生滅等復是一種八謬。微塵世性等八謬。佛未出世時起。生滅等八謬。佛滅後起。以龍樹知有如此八謬。所以出世破之。發初即破一異。破一異者。不但破一種一異。乃遍破一切一異。一異既無。乃至五句畢竟無遺也。故云從因緣品來。有亦無無亦無。有亦無亦無。如此

洗淨，然後明如來無得無礙二諦，故三相品末云：如夢亦如幻，如乾闥婆城，所說生住滅，其相亦如是。三相既然，二諦亦爾。如夢亦如幻，如乾闥婆城，所說真俗諦，其相亦如是也。此略明二諦相即之大意如此。玄悟之寶已足解了。次時更簡二諦相即義。然他家明二諦是兩理兩境。今明約何物義明二諦耶。解云：今明二諦有二種，一於二諦，二教二諦。道理未曾二不二。於二緣故有二諦。又隨順衆生故說有二諦。既於衆生有二諦，隨順衆生有二諦。道理實無二諦。既無二諦，論何物即與不即。教化衆生故有二諦。亦爲教化衆生故，有即不即也。總判如此。別明即於諦亦有即義。教諦亦有即義。於諦即者，論云：世俗諦者，一切法性空。世間顛倒謂有。於世人爲實諸賢聖，真知諸法性空。於聖人爲實，發初開二諦。明唯真是實是諦。俗虛妄顛倒不實非諦。正欲令衆生改凡成聖，捨有入空得一重悟也。次捨有入空。知有是顛倒空是真實。便謂捨有入空，拆色入空。是故爲說色本性即空。非是破拆方空。此即於諦中第二重明色即空。前發趾開色空二，令捨色入空。便言：色與空異，拆色入空。是故爲說色即空。色性自空，非拆色空。故論云：諸賢聖真知顛倒性空。只顛倒性本空也。問：色即空如此，空即色云何耶。解云：聖人知顛倒性空，則於凡夫宛然常有。聖人知顛倒性空，則於凡夫宛然有即空。此即約迷悟凡聖，判色即空空即色。聖悟故色即空。凡迷故空即色。問經

中何意多前明色即空。後明空即色耶。解云：如向聖人了色即空。但於凡空即色耳。何以知然。如中論一切法性空。世間顛倒謂有。此即於凡空即色也。大舉譬顯之。如空華爲眼病故見空華。說華空。無華可即空。但眼病故空。空即華。空即華。華不動空。差故華即空。空不動華。色空亦爾。悟故色即空。迷故空即色。悟故如是有無所有。迷故無所有。如是有迷故如是有。迷故無所有。悟故無所有。不動空。迷故謂空爲色。何曾有色可動空。悟故色即空。何曾有色可異空。色空既如此。論何物即與不即。四句皆淨也。如此排前難過去。難不能著。他所以著難者，彼有色有空。以色即空故著前難。今明色畢竟空。將何物即空耶。爲衆生見色故。言色即空也。問：前云：迷見有色。悟即色空。如空華病故見華。差故華空。此乃是夢虛空華義。何得用耶。解云：爲彼有故。以空華破彼有。若無彼有，豈復有空。故論云：若使無有，有云何常有。故無有即無空。五句皆淨。故什師云：十喻以悟空。空必待此喻。借言以會意。意盡無會處。既得出長羅住此無所住也。又有於凡有，空於聖空。非有於凡有。有爲有華。非空於聖空。空爲空華。有爲華無有。空爲華無有空。如是三節二諦皆是空華。皆無所有也。次依經釋。大品云：色即是空。空不名色。從來不解此言。今明者。此則雙攝一異兩見。何者：色即空。此破凡夫二乘等見。彼謂：色異空，拆色方得空。是故

破云：色即是空也。空不名色者。破即見。向明色即空。便作即解。是故破云：空不名色。若有色可言色即空。既無有色。何得言色即空耶。此即借一以出異。借異以出一。借有以破無。借無以破有。此言即不即。並爲衆生四悉壇中。對治悉壇用也。如此等意。就是隨順衆生。作如此說耳。若是般若。色即無礙。色即空空即色。常即無常。無常即常。空爲有用。有爲空用。常爲無常用。無常爲常用。一念無量劫無量劫一念。三世爲一世。一世爲三世等用。無來無積聚。而現諸劫事。爲是故即色即空也。次明二諦體第四。然二諦體亦爲難解。爰古至今凡有十四家解釋。若一一詳其得失。約經論簡其邪正者，則大經時序。今略出當路三家解。試而論之。大師常出三家明二諦義。第一家明二諦一體。第二家明二諦異體。第三家明二諦以中道爲體。就明二諦一體家復有三說。一云：真諦爲體。二云：俗諦爲體。三云：二諦互指爲體。第一真諦爲體者。有二義。一者明空爲理本。明一切法皆以空爲本。有非是本。爲是故。以真諦爲體也。二者有爲俗諦。折俗本爲悟真故。真爲體也。言俗爲體者。要由折俗故得真。若不拆俗則不得真。良由前拆俗故得真。所以俗爲體也。第三家說互指爲體云：前兩家並僻。今明具二義。明空爲有本故。真爲俗體。俗爲真用。拆俗得真故。俗爲真體。真爲俗用。二諦互爲體。真俗互爲用也。此即是開善門。宗有此三釋。開善本以真爲體。餘兩釋支流也。第二家明二諦異

體三假爲俗諦體。四忘爲真諦體。名相爲俗諦體。無名相爲真諦體故。二諦體異也。第三明中道爲二諦體者。還是開善法師。用中道爲二諦體。彼明二即於不二故。彼序云。二而不二。二諦即中道。不二而二。中道即二諦。故以中道爲二諦體。此即總論有三家。別開則有五釋也。然雖有三家解釋。二諦一體二諦異體。此不足可簡。今略論中道爲二諦體義。何者。攝嶺與皇。皆以中道爲二諦體。彼亦明中道爲二諦體。故須簡之。然彼有三種中道。今用何物中道爲體耶。三種中道者。一世諦中。二真諦中。三二諦合明中。世諦中道者有三種。一因中有果理故非無。即無果事故非有。非有非無因果中道也。二者實法滅故不常。相續故不斷。不常不斷相續中道也。三者相待中道。後當辨之云云。真諦中道者。非有非無爲真諦中道也。二諦合明中道者。非真非俗爲二諦合明中道。此真真諦中道。真諦中非有非無。不非真非俗。二諦合明中道。即非真非俗也。次彼明三種中。用何中道爲二諦體耶。解云。彼不用俗諦中道爲二諦體。亦不用非真非俗中道爲二諦體。何者。彼無別非真非俗法。莊嚴明佛果涅槃出二諦外。開善明二諦攝法盡。今言非真非俗者。互望爲非。○數論唯是真俗。俗非真非俗。爲非真非俗。非俗只是真。非真只是俗。無別非真非俗。故不用爲二諦體也。言中道爲體者。真諦中道爲體。真諦中道還是真諦。故彼序云。二諦者。真不二之極理。從來言彼相違。彼定

不相違。中道還是真諦。真諦還是中道故也。問開善何因緣以中道爲二諦體耶。解云。此有原由。何者。山中法師之師。本遠東人。從北地學三論。遠習什師之義。來入南吳。住鐘山草堂寺。值隱士周顒。周顒因就受學。周顒晚作三宗論。明二諦以中道爲體。晚有智琳法師。請周顒出三宗論。周顒云。弟子若出此論。恐于衆人。琳曰。貧道昔年少時。曾聞此義。玄音中絕四十餘載。檀越若出此論。勝國城婁子頭目布施。於是始出此論也。次梁武大敬信佛法。本學成論。聞法師在山。仍遣僧正智寂等十人往山學。雖得語言。不精究其意。所以梁武晚義異諸法師。稱爲制旨義也。開善爾時雖不入山。亦聞此義故。用中道爲二諦體。既不親承音旨故。作義乖僻。還以真諦爲體也。今明。即以非真非俗爲二諦體。真俗爲用。亦名理教。亦名中假。中假重名中假理。教重爲理教。亦體用重爲體用故。不二爲體二爲用。略標章門如此。若了前二諦大意。則二諦體義。已應可見也。問今明中道爲二諦體。有何所以。釋何物經。解何物論。對何物病。耶。解云。所以明中道爲二諦體者。二諦爲表不二之理。如指指月。意不在指。意令得月。二諦教亦爾。二諦爲表不二。意不在二。爲令得於不二。是故以不二爲二諦體。又今明二諦是教門。爲通於不二。故山中師云。開真俗門說二諦教故。二諦是教門。教門爲通不二之理。故以中道不二爲體也。此則明教諦不二爲體如此。次辨於諦不二爲體者。道無有二。

於二緣故二。既知於二。即顯乎不二。故不二爲體也。此即於教二諦。皆有所爲故。以不二中道爲體也。又所以中道爲二諦體者。正爲對由來理二見根深。何者。如上所辨。別開即有五家。總論但有二釋。一云真爲體。二云俗爲體。三云真俗各體。雖有三釋。終不出二諦。真諦爲體。則道理有此無爲體。俗諦爲體。則道理有此有爲體。二諦異體者。有爲俗體。空爲真體。道理有二。則是二見衆生。今對此故。明不二中道爲體。對此病即是釋經論。故中論云。淺智見諸法若有若無相。是即不能見滅見安穩法。汝今各見有見無。即是淺智。不能見安穩之法。安穩法者。即是不二之道。安穩法非是有無。汝見有無故不見也。又諸佛唯有一道。故華嚴云。文殊法常爾。法王唯一法。一切無畏人。一道出生死。既唯有一道。無有二道。唯有一理。無有二理也。又若二諦有二理。即成有所得。大品云。有所得見名曰二見。云何二見。謂眼色二。乃至一切皆爾。又云。諸有二者。無道無果。衆生既本有二見之病。諸佛若更說道理有二。便是故病不除。更增新惑。爲是故。諸佛隨順衆生。說有二諦。道理無二也。故涅槃經云。無有二諦。善巧方便。隨順衆生。說有二諦也。又說有三諦。作若爲解耶。仁王經明三諦義。彼便曲解。如此等經。皆是他妨礙之處。今明無礙。或時爲三諦。有諦無諦中道第一義諦。或時非真非俗爲理。真俗爲教。理教合論故有三諦也。問何處有經文。的明中道爲二諦體耶。解云。中論偈即

①〔者〕一② ③數二第④ ⑤這二道？ ⑥應一壹⑦

是彼云。因緣所生法。我說即是空。亦是爲假名。亦是中道義。此偈是經是論。何者。此是華首經中偈。龍樹引來即是論。既云假名即中道。故中道二諦體也。又華嚴云。一切有無法。了達非有無。達有有無。達無不無。達有無不有無。故不有無。有無體也。又仁王經云。三諦亦是不二爲體。有諦無諦即是教。非有非無中道第一義諦即是理也。彼云。我亦明非真非俗中道者不然。且問。汝非真非俗是何物耶。非真還是俗。非俗還是真。非有還是無。非無還是。還是有無二見故。無中道第一義諦也。又中論云。是故知。虛空非有亦非無。非相非可相。餘五同虛空。只六種非有非無。非真非俗。何者六種是俗。無六種是真。既非有非無。即非真非俗也。又涅槃云。明與無明。愚者謂二。智者了達其性無二。無二之性。即是實性。黑法白法漏無漏真俗二。皆例爾。又云。前於摩訶般若中。說我無我不二。我即俗。無我即真。我無我不二。即真俗不二也。又法華云。若有若無等。依止此諸見。具足六十二。若見有見無。即具六十二見。若能捨有無二見。即悟中道也。如此處經文無量。故知。無有二理。唯有一理也。問。汝既有三諦。應有三體。我有二諦有二體。解云。若得一家意致。不應作此難。前云。假有爲世諦。假無爲真諦。假有不有有。假無不無無。不有有。有無所有。不無無。無無所無。那。忽有三體耶。又問。有無終是二諦。非有非無是中道諦。終是三諦。終有三體。既有假三諦有假三體。解云。不得。

假有假無是教。非有非無是理。中道第一義諦是理諦。真俗是教諦。開理教爲三諦則得也。次泯之。一往開理教二不二。再往皆泯。何者。二不二不二。二不二非不二。不二非二。斯即非二非不二。乃至五句皆流。一無依倚畢竟清淨。理教亦然。故華嚴云。一切有無法。了達非有無。不著不二法。以無一二故。達有無不二。既無二即無不二。故云不著不二法以無一二故也。然此語是兩處說。師合爲一偈說之耳。前說二爲表不二。悟二不二。無二更住不二。則還爲縛。故大經云。如擒捕獼猴隨觸隨著。爲是故今明。既識二不二。無二即無不二。如是清玄轉悟。一切皆離也。然二諦體義。大格如此。猶有並觀義。兩句難解。今且論一句義。一句付後釋也。言一句者。他明二諦是有二理。三假爲世諦理。四忘爲真諦理。以有二理故。有出入觀。有二諦並觀。汝今明。唯有中道不二一理。云何得有出入觀。有兩物可有出入。既無有二。若爲明出入耶。又無有二理。若爲明並觀耶。有二可論並。既無二。何得有並耶。今且論出入觀並觀位處。何位出入觀。何位並觀耶。古有三釋。一者靈味法師明。初地菩薩。二諦並觀。初地得真無生故。得並觀也。二者什肇等諸師明。七地菩薩得並觀故。肇師云。施極於施。而未嘗施。戒極於戒。而未嘗戒。此即施無施並故也。三者即是三大法師於世盛行者。八地並觀。初地至七地出入觀。八地始得並觀。八地菩薩道觀變行。真俗並照也。然此之三釋。皆

出經論。若偏執是則爲非第一家。以初地爲是。餘二爲非。第三家。八地爲是。餘二爲非。所以成失。今山門釋者。即四節明並觀義。然此之四節。非但是菩薩之要行。亦是二諦之大綱也。四節者。一者山中師云。從初發心已來即並觀。問。若爲初發心即並觀耶。解云。初發心即學二諦。無有菩薩不學二諦者。凡是菩薩。即學二諦觀。爲是故。初發心即學二諦並觀。乃至後心亦學二諦並觀。而不無明晦爲異。晦故爲初心。明故爲後心。此明晦判前後。非是並不並而判前後也。問。何處作此說耶。解云。大經云。發心畢竟二不別。問。若爲不別耶。解云。今明。初心亦二諦並觀。後心亦是並觀。以皆並故。所以云二心不別也。問。若爲初心即學並觀耶。解云。有所得無所得。聲聞行菩薩行異。若是聲聞行。即。拆有入空。從空出有。是生滅觀。若菩薩即異聲聞。發初即作不生不滅不二之觀。對聲聞故。明是菩薩者。從初發心即作不生不滅無所得觀。故大品須菩提問云。菩薩何時學無所得。佛答云。從初發心即學無所得。故初發心即學並觀也。此即有二意。一者釋經初後心不二。二者爲對聲聞。明發心即作不二之觀。爲此二義故。明初發心即作並觀也。第二節明並觀者。明地前三十心。未得並觀。初地菩薩始得並觀。地前非不並。將初地格之。明地前淺故云未並。初地深故並。地前是凡夫位。初地是聖位。地前伏道。初地斷道。就此等義判並不並也。然前節。對聲聞明菩薩並觀。今就菩

薩中。自論並不並也。然此義。具出經論。大論云。初地得真無生。七地得無生。七地定慧等。初地得無生。初地定慧等也。仁王經瓔珞經。皆明初地二諦並觀。故仁王經云。善覺菩薩。四天王。雙照二諦平等道也。第三節明。七地菩薩並觀。大論云。七地菩薩。得無生忍。大品云。等定慧地也。所以七地並觀者。攝前六地。並為順忍。故未並。七地得無生忍。故並也。十地皆無生。前無生淺。故為順忍。七地無生深。故。為無生忍也。又約行論。初地檀波羅蜜。六地般若波羅蜜。未得方便。七地得方便。慧無方便縛。方便無慧縛。七地得方便。慧有方便解。方便有慧解。具二慧故。並觀前六地。非不並觀。但二慧一慧弱。如兩輪一輪弱故。未得好並。若七地二慧皆勝。二輪並強。故並也。第四節者。從初心訖至七地。未得並觀。至八地始並觀。此就功用無功用判之。初心至七地。未得無功用道。八地得無功用道。故。七地已前。未得無功用道。未並觀。八地得無功用道。故。得並觀。此約功用無功用。判並觀不並觀也。今明並觀。有此四節。並出經論。若偏執者。則成失也。前問未釋。何者。汝雖明並觀有此四節。若為得並觀耶。汝無有二理。唯有一理。云何得出入觀。復若為得並觀耶。今反難汝二諦二體二諦一體。亦無並觀。何違問我耶。汝明有二諦理。理何時有二。一切經論何處道有二理。諸大乘經。明無有二理。皆云空即色。色即空。世諦即第一義諦。若言有二理。即乖經。故龍樹呵迦旃延子不讀不誦摩

訶衍經。迦旃延子自說耳。今亦爾也。設使得明並觀者。師諸為難。管並伏。龍出鼻並有兩境。在中而雙照為並觀。是事不然。經明。照有即是空。照空即是有。何時有兩境。雖然在中雙照為並觀耶。又二諦一體。亦不得並觀。汝難我云。一體不得並觀。汝家一體。云何得並觀及出入觀耶。出入觀從此入。彼既無二。云何得並耶。彼云。我有即不即義。常即常不即。不即故有並及出入觀也。難俗不即真者。為當在真外。在真內耶。若在真內。則與真一。還著前難。若不在真內。則出真。出真則出法性外。佛說法性外。無復有法。故不得出真外也。彼又解云。體即義異。還責。義為即真不即真。即真即一。不即真則出真外。難二諦一體異體。既不成則無二諦。既無二諦。論何物即不即。故彼二諦一體無並觀。汝今明不二中道一體。云何得並及出入耶。今明有三種並。如涅槃經文殊問無二諦。佛答有十種二諦。今亦爾。汝言無並。我有三種並。且明出入觀。出入觀者。大師云。心常在正觀中行名為入。纔生心動念即名為出。起斷常心為出。在正觀為入也。次明三種並。然此三並。即三出入。言三並者。一者即橫論二諦教並。如前所說。假說有非有為有。假說無非無為無。非有為有。指無為有。非無為無。指有為無。指無為有。指有即照無。指有為無。照無即照有。此為並觀也。問他二諦一體不得並。汝今照有即照無。亦是一體。云何得並耶。解云。他義有礙。有即空即失有。空即有即失空。故不得

並。今只有即是空。空即是有。有即空。空不壞有。空即有。有不動空。故得並也。二者二不二橫豎並。二不二不二。只二不二。只不二。即二。無二異不二。無不二異二。故不壞假名。說諸法實相。不動等覺。建立諸法。若二異不二。則壞假名說實相。不壞假名說實相。故。二即不二。所以二不二橫豎並也。問此出何處。解云。中論偈即是。因緣所生法。我說即是空。此是空有橫並也。亦為是假名亦是中道義。即二不二豎並也。此之二種並。是諸佛菩薩假名方便並也。第三明得失並。何者。有所得斷常衆生。行有所得法。無所得諸佛菩薩。常行無所得法。此即得無得各路。凡聖兩隔。感應不交。理外云何得成理內。理內云何得化理外耶。今明不然。菩薩常照無得。照有得。道未曾得無得。於衆生有得。於諸佛菩薩無得。今還照衆生有所得。照菩薩無得。此二觀常照。無有一念不照時。若使一念不照。有得衆生。諸佛即有漏機之失。衆生機發。即便不覺。為是故。所以常照有得衆生。故法華云。我以佛眼觀見六道衆生也。此即常照得無得名並觀也。此義最要。應須知之。略明三種並觀也。次一句難解。何者。前云。有於凡實為諦。空於聖實為諦。發始開凡聖得失二諦。明有於凡實為失。空於聖實為得。從來云。兩於諦皆失。今明。若皆失。無有能化。所化衆生。無由得悟。改凡成聖。捨失從得。今明。發初二於諦。有得有失。有迷有悟。明此是凡諦。此是聖諦。此是俗諦。此是真諦。俗諦所化。真諦能化。



故云一切世諦。若於如來是第一義諦。此是能化於今。隨此於而說。亦是能化。此即能化。隨所化而有說有。能化隨能化所悟空而說空。故此二於諦。是得失迷悟也。問用此語何爲。解云。欲判凡聖得失迷悟。何者。衆生迷故。見有聖人悟故不見有。若爾同夢虎空華義。迷故見有。悟故不見有也。又今悟不見衆生。則唯真無俗。感應不交。凡聖兩隔。斯即孤真獨存。迥聖單立也。解云。聖人知於聖空。知於凡有。以知於凡有故得化也。難。今不問汝知。但問汝爲見爲不見耶。若不見化道即隔。若見即還是迷。汝親判迷故見有悟不見有。今既見有。即還是迷也。何者。中論偈云。若謂以現見而有生滅者。是則爲癡妄而見有生滅。長行釋云。從顛倒無明故有眼。眼故見。今若見還是癡妄也。次解云。迷故見有故有。見柱故柱。今悟則知有是不有。柱是不柱。柱。然此雖能解。而大有失。一者同成論二同地論三。復著難。言同成論者。成論明有假實兩惑有假實二境。迷假實境故。名假實二惑。如柱是假。四微是實。迷即見有故有柱故柱。悟假實二境即知是假柱。不柱柱不有有。他亦明。迷見有悟知不有有。今亦爾。則與他無異也。同地論者。彼云。只一樹。若作相心取。則有漏樹。若作無相心取。則無漏法林樹。是還是迷悟。迷故有相。悟故無相。迷故樹故樹。悟則不樹樹也。若悟時見不有有。則同成論及地論。若悟不見者。同夢虎空華義。夢故有虎。覺則不見有虎。諸法亦爾。迷故見有。悟故不

見也。梁武何故作夢虎空華義。爲此故作此義。若悟猶見猶迷。迷故見悟故不見也。又同大頓悟義。此是竺道生所辨。彼云。果報是變謝之場。生死是大夢之境。從生死至至金剛心。皆是夢。金剛後心豁然大悟。無復所見也。又有小頓悟義。明七地悟生死無所有。此出大論。大論云。譬如人夢中度河。作諸徭役。運手動足。而去此覺都無所有。七地菩薩亦爾。生死已來。至六地已還。如夢所見。七地菩薩。豁然而悟也。師爲此義故。云迷故有悟。則不有有作此語。正爲對夢虎空華義。彼悟時都無所見。今對彼故。云見不有有也。第三難且並。汝前云迷故有悟故空。則迷故見。悟故不見。今迷不有有。則不見見。不迷迷也。然見有不見有。此未悟耳。且問。那得此有。只瓶柱三界果報。那得此果耶。爲倒業所起。不倒業所起耶。倒業起。唯迷見悟不見。若言不倒業起則不然。諸佛菩薩。三界之業已盡。豈更得三界之果。故不可也。若言三界衆生倒業所起。諸佛菩薩入三界化衆生者。是亦不然。諸佛入三界化衆生。爲見三界故化。爲不見故化耶。見則同迷。不見何所化。此義進退不可云云。難。今家如此。亦得難他人。汝言三界。何業所起。十二因緣。過去無明與行。感得五果。無明即煩惱。行即業。業煩惱所感。諸佛斷五住惑盡。無復煩惱業。則不應見三界。見則同迷。不迷則不見。彼云。諸佛斷假實上惑。不無假實二境。故雖無煩惱故見也。責只問。所見境何業所起。悟業起迷業起。若迷業起者。悟

則不見。悟業起則無此理也。大難。地論相心見樹有漏。無相心取則無漏法林樹。只問。此樹何業所起。爲妄業起爲真業起。若妄業起者。悟真則不見。若真業起者。何有真業起於妄樹耶。故此義難解也。次明二諦絕名第五。然此義三大法師無別釋。並云。世諦有名真諦絕名。世諦有名者。世諦諸法。有名有物。有召物之功。物有應名之實。如喚火名。即得火來。不得水來。故名召得物。物應名也。真諦絕名者。真諦無名。真諦四忘之絕。絕名故彼云。以名諦真。去真遠還。所以真諦絕名也。問若真諦絕名者。經中何故說有二諦耶。彼解云。經中說有二諦名者。借世諦名諦真。故有二諦也。次難彼義。汝真諦無名。借世諦名詔真諦者。世諦中何處有此名。真只是真如法性。世諦中何處有此名耶。世諦中若有真如法性之名。則可借此名來詔真諦。如詔苟爲烏龍白虎。世諦中有烏龍白虎。可借此名詔苟爲烏龍白虎。世諦中何處有真如法性名。而云借此名詔真諦耶。此難意。出大論第一卷。人等世界故有。第一義則無。如法性第一義故有。世界故則無。世界既無。何所借耶。而彼通云。聖人爲作真諦名故名真諦。脫爾者。借名義壞。聖人爲作真諦名。則非借世諦名詔真諦也。又難云。真諦無名。借世諦名詔真。此名爲得真爲不得真名。若得真則真有名。若名不得真借名何益。然此難可通。何者。彼云。真諦無名。爲人不知真無名。借名詔真。令人知真諦無名。故借名詔真也。此難他

不著今更難之。汝云俗諦有名真諦無名，名無名待。不若名待無名，則名無名待。若名無名待，則真俗待。那得從來云三假是世諦，故不可也。若名不待無名，名則無所因。名無所因，自然名也。彼云，名體待。何意無因耶。難。汝世諦名體待。世諦待何物。此已如前難云云。更難云，三有爲三無爲待不。開善云，三有爲三無爲，皆世諦故。有爲無爲相待也。問有爲待無爲，無爲有體，無爲有名，無爲之名，爲是有爲爲是無爲耶。解云，無爲之名，是無常是有爲，無爲常法無名也。難。無爲之名，是無常是有爲，無爲常法無名也。難。無爲無名，無爲既待，真諦無名，真諦亦待。真諦無名，真諦不待。無爲無名，無爲不待。此正就俱無名爲難也。次明今釋二諦絕名。師從來有四句。俱絕俱不絕。真絕世不絕。世絕真不絕。絕不絕既有四句。說不說亦有四句。世諦不絕真諦絕。此義可知。言二諦俱絕者。真諦絕四句。離百非。世諦亦絕四句。離百非。然此義從來所無。唯今家有也。言二諦皆絕四句。離百非者。俗不定俗。俗名真俗。真不定真。真名俗真。真俗假俗。俗真假真。假俗則百是不能。百非不能非。假真亦爾。何者。假俗則是不能。百是亦不是。非非不能非。百非亦不能非。百非亦不非。是故皆離四句。絕百非也。雖二諦皆離四句。絕百非。然二諦俱絕而大異。何者。俗諦絕則絕實。真諦絕則絕假。俗諦絕實者。是是實是。非非則是假。俗諦絕實故。是是不能。百是所不是。非非不能非。百非所不非也。真諦絕假者。非是是假。是是。非是假非。真諦絕假故。非但是不能。非是亦不是。非但非非不能非。是非亦不非。是是與非是。一切不能。是非與是非。一切不能非。真諦雙絕世諦假實。此即漸捨。明二諦皆絕義。俗諦絕實。真諦絕假實。此開八不義至八不中。當廣解釋也。第二次就平道明二諦俱絕義。俗不定俗。由真故俗。真不定真。由俗故真。由真故俗。俗是假俗。由俗故真。真是假真。既云假俗。即四句皆絕。假俗非俗。假俗非不俗。假俗非亦俗亦不俗。假俗非非俗非不俗。假真亦爾。與皇長干。皆歎此語。直唱假俗。則四彈。假俗那是俗。若是俗則非假俗。既云假俗。故非俗也。假俗既非俗。可是非俗不。親言假俗。那是非俗。若導假非俗。可是非俗。既云假俗。那是非俗耶。問若爾應是亦俗亦非俗。既云假俗。那是亦俗亦非俗。既非亦俗亦非俗。應是非俗非非俗。既云假俗。那是非俗非非俗。假俗既然。假真亦爾。故二諦皆離四句。既離四句。則橫絕百非也。此則平道用。二諦無異。俗諦絕俗諦四句。真諦絕真諦四句。俗諦絕俗諦性實四句。真諦絕真諦性實四句。故。二諦是齊。平道用也。第三明二諦絕者。二諦絕即絕二諦。明二諦是教門。爲表不二之道。諸法非是有非是無。非是有爲衆生故強說有。爲表不有。非是無爲衆生故強說無。爲表不無此即有無表不有不無。故有無絕也。正意者不絕爲表絕故。不絕即絕也。第四明二諦絕者。只二諦即絕與前異。前二諦望表道故二諦絕。今明。只二諦即絕。只言說即絕。如淨名經天女與身子論解脫相。關中云。身子雖知解脫無言。不知言即解脫。只言說文字即解脫。解脫不內不外不兩中間。文字亦爾。不內不外不兩中間。故文字即解脫。只文字即解脫。略明四種絕義如此。此四種絕。攝一切絕也。涅槃經明絕待樂。對苦明樂。非是好樂。無苦無樂。乃是大樂。大亦有二種。相待大絕待大。此是何物絕耶。解云。此是漸捨絕。前明。相待樂非好樂。非苦非樂樂。乃是好樂。故是漸捨絕也。二諦俱不絕者。然絕有此四種。不絕亦有四種。翻此四種。即是四不絕。第一不絕者。俗諦絕實是非。不絕俗諦。真諦絕假不絕真諦。真諦絕假生滅。不絕真不生滅。故二諦皆不絕也。第二不絕者。既云假俗。何時絕俗假真。何時絕真。假俗名真俗。假真名俗真。真俗俗真。故二諦不絕也。第三不絕。二諦爲表絕。何時絕二諦。二諦有二義。爲表絕故言絕。而有二諦故不絕也。第四不絕。二諦言說即絕。只絕即不絕。師從來舉。佛影譬。遙望相好宛然。至邊都無所有。二諦亦爾。言說宛然而絕。絕而言說宛然。此亦是世諦絕。世諦不絕從來所無。從來云。絕即真諦。不絕即世諦。難。若爾遙望。佛相好是世諦。近之無相好。應是真諦。今明。只相好宛然。而無所有。無所有而相好宛然。諸法亦爾。只不絕而絕。絕而不絕也。次明二諦攝法義第六。然此義。開善莊

嚴兩家釋不同。開善云：二諦攝法盡。下至生死上極涅槃。預名相所及者。故皆世諦。只此名相即體不可得爲真諦。爲是義故。二諦攝法盡也。又被明生死涅槃。皆是虛假故。是世諦。既是虛假故。可即空爲真諦。所以一切法無出二諦也。彼引大品云。佛與弟子。知法性外無更有法。法性還是真諦。法性既攝法盡故。真諦攝法盡也。又引大品幻聽品。須菩提問。生死如幻如夢。涅槃亦如幻如夢耶。佛答云。生死如幻如夢。涅槃亦如幻如夢。設有一法出涅槃者。亦說如幻如夢。涅槃既是幻夢。故涅槃虛假。以虛假故。是世諦。虛假即空故。爲真諦也。問彼何故明涅槃是世諦耶。解云。彼明涅槃三假中。是相待相續二假所攝。若是生死則具三假。何者。爲異具所成故。是因成假。異具所成者。四微成柱。五陰成人也。前念滅後念續前念。名相續假。長短方圓。名相待假。具三假故爲世諦。三假舉體不可得爲真諦。生死爲二諦攝也。涅槃爲續待二假攝者。佛果續金剛心。金剛心滅佛果起。續故是相續假。涅槃復待生死。故涅槃是相待假。佛果不爲異具所成故。非因成假也。問萬德成涅槃。何故非因成假耶。解云。萬德無別體。非別法成此人。人即是法。但義論人法可軌義爲法。統御義爲人。無別異法成人故。云佛果不爲異具所成非因成假也。以涅槃具二假故。是世諦。即以此二假空爲真諦。故涅槃具二諦攝。彼云。大品權教。雙林實說。二諦往收。悉無不盡。故明二諦攝法盡也。莊嚴明

二諦攝法不盡。二諦故自不攝涅槃。攝生死中法。亦復不盡。何者。生死中有有法有空。法虛空不爲二諦所攝。虛空不爲異具所成故。非因成假。無前滅後生。非相續假。亦非相待假。開善明虛空非因成假非相續假是相待假。何者。虛空有名相故。是相待假。莊嚴明虛空故非因成相續。亦非相待假。何者。虛空是常。無有名相。名相是無常。以虛空常故。無名相。無名相故非相待假。故虛空非三假。非三假非世諦。非三假故不可即空。故非真諦。問虛空既然。數滅非數滅云何。解云。小乘數滅非數滅。還是無常。還是世諦。但昔方便說爲常。望今大涅槃。皆無常也。若今日數滅。還是大涅槃。復不得爲二諦攝。非數滅同虛空。然三無爲法。虛空無爲常通今昔。餘二無爲。昔無常今常。以今常故。皆不爲二諦攝。成論明三無爲一體。開善莊嚴。皆明三莊嚴明三無爲不爲二諦攝也。然彼明涅槃非續待二假。難解。佛果續金剛心。何故非相續假。涅槃待生死。何故非相待假耶。彼解云。涅槃是續而非假。涅槃是待而非假。三假中因成假。涅槃非因成亦非假。若是相續。則是續非假。若是相待。是待非假。假是虛妄。涅槃是實。故涅槃非假。而有相待。虛實待假非假待。佛果實續金剛心。佛果是實。故續而非假。非假故非世諦。既非假不可即空。故非真諦。引涅槃經云。若言解脫譬如幻化。凡夫禪得解脫者即是磨滅。有智之人。應當分

別人中師子。雖有去來。常住無變。故知涅槃非虛假也。開善將前文難。大品云。涅槃如幻如夢。設有一法出涅槃者。亦如幻夢。云何言非假耶。莊嚴解此懸去。彼云。大品明空。蕩相。第二時教。猶帶昔教意故。云如幻化。涅槃極說。明涅槃是妙有。亦名善有。不可空故。經云。空者二十五有。不空者大般涅槃。若爾。莊嚴涅槃亦爲二諦攝。亦不爲二諦攝。大品至法華。明涅槃爲二諦攝。常住教。明涅槃不爲二諦攝也。開善更將一經文難懸屈。經云。迦毘羅城空大涅槃空。既云大涅槃空。云何非二諦攝耶。彼即曲解言。涅槃空者。涅槃空無諸相故。云涅槃空。難役置不令得去。經親云大涅槃空。何時寧。空無諸相。空無諸相。別復是一種語。涅槃空無十相。十相者。三界男女相及五塵相。涅槃無此十相故。云涅槃空。無諸相。何時明涅槃空耶。莊嚴終明涅槃不可空。明涅槃非磨滅法常住妙有故非假也。然仁王經。的有此文。仁王云。常住薩云若覺。超出世諦第一義諦外。此的是一文。而諸法師。不引爲證。不引亦有。意言此經預疑故。不足爲證也。兩家互相破如此。今時若爲耶。解云。此兩家明涅槃未足。今更將大論及中論足之。中論偈云。一切實非實。亦實亦非實。非實非實。是名諸佛法。是四句束爲三句。一切實非實爲第一句。亦實亦非實爲第二句。非實非實爲第三句。一切者。即是有爲無爲生死涅槃。故云一切。非實者。明有爲無爲生死涅槃皆是虛假。故云

不實。一切實者，亦爲無爲一切法，皆入其如法性故。云一切實，如衆川入於大海同一鹹味。此即開善義也。亦實亦非實者，即是莊嚴義。莊嚴明生死非實涅槃是實，故云亦實亦非實也。非實非非實者，非一切實，非一切不實，雙彈兩家故。明非實非非實也，是名諸佛法者。論釋云：若於此三種，並皆得悟，則名佛法。若於此三種各執，則成戲論，不名佛法也。所以明此三種者，欲彈從來定執論明此三種皆是如來方便，爲衆生作如此說。若是實相非三非不三，此三句並是方便，開善莊嚴。不知是方便，於方便中復不盡，何者？兩家所計，方便中一枝義耳。得方便一枝亦好，而復於一枝中各相破射，各執是非，謂是道理實說。開善云：二諦道理攝法盡，莊嚴云：道理不盡，爲是義所以成失也。問：今時所明二諦，攝法盡不盡耶？解云：大乘經具有二文。此並是如來方便爲緣之說。有時爲緣說二諦攝法盡。有時爲緣說攝法不盡。具有盡不盡二種法門也。又欲令攝盡則盡，欲令攝不盡則不盡，無所妨礙。何者？一家有單複六種二諦。前後明三種二諦。有時開則有三諦。有諦無諦非有非無中道第一義諦。有時攝三諦爲二諦。有無並世諦。非有非無爲第一義諦。乃至二不二爲世諦。非二非不二爲第一義諦。就此而論，則無出二諦，就前節復出義。有如此經文。則作前釋。有如此經文，則作後釋。無相違也。次明二諦同異義第七。然此義，前諸章中已明。今更略

辨何者。第一約涅槃大品二經。明二諦同異。第二明衆家釋二諦同異。言二經明二諦同異者。大師舊云：大品以空有爲世諦。有空爲真諦。涅槃明有空爲世諦。空有爲真諦。何故爾。大品是摩訶衍之初，涅槃是摩訶衍之後，說此二經，各治病不同。大品摩訶衍之初，正對三藏，明諸法是有，多明有所得義。故經云有所得者。聲聞緣覺，以小乘是有所得故。欲淨此有病。明說諸法有者。乃是世諦。諸法畢竟空。爲第一義諦。所以爾者。數師大論序云：見邪思之自起故。阿含爲之作。知滯有之爲惑故。般若爲之照。若涅槃空爲世諦，有爲真諦者。正對破三修斷無涅槃。小乘明灰身滅智得無餘涅槃。以爲妙極。故肇師云：智爲難毒。形爲桎梏。智以形爲。形以智爲。滅身以歸無。絕智以淪虛。涅槃對此斷無之病。故明斷無乃是世諦耳。若常住涅槃三點具足。四德圓滿妙有涅槃。是爲第一義諦。師云：若約此義而論，得作斯判。若約餘義，則不得也。此是二諦一枝之別義耳。今次通明之。大品涅槃一切摩訶衍經。皆以空有爲世諦。有空爲第一義諦。此義大品故自有文。涅槃亦有此釋。故涅槃答文殊問中開十種二諦。皆以有爲世諦。空爲第一義諦。又經論中，並明諸佛常依二諦說法。明所依二諦有爲世諦。空爲第一義諦。今依大品。有爲世諦。空爲第一義諦。涅槃反此者。唯大品依二諦。涅槃應不依二諦。既云諸佛常依二諦說法。豈釋迦一佛說兩經。便爾相

背耶。以此而推故。知有爲世諦。空爲第一義諦。此義則通也。又大品云：諸法如幻如化。涅槃如幻如化。涅槃經亦如此。故文云：迦毘羅城空大般涅槃亦空。是故空有二諦通二經也。又大論明四悉境通十二部經八萬法藏。四悉境中，前三是有。後一是無。故四悉境即是二諦。四悉境既通，二諦即通也。又二諦空有二境。生權實二智。照有是權智。照空是實智。然從來人空有二智。是般若二智。動靜二智。是維摩二智。今明不爾。空有權實二智。十方三世諸佛法身父母。故維摩云：智度菩薩母。方便以爲父。一切衆導師。無不由是生。既是一切導師。皆由二智而生。豈止在大品。而不通涅槃耶。以二智通故。二諦亦通也。又大論云：若如法觀佛般若及涅槃。是三無異相也。又動靜二智。亦不在維摩第三時教。何者。內靜照爲實。外變動爲權。此則自行爲實。化他爲權。始自發心終於窮覺。皆有此之二智。豈止局在維摩耶。爲是義故。空有二諦。通一切經。空有二諦。既然。三節二諦亦爾。又約數師喻疑論意釋之。何故大品明空。涅槃辨有。彼云：大品爲除虛妄。涅槃爲顯妙有故也。然此兩語相成。要除虛妄妙有得顯。亦妙有得顯虛妄即除。雖復兩經相成。要前洗於虛妄。妙有方顯也。然此即是。今家涅槃有所無無所有義。洗妄即涅槃有所無義。顯有即是涅槃無所有義。故經云：空者二十五有。不空者大般涅槃也。一往如此。再往皆無。故經云：智者見空

及與不空。智者既了生死空不空。即知涅槃  
有不有。斯則顯諸法非空非有非生死非涅  
槃也。此即有三節義。如前可知。次明二諦  
同異者。古來有鼠婁栗二諦案。鼠二諦。婁  
栗二諦。即空性不空。假假爲世諦。性空爲真  
諦也。案鼠二諦。假爲世諦。假體即空爲真  
諦。廣如常解云云。次周顯明三宗二諦。三  
宗者。一不空假。二空假。三假空。野城寺光  
大法師。用假空義。開善亦用。用中最不得  
意者。如醜人學西施顰轉益醜拙。彼知美  
顰。不知顰之所以美。開善用三宗不得意。猶  
是學顰之類也。然三宗義。不空假還是鼠婁  
栗。空假是案鼠。今家所辨初節二諦。是假空  
義。假故空。雖空而假宛然空故假。雖假而  
空宛然。空有無礙。略明二諦義竟。有常別  
當廣述云云

二諦義下卷

No. 1855

# 二論遊意義

頤法師撰

略。有開四重。一明經遊意。二明四論。大略

第一明經論遊意者。略明三種。一者明人論菩薩不同。二明諸經論不同。三者所化緣利鈍不同也。此即是佛菩薩因緣。經論因緣。能所因緣也。人即是釋迦作佛行化。若是龍樹即是菩薩行化。有佛應有菩薩。有菩薩應有佛。所次非菩薩。行化有佛即不菩薩。佛行化故。二智方便益物。以菩薩行化故。二慧被緣。二智益物。故所說名之為經。以二慧被緣故。所說被緣為論。所說被緣為論。即是破邪顯正也。所說名之為經故。即是二諦教門。以二諦教門。正是被緣故也。所被之緣。便稟二諦教。以教破緣故。教是緣教。稟於教故。緣是緣教。教是緣教。教稱於緣。緣是緣教。緣稱於教。教稱於緣。故名為應感。緣稱於教。故名為應感。應感故說空有二諦。次應感故悟空有二不二。如是作益當時開悟一道所作已故。方便涅槃是名菩薩佛方便也。次有菩薩佛方便者。明諸佛去世必有菩薩與者。聖由日月為成就四生。是故在離隱必有月與也。故諸佛去世便有菩薩。所以遠法師云。白日雖沒寢光。猶何係之明月。所以有龍樹與也。但未世鈍根。聞有作有解故。有住於有。不識有非有。聞無作無解故。無住

於無。不識無非無。既住有住無。不識有非有無非無。亦不識有無非非有非非無。是故既告不二。亦失於二。既失理故失於教。如是二不二皆失。故理教皆失。但成斷常虛。忘故序云。上聖為之流滯大士所以栖惶。是龍樹出世。破衆生斷常諸見故。明不斷不常即是中實。既識於中。方了諸佛假名因緣空有二諦也。此之假名二諦。即是不生不滅乃至無來無去也。是故假名二諦即是八不。所以瓔珞經云。二諦者。不生不滅乃至無來無去也。今龍樹。為破斷常迷錯申空有二諦。還使衆生識於空有二諦即是悟不二。如是作益當時同表一道。菩薩出世大意为如此也。問云。何是經通經別論通論別。答如來始自鹿苑終訖雙林。說雖有十二部經八萬八千法藏。推其大歸。皆為息衆生虛妄顛倒開一道耳。是衆經通也

所言經別者。如來謂大小二種根緣故。開生滅無生滅二種方便觀也。若是大小之緣。說無生滅生滅方便。若大小之緣。開生滅無生滅方便。此是經別意也。次言論通別者。佛滅度後。傳持法藏有二十三人。並為破於邪見迷開申正教也。破邪迷即是符提弱喪也。開申正教即是報佛恩故也。衆論雖多同為此意。是論通也。所言論別者。佛既有生滅無生滅二方便。末代之緣薄福鈍根。稟此二教並皆失旨也。聞生滅即住。不知此生滅是無生滅生滅故。雖生滅即是無生滅也。聞無生滅即住無生滅。不知無生滅是生滅無生滅

故。雖無生滅即是生滅也。是以馬鳴龍樹即是四依大人。破此二緣故申佛無生滅教。即是無生滅論。申佛生滅論方便故名生滅。此是論別意也。今且置生滅之經及生滅論。正明無生滅經。以對無生滅論也。無生滅經雖復無窮。略明般若涅槃始終二教。明三種義者。一者明二因二果。二者明一因一果。三者明非因非果。所言二因二果者。大品所明。般若為因。薩婆若為果。涅槃云。佛性為因。涅槃為果。此即二因二果義也。然般若之因。猶是佛性之因故。雖二因終是一因。薩婆若果。猶是涅槃果故。雖二果終是一果。此是一因一果義也。而由因因果。果是因果。所因非果。由果故因。因是果因。所以非因。是故非因非果。施名正法。在經為正法。在論為中實。中實所發名之為觀。觀之所宜名之為論也。然正由於緣緣既非緣正生非正。所以非緣亦復非正。既非正即非觀非中則不經。不論非佛非菩薩。泯然無際其道乃平故。開之彌。論法界。卷之則一豪無從也

第二重明四論大歸。就中凡有二意。明四論意同。二明四論意異也。第一明四論意同者。略有二種同。一者人同二者法同也。人同者。馬鳴龍樹提婆天親。雖復人世有殊。同是四依菩薩出世行化。是故涅槃云。四人出世。能多利益為世四依。當知如佛也。雖同是依。而傳持法藏始末為論有二十三人也。始自摩訶迦葉終訖仰子比丘也。問馬鳴付屬何人。乃至提婆付屬何人。答馬鳴去世付屬比羅

次明四論雖同而異者。先就三論對釋論明異。次明就三論自明異義也。對三論明釋論異者。若是三論名別通論。若是釋論名通別論也。三論名別通論者。三論通申佛一切教。通破一切迷錯。所以中論十二門論。破內人一切迷。申佛一切教。百論破外人迷。亦申佛一切教故。論二十七品橫豎破一切法。始破因緣終破邪見。二十七條生死涅槃凡聖釋惑無不洗破也。豎破者。從因緣訖邪見五句皆除故。有二破無二破。有乃至非有非無非非有非非無皆悉破也。衆病既息。佛大小假名方便二教自然得開。是故別通論也。若

次就三論自明異者略開十條。一者三論立  
名有理教不同。二明三論有諸智不同。三明  
三論辨諦有於教不同。四明三論辨智有長  
短不同。五明三論破緣有內外不同。六明三  
論申破有傍正不同。七明三論用假有就對  
不同。八明三論有對緣不對緣不同。九明三  
論所對之緣悟有深淺不同。第十三論師弟  
出世久近不同也。

第一名立不同者。小乘諸論凡有三從。一者從人立名。如舍利弗毘曇是也。二者從法受名。如成實等也。三者從譬受名。如甘露毘曇及日出論也。今此四論。受名有通別。所言通者。四論并破斷常。皆明中道實。是故四論通得稱中。又四論并爲開道令衆生反迷悟。

入。是故四論皆得稱。秤門。四論皆有偈數。是故四論并秤曰百論。四論皆釋佛意。是故四論通名釋。四論也。通而致別卽有四意。若是中論從理實爲名。若是十二門從言教受秤。若是百論從偈數立名也。問中論何故從理實立名。若從理實立名而秤中者。何故不從理實立宗以中爲宗。答宗是二諦爲申佛教。名是理實欲明二諦所表故。二諦所表不二之理。名之爲中。故名理實宗。是二諦此卽教理具足。所以宗名互辨也。十二門論從數立名者。明行人籍言教並得入道。此教能開通道。使行人悟入。是故從言教立名也。是故中論從理實爲名。十二門從教爲秤。此卽教理因緣能所義也。百論所以從偈數爲名者。大師舉喻云。如百健將能破怨敵使人民安穩國家得全故。歎此人爲百健將。提婆亦爾。以此百偈破九十六種外道怨賊。使衆生慧明得聞如來正法宜流行世故。歎此百偈有能破之功卽名爲百論也。問百論亦得秤中不。答凡有四句。一者兩捨而非中。二者中於而非兩捨。三者亦中亦兩捨。四者非中非兩捨。一言兩捨而非中者卽是百論。雖復罪禍兩捨。不作中名也。中而非兩捨者此卽經中所辨。一色一香並皆是中。未必皆須兩捨也。亦中亦兩捨者卽是中論。雙捨斷常故名兩捨也。亦強名中實。所以名中也。非中非兩捨者此有二意。一者斷常顛倒故非中非兩捨。二者諸法本性清淨故非中非兩捨也。

第二明三論宗教不同者。若是中論以二諦



爲宗。若是百論以二智爲宗。十二門論前後兩出。一云同中論以二諦爲宗。又云以境智爲宗也。中論以二諦爲宗者。諸佛說法常依二諦。但龍樹與外人。同學佛二諦有其得失。外人學佛二諦。成斷常生滅來出一異也。龍樹了佛二諦不生不滅乃至無來無去。所以捨初章即牒八不。八不即是二諦。是故以二諦爲宗。若是百論面折外道。使故九十六種理屈辭窮。歎此二智有閑邪顯正之功。故以二智爲宗。百論宗也。

第三明三論辨諸有於教不同者。通明三論辨諸。即有於諸及以教諸。通而致別。百論即明於諸。中論即明教諸。所以然者。於諸即淺教諸即深。中論明如來假名空有教門。皆是不生不滅。若是百論。即就二緣而明於兩諦也。問於諸教諸有何異耶。答教諸就佛成諦之言。於諸即約兩緣明二實故。於凡爲實也。問經云。一切世諸若於如來即是第一義諦。此何物。於諸。答此諸是因緣於諸也。同若爾。教諸便不就緣用教。何爲於諸。便無言教。那得諸名。答教諸非不被緣。但緣裏此教。即便悟理故名教諸也。於諸亦稟佛教。但於特作解。不能博悟故名於諸也。

第四明三論用智長短者。若是中論明實智方便。百論即明實智與權智故。權智即短實智長也。問何故龍樹用實方便智。百論用實與權智。答提婆面折外道。一時權巧功用故。權智即短也。中論匡正佛法。整里家國非時用。是故二智則長。例如大品淨名二經辨智

有長短。大品即明實方便智故其用則長。淨名則明權實二智其用則短也。問二經長短三智與三論長短智云何。答二經明智通於破立故。如大品破有所得。而廣明因果法門。淨名破但大但小。而廣明菩薩不思議用也。若是三論。但破洗諸法不明立也。問佛法大海無量寶聚。三論何但用一破一。而言是佛法通方論耶。將舊醫用乳田父食鹽。答一切衆生未觀波若以來。並皆依著稟教成病。是故三論廣破依著。廣破衆生病。衆生病若消如來正教自開也。是故不須別立。

第五明三論破緣有內外不同者。若是中論與十二門即破內學。若是百論即破外學。所以然者。龍樹出時正法始滅像法始興。此中有內病與世故。大論云。佛滅後五百歲後有五百部出興於世。皆執自見爲是。他見爲非。不知佛意。爲於解脫故聞舉竟空法。開邪覆正。是故菩薩破邪顯正。所以稱爲破內學也。問龍樹破內學不但除迷教之病。通收取佛教者。提婆破外學亦有收取義不。答亦有收義。如大經文字品云。一切經書呪術皆是佛說法。非外道說。是故亦有收歸內。又大經云。輪王出世還收取諸半。亦是其事也。問百論破外而有收外義者。中論破內亦有收內義不。答亦有此義。故大論云。諸論義師自作此說。尚不得三藏中意。況大乘此破不收也。

第六明三論申破傍正不同凡有二種。一者就破明傍正。二者就申明傍正也。就破明傍正者。中論正破內傍破外道。百論正破外迷

傍破內執也。所以然者。若外執同內執者。中論傍破。若內執同外執者。百論即破也。就申明傍正者。中論正申佛教傍破外道。百論正破外道傍申佛教。所以然者。中論初發始即牒八不二諦。後方破外故。正申傍破也。若是百論初發始即歸三寶故。正破傍申也。十二門論與中論云何。答大師有時云。兩諸義無有異。有時云。十二門申義爲強破義爲弱。故初發即云說曰。今當略解摩訶衍義也。若是中論初牒八不破外人。故論云云。諸法無量。何故但以此八事破。故知。中論正破傍申也。

第七明三論用假不同者。假者四種。一者因緣假。如空有二諦。二者隨緣假。如云世者說有我我亦說世智說無我。又百論云。佛隨衆生意故下中上施戒智。三者就緣假。如衆生執有就求有無從。衆生執無就求無不得。此是就緣假也。四者對緣假。如說常爲對治無常說無常爲對治常也。若是經中及以大論具足四假。若是三論唯有二假。一者就緣二者對緣。若中論正因緣假強對緣假。故弱故。龍樹就外人覓生滅斷常皆不可得。若百論對緣假強就緣假弱故。外道執一借異。對破外道執異借一對破也。

第八明三論有對緣不對緣不同者。若是百論。提婆菩薩。廣集九十六種外道邪師故。八方論士。皆集四衢各建其宗也。初立無方論者。提婆對面折外道。辨屈邪師也。若中論龍樹菩薩。潛惟著筆。玄收迷情。以爲折破。故不面對外人。異提婆也。問何故如此。答龍樹出

世如第三佛。是故傳云。智慧日以類斯人再輝世。昏寢以久。聞此人悟令覺。又云。明即白月爭輝。智即聖人並照故。外道小乘聞名立伏。不敢論義。所以龍樹面不破也。但著論破也。提婆不爾。初但隱迹。爲婆羅門故。外道諸師不畏彈之。故與此交論也。問提婆面對外道。亦有著論以不。答提婆九十日中。與外道論義。後還閑林。撰當時之言。著此百論也。第九明三論所破之緣根有利鈍不同者。以衆生根生不同。今約中百二論。略開三論種不同。有一種根緣。百論始捨罪福終破空有。當此言下即悟無生也。第二有一種衆生。即是外道。經開提婆當時所破之理。屈申未悟。後出家稟受佛經。方始得悟。是中根人也。第三下根人。外道聞百論所破。雖復言理俱屈。而不得悟。後稟佛經。亦不得悟。非但不悟。學於佛經。更復須迷執邪。後爲中論所破。方得悟也。問亦有內道之人。雖聞中論所破。不悟。問百論破方始悟不。答亦有此義故。中論深開不解。百論就情玄略故。便得悟也。第十明三論師弟不同者。叙公云。天竺有十六大國。方八十里。三百五十年。有馬鳴菩薩出世。令大乘之化。重啓閭浮提。後五百三十年。有龍樹菩薩出世。扇無相之道。三啓末俗也。八百餘年。有婆羅門種名曰提婆。是龍樹上足弟子。其人皆與玄師並照德。與皆機淨行故。令佛法興隆。邪道隱塞也。問中論既得釋中。百論亦得釋中不。答二論俱得釋中。問若俱得釋中更有何異。答若是中論即對偏

辨中。若是。中論即對邪辨中。所以然者。中論迷教之緣。學佛二謬不悟二不二。故成偏執。所以今破此偏二。故明不二之中也。若是百論不學佛教故。一向邪錯。破此邪錯以明中故。是破邪中也。次第三約釋論中論宗旨論明釋中觀論。今作離合兩釋也。前則離解三字。次則合釋三字也。然雖復離釋非是異義。雖復合釋非是一義。所以然者。正爲學人若聞合釋即作一解。若聞離釋則作異解。爲此人故。所以言雖復離釋非是異義。雖復合釋非是一義。例如人聞波若如佛性法界涅槃便作異解。若聞波若即佛性法界即是涅槃便作一解。對此人故。明波若佛性法界涅槃雖復合非一。雖復離非是異也。所言中者。以實爲義。亦以五爲義也。以實爲義者。開中叙師云。以中爲名者。然其實也。以正爲義者。肇公正觀論云。中即是正也。若以實爲中義者。即名爲實相實際。若以正爲中義。即名正法正性也。問云何中以實爲義。答正爲失道之人。明學皆是虛妄。對此虛妄故名中實也。問何者是失道人。答通而爲論。未見佛性。未觀波若以來。並是虛妄也。斷常中行故是失道人也。別而爲言。有三種人。第一是失佛教人。言世諦是有真諦是無生死定斷佛果定常。如此人等。即是虛妄也。第二自樹之人。即是九十六種外道所行所學皆是也。邪錯之是虛妄也。第三即是任運顛倒不學佛教。亦不自樹邪。候。直是隨逐世

樂。任運失道故。如此三種人皆虛妄也。問今辨中實正對何人。答通而爲論。並對三人。別而爲言。正對第一失佛教人也。問此失佛教人是何時失。答正法之末像法之始。稟佛教人。成斷常虛妄。以成斷常故失中道。是虛妄故。便失實相成邪見故。即失正法也。問何故失教人爲虛妄耶。答彼云。有生有滅有有無。是故龍樹實外云。汝若實有生滅實有有無者。就汝救之。便應可得。今就汝生滅無從實有無不得。故知。汝之所見是無而謂有。故是虛妄。是以對此虛妄偏邪故。明不斷不常不生不滅則是中道。以中實故名爲正法。故淨名云。觀身實相觀佛亦然。如此觀者名爲正觀。以他觀者名爲邪觀。故知。中則是實實即是中也。所言中解不同。一者外道明中。二者毘曇人明中。三者成論人明中。四者中假人明中也。外道明中者。僧佉人言。涅槃非瓶非非瓶即是中也。次衛世師言。聲不名大不名小爲中。動婆婆言。光非明非闇爲中。三師並明中也。次毘曇人明中者。彼有理事。事者。如國中滿大王。不在欲界復離非想。相離此二邊居在中道也。理中苦集之理不斷不常即是中道也。次成論人明中者。彼有三種中。一世諦中道即是不斷不常等也。二真諦中道即非有非無等也。三二諦中道即非真非俗也。次中假人明中者。如非有非無爲中。而有而無爲假。如此等解。別須廣破付在論文也。今明中略有三種。一對偏中。二因緣中。三絕待中也。所言對偏中者。學佛教人

既失其旨故。成斷常偏執。對此偏執的。申故言對偏中也。次言因緣中者。如假有不得言有。不得言不有。此有即是中也。次言絕待中者。本對偏故。所以有中在偏既去中亦不立。故非偏非中強名中也。

所言觀者。論有廣略二文。若是廣文則云中觀論也。若是略文但言中也。關中影寂兩師。具廣略釋二義也。影師云。寂此諸道故名爲中。問答折微故釋爲論也。又云。觀者直以觀達於心故名觀論宜於口也。寂師云。以中爲名照其實也。以論爲釋者盡其言也。但釋中論不明觀也。今依廣本明觀義也。所言觀者觀照爲義。龍樹正觀。照了諸法不斷不常不生不滅故名爲觀。有二種。一。生滅觀。二。無生滅觀也。生滅觀者。有惑可滅。有解可生。有聖可取。有凡可捨故。生滅取捨之觀也。無生滅觀者。知惑本自不生。今何所滅。故了悟諸法不生不滅故名無生滅觀也。就此二觀各有三種。一名字觀。二義相觀。三心行觀也。名字觀者。知一切諸法但名字不內不外亦非中間不住亦非不住故。不名悟名字即是解脫故言名字觀也。義相觀者。既有其名。必應有義。如眞俗是名非眞非俗。是義亦得眞俗。是名眞以實爲義。俗浮虛爲義。了達此義名義相觀也。心如此行名心行觀也。

所言論者。論有二種。一者小乘二者大乘。小乘論亦有二種。一通論二別論也。大乘論亦有二種。一通二別也。小乘通論者。即是成實毘曇等二論。通釋佛三藏教意故。成論云。

我欲正論三藏中實義也。小乘別論者。釋論云。有勝比丘造四阿含論也。此上無也。大乘通論者。中百等三論。通明佛大乘經意也。大乘別論者。即是釋論地論波若論別釋經故也。問論是何義。答直名論交言曰論又云。賓主往復爲論也。今依關中序云。論者欲以窮其源盡其理也。又言論者。盡其言也。他問。盡言爲論者。爲當用言爲論爲當。用無言爲論若用言爲論。言那得導盡言。若用無言爲論者。復何得盡言耶。答導盡言爲論。那得用言爲論。若無言何得盡。是故賓主。交言爲欲盡言以爲論也。若不交言。言何。由盡也。問云。交言爲欲盡言。答論主之難擬無不推。外人無不屈。外人若不屈。即斷常不盡擬。若不推。戲論不消。戲論不息。則中不生。斷常不盡觀。則不發中。若不生則佛性不現。波若不顯。今斷常息。所以中生觀發。中生觀發故佛性現波。顯。是故以盡言爲論也。問但盡邪言爲盡。爲盡正言。答。盡耶。答。一往爲論。但盡邪言。二往爲論。邪言既盡正言亦息。問論主既言那得盡言。答論主爲論盡言。是故言也。如大論云。執事比丘舉手唱言衆皆寂靜。此是以聲遮聲。非求聲也。今以言盡言。非立言也。

次合釋三字者。以爲二意。以中對觀。即是境智之名。以觀對中。即是智境觀。即是境智。以境是中實故生觀。便是正觀。以觀正故。所以境即是中。故中發於觀觀發於中也。所言中發觀者。由諸法不生不滅無來無去。是故能

發菩薩正觀。故理乘云。十二因緣。不生不滅。非因非果。故能生觀者。猶如胡朮能發熱病。是中發於觀義也。觀發中者。以觀正故。能了達諸法皆無生滅。是觀發於中也。以觀對論爲行說者。觀論即是如行而說。論觀即是如說而行。如行而說。即是說我所行。如說而行。即是行我所說。說我所行故名爲中論也。行我所說故名中觀也。問此中觀論三字通別云何。答通而爲論三字皆中皆觀皆論也。所言三字皆中者。中既不生不滅。觀亦不生不滅。故即是中。中即所行不生不滅。觀即能行不生不滅。中即所照不生不滅。觀即能照不生不滅。論即是能論不生不滅。所論不生不滅。既是中能論不生不滅。亦是中也。三字皆觀者。中即是義相觀。觀即是心行觀。論即是名字觀。故三字名觀也。三字皆論者。論則是能論故。能論既是所論中觀亦是也。

第四無方問答也。問經中二諦論中二諦。經中中道論中中道同異云何。答通而爲論更無異也。論中二諦既即論中二諦也。經中二諦亦即是經中二諦也。通而致別。經中所辨。則前假後中。論中所辨。即前中後假也。所以然者。經中前明二諦教門。說此二諦爲表不二。如說空有爲俗有空爲眞。空有爲俗。有不自有。有即是假。有空爲眞。空不自空。空即是假。故此空有既是假名。因此空有之假。表非空非有。不二中。是經中前假後中。故因假得中。因教悟理也。若是論中則前中後假。將執教之緣聞有即住

有。問無即住無。此有無即成性實故。龍樹破此性實明諸法非有非無。即破性有故云非有。破性無故云非無。非有非無即是雙去。不知何以名強爲中。是前明中義。因此中悟假。由非有非無中故。得生而有而無之假。是前中後假也。

問經中明中實與論中辨中實同異云何。答若是經中明二諦教實。若是論中已辨中實即理實也。

問中教實云何理實云何。答教實者。即是諸佛二諦教門成諦之言以爲實。若是理實。則是明諸法不空不有實相爲實也。復有於緣實義。有於凡是實空。於理是實。此二緣故稱兩實也。問答未盡。付入中文辨也。又成實論師云。三論師不得破成論。三論師云得破也。成論師言不得破。意以有八義故。何等是八。一者破異同。二者明二諦同。三明中道同。四明波若同。五明人同。六明異出世故。七明破小大同。八明破而有立故也。第一破異同者可辨也。第二明二諦同者。成論十號品云。不說世諦爲第一義諦。說第一義諦爲世諦也。又論文品云。有我爲世諦。無我爲第一義諦故。不得破也。三明中道同。論有無品云。方便說有。方便說無。若決定有即墮常邊。若決定無即墮斷邊。離有無二邊名爲中道也。四明波若同者可解也。五明人同者。增一阿含云。是故比丘當成四諦故也。六明異出世者。龍樹七百餘年造論。呵梨跋摩亦八百餘年造論。如此有前後。前不得破後也。七明破大

小故不及者。放廣道人破故也。八明破而有立者。亦可知也。彼雖如此云。而三論家皆得破也。破方可解也。至理非有非無非因非果。而涅槃以無所有爲宗。大品以有所無爲宗。依涅槃經辨不有有十種無亦然。不有十種者。一就體明不有有。二就側明不有有。三就假有明不有有。四就舉用結體明不有有。五就萬法明不有有。六對病明不有有。七堅明不有有。八就有無明不有有。九者對無名有明不有有。十者還以諸用結明不有有也。一就體明不有有者。大經云正法寶城善有。此有是不有有也。此妄作何者。不二正法非有非無而強名善有故。此有是不有有也。二就側。有明不有有者。直從體起有。此有是不有有。何者空有故言不有有。所以。者側者。置無邊言有邊故也。三就假有明不有者。此假有是不有有。以假有非真有故。言不有有也。四舉用結體明不有者。此用有如體。是不有有故言不有有也。五就萬法明不有者。此萬法是不有有。以其空有故。故言萬法是不有有也。六對病明不有者。撥無闡提言一切無故。此無病明不有有故。言不有有也。七堅明不有者。有非有非非有。是不有有故言不有有也。八對無名有明不有者。以對無故言此有。是不有有也。九就有無明不有者。此有無非真有無故。言不有有也。十明不有還以諸用結體故。言不有有也。又能所四句義者。一經能經所。論能論所。合爲一句也。二經能爲論所。經所爲論能。論能爲經所。論所爲

經能。合爲一句。三經能所皆是經能。論能所皆是論能。合爲一句。四非能非所爲無句義也。經能者即是佛能說二智。經所者即是所說經教者。論能者即是菩薩二慧也。論所者即菩薩造論也。

問何故二智與佛二慧與菩薩。即答通而爲論。皆得相通。別而爲言。於佛二智菩薩二慧者。依大品經云。於佛種智一切種智。於菩薩道慧道種慧也。智是決斷義。慧是解知也。異句可知也。內道有四悉檀。一者世諦悉檀。二第一義悉檀。三對治悉檀。四各各爲人爲人悉檀也。外道亦有四悉檀。一平等悉檀。二不平等悉檀。三依止悉檀。四自證悉檀。又之可解也。

三論家對何人明三種中道耶。山止觀法師云。正對成實論明也。山師常讀誦大品經故。依之而說也。彼經云。言說是俗諦無言說是真諦。作中相可解也。而後師等。依中論文不生不滅等不轉依生滅明之也。用小頓悟師有六家也。一肇師。二支道林師。三真安瑤師。四邪通師。五理山遠師。六道安師也。此師等云。七地以上悟無生忍也。今。年天子竺道師用大頓悟義也。小緣天子。金剛以還皆是大夢。金剛以後乃是大覺也。又用五時教師不同也。白衣劉虬云。用七時。一樹王成道爲譬。說三歸等爲世俗教也。二爲說三乘別教則是三教并四時也。五大品維摩思益楞伽法鼓等是也。六者法華也。七者涅槃也。又用五時師慈觀開善等。如常聞也。而慧

經能。合爲一句。三經能所皆是經能。論能所皆是論能。合爲一句。四非能非所爲無句義也。經能者即是佛能說二智。經所者即是所說經教者。論能者即是菩薩二慧也。論所者即菩薩造論也。

●有●者二●理二●冠註曰年字原本不明

觀師云。從第二大品爲常教。何以知之。仁王經云。超度世諦第一義諦湛然常住。又偈云。一轉妙覺常湛然也。開善云。前四時皆是無常教也。用四時者。慧觀師也。大經云。五味相生解師不同也。劉虬云。從佛出十二部經者。即是世諦。及三乘別教。從十二部出修多羅者。太品經也。從修多羅出方等經者。即維摩思益等經也。從方等經出波若波羅蜜者。即法華經也。從波若波羅蜜出大涅槃等經也。即第五常住教也。開善慧觀師說。如常聞也。今三論家云。佛出十二部經者。世諦俗半教也。從十二部經出修多羅者。初半教也。從修多羅出方等者。維摩思益等也。從方等出波若波羅蜜者。太品經若經也。從波若波羅蜜出大般涅槃者。即是涅槃也。所以然者。波若爲因涅槃爲果故也。若爾波若能生一切法。應是法本也。何故初教爲法本耶。答理應波若是法本。所以初教爲法本者。此家不須五時次第。但以滿半故也。以半爲因。開滿教故也。問何故成論師等。從方等出波若波羅蜜者。爲第四法華教。不常經名耶。答見多寶塔品云。善哉釋迦牟尼佛。能以平等大會教菩薩法也。平等慧者。即是般若也。又涅槃爲本有三種。一者雙卷泥洹。即文謙法師翻。云胡音般泥洹。二者釋道安法師抄作雙卷。云胡本般泥洹。三者佛陀拔提作雙卷。云方等泥洹。智炎法師作十卷泥洹。又法顯法師自天竺將六卷泥洹。初雙卷後六卷也。此二部多行世也。雙卷者。但說涅槃第一第一卷也。六

卷者。唯說第一至第一卷也。涅槃四十卷者。智炎法師於武威郡孤城縣翻也。又曇無讖法師。自中天竺將來諸。巨牟憍國翻爲四十卷。後東安寺慧嚴師道場寺慧觀師。謝令郡作三十六卷。其來所以如傳云也。又竺道生師。涅槃未至漢地時。看六卷泥洹一闍提成佛。爾時國中諸大德云。泥洹無言闍提成佛。故而生師獨言闍提成佛。是故諸大德。擯生師虎山五百里也。晉末初宋元嘉七年。涅槃至陽州。爾時里山慧觀師。令喚生法師講此經也。又涅槃或云二萬五千偈。或云三萬五千偈。外國以三十二字爲一偈。而大品有二萬四千偈。以此而當涅槃有三萬五千偈也。略三論避意義終

No. 1856

### 鳩摩羅什法師大義卷上

宋國廬山慧遠法師。公少瞻儒道。擅堅白之名。及脫俗高尚。亦江左須彌。凡所述作。莫非皆是實歸之路。默問常安草堂摩訶乘法師鳩摩羅什。苻書云。什是天然大婆羅門。鳩摩羅炎之子也。其母須陀洹人。什初誕生。圓光一丈。暨長超絕。獨步閭浮。至平歸伏異學。歷國風靡。法集之盛。雲萃草堂。其甘雨所洽者。融倫影肇。淵生成寂。八子也。照明之祥。信有徵也。大乘經中深義十有八途。什法師一一開答。今分爲上中下三卷。上卷有六事。中卷

有七事。下卷有五事  
初問答眞法身 次重問答法身 次問答法身像類 次問答法身壽量 次問答三十二相 次問答受決

#### 初問答眞法身

遠問曰。佛於法身中爲菩薩說經。法身菩薩乃能見之。如此則有四大五根。若然者。與色身復何差別。而云法身耶。經云法身無去無來。無有起滅。泥洹同像。云何可見。而復講說乎

什答曰。佛法身者。同於變化。化無四大五根。所以者何。造色之法。不離四大。而今有香之物。必有四法。色香味觸。有味之物。必有三法。色味觸。有色之物。必有二法。有色有觸。有觸之物。必有一法。即觸法也。餘者或有或無。如地必有色香味觸。水有色味觸。若水有香。即是地香。何以知之。眞金之器用承天雨。則無香也。火必有觸。若有香者。即是木香。何以知之。火從白石出者。則無香也。風但有觸。而無色也。若非色之物。則異今事。如鏡中像水中月。見如有色。而無觸等。則非色也。化亦如是。法身亦然。又經言法身者。或說佛所化身。或說妙行法身。性生身。妙行法性生身者。眞爲法身也。如無生菩薩。捨此肉身。得清淨行身。又如法華經說。羅漢受起爲佛。經復云。羅漢末後之身。是二經者。皆出佛口。可不信乎。但以羅漢。更不受結業形故。說言後邊耳。譬如法身菩薩。淨行生故。說言作佛。如是佛事。雖皆是實。而有參差。有真有偽。眞

法身者。遍滿十方虛空法界。光明悉照無量國土。說法音聲。常周十方無數之國。具足十住菩薩之衆。乃得聞法。從是佛身方便現化。常有無量無邊化佛。遍於十方。隨衆生類若干差品。而爲現形。光明色像。精麁不同。如來真身。九住菩薩尙不能見。何況惟越致及餘衆生。所以者何。佛法身者。出於三界。不依身口心行。無量無漏諸淨功德本行所成。而能久住。似若泥洹。眞法身者。猶如日現。所化之身同若日光。如首楞嚴經。燈明王佛壽七百萬阿僧祇劫。與此釋迦同。是彼一身無有異也。若一佛者。此應從彼而有。法性生佛所化之佛。亦復如是。若言法身無來無去者。即是法身實相同於泥洹。無爲無作。又云。法身雖復久住。有爲之法。終歸於無。其性空寂。若然者。亦法身實相無來無去。如是雖云法身說經。其相不生不滅。則無過也。

#### 次重問法身并答

遠問曰。法身實相無去無來。般若經中法上菩薩。答常悲已有成觀。又法身同化。如鏡像之類。方等諸經引喻言。日月宮殿不移。而光影現於江河。此二條是所不疑。今所問者。謂法性生身妙行所成。毘摩羅詰經善權品

云。如來身者。法化所成。來答之要。似同此說。此一章所說列法。爲是法性生身所因。非若是前因者。必由之以致果開。致果之法。爲與實相合。不若所因。與實相合。不離餘垢。則不應受生。請推受生之本。以求其例。從凡夫人。至聲聞得無著果。最後邊身。皆從煩惱生。結業所化也。從得法忍菩薩。受清淨身。上至補處大士。坐樹王下取正覺者。皆從煩惱殘氣生。本習餘垢之所化也。自斯以後生理都絕。夫生者。宜相與癡言。若大義所明。爲同此不。若同此。請問所疑。得忍菩薩。捨結業受法性生身時。以何理而得生耶。若由愛習之殘氣。得忍菩薩煩惱既除。著行亦斷。尙無法中之愛。豈有本習之餘愛。設有此餘。云何得起。而云受身。爲實生爲生耶。不生爲生乎。若以不生爲生。則名實生。便當生理無窮。若以生爲生。則受生之類。皆類有道。假令法身菩薩。以實相爲已住。妙法爲善因。至於受生之際。必資餘垢以成化。但當換之。以論所有理耳。今所未了者。謂止處已斷。所宅之形。非復本器。昔習之餘。無由得起。何以知其然。煩惱殘氣。要從結業後邊身生。諸以効明之。向使問舍利弗。常禪定三昧。聲色交陳於前。耳目無用。則受淡泊而過。及其在用。暫過。鼻眼之凡夫。便損虧大。乘。失賢支想。所以爾者。由止處未斷。耳目有所對故也。至於忘對。由尙無用。而況絕五根者乎。此既煩惱殘氣。要由結業五根之効也。假使慈悲之性。化於受習之氣。發自神本。不待諸根。四大既絕。將何

所攝而有斯形。陰陽之表。豈可成而化乎。如其不可。則道窮數盡。理無所出。水鏡之喻。有因而像。眞法性生。復何由哉。

什答曰。後五百歲來。隨諸論師。遂各附所安。大小判別。小乘部者。以諸賢聖所得無漏功德。謂三十七品。及佛十力。四無所畏。十八不共等。以爲法身。又以三藏經。顯此理。亦名法身。是故天竺諸國。皆云。雖無佛生身。法身猶存。大乘部者。謂一切法無生無滅。語言道斷。心行處滅。無漏無爲。無量無邊。如涅槃相。是名法身。及諸無漏功德。并諸經法。亦名法身。所以者何。以此因緣。得實相故。又大乘法中。無決定分別。是生身是法身。所以者何。法相畢竟清淨故。而隨俗分別。菩薩得無生法忍。捨肉身。次受後身。名爲法身。所以者何。體無生忍力。無諸煩惱。亦不取二乘證。又未成佛。於其中間所受之身。名爲法性生身。然諸論師。於此法身。而生異論。或言無諸煩惱者。已得涅槃。不應復生。如。如自在王經說。佛告自在王菩薩。我於燃燈佛時。通達四自在。卽於爾時。已得佛道。入於涅槃。是吾末身也。自在菩薩言。若爾時得涅槃者。從是以來。復何所作。佛言。自利已辦。但爲教化衆生。淨佛國土。具足諸神通力威德故。以此因緣。可知身分雖盡。常以化身。度脫衆生。或言是事不然。所以者何。若爾時得涅槃。實道者。身分都盡。又無心意。云何能現化五道。度脫衆生。淨佛土耶。譬如實有幻師。然後能幻事。若無幻師。則無幻事。是故菩薩。得無生法忍。雖無

煩惱應有餘習。如阿羅漢成道時。諸漏雖盡。而有殘氣。但諸羅漢。於諸衆生中。無大悲心。諸有餘習。更不受生。而菩薩於一切衆生。深入大悲。徹於骨髓。及本願力。並證實際。隨應度衆生。於中受身。存亡自在。不隨煩惱。至坐道場。餘氣及盡。若不爾者。佛與菩薩。不應有別。或言得無生法。忍苦薩有二。一者得五神通。二者六神通。得五神通者。煩惱成就。但不現前。如人捕得怨賊。繫之在獄。不能爲患。如是諸菩薩。無生忍力。故制諸煩惱。永不復生。但以清淨心。修六波羅蜜功德。如凡夫人。成就三界煩惱。上二界煩惱。不現在前。雖有煩惱。無所能爲。住五神通。種種現化。度脫衆生。故留餘結。續復受生。若無殘結。則無復生。猶如寶米。故留穀種。漸漸具足六波羅蜜。教化衆生。淨佛國土。乃坐道場。捨煩惱結。然後成佛。具六神通者。所作已辦。自利足。如阿羅漢時支佛。無復異也。此身盡已。更不受生。但以本願大悲力故。應化之身相續不絕。度衆生已。自然成佛。所度既畢。自然而滅。先是實滅。以汲引衆生故。變化其身。令復示其都滅。又三藏論師。菩薩雖得六神通。不盡諸漏。行四無量心。生色界中。乃至末後身。生羅睺羅。於尼連禪河浴。爲大水所漂。力不能制。嫌恨五人捨我而去。坐道場時。以十六心。得阿那含。以十八心。斷無色界結。以三十四心。破一切煩惱。得一切智。成佛已。具受人法。飢渴寒熱老病死等。雖心得解脫。身猶有礙。但以一切智慧大悲心爲勝耳。如是等諸論

義師。皆因佛語。說菩薩相。於是各生異端。得中者少。意謂菩薩得無生法忍。捨生死身。即墮無量無邊法中。如阿羅漢。既入無餘涅槃。墮在無量無邊法中。不得說言。若天若人。若在若滅。何以故。因緣故名爲人。因緣散自然而息。無有一定實滅者。但名有變異身。得如是法門。便欲滅度時。十方佛告言。善男子。汝未得如是無量無邊見。頓佛身。又未得無量禪定智慧等諸佛功德。汝但得一法門。勿以一法門故。自以爲足。當念本願。憐愍衆生。令不知如是寂滅相故。墮三惡道。受諸苦惱。汝所得者。雖是究竟真實之法。但未是證時。爾時菩薩。受佛教已。自念本願。還以大悲。入於生死。是菩薩名之不在涅槃。不在世間。無有定相。以種種方便。度脫衆生。設有問言。菩薩答爾。無復實生。受勤苦。無諸惱患。功勳甚少。應答是事不然。著於凡夫時。以顛倒著心。要期果報。雖修苦行。皆非實行。今得諸法實相。具涅槃樂。而入生死。化度衆生。是爲希有。設復問言。若此人戲想都滅。又無我心。何復以功德希有耶。應答菩薩之心。無有斯事。但爲分別者。言有大有。如師子有大力。不以爲大。但餘特以爲大耳。又如神藥。爲益衆生故。出於世間。而無分別。但餘人知有大力。如之人言。身畢竟寂滅相。如幻如夢。如鏡中像。不可以生相不生相爲難。何以故。此人墮在無數量。不應以戲論求之。但以人妄謂。菩薩有至道場。盡諸結使。斷彼意故。說言菩薩。唯有結使殘氣耳。如大乘論中說。結有二種。

一者凡夫結使。三界所繫。二者諸菩薩得法實相。滅三界結使。唯有其深佛法中。愛慢無明等細微之結。受于法身。愛者。深著佛身。及諸佛法。乃至不惜身命。無明者。於深法中。不能通達。慢者。得是深法。若心不在無生忍定。或起高心。我於凡夫。得如是寂滅殊異之法。此言殘氣者。是法身菩薩結使也。以人不識故。說名爲氣。是殘氣不能使人入於三界。唯能令諸菩薩。受於法身。教化衆生。具足佛法。譬如凡夫結使。或有障天人道者。所謂邪見。瞋恚。慳嫉等。以甚惱害衆生故。或有不障者。所謂身見。戒取。愛慢。無明等。以其不惱衆生故。結使或生三界。亦如是。是故菩薩亦名得解。亦名未脫。於凡夫結使爲脫。於佛功德結使未脫。或言得六神通。爲盡三界結使故。或言得五神通。爲未破菩薩結使故。又言。尚無法中之愛者。謂無凡夫二乘法中之愛。所以者何。菩薩出過二地故。如須陀洹。知一切法無常苦患。即不生愛。若心不在道。即有所愛。又如羅漢。於一切中無所愛。於佛法中。而有所愛。如舍利弗。摩訶迦葉。聞佛甚深智慧。無量神力。便與以言。若我本知佛功德如是者。在於地獄中。寧一脇著地。乃至運劫。於佛道中。心不應有悔。又諸聲聞。皆大號泣。聲振三千大千世界。云何乃失如是大利。是故二乘成道。雖斷三界愛結。於佛功德法中。愛心未斷。諸菩薩。忽如是無生忍力故。總言一切無所愛。而念佛恩重。深愛佛法。但不起戲論耳。若於一切法中。已斷愛者。即不復能具足



上地。而此人未滿應滿。未得應得。又言。正處已斷。所宅之形非復本器。昔習之餘。無由得起者。三界外形現妙。愛習之餘亦微。是故設復異形。理相因發。即無過也。又此涅槃而爲障。如大乘經。一切法從本以來。常寂滅相。一切衆生所作已辦。但無明等諸結使障故。不能自知我等即是寂滅相。菩薩如是滅除障礙。爾乃自知我今作佛。若無菩薩結使障者。先已是佛有三種障。一者三界諸煩惱障。涅槃道二乘菩薩結使障。於佛道此最難斷。以其微隱故。譬如怨賊界避。內賊難識難知。得無生法忍時。世間實相雖破凡夫結使。未除佛道結使。於佛道中。猶有錯謬。若無錯謬。得無生法忍時。即應是佛。若欲教化衆生淨佛國土。便可一時頓具。何以故。得先破實智故。所以不得爾者。以有微障故。又無生忍力。但能破邪戲論等。示諸法實相。後得佛時。乃於一切法中。通達無近無遠無深無淺。問有菩薩阿尼曇。當廣分別結使相。如聲聞阿尼曇廣分別根本十結。又言四大既絕。將何所構。而有斯形者。既云生陰不絕。法身之應無所疑也。但阿尼曇法摩訶衍法。所明各異。如迦旃延阿尼曇說。幻化夢響鏡像水月。是可見法。亦可識知三界所繫陰界入所攝。大乘法中幻化水月。但誑心眼。無有定法。又小乘經說。化人爲何界所攝。答無處所。今以大乘法論說法身。無有四大五根幻化之事。肉眼所見。尚無所攝。何況法身微妙耶。是故但無三界龜四大五根耳。爲度衆生因緣故現。

緣盡則滅。譬如日現清水。濁則不見。如是諸菩薩。常在法性中。若衆生利根福德清淨者。即隨其所見。應度之身。復次若欲求其實事者。唯有聖人。初得道時。所觀之法。滅一切戲論。畢竟寂滅相。此中涅槃相。生死相。尚不可得。何況四大五根。如是不應以四大五根爲實。謂無此者。即不得有法身也。如一有爲法。皆隨妄不實。有爲法者。即是五陰。五陰中最龜者。所謂色陰。若然者。虛妄之甚。不過四大。所以者何。思惟分。裂。乃至微龜亦復不有。論中廣說。但於凡夫數法和合。得名色陰。色陰無有決定。何況四大五根。是故不得以凡夫虛妄所見色陰。以爲實證。而難無量功德所成之身。若欲取信者。應信法身。如經中說。所有色。皆從四大有爲三界繫使因緣故。說菩薩法身四大五根。同如變化。不得以之爲一也。又欲界色界衆生。以四大五根桎梏不得自在。乃至阿羅漢辟支佛。心雖得離三界之累形。猶未離寒熱飢渴等患。法身菩薩即不然。無有生死。存亡自在。隨所變現。無所罣礙。

#### 次問眞法身像類并答

遠問曰。衆經說佛形。皆云身相具足。光明徹照。端正無比。披服德式。即是沙門法像。眞法身者。可類此乎。若類於此。即有所疑。何者。佛變化之形。託生於人。於人中之上。不過於轉輪聖王。是故世尊。表出家之形殊妙之體。以引凡俗。此像類大同。宜以精龜爲階差耳。且如來眞法身者。唯十住之所見。與群龜

隔絕。十住無師。又非所須。縱使有待於來。足不俟之以進業。將何所引。而有斯形。若以功報。自然不期而後應。即菩薩不應標假有位。以立德本。

什答曰。佛法身菩薩法身。名同而實異。菩薩法身雖以微結如先說。佛法身即不然。但以本願業行因緣。自然施作佛事。如密迹經說。佛身者無方之應。一會之衆生。有見佛身金色。或見銀色車渠馬瑙等種種之色。或有衆生見佛身與人無異。或有見丈六之身。或見三丈。或見千萬丈形。或見如須彌山等。或見無量無邊身。如以一音。而衆生隨意所聞。或有聞佛音聲。崇滿微妙。如迦陵頻伽鳥。白鶴之聲。如獅子吼聲。如野牛王聲。如打大鼓之聲。如大雷聲。如梵王聲等。種種不同。有於音聲中。或聞說布施。或聞說持戒禪定智慧解脫大乘等。各各自謂爲我說法。是法身神力無所不能。若不爾者。何得一時演布種種音聲種種法門耶。當知可皆是法身分也。白淨王宮佛身。即是法身分。不得容有像類。何以故。釋迦牟尼佛身。能一時於千萬國土。皆作佛事。種種名號種種之身。教化衆生。言十住無師者。爲下凡夫二乘九住已還。可非於諸佛。言無師也。乃至坐道場菩薩。尚亦有師。何況十住。如十住經中說。菩薩坐道場欲作佛。爾時十方佛口中放光明。來入其頂。是菩薩即時深入無量三昧諸佛三昧陀羅尼解脫等。通達過去未來劫數。無量劫爲一劫。一劫爲無量劫。一微塵爲無量色。無量色爲

一微塵。分別無量十方三世國土名號。及衆生名字行業。因緣本末。種種解脫。道門次第。以一。心相應。通達一切法。得無礙解脫。

名之爲佛。無礙解脫是佛法之根本。如經說。十住菩薩當知如佛。是佛讚歎十地功德。如讚誦法華者。卽爲是佛。又言。我以兩肩荷負此人。又如放鉢經中。文殊師利語彌勒大士。汝可取鉢。彌勒不能取之。文殊師利。卽申其臂。下方取鉢。爾時彌勒語文殊師利。汝今雖有如是之力。我作佛時。如汝之比。無量無數。不能知我舉足下足之事。而此大菩薩。皆是十住。施佛法不可思議。皆不能及。又文殊彌勒等。於佛法中。處處多有所問。或爲利益衆生故。或復自爲利益。使得甚深佛法故。若然者。云何言十住無師耶。又諸大菩薩。不分別。是龜是細。能觀一切法皆細。能觀一切法皆龜。如般若波羅蜜經中說。須菩提。世尊。般若波羅蜜甚深。佛言。菩薩觀般若波羅蜜。觀淺亦失。是故不得說。如眼所見爲龜。心所見爲細。大菩薩聞已。離於眼等諸根。但以法界。從佛聞法。如不可思議解脫經中說。文殊師利。與十方菩薩。在佛會中。共坐聽法。而能身南國遊行。又大菩薩。常在定中。而能見佛聽法。聲所不能及。如思益中說。普華菩薩問舍利弗。汝入滅盡定。能聽法不。答言不能。菩薩卽能。如是法身菩薩所能行。無量不可思議。若有果報生身。三根者。可有此難。精龜不同。然體平等者。身心無復差別之相。復有人言。法身菩薩。利益衆生故。以眼等見佛聞

法施立供養。而有所聞。所以者何。欲爲開引新發意菩薩故。

大問真法身壽量并答

遠問曰。凡夫壽。皆行業之所成。成之有本。是故雖精龜異。體必因果。乘來答云。法身菩薩非身口意業所造。若非意業。卽是無因而受果。其可然乎。如其不然。妙體之來。由何而得。又問從法忍菩薩。始還法身。鑒于十住。精龜優劣。不可勝言。其中所受。皆有命根長短。亦應隨精龜而爲壽量。自十住已還。不復精論。今所問者。旨在十住。十住經說。十住菩薩。極多有千生補處。極少至一生補處者。此卽是法身生。非若是者。必爲功報轉積漸造於極。以至一生也。爲餘垢轉消生理轉盡。以至一生乎。若餘垢轉消。卽同須陀洹七生之義。以聖道力故。不至於八。今十住不過千生者。爲是何力耶。若是遍學時。道力所制者。卽生理有限。不得至千。以是而推。卽不同生七可知。若功報轉積理極故。唯一生者。一生卽是後邊身。身盡於後邊。卽不得不取正覺。若不得不成。何故菩薩有自誓不取正覺者。自誓之言。爲是變化形。爲真法身乎。若變化形者。便是推假之說。若是真法身者。數有定極。卽不得有自誓無窮之言也。

什答曰。今重略叙法身有二種。一者法性常住如虛空。無有爲無爲等戲論。二者菩薩得六神通。又未作佛。中間所有之形。名爲後法身。法性者。有佛無佛。常住不壞。如虛空無作無盡。以是法八聖道分六波羅蜜等。得名爲法。乃至經文章句。亦名爲法。如須陀洹得是法分。名爲初得法身。乃至阿羅漢辟支佛。名後得法身。所以者何。羅漢辟支佛。得法身已。卽不復生。一界。是佛分別三乘義。故不說有法所去處。准法華經。有此說耳。若處處說者。法華經不名爲祕要之藏。又亦不能令人多修習涅槃道。盡諸漏結。是故天竺但言歌耶。秦言或名爲身。或名爲衆。或名爲部。或名法之體相。或以心心數法名爲身。如經說六識身。六觸身。六受身。六愛身。六相身。六思身等。始八聖道等衆事和合。不相離故。得名爲身。得無生法忍菩薩。雖是變化虛空之形。而與肉身相似故。得名爲身。而此中真法身者。實法體相也。言無身口意業者。是真法身中說。或有人言。得無生法忍菩薩。解能業相。壞三界業故。但以大悲心。起菩薩事。以壞業故名爲無業。謂無如凡夫分別之業耳。如佛言。我從得佛已來。不復起業。滅業相故。名爲非業。又諸菩薩。有所起業。皆與無生忍合故。名爲無業。是故菩薩施業中。不分別取相名爲無業。經言千生者。所未聞故。不得委要相答耳。如普賢觀世音文殊師利等。是十住菩薩。具足佛十力。四無所畏。十八不共法。以本願廣度衆生。故不作佛。如文殊師利受記經中說。若干阿僧祇劫。當得作佛。而釋迦文佛等。皆以文殊師利。爲發意因緣。爾時勢力已成。如是推求本末。卽不限千生也。若經言有千生者。卽是本無別願久住世間。或是鈍根未具足。諸佛法故。卽有多生。若功德

具足者，即是一生，又功德積滿，唯有一生，不得不成正覺菩薩有二種。一者功德具足，自然成佛。如一切菩薩，初發心時皆立過。度言，我當度一切衆生，而後漸漸心智轉明，思惟籌量，無有一佛能度一切衆生，以是故諸佛得一切智，度可度已而取滅度，我亦如是。二者或有菩薩，猶在肉身，思惟分別，理實如此，必不得已，我當別自立願，久住世間，廣與衆生爲緣，不得成佛，譬如有人，知一切世間皆歸無常，不可常住，而有修習長壽業，行往非有相非無相處，乃至八萬劫者，又阿彌陀等，清淨佛國，壽命無量。

### 次問修三十二相并答

遠問曰：三十二相，於何而修，爲修之於結業形，爲修之於法身乎？若修之於結業形，即三十二相非下位之所能，若修之於法身，法身無身口業，復云何而修？若思有二種，其一不造身口業，而能修三十二相，問所緣之佛，爲是眞法身佛，爲變化身乎？若緣眞法身佛，即非九住所見，若緣變化，深詣之功復何由而盡耶？若眞形與變化無異，應感之功必同，如此復何爲獨稱眞法身佛妙色九住哉？

什答曰：法身可以假名說，不可以取相求，所以者何？聲聞三藏法中，唯說佛十力等諸無漏法爲法身，佛滅度後，以經法爲法身，更無餘法身名也。聲聞衍中說，菩薩無生法忍，斷諸煩惱，爲度衆生故，而爲受身，諸論議師，名此爲法身，何以故？是中無有結使，及有漏罪業，但是無爲清淨六波羅蜜果報，此身常有

自在無礙，乃至成佛也。轉輪聖王，人中第一，唯有三十二相，是故菩薩應世之身，有三十二相，於生死中，種其因緣，於菩薩法身，令增益明淨，所以者何？三十二相，凡夫亦有，非爲難事，如佛弟難陀，前身以難黃，盡辟支佛塔，而作是願，願我當得金色相好之身，如是福德因緣，壽終之後，爲波羅捺國，造利奢王子，復見迦葉塔，心懷歡喜，即中作蓋，以是因緣故，天人中受無量福樂，末後生爲迦毘羅婆國白淨王子，具三十二相，出家學道，得阿羅漢，於諸端正比丘中，最爲第一，阿泥律陀，供養波利陀，辟支佛，七世生忉利天上，七世生人中，作轉輪聖王，七寶具足，得三十二相，又如佛言，汝等比丘，見有受最上樂者，當知我亦曾受如是樂，所以者何？從無始世界以來所生之處，無不運歷，而今雖復惡世，猶有得一相二相五三相者，以是故知，生死身中，修諸相好，但相好所得，莊嚴清淨，光明照耀，威德具足，名爲佛，所問三十二思者，迦旃延弟子，自以意說耳，非佛所說，又所謂三十二思者，非一念中具也，一念時促不住，事不成辦，一切有爲法，要須和合能有所成，如人見三十二人過惡，若欲害者，非但一念，然當斷命時，乃名殺心，雖前後多有殺心，但是得名稱三十二相，有人言，菩薩若見佛身，若見佛有三十二相，以所修福德迴向，願我得如是果報，或時佛爲人說修三十二相法，人眼見佛三十二相，便發願言，我當於未來世，得如是相，然後以淨功德，令其成就，如先下

種後加既滿，如施草蔭，林等，得立安相，施燃灯明等，得大光明相，慈悲等觀衆生，得紺青眼，常以頭面，敬師長賢聖，及施蓋帽等，因緣故，得肉髻相，或有人不從佛聞，亦不從佛，但聞他說有三十二相，或自讀經書，便發願言，我得三十二相，漸漸滿足，如上所說，或有人，若見佛若不見佛，其心無在，但聞大乘義，於衆生起慈悲心，欲以諸法實相，利益衆生，願我當得第一心身，汲引衆生，令信我說，如印經中佛爲彌勒說，有七因緣，發阿耨多羅三藐三菩提心，一者佛令發心，二者見正法壞時，護持法故發心，三者見衆生可愍故發心，四者菩薩令發心，五者見人發心亦發心，六者大布施故發心，七者聞佛有三十二相八十隨形好而發心，佛告彌勒，前三發心必得成佛，不復退轉，後四發心，不能當定多有退轉，是故當知，種三十二相，其事不同，又法身菩薩者，經亦不了，說有法身國土處所也，但以理推之，應有法身，若諸菩薩滅諸煩惱，出於三界，既無生身，亦不入涅槃，於是中間，若無法身，其事云何？是故諸論師言，於此中間，從無漏法性生身，名爲法身，又此非從一身而已，隨本功力多少，而有其身，或有二身三身十身百千萬無量阿僧祇身，乃至無量十方世界，皆現其身，爲具足餘佛法，兼度衆生故，迦旃延阿毘曇中，無漏法，元有果報，何以故？聲聞法中但說三界事，及小涅槃門，大乘中過凡夫法，及小涅槃門，更說清淨大乘事，如不可思議經等，如凡

①廣二願 ②廣二蓋 ③造二告 ④林二床 ⑤清二青 ⑥從二見 ⑦生十(中) ⑧元二無



見上身也。如上諸身。能度衆生。破除塵勞者。雖精妙不同。皆爲是實。於妙中。又有妙焉。乃至眞法身。十住菩薩。亦不能具見。唯諸佛眼。乃能具見。又諸佛所見之佛。亦從衆緣和合而生。虛妄非實。畢竟性空。同如法性。若此身實。彼應虛妄。以不實故。彼不獨虛妄。虛妄不異。故能妙同。宜以眞身。能爲衆生作微妙因緣。令出三界。安住佛道。亦不名爲眞也。

### 次問受決法并答

遠問曰。受決菩薩。爲受眞法身決。爲變化之決。若受變化之決。則釋迦受決於定光。彌勒受決於釋迦。是也。斯類甚廣。皆非眞言。若受眞法身決。後成佛時。則與群衆永唯。絕當十住菩薩。共爲國土。此復何功何德也。若功德有實。應無師自。貴。復何人哉。如其無實。則是權假之一數。經云。或有菩薩。後成佛時。其國皆一處補處。此則十住共爲國土明矣。若果有十住之國。則是諸菩薩終期之所同。不應云說或有。或有而非眞。則是變化之流。如此眞法身佛。正當獨處於玄廓之境。

什答曰。說菩薩受記者。各各不同。或有人言。爲利衆生故。與其受記。或以肉身菩薩。於無量劫久行菩薩道。爲彼受記。示其果報。安慰其心耳。或云變化能中有受記義。義於法身。則無此事。或有人言。受記是實事。唯應與法身受記。不應爲變化身也。復此何功德者。如來智德無量無邊。利益十住。其功最勝。以彼利根所受彌廣故也。如般若中說。供養無

量阿惟越致。不如一人疾作佛者。言無師自覺者。但不目外道爲師耳。此義上以明。若如實。諸者。諸佛威儀。事。尙不可知。何況受記深奧義乎。有衆生未發心。而佛與受記。有人現前發心。不與受記。有人發心時。便與受記。於生死身得無生法。而爲受記。有捨生死身受法身。而得受記。如文殊師利等是也。有菩薩。從無量諸佛受記。如釋迦牟尼。從燃燈佛。蓮華上佛。華上名佛。乃至迦葉佛。皆從受記。有天王佛。與釋迦牟尼眞身受記。或於大法身菩薩衆中。是菩薩雖於大衆中。佛先受記。不以爲說。何以故。自知處處身受記故。不以一身受記爲喜。亦不可見喜事故。譬如阿那婆達多龍王受記時。阿闍世王言。汝得大利。於大衆中受記爲佛。龍王言。誰受記者。若身也。身如瓦石。若心也。心如幻化。離此二法。無受記者。當知有何利。而生歡喜也。若我受記。一切衆生。亦當受記。其相同故。如是無量不可思議。不應以事迹爲難。又諸佛菩薩。身量。音聲說法。無量神通方便。爲利益菩薩。兼利衆生故。而與受決。難言。衆生不應說云。或有者。佛法無量。不可頓盡。隨時應物。漸爲開示。十住之國。是諸菩薩終期所同。理故然矣。佛種種廣分別諸菩薩相。故。住生品中說言。或有獨處玄廓之境者。若以獨處玄廓爲本。來化衆生。此復何答。諸佛從無量無邊智慧方便。其身微妙不可窮盡。衆生功德。未具足故。不能具見佛身。唯佛與佛乃能盡耳。功德智慧等。皆亦如是。如四大河從

阿那婆達多池出。皆歸大海。人但見四河。而不見其源。唯有神通者。乃能見之。人雖不見。推其所由。必知有本。又彼池中清淨之水。少福衆生。不能得用。從彼池出。流諸方域。爾乃得用。其佛法身。亦復如是。當其獨絕於玄廓之中。人不蒙益。若從其身。化無量身。一切衆生。爾乃蒙益。

鳩摩羅什法師大義卷上

### 鳩摩羅什法師大義卷中

宋國廬山慧遠法師。默問常安草堂。摩訶乘法師鳩摩羅什。大乘經中深義。十有八途。什法師一一開答。分爲上中下三卷。上卷有六事。下卷有五事。

次問答法身感應 次問答法身盡本 次問答造色法 次問答羅漢受決 次問答觀佛三昧 次問答四相 次問答如法性真際 問法身感應并答

遠問曰。天形開莫善於諸根。致用莫妙於神通。故曰菩薩無神通。猶鳥之無翼。不能高翔遠遊。無由廣化衆生淨佛國土。推此而言。尋源求本。要由四大。四大既形。開以五根。五根在用。廣以神通。神通既廣。隨感而應。法身菩薩。無四大五根。四大五根則神通之妙。無所因假。若法身獨運。不疾而速。至於會。應難龜必先假器。假器之大。莫大於神通。故經稱如來有諸通慧。通慧則是一切智海。此乃

①以十(此)②貴二覺③原本冠註曰惑有二字更動④原本冠註曰義字更動⑤諸二語⑥(有人)⑦十於⑧中十(與受記)⑨身十(無)⑩住二住⑪英十(達)⑫天二夫⑬(無)⑭十四

萬流之宗會。法身祥雲之所出。運化之功。功由於茲。不其然乎。不其然乎。若神通乘來器。以致用。用盡故無器不乘。斯由吹萬不同。統以一式。自本而觀。異其安在哉。則十住之所見。絕於九住者。直是節目之高下。管窺之階差耳。

什答曰。法身義以明法相義者。無有無等戲論。寂滅相故。得是法者。其身名為法身。如法相不可戲論。所得身亦不可戲論。若有若無也。先言無四大五根。謂三界凡夫龜法身。如法相寂滅清淨者。身亦微細。微細故。說言無如欲界天身。若不令人見則不見也。色界諸天。於欲界天亦爾。又如欲界人得色界禪定。有大神通。而餘人不見。以微細故。又如禪定。無。數色。雖常隨人。而不可見。雖有而微。微故不現。菩薩四大五根。復微於此。凡夫二乘。所不能見。唯同地以上諸菩薩。及可度者。乃能見耳。又如變化法中。說欲界變化色。依止欲界四大。色界變化色。依止色界四大。菩薩法身如是。似如變化。然別自有微細四大五根神通。非可以三界繫心。及聲聞心。所能見也。若得菩薩清淨無障礙眼。乃能見之。如不可思議解脫經說。十方大法身菩薩。佛前會坐聽法。爾時千二百五十十大阿羅漢。佛左右坐。而不能見。以先世不種見大法身菩薩會坐因緣故。如人夢中見天上之圖觀。及至覺時。設近不見。又如人入水火三昧。若不聞者。雖共一處。都無所見。或人言法身菩薩神通。不須因假四大五根乃有施用。世間神

通要因四大五根耳。如地上火因木而出。天上電火從水而出。及變化火亦不因木。有。當知不得以四大五根。定為神通之本。如佛變化種種之身。於十方國。施作佛事。從佛心出。菩薩法身亦如是。任其力勢。隨可度衆生。而為現身。如是之身。不可分別戲論。如鏡中像。唯表知面相好醜而已。更不須戲論有無之實也。若神通乘來器以致用。用盡故無器不乘者。聖人所可引導群生器用。無非神通。皆是初通中說神通之事。或有功行所成。或有果報所得。若以果報得者。不須功業。隨意應物。非果報得者。假於定力。乃有所用。若九住十住所見。龜細不同者。是則為異。十住所見之身。雖妙。亦非決定。何故。唯諸佛所見者。乃是法身決定。若十住所見是實者。九住所見應是虛妄。但此事不然。故有所見精龜淺深為異也。乃至須陀洹。但見實相身。十住大菩薩。亦同所見。如蚊子得大海之底。乃至羅睺阿修羅王。亦得其底。雖得之是同。而深淺有異。則因佛法身相精龜。了聲聞人。及初習行菩薩。因丈六身。而得實相。或有菩薩。功德純厚。信力彌固。所見之身。過於丈六。隨愛色而得實相。如密迹經說。得無生忍阿惟越致菩薩。所見佛身。無量無邊。世間端正第一無比。而不取相。不生貪著。因此身已。得甚深三昧陀羅尼等。如是轉勝。如聲聞法中。所有不同須陀洹。欲得斯陀含道。捨本所得大道。雖非顛倒。以斯陀含道微妙大利故。如人為大利故。捨於小利。菩薩從一地至一地亦如

是難得無生法忍。實事為定。而得一地捨一地。以本地鈍不明了。不微妙故。此一俱趣佛道。不名為異同也。不出於實相故。實相則是無復別異。大小菩薩分別佛身者。所見為異。

### 次問法身佛盡本習并答

遠問曰。大智論曰。阿羅漢辟支佛盡漏。譬燒草木。烟炭有餘。力劣故也。佛如劫燒之火。一切都盡無殘無氣。論又云。菩薩違法忍得清淨身時。煩惱已盡。乃至成佛。乃盡餘氣。如此則再治而後畢。劫不重燒。云何為除耶。若如法華經說。羅漢究竟。與菩薩同。其中可以為階差。煩惱不在殘氣。又三獸度河。三士射的。今同大除。此皆都聞經。非大類立言之本意。故以為疑。又問異法身佛。盡本習殘氣時。為以幾心。為三十四心耶。為九無礙九解脫耶。為一無礙一解脫耶。若以三十四心。煩惱先已盡。今唯盡殘氣。不應復同聲聞經說。答以九無礙九解脫。煩惱有九品。雙道所斷。故無有此用。可煩惱殘氣。非三界漏結之所攝。餘垢輕微。尚無一品。況有九乎。若以一無礙一解脫。計三界九地中。皆應有殘氣。不得遍治上地。若從不用以上。先以世俗道斷。今雖上地而有疑。何者。無漏法與世俗道。俱斷九品結。功同而治異。故有斯義。推本習殘氣。尚非無漏火所及。況世俗道乎。夫功玄則治深。數窮則照微。理固宜然。想法身經。當有成說殘氣中。或有差品之異。是所願聞。什答曰。聲聞人謂佛與阿羅漢辟支佛俱共

得。若斷諸煩惱，無復有異，是故世間大劫盡大為喻。又以菩薩至坐道場，乃斷煩惱，是故分別習，有餘無餘為異耳。如摩訶衍經說，得無生忍菩薩，斷諸煩惱，具六神通，而諸論師所明不同，或言若菩薩斷煩惱，得漏盡通者，則同漏盡阿羅漢，漏盡阿羅漢，永不復生，是事不然。所以者何，以菩薩未斷習氣，而證於涅槃，無大悲心故，不能復生。菩薩無此二故，明生生不絕，或有人言，菩薩得無生法忍時，三界繫煩惱，及習氣俱盡，而法身菩薩，別有結使未滅，雖然亦不妨習行佛道，如賊繫縛在獄，雖為未死，無所能作，是菩薩結使，並地地中斷，至坐道場，實欲成佛，爾乃滅盡，此義如上燈喻中說，如是義者，則無所妨礙，以其不滅故。而今菩薩具足十地，言法身菩薩，斷煩惱者，此說亦實，為斷三界凡夫煩惱故，法身菩薩，不斷煩惱者，此說亦實，有菩薩細微煩惱故，如燃燈時有開有明者，得有所見，有開者，燃第二燈時，其明增益，當知先有微開故。若光無間，燃第二燈時，不應有異，又三十四心，九無礙道，九解脫道，皆非佛說，何以故，四阿含尼，及摩訶衍中，無此說故，但阿毘曇者，作如是分別，若佛有此說者，當求本末而來難，以之為過，不受所論，又三十四心九無礙九解脫道，以人通議故，是以於大智論中，說為分別，佛與二乘為異耳，諸摩訶衍經說，佛以一念慧，斷一切煩惱習，所有應知應見，無不通達，此一念慧，於無量劫來，修習明利，最為第一，不復須假餘心力也，若

聲聞辟支佛諸菩薩，所有智慧，不能如是者，乃用九無礙道九解脫，以其鈍故，如人刀鈍，手力劣弱，多所乃斷，若大力利刀一斬則斷，如是佛坐道場，末後之慧，最第一利，無能勝者，一時斷諸煩惱，永盡無餘，以人不議故，名為殘氣耳，而有為議法，皆羸劣故，衆緣和合，乃有所作，最後金剛之慧，則不然也，以有大力故，唯用相應共心心數法處，不須餘心力，如是說者，於理為便，如凡夫結使習氣，不能大悲事，而令身口業相小有異相，起彼不淨之心，菩薩結使亦如是，勢力衰薄，雖不能起罪業，但稍留習氣，不令疾至佛道，是故說法身菩薩成佛時，斷煩惱習，昔聞有菩薩阿毘曇，地地中分別諸菩薩結使及其功德，如大品十地說，捨若干法，得若干法，先來之日，不謂此世無須菩薩阿毘曇事，而來問精究，苦求殘氣之羞品，今未有此經，不可以意分別，是故不得委由相答也。

#### 次問答造色法

遠問曰，經稱四大不能自造，而能造色，又問造色能造色，不若能造色，則失其類，如其不能，則水月鏡像復何因而有，若有之者，自非造色，如何又問水月鏡像色陰之所攝不，若是色陰，直是無根之色，非為非色，何以知其然，色必有象，象必有色，若像而非色，則是經表之奇言，如此則阿毘曇覆而無用矣。

什答曰，經言一切所有色，則是四大及四大所生，此義深遠難明，今略叙其意，地水火風，名為四大，是四法或內或外，外者何也，則山

河風熱等是，內者則骨面溫氣等是，四大如是，無所不在，而衆生各各稱為身，於中大生眼等五根，五根雖非五識所知，亦不得謂之無也，所以者何，譬如髮爪，雖是身分，無所分別，以離根故，又如癩病之人，身根壞敗，雖有皮肉，而無所覺，是故當知，皮肉之內，別有覺用，又能生身識，以是故，名為身根，假令身肉但有身根者，以指觸食，唯知冷熱，不知香味，是故當知，別有鼻舌根等，若然者，四大之身，必生五根，分別五塵故，五根之色，其為微細，非五識所知，難了難明，是故佛名四大所生色，若問五根難明，佛名為四大生色者，五塵何以復名四大所生色耶，答曰，五塵亦復微細，如水月鏡像等，雖復眼見，無有餘塵，若離餘塵，則非是色，若聲從觸有，謂為可聞，無有住處，時過則滅，因緣雖存，無聲可聞，若香離色味觸，則不可得，味觸亦然，是故五塵，亦名四大所生色，以其小故，或言身根遍於一體，其餘四根少分處生，如瞳子內鏡頭之處，眼根見色，餘處因此，總名為眼，其餘根皆亦如是，身根所觸，審有所覺，凡夫之人身所覺事，以之為實，如人得權於官，苦以刀杖治之，終不以餘塵為用也，樂亦如是，衆生多五欲，於細滑中，姪欲偏重，乃有隨而死者，是故佛經或以之為初，又如人，盡見於色，闇中雖無所見，以身觸故，便得其事，當知身根常有實用，餘根無有此力，又身根遍生身識，是故身所覺法，名為四大，若問身根所覺有十事，何故但說四法為大也，答其餘七法，皆



四大所攝。四大爲根本。是其氣分耳。輕重是覺分。堅是相密。若分散則爲輕物。若集之則爲重物。蓋亦然。地有二種。一微塵。大密相近。名爲滑物。若微塵疎遠。名爲澁物。寒是風水之分。水常冷相。若與火合則熱。離火還歸本相。風亦冷相。若火力偏多。名爲熱風。離火還爲冷風。如熱時搖扇。即得冷風。又身內風發。便令體冷。若服熱藥。冷風則止。水有二相。一爲流相。二爲冷相。經中多說流相。以相常有不可壞故。一切法皆有二相。客相舊相。佛通達一切法本末故。說其舊相。如水或與火相。可使爲熱。流是舊相。雖與熱合。猶不捨流相。是故寒是火所攝。飢渴者。以人腹內風火力故消食。消食已則從剋人身。是故飢雖食難消之物。而無所患。以能消故。若如是分別。四大氣分。乃應無量。如長短此彼龜細方圓燥濕合散等。皆可以身根覺知。何止七事耶。佛是一切智人。是故但說四大色。及四大所生色。或言眼見草木。從種出生。如是細爲龜因。如種中無樹。推樹爲從何來。有人言無因無緣。自然而生。或有人言萬物皆從大生。有人言從微塵生。有人言從常性生。唯佛言從四大生。所謂種中地水火風也。此中雖有餘物。佛但說四大。以四大能利成果故。堅相能持。水相能燭。火相能成熟。風相能增長。如是樹得成茂。色等無有此用。是故不說。又內四大。人初入胎時。地能持之。水能合。火能成熟。風能開諸竅。令得增長。爾時小兒未有眼等根故。不能分別。以初得身根故。

而分別四大所能。是故說一切色。皆四大爲根本。如經說六種十二觸。八十八意行四善處。名之爲人。是中分別義者。如小兒初入胎時。未有眼等故。但有六種。四大虛空及識。雖有色香味等。以其不覺。不爲利益。故不說也。六入既成。於外能受樂。名爲觸生受。而復意識。常多發用。眼識所見色。分別好醜中間。乃至意所知法。分別好醜中間。是名十八意行。又終能住於四善之處。所謂樂分別諸法。是智慧處。樂實不虛。是誠諦處。樂捨則捨惡。是捨處。樂離憒鬧。是寂滅處。或言次第而生。如大劫盡時無所復有。唯有虛空。爾時虛空中。有諸方風來。互相對峙。後有天雨。風持此水。水上有風。擾動而生水沫。水沫積厚。于乃成地。從生草木等。以觀一切水色。初始皆從風出。以能持故。是以說所有盡皆以四大爲根本。今色味等。亦爲四大因緣。四大亦爲色等之因緣。但以初得名故。如穀子中。大有色有味等。牙時色味等。亦有四大。但分別先後因果。得其名耳。如內四大。初入胎時。繫在赤白不淨之中。雖有色香味。以無眼等故。不覺不知。唯有身根。覺知四大有用。佛因此心故。說四大爲生色之本。是故十二因緣中。第三因緣時。雖有四大所生色。以微細未能遮識。識增發故。說識因緣名色。歌羅羅時四大成就。反名爲色。歌羅羅時中識成就。反名爲名。所謂成就者。了了相現也。是故說內四大。爲生色之本。佛言所有色四大。四大生有。是總相說耳。或有三大二大一

大四大者如身也。三大者。如死人身中無有火大。二大者。如熱水熱風熱合名等。一大者。如風。風中無有地水也。四大生色中亦如是。或四或一。如飲食有味香觸。如淨潔玉器承天雨。但有香味觸。無有香氣。地氣合故乃可有香。如火從珠日出者。無香無味。但有有色觸。燒爲觸。照爲色。如鏡像水月。唯有一色。四大不能自造。而能造者。經無此說。亦無造名。但傳譯失旨耳。佛唯說所有色。若四大四大所生。因四大復生四大。如種中四大復生芽中四大。芽中四大所生色。復生四大所生色。亦互相生如前說。又外道說。四大是常。無時不有。若佛說所有色。皆是四大。則外道增其邪見。是故佛言。色非唯四大而已。因四大故。更有色生。是名四大所生色。是色有三種。善不善無記。以善身口業色。能生天人報四大。不善身口業色。能生三惡處報四大。無記色自然因共生因。阿毘曇中亦如是說。若然者。云何言四大不自生也。如人還生人。或生畜生。而生中不正說。從四大生者。皆是四大所生色。如阿毘曇。分別四大。一陰一入界所攝。但四大。則無別陰界入。以四大少故。四大所生色陰。十一入。十一界所攝。若但四大所生色。則無別陰也。十入十界所攝。如是四大四大所生色。雖沒自生。生彼無咎。所以者何。生生之大。以有空名。如前說水月鏡像。阿毘曇人。有法相者。謂是陰界入故攝。如經說三種色。有色可見有對。有色不可見有對。有色不可見無對。又如不見不聞

①火二水②成二增③八④一⑤說⑥于二爾⑦今十之⑧之⑨時十諸⑩減十力⑪諸⑫十所⑬苦⑭沒二復

不嗅不味不觸。尚名爲色。何況眼。眼。如非色耶。是故水月幻化等。是可見色。而佛法爲度衆生故。說水月鏡像影響炎化喻等。默人終不貪著。謂之爲有。是故以爲空喻。如幻化色。雖是不實事。而能誑惑人目。世間色像亦復如是。是以過五百年後。而諸學人多著於法。墮於顛倒。佛以幻化爲喻。令斷愛法。得於解脫。是故或時說有。或時說無。凡夫人無有慧眼。深著好醜龜細等。起種種罪業。如是何得言無耶。佛說一切色。皆虛妄顛倒不可得。觸捨離性。畢竟空寂相。諸阿羅漢以慧眼。諸菩薩以法眼。本末了達。觀知色相。何得言定有色相耶。諸佛所說好醜此彼。皆隨衆生心力所解。而有利益之法。無定相。不可戲論。然求其定相。來難之旨。似同戲論也。

#### 次問羅漢受決并答

來答稱法華經說。羅漢受記爲佛。譬如法身菩薩淨行受生故。記菩薩作佛居此。爲法身之明證。

遠問曰。經說羅漢受決爲佛。又云。臨滅度時。佛立其前。講以要法。若此之流。乃出自聖典。安得不信。但未了處多。欲令居決其所。滯耳。所疑者衆。略序其三。一謂聲聞無大慈悲。二謂無漏和般若。三謂臨滅度時。得空空三昧時。愛著之情都斷。本習之餘不起。類同得忍菩薩。其心泊然。譬如泥洹後時。必如此愛習殘氣。復何由而生耶。斯問以備於前章。又大慈大悲積劫之所習純誠。著於在昔。真心徹於神骨。求之羅漢。五緣已斷。焦種不生。

根敗之餘。無復五樂。慈悲之性。於何而起耶。又洵和般若。是菩薩之兩翼。故能凌虛遠近。不墜不落。聲聞本無此翼。臨泥洹時。縱有大心。譬若無翅之鳥。失據墮空。正使佛立其前。羽翮復何由頓生。若可頓生。則諸菩薩。無復積劫之功。此三最是可疑。雖云有信。悟必由理。理尚未通。其如何信。

什答曰。一切阿羅漢。雖得有余涅槃。心意清淨。身口所作。不能無失念。不知之人。起不淨想。其實無復別有垢法。如人鎖脚。久久乃離。脚雖不便。更無別法。阿羅漢亦如是。從無始生死來。爲結所縛。得阿羅漢道。雖破結縛。以久習因緣。故若心不在道。處於慣聞。因妄念。令身口業而有失相。是人入無餘涅槃時。以空空三昧。捨無漏道。從是以後。永無復有身口業失。時間促故。不應難言更當起也。又謂以空空三昧。能斷除習者。是事不然。何以故。用此三昧。捨無漏者。則非無漏定。若然者。何得謂煩惱習氣都盡耶。又阿羅漢還生者。唯法華經說。無量千萬經。皆言阿羅漢。於後邊身滅度。而法華經。是諸佛秘藏。不可以此義。難於餘經。若專執法華經。以爲決定者。聲聞三藏。及餘摩訶衍經。寢而不用。又有經言。菩薩畏阿羅漢。辟支佛道。過於地獄。何以故。墮於地獄。還可作佛。若爾者。唯有法華一經可信。餘經皆爲虛妄。是故不應執著一經。不信一切經法。當應思惟因緣。所以取涅槃。所以應作佛。然五不可思議中。諸佛法是。第一不可思議。佛法者。謂阿羅漢涅槃當作

佛。唯佛知之。又聲聞人。以愛爲集諦。阿羅漢愛盡故。則無復生理。摩訶衍人言。有二種愛。一者三界愛。二者出三界愛。所謂涅槃。佛法中愛。阿羅漢雖斷三界愛。不斷涅槃。佛中愛。如舍利弗心悔言。我若知佛有如是功德智慧者。我寧一劫於阿鼻地獄。一會著地。不應退阿耨三菩提。又毘摩羅詰經。摩訶迦葉。與目連悔責。一切聲聞。皆應號泣。此是愛習之氣。又首楞嚴三昧中說。如盲人夢中得眼。覺則還失。我等聲聞智慧。於佛智慧。更無所見。此似若無明。如是愛無明等。往來世間。具菩薩道。乃當作佛。佛設入菩薩道。尚不得同直修菩薩道者。何況同無生法忍菩薩也。何以故。是人於衆生中。不生大悲心。直趣佛道。但求自利。於無量甚深法性中。得少便證。以是因緣。教化衆生。淨佛國土。皆爲遲久。不如直趣佛道者疾。成於佛。又阿羅漢慈悲。雖不及菩薩慈悲。與無漏心合故。非不妙也。如經中說。比丘慈心和合。修七覺意。設斷五道因緣者。慈悲猶在。發佛道心時。還得增長。名爲大慈大悲。如法華經中說。於他方現在佛聞斯事。然後發心。又涅槃法。無有決定不相應。焦羅漢耳。何以故。涅槃常寂滅相。無戲論諸法。若常寂滅。無戲論則無所妨。又諸佛大菩薩。深入法性。不見法性。不三品之異。但爲度衆生故。說有三分耳。漏和般若。是般若波羅蜜。經中。讚嘆般若波羅蜜。故有菩薩離般若波羅蜜。但以餘功德。求佛道者。作

此喻耳。是故佛言。雖有無量功德。無般若潤和。如鳥無兩翅。不能遠至。如是成阿羅漢。到於涅槃。大願以滿。不能復遠求佛道。若法華經說。實有餘道。又諸佛贊助成立。何有難事哉。佛有不可思議神力教化。能令草木說法往來。何況於人。如焦穀不能生。此是常理。若以神力呪術藥草力。諸天福德願力。尚能移山住流。何況焦種耶。如以無漏火。燒阿羅漢心。不應復生。但以佛無量神力接佐。何得不發心作佛也。假使佛語阿難。作惡事。以恭敬深愛佛故。尚亦當作。何況佛記言作佛。為開其因緣。而不成佛乎。如大醫王。無有不治之病。如是佛力所加。無有不可度者。又阿羅漢。於涅槃不滅。而作佛者。即是大方便也。又菩薩先願欲以佛道入涅槃。無般若方便故。隨聲聞辟支佛地。如無翅之鳥。今阿羅漢欲以聲聞法入涅槃。或於中道。以有漏禪。生增上慢。如無翅鳥。不得隨願。便當墮落。若能隨佛所說。與禪定智慧和合行者。得入涅槃。是名阿羅漢中有一事。以禪定為方便。無漏慧為智慧。又佛說般若波羅蜜時。未說法華經。是諸佛欲入涅槃時。最後於清淨眾中。演說秘藏。若有先聞者。心無疑難。而諸阿羅漢。謂所願以畢。佛亦說言。阿羅漢末後身滅度。菩薩聞已。於阿羅漢道則有畏。今略說二因緣故。佛有此說。一者秘法華義故。多令眾生樂小乘法。得於解脫。二者欲使菩薩直趣佛道。不令迂迴。所以者何。阿羅漢雖證無為法。盡一切漏。得到苦邊。後入菩薩道時。不

根明利。習大道為難。以所資福德微薄故。若無此二因緣者。阿羅漢終歸作佛。不應為作留難也。

次問念佛三昧并答

遠問曰。念佛三昧。般舟經念佛章中說。多引夢為喻。夢是凡夫之境。惑之與解。皆自迷已還理了。而經說念佛三昧見佛。則問云。則答云。則決其疑網。若佛同夢中之所見。則是我相之所屬想相。專則成定。定則見佛。所見之佛。不自外來。我亦不往。直是想專理會大開。於夢了疑大我。或或不出。境佛不來。而云何有解。解其安從乎。若真茲外應。則不得以夢為喻。神通之會。自非實相。則有往來。往則是經表之說。非三昧意。後何以為通。又般舟經云。有三事得定。一謂持戒無犯。二謂大功德。三謂佛威神。為是定中之佛。外來之佛。若是定中之佛。則是我想之所立。還出於我了。若是定外之佛。則是夢表之聖人。然則成會之。表。不專在內。不得令。聞於夢明矣。念佛三昧法法為爾不。二三之說。竟何所從也。

什答。見佛三昧有三種。一者菩薩或得天眼天耳。或飛到十方佛所。見佛難問。斷諸疑網。二者雖無神通。常修念阿彌陀等現在諸佛。心住一處。即得見佛。請問所疑。三者學習念佛。或以離欲。或未離欲。或見佛像。或見生身。或見過去未來現在諸佛。是三種定。皆名念佛三昧。其實不同。者得神通見十方佛。餘者最下。統名念佛三昧。復次若人常觀世

間厭離相者。於眾生中。行慈為難。是以為未離欲諸菩薩故。種種稱讚般舟三昧。而是定力。雖未離。亦能攝心一處。能見諸佛。則是求佛道之根本也。又學般舟三昧者。離言憶想分別。而非虛妄。所以者何。釋迦文佛所說眾經。明阿彌陀佛身相具足。是如來之至言。又般舟經種種設教。當念分別阿彌陀佛。在於西方。過十萬佛土。彼佛以無量光明。常照十方世界。若行如經所說。能見佛者。則有本末。非徒虛妄。憶分別而已。以人不信。不知行禪定法。作是念。未得神通。何能遠見諸佛也。是故佛以夢為喻耳。如人以夢力故。雖有遠事。能到能見。行般舟三昧菩薩。亦復如是。以此定力故。遠見諸佛。不以山林等為礙也。以人信夢故。以之為喻。又夢是自然之法。無所施作。尚能如是。何況施其功用而不見也。又諸佛身有決定相者。憶想分別當是虛妄。而經說諸佛身皆從眾緣生。無有自性。畢竟空寂。如夢如化。若然者。如說行見諸佛身。不應獨以虛妄也。若虛妄者。悉應虛妄。若不虛妄。皆不虛妄。所以者何。普令眾生。各得其利。種種善根故。如般舟經中見佛者。能生善根。成阿羅漢。阿惟越致。是故當知。如來之身。無非是實。又憶想分別。亦有時有。若當隨經所說。常應憶想分別者。便能通達實事。譬如常習燈燭日月之明。念復障物。便得天眼。通達實事。又下者持戒清淨。信敬深重。兼彼佛神力。及三昧力。眾緣和合。即得見佛。如人對見鏡像。又一凡夫。無始以來

○經十(法花經) ○(加)十 ○後二復 ○若二舟 ○神十(問佛威神) ○表二來 ○聞二同 ○(上)十者 ○離十(欲) ○行十(八) ○憶十(想) ○不三自 ○有二三 ○復二後

曾見。皆應離欲得天眼耳。還復輪轉五道。而般舟三昧。無始生死以來。二乘之人。尙不能得。況於凡夫。是故不應以此三昧所見。謂爲虛妄。又諸菩薩得此三昧見佛。則問解釋疑網。從三昧起。住心中。深樂斯定。生貪著意。是故佛教行者。應作是念。我不到彼。彼佛不來。而得見佛。聞法者。但心憶分別。了三界之物。皆從憶想分別而有。或是先世憶想果報。或是今世憶想所成。聞是教已。心厭三界。倍增信敬。佛善說如是微妙理也。行者即時得離三界。深入於定。成般舟三昧。

#### 次問四相并答

遠問曰。經云。前四相。各行人法。後四相。行一相。二相。更相爲故。不受無窮之難。而大智論云。若生能生。則生復有生。若復有生。則有生。夫生生者如此。便爲無窮。若果無窮。則因無崖分。若其有窮。則因緣無由而生。據今有生。則不應受無窮之難。若不受無窮之難。若不受無窮之難。則四相更相爲沒。令前能生法。復生生。則反覆有能生之力。若前生能反覆。則不應限後生之不能。如此。還入於無窮矣。又問四相與心法爲同。若有因爲有前後之差。爲一時並用也。若一時並用。則生滅性相違。滅時不應生。生時不應滅。若有前後之差。則生中無滅。滅中無生。若生中無滅。則生隨有見。若滅中無生。則滅隨無見。有無既分。則斷常兩行矣。若生中有少滅。滅中有少生。則前生與後生相陵。前滅與後滅相陵。如此。則不應云。新新生滅相離無故也。必其

無故。則因緣之與不陵。隨明矣。若生爲住因。住爲滅因。則生中無住。住中無滅。假令如新衣之喻。則生中已有住。住中已有滅。則是因中有果。果不異因。因果並陳。厚然無差別。若然者。進退落於疑地。反覆入於負門也。什答曰。言有爲法四相者。是迦旃延弟子意。非佛所說。衆經大要有二。所謂有爲法。無爲法。有爲法有生有滅。有住有異。無爲法無生無滅。無住無異。而佛處處說。但有名字耳。尙不決定言有生相。何況生生也。此是他人意。非信所受。何得相答。如他人有過。則非所知。然佛說一切法。若常若無常。多。無常名先。無今有。已有便無。常名則離如是之相。無常是有爲法。常即是無爲法。佛爲衆生說諸因緣出世法。名爲生。如母子。如芽從種生。此是現所見事。名之爲生。滅名衆緣壞敗。若衆生而言名爲死。若萬物而言爲壞。從生至滅。於其中間。異相名住異。若衆生而言。名老死病癯。若非衆生而言。名委異變故。如是內外之物。名爲生滅住異。直信之士。聞此事已。即生厭離。得道解脫。佛大意所明。其旨如此。而比丘深心愛法。戲論有爲之相。分別有八。法俱生。理尙失中。則是衆難之府。若一時則無因緣。若次第生。則是無窮。又不應離法有生。所以者何。生是有爲相。若離生有法者。則非有爲法。若生能合法爲生者。法何故不能合生爲非生。亦如來難之答。如是多過。是故佛小乘經中。說生滅住異。但有名字。無有定相也。大乘經中說。生是畢竟空如夢幻。但或凡夫

心耳。大乘之法。是所信伏。故以之爲論。諸法無生。求生定相。不可得故。若因中有法者。則不應名生。如囊中物。非囊所生。若因中先無者。法何故不從非因中生。如乳中無酪水。亦因無。若有生者。爲說瓶初時有也。爲泥後非起瓶時有也。此二時俱不然。所以者何。已生未生故。生時過亦如是。若即瓶成爲生。此亦不無生分。無瓶亦不應以妄生。何以故。三事相離。即無也。若一時即無因緣。無因緣者。應各自生。如是等無量之過。是故諸佛如來。知生法無有定相。經誑凡夫之目。如夢中事。無有本末。以此因緣。說一切法。無生無滅。斷言語道。滅諸心行。同泥洹相。得此妙理。即成無生法忍。

#### 次問如法性實際并答

遠問曰。經說法性。則云有佛無佛。性住如故。說如。則明受決爲如來。說實際。則言實際不受證。三說各異。義可聞乎。又問法性常住。爲無耶。有耶。若無如虛空。則與有絕。不應言性住。若有而常住。則隨常見。若無而常住。則墮斷見。若有不無。則必有異乎。有無者。辨而結之。則覺愈深。愈隱。想有無之際。可因緣而得也。

什答曰。此三義。上無生忍中已明。又大智度論廣說五事。所謂斷一切語言道。滅一切心行。名爲諸法實相。諸法實相者。假爲如法性。實際。此中非有非無。尙不可得。何況有無耶。以憶想分別者。各有有無之難耳。若隨佛法寂滅相者。則無戲論。若有無戲論。則離佛法。

①(各)②十行③因十(緣)④此十(復)⑤原本註口厚字更動⑥(多)⑦一⑧十(名)⑨時十(生)⑩中十(出)  
⑪結二語⑫五二共

大智論中。種種因緣。破有破無。不應持所破之法爲難也。若更答者。亦不異先義。若以異義相答。則非佛意。便與外道相似。今復略說。諸法相隨時爲名。若如實得諸法性相者。一切義論所不能破。名爲如。如其法相非心力所作也。諸菩薩利根者。推求諸法如相。何故如是寂滅之相。不可取不可捨。即知諸法如相性自爾故。如地堅性水濕性火熱性風動性。火炎上爲事。水流下爲事。風傍行爲事。如是諸法性性自爾。是名法。性也。更不求勝事。爾時心定。盡其邊極。是名眞際。是故其本是一義。名爲三如。道法是一。分別上中下。故名爲三乘。初爲如。中爲法性。後爲眞際。眞際爲上。法性爲中。如爲下。隨觀力故。而有差別。又天竺語音相近者以爲名。是故說知諸法如。名爲如來。如正遍知一切法故名爲佛。又小乘經中亦說。如法性。如離阿含中。一比丘問佛世尊。是十二因緣法。爲佛所作。爲餘人所作。佛言。比丘。是十二因緣。非我所作。亦非彼所作。若有佛若無佛。諸法如法性。法性常住世間。所謂是法有故。是法有。是法生故。生。無明因緣識。乃至生因緣老死。因緣諸苦惱。若無明滅故行滅。乃至老死滅故諸苦惱滅。但佛爲人演說顯示。如日顯照萬物長短好醜。非日所作也。如是聲聞經說。世間常有生死法。無時不有。是有名有佛無佛相常住。眞際義者。唯大乘法中說。以法性無量。如大海水。諸聖賢隨其智力所得。二乘人智力劣故。不能深入法性。便取其證。

證知如實之法微妙理極。深厭有爲。決定以此爲眞。無復勝也。而諸菩薩有大智力。深入法性。不隨至爲證。雖放深入。亦更無異事。如飲大海者。多少有異。更無別事。又諸菩薩。其乘順忍中。未得無生法忍。觀諸法實相。爾時名爲如。若得無生法忍已。深觀如故。是時變名法性。若坐道場。證於法性。法性變名眞際。若未證眞際。雖入法性。故名爲菩薩。未有聖果。乃至道場。諸佛以一切智無量法性故。爾爾乃出菩薩道。以論佛道也。

鳩摩羅什法師大義卷中

### 鳩摩羅什法師大義卷下

宋國廬山慧遠法師。默問常安草堂摩訶乘法師鳩摩羅什。大乘經中深義。十有八途。什法師一一開答。分爲上中下三卷。上卷有六事。中卷有七事。下卷有五事。

次問答實法有。次問答分破空。次問答後議追憶前議。次問答遍學。次問答經壽。

問實法有并答

遠問曰。大智論以色香味觸爲實法有。乳酪爲因緣有。請推源求例。以定其名。夫因緣之生。生於實法。又問實法爲從何生。經謂色香味觸爲造之色。色則以四大爲本。本由四大。非因緣如何。若是因緣。復如何爲實法。尋實法以求四大。亦同此疑。何者。論云一切法各無定相。是故得神通者。令水作地。地作水。

是四大之相。隨力而變。由以慈觀。故知四大與造色。皆是因緣之所化明矣。若四大及造色非因緣。則無三相。無三相。世尊不應說以非常爲觀。非常則有新新生滅。故曰不見有法無因緣而生。不見有常常生而不滅。如此則生者皆有因緣。因緣與實法。復何以爲差。尋論所明。謂從因緣而有異。於即實法爲有二者。雖同於因緣。所以爲有則不同。若然者。因緣之所化。應無定相。非因緣之所化。宜有定相。即此論神通章中說四大無定相。定相無故隨滅而變。變則捨其本。色香味觸出於四大。則理同因緣之所化。化則變而爲異物。以此推。實法與因緣未爲殊異。論意似旨有所明。非是窮屋本極之談。故取於君。

什答曰。有二種論。一者大乘論說二種空。衆生空法空。空者。小乘論說衆生空。所以者何。以陰入界和合假爲衆生。無有別實。如是論者。說乳等爲因緣。有色等爲實法。又以於諸法。生二種著。一者著衆生。二者著法。以著衆生故。說無我法。准名色爲根本。而惑者於名色取相分別。是衆生。是人。是天。是生。是舍。是山林。是河等。如是見者。皆不出於名色。譬如泥是一物。作種種器。或名釜或名瓶。釜破爲瓶。瓶破爲釜。然後還復爲泥。於釜無所失。於瓶無所得。但名字有異。於名色生異相者。亦如是。若求其實當。但有名色。聞是說已。便見一切諸法。無我無我所。即時捨離。無復戲論。修行道法。有人於名色不。或衆生相。或於法相。貪著法故。戲論名色。爲是人故。說名。

色虛誑。色如幻如化。畢竟空寂。同如衆生因緣而有。無有定相。是故當知。言色等爲實有。乳等爲因緣。小乘論意。非甚深論法。何以故。以衆生因此義故。得於解脫。若言都空。心無所寄。則生迷悶。爲是人故。今觀名色二相無常苦空。若心厭離。不待餘觀。如草藥除患。不須大藥也。又令衆生離色等錯謬。若二相若異相。若常相若斷相。以是故說色等爲實有。乳等爲假名有。如是觀者。即知衆生緣法。非有自性。畢竟空寂。若然者。言說有異。理皆一致。又佛得一切智慧。其智不可思議。若除諸佛。無復有人。如其實理。盡能受持。是故佛隨衆生所解。於一義中三品說道。爲鈍根衆生故。說無常苦空。是衆生聞一切法無常苦已。即深厭離。即得斷愛得解脫。爲中根衆生故。說一切無我安穩寂滅。是衆生聞一切法無我。准泥洹安穩寂滅。即斷愛得解脫。爲利根者。說一切法從本已來。不生不滅畢竟空。如泥洹相。是故於一義中。隨衆生結使心錯。便有深淺之異。如治小病。名爲小藥。治大病名爲大藥。隨病故便有大小。衆生心有二毒之病。輕重亦復如是。愛患力等。愚癡則漏。所以者何。愛小罪而難離。患大罪而易離。癡大罪而難離。以愛難離故是惡相。以小罪故非惡。以患大罪故是惡相。易離故非惡相。是二力等故。遺之則易。所謂不淨慈悲無常苦觀。癡心若發。即生身見等十二見。於諸法中深墮錯謬。爲此病故。演說無我。衆緣生法。則無自性。畢竟常空。從本以來。無

生相。是故佛或說衆生空。或說法空。言色等爲實法。乳等爲因緣有。無咎。

#### 次問分破空并答

遠問曰。大智論推舉求本。以至毛分。唯毛分以求原是極微。極微卽色香味觸是也。此四味觸有之。色香味觸則不得謂之寄名。然則極微之說。將何所據。爲有也爲無也。若有實法。則分破之義。正可空疊。猶未空其本。本不可空。則是天垂之。墮于常見。若無實法。則是龜毛之喻。入。半斷見。二者非中道。並不謂之寄名。設令十方同分。以分破爲空。分焉謂有。猶未出於色。色不可出故。世尊謂之細色非微塵。若分破之義。推空因緣有不及實法故。推舉至于毛分盡。而復智空可也。如此後不應以極微爲寄名。極微爲寄名則空觀。不止於因緣有可知矣。然則有無之際。其安在乎。不有不無。義可明矣。

什答曰。佛法中都無微塵之名。但言色若龜若細。皆悉無常。乃至不說有極微極細者。若以極細爲微塵。是相不可得。而論者於此多生過咎。是故不說。又極細色中。不令衆生起於愛縛。若有縛處。佛則爲縛說解之法。又大乘經中。隨凡夫說微塵名字。不說有其定相。如極細色不可得。極細色亦不可得。如優樓迦弟子。說微塵品。謂微塵定相有四。色香味觸。水微塵有色味觸。火微塵有色觸。風微塵但有其觸。是人離四法別有。以地大故。四法屈地。極小地名爲微塵。一切天地諸色之根本。是不可壞相。佛弟子中亦有說微塵處。

因佛說有細微色。而細中求細極細者。想以爲微塵。爲破外道邪見及佛弟子邪論故。說微塵無決定相。但有假名。何以故。如五指和合。假名爲拳。色等和合。假名微塵。以佛法中常用二門。一無我門。二空法門。無我門者。五陰。十二入。十八性。十二因緣。決定有法。但無有我。空法門者。五陰。十二入。十八性。十二因緣。從本以來無所有畢竟空。若以無我門。破微塵者。說色香味觸爲實法。微塵是四法和合所成。名之假名。所以者何。是中但說我空。不說法空故。若以法空者。微塵色等皆無所有。不復分別是實是假。又不可謂色等爲常相。所以者何。以從衆因緣生。念念滅故。爲陰界入攝故。亦不得言無。凡和合之法。則有假名。但無實事耳。如色入觸入。二事和合。假名爲火。若以二法和合。有第三。火法者。應別有所作。然實無所作。當知一火能燒。造色能照。無別法也。但有名字。是故或說假名。或說實法無咎。又佛法聖觀有四種。一無常。二苦。三空。四無我。佛或以無我觀度衆生。或以空觀度衆生。若說無我。則有餘法。若說空則無所有。若以空法破微塵者。則人不信受。何以故。汝乃言無龜色。何獨說無微塵也。若以無我法無微塵者。人則易信。若無實法。則龜毛之喻。入于斷見者。是事不然。何以故。或有言我同於身。若身滅者。我即同滅。亦復無有至後身者。若無微塵。不在此例也。又不以我爲斷常見。所以者何。我我所見。名爲身見。五見各別故。或言五陰。因變爲果。名

之爲常。或以五陰是有爲法。因滅更有果生。名之爲斷。而智者分別。尋求微塵理極。本自無法。則無所滅。如我本來自無。雖復說無。不墮斷滅之見。如是以無我門。說破微塵。不墮滅中。又摩訶衍法。雖說色等。至微塵中空。心心數法。至心中空。亦不墮滅中。所以者何。但爲破顛倒邪見故說。不是諸法實相也。若說無常。破常顛倒故。若說心心數法念念滅。破衆緣和合一相故。常不實。不常亦不實。若合相不實。離相亦不實。若有相不實。無相亦不實。一切諸觀滅。云何言斷見。斷見名先有今無。若小乘法。初不得極微色乃至極細色。若大乘法。畢竟空。現眼所見。如幻如夢。決定相尙不可得。況極細微塵也。極微極細。皆是外道邪見戲論耳。如外道微塵品中師云。微塵是常相。何以故。是法不從因生。故問曰。其云何可知。答曰。微塵和合色可見。當知色是微塵果。果故可見。因細故不可見。是故有因必有果。有果必有因。又無常遮常故。當知空有常法。所以者何。與無常相違故。以無明故。定有常法。令無常明故。當知無明中有常法。色物多和合故。色在其中。而可明見。微塵中雖有色。以無餘故。而不可見。設多風和合色不在中。則不可見。如一二寸數法量法。一異合離。此彼動作等。因色如故。則可見。若數量等。於無色中者。則不可見。如是等外道戲論微塵。是故說微塵。如水中月。大人見之。不求實事。如是若龜色若細色。若遠若近。若好若醜。若過去若未來。悉是虛妄。皆

如水中月。不可說相。但欲令人心生厭離。而得涅槃。受想行識亦如是。又衆生無始世界以來。深著戲論。故少於有無中。見有過患。直至涅槃者。是故佛意欲令出有無故。說非有非無。更無有法。不知佛意者。便著非有非無。是故佛復破非有非無。若非有非無。能破有無見。更不貪非有非無者。不須破非有非無也。若非有非無。雖破有無。還戲論非有非無者。爾時佛言。捨非有非無。亦如捨有無。一切法不受不貪。是我佛法。如人藥以治病。藥若爲患。復以藥治。藥若無患。則止。佛法中智慧藥亦如是。以此藥故。破所貪著。若於智慧中。復生貪著者。當行治法。若智慧中無所貪著者。不須重治也。

### 次問後識追憶前識并答

遠問曰。前識離冥傳相寫推之以理。常斷二非故。除之而無間。求相通利則有隔。何者。前心非後心故。心心不相知。前念非後念。雖同而兩行。而經有憶宿命之言。後識知前識之說。義可明矣。大智論云。前眼識滅。後眼識。後眼識利轉有力。色雖暫有不住。以念力利故。能知推此而言。則後念可得追憶前識。若果可追憶。則有所疑。請問前識後念爲相待而生。爲前識滅而後念生。爲一時俱耶。若相待而生。則前際其塞路。若前滅而後生。則後念不及前識。若生滅一時。則不應有利鈍之異。何以知其然。前識利於速滅。後念利於速生。利既同速。鈍亦宜然。若其間別有影迹相乘。則令玄於文表。固非言緣所得。凡此諸

問。皆委之於君。想理統有本者。必有釋之。什答曰。有人言。一切有爲法。離無常想。念念生滅。有念力。名爲心法。此念生時。自然能緣身所經來。相自爾故。如牛羊生時。自趣乳。譬之如鐵自趣磁石。如是念有大力。所經雖滅。而能智之。譬如聖智者。能知未來事。雖未生來。有聖智力故。而能知之。念過去事。亦復如是。又念與心義同。不相離故。是故說念則說心。後有人言。諸法實相若常。虛妄顛倒。無常亦如是。如般若波羅蜜中。佛須告菩提。菩薩若常。不行般若波羅蜜。若無常。亦不行般若波羅蜜。是故不應難無常是實法滅。云何後心。能知前心也。是故如品中。佛說現在如即是過去如。過去如即是未來如。未來如即是過去現在如。過去現在如即是未來如。如是等際三世相。際三世相故。云何言後心爲實有。以過去心爲實無耶。後有人言。心有二種。一者破裂分散。至念念滅。似如破色。至於微塵。二者相續生故。而不斷滅。若念念滅。生滅中不應以後心知前心事。若相續不斷中。則有斯義。如佛告諸比丘。心住者當觀無常相。以心相續不斷故。名爲心住。相續中念念生滅故。當觀無常相。如燈炷。雖有生滅。相續不斷故。名有燈炷。而有其用。若炎中生滅故。則無燈用。心亦如是。有二種義故。無咎。雖念念滅。以不斷故。而有其用。能以過去未來之事。設心異緣。但以後心。緣於前心者。不須緣彼所緣。若以前心。則能通其所



大問遍學并答

遍學菩薩。雖入二道。悉行悉知。而不決定取泥洹證。所以者何。本有不證之心。不捨一切故。理窮則返。如入滅盡定。先期心生。設復暫滅。時至則發。

遠問曰。如菩薩觀諸法空。從本以來。不生不滅。二乘道者。觀法生滅。何得智及斷。是菩薩無生法忍。

什答曰。二乘雖觀生滅。不別於不生不滅。所以者何。以純歸不異故。如觀苦生滅。觀盡不生不滅。但爲盡諦。而觀三諦。是以經言。苦諦知已應見。如惡如賊。皆爲虛妄。集諦知已應斷。道諦知已應修。滅諦知已應證。又聲聞言。入泥洹時。以空三昧等。捨於八聖道分。以是故言盡諦。爲真無上之法。若三諦是實。不應有捨。捨故則非實也。經言實者。欲爲顛倒故。於實法相。則非諦也。若不受不著。而不取相。則爲真諦。不生不滅。其相亦然。二皆同歸無相解脫門。又聲聞經言。無常即是苦。苦即是無我。若無我則無我所。無我所者。則爲是空。不可受著。若不受著。則是不生不滅。

問曰。諸佛雖非我所。云何則不生不滅耶。

答曰。不然。若實生滅。應可受著。又不應用空三昧。如佛常云。一切不受心得解脫。得泥洹。是豈虛言。若生滅可取著者。則是分別。非爲實相。若非實相。不得以不生不滅爲虛。生滅爲實。但爲生死龜觀念心厭故。說言生滅。如人遠見青氣。近無所觀。如是一切實學。皆應一道。無有異耶。而大小之稱。致有利鈍。觀

有深淺。悟有難易。始終爲異。非實有別。如人食麤。精麤著品。而實不異。前答云。遍學者。菩薩雖入二道。悉行悉知。而不決定取泥洹證。所以者何。本有不證之心。心不捨一切故。理窮則返。如入滅定。先期心生。設復暫滅。時至則發。

問曰。無漏聖法。本無當於三乘。二乘無當。則優劣不同。階差有分。分若有當。則大乘自有其道。道而處中。其唯菩薩乘乎。直往。則易簡而通。復何爲要運九折之路。犯三難以自試耶。又三乘之學。猶三獸之度岸耳。涉深者。不待於假後。假後既無功於濟深。而徒勞於往返。若二乘必是遍學之所選。此又似香像。先學兔馬之涉水。然能蹈涉於理深乎。如其不爾。遍學之義。未可見也。

答曰。菩薩欲成一切智。智故。於不善無記法中。尚應學知。何況善法耶。外道神通諸善之法。亦當學知。況賢聖道法乎。如人目見一切好醜之事。須用則用。若不用者。見之而已。善薩如是。以慧眼見知一切法。直入大乘。行者而行之。餘二乘法。唯知而已。或有人言。佛說遍學。爲以導二乘人故。如佛本爲菩薩時。雖知六年苦行非道。但爲度邪見衆生故。現行其法。既成佛已。毀訾苦行。說言非道。聞者即皆信受。以佛會行此法。實非道也。若菩薩但學大乘者。二乘之人。謂菩薩雖總相知諸法。而不能善解二乘法也。又二乘法。是菩薩道。所以者何。用此二道。度脫貪著小乘衆生。取之則易。又如人密知是道非道。便離非

道行正道。菩薩亦如是。明知二乘行法。不能至佛。即離其法。行於大道。道然者。雖學二乘之法。而不失其功。以成佛乘故。而小乘人。鈍根不能通達大乘法故。迂迴爲難。大乘之人。利根智力強故。不以爲難也。如能浮人。雖入深水。不以爲難。九折三難者。此皆畢竟空。智慧之分。不得以之爲難。雖不能度。不期成佛爲異耳。以諸菩薩從發意以來所行之道。與畢竟空智和合。如般若波羅蜜初品中說。施者受者物不可得。是故非爲難也。言三獸者。如兔不能及象馬之道。馬不能及象所蹈。如馬要先運兔道。然後自行其道。香象要先運兔馬之道。後乃自倒其地。菩薩亦如是。先洗二乘之地。然後自到其道也。

又問聲聞緣覺。凡有八輩。大歸同趣。向泥洹門。又其中或有次第得證。或有超次受果。利鈍不同。則所入各異。菩薩云何而學般若耶。心利者。不可挫之爲鈍。鈍者不可銳之令利。菩薩利根。其本超此。而甫就下位之優劣。不亦難乎。若云能者爲易。於理復何爲然。其求之於心。未見其可。而經云。遍學必有深趣。答曰。學者善分別。諦知其法。如有大德之人。往觀發生法。其弟子問之何故。答言。我未得道。應所不更。或至此處。知彼要脈。不令衆生受諸苦。若以三解脫門。觀涅槃法。知斷如是結使。得如是涅槃。三結盡得涅槃。謂無爲須陀洹果。乃至羅漢。得漏盡涅槃果。又如人眼見坑塹。終不墮落。假令入其法者。於法不證。不受信行法行之名。以諸菩薩利根故。

超出二乘。於大菩薩。有所不及。了如師子。雖處於百獸為勝也。如國王行百里。應中道宿見有大臣佐屬。王雖在中入出。觀者而無宿意。作是念言。此雖為妙。自知別有勝處。菩薩亦如是。若入道慧時。分別觀知外道禪定五神通法。及二十七種賢聖法。所謂十八種學法九種無學法。及辟支佛。分別觀已。續行菩薩道。得二種利益。一者自了了知其法用。度衆生時。無所疑難。二者所度衆生。知彼體行此法。則便信受。若不爾者。同在生死。彼我無異。便不信受。

又問。若菩薩遍學。為從方便。始為頓入無漏一道也。若從方便。始以何自驗其心。知必不證。而入無漏也。若不先學方便以自驗。則是失翼而墮空。無相酬可自反。若先學溫和般若心平。若稱一舉。便可頓登龍門。復何為遍學乎。

答曰。是事佛於般若已說。菩薩入三解脫門。要先立願。學觀如己心。則厭離。雖不取其證。我學觀時。非是證時。以如是之心。入無漏者。終不證也。又人言。菩薩先以二因緣故。不取其證也。一者深心貪樂阿耨多羅三藐三菩提。二者於衆生中。大悲徹於骨髓。不欲獨取涅槃。雖知一切法中涅槃無為。但以時未至故。是名菩薩。於衆生中。大悲之至。所謂得涅槃味。而不取證也。復有人言。菩薩無量劫來。修習福德利根故。入三解脫門時。即深入無漏法。以此勢力。不能自反。譬如大魚隨順恒河。入於大海。不能得反。以水力牽故。爾時

十方諸佛。現其身相語言。善男子。當念本願。度一切衆生。莫獨入涅槃。汝但得一法門。我等如是無量阿僧祇法門。憐愍衆生故。猶住世間。何況於汝。時菩薩信受佛語故。不取果證。菩薩遍學義如前說。是故不得以乘平直住為難。

又問。經云。四道與辟支佛智及滅智。皆是菩薩之忍辱。意似是學彼滅智。以成此忍。彼學本自不同。法忍云何而成。若必待此而不證。即諸佛世尊。大會說法。其中應不俄爾之頃。頓至法忍者。推此而言。反覆有疑。

答曰。經云。須陀洹乃至阿羅漢辟支佛。若智若斷。皆是菩薩無生法忍。若智名學人四智。無學人六智。斷名學人有餘斷。無學人無餘斷。是皆以諸法實相為已用。但二乘鈍故。須以六智。菩薩利故。唯用一智。所謂如實智。如鈍斧伐樹數下乃斷。若以利斧一斫便斷。是一樹一斷。但功用有異耳。諸賢聖如是斷諸結樹。以小乘智慧鈍故。分為分智。凡夫。所想顛倒。往來生死。受諸苦惱。說名為苦。以無漏智慧深厭此苦。厭已即捨。苦無自性故。所以者何。是畢竟不生性。如是知已。結使自然不生。是名集滅道智。修此行已。增其盡智。無生智。菩薩利根故。知苦諦一相。所謂無相。但以凡夫顛倒之心。分別有苦有樂。又此苦因於愛等。亦是一相。因同果故。此中無所斷。亦無所證。於其觀中。善能通達。是故當知。聲聞智慧鈍故。先習此道。後乃得力。以菩薩深入故。觀四諦為一諦。如思益經中。說四諦為

一諦。又般若波羅蜜中。說聲聞所有智所有斷。皆在菩薩無生法忍中。聲聞人以四諦。入諸法實相。菩薩以一諦。入諸法實相。聲聞智慧鈍故。多以厭怖為心。菩薩智慧利故。多以慈悲為心。同得諸法實相故。名為所有智所有斷。皆是菩薩無生法忍。如以蘇作種種食。名雖有異。而蘇是一也。或有人言。衆生或愛多。或見多。愛多者。以無作解脫。能入涅槃。無作解脫者。所謂諸法無常。若見多者。以空解脫門。能入涅槃。空解脫門者。所謂空無我。若觀無常苦者。化之則易。若觀空無我者。所行之道。轉深轉微。所謂諸菩薩深愛樂佛法。亦未斷結使。生諸戲論。分別常無常。苦非苦。空非空。我非我。有無非有非無。生不生。非生非不生等。滅此戲論故。佛為說無生法忍。如人服散除病。散復為患。覆以下散藥為希有也。無生法忍亦如是。觀諸法性故。得名為深。以除細微之病故。藥名為妙。復有人言。有人謂。菩薩不得聲聞辟支佛道功德之利。是故說菩薩無生法忍中。悉得其利。又此章中不言學彼以成此用。先云遍觀十地者。名之為學耳。又答云。如入滅定。先期心生。設復暫滅。時至自發。

問曰。若菩薩不證。必同此喻。以此則凡造遍學。不應有退轉。豈非失位於龍門乎。若未遍學。便云退轉。此猶未涉險而頓駕。而本自不行。復何所論。

答曰。菩薩有二種。有退有不退。退亦有二種。一者直行五波羅蜜。如舍利弗等。持頭目施

而生厭退。二者無方便。行般若波羅蜜。入三解脫門。觀涅槃時。以深妙藥故。即便取涅槃證。取涅槃證有二種。一行菩薩道。以無方便。入三解脫門。證於涅槃。二者菩薩聞佛說。菩薩應學聲聞辟支佛道。度脫衆生。雖是菩薩。而用聲聞辟支佛法。入三解脫門。是人無方便。慈悲心薄。深怖畏老病死苦。取涅槃證。如人若能乘馬不隨馬也。不善乘者。便隨馬力。諸菩薩亦如是。起無漏心。入解脫門。隨順無漏。不能自拔。如是退轉菩薩優劣不同。若久行菩薩道者。成就方便力。雖起無漏心。而不隨之。以慈悲方便力故。不令墮落。如是者。則同滅定爲喻也。又退轉者。雖有本願。以福德智慧力用薄故。不能自出。如入賊陳。皆願欲出。其身力方便者。乃能得出。無力者。雖有其意。不能得出。又如說法華經畢。竟空設有退轉。究竟皆當作佛。佛說退者。意欲令菩薩當得直道。始終無退。如般若波羅蜜不退品中說。又須菩提言。世尊。菩薩退爲以何法退。色陰退也。受想行識退也。佛言不也。離五陰有退也。佛言不也。須菩提言。若不爾者。云何有退。佛爲須菩提。漸以明法華經義。

問曰。聲聞辟支佛智及滅。則是菩薩忍。菩薩於智滅中不證時。爲是無生滅觀力也。爲是度人心力也。若是無生滅觀力。則遍學時不得並慮。若不並慮。則無生滅之觀。玄而不微。以其無微。菩薩便應隨至取證。若是度人心力。時至則反。凡爲菩薩。以何那自督。此心豈不必欲度人。而中退轉者何也。又云。大智論

云。得忍菩薩。解諸法實相。廓然都無時。猶如夢中乘筏渡河。既覺無復度意。若爾者。先期有其。何功用有。得忍大士。已起陰路。猶尙若茲。況未至者乎。君來喻雖美。吾喻是其拾也。

答曰。無生觀力劣。而。去有同。何以故。無生各一切法。從本以來。不生不滅。以不滅法故。滅故滅諸觀行。菩薩如是。智力雖二道。不應爲證。何以故。證名第一直實。更無勝法。而菩薩以利智慧。深得法性。不應以法爲證也。然雖心不並慮。因見小乘法卑陋故。深發本識。知非所樂。但爲度小乘人故。觀其法耳。譬如大鳥常有甚深清淨之池。以小緣故。暫住濁水。事訖便去。不樂入也。此亦如是。隨大力所牽。不爲小力所制。度人心力者。諸菩薩雖入無漏禪定。而能不捨慈悲之心。小乘則不然。以其力劣故。心在無漏。則不應復有心所念。又菩薩以小乘法。觀泥洹時。有樂小乘道者。因用其法。而度脫之。此則是度人心也。凡言善學小乘法者。皆是得忍無生忍菩薩。所以者何。以彼謗言。尚不則此法。何能以是度人也。是故學。者。以有殊妙之事故。如富樓那。過去無量佛所。於弟子衆中。第一法師。今佛弟子中。亦爲第一。是故當知。是大菩薩。現行小法。又小菩薩等。得甚深大乘之法。行五波羅蜜。若入小乘空法者。不知般若波羅蜜。無方便力。慈心弱。不能自拔。爾時隨至而證。佛若教如是等菩薩遍學者。則生厭心。失菩薩道。如人有呪火之力。能入大火。若無

呪力。則不堪任。又人言。菩薩利根故。知涅槃寂滅相真實之法。雖有慈悲之力。不能自制。但以十方諸佛。現其妙身。而教化之。譬如身大者。墮在深坑。一切繩用不能令出。唯有大士。以金剛項。爾乃出之。菩薩亦如是。深見生死過患。涅槃寂滅安穩之處。唯有諸佛。乃能令出。更無餘人也。

又問。遍學以何爲始終。從發意生得忍。其中住住皆是遍學。不若初住遍學。於二乘智滅中。已得無生法忍。則不應復住住遍學。若果不住住遍學。則其中無復諸住階差之名。若初住不得忍。即住住皆應遍學。若住住遍學。則始學時漏結不盡。如其不盡。則雖學無功。想諸菩薩。必不徒勞而已。又問。十住除垢經說。菩薩切住中遍學。雖入聖諦。不令經滅。亦不令起。此語似與大智論異。亦是。成答所不同。是乃方等之契經。於理。者所共信。若不會通其趣。則遍之說。非常智所了之者。則有其人。

答曰。此義前章已明。要大菩薩。現作聲聞。爲度小乘人故。學大乘。如富樓那等。或有人言。有三種慧。聞慧思慧。未得無生法忍。菩薩以聞思慧。學二乘法。何以故。是人福德智慧未深厚故。若用修慧。則便作證。是故唯無生法忍菩薩。三慧遍學諸道。又新發意菩薩。誦讀思惟大乘經法。雖學亦不爲成無生法忍也。而得忍菩薩。同體實相之利。但深淺有異。是故觀智而已。此因緣先已說。又十住斷結說。未見此經。不得玄以相答。

又問證與取證。云何爲證。菩薩爲證而不取。爲不證不取也。若證而不取。則證與取證宜異。若以盡爲證。盡不先期而設至。云何爲不取。若謂既證而不取。則須菩提。不應云是處不然。若以盡爲證。三結盡時則是須陀洹。下分盡時則那含。二分盡時則是阿羅漢。若三處皆盡。而非三道。則有同而異者矣。共異安在乎。若先同而後異。直是先小而後大耳。若先異而後同。直是先大而後小耳。若都不同不異。則與來答趣。而永後會此所望也。

答。經直云證。欲令易解故。說言永證。證與所證。無有異義。般若波羅蜜中。佛爲須菩提解之。菩薩欲入三解脫門。先發願不住證。卽今是學行時。非是證時。以本願大悲。發願生故。雖入三解脫門。而不作證。如王子雖未就職。見小職位。觀知而已。終不貪樂。當知別有大職故。菩薩亦如是。雖入小乘法。未具足六波羅蜜。地菩薩事故。而不作證。證名已具足。放捨止息。所觀第一。更無有勝。不復接受三界苦惱。是名爲證。譬如人有事相言。未得可信重人爲證者。則生憂怖。種種方便。求自勉濟。若得證已。心則安穩。不復多言也。諸賢聖如是。知世間可厭離。無所貪著。卽見無生無滅無作無常法。此法無爲不生不滅故。不可在心。不可在心故。不名爲修。以無漏故。不名爲斷。但以爲證耳。此理真實。第一可信。若於是法。貪欲修行。卽是戲論。生法煩惱。是故應證。而不應修。如熱金丸雖好。正可眼見。不可手捉。如是證涅槃已。不復須厭斷

修道。凡證說有四種。一者有人欲得諸法實相。修行其道。見涅槃相。卽以爲殊妙。發大歡喜。而生相著。因涅槃故。有所戲論。此人之心。自謂得微妙法。名爲智慧中戲論煩惱也。二者見涅槃法。厭離心通鈍故。不能信一切煩惱。或爲須陀洹。或爲斯陀含。或爲阿那含。名爲學涅槃者。不名得證也。三者厭情休息智慧心。則見涅槃已。不生愛著。不生戲論。捨諸煩惱。名阿羅漢。四者發心阿耨多羅三藐三菩提。爲度衆生故。欲與衆生第一之利。所謂涅槃利。生死中厭離心厚。世世修習種種法門。無量福德。利根第一。雖見涅槃。不生愛著。不生戲論。捨一切凡夫結使。知一切法同涅槃。無生無滅。但未具足菩薩之道。本願未滿。唯斷凡夫結使。未斷菩薩細微結使故。不名爲證。證名所作已辦。不復更有所作得證者。唯有三人。阿羅漢。辟支佛。佛。三學人。雖斷結使。不患盡故。但假名爲證。非實證也。如因得道人故。餘學道者。通名道人。此中得無生菩薩。知諸法實相涅槃。自利已足。三界苦斷。爲教化成就衆生故。出於涅槃。無爲之法。還修有爲福德。淨佛國土。引導衆生。是故不名爲證也。

#### 次問住壽義并答

遠問曰。經云知四神足。多修習行。可得住壽一劫有餘。又須菩提請世爲住壽恒沙劫。既有此法。卽宜行之。有人請問。諸佛菩薩。竟有住壽者。不若果有者。爲是法身。爲是變化身乎。若是法身。法身則有無窮之算。非凡壽

所及。不須住壽。若是變化身。化身則滅時而應時。長則不宜短時。短則不宜長。以此住壽將何爲哉。又問壽有自然之定限。壽之者與化而住。目應無陳。時不可留。云何爲住。若三相可得。中停則有爲之相。暫與涅槃同像。不知胡言中竟住壽不。若以益算爲住壽。則傳譯失旨。又得滅盡三昧者。入斯定時。經劫不變。大火不能焚。大海不能溺。此卽是三昧力。自在壽住。今所疑者。不知命根。爲何所壽。爲寄之於心。爲寄之於形。爲心形兩寄也。若寄之於心。則心相已滅。滅無所寄。若寄之於形。卽形隨化住。時不可留。何以時之。力士移山。經云。非常之變。非十力所制。制非十力。則神足可知也。此問已備之於前章。若一理推釋。二亦俱解。

什答。若言住壽一劫有餘者。無有此說。傳之者生。如長阿含大泥洹經。阿難白佛乘現證。從世尊聞。若善修習四如意。是人。若欲壽一劫。若滅一劫則成。耶。摩訶衍經曰。若欲壽恒河沙劫者。此是假言。竟不說人名。用此法者。如寶頭盧頗羅連阿羅漢。善修習如意故。壽命至今不盡。因現神足力。取栴檀鉢故。佛以此治之。唯聞此一人。行其法用。餘者未聞。又諸阿羅漢。觀身如病如癰。如惡惡賊。如退法阿羅漢。今有自害。況當欲欲久壽也。以體無我心故。深拔貪著根本故。以涅槃寂滅安穩之利。以不樂久住。雖住先世因緣身。盡則止。又法身變化身。經無定辨其異相處。此義先已說。聲聞人中。說變化之無心意識

寒熱等慧，性是無記，正可眼見爲事故。現事證則滅。如是之身，無有根本，則無久壽之爲義。法身二種。一者三十七品等諸寶聖。故二者三藏經等，此皆非身非命，亦不得有久壽之爲義。當是先世行業，所得之身，爲大因緣故。欲久住者，便得隨意。摩訶衍中法身想，先已具說其因緣。今者略說菩薩法身，有二種。一者十住菩薩，得首楞嚴三昧，令菩薩結使微薄，是人神力自在，與佛相似。名爲法身，於十方現化度人之身。名爲變化身。隨見變化身者，推求根本者，以爲法身，是故凡小者，名爲變化身。如此之人，神力無礙，何須善修四如意足也。二者得無生忍已，捨結果身，得菩薩清淨業行之身。而此身自於分位，能爲自在。於其分外，不能自在無礙，是菩薩若欲善修習如意，亦可有恒沙劫壽耳。如人有

力，不假大用。若無力者，乃有所假。初入法身菩薩，亦如是神通之力，未成就故。若修如意者，便得隨意所作，又修如意章中言。若人欲劫壽者，便得如意，不言住壽也。如阿毘曇中說。有阿羅漢，以施得大福德願力，轉求增壽，便得如願。所以者何，是人於諸禪定，得自在力。願智無諍三昧頂禪等，皆悉通達，以先世因緣壽將盡，爲利益衆生故。餘福因緣轉求長壽，便得如願。如檀越欲施比丘多種食之物，而是比丘有遊行因緣，不須此物。善喻檀越言。汝以好心見施，可貪此食。爲衣物而得如願。又善修如意者，亦如是。雖不先世福德求壽，以得無漏法故，專修有漏甚深善

根，修有漏甚深善根力故，便得增壽果報。無漏雖無果報，能令有漏清淨，小而獲大果。又滅盡三昧力因緣故，令餘行增壽。若入滅盡三昧時，過於生理，身則毀壞無復身因。起是即無，若入餘定，則無此事。如一比丘欲入滅盡三昧，作起心因緣，願力打撻推得，當從定起，有賊來破壞僧坊，十二年中，無撻撻音，此比丘猶在定中，後檀越還修立僧坊打撻，比丘便覺時即死也。鳩摩羅什法師大義卷下終

No. 1857

### 寶藏論

廣照空有品第一 長安沙門釋僧肇著

空可空非真空。色可色非真色。真色無形。真空無名。無名名之。父。無色色之母。爲萬物之根源。作天地之太祖。上施玄象。下列冥庭。元氣含於大象。大象隱於無形。爲識物之靈。靈中有神。神中有身。無爲變化。各稟乎自然。微有事用。漸有形名。形與未質。名起未名。形各既兆。遊氣亂清。寂兮寥兮。寬兮廓兮。分兮別兮。上則有君。下則有臣。父子親其居。尊卑異其位。起教叙其因。然後國分其界。人部其家。各守其位。禮義興行。有善可稱。有惡可名。善人所重。惡人所輕。於是即是而非而競生。其智有解。其愚有縛。上施煩形。下無寂樂。失

自然之志。拘物外之約。迷無爲之爲。動有作之作。其名教既行。使上下之應諾爾乃聲立。五音。色立五色。行立五行。德立五德。差之毫釐。過犯山嶽。律禁未然。令防未欲。無放蕩之寬。有多方之局。所以然者。爲人而不知足。斯爲濁亂之時。有弟有師。師有所訓。弟有所依。天地寥落。宇宙寬廓。中有煙塵。清虛翳膜。窺之形。內神外靈。妄有想慮。真一開冥。其妄有識。其真有惑。非取而取。非得而得。是故理則無窮。物則無極。動兮亂兮。內發三毒。視兮聽兮。外受五欲。其心。恍惚。其身。忙忙。觸物動作。如火煌煌。故聖人立正教。置真謨。使無知之侶。上下相依。修無爲。息有餘。漸至乎如。如。如之理。同本真軌。不可以修證。不可以希冀。惟寂滅性耳。夫真也者。無洲無渚。無伴無侶。無涯無際。無處無所。能爲萬物之祖宗。非目視。非耳聞。非形色。非幻魂。能爲三界之根門。其正者先離形。次泯情。不依物。不拘生。可以合大道通神明。有用曰神。有形曰身。無爲曰道。無相曰真。應物而號。隨物而造。常住常存。不生不老。理合萬德。事出千巧。事雖無窮。理終一道。無有證者。無有得者。然不證不得。恒處心惑。其心不真。惑亂除人。恍然惚然。如有烟。烟似有思想。究令推兮。了無指掌。如空忽雲。如鏡忽塵。彼此緣起。而以妄存。有妄曰愚。無妄曰真。真水釋水。妄水結水。冰水之二。其體不異。迷妄曰愚。惺真曰智。其水也冬不可釋。其水也春不可結。故愚不可即改。智不可即待。漸釋漸消。以通乎大

海。斯可謂自然之道。運用玄玄。非念慮所測。當可以綿綿。不可以動動。夫進道之由。中有萬途。因魚止瀝。病鳥棲蘆。其二者不識於大海。不識於叢林。人超乎小道其義亦然。此可謂久功中止。不達如理。捨大求小。半路依止。以小安而自安。不及大安而安矣。其大也。悵蕩無涯。含識一體。萬物同懷。應則千變。化則衆現。出不出沒。用無有間。有心無形。有用無人。示生無生。示身無身。常測不測。常識不識。爲而無爲。得而無得。鏡象千端。水質萬色。影分塵界。應用無極。無形而形。無名而名。物類相感。和合而生。生而不生。其無有情。衆謂之聖。衆謂之明。種種稱號。各任其名。然其實也。以無爲爲宗。無相爲容。等清虛。同太空。究無處所。用在其中。其得者一。其證者密。得則不一。證則不密。然非不一。然非不密。其體陰離。其用陽微。言不盡理。行不盡儀。斯可謂太微。夫山草無窮。泉水無竭。谷風無休。鐘聲無歇。物尚如斯。何況道乎。有必速亡。無必久長。天地雖變。虛空獨常。夫學道者習無餘。不學道者習有餘。無餘道近。有餘道疎。知有有壞。知無無敗。真知之知。有無不計。於有不有。於無不無。有無不見。性相如如。聞然無物。而乃用出。若不如是。多妄多失。中有夢虛。主習衆疾。非凶爲凶。非吉爲吉。吉凶之事。窮障真一。故爲道者。不可以同迷。夫學道者有三。其一謂之真。其二謂之隣。其三謂之聞。習學謂之聞。絕學謂之隣。過此二者謂之真。不學道者亦有三。其上謂之祥。

其次謂之良。其下謂之殃。極樂謂之良。極苦謂之殃。不苦不樂謂之祥。然此三者皆不入真。常斯爲不道。騰神浩浩。風海波濤。心塵動擾。悲哉哀哉。三界輪迴。出沒生死。六道去來。不可以道濟。不可以真携。乘聖共登。如母念孩。所以優化非時。忍待有機。大道如此。古今同儀。不可以率爾。不可以驅馳。神中有智。智中有悲。悲救不得。徒自困疲。然謂可度。復事如故。察察精勤。恒與夢虛。惶惶外覓。轉失玄路。濁辱清虛。情存有處。哀哉苦哉。不離煩務。夫日隱雲中。雖明而不照。智藏惑中。雖真而不道。何以然者。自未出纏也。是故疎不可會。親不可離。其末道者。不可妄爲。夫決歸者。而不顧於後。決戰者。而不顧於首。決學者。而不貴於身。決道者。而不貴於事。其入無跡。其出無覓。了無所得。攀緣自寂。寂而不生。自體無名。無名之朴。理無外欲。恒沙功德。宛然自足。夫殼居者。不知宇宙之寬大。形處者。不知虛空之廣大。故晦中無明。明中無晦。諸法念念。各不相待。物隔情離。達情難會。夫亦稟含蟲。內境外隆。沙水同流。上清下稠。國藏於侯。天下不政。形藏於心。萬物皆淫。所以然者。以其有病也。故物有靈。靈必有妖。妖必有欲。欲必有心。心必有情。情動爲欲。妖發爲精。精惑於神。欲惑於真。故爲道者。不可以隣。夫古鏡照精。其精自形。古教照心。其心自明。夫約天地爲上下。約日月爲東西。約身爲彼此。約心爲是非。若無彼此。是非何爲。但以物隨情變。情逐物移。內外搖動。

識物乘馳。其生也人。其死也魂。相似相續。夢有身形。實彼非此。實此非彼。鳥跡空文。奇特以現。難思難議。陰報陽施。冥道罔象。因果自應。其事如幻。種種模面。焰水乾城。都無實現。斯謂不真。惑亂餘人。清虛之理。畢竟無身。夫神通變化者。其猶於龍昇天。覆宇宙者。其猶於雲凝。斯未可貴。斯未可真。若取其爲實者。而未爲道也。或有形而麗。或有語而辨。或有智而聰。或有有用而巧。若取以爲道者。亦未爲善也。有必不真。作必不常。乾坤尚壞。器物何剛。唯道無根。虛湛常存。唯道無體。微妙常真。唯道無事。古今常貴。唯道無心。萬物圓備。故道無相無形。無事無意無心。善利群品。率益人倫。可謂一切物無不寶。夫萬物有侶。唯道獨存。其外無他。其內無復。無內無外。包含太一。該羅八冥。周備萬物。其狀也非內非外。非小非大。非一非異。非明非昧。非生非滅。非施非細。非空非有。非開非閉。非上非下。非成非壞。非動非靜。非歸非逝。非深非淺。非愚非慧。非違非順。非通非塞。非貧非富。非新非故。非好非弊。非剛非柔。非獨非對。所以然者。若言其內。通含法界。若言其外。備應形載。若言其小。包囊彌遠。若言其大。復入塵界。若言其一。各任其實。若言其異。妙體無物。若言其明。杳杳冥冥。若言其昧。朗照微明。若言其生。無狀無形。若言其滅。今古常靈。若言其龜。東入塵廬。若言其細。山嶽之軀。若言其空。萬用在中。若言其有。闐然無容。若言其開。不入塵埃。若言其

閉。義出無際。若言其上。平等無相。若言其下。物莫能況。若言其成。撲散衆星。若言其壞。鎮古常在。若言其動。湛然凝重。若言其靜。忙忙物聲。若言其歸。往而不辭。若言其逝。應物還來。若言其深。萬物同任。若言其淺。根不可尋。若言其愚。計用萬途。若言其慧。寂莫無餘。若言其達。有信有依。若言其順。物莫能觸。若言其通。不達微踪。若言其塞。出入虛容。若言其貧。萬德千珍。若言其富。曠絕無人。若言其新。自古宿因。若言其故。物莫能污。若言其好。無物可保。若言其弊。物始依然。若言其剛。摧挫不傷。若言其柔。力屈不屈。若言其獨。恒沙物族。若言其對。真一孤轂。故道不可以一名言。理不可以一義宣。蓋略陳其說。何能以盡其邊。是以斬首灰形。其無以損生。金丹玉液。其無以養生。故真生不滅。真滅不生。可謂常滅。可謂常生。其有愛生惡滅者。斯不悟常滅。愛滅惡生者。斯不悟常生。其迷悟二名。不見真成。取捨之意。隨虛妄情。故常空不有。常有不空。兩不相待。句句皆宗。是以聖人。隨有隨空。隨道隨空。空不乖有。有不乖空。兩語無病。二義雙通。乃至說我。亦不乖無我。乃至說事。亦不乖無事。以故不爲言語之所轉也。夫鑄金爲人。但觀其人。不觀其金。其名也迷。其相也惑。所以然者。皆失乎真。然則一切皆幻。虛妄不實。知幻是幻。守真抱一。不染外物。清虛太一。其何有失。亡心喪意。體離衆疾。一相不生。寂靜凶吉。吉猶不隨。凶何所爲。吉凶之

事。二俱無依。夫入道之徑。內虛外淨。如水凝澄。萬象光映。其意不沈。其心不浮。不出不入。湛寂自如。內外不干。識物不關。各任其一。復何用言。夫火不待日而熱。風不待月而涼。堅石處水。天譬猶光。明暗自爾。乾濕同方。物尚不相惜。何況道乎。王以萬有爲人。人歸於王。王依於人。合者同一。其名曰佛。三界獨尊。覺了無物。非作而作。所作已畢。天人之師。正遍知悉。權應形事。引導衆疾。理靜虛無。光超慧日。普照十方。上同下吉。不欲異人。不欲異塵。不欲異義。不欲異因。平等不二。圓通一身。可謂大象之真。其理難見。假設方便。數詰言論。任物而現。夫欲外者塵。欲內者身。欲聞者心。取塵者爲欲界。依形身者爲色界。依計心者爲無色界。滅此三者。名爲道諦。諸滅者爲道也。然此道者。權未正也。虛兮妄兮。三界不實。幻兮夢兮。六道無物。不違一法。不得一法。不修一法。不證一法。性淨天真。而謂大道乎。是以遍觀天下。莫非真人。就得此理。同其一倫。其學者希。其得者微。可謂渺漠而難知。其知者師。其化者夷。無心動作。作而無爲。無爲而爲。無所不爲。和光任物。物無所耦。夫天地之內。宇宙之間。中有一寶。祕在形山。識物靈照。內外空然。寂寞難見。其號玄玄。巧出紫微之表。用在虛無之間。端化不動。獨而無雙。聲出妙響。色吐華容。窮觀無所寄。號空空。唯留其聲。不見其形。唯留其功。不見其容。幽顯明照。物理應通。森羅寶印。萬象真宗。其爲也形。其寂也冥。本淨非淨。法爾圓

成。光超日月。德越太清。萬物無作。一切無名。轉變天地。自在縱橫。恒沙妙用。混沌而成。誰聞不喜。誰聞不驚。如何以無價之寶。隱在陰入之坑。哀哉哀哉。其爲自輕。悲哉悲哉。誰何由明。其實也煥煥煌煌。朗照十方。闡寂無動。應用堂堂。應聲應色。應陰應陽。奇特無根。虛湛常存。瞬目不見。側耳不聞。其本也冥。其化也形。其爲也聖。其用也靈。可謂大道之精。其精甚真。萬物之因。凝然常住。與道同倫。故經云。隨其心淨。則佛土淨。任用森羅。其名曰聖。

#### 離微體淨品第二

其入離。其出微。知入離外。塵無所依。知出微內。心無所爲。內心無所爲。諸見不能移。外塵無所依。萬有不能耦。萬有不能耦。想慮不乘。馳諸見不能移。寂滅不思議。可謂本淨。體自離微也。據入故名離。約用故名微。混而爲一。無離無微。體離不可染。無染故無淨。體微不可有。無有故無依。是以用而非有。寂而非無。非無故非斷。非有故非常。夫性離微者。非取非捨。非修非學。非本無今有。非本有今無。乃至一法不生。一法不滅。非三界所攝。非六趣所變。非愚智所改。非真妄所轉。平等普遍。一切圓滿。總爲一大法界。應化之靈宅。迷之者則歷劫而浪修。悟之者則當體而凝寂。夫妄有所欲者。不觀其離。妄有所作者。不觀其微。不觀其微者。即內興惡見。不觀其離者。即外起風塵。外起風塵故。外爲魔境所亂。內興惡見故。內爲邪見所惑。既內外緣生。真一



宗隱。是以迷離妄染者。所謂凡夫。迷染妄離者。所謂二乘。迷本性離者。所謂菩薩。了了見知三乘無異者。所謂平等真佛。然至理幽遠。非言說可顯。非相示可知。夫欲示其相。則迷其無相。欲顯其說。則迷其無說。然欲不說不示。復難以通其義。故玄道離微。至理難顯。夫所以言離者。體不與物合。亦不與物離。譬如明鏡光映萬象。然彼明鏡不與影合。亦不與體離。又如虛空合入一切無所染著。五色不能污。五音不能亂。萬物不能拘。森羅不能離。故謂之離也。所以言微者。體妙無形。無色無相。應用萬端。而不見其容。含藏百巧。而不顯其功。視之不可見。聽之不可聞。然有恒沙萬德。不常不斷。不離不散。故謂之微也。是以離微二字。蓋道之要也。六入無跡謂之離。萬用無我謂之微。微即離也。離即微也。但約彼根事。而作兩名。其體一也。夫修道者。莫不斷煩惱求菩提。棄小乘窺大用。然妙理之中。都無此事。體離者本無煩惱可斷。無小乘可棄。體微者無菩提可求。無大用可窺。何以故。無一法可相應故。是以聖人。不斷妄。不證真。可謂萬用而自然矣。夫求法者。為無所求。故無名之朴。亦將不欲。斯可謂之妙覺。夫離微者。非妄識之所識。非邪智之所知。何謂妄識。為六識也。何謂邪智。為二智也。是以體真一故。非二智所知。體無物故。非六識所識。無有一法從外而來。無有一法從內而出。又無少法和合而生。可謂之太清。可謂之真精。體離一切諸見。故不可以意度。體微一切限量。故不

可以言約。是以離微默然。如來寂滅。離說種種諸乘。並是方便。開示悟入佛之知見。夫知者知離。見者見微。故經云。見微名為佛。知離名為法。以知離故。即不與一切煩惱合。以見微故。即不與一切虛妄俱。無虛妄故。即真一理顯。無煩惱故。即明覺自然。夫離微之義。非一非二。非以言說可顯。要以深心體解。朗照現前。對境無心。迷緣不動。勿忘離微之道。逐識星馳。口說心違。理將不寔。可謂無量無夜。無靜無喧。專一不移。方乃契會。若妄有所取。妄有所捨。妄有所修。妄有所得者。皆不入真。背離微之義。壞大道之法也。夫真者所以不合求。為外無所得。夫實者所以不合修。為內無所證。但無妄想者。即離微之道顯也。夫離者虛也。微者沖也。沖虛寂寥。故謂之離微。夫聖人所以無妄想者。為達離也。所以有奇特之用者。為了微也。微故無心。離故無身。身心俱喪。靈智獨存。絕於有無之域。泯於我所之居。法界自然。煌煌盛用。而無生也。故聖人處無為而化行。不言之教。冥理應合。寂寥無人。是以含通大象。包入萬物。譬如虛空。普偏周備。夫迷者無我立我。則內生我倒。內生我倒故。即聖理不通。聖理不通故。外有所立。外有所立。即內外生礙。內外生礙。即物理不通。遂妄起諸流。混於疑照。萬象沈沒。真一宗亂。諸見競興。乃為流浪。故製離微之論。顯體幽玄。學者深思。可知虛實矣。夫色法如影。聲法如響。但以影響指陳。未足封為真實。故指非月也。言非道也。會道亡言。見月亡

指。是以迷離者。即為諸魔。愛取諸塵。樂著生死。夫迷微者。即為外道。非分推求。橫生諸見。夫諸見根本者。莫越有無。何謂為有。謂妄有所作。何謂為無。謂觀察無所得也。是以因有無二見。即起種種諸見。諸見既起。即邪見不真。故名為外道。夫生死根本者。所謂存亡。身在為生。身亡為滅。計著妄想。取外境界。具足身見。愛彼未來殊勝生處。受妙果報。故謂之魔。若體解離者。一切不著。無所染愛。即超魔境界。若體解微者。一切寂靜。無有妄想。即超外道種種邪見。故經云。微妙甚深。離自性也。是以微無有見。離無有著。無見無著。寂滅為樂。何謂為苦。以不了微故。即內有所思。不了微故。即外有所依。外有所依。故即貪。內有所思。故即緣。緣貪既起。遂為魔境所使。晝夜煌煌。無有暫止。具受塵勞。故名為苦。何謂為樂。為了微故。即內無所思。為了離故。即外無所依。外無所依。故即無貪。內無所思。故即無緣。無緣故。即不為萬有所拘。及諸塵勞所使。清虛寂寥。無所繫縛。自性解脫。故名為樂。夫離者理也。微者密也。何謂為理。不離一切物。何謂為密。顯用藏術。又離者空也。微者有也。空故無相。有故形量。是以非有非空。萬法之宗。非空非有。萬物之母。出之無方。入之無所。包含萬有。而不為事。應化萬端。而不為主。是以小室寬容。一念多通。非心所測。非意所識。可謂住不思議解脫之力。何謂不思議。為體離微。何謂解脫。為無所羈。離者法也。微者佛也。和合不二名為僧也。故三名一體。

一體三名。混無分別。歸本無名。又離者容也。微者用也。容故含垢。用故無侶。無侶故即妙化常行。含垢故即萬有能處。又無眼無耳謂之離。有見有聞謂之微。無我無造謂之離。有智有用謂之微。無心無意謂之離。有通有達謂之微。又離者涅槃。微者般若。般若故繁興大用。涅槃故寂滅無餘。無餘故煩惱永盡。大用故聖化無窮。若人不達離微者。雖復苦行頭陀。遠離塵境。斷貪嗔癡。忍成成就。經無量劫。終不入真寔。何以故。皆為依正所行住有所得故。不離顛倒夢想惡覺諸見。若復有人體解離微者。雖近有妄想習氣及現行煩惱。然數數覺知離微之義。此人不久。即入真寔無上道也。何以故。為了正見根本故也。又所言離者對六入也。所言微者對六識也。若混六為一寂靜無物。非五四三。非九八七。但聖人應機設教對執不同。究竟理中都無名字。譬如虛空離數非數離性非性。非一非異。非境非離境。不可言說。過於文字出於心量。無有去來無有出入。夫經論者莫不就彼凡情破彼根量。種種方便皆不住於形事者。若不住形事即不須一切言說。及以離微之義。故經云隨宜說法意趣難解。雖說種種諸乘。皆是權接方便助道之法也。然非究竟解脫涅槃。譬如有人於虛空中畫作種種色象。及作種種音聲。然彼虛空實無異相。亦無受入變動。故知諸佛化身。及以說法亦復如是。於實際中都無一異。是以天地含離虛空含微。萬物動作變化無爲。夫神中有智智中有通。

通有五種。智有三種。何爲五通。一曰道通。二曰神通。三曰依通。四曰報通。五曰妖通。何謂妖通。狐狸老變木石之精。附傍人身聽慧奇特。此爲妖通。何謂報通。鬼神逆知諸天變化。中陰了生神龍變化。此爲報通。何謂依通。約法而知緣身而用。乘符往來藥餌靈變。此爲依通。何謂神通。靜心照物宿命既持。種種分別皆隨定力。此爲神通。何謂道通。無心應物緣化萬有。水月空華影象無主。此爲道通。何謂三智。一曰真智。二曰內智。三曰外智。何謂外智。分別根門識了塵境。博覽古今該通俗事。此爲外智。何謂內智。自覺無明斷割煩惱。心意寂靜滅有無餘。此爲內智。何謂真智。體解無物本來寂靜。通達無涯淨穢無二。故名真智。故真智道通不可名目。餘所有者皆是邪偽。偽即不真邪即不正。惑亂心生迷於體性。是以深解離微達彼諸有。自性本真出於群品。夫知有邪正通有真偽。若非法眼精明難可辨也。是以俗間多信邪偽少信正真。大教偃行小乘現用。故知妙理難顯也。夫離者無身微者無心。無身故大身無心故大心。大心故即周萬物。大身故應備無窮。是以執身為身者即失其大應。執心為心者即失其大智。故千經萬論莫不說離身心。破彼執著乃入真寔。譬如金師銷鑪取金方爲器用。若執有身者即有身礙。身礙故即法身隱於形骸之中。若執有心者即有心礙。心礙故即真智隱於念慮之中。故大道不通妙理沈隱。六神內亂六境外緣。晝夜惶惶未有休息。夫不觀

其心者不見其微。不觀其身者不見其離。若不見離微。則失其道要也。故經云佛說非身是名大身。亦復如是。此謂破權歸實壞假歸真。譬如金師銷鑪金爲器。滅相混融以通大治。言大治者爲大道也。此大道治中。造化無窮流出萬宗。若成若壞體無增減。故經云有佛無佛。性相常住。所以言融相者。但爲愚夫著有相畏無相也。所以言相者。爲破彼外道著於無相畏有相也。所以言中道者。欲令有相無相無二也。此皆破執除疑言非盡理。若復有人了相無法平等不二。無取無捨無此無彼。亦無中間。即不假聖人言說理自通也。夫以相爲無相者。即相而無相也。故經云色即是空非色滅空。譬如水流風擊成泡。即泡是水非泡滅水。夫以無相爲相者。即無相而相也。經云空即是色色無盡也。譬如壞泡爲水水即泡也。非水離泡。夫愛有相畏無相者。不知有相即無相也。愛無相畏有相者。不知無相即是相也。是故有相及無相。一切悉在其中矣。覺者名佛。妄即不生。妄若不生即本真寔。夫無相之相謂之離。離體無相也。相即無相謂之微。微體非無相也。是以爲道者。生而不喜死而不憂。何以故。以生爲浮以死爲休。以生爲化以死爲真。故經云起唯法起滅唯法滅。又此法者各不相知。起時不言我起。滅時不言我滅。夫大智無知。大覺無覺。真際理空不可名目。是以涅槃寂寂般若無知。圓滿法身一切限量相寂滅也。

本際虛玄品第三

夫本際者。卽一切衆生無礙涅槃之性也。何謂忽有如是妄心及以種種顛倒者。但爲一念迷也。又此念者從一而起。又此一者從不思議起。不思議者卽無所起。故經云道始生一。一爲無爲。一生二。二爲妄心。以知一故卽分爲二。二生陰陽陰陽爲動靜也。以陽爲清以陰爲濁。故清氣內虛爲心。濁氣外凝爲色。卽有心色二法。心應於陽陽應於動。色應於陰陰應於靜。靜乃與玄牝相通。天地交合故。所謂一切衆生皆稟陰陽虛氣而生。是由一生二。二生三。三卽生萬法也。既緣無爲而有心。復緣有心而有色。故經云種種心色。是以心生萬虛色起萬端。和合業因遂成三界種子。夫所以有三界者。爲以執心爲本迷真一故。卽有濁辱生其妄氣。妄氣澄清爲無色界。所謂心也。澄濁現爲色界。所謂身也。散淨穢爲欲界。所謂塵境也。故經云三界虛妄不實。唯一妄心變化。夫內有一生卽外有無爲。內有二生卽外有有爲。內有三生卽外有三界。既內外相應遂生種種諸法。及恒沙煩惱也。若一不生卽無無爲。若有人言我證無爲。卽是虛妄。若二不生卽無有爲。若有人言我證有爲。卽是虛妄。若三不生卽無三界。若有人言定有三界。卽是虛妄。是故經云有有卽苦果。無有卽涅槃。諸聲聞人取證無爲。猶有有餘也。乃至十地菩薩。皆有住地無明微細障也。故以一爲無爲以二爲有爲以三爲三界。言無爲者有二種。一者證滅無爲。二者性本無爲。言證滅無爲者。所謂一切聖

人修道斷障體如如也。故經云一切賢聖皆以無爲法。而有差別性。本無爲者所謂本來法爾非修非證。非人所合非法所契。人法本空體淨真諦。故經云實相之理非有爲非無爲。不此岸不彼岸。不中流。是以非有爲故。卽不可修學。非無爲故。卽不可滅證。若有修有證者。非性本無爲也。故經云一切法以不生爲宗。宗若不生卽無無生。無生不生不可爲證。何以故。若有證卽有生若無證卽無生。依本太冥。夫不生者卽本際也。不出不沒猶如虛空無物可比。但一切有爲之法虛妄不實。緣假相依而有存亡。窮其根趣還本實際。但一切衆生失本。外求輪轉辛苦修習。累劫而不悟真。是以將本求末未安非真。將末求本本虛非實。夫本者卽不合求。何以故。本卽不求本也。譬如金不求金也。末卽不合修。何以故。妄不求妄也。譬如泥團不可成金也。夫身心之法虛假不實。俗人多以修身心而覓道者。同彼泥團而覓金也。若約身心卽是道者。聖人何故說離身心。故知非道也。若本真者亦不合修。何以故。無二法也。夫聖人生而不有死而不無。無有妄想取捨之心。所謂萬生萬死公正無私。法爾自然中無我造。但彼愚夫妄想內起惑心種種見生。故非真實不能明了。然其本際自性清淨。微妙甚深體無塵垢。是以千聖萬賢種種言論。皆是化說於真非真說化非化。是以本際無名名於無名。本際無相相於無相。名相既立妄惑遂生。真一理沈道宗事隱。是以無名之朴通遍一切

不可名目。過限量界一體無二。故經云森羅及萬象一法之所印。卽卽本際也。然本際之理。無自無他非一非異。包含一氣該入萬有。若復有人自性清淨。含一而生中無妄想。卽爲聖人。然實際中亦無聖人法。如微塵許而有異也。若復有人自性清淨。含一而生中有妄想。自體濁亂卽爲凡夫。然實際中亦無凡夫法。如微塵許而有異也。故經云佛性平等廣大難量。凡聖不二一切圓滿。咸備草木周遍蟻蟻。乃至微塵毛髮莫不合一而有。故經云了能知一萬事畢也。是以一切衆生皆一乘而生。故謂之一乘。若迷故卽異覺故卽一。經云前念是凡後念是聖。又云一念知一切法也。是以一卽一切一切卽一。故言一切以一法之功而成萬象。故經云一切若有有心卽迷。一切若無無心卽遍十方。故真一萬差萬差真一。譬如海湧千波千波卽海。故一切皆一無有異也。夫言一者對彼異情。異既非異一亦非一。非一不一假號真一。夫真一者非名字所說也。是以非一見一。若有所見卽有二也。不名爲真一。又不名爲知一。若一知一卽名爲二亦不名爲一。若有所知卽有無知有知不知卽有二也。是以大智無知而無不知。熾然常知。常知無知假號爲知。非我非所非心非意。夫有爲數法卽有所知。若無爲法。猶如虛空無有涯際。卽無知不知。夫聖人所以言知者。爲有心有數有爲有法。故可知也。所以言無知者。爲無心無數無爲無法。故不可知也。若以有知知於無知者。無有

是處。譬如有人終日說空。但人說空非空說也。若以彼知知無知者。亦復如是。夫聖人所以或言我知者。皆是對迷約事。破病除癡實無二者。知無知也。所以說無知者。為彼愚夫不了真一。著我我所妄計能知所知。故說無知無分別。彼愚夫聞已即學無知。猶如癡人不能分別。是以聖人因彼虛妄。即言如來了知見。非不知也。愚夫聞已即學有知。由有有知即有知礙。亦名虛知亦名妄知。如是之知轉非道也。故經云衆生親近惡知識長惡知見。何以故彼諸外道前知未來。後知過去。中知身心。身心不淨故不免生死。夫一切學無知者。皆棄有知而學無知。無知者即是知也。然自不覺知。復有棄無知而學有知者。知即有覺。有覺故心生萬慮意起百思。還不離苦。彼知二見皆不能當體虛融如理冥契。遂不能入真實也。夫真實者離知無知。過一切限量也。夫見即有方。聞即有所。覺即有心。知即有量。不了本際無方無所無心無量。即無有見聞覺知也。所以真一無二。而現不同。或復有人念佛佛現。念佛僧現。但彼非佛非非佛。而現於佛。乃至非僧非非僧。而現於僧。何以故為彼念心希望現。故不覺自心所現。聖事緣起一向為外境界而有差別。實非佛僧而有異也。故經云彼見諸佛國土及以色身而有若干。其無礙無若干也。譬如幻師於虛空中。以幻術力化作種種色象。彼幻人聚散則彼空中先有此事。彼念佛僧亦復如是。於空法中。以念術力化作種種色

相起妄想見。故經云心如工伎兒意如和伎者。五識為伴侶妄想觀伎衆。譬如有人於大治邊。自作模樣方圓大小自稱願。彼金汁流入我模以成形像。然則鎔金任成形像。其真實融金。非像非非像而現於像。彼念佛僧亦復如是。大智融金者。即喻如來。法身模樣者即喻衆生。希望得佛故以念佛。和合因緣起種種身相。然彼法身非相非非相。何謂非相。本無定相。何謂非非相。緣起諸相。然則法身非現非非現。離性無性。非有非無無心無意。不可以一切度量也。但彼凡夫隨心而有即生見佛之想。一向謂彼心外有佛不知自心和合而有。或有一向言心外無佛即為謗正法也。故經云聖境界離於非有非無非所稱量。若執著有無者。即是二邊亦是虛妄。何以故妄生二見乖真理故。譬如有人於金器藏中。常觀於金體不觀衆相。雖觀衆相亦是一金。既不為相所惑。即離分別。常觀金體無有虛謬。喻彼真人亦復如是。常觀真一不觀衆相。雖觀衆相亦是真一。遠離妄想無有顛倒。住真實際名曰聖人。若復有人於金器藏中。常觀衆相不觀金體。分別善惡。起種種見。而失於金性。便有評論。喻彼愚夫亦復如是。常觀色相男女好醜起種種差別。迷於本性執著心相。取捨愛憎起種種顛倒。流浪生死受種種身。妄想森羅隱覆真一。是以懷道君子通明達人。觀察甚深遠離群品。契合真一與理相應。夫真一難說。約喻以陳究竟道宗非言可示。夫眼作眼解即生眼倒。眼作無

眼解即生無眼倒。俱是妄想。若執有眼者即迷其無眼。由有眼故即妙見不通。故經云無眼無色復有迷眼。作無眼者即失其真眼。如生盲人不能辨色。故經云譬如根敗之士其於五欲不能復利。諸聲聞人亦復如是。唯其如來得真天眼。常在三昧悉見諸佛國土。不以二相故即不同凡夫有所見也。悉能見故即不同聲聞無所見也。彼二見者妄見有無。然真一之中體非有無。但妄想虛立得有無也。夫聖人說言我見了見。或言不見者。但為破病故說見不見也。然真一理中離見不見。過限量界度凡聖位。故能了了見非虛妄也。是以非色法故即非肉眼所見。非證法故即非法眼所見。唯有佛眼清淨非見非不見。了了而見。不可思議不可測量。凡夫絕分。二乘芥子。菩薩羅剎。故知佛性難可見也。雖然如是故。經云佛性普遍無間凡聖。但自身中體會真一何用外覓。晝夜深思內心自證。故經云觀身寔相觀佛亦然。夫觀身實相者即一相也。一相者即空相也。但空無相故即非垢非淨。非凡非聖非有非無非邪非正。體性常住不生不滅即本際也。何以如來法身眼耳鼻舌。乃至身意諸根互用者。為體真一也。以無限量無分劑故。即法身虛通一切無礙。何以凡夫眼耳諸根不通遂無互用者。為妄想分別界隔諸根。精神有量。分劑不通。真一理迷遂無互用。故經云凡夫想識惑妄不通。執著根塵而有種種差別。是以聖人通達真一。無有妄心界隔根塵。故能同用無有心

量。夫何謂真一以真無異。無異故萬物。含一而生。即彼萬物亦爲一也。何以故以本一故。即無二也。譬如檀生檀枝終非椿木也。然彼真一而有種種名字。雖有種種名字終同一義。或名法性。法身。真如。實際。虛空。佛性。涅槃。法界。乃至本際。如來藏。而有無量名字。皆是真一異名。同生一義。蓋前三品者亦復如是。夫何以名廣照品者。所謂智鑑寬通慧日圓照。包含物理虛洞萬靈。故言廣照。何謂離微品者。所謂性該真理究竟玄源。實際冲虛本淨非染。故曰離微。何謂本際品者。所謂天真妙理體豈非修。性本虛通含收萬物。故言本際品也。是故合前三品。一義該收出用無窮。總名寶藏。是以闡森羅之義府。論識物之根由。虛洞太清。陰符妙理。圓之者體合真一。了之者密悟玄通。故明法界之如如。顯大道之要者也。

寶藏論終

No. 1858

## 肇論序

小招提寺沙門 慧達 作

慧達率愚。通序長安釋僧肇法師所作宗本物不遷等四論。但末代弘經。允屬四依菩薩。爰傳茲土。抑亦其例。至如彌天大德童壽桑門。竝創始命宗圖辯格致。播揚宣述。所事玄虛。唯斯擬聖默之所祖。自降乎已還。歷代古

今。凡著名僧傳。及傳所不載者。釋僧叡等三千餘僧。清信檀越謝靈運等八百許人。至能辯正方言節文階級。善敷名教精搜義理。揖此群賢語之所統。有美若人。超語衆默。標本則句句深達佛心。明末則言言備通衆教。諒是大乘懿典。方等博書。自古自今著文著筆。詳汰名賢所作諸論。或六七宗。爰延十二。竝判其臧否。辯其差當。唯此憲章無弊斯咎。良由襟情泛若。不知何係。譬彼淵海數越九流。挺拔清虛。蕭然物外。知公者希。歸公探什。如曰不知。則公貴矣。蓬根生天幸。達此正音。忻躍。弗已。獲譏無疲。每至披尋。不勝手舞。管願生生盡命弘述。達於肇之遺文。其猶若是。況中百門觀。爰洎方等深經。而不至增乎。世謠咸云。肇之所作故是誠實真諦。地論通宗。莊老所資。猛浪之說。此實巨蠱之言。欺誣。亡沒。街巷陋音。未之足拾。夫神道不形。心敏難繪。既文拘而義遠。故衆端之所詭。肇之卜意豈徒然哉。良有以也。如復徇狎其言。願生生不面。至獲忍心。還度斯下。達留連講肆二十餘年。願逢重席。末觀斯論。聊寄一序。託悟在中。同我賢余請俟來哲。夫大分深義。厥號本無。故建言宗旨。標乎實相。開空法道。莫逾真俗。所以次釋二諦顯佛敎門。但圓正之因。無上般若。至極之果。唯有涅槃。故末啓重玄。明衆聖之所宅。雖以性空擬本。無本可稱。語本絕言。非心行處。然則不遷當俗。俗則不生。不真爲真。真但名說。若能放曠蕩然。崇茲一道。清耳虛襟。無言二諦。斯則淨

照之功著。故般若無知。無名之德興。而涅槃不稱。余謂此說周圍。譬佛淵海。浩博無涯。窮法體相。雖復言約而義豐。文華而理詣。語勢連環。意實孤蕩。敢是絕妙好辭。莫不竭茲洪論。所以童壽數言。解空第一。肇公其人。斯言有由矣。彰在翰牘。但宗本蕭然。莫能致詰。不遷等四論。事關接引。問答析微。所以稱論

## 肇論

宗本義

後秦長安 釋僧肇 作

本無。實相。法性。性空。緣會。一義耳。何則。一切諸法。緣會而生。緣會而生。則未生無有。緣離則滅。如其真有。有則無滅。以此而推。故知雖今現有。有而性常自空。性常自空。故謂之性空。性空故。故曰法性。法性如是。故曰實相。實相自無。非推之使無。故名本無。言不有不無者。不如見常見之有。邪見斷見之無耳。若以有爲有。則以無爲無。夫不存無以觀法者。可謂識法實相矣。雖觀有而無所取相。然則法相爲無相之相。聖人之心。爲住無所住矣。三乘等觀性空而得道也。性空者。謂諸法實相也。見法實相。故云正觀。若其異者。便爲邪觀。設二乘不見此理。則顛倒也。是以三乘觀法無異。但心有大小爲差耳。溫和般若者。大慧之稱也。諸法實相。謂之般若。能

不形證。溫和功也。適化衆生。謂之溫和。不染塵累。般若力也。然則般若之門。觀空。溫和之門。涉有。涉有未始迷處。故常處有而不染。不厭有而觀空。故觀空而不證。是謂一念之力。權慧具矣。一念之力。權慧具矣。好思。歷然可解。泥洹盡諦者。直結盡而已。則生死永滅。故謂盡耳。無復別有一盡處耳。

### 物不遷論第一

夫生死交謝。寒暑迭遷。有物流動。人之常情。余則謂之不然。何者。放光云。法無去來。無動轉者。尋夫不動之作。豈釋動以求靜。必求靜於諸動。必求靜於諸動。故雖動而常靜。不釋動以求靜。故雖靜而不離動。然則動靜未始異。而惑者不同。緣使真言滯於就辯。宗途屈於好異。所以靜躁之極。未易言也。何者。夫談真則逆俗。順俗則違真。違真故迷性而莫返。逆俗故言淡而無味。緣使中人未分於存亡。下士撫掌而弗顧。近而不可知者。其唯物性乎。然不能自己。聊復寄心於動靜之際。豈曰必然。試論之曰。道行云。語法本無所從來。去亦無所至。中觀云。觀方知彼去。去者不至方。斯皆即動而求靜。以知物不遷明矣。夫人之所謂動者。以昔物不至今。故曰動而非靜。我之所謂靜者。亦以昔物不至今。故曰靜而非動。動而非靜。以其不來。靜而非動。以其不去。然則所造未嘗異。所見未嘗同。逆之所謂塞。順之所謂通。苟得其道。復何滯哉。傷夫人情之惑也久矣。目對異而莫覺。既知往物而不來。而謂今物而可往。往物既不來。今物

何所往。何則。求向物於向。於向未嘗無。向物於今。於今未嘗有。於今未嘗有。以明物不來。於向未嘗無。故知物不去。覆而求今。今亦不往。是謂昔物自在昔。不從今以至昔。今物自在今。不從昔以至今。故仲尼曰。回也見新交臂非故。如此。則物不相往來。明矣。既無往返之微朕。有何物而可動乎。然則旋風偃轍而常靜。江河競注而不流。野馬飄鼓而不動。日月歷天而不周。復何怪哉。噫。聖人有言曰。人命逝速。速於川流。是以聲聞悟非常以成道。緣覺覺緣離以即真。苟萬動而非化。豈尋化以階道。覆尋聖言。微隱難測。若動而靜。似去而留。可以神會。難以事求。是以言去不必去。閑人之常想。稱住不必住。釋人之所謂往耳。豈曰去而可遣。住而可留也。故成具云。菩薩處計常之中。而演非常之教。摩訶衍論云。諸法不動。無去來處。斯皆導達群方。兩言一會。豈曰文殊而乖其致哉。是以言常而不往。稱去而不遷。不遷。故雖往而常靜。不住。故雖靜而常往。雖靜而常往。故往而弗遷。雖往而常靜。故靜而弗留矣。然則莊生之所以藏山。仲尼之所以臨川。斯皆感往者之難留。豈曰排今而可往。是以觀聖人心者。不同人之所見得也。何者。人則謂少壯同體。百齡一翼。徒知年往。不覺形隨。是以梵志出家。白首而歸。隣人見之曰。昔人尚存乎。梵志曰。吾猶昔人。非昔人也。隣人皆愕然。非其言也。所謂有力者負之而趨。昧者不覺。其斯之謂歟。是以如來因群情之所滯。則方言以辯惑。乘

莫二之真心。吐不一之殊教。乖而不可異者。其唯聖言乎。故談真有不遷之稱。導俗有流動之說。雖復千途異唱。會歸同致矣。而徵文者聞不遷。則謂昔物不至今。聆流動者。而謂今物可至昔。既曰古今。而欲遷之者。何也。也是以言往不必往。古今常存。以其不動。稱去不必去。謂不從今至古。以其不來。不來。故不馳騁於古今。不動。故各性住於一世。然則群籍殊文。百家異說。苟得其會。豈殊文之能惑哉。是以人之所謂住。我則言其去。人之所謂去。我則言其住。然則去住雖殊。其致一也。故經云。正言似反。雖常信者。斯言有由矣。何者。人則求古於今。謂其不住。吾則求今於古。知其不去。今若至古。古應有今。古若至今。今應有古。今而無古。以知不來。古而無今。以知不去。若古不至今。今亦不至古。事各性住於一世。有何物而可去來。然則四象風馳。驚濤電捲。得意毫微。雖速而不轉。是以如來。功流萬世。而常存。道通百劫。而彌固。成山假就於始實。修途託至於初步。果以功業不可朽故也。功業不可朽。故雖在昔而不化。不化故不遷。不遷故則湛然明矣。故經云。三災彌綸。而行業湛然。信其言也。何者。果不俱因。因因而果。因因而果。因不替滅。果不俱因。因不來今。不滅不來。則不遷之致明矣。復何惑於去留。踟躕於動靜之間哉。然則乾坤倒覆。無謂不靜。洪流滔天。無謂其動。苟能契神於即物。斯不遷而可知矣。

## 不真空論第二

夫至虛無生者，蓋是般若玄鑑之妙趣，有物之宗極者也。自非聖明特達，何能契神於有無之間哉。是以至人通神心於無窮，窮所不能滯，極耳目於視聽，聲色所不能制者，豈不以其即萬物之自虛。故物不能累其神明者也。是以聖人乘真心而理順，則無滯而不通，審一氣以觀化，故所遇而順適，無滯而不通，故能混雜致消，所遇而順適，故則觸物而一。如此，則萬象雖殊，而不能自異，不能自異，故知象非真象，象非真象，故則雖象而非象，然則物我同根，是非一氣，潛微幽隱，殆非群情之所盡，故頃爾談論，至於虛宗，每有不同。夫以不同而適同，有何物而可同哉。故衆論競作，而性莫同焉。何則。心無者，無心於萬物，萬物未嘗無，此得在於神靜，失在於物虛。即色者，明色不自色，故雖色而非色也。夫言色者，但當色即色，豈待色色而後爲色哉。此直語色不自色，未領色之非色也。本無者，情尚於無，多觸言以實無，故非有，有即無，非無，無亦無，尋夫立文之本旨者，直以非有，非真有，非無，非真無耳，何必非有無此有，非無無彼無，此直好無之談，豈謂順通事實，即物之情哉。以夫物物於物，則所物而可物，以物物非物，故雖物而非物，是以物不即名而就實，名不即物而履真，然則真諦獨靜於名教之外，豈曰文言之能辨哉，然不能杜默，聊復屑言以擬之。試論之曰。摩訶衍論云。諸法亦非有相，亦非無相，中論云。諸法不有不

無者，第一真諦也。尋夫不有不無者，豈謂泯除萬物杜塞視聽，寂寥虛豁，然後爲真諦者乎。誠以即物順通，故物莫之逆，即爲真，故性莫之易，性莫之易，故雖無而有，物莫之逆，故雖有而無，雖有而無，所謂非有，雖無而有，所謂非無，如此，則非無物也，物非真物，物非真物，故於何而可物，故經云。色之性空，非色敗空，以明夫聖人之於物也，即萬物之自虛，豈待宰割以求通哉。是以經疾有，不真之談，超日有即虛之稱，然則三藏殊文，統之者一也。故放光云。第一真諦，無成無得，世俗諦故，便有成有得。夫有得即是無得之偽，無得即是有得之真名，真名故，雖真而非有，偽號故，雖偽而非無，是以言真未嘗有，言偽未嘗無，二言未始一，二理未始殊。故經云。真諦俗諦謂有異耶。答曰。無異也。此經直辯真諦以明非有，俗諦以明非無，豈以諦二而二於物哉。然則萬物果有其所以不有，有其所以不無，有其所以不有，故雖有而非有，有其所以不無，故雖無而非無，雖無而非無，無者不絕虛，雖有而非有，有者非真有，若有不即真，無不夷跡，然則有無稱異，其致一也。故童子默曰。說法不有亦不無，以因緣故諸法生，環珞經云。轉法輪者，亦非有轉，亦非無轉，是謂轉無所轉，此乃衆經之微言也。何者。謂物無耶。則邪見非惑，謂物有耶。則常見爲得，以物非無，故邪見爲惑，以物非有，故常見不得，然則非有非無者，信真諦之談也。故道行云。心亦不有不無，中觀云。物從因緣

故不有，緣起故不無，尋理即其然矣。所以然者，夫有若真有，有自常有，豈待緣而後有哉。譬彼真無，無自常無，豈待緣而後無也。若有不自有，待緣而後有者，故知有非真有，有非真有，雖有不可謂之有矣。不無者，夫無則湛然不動，可謂之無，萬物若無，則不應起，起則非無，以明緣起故不無也。故摩訶衍論云。一切諸法，一切因緣故應有，一切諸法，一切因緣故不應有，一切無法，一切因緣故應有，一切有法，一切因緣故不應有，尋此有無之言，豈直反論而已哉。若應有，即是有，不應言無，若應無，即是不應言有，言有，是爲假有，以明非無，借無以辨非有，此一事一稱二，其文有似不同，苟領其所同，則無異而不同，然則萬法果有其所以不有，不可得而有，有其所以不無，不可得而無，何則。欲言其有，有非真生，欲言其無，事象既形，象形不即無，非真非實有，然則不真空義，顯於茲矣。故放光云。諸法假號不真，譬如幻化人，非無幻化人，幻化人，非真人也。夫以名求物，物無當名之實，以物求名，名無得物之功，物無當名之實，非物也。名無得物之功，非名也。是以名不當實，實不當名，名實無當，萬物安在，故中觀云。物無彼此，而人以此爲此，以彼爲彼，彼亦以此爲彼，以彼爲此，此彼莫定乎一名，而惑者懷必然之志，然則彼此初非有，惑者初非無，既悟彼此之非有，有何物而可有哉。故知萬物非真，假號久矣，是以成具立強名之文，園林託指馬之況，如此，則深遠之言，於何



而不在。是以聖人乘千化而不變。履萬惑而常通者。以其即萬物之自虛。不假虛而虛物也。故經云。甚奇世尊。不動真際為諸法立處。非離真而立處。立處即真也。然則道遠乎哉。觸事而真。聖遠乎哉。體之即神。不真空論。

### 般若無知論第三

夫般若虛玄者。蓋是三乘之宗極也。誠真一之無差。然異端之論。紛然久矣。有天然沙門鳩摩羅什者。少踐大方。研機斯趣。獨拔於言象之表。妙契於希夷之境。齊異學於迦夷。揚清風於東扇。將爰燭殊方而匿耀涼土者。所以道不虛應。應必有由矣。弘始三年。歲次星紀。秦乘入國之謀。舉師以來之意也。北天之運。數其然也。大秦天王者。道契百王之端。德洽千載之下。游刃萬機。弘道終日。信季俗蒼生之所天。釋迦遺法之所仗也。時乃集義學沙門五百餘人於逍遙觀。躬執秦文。與什公參定方等。其所開拓者。豈謂當時之益。乃果劫之津梁矣。余以短乏。曾聞嘉會。以為上聞異要。始於時也。然則聖智幽微。深隱難測。無相無名。乃非言象之所得。為試問象其懷。寄之狂言耳。豈曰聖心而可辨哉。試論之曰。放光云。般若無所有相。無生滅相。道行云。般若無所知。無所見。此辨智照之用。而曰無相。無知者何耶。果有無相之知。不知之照明矣。何者。夫有所知。則有所不知。以聖心無知。故無所不知。不知之知。乃曰一切知。故經云。聖心無所知。無所不知。信矣。是以聖人虛其心

而實其照。終日知而未嘗知也。故能默耀顯光。虛心玄鑒。閉智塞聰。而獨覺冥冥者矣。然則智有窮幽之鑒。而無知焉。神有應會之用。而無慮焉。神無慮。故能獨王於世表。智無知。故能玄照於事外。智雖事外。未始無事。神雖世表。終日域中。所以俯仰順化。應接無窮。無幽不察。而無照功。斯則無知之所知。聖神之所會也。然其為物也。實而不有。虛而不無。存而不可論者。其唯聖智乎。何者。欲言其有。無狀無名。欲言其無。聖以之靈。聖以之靈。故虛不失照。無狀無名。故照不失虛。照不失虛。故混而不淪。虛不失照。故動以接範。是以聖智之用。未始暫廢。求之形相。未暫可得。故實積曰。以無心意而現行。放光云。不動等覺而建立諸法。所以聖迹萬端。其致一而已矣。是以般若可虛而照。真諦可亡而知。萬動可即而靜。聖應可無而為。斯則不知而自知。不為而自為矣。復何知哉。復何為哉。

難曰。夫聖人真心獨明。物物斯照。應接無方。動與事會。物物斯照。故知無所遺。動與事會。故會不失機。會不失機。故必有會於可會。知無所遺。故必有知於可知。必有知於可知。故聖不慮知。必有會於可會。故聖不慮會。既知既會。而曰無知無會者。何耶。若夫忘知遺會者。則是聖人無私於知會。以成其私耳。斯可謂不自有其知。安得無知哉。答曰。夫聖人功高二儀而不仁。明逾日月而彌昏。豈曰木石覺其懷。其於無知而已哉。誠以異於人者神明。故不可以事相求之耳。子意欲令聖人

不自有其知。而聖人未嘗不有知。無乃乖於聖心。失於文旨者乎。何者。經云。真般若者。清淨如虛空。無知無見。無作無緣。斯則知自無知矣。豈待返照。然後無知哉。若有知性空而稱淨者。則不辨於惑智。三毒四倒亦皆清淨。有何獨尊於般若。若以所知美般若。所知非般若。所知自常淨。故般若未嘗淨。亦無緣致淨歟於般若。然經云。般若清淨者。將無以般若體性真淨。本無惑取之知。本無惑取之知。不可以知名哉。豈唯無知名。無知。知自無知矣。是以聖人以無知之般若。照彼無相之真諦。真諦無兔馬之遺。般若無不貽之鑒。所以會而不差。當而無是。寂怕。無知。而無不知者矣。

難曰。夫物無以自通。故立名以通物。物雖非名。果有可名之物當於此名矣。是以即名求物。物不能隱。而論云。聖心無知。又云。無所不知。意謂無知未嘗知。知未嘗無知。斯則名教之所通。立言之本意也。然論者欲一於聖心。異於文旨。尋文求實。未見其當。何者。若知得於聖心。無知無所辨。若無知得於聖心。知亦無所辨。若二都無得。無所復論哉。答曰。經云。般若義者。無名無說。非有非無。非實非虛。虛不失照。照不失虛。斯則無名之法。故非言所能言也。言雖不能言。然非言無以傳。是以聖人終日言而未嘗言也。今試為子狂言辨之。夫聖心者。微妙無相。不可為有。用之彌動。不可為無。不可為無。故聖智存焉。不可為有。故名教絕焉。是以言知不為知。欲以

通其鑒不知非不知。欲以辨其相。辨相不爲無。通鑒不爲有。非有。故知而無知。非無。故無知而知。是以知即無知。無知即知。無以言異。而異於聖心也。

難曰。夫真諦深玄。非智不測。聖智之能。在茲而顯。故經云。不得般若。不見真諦。真諦則般若之緣也。以緣求智。智則知矣。答曰。以緣求智。智非知也。何者。放光云。不緣色生識。是名不見色。又云。五陰清淨。故般若清淨。般若即能知也。五陰即所知也。所知即緣也。夫知與所知。相與而有。相與而無。相與而無。故物莫之有。相與而有。故物莫之無。物莫之無。故緣之所起。物莫之有。故緣之所不能生。緣所不能生。故照緣而非知。爲緣之所起。故知緣相因。而生。是以知與無知。生於所知矣。何者。夫智以知所知。取相故名知。真諦自無相。真智何由知。所以然者。夫所知非所知。所知生於知。所知既生。知亦生。所知。所知既相生。相生即緣法。緣法故非真。非真。故非真諦也。故中觀云。物從因緣有。故不真。不從因緣有。故即真。今真諦曰真。真則非緣。真非緣。故無物從緣而生也。故經云。不見有法無緣而生。是以真智觀真諦。未嘗取所知。智不取所知。此智何由知。然智非無知。但真諦非所知。故真智亦非知。而子欲以緣求智。故以智爲知。緣自非緣。於何而求知。

難曰。論云。不取者。爲無知。故不取。爲知。然後不取耶。若無知。故不取。聖人則冥若夜游。不辨縹素之異耶。若知。然後不取。知則異於不

取矣。答曰。非無知。故不取。又非知。然後不取。知即不取。故能不取而知。

難曰。論云。不取者。誠以聖心不物於物。故無惑取也。無取則無是。無是則無當。誰當聖心。而云聖心無所不知耶。答曰。然。無是無當者。夫無當則物無不當。無是則物無不是。物無不是。故是而無是。物無不當。故當而無當。故經云。盡見諸法而無所見。

難曰。聖心非不能是。誠以無是可是。雖無是可是。故當是於無是矣。是以經云。真諦無相。故般若無知者。誠以般若無有有相之知。若以無相爲無相。有何異於真諦耶。答曰。聖人無無相也。何者。若以無相爲無相。無相即爲相。捨有而之無。譬猶逃峰而赴壑。俱不免於患矣。是以至人處有而不有。居無而不無。雖不取於有。然亦不捨於有。所以和光塵勞。周旋五趣。寂然而往。怡爾而來。恬淡無爲。而無不爲。

難曰。聖心雖無知。然其應會之道不差。是以可應者應之。不可應者存之。然則聖心有時而生。有時而滅。可得然乎。答曰。生滅者。生滅心也。聖人無心。生滅焉起。然非無心。但是無心心耳。又非不應。但是不應應耳。是以聖人應會之道。則信若四時之質。直以虛無爲體。斯不可得而生。不可得而滅也。

難曰。聖智之無。感智之無。俱無生滅。何以異之。答曰。聖智之無者。無知。感智之無者。知無。其無雖同。所以無者異也。何者。夫聖心虛靜。無知可無。可曰無知。非謂知無。感智有

知。故有知可無。可謂知無。非曰無知也。無知。即般若之無也。知無。即真諦之無也。是以般若之與真諦。言用即同而異。言寂即異而同。同故無心於彼此。異故不失於照功。是以辨同者同於異。辨異者異於同。斯則不可得而異。不可得而同也。何者。內有獨鑒之明。外有萬法之實。萬法雖實。然非照不得。內外相與以成其照功。此則聖所不能同。用也。內雖照而無知。外雖實而無相。內外寂然。相與俱無。此則聖所不能異。寂也。是以經云。諸法不異者。豈曰續覓截鶴。夷嶽盈壑。然後無異哉。誠以不異於異。故雖異而不異也。故經云。甚奇世尊。於無異法中而說諸法異。又云。般若與諸法。亦不一相。亦不異相。信矣。

難曰。論云。言用則異。言寂則同。未詳般若之內。則有用寂之異乎。答曰。用即寂。寂即用。用寂體一。同出而異名。更無無用之寂。而主於用也。是以智彌昧。照逾明。神彌靜。應逾動。豈曰明昧動靜之異哉。故成具云。不爲而過爲。寶積曰。無心無識。無不覺知。斯則窮神盡智。極象外之談也。即之明文。聖心可知矣。

劉道民書問附

遺民和南頃餐微聞。有懷遙佇。歲末寒嚴。體中如何。音寄壅隔。增用抱蘊。弟子沈痾草澤。常有繁瘵耳。因慙明道人北遊。載通其情。古人不以形疏致淡。悟涉則親。是以雖復江山悠邈。不面當年。至於企懷風味。覓心象迹。

佇悅之動。良以深矣。繇然無因。瞻霞永歎。順時愛敬。冀因行李。數有承問。伏願彼大衆康和。外國法師休納。上人以悟發之器。而遊茲淵對。想開究之功。足以盡過半之思。故以每惟垂閣。懷愧何深。此山僧清常。道戒彌勵。禪隱之餘。則惟研惟講。恂恂穆穆。故可樂矣。弟子既以遂宿心。而親茲上軌。感寄之誠。日月銘至。遠法師頃恒履宜。思業精詣。乾乾宵夕。自非道用潛流。理爲神御。就以過順之年。湛氣若茲之動。所以憑愆既深。仰謝逾絕。去年夏末。始見生上人示無知論。才運清俊。旨中沈允。推涉聖文。婉而有歸。披味殷勤。不能釋手。直可謂浴心方等之淵。而悟懷絕冥之肆者矣。若令此辨遂通。則般若衆流。殆不言而會。可不欣乎。可不欣乎。夫理微者辭險。唱獨者應希。苟非絕言象之表者。將以存象而致乖乎。意謂答以緣求智之章。婉轉窮盡。極爲精巧。無所間然矣。但暗者難以頓曉。猶有餘疑一兩。今輒題之如別。想從容之暇。復能爲釋之。論序云。般若之體。非有非無。虛不失照。照不失虛。故曰不動等覺。而建立諸法。下章云。異乎人者神明。故不可以事相求之耳。又云。用即寂寂即用。神彌靜。應逾動。夫聖心冥寂。理極同無。不疾而疾。不徐而徐。是以知不廢寂。寂不廢知。未始不寂。未始不知。故其運物成功。化世之道。雖處有名之中。而遠與無名同。斯理之玄。固常所彌。昧者矣。但今說者。所疑於高論之旨。欲求聖心之異。爲謂窮靈極數。妙盡冥符耶。爲將心體自然。

靈怕獨感耶。若窮靈極數。妙盡冥符。則寂照之名。故是定慧之體耳。若心體自然。靈怕獨感。則群數之應。固以幾乎息矣。夫心數既玄。而孤運其照。神清化表。而慧明獨存。當有深證。可試爲辨之。疑者。當以撫會應機觀變之知。不可謂之不有矣。而論旨云。本無惑取之知。而未釋所以不取之理。謂宜先定聖心。所以應會之道。爲當唯照無相耶。爲當咸觀其變耶。若觀其變。則異乎無相。若唯照無相。則無會可撫。既無會可撫。而有撫會之功。意有未悟。幸復誨之。論云。無當。則物無不當。無是。則物無不是。物無不是。故是而無是。物無不當。故當而無當。夫無當而物無不當。乃所以爲至當。無是而物無不是。乃所以爲真。是。豈有真是而非是。至當而非當。而云當而無當。是而無是耶。若謂至當非常當。真是非常是。此蓋悟惑之言。本異耳。固論旨所以不明也。願復重喻以祛其惑矣。論至日。即與遠法師詳省之。法師亦好相領得意。但標位似各有本。或當不必理盡同矣。頃兼以班諸有懷。屢有擊其節者。而恨不得與斯人同時也。

#### 答劉道民書

不面在昔。佇想用勞。慧明道人至。得去年十二月疏。并問。披尋返覆。欣若暫對。涼風屆節。頃常如何。貧道勞疾多不住耳。信南返不悉。八月十五日。釋僧肇疏答。服像雖殊。妙期不二。江山雖縹。理契則隣。所以望途致想。虛襟有寄。君既遂嘉遯之志。標越俗之美。獨恬事外。數足方寸。每一言集。何嘗不遠。喻林下

之雅詠。高致悠然。清散未期。厚自保愛。每因行李。數有承問。願彼山僧無恙。道俗通佳。承遠法師之勝常。以爲欣慰。雖未清承。然服膺高軌。企佇之勤。爲日久矣。公以過順之年。湛氣彌厲。養徒幽巖。抱一冲谷。遐邇仰詠。何美如之。每亦翹想一隅。懸庇霄岸。無由寫敬。致慨良深。君清對終日。快有悟心之數也。即此大衆尋常。什法師如宜。秦王道性自然。天機適俗。城壘三寶。弘道是務。由使異典勝僧。方遠而至。靈驚之風。萃於茲土。領公遠舉。乃千載之津梁也。於西域遼。得方等新經二百餘部。請大乘禪師一人。三藏法師一人。毘婆沙法師二人。什法師於大石寺出新至諸經。法藏淵曠。日有異聞。禪師於瓦官寺教習禪道。門徒數百。夙夜匪懈。嚮慕蕭蕭。致可欣樂。三藏法師於中寺出律藏。本末精悉。若觀初制。毘婆沙法師於石羊寺出舍利弗阿毘曇。胡本雖未及譯。時間中事。發言新奇。貧道一生。猥參嘉運。遇茲盛化。自恨不親釋迦祇桓之集。餘復何恨。而慨不得與清勝君子同斯法集耳。生上人頃在此。同止數年。至於言語之際。常相稱詠。中途還南。君得與相見。未更近問。惘惘何言。咸道人至。得君念佛三昧詠。并得遠法師三昧詠及序。此作與寄既高。辭致清婉。能文之士。率稱其美。可謂游涉聖門。扣玄關之唱也。君與法師當數有文集。因來何少。什法師以午年。出維摩經。貧道時預聽次。參承之暇。輒復條記。成言。以爲注解。辭雖不文。然義承有本。今因信持一本

往南。君閑詳。試可取看。來問婉切。難爲鄙人貧道思不關微。兼拙於筆語。且至趣無言。言必乖連。云云不已。竟何所辨。聊以狂言。示訓來旨耳。疏云。稱聖心冥寂。理極同無。雖處有名之中。而遠與無名同。斯理之玄。固常彌昧者。以此爲懷。自可忘言內得。取定方寸。復何足以人情之所異。而求聖心之異乎。疏曰。談者謂窮靈極數。妙盡冥符。別寂照之名。故是定慧之體耳。若心體自然。靈怕獨感。則羣數之應。固以幾乎息矣。意謂妙盡冥符。不可以定慧爲名。靈怕獨感。不可稱羣數以息。兩言雖殊。妙用常一。述我而乘。在聖不殊也。何者。夫聖人玄心默照。理極同無。既曰爲同。同無不極。何有同無之極。而有定慧之名。定慧之名。非同外之。稱也。若稱生同內。有稱非同。若稱生同外。稱非我也。又聖心虛微。妙絕常境。感無不應。會無不通。冥機潛運。其用不動。群數之應。亦何爲而息耶。且夫心之有也。以其有有。有不自有。故聖心不有。不有有。故有無有。有無有。故則無無。無無故聖。人不有不無。不有不無。其神乃虛。何者。夫有也無也。心之影響也。言也象也。影響之所攀緣也。有無既廢。則心無影響。影響既泯。則言象莫測。言象莫測。則道絕群方。道絕群方。故能窮靈極數。窮靈極數。乃曰妙盡。妙盡之道。本乎無寄。夫無寄在乎冥寂。冥絕故虛以通之。妙盡存乎極數。極數故數以應之。數以應之。故動與事會。虛以通之。故道超名外。道超名外。因謂之無。動與事會。

因謂之有。因謂之有者。應夫真有。強謂之然耳。彼何然哉。故經云。聖智無知而無所不知。無爲而無所不爲。此無言無相寂滅之道。豈曰有而爲有。無而爲無。動而垂靜。靜而廢用耶。而今談者。多即言以定旨。尋大方而徵隅。懷前識以標玄。存所存之必當。是以聞聖有知。謂之有心。聞聖無知。謂等大處。有無之境。邊見所存。豈是處中莫二之道乎。何者。萬物雖殊。然性本常一。不可而物。然非不物。可物於物。則名相異陳。不物於物。則物而即真。是以聖人不物於物。不非物於物。不物於物。物非有也。不非物於物。物非無也。非有所以不取。非無所以不捨。不捨故妙存即真。不取故名相廢因。名相廢因。非有知也。妙存即真。非無知也。故經云。般若於諸法。無取無捨。無知無不知。此攀緣之外。絕心之域。而欲以有無詰者。不亦遠乎。請詰夫陳有無者。夫智之生也。極於相內。法本無相。聖智何知。世稱無知者。謂等木石太虛無情之流。靈靈幽燭。形於未兆。道無隱機。寧曰無知。且無知生於無知。無無知也。無有知也。無有知也。謂之非有。無無知也。謂之非無。所以虛不失照。照不失虛。怕然永寂。靡執靡拘。孰能動之。今有靜之使無耶。故經云。真般若者。非有非無。無起無滅。不可說示於人。何則。言其非有者。言其非是有。非謂是非有。言其非無者。言其非是無。非謂是非無。非有非非有。非無非非無。是以須菩提終日說般若。而云無所說。此絕言之道。知何以傳。庶參玄君子。有以

會之耳。又云。宜先定聖心。所以應會之道。爲當唯照無相耶。爲當咸觀其變耶。談者似謂無相與變。其旨不一。觀變則異乎無相。照無相則失於撫會。然則即真之義。或有滯也。經云。色不異空。空不異色。色即是空。空即是色。若如來旨。觀色空時。應一心見色。一心見空。若一心見色。則唯色非空。若一心見空。則唯空非色。然則空色兩陳。莫定其本也。是以經云。非色者。誠以非色於色。不非色於非色。若非色於非色。太虛則非色。非色何所明。若以非色於色。即非色不異色。非色不異色。色即爲非色。故知變即無相。無相即變。群情不同。故教迹有異耳。考之玄籍。本之聖意。豈復真偽殊心。空有異照耶。是以照無相。不失撫會之功。觀變動。不乖無相之旨。造有不異無。造無不異有。未嘗不有。未嘗不無。故曰不動等覺。而建立諸法。以此而推。寂用何妨。如之何謂觀變之知。異無相之照乎。恐談者脫謂空有兩心。靜躁殊用。故言觀變之知。不可謂之不有耳。若能捨已心於封內。尋玄機於事外。齊萬有於一虛。曉至虛之非無者。當言至人終日應會。與物推移。乘運撫化。未始爲有也。聖心若此。何有可取。而曰未釋不取之理。又云。無是乃所以爲真。無當乃所以爲至當。亦可如來言耳。若能無心於爲是。而是於無是。無心於爲當。而當於無當者。則終日是不乖於無是。終日當不乖於無當。但恐有是於無是。有當於無當。所以爲患耳。何者。若真是可是。至當可當。則名相以形。美

惡是生生奔競就與止之。是以聖人空洞其懷。無識無知。然居動用之域。而止無爲之境。處有名之內。而宅絕言之鄉。寂寥虛曠。莫可以形名得。若斯而已矣。乃曰真是可。是至當可當。未喻雅旨也。恐是當之生。物謂之然。彼自不然。何足以然耳。夫言述之與異途之所由生也。而言有所不言。迹有所不迹。是以善言言者。求言所不能言。善迹迹者。尋迹所不能迹。至理虛玄。擬心已差。況乃有言。恐所示轉遠。庶通心君子。有以相期於文外耳。

#### 涅槃無名論第四

表上秦主姚興

僧肇言。肇聞天得一以清。地得一以寧。君王得一以治天下。伏惟陛下。寂哲欽明。道與神會。妙契環中。理無不統。游刃萬機。弘道終日。威被蒼生。垂文作則。所以域中有四大。而王居一焉。涅槃之道。蓋是三乘之所歸。方等之淵府。渺濤希夷。絕視聽之域。幽致虛玄。殆非群情之所測。肇以人微。猥蒙國恩。得閑居學肆。在什公門下。十有餘載。雖衆經殊致。勝趣非一。然涅槃一義。常以聽習爲先。但肇才識闇短。雖屢蒙誨喻。猶懷疑漠漠。爲竭愚不已。亦如似有解。然未經高勝先唱。不敢自決。不幸什公去世。諮參無所以爲永慨。而陛下聖德不孤。獨與什公神契。目擊道存。快盡其中方寸。故能振彼玄風。以啓末俗。一日遇蒙客安城侯姚嵩書。問無爲宗極。何者。夫衆生所以久流轉生死者。皆由著欲故也。若欲

止於心。卽無復於生死。既無生死。潛神玄默。與虛空合其德。是名涅槃矣。既曰涅槃。復何容有名於其間哉。斯乃窮微言之美。極象外之談者也。自非道參文殊。德慈伴氏。孰能宣揚玄道。爲法城暫。使夫大教卷而復舒。幽旨淪而更顯。尋玩殷勤。不能暫捨。欣悟交懷。手舞弗暇。豈直當時之勝軌。方乃累劫之津梁矣。然聖旨淵玄。理微言約。可以匠彼先進。拯拔高士。懼言題之流。或未盡上意。庶擬孔易十翼之作。豈貪豐文。圖以弘顯幽旨。輒作涅槃無名論。論有九折十演。博采衆經。託證成喻。以仰述陛下無名之致。豈曰關詣神心。窮究遠賞。聊以擬議玄門。班喻學徒耳。論末章云。諸家通第一義諦。皆云廓然空寂。無有聖人。吾常以爲太甚。徑庭不近人情。若無聖人。知無者誰實。如明詔實。如明詔夫道恍惚窈冥。其中有精。若無聖人。誰與道遊。頃諸學徒。莫不躊躇道門。快快此旨。懷疑終日。莫之能正。幸遭高判。宗徒幡然。扣關之僂。爵登玄室。真可謂法輪再轉於閭浮。道光重映於千載者矣。今演論之作旨。曲辨涅槃無名之體寂。彼廓然排方外之談。條。牒如左。謹以仰呈。若少參聖旨。願勅存記。如其有差。伏承指授。僧肇言。泥曰。泥。涅槃此三名前後異出。蓋是楚夏不同耳。云涅槃。音正也。

#### 九折十演者

開宗第一

無名曰。經稱有餘涅槃無餘涅槃者。秦言無

爲亦名滅度。無爲者。取乎虛無寂寥。妙絕於有爲滅度者。言其大患永滅。超度四流。斯蓋是鏡像之所歸。絕稱之幽宅也。而曰有餘無餘者。良是出處之異號。應物之假名耳。余嘗試言之。夫涅槃之爲道也。寂寥虛曠。不可以形名得。微妙無相。不可以有心知。超群有以幽升。量太虛而永久。隨之弗得其蹤。迎之罔眺其首。六趣不能攝其生。力負無以化其體。漢薄惚恍。若存若往。五月。不觀其容。二聽不聞其響。冥冥窈窈。誰見誰曉。彌綸靡所不在。而獨曳於有無之表。然則言之者失其真。知之者反其愚。有之者乖其性。無之者傷其軀。所以釋迦掩室於摩竭。淨名杜口於毘耶。須菩提唱無說以顯道。釋梵約聽而雨華。斯皆理爲神御。故口以之而默。豈曰無辯。辯所不能言也。經云。眞解脫者。離於言數。寂滅永安。無始無終。不晦不明。不寒不暑。湛若虛空。無名無說。論曰。涅槃非有。亦復非無。言語道斷。心行處滅。尋夫經論之作。豈虛構哉。果有其所以不有。故不可得而有。有其所以不無。故不可得而無耳。何者。本之有境。則五陰永滅。推之無鄉。而幽靈不竭。幽靈不竭。則抱一湛然。五陰永滅。則萬累都捐。萬累都捐。故與道通洞。抱一湛然。故神而無功。神而無功。故至功常存。與道通洞。故沖而不改。沖而不改。故不可爲有。至功常存。故不可爲無。然則有無絕於內。稱謂淪於外。視聽之所不暨。四空之所昏昧。恬焉而夷。怡焉而泰。九流於是乎交歸。衆聖於是乎冥

①乃二而① ②耳二邪① ③亦一① ④大二聖① ⑤采二探① ⑥從二士① ⑦陳二錄① ⑧是① ⑨不二其① ⑩爲二由① ⑪而① ⑫作十也① ⑬存二在① ⑭焉二乎①

會斯乃希夷之境太玄之鄉而欲以有無題榜標其方域而語其神道者不亦遠哉

嚴證第二

有名曰夫名號不虛生稱謂不自起經稱有餘涅槃無餘涅槃者蓋是返本之真名神道之妙稱者也請試陳之有餘者謂如來大覺始興法身初建深八解之清流憩七覺之茂林積萬善於曠劫蕩無始之遺塵三明明鏡於內神光照於外結僧那於始心終大悲以赴難仰攀玄根俯提弱喪超邁三域獨蹈大方啓八正之平路坦衆庶之夷途馳六通之神驥乘五衍之安車至能出生入死與物推移道無不洽德無不施窮化母之始物極玄樞之妙用廓虛宇於無疆耀薩雲於幽燭將絕朕於九止永淪太虛而有餘緣不盡餘迹不泯業報猶魂聖智尚存此有餘涅槃也經曰陶治塵滓如鍊真金萬累都盡而靈覺獨存無餘者謂至人教緣都訖靈照永滅廓爾無朕故曰無餘何則夫大患莫若於有身故滅身以歸無勞動莫先於有智故絕智以淪虛然則智以形倦形以智勞輪轉修途疲而弗已經曰智爲難毒形爲桎梏淵默以之而遠患難以之而起所以至人灰身滅智捐形絕慮內無機照之勤外患大患之本超然與群有永分渾爾與太虛同體寂焉無聞怕爾無兆冥冥長往莫知所之其猶燈盡火滅膏明俱竭此無餘涅槃也經云五陰永盡譬如燈滅然則有餘可以有稱無餘可以無名無名立則宗虛者欣尙於沖默有稱生

則懷德者彌仰於聖功斯乃詰典之所垂文先聖之所軌轍而曰有無絕於內稱謂淪於外視聽之所不暨四空之所昏昧使夫懷德者自絕宗虛者靡託無異杜耳目於胎殼掩玄象於雲霄外而責宮商之異辯玄素之殊者也子徒知遠推至人於有無之表高韻絕唱於形名之外而論旨竟莫知所歸幽途故自蘊而未顯靜思幽尋寄懷無所豈所謂明大明於冥室奏玄響於無聞者哉

位體第三

無名曰有餘無餘者蓋是涅槃之外稱應物之假名耳而存稱謂者封名志器象者耽形名也極於題目形也盡於方圓方圓有所不寫題目有所不傳焉可以名於無名而形於無形者哉難序云有餘無餘者信是權寂致教之本意亦是如來隱顯之誠跡也但未是玄寂絕言之幽致又非至人環中之妙術耳子獨不聞正觀之說歟維摩詰言我觀如來無始無終六入已過三界已出不在方不離方非有爲非無爲不可以識識不可以智知無言無說心行處滅以此觀者乃名正觀以他觀者非見佛也放光云佛如虛空無去無來應緣而現無有方所然則聖人之在天下也寂莫虛無無執無競導而弗先感而後應譬猶幽谷之響明鏡之像對之弗知其所以來隨之因識其所以往恍焉而有總焉而亡動而逾寂隱而彌彰出幽入冥變化無常其爲稱也因應而作顯迹爲生息迹爲滅生名有餘滅名無餘然則有無之稱本乎

無名無名之道於何不名是以至人居方面方止圓而圓在天而天處人而人原夫能人能人者豈天人之所能哉果以非天非人故能人能人耳其爲治也故應而不爲因而不施因而不施故施莫之廣應而不爲故爲莫之大爲莫之大故乃返於小成施莫之廣故乃歸乎無名經曰菩提之道不可圖度高而無上廣不可極淵而無下深不可測大包天地細入無間故謂之道然則涅槃之道不可以有無得之明矣而惑者視神變因謂之有見滅度便謂之無有無之境妄想之域豈足以標榜玄道而語聖心者乎意謂至人寂怕無兆隱顯同源存不爲有亡不爲無何則佛言吾無生不生雖生不生無形不形雖形不形以知存不爲有經云菩薩入無盡三昧盡見過去滅度諸佛又云入於涅槃而不覺般涅槃以知亡不爲無亡不爲無雖無而有存不爲有雖有而無雖有而無故所謂非有雖無而有故所謂非無然則涅槃之道果出有無之兩域絕言象之徑斷矣子乃云聖人患於有身故滅身以歸無勞動莫先於有智故絕智以淪虛無乃垂乎神極傷於玄旨者也經曰法身無象應物而形般若無知對緣而照萬機頓赴而不撓其神千難殊對而不干其慮動若行雲止猶谷神豈有心於彼此情係於動靜者乎既無心於動靜亦無象於去來去來不以象故無器而不形動靜不以心故無感而不應然則心生於有心象出於有象象非我出故金石

①照二朗②治塵滓二緣洋穢③所十(以)④冥二幽⑤象二像⑥之二大⑦標二題⑧云二言⑨(較)⑩十淫⑪較十(入於)⑫果十(決定)⑬域十(定)⑭子二夫

流而不燒。心非我生。故日用而不動。紅紅自彼。於我何爲。所以智周萬物而不勞。形充八極而無患。益不可盈。損不可虧。事復病病中達。壽極雙樹。靈燭天棺。體盡焚燎者哉。而惑者居見聞之境。尋殊應之迹。乘執規矩而擬大方。欲以智勞至人。形患大聖。謂捨有入無。因以名之。豈謂探微言於聽表。拔玄根於虛擲者哉。

微出第四

有名曰。夫渾元剖判。萬有參分。有既有矣。不得不無。無自不無。必因於有。所以高下相傾。有無相生。此乃自然之數。數極於足。以此而觀。化母所育。理無幽顯。恢。愜。愜。怪。無非有也。有化而無。無非無也。然則有無之境。理無不統。經曰。有無二法。攝一切法。又稱三無爲者。虛空。數緣盡。非數緣盡。數緣盡者。即涅槃也。而論云。有無之表。別有妙道。妙於有無。謂之涅槃。請覈妙道之本。果若有也。雖妙非無。雖妙非無。即入有境。果若無也。無即無差。無而無差。即入無境。總而括之。即而究之。無有異有。而非無。無有異無。而非有者。明矣。而曰有無之外。別有妙道。非有非無。謂之涅槃。吾聞其語。未即於心也。

超境第五

無名曰。有無之數。誠以法無不該。理無不統。然其所統。俗諦而已。經曰。眞諦何耶。涅槃道是。俗諦何耶。有無法是。何則。有者有於無。無者無於有。有無所以稱有。無有所以稱無。然則有生於無。無生於有。離有無無。離無

無有。有無相生。其猶高下相傾。有高必有下。有下必有高矣。然則有無離殊。俱未免於有也。此乃言象之所以形。是非之所以生。豈是以統夫幽極。擬夫神道者乎。是以論稱出有無者。良以有無之數。止乎六境之內。六境之內。非涅槃之宅。故借出以祛之。庶悟道之流。勢窮幽途。託情絕域。得意忘言。體其非有非無。豈曰有無之外。別有一有而可稱哉。經曰。三無爲者。蓋是群生紛囂。生乎萬患。篤患之尤。莫先於有。絕有之稱。莫先於無。故借無以明其非有。明其非有。非謂無也。搜玄第六

有名曰。論自云涅槃既不出有無。又不在有無。不在有無。則不可於有無得之矣。不出有無。則不可離有無求之矣。求之無所。便應都無。然復不無其道。其道不無。則幽途可尋。所以千聖同轍。未嘗虛返者也。其道既存。而曰出不在。必有異旨。可得聞乎。妙存第七

無名曰。夫言由名起。名以相生。相因可相。無相無名。無名無說。無說無聞。經曰。涅槃非法。非非法。無聞無說。非心所知。吾何敢言之。而子欲聞之耶。雖然。善吉有言。衆人若能以無心而受。無聽而聽者。吾當以無言言之。庶述其言。亦可以言。淨名曰。不離煩惱而得涅槃。天女曰。不出魔界而入佛界。然則玄道在於妙悟。妙悟在於即眞。即眞即有無齊觀。齊觀即彼已莫二。所以天地與我同根。萬物與我一體。同我則非復有無。異我則乖

於會通。所以出不在。而道存乎其間矣。何則。夫至人虛心冥照。理無不統。懷六合於胸中。而靈臺有餘。鏡萬有於方寸。而其神常虛。至能拔玄根於未始。即群動以靜心。恬淡淵默。妙契自然。所以處有有。居無不無。居無不無。故不無於無。處有有。故不有於有。故能不有無。而不在有無者也。然則法無有無之相。聖無有無之知。聖無有無之知。則無心於內。法無有無之相。則無數於外。於外無數。於內無心。彼此寂滅。物我冥一。怡爾無朕。乃曰涅槃。涅槃若此。圖度絕矣。豈容可責之於有無之內。又可徵之有無之外耶。難差第八

有名曰。涅槃既絕圖度之域。則超六境之外。不出不在。而玄道獨存。斯則窮理盡性。究竟之道。妙一無差。理其然矣。而放光云。三乘之道。皆因無爲而有差別。佛言。我昔爲菩薩時。名曰儒童。於然燈佛所。已入涅槃。儒童菩薩。時於七住初發無生忍。進修三位。若涅槃一也。則不應有三。如其有三。則非究竟。究竟之道。而有升降之殊。衆經異說。何以取中耶。辯差第九

無名曰。然究竟之道。理無差也。法華經云。第一大道無有兩正。吾以方便爲怠慢者。於一乘道分別說三。三車出火宅。即其事也。以俱出生死。故同稱無爲。所乘不一。故有三名。統其會歸。一而已矣。而難云。三乘之道。皆因無

①統二紛②(形充...患)七字二(身形應八方而無患害)③九字④而二以⑤豈十(所)⑥分二差⑦[乃]⑧一⑨憊⑩二⑪別二可⑫耶二也⑬於二于⑭乎二子⑮攝二希⑯忘二亡⑰日二言⑱統二統⑲[自]⑳一㉑無十(而)㉒存二有㉓言二云㉔在二在㉕\*㉖冥二默㉗不十(問)㉘知十(故)㉙彼比二此彼㉚之十(於)㉛之二三㉜而二何㉝升二昇\*



爲而有差別。此以人三。三於無爲。非無爲有三也。故放光云。涅槃有差別耶。答曰。無差別。但如來結習都盡。聲聞結習不盡耳。請以近喻。以況遠旨。如人斬木。去尺無尺。去寸無寸。脩短在於尺寸。不在無也。夫以群生萬端。識根不一。智鑒有淺深。德行有厚薄。所以俱之彼岸。而升降不同。彼岸豈異。異自我耳。然則衆殊殊辯。其致不乖。

責異第十

有名曰。俱出火宅。則無患一也。同出生死。則無爲一也。而云彼岸無異。異自我耳。彼岸則無爲岸也。我則體無爲者也。請問我與無爲。爲一爲異。若我即無爲。無爲亦即我。不得言無爲無異。異自我也。若我異無爲。我則非無爲。無爲自無爲。我自常有爲。冥會之致。又滯而不通。然則我與無爲。一亦無三。異亦無三。三乘之名。何由而生也。

會異第十一

無名曰。夫止此而此。適彼而彼。所以同於得者。得亦得之。同於失者。失亦失之。我適無爲。我即無爲。無爲雖一。何乖不一耶。譬猶三鳥出網。同適無患之域。無患雖同。而鳥鳥各異。不可以鳥鳥各異。謂無患亦異。又不可以無患既一。而一於衆鳥也。然則鳥即無患。無患即鳥。無患豈異。異自鳥耳。如是三乘衆生。俱越妄想之樊。同適無爲之境。無爲雖同。而乘乘各異。不可以乘乘各異。謂無爲亦異。又不可以無爲既一。而一於三乘也。然則我即無爲。無爲即我。無爲豈異。異自我耳。所以

無患雖同。而升虛有遠近。無爲雖一。而幽鑒有淺深。無爲即乘也。乘即無爲也。此非我異無爲。以未盡無爲。故有三耳。

詰漸第十二

有名曰。萬累滋彰。本於妄想。妄想既祛。則萬累都息。二乘得盡智。菩薩得無生智。是時妄想都盡。結縛永除。結縛既除。則心無爲。心既無爲。理無餘翳。經曰。是諸聖智不相違背。不出不在。其實俱空。又曰。無爲大道。平等不二。既曰無二。則不容心異。不體則已。體應窮微。而曰體而。未盡是所未悟也。

明漸第十三

無名曰。無爲無二。則已然矣。結是重惑。可謂頓盡。亦所未喻。經曰。三箭中的。三獸渡河。中渡無異。而有淺深之殊者。爲力不同故也。三乘衆生。俱濟緣起之津。同鑒四諦之的。絕僞即真。同升無爲。然則所乘不一者。亦以智力不同故也。夫群有雖衆。然其量有涯。正使智猶身子。辯若滿願。窮才極慮。莫窺其畔。況乎虛無之數。重玄之域。其道無涯。欲之頓盡。耶書不云乎。爲學者日益。爲道者日損。爲道者爲於無爲者也。爲於無爲。而曰日損。此豈頓得之謂。要損之又損之。以至於無損耳。經喻螢日。智用可知矣。

譏動第十四

有名曰。經稱法身已上。入無爲境。心不可以智知。形不可以象測。體絕陰入。心智寂滅。而復云進修三位。積德彌廣。夫進修本於好尚。積德生於涉求。好尚則取捨情現。涉求則損

益交陳。既以取捨爲心。損益爲體。而曰體絕陰入。心智寂滅。此文乖致殊。而會之一人。無異指南爲北。以曉迷夫。

動寂第十五

無名曰。經稱聖人無爲而無所不爲。無爲。故雖動而常寂。無所不爲。故雖寂而常動。雖寂而常動。故物莫能一。雖動而常寂。故物莫能二。物莫能二。故逾動逾寂。物莫能一。故逾寂逾動。所以爲即無爲。無爲即爲。動寂雖殊。而莫之可異也。道行曰。心亦不有。亦不無。不有者。不若有心之有。不無者。不若無心之無。何者。有心則衆庶是也。無心則太虛是也。衆庶止於妄想。太虛絕於靈照。豈可止於妄想。絕於靈照。標其神道。而語聖心者乎。是以聖心不有。不可謂之無。聖心不無。不可謂之有。不有。故心想都滅。不無。故理無不契。理無不契。故萬德斯弘。心想都滅。故功成非我。所以應化無方。未嘗有爲。寂然不動。未嘗不爲。經曰。心無所行。無所不行。信矣。儒儻曰。昔我於無數劫。國財身命。施人無數。以妄想心施。非爲施也。今以無生心。五華施佛。始名施耳。又空行菩薩。入空解脫門。方言今是行時。非爲證時。然則心彌虛。行彌廣。終日行。不乖於無行者也。是以賢劫稱無捨之檀。成具美不爲之爲。禪典唱無緣之慈。思益演不知之知。聖旨虛玄。殊文同辯。豈可以有爲。便有爲。無爲便無爲哉。菩薩任盡。不盡平等法門。不盡有爲。不住無爲。即其事也。而以南北爲喻。殊非領會之唱。

○(云)一○ ○淺深一深淺一○ ○餘二障一○ ○不二無一○ ○未二不二○ ○則所二其一○ ○寂逾動一動逾寂一

窮源第十六

有名曰。非衆生無以御三乘。非三乘無以成涅槃。然必先有衆生。後有涅槃。是則涅槃有始。有始必有終。而經云。涅槃無始無終。湛若虛空。則涅槃先有。非復學而後成者也。

無名曰。夫真由離起。僞因著生。著故有得。離故無名。是以則真者同真。法僞者同僞。子以有得爲得。故求於有得耳。吾以無得爲得。故得在於無得也。且談論之作。必先定其本。既論涅槃。不可離涅槃而語涅槃也。若即涅槃以興言。雖獨非涅槃。而欲得之耶。何者。夫涅槃之道。妙盡常數。融治二儀。蕩滌萬有。均天人。同一異。內視不己。見返聽不我聞。未嘗有得。未嘗無得。經曰。涅槃非衆生。亦不異衆生。維摩詰言。若彌勤得滅度者。一切衆生亦當滅度。所以者何。一切衆生。本性常滅。不復更滅。此名滅度。在於無滅者也。然則衆生非衆生。誰爲得之者。涅槃非涅槃。誰爲可得者。放光云。菩提從有得耶。答曰不也。從無得耶。答曰不也。從有無得耶。答曰不也。離有無得耶。答曰不也。然則都無得耶。答曰不也。是義云何。答曰無所得故。爲得也。是故得無所得也。無所得謂之得者。誰獨不然耶。然則玄道在。於絕域。故不得以得之。妙智存乎物外。故不知以知之。大象隱於無形。故不見以見之。大音匿於希聲。故不聞以聞之。故能囊括終古。導達群方。享壽蒼生。疎而不漏。汪洋洋洋。何莫由之哉。故梵志曰。吾聞佛道。厥義弘深。汪洋無涯。靡不成就。靡不度生。然則三乘之路。開真僞之途。辯賢聖之道。存無名之致。顯矣。

有名曰。經云衆生之性。極於五陰之內。又云。得涅槃者五陰都盡。譬猶燈滅。然則衆生之性。頓盡於五陰之內。涅槃之道。獨建於三有之外。貌然殊域。非復衆生得涅槃也。果若有得。則衆生之性不止於五陰。必若止於五陰。則五陰不都盡。五陰若都盡。誰復得涅槃耶。

玄得第十九

肇論疏卷上 序

釋元康撰

肇論序小招提達法師作者 就此一論。文有二章。前序文。後論本。今言肇論序者。後秦姚興時。長安釋僧肇法師。作宗本不遷等論。從人立名。故云肇論。敘述肇法師所作論意。故名爲序。爾雅云。東西牆謂之序。郭象註云。所以序別內外也。今達法師敘述論意。以爲論之由漸。如東西牆爲舍宅之序。故名爲序。而言小招提達法師作者。閬州江寧縣。舊是丹陽郡。始自吳朝。爰及宋齊梁陳六代以來。佛教興盛。伽藍精舍。接棟連甍。名字相參。往往而有。卽如莊嚴寺。則有大莊嚴妙莊嚴。招提寺。則有大招提小招提也。大招提是梁時造。小招提是晉時造。慧達法師是陳時人。小招提寺僧也。當陳時名達之者。非止一人。故標其寺。以爲別也。有本直云小招提撰。撰者撰集。非是製作。應言作。不應言撰也。直言小招提不言名者。江左敬法師。不呼其名。故但標其寺耳。然此法師。未善文體。所作論序。多有庸音。直以敘述論宗。不無倫次。貴其雅意。如後釋之。所望通人幸無譏諍也。慧達率愚下。就此序中。開爲兩段。前且明作之元由。後正序肇論之宗旨。就前文中開爲六段。第一標舉論名。第二稱美人法。第三慶幸逢遇。第四非斥譏嫌。第五申述元情。第

●爲一或一 ●必若二若必一 ●已見一見已一 ●我聞二聞我 ●名二明一 ●爲一名一 ●耶二乎一 ●於二乎一 ●故二至一 ●囊括括括 ●大日本讀藏經

六宣明序意。今言率者。爾雅云。率勸也。慧達者名也。長安者。秦家本都咸陽。漢家移都長安。長安是秦時鄉名。即以本爲名。名長安縣也。釋僧肇法師者。梁朝會稽嘉祥寺皎法師撰高僧傳云。釋僧肇京兆人。家貧以傭書爲業。遂因繕寫。歷觀經史。備盡墳籍。深好玄微。每以老莊爲心要。嘗讀老子道德章歎曰。美則美矣。然期神冥累之方。猶未盡也。後見古維摩經。歡喜頂戴受持。披習詁味。乃言始知所歸矣。因此出家學道。善解方等。兼通三藏。及在冠年而名振關輔。時競舉之徒。莫不猜其早達。咸千里負糧。入關抗辨。肇既才思幽玄。又善談說。承機挫銳。曾不留滯。時京中宿儒。及關外英彥。莫不抱其鉅辨。負氣摧。後羅什至姑臧。肇自遠從之。什嗟賞無極。及什適長安。肇亦隨還。姚興命肇僧叡等。入逍遙園。詳定經論。肇以去聖人久遠。文義舛雜。先舊所解時有乖謬。乃見什諸寫。所悟更多。因著宗本義。物不遷論。不真空論。般若無知論。竟以呈什。什讀之稱善。乃謂肇曰。吾解不謝。子辭當相抱。時廬山劉遺民。見肇此論歎曰。不意方袍復有平仲。因以呈遠公。遠乃撫几歎曰。未嘗有也。因共披尋詁味。更存往復。及什亡後。追悼永往。翹思彌勵。乃著涅槃無名論。以上秦主姚興。與答旨殷勤。備加贊述。即勅令繕寫。班諸子姪。其爲時所重如此。晉義熙十年。卒於長安。春秋三十有一矣。但末世弘經尤屬四依菩薩下。第二稱美人法也。人則肇法師。法則所作論。允者信也。囑

者屬也。此字音有二音二義。二音者。一之欲反。二是時欲反。今取前音也。二義者。一是對屬義。二是眷屬義。今是前義也。爾雅云。屬著也。亦可通後義也。涅槃經四依品。明四依菩薩出世護持正法。具煩惱性。能持禁戒。是名第一人。須陀洹人斯陀含人。是名第二。阿那含人。是名第三。阿羅漢人。是名第四。言西國弘經屬在四依。則馬鳴龍樹之流是也。爰傳茲土。抑亦其例者。爰於也。爾雅云。爰易也。抑按也。謂此土弘經之人。亦按四依之例。則安遠生肇是也。至如彌天大德章壽桑門者。高僧傳云。釋道安。至習鑿齒造謁。既坐。自云四海習鑿齒。安應聲答云。彌天釋道安。時人以爲名答。今言彌天大德。即安法師也。高僧傳云。羅什法師。本名鳩摩羅耆婆。此云童壽。以其善解文什。故云羅什。今言童壽。即什法師也。桑門者。古人譯經名爲桑門。近云沙門。皆是梵音輕重之異。此云寂志也。並創始命宗圖辨格致者。創初也。命告也。宗尊也。圖度也。格量也。致理致也。如安法師立義。以性空爲宗。作性空論。什法師立義。以實相爲宗。作實相論。是謂命宗也。圖度辨才格量理致也。播揚宣述所事玄虛者。播布也。宜布佛教。唯以虛玄爲事耳。唯斯擬聖默之所祖者。思益經云。汝等比丘。集會當行二事。若聖說法。若聖默然。今言唯安什二法師。所作軌儀。聖默之宗祖也。自降乎以還下。應云降斯已還。而

方俗之言。節量經文階級次第也。善嚴名教精搜義理者。嚴訓實。搜訓案。謂能研覈名教之異同。搜求義理之差當也。揖此群賢語之所統者。揖訓敬也。推敬前人爲聖說法之所統者也。有美若人超語兼默者。毛詩云。有美一人清揚婉兮。邂逅相遇適我願兮。論語云。君子哉若人。今合此語。共成一句。而言超語兼默者。超語兼超默。此言超者。謂前安什二師。唯得理而文有所闕。寂師謝公唯得文而理有所闕。今肇法師文理兼備。故名爲超。非謂肇法師文。勝寂師及謝公。理勝什師及安公也。何者。論文自云。性空者諸法實相也。見法實相故爲正觀。若其異者。便爲耶觀。安法師作性空論。什法師作實相論。皆究盡玄宗。何由可勝。寂法師作大智度論序云。夫萬有本於生生。而生生者無生。變化肇於物始。而始始者無始。然則無生無始者。物之性也。生始不動於性。而萬有陳於外。悔悟生於內者。其唯邪思乎。正覺有以見邪思之自起。故阿含爲之作。知滯有之由惑。故般若爲之鑒。然鑒本希夷。津涯浩汗。理超文表。趣絕思境。以言求之則乖其深。以智測之則失其旨。二乘所以顛沛於三藏。新學所以曝曬於龍門者。豈不然乎。謝靈運文章秀發。超過古今。如涅槃元來質樸本言。手把脚蹈得到彼岸。謝公改云運手動足截流而度。又如作詩云。白雲抱幽石。碧篠媚清澗。又雲日相暉映。空水共澄鮮。此復何由可及。直以肇師兼文兼理。故名勝耳。有人云。肇法師語。超寂公謝

公。故云超語。默同安公什公。亦可然也。標本則句句深達佛心。明末則言言備通衆教者。本謂宗本義。末謂涅槃論也。諒是大乘懿典。方等博書者。諒信也。小雅懿深也。謂此論是深典博大之書耳。自古自今著文著筆者。此應言自古及今。不應言自今。而今云爾者。欲對下著文著筆故也。文家以有韻爲文。無韻爲筆。劉氏文心調龍非此語云。孔子曰。文王既沒。文不在茲乎。可有韻乎。固不然也。詳汰名賢所作諸論者。此言支法詳。作實相論。有二家。一者是什法師作。今無此本。二者是支法詳問。釋慧儀答。此乃是慧儀法師作。非支法詳作也。或六家七宗爰延十二者。江南本皆云六宗七宗。今尋記傳。是六家七宗也。梁朝釋寶唱作續法論一百六十卷云。宋莊嚴寺釋曇濟。作六家七宗論。論有六家。分成七宗。第一本無宗。第二本無異宗。第三即色宗。第四識含宗。第五幻化宗。第六心無宗。第七緣會宗。本有六家。第一家分爲二宗。故成七宗也。言十二者。續法論文云。下定林寺釋僧鏡作實相六家論。先設客問二諦一體。然後引六家義答之。第一家以理實無有爲空。凡夫謂有爲有。空則真諦。有則俗諦。第二家以色性是空爲空。色體是有爲有。第三家以離緣無心爲空。合緣有心爲有。第四家以心從緣生爲空。離緣別有心體爲有。第五家以邪見所計心空爲空。不空因緣所生之心爲有。第六家以色色所依之物實空爲空。世流布中假名爲有。前有六家。後有六家。

合爲十二家也。故曰爰延十二也。並判其臧否辨其差。當。臧否差當卽是非也。前六家論中判第四家爲臧。餘五家爲否。後六家論中。辨前五家爲差。後一家爲當也。唯此憲章無弊斯答者。憲法也。十二家皆有是非之弊。今鑒法師所作無有此弊。但是而無非也。良猶襟情泛若不知何係者。良信也。襟是胸襟。情是性。泛然無所係滯也。若是不計義。周易云。出涕沱若。濡者不計若寄。以其無有別義故。不計之耳。匹彼淵海數越九流者。淵海廣博。越九流之數。鑒法師襟懷廣博。越詳汰諸人也。淵海者。小雅深也。九流者。江有九江。河有九河。皆是九流也。九江者。尋陽記云。一者烏江。二者淝江。三者烏土江。四者嘉麗江。五者歐江。六者汚江。七者稟江。八者提江。九者茵江。九河。爾雅云。一者徒駭河。二者大史河。三者馬頰河。四者覆轡河。五者胡蘇河。六者箇河。七者潔河。八者鉤盤河。九者高津河也。挺拔清虛蕭然物外者。挺出也。蕭然謂蕭條然也。鑒法師才思挺出。清雅虛通。蕭然在物之外也。知公者希歸公採什者。知肇公之者希。歸向肇公者。則收採其文什也。如曰不知則公貴矣。矣者。曰者語端老子云。知我者希則我貴矣。今用此語也。有人云。如日月日用而不知者。殊非理也。

達觀生天幸下。第三慶幸逢遇也。猥衆也。謂多生有幸。幸者寵者也。而言天幸者。天寵也。亦可凡言天者自然。今言天幸。自然有幸也。世說注云。張敏字子羽。與張華同時。而不得官。乃作。頭貴子羽文云。公受性拘係。不閑禮儀。誤以天幸爲子所寄。言天幸用此語也。有人將幸字屬下句。殊爲可哂也。忻躍不已。嚮嚮忘疲者。忻喜躍躍不知止也。飲嚮飲嚮無疲倦也。然此善字合鄉下作食。今多作向。亦可然。有本作音非也。每至披尋不勝手舞者。子夏詩序云。不知手之舞之足之蹈之。今用此語。意云歡喜也。況中百門觀爰泊方等深經者。小雅云。暨及也。左傳云。暨至。或作泊字。義亦同也。十二門論。名爲門觀。觀師中論序云。百論治外以閑邪。斯文柱內以流滯。大智釋論之淵博。十二門觀之精詣也。世唾咸云下。第四非斥譏嫌也。傳云。謂彥彥字言邊作彥。今口邊作彥。俗中字也。彥之所作故是成實真諦地論通宗者。成實論宗有真諦義。十地論宗有通宗義。謂肇師所明之理。猶是彼二論中之義也。莊老所資孟浪之說者。謂肇法師用莊老言資此論。爲孟浪之說。孟者大也。浪者流浪也。此實巨蟲之言欺誣。已沒者。盡是盡壽。書云。以物病人爲盡。卽如漢家巫蠱事也。沒終也。小雅作歿。今作沒也。見肇師亡沒。作此欺凌誣罔。肇法師假莊老之言。以宜正道。豈卽用莊老爲法乎。必不然也。街巷陋音未之足拾者。此是街巷鄙陋之言。不可收採也。

夫神道不形心敏難繪者。第五述元情也。述肇法師之元意。明不同莊老也。神道謂神妙之道。卽佛道也。敏疾也。繪論語云。繪畫也。既文約義遠衆端所說者。今謂作論文有

●論十(竺法汝作本無論也然實相論)十二字●●當十(者)●●(前)十●●頭二頭●●已二亡●●者十(五大也)●●

限局理致弘遠不假莊老耄端之言。無由宣暢玄理也。有本云說。有本云說。詭變也。譬之卜意豈圖然哉。鑒法師卜措懷抱。豈自無理。以莊老之理。爲佛理乎。信有所以也。如復殉狎其言。願生生不面者。殉字合立入邊作句。以身從物。謂之殉。今作殉者。則是送死。謂之殉也。狎習也合也。意若復有人。殉狎此言者。我即願生生不與此人面對也。至獲忍心還度斯下者。得無生忍。方還度此下品人耳。

達留連講肆二十餘年下 第六宣明序意也。留連謂不離也。講肆謂講席也。說文云講習也。左傳云講謀也。周禮云。司市常以陳肆辨物。此謂陳設物產爲肆耳。今謂講說之處。陳設几席事如肆也。自講已來二十年也。亦可聽講以來二十年也。願逢重席末觀斯論者。願亦曾逢重席。末後方見此論耳。重席者。漢帝令諸儒講論。勝者餐劣者席。戴憑獨坐五十重席。時人口說經不窮。戴侍中也。聊寄一序託悟在中者。寄託悟懷在序內也。同我賢余請俟來哲者。俟待也。同於我者。賢於余者。待後明哲也。

夫大分深義厥號本無下 第二正序論之宗旨也。文中有四。第一序次第。第二遣相。第三稱歎。第四簡別。今初言大分深義者。此語出十二門論也。彼論云。大分深義所謂空也。若通達是義。則達大乘。具足六波羅蜜。無所障礙。今以本無是空義故。發首言之。此謂宗本義也。而言大分者。大分爲言也。厥者其也。

故建言宗旨標平實相者。實相即本無之別名。以本無是深義故。建初言本無實相等也。開空法道莫逾真俗者。逾越也。涅槃經云。雪山菩薩。聞說半偈。上樹捨身。以報偈價。樹神問言。如是偈者。何所利益。菩薩答言。如是偈者。諸佛所說。開空法道。我爲此法。棄捨身命。今不還不真兩論。能開空法之道也。不真明真諦也。不還明俗諦也。所以次釋二諦顯佛教門者。真俗二諦佛教要門。以此故次宗本而釋二諦耳。但圓正之因無上般若者。此謂般若無知論也。涅槃正因無有尙於般若者也。至極之果唯有涅槃耳。般若極果。唯有涅槃之法也。故末啓重玄者。以此因果。更無加上。故末後明此兩重玄法。般若爲一玄。涅槃爲一玄也。前言真俗。指前兩論。後言重玄。指後兩論。此是必然。不勞別釋。重玄者。老子云。玄之又玄。衆妙之門。今借此語。以目涅槃般若。謂一切聖人。皆住於此。故名爲宅也。

雖以性空擬本無本可稱下 第二遣相也。語本絕言非心行處者。言本則是絕言之處。故非心所能行也。然不還當俗俗則不生者。道不還則是不生也。不真爲真真但名說者。道不真爲真。但是假名說耳。若能放曠蕩然崇妓一道者。指前宗本論也。蕩大也。謂寬曠無所拘礙也。一道語出涅槃經。彼第十二卷云。實諦者。一道清淨。無有二也。清耳虛襟無言二諦者。指前不還不真二論也。清耳謂靜聽也。虛襟忘懷也。無言謂得意也。二諦謂真

俗也。斯則靜照之巧著故般若無知者。著顯也。能如此靜照。即是般若無知義也。無名之德興而涅槃不稱者。興起也。若能靜照知法不可名。即是涅槃無名之義也。

余謂此說周圓譬佛淵海下 第三稱歎也。譬盡也。如覆罄更無有物也。淵深。浩博無涯窮法體相者。浩汗廣博無涯岸。窮盡諸法實相體也。雖復言約而義豐文華而理詣者。約少豐多也。易云豐大也。毛詩傳云。豐茂也。詣進也。出小雅。彼文云。造奏詣進也。語勢連環意實孤誕者。連環不絕也。孤誕生也。毛詩云。誕闊也。爾雅云。誕大也。敢是絕妙好辭莫不竭茲洪論者。漢時會稽人會肝。能撫節安歌。度浙江溺死。肝女曹娥。年十二。求肝屍不得。自投浙江而死。經宿抱父屍而出。度尙爲作碑。置於會稽上虞山。漢末議郎蔡邕。夜至碑所求火不得。以手摸之而讀。歎其能文。乃鑲碑背。作八字云。黃絹幼婦外孫壺白。後曹操共揚脩。讀此語。問脩解不。答云。解操令修勿語。待吾思之。行三十里方解。乃嘆曰。有智無智校三十里。後乃殺脩。操諸子皆救。操曰。此人中之龍。恐非汝力之所駕馭。遂殺之。黃絹者。絲邊著色。此是絕字。幼婦少女也。女邊著少。妙字也。外孫女子也。女邊著子。此是好字也。壺白者。受辛也。受邊著辛。此是辭字也。今謂絕妙好辭。竭盡此論之中也。洪者大也。所以童壽歎言下。此語出名僧傳。慧觀傳中也。明什法師作此語。非無所以也。彭在翰牘者。鑒法師文理彰顯。在翰牘也。古人以雞翰

毛書簡牘之上。今名紙爲牘也。

但宗本蕭然下。第四簡別是論非論也。宗本蕭然。不可致難。故但稱義。不遷等四。欲接引學人。假致問答。故稱爲論。有本云開通。有本云開涉。小雅云。開達也。問答折微。所以稱論者。論本折理。四科折理。故名爲論耳。

### 宗本義

宗者宗祖。本名根本。肇法師以本無實相等。是諸經論之宗本。今明此義。故云宗本義也。亦可以此少文。爲下四論之宗本。故云宗本義也。今依後釋。此文爲二別。宗本一義。是謂標宗。不遷已下四論是謂明教也。

本無實相法性性空緣會一義耳者。論文有四。第一明本無實相宗。第二明非有非無宗。第三明渾和般若宗。第四明泥洹盡諦宗。第一明本無實相宗。爲物不遷論之宗本。第二明非有非無宗。爲不真空論之宗本。第三明渾和般若宗。爲般若無知論之宗本。第四明泥洹盡諦宗。爲涅槃無名論之宗本。今云本無等者。有人云。會釋五家義也。竺法汰作本無論。什法師作實相論。遠法師作法性論。安法師作性空論。于道遷作緣會二諦論。今會此五家。故云一義耳。此非釋也。何者。若今會竺法汰本無論者。何故不真空論初。彈本無義耶。又且遠法師作法性論。自問云。性空是法性乎。答曰非。性空者即所空而爲名。法性是法真性。非空名也。今何得會爲一耶。復有人言。支法詳作實相論。今會此論。此釋彌復不然。支法詳不見什法師。承來至關中乃作

書。問什法師門人釋慧儀實相義。慧儀報答。名此爲實相論。此並是肇法師同時人。才學又在肇法師下。寧肯會釋此人所作論耶。必不然也。今直云此五。家是經論中大義。有人謂同。有人謂異。肇法師今會之爲一。不言異也。又本無等四爲真。緣會爲俗。今會此真俗二諦不異也。言本無者。如維摩經云。無我無造無受者。善惡之業亦不忘。此本無義也。仁王經云。有本自無因緣成法。此亦本無義也。中論云。若使無有。云何當有無。有無既已無。知有無者誰。又云諸法不可得。滅一切戲論。無人亦無處。佛亦無所說。此亦本無義也。言實相者。如維摩經云。如自觀身實相。觀佛亦然。我觀如來。前際不來。後際不去。今則不住。不觀色。不觀色如。不觀色性。此實相義也。中論云。諸法實相者。心行言語斷。無生又無滅。寂滅如涅槃。此亦實相義也。言法性者。如大品經云。法性法住法位實際。有佛無佛法性相常住。此法性義也。勝天王般若第三卷。有法性品。廣明法性不可思議。此性即諸佛法本。功德智慧因之而生也。中論云。如來所有性。即是世間性。如來無有性。世間亦無性。此亦法性義也。言性空者。如涅槃經云。一切諸法性本自空。亦因菩薩修空故空。此性空義也。中論云。如是性空中。思惟亦不可。如來滅度後。分別於有無。此亦性空義也。言緣會者。維摩經云。說法不有亦不無。以因緣故諸法生。此緣會義也。中論云。未曾有一法。不從因緣生。是故一切法。無不是空者。

此亦緣會義也。如此五義。經論大宗。以理會之。一而無異。故云一義耳。又涅槃及仁王經。皆明二諦一體。今明此五義。唯是二諦。然此二諦一體無別。故云一義。雖有兩釋。前爲正釋也。何則下。此論凡云何。則是假問之辭也。一切諸法緣會而生者。前標列其義。先標本無。今會釋五義。先論緣會。逐便故也。性常自空。故謂之性空者。此有三讀。一者性常自空。故謂之性空爲句也。二者性常自空。故謂之性空法性爲句也。三者性常自空。故謂之性空法性實相爲句也。三讀之中。前爲勝。今依前讀。即以性常自空名爲性空也。法性如是。故曰實相者。性空即是法性。此性即是實相也。實相自無非推之使無者。諸法自無名爲實相。非是推遣令無也。

言不有不無者下。第二明非有非無宗。爲不真空論之宗本也。言者謂經論所言也。大品經云。色非空非不空。受想行識非空非不空。涅槃經云。佛性非真如虛空。非無如鬼角。中論云。定有則著常。定無則著斷。是故有智者。不應著有無。今通釋經論此語。所言不有者。不如見有常見之有。而言不無者。不如邪見斷見無。故云爾耳。有見者。謂有所得見也。邪見者。謂無所得見也。常見者。猶是有見。斷見者。猶是邪見也。又有見者。謂有我見也。常見者。謂身是常也。邪見者。謂無我見也。斷見者。謂身是無常也。中論云。我於過去世。爲有爲是無。世間常等見。皆依過去世。我於未來世。爲作爲不作。有邊等諸見。皆依未來世

也。亦可此中通以計萬法定有爲有。定無爲無。有則是常。無則爲斷也。若以有爲有則以無爲無者。有若定是有。無則定是無也。有既

以三乘觀法無異下。既云非倒。而有三乘之異者。爲心有大小。智有淺深故也。

不厭有。所以觀空不即取證也。是爲一念之力權慧具矣者。涉有不迷空。權中有實。觀空

不有。則無無也。有本有重無字。有本但有一無字。若有兩無字。則此句已足。言有既非有。

第三明源和般若宗。爲般若無知論之宗本也。具足梵音。應言源和俱舍

者。則是權中有實也。後言一念之力權慧具者。則是實中有權也。好思下。審思則見也。

言無亦非無也。若唯有一無字。則此句遺有。後方始遺無。今以重無字爲正也。夫不存。無

波羅蜜。此云智慧。方便者權智也。智慧者實智也。大品經九十品。龍樹菩薩以方便已

泥洹證諦者直結盡而已下。第四明泥洹盡諦宗。爲涅槃無名論之宗本也。盡諦即滅諦。

今此句覆疏無無句也。是爲雖觀有而無所取相者。此句覆疏無有句也。不存無以觀法。

前明般若道。方便品已後明源和道。維摩經云。有慧方便解。無慧方便縛。有方便慧解。無

四諦之中涅槃即第三諦也。涅槃經第二十三卷云。善男子。涅槃之體。無有住處。真是諸

則無非無也。觀有而不取相。則有非有也。非有非無是爲中道矣。然則法相爲無相之相者。此謂實相法也。無有法相。名爲無相。以此

法實相謂之般若者。觀實相智。是謂般若也。能不取證源和功也者。形現也。聲聞觀空即

佛斷煩惱處。故名涅槃。今取此語。明涅槃之宗本也。無復別有一盡處者。盡本盡於結。結盡無別盡。如此無別盡。是謂常樂我淨大涅槃也。

無相爲相故。名實相也。聖人之心爲住無所住者。此謂般若也。安住無爲。名之爲住。住無所住故。名無住也。三乘等觀性空而得道者。

現取證。菩薩觀空能不現證。所以然者。此理深妙。衆生不解。菩薩起大悲之心。願在生死教化衆生。爲說此法。令一切有心。皆得悟

此下四論第二章明教也。四論四章。即明四教。第一物不遷論。明有申俗諦教。第二不真

前云有既不有。無亦不無。皆是性空之妙理。三乘聖人。同觀此理。而後成道也。涅槃經云。觀十二因緣智慧。凡有四種。一者下。二者

解。此即是菩薩善權方便之力也。故云源和功也。適化衆生謂之源和者。適往也。菩薩往

空論。明空申真諦教。第三般若論。明因申般若教。第四涅槃論。明果申涅槃教。明此四法。申彼四教。釋迦一化理斯盡矣。今言物不遷

中。三者上。四者上上。下智聲聞。中智緣覺。上智菩薩。上上智是佛。開佛及菩薩。故有四種。合佛及菩薩。則有三種。然此三人。同觀因緣性空。故得成三乘道果也。金剛般若經云。

入生死。教化衆生令悟性空。此是善權方便之智也。不染塵累般若力也者。凡夫涉有。多生染著。菩薩涉有。知有法皆空。所以於色

論者。莊子外篇達生章云。凡有貌像聲色者皆物也。公孫龍子名實論云。天與地其所產焉物也。毛長詩傳云。遷徙也。人謂物皆遷徙。變易無常。今明物本不遷。當世各有言。雖反

一切實聖。皆以無爲法。而有差別。此之謂矣。性空者諸法實相者。諸法性空。此是真實之理。故名實相也。見法實相故爲正觀下。見空

者。觀空是實智也。涉有是權智也。涉有未始迷空。故常處有而不染下。覆疏前兩義也。未始者初未曾也。菩薩涉有未曾迷空。以常知

變易無常。今明物本不遷。當世各有言。雖反常義仍合道。故云物不遷論也。

爲正。見有爲邪也。設二乘不見此理則顛倒者。有本作故字非也。設謂假設。假令二乘不見性空。則是顛倒。而今見空故。非顛倒也。是

法是空。故能處在生死。不不染著。釋前不染塵累般若力也。不厭有而觀空故觀空而不

夫生死交謝寒暑遞遷有物流動人之常情也。下。論文有二。前序。後正。今初序文。目爲四段。第一叙常情。第二明真解。第三述異同。第四申論意。今初。有本云生死。有本云生滅。俱

見性空。則是顛倒。而今見空故。非顛倒也。是以三乘觀法無異下。既云非倒。而有三乘之

證者。菩薩涉有不生疲厭。而能觀空也。對前言涉有不迷空。此言觀空不厭有也。以觀空

得。今用生死也。有本云迷遷。有本遞遷。俱

以三乘觀法無異下。既云非倒。而有三乘之異者。爲心有大小。智有淺深故也。

不厭有。所以觀空不即取證也。是爲一念之力權慧具矣者。涉有不迷空。權中有實。觀空

者。則是權中有實也。後言一念之力權慧具者。則是實中有權也。好思下。審思則見也。

波羅蜜。此云智慧。方便者權智也。智慧者實智也。大品經九十品。龍樹菩薩以方便已

泥洹證諦者直結盡而已下。第四明泥洹盡諦宗。爲涅槃無名論之宗本也。盡諦即滅諦。

四諦之中涅槃即第三諦也。涅槃經第二十三卷云。善男子。涅槃之體。無有住處。真是諸

前明般若道。方便品已後明源和道。維摩經云。有慧方便解。無慧方便縛。有方便慧解。無

佛斷煩惱處。故名涅槃。今取此語。明涅槃之宗本也。無復別有一盡處者。盡本盡於結。結盡無別盡。如此無別盡。是謂常樂我淨大涅槃也。

此下四論第二章明教也。四論四章。即明四教。第一物不遷論。明有申俗諦教。第二不真

空論。明空申真諦教。第三般若論。明因申般若教。第四涅槃論。明果申涅槃教。明此四法。申彼四教。釋迦一化理斯盡矣。今言物不遷

論者。莊子外篇達生章云。凡有貌像聲色者皆物也。公孫龍子名實論云。天與地其所產焉物也。毛長詩傳云。遷徙也。人謂物皆遷徙。變易無常。今明物本不遷。當世各有言。雖反

變易無常。今明物本不遷。當世各有言。雖反常義仍合道。故云物不遷論也。

夫生死交謝寒暑遞遷有物流動人之常情也。下。論文有二。前序。後正。今初序文。目爲四段。第一叙常情。第二明真解。第三述異同。第四申論意。今初。有本云生死。有本云生滅。俱

得。今用生死也。有本云迷遷。有本遞遷。俱

得。今用生死也。有本云迷遷。有本遞遷。俱



得今用送還也。小雅云：送還交更也。今明送還更相還易也。生死者，非直謂人身死此生彼，通謂一切萬物生死變化也。如涅槃經云：一切諸世間，生者皆歸死，壽命雖無量，要必有終盡。既從生至死，亦從死至生，生死過還，終始無際，是謂交謝，謝往也。易云：暑往而寒來，寒往而暑來，又云：鼓之以雷霆，潤之以風雨，日月運行，一寒一暑，是謂送還也。即以生死寒暑，名之為有，名之為物，皆有還謝移易。故云流動。流如水流，動如風動，此是常情所解也。常者尋常也。小雅云：四尺謂之仞，倍仞謂之尋。尋者舒兩臂也，倍尋謂之常也。余則謂之不然。第二明真解也。余我也。

謂言也。不如前解。故曰不然也。何者放光云：法無去來無動轉者。竺法護前翻大品，名曰放光。以此經初廣明如來放光等事，即以爲名也。彼經既云法無去來，何有生死交謝，復云無動轉者。何有寒暑迭還耶。亦可通說。未必須配也。亦可何者字。是肇法師語。非經文也。尋夫不動之作豈釋動以求靜，釋者捨離，尋放光經作不動之語者，非謂捨動而別論靜。即求靜於動法之中，即動而爲靜耳。言豈釋者不釋也。必求靜於諸動下。覆上意可見也。

然則動靜未始異而惑者不同下。第三述異同也。動靜理雖不殊，而迷惑之人謂異也。緣使真言滯於競辨宗途，屈於好異者。真言謂佛教也。就辨謂異說也。宗途謂法理也。好異謂異解也。所以靜躁之極未易言也者，謂靜

躁兩間難辨也。又釋靜躁不二，是靜躁之極。欲說此理，未易可論也。何者夫談真則逆俗順俗則違真者，俗人謂異，言不異者，則逆俗人也。真理是一，言不一者，則違真理也。此言真者，謂理實如此，故名爲真，未必即爲真諦也。如云真書真寶可即是真諦乎。固不然也。有人執此語，非前序中不還當俗諦，此非得意之言也。違真故迷性而莫返逆俗故言談而無味者。違真理則迷法性，不能自返也。亦可情迷不能自返悟也。逆俗人則語薄淡無滋味也。老子云：樂與餌過客上道之出口淡乎其無味。今借此語，以飾論文也。如來說法，皆依二諦，言則順俗，理則明真，且素人好文。

譯經者言參經史，晉朝尙理，作論者辭涉老莊。言參經史，不可謂佛與丘且同風。辭涉老莊，不可謂法與聘周齊致。肇法師一時挺秀，千載孤標。上智貴其高明，下愚譏其混雜。是謂資宋章而適越，露形之俗見嗤。抱荆玉而歸楚，無目之徒致哂。信可悲也。深可歎哉。近有無識之徒，自相朋附，或身參法侶，翻謗大乘，或形廁俗流，反宗小教。上誹高德，苟布負俗之名，下贊庸流，將謂契真之實，自忘顏厚，豈識羞慚。經云：譬如癡賊棄捨金寶，擔負瓦礫，此之謂矣。然信毀禍福，素有誠言，及至臨終，果招其咎。舌出長餘一尺，氣奔經乎數尺，既出牛聲，不知豹變。無間極苦，夫復何疑。後之學者，幸知前事也。緣使中人未分於存亡，下士撫掌而不顧者。老子云：上士聞道勤而行之，中士聞道若存若亡，下士聞道

大笑之。不笑不足以爲道。今借此語也。中人聞此動靜不二，未能決定，或信或疑。故云未分於存亡。下人聞此決定不信，故云撫掌而弗顧。撫掌拍手也。弗顧不視也。近而不可知者，其唯物性乎。動靜不二，物之性也。近對目前而人不覺，今傷歎之。故云爾也。然不能自已下。第四申論意也。已止也。豈曰必然者，未必然也。

道行云諸法本無所從來去亦無所至下。第二是論文也。文有六章。第一引經明不還，第二指物明不還，第三遣惑明不還，第四會教明不還，第五反常明不還，第六結會明不還。今初引一經一論，以標於指歸。明不還之宗本也。道行者，小品般若也。教法師小品序云：章雖三十，貫之者道。言雖十萬，佩之者行。行凝然後無生，道足然後補處也。中觀者，中論一名中觀論。以此論中明觀因緣等法故也。然彼論中無有此語。應是取去來品意耳。去來品云：已去無有去，未去亦無去，離已去未去，去時亦無去。今取此意，故云去者不至方也。斯皆即動而求靜以知物不還明矣者。經云無來無去，論云無去，此之二文，皆是即去明無去，非謂離去有無去，即去無去，是謂不還之義。一論之旨歸也。

去人之所謂動者下。第二指物明不還也。人以昔物去今，故名爲動。我以昔物在昔，故名爲靜。動而非靜以其不來靜而非動以其不去者，餘本皆云靜而非動以其不來，動而非靜以其不去。句上可釋。下句難解。今勘古

●(何)一●

本如前說也。動而非靜以其不來者。此覆人之所謂動句也。靜而非動以其不去者。此覆我之所謂靜句也。人以昔物去今而往昔。故曰動而非靜。我以昔物在昔而不去。故曰靜而非動也。然則所造未嘗異下。廣雅云。造詣也。爾雅云。造適也。嘗有兩義。一者會義。二者常義。莊子云。夫言非吹也。言者有言。其所言者。特未定也。果有言耶。其未嘗有言耶。此是會義。又云。仲尼語顏回曰。若必有以也。嘗以語我來。此是常義也。目所造詣未嘗有異。而心眼所見未曾有同也。逆之所謂塞順之所謂通者。逆理則塞。順理則通。逆理謂人也。順理謂己也。苟得其道復何滯哉者。苟且也。且得其道理。則動靜不二。更無疑滯也。傷夫人情之惑久矣。下第三遣惑明不遷也。傷是傷歎也。目對真而莫覺者。此亦謂不遷之事。理審如此。故名爲真。未必即是真諦也。莫覺者不覺也。既知往物之不來而謂今物之可往者。叙或情也。往物既不來。今物何可往者。難惑計也。何則求向物於向於向未嘗無者。求昨日物於昨日。則昨不無也。責向物於今於今未嘗有者。責昨日物於今日。則今日不有也。於今未嘗有以明物不來者。此是前動而非靜。以其不來句意也。於向未嘗無故知物不去者。此是前靜而非動。以其不去句意也。覆而求今今亦不往者。前之兩對。直明往而不來。今以今類往亦復如是也。是爲昔物自在昔不從今以至昔者。此是不去也。今物自在今不從昔以至今者。此是不

來也。故仲尼曰回也見新交臂非故者。莊子外篇田子方章云。孔子謂顏回曰。吾終身與汝交一臂而失之。可不哀與。郭象注云。夫變化不可執而留也。故雖交臂相守。而不能令停。今用此語也。見新者。謂故人已謝。新人自來也。交臂非故者。交臂相守。亦已謝往。非後故人也。此依郭注釋也。今謂郭注不然。今言交一臂而失之者。謂交一臂之頃。已失前人。非謂交臂執手不能令停也。明知交臂之頃。前已非後。言誰遷耶。然前已非後。則是遷義而言不遷者。此明無有一物定住。而從此遷向彼。故曰不遷也。如此則物不相往來明矣者。若前人至後。後人至前。可謂往來。既不如是。故無往來也。既無往來之微。既又何物而可動乎者。朕字有二音。一者陳錦反。出爾雅。二者陳忍反。出許慎注。淮南子。按事之萌兆謂之朕。今是後音也。李奇云。朕兆也。莊子云。體盡無爲而遊無朕。郭注云。任物故自然無迹。朕跡也。既無往返之跡。故知不動也。然則旋藍偃岳而常靜。下旋藍。劫初時大風名也。亦曰隨風。梵音輕重之異耳。有本云旋嵐。嵐者。此方之風名也。旋嵐卽旋風也。又釋修行道地經云。興雲之風名旋嵐也。向前爲俯。向後爲偃。偃臥倒也。岳者山也。江河者。有本云江海。言海不及河也。莊子云。野馬塵埃也。郭注云。野馬者遊氣也。遊氣奔競。喻如野馬飄揚也。鼓動也。日月歷天者。有本云麗天。言歷易見也。日月周旋故言歷也。麗者易云。日月麗乎天。百穀草木麗乎土。小雅云。

麗著也。前風非後風。故偃岳而常靜。前水非後水。故競注而不流。前氣非後氣。故飄鼓而不動。前日非後日。故歷天而不周。華嚴經云。譬如長風起。鼓拂生動勢。二俱不相知。諸法亦如是。譬如駛水流。水流無定止。二俱不相知。諸法亦如是。譬法師不見華嚴。而作論冥合。自非妙悟玄理。何至於斯乎。噫聖人有言下。第四會教明不遷也。文有兩段。通是會教。前廣後略。今初也。噫者。論語云。噫斗筭之人何足算也。註云。噫不平之聲也。切韻云。噫者恨聲也。聖人者。大戴禮云。哀公問孔子。何謂聖人。孔子曰。聖人者。智通乎大道。應變而不窮也。莊子云。以德分人謂之聖。以財分人謂之賢也。達於川流者。涅槃經云。人命不停。過於山水。非論語中歎逝下文方引論語耳。此意云。聖教自云人命逝速。卽是遷義。何謂不遷耶。人有此疑。故今遣釋也。是以聲聞悟非常以成道緣覺覺緣離以即真者。以法是遷流故。聲聞聞無常教。悟無常理而成道也。亦以法是遷流故。緣覺覺無常理。而得證真也。苟卽萬動而非化豈尋此無常遷化之理。而得道耶。固應是遷也。覆尋聖言微隱難測者。前如問此如答也。微者小也。老子云。視之不見名曰夷。聽之不聞名曰希。搏之不得名曰微也。測者測量也。有本云。喻謂曉喻也。若動而靜似去而留者。據言教則如動如去也。據理實則如靜如留也。可以神會難以事求者。可以般若神心契

會。不可以言述事相而求也。是以言去不必去。閑人之常想者。服虔注漢書云。閑。閑也。王弼注易云。閑。閑也。若蘭若閑。皆是防義。釋者。小雅云。釋解也。若釋皆是遺義也。經中言諸法生滅無常。是謂去也。謂無常者。未必即無常。爲防人之常執。故說無常耳。經中又言業果不失。是謂住也。言有住者。不必即住。爲防人執斷之心。故言住耳。豈曰去而可遺住而可留者。有本云。去而可追非也。法性不去。經中言去。不能遺得法性令其去也。法性不住。經中言住。不能留得法性令其住也。當知爲緣故說去。其實則非去。爲緣故說住。實亦非住也。故成具云菩薩處計常之中而演非常之教者。光明定意經也。彼文云。如來者不用衣食。處計常之中。而知無常之諦。今取彼經意。故云菩薩耳。摩訶衍論云者。大智度論。釋摩訶衍經。故名彼論無摩訶衍論。摩訶衍梵音。此云大乘也。卽大品經也。斯皆導達群方兩言一會者。導謂引達謂通達。群方謂衆生。言聖人引導衆生多方便也。雖有多方。會歸一致耳。亦可群自是群。方自是方。易云。方以類聚。物以群分。聖人道此。故有兩說耳。豈曰文殊而乖其致哉者。不可以言去言住。兩文有殊。則令法性幽致乖阻也。是以言常而不往。稱去而不遷者。言常未常故不住也。稱去未必去故不遷也。已後覆疏此語可見。然則莊生之所以藏山仲尼之所以臨川者。莊子內篇大宗師章云。夫藏舟於壑。藏山於澤。謂之固矣。然而夜半有力者負之而

走。昧者不知也。論語云。子在川上曰。逝者如斯夫。不捨晝夜。莊子意明前山非後山。孔子意前水非後水也。斯皆感往者之難留。豈曰排今而可往者。此二人皆感歎往者不停。前後各別。非謂定有一物。從此推排至彼也。所以引此二書。證成不遷者。夫教之爲體。意在悟物若於物有悟。教則爲益。若於物無益。教反成損。依向經論廣說不遷。恐儒道二家疑而不信。故引二文令其悟解耳。事如佛教說戒。以不殺爲先。俗人好殺。豈能領會。若卽俗書以明不殺。則無不從順也。孟子云。五畝之宅。樹之以桑。則七十者可以衣帛矣。雞犬之食。則七十者可以不食肉矣。若據此文。則七十已下不合衣帛。八十已下不合食肉。慈悲不殺。豈獨佛經。以此相證。誰能不信。今引二書意同此也。是以觀。聖心者。不同人之所見得者。有本云用。有本云同俱得也。經中言常言無常。聖人之心難見得。人之常心則不見聖心也。何者。人則謂少壯同體百齡一質者。常人謂昔日少年。後遷至壯。故云同體。百年同是一身。更非別人也。徒知年往不覺形隨者。徒虛也。年往形亦往。此是遷義。卽此遷中有不遷也。往年在往時。往形在往日。是謂不遷。而人乃謂往日之人遷至今日。是謂惑矣。是以梵志出家下。此事未詳所出經也。昔人尙存乎者。謂昔人猶存至今日也。吾猶昔人者。猶如也。如似昔人。實非昔人也。亦可云吾身雖復猶是昔人。其實非昔人也。亦可云汝謂吾猶是昔人。其實非昔人也。

亦可云吾可猶是昔人乎。吾非復昔人也。隣人皆愕然非其言者。愕謂驚愕。不解其言故驚愕也。所謂有力者負之而趨者。有力謂無常力也。負謂擔負也。趨疾行也。昧謂暗昧也。歎者此字單作自得。不勞著欠。此謂助語。如焉乎之類也。是以如來因群情所滯卽方言以辨惑者。第二略會教明不遷也。因物情滯有。卽爲說動教。因物情滯無。卽爲說靜教。而言方言者。隨方之言。說教以遣其惑也。乘莫二之真心吐不一之殊教者。知動靜不二。是莫二。卽真心也。說動靜兩教。是不一之殊教也。乖而不可異者。其唯聖言乎者。言乖乖而理不可異也。故談真有不遷之稱。導俗有流動之說。眞則言不遷。導俗流則言遷也。雖復千途異唱。會歸同致者。說動說靜有異。理唯是一。所謂動卽靜也。而徵文者聞不遷則謂昔物不至。今者執靜教也。徵謂徵責也。聆流動者而謂今物可至。昔者蒼頡篇云。聆聽也。聞說動。則謂今物流動謝往去也。既曰古今而欲遷之者。何耶者。昔自在昔。何須遷至今。今自在今。何須遷至昔耶。是以言往不必往。下。經中言遷未必卽遷。以古在古。以今在今。故也。稱去不必去。下。此句意同上。而語別也。不來故不馳騁於古今者。馳騁走也。古不來今。今不去古也。不動故各性住於一世者。此句意同上。而語別也。古今各定。故云各性於一世也。然則群籍殊文下。群籍謂經書也。百家謂子書。九經雖殊。同明一教。百家雖異。同明一

道以喻佛經雖衆言述不同。莫不同明一致。得其道理。文言不能惑亂也。

是以人之所謂住我則言其去下 第五反常明不遷也。人謂從少至老仍是一人。故名爲住。我言前人非後。故名爲去。人謂昔人已往。故名爲去。我言昔人在昔。故名爲住也。然則去住雖殊其致一也者。我言去之與住。不相違反。取其念念變異故言去。取其各住一世故言住。此則住猶是去。去猶是住也。故經云正言似反誰當信者。中本起經云爾。斯言有由者。謂經此言有所以也。何者人則求古於今謂其不住者。以昔物去至昔。不在今也。今將爲不住也。吾則求今於古知其不去。以今物自在今。不去至昔。將爲不去也。已下覆疏此二句也。事各性住何物而可去來者。事物也。物各住其本性。各住一世。故無去來也。然則四像風馳下。舉事釋成也。四像謂四時之像。馳謝如風。故云風馳也。旋機電卷者。此旋字多。遂手邊作定。人家不解。乃引尙書文釋。謂言此字爲非。尙書云。在璿璣玉衡以齊七政。孔注云。在察也。璿璣玉衡也。機衡也。玉者正天文之器。可以運轉。舜察天文。考七政以審已當天位與不。若作此釋。則旋字合玉邊作審也。今謂不然。此是北斗樞星名也。北斗七星。一天樞。二旋。三機。四權。五衡。六開陽。七搖光。今不能具道七星。故但言旋機二星耳。七星運轉猶如電卷也。雖四象七星運轉流連。得其理也亦常不動也。王弼略例云。處旋機而觀大運。則天地之動未足怪也。

此意亦指七星也

是以如來功流萬世而常存下 第六結會明不遷也。萬世百劫蓋語多也。積功萬世。前功在於前。積道百劫。蓋昔道在於昔。不朽不失。彌復堅固也。成山假就於始質者。論語云。譬如爲山。雖覆一簣。進者吾往也。注云。簣土籠也。積簣土以成山。前功在於前而不失。故積多而成山也。修途託至於初步者。老子云。九層之臺。起於累土。千里之行。始於足下。積一步以至多故。至千里者。無由一步。故云託至也。託是假託也。果以功業不可朽故者。此之四事。皆前功不朽。後功相續。方成其事耳。雖在昔而不化者。昔功在於昔。於昔不失。故云不化。不化故云不遷。以不遷故事如常在。故曰湛然也。故經云三災彌淪而行業湛然者。彌淪遍滿義。周易係辭云。易與天地准。故能彌淪天下之道耳。此經未詳也。何者夫果不俱因因因而果者。因果不同處。故曰不俱。由因而得果。故云因因而果也。因不昔滅者。在昔不滅。因不來今者。昔因不來至今果也。不滅不來則不遷之致明矣。既不滅失。又復不來。故言不遷也。復何惑於去留踟躕於動靜之間哉者。知去留無二。故不惑也。知動靜不二。故不踟躕也。踟躕者。不進貌也。然則乾坤倒覆無謂不靜。乾天也。坤地也。雖倒天而覆地。莫言不靜也。洪流滔天無謂其動者。堯遭九年之潦。洪水滔天。猶是靜也。苟能契神於卽物斯不遠而可知者。以神情與物理相契。卽物知不遠不復遠也。

不真空論

此論第二明空申真諦教也。諸法虛假。故曰不真。虛假不真。所以是空耳。有人云。真者是有。空者是無。言不真空。卽明有不無中道義也。此是爲蛇畫足。非得意也。若如所云。則空非中乎。大分深義爲何所在。既不然矣。今不用焉。所明空者。諸大乘經論皆以空爲宗本。今之學者多生誹謗。謂說空者。爲不了義。無有慧明。可不悲哉。佛藏經云。舍利弗。於未來世。當有比丘。不修身戒心慧。是人輕笑如來所說如來所行。如來常於第一義空。恭敬供養。常樂是行。是諸比丘。輕笑如來所說所行真際畢竟空法。爾時有苦行比丘。共輕笑。爾時有行空者。我讚其善。當爾之時。咸共不能護持重戒。而言諸法自相空。何所能作。如那維戲人種種變現。無所知者。見之大笑。何以故。不解戲法其術隱故。生希有心。驚怪大笑。如是舍利弗。爾時真實比丘。說空寂法。求活命者。咸共嗤笑。何以故。是人不知佛法義故。聞說空法。驚疑怖畏。舍利弗。汝觀此人。於安隱處生衰惱心。於衰惱處生安隱心。金口所言。信非謬矣。夫至虛無生者下 此論文有二章。先序。後正。今初序也。序文有三。第一標正宗。第二破異見。第三序論意。今初。文中又三。第一標真境。第二明真智。第三合明境智。今初。言至虛無生者。卽無生畢竟空真境也。蓋是般若玄鑒之妙趣。有物之宗極者。蓋是不定之辭。將以爲是。未敢爲定故。所以云蓋。趣是趣向義。

宗是宗本。謂此無生畢竟空。是般若所鑒之境。萬物之宗本也。

自非聖明特達下。第二明異智也。聖明即般若也。非是般若奇特明達。何能以神智契合中道。非有非無之理哉。即此非有非無。是中道畢竟空。故云有無之間耳。

是以至人通神心於無窮下。第三合明境智相契會也。以神心觀無窮之理。故云通神心於無窮。不為有物之所滯礙。故云窮所不能滯也。極耳目於觀聽聲色所不能制者。縱耳聽聲。不為聲所惑。縱目觀色。不為色所迷也。豈不以其即萬物之自虛下。良以萬物是虛。故縱觀聽。不為聲色所惑耳。果者勞累也。是以乘真心。以理順則無滯而通者。順謂諸法是空。不違正道也。乘御般若之心。整理順空之道。則無有滯礙而不通暢也。有本作履字。亦可然也。謂履踐順空之道耳。審一氣以觀化故所遇而順適者。化謂萬化也。適謂往適也。莊子內篇大宗師章云。彼方且與造物者為人而遊乎。天地之一氣。郭注云。皆冥之。故無二也。莊子外篇北遊章云。人之生也。氣之聚也。是其美者為神奇。其不美者為臭腐。臭腐復化為神奇。奇復化為臭腐。故曰通天下一氣也。離騷第六卷遠遊章云。順凱風以從遊。至南巢而一息。見王子而宿之。審一氣之和德。王逸注云。究問。元。釋精之秘要也。今借此等諸言。以目一道也。無滯而

不通故能混融敦淳者。莊子云。衆人役役。聖人愚芒。參萬歲而一成紀。今借此語。以喻不

二法門。若能無滯不通。即是不二法門也。所遇順。適則觸物而一者。所逢遇皆以般若觀之。知其皆空。無有滯礙。是則萬法一相無相也。如此則萬像雖殊而不能自異者。既同一相。所以不異也。不能自異故知像非真像者。一相無相。所以像即非像。下覆上意也。然則物我同根是非一氣者。物是外物。我者己身。同一無相。故曰同根。同一正道。故曰一氣也。潛微幽隱殆非群情之所盡者。潛是潛藏。微是微細。幽是幽深。隱是隱映。以難見故。非諸人所能窮盡也。殆者。爾雅云危也。廣雅云敗也。鄭玄注禮云幾也。毛長注傳云始也。今取其音幾。幾者近也。

故頃爾談論下。第二破異見也。頃者俄頃。謂少許時也。此頃諸家作論。多有不同。良以虛宗玄妙故。談者不得其實。致成異見耳。夫以不同而適同有何物而可。同者。以用也。適往也。以不同之情。往取同理。何由可得同耶。有本作釋字。皆謂解也。故衆論就作而性莫同焉者。總明諸家作論理性不同也。何則心無者下。正出諸家不同之論也。然不同之論。非止一家。今略破三家。餘可知矣。心無者。破晉朝支愍度心無義也。世說注云。愍度欲過江。與一僧道人為侶。謀曰。若用舊義往江東。恐不辨得食。便立心無義。既此道人不成度江。愍度講此義。後有僧人來。先道人語云。為我致意。愍度心無義那可立。此法權救飢耳。無為遂負如來也。從是以後此義大行。高僧傳云。沙門道恒頗有才力。常執心無

義。大行荆土。竺法汰曰。此是邪說。應須破之。乃大集名僧。令弟子曇一難之。據經引理。折服紛紜。恒杖其口辨。不肯受屈。日色既暮。明旦更集。慧遠就席。攻數番。問責鋒起。恒自覺義途差異。神色漸動。屢尾扣案。未即有答。遠曰。不疾而速。杆軸何為。坐者皆笑。心無之義。於是而息。今肇法師亦破此義。先叙其宗。然後破也。無心萬物。萬物未嘗無。謂經中言空者。但於物上不起執心。故言其空。然物是有。不曾無也。此得在於神靜失在於物虛者。正破也。能於法上無執故名為得。不知物性

是空故名為失也。

即色者明色不自色下。第二破晉朝支道林即色遊玄義也。今尋林法師即色論。無有此語。然林法師集別有妙觀章。云夫色之性也。不自有色。色不自色。雖色而空。今之所引。正此引文也。夫言色者。當色色即色豈待色色而後為色哉者。此猶是林法師語意也。若當色自是色。可名有色。若待緣色成果色者。是則色非定色也。亦可云若待細色成麁色。是則色非定色也。此直悟色不自色未領色之非色者。正破也。有本作悟。有本作語。皆得也。此林法師但知言色非自色因緣而成。而不知色本是空。猶存假有也。

本無者下。第三破晉朝竺法汰本無義也。情尚於無多觸言而實無者。情多貴尚此無也。觸言皆向無也。實者客也。客皆向主。今本無宗。言皆向無也。爾雅云。賓服也。言服無故云賓無耳也。故非有有即無非無無即無者。

●以十(聖人)●●以二而●●方且與二且方與●●元二無●●釋一●●遇十(而)●●遇十(故)●●同十(故)●●  
●當色二但當●●(者)一●●而二以●●即二亦●●

謂經中言非有者。無有此有也。言非無者。無有彼無也。尋夫立文之本旨者。有本作文。有本作無。今用文也。謂尋經文本意也。直以非有非真有非無非真無者。真實也。非實定是有。故言非有。非實定是無。故言非無耳。何必非有無此有非無無彼無者。不言非有無却此有。非無無却彼無也。此直好無之談者。直是好尚於無。故觸言向無耳。豈所謂順通事實即物之情哉者。不順萬事之實性。不得即物之實性也。

夫以物物於物下 第三明作論意也。以物名名有物。故云以物物於物。以物名名非物。故言以物物非物。以物名名有物。則有物體之可名。故云則所物而可物。以物名名非物。則無物體之可名。故云雖物而非物也。是以物不即名而就實者。物體自別。不即以名字爲物實也。名不即物而履真者。名字又別。不即以物體爲名之真也。然則真諦獨靜於名教之外下。俗諦之物。尚名不即實。實不即名。真諦之理。名教之所不及。故云獨靜於名教之外也。既非名教所及。文言豈能辨得真諦乎。不能杜默聊復厝言以擬之者。杜塞也。厝者。小雅云。措置也。今作厝字。義亦同也。理雖不可言。試以言理也。

摩訶衍論云諸法亦不有相亦不無相下 第二正是論文也。文中有六。第一引教以明空。第二據理以明空。第三重引教以明空。第四重據理以明空。第五就名實以明空。第六結會以明空。引教據理。所以爲異者。引教則先

引經。然後釋成。據理則先明所以。然後引經論帖釋也。今初引教文有三段。第一正引兩論以明空。第二解釋論意。第三引經證成。今初言摩訶衍論者。大智度論也。通指一部論意。亦可但指論中一文。文云。譬如鏡中像。非鏡亦非面。非有亦非無也。中論者。通指一部論意。亦可但指論中一文。文云。若使無有。云何當有無。有無既已無。知有無者誰也。而言第一真諦者。自從者字已上。是二論之文。今言第一。肇法師之語。明此兩論所說。是第一義諦。亦名真諦。故合說也。

尋夫不有不無者下 第二解釋二論之意也。豈謂滌除萬物杜塞視聽下。滌除是洗滌也。老子云。滌除玄覽能無疵乎。今借此語用也。杜猶是塞也。寂寥者。老子云。寂兮寥兮。獨立而不改。釋者云。無聲曰寂。無色曰寥。此意言。非謂斷空始爲真諦也。誠以即物順通故物莫之逆者。誠信也。即萬物之有爲空。故云順通。順通故無阻逆也。即爲即真故性莫之易者。即俗諦之僞。真諦之真。非謂改變俗諦。別明真諦也。性莫之易故雖無而有者。即有是空。雖空猶是有也。物莫之逆故雖有而無者。即萬物順通性空。當知雖有而是空也。雖有而無所謂非有下。雖有而是無。當知非定有。下句反此也。如此則非無物也物非真有也。非無物也。明非無也。物非真有也。明非有也。亦可直云非是無物。但物非真有之物耳。物非真物於何而可物者。既云非真。何處有此物乎。

故經云下 第三引五經證成也。今引維摩經也。經云。色即是空。非色滅空。謂色性即是空。非謂滅色然後始空也。而云敗者。古經也。壞敗是毀敗。亦是滅義。以明夫聖人之於物也。即萬物之自虛者。以明兩字。或可屬上。或可屬下。唯莊子應屬上。今此文意則將屬下也。後亦然。明聖人見萬物之性自空耳。豈待宰割以求通哉者。小雅云。宰治也。割謂裁也。卽色是空。不須宰割破壞。然後方乃通於空也。是以寢疾有非真之談。超日有卽空之稱者。前引一經。此引兩經。後更有兩經也。寢疾謂維摩經也。彼經云。菩薩病者非真非有。衆生病亦非真非有也。超日者。超日明經也。彼經云。不有受不保命四大虛也。然則三藏殊文統之者一者也。三藏謂修多羅毘曇毘尼。雖言迹異端。以理統之。莫終不歸畢竟空也。故放光云第一真諦無成無得下。據第一義諦。無有成。佛無有得涅槃。世諦則有耳。夫有得則是無得之僞號下。諸本皆云。成得則是無得之僞號。今依古本。有得爲正也。准下無得句。義亦應然。實是無得。而云有得是假僞之名。無得反此也。真名故雖真而非有者。諸本皆云。雖得而非得。今依古本。雖真而非有也。准下僞號句。義亦應然也。雖曰真名仍非是有。僞號反此也。是以言真未嘗有者。覆前兩句也。二言未始一下。真僞兩言不一。而有無二理不殊也。故經云真諦俗諦謂有異耶下。此是大品經第二十二卷道樹品中間答也。此經直辨下。釋前經中間答

意也。真諦明非有下。據真則非有。據俗則非無也。豈以二下。不以諦名有二。則謂法體有二也。

然則萬物果有其所以不有下。第二據理以明空也。文中有二。先正據理以明空。後引二經證成也。今言然則者。若然則皆空也。果者果敢決定義。所以者是義也。萬物有不有義。有不無義。故云爾也。有其所以不有故雖有而非有者下。諸本多云。有其所以不無。今勘古本。正應言不有文義亦應然也。人謂萬物是有。今明萬物有不有義。故雖有非是有。下句反此也。雖無而非無無者不絕虛者。雖是無而非定無。則此無。不同大虛永絕。下句反此也。若有不即真無不夷迹者。有非定有。故云不即真。無不泯滅。故云不夷迹。夷平也。老子云。視之不見名曰夷也。迹者事相之迹。即事是無。不待夷平然後始無耳。然則有無稱異其致一也者。名殊而理一也。

故童子歎曰下。第二引二經證成也。童子者。維摩經中長者子寶積也。言佛法非定是有。亦非是無。皆從因緣而有也。瓔珞經云者。此是大經絡經也。彼經第十三卷初。文殊師利問云。一切諸佛法輪。爲有轉耶。爲無轉耶。佛言。諸佛正法。亦不有轉。亦不無轉。文殊復問。云何亦不有轉。亦不無轉。佛言。諸法空故。亦無有轉。亦無無轉也。此乃衆經之微言者。諸經中微妙之言也。

何者。謂物無耶。則邪見非惑下。第二解釋經意也。邪見見無。若謂物定是無。則邪見應

非是惑乎。謂物有則耶常見爲得者。常見見有。若謂物定是有。則常見應非是惑乎。以物非無故下。覆上句可見也。然則非有非無信真諦之談者。非有非無是真諦教也。

故道行云。心亦不有亦不無下。第三章重引教以明空也。初安故字。似如引證。看後語勢。乃是開章也。文中有二。前引一經一論以明空。後單引一論以明空。今初文二。前正引一經一論以明空。後釋經論意。今初也。中論云者。此通引中論意也。亦可。是四諦品偈。偈云。衆因緣生法。我說即是空。亦爲是假名。亦是中道義也。尋理即其然矣。此經論所說理如然也。

所以然者下。第二解釋經論意也。文中二。先釋非有。後釋非無。今初也。豈待緣而後有哉者。有若定有。不須待緣生方有也。譬彼真無下。此舉大虛之無。以喻有也。若有不能自有待緣而後有下。有要待緣。明知非有也。有非真有下。結明有空也。不無者下。釋非無也。夫無則湛然不動下。若湛然不動。始可名爲無也。萬物若無。則不應起者。無若定無。則不應緣會而起也。起則非無者。以緣起而生。故知非無也。以明夫緣起故不無也者。明知緣起故非無也。而言以者。以用也。

故摩訶衍論云下。第二單引一論以明空也。文中有二。前正引論。後釋論意也。一切諸法。一切因緣故應有者。諸法皆從因緣故有也。一切諸法。一切因緣故不應有者。諸法皆從緣故。非定有也。一切無法。一切因緣故應有者。諸法本無。從緣故有也。一切無法。一切

因緣故不應有者。諸法從緣有者。以從緣故。非定有也。

尋此有無之言下。第二釋論意也。上來兩對各各相反。如此相反。非徒然也。尋此語意。是明非有非無中道耳。此是理一稱二其文有似不同者。只是一物。而言非有非無。故云稱二。言非有似異非無。言非無似異非有。故云不同也。苟領其所同。則無異而不同者。苟且也。所同者。謂中道也。言非有非無皆明中道。中道既同。故無不同也。

然則萬法果有其所以不有下。第四重據理以明空也。文中有三。先正明空。次覆疏解釋。後引經證成。今初。據理意同前章也。

何則欲言其有下。第二覆疏解釋也。有非真生者。假緣而生。故非真生。非真生故。不得言有也。事像既形者。萬事萬像皆已形現。皆已形現。不得言無也。像形不即無。非真無非實有者。事像形現。不即是無。有非真生。非是定有也。然則不真空義顯於茲矣者。正以非真實有。故言不真。既非實有。所以言空。論之得名。從此義也。

故放光云下。第三引經證成也。譬如幻化人者。此有三讀。一者。連三句通成一段。二者。譬如幻化人爲句。後兩句相著也。三者。譬如幻化人非無幻化人爲句。已後爲一段。今且從初也。幻化異者。從無起有爲化。從有起有爲幻也。非無幻化人幻化人非真人者。非無即非無也。非真即非有也。夫以名求物。物無當名之實下。第五就名實



以明空也。文中有二。前正明空。後引經論證成。今初也。將名取物。物非是名。故云物無當名之實也。以物求名。名無得物之功者。將物取名。名非是物。故云名無得物之功也。物無當名之實下。覆疏前句也。是為名不當實下。又覆疏上句。直明名非實。實非名耳。名實無當萬物安在者。名不當實。則名非名矣。實不當名。則實非實矣。名實不當萬物皆空。故云安在。安在者何在也。

故中觀云下。第二引經論證成也。先引中觀論。後引成具等經。今云物無彼此者。通是中論意也。亦可別指觀苦品一偈。偈云。自作若不成。云何彼作苦。若彼人作苦。是亦名為作。今取此意反證也。此彼莫定乎一名下。此不定此。彼不定彼。而惑者謂為定有此彼也。必然者決定也。志者志意。意有記錄故名為志耳。然則彼此初非有惑者初非無者。彼此無定性。故云非有。於惑者則元不無也。既悟此彼之非有。又何物而可有哉者。彼此在物既無。彼此又無物也。故知萬物非真。假號久矣者。號名也。以非真是假。故名為空。是以成具立。釋名之文下。引成具及大品經證成也。先引成具經及莊子。後引大品。今引成具經。兼引莊子。助成此義也。成具光明定意經云。是法無所有。強為其名也。莊子云。以指喻指之非指。不若非指喻指之非指。以馬喻馬之非馬。不若非馬喻馬之非馬。此意云。此以此指為指。將彼指為非指。彼亦以彼指為指。將此指為非指。於馬亦然。各有一彼此。則彼此無定。各有一是非。則是非無定也。而言園林者。莊子為滕園吏。故云爾也。如此則深遠之言。於何而不在者。無彼無此。此是深言。成具固已有之。莊子亦作此說也。是以聖人乘千化而不變下。以萬法是空。故聖人變之而不染也。千化萬變者。意言多也。變化非一。故云千化。惑倒非一。故云萬惑。雖乘千化。出生入死。而不為生死所染。故云不變。雖履萬惑。無所不為。而不為倒惑所墮。故云常通也。必以其即萬物之自虛下。以法自空。不假將空觀。本空法也。經云甚奇世尊下。引大品經證成也。彼經云。如來建立衆生於實際。古本云立處。今引古大品文也。明一切諸法是實際。能令衆生知諸法皆是實際。故云為諸法立處也。非離真而立處下。非是離實際。別建立衆生於實際。即明衆生是實際。故云立處即真也。

然則道遠乎哉下。第六會結以明空也。道謂無生真理也。聖謂般若真智也。道遠乎哉者。言不遠也。觸事皆是道。更無別道耳。聖遠乎哉。言不遠也。體悟即是聖。更無別有聖人。肇論疏卷上。大唐開元二十三年。歲在乙亥。閏十一月三十日。楊州大都督府江都縣白塔寺僧玄湜。勘校流傳日本國大德法師。使人發促無暇寫。聊附草本。多不如法。幸恕之。後叡師源師還更附好本耳。天平勝寶六年七月十九日寫竟。

信定蓋

文永二年七月十三日。於光明山東谷往生院。敬奉書寫了。願以書寫力。自他開慧眼矣。  
三論宗 智舜 春秋 六十七  
永仁二年甲午十月十五日。於東大寺新禪院。以古本校合之次。任愚推加點畢。魯魚之至。越度有多數。頗雖有其恐。粗整荒途。後哲必加修治而已。

抑今古本。文字多不定也。就中日本國大乘大德法師者。指道慈律師耳。  
三論圓宗沙門 聖然  
正安二年庚子二月一日。於八幡宮法園寺。以先師上人第二傳點本。重加按點了。  
沙門 然悟習刃

肇論疏卷中

般若無知論

釋元康撰

此論第三明因申般若教也。而言般若者。梵音。此云智慧也。無智者。無有取相之知耳。常人皆謂般若若智。則有知也。若有知則有取著。若有取著即不契無生。今明般若真智。無取無緣。雖證真諦。而不取相。故云無知。夫般若虛玄下。此論文有三章。第一正是本論。第二劉公致問。第三肇師釋答。今初。本論之中。文有三章。第一先序般若之因由。第二正標無知之宗旨。第三問答料簡。今初序

中、文有四段。第一標宗旨，第二序什法師，第三歎秦王，第四明論意。今初也。般若之法，無相故。幽隱故。玄，玄黑也。幽深難測，義如玄黑。河上注老子云：玄天也。此亦以天遠難明義。同幽黑也。蓋是三乘之宗極，誠真一無差者。蓋者不定之辭也。謂是而未敢爲是。故云蓋是也。三乘皆有般若，皆因般若而得成道。皆以般若爲宗本，皆以般若爲至極。然有深淺不同，故有大小之異。以此義故，信般若是一無差之法也。然異端之論紛然久矣者，般若之法，理性無差。比者學人釋有差異，以其不能明般若之性，故異說不同。卽如遠法師集云：聞壹公以等智爲般若，情實不甘。卽其事也。何者？等智者是共有之智，上下是同。如涅槃經云：一切衆生，皆有三種等智。所謂慧欲、恐怖、飲食。小乘依此，故立等智。此是龜近，未爲深妙。豈以此智而爲般若乎？道一師不解，故云以此爲般若耳。今肇法師亦彈此義，故云爾也。亦可常人或謂般若若有知，或謂無知不能分別，今詭此爲異端耳。

有天堂沙門下 第二序什法師也。高僧傳云：什法師父是天竺國宰相子，名鳩摩羅焰。祖父當紹位，乃避位不受，東遊龜茲。龜茲王帛怛妹，體有赤曆，法生智子，諸國媽之，皆不肯應。乃見焰心欲當之，王遂逼妻焰，焰遂納之。生什法師。法師出家已後，又往天竺，故云天竺法師也。而言鳩摩羅什者，本名鳩摩羅耆婆，此云童壽。其父名鳩摩羅焰，母名耆婆，今合取父母之名爲字，故云爾也。至此已

後善解文什，故名爲什。此梗概，略取傳意，非全文也。此是較法師作傳云爾，餘處不見。

然此語或可然，或不然也。何者？若什法師至此善解文什，故云羅什者，高僧傳中更有梵僧名佛駄什，亦解文什，然後名什乎？彼既不然，此何獨然哉？以此言之，未必然也。少踐大方者，老子云：大方無隅，今借此語，以喻大乘之法也。什法師七歲出家，先學小乘諸論，至年十三，從參軍王子須利耶蘇摩受學。蘇摩兄弟二人，兄名須利耶跋陀，弟名須利耶蘇摩。蘇摩才辨絕倫，兄及諸人皆從受業。蘇摩爲什說阿耨達經，什聞陰界諸法皆空，無相。怪而問曰：此經更有何義，而皆破壞諸法？答曰：眼等諸法，非真實有，什既執有根，彼據因成無實，於是研覈大小，往復移時。什方知理有所歸，遂專務方等，因廣求義要，受誦中百十二門等，故云少踐大方也。又大方者，謂天竺國，什雖生龜茲，早向天竺耳。研機斯趣者，機是機根也。易云：知幾不辱其神乎。又云：幾者動之漸，字與今別，義或可同也。或不同也。而言同者，動之漸亦是心也。言不同者，機但論心，動之微則泛論諸事耳。什法師年二十，於龜茲王宮中受戒，住於新寺。又於寺側古宮中，初得放光經，始就披讀，魔來蔽文，唯見空紙。什知魔所爲，誓心逾固，魔去字顯，仍習誦之。復聞空中聲，曰：汝是智人，何用讀此？什曰：汝是小魔，宜時速去，我心如地，不可轉動。今指此事，故云爾也。獨拔於言像之表者，周易有文言象辭，假文言象辭，方顯

易道。王弼周易略例，明象文云：夫象者出意者也，言者明象者也。盡意莫若象，盡象莫若言。言生於象，故可尋言以觀象。象生於意，故可尋象以觀意。意以象盡，象以言著，故言者所以明象，得象而忘言。象者所以得意，得意而忘象。是故存言者，非得象者也。存象者，非得意者也。象生於意而存象焉，則所存者，乃非其象也。言生於象而存言焉，則所存者，乃非其言也。然則忘象者，乃得意者也。忘言者，乃得象者也。今借此語用也，易之言象，本

明易道。什法師玄悟般若，不假言象也。妙契於希微之境者，有本有得字也。契謂契會也。說文云：契要也。案契刻木爲要也。然契有雌雄，像於男女。雄爲左契，雌爲右契。老子云：執左契，此之謂矣。希微者，老子云：視之不見，名曰夷。聽之不聞，名曰希。搏之不得，名曰微。此三者不可致詰，故混而爲一。今借此語，以喻般若無聲無形。什法師能妙契會也。齊異學於迦夷者，齊謂齊整也。異學是外道也。迦夷是天竺國名。此云赤澤國也。言迦夷者，意言在西國破外道，未必克在中天竺也。其事者，龜茲北界溫宿國，有一外道神辨英秀，名振諸國，手擊王鼓而自誓曰：論勝我者，斬首謝之。什法師既至，以二義相論，則迷悶自失，稽首歸依。今指此事也。楊淳風以東扇者，風謂般若慧風，如淳和之風也。東扇謂扇般若之風於此東國也。其事者，什母先將什至北天竺，遇一阿羅漢，名達摩瞿沙，見而異之，謂其母曰：常當守護。此沙彌若年至三

十五。不破戒者。度人無數。如愛婆羅多。若破戒者。無所能爲。正可才明絕世法師而已。遂將什歸其母。後復往天竺。臨去謂什曰。方等深教。應大闡真丹。傳之東土。唯爾之力。但於自身無益。其可如何。什曰。大士之道。利彼忘軀。若必使大化流傳。能洗悟塵俗。雖後身當爐鐵苦而無恨。後遂傳法來此。故云東屬也。將爰燭殊方而匿曜涼土者。將欲也。爰於也。小爾雅云。爰易也。燭照也。涼土即涼州也。涼有五涼。前涼張軌。後涼呂光。南涼吐蕃烏孤。西涼李暹。今言涼者。沮渠蒙遜。五涼並都姑臧。前後二涼並都姑臧可知。而南涼西涼北涼亦都姑臧者。南涼初都武威西平。後徙東都。又徙姑臧。又反東都也。西涼初都姑臧。後遷須臾。蒙遜初都張掖。後遷姑臧也。今言涼者。是蒙遜涼也。言什法師將欲照燭此國。所以在涼土。隱匿才智者。有所以也。其事者。前秦主苻堅。建元十三年正月。太史奏。有星現於外國分野。當有大德智人。入輔中國。堅曰。吾聞西國有鳩摩羅什。襄陽有釋道安。將非此耶。卽遣使求之。至十八年九月。堅遣驍騎將軍呂光。凌江將軍姜飛。率兵七萬。西伐龜茲。臨發堅餞光於建章宮。謂光曰。夫帝王應天而治。以子愛蒼生爲本。豈貪其地而伐之。正以懷道之人故也。朕聞西域有鳩摩羅什。深解法相。朕甚思之。賢哲者國之大寶。若龜茲可馳驅送什。光果剋龜茲。將什東還。行至涼州。聞苻堅爲姚萇所害。光乃竊號關外。光死。子紹襲位。光庶子纂。殺紹自立。光姪超。殺纂立其兄隆。總經十八年。呂光父子不弘正道故。蘊具深解無所宣化。今言此事也。所以道不虛應。應必有由矣。符堅死此則無由也。姚興出是謂有由也。弘始三年下。後秦姚興年號也。歲次星紀者。丑月爲星紀。丑年爲赤奮若。今以月名詔年。故云星紀。何者。爾雅釋名云。寅年攝提格。卯年單閼。辰年執除。巳年大荒落。午年敦牂。未年協洽。申年涒灘。酉年作噩。戌年閹茂。亥年大淵獻。子年困頓。丑年赤奮若。月也。正月析木。二月大火。三月壽星。四月鶉尾。五月鶉火。六月鶉首。七月實沈。八月大梁。九月降婁。十月建鶉。十一月玄枵。十二月星紀。今弘始三年正當丑年。年屬赤奮若。今以丑月之名。以代丑年之名。故云弘始三年歲次星紀也。有人云。十二年名。十二月名。皆是次第互用無苦在。故以月名詔年也。秦乘入國之謀。舉師以來之意者。諸本皆云八國者。非也。今依古本入國是也。三十國春秋云。呂隆懼南涼北涼之逼。表奏請迎。隆遷于秦。呂光之嗣於是乎絕。此乃是呂隆入秦國。非是八國也。高僧傳云。弘始三年三月。有樹連理生于廟庭。逍遙園。慈變爲薤。以爲美瑞。謂至人應入國。至五月。興遣隨西公碩德。西伐呂隆。隆軍大敗。至九月。隆上表歸降。方得迎什入關。故云入國之謀也。師者兵衆也。舉兵以取什法師來耳。意者北天竺之運數其然矣者。文選魯靈光殿賦序云。自西京未央。皆見墮壞。而靈光巋然獨存。意者。豈非神明扶持以保漢室。今

効此語也。明符堅舉兵。法。往取什法師。未至而卒。今姚興舉兵往取。乃得歸來者。此是北天之運。運數應爾也。而言北天者。大品經云。般若於佛滅後。至南方。次至西方。後至北方。北方大興盛。大智論釋云。北方謂北天竺也。今謂北天竺。運數展轉。方至東國。故云爾耳。

大秦天王者。第三歎秦王姚興也。興初承父之後。僭稱皇帝。後之皇帝。號自稱秦王。百官皆隆號。改年弘始。今不稱天子。此云天王耳。道契百王之端下。道居前王之表。故云百王之端。德潤洽於未來之世。故云千載之下。遊刃萬機者。智刃也。莊子內篇養生章云。庖丁爲文惠君解牛。手之所觸。肩之所倚。足之所履。膝之所踣。砉然響然。奏刀騞然。莫不中音。合於桑林之舞。乃中經首之會。文惠君曰。嘻。善哉。技蓋至於此乎。庖丁釋刀對曰。臣之所好者道也。進乎技矣。平始臣解牛之時。所見無非牛者。三年之後。未嘗見全牛也。方今之時。臣以神遇而不以目視。良庖歲更刀而割也。族庖月更刀而折也。今臣之刀。十九年矣。所解數千牛矣。而刀刃若新。發於硯。彼節者有閒。而刀刃者無厚。以無厚入有閒。恢恢乎其於游刃必有餘地矣。萬機者。尚書咎繇謨曰。兢兢業業。一日二日萬幾。孔注云。幾微也。言當戒懼萬事之微。今作機字。仍是單機字也。言秦王者。外能遊智刃。斷割國務。內能終日弘通佛道也。信季俗蒼生之所天下。信言信是也。季者孟仲季。

季末也。信秦王是李俗蒼生所仰如天。釋迦遺法之所遇如杖。亦杖託之杖也。遺法杖之而得興盛也。而言蒼生者。蒼是天色。莊子逍遙篇云。天之蒼蒼。其正色耶。今云天生。故云蒼生。所謂衆生也。時乃集義學沙門下。于時集諸僧也。義學謂學義者也。秦時有道遙園。園中有觀。故云逍遙觀也。觀師云。逍遙園西明閣閣亦觀也。逍遙園在西京故城之北。臨渭水也。躬執秦文與什參定方等者。什法師弘始三年十二月二十日至長安。弘始五年四月二十三日。於逍遙園中。出大品經。秦王躬覽舊經。驗其得失。今言其事也。其所開託者下。明秦王所請譯經。開託法門者。非但取益當時。乃爲末代津梁也。累劫者。意云當來久遠利益也。

余以短乏下 第四序論意也。短謂短學。乏謂乏才。會謂曾經也。則謂間則也。嘉善也。謂經預間在五百人數會耳。以爲上聞異要始子時也者。我以此時初聞異法要法耳。然聖智幽微下。前且明會開般若。今明般若難解。不可言說也。爲試問像其懷下。懷抱問像。然似如有解。寄狂言以說之也。而言問像者。莊子外篇北遊章云。黃帝遊赤水之北。登乎崑崙之丘。南望而遺其玄珠。使智索之而不得。使離離朱索之而不得。使契詬索之而不得。乃使罔象罔象得之。黃帝曰。異哉罔象。乃可以得之乎。郭注云。明得真者。非用心也。罔象焉即真。今用此語也。字雖少異。本出莊子文。

放光云般若無所有相下 第二正標無知論之宗旨。以爲論體也。文有五段。第一標宗。第二辨相。第三融會。第四明體。第五總結。今初。文中有三。初正標宗。次解釋。後引證。今初引兩經標立無知宗旨也。此辨智照之用。而曰無相無知者。此亦是釋。但未正釋也。此句如問。既云般若。正明智用。應是有知。乃云無相無知。何故然耶。果有無相之知不知之知。無明矣者。此句如答也。果者決定也。定有無相之知。則無取相之知。以無取相之知。以無取相之知。明是無知也。

何者夫有所知即有所不知下 第二解釋也。有所知者。取相知也。若有取相知。則無無相知也。又取相此即忘彼。知事即迷理。故知有所知者。則有所不知也。以聖心無知無所不知者。無此取相知。則有無相知也。又取相既有所不知。即不取相則無所不知。理數然矣。不知之知乃曰一切知者。無心取相而能知萬物者。乃是聖人一切智之所知也。

#### 第三引證也

經云聖心無知下 第二引證也。是以聖人虛其心而實其照下 第二辨相也。所言相者。非有相之相。乃是無相之相耳。老子云。虛其心。實其腹。弱其志。強其骨。今借此語也。虛其心。謂不取相也。實其照。遍知萬法也。故能默。曜耀光者。以不取相。故能潛照萬法也。韜光者。謂藏匿智光。而不取相也。虛心者。謂心無執著也。玄覽者。謂幽鑒也。閉智者。謂不分別也。塞聽者。不聽納也。又不曜而曜名爲默。曜無光而光名爲

般若。無心而心謂之虛心。不覽而覽名爲玄。覽不知而知謂之閉智。無聽而聽謂之塞聽。雖復閉智塞聽。而獨悟空空之理。故云獨覺冥冥也。然冥冥謂出莊子。莊子云。照照生於冥冥。有倫生於無形。今借此語。以喻空空也。

然則智有窮幽之鑒而無知焉下 第二融會也。聖智窮盡幽微而不取相。故曰無知。聖神應會機緣而不動念。故曰無慮也。神無慮故下。此故字。或屬上。或屬下。皆得也。以聖神無慮。故能自在於世間之表。即是自在義也。以聖智無知。故能玄悟於事像之外也。智雖事外下。雖云聖智玄照。事外。即色知空也。非謂離色有空也。雖云聖神自在於世間之表。非謂不化衆生。終日在域中應化也。所以俯仰順化下。俯謂低。仰謂舉。應見大者。爲現無邊之身。是謂仰也。應見小者。爲現三尺之體。是謂俯也。應化接誘衆生。無有窮已也。無幽不察而無照功者。無幽微而不察。謂皆察也。自亡其照功也。謂無知也。斯則無知之所知下。此是無知之知。聖人神智之所應會也。然其爲物下 第四明體也。文中有三。初正明體。次解釋。後引兩經證成。今初。言其者。聖智也。物者。謂此聖智之爲物性也。此乃非物名爲物耳。實而不有虛而不無者。知法皆空。謂之實也。雖言是實。而體性非物。故言不有。體性非物。即名爲虛。無所不知。故云不無。亦可言以無知。故言不有。無所不知。故言不無耳。存而不可論者。其唯聖智乎者。不無

此智故言存也。不可論其相貌定有定無。故言不可論也。唯獨聖智如此。故云唯也。

何者欲言其有無狀無名下。第二解釋也。

無狀者。無狀貌也。無名者。無名字也。聖以

之靈者。以用也。聖人用此靈通無所不知也。

聖以之虛故虛不失照者。雖虛而不失照。

聖之用也。無狀無名故照不失虛者。雖照知而

不取相也。混而不淪者。混難也。淪變也。出杜

預注春秋。雖混同萬法。而各各差別。不淪變

也。動以接應者。有所動作。應接機緣。故云接

應也。是以聖智之下。常有未嘗暫廢。只

自求其形相。不可暫得也。

故寶積曰下。第三引兩經證成也。是維摩

經中。長者子寶積說偈文也。舊經云。爾今經

云。以無心意無受行也。不動等覺而建立諸

法。等覺即般若也。謂聖智不動而無所不為。

故云建立衆生於實際也。所以聖迹萬端其

致一而已矣者。種種變現。故云萬端。同是般

若一致之所為作。故云一耳。

是以般若可虛而照下。第五總結也。般若

之智雖無知。而能鑒照真諦之理。雖忘相而

可見知。然此忘字義。應是亡。失之亡。諸本

皆作忘遺字。良以真諦不可取相。故云忘。

耳。萬動可即而靜下。萬物起動即動無動。聖

應無為。無所不為也。斯即不知而自知下。不

作有相知。自是無相知。不同有心為。自是無

心為也。復何知哉下。不知而知。即無定知。故

云復何知。不為而為。即無定為。故云復何為

也。

問曰。夫聖人真心獨明下。第三問答料簡

也。文有九番。然有四難。第一有一番能所難。

第二有一番名體難。第三有四番境智難。第

四有三番生滅難。前三難皆難無知。後一難

直難生滅。今初。問即難也。前論文云。智有窮

幽之鑒而無知焉。神有應會之用而無慮焉。

無知即無智也。無慮即無會也。今難此語耳。

意云。有能知能會。有可知可會。即是有知有

會。何得言無知耶。文中有二。前謂前難。後玄

構難。雖有兩意。通難一義。合為一難也。而言

真心獨明者。明明也。謂般若之心。獨自朗悟。

無物。無知。故云物物斯照也。應接無方下。

有緣皆應接。無有齊限。故曰無方。有所云

為。皆與機緣應會。故云動與事會也。物物斯

照。故知無所遺者。皆知。故無遺漏也。有本作

智字。義意雖同。望下不然也。動與事會。故會

不失機者。有機則會。故不失也。會不失機。故

有會於可會者。可會即衆生也。知無所遺。故

\*有知於可知者。有本云。必亦有知於可知

煩長也。義雖無失。不如省要也。可知即所知

之理也。\*有知於可知下。覆疏上句也。既知

既會下。聖不虛知。即是有知。聖不虛會。即是

有會。故曰既知既會。既有知會。何故言智有

窮幽之鑒而無知焉。神有應會之用而無慮

焉耶。若夫忘知遺會下。第二玄構難也。有本

言若云。亦得也。若以聖人雖有知會。而不言

我能有知我能有會也。即是聖人無私於知

會以成其私者。此是聖人之心。不私作知會

解。息。忘其知會。非謂無知無會也。而言以

成其私者。莊子外篇天道章云。孔子學仁

義。以說老聃。聃曰。何謂仁義。孔子曰。忠心

勿憊。兼愛無私。是謂仁之情也。老聃曰。無

私焉乃私。郭注云。世所謂無私者。釋已而愛

人。夫愛人者。亦欲人之愛已。此乃其私。非亡

公而公者也。今借此語。明聖人雖無心取知

會。乃是知會。如無私乃成私耳。斯可謂不

自有其知安得無知哉者。若云自忘知會者。

此乃自不謂有知會。然知會之體非無。何得

言無知會乎。答曰。夫聖人功高二義而不仁

下。答也。前難中雖有兩意。同難知會。今更不

分別。合作一答也。文中有三。第一序本宗。第

二述難意。第三結答。今初。功高二儀而不仁

者。二儀謂天地也。不仁者。老子云。天地不

仁。以萬物為芻狗。聖人不仁。以百姓為芻狗。

今借此語也。聖人功高天地。是即仁矣。而不

自矜其能。是謂不仁也。般若智明過於日月。

是即明矣。而忘其知。故曰彌昏。小爾雅云。彌

益也。彌久也。今取益義耳。豈曰木石。鼓其

懷其於無知者。意云。聖人無知者。懷抱豈

同木石。名此為無知乎。固不然也。誠以異於

人者神明下。人者神明。法有取相。是即知矣。

聖人神明不取法相。故曰無知。以無知故。不

可作事相取也。子意欲令下。第二述難意也。

文中有二。前謂前難意。後玄構難意。今初也。

前難末云。聖人無私於知會。故名無知者。非

也。不自有其知者。自不以知會為有也。而未

嘗不有知者。有知在也。無乃乖於聖心下。無

乃乃也。如爾雅云。無定定也。無寧寧也。不顯

顯也。不承承也。言乃垂聖心。失文旨也。何者。經云下。釋經意。明所以垂聖心失文旨也。無知無見者。一往爲知。明了爲見。亦可一往爲見。明了爲知也。無作無緣者。作謂起作。緣謂繫緣也。斯知自無知矣。豈待反照然後無知哉。聖心無所取相。故名無知。非是實有知自忘其知。名爲無知也。若有知性空而稱淨下。第二玄構難意也。若以聖人實有般若之知。但以其體性是空。故曰無知者。非今無知之本意也。即不辨於惑智者。般若亦空。惑智亦空。二俱是空。同是無知。是則無別也。三毒四倒下。不但惑智。乃至三毒等皆爾。亦以性空爲淨。與般若何異。何故獨稱般若無知乎。若以所知美般若下。若以真諦所知之境無相故。歎美能知之智爲無知者。亦非也。所知自常淨般若未嘗淨者。真諦自空。般若非空也。亦無緣致淨下。真諦自空。不關般若。何緣令般若同真諦之空。而言無知乎。然經云下。釋經中明般若無知本意也。將無以般若體性真淨本無惑取之知者。將無以者。意言以也。如世說云。將無同意言同也。以般若體性不取著於真諦。無惑取之知。故曰無知耳。無惑取之知不可以知名哉者。從然經云至此。文勢乃盡耳。以無有惑取之知。故言無知耳。豈唯無知名無知者。又答前忘知遺會也。非是自忘其知會。然後言無知。只此知性自無知矣。不待忘也。是以聖人下。第三結答也。真諦無兔馬之遺下。經說象馬兔三獸度河。淺深有異。象盡河底而無遺。兔馬

未盡故有遺。今明般若觀真諦。真諦無遺。不兔馬。故云無兔馬之遺。般若之智。聖照窮盡。故云無窮之聖也。所以會而不差下。會機緣不差失。當道理無取著寂然泊然無知。而遍知諸法也。難曰。夫物無以自通下。第二有一番名體難也。難中有二。先且泛序名體相召。然後正致難。今初言物無以自通者。物不能自呼召得物體。故須立名以召物。名能召物體。故名爲通也。物雖非名下。物雖非是名。而有物當名名諸得物體也。是以即名求物下。即以物名取物體。則物體可取。不能隱避也。而論云聖心無知下。第二正致難也。意謂無知未嘗知下。明兩名別也。斯即名教之所通下。立知無知兩名。本詔知無知兩體也。然論者欲一於聖心下。論主云。知無知只是一聖心。而知無知兩名別也。尋文求實下。以知無知兩名求其兩實。不相當也。何者下。釋所以不當之意也。若聖心是知。即非是無知。故云無所知無所辨。下句反此。若二俱無得無所。得復論者。若知無知俱不得聖心。即兩名皆不當實。故不須復論也。答曰。經云下。答文中有二。先且序般若絕言之意。後正答其所難。今初也。斯無名之法下。般若如此。乃是無名之法。故不可以名言言之也。言雖不能言下。雖不可言。假言方通。非言不傳也。是以聖人終日。智無知者。非實無知也。欲明聖智無所取著。故言無知耳。辨相不爲無通。不爲有者。若依前釋。以辨聖智。能通知諸法。故非

無知也。以通聖智無有執著。故非有知也。若依後釋。以辨相。故言聖智無知。其實非無知也。以通聖故言聖智有知。其實非有知也。非有故知而無知下。覆上也。以非有故。有知即無知。以非無故。無知即有知也。是以知即無知下。結也。無以言異而異於聖心者。莫以知無知兩言有異。謂聖心有有無之別也。難曰。夫真諦。境智深玄下。第三有四番境智難也。四番連環更不分別。今初番也。真諦謂無生真境。非般若妙智。不能測知也。聖智之能在茲而顯者。般若若有知。真諦之功能也。真諦即般若之緣也者。般若若所緣緣於真諦也。以緣求智智即知矣者。既有所知之緣。即有能知之智。所知之緣既有法。能知之智應有知也。答曰。以緣求智智非知也下。答文有三。第一直釋答第二相形答第三總結答。今初。先標後釋。今言不得以緣求智。令智有知也。何者下。釋所以也。放光云。不緣色生識者。凡人皆緣色生識。所以有見有見即有知。聖人不緣色而生識。即是無見。無見即無知也。又云五陰清淨下。五陰無相。故云清淨。般若無知。故云清淨也。般若即能知也。五陰即所知也。般若若能知之智。五陰是所知之境也。所知即緣也。即是所緣之法也。夫知與所知相與而有下。第二相形答也。雙辨真俗二諦。惑解兩智。與者共也。相與而有。謂惑智惑境也。相與而無。謂真智真境也。以俗諦有相。故惑智有知。故云相與而有。以真諦無相。故真智無知。故云相與而無也。相與而無故

○[知]一○ ○[得]一○ ○[斯十(則)]一○ ○[日十(言下以理不可言雖言論是不言也莊子維篇言言云不言言即齊言與言不言言與齊不言故曰言無言言無言終身不言言終身不言未嘗不言今以此語以明如來雖言而不言如涅槃經云苦知如來當不說法是名苦隱具足多聞中論云諸法不可得滅一切戲論無人亦無處佛亦無所說也今試爲子狂言辨之下第二正答難也夫聖心者下辨聖心有無之相也無相者無相銀也翻聖者精進也不可爲無故下覆疏上不無也名教諸所不能路故云絕也是以言知非爲知緣以通其聖下經云聖智即無知者欲明聖智靈虛通無有執著故也經云聖智無智者欲明聖智能通知諸法故也又釋經言聖智有知者非實有知也欲明聖智無所不聖故言有知耳經言聖二六六十四字 ○[境智]一○

物莫之有者。以真諦無相故。真智無知。人莫能令其有知也。相與而有故。物莫之無者。以俗諦有相故。惑智有知。人莫能令其無知也。物莫之無故。爲緣之所起者。以人莫能令其無知故。即相因而起也。物莫之有故。緣所不能生者。以人莫能令其有知故。即不相因而起也。緣所不能生故。照緣而非知者。謂真智也。雖照真諦。不爲真諦所生也。爲緣之所起故。知緣相因以生者。謂惑智也。境智相因而得生也。是以知與無知。生於所知矣者。雙結惑解兩知兩境也。何者。夫智以知所知。取相故名知者。此謂惑智惑境也。真諦自無相。真智何由知者。此謂真智真境也。所以然者。下覆前兩義。今從此下。至不從因緣有故。即直明惑境惑智也。而言所知非所知。所知生於知者。所知不自得所知名。以因能知。故得所知名也。所知既生。知亦生。所知者。所知既因能知而得名。能知亦因所知而得名也。知所知既相生。相生即緣法者。彼此迴互。相因而生。即是因緣所生法也。緣法故非真者。以從緣生。則非真也。非真故非真諦者。既從緣生。即是俗諦也。故中觀曰。下。引中論意。非全文。此意明俗諦。言勢隨及真耳。今言真諦曰真下。從叱至不見有法無緣而生。明真智真諦也。真諦既名真。真故即不從因緣而生也。故經曰。不見有法無緣而生者。有法皆從緣生。無有有法而非緣生。則明非緣生者。是真諦也。涅槃經云。是諸外道。無有一法不從緣生。諸經之中。通有此意。今泛引也。是以真

智觀真諦下。第三總結答也。智不取所知。此智何所知者。以不取所知故。名無知也。智然非無知。但真諦非故。知所真智亦非知者。不同木石之無知。故云然非無知也。但以真諦非是有相之所知故。真智不取相。名爲無知耳。而子欲以緣求智下。子者。男子之通稱也。子以真諦所緣之法是有。而令般若若有知也。緣緣自非緣於何求知者。真諦之緣自無其相。真智之法。何得有知耶。難曰。論云。不取者下。第二番也。執前不取之言。以爲難耳。爲無知故。不取下。爲無所知故。言不取。爲先知然後忘取。故言不取耶。冥若夜遊者。無所知則同夜行。不辨黑白。知則異於不取者。知與不取異。則當知之時有取。然後忘知。始是不取耳。答曰。非無知故。不取者。雙排兩難也。當知之時。即不取相。故言無知耳。難曰。論云。不取者下。第三番也。不物於物者。不以物爲有物也。若以物爲有物。則是惑取。不以物爲有物。則無惑取也。無取則無是下。既無所取。何物是物。何物當聖人之心耶。既不當聖心。云何聖人無所不知乎。答曰。然無是無當者。按成此語。實無可是。實無可當也。夫無當則物無不當者。無當乃當真理。無是乃是真理也。物無不是。則是而無是者。是真理雖是無所是。當真理雖當無所當也。盡見諸法而無見者。盡見諸法。則有當有是。而無見者。則無當無是也。難曰。聖心非不能是下。第四番也。非不能以萬物爲是物。然以無物可是物故。聖人不以物爲有物耳。雖是不是是故

當是於無是矣者。物非是有故。當是無。不以物爲有物。應以物爲無物也。誠以般若無有有相之知者。不同惑智有相知也。若以無相爲無相。又何異累於真諦者。不作有相知。但作無相知也。又不有有相知。但有無相知。如此有何患累耶。答曰。聖人無相者。聖人以無相爲心也。既以無相爲心。不但無於有相。亦乃無於無相也。若以無相爲無相下。若謂聖人以無相爲相。有此無相之知。此則無相乃成相。無知乃是知也。捨有而之無。譬猶逃峯而赴壑者之適也。峯謂山。壑謂水。避山而赴水。俱有害身之患也。處有不有下。處有不取有相。居無不取無相也。然亦不捨於有無者。即有爲不有。非謂離有爲不有。即無爲不無。非謂離無爲不無也。和光塵勞者。老子云。和者和其光。同其塵。今借此語。以明聖人和光同塵。在有同有。在無同無。同有。不取有。同無。不取無也。周旋者。往來也。寂然而往。寂泊俱是靜也。往即寂往。往無往矣。來即泊來。來無來矣。恬淡無爲者。恬然淡然。無所施爲。雖無所爲。而無所不爲也。淡音去聲也。莊子外篇天道章云。夫虛靜恬淡寂寞無爲者。天地之本。道德之至也。難曰。聖心雖無知下。第四有三番生滅難也。三番即爲三。今初番也。應接機緣。不失機會。故云應會不差耳。存之者。存而不應也。可乎者。有本云何乎。有本云可乎。皆得言聖心可得生滅乎。答曰。生滅者。生滅心也者。謂凡言生者。生於心。滅者。滅於心也。聖人無心生



滅焉起者。既無有心。無可生滅也。然非無心下。非是木石之無心。但是無知之無心。故曰無心心。應亦如是也。是以應會則信若四時之質者。小雅云。質信也。家語云。明王之治百姓。其化可守。其言可復。伏者其述可履。故其信如四時也。呂氏春秋云。天地之大。四時化常。其信至也。春秋感精符云。人主與日月同明。四時合信也。今以聖人應物。事如四時。春秋冬夏。至時必應也。直以虛無為體者。有本上句無之字。則應云信若四時質直。此句則云以虛無為體。今依前釋直字向下也。直者但也。獨也。但以聖心虛無。故不可取。既不可取。是則無相。無相故無生無滅也。

難曰聖智之無下。第二番也。般若無知。此是聖智之無。惑智性空。此是惑智之無也。般若無知。亦無生滅。惑智性空。亦無生滅。兩無何異耶。答曰聖智之無者無知下。聖智無有知。惑智知體。皆無別也。所以無者是義也。雖同言無。其義各異也。何者夫聖心虛靜下。謂聖心無執著也。無有執著之知。而言其空也。可曰無知下。可名此為無知。不得名為知空也。惑智有知下。謂惑智有執著也。有此執著之知。而言其空也。可曰知無下。可名此為知空。不得名為無知也。無知即般若之無下。般若無取相。故曰無知。惑智體性空。故曰知無。知無即是真諦之實相耳。言用即同而異下。論用則本同成異。論寂則本異成同也。同故無心於彼此下。言同邊則彼此無差別。言異邊則彼此各有殊。謂般若若有照境之力。

真諦有發智之功也。亦可言異。則般若若有照之功。真諦無也。是以辨同者下。言同者謂異法為同也。言異者謂同法為異也。斯則不可得而異下。究竟言之。不可得定異。不可得定同也。何者內有獨鑒之明下。釋前寂同而用異也。內有獨鑒之明。即般若若用也。外有萬法之異。即真諦用也。萬法雖異下。雖有實理。要以般若照之。方得顯也。內外相與以成其照功者。由內見外。由外發內。故曰相與也。此聖所不能同用也者。此即用異。聖人不能令同也。內雖照而無智下。照而無知。即是智寂實而無相。即是境寂。兩法體性同皆是無也。內外寂然相與俱無者。兩法皆寂。俱是空也。此聖所不能異寂者。此即寂同。聖人不能令異耳。豈曰續覺截續下。此語出莊子。莊子外篇騁拇章云。長者不為有餘。短者不為不足。故堯脛雖短。續之則憂。鶴脛雖長。斷之即悲。故性長非所斷。性短短非所續。今借此語。以明境智雖異而同。不待同而後同也。夷平也。盈滿也。岳山也。壑溪也。誠以不異於異者。即不以不異者為異也。故雖異而不異者。既不以不異為異。異不可為異也。於無異法中而說諸法異者。諸不異為異也。亦不一相下。不一不異。即非同非異也。難曰論云言用則異下。第三番。即就用寂為難也。未詳般若之內即有用寂之異者。有本云。即有用寂之異不也。有本無不字。今不用不字也。直問般若之內何得復有用寂之異乎。若有不字。則是兩端為有為無也。答曰用即寂下。更浪用

寂也。寂用體一下。寂用既是體一。同從理出而有異名也。更無無用之寂主於用者。非謂離用之外別有一寂。為用之主也。是以智彌昧下。彌益也。逾越也。聖智彌昧。其用越明。聖神益靜。其應越動也。豈曰明昧動靜之異者。雖云明昧動靜。又復浪之為一也。故成具云不為而過為者。不為過於為也。無心無識下。無心無識。深復知覺也。是則窮神盡智下。謂此二經。窮盡神妙智慧。極言象外之談論也。即之明文下。通謂此般若無知論也。以此論之明文。則聖心無知可於見也。亦可即指此上二經。為即之明文也。

#### 隱士劉遺民書問

般若無知論有三章。第一正是論文。第二劉公致問。第三肇師釋答。今是第二劉公致問也。廬山遠法師作劉公傳云。劉程之。字仲思。彭城人。漢楚元王裔也。承積慶之重粹。體方外之虛心。百家淵談。靡不遊目。精研佛理。以期盡妙。陳郡殷仲文。護國桓玄。諸有心之士。莫不崇。拭祿尋陽柴桑。以為入山之資。未旋幾時。桓玄東下。格稱。永始逆謀始。劉便命。擊考室林藪。義熙公侯咸辟命。皆遜辭以免。九年。大尉劉公。知其野志冲逸。乃以高尙人望相禮。遂其放心。居山十有二年。卒有說云。入山已後。自謂是國家遺棄之民。故改名遺民也。初生法師入關。從什法師稟學。後還廬山。得無知論。以示劉公。劉公以呈遠法師。因共研盡。遂致此書。問其幽隱處。雖言迹在於劉公。亦是遠法師之意也。



此般若無知之義。文理獨絕。難應和也。其事者。文選宋玉對楚王問云。客有歌於郢中者。其始曰下里巴人。國中屬而和者數千人。其為陽阿。薤露。國中屬而和者數百人。其為陽春白雪。國中屬而和者數十人。引商引羽。難和。以流徵。屬而和者不過數人。是其曲彌高。和彌寡也。苟非絕言像之表下。若絕言像之人。則無所復疑。且非其人。則執文多滯。謂言般若。若是智。不得無知也。言謂文。像謂象辭也。意謂。若以緣求。智之章下。歎前答中善巧也。婉轉謂迴曲皆盡也。無所間然。謂無有間阻不通處也。但暗者難可頓曉下。叙問意也。方言云。曉明也。餘疑如後問也。想縱容之暇。復能粗為釋之者。廣雅云。縱容舉動也。國語云。暇閑也。粗略也。然書中縱容字皆單作。今此論諸本皆作縱容也。釋者。小雅云。釋解也。字林云。漬米。今謂解釋問義。如漬米之釋也。

論序般若之體下 第二正致問也。文中有二。前通問。後別問。今初。通之中。先牒前文。然後作問也。夫聖心冥寂下。正作問也。謂冥然寂然。理之至極。與空無同也。不疾而疾。不徐而徐者。謂至人神變寬急也。不疾而疾。則無定疾。不徐而徐。則無定徐也。此語出莊子。莊子外篇天道章云。桓公讀書於堂上。輪扁斲輪於堂下。釋綬鑿而上問桓公曰。敢問公之所讀者何言。公曰。聖人之言也。曰聖人在乎。公曰。已死矣。曰然則公之所讀者。古人之糟粕而已矣。桓公曰。寡人讀書。輪人安得

議。有說則可。無說則死。輪扁曰。臣也。以臣之事觀之。斲輪徐則甘而不固。疾則苦而不入。不徐不疾。得於手應於心。口不能言也。而有數存乎。其間臣不能以喻臣之子。臣之子亦不能受之於臣。是以行年七十而老。斲輪古人之糟粕已矣。是以知不廢寂下。明動靜不二也。運物成功者。運轉衆生。令向善道。功業成也。雖處有名之中。而遠與無名同者。老子云。無名天地之始。有名萬物之母。意云有名是有也。無名是無也。聖人雖在有而無也。斯理之玄固常所彌昧者。爾雅云。固久也。彌益也。昧冥也。此理玄妙。常來久所昧處。非但於今論方始生疑也。但今談者下。第二別問也。總有三問。第一問智體是有。知是無。知第二問照境有相無相。第三問境智相對有是無是。有當無當。今初。言談者。自謂也。所疑於高論。謂疑於肇法師之論耳。欲求聖心之異者。為有知邪。為無知耶。為謂窮靈極數妙盡冥符耶者。此是有知也。為當窮般若之靈照。極聖智之心數。妙能盡知冥符法性耶。為將心體自然靈。怕獨感耶者。為當般若之體自然無知。精靈恬泊。不與衆生相感應耶。然則寂照之名。故是定慧之體者。雖無所不知。以慧為體。故是知也。而言定者。定心知法。名為定慧耳。此言定慧為體。猶是十大地中心數定也。慧以為般若體耳。十心數者。所謂想欲觸慧念思解脫境定受也。則群數之應固以幾乎息矣者。若自然寂泊無所感

應。此則無知。固者。易注云。固牢也。幾者。此字凡有三音。一者機音。二者紀音。三者祈音。易云。知幾其神乎。又云。幾者動之微。此是機音也。如人幾歲。此是紀音。今云幾者是祈音也。論語云。不幾乎一言而可以興邦。此是紀音也。左傳注云。幾近也。郭象注莊子云。幾盡也。夫心數既玄下。覆前句也。聖人心數既玄。何謂更有其照。照謂慧也。略不言定。具足應言心數既玄。何得孤運定慧。而以定慧為體乎。神。淳化表下。覆後句也。聖人既心神恬泊淳和。在世間之表。何得復有慧明獨存。不與衆生相應會乎。當有深證者。應當有別深證悟。更為我辨之。廣雅云。辨別也。疑者當以下。第二問照境有相無相也。文中有二。前明觀變之知應是有。後明觀變之知異無相。觀變之知若是有。何得言無知。觀變之知異無相。當知必是有也。撫會者。撫化衆生與緣契會也。應機者。應接機緣也。觀變者。觀見變動也。而論旨云。本無惑取者。汝論但云無有惑取之知。不可以知名之。而未言所以不惑取之意者也。謂宜先定聖人下。第二明觀變之知異無相也。為當見空為當見有耶。見無相即是見空。見變動即是見有。而言惑者。兼見有也。若觀其變下。若見變動。即是有相非無相也。若唯照無相下。若俱見空。則不見有衆生可撫接教化也。無會可撫而有撫會之功下。既無會可撫。何言聖人有撫會之功耶。幸復誨之者。幸復示誨。誨教也。論云無當則物無不當。第三明境智相對有是

① 莊子外篇 ② 若 ③ 若 ④ 知 ⑤ 小 ⑥ 介 ⑦ 臣之子 ⑧ 之 ⑨ 也 ⑩ 知 ⑪ 紀 ⑫ 注 ⑬ 以定慧 ⑭ 淳 ⑮ 應 ⑯ 照 ⑰ 接

無是有當無當也。先難後難。今初難也。夫無當下。正難也。無當而物無不當。乃是當無。故云至當。無是而物無不是。乃是無當。云異是。斯則有是有當。何謂無是無當乎。若謂至當非常當下。若言當無為至當。非謂當有是當當。是無為異是。非謂是有之常是者。理固應然。常是當當是惑。至當異是是悟。此兩義本別。不須論也。汝論本意亦不謂至當非常當為非當。真是非常是為非是也。以祛其惑者。祛遣也。

論至下 第三總結也。詳省者。詳審省察也。亦好相領得者。得汝意也。但標位似各有本者。遠法師以法性為宗本。謂性空非法性。肇法師以性空為真諦。與遠法師不同也。頃兼以班諸有懷者。班者班。賦也。出爾雅。案賦分布也。有懷謂有懷抱悟解人也。屢有擊其節者。謂多有擊難要節之人也。而恨不得與斯人同時者。歎訝肇法師云。能恨不得同時也。彼時諸人。知是肇法師所作。而云爾者。借古事以美之。故云然也。史記云。蜀人揚得意為狗監侍上。上讀子虛賦而美之曰。獨不與此人同時哉。得意曰。臣邑中司馬相如言為此賦。上驚乃召問相如。相如曰有是。然此乃諸侯之事。未足觀。請為天子遊獵賦。賦成奏之。天子大悅。今言諸人之美肇論。如漢武帝之。子虛賦。故歎不同時也。

答劉隱士書

論有三章。此下第三肇法師釋答也。不面在昔佇想用勞下。答書亦有三章。第

一叙喧涼。第二正答。第三總結。今初叙喧涼中。乃有兩書。前略後廣。所以然者。古人作書皆有重複。前略後廣。時使然也。今言不面在昔者。此是古維摩經中語。彼經云。維摩詰語文殊師利言。不面在昔。屏來相見。意言昔來未曾對面也。既未曾對面。故佇想用勞。佇待也。用以也。披尋反覆。欣若暫對。尋來書及問。欣喜如暫對面也。涼風屆節下。爾雅云。涼風北風也。今謂以方言之。是謂北風。以時言之。是謂秋風也。屆至也。佳者好也。

服像雖殊。妙期不二下。廣書也。一道一俗。故云服像殊也。身雖有殊。心期不別也。有本單作其字也。江山雖縹理契則隣者。一南一北。故云江山縹。縹遠也。處雖縹遠。契理相近也。契謂木契。喻理合也。所以望遠致想。虛襟有寄者。為心期不二。理契相隣。故望遠路。常寄懷抱。在於劉公也。君既遂嘉。遂之志。標越俗之美者。易有。遂卦。遂有嘉。遂肥。遂。今言嘉。遂。嘉者善也。遂者隱也。字林云。遂者遷也。劉公公有隱心。今得遂志。超越俗人。故稱為美。獨恬事外。歡足方寸者。恬靜也。謂真居山在人事之外。心中歡悅。方寸是心也。每一言集何嘗不遠者。每有聚集言論。皆深遠也。古賢識子書云。昔侍座於先帝時。有三長史。俱來會座。帝謂之曰。為官長者。當清當慎當勤。此三者。何患不治乎。及去。帝謂余曰。必不得已而去。於斯三者何先。唱為本。對曰。慎乃為本。夫清不必有慎。慎無不清。猶仁者必有勇。勇者不必有仁也。帝

曰。卿舉比來慎者為誰。乃舉數人。帝曰。卿所舉人。亦各其慎。然天下至慎其唯阮嗣宗。每與之言。言及懸遠。未嘗臧否人物。今用此事也。喻林下雅詠高致。悠然者。晉朝嵇康。阮籍。阮咸。山濤。王戎。向秀。劉靈等七人。在於山陽竹林俱隱。不事王侯。高尚其志。今謂劉公如此也。清散未期。厚自保愛者。清閑散適。無有期限。願自保養愛護也。願彼山僧無恙。道俗通佳者。于時遠法師在山。從衆七百。今言此衆也。爾雅云。恙憂也。風俗通。恙病也。易傳云。上古患恙。蟲食其心。凡相問曰。無恙乎。道即僧。俗謂俗人。于時有雁門周續之。豫章雷次宗。南陽宗炳及劉公等。同在山隱。今謂此諸俗人也。承遠法師勝常以為欣慰者。肇法師年少。遠法師老宿。南北乖隔。二國不同。未曾相見。而遙相欽敬。故承勝常而欣慰為慰也。雖未清承。然服膺高軌者。遠法師是安法師弟子。名高一代。高僧傳云。廬山釋慧遠。承習有宗。天下學士。皆取折中。今肇法師亦遙挹也。雖未曾清耳。稟承然亦服膺遠法師高軌。服膺謂以胸臆服地。稟受也。高軌謂高行也。企佇之勤。為日久矣者。企望佇待已久也。公以過順之年下。歎遠法師德也。以六十已上老年。神氣湛然益嚴也。養徒幽巖。抱一沖谷者。養徒衆在幽山中。抱一者。懷道也。老子云。載營魄抱一。能無離乎。又云。少則得多。則多則惑。是以聖人抱一為天下式。今借此語為用也。遐邇仰詠者。遐遠邇近也。何美如之者。無美可比也。每亦翹想一隅

懸崖霄岸者。云我每向東南隅。翹心想望遠法師也。遠法師。道德高遠。欲似雲霄之岸也。亦如雲霄。如涯岸也。亦可直指東南雲霄之涯岸也。而云此者。爾雅云。此際也。無由寫敬致慨良深者。無因由至彼申寫敬仰。良深慨歎。良信也。君清對終日下。謂劉公常對遠法師。多歎賞也。此大衆者。京師什法師徒衆也。于時翻譯徒衆。凡有三千耳。如宜者。如常休宜也。秦主道性自然者。此是後秦主姚興也。今歎姚興之道德耳。然道德兩字。道經云。要人多式之。不時精辨。釋名云。道導也。所以通導萬物。說文。德得也。外得於人。內得於己。今謂理之自然爲道人。能行。卽爲德。何以明之。老子云。有物混成。先天天地生。寂兮寥兮。獨立而不改。周行而不殆。可以爲天下母。吾不知其名。字之曰道。又云。道可道非常道。名可名非常名。是謂道也。又云。生而不有。爲而不恃。長而不宰。是謂玄德。又云。上德不德。是以有德。下德不失。德。是以無德。是謂德也。今先歎秦王道性。然後歎其有德耳。司馬彪云。性者人之本。蔡邕勸學云。性者心之本也。天機者。機心也。莊子云。其嗜欲深者。天機淺。今言秦王天機深。故超邁凡俗也。城斬三寶下。歎其德也。與三寶作城斬。以弘道爲事務也。由使異國勝僧遠方而至者。由秦王有德故。異國勝僧等。方從遠國來也。靈鷲之風萃乎茲土者。佛在靈鷲山說法。今謂此風萃集於此也。領公遠學下。當時有僧姓支。名法領。往西域歸。華嚴等諸大乘經。

今言其遠向異國得方等經。與千載下爲津梁。梁謂橋梁也。請大乘禪師一人者。佛歎跋陀羅也。此人博學。善解華嚴。而以禪觀爲行。于時慧觀慧嚴等向西域。於彼請一大德東歸。彼士大德平章。非佛歎。跋陀羅不可。遂共來此。正當什法師來。時至長安。然其意氣高邁。禪觀深遠。謂什法師曰。觀君所譯。未出人意。因何乃得高名。什法師曰。由吾老朽爲衆所推。何必德稱美談也。復緣向門徒說云。吾見本國。五舶發來。人或漏泄此語。僧等以爲顯異惑衆。集僧擯之。禪師曰。吾身若浮萍。去留甚易。但懷抱未申。以爲恨耳。於是出藍田關。南至荊州。廬山遠法師遣人迎之。屈入山翻譯禪經。從其稟受禪法。乃作解擯書送長安。解其擯事。以爲說在同意。非爲異人。不是顯異惑衆。其復遂下宋都。譯華嚴經。今之華嚴是也。今言其未擯時事耳。三藏法師一人者。弗若多羅也。高僧傳云。弗若多羅。出十誦律。三分獲二。而多羅卒。曇摩流支續譯。言三藏者。是多羅未卒時事也。又此是曇摩流支。何以明之。以文言本末精悉。則是譯律已了。故知然也。又此是佛陀耶舍譯四分律。何以明之。佛陀耶舍至長安。秦王請其譯四分律。然耶舍曰。無本。但誦文而已。始欲遣人書出。秦王疑其遺忘。乃遣耶舍誦戶籍藥方數萬言。明日覆之。不遺一字。遂請誦出律本。令人書之。然後翻譯也。毘婆沙師一人者。曇摩掘多也。道標師舍利弗阿毘曇論序云。弘始九年。曇摩掘多。曇摩耶

舍等。命書梵文。至十年。尋應舍出。但以彼此不相傾悟。恐未盡善。至十六年。漸閑秦語。令自宣譯。然後筆受。什法師。是弘始十一年卒。今作答書。是什法師在世之事。正言出未言翻譯。明知是弘始九年事也。什法師於大石寺下。言上諸人共什法師出新經也。法藏淵噴下。淵深噴大。謂經論日多。故云異聞也。夙夜匪懈者。毛詩云。夙夜匪懈。以事一人。一人謂天子也。匪不也。懈怠也。曇摩肅肅者。曇摩和也。然曇字與曇字義同。是和。書云致之。墜照。亦是和義。爾雅作曇字也。肅謂齊整也。本末精悉。若親初制者。律本具足。欲似佛初制。時間中事發言。奇新者。時間其事。言語奇異也。猥參嘉運者。猥衆也。衆多也。謂數參預善事耳。自不親釋迦祇桓之集下。自謂獨自也。獨不見祇桓盛集爲恨。餘無所恨也。字林云。自從也。而慨不得與情勝君子同其法集者。謂不得與劉公同此集爲恨耳。生上人頃在此下。曇摩道生也。數年謂過三年已上也。言語者。禹邁反。毛詩云。其維哲人。告之話言。古訓云。話言古之善言也。說文云。會合善言也。謂生法師語話之間。常稱文云。會合善言也。中途還南君得與相見者。中途歸款劉公也。中。途還南君得與相見者。近更南。故君得相見也。未更近問憫惻者。近更不得書問。憫惻惻也。感道人至得君念佛三昧詠下。似是劉公寄附也。遠法師作念佛三昧詠及序。劉公等皆和。今言其事也。檢遠法師集。此但有二三昧詠。無三昧詠及和。收集不謹也。序云。夫稱三昧者何。思專想寂之

①時二能②得二同③今一④即十(道)⑤德二得⑥降十(得)⑦說二款⑧智二碧⑨華二併⑩兩二二  
經師⑪沙十(法)⑫一二二⑬卒二亡⑭世二時⑮時⑯出十(梵本)⑰(梵本)⑱二二漢⑲奇新  
二新奇⑳竺二竺㉑途一⑳把二邑

謂思專則志一不撓。想寂則氣虛神朗。氣虛則智恬其照。神朗則幽無不徹。斯二乃是自然之玄符。會一而致用也。此作與寄既高者。與謂與喻。寄謂寄意。子夏詩序云。詩有六義。一曰風。二曰賦。三曰比。四曰興。五曰雅。六曰頌。今言與即興也。寄即比也。有本作與奇非也。辭致清婉者。辭章情雅理致婉媚也。能文之士率稱其美者。解文人皆稱善也。可謂遊涉聖門扣玄之唱者。此念佛三昧。可謂遊涉聖人門戶扣擊玄旨之妙唱也。因來何少者。係因行附來者少耳。什法師以午年出維摩經者。弘始八年屬午也。條記誠言者。記誠信之言也。義承有本者。謂承什法師也。來問婉切難為鄙人者。婉曲切要難酬答也。鄙人者。莊子雜篇徐無鬼章云。莊子送葬。至惠子之墓。顧謂從者曰。鄙人以聖。其鼻端若蠅翼。使匠石斲之。匠石運斧成風而斲之。盡聖而鼻不傷。鄙人立不失容。宋無君聞之。召匠石曰。嘗試為寡人為之。匠石云。臣嘗能斲之。然臣質已死久矣。自夫子之死也。吾無以為質矣。吾無與言矣。郭象注云。非夫不動之質忘言之對。則雖有至言妙斲。而無所取之。今謂劉公之問。事同匠石。肇公之答。事同鄙人。問能而答難也。貧道思不關微兼拙於筆語者。思慮不關涉於幽微。筆語復非巧妙。小雅云。關雎也。微無也。且至趣無言下。至理不可說。即不二法門也。如什法師共佛陀耶舍。在秦王座。秦王問實相義。二人相視竟無所答也。云云不已者。云言也。

已止也。雖復多言。無所論辨也。聊以狂言者。妄言也。

疏云稱聖心者。冥寂理極同無下。第二章正答問也。文亦有二。前通答。後別答。今初也。以此為懷自可忘言內得下。理既深玄。忘言心內自得。所不論耳。復何足以人情之所異下。何足何得也。據孝經何足猶何能也。人情淺近。至理深遠。何得以近情而求遠理耶。疏云談者謂窮靈極數妙盡冥符下。第二別答前三問。即為三章。今答第一智體有知無知問也。文中有四。第一正答問。第二辨聖心。第三斥謂情。第四詰謬計。雖有四章。通是答問。今初牒其前言也。意謂妙盡冥符不可以定慧為名者。妙盡冥符。此是般若之心。一相不二。何得言其中有定慧二名耶。靈泊獨感不可稱群數以息者。此是般若之心。無不鑒照。何得言不應群數耶。兩言雖殊。妙用常一者。妙盡冥符為一言。靈泊獨感為一言。一是動也。一是靜也。於我見迹則動靜有異。於聖本心則動靜不二也。

何者夫至人玄心默照下。第二辨聖心也。辨聖心即以釋前答也。文中有二。前離辨聖心離釋兩意。後合辨聖心合釋兩意。今先辨聖心。然後釋妙盡冥符不可以定慧為名也。玄心謂心合玄理也。默照謂潛照幽微也。理極同無。謂見空無之理。即與無同。無同故為極也。既曰為同同無不極者。既與無同。即是極智。無有不極之義也。何有同無之極而有定慧之名者。既與虛無理同。名之為極。

何得於此極智。更有定慧兩名耶。定慧之名非同外之稱耶者。言此兩名是同無極智外名。不關極智體也。若稱生同內有稱非同者。若定慧二名生於同無極智之內者。有此二名。則非同無之智矣。若稱生同外稱非我也。若定慧兩名生於同無智外。此之二名不關於智。我謂智也。又聖心虛微妙絕常境下。釋前靈泊獨感不可稱群數已息也。虛微謂虛無微妙也。常境謂常人境界。聖心不同。故云妙絕也。感無不應會無不通者。有感皆應。故無不應。有會必通。故無不通也。冥機潛運其用不動者。冥機謂神心。神心潛用。不動勞也。毛長詩傳云。勤勞也。爾雅云。勤病也。何為而息者。應化不息也。

且夫心之有也下。第二合辨聖心合釋兩意也。而其心之有者。凡論心之所以為有者。以其謂法而有故名心有耳。有由自不有故聖心不有者。有法常體。自非是有。故聖心不以有為有耳。不有有故有無有者。不以有法為有。故知有非是有也。無有故則無無者。法既非有。亦非是無也。無無故聖心不有不無者。前言無有。此言無無。法體既其無有不無。所以聖心不有不無耳。不有不無其神乃虛者。聖心不有不無。乃為虛妙。何者夫有也無也。心之影響也下。覆疏釋前聖心不有不無也。聖心非有。妄謂為有。聖心非無。妄謂為無。有無之於聖心。如影響之於形聲。非真本也。言也。像也。影響之所繫緣者。繫緣影響之有無。故有言象。非謂影響之有無於言象。

①與一興②情一清③言一者④行一信⑤後一機⑥無一尤⑦試一誠⑧〔者〕一⑨六二曰⑩殊一異⑪〔無〕一⑫虛一妄⑬自不二不自⑭〔有〕一十無⑮有十〔無不有〕

文語到說故云爾也。何者。緣心謂有故言有。謂無故言無。緣此有有無之心。故有有無之言。家耳。言象。謂易云。文言象詞。以喻說有說無之言。象有象無也。喻如說有。是塊然之有。說無。是豁爾之無。塊然是物塊。豁爾是虛空。此皆象也。即此象上有有無之言耳。有無既廢下。聖心非有非無故云既廢。不得妄謂爲有爲無。故云心無影響也。影響既淪則言像莫測者。聖心既非有非無。則不可言有言無。象有象無。言象所不能測得聖心也。言像莫測則道絕群方者。易言方以類聚物以群分。今謂聖心不可言有言無。則與群方諸類永絕也。道絕群方故能窮。盡極數者。以與群方永絕。故窮盡靈智。究極心數也。窮盡極數乃曰妙盡者。以窮極故。能無所不知。無所不盡。故云妙盡也。妙盡之道本乎無寄者。既云妙盡。即是般若。既云般若。何有寄著耶。無寄在乎冥寂者。既云無寄。所以冥然寂然也。冥寂故虛以謂之者。既云冥寂。則無有名字。而云般若者。虛假爲名也。妙盡在乎極數者。既云妙盡。必窮心數也。極數故數以應之者。雖云極數。能以數應。如經中說變化云爲無所不作也。數以應之故動與事會者。以心數應物。有感必隨。無不契會也。虛以謂之故道超名外者。假立名字。所以超名字之外也。道超名外因謂之無者。以聖心超名字之外。莫知何名。故名無心耳。動與事會因謂之有者。以聖心應物。故名有心耳。謂之有者應夫。謂有下。謂聖心。謂爲有者。應彼謂有之

人。強謂爲有。聖心不然也。故經曰聖智無知下。引經爲證。此是大品經之大意。無的文也。又是思益經意。彼經云。我得涅槃時。唯得諸法畢竟空性。以無所得故得。以無所知故知也。此言無相寂滅之道者。此經云無相之道也。又釋此無知無爲之言。言無相之道也。有本云。此無言無相寂滅之道。謂此無知無爲。是無言無相之道耳。豈曰有而爲。有下。豈曰者。言不如此也。言有未必爲有。言無未必爲無。動靜亦然耳。而今之談者多即言以定旨下。第三斥謂情也。今之談者。謂多時講論之人。亦可指劉公也。多即言以定旨。謂執文取定也。尋大方而微隅懷前識以標玄者。老子云。大方無隅。又云。前識者道之華。以標玄也。而言前識。今言至理大方無隅。何以徵資其隅。前識非玄。何以懷前識以標玄也。而言前識者。河上注云。不知而言知。爲前識也。存所存以必當者。存彼所存之法。以爲必當理也。所存者。謂聖人有心也。是以聞聖有知謂之有心下。聞知定謂知。故謂知爲有。聞無定謂無。故謂無爲空也。有無之境邊見所存下。有無二邊。名爲邊見。邊見之人。存此有無。此有無二見。不是中正不二之道也。何者。萬物雖殊然性本常一者。一謂無相空也。不可而物然非不物者。不可爲有物然後非無物也。可物於物則名相異陳下。有本直云。可物則名相異陳。理亦無爽。望。不句例。則可物於物本是也。以物爲物。故云可物於物。不以物爲物。故云

不物於物。名相爲陳謂有也。物而即真謂空也。是以聖人不物於物下。不以物爲有物。不以物爲無物也。非有所以不取非無所以不捨者。杜預注春秋云。捨置也。非有故不可取。非無故不應捨也。不捨故妙存即真下。爾雅云。靡無也。以不可捨故。即是真空。以不可取故。無因有名相也。故經曰般若於諸法無取無捨下。大品經也。此攀緣之外下。此是思慮之外至理。故不可以有無詰責也。請詰夫陳有無者下。第四詰謬計也。詰責謬計聖心爲有之人也。夫智之生也極於相內者。此言凡智也。世諦有相。故凡智有知。凡智之生起。於有相之內。不過此也。法本無相。聖智何知者。此言聖智也。聖智見真諦。真諦無相。故聖智無知也。世稱無知者下。世間凡言無知者。是木石等法也。靈鑒幽燭形于未兆者。此是聖智也。聖智靈鑒照見幽微未形之事已見也。形者現也。于者於也。兆謂卦兆也。道無隱機事曰無知者。無有隱機之道。而不知也。機者微小也。以靈鑒幽燭及道無隱機而義。寧可言無知乎。亦可靈鑒幽燭爲一義。形于未兆爲一義。道無隱機爲一義也。且無知生於無知無知也者。無知者。謂無所知也。以無所知故云無知。此無知之名。生於無識也。知者聖智也。聖智無彼無知。故云無知無知也。無有智也謂之非有下。無有故言非有。無無故言非無也。所也虛不失照下。虛是無也。照謂有也。虛而照。無即有也。照而虛。有則無也。泊然永寂靡執靡拘

①象二象②云二之③靈二靈④謂有二⑤有謂⑥謂⑦淫樂二苦從⑧有⑨以標玄⑩以標...  
言前識⑪八下⑫不二下⑬爲二異⑭及⑮無⑯智二知⑰也二以⑱則二即



者。泊然謂恬泊也。拘謂拘執也。言寂滅故不可執也。孰能動之。令有下。誰能起動令其有。安靜令其無耶。故經曰。真般若者。非有非無下。大品經意也。何則。言其非有者下。其謂聖心也。言聖心非有者。非是有相之有耳。但言非有。不得遂是無。故云非謂是非有。非有是定無也。言聖心非無者。非是無物之無耳。但言非無。不得遂是有。故云非謂是非無。非無是定有也。如東西中三處相望。言中非東。不言即是西也。言中非西。不言即是東也。准前作語。應云言其非東者。言其非是東。非謂是非。非東。東是定西也。言其非西者。言其非是西。非謂是非。非西。西是定東也。問曰。言其非有者。可言非是有。何得非非有。言其非無者。言其非是無。何得非非無。以非有非無是中故也。東西中亦准於此。言其非東者。言其非是東。何得非非東。言其非西者。言其非是西。何得非非西。以非東非西是中故也。答。若非有非無是中。何勞別用中名乎。東西中亦爾也。又非東未必即是非東。南北亦非東也。非西。直非西未必即是非西。南北亦非西也。以非東非西。形非有非無。則可知矣。非有非非有下。覆疏前語耳。是以須菩提終日說般若下。大品經文也。彼經云。諸天子。聞須菩提說般若。天子云。諸夜叉。語言尚可解。須菩提。所說不可解。須菩提。諸天子不解。不知耶。我無所說也。此絕言之道下。此謂般若絕言語道不知。何以傳之也。而言知何以傳者。不知所傳也。如古詩云。枯桑知天風。

海水知天寒。言不知也。枯桑無葉。所以不知天風。海水不凍。所以不知天寒。知乃是不知耳。庶參玄君子下。庶望也。爾雅云。庶幾尚也。尚謂冀尚。冀尚亦望之別名也。謂劉公既參契玄理之耳。又云宜先定聖心。所以應會之道下。第二答前第二境智有相無相問也。前第二問中文有兩段。前明觀變之知應是有。後明觀變之知異無相。今先答後問。然後答前問也。談者似謂無相與變下。談者即劉公也。言不一者。謂異也。觀變則異乎無相下。明不一之所以也。謂見變動即是有相非無相也。見無相則無所見。不能撫接應會也。然則即真之義或有滯也者。若然則滯經中。色即是空之義。色即是空故。名為真耳。經云色不異空空不異色下。大品經習應品文也。若如來旨下。若如所離來意。則色空別也。前心見色。後心見空也。若一心見色下。出其過也。一心見色。則唯是色而不見空。何謂即空。下句反此也。然則空色兩陳。莫定其本者。空色各別。故曰兩陳。既其各別。莫知經中相即之本意也。又云空色兩陳。不知色為空本。空為色本也。是以經云非色者。釋經本意。如下說也。誠以非色於色。不非色於非色者。誠信也。信將非色之言非於色耳。不是非於非色也。若非色於非色下。却難也。若經云非色於非色者。則是說太虛非色為非。色耳。此欲明何理耶。太虛非色。凡人共知此非真理。豈經中所明非色之本意也。若以非色於色下。辨經之本意也。

若經言非色非於色者。明知色不異於非色耳。故知變即無相下。變即有也。無相無也。色既即空。有即無也。詳情不同。故教述有異者。人心各別。故聖教不同。說有說空。言有異也。考之玄籍本之聖意者。楚詞。注云。考校也。爾雅云。考成也。玄籍謂經也。本謂本盡也。聖意謂至人無心也。豈復真偽殊心。空有異照耶者。尋經意則真偽不殊心。空有不異照。真謂真諦。偽謂俗諦。空有亦真俗也。是以照無相下。既空有不異。故照無仍照有。所以不失撫會之功。見有仍見無。所以不乖無相之旨也。造有不異無下。覆疏上意也。廣雅云。造詣也。小雅云。造適也。未嘗不有下。未嘗未曾也。未曾不見有。此有猶是無。未曾不見無。此無猶是有耳。故曰不動等覺而建立諸法者。此是舊大品放光經語耳。今經云實際也。實際是平等正覺所知之法也。故名實際為等覺耳。亦可言覺謂般若實。際般若等。故詔實際為等覺。如涅槃云。十二因緣名為智慧。經云。如胡瓜名為熱病。何者。胡瓜雖非熱病。能生執病。故名熱病。因緣雖非智慧。能證智慧。故名智慧。今亦如是。實際非是覺。與覺相似。故名等覺耳。以此而推。寂用何妨者。何得謂異耶。如之何謂觀變之知異無相之照乎者。傷劉公言異也。之是語助。不計義也。直言如何將觀變之知異無相也。亦可云如之何者。言無如之何也。無如之何猶是無奈何也。汝言觀變之知異無相。則奈汝何也。

①非東二東非②③直非西④⑤色即二即色⑥⑦色⑧⑨法⑩⑪也⑫⑬也⑭⑮際十與⑯⑰謂二洛  
⑱云二言⑲瓜二煎⑳證二空

恐談者脫謂空有兩心下 第二答第二問  
中。前問觀變之知應是有也。即接前變之餘  
勢。因以答之。恐汝謂兩心有異。故言觀變  
之知是有非無耳。若能捨己心於封內下。已  
心於封執之內無著。故云捨也。玄機謂至理  
也。求至理於事相之外也。齊萬有於一虛者  
莊子有齊物篇。今借此意也。知萬有同一虛  
無耳。曉至虛之非無者。莊子云至虛極守靜  
篤。今借此語。名至理也。至理虛無。是即色之  
無。非斷無也。當言至人終日應會下。知有  
即無。雖有何妨。故云應會無所不為也。與物  
移推。謂進退同世間也。乘運撫化。謂乘機運  
撫。萬化也。未始為。謂未曾有為也。聖心若  
此何有可取者。答前未釋所以不取之理也。  
此何所有。所取而復須釋耶。有本云。何有何  
取。言不可取也。

又云無是乃所以為真是下 第三答前第三  
境智相對。有是無是有當無當也。亦可如來  
言耳者。亦可如汝來問之言。但未必然也。若  
能無心於為是而於無是者。無心以是為  
是。而以無是為真是。此則言有真是。亦無  
爽也。當亦然也。則終日是不乖於無是者。無  
必為是。雖是而無是。當亦然也。據此言之。故  
前云亦可如來言耳。但恐有是於無是下。恐  
以有是為定是有當為定當。則不可矣。所以  
為患者以此為病耳。何者若真是可下。釋  
所以為患者。則名相以形美惡是生者。有真  
不真。有不可不可。則有美惡二名起。故有美惡  
兩心生大為過患矣。生生奔競就與止之者。

生而復生。奔起交競不息。誰能與其止遏也。  
是以聖人空洞其懷者。字林云。洞字動音。疾  
流貌也。今謂洞徹空虛懷抱不分別也。居動  
用之域而止無為之境下。身在動用之地。心  
在無為之界。迹在可名之內。本在絕言之所  
也。寂寥虛曠莫可。以形名下。老子云。寂兮  
寥兮。獨立而不改。周行而不殆。釋名云。無聲  
曰寂。無色曰寥。曠也。莫無也。今謂至人如  
此耳。而曰真是可下。非劉公也。既其如此。  
何有真是可為是。至當可為當乎。喻曉也。雅  
正也。旨意也。恐是當之生下。恐真是至當之  
名生。人謂如此耳。物者人也。彼自不然何足  
以然耶者。彼謂聖心也。聖心不如此。何得言  
如此耶。

夫言迹之與異塗之所由生也下 第三總結  
也。其前書末云。遠法師亦好相領得。標位似  
各有本。或當不必理盡同也。又云。諸人。屬  
有擊節者。今結意明不同擊節所以也。言迹  
者。莊子外篇天運章云。老聃謂孔丘曰。夫六  
經先王之陳跡。豈其所以跡哉。今子之所言  
猶跡也。夫跡履之。出而跡豈履哉。此謂言  
之於心。猶迹之於履也。言者所喻也。迹者  
能喻也。又即以言為迹。故云言迹耳。凡有言  
有迹。異見從此而生也。而言有所不言下。言  
但言所可言。所不可言者。言不能說也。迹但  
迹所可迹。所不可迹者。迹不能迹也。是以  
善言言者下。善以言言於心者。言所不言之  
處耳。善以迹迹於履者。迹所不迹之處耳。  
至理虛玄擬心已。況乃有言者。理本絕心。

心擬已失。何況以言言得理耶。明我所解者。  
不可以言尋也。恐所指示轉遠者。所指示更遠  
也。即如問書已遠於論。若更有問答更遠  
矣。庶通心君子下。謂劉公心悟玄理。故曰通  
心耳。於文外相求。不可執文致難也。而言君  
子者。白虎通云。可為人君。能子萬人。故云君  
子。今謂大人可為君長。故名君子。子者男子  
之通稱也。如刺史為使君。帝王使人與百姓  
為君子。即君長之義也。若以子萬人為君子。  
則是一人之號。非餘人所當耳。

肇論疏卷中

東晉南齊本記云

保安元年十一月十一日。於太宰府點了。  
疏本草書。仍有不定。後者正之云云。

令同法寫點之。□移點數々。重以正本。可  
按合而已。如本記云。覺樹僧都御點也。尤  
可沈思云云。

沙門聖然

### 肇論疏卷下

釋元康作

涅槃無名論。并表上秦主姚興

此論第四明果申涅槃教也。論文有二前表。  
後論。今初表。云涅槃之道妙絕言象。言象苟  
絕。豈有名哉。而有名者。假涅槃名也。既云假  
名。則實無名矣。今明實故。云涅槃無名。肇法  
師本因秦王而作此論。論成以上秦王。故有  
此表。表者表彰。表已心故。名為表也。古來凡

有四秦秦始皇一也。名曰亡秦。符堅二秦也。名曰前秦。姚萇時三秦也。名曰後秦。沮渠蒙遜時四秦。名曰僞秦。今言秦王者是後秦姚萇子姚興。與字略。有本作秦主。主亦王也。白虎通云。王者往也。天下之所歸往。故名爲王耳。

僧肇言者。表文有二。前且稱歎秦王。後明作論因起。初文有四。一歎秦王。二叙涅槃三。明國恩。四自謙退。今初也。肇聞天得一以清。老子云。天得一以清。地得一以寧。谷得一以盈。萬物得一以生。侯王得一以天下正。晉征。爲始皇名証。時人爲諱正。呼以爲証。肇法師。略取彼意。文小改變也。伏惟陛下。歡結欽明。歡聖也。結智也。欽敬也。明曉也。字林云。陛下階陛也。言不敢直指聖人。指其階陛之下耳。此例釋。句。知之。道與神會。語倒。乃是神與道會也。妙契環中。語出莊子。此以喻中道無生理也。莊子內篇云。彼是善得其偶。謂之道樞。樞始得其環中。以應乎無窮。郭象注云。是非反覆相尋無窮。謂之環中。環中空也。今言秦王妙契會於此也。理無不統。既契環中。諸理皆統。云無不統也。故能遊刃萬機。遊刃及萬機事如前解。弘道終日。終日弘道耳。語倒也。威被蒼生。垂文作則。言秦王威被蒼生。蒼生者天生也。莊子云。天之蒼蒼其正色也。書云。彼蒼上蒼蒼皆天也。言垂示文章。作世間之軌則也。有本云。衣被蒼生。亦可然也。周易繫辭注云。衣被萬物。或然不如前也。所以域中有四大。王居焉。莊子云。道大。天大。地大。王大。故云四

大。以王能威被蒼生。垂文作則。類比餘大也。

涅槃之道下。第二叙涅槃也。蓋是三乘之所歸。言三乘學人皆歸此道也。方等之淵府。諸大乘經皆名方等。十二部中有方廣部。方廣卽方等也。以其方弘正等。故云方等。然方等所明言述非一。莫不皆以涅槃爲窮理盡性究竟無餘。故云淵府。淵者淵池。府者府庫。淵池水深。府庫財多。毛詩云。淵深也。眇溱希夷絕視聽之域。眇然溱然。無聲無色。故云絕視聽也。幽致虛玄殆非群情所測。測量也。言涅槃理致幽深。非諸人之所測量也。殆幾也。幾近也。其苦。近非群情能測量也。肇以人微。第三申國恩也。微微少也。謙辭耳。猥衆也。學肆謂學問之處也。周禮云。司市常以陳肆辨物。而學中陳引書史。如市肆列萬物也。肆陳也。今謂習學之處。名爲學肆耳。在什公門下十有餘載。十九事什公。三十一亡。十餘年也。雖衆經殊致勝趣非一。大品法華等。各有興趣也。然涅槃一義。常以聽習爲先。但言聽涅槃義。不言經也。尋下論文。往往有引涅槃文處。或可什公亡後。見涅槃經也。

但肇才識闇短。第四謙退也。識闇才短耳。漢書云。蒙蔽也。漠漠不分明也。爲竭愚不已。如似有解。竭盡愚心。自謂不止。遂如有解也。然未經高勝先唱不敢自決。似是見新涅槃經本。未有高勝之人先講。故云不自決耳。不幸什公去世諸參無所。不幸無幸也。先師既

亡。何所諮問也。而陛下聖德不孤。論語。德不孤。必有隣也。神契。謂契於神理。亦可心神契會。不待言也。目擊道存。莊子外篇田子方章云。仲尼見溫伯雪子不言。子路曰。夫子欲見溫伯雪子久矣。見之而不言何也。仲尼曰。若夫人者。目擊而道存。亦不可以容聲也。快哉。說文云。快喜也。以啓末俗。故能振彼玄風。啓茲末俗。至姚興時。天弘佛法。今稱此事也。

一日遇蒙答安城侯嵩書問無爲宗極下。第二正明作論因緣也。文亦有四。一序作論之元由。二明作論之本意。三重序元由。四重明論意。今初。言遇蒙答者。姚興於什法師亡後。通四科義。一通不住法住般若中義。二通聖人放大光明義。三通三世義。四通一切法空義。通第四義云。夫道者以無爲爲宗。若其無爲。復何所有耶。安城侯姚嵩作書。難第一第二第四。不難第三三世義也。難第四義云。不審明道之者。以何爲體。若以妙爲體。若以妙爲宗者。雖在諦先而非極。若以無有爲妙者。必當有不無之因。因稱俱未冥。詎是不二之道。故論云。無於無者。必當有於有。有無相生。猶脩短之形。然則有無之津。乃是邊見所存。姚興次第答其所難。通第四難云。吾意以爲道止無爲。未悟所以宗也。何者。夫衆生所以久流轉者。皆由著欲故也。具如此論文所明。肇公因此語。遂作涅槃論。今言遇蒙答書。卽此書也。斯乃下。已前是姚興語。此下肇公稱歎也。自非道參文殊。參難

也。伴並也。玄理意。參文參也。玄道此二菩薩。

一是法王子地菩薩。一是一生補處菩薩也。

孰能正之。以參並菩薩。故能如此耳。使夫聖

教卷而復舒。幽旨淪而更顯也。以宣揚玄道

爲法城。暫故佛敎雖卷。今時更舒。幽旨雖淪

今時更顯也。淪沒也。尋玩感勸。尋讀玩味。不

能捨離。且忻且悟。交在懷抱。動手舞蹈。無閑

暇也。豈直當時之勝範。豈直言不但也。範法

也。方者將來也。莊注云。凡言方。且未來也。

然聖旨淵玄下。第二作論之本意也。以姚

興意旨深玄。故作論申明之也。可以匠彼先

進。拯拔高士。先進大德僧也。高士高才俗士

也。言姚興之言。可以爲先進大德之匠耳。可

拔高才執迷之俗士耳。懼言題之流。或未盡

上意。言題是執著名言題目之類。以其見理

微言約。故未盡姚興之意。故作論以明之也。

庶擬孔易十翼之作。庶望也。孔子作十翼贊

成易道。我今作十演贊成姚主之意也。十翼

者。古有兩釋。一云八卦一。說卦二。序卦三。

雜卦四。卦詞五。爻詞六。彖詞七。象家詞八。

保詞九。文言十。二云。易有上下二經。各有象

詞象詞彖詞。是爲六。文言七。保詞八。說卦

九。雜卦十。豈貪豐文。言不求多文也。毛長

詩傳云。豐茂也。圖以弘顯幽旨。圖度弘顯

姚主之幽旨也。論有九折十演。折難也。演答

也。說文云。演水流也。義亦如之。博採衆經。託

證成喻。廣採衆文旨。爲證爲喻也。亦可舉喻

證成也。迎述陛下無名之致。贊述涅槃無名

之理致也。豈曰關詣神心。自言不能關涉造

詣姚主之心也。不能窮盡道理契當佛意也。

有本云。關詣語俗也。聊以擬儀玄門。擬謂准

擬。儀儀像也。准像玄理之門。分布班告學徒

者耳。

論末章云下。第三重序元由也。姚興通初

義末章。有此語耳。云比來諸家釋第一義諦。

謂如此耳。大甚逕廷。逕遠也。廷直也。言如一

物逕廷。然直去不可迴轉。有此一類人也。傷

之甚耳。今姚主謂。諸家云第一義大空。甚

空。逕廷非常。過人情也。若無聖人知無者

誰。此姚主難諸家也。實如明詔實如明詔。肇

公述成也。夫道恍惚窈冥。老子云。恍兮惚兮。

其中有物。惚兮恍兮。其中有像。恍惚不定也。

窈冥深邃也。說文釋之耳。若無聖人誰與道

遊。言有聖人證聖道與道遊行耳。頃諸學士

下。言此學者。聞大虛。心中躊躇快快。廣雅

躊躇猶豫也。著頤篇云。快快反。對也。今言反

對有所恨也。幸遭高判宗途。愷然。言諸人有

幸。遭遇姚主高判。心中決了也。呼重反。著頤

也。扣關之僑。登玄室。扣謂擊打也。關謂玄

門之關也。僑類也。呼重反。著頤

言學競造玄門。若草木繁盛耳。真可謂下。稱

歎姚主此言。如法輪再轉。

今演論之作。第四重明論意也。演論謂答

家也。曲辨。謂委曲盡辨也。寂彼廓然。寂滅

也。滅彼言迹。廓然空寂也。排方外之說。莊

云。六合之外。聖人存而不論。六合之內。聖人

論而不議。春秋經云。先生之志。聖人議而不

辨。今明六合之外委曲。故排莊子方外不言

之說也。條錄如左。條錄。條錄如後。後爲左也。

若少參聖旨下。或參姚主意。亦或參佛意。故

云若少參也。如其有差。願承指授。若有差失。

伏承指示教授也。

涅槃無名論九折。一翻。二數。三搜。四難。

八難。十演。一開。二位。三超。四妙。五辨。六會。七明。八顯。九支。十得。

泥曰泥洹涅槃下。此少許語。諸本不

定。或在九折之前。或在十演之後。或在開

宗之後。今謂在前爲便。取此爲定也。又有本

於此語之前表文之後。題涅槃論名。然後始

言泥洹泥曰等語。亦可能也。古人翻經。多

稱泥曰。次泥洹。後涅槃。故云之前後異出耳。

言楚夏不同者。夏是中國。楚是邊國。書云。夷

狄之有君。不如諸夏之亡。注云。諸夏中國也。

所以夏稱中國者。皇甫士安帝王世紀云。禹

受封爲夏伯。在禹貢豫州方外之南。於秦漢

前。屬潁川。本韓地。今河南陽翟是也。避舜子

於陽城潁川。今河陽城也。夏受禪於平陽。或

在安邑。玄湜謂。疏主雖引爾許古迹。以釋中

夏。此但是外書。周孔典籍。論此九州之大唐

中夏殊。未消論意也。何者。論主聲公言泥

曰等三名之別何也。只道西方五天竺國。呼

喚不同。雖名目有殊。而其義一也。所以楚夏

者。謂五天語。亦比此大唐楚夏之別也。如

大唐吳兒。喚火爲燄。詬水爲鍾。呼來爲離。呼

喚雖殊。義皆一也。豈可以葱嶺之東爲中國

乎。中國獨五天是也。就四天下論之。亦五天

爲中。三千大千論之。亦五天爲中。故三世諸

佛。中天竺中國出世也。幸智者詳之。次疏主

曰言夏者。白虎通云。夏大也。此意以居中處大。故云夏也。九折十演者。九難九答。合有十八。開宗一義。是答家之本。亦屬於答。故有十演。合成十九章也。折謂摧折難家之意。演謂演暢答家之意。小雅云。演廣也。表中雖已言之。至此聊復更釋耳。

開宗第一。論有十九章。今第一章。開涅槃之宗。如孝經之初有開宗明義章。今將談大道。非言不啓。故亦建言開宗也。無名曰者。大涅槃宗。以無名爲主。故云無名也。經稱有餘涅槃。無餘涅槃者。諸大小乘經。通有此說也。涅槃者。秦言無爲。亦名滅度。涅槃梵語。此國所無。何者。自書契已來。但言人事。至於涅槃般若。曾所未談。莊云。六合之外。聖人存而不論。即其義也。此土既無其言。不知將何所譯。今言無爲滅度。但是義翻之也。肇公是後秦時。故曰秦言也。妙絕於有爲。不壞假名。名無爲等。迥然不同。爲妙絕也。大患永滅。大患者身也。又是身云患。未必即身也。老子云。有大患者。爲吾有身。及吾無身。吾何患也。超度四流。欲流。有流。無明流。見流也。斯蓋鏡像之所歸絕稱之幽宅。經說諸法。如鏡中像。令人修學。歸於此處也。亦可直謂諸法體性畢竟本空。如鏡中像。人皆悟此。即涅槃也。涅槃性空也。言此涅槃畢竟性空。諸佛齊證。即是安隱幽玄之宅也。而曰有餘無餘者。經也。良是出處之異號。應物之假名。處字上聲讀。非去聲之出處耳。出者出也。處者入也。住也。所以大般涅槃或名有餘。或曰無餘者。

無有有無之別體也。如喚眼爲目。亦如左目右目義一也。故知出與入。殊而一也。故出處之異號。但是應物假設之名耳。良信也。聖人出則爲有餘。處則爲無餘。應見出者爲之出。應見處者爲之處。故云應物耳。余嘗試言之者。小雅云。嘗當也。當試言也。語出莊子。夫涅槃之爲道也者。言涅槃之道。如下所說也。寂寥虛曠。不可以形名得。此道絕言像也。夫盡像在乎亡言。言亡在乎無像。像所不能像。非像也。言所不能言。非言也。若非像非言。則不當像於言。不當像於言。則寂泊幽寥。虛通曠遠。故云不可以形名得也。微妙無相。不可以有心知。言其思慮所不及也。超群有以幽昇。量太虛而永久。超越三界二十五有。幽遠高昇。群物之外。量同法界。廣大虛空。非塵沙曆數之所能知。故云量太虛而永久也。隨之弗得其蹤。迎之罔眺其首。弗不罔無。眺傍視。隨後尋。尋求不得。涅槃之蹤跡。眺視不見。涅槃之頭首。老子云。迎之不見其首。隨之不見其後。執古之道。以御今之有。以知古始。是謂道紀。借此意以言道耳。六趣不能攝其生。凡品物之生。不出六趣。言六趣不能攝其生也。力負無以化其體。無當大力能負萬物。而不能變化涅槃之體。明涅槃無體也。漠漠忽恍若存若亡。言漠漠漠漠不知邊際。忽忽忽恍無定處所。不當有無。故云若存若亡耳。五目莫觀其容。二聽不聞其響。五目謂肉眼。天眼。慧眼。法眼。佛眼也。二聽兩耳也。又天耳。人耳也。五目不觀其形。明無形也。二聽不

聞其響。明無聲也。言涅槃之道。非色聲也。冥冥窈窈。誰見誰曉。莊內篇云。至道之精。窈窈冥冥。至道之極。昏昏默默。今明涅槃之體。更過於此。幽深窈窈。難可窺曉也。彌綸靡所不在。而獨曳於有無之表。彌綸。綸通。言涅槃之道。非直被通有情無情。亦出有情無情之外。故云靡所不在。亦猶牽曳出有無之表。表外也。然則言之者失其真下。涅槃無言。言則失真。涅槃無知。知則反愚。涅槃非有。有則乖性。涅槃非無。無則傷體。而言愚者。無知無見。似如愚昧。大品色鈍故般若鈍。即其義也。所以釋迦掩室於摩竭。以理不可言。故掩室杜口。掩室事者。有云佛初成道。欲度迦葉。假設方便。授彼密指。遂以毒龍之室安置如來。毒龍欲害。降伏入鉢。示施法化義。如掩室耳。涅槃此解不當。下釋是也。直是如來初成道時。於三七日。思惟未說。似如掩室不開門也。此甚大智論云。佛初成道。五十七日。不說法。門。是掩室義也。淨名杜口於毘耶。杜閉塞義。淨名在毘耶離城。問諸菩薩不二法門。各各說已。次問文殊。言如我意。一切諸法無言無說。是爲入不二法門。於是文殊師利問淨名。何等是入於不二法門。時維摩詰默然無言。文殊讚云。是真入不二法門也。乃至無言無說。故云杜口也。亦以理中無言。言不得理。理不可言。故不語耳。須菩提及釋梵前已出訖。斯皆理由神御故口以之默。以理御神。神無有言。口爲之然耳。豈曰無辨辨所不能言也。心將緣而慮息。口欲辨而辭喪。故云豈

無。但不能言耳。經曰真解脫者離於言數。此等諸文。是涅槃經中。解脫大意。非全文也。論曰涅槃非有亦復非無。此等是中論所明。涅槃大意也。亦非全文耳。尋夫經論之作也。豈虛構哉。小雅云。尋用也。言用經論而與製作。亦非構虛也。構造也。果有其所以不有。果敢決定義也。言涅槃果有其不有之所以。故不可說為有。無亦然也。亦合云。涅槃果有其不有。故云無亦然耳。何者本之有境則五陰永滅。於有境中。窮本涅槃。以五陰永滅。不可言有也。推之無窮幽靈不竭。毛詩云。鄉所也。推究涅槃。入於無中。則幽微精靈不可窮盡。故云不竭也。抱一湛然。懷抱一相。湛然無變也。復謂涅槃懷抱無所不包。無生性空。統萬累都捐。說文捐棄也。言煩累皆棄耳。與道通洞神而無功。此道神妙。誰欲稱之。故無已。已尚無之。誰復論功耳。至功常在。雖無已無功。而功大矣。大則為常則不滅。故曰常在。冲而不改。字書云。冲虛也。涅槃之道。體性虛無。何所遷變。故云不改也。有無絕於內。涅槃之中。不當有無。本來寂滅。故云絕於內也。稱謂論於外。涅槃之外。無稱謂也。稱謂謂名字耳。既云涅槃無名。名何所有哉。視聽之所不暨。左傳暨至。小雅暨及也。言涅槃如此耳。四空之所昏昧。外道得四無色定。名曰空定。生四空處。將為涅槃。而不識真實涅槃。故昏昧也。恬平而夷。怕焉而泰。夷平也。老子云。視之不見曰夷。泰通泰也。恬虛寂泊。甚自空淨耳。九流於是乎交歸。九流者。謂道流。儒流。

墨流。名流。法流。陰陽流。農流。縱橫流。雜難流。亦云小說流也。言此文字語言。皆是佛說並會涅槃。故云交歸。此即金剛經云。是故如來說一切法皆是佛法。此之謂也。衆聖於是乎冥會。上句會法。則無法不會於涅槃。此句會人。亦無人不曾於茲道。是故如來說一切人何是聖人。故大品云。佛即衆生。衆生即佛。故云衆聖於此乎冥會耳。斯乃希夷之境太玄之鄉。希微夷坦。境界。太玄。幽。鄉域也。涅槃微而坦。大而幽。何界域之不遍。故云夷境玄鄉也。而欲以有無題勝。下。涅槃言語道斷。而欲以有無題勝。名目。標指方域。其可得乎。不亦邈哉。而云爾者。不亦遠矣。故云邈哉。邈遠也。

嚴體第一。嚴實也。責嚴涅槃之體。故云如此也。有名曰夫名號不虛生稱謂不自起。有名是難難家謂。涅槃應有名字。不得言無也。此兩句一意。皆明有因緣。故有名耳。蓋是返本之真名神道之妙稱者。中本起經云。一切諸法本。因緣空無主。息心達本源。故號為沙門。今言反本。是達本源也。神道謂神妙之道也。謂如來大覺始興。佛初成道也。法身初建。始得五分法身。戒定智慧解脫解脫知見也。深八解之清流。以八解為之清流。而澡浴也。內有色相外觀色。一解脫也。內無色相外觀色。二解脫也。淨解脫身證。三解脫也。空處定。四解脫也。識處定。五解脫也。無所有處定。六解脫也。非有想非無想定。七解脫也。滅盡想定。八解脫也。出大品等經。慈七覺之茂林。以七覺為茂林。而憩息也。擇法覺分。精進覺分。念覺分。定覺分。喜覺分。捨覺分。除覺分。分爲七。亦出大品涅槃等經。蕩無始之遺塵。無始已來遺餘塵垢。所謂習氣也。三明鏡於內。內心也。天眼宿命漏盡明也。神光朗於外。外謂法界也。結僧那於始心。僧那僧涅。此梵語也。翻爲四弘誓願。初發心時。先弘此願耳。終大悲以赴難。終以大悲之心。赴救衆生之苦難也。仰攀玄根。仰求玄理之根源也。俯提弱喪。俯下也。提接也。言大聖下接微弱將喪之衆生。故云俯提弱喪也。超邁三域。獨踰大方。邁越也。超過也。踰踐也。三域三界也。大方大乘也。啓八正之平路坦衆庶之夷塗。啓開。開八正耳。正見。正思惟。正語。正業。正命。正精進。正念。正定。爲八也。出大品涅槃等經耳。衆庶衆生也。夷塗猶上平路也。騁六通之神驥。廣雅云。騁奔也。字林云。騁千里馬也。以六神通之俊驥而馳騁也。天眼耳他心宿命如意漏盡。爲六通也。乘五衍之安車。衍梵語云。摩訶衍。摩訶大也。衍乘也。言五者五乘。人乘。天乘。聲聞乘。緣覺乘。佛乘也。此之五乘。入如來乘。皆名爲大。故乘五衍也。言安車者。曲禮云。大夫七十而致仕。則安車賜之以几杖。適四方時即乘安車。自稱曰老夫。注云。安車者坐乘也。若今之小車耳。玄湜問曰。佛既乘彼大乘。只可喻以大車。今云坐乘如似小也。何耶。代疏主答曰。既稱老夫。老必大也。以人攝乘。人大乘大。既大且安耳。言餘乘未安。故諸佛乘爲安車也。亦如前五衍

義。小乘入如來乘。皆名大乘也。經曰。是大乘安隱快樂。即其義也。此是中道。非如曲禮耳。至能出生入死與物推移。應物之生爲出。出生也。應物之滅爲入。入死也。進退隨同世間。故云與物言推移即進退也。治惡治也。施施設也。化母正道能育萬物。如子從母而生。千變萬化。不出道體。佛盡其源。故云化母也。玄樞者。玄謂幽玄。樞樞要也。謂至理幽玄。教門樞要。佛窮盡之耳。廓虛宇於無疆。開廓法宇。無有疆界也。如華嚴蓮華藏莊嚴世界海是也。曜薩雲以幽燭。薩雲梵語也。此云一切智。照燭幽暗。故云燭幽。亦法光潛照。故云燭幽也。將絕朕於九止。將欲也。絕滅也。朕迹也。九止謂九居也。欲界中除三惡趣。取入天爲一。四禪中除第四禪。取前三禪爲三。無想天爲一。四空爲四。合九居也。九類衆生居止之處。爲九止耳。玄提謂曰。既云除第四禪。復云無想爲一。此豈非被四禪天乎。中詳之。永淪大虛。長沒虛中也。而有餘緣不盡餘迹不泯。餘緣謂所應化度衆生也。餘迹謂有餘身迹。未亡泯也。玄提謂。此諸語皆是前九折家之難詞耳。難意云。既能廓虛宇曜薩雲將絕朕。如此即令淪同大虛。迥無一物。何得復有衆生未度。餘緣不盡也。佛身尚存。餘迹不泯也。若直讀疏。都不見折難之意。今指出其文。似如可解。幸鑒者詳之。如錯勿哂也。次疏業報猶。唯聖智尚存。魂者身之主。既有其身。必有餘業。業必須受。受之曰報。如木槍償對食馬麥等。是謂業報之事。尚如魂魄魂魄必存身中。有身有魂。即令招業。故云業報猶

魂耳。猶如也。故下句云聖智尚存。存在也。佛既有智慮猶存。即知業不可忘也。亦折難之詞耳。玄提意。經曰陶練滓穢如練真金。練金之法。水中陶汰。鑪中冶鑄。言衆人陶練塵滓如此也。無餘者下。翻上有餘。即無餘也大患莫若於有身。身患最大。若如也。故云莫若也。智動最先。故云莫先也。滅智以淪虛。謂淪沒同於虛空也。脩塗脩塗長路也。弗已無止也。經曰智爲難毒形爲桎梏。智慧難好。終勞神識。如食難毒。終能害身。說文云。桎足械也。梏手械也。文云。桎械桎梏皆身之具。淵默以之而達患難以之而起。淵深也。默寂也。言有身有智。則分別患難由之而生。至於幽微之道。則遠遠也。故云淵默以之而達。患難以之而起耳。灰身滅智捐形絕慮。捐棄也。言身既如此。患難須斷滅。令同灰塵衆絕智慮。使無患累耳。內無機照之勤外息大患之本。內若無智。則無機動之心。亦無照察之慮。外若無身。則無寒暑之患。亦無資費之勞也。超然與群有永分下。謂鑒知諸法性本自空義。如超超然與群有長別。其實不別。不別者何。蓋色即空。空即色也。對凡未解。似若永分。聖鑒體之。豈唯無色。空亦無也。寂焉無聞。無音聲故不可聞。無萌兆故不可見。莫知所之。不知所適也。其猶燈盡火滅膏明俱竭。涅槃第九卷云。一闍提人。見於如來畢竟涅槃。猶如燈滅膏油俱盡也。然則有餘可以有稱下。結難也。謂有餘涅槃可名爲有。無餘涅槃可名爲無也。忻尚於沖默。愛重空者。聞無餘則

欣喜貴尚而求之也。彌仰於聖功。愛重有聞有餘則信仰功德而求之也。斯乃典語之所。以垂文下。典籍語訓。垂布文理也。謂諸大乘經。群聖行路。故云軌軌軌者作車之法。轍謂車之轍迹也。使夫懷德者自絕下。懷德者。聞涅槃非有。則不求也。宗虛者。聞涅槃非無。則不學也。自絕者。謂無心求。靡託。謂無託。無託心處也。無異杜耳目於胎藏下。杜塞耳目於胎藏之中。而責有辨。宮商不可得也。掩玄象於雲霄之外。而令辨玄素不可得也。玄象謂天象也。玄黑幽。幽然也。素白也。而論旨竟莫知所歸。不知何所明也。幽途故自蘊而未顯。道理蘊積。故未顯明也。靜思幽尋寄懷無所。無安懷抱處也。豈謂不謂也。明大明於幽室。衆生暗昧如冥室。今作此說。非謂朗冥室令其見也。衆生無知無聞。今作此說。非是奏玄響令聞也。小雅云。奏詣皆進也。位體第三。尚書云。位次也。如階品次高下不同。今明涅槃體相次第。故云爾也。無名曰。無名是答。答家明涅槃本無名字。故曰無名也。蓋是涅槃之外稱下。涅槃正體非有非無。言有言無。乃是應物。云假名。故云外稱也。而存稱謂者。封名志器像者。存稱謂者。謂著名字人也。志器像者。謂著形相人也。封執。耽耽著也。名也。極於題目下。言名字者。但能遊在於題目之內。已外不能名也。形但盡在於方圓之內。降此之外本能形也。方圓有所不寫下。言方之與圓。不能圓寫得非方圓之法。題目亦不能傳得非題目之法也。焉



可以名於無名下。焉可者不可也。無名者，非題目法。無形者，非方圓法。所謂涅槃也。難序云有餘無餘者下。前難中所序有餘無餘也。信是權寂致教之本意下。謂序有餘，是權教意。所序無餘，是實教意。權謂顯也。實謂隱也。但未是玄寂絕言之幽致下。玄寂謂寂滅真理也。環中空也。術者道路也。韓子云：棄灰於術者，斬指。此古法也。子獨不聞正觀之說下。二經是正觀文也。然則聖人在天下寂漠虛無下。言聖人應物如此也。無執，謂無所執著也。無競，謂不與物競也。涅槃云：世智說有，我亦說有。世智說無，我亦說無也。即其事耳。譬猶幽谷之響明鏡之像。此二喻喻後，不喻前也。不知所以來而來，不知所以往而往也。恍焉而有下。此亦是來往義也。動而逾寂，逾越也。越動越寂，越隱越彰也。變化無常，言不恒也。其為稱也因應而作。謂因應化故有稱謂動作耳。然則有無之稱本乎無名。本是無名，從應化故方有有無之名耳。無名之道于何不名。于於也。雖曰無名，無所不名種種名也。是以至人下。明種種應現也。原夫能天能人者，原本也。若實是人，則不能為天。若實是天，則不能為人耳。果以非天非人而能應化人天耳。其為治也。謂聖人治化世間也。應而不為下。雖應化而終無心有所為作固事。而為無所施設也。施莫之廣，廣施設也。為莫之大，言大聖凡所施為，人天六道小聖小賢，更莫能加莫能過。故云施莫之廣為莫之大也。返於小成，返在小也。歸于無名，返

歸無也。經曰：菩提之道不可圖度下。此是修行道地經文也。然則涅槃大道下。結歸非有非無耳。而惑者下。非惑計也。豈足以勝玄道而語聖心者乎。不得以有無邊見。題勝涅槃之道。語般若之心也。題謂名題。勝者勝示。言涅槃無名。不可如此而得耳。意謂至人寂泊無兆下。通示至人之相也。隱顯同源者。謂隱顯無別。即如下說也。何則。佛言吾無生不生下。無有生處。而不受生。此大品經文也。彼具文云：菩薩終不受胞胎。終不受五欲。無生不生。終不為生法所污。今加以無形不形。唯生言之耳。以知存不為有者。此結不有也。以此文證。故知存不為有也。有本云：以知存不為有。更加亡不為無者。非也。亡不為無。自在後文。不闕此段也。經言菩薩入無盡三昧。此下方明亡不為無耳。此經未詳。又云入於般涅槃而不入於涅槃。此涅槃經文也。彼云般涅槃時，不般涅槃耳。以知亡不為無者。此句始結不無也。以此經文。故知亡不為無耳。亡不為無雖無而有下。此兩句但覆疏非有非無耳。然則涅槃之道。果出有無之域。絕言像之徑為句也。果決定。定出有無之域。定絕言像之經也。斷矣者。判斷分明。可得知矣也。子乃云下。非前說也。無乃乖夫神極。無乃乃也。無乃乖者。意言乖也。經曰：法身無像應物以形下。形現也。緣境也。萬機頓赴而不撓其神。言聖應感之道。一時適赴萬緣。心神不撓亂。說文云：撓字撓音。文字集略云：撓者曲行也。一時各對千難。而思慮無所撓濁也。動

若行雲止若谷神。行雲雖動而無心。谷神雖止亦無心也。謂山谷之神。老子谷神不死。是謂玄化。謂能養神。如山谷之神。則不必死也。注云：谷養神者。非也。無器而不形。有緣皆現也。無感而不應。有扣皆應也。然則心生於有心。衆生有心感之。則現形像耳。故金流而不燥者。莊子云：至人也。物莫之傷也。大浸稽天而不溺。大旱金石流。土山焦而不熱。今言不焦即不熱也。日用而不動。老云：用之不勤。勤勞也。紛紜自彼於我何為。紛紜緣自紛紜也。聖人常靜。我者聖人也。所以智周萬物而不勞。聖智通達萬物。何所苦勞者。為無心也。身形應八方而無患者。為無身無我也。益不可益損不可虧。欲益之而不可益。欲損之而不可損也。寧復痼病中達壽極雙樹。痼病也。達道路也。爾雅九達謂之達。雙卷泥洹經云：佛將涅槃。向拘尸國。中路患病。後至雙樹。遂即涅槃。今言何有斯理也。涅槃經云：佛正說法。至第十卷。中途現病。此亦痼病中達也。靈錫天棺體無焚燒。佛涅槃後。疊纏綿絮。入金銀槨。次銅次鏡。盛滿香油。以火焚之。此是轉輪聖王之法。故云天棺也。焚燒皆燒也。而惑者居見聞之境。尋常耳目見者。見滅燒盡。大謂聖亦然耳。尋殊應之迹。尋達事迹。有謂言定有。無謂言定無也。秉執規矩以擬大方。賈逵注國語云：秉執也。規圓矩方也。大方謂大乘也。老子云：大方無隅。何得執規矩以擬諸耶。欲以智勞至人下。謂有智為勞。有形為患也。捨有入無。因以名之。捨有為入無為。名

涅槃也。故云因以名之耳。豈所謂探微言於聽表言微言深妙。可以意得。玄根沖遠。可以理宣。執言取相者。此非探微言於視聽之表。拔玄根於虛無之境也。

徵出第四 徵責涅槃出有無外。故云徵出也。有名曰夫渾元剖判萬有參差。剖開也。判分判也。老子云。有物渾成。先天地生。謂之爲道。今言渾元。即斯道也。易云。天地未分。謂之大易。元氣始萌。謂之大初。氣形之端。謂之太始。形變有質。謂之大素。質形已具。謂之太極。形氣既分。曰兩儀。以人參之。曰三才。今言參差者。即三才之間。萬有諸法如此也。有既有矣。不得不無下。言有法終歸於無也。必無因有耳。所以高下相傾。舉體例。皆相待有也。此自然之數者。言理極數自然矣。數極於是。理數極此也。化母所有理無幽顯。化母道也。育養也。若幽若顯皆道生也。恢詭譎怪無非有也。恢大也。詭戾也。譎乖也。怪異也。今云。此等諸法皆是有也。詭譎字。或有從心者。字林爾也。有化而無無非無也。有變化即成無也。然則有無之境理無不統。理皆統攝諸法也。經曰有無二法攝一切法。此是諸經大義也。虛空謂太虛也。數緣盡。以智數斷煩惱惑盡也。非數緣盡。謂不由智數。自然而斷者。如須陀洹人。初得果已。三惡道業自然而盡。不由智數斷之令無。智所斷者。謂五見及疑也。數緣盡即涅槃也。此言涅槃是無爲法。不得非無也。數責數也。爲定是有。爲當是無果。若無也無則無差。若定是無。無則無別。

同無爲之無也。總而括之即而究之。雙論有無兩法也。無有異有而非無下。異有即是無。異無即是無有也。而曰有無之外可有妙道下。非前說也。吾聞其語矣。雖聞此語。心未信矣。

超境第五 超謂超越。境謂境界。明涅槃之法。超越有無之境界也。無名曰有無之數。誠法無不該。誠信也。該括也。統攝也。然其所統俗諦而已。而有無之法。但攝俗法也。經曰真諦何也下。此是引經文。或是釋經語。引經文者。通真俗兩句。皆是經文也。釋經語者。經言真諦者。涅槃是也。經言俗諦者。有無是也。何則有者有於無下。對明有無。皆俗法也。然則有生於無下。有從無生。無從有生也。有無相生其猶高下相傾。此直世間之事耳。然則有無雖殊俱未免于有。言有言無。皆俗諦有法也。此乃言像之所以形下。言必言於有無。像必像於有無。是之與非。皆因有無而起。或有以有爲是。以無爲非。或有以無爲是。以有爲非也。豈是統夫幽極。此之有無。既是是非之境。不得統攝涅槃幽極法也。良以有無之教止于六境耳。有無之數。但在六塵境界也。六境之內非涅槃之宅。故借出以祛之耳。六境既非涅槃。故云涅槃出有無耳。云言也。庶希道之流。庶冀望也。希冀慕也。勢窮謂近真而非真也。幽途謂玄道也。託情謂安心也。絕域謂至理也。得意亡言。取意棄言也。言者所以在意。得意亡言。吾安得亡言之人。與之言哉。體者解也。解其非有非無。明是中道也。

豈曰有無之外別有一有而可稱哉。不離有無。條然別有一妙有。謂之涅槃也。經言三無爲下。解前無爲難也。紛擾謂邪亂也。篤甚也。尤過也。絕有之稱莫先於無。破有要假於無。故說三無爲明涅槃。是數緣滅以破衆生有病耳。故借無以明其非有。借無爲名。明涅槃不是有爲也。明其非有非謂無也。但言非有。非即無也。

搜玄第六 搜謂搜括。玄謂玄妙。搜括玄妙之所在。故云搜玄也。有名曰論云涅槃既不出有無下。牒前語也。不在有無則不可於有無而得之下。定宗也。求之無所使應都無然復不無其道。既無定求之處。則應都無涅槃。而復不得云無涅槃也。其道不無則幽途可尋。言幽玄途略可尋求耳。所以千聖同轍。千聖言多佛。多佛謂諸佛。諸佛皆同此轍。轍車轍喻正道也。諸佛皆遵此轍。無有虛返。虛返者。謂前無涅槃。然後却返也。其道既有下。既有涅槃之道。而復言其不出不在。必應有意願欲聞也。

妙存第七 非有非無。是謂妙有。故云妙存也。無名曰夫言由名起下。言因名字。名字因體相也。相因可相無相無名也。若以義分之。則因可相屬前科。謂相貌因可相而立也。無相無名下。覆遣前語。諸法無相。是故無名。以無名故無言說。以無言說故不可聞也。若以文勢讀之。則相因可相。無相無名爲句也。經曰涅槃非法非非法下。涅槃十九云。如來涅槃非有非無。非有爲非無爲等。今述彼大意。

也。子欲聞之耶。而汝欲聞。當爲說也。小雅云。而如汝乃。爾若皆汝也。雖然善言有云。此大品經文也。庶述其言亦可以言。汝既望述其言。今亦可以言說也。淨名曰不離煩惱而得涅槃。此是彼舍利弗章中語耳。天女曰不出魔界下。即淨名天女語也。彼云佛說癡癡癡性。即是解脫。解脫佛界也。癡癡癡魔界也。然則玄道存於妙悟。若然者。妙悟即見道也。妙悟存於即真。知即俗是真是謂妙悟也。即真則有無齊觀。既知即俗即真。即有無齊一。同實相也。齊觀即彼已莫二。既能齊觀。則此彼何別。已此也。所以天地與我同根。同一道根也。萬物與我一體。同一道體也。同我則非復有無。既知同矣。更無有無之別也。異我則乖於會通。若言萬物與我異者。則不能會通也。所以不出不在下。正以萬物無別故。道在其中。體之則不出。惑之則不在也。何則。夫至人處。心默照下。釋所以不出不在也。虛心者無執。默照者潛通也。妙理皆盡。故無不統耳。懷六合於胸中下。四方上下六合也。明見六合於心中。而心智有餘力也。明見萬有於心中。而心神無滯執也。至能拔玄根於未始無始已來。玄理根源。而能拔出。又如群動即靜也。恬淡淵默妙契自然。恬淡靜也。淵默如淵之澄靜也。妙契謂妙悟也。自然謂天然之理也。所以處有有居無不無。處有有同有也。居無不同無也。居無不無故不無於無下。居無不同無。亦不無於無也。處有不同有。亦不有於有也。故能不出有無。而不在有

無。正以處有有故不在有中。不有於有故不出有中。居無不無故不在無中。不無於無故不出無中耳。然則法無有無之相下。若然者。則知諸法無有無之相等也。無有定有定無相。無有定有定無知也。聖無有無之知故則無心於內下。心是內法。數是外法也。此彼寂滅物我冥一。此謂內心也。彼謂外法也。物我亦是內外彼此也。泊爾無朕乃曰涅槃。寂泊無迹也。圖度絕矣。言不可測度也。容可責之於有無之內下。何容可責於有無之內求涅槃也。又可徵之於有無之外。容字貫下句。何容復可問有無之外微涅槃乎。

難差第八 史記云。言論相拒。謂之難。今難三乘三位兩種差別。故云難差也。有名曰涅槃。既絕圖度下。領前言也。斯則窮理盡性下。窮盡至理究竟物性也。理其然矣。謂其理實然。無有差別也。而放光云三乘諸道。大品經文也。金剛般若亦云爾也。佛言。昔我爲菩薩名曰儒童。於燃燈佛所已入涅槃。儒童之名。諸經散說。已入涅槃。是法華文。彼云。於此時問。我說燃燈佛等。又復言其入於涅槃。今所引者。義意與法華有別。法華燃燈佛涅槃。今引言儒童涅槃。恐是舊經翻譯有異也。於七住初獲無生忍。關河大德。凡言住者。皆是地也。儒童菩薩見燃燈時。位當七地。得無生忍也。進修三位者。謂八九十三地也。若涅槃一也。則不應有三下。雙難前三乘之三。及三位之三也。如其有三則非究竟者。若有三乘。若有三位。明知未究竟之道。下既云究竟。何

有昇降之殊。昇謂高昇。降謂降下也。衆經異說下。諸經各說不同。何爲耶中正耶。

辨差第九 辨別也。分別三乘差別。故云辨差也。至於三位差別。下第十四章中重難第十五章中方答耳。無名曰然究竟之道理無差也。言究竟之道。實無差別也。法華云下。引正法華文也。以俱出生死故同稱無爲。皆同無爲。而有差別也。所乘不一故有三名。隨其所乘之因不同。故有三乘之果耳。結其會歸一而已矣。結論終歸同一無爲也。此以人三三無爲非無爲有三者。以三人分無爲成三耳。無爲無三也。故放光下。說聲聞結盡。習不盡已來。通是經文也。請以近喻。將事顯理也。如人斬木。斬去一尺。一尺在木。不關虛空。斷除煩惱亦復如是。但在於人。不關無爲也。夫群生萬端下。明根性不同。大小有異。深者大淺者小。厚薄亦然。所以俱之彼岸下。之適也。小雅云。造之如往適也。彼岸豈異自我耳者。彼岸不異。異自三人也。衆經殊辯其致不乖也。經說同一無爲。復云三乘差別。以解脫是同。故云同一無爲。以斷結有異。故云三乘差別。言雖有異。理致不乖也。

責異第十 責三乘之異。故云責異也。有名曰俱出火宅。則無患一也下。法喻雙明也。三子俱出火宅。三乘同出生死也。而彼岸無異。異自我耳者。牒前言也。若我即無爲下。若一則人法無別。不得言法同人別也。若我異無爲下。若異即人法全別。不得言人會無爲也。無爲自無爲下。明所以異不同是一。

故曰不通也。然則我與無爲下。雙結一異兩關也。二則不合有三乘。異則不得有一乘也。三乘之名何由而生者。一異兩關。既無有三。何得有三乘名字耶。

會異第十一 會釋三乘之異。故云爾也。無名曰夫止此而此下。此謂有爲。彼謂無爲。在有則同有。在無則同無也。所以同於得者得亦得之同於失者失亦失之。老子云。得者同於得。失者同於失。同於得者得亦得之。同於失者失亦失之也。而在有同有在無同無。事如在得同得。在失同失。所言得失者。則善惡是非等也。我適無爲我即無爲者。定宗也。無爲雖一何乖不一耶。法雖是一。不妨人自不一也。譬猶三鳥出網下。此喻分明歷然可見也。如是三乘衆生下。合喻分明也。樊者籠也。莊云。雉十步一啄。百步一飲。不斲者平樊中。郭注云。斲求也。樊所以籠雉也。今以惑妄樊籠繫衆生。如雉在于籠也。然則我即無爲下。我謂三乘人也。無爲謂三乘法也。所以無患雖同下。覆明前法喻兩種同異也。并虛有遠近。明三鳥異也。幽鑑有深淺者。明三乘異也。無爲即我。我即無爲也。既雙明法喻。此類可知也。今結答意。偏明法耳。無爲涅槃。即三乘人。三乘人亦即無爲涅槃更無別也。此非我異無爲。明所以有三也。

詰漸第十二 詰責也。漸消也。出廣雅。今詰三乘漸斷煩惱。不能頓盡也。有名曰萬累滋彰本於妄想。滋彰多也。老子云。法令滋彰盜賊多有。而本由妄想。所以萬累多也。妄想

既祛則萬累都息者。祛遣也。有本作去。亦是除遣也。二乘煩惱盡。故云得盡智。菩薩得無生法忍。故云得無生智也。二乘得盡智。結縛永除。菩薩得無生智。妄想都盡。結縛既除。心則無爲者。悟無爲也。心既無爲。理無障礙。若悟無爲。則於理明見無障礙也。經曰。是諸聖智不相違背。不出不在。其實俱空。此大品經習應品文也。二乘但出。即不在也。菩薩之人。不出世間。知諸法皆空故也。又曰。無爲大道平等無二。此正法華文也。既曰無二。則不容異心。法既無二。體法之者。不應心有異也。不體則已。體應窮微。已止也。若不體止而不論。既論體悟。則應窮盡微。妙也。而曰體而不盡。是所未悟也。難前以未盡無爲。故有三也。所未能解。故云未悟也。

明漸第十三 明三乘漸悟。故云爾也。無名曰。無爲無二。則已然矣。無爲之中。無有二法。已如前說也。結是重惑下。結謂煩惱。煩惱重惑。而言頓盡。不解此也。經曰。三箭中的。三獸渡河。此譬婆沙論文也。名論爲經。故云經曰。如迦旃延造發智論。名發智經也。三箭謂三人射箭也。的即渡齊也。三獸謂象馬兔也。中度無異。下。三箭皆中。中無異也。三獸皆渡。度無異也。獸力有不同。故入的有淺深。入水亦有淺深耳。三乘衆生下。合喻也。十二因緣如河津也。四真諦法如射的也。絕偽即真。同昇無爲。斷煩惱結。故云絕偽。證悟涅槃。故云即真也。昇高昇也。然其乘不一。三機不同。故所行之法各別也。夫群有雖衆。然其量有

崖。萬有非一。故云群有。雖云不一。終有涯畔也。正使智猶身子下。正猶身子之智滿願之辯。不能知群之畔齊。況虛無而能頓盡乎。書不云乎。言爲學日益。謂漸益知見也。爲道日損。謂漸損學華也。損謂損折耳。爲道者爲於無爲者也。修無爲道。故名爲道也。爲於無爲而日日損。修無爲道。而言漸損也。此豈頓得之謂。此不謂頓損。故云漸損也。要損之又損之。以至於無損者。損之更損。然後都盡。無可頓損也。經喻螢日智用可知者。維摩云。無以日光等彼螢火。今言佛智如日。聲聞如螢。何能頓除煩惱令盡。即同佛耶。所以優劣不同。故有三乘之別耳。

譏動第十四 譏判菩薩進修涉動。故云如此也。此章乃是前第八難差章中之義。今更發起。然後答也。有名曰經稱法身已上入無爲境下。七地已上菩薩悟無生忍。得法性身。心形如此。何得云儒僮菩薩進修三位。廣積衆德耶。夫進修本於好尚下。進修爲有好尚之心。積德謂有涉求之意也。好尚則取捨情現下。取捨捨劣。有損有益也。既以取捨爲心下。若有此心。則非寂滅也。此文乖致殊下。謂取捨寂滅。兩文乖異。理致殊別。而今會在一人之上。事如指南爲北。曉悟迷人。不可得也。

動寂第十五 動即是寂。故云動寂也。無名曰。經稱聖人無爲下。聖人自在。無爲即爲。爲即無爲也。無爲故雖動而常寂下。雖動常寂。故曰無爲。雖寂常動。故無不爲也。物莫能一

者。人不能令其常寂也。物莫能二者。人不能令其常動也。逾動逾寂者。雖動常寂。故越動越靜也。逾寂逾動者。雖寂常動。故越靜越動也。所以爲即無爲下。以動而常寂故爲即無爲也。動寂雖殊而莫之可異。雖異不可言異也。道行曰心亦不有亦不無。此謂聖人心也。不有者下。擇上不有不無也。何者有心則衆庶是也下。衆庶謂衆生。庶品衆也。衆庶止於妄想下。衆生止有妄想心。大虛無鑒照也。豈可以止妄想下。不得以衆生之有大虛之無爲無生之道般若之心也。是以聖心不有不可謂之無下。明聖心也。不有不於有。不可即言無。下句反此也。不有故心想都滅下。既云不有明知無心想也。既云不無。明知契妙理也。理無不契故萬德斯弘。既契妙理所以修德齊物。既滅心想所以忘己無我也。所以應化無方下。復明動寂不二義也。經曰心無所行無所不行信矣。聖心如此。何不信也。儒僅曰昔我於無數劫下。此是當得記時之言。言今施華知空。故名施耳。又空行菩薩入空解脫門。此智度論文也。言今行空。不應取證也。然則心彌虛行彌廣下。第二正答也。七地已上。心益空行益大。何得不進修耶。是以賢劫稱無捨之檀者。賢劫經第四云。一切諸法無有與者。是曰布施也。成具美不爲之爲者。彼經云。不爲而過爲也。禮典唱無緣之慈者。彼經廣明無緣大慈義也。思益演不知之知。彼經云。以無所得故得。以無所知故知也。聖旨虛玄殊文同辯。旨意也。諸經殊文同辨聖

意。動即寂也。豈可以有爲便有爲下。言不可也。菩薩住盡不盡平等法門下。維摩經也。而以南北爲喻下。非前難耳。

窮源第十六。窮涅槃之根源。故云如此也。有名曰非衆生無以御三乘下。謂人能御法。因能成果也。然必有衆生下。既云人能御法。則先有人。既云因能成果。則後有果也。是則涅槃有始下。學而始成。故有始也。而經云涅槃無始無終。若虛空者。無始終則不生滅。如虛空則常住也。若如虛空下。虛空不可學成涅槃何得然耶。

通古第十七。涅槃之法。古今同一。故云通古也。無名曰夫至人空洞無像而物無非我者。字林云。洞音動。疾流也。比來學者。皆作同音。空故無象。故以萬物爲己體也。會萬物以成己下。聖人無體以萬物之體爲己體耳。何則非理不聖下。非悟理不成聖。非聖人不悟理也。理而成聖者。既悟理成聖。則聖與理不異也。譬公此言。妙盡幽極也。故天帝曰。大品文也。又曰見緣起爲見法性。大品大集皆有此文。斯則物我不異之効者。十二因緣即是。明知萬物不異己體。以此文爲効驗也。所以至人戢玄機於未兆者。戢謂欽也。戢

一去來以成體。知三世同體也。言聖人以此三世萬物爲體。無別體也。故物不遷云。道遠乎哉。觸物而真也。即三世萬物耳。真者物性即無生。無生即真。真即空也。聖人體此空理以成聖。故云成體也。古今通下。謂聖人知古今。終始不別。本末不二。浩汗然大均平。得此心者。名曰涅槃耳。亦可以古今終始本末等。法體平等。是大涅槃也。經曰不離諸法而得涅槃者。即維摩云。不斷煩惱而入涅槃也。又中論云。不離於生死而別有涅槃。又云。諸法無邊故下。此謂諸法與菩提同也。以知涅槃之道存於妙契。契會妙理。即是涅槃也。本乎冥一者。知萬法冥然一體。是謂妙契也。然則物不異我下。覆明不二也。物我玄會歸于無極者。物我同歸無極之理也。進之不先下。推進涅槃於先而不先。抑退涅槃於後而不後。既而不先不後。有何始終乎。天女曰。維摩文也。昔年謂舍利弗也。言汝得解脫有久近乎。解脫既無久近。我止此室亦無久近。今引此文。直明解脫無久近也。解脫涅槃也。久近始終也。

反立。文選詩云。戢翼希驥首。乘流畏暴鯨。言欲翼也。玄機謂聖人心也。未萌之事。未現無兆。至人欽心預見之也。藏冥運於既化者。冥運亦是聖心也。過去之事。已往無形。至人運心。却見之也。總六合以鏡心。觀現在也。四方上下曰六合。至人之心。皎明如鏡。照萬事耳。

考得第十八。考校得涅槃之人。故云考得也。有名曰經云衆生之性極於五陰之內下。此通說諸經大意也。然則衆生之性頓盡於五陰之內者。五陰盡則衆生盡也。又云衆生局在五陰內。故名爲盡耳。涅槃之道。獨建於三有之外者。涅槃出世間。故建立涅槃三界外也。邈然殊域下。一內一外。故曰殊域。既言殊域。故不得言衆生得涅槃也。果若有得下。

考得第十八。考校得涅槃之人。故云考得也。有名曰經云衆生之性極於五陰之內下。此通說諸經大意也。然則衆生之性頓盡於五陰之內者。五陰盡則衆生盡也。又云衆生局在五陰內。故名爲盡耳。涅槃之道。獨建於三有之外者。涅槃出世間。故建立涅槃三界外也。邈然殊域下。一內一外。故曰殊域。既言殊域。故不得言衆生得涅槃也。果若有得下。

若定言衆生得涅槃。則有衆生五陰外。而言其得也。若必止五陰下。若衆生局在五陰內。而復言得涅槃。則五陰不定無也。五陰若都盡下。五陰若盡。則無人得涅槃也。此結難之大意耳。

玄得涅槃第十九 雖得涅槃。乃是無得之得。無有定得。故云爾也。無名曰夫真由離起下。離著則成真。有著則成偽也。著故有得下。心中有著。則有所得。若離著反此也。而云無名者。無有得名也。是以則真者。同真則謂准則也。依真無著。則成於真。依偽有著。則成於偽也。子以有得爲得。故求得於有得者。此乃法僞同僞也。吾以無得爲得。故得在於無得者。此是則真同真也。且談論之作。必先定其本者。本宗也。既論涅槃下。依涅槃宗。而說涅槃也。若就涅槃以興言下。若就涅槃本宗爲言。則一切諸法。體性皆空。皆是涅槃真體。復何得耶。何者下。釋涅槃之真性也。妙盡常數者。不同諸法之數。亦可謂是五陰十二入十八界。亦得但是心數也。融治二儀者。融通天地。如鑄冶之鎔金。無不同也。滌蕩萬有者。洗滌除蕩。無不空也。均天下。明不二也。內視不見已者。內視涅槃。不見其已體也。返聽不聞我者。却聽涅槃。不聞其聲也。我者涅槃也。未嘗有得下。非二邊也。經曰涅槃非衆生者。此論凡所引經。乃有二體。一者標名。二者不標名。標者是經全文。不標者是諸經大況。未必全然多如此也。今此所引。是諸經之大況耳。維摩詰云至不復更滅。淨名全文也。此

明下。釋經意也。雖滅不滅。故言無滅耳。然則衆生非衆生下。已前皆是鑄冶總答。此下正答所難。明玄德也。衆生自空。故無能得之者。涅槃亦空。故無可得之者也。放光云。菩提從有得耶下。此引大品文。以明涅槃耳。從此至然。則都無得耶。答曰不也。皆是經文也。有謂有心。無謂無心。餘句亦爾。皆論心也。又以有所得爲得。無所得爲無得。餘句亦爾。又以有相爲有得。無相爲無得。餘句亦爾。又以有人法爲有得。無人法爲無得。餘句亦爾。都無得者。謂總無有法得如虛空也。是義云何者。既五句皆非。云何得耶。答曰無所得。故名得者。即以無所得。名爲得耳。亦以得無所得。名爲得耳。亦可直以無得。即名爲得耳。是故得無所得也。以是義故。雖得涅槃。亦無得也。亦可言得涅槃。得於無得也。無所得謂之得者。誰獨不然乎者。此句諸本不同。人多不解。遂加咸字。迷誤於人。今此本較然可見也。若以無得謂爲得。不以有得名爲得者。諸法皆無得。何人獨不得耶。然則玄道在乎絕域。故不得以得之者。此謂真諦也。真諦性空。與有乖絕。乃是無真之真。故有無得之得耳。妙智存乎物外。故不知以知之者。此謂般若也。般若玄妙。物像之外。乃是無物之物。故有不知之知也。大像隱於無形。故不見以見之者。此謂法身也。法身無邊。故云大像雖云大像。不見其體。故云隱於無形。既是無形之形。故云不可見而見也。大音匿於希聲。故不聞以聞之者。此謂一音也。一音說法。無有定聲。

故云希聲。雖云大音。不聞其聲。故云匿於希聲。既是無聲之聲。故云不聞而聞也。大像大音。語出老子。借文明意耳。至能括盡終古者。易坤卦云。括囊無咎。無聲。子夏云。括結也。謂涅槃之道。苞括終古。如括囊之盛物耳。終古者。終極上古也。道達群方者。道引通達也。群方萬方也。亨毒蒼生者。亨毒養育也。蒼生天生也。衆生是天之所生。故曰蒼生。疎而不漏下者。通謂上三句。皆不漏也。囊括終古。終古無遺。導達群方。皆盡。亨毒蒼生。蒼生不失。故總言不漏耳。老子云。天網恢恢。疎而不漏。借語以明涅槃也。汪哉洋哉者。毛詩注云。汪洋水盛大也。尚書注云。洋洋美貌也。何莫由之哉者。何物不由涅槃也。故梵志曰下。此八師經文也。此經一卷云。有外道。名耶旬。作此語也。無崖者。謂無邊際也。靡不成就者。謂能成就衆生也。靡不度生者。謂能度衆生也。然則三乘之路。開者下。此結涅槃論之大意也。涅槃是三乘之路。是真而非僞。是賢聖之道。無名之致。顯於此矣。又釋。此通結上來諸論也。三乘之論。路開。謂宗本也。真僞之途。辨。謂不還不真空也。賢善之道。存。謂般若無知也。無名之致。顯。謂涅槃無名也。

肇論疏卷下終

建長三年十月二十五日丑刻於戒壇院  
僧房一交了 三論末資汗道沙門聖守

# 肇論新疏卷上

五臺大萬聖祐國寺開山住持

釋源大白馬寺宗主贈郵國公

海印開法大師長講沙門文才述

始自好誦斯論亦粗玩其辭尙未能曉其理味以其心也及隸樊川之興教得雲庵達禪師疏又數年應寧夏命復獲唐光瑤禪師并有宋淨源法師二家註記反復參訂醇疵紛錯似有未盡乎論旨之妙夥矣且論之淵粹簡蘊見稱所自來其辭文其施辯非深入實相踞樂說善巧之峰者莫之爲之予固以爲開方等之巨鑰游性海之洪舟運權不之均車排異見之正說真一乘師子吼之雅作欲乎吾人之性學者先著鞭於此此而通則大方之理弗虞而妙獲者矣嗟呼姚秦迄唐二百餘載歷賢首清涼圭山賢聖之僧皆援之以斷大義獨不爲發揮其曲要以召方來致令諸說鑿柄紛綸莫知所以裁之之正乃因暇日謹撫諸先覺之說別爲訓解以授座下愧夫迫於緣冗每釋義引據弗獲課虛細以討求冀同衣同德之士恕以荒斐失而正之可也

論者謂假立實主決判甚深往復推微示物修悟故名爲論然有二種一者宗論宗經立義如起信唯識等二者釋論但隨經解釋如智論等今此四論是初非後後秦長安釋僧肇作通鑑說符健據關中國號大秦至苻堅末年姚萇篡立亦號爲秦故史家乃以前後字別之論主在後秦也長安即今西安釋謂釋迦即僧之通姓以如來姓釋迦氏故也安公創式遠叶阿含千古遵依迄今未替僧肇即論主之諱本傳略云京兆人歷觀經史備盡墳籍志好玄微每以莊老爲心要故歎曰美則美矣然其極神冥累之方猶未盡善後見舊維摩經歡喜頂受乃言始知所歸矣因此出家學善方等兼通三藏聞羅什在姑臧自遠從之什嗟賞無極及什來長安肇亦隨入姚興勅令入道遙圖詳定經論所著四論并註維摩經及製諸經論序並傳於世作猶製也造也義誠佛說論自已爲蓋作其辭而弗蘊其義也

兩分本屬法時本之義也本無實相法性性空緣會此五名諸經通有義雖差殊不越理事今始終相臨略而釋之初謂緣會之事緣前元無故云本無無相之相復云實相即此實相是諸法性故云法性此性性空故復云性空復由性空之理不離於事以理從事復名緣會謂因緣會集而有諸法或名緣集緣生等皆意在法也杜順和尚云離真理外無片事可得一義耳義依法顯法既理事一源義豈容殊不可取於五名計有五法各是一義此中以本從末唯末非本亦一義攝末歸本唯本非末亦一義若本末混融際限不分尤一義也若對下不遷釋之緣會物也本無等理也由一義故即遷而不遷所以爲下不遷論宗何則徵也一切諸法緣會而生若色若心因緣會集而後生起緣會而生則未生無有緣離則滅初句躍前因緣是因諸法是果因無果有無有是處此約前際後句既法自緣生有爲遷謝因緣離散諸法滅謝此約後際如其真有有則無滅眞謂眞實若法實有有應無滅法既隨滅知非眞有下論云夫有若眞有豈待緣而後有哉中觀云法若實有則不應無等以此而推故知雖今現有有而性常自空性常自空故謂之性空即末顯本也約前後際觀現在法既但緣集而生豈待緣離然後



方滅。以因緣非和即今常離。即今亦滅。色即  
是空其性本然。故即緣生是性空爾。清涼聖  
師云。緣生無性當體即真。

性空故故曰法性。真空是諸法之性。

法性如是。故曰實相。如是謂空也。空無相

故故名實相。

實相自無。非推之使無。故名本無。緣集之

法當體元空。如鏡像谷響不待推斥使令無

之。即此實相爲本無也。下論云。豈待宰割以

求通哉。此據小乘析色名空。上列名則從本

及末。此中推義則自末至本。然本末鎔融。非

前非後非一非異也。

言不有不無者。諸經論中多明四句。謂有

無亦有亦無非有非無。依法表德。不出此四。

又約破計遣謗亦有四句。謂非有非無非非

有。非非無非亦有亦無。今所據者。前之第四

及後之初二句。所以偏據此而明者。爲遣二

見故。遮示中道故。令心無住故爲下不真空

論之宗。

不如同也有見常見之有。邪見斷見之無耳。

初約破計以釋。佛性論第三云。一切諸見不

出有無二種。由有見故所以執常。於無見中

復有二種。一邪見。謂一切無因無果並撥三

世故。二斷見。謂唯有現在不信未來故。準此

因有生常。因無生邪斷之二也。故論雙叙之。

經中爲破此見而云不有不無。論叙云。不同

計有之見是常見之有。故云。不有不同計無

之見。是邪見斷見之無。故云不無。不如二言

實下邪斷。

若以也。有爲有常也。則以無爲無常也。有既不

有則無無也。約起滅釋也。初二句明相因

而起。但起一見一見隨生。如見牛有角謂鬼

無角等。故密嚴云。要待於有法而起於無見。

此所治之病也。後二句明相因而滅。苟治一

見一見隨亡。經中既云非有故亦非無。故密

嚴云。有法本自無無見何所待。此能治之藥

也。偉哉善巧曲盡經旨。

夫欲存也。無以觀法者。可謂識法實相矣。

是謂雖觀有。而無所取相。約觀行釋也。法

即緣生諸法。謂從緣雖空不可存無以觀。無

則三學六度與五逆十惡空而無果。由非無

故一切法皆立也。不取相者。謂緣起雖有亦

不可取相以觀。取則有爲生滅行何契真。由

非有故心不住相。建一功立一德靡不合道。

如斯見法方識實相。實相之言在上義屬於

下。即中道佛性觀也。此中意趣無邊不能繁

叙。如涅槃及止觀等說。上三義釋名。前二離

過後一處行。

然則法相爲無相之相。聖人之心爲住無所

住矣。法相者。所觀之境屬前實相也。既非

有無何有相狀。且對無住之心。義言相爾故。

云無相之相。聖人等者。能觀之心得無分別。

俱名聖人。然地前修真如三昧者。亦許微行

雙照有無名住。既不存無。又不取相即住而

無住也。性宗修人雖具縛凡夫。苟有夙熏誠

可留心。今舉聖心令人慕式也。

三乘等觀性空而得道也。性空者。謂諸法實

相也。等謂平等。道謂自乘菩提。所以約人

辨者。恐疑實相之外別有三乘異證。而不知

三乘機隨隨熏有差所觀性空無異。故身子

云。我等同入法性。佛讚迦葉同一解脫。亦如

三獸渡河河無異水。

見法實相故云正觀。若其異者便爲邪觀。

正邪二觀諸經通說。今約實相辨邪正也。大

論云。除實相外餘皆魔事。

設二乘不見此理。則顛倒也。此有二說。一

則只是三乘中二乘。意云。設若小乘不見性

空之理。則亦顛倒不克果證。以二乘但見無

常。不見於常是顛倒故。此則大小形對可說。

小且尙耳。況大乘耶。二則前云三乘。乃通教

所被學法空者。故同觀實相爲正觀。今此二

乘乃藏教所被愚法者。意云。設若愚法二乘

亦須觀性空之理而取證。若不見此理則顛

倒故不證。大疏破有教引成實云。我今正明

三藏中實義。實義即空。清涼鈔云。不可不見

實義而得道也。以生空亦雙空之一分。又何

太異。故前云等觀。

是以三乘觀法無異。但心有大小爲差耳。

所趣實相唯一。能趣根宜成異。器有廣狹智

有淺深。運有自他進有迂直證有單雙。此則

差在於人不在於法。

滙和般若者。大慧之稱名也。雙牒其名通

屬其體。智論第十八云。摩訶般若者。大慧。

滙和者。此云方便。一念兼之故名大慧。二乘

孤慧獨顯慧而非大。爲下般若一論之宗。

見法實相謂之般若。能不形也。證滙和功也

初二句明得名。由見實相故名般若。後二

句見而非證。直由大悲導智。令不證空出二乘也。淨名云。無方便慧縛有方便慧解。以無悲之智醉寂滅酒。墮無爲阮故。

適往也。化衆生謂之滙和。不染塵累。去聲。般若力也。亦初二句明得名。由化衆生故名方便。後二句化而不染。復由大智導悲。令塵不染。異凡夫也。淨名云。無慧方便縛有慧方便解。以無慧方便投愛見網。沒有相林。故塵謂五欲塵境。累謂生死過患。

然則般若之門觀空。滙和之門涉有。涉有而未始暫也。迷虛。故常處居也有而不染。不厭棄也。有而觀空故。觀空而不證。承前以即不滯也。初二句約觀空有以分權實。涅槃爲空生死爲有。後四句正顯不滯。以二智雙融之一心。觀空有無二之真諦。如觀色是有色即空。故豈曾暫然而迷性空。以不迷空。所以常居有境。塵不能染。下句反此可知。是謂二諦相符。二行相資。如車二輪。猶鳥二翼。翔空致遠。互缺無能。由空門出生死入涅槃。由有門建佛法化衆生。然理量無二生混一如故。不滯空而有也。

是謂一念之力權慧具矣。一念之力權慧具矣。念謂慧念。言一者極少時也。權謂權智。即前方便。慧謂實智。即前般若。謂少時一念二智俱備。再言之者歎其智妙。好思歷然可解。歷然者謂理甚昭著。歷歷分明可領解也。

泥洹盡諸者。華梵雙出。古譯滅諸爲盡諸。盡義在下。此亦釋經而釋。爲下無名論之宗。

直結盡而已。結謂一切結使亦衆諸業。即集諦也。然約喻明。如世繩結最難解理。

則生死永滅。故謂盡耳。生死苦諦也。連前即三雜染亦名三障。此三種障更相由藉能障涅槃。今約治道總說云盡。若別說者。即十惡等業信位能滅。惑有本末。本即根本。不覺末即枝末。不覺。末中復有七類。謂三細四塵。生死亦二。一分段二變易。自地前三賢斷。龜中龜。又復觀察學斷根本無明。自見道中至七地時斷。龜中細。爾時分段盡也。自八地至盡地。斷黎耶三細根本無明。爾時變易亦亡。以此論宗於一乘。故唯依起信釋之。細示如彼。

無復別有一盡處爾。涅槃二十五云。涅槃之體無有住處。直是諸佛斷煩惱處。故名涅槃。等非如小乘以生死世間涅槃出世間。大乘但轉此三即涅槃。豈別標其方域耶。故本論云。排方外之談云云。何者。夫三德祕藏是大涅槃。但因翻此三障得名。謂惑能障於般若。惑盡而般若明。業能障於解脫。業亡而解脫明。苦能障於法身。苦謝而法身顯。故此三德但約障說。豈別有一盡處爾。又三德一體不並不別。如梵<sub>字</sub>雖四德圓常恒沙義備。一心融拂非相非名。尤可說云無復別有一盡處爾。以此爲宗無名已顯。物不遷論第一。物即緣會諸法。謂染淨依正古今寒暑等。不遷即性空實相等。以緣生之物本性即空。空即實相故。物皆皆不遷也。今約終頓二教之義。略示玄妙。初終教者。謂

隨緣之理起成諸事。即事同異故遷即不遷。此中曲有三門。一以理從事理亦隨遷。況事法邪。楞伽經略云。如來藏與因俱有生滅。又不增減經云。法身流轉五道云云。皆此義也。二以事從理事且不遷。況真理邪。仁王經云。煩惱菩提於第一義而無二故。諸佛如來與一切法悉皆如故。楞伽又云。五識身非流轉。三此二無礙同時銘融。非一非異。遷與不遷亦非前後。即涅槃婆羅婆鳥。淨名法無去來常不住故是也。清涼云。因乖常理遂成三界無常。苟悟無常之實。即無常常矣。下論大義皆是此理。後頓教者。謂法法本真妄見流動。若一念不生前後際斷。法非生滅非遷非不遷。仍名不遷也。華嚴云。一切法無生云云。若依歸峯略鈔解。緣生之法相同。遍計似生似滅。性同圓成不生不滅。亦終教意也。今此論中雙含二教。如下云。不釋動以求靜云云。又云。目對真而莫覺。夫生死滅也。交謝寒暑迭互也。遷。有物流動人之常情。將明遷即不遷之理。先陳迷倒不遷見遷之情。令忘情悟實也。初句舉所遷之法。通一切法生來死謝。死至生亡生滅相待。故云交也。次句舉能遷之時。通一切時迭遷可知。有謂緣有流動遷也。後句中義兼凡外。亦正爲權小以一形三。唯見無常不見即常者。皆常情淺見也。予我也則謂之不然。論主宗悟一乘善入實相。欲事常情故總斥之。何者。不許見遷必有教理。故總徵之。

放光云、法無去來無動轉者、即彼經第七卷中云、諸法不動搖故諸法亦不去亦不來等。法即緣集之物。以任持自體軌生人解。故去來動轉遷也。既云皆無不遷也。然實教了義多有此說法華云。世間相常住

尋夫不動之作豈釋捨也動以求靜。必求靜於諸動。必求靜於諸動故雖動而常靜。不釋動以求靜故。雖靜而不離動。初句舉經。但解動靜以例去來。動即遷也。靜即不遷。豈釋下會釋。次二句明不捨事動而求靜理。然動靜多體。且約心境略示。境者真諦理性故靜。俗諦事法故動。二諦相即故云不捨。意云。要證真諦之靜不離俗動。心者實智向真故靜。權智應俗故動。二智無礙故亦不捨權動也。後四句攝前以明即靜而動。亦通心境。以不捨事動而入靜。故正靜時正動。論中正唯理事。既云求靜不捨等。故兼二智然則動靜未始異。而惑者不同。動靜本一迷夫見異。世間與出世殊科。依計與圓成分處

緣因也使真言滯於競靜也辯宗理也途屈於好異。真言謂了義言證真實之教。宗途謂一乘宗途不遷之理。意云。動靜無二了義所詮三乘之人於無二法中而見兩異。保執權淺不信無二之道。好異之心發言爭辯。因此使令了義滯而不行。宗途屈而不伸。正同圭峯大師云了義匿於龍藏。叙此為起論之由也。然四論之作皆由排異。何者。不真空明斥三家般若論云。然異端之論紛然久矣。涅槃論

云。今演論之作。寂彼廓然排方外之談。故知皆緣異見而作

所以靜躁動也之極未易言也。競辨者兼好異者多。故言之難

何者微也夫談真則逆俗。順俗則違真。違真故迷性而莫返。歸也逆俗故言淡而無味。初二句明逆順兩違。體乎不二名真。執乎兩異名俗。若順法談一。則逆乎常情好異之徒。此則法不應根也。若順俗談異。則又違真一之法。此則根不達法也。後四句逆順皆失。謂莫二之真即性也。今既順俗談異常情。迷此真性不能歸於實所。若談真則俗情不入。反謂言淡無味。老氏云。道之出口淡乎其無味。緣使中人未分於存亡。下士無覺也。掌而弗不也。顧承前談真而來。意云。雖逆俗招無味之謗。只可談真使人返悟。不可順俗而令不入。上士聞真動而行之。中士聞真若存若亡。疑信相半。下士聞真則拍手大笑。反為淡泊不復顧慕。文出老書。故順而釋之

近而不可知者。其唯物性乎。初句事俗流動名近。即真不遷難知。後句屬體然不能自己止也。聊復寄真心於動靜之際。豈曰必然。試論之曰。然者。猶云雖然。中下疑笑。要使真言不滯。宗途大明常情悟入。欲罷不能。略復依言寄真一之心於動靜之際。未敢必是。但試為論之謙也

道行云。諸法本無所從來。去亦無所至。中觀論云。觀方知彼去。去者不至方。雙引經論立不遷之宗也。道行引其正文卷當第十。諸

法即物也。本謂根本亦元也。緣集而來何所從。緣離而去何所至。如善財問慈氏云。此樓閣何處去耶。答曰。來處去也。解云。欲明其去先知其來。來不見源去亦何所。譬如寒暑相代。寒自何來暑於何去。是謂諸法如幻如化。當處出生隨處滅盡。中觀下但義引彼破去來品卷當第二。然論極深細。今略示之。方謂去處彼即去者。論長行云。去法去者去處。是法皆相因待不得言定有定無。是故決定知三法虛妄空無所有。但有假名如幻如化。此論之意隨俗故知彼去。順真故不至方。斯皆即動而求靜。以知物不遷明矣。經論皆爾於理何惑。釋動求靜三乘之見也

夫人之所謂動者。以昔物不至今。故曰動而非靜。我之所謂靜者。亦以昔物不至今。故曰靜而非動。動而非靜以其不來。靜而非動以其不去。初三句常情倒見。後動而下二句出意。初句牒執。以昔物下出所以。以見物遷至昔唯去不來。故云遷也。次三句舉悟。後靜而下二句出意。初句舉悟。亦以下出所以。昔物不至今。今物不去昔。有何動耶。今昔相待其相本空。物在其中無去無來

然則所造謂也。未嘗異。所見未嘗會也。同。逆之所謂塞順之所謂通。同見昔物不至今。而有遷不遷之異。後二句中吳淨源法師云。惑者任情逆性而塞。悟者任智順物而通。苟得其道復何滯哉。淨源法師云。若悟不遷之道。塞自去矣。已上略明大旨已顯。下又廣辨

廣辨

傷夫人情之惑也久矣。無始無明有來至今。論主悲傷迷而弗悟。

目對真而莫覺。既知往物而不來。而謂今物而可往。往物既來。今物何所往。初句汎實真謂不遷也。實首大師云。實際居於目前。翻成名相之境。次二句正實不覺之相。知其昔不來。却計今可往。迷也。後二句就示不遷。既知昔物不來。便可悟其今物不往。何則。微也。

求索也。向昔也。物於向。於向未嘗無實求也。向物於今。於今未嘗有。於今未嘗有。以明物不來。於向未嘗無。故知物不去。以古望今也。初四句中意云。就昔以求昔日之物。昔日有。此物。如昔有。堯舜今則無之。後四句。諸前成立不遷。此中今古通目三世能遷之時。物者。所遷之物。雖舉能遷意在所遷。故云物不來。等。

復反也。而求今今亦不往。以今望古不遷亦然。但互改向今及來字可。故論但云今亦不往。

是謂昔物自在。昔不從今以至昔。今物自在。今不從昔以至今。釋成不遷也。論旨以今昔相待來去相形。緣體非真諸相何立。常情爲相所轉。見有遷流。悟士了虛當相寂滅。何有今昔之動來去之遷。據此雖念念謝滅。亦念念不遷也。故大論第五云。菩薩知諸法不生不滅其性皆空。于昔讀此反復不入。及讀永明大師宗鏡錄至釋此論疑滯頓消。故知論旨深隱。不可隨文作解。

故仲尼曰。回也見新。交臂非故。此文小變南華之文。彼云。仲尼謂顏回曰。吾終身與汝交一臂而失之。可不哀與。交臂二說。一云。少遷也。猶言掉臂之間已失矣。一云。臂相執也。孔顏交臂相執皆令勿遷。然已遷去豈能留之。故郭象解云。夫變化不可執而留也。論意變化密移新新非舊。既唯見新新不至故。豈有遷耶。

如此則物不相往來明矣。既無往反之微朕。有何物而可動乎。通結上文。初一句斷定不遷。後二句結成本義。尙無微朕之動。況有大者。

然則旋風偃仆也。岳而常靜。江河競注而不流。野馬飄鼓動而不動。日月歷經天而不周。連引四事。前三所遷之物。後一能遷之時。亦通於物。皆流動中至大者至速者。而云常靜等皆不遷。旋風大風之名。此風起時偃妙高。猶如麻草江河易見。野馬者。南華云。野馬塵埃也。或云。白駒游氣。亦運動中駛埃者。日月於晝夜中周四天下。此皆常靜不流不動。以妄見非真緣生相假。苟達兩虛萬物頓寂也。

復何怪哉。情計之流執妄爲實。聞四不遷良可怪誕。達觀體物至動不動亦常理也。將何怪異。上明不遷文旨已備。此下約教會達。會有內外。如文。

噫聖人有言曰。人命逝往也。速速於川流。潛妨也。噫心不平而恨聲也。梵網云。人命無常過於山水。諸經多有意云。若物不遷豈非違。

此說耶

是以聲聞悟非無也。常以成道。緣覺覺緣離以即真。苟萬動而非化。豈尋常化以階進也。道初二句舉行人。聲聞聲教聞教悟理。修無常等行證成四果。緣謂緣起。觀緣而覺。離緣起之有爲。進五果之妙道。後二句辯達。若云不遷。豈彼二人稟無常之教。修無常之行而得道果耶。

復尋聖言微隱難測。若動而靜似去而留。通前達妨也。復謂研復。聖言即前無常教也。微隱難測者。以言權旨實故。涅槃名爲密語。大乘智臣善識密意。意謂難談無常亦密顯真常。不可守言一向作無常解也。以二法相待有此。定有彼故。若動下出難測所以。若說即無常之動是真常之靜。似說一人即去而元不去也。難測在此。

可以神會難以事求。此理幽微。只可神而明之。妙識佛意。不必隨識依言定旨。事謂情識及言教也。楞伽經中大慧示疑。佛亦會釋。故法四依中。但令依義不依文。依智不依識也。生公反教而談理千古希聲。豪公賤事而貴神。百世準式。然唯上智中下不可。

是以言去不必去。閑防也。人之常想。稱住不必住。釋解也。人之所謂執也。往耳。豈曰去而可遣。遷也。住而可留耶。既貴神賤事。只可捨文會旨。經說無常。不必說物遷去。但是防凡夫之人著常之想。經說常住。未必說物不遷。但解二乘計無常靜。此之二說本皆破倒。倒情既違萬物非遷。非不遷也。涅槃初分大有此。

說。善哉論主。實曰智臣矣。後二句正明捨文。豈可開說無常。便謂萬物遷去。開說常住便計萬化常留。

故成其云。菩薩處計常之中而演非常之教。故摩訶衍論云。諸法不動無去來處。雙引經論各證一事。引成其經中既云。菩薩為破衆生常計而演無常之教。證前開人之常想。智度論中諸法不動。以證釋人之所謂往。皆對治悉檀非第一義。

斯皆導達悟也。群方類也。兩言一會。豈曰文殊而乖其致旨也哉。若經若論。皆是引悟衆生之典。而經說去論言住。兩言在文實異。然經本破常物不必去。論本顯真物不必留。所以云一會。在旨不乖。

是以言常而不往稱去而不遷。不遷故雖往而常靜。不住故雖靜而常往。雖靜而常往故往而弗遷。雖往而常靜故靜而弗留矣。初二句中經論隨計破著。說遷不遷物不必然也。次四句躡前。已明遷而不遷不遷而遷。後四句復躡前。已明遷即不遷不遷即遷。故非重也。所以不會二乘者。以二乘但稟無常之教而修。故唯會教人可悟也。

然則莊生之所以藏山。仲尼之所以臨川。此會外典之遠也。太宗師略云。夫藏舟於壑。藏山於澤。謂之固矣。然而夜半有力者負之而走。昧者不知。若直解者。如人藏山於深澤。以謂牢固。力大者得之於夜半中背負而趁。彼藏山者不覺不知。此寓言也。以譬造化之力遷負周密。雖天地之大萬物之廣。未嘗不

負之而走也。夜半以喻冥理也。古人云變化之道挾日月而行。負天地而走。此亦正同四

梵志藏身山海時至皆化。仲尼下論語文。孔子臨於川上歎曰。逝者如斯夫。不舍晝夜。意云。新新之化往者過來者續。無一息之停。如斯指水也。二典皆言物遷。如何會通。

斯皆感往者之難留。豈曰排遣也今而可往。二典皆感往物難留至今。非說今物排去。以明即遷而不遷爾。巧攝儒道。故類會之。

是以觀聖人心者。不同人之所見得也。孔子域中之聖。莊周達觀之賢。賢聖之人所見所得人難盡之。不可隨文只作無常之解何者。徵也。

人則謂少壯同體百齡年也。一質體也。徒虛也。知年往不覺形隨。此出凡情見淺也。但見年去。不知形亦隨變。少壯既殊百年形異。執乎一體誠為倍迷。若知少壯不互有。年年不相到。隨遇隨空。何有遷耶。

是以梵志出家白首而歸。隣人見之曰。昔人尙存乎。梵志曰。吾猶昔人非昔人也。隣人皆愕然非其言也。此以外事故類證爾。梵志解遷中不遷如孔莊。隣人非之如凡淺。西域淨行梵志十五遊學。三十歸娶。五十入山。今言出家謂入山也。白髮復歸。隣人以常情問之云。昔人尙在耶。見今問昔亦已誤矣。故梵志答之但似昔人。豈今之新吾是昔之故吾哉。隣人不達隨變之理執。今白首是昔朱顏。

所謂有力者負之而趁。昧者不覺。其斯之謂

歟。源云。負之而趁猶老少形變。昧者不覺猶人愕然。

是以如來因群情之所滯。則舉也方正也言以辨惑。乘遷也莫二之真心。吐不一之殊教。乖而不可異者其唯聖言乎。故談真有不遷之稱。導俗有流動之說。雖復千途異唱。而會歸同致矣。初至聖言乎等者。通辨諸教文異旨同。故談下結成一致。衆生流滯於生死。根行樂欲種種差殊。故如來觀機演教。依準正理之言以解凡惑。依一真法界流十二分教。若小若大或權或實。八萬度門恒沙佛法故不一也。梵網云。世界無量教門亦爾。雖乃差殊其旨無異。原佛本意亦唯一事。故不可文殊令旨亦差。

而徵索也。文者。聞不遷則謂昔物不至今。聆所也。流動者。而謂今物可至昔。隨聲取義之士。滯於一偏不達圓音。故再舉今昔以示之。令不泥教。

既曰古今。而欲遷之者何也。古今不可互指。不遷已明。能分古今之異。却欲遷之何故。

是以言往不必往。古今常存以其不動。稱去不必去。謂不從今至古。以其不來。不來故不馳騁於古今。不動故。性各住於一世。初有六句。不壞古今之相。非去非來以明不遷。然三三兩分。皆初句標。次句釋。後句出不遷所以。以古不來今知今不去古也。不來下四句結成。古今之相隨性而各住自位。皆不遷也。馳騁趁走貌。

然則群籍殊文百家異說。苟得其會豈殊文之能惑哉。初二句舉教異。群籍目聖教。百家屬師宗。後二句明文異旨同。然上所會。且約動靜常無常等會釋。以此例諸法法皆然。是故經中或說苦等四妄。彰權隱實。或說常等四真。彰實隱權。如是會通異門一道。且藥分千品愈病無殊。教海萬方悟心何異。苟封文迷旨字瘡疣。得意忘言物物合道。自此以下唯就於時以明不遷。意謂能遷古今三世之時。尚且不遷。況所遷之物而有遷耶。是以人之所謂住。我則言其去。人之所謂去。我則言其住。然則去住雖殊。其致一也。謂凡情偏解知住迷去知去迷住。圓見之人一法雙了。特由迷悟雲泥故。去住相反。故經云。正言似反誰當信者。斯言有由矣。言似相反旨意常順。如前住云何者。徵也。

人則求古於今。謂其不住。吾則求今於古。知其不去。執遷之者求古於今。見今無古故云遷也。悟者求今於古見古無今。故今不去也。今若至古古應有今。古若至今今應有古。文通二對皆上句舉執。下句出達。若古今互遷亦應互有。然執者但執今去古。不執古來今。今亦云者但例說爾。今而無古以知不來。古而無今以知不去。若古不至今今亦不至古。事物也各性住於一世。有何物而可去來。初四句承前互無。知不來去。若古下復躡不來不去。以成不遷。

然則四象風馳電掣。得意毫微雖速而不轉。四象即四時。奔馳之疾如風也。騰躍即北斗二星之名。今通因北斗。以繞辰而轉晝夜周天速如電掣。舉此四時晝夜該攝一切。乃遷運中最速疾者。毫微謂毫毛微細也。源云苟得不遷之意在於毫微。雖四象等亦不轉移也。源師之意如能悟毫微不遷之意。雖至遷亦不遷也。此解最正。如遠公云。一毫涉動境成此類山勢。迷既一毫而成大。悟亦毫微而見理。此中且舉悟涯初涉尙見不遷。況大達耶。

是以如來功流萬世而常存。道通百劫而彌固。堅也初句利他之因。積劫化生故云萬世。次句自利之行三祇修煉。故云百劫。常存彌固。二行皆不遷也。歷萬世之久常存。通百劫之長益固。問經說過去已滅。何故二行堅存耶答。

成山假就於始簣。修途託至於初步。此中二喻喻因不化。初句論語云。譬如爲山。雖覆一簣進云云。簣土籠也。意以山喻果。假就者。假初一簣而山成就。始簣喻初因也。積土成山。山成而初功益著。運行招果。果圓而先因尤存。後句老氏云。千里之行始於足下。託至者。仗初步而得至於千里。亦以千里喻果初步喻因也。由初至千里至而初步不化。由行證果。果道圓而初因恒明。二喻事異義同。通喻二行。但舉初者以例中間。大疏說因果無碍云。如來毛孔現往昔因事。圓覺淨業章云。親見調御歷恒沙劫勤苦境界。云云前問約

泯相顯性故云已滅。論約即事同異門。故云不化。各據一理也。

果以功業不可朽故也。雖在昔而不化。不化故不遷。不遷故則湛然明矣。真流之行行行契真。果位反觀愈見不朽。若住相之行力盡而墜矣。湛謂凝湛不動之貌。餘可知。

故經云。三災彌淪而行業湛然。信其言也。

三災者。火水風也。三災雖離。安能焦爛於虛空劫海縱遙。何以遷淪於實行。彌淪者。清涼云。周遍包羅之義。謂三災雖壞一切。不能壞於因行。亦以契真故也。

何者。果不俱業也因因由也。因而果。因因而果。因不昔滅。果不俱因因不來今。不滅不來則不遷之致明矣。初句中果極至得因在應得。二位相遠故不俱也。次句果由因得故。次二句躡示不去。次二句躡示不來。後二句釋成不遷。雖舉果顯因亦即合於性空故不遷也。問前通會諸法。因亦在其中矣。何故別舉其因再明之耶。答深有所以。恐進行之人謂所修隨化勢而無功。故舉如來果身由昔因感。果在因存豈唐捐乎。如童子熟書。非不由生而至於熟。書熟之時前功尤顯。隨相之行熏引尚爾況無相之行乎。所以不辨果不遷者。因且不遷。況夫果道。是故佛果有爲無爲非一非異。吾今此身即是常身。

復何惑於去留。踟躕於動靜之間者哉。惑不達也。踟躕將進將退之貌。疑也。如上教理成立不遷極明。更何惑於即事之中道耶。然則乾坤倒覆無謂不靜。洪流滔天無謂其

動 無謂。戒止之辭。倒覆崩墜也。天地雖大。亦緣集之法。容可傾覆。以性空故。亦即清寧。千門異說。不出宗意。

苟能契神於即物。斯不遠而可知矣。苟能以神妙心智。即於緣生遷化物中。而不遷之理。物既在近理亦非遠。反顯捨物求之去。理轉遠清涼云。至趣非遠。心行得之則甚深。下論云。觸事而真等。

不真空論第二 一切諸法無自性生。資緣而起。而非真。如幻如夢。當體空也。故下云。待緣而有。有非真有。又云。萬物非真假號久矣。皆明不真也。又云。即萬物之自虛色。即是空。皆明空也。又云。寢疾有不真之談。超日有即虛之稱。雙示不真空也。緣起故有非無也。從緣故空非有也。中道之旨於斯玄會。故宗云。不有不無也。若約二諦明空者。俗諦故非無。真諦故非有。為第一真也。下皆有文。恐繁不引。

夫至虛無生者。蓋是般若玄鑒之妙趣也。也有物之宗極者也。初句依經標牒。次句約心顯妙。後句萬物宗體勝義無上曰至。有無一異等俱離曰虛。無生者。謂緣集諸法非自非他。非共亦非無因。亦非作者。無生而生非無也。雖生不生非有也。若此萬象森羅無非中道。下論云。第一真諦也。又云。觸物而一。般若下明。此勝義非識能識。但是聖智玄鑒所向之境。亦為緣有萬物所宗至極之性也。

自非聖明特也。達。何能契神智也。於有無之間中也哉。反顯也。順明云。唯聖人明智獨了。

可契此中道也。

是以至人通神心於無窮。所不能滯。極耳目於觀聽聲色所。不能制者。果極因滿曰至。示化人流曰人。謂無上士也。初二句實智內通。神心智也。出分別故無窮理也。絕邊量故。窮所等者。謂悉覺真諦不滯於寂。後二句權智外應。目極視而色不膠。耳洞聽而聲弗制。則遍應諸緣不縛於有。如斯不滯不制何耶。豈不以其即萬物之自虛。故物不能累其神明者也。雙出所以也。萬物謂聲色等諸相。從緣無性故云虛也。累謂負累。神明即上神心意云。即物之虛證之不能滯。應之不能制。抑何累於神明哉。此上依境辯心似二智殊照。既即物之虛而一源。則自真之權而無異。是以聖人乘真心而理順。則無滯而通。審一氣以觀化。故所遇而順適。復釋前文也。前云通神心等。云何通耶。故此云乘真心而理順等。乘應也。真心即理智也。理屬性空之理。不逆物故名順。正理於順順法即虛。不須析破析破則逆法。何能通於無窮邪。若此則無一滯碍之法。不虛而通也。準此滯含二義。一不滯寂。二不滯物也。前文云極耳目等。云何極耶。故此云審一氣等。一氣語借道家喻一性也。觀謂觀照即量智也。化謂萬化即一切事相也。遇謂對遇。適者。契合也。意云。諦審一氣之性以觀萬化。則凡所對遇無不順性而契合。如此雖極目觀色。無非實相。縱耳聆音。反聞自性。豈惑聲色而為制哉。前文雙出所以。但明不滯不制之相。此文乃釋內通。

外應之由。所以為異也。然了境由心依心照境。境則真俗不二第一真也。心則理量齊鑑中道智也。次下明之。

無滯而不通。故能混融也。難致得也。淳。所遇而順適。故則觸物而一中也。躡前會歸中道也。淳難者。以二諦言之。俗諦故難。真諦故淳。以中道言之。二諦相待亦難也。中道無二故淳也。今文是此則二諦融會。二而不二之中也。觸謂心所對觸。即緣生諸法也。以從緣非有緣起不無。故觸物皆一。一即第一真諦也。清涼云。觸物皆中居然交徹。此皆論於中者論之所宗故。又只可觀察世俗而入第一真諦。不應觀察第一真諦而入世俗也。故涅槃云。世諦者。即第一義諦。如清涼鈔具叙。如此則萬象雖殊而不能自異。不能自異。故知象非真象。象非真象。故則雖象而非象。如此者。屬前混雜致淳等。既淳既一。豈云異乎。正義至此略周。結歸本題也。初四句結不真。後二句結空可知。雲庵本中失後二句。但有不真之理。缺於空義。今從古本。

然則物我同根。是非一氣。體也。潛微隱幽。殆將也。非群情之所盡。將破三家謬計。故復舉甚深之理。難解難入。致令所見未徹也。物即真俗融通之境。我則權實雙融之心。同根者。心境相收無異故。是非者。真俗也。亦相即故。一氣也。生公云。是非相待故有真俗名生。苟一諦為真。四言成權矣。潛微下理深曰潛。難見曰隱。群情容解。但不能盡之。如三家者。故頃爾近也。談論。至於虛宗。每有不同。夫以不



同而適同。有何物而可同哉。故衆論競作而性莫同焉。初句舉時證之。由正理幽隱。所以近來云云。次二句見異。次二句執異背同。後二句依見述論。唐光瑤禪師疏有七宗。此論略出三家。故云衆也。見既有異性理隨殊。

何則。通靈心無者無心於萬物。萬物未嘗無據梁傳。晉僧道恒述心無論。汰公遠公俱破此說。初句牒次句謂心無諸法。後句執法實有。

此得在於神靜。失在於物虛。由心無法故得於神靜。不了物空故失虛也。亦心外有境。即色者明色不自色。故離色而非色也。東晉支道林作即色遊玄論。初句牒。次二句叙彼所計。彼謂青黃等相非色自能。人名爲青黃等。心若不計青黃等皆空。以釋經中色即是空。

夫言色者。但當色即色。豈待色計也。色而後爲色哉。齊此論主破辭。此且先出正理。初句牒名。次句示依他。謂凡是質礙之色。緣會而生者心雖不計。亦色法也。受想等法亦應例同。意云。豈待人心計彼謂青黃等。然後作青等色耶。以青黃亦緣生故。

此直但色語不自色。未領解也。色之非色也。初句明所待。後句顯所失。未達緣起性空。然緣起之法亦心之相分。能見之心隨相而轉。取相立名名青黃等。名屬遍計相即依他。支公已了名假。未了相空。名相俱空圓成顯現。由未了此。所以被破。

本無者情尚於無。多屬言以實也。無故非有有即無。非無無即無。亦東晉竺法汰作本無論。初二句明其尚無。中心尚於無。故凡所發言皆實伏於無也。次四句出彼解相。以經論有雙非之句。汰公解云。非有者。非斥了有。非無者。和無亦無。却則淪於太無爾。

尋夫立文之本旨者。直正也以非有非真有。非無非真無爾。論主與示雙非正理。然後破之。經論成立非有非無之本意者。正以諸法賴緣而有。非真有故云非有。以諸法緣起故有。非一向無故云非無。圭峰略鈔之義如此。下論亦多請無疑慮。

何必非有無此有。非無無彼無。此直好無之談。豈謂順通事物也。實性也。即物之情解也。哉。初二句斥彼謬計義不異前。何必者責彼之辭。後二句直破其非尚無如此。豈是順物達性。即物見中之解耶。今詳破此三家。前二家許其所得。破其所失。汰師尚無。一向破斥者。亦以著空之見難治故也。非特撥無因果。亦恐惡取斷空。如智論說食鹽之喻也。據梁傳。

支汰二師皆出類離群世間之英者。正由道源初淺。又經論未廣。明師罕遇。致有此弊。不可見破便輕前修自下正述論文。大科有三。初。理絕名相謂。欲寄名依相顯示。先示名相本虛真諦超出。令悟了法不在言。善入無言際也。二。寄詮顯實。以名相雖虛亦可假詮以顯實理。即無離文字說解脫也。三。至論未引放光等示妄顯真。謂雖依詮顯實。若著名相妄想是生。何能悟入第一之真。若悟名相本

虛。即名相而如智顯現。不在捨於文也。故我說。法如筏喻者。文字性空即是解脫。十二分教無非如也。一論大旨妙在于斯。但血脈沈隱故具出之。

夫以彼也。物物名於物。則所物而可物。若依相立名隨名取物。則凡是所名之物皆可爲物。此謂妄心所計名相俱有。

以物名物非物。故雖物名而非物名。初句相空。後句名空。以二法皆事故。通名爲物。意以所名之物。但依他起元無自性。況名依相有。豈有實體也。故密嚴云。世間衆色法但相無有餘。唯依相立名。是名無實事。

是以物不即名而就實。名不即物而履行真實。釋此有二。一通。二局。通者。名相二法該盡俗諦。然性各異。互推無在顯兩虛也。初句物不在於名中。以名非物故召火不燒其口。次句名不在於物中。以物非名故。見物不知其名。應知因物立名以名名物。俗假施設竟不相到。故不能互顯其真實。如火以熱爲實等。局者。但屬此論。名謂名教。相謂義相。所以空者。方便安立各無自性。能所詮異故不即。就論意雖通其旨實局。以下云真諦獨靜於名教之外。故爲此釋。

然則真然諦獨靜於名教之外。豈曰文言之能辨哉。真諦第一義也。非名言可說。非義相可示。直以名相本空故也。然不能杜默。聊復厝言以擬之。試論之曰。理須言顯。亦不能閉口默然也。擬謂比擬。意云。但依言彷彿比擬真諦。而論量也。

佛比擬真諦。而論量也。

摩訶衍論云。諸法亦非有相亦非無相。中觀云。諸法不有不無者。第一真諦也。初引智論後第二十七中一句。又義引中論轉釋。云即第一真諦。引此二論以爲宗依。下論廣釋。皆云諸法者。則統貫一切也。以是義宗故引通名。總辨即中之理。次下依宗開示。或約空色乃至言說心行等。一一別顯。末後引中觀等二論。約因緣生法以辨之。乃復總攝一切。非真空色等也。始末依此詳考。方知論旨成立之妙。第一者。真俗非二故。非真俗之二故。

尋夫不有不無者。豈謂除萬物杜塞視聽寂寥虛豁。然後爲真諦者乎。二論皆云。不有又不無者。非撥棄萬物閉目塞聰。絕色滅聲。取虛豁混茫之空。是真諦也。

誠以即物順通故。物莫之逆。即偽即真故。性莫之易。就物順通。非杜塞視聽故。不逆其物。即俗僞而顯真。何待虛豁。故不易其性也。性莫之易故。雖無而有。物莫之逆故。雖有而無。雖有而無。所謂非有。雖無而有所謂非無。初四句躡前釋成。以理事相即故。互存相奪故互亡也。後四句躡前釋成。非有非無之中也。此中真諦故無俗諦故有。相奪兩非第一真也。

如此則非無物也。物非真物。物非真物故。於何而可物。即物示真性。真物假名相皆不立也。密嚴云。二合生分別名量亦非有。非真即題中不真。於何可物。即題中空字。自下依宗廣釋。皆初引教。後依教釋義。文雖各殊義

皆無異。今依論中會釋。或約空色。或依二諦等。一一隨次明之。大要皆約諸法。以明不異第一之真也。

故經云。色之性空非色敗空。初依色空以釋中也。淨名經文。然諸經多有。

以明夫聖人之於物也。即萬物之自處。豈待宰割以求通哉。空非色外色即是空。空色非一亦非異也。宰割析滅豈是即空。故二乘析色斷見未祛。亂意迷空即真未了。

是以癡疾有不真之談。超日有即虛之稱。雙引二經。皆證前義。初淨名問疾品略云。菩薩病者非真非有等。二超日明三昧經。彼云。不有受不保命四大虛也。四大色法法即空故。

然則三藏殊文統之者一也。文則殊說旨歸一揆。故放光云。第一真諦無成無得。世俗諦故便有成有得。二依成得以示也。放光第八云。世俗之事有逮有得。最第一者無有逮無有得。

夫有得即是無得之僞號。無得即是有得之真名。真名故雖真而非有。僞號故雖僞而非無。初二句排得相真僞。住俗有得而非得故僞也。依真無得而乃得故真也。如下玄得中廣示。後四句躡釋前名。

是以言真未嘗有。言僞未嘗無。二言未始一。二理未始殊也。勝義故非有俗諦故非無。有無二言非一。中道之妙非二。

故經云。真諦俗諦謂有異耶。答曰。無異也。

義引大品也。前雖有二諦但依成得辨之。今直約二諦以釋也。

此經直辨真諦。以明非有。俗諦以明非無。登以諦二而二於物哉。二諦之義真俗宛分。

二諦之體一物非異。然則萬物果有其所以。不有有其所以不無。

有其所以不有。故雖有而非有。有其所以不無。故雖無而非無。雖無而非無。無者不絕虛。雖有而非有。有者非真有。若有不即真無不夷平跡相。初二句明萬物皆具非有非無。大

四句躡示兩非。以入中道次四句亦躡前。如次不落斷常。後二句但成前四句。以非真有故。若有不即真。以非虛絕故。若無不夷跡。若

字貫此。謂非宰割事跡。然後是無夷者。亦妄夷也。然則有無稱異其致一也。真俗是體有無是義。依體辨義。義亦一也。古人云。二諦並非雙。恒乖未曾各。

故童子歎曰。說法不有亦不無。以因緣故諸法生。環珞經云。轉法輪者亦非有轉。亦非無轉。是謂轉無所轉。連引二經。依言說相以顯中道。初即淨名經長者子寶積歎佛偈也。

初句歎如來說法。與實相相應故。有說無說皆雙絕也。後句意云。有無既絕。何故現一切言說。答云。以俗諦因緣故諸法生也。後經即彼第十一卷中文。初句牒說。次二句亦有無雙絕。後句明說即無說。二經義同。非轉而轉。

三百餘會不捨宰針。轉而不轉。四十九年不說一字。豈謂舌覆三千即成有說。身默丈室

便謂無談

此乃衆經之微言也。雖引二經義同衆典故。云衆經等

何者謂物無耶。則邪見非惑。謂物有耶。則常見爲得。文通二對反數以明。皆上句明著下句嚴破。邪見斷見也。若計物是無。外道斷見應非是惑。下對例知。物雖通諸且目法輪以物非無故。邪見爲惑。以物非有故。常見不得。順顯可知

然則非有非無者。信真諦之談也。真諦第一也。以說法非有非無。方是真諦之轉也。故道行云。心亦不有亦不無。即彼經初品中文。心爲諸法之本。然通真妄。真謂如來藏心亦非有無。如無名論引釋。妄即妄想識心。從緣生者亦非有無。此中辯之。以經義含有二法故不可局

故中觀云。物從因緣故不有。緣起故不無。義引中論亦轉釋前經也。從緣不有謂真也。緣起不無謂俗也

尋理即其然矣。推尋論旨法非有無。實乃如是。此以教如繩正理亦衡直

所以然者。夫有若真有。有自常有。豈待緣而後有哉。譬彼真無。無自常無。豈待緣而後無。初句含二意。一微辭。二牒不有等。反推諸法正顯從緣。謂法若實有。緣前亦合有。不待緣集然後方有。後三句例明真無二說。一太虛二真空。此二元空不待緣離然後空也。異喻顯法理亦極成

若有不能自有。待緣而後有者。故知有非真有。

有。有非真有。雖有不可謂之有矣。初二句順牒前文。明法待緣非真。後二句相躡以顯非有也

不無者。夫無則湛然不動可謂之無。萬物若無則不應起。起則非無。以明緣起故不無也。初句牒論。次二句舉例。以示如前二空皆凝湛不動。可謂者。堪可許其是無。次二句承例反明。次一句順顯。後二句成前不無也。故摩訶衍論云。一切諸法一切因緣故應有。

一切諸法一切因緣故不應有。一切無法一切因緣故應有。一切有法一切因緣故不應有。大論前後有斯義而無斯文。通成二對。初對中明法從緣故不有不無。初句緣起故不無。後句從緣故不有。後對約有無二法。對辨以明不有不無。一切無法等者。大論三十一。以過未法爲無。現在法爲有。涅槃三十四云。一切世間有四種無。一未生名無。二滅已名無。三各異互無。四畢竟名無。皆因緣有此四無。後句可知。皆云一切等者。法乃萬殊緣亦無數

尋此有無之言。豈直反論而已哉。若應有即是有。不應言無。若應無即是無。不應言有。初句收前四句。以前論不出有無故。次句反謂相反。猶云豈但是有無相反之說耶。後通有六句。出論中有無相反之相。前三句中若應有者。收前初三二句。即是有者。定應唯有。不應言無者。收前二四兩句。如何却言無耶。後三句中。若應無者。收前二四兩句。即是無者。定應唯有。不應言有者。收前初三兩句。

如何却言有耶。已上辯定相反。下顯緣法有無皆具。謂若有若無俱有其理。非相反也。言有是爲假。有以明非無。借無以辯非有。此

事一稱二。其文有似不同。苟領其所同。則無異而不同。初二句論云應有。明緣起故假有也。次一句論云不應有。明從緣故非有也。事一下緣生事一有無名二。四句之文似乖。若解其不有不無之同。豈有無之異能違。然則萬法果有其所以不有。不可得而有。有其所以不無。不可得而無。義承前起。故云

然則。前約二諦已出此文。展轉引釋至此義周。故復舉此以結。不可等者。物性本空孰能強之令有。緣起既形。孰能排之令無。何則欲言其有非真生。欲言其無事象既形。象形不即無。非真非實有。然則不真空義顯於茲矣。初有四句。明於諸法不可定執是有是無。皆上句舉執。下句推破。欲謂將欲言謂意言。將謂諸法定有。邪有非實生。但假緣故如何定有。欲待謂無事象已起。如何定無。次有二句。初句躡前緣起之事。次句結成

即假即空。非真假有也。非實真空也。後有二句。正結論名。首建此名以標宗致。遂節引教。隨教會釋。顯理已周中道實相可令悟入。最後結歸不出題示。故云爾也。問論周至此後說何爲。答前已通叙其意可了。義若未盡何此結之。可細推釋

故放光云。諸法假號不真。譬如幻化人非無幻化人。幻化人非真人也。彼經二十七云。佛告須菩提。名字者不真。假號爲名。引此之

意已見前文。初法說謂諸法不真。名亦假也。後三句喻明。於中初句經文。次二句義釋也。謂幻成一人似非無也。似豈爲真。故云非真。夫以名求物。物無當名之實。以物求名。名無得物之功。物無當名之實。非物也。名無得物之功。非名也。此與論初大旨無殊。文小變爾。名自情生好惡何定。或於一物立多名。或以一名召多物。物雖應名。亦無當名之實理。如以地龍木賊等名藥也。又名雖召物。亦無得物之實功。如談水濡唇言穢不澆口。應知名是假號物爲幻化。但順世俗不入實相。是以名不當實。實不當名。名實無實。萬物安在。一切諸法不出名相。此二既空萬物不立。已上名相境寂。下辯妄想心虛。

故中觀云。物無彼此。而人以此爲此。以彼爲彼。彼亦以此爲彼。以彼爲此。初句論文。彼論第四云。諸法實相無有此彼。而人下釋也。如二人相向彼此互執也。此彼莫定乎一名。而惑者懷必然之志。然則彼此初非有。惑者初非無。正舉妄計也。彼此互指既無定在。奈何惑者必然而執我定名此。他定名彼。妄想之心。依然取著。然則下名相元空迷夫妄執。亦可名相無暫始有。妄想無暫始無。以無暫始無之妄情。執無暫始有之名相。病眼花生病耳蟬鳴。蟬花恒無病根常執。既悟彼此之非有。有何物而可有執哉。故知萬物非真假號久矣。初句遍計性空。次句名隨相遣翳差花亡耳聰蟬喪。後二句結成

經義。此中雖帶名相而言。意顯妄執本空。況後引成具等。又唯約妄情說邪。

是以成具立強名之文。園林託指馬之況。成具經云。是法無所有強爲其名。園林即漆園也。曹州地名。莊周曾爲此吏。故以目之。彼齊物云。以指喻指之非指。不若以非指喻指之非指也。以馬喻馬之非馬。不若以非馬喻馬之非馬也。指謂手指。馬謂戲馬。若今雙六之馬也。如二人相向各以己指是指。他指非指。是非互在本無實也。喻曉也。馬可例之。如此則深遠之言。於何而不在其通指上文。內教妄想元空。外典是非無主。文亦備在。是以聖人乘千化而不變。履萬惑而常通者。以其即萬物之自虛。不假虛而虛物也。初句舉能證之聖。令物則之。次二句顯證悟之相。千化名相萬物也。不變者。即名相而如如故。惑妄想也。常通者。即妄想而正智故。以其下出即真所以可知。

故經云。甚奇世尊。不動真際爲諸法立處。非離真而立處。立處即真也。初引經。即同放光不動等覺建立諸法。非離下論主釋經義也。謂依理成事。事豈離真而立也。

然則道遠乎哉。觸事而真。聖遠乎哉。體之即神。初二句明境。初句舉體而數。道謂如如下句指屬。觸謂六觸。事即名相。事相既近。體虛即真。真豈太遠。後二句明心。亦初句舉聖而嚴聖即智也。下句屬體。謂體究神心也。即神者。即我之心爲神聖矣。豈太遠乎。仁王經云。菩薩未成佛。以菩提爲煩惱。菩薩成佛時。

以煩惱爲菩提。今詳論意。自放光已下。乃密嚴楞伽五法相翻之義。故密嚴云。名從於相生。相從依他起。此二生分別。諸法性如如。於斯善觀察。是名爲正智。名爲遍計性。相是依他起。名相二俱遣。是爲第一義。略解云。五法者。一名。二相。三妄想。四正智。五如如。此五約迷悟配之。謂迷時即如如。以成名相。即正智以成妄想。悟時翻名相爲如如。翻妄想成正智。經中初三句如次名相妄想。次三句說正智。後一偈約三性顯如如也。略示如此。論意謂依彼名相顯示論旨。苟識相等體虛。不捨一論能證之名所詮之義。即境而會如。即解而成智。故先舉聖人證法爲式。然後示以即真之理。但在文甚隱致令難求。若前後冥搜義如指掌。

肇論新疏卷上

### 肇論新疏卷中

五臺大萬祐國寺開山住持釋源大白馬寺宗主贈鄧國公海印開法大師長講沙門文才述

般若無知論第三 釋茲分二。初明般若。後解無知。初有二種。一本覺般若。即衆生等有智慧是也。大論四十三中翻爲智慧。故華嚴出現說。一切衆生皆具如來智慧等。二始覺般若。即六度之一。然通淺深。淺則生空般若。深則法空般若。此復有二。一因修。謂歷位漸

得故。二果證。謂覺至究竟故。然始本平等唯  
一覺也。又有三種。一實相般若。大論指般若  
是一切諸法實相故。二觀照般若。照理照事  
故。三文字般若。能顯總持故。而此論中具攝  
前理。至文隨示。後言無知者。據下論文。總有  
二義。一揀妄。下云。本無惑取之知等。二顯真  
有三。一本覺離念。知即非知。故下云。果有無  
相之知等。二始覺無知。謂窮幽亡鑑。撫會無  
慮故。實相觀照可以例知。三文字無知。謂言  
說即如文字性空。非知非不知。仍曰無知。修  
文字者不著不離。是名修諸佛智母。應知甚  
深般若總持一切之功德。出生無盡之法門。  
破裂煩惱優游正覺也。據梁傳。什公初譯大  
品論主宗之以作此論。竟以呈什。什歎曰。吾  
解不謝子。辭當相揖。論者謂假文字般若。問  
答析理。顯示實相等。

夫般若虛玄者。蓋是三乘之宗極也。非知  
非見曰虛。不有不無曰玄。又四句不攝曰虛。  
靈鑒亡照曰玄。此勝經也。極至也。三乘之人  
皆宗尚於般若。各各修學。但機有大小。成自  
乘善提。故大品開持品云。善男子。欲得阿羅  
漢果。當習行般若波羅蜜等。

誠真一之無差。然異端之論紛然久矣。正  
理唯一至當不差。人學般若隨見成殊。各異  
異論紛然亂轍久矣。

有天竺沙門鳩摩羅什者。少踐大方研機心。  
斯趣旨獨拔於言象之表。妙契於希夷之境。  
天竺或曰印土身毒。即五印婆羅門國。什  
公生龜茲。以父鳩摩羅炎本南天竺人。今從

本稱。盛德如傳。言象出易。經略例。言生於象  
象生於意。今以言喻能詮。象喻所詮。希夷出  
老氏。彼云。聽之不聞名曰希。視之不見名曰  
夷。今喻般若。離名曰希。離相曰夷。按什公本  
傳。幼學小乘。因悟靈摩說阿耨達羅。復學大  
方研心此趣。孤出於言象之外。妙合於實相  
之境。

集異學於迦夷。異學即西域外道。迦夷即  
佛生之國。亦通指諸國。集猶正也。師在天  
竺。破邪顯正非一。

揚淳華風。散於東。將爰語辭。燭照殊方。而匿  
靈耀。光涼土者。所以道不虛應。應必有由矣。

殊方謂他國。涼土今西涼也。意謂什公將欲  
舉揚教風。東傳漢地。值符堅失國。姚萇僭逆。  
品光父子心不存法。師蘊其深解。無所宣化。  
在涼十有三年。機緣未會。隨世浮沈。是知佛  
法流行。亦待時節。因緣。苟非其時。道不虛行。

弘始三年歲次星紀。秦乘入國之謀。舉師來  
以來之意也。蓋子興即位。歲號弘始。星紀  
者。瑞疏云。丑月星紀。今以月紀年也。秦乘  
下。梁傳云。弘始三年。廟庭木生。連理。逍遙觀  
慈變成直。以為美瑞。謂智人應入。五月秦遣  
關西公碩德伐之。隆軍大破。九月品隆上表  
歸降。故云入國之謀。至十二月末。師至長安。

亦可師即什公。西伐之意。舉師令來。  
北天之運數其然矣。大品云。般若於佛滅  
後。先至南方。次至西方。次至北方。大震旦  
在天竺東北。今什公道通應斯懸記。

大秦天王者。道契百王之端。德洽千載之

下。游刀萬機。弘道終日。信季末俗蒼生之所  
天。釋迦遺法之所仗也。王謙故不稱皇帝。但  
比勝三王。以春秋尊周為天王。故百王但汎  
舉前代帝王。游刀出莊子。庖丁解牛。運刀熟  
妙。故曰游刀。彼云。其於游刀必有餘地矣。謂  
秦王日親萬事。判決合宜。如游刀爾。又復終  
日弘開佛法。蒼生即衆生也。謂蒼蒼然而生。  
亦可蒼蒼者天也。自天生故。蓋隨俗說。所天者  
王德配天。物蒙其蔭。昔金河順命。令王臣弘  
護。今王遵行法門。依仗

時乃集義學沙門五百餘人於逍遙觀。躬親執  
案文。與什公參正方等。義學即僧史十科  
中義解。逍遙觀即今秦中草堂寺。本姚置層  
觀。於此什公入關。遂施為寺。準晉書載紀。王  
雅信佛法。請師宣譯。師執梵本。王執秦文。更  
互參正。譯出諸經云云。方等者。方正平等。即方  
廣分

其所開拓者。豈唯當時之益。乃累劫之津梁  
矣。拓手承物也。亦拓開戶也。謂所譯經論  
開化一切。非直益於彼時。實為積劫迷津之  
橋梁。今藏海琅函數越五千。師所出經世多  
弘讚

予以短乏。曾則開預嘉會。以為上聞。異要始  
於時此也。論主謙云。我以此才短智乏。則預  
什公嘉善之會。殊異要妙之義。始於此時。聞  
自什公。故云上聞。

然則聖智幽微深隱難測。無相無名。乃非言  
象之所得。為試問象其懷。寄之狂言爾。豈曰  
聖心而可辯哉。試論之曰。聖智為般若之

下。游刀萬機。弘道終日。信季末俗蒼生之所  
天。釋迦遺法之所仗也。王謙故不稱皇帝。但  
比勝三王。以春秋尊周為天王。故百王但汎  
舉前代帝王。游刀出莊子。庖丁解牛。運刀熟  
妙。故曰游刀。彼云。其於游刀必有餘地矣。謂  
秦王日親萬事。判決合宜。如游刀爾。又復終  
日弘開佛法。蒼生即衆生也。謂蒼蒼然而生。  
亦可蒼蒼者天也。自天生故。蓋隨俗說。所天者  
王德配天。物蒙其蔭。昔金河順命。令王臣弘  
護。今王遵行法門。依仗

時乃集義學沙門五百餘人於逍遙觀。躬親執  
案文。與什公參正方等。義學即僧史十科  
中義解。逍遙觀即今秦中草堂寺。本姚置層  
觀。於此什公入關。遂施為寺。準晉書載紀。王  
雅信佛法。請師宣譯。師執梵本。王執秦文。更  
互參正。譯出諸經云云。方等者。方正平等。即方  
廣分

其所開拓者。豈唯當時之益。乃累劫之津梁  
矣。拓手承物也。亦拓開戶也。謂所譯經論  
開化一切。非直益於彼時。實為積劫迷津之  
橋梁。今藏海琅函數越五千。師所出經世多  
弘讚

體離諸分別故云幽微無相故非義象可思。無名故非言詮可議。故云難測。爲試下意云。般若雖非名相可及。將欲悟物。亦當內亡其象。外寄其言以辯之。非言欲言故云狂也。莊子云使罔象求而得之。舊本作罔字誤。豈曰下理非言辯。但寄言顯之。自下先引經定宗。後九次問答。決擇宗中之意。令無餘惑。放光云。般若無所有相無生滅相。道行云。般若無所知無所見。略引二經。以示此論之所宗。放光即大品也。但兩譯成異。二十卷云。般若無所有相。第十五云。須菩提般若波羅蜜不生不滅相。道行第一云。般若波羅蜜當何從說。菩薩都不可得見亦不可知。無所有相者。謂有無知見等相皆離故。無生滅相者。非因緣所生故。亦四相不遷三際莫易。餘如下釋。

此辯智照之用。而曰無相無知者何耶。果有無相之知不知之照明矣。初二句反駁。未了之者云。二經正明智用。乃云無知無相。何故後二句略標。若斯之理果然而有云云。謂真心靈鑒知非知相。無知而不知。何者微夫有所知。則有所不知。以聖心無知故。無所不知。不知之知乃曰一切知。初二句舉妄。謂妄識取境能所昭然。故曰有知。妄見不周故。曰有所不知。何者。且丈夫心主祇臨器身。常待末那唯持見分。謀臣之識徒知有漏之鄉。五將之能但擊塵囂之境。各有分量。知亦何真。故云爾爾。後四句示真。聖心不然。非能所取。故云無知。本覺靈明無法不照。

故曰遍知。良以即智之體宛爾無涯。即體之智亦擴充無外。此以諸法本居智內。豈有智內之法而不知邪。佛性論云。以如智稱如如境云云。況法依心現。無法非心。以即法之心。知即心之法。尤遍知也。

故經云。聖心無所知。無所不知信矣。思益經第一云。以無所知故知。

是以聖人虛其心而實其照。終日知而未嘗會知也。故能默。獨精光虛心玄妙。閉智塞聰而獨覺冥冥深遠者矣。文似老書。義意實殊。虛心者。無知相故。實照者。有照用故。終日下知即無知故。默耀下正顯無相。但般若之體了非分別。義言韜默非故藏匿。閉智下智及聰屬能證之智。冥冥屬所證之理。以智證理返照歸寂。亦義言閉塞。獨覺者。智無二故。金光明說。佛果功德唯如如及如智獨存。如如深宵故曰冥冥。慈恩大師云。性質杳冥。義正同此。上乃權實不分。寂用雙融。實相般若該於一切。自下約二諦以明二智。不二而二。二而不二。即開實相爲觀照也。以演宗中悲智相導。一念之力。權慧具矣。

然則智有窮幽幽深之鑒。而無知焉。神有應會之用而無慮焉。幽屬於理智。謂真智照無不極。故云窮幽。真諦非相故云無知。神謂俗智。應用難測。故名曰神。應會者。感之必應不失其會。然水澄月現。無心於化。故曰無慮。問大悲大願豈非知邪。答無緣之悲無相之願。皆亡知照也。故金剛三昧經云。若化衆生無生於化。不生無化其化大焉。問觀機審化寧

非知邪。答據論本意。但由機感。雖應萬類神亦無思。教合根宜。謂言觀審。一論上下此理昭然。

神無慮故。能獨王於世表。智無知故。能玄深妙照於事外。神用涉有。由無思慮有不能縛。故云世表。王榮也。正智契真。由非知故。事不爲礙。故云事外。如清涼釋離世間。疏云。處世無染即是離也。

智雖事外未始無事。神雖世表終日域中世間。恐人聞實智事外。謂有外證空。故云未始無事。言即事見真。起信云。以一切法悉皆真故。又聞權智世表謂不化物。故云爾也。謂處世不染即是世表。

所以俯仰順化。應接無窮。無幽不察而無照功。斯則無知之所知。聖神之所會。初二句權用順機。或俯或仰。根熟即應。應無窮極。正由無思方能如是。俯謂俯就。即隨他意語。如人天小乘等。仰謂企仰。即隨自意語。如實教一乘等。次二句實智覺法。法無不盡。非知非見。故無照功。後二句雙結。正由非知非會。然後能知能會。豈但知而無知等邪。權智亦合云非會之所會。上論二智知即非知非知而知等。下通論智體非有非無。

然其爲物體也。實而非有。虛而不無。存而不可論者。其唯聖智乎。欲據前義故。再起文勢云。然其等。實而非有者。雖真照炳然。亦非有相。若取爲有。則著常見。虛而不無者。雖妙湛杳然。亦非無心。若取爲無。則落斷見。故般若妙存所以能聖。若無般若亦無聖人。但不

可作有無等思議其唯下結屬

何者欲言其有無狀無名欲言其無聖以之靈無狀等者名依相立相自緣生有爲法也且即心覺照不從緣生何有名相聖以之靈者聖人諸法盡覺萬緣普應正由般若力通難思何爲無邪

聖以之靈故虛不失照無狀無名故照不失虛照不失虛故混而不淪虛不虛照故動以接龜兔事虛寂也正由非有故寂立非無故照存正寂而常照正照而常寂展轉躡跡釋成前義混而不淪者謂正照和時長在般若故入生界不染不縛動以等者謂正般若時恒溫而故義利流行接引凡夫之龜也

是以聖智之用未始暫廢求之形相未暫可得始初萌也靈智妙存如何暫時可廢有無兩非如何形相可得言暫者少選不可況久廢久得邪非直有無諸相等不得而智亦無得言語道斷心行處滅

故寶積曰以無心意而現行放光云不動等覺而建立諸法所以聖跡萬端其致旨一而已矣寶積即淨名經長者子寶積歎佛偈言佛心意已滅寂也而現行照也放光二十九云不動真際爲諸法立處聖跡教也屬上二

經古譯句爲跡尋跡得免如尋句得義下論直云教跡致一者謂在文有異於旨無殊

是以般若可虛而照心真諦可亡而知境萬動可即而靜聖應可無而爲心以所觀真諦妙絕諸相但可非知而知故般若照時亡能亡所唯虛而照仁王云正住觀察而無照相

萬動等者以所應俗諦緣生性空即動而靜亦令能應權智無爲而爲心境前後互舉者以心由境以境即心皆可亦順文便不以辭害志

斯則不知而自知實不爲而自爲復何知哉復何爲哉前二句結成知爲復何下恐聞知爲心復住著此又遣之般若菩薩少有所住便落妄想著我人相即非菩薩是故有得無得皆無所得適然無寄真智現前然燈記別而得菩提自下大段九重問答決擇前義前依宗教粗述大綱今實主往復令人精曉故遺民云此辯遂通則般若衆流殆不言而會良有以也

難曰夫聖人真心獨朗物物斯照應接無方動與事會物物斯照故知無所遺動與事會故會不失機會不失機故必有會於可會知無所遺故必有知於可知必有知於可知故聖無虛知必有會於可會故聖不虛會難曰下至會不失機謂真智盡諸法之實權智應萬物之感皆不失也會不下四句雲庵達公云必有能會之智應可會之機亦有能知之智知可知之理必有下四句言實有知會

既知既會而曰無知無會者何邪正難可知

能夫忘知遺會者則是聖人無私於知會以前文難定有知有會恐救云聖人雖有知會以其不矜不恃知如不知會如不會故云

忘知遺會若爾此則但是聖人不以知會自長取爲己私然由虛心不自長故爲物推載返以知會歸於聖人是聖人不能逃其知會之長竟成己私爾如老氏云後其身而身先非以其無私邪故能成其私彼意云後其身不欲私己也然己讓人人必讓己本欲在後而返在前是成其私耳

斯可謂說不自有其知安得無知哉據上所救但是聖人不以知會自取爲長豈一向無知會非無之太甚邪

答曰夫聖人功高二儀而不仁明逾日月而彌昏昏二儀天地容儀不仁文出老氏取義不同彼云天地不仁以萬物爲芻狗意云天地無私雖以仁恩生成萬物於物不望其報如人縛錮爲狗亦不責於吠守此老氏意也論意云大權普度功高天地然無緣之慈化而無化不住化相故云不仁如金剛般若云四生九類我皆度之功高也而無有一衆生實滅度者不仁也明逾等者謂實智照理明也都無分別昏也又明逾日月遍知也彌昏無知也唐光瑤和尚意同

豈曰木石譬其懷其於無知而已哉我言無知知即無知非如木石譬其無覺

誠以異於人者神明故不可以事相求之耳神妙靈明謂般若也事相謂人之情見蓋前所難者於知不恃於會不矜但人之情識虛心容物比無相般若相去邈然莫認不矜便爲般若顏子虛懷孟反不伐未聞入理子意欲令聖人不自有其知而聖人未嘗不



有知復審前難。以前云此可謂聖人不自有其知。安得無知哉。故先審定下。責云

無不乃助辭垂於聖心。失於文旨者乎。無乃文簡。具云豈不乃也。如外典云。無乃爲佞乎。若定有知。豈不乖心違教。

何者。經云。眞般若者。清淨如虛空。無知無見。無作無緣。大品含受品云。摩訶衍如虛空。無見無聞。無知無識。三假品云。般若於諸法。無所見等。眞揀惑取。清淨者。絕相之義。無知下釋成清淨。作者。造也。謂無師自然之智。非因所作非緣所生。仁王云。無行無緣義同。斯則知自無知矣。豈待返照然後無知哉。斯者。指所引經。既云般若即是知體。復云無知無見。據斯經意。知即無知。豈待反收其照。閉目塞聽。絕聖去智。冥如木石。謂無知邪。若有知性空而稱淨者。假牒彼救也。恐難者別會經意救云。經稱般若清淨者。非謂無知故清淨。約知見性空故云清淨。若云爾者。下反詰云。

則不辨於惑智。三毒四倒皆亦清淨。有何獨尊淨於般若。若云。般若若有知有見。但性空故。經說清淨者。則與惑智不相殊異。何者。夫三毒四倒皆亦性空。亦應清淨。據此而知不約性空。但約無知無見。惑智即三毒等分別名智。如下云惑智之無。起信六能智相是惑故。

若以所知美般若。所知者。即眞諦。恐難者。再救云。經稱清淨。非約能知般若無知無見。但約所知眞諦清淨。故美般若云。清淨者。

所知非般若。所知自常淨。故般若未嘗會淨。亦無緣因致得淨歟。於般若。能所宛然。豈所知淨故。令能知亦淨。而歎美之。

然經云。般若清淨者。將無以般若體性眞淨。本無惑取之知。本無惑取之知。不可以知名哉。豈唯無知名無知。知自無知矣。會經正意。將無者。豈非也。既不約性空及所知。云清淨。然經言清淨。有二意。一智體眞淨。非知見故。二本無惑取之知故。既本無矣。難以知名。豈唯下恐疑者。聞前云。性淨無知。謂兀然絕照。故今遣云。以知無知相故。本無惑取故。知即無知也。

是以聖人以無知之般若。照彼無相之眞諦。眞諦無兔馬之遺。般若若無不窮之鑒。前二句明以智證理。後二句證理之相。兔馬者。即經中所說象馬兔同渡一河。河自無殊得有淺深。以喻三乘同入法性淺深三異。今意云。以所證眞諦本無兔馬淺深之跡。以軌般若般若亦無差別無窮之鑒照也。

所以會而不差當而無是。寂寂怕無知而無不知者矣。實不差者。應不失機。即前無不爲也。無是者。由感而應。本非我故。寂寂怕下可知。此但決擇前宗中眞諦可亡而知等。

難曰。夫物無以自通。故立名以通物。物雖非名。果有可名之物。當於此名矣。是以即名求物。物不能隱。此難知及無知二名互違。今且立理文亦易通。意云。名能召物。名正則物順。此依世諦名可得物。如召火時不以水應。而論云。聖心無知。又云。無所不知。二名互

違也。難實例權。

意謂無知未嘗知。知未嘗無知。斯則名教之所通。立言名之本意也。例如寒暖相反得失互非。言教詮量大通之理。立名本意自有定體。

然論者欲一於聖心。異於文旨。尋文名求實心。未見其當。知即無知是一其心。然二名互非。心豈成一哉。

何者。若知得於聖心。無知無所辨。若無知得於聖心。知亦無所辨。若二都無得。無所復論哉。此言若聖心有知。宜置無知。若聖心無知。宜置有知。若聖心雙非。更不復說二名。二名既成互非三義。皆爲不可。

答曰。經云。般若義者。無名無說。非有非無。非實非虛。虛不失照。照不失虛。斯則無名之法。故非言所能言也。亦義引放光等經。由難者。依名求實。二名既違。謂聖心亦異。不知般若若非名非相。故引經以遮令忘名會旨。經約遮詮可知。斯則下論辭略釋無名無說。以起下文。

言雖不能言。然非言無以傳。是以聖人終日言而未嘗言也。今試爲子狂言辨之。大方便佛報恩經初卷云。法無言說。如來以妙方便。能以無名相法作名相說。

夫聖心者。微妙無相。不可爲有。用之彌勤。不可爲無。不可爲無。故聖智存焉。不可爲有。故名教絕焉。微妙等者。謂聖心離知見作緣等相。非有也。用之下聖心靈妙照理達事。用無怠息。非無也。亦擬老氏。既云。妙無諸相。名

教證之不及以通。前難即名求物。物不能隱。今般若非物名。依何立。欲以有知無知定名。聖心邪。大論三十七云。一切世間著有無二見等。

是以言知不爲知。欲以通其鑒。不知非不知。欲以辨其相。言知下若說有知。但欲令人通曉其鑒照之用。豈有知相可取。不知下若說無知。但欲令人知無惑取之相。豈謂一向無知。

辨相不爲無通鑒。不爲有。非有故知而無知。非無故無知而知。謂般若之體無知無見。亦非是無。有鑒有靈。亦非是有。非有下但躡前。釋成知與無知非一非異。方諸中道之心。

是以知即無知無知即知。無以言名異而異於聖心也。無以者。戒止之辭。

難曰。夫真諦深玄。非智不測。聖智之能在茲而顯。法性深廣玄妙難思。唯般若能證。故此智證其功能顯著。

故經云。不得般若。不見真諦。反明也。亦義引般若。智論十八云。解脫涅槃道皆從般若得。

真諦則般若之緣也。以緣求智智則知矣。意云。境爲心緣。真即所證之境。智即能證之心。當證理時。寧不知耶。

答曰。以緣求智智非知也。上句順難縱之。下句總斷非知。此但斷定非知。下釋不知之所以云。

何者。放光云。不綠色生識。是名不見色。又

云。五陰清淨故般若清淨。文即大品義同。放光十六云。不以五陰因緣起識者。是爲不見五陰。又云。下即放光第十四文。謂不以五陰爲緣。而生般若。知識。是名不見者。成無知也。以色即空故智無所得。

般若即能知也。五陰即所知也。所知即緣也。但釋後文。前亦例解。經雖云色意在色空。空與清淨義非異也。欲明真諦無相故。非是般若發知之緣。今且對前問以所知爲緣。然後真妄對辨。究竟即顯真諦非緣真智非知。委細開示令人深悟。善巧方便其在于斯。遺民云。宛轉窮盡極於精巧。可謂知言矣。

夫知心與所知相與待而有相與而無。初句通標。次句妄心妄境相待而起。後句真心真境相待而無。廣如下釋。

相與而無故物莫之有。相與而有故物莫之無。妄物莫之無。故爲緣之所起。妄物莫之有。故則緣所不能生。真物者通屬真妄心境。初二句躡前。相因顯真心真境寂然無相。後物莫之有。下躡前無相。以明真心真境互非緣互非起。以第一義諦空慧雙融本非心境。要人悟入一體義分。空即寂也。境也。慧即照也。心也。涅槃云。第一義空名爲智慧。故法爾寂照。

湛然心境互現。性出自古實非緣生。今亦云緣者。且例妄說義言緣也。次二句躡前。相因顯妄法相待心境昭然。後物莫之無。下躡前有相以明妄心妄境互成緣互成起也。

緣所不能生故。照緣而非知。爲緣之所起故。知緣相因而生妄。真非緣起故。照境之

時了無分別。妄自緣生故。能所歷然。外託塵境內生分別故。云知緣等。

是以知妄與無知真生於所知矣。所知者。通屬真妄二境。妄知因境而生。故云生於等。無知亦言生者。實無生相。但因真諦無相。軌則真智成無分別。生者因也。成也。

何者。夫智以知所知取相故名知。妄真諦自無相真智何由知。成前相與而有相與而無。妄智以能分別所知之境。一一於境取相。相既妄起。心亦妄生。真則反此。故曰無知。對妄辨真義意昭然。自下但廣釋前義。問何故真妄相因。非因爲緣非緣有知無知邪。

所以然者。通釋夫所知非所知。所知生於知。所知既生。知亦生所知。妄心妄境相因相待互各生起。心境迥然有能所知非所知者。境未對心之時。亦未爲境。生於知者。由現前境牽起內心。此即因境生心。心故能知。故起信云。復次境界爲緣。故生六種相。即六塵事識分別取著。是名知也。知亦生所知者。謂因心生境也。由心分別境亦隨生。知者分別也。

古德云。未有無心境會無無境心。所知既相生。相生即緣法。緣法故非真。非真故。非真諦也。初句躡前。文簡。具云。知與所知等。緣法者。若心若境皆因緣所生法也。非真者。緣集故有緣離故無。自無主宰故成空假。中論云。因緣所生法我說即是空等。

故中觀云。物從因緣有故不真。不從因緣有故即真。亦義引彼論破因緣品中之義。但前句證前後句證後。

今真諦曰真、真則非緣、真非緣故、無物從緣而生也。初二句明真諦非緣集之境。後二句承前以明非緣。文亦或脫。應云無物從非緣而生也。下引證中可見。

故經云。不見有法無緣而生。大品云。亦諸經通義。未曾見有一法從非緣而生。無者。非也。如水土是生穀之緣。火石則非。今真諦如空有知如芽種。空不生芽。空非緣故。緣真不生知。真非緣故。中論云。不從非緣生。亦可無者有無之無。謂但見諸法賴緣而起。未有一法無緣而生。今真諦無緣性。亦不能生般若之知。中論初卷云。如諸佛所說真實微妙法。於此無緣法。云何有緣緣。

是以真智觀真諦。未嘗取所知。智不取所知。此智何由知。初二句明不取。後二句顯非知真智觀真。若取所知豈成真智。故永嘉大師云。若以知知寂此非無緣知。如手執如意。非無如意手。若此則能所宛然。不唯不成於真智。亦不能證寂。問若竟無知何名般若。若亦應不名見道答。

然智非無知。但真諦非所知。故真智亦非知有所則有能。今所觀真諦離心緣相。故能照般若都無知相。誰謂般若絕於靈照。而子欲以緣求智。故以智為知。緣緣自非緣。於向何而求知哉。反實。已上唯約實智照真。真既非緣智亦非知。中吳集云。上三重問答通辨論旨。下之六重皆次第躡跡而生。難曰。論云不取者。為無知故不取。為知然後不取邪。設爾何失。

若無知故不取。聖人則冥。若夜遊不辨繡素之異。若知然後不取。知則異於不取矣。二俱有過也。此躡前為難。謂不取順於無知。應合聖心冥暗。如人夜行不辨黑白。有取與知相順。焉有知而不取。以難前云未嘗取所知。又云智非無知。

答曰。非無知故不取。又非知然後不取。雙非。

知即不取故。能不取而知。了了妙存。故曰知。分別已亡故。曰不取。故能下正由遍計久空無明永盡。無能取相也。知由不取取則不知。故云不取而知。若此尚非自知。況取境邪。如永嘉云。若以自知知亦非無緣知。如手自作拳。非是不拳手。

難曰。論云不取者。誠以聖心不物取於物。故無惑取也。不取之中含有二難。前約知與不取兩違。此約不取斷滅故二難成異。不取於物者。謂了物本空無我無法。無惑取者。謂二執二障永已斷滅。

無取則無是。無是則無當。誰當聖心。而云聖心無所不知邪。是者。印可於物不謬之稱。當者。印物不謬有主質之謂。若心有取。則定有是物之懷。有是物之懷。則有當物主質之心。今既不取。應無印可之是。當物之主。體用頓絕。空空如也。故云誰當等。

答曰。然無是無當者。夫無當則物無不當。無是則物無不是。物無不是故。是而無是。物無不當故。當而無當。有當有是則屬惑取。求當求是。終不得其真是真當。今般若之照。

由無惑取是當之情。故能無物不印。印無不是是無不當。豈云一向無是淪其心用。一向無當喪其心主乎。物無不是下謂正是當時。復無是當之相少法當懷。此亦無知即知。知即無知中。一分之義矣。

故經云。盡見諸法而無所見。義引放光等文。彼第十云。菩薩行般若波羅蜜。盡知一切衆生之意等。第三又云。行般若波羅蜜。於諸法無所見等。

難曰。聖心非不能是。誠以無是可是。非不下心能了境。無是下境相既空。是念亦寂。雖無是可是。縱成故當應是於無是矣。境空心寂不可有是有當。無是無當應可住乎。

是以經云。真諦無相故般若無知者。誠以般若無有有相之知。若以無相為無相。又何累去聲於真諦邪。因前決擇。已捨有知之念。故云無有有相之知。復取無相為是。故云。若以無相為無相等。為者。取著之相。累謂負累。亦罪也。意云。真諦無相般若無知心境俱無。住此無中如何。

答曰。聖人無無相也。舉聖總造。

何者。般若以無相為無相。無相即為相。無相雖無。若心有所住即為相矣。焉成無相。智論二十六云。若無相中取相非是無相。學般若者。住有為有火燒。住無為無水沈。水火雖殊。滅身無異。若有無俱捨中道不存。是謂住於無所住矣。

捨有而之住無。譬猶逃峯而赴壑。俱不免於患矣。避有住無。猶如一人患危峯險峻。翻

身赴於溝壑。不知溝壑墜亦可傷身。故中論云。大聖說空法爲離諸見故。若復見有空諸佛所不化。以著有之見易除。著空之見難治。如火出水中病因藥起。

是以至人處有不有居無不無。雖不取於有無。然亦不捨於有無。處有下二句謂常居有無了無所住。亦不起有無之見。雖不下二句縱成前後不取不離。真無住之般若也。

所以和光處勢周旋五趣。寂然而往怕爾而來。恬淡無爲而無所不爲。此約悲智相導。以顯無住。初句文同老氏。彼云。和其光同其塵。今借彼文以明權智涉有化生。周旋者。謂周遍迴旋也。往者。往五趣故即靜而動也。來者。復涅槃故即動而靜也。謂不出生死恆復涅槃。了知生涅槃無二際故。寂然怕爾恬淡義皆相似。意云。以悲導智而往五趣。周遍化生無所不爲。然正方便時。智即導悲。見生界空度無所度。故言怕爾而來恬淡無爲。此如宗中悲智相導一念之力。權悲兩具處說。

難曰。聖心雖無知。然其應會之道不差。是以可應者應之。不可應者存之。此難權智生滅。先立理也。因前辨析已許二智不住有無。然其下權智應機之時。大小無差。機熟爲可應。未熟者與作得度之緣。故云存之。

然則聖心有時而生。有時而滅。可得然乎正難也。謂應時新生感謝息滅。許如此不答曰。生滅者。生滅心也。聖人無心生滅焉起。前二句明矣。謂諸心心所實託緣生。從因緣故墮在生滅。聖心反此。謂三際已破四相

兼亡。判那不明。何容生滅邪。問若爾應無心邪。下通云。

然非無心。但是無心心耳。又非不應。但是不應應耳。華嚴明佛智廣大。金光談如智獨存。豈曰默然如空無知無照。無心心者。一非妄有故。二寂而能照故。問無心之心應不應機邪。答又非不應等。後得無私但隨感而現。現無現相故云爾爾即前云。功高不仁等。亦可即寂故。不應即照故應。以今不應之應。顯上無心之心。上體此用。

是以聖人應會之道。信若四時之實。直以虛無爲體。斯不可得而生。不可得而滅也。大權利物。是唯無感感之必應。信若四時也。直者。正也。虛無者。語借老氏。謂般若之體妙湛絕相曰虛。永盡惑取曰無。斯不下結成賢首大師云。非生非滅四相之所不遷。謂既以至虛爲性。則感來非生感謝非滅故云不可得等。

難曰。聖智之無惑智之無。俱無生滅。何以異之。此辨異妄宛殊。而云俱無。俱無則同無生滅。智惑何分。

答曰。聖智之無者無知。惑智之無者知無。其無雖同。所以無者異也。聖心無知無惑取知見等相。故惑智知無。謂妄知緣生其性本空故。其名雖同其義實異。亦猶真俗皆諦。諦義元殊。

何者。夫聖心虛靜。無知可無。可曰無知。非謂知無。惑智有知。故有知可無。可謂知無。非曰無知也。謂聖心遍計已斷。識相亦滅。更無妄

知之體可令無之。但可稱云無知。非謂知無者表也。故永嘉云。其性了然故不同於木石。謂覺照炳然光遍法界。豈曰知無。故荷澤云。知之一字。衆妙之門。華嚴十首問佛境界智佛境界知。清涼釋云。知即心體智即心用。此論智知體用雙合。爾。惑智下反前可思。

無知即般若之無也。知無即真諦之無也。若妄知對於妄境。妄知亦心。今以般若照之。妄知性空即是真諦之境。如前云。五陰清淨是也。一心一境二相歷然。如何但認空同。不觀心境各異。

是以般若之與真諦。言用即同而異。初言寂即異而同。次句同故無心於彼此。釋異故不失於照功。釋前初句。

是以辨同者同於異。辨異者異於同。三俱不可得而異。不可得而同也。四非。此中具有四句。但文隱難見。今具出之。令無餘惑。初句承前雙標心境。爲寂用同異所依之法體。心境法也。寂用義也。同異但料簡寂用爾。言心境者。即智而如境也。即如而智心也。不二而二體用恒殊。二而不二心境一觀。華嚴迴向說。未有如外智能證於如。未有智外如爲智所證。今論中言寂即如也。言用即智也。正由如智同源體用一致。故得同異自在。四句全現體用。非異曰同。非一曰異。已知大義。言用下第一句即同而異者。謂即體起用與體殊。下兩釋云。異故不失於照功。言寂下第二句即異而同者。謂攝用歸體體與用一。下

知之體可令無之。但可稱云無知。非謂知無者表也。故永嘉云。其性了然故不同於木石。謂覺照炳然光遍法界。豈曰知無。故荷澤云。知之一字。衆妙之門。華嚴十首問佛境界智佛境界知。清涼釋云。知即心體智即心用。此論智知體用雙合。爾。惑智下反前可思。

無知即般若之無也。知無即真諦之無也。若妄知對於妄境。妄知亦心。今以般若照之。妄知性空即是真諦之境。如前云。五陰清淨是也。一心一境二相歷然。如何但認空同。不觀心境各異。

是以般若之與真諦。言用即同而異。初言寂即異而同。次句同故無心於彼此。釋異故不失於照功。釋前初句。

是以辨同者同於異。辨異者異於同。三俱不可得而異。不可得而同也。四非。此中具有四句。但文隱難見。今具出之。令無餘惑。初句承前雙標心境。爲寂用同異所依之法體。心境法也。寂用義也。同異但料簡寂用爾。言心境者。即智而如境也。即如而智心也。不二而二體用恒殊。二而不二心境一觀。華嚴迴向說。未有如外智能證於如。未有智外如爲智所證。今論中言寂即如也。言用即智也。正由如智同源體用一致。故得同異自在。四句全現體用。非異曰同。非一曰異。已知大義。言用下第一句即同而異者。謂即體起用與體殊。下兩釋云。異故不失於照功。言寂下第二句即異而同者。謂攝用歸體體與用一。下

知之體可令無之。但可稱云無知。非謂知無者表也。故永嘉云。其性了然故不同於木石。謂覺照炳然光遍法界。豈曰知無。故荷澤云。知之一字。衆妙之門。華嚴十首問佛境界智佛境界知。清涼釋云。知即心體智即心用。此論智知體用雙合。爾。惑智下反前可思。

無知即般若之無也。知無即真諦之無也。若妄知對於妄境。妄知亦心。今以般若照之。妄知性空即是真諦之境。如前云。五陰清淨是也。一心一境二相歷然。如何但認空同。不觀心境各異。

疏釋云。同故無心於彼此。彼此目心境也。是以下第三俱句。雙攬前二成此第三。爾是以辨同者。應前同句。具云。是以辨異而同者。以其但同於異故。云異而同。蓋即異而同也。辨異者。應初異句。可準前說。亦即同而異也。二句同時。斯則下第四非句承前第三而成。以同於異故非同。異於同故非異具。云不可得乎異而同同。而異也下。寂用各辨中但叙前二句以後二句從前生故。

何者。內有獨鑑之明。外有萬法之實。萬法雖實然非照不得。內外相與以成其照功。此則聖所不能同用也。釋前第一句。以心爲內。以境爲外。獨鑑者。無二之照故。萬法之實者。實謂真實諸法實相故。又空亦名實。緣生性空故。前云。實相性空緣會一義等。上列心境。萬法下明智證。理唯甚深。般若能照。遍等皆空也。內外下謂如如之境待般若以證。亦由證境成般若之功。此則下結成異句。

內雖照而無知。外雖實而無相。內外寂然相與俱無。此則聖所不能異寂也。釋前第二句。此中內外俱無如智雙泯。寂亦不立。假彼寂同以遺其異。異既遺矣。沒同果海唯證相應。非思非議。文義可解。

是以經云。諸法不異者。豈曰續境截鶴。夷平岳山盈滿壑。然後無異哉。誠以不異於異故。雖異而不異也。初句牒經。大品遍學品云。諸法無相非一相。非異相。若修無相是修般若等。此中略引一句也。豈曰下引事會釋。是雁屬脰短者。鶴脰長者。意云。諸法差別。如鳥

短鶴長等。然性無不空。空故不異。不待續截夷登然後平等。亦文借莊子。彼云。鳥脰雖短續之則憂。鶴脰雖長斷之則悲。誠以下不以諸相爲不異。但以性空平等故不異也。

故經云。甚奇世尊。於無異法中而說諸法異。又云。般若與諸法亦不一相。亦不異相信矣。大品六喻品云。世尊云何無異法中。而分別說異相。又云。下大品照明遍學品云。諸法無相非一相。非異相。合亦無所合。初段不分心境。即同而異。後段心境相對。非一非異。雙證前文。信受者。聖教爲定量故。量故亦見法無疑故。

難曰。論云。言用則異言寂則同。舉前文爲疑起之因。

未詳。般若之內則有用寂之異乎。疑聖心唯一。如何復有寂照之二。一則非一。一則非二。故成相違。

答曰。用即寂。寂即用。用寂體一同出而異名。更無無用之寂而主於用也。初二句相即顯一。次二句釋成非異。正因相即所以非異。同出下語借老氏。亦非寂用復有同出之源。但論主巧用彼。又不可隨文取義。後二句謂即用之寂與用爲體。豈有用外單寂而來主於用。邪主猶體也。亦合云。又無無寂之用。以資於寂。約體用重輕假分資主。

是以智彌昧照逾明。實神彌靜應逾動。豈曰明昧動靜之異哉。心用之外了無寂境故。此但屬般若。成立本論也。謂二智皆即寂而照。正照而寂。豈曰下會歸一致。前約寂用非

二。答成一體。此約權實一心寂照雙含。實相般若該心境融異妄。總萬法括二乘。未有一法非實相也。

故成具云。不爲而過爲。實積曰。無心無識無不覺知實。成具即經正文。

斯則窮神盡智。實極象外之談也。即說之明文聖心可知矣。通結上文。謂窮二智之玄理。盡物外之清談也。明文者。謂前所引聖教。依教出理。般若之道可知悟也。然上九翻問答皆決擇前宗。但初翻陳彼儒老不於不恃遠非般若。中間七次或權實雙明。或二智殊辨。或境智合說。或同異料簡。至於第九。寂用同源。歸般若之極致爾。

劉公致問。致至也。說文曰。送詣也。諸說公名程之。字仲思。彭城人。漢楚元王之裔。外善百家內研佛理。與儒者雷次宗。宗炳周續之等。皆當代名流。事遠公於廬阜。稱十八賢。精結蓮社。時龍光寺生法師入關。就學於什公。因與論主莫逆。生公南返。乃以前論出示廬山社衆。遺民覽之。歎曰。不意方袍復有平叔。因以興問。實曰起于瑤和尚云。雖跡在遺民。亦遠公之深意。

遺民和南頓餐味微。美聞去聲。有懷遙佇。久立歲末寒嚴體中。道如何音信寄壅隔。增用抱蘊。弟子沈痾病身。草澤藪澤常有弊癢病耳。因慧明道人北游。裁疏。通其情。遺者。逸也。謂野逸散民。比跡虞仲夷逸。亦自號也。公亦嘗爲柴桑令。值桓玄僭逆初萌。乃歎曰。吾室無磐石之固。蒼生有累卵之危。因去廬山辟命弗顧。

大尉劉裕見其野志冲邁，乃以高尙人相禮云云和南者，天竺敬禮之辭，頃餐下名達曰聞，謂近味美名遠懷思慕，久立遠望也。本傳佇作仰字，蓋者，積蓄不通也。時南北兩國故音信難通，增其蘊積耳。沈痾下，謂陸沈病身於山林草澤之中，更曾有弊困之病也。

古人不以形疎致意淡，悟涉則親，是以雖復江山悠邈不面當昔年，至於企懷風味，鏡心像跡，佇悅之動良以深矣。緬邇然無因瞻覩永歎，順時愛敬，冀希因行李數頻有承聞，引古量今妙契一貫，豈以地殊而隔，悟同則親，是以云云企懷謂劉公企仰而懷思也。風味謂肇公德風道味，像跡即上風味影像蹤跡也。鏡心謂鑑於劉公之因此，佇立而悅慕動動不忘，無因者，無由一見也。但遠望秦中煙霞長歎爾，行李游人也。聞謂音問，當遇行人令我頻承師之音問。

伏願彼大衆康安和，外國法師常休履納，祝也。外國法師什公也。上人以悟發之器而進，越淵深對，想開究之功足以盡過半之思，故以每惟乖差，闕遺愧何深，悟發者，謂遇什公明悟開發也。淵對指什公，開究下謂開解窮究般若之道，想足盡了過半之思，意云，已盡過半語用繁辭，謂悟極聖心也。故每下劉公每思南北乖違疎闊，不親一見，情愧深也。

此山僧清常道戒彌勵，勉禪隱之餘，則唯研唯講，恂恂敦穆，和故可樂矣。一所棲同處，二居戒甚勉，三禪定隱跡，四禪外講學，五相

敬相和略張四行，六和備矣。

弟子既已遂宿心，而親技上軌，感寄之誠日月銘至，謂已果昔日棄世之念，又遇法社上妙軌範，感心奇託之誠，皎然不欺，唯指日月可以銘記之，至到也。亦擬春秋諸侯盟誓之辭，中吳源公云，誠心銘刻明如日月，瑞本至作志甚通。

遠法師頃恒履宜，思去塵業精詣至乾乾宵夕，自非道用潛流，理為神遇，孰能以過順之年，滋氣茲之勤，所以憑慰既深，仰謝逾益絕。履宜者，謂履踐道候相宜順也。思業謂禪思行業乾健也。易初卦云，終日乾乾，是以建德匪懈，曉夜勤勤，予近稟，灌頂上師著思吉剛卜元言法，救行道精健兢兢宵夕，學廣德高，叔世一人也，自非正教，謂遠公如斯乾乾，蓋神智證理，即道之用潛注流行，故能爾爾過順者，孔子自謂六十而耳順，今謂遠公六句已上人也，所以下劉復自叙，意云，謂遠德高廣，所以托身懋心亦深，恩大難答，致令仰德報謝，其路尤絕。

去年夏末，始見生上人示無知論，才運清俊旨趣中沈允深，推涉聖文，婉美而有歸，披味殷勤不能釋手，真可謂浴心方等之淵，而悟懷絕冥之肆者也。謂論主澡浴心智於方廣海中，絕冥者，至深也。肆者，如市肆之肆，謂悟徹深性處。

若令此辨會遂通，則般若衆流殆將不言而會，可不忻乎。可不忻乎，理非廣略學貴樞機，樞機入手，衆流普會，豈可不悅，悅之又悅，故

再言也，衆流指八部般若。

然夫理微者辭險，唱獨者應稀，苟非絕言象之表者，將以存象而致乖乎。意謂，答以緣求智之章婉轉窮盡，極為精巧，無所間然矣。初句雙數辭理，謂所詮般若微妙，令能詮論辭駁峻，次句數論主，獨唱如雪曲唱孤令和者亦鮮，苟非下反推也。唯忘言者會，指存象者乖趣，意謂下舉論以觀，婉轉猶展轉也。間然者，同論語禹吾無間然矣，彼釋問謂問問，蓋其理完密無有間隙可則入也。

但暗者難以頓曉，猶有餘疑一兩二也。今輒題之，如別想從容之暇，復能粗略為釋之，從容舉動也。如別者，謂問在書外，今合之也。論序云，般若之體非有非無，虛不失照，照不失虛，故曰不動等覺而建立諸法。下章云，異乎人者神明故，不可以事相求之耳。又云，用即寂，寂即用，神彌靜，靜應逾動，序者，指問答已前論文，下章下兩段舉問答中第一第九，夫塵心冥寂理極同無，實不疾而疾不徐，遲而徐，徐疾文借莊子，彼云，徐則甘而不固，疾則苦而不入。

是以知不廢寂，寂不廢知，未始不寂未始不知，故其運物成功，化世之道雖處有名之中，而遠與無名同。初四句通叙前文寂用一，致，故其下承前叙神彌靜等二句，謂權智運物建化世之功，時雖居有名之中，以有名之世性空，即是實智印無名之理，二智無殊也。有名無名文出老氏，彼云無名天地之始，有名萬物之母。

斯理之玄固常所迷昧者矣。謂至理玄妙我實迷昧而未入也。上乃就許下方致問。但今談者所疑。於高論之旨。欲求至理之異。遺民欲難托於衆情。故云但今等。疑寂用非二之旨。以求權實兩殊。

爲謂說窮虛與極數。極數妙盡冥符。合邪。謂將心體自然。虛怕獨感存邪。餘本虛作靈字。瑞作虛字。今從之。問意云。論稱寂用相即。爲一者。謂般若之用證窮真諦之虛。斷盡俗諦之數。妙盡冥符爲一邪。此難實智冥符爲一。謂將下自然者。謂般若之用不在窮虛極數。當體虛怕。無相獨存爲一邪。此難疑無權智。言獨者。不應詳機。故二邪字疑而審之辭。下雙關。

若窮虛極數妙盡冥符。則寂照之名。故是定慧之體耳。若心體自然虛怕獨感。則群數之應固實以幾近乎息矣。若實智冥符爲一。何故前云寂照之二。以寂即是定。照即是慧。故依此求心。心應兩異。又若智體虛怕獨存爲一。應不會於群數之機。既獨存不應。何故前云應逾動。若許應動自合實外別有一機智。以冥本寂時更不能應。故若如是者。二心宛殊。幾息等言。文借周易。彼云。乾坤或幾乎息矣。夫心數既玄而孤運其照。神淳恬化。而慧明獨存。文總四句。亦承前潛難無知也。初二句難實。意云。心與事數既妙盡玄寂。可許無知。不合云孤運其照。存照則有知矣。後二句難機。意云。神既淳靜於物外。應不對機。唯慧明獨存。可許無知。若許應會豈非知乎。此

文尤隱詳下答辭方可圓解

富有深證。可試爲辯之。深證有二義。一論主證解。二深經證據。

疑者當以機應機。觀變動之知。不可謂之有矣。而論旨云。本無惑取之知。而未釋通所以不取之理。此難權智有取。意謂實智妙盡冥符。不可謂權機應物。機應大應小。觀物變動。此知定有。已上按定。而論旨下舉論以難。理合有取。論反謂無。未通不取之理也。謂宜先定聖心。所以應會之道。爲當唯照無相邪。爲當咸觀其變邪。若觀其變則異乎無相。若唯照無相則無會可攝。先可依二諦之境。指定聖心。若言心一者。假令權智應動觀物之時。爲唯照物空無相邪。爲照俗動有相邪。若觀下出達若觀相攝會。定失無相。若唯見無相却失攝會也。聖心唯一定應得一失一。若令二諦俱得。理合權實兩殊。既無會可攝。而有攝會之功。意有未悟。幸復誨之。初句承前後句明達。設許無會聖心是一。復次達論如前云。功高二儀無不爲等。後二句達而請通也。

論云。無當則物無不當。無是則物無不是。物無不是。故是而無是。物無不當。故當而無當。叙前正論以發疑端。下正難之。

夫無當而物無不當。乃所以爲至當。無是而物無不是。乃所以爲真是。既云無不當。宜其至當也。真是例之。

豈有真是而非是。至當而非當。而云當而無當。是而無是邪。是當之義已如前說。但劉

公舉前文。已是已當。後復云當而無當等。不知復拂是當之跡文。如矛盾。義符膠漆。依名定理有是問也。

若謂至當非常當。真是非常是。此蓋悟惑之言本異耳。固實論旨所以不明也。恐教云。我言無當無是。非是況常是當。故云當而無當等。劉復云。若謂爾者。此蓋悟者謂至當真是。迷者謂當當常是。本自異爾。何須說云當而無當等邪。依此訓無者非也。固論下直非論意。恐滯於是當。故拂之。劉公却取爲至當真是。心有所住非般若也。見下答辭。願復重喻曉以祛其惑矣。惑不從師。而解其於惑也。終不免矣。

論至日。即與遠法師詳省之。法師亦好相領得意。但標位似各有本。或當不必理盡同矣。好相領者。深許可也。本傳云。遠歎未嘗有也。得意者。蓋得作者之意也。標位下謂標指般若。宗位師承各有源本。其理不必盡同。良以一心之上恒沙義相。專門受業非全同也。瑤和尚云。遠宗法性什宗實相。但眼目殊號爾。

頃兼以班諸有懷。屢有擊其節者。而恨不得與斯人同時也。不唯與遠公詳省。又示諸懷道者。亦數有和而許者。廬山名士高人如慧持慧永輩。非少而和者固非聊爾。節者樂之音節。若今之擊板以節樂也。

論主書答。書復前書。答釋前問。不面在昔。佇想用勞。慧明道人至。得去年十二月疏并問。披尋返覆欣幸若暫對。涼風屆



節。頃常如何。貧道勞疾多不住耳。信南返  
遇不悉。昔不相面但企想動勞。慧明付遺  
民書者。暫對者。因書見意。暫如面對。貧道者  
古之沙門。雖稱亦少。有病疾或勞心而得。是  
故云爾。書式有二幅三幅。此廣略二幅爾。略  
令先知大況故

八月十五日釋僧肇疏答。服像雖殊妙期不  
二。江山雖巧遠理契則隣近。所以望途致想虛  
襟懷有寄。初二句舊說連前。今詳義意。合  
貫廣初題言疏答。即通答前問故也。次二句  
形像衣服儒釋兩殊。玄妙歸期終無有二。亦  
殊途而同歸也。次二句謂南北雖遠。妙理唯  
一契之則近。後二句既理契即隣故。南望道  
途而興想也

君既遂嘉善通隱之志。標越俗之美。獨恬事物  
外。歡足滿方寸。每一言集。何嘗不遠喻。林  
下之雅詠。高致趣悠。然清散未期厚自保愛。  
每因行李數有承問。初四句但叙前書云。既  
已遂宿心等。嘉遁即周易遁卦九五之辭。每  
一言集者。謂肇公與南來之人一言集會也。  
何嘗下長讀至雅詠絕句。林下者指廬山林  
下。雅詠者。即廬山社衆所作歌頌。如念佛三  
昧詠等。意云。論主凡遇南來。雖聊爾一言集  
會。彼人未曾不遠誦廬山諸公雅作歌詠。以  
相曉示也。因聞雅詠。見諸公高趣悠然而遠  
如下云。君與法師應數有文集。因來何少。大  
底二晉文章句讀多難請詳。清散下可解  
願彼山僧無恙。道俗通佳。蓮社名流僧俗  
兼有

承遠法師之勝常。以爲欣慰。雖未清承。然服  
膺心高軌。企佇之動爲日久矣。公以過順之  
年。湛氣彌厲。羣衆徒擁。巖抱一冲。深谷遐邇  
仰詠何美如之。每亦翹舉足想一隅。懸庇霄  
岸。無由寫敬。致慨良深。清承下未能稟  
承遠公之清範。然於高軌已服心歸仰。所以  
企立仰慕時亦日久。公以下但叙前書。抱一  
者。守道也。不獨景仰之。而又歌詠之也。每亦  
下自叙一隅者。以晉在東南故。論主每想廬  
山德化。如懸蓋天際。蒙其清蔭。但江山遠阻  
靈敬無由。致令感慨深也

君清對終日快有悟心之歡也。但欲寫敬恨  
我無因。君獨清對終朝悟心之歡。快哉多矣。  
即此大衆尋常什法師如宜。草堂義學俊彥  
五百衆總三千

秦王道性自然天機過俗。城野三寶弘道事  
務。由是異典勝僧方遠而至。靈驚之風。萃集  
于茲土。謂秦王好法之心。出自天然。機亦性  
也。謂聰睿之性。高出俗主。觀通鑑。姚興雖例  
五胡。實亦英主。城野下謂護持於法如城如  
壘。由是下德既如是。善必相應。異典勝僧方  
且。不遠萬里而來也。略如下示。法門勝事無  
出斯時。似移驚嶺之風。集于此土。晉書什傳  
云。羅什入關。人從化者十室而九

頌公遠舉。乃千載之津梁也。於西城還得方  
等新經二百餘部。請大乘禪師一人三藏法  
師一人毘婆沙法師二人。什法師於大石寺  
出新至諸經。法藏淵深。曠遠日有異聞。禪師於  
瓦官寺。教習禪道。門徒數百。夙夜匪懈。

爲舊和肅肅致意。可樂矣。三藏法師於中  
寺。出律藏。本末精悉。若觀初制。毘婆沙法  
師於石羊。寺出舍利弗阿毘曇。胡本雖未及  
譯。時問中事發言新奇。領公者。支法領也。  
據遠公傳似遠公弟子。亦遠公使之令去西  
域。華嚴梵本等皆此師尋至。恨無正傳。華嚴  
大鈔略述元由。請大乘禪師者。即佛陀婆陀  
羅。此云覺賢。據本傳智嚴所請。以賢學禪業  
於尉賓佛大仙。嚴亦學此固請賢行以傳其  
事。弘始中入秦。於瓦官寺教習禪道。江南慧  
嚴慧觀關中玄高。等皆從師受。論主亦在中  
矣。三藏一人即弗若多羅也。本傳云。尉賓人  
備通三藏。姚興待以上賓之禮。令譯十誦。功  
及兼半而亡。曇摩流支續譯方終。毘婆沙法  
師二人者。曇摩耶舍。曇摩掘多也。俱載梁傳。  
不繁引之。出新下或自蕭梵文。或支公取得  
者。本末等者。本謂四重。末謂餘篇。新譯精詳  
如見如來初制之戒也。餘文可解

貧道一生猥參嘉運。遇茲盛化。自恨不親釋  
迦祇桓之集。餘復何恨。而慨不得與清勝君  
子同斯法集耳。論主自慶也。明時難遇而  
遇。正友難逢而逢。方等深規律論遍觀。遭遇  
既盛。感慶良多。但恨身不廁於祇園。目不接  
於聖彩。同列身子共聽圓音。而慨下前歎自  
已不得清承於遠公。此慨遺民亦不能美預  
於嘉會。然觀二書似各闕美於一方。然亦兩  
宣其實也。都都陳跡燦於傳記。流芳表世。何  
其寥寥

生上人頃在此同止數年。至於言語之際。常

相稱詠途中途路還南。君得與相見。未更近問。惘惘何言。感道人至得君念佛三昧詠。并得遠法師三昧詠及序。此作絕句與寄既高辭致清婉。能文之士率稱其美。可謂游涉聖門。扣玄關之唱也。君與法師當數有文集。因來何少。生公入關依什數載。與論主同止。亦頻讀遺民也。不得終世相友。故云中途迴南。君得下謂生南去亦歸廬阜。故復相見更再也。近亦未再承於書問也。惘惘下慨慕良多口不容言也。傳說通情則生融上首。精難則觀肇第一。良以駢肩八俊聯衡十哲。同氣相求同聲相應。二人莫逆千古共談。威道下蓮社修西方行。故諸賢作念佛詠。社主亦作。又制序也。威公南來附至關內。此作者指詠及序也。與此興也。寄托也。致猶理也。謂所寄清興既高。亦令辭理清婉。婉美也。能文下謂關中善文什之人皆稱其美。可謂下論主讚之。謂作詠衆賢優游如來之門庭。扣擊玄關之唱詠。君與下因見詠序。宜多有文集。何故來者少耶。

付法師以午年出維摩經。貧道時預聽次。參承之暇輒復條記成言。絕句以為注解。辭雖不文然義承有本。今因信持一本往南。君開詳絕句試可取看。午年者即弘始八年丙午也。出維下謂什公且譯且講。論主參譯而聽。及承稟之暇輒又條實記錄什公已成之言。注解一經蓋謙也。師序云。余以暗短時預聽次。雖思乏參玄然能得文意。輒順所聞為之注解。略記成言述而無作。辭雖下謙也。有本者。

謂親承什公。君閣下焉本云。詳讀取看甚通。來問婉美切實難為鄙人。貧道思不開微。兼拙於筆語。且至趣無言。言必乖趣。云云不已止。竟何所辨。聊以狂言。示酬來旨耳。鄙者。州名。莊子略云。鄙人墜漫其鼻端。薄如蠅翼。使大匠斲之。匠者乃運斤成風。斤下墜盡而鼻不傷。鄙人亦立不失容。意謂。斲者雖妙而承者尤難。以喻公之難美而切實。譬匠者妙斲論主答之難如鄙人。蓋謙謙爾。云云者。言說也。言多喪真故云爾也。聊以下許也。疏云。稱聖心冥寂理極同無。雖處有名之中。而遠與無名。同斯理之玄固常所迷昧者矣。以此為懷。自可忘言。內得取定方寸。復何足。以人情之異而求聖心之異乎。自疏云。至者矣。即前劉公就叙論旨之言。以此下三句許其所得無差。復何足下責其迷昧復求心異。通斯意云。既知聖心冥寂有無一致。自可外忘權實之異名。內得聖心之無異中心印定不復求異可也。何故復以人情分別之心。而求聖心權實兩異乎。

疏曰。談者謂窮虛極數妙盡冥符。則寂照之名故是定慧之體耳。若心體自然虛怕獨感。則群數之應固以幾乎息矣。上學難下出意。意謂妙盡冥符不可以定慧為名。虛怕獨感不可稱群數以息。出問大意也。義如前釋。兩言雖殊妙用常一。迹我而乖。在聖不殊也。獨感為一言。源公指權實為兩言。義意甚同。今依之。前兩句直約聖心權實無異。後二句

潛責求異。迹者。謂二智照理達事之殊迹。但我人情分別為異。非聖心權實兩殊。我雖通稱。且屬劉公。

何者。後夫聖人玄心默照理極同無。既曰。為同同無不極。何有同無之極。而有定慧之名。定慧之名非同外之稱也。答前初難。初四句謂妙盡冥符寂照雙絕。何有下二句反責當此同無極處。豈容定慧異名。問曰。若如是者。何故前云寂即用用即寂耶。下釋云。定慧之名非同外之稱也。意云。定慧之名即同無之寂照。豈離同外別有二名。

若稱生同內有稱非同。若稱生同外稱非我也。遺妄執也。言生者。恐妄計云。同非定慧但定慧生於同內。下遺云有稱非同謂有定慧兩名。依名取相便非同也。若稱生同外者。謂定慧二名同異而出。下復破云。稱非我也。我指同無。無得之般若焉有同無之外。別生定慧之名哉。

又聖心虛微妙絕常境。感無不應會無不通。冥機潛運動其用不動群數之應。亦何為而息耶。答前第二難也。初二句正智無相亦無為也。次四句量智應有亦無不為也。後二句反責。清淨忘照故曰虛微。非色非心可云妙絕。冥猶默也。深也。機目智也。潛亦冥潛。如量無思不應而應。智用何動。故章提懸切。運通而出於宮中。勝覺仰祈。應念而現於空際。智則即實而機身亦即真而應。而言幾息。是何言歟。

且夫心之有也。以其有有不自有。自此

已下答前二智體殊。謂正答心異。兼通有知也。初句標妄。次二句辨釋。諸心心所由四緣起。緣有之有故不能自有。

故聖心不有。不有有故。屬上有無。有非有無。有故。則無無。非無無。故聖心不有不無。不有不無。其神乃虛。初句承前妄心有有。以顯聖心非緣有而有。故不有有。此三字展轉釋成。非有非無。中道莫寄。至虛至寂之心。文相可解。

何者 亦雙徵真妄

夫有也無也。心之影響也。言也象也。影響之所繫緣也。欲明聖智雙非。先示有無妄念。爲下雙非義因。初二句中。影因實起。響自聲騰。謂心緣有無之時。有無之相。是心之影響。心者如實如聲。言也。下謂心緣有無二境。復生言象。言象既立。心於其中。計有計無。追攀緣慮也。此同起信由心現境。智復分別。相續執取等。大乘二十頌略云。如人畫羅。又自畫還自提。

有無既廢。則心無影響。影響既泯。則言象莫測。言象莫測。則道絕群方。象道絕群。方故能窮靈極數。窮靈極數。乃曰妙盡。妙盡之道。本休乎無奇。初句隔前不有不無也。連下三句相攝。但翻前妄心。後有八句亦相因而成。至妙盡無奇。心境亡寂。用浪皆無奇。擬大意連後一唱。只就難辭。隔而通之。顯二非殊也。

夫無寄在因乎冥寂。冥寂故虛以通之。妙盡存因乎極數。極數故數以應之。數以應之。故動與事會。虛以通之。故道超名外。初三句

冥真。次三句成權。環而釋之。意顯非異。文亦尤難。今細示之。問何得無寄。答由冥寂故。冥寂即窮虛也。問何得妙盡。答由極數故。數以應之者。即實成權也。了俗由於證真。證真不離諸數。豈非即應耶。此中妙盡非謂宰割。悟其性空。即是盡義。次二句應事。後二句合。謂心境冥寂。非名非相。只就劉難。二知何殊。道超名外。因謂之無。動與事會。因謂之有。因謂之有者。應夫真有強謂之然耳。彼何然哉。

此論有無。含有二義。一有體無體之有無。二有知無知之有無。前後例同。此中之意。爲超名相。故曰無。無豈斷滅。爲與事會。故曰有。有豈常存。然般若約表四句。皆是約遮四句皆非。表以顯德。遮以離過。故勝熱四火居之四邊。中有刀山取之。則四焚。虛心則通照。分別則割。忘懷則斷。惑後有四句復拂。以真智妙存。且以有名之。此猶剩之。真豈屬有。以後例前。無亦強謂。

故經云。聖智無知而無所不知。無爲而無所不爲。舍利品云。菩薩行般若波羅蜜。知一切衆生心亦不得。衆生乃至知者見者亦不得。照明品云。般若能照一切法。畢竟淨故。三慧品云。一切無所爲。般若亦無所爲等。此中合集前後。引之以顯聖心知而又爲。證權實不異也。兼證有知無知一致。

此無言無相寂滅之道。豈曰有而爲有。無而爲無。動而乖靜。靜而廢用也。初句顯體。下皆正責。有無不離。何云有知。動靜不乖。何云心異。已上答前二智體殊。此下方答二智有

知。亦正答有知。潛答心異。以第一難中。顯難心異。潛難無知。故答中亦顯答心異。潛答有知。難中以相次而起。答中亦相次而答也。

而今談者多即言以定旨。尋大方而徵求。隔懷前識以標指玄。存執所存之必當。初句沉指時弊。亦在問者。次句隨聲取義。過失尤多。不必雷同。故云多等。多字貫下諸句。次二句大方前識俱出。老氏彼云。大方無隅。又云。前識者道之華。如人欲游大方。反求廉隅。以況欲悟非有非無之般若。反於有知無知中求。前識即惑取也。存分別之識標。指無分別玄妙之智。恰與相反。後句所存者。謂胸臆所見也。執胸臆之見。定爲允當。

是以聞聖有知。謂之有心。聞聖無知。謂等太虛。由前四證。成此二見。

有無之境。邊見所存。豈是處中莫二之道乎。不合中道。反墮斷常。

何者。萬物雖殊。然性本常一。不可而物。然非不物。初二句緣生故萬殊。性空故常一。二諦之境。非一非異。下二句緣生無性故。不可爲物。無性緣生故。亦非不物。

可物於物。則名相異。陳不物於物。則物而即真。初二句迷也。可謂取著則成於名相。名相紛紜。不達三假。故云異陳。賢首大師云。真

空滯於心首。恒爲緣慮之場。實際居於目前。翻成名相之境。後二句悟也。物非主宰。受取亦空。不捨名相。而入圓成。後句恐誤。宜云即物而真。

是以聖人不物取於物。不非物於物。不物於

物、物非有也、不非物於物、物非無也。初二句從緣非有故、云不物、緣起不無故、云不非等、後四句承前以辨中道。

非有所以不取、非無所以不捨、不捨故妙存即真、不取故名相離因。名相離因非有知也。妙存即真非無知也。不取者、名相本空、取之不得故、不捨者、實相妙存離之不得故。次四句中由不捨故、即事而真、湛然無相故、曰妙存。由不取故、名相無因而起、又名與相相因而生、苟不取著相因自亡。後四句中、顯前釋成雙非、非有知者、所知空故、非無知者、心妙存故。

故經云、般若於諸法無取無捨無知無不知、此攀緣之外、絕心之域而欲以有無詰者、不亦遠乎。放光第十三中文具云、般若波羅蜜於諸法等無知下復在別卷、如前引、以五陰乃至十八不共等、相空故無取、無取則無知、妙存故無捨、無捨則無不知也、此攀緣下論辭舉體而責可知。

請詰問夫陳有無者、夫智之生也、極於相內、法本無相聖智何知、世稱無知者、謂等木石太虛無情之流、靈鑑幽燭形顯于未兆、道無隱機、事寧曰無知、初句詰前、但今談者、夫智下四句對妄顯真、以示無知、世稱下揀異木石以示有知、靈鑑下正顯智體、形下示智用、遍知未來故曰未兆、悉覺現在故無隱機、現未既然、過去應爾、華嚴云、智入三世悉皆平等、寧曰無知者、四無所畏懼之而汗竟弗生、十力所能照之而事無不契、達僧祇之

數量、應量難名、窮法界之泉源、太虛何限、遍知若此、豈曰無知耶。且無知生因起於無知、無無知也無有知也。字誤、應云無知生於有知、謂無知亦相待而起、第一義中二名俱無。

無有知也、謂之非有、無無知也、謂之非無、所以虛不失照、照不失虛、怕然永寂靡無執靡拘、孰能動之令有、靜之使無邪。初四句可知、所以下二句承前釋成權實雙現、次一句雙亡、後一句離著、能所兩亡無執也、有無雙非不拘也、孰能下結責、謂動靜二智非異、有知無知何殊。

故經云、真般若者非有非無無起無滅、不可說示於人、證成前義。何則、言其非有者、言其非是有、非謂是非有、言其非無者、言其非是無、非謂是非無、非有非非有、非無非非無、且微經中非有非無而釋之、初句牒經、據起信論釋皆遮過之義、因執般若是有故、言非有、反執云、是非有下復破云、非謂是非有無亦例然、後二句重遮、由聞前說不住有無、却住於非有非無、故今遣云、非非有拂却非有、非非無拂却非無、雖曰不有不無、豈住於不有不無哉。

是以須菩提終日說般若、而云無所說、此絕言之道、知何以傳、庶幾參玄君子有以會之耳。放光無住品略云、須菩提語諸天子言、我所說者常不見一字、致亦無聽者等、此絕下本離言說、亦無相想、以知求智何以傳、通遠言象也。君子者、指遺民依斯通釋有可領

會、以前云當有深證等、故此結之。又云、宜先定聖心、所以應會之道、為當唯照無相耶、為當咸觀其變耶、據前義、先難觀變之知、謂有所取、然後云宜先定聖心、此難通有二意、一難有取、二難心異、今答中先答心異、隨此後答不取、文義相順故也。

談者似謂無相與變其旨不一、觀變則異乎無相、照無相則失於無會、就敘遺民求心有異。然則即真之義或有滯也、即真等者、即俗而真之義、或似滯而未通。

經云、色不異空空不異色、色即是空空即是色、大品第二也、彼云、非色異空、等有執色處非空空處非色、故經云、色不異空等有、執析色方空空不在色、故經云、色即是空等、實性論說、初心菩薩藏於空未了、有三種疑云、今以色空相即二諦相融、先辨境通、後示心一、若如來旨意觀色空時、應一心見色一心見空、設爾何失。

若一心見色則唯色非空、若一心見空則唯空非色、然則空色兩殊陳、莫定其本也、前四句各一句縱前、各一句奪而出過、若唯色非空、何故經云、色不異空空即是空、唯空例同然則下正明其達、本謂經也、亦本旨也、若空色殊觀、豈不違經空色相即之旨、二而不二文乎。

是以經云非色者、誠以非破析色於色、不非色於非色、離經以釋色即是空、故牒非色、初出正理、謂凡夫執青黃等相、皆謂實有

者。不了從緣性空之理。故經破著。即於青黃色中。求色無實如幻如夢。故云非色於色。若非色於非色。太虛則非色。非色何所明。

此釋前不非色於非色也。本就所執。色中非斥如幻。以顯真空。故云非色。若非色於太虛。太虛本非色何用更非。則非色名義自不成立。

若以非色於色。即非色不異色。非色不異色。色即爲非色。前二句色空不異。後二句顯空色相即。成前經意。

故知變即無相無相即變。群情不同故教跡有異耳。考之玄籍本之聖意。豈復眞僞殊心。空有異照耶。承上經意。以所照空有二而不二。答能照之心。二智一體。群情下亦會違。何故亦有說云異俗超然二智各照也。釋云。由群情云云玄籍者。指前所引之經。眞僞是心空有是境。僞曰權智。

是以照無相不失撫會之功。初句觀變動不乖無相之旨。二句造有不異無造無不異有三句未嘗不有未嘗不無四句。依心照境。四句料簡皆顯非異。初句無相即相智照之時。實而恒權二句。變動即靜故權而恒實。三句有不異無非有也。無不異有非無也。以境非有無心造之時理量雙絕。四句中亦承前起。雖非有非無不妨亦有亦無。若心若境遠表四具。遮亦非異表亦無殊。此中照及撫會觀造等言屬心。無相變動及三中有無係境。四中有無通心。文理昭然。不敢狂簡。故曰。不動等覺而建立諸法。即眞成俗也。

以此而推寂用何妨。如之何謂觀變之知異無相之照乎。初二句承前以明心一。如之何下責異。

恐談者脫謂空有兩心靜躁殊用。故言觀變之知不可謂之。不有耳。承前無異以答不取。故復標談者。此但先出問意然後答之。差謂以權實不一之心。觀空有兩殊之境。謂言靜智無知動智觀變。豈無知取乎。脫亦忽也。

若能捨己心於封內。尋玄機於事外。齊萬有於一虛。曉至虛之非無者。當言至人終日應會與物推移乘運時。撫化未始爲有也。玄機者。眞智也。初句令捨情執封滯無懷前識以標玄存所存之必當。事外者。令無即言定旨。

尋大方而微隅。齊萬下謂觀緣出殊性空齊。一非有也。至虛只在緣中非無也。當言下承前以明不取。夫能如是忘情了境。始可與言心也。已推移者。瑤師云。進退也。權多方推移何定。以萬有故撫化。由一虛故無爲。

聖心若此。何有可取。而曰未釋不取之理耶。爲即不爲。何有知取之情。

又云。無是乃所以爲眞是。無當乃所以爲至當。亦可如來言耳。

若能無心於爲是。而是於無是。無心於爲當。而當於無當者。則終日是不乖於無是。終日當不乖於無當。此但遺情不逮是當。於是於當苟能忘心。則終日是當不乖於無是。無當也。我令於是於當忘心離著。誰斥非是非當。

但恐有是於無是。有當於無當。所以爲患耳。

心有住於是當亦惑取之患。何者。假若眞是可是。至當可當。有所著也。下彰其過患云。

則名相已形起。美惡是生。生生奔競。孰與止之。名相一起好惡從生。煩惱紛然諸業隨造。奔走四生競馳五趣。從生至生誰能止息。是以聖人空洞其懷。無識無知。然居動用之域。而止無爲之境。處有名之內。而宅居絕言之鄉。寂寥虛曠莫可以形名。得若斯而已矣。

初二句總顯聖心。非有了別故云無識。亦非知覺故云無知。次二句相即無相。次二句名即無名。非名曰寂非相曰寥。虛曠下成前空洞耳。

乃曰眞是可是至當可當。未喻雅旨也。恐是當之生物謂之然。彼自不然。何足以然耳。是當之心但於名相之物。如是而轉。彼般若之體眞至雙絕。何足以眞是至當爲般若耶。

夫言迹象之與異途之所由生也。而言有所不言。迹有所不迹。是以善言言者。求言所不能言。善迹迹者。尋迹所不能迹。此有二義。一遣民依言求理。二論主依言答難。今皆遣之。

一令妄言會旨。二顯言即無言。初二句雙明過患所由由於言象。異途謂異執宗途也。而言下二句有二義。一言象本空故。二聖心本絕故。是以下承前正示。文甚隱奧。具云善言言者。當言言所不能言之言。謂理非言到。故云言所不能言。寄言顯理故云當言。如經云無說無示。豈不說耶。又云。文字性離。豈取言。

無說無示。豈不說耶。又云。文字性離。豈取言。

耶。以違言之言談離言之理。方爲言所不能言之言。爾述可例說。至理虛玄擬心已差。況乃有言。恐所示轉遠。庶通心君子。有以相期於文外耳。擬心下謂一念起時已落分別。況依分別而與言象。豈非轉遠餘文可解。然道民師承社主。遍友群賢。豈實執異。但嘉雅論精巧深無不至。假問請談發揚其妙。不可執述以輕君子。肇論新疏卷中畢

### 肇論新疏卷下

五臺大萬聖佑國寺開山住持釋源大白馬寺宗主贈邦國公海印開法大師長講沙門文才述

涅槃無名論第四 涅槃唐譯圓寂。謂四德已備曰圓。三障已亡曰寂。即第一義真該通空有佛性是也。故下文亦叙第一義。意在於此。亦名盡諦。如宗中說。約位則凡夫具而未證。三乘證而未極。佛果道圓證無不盡。剋體則因果同源依正平等。在闡提不滅。登極喜非增。下論云。天地與我同根萬物與我一體。然約出處。說有四種。一自性。二有餘。三無餘。四無住處。體用混成四而非四。詳下可了。無名者二意。一約對待謂隨流名生死。返流名涅槃。相待而生。因云涅槃。生死若寂涅槃絕待對。誰名涅槃耶。故經云。生死及涅槃二俱不可得。二就本體。謂名因相起相隨名

現涅槃非相名自何生。下論云。不可以形名得。如本經亦說。涅槃名爲強立。所以淨名杜口。遍友亡言。只爲無名故不說示。雖秦王首唱論主發揮。共稟教源述而不作。

僧肇言。肇聞天得一以清。地得一以寧。君王得一以治天下。表端不稱臣而稱名。方外之高也。後世弗能亦有臣稱。天得下語出老氏。一謂自然之道。三者得一。然後能清寧等。伏惟陛下。聖哲欽教明道與神會。妙契環中理無不統。實游刃萬機弘道終日。威被蒼生垂文作則。法所以域中有四大。而王居一焉。尚書數哲舜德。欽明堯德。以二帝之德美秦王也。道謂至道屬涅槃也。神謂與之神智證會此也。環中者。出莊子。彼齊物篇云。樞始得其環中以應無窮。彼喻世之是非互指。彼此相反如環而無窮。環中之虛則無是非之可寄。以況道也。理無不統。謂衆理悉貫也。威被下歎武以禦難文以經世。謂垂布文教與世爲法。四大者。老氏云。天大地大。道大。而王亦大等。

涅槃之道蓋是三乘之所歸。方等之淵府。涉涉希夷絕視聽之域。幽致旨虛玄。殆非群情之所測。根異有三所歸元一。三乘出界雖殊。然放捨身命。共以大涅槃爲究竟之宅。渺渺者。水大之貌。幽致下如蠶筠。身子地滿智雲。智尚非知。況凡淺群情耶。

肇以人微猥蒙國恩。得閑居學肆。在什公門下。十有餘載。雖衆經殊致勝趣非一。然涅槃一義常以聽習爲先。十有下。瑞公云。十九

見什三十一亡。雖衆下隨經所詮宗趣無窮。涅槃之義先所聽習。

但才識暗短雖屢蒙誨喻。猶懷疑漠漠。爲竭愚不已。止亦如似有解。然未經高勝先唱。不敢自決。不幸什公去世。諸參無所。以爲永慨。漢者瑞云。不分明也。然未下論主謙云。雖似有解。未曾經於高勝之人先示。不敢自判以爲必然。什弘始十一年終。

而陛下聖德不孤。獨與什公神契。目擊道存。快盡其中方寸。故能振舉彼玄風以啓末俗。論語云。德不孤必有隣。由秦建德。感什而來。同聲相應妙趣莫逆。故心神符合。目擊下莊子略云。溫伯雪子適齊。仲尼見之。兩無一言。子路問之曰。若人者目擊而道存焉。謂目相擊觸已達道意。方寸心也。二人同心。以弘法化開悟末世之俗。風教也。啓開也。

一日遇蒙答安城侯姚嵩書問無爲宗極。何者。夫衆生所以久流轉生死者。皆由著欲故也。若欲止於心。則無復生死。既無生死。潛神玄默。與虛空合其德。是名涅槃矣。既曰涅槃。復何容有名於其間哉。姚嵩者。亦秦之宗枝。依唐弘明集十八。略云。秦王先有詔云。夫道者以無爲爲宗。姚嵩難云。不審明道之無爲爲當以何爲體。若以妙爲宗者。雖在帝先而非極等。秦王答略云。吾意以謂。道止無爲未詳所以宗也。未又云。夫道以無寄爲宗。若求寄所在。恐乃惑之大者也。文多不載無爲即涅槃也。因依生死推至涅槃故云流轉等。生死果也。必自因招故云著欲故也。若欲下

明返生死而復涅槃。無復下臨前以明潛神者。冥潛心神也。玄默者。準寂。默是漢字俱通。玄妙寂默謂涅槃也。虛空舉喻無相略同。故言合德集中德作體字。既曰下正顯意。謂無爲宗極返生死有爲。證涅槃無爲。無相無名何體何宗。恐心有所係。當以無寄爲宗耳。斯乃窮微言之美。極象外之談者也。自非道參今文殊德伴各慈氏。孰能宣揚玄道爲法城。暫使夫大教卷而復舒。幽旨淪而更顯。初二句美其解深。微言者經論也。得經論之美。趣盡物外之高談。自非下歎其德遠。王者四海之尊三寶之主。歎雖過實勢合如斯使夫下謂佛法大教卷而復伸。無名幽旨沈而又彰。皆王之力也。

尋玩默然不能暫捨。欣悟交懷手舞弗暇。謂所得既深欣感亦厚。不期於舞手。自舞之舞之弗止。亦應足之蹈之。豈直當時之勝軌。方乃果劫之津梁矣。教既弘闡利及無窮。

然聖旨淵玄理微言約少可以匠法彼先進拯拔高士。懼言題名之流。或未盡上意。庶擬孔易十翼之作。豈貪豐文。圖以弘顯幽旨。輒作涅槃無名論。論有九折十演。博采衆經託證成譬。以仰述陛下無名之致。豈曰關詣神心窮究遠。聊以擬議法玄門。班布喻學徒耳。可以下謂無名之旨深妙。唯可法於先進拔高士之疑也。懼言題等者。謂守名言之輩。但聞無名。未能盡解上意上屬王也。司馬遷紀事以帝爲上。故庶擬下謂比擬十翼。以作

十演且被。守言後進之輩。易本伏羲畫卦。文王繇辭周公繫爻。孔子作十翼。即上象下彖等。今九折十演彷彿于斯。豈貧下不在廣文而在演旨。輒作下可知。豈曰下雖作演論。不敢自謂關涉造詣神妙之心。極盡玄遠允當之理。聊以下但做法妙理之門。布曉學者爾。

論末章云。諸家通第一義諦。皆云廓然空寂。無有聖人。吾常以爲乖殊太甚。運庭不近人情。若無聖人知無者誰。末章者答姚嵩書。末後之章。廓然下時計勝義空寂不容有聖。吾常下正明乖殊差異也。下二句莊子文。林希逸云。疆界相遠也。今言太甚。蓋遠之又遠。若無下反駁。由證勝義故爲聖人。今爲無有者證無者非聖而誰。無指空寂。

實如明詔。實如明詔。夫道恍惚窈冥其中有精。若無聖人誰與道游。頃諸學徒莫不躊躇道門快快此旨。懷疑終日莫之能正。初二句正許。夫道下出理。恍惚下文借老氏。彼云。恍兮惚兮其中有物。窈兮冥兮其中有精。謂有無難象故云恍惚。深窈叵測故云窈冥。以窈冥目空寂。有精目聖人。躊躇者將進將退之貌。快快謂中心鬱滯不通之謂。

幸遭高判。宗徒僥倖。然扣關之儔。蔚登玄室。真可謂法輪再轉於閭浮道光重映於千載者矣。儘破帛聲喻疑情破也。蔚草木盛貌。玄室謂勝義涅槃意云。達達明若高見判決。疑蓋儼然而裂扣關者登登於玄室也。真可謂下歎。

今演論之作立旨曲辨涅槃無名之體寂彼廓然。排方外之談。作意有三。一演無名二寂異說。三按梁傳亦有什公長往。翹思彌厲。惡而作也。雲庵云。寂者息也。息諸家廓然斷見也。排斥逐也。前文別無叙方外之說。今兼排斥。意謂當時學流計空廓無聖。方爲物外或排權小界內生死界外涅槃等。今體用不二。誰內誰外耶。故下云。標其方域不亦遠哉。

條牒如左。謹以仰呈。若少參同聖旨。願勅存記。如其有差。伏承指授。僧肇言。條謂條段。牒謂牒紙。未有時但書簡牒今從古用。條段十演于牒以進指授者。指示教授謙禮於君。本傳云。與覽之答旨。懇懇備加讚述。勅令繕寫。班諸子姪。其爲時所推重如此。

泥曰泥涅槃此三名前後異出。蓋是楚夏不同耳。云涅槃音正也。西來梵僧五竺不同。鄉音成異。亦猶此方楚夏輕重。九折十演者。折謂折辨。有名與難曰折。演謂流演。無名通情曰演。開宗第一。十演之一也。開張也。宗本也。初略張宗本令識大義。後方折演委細巧示。令人深入。做於孝經命章云爾。後之九演宗此演此。

無名曰。經稱有餘涅槃無餘涅槃者。秦言無爲。亦名滅度。欲明無名之致。故牒有名之。二。竟顯此二應物假號。以悟異常無名之妙。無爲者。取乎虛無寂寥妙絕於有爲滅度者。言其大患永滅超度四流。無爲據體而言。滅度息障而稱。分段變易爲大患。欲見有癡



爲四流

斯蓋是鏡像之所歸。絕稱謂之幽宅也。初句喻況。以明所歸。後句法說。略彰無名。有無之跡如鏡中之像。像虛歸鏡跡虛歸性。此句絕相下句離名。幽宅曰涅槃。以是三乘九流之所歸處。義言宅也。問若云絕稱。何立二名。而曰有餘無餘者。良是出處之異號。應物之假名耳。出處猶動靜也。出有名有餘處名無餘。出處不同有無名異應物而有。不應則無以故爲假。

余嘗試言之。夫涅槃之爲道也。寂寥虛曠不可以形名得。微妙無相不可以有心知。超群有以幽升。量太虛而永久。隨之弗得其蹤。迎之罔不跳。其首六趣不能攝其生。力負無以化其體。演漾恍惚若存若往。五目莫覩其容。二聽不聞其響。冥冥宵宵誰見誰曉。彌綸靡所不在。而獨曳出於有無之表。夫涅槃總十九句。初句標體餘皆辨相。卽自性清淨涅槃通凡及聖。如出現經體性真常門。初二對皆上句顯相。下句顯離。前離名相後離心緣。群有下二十五有離苦也。量太下量等太虛而永久。妙存非空也。隨之下二句非前後際離無常也。六趣下二句生滅離也。亦離無我。謂涅槃真我有實主宰自在義故。不能攝之令生化之令滅。此約破二乘末四倒以釋。滿滿下積水成池曰滿。水大曰濤。今取廣大之義。存往難定故云恍惚謂言存此邈然往彼謂言往彼。居然存此。亦如老氏。大曰逝逝曰反。亦可存往猶有無也。五目下成前無相。五

目卽五眼。二聽卽二耳。成前無名。冥冥下冥幽也。目深曰寶。今取深義。誰見誰曉成前離心。彌綸者。包羅之義。塵所不在者。華嚴云。法性遍在一切處等。

然則言之者失其真。知之者反其愚。有之者乖其性。無之者傷其軀。不知非名非相。強言強知。故失真而反愚。不知非有非無。強謂有無。故乖性而傷軀。傷軀者。身本性起。今既爲無。故自傷身。東安莊公云。有質不成。搜源則冥。無質不成。緣起萬形。

所以釋迦掩室於鹿野。淨名杜口於毘耶。須菩提唱無說以顯道。釋梵絕聽而雨花。通引三事。前二明無說後一兼明無聽。反證前言之者失其真。廢竭國名。法華說。如來成佛三七日中而不說法。智論第七云。佛得道五十七日不說等。義言掩室也。淨名經事可知。釋梵等者。大品般若自天主品以來。須菩提依幻化喻。廣說甚深般若無說無聽之理。至散花品釋提桓因及三千大千世界中四天王等。化作天花散佛及大衆上。意云。須菩提以說聽空。故說而無說。以顯實相。諸天解空聽而無聽。爲供深法故散花也。

斯皆理爲神遇。故口以之而默。豈曰無辨。辨所不能言也。斯皆者。通指上三。唯證相應。所以口皆默也。非謂釋迦淨名無樂說之辯。但有辯而不可說也。

經曰。眞解脫者。離於言數。寂滅永安無始無終。不昧不明不覺不覺。湛若虛空無名無說。論曰。涅槃非有亦復非無。言語道斷心行處

滅。義引涅槃淨名等經。涅槃第五廣說眞解脫相。二十一中亦說涅槃非諸相故。淨名阿闍佛品說觀實相。文亦多同。細引恐繁。大義涅槃之體卽是諸法實相第一義。空絕於名數離諸對待。性本自離非方便也。論卽中論。

尋夫經論之作。立豈虛構造哉。果有其所以不有故。不可得而有。有其所以不無故。不可得而無耳。證理爲教。苟無其理。豈虛造其文矣。

何者。教本尋之有境。則五陰永滅。推之無鄉。則幽靈不竭。幽靈不竭則抱一湛然。五陰永滅則萬累都捐。萬累都捐則與道通同。抱一湛然故神而無功。神而無功故至功常存。與道通同故冲而不改。冲而不改故不可爲有。至功常存故。不可爲無。初二對有無雙非。二種苦陰已亡。故云永滅。無亦非鄉。但有無疆域兩異。義言鄉也。般若妙存。故云不竭。與理冥一。故云抱一。惑業苦事如塵如沙。故萬累都捐者。眞解脫故亦可五陰永滅樂也。幽靈不竭我也。抱一湛然常也。萬累都捐淨也。與道通同者。三事四德無異體。故抱一下明體神而下顯用。無功者。卽神而常湛故。常存者。雖曰無功。神應無息故。故涅槃經云。能建大義。後四句約體以明非有。就用以明非無。體用一源故。非有非無。若各說者。五陰滅故萬累捐。萬累捐故與道同。與道同故冲而不改。冲而不改。故不可爲有。相隨釋成前本之有境等。已上約體用可例說。

然則有無絕於內。稱謂淪於外。視聽之所不  
暨。及四空之所昏昧。恬焉而夷。平。怕然而泰。通  
九流於是乎交歸。衆聖於是乎冥會。此亦  
躡前而起。初句絕二種相。次句離二種名。視  
聽下由非名相。故視聽不及四空者。即四無  
色昏昧者。謂涅槃非四空之定。若以此求之。  
則何能明了。故云昏昧。恬焉下復成前義。何  
故爾耶。以其恬焉而夷等。九流有二。一云九  
地。一云治世九流。即道儒墨名等。衆聖三乘  
也。意云涅槃之道是九流所歸。衆聖所會。王  
成不二殊途而同歸。

斯乃希夷之境太玄之鄉。而欲以有無題榜  
標指其方域。而語其神妙道者。不亦遙哉哉  
涅槃之道非聲非色。豈可以有餘爲有。無餘  
爲無。依名榜示標指處。所謂王宮託質爲有。  
雙林息跡爲無。而說其妙道。豈不遠乎。以成  
前文應物之假名爾。

數體第二。九折之一也。最考覈也。因前說  
涅槃之體非有非無。故今折之。體竟何在。此  
假二乘有無之問。以破其執。

有名曰。夫名號不虛生。稱謂不自起。稱謂  
言說也。約義生名。因名起說。  
經稱有餘涅槃無餘涅槃者。蓋是返本之異  
名。神道之妙稱者也。請試陳布之。返本無  
餘之名。神道有餘之號。謂隱現難測曰神。往  
來所遊曰道。

有餘者。謂如來大覺始興。法身初建。濕八解  
之清流。慈七覺之茂林。積萬善於曠劫。蕩無  
始之遺塵。三乘之人斷煩惱障。寂無喧擾。

謂之涅槃。有餘緣等未滅。故名有餘。論意謂  
正覺成佛。積德斷障。自利利他等。皆有餘樂  
也。如來者。乘如實道。來成正覺。據於分小之  
覺。故云大覺。戒等五分名爲法身。依報而住。  
故此先後八解者。因修八觀。隨得解脫。即內  
有色等。此能淨惑。離深清流。七覺者。謂念擇  
等覺分。佛已修圓。如休息於茂林。上明果滿  
下明因圓。積萬下大小皆說三僧祇數六度  
萬行。然義復殊不繁具示。蕩無下明斷惑。  
樹下合斷。謂三十四心等。空污淨智喻于塵  
也。

三明鏡於內。神光照於外。結僧那於始心。終  
大悲以赴難。三明即知三世生死之智。在  
心明內鑑他爲外。僧那梵音。此云弘誓。難  
者。謂生死界。以如來初心結誓盡度生界。故  
成佛已酬願利生。

仰攀玄根。俯提弱喪。超邁出三域。獨踰大方。  
啓八正之平路。坦平衆庶之夷途。驛六通之神  
驥。乘五衍之安車。此顯利生之儀。仰向上  
也。俯就下也。玄根喻理。弱喪者。弱而失國。  
喻背覺合塵。此意如人救溺上於樹。下拯  
溺者。則身不陷。如來亦爾。本智照真。後智救  
物。生死不縛。次二句明超三域。即三界。界外  
名爲大方。亦二空之理也。佛獨踐之。以小教  
說唯悉達一人具遍覺性。故八正者。謂正見  
正思等。衆庶者。庶謂庶孽。即異見外道。謂大  
開八正以坦諸邪。邪徑不自由坦而夷。故。驛  
謂馳騁。駿馬曰驛。神通化物應機敏速。故喻  
神驥。梵云衍那。此云乘。即五乘之法。謂戒善

諸緣六度等。安車者。雲庵云。三乘出三界人  
天出三途。故云安也。化儀大況。啓正摧邪。運  
通說法  
至於出生入死。與物推移。道無不洽。善德思無  
不施。窮化母之始物。極玄樞之妙用。初二  
句明隨機宜。生則出宜。滅則入。但益物是懷  
推移何定。意兼隨類之化。次二句明化博。謂  
八正等布三界俱霑。五衍齊運。群機皆濟。化  
母下道書以氣爲化母。雲庵云。因緣能生諸  
法。如化母也。玄樞喻智。門樞運轉。喻後智應  
動。然此上句舉化境。下句明化智。謂窮盡因  
緣生物之理。極其智用。說因緣生滅之教。知  
可度者度之。不可度者存之。又知宜大宜小  
等。由斯而知所以極智妙神用而化矣。  
廓靜虛宇於無疆。耀耀雲以幽燭。將絕朕於  
九止。永淪太虛。初句所證。次句能證。梵語。  
薩雲若。此云一切智。謂騰耀智光深照前理。  
朕微兆也。九止九地也。太虛無餘也。欲結有  
餘之名。先舉證理入寂。詳此折意。謂如來本  
欲淪虛。但餘緣不盡。居有餘  
而有餘緣不盡。餘跡不泯。業報猶現。聖智尙  
存。此有餘涅槃也。通有四事。一餘緣即度  
餘之機。二餘跡即所依之身。三餘業即感報  
之業。猶有魂氣。四聖智未滅。皆有餘也。  
經曰。陶冶塵滓。如鍊真金。萬累都盡。而靈覺  
獨存。初二句喻說塵如萬累。金如靈覺。鍊  
穢去而真金現。萬累盡而靈覺存。陶謂陶汰。  
冶鎔冶。

無餘者。謂至人教緣都訖。靈照永滅。廓爾無

朕故曰無餘。緣跡既了。業智兼亡。皆無所餘。

何則。夫大患莫若於有身。故滅身以歸無。勞勩莫先於有智。故絕智以淪虛。文有二對。皆初句舉患。後句欣寂。初身後智如文可了。老氏云。吾有大患。爲吾有身。

然則智以因形。倦形以智。勞輪轉修長途。疲而弗已。欲養其形。智慮籌畫。是智因形而疲倦。智既籌慮。反使其身晝夜勞作。是形因智而勞。因此相役於生死長途。如輪運轉雖疲弗止。

經云。智爲難毒。形如桎梏。淵默以之而遼遠。患難以之而起。智慮不一。故云難。毒如世毒藥。能損命故。桎梏刑器。械足曰桎。械手曰梏。桎梏禁人。人實厭之。形能患人。厭亦應爾。淵默下示過。淵默謂無餘。身智兼存而有二過。一遠於無餘。二生於勞患。

所以至人灰身滅智。捐形絕慮。內無機照之動。外息大患之本。超然與群有永分。混爾與太虛同體。寂焉無聞。怕焉無兆。冥冥長往。莫知所之。至人謂如來。體質名身。容儀爲形。灰身乃捐其形患。智卽心體。慮卽心用。滅智乃絕其思慮。次二句釋成無患。超群下六句明益。一超群有離生滅相。二同太虛顯無爲益。三非聲非色。四究竟不退。

其猶燈盡火滅。膏明俱竭。此無餘涅槃也。燈火喻身智。膏明喻形慮。

經云。五陰永盡。譬如燈滅。五陰身心通體。然則有餘可以有稱。無餘可以無名。無名立

則宗虛者。欣尚於沖默。有稱生則懷德者。彌仰於聖功。斯乃典語之所垂文。先聖之所軌轍。初二句謂有斯二理。可立二名。次二句

正彰所益。宗虛謂二乘小機。性本好滅。依名求實而入無餘。懷德謂六度大人。性好立德。依名求實而仰有餘。後之二句。一聖教定量。故。二先聖軌轍。故。

而曰。有無絕於內。稱謂淪於外。視聽之所不暨。四空之所昏昧。使夫懷德者自絕。宗虛者靡託。初四句引前達文。後二句顯失二機。

無異杜耳目於胎藏。如掩玄。玄象於霄外。而責夫宮商之異。辨縉素之殊者也。玄象天上。星彩霄謂霄漢。宮商五音之二。合舉二喻。以喻外亡名相。內絕有無。二喻影略。具云掩玄。象於霄外。閱琴瑟於堂中。却責盲瞶之徒。令辨玄象黑白之殊。琴聲宮商之異。何由能之。法中意云。內存有無。外存稱謂。猶恐不入。今內外雙絕。何以寄懷而悟入。

子徒知遠推至人於有無之表。高韻絕唱於形名之外。而論旨竟莫知所歸。幽途故自蘊而未顯。靜思幽尋寄懷無所。初二句舉得。而論下顯失。至人者。卽涅槃也。出現疏云。雖明現身卽涅槃。用大。有無下謂雙絕名相。幽途者。幽深途徑。謂無名相而引物。物不能造。是自蘊藏。靜思下卽有名者。尋思無所措懷。

豈所謂明大明於冥室。奏玄響於無聞者哉。大明日也。謂若名相雙絕。不應根宜。不可謂之明。果日於暗室。今見其和奏妙音於未聞。使聽其玄。皆約名相以難。

位體第三。十演之二也。位猶安也。亦立也。因有名。數體寄懷無所。故今位之。

無名曰。有餘無餘者。蓋是涅槃之外稱。應物之假名耳。外稱亦強名也。

而存稱謂者。封名。志器象者。耽形。由言封名。志器耽象。所以雙亡。楞伽云。名相常相隨而生於妄想。

名也。極於題目。形也。盡於方圓。方圓有所不象。題目有所不傳。焉可以名於無名。而形於無形者哉。初二句彰名相所盡。世間物象非方則圓。次二句正明妙體。非象故方圓何能象。非名故題目何所傳。大鈔象是寫字。後二句正顯不可。名但名於可名。象但象於可象。無名無象之體。焉可強名強象哉。題云涅槃無名。

難序云。有餘無餘者。信是權寂致立教之本意。亦是如來隱顯之誠跡也。初句牒前名家叙有餘無餘之文。信是下縱是權宜。縱有二意。一權寂是無餘。隨宜方便。故云權也。立教是有餘。皆如來化生之本意。二隱顯之實跡。隱爲無餘。顯爲有餘。

但未是玄寂絕言之幽致。又非至人環中之妙術道耳。奪也。前是權寂立教之意。未是玄寂絕言之致。無相故玄。無名故寂。前是隱顯之跡。亦非環中之妙。環中之妙。豈容隱顯。子。徒不聞正觀之說歟。維摩詰言。我觀如來無始無終。六入已過三界已出。不在方不離方。非有爲非無爲。不可以識識。不可以智知。無言無說。心行處滅。以此觀者。乃名正觀。以

他觀者非見佛也。放光云。佛如虛空無去無來應緣而現。無有方所。初句告問者。經說正觀。子獨未聞耶。維摩下亦約義引之。無始下三句顯超。生相已盡故云無始。滅相又亡故云無終。又三際已斷故。六入六根也。根境相入故名六入。已過者無漏淨色不入塵故。三界下界繫已亡故。不在下四句遮表同時。不可下四句顯體深玄。以此下結揀邪正。皆古譯之經與今經少殊。放光下即義。引彼經第三十卷法上菩薩答薩陀波崙所問之意。大疏云。若有方所此現彼無。無方所故感處即形。此前皆示自性涅槃。下示無住。亦應化涅槃也。

然則聖人之在天下也。寂寞虛無無執無競。導而弗先。感而後應。承前經意以辨。前云。佛如虛空隨緣而現。故云在天下。謂應無不周與體同遍。寂寞下顯非聲色。身非執受故。二執永無故。竟靜也。無靜是涅槃故。導而下因感而導。疾前無藥故。

譬猶幽谷之響明鏡之像。對之弗知其所以來隨之罔識其所以往。恍焉而有。惚焉而亡。動而逾寂。隱而彌彰。出幽入冥變化無常。顯無住也。初四句喻說。後六句法喻皆通。谷鏡皆喻無名之體。對鏡之質。呼谷之人皆喻能感之機。若響若像皆喻於應。於中像喻應身。響喻說法。感之而來謂之有餘。來實非來。雖對之而不知所從。不住有餘也。感謝而往謂之無餘。往實非往。欲隨之而不知所向。不住無餘也。喻意可知。動即有也。隱即無也。機

見去來聖無所住。故云動而等。出幽下釋成。出無入有棄有入無。變化權宜理非常準。無名之道。譬月印空虧盈不遷出入常湛。其爲稱也。三名因應而作。顯跡爲生。息跡爲滅。生名有餘。滅名無餘。生滅因乎顯息。有無復由生滅隨跡而起。非假名何。

然則有無之稱本乎無名。無名之道于何不名。有無跡也。末也無名。實也。本也跡從。實現末自本名。

是以至人居方面方。止圓而圓。在天而天。處人而人。承前于何不名。以示用也。逐器應形無不能也。方圓喻殊機。應天爲天。應人名人。同類攝生無擇。應居士宰官等。如本經廣示。

原窮夫能天能人者。豈天人之所能哉。果以非天非人故。能天能人耳。是天是人之定報。豈能應天應人而現形。正由非天非人。所以能應天人。有體方用。

其爲治化也。應而不爲因而不施。因而不施故。施莫之廣。應而不爲故。爲莫之大。現身名應感而後應。聖不爲也。現通說法名施。因機而作。聖不施也。施作也。平聲。起信論示用大云。第一義諦無有世諦。離於施作。但隨衆生見聞得益等。莫之者。合具二意。一最大故廣故。如衆生界一時皆感。亦一時普應。此應之大更無大於此者。施例之。二忘廣大之相。亦云莫之。如下云。

爲莫之大。故乃返於小成。施莫之廣。故乃歸乎無名。莫之者。亦忘乎至大至廣之相也。

由忘乎大故曰小成。但寄小以遺大。豈住小成。由忘乎廣故歸無名。總前意云。謂依體起用即用恒體。非體時不用用時不體。體用無住無不住也。

經曰。菩提之道不可調度。高而無上廣不可極。潤而無下深不可測。大包天地細入無間。故謂之道。經即太子本起瑞應經也。菩提祕藏中般若故。圖度思慮也。何故不可耶。以高而無上等。謂高深有際可思。上下無窮故不可也。天地至大智又包含。無間至小智復入中無間。如子微極細無中間也。以證涅槃體大用廣。

然則涅槃之道。不可以有無得之明矣。而惑者觀神變因謂之有。見滅度便謂之無。有無之境妄想之域。豈足以標榜玄道。而語聖心者乎。執跡迷本。亦猶逐派而亡源。且略標涅槃。令共知有。而於正位猶爲剩名。計跡爲實。空花結果。

意謂至人寂怕無兆。隱顯同源。存不爲有亡不爲無。至人法身德也。正位之中有無幾微。亦不形兆。故云寂怕。餘可了。

何則佛言。吾無生不生。雖生不生無形不形。雖形不形以知存不爲有。初句放光。即彼二十六中云。無形下亦義。引放光涅槃等經。以知下論斷。生謂四生。無生不生者。猶云無一生而不生。形謂六道萬類之形。猶云無一形而不形。何者。如忍辱太子等胎生也。雁王鸚鵡卵生也。頂生手生濕生也。爲天爲鬼化生也。四生攝於萬類。如涅槃三十二云。菩薩

摩訶薩受身乃至鹿鬼龍蛇等身。然但由感起即應而真故。復云不生不形。即不爲有也。

經云。菩薩入無盡三昧。說見過去滅度諸佛。又云。入於涅槃而不般涅槃。以知亡不爲無。初引普華嚴。即安住長者。成就法門名不滅度。所得三昧名無盡佛性。唐譯名佛種無盡。梵云三昧。此云正思。亦云正受。無盡者以佛性無盡。故入此三昧見三世佛亦無盡。又此宗中三世互現故。現在中見過未佛也。廣示如經後引義同。即本經二十一中之義。是知梅檀塔下勝觀元存。靈鷲山中釋迦常在。莫隨妄想見有去來。

亡不爲無。故雖無而有。存不爲有。故雖有而無。雖有而無。所謂非有。雖無而有。所謂非無。躡前以顯二非之中。無住涅槃。跡不可執。然則涅槃之道果出有無之域。絕言象之運斷矣。四法皆非。真應莫稱。有無不住言象何及。教明如鏡理直似絃。喻合符契義皎白盡斷然超絕。無復前惑。

子乃云。聖人患於有身。故滅身以歸無。勞動莫先於有智。故絕智以淪虛。無乃乖乎神極。傷於玄旨者也。此非答前正問。以前名家叙入無餘。所以云。身爲大患。智爲難毒。此見淺近過患良深。故答問已。兼彼此。敘計無乃下責非。神極者。神妙至理。玄旨者。幽玄經旨。

經曰。法身無相應物以形。般若無知對緣而照。晉經三十二略云。清淨法身非有非無。

隨衆生所應。悉能示現。下對即諸部般若之意。無身而形。非心而照。引此意明。身心尙無勞患何起。

萬機頓赴而不撓其神。千難殊對而不干其慮。動若行雲止猶谷神。豈有心於彼此。情繫於動靜者乎。般若無知也。初四句法說萬機大數也。不撓有二。一由機感故。如水澄月現。二由無思故。如摩尼出生千難例同。次二句喻明有餘名動。如行雲無餘名靜。猶谷神也。谷神出道經。彼云。谷神不死。後二句正明無心。

既無心於動靜。亦無相於去來。法身無相也。初句躡前後句例身。以釋前文法身無相。去爲無餘。來爲有餘。

去來不以相故。無器而不形。動靜不以心故。無感而不應。躡前雙明身心。以成前文。應物而形對緣而照。

然則心生於有心。相出於有相。機有身心之感而聖有身心之應。

象非我出故。金石流而不焦。心非我生故。日用而不動。紘紘多自彼。於我何爲。象非聖出。心非聖生。既由機感而現。此身此心何患何勞。故出現疏云。象非我有。自彼器之虧盈。心非我生。豈普現之前後。金石下即莊子逍遙篇云。大旱金石流。土山焦而不熱等。

所以智周萬物而不勞。形充八極而無患。益不可盈。損不可虧。八極八方之極際也。無心之心。遍知一切而何勞。非身之身分應八方而弗患。至于遣待問候。只叙禮儀。答以輕

安俯隨世範。豈曰小疾須乳爲雷居士呵哉。後二句以身心無爲。故非所損益。初句擬繫辭。

寧復病中達。壽極雙樹。靈錫天棺。體盡焚燎者哉。長阿含等說。如來向拘尸羅城中路背痛。令弟子四疊伽黎樹下休息等。天棺即金棺也。依古聖輪王葬儀而作。故言天棺。意云。身心非有自感而興。非益能盈非損可虧。豈同小乘之見半路背痛雙林壽終。靈智滅於天棺。聖體灰於焚燎也。

而惑者居見聞之境。尋殊應之跡。秉執規矩以擬大方。欲以智勞至人形患大聖。謂捨有入無因以名之。豈可謂采微言於聽表。拔玄根於虛壤者哉。初二句法說。次二句喻明。

方曰規。圓曰矩。今之梓匠所用斗尺也。意云。任見聞之情執殊應之跡。欲求無名之妙。如人手執斗尺擬量大方。不知其可也。故本經名爲二乘曲見。欲以下正明謬執。豈可下責其淺近。言即名言謂有無之名。應權施設。無實體性。非名之名。故云微言。會意忘名。故云聽表。玄根喻涅槃。出生世出世善故。事相本空。故云虛壤。意謂。有無二種。名相兩虛。無相無名涅槃顯現。義說采拔。

微出第四。九折之二也。微言也。前章云。涅槃之道果出有無之境。微意云。有無二法攝盡一切。如何有無之外別有涅槃之體。今詳微辭。包舉儒老有無之說。復引小乘有無二爲例以徵之。下超境中皆超此有無。

有名曰。夫混元剖判萬有參雜分。有既有矣。

不得不無。無不自無必因於有。所以高下相傾。有無相生。此乃自然之數。數極於是。混謂混沌。元謂根元。剖判分裂也。萬有即萬物。世典多說。元氣鴻濛而為混沌。形如雞子。爾後清氣上升。穹窿為天。濁氣下沉。磅礴為地。即混元剖判。亦一生二也。盤古生中。萬八千歲云云。是一生三。盤古死後。形分物兆。萬物叢生。是三生萬物。今意混元已前。屬無。一氣始萌。即入有境。是無而生有也。次二對明有無相成。所以下引老氏以結。皆明相因而起。此乃下顯是定數。非由使令。故曰自然。

以此而觀。化母所育。生理無幽顯。恢愜惛怪。無非有也。有化而無。無非無也。然則有無之境。理無不統。化母道也。亦氣也。理無下據。理而推。不論幽顯兩途之中。物有恢而大者。愜而奇者。惛而詐者。怪而妖者。妍醜多端。巨細萬狀。無非是有。既因無而有。必自有而無。千狀萬態。皆入無也。然則下正明通統。恢愜一句。用莊子文。已上儒老皆有此論。何晏王弼諸儒各有申說。謂之清談。事在通鑑諸書。故今論主假問而遣。

經云。有無二法。攝一切法。又稱三無為者。虛空數緣盡。非數緣盡。數名慧數。緣即是慧。盡為滅諦。謂無漏慧斷諸煩惱。證滅諦理。唐譯名擇滅無為。非數緣盡者。即諸法緣離自滅。於此三中。取第二為小乘涅槃。第三同前儒老。自有入無。以明有無攝世出世。以無餘即出世法故。而論曰。有無之表。別有妙道。妙於有無謂之。

涅槃。請觀妙道之本。豈果若有也。雖妙非無。雖妙非無。即入有境。果若無也。無即無差。無而無差。即入無境。總而括之。即而究之。無有異有。而非無。無有異無。而非有者。明矣。初四句引前達文。請觀正難。下意云。妙道之體。畢竟有之。體雖玄妙。不可謂無。便入有境。下無例同。總而下正顯所收。意謂妙本非有。非無者。非有即是無。非無即是有。未曾見一法異有之外。而為非無者。下句例說。

而曰。有無之外。別有妙道。非有。非無。謂之涅槃。吾聞其語矣。未即於心也。耳雖聞其說。心未悟其理。吾聞其語矣。論語文。超境第五。十頌之三也。超越也。境即有無六塵之境。微中欲以有無統收涅槃。演中指二法俗諦之境。涅槃真諦卓然超越。以破外宗有無之見。

無名曰。有無之數。誠以無法不該。理無不統。雖然其所統俗諦而已。有無雖寬收一切。但不收真諦。經曰。真諦何耶。涅槃道是。俗諦何耶。有無法是。義引大品。道樹品云。菩薩以世諦故。示衆生若有若無。非以第一義諦。問以屬體二諦。迨然仁王經亦以有無為俗諦。

何則。有者有於無。無者無於有。有無所以稱有。無有所以稱無。然則有生於無。無生於有。離有無離無無有。有無相生。其猶高下相傾。有高必有下。有下必有高矣。初二句明二法相因。由有於無。所以是有。下句例之。次二句承前以生二名。然則下顯明相待兩成。

離有下反顯不待皆非。有無相生。下引類。非直有無相待。至於高下。是非前後等皆然也。然則有無雖殊。俱未免于有也。此乃言象之所以形。異是非之所以生。豈足以統大幽極而擬夫神道者乎。初二句中對有之時。無乃是無。若二法相待。因有生無。皆是緣有也。此乃下隨有無而興言象。依言象而起是非。豈足明於幽深神妙之道乎。

是以論稱出有無者。良以有無之數。止乎六境之內。六境之內。非涅槃之宅。故借出以莊道之。初句牒前位體中結文。六境者。古譯六塵為六境。皆緣生之形。兆入有緣。散入無。豈涅槃之居宅。故假借出之言。以顯高邁。庶希道之流。彷彿幽途。託情絕域。得意亡言。體其非有非無。豈曰有無之外。別有一有而可稱哉。彷彿者。相似比擬也。猶言做法玄道而悟。如何法耶。一相絕。二言亡。不可守有無之言。而隔玄悟。體其下。但可體究其非有非無。不生知覺。自與玄會。若計有無之外。別有涅槃。復入有境。豈能超之。

經曰。三無為者。蓋是群生紛競。生乎篤厚。患篤患之。尤莫先於有。絕有之稱。莫先於無。故借無以明其非有。明其非有。非謂無也。經即羅什所譯仁王也。紛競煩惱也。亦業也。篤患生死也。有謂三有。有為有漏故。絕有下。謂欲引出有為。則無為第一。此意佛說無為令群生息有為之患。爾借無下。但假借無為之名。以引著有之物。令悟非有。故放光云。若無有為亦無無為等。非謂非有是斷無之無。恐儒

老之流計有無遍攝一切。謂涅槃亦無之所攝。曲引佛經有爲無爲。以爲類例。涅槃既是無爲亦合無攝。故合無攝。故設此難以揀之一揀涅槃非有無攝。二揀無爲之無。非二家所計有無之無。

搜玄第六 九折之三也。亦承前起。至下可知。

有名曰。論旨云。涅槃既不出有無又。不在有無。初句叙前豈。曰有無之外等。次句叙前良以有無等。

不在有無則不可於有無得之矣。一也不出有無則不可以離有無求之矣。二也求之無所便應都無三也。二所不得當求無所。究竟無體徒說何爲。

然復不無其道。其道不無則幽途可尋。所以千聖同轍。未嘗虛返者。也。初明玄體非斷所以千聖同歸。必有實理。

其道既存而曰不出不在。必有異旨。可得聞乎。若斷可許不在不出。既存何云雙離妙存第七。十演之四也。不出不在曰妙。體非斷絕曰存。亦示無住之深。

無名曰。夫言由名起。名以相生。相因可相無相無名。無名無說。無說無聞。初三句舉妄後三句顯真。可相者。相由心起。心於相上印可分別。故言可相猶言相由心現。

經曰。涅槃非法非非法。無聞無說非心所知。本經二十一云。略謂涅槃非相非不相。非物非不物等。無聞無說等。亦淨名文。理事善惡等皆名爲法。今順論意。且以有無爲法。非

法不在也。非非法不出也。不出不在無說也。無說則無聞。無聞則無知也。

吾何敢言。而子欲聞之耶。此由名家執出在之名而折非出非在之妙。願樂欲聞。故於答前光舉妙體之玄。以拂聞相。令忘名會旨。

雖然善吉有言。衆生若能以無心而受。無難而聽者。吾當以無言言之。庶述其言。亦可以言也。義引大品須菩提告釋提桓因諸天子之意。非正文也。事如前引。予以論勸經。論主引用實有多式。或引正文。或取義引之。或出經名。或汎舉之。或但引經中人名。或合集上下字文。或合集兩經引之。或略或詳。細推自見。

淨名曰。不離煩惱而得涅槃。天女曰。不出魔界而入佛界。彼經弟子品云。不斷煩惱而入涅槃。天女下即寶女所問經第四。寶女偈答舍利弗云。如魔之境界。佛境界。則平等相應爲一類。以是印見印。

然則玄道在乎妙悟。妙悟在於即真。即真則有無齊觀。齊觀則彼已莫二。初句於道貴悟。如何悟耶。即妄而真故。如前云。不離煩惱得涅槃等。次句既不離緣而即真。觀色之時莫非見空。觀空之時莫非見色。故云齊觀。彼已目心境。心境一如。故云莫二。

所以天地與我同根。萬物與我一體。天地萬物皆境也。我即心也。既云同根一體。則本無二。交似莊子。

同我則非復有無。異我則乖於會通。同我者。心境無異亦理。非復有無者。有無

之事泯絕也。異我下心境理事兩殊。不能會證冥同也。詳此二句。唯同唯異皆非。亦同亦異方離諸過。出在兩成。何者。由異故事理相違。所以不在。今若唯同非復有無。則不在之旨不成。由同故事理相即。所以不出。今若唯異乖於會通。不出之旨不成。以涅槃是理有無屬事。故相攝各有二過。可知。

所以不出不在而道存乎其間矣。何則。夫至人虛心冥照。理無不統。懷六合於胸中。而靈鑑有餘。鏡萬有於方寸。而其神常虛。初二句汎明一智皆虛冥也。次二句示正智照理。四方上下名爲六合。後二句示後智達事。鏡萬下謂萬有於方寸而無慮焉。故云常虛。此辯智玄下明證妙。

至竟能拔玄根於未始。即群動以靜心。恬淡淵默妙契自然。至能下承前以明。玄根喻真拔喻於證。未始二意。一未猶無也。理無始故智始會時非照今有。二智雖極真未始照。故如前云虛心等。群動俗也。權應之時初無應相。故云靜心。後二句如次成上二智無相。自然者。感而後應。不加功力。起信云。自然而有。不思議業。能現十方利益衆生。

所以處有有。居無不無。居無不無故不無於無。處有有故不有於有。故能不出有無。而不在有無者也。所以下略至人二字。初二句承前釋成。處有居無明不出也。不有無明不在也。次四句躡前雙示不住。故能下結成。

然則法無有無之相。聖無有無之知。聖無有



無之知。則無心於內法。無有無之相則無數相於外。於外無數於內無心。此彼寂滅物我。心冥一。怕爾無礙乃曰涅槃。涅槃若此。國度絕矣。初二句顯心境無相。次四句明心境兩亡。次四句心境冥一。怕爾下結離心思。國度思慮也。

豈容責之於有無之內。又可徵之於有無之外耶。

難差第八 九折之四也。此亦承前心境不二之妙。以難三乘等修證之差。

有名曰。涅槃既絕國度之域。則超六境之外。不出不在而玄道獨存。斯則窮理盡性。究竟之道妙一無差。理其然矣。通叙前理。窮理盡性語出周易。彼云。窮理盡性以至於命。理其然者。許可其理。

而放光云。三乘之道皆因無為。而有差別。即二十四中之文。亦少不同義則無異。金剛亦云。一切實法皆因等云云。

佛言。我昔為菩薩名曰儒童。於然燈佛所。已入涅槃。儒童菩薩時於七住獲無生忍。進修三位。緣起如本行說。詳意儒童時居七住。依無生忍見無生理。名入涅槃。折意以既得涅槃。謂究竟無修。如何復修後三住乎。古譯十地亦名十住。

若涅槃一也。則不應有三。如其有三則非究竟究竟之道而有升降之殊。衆經異說何以取中耶。初四句難三乘有差。以三一互達故非究竟。則無常也。次二句顯前以難三位之殊。升降高下也。中謂折中亦正也。

辨差第九 十演之五也。辨請分辨無名曰。然究竟之道理無差也。理無二。實所以究竟。

法華經云。第一大道無有兩正。吾以方便為怠慢者。於一乘道分別說三。三車出火宅。即其事也。亦義引法華前後之文。正法華善權品云。是一乘道寂然之地。無有二上等。妙法化城品云。佛為求道者中路憊廢。意止息故。以方便力。於一乘道分別說三。憊廢亦怠慢也。火宅可知。

以俱出生死故。同稱無為。所乘不一故有三名。統其會歸一而已矣。三乘云殊免患是同。所乘下通理教行果。今略就教行釋之。教者。謂依一乘分別說三。即歸緣度。行者。三乘三行大小不一。統其下意。謂能乘之人。隨所乘之法。不一而有三名。所歸之理。唯一無二。

而難云。三乘之道皆因無為而有差別。此以人三。三於無為。非無為有三也。初四句敘難。此以下出理。三差在機。不在於理。

故放光云。涅槃有差別耶。答曰。無差別。但如來結習都盡。聲聞結習未盡耳。即彼經二十四中之文。但如來下彼云。但如來諸習結盡。聲聞習結不盡。等。即二障種子習氣。此約三乘斷惑淺深。以分三異。非涅槃有三也。

請以近喻以況遠旨。如人斬木去尺無尺。去寸無寸。修短在於尺寸。不在於無也。已見邊為近。未見邊為遠。人喻三乘。斬喻智斷。木喻種現。無喻無為。尺寸喻三乘斷惑多少。

也。以喻量法昭然可見。

夫群生萬端。識根不一。智鑑有淺深。德行有厚薄。初句總指大句。識謂識心。即樂欲不同。謂樂大樂小。根謂根性。即種性不一。即大機小機。大句大乘雙照二空名深。小乘獨見人空名淺。德行下自利之行名薄。二行雙行名厚。亦可證緣之行名薄。六度萬行名厚。

所以俱之。作彼岸。而升降不同。彼岸豈異。異自我耳。由識根差別故。所以俱往彼岸而高下不齊。喻以生死為此岸。煩惱為中流。涅槃為彼岸。彼岸唯一為力。不同故成異也。

然則衆經殊辨其致不乖。由前云衆經異說何以取中。今引法華明三乘一起。三雖差別。至道唯一。三位例然。

實異第十 九折之五也。所證之理既一。如何能證之人三殊耶。此亦顯前而問。下文自具。

有名曰。俱出火宅則無患一也。同出生死則無為一也。而云彼岸無異。異自我耳。彼岸則無為岸也。我則體證無為者也。初喻大法免患既同。無為定一。而云下舉前違文。彼岸下約法約人。先定其理。而後難云。

請問我與無為。為一為異。若我即無為。無為亦即我。不得言無為。無異異自我也。若我異無為。我則非無為。無為自無為。我自常有為。冥會之致又滯而不通。初二句雙審。若我下出第一過。明人法相。即既人法相即人三法三。何云法一也。又若我下出第二過。明人法兩異。無為有為兩分。有為三乘應。不冥會。

於無爲之理。何言三乘冥會耶

然則我與無爲。一亦無三異亦無三。三乘之名何由而生。以人從法。一人一也。異則不證於何有三耶

會異第十一。十演之六也。會謂會通。下文自顯

無名曰。夫止此而此適彼而彼。所以同於得者得亦得之。同於失者失亦失之。此目此岸。彼目彼岸。猶言居生死之岸。則同生死之患。無爲例之。所以下承前已明。文擬老氏同於得下釋前適彼而彼。得謂證得然通能所。能得之人同所得之理時。理亦同於能得之人。如下云。我即無爲無爲即我。同於失下釋前。止此而此能所不相得也。反前可知

我適無爲我即無爲。無爲雖一何乖不一耶。人證法時人法必即也。所以亦三者。理雖一味。證有淺深故。於法略示。下喻及合中具顯

譬猶三鳥出網同適無患之域。無患雖同而鳥鳥各異。不可以鳥鳥各異。謂無患亦異。又不可以無患既一而一於衆鳥。然則鳥即無患。無患即鳥。無患豈異異自鳥耳。初四句舉喻體。三鳥隨舉大中小者。在網爲患。出網之時遠近雖殊。皆爲無患之域。以喻三乘斷惑出界。不可下鳥患相望反責一異。然則下釋成相即。又不防鳥異。美哉斯喻何疑不遣。如是三乘衆生俱越妄想之樊。同適無爲之境。無爲雖同而乘乘各異。不可以乘乘各異。謂無爲亦異。又不可以無爲既一而一於三

乘也。然則我即無爲無爲即我無爲。豈異異自我耳。三乘衆生者。諸蘊未轉二死猶存。相續之心猶生。和合之識未破。等覺已降。皆有此名。亦前四句明人證法。不可下四句以人會理。會許淺深。人可云異。理何異耶。亦不可云由理一故。不許證有淺深之殊。何云一亦無三耶。然則下結成相即。理則元一證則有三也。句句合前不煩重指

所以無患雖同。而升虛有遠近。無爲雖一而幽鑑有淺深。承前法喻。以答異亦無三也。初二句喻明。後二句法說。前舉三鳥雖異。免患是同。免則相即。不妨人異。以明一亦有三。此舉近患雖同遠近有異。以明異亦有三。但異在遠近不在於法。幽鑑三乘之智也

無爲即乘也。乘即無爲也。此非我異無爲。以未盡無爲故有三耳。初二句明相即無異。此非下以相即故非異。非異故冥會。誰云其異而乖於冥會耶。以未盡故有三。誰云異亦無三。血脈隱微。可細推釋

詰漸第十二。九折之六也。詰難也。由前未盡有三。以是漸義故今詰之

有名曰。萬累滋彰本於妄想。妄想既祛則萬累都息。二乘得盡智者薩得無生智。是時妄想都盡。結縛永除。枝末龜惑衆多名萬滋益也。彰著也。妄想即根本無明細惑。意云。枝末雖衆本惑唯一。但剪本惑末惑頓息。理可頓證。盡智下大品說。三乘之人共十一智。第九名盡智。謂苦已盡見等。第十名無生智。謂苦已見而不更見等。則前之十智聲聞皆有。

盡智在已辨地得之。今云。若薩得無生智者。二地已上第九菩薩地阿鞞跋致。如實知諸法本自不生今亦無滅。名無生智。不共二乘也。意謂智起惑亡理即顯現。如大品放光及智論二十三廣說

結縛既除則心無爲。心既無爲理無餘翳。初一句躍前。次句明證後二句惑盡。理如明鏡惑如塵翳。妄惑既盡理即明淨

經曰。是諸聖智不相違背。不出不在其實俱空。又曰。無爲大道平等無二。放光第二略云。聲聞辟支佛菩薩佛世尊。是諸聖智不相違背。乃至云。不出不在其實空者無有差殊。與大品大同。今謂在字宜是生字。傳之誤也。智論四十三解云。因邊不起名爲不出。緣邊不起名爲不生。又曰下亦義引大品等。如三慧品。須菩提白佛言。世尊無爲法中可得差別不。佛言。不也等

既曰無二。則不容心異。不體證則已。體應窮微而曰體而未盡。是所未悟也。初句躍前理智無二。次句會前不相違背。不體下意云。三乘之智無殊。是唯不證證則頓盡。如何分小大之殊。談漸盡之理

明漸第十三。十演之七也。謂結智不可頓盡。無爲不可頓見。譬如磨鏡塵亦漸除。明亦漸現

無名曰。無爲無二則已然矣。結使重惑而謂可頓盡。亦所未喻也。初二句許前。結使下正明其漸。此明方便淨也。三乘之人皆以見前伏惑。登見道已始盡分別。思惟位中漸

斷俱生。如是已歷乾慧乃至已辦及許支佛菩薩等地。方得無漏盡無生智。

經曰：三箭中的。三獸渡河。中渡無異而有淺深之殊者。爲力不同故也。初二喻皆占譯毘婆沙論之義。故彼論二十二云：猶如一的若木若鉄。乘箭所中如是一。無爲體爲三想所行等。五十五云：於甚深十二因緣河。能盡其底。是名爲佛。二乘不爾。如三獸渡河。謂兔馬象。兎則騰擲乃渡。馬或盡底或不盡底。香象於一切時。無不盡底等。

如是三乘衆生俱濟緣起之津。同鑑四語之的。絕僞即真同升無爲。然其所乘不一者。亦以智力不同故也。緣起謂十二因緣。津謂渡處。渡已名濟。四語可知。若緣若證。隨一法門三人同稟。通教意也。所稟法門無殊。隨其機宜但成自乘菩提。亦婆沙之意。涅槃略云：十二緣生下智觀者得聲聞道等。見諦之理名曰中的。行相皆多。如婆沙說。絕僞者。斷惑也。即真者。證理也。同升無爲者。明所趣非異。然其下明能趣有殊。後句即論語云：射不主皮爲力不同科。以法對喻。昭然可知。

夫群有雖衆。然其量有涯。正直使令智猶身子辨若滿願。窮才極慮莫闕其畔。群有即萬物也。量謂邊量緣起事法。雖廣多無際。然有名有相皆屬分限。故云有涯。身子即舍利弗。智慧第一故。滿願即富樓那。辨才第一故。意云。有限俗諦直令窮滿願之辨才。不能盡談其名極。身子之智慮不能遍知其狀。故涅槃三十五云。我往一時在耆闍崛山。與彌勒菩

薩共論世諦。舍利弗等五百聲聞。於是事中都不識知。何況出世第一義諦。

況夫虛無之數。重玄之域。其道無涯。欲之頓盡耶。虛無重玄擬老書爲文。謂涅槃也。有涯之數令智辨之人尙不闕其畔。無涯之真使三乘衆生欲令頓盡。豈能爾耶。譬乎九層之臺不可躡等。萬里青冥頓欲階升。於道未許故。

書不云乎。爲學者日益。爲道者日損。爲道者。爲於無爲者也。爲於無爲而日日損。此豈頓得之謂。要損之又損之。以至於無損耳。例引老書。論主於中間而釋之。以喻漸斷之理。如見前見後之節級。性宗相宗之位次寄位斷惑皆此理也。

經喻螢日智用。可知矣。放光第二云。舍利弗。譬如螢火虫不作是念言。我光明照闇淨提。普令大明。如是舍利弗。諸聲聞辟支佛亦無是念言。我當行六波羅蜜具足十八法。成阿惟三佛。度脫衆生。舍利弗。譬如日出遍照闇淨提。莫不蒙明者。如是菩薩行六波羅蜜具足十八法。成阿惟三佛。度不可計一切衆生。

譏動第十四。九折之七也。譏諷也。亦詰難之謂。前斷惑證理損益等皆動。故論文雖別引經以辯。然意中含。有前旨。如下云。既以取捨爲心。損益爲體。豈非盡惑證理之動也。所以譏動者。欲明動而常寂。寂而恒動。無住之行。事理雙修。不爾奚證無住涅槃之果。

有名曰。經稱法身已上入無爲境。心不可以

智知。形不可以象測。體絕陰入心智寂滅。而復云。進修三位積德彌廣。方廣分中共示菩薩入地。心證真如離分別故智不知。以法爲身故象弗測。至七地中心身無相。如何復進後之三地。焉非其動乎。

夫進修本因於好。尙積德生起於涉求。好尙則取捨情見。涉求則損益交陳。初二句推因。謂心有尙於後位。所以進修其勝分。身有涉求於衆德。所以復出於自分。次二句顯其過患。取後捨前損障益德。皆分別之動。既以取捨爲心。損益爲體。而曰體絕陰入心智寂滅。此文乖致旨殊。而會之一人。以此四者身心兩現。如何乃云體絕云云。文義既殊動靜互戾。會屬於儒童一人如何。

無異指南爲北。以曉迷夫也。南喻動北喻寂。經中云寂云動令人服行。既二理相違。如何準的。譬之欲北而反指南。若今謂寂而反示動。何以令迷夫行人曉解耶。南北喻動靜者。南爲朱明故喻動。北爲玄冥故喻寂。

動寂第十五。十演之八也。法身已上行行合真即相無相。焉有動而不寂。寂而不動耶。今標動靜不云寂動者。以問中但譏其動。意謂動則達寂。不知動時全寂。故云動寂。然京實教之行。悟理起行。不揀凡夫。況七地乎。演此顯無住之因。方契無住之果矣。

無名曰。經稱聖人無爲而無所不爲。放光二十四云。佛言。適無所爲故。行般若波羅蜜等。無爲寂也。無所不爲動也。寂不妨動故。無爲故。雖動而常寂。無所不爲故。雖寂而常

動雖寂而常動故。物莫能一。雖動而常寂故。物莫能二。物莫能三。故。逾動逾寂。物莫能一。故。逾寂逾動。初四句相顯顯動寂無違。次四句顯二法非一非異。後四句顯前釋成二行雙流。

所以爲即無爲無爲即爲。動寂雖殊。而莫之可異也。承前三對之文。一致已明。此但結成前所引經。通答進修之動。既爲即無爲。如何進修三位。一句屬動。

道行云。心亦不有亦不無。即彼經初卷中文。據前問中。身心各說。以進修是取捨之心。積德是涉求之身。今答中初答進修。引爲不爲之文。意復屬身以運行由身故。今答積德。而却引心亦不有之文。意以涉求豈非是心。大底行由身運身由心策。身心相應互舉皆可。況法身菩薩證心成身。未嘗宛異不惟動寂無殊。亦乃身心一致。

不有者。不若似有心之有。不無者。不若無心之無。義如下釋。

何者。發有心則衆庶是也。無心則太虛是也。衆庶止於妄想。太虛絕於靈照。豈可止於妄想絕於靈照。標其神道而語聖心者哉。衆庶謂凡夫。初二句指體。次二句彰過。豈可下正揀。

二句離過。次二句證理。次二句初由契理。恒沙佛法一一隨理周遍法界。後二句由心想滅故功皆無相。無容我證我爲。如何乃至積德起於涉求哉。

所以應化無方未嘗有爲。寂然不動未嘗不爲。經曰。心無所行無所不行。信矣。答問至此大理已明。前結後證文皆可了。所引之經亦義引大品等。如無作品云。菩薩行般若不行色。爲行般若。不行受想等爲行般若等。自此已下廣會教理。旨不異前。

儒童曰。昔我於無數劫。以國財身命施人無數。以妄想心則非爲施也。今以無生心五華施佛。始名施爾。又空行菩薩入空解脫門。方言。今是行時非謂證時。智論第十六云。我於無量劫中。頭目髓腦以施衆生。合其願滿。乃至殷勤精進求此功德。欲具足五波羅蜜。我是時未有所得。見然燈佛。以五華施佛。布髮泥中得無生法忍。即時六波羅蜜滿等。釋曰。七地已前智相未盡故。三輪未或全空。住相行施非真施也。以不順真故。施既如此戒等皆然舉一例諸也。至無相地智相已亡。無生又證施無所住。冥然契真。施雖五花之妙。勝前身命之多。蹄涉海量何敢相望。施華之緣如本行經。又空行下放光二十略云。菩薩行空無相無願三昧等。今正是行五波羅蜜時。非是證時。皆顯動寂無妨。

然則心彌虛行彌廣。終日行不乖於無行者也。謂行行忘相。動而恒寂。是以賢劫稱無捨之檀。成具美不爲之爲。禪

典唱無緣之慈。思益演不知之知。梵云檀那。此云布施。賢劫經說。一切諸法無有與者。是曰布施。成具經云。不爲而過爲。禪經說。慈心三昧有無緣之慈。思益經略云。無取捨之知方爲知矣。

聖旨幽玄殊文同辨。文雖四異。旨則一貫而玄通。豈可以有爲便有爲。無爲便無爲哉。菩薩住盡不盡平等法門。不盡有爲。不住無爲。即其事也。初二句責其動靜異見。菩薩下引經顯理。即名經略云。上方香積世界菩薩欲還本國。向佛求法。佛言。有盡無盡解脫法門。汝等當學云云。如菩薩者不盡有爲。不住無爲。彼疏解云。有爲雖僞。捨之而大業不成。無爲雖實任之而慧心不明。即其事者。同前動寂無礙。若有無異見。豈順經義。既云平等。則盡與不盡其行一也。

而以南北爲喻。殊非領會之旨。領謂領納。會謂契會。雲庵云。南北之方定異。寂動二行常一。將定異喻常一。豈能領會也。窮源第十六。九折之八也。窮謂窮討。源謂根源。雲庵云。由前章已知一乘正行動寂同時。今則行成必證。未識能證之人與所證之法。誰先誰後。隨一爲源二俱有過。故今窮之。

有名曰。非衆生無以御。非三乘。非三乘無以成涅槃。然必先有衆生。後有涅槃。反顯也。意云。由先有衆生。然後控御三乘之因。證涅槃之果。此立理也。然必下定先後。

是則涅槃有始。有始必有終。有始終生滅之過。何故前引經云。無始無終。又云。六趣不能生。力負不能化。

而經曰。涅槃無始無終。湛若虛空。則涅槃先有。本經二十一云。涅槃非始非終等。虛空爲喻。在經多有。

非復學而後成者也。有不因修成之過。涅槃既先則性自圓成。非由修學而後成就。何須行三乘之行耶。

通古第十七。十演之九也。通同也。古先也。

意云。涅槃之體性出自古無始無終。今三乘之智本是即理之智。不證則已。證則冥通。何有即理之智證即智之理。尙分今古之異而不通同。故生公云。若尋其趣。乃是我始會之非。照今有。照不在今。即是莫先爲大。既云大矣。所以稱常。故下云。理而成聖。聖不異理。演此明證。窮自性同自性也。

無名曰。夫至人空洞無象。而萬物無非我心造。聖人與理冥一。故云無象。萬物下心雖寂然。亦不離諸法。以一切法皆心所起。

會萬物以成己者。其唯聖人乎。會證會也。聖人了法即心。前則依性起相。此則會相歸心。所以成聖。楞嚴經云。一切衆生從無始來。迷己爲物。失於本心。爲物所轉。若能轉物。即同如來。雲庵云。昔石頭和尚讀至此。遂豁然大悟曰。聖人無己。靡所不已。法身無相。誰云自他。圓鑑虛照於其間。萬象體玄而自現。何則。非理不聖。非聖不理。理而成聖者。聖不異理也。初二句明心境互成。若不證於

萬物性空之理。何以成聖人。若非聖智。亦不見性空之理。此則同前般若論中內外相與而成功。後二句明心境非異。初一句顯前。既證理爲聖。聖智豈異於理耶。此明聖智與理通同。顯無古今先後之異。

故天帝曰。般若當於何求。善吉曰。不可於色中求。亦不可離色中求。又曰。見緣起爲見法。見法爲見佛。初文即大品散花品文。般若即能證之心。色即所證之境。舉色例諸萬法。皆然。不可於色中求者。由心境非一故。不可離者。由心境非異故。以色即是空空。即如境。如外無智。故言不離。又曰。下即涅槃文。緣起即十二因緣也。法即空性。佛即覺智。見緣起性空之理。即爲見佛。如智非異。

斯則物我不異之徵也。物即境也。即物明如故我即心也。約聖稱我。故畢竟證會。涅槃非先三乘非後。

所以至人默玄機於未兆。藏冥運於即化。總六合以鏡心。一去來以成體。前引聖教。以明理智冥符二而不一。以爲定量。方明至人以智契理。亦寂然冥通。戢止也。亦歛也。玄機智也。未兆謂智證理時。全用歸體。不存朕兆。清涼大師云。智體無自即是證如。冥寂也。運動也。即如智之合稱。化謂萬化即就也。意云。冥運之體即萬化之有。事顯理隱。義言藏也。清涼大師云。冥真體於萬化之域。六合謂俗諦之有。以用也。謂總括六合之事。以爲靈鑑之心。未有一法非心也。一去來下去謂過去。即古也。來謂未來。亦義象現在今也。既涅槃融

三世爲體。何古而弗通。前則統六合遍十方。此則該三世通今古。成體者。且約聖智初真俗融心境會。義言成爾。圭山云。無去無來。冥通三際。問佛用蘇漫多說。論主何以文爲答。方便善巧逗華人之機。故封文之流。謂言同俗。贊導喇其用文。慧達解其孟浪。以子愚瑣。願求立言之意。如達師不害於文矣。故今定解。但用內義而釋雅言。令知論主文托於彼。義屬於此。

古今通始終同。窮本極末。莫之與二。浩然太均乃曰涅槃。顯前心境冥寂之體也。初句中約終教辨。如大疏云。心冥至道。混一古今。約頓教則一念不生。前後際斷。何古今。依圓教則古今二相即入圓融。尤見通也。次句以始終同故。三乘涅槃初證非始證極非終。本末即理事海波一濕故。浩然謂浩浩然廣多無際。太均謂情非情無差。染非染平等。未有一法非涅槃也。

經曰。不離諸法而得涅槃。又曰。諸法無邊故。菩提無邊。又曰。下放光三十云。諸法無邊際故。般若波羅蜜亦無邊際等。引此證理智皆依諸法。即顯心境不異也。二文互影。細尋可知。

以知涅槃之道存在於妙契。妙契之致本因乎冥一。以知者。依經求理。理自昭著。貴於妙合。妙合之旨因乎忘智。內冥二而不一。亦遺矣。此文亦通包前義。智會之時通於古也。然則物不異我。我不異物。物我玄會。歸乎無極。如智玄寂。寄言無極。非別有處如智歸

矣

進之弗先退之弗後。豈容終始於其間哉。進退約人。先後通約人法。三乘進而證之非先也。以無前際故。迷夫退而未證非後也。以無後際故。

天女曰。昔年解脫亦如何久。淨名經說。舍利弗問天女。止此室其已久如。曰如昔年解脫。舍利弗言。止此久也。天女云。解云。昔年謂身子耆宿。身子所證解脫。豈屬久近之時。故云爾也。

考得第十八 九折之九也。考稽也。承前不離諸法而得涅槃。因之考稽。盡陰存陰達教達理當何得乎。所以最後辨此者。謂從前決擇悟修先後。義意已周。究竟證入最居於後。故今考也。

有名曰。經云。衆生之性。極於五陰之內。又云。得涅槃者五陰都盡。譬猶燈滅。本經二十九云。離五陰已無別衆生。又云。下初二句示衆生之體。五陰即體故。次二句示證相。法喻可知。

然則衆生之性。頓盡於五陰之內。涅槃之道。獨建於三有之外。邈遠然殊別域。非復衆生得涅槃也。順經而達理也。以能得者五陰已盡於有內。所得者涅槃獨立於有外。若云得者有二達理。一盡陰離得。二內外懸絕。果若有得則衆生之性不止。唯於五陰。必若止於五陰。則五陰不都盡。五陰若都盡。誰復得涅槃耶。存陰順理而却達經。若定許得。餘有二義。一應五陰之外更有衆生之性。五陰

令盡陰外之性令得。故今論云。果若有得云云。恐違以前經云。極於五陰。豈許陰外更有生性耶。若此應合五陰不都盡。或盡盡存細或滅色存心。爲能得者。必若都盡誰是能得耶。故論云。必若止於五陰云云。此理已通亦達前經云。五陰都盡。據此存盡皆達不可不考。此意明。三乘之教斷盡生死。轉得涅槃。不知二際無二。故假此問答。令悟即妄而真。玄得第十九 十演之十也。前演證窮。此演得妙。不存得相而得曰玄。

無名曰。夫真由離起。顯因著生。著故有得。離故無名。忘得曰離。涅槃從此而顯。有得曰著。名相從此而生。無名者。猶云無得對前避文。亦可由離故。得無名之理。

是以則法真者同真。法偽者同偽。法真離得智亦真矣。依僞生著。心念妄矣。

子以有得爲得。故求得於有得耳。吾以無得爲得。故得在於無得也。有得者法僞。得亦無得。無得者則真。無得而得也。心經云。以無所得故。而得菩提。

且談論之作必先定其本。既論涅槃。不可離涅槃而語涅槃。若即就涅槃以興言。誰獨非涅槃。而欲得之耶。言隨法起。談真以真爲本。說俗以俗爲根。既談涅槃之體。正當如體而言。涅槃之體彌綸法界。未有一法而非涅槃。若此則本來即是更何論得。起信論云。一切諸法畢竟平等。即真即如云云。

何者。夫涅槃之道妙盡常數。融和洽銷。二儀滌蕩萬有。均天人同一異。內視不已見。返聽

不我聞未嘗有得。未嘗無得。初一句標總。次七句辨相。後二句雙絕。常數者。即三世有爲事相等。此總示也。下別列二儀。即天地萬有者。即緣生萬物。融治故所以均天人。離斷故所以同一異。顯自性涅槃無差別之相。內觀下二句約見聞以辨。眼不循色曰內觀。色之性空無對觸。故云不己見。耳不循聲曰返聽。聲之性空故亡音。故云不我聞。已我皆屬涅槃。知非身外故云己我。未嘗下可知。經曰。涅槃非衆生。亦不異衆生。離離詰言。若彌勒得滅度者。一切衆生亦當滅度。所以者何。一切衆生本性常滅。不復更滅。本經二十二云。如來非衆生非非衆生。以如來即涅槃故。可義引也。二十九云。衆生佛性不一不二。等。次引淨名。即初卷菩薩品文亦少別。彼云。諸佛知一切衆生畢竟寂滅。即涅槃相等。此名滅度。在於無滅者也。生死空花本來不起。則已滅也。四流陽焰當相元空。則已度也。

然則衆生非衆生。誰爲得之者。涅槃非涅槃。誰爲可得者。然則者。因前而起。衆生本滅度。於滅度中能所總非。何爲得相哉。

故放光云。菩提從有得耶。答曰。不也。從無得耶。答曰。不也。從有無得耶。答曰。不也。離有無得耶。答曰。不也。然則都無所得也。答曰。不也。是義云何。答曰。無所得故爲得。是故得無所得也。此以義合集放光上下之文。而成此理非正文也。大品亦同三慧品云。須菩提。白佛言。世尊。若菩薩修般若波羅蜜。得薩

婆若不。佛言不。不修般若得薩婆若不。佛言不。修不修得薩婆若不。佛言不。非修非不修。得薩婆若不。佛言不等。放光二十四略云。須菩提言。世尊。不住最第一要義。成阿惟三佛。不佛言不。乃至云。將無世尊不逮正覺耶。佛言。不也等。答曰。已下放光等經。皆是此義。而前四有得。第五無得。皆不許無得而得。始爲玄爾。

無所得謂之得者。誰獨不然耶。無得而得。正由冥通。冥通之道體遍一切。故楞伽經云。以知衆生本來而入涅槃。誰獨不得。此則本來得矣。而前云捨陰存陰謂內謂外。如是分別非爲正問。

然則玄道在於絕域。故不得以得之。妙智在乎物外。故不知以知之。大象隱於無形。故不見以見之。大音匿於希聲。故不聞以聞之。此有四對。皆上句示體。下句辨得。初二對約心境。玄道境也。絕域事之外也。妙智心也。皆非俗故。故云物外。下二句可了。但約境言得。約心言知。後二對約相名以辨。大象非相。不存相以見。然後真見存相則不見也。大音非聲。不循聲以聞。然後普聞。循聲則不聞也。是故離朱外馳而不得。只爲無形。觀音返聞而圓通。良由卽性。願諸達士勿循形聲。

故能囊括終古導開引達示信群方。顯毒蒼生疎遠而不漏。汪哉洋哉。何莫由之哉。顯涅槃之用也。卽出現大用無涯。通前兩科如是次第者。深有所謂。謂初示所得之體。次示證得之門。既非得而得從得起用。開示衆生。

故最後示衆用之大。至哉。斯論三語皆善記。錄登爲四聖。今古號爲四絕。歷世名德寶而玩之。良有以也。囊括小變易文。彼曰。括囊無咎。謂括結其囊口也。今取包含之義。終古久也。謂涅槃之體既遍既圓。稱體之用亦彌綸包羅。亨毒養育也。疎而下謂妙用無形。義如疎遠。然應機之道未嘗遺漏。文借老書。彼云。天網恢恢疎而不漏。汪洋歟。用廣大。

故梵志曰。吾聞佛道厥其義弘大深。汪洋無涯。靡無不成就。靡不度生。卽八師經梵志問句歎佛之言。正取化生之用爲證。然則三乘之路開。真偽之途辨。實聖之道存。無名之致顯矣。九折之義皆三乘也。十演之談皆一乘也。以一乘之實。開三是權。令捨小入大。引權歸實。正同法華開方便門。示真實相。無名爲真。有名爲偽。實聖下準表中。諸家談義。諸耶然無聖。今論聖人證體起用。賢哲傲之。儒童證淫而達修。空行入空而起行。豈曰無耶。故云存。本演無名以作論故。十演之文以釋有名之執。執既喪亡。本致自顯。分文結會。恐入局見。肇論新疏卷下終。





# 大乘法苑義林章卷第一

基撰

## 總料簡章

第一總辨諸教業宗體名。於中略以五門分別。一教益有殊。二時利差別。三詮宗各異。四體性不同。五得名懸隔。

第一教益有殊。復分爲二。初明輪益。後辨義益。明輪益中。復分爲二。先明異計。後明大乘明異計者。其多聞部薩婆多部。雪山部化地部。經量部十部同說。非諸佛語皆爲利益。要運物機務。心入道名。利益故。唯八聖道是正法輪。般轉輻圓摧破煩惱。名爲輪故。故世友說。非如來語皆爲轉法輪。世尊所言亦有。不如義詮八。道教八道境故。亦名法輪。所餘功德及所餘教。雖名聖教。不名法輪。如問慶喜天雨不耶。問諸比丘汝等乞食易可得。不氣力安不。此何利益。轉何法輪。故諸經中雖叙佛語。有非利益。而非法輪。如說逆害於父母等。此教所言何必如義。故佛亦有不如義言。此等十部總說。經有不如義而說。虛言。有非法輪。而無利益。其大衆部一說。部說出世部。難龍部。說假部。制多部。西山住部。北山住部。法藏部。飲光部。十部同說。佛一切語皆爲利益。如來所言無不如義。非唯八聖。道是正

法輪。一切功德能摧諸惑。並名法輪。故一切教法輪因境。皆名法輪。宗論論說。諸如來語皆爲轉法輪。摧伏轉動說名輪故。佛語轉動。在他身已摧伏他身無知惑等。故號爲輪。如問慶喜天雨不耶。爲令阿難審諦。審耶。亦除餘人增上慢故。佛知尙問。況不知者。於餘未了而不審諦。由是多義。故問天雨。佛顯慈悲令。他入道。問比丘等乞食易耶。令生喜心。踴躍修道。彼賀悲問。加勸修學。亦令未來習於此事。隨順世俗。然以愛爲母。以業爲父。有取識爲王。戒見二取爲二多聞。內六處爲國人。外六境爲隨行畜生。能誅斷此名爲清淨。以世惡言轉顯勝義。非害生母等。何必不如言。故佛所說一切三藏。皆轉法輪。成爲利益。悉皆如義。無有虛言。此則是初明異計也。明大乘者。雖無正文說。佛所語皆如其義。咸轉法輪。然正法輪唯八聖道。餘雖非正是助法輪。無垢稱經三轉法輪於大千等。法花又云。即趣波羅奈轉四諦法輪。又喻伽論九十五說。佛轉三周十二行相甚深法輪。見修無學三位之中。如其次第示相勸修。作證觀於四聖諦境。生聖慧眼。各於去來今世。如次生眼。智明覺無漏真智。能斷所應。永斷煩惱。故八聖道是正法輪。無垢稱經第五卷說。佛告阿難陀。以要言之。諸佛所有威儀進止。受用施爲。皆令所化有情調伏。是故一切皆名佛事。說般轉輻有差

別故。其正法輪唯八聖道。諸餘功德是助法輪。摧伏轉動是輪義故。涅槃經中第十四說。復次善男子。諸佛世尊凡有所說。皆悉名爲轉法輪也。善男子。譬如聖王所有輪寶。未降伏者能令降伏。已降伏者能令安隱。諸佛世尊凡所說法亦復如是。無量煩惱。未調伏者能令調伏。已調伏者能令生善根。乃至廣說。故佛身語。凡所運動皆爲利益。故知佛語皆名法輪。以要言之。法輪有五。一法輪體。謂八聖道。二法輪境。謂四諦理等。三法輪眷屬。謂餘五蘊功德等。四法輪因。謂教及三慧等。五法輪果。謂菩提涅槃。如法輪章自當廣說。一切佛語皆爲利益。令他有情或近或遠能生真智。摧伏怨敵。所有二障。故佛所語皆名法輪。摧伏移動是輪義故。以佛所說稱可道理。不可立難。離四失故。一無非處。二無非時。三無非器。四無非法。處謂處所。應利益處。能化所化在此可益。必於此中作利益故。時謂時分。利益時節。此生此處此時應益。應時而說。必不失故。器謂機器。所運之機。應機而說。無錯謬故。法謂教法。戒定慧等應利益法。此法可益。必以逗機無疎亂故。由此道理。准知。佛語皆爲有情或近或遠生無漏智。是故一切三藏教法。或曲或直皆名法輪。悉皆如義。成爲利益。無有虛言。問天雨等。如前所說皆利益故。魚言細語歸勝義故。上來總是初明輪益。辨義益者。於中又二。先辨異計。後辨大乘。辨異計者。薩婆多

●平安朝時代春日版興福寺藏所傳藥師寺藏本。●元祿十五年道空刻本。●平安朝時代春日版法隆寺藏本。●校者曰原本無字今新補入之下同。●一十(之本)●校者曰原本無字今新補入之下同。(沙門)十基●校者曰原本無字今新補入之下同。●心二合●(正)十道●(道)一●(諸)一●

等十部同說。佛所說經非皆了義。佛自說有不了義經。如契經說不信。不知恩。斷密無容處。恒食人所吐。是最上丈夫。此即名為不了義也。故一切經有不了義。大眾部等十部同說。佛所說經皆是了義。契當道理。皆法輪故。其密語經有何了義。自證諦理不信。他言。能知圓寂。知非恩故名。不知恩。永棄後業。名為斷密。當果不生。是無容處。雖受資具。猶如食吐。能如是者。名上丈夫。既契正理。寧非了義。所餘經義准此應知。既爾如何四依中。說勸諸弟子。當依了義。謂勸彼依世尊所說了義言教。不令弟子依外道說不了義經。非是佛經有不了義。此即是先辨異計也。辨大乘者。涅槃經中第六卷說。聲聞乘法猶如初種未得果實。是故不應依聲聞乘。如是名為不了義也。大乘之法即應依止。是名了義。若依此理。諸大乘經皆名了義。聲聞乘等名不了義。然瑜伽論四十五說。云何菩薩修正四依。謂諸菩薩於如來所。深植正信。深植清淨。一向澄清。唯依如來了義經典。非不了義。了義經典為所依故。於佛所說法。毘奈耶。不可引奪。廣如彼說。故大乘中。應言佛說三藏教法有不了義。以勸當依了義經故。既爾如何涅槃經。說大乘經典名為了義。此理不然。豈諸大乘皆為了義。如契經說。娑欲即是道。覺不堅為堅。又說諸法皆無生無滅。密義趣經。又喻伽說。不了義教者。謂契經應頌記別等經。豈大乘經中無

契經等。又說菩薩摩訶波陀。毘尼等。故大乘經非皆了義。由如是理。雖無正文。今以義釋。了不了義。略有四重。一法印非印門。二證常非常門。三顯了隱密門。四言略語廣門。法印非印門者。法印有二。一諸行無常。二涅槃寂靜。三諸法無我。或說四歸陀南。加有漏皆苦。若一切教為此三種理印。所印等名為了義。違三法印等。非了義。經由此道理。三藏二乘。十二分教。無非了義。能捨煩惱業及苦故。諸外道教非了義。經不能永捨惡業苦故。故喻伽論六十四說。歸依有幾。何緣但有爾所歸依。歸依有三。謂佛法僧。四緣故有。爾所歸依。一由如來性調善。故乃至廣說。由佛如是。其佛所說法。毘奈耶。亦可歸依。涅槃又云。一切外道所可言說。悉皆妄語。故唯佛教是了義。經。順三法印等。可歸依故。諸外道教非了義。言違三法印等。不可歸依。設有聖教。唯說佛教為了義。言外道所說名非了義。以此門通非佛教中唯了義。故證常非常門者。如涅槃經第六卷說。又聲聞乘名不了義。無上大乘乃名了義。若言如來無常變易。名不了義。若言如來常住不變。是名了義。此經意言。若經中說佛是法身常住不變。名為了義。與此相違。名不了義。解深密經。喻伽決擇七十六說。世尊往昔。唯為發趣聲聞乘者。以四諦相轉正法輪。雖是希奇。然是有上。是未了義。即顯大乘是了義。聲聞乘教名非了義。此中一往依。乘所明名為了義。

非諸大乘無不了義。聲聞乘經都無了義。如大當引如是證文。故依涅槃證。真常佛名為了義。證非常佛名非了義。顯了顯密門者。喻伽論中四十五說。又諸菩薩於如來所。深植正信。深植清淨。一向澄清。唯依如來了義經典。非不了義。了義經典為所依。故於佛所說法。毘奈耶。不可引奪。以佛所說不了義經。依種種門。辨本性義。猶未決定。尚生疑惑。非了義。故即依此文於大乘中。顯了言教名為了義。隱密言教非了義。解深密經。及決擇分。亦作是說。世尊在昔第二時中。唯為發趣修大乘者。依一切法皆無自性。無生無滅。以隱密相轉正法輪。雖更希奇。而亦有上。猶未了義。即說一切性皆是空。三無性教名非了義。成唯識論第九卷說。故佛密意說一切法皆無自性。非性全無。說密意言。顯非了義。故大乘經說諸法相。言非顯了。所詮不究竟。名不了義。言若顯了。所詮究竟。理名了義。經此據。能證顯了無異。名了義。故言略語廣門者。喻伽決擇六十四說。不了義。經者。謂契經。應頌。記別等教。世尊略說。其義未了。應更當釋。了義教者。與此相違。應知其相。此中意說。雖是大乘顯之教。初但略說。談理未盡。所明未周。名為不了。不是所詮非究竟理。名為不了。由此即顯諸聲聞乘亦有了義。除契經等。餘自說等。語具廣故名了義。經大乘之中。明顯之教。契經等中說法。言略語未廣。故亦有不了。此依說義。言有廣略。名

了不了，非約所詮理是究竟者是究竟名，了不了，此中第一爲令有情捨邪歸正，了不了，一切佛經皆名了義，外道所說名爲不了，第二爲令捨小歸大，名了不了，一切大乘皆名了義，諸小乘教名爲不了，第三爲令捨隱歸顯，名了不了，一切大乘顯了言教皆名爲了，雖是大乘說法隱密名爲不了，第四爲令知法廣略，名了不了，諸重顯經言略不盡皆名不了，非重顯經言廣盡故說名爲了，以此四門了不了義釋一切教了不了言，故大乘經雖皆名了，而於其中復應取捨，勸諸弟子依了義者，隨其所應當廣思擇，隨所講教當應配之，上來總是教益有殊。

第二時利差別復分爲二，初叙古說，後述今文，叙古說中復分爲二，初叙古說，後叙其非，叙古說者，後魏有菩提流支法師，此名覺愛，唯立一時教，佛得自在，都不起心有說不說，但衆生有感，於一切時，謂說一切法，譬如天樂隨衆生念出種種聲，亦如未尼隨意所求雨種種寶花嚴經云，如來一語中，演出無邊契經海，維摩經云，佛以一音演說法，衆生隨類各得解，或有恐怖或歡喜，或生厭離或斷疑，故無一教定頓定漸又無量義經言，我得道來四十餘年，常說諸法不生不滅，不去不來，無此無彼，無得無失，一相無相，但由衆生悟解不同得諸果異，法花亦言，一雨普潤，三草二木生長不同，優婆塞經言，三獸渡河淺深

成別，故知諸教但總一時無二三等，又古來大德立有頓漸二教，爲諸菩薩大根大莖，說花嚴楞伽大雲法鼓勝鬘等經，一會之中說二諦理盡名之爲頓，大不由小起，故名爲頓，始從佛樹終至雙林，從淺至深漸次說法，因果三歸五戒十善等法，三乘有教阿含等經，維摩思益，大品空教，法花一乘涅槃等說，常住佛性，皆是漸教，會通三乘，大由小起名爲漸也，又菩提流支法師，亦立二時教，楞伽經說，漸頓者莫問聲聞菩薩皆漸次修行從淺至深，名爲漸也，頓者如來能一時頓說一切法，名之爲頓，又有二教，一者半教，二者滿教，涅槃經言云，何解滿字及與半字義，又云爲聲聞乘而說半字，爲菩薩乘而說滿字，又勝鬘經言，有作四聖諦，無作四聖諦，聲聞知有作，佛知無作，瑜伽等說，安立諦非安立諦，唯說安立名爲半教，通說非安立名爲滿教，又有二教，一生空教，二法空教，二十唯識論云，依此教能入數取趣無我，所執法無我復由餘教入，此以二空二障以明半滿，又有二教，一勝義諦，二世俗諦，晉時有隱士劉虬立五時教，或有說云，真諦三藏立五時教，然菩提流支法師，別作文疏破之，真諦居梁，流支在魏，故知不是真諦等作第一時者，佛初成道爲提謂波利等五百賢人，但說三歸五戒十善世間因果教，即提謂等五戒本行經是，未有出世善根器故，第二時者，佛成道竟三七日外十二年中，唯說三乘

有行之教未爲說空，即阿含等小乘經是，第三時者，佛成道竟三十年中，說彼三乘同行空教，即維摩思益大品等經是，第四時者，佛成道竟四十年中，說有一乘，猶未分明演說佛性常住實有，尙說無常佛，顯一乘佛果以爲其實，即法花經是，以前未明一乘義故，此中猶未分明演說常住佛性故，第五時者，謂雙林中，說諸衆生悉有佛性，常住佛教，即涅槃經大悲經等是，此雖可爾，既無經論誠文說之，未可依信前來總是叙古說也，叙其非者，只如第一菩提流支法師唯立一時教者，若廢事談理，及在一會有大小機，可如所說，若唯被大如勝鬘經，或但被小如遺教經，或初有大無小，如花嚴經至入法界品方有聲聞初有小無大，雖未見文理必應爾，如斯等教義類甚多，或有諸經全分多分大小教異，言唯一時深爲猛浪，豈無一會頓發三乘之心，及無漸入大乘者，也，第二古德說有頓漸理雖可然，定判諸經爲頓漸者，義即難解，只如花嚴經中入法界品，五百聲聞在于會坐，列名數德，又舍利弗將六千弟子從自房出，文殊師利爲說十法，即發無上正等覺心，楞伽經中亦列聲聞在于會坐，法鼓經中說，獅子喻與法花經信解品同，勝鬘經說三種子喻與法花經信解品同，引攝一類不定性故，非爲頓教，花嚴等經未必從首至末皆是爲被大根行說，故名爲頓，定說五時所說之經爲漸教者，後

當叙非。第三又菩提流支法師。依楞伽經立頓漸二教者。此亦不然。彼經以佛能頓說法以說為頓。以三乘人漸次修學名之為漸。以行為漸。非約教時。亦不可取。又第四依涅槃經等立半滿教者。彼皆據所明理有盡不盡。以明半滿。不定依逗機直往迂會。以明半滿。第五劉虬立五時者。今者且依菩提流支法師所說。是義不然。提謂經說。五百價人將受五戒。先懺悔彼五逆十惡謗法等罪。得四大本淨。五陰本淨。六塵本淨。吾我本淨。時提謂等得不犯法忍。三百價人得柔順忍。二百價人得須陀洹果。四天王等得柔順忍。三百龍王得信忍。自餘天等發無上道意。十億天人皆行菩薩十善。提謂長者滅三界苦得不犯法忍。即是初地。或第八地。又普曜經第二十七日。提謂等五百價人施佛髮鬘。佛與授記。汝於來世當得作佛。名曰齊成。云何但言第一時中世間教也。難作此破義亦難知。既有買人得預流等。何不此日名轉法輪。至五比丘法輪方轉。由未分明說三乘者同所觀諦故。未名轉法輪。次第二時十二年中唯說有教者。覺愛破云。是亦不爾。成道五年說大般若正明。實相。又第七年為八菩薩說般若三昧經。正明衆生五蘊本空。又第九年說抉掘摩羅經。第十年中說如來藏經。皆明涅槃佛性深理。又提謂普曜等經皆明菩薩行。又與價人授記成佛。明初成道已說大乘。又摩訶般若大品經中說。佛在鹿野轉四諦法輪。無量衆生

發聲聞心。無量衆生發獨覺心。無量衆生發阿耨多羅三藐三菩提心。行六波羅蜜。無量菩薩得無生法忍。住於初地。二地。三地。乃至十地。無量一生補處菩薩一時成佛。又成道竟第二十七日說十地經。云何乃言十二年内唯說有教不說大乘。只如法花經云。於三七日中常思惟是事。即成道竟三七日中不說法也。彌沙塞律云。初成道竟三昧七日。十地經云。七日不說法。顯示自受法樂故。為令衆生於如來所增愛敬故。然律及薩婆多傳云。過六七日梵天來請。方乃說法始度五人。即四十二日方說法也。十二由經云。成道竟一年不說法經。十二年方度五人。智度論云。初成道竟五十七日佛不說法。有人解云。即五十个七日。與十二由經一年不說法同也。如此經傳說成佛道不說法日已各不同。何得以已胸臆之心說十二年唯說有教。又若前後唯度一機可如所說。機器千品。何得一準。今依古說略破初二。自餘三時廣如菩提流支法師別傳所破。此即別破立教不同。然此所立雖理可然。既無教文未可依據。竝違解深密經所說時也。上來總是叙其非也。并前竝為叙古說也。述今文中又分為二。初述今文。後略示教述今文者。如解深密經第一卷瑜伽決擇第七十六世尊廣為勝義生菩薩。依遍計所執體相無故。說相無自性性。依依他起上無遍計所執自然生故。說生無自性性。及即依

此說無遍計所執一分勝義無自性性。依圓成實上無遍計所執故。又說一分勝義無自性性。說三種無性皆依遍計所執性已。勝義生菩薩深生領解。廣說世間毘濕縛藥雜染盡地熱蘇虛空諸譬喻已。世尊讚歎善解所說。勝義生菩薩復白佛言。世尊初於一時在婆羅尼斯仙人墮處施鹿林中。唯為發趣聲聞乘者。以四諦相轉正法輪。雖是甚奇甚為希有。一切世間諸天人等。先無有能如法轉者。而於彼時所轉法輪。有上有容是未了義。是諸諍論安足處所。世尊在昔第二時中。唯為發趣修大乘者。依一切法皆無自性。無生無滅本來寂靜自性涅槃。以隱密相轉正法輪。雖更甚奇甚為希有。而於彼時所轉法輪。亦是有上有所容受。猶未了義。是諸諍論安足處所。世尊於今第三時中。普為發趣一切乘者。依一切法皆無自性。無生無滅。本來寂靜自性涅槃。無自性性。以顯了相轉正法輪。第一甚奇最為希有。于今世尊所轉法輪。無上無容是了義。非諸諍論安足處所。爾時世尊告勝義生菩薩曰。勝義生。若善男子。或善女人。於諸不了義經聞已。信解書寫。護持供養。流布受誦溫習。如理思惟。以其修相發起加行。比所說了義言教聞已信解。乃至廣說。以其修相發起加行所集功德。百分不及一。乃至鄔波尼殺曇分亦不及一。此所生福難可喻知。吾今略說。如爪上土比大地土。或如牛跡中水比四大海

水百分不及一，乃至摩尼殺蟲分亦不及一。說此經時，六百千衆生發菩提心，三千聲聞遠塵離垢得法眼淨，一百五十千聲聞永盡諸漏心得解脫，七十五千菩薩得無生法忍，金光明經亦說三時，謂轉照持，涅槃經說初令皆服乳，次教總斷乳後教，有應服有不應服者，與解深密所說義同，瑜伽釋中此三時少異，義意無別。由此誠證若以偏圓機宜漸次教，但三時，非一非五。上來總是述今文也。略示教者，四阿笈摩等是初時教，諸說空經是第二時教，以隱密言總說諸法無自性，故花嚴深密，唯識教等第三時也，以顯了言說三無性非空非有中道教，故由諸異生起自無始迷執，我不了，我無，沈沒愛河輪迴癡海，故佛初說四諦法輪，令知我空唯有其法，橋陳那等最初得道，彼聞法有證，我皆空，便執諸法爲真實有，封著小果不求大位，佛爲方便復說法空破除有執，故大時中說般若等言一切法本性皆無，須菩提等迴心趣大，彼聞法空隱密言教，便撥諸法性相都無，何所造修，何所斷捨，佛爲除此復說唯識三性等教，勝義生等信解修學，遍計所執無，知法我俱遣，依他圓成有，照真俗雙存，無無所無所以言無，有有所有所以言有，言有而有亦可言無，遍計所執真俗無故，言無而無亦可言有，當情我法二種現故，令除所執，我法成無，離執寄詮真俗稱有，妄詮我法非無非不無，當情

似有，據體無故，妄詮真俗非有非不有，非稱妄情，體非無故，我法無故俱是執皆遣，真俗有故諸難執皆存，由此應言，迷情四句四句皆非，悟情四句四句皆是，說我法空破初執有，說心真俗有破次執空，諸偏見者初聞說有，便即快心於空起謗，後聞說空亦復協意便謗於有，今言非空非有中道教者第三時也，約理及機漸入道者大由小起，乃有三時諸教前後，解深密經說唯識是也，若非漸次而入道者大不由小，即無三時諸教前後，約其多分即初成道花嚴等中說唯心是，多分頓漸無別教門隨一會中所應益故，花嚴說有聲聞在會，深密亦有聲聞發心，勝鬘經中亦說一乘意生身等攝大乘說爲不定人說一乘故，法花經中分別功德品言佛說如來壽量品時，有八世界微塵數衆生發菩提心，如是等文上下非一，故知法花亦被頓悟，花嚴亦有漸悟之人，若依慧愛定唯一時無漸次者，即違深密說有三時，若依劉虬定有五時前後次第，復無文說，然達三時今總不依，若據衆生機器及理可有頓漸之教，然不，同於古說，若不約機，理定判一經爲頓爲漸，時增減者頓漸不成，故唯識云唯我於凡愚不開演，非遮不定及定性故，此依證果，若謂人天即有四時，其二乘者方便學法，是彼初學故略不說，今依師授略叙古今時利差別，其諸有智任情取捨

第三證宗各異，夫論宗者，崇尊主義，聖教所崇所尊所主，名爲宗故，且如外道內道小乘大乘崇尊主法，各有各異，說爲宗別，然古大德總立四宗，一立性宗，難心等是，二破性宗，成實等是，三破相宗，中百等是，四顯實宗，涅槃等是，今即不爾，於中分爲二，初陳異宗，後列自主，陳異宗中復分爲二，初陳外道，後陳小乘，陳外道者，外道雖有九十五種，大意莫過十六異論，廣如瑜伽第六七卷，顯揚第九第十卷說，彼論皆云，執因中有果，顯了有去來，我常宿作因，自在等害法，邊無邊憍亂，見無因斷空，計勝淨吉祥，名十六異論，一因中有果宗，謂兩乘外道執諸法因中常有果性，如禾以穀爲因，欲求禾時唯種於穀，未定從穀生，不從麥生，故知穀因中先已有禾性，不爾應一切從一切法生，二從緣顯了宗，謂即僧法及聲論者，僧法師計一切法體自性本有，從衆緣顯非緣所生，若非緣顯果先是有，復從因生不應道理，聲論者言，聲體是常而相本有，無生無滅，然由數數宣吐顯了，三去來實有宗，謂勝論外道及計時外道等，亦作此計，有去來世猶如現在實有非假，雖通小乘今取外道，四計我實有宗，謂獸主等一切外道，皆作此計，有我，有薩埵，有命者，生者等，由起五覺知有我，也，謂見色時，薩埵覺等，五諸法皆常宗，謂伊師連計，我及世間皆是常住，即計金常一分常等，計極微常，亦是此攝，六諸因宿

作宗。謂離繫親子。亦云無懈外道。謂現所受苦。皆宿作爲。因若現精進便吐舊業。由不作因之所害故。如是於後不復有漏。七自在等因宗。謂不平等因者計隨其所事。即以爲名。如莫離伊濕伐羅等。或執諸法大自在天變化。或丈夫變化。或大梵變化。或時方空。我等爲因。八害爲正法宗。謂譯競劫起諸波羅門。爲欲食肉妄起此計。若爲祀祠呪術爲先害諸生命。能祀所害若助伴者。皆得生天。九邊無邊等宗。謂得世間靜慮。邊無邊外道。住有無邊想者。計彼世間有邊無邊俱不俱等。十不死矯亂宗。謂不死無亂外道。十一諸法無因宗。謂無因外道計。我及世間無因而起。十二七事斷滅宗。謂斷滅外道計。七事斷滅。十三因果皆空宗。諸邪見外道計。無愛養等。見行善者返生惡趣。見行惡者返生善趣。便謂爲空。或總誹撥一切皆空。十四妄計最勝宗。謂闍諤劫。諸婆羅門計。婆羅門是最勝種。梵王之子。腹口所生。餘種是劣非。梵王子。十五妄計清淨宗。謂現法涅槃外道。及水等清淨外道。謂於諸天微妙五欲堅著受用。是即名得現法涅槃。乃至廣說。持牛狗戒。亦復如是。十六妄計吉祥宗。謂曆算外道。若日月薄蝕星宿失度等。若隨日月所欲皆成。應勤供養日月星等。乃至廣如彼論所說。上來第一陳外道也。陳小乘者。小乘雖有二十部計。總束爲宗。莫過十一。古來相傳十八部者。深爲錯失。依古真諸法師所翻部成十九。大衆

分出七并本有八。大衆并本應成九部。遂脫西山住部。上坐部分十二并本上坐亦在其中。文殊問經下卷中說成二十部。然少不同。彼經偈言。摩訶僧祇部。分別出有七。體毘厘十一。是謂二十部。十八及本二。皆從大衆出。無是亦無非。我說未來起。雖說二十稍同宗輪。而所分出增減有異。宗輪論說。大衆部中分出八部。并本有九。一大衆二一說三說出世四鷄胤五多聞六說假七制多山八西山住九北山住部。上坐部中分出十部。并本十一。一說一切有二雪轉亦名。上坐三犢子四法上五賢胃六正量七密林山八化地九法藏十飲光十一經量部是故合成二十部。然文殊問經大衆部中并本有八。上坐并本乃有十二。故知皆是翻譯家誤。今依新翻宗輪論說。總束二十爲十一類。一者大衆部。一說部說出世部。鷄胤部四部宗說。一切如來無有漏法。佛身壽量悉無邊際。眼等五識身有染有離。染色無色界具六識身。五種色根肉團爲體。無爲有九。去來世無。一刹那心。了。一切法道與煩惱容俱現前。大義如是。二多聞部宗說。佛五音是出世教。餘即世間。一無常二苦三空四無我五涅槃寂靜。餘義多同說一切有部。三說假部宗說。苦非。爲十二處非。眞實由福故得聖道。道不可修。餘義多同。大衆部計。四制多山部。西山住部北山住部三部宗說。一切菩薩不脫惡趣。供養塔廟。不得大果。餘義多同。大衆部

說五說一切有部宗。謂一切有二。一法有二時有。謂心。心所色。不相應及三無爲。是法一切。去來今三。是時一切。諸是有者皆二所攝。一名二色。六雪山部宗說。謂諸菩薩猶是異生。菩薩入胎不起貪愛。無外道得。五通。無天中住梵行。七犢子部法上部賢胃部正量部密林山部合五部宗說。補特伽羅非。即蘊離蘊。五識無染。亦非離染。入正性離生十二心頃說名。行向第十三心名爲住果。八化地部宗說。去來世無。現在無爲。有四聖諦一時觀。定無中有。亦有青首補特伽羅。有世間正見。無世間信根。無出世靜慮。無無漏尋。善非有因。預流有退。無爲有九。九法藏部宗說。佛在僧攝。佛與二乘解脫雖一而聖道異。無外道得五通。阿羅漢身皆是無漏。餘義多同。大衆部計。十飲光部宗說。若法已斷。已遍知即無。未斷未遍知即有。業果已熟即無。未熟即有。諸有學法有異熟果。餘義多同。法藏部說。十一經量部宗說。有勝義補特伽羅。異生位中亦有聖法。有根邊蘊。有一味蘊。一味蘊者。即細意識等。餘所執多同。說一切有部。此中所陳略標宗要。廣陳宗者如宗輪論。上來總是陳異宗也。列自主中復分爲二。初列邊主。後列中主。列邊主者。謂清辨等明。輔龍猛般若經意說諸法空。雖一切法皆不可言。由性空無故。不可說爲空。爲有。乃至有爲無爲二法。約勝義諦體雖是空。世俗可有。故說頌言。眞性有爲空。如幻緣生故。



無爲無有實。不起。似空花。乃至不立。

三性唯識。此由所說勝義諦中皆唯空故。名爲邊主。列中主者。謂天親等輔從慈氏。深密等經。依其俗諦說一切法有空。不空。世俗諦理遍計所執情有。理無。有爲無爲。理有情無。勝義諦中雖一切法體或有或無。由言不及非空非有。非由體空名不可說。成唯識說。勝義諦中心言絕故。非空非有。寄言詮者。故引慈氏所說頌言。虛妄分別有於此二。都無。此中唯有空。於彼亦有此。故說一切法非空非不空。有無及有故。是即契中道。此即建立三性唯識。我法境空。真俗說有。非空非有中道義立。即以所明說一切法非空非有中道之義。以爲宗也。如別章說。此中略叙朋譯所宗。其以諸教自部所明別別法相以爲宗者。隨其所應。如別處解。

第四體性不同。復分爲二。初彰異計。後顯大乘。彰異計中。復分爲二。初彰外道。後彰小乘。彰外道者。大類外道別有六計。一數論二勝論三明論四聲顯論五聲生論六順世論。數論教體說有二種。依本教法。體即自性三德爲體。依末教法。五唯量中聲爲教體。本唯是常。末是無常。然其轉變非爲滅壞滅壞之時即歸本故。其勝論師以諸德中聲爲教體。無常無礙。其明論者。婆羅門等執吠陀論聲唯是常。不取聲性。非能詮故。其能詮聲詮於明論所詮之義。此教是常所詮定故。餘一切教皆無常聲以爲教

體。不說聲論別有名等。以說名等即是聲。

故聲顯論者。聲體本有。待緣顯之。體性常住。此計有二。一者隨一。一物各各有一能詮常聲。猶如非擇滅。以尋伺等所發音顯。音是無常。今用衆多常聲爲體。二者一切法上但共有一能詮常聲。猶如真如。以尋伺等所發音顯。此音無常。今者唯取一常聲爲體。其音聲等但是顯緣。非能詮體。此二之中。各有二種。一計全分。內外諸聲皆是常住。二計一分。內聲是常。外聲無常。非能詮故。猶如音聲。故聲顯論總束爲四。計一計多各通內外。其聲生論計。聲本無待緣生之。生已常住。由音聲等所發生故。此計有二。一計體多。猶如非擇滅。二計體一。猶如真如。音聲生緣體無常法。今取新聲常聲爲體。以能詮故。辨非能詮。此各有二。一計全分。二計一分。准前應知。還束爲四。計一計多。各通內外。聲顯聲生各有四種。順世外道。一切皆四大故。以常四大爲體。合勝數論并明論聲。總有十二外道教體。彰小乘者。大類小乘教體有六。一大衆部等。二一說部。三多聞部。四說假部。五說一切有部。六經量部。其大乘部說出世部。鷄胤部三部同說。佛一切法皆是無漏。皆是出世。佛所出言無不如義。佛一切語皆轉法輪。佛一切時不說名等。常在定故。然諸有情謂說名等。即是無思成自事義。以其無漏體是實有聲名句等爲其教體。其一說部。說一切法體非實有。唯有假名。今

取無漏假聲名等。以爲教體。多聞部說。如來五音是出世教。一無常。二苦。三空。四無

我。五涅槃寂靜。以此五種決定能引出離世。設引出離世。不與五相應。不決定。故非出世教。論說言音。音即音聲。故但取聲不說名等。故佛諸教通以有漏無漏之聲而爲其體。以佛五音是無漏故。其說假部聲名句等。若在處等。體非實有。以說依緣有積聚故。若在蘊等。聲等便實。雖有積聚。不說依緣。以名蘊故。聲名句等既通蘊等。故通有漏無漏假實以爲教體。說一切有部說。教體者。有說唯以名句文三而爲教體。有說表故。有說但以善聲爲體。三無數劫所勤求故。名等無記故不取之。評家評。取唯有漏善聲以爲教體。勤求起故。其經量部說。名等假聲體實有。雖彼不立。不相應行。仍不取聲。無詮表故。取有漏聲上假屈曲能詮以爲體性。然聲處收前熏於後展轉。聚集無過未故。如是合說小乘有六。總是第一彰異計也。顯大乘中。復分爲二。初顯邊體。後顯中道。顯邊體者。龍猛清辨咸作是言。勝義諦中一切無相諸法皆空。何教何爲體。世俗諦中可亦說有。句言章論聲爲教體。梵云鉢陀此翻爲跡。當古之句。句有二種。一集法滿足句。二顯義周圓句。如說不生亦不滅。不來亦不去。不一亦不異。不常亦不斷。此一句義雖未圓。亦名爲句。法滿足故。此當中道所說

名也。梵云縛<sup>去聲</sup>迎<sup>去聲</sup>此云言也。此當中道所說句也。義周圓故。梵云鉢刺迦羅。此云章也。章即章段。一章一段以明諸義。此無所當。梵云奢薩咀羅。此翻爲論總局。一部立以論名。此四能詮聲爲教體。此准般若燈論所說。更應勘彼智度論文。顯中道者。瑜伽論攝。決擇分八十一卷說。經體有二。一文二義。文是所依。義即能依。由能詮文義得顯故。能詮文中復分爲二。一者龍軍論師。無性菩薩及佛地論一師所說。且無性云。此中即是隨墮八時。聞者識上直非直說。聚集顯現以爲體性。此意即取隨世俗說日夜八時。說花嚴經八會之時。詮辨諸法八轉聲時。聞法者識所變聲等直非直說。以爲教體。佛地論云。謂佛慈悲本願緣力。其可聞者自意識上。文義相生似如來說。此意即是由佛本願爲增上緣。令聞者識有文義相。此文義相雖自親依善根力起。而就本緣名爲佛說。佛實無言。故無性云。若爾云何菩薩能說。彼增上生故作是說。譬如天等增上力故。令於夢中得論呪等。若離識者佛云何說。此就本緣佛不說法。乃無文義。唯有無漏大定智慧。若依聞者自識所變。有漏心現。即似無漏聲名句文以爲教體。無漏心現。即真無漏文義爲體。此即如來實不說法。故大波若第四百二十五卷文殊問經涅槃經等。皆作是言。我成道來不說一字。汝亦不聞十地亦言三界唯識。故知教體唯心所變。文義爲性。善順契經。不違唯識。問何

故佛實即有本佛。今說法實即唯心變。答教法戲論唯說自心。餘非戲論。故取本質。理行果法同佛實故。無垢稱經言。法非見聞覺知。若行見聞覺知。即是見聞覺知。非求法也。故唯心變。問若取佛說義即可。然若聞者心所變爲教。子細研究。於理實難。過去未來既非實有。非有爲法生已便住。如何識上聚集解生。答無性解云。隨墮八時聞者識上。直非直說聚集顯現。以爲體性。謂八時中聞者識上有直非直二種言說。聚集顯現故。瑜伽說心略有五種。一率爾二尋求三決定四染淨五等流。如五心章自當廣釋。如聖教說諸行無常。有起盡法。如諸字率爾心已。必起尋求。續初心起。雖多剎那行解唯一。總名尋求。未決定知諸所目故。如瑜伽論第三卷說。又一剎那五識生已。從此無間必意生故。復言行時由先熏習連帶解生有三心現。謂率爾亦尋求及後決定。決定知諸目一切行。故瑜伽說。尋求無間若不散亂決定心生。若散亂時生即不定。雖知自性然未知義。爲令了知復說無字。於此時中有先三心。於無字上但有其二。謂率爾尋求。未決定知無所無故。即從決定後却起尋求。論但定說率爾尋求定無間生。尋求已後許散亂故。復言常時五心並具。其義可解。由前字力展轉熏習連後字生。於最後時始能解義。染淨等心方乃得轉。故雖無過未。而教體亦成。若新新解竝有率爾四字之上皆定有二心。

謂率爾尋求。即於末後有十二心一時聚集。第一有二。第二有三。第三有二。第四有五。故成十二。既於初字有率爾尋求。於第二字新生決定。并前爲三。第三字中却起尋求。并前爲四。第四字時但新決定染淨等流三心而起。合有七心。一時聚集。如是方名五心具足。故唯識教其體理成。勘對法第一疏。應具廣之。二者護法。勝子親光等說。凡論出體總有四重。一攝相歸性體。即一切法皆性真如。故大波若經理趣分說。一切有情皆如來藏。勝鬘經說。夫生死者是如來藏。無垢稱言。一切衆生皆如也。一切法亦如也。衆賢聖亦如也。至於彌勒亦如也。諸經論說如是。非一。一切有爲諸無爲等有別體法。是如之相。譬如海水隨風等緣擊成波相。此波之體豈異水平。一切諸法隨四緣會成其體相。然不離如。有漏種子性皆本識亦復如是。故皆無記。二攝境從識體。即一切法皆是唯識。花嚴等說。三界唯心。心所從王名唯識等。如是等文誠證非一。三攝假隨實體。即諸假法隨何所依實法爲體。如說瓶等四塵爲體。諸不相應色心分位。即以所依分位爲體。對法論說不相應行色心等中是假立。故是說不害等即無瞋等。此類非一。四性用別論體。色心假實各別處故。瑜伽等說。色蘊攝彼十處界等。此類衆多。又有四重。一真如。二無相。三唯識。四因緣。此二四體攝法義周。隨其所應釋一切法。今隨義便略叙明之。庶後學徒詳而易

入護法等說。諸教體者。謂宜聞者本願緣力如來識上文義相生。實能所詮文義為體。此師意說。衆生本願顯開佛說。如來識上文義相生。聽者識心即聞佛說。亦有如是似文義相。故升攝波葉喻經說。佛取樹葉以問阿難。比其林葉所有多少。復告慶喜。我未所說乃有爾所。故諸經首佛皆教置如是我聞。二十唯識天親說云。展轉增上力。二識成決定。謂餘相續識差別故。令餘相續差別識生展轉互為增上緣故。是故世尊實亦說法言。不說者是密意說。於真如性。絕語言故。實無諸事。故波若云。音聲尋我不見。如來推功歸本。仍言應化非說法者。計所執中無說法故。於依他起譬如幻人為幻人。說唯有假說似能說者。都無實說聽者心識文義之相。理有無疑。故諸教體取本無漏世尊所說文義為體。若取能詮唯聲名等而為體性。十地論說。說者聽者俱以二事而得究竟。一者聲。二者善字。又解深密經及瑜伽論七十八說。於第九地斷二種愚。一於無量所說法。無量名句字。陀羅尼自在愚。成唯識論第九卷言。無量名句字者。謂法無礙解。所說法者所詮義也。名句字者能詮文也。對法等云。成所引聲者。謂諸聖所說聲。成唯識論第二復言。由此法詞二無礙解境有差別。法緣名等詞緣於聲。金剛波若天親論說。又言無記者。此義不然。何以故。汝法是無記。而我法是記。是故一法實勝無量珍寶。是故當知詮表教體唯聲名等

體唯無漏。亦唯是善。此通依他及圓成實。從衆緣起名曰依他。體是無漏可通成實。佛地論說。依隨轉門及二乘者。說十五界唯是有漏名句。文身唯是無記。今依大乘。若唯如來後得說法聲名句文。真善無漏。如前所解諸教中說。故佛地論成唯識說。十界皆通有漏及無漏。若十地菩薩二乘說法聲名句文。唯是有漏。若聽者識所變文義。或通有漏及與無漏。一切異生二乘菩薩七地已前有漏後得。能聽法者皆唯有漏。若一切二乘七地已前無漏後得八地已去。識上所變聲名句文。皆唯無漏。隨其所應說之為教。然同所敬既取本質無漏三寶故。今教體亦取本質佛等所說運而現。非有漏戲論聲等為體。攝大乘云。如末尼天鼓無思成自事聲等為體。於能說者識上現故不違唯識。若聞者識所變為教。教唯體中。今出教體亦應有四。依前第一攝相歸性。教即真如。般若論說。應化非真佛。亦非說法者。說法不二。取無說離言相。故知教體性即真如。無垢稱語。大善現言。文字性離無有文字。是即解脫。解脫相者即諸法也。又云一切法亦如也。又云法非見聞覺知。若行見聞覺知。是即見聞覺知。非求法也。故知教體性即真如。依前第二攝境從識。若取根本能說法者識心為體。若取於末。能開法者識心為體。故天親云。展轉增上力。二識成決定。依前第三攝假隨實。一切內教

體唯是聲。由名句文體是假有隨實說故。對法論說。成所引聲不說名等名成所引。依前第四相用別論。唯取根本能說法者識上所現聲名句文。以為教體。假之與實義用殊故。十地論云。一者聲。二善字。如前教理成。此體說此中四體約義用分。不乖真俗法相理故。雖說一體義不違三。即一法各各有此四種體。故說諸法體。准此應知。雖顯教體義有多途。而未解釋唯識教性。如何說者識上聚集。今聽法者聚集解生。顯揚論中第十二說。有字非名謂一字。有名非句。謂一字名。句必有名字。名亦必有字。字不必有名。名不必有句。既大乘中於聲屈曲義說名等。故說名等。非小乘義。今准此義。釋說法者及聽法者識心之上聚集顯現。如聖教說諸惡者莫作。諸善者奉行。善調伏自心。是諸佛聖教說諸字時。餘惡等字並在未來。唯有一字及依二字所成之名於心上現。此即一字成名之義。亦有一字不成名者。非此所明。復言惡時。餘者等字並在未來。其前諸字雖入過去。現無本質。由熏習力唯識變力。仍於此念說惡字時心上顯現。即有二個一字。一個字身。兩個一字所成名。一個一字所成名名字。兩個一字所成名。又言者時有三個一字。兩個字身。一謂諸惡。二謂惡者。以二合說。下應准知。不可隔越合。故無諸者合名。字身一個三字多字身。三個一字所成名。二個一字所成名名字。如前字身二二合

說 一个一字所成名多名身 論難二說  
今取三字名多名身 不取四字者下准  
應知 兩個二字所成名 亦二二合說  
一个二字所成名身 一个三字所成名  
復言莫時有四个一字 三个名字 亦二二  
合說準前應知 兩個三字多名字 三三  
合說 更互除初後一字 一个四字多名字  
四个一字所成名 三个一字所成名身  
謂二二合說 二个一字所成名三名多名身  
謂三三合說 說更互除初後一字 一个一字  
所成名四名多名身 三个二字所成名 謂  
二二合說 二个二字所成名身 一个二  
字所成名多名身 二个三字所成名 更互  
除初後一字 如前准說 一个三字所成名  
身 一个四字所成名 又言作時有五个一  
字 四个名字 謂二二合說 三个三字多  
字身 二个四字多字身 一个五字多字身  
至此總合字及字身并多字身有一十五  
五个一字所成名 四个一字所成名身  
謂二二合說 三个一字所成名三名多名身  
謂三三合說 二个一字所成名四名多名身  
更互除初後一字 一个一字所成名五名  
多名身 四个二字所成名謂二二合說三个  
二字所成名身 二个二字所成名三名多  
名身 一个二字所成名四名多名身 三个三  
字所成名 謂三三合說 二个三字所成名  
名身 一个三字所成名多名身 二个四字所  
成名 更互除初後一字 一个四字所成  
名身 一个五字所成名 至此總合名及

名身并多名身有三十有五 合有一句義  
究竟故 梵云阿耨多羅三藐三菩提 即八字成句  
不長不短 以圓滿故 此中皆取無間相合  
方成名等 不可隔越合成名等 所隔之字  
即無用故 此中且依倍倍增長而作其法  
合有五剎那所依之聲 於心上現 不可爲  
難 此依一句事究竟說 字名句聲 都合  
尚有五十聚集 若約一頌一段一卷一部  
聚集字名句等 理即無邊 若薩婆多等說惡  
等字時 諸等字已滅 無聚集故 次第而生  
不俱時故 無熏習故 不可至後 前已所  
說字 於後心上現 故彼教義決定不成 亦  
非由前字等勢力 末後字等能生顯名 過  
去無體 又無熏習 由何勢力 末後之字能  
生顯名等 故我今時 其說法者 若在因位  
及諸聽者亦在因中 由初諸字等熏本識  
已 連帶緣後起者等字 識上解生 乃至末後  
作字之時 先皆聚集 由前熏習後識之上聚  
集顯現 證所詮義 差別圓滿 名爲說法 說  
爲聞教 若是佛說 雖無熏習 亦聚集生 故  
雖無過未唯識教成立 說者聽者義皆圓  
滿 俱以聲字二種 究竟於自心上聚集顯  
現 爲教體故 於此四種出體之中 隨其所  
應 以圓成等及相名等三性五法各別出  
之 唯大乘義 大乘義中 雖有蘊處界等三  
科之法 體性易故復濫小教 故不取之 三  
性體性略而言之 遍計所執體唯我法 性相  
都無 依他圓成各有二體 一者有漏無漏  
門 諸無漏法皆名圓成 故攝論說 若說四

清淨是即圓成實 諸有漏法皆依他起 二者  
常無常門 諸常住者名圓成實 即唯真如圓  
成實攝 瑜伽論說 五法之中唯說真如是圓  
成 故一切有爲皆依他起 依他衆緣而得  
起故 其前教體攝相歸性唯圓成實 自餘三  
體可通二說 無漏有爲通二性故 五法體  
性如五法章 義准應悉 餘一切章由此門  
中 已略顯示更不別顯 准義知之 此中所  
說義理研尋 皆是大師別加訓授 傳者實  
雖文拙 而此義或可觀 冀諸有智委爲詳  
審 其間引證純用大乘 白日光輝不假衆  
星之助故也 如有謬錯 希爲鑑規 上來合  
是體性不同 自餘義門如餘章說  
第五得名懸隔 於中有一初談 古說 後論  
今釋 談古說者 古師解釋諸法名義 但隨  
己情各爲一解 既無依據 難可准憑 義與  
體乖 遂成疎謬 或云當體以彰名 或云就  
義以爲目 或云從能依以受稱 或云從所  
依以立名 或云從數就義爲名 或從相應  
增強爲號 或兩體相違 如是種種解釋不  
同 竝率己情 未爲典據 所以諸師紛亂互  
起 異端 今後學徒無可從受 皆由翻譯之  
主不善方言 語設將融玄旨猶隔 師既墮  
矣 資亦負焉 論今釋者 西域相傳 解諸  
名義皆依別論 謂六合釋 梵云殺三磨婆  
此云六合 殺者六也 三磨婆者合也 諸法但  
有二義以上而爲名者 即當此釋 唯一義  
名即非此釋 一義爲名理目自體 不從他  
法而立 自名 二義爲名理有相濫 故六合

釋無一義名。初但別釋二義差別。後乃合之。如說佛陀名爲覺者。者是主義。通於五蘊覺是察義。唯屬於智。此別解已。有覺之者名爲覺者。此即合之故名爲合。釋此合名有其六種。名六合釋。雖如菩提有共二字。一字但目一覺之義。義既是一理目一體既無相濫。何用六合六合之釋。解諸名中相濫。可疑諸難者故。此六合釋以義釋之。亦可名爲六離合釋。初各別釋名之爲離。後總合解名之爲合。此六者何。一持業釋。二依主釋。三有財釋。四相違釋。五隣近釋。六帶數釋。初持業釋。亦名同依。持謂任持。業者業用。作用之義。體能持用名持業釋。名同依者。依謂所依。二義同依。一所依體名同依釋。如名大乘。無性釋云。亦乘亦大。大者具七義。形小教爲名。乘者運載義。濟行者爲目。若乘若大同依一體名同依釋。其體大法。能有運功。故名持業。諸論之中多名持業。少名同依。攝大乘論亦復如是。許能攝教即是論故。故無性云。是故說此名攝大乘。盡其所有大乘綱要。無別說故。此以本經名大乘。末論名爲攝。非以本經攝大乘品。名攝大乘也。又如唯識成唯識論。識體即唯。能成之教亦即是論。故皆持業。於識名中名爲識識。藏體即識。持業亦爾。如是種類名義非一。不能煩述。宜應准知。依主釋者。亦名依主。依謂能依。主謂法體。依他主法以立自名。名依主釋。或主是君主。一切法體名爲主者。從喻爲名。如

臣依王王之臣故名曰王臣。士謂士夫。二釋亦爾。於論名中。攝大乘論。以本經中攝大乘品名攝大乘。此論解彼名攝大乘論。義可應言攝大乘之論。依攝大乘品而爲主故。以立論名。故依主釋。若許論亦名攝。攝通於理。論者是教。攝大乘之論。類亦應知。唯識之成名。成唯識。以理爲成。論者是教。成唯識之論。亦是依主。於識名中如名。眼識依眼之識。類此應知。有財釋者。亦名多財。不及有財。財謂財物。自從他財而立。已稱名爲有財。如世有財。亦是從喻而爲名也。如論名中大乘阿毘達磨集者。大乘阿毘達磨。此乃根本佛經之名。集通能所。能集即論。所集即經。今以彼大乘對法爲集。名大乘對法集。故有財釋。此論以唯識爲所成。名成唯識論。亦有財釋。以阿毘達磨爲藏。名對法藏。有財亦爾。如是一切義皆類然。相違釋者。名既有二義。所目自體各殊。兩體互乖而總立稱。是相違義。如攝決擇分初立地名。云五識身相應地意地者。此非五識身地即是意地。亦非五識身地之意地。亦非以五識身地爲意地。兩地各殊。共立一稱。體各別故。名曰相違。今以義准理有及言。應云五識身地及意地。但論略之。諸教之中與并及言。皆是隔法令其差別。並相違釋。如因明說能立與能破。此顯能立。義非能破。故說與言顯二差別。餘一切法類。此應知隣近釋者。俱時之法義用增勝。自體從彼而立其名。名隣近釋。如

說有尋及有伺等。諸相應法皆是此體。但尋伺增名。有尋等。亦如念住。體唯是慧。但念用增名爲念住。意業亦爾。餘一切法類。此應知。帶數釋者。數謂一百二十等數。帶謂挾帶。法體挾帶數法爲名。名帶數釋。如說二十唯識論言。唯識者所明之法。其二十者是頌數名。挾數爲名。名帶數釋。廣百論等准此應知。此中六釋且依共傳略示體義。其廣辨相如餘處說。謂此六中初持業釋。於八轉聲何聲中釋。乃至帶數爲問亦爾。皆如別處更有釋名。如宗輪疏。恐厭繁多。且指綱要。前總聊簡義通諸教。所餘有學宜應用之。若講別部用此文義。於一一門中。應結歸自義。不爾便是太爲疎略。此中所有義理徵釋。皆於大師親加決了。但傳之疎謬。非無承稟也。諸有智者幸留意焉。

### 五心章

率爾等五心。略以十二門分別。一列名。二辨相。三八識有無。四剎那多少。五亂不亂生。六諸心對辨。七初後廣略。八諸位闕具。九三性所收。十緣生總別。十一何量所攝。十二問答聊簡。

第一列名者。一率爾心。二尋求心。三決定心。四染淨心。五等流心。瑜伽第一卷五識身地云。由眼識生三心可得。如其次第。謂率爾心。尋求心。決定心。初是眼識。二是意識。決定心後方有染淨。此後乃有等流眼識。善不善轉。如眼識生乃至身識亦爾。由初三

心性類同故。但說三言實兼後二。

第二辨相者。且如眼識。初墮於境。名率爾

墮心。同時意識先未緣此。今初同起亦名

率爾。故瑜伽論第三卷云。意識任運散亂。緣

不串習境時。無欲等生。爾時意識名率爾

墮心。有欲等生。尋求等攝故。又解深密經

又決擇七十六說。五識同時必定有一分別

意識俱時而轉。故眼俱意名率爾心。初率墮

境故。此既初緣。未知何境為善為惡。為

了知故次起尋求。與欲俱轉希望境故。既

尋求已識知先境。次起決定。印解境故。決

定已識境界差別。取正因等相。於怨住惡。

於親住善。於中住捨。染淨心生。由此染淨

意識為先。引生眼識同性善染。順前而起。

名等流心。如眼識生耳等識亦爾。

第三八識有無者。瑜伽第一但說六識有此

五心。不說七八。又問斷識方具此五。非恒

續識。然第七識未轉依位。緣境恒定任運微

細。唯有後三。一剎那中可說具故。第八

不爾。界初生位有率爾心。有色無色境寬狹

故。決定染淨等流三心。境有新舊。或前後

相望可具足故。唯無尋求。無欲俱故。因第

七識界雖初生。境恒一類。故無率爾尋求

二心。初轉依位可名率爾。即是決定染淨

之心。第二念後。即是等流。二念義合說有

四心。或第二時更起淨識。初念即是此之四

心。是前所起心等流故。今創墮境有率爾

故。此中且依論說六識。七八道理所具諸

心。理而言之第六具五。前五識因果合

說可有五心。因但有四。尋求見聞未了之

間。五隨意識轉亦是尋求。有希望故。不爾此

心應非五攝。率爾一念決定未生。若非尋

求便為大失。決定意識既許多時。染淨未

生。五隨意識轉。若非決定復是何心。因中五

無第四染淨。因無勢力可自引生故。果即

具有勢力勝故。有義八地以上五識自在。前

後相引亦成染淨。許七八識前能引後為

染淨心。五何不爾。故知五識因亦具五。總

結之者。前六具五心。七八各四。此中有義

五識唯二。但有率爾及等流心。尋求等中五

隨生者。即等流心許亂生故。今此且依顯

勝法說。除皆准知。瑜伽論言初三心中初是

五識。二是意識。又言染淨是意識。等流方五

識者。且依於一中容無難易識境說。何

因不許尋求不了數數尋求。成唯識云。得

自在位任運決定不假尋求。時五識身理必

相續。故知五識具有五心。不違瑜伽。於理

亦勝

第四剎那多少者。五識率爾唯一剎那。瑜伽

第三云。又非五識身有二剎那相隨俱生。

又一剎那五識生已。從此無間必意識生。故

五識率爾唯一剎那。尋求未了復起五識。此

之五識但是尋求。故五識身無多率爾說。五

識身有尋伺者。有廣尋求。無尋伺者與欲

俱故。亦有尋求。諸處所說五識無有決定

尋求。無深廣行相說之為無。非無微細

者。若獨生意。若五俱意。率爾心位亦一剎那。

瑜伽第一說前三心。初是五識。二是意識。第

三亦說意有率爾。雖復相達。以大二心必

是意故。初一念中略不說意亦有率爾。既

無唯字理亦不違。有說意識既許相續說。

率爾心通多念起。亦無過失。前解為善。初

墮境故。後非率爾。決定多剎那。尋求未

知。便出定故許多剎那。已得自在任運決

定故。決定心亦多念起。染淨之心亦復如是。

多念相續以難生故。此依五識為等流心。

若意等流染淨唯一念。次第二念即等流故。

唯等流心略有二說。意識等流相續無妨。一

云五識唯一念生。說等流心亦不相續。如

前引說。二云五識許相續生。一剎那者說

率爾故。決擇亦說六識相望成等無間。故

等流心許相續起。唯識亦言。如熱地獄忘

天等理必相續。故今正義。率爾多唯一念。餘

四多相續。或竝通多念。

第五亂不亂生者。先明不亂。後明亂生。不

亂生中復有三門。一自他俱不亂。二他亂自

不亂。三自亂心不亂。自他俱不亂者。瑜伽

第三云。又一剎那五識生已。從此無間必

意識生。從此無間若不散亂。必定意識中第

二決定心生。由此尋求決定二識分別境

界及為因故。染淨法生。此所引故從此無

間。眼等識中染淨法生。然此不由自分別

力。無分別故。唯由引生。故得染淨。他亂自

不亂者。謂有他識中間問生自識五心仍前

後起。如眼觀色起率爾心。必有尋求。初

心起。故瑜伽說。又一剎那五識生已。從此

無間必意識生故。瑜伽又云：定中聞聲，若有希望後時方出，希望即是尋求心故，故五率爾後定起，尋求心。有人說言：有率爾後不起，尋求者，不然，違教理故。瑜伽又云：尋求無間，或時散亂，或餘五識隨一識生，故尋求後或入餘心，或起決定，雖起餘心中間隔亂，他境非上勝，不能引脫他識，久不生故。復却入眼識決定，決定起時，或還起尋求引，或即起決定，決定為因。若無異緣，自染淨起，有他識奪，自染淨不生。他識既滅，自心方能入染淨位，染淨位起，或還入決定引，或即起染淨，下皆準知，更不別說許多念故。染淨心後若無他緣，自等流起，他緣識起，自染淨後等流不生，他識既滅，自等流起。眼意二識乃至末趣所餘境界，經爾所時恒相續轉，是名他亂自不亂。三自亂心不亂者，如眼先觀一大衆色，率爾尋求定相續已未起決定，有一上好像色現前，眼識遂於餘色而轉，復起率爾及尋求心，或并決定或染淨心等，見像色已却觀衆色，先已見故不起率爾，或却起尋求引，生決定，以許尋求多利那故，或即起決定，下皆準知。或從初心至決定已復見火色，火色之上起率爾等，隨多少心既見火已，却觀衆色，始起染淨，染淨心後或觀雲色，隨其多少起率爾等已，却觀衆色而起等流，皆準前說，是名自亂心不亂。上來明不亂，自下後明亂者，於中有二：一他亂自亦亂，二自亂心亦亂。他亂自亦亂者，如眼

識生緣一像色起，率爾尋求已，別有聲至，復起率爾尋求等心，像遂放光，像光既新起，前尋求復復起率爾尋求決定，復別有香正現前，復起率爾等，像光變色，決定心後，復起率爾至染淨心，復值上味正現前，遂起舌識多少心已，却觀像光，光或大小，從染淨心後，復起率爾尋求決定，如是乃至復觸妙觸起，率爾等已却觀像光，光即離質變現異彩，復起率爾等，或二或三，或至四心，名之為亂。若連次起至等流心，即名不亂，餘心例然。自亂心亦亂者，準他亂說，如眼識生緣一像色，至尋求已像色現前，却起率爾像或放光，却起率爾尋求等心，如是乃至不至等流，唯以自他境界差別與前亂異，餘作法同。

第六諸心對辨者，如眼識率爾心，亦得與餘識率爾心並，乃至等流亦復如是。瑜伽等說：八識一時得俱起故，亦有眼識率爾得與耳識尋求等四，俱眼識尋求，得與耳識決定等三，染淨等二，乃至等流一心俱起，亦有眼識率爾，耳識尋求，鼻識決定，舌識染淨，身識等流一念俱起，理無遮故。如眼識生，乃至身識等類，此可知，有說不得，既非正義，故不說之。

第七初後廣略者，或有率爾尋求心多等流心少，初多境現有，後少境現故，或有率爾尋求心少等流心多，由前前染淨勢力引生故，率爾等境別別遇故，中間三心多說意識，不辨多少，若在果位，隨所有心皆得俱

起，隨應無失。既許因位五識有五心，隨應五心皆得，並有多少不定。

第八諸位關具者，此說五心，唯依因位新遇二境，次第別生，有未知故。若遇舊境，但有決定染淨等流，或唯染淨等流二心，或唯等流，或唯染淨，或唯決定一念不續故，無唯尋求不起率爾，若可尋求必先不了故，定有率爾。五識之中無唯率爾尋求心，瑜伽說故，非所餘識故，成唯識說。八地以去乃至成佛，任運決定不假尋求，故但有四三乘通論無漏具五，有尋求故，即諸剎那義別說有，非前後起，初轉依等如前已說。

第九三性所收者，瑜伽論說：初三心是無記，第四五通三性，此依因位中容無亂境，五識中一與第六識連續生說。若在因位，境界強勝，諸識雜生並生五心，皆通三性所攝，若無漏位及得自在，一切多善。

第十緣生總別者，既許一識得引六識為無間生，亦許多識能引一識為無間生，故多率爾引生一識尋求心起，乃至廣說，一染淨心引生多識等流心生，共義決定，許一識一心得多識引心一念生故。由斯義準，諸識一念得具五心，境有新舊識引生別，此理微細，智者應思。

第十一何量所攝者，因中五識或四或二或許五心，皆唯現量緣現世境，果中五識所有四心，亦唯現量緣三世境，有義亦緣非世之境，第七因位許有三心，皆非量攝，本質



境及影像唯現在。行相非世境轉。果位有四。心皆唯現量。通緣三世及非世境。第八因果俱唯現量。在因緣現在。果緣三世及非世境。第六意識定位。五心皆唯現量。通緣三世及非世境。若在散位。獨頭五心通比非量。通緣三世及非世境。行相亦作。世非世解。瑜伽論說。意識散亂率爾墮心緣過去者。約五後意多分緣故。與五俱意所有五心。有義唯現量作證解故。陳那菩薩集量論。說五識俱意是現量故。設五俱時緣十八界。亦現量攝。隨五現應明了取故。有義不定性。何不同。何況現量。集量不說。五俱之意唯是現量。何得定判。堅執。比度既許。五俱。定唯現量。於理未可。故五俱意義通現比及非量。攝通緣三世及非世境。若緣一境與五俱。率爾等流。定唯現量。中間三心不與五俱。通比非量。剎那論之。緣過去境。瑜伽論言。五識無間所。生意識尋求決定。唯應說緣現在境者。此依分位事緒究竟。名為現在。瑜伽自言。若此即緣彼境。生故。染淨亦爾。三心性同。故論偏說。

第十二問答聊簡者。何故立五心。非增非減。答。據極多分決定有五。極小有。一非圓滿。故問此五心通。無漏不。答。五皆通。聞聲定心通。無漏故。因無漏心有希望故。或說尋伺通。無漏故。設不通。無漏與欲俱故。此尋求心亦通。無漏。問通三界耶。答。通。無理迷故。一心中亦緣三界。三界諸心別識類者。隨應可俱。問何故須辨如是五心。

答。爲令了知心之分位。入法無我唯識相。故。問此說五心。聞緣教時。幾字即具。答。且依此方。一字成名。亦能詮表。但聞一字。即具五心。如聞佛言。二字具者。如聞菩薩。三字具者。如聞慈氏佛。四字具者。如聞能寂。如來。五字具者。如聞諸惡者。莫作。如是等類。乃至無量。聞緣解了。即具五心。不須別限。聞幾字。時五心方具。若說理事。未究竟來。五心不具。若聞了訖。方具五心。即隨所說字之多少。若名。若句。竟。但意解圓。滿。即說具五心。隨爾所時。意識所引五識隨生。隨彼意識。彼心所攝。亦不違理。故六具五。七八唯四。深爲允當。

◎唯識義林第三

唯識義章。略以十門辨釋。一出體。二辨名。三離合會釋。四何識爲觀。五顯類差別。六修證位次。七觀法何性。八諸地依起。九斷諸障染。十歸攝二空。

第一出體者。此有二種。一所謂體。二能觀體。所觀唯識。以一切法而爲自體。通觀有無。爲唯識。故略有五重。一遣虛存實。識觀遍計所執。唯虛妄起。都無體用。應正遣空。情有理無。故觀依他圓成諸法體實。二智境界。應正存有。理有情無。故無著頌云。名事互爲客。其性應尋思。於二亦當推唯量。及唯假。實智觀無義。唯有分別三。彼無故此無。是即入三性。成唯識言。識言總顯一切有情各有八識。六位心所。所變相見分位差別。及彼空理所顯真如。識自相故。識相應

故。二所變故。三分位故。四實性故。如是諸法皆不離識。總立識名。唯言但遮愚夫所執。定離諸識實有。色等。如是等文。識證非一。由無始來執我法爲有。撥事理爲空。故此觀中。遣者空觀。對破有執。存者有觀。對遣空執。今觀空有而遣。有空。有空。若無。亦無空有。以彼空有相待觀成。純有純空。誰之空有。故欲證入離言法性。皆須依此方便而入。非謂有空。皆即決定。證真觀位。非有非空。法無分別性。離言故。說要觀空方證真者。謂要觀彼遍計所執空。爲門故。入於真性。真體非空。此唯識言。既遮所執。若執實有。諸識可唯。既是所執。亦應除遣。此最初門所觀唯識。於一切位。思量修證。二捨滯留純識。雖觀事理。皆不離識。然此內識有境。有心。心起必託內境生故。但識言唯不言唯境。成唯識言。識唯內有。境亦通外。恐滯外故。但言唯識。又諸愚夫迷執於境。起煩惱業。生死沈淪。不解觀心。懇求出離。哀感彼故。說唯識言。令自觀心。解脫生死。非謂內境如外都無。由境有。滯捨不稱唯。心體既純。留說唯識。厚嚴經云。心意識所緣。皆非離自性。故我說一切唯有識。無餘花嚴等說。三界唯心。道教經言。是故汝等當好制心。制之一處。無事不辦等。皆此門攝。三攝末歸本識。心內所取境界顯然。內能取心作用亦爾。此見相分俱依識有。離識自體本。末法必無故。三十頌言。由假說我法。有種種相轉。彼依識所變。此能變

唯三。成唯識說。變謂識體轉似二分。相見俱依自體起故。解深密說。諸識所緣唯識所現。攝相見末歸識本故。所說理事真俗觀等。皆此門攝。四隱劣顯勝識。心及心所俱能變現。但說唯心非唯心所。心王體殊勝。心所劣依勝生。隱劣不彰顯勝法。故慈尊說。許心似二現。如是似貪等。或似於信等。無別染善法。雖心自體能變似彼見相二現。而貪信等體亦各能變似自見相現。以心勝故說心似二。心所劣故隱而不說。非不能似。無垢稱言。心垢故有情垢。心淨故有情淨等。皆此門攝。五遠相證性識。識言所表具有理事。事為相用。遣而不取。理為性體。應求作證。勝經說。自性清淨心。攝論頌言。於繩起蛇覺。見繩了義無證。見彼分時。知如蛇智。觀此中所說。起繩覺時。遣於蛇覺。喻觀依他遣所執覺。見繩衆分遣於繩覺。喻見圓成遣依他覺。此意即顯所遣二覺皆依他起。斷此染故。所執實蛇實繩我法。不復當情。非於依他以稱遣故。皆互除遣。蛇由妄起。體用俱無。繩藉麻生。非無假用。麻譬真理。繩喻依他。知繩麻之體用。蛇情自滅。蛇情滅故。蛇不當情。名遣所執。非如依他須墮道斷。故漸入真達。蛇空而悟。繩分。證真觀位。照真理而俗事彰。理事既彰。我法便息。此即一重所觀體也。能觀唯識以別境慧而為自體。攝大乘第六說。為何義故入唯識性。由緣總法出世止觀智故。無性解云。由三摩

四多無顛倒智故。或有解言。能觀唯識通以止觀而為自性。此亦不然。若取相應四蘊為體。若象眷屬。即通五蘊。今且依名觀體唯慧。無性又云。唯識現觀智故。又云。由三摩四多無顛倒智。但舉定中所起之智以爲觀體。作尋思等勝唯識觀。必居定故。不言即以止爲觀體。攝論又云。由四尋思。四如實智。如是皆同不可得故。以諸菩薩如是如實。爲入唯識勤修加行。即於似文似義意言。推求文名唯是意言。乃至廣說。瑜伽對法等。尋思如實智皆慧爲體。尋思唯有漏。如實智通無漏。攝大乘云。入所知相者。謂多聞熏習所依非阿賴耶識所攝者。此文唯舉無漏種子。在彼位增。名爲聞熏。稱非藏識。非諸能觀皆唯無漏。不爾四尋思應非加行智。此雖總說。若別顯者。略有二位。一因二果。因通三慧。唯有漏故。以聞思修所成之慧。而爲觀體。此唯明利簡擇之性。非生得善。故攝論云。似法似義意言。大乘法相等所生起。勝解行地見道修道等。成唯識云。此中唯識資糧位中。聽聞思惟能深信解。在加行位。起尋思等引發真見。果唯無漏。修所成慧而爲觀體。通以正智後所得智爲自體故。攝大乘等云。如理通達故。治一切障故。離一切障故。見修無學道。如其次第。證真理識唯正體智。證俗事識唯後得智。文多義顯。不引教成。上來雖復辨能所觀。總義說者。若總言唯識通能所觀。言唯識觀唯能非所。通有無漏。通散及定。

以聞思修。加行根本後得三智而爲自體。若言唯識三摩地。通有無漏。唯定非散。唯修慧非聞思。通三智。若言正證唯識。唯無漏非有漏。唯定非散。唯修慧非聞思。唯正智後得。非加行。此非義說。不爾三摩地等亦通。聞思。十地論說故。至下當知。然總遍詳諸教所說一切唯識。不過五種。一境唯識。阿毘達磨經云。鬼。傍生。人。天。各隨其所應。等事心異故。許義非真。實如是等文。但說唯識所觀境者。皆境唯識。二教唯識。由自心執著等頌。花嚴深密等說。唯識教者。皆教唯識。三理唯識。三十頌言。是諸識轉變分別所分別。由此彼皆無。故一切唯識。如是成立唯識道理。皆理唯識。四行唯識。菩薩於定位等頌。四種尋思如實智等。皆行唯識。五果唯識。佛地經言。大圓鏡智。諸處境識皆於中現。又如來功德莊嚴經言。如來無垢識。是淨無漏界。解脫一切障。圓鏡智相應。唯識亦言。此即無漏界。不思議善常。安樂解脫身。大牟尼名法。如是諸說。唯識得果。皆果唯識。此中所說五種唯識。總攝一切唯識。皆盡。然諸教中就義隨機。於境唯識。種種異說。或依所執以辨唯識。楞伽經說。由自心執著。心似外境現。以彼境非有。是故說唯心。但依執心虛妄現故。或依有漏以明唯識。花嚴經說。三界唯心。就於世間說唯識故。或依所執及隨有爲以辨唯識。三十頌言。由假說我法。有種種相轉。彼依識所變。依識自體起見相分。二執

生故或依有情以辨唯識。無垢稱經云。心清淨故有情清淨。心雜染故有情雜染。或依一切有無諸法以辨唯識。解深密說諸識所緣唯識所現。或隨指事以辨唯識。阿毘達磨契經頌言。鬼傍生人天。各隨其所應。隨指一事辨唯識。故如是等輩無量教門。舉此六門。類攝諸教。理義盡者唯第五教。總說一切為唯識故。或束為三。謂境行果。如心經贊具廣分別。

第二辨名者。梵云毘若底。此翻為識。識者了別義。識自相識相應識所變識分位識實性。五法事理皆不離識故名唯識。不爾真如應非唯識。亦非唯一心更無餘物。攝餘歸識總立識名。非攝歸真不名如也。梵云摩咀刺多。此翻為唯。唯有三義。一簡持義。簡去遍計所執生法二我。持取依他。圓成識相識性。成唯識云。唯言為遮離識我法非不離識心。心所等三。決定義。故舊中邊頌云。此中定有空。於彼亦有此。謂俗事中定有真理。真理中定有俗事。識表之中此二決定。顯無二取三顯勝義。瞿波論師二十唯識釋云。此說唯識但舉主勝理兼心所。如言王來非無臣佐。今此多取簡持解唯識者心也。由心集起。綵畫為主之根本故經曰唯心。分別了達之根本故。論稱唯識或經義通因果總言唯心。論說唯在因但稱唯識識了別義。在因位中誠用強故。說識為唯。其義無二。二十論云。心意識了。名之差別識即是唯。持業釋也。或

順世外道及清辨等。成立境唯。為簡於彼言識之唯。依主無失。為令捨識而依於智說唯識言。若能觀中智強識劣。若以為境皆不離心。今為所觀故名唯識。又不離依主稱為唯識。決斷從能故可依智。又從欣為目經唯名皆般若。從厭為號論標並唯毘若底。攝法歸無為之主故。言一切法皆如也。攝法歸有為之主故。言諸法皆唯識。攝法歸簡擇之主故。言一切皆般若。是名第二辨名號也。

第三離合會釋者。離者別也。合者同也。謂諸經論各各別說諸觀等名。今合解之。但是唯識之差別義。非體異也。一名有三十一類。花嚴等中遮境離識名為唯心。辨中邊論遮邊執路名為中道。般若經中明簡擇性名為般若波羅蜜多。法花經中明究竟蓮名曰一乘。此之四名通能所觀真俗境觀。正智唯真。加行後得並通真俗。若言證者後得唯俗。法花有說唯依果智。但說三車在門外故。宅中出者名衣被机案及門。不與乘名。理亦不然。聲聞緣覺不退菩薩。乘此寶車直至道場。故通因位。勝鬘經中六法既為大乘故說故通加行。至乘章中當具顯示。勝鬘經中遮餘虛妄名一實諦。顯法根本亦名一依。由空為證。又是空性亦名為空。彰異出纏。顯攝佛德從中出。名如來藏。明體不染真實法性。名自性清淨心。功德自體亦名法身。無垢稱經。遮理有差別。名不二法門。大慧經中。表無

起盡亦名不生不滅。涅槃經中。彰法身因多名佛性。楞伽經中。表離言說名不思議。瑜伽等中顯不可施設名非安立。攝大乘等顯此通當等名。圓成實對法論等明非妄倒名曰真如。此十三類名唯所觀理唯真智境。恐文繁廣略舉爾所非更無也。謂法界。法性。不虛妄性。不變異性。平等性。離生性。法定。法住。法位。真際。虛空界。無我。勝義。不思議界等十四名。如大般若廣釋。合前三十一單名。二名有四。瑜伽論中。施設非施設。淺深異故。名為安立。非安立諦。即勝鬘經。有作四聖諦。無作四聖諦。涅槃經中。亦名勝義。世俗二諦。顯揚論中。能詮所詮名名事二法。此之三名通能所觀。亦真亦俗。初中後智。攝大乘等。顯所執無名生法二無我。亦通能所觀。唯真非俗。通初中後智。三名有四。解深密等。顯一切法有無事理種類差別。名為三性。顯三俱無。遍計所執。亦名三無性。此二唯所觀。亦通三智真俗二境。若言三性等觀者。唯能觀非所觀。通三智及真俗。瑜伽等中。明離繫之方便。亦名三解脫門。表印深理。名三無生忍。唯能觀非所觀。唯本後二智通真及俗。四名有四。菩薩地中明義總集。名四攝陀南。諸行無常。有漏皆苦。諸法無我。涅槃寂靜。大智度論。顯宗差別。名四悉檀。一世界悉檀。二第一義諦悉檀。三對治悉檀。四各各為人悉檀。此上二門通能所觀真俗三智。諸

論以初觀爲亦名四尋思。唯能觀非所觀。唯加行智非中後智。通真俗二。諸論以後觀細亦名四如實智。亦唯能觀非所觀。通三智真俗所攝。五名有一。仁王經中。位別印可亦名五忍。一伏忍。在地前伏印故。二信忍。在初二三地。創得不壞信。相同世間類故。三順忍。在四五六地。順爲出世行。故四無生忍。在七八九地。長時任運觀無相理故。五寂滅忍。在十地佛地因果位中圓滿寂故。唯能觀非所觀。初唯加行智。後可通餘智。皆通真俗。或名六現觀。七覺支。八聖道。九奢摩他。十無學法。四念住。四正斷。四如意足。五根。五力等。非菩薩正觀故。不別說。如是一切雖異名說。皆是此中唯識境智差別名也。

第四何識爲觀者。大眾部等說。六識有染。皆能離染。犢子部等說。五識非染。亦非離染。第六俱有薩婆多等。六識有染。離染唯第六。於大乘中。古德或說七識修道八識修道。皆非正義。不可依據。若能觀識因唯第六。瑜伽第一云。能離欲是第六意識不共業故。通真俗三智。餘不能起行緣緣觀。理趣入真故。瑜伽又云。審慮所緣唯意識故。第七由他引亦爲此觀。通中後智。佛果通八識能爲唯識觀。三智通真俗理事二門。成事非真唯觀俗識。此解依論理或有異。但真如識定非能觀。若論所觀八識皆通因果二位。真識亦爾。第五顯類差別者。其圖成真性識。若加行

後得觀。是共相非別相。以總緣遍法故。根本智觀是別相非共相。諸法別知故。然體非共相。萬法不離此理。一無二故。亦可名其相諸經論云。共相作意能斷惑者。依此道理及前加行并能詮說。然諸法上各自有理。內各別證不可言共。其幻性依他識。或說。因果體俱一識。作用成多。一類菩薩義。或因果俱說。二。決擇分中有心地說。謂本識及轉識。或唯因說。三。辨中邊云。識生變似義有情我及了。三十唯識云。謂異熟思量及了別境識。多異熟性。故偏說之。阿陀那名理通果有。或因果俱說。三。謂心意識。或唯果說。四。佛地經等說。四智品。或因果俱說。六。勝鬘經中說。六識。或因果俱說。七。諸教說。七心界。或因果俱說。八。謂八識。或因果合說。九。楞伽第九頌云。八九種種識。如水中諸波。依無相論同性經中。若取真如爲第九者。真俗合說故。今取淨位第八本識以爲第九。染淨本識各別說故。如來功德莊嚴經云。如來無垢識。是淨無漏界。解脫一切障。圓鏡智相應。此中既言無垢識與圓鏡智俱。第九復名阿末羅識。故知第八識染淨別說以爲九也。或因八果三識。佛地等云。前十五界唯有漏故。或因八果七識。安慧論師云。末那唯染故。或因果俱八識。如護法等正義所說。依他識中或說唯一自證分。謂安慧師。或說唯二見相分。難陀師。或說有三。自證見相分。陳那師。或說四分。加

證自證分。護法師。如是所說諸識差別一往而論。依成唯識云。八識自性不可言定異。因果性故。無定性故。如水波故。亦非定一行相所依緣相應異故。起滅異故。熏習異故。楞伽經云。心意識八種。俗故相有別。異故相無別。相所相無故。如是一切識類差別名爲唯識。此幻性識。若加行觀唯共非自。若後得觀通自相觀。一一依他各各證故。

第六修證位次者。攝大乘說。何處能入。謂即於彼有見似法似義意言。大乘法和相所生起。勝解行地。見道修道究竟道中。於一切法唯有識性。隨聞勝解故。如理通達故。治一切障。故離一切障。故。無性解云。在勝解地於一切法唯有識性中。但隨聽聞生勝解故。在見道中如理通達此意言故。在修道中由此修習對治煩惱所知障故。究竟道中最極清淨離諸障故。成唯識說云。何漸次悟入唯識。謂諸菩薩於識性相資糧位中能深信解。在加行位能漸伏除所取能取引發真見。在通達位如實通達修習位中如所見理數數修習伏斷餘障。至究竟位出障圓明。能盡未來化有情類復令悟入唯識相性。五十九說。云何能斷煩惱。齊何當言已斷煩惱。謂善法資糧已積集故。已得證入方便地故。證得見地故。積集修地故。能斷煩惱得究竟地。當言已斷一切煩惱。正同唯識。攝大乘中。以資糧道聞思位長。大劫修滿方起加行。等持位中作唯識觀。從多爲論。但說四位。以

觀時少略隱不說。唯識等中據實爲論。別修行相。見道前位亦有伏除。攝論唯識等。各言煖等中作尋思等觀。故伏除。直往迂迴地前皆同迂迴之人。雖得無漏。遊觀心中亦不能伏除。未證真識終不能了。如幻識故。上來明位下當辨修。辨修有三。一證修。二相修。三地修。證修者。此見道前雖作真俗二唯識觀。似而非真。入見道中。真相見道俱了。真識後得俗智方了。俗識四地以前真俗別觀。第五地中真俗方合。然極用功始能少起。至第六地。無相雖多未能長時。於第七地方得長時。猶有加行亦未任運。八地以上無勉勵修。任運空中起有勝行。真俗二識恒俱合緣。至佛位已。三智俱能緣真俗識。第六不定。隨意樂故。成事唯俗。行緣淺故。或亦通真。自在滿故。相修者。云何名爲修。唯識觀謂令有漏無漏觀心種子現行。展轉增勝。生長圓滿。初修習位。隨所聞法。託境思惟。令此觀心純熟自在。後伏所取能取二執。觀心轉明勝。境相像漸微。忽心境界乃真。觀轉成無漏。如是展轉下轉成中。中轉成上。究竟圓滿名之爲修。於初二位。有漏三慧皆現。種種修無漏。用漸增故。通達位中唯有修慧純是無漏。通現種種修。種修有漏在修習位。七地以前有漏無漏皆具三慧。通現種種修。八地以上無漏三慧通現種種修。種修有漏於究竟位有漏皆捨。無漏滿故。而更不修。然具現種種具俗二門無漏之觀。地修者。有得修。習修。對法九

云。又道生時能安立自習氣。是名得修。從此種類展轉增盛相續生故。又即此道現前修習是名習修。由即此道現前行故。習謂現行。得謂種子。有依下地起下地心。習修唯下。得修通上。得緣上境。令勢增長。下體用俱增。上唯用增故。成唯識云。前三無色有此根者。有勝見道傍修得故。有依下地起上地心。習修唯上。得修通下地。有依上地起上地心。習修唯上。得修亦通下。有依上地起下地心。習修唯下。得修通上。諸上修下及自地修通一切品。下修上者。必是會得自在者。修非餘品類。對法論云。下地不能修於上者。以諸初業及漸隣近習修者說。未得自在。未得上定。不能上修。近未生果故。非勝者可爾。

第七觀法何性者。此有二種。一能觀。二所觀。能觀定非遍計所執。彼無體故。此據正義。有漏觀者定屬依他。無漏觀者二性所攝。常無常門屬依他起。有無漏門攝屬圓成。決定無唯獨屬圓成者。非真理故。即顯地前唯是有漏依他觀。七地已前有漏無漏二性能觀。八地以上唯以無漏二性能觀。所觀性者攝大乘云。如是菩薩悟入意言似義相故。悟入遍計所執性。悟入唯識故。悟入依他起性。若已滅除意言聞法熏習種類唯識之相。乃至。爾時菩薩平等平等無分別智已得生起。悟入圓成實性。又云。名事互爲客。其性應尋思。於二亦當推唯量及唯假。實智觀無義。唯有分別三。彼無故此

無。是即入三性。初半頌悟入遍計所執。次半頌悟入依他起性。後一頌悟入圓成實性。成唯識云。非不見真如。而能了諸行皆如幻事等。雖有而非真。如是上下三處不同。攝論初文煖頂二位悟入所執。忍第一法悟入依他。初地初心入圓成實。攝論第二文煖頂尋思悟入二性。四如實智悟入圓成。成唯識文要入初地方悟三性。雖有三文義理唯二。一者實證。二者相似。成唯識中據實親證。由無漏二智真俗。前後方可證得。後二性。故證二性時不見二取。即名證。彼計所執無。無法體無。智何所證。心所變無依他起攝。真如理無圓成實攝。故計所執不說別證。但於二性不見二取。可名悟入遍計所執。然正體智達無證理。多說此智證計所執。雖見道前亦已不見。未親得二不名證。無。故於初地方名證得。攝論初文。悟圓成者據實證得。與唯識同。悟前二性據相似悟。長時多分意解思惟。惟前二性故。短時少分雖亦相似悟入圓成。非長時多分亦非親證。故據實說。攝論次文悟入三性。總據相似意趣而說。創觀名事不相屬。故名悟入所執。次觀唯有識量及假名等諸法。雖未證實名悟依他。如實智位雖實有相。而未證真。二取俱亡。與真智觀相似趣入。意解亦謂即是真如。故實智位名入圓成。實未悟入。攝論據相似意解三性。別明悟入。唯識據真實別證二性。通證所執。雖文有異而不相違。餘所有文皆準此

釋

第八諸地依起者。此中有二。初辨依身。後明地起。依身者。若頓悟者。初起依於欲界身。得創發勝心。唯欲界故。顯揚等說。極成非。惡趣極欣非。上二唯欲界人天佛出世現觀。初地以前三界依身一切容得許。毘鉢舍那菩薩。生無色界。以無色心了一切故。非此何人得有是事。七地以前得依欲色二界身起。菩薩不生無色界故。八地以上唯定依於色界身起。託勝所依得菩提故。其漸悟者。初二果人初起。必依欲界身得。不經生者。七地以前。亦通色界依身而起。雖未入地。亦不生無色。悲願自在。隨受生故。亦不因修許轉生故。不同頓悟。見道已前。自己得無漏。彼業力多故。或亦許生。三界業縛彼猶有故。非此生上厭下染故。若經生者。必不上生。發心及後唯欲界故。第三果人不經生者。欲界發心後通色界依身而起。不生無色。無利益故。若經生者。及第四果。欲界發心。初後唯依欲界身起。色界發心。亦唯依於色界身起。初證頓悟。必欲界身。由斷生執慧厭深故。漸證初依亦通色界。顯揚等說。唯欲界中入現觀者。據各初入非。漸悟故。唯斷法執非深厭故。上明依身。下明地起。欲界自地觀通。聞思唯微非定。亦非無漏。此依正義。不取傍說。色界觀中通聞修慧。無色界觀唯修無餘。色界無思慧。無色又無聞。諸教同故。此唯加行善。故非生得攝。然依瑜伽六十五說。若

定若生。毘鉢舍那菩薩未得自在。及得廣慧。聲聞若諸有學若阿羅漢。以無色界心。了三界法及無漏法。故知無色亦有此觀。菩薩即是見道以前四十心位。地上不生處。說故。廣慧聲聞者。隨應說之。不愚於法。故除此二外。不說餘人亦得無色心通緣。於一切。菩薩見道及金剛定唯第四定後通。諸地。色六無色四十地隨應依起。此觀斷惑九。遊觀十。隨應別說。無漏聞思隨依無爽。上七未至唯有欣厭。行相猶局故不能作。

第九斷諸障染者。障有二種。一俱生。二分別。此復有二。一煩惱障。二所知障。成唯識論第十卷云。分別煩惱障現行。資糧道中漸伏。加行道中能頓伏盡。種習俱初地斷。俱生煩惱障現行。地前漸伏。初地以上能頓伏盡。然故意力有時猶起而不為失。八地以上永不現行。習地地除。種金剛斷。其身見等及此俱生。四地永伏。法執無故。此所生起五地不行。以善伴故。所知障中分別現行。亦資糧道中漸伏。加行道中能頓伏盡。種習初地斷。俱生現行地前漸伏。乃至十地方永伏盡。若別說者。前之六識八地伏盡。種習皆地地斷。七識現行金剛喻定加行道伏。金剛喻定起時種習俱斷。菩薩地說。煩惱所知障皆有。三住所斷。一極喜住。一切惡趣諸煩惱品。及所知障在皮重者。皆悉永斷。能令一切中上煩惱皆不現行。最初證得二空真智。二無功用無相住。一切能障無生法

忍諸煩惱品。及所知障在膚重者。皆悉永斷。一切煩惱皆不現前。最初任運得無生忍。三最上成滿菩薩住。一切煩惱習氣隨眠。及所知障在骨重者。皆悉永斷。入如來住。解深密經說。有三隨眠。一善伴隨眠。謂前五地諸不俱生煩惱。是俱生煩惱現行助伴。彼於爾時永無復有。此意說言。第六識俱身見等攝說名俱生。所餘煩惱名非俱生。然體稍重。因彼而起。由彼斷故此亦隨無。故名善伴。二羸劣隨眠。謂第六七地微細現行。若修所伏不現行故。非俱生身見斷。此亦隨滅。稍難斷故。不違楞伽俱生身見斷。故貪即不生。彼約二乘斷煩惱說。不依菩薩所知障無故煩惱不生說。或依二隨眠究竟斷位。彼經此論亦不相違。三微細隨眠。謂於第八地已上。從此已去一切煩惱不復現行。唯有所知障為依止故。然由初地已斷皮重者。方可顯得初二隨眠位。復由第八地在膚重者。顯微細隨眠位。若在骨重者。我說永離一切隨眠。住在佛地。實性論中或說四障。一闍提不信障。二外道著我障。三聲聞畏苦障。四緣覺捨心障。十信第六心。伏初障信不退故。十住第四住。伏第二障。分別我見龜不。生故。此二種子入初地斷。第三所知障五地斷。樂於下乘涅槃之障五地斷。緣覺捨心所知障七地方斷。六地猶觀十二緣故。或初二煩惱種見道斷。後二煩惱種金剛斷。勝鬘經說五住地煩惱。謂見一處住地。欲愛住地。色

愛住地有愛住地無明住地見一處住地初地斷次三金剛斷無明住地見修二道如其次第頓漸而斷。若初四習隨同所知障見修道中頓漸而斷。或說六煩惱。或說七隨眠八纏九結十煩惱十散動十分別等。如斷障章廣說。此說唯識觀斷。不說餘所除。

第十歸攝二空者。諸論說二空。一。生空。二。法空。其唯識觀通二空觀。尋思實智通。生法空。爲生所依。但說觀法。意求種智。觀法空故。爲於二空生正解故。然且法觀必帶生空。論說說故。何故翻悟說迷。生執必兼法執。返迷說悟。生空不帶法空。若以解有淺深。悟生未。必悟法。亦應迷有深淺。迷用不迷於體。今釋未有解體而迷用。所以生執必帶法執。悟淺不達深。生空未。必帶法。二十唯識云。所執法無我。復依餘教入。此唯識教入於法空。此說法空必依唯識非唯識觀唯是法空。獨作生空亦唯識故。但是法空觀必定是唯識。生空不定。二乘生空非唯識觀。故唯識觀寬通。生法觀。法觀義局唯是唯識。生觀義寬通唯識非唯識觀。唯識觀局有生空非。由此唯識觀望。生空觀順前句分別。無唯識觀非生空。但法空觀必帶生故。有生空觀非唯識。謂二乘生空觀。法空對唯識。亦復如是。有唯識非法空。謂唯生空唯識觀。無是法觀非唯識。此二作句其義可知。總相而言。唯識通二空觀。論但說法觀爲唯識觀者。據決定

故復說諸空互相攝者。如空章說。

### 諸乘義林第四

乘義略以五門分別。一。明增減。二。辨體性。三。釋名字。四。彰廢立。五。問答料簡。第一明增減者。或說一乘。法花經云。十方佛土中。唯有一乘法。勝鬘經云。摩訶衍者。出生一切聲聞緣覺世間出世間善法。乃至又云。聲聞緣覺乘皆入大乘。大乘者即是佛乘。是故三乘即是一乘。又言。若如來隨彼所欲。而方便說。即是大乘。無有二乘。二乘者入於一乘。一乘者即第一義乘等。辨中邊論第三卷無上乘品廣說。一乘差別有三。一。正行無上。二。所緣無上。三。修證無上。如彼廣說。顯揚第二十。以六因故佛說一乘。不過攝論所說十因。攝論第十以十因義佛說一乘。如下當解。或說二乘。世親攝論初云。上乘下乘有差別故。涅槃又云。爲聲聞乘而說半字。爲菩薩乘而說滿字。又云。一者大乘。二聲聞乘。唯識攝論。成立大乘真佛語中皆有此文。亦名大乘小乘。或說三乘。涅槃經云。譬如病人有。三種。一。若遇良醫。及與不遇。決定可差。二者若遇即差。不遇不差。三者遇與不遇。決定不差。即以大乘爲初。二乘爲次。無性爲第三。又有三乘。一。菩薩乘。二。獨覺乘。三。聲聞乘。故契經言。爲求菩薩者。說應六波羅蜜法。乃至爲求聲聞者。說應四諦法。此三乘文處處非一。或說四乘。勝鬘經言。攝受正法善男子。善女人。荷四重任。謂離善知識無聞非法

衆生。以入天善根。而成熟之。求聲聞者授聲聞乘。求緣覺者授緣覺乘。求大乘者授以大乘。大般若經第十六會。善勇猛請言。唯願世尊哀愍我等。爲具宣說如來。銳智。若有情類於聲聞乘。性決定者。聞此法已速能證得自無漏地。於獨覺乘。性決定者。聞此法已速依自乘。而得出離。於無上乘。性決定者。聞此法已速證無上正等菩提。若有情類雖未證入正性離生。而於三乘。性不定者。聞此法已皆發無上正等覺心。唯願世尊爲答所問。或說五乘。前三如前。第四人乘。第五天乘。善戒經等云。無種姓人無種姓故。唯以入天善根。而成就之。又稱讚大乘功德經十卷楞伽第八卷說。五乘三乘如前。第四即是種種姓乘。第五方是人天之乘。

第二辨體性者。總而言之。教理行果總名爲乘。教一乘者。謂詮順大乘三藏教法。故攝論言。阿毘達磨大乘經等。此正本教大乘。又法花云。我此九部法入大乘爲本。又勝鬘經言。正法住。正法滅。波羅提木叉毘尼出家。受具足。爲大乘。故說此六處。此方便教大乘。故知詮順大乘所有言教。若方便若根本。皆教大乘。理大乘者。謂真如理六度等行乘。此真如理。能有所往名爲大乘。故無性言。或乘大性。故名大乘。此唯舉根本。勝鬘經言。聖諦者。非聲聞獨覺諦。亦非聲聞獨覺功德。法花論云。念觀者。聲聞觀人無我。菩薩觀真如



二無我等。涅槃亦言。聲聞有苦有諦。而無有實。菩薩具有故。大乘方便四諦理等皆理。大乘。行大乘者。謂六度等。故無性云。亦乘亦大故名大乘。又勝鬘云。正法住等。既是行法名曰大乘。法花論言。方便者。聲聞觀緣界。處。厭苦離苦。菩薩修六度。四攝。二利。即順大乘。若根本行。若方便行。皆名行大乘。果大乘者。謂佛菩提。涅槃果法。法花經言。說佛智慧。故。諸佛出於世。唯此一事實。餘二則非真。又云。是法住。法位。世間相常住。於道場。知已。導師方便說。又勝鬘云。二乘者。即是一乘。法花又言。息處故說。二。又壽量品說。成道已久。報佛也。安樂行品說。不如三見。見於三界是法身。即菩提。涅槃皆是果大乘。勝鬘又云。二乘涅槃名。向涅槃界。四智究竟得。蘇息處。是佛有餘不了義說。故根本果若隨順果。皆名大乘。有為法中。通現及種并諸隨順有漏善法。即善法欲已去。聞思等行。并無為法。皆為乘體。二乘體者。大乘如前。聲聞乘體。即合二乘。所有三歸已去。隨順出世有漏五蘊。及隨所應教理行果。以為體性。故瑜伽論六十四說。聲聞乘證得者。謂先受歸依等。以為因。故有五證得。一地證得。謂見及修究竟三地。二智證得。謂九智。即法類四諦。此後所得世俗智。盡智。無生智。三淨證得。謂四證淨。四果證得。謂四沙門果。五功德證得。謂無量勝處。乃至神通等。故知教理行果。並是乘體。此論證得略。見道前。據實歸依已後。並是乘體。此唯根本

無方便乘。最下乘故。設有不定性。稱退故。非因。瑜伽復說。獨覺證得。謂略有二。一先得。順決擇分善證得。二先得證得證得。三先得證得證得。證得。前二證得名為獨勝。最後證得名為麟角喻。故此根本及方便法。教理行果。並為乘體。以合獨覺聲聞總為乘。乘。故出二體。法花經中果為三乘。一乘。因稱門。唯有一門復狹小故。二乘。因稱衣。機械案。從舍出之。隨宜而出。非依門故。三乘體性。若別說者。四諦教理行果。並聲聞乘。十二緣起教理行果。並獨覺乘。大乘如前。故成差別。然有說為菩薩乘。能自運及運他故。法華但說為佛乘。三乘相望。佛自乘。此唯廣運他故。若名大乘。即包因果。若四乘者。勝鬘四乘。以人天善根。福分有漏。聞思修現種三歸五戒八戒十善等。教理行果。以為體性。由果是彼因眷屬故。若運載義其果。即非。餘三。如前說。若般若四乘種。具多少有異。教等無差。唯根本為三乘。并方便為第四。楞伽等五乘。合人天為一。開不定三乘外。為一。通別異故。種有異故。乘體無別。合人天者。同有漏法根種齊故。又一種五乘。以通從別。合不定性。以趣異故。開人天為二。乘體無差。第三釋名字中。一乘者。帶數釋。大乘者。如下釋。無上乘者。乘即無上。持業釋。二乘中。下乘上乘。依主。持業。二釋皆得。以機以法。並上下故。又名大乘及聲聞乘。聲聞之乘。依主釋也。又法華經云。終不以小乘法濟度

於衆生。此翻譯家說為小乘。梵本名聲聞。或亦依彼可得說小。即攝餘二相。形為名。亦通二釋。如大乘名兼佛菩薩。亦大乘。並持業釋。或乘大性。亦有財釋。或依主釋。如次當知。三乘名中。有說為佛乘。有說為菩薩乘。自運運他。能往所到名。菩薩乘。運他非自。已到所到。體用弘廣。故名佛乘。欲令二乘趣極果。故以此為名。二皆依主。若名大乘。即兼因果。法花經中。多約佛果。以名大乘。化二極果。趣佛位故。勝鬘經等皆名大乘。初二皆依主。聲聞獨覺之乘故。大乘通持業及依主。亦乘亦大。乘於大性。是大之乘。無性說故。或不得有財。以大非運故。或以大為所乘。亦有財釋。然前解勝。大非能運故。勝鬘經中說四乘者。初名人天乘。人天之乘。亦依主釋。大般若中。第四種種姓乘者。種種姓之乘。亦依主釋。一經餘三乘名同前也。大乘若名。無上乘者。乘即無上。持業釋也。第四彰廢立者。何故立一。有決定性。為二乘故。有無種姓。為五乘故。此有十義。如攝大乘第十卷云。為引攝一類。及任持所餘。由不定種姓。諸佛說一乘。法無我解脫等故。姓不同。得二意樂。化。究竟說一乘。此中十四。一為引攝一類不定種姓。令依大乘般涅槃故。二為任持所餘不定種姓。菩薩。恐於大乘。精進。且壞退依聲聞般涅槃故。法花經云。新發意菩薩。聞是法已。疑網皆除。此中唯說第六住前。位可退故。三法

等故。乘雖有異。所趣真如無差別故。法花論解亦與此同。四無我等故。若有實補特伽羅。可有乘別。我既無異。故說一乘。五解脫等故。三乘並於煩惱障中而得解脫。解脫無差別故。六姓不同故。聲聞之中不定種姓有差別故。此聲聞身具有聲聞及佛種姓。由有此姓故說一乘。第七第八得二意樂故。二者諸佛於諸有情得同自體意樂。言我即彼。彼即是我。此既成佛彼亦成佛。二者世尊法華會上。與諸聲聞授佛記別。爲令攝得如是意樂。我等與佛平等無二。又此會上有諸菩薩。與彼名同得授佛記。故佛一言含二種益。謂諸聲聞得同佛自體意樂。及諸菩薩得授佛記。九化故。如世尊言。汝等慈獨。我憶往昔無量百返依聲聞乘而般涅槃。云何已成佛。復依聲聞而般涅槃。卽爲調伏所化聲聞。佛菩薩等自化其身。爲彼同類。現般涅槃。經百千劫耽寂滅酒。方從彼起現授佛記。令諸不定種姓聲聞盡作是心。往昔者尊入涅槃者。今皆復起現授佛記。況於我等。不希作佛而入涅槃。亦爲降伏彼。我亦得汝之涅槃故。十究竟故。由過此外無別勝乘。依理究竟最爲勝故。法花論中。四種聲聞但爲不定及應化者而授記別。不定種姓卽是十中第一第二及第八小分。應化卽第九。餘之六種小分。別義說於一乘。非皆不定及應化者。亦非無性作佛名一。顯揚二十六義解釋在十義中。不須別說。然法花經開方便

門顯真實相。以二乘爲方便。一乘爲真實。依勝鬘經。若如來隨彼意欲。而方便說。唯有一乘。無有二乘。此意卽顯攝二乘入大。說一乘者。隨他意。語彼宜聞故。亦是方便說。有一乘。非爲真實。決定種姓不授記別。非唯一故。無姓有情不成佛故。法花一會對不定機。以二爲方便。一乘爲真實。勝鬘經中。以道理周備機有不定。四乘爲實。故說一乘是方便說隨他意語。亦不相違。又法花一乘唯依攝入。體用狹故。爲方便說。勝鬘一乘出生攝入。二皆周備。故是真實。又法花一乘唯談有性爲依。故是方便。勝鬘一乘亦談無姓爲依。故是真實。又法花唯談不定性。故是方便。勝鬘亦談決定種姓。故是真實。一會之中可宜聞故。法花分明以智慧爲一乘。隱說真如。雖說化城亦非真滅。說大涅槃俱爲實所。而未分明說真涅槃。由二乘者所得涅槃俱名爲化。菩提全不得故。顯以智慧爲一乘。令彼欣求。勝鬘乃以眞理爲一乘。不說智慧故。攝入出生二種俱盡。雖佛果涅槃菩提俱是一乘。勝鬘了義師子吼說。法花隱密說於一乘。總談聲聞雖有四種。法華初時有三聲聞唯除趣寂。其增上慢後起已去。方爲二記。由如是理。雖說一乘不違餘教。說二乘中不說獨覺。但說上下。如十力中。根上下力。不過二故。以機以教皆二類故。又聲聞獨覺皆有決定及不定者。此初發心皆依聲教究竟成果。亦有小分依於聲故。不定

姓者以佛道聲令一切聞。或可名聲聞故。又彼獨覺無多別教類名。下乘及聲聞乘。故不別說。又名大小二乘者。合彼二乘種類同故。何因三中不定姓合爲三。也不定姓中具二具三。種姓差別究竟得果。不過三故。人天淺近非究竟運。故亦不說勝鬘四中不說不定。究竟亦唯三乘攝盡。故略不說。合人天者。俱無性類同淺近。故般若經中不說無姓。非究竟運。故聞不定者。聞經勝德修方便異。顯示究竟得涅槃故。何故楞伽稱讚別說五乘。不定姓有四別故。人天同一淺近類故。餘處復說人天爲五者。受果有差趣類別故。合不定姓不越三故。不開有姓爲四。無姓爲二。以爲六者。諸教但說五種姓別。類唯五故。設立六者理亦無違。然無文證。不說七等。類更無故。

第五問答分別者。此中一乘理應唯一無餘。二三法花經言。聲聞若菩薩。聞我所說法。乃至於一偈。皆成佛無疑。涅槃亦言。凡有心者。悉皆當得無上菩提。何故乃言爲引。不定乃至五乘。一切有情皆有佛性。究竟皆至大乘極果。何故究竟有入天乘不歸於佛。答攝大乘論以十因故佛說一乘。顯揚二十以六因故佛說一乘。如前已辨。今釋意者。據實而言五乘各異。如前所引教理成立。爲引一類故說一乘。非乘唯一無二。三等法花論言。聲聞有四。一趣寂。二退菩提心。亦名迴向善提心。三應化。四增上慢。

經但爲化退善提心及應化故。世尊授記非餘二種應化聲聞者。卽經所說耽三昧酒經劫不覺。後從彼起方發大心。佛菩薩等作此化形。作聲聞類。先聖入滅經劫久時。今尙發心。況於我等。故爲應化。而說一乘受記作佛。攝論十因第九化故。卽是此也。舍利弗等先發大心。因施眼故退求小果。今爲彼說一乘受記。故說亦爲退善提心。說一乘等。不爾便違楞伽莊嚴五種種姓。又涅槃言。我於一時。說一乘一道一行一緣。說須陀洹乃至阿羅漢等皆得佛道。我諸弟子不解我意。於大眾中唱如是言。如來說須陀洹乃至阿羅漢皆得佛道。若皆作佛卽解佛意。何故稱爲不解佛意。故知但應如此中說。問經自說言十方佛土中。唯一乘法。無二亦無三。除佛方便說。卽是破二破三而明一乘。何故乃言三五乘別。答依梵本說經頌應言。無第二第三。數三乘中獨覺爲第二。聲聞爲第三。爲引不定任持所餘故方便言。無第二第三。非真破也。法花自言。唯此一事實。餘二卽非真。終不以小乘濟度於衆生。若破三者。何故乃言餘二非真。不以小濟。亦應言不以大乘濟度。經既但言餘二非真。不以小濟。明知大乘非所破也。彼經又言。尙無二乘。何況有二三。謂第二三。謂第三。非謂二乘三乘名爲二三。勝鬘經云。聲聞辟支佛乘者。卽是大乘。又言大乘卽是一乘。故但會二不定姓乘。亦非會彼定性二乘。何況大乘。又無三

乘。願卽一故。非破大乘。唯一乘。斯理何爽。若會破三者。三中之大。卽火宅內所許牛車。出門等給皆亦牛乘。若破前牛後別與牛。二牛何別。又三中之大卽是頓悟。會令入一。豈令頓悟成漸悟耶。又大乘一乘解行何別。而言捨三而趣於一。新發意菩薩疑網除者。卽十義中任持所餘。未說一乘。恐於精進且壞起疑將退。今聞一乘除其疑意。此乃捨下位而趣上階。非捨大乘而入於一。不爾十地捨下趣上。皆應亦名破三歸一。又亦應言餘三非真。何獨言二。勝鬘又言。若如來隨彼意欲。而方便說。卽是大乘。無有二乘。故會二乘入於一者。是方便說。非真實理。經雖說言。開方便門。顯真實相。故說有不定姓二乘者。是方便門。遠令入真。今說一乘令趣極果。名爲真實。非謂都無二。唯有一真。故法花言。密遣二人。眇目雙隨。不言三人。又言。息處故說二。不言三。故。若言迂會入於大位。名爲大乘。若直往者所入大位名爲一乘。經論一乘實爲不定。今此所釋。未爲典據。未見誠文。法花一乘豈由直往。今二行位有何差別。故知方便隱無二乘而說一乘。化一會中所宜聞故。有說執佛三劫滿已猶是凡夫。三十四念成菩提位。今破此執。故說一乘亦是破三者。不然。此乃佛滅已後小乘曲見。豈是佛在有作此佛執以爲真。而今說破故但破二。問何故立一乘五乘。不說二藏五藏。說有六藏。不說六乘。阿闍

世王經等所說二藏三藏。與二乘三乘同。答乘是運義。約機行以明乘。藏是含容義。教對理而爲藏。一五之與六種。所以不同。經中所說二三藏二三乘。以機行而彰運。對機理而辨教。所以可同。未可卽令皆同。皆異。隨宜且分乘藏。有此異同相對。總有可同相於理未爽。然未見文。又準菩薩藏第一卷說。十度十繫相治數齊。四輪八難相治數別。不應齊責。問乘是運度義。菩薩可有乘。如來既已度。應不立佛乘。答自他皆可乘菩薩具二度。度他非自度。何妨立佛乘。問何故有處說佛乘。亦名菩薩乘。但名聲聞乘。不名獨覺乘。答以果相對但說佛乘。二還可修說菩薩乘。行等廣故名爲大乘。遮餘二故亦名一乘。獨覺無別教門。初業亦由聲起。故名聲聞乘。不名獨覺乘。二乘通論總名小乘。由機行等同狹劣故。不相達也。問既以果對名爲佛乘。亦應果對名爲佛藏。何故但名菩薩藏。不名佛藏。聲聞獨覺俱得藏名。如藏章中自當廣釋。問教理行果俱爲一乘。體爲同。爲異。答一雨普潤教同機異。三獸渡河理同證異。六處大因行同修異。三車誘引果同證異。或異或同。未勢定準。勝鬘會因會果。法花乃會教行果。三二雨教也。九部行也。三車果也。顯唯教行果。密實有四。如涅槃經說爲同異。

大乘法苑義林章卷第一

福園院

寬文十二 壬午無神月日令修補了

法印權大僧都清兼六十七歲

# 大乘法苑義林章卷第二

諸藏章

恭撰

諸藏略以十門分別。一結集緣起。二名數增減。三辨廢立。四出體性。五釋名義。六顯差別。七彰佛自說總別部類。八師資建立。九次第分別。十釋通疑難。

第一結集緣起者。一切經中別有一卷名。結集三藏傳。并付法藏傳。大智度論第二卷。真諦三藏部執疏第二卷。大唐西域記第九卷。并四分律等。今並詳審合集而說。欲別具錄。恐文繁廣學者難知。西域記云。摩揭陀國正中。古先君王所都之處。出勝上吉祥茅草。謂之上茅城。即矩奢揭羅補羅城也。崇山四周以爲外墻。西通峽徑。北闕山門。東西長南北狹。周一百五十餘里。內城餘趾周三十餘里。山城北門行一里許。至迦蘭陀竹園。竹園西南行五里南山之陰。大竹林中有大石室。大迦葉波結集之處。未生怨王。爲結集者建諸堂宇。即山城北門外西南山之陰。真諦云。王舍城七葉巖。集藏傳云。僧伽尸城北。三說同也。大智度論云。耆闍崛山結集者非也。此山在王宮城之正北十四五里。接北山之陽。結集在

大城北門外。記跡現存。故知非也。三文名別。處所不異。大智度論第十一卷說。佛入滅時。地六種振動。諸河返流。暴風黑雲。雷電雹雨。星流處處。師子惡獸哮吼呼喚。天人號咷。諸天人等皆發此言。佛取涅槃。一何速疾。此時災變無量無邊。諸大聖人皆入寂滅。西域記云。時大迦葉。宴坐山林。忽燭光明。又觀地震曰。是何祥。若此之異。以天眼觀。見佛世尊於雙林間入般涅槃。智度論云。六欲諸天乃至遍淨諸天子等。見諸羅漢皆般涅槃。心自念言。佛日既滅。諸弟子等亦隨隱沒。乃至廣說。象王既逝。象子亦隨。法商既去。從誰求法寶。爾時諸天禮迦葉足。而說偈言。昔年欲害慢已除。其形譬如紫金柱。上下端嚴妙無比。眼目清淨如蓮華。白迦葉言。仁者知不。法船破。法城頽。法海竭。法幢倒。法燈欲滅。法人欲去。行道入少。惡人轉盛。當以大慈建立佛法。時大迦葉。心如大海澄靜不動。良久而答。實如汝言。默受其請。諸天禮足已忽然不現。真諦三藏部執疏第二卷云。佛般涅槃已後。經七日。迦葉命屬徒衆。欲往拘尸那城。路逢外道名優婆柯。此云近性。迦葉問言。汝從何至。外道答曰。我從世尊涅槃處來。佛般涅槃已經七日。無量天人燒香散花。設諸供養。我於佛所。而拾得此曼陀羅花。以示迦葉。迦葉往至未生怨所。語彼王言。我須八槽。願王令取。王依教勅。又索王醫。王亦依命。問醫諸藥。何藥治風。何藥療瘡。復

從王索。王皆隨與。磨藥爲屑。煮以爲膏。內八槽中。卽於是日。報阿闍世言。佛般涅槃已經七日。王聞此語。悶絕而死。迦葉以王逼安。積薪至第八槽。王乃得活。以藥勝力資。王得甦。如是三告王。聞卽死。次第安。精如前還活。迦葉爲說。一切有爲皆歸磨滅。悉是無常。如來亦同。王勿憂惱。宜弘正法。以報佛恩。應與眷屬俱赴佛所。王與眷屬俱。并大迦葉。屈申臂頃至拘尸城。王既見佛。悶絕而死。迦葉又以置藥槽中。乃至第八王便得活。佛於衣外出。其雙足。受迦葉禮。四部弟子見佛涅槃。迦葉未至。來皆不入寂滅。迦葉既至。更無所待。無量聖人亦般涅槃。涅槃既衆。無聖住持。住持既無。恐非法盡。迦葉便語未入滅者言。諸聖者未須入滅。我等應欲報佛法恩。撰集如來所說三藏。以利衆生。若不從我言。得突吉羅罪。如此歷語。少有入滅。西域記云。時大迦葉語其徒曰。慧日淪照。世界暗暝。善導迦葉衆生。顛墜憊怠。比丘更相賀曰。如來寂滅。我曹安樂。若有所犯。誰能訶制。迦葉聞已。深更悲傷。思集法藏。據法治犯。真諦云。迦葉有二弟子。一名難陀。二名優婆難陀。見佛涅槃。生大歡喜。時四部衆以告迦葉。迦葉呵責驅令出衆。極思結集。集藏傳云。四部人天分佛舍利。以爲八分。燒佛灰炭。及安佛床。起十塔已。大智度論。西域記云。摩訶迦葉在須彌頂。擊銅鍵槌。說此偈言。佛諸弟子。若念於佛。當報佛恩。莫入涅槃。

繫。是健捷聲傳。迦葉語。遍三千界皆悉聞知。諸大弟子得神通者。皆來集會至迦葉所。迦葉告言。佛法欲滅。諸大弟子中。知法持法。亦逐滅度。未來衆生甚可憐愍。結集既竟。隨應滅度。諸來大衆皆隨教住。得九百九十九人。唯除阿難。真諦云。得四百九十九人。唯除慶喜。集藏傳云。得八十千皆是無漏。此傳通說有學無學。四分律云。先有五百。後當續那至更有五百。前後別也。真諦云。夏四月十五日在安居中。阿闍世王爲大檀越。如來在世諸弟子等。於朝及暮禮拜如來。今夏安居。朝暮及中分爲三時禮拜供養舍利智度論云。以泐沙得道。八萬四千眷屬亦隨得道。泐沙教勸宮中常設飲食供養千人。故阿闍世未斷此法。聖者雖衆唯留一千以令結集。若多留者於外乞食。恐外道論議妨礙法事。時大迦葉與一千人到結集所。語阿闍世可給我食。是時夏安居三月初十五日說戒時。西域記云。夏安居初十五日集智度論云。迦葉入定觀於大衆。誰未盡漏。唯見阿難猶居學地。從禪定起。牽阿難出。汝結未盡不應住此。阿難恥泣而自念言。我二十五年。隨侍佛後供給左右。未曾是苦。白迦葉言。我能有力久可得道。但諸佛法。阿羅漢者不得供給。左右使給故留殘結。大迦葉言。汝更有罪。一者佛意不欲女人出家。汝遂慫慂請佛開許。以是正法衰五百歲。汝今應作突吉羅懺。阿難答言。我慙瞿曇。又一切佛

法皆有四部衆。豈今我佛唯獨無。有四分律難捷度末云。大愛道尼。於佛有恩。佛小失母彼收養之。故可聽度。二者迦葉復言。佛欲涅槃時。近俱夷那竭城。背痛。四疊臂多羅僧敷臥。言我須水。汝不供給。阿難答言。時五百車載流而度。令水渾濁。由是不取。迦葉復言。正使水濁。佛有神力。能令大海濁水澄清。汝何不取。是汝之罪。應作突吉羅懺。四分律云。天神亦能令水清也。三者迦葉復言。佛問汝云。若有能修四神足者。住壽一劫若滅一劫。我即好修。而汝不答。如是三問而汝默然。由汝令佛早入涅槃。應作突吉羅懺。阿難答言。魔蔽故爾。非我惡心。四者迦葉復言。汝疊佛衣。如何以足踏僧伽梨。應作突吉羅懺。阿難答言。時大風起。無人相助。便吹墮落於足下。非不恭敬。故蹈佛衣。四分律云。與佛縫衣蹈佛衣上。五者迦葉又言。佛陰藏相。般涅槃後以示女人。是佛可恥。汝應作突吉羅懺。阿難答言。時我思惟。若諸女人見佛陰藏相。便自羞恥。女形醜陋。欲得男身。修行佛相。種種善根。故我示之。非爲不恥而故破戒。四分律中無此一。種。更有不問微細戒。爲一。佛遺爲侍者。阿難不肯爲一。女人汚佛足。爲二。故合成八。集藏傳中但說有四。度女蹈衣。索水不與及小問戒。智度論云。大迦葉言。汝此六罪宜應懺悔。阿難言。諸長跪懺悔。雖說有六。文但列其五。文既似脫四分律云。阿難答言。然我不識是罪。信上

座語。故懺悔。懺悔訖。牽出語。阿難言。汝得漏盡。然後入來。迦葉語竟。便自閉門。大衆論議結集。毘尼。阿那律言。舍利弗弟子憍梵波提。能知毘尼。今在天上。尸利沙樹園中住。遣使請來。迦葉遣使喚憍梵波提云。閻浮提僧有大法事。今速來喚。汝可疾來。使者即禮僧足。禮僧既訖。如鳥飛空到。尸利沙園。依言請問。彼問使言。將無闢譯來喚我耶。無有破僧者不。使答言。無。佛日滅耶。使答言。爾佛已滅度。彼言。佛滅一何疾哉。我和上舍利弗今在何處。使答。和上亦已涅槃。大目乾連爲問亦爾。答言。已滅。彼言。佛法欲散。大人過去。衆生可憐。阿難羅喉今在何處。使答言。阿難見佛涅槃。憂愁啼哭。不能自喻。其羅喉羅得。阿羅漢。但觀無常。彼言。我失離欲大師。和上亦滅。住亦何益。即起神變。便入涅槃。身化出水。四道流下。至迦葉所。水中有聲而說偈言。憍梵鉢提。精首禮。妙智第一。大德僧。開佛滅度。我隨去。如大象去象子隨。爾時使者持彼衣鉢而還於僧。集藏傳云。時阿那律白迦葉言。憍梵比丘在初利天。羅漢無漏。今不來會。迦葉命召而不肯來。世尊涅槃。世間空。何所求。智度論云。是時阿難希求漏盡。慙慙疲極。臥就枕。廓然得道。如日破闇。三昧六通。無不皆具。夜到僧堂。繞門而喚。迦葉令從戶鑰而入。禮拜僧衆。集藏傳云。阿難爾時坐一樹下。滅結漏盡。無數諸天圍繞阿難。來詣大會。如師子無畏。迦葉遙見。八萬餘衆。又手立

迎迦葉舉手善來阿難。便坐高座。修理衆僧。迦葉舉大命衆生。欲度世者皆來詣此。如佛所說種種諸法。除衆生苦。阿難當說。十方當聞。天龍鬼神四部弟子。四果聖人。諸王兵衆。聞聲皆至。大衆大坐。方十二由延。阿難在中。如月滿明。帝釋在右。梵天在左。侍於阿難。如佛在時。時釋天帝說偈讚歎。一切天子皆悉欣悅。如轉法輪。圍遶佛時。阿難無畏。容像魏魏。如日光明。既初結盡。儀似山頂。項有圓光照於大會。衆觀咸歎。魔聞名聲。并將妻子及臣兵衆亦來到此。波旬心念。一佛滅度更有三出。阿難結出。迦葉頂光。那律微視觀於大千。瞿曇淫變。謂言得脫。此三所德其處甚大。然法已衰。無怨仇對當設方宜滅此殘法。四部弟子及諸國王。魔便出教勸師子將。速令四兵盡滅此法。即起化兵四種將主。圍遶大會。出可畏聲。收捕道人清信男女。誅殺諸王。壞裂道場。衆會驚愕。四輩心念。此何從出。諸王聞聲皆懷驚疑。各自嚴仗。阿難思惟誰來相燒。觀此兵衆乃知魔爲。阿難便喚勸王頓駕。此亂兵者我自降之。爾時阿難以智慧力。摩訶迦葉以精進力。申手執魔。三屍緊咽第一人屍。第二狗屍。第三蛇屍。隨服難近。魔便首伏。請迦葉見放。羅漢應當因於人耶。迦葉我前極憐憐佛世尊。未曾見因如今。迦葉答曰。佛哀愍故終不加害。我等集法欲令久興。汝何爲來。攪擾我衆。魔即叉手啓阿難曰。且但放我不復

燒人。阿難。迦葉俱習彼言。若復亂衆。屍還挂頸三屍化去。波旬得免別立一面。諸天稱勝。善迦葉勸衆皆當靜聽。諸王普起叉手侍之。阿難長歎。師子振欠四顧衆生。說聞如是及一時已。地爲振動。一億天人盡得法眼。結集諸經以爲一藏。律爲二藏。大法爲三藏。錄諸異法合衆雜復爲一藏。名爲雜藏。聞是法已。天神及人三千比丘皆得漏盡。不還八千。一來十千。無數天人得見道跡。集法已竟。天人各還。四輩弟子皆歸本所。驗此集四藏。即大衆部義。四藏俱是阿難結集。智度論云。屍緊咽。乃至已後。鄒波龜多。智度論云。迦葉以手摩阿難頂。令集法藏。阿難合掌向佛。淫變方而說偈曰。佛初說法時。爾時我不見。如是展轉聞。佛在波羅奈。爲五比丘衆。轉四諦法輪。轉法輪經亦有此偈。是千阿羅漢聞是語已。上昇虛空。七多羅樹。無常力大。如我眼見。佛自說法。今者乃言我聞如是。無滅迦葉聖者皆亦說偈。說無常力大。阿難如是集四阿含。謂增一中長雜相應名修妬路。令優婆塞集毘尼藏云。如是我聞。一時佛在毘舍離等。乃至廣說。復令阿難集阿毘曇藏云。如是我聞。一時佛在舍衛城。佛告諸比丘。有五怖畏五罪五怨。不除不滅。是因緣故。於此生中受無量苦。後墮惡道。乃至廣說。結集法竟。諸天龍神等種種供養。雨天花香。以一切物而爲供養。說此偈言。憐愍世間。故結集三法竟。十九一切智說智

無明燈。又云。彌勒文殊。將阿難於鐵圍山間集大乘三藏。爲菩薩藏。西域記云。夏安居初十五日。大迦葉波。說偈言曰。善哉諦聽。阿難聞持。如來稱讚集素咀嚕藏。我迦葉波集阿毘達磨藏。優波離持律明究。衆所知藏。集毘奈耶藏。兩三月盡集三藏訖。大乘三藏西域相傳亦於此山間處結集。即是阿難妙吉祥等。諸大菩薩。集大乘三藏。部執疏云。迦葉令阿難頌。五阿含集爲經藏。令富婁那誦阿毘曇名對法藏。令優波離誦毘奈耶名爲律藏。此時乃有無量比丘來欲聽法。迦葉不許令住界外。各自如法誦出三藏。有阿羅漢念佛法恩。念衆生苦。自恒垂淚。故名婆師婆。爲大衆主教授諸人。一由羯磨訖不聽後來入衆。恐破羯磨得偷蘭遮罪。二由不令衆雜。唯五百人共大迦葉能相領解。餘則不爾。故不聽入衆。雖有二處各自結集。情見未分。猶同理解。夏時既畢。法事又同。阿闍世王營辦衣鉢。以觀衆衆。界外之衆其數既多。故時皆號爲多衆也。界內之衆迦葉上首。世尊自說迦葉爲上座。佛滅之後。爲弟子依故。時皆號爲上座也。其年十二月未生怨死。摩訶迦葉入狼跡山。大衆便散。依西域記入難足山。非狼跡也。四分律說。於王舍城結集三藏。不別說處。初但有五百大阿羅漢。阿難集二藏。優波離集毘奈耶藏。富樓那後與五百大阿羅漢來至。請迦葉重結集。還是阿難集於二藏。五百初集雖同。眞諦師

說後。成一千。同西域記及智度論。其集藏傳云。大衆部義既用界外之衆。所以不分二處結集。四分律法藏部義。其諸師說薩婆多部義。西域記中大乘正說。不知智度論何部所說。集藏既別人復不同。異部說殊不可和會。諸有學者。如理應知。總是第一結集緣起。

第二名數增減者。經量部師唯立二藏。一素咀纒藏。二毘奈耶藏。彼部師說經律二藏有別部類。佛及弟子俱無別部說對法藏。但諸經中詮於慧處名爲對法。弟子等論但釋經。疏非是藏攝。如順正理第一卷說。然大乘中亦依機行說於教門。以分二藏。一菩薩藏。二聲聞藏。瑜伽論第二十五三十八八十一八十五卷對法第十一顯揚第六及第二十世親攝論第一卷中廣自建立。由彼獨覺教理行果少。於聲聞教從多爲藏。但名聲聞藏。即依半滿以分二藏。故獨覺者唯證生空唯斷入執攝入聲聞。又初發心亦依聲故從彼入故亦名聲聞。如法花經。涅槃等說。然大乘中及薩婆多等諸部同說有三藏。一素咀纒。二毘奈耶。三阿毘達磨。薩婆多義如毘婆沙。大乘教者如前所引。普曜經及阿闍世王經亦說有三藏。一菩薩。二獨覺。三聲聞。由機不同教亦有異。前以行等多無異故攝入聲聞。今據機果行有少殊故別開也。或說四藏如僧祇律分別功德經同。大衆部素咀纒等三藏之外別立雜藏。謂但詮定名素咀纒。若但詮戒名毘奈

耶。若但詮慧名爲對法。若合二詮或合三詮名爲雜藏。分別功德經中廣解四別。集藏傳說。一經。二律。三者大法。四者雜藏。迦旃延造竟持用呈佛。佛言。上法故名大法。於中破廢益於世間。此衆經明故名大法。如是更有二復次解不能煩引。佛說宿緣。羅漢亦說。天魔外道。故名雜藏。中多偏頗問。十二緣。此各異入是名雜藏。今觀此傳。初釋之意。唯佛世尊自說宿緣名素咀纒。羅漢亦說名爲雜藏。第二釋意若唯詮定名素咀纒。兼詮慧等名爲雜藏。問。十二緣此各異入詮於慧故。今此初解即當彼傳第二復次。種子部中亦說四藏。一經。二律。三對法。四明咒。此藏之中集諸咒故。其三世無爲不可說等五種法藏。彼說所詮非此能詮。法藏部中說有五藏。即於此四加菩薩藏。明諸菩薩本所行事。成實論中說有五藏。說三藏已復說雜藏及菩薩藏。然大乘中亦說六藏。瑜伽顯揚對法攝論天親釋言。菩薩藏聞各有三藏。法花經言。不得親近小乘三藏。故知大乘亦有三藏。故分成六。獨覺教少。又復更無別戒律等。故無三藏可分成九。義可有七。小乘說四。大乘說三。故義成七。然無別文。又胎藏經及大衆部又說八藏。菩薩聲聞各有四故。或可說九。普曜等經既說有三。此各成三。故義立九。或爲八萬四千法藏。如是增減略爲七異。謂二三因五六七八。若別設有八萬四千。乘此廣說有八俱抵四十洛叉。如宗輪

疏具廣分別。總是第二名數增減。第三辨廣立者。小乘異說非宗所明。於大乘中唯立二藏。二種三藏。及與六藏。八萬四千等天親菩薩攝論釋云。如是三藏下乘上乘有差別故分成二藏。此意說云。但由獨覺教理行果少。於聲聞攝入下乘中。合名聲聞藏。又如力中。根上下力雖有。中力上下相形唯有二品。或上或下。不說中力。今以上下二往相形。獨覺之教入聲聞藏。根劣業淺所斷所修。所證所益。皆不遍盡。不廣大故。唯說二藏。普曜等經立菩薩獨覺聲聞三藏者。隨機不同乘行有別以立三藏。不增不減。又立素咀纒等三藏。非增減者。天親菩薩有其四釋。初三復次與對法同。第一義云。一切過失略爲三種。二者疑惑。二者二邊行。三者自見取。初不肯修。次修顛倒。後解非真。爲對治。彼如其次第說有三藏。經中爲彼決定說義故令其趣入。律中開許一百一具故令處中行。論中顯照諸法相故令生真智。此中即是未入已入作證所由。第二又約初斷諸惑衆說。此三皆是見道斷故。二邊行因即戒取故。第三又依障入道諸惑衆說。一切煩惱但有二類。一者猶預。疑即爲先。二者決定。見取爲首。舉此二種攝諸煩惱。雖求入道行諸妙行。著苦樂邊不能正證。謂在家類受欲樂邊。諸外道輩自苦行邊。爲除現在此惑業故唯說三藏。第四又諸學品莫過三種。謂戒定慧。一增上宗說三



學各各不同，故唯三藏不增不減。第五又爲惡律儀者，多散亂者，多煩惱者，次第立三。毘奈耶素咀攬阿毘達磨，第六又爲惡業多愛多見多者，次第立三。第七又爲魔多貪多及癡多者，次第立三。第八又爲長惡趣、畏欲界、畏三界者，次第立三。第九爲得三事大般涅槃，由論得般若，由律得解說，由經得法身故。第十爲得二身故。立三藏，由律得法身性解脫故，由論得報身，智爲自體故，由經得化身，依定發通故。如是差別，由此三藏不增不減，故卽以此義分上下乘，以成六藏，更無別義。八萬四千隨所治惑，不增不減。乘此復成八百萬億諸法藏也。如對法論第十一說：然佛隨宜所說不定，或依捨邪歸正門說，唯一藏，所謂正法教藏。對所詮義藏門，唯說一藏，所謂字藏。或說二乃至八萬四千，如涅槃經，佛唯說一因緣，謂一切有爲，或乃至說十二由宜聞故，此藏亦爾。所立隨宜不可爲難，此卽第三辨廢立也。

第四出體者三藏體性義類不殊總聊箇中已顯四體且如謔法四種體中相用別論此卽總以能說法者心上所顯假實殊途聲名句文而爲體性隨其所應三性五法蘊處界收所引教理廣如前說

第五釋名義者。於中分二。初釋總名。後釋別名。釋總名者。天親論云。何緣名藏。由能攝。故謂攝一切所應知義。此義意言。由能詮教能攝一切所應知義。令不失故。

立以藏名。又有釋言攝持義是藏義。所應知法皆此所攝持。所攝法令其不失。名之爲藏。此別不同有二三等。一三六等是其數法。於六釋中帶數釋也。古者釋言。藏是記義。聖者言教能刊記諸法。名之爲藏。釋別名者。且二藏中。一菩薩藏。二聲聞藏。言菩薩者。梵語應云菩提薩埵。此語略故但名菩薩。無性釋云。菩提薩埵爲所緣境故名菩薩。依弘誓語立菩薩聲。此意說言。有諸行者發大誓願求大菩提。度有情類。以此二種爲所緣境立菩薩名。此有財釋。以彼二種爲所緣境名菩薩故。或相違釋。亦菩亦薩。智悲別故。又云或即彼心爲求菩提。有志有能故名菩薩。此意說言。菩提所求果也。薩埵勇健義。行者之心爲求無上正等覺故。有大志意有所堪能。具此勝德名爲菩薩。此依主釋。求大菩提之薩埵故。或薩埵者此言有情。求大菩提之有情也。依士如前。瑜伽釋中。文雖小別義亦同。此十一面經言。菩提卽般若。薩埵謂方便。如是二法利益安樂一切有情。菩提之薩埵亦依主釋。言聲聞者。聲謂音聲。卽佛說法所有音聲聞謂聽聞。若修行者聞佛說法信受精進而出三界。名曰聲聞。故法花經第二卷初說。若有衆生內有智性。從佛世尊聞法信受。慇懃精進。欲速出三界。自求涅槃。是名聲聞乘。此依初入聲聞乘位。多分依教而入道故。後證果時未必一切要依聲故。瑜伽釋言。諸佛聖教聲爲上首。從師友

所聞此教聲。展轉證證永出世間。故名聲聞。以聲爲聞亦有財釋。又此但依住自乘。解唯自利行以立其名。若不定性理卽不然。故法花經第二卷末說。以佛道聲令一切聞。故名聲聞。卽依迴心住於佛乘利他行說。以聲令他聞。故名聲聞。卽有財釋。若聲之聞故名曰聲聞。卽依主釋。獨覺初入自乘之位。亦多分依佛音聲故。又教小故從多爲藏。又所修證及與所斷得非廣大合名聲聞。隨其所應。逗此二機。此二所知所有法義皆此所攝。卽名菩薩聲聞之藏。二藏俱是依士釋也。三藏別名中。初普曜經中所說三藏二名如前獨覺藏者。法花經說。若有衆生從佛世尊。聞法信受。慇懃精進。求自然慧樂。獨善寂。深知諸法因緣。是名辟支佛乘。瑜伽論言。常樂寂靜不欲雜居。修加行滿。無師友教自然獨悟。永出世間。故名獨覺。獨證者覺名爲獨覺。依主釋也。或觀待緣而悟聖果。亦名緣覺。待緣而覺。亦依主釋。獨覺者藏依主釋如前素咀纒等三藏者。成實論云。修多羅者直說語言。雜心論云。經有五義。謂出生涌泉。顯示繩墨。結鬘五義。今大乘解。梵言素咀纒。此名契經。故瑜伽二十五及顯揚第六云。云何素咀纒。由二十四事略攝。一切契經。契者契當至合之義。所言經者天親論解云。謂能貫穿依故。相故。法故。義故。名素咀纒。調於是處。由此爲此而有所說。名之爲依。眞俗諦相。名之爲相。十善巧法等。名之爲法。義者謂隨密。

意等以說諸法。名之爲義。以四種義釋。素咀嚙。論第二十五。顯揚第二十說。謂佛世尊。於彼方所爲彼有情。依彼所化諸行差別。宣說無量盡相應語。乃至廣說。結集法者。攝衆聖語爲法久住。以美妙言大第結集。貫穿經能引義利。能行梵行。其善妙義是名契經。前來雖以貫穿之義以釋契經。以教貫義。以教攝生。名之爲經。猶擬貫花如經持緯。西域呼汲索縷衣縷。席經聖教等皆名素咀嚙。衆生由教攝。不散流惡趣。義理由教貫。不散失隱沒。是故聖教名爲契經。四分律說。如種種花散置案上。風吹零落無礙貫故。十二年前。攝受略教根性如案。種種出家在家異見。令正法滅。速疾如風。一切經義名之爲花。若有經教貫於正理。人無異見。法即不滅。故佛地論第一卷云。能貫能攝故名爲經。以佛聖教貫穿攝持所應說義及所化生。目之爲經。契理之經名爲契經。依主釋也。若但名經即非此釋。然素咀嚙體即是藏。名素咀嚙藏。持業釋也。以經及藏俱屬教故。毘奈耶者。此云調伏。八十五云。四種有情。數習邪解脫見所集成界。佛以種種勝解智力及界智力。尋求彼先所有勝解及彼後界。如其所應爲調伏故。多分爲轉。四種法教名毘奈耶。故毘奈耶名爲調伏。天親釋云。犯罪故等起故。還淨故。出離故。名毘奈耶。廣說如彼攝論第二。調者和御。伏者制滅。調和控御身語等業。制伏滅除諸惡行。

故亦調亦伏。持業釋也。此是行名。調伏之藏。名毘奈耶藏。藏是教故。亦依主釋。阿毘達摩達摩云。法。阿毘四義此云對法。亦云數法。伏法。通法。天親解云。言對義者。此法對向無住涅槃。能說諸諸善提分等諸妙行故。若依此解。能對名對。體即是教。能說妙行。向涅槃故。對即是法名爲對法。對法即藏名。對法藏皆持業釋。亦名數法。於一法數數宣說訓釋言詞自相等故。此以理爲法。以教爲數法。之數故名爲數法。是依主釋。數法即藏名。數法藏。是持業釋。亦名伏法。由此具足論處所等。能伏勝他邪異論。故伏法是理。證伏之法名爲伏法。即依主釋。或教法即伏。由此教法具論處等能勝伏他邪異論。故即持業釋。伏法即藏。亦持業釋。亦名通法。此能釋通契經義故。經義稱法。此能通彼名爲通法。法之通故。依主釋也。通法即藏。亦持業釋。更有別解。如對法疏分別功德經有二解。一者名無比法。二者大法。結集傳中亦名大法。無性釋云。擇法因故。或共了故。離心二解。婆沙第一十二大論師二十四復次解。順正理云。或諸契經名爲達磨。論能決了名爲對法。以教對教也。俱含有二解。或教理行果俱名對法。隨其所應釋其名義。合四十一解如對法釋。不能煩述。此藏亦名鄒波題錄。即古優婆塞舍此云論議。亦名摩怛理迦。即舊所云摩德勒伽也。此云本母。八十一等云。即此鄒波題錄。亦名摩怛理迦。亦名阿毘達摩。

八十五云。爲欲決擇如來所說所稱讚美。先聖契經。譬如無本母字義不明了。如是本母所不攝經。其義隱昧義不明了。與此相達義即明了。是故說名摩怛理迦。摩怛理迦此屬於義。藏者是教。本母之藏。亦依主釋。若此論教爲彼義母名爲本母。本母即藏。即持業釋。六藏名義不異二三。故不別釋。上來所釋且隨一義。諸有智人任情取捨。合是第五釋名義門。

第六辨差別者。辨二藏別及獨覺等三藏別者。如釋名中雖略已釋。於乘章中亦廣顯示。素咀嚙等三藏別者。從一法性。大定。正智。後得大悲所流出故。皆無差別。然以義理所詮各異。故成差別。又以證三學名爲素咀嚙。故毘奈耶。阿毘達摩皆即素咀嚙。既證戒定名毘奈耶。故於調伏亦有契經。而無對法。對法之中既證於慧。故有契經。唯無調伏。如是應說契經具三。調伏對法。唯各有二。然對法論第十一說。除疑隨惑。是素咀嚙。除二邊行是毘奈耶。除自見取。是阿毘達摩。復次開示三學名。素咀嚙。開示戒定名毘奈耶。開示慧學是阿毘達摩。此依別部說。三藏異義即可殊。若依所詮說爲差別。由素咀嚙具有餘二。調伏對法各有二種。差別義類如前已說。若依所詮增上爲別。義即有殊。復次開正法義文義。易了是素咀嚙。爲顯法義作安足處名毘奈耶。爲令智者受用法樂是對法義。天親釋云。略有九緣建立三藏。此三復次。

各有三義。故分成九。顯揚論中第二十說。諸佛世尊唯依攝事顯了諸法。是素咀囉藏。言攝事者。謂四事。九事。二十九事。爲諸聲聞及諸菩薩。說別解脫及別解脫相應之法。名毘奈耶藏。有七種相略攝諸菩薩諸別解脫。謂初受持軌則。廣說乃至。第七捨律儀事。以十一相顯了分別開示諸法。是摩怛理迦藏。八十五說。解二十四處名爲素咀囉等。廣如彼說。不能煩引。毘婆沙中。有說無別。從一智海隨一覺池所流出故。十力無畏所攝受故。同一大悲所等起故。有說有別。於中有八復次不同。亦廣如彼。辨六藏別以二乘六所證各別。隨其所應。皆當准知。是名第六辨差別也。

第七彰佛自說總別部類者。且二藏中總而言之。或有別部類。或無別部類。所以者何。一會之中。唯被聲聞。不被菩薩。如阿含等。是名別部聲聞藏也。其一會中。唯被菩薩。不被聲聞。如十地等。是名別部菩薩藏也。若一會中。俱被二機。教益二種名。無別部。如說深密。三乘衆生各有無邊入自乘故。佛爲勝義生菩薩說三無性法時。六百千衆生發菩提心。三百千聲聞遠塵離垢。得法眼淨。一百五十千聲聞永盡諸漏。心得解脫。七十五千菩薩得無生法忍。故知二藏亦有別部。亦無別部。此說二藏總別部類。素咀囉等三總別者。經部師說。契經調伏有別部類。阿毘達磨無別部說。薩婆多師有二師說。有言世尊亦有別部說對法藏。

即發智是。名攝歸彼。故名迦多衍尼子造。有說世尊無別部類說對法藏。豈佛自造章顯品等。若作此解。便與經部所說不殊。既正理師廣爲闡譯。明佛世尊別說對法。由此義理。故毘婆沙存於二解。今大乘中亦有二說。西域相傳其義如是。一師說云。世尊亦有別部類說者。花嚴般若如是等經。是素咀囉藏。阿毘達磨深密等經。是阿毘達磨藏。毘奈耶。瞿沙經。是毘奈耶藏。此藏梵本。即今西國施無厭寺。猶有五分。大徒隱沒。舊人傳云。清淨毘尼經。是毘尼藏。第二師云。隨於所詮。以分三藏。無別部類。解深密經多詮慧學。文殊問經等多詮戒學。首楞嚴經多詮定學。隨多所詮。以分三藏。如涅槃經。始從如是終至奉行。俱是修多羅。阿毘達磨經中具足亦有直非直說。故彼定非是別對法。故從多分以立藏也。三學俱多唯素咀囉。戒定多者唯毘奈耶。唯慧多者對法藏攝。此約佛說。若弟子說亦有別部。唯對法藏。其普曜經。未生怨經。所說三藏。唯獨覺藏。無別部類。以教小故。合聲聞說。唯有餘二。以就機行果及所證。少有差別。故分三藏。定無別部。其六藏中。准前所說。初師既許大乘別有。毘奈耶。瞿沙經。爲毘奈耶藏。別部說有六藏不同。斯亦無失。第二師意不許別部。但隨所證。若師資合論。別部類說亦可有六。若唯佛說無別六也。隨其所應。別有多少。隨證成六。此即第七彰佛自說總別部類也。

第八師資建立者。此諸藏教。幾唯佛說。幾通弟子。如瑜伽論第八十一中解論。經云。論議經者。謂諸經典。循環研覈。磨咀理通。一切了義經。皆名磨咀理通。謂於是處。世尊自廣分別諸法體相。又於是處。諸聖弟子已見諦迹。依自所證。無倒分別諸法體相。此亦名爲摩咀理通。亦名阿毘達磨。由此文故。傳受釋云。許佛滅後十二分中。論議一分。三藏之內。對法一藏通。弟子說。不許餘之十一分教。并餘二藏通。弟子說。所以者何。唯此對法及論議教。弟子所造。義理與佛意無有異。若應頌等。必與佛說殊。改佛本頌故。逗機說。經待犯說。戒。非佛自說。餘不信故。由此設令佛滅度後。有諸弟子造。偈頌等。皆名論議。及名對法。如釋緣起。仍名對法藏。及名論議經。以極推尋諸妙理故。意欲詮辨諸法相故。若弟子造非教藏攝。教藏便攝。聖教不盡。故佛滅度後。弟子所造。皆是對法論議所攝。若佛在時。對佛前說。佛所許可。說於三藏十二分教。一切無違。如諸經中。此義非一。由如是義。佛滅度後。聲聞菩薩二藏皆通。弟子所造。普曜經中所說三藏。皆通。弟子之所說也。三藏之內。唯對法藏通。弟子說。六藏之中。二對法藏亦弟子說。若佛自說及對佛前諸弟子等說。二三六。一切無違。然此經中。且論弟子見諦者。說舉其勝者。顯離諸失。有所證。故。若實而論。通取未見聖諦者造。亦是彼攝。

第九次第分別者。勘檢諸處。說此次第略  
有二種。一淺深次第。天親攝論說。聲聞藏  
爲初。菩薩藏爲後。第二餘處亦說勝劣次  
第。以菩薩爲初。聲聞藏爲後。准說三乘  
獨覺等三藏次第亦爾。復有三種次第前後  
一種次第者。初索咀纒。次毘奈耶。後對法藏。  
此有五義作此次第。一依說次第。普曜經  
說佛成道訖第六七日。在波羅奈國仙人鹿  
苑。爲陳如等說四諦法。即索咀纒。次於舍  
衛國因。迦蘭陀子。制非梵行大說。毘奈耶。  
後於毘邪離羅猴池側。普集講堂。佛見跋渠  
耆舊比丘等。本末因緣。說離五怖畏後說  
對法。二結集次第。初命阿難集。索咀纒。次  
命波離集。毘奈耶。後大迦葉自集對法。然  
普曜經乃說阿難後集。彼對法。真諦云。滿  
慈子集對法。三所化次第。爲初入法說。  
素咀纒。爲已入法說。毘奈耶。爲有斷證  
說對法藏。四本末次第。契經爲本。戒從此  
生。慧方得起。五寬狹次第。契經詮生三學。  
調伏詮生二學。對法唯詮慧。故經爲初對  
法。爲後第二次第者。依修行說。戒爲易修  
次定。後慧最難可成。從淺至深。修行法  
爾故。初毘奈耶。次索咀纒。後阿毘達磨。第  
三次第者。依勝劣說。對法詮生慧。種智之  
根本。定能澄淨心。生慧令證法。持戒離  
諸惡。調伏身語意。故初對法。次索咀纒。後  
毘奈耶。又無次第隨宜說故。然諸經典多  
依第一一種次第以排三藏。六藏次第准  
義應知。

第十釋通疑難者。第一結集緣起。雖有達  
文。諸部不同。未可爲難。第二名數增減中。  
問既大乘中無別難藏。何故分別功德經說  
有難藏。瑜伽論等云。如難事說。答分別  
功德經是大乘部義。非宗所許。設同瑜伽  
說有難事者。如法蘊足論薩婆多部說  
有難事品。本是經文。隨彼所詮。即屬彼  
藏。唯詮行難。即毘奈耶。唯詮事難。即素咀  
纒。唯詮理難。即對法藏。若三俱難。即素咀  
纒。若行。事難。即毘奈耶。及素咀纒。若行。理難  
即通調伏及對法藏。若事。理難。即通契經  
及對法藏。然非大乘別立難藏。此依所詮  
以分三藏。若部義別。從多攝屬。彼藏所收。  
胎藏經八藏亦大乘部。非大乘義第三辨廢  
立中。問約機運濟爲乘。即立一乘五乘。  
亦許約機攝持爲藏。許立一藏五藏。答  
雖無文說。義即可然。乘藏俱許就機。理  
有一藏五藏。勝鬘經云。毘尼者即大乘學。  
既攝小教。名爲大學。故同於乘。唯立一藏。  
亦應說言。十方佛土中。唯有一藏法。無第  
二第三。除佛方便說。以此准知。義應立一  
五約機論藏諸教既小。故略不立。一藏五  
藏理應有也。又乘依機行藏約教門。意趣  
有殊。不可一准。如十度十藏相治數齊。四  
輪八難其數不等。故乘有一五而教不立  
也。第四門中出其體性。所有妨難。總斷簡中  
前已具述。第五釋總別名中。問何故二藏中  
小乘依人立藏名。聲聞藏。不名獨覺藏。大

乘依人立藏名。菩薩藏。不名如來藏。答獨  
覺之教。小於聲聞。又初入法亦依聲教故。  
小乘藏依人立名。聲聞藏。不名獨覺藏。  
若名如來藏。顯行名字不弘。欲顯顯行名  
字深大弘遠。但名菩薩藏。不名如來藏。又  
菩薩德行世易可成。如來德行世難可成。  
欲勸有情。令依此教。易可成立。但名菩  
薩藏。不名如來藏。又小乘之中聲聞爲因  
獨覺爲果。從小爲名。非名獨覺藏。大乘  
之中菩薩爲因。如來爲果。從小爲稱。非名  
如來藏。問何故菩薩藏以智願所求爲名。  
不以境緣爲號。而名無師藏。其聲聞藏以  
境緣爲稱。不以智願所求爲名。而名。涅  
槃薩埵藏。答夫立名者且約一德。菩薩願  
求俱廣利益既大。欲顯悲深智廣。但名菩  
薩藏。不名無師藏。聲聞依緣成德爲勝。  
願求俱淺故。從境緣爲名。不名涅槃  
薩埵藏。由此獨覺亦依緣立名。不以智  
願爲號。問三藏中若以貫穿生理名。素咀  
纒。餘之二藏亦應名契經。調伏對法爲問  
亦爾。答據實而論。三藏俱可名素咀纒。  
以說素咀纒是貫穿義故。然從根本以得  
其名。餘即不得。如色。法處餘不。得名。  
調伏。對法其義亦爾。又貫穿生理勝。一得  
其名。非餘。調伏三業勝。一得名。非餘。  
對向無住涅槃勝。一得名。非餘。契經調  
伏對法。如次各一得名。問六藏之中若  
以行果機理少別。普曜經等立獨覺等。以  
爲三藏。亦應以彼行等小別立於九藏。

何故唯六答有別部類但可分六以獨覺  
教無別部類不分成九又機性全別可成  
三藏教法小別不分成九第六排差別中  
問依淨尸羅生無悔等漸次得定生證戒  
定俱名毘奈耶依定發慧生證定慧應

俱名對法答戒定俱福類詮生證調伏定  
慧福智殊生詮異福攝問定慧類殊別藏所  
攝散定差別定非調伏答定散雖殊俱是  
福不能斷惑俱調伏福智兩殊專擇異斷  
惑有差別藏攝第七彰佛自說總別部類略

爲聊簡如自門說第八師資建立者問設  
許三藏十二分教佛滅度後弟子皆得分別  
演說有何過失答若爾便成師資無別淺  
法深法比法證法聖法凡法一切智法一

切種智法都無差別又許造者藏教便殊  
故佛不許佛滅度後弟子等造十二分教及  
三藏等問如是諸藏三界五趣何處具有被  
何衆生答仁王經中列變化衆無色界衆

又無色界天佛邊側立聽阿含經陀羅尼經  
烈地獄衆故知契經被三界五趣真化之  
身盧舍那佛經說十八梵天諸神王等俱

能解悟皆悉受持菩薩戒法故知調伏亦被  
二界五趣之身此依實身無色界中無有  
耳識不聞教故故知但被二界五趣有情

實身以經威力地獄衆生得聞法故諸  
大菩薩於地獄中教化受戒種種事故然  
得戒者義即差別有此教者亦唯二界五

地無遮尋伺上地可起下故發教化他  
理亦無失阿毘達磨可通二界不見文

說許通五趣四生即無遮然中陰經說佛  
於中有教化無色界衆生者非大乘宗大  
乘宗者此是化衆生定非真身無業果故  
不爾便違瑜伽等說

十二分章

第六十二分教略以七門辨釋一列名二  
辨相三釋總別名四通別五廢立六諸藏  
相攝七問答分別

第一列名者一契經二應頌三記別四誦  
誦五自說六緣起七譬喻八本事九本生  
十方廣十一希法十二論議

第二辨相中契經相者對法第十一說謂  
以長行經緯略說所應說義即諸經中長  
行略說所應說義名爲契經八十一說與  
對法同謂貫穿義長行直說多分攝受意

趣體性瑜伽第二十五顯揚第六不說長  
行但總相云佛於彼彼方所爲彼彼有情  
依彼彼行宣說無量蘊相應語乃至證淨

相應語結集法者攝衆聖語爲令正法得  
久住故以妙名等次第安布乃至廣說眞  
善妙義名爲契經與涅槃經所說同也涅槃

經中第十五說從如是我聞乃至歡喜  
奉行如是一切名修多羅然修多羅有總  
有別總者即攝十二部盡涅槃等說是  
別者唯攝長行略說所應說義與所餘分相

不同故名之爲別各據一義亦不相違  
應頌相者對法等諸論同說即諸經中或中  
或後以頌重頌即後更頌前長行義又云  
不了義經應更頌釋長行雖說義猶未盡

後更頌之即以二義名爲應頌一者爲益  
利根後來二者爲顯前不了義令聽法者  
解明淨故涅槃但有初之一義成實論中第  
一卷言或佛自說或弟子說欲令義理堅

固不散如綴貫花次第堅固又嚴飾詞令  
喜樂故又義入偈中即令要略易可解故  
記別相者對法等云謂於是處華弟子等  
謝往過去記別得失生處差別此依世尊

記諸弟子未來生事記因果也又諸論云  
又了義經說名記別記別開示深密意故  
記者明也別謂分別明記分別深密之義

名爲記別餘處所言不了義經名記別者  
謂以少言略記別故名不了義不據分明  
說深義也涅槃經云如來爲諸大人授記

也汝阿逸多未來有王名曰懷佉當於  
是世而得成佛名曰彌勒是記別經准諸  
教言總以三義名爲記別一記弟子死生

因果二分明記深密之義三記菩薩當成佛  
事誦誦相者顯揚等云謂諸經中非長行  
重說然以句結成或以二句三句四句

五句六句等說並爲誦頌涅槃經云除修  
多羅及諸戒律其餘有說四句之偈諸惡  
莫作諸善奉行自淨其意是諸佛教是名

伽陀經此意說言非長行直說及非因緣  
爲他以此偈四句爲首說諸法者名爲伽陀  
以此涅槃亦有別相修多羅不爾此中云何  
除之唯有通相修多羅故小句至二多句  
無量一切皆是涅槃且舉一頌指教諸論  
舉難不滿頌者故但至六若唯一句即不

成頌。此與長行難可別故。舉一頌半說。言六句。五七皆得。小故不說。自說相者。璣伽等云。謂於是中不顯請者。爲令當來正法久住正教久住。不請而說是名自說。對法論云。如伽陀曰。若於如是法。發勇猛精進。靜慮諦思惟。爾時名梵志。此佛爲令正法久住。正法久住是行住也。涅槃經說。如佛時入於禪定。乃至明且從禪定起。無有人問以他心智。卽自說法。乃至廣說。如是諸經無問自說。是名優陀那。指事雖殊。義理同也。問曰。何故請者無言不名請說。如來默然卽許成答。答曰。請有二種。一心念。二口宣。口宣動業爲慳重故。所以成請。但心念輕。所以經中不名爲請。答亦有二。一默二語。但令生解卽名爲答。不約輕重故不問問也。又諸經中佛知其念卽爲說法。故雖無言亦名爲請。要彰語重與其請名。無言非請。又問。既有無問自說經。何不有有問無答經。答曰。十二分中說法方成經。無問有答得成經。無說不成經。有問無答不成經。然理而言。諸置答者亦名爲經。又香積佛國二種俱無。香爲佛事。無說成經。此土如來聲爲佛事。是故無答不得成經。十二分經不以有問方名爲經。故有無問自說經也。緣起相者。八十一說。謂依有請而說諸法。如經說言。世尊一時依黑鹿子。爲諸比丘宣說法要。又依別解脫因起之道。毘奈耶攝所有言說。又於是處說如是言。世尊依如是如是因緣。依如是如是事

希法。不說功德及弟子事。對法論云。若說聲聞諸大菩薩及如來等。最極希有奇特法。但說聖者奇特之法。不說所餘。不相達也。論議相者。八十一云。謂諸經典循環研覈。摩咀理迦。一切了義經皆名摩咀理迦。謂於是處世尊自廣分別法相。又聖弟子已見諸勝。依自所證亦無倒分。別諸法體性。此亦名為摩咀理迦。摩咀理迦亦名阿毘達磨。涅槃經說。如佛世尊所說諸經。若依論議分別廣說。辨其相貌。是名優婆提舍經。顯揚第六。論伽二十五對法皆言。云何論議。所謂一切摩咀理迦阿毘達磨。研究甚深素咀攬義。宣暢一切契經。宗要是名論議。涅槃但說唯佛世尊所說論議。顯揚論等中。但說弟子所說論議。各舉一種。然論伽論八十一中具包二種。以許弟子作對法藏論議經故。如是總說十二分教相狀同異。諸廣學者幸無闕焉。別釋此相。如論伽第二十五。第八十一顯揚第六。對法十一。涅槃第十五。餘處皆略。所有違返並隨會訖。

第三釋總別名者。先釋總名。後釋別名。釋總名者。先德翻為十二部經。但以部言義含三種。一謂部奏。二謂部類。世人謂有十二部奏。經名亦濫。總別難明。今者翻為十二分教。分者類義。支義。段義。教義。如前教有十二義類支條分段異故。即帶數釋。釋別名者。應重述頌可識之頌。自陳之說。待緣而起。希有之法。方理之廣。此之六名

竝依主釋。論體即議此之一名。唯持業釋。若言契理之經是依主釋。能契即經是持業釋。記其因果差別。差別之記是依主釋。若言記識分別名為記別。記即是別是持業釋。若云譬者況也。喻者曉也。曉喻之譬。是依主釋。若言譬者類也。喻者況也。譬體即喻。是持業釋。若言本世之事。本世之生名。本生。本生是依主釋。若本體即事。本體即生。是持業釋。此之五名竝通二釋。然此十二竝加教字。謂契經教乃至廣說論議教者。竝持業釋。

第四通別者。此中諸教一往為論。據實皆有通別之相。所以者何。且契經中涅槃經說。始從如是終至奉行。即十二分皆名契經。是通相也。論伽等說。謂以長行經緯略說。所應說義名為契經。是別相也。別中具九唯除二頌。此一行門以一對餘。其已對說者下更不別說。一切應知。應頌之中亦有記別。雖無文許。然有教證。如法花說。舍利弗來世成佛普智尊。號名曰花光。當度無量衆。如是等文處處非一。故應頌中亦有記別。為此重頌。前長行義。故記別有三。一記弟子死生因果。二記深義。三記成佛。此即應頌。亦有記別成佛經也。餘二記別隨應有無。應頌之中定無諷誦誦誦非。前長行直說。但以二句等說所應說。故應頌之中亦有自說。如授記等。無請者故。應頌之中理有緣起。緣起有三。一因請而說。二因犯制戒。三因事說法。如法花經第一卷中說。一

乘處。因舍利弗懇勸。三請。世尊長行已為說訖。更重說故。餘二緣起。隨應有無。應頌之中理有譬喻。火宅窮子。化城喻等。皆重說故。應頌之中理有本事。序品中說。妙吉祥言。彼佛滅度後。懈怠者汝是。妙光法師者。今即我身是。既說弟子彌勒。文殊。本世之事。故應頌中亦有本事。又化城喻品中。佛自頌言。爾時聞法者。各在諸佛所。其有住聲聞。漸教以佛道。我在十六數。會亦為汝說。故應頌中定有本事。說聲聞等本生事故。應頌之中理有本生。常不輕品重頌。云。彼時不輕即我身。是時四部衆著法之者。聞不輕言。汝當作佛。以是因緣。值無數佛。既說不輕佛本生事故。應頌中亦有本生。十六王子類。此應知。應頌之中理有方便。方便品云。十方佛土中。唯有一乘法。無二亦無三。除佛方便說。一乘既是方便深經。故應頌中亦有方便。又解深密云。爾時世尊欲重宣此義。而說偈言。阿陀那識甚深細。一切種子如暴流等。即是應頌中有方便也。應頌之中理有希法。化城喻品云。大通智勝佛。十劫坐道場。佛法不現前。不得成佛道。又云。東方諸世界。五百萬億國。梵宮殿光耀。昔所未曾有。說佛十劫坐於道場。不得成佛。及佛神通令其十方各各五百萬億國土光明晃耀。是佛世尊希奇之事故。應頌中亦有希法。應頌之中理有論議。如解深密經說。三無性已。爾時世尊欲重宣此義。而說頌言。相生勝義無自性。如是我皆已顯示若



不知佛此密意。失壞正道不能往。故於其中立一乘。非有情性無差別。此既研覈三無性法說爲密意。又重頌前所說諸義。故應頌中亦有論議。由此雖無正文。誠證許應頌中有通有別。然以理證。如前所引義可成立。故應頌中其通相者。具十一分。并自說故。此約通相脩多羅說。別相者無若對。於後唯有其九。除前契經後諷誦故。其別相者。如諸教說。上來廣引一法爲例。餘但略指不能煩引。學者宜應子細研究。其記別中亦有通別。通相之中有說有五。謂自說因緣方廣希法論議經也。不見記別諷誦說故。亦無說喻而授記故。本事本生皆說過去。記別記於未來生事。故不說有。此依授記死生成佛名爲授記。有說不爾。若分明記別諸義經名記別者。記別亦有諷誦說喻。本事本生有後九分。諷誦之中通有後八。自說通相具有後七。因緣通相具有後六。方廣等數亦有待請因事說。故譬喻通相但有後五。有義但有後之三。無本事本生。不見說喻。此二種故。本事通相有後三分。唯無本生。師資別故。本生亦有後之三。種方廣通相具有後二。希法通相具有後一。記別以下其別相者。隨其所應。有多有少。文不定故。或有釋言。餘所不攝名爲別相。亦隨義釋。然稍難知。如是總釋諸通相者。契經記別自說因緣譬喻方廣希法論議。此之八部具攝餘十一。可於其中具有十二。故涅槃中從十二部出脩

多羅。脩多羅中流出方廣方廣之中具攝十二也。所餘一切准此應知。應頌諷頌本事本生此之四部各有餘十。應頌諷誦定各互無。本事本生互無亦爾。唯可於中有十二。故此中有者或可具有。非決定有。且如記別非記之處即不攝之。乃至論議非是研覈追尋之處。即亦不攝。隨應或有義可具足。非定有也。

第五廢立者。何故但立十二分教。不增不減。涅槃經云。能聽法者所宜聞故。三乘通說。以轉法輪三周總說有十二行。能詮彼教類分十二。又以破十二支入十二處。所以說法。亦分十二。此總廢立。別廢立者。如是聖教。長行偈頌相對爲門。乃有直說及非直說。重頌單頌相對爲門。說有應頌及於諷誦。無問有問相對爲門。說有無問及於有問。因緣經有別請者。名因請而說。即是問也。佛事非佛事相對爲門。陳其宿世說。有本事及有本生。如是亦應記非記相對。法喻相對。廣略相對。曾未曾相對。論不論相對爲門。又亦應立本末相對。謂即所說本事本生。亦應對立末事末生。此不應爾。如十力中立處非處。上根下根。所有智力。更不對立自業非業。乃至不立漏盡不盡。所有智力。經中亦爾。且立直說及非直說等。不應立有記非記等。以信樂者應宜聞故。又別解者。勝事可記。令其厭惡而欣善。故立記別經。不可記者。欣厭義微。故無非記。諸有智者以喻得解。舉喻成法。理有

大益。故有喻經。非喻之經無別勝用。但總立之爲契經等。故無非喻。如是乃至論不論經。理解亦爾。廣勝於略。曾劣未曾。論勝非論。豈非齊故略之不立。此依聲聞有廣教故。既有本經今立末者。授記經中已是末故。又現在等法其事可見。未來果法微細難知。故更不別立名。末事末生。現果法彰。但可陳其宿生因事。令知現果。欣厭義成。故但立彼本事本生。不別立於末事末生。或記別經亦名末事末生等經。無失。

第六諸藏相攝寬狹者。初以諸藏對十二分通相相攝。後以諸藏對十二分別相相攝。初以諸藏對十二分通相相攝者。於中有三。初二藏對。次三藏對。後六藏對。二藏對者。二藏之中皆有十二。喻伽第二十一。佛爲聲聞說十二分。一一具列。又涅槃經中第三卷說。護大乘者受持九部。彼自說九。謂除因緣譬喻論議。不說聲聞無此九部。故知聲聞具有十二。不可說言除九餘三名爲聲聞。聲聞藏中亦有契經應頌等。故喻伽二十五說。聲聞藏中無方廣者。無有能得無上果故。說之爲無。理實通有。法花經中第一卷說。小乘有九。我此九部法隨順衆生。說入大乘爲本。以故說是經。彼自說九。謂除記別自說方廣大遮大乘。具有十二。故知二藏取互不遮。由此應作四句分別。一大全非小。如法花經。二小全非大。如涅槃經。三二俱不全。合二小分

四二俱全，合二全分，故二藏中皆具十二。三藏對者，既許契經，緣起論議通相，皆有十二分教，故互相攝。如前所引教理廣成，於三藏中一一具有十二分故。記別之義，既具有三，隨其所應，是奈耶攝。菩薩戒等，既名方廣，是奈耶攝，亦不違。因請因事，說諸深理，故因緣經通對法藏。既從如是，終至奉行，皆情多羅，故知三藏皆有十二。六藏對者，既言通相十二互通，故六藏中皆有十二。正法廣陳名為方廣，故通聲聞藏。記諸弟子死生之事，通聲聞中是奈耶故。已上總說通相相攝，後以諸藏對十二分別相攝者，於中亦三。初以二對，次以三對，後以六對，以二對者，涅槃第三說，大乘有九，唯無因緣譬喻論議，小乘具十二，經文不遺故言具有。瑜伽二十一言具有十二。法花經說小乘有九，謂除記別自說方廣。大乘有十二，瑜伽論中第三十八說，方廣分唯菩薩藏，所餘諸分有聲聞藏。此說大乘具有十二，小乘有十一，唯除方廣，又瑜伽論八十五說，十二分中除方廣分，餘名聲聞乘相應契經，即方廣分獨名大乘相應契經。此說小乘有十一，大乘唯方廣，四文不同，各有別意，此中皆依別相門故。且涅槃經中，依因犯制戒說為因緣，諸大菩薩本來無犯，不因制戒說無因緣，非無因請因事說，法因緣經也。夫說喻況開中下根，諸大菩薩多分利根，不須譬喻，開法便解，說無譬喻，理非無也。諸大乘經現見，大有說

喻者故。又大菩薩性皆利根，舉宗便解，不假微詰，方生慧心，說無論議，理實非無。解深密經，瑜伽論等是大乘故。明論議經通大乘，有問既說菩薩由利根故，不假論議，應無應頌，不假重說故。答為益後來故，須重頌，非前菩薩假重頌言。涅槃一往依此別義，說大乘中無此三分，其實具有。又護法者，謂三藏中，多分唯誦素咀觀藏，不餘餘二，故但說九略無餘三，餘三即是二藏攝故。理實大乘非無十二，諸聖教中皆說大乘有此三故。又法花經中，依授弟子得成佛，記名為記別。說聲聞無彼不求，於大菩提故。猶如以寶示其愚人，愚人便喚聲聞，記亦復如是，故說為無。記諸弟子死生事等，理實亦有。又聲聞人多聞淺法，若不待請，憍慢便生，說無自說，其實亦有。又聲聞法但證小果，不得無上正等菩提。理非至極，行不包弘，說無方廣，其實亦有。正法廣陳云方廣也。又法花一會宗說一乘，為引一切不定聲聞趣佛果故。彼類已前未聞，記彼得成於佛。今迴心已方乃得聞。故說聲聞略無記別，初方便品顯法深妙，欲令聲聞起尊重意，無問不說三請方說。故說聲聞略無自說，恐聲聞等於先所聞四諦等法生無上意。今顯彼非無上大法，無上大法唯大乘是，故說聲聞略無方廣法花一往化不定人，依一義中說聲聞人唯有其九，實可具有。瑜伽論第三十八中，同法花經，亦依小乘理數非勝不得菩提。

名無方廣有十一部。小乘經中亦記弟子死生之事，分明顯示諸法密意，亦有記別。小乘經中亦顯慈悲所有法相，不待請問而便自說，如初轉法輪故有自說不同。法華略無此二說，大乘中有十二者，大乘經中亦有因請因事說法，故有因緣。又勝覺經云，思尼者即大乘學，故有因緣。顯法深難亦有況說，故有譬喻。法相幽遠往復方明，故有論議。故說大乘具有十二。又瑜伽論八十五文同三十八。然以十一分既為聲聞藏，對此但說方廣一分為菩薩藏，其實菩薩具十二分，又八十五所說方廣通相方廣攝十二故，更不假說餘十一分名菩薩藏。聲聞藏中八十五說，若通若別俱無方廣，故須除之。此即四文不同意也。上來第一二藏對訖，以三對者，三有二種，一普曜經中三，謂獨覺等三。二素咀觀等三，獨覺之教無別部類，不可別說有此十二教之差別，但同聲聞。聲聞菩薩前二藏中已具釋訖。顯揚第六瑜伽論第二十五說，十二分中契經應頌，記別觀頌，自說譬喻，本事本生方廣希法，是為素咀觀藏。所說因緣是為毘奈耶藏。所說論議是為阿毘達磨藏。此說十部是素咀觀，唯說一部是毘奈耶。唯說一部是對法藏，素咀觀中雖具十二，因事制戒正毘奈耶。論難甚深亦唯對法。略此二部非素咀觀，素咀觀中非無此二譬喻。本事本生三種，理實亦通毘奈耶攝。對法說為毘奈耶藏，律中多說譬喻等

故。是眷屬攝。自性卽非。顯揚等論。依自性非。毘奈耶攝。故說彼三是素咀攬。對法依眷屬。說是毘奈耶。各望一邊。不相遠也。上來總是三藏對也。以六對者。對法論中第十一說。契經應頌記別。誦誦自說。聲聞藏中素咀攬攝。緣起譬喻。本事。本生。此二藏中毘奈耶藏并眷屬攝。因緣一種正毘奈耶。譬喻等三是彼眷屬。方廣。希法。菩薩藏中素咀攬攝。方廣廣博正菩薩藏。希法難思亦菩薩藏。論議一種。通二藏中阿毘達磨藏攝。此中意說十二分教於六藏中。五唯聲聞素咀攬攝。四通二藏毘奈耶攝。二唯菩薩素咀攬攝。一通二藏阿毘達磨。依此聲聞但有十種。菩薩藏內唯有其七。據實初五亦通菩薩素咀攬攝。以聲聞中略無方廣。但說彼五。以爲聲聞素咀攬攝。非菩薩中無有彼五。三十八云。十二皆通菩薩藏故。緣起等四亦非二藏中素咀攬不攝。以說。自性及助伴爲毘奈耶故。略不說爲二素咀攬。但說因犯而制於戒名爲因緣。因緣自性毘奈耶攝。眷屬隨之亦彼藏攝。涅槃經說。始從如是終至奉行。皆脩多羅經故。二十五說十部名爲素咀攬故。譬喻等三亦素咀攬。因請因事而說於法名曰因緣。故亦說爲素咀攬也。此三相從亦毘奈耶攝。又非聲聞藏素咀攬中亦無方廣希法。涅槃不遮十二皆通聲聞有故。正法廣陳義亦通故。又說十一爲聲聞藏。故知希法亦通聲聞素咀攬也。今以理極能得菩提名爲方

次第亦是廢立增減所由。

### 斷障章

斷障義略以十門解釋。一釋名。二出體。三依誠分別。四依道分別。五依觀分別。六依行分別。七依品分別。八依障分別。九所依分別。十問答分別。

第一釋名者。障者覆義。障義。由所知障覆所知境令智不生。由煩惱障覆大涅槃令不現證。由覆障義故立障名。斷者不續義。由無漏道斷其種子令不相續。名之爲斷。及由有漏無漏道力伏其現行令不相續。亦名爲斷。此釋即以所斷名斷。障即是斷名爲斷障。是持業釋。又釋斷者是除害義。由無漏道除二障種。及由有漏無漏道力害二現行令不起。名之爲斷。此釋即以能斷名斷障之斷名斷障。依主釋。又釋。斷者體性。能令障法不生。不生義是斷義。性即真理。理是斷性。道是斷用。障是所斷。故對法第九解三轉依云。若所滅若能滅若滅性。是三轉依真理名斷。障之斷名。斷障。亦依主釋。三義具足。方得立爲斷障名也。

第二出體者。所斷障以二障現行種子習氣及此業果而爲體性。故對法云。云何見所斷謂一切分別所起染污見疑及見處疑處。乃至及由見等所發身語業。并一切惡趣等蘊界處。是見所斷。即三惡趣見道所斷。解深密經第三卷云。惡趣雜染。初地所斷。成唯識論第九卷云。即是惡趣諸業果

等。無餘涅槃。既是擇滅。故煩惱障所有業果皆是所斷。解深密經又說。二地斷二種愚。二謂種種業趣愚。唯識解云。即是所起誤犯三業。故所知障所發業果亦皆所斷。佛地論中。二障所發業果等法。皆二障攝。故知二障執及煩惱業之與果。果一切有漏。俱是所斷。然此所斷體是染者自性應斷。非染業果皆離縛斷。唯識由此說二障種名所斷捨。非染有漏名所棄捨。能斷障體以三智爲體。成唯識論第十卷云。能轉道有二。一能伏道。此通有漏無漏二道。加行根本後得三智。隨其所應漸頓伏彼。此顯加行智能漸伏。餘二智能頓伏。由此勢力令其不生名之爲伏。非要六行若趣極果。以方便修慧六行能伏諸惑。加行智攝趣極果故。若不趣極果修慧能伏諸惑六行。非加行智。此唯修慧非聞思慧。二能斷道謂能永斷二障隨眠。此道定非是有漏及加行智。有漏智曾習故。未泯相故。加行智趣求所證未成辨故。無漏智中略有二說。有義根本智。證空理無境相故。能斷隨眠非後得智。有義後得智。雖不證空理無力能斷迷理隨眠。而於安立非安立相明了現前無倒證故。亦能永斷迷事隨眠。廣引瑜伽如彼成立。由此理趣。一切見惑及修道斷迷理隨眠。唯根本智斷。親證理故。餘修所斷迷事隨眠。通二智斷。此在二乘非菩薩位。菩薩因中不斷煩惱迷惑故。金剛心中與所知障一時斷故。又所知障中亦有迷事而非執者。

等。無餘涅槃。既是擇滅。故煩惱障所有業果皆是所斷。解深密經又說。二地斷二種愚。二謂種種業趣愚。唯識解云。即是所起誤犯三業。故所知障所發業果亦皆所斷。佛地論中。二障所發業果等法。皆二障攝。故知二障執及煩惱業之與果。果一切有漏。俱是所斷。然此所斷體是染者自性應斷。非染業果皆離縛斷。唯識由此說二障種名所斷捨。非染有漏名所棄捨。能斷障體以三智爲體。成唯識論第十卷云。能轉道有二。一能伏道。此通有漏無漏二道。加行根本後得三智。隨其所應漸頓伏彼。此顯加行智能漸伏。餘二智能頓伏。由此勢力令其不生名之爲伏。非要六行若趣極果。以方便修慧六行能伏諸惑。加行智攝趣極果故。若不趣極果修慧能伏諸惑六行。非加行智。此唯修慧非聞思慧。二能斷道謂能永斷二障隨眠。此道定非是有漏及加行智。有漏智曾習故。未泯相故。加行智趣求所證未成辨故。無漏智中略有二說。有義根本智。證空理無境相故。能斷隨眠非後得智。有義後得智。雖不證空理無力能斷迷理隨眠。而於安立非安立相明了現前無倒證故。亦能永斷迷事隨眠。廣引瑜伽如彼成立。由此理趣。一切見惑及修道斷迷理隨眠。唯根本智斷。親證理故。餘修所斷迷事隨眠。通二智斷。此在二乘非菩薩位。菩薩因中不斷煩惱迷惑故。金剛心中與所知障一時斷故。又所知障中亦有迷事而非執者。

等。無餘涅槃。既是擇滅。故煩惱障所有業果皆是所斷。解深密經又說。二地斷二種愚。二謂種種業趣愚。唯識解云。即是所起誤犯三業。故所知障所發業果亦皆所斷。佛地論中。二障所發業果等法。皆二障攝。故知二障執及煩惱業之與果。果一切有漏。俱是所斷。然此所斷體是染者自性應斷。非染業果皆離縛斷。唯識由此說二障種名所斷捨。非染有漏名所棄捨。能斷障體以三智爲體。成唯識論第十卷云。能轉道有二。一能伏道。此通有漏無漏二道。加行根本後得三智。隨其所應漸頓伏彼。此顯加行智能漸伏。餘二智能頓伏。由此勢力令其不生名之爲伏。非要六行若趣極果。以方便修慧六行能伏諸惑。加行智攝趣極果故。若不趣極果修慧能伏諸惑六行。非加行智。此唯修慧非聞思慧。二能斷道謂能永斷二障隨眠。此道定非是有漏及加行智。有漏智曾習故。未泯相故。加行智趣求所證未成辨故。無漏智中略有二說。有義根本智。證空理無境相故。能斷隨眠非後得智。有義後得智。雖不證空理無力能斷迷理隨眠。而於安立非安立相明了現前無倒證故。亦能永斷迷事隨眠。廣引瑜伽如彼成立。由此理趣。一切見惑及修道斷迷理隨眠。唯根本智斷。親證理故。餘修所斷迷事隨眠。通二智斷。此在二乘非菩薩位。菩薩因中不斷煩惱迷惑故。金剛心中與所知障一時斷故。又所知障中亦有迷事而非執者。

菩薩十地後得亦斷。雖有二解後解爲勝。故能斷障道通三智。唯修非聞思。通有漏無漏。此說定中四道伏諸煩惱。不爾聞思亦能制伏三能斷性。即以二空所顯真如爲體。若隨其假擇滅爲體。三乘同得此擇滅故。若不爾者應無解脫。

第三依誠分別。於中有三。一所斷在何誠。薩婆多等所斷通六識。犢子部所斷唯在第六五識無染故。大乘所斷。安慧所知障除第七在餘七煩惱障除第八在餘識。執即差別。護法論師。二障皆通前之七識執即差別。障所發業唯前六識。第七識自非業性。不能發業。果在餘七識非第七識。非他所生故。此說異熟增上土用業勢生者。非等流果。二若能斷道。薩婆多唯第六識難心云。離欲及退時當知在意識。俱舍等同。大眾等四部及化地部。六識皆能爲斷障道。說五識身有離染故。犢子部說。唯第六識說五識身唯是無記無染無離染故。成實論師說非六識。識是無記。但依第四末後行心智慧正斷。大乘唯在第六意識。若伏若斷非在餘故。退及離欲。瑜伽第一卷說。爲第六不共業故。餘識不能平等智起由他引生。故說非也。三若能斷性。唯第九識。識真性故非依他誠。

第四依道分別。謂加行道。無間道。解脫道。勝進道。加行者加功用行欣求斷道。無間者更無隔越。正能斷惑。解脫者證無爲解脫。勝進者更修餘勝道。此四皆通有漏無漏。

何道能斷惑。成唯識論第十卷云。二乘根鈍。漸斷障時。必各別起。無間解脫。加行勝進。或別或總。此文意說。加行總斷。勝進進修。不。斷煩惱。無間解脫。由根鈍故。起此不能。即爲。三道之別行相。故各別起。第九卷云。斷惑證滅。期心別故。二道成別。解脫道中。爲捨彼品重性故。故無間解脫皆爲能。斷道無間斷。隨眠解脫捨重。即二時起。二種道也。若有漏六行爲四道時。苦龜障。三隨一爲無間道。靜妙離三隨一爲解脫道。加行勝進同前總別。二乘無漏道無間。解脫尚別。況有漏六行無間解脫不別。然對法論第九云。後品所有加行。無間解脫。皆前品勝進。何故唯識云。勝進或別。唯識依別修。行相語。對法約道理進前語。不相違也。若准此義。別修行相加行道等。如成唯識或總或別。若道理論。能引於後名爲加行。前品解脫亦後加行。唯識復云。菩薩利根。漸斷障位。非要別起。無間解脫。利那利那能斷證故。加行等四。利那利那前後相望皆容。具有。此依菩薩由利根故。念念行相皆能。具有不同三乘。不爾道理。二乘何別。依此所說。一切二乘及餘異生有漏無漏道。皆唯無間正斷伏惑。解脫道中斷伏龜重。加行勝進皆不說能。菩薩利根有漏無漏四道。皆能若伏若斷。伏唯障體。斷亦通業果。或二皆通。斷必證真。伏未必爾。菩薩伏障。證真亦伏。二乘異生等未。必能爾。然有差別。有漏四道初起之時。有義三慧俱爲。加行

修慧爲近。故對法云。加行道亦伏惑。了相。勝解猶未斷惑。遠離方斷。有義初以聞思。爲加行道。後入修時。即無間道能伏惑故。對法等說。了相勝解二種作意不伏惑者。依斷初三品猶未盡故。說遠離斷。據實初伏。若爲諦觀入見道時。前六。行智不伏。不欣厭故。加行能伏者。無漏無間故。有漏道中無折伏故。未爲正位。後時亦通。修慧加行。其無漏道初起之時。必有漏修慧。爲加行道。始得。無漏即斷惑故。後時亦得。無漏加行。然加行智自有四道四道之中。自通三智。故八地上雖無加行智。而有四道。如常分別。

第五依觀分別者。觀有十種。一唯識。二二空。三三慧。四三智。五四念處。六五忍。七六現觀。八七作意。九七覺支。十八聖道。唯識斷障已如前辨。二二空。入空觀。唯斷煩惱障及業果。不斷習氣。以觀龜重。然云解脫道斷龜重者。略有二解。一依菩薩非說。二乘。二者龜重有二。一龜二細。今不斷細龜者可除。故入二禪名斷苦根龜重。二乘不。斷細者。故言不斷。法空觀有三時。初後法觀雙能斷二障。若業及果。一切習氣。惡趣人天。隨應永斷。中法空觀。唯斷所知障現行種子。及二障中所有龜重。隨所知障龜細品類。皆能斷之。謂十地修道法空觀細。必帶入空。故所以雙斷。三三慧者。若論伏斷三慧皆能。勢分力伏通其聞思。非正觀伏。正觀伏時。即爲四道。唯在修慧。然於欲界龜攝教心亦伏煩惱。在聞思位若能斷斷。唯是修慧。攝論說爲出世止觀智故。十地經云。第八地菩薩皆能堪能思能持。天親釋云。即是三慧。真俗雙行義說故能。何妨聞思亦能斷伏。餘人不能。此在。上地。非是欲界。四三智者。伏通三智。斷非。加行。漸頓有殊。如前已辨。佛性論云。無分別智滅現在。惑名爲盡智。後得智滅。未來惑名無生智。此依斷迷理。迷。事。時。初後大位判此二智。論實二智皆盡。無生。又非。與據。不須和會。五四念處者。大乘雖不作念處行相。然道理是法念處攝。總緣念處非別相也。總緣法觀能斷諸惑。諸文同故。空無我觀既有總緣。故不相違。不爾唯苦。成相達也。六五忍。謂伏忍乃至寂滅忍。伏忍不斷能伏障。餘通斷伏。真無漏斷勢分力伏。然寂滅中雖亦有佛。非是斷攝。十地菩薩道位既長。通斷伏故。七六現觀。思現觀唯伏不能斷。欲界故。信智。諦戒。邊通伏斷。正斷助斷皆與。斷名。信通無漏。邊斷事惑故。若准對法。邊唯世俗智即不能斷。今取。瑜伽爲正。究竟觀。非。先已斷故。八七作意。一丁初二勝解。三遠離。四攝樂。五觀察。六加行究竟。七加行究竟果。若准對法與。瑜伽不同。九七覺支。十八聖道。

第六依行分別者。行有三種。一空。無相。無願行。二苦龜等六行。三四諦十六行。一空無相無願行者。若伏皆通。顯揚第二云。若但言空。無相無願。通定及散。有漏無漏。聞。

思修慧。若言空無相無願三摩地。唯定非  
故。唯修非聞思。通有漏無漏。若言空無  
相無願解脫門。唯修無漏唯定所攝。故知  
三門皆能伏惑。然正伏惑唯以空行。依二  
空門入大乘位。觀四諦理入二乘位。故通  
三行。此位乃在四善加行。若正斷者。大乘之  
中諸文說異。或說十六行中二行為空。十行  
為無願。有為故。四行為無相。無為故。有說  
空如前。六行為無願。有漏故。八行為無相。  
無漏故。有說空如前。六行為無願。四行為  
無相。道四非三門。非苦諦故非空。非有  
漏故非無願。非無為故非無相。顯揚第二  
說空二。無願六。無相四。同前道四通三。道  
能作三門。故隨三門攝。有說空行通十六  
無願無相隨應同。前有說空非緣。諸觀所  
執故。餘二隨應觀於四諦。二性之體不決  
定故。有說三門皆通十六。於正智觀義分  
三門。義分十六。故瑜伽論五法中言。若以  
解脫門言之。出世正智所攝。又成唯識第  
八卷云。三門三性理實皆通。即於其理具  
起三門三門故知皆通十六。於其觀中義  
理分故。若以別行多分唯以空門斷惑。二  
我空故。是總緣空。非別空行。別空行者唯  
苦諦故。三門之義如別處說。隨應攝在正  
體後得二中。斷伏道理無違。二苦等六行者。  
此之六行唯有漏方便地。觀下苦難障隨  
一為無間道觀。上靜妙離隨一為解脫道。  
唯伏惑非能斷。通凡及聖者。在二乘非菩  
薩。十地菩薩不欣上厭下。以受生故。本地

分說。初劫菩薩初資糧位亦用六行。然久修  
者既不斷煩惱而生上界故。不用為勝。  
然瑜伽論六十九說。聖者不用六行者。依  
多分說。理實亦用。三十六行者亦唯伏非  
斷。入真觀時非十六行。相見道故。加行道  
中修方便故非正真觀。菩薩兼起。二乘正  
用。唯無漏者非凡所得。然佛性論云。聲聞  
利根者。苦法忍第一無我行。通斷三界四  
真諦下八十八結。鈍根聲聞具十六行。別  
斷三界四真諦下八十八結。且分上下利鈍  
令別。此非大乘所可證用。不須和會。其  
種子部說有十三心。苦諦有三。一苦法忍  
觀欲界苦。二苦法見重觀欲界盡未盡  
三苦類智。合觀上二以無後苦不須重  
觀。四諦各三。故成十二。前十二心說名。行  
向第十三心說名。住果非。此所宗。不須分  
別

第七依品分別者。古德說。有言無品以真  
形妄無妄可斷。不說有品。有云三劫念念  
斷障。念念得智故。古基法師云。聖道九品  
斷亦九品。今者不然。七識之中有煩惱障  
有所知障。煩惱障中除第七識。所餘六識三  
界九地。各有九品。成八十一。見道十惑九  
品定然。龜細異故。俱生六惑斷即不同。身  
見邊見及此相應唯第九品。九地而論但有  
九品。障唯一地九品。餘獨頭貪慢癡等八十  
一品。地各九故。第七識中九地煩惱障亦有  
二說。有義九地唯同。非想第九品類。然於其  
中自類有九。如增上邪見能斷善者。亦有  
九品。彼亦如是。唯同。非想第九品故。唯障  
無學金剛始斷。有九品。故體有增減。故成  
能熏。有義九地各有一品。細分便成八十一  
品。勢力所障皆同。非想下下品惑。故金剛  
心一時頓斷。由此說煩惱品數斷已。應分  
別言前六識中分別九品。三乘皆定唯一品  
斷。謂一心見道。有說二品斷。謂三心見道  
等。唯無漏正斷無伏斷。有漏諸道不伏見  
惑故。瑜伽論云。世間道唯能伏。除俱生煩  
惱。而不能伏。分別煩惱。及彼俱生薩迦耶  
見。隣近憍慢。此依六行。非加行智。彼能伏  
故。菩薩地前分別現行亦伏不起。非是六  
行。唯識觀等勢力不行。故六識中分別煩  
惱。并習氣等雖亦九品。仍定一品或二品斷。  
二品斷中九品何者先斷後斷。如論第九下  
標要說。其六識中俱生煩惱。除其習氣。雖  
有九品。斷即不同。其隨眠等略有四類。一  
者八十一品類別斷。此依漸次二乘者斷及  
異生斷。然身邊見等當第九品時斷。餘各  
九品斷。二者隨其凡位已伏多。小。後入見  
諦見道俱斷。不伏不斷以分品數。入見已  
後便次第斷。三者九地合為九品斷。如預  
流果東三界九地一切煩惱。總為九品斷。  
取無學果。頓超越故。四者三界九地合為一  
品斷。謂金剛心大乘斷位。十地因中不斷  
惑故。然六識中俱生煩惱所有習氣。雖有  
九品。十地漸漸各斷。此九。障十地故。與  
所知障品類同故。第七識中若說九品。若  
說一品皆一品斷。要三乘金剛心一剎那頓

斷。障無學故。習氣亦然。其所知障斷即不爾。六識之中分別所知障并其習氣雖有九品。有說定一品斷。一心見道故。有說二品斷。三心見道故。非六行所伏與煩惱同。其六識中俱生所知障并習氣。亦有九地八十一品。若與煩惱俱行者亦可言伏。他勢不行。不俱生者。雖有九品皆非六行所伏。障理故。其加行智即能伏之爲十品斷。十地斷故。不分龜細前後說斷。不廢初地斷。細二地斷。初地斷有頂二地斷。欲界。但隨障此地智即便斷之。故無前後。其第七識中所知障并習氣。雖說有九品。或說無品。仍一品斷。金剛心中方永斷故。此說斷障眠故。不說彼現行等斷。雖無相論說第二執識通。皮肉煩惱。見修所斷。然彼文錯不可依用。仁王經言。前之三地斷三界色煩惱。四五六地斷三界心煩惱。七八九地斷三界色習煩惱。十地及佛地斷三界心習煩惱。色龜心細生惑亦然。爲別五忍降降差別說斷煩惱。非別有類。亦不相違。

第八依障分別者。於中有九。一二障。二乘者斷煩惱障現種盡。習氣不盡。亦能永斷。所知障小分。然有差別。漸次初果唯斷三界分別煩惱。漸一來果亦兼欲界修造六品。漸不還者必斷欲界九品。餘至有頂九地不定。其超越者類不定。初果超越欲界惑并修五品。一來超越或并欲修八品。不還超越唯除非想修九。有預流超越并非想修。皆能斷取二果故。有頂第九無間道仍名預

流故。阿羅漢獨覺能斷三界一切見修。即定障等。菩薩之人能斷一切三乘皆能伏二障現行。由伏得定等故。然菩薩伏得定得果。約解脫分位。皆如常釋。二三障分別。三種有三。一皮膚骨。二害伴隨眠。三惡業苦。微細隨眠。此上二門如唯識章解。三惡業苦。一切二障分別所發業。及苦等見道所斷。如前已解對法文說。俱生業苦一切二障。隨永對治至金剛心。煩惱業苦永不行者。隨其何地分段不生。在於八地變易不生。在於佛地。此依總義。若別業斷。有黑黑等四種業斷。如瑜伽第九論疏釋。所知障中業果等法。斷在十地分分漸斷。障與業果斷在別道。無間解脫二道別故。伏在八地。三四障分別有二。一謂闡提不信等。如唯識章中解。二又有四。唯無明二障。一不共。二相應。三纏。四隨眠。不共有三。一獨行不共。隨眠唯見道斷。十住中第四生貴住已伏纏故。二相應不共。忿等俱無明。通分別俱生纏及隨眠。伏斷位次如上所說。三恒行不共。謂第七識俱者。唯無漏斷非有漏伏。入無漏觀時亦名爲伏。不起纏故。隨眠金剛斷。餘三准前煩惱障釋。四五障分別。謂五住地。一見一處。二欲愛。三色愛。四無色愛。五無明住地。此各有二。一起即五現行。二住地即五隨眠。見一處是分別煩惱障。次三是俱生煩惱障。後一是一切所知障。隨其所應。准前伏斷。問若分別諸惑名。見一處入見時斷。何故大般若第五十四。仁王經云。初地斷

貪。二地斷瞋。三地斷癡。四地斷見。五地斷疑。答舊人解云。借舉凡聖以喻十地。三地已來相同世間。故斷三毒。四。五地中相同。四沙門果。初果斷見疑故。說四。五地除見疑。而實初地已斷。今解見者身見。四地能斷俱生身見故。疑者事疑。非煩惱疑。由身見生身見之伴故。五地斷。五者復有六散動。一自性散亂。謂五識等。二外散亂。馳散五欲。三內散亂。修定位中沈掉味著。四相散亂。矯示修善。五龜重散亂。我執慢等龜重。力故。於樂等中執爲我等。由此善品永不清淨。六作意散亂。捨先所習餘定入餘乘定。所起散亂。思惟者尋伺故。如對法第二復有六根本惑。六者七隨眠。皆如前說。開合有殊。即煩惱障。疑見戒取邪見唯分別起。所餘煩惱亦通俱生。隨應二斷。又有七漏。謂見漏。思惟漏。愛漏。念漏。根漏。惡漏。親近漏。前二漏體。後五漏具。見修所斷。準釋應知。或初一體。後六爲具。如名釋義。七者八分別生三事。如顯揚及瑜伽菩薩地三十六說。一自性。謂執法體。二差別。執諸法義。三總執。執舍軍林我有情等。四我。五我所。六愛。七非愛。八俱相違。初三生分別所依緣事。次二生見我慢事。後三生貪瞋癡事。多分此唯修所斷理通見斷。又有八纏。謂憍眠掉悔嫉慳無慚無愧。數纏繞故唯修所斷。理亦通見。八者九結。及實性論九隨眠。九結中見結取結疑結唯見所斷。餘六結通修斷。九隨眠者。一謂隨眠貪欲。二隨眠瞋。三隨



眠癡。四三毒極上心五無明住地。六見諸所滅。七修習所斷。八不淨地惑。九淨地惑。第六唯見第七唯修。餘通見修。隨其所應說。斷分齊。九者十煩惱。十散動。及辨中邊第一諸障。皆應勘之皆隨所應斷之位次。

第九所依分別。於中有二。一依身。二依地。一依身者。若伏煩惱障初唯欲界。後通三界八地。生有頂地更不伏故。斷通三界九地皆得。此說二乘非菩薩。菩薩斷惑唯依欲色界身非生無色。此聖菩薩。凡即不然。此總說已。別分別者。其三乘者直趣自乘。斷分別二障。唯在欲界六天及人趣三天下。非餘處。慧厭猛故。顯揚等云。極成非惡趣。極欣非上二。唯欲界人天。佛出世現觀。色界聖者迴心向大斷所知障。亦通色界。不同煩惱須勝厭心。故通彼地。若斷俱生煩惱障。二乘通三界九地身。菩薩有二義。一通欲色。不定性者所留之身通二界故。二是色界第四禪。直往菩薩摩訶首羅智處生故。不定性者論雖二說。通二界者。此說爲正。若斷俱生所知障。通欲色二界五地。非無色。菩薩不生無色界故。二依地者。若伏煩惱障。色界六地無色四地。方便根本俱能伏之。六行及無漏皆能伏故。六行唯方便。七作意通根本方便故。第七作意入根本故。無漏伏之。色界六地非三方便。無色四地有無漏處皆能伏之。勢分伏令不生起故。若正斷者。二乘斷分別煩惱障。唯依色界五地。必無漏道慧猛利故。中間雖有無

漏真道不入見道。無色慧劣非斷惑道。六十九說見道唯五地故。又三依五依生。不說中間有見道故。若斷修惑通九地。色六無色三。瑜伽第一百云。九地能盡漏謂初未至中間靜慮四靜慮三無色。此意說修道非見道。又說三依五依生故。有頂無漏關故不能斷惑。菩薩若斷分別二障。唯第四定功德勝故。託勝所依方入見故。若斷俱生所知障及二習氣。通色六無色三。若斷俱生煩惱障。亦唯第四定。以金剛心依第四禪入斷惑故。如論廣說。恐煩不述。第十問答分別者。問此斷煩惱三世之中於何說斷。答薩婆多等所說不同。今依大乘。瑜伽第五十八云。非斷去來今。然說斷三世非過去。有隨眠心任運滅故。性已無何所斷。未來性未生。體現無何所斷。現在有隨眠心。此刹那後性必不住。更何所斷。又有隨眠離隨眠心二不和合。是故現在亦非所斷。然從他言音內正作意二因緣故。正見相應隨所治惑能治心生。諸有隨眠所治心滅。此心生時彼心滅時平等平等。對治生滅道理應知。正見相應能對治心。於現在世無有隨眠。於過去世亦無隨眠。此刹那後離隨眠心。在未來世亦無隨眠。從此已後於已轉依。以斷隨眠身相續中所有後得世間所攝善無記心。去來今位皆離隨眠。是故三世皆得說斷。問所斷煩惱有退不退。答依薩婆多。見道遠疾道斷已永不退。其無學道住不動者不退。退種性者退。

法思法護法住法。必勝進本性不退。退法進成者退。大乘部等。退預流果非阿羅漢。阿羅漢見修二道極堅牢故。見道不然故退。今大乘聖道斷隨眠必不退。伏者有退義。涅槃經言。若世俗道而斷煩惱。以還起故說名無常。瑜伽亦然。退等種姓依定障建立。非退果。然菩薩等。以無漏道所伏。亦不退自在故。如舍利弗至十信第六心猶退。以退起煩惱先有漏伏故。問云何名斷。若是現行久已自滅。若種子者道不可俱。云何名斷。答五十八云。但斷隨眠。以煩惱纏先已捨故。斷隨眠故說名爲斷。何以故。雖纏已斷。未斷隨眠。諸煩惱纏數復現起。若隨眠斷。纏與隨眠畢竟不起。亦名斷。此說聖道正斷隨眠。若伏斷者折種子力。令不生現。名伏現行。隨眠雖復與道不俱。然如問前義說之爲斷三心異見道法觀既細。必兼生觀即斷生執。何故生執即三心斷。法唯二心。應細三心。二心故。答法觀雖細必帶生觀。第二刹那不斷生執。如十地中斷惑法觀。習氣可斷種不可除。不障此道故。加行之心不欣斷故。竝二品斷不爾達論。問爲總緣作意能斷煩惱。爲別緣作意能斷煩惱。答佛地論中釋。自共相略有三說。有義。二量在散心位。不說定位。定位緣一切皆現量攝。此師雖言。定心緣一切不說。斷惑定總別相。然准義知。唯共相斷。定心通緣自共故。第二師云。定心唯緣自相。然由共相方便所引說緣共相。所顯

理者就方便說。名知共相。不如是者名知自相。由此道理。或說真如名空。無我諸法共相。或說真如二空所顯。非是共相。此師意說。就方便說。可名共相。說觀中證可名自相。即顯斷惑。唯自相觀。非共相也。第三師云。如實義者。彼因明論立自共相。與此少異。彼說一切法上實義。皆名自相。以諸法上自相共相。各附已體。不共他故。若分別心。立一種類。能證所證。通在諸法。如緣實。花名爲共相。此要散心分別假立。是比量境。一切定心離此。分別皆名現量。雖緣諸法。苦無常等。亦一一法各別有故名爲自相。真如雖是共相所顯。以是諸法自實性故。自有相故。亦非共相。不可以其與一切法不一不異。即名共相。自相亦與一切共相不一不異。故此義意言。總爲無我共相所顯。一一別證體是自相。即可通爲二觀能斷。能顯是共相。證爲唯識無我等故。據法並自相。一一法真理皆能了知。緣起經下卷言。真諦聖智於真智境非安立義。總相緣故名顯現觀。一剎那中由加行引。能普遍知名總相緣。非一一法真如妙理而不別知名爲總相。佛地自會故不相違。問此諸煩惱從何說斷。答從彼相應及所緣故煩惱可斷。所以者何。對治道生煩惱不起。得無生法。是故說名斷彼相應。由本誠中煩惱種子皆悉斷盡。心等起時無煩惱俱。名相應斷。相應斷已不復緣境。故從所緣亦說名斷。無能繫心縛所緣。故此文依斷煩惱障說。

菩薩斷者。由修止觀。能斷煩惱。由修此二觀於無相。故諸相轉皆得解脫。相轉脫故諸處重縛亦得解脫。故世尊言。相轉轉衆生。亦由重縛。善修止觀。方乃俱解脫。問云。何次第斷諸煩惱。答謂在家者。最初應斷不善事業及諸惡見。次後應斷樂出家障。謂欲害害三種尋思。次後應斷不定心者。三摩地障。謂即眷屬國土不死三種尋思。次斷得作意障。謂樂遠離品身諸重。次斷見道煩惱。次斷修道煩惱。次斷屬苦屬憂屬樂屬喜屬捨諸定障品障煩惱。次後別有應斷所知障品諸障。由前次第應斷。二障。問見道修道名正斷道。何頓何漸。答見道章中當廣顯示。

### 二諦義

二諦深妙非略盡言。聊述綱記。三門分別。一顯名辨體。二三乘淺深。三相攝問答。初門有二。一顯名。二辨體。名中有二。初列後釋。列中復二。初總後別。列總名者。勝經中唯立一諦。究竟真實不可壞故。仁王經中總說二諦。人法各有勝劣異故。涅槃經中二諦。各有真俗二諦。一一皆有中上智故。顯揚中邊二諦各三。假行顯等有差別故。瑜伽唯識二各有四。下當廣辨。此總名中。一世俗諦。亦名隱顯諦。二勝義諦。舊名第一義諦。亦名真諦。列別名者。今明二諦有無體異。事理義殊。淺深不同。證旨各別。故於二諦各有四重。亦名名事二諦。事理二諦淺深二諦證旨二諦。世俗諦四名

者。一世間世俗諦。亦名有名無實諦。二道理世俗諦。亦名隨事差別諦。三證得世俗諦。亦名方便安立諦。四勝義世俗諦。亦名假名非安立諦。顯揚論說。四種俗諦皆是安立。前三可知。云何第四亦名安立。勝義諸性自內所證。爲欲隨順引生彼智。依俗安立名勝義俗。初之三種相可擬宜。第四勝義假名施設。勝義諦四名者。一世間勝義諦。亦名體用顯現諦。二道理勝義諦。亦名因果差別諦。三證得勝義諦。亦名依門顯實諦。四勝義勝義諦。亦名廣證談旨諦。前之三種名。安立勝義。第四一種非安立勝義。後釋名者。初釋總名。後釋別名。釋總名者。護法釋云。世謂隱覆。可毀壞義。俗謂顯現。隨世流義。此諸理應名隱顯諦。隱覆空理有相顯現。如結手巾爲兔等物。隱本手巾。兔相顯現。此亦如是。今隨古名。世俗諦。梵云三佛乘底。故以義釋名。隱顯諦。又復性隨起盡名之爲世。體相顯現。目之爲俗。世即是俗名爲世俗。持業釋也。或世之俗義亦無違。諸者實義。有如實有。無如實無。有無不虛名之爲諦。世俗即諦。持業釋也。世俗之諦。依士釋也。勝謂殊勝。義有二種。一境界名。義二道理名。義。第四勝義諸論多說勝即是義。持業釋名。或四勝義皆勝之義。依士釋也。論說依他圓成二性。隨其所應根本後得二智境故。所以諸教多以真如體勝。持業得名。實通。依士。其無漏真智隨在何諦。亦以勝爲義。真如爲境故。通有財釋。第四勝義

者。一世間世俗諦。亦名有名無實諦。二道理世俗諦。亦名隨事差別諦。三證得世俗諦。亦名方便安立諦。四勝義世俗諦。亦名假名非安立諦。顯揚論說。四種俗諦皆是安立。前三可知。云何第四亦名安立。勝義諸性自內所證。爲欲隨順引生彼智。依俗安立名勝義俗。初之三種相可擬宜。第四勝義假名施設。勝義諦四名者。一世間勝義諦。亦名體用顯現諦。二道理勝義諦。亦名因果差別諦。三證得勝義諦。亦名依門顯實諦。四勝義勝義諦。亦名廣證談旨諦。前之三種名。安立勝義。第四一種非安立勝義。後釋名者。初釋總名。後釋別名。釋總名者。護法釋云。世謂隱覆。可毀壞義。俗謂顯現。隨世流義。此諸理應名隱顯諦。隱覆空理有相顯現。如結手巾爲兔等物。隱本手巾。兔相顯現。此亦如是。今隨古名。世俗諦。梵云三佛乘底。故以義釋名。隱顯諦。又復性隨起盡名之爲世。體相顯現。目之爲俗。世即是俗名爲世俗。持業釋也。或世之俗義亦無違。諸者實義。有如實有。無如實無。有無不虛名之爲諦。世俗即諦。持業釋也。世俗之諦。依士釋也。勝謂殊勝。義有二種。一境界名。義二道理名。義。第四勝義諸論多說勝即是義。持業釋名。或四勝義皆勝之義。依士釋也。論說依他圓成二性。隨其所應根本後得二智境故。所以諸教多以真如體勝。持業得名。實通。依士。其無漏真智隨在何諦。亦以勝爲義。真如爲境故。通有財釋。第四勝義

多分依於道理名義。廢詮說旨非境界故。前三勝義境界名義。諸者實義。事如實事。理如實理。理事不謬名之爲諦。勝義即諦。勝義之諦。二釋如前。雖無教說。二種亦得名爲聖諦。如四聖諦。聖者能知有無事理。皆不虛謬。目之爲諦。大釋別名。世間世俗者。隱覆真理。當世情有。隨虛僞中。名曰世間。凡流皆謂有。依情名假說名爲世俗。道理世俗者。隨彼彼義立蘊等法。名爲道理。事相顯現差別易知。名爲世俗。證得世俗者。施設染淨因果差別。令其趣入。名爲證得。有相可知。名爲世俗。勝義世俗者。妙出衆法。聖者所知。名爲勝義。假相安立。非體離言。名曰世俗。此世間即世俗諦。乃至勝義即世俗諦。皆持業釋。世間勝義者。事相顯顯。猶可破壞。名曰世間。亦聖所知。過第一俗名爲勝義。道理勝義者。知斷證修。因果差別名爲道理。無漏智境。過前二俗名爲勝義。證得勝義者。聖智依詮空門。顯理。名爲證得。凡愚不測。過前三俗名爲勝義。勝義勝義者。體妙離言。迥超衆法。名爲勝義。聖智內證。過前四俗復名勝義。此世間即勝義諦。乃至勝義即勝義諦。皆持業釋。或勝義之諦。依士無失。次出諦體。第一世俗證者。顯揚論說。謂所安立瓶軍林等。我有情等。或無實體。或體實無但有情。名都無體性。然通有用無用二法。瓶等有用。我等用無。涅槃第十三云。有名無實。如我衆生乃至。旋火之輪。及名句等五種世

法。是名世諦。衆生等無用。火輪等體無。第二世俗證者。瑜伽論說。謂所安立蘊處界等。涅槃亦言。諸陰界入名爲世諦。即有無爲諸法體事。有別體用異於初俗。第三世俗證者。顯揚論說。謂所安立預流果等及所依處。即諸聖果四諦理等。涅槃亦言。有八苦相名爲世諦。第四世俗證者。瑜伽論說。即所安立勝義諦性。涅槃說言。若燒若割若死若壞名爲世諦。由可燒割等。無有常一我法等相。即二無我名世俗也。第一俗體假名安立。後三俗體有相安立。第一勝義證者。成唯識說。謂蘊處界等事。涅槃亦言。有名有實名第一義蘊處界等亦是勝義。第二勝義證者。成唯識說。謂四諦等因果體事。涅槃亦言。苦集滅道名第一義諦。第三勝義證者。成唯識說。依詮門顯二空真如。涅槃亦言。無八苦相名第一義。總觀諸法爲二無我。故無苦等名勝義也。第四勝義證者。瑜伽論說。謂非安立一眞法界。涅槃亦言。實證者即是如來虛空佛性。又言無燒割等名第一義。不依無我而顯真故。前三勝義有相故安立。第四勝義無相非安立。初之一俗心外境無。依情立名名爲世俗。第二俗諦心所變事。後之二俗心所變理。施設差別即前三眞。其第四眞唯內智證。非心變理。隨其所應即是三性。上來第一顯名辨體

眞。今說於彼亦證生空。加行觀時許觀眞俗。涅槃云。世諦第一義諦。皆有中智及上智。故知世諦者名爲中智。分別世俗無量無邊非諸聲聞緣覺所知。是名上智。此乃俗諦中智上智。一切行無常。諸法無我。涅槃寂滅。是第一義。是名中智。知第一義無量無邊不可稱計。非諸聲聞緣覺所知。是第一義。是名上智。此勝義中以種種別智爲上。一切總智爲中。如下廣說。同仁王經難世諦中有第一義諦不。若有諦不應一。若無智不應二。即顯入法皆有二諦。以人相望。異生爲下。二乘爲中。如來爲上。由此入法各分二重。是故三乘皆有二諦。聲聞乘二諦者。第一世間世俗諦者。謂所安立瓶軍林等我有情等。此中唯取所執實我不取。實法。設執實法不障果故。亦不取之。第二道理世俗諦者。謂所安立蘊處界等三科體事。聲聞多爲三義觀故。第三證得世俗諦者。謂所安立四聖諦理。依此加行修證得故。第四勝義世俗諦者。謂所安立生空眞如。依生空門證眞如故。第一世間勝義諦者。謂所安立三科等法。第二道理勝義諦者。謂所安立四聖諦理。第三證得勝義諦者。謂所安立生空眞如。第四勝義勝義諦者。謂非安立生空無我。廢詮說旨一眞法界。此中安立非安立相。准前應知。故諸論中第二第三世俗諦等。多依聲聞境界而說。獨覺乘二諦者。此與聲聞所執所證體雖無異。根有上下行有淺深故成差別。第一

世間世俗諦者。謂所安立瓶軍林等。我有情等。既與聲聞所執無別。亦唯取彼執。實我等。非執法等。不障果故。第二道理世俗諦者。謂所安立十二有支流轉等法。獨覺多緣。此為境故。第三證得世俗諦者。謂所安立十二有支雜染順逆觀察。及於淨品順逆因果等。七十七智。四十四智等法。依此加行修證得故。第四勝義世俗諦者。謂所安立生空真如。第一世間勝義諦者。謂所安立流轉有支。第二道理勝義諦者。謂所安立十二有支雜染順逆觀察淨品順逆等。七十七智。四十四智等。第三證得勝義諦者。謂所安立生空真如。第四勝義勝義諦者。謂非安立生空無我廢詮談旨一真法界。既與聲聞所悟證一。後二勝義不異聲聞。又復獨覺所悟所執雖同聲聞。而根不同。行緣亦異。又上兼下。聲聞行緣必獨覺法。故蘊等法四聖諦理。亦獨覺境。下不兼上。十二有支流轉還滅七十七智等。除大利根非餘聲聞境。菩薩乘二諦者。既與二乘根性不同。行緣有別。悟執亦異。第一世間世俗諦者。謂所安立瓶軍林等。我有情等。此中通取實執人法。障自果故。第二道理世俗諦者。謂所安立十六善巧。辨中邊論第二卷。菩薩藏經第十七說。一蘊。二界。三處。四緣起。五處非處。六根。七世。八諦。九乘。十者有為無為善巧。菩薩緣此十種為境。除我法執。瑜伽論說六種善巧。謂即十中前之六種。或說七種。更加於諦。第三證得世俗諦者。

謂所安立三性三無性唯識妙理。緣此為境而證得故。第四勝義世俗諦者。謂所安立二空真如。菩薩雙證二空如故。第一世間勝義諦者。謂所安立十善巧等。第二道理勝義諦者。謂所安立三性等理。第三證得勝義諦者。謂二空如。依二空門而證得故。第四勝義勝義諦者。謂非安立二空無我。一真法界。所悟所執既異二乘。所證所斷寬狹亦別。上必兼取下。二乘境行必菩薩境行。故十善巧攝蘊等法。諸論多說。第二三俗。三科四諦以為體性。下不及上。菩薩境行非二乘所知故。法空如三性三無性非二乘境。二四諦中。初一俗諦假名安立。後三世俗前三勝義有相安立。第四勝義廢詮談旨無差別相。唯非安立。自內證故。言淺深者。謂於人法淺深而推。依人依法皆通。二四諦。依人淺深者。涅槃經言。出世人知者。名第一義諦。世人知者名為世諦。世諦即第一義諦。有善方便隨順眾生。說有二諦。如五陰和合稱言某甲。凡夫眾生隨其所稱是名世俗諦。解陰無有某甲名字。離陰亦無某甲名字。出世之人如其性相。而能知之。名第一義諦。依法淺深者。涅槃經中自具解釋。下教攝中當廣顯示。如五蘊法若所執蘊。隨其執情即第一俗。此五蘊事即第二俗。五蘊之上因果等道理即第三俗。觀此五蘊無二實我。依二無我所顯真理即第四俗。以說依詮顯真如故。其五蘊事即第一真。因果等理即第二真。此五蘊上二我無時。

依門顯實即第三真。觀五蘊如自內所證廢詮談旨一真法界即第四真。前前為後。後後細故。成唯識論第七卷云。若依世俗說。離於心別有心所。即第二俗。事差別故。若依勝義心所與心非離非即第二真。因果道理非即離故。第三世俗准。亦如是。今望真說。又第七云。如前所說識差別相依。理世俗。即第二俗非真勝義。真勝義中心言絕故。即第四真。又彼卷解八識自體非定一異。即第三俗。對心言絕即第四真。虛妄識性是第一俗。真實識性即第四真。即以初俗對四真。第二俗對三真。第三俗對二真。第四俗對一真。理皆如是。由准是理。一一推尋。從龜入細相對為言。通二四諦。第三相攝問答門。於中有二。一諸教相攝。二問答分別。諸教相攝者。如涅槃經第十三卷。迦葉菩薩白佛言。昔佛一時在恒河岸尸首林中。爾時如來取其樹葉告諸比丘。問其多少。乃至末所說法如林中葉等。迦葉難言。如來所了無量諸法。若入四諦即為已說。若不入者應有五諦。佛讚迦葉。如是諸法悉已攝在四聖諦中。迦葉復言。若在四諦。如來何故唱言不說。佛言。善男子。雖復入中。猶不名說。何以故。善男子。知聖諦有二種智。一者中。二者上。中者聲聞緣覺智。上者諸佛菩薩智。善男子。知諸陰苦名為中智。分別諸陰有無量相悉是諸苦。非二乘所知。是名上智。我於彼經曾不說之。處界及色受想行識此為苦諦。并集

滅道皆說有中智及上智。善男子。知世諦者。是名中智。總相知故。分別世諦有無量無邊非。一乘所知。是名上智。別相知故。知一切行無常等。是第一義中智。總知三法印故。知第一義無量無邊不可稱計。非二乘所知。是名上智。古來解云。即恒沙萬德無量無邊。此上經文因迦葉問二諦所由。世尊答中顯。一法皆有上中智。以明二諦別故。諸者實也。凡夫不了。唯聖者證。凡夫智緣而不能證名為下智。由對彼智但說依中上二智立於二諦。據實而說。法有勝劣。智有深淺。但立二諦。今形凡位智說中上。證實唯二。若總相說。二乘形上下。即上下攝故。如根上下智力。隨其所應。次經賞顯。文殊白言。第一義中有世諦不。世諦之中有第一義不。如其有者。即是一諦。如其無者。將非佛妄語耶。善男子。世諦者即第一義諦。此明二諦不相離義。世尊。若爾者即無二諦。佛言。善男子。有善方便隨順衆生說。有二諦。善男子。若隨言說即有二種。一者世法。二者出世法。善男子。如出世人之所知者。名第一義諦。世人知者名為世諦。此明依入智有淺深顯二諦別。善男子。五陰和合稱言某甲。凡夫衆生隨其所稱是名世諦。解陰無有某甲名字。離陰亦無某甲名字。出世之人如其性相而能知之。名第一義諦。復次善男子。或有法有名有實。或復有法有名無實。善男子。有名無實者。即是世諦。有名有實者。是第一義諦。善男

子。如我衆生壽命知見養育。丈夫受者。作者熱時之炎。乾闥婆城龜毛。兔角。旋火之輪。諸陰界入。是名世諦。苦集滅道名第一義諦。善男子。世法有五種。一者名世。二者句世。三者縛世。四者法世。五者執著世。善男子。云何名世。男女瓶衣車乘屋舍。如是等物。是名名世。云何句世。四句一偈。如是等偈名為句世。云何縛世。撻合繫結束縛。合羣是名縛世。云何法世。如鳴鐘集僧。嚴鼓試兵。吹貝知時。是名法世。云何執著世。如望遠人有染衣者。生想執著言。是沙門非婆羅門。見有結繩橫身上。便生念言。是婆羅門非沙門也。是名執著世。善男子。如是名為五種世法。善男子。若有衆生。於如是等五種世法。心無顛倒。如實而知。是名第一義諦。復次善男子。若燒若割。若死若壞。是名世諦。無燒無割無死無壞。是名第一義諦。復次善男子。有八苦相名為世諦。無生無老無病無死無愛別離無怨憎會。無求不得。無五盛陰。是名第一義諦。復次善男子。譬如一人多有所能。若其走時即名走者。或收刈時復名刈者。若作飲食名作食者。若治林木即名工匠。鍛金銀時言金銀師。如是一人有多名字。法亦如是。其實是一。而有多名。依因父母和合而生名世諦。十二因緣和合生者名第一義諦。古來釋云。五陰和合以來後之七番當法辨相。於中龜分有二。一大。二小。細分有四。一立性宗。即小乘中淺說諸法各有體

性。薩婆多等也。二破性宗。即小乘中深說。諸法假有無性。成實論等也。三破相宗。即大乘中淺破諸法因緣之相。宣說諸法畢竟空寂。中百等論也。四顯實宗。即大乘中深說妄情所取諸法畢竟非有。真實法界常住不壞。涅槃等也。於此四中皆有二諦。上七番中。初三是其立性宗中所辨二諦。次二。是其破性宗中所辨二諦。次一破相宗中所辨二諦。後一顯實宗中所辨二諦。今此文以深攝淺故備論之。就初宗中依婆沙等。具說有七番。不能繁引。一情理分別。妄情所取我衆生等。以為世諦。無我之理為第一義。二假實分別。瓶衣車乘舍宅軍林。如是一切假名之有名為世諦。陰界入等實法之有為第一義。故難心云。若法分別時。捨名即說等。分別無所捨。是說第一義。三理事分別。陰界入等事名為世諦。其十六行法相道理為第一義。四縛解分別。苦集是世。滅道第一。五劣勝分別。苦集及道理中非上。同名世諦。滅歸精勝。說為第一。六空有分別。於彼四諦十六行中。除空無我皆名世諦。空與無我理中精妙。說為第一。七行教分別。教名世諦。行名第一。故難心云。經律阿毘曇是名俗正法。三十七覺品是名第一義。今此但彰初之三門。餘略不辨。第一先就情理分。二。五陰和合稱言某甲。凡隨所稱計有我人。是名世諦。聖人解陰無有某甲。離陰亦無名。第一義。第二約就假實分。二。先分二法。有名

有實是其實法。陰界入等依名求法有體可得故言有實有名無實是其假法。瓶衣車乘舍宅軍衆如是一切假施設其名推求無體故曰無實。下就諸辨假爲世諦。實爲第一。第三約就理事分二。事爲世諦。理爲第一。事有假實。如我衆生乃至兔角旋火輪等。是其假事諸陰界入是其實事。此等一切同名世諦。苦集滅道法相道理爲第一義。次下就其破性宗中以辨二諦。於中兩門。前門就其假法空有以辨二諦。後門就其實法空有以辨二諦。就前門中先明世諦。世法有五。後於是五法心無顛倒。名第一者。知其性空不亦實性名無顛倒。就後門中若燒割等名世諦者。五陰諸法同名世諦。無燒割等名第一者。諸法性空名第一義。次下就其破相宗中以辨二諦。八苦之相以爲世諦。無八苦相爲第一義。問曰此宗所辨二諦與前何別。古來釋云。前說因緣假有以爲世諦。此宗宣說妄相之有以爲世諦。前宗宣說無性之空爲第一義。此宗宣說無相之空爲第一義。有斯別耳。次就第四顯實宗中以辨二諦。事相緣起以爲世諦。法性緣起名第一義。先喻後合。喻相云何。譬如一人隨用分多。若其走時名爲走者。收刈之時名收刈者。如是所說父母生邊名爲世諦。因緣生邊名爲第二。古來解云。因緣所生凡有六重。一事因緣所生。如毘曇說。二法因緣所生。唯苦無常生滅法數。三假因緣所生。如成實說。四妄相因

緣所生。猶如幻化。五是妄想因緣所生。如夢所見。六是真實因緣所生。所謂佛性十二因緣如水起波。前五緣生並是世諦。今據第六故名第一。上解雖精。今解小別。此中二諦。唯明顯實宗中二諦。不說小乘及破相二諦。顯實自有破於相故。諸小乘計二十部殊。佛豈懸爲大有所。說二小宗所有二諦。由此應言。後七番中初番舉事。釋前依人以立二諦。經言凡夫隨其所稱名爲世諦。出世之人如其性相。而能知之。名第一義。故知但是重顯前義。令知二諦依人相待亦建立之。以下六番依法勝劣相對建立。雖不分明差別分別。義推即是此中四重。前第二番有名無實是世俗者。即此初俗。顯揚等說。如我有情等。正與此同。有名有實名第一義。即論所說四種勝義。皆有名體故。即顯我有情等唯俗非真實最爲卑劣。餘皆勝。此可爲勝義。或唯三科對我衆生等。有名有實名第一義。亦不違理。相可知故。第三番中如我衆生乃至諸陰界入是名世諦。四諦是第一義者。此以二類對四諦理。俱名世俗。我乃至旋火之輪。但有其名無體用。法更重說爲世俗諦者。顯不唯形於三科法名爲世俗。亦形四諦等名。世俗故。准餘世俗皆可。通形其陰界入等有。名有體。前第二番。以初有名無體用法。形陰界入。陰界入法名爲真諦。即四真中初勝義攝。顯此非唯是勝義故。復以三科形於四諦。事劣於理。即爲俗故。即是論中

第二世俗。四諦即是第二勝義。第四番中世法有五。名爲世俗。知世俗如此名真者。顯初世俗不唯我等但有其名無體用法。其無實體有用之法亦初俗故。顯揚等說。房舍軍林等亦初世俗故。以無實體我等類同最卑劣故。無倒知此唯有真等。都無真實名句等法。是第一義。四勝義中皆無所說五世法故。或三科中實無此五。此番狀似說之非大。以蘊界入既說通真。恐此有用無體之法亦通真諦。爲顯不然。因釋彼疑。故今方說五種世中初二能詮。次二所詮。後一標相。顯能所詮若情若事皆有假立非真實故。作差別說。更無異義。第五番中若燒割等名世諦等者。此之一對顯二無我名爲世俗。外道異生執我常一。佛說爲無。以五蘊等可燒割等。無彼實我一常之相故。燒割等二無我也。後番以此無我形於苦諦理等說爲真諦。即第三真。今以之對一實真如。真如不依可燒割等詮門顯故。即勝義勝義故。二無我等依詮顯實名爲世俗。第四勝義世俗所攝。不爾此言有何詮理。世尊不說無義言故。一實真如即是第四勝義勝義。第六番中八苦相等名世等者。前以四諦對蘊等名真。今以之對二無我等無八苦相法。即成世俗。第三證得世俗所攝八苦。即是苦諦理故。偏舉一苦類。餘三諦此番應在第五番說。前第五番應第六說。以言便故前後不定。第七番中所說法喻。總明二諦體無差別。

隨其人智及於法中。空有事理淺深。詮旨四重。一勝劣相形成。真俗故世人但知父母所生名為世俗。出世之人知因緣生名。第一義。此隨人智以分二諦。父母所生假事施淺名為世俗。因緣生者實法細深名為勝義。此隨於法以分二諦。總明二諦差別法喻。更無別門。審觀經意。雖有七重。以義而推與論無別。經為根本。義依法相以宣揚。論是末宗。稟佛言而成理。豈復自為。神機。苟出胸襟而已哉。故知經論所說無別。但由解者分別不同。作此會經亦應允當。何以得知。形無燒割等。即一實真如勝義勝義所攝。涅槃又說。文殊師利菩薩摩訶薩白佛言。世尊所言實諦其義云何。佛言。善男子。言實諦者名曰真法。善男子。若法非真不名實諦。善男子。實諦者無顛倒。無顛倒者乃名實諦。善男子。實諦者無有虛妄。有虛妄者不名實諦。善男子。實諦者名曰大乘。非大乘者不名實諦。善男子。實諦者是佛所說非魔所說。非佛說者不名實諦。善男子。實諦者一道清淨無有二也。善男子。有常有樂有我有淨。是即名為實諦之義。此意即說無燒割等真如為諦。唯是勝義非俗諦攝。最殊勝故。文殊師利白佛言。世尊。若以真實為實諦者。此真實法即是如來虛空佛性。若如是者如來虛空及與佛性無有差別。佛告文殊師利。有苦有諦有實有集有諦有實有滅有諦有實有。道有諦有實。善男子。如來非苦非諦是實。

虛空非苦非諦是實。佛性非苦非諦是實。文殊師利所言苦者為無常相。是可斷相。是為實諦。如來之性非苦非無常非可斷相。是故為實。虛空佛性亦復如是。此經文意。一實真如在纏名佛性。在果名如來。法性空如。亦因空顯故名虛空。非安立故非四諦攝。此經即是廢詮談旨。一真法界。苦集滅道是四諦事。諦即四理。實為四如。由此真如非苦非諦但是實攝。又如前所引。瑜伽顯揚說有二諦。但說俗有四與此四同。唯說真有一。即非安立。唯第四真。前三不離俗後三故。所以不說。又有差別名為安立。故說四俗。無有差別。名非安立。故唯一真。成唯識論第九卷中四真具有。廣具顯故。示勝於俗。亦有差別。勝鬘一諦第四真收。仁王二諦各自名攝。中邊論顯揚唯識第八。說此二諦各有三種。俗諦三者。一假世俗。二行世俗。三顯了世俗。如次應知即三自性。真諦三者。一義勝義謂真如。二得勝義謂涅槃。三行勝義謂聖道。此假世俗第一俗攝。唯有假名都無體故。此行世俗第二三世俗所攝。有為事故。心上變似四諦相理。理不離事故依他攝。第二第三世俗攝也。顯了世俗第四俗攝。依二空門所顯了故。准義應入四勝義中。易可知也。其義勝義第四真攝。此得勝義第三真攝。因證顯故約得辨故。此行勝義第二真攝。無漏真智理稍勝故。若隨其事第一真攝。隨其所應入四世俗。易可知也。若說四諦苦集滅道為得勝義。

即第三俗第二真攝。論自說故。瑜伽第四十六云。何名諦施設建立。謂無量種。或立一諦。謂不虛妄諦。第四真攝。或立二諦。一世俗諦。二勝義諦。仁王般若。波斯匿王自言。世尊。世諦中有第一義諦不。若有者諦不應。一若無者智不應。二與瑜伽同隨名。次第二諦所攝。或立三諦。一相諦。二語諦。三用諦。所詮能詮體用離合有差別故。相諦通真俗。語用初三俗。唯非真中後二所攝。或立四諦。一苦。二集。三滅。四道。如前已說。難染清淨二類各有因果殊故。或立五諦。一因諦。二果諦。三智諦。四境諦。五勝諦。前四安立。後一非安立。安立之中能有所有心境異故。初因果諦。第三俗諦第二真攝。境通真俗。智唯第二第三俗諦第一第二真攝。第五勝諦第四俗諦。第三第四真諦所攝。或初四種集苦道滅如次配攝。後一真如。或立六諦。一諦諦。二妄諦。三遍知諦。四應永斷諦。五應作證諦。六應修習諦。勝義世俗二類有殊染淨因果兩各異故。諦諦通四真。義理皆勝故。妄諦通四俗。義理皆劣故。或諦諦是理。非初二俗。是後三真。妄諦如幻。是初二俗真第一攝。後四如次即是四諦。第三俗諦第二真攝。或立七諦。一愛味諦。二過患諦。三出離諦。四法性諦。五勝解諦。六聖諦。七非聖諦。集苦道滅次第初四。意解思惟聖凡所知種類異故。初四諦者第三俗諦第二真攝。意解思惟第四俗諦第三真攝。依詮行相二無我故。四真四俗皆是聖諦。聖



知有無事理別故。凡於初俗堅著妄說以爲實故。非二聖諦。聖知爲無可。初俗攝。餘或立七諦。愛味過患。出離。應知應斷。應證。應修。單重二觀。觀於四諦。第二觀中除道諦故。亦第三俗第二真攝。或立八諦。一行苦性諦。二壞苦性諦。三苦苦性諦。四流轉諦。五還滅諦。六雜染諦。七清淨諦。八正加行諦。依於三苦生死涅槃有無漏品聖因別故。初四及第六第二第三俗諦第一第二真諦所攝。第五及第七第三俗諦第二真諦所攝。淨因果故。或第四俗第三第四真諦所攝。第八正加行諦。第三第四俗諦第二第三真諦所收。勝寶經中亦說八諦。有作無作各有四種。對劣勝機說淺深理。種類別故。有作聲聞四諦。定屬第三俗諦第二真攝。無作四諦菩薩四諦第三俗諦第二真攝。或第四俗第三真攝。依詮顯旨非安立故。或說九諦。一無常諦。二苦諦。三空諦。四無我諦。五有愛諦。六無有愛諦。七彼斷方便諦。八有餘依涅槃諦。九無餘依涅槃諦。依苦四境後有常斷二種愛集一道二滅而分成故。此是四諦即第三俗第二真攝。或說十諦。一遍切苦諦。二財位匱乏苦諦。三界不平等苦諦。四所愛變壞苦諦。五龜重苦諦。六業諦。七煩惱諦。八聽聞正法如理作意諦。九正見諦。十正見果諦。初五有漏果。次二異熟因。次二出世道。後一無爲滅。苦諦五中初一攝四苦。謂生老死怨憎會苦。第二即是求不得苦。第三是病苦。第四是愛別離苦。第五是略攝。一

切五取蘊苦。八苦二集兩道一滅有差別故。第三俗諦第二真攝。此中且略配諦相攝。巨細義門皆應別說。頌曰。不虛真相苦。因歸及愛行。無常與遍切。增十諦各初。問答分別者。問曰。雖說二諦四種不同。此中何者名爲安立。何者名非安立。答顯揚論說。四種俗諦皆是安立。瑜伽論說。第四勝義是非安立。故前三真亦是安立。體即是俗後三諦故。問若是安立諦。已立爲諦。何故復說非安立諦。答。瑜伽論中六十四云。唯說安立。離非安立。二種解脫不應理故。一者於相縛。二於龜重縛。若有行於諸安立諦。行皆有相。於諸相縛。不得解脫。相不脫故。於龜重縛亦不解脫。若有行於非安立諦。不行於相。不行相故相縛解脫。相縛脫故。於龜重縛亦得解脫。問若非安立已立爲諦。何須復說安立諦。耶。答六十四說。爲令資糧及方便道得清淨故。有所厭捨。有所修習。有所進趣。有所了知。故立安立。問若行有相。二縛解脫有何過失。答六十四說。有極善定心。依第四靜慮。於順決擇分善法中轉。緣諸諦時。於二種縛應得解脫。究竟清淨。以有相心相縛猶在。若能治心許有相者。與所治心竟有何別。又世出世道二種有殊。故行有相不得解脫。要依無相非安立諦。由此證知無分別智定無相分而能斷惑。問但立一俗一真。即得。何須立四。答此諦但應攝行歸真。總立一諦。勝聲經說。一實諦。是唯如來藏。是爲一實。餘

有起盡。或是所取非一實故。若以事理安立非安立而論。但應立二。六十四說。一真法界名爲勝義。餘名世俗。仁王經中說。二亦爾。若隨入法有勝有劣。應各立二。涅槃經中隨入法亦說二諦。或俗及真皆有二諦。若以空及事理義得行殊。顯揚論等二諦之中皆有二種。若以諸法有無事理淺深詮旨。義各別故。二諦之中各說四重。又瑜伽釋言。世俗勝義皆有世間所成道理。所成證得所成。真理所成。由是世俗及勝義諦各分四種。於劣法中世間所成等立四世俗。於勝法中世間所成等立四勝義。故非增減。問此二諦爲同爲異。答亦同亦異。仁王經云。世諦之中無第一義。智不應二。若言有者智不應一。涅槃經言。世諦者即第一義。有別方便隨順衆生說。有二諦。故不可說定同定異。第一世俗有名無體。俗中極劣無可過勝。假名安立。唯俗非真。是名爲異。第四勝義體妙離言不可施設。真中極勝。超過一切。唯真非俗。是名爲異。餘可爲同。由此二諦四句分別。有俗非真。謂第一俗。有真非俗。謂第四真。有真亦俗。謂前三真俗後三諦。有非真俗。謂除前相。第四勝義不能自勝。待於四俗故名勝義。故前三真亦名爲俗。第一世俗不能自俗。待於四真名爲世俗。故後三俗亦名爲真。第一勝義待一俗名勝。第二勝義待二俗名勝。第三勝義待三俗名勝。第四勝義待四俗名勝。第一世俗待四真名俗。第二世

俗待三真名俗。第三世俗待二真名俗。第四世俗待一真名俗。故若有俗時亦必有真。若有真時亦必有俗。俗是真名俗。真是俗家真。有俗亦有真。無真亦無俗。故非遺依他而證圓成實。非無俗諦可得。有真。真俗相依而建立故。如是所說四種二諦。經論雖有。諸德雖傳。然諸後學未能疎演。基隨翻譯之次。略舉所聞。其間委細後更諸審。所以編集以爲一章。庶後學徒詳而易矣。可謂義高千葉。理光萬代。讚詠吟謳。何以暢其歡情。所恨徒齊伯牙之琴。虛盡卞和之璧耳。

●大乘法苑珠林章第二

治承五年六月三日此卷移點了聖玄大律師 生年六十八

傳頌求法沙門信定

寬文十二年壬子十月 日如形令修補了

清兼法印

## 大乘法苑珠林章卷第三

基撰

### 大種造色章

大種所造色。合以六門分別。一辨體。二釋名。三生等五因以明造相。四依因緣以辨大造。五同異大造相望辨造。六問答分別。辨體者。順世外道。不別立有能造所造。俱

是四大。然性是常。更無別物。吠世史迦。四大乃是實句。有礙。通常無常。眼根即火。耳根即空。鼻根即地。舌根即水。皮根即風。色。味。香。觸。聲。德。句所攝。然無礙。聲。香。唯無常。餘通。常。無常。色。等四種是四大德。四大非。能造。色。等非所造。地。有。色。味。香。觸。水。有。色。味。香。觸。火。有。色。觸。風。有。觸。聲。是空德。非四大德。僧伽師說。色。等五種名五唯量。乃是能造。地。水。等造。地。水。等方造。眼等五根。能造所造。雖皆是無常。然非生滅。是轉變無常。故皆有礙。然有別造。亦有通造。聲論師說。聲。唯是常。餘四大種。及眼等根。色。味。香。觸。並是無常。聲。或顯常。或是生常。大眾部說。四大爲能造。四塵爲所造。無別五根。即四塵故。俱通有漏及以無漏。許佛有故。成實論說。四塵爲能造。造於四大。四大成五根。五根唯所造。四塵唯能造。四大通二。聲亦唯所造。薩婆多師。四大爲能造。唯有漏有礙。觸處所攝。五根五塵。及法處無表色。爲所造。五根五塵。皆唯有礙。唯是有漏。法處無表。說通無漏。是無礙。皆是實有。經部師說。能造所造。雖並有礙。皆通假實。極微是實。龜色是假。並皆有漏。無表假立。法處無色。不許色蘊有無表色。說假部說。能造所造。若龜若細。在蘊門中。體皆是實。義積聚故。體非積聚。在界處門。並皆是假。依緣並皆體積聚故。通有無漏。一說部說。能造所造。雖有一名都無實體。說出世部說。能造所造。若有漏者。並皆是假。從顯

倒起故。諸無漏者。並皆是實。非倒生故。今依大乘。觸處法處。皆是有大種。散定別故。造色通於十一處有。大種造色。隨應俱通。依他圓成二性所攝。五法之中。相及正智二法所收。通有漏無漏。善無記性。有漏大造。定屬依他。無漏大造亦通圓成。依他所攝。有漏造色。唯無記性。假性通三。故瑜伽六十四說。色。聲。表色。假通善惡。實唯無記。無表既假。許通善惡。無漏大造。一切唯善。大種唯實。造色通假。釋名者。瑜伽第三說。由此大種其性大故。爲種生故。名爲大種。大有四義。一爲所依。故。與諸造色。爲所依處。二體性廣故。體性寬廣於造色。故。三形相大故。大地。大水。大火。大風。相狀大故。四起大用。故。成壞世界作用大故。種者。因義。或是類義。此四能爲生等五因。起衆色。故。種類別故。虛空雖大。不能爲因。內種子等。雖能爲因。體相非大。所餘諸法。非大非種。由此地等。亦大亦種。故名大種。持業釋也。若言四大種。四是數名。即帶數釋。造色名者。顯揚第五說。謂依止大種。即於大種處。所有餘造色。生。由是因故。說四大種造所造色。所造即色。五十四云。是同一處攝。持彼義名之爲造。所造即色。持業爲名。大所造色。依土爲目。別名者。堅勁義是地義。流濕義是水義。溫熱義是火義。輕等動義是風義。其地即大。乃至風即是。大。皆持業釋。造色別名。至章中解。生等五因。以辨造者。對法第一說。所造者。謂

●虛二重？ ●按者曰原本無大乘二字今新補入之 ●二十(之本) ●(治承…法印)五十一字一 ●按者曰原本無義字今新補入之 ●三十(之本) ●

以四大種爲生依立持養因義。即依五因說名爲造。生因者即是起因。謂離大種色不起故。諸所造色雖自種生。若離大種必不能起。瑜伽第三問云。諸法皆從自種而起。事說大種能生諸色。乃至長養耶。彼自答云。由諸內外大種造色種子。皆悉依附內相續心諸大種子未生諸大造色種子終不能生。要大種子先生大種。造色種子方生造色。爲前導故。說彼能生故名生因。第六十六說此同之。今應問曰。若爾別解脫及定道俱戒。既離大種應不得生。此隨所遊所防名色。亦隨彼二假說大造不離義有二。一定同處。二必假藉別解脫戒等必藉大生。非定同處。亦名不離。離質聲光皆亦如是。瑜伽論五十四說。勝定果色唯依勝定不依大種。彼如何通。彼自解云。然從緣彼種類影像三摩地發。說彼大造非依彼生。說名爲造。法處色章當具陳述。或復五因非遍一切。如離輪光等無所依。因故依因者。對法云。即是轉因。謂捨大種諸所造色。無有功能據別處。故諸所造色依據大種方乃得生。故捨大種無別處住。瑜伽第三云。由造色生已不離大種處而轉故名依因。若爾如何五十四說離輪光明。大種香等皆不可得。今依即質以辨。依因離質光等無依因義。故不相違。或說。彼光亦有。大造隨有光處有大造故。此釋不然。聲香離質。何大所造。故前說善。立因者。即隨轉因。由大變異。能依造色隨變異

故。能造所造。安危必同。故大變時造隨變異。瑜伽第三云。由大種損益彼同安危。故別解脫戒後相續生。表業變異如何相續。或說後時所依猶有。故不變異。如實義者。此隨所遊所防大造。不爾無色定道俱戒。無所依。故應無此因。若爾所防久已斷滅。既無能造應無立因。不可防他。說名爲色。將他四大造自無表。此唯是彼遠分對治。義名爲造。會有類故。一定已上無表。然論說防他。他四大造。此義不然。非已過故防不得故。應非對治。此義名色假名爲造。遠分對治。故無有失。遠防自身曾有罪戒。即從過去大造今色。或無表戒等無立因義。依實質色具立因故。若取依身大種名造。無色業者應無無表。便非大乘。亦違顯揚諸律儀色依不現行法建立色性。故以隨彼所防大造持因者。即是住因。謂由大種諸所造色。相似相續生持令不絕。故。造色續生由大持力。不爾造色應有間斷。瑜伽第三說。由隨大種等量不壞故名持因。又聲光等大小有異。如何但說等量不壞。對法依全分總說持因。瑜伽依小分故作是說。彼依即質造色說故。或瑜伽言等量不壞。非是大造二量齊等。等者前復相似之義。前說爲善。養因者。即是長因。謂由大種養。彼造色令增長故。由大親養造色增長。或長即因。或長之因。故名長因。瑜伽第三云。由因飲食睡臥修習梵行三摩地等。依彼造色倍復增長。故說大種

爲彼養因。能養造色有因有緣。大爲養因。彼爲養緣。各據一說故不相違。又由彼緣先養大種。令造色增故無有失。或彼通養大及造色。心心所等一切法因。此唯造色能養別因。由造性純不如心等。故藉二養。心等不爾。五十四問諸行皆從自種而起。如何說大造所造耶。由彼變異而變異。故彼所建立及任持故。顯揚第五說。謂依大種有餘造色攝在一處名大所造。此義即顯相依而有。是爲造義。非辨體者。現行相望增上緣故。依因緣辨造者。初辨因造。後辨緣造。因造有二。一十因。二六因。十因造者。大望造色總有七因。一牽引因。二生起因。無記因中未潤已潤。外穀麥等望牙等故。三攝受因。土用依處所攝受故。四引發因。五定異因。引同類起。及自性故。六同事因。七不相違因。攝前諸因爲此二故。其相違因互能相損。而爲因故無相違因。大非言說。無隨說因。觀待因疎無觀待因。有義爲八。唯除隨說及相違因。亦通觀待立此二故。有義或九加相違因。造色望大能爲八因。一隨說因。音聲言說詮辨大故。二觀待因。疎相待故。三牽引因。四生起因。染淨因中。律不律儀及定俱戒。未潤已潤爲此二故。五攝受因。作用依處所攝受故。六定異因。定別能招自異熟故。七同事因。八不相違因。除引發者能引自類同品勝品爲彼因故。除相違者不相順故。或說有九加引發因。

義亦得成。相引發故。或爲十因。有相違故。六因造者。現行六因。顯揚十八說。皆增上緣。對法第四云。當知一切因。皆能作因。所攝爲顯差別義。復別建立餘五因。若依因緣辨六因者。攝大乘論唯識等說。種子望現爲能作。俱有相應。遍行。種望於種。亦爲同類。然無異熟。非因緣故。大望造色。皆非六因。造望大種。爲異熟因。感彼果故。今依增上緣。辨六因造者。大望造色。唯有三因。一能作因。能與彼力不障礙故。二同類因。令增長故。對法文中。依前熏種引後果生。亦依現行相望而說。非種望種。三俱有因。對法第四說。大種造色。必俱生故。爲俱有因。非是。同得。一果義故。非心心所。無相應因。非善惡業。無異熟因。非煩惱性。故無遍行因。造色望大。亦爲三因。一能作因。此因寬故。二俱有因。不相離故。三異熟因。律不律儀。及定俱戒能招大故。或爲四因。加同類因。如引發故。無餘可知。此說同世非別世造。依處而有非異世故。唯律儀色。依不現行法。建立色性。亦異世造。過去大種造現色。故有漏色聲。唯無記性。若無漏位。大造俱善。故但應如此中所說。應如是說。過爲現因。非過未因。現爲現因。及未來因。未非未因。過未無故。此中不說過爲未因。因果俱無故。亦非後際爲前際因。倒因果故。辨因造已。緣造云何。大造相望爲一增上。現行相望非辨體故。非是因緣。生等五因增上緣故。非心等故。無餘二緣。

此因緣造。依總相說。依有無漏及十二處。三性三界。綺互相望。以大望大。或造望造。因緣多。小皆如理思。

種同聚所。有一切造色相依有者。皆可名造。互得造義。非定屬義。理異小乘不應別釋。此中或可。大造種子本性各異。後生現行各依自類。自類大種不生現行。此類造種終不生造。故自類造。此亦不然。相依而有說名爲造。故同聚中所有大造相依有者。隨應皆造。前說爲善。即離大種相望。辨造者。謂所造色與大種處。不相離者。名即質造。若所造色與大種處。體相離者。名離質造。五十四說。離輪光明。大種香等皆不可得。離質光香。及與聲等。即以發處四大所造。無居處所依。故言不可得。諸律儀戒顯揚論說。依不現行法。建立色性。皆以所防欲界惡戒大種所造。不律儀戒顯揚論說。依現行法。建立色性。即以所發惡身語色大種所造。名離質造。所餘皆名不相離造。其極略極遍隨本質大。可名即質及離質造。遍計所起亦爾。無色界無表及佛身無表。以何大造。應以過去自身所有能造惡戒大種所造。名顯造。如無表章。

問答分別者。問於欲界諸色。聚中幾物可得。瑜伽第三說。或有聚中唯有一大。如石末尼。江河池沼。火焰燈燭。有無塵風。或唯二大。如熱末尼。雪濕樹等。或唯三大。如濕熱樹。或樹搖濕。或四大俱。或唯有色。如離輪光。或唯有聲。離質聲等。或唯有香。孤行香等。若有味。觸。必亦有香。色。或唯有四外器除聲。或唯有五。外器有聲時。或有身根并色等四。或有唯六。隨有眼根等并身

義亦得成。相引發故。或爲十因。有相違故。六因造者。現行六因。顯揚十八說。皆增上緣。對法第四云。當知一切因。皆能作因。所攝爲顯差別義。復別建立餘五因。若依因緣辨六因者。攝大乘論唯識等說。種子望現爲能作。俱有相應。遍行。種望於種。亦爲同類。然無異熟。非因緣故。大望造色。皆非六因。造望大種。爲異熟因。感彼果故。今依增上緣。辨六因造者。大望造色。唯有三因。一能作因。能與彼力不障礙故。二同類因。令增長故。對法文中。依前熏種引後果生。亦依現行相望而說。非種望種。三俱有因。對法第四說。大種造色。必俱生故。爲俱有因。非是。同得。一果義故。非心心所。無相應因。非善惡業。無異熟因。非煩惱性。故無遍行因。造色望大。亦爲三因。一能作因。此因寬故。二俱有因。不相離故。三異熟因。律不律儀。及定俱戒能招大故。或爲四因。加同類因。如引發故。無餘可知。此說同世非別世造。依處而有非異世故。唯律儀色。依不現行法。建立色性。亦異世造。過去大種造現色。故有漏色聲。唯無記性。若無漏位。大造俱善。故但應如此中所說。應如是說。過爲現因。非過未因。現爲現因。及未來因。未非未因。過未無故。此中不說過爲未因。因果俱無故。亦非後際爲前際因。倒因果故。辨因造已。緣造云何。大造相望爲一增上。現行相望非辨體故。非是因緣。生等五因增上緣故。非心等故。無餘二緣。

此因緣造。依總相說。依有無漏及十二處。三性三界。綺互相望。以大望大。或造望造。因緣多。小皆如理思。

種同聚所。有一切造色相依有者。皆可名造。互得造義。非定屬義。理異小乘不應別釋。此中或可。大造種子本性各異。後生現行各依自類。自類大種不生現行。此類造種終不生造。故自類造。此亦不然。相依而有說名爲造。故同聚中所有大造相依有者。隨應皆造。前說爲善。即離大種相望。辨造者。謂所造色與大種處。不相離者。名即質造。若所造色與大種處。體相離者。名離質造。五十四說。離輪光明。大種香等皆不可得。離質光香。及與聲等。即以發處四大所造。無居處所依。故言不可得。諸律儀戒顯揚論說。依不現行法。建立色性。皆以所防欲界惡戒大種所造。不律儀戒顯揚論說。依現行法。建立色性。即以所發惡身語色大種所造。名離質造。所餘皆名不相離造。其極略極遍隨本質大。可名即質及離質造。遍計所起亦爾。無色界無表及佛身無表。以何大造。應以過去自身所有能造惡戒大種所造。名顯造。如無表章。

問答分別者。問於欲界諸色。聚中幾物可得。瑜伽第三說。或有聚中唯有一大。如石末尼。江河池沼。火焰燈燭。有無塵風。或唯二大。如熱末尼。雪濕樹等。或唯三大。如濕熱樹。或樹搖濕。或四大俱。或唯有色。如離輪光。或唯有聲。離質聲等。或唯有香。孤行香等。若有味。觸。必亦有香。色。或唯有四外器除聲。或唯有五。外器有聲時。或有身根并色等四。或有唯六。隨有眼根等并身

等五有聲爲七。如上造色身增地爲六。眼等增爲七。加水。火。風。爲八。爲九。爲十。增聲十一。離輪光等隨其所應。增四大種成其多小。六十四等說。若於此聚有大造可得。當知此聚即有此大種造色。若彼大造自相都無。當知此處無有彼法。不同餘宗。無彼現事。有彼極微。諸廣問答皆如彼說。此中說相。或有或無。若約界攝隨應皆有。廣如彼論第三卷說。六十六說。欲界有地。亦有。色。香味。色界唯有。色。色界繫除香味。及無色界色隨所應有。說彼可得。恐厭煩文。故略應止。問於欲界身起。色界大種。彼諸大種與下界色同異處耶。答如水。生。二難生。引彼大起。純滅難生。故非異住。有義此爲隨順理門。大乘同處如異類大。此二之色本不相礙。何須問住。故隨順門。問大種造色有對同處既無障礙。云何不說。無對性耶。答互相順生不相礙。故。又此類業增上所生。諸根遍彼共受用故。如中有等雖有對性而不相礙。此亦應爾。問大種造色云何而住。爲有上下。爲內外處。爲雜亂耶。六十五說。俱時而有互不相離。由彼種類因所成故。如一味。圖更相涉入。遍一切處。非如穀稻末尼等聚。又此有三。一同處。二和雜。三相離不相離。又喻伽第三說。諸色處有。二不相離。一同處不相離。二和雜不相離。同處不相離者。如一。眼根阿摩色。四大阿摩與造色阿摩。隨應所有。故相涉入合成。

一處。無別處所。即一阿摩色中有八阿摩。加聲爲九。加身爲十。隨餘根爲十二。或眼身地色香味觸七阿摩。一因一果同在。一處互相涉入。非如薩婆多宗極微各別各成阿摩。亦不同經部合成阿摩。今者大乘本無極微。如色等微。至阿摩時隨其所應。多少同在一處。諸根於彼能遍受用。以心知境故。爾由境生心故。然爲同處不相離也。和雜不相離者。即前同處不相離阿摩色能造所造相涉入者。雖在一處同處而住。而不相入合爲一體。諸根得時各各別故。然不可說如胡麻豆等聚。可爲分析得故。名和雜不相離。又解大造同類相望同一處住。名同處不相離。異類大造相望。亦同在此一處住。名和雜不相離。非如他宗同類異類極微各別非同一處。問異熟有時增長廣大。何故異熟非即長養。答由彼長養能攝能持。異熟相續現增長等。猶如外甥防。援內城。故非即彼。問爲一四大造。一造色。爲造多耶。爲多四大造。多造色。爲造一耶。答相依而有。立以造名。造一造多理皆無妨。攝決擇說。要大種生先據處所後造色起。不離彼處。名爲造故。日輪光等即小生多。因俱聲等即多生少。如是等類皆應准知既無極微。故答皆得。

#### 五根章

五根。合以五門分別。一諸宗不同。二出體性。三釋名字。四立通差別。五類異有殊。諸宗不同者。順世外道說。一切法皆以地。水。

火。風。四大爲性。由此五根體即四大。勝論師說。眼根即火。耳根即空。鼻根即地。味根即水。皮根即風。五大俱是實句所攝。堅濕煖動皆性無礙。德句所攝。眼唯得三。但除風大身根得四。亦得堅等。數論師說。自性成大。大成。我執。我執成。五唯。五唯成。五大。五大成。十一根。有說火成眼根。空成耳根。地造鼻根。水成舌根。風造皮根。心根有二說。一說是肉團。唯地大造。或五大共造。一說非色。其六根中耳唯無礙。說心根非色者亦無礙。餘皆有礙。皆性是常。大眾部等體即四塵。肉團爲性。無別淨色。不能取境。稍勝餘色。故名清淨。薩婆多師。別有四大。生等五。因爲因緣。造眼等五根。大唯身觸。根難和集。並實有體。成實論師名師子。本於數論法中出家。因立彼義云。四塵成。四大。四大成。五根。經部師說。根雖所造。然通假實。極微是實。龜是假故。說假部說。亦通。假實在蘊門實。界處假故。一說部說。根唯有名都無色體。說出世部說。有漏根假。無漏根實。今依大乘中。略有四釋。出體門中當具顯示。

出體性者。唯識第四略有二說。一難陀師等說。唯是種子。無別現行淨色五根。此有四義。一唯見分五識種子。二唯相分五塵種子。三通取見相二分種子。此三皆是難陀師義。四護法菩薩假爲救言。取威。五識增上業種名爲五根。唯識第四說。眼等五識無別眼等爲。俱有依。眼等五根即種子故。

二十唯識伽陀中言。識從自種生。似境相而轉。爲成內外處。佛說彼爲十。乃至廣引。觀所緣論頌說云。彼顯意言。異熟識上能生。眼等色識種子。名色功能說爲五根。無別眼等。種與色識常互爲因。能熏與種遞爲因故。又復彼云。有避前來所說過難。明附彼執復轉教言。異熟識中能成五識增上業種名。五色根。非作因緣生五識種。二護法等正義。別有現行淨色爲其五根。故唯識云。五識俱依。定有四種。謂五色根。六七八識。隨關一種。必不轉故。對法等云。眼根云何。謂四大種所造。眼識所依清淨色爲體。乃至身根。身識所依淨色爲體。唯識論云。此中且說不共所依。對法又云。眼界者謂眼會現見色。及此種子。積集異熟阿賴耶識。即取現種俱名眼界。除四界皆然。問眼界眼根二義何別。根唯取現不說種耶。答持因稱界。種亦界名。增上名根。種非根攝。問現根增現識現色得根名。根種增識種。應同現根攝對法論云。由根種子生現根已。識之種子方生現識故。答大種所造功用增上。現得根名。種非大造用非增上。故非根攝。問現眼依大起。是眼亦稱根。大種亦爲根。種依。如何眼種非根攝。答此依顯相種子非根。據理依文種亦根攝。故決擇說。眼等五根通現種故。

釋名者。諸論同說。根者增上義。出生義。是根義。與眼等識爲威勢增上。爲因出生故名爲根。五是數名。即帶數釋。眼者照了導義。

名之爲眼。瑜伽第三云。展觀衆色。觀而復捨。故名爲眼。梵云新獨。新者行義。獨者盡義。謂能於境行。盡見行。盡見諸色。故名行盡。翻爲眼者。體用相當。依唐言譯。耳者能聞之義。梵云戌。戌。續多。此云能聞。如是我聞亦云。戌續多。故瑜伽云。數數於此聲至能聞。故名爲耳。翻爲耳者。體用相當。依唐言譯。鼻者能嗅義。梵云揭邏拏。此云能嗅。故瑜伽云。數由此故能嗅於香。故名爲鼻。翻爲鼻者。體義相當。依唐言譯。舌者能嘗。能吮。能除飢渴義。梵云時乞縛。此云能嘗。除飢渴。故瑜伽云。能除飢渴。數數發言論。表彰呼召。故名爲舌。然由世俗發言論者。是舌依處。故瑜伽中。通以勝義世俗二義俱名爲舌。翻爲舌者。義相當故。依唐言譯。身者積聚義。依止義。雖諸根大造並皆積集。身根爲彼多法依止。積集其中。獨得身稱。梵云迦耶。此云積聚。故瑜伽云。諸根所隨周遍積集。故名爲身。雖復迦耶是積聚所依義。翻爲身者。體義相當。依唐言譯。此中眼體即是其根。乃至身根皆持業釋。皆有出生。言增上義故。

立通差別者。此中眼耳立之爲通。餘三不立。夫言通者。離障義。加之神名。名六神通。離諸障障妙用難測。名曰神通。眼耳二根離實用遠。離障義增妙用難測。故別立通。餘三不立。然此二種修方便生。除障獲得名之爲通。不爾用狹不與通稱。通者唯四禪有。非通者五地成。非通者各唯

自地起。通者異地起。然下起上。非上起下。非修起故。其通者通有無漏。佛亦有故。然天眼通亦立爲明。與生死智通爲前導故。觀諸衆色。見因尋果。勝天耳故。天耳非明。天耳不能除三際愚故。其欲界天等雖能微視。作用不廣。不立爲通。生得眼耳非修斷障之所得故。然有經中說。五色根在佛位中皆名爲通。佛用勝故。餘即不爾。今依三乘通得之通。故唯二根。

類異有殊者。瑜伽第三。五十四說。類異有三。一異熟類。此有二種。一業生最初起者。二相續後時轉者。二長養類。此復有二。一處寬遍。由食睡眠梵行等至之所長養。二相增盛。亦由食故。彼所依故。修勝作意故。長時純熟故之所長養。三等流類。此有四種。一異熟等流。二長養等流。此二即前二類所攝。三變異等流。四本性等流。異熟長養二種不攝。皆後二故。五根唯有異熟長養。離此二外無別等流。此依三類體別而說。此五色根具二異熟及二長養。總說如是。其眼耳根。修果名天。餘皆名肉。天唯長養具二養義。肉通異熟及長養二。養二皆具。天眼非業之所生。故不通。異熟有異論師作難。心疏時雖不用。亦謂自計當其深理。乃云說一切有部。身在下地起。上身根以離心云。極微在四根十種。應當知身根九餘八。謂在有香地。此理不然。俱舍論云。欲微聚無聲無根有八事。一有身根九事。十事有餘根。以欲微名。顯是欲界極微聚。

表無表色章

第一辨名。於中

一八六一 大乘法苑珠林卷第三

品。若多分離。多時離。自離亦動他。然不識嘆亦不慶慰。說名中品。若一切離盡善離。自離亦動他。亦讚歎慶慰。說名上品。靜慮無漏說名清淨。此初能起既名律儀。何必律儀必是無表。故雖百行皆名律儀。發無表者唯在前七。俱含十四引經頌言。身律儀善哉。善哉。語律儀。意律儀。善哉。善哉。遍律儀。意根亦說律儀之言。豈成無表。若依前二解。身語律儀及不律儀。體是色性。無變礙。故與色類異。故別處攝。此意俱思不同於彼。不發於色。亦不遮色。不稱色名。既是緣慮現思所攝。但於思種義名無表。仍體是思。卽行攝攝。故於百法更不別說。如意邪見後影身語。身語後影既名不律儀。初之二思何故不名。如律儀中初二思故。縱意無表。但是處中。亦有伺失此三說內。最後爲正。外形身語令他表知有增猛故。無表色中略有三類。一律儀無表。二不律儀無表。三非律儀非不律儀無表。對法第八說。業有三。一律儀業。二不律儀業。三非律儀非不律儀業。非律儀非不律儀業者。謂彼所有善不善業。若布施等。若毀擊等。律儀不律儀所攝業。皆此所收。決擇五十三。說律儀不律儀已云。謂除如先所說律儀不律儀業。所有善不善等身語意業。當知一切皆是。非律儀非不律儀所攝。五十四云。色用差別者。謂有表無表。律儀不律儀非律儀非不律儀所攝作用。說布施等爲此業。故定知此業亦有無表。何因初說有表無表。



唯在律儀不律儀中。不在處中。此有何意。故俱舍論第十四說。無表三。律儀。不律儀。非二。有義處中唯有表業。要上品思。熏種勝方有無表。顯揚第一五十四等說。法處色有三。一。律儀。二。不律儀。三。定自在。不說非二有無表。故雖諸處言有處中業。亦不分明說有無表。故處中表無無表色。若依初義。何妨處中作誠勵意而有上思。律儀容有而有中思。何容熏種猛利義同。成於無表。簡處中業。若以律儀及非律儀必具支故。思種薰勝得有無表。處中不然。即應百行非是律儀。亦有全分一分等故。許近事戒有小受故。諸處雖說法處無表。但有二類。其處中業。性亦唯二攝。屬於彼。即此二收更不別說。體非無也。若依後義。此亦不然。一切處中望律儀等。思皆下品。非處中業可有無表。於二說中。既無顯文。亦任取捨。大釋名者。諸根大種造色和合。積集差別說名為身。五根四塵。能造所造俱得身稱。但由身根諸法集處。獨依身名。又依止義說名為身。唯識論云。體依聚義總說名身。亦由身根為衆多法所依止故。獨標身號。故瑜伽云。諸根所隨周遍積集。故名為身。雖標總稱。即是別名。表謂表示。表自內心示於他故。舊云。身作義不相應。無表亦有造作義。故表體即是色處表色。依身之表名為身表。依主釋也。業者造作義。若色處表色名為身表業。依身之表名身表。身表即業名。身表業持業釋名。今取動身表思名身表。

業。動身表之業。乃依主釋。語謂語言。音聲為體。表義。業義。皆如前釋。此能表了所欲宣說內心意樂。表示於他故名為語表。或復語者字等所依。由帶字等能詮表故。名為語。語體即表持業釋也。語表即業。業屬語聲。今取語表能發之思。名語表業。即發語表之業。名語表業。依士為釋。與意相應。作動於意名為意表。及名意業。皆隣近釋。若云。意表即業。乃持業釋。身語意三之無表。皆依主釋。成業等論文義皆顯。故不引之。律儀有三。一。別解脫律儀。二。靜慮律儀。先云。定共戒。亦名禪律儀。三。無漏律儀。亦名聖所愛戒。先名道共戒。別別防非名之為別。能防所防皆得別稱。戒即解脫。解脫惡故。別之解脫。別屬所防。依士釋也。別即解脫。別屬能防。持業釋也。律謂法式。儀謂軌範。古有釋言。律者類也。儀者式也。種類法式名為律儀。皆通善惡。故說惡戒名不律儀。今解唯彼善戒得名。可為法式。可為軌範。故名律儀。如說調伏亦調亦伏。此亦如是。亦律亦儀。別解脫即律儀。皆持業釋。又解別解脫者。此戒別名。律儀者諸戒通稱。為簡他故。應言別解脫之律儀。即依士釋。俱舍論第十四云。初剎那時名別解脫。亦名律儀。亦名根本業道。從第二念乃至未捨。不名別解脫。名別解律儀。不名業道。名為後起。今亦可然。靜慮等者。性離高沈沒等障名靜。專思一慮靜度境門名慮。亦慮亦靜名靜慮。慮之靜名靜慮。二釋皆

得靜慮即是定之別名。瑜伽第十二說。定亦名等引等持等至。心一境性。亦名靜慮。故律儀是思。靜慮相應之律儀。隣近為釋。無漏者離過義。如無貪等。不可六釋。若無漏屬聖道。體即無漏相應律儀。若無漏即律儀。思體是無漏故。通隣近持業兩釋。亦是聖者之所愛。聖所愛之戒。皆依士釋。不律儀者。不者非義。不義。非可。法則。不可。儀軌。名不律儀。如無明等。亦非六釋。不同於惡尸羅惡。他尸羅。以尸羅為所惡。名惡尸羅。即有財釋。尸羅梵語。此曰清涼。行惡之人惡於尸羅。名惡尸羅。非尸羅惡名惡尸羅。古人解云。尸羅戒義。惡尸羅者即是惡戒。由此難言。防非以解戒。有戒不防非。造作以解思。有思非造作。今釋不然。不善解名故有此難。尸羅非熱惱。何得惡體是尸羅。若爾徵返。惡體非尸羅。惡於尸羅名惡尸羅。亦應惡體非是見。惡於見故名惡見。此難不齊。推求以解見。善惡並推求。清涼是尸羅。尸羅非惡體。由此不律儀非可軌則。不是惡軌則也。非律儀非不律儀者。不可儀軌同於律儀名非律儀。非不可則如不律儀名非不律儀。既有雙非。亦非六釋。又可解言。亦非律儀亦非不律儀。即持業釋。律儀等即無表。皆持業釋。律儀之無表。皆依主釋也。其定道無表以別簡總。亦得依士。等二出體者。假身表業。以色處中表色為性。假語表業。以聲為體。成業論瑜伽等說。有三種思。一。審慮思。將發身語先審慮。

故二決定思。起決定心將欲作故。三動發勝思。正發身語動作於事。身語二表業唯取現行。第三動發善不善思以爲自體。意表以前二思爲體。故唯識云。能動身思說名身業。能發語思說名語業。審決二思意相應故。作動意故。說名意業。其不律儀唯是有漏。其處中業。有義唯有漏。佛等所有無漏五蘊皆律儀攝。無漏善法皆可。法則故。有義處中亦通無漏。因餘無漏及佛餘善。通是彼故。前解爲正。無漏善法皆可。則故。不同。小乘。若律儀業定通無漏。許佛等亦有無漏二表故。其別解脫律儀及處中一分無表。以善思種子。上有防身語惡戒功能。及發身語善戒功能爲體。其不律儀及處中一分無表。以不善思種子。上有發身語不善功能。遮身語善戒功能爲體。此上無表雖善惡殊。並依思種別功能立。由願制思有分限。故取別功能。故唯識云。然依思願善惡分限。假立無表於理何違。又云。謂此或依發勝身語善惡思種增長位立。瑜伽成業說並同之。涅槃經云。菩薩有戒。雖非形色而可護持。雖無觸對善修方便可得。具足正與此同。又涅槃三十四云。往昔菩提王子作如是言。若有比丘護持禁戒。若發惡心。當知是時失比丘戒。我時語言。菩提王子。戒有七種。從於身口有無作色。以是無作色因緣故。其心雖在惡。無記中不名失戒。猶名持戒。以何因緣名無作色。非實色因。不作實色因果。我諸弟子。聞是

說已不解。我意唱言。佛說有無作色。薩婆多依此說。有實無作色。我於餘經說如是言。戒者即是遮制惡法。若不作惡。是名持戒。我諸弟子。聞是說已不解。我意唱言。如來決定宣說。無無作色。故經部等說。無無作色。彼經意言。由發身語業色之思。能防身語惡戒色故。熏種成於無作戒色。由此思種防惡色用恒相續故。心雖設在惡。無記中不名失戒。此防惡身語思種假名色。故不作實色因緣種子。生於現色。亦非是實能造所造色之俱有同類因果。非從彼生。不生彼故。故言有實無作色者。應不解意。此思種子所生現行。發身語故。假名爲色。遮於惡法名之爲戒。若言都無無作戒者。亦不解意。故知無實有假色者。名爲解意。正合此文。靜慮無表以法爾一切上二界十七地中有漏定俱現行思上。有防欲界惡戒功能爲體。此說道俱無漏戒外靜慮律儀。故對法云。以無色界。無色無故。略不建立色戒律儀。雖無色地實有定戒。不說有者。略不立故。無漏律儀。以法爾一切上地所有無漏道俱現行思上。能斷欲界諸犯戒。非功能爲體。二界十地隨應有之。此二戒體俱現行思隨心轉故。成唯識云。或依定中止身語惡現行思立。餘之無表皆不隨心。有心無心隨何性心。定成就故。唯依種立。以能造作是思義故。業是造作。故唯取思不依餘法。由此一切表無表戒皆依思立。

第三假實分別者。若表無表二業三業皆是假立。然有差別。身語二業假表業體。實是表色。非是業性。顯揚等說。身語二業表善惡。故假名善惡。實是無記。故不能招當異熟果。從業爲假。故唯識云。或身語表由思發故。假說爲業。五十三說。一切表業皆是假有。其發身語現行之思。實是業性。招異熟故。而非身語。亦非是表。亦非是色。假名身語表色。所發是表。所防所發俱是色故。思假名色。其無表色實是無表。無所表示。故而體非色。亦從所發所防假名爲色。故顯揚云。諸律儀色依不現行法建立色性。此從所防故名爲色。以決定故。不律儀色依現行法建立色性。定發身語故。然唯識云。謂此或依發勝身語善惡思種增長位立者。此有二義。一云。別解無表。能熏現思初位亦有發身語。故顯揚據決定故。云依不現行法建立色性。二云。顯揚依一切律儀故。依不現行法建立色性。唯識依別解脫亦有發。故不相違。唯識又云。然依思願善惡分限。假立無表。故皆假有。顯揚十八說。七事無實。第六律儀。第七不律儀。故表無表皆是假立。成業論同。

第四具支多少者。支有二義。一支分義。二支類義。支分義者。即廢立門。支類義者。即體類義。支分義者。五十三云。苾芻律儀四支所攝一受具足支。謂作表白第四羯磨。及略攝受隨龜學處。由具此故名初苾芻具足。苾芻戒。此意即顯。初受具戒。作白及爲第四

羯磨。說四波羅夷等。表受戒者意樂普廣。身語所得皆有止作。名為初支。創成。茲獨故十戒六法。歸依說相皆即初支。二受隨法學處支。自初受後。於毘奈耶。別解脫中。所有隨順慈愍尸羅。若彼所引衆多學處。於彼一切守護奉行。由此得名守護別解脫律儀者。此意即顯。受戒已後廣律毘奈耶戒本別解脫中。隨順所受戒法。謂止持等諸性。遮戒。及彼所引諸作持等性。遮戒相守護奉行。其正學勤策勵女戒。及三千威儀等皆此所攝。三隨護他心支。由成前二軌則具足。所行具足。此意即顯。行住坐臥等。如法威儀名軌則具足。不跳行入白衣舍。及如牛王行象王步等是。其估酒家王家旂茶羅羯耶那等家。皆不應往。名所行具足。即獨與女人屏處覆處可作經處。坐說非法語等是。四隨護如所學處支。於微細罪中深見怖畏。於所學處諸學處中能不毀犯。設犯速出。謂由深見怖畏及聰敏故。此中意說。由怖畏故。及聰敏故。深怖諸罪而不敢犯。設犯能出。今此分別律中。性遮一切戒相。以類而論說之為支。故由此四諸出家者於性遮戒。皆等護持不減不增。此說大戒。故略為四。瑜伽本地分聲聞地第二十二卷及顯揚第七。說有七支。如律中說。若諸慈獨尸羅成熱為第一住。守別解脫律儀為第二。軌則所行悉皆具足為第三。第四於微細罪深見怖畏為第五。受學學處為第六。名具戒者。彼第六即此初二。彼第

三四即此第三。彼第一第二第五即此第四。增減名數體性無異。此六支相。廣如顯揚第七等解。近事律儀三支所攝。一受遠離最勝損他事支。即離殺生損壞他財。損他妻妾。此三損他故。二違越所受重修行支。即離妄語。若有妄語於已所犯。不肯重修故。三不越所受支。即離諸酒衆放逸處。若開飲酒。於前所受。便多違越而犯戒故。近住律儀五支所攝。一受遠離損害他支。即離殺生損壞他財。二受遠離損害自他支。即離非梵行。由離此者。不染自妻。不染他妻。非如近事開自妻故。三違越所受重修行支。即離妄語。四不越所受。正念住支。即是三種。一歌舞伎樂塗香鬘二昇高大床。三非時飲食。此三種常所串習。若遠離彼。數數自憶我今安住決定齋戒。於一切時堅守正念。如孝子等。離諸樂具。不受大床遠離諸傲。不數飲食。潔己憶持便能住戒。故於所受。不越正念。五不壞正念支。即離諸酒衆放逸處。彼雖安住正憶念支。謂我今住。決定齋戒。若為諸酒所醉。便發狂亂。不自在轉。故應遮止。此中出家五衆諸戒合一處明。五十三中釋上支已云。今於此中。若慈獨尼若正學勤策勵策女律儀。皆在出家品所攝故。當知攝屬慈獨律儀。復正學等戒體雖狹。皆等護持與慈獨同。故廢立中五衆合說。若近事女律儀。墮在家品攝故。相似學所顯故。當知攝屬近事律儀。不說靜慮及事所愛戒。并不律

儀。處中戒十善戒等具支多少。此中意說七衆戒中論其別類不同。所由非餘戒中有此增減。釋此所由故明支分。若說支類須別說。其慈獨尼中。正學勤策女分三。慈獨分二。及近住勤策等戒之開合。下問答中自當廣辨。上說支分。支類者何。其慈獨慈獨尼戒。唯有身三。語四七支律儀。慈獨等心意樂。普遮色性罪故。身語業相雖復無窮。據重根本皆七所攝。不過七故。所餘但為護此而受。非有別類。故涅槃云。戒有七種。從於身語生於無作。然通防彼加行根本後起三種。義亦可言。皆防三世。於現在法立於過去。既防現法。故義遮三世。不同小乘。彼唯防現故。此不爾。定道二心生即順理而能益物。法爾破惡故亦具七。既無支遮。亦可說言。通防三時加行根本。後起之非。若起彼時三皆滅故。亦可說言。破三世惡。此上二類實唯防現在。去來二世無自體故。義可通之。定戒唯根本。性定對敵故。其勤策。勤策女及正學近事近住。皆唯四支。身三語一。謂不妄語。令其漸學。意樂未普。更不受多。此四性戒。餘為防此非別有體。以上一切出家之戒。既為道器必須具受具持方成。近事近住則不如是。方便誘故。五十三云。百行所攝律儀。謂於十種不善業道。小分遠離。多分遠離。全分遠離。小時遠離。多時遠離。盡壽遠離。自遠離。離他離。稱讚離。慶悅離。是名十。既說律儀。許有小多分時而離。故知近住近事

二戒有缺有全。受及持一分亦成近事等。雜集第八云。問若唯修學。即波索迦一分學處。爲說成就。就波索迦律儀。爲說不成。就耶。答應說成就。而名犯戒。此說具受後便少持。故成犯戒。非初少受而後少持可名。有犯。先既不受。後何可犯。故知缺受具受。爲後具持及少持亦成。彼二有義近事初雖全受。可一分持成近事性。既言成就而名。犯戒。故知可一分持非不全受。近住不然。以時促故。受持俱全。俱舍第十四說。七因緣故受。近住律儀。頌曰。近住於晨旦。下座從師受。隨教說具支。離嚴飾晝夜。一更晨旦。一晝夜持故。若先有邀期月八日等受。晨旦有緣礙。齋竟亦得受。二在卑劣座。唯除病等。三必從師。四應隨師教受者後說。不同五戒。此不問答。逐師連環而受。戒故。五具受八支方成近住。六必離嚴飾。僑逸處故。常嚴身具不必須捨。不生僑逸如新受故。七必須晝夜。猶至明旦日初出時。若不依法。但得妙行。不得律儀。今則不然。但有六緣。無必從師。義如下說。論說近事有一分等。不須具支。智度論說受一戒者名一分優婆塞。若受二三四戒者。名多分優婆塞。具受五者名滿分優婆塞。又涅槃三十五說。我往一時住。迦毘羅衛尼拘律陀林時。釋摩男來至我所。作如是言。云何名爲優婆塞也。我即爲說。若善男子善女人。諸根完具受三歸依。是則名爲優婆塞也。釋摩男言。云何名爲一分優婆塞也。我

言若受三歸及受一戒。是名一分優婆塞也。我諸弟子。聞是說已。不解我意。唱言。如來說優婆塞戒。不具受持。我於一時住。恒河邊。時迦旃延來至我所。作如是言。世尊。我教衆生。令受齋法。或一日或一夜。或一時或一念。如是之人。成齋不耶。我言。比丘。是人得善。不名持齋。我諸弟子聞是說已。不解我意。唱言。如來說八戒齋具受乃得。准彼經文。世尊先說若受三歸及受一戒。是名一分優婆塞者。近事戒也。若近住戒。有一分者名不解意。後說若但一日無夜。若但一夜無日。或一時。或一念。皆不成齋。要盡一晝一夜。不非時食。持成齋故。我只但言齋必盡日夜。弟子不解。必具八支方成於齋。故知近住戒不具受不得。近事戒者不具受得。前師即以此文爲正。近事近住皆通具受及不具受。一切皆得。說不具得名。不解我意者。引攝初根計一分受。非引入根。亦受一分漸漸化令必具受故。故唯受一分。無全受者名不解意。若必全受無一分者。亦不解意。對法且據具受少持。非遮亦有少受少持。由此准知。不律儀亦有具七支及缺支者。世間現見。邀期盡壽。唯行殺生而自存活。未必皆具前七業道。豈彼非是不律儀耶。律儀既爾。對之定然。受持願盡壽名不律儀。但雖盡壽不邀期者。處中所攝。有義不律儀要七支具。惡法易成。意樂廣故。隨順亦行彼七事故。若不具七難期盡壽。處中所攝。不同律儀。

律儀難成。意樂難廣。故有缺支。不律儀不爾。故必具七支。此二解中。隨情取捨。處中業道多少不定。隨其願樂而作事故。由此亦准。近事得少時。近住得多時。多分少分。多時少時。雖障其戒。但至明旦。要至命終。方得方捨。准義得成。十善律儀故。出家戒不爾。非初攝受。簡擇方取爲道器故。有義不爾。別受近事無少時。近住無多時。少分多分等不同。百行律儀。此分限局。近事但有盡形捨。近住但有日出捨。不許餘時。故若菩薩戒中。難既可爾。今釋不然。論據三乘通行。令諸受者不解。多分爲論。不說受者意樂短長。捨戒時數。何故許有少分持。不許少時受。其十善律儀通攝初衆。即許少多分等。近事等何故不爾。前說爲善。十善即善業道。既許意有無表。即具十支。菩薩律儀制十支故。性罪治故。色支唯七。後三非色。其菩薩戒期心廣故。必須具受。亦非初位引攝之故。第五得捨分齊。於中有二。一得。二捨。得中又二。一得緣。二時節。得緣復二。一差別緣。二無差別緣。初差別緣。唯在具足別解脫戒。無差別緣。通在一切。差別緣有二。一得具足別解脫緣。二羯磨得別解脫緣。初緣通在佛及弟子。羯磨非佛及與獨覺。然二皆通。現在滅後。且得具足別解脫緣。諸教不同。四律五論諸宗異說。四律者。一十誦律。是薩婆多宗。俱舍第十四。律毘婆沙。并雜心論。及順正理。顯宗。大毘婆沙。十誦律云。佛

在竹園告諸比丘。十種受具足。一自然得。謂佛獨覺。盡智心位自然得之。問何故許。有羅漢沙彌得通。無戒。不許。獨覺亦通。無戒。皆自然得。以利根故。二見諦得。俱舍等云。謂入正性離生。即五茲獨問何故茲獨初入見道有初得戒。諸尼初得無見諦者。勝劣異故。若爾。即應由佛勝故見諦時得。弟子劣故無學時得。何故。佛及獨覺唯盡智時得。初轉法輪見諦時得。彼初解法信。法增故。餘則不爾。三善來得。俱舍等云。佛命善來。謂耶舍等。唯佛自作非餘所能。滿道被故。四自誓得。俱舍等云。信佛爲大師。謂大迦葉。何故四分。迦葉自云佛建立善根。上受具足。以宗別故。餘人何故不自誓得。信不增故。五論議得。俱舍等云。善巧酬答所問。謂蘇陀夷。其年七歲。佛問言。汝家何在。彼答佛言。三界無家。佛嘆聰明善答所問。雖年未滿。令僧爲受。非由答時即便得戒。何故驚子不令爾耶。命善來故。西域記中。目連驚子皆善來得。六受重法。俱舍等云。敬受八尊重法。謂大生主。十誦律云。優婆塞問。波闍受重法。即是出家成比丘尼。餘尼云何。佛言。應現前作。白四羯磨。若爾于時衆既未滿。諸尼云何後時得戒。若許初受八尊重法。更有餘尼。便違十誦令作羯磨。薩婆多師云何釋此。薩婆多論。十四年前八敬度女。十四年後羯磨度之。便無是失。五分亦云。五百尼衆亦八敬得。七道信得。俱舍等云。謂法授尼。五分律云。姪女半迦尸。

欲往蘭若住處。受具戒。賊欲逆路伺取。彼女女聞。此事時不敢去。佛聽遙遣爲受具戒。先尼衆中作本法竟。置受戒人於一處。所將十尼衆往蘭若處。禮僧衆足。尼羯磨師爲從。僧乞戒。僧羯磨師乃至爲作白四羯磨已。和上聞聲將十尼衆還至本處所。呼受戒人令禮衆足。在羯磨師前踰跪合掌。爲說。僧衆白四羯磨。令其聽已具說。二八兩四。謂八隨四喻。八不可越。四依。乃至餘所未知者。和上當爲說。八邊五得。俱舍等云。持律爲第五人。此有釋云。以無僧故。極少猶五。四人成僧。一人羯磨故。名持律爲第五人。和上不入其數。同僧祇律。若減不成。闕法事故。既爾即應四人羯磨。一人表白大德僧聽餘三非僧。或應白自。以要四人方成僧故。故五人中。一持羯磨。一爲和上。羯磨名。餘三僧體正所和自故。邊地極少猶五人辨法事。摩得勒伽論。邊地多僧。但取五人得名受具。僧得可呵罪九羯磨。俱舍等云。十衆謂於中國。彼律通說。僧尼得戒。故云羯磨。以尼受中二部極少猶須各十。犯戒緣多。必須二部對受方得。簡擇所宜令生羞恥不敢犯故。論唯據僧故言十衆。又依論說。二部各十合名十衆。如邊地五亦不相違。十三歸。俱舍等云。三說歸佛法僧。謂六十賢部。謂有六十仁賢衆類共集。佛遣無學爲說三歸。便得具足。尼尼母云。諸阿羅漢。教令剃髮染衣。憑伏三寶。歸依心成。即發具足。故名三歸得。亦名。

三語得。何故諸尼無三歸得。無實衆故。二四分律是法藏部。五種得戒。一善來。二上法。古來相傳解。謂成無學。證有餘滅名爲上法。即便得戒。故四分云。若修道成。阿羅漢果。即名出家受具足戒。羅漢沙彌非此宗義。三三歸。四八敬。五羯磨。彼宗意說。自然即上法。得無學果。成受具故。不唯屬在佛及獨覺。其見諦得即是善來。律中自云。六群比丘互論。迦葉不如。憍陳善來受戒。不如。毘舍離跋耆子三歸受戒。亦不如。婆盧波斯那羯磨受戒。云何與諸比丘布薩羯磨。迦葉答言。我在多子塔邊。世尊爲我建立善根。第一受具足故。初見諦即是善來。由此亦無信。佛爲大師。迦葉自言。上法得故。其問答遣信。邊五中十。俱作羯磨。皆羯磨攝。故唯說五。三僧祇律是大衆部。四種得戒。彼律云。成道五年比丘清淨。自是已後漸爲非。隨事制立說。本又戒四種受具足法。二自覺具足。謂佛自覺。初證菩提善受具足。二善來。佛自覺已。在竹林園告諸比丘。如來處處度人。汝等當効如來度人。諸比丘由此亦善來度人。時諸比丘善來度人。不能如法。爲世所譏。身子默然舉以請佛。俱名善來。有如不如。云何令比丘善具具足。皆悉如法。佛因於此而制十衆三。十衆。彼律云。和上十衆內不名受具。合十一人。四分等但言十衆。和上在中。四五衆。彼律初標。雖言四種受具足戒。乃言。愛道尼言。佛爲尼制八法。我等得廣聞不。佛爲。

具說八相。八相之中。初六與四分別。後二法同。以此理推應。有第五受八重法。不爾諸尼初云何得。前唯說僧。是故唯四。此宗意說。見歸信佛爲大師。二亦自覺得。得阿羅漢成受具故。從佛爲名。爲自覺。其問答遣信不異。中十俱十來故。無三歸得。所以不說。四五分律。是化地部。律有五受具足。一自然。二善來。三三歸。四八不可越。五羯磨。其八不可越。彼律兼有五百尼來。彼律云。爲汝制。八不可越。若能行者即是受具足戒。大愛道言。若佛說。八不可越。我及五百當共頂受。又佛言。愛道及舍夷諸尼。亦得戒。此宗意說。見歸信佛爲大師。二種皆自然得。其問答遣信邊五。中十。四種皆即羯磨。更不別說。此中自然與上受具足。名字雖殊。義推亦與四分相同。五論別者。一毘尼母論。二衆各五。總即爲十。比丘五者。一善來。二建立善根上受具足。謂得阿羅漢果。三勸聽謂論議。言下即得。四三語。謂三歸。五羯磨。其見歸信佛爲大師。自然皆上受所攝。邊五中十即羯磨故。尼亦五者。一善來。二上受具足。三師法。謂八敬。四遣信。五羯磨。合有七種。一善來。二上受。三勸聽。四三歸。五八敬。六遣信。七羯磨。二磨得勸聽論。十種得戒。一無師即自然。二見歸。三問答。謂須陀夷。四三歸。五自誓。謂迦葉。六五衆。七十衆。八八重法。謂大生主。九遣信。十二部。謂諸尼。此宗乍觀同。薩婆多。然無善來。來捨俗相後更與受故。邊五中十唯在僧中。故尼加二

部衆。即是十衆二十衆也。三善見論。八種得戒。一善來。二三歸。三敬授。即見歸。因佛教已敬受佛語。便得戒故。四問答。五受重法。六遣使。七八語。謂尼。於二部中。義推遣信即十二語。八白四羯磨。白四即四語。此說弟子無自然。信佛爲大師。即羯磨。羯磨已方得戒故。或信佛爲大師。即敬受得。邊五中十即羯磨故。四薩婆多論七種受具。一見歸。二善來。三三歸。四三歸。五自誓。六八法。七白四。此說弟子故無自然。三語即遣信。此初一至彼一來後一。其問答邊五中十。皆白四故。此是薩婆多宗。與俱舍等同。增減數異。體性不殊。五明了論。三乘得戒合有九圓德。圓德者四萬二千功德。無不具滿。稱曰圓德。聲聞有七。比丘有四。一善來。二三歸。三略羯磨。四廣羯磨。略羯磨者。佛初成時。聞法得戒。故名略羯磨。即見歸得。其信佛爲大師。及論議邊五中十。皆廣羯磨攝。尼有其三。一善來。二遣使。即法授尼。瞿裏多達磨敬尊重法。遣阿難傳語。遙爲授戒。三廣羯磨。即遣信。二部等。上來七種聲聞得戒。第八獨覺有量功德至得。九佛無量功德至得。此二皆自然。大乘之中。無別教文。多分且用薩婆多宗十種得戒。然敬受八法不唯大生主。非但同。彼薩婆多論。亦同五分律。佛言。愛道及舍夷諸尼。亦敬受。八不可越得戒。上得具足別解脫緣。次羯磨得別解脫緣者。昔來相傳四分律具四緣。八比丘中解。一羯磨者。比丘若受大戒者。僧數滿足

緣。二白四羯磨如法成就。教法成就緣。三得處所者。結界成就。界內不別衆緣。四住比丘法中者。年歲滿足。身無遮難緣。要具此四。是大比丘得成大戒。亦即滅罪五法現前中。除其滅罪。別所爲者具四現前。一能棄僧。二所棄法。三棄法處所。即界現前。四所爲事。謂人現前。今此受戒。即別所爲。故具此四。即能發戒。僧祇律六緣。即是釋八比丘文。毘尼母論五緣。一和上如法。二團梨如法。三七僧清淨。四羯磨稱文。五界內和合不別。此之五緣。四中初三攝。初三是第一緣。次一教法緣。次一不別衆緣。今依四分四緣具足。於前四緣中。第四身無遮難之中。瑜伽五十三云。由六因故。不應爲授。茲獨律儀。即是解彼遮難所以。恐文繁廣。至後當釋。於第一僧數滿足緣中。瑜伽又云。又除闕減。能作羯磨。阿遮利耶。即波托耶。住清淨戒。圓滿僧衆。此中義意。其上坐部及薩婆多師。犯重不捨戒。故受戒時。團梨大眾必須清淨。和合與戒。發戒勝緣。故和上不定。其受戒時。除去和上外。彼受戒者名。及諸難名。三衣名等。若不難。標有所虧。闕則不得戒。大眾檢驗有所闕故。非和合故。其和上名。難與不難。及在衆內。不在衆內。若清淨。不清淨。竝悉得戒。大眾但知某爲和上。令其攝錄所受戒者。非要發戒之勝緣故。然具難和上名。身在衆內。戒清淨。即無罪。若不難名及不在衆者。知和上無戒破戒與他受戒。彼雖得戒。現前大眾

得突吉羅。羯磨但言今從來僧乞受具足戒。不言從和上乞受戒。故設復和上戒德清淨。大眾聞聚有所闕少。戒德有犯。即不得戒。無勝緣故。制多山部等並同此說。又有諸部說。但和上清淨。大眾不淨。亦得大戒。和上勝緣發其心故。大眾但是訪受者。無遮難罪。和合與之令隨僧數。故羯磨云。今從來僧乞受具足戒。非是發起彼勝心緣。何要清淨。其大眾部律。和上大眾並須清淨。然始得戒。和上親教最是勝緣。發彼勝心亦由和上。又若持戒便是來僧。犯戒非僧。何得教誨成師資道。又戒從僧乞。僧和合方得。衆既戒行不清淨。先非墮入僧數。何得辨其法事。概說戒律之言。又僧亦是受者勝緣。僧既犯戒不發彼心。豈是受者之勝緣也。故要和尚及大眾清淨。受者方得大戒。今者大乘略有二說。一者三品心犯重皆失戒。二者中下品心犯重不失戒。上品心犯重即失戒。若依後義和上不清淨。但大眾清淨即得戒。從彼乞故。法事辨故。和上但是教授之緣。設知不清淨不從彼乞戒。何故不得。若依初義和上衆僧必須清淨方可得戒。和上是勝教授之緣。未體僧前。已從和上乞大戒故。且如邊方。僧衆滿四人法事辨故。與戒緣故。闕一犯重俱爲不可。無僧非僧與戒故。瑜伽云。鄔波陀耶住清淨戒圓滿僧衆。住淨戒言。上屬和上。下屬僧衆。兩俱須故。上來所說。佛在及滅一切弟子。除獨覺果餘受具

戒。非謂一切上來所辨有差別緣。無差別緣。有諸戒通緣。應說頌曰。茲獨非自受。從他簡擇故。近住等諸戒。自受亦從他。表業名從他。無表唯自受。自受唯意表。無表示他故。是別解脫戒。瑜伽五十三云。此中或有由他由自而受律儀。或復有一唯自然受。除茲獨律儀。何以故。由茲獨律儀非一切堪受故。若茲獨律儀非要從他受者。若堪出家。若不堪出家。但欲出家者。便應一切隨其所欲自然出家。如是聖教便無軌範。亦無善說法毘奈耶而可了知。是故茲獨律儀無有自然受義。以簡擇故必從他受。此除自然及見諦二。或可。除信佛爲大師。餘一切得別解脫戒。彼無簡擇故。然彼亦由無遮難等事。方可自然見諦等得。故俱舍論說。十種得戒已云。如是所得別解脫戒。非必定依表業而發。何況從他。即許除茲獨戒。餘一切戒自受亦從他。故瑜伽問。若除茲獨律儀。所餘律儀有自然受。何因緣故復從他受。答由有二種遠離惡戒受隨護支。所謂慚愧。若於他處及於自處。現行罪時深生羞恥。如是。於離惡戒受隨護支。乃能具受。故從他受。此中意說。由有慚故於自處現行罪時深生羞恥。由有愧故於他處現行罪時深生羞恥。或由慚故於他自處作罪之時。顯身生羞崇重質善。或由愧故於他自處作罪之時。顯世生羞輕拒暴惡。故愧現前非必有慚。必有慚者必定有愧。是故慚法最爲強勝。若

有。如自所受而深護持。當知所生福德等無差別。由慚顯自愧顯他。有愧顯他未必顯自慚起。雖護世名不顯已故。此說出家五衆之戒。近事近住及菩薩戒。皆通二受。不同餘宗其近住戒必從師受。故菩薩地第四十云。若有欲於三種戒藏勤修學者。若在家出家先於無上菩提。發弘願已。當審訪求同法菩薩。已發大願有智有力。於語表義能授能開。於是等功德具足勝菩薩所。先禮雙足。乃至廣說受戒五相。第四十一云。若不遇具足功德補特伽羅。爾時應對如來像前。自受菩薩淨律儀。四十又云。若雖聽慧於戒無信解。不善思惟有慳貪者。大欲無足。毀戒慢緩忿恨不忍。不耐他犯。懶墮懈怠多耽倚臥。好合徒侶樂談喜話。心多散亂。下至不能持牛乳頭。善心一緣住修習者。暗昧愚癡。劣心誹謗菩薩藏者。不應從受。是名菩薩戒師之緣。瓔珞經云。若千里內無戒師時。方得自受者。令尊重戒千里尋師。非要定爾。如一女人身不自在。或貧病身欲受菩薩戒。豈要千里。故知但是一相之語。瑜伽不論處近遠故。但許自受。此上諸戒。若從他受必有表無表。表示他故。若自受者唯有意表。無身語表。可成無表。故瑜伽言。若自然受者。唯有意表。縱有傍人見其自受。非是師長慚愧緣故。定無表業。或亦有表。論說傍邊一人亦無自然受者。唯有無表業。如今對衆發露受戒自誓遯期。定有



表業。定道無表准對法說。法處五色中名。受所引。遠前方便亦從他受。正起無表。亦有從他義。如佛為說法得入見道。遠塵離垢得入三昧。即便得戒。若爾亦應說有表業。此亦不然。此思不發外身語故。是無漏故。無有表業。故唯可說有無表業。然正得道定無表之時。無心外緣。云何受得。從遠方便得彼受名。五十三說。若即於此所受律儀。能無缺犯。以為依止。修無悔等。乃至具足入初靜慮。由奢摩他能損伏力。損伏一切犯戒種子。是名靜慮律儀。此說如苾芻等受律儀已。能無缺犯。以為依止。由無犯故無悔。無悔故心喜。心喜故心樂。心樂故心安。心安故得定。若有所犯終不得定。大集經中。佛言。我本無數劫中處在凡夫。字遮他陀。在加倫羅國。作賈客販賣虛妄無實。造諸惡行。不可具說。是時愚癡害父姪母。舉國知之。與六畜無別。國王欲殺。吾怖往投異方。作沙門三十七年。以五逆罪障心不得定。後因乞食。拾得一鉢。鉢中有此陀羅尼。名集法呪捨苦難。經一年餘誦持不絕。方得禪定。其苾芻等犯重禁已。心悔故心愛。心愛故不樂。不樂故不安。不安故不得禪定。故持戒等得禪律儀。若所持戒於此身中犯重禁已。必不得定。不善思廣損障深故。由呪威神。先在俗位犯五逆罪。今身可得。上說因戒而得定者。亦有初定不由戒者。如劫壞時最初一人所得禪定。法爾初故。故定律儀亦有

他緣。亦有不由其道共戒。瑜伽又說。若即於此尸羅律儀無有缺犯。又復依止靜慮律儀。入諸現觀得不還果。爾時一切惡戒種子皆悉永害。若依未至定證得初果。爾時一切能往惡趣惡習悉永害。此說得超越第三果。并大第八人依根本定及未至說諸得道戒。必先淨定以為其緣。其四善根色界繫故。其不律儀及處中戒。若生彼家。不待外緣。或不由他得。二皆無失。不同小宗。不律儀不從他得。上說得緣。得時節者。初說得表時。後說得無表時。且說苾芻。苾芻尼得表時者。謂從僧來乞戒時得。五十三云。又若起心往趣師所。殷勤勸請。方便發起禮敬等業。以正威儀在師前住。又以語言表宣所欲。造作勝業是名身表及語表業。成業論同。不能繁引。要現行思近因等起。正發身語為轉因者。是表業體。故要此時。若說前位從僧乞時心。上中下以判於業。祈願滿足。要第三羯磨時。方得表者。此小乘義。非今所宗。表業非是形色攝。故唯發身語現思攝。其時無心。或染無記。或異緣故。准此自餘出家三衆近住近事。皆從師前禮拜等受得表戒。此等後時雖隨師言。不必有心在。而未必善。亦不決定。乃是隨轉非轉心故。若對人前許自然受。有身語表及意表者。即於佛前求禮時得。其菩薩戒即請受時。第三周了慈悲故。字時得。以決定故。定道唯無表。不說得表

時。其不律儀要作事時。或處分時。方得表業。五十三云。若有生在不律儀家。有所了別自發期心。謂我當以此活命事而自存活。又於此活命事重復起心欲樂忍可。爾時說名不律儀者。由不律儀所攝故。極重不如理作意損害心所攝故。但成廣大諸不善根。然未成就殺生所生及餘不善業道所生諸不善業。乃至所期事未現行。此意說言。若生彼家。不生彼家。發心忍可即由成彼不善根故。從當所起為名。即名不律儀者。彼論又云。後若現行若少若多。隨其所應更復成就諸不善業。此意說言。後若自作。若處分他作。少多事。雖未命斷等即成殺生。若身若語不善表業。若後彼事自他作已。前生命斷等少多遂心滿本願故。方成無表。不同他宗前事究竟。表與無表俱時發得。初發勝思起身語業。即是表業。其事究竟。是隨轉非轉。得無表故。得名不律儀。表業如今說。處中表業或發期願。或處分時。或作方得。上說身語二表得時。其意表業學心即得。上說得表。得無表者。別解脫無表得有三類。一。出家大戒。第三羯磨。是事如是持時得。其菩薩戒。亦第三羯磨。答言能持時得。先發期心所邀勝願今滿足故。僧衆法事此時具故。雖由前位思表熏種。法事今竟。雖或無心或別緣心。由彼先期今願滿故。從初念後防惡思種用。倍倍增名為得戒。有說思種體。倍倍增名為得戒。此亦不然。法事竟時。彼或

無心或異性緣。既無現思現表熏習。如何種子體忽爾得新生。由此故知。隨彼遇緣。新舊種子。若別若總。現行緣因思所熏種。今緣會滿。用倍倍增名。得無表。以隨心戒雖念念中是未曾得。若非用增是體增者。豈念念中皆現熏種。定道無表既是現思。無一心中有多思故。准此別解脫無表亦非體增。初利那位一七用增。第二利那位二七支。乃至未捨運運增長。決擇第六十云。不善業道若到究竟。即此亦名。由塗染過成。於重惡。成大不善能引。增上不可愛果。何以故。若有用染污心。能引發他不可愛樂欣悅之苦。彼隨苦心威勢力。故能引發苦。補特伽羅思便觸得廣大之罪。是故名爲塗染過失。此意說言。若身自作。若令他作。不善業道。令他命斷等。事究竟時法爾威勢。能自行者及處分者思。便觸得廣大之罪。先心今滿他苦亦滿。故自觸罪名爲塗染。彼論又云。彼雖不發。如是想心。諸能引發我之苦者當觸大罪。然彼法爾觸於大罪。譬如礪石雖不作意諸所有鐵來附於我。然彼法爾所有近鐵。不由功用來附。礪石此中道理當知亦爾。日珠等喻亦如是知。又於思上無別有法。彼威勢生。來相依附說名塗染。當知唯是此思轉變。由彼威力之所發起。此意說言。即思種子由前期心今時滿足。他苦圓滿。功用便增名思轉變。更無別物。猶如魔王惑媚無量娑梨樂迦諸婆羅門長者等心。令於世尊變異暴惡。非於彼

心更增別法。說名惑媚。唯除魔王加行威勢生。彼諸心令其轉變。成極暴惡。此亦如是。翻惡業道有此善故。故成塗染。用倍倍增方成無表。十種得戒中。佛自然得者。有諸菩薩初地即得變易生死。或八地得更不經生。其別解脫乃至有種一得不捨。轉成圓滿無漏之法。不定種姓聲聞無學迴心向大受變易生。亦復如是。此說別受別解脫戒。非菩薩戒中律儀戒也。何故得名。自然得戒。若約成佛之位。現非受得。亦名自然得。自然得者解脫道時即得無表。設有表業非發無表。成佛已後不熏習故。獨覺之心解脫道位。猶不發身語。何處得有表。見道得戒亦復如是。五人見諦亦無表業。初入見諦即得無表。此初時有非於後時後有僧故初未有故善來耶舍言之下即得無表業。此等衆多但嘆善來。鬘髮自落袈裟變成爲沙門者。皆是此類。信佛爲師者。猶未見佛。遙聞即信。信時即得。亦無表業。有說見佛信忍爲師方得無表。非未見時。問答得者。唯蘇陀夷一人言下即得。亦無表業。亦有說言。年未滿二十。因其問答佛令爲授。敬八尊重法者。時無尼故。聞教敬授時便得無表。未有尼故可言。無表與表俱時。亦言別時。初表後無表唯初非後。遣使受者。表在遣時得無表者。在所使尼彼受竟時。五衆十衆即從師受。如前已說。三歸表發。在初歸依創求禮時。無表得在三歸竟時。此十皆是佛在有之。佛無之後唯有

三種。一自然獨覺。二十衆。三持律爲第五人。餘非無佛可得有之。上初類說。第二類者。其出家三衆。近事得無表。即三歸竟得。俱舍論云。起惡淨心發誠諦語。自稱我是鄒波素迦。願尊。憶持慈悲護念。爾時即發近事律儀。出家三衆後說戒相非發無表。無表亦是三歸竟得。第三類者。其近住戒有二義。一云三歸竟得。與近事無別。二云若爾何故俱舍不說三歸竟即得近住戒。何故說相不同近事。近事別說五戒之相近住連環三周說相。又彼頌云。隨教說具支。不說近事亦隨教說。故知近住非三歸得。其心廣遮。一日夜。故非前即得。由此故知隨師後說。第三周竟方發無表。靜慮無表。初起上地初未至地一品之心。即名初得。後隨所起何地根本未至定心皆名成就。對法第八說。靜慮律儀所攝業者謂能損害發起犯戒煩惱種子。離欲界欲者所有遠離。離初二三靜慮欲者所有遠離。彼自釋言。離欲界欲者。謂由伏對治力。或小分離欲。或全分離欲。唯初未至於犯戒非。是斷對治。已上皆是遠分對治。且七作意初六未至地。其了相勝解二作意。爲損伏對治。猶未斷惑遠離作意方始斷惑。此有二釋。一了相猶爲聞思間雜。創觀欲界爲龜。上地爲靜。未能斷障。勝解於此數數思惟。從此已往一向修相。此二作意故名厭壞。至第三遠離作意方斷上三品。猶損伏對治。已是修慧。故了相勝解俱已得定

戒。上三品斷惑要至第三作意故說。遠離方能斷惑。二云了相斷。上上勝解斷。上中遠離斷。上下品惑。上品都盡得其斷名。非了相中不伏煩惱。故定俱戒初心即得。亦無妨難。應說。頌曰。定戒唯無表。初近分名斷。餘持遠分性。是名定律儀。若無漏無表。初得見道無間道俱即名為得。色界五地得入見道皆斷對治。餘色無色皆成遠分。此長徒義若依色界六地無色下三種預流果超證第四果。猶如刈竹。橫斷煩惱。於欲界中修道煩惱。有斷對治。餘名遠分。雖有經說。依未至地得此初果。更不進修上無漏義。非定唯爾。可如前說。不爾無色無斷對治。此定道戒應隨心轉。但得彼心即名為得。不待表發。法爾定道性達於惡。故此二俱必有無表。不律儀無表得者。其不律儀依。瑜伽第九有十二種。一屠羊。二販雞。三販猪。四捕鳥。五置兔。六盜賊。七起膾。八守獄。九讎刺。十斷獄。十一縛象。十二呪龍。對法第八有十五種。一屠羊。二養雞。三養猪。四捕鳥。五捕魚。六獵鹿。七置兔。八劫盜。九起膾。十害牛。十一縛象。十二立壇呪龍。十三守獄。十四讎刺。十五好為損等。涅槃經中說十六種。牛羊猪雞為利故買肥已轉賣為四。為利故買已屠殺即為八種。捕鳥捕魚獵師劫盜起膾兩舌獄卒呪龍復為八故。難心說十二。非此所宗。此皆意樂損害即廣。即與其名。非唯定解故對法言樂為損等。此等無表得之時者由前表引。至

後滿遂其宿心已。即成無表。故對法云。所期現行彼業決定者。謂身語方便為先。決定要期現行彼業。故表在前後行彼業。殺令命斷盜令離處。變異覆藏養成屬已。捕入罽網皆名現行。定成無表。處中無表要自作時或初發願。或處分時。事滿本心即得無表。如遺殺生。生後命斷方成。無表名。塗染過義如前說。上辨得下辨捨。捨中分二。一捨相。二捨緣。捨相者。初得功能念增長。令不新長。但願舊住。不同前位。更不新生。即名為捨。非捨昔者曾得體無名捨。不同小乘無得屬己。其身語二表。雖有相續不名發無表之表。但是隨轉非定轉故。不由於此發身語故有之。三性皆不定故。佛即不爾。非佛已外皆未曾得。念念新生。佛是曾得。但願舊住。由但不萎歇故。不名捨戒。故唯識云。依於思願善惡分限。假立無表。佛願無萎故不名捨。不同因位。不爾諸佛功德應非圓滿。念念新生有未曾得故。不爾前後諸佛應有勝劣。前佛戒多後佛小故。發無表之表唯在於初。自餘表業非無表。因其無表業且別解脫無表。五十三說。慈芻五乘律儀五緣故捨。一由捨所學處故。二由犯根本罪故。三由形沒二形生故。四由善根斷故。五由棄捨眾同分故。捨所學處者。謂律中說作法棄捨。謂對比丘。互隨作法起棄語言。戒方成捨。若作捨心雖起語言。不對比丘依

法言捨。但名戒贏。其戒不捨後作罪時。乃名污戒沙門所攝。非為白衣。由此慈芻名捨學處。近事近住各起不同分心。非作對他方成捨故。犯根本罪者。依十輪經第四卷說。犯重不捨。彼云。善男子。若有慈芻。於諸根本性重罪中。隨犯一罪。雖名破戒。惡行慈芻。而於親教和合僧中。所得律儀猶不斷絕。乃至棄捨所學尸羅。猶有白法香氣隨逐。國王大臣諸在家者。無有律儀不應輕慢及加撻罰。如是慈芻雖非法器。退失聖法。穢難清潔。破壞一切沙門法事。不得受用四方僧物。而於親教和合僧中。所得律儀不棄捨故。猶勝一切在家白衣。犯性罪者。尚應如是。況犯其餘諸小遮罪。是故不許國王大臣諸在家者輕慢及加撻罰。此有二釋。瑜伽第四十釋。菩薩戒中云。若起上纏犯根本罪。即便捨戒。無慚愧故。尚令焚滅一切善根。況所受戒上品纏者。於本四罪數數現行。都無慚愧。深生愛樂。見是功德說名上纏。非暫現行。即名棄捨。然不共住治罰法故。非失戒義。中下纏犯其戒不捨。瑜伽據彼上品纏犯。十輪但據中下纏犯。故涅槃經第三十四卷。迦葉菩薩問。當來世二十一對諍論之義。此當第十八對。至第三十五卷中。佛為釋云。善男子。我於經中作如是說。若有比丘犯四重。已不名比丘。名破比丘亡失比丘。不復能生善芽種子。譬如焦種不生果實。如多羅樹頭若斷壞即不生果。犯重比丘

亦復如是。我諸弟子聞是說已。不解我意。唱如是言。如來說諸比丘犯重禁已失。比丘戒。善男子。我於經中。爲純陀說四種比丘。一者究竟到道。俱舍云。勝道沙門。二者示道。三者受道。新云。命道。四者汚道。犯四重者即是汚道。我諸弟子聞是說已。不解我意。唱言。如來說諸比丘犯四重已不失。禁戒。準觀文意。若犯四重一向失戒。則應解意。一向不失。亦應解意。云何不解。故知上下二品心犯。有其失不失別。雖諸經中多說若有犯四重禁。誦持此呪罪皆消滅。不說戒體重還生不生。其大方等陀羅尼經第四卷說。文殊師利白佛言。若有比丘於佛滅後。毀犯四重。若比丘尼毀犯八重。若菩薩及沙彌尼。優婆塞。優婆夷。若毀如是。一諸戒。當云何滅。如是等過。佛言。若惡比丘毀四重禁。默然受於供養而不改悔。當知是比丘必受地獄苦。而無疑也。我今當出良藥。救彼比丘。離波離波帝。仇呵仇呵帝。陀羅離帝。尼呵離帝。毘摩離帝。莎呵。是三世七佛之所宣說。救末世惡律儀比丘。令其堅固住。清淨地。若犯四重。至心憶念此陀羅尼。誦千四百遍。乃一懺悔。請一比丘以爲證人。自陳其罪。向形像前如是。次第八十七日懺悔已。是諸戒根。若不還生。無有是處。彼人於八十七日。若不堅固。無上菩提。亦無是處。云何知得往清淨戒。若於夢中見有師長手摩其頭。若父母。婆羅門。耆舊有德如是等人。若與飲食。衣

服。以具湯藥。當知是人往清淨戒。若比丘尼犯八種罪。應誦此陀羅尼。呪曰。阿疑離波。其離帝。羅帝婆。摩離帝。阿。摩離帝。莎呵。九十七日誦千四百遍。乃一懺悔。廣說。菩薩及沙彌等滅罪之法。彼經第一卷中說。陀羅尼亦言。犯比丘戒比丘尼戒等。當一懺悔。若不還生。無有是處。除不至心。故知犯重而不失戒。但名汚戒。若不爾者。云何還得已後清淨。佛名經中說亦大同。就四分律同。薩婆多犯重不失。不共住者。是治罰法。非失戒義。二云犯重不問何心。決定失戒。五十三云。犯重捨故。菩薩地第四十解。菩薩戒云。若用與中品纏。毀犯四種他勝處法。不捨菩薩淨戒律儀。上品纏犯即名爲捨。若諸菩薩毀犯四種他勝處法。數數現行。都無慚愧。深生愛樂。見是功德。當知說名上品纏犯。非諸菩薩暫一現行他勝處法。便捨菩薩淨戒律儀。如諸苾芻犯他勝法。即便棄捨別解脫戒。此中意說。菩薩淨戒上纏犯失。非諸菩薩中下纏犯亦名爲失。如諸苾芻犯重便失。此即顯顯苾芻犯重中下品心亦即失戒。菩薩不爾。故云非諸菩薩暫一現行即名爲犯等。長讀論文義道亦遠。故知菩薩犯重有失不失。破戒苾芻犯重決定失戒。不可以菩薩犯重有失不失證苾芻同。苾芻意樂廣大深遠。爲法器故。菩薩種種皆引攝故。故四十云。由此菩薩犯重失戒。今生得受。苾芻現生不任更受。惡意樂思損善器故。若二形生及斷善根作

法棄捨而失戒者。後無前事。今生得受。不污戒故。十輪經等護末法僧。息謗化俗。故言不失。非實不失。涅槃由此犯重實失息謗不失。故言定失。決定不失。皆不解意。方等經中但是懺悔犯重罪滅。言更生者是引接語。亦不相違。故經中說。犯重之人。世尊不許食僧祇食下至一搏。踐毘訶羅一足跟地。擯出一切苾芻業事。故佛又言。應速拔除稻禾稗秀。應速簡擇糠粃朽爛。應速撥揚種中糠粃。應速除穢似稱苾芻。故知犯重定成失戒。律中自云。不犯者。最初未制戒。癡狂心亂病惱所纏。雖有此解。言不失戒。文多理正。又犯戒者實有三心。何因一類是令失戒。故前解善。形沒二形生者。形沒有二解。一云。一形沒。無形時不失戒。如入聖人。雖有失形而戒不失。雖知聖人不作無形。如凡時得戒後被虫食。虫食之時即入見諦。當時先戒悉皆不失。入見諦已不失戒故。可失形故。言形沒者。二形生時先唯一形。必轉沒故。方成二形。非是無形而便失戒。若先無形受大戒。不得者。意樂劣故。非道器故。受戒已後可無形故。意不劣故。二云應六緣捨。一形沒時戒必捨故。二形後生先一形在。云何名沒然俱非形而失戒故。論一處說。其實六緣。無入見諦而許虫食。不可以小乘而亂大義。若爾諸有漸命終者。先從下死。豈過形已即便失戒。後得重甦。須更受戒。此亦何爽。先無形時戒已捨故。何要命終。若

爾此處初生此處後捨。瑜伽第一說。末後心方死。死位一切先皆無形。何得更有命終捨也。二形先有受戒不得。後二形生亦定捨戒。無形不爾。先有不得。後生不捨。二形器惡。男女煩惱俱現前。障法器故。無形初有其理亦同。後有不失。不壞本性。不障聖故。二形便壞。障聖位故。故俱舍說。成就未知當知根定成就十三。謂信等五身。命意四受除憂根。并未知當知根。不言定成男女隨二。故知諸聖亦有無形。斷善根者。有二心受戒謂生得加行。斷生得善非加行善。加行善心受者。斷善根前加行道其戒已失。斷善爲緣。亦名斷善。若生得心受。要邪見起現在前其戒方失。然戒通有三品心受。邪見九品方斷善盡其戒亦爾。但言斷善捨。不言初捨故。棄衆同分者。謂命終捨。末後一念正命終心在。現在世戒亦現在。未名已捨。可名正捨。如第一法捨異生性。若命終已戒入過去。現住中有等。已捨戒故名捨。隔異生故。此說別受慈獨等戒非菩薩戒之律儀戒。五十三說。若正法毀壞正法隱沒。雖無新受慈獨律儀。先已受得。當知不捨。所以者何。由於爾時壞劫正起。無一有情不損意樂能受具戒。況當有證沙門果者。故受不得。先戒不失。近事律儀由三緣捨。一起不同分心。此攝限勢期限多少年歲受捨。許有少時多時盡形之近事故。二善根斷。三棄衆同分。正法隱沒如慈獨律儀。道理當知。無犯重捨。亦

無形沒二形生捨。對法第八云。問若唯修學歸婆素迦一分學處。爲說成就歸婆素迦律儀。爲說不成就耶。答應說成就而名犯戒。故知犯重不失近事戒。彼卷又問。扇攔迦半擇迦等。爲遮彼受近事戒。爲不遮耶。答不遮。彼受近事律儀。然遮彼性。不遮承事二出家衆故。二形亦爾。男女煩惱恒俱現行。不堪親近承事二衆。故不別說。五十三云。何故扇攔半擇。雖受歸依。亦能隨護諸近事男所有學處。而不得名近事男耶。答近事男者。各能親近承事慈獨慈獨尼衆。彼雖能護所受律儀。而不應數親近承事出家二衆。出家二衆。亦復不應親近攝受若摩若觸如是種類。又亦不應如近事男而相親近。是故不得名近事男。然其受護所有學處。當知福德等無差別。故知形沒二形生時。亦不失近事戒。近住律儀亦三緣捨。一由日出已後此但引接一類初根無別一法遮礙戒故。若心期滿設期多日。何義不得。故知但是佛教施設化初根也。二由發起不同分心。三捨衆同分。無犯重捨及形沒二形生。義如前說。無斷善捨者。此有二說。一云理應四緣。此中起不同分心攝二種捨。一起棄捨心。棄捨心者起不持想不同慈獨一向作法。二斷善根。以近事戒無日出捨。近住即有故。合二種俱名起不同分心。隱顯彰彰亦無過失。如先已起邪見方便。而猶未斷。今日受戒即便斷善。故信應有四。而此說爲三。二云但

有三緣。以一日夜時極促故。不假別起斷善方便。故無此捨。先起方便不能受戒。中下品心設受不得。必上品心方發戒故。上品邪見方斷善故。其菩薩戒。第四十說二緣故捨。一者棄捨無上正等菩提大願。二者現行上品纏。犯他勝處法。決擇分第七十五說。又捨因緣略有四緣。一決定發起不同分心作休捨意。二於有識別丈夫前。故意發起棄捨語言。發言對捨。三總別毀犯四種他勝處法。起根本罪。四若以上品纏總別毀犯隨順四種他勝處法。犯隨順罪。又云。此三種戒。由律儀戒之所攝持。令其和合。若能於此精熟守護。亦能護餘。若此不能餘亦不能。是故若有毀律儀戒名毀一切菩薩律儀。故犯四重。及犯隨順。即失戒者。皆犯律儀。律儀戒者是根本故。若有不捨。當知餘生亦得隨轉。其菩薩地退菩提心。即攝決擇四中初二上品纏犯即攝後二。但上品纏犯四根本及隨順四。皆失戒也。其斷善根起不同分心中所攝。所以不論。又退菩提心前已失戒故。斷善時更不說捨。決擇分云。此菩薩戒若有不捨。當知餘生亦得隨轉。第四十云。若諸菩薩。雖復轉身遍十方世界。在在生處不捨菩薩淨戒律儀。由是菩薩不捨菩提大願。亦不現行上品纏犯故。雖轉餘生忘失本念。值遇善友還得覺悟菩薩戒念。雖數重受而非新受。亦不新得。以受願心盡未來故。心寬漫故。餘皆不得心願狹故。設作寬心

勢亦不得準此慈獨近事近住今生未捨重受亦得非爲新得四十一說若上纏犯他勝處法失戒律儀發露悔滅應當更受發露之法如中纏犯若中纏犯他勝處法應對於三或過是數於語表義能覺能受小乘大乘補特伽羅發露悔滅除惡作法乃至廣說若下品纏犯他勝處及餘違犯應對於一如前德者發露除悔若無此德可對發露應淨意樂起自誓心我當決定防護當來終不重犯如是於犯還出還淨其不犯者狂亂苦逼作重罪者不名爲犯準此近事近住二類犯戒不捨應對有德能開受者或自誓言發露自誓還出其罪還淨其戒四他勝處及隨順法如新所譚彌勒所造菩薩戒等中說無形二形不違受戒攝受廣故亦不說捨準此等理菩薩戒中慈獨等戒命終二形日出等時皆不捨也心寬漫故別受不得靜慮律儀四緣故捨一止息捨謂出彼定起異分心隨心戒故二不行捨謂易地捨從下上地生上下地時三失用捨四永無捨入無餘涅槃一切皆捨永不成就退靜慮等更不成故無漏律儀有五緣捨一止息捨謂出彼心起異分心隨心轉故二暫無捨謂退故捨靜解脫及身證者退現法樂住滅盡定等生下地等時非退聖果起諸煩惱上二名暫捨今身還引現前三得果捨對法第十四說於諸現觀位證得後勝品道時捨前所得下劣品道如證得此果所攝道時即捨此向

所攝道以不復現前故四緣捨捨決擇五十七說幾補特伽羅有練根耶答一切有學及無學五退思讓住堪達種姓非諸獨覺亦非菩薩性利根故對法第十四云若諸菩薩性是利根云何復令修練根耶謂令依利更根引利中根依利中根復引上利根故彼自會云前說菩薩性是利根而後復說於時時中應修練根者由於自種類復有要等三品後復相引說名練根不爾利根應唯一品五十七說不動獨覺不練根者不進自乘菩薩不練者不進他乘非不動法及獨覺不進他乘亦非菩薩不進自乘五十七云預流練根亦得一來一來練根不得還對治難得所得大故不還練根但進離欲不得無學如前應知有五義故須練一少善不具二爲引勝定三爲植多聞力四爲植論議決擇力五爲植觀察甚深法忍力故須練根故除得果亦有練根捨道共戒五入無餘涅槃一切永捨下之三捨種更不成就雖知四緣說靜慮捨雖復五緣說無漏捨總類一緣謂起異心一切皆捨由現行思是無表故故於諸緣前方便中已說捨故今說種類於現續生故說四緣五緣故捨不律儀戒雖無正文由四緣捨一暫顯捨於佛等處自邀期願永不復作如捨律儀捨彼思故二受戒捨若受出家及近事戒一切永捨若受近住戒作永捨思亦復永捨若心勢捨過於明且捨近住戒已還復相續由彼惡

思不永捨故三得定捨諸定道戒性違惡故四命終捨過期思故有說形沒二形生亦捨所依變故有說不然許此二種不捨律儀受得律儀況不律儀唯惡意樂彼器亦爾故無此捨五十三云當知此人乃至不律儀思未捨已來常得說名不律儀者於日分彼不善思廣積集故彼不善業多現行故當知非福運運增長故知如前四捨爲善有說無有暫顯捨如不服藥病終難愈故要受戒得定命終此亦不然其思捨故如捨律儀故前說善處中無表若立有者此無正文依俱舍論第十五說六緣故捨一受心斷壞故捨謂捨所受作是念言我從今時棄先所受二勢力斷壞謂由淨信煩惱勢力限勢斷壞如所放箭陶家輪等勢盡便斷三作業斷壞謂如所受後更不作四事物斷壞謂所捨施四事什物置網等事五壽命斷壞謂所依止有轉易故六善根斷壞謂起加行斷善根時便捨善根所引無表十善業道表與無表支類雖殊多分說與近事戒同然於捨中加期限滿或一日夜等時分長短期限滿故即便棄捨

第六依地有無者善身語律儀表唯欲色二界欲界初定有尋伺故能發身語表意表通三界有義身表通上三定尋伺不是身之因故出入二息身之因故業通四禪何不許有其無漏身語表或通四定不爾頓悟八地以去菩薩及佛但居第四定應

無身語善。如鼻舌識有漏上地無。無漏即言。有。身語業應爾。不善二表唯欲界。處中善表身語通二界。意地表通九地。律儀無表中別脫無表。可依欲色二界依身得。既許色界迴趣大乘。豈彼世尊無別脫戒。此別脫戒若善薩時雖復依彼。定是無漏。依色界身。準此無有。有漏別脫。處舍那佛化十八梵天等。俱能解語。皆悉受持菩薩戒法。亦得別脫。不得別受別脫之戒。別受別脫除諸聖者。上界依身心非極厭。由此不得。既許鬼畜得別脫戒。色天許得於理何違。既許欲天有住梵行。亦有欲天得別脫戒。畜生鬼趣得受五八戒。但非彼性。如扇搥半擇迦。故有別脫非菩薩戒。地獄無由得別脫戒。菩薩戒勝可攝於彼。或彼亦得五八戒戒。地獄菩薩等與其受戒。瑜伽但遮意樂及俱形損受。近事戒。不遮畜生等。故。由此亦顯欲天得五八戒。於理無違。然非有漏出家之戒。於理無違。靜慮律儀。通色界九地無色八地。唯初未至離欲界欲。或。小分或全分是斷對治。損伏。於彼發起犯戒煩惱種子。故。第九解脫道入根本初定。可是持對治。已上皆是遠分對治。瑜伽第九云。律儀所攝業。或靜慮等至果斷律儀所攝。等至即是四無色定。不爾靜慮色定已周。何須等至。果斷即是此二律儀斷犯戒非。定生果故。對法第八及五十三唯說四靜慮。尚不說四等至。何況無色。對法第八。卷會云。由無色界離色無故。略不

建立色戒律儀。由此故知。無色亦有靜慮律儀。此但所防假名為色。何必要藉有所依身。故以根本及以方便中間。皆有能伏欲界犯戒非失。法爾靜慮皆能伏非。非唯色界有此律儀。由此不同薩婆多義。無漏律儀。通於十地。色六無色四。有無漏道故。若見道斷對治。色界五地中間靜慮無見道。餘皆持遠分。若修道斷對治。有義唯色六地。望欲界有斷對治。非無色地。無色地遠不斷欲界非故。唯遠分性。有義修道對治。亦通下三無色。許超初果取第四果。何廢依彼。雖知論文引指端分別。於理依初未至得第四果。且據多分決定能故。不據容有。故亦無爽。非想地者。唯遠分非斷義。生三界身一切容起。其不律儀無表。唯依欲界身地所繫。唯不善故。三天下人非北州有。六天鬼畜一切亦無。無惡意樂發活命故。天及惡趣可有善意樂持禁戒故。惡心非勝。善心勝故。處中即通三界依身。及起身語色者。欲色界二地而有。意表等及無漏者通三界依身。上地皆有。除律儀善外皆處中故。

第七何大。所造者。準顯揚論云。律儀色依不現行法建立。立色性。不律儀色依現行法建立。立色性。此意總說。表與無表律儀。皆依所防身語以假名。色。即顯三界別脫。定戒無漏色等。皆是能造。欲界所防造惡身語四大所造。設佛身無漏無表無色定共。亦以過去欲界四大所造。既假疎遠名色。亦假疎遠名造。故不以所發名。色。亦不以名造。以不定故。未必有所發身語故。其身語二表義亦通以所發名。色。即所發色大種所造。故唯識云。謂此或依發勝身語。善惡思種增長位立。雖知散無表現行亦發身語。顯揚簡別定道不以所發名。色。故不相違。又彼唯約律儀。此通律不律。又彼律儀決定所造。此說不定。亦有所發身語故名。色名。造。彼唯無表。此通表無表。彼依一切律儀。此唯別脫及不律儀故。其不律儀定有表故。從所發現行假名為色。假名。彼大造。其仙人意嫌殺。一國人。小乘必有表鬼神知。仙人身語相。故為殺。大乘唯意表業發。殺生無表。如何說所發名。色名。造耶。若不爾者。二十唯識云。意謂為大罪。此復云何成。此義相違。今解。雖不用身業。亦有能殺具。此為色故。亦有所發色。或彼論意。由先意業引大罪成。非行殺時無身語表。動身發語必有相故。前解為善。順論文故。又仙人意嫌殺非不律儀。故無身語。亦不相違。處中無表隨其善惡。準此二說。

第八應成差別者。於中有二。一資所成。二師所成。先明資者。瑜伽五十三說問慈弼律儀由幾因緣雖樂受戒而不應授耶答略由六因不應為授。出家五眾併在其中。一。意樂損害。二。依止損害。三。男形損害。四。白法損害。五。繫屬於他。六。為護他故。若有為王之所逼錄。或為強賊之所逼錄。或為



債主之所逼迫或由怖畏之所逼迫或畏不活彼如是思我處居家難可存活是諸苾芻活命甚易我今應往苾芻衆中詐現自身與彼同法易當活命彼由如是詭詐意樂既出家已雖懷恐怖守護奉行隨一學處勿諸苾芻與我同止知我犯戒便當驅擯然彼意樂被損害故不名出家受具足戒如是名為意樂損害若復有人作如是思我處居家難可活命要當出家方易存濟如諸苾芻所修梵行我亦如是乃至命終常修梵行如是出家者不名意樂損害雖非純淨非不說名出家受具依止損害者若有身帶癰腫白癩癩狂大小便道合等疾如遮法中所說病狀如是名為依止損害由彼如是無力能故所受師長同梵行者供事之業及受純信施主衣服飲食等淨信施物此之二種淨信所施彼極難消不應受用令彼退減諸善法故是故依止被損害者不應出家受具足戒男形損害者若扇撲迦及半擇迦名男形損害又半擇迦略有二種一全分半擇迦二分半擇迦三損害半擇迦若有生便不成男根是名全分半擇迦若有半月起男勢用或有被他於已爲過或復見他行非梵行男勢方起是名一分半擇迦若被刀等之所損害或爲病藥若火呪等之所損害先得男根今被斷壞既斷壞已男勢不轉是名損害半擇迦初半擇迦名半擇迦亦名扇撲迦第二唯半擇迦非扇撲迦第三若

不被他於已爲過唯扇撲迦非半擇迦若有被他於已爲過名半擇迦亦名扇撲迦四白法損害者若造無間業汚苾芻尼外道賊住若別異住若不共住是名白法損害不應爲受具足戒所以者何彼由上品無慚無愧極垢染法令慚愧等所有白法極成劣薄五繫屬於他者若諸王臣若王所惡若有造作王不宜業若被債主之所拘執若他僕隸若他劫引若他所得若有諍訟若爲父母所不開許是名繫屬於他不應爲受具足戒六隨護他心者若變化者爲護他心故不應爲受具足戒所以者何或有龍等爲受法故自化已身爲苾芻像求受具足戒若便爲彼受具足戒者彼睡眠時便復本形既睡悟已作苾芻像彼假相苾芻若守園者若近事男率爾往趣見彼身形如是變已便於一切真苾芻所起憎惡心謂諸苾芻皆非人類誰能敬事施彼衣食勿令他人得此惡見是故爲隨護他心不應爲彼受具足戒其近事戒由二因故不得爲受一意樂損害故二男形損害故若意樂損害者當知一切不應爲受若男形損害者或有爲受然不得說名近事男不說因緣前已具辨若近住戒當知唯由意樂損害不應爲受何以故或有隨他轉故或有爲得財利恭敬詐稱欲受近住律儀然彼實無求受意樂當知是名意樂損害若無如上所說不應受因緣應受如前所受律儀第二明師又除闕

減能作羯磨阿遮利耶鄒波陀耶住清淨戒圓滿僧衆定道得緣者經中說尸羅不清淨三昧不現前由此故知須持淨戒由持戒故無悔無悔故心安心安故得定得定故起聖道起聖道故依俱時思立定道戒問不律儀律儀更無別緣耶答由無慚愧故廣犯諸戒造諸惡業故名不律儀更無別緣也第九先得後捨者瑜伽第一百卷說苾芻轉爲尼尼轉爲苾芻即更在得戒更不須重受戒也乃至沙彌沙彌尼等戒式又摩那爲男子即是沙彌也更不須重受也沙彌轉爲女子更須受六法六法者即於已前上更加一也若別解脫漸受頓受始從五戒次第受苾芻戒若從五戒更受十戒時但增其緣令戒增明更不別重發戒體也唯依舊身三語一也但遮其遮戒乃至十戒受大苾芻戒唯增於語三不別得前四支也若堅爲言定漸受得非頓也若橫而語即頓非漸也以四支七支皆頓得故若捨之時亦有頓漸也若鄒波素迦亦有漸頓二受如對法云有少分多分全分優婆塞也其捨者且如十戒與六法戒後捨六法時爲但捨六法四支爲亦捨十戒中四支又尼五百戒後捨時爲但捨三支四支不捨爲七總捨耶解云六法捨時已捨十四支以體無別故尼捨七支時有二解一云捨三不捨四以不異前四支故二云總捨七支以受時別

故

第十問答分別者。問定道二戒隨心法。能感異熟不。若能感者。此是現行。如何能招異熟耶。若取種子者。即非隨心戒故。解云。能招異熟果。現行不能。招種子能感。以是定道家類。亦名隨心轉也。問仙人意嫌無表生不。若生者元無身語。如何言生。若不生者豈有無表不依表生耶。解云有二。一云當時亦有表業。于時動唇口故。鬼神等知仙人之意。天雨石也。二云不爾。且如五逆業中破僧爲重。五見之中邪見爲重。三罰業中意業爲重也。若如前說即是身業爲重也。但由仙人福德力故。令諸鬼等折其纖也。若如此者元無身語色。何得發無表耶。解云。亦有所發色。雨石等天色也。問何故必獨戒前。但立動策一。尼戒前即正學及動策女二耶。答由彼女人多有煩惱。受動策戒已更受正學。二年陶練身心。於中住持受樂。然後可受五百戒。問何故動策戒中離說。及不捉金銀生像。近住等戒何不亦然耶。答出家之人於二種處極非淨妙。一者墮貪欲樂。好戲戲身。二者多畜財寶爲斷初非淨妙故。受遠離歌舞伎樂及非時食。爲斷第二非淨妙故。受遠離執受金銀。由彼金銀諸寶中最勝根本故。問何故動策戒中。歌舞作倡香油塗身開爲二。近住戒中合爲一耶。答於在家者非爲過重。於出家者極生譏毀爲息譏嫌故分二也。問通受菩薩戒。攝一切戒盡。其定道

戒亦在其中。菩薩若起貪心。如何得名隨心轉戒耶。答以身中有種子故。又當可成故。亦得言通受名隨心轉戒也。問且如因中破戒。後時更能感異熟果不耶。若言能感。戒已破訖。如何能感。若不感者。如何得言由持戒故能生天耶。答亦言犯戒者。不損種之體。但損功能。更不倍倍而增有防非力。故名犯也。非無舊時種子功能在故。能感異熟也。問意中既有善惡律儀。爲並發無表不耶。答有二解。一云善中有無表。以菩薩發心極弘廣故。惡即不能。二云惡亦有無表。且如仙人意嫌殺三國衆生。最爲重故也。問既言依身之表名身表者。且如化人發身表業時。既無實身。如何得名身表業耶。答表現是假身。於理何妨。問定共戒等既是現行。剎那即滅。爲能感不。若不能感。如何得言有深定共戒能感異熟。答取種子能感也。若爾如何名隨心戒。答是彼種類故也。問菩薩地云。七衆所受爲菩薩律儀。出家之戒。何故菩薩二形生及捨衆同分時。猶即不捨同聲聞耶。答菩薩受戒其心寬漫。增上猛利。故二形生及命終時必定不捨。以能隨類而化生故。若別受者即捨也。通受之者其義不。然。問仙人意嫌但是意業。何故有處說。言仙人動唇口身。此乃名身語表耶。答此是小乘之義。非大乘也。大乘但由心故。令鬼等雨石。此無表色亦可得言不從表生也。問然十業道體即是思。約彼所發所防。即

假名色。大乘既無身語。但是一思所發所防。唯全是意。如何得言。約彼空中雨石。而名無表色也。約三界九地六趣四洲。而差別者。表中意表通三界。身語通色界。若約定所生色及廣慧聲聞身語表色。亦通無色。若據業果及唯凡夫。如前分別。無表如前准知。九地分別者。意表通九地。語表唯初禪。身表通五地。若約佛及菩薩。身語二表俱通五地。定道俱通三界九地思言。六趣者。別解脫唯人趣。菩薩戒通六趣。五八戒雖得通。而不戒戒性。定道唯人天二趣。有餘暇故。表無表准知之。四洲別脫。五八在三天下。菩薩通四洲。表無表准知。定道亦在三天下。問定及無漏性能遮惡。如何不取定及無漏慧。爲表無表體耶。答若得定及無漏心。俱有相應思。二俱除惡。以思是業體故。但依思者乎。問如諸如來先因位中已具別脫。如何成佛已言自然得戒。答有二釋。一云依隨轉門。化相而說。理實如來別脫過去久遠已成。二云得勝捨劣。所成勝戒不從師等。說自然得。亦不違理。問如加行善心受得戒。後斷善根。何時捨耶。答一解云。與加行善同時而捨。得捨相翻不違理故。二云雖由邪見斷加行善。爾時但令戒漸微贏。由未名捨。與生得善同時而捨。隨善根盡方名捨故。前解應勝。

大乘法苑義林章卷第三

寬文十二年壬子十月日

令修補了

清淨法印

# 大乘法苑義林章卷第四

歸敬章

基撰

能敬相以六門分別。一諸教不同。二釋名差別。三出體性。四明敬意。五敬禮歸依二種差別。六諸門辨。

一諸教不同者。有唯身敬非語意。俱舍論云。稽首接足故言敬禮。以已頭首至於地中而接彼足故名敬禮。虔仰深故。以身比語身重語輕。舉重投誠明輕可發。身由意起不說自成。故唯身敬。或唯語敬非身意。說無垢稱經云。長者實性。以頌讚曰。久積無邊清淨業。獲得廣大勝名聞。故我稽首大沙門。開導希夷寂路者。初雖身禮後但以言。故名語敬。非身意攝。無唯意敬非身語文。但標令他知。必形聲色故。亦有解云。法華經言。以深心念佛修持淨戒。故即是意敬。或唯身語非意敬。雜集叙云。敬禮如是大覺尊。無等妙法真聖衆。彼論釋言。今此頌中。無倒稱讚最勝功德敬申頂禮。其意業者即能發思。不說自成。但舉身語或唯身。意非語敬。雜心云。起善心轉愛果。舉體敬禮也。舉重身業本由意轉。其語業者影亦爲敬。有唯語意非身敬。勝鬘經云。咸以清淨心。嘆佛實功德。如來妙

色身。乃至敬禮難思議。雖前已身禮。今讚歎時唯語意故。或三業俱敬。天親攝論序云。故我至誠身語思。頻修無倒歸命禮。顯揚亦云。我今至誠先讚禮。至誠意業語讚身禮。故通三業。

二釋名差別者。依俗釋云。稽者至也。首者頭也。以首至地故名稽首。此即跪拜頭至地故。即俱舍云。稽首接足故言敬禮。屈已所尊之首。接彼所卑之足。故言稽首。俱舍意以身業稽首之別名禮。即是三業敬禮之通稱。離心亦爾。舉體敬禮。亦稽首故。言叩頭者。以手至首故言叩頭。言敬禮者。虔恭曰敬。軌儀稱禮。諦發殷誠。屈儀褒讚。申虔恭之道。標敬禮之名。又起殷淨心策殊勝業。申誠歸仰故名敬禮。即通三業。諸教或云稽首者。稽身業之稽首。申三業之敬禮。體唯一物。未可依俗。古云南牟。即是敬禮。應言納慕或納莫。故不別釋。歸依者。歸敬依投之義。非此所明。若云伴談。或云伴題。此云稽首。亦云禮拜。亦非敬禮。說名和南。

三出體者。體即三業。合有三思謂審慮思。決定思動發勝思。動發勝思正發身語。身語業體前之二思。意業之體雖通三性。今取善思爲能敬體。大乘身語除佛果中體唯無記故。二業體唯取發思。又有釋言。體唯慚愧。崇重賢善名慚。輕拒暴惡是愧。今取前解。色行二蘊而爲自性。身語是色蘊。意業行蘊故。發身語色思與色名。作動於

意故名意業。二蘊攝也。隨其所應亦通種子。身語二業無表色故。分位亦通色處聲處。

四明敬意者。瞿波論師二十唯識釋云。欲顯大師有天眼故以身業禮。有天眼故以語業禮。有他心故以意業禮。如律中說。若在明處以身業禮。以可見故在闇去近以語業禮。以可聞故。在闇復遠以意業禮。不可見聞故。又顯敬禮者三輪因。故身業禮者神變輪因。語業禮者記說輪因。意業禮者教誡輪因。又亦即是神境他心漏盡通因。又顯發生三業滿善。善三業者。總攝一切業道盡故。又須憑力假大威神。若敬不圓。憑威不盡。

五敬禮歸依二種差別者。略有七釋。一歸依據重。但唯身語。敬禮通輕。該心及色。通三業故。二歸依境廣。必具歸而成業敬禮或寬。縱偏依而辦事。具歸三寶方是歸依。但敬一尊即是敬禮。三歸依有其限齊。發言必終未來。敬禮但約投誠措想。由其永暫。故歸依言。願從今身盡未來際。諸敬禮者。舉心虔仰。即是敬禮。四歸依情懇。帶無表。以爲歸依。敬禮心通。或唯表而爲體。歸依必有表與無表。但有善表即成敬禮故。五歸依義重。必合身語。敬禮通輕。唯一即是。六歸依帶相。唯在欲色。敬禮義通。亦遍無色。七歸依義勝。觀真理而亦成。敬禮通微重賢善而兼是。澄淨是信。歸敬是業。體性懸別。不勞對辨。

六諸門辨者。略有十二門。瑜伽六十四說。一由於五處觀。察所歸乃可歸依。一身業淨。二語業淨。三意業淨。四於有情起大悲。五成就無上法。二歸依有幾。答有三。謂佛法。僧。三有四緣故。但有爾所不減不增。一由如來性極調善故。二於一切種所調能調善方便故。三具大悲故。四財供養未將為喜正行供養生歡喜故。由如是故彼所立法。彼弟子衆皆可歸依四齊四緣故說能歸依。一知功德故。二知差別故。三自誓願故。四更不說有餘大師故。五當知歸依起四正行。一親近善士。二聽聞正法。三如理作意。四法隨法行。若有成就此四正行乃名歸依。復有四行。一諸根不掉。二受學處。三悲愍有情。四應時時間於三寶前勤修供養。六因果分別。歸依在因。非於佛果。佛無所歸依。故能歸依亦無勝鬘經云。聲聞辟支佛。有恐怖有歸依。依不求依。如來無恐怖無歸依。可有敬禮。梵網經中釋迦亦禮盧舍那故。法花亦言。我聞聖師子深淨微妙音。喜稱南牟佛。故有敬禮。七有無漏分別。身語唯有漏。意業通無漏。七地已前在因位故。或在因位三業俱通無漏。後得智中有敬禮故。或在佛身皆無漏故。八九地差別。語業至初禪。有尋伺故。身業至四禪。有身業故。意業通九地。有善思故。二定已上雖借語起。非善性故。非語敬禮。地前菩薩無色事者。佛邊聽法故有意表歸依即不然。不發無表故。九三性

分別。唯善性攝。崇重賢善。必慚愧俱唯善性。故生得加行二種皆得。聞思修三理亦無爽。十三科分別。體唯色行。眷屬五蘊。體唯界處。謂法界法處。若表三界處。謂色聲香味。十界者色聲七心及法界也。十一由五因緣餘諸天等皆可歸依。唯有三寶是真歸處。一由形相。謂彼諸天由不見見無交儀故。由形暴惡有怖畏故。由習放逸有貪愛故。由捨離他無悲愍故。由不了知作與不作。於真實義不通達故。如來形相由現可見有交儀故。由形怡泊無怖畏故。由無縱逸離貪愛故。由常不捨利有情事有悲愍故。由善了知作與不作。於真實義善通達故。復有五相。佛可歸依。為利有情。取善提故。由能善轉正法眼故。恩怨有情等心利故。捨家屬貪恒寂靜故。能善解釋一切疑故。二由自性。諸天漏隨。性非調善。焉能化他。如來離漏。自性調善。故能化物。三由作業。諸天受欲損害有情惡業可得。佛住靜慮能利有情善業可得。四由法爾。謂諸世間及出世間吉祥盛事。無不皆依自功力得。若無功力難事諸天亦不能得。故雖不事天。但自作功力必能得之。佛則不爾。有大威神能為善友方便勸他。令自修習便獲盛事。五由因果。雖彼天身由天業得。為由供養諸天故得。為無因得。皆有過失。如彼論說。十二受歸依者獲四功德。一獲廣大福。二獲大歡喜。

三獲三摩地。四獲大清淨。復獲四德。一大護圓滿。由歸三寶十方聖衆皆擁護之。令無障礙。二於一切種邪信解障皆得輕微。或永滅盡。三得入聰敏正行正至善大衆中。所謂大師同梵行者。四為於聖教淨信諸天歡喜愛念。唱如是言。我等成就三歸依故。從彼處沒來生此間。是諸人等今既成就。多住歸依。亦當來我衆同分中。顯揚第六說亦同。此雖有少別。大義無異。此等義門或有誠教。或以義准未見前傳。諸廣學者詳而正之。

#### 四食章

四食。合以五門分別。一辨名。二出體。三顯相。四廢立。五諸門。  
第一辨名有二。初列後釋。此等廣如瑜伽第五十七六十六九十四顯揚第一。對法第五。兩本攝論俱第三第十。成唯識第四說。初列名者。五十七等說。如經言有四種食。皆能長養諸根大種。云何四食。云何長養諸根大種。答段食。觸食。意思食。識食。乃至廣說後釋名者。釋總名云。六十六說。任持有情令不壞故。成唯識云。此四能持有情身命。令不斷壞。故名爲食。四是數名。即帶數釋。釋別名云。段者分段。分分受之能持身命。段即是食。持業釋也。舊云。圓者可持可握。立爲圓食。此義全非。圓字非持。非水飲等可持。圓圓云何名圓。故應名段。觸謂觸對。令心心所同觸於境。立以觸名。觸即是食。亦持業釋。意思食者。意謂意處。所依心

名。思謂造作相應心所。意相應思名曰意思。隣近釋也。依意之思。即依主釋。意思即食。亦持業釋。識謂了別。識即是食。亦持業名。

第二出體性者。六十六云。段食當言香味。觸處所攝。成唯識言。謂欲界繫香味觸三。此言意顯唯欲界繫香味。於變壞時。有資養者說名為食。非下一切及上觸等。九十四云。諸有漏觸能與喜樂為食。唯識亦言。謂有漏觸總取境時。攝受喜樂及順益拾能為食事。此言意顯。三界有漏八識俱攝。益喜樂及順益拾。攝益身者是觸食體。若引苦憂非順益拾。觸體非食。非資益故。故唯識言。此觸雖與諸識相應。屬六識者。食義偏勝。即彰觸食通八識俱。密會天親攝論第三。云。此中觸食屬六識身。觸能顯境資養勝故。不取餘觸。有義唯取六識俱觸以為食體。論觸雖通八識俱轉。為食體者。唯六識俱。七八俱觸全無引生喜樂。二受及順捨故。八俱之捨一切地時行相同故。前解不然。非要觸能引自俱生喜樂受等方名為食。引餘識俱喜樂等起攝。益身者。一切皆是。由第八等觸勝自境引生六識俱時喜等。故亦是食。然准諸文第二解勝。但言攝益喜等為食。非七八故。成唯識言。思食謂有漏思。與欲俱轉。又言。此思雖與諸識相應。屬意識者。食義偏勝。此意正顯。三界有漏八識俱思。希可愛境攝。益身者皆思食體。密會五十七及天親攝

論。云。緣未來境攝益於識名為思食。意思於境希望勝故。由此九十四云。若在有意地。能會境思名。意會思。能與一切於可愛境。專注希望為食。復有義者。六識俱思諸有漏者。希境益身皆思食體。七八不然。無行相故。諸處但說與意俱者。通緣未來。彼最勝故。亦有希望現境思故。許通五識。唯識所言諸識相應。顯思體俱。食唯六俱。有義思食唯第六俱。諸處但說緣未來故。五識緣現。觸力增長非思食。故唯識說。思體通諸識。成食義者。唯第六俱。故世親說。意思食者是能希望。由希望故。饒益所依。如遠見水雖渴不死。以眼為門。意希望故。非五識有希未來故。此雖三解第二解勝。五識於境有微細思。可希望故。不爾五識應無欲俱。准此第三乃同唯識不許別境與五俱義。故知正者第二師勝。成唯識云。識食謂有漏識。此識雖通諸識自體。而第八識食義偏勝。此顯識食取通三界有漏八識。正能執受唯第八識。一類相續執持勝故。攝論唯識皆取第八。實通八識。然瑜伽等但總言識。不別說是第八。唯攝論及唯識取第八故。雖知八識皆可名食。非一切識皆立食名。取有漏位第八識全。恒執持故。五十七說。由三養識。識復長養諸根大種故立為食。故知諸識非資養者。皆非食攝。如觸思等。下第三門。辨相之中。四句分別方應了知。然第七識有漏。皆是由與本識為俱。有依能執持故。即七八全六識少分。

或除第七非資養故。由此集論第三卷說。三蘊五處十一界一分攝。段食是色蘊。思觸是行蘊。八識是識蘊。五處者謂香味觸三。法意二處。十一界者。香味觸法及七心界。除無漏四。非資養故。言一分也。即非一切香味觸三皆是食體。非資養故。五十七言。能長養者名食。與此相違非是食。故如段食。餘食亦爾。

第三顯相者。此等四種。云何長養諸根大種。以成食相。此所長養者。五十七說。謂五色根及意根。并根所依所有大種。若諸段食。能攝益識令其強盛。由此長養諸根大種。亦令強盛。觸能攝受若喜若樂若捨一分。由此益識。識復長養諸根大種。意思為證勝境界故。依止方便。起染不染。希望喜根。緣未來境。攝益於識。由此長養諸根大種。此文即顯喜俱之思名為思食。樂俱捨俱之思非也。此義不然。據勝緣境且言喜俱。樂俱捨俱其思。就是不爾。上界三四定上應無思食。便違聖教。如是三種攝益其識。由體增盛及緣現在未來生故。亦緣過去。此義且依順觸思故。略而不論。識由三食之所資持。能與後後為增盛因。令彼得生。故說識與意根為食。九十四說。有四種法。於現法中最能長養諸根大種。一者氣力。二者喜樂。三者於可愛事專注希冀。四者前三之所依止諸根大種。并壽與煖安住不壞。段食能與氣力為食。由氣力故。便能長養諸根大種。氣即風大。力者即

是觸處力觸。由段食故長被氣力。長根大等。五十七說。段食長識令其強盛。方養根。大據通所資別資氣力。此中下三。九十四說別資亦爾。五十七中說通資故。亦不相違。成唯識中。段識二食據通別資。文不違故。觸思但據別所資說。用勝顯故亦不相違。九十四云。能順樂受諸有漏觸。能與喜樂為食。略無順益捨故。由此便能長養根大。若能會境思能與一切。於可愛境專注希冀為食。即定俱欲據勝者故。設非定俱希冀。亦是由希冀故便長根大。由能執受根大識故。令彼根大壽煥與識不離於身為因而住。是故說識為彼住因。由彼住故。氣力喜樂專注希冀。依彼而轉。彼九十四第二復次又云。由段食故而有氣力。有氣力故根大增長。由是諸有顯。慧身命。一切愚夫為此義故有所追求。追求之時造作種種新善惡業。及諸煩惱亦令增長。觸思亦爾。由此三門能集後有業煩惱識。此於現法由業煩惱所隨逐故。成其有取。復能攝受當來後有諸根大等復得增長。由此四種。各有通別現在當來所長養法。然此段食。雖長諸識或長氣力。六十六說。若正消變便能長養。不正消變乃為損減。若諸段物於吞咽時。令心歡悅諸根悅豫。當於爾時不名段食。但名觸食。是觸之境。觸勝境故。非以三處即觸食體。以三所生歡悅之觸是觸食故。若受用已。安隱消變增長喜樂。於消變時乃名段食。若

雖熱變不能長養諸根安樂。不名段食。若吞咽時不生歡喜。亦不能令諸根悅豫。當於爾時都不名食。要彼後時安隱熱變增長喜樂方名食故。五十七說。或有段物。於受用時暫為損害。於變壞時方能攝益。如苦辛等。或有段物。於受用時暫為攝益。於變壞時乃為損害。如有甘美食所不於變壞時方立為食。論唯二句。故應更加。初後俱損如毒藥等。初後俱益如食所宜甘美飯食。四句中初第四名食。餘二句非。由此應作四句分別。六十六云。或有段物而非是食。謂諸段物不能長養諸根大種。或有是食而非段物。謂觸思識能令諸根大種長養。或有是食亦是段物。謂有段物能令諸根大種長養。或非段物亦非是食。謂觸思識不能長養諸根大種。如是所餘觸思識三。隨其所應四句亦爾。欲令本義得明淨故皆應分別。或有是觸而非是食。謂順苦憂一分捨觸。或有是食而非是觸。謂段思識三能長諸根大種者是。或有是觸而亦是食。謂觸攝益喜樂二受及一分捨益根大等。或非是觸而亦非食。謂段思識三非食者是。或有是思而非是食。謂緣過去及現末世不能攝益諸根大者。或是食非是思。謂餘三食。或有是思亦是食。謂思與欲俱緣未來世益根大者。等四句者。謂餘三非食。或有識而非食。謂非三所資識不能長根大者。或是食而非識。謂餘三食。第三句者。前三所資識能益根大者。是

第四句。謂前三非食者是。由此四種各有四句。故對法論第五卷言。謂變壞故有變壞者。有境界故有境界者。有希望故有希望者。有取故有取者。取謂取境。或是有取。有漏異名。以一一中有是非故得成此義。如是總名成食之相。

第四廢立者。有四種法。於現法中最能長養諸根大種。一氣力。二喜樂。三於可愛境專注希冀。四即三所依止諸根大種及壽并煥安住不壞。如其次第當知別用四法為食。一段二觸。三思。四識。由別所資長根大法唯有四故。食唯立四不減不增。餘於此四無勝能故。又由追求三食等故生業煩惱。生後有識故唯立四。餘法不然。又五十七云。何故建立此四為食。以多分故。六十六說。四是諸行住多分因緣。有情多分以四為資。故非增減。又易覺知故。此四相顯易可了知。六十六說。嬰兒等類亦能知故。又於日日分易資養故。此四日日易可資身。餘法不能數數資養故。又於念住中易趣入故。六十六說。令易入道能修身等四種念住。謂一切有情食所住故。由段食故能修身念住。由觸食故能修受念住。由識食故能修心念住。由思食故能修法念住。思是諸行法之主故。食為彼因故易入道。食唯四種。又六十六說。有七因緣住持諸行令住不壞。何故世尊但說四食。何等為七。一生。無無生而住故。二命根。三食。四心自在通。五因緣和合由緣未盡

善等法住。六作意。由發先業。能奉諸行。令不絕故。七無障礙。即所遠離。遠敗境法。彼自答云。此有五因。一易了知故。二能令羸瘦諸根大種得增益故。三又令疾病得除愈故。四又有長壽。諸有情類若不得食。非時中天故。五令易入道故。修四念住等。故唯說四不增不減。何緣復說依止命根。諸行得住。謂於是處。曾無飲食有所闕乏。非求飲食有所艱難。於彼處所。唯由命根勢力而住。如其所感壽量而住。佛依彼處說。由命住。若爾何故不說為食。五十七說。若離於食。彼終不能長養身故。其識亦爾。要三資養方得住故。此亦不然。生無色界入滅定等。識自持身。豈由三力。說由三者通一切論。非一一爾。或識由三持命等勝壽體不爾。故不為例。五十七又云。何故眠夢覺行等至。皆能長養諸根。大種而不立食。答有二種長養。一攝受別義長養。二令無損害長養。眠夢等三。於後長養。雖能長養。於前即非。是故不立。攝受別義者。即九十四說。長養現緣。謂氣力等。四食於彼別能攝受總能益識。餘法不爾。不應為食。若爾何故觸思識三非長養耶。若唯不損名為長養。如何得有處寬遍耶。此上總是總廢立已。何故五根及色聲二。非食攝也。五根亦能資五識身成明昧故。觀色聽聲亦長養故。若資四法者可立為食。彼無此用。故根由其識所資長養。識能養勝。非根於識故不說之。以段食用變壞時增

於色聲不爾。然五十七及唯識云。色於變壞無損益故。由於自根既無損益。他根亦無故不立也。又色龜著聲體虛疎。離根有用。亦不能資氣力強勝。故不立食。勝定果色雖具五塵。全非是食。然由聖力三處可成食。如香積飯可為食故。有義不然。彼實三處。非法處故。然有聖者定通力變令資益者。三識所得。非法處故。此亦不然。豈要三識得方名為食。但是後變時能資氣力。令識明盛。非要識得。故勝定果三處名食。以本識得能資養故。其假法處色非食。義亦成。無體用故。如不相應。何故受想不名為食。受由觸資方益於識。猶如氣力。故不立食。想用微味於四無能。不如觸思。故亦不立。雖亦由愛追求四食。非近資長。業等亦爾。故不說為食。餘心所法皆不及觸思。觸遍諸心。順生三受。思能希望。造作之主。故餘皆非。無漏無為皆破壞有故。有漏四方立食名。

第五諸門者。於中有五。一三界。二五趣。三三性攝。四因果別。五問答。第一三界者。顯揚第一。瑜伽第五。唯識等皆言。由觸思識三種食故。一切三界有情安住。段食一種唯令欲界有情安住。欲界有眠及姪欲故。必資段食。餘界不爾。此依散境定境通三界。至下當知。第二五趣者。瑜伽第六十六云。若魚段食。於欲界五趣中皆現可得。此於一分各別那落迦。非大那落迦。餘食通三分中皆現可得。瑜伽第五云。於那落迦受生有情。有微細段食。謂麤穢間風。由此因緣彼得久住。鬼傍生人天有麤段食。謂作分段而食。噉之說之為食。地獄風不爾。故名為細。復有微細食。謂住羯邏藍等位有情。及欲界諸天。由彼食已所有段食。流入一切身分支節。尋即消化無有便穢。然五十七云。那落迦中無有段食。定地諸天亦復如是。諸那落迦雖有廣大諸根大種損害因緣。而不能死者。彼卷次文自會之云。然彼亦有諸微細風。隨入身分以之為食。難可了知。是故不說。故不相違。即顯四食遍五趣也。第三三性攝者。段食唯無記。散位三境其性定故。能造所造本性定故。法處三境若為食者。自識所變第八識境亦無記故。若依意境遠資長故。色無色繫是有漏者。是善性攝。若無漏者親非資有。究竟為損。破裂有故近可為食。義稍難知。此應思審其觸思識通三性有。若取勝識食唯無記性。即第八故。然通定散。定位思觸識皆能攝益故。第四因果別者。對法第五云。有四差別。一不淨依止住食。謂欲界異生由具縛故。攝論世親第十但言具縛。對法為勝。依有現種名具縛故。二淨不淨依止住食。謂有學及色無色異生有餘縛故。攝論言有學。雖同對法。異生中云。若生色無色界。此義便狹。唯明三食非說段故。在下離欲攝不盡故。三清淨依止住食。謂阿羅漢解脫一切縛故。攝論文同。四示現依止住食。謂諸佛及已證大威德菩薩。由唯



示現食力住。故攝論云。謂佛世尊示現受用段等四食。如來食時實不受食。亦不假食。因食而生。然順世間示現受食。示現假食其身安住。對法不約第四識食以明。示現故取菩薩攝論具依四皆不現。故說唯佛唯識亦因攝論所說。各望不同。不相違也。第五問答者。問若三食通三界散位。段食唯欲界者。亦有上界資下段食及餘三食耶。答有。二定以上起。初禪四識。豈非資下三耶。又段食示現可爾。即大威德菩薩等是實不資下。問下資上耶。答有。由依上定起觸觸境思妙理故。又解此非下食。但長養故。不爾定心亦應名食。非別攝益。此義不爾。定不損害觸等攝別義。所望異故。問如是四種為唯種子。亦通現行。答前三唯現行。識食通種子。九十四說。由段食等力故有氣力等。諸根大種皆得增益。由是因緣諸有願變身命。愚夫為此義故有所追求。追求之時造作新業。及增煩惱。由此段觸思三門故。能集後有業煩惱識。此於現法。由業煩惱所隨逐故。成其有取便能攝受。當來後有。此意即顯。由前三食集種子識後有增長。故知前三皆唯現行。其彼種子即後有因。為種子識。此通二世。未來唯凡非在聖者。依總果業非聖者故。問一切有情一念頃。隨所有處皆有耶。答曰不定。識食定有。餘或有無。問若許五趣皆有段食觸食等者。彼必生樂。極苦趣中攝論說有樂。彼定是樂耶。答起順益捨非喜樂

受。又唯識言。餘處所說彼有樂者。隨轉理門。非大乘義。此義為正。但生順捨必非喜樂。問若三食通三性。如何不善能長養耶。答如行惡行觸五妙欲亦資長故。後世雖損現資養故。問因果別中。隨所應有四三食處皆得四種耶。謂不淨食等。答欲界具四。色界有三。除不淨食。無第四少分。以無佛故。然無色界全無第四及初。問三界中何界食最耶。答且段食者九十四云。欲天及中有母腹卵殼皆細。餘位名龜。然五十七唯天為細。餘名龜者。據多分故。或五趣相望為龜細故。九十四中自趣望故。又全消化不消為龜細。餘不爾故。五十七云。在欲界三食為龜。在色無色三食為細。九十四云。三食在無色界名細。餘處名龜。有色為依。易分別故。無色為依。難分別故。此意即顯。以有色所依為龜。無色所依為細。五十七以定地法行相難知名細。散地行相易知名龜。各據一義亦不相違。九十四云。更有別義。一切四食能令已生有情安住名龜。能令求生有情安住名細。本有中有龜細別故。此等一切皆應准知。非要勝義故不具述。九十四云。無有少法生已安住。亦無有我。能食所食。然唯約與未生諸法作生緣理。唯法引法說為食義。但由法假於其識上。假想施設補特伽羅。望此四食說為食者。隨順世間約世俗諦有能食者。非約勝義。若說有識生已安住。體是真實補特伽羅名為食者。不應立識

為其食性。未曾見有補特伽羅還自能食。補特伽羅。乃至廣說。故知食者但假設施。復次三食為因能生三苦。一界不平等苦。二欲希求苦。三求不充苦。由段觸思三為因故。故觀段食如子肉想。不應貪著。觀順樂觸如無皮牛諸虫咬食多生衆苦。觀意會思如一大火。作此觀已勿為三苦之所苦惱。坦然而住。三食為緣生識內苦。故觀識食如三百餘之所讚刺。乃至廣說。不審觀此便為喜食之所染污。若為二染生二過失。一者當來。二者現法。乃至廣如九十四說。問若無漏法破裂有故說為非食。何故佛地經云。廣大法味喜樂所持名為食耶。答佛地第一說。食能長養三有衆生。此斷有故應不名食。是住持因故亦名食。如。有漏法雖障無漏。然持有漏得名為食。無漏亦爾。雖斷有漏。然持無漏云何非食。謂佛菩薩後得無漏。能說能受大乘法味生大喜樂。又正體智受真如味生大喜樂。能任持身令不斷壞。長養善法故名為食。非與有情而為食也。唯大悲心神通變境資養有情。近亦名食。故不相違。問何故有漏觸為食體。無漏法中喜樂為食。答由有漏觸引喜樂勝。無漏喜樂治憂苦勝。各立為食。對治別故。又無漏受領法味增說之為食。亦如有漏觸生喜增。立名為食。故不違理。各隨增故。問佛地經說一食。廣大法味喜樂所持。法花說二食。一者法喜。二者禪悅。處處說四。謂段觸思識攝論說四。

不淨依止等。阿含說九。四是世間。五是出世。世間食者即段觸等。出世食者。一禪二願三念四八解脫五喜食。佛地法花唯說。無漏資。無漏食。不說有漏佛地經中唯說。因聞正法之食。不說禪悅。法花通說。因定慧資。故說二食。福慧品中此二勝故。念願解脫非增勝故。略而不說。處處說四。世間食故。不淨等四依人別故。說九食者。有漏無漏合二說故。無漏法資。破有漏食。具五種故。故阿含云。常共專念除捨四種世間之食。求於五種出世間食。有漏法中段等爲勝。無漏法中定等爲勝。各據勝立亦不相違。

六十二見章

六十二見。略以五門分別。一明所因。二辨名相。三出體性。四迷諦通別。五問答分別。

第一辨所因者。略有二因。一者佛說所因。二者見起所因。佛說所因者。依阿含第十四卷梵動品。佛遊摩竭國。遊行人間。詣竹林園。止於講堂。時有梵志。名爲善念。其有弟子名梵摩達。師徒常共隨。佛後行。善念梵志以無數方便。毀佛法僧。其梵摩達以無量方便。讚佛法僧。師弟二人各懷異意。共相違背。由習異見。異親近故。時諸比丘。食後相共詣講堂中。作如是論。甚奇。世尊有大神力。威德具足。盡知衆生志意所趣。善念梵志毀佛法僧。弟子梵摩達以無量方便。稱讚如來法及比丘。各懷異心。佛

在靜室以淨天耳。聞諸比丘如是言論。往詣講堂。知而故問。向何所說。諸比丘言。向共談論甚奇。世尊。乃至廣說。師弟二人各懷異見。具陳彼事。世尊告曰。若有毀謗佛法僧者。汝等不得懷忿結。意心害於彼。若懷此意。即自陷溺。若有讚歎佛法僧者。汝等於中不足爲喜。若生喜心。亦自陷溺。此是小弱凡夫。寡聞不達深義。直以所見如實讚歎佛法僧。更有餘法甚深微妙。大法光明。唯有賢聖弟子。能以此法讚歎如來。諸有沙門婆羅門等。於本劫本見。未劫末見。種種無數。隨意所入。盡入六十二見中。無出過者。唯有如來。知此見處。如是轉如是執。又過於此。雖知不著。以不著故。即得寂靜。無餘解脫。故名如來甚深微妙。大光明。賢聖弟子。真實平等讚歎如來。瑜伽亦說。謂由依彼能顯見趣。不正法。師弟傳聞展轉相授。爲方便故。所以世尊說此諸見。見起所因者。瑜伽論說。謂彼一切薩迦耶見。以爲因緣。因緣雖有。或親或疎。親依我見。諸見方起。不爾便非。邊見所攝。由親依故。說爲邊見。疎相依者。說爲邪見。緣梵王常等有邪見故。總是第一明所因也。

第二辨名相者。大智度論說。身邊二見。以爲根本。有二十句我我所見。三世合數并本二見。成六十二。非此所宗。阿含經有許。無色界有色身故。大衆部經非可。全憑梵網六十二見經。與舍利弗阿毘曇同。是正量部。亦非所宗。大毘婆沙第一百九十九及第二百雖復廣明。是薩婆多。亦非。依邊以上皆非。大乘之義。今茲不依。今依。瑜伽第八十七。第六第七第八及五十八。顯揚第九第十。對法第一。成唯識第六卷。上下諸文。自廣解釋。既是自義。理應依憑。初列總名相。後辨別名相。列總名相者。八十七云。薩迦耶見。以爲根本。有六十二諸惡見趣。謂四遍常見論。四一分常見論。二無因論。四有邊無邊想論。四不死矯亂論。如是十八諸見趣。是計前際說我論者。又有十六有見想論。八無想論。八非有想非無想論。七斷見論。五現法涅槃論。此四十四諸惡見趣。是計後際說我論者。如是前際及於後際。各有五故。總成十類。前後際者。際謂際畔。時分之義。即阿含云。本劫本見。末劫末見。八十七云。諸見依世者。謂依過去及現在世。起分別故名計前際。依未來世起分別故名計後際。此約多分二際道理。如四全常第四常見。見死生故。現在名前。如是等類。多分義故。非據實義。且如五現涅槃論說。爲後際。然唯現在。故知現在通前後際。名前際者。未來前故。未來因故。或名後際。過去後故。過去果故。由是現在通前後際。辨總名相已。辨別名相者。瑜伽第六顯揚第九云。當知此中計前際者。謂或依下中上靜慮起。宿住隨念。不善緣起故。於過去諸行。但唯憶念。不如實知。計過去世。以爲前際。發起常見。或依天眼計。

現在世，以爲前際，於諸行剎那生滅流轉，不如實知，又見諸識流轉相續，從此世間至彼世間無斷絕故。發起常見，八十七云：宿住隨念俱行者，謂計前際，三常論中由下中上清淨差別，今觀論意，由依靜慮宿住隨念有下中上，分成初三，一憶過去二十成壞劫，二憶四十成壞劫，三憶八十成壞劫，由宿住念有三品故。見有遠近，伊師迦者，僧伽喻名，說一切法皆是常，世間隱顯非爲滅壞，故計爲常，以說三品靜慮所見故。六十劫宿住不緣，故但有二，一、憶伽第六等又云，或依天眼計現在世以爲前際，於諸行剎那生滅流轉，不如實知，又見諸識流轉相續，從此世間至彼世間無斷絕故。發起常見，此意即顯，天眼見有情諸識流轉死此生彼，而不實知諸行剎那生滅流轉，故執爲常，是第四常見。總詳此意，初之三見雖同，阿含，第四即非，彼捷疾智計一切常，非由天眼，八十七亦云，天眼俱行故，此中前三總是婆沙第一，此之第四即彼第三，彼餘二常此中無也。八十七說，此四常見皆依靜慮，不說散故，然婆沙說，第一觀劫，第二觀生，第三觀現在死此生彼，第四依尋伺若有說言，此前三種，即瑜伽言，依下中上三種靜慮，雖爾即有遠天眼過，瑜伽第六云，第四即依天眼所見非尋伺故，四一分常見論者，一從梵天沒來，生此間得宿住通觀前來處作如是執，我等皆是梵王所化，梵王是常，不見初後故。

我等無常見今來，此故，常論中言，或見梵王隨意成立，即此見也。二聞梵王有如是見，大種是常，心等無常，或復翻此，同彼忍，者或住梵世，乃至或是展轉聞如是道理，我以梵王爲量信其所言，是故世間一分常住，常論中言，或見四大種變異，或見諸識變異，變異者無常也，即是此見，三有先從戲忘天沒，來生此間得通起執，在彼諸天不極微等，在彼常住，我等無常，四有先從意憤慧天沒，來生此間得通起執，在彼諸天不極微等，在彼常住，我等無常，此後二天，准依瑜伽第五自害非他而能死句，即唯欲界上四空天，下之二天他所害故，此之四見，八十七說，皆依靜慮知過去故名爲前際，婆沙四種雖與此同，後二天別，彼有二說，一云即住妙高層級，一云即是三十三天，此四由執大梵大種或心戲忘憤慧而起，阿含經說，無此第二，餘三同此，更加捷疾世智，餘三所計半常無常，此雖有言，相仍難見，不但宗殊義別，亦乃甚難得意，二無因論者，一從無想天沒，來生此間得宿住通，不能憶彼出心已前所有諸位，便執諸法本無而起諸法，如我亦應一切本無而生，便執我及世間無因而起，二由尋思不憶前身，作如是執，無因而起，乃至廣說，故瑜伽第七無因論言，謂依靜慮及依尋思二種差別，見諸因緣空無，暴報大風卒起，忽然還靜，暴河彌漫，歎成空竭，故作是執，阿含等同，四有邊無邊論者，第

七卷瑜伽顯揚第九云，一者若依斷邊際求世邊時，若憶念壞劫於世間起有邊想，以世界壞後臨空劫有邊限故，二若憶念成劫，則於世間起無邊想，去壞劫遠不見邊故，三若依方域周廣求世邊時，若下過無間更無所得，上過第四靜慮亦無所得，傍一切處不得邊際，則於上下起有邊想，於傍處所起無邊想，四若爲治此執，但依異文義無差別，則於世間起非有邊非無邊想，初之二見緣過去起，後之二種緣現在起，待未來故名爲前際，邊無邊論說四皆依靜慮而起，八十七又說，宿住隨念俱行者，謂於四種邊無邊論，由彼憶念諸器世間成壞，世間出現方便，若時憶念成劫分位，爾時便生四種妄想，一者若有一向憶念上下，下至無間捺落迦下，上至第四靜慮之上，憶念如是分量邊際，便於世間住有邊想，二者若有一向傍憶無際，便於世間住無邊想，三者若有憶念二種俱行，便於世間住二俱想，四者若時憶念壞劫分位，爾時便生非有邊非無邊想，諸器世間無所得故，雖一文說兩種此見，由有是行相故，總名邊無邊論，阿含經說，此第四見依捷疾智，瑜伽四種，皆依靜慮宿住智起，然毘婆沙，一以天眼見下至地獄上至初定，執我於中悉皆遍滿，便作是念，過此有我，我應可見，故知有邊，二傍見無邊爲執，同前起無邊想，三依天眼及神境通，見下見上，如初近遠

●(餘三)一● ●九二十? ●世間二兩劫?

運身傍去。不得邊際。於上下起有邊想。於傍起無邊想。四者返此。四皆緣。現在待未來故。名為前際。唯第四見與八十七別。餘三見同。然見於上亦有近遠。然阿含經總相而說。得定起執。有邊無邊。不說緣何分齊起執。彼第三見與婆沙同。彼第四見依捷疾智而起。此執亦不說彼緣何境起。故不可依。四不死矯亂者。八十七云。淨天有二。一不善清淨。二善清淨。唯入俗定名不善清淨。未了達諦故。心未解脫。故若證內法定。名善清淨。已了達諦故。心善解脫故。無亂亦二。一無相無分別。二有相有分別。初是善清淨天。後是不善清淨天。前清淨天。於自不死無亂而轉。故名不死無亂。後不清淨天。若有依於不死無亂有所詰問。便託餘事矯亂避之。於諸無相心定。不善巧故。先興心虛。作是思惟。我等既稱不死無亂。復有所餘不死無亂。於諸聖諦無想定。已得善巧。彼所成德。望我為勝。彼若於中詰問於我。我若記別。或為異記。或撥實有。或許非有。彼於記別見如是等諸過失。已作是思惟。我於一切所詰問中。皆不應記。觀此文意。即所事天名為不死。亦名無亂。應言不死無亂。言不死矯亂者。即一不字貫通二處。謂不死不矯亂。或彼自稱作此無亂。答者生不死天。今毀實之名。為矯亂。又以聖者真是不死淨無亂天。此為能問。今答此天諸所詰問。名不死不矯亂天。八十七意。勿他由此鑒。我無知。

因則輕喚以為是答。又行誦者作是思惟。非我淨天一切隱密皆許。記別謂自所證及清淨道。故設矯言。又懷恐怖。而無記別。勿我劣昧為他所知。由是因緣。不能解脫。以此為室。而自安處。即將恐怖及不解脫。而為室故。以自安處。又有愚惑。專修止行。不能矯言。但作是思。諸有來問。我當返詰。隨彼所答。我當一切隨其。無減而印。順之。此言四者。一怖無知。二行詭曲。三懷恐怖。不得解脫。四為愚惑。十六異論中言。彼諸外道。若有人來依最勝生道問。善不善。依決定勝道問。四聖諦。便自稱言。不死無亂者。隨於處所。依不死淨天不亂詰問。即於彼所問以言矯亂。或託餘事方便避之。或但隨問者言辭而轉。是中第一覺未開悟。彼第二復次云。怖畏妄語。及怖他人知其無智。故不分明答。我無知。此意即說。性雖有識。覺未開悟。若言我解。即為妄語。若言不解。即他知我無所知。故矯亂答。是中第二於所證法起增上慢。第二復次云。於自所證。未得無畏。懼他詰問。怖畏妄語。及畏邪見。故不分明說。我有證。恐他問其所證。未無畏。故不能實答。答成邪見。不答成妄語。是中第三覺已開悟。而未決定。第二復次云。怖畏邪見及妄語故。懼他詰問。故不分明說。我不決定。此意即顯。雖有少得心未決定。答是邪見。不答妄語。已有知。故便矯亂答。如是三種假託餘事。以言矯亂。是中第四屬劣愚鈍。第二復次云。

唯懼他詰。於勝生道及定勝道皆不了達。於世文字亦不善知。而不分明說。我愚鈍。但隨彼問隨言而轉。此意由愚都無所了。故隨返問而答。於前此與阿含全有差別。彼依四問即為四別。一問世間有報無報。耶。二問有無他世。三問善非善。四自愚鈍。他問不知。畏婆沙言。一怖妄語。二怖邪見。三怖無知。四怖愚癡。故矯亂答成四別也。上來五類是前際見。後際五類見者。有想論有十六。瑜伽第六顯揚第九云。初四見依三見立。若計命即是身者。彼計我是色。若計命異於身者。彼計我非色。若計我俱遍無二無缺者。彼計我亦是色亦非色。若為治此於是義中。由異文句而起執者。彼計我非色非非色。此意即說。無想天處名為無想。有頂名非有想非無想。下三無色。色界中除無想餘。欲界等。竝名有想。八十七云。由依命者即是身見故。計我有色。死後或有色有想。或無有想。或非有想。非無想。由依命者異於身見故。計我無色。死後有想。或無有想。或非有想。非無想。由依此總是我遍滿無二無缺見故。說我亦有有色亦無色。死後有想非有想。非無色死後有想。其無想及非有想非無想亦爾。此上意說。執有色等死後初有想四句。與死後無想。及死後非有想非無想初四句。同但生處有異。現在皆同。依於命者即異於身。無二無缺三見之上。立此三種四句義故。執色為我。名命。

即身執非色爲我。名命異於身。雙執色非色以爲我。名無二無缺。我有色等句。無色界下三地。若說有色。亦遍於彼。若說無色。即不及彼。死後有想四句者。一執我有色死後有想。二執我無色死後有想。三執我亦有有色亦無色死後有想。四執我非有色非無色死後有想。次有邊等四句者。八十七云。計我是色者。或言狹小。或言無量。計我無色。當知亦爾。亦有狹小及與無量。所依所緣作用等法。有大小故。此二我論依第三見此總遍滿無二無缺立爲二論。一計我狹小。二計我無量。由此四種我論差別說。我有邊等四句。如次配之。故論伽第六云。若見少色少非色。彼計有邊。若見彼二無量。彼計無邊。若復遍見而色分少。非色分無量。或色分無量非色分少者。彼計亦有邊亦無邊爲治此故。但由文異不由義異而起。執者。彼計非有邊非無邊。觀此文意第六太正。八十七中如次配者。義次非文。謂執色非色狹小者名有邊。執色非色無量者名無邊。互執多少者爲俱句。遮此爲第四。與前文同。以此四種死後生有想地。是名第二有邊等四句。次四句者第六有名。不辨處所。八十七說。一執我一想。在空無邊處無邊處。不說無所有處略文故也。亦一想故。同婆沙故。以瑜伽說無量想配前一想故。略不論於無所有處。彼非無量想故。然是一想。二執我種種想。謂在下地。三執我有狹少思。謂即下地。

四執我無量想。謂空識處。八十七云。即如所說二想隨其次第應知。說我有狹少想。有無量想。此以義理逆次第配。然毘婆沙云。執少色爲我想爲我所。我與彼合名爲少想。在欲色界除無想天。無量想者。執無量色爲我想。爲我所等。如前廣說。瑜伽意說。即前所說一想之處有無量想。種種想處有此少想。亦不相違。次四句者。一我純有樂死後有想。第六有名而無處所。八十七說。謂下三靜慮二我純有苦死後有想。謂在捨落迦。三我有樂有苦死後有想。在鬼傍生人欲界天。四我無樂無苦死後有想。在第四靜慮以上乃至有頂。上明有想十六論訖。共八無想論。八非有想非無想論。即有想中。初二四句。有色有邊等。是如前引教已略說訖。唯當生處有異。餘義皆同。然瑜伽等。但言有色。不問何處。毘婆沙云。前三無色。有說有色。即亦該彼。若說無色。即不至彼。七斷滅論者。瑜伽第七顯揚第十云。一我有。龜色四大所造之身。任持未壞。爾時有病有癰有箭。若我死後斷壞無有。爾時我是斷滅。二欲界諸天。三色界諸天。四空無邊處所攝諸天。五識無邊處。六無所有處。七非想非非想處所攝諸天。死後斷滅。此中七滅不定。自他。今身後身一切皆得。五現法涅槃論者。瑜伽第七顯揚第十云。一者若我解脫。心得自在。觀得自在。謂於諸天微妙五欲。堅著攝受嬉戲。嬉樂。隨意受用。是則名得現法涅槃第一。

清淨。此說勝妙。略無人中婆沙說有二者。若有離欲惡不善法。於初靜慮得具足住。三者離尋伺得第二靜慮具足住。四者離尋伺喜故。得第三定具足住。五者離喜樂等故。得第四靜慮具足住。現法涅槃第一清淨。是名後際分別諸見。第三出體性者。此以五見中二見爲體。一邊見。二邪見。對法第一說。問六十二見何見所攝。答或二或一切。覺師子釋言。二者自性故。一切者眷屬故。瑜伽五十八成唯識第六云。邊見差別。謂執前際四遍常論。四一分常論。及計後際有想十六。無想俱非。各有八論。七斷論等邊執見攝。瑜伽論第五十八說。常見所攝六十二見。謂計前際諸遍常論一分常論。及計後際諸有想論無想論。非想非非想論。斷見攝者。謂七事斷論。常見攝四十。斷見攝七。總合邊見攝四十七。成唯識及五十八云。邪見差別有執前際。二無因論。四有邊等論。四不死矯亂論。及計後際五現涅槃論。如是邪見攝十五見。故說自性二見所攝。若并眷屬。五見所攝同類等流相引生故。如是即顯通。不善有覆。別境慧攝。第四迷諦通別者。五十八說。愚夫於苦起二十句薩迦耶見。是名迷苦薩迦耶見。此見爲依。於五取蘊見我斷常。故邊執見亦迷於苦。准此即顯邊見所攝四十七見皆迷苦諦。於餘三諦我見等微。邊見行狹不能有此廣分別故。其邪見中二無因論。

迷集諦起。五十八云。云何迷集。有八隨眠。謂諸沙門若婆羅門。誘因邪見故。二無因迷集諦起。四有邊等論。通迷苦滅二諦所起。五十八云。又有諸見計。邊無邊等。如是亦名迷苦邪見。亦名迷滅邪見。迷於有漏無漏果故。有計不死矯亂。通迷四諦。以決定道而為問故。迷於四諦而與答故。五現涅槃論。五十八說。迷滅諦起。正迷滅故。此中所說。皆以行相所迷深遠。以為迷諦。但舉行別。不舉行總。行總之見。隨應思說是名第四迷諦之相。

第五問答分別者。如是諸見。幾欲界繫。幾色界繫。幾無色界繫。應從上至下一一推尋勘當釋之。二又問。何故通常論中。唯有二十乃至八十。無有過此及滅此耶。亦無計生耶。亦無捷智耶。三一。分常中。何故無計色界二定已上沒來耶。欲界中何故無有二天及餘趣耶。四何故遍一分是常見。標常見名。有想等亦是不標常見名。標有想等耶。五何故斷滅。不計餘地及三惡趣後斷滅耶。六何故無因。餘地身等後。不有無因耶。七何故無色等。及四根本之方便。不計為涅槃耶。何故人天合為一涅槃。斷滅中開也。八此等諸見。幾於即蘊我後起。幾離蘊我後起耶。九問何故不說見戒及以我見并餘邪見。為六十二等見數耶。十問何故但立二際。不立現在為中際耶。

### 八解脫章

八解脫。以十門分別。一列名字。二顯行相。

三出體。四釋名。五所緣境。六凡聖得。七離障別。八依身起。九二得異。十有無漏列名者。依瑜伽論第十一。二十五。七十二。攝事分第九十六。對法十三。顯揚第四第二。及第二十。菩薩藏經第四等說。一有色觀諸色解脫。二內無色想觀外諸色解脫。三淨解脫身作證具足住。四空無邊處解脫。五識無邊處解脫。六無所有處解脫。七非想非非想處解脫。八想受滅解脫身作證具足住。

顯行相者。俱舍第二十九說。內有色想觀外色。名初解脫。內未伏除見者色想。觀外諸色。以為不淨。名觀外色。今則不然。准對法文。初修業者身在欲界。已離欲界欲。未依無色定。伏除見者色想。未離色界欲。若久習業已離色欲。見者色想。安立現前。而觀欲界一切所有內外諸色。作光明想。由前三解脫引發勝處遍處等故。即觀勝處所攝少多等色。作光明想。由除變化障故。作光明想。不除貪欲故。不作不淨想。瑜伽唯云。未得無色定。未離色界染。觀外諸色。是初解脫者。唯依初業說故。第二解脫。俱舍論說。內已伏除見者色想。唯觀外境。而為不淨。名內無色想觀外諸色。大乘不然。准對法云。初習業者已依無色定。伏除見者色想。久習業者或見者無色想。安立現前。而觀外色。作少多等相。不同於初觀內外色。皆作光明。未自在故。此唯觀彼已離欲色。作少多等名觀外色。已離

染故立以外名。觀心漸勝故稍略觀。故瑜伽云。又不思惟彼想明相。但於外色而作勝解。即觀少多等不作光明等。若於是處已得離欲。說彼為外。故唯觀彼已離染色。名之為外。又由初解脫觀色不言外。其內有色亦不言內。通緣內外根塵等色。作光明想。故今此第二內有色。有根等色。故。其觀外色。唯觀外塵。作少多等。不緣根等。作少多等故。瑜伽又云。無色界定不現在前者。此說觀外色。不依無色定。無色定不能緣外色。故。上二解脫初作光明想。後作少多等想。初寬後狹。兩觀有殊。顯揚二十。說此二解脫除變化障。為於變化得自在故。變化既通。四靜慮有故。初二解脫通依四靜慮。但在根本非近分地。彼欣趣修都無通果。此容預修有通果故。不同俱舍初二靜慮。能除欲界初靜慮中顯色貪故。作不淨觀。第三解脫。俱舍論說。清淨相轉作淨光解行相轉故。唯第四靜慮離八災患。心澄淨故。餘地雖有相似解脫。而不建立。非增上故。今者大乘。謂如有一已得捨念圓滿清白。以此為依。修習清淨聖行圓滿。於內淨不淨諸色。已得展轉相待想展轉相入想。展轉一味想。是第三解脫行相。謂待諸淨色。於餘色中。謂為不淨。非不相待。若唯見一類淨與不淨二覺無故。是名初想。又於淨中不淨性所隨入。於不淨中淨性所隨入。由於薄皮所覆。共謂為淨之中。現有三十六種不淨物故。是第二想。如

是展轉總一切色。合爲一味清淨想解。是第三想乃名成就。唯在第四靜慮地。有捨念淨故。論說超過諸苦樂故。一切動亂已寂靜故。善磨瑩故。餘地不然。故唯第四此亦內無色想而觀外色。由前已說故略不論。而立異稱。次四無色解脫。俱舍論說。以四無色定善爲性。非無記染。非解脫故。亦非散善。性微劣故。近分解脫道。亦得解脫名。無間不然。所緣下故。彼要背下地方名。解脫故多說根本者。近分非全故。今者大乘皆已離自地欲依自根本地。重觀自境。思惟勝解。令障更遠。引生勝德。謂如有一於彼空處已得離欲。即於虛空思惟勝解。是名空處解脫行相。於彼識處已得離欲。即於是識思惟勝解。是名識處解脫行相。於無所有處已得離欲。於識無邊處思惟勝解。是名無所有處解脫行相。空識二名自地所緣行相爲稱。無所有處以識無有。爲自地名。故於識處思惟勝解。於有頂地已得離染。更不於餘而作勝解。乃至遍於想可生處。即於是處應作勝解。無所有處名想生處。今緣此無所有心心所。名非想非非想。故遍於此思惟勝解。至下當知上說離染。依無學說。故瑜伽言。前七解脫於已解脫而生勝解。身證者得。若依唯識有二師說。一云伏初定已上染得滅定。二云伏第四定已上染得滅定。無所有處已下染可有伏義。令障轉遠。引生勝德。有頂一地定未能伏。故瑜伽第十二空識二解脫。有說

離自地染言。上之二地無說。離自地染字。有學無學影略說故。唯立根本亦非近分。滅盡解脫大小俱說。即滅盡定而無行相。棄想受故。然將入時有二行相。謂依非想非非想處相及無相界相。初修久熟二入別故。

出體性者。俱舍論說。前三無貪性眷屬五蘊性。次四無色定善爲性。第八滅定性。大乘之中七十。三卷解五法中云。世間出世間正智爲體。有漏者以分別中世間正智爲體。無漏者即無分別智。及後得智唯慧爲性。緣色非色及真如境。離諸定障。引生勝德。非餘能故。若相應體。初七以四蘊爲性。眷屬五蘊性故。對法云。若定若慧。及彼相應諸心。心所。無色界中許有定道無表色故。第八解脫以二十二法厭心種子爲體。即不相應行蘊所攝。

釋名者。初釋總名。後釋別名。初總名者。瑜伽云。前七解脫於已解脫而生勝解。七所觀法多分要伏要斷彼地煩惱障染。方始修作名已解脫。今觀已解脫境。爲除定障起神通功德。而生勝解。故名解脫。其身證者。於有頂染定未能離。但除彼地所有定障。起無等諸功德故。故成解脫。由此前言。多分已離。不爾多言便爲無用。第八解脫棄背想受故名解脫。前無間道雖滅想受障。至滅盡定位。方得解脫名。由入滅定時暫棄背想受障。所求今滿足故。立解脫名。非時方始解脫定障。先已離故。亦解亦脫。

八者是數。帶數釋也。大釋別名者。初有色觀諸色解脫者。瑜伽云。由二因緣名爲有色。謂生欲界得色界定故。又於有光明而生勝解故。此觀欲界。於勝處所制少多好惡劣勝等色。作光明想。故但名有色觀諸色。不言內有色觀外色。其有色非唯內故。諸所觀非唯外故。即外色之觀。及有色之觀外色。皆依主釋也。內無色想觀外色者。由二因緣。名內無色想。一者謂已證得無色等至。亦自了知得此定故。先依空處定。已離色界染。故顯揚云。內無色想者。依無色定。意解思惟故。二者不思惟內光明想故。名內無色。此言意顯。已得空處內離色染。又自內心不作光明想。名內無色。此已離染色名之爲外。故瑜伽云。若於是色已得離欲。說彼爲外。出於染故。即觀此色作少多等解。名觀外諸色。故瑜伽云。又不思惟彼想明相。但於外色而作勝解。此說不作光明色觀。但作少多好惡等解。初四勝處。有色無色。各別觀色。若少若多。此總觀外少多。好惡等。故與勝處別外諸色之觀。及內無色之觀。外色亦皆依主內無色時。必須得空處等定。正觀外色作勝解時。唯依色定。不依無色。無色不能觀於諸色少多等故。故瑜伽云。無色界定不現在前。淨解脫身作證具足住者。瑜伽論云。已得捨念圓滿清白。以此爲依。修習清淨淨行圓滿名淨解脫。此說第四靜慮中離尋伺喜樂三地障故。捨念圓滿清白名淨。故瑜伽云。



謂已超過諸苦樂故。一切亂動已寂靜故。善磨發故。離淨不淨變化障故。名為解脫。此亦內無色而觀外色。作淨不淨相待相入一味淨想。由前已說內無色言。所以今略。既略於內故。亦略於觀外色等。但言淨解脫。顯揚論說。一向意解思惟淨妙者。隨轉理門。或依彼觀成滿之時。展轉一味唯觀淨想。故作是說。身作證者。於此住中。一切實聖多所住故。身者意身。作證者由於智斷得作證故。諸根得境。唯身根親合。勝餘根故。獨得證名。此亦如是。前一解脫意解思惟向疎遠。故與其觀名。今此解脫除障最勝。聖意親取名身作證。由此聖者多住於此及第八解脫。此二勝故。於二界中各在邊故。世尊經中說身作證。於色無色障斷無餘。證得轉依勝餘六故。具足住者。第四靜慮根本圓滿。第八亦爾。九次第定得圓滿故。空無邊處解脫者。顯揚論云。虛空者。謂色對治所緣境界。空其色故。無邊者。十方諸相不可分別。名空無邊。處者謂彼地中。定等諸所依法。能依行者所緣虛空。所依之處名為處也。欲色二界相狀易知。彼界難了。獨與處名。空無邊是境。處是能緣。空無邊之處。依主釋也。下皆准知。識無邊處者。謂緣無邊虛空之識。今緣此識而為境界。十方諸相不可知故名識無邊。處即能緣義如前說。無所有處者。謂於識處上境界。推求之時無少所得。除無所有無別境界。由唯見此境極寂靜故。無所有此

細超前觀已上境無少所有。少亦無故。餘義如前。非想非非想處者。非想者。謂超過無所有想。無所有處猶有龜想故。非非想者。謂於無所有處上境界推求之時。唯得緣無所有極細心所。由唯見此極寂靜故。前無所有處。唯緣識處已上諸境少分亦無。此有頂地唯緣無所有處能緣心所。不同彼地有龜想故。名為非想。仍有唯無此極寂靜心在故。名為非非想。非者無也。非全無想故。除義同前。想受滅解脫身作證具足住者。由想受二強勝於餘。是心行故。厭患勞慮。暫求止息。止息此時要斷障得名為解脫。為滅想受之解脫。依主釋也。上七解脫皆持業釋。謂有色觀諸色即解脫。解脫障故。乃至非想非非想即解脫。亦可。以別簡通得依主釋。謂有色觀諸色之解脫等。

所緣境者。初二解脫以顯色相及真如相為所緣境。初觀光明。後觀顯色少多等故。漸入真觀。方斷定障。第三解脫。以攝受相及真如相為所緣境。攝受相者。於內淨不淨色。展轉相待展轉相入展轉一味。如前已說。次四解脫各以自相及真如為境。初三解脫以色無色為境。次四解脫唯無色為境。為斷此二障起此觀行。第八解脫無所緣也。凡聖得者。有義初七解脫通。凡聖得。第八唯聖得。唯無漏故。七十三說。異生聖者同得。初三。然有差別。內外二道通得無爽。除變化障得自在故。然瑜伽第十五。云。初三解脫於一切色得自在故。便能引發諸聖神通。不與一切異生共有者。彼論自說。不還阿羅漢所作。不說異生不作。初三。次四解脫對法論說。聖弟子所得。能順無漏。是清淨性方名解脫。解脫愛味故。外道依無色多生愛味。執為涅槃故。由此返顯不簡次四解脫唯聖所得。聖之弟子不得。故通外有。有義唯前三通。內外道。凡聖皆得。論唯說此異生得故。後五唯聖得。論說聖弟子。不說聖之弟子異生故也。離障差別者。顯揚二十說。對除六障。一變化障。初二所除。能變化。由觀光明殊妙無礙。及為少多等得自在故。二最極現法樂住障。第三所除。對法論說。能斷淨不淨色變化障。及於此中煩惱生起障。此障即於淨色變化加行功用。與不淨色變化相違。體即梗澁無記之性名為煩惱。三往還障。第四所除。由空諸色無障礙故。為方便已入色四定根本之地。往還自在。四引無靜等勝功德障。由識所除。彼諸功德體即識故。此為方便已起第四靜慮發諸功德。五諸漏及有障。漏謂煩惱。有謂有頂。此即無色惡苦二法。由第六第七解脫所除。第六解脫正能除之。第七解脫除之令遠。六寂靜最極住障。第八所除。滅定寂靜極勝住故。第十五說。後五解脫。唯言能引想受滅等至者。依成滿位。亦不相違。依身起者。後五解脫三界身起。許無色界

起滅定故。初三解脫。有義唯欲界起。由教力故。瑜伽第十二云。由二因緣名為有色。謂生欲界等故。有義不然。通二界起。初修解脫。遍處為果。必在欲界。如前道理。後成滿時。遍處為因。解脫為果。何妨色界亦得。後起。豈生色界不得。名有色耶。不作不淨。不唯在欲。

二得者。在佛及麟角獨覺身中。八皆離欲得。在餘身中。皆加行得。要離彼地。染後方修起故。

### 二執章

有無漏者在佛身。皆無漏。在餘身中。第八唯無漏。餘七通有漏無漏。通是世間出世間二智為體故。

二執。以十門分別。一出體。二釋名。三性攝。四相應。五所緣。六行相。七互起。八二縛差別。九諸惑相攝。十伏斷位次。

第一出體者。若唯言生法我見。唯以別境中慧根本煩惱中薩迦耶見。以為體性。故瑜伽云。五見世俗有。即慧分故。離慧體無。唯以有漏染慧為體。若言生法我執。隨其所應。二執通局。慧俱四蘊以為體性。

者自體之異名。緣此見應名自體見。佛遮。當來經部師等說。為僞身者故。說薩有言。雖一薩言亦目於僞。今者應言阿悉提底薩。薩言表有。大乘解云。應言僧吃爛底薩。便成移轉義。由此薩迦耶見大小乘別。大乘之意。心上所現似我之相。體非實有。是假法故。又體非全無。依他起性成。所緣緣故。既非實有。亦非虛僞。唯是依他移轉之法。我之所依。又本我無境。妄情執有。可言虛僞。依所變相境。可言為實有。非如餘宗定實定僞。故名移轉。法執正義亦唯此見。故佛地云。所知障者。謂執遍計所執實法。薩迦耶見而為上首故。法我見亦同生我。此象我所不唯我見。說薩迦耶言。

### 故

第三性攝者。此中我見在二識中。在第七識。唯有覆無記。瑜伽六十三說。末那煩惱其性唯是有覆無記。如是顯揚唯識處處皆同。不假繁引。其第六識略有二類。一俱生。二分別。俱生者雖有覆攝。決擇五十八云。當知俱生薩迦耶見。唯有覆無記性攝。此文非一不能具引。其分別我見在欲界。唯不善。在上二界有覆所攝。對法第四云。自性不善者。謂除染污意相應及色無色界煩惱。所餘能發惡行煩惱隨煩惱。此復云何。謂欲界繫不任運起者是不善。若任運起能發惡行者亦是不善。所餘是有覆無記。唯識第六云。瞋唯不善。損自他故。餘九通二。上二界者唯無記攝。定所伏故。若欲界繫分別起者。

唯不善攝發惡行故。若是俱生發惡業者。亦不善攝。損自他故。餘無記攝。細不障善。非極損惱自他處故。當知俱生身邊二見。唯無記攝。不發惡行。雖數現行。不障善故。即三界俱生。唯有覆無記。上界分別我見。亦爾。欲界分別唯不善性。損自他故。楞伽第二卷云。大慧。身見有二種。謂俱生及妄想。俱生身見。斷貪則不生。二種身見中。妄想身見。斷疑則不生。俱生者即第七識俱及第六識中任運起者。妄想者即第六識中分別起者。廣百論第二卷亦云。然諸我見略有二種。一者俱生。二者分別。與此唯識第一卷同。故知第六七識皆有二執。合性通二。

### 二

第四心所相應者。第七識中俱生我見。成唯識第四卷。有說心所唯九法俱。謂遍行五。我癡。我見。我慢。我愛。欲希未合。此唯任運無欲也。勝解印持未定。此恒緣定。無勝解也。念記曾習。此緣現境無念也。定專一境。此恒別緣無定也。慧即我見故別不說。一切隨惑竝依煩惱前後分位差別假立。此恒一類故無隨惑惡作追悔。眠外緣起。尋伺俱發。言淺深推度轉。此一類緣故彼無也。見見不俱。餘四見。二取邪見分別而生。我所邊見依我見起。故此不俱。貪瞋相返。見疑相違。染淨相異。故此唯九。有義十五俱。前九加慧。別門說故。及五隨惑。謂惛掉不信懈怠放逸。對法第六說。遍染故。忿等十。此識細故。無慚。無愧。唯不善故。散亂外。

緣。此識內故。不正知犯軌則。此不爾故不俱。忘念者要念會習。此不爾故唯十五。有義說十九俱。前九加六隨。謂不信。懈怠放逸。忘念。散亂。惡慧。決擇五十五說。遍染故。立念定慧及悟沈。專注一境不捨有定。無明重有悟沈。無掉者相違故。有義此俱有二十四前九及十隨惑。決擇五十八說。放逸散亂。掉舉。悟沈。不信。懈怠。邪欲。邪勝解。邪念。不正知。遍染心故。加別境五。如實義者。此俱十八。前九加八隨。雖無聖教理准定有。謂悟沈掉舉。不信。懈怠。放逸。忘念。散亂。不正知。無明。爲性者。此得俱故。加別境五。義門別故。無欲解者。不遍染故。雖有五說第五爲正。不達教理。故第六識俱生薩迦耶見。與遍行五別境五。根本三惑謂愛。慢。癡。隨煩惱中初十定不俱。彼行能故。此有五說第一說不與隨惑俱。無別分位。故第二說五隨俱。第三說六隨俱。第四說十隨俱。第五說八隨俱。以此爲正。不定四中與三種俱。除悔一種。悔行相應。我見等細故。餘皆不違。善染相違。不與善俱。今據正義總應容與二十四俱。如前思計。分別我見二十七俱。加根本瞋。竝無慚愧。欲界不善得相應故。此說欲義。非定俱故。

第五所緣分齊者。第七識俱者。唯識第四總有四說。一云緣第八識體及相應我我所俱故。心所不離識故。論云緣第八。據實緣心所。二云緣第八識見及相分爲我我

所。相見俱識故。三云緣第八現行及種爲我我所。種即識功能無別有物。不達。聖說四者正義唯緣第八見分非餘。此識一類不容別起。我所見。故義說爲所。皆如彼說。瑜伽顯揚文皆全正。故不繁引。前三解彼緣藏識言。不稱正理。故後解善。第六識中俱生身見。唯緣有法。不緣無法。緣無法者。要強思想方起計故。釋三分義頌。

性境不隨心	獨影唯從見
帶質通情本	性種等隨應
能食及所食	此依身所住
能見此如理	所求二諸空
爲常益有情	爲不捨生死
爲善無窮盡	故菩薩觀空
爲種性清淨	爲得諸相好
爲淨諸佛法	故菩薩觀空
補特伽羅法	實性俱非有
此無性有性	故別立二空

述曰。能食在六根也。由六根能受用境。今觀六根無實能受用。空其遍計故說爲內空。所食者。六境空也。由執六境是實所受用。今觀六境無實。空其遍計故說爲外空。此依者扶根空也。由不是內根故非內。不同外器世間故非外。是內非內。故執爲實。今觀爲空。遣其遍計故。說爲內外空。身所依住者。大空也。器世間有大勝用。火水所依止多有情名之爲大。大有情之所住故。名爲大勝用。火水所依止多有情名之爲有。今觀爲空。故名大空。能見。空空也。

即是能觀智。由昔觀其境是空。空其遍計。執能觀之智是有。今觀能觀之智亦空。故名空空。此如理者。勝義空也。真如理是勝智之境。勝之義。故名勝義。亦可。真理出過事俗名勝義。由遍計故障理。今觀遍計空顯真理。就所顯故名勝義空也。所求二諦空者。有爲空。無爲空也。由執一切有爲實故。今觀爲空。故名有爲空。由執三無爲九無爲等爲實故。今觀爲空。遣其遍計故名無爲空。即真如也。又釋。菩薩爲求一切智。爲求涅槃。爲求菩提。故。空其有爲遍計。爲求真空。無爲色。故說有爲無爲空。爲常益有情者。畢竟空也。由觀有情畢竟空。不見有情自他差別故。能常益也。不捨生死者。無際空也。由智觀理遣其遍計。由悲故廣化有情。有情無際故無際空。爲善無窮盡者。散空。亦名不散空。菩薩所積福智資糧。盡未來際。無有斷盡。故名不散空。爲種性清淨者。本性空也。法本無緣。爲惑所繫。今觀空除惑。顯本性種性。故名本性空。爲求相好者。相空也。相好。觀故名相好空。爲淨諸佛法者。一切法空也。由遍計一切三寶。今觀遣執淨諸佛法故。名一切法空。又一切法亦得空。不但佛法。補特伽羅法者。無性空也。生法二執體無自性故名空。實性俱非有者。無性空。由生法無性之性所得明。執無爲有遷成其病。今觀無所得亦空。故名無所得空。言十八空者。前十七空中。開無性爲二。加自性空。法

執之自性空。又有三釋。一總故名。生。別故名。法。二亦本故名。法。末故名。生。三體故名。法。用故名。生。又體用故名。法。名。生。十九空者。前十七中除無所得。別加三空。一所緣空。一切識所緣境皆空。二增上空。所緣空增上緣一切俱空。三互無空。前說諸空。謂是互無空。牛中無馬等。今觀一切作空。名之互無空。二十空者。前十九空中除後三空。取十七空中無所得。以成十八空。於中開散爲二。散空。不散空。二乘著法有。其空故爲散空也。又釋無漏名。不散空。有漏名。散。又開相空爲二。空也。相空。三十二相別故名。自相空。八十種好共有故名。共相空。今唯識觀於十六中。十四全一少分。法全法分名。生。離唯所具。問但言生空皆唯識不。答得但是唯識必帶生空。自有生空不必唯識觀。謂二乘生空。

大乘法苑義林章卷第四

## 大乘法苑義林章卷第五

\*基撰

### 二十七賢聖章

略以五門分別。一釋名義。二出體。三依身地。四廢立。五問答決擇。

釋名義者。於中有二。一者列名。二者釋名。言列名者。總有二類。一者因位。二者果位。就因之中有其十八。果位之中有其九種。

因十八者。即四向三果即成七種。八者信解。九者見至。十者身證。十一極七返。十二家家。十三一間。十四中般。十五生般。十六無行般。十七有行般。十八上流般。此即有學之中十八名。言無學中九。一者阿羅漢。二者慧解脫。三者俱解脫。四者退。五者思。六者護。七者住。八者堪達。九者不動。此約大乘列名。若約小乘其名少異。小乘之中即無信解。見至。遂立隨信行。隨法行替前二名。若無學中無羅漢。別開不退。上來即是列名訖。言釋名者。言初果者。名爲預流。預者入也。流者類也。即入聖之流類故名。預流。言第二果者。名。一往來。即斷六品惑從人生。天名之爲往。從天還。人名之爲來。言第三果。名爲不還。欲界九品悉皆盡。唯有。一生更不還生。欲界。名爲不還。言四向者。即進趣之義名爲向也。四向法更無別義。言信解者。隨他言音而生信解。名爲信解。言見至者。曾見之法能至於果。名爲見至。言身證者。信解。見至二種聖人。至不還果身中。證得滅盡定故。轉名身證。此但轉名而不轉體。理說應云身證滅定。由得滅定。得滅定者必具前七。故瑜伽說得八解脫。所以者何。前七解脫共異生故。異生唯得前七解脫。不名身證。滅定無心。唯身證得似涅槃法。由身證得身證名。身證積聚。或復依止證謂成顯。身之與證。依主相連二釋俱得。言七返有者。人天七返名爲七返有。言家家者。從家至家故名。

家家。於中有四。一者從人至人。二者從天至天。三者從人至天。四者從天至人。皆名家家。其義不定。或言初果之人不重生。二家。從張家死流生王家者。故言家家也。言一間者。一生或半生在名爲一間。即是間隔之義。亦名一間。問者隔也。即由此生堪能障隔聖果之道。名之爲間。若斷三品。即三生在。若斷四品。即二生在。若斷五品。之時必斷六品。聖道力合如此。若斷七八品。即半生在。問如何得知。答初品潤。二生中下二品各潤。一生。中上品潤。一生。中下二品共潤。一生。下上品潤。半生。下中下二品共潤。半生。問何因唯有七生。不至八。不滅六。答以聖道力故。不增八。不減六者。業力強故。如蛇毒損人之時。行不過七步。以毒力勢故不滅至六。七步者四大力故。言中般者。謂處中有而般涅槃。言生般者。謂處生有及本有中而般涅槃。言有行般者。謂加行精勤而般涅槃。言無行般者。謂速疾道不假加行而般涅槃。言上流者。從下向上而往受生故名上流。問云何名般涅槃。答言般涅槃者。謂得果義。謂般命而得羅漢故。名般涅槃。上來有學訖。言羅漢者。即是應義。有其三種。如論廣釋。言慧解脫。能斷慧障未斷定障。名慧解脫。言俱解脫者。定慧二障全俱能盡。名俱解脫。言退者。退有二義。小乘之中退失於果。名之爲退。大乘之中退失禪定現法樂住。名之爲退。若遊散若不遊散若思惟若不思。

●空也二自相空共？ ●四十(之末) ●五十(之本) ●(一)十譯 ●按者曰自首身證至俱得百三十二字原本並甲本藏文今依基辨校本補入之 ●般二活

惟皆退失故名爲退言思者若不思惟即便退若思惟已便不退失名之爲思言謹者若作意防護故不退失故名爲謹言住者在本等位亦不鍊根亦不退住平等位故名爲住言堪達者即是鍊根堪能達達故名堪達不動性是利根不進不退名爲不動上來即是大乘釋訖就小乘中隨信行隨法行隨他言音而生信解名爲隨信行言隨法行者是利根自能依教而生於解名爲隨法行

二總別出體言總者若有學無學總用有爲無爲爲自性言別相於中有二一者向二者果言向者初預流向即取四善根及見道十五心已來總是向言斯陀含向者總六無間道五解脫道六加行道而爲體性言那含向者總用九無間九加行八解脫而爲自性言羅漢向者總用九地八十一無間道八十一加行道八十解脫道而爲自性此約有爲出體性若取無爲爲理無違上來出向體訖言四果體者初果總用八十一品無爲第二果總用見道八十一無爲及取修道六品無爲并取六品解脫道中頓修八智十六行而爲體性第三果者總用見道八十一無爲及取修道九品無爲并取第九品解脫道中頓修八智十六行而爲體性第四果者總用見道八十一無爲及取修道八十一無爲并取非想第九解脫道中頓修八智十六行而爲體性上來即是出體性訖

第三依身地門者於中有二一者依身二者依地言依身者四果四向於三界中何界初起九地之中於何初起答前三果三向唯於欲界身初證初起第四果通三界身第四果向初起唯欲色若約地論前之三果向唯一地起謂欲界地其第四果通九地第四果向準果應知釋依身訖言依地者前之二果唯初未至心若那含果初未至及根本若羅漢果通九地心八根本及初未至即九地成即出依身地訖

言第四廢立者問於何果中而立信解見至及身證耶答信解見至即是隨信行隨法行轉至前三果中若向若果立爲信解見至若第三果中爲身證問信解見至此二何別答信解是鈍見至是利由隨信解轉名信解由隨法行轉成見至故二差別問於幾品惑盡建立四果答要斷三界見所斷惑盡故立初果謂斷欲六品建立第二若斷欲界九品皆盡而立第三三界見修總盡而立第四問何處建立七返答約業而立謂七生之業而立七返此約多而言非無四三等生數不遮止問於何處而立家家答約生約惑而立家家言約生者謂二生三生言約惑者若斷三四品彼對治餘二三生是說名家家問何故但於三生二生而立家家答夫論於業還皆由惑潤潤生之義略有二種一者總二者別言總者前之三品以潤四生中之三品共潤二生下之三品共潤一生言別者就初

三中初之一品以潤二生次有二品各潤一生上上品潤一生下二品共潤一生後下三品共潤一生於中有異初之一品獨潤半生次有二品共潤半生約此義邊即有損生之義若斷三品即有三生即損四生業也餘有三生在若斷四品即有二生謂第四品獨潤一生故若約四生立家家者即逆流生之失若斷三品即盡四生之業是故不得約於四生若斷四品即損五生之業若斷五品必斷第六問何故如是答以近果故更無遲住問何故但於三四品而立家家不依斷一二品而立家家答惑品力等聖道齊同若斷二品必斷第三同上品故一入斷盡無出觀義問上之三品齊不出即斷中品三品齊亦應入斷問於何處建立一問答那含向中斷七八品唯一來生而立一問問於何處而立五種般答於那含中立問上流有幾種答有其三種一者全超二者半超三者遍沒言全超者有其二類一者樂慧上流爲初禪死直生五淨居是樂慧全超二者樂定全超爲初禪死生於非想皆於初禪死隨其諸地而斷受生言遍沒者次第而生不得超隔名遍沒其餘那含如釋名中述問何故建立羅漢答對四果說

問何故建立慧俱解脫答由除定慧二障亦立二種云何慧解脫謂已能證得諸漏永盡於八解脫未能身證具足安住是名慧解脫此義意說障有二種一煩惱障

●行十斷●●(心)十者●●譯十(身)●●斷二得●●受二處●●(道)一●●校者曰自云何至障故一百三十八字原本並甲本脫文今依基勝校本補入之

能障慧慧不得應果二者事障就勝而說唯異熟生喜樂捨受有下劣障於上等至不肯進求所知障攝此人唯能斷初障故慧縛得脫慧謂簡擇離縛故名解脫慧所有脫名慧解脫又諸阿羅漢得滅定者名俱解脫由慧定力解脫煩惱解脫障故問何故建立餘六種羅漢答約種姓別立六有別

第五問答決擇問九地之中俱有其惑何故但於欲界之中而立三果答欲界具三性三受煩雜多生立多果上界唯定地無多煩雜不立於多果問四果中有其一種二取有爲二取無爲此二何勝答取有爲勝以彼者是其進取之義無爲之法義何有進取以無爲無進取故前解爲勝問無間解脫何道立果答但於解脫道中而立果以解脫道得果周圍而立於果問何故但取解脫耶答得果捨向得勝捨劣唯有解脫道又解脫道能證無爲是以取之問向中何故不取見道無爲果中即取斯何意問立果之中云何名入八智十六行答取上下八諦智言十六行者即取苦空無常等問欲經生那含將命終得果之義不以彼經生必不生上以斷惑盡無由生欲界答有其二解一解云約那含身上必定得果必無命終第二解云問何故聖人不生中間禪及不依彼而得聖道答無多勝用不依彼心又多障難故不生彼問初未至何界所攝問身證與俱解脫何別答因果二殊身

證者是因所攝俱解脫者是果所收問且如初果即是第二果向此有何別答雖得初果而未進斷修所斷惑但名往果不名向若得果已進斷修所斷惑隨其所應是向所攝問頗有是向亦是果耶頗有是果亦向耶答有其四句有果而非向謂中間二果不進斷位是有向非果謂初果向是亦向亦果謂中間二果進斷位是非果非向反上應知問潤生下一品獨潤半生中下二品共潤一半生如何斷欲第八品而立一間問中般那含取何中有答但取欲界死生於色界取此中不取餘者問何故如是答欲界還生欲界二性煩雜故色界生色界一性無厭色界生無色無其

### 大乘蘊界處義

四果答有五義一者捨已曾得二者得未曾得三集斷行故謂集諸無爲斷諸煩惱四者頓得八智五者頓修十六行具此五義故立四果亦無妨難  
蘊界處義五門分別一辨名二出體三廢立四百法相攝五十性等分別  
釋名者初釋新舊名後釋義名梵云塞建陀唐言蘊舊譯名陰於陰是陰覆義若言陰者梵本應云鉢羅婆陀案陰音應以於今反陰陽之陰也近代諸師競作異釋或云淡聚名淡陰此釋不然然依醫方說淡飲不言陰更有異釋不能具述若言陰氣是萬物所藏即是聚義借喻爲名

粗可通途然非正目今名蘊或翻爲衆故法華云五衆之生滅此亦不然若言衆者梵本應云僧伽或翻爲衆此亦不然若言聚者梵本應云易羅陀又言處者梵云阿野但那舊翻爲入此亦不然若言入者梵云鉢羅吠舍舊經亦有譯爲處者如空無邊處等阿練若處並與今同梵云歇都唐云界有譯爲持偏據一義非盡理也釋義名者俱舍云聚生門種族是蘊處界義蘊是聚義可聚十一種義故中邊云非一及總略分段義名蘊彼論釋云一非一義如契經云諸所有色若過去若未來若現在若內若外若麁若細若劣若勝若遠若近如是一切略爲一聚說名色蘊由此聚義蘊義得成俱舍釋云於此經中無常已滅名過去若未已生名未來已生未謝名現在自身名內所餘名外或約處辨有對名處無對名細苦集染汚名劣不染名勝去來名遠現在名近乃至識蘊當知亦然二總略義如經言如是一切略爲總聚三分段義如經言說名色蘊等各別安立色蘊等相故由斯聚義蘊義得成俱舍云和合聚義是蘊義此依內明釋二云荷負重擔義如世間說肩名蘊物所聚故依此三云可分段義是蘊義故世間有言汝三蘊還我當與汝此依案俱舍三解與中邊非一及總略分段義名蘊其意同也又釋蘊有二義一是聚義二是減義故毘曇云陰是聚義舊云十二入者是殺義今云

處者是出生義。出生六識之門處。故十八界者。俱舍云。種族義是界義。大乘釋名。種子義名界。故中邊云。非一及總略分段義名。蘊能所取彼取種子義名界。能受所了境用門義名處。

二辨體者。其五蘊性唯是有爲。以積聚故。俱舍論云。蘊不攝無爲。義不相應故。又毘曇云。陰是死法。唯攝有爲。三性之中依他性。談有法故。非遍計所執。通無漏故。亦圓成實。五法之內。體即前四。唯除如如。十二處十八界。通以有爲無爲爲總攝。五法及以二性。除遍計所執性。以無體故。

三廢立者。有二門。一總廢立三科。二別廢立五十二等。總者俱舍云。愚根樂三故說。蘊處界三。彼自釋云。或愚心所總統爲我。或唯愚色。或愚色心。又根亦有三。謂利中鈍。樂亦三種。謂樂略中及廣文故。如其次第世尊說爲蘊處界三。瑜伽第九廢立離合三科。頌云。隨增說我事。爲依此所行。生持分廣略。無別根所緣。以上總廢立訖。釋此頌文。下自當悉。二別廢立者。隨增說我事者。廢立五蘊也。對法云。何因蘊唯有五。顯五種我事故。謂身具我事。受用我事。言說我事。造作一切法非法我事。彼所依止我自體事。如其次第配釋五蘊不滅不增。

又俱舍云。隨處染等界別次第立。此亦是廢立。亦是次第先後。論云。色有對故諸蘊中。色無色中。色唯受行相。故世間說我手痛言。待二想。男女等想易了知故。行龜過

識貪瞋等行相易了知故。識最爲細。總取境相離分別故。或從無始生死已來。男女於色更相愛樂。此由耽著樂受味故。耽愛復從倒想生故。此倒想生由煩惱故。如是煩惱依識而生。此及前三皆染污識。由此隨染立蘊次第。或色如器受類。飲食想同助味。行似厨人識。食者。故隨器等立蘊次第。或隨界別立蘊次第。謂欲界中有諸妙欲。色相顯了。色界靜慮有勝喜等。受相顯了。三無色中取空等相。想相顯了。第一有中思爲最勝。行相顯了。此即識住。識住其中。顯似世間田種次第。是故諸蘊次第如是。由此五蘊無增減過。處界次第頌云。

前五境唯現。四境唯所造。餘用遠速明。或隨處次第。能別釋。依對法論第一廢立十八界云。由身具等。能持過現六行受用性。故釋云。身者謂內六根。具者謂外六境。過現六行受用性者。謂六識。能持者。謂六根境。能持六識所依緣故。過現六識。能持受用。不捨自相故。當知十八以能持義。故說名界。問何因處唯十二。答唯由身具。能與未來六行受用爲生長門故。所言唯者。簡六識也。

第四以蘊處界。與百法相攝。於色蘊中攝十一種色。受蘊攝遍行中受數。想蘊攝遍行中想數。行蘊攝相應心所四十九法。及攝不相應行二十四法。合七十三法。識蘊唯攝心法八種。總攝九十四法。唯除六無

爲。故俱舍云。蘊不攝無爲。義不相應故。十二處攝者。內五處外五處攝十種色。意處攝八識。法處攝四類法。所謂色法。法處所攝色有五種。是相應法有五十二。不相應法二十四。無爲法有六。合有八十六法。十八界攝者。唯開意處立六識界。餘並與處同。

第五十種蘊等分別。雖無一處具說。總究諸論亦可具立。一無漏善蘊。二加行善蘊。三生得善蘊。四不善蘊。五有覆無記蘊。六異熟無記蘊。七威儀無記蘊。八工巧無記蘊。九變化無記蘊。十自性無記蘊。一無漏色蘊。有說唯有定所生色。色蘊少分。無五根等正義。皆具涅槃經言。捨無常色。獲得常色等。勝鬘經云。如來妙色身。佛地經言有。五種法攝大覺地。唯識第十佛地論云。如來功德蘊處界攝。如是等文。誠證非一。不能煩引。下皆准知。故五蘊法皆通無漏也。於百法總有七十法。通無漏。第一心法八識。是識蘊性。第二心所法。有二十三。通無漏。謂遍行五。別境五。善十一。不定二。謂尋伺。第三色法有十一。謂五根五境。及法處攝聖所愛戒。并定自在所生色。不相應行取二十二。除無想定。無想定。除異生性取。非得。若取異生性。唯有漏。第五無爲有六。故唯無漏。以依真如假立故。對法云。空非擇滅。勝義無記者。亦隨轉門。二加行善五蘊。有五十二法。心有六。除七八識。因中唯無記故。至轉依位。便無漏故。第二心所有法



有二十五。遍行別境各五善有十一。不定有四。第三色法有三。以色聲二表加行善心發故。及定共戒并一分散無表。是加行善故。第四不相應行法有十八法。除命根同分無想天。并名句文身對法云。五蘊一分是善。又云。加行善者。謂依止善丈夫。聽聞正法。修習淨善。法隨法行。五十四云。威德定色亦通有漏。此等總說。因聞慧等所發身語。定境色等爲色蘊性。故通五蘊。三生得善五蘊。總四十九法爲性。色蘊中三。謂色聲表并法處散無表一分。心所法二十四。遍行別境善十。除輕安。及四不定。不相應十六。除命根同分三無心及與名句文身識蘊中取六識。除七八識。故對法云。生得善者。卽前所說發起善身語等。由先串習感得如是報。乃至廣說。與信等俱任運起故。此意卽說。宿習爲因。生得善心所發身語爲色蘊性。四不善五蘊者。以六十五法爲性。色蘊唯三。謂色聲二表并法處不律儀無表。心所法中四十。遍行別境并煩惱六隨煩惱二十。不定四識蘊中取六識。除七八二識。不相應中取十六。謂得非得四相并後十。五有覆無記五蘊。有五十四法。色蘊唯二。謂身語表。梵於釋子執手行誑故。心法有七除第八識。除七通有覆故。心所有法二十九。謂遍行別境及根本煩惱五除瞋。隨惑有十一。除忿等七及無慚無愧二。不定中取三唯除悔。不相應法取十六。謂得非得四相及後十。對法第四云。若欲

界繫分別煩惱隨煩惱。是不善。若任運生一切煩惱。發惡行者亦是不善。所餘皆是有覆無記故。五蘊一分是有覆性。不善五蘊准知。六異熟無記五蘊。色蘊有十。謂五根境唯除法處色。彼非異熟故。對法云。八界八處是無記者。約全分說。今取色聲據容有說。聲通異熟。依菩薩地常行愛語如語諦語故。感得大士梵音聲相。同餘相好通異熟故。聲屬第三第五轉者。隨轉小乘聲非異熟故。色蘊十皆通異熟。心法通七識唯除末那。心所有法取十二。謂遍行別境并不定中取眠除餘三。不相應法取二十二。唯除二定第七威儀路五蘊者。對法云。謂懷非染非淨心所發威儀路有三十九法。色蘊中有四。謂色香味觸。心法中有五。謂意識緣發威儀。眼耳鼻舌身四識緣威儀。以聲非威儀故不說耳識。若第八識緣四塵故得名緣威儀。薩婆多更立似威儀心。卽總有六識。爲威儀路識蘊也。心所有法有十四。遍行五別境五及不定四。不相應法有十六。謂得非得四相及後十。第八工巧處五蘊者。對法云。謂懷非染非淨心所起工巧處。是無記性法有四十二法。色蘊中有五。身工巧四塵性。語工巧卽是聲。心法取七識。唯除末那。發工巧第六意識緣工巧五識及第八。心所有法取十四。遍行別境及不定四。不相應取十六。得非得四相并後十。第九變化無記五蘊者。瑜伽第三說。變化有二。一善。二無記。說定境色亦通

無漏。五十三說。若依勝定於一切色皆得自在。諸定加行令現在前。九十八說。神通不能變化四事。謂根等。由此。但有法處色聲香味觸五。爲色蘊性。若爲利樂便是善性。初二門攝。瑜伽雖說欲界亦有諸變化。此通三性。生得變化非是通果。設無記者異熟生攝。此變化蘊有三十五法。色蘊取五塵。兼取法處色。心法唯取一。謂第六意識。心所有法有十二。謂遍行別境并不定中尋伺。不相應行有十六。得非得四相并後十。第十自性無記五蘊。有四十七法。色蘊中有五塵卽外器世界。及長養五。既非四無記。是故名自性。心法唯取二。謂第六七兩識。心所法有十。謂遍行別境二乘起法執不障彼果。故非染污。是自性無記。不相應行有十六。准前應知。依瑜伽第三說。無記有四。無此自性。唯識亦說。法執不障二乘。故異熟生攝。准瑜伽六十六說。無記有五。初四如前。更加第五自性無記。謂諸色根是長養者外諸色處非異熟等之所攝者。皆名自性無記。除善染色處聲處。案此文唯說色蘊是自性無記性。不說四蘊通。自性無記。今解四蘊亦通。自性。如二乘等所起法執。是異熟生亦名自性。然異熟生有二種。一是業感。二是從生。所以本地第三說。四無記已攝。自性盡。六十六中開第五者。以從生者體非異熟。立爲自性。前後二文不相乖違。故五蘊法並通自性。諸師於此闕而不論。後學之徒遂無遷據。

極微章

略以三門解釋。一辨眼緣。二釋達難。三說勝利。

一辨眼緣者。一肉眼。業等所生故。二天眼。修方便起故。此二皆是色蘊眼根。三慧眼。四法眼。此二皆是無漏慧根。五佛眼。即前四故。下六通中當廣分別。五十四說。除肉天眼所餘眼用。一切極微爲所行境。以彼天眼唯取聚色中表上下前後兩邊。若明若暗。必不能取極微處所。由極微體。以思分析而建立故。天眼尚不能。況乎肉眼。

二釋達難者。花嚴經說。菩薩能知無色宮殿若干微塵成。第五十四云。略說極微有十五種。五根五塵。四大并法處實色。如是等教處處非一。極微無者彼如何通。雖無實極微體性。如慧所析彼量亦成。說知彼極微如所析量故。五十四說。非集極微成龜色故。成唯識說。諸識變時。隨量大小頓現。一相。非別變作衆多極微合成一物。瑜伽亦說。由諸聚色。最初生時全分而生。最後滅時不至極微。中間盡滅猶如水滴。此即意顯。如熱釜水煎。微滅時不至邊際。諸色頓盡。長讀上文。又翻解此。諸色頓滅不至極微而即滅盡。非如水滴微至邊際。諸色終滅猶不至邊。況有真實極微可見。故但知慧之所析。又有體用中最極小者。所謂阿摩說此名極微。此復何失。

三說勝利者。既無極微。說有何義。五十四有五勝利。謂由分析一合聚色。安立方便。

於所緣境便能清淨廣大修習。又能漸漸薩迦耶見。斷諸憍慢。伏煩惱纏。及能速疾除諸相執。此中意說。修法空觀。要析諸色。先至極微。斷諸煩惱。後入空故。由是大義故說極微。能析彼心何人所作。何諸所攝皆別思之。

勝定果色章

略以三門分別。一凡聖起。二境多小。三大種生。

一凡聖起者。有義此色通凡聖起。五十四言。心自在轉微細性者。謂色。無色二界諸色。如契經說。有平等心天。會於人中。薰瑩心故。隨此修力住。一毛端空量地處。展轉更互不相妨礙。又阿含云。無色諸天。淚下如雨。佛邊側立。如是等證處處皆有。彼處既說上二界天現身住此。復言此色亦通。有漏引教如前。故知凡聖皆能現起。顯揚唯說諸佛菩薩。據大威德勝人說故。豈二乘等亦不能變。無色界天許。雨淚故。瑜伽又說。雖非出世定之所行。然由彼定增上力故。有能現者。彼說聖者具有世間出世間智。顯非出世智之所行。非簡異生不能現起。故知此色定通凡聖。有義此色非異生起。顯揚十八說法處色十二相中。唯言諸佛菩薩等變。此瑜伽又說。離非出世定之所行。然由彼定增上力故。有一能現。尚非一切聖者能起。況諸異生。六十五說。要具威德極靜定心。方能爲緣生。此定色。亦非不具大威德心。及不定心。所緣境界。豈異生類能

獲威德極靜定心現起諸色。又言此事不可思議。若異生起應思議攝。由此唯聖非凡所起。然瑜伽論三十三說。諸聖神通隨所變事。隨所作事。隨所勝解。一切皆能如實成辦。無有改異。堪任有用。非聖神通不能如是。猶如幻化。唯可觀見。不堪受用。故前解是。

二境多小者。五十三說。勝定果色於一切色皆得自在。又顯揚論第四卷說。初勝處云。若勝若劣者。謂淨不淨色。聲香味觸之所攝色。由如是等諸教誠證。故知此色若假若實。有漏無漏。皆具五境。八十九說。變化不能爲四事。謂業果心心所及根。故餘一切皆能變化。六十四說。勝定果色當知唯有顯色等相。於彼香等生因闕故。及無用者。此言意顯。異生定前行因劣故。不能變化香味等色。設復變之無彼實用。非諸聖者。又有漏定勢力微劣。唯能變起色。聲觸三香味無。前行因故不能變起。設變無用。非無漏心。又二。乘不能變起香味二種。非諸菩薩。又以欲界爲本質者。具有五境。以上界色爲本質者。無香味二。上界地無種子所託二種因故。又變欲界具有五種變色境界。但唯有三。隨有無故。設託變彼亦無實用。本質無故。若定果色不變香味。花嚴經說。菩薩鼻根聞無色界宮殿之香。法花經云。持此經故。光音遍淨。乃至有頂。初生退沒聞香悉能知。彼界異熟先無香味。若非定果此是何香。

非獨變香而不變味。故知定果通香味等。法花論云。此是智境。鼻根知故。諸根互用。不可說言。六十五說。威德定色雖不與彼十有色處自相相應。然得似彼自性顯現。眼等五根既無相用。香味二法其用亦無。色聲觸三有實用故。根爲識依所變之根。識不依止。可無實用。香味不爾。其用寧無。香味色觸其類同故。似根但是色等五攝。如前道理既廣成立故。定果色定具五境。香積佛界定具五故。

三大種所造者。五十四說。勝定果色。若依此繫定。卽由此繫大種所造。又說此色勝定力故先起大種。然後造色變異而生。又說此色不依大種。然後從緣彼種類影像三摩地發故。亦說彼大種所造。非依彼生故名爲造。六十六云。問世尊說。有無見無對色。當言何等。大種所造。答若彼定心思惟欲界有色諸法。影像生起。當言欲界大種所造。思惟色界大造亦爾。顯揚論十八說。法處色有十二相。第五色相非實大生。雖此五文作諸異說。今詳造義莫過三種。由彼所緣親疎大種唯二類故。一者觸處業等所生本四大種。此通身根身識俱意第八識境。二者法處定果大種。此唯定意第八識境。通或五識境。前通異熟長養等流。後非異熟前唯欲色二界所繫。或通不繫後通色界無色界繫及與不繫。五中初文依後大造隨能緣定處所繫故。此言繫者。是攝屬義。非繫縛義。不爾無漏應非大造。隨所攝屬。何等至

中大種造故。前第二文義亦同此。謂由勝定。先變大種。後造色生。卽隨緣定地大造。隨定前因。及義說。彼大種先起。實俱時故。此大造造三識之境。亦許定力先起定果本識等境大。後造生故。或此文說依初大造。定先繫起觸處大種。後造生故。前第三文依初大造。雖定亦變大種親生。初變色境。要託觸處。法處方起故。說本質大種所造。定大種劣不說依起。然非本大親實能生。親能生者定大種故。前第四文義亦同此。隨所思惟本大造故。顯揚意說。非實觸處大種親生。說非大造非定中。若若初大種通三識境。大種皆隨造後定果色。相依而有成造義故。是疎遠造非親近造故。若後大造通三識境。俱能爲依起造色故。是親近造。非疎遠造。若依初造。或以下大種能造上色。或以有漏能造無漏。或以自處能造他處。若依後造。唯自類造。非他能造。唯以有漏能造有漏。唯以無漏能造無漏。唯以自處還造自處。皆唯自類。一切非他。設有諸處。互造不同。據理尋文未證此。二有義大造總應立三。亦有不依本質定果得成造。故前初文說隨所繫定大種造者。此依依處大種所造。如依此處入彼定時。不仗本質。先定期心不變大種。彼所造色豈無大造。卽隨所依座席等物。或所依身大種所造故。應別立第三依處。雖無加行。然以理攝。卽觸處大。二大種中初大種攝。神通勢力。如瑜伽六十二說。修之方便

初起何身異界相緣。如是等義如唯識疏別章等說。

### ●十因章

十因略以十門分別。一辨名。二總別出體。三三種十因互辨寬狹。四明廢立。五依十五處立。六明得五果。七與四緣相攝。八與二因相攝。九三性。十因互明通局。十問答分別。

第一辨名中有二。初列名。二解名。別名者故爲煩瑣。隨待牽生。受發定事違不。攝受六依生。餘各一處起。初列名可知。二釋名者。就十因中總有三類。一有三個通持業依主。二有一個唯依主。三有六個唯持業。言三個者。謂隨說引發定異。若隨是所隨是見聞等。說是能說。卽是隨之說名。隨說因者。依主釋。若隨亦是能隨者。卽是亦隨亦說名。隨說者。持業釋也。若言發是果名引者。是因。發之引名引發。依主釋也。若發亦是因者。亦引亦發故。名引發者。持業釋也。若異是果。定者是因。異之定名定異者。依主釋也。若二俱因亦定亦異。名定異者。持業釋也。言一依主者。謂同事因。事是果同是因。事之同名同事。依主釋。自餘六因皆持業釋。亦觀亦待。乃至不相違者。皆持業也。若言隨說因等者。十種皆持業釋。隨說卽因。乃至不相違卽因故。問相違卽因者。豈滅亦有因生耶。答不然。但與黃葉爲因。不與已滅青等爲因。卽是能相違卽因故。名相違因。相違果者謂黃葉是。

第二出體中有二初總。後別。謂由法故有想。想故有名。名故所起語性能詮辨諸法。名隨說因。以聲爲性也。若所觀待有四句。能所受性即是遍行中受數。觸想作意思。無此五位差別能故非也。觸雖有此能。而方此受非是領納。唯此受有此五位能及能領納。獨名領受性也。若待所受有能受。受性唯受數。所受中通一切法也。若待能受有所受者。即能受唯受性。所受中通。有爲無爲。餘有通故。若所受待所受。一種。若以能受待能受者亦相似也。其牽引因者。種子遠有牽果之能名牽引因。即用有漏。無漏三性內外種子爲體。若此種子爲漏已去。俱爲生起因性。若疎緣相攝受令果得起。唯除種子疎緣法體。其引發因者。若種若現。漏。無漏三性相依。依引中等爲體。若定異因亦以此法等爲體。前界寬性狹。後界狹性寬。同事者始從觀待終至定異。同辨一果。即以前法爲體。若相違因得有遠緣爲性。不相違者於生住成得。俱不爲障一切法爲性。此中總出體也。第二別出體者。別有三種十因。所謂清淨。難染。無記也。且清淨者。以無漏善聲爲體。隨說因體。觀待因即以清淨位中受性爲體。所有種子爲生起牽引二體。無漏見等疎相攝。六依處爲體。其無漏種現爲引發因體。若無漏種子及現行爲定異因體。始從清淨觀待。終至定異因。竝以此法爲同事因體。諸難染法清淨法家相違。於生住成得事中。不

相障礙。無漏法者。爲不相違因體也。第二難染十因者。若薩婆多聲通三性。以是業性。即大乘宗聲唯無記。以是報故。若依表業性。假名善惡也。即以此不善聲爲性。觀待因者。待苦受有樂受者。或待惡知識。於是待所受。有能受也。無明等七支名牽引因。愛取有三支名生起因。由於根境疎相攝受名攝受因。下界引上三品相生。若種若現爲引發因體。定異因者。能招得自界等果爲體。初從觀待終至定異。俱共得果名同事因。若無漏法等。是難染法家相違。於生得成住中不相障礙。即名不相違因也。第三無記十因者。無記聲爲隨說因性。若取外麥等爲無記法。唯有依主釋。亦持業也。待足有往來等。名無記法觀待因。穀種子等未潤已前名牽引因。若潤已去名生起因。水土人功等相助名攝受因。依種生莖等已去名引發因。若麥定生麥不生豆等名定異。始從觀待終至定異。同招一事果名同事因也。其霜等是不相違因。於生住等不相障礙。名不相違因。

第三三性互辨。因果寬狹者。於十因中。且清淨者。若清淨之隨說因者。因體通三性。有漏無漏。有爲。其果唯無漏。有爲。無爲善性也。若清淨法即隨說因。因體唯有爲。無漏善性也。果通一切法也。觀待因者。若清淨法之觀待因。因體通三性。有漏無漏。有爲無爲也。果唯無漏。通有爲無爲唯善性也。若善清淨即觀待因。因體通有爲無爲。唯無漏。定是善性也。果法通三性。有漏無漏。有爲無爲。於中四句。若待所受有所受者。如待前理有後理起。因果性等。若待能受。有能受者。如待見道有修道者。因果性同也。若待所受有能受者。如緣真如理。因果性等。因唯無爲。若待能受有所受者。依現行見方得此理。因是有爲。果皆無爲。餘同也。言牽引生起二因者。唯得清淨法即牽引生起因。因果性等。唯有爲相無。無爲唯無漏。唯善性。無有不善。及無記。若據有爲。無漏。遠望攝無爲果。彼既是疎。此因親不取也。攝受因者。若清淨之攝受因。因體通有漏無漏。有爲無爲。有三性。果體唯無漏。非有漏。通有無爲。唯善性也。若清淨即攝受因。因體通有爲無爲。唯無漏。唯善性也。果性唯無漏。通有爲無爲。唯善性也。若據平等智。攝起染污末那。何妨果法亦通有漏。有三性。然言引發因者。若清淨法之引發因。因體通有漏無漏。唯有爲唯善性。以論言同類勝品引故。既言於勝品亦得爲因。何妨三性俱能引耶。果法唯無漏。通有無爲。定唯善性。若清淨法即引發因。因唯有爲無漏善性。果唯無漏。有爲無爲唯善性也。言定異因者。若清淨法即定異因。因唯有爲無漏善性。果通有爲無爲等。若清淨法之定異因。因唯有爲。果是無爲同事因者。若清淨法之同事因。因體通三性。有爲無爲。有漏無漏也。果法唯無漏。通有爲無

爲唯是善性也。若清淨法即同事因。因體唯無漏。通有爲無爲。唯善性也。果法唯無漏。通有爲無爲。唯善性。若能同辨相。得末那識起。果法何妨通三性也。言相違因者。唯得有清淨之相違因。不得有持業也。因體通二性。不善有覆無記故。若總言之。何妨亦通三性耶。唯有爲非無爲。唯有漏性也。果法通有爲無爲。唯無漏唯善性也。言不相違因者。若清淨之不相違因。因果果狹。若清淨法即不相違因。因狹果寬。准前釋也。第二雜染十因者。若據實義。唯得有雜染法之隨說因。何以故者。以大乘中聲非善惡性。若從表故假得通善惡性。由此道理亦有二釋也。若雜染法之隨說因。因體通三性。有漏無漏。唯有爲。果法通三性。唯有爲。唯有漏。若雜染即隨說因者。因體通三性。唯有漏。唯有爲。果法通一切皆得。若據展轉義。亦得緣真如故。觀待因者。若雜染法之觀待因。因體通三性。有漏無漏。有爲無爲。果體通三性。唯有漏。唯有爲也。若雜染即觀待因。因體通三性。唯有漏。唯有爲。果體通一切皆得。此是總說。若別說者。此有四句。若待所受有能受。因體通一切。果法唯有爲。有漏通三性。若待能受有所受。因體通三性。唯有漏。有爲也。果法通一切皆得也。若以能受待能受者。因果性同也。其中有別如理應思。大乘中既無不善色等。即無所受待所受也。若據表業。始從足骨待踝骨等。因果性通。於理

何失。其牽引生起二因。俱是持業也。因果性同故。若據業能引識等五果起。少有雜染法牽引因。因體通二性。唯有爲。有漏果唯無記。唯有漏。有爲也。言攝受因者。若雜染法之攝受因。因體通三性。有爲無爲。有漏無漏也。果法性同前。若雜染法即攝受者。因體通三性。唯有漏。有爲也。果性通一切也。言引發者。若雜染法之引發因。因體通三性。唯有漏。唯有爲。非無爲也。果性同前也。亦可無此釋也。若雜染法即引發因者。因體通三性。唯有爲。有漏。果法通三性。有漏無漏。唯有爲也。若據因有漏善法。斷證離繫果。何妨果法通無爲耶。言定異因者。若雜染法之定異因當須分別。若據無記爲果。果法唯無記。但有爲。有漏。因體通善惡二性。唯有爲。有漏。若三性爲果者。雜染法即定異因。因果俱通三性。唯有爲。有漏也。言同事因者。若雜染法之同事因。因體通三性。有爲無爲。有漏無漏。果法通三性。唯有爲。有漏也。若雜染即同事因。因體狹果性寬也。言相違因者。唯得有雜染之相違因。因體通有爲無爲。唯無漏。唯善性也。其果即狹言不相違者。若持業釋。因體狹果體通一切。若依主釋。果狹因寬也。第三無記法十因者。若取外法名。無記法。唯得有無記之隨說因。因體可通三性。因中表故。顯果上實無記極成。因通有漏無漏。唯有爲也。果體唯無記。唯有漏。有爲。言無記即因者。若據內聲性是無記。名隨說因

者。即有無記法即隨說因。因體唯無記。唯有漏。唯有爲。果通一切。風聲等是能詮者。何妨外法有即因耶。言觀待者。於中有四句。若所受待所受者。即所待爲因。能待爲果。因果性等。以。因顯形待。水等。形等爲因果故。若能受待能受者。即因果等。性亦同故。以俱受數爲觀待因。若依此義。外法無此句也。若依待所受有能受者。所受是因。是無記法。即因體唯無記。唯有爲。有漏。果性通三性。唯有爲。非無爲。通有無漏。唯心心所法。觸受數也。若待能受有所受者。因體有爲。通有漏。無漏。有三性。果性唯無記。唯有漏。有爲。唯色法也。若無記之觀待因。因體寬果性狹。若無記即觀待者。因性狹果即寬也。其牽引生起二因。唯得有無記法即因。以取外麥等種子假故也。言攝受因者。若無記法之攝受因。唯得有二依。謂作用土用。因通三性。唯有爲。有漏。果唯無記。唯有爲。有漏也。若無記法即攝受因者。因果性同也。其引發因者。唯有無記法即引發因。因果性同。言定異因者。亦只得有無記法即定異。果因體等。言同事因者。若無記法之同事因。因寬果狹。准前可解。若無記法即同事因。因狹果寬。言相違因者。唯得有無記之相違因。因果性同也。若據雪等是外無記。何妨亦有無記法即相違因。因果體等也。言不相違因者。若無記之不相違因。因體通一切。果唯極狹。若無記即相違因。因果性等。第四廢立者。問何故十因

◎(若)十風? ◎因二月? ◎[攝]一?

耶答略有六別

五果義

略以十門分別。一出體。二釋名。三廢立。四因。五因得。五四緣得。六十五依處得。七三乘因果具幾。八有為無為有漏無漏等分別。九見所斷等分別。十問答分別。

三廢立者。果是成辦義。要有法是無法非也。因之所則有二種果。一無為果。二有為果。無為果名離繫果。有為果名增上果。無為無多差別故。更不分別。有為有差別故。復應建立。有因與威勢不障礙而得者。但得增上之名。有因勝取與而得者。於中有因總假者之所得。有因別法之所得。總假者之所得名土用果。餘別法所得亦得土用果者。以別從總相似為名。於中依總立別法之所得。復有二類。一者同性。二者異性。異性者名異熟果。同性者名等流果。無為果要斷隨眠之所得勝故。餘非擇果。六行所得等但增上果。若非勝招致者但名增上。勝者名土用等。是故五果不增不減。又顯因類衆多可分十種。果衆難剋合立五果。此依聖教。無說增上及土用果通無為處。故作此釋。又解。因之所得不過有法。謂有為無為無為無多差別。唯一性。故立一果名離繫果。諸有為法有多差別三性不同。其同性所得名等流果。異性所得名異熟果。同性得中。然據勝力所牽之果名等流果。故同品與同品勝品二俱為因。非為劣因。異性之中因體殊勝。果相顯現名為異熟。

故無記性望善惡法。善惡法中。自互相望皆非。此果。因體非勝。果非顯現。非有異相。可知故不立為果。是總果收。然唯識第二卷言習氣有二。一平等流。二異熟總攝。一切有漏盡故。顯無為無別有為有別。立一二果。然上說即是無為有為別果。此二各有近力。遠力勝力劣力親力疎力資助。力不障力。有無為中。若為近勝親資助。力之所得者。立為土用果。若為遠劣疎不障力之所得者。名增上果。此二即是有為無為二法共果。皆依別法得土用名。此果即通四法為體。俱生無間隔越不生。俱生果者。即同時法故。成唯識第二卷云。種子生現。如俱有因得土用果。或第七云。一切法有得土用果。無間果者。次後生法。故成唯識第七卷云。一切種者得土用果。等流果中名土用故。第八卷云。引發等因得土用果。隔越果者。假者春種秋獲果故。諸論俱說此為土用。或異熟果亦是隔越。唯識七云。於異熟果立土用故。又第八云。牽引生起得土用果。不生果者。謂異見依處所得土用。故唯識云。攝受因得土用果。雖土用作用二種依處。是此因收。既引發等當得土用。豈遮異見得土用耶。故知別法亦有土用。土用之果亦通四種。由此五果不增不減。六十五卷說五果義少好。與餘不同。應檢之。

法處色義林

總以五門分別。一開合廢立。二辨體性。三

釋名字。四分別假實。五影質有無。

一開合廢立者。百法論總有一。謂法處所攝色也。五蘊論說法處色有二。一無表。二定果。瑜伽第三說亦同彼。顯揚第一說有三種。一律儀。二不律儀。三定自在。第五十四初說三同此。又彼卷中。廣說極微唯覺慧折。若非法處何處所攝。由此法處亦立四種。對法論說五。如文自列。顯揚十八說。法處色有十二相。一影像。二所作成。三無見。四無對。五非實大生。六繫屬心相。七世間。八不思議。九世間定果。十出世定果。十一自他地境。十二諸佛菩薩自在轉變。百法一者處類說故。五蘊論說各說二者。極略極週體即極微。折龜質色分成此二。以假從實以細從龜。故於諸法處更不別說。遍計所起不明了意識。獨緣根境構畫所生。熏種為因後生根境。以因從果以影從質。亦於法處不別說之。諸無表色相隱同類。總合建立名一無表。定自在果雖通假實。俱由定生。亦總合立故。五蘊等說二非多。顯揚第一。瑜伽決擇各說三者。諸無表色相類雖同。善惡性殊。分成二種。善者名律儀。不善者名不律儀。處中無表或無不立。或有彼類更不別開。不說所餘。准前應說。故顯揚等但說有三。說有四者遍計所起可有本質。隨質從果法處不立。極微無質故別立之。極微類同故不開也。此說五者。獨顯意所緣諸色與質用殊。以根對故。法處所攝。諸有本質皆名影像。名遍計所起。善

慧分析此有二類。一互爲。二破一。唯爲所觀。極略極過。無漏心所緣假實並名。定生。故分成五。顯揚十八說。十二者。唯說定果。若假若實諸相各別異。於餘類。更不說餘。十二種相並勝定果之差別義。非盡理門。理實法處唯立三種。一者影像。諸有極微并獨散意構畫根境鏡像水月。如是等類同皆無實。心之影故。同立一門。二者無表。若定若散若善若不善。此皆不能表示他故。相用既等。同立一門。三者定果。有漏無漏。若假若實俱由定起同立一門。故五蘊等說後二種。若極微色以假從實以細從麁。若遍計色以因從果以影從質。更不別立影像色者。亦應無表以假從實。非色從色。不別說之唯說定果。彼既不爾此云何然。故應說三非可增減。然今本論說有五者。且有漏心獨生散意。總緣根境水月鏡像。此等皆麁。折諸根境至極微位非極微細。雖同影像。麁細全殊。覺意計心能緣亦別。故離遍計別立極微。有對色中略有二類。一唯所礙不能礙他。即色處中明等遮色。下第三說非能礙故。二能礙他亦爲所礙。除遮色等外諸有對色。下第三說能互礙故。由此二類麁色不同。析至極微細亦差別。折前所礙以至極微名極遮色。析後俱礙以至極微名極略色。由此類別細分二種。二門影顯境心有異。隨應麁細開合亦別。色色易知合名影像。細色難解別開。二門故論說五不可減增深實諸文的當。

深理一  
二辨體性者。初極略色。此論自說。極微爲體。即五色根。除遮色等。餘五色境及四大種法處實色。極微爲性。顯揚第五。瑜伽五十四說。建立極微有十五種。謂眼等根爲五極微。色等境五極微。四大種四極微。法處實色有一極微。故此十五爲極略色性。二極遮色。論自說言。即此離餘之礙觸色。以空界色極微爲體。論說遮色即明闇色。當知光影色極遮色收。日炎名光。餘炎名明。影暗翻此。豈唯明暗是遮色耶。唯說明暗但舉小分。然空界色上下見別。分成遮色及空一顯。故空界色攝六種色。折至極微總名。極遮。建立所以如前應知。三受所引色者。論自說言。謂無表色。有義唯二。以律儀。不律儀無表爲體。處處皆說。法處無表唯此二故。要猛利思種便無表故。有義亦以非律儀非不律儀無表爲性。此第八等說。業有三。一。律儀。二。不律儀。三。非律儀。非不律儀。非律儀。非不律儀者。謂彼所有善不善業。若布施等。若毆擊等。律儀不律儀所不攝業。皆此所收。五十四說。色用差別者。謂有表無表律儀不律儀非律儀非不律儀所攝作用。說布施等爲此業故。定知此業亦有無表說。表無表律儀等三爲色作用。何緣唯二有表無表。此處中業唯有表耶。不說三者即二所攝善惡類故。故受所引定通三種。律儀無表總有三種。一別解脫無表。即七衆戒。二定俱無表。八等至俱諸有漏戒。此亦

名爲靜慮律儀。色界威儀故以爲名。三無漏無表。八等至俱諸無漏戒。若別解脫無表。不律儀無表。處中無表。此三皆依動發思種防發身語善惡功能增長位立。故唯識說。謂此或依發勝身語善惡思種增長位立。成業論說。動發勝思能發律儀不律儀表。由此熏成二勝種子未損壞位。假立善惡律儀無表。定俱無漏二種無表。依彼二位止惡現思功能建立。故唯識說。或依定中止身語惡現行思立。此等諸無表爲受所引體。四遍計所起色者。論自說言。謂影像色。獨生散意識通三性。心所變根塵無根等用。水月鏡像。此等非一。因計所變五根五塵。定境色等。無用影像。爲此遍計所起色體。五自在所生色者。論自說言。以解脫靜慮境色爲體。五十三說。勝定力故於一切色皆得自在。即以定所變色。聲香味觸境爲體。  
三釋名字者。初極略色。極者至也。窮也。邊也。略有二義。一者總義。總略衆色。折至極微名極略色。二者小義。折諸根境至極小處名極略色。故稱極略。不名極微。略是總者略色之極。略是小者色即極略。或色之極略。依士持業二釋隨應。今此色者五種通名。二釋離成持業爲勝。極遮色者。遮色即是色處。遮色離礙方顯。立以遮名。極遮即是色處。遮之極色。二釋隨應。色既通名。初後解勝。雖明暗等亦是所折。明等是別。遮色是總。處所寬廣。復能爲依。不名。

●爲二義！ ●爲二義！ ●(名)十義！ ●(有)十無！ ●意二義！ ●成儀一成勝！



極明等但稱極適色。然此適色與空一顯。上下類殊。俱空界色。不名極空。名極適者。恐虛空亦是色性。又適色通。空色唯上。不名極空。但稱極適。受所引色者。受謂領受。因教因師而領受義。引謂發起。受之所引名。受所引。受所引即色名。受所引色。離合二名即成。兩釋雖。定道戒得不從。師教。然方便時亦從師教。不律儀戒或自邀期或從他受。由此總說名受所引。又別解脫惡戒無表。定由受起。轉不隨心。定道相從。亦名受所引。又雖得彼不定從他。無表類同皆名受所引。亦有受得定得道。由此總名受所引色。遍計所起色者。三性意識能遍計度境從此生。名彼所起所起。即色名所起色。遍計之所起色。名遍計所起色。亦通兩釋。自在所生色者。定通無礙名為自在。果從彼起名彼所生。所生即色名。所生色。自在之所生色。名自在所生色。二釋如前。

四分別假實者。下第六云。極微無體。由慧分拆。顯揚第五云。慧拆。色至最細邊。建立極微。非由有體。故說極微無生無滅。瑜伽論第三云。於色聚中。曾無極微。從種生時。唯聚集成。亦非極微集成。色唯識亦云。至色邊際。假立極微。五十四等皆說同。此故初二色皆是假有。成唯識云。謂依思。顯善惡分限。假立無表。成業亦云。依二種子未損壞位。假立善惡律儀無表。此證甚多。故受所引色亦是假有。顯揚第十八說七

事無實。三影像。四響音。故遍計色亦是假有。五十四說。隨法處色有實有假。若有威德。定所行境。猶如變化。彼果彼境。及彼相應識等境色。是實物有。成唯識說。阿賴耶識變十色處。及隨法處所現實色。故定果色體是實有。此中有義。五種色中前四假有。唯第五實。顯揚論說。七事假中。但說律儀不律儀假。不說定果亦是假有。瑜伽但說法處色中。威德定色是實物有。律儀不律儀皆是假有。亦不說此定境色中。通假有。有義第五亦通。假有。善薩二乘等。解脫勝處。遍處。諸假相色實用都無。若非此收。何色所攝。定境界故。非五境攝。性非極微。又非無表。彼解脫等定非遍計。由此復非前四種色。若非第五。便無所屬。應此五色攝法。不盡。復不可說。以影像故。遍計色收。豈諸定心皆成攝畫。無漏心等無假相耶。佛智具能現諸影故。此論亦云。靜慮解脫所行境色。名定所生色。然由聖者所變皆能成實。極殊勝故。瑜伽唯說彼為定所生。以彼假想非殊勝故。略而不說。異生所變唯令他見。不堪受用。豈非假也。顯揚第一說。定所引色。由三品心起。彼所緣影像色性。及彼所作成熟色性。初是假色。後是實色。又顯揚第十八。七色假中。說影像假有。又法處色有十二相。第一影像。若假影像非定果者。彼論不說。無表定果外。更有法處色。彼影像色何色所收。故知定果有假有實。後義為善。順理教故。

五影實有無者。唯識第七卷說。有二所緣。一親。二疎。若與能緣體不相離。是見分等內所慮託。應知彼是親所緣緣。若與能緣體離。相離為實能起。內所慮託。應知彼是疎所緣緣。此五種色雖多是假。彼能緣心親所緣相決定皆有。故彼復說。親所緣緣能緣皆有。離內所慮託。必不能生。性是依他從因所起。諸非實色即能緣等種子所生。無色用故。或無別種成。本質故。同一種起。然無實用。若實有者。有色用。故別從種生。非與能緣同一種起。如樞要說。或變似色。或有色用。依此二。理親所緣故。五皆名色。依集量說。疎所緣緣。一切心生決定皆有。佛地等說。無分別智緣真如時。亦變影像。故諸心起定有本質。即依此義。五中四色必有本質。初極略色。欲色界十有色處。以色無色定果實色。以為本質。論說極微有十五故。次極適色。以欲色界色處為質。無色界無別處所故。此中所說。皆由折彼色所生。故以為質。非有彼類。說為本質。受所引色。既非心變非影像故。不說本質。遍計所起。以欲色界十有色處。及上一界中定所起色。以為本質。皆可託彼變影像故。定所生色。以欲色界諸根境色。以為本質。五十四說。勝定果色。然從緣彼種類影像三摩地發。說彼大造故。用二界諸色為質。若有實色若無本境。皆用名數。以為本質。許識行相通見及影。故知所緣定有影質。由此四色本質皆成。

故成唯識說。疎所緣緣能緣或有離外所託

亦得生故。第八第六此諸心品所託本質

或有或無。疎所緣緣有無不定。若依此義

極略極通遍計起色。折緣諸色因名教者

本質如前。依自尋思計諸我法。空花免角

過去未來劫盡常微。不因他教皆無本

質。又定果色有變有化。有緣他起。有定力

生。若變緣他定有本質。其化定力及自在

位。不假他生。故此本質有無不定。雖說行

相通見及影。誰許彼遍一切心。正智緣如

行緣一故。若緣如智亦有影像。誰能照彼

知有真如。即本後智亦應無別。又諸菩薩

雖入滅定。尚起威儀。遊諸淨土。此由定前

意樂。擊發本識相分現諸威儀。後雖滅心

威儀不滅。由第八識持緣彼故。此位威儀

依何本質。不爾八地以上菩薩。入滅定位

無前意識發起威儀。即應不成念入定。

亦非不起定現諸威儀。如是便違處處經

典。又梵王等變本形類。佛前聽法談論語

言。前能變心意識已滅。以非定通識。時現

在前。此所變形唯第八境。彼以何法為本

質耶。第八所緣亦定果故。由斯定果所託本

質有無不定。故唯識說契當深宗。集量未

行。且依現教。性境不隨心。獨影唯從見。帶

質通情本。性種等隨應

大乘法苑義林章卷第五

別紙註之矣

善慶花押

嘉應二年十月二十日於菩提院卯時點之

了

時代及末佛法不重。尚如瓦礫。雖然為上生

內院。值遇三會。悟解唯識。識了生年四十

三

寬文十二年壬子十月日令修補了

法印權大僧都清兼六十七才

### 大乘法苑義林章卷第六

基撰

三寶義林

三寶略以六門分別。一明種類。二出體性。

三釋名字。四辨廢立。五顯差別。六解妨

難

明種類者。有六種類。一同體。二別體。三一

乘。四三乘。五真寶。六住持同體者。勝鬘經

說。歸依第一義者。是究竟歸依。無異如來。

無異二歸依。如來即三歸依。涅槃第十說。若

能計三寶常住同真諦。此即是諸佛最上之

誓願。又云。若於三寶修異相者。當知是人

所有禁戒悉不具足。尚不能得二乘菩提。

何況能得大菩提也。又云。佛即是法。法即

是僧。乃至佛性即是法身。故言同體。別

體者。涅槃經第五。佛言。橋梁彌莫供養我。

當供養僧。若供養僧。即得具足供養三歸。

何說言供養衆僧。即得具足供養三歸。我復告言。汝隨我語。即供養佛。為解脫故。即供養法。衆僧受者。即供養僧。是故三歸不為一。善男子。如來或時說一為三。說三為一。如是之義。諸佛境界。非諸聲聞緣覺所知。一乘者。勝鬘經說。說一乘道法。得究竟法身。於上更無說。一乘法事。三乘衆者。有愚怖歸依。非究竟歸依。顯揚論說。善逝善說妙三身。無畏無流證教法。上乘真寶牟尼子。我今至誠先讚。佛地論云。稽首無上良福田。三身二諦一乘衆。法花亦說十方佛土中。唯一乘法等。三乘者。勝鬘經說。於未度世間。無依世間。與後際等作。無盡歸依。常住歸依者。謂如來應正等覺也。法者即說。一乘道。僧者是三乘衆。彼經意說。為三乘者所現。三身名為佛寶。二乘所修教理行果。一乘方便名。一乘道法。竟歸一乘故。雜集序云。敬禮如是大覺尊。無等妙法諸聖衆。又云。此三佛身是差別義。當知此中亦說法僧功德。法寶者。自性因果等義所攝。僧寶者。隨此修學所生。諸言所表一切三寶。安慧意同。天親所說。心無偏黨。有力皆敬。故言諸表諸聖衆等。攝論亦言。稽首大覺諸如來。無等妙法真聖衆。無別簡別。故通三乘。真寶者。三身佛寶。一切無漏教理行果。三乘法寶。一切住向住果住道三乘聖衆名為僧寶。大小乘同真寶三寶。十輪經第五說。沙門有四。一勝道沙門。三乘無學已離有支。或大菩薩不假

他緣。於一切法知見無障。攝受利樂一切有情皆名勝道沙門所攝。皆唯勝義僧。二示道沙門。其勝義僧。及世俗僧。於中或有亦是示道沙門所攝。若有成就別解脫戒。真善異生。乃至具足世間正見。彼由記說變現力故。能廣為他宣說開示諸聖道法。名最下品示道沙門。預流第二。一來第三。不還第四。十地菩薩是名第五示道沙門。三命道沙門。若有成就別解脫戒。軌則所行清淨具足。以道活命故名命道。又大菩薩為利有情具足修行六到彼岸。亦名命道。如是勝道。示道。命道三種沙門。名為世間真寶福田。依彼經說。真善異生持別解脫戒。具足正見說聖道法。名為示道。前異生等具戒六支名為命道。此二沙門得名世間真寶福田。故真實三寶通異生類。或此不然。聖道現前斷滅煩惱。內理無謬。外事和合。可名僧寶。設非沙門住聖道者理無謬故。皆名僧寶。與諸沙門種類同故。若諸異生住戒住見。亦入真實僧寶攝者。則非沙門住戒見類亦僧寶攝。於理事二皆非和合。云何名僧。福田與僧寶二義別故。非異生福田亦真僧寶攝。若許異生二種沙門真僧寶者。事和合故。餘類不然。於二說中後說為善。住持者。世尊最後將般涅槃。於忉利天安居說法。優填王等思仰金容。雕檀為像。以為供養。佛從忉利下方寶階。檀像起立禮拜迎逆。世尊摩頂而記像言。未來住持廣為佛事。故花嚴說十佛。前五世

俗佛中有住持佛。又餘經言。其未度者皆亦已作得度因緣。即是舍利遺形及像。皆是住持佛寶所攝。佛滅度後法有三時。謂正像末。具教行證三名為正法。但有教行名為像法。有教無餘名為末法。此教行二有漏攝者。及棄文字皆住持法寶。無漏三法真法寶故。示道命道二沙門中。異生具戒具見等類。正像末法能住持者。是住持僧。又十輪說四沙門中。第四名為汚道沙門。雖非真實亦得隨在福田數中。無慚愧僧於我正法亦名死屍。於清眾海應當擯棄。非聖器故。我於彼人不稱大師。彼人於我亦非弟子。有無慚愧於我舍利及我形像。及我法僧聖所愛戒。深生敬信。自無邪見。亦令他無能宣正法讚歎不毀。常發正願隨犯數悔。業障皆除。當知是人信三寶戒。力勝諸外道。多百千倍。輪王不及。況餘有情。故勸有情作如是說。於我法中剃除鬚髮。我終不聽毀辱擯罰。此出家者三世諸佛慈悲護念。是故輕毀即毀諸佛。有無慚愧毀破禁戒。非聖法器。自起邪見。亦令他起。誹毀三乘。不讚一乘。如是破戒惡行。茲獨誑惑有情。令生惡見。師及弟子俱斷善根。當墮地獄。如是死屍腫脹爛臭。若與交遊共住同事。臭穢熏染。失聖法財。師及弟子俱斷善根。當墮地獄。是故若無初三沙門。於汚道中求難破戒不壞正見者。親近承事聽聞法要。不應親近戒見俱壞惡行。茲獨觀前文意。初無慚者亦得名為住持

僧寶。及上座等僧像亦然。然後經中第四卷說。若有慈獨於諸根本性重惡中。隨犯一罪。雖名破戒惡行。茲獨而於親教和合僧中。所得律儀猶不斷絕。乃至棄捨所學尸羅。猶有白法香氣隨逐。諸國王等無有律儀。不應輕慢及加擯罰。彼雖非法器難穢清眾。不捨戒故猶勝一切在家白衣。犯性罪者尚應如是。況犯其餘諸小遮罪。此文即是初無慚僧。壞戒有見故得有戒。後無慚者。善根既斷。戒亦隨無。非住持攝。住持令。他善根生故。法隨有故。彼令善滅。法隨滅故非住持攝。

第二出體性者。同體三寶。即淨法界真如法身。涅槃經云。佛即是法。法即是僧。僧即是常。常即虛空。虛空即佛性。佛性即法身。說無垢稱經入不二法門品寂靜根言。佛法僧寶分別為二。若了佛性即是法性。法即僧性。如是三寶皆無為相與虛空等。諸法亦爾。達此名悟不二法門故。別體三寶。佛以三身佛為自性。如三身義林說。法謂三乘無漏所攝教理行果四法為性。教謂音聲名句文身。如總義林說。理謂二諦四諦等理。此有二種。一根本智境諸法實性。故即二空理。二後得智境變似彼故。十六諦等。行謂三乘因聖所起二利諸行。果謂三乘無學所得二轉依果。雜集序中。唯說根本智境真如名理法寶。略無後得所變境。理。唯說大乘十地因行。不說二乘因所修行。唯說大乘有為果法。不說所餘變

化身等亦果法攝法體如是。若別說者。因所證理是理法實。因聖所修行是行法實。無學位中二轉依果是果法實。所有言教是教法實。差別法體名為法實。通五聚法能依德義及以假者。隨其所應名佛僧寶。五蘊假者及法身義是佛寶。唯取假者為僧寶。是三差別。三乘聖眾具理事和名為僧寶。以具無漏戒見等故。能依假者方名僧寶。十地菩薩既皆聖位多同類出。麟角獨覺天趣亦然。獨勝部行僧種類故。報恩經中鹿女夫人五百太子出家修道。同一時中得辟支果。不從師受名為獨覺。有多同出名為部行。如二界六欲天等。二果四果。無出家像。於事非和。理無諍故。是僧種類皆名僧寶。不同餘宗有漏身器為無漏依。供養及損故生罪福。瑜伽六十四云。先受歸依三乘。皆取見道已上。聲聞有五。一地。二智。三淨。四果。五功德證得。地謂見修及究竟地。獨覺有三。乃至大乘八種亦爾。唯取聖非凡。這教論云。增長修行者。世及出世間。我等皆南牟者。二乘聖者名世間修故。一乘者根本一乘所有三寶。不定種姓方便所修。若法若僧。亦是一乘三寶體攝。法花經說。羊鹿二車。為牛車因。化城亦為寶所方便。故勝鬘說。正法住。正法滅。波羅提木叉。毘尼出家受具足。此六處為大乘故說。初四是法。後二是僧。故為一乘方便。二寶亦一乘攝。此義廣如二乘義林說。雖定種姓法僧二寶後不歸大。由法等亦名一乘。如攝論等十義

中說。三乘者。三身佛寶名。三乘佛。教雖設異。非宗所明。不須異釋。其他受用自性身等大乘佛寶。變化唯是二乘佛寶。雖地前來十地菩薩亦得見之。非大乘佛。彼地前乘非是大乘僧寶攝故。為彼僧現是彼佛故。若許異生亦僧寶攝。便無是義。根本大乘及方便修。教理行果大乘法寶。麟角獨覺及除定性所修四法。各隨所應二乘法寶。隨此所修無漏四法能修假者。各即是彼三乘僧寶。其質者即前所說同體。別體一乘三乘所有三寶實義。唯取聖位名僧寶。理和以上煩惱斷滅。得道得果。可貴可珍。正名僧寶。四沙門中初勝道全。示道命道各取少分。聖者種類是僧寶攝。異生示道命道沙門。雖具戒見能生物利。是真福田。非僧寶攝。無聖道故。福田義廣實義局故。同體三寶廢詮辨實非四諦收。依詮顯旨滅諸所攝。別體一乘三乘真實皆通滅道。准下住持亦苦集攝。住持者佛寶。唯以四處為性。舍利及像色香味觸為自性故。法寶通以五蘊為性。教謂聲法處。葉字謂四處行謂三業。或五蘊性。故此法寶五蘊七處以為自性。唯有漏故。住持僧中上座等像。四處為性。示道命道二沙門中。諸異生類及以第四污道沙門。壞戒有見不斷善根。悔罪種類五蘊假者。通十二處以為自性。

何義故佛。法來僧說名為寶。偈言。真實世希有。明淨及勢力。能莊嚴世間。最上不變等。依彼六種相似相對。佛法來僧說名為寶。一世間難得。無善衆生百千萬劫不能得故。此真。實寶世希有故。二無垢。以離一切有漏諸行極明淨故。三威德具。六神通威德自在有勢力或四莊嚴世間。以能莊嚴出世間法故。此亦能莊嚴世間。五勝妙。是出世法極最上故。六不可改異。以得無漏世間八法不能傾動恒不變故。如世七珍具此六相。三體亦爾。故皆名寶。帶數釋也相似相對是譬喻義。梵云。靜陀。訛略云。佛涅槃經云。佛者名覺。既自覺悟復能覺他。譬如有人覺知有賊賊無能為。菩薩能覺無量煩惱。既覺了已令諸煩惱無所能為。是故名佛。菩薩地說。於三聚法平等開覺。故名為佛。佛地論云。具二種智。能覺自他。有覺之者總有別慧。依主為名。達磨云。法分廣經云。軌則名法。成唯識云。法謂軌持。能持自相軌生解故。涅槃經說。法名不覺。僧伽云。衆。於理於事無乖諍故。此有三種。一理和僧。三人已上雖方名僧。麟角獨覺及餘聖者。設獨一出彼種類故。亦得名僧。二事和僧。三人已上皆是僧體。從多論故。彼國之法一名為一。二名為身。自三已上皆名為多。如辨法事四人方成。一人自言大德僧聽。所和三人得名僧故。若四是僧。豈能白者而自白耶。欲顯和合從多人故。自三已上皆得名僧。三辨事僧。謂四人

五人十人二十。能所白中具足和合辦法事。故非者和體此法。僧名皆非。六釋。唯一字名無簡別。故若置實言。三皆持業。

等四辨廢立者。略有四義。一僧祇律云。爲翻外道邪三寶。故。優婆塞戒經云。若歸佛已棄捨身命。終不歸依自在天等。若歸法已終不歸依外道典籍。若歸僧已終不歸依外道邪衆。涅槃成實說亦同此。二寶性論第二卷三寶品云。依三種義故。一調御師。二彼師資。三彼師資。所證無量種類同故。合立一法。能證因果二類別故。分成師資。三彼論又說。爲上根人取佛菩提。說於佛寶。爲中根人求自然智達。因緣法。說於法寶。爲下根人依師受法理。事不達。說於僧寶。故彼論說。依六種人故說三寶。一大二

中三者小乘。如次信佛信法信僧故名六種。四處處皆說。佛如良醫。法如妙藥。僧如看者。故此三寶不減不增。

第五顯差別者。瑜伽六十四說。由六種相三寶差別。一由相故。謂自然覺悟相是佛寶。覺悟果相是法寶。隨他所教正修行相是僧寶。二由業故。謂轉正教業是佛寶。捨煩惱苦所緣境業是法寶。勇猛增長業是僧寶。三信解故。謂於佛寶應樹親近承事信解。於法寶所應樹希求證得信解。於僧寶所應樹和合同一法性共住信解。四修行故。謂於佛寶所應修供養承事正行。於法寶所應修瑜伽方便正行。於僧寶所應修共受財法正行。五隨念故。應以餘相隨

念佛寶。應以餘相隨念法寶。應以餘相隨念僧寶。謂是世尊乃至廣說。六生福故。謂於佛寶依一有情生。最勝福。於法寶所即依此法生。最勝福。於僧寶所依多有情生。最勝福。

六解妨難者。初依總義。有十問答。一問所辨三寶次第云何。答或有次第。或無次第。同體三寶一體義分性無勝劣。故無前後。然隨義別。亦有前後。能覺所覺隨覺有異。彰佛法僧前後差別。別相三寶次第有五。一因果次第。由僧先修。次佛圓滿。後得法果。二境行次第。以法爲境。僧修聖行。佛果圓滿。三師資次第。涅槃經說諸佛所師所謂法也。報恩經中亦說法先。佛寶次說。後說僧寶。四勝劣次第。諸教皆說佛法僧寶。能覺彼法。所覺隨受。有勝劣故。五隨信次第。由先見僧威儀戒行。既生信已。次於所證諦等歸心。後於彼師亦生崇仰。故僧法佛如是次第。如鷲子等路見馬勝威儀。閑寂願聞所知。既聞苦諦。便得初果。後往佛所歸仰。聞法成阿羅漢。二問所歸三寶何狹何寬。答三皆體寬通住持故。或體無別歸真實故。三問佛墮僧攝爲非僧攝。答經言。衆僧之中無佛無法。云何說言供養衆僧則得具足供養三寶。佛自告言。汝隨我語則供養佛。爲解脫故。即供養法。衆僧受者即供養僧。是故三歸不得爲一。觀彼經意。佛非僧攝。若爾如何。瑜伽六十說由五種相田成廣大。第五極清淨相續究竟。謂阿羅漢及佛爲首大慈芻僧。既云慈芻及

佛爲首。如何說佛非僧攝。答出家外道皆假號僧。爲異彼徒及佛爲首顯佛弟子。非佛即僧。同大衆部等佛非僧攝。化地部說僧中有佛。故施僧者便獲大果。非別施佛。僧不得故。佛亦得故。法藏部說。謂佛雖在僧中所攝。然別施佛果大非僧。衆德滿故。田非勝故。若依彼義。佛墮僧攝。故瑜伽說及佛爲首大慈芻僧。既爾涅槃所說復云何通。答大勝生主不知。佛是剃髮染衣亦僧所攝。佛隨彼意故作別說。不定說佛非僧所收。故言或時說一爲三說三爲一。是佛境界非餘所知。於二說中應求正理。四問佛法僧寶勝劣可知。何故佛僧損殺成逆。於法毀損不成逆罪。答佛僧。苦生化二乘。以說爲逆。法毀滅重。導菩薩而立逆名。薩遮尼乾子經說五逆。第二謗三乘法定非理法。障礙留難隱蔽覆藏。第四方說出佛身血殺無學等。般若法花亦言。謗法當墮十方無間地獄。故爲菩薩法亦成逆。五問三身損化得成逆罪。僧寶殺因應成逆業。答法報無損。但化稱逆。無學福增逆成唯果。理實說僧過尙得稱逆。況殺有學命而非逆罪。出佛身血尙得逆名。毀謗法報理亦成逆。但以佛據易損。僧依勝田通爲二乘。偏稱逆罪。六問三乘僧寶。菩薩成尊。損殺十地應成逆罪。答隨類化生五逆無停。菩薩逆同類罪。十地損亦逆成。七問福罪相翻。供養僧勝別無學。罪福相返。無學非逆於僧。故云別請五百

羅漢不如僧次一人。答殺罪心境俱增殺。無學而稱道。供福情田並勝。於僧福而為多。或依大乘罪福相似。八問有學無學同事和而稱。僧寶凡生聖生俱僧而同實攝。答理和事和。三聖無。事和非理凡生有乘。實義可珍。凡僧非寶。九問一佛一法亦稱佛法。一僧二僧皆得稱僧。答辨事名僧。從衆而方僧稱。覺察持軌隨一皆稱佛法。十問十輪經說。有四種僧。一勝義。二世俗。三癡羊。四無漸愧。謂佛十地菩薩獨覺四果名勝義僧。若諸有情帶在家相。不剃鬚髮。不服袈裟。雖不得受一切出家別解脫戒。一切羯磨。布薩。自恣悉皆違造。而有聖法得聖果故。前出家聖此在家聖皆勝義僧。有剃鬚髮被服袈裟成出家戒名世俗僧。此據有智凡出家類。若不了知罪與非罪。犯與不犯。不知發露懺悔。猶鈍不依善士。不往聽聞。不數請問。作何罪福。名癡羊僧。若諸有情為活命故。歸我出家毀犯戒行。無慚無愧。不畏苦果。內懷腐敗。如機螞蟥。貝音狗行。虛言無實。煩惱增多。會無勝業。耽。耽利譽。俟六境。毀謗正法。名無慚愧僧。此中何者僧實所攝。答初全或次少聖者名僧寶。次餘後二全凡僧非寶攝。次依種類有三問答。一問以乘對實寶有別向。以實對乘乘有同別。答教無別顯理亦應通。但說教行方便乘三。談理果乘究竟唯一。不遮何性。微淺義以分三。究竟轉依證偏。圓而不一。故談理果義分三乘。

或實分法之本末。故開同別二門。乘以運載生機故無一體三義。齊不著釋取捨任情。二問何緣三寶有一三乘。何義三乘無三一寶。答乘隨機立。寶逐乘明。實據可珍。乘不隨立。或寶雖可重。逐三根以分三。乘既運生。亦隨實分三。二或以實隨乘而易顯。乘逐寶而難明。二互翻成。兩皆無爽。三問寶隨機立。假許住持。乘對生根。應開雜染。何故唯說不繫為乘。答真寶稱寶不繫義同。利益可珍。住持隨立。乘隨真寶不繫名乘。有益運生雜染亦運。次依體性有六問答。一問僧是衆義。自三以上名僧。理體不殊。真如寧有僧義。答覺依無慮。尚得稱以佛名。僧本非多。理亦得標。僧稱二問三乘體別後會。歸於一乘。三寶相殊。終可成於一寶。答運生有於初後。會二歸於一乘。可珍有。於勝劣。究竟成歸一寶。或寶可珍。有同別而無會。乘依運載說三。二而稱歸。齊與不齊。亦隨取捨。三問以乘對寶。皆許會歸。以實對身亦應歸會。謂會應化歸。法身故。答執乘極而住果。令進習而明歸。無執身而不進。故於身而無會。若說勝劣。諸教明文。四問既許三寶體有同別。應許三身亦有同體。答寶隨機立。對樂執而稱同。別。身利別根無計情而但異。或事殊立別。理等明同。寶既一三。身亦三一。但以身殊難曉。諸教多陳。體等易知。聖無明說。五問寶隨乘立。既許一三。身對乘明亦應三一。答乘體即寶故有一三。

佛非二乘故無三一。六問隨機現寶實有一三。隨乘現身佛有三。一答佛皆極果非彼二乘。餘開劣勝故有三。一或雖化身爲二乘現逗彼機器。亦分三身。五分法身名法身。王宮生身名報身。餘隨類身名化身。一乘三身已如前辨。故釋前難有齊不齊。次依釋名。有三問答。一問任持自相。眞如正可名法。非和無覺云何得名佛僧。答覺性覺依覺本名覺。理和事順衆本名僧。二問能學勝劣佛僧開二。所學果因法應非一。答有障無障以顯修能。學易知以開二。有勝非勝以明證所學難了。故唯一三問劣勝難了法合爲一。事理易知法開爲二。答師資道別。佛僧爲二。軌則義齊。法但爲一。次依廢立有三問答。一問勝覺經等說有一乘。涅槃經等說有二乘。譬如國王調御羣。欲令驢車而及之者。無有是處。法花經等說有三乘。謂羊鹿牛車。善戒經等說有四車。前三加象。勝覺經等亦說有四。謂無聞非法衆生。以人天善根而成。就之。求聲聞者授聲聞乘。求緣覺者授緣覺乘。求大乘者授以大乘。楞伽經中說有五乘。三乘定性不定性爲四。第五阿闍提有二。一有性而斷善根。二菩薩具大悲者。莊嚴論中亦說有五。前四如前。第五有二。一即有性而斷善根。謂暫時無。二無性者。謂畢竟無。善戒經等亦說有五。初四如前。第五唯一。謂無種姓。何故說乘有此差別。不說身寶有此異門。答

乘隨機立佛據覺殊實性可珍。故無增減。二問何故證淨別立戒門。於立實中不開戒實答證淨是所信。二因戒別立實義化三根。從通名法實。四種證淨由二因立。由信三寶離惡道因。由信戒故離賤貧因。故信法外別立戒淨。三問何因隨念加六加三。所敬可珍即無增減。答念緣令其親近。念行令其進修。加六加三。六十隨念。緣為所敬隨根可珍。但說三歸故無增減。次依差別。有一問答。問何故唯說三寶別相。不說無別。答無別義易經已廣陳。有別義難論。須具釋。合前問答有二十五。

破魔羅義林

破魔羅義。以七門分別。一列名不同。二釋名出體。三明廢立。四辨所障。五能破差別。六異破位次。七示相降時。

一列名不同者。魔有二種。一段段品魔。二變易品魔。法花經中安樂行品說。如來亦復如是。以禪定智慧力得法國王。王於三界。而諸魔王不肯順伏。如來賢聖諸將與之共戰。其有功者心亦歡喜。於四眾中。為說諸經。令其心悅。乃至又復賜與涅槃之域。言得滅度。引導其心。令其歡喜。而不為說是法華經。此說二乘先所破滅。故知但是分段之魔。煩惱障品既障二乘。說之為魔。所知障品障於菩薩。明知亦魔。勝鬘經說。有作四聖諦。無作四聖諦。如來應正等覺。初始覺知。然後為無明蔽藏衆生。方便演說。既分二死二蘊二煩惱。明知天魔亦有二類。或說三魔。

法花又云。如來亦復如是。於三界中。為大法王。以法教化一切衆生。見寶蓋軍與五陰魔煩惱魔死魔共戰。有大功德。滅三毒。出三界。破魔網。爾時如來亦大歡喜。不說天魔。或說四魔。瑜伽等說。坦然安坐。妙善提座。降伏四魔。具大勢力。名薄伽梵。佛地論云。言四魔者。一煩惱魔。二蘊魔。三死魔。四自在天魔。或說八魔。分段變易各有四。故菩薩以分別及所知障為煩惱故。理亦定有變易生死品煩惱魔。又說八魔。涅槃經說。四魔之上。更加四倒。或說十魔。難藏中說。欲憂愁飢渴愛睡眠怖畏疑毒及名利自高輕慢彼。汝等軍如是。一切無能破。我智箭定刀。摧坏瓶。投水。

二釋名出體者。初釋名。後出體。釋名中。初釋通名。後釋別名。通名者。梵云魔羅。此云擾亂障礙破壞。擾亂身心。障礙善法。破壞勝事。故名魔羅。此略云。魔諸魔通稱。三等是數帶數釋也。又云波卑夜。此云惡者。天魔別名。波旬訛也。成就惡法懷惡意故。惡魔波旬號名雙舉。釋別名者。可分三段。為分段。品是類義。變改轉易名為變易。品義如前。分段變易品即是魔。持業釋也。煩多擾亂名為煩惱。色等積聚名之為蘊。將盡正盡盡已名死。死神用光潔自在名天。此四即魔皆持業釋。涅槃八魔。初四如前。無常無樂無我無淨。倒體即魔。亦持業釋。十魔名者。可欣名欲心盛名憂愁怖求食飲名飢渴耽欲名愛。令心昧略名睡眠。有所。

惡怯名怖畏。猶豫兩端名疑。損惱身心名毒。憐譽貪財曰名利。自舉陵他名高慢。欲等即魔。亦持業釋。此中且解諸名不同。增減數中。同者類釋。次出魔體。二魔體者。依於有作龜四諦品。二乘異生龜淺境事。立分段魔體。依於無作細四諦品。大乘異生微妙境事。立變易魔體。後唯障菩薩。初通障二乘。二乘求解脫。彼等能為解脫障。故菩薩求菩提。變易四魔細能障故。三魔體者。一切見修煩惱障品名煩惱魔。因惑所感。五蘊諸法名為蘊魔。依此五蘊無常死沒。將死已死名為死魔。不取死觸唯是色蘊。觸處狹故。亦不取死支。將死正死非已死故。死即滅相。不相應行蘊。依五蘊假捨。衆同分入過去故。破壞壽命故名為魔。或兼死支。將死正死逼迫身心。壞壽命故。或兼死觸。觸於末摩。令生苦惱。損壽命故。四魔體者。煩惱所知。若現若種。并隨所應。習氣等法名煩惱魔。分段變易二死五蘊名為蘊魔。分段沒無將死正死。死已滅相名為死魔。變易正死將死二位名為死魔。若彼滅已便非魔體。欲界第六他化天子魔及眷屬并不思議解脫菩薩之所化作。名自在天魔。八魔體者。一百二十八根本煩惱及隨煩惱。種種現習氣名。分段煩惱魔。即此所招諸龜五蘊類名。分段蘊魔。即此五蘊終盡已死。將死正死名。分段死魔。第六天子及彼眷屬名。分段天魔。龜下劣故。實凡類故。實破壞故。諸所知障現。種種習氣名變易煩惱魔。菩薩以分別并一切。



所知障爲煩惱故。變易生死五蘊果等名。變易蘊魔。此於初位無終盡捨。但有念念微細隨滅。逼迫生滅。以爲死魔。第十地菩薩示現所爲名爲天魔。無垢稱言。作魔王者多是不思議解脫菩薩。鼓音王經云。阿彌陀佛父名月上。母名殊勝妙顏。魔王名無勝。調達名寂。唯有龍象能與龍象而爲戰。十地菩薩既將成佛。豈凡魔王所能抗敵。故必大菩薩化爲魔王。共菩薩戰。又八魔體初四分段品。後四分別所知障攝。二乘四倒故。十魔體者。欲魔謂五塵境。體是所欲。能生貪欲。從果爲名。名欲。欲體正是欲境之貪。憂愁謂憂苦受。飢渴則是二觸所生二欲。睡眠即不定眠。怖畏即五怖畏。一不活畏。由分別我資生愛起。二惡名畏。行不饒益有怖望起。三者死畏。由有我見失壞想起。四惡趣畏。不遇諸佛惡業所起。五怯衆畏。見已證劣他勝所起。初二怖體多是貪欲財譽之愛。第三第五多是我愛。第四體是慧俱無貪。或體是愧。拒惡法故。疑體如名。毒謂三毒貪瞋無明。名謂聲譽利謂資產。自高慢。彼體即是慢。此隨所應唯說。蘊惑以爲魔軍。或說天魔以此爲軍。三明明立者。立二魔者。所障有二。一涅槃品。二善提品。依障初品立分段品魔。依障後品立變易品魔。或智有二。一中智。二上智。中智所知立初魔。上智所知立後魔。或有漏法有二。一麤。二細。依麤法立分段魔。依細法立變易品魔。有作無作安立非

安立。亦如是說。三魔者。唯說聲聞。畢竟恒時所能降故。天魔礙阿難之心。不聞佛問。入涅槃事。鄒波迦多。在座禪觀。不覺魔王插花於頂。雖起神通亦能制伏。非畢竟降。故略不說。實亦能降。又說四魔不說業者。爲生死因惑爲本勝。由惑所起蘊勝非業。蘊總業別。不別立魔。果因二中非殊勝故。生老病三皆劣於死。從勝爲魔。不立三種。唯死增用。獨立爲魔。法立三魔謂惑。死情立一魔謂自在天。無上依經。三界內有四種難。不得如來四德法身。一煩惱難。二業難。三生報難。四過失難。變易生死有四。一方便生死。二因緣生死。三有生死。四無有生死。如次配前。前爲分段。後爲變易。唯業一種不立爲魔。擾亂破壞障礙劣故。法既爲六情分假實。故成八魔。涅槃八魔煩惱障品。有因異熟果。約法情分初四所知障品無異熟果。不說有情說。二乘起障四德涅槃。故說後四。十魔隨增。天魔多起煩惱及蘊。此十相增所以偏說。障定智故。略不說餘。四辨所障者。二魔中分段魔障。三乘。變易魔障。菩薩。初障解脫涅槃。後障善提妙智。三魔中煩惱障有餘。蘊障無餘。死障生壽。四魔中前三如前。天魔能障一切善品。障出欲界及三界故。初八魔中。分段變易二障難殊。別障相似。後八魔中初四如前。後四障大涅槃具四德故。十魔別障智定二門。說二刀箭而能破故。或下所說能

治魔體。即是所障。至下當知。五能破差別者。有六門異。一實能破體。破前三魔。正證眞智。我生已盡。梵行已立。所作已辦。不受後有。由智證眞彼方滅故。由有神通方伏天魔。亦智爲本後智爲性。二大集經說。知苦斷集證滅修道。如大能壞蘊煩惱死自在天魔。三復次觀有漏苦諸行無常諸法無我涅槃寂靜。如大能壞蘊惑死天。四復次觀空無相無願。具此三已迴向菩提。如大壞四。五復次觀身受心法。如次壞四。六智度論云。菩薩得道故破煩惱魔得法性身故破蘊魔得道及法性身故破死魔。常一心入不動三昧。破天魔。前所說義各隨相增。隨前所修四別行相。相當義配。非正證眞一念有此行相差別。如理應知。應各別解相配所由。惡文繁廣。易故不述。六真破位次者。分段四魔。十住菩薩初發心住。分成十信。花嚴經說。初發心住能八相成道。已伏分段品天魔。已得神通。彼何能障。第四生貴住中已伏分別諸煩惱魔。資糧道漸伏。加行道中能頓伏盡。初地初心正斷分別體盡。其俱生者。加行道中漸伏。初地已上能頓伏盡。然故意力有時猶起。而不爲失。八地已上一切不行。種金剛斷。若依天親法華論說。初地已上受變易生即伏蘊死。若依唯識。有至八地方受變易。七地滿心方捨蘊死二魔。加行所修二類菩薩意樂別故。無垢稱經歎八地已上德。

云降伏魔怨制諸外道明其具德非今始破又具破四魔要八地已上故彼讚之佛地論云初地已上離魔四魔八地已上能離細故又分段魔名龜初地離故變易四魔猶在細名未離若變易品魔分別所知障第四住中離不共無明伴類所知障資糧道中漸伏加行道中能頓伏盡初地永斷其六識中俱生所知障十地分斷八地已上一切不行七識中者乃至金剛加行道中方斷不起此及六識中種金剛無間道一時方斷變易蘊死二魔唯識有二說一云金剛道起皆已棄捨與二障種俱時捨故正義不然解脫道起方棄捨之與無間道不相違故阿彌陀佛既有魔王已上諸位准有何爽要大菩薩能爲魔事障大位故若住菩薩方降天魔若已成佛十地菩薩無能爲障已出三界更何須降四倒四魔即所知障初之四魔不異於前故不別說

七示相降時者釋迦化身化相降位金剛心起破煩惱魔捨第五分壽入無餘滅破彼蘊魔魔王請後更留三月爲顯於死得自在故破其死魔然破天魔二文不定涅槃經說菩提樹下未成菩提魔王惱亂恐出三界菩薩入慈定起雷吼三摩地即破天魔同於法華大通智勝破魔軍已垂得阿耨多羅三藐三菩提而諸佛法不現在前大般若經八和成道得菩提已方破天魔隨機部執各有異故不須和會

◎三慧義林

三慧義略以十門分別一出體二釋名三所緣四廢立五位地六諸智相攝七法行差別八與陀羅尼對明同異九地證不同十諸門分別

第一出體者此三自性別境慧攝名三慧故通現及種顯揚論十七說十八現觀謂聞所成智思所成智修所成智說是智故有說此三唯是意識或七八識相應慧性非五識俱五識不能緣數理故唯識論第六說善十一中五識唯十自性散動無輕安故說佛身中無五識故眼等不能聽聞法故五識中善唯是生得不明了故有義五識亦有聞修唯識有說五識有輕安定所引善者亦有調暢故成所作智俱必有輕安故定有修慧何緣五識雖無分別由第六識分別引生有分別惑聞慧意引而無聞慧雖不別緣若名若義名俱之聲體即是教耳既緣彼事非聞慧思慧深緣名所詮義五識可無聞緣緣教五識應有聞慧意引五識善生因聞所成聞慧伴類亦聞慧攝聞所成故若能引意聞加行善所引五識生得善者亦應能引第六意識是分別惑所引五識唯是俱生若爾不應通見道斷便違聖教若親聞聲方名聞者意應應非若聞聲故彼所成故五亦應有瑜伽第十三聞慧地說於五明處名句文身覺慧爲先聽聞領受讀誦憶念名聞所成地彼論意說覺慧爲先者是生得慧初聞劣故後聽聞等

皆是聞慧能明了故故耳識俱明了意識亦是聞慧不明了者生得慧攝由此聞慧唯取意識相應慧性所引伴類亦通五識相應慧性七識不外緣八識佛果起無聞慧故思慧唯取意識俱慧五非助伴行相淺故非七識俱在無漏位行相深故佛無思慧非第八俱修慧定通八識俱有言彼所成慧體性如前但言所成不說慧者便通四蘊或五蘊性

第二釋名者初列後釋列者一聞所成慧二思所成慧三修所成慧釋名者初釋通名後釋別名釋通名者慧簡擇義三者是數帶數釋也聞謂能聽即是耳識能聞於聲成是生長圓滿之義慧體如前以聞爲因因聞所成之慧名聞所成慧依士釋也思謂思數由思籌度勝慧方生因相應思所成慧名思所成慧隣近釋也或因於思所成之慧依主釋也修者證義明證境故體即定數因定相應所成慧隣近釋也或因於定所成之慧亦依士釋若但言聞慧思慧修慧濫持業釋無隣近等言彼所成便無是失

第三所緣者俱舍二十二毘婆沙師說聞所成慧唯緣名境未能捨文而觀義故毘婆沙論四十二說聞所成慧於一切時依名了義念三藏教及師友教有何義耶隨其所念皆能解了然成就位實唯緣義今據初位說唯緣名思所成慧緣名義境有時由文引義有時由義引文未全捨文而

觀義故。修所成慧唯緣義境已能捨文。唯觀義故。婆沙又說。於一切時不依於名。而了義故。譬如有人浮深駛水。曾未學者不捨所依。曾學未成或捨或執。曾善學者不待所依自力浮渡。當知三慧如次亦爾。有言若爾思慧不成。謂此既通緣名緣義。如次應是聞修所成。今詳三相。無過別者。諸修所成。依聞至教所生勝慧名聞所成。依思正理所生勝慧名思所成。依修等持所生勝慧名修所成。說所成言。顯三勝慧是聞思等三因所成。猶如世間於命牛等。如次說是食草所成。今觀彼意。天親正取聞唯緣教思唯緣義修慧亦爾。然毘婆沙諸門分別中唯有一說。此三種慧皆緣名義。與此相違。今依大乘。聞慧通緣若名若義。喻伽十三說。云何聞所成地。謂若略說於五明處名句文身無量差別覺慧為先。聽聞領受讀誦憶念。又於依止名身句文身義中無倒解了。如是名為聞所成地。此中初文說緣於名。後文緣義。然彼論第十一。說緣法作者意者。謂聞所成慧相應作意。不說緣義者。緣教多故。未能捨文而觀義故。以教為先而方取義。唯說緣法。理實通緣。思所成慧。有義唯緣於義。喻伽第十六說。思慧自性。凡所思惟唯依於義不依於文。雖彼亦說。思擇諸法。思素相續及伽他義非彼文故。喻伽第十一又說。緣義作意者。謂思所成慧故。即彼復說。修所成慧相應作意。亦唯緣義不緣於文。十地等中諸

後得智有緣教者。彼是聞慧亦非修慧。十地論說八地已上於一切法能堪。能思。能持。如次即是聞思修慧。八地已去定心相續。外緣教法。既說為聞。故知思修但緣於義。籌慮證解二義有別。在佛身中說無聞思。唯有修慧通緣名義。若聞他教非修慧者。其性是何。故知修慧通緣名義。然皆證解如實義者。喻伽七十七解深密經第三卷中。慈氏菩薩自言。世尊。若聞所成思所成慧修所成慧。皆緣義者有何差別。善男子。聞所成慧依止於文。但如其說未善。意趣未現在前。隨順解脫未能領受成解脫義。思所成慧亦依於文。不唯如說。亦善。意趣未現在前。隨順解脫未能領受成解脫義。若諸菩薩。修所成慧。亦依於文。亦不依文。亦如其說。亦不如說。能善意趣。所知事同分三摩地所行影像現前。極順解脫。已能領受成解脫義。是名三種知義差別。彼說三慧皆緣名義。初依聽聞以文為先。而觀義者名為聞慧。次依思慮以義為先。而觀文者名為思慧。次依於修俱於文義。證解明了名為修慧。此在因位八地以上一體義分。七地已前各有別體。在佛位中無未曾得。都無聞思。唯有修慧。然諸聖教隨彼所宜相增。別說緣名義異。理實如是。

二助力。三遠離。四安樂行。此義云何。如水不喝隨得而飲。如是聞慧初聞即受。隨聞受持。如食咀嚼身力助成。如是思慧嚼所聞法。智力助成。如服良藥藥行除病。如是具聞思慧。隨順正義。如法修行。遠離一切煩惱習患。如寶。衆蜂所依。樂行住處。如是聞思修慧果。聖所依處。現法愛味受樂行。故三慧既為聖果因本。說前三喻。由此三慧不減不增。蜂依於蜜喻聖果故。又修聖因有四勝行。親近善士。聽聞正法。如理思惟。如教修行。初一福行。後三慧行。今說慧行不減不增。又所軌範略有二門。一善人。二勝法。法有二。一教。二理。通說三乘習行勝法。略有二位。一散。二定。依習勝法。初教後理。聞初緣教勝。思後緣理勝。故分二種。修慧雖有世出世間。證解不殊。合為一慧。又生死因略有二種。一惑。二業。多起重者唯癡與疑。由癡迷境不了。真妄由疑因果不肯造修。以此二門便與惡業為除癡故。令初聽聞。為斷疑故。次思妙理。息惡業故。後說修慧。生死因滅苦果隨無出世道修便成覺寂。又有三隨惑數數現行。一不正如。二妄念。三散亂。雖別行相各有能除。正能斷者體唯慧性。故說三慧如大伏斷。又出世因略有二種。一福。二智。慧為智相。勝獨得名。餘為福相。劣故合說。於智之中。略有三品。謂下中上。初修次修後修異故。由此三品分慧成三。又慧起時由三種力。二緣力。二因力。三俱力。如次三慧由三

力起不減、不增。又由三力：一他力、二自力、三俱力。又由三力：一資糧力、二自性力、三俱力。又由三力：一外力、二內力、三俱力。又由三力：一多由教力、二多由義力、三多由定力。如大三慧各由彼起，故說三慧不減、不增。此門即簡不說餘法爲其所成，但說因三所起妙慧名彼所成，亦廢立義。

第五位地有二：一三乘凡聖位，二三界九地位。三乘凡聖位者，雖有三慧發心未定，名住外凡，發決定心方內凡位。若二乘位解脫分中，聞慧在五停心位，思慧在二念處位，修慧在煖已後諸位。此據隨增說三慧位，然實凡聖因果位中皆容得起。雖煖等體非是聞慧，位亦通起。唯見道中無聞思慧，理定觀故。其大乘者，唯識論說唯識相性，資糧位中聽聞思惟能深信解。在加行位，能漸伏除所取能取，引發真見。彼文意說，四十心位起聞思修，修唯識，四善根後方起修慧，從多增修，非理實爾。華嚴經中說，十住位初發心住，八相成道能現神通，又瑜伽六十五說，毘鉢舍那菩薩，若定若生，以無色界心了，三界法及無漏法，此非決擇分位，不生彼故彼地無故。故資糧位修慧之行未能理觀，加行位中方能觀理故。唯識論說，資糧位於識性相聽聞思惟，不說修慧，雖決擇分體唯修慧，位起聞思欲界身故。於見道位唯有修慧，內觀諦理非散心故。彼聞思慧種子得修，於修道位七地已前定，散心間皆容得起。八地已上無漏

相續都無散心，十地經說，八地已上於一切法能堪能思能持，彼論解云，如次即是聞思修慧。雖一慧體，二剎那中，能取外教而尋於義，名爲聞慧，能深籌度先理後文，名爲思慧。於此二中，能證明顯即名修慧。聖智迅速於一念慧，義分三故。實無別體有說，但是修慧所攝，非是聞思。聞思假說實是修慧，大小二乘不說色界亦有思體，無色界中有聞慧體。若八地後起，實聞思，應許色地亦有思慧，無色有聞，雖說無色天，佛邊側立聽法等事，但依修慧緣教義故。如目犍連、彌猴池側，入無所有處定，聞狂象聲，但修慧聞非聞慧故。三界九地者，欲界地有二：謂聞思所成，不定界地非離染地，設欲修時墮思中故。欲界之心行相能故，色界地有二：謂聞修所成。若欲思時墮修中故。上界地心行相細故。由此無色亦無思慧，上地雖有慧與思俱，不由思成，相非明了，諸善性者，或是生得，或是聞修，定非思慧，無色界有一：謂即修慧。要由耳根聽聞法已，引所成慧，彼無耳根，故無聞慧。異界相遠不相順故。設由彼引，龜細懸殊。如目犍連非聞慧攝，聞所成慧通在六地。欲界四靜慮及靜慮中間，未至勤求根本地相，善位無容起散聞慧，或在七地加初未至，或在五地又除中間，何故中間說無聞慧，不許上三未至地無，由此應知初說爲善思慧，唯在一欲界地。修慧有漏者十七地，八根本八近分靜慮中間，無漏者

在十地，色界六除上三未至，無色界中四根本地，說非想地有無漏心引滅定故。然在下地得起，上地有漏聞慧，對法第五等說，樂欲力者，謂已得第二靜慮者，入初靜慮已。若欲以第二靜慮地心出等，即能現前而出於定，餘一切地如理當知。其所入定修慧心，其第二定所出之心非生得善，諸論皆說，若生彼地方起彼地生得善故。故所出心定是聞慧，有義所出定是修慧。有漏無漏異心名出，要生彼地中起，彼聞慧故。八地已後心恒一類，云何名出，既爾純無漏，如何起聞慧，故異行相異分名出。前師亦許聞慧名出，無漏三慧上下通起。上地不起，下地有漏思修二慧，思無下起，一地繫故，上亦不起，下地聞慧，有漏三慧是業性故，皆厭捨故。

第六諸智相攝者，勝鬘經中說，一謂心法智，彼說厭苦求涅槃智，究竟唯修，觀如來藏，厭樂苦故，方便通二。又說二智，謂初聖諦智，二無二聖諦智，彼唯修慧，初是安立諸智，後是非安立諸智。彼說二乘以初諦智斷諸煩惱，諸佛世尊以無二聖諦智斷諸住地故。非聞思攝，又說有二種如來藏空智，一空如來藏智，謂緣若離若脫若斷若異煩惱藏智，二不空如來藏智，謂緣過於恒沙不離不脫不斷不異不思議佛法智。初觀煩惱能覆藏智，非真實故名爲空，後觀法身惑所藏智，理真實故名爲不空，究竟成滿亦唯修慧，方便通二。又有二種，謂世

俗智勝義智，三皆通。二、有說初智唯有漏，後智唯無漏。由諸教中唯說無漏，又雜集說，有三種無分別智，一知足無分別，二無顛倒無分別，三無戲論無分別。初唯思修，說諸異生隨於一，無常等法，究竟思已生喜足，故後二唯修慧。說諸聲聞於諸通中，為除四倒，如理觀察，得出世智能達，無我是中智故。說諸菩薩知法戲論除浪法相得極寂靜出世聖智，是後智故。又有三無生忍智，本性無生忍，自然無生忍，惑苦無生忍，如次即是緣三性境諸無漏智，亦唯修慧。又有四智，謂圓鏡等，初之二智定唯修慧，妙觀察智，有義唯修慧，有義通三慧，成所作智，有義唯修慧，有義通聞慧，許十地中起此智，故義准如前。又有四智，謂我生已盡梵行已立所作已辦不受後有，如次即是苦滅，道集四無學智，真實成滿在定中起，唯是修慧，前方便位亦通聞思，然諸教中多說修者以根本故。又四尋思，四如實智，皆唯修慧，成滿位故。尋思唯有漏，實智通無漏勝，經說隨順法智者，五種巧便觀察成就，一觀察施設根意解境界，二觀察業報，三觀察阿羅漢眠，四觀察心自在樂禪樂，五觀察阿羅漢辟支佛大力菩薩聖自在通，此五種觀，究竟成滿唯是修慧，初方便位亦通聞思，彼經自說，於我滅後未來世中，我諸弟子隨信信增上，依於明信隨順法智，自性清淨心，彼為煩惱染污而得究竟，是究竟者入大乘道因故。又有六現觀智，一思

現觀，二信現觀，三戒現觀，四現觀智諦現觀，五現觀邊智諦現觀，六究竟現觀，初唯思慧，後三修慧，餘二非慧，此據自性，若取俱行，隨其所應善提分法而為自性，對法論十三說現觀有十，一法，二義，三真，四後，五實，六不行，七究竟，八聲聞，九獨覺，十菩薩，法是聞慧，多緣教故，義是思慧，多緣理故，真後究竟皆唯修慧，如次即是智諦智諦邊，究竟，三現觀故實即是信，不行即戒，立如前說，後三依乘得此有異，隨應說慧，瑜伽六十九說十智，世俗智法智類智苦智集智滅智道智盡智無生智他心智，其世俗智通有無漏三慧所攝，中間八智唯無漏唯修慧，後他心智通有無漏，亦唯修慧，又有十力智，謂處非處乃至漏盡智，唯在如來相續中有，唯無漏，唯修慧。對法第三說十三智，信解智，道理智，不散智，內證智，他心智，下智，上智，厭患智，不起智，無生智，生智，究竟智，大義智，彼論自釋，初三即三慧，第四勝義智，第五他心智，第六法智，第七類智，次四種四諦究竟智，即盡無生智，次前九種唯是修慧，大義智即大乘智，通三慧攝，究竟唯修，又顯揚論十六等說，觀察四諦起十六行智，前為後後之所依止，謂為對除四顛倒故，苦諦四行，一為除常倒起，無常行，二為除樂淨倒起於苦行，三為除我倒起於空行，四即為除此起，無我行，空觀諸行我性空故，此觀行外餘我空故，空觀諸行無有我故。

此觀行體非我性故，是二差別，次於常樂淨我四愛集諦起，因集生緣四行，大於此斷滅諦起，滅靜妙離四行，大於此能證道諦，起道如行出四行，皆唯修慧，通有無漏，成滿位中唯無漏修，顯揚論十七說，現觀有十八種，一聞，二思，三修所生智，四順決擇分智，五見道，六修道，七究竟道，八不善清淨世俗智，九善清淨世俗智，十勝義智，十一不善清淨行有分別智，十二善清淨行有分別智，十三善清淨行無分別智，十四成所作前行智，十五成所作智，十六成所作後智，十七聲聞等智，十八菩薩等智，據實現觀體唯修慧，聞等助修五現觀攝，此中有五類，依五位道智有七，聞等三慧，解脫分中而施設故，依觀二諦智有三，觀世俗智，有善不善二境異故，依能緣行有三，有分別中有漏無漏二類異故，依二空二真智有三，加行根本後得別故，依乘有二，聲聞菩薩大小異故，瑜伽第十說四十四智，謂觀老死支為四，一老死苦，二老死集，三老死趣滅，四老死趣滅行，乃至行支皆作此觀，無明無因智種闕故，不說觀之，菩薩昔在菩提樹下，雜染順逆觀緣起支，於逆觀中而為此觀，依初方便故諸論說齊，識退還，皆唯修慧，至成就時修慧觀故，初觀加行亦通聞思，示相異生唯有漏攝，實是無漏，彼論又說七十七智，謂緣現在老死有二智，一緣現在生而有老死，二非不緣現在生而有老死，現在自身自己作故，緣過

去老死有二智。一緣過去生而有老死。二非不緣過去生而有老死。觀於前際無始老死。無不皆以生為緣故。緣未來老死有二智。一緣未來生而有老死。二非不緣未來生而有老死。未來雖未起。容有雜染還滅義故。今觀雜染成二智。此三際中。初智觀果有因顯其所由。後智觀果有因非不決定。破外妄計不平。等因無因而生。此前六智名真智。第七法住智。觀支所攝法。諸有漏慧遍知義故。通知三世緣起教法名支不攝。准知聖者身亦有法住智。異生身中亦有真智。觀教觀支起七智故。乃至行支亦有此七智。種種開故。除無明支究竟觀成。唯修慧攝。初加行位亦通。聞思。瑜伽又說。諸神通智解脫門智無礙解智。無諍智。願智力。無所畏。念住。一切種不共佛法等智。前五神通通有無漏。說異生身及聖起故。後唯無漏。二智攝故。六皆修慧。解脫門智唯無漏。修慧攝。解脫門故。空八智攝。無願六智攝。無相五智攝故。無礙解智乃至不共佛法智。唯是修慧。隨其所應通。有無漏。在阿羅漢等及如來身故。

第七法行差別者。法行有十。辨中邊第三卷頌云。謂書寫供養。施他聽讀。受持正開演。諷誦及思修。行十法行者。獲福聚無量。勝故無盡故。由攝他不息。大毘婆沙四十二卷。有作是說。若於三藏十二分教。受持轉讀究竟流布名聞所成慧。依此發。生思所成慧。依此發。生修所成慧。此斷煩惱。

證得涅槃。如依金鑽生金。依金生金剛。此能攝壞山石等物。評曰。應作是說。若於三藏十二分教。受持轉讀究竟流布。是生得慧。依此發。生聞所成慧。依此發。生思所成慧。依此發。生修所成慧。此斷煩惱。證得涅槃。如依種生芽。依芽生莖。依莖轉生枝葉花果。依瑜伽第十三說。云何聞所成地。謂若略說。於五明處名句文身無量差別。覺慧為先。聽聞。領受。讀誦。憶念。又於彼義。無倒解了。如是名為聞所成地。此中意說。於五明處名句文身無量差別。覺慧為先者。是生得慧。聽聞。領受。讀誦。憶念。又於彼義。無倒解了。方名聞慧。即顯總相。於五明教。劣聞覺慧所有善心。名生得慧。聽聞已後差別作意明了善心。名為聞慧。非必要先於三藏教。聽聞。領受。皆生得慧。但於三藏。非用功力。所生聞劣覺慧善心。名生得慧。不順出世。非功力起。性不明了。讀解文義任運而起。名生得慧。故雖受持三藏等教。亦有生得。若於三藏。要用功力。所生明勝覺慧善心。名加行善。能順出世。由功力起。性極明了。讀解文義。加行而起。名為聞慧。故知受持三藏等教。亦有聞慧。不爾。如何於五明教。覺慧為先。名生得慧。聽聞領受名為聞慧。辨中邊說。聞所成慧。思惟大乘能令善根界得增長。思所成慧。思惟大乘能令悟入所求實義。修所成慧。思惟大乘能令所求事業成滿。隨能趣入修治地。故。此三妙慧。以十法行而為助伴。由十法行之所攝受。

初八法行名為聞慧。第九法行名為思慧。第十法行修慧所攝。由此三慧於此大乘修諸法行。獲最大果。一最勝故。二無盡故。由能攝益他諸有情。是故大乘說為最勝。由雖證得無餘涅槃。利益他事而恒不息。是故大乘說為無盡。法花經說。受持此經若讀若誦若解說若書寫。是人當得八百眼功德乃至千二百意功德。若於三藏受持讀誦唯生得慧。云何得有行十法行獲福聚多。五種法師成六千德。加行善法用力方生。明了解心所應得故。由此應如大乘所說。

第八與陀羅尼對明同異者。陀羅尼有二。一能持。諸經等說。聞持陀羅尼。二所持。菩薩地說。陀羅尼有四。一法。二義。三能得。菩薩忍。四明呪。陀羅尼者。此云總持。諸論說以念慧為性。此中聞持即是聞慧。此中所持即聞慧境。聞法義等明記不忘名曰聞持。於此義中。應有分別。何故聞慧獨稱總持。不說思修亦總持攝。聞從外分內勝慧生。緣事散境最初慧故。簡未成就聞而不持。獨稱總持。思修二慧因內分起。於義決定非初慧故。理可。能持。簡別義微。不立持稱。故於三地說斷二慧。一欲貪愚。障修慧者。二圓滿聞持陀羅尼。能障總持聞思慧者。三圓滿聞持陀羅尼。能障總持聞思慧者。不說欲貪障總持故。有義聞持即是聞慧。法義等持亦思修慧之所持境。聞慧總聞法義等已明記不忘。名曰聞持。思修二慧內因力起。能思能修。法義等四明記不

忘立彼四持。不爾三地已得聞持。能持彼四斷障。總持聞思慧已。復言九地斷後。慧辨陀羅尼自在。成唯識第九說。無量所說法陀羅尼自在者。謂義無礙解。即於所詮總持自在。於一義中現一切義。故無量名。句字陀羅尼自在者。謂法無礙解。即於能詮總持自在。於一名句中。現一切名。句字。故彼何所持。隨彼能持三地已得故。思修二慧能持相隱內分力生。簡別義微。說所持相聞慧。必從外緣力起。簡別義勝。能持相增。不說所持。故唯識言。二圓滿聞持陀羅尼慧。即是此中能障總持聞思慧者。思慧亦名陀羅尼故。故知九地說斷陀羅尼自在。思得法義無礙解等。即是修慧陀羅尼之所持故。

第九地證不同者。法花經法師功德品說。如來滅後受持是經。若讀若誦若解說若書寫。得千二百億功德。以是清淨意根。乃至聞一偈一句。通達無量無邊之義。解是義已。能演說一句一偈。至一月四月。乃至一歲。諸所說法隨其義趣。皆與實相不相違背。雖未得無漏智慧。而其意根清淨。如此是人有所思惟。籌量言說。皆是佛法無不真實。此文即顯未入十地證得殊勝聞思二慧。又常不輕品說。不輕菩薩行。不輕行。臨欲終時。於虛空中具聞。威音王佛元所說法花經二十千萬億偈。悉能受持。即得如上六根清淨。更增壽命二百萬億那由他歲。命終之後。得值二千億佛。皆號日月燈明。後

值二千億佛。皆號雲自在燈王。於此諸佛法中。受持讀誦。為諸四眾說此經典。故得是常眼清淨耳鼻舌身意諸根清淨。於四眾說法心無所畏。彼經意說。不輕菩薩臨欲終時。聞法花經六根清淨增壽命者。是見道前四善根位。不說得常六根淨。故不言說法心無畏。故由此定非十地聖位說。此命終得遇多佛。獲常六根清淨。說法心無所畏。證入初地。由此定知。非四十心解脫分位。彼位命終未得常淨根心無所畏。故遠照前文。雖未得無漏智慧。而其意根清淨如是者。是決擇分四善根位。此說聞思地前勝得。其修所成攝論等說。何故三地說名發光。由無退轉等持等至所。依止故。大

法光明所依止故。無性釋云。謂此地中證。希有定能發智光。照了諸法。故名發光。諸靜慮定說名等持。諸無色定說名等至。或等持者心一境性。言等至者正受現前。唯識又說。初二三地行施戒修。相同世間。此前三地說第三地中得勝修慧。天親攝論。唯識十地論等皆說十障。第三遲鈍性。於所聞思修法忘失。由斷彼故。得聞思修三種勝慧。此說三地得三勝慧。又十地等說。十波羅蜜不增減者。謂十地中對治十障。證十真如無增減故。此顯五地得勝等持。正行修習定波羅蜜。隨力隨分亦修餘度。天親攝論說。業自在等依止義者。謂此法界是身等業自在所依。及陀羅尼三摩地門自在所依。若如是知。得入十地。此說十地方得。

勝定。總斷前文。有漏三慧得殊勝者在四善根。斷分別執得無漏修在初地。斷遍鈍障得無漏三慧。照大乘法。在第三地正修諸定。入出自在自利利他。除散亂障。在第五地於一切法能堪思持。一慧用分成三慧者。在第八地。如十地經前已廣辨。得無礙辨及陀羅尼勝依修慧在第九地。起大神通遍十方界廣行利樂在第十地。由此教說地證不同。以理推文不相違背。

第十諸門分別者。合有十門。一問如是三慧幾緣自相幾緣共相。答此有兩種。略說有三。一處自相。色聲等法名為自相。色蘊無常等皆為共相。二事自相。青黃等法名為自相。色聲處等名為共相。三自相自相。不可言性名為自相。餘可言等名為共相。廣引理教如義應知。證自相自相唯修慧得。餘自共相通聞思慧。又佛地論說。自共相差別。准義亦爾。二問幾因幾果。答此有二種。一勝劣相生。二勝劣相修。依初義者。聞為三慧因。思為二慧因。修為一慧因。修為三慧果。思為二慧果。聞為一慧果。由劣為勝。因勝為劣。果故。若據同類義別。則不然。思非修因。修非思果。以異界故。依後義者。若令勢分熏發用增。因義如前說。若由此起熏修彼體勢力增盛。後現在前極明淨者。聞所成慧唯聞慧因。思所成慧為思慧因。修所成慧為三慧因。聞思二慧不依定生。勢力下劣現在前時。不能令他



勢力增勝後生明淨。修慧不爾。故爲他因。或後勝法爲前劣因。修令勝故。前劣劣法非後勝因。由勢力劣。不能令後轉明淨。故。三問與幾根相應。答。問所成慧四根相應。謂除苦根。在五識故。於上勝法。愁戚欲證。憂根相應。在色界中。樂根相應。或五根俱。許聞慧類在五識有。亦苦根俱。如實義者。除苦憂樂喜捨俱。愁戚欲證。思慧相應。性非聞慧。非逼迫故。非憂根俱。思所成慧。喜憂捨俱。色界地無。非五識故。修所成慧。樂喜捨俱。非散地法。散五無故。四問幾等持等至。及等引俱。答。皆等持相應。別境定數故。有義聞思非等引等至俱。修慧可爾。聞思二慧是散善法。非定心故。有義聞思亦等引等至。俱許八地後有聞思故。五問幾善十一俱。答。有義思修二慧。十一善俱。成唯識論。許欲界中有輕安故。聞慧散遠。唯有餘十。散位所起無輕安故。實義三慧。十一善俱。許無漏心有聞思故。六問幾不定四俱。答。三慧皆與尋伺相應。定散位中皆容起故。悔眠不與修慧相應。定散異故。有義悔眠非聞思俱。行相麁鄙。及昧略故。聞思細勝。及明廣故。實義聞思亦悔眠俱。聞思悔惡。睡眠位中聽聞教法。思慮義故。如成唯識第七卷說。七問幾三界繫等。答。有義聞欲色界繫。思唯欲界繫。修通上二界繫及不繫。實義聞慧通欲色界繫。及不繫。思慧欲界繫及不繫。修慧如前。聞思二慧通不繫者。唯依色地。聞有種類故。

思行相廣故。三種皆緣繫及不繫。八問幾有學等。答。修所成慧通三種。聞思二慧。有義唯非學非無學。實義唯有學。及非學非無學。說佛無故。若無學身有隨順無漏善。亦名無學者。聞思二慧亦通無學。通緣三種。九問幾見所斷等。答。若離縛斷。有義聞思唯修所斷。非染污故。非見所斷。非無漏故。非非所斷。成唯識說。善等十一非見所斷。瑜伽論說。信等五根唯修所斷。非所斷故。修所成慧唯修所斷。及非所斷。通無漏故。依不生斷亦通見斷。說無想定等唯見所斷故。如成唯識第八卷中說。二斷義。十問幾加行得。離染得及生得。答。此三種慧皆非生得。非聞思故。並加行得。加行善故。皆離染得。離三地障得。勝三慧。離八地染。得無漏三慧故。亦離九地染。得勝修慧故。雖有前世修習。此三於現身中。必無任運得此三者。故非生得。要假少功力。方乃能得。故佛所成者。定離染得。無加行故。聲聞獨覺及菩薩位。通二種得。八地以後無勉勵加行。有任運加行故。

### 三輪義林

三輪義。以七門分別。一出體。二辨名。三廢立。四顯相。五三乘能起。六三身所作。七有情化別。

第一出體者。瑜伽六十九。說前五神通異生有學起者。皆是有漏。無學起者。皆是無漏。異生有學道勢劣故。無學所起道勢強故。若佛所起唯是無漏。漏盡智通。彼論說以。

盡及無生二智爲性。緣漏盡故。唯是無漏漏盡身起。阿羅漢等漏盡智通。十智爲性。此中有義。漏盡身成名爲無漏。非斷漏義。即顯三輪亦通有漏。有義五通無學身成。皆離漏故。並名無漏。即顯三輪無學所成非通。有漏。三皆世間由漏盡通。教誡他故。此三唯依諸靜慮地。意識相應有漏無漏後得智性。即別境慧。容豫化他。非加行智。或亦通彼。六十九說。諸神通等一切靜慮以爲依止。皆能引故。無色雖亦有漏盡智。諸菩薩等隨以彼心了。一切法。亦能依彼變諸境界。如佛邊側立及宮殿等香。作用狹故。而不名通。色界心廣。除未至地。可有諸通。定慧均故。瑜伽三十七說。三輪即通。故同於通。非在餘地。

第二辨名者。瑜伽七十九。問如說三世三輪清淨。云何應知。答。由遍計所執自性故。於去來現世法平等平等。以如實慧正觀察時。於去來現在法。無有願戀希望染著。是名三世三輪清淨。顯揚論十七說。一切者。謂三輪。一所知境。二能知智。三能知者。彼說諸行通有此三。爲除法執。觀三體空。摧彼執故。此上皆非此所明義。今說三種摧。未信者令生淨信。已信者令修行。已修行者令得果故。名爲三輪。十輪經第六說。如是如來及諸菩薩。所有神通記說教誡。三種勝輪作用無礙。三者是數。即彼經說。如轉輪王所乘車輪。或首行輪。彼初意說。依止運轉名之爲輪。三乘聖者之所依止。

自運運他。轉有彼往立以輪稱。彼後意說。如轉輪王所有輪寶。王將遊戲前首而行。能摧不寶。鎮已伏故。三輪亦爾。未信等者。令生信等。先已信等。令決定等。帶數釋也。瑜伽二十五。亦名三神變教授教誡。三神變者。一神力神變。二記說神變。三教導神變。瑜伽二十七。亦名三神變教授。一神境神變。二記說神變。三教誡神變。修所成果智具。威德作用難測。名之為神。轉易不定。稱之為變。變者是境。神者是智。變之神能變也。神之變所變也。皆依主釋。神即變。變屬能變。持業釋也。此中但取初後兩釋。教授勸其善生教誡。其惡滅。亦教亦誡。教與誡異。二釋皆得。神境一種作用勝顯。能變能化。正名神變。故六通中獨名神通。他心漏盡。用勝餘故。餘三比劣。亦不名輪。瑜伽二十五說。三種皆名教授教誡。三種皆令善生惡滅。二種異故。二十七說。三種皆名神變教授。唯令善生非說惡滅。或令善生即是惡滅。故三神變亦持業釋。摧伏鎮遏。二利之用。名之為輪。妙體無方。彰用之德。名為神變。三乘通號立神變名。菩薩如來獨得輪稱。依止摧伏運轉勝故。十輪又說。輪者謂於諸法無所罣礙。猶如日光普照一切。三乘根器隨其所宜。宣說正法。無所執者。此說圓滿音無礙。猶如日輪。故二乘者所起非輪。又佛菩薩神變者。為勝二乘。加名

威力。故瑜伽三十七說。諸佛菩薩略有三種神變威力。然俱舍論二十七說。名三示導。能示能導。示導名。今者大乘示導之言。唯教誡攝。示現教導讚勵慶喜。即舊經說示教利喜。若初二種亦名示導。示教利喜三輪共有。便乖宗義。故彼立名非此所說。

三輪別名者。雜集第一說。一神變輪。二記心輪。三教誡輪。神變義如前釋。神變即輪。是持業釋。雖知此神能變能化。化略變廣。從廣為名。又變為先方能起化。從初名神變。以後從初說。心謂他心。種類差別。記謂別識。識別彼心。名曰記心。雖亦能記他心所等。心是主故。但說記心。心之記。依主釋。記心即輪。亦持業釋。教誡教示令彼善生。誠謂誠勸令其惡滅。教與誡異。相違釋。亦教亦誡。持業釋。教誡即輪。釋義如前。瑜伽初名神力神變。記說神變。教導神變。神境智作證通名神。有威勢名力。亦神亦力。即名神變。記義如前。說謂言說。依他心智記。別他心。而記言說。記之說說之記。今取後釋。記是通故。記即神變。教誡如前。導謂導引。導體即示。或體即誡。教導即神變。瑜伽後名神境神變。記說神變。教誡神變。神者謂通。境謂通之所變所化。境之神。神之境。若取初釋。神是通故。神境即神變。餘二亦爾。皆持業釋。若取後釋。境之神變。境是所變故。得依主釋。

第三廢立者。合有七義。

一瑜伽二十七說。由神境神變能現種種神通境界。令他於己生極尊重。由彼於己生尊重故。於屬耳聽。瑜伽作意極生恭敬。由記說神變。能尋求他心行差別。由教誡神變。如根如行。如所悟入。為說正法。於所修行能正教誡。二或末發心。為作神變。不修正行。記別其心。未有證獲。而為教誡。三又十地論第五說。初一神通身業清淨。天耳他心智智二通口業清淨。宿命生死智三通意業清淨。一神通能到衆生所。天耳他心二通能知說法音聲義。故以知他心故。隨種種言音皆能盡知。依於此義。種種異名說。隨衆生用故。去來二通盡知衆生過去未來所應受化故。彼論意說。神境用增。獨淨身業。天耳聞彼聲或說法音聲。他心智知彼意方說妙法。令自語業淨。去來二通知境界無礙。令意業淨。雖天眼通亦見彼心白黑等色。為說妙法。自語業淨。由說生死智知未來法意業淨。故略而不說。雖漏盡通知世非世亦意業淨。以說菩薩第三地中得五通故。淨自三業故亦不說。故此三輪為淨三業不減不增。四又為示現身意語三。如其大第三業化故。不減不增。五俱舍論說。唯此三種引所化生。令初發心最為勝故。六或此能引僧背正法及處中者。令發心故。七又唯此三。令於佛法如大歸伏。信受修行。得示導名。餘三不爾。

第四辨相者。初神變相略有二種。一能變。二能化。能轉所餘有自性物。令成餘物。

故得依主釋。

◎者二著◎ ◎作二位◎ ◎記一起◎ ◎說一◎ ◎到二對◎ ◎所十(樂)◎

名爲能變。隨欲爲作諸未有事故名能化。能變者謂十八變。一振動。二熾然。三流布。四示現。五轉變。六往來。七卷。八舒。九衆像入身。十同類往趣。十一顯。十二隱。十三所作自在。十四制他神通。十五能施辦才。十六能施懷念。十七能施安樂。十八放。九光明。能化有三。一化爲身。二化爲境。三化爲語。化爲身者。化自他身爲他自身。或一或多。如是等類。化爲境者。化似衆寶飲食。資具諸如是等。化爲語者。妙音龍音繫屬自他。如是一切。大記心相差別有六。一記。有纏有隨眠離纏離隨眠心。二記有染邪願無染正願心。三記劣中勝三界五趣心。四知三受相應心。五以一記以一記多心。六諸佛菩薩記諸有情諸根勝劣種種勝解種種界行。隨應安處涅槃行中。後教誠相者。謂能實知煩惱盡得。若自若他於諸漏盡已得未得。乃至廣說。知彼所化於漏盡得離增上慢。或說有五。所謂遮止開許諫誨訶讚慶慰。或即令離欲示現教導讚勵慶喜。此如顯揚第十二說。或教授有四。一無倒。二漸次。三教。四證。如聲聞地二十七說。前三輪相如菩薩地第三十七說。第五三乘能起者。三乘皆起。三神變。聲聞地二十五說。謂阿羅漢具八解脫靜慮等。定有大堪能。具大勢力。能善爲他現三神變教授教誡。故知獨覺亦能現之。要俱解脫方起三種。故有部行而不能起。又三神變即是三通。菩薩地說。諸佛菩薩與二乘者。神

通威力有共不共。略由三相。一微細故。諸佛菩薩於無數量諸有情類。及彼方便諸利益事。皆如實知。無不能作。二者品類。一切神通威力品類悉皆成就。三者世界。以一切世界。一切有情界。爲神通境。聲聞但以二千世界。諸有情界。爲神通境。獨覺但以三千世界。爲神通境。由彼唯爲調伏一身而修正行。非諸有情。是故最極唯以一界爲神通境。諸教多說。獨覺多以神通化物。聲聞多以記心說法。諸佛多以漏盡教誡。第六三身所作者。其自性身真理常寂無有作用。不外利生不起三輪。然般若論推功歸本。故作是言。應化非真佛。亦非說法者。實無作用不起此三。要由證彼三輪方勝。自受用身。實神通性具實智故。相續湛然無利生用。亦不起三。體即是彼所有俗智。其變化身起此三種。化邪見等入法身故。他受用身。所化生類雖無惡見等。隨其所化令入上位。亦現三輪。故阿彌陀亦現神通記心教誡。雖楞伽經說佛法身說法差別。推功歸本同般若論。實無作用起說法事。第七有情化別者。世尊三輪能化三界諸有情類。菩薩地說諸佛神通以一切界一切有情爲境界。故。記心教誡其義定爾。二乘三輪化欲色界。菩薩地說聲聞神通以二千界。獨覺神通以三千界爲境界。故。記心教誡隨彼亦爾。傍化既爾。上下應思。世尊三輪能化五趣。如放豪光照無間獄。說陀羅

尼地獄來。然彼苦迫無容豫修。其二乘者不能化彼。可通四趣威勢劣故。通化四生。小山等類皆受化故。然除北洲。世尊雖往不受化故。世尊三輪能化三乘。二乘三種化等及下。非上乘故。若異生者可化之。有性有情皆三輪化。無性有情可以三輪。而無得果。是故經說雖復發心勤行精進。終不能證無上菩提。大乘法苑義林章卷第六。

七冊之內當卷不足之條。令書寫畢。併是令法久住利益衆生之一助矣。寬文十二年壬子曆十月二十五日。福圓院住。

法印權大僧都清兼六十七才

### 大乘法苑義林章卷第七

#### 三身義林

\*基撰

三身義。略以五門分別。一辨名。二出體。三開合廢立。四因因果相。五諸門分別。第一辨名者。佛地經說。自性法。受用變化差別轉。金光明經第二卷三身品說。一切如來有三種身。一者化身。二者應身。三者法身。如是三身攝受阿耨多羅三藐三菩提。佛地論說。自性即是初自性身。體常不變。名自性身。成唯識言。是一切法平等實性。無性攝論第九卷言。非假所立故名自性。

非如餘身合集成故。是所依止故名爲身。自性卽身。是持業釋。法謂差別諸功德義。性謂本體義之體故名爲法性。無性釋言。法性卽身故名。法身。或法卽是諸有爲德。此是彼體法之性故名爲法性。無性釋言。或是諸法所依止處。成唯識言。大功德法所依止故。佛地論言。力無畏等諸功德法所依止故。名爲法性。是依主釋。身有三義。成唯識言。體依聚義。總說名身。法性卽身。是持業釋。佛地論說。受用卽是大受用身。能令自他受用種種大法樂故。此義總顯。自他受用身並名受用身。自受用身自受法樂。他受用身令他受用。成唯識說。自受用身恒自受用廣大法樂。他受用身爲十地衆現通說法。決衆疑網。令他受樂。合此二種名受用身。自受用身是持業釋。受用卽身故。他受用身是依主釋。受用之身故。金光明經亦名應身。但說他受用。不說自受用名爲應身。應宜現身名應身故。如彼經說。善男子。是諸如來。爲諸菩薩得通達故。說於真諦。乃至廣說。是身能現三十二相八十種好項背圓光。是名應身。自受用身定慧功德。彼經說是法身攝故。佛地論說。變化卽是後變化身。爲欲利益安樂衆生。示現種種變化事。故轉換舊形名變。無而忽有。名化。變與化異。是相違釋。變化卽身。是持業釋。此舉神境勝作用名。變化身。多爲變化事故。金光明經單名化身。能導引故。受樂劣故。勝獨得名。或脫略名化。變化卽身。是持業釋。總

名三身。是帶數釋。第二出體者。略有六文。一者有義。唯識佛地皆說。如來功德身土。甚深微妙。非有非無。離諸分別。絕諸戲論。非界處等法門所攝。故勝義諦。非身非不身。詎有三種。依世俗諦隨機所現。說有三身。法身空理。報身空智。利物所現名變化身。清辨等師皆有此義。二者有義。法身但以異如爲性。十八界中唯有後三通無漏攝。由此佛身大定智悲三法增上。六七八識及相應品爲。自受用身。平等性智隨十地宜。現他受用身淨土相。成所作智隨三乘宜。能起變化身淨土相。此二身土妙定生故。法界色攝。非佛五識雖依此變。然龜細異。非五境攝。成所作智。或是第六第七相應。六相應者。觀自共相等名妙觀察智。起化用者名成事智。前後別起於理無違。同體用分。俱亦無失。第七俱者。變他受用名平等智。起變化者名成事智。佛恒在定。五識性散。前十五界在佛非有。雖轉五識得成事智。然成事智體非五識。如轉生死言得涅槃。然彼涅槃非五蘊攝。三者有義。如來功德身土。如應攝在蓮華界中。彼三皆通有漏無漏。乃至廣說。於此說中略有四義。一者有義。唯識佛地皆作是說。清淨法界是自性身。佛地經說清淨真如。是自性身。攝大乘論智殊勝說。轉去阿賴耶識得自性身。莊嚴論說。轉第八識得圓鏡智。故合二法爲自性身。平等性智妙觀察智爲受用身。莊嚴等說。平等性智於

純淨土爲諸菩薩現佛身故。說觀察智大集會中。說法斷疑。現自在故。此顯二智爲他受用。莊嚴又說。轉諸轉識得受用身。此顯二智爲自受用。成所作智爲變化身。佛地經說。成所作智於十方土。現無量種種思化故。又智殊勝具攝三身。故知三身皆有實智。此義不然。佛地經說。清淨法界爲自性身。諸佛共有。是自性常。於十地中分皆證得。若圓鏡智是自性身。便無是義。金光明說。如如。如智皆名法身。若有爲德本說。圓鏡智是法身者。應同彼經四實智品皆是法身。又說轉諸轉識得受用身。若成事智非受用者。應非轉識。若成事智爲變化者。解深密經問。變化身爲有心爲無心。經應定答言。化身有心。說佛五識爲此身故。如何經說不得言有心。無自依心故。不得言無心。有依他心故。由此化身體非實智。然觀佛身。理事有殊。龜細德別。體一用異。別說爲三。寧分四智各別成身。二者有義。成唯識說。清淨法界爲自性身。莊嚴論等說。自性身本性常故。讚佛論說。佛自性身無生滅故。無著金剛般若論說。受持演說彼經功德。於佛法身爲證得。因於餘二身爲生起因。故彼經云。一切諸佛法。皆從此經出。一切如來從此經生。諸經論說。究竟轉依以爲法身。轉依卽是清淨真如。故知法身法界爲性。然說轉去藏識得者。謂由轉滅第八識中二障龜重。證得真如。顯法身故。智殊勝中。說法身者是

彼依止彼實性故。實非智攝。受用身有二。一自受用。二他受用。四智品中真實功德。鏡智所起常通色身。爲自受用。莊嚴論中說。大圓鏡智是受用佛。攝大乘說。轉諸轉識得受用故。雖轉識實得受用。攝大乘中。由說轉彼顯法身故。於得受用略不說之。既說法身無生無滅。唯證因得非色心等。圓鏡智品與此相違。若非受用。何身攝。此受用身攝。佛不共有。爲實德故。四智品實有色心。皆自受用。平等智品所現。佛身是他受用。成事智品所現。隨類種種身相。爲變化身。雖說化身智殊勝攝。而以智現。或智所起。彼說智名。體實非智。但說平等智能現受用。成所作智現三業化身。不說二身即是二智。故二實智自受用攝。二所現相說爲二身。雖此二身皆四智相。四智所現。爲十地聖地前三乘所現。身相細有殊別。爲二身。然平等智現身。相似無我平等。顯法樂增令。他受用。但說平等所現佛身。爲他受用。成所作智現三業化增。但說成事智所現身相。爲變化身。故不違理。三者有義金光明經第一卷說。云何菩薩了別化身。善男子。如來昔在修行地中。爲諸衆生修種種法。至修行滿。乃至廣說。隨衆生意及隨行界。不待過時。乃至能現種種身相。是名化身。善男子。是諸如來。爲諸菩薩得通達故。說於真諦。乃至廣說。爲無邊佛法而作本故。如來相應如如。如智願力。故是身得現。具足三十二相八十種好。項

背圓光。是名應身。善男子。爲欲滅除一切諸煩惱等障。爲欲具足一切諸善法故。唯有如如。如智。是名法身。前二種身是假名有。是第三身名爲真身。爲前二身作於本故。由離法如如。離無分別智。一切諸佛無有別法。何以故。一切諸佛智慧具足。一切煩惱究竟滅盡。故得清淨佛地。故是故法如如。如智。攝一切佛法。彼經意說。清淨法界及四智品常通色身。實有爲無爲功德。名爲法身。有爲無爲功德本故。如來相應如如。如智願力故。所現相好。項背圓光。爲地前三乘及十地菩薩。所現之身名爲應身。爲化三乘所現佛身。及化十地他受用身。並名應身。應他機宜。現佛身故。修願行滿。不待時處。隨衆生類。現五趣身。是名化身。不現佛形。而顯化故。佛地經中五趣化身亦化身攝。多現神通變化事故。他受用身亦名應身。自受用身自受法樂。非應機宜。而顯現故。他受用身能令菩薩受法樂故。自他雖殊。受樂無別。合名受用。自受用身雖是有爲功德法本。非佛共有。是各別體。非法真性。非自性身。非是無爲界功德本。不名法身。與金光明各據一義。亦不相違。四者有義佛地論說。清淨法界爲自性身。四智自性相應共有。常通色身其實功德。爲自受用身。三無數劫所修成故。天親般若上卷論說。亦名報佛。此爲十地菩薩所現。一分細相爲他受用。爲諸菩薩受法樂故。若爲三乘有情所現。一分麁相爲變化身。地前三乘所應見。非是修成真實功德。但化用故。然此二身皆四智相。所化有情宜見。麁細分成二類。地前三乘但依化用。發心修行而未能證廣大法樂。故此化身不名受用。此六義中。其初三說義理相違。如論自顯。其第四義與第六說。文雖小異。兩理無違。第四說中。隨二智增說。二身攝。非說二身唯二智現。乍觀文別。義實無異。第五經文義理無爽。由是義貶難成。六說三理無謬。

第三開合廢立者。諸經論中或總名一佛寶。覺性覺相。覺用三種同覺滿放。合名爲佛。涅槃經等唯說三寶真體同故。說一法身。或說爲二。實性論第三說。有二種法身。一寂靜法界身。二得彼因身。所謂說法。彼習氣故。一麁。二細。由依法界。爲諸菩薩說深密法。依真諦說。名之爲細。若說契經及應頌等種種差別。依世諦說。名之爲麁。皆依法身。及由此說。當得法身。法身因故。亦名法身。即餘二身所起作用。同唯識說。在大牟尼名法身故。佛地論又說。一生身。二法身。自性實報皆名法身。實功德故。諸功德法所依止故。諸功德法所集成故。他受化身俱名生身。隨有情宜現受生故。彼論又說。一世俗佛。即變化身。二勝義佛。即法報身。前隨劣意現麁相故。後隨勝心。或現細相。或實體故。天親般若論說。一眞佛。二非眞佛。初是法身。後餘二身。本末異故。解深密經瑜伽七十八等亦說有二。一法身。二解

①故一②來二實？③三二四？

脫身。曼殊室利白言。世尊。聲聞獨覺所得轉依名法身。不善男子。不名法身。名解脫身。解脫身故說彼二乘與佛平等。由法身故說有差別。此說二乘二轉依果菩提涅槃。皆名解脫身。離煩惱障縛故。如來所得二轉依果菩提涅槃合名法身。無量功德勝所依故。成唯識云。安樂解脫身。大牟尼名法。或說為三。金光明說。一化身。二應身。三法身。即彼經中有七復次。說三所由。一者依應化身說有餘涅槃。所現之身相似苦諦。有餘依故。依後法身說無餘涅槃。一切餘依究竟盡故。二者依三身說無住涅槃。二身不實。念念不住。數數出現。以不定故。不住涅槃。法身真實。離相寂然。曾不出現。以常定故。不住生死。前二義中。說有餘依。不住涅槃。分應化身。由住無餘依。及不住生死中。有法如如智二故亦分二。然彼但是功德法本。合名法身。此為生類現佛。非佛二相有殊。分為應化三者。一切凡夫為三相故。有縛有障。遠離三身為翻彼故。但說三身。一思惟分別相。謂遍計所執二法。二我相當情現故。遠離化身。二依他起相。能取所取難染相現。遠離應身。三成就相。於真理智未泯。相故遠離法身。如其次第如是諸相。不能解脫。不能滅故。不能淨故。不至三身。若於三相能解滅淨具足三身。四者凡夫未能拔除三心。遠離三身。一起事心。二依根本心。三根本心。依諸伏道起事心盡。起事心滅故得顯。

化身。此說見修一切煩惱諸相應心。名起事心。發生諸業及諸果故名起事心。生死本故障隨類身。修道伏除煩惱折伏。故說依諸伏道起事心盡。起事心滅。故得顯隨類化身。善不善業相應心名依根本心。業是趣生所依本故。若修聖道。便斷諸業。故說依諸斷道。依根本心盡。依根本心滅。故得顯現佛應身。三有苦果相應心名根本心。生死根本自體性故。無漏道圓。二空智滿。有漏根本苦果方滅。故說依勝拔道。根本心盡。根本心滅。得至如如智法身。彼經意說。煩惱熾盛不悔滅者。不見五趣隨類化身。若悔滅者得見化身。雖悔煩惱業熾盛者。不見應身。息惡業者見佛應身。二受苦果未分。未能滅除者。不見法身。若分。全除。隨應得見佛之法身。由分。或全。能成二智證。二理故。五者一切諸佛。於第一身與諸佛同事。皆隨生類同能現彼變化事故。令折伏惑。於第二身與諸佛同意。同現佛身。令三乘者隨應入道斷諸業故。於第三身與諸佛同體。有為無為諸功德體。一切諸佛同無異故。六者煩惱障淨故能現應身。業障淨故能現化身。智障淨故能現法身。七者譬如依空出電。依電出光。如是依於法身故出應身。依於應身故出化身。是故性極清淨攝受法身。智慧清淨攝受應身。三昧清淨攝受化身。今助釋義復有四解。觀佛之身但應說二。一者內自真德。即如如智合

名法身。二者為所化生應宜而現。合名應身。然所化生。有宜見佛身而入道者。有不見佛身受化者。故分二種。名為應化。合成三身。二者又觀彼意。應說四身。如如名自性。如如智名報身。理事別故。法實性故。因修生故。為他利現二身如前。然以真德義同。理智冥合。自利無別。自性報佛合名法身。假德相殊。隨機現異。利他顯隱。分成應化。故成三佛不減不增。三者又諸障品略有二類。一煩惱障品。二所知障品。為欲伏滅二障品現行。故顯化身。為欲斷除二障品種子。故顯應身。為欲永滅二障品習氣。故顯法身。有彼三者不至三身。為斷三故佛現三身。四者又准金光明說。入如來地者為三種淨。故得極清淨。一煩惱淨。能起化身。由無聞淨隨類化。故。二者苦淨。能起應身。由離諸苦現等覺故。三者相淨。能顯法身。離能所執證理智故。前三惑障。後一智障。佛地經等說。三身者略有四釋。一者由昔有情觀虛妄境。心常迷闇。起業受苦。翻對彼故說初二身。一翻妄顯真。二返愚成智。真境離纏名身。一翻法身。實智離闇名受用身。理智難測非略能知。方為有情現。能理智智名變化身。令初知。後證細故。二者煩惱障品能障涅槃。即此涅槃亦名法身。故勝鬘說。一乘即大乘。大乘即佛性。佛性即法身。法身即涅槃界。煩惱性縛。涅槃性解。性相違故。斷得法身。所知障品障受用身。除無明增方為實智。

愚智相返斷所知障得受用身此受用身亦名菩提。菩薩地說菩提斷皆名菩提。故爲令三乘得此二種方顯化身三者佛有三德謂智斷思爲顯此三故說法報及化三身。四者所修成果略有二種一所受法樂二能受法樂。自既得已及爲令他得之方便故說三身。無著金剛般若論說有三種身一言說法身即般若教。二智相至得法身即菩提智。三福相至得法身除智餘施等果。餘定餘善。彼論意說。由於化身聽聞言教言說法身因故。當成佛果能生智福二種法身此三住處。即無相理真如法身。前因果身俱依此身方能證得。雖彼亦說色身住處化身之體。經言不應以相具足得見如來。遮破色身非佛真體。故此不說不遮法報故說有三。勝鬘經說如來妙色身等即是化佛。如來色無盡等即受用佛。一切法常住即是法佛。與天親菩薩般若論等三佛義同。故此不說。法花經壽量品彼論釋云。出釋氏宮是化身。成佛以來實無量劫是報身。如實知見三界之相是法身。亦與彼同。故不別說或說四身。楞伽經說一應化佛二功德佛三智慧佛四如如佛。初是化身。次二受用身。福慧異故分成二種。後是法身。金光明經亦說有四。有化身非應身。如來已般涅槃以願自在力故。如是之身即是化身。此說如來離般涅槃以願自在爲物所現。龍鬼等身是趣攝故非現佛身。名化非應。有應身非化身。是地前身即前

應身。但爲地前諸菩薩等。所現佛身依定而起。現佛形故非五趣攝。名應非化。四善根中所見大千應身佛也。三亦應亦化身。住有餘涅槃。如來之身。謂爲二乘四十心位。所現佛身。現相修成依三昧起。現佛形相故名爲應。現人同類有諸苦等。亦名爲化。四非應非化身。是佛法身。觀此經文。前三是化。後是法身及自受用。不說爲化。十地菩薩他受用身。理亦定是應身非化。由地前位四善根中所見。大千一主應身。非是趣類。是應非化。他受用身亦此句攝。舉初顯後略而不論。不爾彼身何句所攝。化非應中但說如來已般涅槃願力所現。不說佛在所現化身。主在起化易而可知。主無化起難而說故。即彼經說。是第一身依應身顯。是第二身依法身顯。法身真實無有依處。既說化身依應身顯。無應起化故說爲難。佛地論中亦說四種。一受用非變化。謂自利分實受用身。二變化非受用。謂變化身。爲化地前難類生故。或龜或妙。或令歡喜。或令怖畏。改轉不定。但名變化。不名受用。不必令受。現法樂故。三亦受用亦變化。謂爲地上菩薩所現種種化身。令諸菩薩受法樂故。隨時改轉。不決定故。四非受用非變化。謂自性身。又華嚴經說有十佛。一無著佛。安住世間成正覺故。佛地論中亦說十佛。彼名現等覺佛。二願佛。願出生故。彼名弘誓願佛。三業報佛。信成就故。諸行皆因信最初起。是故偏說。彼名業異熟

佛。四持佛。隨順世間不斷絕故。彼名住持佛。五涅槃佛。示涅槃故。彼名變化佛。六法界佛。於一切處無不現故。七心佛。善安住故。二名同。彼八三昧佛。成就無量功德。無所著故。彼名定佛。九性佛。善決定故。彼名本性佛。十如意佛。以普覆故。彼云隨樂佛。前五世俗。後五勝義。隨其所應三身所攝。五世俗者變化身攝。五勝義中。法界本性法身所攝。餘三受用。於變化中現成正覺。示般涅槃。立初及第五。示修正行。及發助願而得勝果。立第二。第三。般涅槃後形像。舍利住持不絕。故立第四。化佛隨增。故立此五。於法身中。功德法本及三身本性。分成法界及本性佛。自受用身。異世間識。及起功德。分成心佛及與定佛。他受用身。名隨樂佛。故雖三身分成十種。大般若經第五百六十八又說十身。一平等身。二清淨身。三無盡身。四善修身。五法性身。六離尋伺身。七不思議身。八寂靜身。九虛空身。十妙智身。佛告最勝。於初地中。得平等身。通達法性。離諸邪曲。見平等故。第二地中。得清淨身。離犯戒失。戒清淨故。第三地中。得無盡身。離欲貪瞋。得勝定故。第四地中。得善修身。常勤修習善提分故。第五地中。得法性身。觀諸諸理證法性故。第六地中。得離尋伺身。觀緣起理離尋伺故。第七地中。得不思議身。善巧方便智行滿故。第八地中。得寂靜身。離諸煩惱戲論事故。第九地中。得虛空身。身相無盡遍一切故。第十地中



得妙智身。一切種智修圓滿故。最勝白言。佛菩薩身豈無差別。佛告。最勝身無差別。功德有異。以一切法同一法性故。身無別。功德異者。佛具功德。菩薩不爾。譬如寶珠。若具莊飾。不具莊飾。其珠無異。廣說譬喻。彼說所證法身無別。能證功德智身有異。佛則不爾。能證之身亦無差別。今此十身皆法身攝。隨其十地能證德異。說有十種。雖無文說。菩薩報身亦有十種。應物化身理亦有十。德用既異。名亦應別。准所證理。十法身故。十地之稱。即報身名。法無我智等分位名地。故金光明經說。是初佛身。隨衆生意有多種。故現種種相。是故說多。現猿猴等多形類故。第二佛身。弟子一意故。現一相。是故說一。弟子樂見現佛形故。第三佛身。過一切種相。非執相境界。是故說名不一。不二。一二等數皆執相故。又如如不二。如智不二。是故法身不二。不二。

第四因起果相者。攝大乘等說。一種因。彼論第六卷說。入所知相云何應見。多聞熏習所依非阿賴耶識所攝等。又云。由何能入由善根力所任持故。乃至廣說。多聞熏習是出世心種子性故。此說最初修四勝行。一親近善士。以爲勝緣。二聽聞正法。三如理思惟。四如說修行。後三內行。內行要。先多聞熏習。其小聞者無容得故。此多聞種成唯識等略有三釋。一唯新熏。唯有漏種。以爲因緣。親生無漏。唯識論中雖已廣破。依瑜伽論五十二問若諸習氣攝一切種子。

復名運行爲重者。諸出世間法從何種子生。若言能重自性種子爲種子。生不應道理。故知有漏非無漏法親生因緣。二唯本有。諸無漏種未發心前名性種姓。發心已後名習種姓。熏習彼用令漸增故。見道以前有漏開熏能生現行。無漏未起。雙取此二名順解脫。決擇分善。故難集說。決擇分善雖修道斷。然得建立爲無漏性道諸所攝。見道以後無漏種子方生現行。第八地前二種難起。成佛以後諸有漏善及因無漏。並皆轉滅。諸果無漏圓滿生起。故涅槃說。捨無常色。獲得常色。受想行識亦復如是。今觀彼義。唯舊種子生現。都無現行更新熏。種子唯識論中亦已廣破。三者種子皆有二種。本有新熏。見道以前同第二說。見道以後諸無漏種本有生現行。新諸現行復熏成新種。略有二義。一者轉滅。二者轉齊。轉滅義者。如大乘位無始以來加行勝善無漏善種。未逢緣故皆唯下品。見道以前有漏開熏爲勝緣故。資下無漏種漸令增勝。至見道位生下現行。現行復熏下品種子。見道修習以爲緣故。至修道位。前剎那中見道下種滅。修道中種生生中現行。現行復熏中品種子。修道修習以爲緣故。至究竟位。前剎那中。中品無漏種滅。後剎那中。上品無漏種生。無所依故。道已滿故。更不熏習。本唯一品。劣滅勝生故名轉滅。後修習故。前之同類不能爲同類。因引後同類果故。

如是地地下中上品諸無漏種。及諸位中加行勝善。下中上品諸有漏種。皆應准知。至佛位中。唯有無漏上品圓滿。無漏中下。一切有漏。並皆捨滅。故經說捨無常色等。二者轉齊。法爾種子皆有二品。初修下故。至見道位。下品無漏種生現行。現行復熏下品種子。若無修習任運下生。由修習故。至修道位。中品種子生中現行。現行復熏中品種子。前之下品亦轉成中。若不熏習任運中生。由修習故。至佛位中。上品種子生上現行道已滿故。無所熏故。更不熏習。中品種子並轉成上。前中下種不復相續。與後勝齊故名轉齊。故經說言捨無常色等。望自同品可名轉滅。言轉齊名者。望他異品。此多聞熏種。見道以前。有漏種子親爲因緣。生諸現行。現行爲緣。復熏成種。望無漏種餘出世法。爲增上緣。由無漏種所資持故。諸有漏種感勝異熟。不造無間業不墮惡趣等。由有漏法資無漏故。當生出世無漏現行。見道以後。無漏種子親爲因緣。生無漏現行。與有漏法爲增上緣。令有漏善感十王果。諸有漏善資助無漏。展轉增明證離繫法。乃至成佛。有漏皆滅。純無漏在。諸有受生皆依示現。此聞熏習。見道以前。開似法義理智法已。數起思惟。乃至四善根中等引修習。至見道位。能證智起。熏發種子。所生現智所現相好。爲受用身因。所證理明爲法身因。故勝鬘說。於無量煩惱藏所纏如來藏不疑惑者。於出無量煩惱藏所

經如來法身亦無疑惑。修二因故復得二身。化身但由大悲熏煮。修前二因願力所起。金光明說是第一身依應身顯。是第二身依法身顯。法身無依說是如如智故。大菩提心以善根為自體。善根即是大菩提性。智度論說。智及智處皆名般若。菩薩地說。菩提菩提斷俱名為菩提。其諸善根即是多聞熏習種故。涅槃等經說有二種因。一生因。如芽生莖。二了因。猶燈照物。般若經言。一切諸佛法皆從此經出。一切諸佛從此經生。天親論釋言。於實為了因。亦為餘生因。唯獨諸佛法福成第一體。菩提名法身體實無為。持經及說二為了因。真如法身證因得故。非生因生。餘謂受報相好莊嚴佛化身相好佛。於此為生因。生因生故。雖十法行皆能為因。受持自利。演說利他。據十行勝略不說餘。持經及說。唯說為因。能持及說二種善根正為因故。生因有二。一正二助。有漏持說望受用身為疎助因。性相違故。無漏持說為佛正因。無漏相順親生起故。即二生因通現及種。了因亦爾。一正二助。無漏智中無分別智。望自性身為正了因。諸有漏智及後得智為助了因。非諸種子。不開緣故。此說一因能得二果。望自同類而為生因。望他異類而為了因。其化身者亦生因生。此中法身。見道以前煩惱纏位名如來藏。二乘雖得生空真如。智障未除。非德依止不名法身。由數聽聞思惟修習悲智因故。初地以上二障漸斷。

為德依止。即名法身。如前所引般若經說。於初地中得不等身。乃至十地得妙智身。世尊自說是法身故。由證彼理能證之智。十德差別顯彼所證法身亦十。乃至成佛二障皆盡。二智圓成功德滿故。所證理身明淨顯現更無差別。都名法身。亦自性身。如空除翳明淨豁然非新有。法身亦爾。是名法身了因成佛。即見道前。由數聽聞思惟修習大智因故。令無漏種勢力增長。初地以上能生現行諸無漏智。則此諸智分位差別名為十地。故攝論云。法無我智分位名地。此後菩薩略有二類。有怖煩惱便折伏彼令皆不行。從初地後受變易身。楞伽經依此分十地菩薩為三種意生身。有從七地將滿心中方受變易。勝鬘經依此說二乘無學得自在菩薩為三種意生身。七地以前不怖惑故。如二種生死義林中說。所證真理既名十法身。能證功德亦名十受用。受用法樂故。然昔異生造十王業。初地以後受十王果。第八五識所變身形。有漏異熟相好神通。皆漸具足。後得依此更變殊勝為相好身。是無漏攝。生諸淨土莊嚴道場。於一身處為二類變。其相相似見者真一。合名受用。怖煩惱者。於見道後生廣果天。資現身因轉受變易。不怖惑者。七地滿心方生廣果。資現身業轉成變易。如成唯識具說此義。十地受用准其所證。應有十名。同法身名理亦無爽。依能證德顯法身故。或十地名即是十地受用身名。依彼菩

薩立彼名故。如是十地展轉殊勝。至第十地將成佛時。淨居天上乃有大寶蓮華相現。如十阿僧祇百千三千大千世界微塵數量。菩薩坐之而成正覺。金剛心位猶有有漏劣無漏身。解脫道生有漏都盡。劣無漏滅。故經說捨無常色等。四智圓成功德具足。八識無漏所變色身亦皆無漏。智如其境。充遍法界。功德色身皆亦如是。相續湛然窮未來際利生本願盡。法界故名自受用身。生因所生成佛之相。見道以前大悲熏煮以為因故。為其十地下類菩薩。現他受用身。唯是後得無漏所變。展轉勝大。乃至成佛能遍十方。隨其所宜為十地衆。積漸轉大現他受用身。初地見佛坐百葉花。即是稱可百大千界。且阿彌陀佛眼如四大海水。眉間豪相如五須彌山。身高六十萬億那由他恒河沙由旬。應是初地菩薩所見。二地見佛坐千葉花。乃至十地所見轉大。此他受用雖有父母亦現受生。不先處天方下成佛。鼓音王經說。阿彌陀佛。父名月上。母名殊勝妙顏。子名月明。奉事弟子名無垢稱。魔王名無勝。調達名寂。無量壽論云。女人及根缺。二乘種不生。既是報土無實女人。佛及菩薩化為母等。化分段身故現此相。化變易身未見誠說。法花經中說。大迦葉當成佛時無有魔事。魔及魔人皆護佛法。尚有此相。況報土中有實魔事。然大菩薩化為魔王。障他受用時現有之。觀音授記經說。阿彌陀佛壽命無量。百千

萬億劫當有終極。滅度之後。觀世音菩薩。明相出時。於七寶菩提樹下。成等正覺。名。普光功德山王佛。國名。衆寶普莊嚴。勝。阿彌陀佛國。百千萬億不可爲比。此佛滅。已大勢至成佛。名。善住功德寶王佛。十地機。宜先已淳熟。故化彼類。即身成佛。不說先。住何處。何天後來補處。即以此身就座成佛。是他受用大悲所熏。生因所生成佛之相。故平等智初地以後能隨衆生所樂示現。由見道前大悲熏煮。初地以後能隨三乘。隨所宜。見現種種身。花嚴經說。十住之中。初發心住能現正覺。後入涅槃。況十地中不現化相。法花等說。觀音妙音皆以神力。應以三乘而得度者。便現彼身。而爲說法。故於十地位。皆能現化身。此變化身及他受用後得所變。本唯無漏。五八識品依之所變。皆唯有漏。同處相似見者似一。乃至成佛能隨十方三乘所宜現種種化。或現佛身。或現餘身。先菩薩位要住彼觀。史多天。後方下生。劫初成位生婆羅門家。如慈氏等。由賤富貴。重淨行故。劫後減位生刹帝利家。如能寂等。由賤淨行。重富貴故。佛爲化彼現二受生。攝大乘論第九卷說。佛變化身能現八相。天宮現沒受生。受欲藏。城出家修諸苦行。證大菩提。轉大法輪。入大涅槃。大般若經五百六十八亦說八相。一從天沒。即入胎相。二嬰兒。即受生相。三童子。即受欲相。四苦行。五成道。六降魔。七轉法輪。八入涅槃。無。彼攝論出家

之相。加降魔相。攝論降魔成道相攝。成道離三魔。降魔伏一故。亦成道已即降魔故。初現出家後得苦行。離之別立。彼論出家示厭俗相。苦行示修邪行相故。經依出家爲修苦行故合建立。行道證果降魔除怨。故離別立。各據一義。亦不相違。廣如彼經說。明現相所以。花嚴經中說有十相。八中加二。三乘有情根猶未熟。令深欣樂方現佛身。故先處天下生成佛。由諸衆生所應見故。是變化身大悲熏煮。生因所生成佛之相。教說菩薩種類有三。一一生所繫。如彌勒等。先處人中身名一生所繫。望當佛位。應有四生。人天本有及二中有。如七生等名。一大生。若住天中稱一生繫。半生名。二一本有故智度論說彌勒三生。說在入中除成佛身。故說三也。二最後身三坐道場。此二局在成佛身位。化身既示。二受用身雖不見文。准此應悉。自受用身七地以前名一生繫。八地以後名最後身。更無生故。藏蓮花座名坐道場。他受用身如觀音前身。名一生所繫。觀音之身名最後身。處七寶座名坐道場。法身無生便無是義。然此三身非定一異。自受用身爲自身相。法身即是此身理性。理智深妙非餘所知。三乘見龜立名變化。十地見細名他受用身。由見不同性相殊異。德義聚集分成三身。非如有情各別自體立爲三種。無定異故。非不異故。非定一異。如能寂佛。十地所見名他受用身。二乘所見名變化身。無分別智

觀其異理。即名法身。異智深。微久修因。滿自受法樂。非餘所知。名自受身。知見不同。非定一異。是生了因起。果相然有一果。二因所得。一生因。二引因。成唯識說。生近正果名曰生因。引遠殘果名曰引因。如受用身。金剛定前諸無漏種遠爲引因。自位種子近爲生因。望佛法身近遠現智俱爲引因。非爲生因。不說牽引。生起因等得離繫故。但說引發。定異因等得無爲故。於化身等現在前位。種爲生因。正生起故。望舍利等名爲引因。引殘果故。今說受用一果二因。若望法身。一果一因。若望化身。一因二果。又佛二果二因所得。謂理智因。勝覺經說。有二種如來藏空智。若離若脫。若斷若異。一切煩惱藏。不離不脫。不斷不異。不思議如來藏。此說煩惱體能覆藏名之爲藏。虛妄不實。究竟破壞故名爲空。無垢稱說。塵勞之障是如來種姓。涅槃經說。未得阿耨多羅三藐三菩提時。善不善無記法皆名佛性。名如來藏。故經標言有二種如來藏空智。煩惱亦名如來藏故。其真如理因空所顯空之性故。名之爲空。法身之因煩惱所覆名如來藏。此離纏位名爲法身。故斷能覆煩惱障。證得法身自性解脫。法花經說。欲示衆生佛知見。故出現於世。示三乘者法身同故。滅二化城。至寶所故。十卷楞伽第八卷初說。阿梨耶識名空如來藏。具足無漏熏習法故。名不空如來藏。彼經意說。阿賴耶識能含淨種名之爲藏。爲

當佛因一名如來藏。又未得菩提。皆佛性故。名如來藏。性虛妄故。亦破壞故。不實名空。所含無漏淨法種子。報身因故名如來藏。性非虛妄。究竟不盡。名爲不空。此生現行圓滿果位名報化身。故斷能藏有漏藏識。所知障滅。大智滿故。證受用身。大悲滿故。起變化身。法華經說。欲令衆生悟佛知見。出現於世。聲聞緣覺不知。智身真實處故。不賜羊鹿。但與牛車。至道場故。上來二因。若在果位名法受用。示悟此二佛出。世間欲令衆生修此二因。入佛知見。皆令修行不退轉業。即是示悟。入佛知見。佛出於世。總顯經義。佛出世間。欲令衆生修二妙因。得二勝果。開此無上讚歎。令修即是開。示悟入之義。復有二因。能得二果。如大乘經莊嚴論說。福德智慧二資糧。菩薩修無邊際。乃至勇猛疾歸。德海岸。攝論亦言。誰能悟入所應知相。善備福智資糧。菩薩果隨。增上分爲二類。法身是福。受用是智。或受用是智。變化是福。法身通二。理實三身皆通福智。二實性故。二所成故。二所起故。由此三身皆二因得。復有二因。一能生。二方便。能生因性即是因緣。所餘三緣方便因性。受用變化二因所得。法身一種方便因得。又有二因。謂共不共。法身一種。是共因得。自受用身不共因得。他受用變化通共。不共。又有二因。大智大悲。自利他利。隨增義說。自受用身大智。自利因。他受用變化身大悲。利他因。法身通二因。或皆通二。菩薩

利他爲自利故。菩薩自利爲利他故。又有二因。一性種姓。二智種姓。法身非由二因親得。疎亦可名。雖名佛性。無別類故。不名性種姓。由此亦無因習成性。餘之二身。二性親得。又有三種因。謂聞思修。修慧正爲親生了因。聞思疎助。又三智因。正智正爲法身了因。餘二疎助。正智後得爲受用正生因。加行疎助後智正爲變化正生因。餘二疎助。舊說三因。一應得因。謂即真如。所應得故。二加行因。謂菩提心願。三果圓滿因。謂正加行。隨增義者。初得法身。次得化身。願利生故。後得報身。實修行故。佛性論中說此三因各感三身。通所成故。廣如彼說。彼論又說。佛性有三。一自性住佛性。未發心前住。自性位。二引出佛性。發心以後諸有學位。三至得果佛性。謂無學位。彼論多說。法身理性。有此三位。與涅槃同。依受用身有爲佛性。分此三種。理亦無失。又有三因。般若經說。發菩提心。應云何住。云何修行。云何降伏其心。無著釋言。云何住。謂欲願。行謂無相相應等持。伏謂折伏散心。還住正願。入定折伏散障。名三種因。天親釋同。或異解者。發心修行。斷障別故。散行定行。初心散行。次心定行。後心入聖斷障。是故三因攝一切盡。彼經宗意。說法身因行無相故。亦說福智二相法身。亦受用因方能起。化利益無盡。有四種緣。一因緣。二等無間緣。三所緣緣。四增上緣。因緣一種。遍諸有爲親辦自果。等無間緣。因果必是心心所

法。其所緣緣。體通一切法。果必心心所。增上緣性因果俱通。與力不遮。果自性故。法身但由增上緣得。自受用身通四緣得。他受用變化。初後緣得。非心心所實自性故。復有四力。一因。二善友。三作意。四資糧。三身皆通四力所得。然親得者。法身即非。又有四行。菩薩地說。一菩提分。二波羅蜜。三諸神通。四成熟有情。三身皆由此四行得。又有六因。一能作。二俱有。三相應。四同類。五遍行。六異熟。能作體通。有爲無爲。果唯有爲不障。生故。體通四緣攝。俱有體通。諸有爲法。俱時與力。因緣增上。相應果唯心心所法。亦因增上。同類唯是諸有爲法。同品勝品自類爲因。亦因增上。所緣定無。等無間不定。遍行唯是苦集二諦。或是見道遍緣。四諦一切煩惱。唯除因緣。異熟唯是有漏善業及不善業。招無記故。唯增上緣。此六因中。若諸現行望自親種。爲因增上。現行相望定無因緣。必有增上。餘二不定。望不親種。但一增上。一切種子望自親種。皆因增上。望自親種。現行亦因增上。定無等無間。所緣緣不定。若望異種。但爲增上。望異現行。定爲增上。無因等無間。所緣緣不定。初之四因。通現及種。可有因緣。遍行異熟雖通現種。不親生。故皆非因緣。前四因通有漏無漏。後二種因。唯是有漏。故佛三身法身非是六因所得。體非生故。自受用身前四因得。他受變化初三因得。非相應因。如六因義林教理爲證。復有十因。一隨

說二觀待。三牽引。四生起。五攝受。六引發。七定異。八同事。九相違。十不相違。法身唯爲五因所得。論說離繫果。攝受引發。定異。同事。不相違。因五因得故。性妙難言。非隨說因得。能證道合。觀待相疎。非彼因得。牽引生起。二果有爲。亦非二得。相違因遠。得果已無。亦非彼得。若疎遠證。亦隨說得不親得。故論不說之。觀待餘二功德之身。成自性身。道證非疎遠。故論亦不說。離繫。煩惱纏而成法身。以道證時彼都已遠。論亦不說。相違因得。然義可爲八因所得。唯除牽引及生起因。受用變化八因所得。除隨說相違。言說不能親證彼故。不說得之。疎亦可得。相違因遠不說得之。疎亦可得。若依此義。通十因得。待因成果。一身相待有觀待因。能生種子。熱未熟別。分成牽引及生起因。攝受六依處。辨無漏法。故有攝受。因本性種子成引發因。自乘種子爲定異因。即前諸因同爲生等一事業。故爲同事因。不相違因其理可悉。故有八因。或復十因。且隨顯相說。此因等諸嚴淨土所有妙因。皆三身因。恐繁且止。已辨因起當辨果。相果有五種。一異熟。二等流。三離繫。四土用。五增上。此中土用略有二釋。一云五蘊假者名曰土。彼所得果名土用果。二云諸別別法亦名土。夫如彼假者有體用故。從喻爲名。假士夫得名。土用果。若依初義。法身唯是離繫增上果。斷障得故是離繫果。增上可知。非有漏故非異熟果。非有爲故非

等流果。非五蘊假者之所親證。故非土用果。若依後義。亦土用果。聖道士夫之所得。故。體成三果。受用變化各成三果。非有漏。故非異熟果。非無爲故非離繫果。依前諸因得三身中。因緣生者等流增上。或是土用。或非土用。增上緣得可通四果。唯除異熟。佛果無故。餘二緣得定有增上。必無離繫。等流土用或有或無。自類勝品者有等流。餘相望非有。彼勢力得者有士夫。餘相望非有。

記。人四記者。一問生者皆死耶。答言如是。應一向記。二問死者復生耶。答言應分別。有煩惱者死而復生。無煩惱者死而不生。應分別記。三問入爲殊勝。應返問彼。汝何所方。若方於天答言爲劣。若方於餘答言爲勝。應返問記。四問我爲有無。應捨勿答。是捨置記。法四記者。一問生者皆滅耶。答言如是。是一向記。二問滅者復生耶。答言此分別。有因緣者滅而復生。無因緣者滅而不生。二乘五蘊無大悲緣。無餘依滅而更不生。如來之身但墮法數。不墮生數。有大悲故本願未盡。有因緣故滅而復生。是分別記。三問聲聞善心爲勝。爲劣。應返問彼。汝何所方。隨方爲答。是返問記。四問第六蘊爲善不善。應捨勿答。是捨置記。佛受用身既墮法數。生者能滅是一向記。故不可說是本性常。許從因生說是常者。違比量故。金光明中說。法身者非是行法。無有異相。異無有故。是自本故。是故說常。如如法身非是行法。無有異相。如如智法身是自本故。理智廣大冥合無相。猶如虛空。是故說常。佛地論說。如如法身是自性常。離諸分別及離戲論。本性常住無生滅故。是故說常。涅槃依此說。佛即法。法即是僧。僧即是常。常即虛空。虛空即佛性。佛性即法身。如如智身是不斷常。衆生無盡。本願不窮。復不入涅槃。中間無間斷。與智冥合如空無限。亦離分別及諸戲論。是故說常。唯說如如爲法身者。唯

第五諸門分別者。略有十四門。一常無常門。金光明說。如是三身以有義故而說爲常。以有義故說爲無常。化身者恒轉法輪。是故處處。如如方便相續不斷。是故說常。非是本故。具足之用不顯現故。是故說無常。莊嚴論說。常有三種。一本性常。二不斷常。三相續常。佛地論說。此變化身沒已復現。化無盡故。是相續常。所依常故亦說爲常。有生滅故亦是無常。正與經同。金光明說。應身者從無始來相續不斷故。以一切諸佛不共之法能攝持故。衆生未盡用亦不盡。是故說常。非是本故。以具足用不顯現故。故說無常。佛地論說。是不斷常。恒受法樂。無間斷故。所依常故亦說爲常。依此常義。涅槃經說獲常色等。若言如來身無常者。此人舌根何不墮落。從因生故。有生滅故。亦說無常。諸論及涅槃經三十。五皆說。記有四種。一一向記。二分別記。三返問記。四捨置記。此記有二。一人四記。二法四

記。人四記者。一問生者皆死耶。答言如是。應一向記。二問死者復生耶。答言應分別。有煩惱者死而復生。無煩惱者死而不生。應分別記。三問入爲殊勝。應返問彼。汝何所方。若方於天答言爲劣。若方於餘答言爲勝。應返問記。四問我爲有無。應捨勿答。是捨置記。法四記者。一問生者皆滅耶。答言如是。是一向記。二問滅者復生耶。答言此分別。有因緣者滅而復生。無因緣者滅而不生。二乘五蘊無大悲緣。無餘依滅而更不生。如來之身但墮法數。不墮生數。有大悲故本願未盡。有因緣故滅而復生。是分別記。三問聲聞善心爲勝。爲劣。應返問彼。汝何所方。隨方爲答。是返問記。四問第六蘊爲善不善。應捨勿答。是捨置記。佛受用身既墮法數。生者能滅是一向記。故不可說是本性常。許從因生說是常者。違比量故。金光明中說。法身者非是行法。無有異相。異無有故。是自本故。是故說常。如如法身非是行法。無有異相。如如智法身是自本故。理智廣大冥合無相。猶如虛空。是故說常。佛地論說。如如法身是自性常。離諸分別及離戲論。本性常住無生滅故。是故說常。涅槃依此說。佛即法。法即是僧。僧即是常。常即虛空。虛空即佛性。佛性即法身。如如智身是不斷常。衆生無盡。本願不窮。復不入涅槃。中間無間斷。與智冥合如空無限。亦離分別及諸戲論。是故說常。唯說如如爲法身者。唯

記。人四記者。一問生者皆死耶。答言如是。應一向記。二問死者復生耶。答言應分別。有煩惱者死而復生。無煩惱者死而不生。應分別記。三問入爲殊勝。應返問彼。汝何所方。若方於天答言爲劣。若方於餘答言爲勝。應返問記。四問我爲有無。應捨勿答。是捨置記。法四記者。一問生者皆滅耶。答言如是。是一向記。二問滅者復生耶。答言此分別。有因緣者滅而復生。無因緣者滅而不生。二乘五蘊無大悲緣。無餘依滅而更不生。如來之身但墮法數。不墮生數。有大悲故本願未盡。有因緣故滅而復生。是分別記。三問聲聞善心爲勝。爲劣。應返問彼。汝何所方。隨方爲答。是返問記。四問第六蘊爲善不善。應捨勿答。是捨置記。佛受用身既墮法數。生者能滅是一向記。故不可說是本性常。許從因生說是常者。違比量故。金光明中說。法身者非是行法。無有異相。異無有故。是自本故。是故說常。如如法身非是行法。無有異相。如如智法身是自本故。理智廣大冥合無相。猶如虛空。是故說常。佛地論說。如如法身是自性常。離諸分別及離戲論。本性常住無生滅故。是故說常。涅槃依此說。佛即法。法即是僧。僧即是常。常即虛空。虛空即佛性。佛性即法身。如如智身是不斷常。衆生無盡。本願不窮。復不入涅槃。中間無間斷。與智冥合如空無限。亦離分別及諸戲論。是故說常。唯說如如爲法身者。唯

自性常。攝大乘問。佛受用身及變化身既是無常。云何經說。如來身常。彼自答言。此二所依法身常故。無性釋云。此非身常。依常身故。此顯等流及變化身是異門常。非自性常。又彼二身以恒受用無休廢故。數數現化不永絕故。如常受樂如常施食。如來身常當知亦爾。無性釋言。又受用身以恒受用無休廢故。猶如世間言常受樂。雖非受樂常無間斷。而言常受。佛受用身亦爾。彼彼菩薩受樂無廢。雖非常住而亦言常。故勝鬘言。如來色無盡。智慧亦復然。由佛化身數數現化不永斷絕。猶如世間言常施食。雖非無間。然數數施。其心不絕。名常施食化身亦爾。數數現化不永絕故。二身言常。是密意常。二自他二利門。金光明說。善男子。一切諸佛利益自他。至於究竟。自利益者是法如如。利他者是如如智。於自他利益處。一切得自在。成就種種無邊用故。是故分別佛法。無量無邊種種差別。難集論說。佛受用身自利最勝。變化身者他利最勝。自性身者俱利並勝。他受用身雖他利攝。從自受用受。法聖財。最增勝故。但說自利。佛地唯識。皆說法身寂靜安樂。無動作故。正自利攝。金光明依此說。自利益者是法如如。不說有能為。增上緣益衆生故。亦兼利他。又與二身俱利為依。二利所攝。受用有二。自受用身自願行滿。能自受用微妙法樂。正自利攝。他受用身他願行滿。令諸菩薩受大法樂。他利所攝。由此二

故。或說受用唯自利攝。或說他利。或說俱利。皆不相違。返顯經言能利益他是如如智者。但說能為受用變化利益他者是如如智。不遺此智而是自利。變化身者唯為利他。現諸化相他利所攝。三有異無異門。攝大乘說。諸佛法身依止意樂業無別故。當言無異。無量依身現等覺故。當言有異。無性釋言。真如無異。依止無別。利樂意同。意樂無別。正覺涅槃種種業同。業無差別。此說能依及所依同故。言無異。佛地論說。法身實性諸佛共有。故無差別。就能證因有差別故。假說差別。唯就所依說無差別。體無二故。若就能依說有差別。體有異故。攝論復言。如說法身受用亦爾。意樂及業無差別故。當言無異。不由依止無差別故。無量依止差別轉故。變化身亦爾。佛地論說。其餘二身。各別因感。各別自性。實有差別。即攝論言。無量依身現等覺故。當言有異。但無別執。利樂意樂事業平等。說無差別。亦不相違。四三身形量門。佛地論說。法身無邊。猶若虛空。遍一切處。不可說其形量大小。就相而言。如空無際。自受用身有色非色。非色無形。不可說其形量大小。隨身及境。亦得說言。遍一切處。有色諸法。大劫修因得勝根境。一一相好。遍法界。不同生死業有分限。所感身形。有小有大。佛無漏身於無量劫。值無邊佛。斷無邊障。利無邊生。修無量善之所起故。果亦無邊。由圓鏡智所變之身無限量故。

諸佛所變同處同時。其相相似。不相障礙。終無間斷。受用法樂。唯佛所知。非餘根境。故聖教說。無見頂相。無邊法音。一一功德作用無限。他受用身為諸菩薩現種種身。言音相好。形量不定。梵網經說。我今盧舍那方坐。蓮華座。乃至一國一釋迦等。花嚴等說。初地菩薩見百佛國。一國即是一大千界。一界有一釋迦化身。一四天下各一化身。一界即有一大釋迦。四善根所見。百億小釋迦。餘三乘所見。初地自見百大千界。一盧舍那。阿彌陀佛量是此所見。如是二地見千。三地萬等。積數應知。乃至十地金剛心菩薩將成佛時。色究竟天上大寶蓮華相現。周圍如十阿僧祇百千三千大千世界微塵數量。此一微塵一大千界。菩薩坐之而成。正覺彼所見佛身量難知。自受用身後所不見。法花經等說。阿難成。佛國土之量。准此佛身他受用攝。何地所見。理應應悉。其變化身化地前來。資糧加行二位見別。隨衆所宜。形量不定。釋迦丈六倍大衆生。彌勒千尺任生。宜見。他受化身皆是化色。四五塵性。非色功德。雖無形質。而亦化現。成唯識說。無上覺者神力難思。故能化現無形質法。現貪瞋等令餘知故。瑜伽論說。變化不能為其四事。一心二心所。三根。四業果。雖無實用。現似有之心心所法。即相分心。化似五根體四塵性。雖似業果。性即無漏。六年苦行。馬麥金餽。雖皆似苦。實無漏故。五所化有情共。不共門。自性自受用無此分別。他受用及化

有此義門。佛地論中略有三說。一者皆共。以一一佛皆能化生。福慧平等。多時修行同求菩提。如說一佛所化有情即一切佛。故知皆共。二者不共。以佛所化本相屬故。是故釋迦。底沙佛時。曾與慈氏同事。彼佛。佛觀所化。釋迦先熟。慈氏後熟。觀能化者慈氏先成。釋迦後成。入火光定。令釋迦見。七日七夜。一足讚。令超慈氏在前成佛。又釋迦言。我所應度皆已度訖。又契經說。佛涅槃時。觀一所化現在有頂。當生此間。應受佛化。留一化身潛住。此界身現涅槃。彼沒來生。留身方化。成無學。已化身方滅。又處處說能化所化相屬決定。是故不共。如實義者有共不共。成唯識論亦作是說。所化共者同處同時諸佛各變。為身為土。形狀相似不相障礙。展轉相難為增上緣。令所化生自識變現。謂於一土有一佛身。為現神通說法饒益。於不共者。唯一佛變。諸有情類無始時來。種姓法爾更相繫屬。或多屬一。或一屬多。故所化生有共不共。不爾多佛久住世間各事勸勞。實為無益。一佛能益一切生故。此義廣如佛地等說。六三身諸相門。七由幾自在得自在門。八三身依止幾處門。九由幾佛法所攝持門。十受用變化非法身門。十一功德相應門。此上皆如攝大乘說。十二有漏無漏識所變門。如成唯識說。十三淨土差別門。如別義林說。十四三身說法差別門。如初伽經。此三身義差別無邊。恐厭繁文且略指

述。如十地經。金光明經。楞伽經。金剛般若經。涅槃經。勝鬘經。解深密經。法華經。無垢稱經。瑜伽攝論。二般若論。對法。佛地唯識實性等論。及法花無垢稱疏。廣辨其相。

●佛土章第六

佛土義。以八門分別。一顯差別。二出體性。三明因行。四彰果相。五釋分量。六解處所。七共不共。八諸門辨。

第一顯差別者。佛地論第七云。佛身有二。一生身。二法身。若自性身。若實受用俱名法身。諸功德法所集成故。若變化身。若他受用俱名生身。隨衆所宜。數現生故。一切佛土必有身居。身既有二。故土亦然。生身土通淨穢。法身土唯清淨。或身有二。一實。二權。實即法身。權即生身。體土隨亦二。淨穢如前。佛地經說。佛身有三。頌云。自性法受用。變化。差別轉。彼論云。自性法者。即是如來初自性身。體常不變。故名自性。力無畏等諸功德法所依止故。亦名法身。受用者。即受用身。能令自他受用種種大法樂故。變化者。即變化身。為欲利益安樂有情。示現種種變化事故。雖淨法界體性無差別。而有三身種種相異。轉變不同。故名差別。身既有三。土隨亦爾。一法性土。二受用土。此二唯淨。三變化土。通淨及穢。成唯識論第十卷說。佛身有四。佛土亦爾。一自性身。依法性土。稱讚大乘功德經言。是淨伽藍。住法界藏。說彼經典。住法性土也。二自受用身。依

自受用土。三他受用身。依他受用土。佛地經云。住最勝光耀十八圓滿也。四變化身。依變化土。此經所云住廣嚴城也。初三身土唯淨非穢。後變化土通淨及穢。為十地菩薩現身及土非穢唯淨。為地前菩薩二乘衆現。通淨及穢。若為分別煩惱及所知障未盡。未證二空。異如者所現身土。或淨或穢。若為二分別障盡及已證二空者所現身土。必是淨故。佛地論說。三身有四句。一受用非變化。謂自受用身。二變化非受用。謂變化身。三亦受用亦變化。謂他受用身。四非受用非變化。謂自性身。亦同唯識。大般若經第五百六十八勝天王會第三卷說。佛有十身。一平等身。二清淨身。三無盡身。四善修身。五法性身。六離尋伺身。七不思議身。八寂靜身。九虛空身。十妙智身。天王白言。何位能得。如來十身。佛言。初地得平等身。通達法性。離諸邪曲。見平等故。第二地中得清淨身。離犯戒失戒清淨故。第三地中得無盡身。離欲貪瞋得勝定故。第四地中得善修身。常勤修習善提分故。第五地中得法性身。觀諸諦理證法性故。第六地中得離尋伺身。觀緣起理離尋伺故。第七地中得不思議身。方便善巧智行滿故。第八地中得寂靜身。離諸煩惱戲論事故。第九地中得虛空身。身相無盡遍一切故。第十地中得妙智身。一切智智修圓滿故。天王復言。佛菩薩身豈無差別。佛言。天王。身無差別。功德有異。以一切法



同一法性故身無別。諸如來身具諸功德。菩薩不爾故功德異。廣說無量譬喻顯示。故知十身皆唯法身。法身依義既有十名。是故真如隨勝德。亦成十土。一通行土。二最勝土。三勝流土。四無攝受土。五類無別土。六無染淨土。七法無別土。八不增減土。九智自在土。十業自在土。亦隨能證別分十土。依義別故。佛地論云。又餘經說有十種佛。即花嚴經。一現等覺佛。二弘誓願佛。三業異熟佛。四住持佛。五變化佛。六法界佛。七心佛。八定佛。九本性佛。十隨樂佛。前五世俗。後五勝義。隨其所應三身所攝。且隨龜相配三身者。初五化身。次二法身。後三受用。既即三身。土亦三土。更無別義。瑜伽第四云。復有超過淨居大自在住處。有十地菩薩。由極重修第十地故得生其中。即花嚴云。有妙淨土出過三界。第十地菩薩當生其中。亦即十地云。現報利益受佛位故。後報利益摩薩首羅智處生故。梵云。摩薩首羅即瑜伽所云大自在。第十地菩薩也。第十地菩薩將成佛時。往色究竟上坐。大寶蓮華成正覺。故感得此土。既成佛已。土便無邊更無別處。對法第六云。復有清淨世界。非苦諦攝。非業煩惱力所生。故。非業煩惱增上所起故。然由大願清淨普增上所引。此所生處不可思議。唯佛所覺。尚非得靜慮者靜慮境界。況尋思者。此自受用土唯佛所知。尚非十地。二乘境界。況非聖位有尋思者之所能知。雖有諸教種種不

同及如上說。身土差別不過三四。更不釋餘。如理應悉。

第二出體性者。自性身土即真如理。雖此身體無差別。而屬佛法。相性異故。以義相為身。以體性為土。以覺相為身。以法性為土。體具恒沙真理功德。此佛身土俱非色攝。非心心所。但依一如差別義說。自受用身還依自土。謂圓覺智相應淨識。由昔所修自利無漏純淨佛土因緣成熟。從初成佛盡未來際。相續變為純淨佛土。唯以無漏色蘊。色香味觸相續四塵。間斷亦聲五塵為性。體具事相色法功德。對法所言唯佛所覺。尚非得靜慮者靜慮境界。況尋思者。即是此土他受用身還依自土。謂平等智大慈悲力。由昔所修利他無漏純淨佛土因緣成就。隨於十地菩薩所宜變為淨土。器土亦以無漏色蘊四塵五塵而為體性。譬如世間人王國土。以有情界及器世界以為體性。離二無別王國土故。由此他受用身所有淨土。亦以成十地菩薩五蘊及金銀等所成四塵等器土以為體性。無垢稱經第一卷說。諸有情土是為菩薩嚴淨佛土。一切菩薩隨諸有情增長饒益。即便攝受嚴淨佛土。乃至廣說。十善業道土。是菩薩佛土。菩薩成佛時。大富梵行乃至正見有情來生其國。故知有情及彼器界俱稱佛土。持誓所言我見釋迦佛土嚴淨。復有無量寶功德莊嚴。亦他受用土。持誓乃是第八地故。法花經云。衆生見劫盡大火所燒時。我此土

安穩天人常充滿。梵網經言。我今盧舍那。方坐蓮華座。一花百億國。一國一釋迦。即他受用土。世親菩薩淨土論云。女人及根缺。二乘種不生。皆他受用土。此之佛土。佛所變者定唯無漏。菩薩變者通有無漏。第八五識所變。唯有漏第六意識。或第七識及所變通有無漏。其有情土通以五蘊功德為性。其此器土具十八圓滿。佛變化身還居自土。謂成事智大慈悲力。由昔所修利他無漏淨穢佛土因緣成熟。隨未登地有情所宜化為佛土。或淨或穢。如彌勒土淨。釋迦土穢。釋迦土中說無垢稱經。足未按前現穢非淨。足按已後暫令見淨。說法花時。十方佛集淨而非穢。未集已前穢而非淨。涅槃亦言。爾時三千大千世界。以佛神力地皆柔軟。無有丘壠土石沙礫。亦化土攝。隨所宜生而現土故。此土亦以有情五蘊及器四塵等以為體性。佛變唯無漏。餘有情變通有無漏。第六識及所變通有無漏。餘識及所變唯無漏。雖有種種衆寶莊嚴。依法出體。外土唯色。內土通五。所化有情五蘊成故。或似有功德。或似無功德。

第三辨因行者。此上經言。發起無上菩提心。正是為菩薩嚴淨佛土。菩薩證得大菩提時。一切發趣大乘。有情來生其國。純意樂善加行。上意樂六波羅蜜。四無量四攝事。巧方便三十七種菩提分法。修遇向。善說息除八種無暇自守戒行。不讓彼短。十善業道。合十八種淨修佛土。皆淨土因。

經下文言成熟八法生于淨土。香臺品言。堪忍世界諸菩薩衆。成就八法。無毀無傷。從此命終生餘淨土。一作思惟。我於有情應作善事。不應於彼希望善報。二作思惟。我應代彼一切有情受諸苦惱。我之善根悉迴施與。三作思惟。我於有情應心平等心無望礙。四作思惟。我應於彼一切有情摧伏憍慢敬愛如佛。五信解增上。於未聽受甚深經典暫得聽聞無疑無謗。六於他利養無嫉妬心。於己利養不生憍慢。七調伏自心。常省己過。不讓他人。八恒無放逸。於諸善法常樂尋求。精進修行菩提分法。觀無量壽經廣說諸觀生淨土因。乃至孝養父母。奉事師長。十念成就。皆淨土因。佛地經論及攝大乘皆言。勝出世間善根所起。唯說無漏善根爲因。雖有如是諸文不同。各隨所化機宜本同。宜聞說行非定唯爾。故對法云。非業煩惱力所生故。非業煩惱增上起故。然由大願清淨善根之所引發。總而言之。淨土因者。一由善根。二由大願。若不修善根。佛土無因。不發大願。佛土無緣。因緣具足方感果故。如世有支資愛取潤方感內外二土果故。要修衆行以願爲資。方得生於佛土之中。不爾便無見佛聞法生佛土義。總相雖爾。然佛四土勝因各別。謂法性土唯以二空無分別智爲其因緣。證法性理唯此智故。自受用土。唯以自利後所得智爲其因緣。證事五蘊唯此智故。他受用土及變化土。唯以利他

後所得智爲其因緣。般若經云。莊嚴佛土莊嚴佛土者。即非莊嚴佛土。是名莊嚴佛土。莊嚴佛土。天親論云。智習唯識通。如是取淨土。非形第一體。非嚴莊嚴意。廣如彼說。正與此同。此說佛土所化衆生其因乃別。其法性土。十地菩薩亦以無分別智爲其因緣。圓滿法性土十地不生。分有證會菩薩亦得。如前已說。故諸論云。初地已往生如來家。謂淨法界名如來家。於中證會名爲生故。自受用土十地不生。知而不證。他受用土十地菩薩後所得智爲其因緣。無分別智加行智等而其助因。佛地亦言。無分別者。相資通論理智不爲事因緣故。若變化土地前凡夫以加行智。二乘亦以後所得智爲正因緣。此上所說皆正因緣。若兼助因及緣助者。隨應理土以事行及願爲緣助得。若事土者以理行及願爲緣助。生有漏淨土以無漏爲助。無漏土以有漏爲助。故對法云。唯以大願善根爲因而得生起。諸教所說種種不同。皆隨所宜應時而說。非即決定。無垢所云八法無垢生于淨土。佛地所言勝出世間善根所起。此二皆是他受用因。無垢經言。發起無上菩提心。乃至十善業道是爲淨修佛土者。通說有漏無漏二因相資生于他受用土。亦可通說生變化淨土。觀經所說諸觀及孝養父母等。乃至十念爲淨土因者。此有二義。一云准攝大乘等。西方乃是他受用土。觀經自言阿鞞拔致不退菩薩方得生故。非以少善根

因緣而得生故。無著天親淨土論言。女人根缺二乘種等皆不生故。攝大乘云。非唯由願方乃得生。別時意故。如以一錢貨得千錢。別時方得。非今即得。十念往生亦復如是。十念爲因後方漸生。非由十念死後即生。爲除懈怠不修善者令其念。佛說十念因生淨土故。又說阿彌陀佛身量衆相如五須彌。非他受用何容乃爾。又觀音授記經言。阿彌陀佛滅度之後。觀音菩薩次當補處。十地大形說當補處。非他受用是何佛耶。二云西方通於報化二土。報土文證如前所說。化土證者。鼓音王經云。阿彌陀佛父名月上。母名殊勝妙顏。有子有魔。亦有調達。亦有王城。若非化身寧有此事。故觀經說九品生中。有阿羅漢須陀洹等。故生彼者通有三乘。其土通是報化二土。若依前解。此是他受用身示現。亦有父母王國。實即無之。實無女人惡道怖等。九品生中阿羅漢等。借彼名說。實是菩薩。二釋任情取捨隨意。

第四果相者。佛地經言。最極自在淨識爲相。彼論釋言。佛無漏心以爲體相。唯有識故。非離識外別有其土。謂法性土即法性心。此不離於無分別智相應淨識。識實性故。自他受用及變化土。皆不離於佛後得智相應淨識。然識有異。自受用土即第八識。他受用土即第七識。其變化土即前五識。隨應是彼後所得智相應識故。十地菩薩見法性土及他受用土。地前三乘見變化土。皆隨所

應不離見者有漏無漏觀淨識。故此經言。若欲動修嚴淨佛土。先應方便嚴淨自心。隨諸菩薩自心嚴淨。即得如是嚴淨佛土。天親菩薩般若論云。智智唯識通。如是取淨土。故修智因。果識便淨。內識既淨。外感衆生及器世間國土皆淨。廣如經說。亦隨見者所應之識。如前准知。

第五分量者。佛地唯識皆說。法性土雖非色攝。不可說其形量大小。然依事相其量無邊。譬如虛空遍一切處。自受用土十地經說。第十地菩薩。得生大自在宮。有十果相現。有大寶蓮華座。周圍如十阿僧祇百千三千大千世界微塵數量。出第十地菩薩。坐登正覺。既成佛竟盡未來際。相續變爲純淨佛土。周圍無際衆寶莊嚴。隨法性土量無邊故。他受用土。隨十地菩薩所宜而現。或大或小。或劣或勝。前後改轉。梵網經說。我今盧舍那。方坐蓮華座。一華百億國。一國一釋迦。攝論等云。初地菩薩悟十百門。見百佛土。一佛國土三千世界。三千世界有百億四天下。四天下各有一化佛。三千世界中有百億化佛。初地菩薩見一百箇百億化佛。一受用身。受用身居一大寶蓮花臺。花有百葉。葉即三千大千世界。一受用佛名盧舍那。百箇百億化佛名爲釋迦。不離一盧舍那身有衆釋迦。二地菩薩見一受用佛坐千葉蓮華。乃至第十地所見佛極大花葉無邊。且二地中見。初地所見十受用身盧舍那。千箇百億化身釋迦。乃至十地見九地所

見無量受用身盧舍那。無量化身釋迦。大千世界佛數雖多。不離釋迦之化故。名一佛所化。又小乘中唯言一佛無多化身。亦隨彼機說。一佛也。或資糧道見。一四天下有一主佛。加行道中見三千界有一主佛。初地以上漸漸增故。故他受用土其量不定。其變化土或淨或穢。或小或大。前後改轉亦無定限。隨生所宜一時現故。無垢稱經佛足指按大千界淨。無垢將至預變毘耶一城爲淨。說法花經初變大千。次變十方各二百萬億佛國。令淨。後更重變。故知大小隨時不定。瓔珞經云。毘盧舍那佛是法身。盧舍那佛是受用身。釋迦牟尼佛是化身。故作是說。

第六處所者。其法性土即真如理。無別處所。自受用土亦充法界更無別處。他受用土。佛地經言。超過三界所行之處。彼論釋言。非三界愛所執受故。離相應所緣二縛隨增言。超過三界。故是道諦善性所攝。彼有三釋。有義各別。有處說在淨居天上。有處說在西方等故。有義同處。淨土周圍無有邊際。遍法界故。如實義者自受用土周遍法界無處不有。不可說言離三界處即三界處。若他受用土或在色界淨居天上。或西方等處所不定。法花亦言。衆生見劫盡大火所燒時。我此土安穩。天人常充滿。十地所見乃是報土。地前所見乃是化土。隨宜而現。何得定方別指一處。欲令衆生起勝信心。別指處所。隨心淨處即淨土處。化

土必隨三界處所。任物化生即便現故。古人於此種種分別。三界之外別有處所以爲淨土。理必不爾。所化必有異熟識在。異熟識在必是三界攝。何得出界。土非界繫。言超三界非處有別。隨所化故。

第七共不共者。成唯識云。其法性土。一切如來同所證故。體無差別。自受用土雖一切佛各變不同。而皆無邊不相障礙。餘二佛土。隨諸如來所化有情。有共不共。所化共者。同處同時隨應諸佛各變爲土。形狀相似不相障礙。展轉相難爲增上緣。令所化生自識變現。謂於一土有一佛身。爲現神通說。法饒益。如此土衆生宜聞釋迦彌勒彌陀。此等諸佛即共變之。於不共者。唯一佛變。諸有情類無始時來。種性法爾更相繫屬。或多屬一。或一屬多。如底沙佛令釋迦菩薩超九劫等。故所化生有共不共。不爾多佛久住世間。各事勤勞實爲無益。一佛能益一切生故。由此變化他受用土有共不共。

第八諸門者。於中有十。一土主。二輔翼。三眷屬。四任持。五事業。六攝益。七無畏。八遊路。九所乘。十入門。第一土主者。佛地經云。如來所都。謂諸佛土諸佛爲主。以殊勝故。非餘所都。唯屬世尊。或唯世尊住持攝受。非餘所能。即三佛身各於自土爲主。非餘謂法性土體性唯一法身爲主。自受用土雖遍法界。一一自變各自爲主。不相障礙。他受用土及變化土。雖諸佛變。然一合相。

亦一相身。各各隨應攝受爲主。不相障礙。二翼輔者。其法性土及自受用。唯有佛居而無翼輔。十地菩薩雖分能證。非是法身之能輔翼。法身無相不說之故。他受用土。佛地經言。諸大菩薩衆所雲集。謂此淨土常有無量大菩薩僧常來輔翼。故無怨敵能爲違害。諸佛慈悲於自識上。隨菩薩宜現。愈妙土。菩薩隨自善根願力。於自識上似佛所生淨土相現。雖是自心各別變現。而同一處形相相似。謂爲一土共集。其中佛地論云。如是十地所變淨土。爲是有漏。爲是無漏。略有二義。有義無漏。自無漏種願力資故。變生淨土。於中受用大乘樂。能證真如得真無漏常見諸佛。故道諦收。有義有漏。謂自心中加行有漏淨土種子。願力資故。變生淨土。於中受用大乘樂。七地已前煩惱現起。十地修道煩惱及所知障種在。第八識體能持彼故現受。猶是有漏。無記性攝。故非無漏。又非有情有。二實身。身既有漏。所依淨土云何無漏。故唯有漏。苦諦所攝。如實義者。十地菩薩自心所變淨土有二。第八所變唯是有漏。有漏第八相分攝故。爲有漏身之所依故。雖無漏善力所資。熏其相淨妙。而是有漏隨加行等所現亦爾。若隨後得無漏心。變淨土影像。是無漏識相所攝故。從無漏善種子生。故體是無漏。道諦所攝。其變化土三乘衆集。二乘聖人菩薩凡夫之所集故。佛所變者唯是無漏。餘所變者。有義唯有漏。無漏後得不

能變爲淨土相故。有義亦無漏。無漏後得隨佛所變增上緣力。亦變事相。理不乖故。前釋爲善。第三眷屬者。佛地經云。無量天龍人非人等常所翼從。其法性土自受用土二無輔翼。無相如前。他受用土唯有天人以爲眷屬。無有餘類。雖超三界天等仍是三界攝故。淨識如是。攝受變現爲嚴淨土。故不相違。或爲成熟所化有情。示現如是變化種類。如爲調伏劫比擊王。現化無量轉輪王衆眷屬圍繞。或佛自化。或諸菩薩化。作此類。任持淨土莊嚴供養。引導他方翼從如來。無量壽經亦言。壽命鳥等皆是阿彌陀佛之所化作。化爲二乘。莊嚴淨土亦復如是。變化土中亦以真實八部輔翼。他受用土菩薩爲真。二乘八部皆爲權現。非是真實得生中故。變化土中二乘八部皆是真實。十地菩薩皆爲權現。十地不應生變化土。權示化形生於中故。第四任持者。法性土佛不假任持。自受用土自法樂持。他受用土。佛地經言。廣大法味喜樂所持。十地菩薩大乘法味喜樂所持。食能令住是任持義。已超三界性是無漏。能斷有漏不應名食。是任持因故亦名食。如有漏法雖障無漏。然持有漏得名爲食。無漏亦爾。雖斷有漏然持無漏云何非食。諸佛菩薩後得妙智。能說能受大乘法味生大喜樂。或正體智。受真如味生大喜樂。能任持身令不斷。長養善法故名爲食。七地已前猶分段生。非不資於段觸等四。八地以上及一切

佛不資。段食可說資餘。諸論說爲示現依止住食攝故。若變化土資資四食。亦得說資法味爲食。如聞妙法花六十劫住故。然此經下善提分品言。既食不死法。還飲解脫味。以涅槃不死而爲食者。所證妙境生於喜樂。可名食故。能持無漏亦與食名不相違也。然此食體諸教不同。廣如別章及法花疏。第五事業者。其佛法身或唯自利爲二身依。或通二利。自受用身唯有自利。若他受用及變化身。唯屬利他爲他現故。佛地經云。作諸衆生一切義利。佛雖寂定。由先所修加行願力。任運能作一切有情一切義利。他受用土中多說妙法。少作神通。作利十地菩薩義利。變化土中多作神通。少說妙法。作利三乘一切義利。第六攝益者。自性身土及自受用。已斷圓滿不說攝益。其他受用攝益義者。佛地經云。滅諸煩惱災橫纏垢。則諸煩惱名爲纏垢。如是即名諸災橫因。煩惱纏垢此中無故。所作災橫此中亦無。或煩惱者則十煩惱。三界見修合有一百二十八種。纏有八種。謂無慚無愧。惛沈睡眠。掉舉惡作。嫉妬。垢有六種。謂害恨惱。諂誑。誑。災橫即是彼所發業及所得果。所知障中種名煩惱。現起名纏垢。離此二種名爲攝益。如世封主雖不攝受。但不爲災。封戶亦言主攝益我。此亦如是。又現證得解脫煩惱災橫纏垢。殊勝福智故名攝益。化身土中二乘聖者准此亦爾。凡夫菩薩雖未永斷。制伏現行亦

名攝益。地前名為損力益能。能轉道故。然此諸位。分別二障四十心中漸能制伏。於四善根加行道中能頓伏盡。初地頓斷名為攝益。俱生二障加行道中能漸伏之。十地隨應能漸斷之。初地已上能頓伏盡。故名攝益。第七無畏者。內有攝益。外無怖畏。法性身土。自他受用及變化身。久已無畏。佛地經云。遠離衆魔。魔即四魔。是怖畏因。由此能生諸怖畏故。佛皆無彼故無怖畏。他受用土。十地菩薩離魔四魔。無五怖畏。煩惱盡死。漸斷位大隨應說之。其義可解。變化土中。三乘聖者亦分能離。十住菩薩八相成道能伏天魔。加行道中亦能制伏分別煩惱。離煩惱魔。十住第四生貴住中。捨離生死。出三界故。分離死魔。入初地時。分離分段死。亦名分離五蘊之魔。是故無畏。第八遊路者。佛地經言。大念慧行以爲遊路。彼論釋言。若諸如來大念即是無分別智。由念安住真如理故。無分別智爲法性土所遊之路。大慧即是後所得智。分別諸法真俗相故。爲二受用及變化路。此二皆有造作淨土增上業用。故俱名行。通生淨土。故俱名路。或大念行是自利行。內攝記故。是法性土及自受用路。大慧行者是利他行。外分別故。是他受用及變化路。上說佛已。十地菩薩。大念者聞慧。大慧者思慧。大行者修慧。以此三慧隨其所應親疎相資。爲其有漏無漏土路。三慧皆通有無漏故。若變化土。地前三乘亦以三慧爲其遊路。二乘修慧亦通無漏。凡

夫菩薩唯是有漏爲其遊路。第九所乘者。御彼所乘行此路故。佛地經云。大止妙觀以爲所乘。止謂三摩地等持也。觀謂般若若慧也。止觀等運故名所乘。路是總位。位中止觀各別名所乘。佛之三身恒乘於此。入三佛土。十地菩薩乘此入於他受用土。地前三乘隨應亦乘此止觀品入於淨土。若化穢土。通散定慧以爲所乘。不爾無由生佛土故。第十入門者。從彼入門。御此入故。佛地經言。大空無相無願解脫爲所入門。解脫者涅槃。緣此妙智名之爲門。或無漏智亦名解脫。離繫縛故。因此三門入淨土故。且一義云。因無相門入法性土。觀法無相證真如故。因無願門入自受用土。於三界中無願求故。因大空門入他受用及變化土。達二我無入二土故。或云三門皆入三種佛土。論說三門或各別。觀三種自性。或皆能觀三種性故。此說佛門。若諸菩薩因此三種無漏之門入他受用土。若地前三乘亦因三無漏。或復有漏入於化土。凡夫菩薩。唯因此三有漏等持入於化土。不名解脫門。非無漏攝故。理實他受用及變化土。皆有事乘遊路門等。爲令有情欣樂實德故說行說。其法性土及自受用皆量無邊。不說別有事門等相。他受用土既有分限。皆依蓮華而方建立。佛地經云。大寶蓮華之所建立。觀經亦言。作懸鼓想。有蓮華座。化土不定。或有或無。准此佛土無蓮華故。

大乘法苑珠林卷第七

●加點畢天文十<sub>辛</sub>五月六日未刻功終

從兼繼僧正御房被下畢

覺清五師

此一帖餘本之間覺清五師亡與奪之處全部感得之由被申被返畢

天文十二<sub>癸卯</sub>六廿六記之前大僧正兼繼

寬文十二年<sub>壬子</sub>十月日令修補畢

清兼法印

享保七年<sub>壬寅</sub>正月日讀拜讀了訓兼戒四歲

十六

## 勸發菩提心集卷上

翻經沙門 慧沼 撰

一明菩薩種姓相門 二明發心因緣門 三顯勝負論門 四警喻讚歎門 五勸發勝劣重廣門 六立誓發願門 七復說發心及哀愍門 八難明修行及退不退門 九依觀普賢菩薩經懺悔受戒門

第一明菩薩種姓相門 由增修三十五

菩薩有六波羅蜜多種種姓相。由此相故。令他了知。真是菩薩。且施種姓相者。謂諸菩薩本性樂施。於現堪施。無間平等喜施。無悔。雖少能均廣大非小。若無物施。深懷慚恥。於他常好讚勸令施。見能愛悅。於應供養。恭敬奉施。於此他世。無罪利事。若請不請。如理為說。若有怖於王賊水火。施以無畏。能於極怖。隨力拔濟。受他寄物。未嘗差違。若負他債。終不抵拒。於共財所。無欺。細心。得大財寶。尚不貪著。何況小利。如是等名施種姓相。戒種姓相者。謂諸菩薩本性成就。不著身語意業。不極暴惡。於諸有情。不極損惱。雖作惡業。速疾能悔。常行恥愧。不生歡喜。不以刀等惱害有情。性常慈愛。於所應敬。現前禮拜。修和敬業。機捷不愚。善順他心。常先含笑。舒顏平視。遠離瞋覺。先言問訊。知恩報恩。來求質直。不以誦謝。如法求財。不以非法。不以暴暴。喜樂修福。尚憐勸他。況不自為。聞他種

種苦所逼切。過於自身。少罪深怖。何況多罪。一切如法。悉與同事。非法不隨。惡心不續。隨生隨捨。實善尊重。實語不誑。於己僕使。尚不苦言。況於他所。如是等類名戒種相。忍種姓相者。謂諸菩薩性於他所。遭不饒益。無害害心。亦不反報。若他諫謝。速能納受。終不結恨。不久懷惡。如是等類名為忍相。精進相者。謂諸菩薩性自翹動。夙興夜寐。不樂睡眠。所作勇決。樂為不。忘。所為事業堅固究竟。終不間廢。大義無怯。不自輕蔑。有力能證難行事業。無畏無憚。能引義利。大事務中。尚無深倦。何況小事。如是等類名精進相。靜慮相者。謂諸菩薩性於法義。能審思惟。無多散亂。見聞若山巖林。邊具人不狎習。離惡業。生隨順安默。便生愛樂。性薄煩惱。至遠離塵。思量自義。心不極為諸惡尋思之所纏擾。於怨尚慈。況親中庸。見苦生悲。隨力拔濟。性聰敏。於法能受能持。思念。久事既憶。亦令他憶。如是等類名靜慮種相。慧種姓相者。謂諸菩薩成俱生慧。能入一切明處境界。性不鈍昧。於放逸處。有力思擇。如是等類名慧種姓。由諸菩薩所有種姓。與如是等功德相應。成就賢善諸白淨法。是故與難得無上如來果位。為證得因。乃至未為白法相連四隨煩惱。若具不具之所染污。白法相應者。沒染污。如是白法皆不顯現。何如白法相連四惑。謂放逸者。由先申習諸煩惱故。性成猛利。長時煩惱。是名第一。又愚癡者。不善巧者。依附惡友。是名第二。又為尊長夫主王賊怨敵等拘。不

得自在。心迷亂。是名第三。又資生具有匱乏者。顯顯身命。是名第四。隨煩惱性。雖具種姓。由四因緣。不能速證無上菩提。何等為四。謂諸菩薩先未值遇諸佛菩薩。真善知識。為說菩提無顛倒道。是名第一。因。又諸菩薩雖遇善友。為說正道。而顛倒執。於所正學中。顛倒修學。是名第二。因。又諸菩薩雖遇善友。為說正道。能正修學。而於加行方便。慢慢不能勇猛。熾然精進。是名第三。因。又諸菩薩雖遇善友。為說正道。加行勇猛。善根未熟。資糧未圓。未長時修菩提分法。是名第四。因。

## ●明發心因緣門

●大日本續藏經 ●網二部 ●忘二忘 ●沒二被 ●所正二正所 ●原本冠註曰項目新補入。以下新補入項目者付\*印表之

或從可信聞如是事。既見聞已便作是念。無上菩提具大功德。令安住者及修行者成就。如是不思議神變功德威力。由此見聞增上力故。於大菩提深生信解。因斯發起大菩提心。是名第一。此處為說佛菩薩所應修學之能證得故令發心。二雖不見

聞佛及菩薩神通功德。於菩薩藏聞已深信。由聞正法及深信力故。於如來神變功德深生信解。為得如來微妙智故。發菩提心。前約自佛及菩薩神通功德。雖不見聞餘說者。此約依教聞已生信。三或有一類。雖不見聞及以聽說如上正法。而見一切菩薩藏法將欲滅沒。便作是念。菩薩藏法久住於世。能拔無量眾生大苦。我應住持菩薩藏法。發菩提心。為滅無量眾生大苦。由為護持菩薩藏法增上力故。於如來智深生信解。為得如來妙智故。發菩提心。四者或有一類。雖不親見正法欲滅。而於末劫末世末時。見諸濁惡眾生身心十隨煩惱之所惱亂。謂多愚癡。多無慚愧。多諸慳嫉。多諸憂苦。多諸龜重。多諸煩惱。多諸惡行。多諸放逸。多諸懈怠。多諸不信。見是事已便作是念。大濁惡世於今正起諸隨煩惱所惱亂時。能發下劣獨覺菩提心。尚難可得。況於無上正等菩提能發心者。我當應發大菩提心。令此惡世無量有情。隨學於我起菩提心。由見惡世發心難得增上力故。於大菩提深生信解。因斯發起大菩提心。是名四緣。云何四因。謂諸菩薩種姓具足。是名第一。賴佛菩薩善友攝受。是名第二。於諸眾生多起悲心。是名第三。於極長時生死大苦難行苦行。無有怯畏。是名第四。第一

具菩薩種姓。二者具四種相。當知菩薩善友具足。謂諸菩薩所遇善友。性不愚鈍。聰明點慧。不墮惡見。是名第一善友具足。所遇善友。終不教人行於放逸。亦不授與諸放逸具。是名第二善友具足。所遇善友。終不教人行於惡行。亦不授與諸惡行具。是名第三善友具足。所遇善友。終不勸捨增上信欲受學精進方便功德。而復勸修下劣信欲諸劣功德。謂不勸捨大乘修於二乘。不勸捨勝福慧修劣福慧。是名第四善友具足。由四因緣。當知菩薩於諸眾生多起悲心。謂諸菩薩雖有十方無量無邊無苦世界。而生有苦諸世界中。於中恒有衆苦可得。或時見他隨遭一苦。或時見自一苦觸對。或見自他隨遭一苦觸對逼切。或見二種俱遭多時種種猛利無間大苦觸對逼切。然此菩薩依自種姓自仁賢。依四境處雖不串習。而能發起下中上悲。無有間斷。由四因緣。於諸眾生先起悲心。於極長時種種猛利無間無缺生死大苦難行苦行。尚無怯畏。何況小苦。謂諸菩薩性自勇健堪忍有力。是第一因。性自聰敏能正思惟。具思擇力。是第二因。能於無上正等菩提。成就上品清淨信解。是第三因。於諸眾生。成就上品深心悲愍。是第四因。如其次第。謂上四因。四力者。謂諸菩薩由自功力。能於無上正等菩提。深生愛樂。是名第一。由他功力。於大菩提。深生愛樂。是名第二。宿習大乘相應善法。今得暫見諸佛菩薩。或暫得聞稱揚讚歎。即能速疾發菩提心。況觀神力聞其正法。是名第三。

於現法中親近善士。聽聞正法。諸思惟等長時修習種種善法。由此加行發菩提心。名第四力。退菩提心門有四因緣。能令菩薩退菩提心。一種姓不具。二惡友所攝。三於諸眾生悲心微薄。四於極長時生死大苦難行苦行。怯畏驚怖也。

#### 顯勝門

最初發心堅固菩薩。略有二種不共世間甚希奇法。何等為二。一者攝諸眾生皆為眷屬。二者攝眷屬過所不能染。攝眷屬過有二種。謂於眷屬。饒益損減。染污違順。如是二事。菩薩皆無。最初發心堅固菩薩。於諸眾生。發起二種善勝意樂。一者利益意樂。二安樂意樂。利益意樂者。謂欲從彼諸不善處拔濟眾生。安置善處。安樂意樂者。謂於貧賤無依無怙諸眾生所。離染污心。欲與種種饒益樂具。發心菩薩求菩提故。所攝善法比餘一切所攝善法有二種勝。一因。二果。謂所攝善法皆是無上正等菩提能證因故。所證無上是此果故。尚勝二乘。況餘一切世間因果。發心菩薩有二種發心勝利。一者初發心已。即是眾生尊重福田。一切眾生皆應供養。亦作一切眾生父母。二者初發心已。即能攝受無惱害福。此菩薩成就如是無惱害福。得倍輪王護所守護。由得如是護所護故。若經若寤若迷悶等。一切煩惱人非人等。不能燒害。又此轉受餘生。由如是福所護攝持故。少病無病。不為長時重病所觸。常益眾生無勞無損。廣說勝事。大莊嚴論第二。菩薩發心有四種



大。一勇猛大。謂弘誓精進甚深難作。長時隨順故。二方便大。謂被弘誓。已恒時方便動。精進故。三利益大。謂一切時作自他利故。四出離大。謂爲求無上菩提故。菩薩發心以何爲根。乃至何爲障礙究竟等者。以大悲爲根本。以利物爲依止。以大乘法爲所信。以種智爲所緣。爲求彼故。以勝欲爲所乘。欲無上乘故。以大護爲所住。住菩薩戒故。以受障爲難。起異乘心故。以增善爲功德。以福智爲自性。以習諸度爲出離。以地滿爲究竟。由地動方便與彼相應故。從初世俗發心。謂從地聞持覺解心而發心者。名世俗發心。此由四力。一者友力發心。謂得善知識隨順故。二因力。或過去世曾發心爲性故。三者根力。或過去世行善根所滿足故。四聞力。或處處說法時。無量衆生發菩提心故。顯揚論第二。世俗發心之。謂如有一類。智者前恭敬而住。起增上意發誓願言。長老憶念。或言聖者憶念。或言鄒波陀耶。我如是名。從今日始發阿耨菩提心。爲欲饒益諸有情故。從今已往。願我所修六波羅蜜一切萬行。皆爲證得無上菩提故。我今與諸菩薩摩訶薩和合出家。願尊證知我是菩薩。第二第三亦復如是。第一發心有二種勝。一教授勝。親近正遍知故。二隨順勝。善集福智故。三得果勝。生無分別智。長此發心。名歡喜地。此勝以何爲因。有四。一法平等。由通達法無我故。二衆生平等。由至得自他平等故。三所作平等。由令他盡苦如自盡苦故。四佛體平等。由法界與我

無別決定能通達故。此第一發心復有六勝。一住位。二願位。三勇猛。四淨依。五餘巧。六餘出。生勝有四。一種子勝。信大法爲種子。二生母勝。般若波羅蜜爲生母故。三胎藏勝。大禪定樂爲胎藏故。四乳母勝。大悲長養爲乳母故。願即十大願。應依瑜伽四十五。如下明。一供養恭敬一切諸佛。二受持一切三世佛法。三隨諸如來轉法輪處。皆往供養聽聞正法。四明諸菩薩所行勝行。五成熟一切有情。如般若說。六了知器界及有情界。七嚴淨一切諸佛國土。八不離一切菩薩諸佛。九利益衆生。猶如藥樹。如如意珠。生遇皆益。十隨所利生。常無休息。非同二乘速入涅槃。如第一供養有三。一一切佛無餘。二供養無餘。有三。一利供養。謂衣服等。二敬供養。謂香華等。三修行供養。謂修信戒等。三恭敬無餘。有三。一給侍恭敬。二迎逆恭敬。三修行恭敬。廣如十地論第三說。十地經又以十盡句成諸大願。何等爲十。所謂一衆生界盡。謂一切生生故。二世界盡。謂何處住界。三虛空界盡。謂一切虛空。四法界盡。謂說何等法教化法。五涅槃界盡。隨所化生置何涅槃界故。六佛出世界盡。七如來智界盡。故以何善巧方便如來智盡故。八心所緣界盡。隨所緣心緣界盡故。九佛境界智入界盡。復隨何佛境界智入盡。十世間轉法輪智轉界盡。發此願勝故。勇猛恒不退。能行難行。永不退故。淨依者。依二利生。一知自近菩提。二知利他方便故。巧便勝得進上地方便故。出離勝者善思惟。

住諸地中所建立法故。  
。譬喻讚歎門  
發心喻偈云。如地如淨金。如月如增火。如藏如寶篋。如海如金剛。如山如藥王。如友如如意。如日如美樂。如王如庫倉。如道如車乘。如泉如喜聲。如流亦如雲。發心譬如是。譬如地者。最初發心亦復如是。一切佛法能生持故。譬如淨金者。依相應發心亦如是。利益安樂不退壞故。譬如新月。動相應發心如是。一切善法漸漸增故。譬如增火。極依相應發心如是。益薪火熾積行依極故。譬如火藏。檀波羅蜜相應發心亦如是。以財周給亦無盡故。譬如寶篋。尸羅相應發心亦如是。功德法寶從彼生故。譬如大海。忍波羅蜜相應發心亦如是。諸來違逆心不動故。譬如金剛。進相應發心亦如是。勇猛堅牢不可壞故。譬如山王。禪波羅蜜相應發心亦如是。物無能動。以不亂故。譬如藥王。般若相應發心亦如是。惑智二病此能破故。譬如善友。無量相應發心亦如是。一切時中不捨衆生故。譬如如意。神通相應發心亦如是。隨所欲現能成就故。譬如盛日。攝相應發心亦如是。如日熟穀成。熟衆生故。譬如美樂。辨相應發心亦如是。說法教化攝衆生故。譬如國王。量相應發心亦如是。能爲正道不壞因故。譬如倉庫。聚相應發心亦如是。福智法財之所聚故。譬如道路。覺分相應發心亦如是。大聖先行餘隨行故。譬如車乘。止觀相應發心亦如是。二輪具足安樂去故。譬如湧泉。總持相應發心亦如是。

聞者雖多。法無盡故。譬如喜聲。法印相應發心亦如是。求解脫者所樂聞故。譬如河流。自性相應發心亦如是。無生忍道自然而流。不作意故。譬如大雲。能成世間方便相應發心亦如是。示現八相成道。化衆生故。如無盡意經有三十二喻。菩薩有四樂。一思利樂。謂思惟於利他時。二得方便樂。謂至得巧方便時。三解義樂。謂解了大乘。意時。四證實樂。謂證入法無我時。若人棄捨衆生趣向寂滅。應知是人不得菩薩如是四樂。此說不發心菩薩過。次說歎發心者。若菩薩初發大菩提心。爾時依無邊衆生。即得善護。不作諸惡。爲此故。是人遠離退墮惡道畏。復次由有善及增故。於樂常喜。由有悲及增故。於苦常喜。爲此故。是人遠離退失善道畏。因此發心不作諸惡。謂能善護。不作諸惡。偈云。愛他過自愛。忘己利衆生。不爲自憎他。豈作不善業。菩薩愛他過於自愛。由此故。忘自身命而利於他。不爲自利而損於他。由此故。能於諸衆生絕諸惡業得不退。菩薩以自功德而爲自嚴。以利懷喜而爲自食。以作意生處而爲園地。以神通變化而爲戲喜。如是四事。唯菩薩有。二乘人無。既有如是四事。云何當退。大慈思苦心。菩薩既以大悲爲體。是故極勤利他雖入阿毘地獄。如遊樂處。菩薩如是。於餘苦中。豈生怖畏。因此怖故而退心耶。諸菩薩以大悲聞契常在心中。若見衆生受苦。即自生苦。由此道理。自然應作。若待善友勸發。深生極重慚羞。偈云。荷負衆生擔。佛意難非勝。爲欲解他縛。精進應百倍。菩薩

發心以荷負衆生重擔。若去除緩此是醜事。非爲第一端政衆生。菩薩應思若自若他種種急轉。謂惡業生。爲解此縛。應須精進百倍過彼聲聞獨覺作所應作。次說隨順行自他利行。有六。大依者。依止大菩提而發心故。大行者。爲利自他而發行故。大果者。今得無上大菩提故。大取者。初發心時攝一切衆生故。大忍著。發行時忍一切大苦故。大義者。得果時廣利一切衆生業成就故。復有四。一勝出大。於三有五趣中而勝出故。二寂靜大。隨向無住處涅槃故。三功德大。福智二聚增長故。四者利物大。常依大悲不捨衆生故。依發菩提心論初意。讚勸發心。說諸功德所修勝行能有對治利益。讚佛菩薩及以法僧種種功德。令其發心云。諸佛子若佛弟子受持佛語。能爲衆生演說法者。應先稱揚佛之功德。衆生聞已乃能發心。求佛智慧。以發心故。佛種不斷。若比丘比丘尼優婆塞優婆夷。念佛念法。又念如來行菩薩道時爲求法故阿僧祇劫受諸勤苦。此意應念佛恩勤苦求法爲我等故。今應如是爲報佛恩。適爲他說令其發心修菩薩行。以如是念。爲菩薩說法乃至一偈。菩薩得聞是法。示教利喜。當種善根修習佛法。得無上菩提。爲斷無量衆生無始生死諸苦惱故。欲成無量身心精進。深發大願。行大方便。起大慈悲。求大智慧。乃至如來無見頂相。求如是等諸佛大法。當知法無量故。福德果報亦無量。

\*勸發勝劣重廣門

次說發心勝劣云。如來說言。如諸菩薩最初發心下劣一念福德果報。百千萬劫說不能盡。況復一日一月一歲乃至百歲。所習諸心福德果報。豈可說盡。何以故。菩薩所行無盡。欲令一切衆生皆住無生法忍。得無上菩提故。次舉喻顯勝云。諸佛子菩薩初發菩提心。譬如大海初漸起時。當知皆爲下中上價乃至無價如意寶珠。作所住處。此寶皆從大海生故。菩薩發心亦復如是。爲三乘人禪定智慧一切功德之所生處。復次又如三千大千世界初漸起時。當知便爲二十五有其中所有一切衆生。悉皆荷負作依止處。菩薩亦爾。初漸起時。普爲一切無量衆生。所謂六道四生。正見邪見。修善習惡。持戒毀戒。尊奉三寶。謗毀正法。諸魔外道。沙門梵志。乃至四姓。一切荷負作依止處。次發心相菩提。以大慈悲爲本。今說菩薩修慈悲等。廣說修於慈悲喜捨所緣行相。以喻說境界。舉大地塵大海水一三千乃至十方難知限量等。既所緣生界迴不可盡。菩薩發心悉能遍覆如是衆生。云何諸佛子。是菩提心豈可盡耶。若有菩薩聞如是說。不驚不怖。不退不沒。當知是人決定能發菩提之心。假令無量諸佛如來。於無量劫讚其功德。亦不可盡。何以故。以菩提心無限齊故。次說發菩提心因緣云。若諸菩薩親近善知識。供養諸佛。修集善根。志求勝法。心常柔和。遭苦能忍。慈悲淳厚。深心平等。信樂大乘。求佛智慧。若人能具如是十法。乃能發阿耨菩提之心。且親近善友有八。

大莊嚴論第九偈云。調靜除德增。有勇阿含富。覺其善說法。悲深離退滅。此偈明第一依親近。善友具足十種功德者。應堪親近。何謂爲十。一調伏。謂與戒相應。由根調故。二寂靜。謂與定相應。由內攝故。三盛除。謂信念與慧相應。煩惱斷故。四德增。謂戒定慧具不缺減故。五有勇。謂利益他時不疲倦故。六經富。謂得多聞故。七覺真。謂了實義故。八善說。不顛倒故。九悲深。絕希望故。十離退。於一切時恭敬說故。此所應親近善友相。二物親近有三。一財。謂恭敬供養。二身。謂隨順給侍。三心。謂給侍時身心相應。三緣起親近善友有三。一願樂。二知時。三除慢。四迴向親近。不爲貪著利養。但爲隨順修行故。五因親近。如所教授隨順修行爲親近因。何以故。以此隨順。令彼善友心生歡喜故。六智親近。爲善解三乘自乘令成故。七田親近善友。謂嚴淨土。云何名田。以自所聞法。於衆生相續中而建立故。隨所住佛土修清淨因故。八依止親近者。但以法利具足爲依止。是故親近善友。不以財利具足爲依止。親近善友差別者有六。一因果差別。謂過去親近爲因。現在爲果。現在爲因。未來爲果。二隨法差別。謂善知識所說法門。隨其差別而修行故。三內外差別。自親近爲內。令他親近爲外。四龜細差別。自應爲龜。內心思惟爲細。五勝劣差別。有慢親近爲劣。無慢親近爲勝。六遠近差別。現趣爲近。生報親近爲遠。生報後報無間隔世近遠如次。云何名最勝親近有五。一淨信。於親近處生淨信故。二

深心。此中有九。一味心。二隨喜心。三希望心。四無厭心。五廣大心。六勝喜心。七勝利心。八無染心。九善淨心。三神通。謂依虛空藏等三昧。而親近故。四方便。謂依無分別智攝故。五和合者。謂大菩薩以一果入一切果故。彼十種行。一復有四緣。一思惟諸佛。發菩提心。一應說之。復有五種。一者思惟十方三世諸佛。初始發心具煩惱性。亦如我今。終成正覺。爲無上尊。以此緣故發菩提心。二者思惟三世諸佛發大勇猛。各各能得無上菩提。若此菩提可得法。我亦應得。以此緣故。三者思惟三世諸佛發大明慧。於無明蔽建立勝心。積集苦行。皆能自拔超出三界。我亦如是當自拔濟。緣此事故。四者思惟三世諸佛爲人中雄。皆度生死煩惱大海。我亦丈夫亦當能度。緣此事故。五者思惟三世諸佛發大精進。捨身命財求一切智。我今亦當隨學諸佛。緣此事故。觀身過患。發菩提心。復有五種。一者自觀我身五陰四大俱能興造無量惡業。欲捨離故。二者自觀我身九孔常流臭穢不淨。生厭離故。三者自觀我身有貪瞋癡無量煩惱熾然善心。欲滅除故。四者自觀我身如泡如沫念念生滅是可捨法。欲棄捐故。五者自觀我身無明所覆常造惡業輪迴五趣。無利益故。求最勝果。發菩提心。復有五事。一者見諸如來相好莊嚴光明清淨者除惱。爲修集故。二者見諸如來法身常住清淨無染。爲修集故。三者見諸如來有戒定慧解脫解脫知見清淨法聚。爲修集故。四者見諸如來有十力四無畏

大悲三念。爲修集故。五者見諸如來有一切智。憐愍衆生慈悲普覆。能爲一切愚迷正道。爲修集故。慈愍衆生發菩提心。復有五事。一者見諸衆生爲無明所纏故。二者見諸衆生爲衆苦所纏。三者見諸衆生集不善業。四者見諸衆生造極重惡。五者見諸衆生不修正法無明所纏。復有四事。一者見諸衆生爲癡愛所惑受大劇苦。二見諸衆生不信因果造作惡業。三見諸衆生捨離正法信受邪法。四見諸衆生沒煩惱河。四流所漂衆苦所纏。復有四事。一見諸衆生畏生老病死。不求解脫而復造業。二見諸衆生憂悲苦惱而常造作無有休息。三見諸衆生愛別離苦而不覺悟方便染著。四者見諸衆生怨憎會苦常起嫌嫉更復造惡集不善業。復有四事。一見諸衆生爲愛欲故造作諸惡。二見諸衆生知欲生苦而不捨欲。三見衆生雖欲求樂不具戒足。四見衆生雖不樂苦造苦不息造極重惡。復有四事。一者衆生毀犯重戒。雖復憂懼而猶放逸。二見衆生興造極惡。五無間苦因頑。自蔽不生慚愧。三見衆生謗毀大乘方等正法。事愚自執方起憍慢。四見衆生雖懷聰哲而具斷善根。反自貢高永無改悔。不修正法。復有四事。一見衆生值佛出世聞說正法不能受持。三見衆生染習外道苦身修業永不出離。四見衆生修得非想非非想定謂是涅槃。善報既盡還墮三塗。菩薩見諸衆生無明造業。長夜受苦。捨離正法。迷於出路。爲是等故發

大慈悲。志求菩提。如救頭然。一切衆生有苦惱者。我當拔濟。令無有餘。諸佛子。我今略說初行菩薩緣事發心。

立誓發願門

發願立誓。菩薩云何發起菩提。以何業行成就菩提。發心菩薩住乾慧地。先當堅固發於正願。攝受一切無量衆生。我求無上菩提。救護度脫。令無有餘。皆令究竟無餘涅槃。是故初始發心大悲爲首。以悲心故。能發轉勝十大正願。何謂爲十。一願我先世及以今身所種善根。施與一切。悉共迴向無上菩提。令我此願念念增長。生生不忘。爲陀羅尼之所守護。二願我迴向大菩提已。以此善根。於一切生處。常得供養一切諸佛。恒常不生無佛國土。三願我得生諸佛國已。常得親近隨侍左右。如影隨形。無刹那頃遠離諸佛。四願我得近佛已。隨所應爲我說法。即得成就菩薩五通五願得通已。即達世諦假名流布。了第一義。得正法智。六願我得正法智已。以無厭心。爲生說法。示教利喜。皆令開解。七願我開解諸衆生已。以佛神力。遍至十方無餘世界。供養諸佛。聽受正法。廣攝衆生。八願於諸佛所聞正法已。即能隨轉清淨輪。十方世界一切衆生。聽我法者。聞我名者。即得捨離一切煩惱發菩提心。九願我能令一切衆生發菩提已。常隨將護。除無利益。與無量樂。捨身命財。攝受衆生。荷負正法。十者願我能荷負正法已。雖行正法。心無所行。如諸菩薩行於正法而無所行亦無不行。爲化衆生。不捨正

願。次立決定誓者。有五事持。一能堅固其心。二能制伏煩惱。三能遮放逸。四破五蓋。五能動修六波羅蜜。云何立誓。若有人來種種求索。我於爾時隨有施與。乃至不生一念慳吝。若生惡心如彈指頃。以施因緣求淨報者。我即欺誑十方世界無量諸佛。於未來世。亦當必定不成無上菩提。若我持戒。乃至失命建立淨心。誓無悔心。若我修忍。爲他侵害乃至割截。常生慈心。誓不嗔礙。若修精進。逢寒暑王賊水火師子虎狼無水穀處。要必堅固。誓不退沒。若我修禪。爲外事惱不得攝心。要緊念境。誓不暫起非法亂想。若修智慧。觀一切法。如真實性。隨順受持。於善不善有爲無爲生死涅槃。不起二見。若我心悔意礙退沒亂想起於二見。如彈指頃。而以戒忍精進禪智求淨報者。我即欺誑十方世界無量無邊阿僧祇現在諸佛。於未來不證菩提。菩薩以十大願持正法行。以六大誓制放逸心。必能精進修集六波羅蜜。成無上菩提。瑜伽四十五有五大願及十大願。五願者。一發心願。二受生願。三所行願。四正願。五大願。若諸菩薩於其無上正等菩提。最初發心。名發心願。若諸菩薩願於當來世。往生隨順饒益有情諸善趣中。名受生願。若諸菩薩願能無倒思擇諸法願。於境界修無量等殊勝善法。名所行願。若諸菩薩願於當來攝受一切菩薩善法。攝受一切所有功德。名爲正願。菩薩大願當知。即從正願所出。十大願者。若諸菩薩願於當來。以一切種上妙供具。供養無量無

邊如來。名第一願。若諸菩薩。此言諸來。攝受防護諸佛正法。傳持法眼。令無斷壞。名第二願。願於當來。從親史多宮降下。如前乃至入涅槃。名第三願。願於當來。行一切種善法正行。名第四願。願於當來。普能成熟一切有情。名第五願。願於當來。一切世界皆能示現。名第六願。願於當來。普能淨修一切佛土。名第七願。願於當來。一切菩薩皆同一種意樂加行。趣入大乘。名第八願。願於當來。所有一切無倒加行。皆不唐捐。名第九願。願於當來。速證無上正等菩提。名第十願。四十七云。由得清淨勝意樂故。爲欲供養最勝有情。眞實福田大師法王。是故引發第一大願。爲欲受持彼所宜說無上正法。是故引發第二大願。爲欲勸請轉未曾有妙正法輪。是故引發第三大願。爲欲隨彼行菩薩行。是故引發第四大願。爲欲成熟彼器有情。是故引發第五大願。爲欲往趣諸佛國土。奉見如來承事供養正法。是故引發第六大願。爲淨修治自佛國土。是故引發第七大願。爲於一切在所生處。常不遠離諸佛菩薩。與諸菩薩常同一味意樂加行。是故引發第八大願。常爲利益一切有情。曾無空過。是故引發第九大願。爲證無上正等菩提。作諸佛事。是故引發第十大願。

\*復說發心及哀愍門

文殊師利問菩提心論云。有十種發。一者身發。欲令衆生身業清淨故。二口發。欲令衆生口業清淨故。三者意發。欲令衆生意業清淨

故。論云。爲遠離身口意樂。四者內發。以不虛妄分別一切諸衆生故。

論云。以化一切衆生。令學。不虛分諸者。以不著。

法。五者外發。於一切衆生。平等行故。論云。以。

故。六者智發。以具足佛智清淨故。論云。以平等。

生。七清淨國土發。以示一切諸佛國土功德。

莊嚴故。論云。以如實知。十無爲智滿足心發。

以不著三界故。論云。以證實法。論云。以不著。

界故。又離虛妄法故。論云。以平等。

二有十發心。謂世俗受發心。得法性發心。不。

決定發心。決定發心。不清淨發心。清淨發。

心。羸劣發心。強盛發心。未成果發心。已成果。

發心。未入正性離生。名世俗發心。已入正性。

離生。名得法性發。已離遠近。名不決定發。與。

此相違。名決定發。隨他轉。或被陵逼。或怖或。

誑。或爲利養。此等發心。名不清淨。與此相。

違。名爲清淨。爲貪瞋癡纏所蔽伏。捨於正法。

處於邪行。名羸劣發。與此相違。名爲強盛。謂。

勝解乃至十地。名未成果。謂如來地。名已成。

果。論云。四十七。謂諸菩薩有五真實菩薩之。

相。若成就者。墮菩薩數。何等爲五。一者哀。

愍。二者愛語。三者勇猛。四者舒手惠施。五者。

能解甚深義。此各有五種。一自性。二依處。三。

果利。四次第。五相攝。哀愍依處略有五種。一。

有苦有情。二惡行有情。三放逸有情。四邪行。

有情。五煩惱隨眠有情。三塗八難爲有苦。諸。

不律儀爲惡行。視樂一切染污境界。爲放逸。

依諸妄見。修行種種苦解脫行。於惡說法。毘。

奈耶中。而出家者。名爲邪行。煩惱可知。果利。

者。於諸有情。最初能斷怨害嫌恨。苦薩哀。

於此加行。實無厭倦。多住哀愍。能攝無罪。現。

法樂住。及饒益他。又如世尊所說修慈所得。

勝利。謂於現身毒藥刀仗不加害。名哀愍果。

利。七相憐愍。謂諸菩薩於諸有情。深心發。

起七相憐愍。以諸菩薩具憐愍故。名善意樂。

何名七相。一無畏憐愍。二如理憐愍。三無倦。

四無求。五無染。六廣大。七平等。謂諸菩薩於。

有情所。非怖畏故而憐愍。現行隨順身語意。

業。適可其心。利益安樂。名無畏憐愍。於諸有。

情。終不以非法非律非實善法及以非處勸。

授有情。名如理。於諸有情。隨其所宜。發起一。

切饒益事業。會無厭倦。名無倦。不待求請自。

起憐愍。爲作饒益。名無求。無愛染心而起憐。

愍。謂饒益他。不祈恩報。亦不希望當來可。

愛諸果異熟。名無染。謂於一切諸有情所。雖。

遭一切不饒益事。而不棄捨。菩薩自身身受。

非愛。終不以惡欲加於彼。名廣大。普於一切。

諸有情類平等平等。於有情界無有分限。是。

名平等憐愍。菩薩與此七種行相憐愍相應。

名善意樂極善意樂。七十二云。復次若於五。

種有情衆中。起邪行時。說名無哀無慈無有。

傷嘆。一於乞求者。二於危厄者。三於有恩者。

四於樂樂者。五於樂法者。乞求有五。乞四事。

爲四。五求救護。危厄亦五。一艱乏者。二住迷。

亂者。三來歸依者。四相投委者。五來拜觀者。

其有恩者亦有五種。一母。二父。三妻子。四。

奴婢僕使。五朋友兄弟。樂樂亦有五。一愛。

樂事業與盛樂。二不乖離樂。三苦遠樂。四解。

疲倦樂。五求勝進樂。樂法亦有五。一樂說正。

法。二樂受持讀誦。三樂論議決擇。四樂教授。

教誡。五樂法隨法行。此中邪行者。謂於是中。

或作加行。或不作加行。或不饒益加行故。或。

中庸加行故。應知其相。

\*難明修行及退不退門

四十六。菩薩修無上善提有五希奇。一於諸。

有情。非有因緣而生親愛。二唯爲饒益諸有。

情故。常處生死。忍無量苦。三於多煩惱難。

伏有情。善能解了調伏方便。四於極難解真。

實義理能隨悟入。五具不思議大威神力。由。

五種相。普於有情。其心平等。一者菩薩最初。

發心。願大善提。如是亦爲利益一切有情故。

起平等心。二者於諸有情。住哀愍俱平等之。

心。三於諸有情。深心發起一子愛俱平等之。

心。四知一有情所有法性即是一切有情法。

性。以法性平等俱行之心。於諸有情。住平。

等心。五於一切有情。行利益行。亦復如是。以。

利心俱於諸有情。住平等心。由五種相。於其。

有恩諸有情所。現前酬報。一者安處有情。令。

學已德二者方便安處。令學他德。三者無依。

無怙。有苦有貧。隨力隨能。作依怙等。四者勸。

令供養諸佛如來。五者令於如來所說正法。

受持讀誦書寫供養。菩薩於五處。常當欣讚。

一值佛出世。常得承事。二於諸佛所。常聞。

六種波羅蜜多菩薩藏法。三者於一切種成。

就有情。常有勢力。四能於無上正等菩提。堪。

任速證五證菩提已。諸弟子衆常和無諍。又。

諸菩薩隨順退法。當知有五。一不放正法及。

說法師。二放逸懈怠。三於諸煩惱親近執著。

四於諸惡行。親近執著。五與餘菩薩。按量勝劣。起增上慢。與上相違。名順勝法。發菩提心論下云。菩薩修習六波羅蜜。求無上菩提者。應離七法。一者離惡知識。惡知識者。所謂教人捨離上信上欲上精進。集眾難行。二者離於女色貪著嗜欲。染習世人而專俗事。三者離於惡覺自觀形容。貪信愛重染著守護。謂可久保。四者離瞋恚學慢嫉妬。與起諍訟。壞亂善心。五者離於放逸憍慢懈怠。自恃小善。輕蔑於人。六離於外道書論。及世文頌綺飾文詞。非佛所說。不應讚誦。七者不應親近邪見惡見。如是七法所應遠離。如來說言。不見更有餘法深障佛道如此七法。若欲速得無上菩提。當修七法。大意翻前七所修行。文殊問經論云。有天子。名月淨光德。問文殊師利言。菩薩初觀於何法故行菩薩行。依何法故行菩薩行。文殊師利答言。天子諸菩薩行以大悲為本。為諸眾生。又問。大悲以何為本。答以直心為本。又問。直心以何為本。答以於一切眾生平等心為本。又問。於一切平等心以何為本。答以無異離異行為本。又問。無異離異行為何為本。答以深淨心為本。又問。深淨心以何為本。答以阿耨菩提心為本。又問。阿耨菩提心以何為本。答以六波羅蜜為本。又問。六波羅蜜以何為本。答以方便慧為本。又問。方便慧以何為本。答以不放逸為本。又問。不放逸心以何為本。答以三善行為本。又問。三善行以何為本。答以十善道為本。又問。十善道以何為本。答以持戒為本。又問。

持戒以何為本。答以正憶念為本。又問。正憶念以何為本。答以正觀為本。又問。正觀以何為本。答以堅念不忘為本。文殊問經論下云。菩薩有十種對治。即十波羅蜜所對治法。對治慳貪。布施故。對治破戒。身口意業清淨故。對治瞋恚。修持清淨大慈悲故。對治懈怠。求諸佛法無疲倦故。對治不善覺觀。心得禪定解脫奮迅自在故。對治愚癡心。生助決定慧方便法故。對治煩惱心。生道法故。對治顛倒心道。集實諦道。生不顛倒道故。對治不自在心法。時非時得自在故。對治有我相。觀諸法無我故。如次十度對治可知。彌勒問經云。菩薩摩訶薩有八法。能成不退轉地。何等為八。一者大悲。二者心安住。三者智慧。四者方便。五者不放逸。六者發精進。七者善住念。八者值善知識。初發心菩薩應速修此八種法。如救頭然。成就八種法故。得名為入不退轉菩薩之數。何等為八。一者觀察自過。不觀他過。二者乃至不為自身命故施惡於人。三者若得利養。其心不高。若失利養。心亦不下。四者於諸眾生。起福田想。不生惡心。五者所有財物悉與一切眾生共之。六者於諸法中。不欲獨解令他不見。七見他得樂。生歡喜心。不由自樂生歡喜心。八於愛不愛。其心平等。菩薩具此八法故。不退轉無上菩提。有五種法。名為菩薩於無上菩提不退轉相。何等為五。一者於諸眾生。起平等心。二者於他利養。不生嫉心。三者乃至自為身命。不說法師比丘諸惡過失。四者終不貪著供養恭敬讚歎等事。

五者畢竟得甚深智慧。又有五法。一者不見自身。二者不見他身。三者心不分別妄說法界。四者不見菩提。五者不以相見如來。有三十二聖藥聖路發菩提心相違之法。一求聲聞乘。二求辟支佛乘。三者求釋梵處。四倚著所生淨修梵行。五者專一德本。言是我所。六若得財寶。慳吝貪愛。七以偏黨心而施眾生。八輕易誡禁。九不念道心專精之行。十瞋恚之事以為名聞。十一其心放逸。十二馳騁。十三不求博聞。十四不察所造。十五貢高自大。十六不能清淨身口心行。十七不謹正法。十八背捨恩。十九棄捨恩。二十離堅要法。二十一習諸惡友。二十二隨諸陰種。二十三不勤助道。二十四念不善本。二十五所發道意無權方便。二十六不以懇懇咨嗟三寶。二十七憎諸菩薩。二十八所未聞法聞之誹謗。二十九不覺事。三十習持俗典。三十一不肯勸化諸眾生類。三十二厭於生死。發菩提心論下有十法。能令不退菩提。

\* 依觀普賢菩薩經懺悔受戒門

六根懺悔文。依觀普賢菩薩經六根懺悔及自受戒法。於無量世。眼根因緣貪著諸色。以著色故貪愛諸塵。以愛塵故受女人身。世世生處惑著諸色。色壞汝眼。為恩愛奴。是故使汝經歷三界。得見審實爾不。眼根不善傷害汝多。隨順我語歸向諸佛。釋迦牟尼說汝眼根所有罪咎。諸佛菩薩慧明法水。願以洗除令我清淨。作是語已。遍禮十方佛。向釋迦牟尼佛大乘經典復說是言。我今懺悔。眼根

重罪障蔽。目無所見。願佛大慈哀愍。諸菩薩等。唯願慈哀。聽我悔過。眼根不善。惡業障法。如是三說。五體投地。次懺悔耳根。準經有先勸文。次云。是時行者聞是語已。復更合掌。五體投地。而作是言。正遍知世尊。現為我證。我等經典。為慈悲主。唯願觀我。聽我所說。我從多劫乃至今身。耳根因緣。聞聲惑著。如膠著草。聞諸惡時。起煩惱毒。處處惑著。無暫停時。出此弊聲。勞我識神。墮落墜三途。今始覺知。向諸世尊。發露懺悔。次懺鼻根。寶釋迦分身。次禮東方善德佛及分身諸佛。如眼所見。一心禮。香華供養。次供養畢已。胡跪合掌。以種種偈讚。讚諸佛。既歎佛已。次懺十惡業。次云。既懺悔已。而作是言。我於先世。無量劫時。貪香味觸。造作衆惡。以是因緣。無量世來。恒受地獄餓鬼畜生邊地邪見諸不善身。如此惡業。今悉發露。歸向諸佛。正法之王。說罪懺悔。次懺語四。即舌根罪。先想於諸佛前。自說已過。諸佛如來是汝慈父。汝當自說舌根所作。即說四業。所有過患。五體投地。禮十方佛。合掌長跪。當作是語。此舌過患。無量無邊。諸惡業刺從舌根出。斷正法輪。從此舌起。如此惡舌。斷功德種。於非義中。多端強說。讚歎邪見。如火益薪。猶如猛火。傷害衆生。如飲毒者。無瘡疣死。如此罪報。惡邪不善。當墮惡道。百劫千劫。以妄語。故墮大地獄。我今歸向十方諸佛。大悲世尊。發露黑惡。誠心

懺悔。說是語已。五體投地。復禮諸佛。次說諸佛大悲。說四無量及六和敬。令行者修。次身心懺悔云。身者殺盜淫。心者念諸不善。造十惡業。及五無間。猶如猿猴。亦如獨膠。處處貪著。遍至一切六情根中。此六根業。枝條華葉。悉滿三界二十五有一切生處。亦能增上無明老死十二苦事。八邪八難。無不運中。汝今應當懺悔。如是惡不善業。次云。爾時行者聞此語已。聞空中聲。我今何處行懺悔法。時空中聲。即說是語。釋迦牟尼名毘盧舍那。遍一切處。其佛住處。常寂光。常波羅蜜所攝成。我波羅蜜所安住處。淨波羅蜜。滅有相處。樂波羅蜜。不住身心相處。不見有無諸法相處。如寂解脫。乃至般若波羅蜜。是色常住法故。如是應當觀十方佛。時十方佛各申右手摩行者頂。作如是語。善哉善哉。善男子。汝讀誦大乘故。十方諸佛說懺悔法。菩薩所行不斷結使。不住使海。觀心無心。從顛倒想起。如此相心。從妄想起。如空中風。無依止處。如是法相不生不沒。何者是罪。何者是福。我心自空。罪福無主。一切法如是無住無壞。如是懺悔。觀身無法。不住法中。諸法解脫。滅諸寂靜。如是相者。名大懺悔。名大莊嚴懺悔。名無罪相懺悔。名破壞心識。行此懺悔者。身心清淨。不住法中。猶如流水。念念之中。得見普賢菩薩及十方佛。次云。作此懺悔。得滅百千萬億劫阿僧祇生死重罪。爾時行者若欲具足菩薩戒者。應當合掌。在空閑處。遍禮十方佛。懺悔諸罪。自說已過。然後靜處。向十方佛。而

作是言。諸佛世尊。常住在世。我業障故。雖信方等。見佛不了。今歸依佛。唯願釋迦牟尼正遍知世尊。為我和上。文殊師利具大悲者。願以智慧。授我清淨諸菩薩法。彌勒菩薩勝大慈行。憐愍我故。亦應聽我受菩薩法。十方諸佛。現為我證。諸大菩薩。各稱其名。是勝大士。覆護衆生。助護我等。今受持方等經典。乃至捨命。設墮地獄。受無量苦。終不毀謗諸佛正法。以是因緣。功德力故。今釋迦牟尼佛。為我和上。文殊師利。為我阿闍梨。當來彌勒。願授我法。十方諸佛。願證知我。大德諸菩薩。願為我伴。我今依大乘經典。甚深妙義。歸依佛。歸依法。歸依僧。如是三說。歸依三寶已。次當自誓受六重法。受六重法已。次當勤修無礙梵行。發廣濟心。受八重法。立此誓已。於空閑處。燒衆名香。散華供養。一切諸佛及諸菩薩。大乘方等。而作是言。我於今日。發菩提心。以此功德。普度一切。作是語已。復更頂禮一切諸佛及諸菩薩。思方等義。復利居士有五懺悔法。如前鈔說。勸發菩提心集卷上

### 勸發菩提心集卷中

翻經沙門慧沼撰

一讚受戒門 二顯過勸持戒門 三明護戒門 四受意門 五說受益門 六正受門 七受戒得益門 八受十善戒門 九讚忍護



戒門 十白衣五戒門 十一供養門 十二  
供養見利門 十三障治門 十四勝劣門  
十五善友門 十六難行門 十七婦德門

一讚受戒門

智度論十三云。若慈愍衆生故。爲度衆生故。亦知戒實相故。心不倚著。如此持戒。將來令人得至佛道。如是名爲得無上佛道戒。若人求大善利。當堅持戒如惜重寶。如護身命。何以故。譬如大地。一切萬物有形之類。皆依地而住。戒亦如是。戒爲一切善法住處。譬如無足欲行。無翅欲飛。無船欲度。是不可得。若不持戒欲得好果。亦復如是。若人棄捨此戒。雖山居苦行食菓服藥。與禽獸無異。人雖貧窮。而能持戒。勝於富貴。而破戒者。華香木香不能遠聞。持戒之香周遍十方。持戒之人具足安樂。名聲遠聞。天人愛敬。現世常得種種快樂。若欲天上人中富貴長壽。取之不難。持戒清淨所願皆得。復次持戒之人常得今世人所敬養。心樂不悔。衣食無乏。死得生天。後得佛道。持戒之人無事不得。破戒之人一切皆失。譬如有人常供養天。其人貧窮。一心供養滿十二歲。求索富貴。天愍此人。自現其身。廣說如。復次持戒之人人所樂施。不惜財物。不修世利而無所乏。得生天上十方佛前。入三乘道而得解脫。唯種種邪見而持戒者。後無所獲。復次持戒之人。雖無兵杖。衆苦不加。持戒之財無能奪者。持戒親親雖死。不離。持戒莊嚴勝於七寶。以是之故。當護於戒。如護身命。如愛重寶。破戒之人受苦萬端。如

向貧人破瓶失物以是之故。應持淨戒

顯過門

復次持戒之人觀破戒人罪。應自挽勵一心持戒。云何名爲破戒人罪。破戒之人。人所不敬。其家如塚。人所不到。破戒之人失諸功德。譬如枯樹。人不愛樂。破戒之人如霜蓮華。人不喜見。破戒之人惡心如惡羅刹。破戒之人人不歸向。譬如渴人不向枯井。破戒之人心中常疑悔。如犯罪人常畏罪至。破戒之人如田被毒。不可依仰。破戒之人譬如苦瓜。雖形似甘。而不可食。如賊聚落。不可依止。如大病。人不欲近。譬如惡賊。難可親近。譬如火坑。行者避之。如毒蛇不可觸。如大海。如破船。如吐食。譬如惡馬在善馬中。與善人異。如驢在牛群中。破戒之人在精進衆中。譬如傳人在健兒中。破戒之人雖似比丘。譬如死屍在眠人中。是故行者。應當一心堅持禁戒

勸持門

智度論問云。人能以力勝人。就國殺怨。或田獵皮肉。所濟處大。今不殺生。得何利益。答得無所畏。安樂無怖。我以無害於彼故。彼亦無害於我。以是故無怖無畏。好殺之人設位極人王。亦不自安。持戒之人單行獨遊。無所畏難。復次好殺之人。有命之屬皆不喜見。若不好殺。一切衆生皆樂依附。復次行者思惟。我自惜命愛身。彼亦如是。與我何異。以是之故。不應殺生。若殺生者。爲善人所呵。怨家所嫉。負他命故。常有怖畏。爲彼所憎。死時心悔。當墮惡道。若出爲人。常當短命。假令後世

無罪。不爲善人所呵。怨家所嫉。尙自不應故奪他命。何以故。善人之相所不應行。何況兩世有罪。弊惡果報。復次殺生爲罪中之重。何以故。人有死念。不惜重寶。但以活命爲先。譬如價客入海採寶。垂出大海。船破寶失。而自慶喜。衆人怪言。汝失財物。裸形得脫。云何喜言幾失大寶。答一切寶中人命第一。人爲命故求寶。不爲財故求命。以是故。佛十不善道等中殺最在初。若人種種修諸福德。而無不殺生戒。則無所益。何以故。雖在富貴處。生勢力豪強。而無壽命。誰受此樂故。諸罪殺罪重。諸功德不殺勝。又世間中惜命爲第一。何以知之。一切世人甘受。形種種考掠。以護壽命。又佛說有五大施者。卽是五戒。復次行慈三昧。其福無量。水火不害。刀杖不傷。一切惡毒所不能中。以五大施故。所得如是。又復次殺生有十種罪。如佛語難提迦優婆塞。殺生有十罪。何等爲十。一者心常懷毒。世世不絕。二衆生憎惡。眼不喜見。三常懷惡念。思惟惡事。四衆生畏之如見蛇。五睡時心怖。覺亦不安。六常有惡夢。七者命終之時狂怖惡死。八者種短命因。九者身壞命終墮泥犁中。十者若出爲人。常當短命。問若不侵我殺心可息。若爲侵害是當云何。答曰。應量輕重。若人殺己先自思惟。全戒利重。全身利重。破戒爲失。喪身爲失。如是思惟已。知持戒爲重。全身爲輕。若苟免全身。身何所得。是身名爲老死。必當壞敗。若爲持戒失身。其利甚重。又復思惟。我前後失身。世世無數。但爲財利諸

不善事。今乃得爲持淨戒。故不惜此身捨命持戒。勝於捨戒全身。百千萬倍不可爲喻。如是定心。應當捨身以護淨戒。全如一須陀洹人生屠殺家。年向成人。應當修其家業。而不背殺。父母與刀并一口羊。閉著屋中而誑之言。若不殺羊。不令汝出得見日月生活飲食。兒自思惟。我若殺此一羊。便當終爲此業。豈以身故爲此大罪。便以刀自殺。父母開門見。羊在一面立。兒已命終。當自殺時即生天上。若如此者。是爲不惜壽命而護淨戒。如佛說。不與取者有十罪。何等爲十。一者物生當瞋。二者重疑。三者非時行不審度。四者朋黨惡人。遠離賢善。五者破善相。六者得罪於官。七者財物沒入。八者種貧窮業。九者死入地獄。十者若出爲人勤苦求財。五家。若共有邪姪者。問曰。若夫主不知不見不悟他有何罪。答曰。夫妻之情異身同體。奪所愛敬破他本心。是名爲賊。又復惡名醜聲爲人所憎。少樂多畏。或畏刑戮。又畏夫主傍人所知。多懷妄語。聖人所呵。又復思惟。我婦他妻同爲女人。骨肉情態彼此無異。而我何爲橫生惑心。隨逐邪意。邪姪之人破失今世後世之樂。迴已易處。以自制心。若彼侵我妻。我則忿恚。我若侵彼。彼亦無異。恕已自制。如佛所說。邪姪之人後墮劍樹地獄。衆苦備受。得出爲人。家道不穩。常值姪婦。邪僻殘賊。邪姪爲患。譬如蠅蛇。亦如大火。不急避之。禍害將至。如佛所說。邪姪有十罪。一者常爲所姪夫主欲遮害之。二者夫婦不穩。常共鬭諍。三者諸不善

法日日增長。於諸善法日日損減。四者不守護身。妻子孤寡。五者財產日耗。六者有諸惡事。常爲人疑。七者親屬知識所不喜愛。八者種怨家業。九者身壞命終。死生地獄。十者若出爲女。多人共夫。若爲男子。婦不貞潔。妄語之人先自誑身。然後誑人。以實爲虛。以虛爲實。虛實顛倒。不受善法。譬如覆瓶。水不得入。妄語之人心無慚愧。閉塞天道涅槃之門。觀知此罪故不應作。復次觀知實語。其利甚廣。實語之利自從已出。甚爲易得。是爲一切出家人力。如是功德若在家。人共有此利。善人之相實語之人其心端直。易得免苦。譬如稠林曳木。直者易出。世人愚癡少智。遭事苦厄。妄語求脫。不知事發今世得罪。不知後世有大罪報。復有人。雖知妄語罪。慳貪瞋恚惡癡多故而作妄語。復有人。雖不貪瞋。而妄證人罪。心謂實爾。死墮地獄。況貪瞋癡惡心妄證。如提婆達多弟子俱迦離。常求舍利弗目犍連過失。是時二人夏安居竟。遊行諸國。值天大雨。到陶作家。宿盛陶器舍。此舍中先有一女人。在閨中宿。二人不知。此女人其夜夢失不淨。晨朝起水澡浴。是時俱迦離偶行見之。俱迦離能相。知人交會情狀。而不知夢與不夢。是俱迦離願語弟子。此女昨夜與人情通。即問女人。汝出在何處。答言。我在陶師屋寄宿。又問。共誰。答二比丘。是時二人從屋中出。俱迦離見已。又以相驗之意。謂二人必爲不淨。先懷嫉妬。既見此事。遍諸城邑聚落告之。次到祇洹唱此惡聲。於是中間。梵天

王來欲見世尊。佛入靜室寂然三昧。諸比丘衆亦有閉房三昧。皆不可覺。即自思惟。我故來見佛。佛入三昧。且欲還去。即復念言。佛從定起亦將不久。於是小住俱迦離房前。扣戶而言。俱迦離俱迦離。舍利目連清淨。汝莫謗之而長夜受苦。俱迦離問。汝是何人。答言。我是梵王。問言。佛說汝得阿那含道。何以故來。梵王心念而說偈言。無量法欲量。不應以相取。無量法欲量。是野人覆沒。說此偈已到佛所。具說其事。佛言。善哉善哉。快說此偈。爾時世尊復說此偈。梵天王聽佛說已。忽然不現。即還天上。爾時俱迦離到佛所。頭面禮佛足。却住一面。佛告俱迦離。舍利目連清淨人。汝莫謗之而長夜受苦。俱迦離白佛言。我於佛語不敢不信。但自目見。了了定知。二人實行不淨。佛如是三呵。俱迦離亦不受。即從座起去。還其房中。舉身生瘡如芥子。漸大如豆如棗如橡。轉大如瓜。翕然爛壞如大火燒。叫呼嗥哭。其夜即死。入大蓮華地獄。有一梵天。夜來白佛。俱迦離已死。復有一梵天言。墮地獄。其夜過已。佛命僧集。而告之言。汝等欲知俱迦離所墮地獄壽長短不。諸比丘言。願樂欲聞。佛言。六十斛胡麻。有人過百歲取一胡麻而去。如是盡。阿浮陀地獄中壽故未盡。二十阿浮陀地獄中壽爲一尼羅浮陀地獄中壽。如是餘者皆二十數。俱迦離墮是摩訶波頭摩地獄中。出其大舌。以五百釘釘之。五百犁耕之。爾時世尊說此偈云。大士之生奔在口中。所以斬身。由其惡言。應呵而

議、應讚而呵。口集諸惡，終不見樂。心依邪見，破賢聖語，如竹生實自毀其形，受罪如是。不應妄語，佛說妄語有十罪，何等爲十。一口氣臭，二者善神遠之，非人得便，三者雖有實語，人不信受，四者智人謀議常不參預，五者常被誹謗，醜惡之聲周聞天下，六者人所不敬，雖有教勸，人不承用，七者常多憂愁，八者種誹謗業，九者死墮地獄，十出得爲人，常被誹謗，如是種種故不應妄語。酒有三種，謂穀菓菜，各有多種，但能令人心動放逸，是名爲酒。一切不應飲，是名不飲酒。問曰：酒能破冷益身歡喜，何以不飲。答曰：益身甚少，所損甚多，是故不應飲。如佛語難提迦優婆塞，酒有三十五失。何者三十五失。一者現在財物空竭，何以故。人飲酒醉心無節限，費用無度故。二者衆病之門，三闕訟之本，四裸露無恥，五醜名惡聲人所不敬，六覆沒智慧，七應所得物而不得，已所得物而散失，八伏匿之事盡向人說，九種種事業廢不成辦，十醉爲愁本。何以故。醉中多失，醒已慚愧憂愁，十一身力轉少，十二身色壞，十三不知敬父，十四不知敬母，十五不知敬沙門，十六不知敬婆羅門，十七不知敬伯叔及尊長，何以故。醉沒悅惚無所別故，十八不敬佛，十九不敬法，二十不敬僧，二十一朋黨惡人，二十二疎遠賢善，二十三作破戒人，二十四無慚愧，二十五不守六情，二十六縱色放逸，二十七人所憎惡，不喜見之，二十八貴重親屬及諸知識所共擯棄，二十九行不善法，三十棄捨善

法。三十一明人智士所不信用，何以故。酒放逸故。三十二遠離涅槃，三十三種惡業因，三十四身壞命終墮惡道中，三十五若得爲人所生之處常當狂騷，是三十五罪種種過失，是故不應飲。復次白衣處世，當官理務，家業作使，是故難持不惡口法等，五戒有五種受，名五種優婆塞，一者一分行，二者小分行，三者多分行，四者滿分行，五者斷煙。受一名一分，二三名少分，受四名多分，受五名滿分。受五戒已師前更作自誓言。我今自縛不復行煙，是五戒。然受八戒法如常儀。准三歸本，一日一夜。問五戒八戒何者爲勝。答有因緣故二戒皆等，但五戒終身持，八戒一日持。又五戒常持時多而戒少，一日戒時少戒多。復次若無大心，雖復終身持戒，不如有大心人一日戒也。譬如飲夫爲將，雖將終身，智勇不足，卒無功名。若英雄奮發禍亂立定，一日之勳功蓋天下。復次雖破戒墮罪，罪畢得解脫，如優鉢羅華比丘尼本生經中說，佛在世時，諸比丘尼得六神通阿羅漢，入貴人舍，常讚出家法。語諸貴人婦女云：姊妹可出家，諸貴婦女言：我等少壯容色盛美，持戒爲難，或當破戒，比丘尼言：破戒便破，但出家，問言：破戒當墮地獄，云何可破。答言：墮亦便墮，諸貴婦女笑之言：地獄受罪，云何可墮。比丘尼言：我自憶念本宿因緣，作戲女，作種種衣服，而說應語，或時著比丘尼衣，以爲戲笑，以是因緣故，迦葉佛時作比丘尼，自恃貴姓端正，心生憍慢，而破禁戒，破禁戒故，墮地獄中受種種罪，受

罪畢竟值釋迦牟尼佛，出家得六神通阿羅漢道，以是故知，出家受戒，雖復破戒，以戒緣故，得羅漢道。若但作惡，無戒因緣，不得道也。我以昔時世世墮地獄，地獄出爲惡人，惡人死還墮地獄，都無所得，今以此證知，出家受戒，雖破以是因緣可得道果。又說，因醉出家，佛便聽許，醉已還俗，餘問佛由，佛言：此婆羅門無量劫來無出家心，今因醉故發此微心，故許出家爲當來因故。

### 謹戒門

引蘇陀摩王經中說：不惜身命，以全禁戒。如菩薩本身曾作大力毒龍，若衆生在前身力弱者，眼視便死，身力強者，氣往而死。是龍受一日戒，出家，出家求靜入林樹間思惟，坐久疲懈而睡時，形狀如蛇，身有文章，七寶雜色，獵者見之驚喜言曰：以此希有難得之皮，獻上國王，以爲服飾，不亦宜乎。便以杖按其頭，以刀剝皮，龍自念言：我力如意，傾覆此國，其如反掌。此小物，豈能困我。我今以持戒故，不計此身，當從佛語。於是自忍，眼目不視，閉氣不息，憐愍此人，爲持戒故，一心受剝，不生悔意，既以失皮，赤肉在地，時日大熱，宛轉土中，欲趣大水，見諸小蟲來食其身，爲持戒故，不復敢動，自思惟言：今我此身以施諸蟲，爲佛道故，今以肉施以充其身，後成佛時當以法施以益其心。如是誓已，身乾命終，即生第二忉利天上。爾時毒龍轉迦牟尼佛是，是時獵師者提婆達多等六師是也，諸小蟲輩初轉法輪八萬諸天得道者是。菩薩

護戒，不惜身命，決定不悔，其事如是。

### 受意門

菩薩持戒，爲佛道故，作大誓願，必度衆生，不求今世後世之樂，不爲名聞稱譽法故，亦不自爲早求涅槃，但爲衆生沒在長流，恩愛所欺，愚惑所誤，我當度之，令到彼岸。一心持戒，爲生善處，生善處故，見善人，見善人故，生智慧，生智慧故，得行六度，得行六度故，得佛道，如是持戒，名爲尸羅波羅蜜。又復持戒，心樂善清淨，不爲畏惡道，亦不爲生天，但求善淨，以戒熏心，令心樂善，是爲尸羅波羅蜜。

### 受益門

復次菩薩持戒，能生六波羅蜜。云何持戒能生於檀？檀有三種：一者財施，二者法施，三者無畏施。持戒自檢不侵一切衆生財物，是名財施。衆生見者，慕其所行，又爲說法，令其開誨，又自思惟，我當持戒，與一切生作供養福田，令諸衆生得無量福，如是種種名法施。一切衆生皆畏於死，持戒不害，是則無畏施。復次菩薩自念，我當持戒，以此戒報，爲諸衆生，作轉輪王，或作閻浮王，若作天王，令諸衆生滿足於財，無所乏短，然後坐佛樹下，降伏魔王，成無上道，爲諸衆生說清淨法，令無量衆生度老病死海，是爲持戒，因緣生檀波羅蜜。餘准理說，然戒喻老人，忍喻於杖，無杖則斷，忍爲戒杖，扶人至道，戒生勤者，持戒之人，疲厭世苦，老病死患，心生精進，必求自脫，亦以度人，譬如野干在林樹間，依隨師子及諸虎狗，求其殘肉，以自存活，有時空乏，夜半踰

城入人舍，求肉不得，屏處隱息，不覺，夜曉，惺怖無計，走則慮不自免，住則懼畏死痛，便自定心，詐死在地，衆人來見，有一人言，我須野干耳，即便截取，野干自念，截耳雖痛，但令身在，次有一人言，我須野干尾，便復截去，野干復念，截尾雖痛，猶是小事，次有一人言，我須野干牙，野干心念，取者轉多，備取我頭，則無活路，即從地起，奮其智力，絕踊開關，運得自濟，行者之心，求脫苦難，亦復如是，若老至時，猶故自寬，不能勤苦，決斷精進，病亦如是，以有瘡期，未能決計，死欲至時，自知無翼，便自勉勵，果敢殷勤，大修精進，從死地中得至涅槃，說忍度中言，利養創深，特宜便忍，如提婆達多，雖得出家，佛及五百大阿羅漢，不教修通，阿難未得他心，以敬兄故，依佛所說，教令修通，得通現變，求門徒等，廣說思之。

### 受正門

菩薩總結本業經云，佛子，受戒有三種：一者諸佛菩薩現在前，受得真實上品戒，二者諸佛菩薩滅度後，千里內有先受戒菩薩者，請爲法師，教授我戒，我先禮足，應如是語，請大尊者爲師，授我戒，其弟子得正法戒，是中品戒。三佛滅度後，千里內無法師之時，應在諸佛形像前，胡跪合掌，自誓受戒，應如是言，我某甲，白十方佛及大地菩薩等，我學一切菩薩戒者，是下品戒。第二第三亦如是說，佛子是三種攝受三種受戒，過去佛已說，未來佛當說，現在佛今說，過去諸菩薩已學，未來諸菩薩當學，現在諸菩薩今學，是諸佛正法

戒。若一切菩薩不入此正法戒門，得無上道果者，無有是處。將欲受戒，先教禮三寶云，弟子某甲等，敬禮過去世盡過去際一切諸佛，未來現在各准此三禮法云，弟子某甲等，敬禮過去世盡過去際十二分教清淨真法，未來現在亦爾。禮僧云，弟子某甲等，敬禮過去世盡過去際三乘聖衆，未來現在亦爾。並各三說，大教受四不壞信云，弟子某甲等，願從今時盡未來際，歸依佛，歸依法，歸依賢聖僧，歸依正法戒。三說，大教懺悔十重惡業，既悔過已，即與受十無盡戒云，汝等善聽，佛子，從今身至佛身盡未來際，於其中間，不得故殺生，若有犯者，非菩薩行，失四十二賢聖法，不得犯，能持不<sup>其受者</sup>答言能。二不得故盜，三不得故婬，四不得故妄語，五不得故淫，六不得故說在家出家菩薩罪過，七不得故惱，八不得故瞋，九不得故自讚毀他，十不得故謗三寶藏。皆准次云，佛子，受十無盡戒，已其受者，常過度四魔，越三界苦，從生至死，不失此戒，常隨行人，乃至成佛，佛子，若過去未來現在一切衆生，不受其菩薩戒者，不名有情識者，畜生無異，不名爲人，常離三寶海，非菩薩等故，菩薩有受法而無捨法，有犯不失，盡未來際，若有人來欲受戒者，菩薩法師先爲解說讀誦，使其人心開意解，生樂著心，然後爲受，又復法師能於一切國土中教化一人，出家受菩薩戒者，是法師其福勝造八萬四千塔，況復二三乃至百千，福不可稱，其師者夫婦六親得互爲師授，其受戒者入諸佛界菩薩數中，超

過三劫生死之罪。是故應受。受有十分。隨受於一。乃至具十。又是菩薩十重。八萬威儀戒中十重有犯無悔。得使重受戒。八萬威儀戒盡名輕有犯。得使悔過。對。手悔滅。一切菩薩凡聖戒盡心為體。是故心亦盡戒亦盡。心無盡故戒亦無盡。六道衆生受得。依文殊問經世間戒品受十戒法云。爾時文殊師利白佛言。世尊云何歸依。佛告文殊師利。歸依者應如是言。大德我某甲。乃至菩提歸依佛。乃至菩提歸依法。乃至菩提歸依僧。第二三亦如是說。復言。我某甲已歸依佛。已歸依法。已歸依僧。如是三說。次言。大德我持菩薩戒。我某甲乃至菩提不殺衆生。離殺生想。乃至菩提不盜。亦離盜想。乃至菩提不非梵行。離非梵行想。乃至菩提不妄語。離妄語想。乃至菩提不飲酒。離飲酒想。乃至菩提不著香華。亦不思想。乃至菩提不歌舞作樂。離歌舞想。乃至菩提不坐臥高大床。離大床想。乃至菩提不過中食。離過中食想。乃至菩提不捉金銀生像。離捉金銀想。乃至當具足六波羅蜜大慈大悲。佛說此祇夜。發誓至菩提。歸依於三寶。受持十種戒。亦誓至菩提。六度及四等。皆當令具足。如是修行者。與大乘相應。將欲受戒。應先發誓願。菩薩受戒品云。爾時文殊師利白佛言。世尊若善男子善女人。受菩薩所受戒法。當云何。佛告文殊師利。應於佛前至誠禮拜作如是言。我某甲願諸佛憶念。我如諸佛世尊正遍知以佛智慧無所著。我當發菩提心。為利益一切衆生令得

安樂。發無上道心。如過去未來現在諸佛菩薩。發無上菩提心。於一切衆生。如父母兄弟姊妹男子女人親友等。為彼解脫得出生死。乃至令發三菩提心動起精進。隨諸衆生所須財法一切施與。以此財法攝受一切衆生。漸漸隨宜為解脫衆生出生死故。乃至令安住無上菩提。我當起精進。我當不放逸。如是再三。是名菩薩摩訶薩初發菩提心。若依梵網經。說十重戒與瓔珞經同。然彼具說自作教他隨喜殺因殺緣殺業等。廣略別爾。淨行優婆塞戒經受十無盡。同瓔珞本業經。又受六波羅蜜戒。禮拜歸依懺悔法。盡同十無盡。然先勸勉經云。佛放無量相光。上過三頂。下照地獄及黑闇處。悉皆大明。有緣來集。佛告大衆。一心善聽。欲求無上眞法菩提。應淨三業。守戒謹行。百法並修。十善化物。慈悲衆生。如愛己子。慈念闍提。救苦地獄。百法具已。願諸衆生受大安樂。未能身分往救。恒發此願。此願滿已。進入法智。修習種姓。名眞菩薩。大優婆塞。佛子有六大船。能度大海。運載行人。到七寶藏。入法流水。洗除垢濁。身體清淨。三業明朗。除滅老病無明障礙。自得濟度。更能度人。是故佛子應受應持若有持者。從初發心乃至妙覺。隨緣施化。若有衆生感眞法者。現菩薩形而往度之。若感應者。現優婆塞形而往度之。如前已下請受。爾時東方有世界名光淨。有八千大梵天王。其第一者淨業爲名。各有百千眷屬。其一方亦如此數。於此世界。淨居天王名曰淨志。亦與眷屬

百千人。俱各詣佛前爲佛作禮。遠三匝已却住如立。白佛言。世尊我等今日居煩惱海住生死河。雖欲越渡。無牢船楫。沒命漂流還來此岸。如是展轉永無出期。世尊大慈拯救一切。願賜六船過度險難。我等度已。亦救一切衆生令得出離。於後惡世流布不絕。大佛教立願云。佛子當發大願。願一切衆生普成正覺。若有一人隨苦惱者。我當代之令彼得樂。至心頭面著地。又願一切衆生普慈相向如父如子。身體清淨如淨瑠璃。若有一人不如此者。我當代之。又願衆生自識宿命。智慧具足明達三世。若有一人不適意者。我當代之。大教懺悔。懺悔訖歸依三寶。次云。佛子已發大願。懺悔復訖三寶歸已。三業清淨。真是如來法身之子。一切衆生法橋之主。至心頭面著地。攝持身心。隨語稱字。次正說相云。佛子從今身至佛身。於其中間常行檀波羅蜜。悉令具足。不得懈怠有所犯。若犯非菩薩。能持不敬能持。應云某甲能持。尸羅波羅蜜。屬提波羅蜜。毘梨耶波羅蜜。禪波羅蜜。般若波羅蜜。次說云。佛子此六波羅蜜戒常當護持。勤行修習勿令懈怠若退失。四十二賢聖法。堅固其心。不得故犯。能持不敬。若第十。具有受法持衣結界安居自恣等。廣如彼辨。然約出家優婆塞法。還有沙彌大戒等。第三卷云。若優婆塞持戒已。謹慎上重上重者何。第一癡癡。第二殺菩提心人。第三偷三寶物。第四不孝父母。第五慢師。第六殺人。第七瞋嫉。第八慳貪。若犯如此波羅夷罪。具足

一大劫入大地獄。劫盡更生。如是展轉至無數劫。誘殺三寶亦復如是。

### 受戒得登門

優婆塞戒經云。往昔有一菩薩大優婆塞。受持五戒。威儀具足。將諸徒衆。遊行園邑。到諸離城上。息林下。見一雌鳥將二鷄子。林上鳴叫聲甚悲感。此優婆塞名曰淨髮。願觀鳥鳴。目即落淚。願語徒衆。今此鳥者是我因時眷屬。我本修行出家受戒。有其二子。年始三四。我妻爾時愛色著我。願語兒言。捉汝父衣。生死莫放。慈鳥養子乳哺三年。父今何忽捨我而去。緣此之故墮鳥鳥中。以慈戒力即便喚言。來至我所。母及二子鳴叫嗚嗚不能自止。絕而復蘇。一別已來十六萬歲。我本敬愛非是惡心。何期一旦受此罪報。作是言已。飛來懷愁悲感。懷惱今日一別永無見期。我於此身。何時脫捨淨髮。爾時知其悔心善根已至。爲說六度十善因緣。復爲懺悔除所障罪。答即授齋法五分法身解脫分戒。既受戒已。頭禮致敬。辭別如去。母子思量經七日。夜俱時命終。生南天竺大婆羅門家。還爲眷屬。戒力因緣自然具足聰明智解。三業清淨得不退心。當知此戒一受不失乃至畜生。此名優婆塞戒不可思議。又復往昔有一婦人。隱避其夫。獨食無度。以偷食故墮餓狗中。貧賤家生。薄福德故。形容醜陋。身體疥癩。吠哭之力反耳。嗥吠災怪數作。人所憎嫉。門打推擲。腰脊酸長。蹄脚蹇跛。但言唱殺。無與食者。五百世中三頓飽食。第一飽者。值二醉人。

俱時嘔吐。及他未往。絕走食之。未得去頃。大狗來嚙。死如復活。屋裏呻吟不能得出。其主嘆患。設計欲殺。心畏死故。自力私去。平復差已。飢餓甚困。值遇押酒。偷食共糲。食飽訖已。不敢近屋。恐畏醉後或能打殺。即移在無人行處。恣意熟眠。三日醒已。飢虛甚困。願盪食飲。無可得者。徘徊之頃。主人女郎擔米一斗。盛著坩中。蓋口而去。看人去已。以鼻推之。就中食米。食米訖竟。拔頭不得。畏人來見。盡力東西去不得。脫在中無聲住。須臾之頃。便至終於死此。還狗身頓。有菩薩名曰無言。即與說法五分戒。因教令修持。捨此身已。生長王家。聰明智慧得不退菩提。優婆塞戒乃有如是。不思議力。善男子汝等修道忍辱爲先。何以故。昔有一人名曰高王。出家受戒。輕賤其師。常懷慢心。於諸同道亦復如是。鬪諍瞋忿口縱四過。命終之後墮大地獄。以經七佛猶不得出。却盡賣劫始可免難。餘報劫數說不可盡。是故修道先當忍辱。又有一人作大國王。名曰婆盧伽。爲大婆王之所討殄。王有一子名曰信住。其父滅已。藏身隱伏。年既長大。貧無資產。被道事王。王時遊觀。身力疲極。失其衆侶。共王二人到一水邊。共王入洗。王時沈沒。信住接出。手捉王髮。擬之深淵。信住語王。我是大婆子。王殺我父。是我大怨。蓋聞父讎不同天如蓋。兄讎不同國而行。我乘軍危事不可忍。王當就死。其王報言。百死無恨。信住答言。我不殺王。使王知耳。夫報怨者。譬如車輪無有已。不報和順。

怨乃得止。即便扶王上馬共還國。既還國已。召集諸臣問曰。今得大婆王子。爲賞爲斬。諸臣皆言。亡國之子不可賞也。宜當殺之。王即具論前事。以女妻之。還其本國。王自歸國如治。善男子菩薩之心廣如山海。其中容處無量善惡。又猶猶忍。況餘瞋忿。現前中華報受樂。後生天中乃至大果。故持戒者忍力爲大。

### 受十善戒門

初起思惟。應修十善。十地經云。菩薩作是思惟。一切衆生墮諸惡道。皆由不離十不善業道。集因緣故。是故我當先住善法。亦令他人住於善法。何以故。若人自不行善不具善行。爲他說法令住善者。無有是處。次思惟十不善果云。是菩薩復作是思惟。此十不善業道。上者地獄因緣。中者畜生因緣。下者餓鬼因緣。於中殺生之罪能令衆生墮於地獄畜生餓鬼。若生人中。得二種果報。一者短命。二者多病。劫盜之罪亦令衆生墮於地獄畜生餓鬼。若生人中。得二種果報。一者貧窮。二者共財不得自在。餘八三惡道文同。邪淫之罪。若生人中。得二種果報。一者婦不貞良。二者二妻相諍。不隨己心。妄語之罪。若生人中。得二種果報。一者多被誹謗。二者恒爲多人所誑。兩舌之罪。若生人中。得二種果報。一者得破壞眷屬。二者得弊惡眷屬。惡口之罪。若生人中。得二種果報。一者常聞惡聲。二者所有言說恒有諍訟。綺語之罪。若生人中。得二種果報。一者所說正語人不信受。二者所有言說不能辨。

了貪欲之罪。若生人中，得二種果報。一者貪財無有厭足。二者多求恒不從意。嘆悲之罪。若生人中，得二種果報。一者常為他人求其長短。二者常為他人所惱害。邪見之罪。若生人中，得二種果報。一者常生邪見家。二者心恒詭曲。既知惡果。次思遠離云。我當遠離十不善業道。樂行善法。作利益眾生故。當住十善業道。亦令他人住於十善業道。以自住善法。遠離彼障。修行對治。亦令眾生住善法。故十善所有利益。廣如十地仁王經勸問論等說。既欲令眾生修行十善住十善法故。依增上悲。應於八種眾生生八種心。一者於惡行眾生。欲令住善行。故生安穩心。二者於苦眾生。令樂具不盡。故生樂心。三者於怨憎眾生。不念加報。故生慈心。四於貧窮眾生。欲令遠離彼苦。故生悲心。五於樂眾。欲令不放逸。故生憐愍心。六於外道眾生。欲令現信佛法。故生利益心。七於因行眾生。欲令不退轉。故生守護心。八於一切攝菩提願眾生。願如己身。是諸眾生即是我身。故生我心。復作此念。是諸眾生墮於邪見。惡意惡心行惡道稠林。我應令彼眾生行真實道。住正見道如實法中。又念。是諸眾生共相破壞。分別彼我。常共鬭諍。日夜嘆恨熾然不息。我應令彼眾生住於無上大道之中。又念。是諸眾生心無厭足。常求他財。邪命自活。我應令彼住於清淨身口意業正命法中。又作是念。是諸眾生因隨貪欲嘆悲愚癡。常為種種煩惱熾火之所燒然。不能志求出惡方便。我應令彼滅除一切煩惱大火。安置清淨無畏

之處。又作是念。是諸眾生為於生死。此大瀑水波浪所沒。隨順欲流有流見流無明流。隨順世間深流。沒大愛河。在大駛流。不能正觀。常有欲覺悲覺惱覺。惡行廣故。愛見水中羅刹所執。順入欲林。深愛著故。我慢陸地之所燒枯。無能救者。六入聚落不能動發。自離善行。無正度者。我應於彼生大悲心。以善根力而拔濟之。令得無畏不染寂靜離諸恐怖。住於一切智慧寶洲。又作是念。是諸眾生閉在世間牢獄之處。衆多患苦多惱妄想。愛憎繫縛。憂悲共行。愛瑣所繫。入於三界無明稠林。我應令彼遠離一切三界牢獄所愛著處。令住離相無礙涅槃。發是念已。次為受戒法。如常儀。又勸問經云。菩薩修行十善業道。有五希奇。何等為五。一者起勇猛心。二者精進。三者堅固。四者智慧。五者果。如名。又諸菩薩以願堅固故。依大慈悲。起利益眾生行。於諸世間。心不疲倦。何者名為菩薩堅固之願。答曰。有五種法。名為菩薩堅固之願。一者聲聞乘不能動轉。二者辟支佛乘不能動轉。三者諸外道論不能動轉。四者一切諸魔不能動轉。五者不以無因無緣自然動轉。復有五法。知菩薩有大慈悲心。一者為與眾生安穩樂故。不惜一切資生之物。二者不惜自身。三者不護惜命。四者修一切行不待多時。五者怨親等悲。是故菩薩於諸世間心不疲倦。既為眾生發菩提心。受此菩薩十善者。亦應修行堅固等心。

讚忍護戒門

優婆塞戒經第四云。善男子。若優婆塞受持戒已。忍辱為先。順來喜報。觸惱不變。此是菩薩持戒之體。菩薩施他。從怨為始。善男子。昔有國王號長生。正法治國。不枉人民。天下太平。國土安寧。隣國王摩盧那貪其國土。興兵伐之。殺長生王。止其宮闕。長生王唯一子。始能語言。未有所識。長生王臨終之時。勸語左右。我子摩納若全身命。莫報國讐。真是我子欲止怨者。不生報想。怨乃得止。若報怨者。如車輪轉。無有已。摩納年至十二。改名易姓名為無字。被遣事王。無字年雖幼少。才智過人。形貌端正。顏色殊特。禮節俯仰。事之可觀。王甚愛敬。恒在室內。經歷三年。其年十五。王於爾時夫妻二人通有無字。更無餘人。王於屋中失璽路珠衣一具。王即推按。衣無所出。王自思惟。更無餘人。唯有無字。偷我珠衣。即收無字。如治問之。偷我珠衣。去速持出來。無字答王。是我偷珠。當知今日珠不可得。王即問言。汝偷我。云何如言珠不可得。無字答。本非我意。太子遣偷珠。在太子邊。云何可得。王即問言。若太子偷。更復共誰。無字答言。王所愛臣。復共價客主。又共姪女。王於爾時依引收之。問太子言。如何偷珠。太子答王。我不偷珠。王問無字。太子不偷。無字白王。太子偷珠。今言不偷。得免偷珠。無字亦不偷珠。王禁太子著在非所。次問大臣。無字引汝偷珠。速出珠來。大臣答王。實不偷珠。王問無字。臣不偷珠。云何引之。無字白王。口言不偷。得作不偷。無字亦不偷珠。次問商人乃至



姪女亦復如是。王即引此五人各在一處。爾時姪女先往來者問無字言。王之屋內頗有異人不。無字答言。唯王夫妻及有我。更無異人。若無異人。願鸚鵡等鳥。獼猴等獸。不無字答言。有一獼猴恒在屋內。自餘獼猴悉不能入。語無字言。獼猴偷去。審實不疑。汝當白王。出諸伎女多著好衣。自餘獼猴亦著好衣。屋內獼猴但令露身羅列庭前。種種舞戲。獼猴喜効。必持珠衣。共他舞戲。無字即以此事具白王。知王用其言。如是作計歌舞合已。獼猴即便持此珠衣來至庭所。始知五人不偷珠衣。獼猴是賊。王問無字。獼猴是賊。太子不偷。云何禮之。無字白王。太子王之正嫡王所愛重。如其無罪。無字亦應無罪。若不引太子。自下不免失命。是故引太子。云何引大臣。無字白王。大臣者王所敬重。諸臣所尊。傾國貴賤。意佐助得無罪。我亦無罪。云何引商人。無字白王。商主多有金銀異寶。脫得贖命。我亦應免。云何引姪女。無字白王。姪女貌美殊特。多有人與共來往。脫有恩智度外人之計。脫能得賊。我即無罪。王知之有智。愛重如之。恒令自近。王後山獵見群鹿獸。走馬逐之。失大衆侶。唯共無字二人相隨。王時疲極止息樹下。無字二坐懷枕王頭。王時眠熟不自覺悟。無字爾時嘆心內發。拔劍擬王。親我父怨今得其便。甚難可恕。復更思惟。我父臨終遺言勸我。若不報怨。真是我子。今若報怨。違父意。非孝子也。拍劍內之。王便驚悟。語無字言。我於夢中見長生王子長康納身以

劍臨我。無字白王。長生子久為灰土。今在深山。唯我二人。何處有長生王子。王還安眠。無字復以利劍擬王。王驚寤。如前王復眠已。無字以手王頭髮。問王言。長康納者我是也。王殺父親是我怨。今得王。便分死以不。王言。本殺父今死無恨。摩納白王。我父臨終勸我。今若殺王。違我父願。非孝子也。我不殺王。令王知也。扶王上馬。共歸王宮。既到宮已。召集諸臣。王曰。今得長生王子。為當殺之。為當到賞。諸臣皆言。亡國之子不可賞也。聽當殺王。王曰。不然。具說前事。即以女妻之。到為本國之主。王自歸還本土。二國通好。不相征討。菩薩之人怨親平等。父怨猶救。況餘怨也。菩薩之心廣如山海。如能容受無量諸惡沒習之徒。應如是觀。菩薩和光。作此一國王及臣民。普行十善。極救幽苦。慈悲相向。如父如子。如兄如弟。柔和忍辱。悉發菩提心。善戒自居。其行清淨。此名菩薩發意施為無不利。忍辱大力能摧煩惱。

白衣互受門

夫妻相勸。優婆塞戒經云。善男子。我本往墮邪見家。或。綱自我善。我於爾時名曰廣利。妻名女。精進勇猛。度脫無量。十善化導。我於爾時心生殺獵。貪嗜酒肉。懶惰懈怠。不能精進。妻時語我。止其獵殺。戒斷酒肉。勸加精進。得脫地獄苦惱之患。上生天宮與一處。我於爾時殺心不止。酒肉美味不能割捨。精進之心懶墮不前。天宮息意。地獄分受。我於爾時居聚落內。近僧伽藍。數聞鐘磬。妻語我言。事事

不能聞鐘磬聲。三彈指一稱佛。欲身自蒸莫生憍慢。如其夜半此法莫廢。我即用之。無復捨失。經十二年。其妻命終生忉利天。却後三年我亦壽盡。經至斷事。判我入罪。向地獄門。當入門時。聲鐘三聲。我即住立。心生歡喜。愛樂不厭。如法三彈指。長聲唱佛。聲皆慈悲。梵音朗徹。主事聞已。心甚愧感。此真菩薩云何錯判。即遣追還。送往天上。既往到已。五體投地。禮敬我妻白言。大師幸承大恩。如見濟拔。乃至菩提。不違教勸。以是之故。互相為師。各獲大果。汝等諦聽。信受伏行。

供養門

准四十四菩薩有十種供養。一設利羅供養。二制多供養。三現前供養。四不現前供養。五自作供養。六教他供養。七財敬供養。八廣大供養。九無染供養。十正行供養。於如來所發起六種增上意樂。一者無上大功德田增上意樂。二者無上有大恩德。三者一切有情中尊。四者如師。妙華極難值遇。五獨一出現。六者一切世出世間功德圓滿。一切義依增上意樂。依大莊嚴論。有八種供養如來。一依供養。二物三緣起。四迴向。五因。六智。七田。八依止。頌云。現前不現前。衣服飲食等。深起善淨心。為滿於二聚。常願生佛世。三輪不分別。成熟諸衆生。最後十一種現前不現者。謂依供養。依於現在及過去世諸佛而供養故。衣服飲食等者。謂物供養。以衣服等而供養故。深起善淨心者。謂緣起供養。以深淨心而供養故。為滿於二聚者。謂迴向供養。為滿福

智二種而供養故。常願生佛世者。謂因供養。

由有宿願。願生佛世。令我有益不虛。供養故。三輪不分別者。謂智供養。設供受供俱具三事不可得故。成熟諸衆生者。謂田供養。衆生爲田。教彼供養。令種善根。故最後十一種者。謂依止供養。此有十一種。一者依止物。由依財物而供養故。二者依止思惟。由依味思惟隨喜思惟。惟望思惟故。三者依止信。由信大乘發菩提心故。四者願。由發弘誓願故。五者依止悲。由憐愍衆生故。六者依止忍。由難行能行故。七者依止行。由諸波羅蜜故。八者依止正念。由如法不倒故。九者依止正見。由如實覺了故。十者依止解脫。由聲聞煩惱滅故。十一者依止眞實。由得大菩提故。五種自意供養如來。應知此供養爲最上供養。何謂爲五。一者淨信。二者深心。三者神通。四者方便。五者和合。淨信者。於大乘法說供養處。生淨信故。深心者。此心有九種。一味心。二隨喜心。三攝望心。四無厭心。五廣大心。六勝喜心。七勝利心。八無染心。九善淨心。神通者。謂依虛空藏等諸三摩提故。方便者。謂無分別智方便攝故。和合者。謂一切諸大菩薩和合一果入一切果故。文殊問經上卷云。有三十五大供養。是菩薩摩訶薩應知。然燈燒香塗身塗地。香末香袈裟及繖若龍子幡并諸餘幡螺鼓大鼓鈴盤舞歌。以臥具或三節鼓腰鼓節鼓并及截鼓曼陀羅華掃地灑地寶華懸繡飯水漿飲可食可噉及以可味香和栴檀楊枝浴香并及澡豆。此謂大供養。

供養見利門

文殊問經下卷云。爾時文殊師利白佛言。世尊。諸供養餘華用治衆病。或消惡毒。其法云何。若供養佛餘華。般若波羅蜜華。佛足下華。菩提樹華。轉法輪華。塔華。菩薩華。衆僧華。佛像華。其法云何。世尊用此華有幾種。世尊一切諸華。云何入佛華中。世尊用此華法。爲有一種。爲有多種。此呪爲有一種。爲有多種。佛告文殊師利。各各華。各各呪。一一華呪。一百八遍誦。佛華呪曰。南無佛闍寫治莎訶。般若波羅蜜華呪曰。那末阿盧羅波若波羅蜜多奇莎訶。佛足華呪曰。那莫波陀制點耽鹽莎訶。菩提樹華呪曰。南無菩提遍力龜嵐莎訶。轉法輪華呪曰。南無達摩柯羅夜莎訶。塔華呪曰。那莫鑰跋耶莎訶。菩薩華呪曰。南無菩提薩埵治莎訶。衆僧華呪曰。那莫僧伽治莎訶。佛像華呪曰。那莫波羅底耶莎訶。文殊師利呪經如是。汝當受持。復告文殊師利。用此華法。若比丘比丘尼優婆塞優婆夷。若能信修行。應當早起清淨澡瀝念佛功德恭敬此華。不以足踏及跨華上。如法執取安置淨器。若人寒熱。冷水摩華以用塗身。若頭額痛亦皆用塗。若吐利出血。或腹內煩痛。以漿飲摩華。當服此華飲。若口患瘡。以暖水摩華含此華汁。若人多嘔。或以冷水或以沙糖。以摩此華飲服華汁。若多食染。以灰汁摩華塗其隱處。復以冷水摩華塗其頂上。食結漸消。常爲一切所愛敬。若天雨不止。於空閑處。以火燒華。令雨即止。若天亢

旱。在空閑處。以華置水中。復呪冷水更。麗華上。天即降雨。若牛馬象等本性不調。以華飲之。即便調伏。若諸菓樹華實不茂。以冷水牛糞摩取華汁。以塗其根。不得踐踏。華實即多。若田中多水苗稼損減。搗華爲抹以散田中。即得滋長。若高原陸地無有水處。請四比丘。於其處布華。一日之中百八遍誦呪。次復一日更以新華布先華上。又誦呪一百八遍。如是乃至七日。掘便得水。若國土多疾病。以冷水磨華。塗螺鼓等。吹擊出聲。聞者即愈。若敵國怨家欲來侵境。以水摩華。在於彼處用灑散之。即得退散。若於高山有盤石處。衆多比丘於石上摩華。摩華既竟相與禮拜。久後石上自生珍寶。若人患癩。取所供養華數有百種下至七種。搗以爲抹。以犢牛酥先誦呪一百八遍。和以爲丸如彈丸大。日服一丸。服丸之時亦誦呪百八遍。漸得聰明利根。一日之中能誦百偈。若人有所作。取優鉢羅華拘物頭華分陀利華鬱波羅華等若水陸生華。華有百種。先以供養。後以水摩華。隨其所須或塗或散。悉皆有果。若得百種華。抹以爲散。水和爲丸。若惡腫痛摩其瘡上。其病即愈。若癰若癰若諸毒。或服此丸。或以塗瘡。病即得除。若人常患氣。味身體消滅。以大小麥汁摩於華塗其身上。即便充悅。復以末利華汁和華散爲丸塗其額上。一切怨家見生愛念。文殊師利此華呪法。南無佛闍寫治莎訶。那末柯盧羅。般若波羅蜜多奇莎訶。那莫波陀制點耽鹽莎訶。三南無菩提遍力龜嵐莎

詞四南無達摩祈柯羅夜莎詞五那莫輪跋耶  
莎詞六南無菩提薩埵野莎詞七那莫僧伽野  
莎詞八那莫波羅底耶莎詞九一一咒誦百八  
遍。此呪章句汝於處處當說。如佛華法餘華  
亦如是

### 障治門

瑜伽七十九云。菩薩略有四上品障。若不淨  
除終不能入菩薩地及地漸次。何等爲四。  
一者於諸菩薩毘奈耶中。起染污犯。二者毀  
謗大乘相應妙法。三者未積集善根。四者有  
染愛心。爲治此四。一者遍於十方諸佛如來  
所。深心懇實發露悔過。二者遍爲利益一切  
十方諸有情類。勸請一切如來說法。三者遍  
於十方一切有情所有功德。皆生隨喜。四者  
凡所生起一切善根。皆悉迴向阿耨菩提

### 勝劣門

彌勒問經論第二云。菩薩摩訶薩有五種法。  
勝於聲聞十善業道。一專心修行。以畢竟不  
離一味心故。二常修行。不斷不絕不休息故。  
三爲安穩自身。爲自身取人天身。取人天安  
穩及大菩提故。四爲安穩他身。爲與一切衆  
生安穩畢竟迴向大菩提故。五善清淨。復有  
七種。一不破故。少分修治名之爲破。具足  
修治名爲不破。二不點。不自修行。教他修行。  
故名爲點。菩薩自行教他修行。故名不點。三  
不污。自不修行不教他修。見他修行而心隨  
喜。故名爲污。是故菩薩具足修行名爲不污。  
四無所屬。要依他智而能修行。故名爲屬。是  
故菩薩不依他智而能修行名無所屬。五善

究竟。專念畢竟欲心等。名善究竟。六不食。迴  
向於有。取有資生故名爲食。是故菩薩不取  
於有名爲不食。七智者讚歎。捨二乘迴向世  
間。捨大乘迴向小乘。名智者不讚歎。是故  
菩薩於二乘中不迴向世間。於大乘中不迴  
向二乘。名智者所讚。應知。菩薩有五種法。修  
行十善業道。能過世間。一者願。菩薩從初發  
心乃至道場。當爲一切世間天人而作福田。  
勝諸二乘故。二者安穩。菩薩修行雖爲世間  
極苦所迫。不捨菩提。專心修行故。三深心。以  
最勝心修行故。以諸菩薩最深愛心修行十  
善故。四善清淨。以菩薩有三種清淨行十善  
道故。五方便者。菩薩於何等法中。以何等方  
便。修行十善故。復有五種法故。修行無量  
十善業道。何等爲五。一無量世。以無量時修  
行故。二無量善法。以彼善法無量故。菩薩起  
無量善業道。集一切功德令生受用故。三無  
量觀。以爲無量衆生觀非爲有量衆生故。四  
無量盡者。譬如長者財富無量。是大捨者。是  
大慈者。行大悲者。大商主者。憐愍一切諸衆  
生故。修行者不退心者。起如是心。我能與彼  
一切衆生無量無邊安穩之樂。菩薩亦行以  
住深心。爲諸衆生住安穩心。起大精進心。作  
是思惟。我當教化無量無邊苦惱衆生。皆悉  
安置涅槃樂中。是故菩薩修行無盡。五無量  
迴向。以十無盡無量。修行善業道。亦復無量。  
以依先迴向無量故。菩薩修行一切善業道。  
果亦復無量。名無量迴向

### 善友門

一善友相。四十四菩薩地云。當知菩薩成就  
八支。能爲善友衆相圓滿。一者任戒。於諸律  
儀無穿無缺。二者多聞。覺慧成就。三者具證。  
得修所成隨一勝善。逮於止觀。四者哀愍。內  
具慈悲。能捨自己現法樂住。精勤無怠。饒益  
於他。五者無畏。爲他宣說正法教時。非由恐  
怖忘失念辯。六者堪忍。於他輕笑調弄鄙言  
違拒等事。非愛言路種種惡行。皆悉能忍。七  
者無倦。其力充強。能多思擇。處衆說法。言無  
塞滯。心不疲倦。八者善詞。語具圓滿不壞法  
性。言詞辨了。善友所作。菩薩地云。若諸菩薩  
具五種相。衆德相應。能爲善友。所作不虛。一  
者於他先欲求作利益安樂。二者於彼利益  
安樂。如實了知。無顛倒覺。三者於彼善權方  
便。順儀說法。隨衆堪受。調伏事中有能有力。  
四者饒益心無厭倦。五者具足平等大悲。於  
諸有情劣中勝品。心不偏黨。若諸菩薩成就  
五相。令善友性作信依處。令他遠聞極生淨  
信。何況親觀。一者勝妙。威儀圓滿寂靜。具足  
一切支分。皆無躁動。二者敦肅。三業現行無  
掉無擾。三者無矯。不爲誑他故思詐現嚴整  
威儀。四者無嫉。終不於他所得利養恭敬生  
不堪忍。而常請說後勸於彼。廣施恭敬無諂  
僞心。見彼說法及利恭敬。深生隨喜。如自所  
得。五者儉約。妙隨隨捨。善友菩薩由五種相。  
於所化生爲善友事。一能諫舉。二能令憶。三  
能教授。四能教誡。五能說法。當知菩薩由四  
種相。方得圓滿親近善友。一於善友有病無  
病。隨時供侍。恒常發起愛敬淨信。二於善友。

隨時敬問禮拜。奉迎合掌。殷勤修和敬業。而爲供養。三於善友。如法衣服飲食。以具病緣。醫藥資身什物。隨時供養。四於善友。若正依止於如法義。若合若離。隨自在轉。無有傾動。如實顯發。作奉教心。隨時往詣。恭敬承事。請問聽受。准法句經云。爾時寶明菩薩白佛言。世尊云何是善知識。佛言。善知識者。善解深法。空無相無作無生無滅。了達諸法。從本以來究竟平等。無業無報。無因無果。性相如如。任於實際。於畢竟空中。熾然建立。是善知識。舉喻顯能。法句經云。善男子。善知識者。是汝父母。養育汝等。菩提身故。善知識者。是汝眼目。示導汝等。菩提路故。下略不具。善知是汝脚足。荷負汝等。離生死故。是汝梯蹬。扶持汝等。至彼岸故。是汝飲食。能使汝等增長法身。故。是汝寶衣。覆蓋汝等。功德身故。是汝橋梁。運載汝等。度有海故。是汝財寶。究攝汝等。離貧苦故。是汝日月。照耀汝等。離黑暗故。是汝身命。護惜汝等。無有怖時故。是汝鎧杖。降伏諸魔。得無畏故。是汝繩繩。挽拔汝等。離地獄故。是汝妙藥。療治汝等。煩惱病故。是汝利刀。割斷汝等。諸愛網故。是汝雨。潤濟汝等。菩提牙故。是汝燈明。能破汝等。五蓋闇故。是汝善標。教示汝等。趣正道故。是汝薪火。成熟汝等。涅槃食故。是汝弓箭。射殺汝等。煩惱賊故。是汝勇將。能破汝等。生死軍故。是汝如來。破汝煩惱。至涅槃故。善男子。善知識者。有如是等無量功德。是故我今教汝親近。於是寶明與諸大眾聞佛說此妙法及善知識要句。舉聲

號哭。淚下如雨。悲啼懊惱。不能自裁。自念。我身從曠劫來。爲善知識之所守護。是故今日值於如來。得聞深法。如是遇者。善知識力。非我力能自念。我等從本已來。未曾報恩。方便親近。說此語已。重複舉聲。知識大文與瑜伽同。戶迦羅越六向拜經云。惡知識有四輩。一者內有怨心。外強爲知識。二者於人前好言語。背後說人惡。三者有急時。於人前愁憂。背後歡喜。四者外如親厚。內興怨謀。善知識亦有四輩。一者外如怨家。內有厚意。二者於人前直諫。於外說人善。三者病瘦縣官爲其征佞憂解之。四者見人貧賤不棄捐。常念求方便喜富之。惡知識復有四輩。一者難諫曉教之作善。故與惡者相隨。二者教之莫與喜酒者爲伴。故與嗜酒人相隨。三教之自守。益更多事。四者教之與賢者爲友。故與博掩子爲厚。善知識復有四輩。一者見人貧窮。本之令治生。二者不與人譁校計。三者日往消息之。四者坐起常相念。善知識復有四輩。一者爲吏所捕。將歸藏匿之。於後解決之。二者有病瘦。將歸養視之。三者知識死亡。棺欲視之。四者知識已死。後念其家。善知識復有四輩。一者欲聞止之。二者欲隨惡知識。諫止之。三者不欲治生。勸令治生。四者不喜經道。教令信喜之。惡知識復有四輩。一者人小侵之。便大怒。二者有急之日。請使不肯行。三者見人有急時。避人走。四者見人死亡。棄不視。佛言。擇其善者從之。惡者遠之。我與善知識相隨。故自致得佛。

雜行門

謂子事父母當有五事。一者當念治生。二者早起勸令奴婢時作飯食。三者不益父母憂。四者當念父母恩。五者父母病瘦。當恐懼求醫師治之。父母視子亦有五事。一者當教去惡就善。二者當教計算書疏。三當教持經戒。四者當爲早娶婦。五者家中所有當與之。弟子事師當有五事。一者當敬教。二者當念其恩。三者所教隨之。四者思念不厭。五者於後當稱譽之。師教弟子亦有五事。一當令疾知。二當令勝他弟子。三欲令知不忘。四諸疑難悉爲解之。五欲令弟子智勝師。婦事夫有五事。一夫從外來。當起迎之。二夫出不在。當炊蒸掃除待之。三不得有姪心於外。夫屬言之。不得還言作怒。四當用夫教誡所有財物不得藏隱。五夫休息蓋藏乃得臥。夫視婦亦有五事。一者出入當敬於婦。二飲食衣被當用與。三用給金銀珠璣。四家中所有少多悉付之。五不得於外有邪心畜侍御人。親屬朋友當有五事。一見作非惡。私於屏處諫曉呵止。二有小急。當奔赴救護。三有私語。不得爲他說。四當相敬歡。五所有好物當多少分與之。大失視奴客婢使亦有五事。一當以時與飲食衣被。二病瘦當爲呼醫治之。三不安搗打之。四有私財不得奪之。五分物當平等。奴客婢使事大夫亦有五事。一當自早起勿令大夫呼。二所當作自用心爲之。三當惜大夫物不得棄捐乞丐人。四大夫出入當送迎。五當於後稱譽大夫善。不得說其惡。人事沙門道人

當用五事：一以善心向之，二擇好言與語，三以身敬之，四當慈慕之，五沙門道人當以六意師，當敬事之問度世事，沙門道人當以六意視凡夫，教布施乃至智慧為六，沙門道人教去惡為善，開示正道恩，大於父母也。

### 婦行門

玉耶經云。佛告玉耶。女人不當自恃端政輕慢夫婿。何者端正。去邪態八十四垢。定意一心。是為端正。不以顏色面白髮絲為端政也。女人身中有十惡事。何等為十。一者女人初生墮地。父母不喜。二者育養視無滋味。三者女人心常畏人。四者父母恒憂嫁娶。五者與父母生相離別。六者常畏夫望。視其顏色。歡悅輒喜。嗔恚則懼。七者懷妊產生甚難。八者女人少為父母所檢錄。九者中為婿禁制。十者年老為兒孫所呵。從生至終不得自在。是為十惡。佛告玉耶。婦事公姑夫婿有五善三惡。何為五善。一者為婦當晚臥早起。櫛梳整綵。整頓衣服。洗拭面目。勿有垢穢。執於事作。先啓所尊。心常恭順。設有甘美。不得先食。二者夫婿呵罵。不得嗔恨。三者一心守夫婿。不得念邪淫。四者常願夫婿長壽。五者夫婿出行。婦當整頓家中。常念夫善不念夫惡。是為五善。何等三惡。一者不以婦禮承事公姑夫婿。但欲美食。先取噉之。未暇早臥。日出不起。夫若呵教。瞋目視夫。應拒獨罵。二者不一心向夫婿。但念他男子。三者欲令夫死早得更嫁。是為三惡。佛告玉耶。世間復七輩婦。一婦如母。二如妹。三如善知識。四如婦。五

如婢。六如怨家。七如奪命。母婦者。愛念夫婿。猶若慈母。待其晨夜。不離左右。供養盡心。不失時宜。夫若行來。悉入輕易。見則憐念。心無疲厭。憐夫如子。如妹婦者。承事夫婿盡其敬誠。若如兄弟同氣分形骨肉至親無有二情。尊奉敬之。如妹事兄。善知識婦者。侍其夫婿愛念懇至。依依戀戀。不能相棄。秘密之事常相告示。見過依呵。令行無失。善事相教。使益明智。相親愛欲令度世。如善知識也。婦婦者。供養大人。竭誠盡敬。承事夫婿。謙遜順命。夙興夜寐。恭謹言令。口無逸言。身無逸行。有善推讓。過則稱己。誨訓仁施。勸進為道。心端意一。無有邪瞻。靖修婦節。終無闕廢。進不犯儀。退不失禮。唯和為貴。婢婦者。常懷畏懼。不敢自慢。兢兢趣事。無所避彈。心常謙恭。忠孝盡節。言以柔濡。性常和穆。口不犯亂邪之語。身不入放逸之行。貞良純一。質朴直信。恒自嚴整。以禮自將。夫婿納幸不以嬌慢。設不接遇。不以為怨。或得捶杖。分受不恚。及見罵辱。默而不恨。甘心樂受。無有二意。勸進所好。不妬聲色。遇己曲薄。不訴求直。務修婦節。不擇衣食。專精恭敬。唯恐不及。敬奉夫婿。如婢事大家。是為婢婦也。怨家婦者。見夫不歡喜。恒懷嗔恚。晝夜思念欲得解離。為夫婦心常如寄客。偏偏圖謬。無所畏避。亂頭動不肯作。使。不念治家養活兒子。或行姪蕩。不知羞恥。狀如犬畜。毀辱親里。譬如怨家。奪命婦者。晝夜不寢。毒心相向。當何方便得相遠離。欲與毒藥。恐人覺知。或至親

里。遠近寄之。作便懷恚。詳共賊之。若持寶物。雇人害之。或使傍夫伺而殺之。怨枉夫命。是奪命婦。佛告玉耶。五善婦者。常有顯名。言行有法。衆人愛敬。宗親九族并蒙其榮。天龍鬼神皆來擁護。使不枉橫。萬分之後得生天上。七寶宮殿在所自然。天上壽盡下生世間。當為富貴王侯子孫端正聖智人所奉敬。其二婦者。常得惡名。今現在身不得安寧。數為惡鬼衆毒所病。臥起不安。惡夢驚怖。所願不得。多逢災橫。萬分之後魂魄受形。當入地獄餓鬼畜生。展轉三塗。果劫不竟。勸發菩提心集卷中

### 勸發菩提心集卷下

受菩薩三聚淨戒門 得捨門 自受菩薩戒門 八勝五想門 聽法門 說法門 攝生方便門 求法門 入法門 應護正法門 六度依莊嚴論十種分別門 七似饒益門 六度 菩薩五希望門 六決定應作門 六度 瑜伽九種分別門 五相名波羅蜜門 七相施等清淨門 諸施見心諸智并藏 七非田不應施與門 四攝如度九種門 各九得果門 十業得短命報門 十業長壽報門 十業多病不病門 十業醜好報門 十業生下上族門 禮塔十功德門 施蓋十功德門 施旛十功德門 施飲十功德門 施衣十功德門

翻經沙門慧沼撰

施器及飲食得十功德門 施香十功德門  
施燈十功德門 恭敬合掌十功德門

大唐三藏法師傳西域正法藏受菩薩

戒法

將欲受菩薩戒。先教發殷淨心。或復一年下  
至七日。持齋禮拜。捨諸惡業。習諸善事。長養  
淨心。然可爲受。若有事緣。不得先教發殷淨  
心。欲受戒時。發深重心。方與受之。深重心  
者。斷一切惡。修一切善。度脫一切衆生心是。  
若先未曾歸依三寶者。教令歸依。若已曾歸  
依者。不須教之。歸依云。

弟子某甲等。願從今身盡未來際。歸依佛兩

足尊。歸依法離欲尊。歸依僧衆中尊。<sup>三</sup>

弟子某甲等。願從今身盡未來際。歸依佛竟。

歸依法竟。歸依僧竟。<sup>三</sup>

從今已往。稱佛爲師。不敢歸餘邪魔外道。唯

願三寶慈悲攝受。

次教請已爲受菩薩戒師云。

弟子某甲等。今於師所求受菩薩戒。大德於

我不憚勞者。慈悲故。<sup>三</sup> 戒師答云。好

次教請釋迦如來爲受戒和上云。

弟子某甲等。奉請本師釋迦牟尼如來應正

等覺。爲受菩薩戒和上。我依和上故。得受菩

薩戒。慈悲故。<sup>三</sup>

次教請曼殊室利爲阿闍梨云。

弟子某甲等。奉請曼殊室利菩薩摩訶薩。爲

受菩薩戒阿闍梨。我依阿闍梨故。得受菩薩

戒。慈悲故。<sup>三</sup> 次教請彌勒菩薩爲教授師云。

弟子某甲等。奉請彌勒菩薩摩訶薩。爲受菩  
薩戒教授師。我依教授師故。得受菩薩戒。慈  
悲故。<sup>三</sup>

次教請十方諸佛爲證戒師云。

弟子某甲等。奉請十方諸佛如來應正等覺。

爲受菩薩戒證戒師。我依證戒師故。得受菩

薩戒。慈悲故。<sup>三</sup>

次教請十方菩薩爲同法侶云。

弟子某甲等。奉請十方一切菩薩摩訶薩。爲

受菩薩戒同法侶。我依同法侶故。得受菩薩

戒。慈悲故。<sup>三</sup>

次教發菩提心云。菩提心者。廣則無邊。略有

三種。一者厭離有爲心。二者欣求菩提心。三

者深念衆生心。厭離有爲心者。即是廣說生

死過患。令深生厭離。五法相似。生死大海。

得大海名。一處所無邊相似故。二甚深相似

故。三難度相似故。四不可飲相似故。五大寶

所依相似故。求菩提心者。即是廣說三身菩

提所有功德。令起忻求。深念衆生心者。即是

廣說怨親等。想。令俱生慈愍發心度脫

次言。善男子。善女人等。諦聽。我今問汝。隨汝

意答。汝發菩提心未。<sup>云發</sup>

次教懺悔云。

弟子某甲等。仰啓盡虛空遍法界一切諸佛

兩足中尊一切諸法離欲中尊一切僧寶諸衆

中尊。弟子某甲等。自從無始生死已來。至于

今日。貪瞋癡等無量煩惱。亂身。廣造衆

罪。所謂破塔壞寺。焚燒經像。用盜三寶財物。

謗三乘法。言非聖教。障礙留難。惡業覆藏。於

一切出家人所。若有戒若無戒。持戒破戒打

罵呵責。說其過惡。禁閉牢獄。或奪袈裟。逼令  
還俗。策役驅使。責其發調。斷其命根。或殺

父。害母。出佛身血。殺阿羅漢。破和合僧。起

大邪見。謗無因果。長夜常行十不善業。所謂

身業不善。行殺盜淫。語業不善。妄言綺語。兩

舌惡口。意業不善。貪瞋邪見。污父污母。污比

丘比丘尼。污僧伽藍所。破齋破戒。飲酒食肉。

輕毀三寶。惱亂衆生。自作教他。見作隨喜。

如是等罪。無量無邊。不可數知。今日誠心發

露懺悔。一懺已後。斷相續心。盡未來際。永不

敢作。唯願三寶慈悲證明。令弟子等罪障消

滅。

次說菩薩三聚戒相。一者律儀戒。誓斷一切

惡盡。二者攝善法戒。誓修一切善盡。三者饒

益有情戒。誓度一切衆生盡。

次言。善男子。善女人等。諦聽。我今問汝。隨汝

意答。汝是菩薩非。<sup>是言</sup>

言菩薩者。信是身中實有菩薩種姓。堪受菩

薩淨戒。名爲菩薩。非已有證名爲菩薩。

次。爲受令諦聽發深重心云。

善男子。善女人等。諦聽。汝等今於我所求受

一切菩薩學處。求受一切菩薩淨戒。所謂律

儀戒。攝善法戒。饒益有情戒。此諸學處。此諸

淨戒。過去一切菩薩已學。未來一切菩薩當

學。現在一切菩薩今學。汝等從今時盡未來

際。不得犯。能持不。教答言能。<sup>三</sup>

次受戒師自稱已名。請佛證明。起立手執香

爐。若在高座。不須起立云。

弟子某甲等。仰啓盡虛空遍法界一切諸佛。今於此索阿世界一四天下南瞻部洲人主地某聚落某伽藍此道場中。有衆多菩薩。來於我所三說求受菩薩戒。我已爲作證。唯願慈悲亦爲作證。三請

大當爲說三品心受戒。於十方諸佛所。有三品相現。或涼風或妙香。或異聲或光明等。種種相現。彼諸菩薩各各問佛。何因緣故有此相現。彼佛各答云。於某方處索阿世界。在某處所。有某甲衆多菩薩。於某甲師所。說受菩薩戒。今證明所以有此三品相現。彼彼菩薩咸生歡喜。各各皆言。於如是等極惡處所。如此具足難染煩惱惡業有情。能發如是極勝之心。受菩薩戒。甚爲希有。深生憐愍。於汝等所。起同梵行心。是故汝等宜應至心護持淨戒。不惜身命而勿毀犯。

次爲說持犯之相。乃至持一草繫。亦有持犯菩薩戒相。不能廣說。今略說重者。謂四波羅夷。波羅夷者。此云他勝處。善法益己。名之爲自。惡法損己。名之爲他。若犯此四。惡法增長。損害於自。名他勝處。

善男子善女人等諦聽。一者若有菩薩。於戒師所三說求受菩薩戒。爲名聞利養。自讚毀他。非真菩薩。假名菩薩。無慚無愧。犯波羅夷。汝等從今身盡未來際。不得犯。能持不。能持

愧。犯波羅夷。汝等從今身盡未來際。不得犯。能持不。能持

善男子善女人等諦聽。三者若有菩薩。於戒師所三說求受菩薩戒。先時共他聞誦達就。他來求悔。以瞋恨心不隨彼請。已不於他速求懺悔。非真菩薩。假名菩薩。無慚無愧。犯波羅夷。汝等從今身盡未來際。不得犯。能持不。能持

善男子善女人等諦聽。四者若有菩薩。於戒師所三說求受菩薩戒。竟起邪見心。毀謗三寶。誹謗大乘。言非佛說。非真菩薩。假名菩薩。無慚無愧。犯波羅夷。汝等從今身盡未來際。不得犯。能持不。能持

上所受戒正是起行。起行既訖。次教發願云。

弟子某甲等。願以如是懺悔受戒所生功德。迴施一切衆生。未離苦者願皆離苦。未得樂者願令得樂。未發菩提心。斷惡修善者。願發菩提心。斷惡修善。未成佛者願早成佛。又以如是所生功德。願共一切衆生。生生世世永離地獄身。永離畜生身。永離餓鬼身。永離邊地下賤身。永離不自在。永離女人身。常於佛法中。清淨修行。與一切衆生作大善知識。願一切衆生聞我名者發菩提心。見我身者斷惡修善。聞我說法者得大智慧。知我心者早得

成佛

得捨門

菩薩地四十云。菩薩於四他勝處法。隨犯一種。況犯一切。不復堪能於現法中增長攝受菩薩廣大菩提資糧。不復堪能於現法中意樂清淨。是即名爲相似菩薩。非真菩薩。菩薩若用軟中品繩。毀犯四種他勝處法。不捨菩薩淨戒律儀。上品繩犯即名爲捨。若諸菩薩毀犯四種他勝處法。數數現行都無慚愧。深生愛樂。見是功德。當知說名上品繩犯。非諸菩薩暫一現行他勝處法。便捨菩薩淨戒律儀。如諸菩薩獨犯他勝處法。即便棄捨別解脫戒。若諸菩薩由此毀犯。棄捨菩薩淨戒律儀。於現法中堪任更受。非不堪任。如苾芻住別解脫戒。犯他勝處法。於現法中不任更受。略由二緣捨諸菩薩淨戒律儀。一者棄捨無上正等大菩提願。二者現行上品繩。犯他勝處法。若諸菩薩雖復轉身遍十方界。在在處處不捨菩薩淨戒律儀。由是菩薩不捨無上菩提大願。亦不現行上品繩犯他勝處法。若諸菩薩轉受餘生。忘失本念。值遇善友爲欲覺寤菩薩戒念。雖數重受。而非新受。亦不新得。準七十五。有四緣捨。一決定發起受心不同分心。二於有識別大丈夫前。故意發起棄捨語言。三總別毀犯四他勝處法。四以增上品繩。總別毀犯隨順四種他勝處法。又此菩薩一切違犯。當知皆是惡作所攝。應向有力於語表義能覺受小乘大乘補特伽羅。發露悔滅。若諸菩薩以上品繩違犯如上他勝處法。



失戒律儀。應當更受。若中品惡違犯如上他勝處法。應對於三補特伽羅。或過是數。應如發露除惡作法。先當稱述所犯事名。應作是說。長老尊念。或言大德。我如是名違犯菩薩毘奈耶法。如所稱事犯惡作罪。餘如茲剝發露悔滅惡作罪法。應如是說。若下品惡違犯如上他勝處法。及餘違犯。應對於一補特伽羅發露悔法。當知如前。若無隨順補特伽羅可對發露悔除所犯。爾時菩薩以深重意樂起自誓心。我當決定防護當來終不重犯。如是於犯還出還淨。

自受菩薩戒法增十四

又諸菩薩欲受菩薩淨戒律儀。若不會遇具足功德補特伽羅。爾時應對如來像前自受菩薩淨戒律儀。應如是受。偏袒右肩。右膝著地。或踞跪坐作如是言。我如是名仰啓十方一切如來已入大地諸菩薩衆。我今欲於十方世界佛菩薩所。誓受一切菩薩學處。誓受一切菩薩淨戒。謂律儀戒。攝善法戒。饒益有情戒。如是學處。如是淨戒。過去一切菩薩已具。未來一切菩薩當具。普於十方現在一切菩薩今具。於是學處。於是淨戒。過去一切菩薩已學。未來一切菩薩當學。普於十方現在一切菩薩今學。第二第三亦如是說。說已應起。所餘一切如前應知準應受法。

八勝五想門

初說行殊勝相。一趣道勝。二發心。三福田。四功德。五受罪輕微。六處胎。七神通。八果報勝。發五觀心。第一觀一切衆生猶如聖人想。

第二猶如父母想。第三猶如師長想。第四猶如國王想。第五猶如家想。又發四願。第一所有功德與十方一切衆生同有。第二願十方一切衆生度生死煩惱海。第三願十方一切衆生共通十二部經。文義了了。第四願十方一切衆生俱至無上正等菩提。

聽法儀增十四

若諸菩薩欲聽法時。作五種想。應從善友聽聞正法。一作寶想。難得義故。二作眼想。能得廣大俱生妙慧。因性義故。三作明想。已得廣大俱生慧眼。於一切種。如實所知。等照義故。四作大果勝功德想。能得涅槃及三菩提無上妙迹。因性義故。五作無罪大適悅想。於現法中。未得涅槃及三菩提。於法如寶簡擇。止觀無罪大樂。因性義故。若諸菩薩欲從善友聽聞法時。於說法師。由五種處。不作異意。以純淨心。屬耳聽法。一於壞戒不作異意。謂不作心此是破戒不住律儀。我今不應從彼聽法。二於壞族不作異意。謂不作心此是卑姓。我今不應從彼聽法。三於壞色不作異意。謂不作心此是醜陋。我今不應從彼聽法。四於壞文不作異意。謂不作心此於言詞不善藻飾。我今不應從彼聽法。但依於義不依於文。五於壞語不作異意。謂不作心此語龜惡多懷忿恚。不以美言宣說諸法。我今不應從彼聽法。喻伽三十八。云何求聞正法。謂諸菩薩於善說法。應當安住猛利愛重求聞正法。略說猛利愛重之相。謂諸菩薩爲欲聽聞一善說法。假使路由猛焰熾然大熱鐵地。無餘方便可得聞是善說法者。即便發起猛利愛重。歡喜而入。何況欲聞多善言義。又諸菩薩於自身分。及於一切資身衆具飲食等事。所有愛重方後愛重。於百分中不及其一。乃至歸波尼殺身分亦不及一。菩薩如是於善說法生敬重心。常樂聽聞諸善說法。無有勞倦亦無厭足。淨信深厚。其性柔和。心直見直。愛敬德故。愛敬法故。住法師所。無詰難心。有敬重心。無高慢心。專爲求善。非顯己德。爲欲安立自他善根。不爲利養恭敬因緣。菩薩具足如是功德。往法師所。無雜染心。無散亂心。聽聞正法。云何無染心。謂聽聞時。其心遠離貢高雜染。遠離輕慢雜染。遠離怯弱雜染。由六相故離高雜染。謂聽法時。應時而聽。殷重而聽。恭敬而聽。不爲損害。不爲隨順。不求過失。由其四相離輕雜染。於聽法時。恭敬正法。恭敬說法補特伽羅。不輕正法。不輕說者。又聽法時。不自輕蔑。由此一相遠離怯弱雜染。云何無散亂心聽聞正法。謂由五相。一者求悟解心聽聞正法。二者專一趣心。三聆音屬耳。四掃滌其心。五者攝一切心聽聞正法。何故求法。謂諸菩薩求內明時。爲正修行法隨法行。爲廣開示利悟於他。若求因明時。爲欲如實了知外道所造因明論是惡言說。爲欲降伏他諸異論。爲欲於此真實聖教未淨信者令其淨信。已淨信者倍令增廣。求聲明時。爲令信樂典語衆生於菩薩身深生敬信。爲欲悟入詁訓言音文句差別。於一義中種種品類殊音隨說。若求聲明時。爲息衆生種

種疾病。爲欲饒益一切大衆。若諸菩薩求工巧明。爲少功力多集珍財。爲欲利益諸衆生故。爲發衆生甚希奇想。爲以巧智平等分布饒益攝受無量衆生。求此五明。爲令無上正等菩提大智資糧速得圓滿。

#### \* 說法門

菩薩爲他說法有二。一隨順說。二清淨說。隨順說如別解脫戒經中說。清淨說於已有怨諸有情類。應住慈心爲說正法。於惡行者。住利益心。應說正法。於諸有情無樂有苦放逸下劣有情。應當安住利益安樂哀愍之心爲說正法。不以嫉妬增上力故自讚毀他。以無染心。不希利養恭敬讚歎。爲他說法。

#### \* 攝生方便門

四種方便於諸有情普攝調伏成熟。何等爲四。一隨攝方便。二能攝方便。三令人方便。四隨轉方便。是行布施名隨攝方便。何以故。先以種種財物。布施饒益有情。爲欲令彼聽受所說奉教行故。若諸菩薩次行愛語。於彼彼處有愚癡者。爲欲除彼所有愚癡令無餘故。令其攝受瞻察正理。如是愛語名能攝方便。若諸菩薩知彼有情攝受瞻察正道理已。次行利行。拔彼有情出不善處。於其善處勸導調伏安處建立。名令人方便。若諸菩薩如是方便令趣入已。最後與其於正事業同共修行。令彼隨轉。由是因緣。令所化者不作是說。汝自無有淨信戶羅慧捨智慧。何賴於善勸導於他。諫誨呵擯。與作憶念。是故同事名隨轉方便。

#### \* 求法門

大乘莊嚴經論求法有四因緣。一爲色。二爲非色。三爲神通。四爲正法。爲色者。相好因故。爲非色者。滅煩惱病因故。爲神通者。自在因故。爲正法者。無盡因故。如梵天王問經說。菩薩求法具足四相。一者如妙寶想。難得義故。二如良藥想。除病義故。三如財物想。不散義故。四如涅槃想。苦滅義故。由法是相好莊嚴因故如妙寶想。由法是滅煩惱病因故如良藥想。由法是神通自在因故如財物想。由法是正法無盡因故如涅槃想。求法有三種大。一者方便大。由最上精進求世諦第一諦實不倒故。二他利大。由法作世間依怙以第一義安置故。三自利大。由一切功德如海滿足故。

#### \* 入法門

十住毘婆沙入寺品云。菩薩若入寺。應行諸威儀恭敬而禮拜供養。諸比丘在家菩薩若入佛寺。初欲入時。於寺門外五體投地。應作是念。此是善人住處。是空行者住處。無想行者住處。無願行者住處。行慈悲喜捨者住處。正行正念者住處。若見諸比丘隨所見業。見已恭肅敬心。禮拜親近問訊。應作是念。若我恒沙劫。常於天祀中大施不休廢。不如一出家。又念。在家多諸過患。出家皆無。隨應廣說。念出家者所行法事所得功德我何時得。廣說三乘所有行相。是在家菩薩已慕向出家。若入塔寺敬禮佛時。應生三心。一我當何時得於八部受諸供養。二何時當得神力。舍

利流布世間利益衆生。三我今深心行大精進得大菩提。我作佛已入無餘涅槃。次隨所作詣諸比丘。請諸法性相詣論師所。問戒持犯詣律師所。坐禪習定詣禪師所等。

#### \* 應護正法門

菩薩五因緣故應受護正法。一知報諸佛恩故。二令法久住故。三以最上供養供養諸佛故。四利益無量衆生故。五正法第一難得故。瑜伽七十云。由三過故不能無倒聽聞正法。一散亂故。二愚癡故。三不恭敬故。有五種相爲聞修器。一謙下心。二奉行心。三攝受義心。四善攝受義心。五恭敬心。文殊問般若經云。六時不聲。禮佛時。聽法時。衆和合時。吃食時。正食時。大小便時。何故。如是天清淨心爲聞法故。以彼聲故。心不得定故。諸天還以天去故。惡鬼來作不饒益事。

#### \* 六度十種分別門

大乘莊嚴論第七度攝品云。此中六波羅蜜有十種義。一制數。二顯相。三次第。四釋名。五修習。六差別。七攝行。八治障。九功德。十互顯。初數六。復次釋第一云。爲攝自利三事故唯有六。一增進。二不染。三不倒。四如次令四事進。一資生成就。由布施故。二自身成就。由持戒故。三眷屬成就。由於忍辱。四發起成就。由於精進。一切事業由此成。第五禪定。能令煩惱不染折伏煩惱故。由此力故。第六般若。令業不顛倒一切所作如實知故。第七復次爲攝二利六事故數唯六。初爲攝利他三事故。在前三度令起正勤。一者施彼。二

不惱彼三忍被惱。後為攝自利三事故在後三。一者有因由。依精進故。二者心住。由心不定故。三者解脫。由心已定令解脫故。第三復次為攝利他六事故。如其次第於彼受用令不乏故。不惱彼故忍被惱故。助彼所作令不退故。以神通力令歸向故。以善說法斷彼疑故。如是利他即成自利。第四復次為攝大乘四種因故。度唯有六。一不染。二極敬。三不退。四無分別。修行施時。於財不染。無顧戀故。受持戒時。於諸學處。起極敬故。行忍進時。二不退。忍於衆生非衆生所作苦。得不退故。進於行善時。得不退故。行禪定般若時。此二無分別。止觀平等攝故。第五復次為攝大乘六道故。道者何義。答有方便者為道。由施故。於資財不著為道。由戒故。於境不亂為道。由忍故。於生不捨為道。由進故。於彼諸善增長為道。由定故。令煩惱清淨為道。由般若故。於智障清淨為道。第六復次同唯識等攝三學釋。第二顯相者皆有四相。一治障。二合智。三滿願。四成生。治障者。檀等如次治慳等六。合智者。與無分別智共行。由通達法無我故。滿願者。施於求財隨欲給與。戒於求戒以身口意護而教授之。忍於悔過與之歡喜。進於作業隨欲助之。定於學定隨欲授法。智於有疑隨欲決斷。成生者。先以施攝。後以三乘法隨其所應而成熟之。先安立於戒等中。後以三乘成熟亦爾。第三次第者有三因緣。一前後。二下上。三龜細。以施為先引後戒等故。以施為下。戒等上故。以施為龜。戒等細故。皆以次

知。第四釋名者。能除貧窮故名為施。能令清涼故名戒。能破瞋恚故名忍。能建立善故名進。能持心故名定。解真法故名慧。第五修習者。同難集唯識論等。第六差別者。各有六義。一自性。二因。三果。四業。五相應。六品類。自性者。由以己物施諸受者故。施因者。由無貪善根與思俱生故。施果者。由財及身成就故。身成就故者。即攝命等五。謂得命。得色。得力。得樂。得辨。施業者。自他二攝。滿足及大菩提。滿足施相應者。由具足住不慳人心中心中。品類者。法財無畏故。自性者。由住具戒乃至受學諸學足故。因者。滅是涅槃。為求涅槃度諸有邊受行戒故。果者。善道及不悔等。次第至心住。因戒得故。業者有三。一能持。任持一切功德如大地故。二能靜息一切煩惱故。三者無畏。由不能起一切怖懼等諸罪緣起相應者。由一切時身口意業皆行善行故。品類者。謂二得一受。得即波羅提木叉二法。得即定道戒。餘煩不述。更檢文。八對治者。檀離七著故。一資財著。二慢緩著。三偏執著。四報恩著。五果報著。六障礙著。七散亂著。此中障礙著者。謂檀所治貪隨眠不斷故。散亂著者有二。一下意散亂。求小乘故。二分別散亂。分別三輪故。餘六障治初五翻前。謂戒離破戒著等。戒等離障礙著者。彼障礙隨眠皆斷故。戒等離分別著者。隨其三輪不分別故。九功德者。一恒時捨。謂諸菩薩一切時施自身命與一切求者故。二離求不求報恩及以愛果。由大悲為因故。三建菩提。由施建立一切衆生

三乘菩提。四無盡。由無分別智所攝。乃至涅槃。其福無盡。無窮利益一切衆生。復次六度有清淨功德。且施彼求乞者。於菩薩所生三種喜。一得見時喜。二逢願時喜。三求見求遂時喜。由不見不遂時不生喜故。菩薩一切於乞求者翻彼三喜亦生三喜故。一得見時喜。二逢彼願時生喜。三求見求遂彼時生喜。此中應知彼求者三喜不如菩薩。何以故。菩薩大悲具足故。六度有八無上。一者依。二類。三緣。四迴向。五因。六智。七田。八依止。檀依者。以依菩薩故。類者有三。一物施。以捨自身命故。二無畏施。以救濟惡衆生故。三法施。以說大乘法故。緣者。以大悲為緣起故。迴向者。以求大菩提故。因者。以先世施業熏習種子為因故。智者。以無分別智觀察三輪故。田者有五人。一求人。一苦人。三無依人。四惡行人。五具德人。依止者。由三種依止故。一依止信向。二依止思惟。三依止三昧。

七似饒益門

莊嚴第十二。菩薩有七似饒益。一似母。二似父。三似善友。四似同侶。五似健奴。六似閹梨。七似和上。似母者。譬如慈母於子作五饒益業。一懷胎。二出生。三長養。四防害。五教誨。菩薩饒益衆生五業亦爾。一等心向衆生。二生之於聖地。三長養諸善根。四防護諸惡作。五教習以多聞。譬如慈父於子作五饒益業。一下種子。二教工巧。三為婚室。四付善友。五為絕債不令後債。菩薩五業亦爾。一令起信以為聖體種子。二令學增上戒定以為

工巧。三令得解脫喜樂以爲妙室。四令勸請諸佛以爲善友。五爲遮諸障礙以爲絕債。譬如善友於已作五饒益業。一密語爲覆。二惡行令斷。三善行稱譽。四所造佐助。五遮習惡事。惡事四種。一射獵。二奸非。三耽酒。四博戲。菩薩五業亦爾。一非器者祕其深說。二犯戒者如法呵責。三具戒者以善稱譽。四修行者教令速證。五魔事者即令覺知。譬如如有智同侶於已作五饒益業。一與樂。二與利。三恒與樂。四恒與利。五不乖離。菩薩五業亦然。一與不顛倒樂世間成就者名樂。由此得樂受故。二與不顛倒利出世成就者名利。由此對治煩惱病故。餘三可解。譬如健奴爲主作五饒益業。一極諸所作。二得不欺誑。三忍諸打罵。四作事精好。五解巧於便。菩薩亦爾。一成熟衆生。二開示出要。三忍諸惡事。四與世間樂。五與出世利。譬如開梨於弟子作五饒益業。一教其諸法。二示其遠要。三身知舒顏。四口知愛語。五心無懈怠。譬如和上於弟子所作五饒益業。一度令出家。二與其受戒。三禁斷諸過。四攝持以財。五教授以法。菩薩亦然。一令滿。二聚。二令得解脫。三令斷諸障。四與世間樂。五與出世利。

#### \*菩薩五梯望門

菩薩五處常起梯望。一梯望六度增長。二六蔽損滅。三成就衆生。四勝進諸地。五梯望無上菩提。

#### \*六決定應作門

菩薩由六度增上得六種決定。一者財成決

定。由施常得大財成就故。二生勝決定。由戒常得隨意受生故。三不退決定。由忍諸苦常不退故。四修習決定。由進恒時習善無間息故。五者定業決定。由禪成就衆生業永不退故。六者無功用決定。由智得無生忍。無分別智自然住故。菩薩爲成就六度故。於諸地中決定應作六事。一必應供養。二必應學戒。三必應修悲。四必應勤善。五必應離誑。六必應樂法。如次能滿六波羅蜜。菩薩必應常作六事。一厭五欲不著施果報故。二自省過。謂晝夜六時常自省察所作三業。知過則改。三者耐苦。四者修善。五者不味。謂不啖禪味。恒欲界受生故。六者不分別。如次能令六度圓滿。

#### \*六度九種分別門

瑜伽三十九。施波羅蜜九門。乃至智波羅蜜亦爾。頌云。自性一切難。一切門善士。一切種尋求。二世樂清淨。如是九種相。足名略說施。一自性者。能施一切所應施物。無貪俱生思及因所發。能施一切無罪施物。身語二業定有果。見隨所希求即以此物而行惠施。名施自性。二一切施者。略有二種。一內所施物。二外所施物。但施已身名內所施。若慈食吐活命衆生數數食已吐所飯食施。名內外雜施。除上所說施。餘一切所應施物。名唯外施。知內外施於彼衆生唯令安樂不作利益。或不利益亦不安樂。即不施與。翻此即施。廣有無量應施不施。思準可知。三難行施者。財物少。自忍貧苦惠施於他。第一難行。所可愛物

極生耽著。能自開意惠施於他。第二難行。極大艱辛所獲財物惠施於他。第三難行。四一切門者。一自財物。二他所得。三施親愛僕。四施他來求。五善士施者。略有五相。淨信而施。恭敬而施。自身而施。應時而施。不損惱他而行惠施。六一切種施者。有十三相。一無依。二廣大。三歡喜。四數數。五田器。六非田器。七一切物。八一切處。九一切時。十無罪。十一有情物。十二方土物。十三財穀物施。一還求施者。有八相。一置飲食。二置車乘。三置衣服。四置嚴具。五置資什。六置塗飾香鬘。七置舍宅。八置乏光明。而求乞者施以光明。上七準此。八此世他世樂施者。略有九相。財有三。一妙淨如法物而行惠施。二調伏慳吝垢而行惠施。三調伏積藏垢而行惠施。無畏有三。一拔濟師子虎狼等畏。二拔濟王賊畏。三拔濟水火等畏。法施有三。一無倒說法。二稱理說法。三勸修學處。如是九相能令衆生此他世樂。財無畏此世。法施他世。九清淨施者有十相。一不留滯施。二不執取施。三不積聚。四不高舉。五無所依。六不退轉。七不下劣。八無向背。九不望報恩。十不希異熟。速施不留故。不妄執著故。不積聚頓施故。謙下非競勝故。不依名譽故。不悔廣大不自輕故。勝妙物施故。於怨親中悲心等施故。悲堅施不希報故。不希當果故。戒九門者。一自性門有四種。一從他正受。二善淨意樂。三犯已還淨。四深敬專念。無有違犯。由從他受。外觀愧故。善淨意樂。違犯內慚故。

還淨專念，初無違犯。二因緣故。離諸惡作。初二爲依。生慚愧故。由慚愧故。能離尸羅。由能離故。離諸惡作。又初二法。後二是前二法所引。又初二法。能令不發。犯已還淨。令犯還出。具四功德。能利自他。利益安樂無量衆生。哀愍世間諸人天等故。二一切戒者有二種。謂在家分戒。出家分戒。此二略三。即三聚戒。三難行戒者。略有三種。一謂諸善薩現具大財。族姓增上。能棄受持善薩淨戒。名第一難。若遭急難。乃至失命。於所受戒。尙無少缺。何況全犯。名第二難。遍於一切行住作意。恒住正念。常無放逸。乃至命終無誤犯輕。何況犯重。名第三難。四一切門戒者。略有四種。一者正受戒。二本性戒。三串習戒。四方便相應戒。正受者。受先所受三聚淨戒。本性者。住種姓位。本性仁賢。身語二業恒清淨轉。串習者。多生修習三淨淨戒。一切惡法不樂現行。惡法深厭。善法樂修。深生忻慕。相應戒者。依四攝事。於諸有情善業恒轉故。五善士戒者。略有五種。謂諸善薩自具尸羅。勸他受戒。讚戒功德。見同法者。深生歡喜。設有毀犯。如法悔除。六一切種戒者。以要言之。六種七種。言六種者。一迴向戒。迴向大菩提故。二廣博戒。廣攝一切所學處故。三無罪歡喜處戒。遠離耽著欲樂。自苦二邊行故。四恒常戒。雖盡壽命不棄捨故。五堅固戒。利養恭敬本隨煩惱不伏不奪故。六尸羅莊嚴具相應戒。具足一切戒莊嚴故。如聲聞地說。言七種者。一止息戒。遠離一切殺生等故。二轉作戒。攝一切善故。

饒益有情故。三防護戒。隨護止息轉作戒故。四大士相異熟戒。五增上心異熟戒。六可愛趣異熟戒。七利有情異熟戒。七遂求戒者。略有八種。謂諸善薩自諱思惟。如我怖求。勿彼於我現行斷命不與而取。穢邪虛妄。離間僞惡。綺語。手執杖等諸非愛觸加害於我。於他亦然。不遂求俱不悅故。如是審思。惟己命難因緣。亦不於他現行八種所求不遂不悅意事。八此世他世樂戒者。略有九種。謂諸善薩爲諸有情。應遮而遮。應開而開。應攝正攝。應調正調。善薩於中身語二業常清淨轉。名爲四種。復有所餘五度俱行淨戒。即爲五種。說名爲九。能令自他現後安樂。名二世樂戒。九清淨戒者。略有十種。一初善受戒。爲三菩提不爲命故。二不太沈戒。於違犯時生悔愧故。及不太舉戒。遠離非處生悔愧故。三離懈怠戒。於睡臥等樂不耽著故。四離諸放逸所攝受戒。修習如前五支不放逸故。五正願戒。遠離利養不願生天。自要修行故。六軌則具足所攝受戒。於諸威儀如法身語正現行故。七淨命所攝具足戒。離矯詐等一切邪命過故。八離二邊戒。遠離受用苦樂邊故。九永出離戒。遠離一切外道見故。十於先所受無損失戒。於受無缺故。能如是習得五勝利。一十方佛護念。二將終生歡喜。三持戒爲善友。四大功德圓滿。五現後戒成性。

忍九門者。一自性者。或思擇力。或由自性。堪忍怨害。由無染心。純悲愍故。能有堪忍。此名自性。二一切忍著。在家出家各具三忍。耐忍害忍。起念五想。略如能斷疏。云何名忍。自無憤勃。不報他怨。亦不隨眠。流注恒續。故名爲忍。安受苦忍著。事有八。一依止處苦。二世法處苦。三威儀處苦。四攝法處苦。五乞行處苦。六勤勞處苦。七利他處苦。八所作處苦。依止處苦有四。即飲食等四事。世法苦有九。謂衰毀。護苦。壞盡。老病死。威儀處苦有四。即四威儀。攝法苦有七。一供養三寶。二供事尊長。三諸受正法。四諸受已廣爲他說。五以大音聲吟詠讚誦。六獨處思察。七修瑜伽所攝止觀。乞行處苦有七。一毀形捨俗。二壞色衣服。三進止不縱住自兢攝。四依他活命。五盡壽乞求非久積用。六盡壽離婬。七盡壽離觀舞倡打歌同齡。擲從等法。思勝解忍著。能於八種生勝解故。一三寶功德處。二真實義處。三佛菩薩大神力處。四因處五果處。六應得義處。七自於彼義得方便處。八一切所知所應行處。由二因緣於彼諸處善能安立。一長時串習故。二證善淨智故。三難行忍著有三。於劣有情所忍。彼所作不饒益。名第一難。居尊位。於自臣隸不饒益事。堪能忍受。名第二難。於其種姓婢賤有情所作增上不饒益事。堪能忍受。名第三難。四一切門者。略有四種。一於親所作不饒益事。二於怨所作。三於中所作。四及於彼三劣等勝品。不饒益事皆能忍受。五善士忍著。略有五種。謂諸善薩先於其忍見諸勝利。謂能堪忍。補特伽羅。於當來世。無多怨敵。無多乖離。有多喜樂。臨終無悔。於身壞後。當生善趣天世界中。見勝利已。自能

堪忍。勸他行忍。讚忍功德。見能行忍。慰意慶喜。六一切種忍有六七種。六者。了知不忍受非愛異熟。由怖故忍。於生哀憐心悲愍親愛心親善故忍。無上菩提為忍。圓滿故修忍。夫出家者具忍辱力。非不行忍。由法受故修行於忍。種姓串習住自性故修行於忍。一切有情唯見諸法故修行忍。七種。謂於一切不饒益忍。從一切所忍。一切處忍。一切時忍。一切身忍。不捶打故。語忍。不出非愛故。意忍。不憤發故。七遂求忍。者略有八種。於諸有苦來求索者。要逼能忍。於極凶暴上品惡業諸有情類悲不惱忍。於諸犯戒悲不惱忍。復有五種耐勤苦忍。堪耐除有情苦勤苦。耐求法勤苦。耐法隨法行勤苦。耐為他說法勤苦。耐為有情所作正所有勤苦。八此世他世樂忍。者略有九種。謂諸菩薩住不放逸。於諸善法悉能堪忍。於寒熱能忍。於飢渴能忍。於蚊虻能忍。於風日能忍。於蛇蝎能忍。於劬勞憂惱能忍。於墮生老病死苦有情。哀愍而行能忍。如是能令自身於現法中得安樂住。不為一切惡不善法之所陵難。能引後世安樂因緣。亦能令他修行二世安樂行。名二世樂。清淨忍。者略有十種。謂諸菩薩遇他所作不饒益事損惱達越終不返報。亦不意憤。亦無怨嫌。意樂相續恒常現前。欲作饒益。先後無異。非一益已捨而不益。於有怨者自往悔謝。終不令他生疲厭已然後受謝。恐其疾厭離謝便受等。

能攝受無量善法。利益安樂一切有情。熾然無間無有顛倒。及此所起身語意動。名進自性。一切者。在家出家各有三種。一攝甲。二攝善。三饒益。攝甲者。謂諸菩薩於發加行精進之前。其心勇悍。先攝警甲。若我為脫一切有情苦。以千大劫等日夜。處那落迦不在餘趣。證得菩提。假使過此百千俱胝倍數時劫方證菩提。我之勇悍亦無退屈。於求菩提非不進趣。既進趣已勤勇無懈。何況所經時短苦薄。名攝甲精進。攝善精進者。能為六加行能成辨六度。此復有七。一無動精進。一切分別本隨惑異論苦觸不傾動故。二堅固精進。殷重加行故。三無量精進。能現證一切明處故。四方便相應精進。所應得義無倒順行等通達故。五無倒進。為欲證得義願所引故。六恒常進。無間加行故。七離慢進。由勤精進離高舉故。由此疾證無上菩提一切善法最勝因緣。云何饒益有情進。此有十一。如戒品說。彼戒此進。彼此差別。難行進者。略有三種。一無間遠離妄想食想臥想身想。於善無間修無懈廢。名第一難。如是精進盡眾同分。於一切時會無懈廢。名第二難。平等通達功德相應。不緩不急。無倒能引義利精進。名第三難。一切門者。略有四種。一離染法進。二引自法進。三淨除業。四增長智進。善士進者。略有五種。一無所棄捨進。不捨一切欲加行故。二無退減進。如先所受隨長養故。三無下劣進。勇猛熾然長時策勵。無怯無退故。四無倒進。能引義利方便善巧所攝持故。五勤勇加行進。能

於無上正等菩提。速進趣故。一切種進者。六種七種。總有十三種。六者。一無間進。謂一切時修加行故。二殷重進。謂能周備修加行故。三等流進。謂先因力所任持故。四加行進。數思擇善品加行故。五無動進。一切苦觸不能動故。六無喜足進。少劣證中不喜足故。即經所說有勢等五。云何七種。一與欲俱行進。數於菩提猛利欲願隨長養故。二平等相應進。本隨煩惱不染纏心。能於善法等習而住故。三勝進進。若本隨惑染心纏心。為顯精進。如救頭然故。四勤求進。勤求明處無厭倦故。五修學進。於所修學法隨法行。能成辦故。六利他進。於前說十一種相應知其相故。七善護進。所有精進起正加行。善自防守犯如法悔故。二世樂如忍應知。清淨者略有十種。一相稱進。二串習。三無緩。四善攝。五應時修習。六通達眾相。七不退弱轉。八不捨輒。九平等。十迴向。大菩提相稱者。為斷彼諸隨煩惱。修彼相稱對治法門。如為斷貪修不淨故等。餘準應知。

靜慮九門者。自性。謂諸菩薩於菩薩藏聞思為先。所有妙善世出世間。心一境性。心正安住。或奢摩他品。或毘鉢舍那品。或雙運道靜慮自性。一切靜慮者。略有二種。即世出世。此各有現法樂住能引菩薩等持功德饒益有情所有靜慮身心輕安離過浪相。名現法樂。能引十方解脫願智等。名為能引。饒益靜慮有十一種。如前應知。謂諸菩薩依止靜慮。於諸有情能引義利。彼彼事業與作助伴。有苦

爲除。於諸有情依如理說。於有恩者知恩報恩。於怖爲救。於喪失處能解愁憂。於匱乏者施於衆善。匡御於諸有情善隨心轉。於實有德讚美令喜。於諸有過能正調伏。爲物現通。恐怖引攝。名一切靜慮。難行者略有三種。已能安住廣大殊勝極善靜慮。爲利有情還生欲界。名第一難。依止靜慮。能發無量超過二種所行境菩薩等持。名第二難。依止靜慮。速證無上正等菩提。名第三難。一切門有四。一有尋有伺靜慮。二喜俱行靜慮。三樂俱行靜慮。四捨俱行靜慮。善士有五。一者無愛味靜慮。二慈俱行。三悲俱行。四喜俱行。五捨俱行靜慮。一切種者。六種七種。言六種者。一善靜慮。二無記變化。三奢摩他品。四毘鉢舍那品。五自他利正審思惟。六能引神通威力功德靜慮。言七種者。一者名緣靜慮。二義緣。三止相緣。四舉相緣。五捨相緣。六現法樂住。七能饒益他。遂求有八。一於諸毒藥霜雹災患。能息能除呪術所依靜慮。二於界違所生衆患能除靜慮。三於諸飢饉火災旱等現前在時。與致甘雨靜慮。四於怖畏能拔濟。五於乏食墮在曠野諸有情類。能施飲食。六於乏財位所化有情。能施財位。七於十方界放逸有情。能正諷誨。八於諸有情隨所生起。應作正作靜慮。此世他世樂有九。一神通變現調伏有情靜慮。二記說變現調伏有情。三教誡變現調伏有情。四於造惡者示現惡趣。五於失辨才能施辨才。六於失念能施憶念。七制造建立無顛倒論微妙讚頌摩呬理迦。能令

正法久住。八於諸世間工巧業處。能引義利資生衆具。能隨造靜慮。九於生惡趣所化有情。爲欲暫時息彼衆苦。放大光明照觸靜慮。清淨略有十一。由世間淨離諸愛味清淨靜慮。二由出世淨無有染污。三由加行淨。四由得根本淨。五由根本勝進淨。六由入住自在淨。七捨淨慮已還復證入自在淨。八神通變化自在淨。九離一切見趣淨。十一煩惱所知障清淨靜慮。慧九門者。一自性。謂能悟入一切所知。及已悟入一切所知。簡擇諸法。普緣一切五明處轉。即慧自性。二一切有二。謂世出世。此各有三。一能於所知真實。隨覺通達慧。二能於如所說五明處及三聚中。決定善巧慧。三能作一切有情義利慧。難行慧者有三種。能知甚深法無我智。名第一難。能了有情調伏方便智。名第二難。了知一切所知境界無障礙智。名第三難。一切門者略有四種。於二藏中。勝妙聞思二慧。及所應作隨轉。所不應作止息慧。及修習力所攝三摩呬多地無量慧。善士慧者有五。一聽聞正法所集成慧。二內正作意俱行慧。三自他利行方便俱行慧。四於諸法中善決定慧。五捨煩惱慧。復有異門。一微細慧。悟入所知如所有性故。二周備慧。悟入所知盡所有性故。三俱生慧。宿習資糧所集成故。四具教慧。能於諸佛已入大地諸菩薩衆。所聞法義具受持故。五具證慧。從淨意樂地乃至到究竟地所攝受故。一切種六七。六謂四諦盡無生智是名六慧。七謂法智。

類智。世俗智。神通智。相智。十力前行智。四道理中正道理智。遂求慧有八。一依法異門智。謂法無礙慧。二依法相智。三依法釋詞智。四依法品類句差別智。即三無礙解。五菩薩一切摧伏他論慧。六菩薩一切成立自論慧。七菩薩一切正訓營爲宗屬家產慧。八菩薩一切善解種種王正世務慧。二世樂有九。謂諸菩薩於內明處能善明淨善安住慧。餘四明處能善明淨非安住慧。一切菩薩即用如是於五明處善明淨慧。以爲依止。於他愚癡放逸怯弱勤修正行所化有情。如其次第。示現教導讚勵慶慰慧。清淨有十。於真實義有二慧。謂由盡所有性及如所有性。於流轉有二慧。謂取正因果故。於執受義有二慧。謂倒不倒如實了知故。於方便義有二慧。謂應作不應作如實知故。於究竟義有二種慧。謂染淨如實了知故。

#### \*五相名波羅蜜門

七十五云。謂諸菩薩所有布施略有五種。功德相應得入布施到彼岸數。一者無著。二無戀。三無罪。四無分別。五迴向。如施戒等當知亦爾。無著者。謂於一切種施等障法中。無有罣礙。無戀者。謂於有染及彼果中。心無繫著。無罪者。謂遠離一切種施等隨煩惱。無分別者。謂於施等不觀遍計所執自性。迴向者。謂以一切施等諸行願得菩提果。於前九門皆隨決了。

#### \*七相施等清淨門

七十四云。菩薩所行惠施。由七種相乃得清



淨。謂施淨、戒淨、見淨、心淨、語淨、智淨、垢淨。皆有十相。初清淨十相者。一廣大施。謂衆多差別故。二平等施。無偏減故。三應時施。當彼所樂故。四上妙施。色等具足故。五清淨施。非不淨物所雜穢故。六如法施。無罪相應故。七隨樂施。謂隨求者所愛樂故。八利益施。隨彼所宜故。九或頓或漸施。觀彼求者故。十無間施。無斷絕故。戒淨十相者。一發動精進所獲財物而用惠施。二自手臂力所致物施。三離垢汚物而用惠施。四如法施。五如法所得施。六息除諸惡施。七諸伏調根施。八殷重恭敬施。九自手而施。十於己僕從先行恩養。然後惠施求者。見清淨十相者。一不計度我能行施。二不將己量他施。三不觀他當反報施。四不觀當來有富樂施。五不觀令無果施。六不觀施不相似果施。七不觀施有顛倒果施。八不觀殺害爲伴侶施。九不觀奇變吉祥相施。十不爲聲譽稱讚施。心清淨十相者。一憐愍心施。二珍寶心。謂於施所。三平等心施。四調伏垢心施。五欣樂心施。謂由七相。一於未來求者。發歡喜心故。二於已來求者。初見便淨信故。三於正施時。生悅豫心故。四生靜定心故。五生無足心故。六生不惱心故。七施已不追悔心故。六忍辱心施。無厭倦故。七以慈心施惱害者。八以悲心於有苦者。九以喜心施於有功德者。十以捨心施於親友所。語清淨十相者。一先於施物。恣彼乞者。二彼若至時稱善來進。三遠離嘶聲。平而而視。含笑先言。四以爽言共中安慰。五從此無間言當

施汝可愛財物。六正發施言。七彼若遮障。縱容分布不出。八於乞者不毀不訾。九若無施物。正言詞謝許得隨與。十於乞者終不對面呵責笑弄。令改容愧。智清淨十相者。一由惠施智清淨。二由求者智清淨。三由施物智。四由施加行智。五由以施成熟有情智。六由方便善巧智。七由諸欲過患智。八由除垢淨。九由友遠離攝受智。十由隱覆六方智。清淨者。住福田想故。施物智者。於工巧業善巧速能集物而惠施等。加行者。勿令求者生疲倦等故。方便善巧智者。教導令行施等。除十四垢業。由友遠離攝受智者。離四惡友近四善友而行施故。隱覆六方智者。謂隱覆六方而行惠施。此六三門如法華安樂品。垢清淨十相者。一遠離懈懈怠。二遠離貪垢。三遠離瞋垢。四遠離癡垢。五遠離障障有因障。一不串習。二匿乏。三耽溺。四觀果。此離非道理垢。六善分布。七由四滿施。此離減少垢有二。一事圓滿。二意樂圓滿。事圓滿有七。一施資產。二施國土。三施有情。四施莊嚴。五施舍宅。六施居處。七施內身。八由清淨施離不清淨垢。由十種清淨。即無著無取等。九善觀察施離惡慧垢。謂觀察施物。觀察意樂。觀察其田。觀物者。觀用勝積觀施勝用。以饒他故。觀意樂。四於因無倒意樂。果中無著意樂。於生悲慈意樂。於智圓滿意樂。觀田五相。一於是處乞求可得。二於是處已有乞求復加資質。三於是處已有貧匿復無依怙。四於是處有無依怙復行惡。

行。五於是處雖無此等而有修行。十具方便德而行惠施離無方便過垢。謂串習施不顧身命悲慈有情。真實義智無上菩提勝解教導強力逼迫處任恩報生及神力。  
\* 七非田不應施與門  
非田不應施有七。一乞求者極大暴惡。曾爲怨害歸依怨害而有所求。二勸爲善事終不能得。三心壞染汚爲染汚事而有乞求。四爲損惱而有乞求。五乞求者或自是魔。或魔所魅非處乞求。六乞求父母或復隨一非所施物。七能爲無義。  
\* 四攝如度九種門  
四攝九門。頗如前度。自性愛語。於諸有情常樂宣說悅可意語。諸語法語引攝義語。爲愛語自性。一切愛語者。略有三種。一設慰喻語。恒對有情遠離嘶聲。先發善言。舒顏平視。含笑爲先。或問安隱吉祥。或問諸界調適。或問晝夜怡樂。或命前進善來。以是等相慰問有情。二者設慶悅語。由此語故。若見有情妻子財穀其所昌盛而不自知。如應覺悟以中慶悅。或知信戒聞捨慧增。亦復慶悅。三設勝益語。宣說一切種德。圓滿法教相應之語。利益安樂一切有情。恒常現前以勝益言而爲饒益。難行愛語者。略有三種。於能殺害怨家惡友。以善淨心無穢濁心。思擇爲說如前三語。名第一難。於其上品愚癡鈍根諸有情所。心無疑慮。思擇爲說種種法教。誓受疲勞。如理如法如善攝取。名第二難。於其諂詐欺誑親教軌範尊耆長老真實福田行邪惡行諸有

情所無嫌恨心。無悲惱心。思擇爲說如前三語。名第三難。一切門語有四。一欲斷諸蓋趣向善者。爲說先時作法。二遠離諸蓋心調善者。爲說增進四聖諦等相應正法。三在家出家多放逸者。無倒諷誨。方便令其出離放逸行住不放逸行。四於諸法中多疑惑者。爲令當來離疑惑故。爲說正法論議決擇。善士愛語略有五種。爲所化生能說。如來及諸菩薩有因緣法。有出離法。有所依法。有勇決法。有神變法。若所說法得處有因制立學處。名有因緣。若所說法於所受學有毀犯者。施設還淨。名有出離。若所說法四依所攝。施設無倒法律正行。名有所依。若所說法能正顯示出一切苦不退還行。名有勇決。若所說法作三神變。一切所說終不唐捐。名有神變。一切種愛語六種七種。言六種者。一於應聽法開聽愛語。二應制法遮制。三開示諸法門。四開示無倒法相。五開示無倒訓釋諸法言詞。六開示無倒法句品類差別。七種者。一憍喻愛語。二慶悅。三於他有情一切資具少希欲中。一切所作。及以正至少希欲中。廣發愛語。四安忍種種驚怖。五如理宣說所攝。六爲欲令他出不善處安住善處。正見聞疑舉呵。七請他有力饒益愛語。遂求有八。謂依四淨語起八聖語。四淨語謂四善語業。八聖語謂見言見等。二世樂有九。一說正法斷親屬難慈愛愛語。二說正法斷財位難慈愛。三說正法斷無病難慈愛。四說正法斷淨戒難慈愛。五說正法斷正見難慈愛。六說正法讚美淨戒圓滿。七說正法讚美正見圓滿。八說正法讚美軌則圓滿。九說正法讚美正命圓滿愛語。清淨愛語有二十種。如前力品。自性利行。由彼愛語爲諸有情。示現正理。隨其所應。於諸所學。隨義利行法隨法行。如是行中安住悲心無愛染心。勸導調伏安處建立。略名自性。一切利行略有二種。一未成熟有情能成熟利行。二已成熟有情令解脫利行。復由三門。一於現法利勸導利行。二於後法利勸導利行。三於現後利勸導利行。於現法利勸導利行者。謂勸導以法業德招集守護增長財位。由此能令獲大名稱及現法樂。由資具樂攝受安住。於後法利勸導利行者。正勸導棄捨財位清淨出家。受乞求行以自存活。由此能令決定獲得後法安樂。不必獲得現法安樂。於現後利勸導利行者。正勸導在家或出家者。漸次修行趣向離欲。由此能令現得輕安後生淨天。或無餘依界般涅槃。難行利行者略有三種。於先未行勝善根。因諸有情所能行利行。名第一難。難勸導故。於有善因現前既著廣大財位衆具圓滿有情利行。名第二難。廣大放逸耽著轉故。於諸外道著本異道邪見邪行有情利行。名第三難。彼於自宗愚癡執故。於正法律惜惜執故。一切門利行有四。不信有情於信勸導犯戒有情於戒勸導。惡慧有情於慧勸導。慳吝有情於捨勸導。善士利行略有五種。於真實義勸導有情。於應時宜勸導。於攝妙義勸導。於諸有情柔濡勸導。於諸有情慈心勸導。一切種利行有六七

種。六謂若諸有情應正攝受正攝受之。應正調伏正調伏之。憎背聖教除其悲憤。處中住者令入聖教。已入聖教令其成熟。已成熟者令得解脫。七謂隨所化生於善資糧守護長養。隨小大乘或於遠離。或於心一境性。或於清淨諸障。或於修習作意正安處之。若有二乘種即於二乘而正安處。若大乘種即於大乘安處。遂求利行者有八。謂見有情於應慚處爲無慚纏之所纏繞。方便開解令離彼纏。於除七纏亦爾。二世樂有九。謂於他有情。依淨身業。勸離殺生。離不與取。離欲邪行。離一切牽羅若迷麗耶及以末陀放逸處酒。依淨語業。勸離一切妄語。離離語。離龜語。離穢語。依淨意業。勸離貪瞋癡。清淨利行有十。依外清淨有五。一無罪利行。二不轉。三漸次。四遍行。五如應。諸惡行者於諸善中能正安處。名無罪行。於非解脫非定清淨處。求爲真解脫。求爲定清淨。即於其中能正勸導。名不轉行。知劣中妙。隨次爲說下中上法。教誡教授令漸次修行。一切有情隨力隨能行義利行求樂者。即於其中隨類勸導。名遍行利。於諸有情。若於自義善法三品功能差別可勸導者。及由方便功能差別可勸導者。於彼如彼方便勸導。名如應利行。依內清淨有五利行。於諸有情。起廣大悲。意樂現前。而行利行。於諸有情所作義利。雖受一切大苦勸勞。而心無倦。深生歡喜。而行利行。雖現安處最勝第一圓滿財位。而自謙下。如奴如僕。亦如孝子旃茶羅子。其心卑屈。離憍慢我執。而行利行。

於諸有情心無愛染。無有虛偽。真實哀憐。而  
行利行。於諸有情。生起畢竟無復退轉慈感  
之心。而行利行。故總成十。同事者。若慈是  
義。於是善根。勸化受學。或等或增。自現受  
學。與他同事。所化有情知同己事。受學決定  
堅固不退。以作是思。定能為我利益安樂。彼  
自現行。無有知無利益安樂自現行者。非諸  
菩薩如是同事。得諸難言。汝不受學。云何勸  
導教授於他。汝應從他諸受教誡。有諸菩薩  
是他同事而不自顯與他同事。謂與等力而  
不自顯。有非他同事而自顯現與他同事。謂  
現生下劣而導他故。有是他同事亦自顯現  
與他同事。謂見可化善根搖動。為令堅住。現  
與同事。或增或等。非他同事。亦不自顯。與他  
同事。謂自行放逸棄捨他事

各九得果門

前施乃至同事九門所得果者。一切施等。若  
多修習。若善清淨。若具圓滿。此三流至下門。能感無  
上正等菩提金剛之身正法久住果。難行能  
感如來希奇法果。一切門得最勝有情天人  
所供養果。善士門得一切有情門最尊勝果。  
一切種得無量殊勝福德所攝相好莊嚴身  
果。遂求門能感如來座菩薩提摩魔不能惱不  
傾動果。二世門得如來最勝靜慮解脫等持  
等至樂果。清淨門能感如來四一切種清淨  
果。謂所依淨。所緣淨。心淨。智淨。無邊可愛  
無罪勝果

十業得短命報門

業報差別經云。有十種業。能令眾生得短命

報。一自行殺生。二勸他令殺。三讚歎殺。四見  
殺隨喜。五於怨憎所欲令害滅。六見怨滅已  
心生歡喜。七者壞他胎藏。八者教人毀壞。九  
者建立天祀屠殺眾生。十者教人鬪戰互相  
殘害

十業長壽報門

十業能令眾生得長命報。一自不殺生。二勸  
他不殺。三讚歎不殺。四見他不殺心生歡喜。  
五者見彼殺者心方便救免。六死怖者安慰  
其心。七見恐怖者施與無畏。八見諸患者起  
慈悲心。九見諸急難起大悲心。十以諸飲食  
惠施眾生

十業多病不病門

十業能令眾生得多病報。一好意打拍一切  
眾生。二勸他令打。三讚打。四見打歡喜。五惱  
亂父母令心憂惱。六惱亂賢聖。七見怨病苦  
心大歡喜。八見怨病愈心生不樂。九於怨病  
所與非對治。十宿食不消而復更食。復有十  
業。能令眾生得無病報。初四翻前四。五供養  
父母及諸病人。六見賢聖病瞻視供養。七見  
怨病愈心生歡喜。八見病苦者施與良藥。亦  
勸他施。九於病苦起慈悲心。十於飲食自能  
節量

十業醜好報門

十業令眾生得醜陋報。一好行忿怒。二好懷  
嫌恨。三惡誑於他。四惱亂眾生。五於父母所  
無愛敬心。六於賢聖所不生恭敬。七侵奪賢  
聖資生田業。八於佛塔廟斷滅燈明。九見醜  
陋毀皆輕賤。十習諸惡行。十業令眾生得端

政報。一不瞋。二施衣。三愛敬父母。四尊重賢  
聖。五塗飾佛塔。六掃灑堂宇。七掃灑僧地。八  
掃灑佛塔。九見醜陋者不生輕賤起恭敬心。  
十見端政者悟曉宿因

十業生下族門

十業令得下族姓報。一不敬父。二不敬母。三  
不敬沙門。四不敬婆羅門。五於尊長不敬謹。  
六於師長不奉迎供養。七見尊者不奉迎請  
坐。八於父母所不尊教誨。九於賢聖所不受  
教誨。十輕蔑下族。十業得上族報。翻前即是。  
十業令得少資財報。一自行盜。二教他行  
盜。三讚他盜。四見盜歡喜。五於父母所減損生  
業。六於賢聖侵奪資財。七見他得利心不歡  
喜。八障他得利為作留難。九見他行施無隨  
喜心。十見飢饉心不憐愍而生歡喜。十業令  
生得多資財。翻前可知

禮塔十功德門

次文廣辨雜業差別之報。禮佛塔廟得十種  
功德。一者得妙色好聲。二有所發言。人皆信  
伏。三處眾無畏。四天人愛護。五具足威勢。六  
威勢眾皆來依附。七常得親近諸佛菩薩。  
八具大福報。九命終生天。十速證涅槃

施蓋十功德門

奉施寶蓋得十功德。一者處世如蓋防護眾  
生。二身心安穩離諸熱惱。三一切敬重無敢  
輕慢。四者有大威勢。五常得親近諸佛菩薩  
大威德者。以為眷屬。六者恒作轉輪聖王。七  
者恒為上首修習善業。八九十報如禮佛後



文無不釋。義無不詮。執無不破。疑無不遣。行無不修。果無不證。正為菩薩。令於諸乘境行果等皆得善巧。勤修大行。證大菩提。廣為有情。常無倒說。兼為餘乘。令依自法修自分行得自果證。無著等師或別釋一部。或通明大趣。并教理符煥。本末遞輝。然有情皆密旨。欲大海而灌竭塘。心翳衣珠。舉穢食而投寶器。連城魚目。卉木無分。毒藥醍醐。薰蕕弗別。特瑩光而指日月。陵寶劍而振鉛鋒。多羅竟定後先。達磨率分顯密。若也互相發起。即旨約文。道實執為真。乃詞乖理爽。余雖不敏。忝酌法海之波瀾。念惑微猷。疑懷濟嶮之南指。既逢高論。握管前驅。探三藏之精微。據五乘之奧旨。顯其幽趣。以契宏途。略述三章。用開未悟。文雖不麗。理寔可觀。冀諸玄鑒。詳其致。

爰真破執章第一

破定時因一 破定時教二 破定權實三 破妄通經四 破定顯密五 破緣正佛性六

破定時因一

有云。經論之內或有名同而義異。如解深密等說於一乘。與法華等說於一乘。此雖名同。深密即存三期一。法華則破二明一。而義有異。何者。深密存於二滅。云定性二乘不坐道場。顯云故於其中立一乘。非有情性無差別。此存三明一。法華等云。聲聞若菩薩。聞我所說法。乃至於一偈。皆成佛無疑。唯此一事實。餘二則非真。捨羊鹿而滅化城。破二滅而歸

實所。故義有異。此說非理。所以者何。諸說一乘名義無異。法華深密略舉其同。且法華一乘與深密等。攝論既引法華會中舍利弗記別。在十義中。如何得言法華已前說一乘別。攝論但釋已前一乘不釋法華。既同所釋。明知不別。又定性人無有顯。又說得作佛。楞伽經中。大慧問佛答。昔發菩提願者非決定等。法華經論。決定之人根未熟故。菩薩與記令。使發心。文言既總。復說往事。既說破二滅。一乘為顯了。即須決定說二乘皆作佛。何故除決定。又第三喻。為一向求大乘者。謂離大乘無別二乘。今知種種乘異。故說兩喻。故同深密趣寂種性不坐道場。法華唯為退菩提心及變化聲聞。三周說一乘。所授聲聞皆唯此二。經論共同。總無趣寂。在文具顯。故同深密不定種姓能趣正覺。法華經云。欲示眾生佛之知見。論釋同義云。同者三乘法身平等三乘法身平等者。佛性法身無差別故。此同深密依三無性勝義無性等。亦是梁論依法如平等故說一乘。法華經中。四大聲聞自說譬喻。初為除糞客作賤人。中間付財自無攝取。後集眾告方生領悟。此同深密第三時教。又同諸論所攝一類法無我等。梁唐攝論文皆具顯。云彼不釋法華一乘。故同異言但妄分別。又云。或有名異而體同。涅槃佛性體即真如。佛性論中名為應得。既許理性遍有情。不信應得定作佛者。此亦非理。雖有應得因緣。然許大悲菩薩並有加行因。盡眾生界故常不作佛。何廣有情雖有應得因。無加行

因故常不作佛。若云我許作者。即是違經。加行。有無下。顯正中自當廣辨。有義云。因有緣正果有近遠。緣即相應善等。正謂八識如來藏性。八識齊成。真如遍有。縱開緣因。修之當有。不信正因豈不迷乎。彼執不然。且以真如為正因者。為眾生果名為正。為據迷悟依為正。若能生果名為正因。遍遠經論常非生因。菩薩地經第四。瑜伽論三十八。地持第三十。因四緣無。說常法。常法為因緣者。攝論種子之義亦悉相返。若云彼并緣因。非親生果者。違諸經論。便成大過。又豈不許報佛之身具五蘊耶。若具五蘊。因尚非蘊攝。寧為蘊因。又佛性論不許真實能生有。故八識雖為正因。非據無始現行識說。楞伽經云。具足無漏薰習法。故名不空如來藏。若取無始現行之識為佛正因。即佛正因無漏恒現行。何得有凡夫。若云是有漏者。即何得為正因。即違攝大乘說毒為甘露。又心心所法豈非報佛正因。若非報佛正因。遠莊嚴論及攝論等四智心品名為報身。許為報佛。云相應善等為緣因者。何太猛耶。若以真如為法身正因者。不過二。所謂生了。真如望法身非生了因攝。如何名正因。只可得許因果位殊。因名如來藏。果位名法身。如不生如。復不自顯。既非生了。不知何理能為正因。體於二位不改易故。故分因果緣正妄施。三身正因下。顯正中廣為分別。有義久修菩薩行者。成堪任持住自乘性必得作佛。未至此位。云不作佛。有迷不任菩薩自乘種性。最初發心

因故常不作佛。若云我許作者。即是違經。加行。有無下。顯正中自當廣辨。有義云。因有緣正果有近遠。緣即相應善等。正謂八識如來藏性。八識齊成。真如遍有。縱開緣因。修之當有。不信正因豈不迷乎。彼執不然。且以真如為正因者。為眾生果名為正。為據迷悟依為正。若能生果名為正因。遍遠經論常非生因。菩薩地經第四。瑜伽論三十八。地持第三十。因四緣無。說常法。常法為因緣者。攝論種子之義亦悉相返。若云彼并緣因。非親生果者。違諸經論。便成大過。又豈不許報佛之身具五蘊耶。若具五蘊。因尚非蘊攝。寧為蘊因。又佛性論不許真實能生有。故八識雖為正因。非據無始現行識說。楞伽經云。具足無漏薰習法。故名不空如來藏。若取無始現行之識為佛正因。即佛正因無漏恒現行。何得有凡夫。若云是有漏者。即何得為正因。即違攝大乘說毒為甘露。又心心所法豈非報佛正因。若非報佛正因。遠莊嚴論及攝論等四智心品名為報身。許為報佛。云相應善等為緣因者。何太猛耶。若以真如為法身正因者。不過二。所謂生了。真如望法身非生了因攝。如何名正因。只可得許因果位殊。因名如來藏。果位名法身。如不生如。復不自顯。既非生了。不知何理能為正因。體於二位不改易故。故分因果緣正妄施。三身正因下。顯正中廣為分別。有義久修菩薩行者。成堪任持住自乘性必得作佛。未至此位。云不作佛。有迷不任菩薩自乘種性。最初發心

非堪任持。云無種性。便謂畢竟是無種性。不得作佛。彼亦非理。所以者何。菩薩地經云。因初發心決定必得阿耨菩提。地持云。云何名持。菩薩自種性。初發心。及一切菩提分法。是名為持。何以故。菩薩依種性必定堪任阿耨菩提。是故種性名必定持。乃至云。是故初發心名菩薩行方便持。菩薩依行方便滿足阿耨菩提。既云是故初發心名菩薩行方便持。依行方便滿足菩提。何得說言由其久習方名為持。方名有性。又菩薩地經云。若無菩薩性者。雖復發心勤修精進。終不能得阿耨菩提。是故當知。非因發心勤修精進有菩薩性。若久修習至堪任持名有種性。云何經言非因發心有菩薩性。又地持論云。非種性人無種性故。雖復發心勤修精進。必不究竟阿耨菩提。是故當知。雖不發心不修行方便。猶得名為種性持。既云雖不發心名種性持。何煩妄分初後。有云。見小乘五性之文。即謂三乘法爾差別。或無涅槃因。畢竟無性。謂阿彌陀無法爾種。不知畢竟無性。無發心因。後時還有五乘差別。所有種性皆新薰起。聲聞地文非為定證。此說全非。何以故。瑜伽彌勒菩薩所造。說非定證。勝鬘菩薩戒釋迦世尊所宣。將為小教。如斯兒。悖離敢與言。然云畢竟無性無發心因。後時還有。今問彼言。後發心因為從種起。為無因生。若本無因心自然起。非釋迦子。故四卷楞伽第一云。大慧若復說無種。有三種義。三緣合生者。龜應生毛。沙應出油。汝宗則壞。遠決定義。又若不

許五乘無始法爾性別。但同一如。盡當成佛。五性新熏非本有者。云何世尊令彼熏五性。不唯說大乘令同熏佛種。維摩經云。彼自無瘡。勿傷之等。謂御大師豈不知有正應得因故。以小乘而傷之也。若云由根性異者。即五性本有。豈唯新熏。又菩薩地經云。非因發心勤修精進。有菩薩性。故知五性皆悉本有。從本有種數數起現熏成種子名為習性。又善戒經等解定異因云。有聲聞性。以聲聞乘而般涅槃等。故知性別不由新熏。若由新熏方始有者。即應云先無聲聞性。今起聲聞乘性而依聲聞乘等。既不作是說。明非新生亦非小教。故唯新起理教相違。然大集等說熏有者。據習種說。非性種姓。若言性種姓者。是真如理。非行性者。下當顯示。略遣四迷。餘可例准。

### 破定教時二

有義。深密前明涅槃後說。三七日後四諦法輪。別立教時。四十年後最大法輪。因何不許更立教時。又大乘異小乘。後說大乘立教時。一乘異三乘。後說一乘。因何不許別立教時。故依深密。立初三。法華一乘為第四。涅槃佛性為第五。此亦不然。有多過失。且轉四諦。後立教時。是佛世尊之所說。一乘第四佛性第五。經中不判是誰說。若以義別立教五時。經經說義皆有意。只如無量壽經。勸往西方隨願往生。即隨何淨刹。彌勒上生令生知足。或觀虛空藏。或復觀普賢等。即應教時有多。非三五時。即涅槃經或於一時在恒河岸

等。既非定時。故不可取。故說五時。非是佛教。又如法華第二信解品中。廣立三時。初云。我等居僧之首。自謂已得涅槃。初時教。又云。世尊往昔說法既久。我時在座。但念空無相。於菩薩法心無喜樂。此第二時。深自慶幸獲大善利。法王大。寶不求自得。此第三時。偈頌之中三時更顯。推同深密。如何違教別立五時。故為大過。又云。無量壽經為小乘中乘大乘時別。此開出中乘。合大為一。此亦非理。所以者何。是無量壽經初云。自從如來得道已來四十餘年。常為衆生演說諸法。乃至不出不沒。若有聞者。或得煩頂忍世第一法四果辟支佛。發菩提心登於十地。不分三乘。又云。我起樹王詣波羅奈鹿野園中。為阿若拘隣等五人轉四諦。亦說諸法。乃至念念生滅。中間於此及以處處。為諸比丘并衆菩薩。說十二緣六波羅蜜。乃至云。今復於此演說大乘無量義經。乃至念念生滅。不云中間。唯為辟支佛。亦云為并衆菩薩。故後不說云。今復於此唯為菩薩。又云。善男子。初說四諦。為求聲聞人。而八億諸天來下聽法發菩提心。中於處處演說甚深十二因緣。為求辟支佛人。而無量衆生發菩提心。或住聲聞。次說方等十二部經。摩訶般若華嚴海空。演說菩薩歷劫修行。而百千比丘萬億人天無量衆生得須陀洹果。乃至得阿羅漢。住辟支佛。因緣法中。演說十二因緣。云為辟支。但有發菩提心或住聲聞。無發緣覺心及證緣覺果。次說方等。乃得聲聞果。及住辟支佛。因緣法

等。既非定時。故不可取。故說五時。非是佛教。又如法華第二信解品中。廣立三時。初云。我等居僧之首。自謂已得涅槃。初時教。又云。世尊往昔說法既久。我時在座。但念空無相。於菩薩法心無喜樂。此第二時。深自慶幸獲大善利。法王大。寶不求自得。此第三時。偈頌之中三時更顯。推同深密。如何違教別立五時。故為大過。又云。無量壽經為小乘中乘大乘時別。此開出中乘。合大為一。此亦非理。所以者何。是無量壽經初云。自從如來得道已來四十餘年。常為衆生演說諸法。乃至不出不沒。若有聞者。或得煩頂忍世第一法四果辟支佛。發菩提心登於十地。不分三乘。又云。我起樹王詣波羅奈鹿野園中。為阿若拘隣等五人轉四諦。亦說諸法。乃至念念生滅。中間於此及以處處。為諸比丘并衆菩薩。說十二緣六波羅蜜。乃至云。今復於此演說大乘無量義經。乃至念念生滅。不云中間。唯為辟支佛。亦云為并衆菩薩。故後不說云。今復於此唯為菩薩。又云。善男子。初說四諦。為求聲聞人。而八億諸天來下聽法發菩提心。中於處處演說甚深十二因緣。為求辟支佛人。而無量衆生發菩提心。或住聲聞。次說方等十二部經。摩訶般若華嚴海空。演說菩薩歷劫修行。而百千比丘萬億人天無量衆生得須陀洹果。乃至得阿羅漢。住辟支佛。因緣法中。演說十二因緣。云為辟支。但有發菩提心或住聲聞。無發緣覺心及證緣覺果。次說方等。乃得聲聞果。及住辟支佛。因緣法

①謂二得 ②說二證 ③修二勤 ④印本冠註日經無三 ⑤性二姓 ⑥何二佛 ⑦實二法 ⑧(果)一 ⑨漢十(果) ⑩(漢中)十演義

中。不云爲菩薩判云。無量義經爲小乘中乘大乘時別。開出中乘。合大乘爲一。以此爲三時。從何准定。若云既說大教。何非大乘。若爾深密亦說大教。何云三乘。又縱爲三。終無說五。亦不限定年月前後。又云。今就乘性說五時者。謂小乘大乘三乘一乘一性。此五時教後兼前義。前無兼後。然法華經。立在深密後。涅槃更在法華後。說深密既在於前。如何預斷後教故。以淺深次第定爲。五時。第四第五時非深密教第三時攝。此亦不然。三七日後。方趣鹿圖。說四諦教。始度五人。第二七日。即說十地。不起道樹。授提謂記。當得作佛。號曰齊成。如何定判最先說小。又復一乘即是大乘。勝鬘經云。聲聞緣覺乘皆入大乘。大乘者即是佛乘。是故三乘即是一乘。得一乘者得阿耨菩提。於第二時。判說大乘一乘即大收合。在第二時。如何爲第四。若云深密是說三乘時者。爲通三乘藏攝三乘教。爲說有乘三名三乘教時。若許深密通三乘攝。違於正理。今古共許是大乘藏。若云說有三乘名三乘時。法華亦爾。前後俱云。爲求聲聞等。若云不同。如前已非。故不可說法華一乘爲第四時。涅槃亦云。於此經中。或說一乘。或說三乘。又復一性。即佛性。佛性即真如。勝鬘經。如來藏經。不增不減經。法界體性經。如來智印經。聖善住天子所問經。諸法無行經。文殊師利問法身經等。皆廣明如來藏佛性法身一切生有。如今者云第五時說於佛性。勝鬘經云。末利夫人信法未久。明在於

前。如來藏經。准菩提流支云。佛成道後第十年說。佛性論實性論。皆依此經及解深密無上依經。廣明佛性。不依涅槃明佛性義。如何定判於涅槃時始明一切悉有佛性。將勝鬘經等及佛性論等爲第五時。若以涅槃在深密後。不得預斷爲第三時者。如何自引云。或有前經密說後義。如智論說。又華嚴。及在說四諦前。云何無量義經斷爲第三時說。若云據義類說不據前後深密亦爾。何獨不信。故約前後判爲五時。但嬰兒慧。智者不許。又云。法華三時與深密別。此亦不爾。二經明時。義意不別。法華第二云。昔於波羅奈轉四諦法輪。今復轉最妙無上大法輪。且對權實以說二時。隱第二時。信解品偈頌云。佛亦如是。知我樂小。未曾說言汝等作佛。而說我等得諸無漏。成就小乘。聲聞弟子。此間有教。佛勸我等。說最上道。乃至云。我等若聞淨佛國土教化衆生。都無欣樂。所以者何。一切諸法皆悉空寂。無生無滅。無大無小等。此聞空教。乃至云。我等今日得未曾有。非先所望。而今自得。如彼窮子得無量寶等。此聞非空有教也。長行之中經文亦具。又云。深密在二滅一。法華破二滅一。以此不同者。如前已破。涅槃經亦爾。如第二明醫師喻中。初總教服乳。喻有教次教總斷。喻說空教。後有宜不宜服。喻非空有。此對外道執皆有我。爲破此有令入人空。且密說人空。義顯爲小初說法有。次破法有。密說法空。涅槃會中。方爲顯說。除外道執有故說空。除聲聞執空故說有。以明

佛性。非妄計我故非有。有常等故非空。合第三時。何名第五。又若涅槃明有佛性。五乘根性皆趣佛果故。第五時者。何故須設陀羅闍而取羅漢果。故如深密判。屬第三普爲發趣一切乘者。爲真了義。審細研尋義更明顯解此大綱。五門長掩。故不別門。別門對片。又云。教有五時。五門分辦。一次第有殊。二得名有異。三述益不等。四述時不同。五說法有別。言次第殊者。三乘在一乘前。佛性居一乘後。大意同前定前後失。故不重破。言得名異者。第四時教名一乘者。五乘歸佛性故。第五時教名佛性者。五性歸佛性故。此亦不爾。五乘歸一乘故。爲第四時。勝鬘亦四果咸歸佛果。深密不定亦趣佛乘。應第四時。法華定性亦不歸一。應第三攝。上引佛性多經。說同。應第五時名佛性教。何但涅槃。若云爾者。勝鬘如來藏。豈是四十年後耶。前已顯非故。言述益不等者。小乘說緣生之有法。爲萬行之初基。故十輪經云。不學小乘者。無由學大乘。此說依有教積集善根。非是先發小心後方學大。此說不爾。據不定性。初令學小。即法華經門外許與三車。鹿苑證於小果。若據頓悟。即初授提謂記說華嚴等經。咸非小乘。又依大教不得積集善根。可須依小依大。依大得福過於小乘。何要依小。又法華學大。乃至不受餘經一偈。又不得親近小乘三藏學者。既許爲了義。何故捨此而不依耶。又瑜伽等說。先學自乘。方學餘教。若非不定。無斯小大三一

①立一定②斷二判③五三三④判二則⑤乘三三乘⑥性二乘⑦如十(何)⑧及二乃⑨不二非⑩減二明⑪減二存⑫斷十(乳)⑬且密(故)二七十一字一⑭乘二果⑮學二覺⑯依二得⑰方二後



次第若是頓悟，非先學小。此判據何。十輪經意，非開先爲說小令種善根，亦非先同無性後分五性。如前顯非言說時別者，此乃同許法華經深密前後，許亦無失。然說深密是說三乘，法華唯存一實，此理未可。深密解脫第二云：我說聲聞緣覺菩薩一清淨道成就第一義，唯一清淨道更無第二。我意依此故說一乘。如何得言說三乘教。若言許不定迴心決定不迴，即存二滅與法華別。此亦不爾。許不定迴趣，即破二滅。法華三草一地長殊，決定不記，猶存二滅。若言法華許定性趣大，違論釋經。又復經文所記聲聞，皆不定性，及以變化，在文具顯，良爲此會對。此二類聲聞言無一不成佛，不爾。如何論釋但爲利益二人恐損驚怖，不爲決定。說兩賢喻，令知乘別。豈天親菩薩不解法華。末世凡夫深得經意。若云深密雖說一乘，許根性別。言唯一者是密意說，此即會前不會於後。以後未說，如何先會者。法華亦云已說今說當說，而於其中，此法華經最在其上。云何未說之經，此得云在於上。未說許說在上。未說先會許同，此有何失。又佛三明顯明四智常明，會當未說之經，何失固執不許。又彼自引，或復前經密說後義，如智度論前密說後，彼既信之前顯會後，何故不受。又復十義證法華經在深密後。一云：深密說有二滅，法華說無。此謬如前已顯。乃至第十深密許不定性，分成佛，法華全無二滅，此謬准前。言楞伽，乃至無性闡提當得涅槃，此亦謬取經意，何者。

楞伽無性即當時邊，非畢竟者，以後遇佛等，許得作佛故。若言彼說無性即是全無因者，菩薩起大悲，豈是全無性亦說爲無性耶。又云：涅槃經說悉當成佛，此亦不爾。初約闡提說無佛性，此據行性，後說皆有，即約理性。不爾。如何前後二說。又云：須陀洹乃至羅漢皆得作佛。不解我意。又恒河七人云：那含果有中生樂等。此涅槃經是顯了說，豈是全無二滅。又云：此佛性教隨涅槃說正因遠果。因深果遠，極難信故。所以後說，說涅槃經，因深果遠，難信共成。云難信故最在後者，此判即謬。何者：涅槃經度須跋陀羅，豈是人勝，遺教經云：最後說法度須跋陀羅，所應度者皆已度訖。方說遺教，豈更因深果遠極難信耶。又大衍經涅槃後起，爲母說法，豈更難信更顯了耶。又既明佛爲報母恩涅槃復起，阿難問名，答云：名母子相見經。宣示後世等。此能證所證明報恩事，與前教別，應第六時，此不立時，彼云何爾。舉始括終餘謬可悉。

### 破定權實三

有義諸經論中亦說不同，必無兩實，定有一權。然就義別，非全虛妄。解深密存二滅而說一乘，有經說闡提畢竟無涅槃法等。斯權教也。法華除二滅而說一乘，涅槃闡提皆有佛性。斯實教也。故諸權實義例有六。一信謗罪福多小異。二所爲說人勝劣異。三難解易解淺深異。四佛自會釋有無異。五權實相對前後異。六大小不同半滿異。三乘一乘五性佛性二說相對亦有六相。故知一乘佛性爲實。

三乘五性是權，彼說不然。六皆有失。初云五性差別起自小乘，唯一佛乘法華等，說悉當成佛分明顯了。唯在涅槃二經之中，廣說信毀罪福校量。二乘實滅一分無性，則無斯說。故知一乘佛性之教顯了復實。三乘五性教爲權隱覆者，若論信謗了不了經罪福實別，深密校量即爲定說。故知深密非非了義。判爲權者，豈不違經。又有無量諸大乘經不多校量，豈皆權密。若爾，即勝鬘無上依楞伽如來皆不校量，應權非了。又無垢稱經云：譬如象馬驢鼠不調，加諸楚毒乃至徹骨，然後調伏，乃至云：以如是等苦切言詞，慍懃誨喻，然後調伏趣入正法。法華爲化聲聞鈍根，創令不定迴趣涅槃，爲除聲聞四倒，謂佛實般涅槃，說佛理性恒存，切誨令彼調伏。是下劣人，不爾。豈般涅槃前，無利根文殊等可爲說涅槃。至涅槃時，始有利根迦葉，方爲說實。又縱據校量大定權實，此亦難准。何者：法華涅槃皆廣校量，即定爲實爲了。金剛般若文極校量信受等福，勝天王般若謗斯經者，謗諸佛母，十方無間，大地獄壞罪報未出，大般若經處處校量，由斯經故，疾得成佛。一切功德等，煩不具引。若准此等，即定爲實爲了。不但自違所執，亦是違經。今不障涅槃等經爲了爲實，但不得執校量准定。深密般若皆悉不許定性，二乘迴心向大，并與法華校量相似。故以校量判深密等爲權不了，便成過失。又深密經自以了義經校量非了義，此佛自說爲了義。然後代凡夫判爲非了，應智過。

① 三乘五性 ② 同二問 ③ 許十(別) ④ 兩二雨 ⑤ 說二經 ⑥ [乃至] ⑦ 性二因 ⑧ [說] ⑨ 示二樂 ⑩ 來十(破) ⑪ 反二誤

佛爲人勝劣失者。若云。法華云劫濁亂時。乃至云成就諸不善根故。於一佛乘方便說三。又云。所以未曾說。說時未至故。又云。於諸菩薩中。正直捨方便。涅槃經云。以無利根迦葉等故。隨宜方便開示三乘。又云。如是大事。斯下小人則不得聞。何等爲大。所謂諸佛甚深祕藏。謂佛性。是故知。法華涅槃一乘佛性。爲了爲實。深密三乘一分無性。此等諸經。卽爲權密。此不應理。若言爲人勝劣。以定於經權實顯密。少分可爾。准法華等經。在於後說。是爲勝人。爲實爲了。判深密等。是在前說。爲權爲密。太傷猛浪。如華嚴經及寶性論等。皆說。譬如日出先曜高山。次川澤等。如來亦爾。先爲菩薩。後二乘等。成道七日說十地經。涅槃第三十一三子三田三器等。皆先勝後劣。豈以先說法未久。後皆劣人淺法耶。又臨涅槃時說遺教等。豈并勝人深法耶。又云。無量大乘在法華前爲菩薩說。非劣人淺法。法華經者。論云。爲聲聞人所作事故。告舍利弗。第二云。我今還欲令汝憶念本願所行道故。爲諸聲聞說是大乘經。名妙法蓮華。此爲聲聞。豈勝菩薩。又第二云。舍利弗。彼佛出時。雖非惡世。以本願故。說三乘法。乃至彼國中。以菩薩爲大寶故。是劣人。爲說三乘淺權之教。又深密經等爲彌勒等說。豈劣聲聞耶。若云。我據人一時殊。後勝前劣。前權後實。卽舍利等迴心向大等是者。卽何廢人殊時別。前勝後劣。前實後權。爲勝義生等。說決定性不坐道場一分無性。如何偏執法華涅槃獨爲顯

實。難易淺深失者。若云。准解深密經第二云。爲未種善根未清淨障等。說小乘教。令修五事無上品五事。退大智慧。有此上品五事。聞大不謬。准此。小乘易解。大乘難解。涅槃二十七云。十住菩薩不知一切衆生悉有佛性。法華第二云。唯一佛乘。汝舍利弗。尙於此經以信得入。智論九十三云。阿羅漢成佛非論者知。唯佛能了。二乘實滅。一分無性。卽無斯說。權淺實深。義決定也。亦不應爾。深密既爲勝義生觀自在法涌彌勒等菩薩說。卽是具上品五事。聞大不謬。不作餘說。故決定知。是深是實。云不定性成佛定性不成。是能了。佛自說故。執爲權淺。豈不相達。故爲失也。無上依經說有三品衆生。一者著有。著有有二。一者背涅槃道。無涅槃性。不求涅槃。願樂生死。二者於我法中。不生渴仰。誹謗大乘。此二種別。前是無性。後是有性。但謗大乘。佛性實性。二論皆會言不作佛。據謗者說不無因。迷者不知。謂言是一。若是一者。佛何二說。故知一分無性之教是實顯了。同涅槃經河中常沒。常沒亦二。又七人各一。又第九云。假使一切無量衆生一時成菩提已。此諸如來亦復不見彼一闍提得成菩提。又云。如枯木。如焦種等。此卽涅槃顯密之說。而說一分無性之教。是權密說。故爲大失。會釋有無失者。若云。其解深密會前二時。法華涅槃會前深密。無會法華一乘爲方便者。又涅槃云。闍提障未來故名爲無性。法華云方便說故。此皆經論自會五性三乘。無文會釋一乘佛

性者。此說不然。勝義經云。荷四重擔。無聞非法衆生。以人天善根而成。熟之等。卽說四乘。又云。若如來隨彼所欲而方便說。卽是大乘。無有二乘。二乘者入於一乘。一乘者卽第一義乘。既言如來隨彼所欲而方便說。卽是大乘。又涅槃第三十一云。一道一味等。涅槃云。我諸弟子不解我意。唱言。如來說須陀洹乃至阿羅漢皆得佛道。并自會訖。同解深密攝大乘等言。唯一乘是佛密意。亦會法華。論文明顯。涅槃無文。顯說行性一切遍故。言障未來。故名爲無性。是暫時故。涅槃三十二云。我雖說言一切衆生悉有佛性。衆生不解佛如是等語。如是語者。後身菩薩尙不能解。而云。若云衆生悉有佛性。是名如來隨自意語。如來如是隨自意語。衆生云何一向作解。准此文意。若諸衆生皆有佛性。佛顯說有如何後身菩薩不解。云何不得一向作解。以此故知。有無行性真如理遍說一切有。此則同。許佛性論五義。故說佛性。寶性論三義說遍約如理故。又云。若無因緣觀得成者。闍提之人應有此觀。准此卽許是無行性。況彼自許如心本有。無漏無。既是先無。無漏無因。後從何起。故知一性一乘并經論自會。云無會釋。故爲失也。權實前後失者。若云權實相對前權後實。處處有文。前實後權。竊無經說者。此亦不然。理不決定。據不定性。一類聲聞從小起大。先三後一。可前權後實。約大頓悟。始終俱大。豈可前權唯是後實。深密所判據不定性漸悟性說。又不定判深密已

①甲本冠註曰斯下小人四字經作凡夫下劣 ②深一 ③大十乘 ④也一 ⑤熟二就 ⑥等一 ⑦許一 ⑧故一 ⑨漏十先 ⑩一二乘 ⑪第二完 ⑫說十又

前諸大乘經皆悉隱密。四阿含等密說法有。除外執我。諸般若等密說皆空。除小法執。雙陳非空有。方爲顯了說。即華嚴雖前說。屬第三時。遺教雖後陳。可屬第一時。以不分明說空有故。但說四諦。定無異故。如彼所判。華嚴應權。在前說故。遺教應實。在後說故。又對不定亦先說實。如法華經。所度聲聞皆先開大後發小心。以往准今。爲聲聞性先實後權。如何定判前權後實。諸佛法久。後要當說實。實依不定人。毘尼前開。涅槃後遮。大小別。深密既非小教。不是專爲聲聞。如何認判以權實。又初七日說十地。三七日後說四諦教。豈可前權說後爲實。故知大失。大小半滿失者。若判小爲半。是權密教。據一類說。此則可爾。并約深密瑜伽等論。爲其隨轉權密教者。謬大甚乎。何者。佛自說爲了教。今判以爲權密。又云。一分無性是小乘義者。准佛性論破小乘品云。若依分別部說。一切凡聖衆生并以空爲其本。皆從空出故。空是佛性。佛性者即大涅槃。依薩婆多等。則一切衆生無有性得佛性。但有修得佛性。所以瑜伽明無依有部教。佛性論破。若爾。佛性涅槃說有佛性。亦應依分別部。涅槃亦說第一義空爲佛性故。瑜伽論破。若許爾者。如何定執。佛性論中說有佛性。爲顯爲實。屬第五時。若云佛性論中雖破無。不同分別部執有故。非瑜伽所破者。亦應破。雖說一分無。不同有部執無。非佛性論所破。又佛性論分明自說分別部等有。薩婆多等無。云故明有佛性。問執無性曰即

知不。准依大破彼小乘。瑜伽論中無。久對辨。何理得知。依小立無。破小說有。又薩婆多立無性得佛性。瑜伽有則性有。無則性無。豈同有部說。皆須小。故爲大失。又判瑜伽并攝論等。但釋權教。准何爲定。發智六足釋小乘經。中百等論釋於般若。并論明文衆人同悉。瑜伽顯揚大莊嚴論善提資糧論等。不許定性迴心。一分有情無行佛性。判爲釋權教。非大乘經。准天愛知。非智者許。又佛性論及實性論義意大同。實性第一顯釋如來藏經。佛性第四引深密解脫。又明其體即是三性。依深密經。無其顯了釋涅槃語。豈唯涅槃獨明佛性。如來藏等非佛性耶。佛性論等釋第五時教。嗚呼哀哉。諸大法將并悉涅槃。恣自凡陵侮聖教。

### 破妄通經四

有云。善戒地持瑜伽等說。無種性人者。據說客性。非本性也。何以得知。經自釋云。菩薩性者謂初發心及三十七品。何以故。菩薩發菩提心。乃是一切善法根本。是故名發。因此發心得阿耨菩提。是故名因。因初發心決定必得阿耨菩提。是故名性。此釋初發心。以三義別有三種。名習種性發心。具此三義。前位發心唯有因義。無餘二義。然經說云。若無菩薩性者。雖復發心勤修精進。終不能得阿耨菩提者。據前位說。未至種性。雖有輕微。無決定必得堪忍之力及圓滿持。名爲無性。非是不與發心爲因。名無種性。此同仁王嬰珞經等。此不應然。若以未至種性無決定力終圓滿

持。云終不得。名爲無性者。云何經云因初發心決定必得阿耨菩提。是故名性。准此經文。即初發心名之爲性。即因初心能得菩提。云不至種性名爲無性。未至堪忍及圓滿持云終不得。豈不違經文。地持云。依初發心修行六度。名爲菩薩行方便持。依行方便滿足菩提。是故行方便名爲大菩提。持。瑜伽亦同。又復後位因初方有云終不得。豈不乖反。又因前前得有後後。云何經云。是故當知。非因發心勤修精進故有菩薩性。既違經義。謬之過甚。亦不得言。無不發心云無種性。經言非因發心有菩薩性。地持論云。非種性人無種性故。雖復發心勤修精進。必不究竟阿耨菩提。是故當知。雖不發心不修行方便。猶得名爲種性持。瑜伽論云。住無種性補特伽羅。無種性故。雖有發心及行加行爲所依止。定不堪忍圓滿無上正等菩提。由此道理。雖未發心未修菩薩所行加行。若有種性。當知望彼而得名持。又有種性。若未發心不能速得。不得云終不能得。故瑜伽次云。又住種性補特伽羅。若不發心不修菩薩所行。雖有堪任。而不速證無上菩提。今約位分云無種性。故知爲謬。又云。瑜伽論等云無性者。據客性說者。彼自立義理。心爲本性。行無漏種爲客性。客性自許初無。瑜伽等云無。即了義。云何判爲不了。由不能知二種種性。一。種性即法爾有。二。習種性即法爾種。隨緣起現熏新種者。名爲習性。善戒經云。性有二種。一者本性。二者客性。言本性者。陰界六入次第相

○(云)一。○(問執無性曰)一。○(知)一。○(准)一。○(久)二。○(准)二。○(地)十。○(無)一。○(本)一。十行。行無漏二無漏本行。○(即)十。○(合)一。○(姓)十。○(種)十。

續。無始無終法性自爾。是名本性。即是前云是故當知非因發心有菩薩性。地持云。雖不發心不修加行方便。猶得名為種性持。所修一切善法即為客性。瑜伽論云。從無始世展轉傳來法爾所得名性種性。若從先來修善所得是名習性。法性自爾即是本性故。善戒經云。非因發心。有菩薩性者。由本有故。說之為主。習種新起故名為客。地持論同。彼叙異釋。廣為難序。徒設勸勞。又由不了法性自爾之言。將作真如佛性。若真如言無始終。理即可爾。如何善戒經言次第相續。地持云展轉相續。瑜伽論云展轉傳來。廣引文論。是真如性唐捐其功。下當顯示。又云。解深密第二云。一向趣寂不坐道場。無餘依中諸受永盡。瑜伽論云。無餘依中唯有真如無諸作業者。依小乘說以四十年前。未說二乘無實涅槃。捨分段身別有變易眾生無斷。深密既在於前故。許二乘趣寂實滅。此亦非理。深密自判般若等經。猶非了義。今第三時是真了義。豈肯更隨小乘教說二乘實滅。勝義。生讚歎為真了義。又若非真彌勒菩薩瑜伽論中引為決擇。可不解會釋。後代方解通經。判言彌勒捨實弘權。深為未可。又云。先說佛滅後不滅。信後不滅為了義。先說決定。今回心。何獨不信言決定。此不同例。唯小乘教定說佛滅。大乘經論咸許非真決定必不回心。大乘經論通說。決定不同心。變易非別受身。二乘一分實滅下示正中。廣為分別。又云。大菩薩藏經第五。邪定聚眾生非法器故。若

使如來為彼說法。若不為說。終不堪任證於解脫。如來如實知彼有情非法器已。而便棄捨。世親釋云。惡趣名邪性定。入惡趣名邪定。涅槃名正性。定得涅槃名正定涅槃。既却退惡趣後定出。出惡趣已非邪定聚。邪定聚時如來捨置。非邪定時菩薩化也。故知是非畢竟無性。大集第十云。為邪定者。方便演說。令壞邪定。無善子者。令種善子。無法器者。令作法器。為法器者。演說菩提。亦不應理。菩薩藏大集經二說意別。菩薩藏說。若使如來為彼說法。若不說法。終不堪任證於解脫。知非法器。而便棄捨。據無種性。不得涅槃。云非法器而便棄捨。非全棄捨。亦令彼得人天樂故。若是惡趣名為邪定。佛棄捨者。云何菩薩垂形六道。豈許菩薩慈悲過佛。又若言。在惡趣邪定之時。佛便捨置。出惡趣已非邪定時。佛菩薩化。豈非滅削諸聖悲願。大集經云。為邪定者。方便演說令壞邪定。無善子者。令種善子。無法器者。令作法器。為法器者。宣說菩提。此據有性得涅槃記。由作五逆等。名邪定聚。設是有性。斷善根者。亦名邪定聚。由斷見善及五逆等。未有廣多新舊善種。云無善子。未至成就云非法器。不爾。如何菩薩藏經邪定棄捨。大集即云。方便為說。亦不得說。言大集經中據出邪定。若出邪定便非邪定者。說為邪定者方便演說故。由不能知經論所說三聚有別。作此通經下示正中。廣為開示。又云。央掘摩羅經第二云。云何名邪定。諸佛不能化。又次下云。所言邪定謂一闍提。正

定謂二乘菩薩。斷善根者名一闍提。善根續已即非一闍提。斷時名不可治。續已可治。涅槃三十三云。一闍提人而不能救地獄之苦。名不可治。作後世種還名可治。故一切眾生皆有佛性。故不可治說近非遠。亦不應然。央掘摩羅經云。邪定聚佛不能化。是無種性。與涅槃經三十三別。涅槃為作後世因者。即是能化。又第十說。如白羊角等。闍提同央掘經。又一闍提非唯斷善。但將續善說為可治。此說有餘。又一闍提雖有當善。而不能救地獄之苦。未來可救。現在之世無如之何。名不可救。據定報說。若非決定地獄苦可救。不爾。如何。有於現在或生死位。及以後世續善根別。又如五逆名無間業。作已決定往惡趣受。經論又說。五逆四重悔淨滅除。不往惡趣生人天等。此由業果有定不定。於定之中。復時報別。經一向說。解亦有餘。證有佛性故。亦不可。彼由不了闍提多種故。謬通經下示正中。當為開顯。又云。善戒經第三云。眾生調伏有其四種。一聲聞乘性得聲聞道。二緣覺乘性得緣覺道。三有佛性得佛道。四有人天性得人天樂。地持第二瑜伽三十

①(有)①一②③女論二經文④受二苦⑤(生)⑥一⑦後十(說)⑧同二同⑨詳十(也)⑩[見]⑪一⑫諸二謂⑬不十(可)⑭十二九⑮位及二及以位⑯證二說⑰(性調伏)⑱(三)十⑲(說)⑳過十(不遇)㉑(等)㉒一

復如是。修行。畢得菩提時。是名為熟。是名性調伏。既說本性調伏已。密意說一切衆生當成佛也。同法華論及十法經定性聲聞以佛性因記成佛也。二人調伏者。四。如上所說。故知人調伏是近因也。有。無人。無性等。皆是近故。既無入天性。後有人天性。故知先無三乘性。後得三乘性。此說亦非。言性調伏總明本來法爾自性。二衆生調伏即明所調伏。故論伽云。所成熟補特伽羅略有四種。約生明性。有無不同。大小性別。三行調伏。明菩薩修行所有差別。謂修勝身諸根智慧等。四方便調伏。明菩薩修有三十二方便。五成。熟調伏者。明能成熟者及所成熟者。六者熟印調伏。即明所成熟已成熟者所有印相。顯如經論。煩不能引。故性調伏及人調伏非約遠近。若云性調伏即明遠性。衆生本性。二生調伏即是近性。衆生客性。一切衆生皆有本性。咸應令作佛。何故近以三乘熟之。何故穢食置於寶器。欲行大道。反示小徑。彼。自無瘡。何傷之也。又說近性。爲因他有。爲本自成。若因他有。云何地持言。有聲聞性者。以聲聞乘而成熟之等。何故不言無聲聞性以聲聞性而成熟之等。若云據已有者。以聲聞乘而成熟之。若爾。何故。復云無種性者則以善趣而成熟之。不言以聲聞乘性而成熟之。若云既未有性。云何可成熟若爾。無既不爲說。何時當得有。又云。既無入天性。後有人天性。故知先無三乘性。後得三乘性。此例虛設。曾無文。說先無入天種性。後令有人天種性。

若許初無後。今有者。即入天趣在佛後有。即應有始。又入天種性生得善感。生得善者。生即便得。豈是先無後他。令有耶。劫壞有生入天。豈佛教耶。若云。智度論云。不住涅槃者。著人天樂福中。與作涅槃因。故知無因後還有性。此亦不爾。智度論云。與作涅槃因者。據無現說。非無種子。無種果生。不應理故。又云。若雖言與入天樂。即有性無性別。即所引文云。天人善而成熟者。不爲定量。此亦不爾。聖論爲定量。何以故。智論云。不住涅槃者。置入天性中。與作涅槃因。不言無種性。以入天善根而成熟之。作涅槃因。是三乘因而成熟之故。又若云。不許無種果得生者。何故楞伽經云。斷善根無性。後得涅槃。故知無因後還有性。亦不爾。大悲菩薩亦在此中。豈無佛性名爲無性。故知大悲見未成佛云無。斷善見斷云。非無種子亦不得。難云。若有涅槃因。何故著人天樂中。作涅槃因。善戒經說有三乘性三乘調伏故。此亦不爾。豈有涅槃因。皆能即成聖無暇。不成聖故置入天中。故無著般若論云。難處生者待時故。此意說。生見在難所。待生人天。離難所已而成熟之。聖通勝鬘准此可悉。又云。論伽五十二名無涅槃法。及六十七莊嚴論第一。無涅槃法者。據客性說。非本正因。本正同有。不可分人。客性有無不同。據斯性別。故優婆塞戒經第一云。以菩提有上中下。菩提非本有。此亦不可。此說其果由因方得。云非本有。設若說因據新熏起。不障本有上中下性。不爾。如何

齊有本。大因。始令成三品。過如前說。又云。善薩由發心得。名不由本性。故准知。得三乘性。名不由本性。此義不爾。名是假說。無其實性。云不由性故。攝大乘論云。名義互爲客。其事應尋思。非其種性。法體不別。又非無本性。由發心始得。達善戒經。非由發心有善薩性故。若約位通。如前已非。又次引人調伏。亦如前非。又引攝論云。具障而闕因諸佛不自在。瑜伽或就障。或就因明。二說不同。皆非本性者。據何爲說。設非本性。俱空言。即能顯定。又云。畢竟闕提。據實性論云。以無量時故。名畢竟無涅槃法。涅槃經佛性論說亦爾。後定發心皆得成佛者。此等皆據時邊者說。非畢竟者。何以得知。無上依經云。有三品衆生。一者著有。復有二種。一者背涅槃道。無涅槃性。不求涅槃。願樂生死。二者於我法中不生渴仰。誹謗大乘。阿難是等衆生非我弟子。佛非彼師。乃至云。以生死轉作。於後際落闍提網。不能自出。前是無性。後雖有性。鈍根長時謗法不信。實性論中會此第二。非第一人云。爲回轉謗法者。言無量時。故非第一。若不如是。何故分二。又論自云。若無因緣生如是心者。一闍提等無涅槃性。應發菩提心。不爾。不應經論之中。俱作二說。若云論自會訖。將此爲定。莊嚴佛地亦分明說。無性之人畢竟不成佛。何故不定。故知二說各據性別。經論無違。若云。涅槃經中佛亦自會障未來故。名爲無性。必當得故。名爲有性者。亦不應理。此據時邊。說必當得。非畢竟者。若

●畢十(竟)●●(有)●十四●●(無)●一●●無二天●●然二就●●反二及●●自二已●●復二後●●說二證●●今二令●●論二得●●(此)●十本●●云十(無)●●[時]●一●●[義]●一●●說二說●●大二正●●[本]●一●●說二說●●由二因●●如二知●●說二證說●●(非)●十俱●●彼二大●●轉二轉●●俱二具●

破行性⑤遍  
有義。理行佛性一切悉有。如大雲經等。如來  
常住。二。亦無滅。一切衆生悉有佛性爲宗。

石等爾。何須簡者。此義不例。貪等是障。瓦石非障。故經說云。妙色如本住世間。智者於中得解脫。又經云。如財在<sub>四</sub>異方。得言有財者。據有性者說。三十三云。非有如虛空。非無如兔角。<sub>四</sub>令觀行佛性。現雖有因。而未得果。可增長故。非常有故。不如虛空。能爲因故。果當得故。不如兔角。而言說闡提無性。破虛空之常有。說闡提有性。破兔角之常無。若言一分法爾先有。卽同虛空。常有一分畢竟無。卽同兔角。常無如是說者。謗三寶也。不爾。汝若以真如及心。爲平等性。一切常有。卽如虛空過。若云據客性見無常有者。此亦不然。無因而生。非釋迦子。又復有漏非無漏因。過已數說。觀此經意。以因中非定有果。如虛空常有。非定無果。如兔角常無。果當有故。非先有故。能爲因故。非如言詮顯現得故。又云。三十三云。聲聞緣覺八萬六萬四萬二萬十千劫住處。名爲涅槃。無上法<sub>四</sub>主聖主住處。名大涅槃。准此二乘無實涅槃者。此亦不爾。經云。名爲涅槃。不名大涅槃。云何云無。又據不定後<sub>四</sub>回者。作如是說。非定性者。又云。若預流等位。定願留身。八萬劫等及分段有餘。不應道理。何以故。涅槃十一病行中云。有五種人。第一人者斷三結故。得須陀洹。不落地獄畜生餓鬼。人天七返。永盡諸苦入於涅槃。乃至是人未來過八萬劫。得阿耨菩提等。准此故知。非預流位分段有餘。依人天七返永盡諸苦。後八萬劫故。亦非留身。自謂爲涅槃。故預流等位永盡諸苦入涅槃故者。此亦不爾。此

①陰二會<sup>力</sup> ②少十(善)<sup>力</sup> ③伐二復<sup>力</sup> ④[異]一<sup>力</sup> ⑤[決定]一<sup>力</sup> ⑥福十(四)<sup>力</sup> ⑦亦二乘<sup>力</sup> ⑧榮二業<sup>力</sup> ⑨示二正<sup>力</sup> ⑩引  
二以<sup>力</sup> ⑪有二出<sup>力</sup> ⑫此二次<sup>力</sup> ⑬性十(者)<sup>力</sup> ⑭[者]一<sup>力</sup> ⑮無二佛<sup>力</sup> ⑯陰二隱<sup>力</sup> ⑰異二其<sup>力</sup> ⑱令二今<sup>力</sup> ⑲  
⑳現二<sup>力</sup> ㉑主二王<sup>力</sup> ㉒回十(心)<sup>力</sup>



談彼果有此功德。非要無學始得。超。大。若執經說人天七返永盡諸苦入於涅槃。豈不許彼得滅七生永盡諸苦耶。又若得涅槃永盡諸苦。無學得涅槃。應不受變易。變易之身亦行苦故。雖入涅槃。言諸苦盡。不廢無學受變易身。雖言預流極七返生。亦許滅七得無學果。故知此文據功能說。或據一類取無學者。理實初果亦得回心即受變易。佛地論中有誠說故。法華有學并回心故。既許法華爲了義說。何不信受有學回心。又涅槃第十九直云。須陀洹人八萬劫。乃至辟支佛十千劫。第二十又亦直云。須陀洹人八萬劫。等得阿耨菩提心。乃至辟支十千劫得菩提心。云何經說羅漢辟支。即許依文說前三果。即執不許一經所說。尙致愛憎。取捨諸文。寔爲多謬。引法華及法華論言。唯一佛乘聲聞皆依佛。又佛性論入聖道已生究竟心。爲破如是增上慢心。故知法華眞實法教。世親菩薩。爲眞實。何人更。全將爲不了者。不爾。何者。勝鬘經云。若如來隨彼所欲而方便說。解深密云。若不知佛此密意。涅槃經。我於一時說一行一緣一乘一道等。我諸弟子不解我意。言四果等皆得作佛。攝大乘論無著自云。引攝一類。天親無性俱云隱密。釋迦無著。普世親師。判爲不了。世親何人將爲了義。又天親判爲了義。餘人何合將爲不了。若爾解深密經佛自說爲了義。餘是何人判爲隱密。又云。密嚴下卷云。若解脫者衆生界滅。即壞如來一切智性。去來今佛所知之法不得平等。又若

涅槃衆生滅者。誰離於苦有無餘耶。降魔等事皆是妄說。是故當知。諸觀行者證於解脫。其身常住。離諸有蘊滅諸習氣。譬如熱鐵投之冷水。熱勢雖除而鐵不壞者。此文意別。初言若衆生界滅即壞如來一切智性。據眞如說。名衆生界故。實性論引不增不減經云。舍利弗。不離衆生界有法身。不離法身有衆生界。衆生界即法身。法身即衆生界。此二法者義一名異。諸大乘經處處有文。故不可以證二乘者無餘不滅。若云。經云。證於解脫其身常住。離衆有蘊滅諸習氣等。以爲證者。此亦不爾。此說如來。若許二乘入無餘依亦如是者。與佛何殊。更須趣大。若云許二乘無餘身智都滅。遠密嚴上卷。彼涅槃若滅壞。衆生有終盡。衆生若有終。是亦有初際。原有非生法。而始。依衆生。無有非衆生。尙生衆生界者。此亦不爾。此據理性。或說如來。若以經說衆生有終應有初際。論衆生滅者。煩惱亦爾。煩惱即衆生。因果俱無始。豈以煩惱盡例煩惱有初。若不許或終。諸佛有煩惱。雖許煩惱斷。而說或無初。雖復身終。何妨得無始。故彼經意約理性論。又大法鼓經云。迦葉。白佛言。世尊。衆生般涅槃者。爲有盡耶。爲無盡耶。佛告迦葉。衆生無有盡也。白佛。云何不盡。佛言。若衆生盡者。應有滅損。此修多羅則爲無義。是故迦葉。諸佛世尊般涅槃者。悉皆常住。以是義故。諸佛世尊般涅槃者。終不磨滅。不說二乘般涅槃者亦常不壞。或生界眞如無盡。又大莊嚴論第一云。餘人善根無利

他故。餘人善根涅槃時盡故。菩薩善根不爾。由此爲因。種性最勝。若二乘人入無餘依有善根在。如何言滅。無著。天親事慈尊。自復登極喜言善根滅。如何不信。又云。楞伽第二五性中云。大慧說三乘者。爲發起修行地。諸性差別非究竟地。又云。彼三種人聲聞緣覺究竟說得如來法身。經說三人。是定性二乘及不定性故者。此亦不爾。彼經初定不定性以爲三乘。復說第四不定性乘。准取不定。如無性中大悲菩薩。雖亦大乘性。由悲願異。更別說三。云非究竟。據不定說。若判說三。是定二乘及不定者。定亦起大。何須別說第四乘耶。下釋四卷楞伽。准知謬。勝鬘經實性論佛性論等文。皆准前知。世親位居伏忍。蒙讚獨爲指南。慈氏身住法雲。何不孤稱逐北。偏讚凡位菩薩說教爲眞。抑補處慈尊談法爲非了。豈非過乎。

破定顯密五

有義。法華一乘是了義說。三乘非了。問一乘爲實。三乘爲權。法華等是。何故深密說一爲權。四爲眞。實。答一乘有二。一密意一乘。二究竟一乘。有差別故。深密攝論等。是密意一乘。法華勝鬘等。是究竟一乘。何以得知有斯二類。以二義辨。一述異。二引兩文對顯。述異有九。一存三破二異。二說時前後異。三說位不同異。四滅別道同異。五分同全同異。六有會無會異。七合三開一異。八爲人勝劣異。九說義不同異。此不應爾。九門俱非。初存三破異者。且判深密等。存三爲一故。權法華

①德二能 ②超二還 ③滅二滅 ④滅二滅 ⑤滅二滅 ⑥等 ⑦一 ⑧依二作 ⑨定 ⑩十 ⑪全二令 ⑫合 ⑬若二並 ⑭合二令 ⑮人 ⑯彼十 ⑰云 ⑱原二應 ⑲向二而 ⑳樂十 ㉑以無初際 ㉒佛十 ㉓言 ㉔或十 ㉕說 ㉖天 ㉗一 ㉘自十 ㉙位 ㉚初十 ㉛約 ㉜准二唯 ㉝三二之 ㉞起二趣 ㉟准十之 ㊱爲 ㊲四二三 ㊳實二究 ㊴顯二顯 ㊵初存三破異者



等破三明一故實。此前已顯謬判教文。二說時前後異。云華嚴深密等四十年已前說故。機法華勝鬘等是已後說故實。此亦不爾。若法華前存三明一故為密者。如深密等四十年後說。可如所判。已說小乘。有可存故。且縱為權。華嚴乃在三。七前曾未說小。則未有可存。如何亦判為隱密說。若通論後位說二乘時。亦應隱密通會後一。事不許耶。故不可以前後判定。又復自判攝論一乘并是權密。即法華等盡攝論釋。同深密等一乘非了。如何得判前權後實三說位不同異。云。解深密等說。如乳酪如衆流位一。法一乘如至醍醐皆歸海位一者。此亦不爾。如乳等喻。且據一類不定性人從小向大者。各定根性。則不如是。若執喻說修行之前後定爾。豈許頓悟亦由小耶。有不。住則能趣大。應許醉等非從乳出。又法華論有聲聞如乳等。佛位如醍醐。豈許深密等所說一乘是聲聞位猶如乳等。又許菩薩有頓非漸。如何定判位異為權。若云深密對不定性位異為權者。以何得知為小不定判為不實。四滅別道同。異。云。密意一乘道等同故。名之為一。究竟一乘二乘無滅。至佛方有者。不爾。只有說三解脫為等。無說智德三乘。共等。如何今判道等皆同然涅槃經云。一道一緣等者。約向大乘云同一道。非說三。別。所覺道同。又深密經云。相生勝義。無自性如是我皆已顯示。故於其中立一乘。非有情性無差別。說。無性同。即二乘無別滅。與法華等一乘何別。五分同全同。異。

云。密意一乘人無我解脫身分段身同。法無我法身變易身。身不同。究竟一乘此等皆同者。既判攝論等為密一乘。如何論文云法無我解脫等故性不同等。顯揚論云。即彼諸法約無差別相說故。乃至法無我不等故。若云彼不許。終終法無我不等者。豈法華一乘諸聲聞等已證法無我等耶。若云許當證故者。攝論等中。亦許不定當得證故。如何為權。若云非說一切皆當同故者。法華亦爾。天親論釋不為定性。損驚怖故。若許定性此等皆同。何不為說。又楞伽云。同入八地三昧樂門者。是曾行大行。不說定性。豈許皆同。又達梁論。梁論云。前偈以了義說一乘。後偈以秘密義說一乘故。又云。復名於法如平等意。諸聲聞等人。如來於法華經中。為其授記。已得佛意。但得法如平等意。未得佛法身。若得此法如平等意。彼作是思惟。如來法如即是。我法如。由如是意故說一乘。准此論釋。豈攝大乘論等所明一乘是權。但人無我等同法華經說。究竟一乘法無我法身等皆同耶。六有會無會異中。云密意一乘不會說三為方便。究竟一乘會說三減為方便者。不爾。不全會二者。據有定性故。言會三者。據不定性故。定不定性。法華論楞伽經并有明說。若無定性但得作佛。何故涅槃經云不解我意。勝鬘經云。隨彼所欲而方便說等。又攝大乘正指法華經云。復次於法華大集中有諸菩薩。名同舍利弗等。深密云。非有情性無差別攝論平等故性不同。法華論云。為二種人

說。此皆會說。如何言不會法華。由不披文。但道聽爾。七合三開一異中云。深密會合三乘為一乘。一非三中之文。法華會合三乘。一是三中之佛乘者。不爾。成道七日即說大乘。法華經云。雖復說三乘。但為教菩薩。又云。雖示種種道。其實為一乘。即會一代所說三乘。更於何時所說三乘。云是開一為三乘者。又說一乘。一乘即大乘。豈解深密接彼定性二乘為大。故為不可。又解深密依三無性說乘為一。法華亦同。論釋十方佛土中唯有一乘法無二亦無三。無二者。無二乘涅槃等。乃至云聲聞辟支佛乘。非彼平等法身之體。以因果行觀不同故。梁攝論云。乘有三義。一性二行三果。性即真如。行即十度。果即四德。法華經一乘即佛之知見。論云。依四義說。一者開即無上義。除一切智智。更無餘事。即菩提涅槃。二者示者同義。即聲聞辟支佛法身平等。法身平等者。佛性法身更無差別故。此非但亦。即攝論一乘性也。三者入者因義。為令證不退轉地。示現與無量智業故。無量智業者。即攝大乘所行十度。又攝論法華一乘若有差別。天親應解。既總會釋。准何判別。八為人勝劣異中云。密意一乘為鈍根說。究竟一乘為利根說。梁攝論云。有諸菩薩。於大乘根性已入法空。為此說一。同涅槃經。不為鈍根為利根說者。不爾。前判攝論一乘是密。今言密者。為鈍根說。攝論一乘既判為密。如何復引與涅槃同為利根說。豈不自相銜。又法華經論云。為聲聞所依

①後二前②③七十(日)④法十(華)⑤住十(小)⑥異二(中)⑦共二其⑧別二乘⑨無二有⑩(身)一⑪終終二證云⑫修之⑬何二行⑭復二後⑮二二無⑯方便二真⑰無二云⑱名二各⑲文二大⑳教二化㉑接二攝㉒證二度㉓但亦二俱果㉔但爾㉕入法空二定㉖相二語

事故。經云：爲諸聲聞說是大乘經授聲聞記等。豈是利根迦葉同涅槃耶。深密告勝義生等。豈是鈍根聲聞耶。又復先度利根。次。後中下。涅槃法華俱在後說。豈爲利根。故如來莊嚴智慧光明經云。文殊師利依彼無邊法界衆生上中下性。如來放大智日光輪普照衆生。亦復如是。初一切諸菩薩等。次許支佛。次聲聞。次所信善根衆生。次住邪定衆生。此等經文豈先鈍後利耶。又言。八種一乘爲引不定菩薩聲聞故。即爲鈍者。亦不爾。梁攝論云。爲利根。八義一乘。第一即爲聲聞。第二不定菩薩。法華論云。二種聲聞如來與記。謂應化聲聞。退已還發菩提心者。退已還發菩提心者。即不定性聲聞。云何得言究竟一乘爲利根說。九說義不同。異云。攝論一乘依十義說。法華一乘依四義說。說義不同。明知乘異者不爾。何者。若云十四義異十機四實。顯揚六義莊嚴八義。應分權實。彼既不爾。此云何然。又法華經說。一乘體性有其四種。論云。依四義明之。攝論等明說一乘意。依八種道理說。非出乘體。故梁論云。爲何義故。說二乘人同趣一乘皆得作佛。莊嚴論云。此中八意佛說一乘。又云。復有何義。以彼彼意而說一乘。偈曰。引接諸聲聞。攝住諸菩薩。於此二不定。諸佛說一乘。法華論云。爲退善提聲聞。即引接聲聞不定之者。滿慈等記即變化者。又法華論說三平等云。復示。現自身他身法身平等無差別故。乃至云。以不知彼此佛性法身平等故。即謂彼人我體此法。彼人不得

此對治此故。與聲聞記。即明法平等入平等。與攝論等說一乘意。何曾有異。謬分顯密欲誘愚見。引文對類。智者應驗。略陳述異之非。對類煩不具顯。教既謬陳。顯密乘故妄到實權說乘。文有不同。准此故皆說謬。

破緣正佛性執六

有義。總論佛性理事兩門。理即真如法界名因名性等。一切衆生皆悉同也。事即三十二相十力等種。一切有情有無不同。問若爾。三十年前猶說二乘實滅。成道十載即說如來藏經。事以三乘五性先說爲權。佛性一乘後說爲實。答猶總相明。未簡持故。非爲決定。涅槃經說。凡是有心皆當作佛。即簡無心。對非佛性。說於佛性。即簡瓦礫。故但有心是有情者悉有佛性。皆當作佛故。後一乘及說佛性。皆爲了義。此亦不然。若有簡持名爲顯了。若無簡持即爲隱密者。解深密經所說一乘極有簡持。簡去衆生根性持取三性。名之爲一。簡去定性特取不定當得作佛。定是了義。故涅槃經第三十二云。於是經中。或說三乘。或說一乘。既云或說三乘。復說那含中生般等。即存二滅。勝鬘經云。是故三乘即是一乘。又云。如來隨彼所欲而方便說。即是大乘無有二乘。二乘者入於一乘。一乘者即第一義乘。既云方便。即顯四乘是真實。說同解深密。法華一向唯說一乘對聲聞人。若唯爲菩薩。論云。爲一向求大乘者。說雨喻令知乘異。論釋乘一依法身理。不說根性。一切無異。正同深密據理說一非根無別。又如來藏經

云。一切衆生雖在諸趣。煩惱身中有如來藏。常無染污。德相備足。如我無異。乃至云。佛見衆生如來藏已。欲令開敷爲說經法。除滅煩惱。顯現佛性。既云一切衆生。即簡非情訖。又云。如來藏經能大饒益。若有聞者皆成佛道。即同聞涅槃經則見佛性。喻如天雷生象牙花。與涅槃說同有簡別。何非是實。

有義佛性體有二種。一理二事理因。性者第一義空。第一義空與法身爲正因。亦與報身爲緣因。若體生相。亦與報身爲正因。報身本體是第一義空故。此不應理。若第一義空是法身正因者。爲生了。若爲生因。法身是常。常非因生。涅槃十三云。若有諸法從緣生者。則知無常。是諸外道無有一法不從緣生。善男子。佛性無生無滅。乃至云。非陰界入之所攝持。是故名常。第九亦云。如是光明名爲智慧。智慧者即是常住。常住之法無有因緣。又云。涅槃之體非本無今有。若涅槃體本無今有者。則非無漏常住之法。涅槃非本無今有。如何因生。又高貴德王菩薩問。凡因莊嚴而得成者。悉名無常。涅槃應爾。如來爲答。說因有五。一正因。二和合。三住因。四增長。五遠離。涅槃之體非如是等五因所成。法身即涅槃。如何說有因。又因果位異名殊。體常無別亦無增減。如何真如還與真如與爲因耶。如來藏經廣說喻況明本具足。爲障所覆。說法爲因。令得開曉。亦非了因。涅槃十九云。復有二因。一作二了。三十七品波羅蜜等。望於涅槃是名了因。又三十三云。遠離果者。即是

涅槃遠離諸煩惱。一切善業。是涅槃因。因有二種。一近二遠。近即三解脫。遠則無量世所修善法。乃至云。是故涅槃唯有因。無有生因。此約理事。菩提涅槃智斷門別不同。涅槃第二。大般涅槃智斷俱名大涅槃故。又真如理望法身位。十因四緣是。何者。攝得為正因。又復自引密嚴經云。如來清淨藏亦名無垢智。華嚴經無相智無礙智具足在於衆生身中。如來藏經云。煩惱身中有如來藏。常無染污。德相備足。如我無異。既云德相具足。如我無異。如何爲因。只可言教修行爲因故。如來藏經云。佛見衆生如來藏已。欲令開敷爲說經法。除滅煩惱。顯現佛性。故天親般若論云。於法爲了因。亦爲餘生因。經云。一切諸佛從此經出。一切諸佛從此經生。有說。真如即法身體。無說。真如爲真如因。故成妄說。謂有說如爲了因者。果中說因名。非如即了因。若如能了。應自出染。何待餘緣。然佛性論云。應得因者。以有真如。智起斷惑。真如方顯。是所應得之因由也。非是生了。若名親因。十因四。因生了何攝。又佛性論云。應得者。必當可現。名爲應得。豈能自顯。顯在智故。又云。若體生相亦與報身爲正因。報身本體是第一義空故者。不爾。此談其體。雖說真如爲法界。界者因義。亦自性義。因者非生。但爲依因。故說真如爲迷悟依。佛性論云。爲道生依。由有真如方有俗事。處處文說。又佛性論云。一有體能生有體。一有體能生無體。此即真實。若爲報佛正因。即二有體能生有體。何

故云一。亦同瑜伽圓成不生法故。又若以真如爲正因者。何故佛性論但云。由加行故。論因圓滿及果圓滿。因圓滿者。謂福慧行。又云。圓滿因者。即加行因。不云加行因即應得因故。正因者即是福智。不爾。亦說第一義空爲染法體。豈許真如與煩惱爲正因。若許爾者。遠涅槃經。三十三云。若有說言。一切衆生定有佛性。常樂我淨。不作不生。煩惱因緣。故不可見。當知是人謗佛法僧。明說真如不生煩惱因緣。非謗三寶。既許真如若體生相應爲報身正因者。既體生相。應生一切法爲其正因。豈簡染淨。若爾。便爲大謗三寶。若云言與報身爲正因者。非親生報身者。既不親生何名正因。如喻大地。大地若無。百草不生。雖依地有。不說大地爲百卉正因。真如准知。有義事性亦有二種。一正因。二緣因。涅槃二十八云。正因者衆生。緣因者謂六波羅蜜。此說報佛正因也。或說中道觀智及善五陰無明結等以爲佛性。若說一切因性。三十六云。佛性不名一法。乃至不名萬法。未得阿耨菩提時。一切善不善無記法悉名佛性。此與報佛爲緣生二因。彼說不然。不了緣因正因別故。若以經言正因。歸衆生。即說衆生爲報佛正因。六波羅蜜爲緣因者。未知。言衆生爲即取第八識。爲總五陰。若取八識。第八識有漏無漏種。若取有漏。有漏非無漏正因。若取無漏。此即佛性。如何但言衆生爲正因。而無差別。若云漏無漏皆是正因。何須須臾別

者。衆生即五陰。六波羅蜜亦五陰。總正因攝。經中何故別說六度。今准經意。以本有性無漏種隱妙難知故。寄衆生說名爲佛性。不爾。何故第二十六師子吼云。若一切衆生無佛性者。云何而得阿耨菩提。以正因故。故令衆生得阿耨菩提。何等正因。所謂佛性。若云即佛說心名爲佛性者。餘豈非耶。若爾。即違第三十文。彼云。色受想行識慈悲喜捨等并名佛性故。十二因緣亦名佛性。又三十三云。佛性不名一法。乃至善不善法名佛性故。若云雖總云佛性爲佛正因。意取第八者。以何爲證。如何不說。又攝大乘云。不見毒藥得爲甘露等。又阿毘達磨經但云爲流轉還滅依。不說爲還滅正因。又但總相明善不善法爲報佛緣正因。而云顯佛性同異。何曾顯佛性同異。若以有漏即爲正因。此但誠異。諸有智者。誰肯與同。所餘門義准此知非。顯正因異下示正中。廣爲開示。能顯中邊慧日論卷一。

能顯中邊慧日論第二

淄州大雲寺慈覺慧沼撰

引除除謬章第二

標彰五性謬一 種性不同謬二 本性住性謬三 五性唯親謬四 真如爲種謬五 通經法爾謬六 漏生無漏謬七 說教前後謬八 增壽非了謬九 說妄通經謬

●甲本冠註曰因經作復 ●法二實 ●因二緣 ●二二 ●論二得 ●非二詳 ●若十(其) ●斷二說 ●(音)一 ●差二間 ●須二簡 ●簡二差 ●因二同 ●

十 通釋外難謬十一

標彰五性謬一

有義若人同時異。先說實滅無性。後說不滅有性。若人異時同。先後不定。然一分無性二乘實滅。定是小乘。悉有佛性。二乘無滅。是大乘。此不應然。謬前後。所以者何。若云人同時異。先說實滅無性等者。此據何人說。若據菩薩。不應道理。若據聲聞。何教。先後。若小乘教。先實滅無性。諸大乘中亦說實滅一分無性。若大乘經定知。何經先為小說。何經先為大說。若般若深密等先為小說。般若廣明第一義空。深密廣明六度三性。般若說衆生空。深密說空。皆歸三性已。明有性。如何得言先說無性後說有性。又。彼自執真如及心為正因性。豈有已前大乘及大乘師立真如及心不遍有情耶。若云據五乘性。亦彼自執五性後有非本法爾。准此。即有未成五性已前之位還是一分無性之者。前教同此。何非了義。若云後教雖有。現無皆悉當有故不同前者。不爾。如涅槃經優婆塞經等云。乳中無酪。石中無金。為說因無。為果非有。若無因性後能為因。不應道理。亦應從一切能生於一切。以無因性為彼因故。若云無果大小因許因中無果。前後何殊。獨云前說一分無性小乘非了。乘准妄可悉。又云。一分無性二乘實滅定是小乘。悉有佛性。二乘無滅是大乘。此不應然。謬定大小故。何者。若一分無性名為小乘。一切有性皆名大乘。即分別部皆有佛性。經部一說部總名無實滅。應皆

大乘。又以小乘有說實滅及生無性。大乘亦說。爾即云隨轉。小乘亦說一切有性。二乘無滅。又佛性論中。大眾部執皆有佛性。即第一義空。大乘同彼應隨轉門。又大乘中但說六識。是隨轉門。涅槃經中亦但說六。亦是隨轉。此既隨轉。一切有性應許隨轉。此既不爾。彼云何然。故知不可說同小乘皆為隨轉。如理門云。外道亦六根境識。佛法同彼。豈邪教耶。又云。大小雖別。然皆不說見道已前成熟有為真無漏。已此亦不爾。豈可不許二乘聖者回心向大。執見道前定不成熟有為無漏。又云。小乘中說。初無漏心無同類因。名剎那法。故知大小同說異生位中未成有為真無漏法者。此亦不爾。何以故。佛性論中。分別部師不信有無性。異部論中。經量部師異生位中成就聖法。瑜伽論說地獄成就三無漏根。楞伽第四無漏習氣非剎那法。攝大乘論從同類生。如何獨信薩婆多師無漏心無同類因。不信經部分別部師及瑜伽等說有無漏。然涅槃經云。乳中無酪性者。為破彼執因中有果故。彼經云。若庵摩羅子有彼樹性。云何不見。立五丈之質。上下經意非唯一處同。喻伽藍破因中因果論。不爾。如何經云。若一切衆生無佛性者。云何而得阿耨菩提。以正因故。故令衆生得阿耨菩提。所謂佛性。前言無佛性。無佛果性。彼云佛性為因。即是有佛因性。若云見道前總無有為無漏種者。豈不但是卒意所說。不依經論。又自引文。若以一滴願求樹汁投之乳中。即便成酪。若本有酪。

何為待緣。衆生佛性亦復如是。此意如乳為因酪即為果。若已有酪。乳何待緣。衆生佛性亦復如是者。若已成佛。何假修因。既待修因。明未有佛。非是不許有佛性因。審文解意。此義即顯。復引菩薩優婆塞戒經云。三種菩提無有定性。乃至若言定有性者。是名外道者。此破如言執定有性。因中有果。同涅槃經云。非有如虛空。不說令無猶如鬼角。又若如言不許有性。至見道後亦應無性。說三菩提無有定性。不簡因果故。如何是撥異生位中無無漏種。餘文准此可以得知。

種性不同謬二

有義。以法界真如及第八識為佛正因。真如八識無生不有說一分無性。隨轉理門。非大乘義。故涅槃楞伽密嚴皆雙說藏識及如來藏為諸法因。涅槃復說第一義空能生善法為種子也。亦善戒經等說其本性。唯說法性不說心者。由理有恒沙性功德故。順即成淨。違即成染。由此修得名為密性。心即不爾。又理雖亦與染法為依能生善不善法。而無恒沙性塵勞也。此亦不然。成唯識論及餘大乘。何處不許真如及心不遍有情。云一分無。是隨轉門。又若以理心為佛正因。即菩薩性。如何自引優婆塞戒經云。菩薩種性亦復如是。善業因緣發菩提心名菩薩性。豈彼理心因發心有方名菩薩性。若云但名佛性非菩薩性者。尚非菩薩性。如何名佛性。若云發心名菩薩性者。據客性說。豈彼本性不得名為菩薩性耶。又准涅槃經二十六云。有二

①謬十(定) ②先二前 ③先十(說) ④說空二經難 ⑤彼二後 ⑥亦二然 ⑦前二所 ⑧現二說 ⑨乘十(一乘) ⑩准二唯 ⑪生二性 ⑫已二也 ⑬(標)十標 ⑭立二生 ⑮丈二大 ⑯(答云)十以 ⑰謬十(菩提何等正因) ⑱(菩提) ⑲令二全 ⑳謬二 ㉑亦二然 ㉒密二客 ㉓然二爾 ㉔性二心

種。一生因了了因。能生法者是名生因。燈能了物故名了因。望果生者。生因是正。了因是緣。如理既是緣正因。下文自許生物。諸修行者在見道前既順如修理。何不不生有為無漏。即取有漏為無漏種。若如不能生。何名正因。設若許生。心何所用。如已生故。又若真如為因親生。即違涅槃及佛性論。如前已引。下亦有文。設有處說真如為種。如說塵勞之輩為如來種。豈彼種言為佛為正因。故知假說由依如起。如四大種望所造色。亦五種。名正種子者。瑜伽七義非常法為因。不悟熏習之義與種子義殊。將熏習義來。雖於種子能所熏習解熏習義。非釋種子。又佛性論第二問曰。此三性幾性無體能生有體。答曰。唯分別一性無體能生有體。問曰。此幾性有體能生有體。答曰。唯此依他一性。問曰。此三性幾有體能生無體。答曰。真實一性能滅依他令其無體。若如為正是諸法種。何不能生言唯是依他一。又若第八體為諸法正因。亦違瑜伽攝大乘等種子之義。心體是一許親生。云何名引自果及以性決定。復又一因何能通生善不善等。若許爾者。因一論成不平。涅槃二十二云。一切諸法異因異果。亦非一因生一切果。非一切果從一因生。以此故知。因果名別。由阿賴耶具三相義。因相之中具種種界。雖非離第八。亦不即賴耶。體用因果理應爾故。故阿毘達磨經云。諸法於識藏。識於法亦然。更互為果性。亦常。名因性。又云。由攝藏諸法一切種子識故名阿賴

耶。勝者我開示。以此。知。識藏中有種種界。非即第八。然華嚴楞伽說心染淨能生一切者。攝用歸體。攝除從識。故不相違。又云。理心雖俱生因。多說理者。以順如成淨遠如成染。心則不爾。故不說者。此亦不爾。心若不能通生染淨。可同如心既通生。如何不說。又悟識成淨。迷識成染。何義不同。多偏說理。又若說心不生恒沙相功德。真如與誰為恒沙性功德。又云。無恒沙性塵勞也者。此亦不爾。既有八萬四千諸塵勞門。翻有八萬四千諸功德門。既說恒沙功德。還有恒沙過失。若真如不遍無恒沙性塵勞。許真如遍。何無恒沙塵勞性。又云。如來藏性及第八識。如末尼珠隨緣出故。密嚴經下卷云。如末尼珠置於日月光中。隨其所應各雨其物。阿賴耶識亦復如是。與習氣合。變似衆色周於世間。若無漏相應。即雨一切諸功德法者。則自所執第八識藏為佛正因。其義有失。何者。經云與無漏相應即雨功德。明第八識非為正因。他性相應非自性故。准此即知。至初地時。第八由無漏相應。生無漏智。非是有漏親生無漏。准此經文。無漏先有不由新熏。何得說言第八為正。又此相應無漏之法亦是功德。從第八雨第八。未有無漏俱時。此如何起。不可說有無漏種生。以自不許三乘見道前有無漏法故。又云。帶迷即賴耶無常。悟理如第八常住。故密嚴經中云何阿賴耶識。是意等諸法習氣所依。為分別心之所擾濁。若離分別即成無漏無漏即常猶如虛空。金光明經云法

身是常。應化無常。涅槃亦說。若至佛果。即非三世。又云。佛不同諸行是有為也。亦不可說非業煩惱為。故名無為。一切無漏皆非佛所為。何獨說佛智名非有為耶。故唯識論三因證佛是無常者。限已見聞為妄說也者。此亦不然。若云報佛是相續常。立已成失。若凝然常。即有四失。一違教失。且報佛菩提為是本有。為是今有。若是本有。非從因生。則菩提涅槃俱有了了因。不有生因者。名何故涅槃二十六云。復有生因。謂六波羅蜜菩提等。又若是常。云何因生。涅槃第十三云。若有諸法從緣生者。則知無常。又云。以是義故。從因生法不名為常。下文云。善男子。虛空非生非出。非作非造。非有為法。如來亦爾。非生非出。非作非造。非有為法。如來亦爾。佛性亦爾。非生非出。非作非造。非有為法。此說真如法身。非報身也。不爾。如何報佛名修得。又維摩經從諸功德生等。又涅槃第十九云。如是光明名為智慧。智慧者即是常住。常住之法無有因緣。有多番釋常法無因。又云。涅槃之體非本無今有。若涅槃體本無今有。則非無漏常住之法。又高貴德菩薩云。凡因莊嚴而得成者。悉名無常。此大菩提莊嚴成故因修方有。名本無今有。云何是常。又云。涅槃之體非如是等五因所成。六波羅蜜等既為了非生。或本因故常。菩提之體五因所得。六波羅蜜等既為生因。故是無常。二違理失。佛性論第二解三如來藏。三能攝為藏。云謂果地。一切過恒沙數功德。如來應得性時。攝之已

①說一說②說一說③五二立④云二多⑤因二同⑥二二三⑦(體)一⑧名二為⑨(故)一十知⑩(說)一  
⑪(與)一十無⑫正十(因)⑬中十(答)⑭(云)一⑮所二有⑯有二無⑰故二又⑱三二云⑲  
報二教⑳(名)一㉑有十(者)㉒云二者⑳(住)十如

盡故。若至果時方言得性者。此性便是。無常。何以故。非始得故。故知本有。是故言常。此說自性法身。若是報身。豈應得因時已得圓滿。云攝已盡。准知四智心品。若因已滿。不假更修因。大圓鏡智至果方生。即是始得。故是無常。又第三云。轉依有四種相。應知。一者爲生依。二滅依。乃至云。一生依者。佛無分別道相續依止。若不緣此法無分別道。卽不得生。既云無分別道相續依止。明不同如凝然常住。又解涅槃難中云。非道所生。故此法必須因道得至。非道能生。是故未修時不得言無。是故無生義。立無後際故。是得無滅中際無業煩惱等。故無變易。以無生異滅等三失故說常住。菩提既是道生。未修時無。因修方得。故異涅槃。非是常住。又云。若離涅槃。無有一法是常住。故涅槃前際等無故。故知常菩提有始有前際故。明非常住。若云報身不離涅槃故是常者。豈他受變化離涅槃耶。又梁攝論十五。六因證受用身不成自性身。此意真如爲自性。報佛名受用。六因者。一由色身及行身顯現故。釋云。十入名色身。受等名行身。諸佛以真如法爲身。於法身中色行不可得。應身則不爾。此義云何。一。切智大定大悲等恒伽沙等如來功德。雖依法身。若顯現時不離化身。此化身以佛異一切衆生。爲應身事相故。色行於應身有。於法身無。是故應身不成法身。六阿梨耶識及生起識。現轉依。非道理故。釋云。阿梨耶識及生起識卽是受用身。此二識轉依名法身。若

自性身即是受用身。轉二識依後得何身。由此非道理故。受用身不成自性身。若受用身即是自性身。則無大智等衆德。由不無衆德故。自性身不成受用身。然大莊嚴論第三云。大圓鏡智平等性智名法身者。以第八識持二障種。得鏡智時。捨二障種。第七恒執障平等理。離執證如。因此二智得法身故。故說二智爲法身。又真如理功德所依本。二智功德所生本。故名法身。若分自性身自受用身。四智俱是自受用身。他受變化因二智起。卽說二智爲彼二身故。大莊嚴論第三說。觀察智成事智爲化身。因二智起故。說二智爲彼二身。不爾。二論俱無著造。何故莊嚴論說二智爲法身。攝論不許二智爲法身。又復八識因位無常。何故果位常無常別。既許常無常別。應許慮非慮心非心色非色等別。又復應化及色。點等俱鏡智現。何故能變之心是常住。所變智身是無常。不得難言能變唯是心所變心色別。何廢能變心常住所變是無常。何以故。所變種各殊。能變唯心。所能所俱心智。何得常無常。又天親般若論云。分別有爲體。非彼相成就。三相異體故。離彼是如來。此說法身離有爲。豈報身相離有爲耶。若云不離者。豈不許生。生已經停。豈不是住。既有三相。何得名常。又云。應化有來去。法佛無來去。應化有來去。明知無常。又攝大乘論云。於法身中色行不可得。明報身等色行可得。報身既色行可得。故是無常。亦不得云雖有色行而體是常。涅槃經云。捨無常

色獲得常色。受想行識亦復如是者。既許色行同真如常。同如寂靜。何故梁攝論云。若以法身為應身佛。無利益衆生事。若以應身為法身佛。無現世安樂義。以恒喧動離寂靜故。准此論意。以法身常無能利物報身既常。豈不同如無能利物。又若是常。如何難云。若以應身為法身佛。無現世安樂義。以恒喧動離寂靜故。許報身常。如何得言以恒喧動離寂靜故。又法華經論釋三身中唯法身文內云。四非虛非如非異。釋云。謂離四種相有四種相者是無常故。不言報佛亦離四相。三妄引聖教失云。若無常。何故密嚴經說同空常耶。涅槃經云。捨無常色獲得常等。復言如來有常樂我淨等耶。如前廣引。此不誠證。何來有常樂我淨等耶。復自受用身及變化身無常以故。梁論本云。復自受用身及變化身無常故。云何諸佛以常住法爲身。釋論云。若如來不永般涅槃。則如來以常住法爲身。受用身及變化身不應是無常。若是無常。云何復言以常住法爲身。論本答云。由應身及化身恒但依止法身故。釋云。法身爲三身本。云云。既常住。未依於本願相續恒在故。未亦常住。論云。由應身無捨離故。由化身數現起故。如恒受樂。如恒施食。二身常住應如此知。大莊嚴論金光明經無上依經佛性論等。釋皆相似。故。不同如疑湛常住。亦不得言此說應身是故。不同如疑湛常住。釋云。如來自圓德及利益諸菩薩。此二事不恒相離故。又前云。若自性身即是受用身。轉二識依復得何身。乃至云。若受用身即是自性身。則無大智等衆德故。此言

①〔無〕一〇〇 ②已二四〇 ③知二智〇 ④二十〔者〕一〇 ⑤得一故一〇 ⑥易二異一〇 ⑦〔論〕一十六〇 ⑧現二見一〇 ⑨點二立一〇 ⑩非  
虛二非實一〇 ⑪不二等一〇 ⑫離二離一〇 ⑬〔又〕一〇 ⑭甲本冠註曰非彼相成就作防彼成就得 ⑮經二住一〇 ⑯哈二聲〇 ⑰非  
虛二非實一〇 ⑱三二二〇 ⑲云二本一〇 ⑳他受用二自性身一〇 ㉑事十〔與如來〕〇 ㉒〔云〕一〇







出世心得生論前會訖下更不釋皆令准知非唯親現聞名開熏習本正見種亦名熏習因增長故所以地持論等亦名爲因亦名增長既此熏習非阿賴耶識是此能對治明知不得以第八體爲菩薩性種性名平等因若許是無漏則苦集對治即不得爲染法因故梁論云即既立爲染濁對治及出世心因故不應後說爲不淨名因若云我取識上功德者即因法爾有無性別本有行性處處誠說不知有此本有種子名性種性妄取其如及第八識爲性種性可不慚乎可不味乎無性攝論本意皆同故故不具引諸論皆說無漏種子熏習爲因不說真如第八識體爲正生因又復真如不依諸法故實性論云空不依地等又云自性清淨心不住彼諸法處處誠說不能煩引何須舉六處意定取彼真如又云無上依經云如來界不可思議一切衆生有陰入界勝相種類內外所現無始時節相續流來法爾所得准此經文即真如界名性種性此亦不爾謬引經救故准此經文正是無始法爾行性名陰入界勝相種類內外相續流來法爾所得法爾所得即法爾義此處若心意識下今依依他處觀真如理除斷染法理顯智圓同辨中邊論頌虛妄分別有於此二都無此中唯有空於彼亦有此乃至是則契中道不知此義執真如界有其種類內外所現相續流來又云涅槃第八云衆生佛性則不如是雖復處在陰入界中即不同於陰入界也者不同前文無上依經言

有陰入界勝相種類內外所現相續流來此同陰入界相涅槃言不同陰入界相故事理別或約無漏與有漏別云不同彼不爾如何言雖復處在陰入界中何以故真如遍一切不可說言雖處在陰中佛性之言非唯目理六度等行皆名佛性又云勝天王分前後文別前云如來法性在有情類蘊界處中從無始來展轉相續煩惱不樂此亦非證此說行性行亦是法法言通故若是理性體性常住何得云展轉相續相續者非常住義次言清淨法性爲諸法本自性無本此說真如出生諸法者爲增上緣非親因緣出生諸法然如不生是增上緣生若一如生萬德何有定異因攝大乘莊嚴論云諸功德從覺智起如既親生何假智生又云佛性論云佛日慧光令法身生隨意身長法身即當本性同善戒經法性自爾者此亦非證既說真如名爲法性即是法身何能令生涅槃經三十七品波羅蜜等是名了因自行尚名爲了佛光豈即能生又前自云如雖生法真如不生故又云起信論中體大即真如體相大即是無量性功德相用即能生世出世善因果果者用大有爲行是如用故能生一切者此亦不爾真如豈有作用若有作用同諸行故如增上用諸法得生此理可爾不爲生用已下多文意皆證如及第八體名性種性即名正因生因餘六度等即爲習性緣了因唯佛性論真如不生有餘體攝論賴耶非出世因大莊嚴第五云六者無異無起由真實性非有異體

起故如若親生諸法有異體起第三云即說一切種智爲佛身體又云轉六波羅蜜等一切善法爲佛體故諸論皆說轉八識成四智爲佛身不說真如生不唯第八體准知餘文廣引煩釋皆應遮止有義成唯識論立五性別有違理教言違理者一切衆生同有理心有別別因一分衆生無無漏種設有無漏何因復有三乘性分有因即非法爾亦無因不合不同者既執一切衆生同有理心爲正因既許理心一切平等如何得有染淨善惡三界六道三乘性種種若有餘因理心非本無別因起何合不同若謂待緣緣從如起如因既一緣亦同亦緣從何生有種種別若一切生同有真如共一正因同數論等從一起起情非情等體是常住大等無常又自舉喻理若虛空心如法空界有漏同暗無漏同明暗滅明生由於虛空及由火等親生豈可暗中先有明性作明親因者此亦不爾准喻自遠理若虛空心同空界既說理心作物親因即自能明何須別火若由火火殊火自作明因豈是虛空及於空界親生明也餘喻及文并皆自遠應自思察煩不能舉又云唯識達於正教如善戒經性種性者是理非事若言是事有何文證者此亦不然彼妄引文如前略指行性文證如前已明又言若本性有上中下量遠優婆塞戒經云有上中下非本性也亦達正法華大集經等由緣因故無三乘性若是無因法爾自得即達深密有上中下非無因也者此亦不爾若非本

○開一力○ ○名二品○ ○味二染○ ○來十(爲)○ ○復一○ ○別二則○ ○漏二佛○ ○目二因○ ○唯二准○ ○有餘  
○餘有○ ○廣二虛○ ○因二目○ ○正十(生)○ ○純二殊○ ○亦二不○ ○同二因○ ○法二諸○ ○法一○ ○殊  
○二○ ○火二大○ ○量二異○ ○(先)十無○

性各自差別。但由緣故根性不同者。登上中下無自正。因。但緣起。因。既自無種。緣何所為。涅槃經中。唯說涅槃從了因得。不說有為但緣因生。無種而生。遠多聖教。准善戒經。善行性品云。言根勝者。善薩摩訶薩。本性猛利。緣覺性中。聲聞性鈍。既云本性猛利。明非由客性。又大莊嚴論第一云。由界差別者。衆生有種種界。無量界。多界修多羅說。由界差別故。應知三乘種性。差別。乃至。無四果差別者。衆生菩提。有下中上。子果相似故。若無性差別。則無果差別。同深密經。有上中下是定有因緣。大集等說。由緣因者。據增上說。有四緣故。不違前教。言非本性也。非。以性故者。意云。不唯由性。亦假增上。又緣生。約非如言詮。真如所緣緣種子。文下當正示。若云。理心爲其正因。豈可如理由緣因。故成上中下。又復理心。名性種性。何故不得云。以性故名爲菩薩。既以性故。言不許行性。本有亦應不以性故。言證理心。非有。此既不爾。彼云。何然。又自云。漏生於無漏。何故不許真如無漏生於無漏。又遠攝論。如前已引。又云。以乳無酪許生酪。即難酪中無乳。應生酪。以酪不生乳。即不許乳生酪者。此難不爾。云乳無酪而生酪者。涅槃經意。難因中有果論。不是不許乳爲酪因。細尋彼文。自當開曉。故大莊嚴第一云。復次。彼有者。因體有故。非有者。果體非有故。問若爾。云何名性。答功德。體義故。度者。出生功德義故。由此道理。是故名性。又難云。聖無作凡之理。豈不許凡無聖性而作聖者。不爾。

誰言凡無聖性而作聖。如我立宗。凡無聖性不作聖。汝立凡無聖性得作聖。何理能遮聖無凡性而作凡。又云。若難無爲爲其本性。生無漏者。即同外道。常法爲因者。楞伽第二大慧爲問。佛自釋云。我說法空爲如來藏。不同外道者。此。救不同彼外道。執別有實我名爲如來。世尊說法空爲如來藏。假名如來。不同外道。汝執無爲有體常。住能生一切。何異外道。冥性等耶。若執體空能生一切。同無因論。又同莊老。從無生有。若執常法爲緣生起。復違難集。難集第四辨緣生相中云。無常緣生故。釋云。此生故彼生者。顯無常緣生義。非無生法爲因故。少所生法而得成立。緣生義中云。因利那滅果利那生。時分等故。是因果相續不斷義。亦不得云。此據有漏及客性說。彼論順逆觀中云。應如是觀緣生起義。一切皆是緣生。唯除。法處一分諸無爲法。不除無漏故。又若真如能生無漏。復違彼論。解因緣。又論云。因緣者。謂阿賴耶識善習氣。與有漏無漏諸法。如其次第。爲因緣故。非有漏第八識體爲無漏因。引無量義經。一切法從一法生。一法者。所謂無相。大般若云。真如雖生諸法。而真如不生者。如前已辨。又云。經中我德。豈即與彼外道我同者。此。救亦非。諸大乘經。於常樂我淨。義假立四德名外道。無有常我等體。於非常我等計故。可不同外道計常法爲因。或無因起。汝執常法爲因。或無因起。如何有別。亦不得。云涅槃經云。本無今有。已還無。以此爲證。彼文意別。不說無因

云本無今有。云異本無。從因而起。云本無今有。起已即滅。云還無。若如文執言。無即無因。有已還滅。如何即許。執報佛常住。又自問云。若常法生無常法者。何故涅槃經中。佛語外道云。汝因是常。果是無常。我因無常。果是常耶。答。因有遠因近因。果有近果遠果。外道唯有常因。無其常果。佛法遠因是常。近因無常。遠果是常。近果無常。此答令乖准。涅槃三十三云。一切善業是涅槃因。因有二。一近二遠。近即三解脫門。遠者無量世所修善法。若遠因常即是滅諦。但可說證不得說修。二十七云。說涅槃因名爲佛性。佛性名。通。非唯真如。六度等法。并名佛性。二十二云。未得阿耨菩提時。佛性因故。是過去現世未來。果則不爾。有是三世。有非三世。准此文意。因即福智。果通智斷。故因通三世。果世非世。若說真如爲遠因者。因亦通世非世。如何但言三世。三十三云。衆生佛性。猶如虛空。非三世故。佛性常故。非三世攝。又佛自答。我因無常。果是常。因中有遠近。因通二世。今有將自凡心。翻覆佛教云。遠因常無常。妄以近遠因果。相對分常無常。又復自許。真如生法。何故但能遠生爲遠因。因不能近生爲近因。如理既常住。近不爲因。遠亦非空。性體凝然。遠能爲因。近亦爾。以體前後無差別故。佛說生因是無常。乖佛說爲常。佛有無性。違聖說有性。此乃執自智見爲是。將佛菩薩爲非。何異待見角。而觸妙高。拔龜毛以填渤海。豈可得乎。寧不思乎。

①(有)十差②無四二由③則十(亦)④以二佛⑤甲本冠註曰體論作度⑥教二教⑦住二法⑧法十(界法)⑨復二後⑩解二謂⑪說十(及)⑫云異二云果⑬果⑭執⑮(復)十因⑯通二道⑰世二在⑱此二大⑲因二同⑳遠二緣㉑有十(者)㉒(因)一㉓空二因㉔佛十(說)㉕遠二道㉖特二特⑦⑧⑨⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺㊻㊼㊽㊾㊿

五性唯新謬四

有義。五性差別皆由新舊正法華第三云。先無三乘性後殖三乘因。名有三乘性。既云後殖。明非本有。上法華經及大集文。據習性說。非性種性者。亦不應理。且彼說真如及心為性。種性妄者如瑜伽二十一云。謂若種性自性若種性安立等。種性自性中云。今此種性以何為體。答附在所依有如是相。六處所攝。從無始世展轉傳來法爾所得。若是真如。豈名附在所依六處所攝。又種性安立中。云何得言。種種相續種種流轉。如是種子非於六處有別異相。即於如是種類分位六處殊勝。從無始世展轉傳來法爾所得。有如是相及以言說。謂為種性種子界性。是故當言墮一相續。准此所說。菩薩地善戒地持明性種性文。皆同此。明非真如。新舊妄者。准前文說。既非真如。後言無始明本性別。若唯新熏有五性別。即見道前不許有無漏。云何下文云。云何名為安住種性補特伽羅。唯住種性而未趣入。亦未出離。謂如。今有一補特伽羅。成就出世聖法種子。而未獲得親近善士聽聞正法。未於如來正覺正說法毘奈耶獲得正信。未受持淨戒。未攝受多聞。未增長惠捨。未調伏諸見。如是名為唯住種性而未趣入。請。舉斯文。聲聞本性豈由新舊。豈須有部所立宗耶。菩薩地言無始法爾六處殊勝等文。准此可知。又佛性論云。無初者。以性得大悲般若禪定法。身本有故。故言無初信大悲等是四德。既云無初。明因里有。復云性

得。明非新舊。又魏梁唐等攝論并云。又此如理作意相應是世間心。彼正見相應是出世心。未曾有時俱生俱滅。是故此心非彼所熏。既不知所熏為彼種子。不應道理。然說聞熏習為出世心因者。梁論自會是增上緣。唐論復云。此中聞熏習攝受彼種子。不相應故。又大莊嚴論云。若無性差別則無信差別。乃至云。若無性差別亦無果差別。由此四差別。是故應知種性有體。大般若善勇猛會勝鬘楞伽經善戒經地持論瑜伽論佛地論。皆說法爾性別。不言由熏。恐煩不引。所以正法華云。先無三乘性。後殖三乘因。佛種從緣起等者。皆由逢緣資熏本性方能得果。非本無因。五性新起。無因而生五性差別。非釋種子。又如寂調音天子所問經云。如貧人食是輪王毒法華不許親近小乘。云何世尊見有平等理心大性。而不教發大心令與小意。欲行大道。何爾爾小徑。彼自無病。何傷之也。熟思勿誤。故知五性法爾自有。待現緣發方果成熟。故。漏無漏種各二類。一本性二習性。故瑜伽第二云。又種子體無始時來相續不絕。性雖有之。然由淨不淨業差別熏發。望數數取異熟果。說彼為新。攝大乘云。聞等熏習無果生。非道理。涅槃二十六云。眾生佛性不名為佛。以諸功德因緣和合。得見佛性。然後得佛。汝言眾生悉有佛性。何故不見者。是義不然。何以故。因緣未和合故。以是義故。我說二因。正緣因。正因為名佛性。緣因者發菩提心。以二因緣得阿耨菩提。如石出金。佛性之

因非如空常有。非如鬼角無。准此須解若云。優婆塞戒經云。若說有菩薩性。是名外道者。不爾。善戒經說。有菩薩性者以大乘成熟等。涅槃亦說悉有佛性。豈外道耶。欲明五性唯新舊云。有本性者。即外道義。欲證一切有佛性。若說無者。是小乘義。故成相反。徒引多文妄為解釋。不如依論以釋佛經。恐此文煩故略不舉。

真如為種謬五

有義。瑜伽論云。諸出世間法從何種子生。若言龜重自性種子生。不應道理。答諸出世間法從真如所緣緣種子生。非彼習氣積集種子所生。西方兩釋。一護法等云。此是緣真如智以真如為所緣緣故。名真如所緣緣種子。二難陀等云。是聞熏習種子從佛正體智各為真如所緣緣種子。此二釋非。何以故。論云。若非習氣積集種子所生者。何因緣故建立三種涅槃法種性補特伽羅。及建立不般涅槃法補特伽羅。所以者何。一切皆有真如所緣緣故。准此難意。真如皆有。無其勝劣。因何分三乘性。及有無性。不合可。答家以非一切皆有習種答。難家將一切皆有真如為難。為難之法。牒釋難故。同一文故。又論自為問答。不可言難家不得答意。故知客家以真如為種答。難家即云不得有無不同。故知真如能為種生。同大般若真如雖生諸法。真如不生者。此亦不爾。所以者何。若以真如為種生法。過失如前。不平。等因。為妄中說云。二師釋與論相違者。此亦不爾。釋

●本二今●●種二習●●後二復●●(今)一●●入十(亦未出離補特伽羅)●●舉二客●●須二順●●身十(道)●●性十(無)●●(四)●●(本)十有●●(世間)是九字一●●四十四(種)●●地十(經)●●性二性●●爾二示●●強十(無)●●始●●(不淨)一●●是二見●●緣十(以知)●●正十(因)●●子十(為種子)●●緣一●●如十(為)●●釋二俱●●(般)十還●●性十(差別)●●法十(種性)●●(不合可)一●●為一●●釋二答●●皆十(云)●●前十(指)●●

不違論。何以故。答意以真如爲所緣緣之能緣之智種。爲出世法因。難意既以真如爲所緣。既通有能緣。亦應一切皆成。何故得立。有無性別。若即真如爲種能生。應但云從真如種子。生出世法。何須云真如所緣緣種子。生。因。天親般若論云。若一切時一切處實有真如。何故有人能得有不得者。頌答云。時及處實有。而不得真如。無智以住法。餘者有智得釋云。何故不得。彼無智以心住法。彼以不清淨故。以有智者心不住法。是故能得。准此。論意。明如遍難。雙舉智障以答彼難。明知法爾種性。無有。若不爾者。但應舉住法。何須說智耶。故取伽論以有畢竟障種子。及法爾本。有無漏種。分五性別。般若論中。以如遍難。舉智及障答。喻伽以如遍難。偏舉障答。意顯智種有無不同。不由謗法。若由謗法立性不同。即應但立有性。無性不應分四。又復謗法大乘處處皆許悔淨。豈慈氏不知云畢竟不可斷。又復謗法造五逆業惡惡道報。但煩惱障。何開所知云有畢竟所知障種子。附在所依非煩惱障種子者。於彼一分建立聲聞種性。一分建立獨覺種性。豈可二乘由爲謗法名無種性。彼許二乘得無學果。即受變易迴心向大。豈可所知障畢竟不可斷。又若謗二空即大莊嚴論時邊。四中普斷諸善根。非畢竟無因者。不爾。普斷善外。更何業重爲畢竟障。又若由障名不可斷。即合明舉。何故別說畢竟無因。又若真如爲種親生出世間法。略有四過。一前後相違過。自前本

性門中。即說無漏從有漏心生。今說真如生。定從何是。二門相違。二聖教相違過。喻伽攝論種子義中。皆云一剎那滅者。生已無間即滅壞故。無有常法得成種子。於一切時無差別故。不可難云。法爾種子不與能熏相應熏成。何得名種者。不爾。七義釋種子義。能熏所熏釋熏習義。又本有種由熏增長。不說熏生。說熏生者。是新熏種。三自宗相違過。違佛性論有體生無體。名許真如親生出世。即應云二有體生有體。何故說一。四進退相違過。若從有漏生無漏者。復違五十二不說龜重。自相種生故。更有多過。如前已辨。所餘義准此知矣。

通經法爾謬六

有義引經。一切衆生無始時來有種種界。證法爾有五性別等。不應道理。彼說一一衆生各有種種界。如七葉樹。非說一切衆生各多差別。此言法爾。是本性故。非如性力所知種種界也。此不應理。若許一一生各有種種界。一一界相似。如七葉樹者。豈一一生皆作三乘果二十七賢聖多貪食分有無性。等。若爾。云何言有聲聞性得聲聞道等。多貪之人說不淨觀等。利鈍根別等有無相違。鈍利相違。漸頓相違。定相違。豈可一生。普具成。熟。又彌勒菩薩無著等師。不解經文證五性殊。皆引彼教耶。善戒經說。說共住令轉者。據不定性說。非定性者。楞伽於不定乘中說。有四大乘小即無。大般若同。又云。瑜伽但云無始有無有種性。不言法爾及本性住。非

爲定證者。不爾。此無始言即是法爾及本性住。何以得知。佛性論云。無初者。性得大悲等。無初即無始性得。即法爾等。又次下引種子有四。一本性住。如何得言不說本性住非爲定證耶。又云。瑜伽云。種子有四。一本性住。二先習起。三可修治。謂有涅槃法。四不可修治。謂無涅槃法。約先習種分其五性者。此亦不爾。既立本性住。二先習起。若云約先習種分其五性。只有三種。何得言四。既總先習。何言本性。又達聲聞地二十一說。并如前引。又云。瑜伽云。若般涅槃法者。一切種子皆悉具足者。是具足四種。名爲一切無涅槃法者。便闕三乘種者。唯有本性住。先習種子不可修治種子。闕可修治種子。名不具足者。此亦不爾。對有無別立後二種。二種相違。云何得云有四種者名爲具足。復許有本性住先習種子即可修治。不爾。先習於何云不可治。又云。但由新習熟入不同。不言本性住種有無不同。及不云法爾。若云有教請示其文者。雖前數明。今更略引。即彼自引。種子有四。一本性。如何云不言本性住種。又聲聞地初種性自性種性安立。但云從無始世展轉傳來法爾所得。同善戒經言本性者。陰界六入次第相續。無始無終。法性自爾。法性自爾。即法爾也。聲聞菩薩種性之中。俱云無始法爾所得。何獨不信聲聞地文。云爲小。說。又梁攝論出世間淨章。初二乘正見以聞他音及自思惟爲增上緣方始得生。故三乘性無始本有。佛地論云。由法爾故。無始時來一切

①緣十(緣) ②有二何 ③生十(坐) ④彼二故 ⑤以一 ⑥論意二意論 ⑦無有二有無 ⑧及二障彼 ⑨有 ⑩道二竟 ⑪淨二淨 ⑫懷十(開本) ⑬云二之 ⑭若 ⑮故十(則) ⑯法十(住) ⑰名二若 ⑱相二即 ⑲失 ⑳時二已 ㉑謂法二法性 ㉒等二者 ㉓作二起 ㉔食二等 ㉕定十(不定) ㉖若二 ㉗然二就 ㉘皆引二唯成 ㉙乘二定 ㉚是 ㉛以二故 ㉜如二始 ㉝何十(者) ㉞者二有 ㉟習熟二熏種 ㊱但二俱 ㊲說二既

有情有五種性。又准瑜伽及顯揚論。成立性。皆據本性。既見教文。應信順受。若唯新熏五性差別。現能熏因無種何起。若無種生。遠四卷楞伽第一云。大慧若復說無種。有種識三緣合生者。龜應生毛。沙應出油。若從因生還本性別。

漏生無漏謬七

有義攝大乘論云。如是已說入所知相。入所知相云何應知。乃至謂於大乘而起多聞聞法義已熏心心所法。相續所依。其小聞者無容得入此現觀故。准此論文。多聞熏習。同涅槃經緣因。如乳為酪正。因。煖等為。因。即本識為正因。彼說非理。此解初因。前後自違。何者。此云多聞熏習為緣因。本識為正因。下云。以無漏教生聞熏習。漸生無漏。非有漏中有無漏性。又云。故知阿賴耶識得與。有漏作親因緣。聞熏習種亦與無漏為親因緣。前云是緣。今云親因。一相違也。又云。同瑜伽論正智從聽聞法生。此說緣因非本性。前云聞熏習是親因。今緣說為緣因。非是本性。二相違也。准上經文。地如理心。藥草種子如聞熏習起三乘法。乃至云。如世間地能生一切。要待種子為親因。方能生長。本性亦爾。待聞熏習以為因緣。聖道方生。初以地喻理心。熏習喻種子。此地為緣因。種子正因。前云熏習同瑜伽說為緣因。非是本性。三相違也。又云。如地雖能生一切。要待種子以為親因。方能生長。本性亦爾。待聞熏習以為因緣。聖道方生。更以本性喻如大地不親生物。

要待種子。種子為親因。本性為緣因。前云熏習。同涅槃緣因。正因即佛性。今復說本性。如地翻作緣因。四相違也。又云。如地生草木。或疎疎亦作親因。此說違涅槃經。二十六云。種子等是生因。地水養等名了因。今者說地亦作親因。五相違也。又梁攝論。從他聞音。如理思惟。望於正見。是增上緣。今說聞熏為親因緣。六相違也。攝論又云。此世間心未曾與彼出世間心俱生。識非彼所熏為彼種子。不應道理。今說為種。七相違也。又聲聞地及菩薩地。及莊嚴論顯揚論等說本有種子。今說唯新。八相違也。又唯新熏。成唯識論不正師義有舊新種。是其正義。決邪乖正。九相違也。又云。瑜伽論說。地獄三無漏根。從當果說。現無種子者。不爾。五十七云。三根行定不成。種子或成不成。謂般涅槃法者成熟。不般涅槃法者不成熟。故。又現在存種。當果可生。現在無因。當果如何起。又後有部雖三世有。法至生相方始說得。大乘但有現在。無種說何當成。若准瑜伽五十一。解得獲成就中。初破他云。若得是諸行生因者。若從先來未得此法。此既無有生因之得。應當不生。由此亦應畢竟不得。今若現無種生因。當果當不生。應畢竟不得。豈得難他無得不生。自許無種說當果起。名為成。乖瑜伽之正文。十相違也。又例云。酪雖不生乳。乳中無酪。為酪因。聖雖不從凡。凡無聖種。令聖起者。今且為作相違決定例云。烟不為因。還起本烟。起非無自種。因聖不從凡。

因凡生聖。雖凡生有自種。大為答云。外或無熏習。酪不熏乳。乳生酪。內法必熏生。非無漏熏無漏。亦不可云法爾之種。由新熏生。法爾道理。因緣道理。皆許得立。若由熏生。即因緣道理。非法爾道理。若云初無漏無因類者。何故攝大乘論云。又出世心。雖未生。說出世心。雖未生時。已能對治諸煩惱。此同類因展轉相續。剎那勢力。能為對治。外法非親因。不可例同。若外必同內外。應具四緣等。又云。見道已前有漏生有漏。此是有漏之因。生於有漏。非是以因有漏故。亦有漏。從其漏生無漏時。此是無漏之因。生於無漏者。今為比量相違例云。見道已前因有漏不許因有漏無漏生。世第一法是世間。世因非生出世種。又無漏有因無漏起。無漏之因無漏名無漏。名無漏無因果不生有漏。誰之無漏種。又云。唯信外道無生有。不信涅槃轉無明為明。有漏生無漏者。亦不爾。楞伽不許無生有。何同外道有因無明即轉變。因豈不同於雨眾說。又云。論云。唯初無漏五蘊剎那等。乃至若謂大乘無剎那者。出何經論者。前引攝論有同類因。瑜伽論本無漏種。又楞伽第四云。無漏無剎那。寧非明說。如觀滌滌不視玉泉。若視秋毫莫見。當能顯中邊慧日論第二

性(無)十(以)生(一)起(二)配(三)小(二)少(一)因(二)緣(三)初(二)正(一)有(二)無(一)緣(二)復(一)子(十)以(一)特(二)得(一)以(二)地(一)地(二)以(一)喻(二)由(一)緣(二)緣(一)要(二)安(一)要(二)種(一)或(十)為(一)種(二)聖(一)說(一)本(二)者(一)二(一)二(一)俱(二)減(一)決(二)邪(一)快(一)耶(一)扶(一)存(二)有(一)後(二)復(一)但(二)阿(一)何(一)若(一)生(二)正(一)種(十)因(無)得(一)熟(二)就(一)隨(二)解(一)令(二)合(一)作(二)從(一)造(二)造(一)本(二)木(一)不(一)從(二)作(一)云(二)之(一)新(二)離(一)因(二)同(一)離(二)來(一)心(一)七(一)字(一)於(二)捨(一)亦(二)但(一)且(一)其(二)有(一)今(二)今(一)世(一)世(一)名(無)漏(一)名(二)若(一)豈(二)出(一)種(二)落(一)論(十)說(一)

能顯中邊慧日論第三

溜州大雲寺沙門慧沼撰

說教前後八

有義。前經漸教唯說四住爲三有因。後經顯了通說五住爲生死本。四住不斷故受分段身。無明住在故得變易體。由斷佛說前後不同。論釋佛經不違時教。如深密已前說爲前教。法華會後卽爲後教。不了唯說不定回心趣寂猶存實滅。不捨三界之身。不別說受變易死。但說。留行留分段身。卽解深密經論伽論等是。法華後經定不定性皆悉回心無二乘實滅。捨三界身則受變易。非是三界。楞伽勝覺無上依經佛性論等是。此說不爾。所以者何。法華。四十年後經有明文。楞伽等經并非已前出何聖教。且無上依經非法華後。何以得知。闍王末。流國位。可有頻婆。婆羅法華經內已列闍王。列王如何無上依經猶說頻婆在會。何者。無上依經列衆中云。頻婆。婆羅以爲上首。以此准知非法華後。又勝覺經亦非。四十年後。何以得知。經云。波斯匿王及末利夫人信法未久。仁王般若經內云。初年八月卽三十年初。何以得知。准經月光。經云。如來已爲我等。二十九年說摩訶般若。故知至說仁王經時。月光信佛已久。勝覺經云。信佛未久。明在仁王般若已前。不爾。已二十九年聞經。如何勝覺經中言信佛未久。准此卽知非法華後。又入楞伽經准三藏

菩提流支云。又依結集。初年說大集寶幢陀羅尼及楞伽海龍王。九年說靈樞摩羅。十年說如來藏。又云。華嚴涅槃般舟經摩羅如來藏等皆自說年月。准此。楞伽非。四十年後。雖下。持云我於象腋涅槃大雲等經已令斷肉。楞伽未必在涅槃經後。何以故。准文自說。龍宮七日始入楞伽方說斯教。豈說涅槃雙林滅已更住龍宮等耶。所指涅槃經未必卽是大涅槃。若云見聞有異。何妨不是說涅槃後。若爾。何妨見聞異。准結集說卽在初年。又云。大般若在法華前者。准流支說。五年卽說大般若經。准智論文。乃在法華後說。何以得知。准彼畢定品中。問一切菩薩皆畢定不。論釋云。何問此。見法華中。童子衆沙皆成佛道。及明二乘作佛。故作斯問。准此。大品乃在法華後說。憑何定判是。四十年前。又佛性論及寶性論不是唯釋法華後經。兩論不引涅槃法華。多依無上依楞伽深密如來藏及勝覺經說。准問定經二論。及釋法華前教。彼定前後。既并憑虛。依彼標準。復有多過。其過者何。且云。前經雖說二乘實入涅槃。後經釋云。如化城羊鹿。楞伽經聲聞種性墮變易死。二乘無滅。非唯不定性者。不爾。楞伽說墮變易能趣大者。是不定性。何以得知。准第七云。大慧菩薩白佛言。世尊。世尊說聲聞辟支佛入第八菩薩地寂滅樂門。乃至云。尚未能證初地之法。何況八地寂滅樂門。佛告大慧。聲聞有三種。言入八地寂滅樂門者。此是先修菩薩行者。墮聲聞地。還依本心修菩薩行。

同入八地寂滅樂門。非增上慢寂滅聲聞。以彼不能入菩薩行。未曾覺知三界唯心。未曾修行菩薩諸法。未曾修行諸波羅蜜十地之行。是故決定寂滅聲聞不能證彼菩薩所行寂滅樂門。又頌云。決定諸聲聞不行菩薩行。同入八地者。是本菩薩故。准此。卽是五乘之中不定乘也。法華喻伽意皆同也。又第八云。如何佛世尊與諸大阿羅漢記等。佛答云。大慧我爲曾行菩薩行。諸聲聞等依無餘涅槃卽與授記。大慧我與聲聞授記。爲怯弱衆生行勇猛心。大慧此世界中及餘佛國。有諸衆生行菩薩行。而復樂於聲聞乘法。佛爲轉彼取大菩提。頌云。三乘及非乘。諸佛無量乘。一切記佛地。說諸煩惱斷。內身證聖智。及無餘涅槃。進怯弱衆生。是故隱覆說。准此。正同解深密說三意生身。初地已上決定趣寂。既不證菩薩所行寂滅樂門。明彼不能得意生身。而不能知故爲過也。又云。不空羼索經及僧伽經說。淨居天皆發趣大判作法華後教。未知憑何得知。有教卽合。明言無證。如何抑判。又云。唯識。兩師所說皆不應理。故知法華會前一切聖人皆不發心。法華會後淨居亦發。唯識論師達經立義。非唯一二者。不爾。如何解深密經彼自許在法華前說。唯深密經於淨土說。說淨土相。列衆歎德皆同佛地。佛地論釋如實義者。皆是不定種性聲聞得小果已。趣大菩提故名爲大。若非回心。不觀淨土。又攝論等十義說一乘云爲不定性。卽通有學及無學聖皆許回心。

①沙門二 ②經 ③斷二 ④留十 ⑤四二三 ⑥法二 ⑦說二 ⑧沙 ⑨一 ⑩經二王 ⑪等十 ⑫大衆 ⑬自 ⑭持二 ⑮門二何 ⑯及二乃 ⑰世尊之 ⑱三二 ⑲薩十 ⑳如何 ㉑二 ㉒進怯弱 ㉓誘進怯 ㉔伽十 ㉕合二今 ㉖兩 ㉗論 ㉘唯二 ㉙觀二說



又智度論釋大品經法華兩教云。三種人有妙淨土出於三界。乃至無有煩惱之名。於是國土佛所開法華經。具佛道。如何得說法華經一切聖人皆不發心。又云。楞伽經分明說定性寂滅有變易死。教理顯然。豈得執弘前教非後經說者。此亦不爾。准入楞伽第四云。大慧聲聞辟支佛未證法無我。未得不可思議變易生。是故我為諸聲聞故說一乘道。此云未得。更據何文云分明說決定之人得受變易。依此文意。不定性人未聞大乘。不得變易。豈許決定不能回心得受變易。亦此經文亦有云。未離不可思議變易死。亦有云。不得離不思議變易死。亦有云。未得離不思議變易死。無分明文。作決定說。定性之人得受變易。亦第二中說。墮不思議變易死故者。此說不定回心已後墮不思議變易死。無決定性得變易文。若又許受變易生身。如何得言如是等得入人無我乃至生心以為涅槃。凡夫受分段。自知生死身。聖人受變易。豈執為涅槃。謂得之餘。即非知障知餘。若在故彼自不許。謂有餘依回心向大。要捨分段。別受變易。得三昧樂。謂為無餘故。亦如少聞得第四定。將為極果。死見前相。尚起起訪心。豈況聖人見受變易。謂為無餘耶。又准五乘文。初二乘中無入大乘語。唯第四不定乘中言。大慧彼三種人離煩惱障。熏習得清淨故。見無我。得三昧樂。聞故。聲聞緣覺畢竟證得如來法身。言彼三種人者。即不定乘中有三種人。非是指前初之三乘。若爾。即前須

別說為第四乘。或可前三乘不定性皆悉合說第四人。唯取不定性者。言彼三種。即前三中不定性者。若不如是。謂即前三定不定性皆許入大。違下第七第八所說。如前已引。無文顯說定性寂滅受變易死。虛言教理顯然故為過也。又問答中云。何故二說不同。答云。如經中。未說王宮以為化佛。弘此時教。即說三十四心成佛。未說阿賴耶。弘此時教。即說滅定唯在欲色。及說種子依色心也。弘後時教。其義即改。即弘前教。四十年後二滅非真。有阿賴耶。墮不思議變易生死。弘此時教。論亦隨教者。此亦不爾。自許華嚴是已前教。豈唯說王宮化身以為真佛。瑜伽攝論并說王宮為非真佛。三十四身成者。是小乘變論文。滅定依欲色身。有部之說。種子依於心色。經部師宗。瑜伽并改前宗。種子依於第八識等。同楞伽等。亦說不定無實。涅槃智論顯揚佛地。俱說有變易生死。何義不同。而判瑜伽佛地論等為四十年前之教。如前已引判前後非。於同不解其同非異。強見於異故為過也。又云。瑜伽八十說二涅槃。由異熟識無有取故依轉識等不復得生。唯餘清淨。無為離垢。真法界。有。當楞伽經而滅諸相。不取未來境界是三昧樂。二乘謂為涅槃。此亦不爾。彼經所說前後又異。第二卷則說聲聞辟支佛長生死妄想苦而求涅槃。不知世間涅槃無差別故。分別一切法與非法。而滅諸根。不取未來境界。妄取以為涅槃者。是二乘有學凡夫之人。執無學者滅諸根

已所得無餘謂為究竟。不知阿賴耶識轉成勝無餘故。次云。是故彼愚癡人說有三乘法。而不能知唯心想滅得寂滅法。若即聖人不應。次云。是故大慧彼愚癡人於世間生死輪中。常轉不住。亦據實義。決定性人滅諸根等者。身智俱滅。唯有真如。楞伽云。唯心想滅得寂滅法。寂滅法者。非三昧樂。三昧樂者是第七卷文說。不定性回心向大得入諸地。以本名說。同頓悟菩薩。諸地中得滅盡定。名墮三昧樂法門。何以得知。彼自問答云。佛告大慧。我今為汝分別宜說。大慧。聲聞有二三種。言入八地寂滅門者。此是先修菩薩行者。墮聲聞地。還依本心。修菩薩行。同入八地寂滅樂門。非增上慢寂滅聲聞。若是二乘捨分段身住於三昧。名得涅槃者。何故第四卷云。須陀洹有三品。皆言入涅槃。經說第二果云。以善見禪修行相故。一來世間便斷苦盡入於涅槃。何以故。受變易身。改有行苦。豈得說云便斷苦盡入於涅槃。又復此是決定趣寂。何以得知。次下大慧問佛云。為說得決定寂滅羅漢。為發菩提。願善根。安善根。阿羅漢為化應羅漢。佛告大慧。為說得決定寂滅聲聞羅漢。非餘羅漢。故知定性入無餘依唯有真如。同楞伽經而滅諸根及心想滅云入涅槃。若住三昧樂生涅槃想者。是退菩提。不定性者。顯文不解。故亦為失。又云。前後二教略有十三不同。一云。無上依經由無明住地有變易死。瑜伽論等由定願留。此亦不爾。隱經無漏業。設論所知障。以為不同。不云由

○兩二前○ ○具十(足)○ ○亦二然○ ○(變)○ ○十易○ ○亦二然○ ○示○ ○非二所○ ○若二苦○ ○問二向○ ○甲本冠  
註曰見下經有法字 ○門二行○ ○前十(何)○ ○(乘)一○ ○改二段○ ○教二改○ ○(此)一○ ○(爾)一○ ○論二  
論○ ○強二程○ ○取故二所放○ ○為二界○ ○有二在○ ○又二文○ ○者滅二滅者○ ○盡定二定盡○ ○三二二○  
見二現○ ○改二現○ ○以○ ○提二獲○ ○妄二忘○ ○應十(化)○ ○留二品○



所知障同無明住地。起無漏定顯同無漏業。故亦爲過。又云。楞伽滅諸根。方取變易。瓊伽留有根身者。此亦不爾。滅諸根者定入無餘。非受變易。不爾。變易豈無諸根。論留根身。是楞伽之不定。故留根身而爲變易。不知所以妄云不同。第三不同。至破變易執方辨其失。四云。法華等經往他佛土。瓊伽等留身此洲。此亦不爾。法華往他佛土。據佛滅後。此界無佛。無能覺悟令發大心。以佛方便令往餘土。瓊伽等論約現逢佛。已能趣大受變易。生。留身此土。卽法華經三周授記。學無學人俱在此洲。不往他土。始能趣大。此而不悟。故亦失也。又云。依涅槃經。是人未來過八萬劫住等。瓊伽論等卽留此身。或餘一劫。此亦不爾。瓊伽論言或餘一劫者。佛地論釋。或餘一劫者。此中意說過於一劫。准此八萬劫亦是過一劫。過一劫言無限定故。又云。依勝鬘等。二乘大力菩薩同受意生身。瓊伽論等二乘不同大力菩薩。大力菩薩如意而生。常顯生故。二乘遠離而住。一切衆生。皆不能見故者。此亦不然。且涅槃經云。須陀洹人八萬劫。乃至辟支佛。人十千劫。住此爲受變易。爲住無餘依。若不受變易。捨分段已。八萬劫住後。依何法更趣大耶。若受變易八萬劫住。豈常化生。又楞伽第四云。大慧聲聞辟支佛。若離一切諸過。重習得證法無我。爾時離於諸過三昧。無漏醉法覺已。修行出世間無漏界中一切功德。頌云。無有究竟趣。亦復不退還。得諸三昧身。無量劫不覺。譬如偈

醉人。酒消然後寤。得佛無上體。是我真法身。第七亦云。大慧聲聞辟支佛。於第八菩薩地中。樂著寂滅三昧樂門。醉故不能善知唯自心見。乃至大慧諸菩薩以見三昧寂滅樂門。憶念本願。大慈悲心度衆生。知十無盡如實行智。是故卽不卽入於涅槃。此并二乘雖受變易。利生修行不同菩薩。如何獨謂瓊伽不同。第七不同。至破變易中辨。第八第九不同。准前破。又云。瓊伽云。留身通於有學。勝鬘等經唯是無學者。此亦不爾。有學不回心。不許受變易。既許彼回心。何不受變易。若謂煩惱在。菩薩亦復然。若謂菩薩雖有煩惱無漏力勝何妨。有學回趣大已有勝力能。又彼自判深密前教。後唯不定回心見道前趣大。不說聖者回心向大。非爲顯了。法華後教得聖者有學亦許回心。爲顯了。今瓊伽論等亦說有。亦說有學回心。許受變易。斯有何失。勝鬘據其定受變易生說。佛地依容受受論。不爾執文。說無學受不許有學。亦應楞伽說三地上有意生身。不說二乘無學受變易身。豈可二乘及初二地總不受變易。非過謂過。故爲失也。十一不同亦准前破。十二不同下破變易執中具辨。又云。涅槃等先入寂滅後發大心。瓊伽先發大心然後留身者。此亦不爾。法華經有學無學人并悉回心。豈并無學住滅定中。謂無餘滅經多劫已方始趣大。又涅槃經云。八萬劫已至阿耨菩提心等。不言八萬劫已始發大心。不同之者妄謂爲同。實同之者卽爲不同。准彼所論。同亦何

會同。異亦實無異。異種難思。譬目許生空華。異種尋伺唯妄分別。增壽非了謬九。有義。前經說留壽行。瓊伽論等釋云。增壽至大菩提。然無漏業非變易親因。不捨留根身。卽受變易生死。後教得無學果。捨分段身所知障爲緣。新發妄無漏業。親感三界外變易生死。住三昧樂。謂無餘涅槃。非滅盡定。從此覺已。始發大心。第八雖是有漏。煩惱盡故不屬界繫。名三界外。非離三界外有別衆生。然二乘種性雖有定不定殊。俱受變易。受變易已更不捨身。乃至金剛方始捨離。故佛性論云。唯有一生名爲有有。若如唯識論等。不捨分段卽受變易。云何名爲生死。若謂利那卽達佛性論說唯有一生。若謂命之始終。卽達佛性論諸壽行。又言增壽。如何說死。既無有死。如何說生。又既不捨分段。瓊伽復無轉根之女人羅漢增壽。雖長女身。若爲成佛。但可依經生智。凡夫不得妄有思度。此說不爾。二乘聖果回心向大。俱容得受變易生死。勝鬘經內據決定。說不定性者得無學果。決定回心不更復生。決受變易有學。不定雖亦回心受變易生。不決定故。經中不說。可以勝鬘不說有學回心。卽不許法華會中有學趣大。是故佛性論等同勝鬘經。且據定受。楞伽經中據其頓悟怖煩惱者。說三意生。瓊伽佛地同法華等。俱許回心。既說回心。卽容彼受變易生死。既無文障。明有學回心得受變易。亦爲正說。彼無文障。此有文說。涅槃

①又二二？ ②去立 ③生二性 ④又二五？ ⑤又二六？ ⑥皆一 ⑦云一 ⑧人二者 ⑨住二促 ⑩後依一  
住十六字 ⑪豈常化三字 ⑫不卽入於二入於不卽 ⑬破十文 ⑭又二十？ ⑮受二徒 ⑯及二乃 ⑰又二十三？  
⑱者二等 ⑲之 ⑳日二因 ㉑根二相 ㉒然二亦 ㉓之十文 ㉔豈長二苦成佛卽以 ㉕若爲二直 ㉖  
㉗決十定 ㉘可二何 ㉙不二可 ㉚障二設

法華并許回心。瑜伽佛地許受變易。彼自說云。但可依經生智。凡夫不得妄有思慮者。彼豈大聖。此瑜伽等并遮止耶。又括其文意。略爲十一過。言捨分段身別受變易者。出何聖教。勝鬘經等并無捨分段言。瑜伽佛地論等皆言。無漏定願以資故業。令所感身漸勝。令長。顯揚十六云。依變化身得至佛位。亦不言捨分段。入大乘論亦云。住壽不依經論。自意定之。又云。所知障爲緣。新發妄無漏業。別感界外變易生死者。此不應爾。若造新業爲親感。何故佛性論云。因緣生死譬如須陀洹以上。但用故業。不生新業。若以無漏新招生死。此喻不成。又緣起經等。聖者不造感後有業。若非是有經論。不應云有生死。若其是有。聖者如何造後有業。又復若許造後有業。那含不應難修禪定資下故業生五淨居。若云大小力殊。此亦不爾。身勝劣別。何不得造。又若力殊。唯應善薩造新業感。二乘劣不能造。感。又若善薩許新造業感變易生。即大自在宮變易之身生報業。如何十地論云。後報利益摩醯首羅智所生。故佛性論云。譬如須陀洹以上。但用故業不生新業。以此故知。瑜伽唯識等云。資故業爲其正說。若是無漏新感者。即集諦攝。雖安立諦非安立殊。不離四諦。無處說集。是非所斷。得通無漏。是應可修。但說集諦。是其所斷有漏非修。違理求文。故爲不可。又若捨身更別受生爲變易死。即違四記。無煩惱人死者不生。若云據分段說者。此亦不爾。豈彼變易非生攝耶。

又約捨分段名死不生。此爲分別。何須云無煩惱人死不生。如入見道捨諸難等。亦得云不生故。若云同分段生不名爲捨。亦應同有漏第八不名爲捨。既無死不生。應令大師隨處妄說。又入大乘論云。問云。何住壽。答云。阿羅漢無煩惱。與八地菩薩同。善修如意足故。能隨意住世。乃至盡於生死。羅睺羅寶頭盧等盡住於世。若是捨分段。云何能隨意住世等不信。大師之。日記云。別受身。乖。文立義故。亦爲過。又云。無漏親感三界外生。名變易生者。此亦不爾。新無漏業可非墮界。第八有漏何非界耶。若云離繫故名非界。此同舊說。何。假再陳。又如煩惱能感生故。應能爲繫。彼許所知。實同煩惱。能發業感有漏第八。爲善提障。何非是繫。以彼云無漏生。如取爲緣。有漏業因而生三有。即執變易。如彼別生。既說如取等故。所知應繫。無漏集收。此說不許故。不應執變易別生。如唯識等。名斷所知。雖留身住無漏定願。查其故業。則無是過。經言如取爲緣有漏業用因而生三有。少分喻耳。又入大乘論云。若汝言無煩惱者。我亦如是。若有親愛。信歸於我。當爲汝說。問云。何住壽。答曰。阿羅漢無煩惱。與八住菩薩同善修如意具足故。能隨意住世。既言隨意住。明非別受生。亦不得言釋。四十年前教。論文自引。如羅睺等。故知兼釋法華等教故。唯識解不達經論。彼違故過。又云。受變易死住三昧樂。謂無餘涅槃非滅盡定。從此覺已始發大心者。據不定性。唯識無違。若

言定性。此亦不爾。違楞伽等。如前已引。而不能知根性有異。總說回心。達經及論。又法華經第二云。我等今者住最後身有餘涅槃。不云無餘。勝鬘亦同。又復自說無學回心要住滅定。謂是無餘。從此起已方能趣大。今言非滅定。前後自違背經立義。過之大也。又云。唯識論不捨分段即受變易。云何名爲生死。若謂剎那。即違佛性論說。唯有一生。若謂命之始終。即違瑜伽增諸壽行。增諸壽行即無有死有。既無有死。如何說生者。是亦不爾。生死名通。又如無上依經佛性論等四種生死。但名生死。非據各各死已別生方名生死。若云是變易身生死法故名爲生死。亦轉分段生死之法成變易故名爲生死。何過不許。若捨分段受生死。何名變易。又許無漏能爲新業親招生死。楞伽復說三意生身。地位各別。則應更受。何名一生。故所說難唐捐其功。其過五也。又云。既不捨分段。瑜伽復無轉根之文。女人羅漢若爲成佛者。此亦不爾。若以瑜伽無轉根文。即許女身成佛者。勝鬘經佛性論無上依經亦無轉根之語。設縱捨身。二乘鈍根如何成佛。瑜伽唯識無漏等資名。一爲變易。變易即是轉根之義。而不能知其過之甚。又云。如上地道。破於上地感上地道。破於下地感上地報。二乘無漏破裂分段感變易生。於理何失者。此亦不爾。上地有漏道伏下不伏上。有漏可能感報。無漏之道通斷上下。非同有漏。如何能感。又云。瑜伽論說。留根增壽。住在此洲遠離而住。餘不能

①(舍)一②③感一惑④云一之⑤日二四⑥文二父⑦[亦爲過]一⑧四二取⑨乘十(爲)⑩名二爲⑪具二是一⑫但二俱⑬各各二名名⑭(之)一⑮(別)十受⑯受二可⑰五二甚⑱(一)一⑲有二同⑳洲二明

見准此論文。是留壽行。非變易生死。末代論師加增穿鑿非瑜伽意者。此亦不爾。後代論師順文成理不同。彼說。乘背瑜伽。瑜伽若許捨分段身別受變易。後代論師云資故業。可是增加。瑜伽不捨根身增壽者。即是變易。不同二乘有漏定願所增壽行。非多劫故。人天同類皆可見故。又無著顯揚論中說。為變化身。親光佛地論內云。變易死。又入大乘論云。答云。阿羅漢無煩惱。與八住菩薩同。善修如意足故。能隨意住世。乃至盡於生死。又云。如僧祇中說。青眼如來。為化菩薩故。在光音天。與諸聲聞眾無量百千億那由他劫住。如彼天中。聲聞住壽多劫。當知此世界亦有聲聞。能如是住。若要捨壽受身他處。何名住。世。此界亦有等。又問云。為以此身住世。為更有餘身住。答以實身而住世者。則無其義。若變化身住壽多劫。斯有是處。若更受身。即是實身。何名變化。故知增壽轉。穢本形名為變易。若如是者。依名取義。及往無違。若要捨身方受變易。何但名乖。亦違聖教。唯意不但非唯識師。無著堅意諸菩薩等。亦彼云問略。敬凡不足。陵聖有餘。又云。如三界中煩惱為緣。有漏業為因。生於三界。若有業煩惱未伏。定生三界。故知若有妄無漏業未斷。無明住地故。受變易者。此亦不爾。如初果之人。又雖有三界業煩惱未斷。未必定受三界生。方取無學。即於現身亦許得故。故知地上菩薩亦爾。即於現身得至果故。若云二乘有學能伏修惑。可有不可生者。菩薩亦能伏所知

障。何要別生方能至果。又八地已上有無漏業。未斷無明住地。何不更受。為三意生。唯一生耶。又十三不同中第七云。法華智度論等。非三界攝。因緣非是有業故。三界煩惱不能繫故者。不爾。法華何處說變易身云。非界攝。若據惑盡分段之身。亦云界外。故下經云。以佛教門出三界苦。過三百句等。若論現身。八七五識及五根等。并是有漏。如何非界。應知云。變易出三界者。義亦同此。又從因緣生死云。非界繫。若約五八等。猶屬於界。雖非惑繫。體隨界故。若非界攝。應是出世。是出世者。與佛何殊。若云有漏故與佛殊。既云有漏。如何非界。又復大乘處處經論辨界趣體。唯依第八。而今不知。故亦成過。不同中第十二云。無上依經佛性論等。妄無漏業以為生死。與大菩提為其因。怨障。瑜伽論等由無漏定資身命住。以取菩提者。此亦不爾。若不為取無上菩提。留身久住。為斯修事。何故菩薩十地位中。受變易身。與菩提為障。又楞伽第七云。大慈菩薩以見寂靜三昧樂門。憶念本願。大慈悲心度諸眾生。知十無盡。如實行智。是故不即入於涅槃。大悲諸菩薩遠離妄分別之心等。既云慈悲為眾生知十無盡。如實行智等。豈可不知猶起妄無漏業受變易身與菩提為障。若由不知起妄無漏招變易身。應如凡夫造業因果。不唯一生。由業力故。若云故意受變易身。即何為障。只由有智障礙大菩提。為取菩提。留身久住。斷此智障。若不如是。即入涅槃。然經說為難。論名怨障者。以礙

大菩提故。所以須受者。為欲斷除故。如勇健人有其怨敵。求怨敵然故。非不能避。逢怨被害為怨障。受變易身應知亦爾。又云。第二第三時教。唯有定性二乘身智斷滅。第四第五時教。二乘無實涅槃。五性皆當成佛。無斷滅也者。此亦不爾。自許楞伽為第五時教。但說退菩提心者向大。勝寶為其了義。說一乘者。復云。隨彼意欲而方便說。法華論釋不益決定聲聞。藥草喻中論云。今知乘異。涅槃最在後陳。說皆成佛。不解我意。以此准知。瑜伽深密了義大乘。楞伽涅槃成皆符會。說教分為五時。定性悉皆成佛。無學無餘後始回心。捨分段身別受變易。既無聖教。但彼自言。非信人誰能順受。如有相違。後當會釋

說妄通經釋十

有義。學瑜伽者。妄通楞伽涅槃經說。一闍提成佛者。是莊嚴論時邊無性非畢竟無性者。不然。何者。且阿闍帝迦。此云畢竟。第五性收。一闍提人非定第五。五性斷善名一闍提。前四斷善名為暫時。第五斷善名為畢竟。此亦非理。所以者何。且五斷善出何經論。若准楞伽。但說五乘。不說五種斷善。若准莊嚴論。時邊中有四種性。亦不說皆斷善。若依涅槃第三十六。即說生死河中有七種人。皆說斷善。彼說五斷善。前四為暫時。第五為畢竟。憑何聖教。應為出文。又云。暫時無涅槃者。一非第五性。二非常沒。三非決定無涅槃法。四前經已說當得涅槃。楞伽經說第五性中。顯燃善根後當涅槃。第五性中唯有菩薩闍提。更

①(皆)十十乘 ②世此二此世 ③又二文 ④二二機 ⑤住一經 ⑥(唯意)一 ⑦被云問略二被問略 ⑧伏十(未斷) ⑨二二或 ⑩至二生 ⑪(等)一 ⑫云變易二變易云 ⑬想二惡 ⑭敵然二欲殺 ⑮障二敵 ⑯皆二不 ⑰甲本冠註曰顯燃經作焚燒

無畢竟。故知莊嚴論說畢竟無性。即楞伽經中燒善根者。此亦不爾。何者。楞伽經說當得涅槃。明彼非是涅槃經中常沒之人。亦非莊嚴畢竟之者。豈經中自說當得涅槃。無著菩薩說為畢竟無涅槃者。若說燒然一切善法。莊嚴論中名為畢竟無涅槃法。於時邊中。復更說誰為普斷諸善根。又莊嚴論畢竟無因。楞伽無性大悲。亦彼豈全無性。故知楞伽無涅槃法燒善根者。是時邊收。非是莊嚴畢竟所攝。又莊嚴說有五乘。同楞伽者。可云畢竟即彼第五。莊嚴論中但明有性無性。於有性中即說三乘。無性之中復有四種。一不同楞伽說有第四。二不同楞伽說無性乘為其第五。又諸經論所說不同。涅槃或云三種病人。或七斷善。勝鬘說四。此等非一。各據別義。非定一准。如何定判。莊嚴論中畢竟無性即彼燒然諸善根者。又若無畢竟無性。如何涅槃第三十二云。善男子。生死河中有七種人。第一人者斷善常沒。又第九言。若得聞是大涅槃經。雖犯四禁及五無間。猶故能生菩提因緣。一闍提輩則不如是。雖得聽受是妙經典。而不能生菩提道因。准此經。五無間業雖是邪定。說能作因。即餘處說救邪定。是一闍提輩則不如是者。即餘經說捨邪定者。又言捨者。不化作佛。非全捨之。令生天故。故彼前會菩薩藏經。同餘不捨。明為妄說。又復多喻。如枯木必不生。如石山不停水。如淤泥珠未能清。如煙種必不生。又云。假使一切無量衆生。一時成就阿耨菩提。已。此諸如來

亦復不見彼一闍提得成菩提。又第七云。復有比丘。說佛密藏甚深經典。一切衆生皆有佛性。以是性故。斷無量億諸煩惱結。即得阿耨菩提。除一闍提。若以悉有佛性。必當得斷諸煩惱結。彼一闍提豈不當能而獨除耶。若云餘者。現能闍提當能說。現非當者。此亦不然。除闍提諸難處等。皆現能耶。豈墮難者。皆闍提耶。上下多文。煩不具引。若以世親佛性論會。為謗法者說無量時。非實無性。如何不信。善戒經中如來自說。非種性人。無種性故。彌勒菩薩於聲聞地及菩薩地并決擇分無著菩薩顯揚論等。皆說無性。佛地論中又復會云。雖經宣說一切有情之類皆有佛性。皆當作佛。然就真如法身佛性。或就小分一切有情。方便而說。為今不定種性有情決定速趣無上正等菩提果故。攝大乘論及法華論所說一乘義皆相似。又復悉有佛性皆當作佛。即唯一乘而為義。何故涅槃云。說一乘一道一行一緣。乃至云不解我意。又云。於經中或說一乘。或說三乘。又解深密經云。故於其中說一乘。非有情性無差別。楞伽經中亦云隱密。若爾。既有無性。佛性論文及實性論如何會釋。答佛地論中已為解。說今更一釋。有經文說。闍提決定無涅槃性者。有多種不同。佛性論云。說闍提決定無者。會楞伽經第五無性。彼斷善者。但無現行。非無種子。總云決定無涅槃法者。是非了義說。現有清淨無漏自性種子故。或言決定無者。但無行性。非無理性。今總相說無明非了

義。故實性論云。以彼實有清淨性故。不得說言彼常畢竟無清淨性。又復二論依無上依經所會闍提。是樂樂中有第二非初。初者。誘解脫不唯大乘。佛性論會云。故佛說若不信大乘。名一闍提。實性論云。為欲回轉誘大樂心。若如是解。諸教無違。信一乘除信非具足。又云。妄通涅槃說一切衆生悉有佛性。若說行性少分一切者云。此非經意。何以得知。經云。雖信佛性是衆生有。不信一切悉有佛性。名信不具足。此亦不爾。經不明說。若不信一切衆生悉有行佛性者。名信不具足。又若許悉有行性。遠彼所執見道已前無漏漏故。又復涅槃說。佛性者非唯一法。豈可染淨一切同有無聖凡別。約理不遮。行性不爾。又若以貪等為行性者。非善法故。違入大乘論。故論云。汝癡無智謂煩惱為佛性。以理性遍不信皆有。名信不具足。今許理遍。前通非妄。又云。凡有心者皆當作佛。及云。為非佛性。說於佛性非佛性者。牆壁瓦石無情之物。離如是等無情之物。是名佛性者。與一切衆生皆當作佛。文皆大同。何者。一切衆生豈說無心及以非情為衆生耶。故同一切。不為定證。況復經中自有釋一切言。理行二門應須通解。彼全不許本無漏種為三乘性。向不為違。一切有言如何分有即為違教。喻伽等云不遍者。說理心耶。又以智論所說五乘云。不住涅槃者。著人天中。作涅槃因。以為定說。此亦不爾。彼據習性。非性。又許為證。便違涅槃一切有言。所有違文。反彼妄通。准

①又十(若) ②別二一 ③化二犯 ④能二得 ⑤(覺)十除 ⑥(隨)十說 ⑦(餘)十經 ⑧說二說 ⑨論十(等) ⑩(說)一 ⑪(說)十(安) ⑫甲本定註曰樂經作者 ⑬二二三 ⑭(非)十初 ⑮唯二信 ⑯通二通 ⑰為二名 ⑱說於二非 ⑲種十(性) ⑳所二取 ㉑反二及

前可悉。又云。涅槃說一切衆生皆歸一道。一  
道者。同用佛乘爲一乘也者。亦同勝鬘云二  
乘入一乘。一乘即大乘者。此亦不爾。彼自解  
云。一道一緣。等四十年前。勝鬘彼判在後。  
如何今復說同。前後相違實爲自拙。又更有  
過。如下破會涅槃文辨。何故一經二文相似。  
自情取捨強會不同。故知唯識善順諸經。衆  
論宏博深可儀習。

通釋外難十一

有義。一通釋外難云。若唯一乘悉當作佛爲  
了義者。何故涅槃三十四云。或有說言。須陀  
洹乃至阿羅漢皆得佛道。或言不得。或有說  
言。犯四重禁。造五逆罪。一闍。提皆有佛性。  
或說爲無乃至皆云。不解我意者。是迦葉問。  
佛爲答云。我於智者不作二說等。如說闍提。  
障未來故名爲無性。必當得故名爲有性。楞  
伽經說。度分段故。名之爲滅。未度變易名不  
滅也。由此智者知佛無二說也。此解不爾。  
非須陀洹等猶如闍提障未來故名。不作佛。  
當可得故名皆作佛。又斷善等雖名闍提。皆  
容悔滅。及生死續。如前已明。說必當得。非全  
無者。又非定性能度變易。楞伽深密瑜伽論  
等。說定性二乘不得作佛。不定得作佛。對大  
慧等。佛不二說。對定性二乘。或總相說不得  
作佛。對不定二乘。或總相說皆得作佛故。梁  
攝論云。前頌了義。後不了義故。二乘聞之。謂  
佛二說故。法華經論云。此以如來先說法異  
今說法。異云何如來不成妄語。爲斷此疑。如  
經舍利弗汝等當一心信解等。准此。涅槃會

法華經。謂佛二說。楞伽深密無此疑故。彼對  
智者。佛顯了談。不作二說。若不如是。或說作  
佛。或說不作。云何不。又楞伽說。定性二乘  
尙不能入初地。況能至八地。如前已引。准此  
故知。定性二乘不受變易。彼不能知。故妄釋  
難。三通外難。涅槃經云。我於經中告諸比丘。  
一乘。一道。一行。一緣。乃至云。我諸弟子不解  
我意。唱言如來說須陀洹乃至阿羅漢人皆  
得佛道等者。此解四十年前存三說一。非四  
十年後無二無三破二歸一。義既不同。因何  
爲難。何以得知。一乘一道非決定一乘。答  
文義及人皆不同故。法華勝鬘無此文故。義  
不同者。法華唯一佛乘。勝鬘二乘入大乘。一  
切衆生皆歸一道。一道者大乘也。涅槃所。立  
一乘異時。說同一道。如深密一道也。一行  
同顯揚。無差別行。到一有者。同華嚴經解脫  
無別。亦如出生菩提心經同至一城。謂同解  
脫人異者。此文告諸比丘。法華爲菩薩聲聞。  
涅槃爲迦葉菩薩。勝鬘夫人自說。者此釋不  
爾。無文顯說一乘一道等是四十年前說。又  
法鼓勝鬘亦四十年前說。如前已明。涅槃自  
云。皆歸一道。一道者大乘也。勝鬘經云。二乘  
入一乘。一乘即大乘與涅槃云。一乘何別。法  
華復云。汝等所行是菩薩道。又云。入大乘爲  
本。豈非一道耶。勝鬘云。六處大因爲大乘故。  
說此同一行。法華又云。如此皆爲得一佛乘。  
一切種智故。又云。唯爲一大事因緣故。豈非  
一緣。法華方便品告舍利弗。乃至化城品告  
諸比丘。乃至正說破二歸一云。又諸比丘若

如來自知涅槃時到。乃至云。唯一佛乘。無  
度爾。此即文義及人一切皆同。如何妄釋。又  
若云。勝鬘經夫人自說。法華告舍利弗。涅槃  
無之。故不會彼。深密告勝鬘。不告諸比丘  
故。涅槃經不會於彼。既法華中告諸比丘。  
涅槃經云。我於經中告諸比丘。唯此即是正  
會法華。論四義釋一乘中云。二者同義。以  
聲聞辟支佛佛法身平等者。佛性法身更無  
差別故。又解三平等中云。如來依三平等說  
一乘法故。以如來法身與聲聞法身無異故。  
與授記又云。又依何義故。如來說三乘名爲  
一乘。依同義故。與諸聲聞授記。同義者。以如  
來法身聲聞法身平等無差別故。以聲聞辟  
支佛異乘故。有差別。以彼非大乘故。准此。  
約如說乘爲一。據智果等。乘即有別。又梁攝  
論云。後名於法如平等意。諸聲聞等人如來  
於法華經中爲其授記。已得佛意。但得法如  
平等意。未得佛法身。准此。正釋法華一乘。文  
義同。不看經論妄爲計度。又通三十五證論  
云。教有三。一始終無二教。二隨機不定教。三  
後說決定教。此判爲三。理必不爾。何者。始終  
無二與後決定二教何別。又復三教文憑何  
爲判。又隨機不定彼無智耶。謂佛世尊爲不  
定說。准涅槃經云。若有智者。我於是人終不  
作二說。是人亦謂我不作二說。准之。對於智  
者則始終不二。於無智者作不定說。又涅槃  
經爲聲聞說半字。爲菩薩說滿字。准此。亦即  
無智有智故應分二。分三教者。彼言非佛教。  
判教既妄。釋定非真。煩不具述。又通瑜伽論

如來自知涅槃時到。乃至云。唯一佛乘。無  
度爾。此即文義及人一切皆同。如何妄釋。又  
若云。勝鬘經夫人自說。法華告舍利弗。涅槃  
無之。故不會彼。深密告勝鬘。不告諸比丘  
故。涅槃經不會於彼。既法華中告諸比丘。  
涅槃經云。我於經中告諸比丘。唯此即是正  
會法華。論四義釋一乘中云。二者同義。以  
聲聞辟支佛佛法身平等者。佛性法身更無  
差別故。又解三平等中云。如來依三平等說  
一乘法故。以如來法身與聲聞法身無異故。  
與授記又云。又依何義故。如來說三乘名爲  
一乘。依同義故。與諸聲聞授記。同義者。以如  
來法身聲聞法身平等無差別故。以聲聞辟  
支佛異乘故。有差別。以彼非大乘故。准此。  
約如說乘爲一。據智果等。乘即有別。又梁攝  
論云。後名於法如平等意。諸聲聞等人如來  
於法華經中爲其授記。已得佛意。但得法如  
平等意。未得佛法身。准此。正釋法華一乘。文  
義同。不看經論妄爲計度。又通三十五證論  
云。教有三。一始終無二教。二隨機不定教。三  
後說決定教。此判爲三。理必不爾。何者。始終  
無二與後決定二教何別。又復三教文憑何  
爲判。又隨機不定彼無智耶。謂佛世尊爲不  
定說。准涅槃經云。若有智者。我於是人終不  
作二說。是人亦謂我不作二說。准之。對於智  
者則始終不二。於無智者作不定說。又涅槃  
經爲聲聞說半字。爲菩薩說滿字。准此。亦即  
無智有智故應分二。分三教者。彼言非佛教。  
判教既妄。釋定非真。煩不具述。又通瑜伽論

①等十(釋)②提十(等)③非二如④又二有⑤非二說一非三⑥立二云⑦說一⑧(無)十無⑨(者)一⑩  
(告)一⑪唯二准⑫華十(又法華)⑬異二果⑭機十(人)⑮教十(無佛敎)⑯





小乘經。故知瑜伽善戒涅槃義同水乳。而彼不知。自妄分別。云學唯識論者不會時教。於此義中誠可更審。下見諸難。多率自情。顯倒釋文。既無憑准。繁不具舉。能顯中邊慧日論第三

### 能顯中邊慧日論第四

淄州大雲寺慈覺慧沼撰

#### 依文顯正三

明佛性不同一 有無差別二 明開提類異三 聲聞有殊四 二死不等五 明佛三身常無常異六 雜決擇七

#### 明佛性不同一

依諸經論。所明佛性不過三種。一理性。二行性。三隱密性。言理性者。佛性論云。為除此執故。佛說佛性。佛性者。即是人法二空所顯真如。由真如故。無能屬所屬。通達此理。離虛妄過。涅槃第二十五。善男子。佛性者。非陰界入。非本無。非有。非有已還。第八云。開示如來秘密之藏。清淨佛性常住不變。三十三云。如佛所說。衆生佛性猶如虛空。廣說非三世故。如虛空無故。非三世攝。佛性常故。非三世攝等。行性者。通有漏無漏一切萬行。若望三身。無漏為正生了。有漏為緣。疎名生了。無漏正名佛性。有漏假名。非正佛性。善戒經所明性種性及習種性。楞伽經云。阿梨耶識名空如來藏。具足熏習無漏法故。名不空

如來藏。涅槃三十。三云。若有說言。衆生佛性非有如虛空。非無如鬼角。何以故。虛空常故。鬼角無故。是故得言亦有亦無。有故破鬼角。無故破虛空。二十六云。復有生因。謂六波羅蜜阿耨菩提。復有了因。謂六波羅蜜佛性。第十二云。如是佛性從善五陰乃至得阿耨菩提。實性論等明信般若三昧大悲為三身因。菩薩淨行經及瑜伽菩薩地明七地四菩薩行。伽耶山頂經處處皆說隱密性者。如維摩經云。慶勞之儔為如來種等。涅槃三十三云。如來未得阿耨菩提時。一切善不善無記悉名佛性。涅槃二十二云。一切無明煩惱等結悉是佛性。何以故。佛性因故。從無明行及煩惱得善五陰。又楞伽思益說。行五逆而得菩提。入大乘論第二云。我不欲令具煩惱種。生佛法。芽。汝疑無智顛倒解故。謂煩惱為佛法種。以此故知。不善無記諸煩惱結非是佛性。若爾。何故說為佛種。答准金剛上味陀羅尼經云。文殊師利言。世尊云何無明是菩提。佛言。文殊師利以無無明故。說無無明。若無無明。則亦無生。若無生者。彼則無染。文殊師利菩提無染。以性清淨體光潔故。文殊師利我見此事故說。無明。是以不二說。准此。即由斷無明故得理清淨。清淨不二故。說無明名為菩提。大莊嚴論有二頌明。一云。由離法性外。無別有諸法。是故如是說。煩惱即是菩提。釋云。如經中說無明菩提同一。此謂無明法性施設菩提名。此義是經旨趣。又頌云。於貪起正思。於貪得解脫。故說貪出貪。瞋癡

出亦爾。釋云。若人於貪起正思觀察。如是知已。於貪解脫。故說以貪出離於貪。出離瞋癡亦復如是。說為佛性。准此可解。此上三類諸經論中。或偏說一。或雙說理事。或復通明。如說真如。偏說理性。如菩薩行等偏說行性。或隨初勝。如涅槃二十二云。或說菩提信心為因。是菩提困雖復無量。若說信心則已攝盡。或就果位偏彰勝因。如說信智定悲。為佛四德三身因等。或理事雙彰。如楞伽經第七說。佛告大慧。如來之藏善不善因。故亦與聖六道作生死因緣。乃至依如來藏故五道生死。又云。大慧阿梨耶識名如來藏。與無明七識共俱。如大海波常不斷絕。身俱生故。此說有漏識體能覆藏名如來藏。又云。大慧如來藏識不在阿梨耶中。是故七種識有生有滅。如來藏識不生不滅。此說理也。第八又云。阿梨耶識名如來藏。無共意轉識熏習。故名之為空。具足無漏熏習法。名為不空。此正行性。勝鬘經說有二種如來藏。空智空如來藏。若離若脫若異。一切煩惱藏。同楞伽空如來藏。世尊不空如來藏過恒沙不離不脫不異。不思議佛法。即楞伽經云。如來藏識不生不滅。及具足熏習無漏法故。名不空如來藏。乃至云。本所不得一切苦滅。唯佛得證。壞一切煩惱藏。修一切滅苦道。此一切苦滅理也。修滅苦道行也。如實性論第四云。佛性有二。一者如地藏。二者如樹果。無始世間來界。自性清淨心。修行無上道。依二種佛性。得出三種佛性。得出三種身。乃至又

●見一釋● ●密性二性密● ●(佛)一● ●通二執● ●三三二● ●(三)十● ●二二三● ●(芽)一● ●(則)一● ●光二  
鮮● ●(無)一十無● ●說十(亦)一● ●如二四● ●甲本冠註曰本經作不● ●六二大● ●[藏]一● ●[空]一● ●法二性一  
● ●熏習二習● ●滅二藏● ●來界二界來● ●(得出三種佛性)一●



引頌云。無始世來性。作諸法依止。依性有諸道。及證涅槃果。下釋。所言性者。如聖者勝鬘經云。世尊如來說如來藏者。是法界藏。乃至自性清淨。如來藏故。作諸法依止者。是故如來藏是依是持等。多依理釋。下亦。依事釋云。如是以何等煩惱以何等處無。如是如實見知。名為空智。又何等諸佛法。何處具足有。如是實見知。名不空智。即釋二種如來藏。前約攝和歸性。及迷悟依釋。後約性相別明。攝大乘論等釋前經頌。依性相別及流轉還滅依說。義各不違。又佛性論顯體分。如來藏品明三如來藏。一所攝藏。下云。一切衆生決無有出如如境者。并爲如來之所攝持故。名所藏衆生。爲如來藏。准此即是楞伽爲生死因有漏識也。二所隱覆藏。下云。如來性住道前時。爲煩惱隱覆。衆生不見。故名爲藏。此即勝鬘空如來藏。三能攝爲藏者。謂果地一切過恒沙功德。應得性時攝之已盡。即不空藏。又三因品亦通理事。彼云。佛性體有三種。三性所攝。義應知。三種者。所謂三因。三種佛性。三因者。一應得因。二加行因。三圓滿因。眞如爲應得因。菩提心爲加行因。菩提心及所起行爲圓滿因。圓滿因。謂福慧行果圓滿。謂智斷恩德。又顯體分。三性品說三性及三無性。攝如來性盡。此最寬通。若涅槃第三十六。染淨因果通名佛性。故經說云。是七衆生。若善法。若不善法。若方便道。若解脫道。若次第道。若因若果。悉是佛性。是名如來隨自意語。隨前義辨。然應得因望應化身。可通

生了。爲依彼起。疎名生因。若准涅槃經。只名爲了。如地望。芽爲了因故。由有如故。得有應化。可爲了因。若望法身。非生了攝。論云他性爲因。非自性故。眞如因果體無別故。自不能顯自。若能自顯。非煩惱覆。又體常故。非有後生。故非二因。然名應得。果因者。由有如故。後必當得淨位法身故。名應得因。故佛性論云。雖未即顯。必當可現。故名應得正因。勝鬘在纏名如來藏。出纏名法身。據有性說。非無性者。當能顯故。未顯名因。顯名法身故。二論中說爲因者。以在因位。即名爲因。若在果位。即名爲果。即因位如是果法身名爲正因。非正生了。何以得知。佛性論云。初云因者有二。一佛性。二信樂。此兩法佛性是無爲信樂。是有爲信樂。約性得佛性爲了因。能顯了正因正性故。信樂約加行爲生因。能生起衆行故。此望法身四德。而說信樂約加行爲生因。能起衆行故。此望報身。不說眞如爲生了故。涅槃第二十六云。衆生佛性亦二種因。正因者。謂諸衆生。此言衆生。衆生性故。名爲衆生。非說五陰名爲衆生。緣因者。謂六波羅蜜。義亦同此。乃至心非佛性。心是無常。佛性常故。佛性論第三云。復次總攝義應知。攝有二種。一者由因。二者由果。由因攝者。是如來性清淨有四種因。乃至言法身清淨因者。修習信樂大乘應知。或可此說報身如來。是功德法之所成故。不爾。報身豈無淨德。佛智德。生因者。修習般若及禪定應知。恩德。者同。修習菩薩大悲應知。亦不說眞如爲

法身因。又涅槃二十七云。善男子我所演說涅槃因者。所謂佛性。佛性之性不生涅槃。是故我說涅槃無因。又十九云。涅槃之體非如是等五因所成。復有二因。一作二了。三十七品六波羅蜜等是名了因。又三十三云。是故涅槃唯有了因。無有生因。法身與涅槃義異體同。故知眞如望於法身非生了因。若加行圓滿二即正因。於法身爲了因。於餘爲生因。此略明佛性不同

有無差別二

若論理性。無二不生。如涅槃第二十六。斷善闡提亦皆具故。彼經云。若菩提心是佛性者。一闡提輩則不得名一闡提也。菩提之心亦不得名爲無常。此意以菩提心非理佛性。若是理性闡提不斷。處處誠說。不勞廣引。若論行性。復有二種。謂有漏無漏。此二種性有無不定。若有漏性一切有情種子定有。現行之者或成或不成。若無漏者據現行說。凡夫不成。若據種子。有成不成。如瑜伽論五十七云。生那落迦八根種子現行定成就。除餘三八根現行或成或不成。種子定成三根。現行定不成。種子或成不成。謂般涅槃法者成就。不般涅槃法者不成就。此據現有若約當說。當亦現行。何言定不定。無上依經佛性論及實性論俱云。衆生有三。一著有。著有復二。一者背涅槃道。無涅槃性。不求涅槃。願樂生死。染攝大乘第十四云。若衆生無涅槃性。名因不具。諸佛於此位中。不能令彼般涅槃。神通亦無自在。無涅槃性。謂貪著生死不信樂大乘。不

①(依)一② ③爲二名 ④德十(住如來)⑤ ⑥謂二種 ⑦芽二可 ⑧(果)一⑨ ⑩(初云)一⑪ ⑫佛十(性論)⑬ ⑭者同二因者 ⑮(不成)一⑯ ⑰通十(聲)⑱

同作業受果決定。非此二時即可化故。無涅槃性云。於此位不得自在。即永無涅槃性。又佛性論云。由淨分爲緣淨性爲因。故成此觀。非無因緣。若不由於此二事成觀。無因緣。如闍提人無涅槃性。應得此觀。而一闍提既無此觀。故知定須因緣觀方可現。實性論同。又實性論三云。佛性正因於不定聚衆生能作二種業。一見世間厭苦故。二見涅槃極寂樂故。不言邪定聚能作二業。佛性論亦同。涅槃經亦云。不能立闍提人菩提之心。喻如金剛不能得壞白羊角等。廣如前引。第九云。又佛言。善男子。除一闍提其餘衆生。聞是經已。悉皆能作善根因緣。法聲光明入毛孔者。必定當得阿耨菩提。既闍提人不言當得。明無佛性。又涅槃第三十三。明生死河有七種人中。若善男子是七種人。或有一人具七。或有七人各一。既言各一。常沒之者即是無性。不爾與一人具七何別。善戒經地持論。論伽善薩地俱云。無性人無種性故等。聲聞地及決擇分顯揚佛地論等。皆立有無性。廣如彼辨。略不具引。涅槃二十六云。善男子。我雖說云。一切衆生悉有佛性。衆生不解佛如是等隨自意語。善男子。如是語者。後身善薩尙不能解。況於二乘其餘菩薩。又云。若言衆生悉有佛性。是名如來隨自意語。如來如是隨自意語。衆生云何一向作解。三十二云。如香山中有忍辱草。非一切牛皆能得食。佛性亦爾。是名分別答。既問佛性。不爲定答。爲分別答。如忍辱草有得不得。明知行性有無

不同。理性如何。衆生皆入。由此道理。彌勒無著諸菩薩等。皆引經證。明諸衆生或有有性。或有無性。佛性論及實性論。皆云闍提無涅槃性。此無行性。非無理性。釋難中云。有清淨性。即是理性。不爾。論文前後相反。亦違多教。

### 明闍提類異三

准楞伽經及瑜伽等。說五乘性。第五闍提亦名無性。然此闍提合有三種。一名一闍提底迦。是樂欲義。樂生死故。二名阿闍底迦。是不樂欲義。不樂涅槃故。此二通不斷善根人。不信愚癡所覆障故。亦通大悲菩薩。大智大悲所熏習故。三名阿闍底迦。名爲畢竟畢竟無涅槃性故。此無性人亦得前二名。前二久久當會成佛。後必不成。然諸經論所說不同。或隨說一。或總說三。如楞伽經。俱說前二爲無性乘。經云。闍提有二。一焚燒一切善根。二作盡衆生界願。大悲問佛。云何。作佛。佛答云。慧云。焚燒善根非作盡衆生願。善根可續。故衆生無盡。總是有性。斷善無現。因大悲無當果。名爲無性。非無種子。瑜伽論中唯說第三畢竟無性。無上依經佛性論實性論涅槃。具說三種。無上依經云。佛告阿難。世間中有三品衆生。一者著有。著有復二。一背涅槃道。無涅槃性。不求涅槃。願樂生死。二者於我法中不生渴仰。誹謗大乘。乃至落闍提網。不能自出。前是無性。後是有性。然俱名邪定聚。然餘處言化邪定聚令作佛者。是後有性。不爾。二人如何差別。實性論中說第二著有云。於佛

法中。闍提。因位明非無性。佛性論云。二已隨定位。定位者。非聖非凡。進退無取。而是佛法內人。背大乘法。因此人故。佛說是言。我非彼師等。故無上依經等。初人無性。第二人者。云不能自出。於無量時。佛等爲緣還能得出。涅槃第九。廣以喻明。終不能作菩提因緣。乃至云。假使一切無量衆生一時成就阿耨菩提。已。此諸如來亦復不見彼一闍提得菩提故。第三十云。善男子。生死大海亦復如是。有七種人。最煩惱故。發意欲度。乃至廣說。第一人者。斷善常沒三惡道中。第二人者。雖近善友。能得信心。後遇惡友。斷善還沒。第三人者。由近善友。雖斷善根。得名爲出。堅住信慧。心無退轉。名住。第四人者。斷善根故。於中沈沒。近善友故。乃至遍觀四方。四方者。四沙門果。第五人者。斷善沈沒。近善友故。乃至謂辟支佛。雖能自度。不及衆生。是名爲出。第六人者。斷善沈沒。近善友得信。名之爲出。到淺處已。即住不去。所謂菩薩爲度衆生。住觀煩惱空。第七人者。斷善故。沈沒。近善友得出。乃至既前進已。得到彼岸。登大高山。多受安樂。喻佛常住。大般涅槃三十二文大意同。然少有別。第三十四云。或本有六字。一人具七。前說不定。皆發意渡生死河故。三十

六說定不定。故於常沒中云。心業重故。不能得出。何故。其心不能生善法故。雖有無量諸佛出世。不聞不見。故名常沒。上無性人。又云。我雖復說一闍提等名爲常沒。復有常沒。非一闍提。何者是耶。如人爲有修世戒善。

①甲本定註曰立闍提人經作令闍提人立 ②若二云 ③二二三 ④三二二 ⑤作佛 ⑥讀一斷 ⑦因二同 ⑧定位二住 ⑨人十(有性) ⑩得十(成) ⑪長煩惱二異具二 ⑫煩惱一 ⑬沈一 ⑭云二六 ⑮六二二 ⑯何十(以) ⑰上十(所言) ⑱

是名常沒。耆伽離等名出已還沒。舍利弗等

名出已不沒。須陀洹人如觀四方。斯陀含人

如觀已行。阿那含人加行。已復住。三乘無

學猶如神龜水陸俱行。准此配喻。與前少別。

准文。七人若逢惡友。俱可斷善。名為常沒。若

逢善友。續善根已得渡生死河。第一人中。無

性畢竟沒。有性暫時。亦名常沒。雖俱言常。有

永暫別。如三種常。常言雖同。非無差別。不

爾。如何前文法喻有七差別。俱常沒故。又釋。

或七衆生總云常沒。者言總意別。故亦無違。

下復云。是七種人或有一人具七。或七人各

一。准此故知有定不定。一人具七中。言常沒

者。即無上依經及實性論等第二。求有人。亦

即佛性論等所會闡提無涅槃法者。見斷善

故。若不有常沒及定性者等。只是一人具七。

如何得有七人各一。七人各一中。常沒之者

即是無性。涅槃第三十二。第一人中云。雖

非闡提。如人為有修施戒善。是名常沒者。即

無上依經等著有之中第二人也。二有性闡

提。即涅槃經七種斷善中。第一少分。後之六

人。及楞伽經無性乘。是諸經論中所說不定。

涅槃經無上依經大莊嚴論實性論等。皆通

說二。楞伽經中唯說有性。喻伽顯揚地持善

戒所說無性唯畢竟無。由此應知。涅槃第三

十三云。一闡提人能生善根。生善根已相續

不斷得阿耨菩提者。此說有性。第九中說闡

提之人。如枯木石山敗種龜甲。乃至一切作

佛不見闡提得阿耨菩提。此說無性。餘皆准

知。若作斯解。經論無違。說皆有性。達多聖

教。廣如前引

聲聞有殊四

菩薩瓔珞經第十四三道三乘品云。佛告舍

利弗。菩薩三乘各有三品。辟支三乘亦有三

品。聲聞三乘亦有三品。菩薩三者。有菩薩大

乘。有菩薩辟支佛乘。有菩薩聲聞乘。辟支佛

三乘者。有辟支菩薩大乘。有辟支佛菩薩緣

覺乘。有辟支佛菩薩聲聞乘。聲聞三乘者。有

聲聞大乘。有聲聞辟支佛乘。聲聞有無著乘。

各指國土。佛名。行願等。此皆據化。為化三

乘。諸佛菩薩各變作三乘入大乘論。及菩提

資糧論說。法華經中得授記者。佛菩薩變作

聲聞故。入大乘論第二云。問曰。若羅羅實

是菩薩者。云何復言聲聞阿羅漢耶。答曰。菩

薩亦名聲聞。亦名阿羅漢。何以故。令一切

衆生聞阿耨菩提故名聲聞。於一切人天阿

修羅應受供養故。名為應供。菩薩為化衆生

故。現作聲聞阿羅漢。問曰。諸餘聲聞亦是菩

薩也。答諸餘聲聞亦有是菩薩者。如法華經

中含利弗等五百弟子。悉是菩薩。皆當作佛。

一切聲聞皆是阿耨跋致菩薩。如不退轉法

輪經中廣說。若依深密解脫經第二解深密

經及瑜伽論決擇分。俱說有二。寂滅。二趣

菩提寂滅者。亦名決定性趣菩提者。亦名不

定性。亦名退菩提心。楞伽經說有三種。故第

四云。大慈菩薩白佛言。世尊說三種阿羅漢。

此說何等羅漢名阿羅漢。世尊為說得決定

寂滅羅漢。為發菩提願善根。忘善根羅漢。為

作應化羅漢。第七亦說有三。謂先修菩薩行

者。增上慢聲聞。寂滅聲聞。准此。前後同法華

經論聲聞有四種。攝大乘論顯揚大莊嚴論

說一乘中。并同楞伽。依法華經說有三種故。

第一云。增上慢比丘等。第二云。我昔教汝志

願佛道。汝今悉忘。此等即。是菩提心聲聞。

第三云。內秘菩薩行。外現是聲聞等。此是變

化。依法華經論說有四種。論云。聲聞有四種。

一者決定聲聞。二者增上慢聲聞。三退菩提

心聲聞。四者應化聲聞。若緣覺人。准法華論。

但說一種。楞伽第二說有二種。謂定不定性。

大般若同。准雜集論等。說有二種。一謂衆出

二謂麟角。准菩薩瓔珞第十四云。辟支乘三

者。如前已引。即有三種。准首楞嚴三昧第三

說。文殊師利云。我念過去世無明劫。我於

其中。三百六十億世。以辟支佛乘入於涅槃。

乃至云。是。諸衆生無處得種善根因緣。我

於爾時。為教化故。自稱我身是辟支佛。菩薩

如是以辟支佛乘入於涅槃而不永滅。乃至

廣說化四果等。法華第二說不定性。以趣大

故。第三說定性。論釋。令知種種乘異故。第七

復說菩薩化作。但未見文說有增上慢緣覺。

問問聲聞緣覺各有多種。為一切能取無上菩

提。為非一切。答非一切。何以得知。准樂攝大

乘本論云。若爾聲聞緣覺。非共得如此乘德

相應諸佛法身。以何意故。說彼俱趣一乘與

佛乘同。釋云。若諸佛無前五異。由法身五業

是同。二乘人有五業異。不得法身。無五業同。

如來為何義故。說二乘人同趣一乘皆得成

佛。准此問詞意。不說一切皆能同趣。但為引

●觀二乘 ●已復二後 ●〔者〕一 ●求二著 ●行願二變造 ●及二乃 ●作二化 ●是二退 ●諸十〔比丘〕 ●〔問〕一 ●非十〔所〕

接不定根性令速趣大故。釋論云。爲顯說一乘意是故說偈。前偈以了義說一乘。後偈以祕密義說一乘。此意前偈爲引接不定性得作佛故。一乘爲了義。後偈爲定性二乘不作佛故。但依真如無我解脫等故。說一正同。解深密經云。故於其中說一乘。非有情性無差別。又說。趣寂終不坐道場。唯不定性方能作佛。無性攝論文亦相似。楞伽第七云。大慧聲聞有三種。言入八地寂滅門者。此是先修菩薩行者。墮聲聞地還依本心。修菩薩行同入八地寂滅樂門。非增上慢寂滅聲聞。第八復云。佛告大慧。我爲曾行菩薩行。諸聲聞等依無餘依涅槃而與授記。大慧我與聲聞授記者。爲怯弱衆生勇猛心。大慧此世界中及餘佛國。有諸衆生行菩薩行。而復樂於聲聞法。佛爲轉彼取大菩提。准此經文。此國他方總不說寂滅聲聞有趣大者。入大乘論第二云。聲聞有二種。一者勤修禪定。是鈍根人。二者回向菩提能斷知障。是利根人。樂行禪定者。如寶良經說。猶如水精終不能成摩尼寶珠。聲聞修禪亦復如是。終不能成菩提果也。楞伽第四云。大慧何者斯陀含果相。謂一往見色相現前生心。非虛妄分別想見。以善見禪修行相故。一往來世間。便斷苦盡入於涅槃。此文不同住三昧樂門生。涅槃想。彼有變易。生。涅槃想未盡苦故。此云苦盡入於涅槃。不云生涅槃想。明是定性入無餘滅故。次下云。大慧菩薩白佛言。世尊說三種阿羅漢。此說何等羅漢名阿羅漢。乃至佛告

大慧。爲說得決定寂滅。聲聞羅漢。非餘羅漢。要攝大乘論云。由恒差別。於無餘涅槃。不墮斷盡邊際。故釋云。二乘猶於無餘涅槃無應化二身。以不觀他利益事故無應身故。墮斷無化身故。墮盡。菩薩於無餘涅槃恒起二身。無有邊際。乃至云。有應身故不墮斷。有化身故不墮盡。入大乘論第一云。問云。菩薩度空出於生死。云何能得勝於聲聞。答云。菩薩得世間利出世間利。度爾焰地故。雖出世間。能住世間。教化衆生。聲聞不然。怖畏生死。求速滅度。以出世間道見於法界。見於法界已到涅槃岸。菩薩不爾。涅槃經第三十。二解有行無行般那含中。俱云盡壽入於涅槃。又無行般中云。亦以有爲三昧力故。盡壽則得入於涅槃。准此文說。入於三昧。化火燒身。盡其壽命。入於涅槃。若住三昧樂。謂爲涅槃。云何得言以有爲三昧力故盡壽則得入於涅槃。以有爲三昧則涅槃故。以此故知。住滅定已。化火燒身。始得涅槃。有行亦同。故云。亦以是故定性入無餘依不受變易。楞伽第四亦云。聲聞緣覺未證於法無我。未得離不思議變易生。准此故知。定性二乘趣無餘依不受變易生死。勝鬘等說阿羅漢辟支佛大力菩薩受變易者。是不定性。佛地論第二。瑜伽第八十。皆說不定回趣得受變易。大莊嚴論第一云。四由善根無盡。何以故。非諸聲聞等善根如是明淨故。非一切人善根。攝力無畏等故。餘人善根無他利故。餘人善根涅槃時盡故。菩薩善根不爾。以此故知。不定性入無

餘不能回趣。不定性者住有餘依。即回趣故。法華第二頌云。得脫三界苦惱之患。住最後身有餘涅槃。瑜伽第八十云。答唯住有餘依涅槃界中。可由此事。何以故。以無餘依涅槃界中遠離一切發起事業。一切功用皆悉止息。佛地論同。勝鬘亦云。世尊阿羅漢辟支佛觀察時。得不受後有。觀第一蘇息處涅槃地。世尊彼先所得地。不愚於法。不由於他。亦自知得有餘地必當得阿耨菩提。何以故。聲聞辟支佛乘皆入大乘。准此諸文。無說二乘入無餘依涅槃界已方能回趣。故知回趣必不定性住有餘依涅槃。但言八萬劫住涅槃等。不言無餘。此不定人所修善根是大大方便。亦同菩薩善根無盡。故法華云。汝等所行是菩薩道等。又首楞嚴經第二云。諸天聞佛說如是義。悉皆涕淚而作是言。世尊若人已入聲聞辟支佛位。永失首楞嚴三昧。又寧作五逆重罪。得聞是首楞嚴三昧。不入法位作漏盡阿羅漢。所以者何。五逆罪人聞是首楞嚴三昧。發阿耨菩提心。還得作佛。世尊漏盡阿羅漢猶如破器。永不堪任受是三昧。後廣喻況說不能受。又菩提資糧論云。如無糠米。種必不生。聲聞之人亦復如是。定不作佛。言法華經中說聲聞舍利弗等得作佛者。是佛菩薩之所化作。要攝大乘論亦云。於法華大集中。有諸菩薩。各同舍利弗等。此菩薩得此意。佛爲授記。故說一乘。復次佛化作舍利弗等聲聞。爲其受記等。法華經論云。二種聲聞如來與授記。謂應化聲聞退已還發菩提心

①三三二②佛二行③他二陀④定二論⑤良二樂⑥涅槃二聲聞⑦聲聞二涅槃⑧二二六⑨三⑩壽命二命  
⑪何以故二所以者何⑫二二三⑬又二世尊人⑭各二名⑮

者。決定增上慢二種聲聞根未熟故。如來不與授記。菩薩與授記者。方便令發菩提心。故不定說言令發趣向心。但決定者發信大心。成不愚法。亦得云發心。前言爲利益二種人故。若亦作佛只是不定。何名定性。鱗角喻獨覺。必是定性。不得見佛。故華嚴經說。菩薩將下。先以右手放光。名嚴淨世界。獨覺之人。遇斯光者。卽入涅槃。不覺之者。以其神力移置他方。由此故知。鱗角獨覺必是定性。定不趣大。部行之中有定不定。不定者回。定者不回。由此善順涅槃經說。若云須陀洹人等皆得佛道。或言皆不得。云不解我意。故知定性不作佛。不定性作佛。喻伽等皆說不定。回心向大。不說皆得。皆不得故。故喻伽八十云。何因緣故。一切阿羅漢。不皆回向無上菩提。答由彼種種有差別故等。大莊嚴論云。由界差別者。衆生有種種界無量差別。如多界修多羅說。由界差別故。應知三乘種性有差別。乃至云。若無性差別。則亦無果差別等。又善戒經地持論。伽論釋十因中。解定異因。有性及三乘性皆悉定異。

二死不等五

一名字不等。二體性不等。三得入不等。名字不等者。一約過失不同。分段變易。准勝鬘經。如次名無常懷世間無常病世間。二約凡聖別。如次名有爲生死無爲生死。由有空無空別故。三約智境不同。煩惱發業所感生死名分段因。所知障無漏爲緣所得生死。名不思議變易死。四約漏無漏緣別。分段生死亦名

界內生死。准無上依經云。有生死如三界內生難故。變易生亦名界外生死。佛性論云。以出三界外有三種聖人。乃至云。住無漏界有。四惡障。既云出三界外人。明彼生死名爲界外。五約任業定力不同。古基法師云。無相論中。分段死名果報身。變易死名變化身。六依變易約位證不同。入楞伽經第五。名三種意生身。經云。佛告大慧。有三種意生身。何等爲三。一者得三昧樂三摩提提意生身。二者如實覺知諸法相意生身。三者種類俱生無作行意生身。七約性用不同。二死各分四種。分段生死名爲四難。變易卽名四種生死。故無上依經云。阿難於三界中有四種難。一者煩惱難。二者業難。三者生難。四者過失難。無明住地所起方便生死。如三界內煩惱難。無明住地所起因緣生死。如三界內業難。無明住地所起有生死。如三界內生難。無明住地所起無有生死。如三界內過失難。體性不等者。分段生死以見道惑爲正發業。修惑正潤。感得三界六道異熟。四蘊五蘊爲分段體。體唯有漏。苦集攝故。以惑業苦俱名生死。俱生滅故。變易生死由所知障爲緣起。無漏有分別業。資感現身所有。故業通三天下六欲四禪。禪不動業除諸難處及五淨居。所令感身。五蘊相續。轉勝轉妙。得佛地。爲變易體。體通有漏及以無漏果。唯有漏因通二故。問何故除難處。答入見道已。黃門二形女及難處得非擇滅。皆永不受故。問何故除淨居。答無回趣故。入大乘論云。如尊者拘摩

羅陀所說偈言。諸趣悉變化。唯除淨居天。隨業種種轉。無處不受生。以是故知。諸菩薩常同利益。隨其受生而化導之。以方便力。但爲衆生。不隨煩惱。提業報所繫。准此文意。既云常同利益。隨其受生而化導之。既除淨居。明無利益。彼自得證小乘涅槃。不似菩薩。若能回趣。何不生彼而教化之。問何故除無色。答准難集論。得聖菩薩不生無色。小乘聖者必定性故。又無五根可資勝妙。爲變易故。又不更生下二界故。問何故不許地上菩薩。小乘無學別受五蘊爲變易身。身資故業。滅現身因。令有勝力。長時引果。得生佛位。答二乘無學。沈空故。死不更生。大力菩薩。十地論云。後報利益摩薩首羅智處生故。故若許現起新無漏業。招別別正感變易生死。何名後報。又入大乘論云。問云。如來以何行得斷結使而成佛耶。答曰。經中說言。佛告阿難。能修四如意足者。若住一劫。若住多劫。乃盡生死。一切諸經皆同是說。汝若云無煩惱者。我亦如是。若有親愛。信歸於我。當爲汝說。問曰。云何住壽。答曰。阿羅漢無煩惱。與八住菩薩同。善修如意足故。能隨意住世。乃至盡於生死。羅睺羅寶頭盧等盡住於世。爲以此身住世。爲更有餘身住。答以實身而住世者。則無其義。若變化身住壽多劫。斯有是處。亦如僧祇中說。青眼如來爲化菩薩故。在光音天。與諸聲聞衆。無量百千億那由他劫住。如彼天中聲聞住壽多劫。當知此界亦有聲聞能如是住。准此論文。明說住壽。不別受生故

①四十(種) ②彼二被 ③任二同 ④性二生 ⑤釋二四禪(色,色) ⑥云二說 ⑦提二難 ⑧滅二惑 ⑨此二無煩惱 ⑩(招) ⑪(等) ⑫(一)

知變易定資。業亦不可云此論釋四十年前教。何者。一切諸經皆同是說。亦引法華爲證義故。又佛性論云。因緣生死者。如須陀洹已上。但用舊業。既言如彼用其舊業。明非新造。新無漏業正即能。感但資故業。又涅槃三十四云。無漏無報。若許無漏親感變易。與此相違。又同喻論佛地等說。既說住壽。明資故業所感第八。令長時住乃。至盡生死。故是有漏然餘處說名無漏者。如成唯識云。依助緣說。今又更解。是得無漏人。因所知障起無漏業資故感身。名爲無漏。非變易生體是無漏。何者。生死正體第八識是。若無漏。與佛何殊。又即是善。應不受熏。又既無漏。如何能持諸有漏識所知障種。以此故知。體是有漏三界所攝。故正法華以其五道喻五百由旬。若變易身非界繫者。非五道攝。即應化城過五百由旬。何故但過三百言。是無漏出三界者。是得無漏人及出三界人所受生死。名爲無漏。及出三界若名無漏。即體無漏者。所知障亦應體無漏。勝鬘經云。阿羅漢辟支佛斷四種住地。無漏不盡。不得自在力。亦不作證。無漏不盡者。是即無明住地此所知障雖名無漏。實非無漏。變易亦爾。又若云出三界即變易體實是無漏出三界者。說名無爲。應。外生滅故。勝鬘經名爲無爲生死。第八既。外無漏。現有生滅。體是有爲。明變易生死體是有漏是界所攝。仁王般若云。於三界外無別衆。生故。得人不平等者。一切凡夫定性二乘及不定性未迴心者。不得變易生死。唯諸不定

二乘聖者迴心已去。及頓悟菩薩初地已上。皆容得受。以有學人及七地以前有未受者。如喻論佛地經論及入大乘論入楞伽經廣說應知。問何以得知。定性二乘不受變易。答入楞伽第四云。未證法無我。未得不思議變易生故。無分明說定性聲聞得受變易。第二復云。大慧何者聲聞內身證得聖相。謂無常苦空。乃至云得禪定解脫三昧道果三摩跋提。不退解脫故。離不思議熏習變易死故。內身證得。生樂行法。住聲聞地故。此說定性。既云離不思議熏習變易死住。涅槃。以此故知。不得變易。問云何得知。不定種性未迴心前。不受變易。答即彼前文云。離不思議熏習變易死住。涅槃地。又喻論佛地顯揚入大乘論等。皆唯說不定迴心已去方受變易故。問不定二乘亦未證法無我。應不得變易生。答以能信證常隨入故。得變易生。不同定性。問何以得知。初地已上即得變易。答入楞伽第五說三意生身。不唯八地已上故。然入大乘論云。同八住已上菩薩。及勝鬘等云。阿羅漢辟支佛大力菩薩得者。據決定說。故并無違發業受生不同。斷捨入位有異。此等義門廣如餘辨。

明佛三身常無常異六

諸佛功德離分別絕四句。不可說言三身差別常與無常。而寄詮顯三身功德。能所智證。心色理智。性相不同。常無常別。廣如攝論智斷殊勝中。明及大莊嚴論喻佛地解深密經等說。煩不能引。今但略引餘少文證。如楞伽經第七云。大慧白佛言。世尊如來應正遍知。爲是常耶。爲無常耶。佛告聖者大慧。如來應正遍知。非常非無常。何以故。二邊有過故。此遮分別。離四句故。故下云。大慧譬如虛空。非常非無常。何以故。離常無常故。以不墮一異俱不俱有無非有非無常無常非常非無常。是故離於一切諸過。不得證說。乃至云。是故我遮一切凡夫。不得分別常與無常。以得真實寂靜法者。得盡分別。不生分別。第六法身品大意亦同。若寄詮顯。報佛可是無常。修因成故。自性法身體是常住。不由修生因修顯故。楞伽第七云。大慧如來非常。何以故。虛空之性亦無修行諸功德故。此意反顯報化有修行諸功德。故知無常。故第六云。大慧若如來法身非作法者。則是無身。言有修行無量功德一切行者。則是虛妄。大慧若不作者。應同兔角石女兒。以無作因亦無身故。此說報身以功德法所集成故亦名法身。又云。如來法身與五蘊不一。若言一者。應是無常。以五陰所作法身故。此說自性。法身不爾。涅槃經說。捨無常色。獲得常色。受想行識亦復如是。即是五陰。豈言不一非是作法。若報身佛非自性常。從如說常故。楞伽第七云。若言常者。同於兔馬駝龜蛇鯢魚等角。是故不得言如來常。若從所證所依常故得言爲常。又云。復次大慧更有餘法。依彼法故得言如來世尊是常。何以故。依內證智證常法。是故得言如來是常。大慧諸佛如來內證智法。常恒清涼不變。大慧諸佛如來應正遍

●二菩提●●感二滅●●(至)一●●亦二品●●漏二明●●外二非●●生十(界說)●●云二至●●生二空●●  
涅槃二聲聞●●同二與●●得證二可得●●知一●●法二報●●



知。若出於世。不出於世。法性常如是。法體常如是。准此。正名所證理常。能證智者依所證常故名爲常。非自性常。亦同涅槃經說。無明等常。又正同攝論大莊嚴論等。金光明經第一云。如是三身以有義故。而說於常。以有義故。說於無常。化身者。恒轉法輪。處處。如方便相續不斷絕故。是故說常。非是本故。具足大用不顯現故。說爲無常。應身者。從無始來相續不斷。一切諸佛不共之法能攝持故。衆生。未盡。用亦。未斷盡。是故說常。非是本故。具足用不顯現故。說爲無常。法身者。非是行。法無有異。異無有故。是。本故。猶如虛空。是故說常。無上依經云。阿難何者。無上菩提常住法。而此常住有二種法。爲作因緣。一者不生不滅。二者無窮無盡。是名菩提常住法。准此二因。初是法身。後是應化。佛性論第四云。此三身者恒能生起世間利益事。故說常住。常住者依十種因緣。一因緣無邊。二衆生界無邊。三大悲無邊。四如意足無邊。五無分別智無邊。六恒在禪定無散。乃至十本性法然無生無滅。無量劫來捨身命財。爲攝正法。正法既無邊際。無窮無盡。以無窮之因感無窮之果。卽是三身故得是。常。衆生不盡弘願無盡。是故化身常在世間教導衆生。無有窮盡。菩薩。少分有大悲。尙能恒救衆生。不入涅槃。何況如來。衆德圓滿常在大悲。救拔恒思。豈有邊際。是故言。常。世間得四神足者。尙能住壽四十小劫。豈況如來。而當。不住壽自在億百千劫。是故名常。乃

至云性無生滅故是常者。法身非本無今有本有今無。雖行三世。非三世法。何以故。此是本有。非<sup>④</sup>始今有。過三世法。是故名常。准此所明性無生滅故是常者。唯說法身非本無今有本有今無。應化既是本無今有。復不說是性無生滅。故是常住。明有生滅相續名常。寶性論第四亦同此說。十因緣常。彼頌云。世尊體常住。以修無量因。衆生界無盡。慈悲心如意。智成就相應。法中得自在。降伏諸魔怨。體寂靜故常。下<sup>⑤</sup>六頌釋<sup>⑥</sup>但廣略異。繁故不舉。准諸經論。皆言應化非自性常。不無生滅因緣生法。故是無常。故楞伽第七云。凡作法者皆是無常。如瓶衣車屋及疊席等。皆是作法。是故無常。准此。因修方成應化。即是作法。是本無今有。故是<sup>⑦</sup>常。自性法身是自性常。無生無滅。非<sup>⑧</sup>因緣法。非本無今有故。是本有故。又涅槃說。凡因生者皆是無常。常住之法即非因生。廣如前引。問若應化身是有生滅五蘊作法。何故楞伽第七云。若言一切皆無常者。一切智一切智人一切功德亦應無常。以同一切作法相故。准此經文。雖修因得。而是常住。經文復云。又復有過。若云一切皆無常者。諸佛如來應是作法。而佛如來非是作法。准此經文。應化常性非作法故。何得說言應化無常。答准彼經文。以應化身因圓果滿更無可修。名非作法。既無勝因。果即無異。前後相似故名爲常。非不由因令彼果起。故經自云。以無更說有勝因故。准此文意。不遮因生。但更無勝因可修作。令勝因同餘類。

故

雜決擇七

問若一切衆生法爾五性有差別者。何故善生優婆塞戒經第一云。若說衆生有菩薩性是名外道。又云。三種菩提無有定性。若有定性已發聲聞緣覺心者。則不能發阿耨菩提心。乃至云。若有定性者。是名外道。何以故。諸外道等無因果故。答彼善生經遮執因中有果性等。或如言執云同外道。不遇有因。不爾則違楞伽經說五乘性相。言三菩提無有定性者。據不定性說。及遮執常云。無因果故。不爾。楞伽經說云。大慧我說五種乘性證法。何等爲五。一者聲聞乘性證法。二者辟支佛乘性證法。三者如來乘性證法。四者不定乘性證法。五者無性乘性證法。善戒經調伏品云。有聲聞性得聲聞道等。地持論清淨十因中云。彼聲聞種性以聲聞乘而般涅槃等。無著彌勒亦說有五別。豈同外道耶。又彼自許五性新成。亦名菩薩性等。應同外道。經文不云若本有菩薩性等同外道故。問若其五性法爾先有。何故入楞伽第四云。大慧分別彼迷惑法顛倒。非顛倒者。能生二種性。何等二種。一者能生凡夫性。二者能生聖人性。大慧彼聖人性者。能生三種差別之性。所謂聲聞辟支佛佛。國土差別性故。答此言生者。由現熏習令得現起。攝大乘論云。聞等熏習無果生。非道理。不約種子本來是無今時始生。不爾凡性亦說云生是本來無。今始起耶。問若云佛性有則本有。應如虛空常。無則恒無。

[illegible]



應同兔角。若爾則達涅槃經說。彼云。有故。破兔角。無故破虛空。如是說者不謬三寶。答涅槃經意令觀事性因緣生滅故。非常如虛空。緣生約有故。非無如兔角。不遍有情有無性別。問雖事佛性有無不同。理性遍有。若爾則許一切有情皆得成佛。何以故。佛性論等引云。故經云。若有清淨性不成佛者。無有是處。答據平等意樂。非皆成佛。又如佛性論功德品云。於善根人身中有功能。無善根人身中無功能。既於無善根人身中無功。德云何能令無行性人身中有行性。又如資糧論據決定性云。諸益得無學果。必不作佛。如無糠米種必不生。豈一切皆不作佛耶。故諸經論各據一義。皆不相違。問若事佛性有即本有。非新熏生。何文顯說。答瑜伽五十七云。生那落迦。三根現行。定不成就。種子或成或不成。謂般涅槃法者成就。不般涅槃法者不成就。此文據趣生說。非約化生。據現有種子。非據當來。不爾。現行當亦現起。寧說不成。大莊嚴論第一種性品中亦言。種性有體。由四種差別。一由界差別。二由信差別。三由行差別。四由果差別。乃至云若無性差別。則無信行果差別。由此四種差別故。是。故應知種性有體。又瑜伽二十一云。云何種性。謂住種性補特伽羅。有種子法。由現有故。安住種性補特伽羅。若遇勝緣。便有堪任。便有勢力。於其涅槃能得能證。又云。問今此種性以何為體。答附在所依有如是和。六處所攝。從無始世展轉傳來。法爾所得。又云。如是種子

非於六處有別異相。即於如是種類分位六處殊勝從無始世展轉傳來。法爾所得。有如是相及以言說。謂為種性種子界性。善薩地文及善戒經善行品等文。皆相似。不得異釋。云。性種性由修成性。論云。非種性人無種性。故。雖復發心勤修精進。必不究竟阿耨菩提。是故當知。雖不發心不修行方便。猶得名為種性持。無上依經第一云。阿難。何者是如來界。云何如來為界不可思議。阿難。一切衆生有陰界入勝相種類。內外所現。無始時節相續流來。法爾所得。生明妙善。既云有陰入界勝相種類。內外所現。無始流來。明非如理。亦非。新生。瑜伽又云。大復住種性者。所有諸相。謂與一切無涅槃法補特伽羅諸相相違。當知即名安住種性補特伽羅。所有諸相六相相對。廣如彼辨。又云。或有唯住種性而未趣入亦未出離。謂如有一補特伽羅。成就出世聖法種子。而未獲得親近善士聽聞正法。未於如來正覺正說法毘奈耶獲得正信。未受持淨戒。未攝受多聞。未增長慧捨。未調柔諸見。如是名為唯住種性而未趣入亦未出離。又瑜伽論第三十八。解十因中。及善戒地持辨於十因。明性本有。文皆相似。繁不具引。佛性論第四云。五無初相應善性為法者。釋云。無初者。以性得般若大悲禪定法身并本有故。言無初。若是無漏從有漏生。即般若大悲禪定等因是有始法。何得無初從有漏生。何名性得。寶性論第四云。佛性有二。一者如地藏。二如樹葉等。准彼文意。地藏譬

異如樹葉喻般若等。故次云。依初譬喻故知有初法身。依第二譬喻知有二佛身。二種佛性俱云無始世界。未明無漏本有。不唯新生。又無漏種。若唯新生。即有漏聞熏與出世正見為親因緣。云何樂攝大乘論云。佛世尊說。從他聞音。及自正思惟。由此二因。正見得生。釋曰。清淨品以正見為上首。此正見以何法為增上緣。謂從他聞音。及自正思惟。此二因即是正見增上緣。乃至云。由此二因正見得生。此二因於正見是增上緣。今所言因是通名。即說緣為因。又論云。世間心與正思惟相應。出世淨心與正見相應。無時得共生共滅。釋曰。正思惟正修慧從四念處生。世第一法是其位。此心未證見四諦。故名世間心。已證見四諦。故名出世。離自性法。是修得法。故名淨心。正見即入聖道中之第一分。此正見與三十七品不相離。乃至云。由三十七品生。故得出世。從無始以來。世出世心不有俱生俱滅義。以性相違故。論曰。是故此世間心非開淨心。所熏。既無熏習。不應得成出世種子。釋曰。思慧若為出世心所熏。可得成出世種子。既無被熏義。故出世種子義不成。准此論文。無漏種子若新熏生。由無漏俱方始得生。見道已前既無無漏。有漏如何熏成無漏。若許有漏熏無漏種。不應難他。非無漏俱不得熏種。自許非無漏俱熏無漏種故。問若見道前有漏聞熏不能生無漏。如何論云。雖復世間法成出世心。釋云。如意識。雖是世間法。能通達四諦真如。對治四

○破一○ ○能十(見)一○ ○德一能○ ○益二聲聞一○ ○豈一切二一切豈○ ○(聲聞)一十皆○ ○[故]一○ ○何二佛○ ○生二至  
○亦非二前○ ○[云]一○ ○解二列○ ○[有漏]一○ ○不二云○ ○唯二准○ ○生二云二○ ○熏十(一)○ ○能聞  
二聞他○ ○(因)一○ ○生二至○ ○開二顯○ ○(所)一○ ○雖二種○

證障故。成出世心。聞熏習亦爾。雖是世間法。以因果皆是出世法故。亦成出世心。答以本無漏微隱難知。寄有漏熏習勝增上緣。顯本無漏種子。即此種子在熏習位。亦名聞熏習。故次論云。何以故。釋云。何以故。此法但是出世。非世間法。有四種對治故。准此。既云但是出世。非世間法。明非有漏。又論云。此種子出世淨心未起時。一切上心惑對治。准此故知。見道已前有漏熏習位。已有無漏心之種子。又云。種子即是聞熏習。菩薩未知欲知根名出世淨心。此心未在前。是聞熏習。屬聞思慧位。在聞思位中。准此故知。說有漏熏習成出世心者。據增上緣說。又廣如彼解。略更不引。問既諸有情齊有真如及第八識。如何不許為佛正因。答如自不生。亦不親為正因。生法。如前已明。若許第八為佛正因。即是無漏。又復對治有漏第八。方能成佛。許第八識為佛正因。即應能治第八自識。若爾即違梁攝論云。云何一切種子果報識成不淨品因。若能作染濁對治出世淨心。釋云。若立本識是染濁對治出世淨心。則不得以本識為不淨品因。不淨品即集諦及苦諦。是業煩惱種子。故是集諦。乃至云。既立為染濁對治及出世心因故。不應復說為不淨品因。准此。有漏第八非佛正因。又復第八一切同有。無三乘別。即善戒地持菩薩地等明定異因。三乘性別及調伏中。三乘性別。皆不淨成。故依附此誠本無漏種。是佛正因。問若不許真如為佛正因。如何佛性論說真如理為佛正因。信

般若等為佛緣因。瑜伽復云從真如所緣緣種子生。答此二論文如前已會。今更重釋云。真如所緣緣種子生者。似說所緣緣為種子。真如實非。所為法種。如說信般若等為四德種子。法身四德非彼所生。是常住法由彼顯故。似名為種。故梁攝論云。聞熏習但是四德道種子。四德道能成顯四德。四德本來是有。不從種子生。從因作名故稱種子。准此故知。四智心品緣彼如生。似說真如。名為種子。若許真如實是種子能生有為。即違瑜伽種子七義第一無常法為因等。亦違佛性論三。性中一有體能生有體文。問若有定性二乘不作佛者。違涅槃經三十六說須陀洹人斯陀舍人阿那含人阿羅漢人辟支佛人悉當成佛。聞是說已。已不生信心。乃至云是名常沒。法華經云。聲聞若菩薩聞我所說法。乃至於一偈。皆成佛無疑等。答此說不定性聲聞四果辟支佛悉當成佛。聞而不信名為常沒等。非說一切不定性皆當成佛。不爾。云何涅槃自云。皆得作佛。不解我意。又菩提資糧論等。豈不見涅槃經而云不作佛。問有闍提定不成佛者。云何涅槃經三十六云。若人心口異相異說言一闍提不得菩提。是人亦謗佛法僧。答准此文意。若說一闍提定不得菩提。名謗佛法僧。非遮少闍提。若爾復違實性論說。云向說闍提常不入涅槃無涅槃性者。為欲迴轉謗大乘法。不求大乘心故。依無量時故。如是說。以彼實有清淨性故。佛性論云。言有性者。是顯了說。言無性者。

是不了說。乃至重故。佛觀一切衆生有自性清淨故。後時決定得清淨法身。准此故知。無闍提人無佛性者。亦無有情不成佛者。答此據理性平等意樂。及涅槃經常沒之中。第二雖非闍提亦名常沒。無上依等三種無涅槃法中。第二人說。楞伽第五無性乘人亦同此會。不會闍提名為常沒。七人各一。及無上依經第一無涅槃法。問若爾何故實性佛性俱引經說。一闍提人墮邪定聚有二種身。一本性法身。二隨意身。佛日慧光照此二身。法身法者。即真如理。隨意身者。即從如理起佛光明。為憐愍闍提。闍提二身者。一為令法身得生。二為令加行得長修菩薩行故。觀得成。答此據有性闍提人說。不爾。自違前事。能品云。不定聚衆生起此二事為用。不言定聚為用。又云。是人由淨分為緣淨性為因故。成此觀。非無因緣。若不由於此二事成觀。無因緣。如闍提無涅槃性。應得此觀與一闍提既無此觀。故知定須因緣觀。方可現無性。既不許有觀。明知無性不得作佛。又亦同涅槃經第九云。大涅槃光入於一切衆生毛孔。而能作菩提因者。此義不然。何以故。世尊犯四重禁。作五逆人及一闍提。光明入身作菩提因者。如是等輩與淨持戒修習諸善法有差別。乃至佛言。善男子。除一闍提其餘衆生。聞是經已。悉皆能作菩提因緣。法聲光明入毛孔者。必定當得阿耨菩提。准此故知。佛性論等引經所說。佛日慧光照闍提身令生長者。是有性人。涅槃經說除一闍提者。是

①心二信②(故)一③復二致④淨二得⑤重十(一)⑥似二假⑦以⑧所二有⑨似二假⑩(乘)十性⑪當二皆⑫不生二生不⑬(苦從)一⑭相二想⑮入二分⑯甲本註曰者下論有此後云何為欲示現諸大業因故此明何義十七字⑰(云)一⑱涅槃二界闍提⑲(法)一⑳提十(八)㉑與二而⑳現二觀㉒淨持二持淨⑳(何)十差㉓(者)一

無性人。不爾。何以除不除別。又云。若得聞是大涅槃經。雖犯四禁及五無間。猶故能。作菩提因緣。一聞提覺則不如是。雖得聽受是妙經典。而不能生菩提道。又多譬喻。如枯木石山水所不住。譬如煙種雖遇甘雨終不生。又云。假使一切無量衆生一時成就阿耨菩提。此諸如來亦復不見彼一聞提得成菩提。此乃涅槃顯了之說。如何不信有不成佛。故知經說有一聞提名爲無性。而復說言當得成佛。據有種子。密意說。無。諸乘差別增減不同。廣如餘辨。略釋大綱。餘難思。准能顯中邊慧日論第四

寶曆十二年十二月。於平安城寓舍。以讚岐國多度郡善通寺經藏本。寫之了  
回向四思法界海 回向無上大菩提

東大寺西室傳法相宗沙門基辨  
安永二年癸巳十月。於興福寺慈門院。以春日社本談義屋本校合。補脫文正寫誤竟。每字傍注本字者是也

法相末學大同坊基辨  
生五十六歲

本談義屋所藏御本云

承元二年戊辰十二月十二日申刻。於西小田原東谷寶塔院南面部屋。書寫之。願以書寫力上生都率天。聞法爲悟解。決定證不退  
同年十二月十八日移點了

執筆 永祐  
覺範

享保八年五月中旬。以御本寫之一校了  
秀信

No. 1864

### 大乘入道次第第一卷

沙門智周撰

稽首無等善調御

能拔生死苦沈溺

如空性相無去來

若影從形應所化

實相一味妙甘露

等流八萬甚深法

三寶永載愛流人

十地長驅正路者

故我歸誠此三寶

將顯入大乘位行

願法恒朗長夜中

有情永撥重昏暗

夫欲趣求大菩提者。當知二事。一行位修斷。二所求菩提。初復分二。一列位。次明修斷。位次復三。第一列名。第二釋名。第三出體。初中復二。初總後別。總者。今依唯識雜集等論略開五位。一資糧位。二加行位。三通達。四修習位。五究竟位。初四是因。後一是果。次列別名。初資糧位有三十心。所謂十住十行十迴向。言十住者。一發心住。二治地住。三修行住。四生貴住。五方便住。六正心住。七不退住。八童真住。九法王子住。十灌頂住。言十行者。一歡喜行。二饒益行。三無患行。四無盡行。五離癡亂行。六善現行。七無著行。八尊重行。九善法行。十眞實行。言十迴向者。一救護衆生離衆生相迴向。二不壞迴向。三等諸佛迴向。四至一切處迴向。五無盡功德藏迴向。六隨順一切堅固善根迴向。七等心隨順一切衆生迴向。八如相迴向。九無縛無著解脫心迴向。十法界無量迴向。二加行位中復有四位。一煖位。二頂位。三忍位。四世第一法位。三通達位中復有二種。一眞見道。二相見道。四修習位中復有十位。一極喜地。二離垢地。三發光地。四焰慧地。五離勝地。六現前地。七遠行地。八不動地。九善慧地。十法雲地。其究竟位辨。如果中。始從資糧終盡法雲經三大劫。其初資糧加行二位是初大劫。從通達位至七地終是第二劫。從第八地盡第十地是第三劫。時畢三祇。行備四位。方登究竟菩提果矣

二釋名。初辨資糧。先總後別。總言資糧者。資益己身之糧名爲資糧。欲趣菩提要資於行。此位創修入佛之因名資糧位。故唯識論云。爲趣無上正等菩提。修集種種勝資糧故。又此亦名順解脫分。言解脫者。所謂涅槃。離煩惱縛名爲解脫。即所求果。順者不違。分者因義。即所修行不違於果。是果之因名解脫分。故唯識云。爲有情故勤求解脫。由此亦名順解脫分。別名者。一者十住菩薩在此創安其心。於六度等行未殊勝。但得住名。此十別者。一此位菩薩創首發於大菩提心。名發心住。二者菩薩淨治三業悲及有識。名治地住。三者菩薩修勝理觀起上妙行。名修行住。四者菩薩從諸聖法正教中生。名生貴住。五者菩薩所修善根皆爲救物。名方便具足住。六者菩薩所聞讚毀心定不動。名正心住。七者

①作二生②無二有③准二准④大日本續藏經⑤鎌倉時代刊藥師寺藏本⑥寶永二年刊大谷大學藏本⑦遺十位

菩薩。問設三寶三際有無。心堅不轉。名不退住。八者菩薩三業清淨。悟二世間。真箇徹底。意表無咎。亦猶涅槃嬰兒之行。名童真住。九者菩薩解真俗諦。悟法王法。將有所獲。名法王子住。十者此位菩薩如王太子堪受王位。行漸勝故。名灌頂住。二者十行。此位菩薩行六度等諸行勝故。名之爲行。言其十者。一此位菩薩爲大施主。一切能捨。三時無悔。利譽不憚。慈生喜法。諸者歡敬。名歡喜行。二者菩薩常持淨戒。不染五欲。能令伏衆魔。一切衆生立無上戒得不退地。名饒益行。三者菩薩常修忍辱。謙卑恭敬。和顏愛語。不害自他。悟身空寂。怨對能忍。名無嗔行。四者菩薩假設多劫受諸劇苦。求法濟生念念不息。名無盡行。五者菩薩常住正念恒無散亂。於一切法乃至生死入住出胎。無有癡亂。名無癡亂行。六者菩薩善入人法皆無性相。三業寂滅無縛無著。而復不捨化衆生心。巧能隨類現生救物。名善現行。七者菩薩歷諸塵刹供佛求法。傳燈度生心無厭足。然以寂滅觀諸法故而於一切心無所著。名無著行。八者菩薩尊重善根智慧等法。皆悉成就。而由得斯諸尊重法。二利之行更增修習。名尊重行。九者菩薩得四無礙陀羅尼門諸善慧法。能爲衆生作清涼池。守護正法佛種不絕。名善法行。十者此位菩薩成就第一誠諦之語。學三世佛真實之語無二之語。如說能行。如行能說。語行相應。色心皆順。名真實行。三者十迴向。在斯位已凡所修行皆爲迴向。立迴向名。

其十者何。一此位菩薩而行六度四攝法等。悉爲救攝一切有情。令離生死得涅槃樂。名救護衆生。入平等觀。不見怨親衆生等相。稱離生相。初迴向名因斯而立。二者菩薩於三寶所得不壞信。因持諸善。迴向衆生令獲善利。名不壞迴向。三者菩薩學三世佛。不著生死。不離菩提。修迴向事。名等諸佛迴向。四者菩薩修習一切諸善根時。以彼善根如是迴向。令此善根功德之力。至於一切三寶之所。一切世界衆生之所。作諸供養利益之事。譬如實際無處不有。名至一切處迴向。五者菩薩修悔過善根。離一切業障。於諸如來一切衆生。所有善根皆悉隨喜。以此善根皆悉迴向。莊嚴一切諸佛淨刹。常作佛事。善巧方便具諸功德。離諸虛妄而無所著。由迴向已得無盡善根。名無盡藏功德迴向。六者菩薩以內外財。隨衆生意而惠施之。見諸苦者。悲以身代。堅固安住自在功德。以如是等諸善功德而迴向已。令一切生得大智慧。除滅大苦。名隨順一切堅固善根迴向。七者菩薩而能增長一切善根。修習究竟安住忍力。閉惡趣門。永離顛倒。不著諸行。一切善根由皆悉迴向。爲一切衆生作功德藏。音覆一切。拔出生死。令得衆善。等無差異。名等心隨順一切衆生迴向。八者菩薩成就念智。安住不動心。無所依。寂然不亂。不達一切平等正法。嚴剎度生。所修諸善皆順如相而爲迴向。名如相迴向。九者菩薩所攝善根離憍慢等。所有縛著得解脫心。行普賢行。所習諸善不執

爲己及以他人。以無縛著解脫之心迴向。饒益品物一切故。名無著無縛解脫心迴向。十者。此菩薩離垢離繫。頂受大法師記。法施化生。嚴淨世界。出生智等悉同虛界而無限量。凡有善根修於迴向。悉等法界故。名法界無盡迴向。如此等義廣如華嚴。恐繁不具。前二十九心全第三十少分而屬資糧。三十分屬後加行。問此位初首而有十信。謂信進念定慧施戒護願迴向。計心四十。何故但言三十心耶。答卽十住中初住離出。以初發心而甚難故。故離出也。設有舉教言四十心。當知卽據總別說也。理實三十。

第二加行位者。亦分總別。總言加行者。加功用行而趣見道故。名加行。故唯識云。近見道故立加行名。卽此亦名順決擇分。言決擇者。體卽是智。決簡於疑。疑不決故。擇者簡見。見不擇故。智異於彼。故名決擇。分者支分。此決擇體卽是見道。七覺支中是其一支。故名爲分。順者趣向欣求之義。加行位中燭等善根欣求趣向彼決擇分。故燭等善名順決擇。故唯識云。此四總名順決擇分。順趣真實決擇分故。其別名者。一燭。此位菩薩初得見道火。相前故。名爲燭。然見道體能斷煩惱。如火燒薪。故喻於火。燭位菩薩未得火體。而得火相故名燭也。二頂。此位菩薩依尋思智觀所取空。此位功極。故名爲頂。頂者極義。如山之頂上之極也。三忍。忍者卽可達悟之義也。此位菩薩知忘執識及心外境而體皆空。故名爲忍。四世第一法。此位菩薩所得智等。一切

世間所有法中無先此者。名世第一

第三通達位者。亦分二種。一釋總名。言通達者。證會之義也。此位菩薩無漏之智了證真如。故名通達。即唯識云。加行無間此智生時。體會真如名通達位。此通達位即是見道。唯識等云。通達位者。謂諸菩薩所住見道。見道名者即無漏智。照理名見。故唯識云。初照理故亦名見道。道遊履義。行人遊履趣於極果。或通運義。通運行人至於極果。故名爲道。大釋別名。一真見道。體離虛妄。親能證理。實能斷障。故名爲真。又釋。真者是理。見者是智。證真之智。名真見道。二相見道。相者類似之義。真見道後而起於此行解。安壞微像真見所有功能。不能證理及斷於障。類似於真。故名相見

第四修習位者。亦開二種。一釋總名。此位菩薩而更進修無分別智。斷所餘障。故名修習。唯識等云。爲斷餘障。證得轉依。復數修習無分別智。是以此位名修習也。二顯別名。又分爲二。初釋總地名。後解十別號。此修習位能爲依持生長之義。故名爲地。唯識等云。與所修行為勝依持。令得生長。故名爲地。十別號者。一此地菩薩始入於聖證。二空理。能利自他。所以大喜。是故此地名極喜地。故瑜伽等云。得未曾得出世間心。具證二空。能益自他生大歡喜。二此地菩薩具清淨戒。棄破戒惑。破戒惑法染汚行人。名之爲垢。此地能捨名離垢地。故瑜伽等云。遠離一切微細犯戒。三此地菩薩由得勝定及殊妙教。四種總

持。以此爲因能起三慧。三慧而能照法顯現。

名之爲光。此地定等能起慧光。所以此地名發光地。故瑜伽等云。能爲無量智光依止。四此地菩薩妙慧殊勝。能斷煩惱。如火焚薪。是故此地名焰慧地。故瑜伽等云。燒諸煩惱智如火焰。五此地菩薩能令俗諦有分別智而與真諦無分別智同時俱起。以互達法。令不相違一時並生。故名難也。前之四地而未能得今乃得之。故稱爲勝。勝前地也。是以此地名難勝地。故瑜伽等云。方便修習最極艱難。方得自在。六此地菩薩能起勝智。觀十二緣。不作染淨二差別行。有此勝智現生起故。所以此地名現前地。故瑜伽等云。觀察諸行。又於無相多修作意。方現在前。七此地菩薩唯修無相不起功用。功用之行創絕斯地。是以此地無相之行逾於二乘世間等行。故。此名遠行地也。故瑜伽等云。能遠證入無缺無間無相作意。八此地菩薩妙無相智不被一切有相功用及諸煩惱而能鼓擊。所以此地名爲不動。故瑜伽等云。不爲現行煩惱所動。九此地菩薩得勝妙智。能善說法以利含識。故。此地名爲善慧地也。故瑜伽等云。說法自在。獲得無量廣大智慧。十此地菩薩而有勝智能藏衆德。能斷諸障。能遍法身。義同於雲能蔽於空而含於水。是以此地名法雲地。故瑜伽等云。龜重之體廣如虛空。法身圓滿譬如大雲皆能遍覆

第五究竟位者。功成事畢。故稱究竟。簡責糧等。彼之四位功未畢故。亦簡二乘。二乘所得

菩提涅槃非高勝故。唯佛獨能所作皆辦。功德最勝。得名究竟

三出體者。查糧加行此之二位剋性。皆以有漏加行智爲其體故。見道剋性。而以根本後得無漏二智爲體。真相別故。其修習位十地皆以有爲無爲諸功德法。以爲自體。究竟位者。即以如來菩提涅槃。以爲其體。上雖列位釋名出體三節不同。總當第一辨位次也

第二明修斷者。復開爲二。一明所修之行。二說所斷之障。初修行中復分爲二。初境後行。所言境者。謂即三性三無性等多種差別。今且略明三性之境。謂遍計所執。依他起性。圓成實性。是智所觀名之爲境。故攝大乘名所應知。所應智者即是境也。問此三名體其義云何。答遍者周普。計者量度也。普計一切故名遍計。此能周遍量度之心。妄執一切五蘊等法爲我爲法。此所妄計我法等類。名爲所執。所執之法但有假名。無其實體。故瑜伽云。謂隨言說依假名言建立自性。自性即是我法等性也。問所緣蘊等體性不無。能計妄情亦復是有。何故論云名計所執無自體耶。答蘊等緣生不離於識。非有似有。而非我法。妄情不了執爲實有。計爲我法。而離於識非一異等。此等所執離識我法及實有等。今說爲無名計所執。不言識內非橫計者所有蘊等亦名無體。故唯識云。一切心及心所由熏習力所變二分。從緣生故。亦依他起。遍計依斯妄執定實有無一異俱不俱等。此二方名遍計所執。問遍計所執其體已明。能遍

計心未知。何是。答有漏第七及染第六。此之二識妄執我等名能遍計。故攝論等言意識名為能遍計故。故八識中唯此二也。問第六妄執緣一切起。可名遍計。第七但緣第八起執。何得名遍。答第七執心是第六識執之類。故亦名遍計。依他起者。依者依託。他者非己。由仗於他自方得生。名依他起。起者生也。體即一切有漏無漏心及心所色等五塵從因緣生。皆名依他。故瑜伽云。謂從衆緣所起自性。圓成實者。圓者圓滿體。周遍義也。成即成就。非生滅義。實乃真實。非虛謬義。唯一真如具斯三義。名圓成實。故瑜伽論云。謂諸真如。聖智所行聖智境界。又釋。無漏有為亦名成實。故唯識云。無漏有為離倒究竟。勝用周遍。亦得此名。此意說云。無漏有為亦具三義。同於真如。亦名成實。言離倒者。而是實義。煩惱染法虛妄顛倒。不得實名。無漏不然。故名爲實。言究竟者。即是成義。究竟能斷煩惱染法成就此能。故名成也。勝用周遍者。是其圓義。能普斷惑。遍緣諸境。故名圓也。由此真如有爲無漏並圓成也。辨中邊論第二亦云。真如涅槃無變異。故名圓成實。有爲總攝一切聖道。於境無倒。亦名成實。攝大乘論亦取無爲有爲無漏名圓成實。故知成實通二種也。問何故瑜伽論但以五法中如爲成實耶。答辨圓成實而有二門。一常無常門。但是常者名圓成實。離生滅故。無常即非。瑜伽據此。故以如如而爲成實。正智體是生滅法故。故不取也。二漏無漏門。但是無漏即名成實。離顛

倒故。有漏即非。所以中邊攝論唯識通據二門亦取正智。諸無漏法亦圓成實。故不相違。即此遍計其體全無。依他圓成體性是有。故契經云。有爲無爲名之爲有。我及我所說之爲空。有爲無爲依他成實。我及我所說之遍計也。三性有無諒可知矣。觀遍計境我法體無。但可令知不生妄執。觀依他性。染者惑業及以苦果。可須斷除。淨者即是。資糧加行見道修道所行之行。可令修習。觀圓成實而令求證。三無性等所餘之境恐繁不說。大修行中又分爲二。初明發心。後明修行。發心又二。初明發心。後明發願。初發心者。將求大果。必要先發菩提之心。由發此心。欣彼果故。因能修行斷諸惑障。證大涅槃心。若不發。便無欣趣。欣趣既無。誰有修行。行若不修。何能斷障。障不能斷。詎得菩提。故華嚴經十住初首名發心住。般若經論十八住中。第一亦名發心行住。唯識亦云。從發深固大菩提心。是以第一先須發心。由發心故入僧祇數。發心之義准諸經論。今者略以十門分別。一明菩提心之體性。二彰所因。三顯行相。四辨所緣。五明勝利。六談德量。七拔勝劣。八辨其喻。九明退緣。十彰守護。一體性者。以信精進正念正定正慧爲體。故攝論云。清淨增上力堅固心昇進名菩薩。初修無數三大劫增上力者。即信等五。故以信等而爲自體。二彰所因者。按諸經論。因不一。略陳梗概。故大集經云。衆生成就十六種法。能發菩提心。一常修上心發勝諸根。二勤修諸善莊嚴功德。三

至心持戒不生悔厭。四修集大悲憐愍衆生。五信佛世尊有大慈悲。六爲諸衆生受行諸苦。七能壞衆生所有苦惱。八調伏諸根具足正見。九心無所畏不求諸有。十樂求佛智不樂二乘。十一受樂不慢。受苦無悔。十二恭敬智慧破壞憍慢。十三知恩報恩。十四具足身力。十五護持正法。十六不斷三寶。又瑜伽論菩薩地說。菩薩發心由四種緣。四因四力而能發心。言四緣者。一見諸佛菩薩有不思議神變威力。或從可信聞如是事。既聞是已。於大菩提深生信解。因斯發大菩提心。二雖不見聞佛及菩薩神通功德。於菩薩藏聞已深信。爲得如來微妙智故發菩提心。三或有一類。雖不見佛及以聽說如是正法。而見一切菩薩藏法將欲滅沒。便作是念。菩薩藏法久住世間。能拔無量衆生大苦。我應住持菩薩藏法發菩提心。爲滅無量衆生大苦。爲護菩薩藏增上力故。於如來智深生信解而得發心。四者或有一類。雖不親見正法欲滅而於末劫見諸濁惡衆生身心十隨煩惱之所惱亂。謂多愚癡。多無慚愧。多諸慳嫉。多諸憂苦。多諸龜重。多諸煩惱。多諸惡行。多諸放逸。多諸懈怠。多諸不信。見是事已便作是念。大濁惡世於今正起。諸隨煩惱之所惱亂。能發下劣聲聞心者。尙難可得。況於無上正等菩提能發心者。我當應發大菩提心。今此惡世無量有情隨學於我起菩提願。由見惡世發心難得增上力故發菩提心。云何四因。一謂諸菩薩菩薩種姓而得具足。二賴佛菩薩

善友攝受。三於諸衆生多起悲心。四於極多時生死大苦。難行苦行無有怯畏。云何四力。一謂諸菩薩由自功力。能於無上正等菩提。深生愛樂。二由他功力。深生愛樂。三宿習大乘相應善法。今得暫見諸佛菩薩。或暫得聞稱揚讚歎。即能速發大菩提心。況親神力聞其正法。四於現法中。親近善士。聽聞正法。諦思惟等。長時修習種種善法。由此加行發菩提心。三顯行相者。希求爲相。希求有二。一求菩提。二求利生。故瑜伽論云。菩薩起心求菩提時。發如是心。說如是言。願我決定當證無上正等菩提能作有情一切義利。又云。最初發心。於諸衆生發起二種善勝意樂。一者利益意樂。謂欲從諸不善處拔濟衆生安置善處。二者安樂意樂。謂於貧。匱無依無怙諸衆生所。離染汚心。欲與種種饒益樂具。又般若經論發心行住而有四義。一者廣大心。四生三界咸是慈悲所度之者。二第一心。咸令有情得無餘依涅槃勝果。三常心。雖度衆生。不見身外有衆生相。皆即我身。故能常度一切衆生。四不顛倒心。不起我執執有自他有情我等。此等諸教皆以決定希求二利。爲發菩提心之行相。四辨所緣者。恒以所求所度而爲所緣。故大般若經云。善現白佛。初發菩提心菩薩何所思惟。佛言。恒正思惟一切相智。又瑜伽論云。以大菩提及諸有情一切義利。爲所緣境。緣菩提故。自求當證。緣衆生故。悲心希濟。五明勝利者。大集經頌云。若樂喜發菩提心。如是乃能斷惡有。能爲人天

開正路。能閉八難邪。險徑。諸根具足不盲聾。皆由至心發菩提。又頌云。能見十方諸世尊。能聞無上甘露味。若能至心發菩提。是故能破疑憍慢。無量智慧得自在。能爲衆生說法界。華嚴經云。若有發菩提心。則爲不斷一切佛種。則爲嚴淨一切佛利。則爲成就一切衆生。則爲了達一切法性。則令一切諸衆生界悉得安穩。瑜伽菩薩地云。發心菩薩所攝善法有二種勝。一因二果。謂所攝善法皆是無上正等菩提能證因故。所攝無上是此果故。尚勝二乘。況餘一切世間因果。又云。發心菩薩有二勝利。一者初發心已即是衆生尊重福田。一切衆生皆應供養。亦作一切衆生父母。二者發心即能攝受無惱害福。由此菩薩成就如是無惱害福。得倍輪王護所守護。由得如是護所護故。若寢若悟若迷悶等。一切煩惱人非人等。不能惱害。又此菩薩轉受餘生。由如是福所攝持故。少病無病。不爲長時重病所觸。常益衆生無勞無損。六談德量者。華嚴經頌云。發心功德不可量。充滿一切衆生界。衆智共說無能盡。何況所餘諸妙行。又云。若有菩薩。初發心誓求當證佛法菩提。彼之功德無邊際。不可稱量無與等。又云。菩薩於生死最初發心時。一向求菩提。堅固不可動。彼一念功德深廣無邊際。如來分別說窮劫猶不盡。發菩提心論云。如來言。如諸菩薩最初發心下劣一念福德果報。百千萬劫說不能盡。況復一日一月一歲。乃至百千萬所習諸心福德果報豈可說盡。何以故。菩薩所

行無盡。欲令一切衆生皆住無生忍得無上菩提故。辨中邊論亦云。勝故無盡故。由利他不息。七按勝劣者。大集經頌云。若有能發菩提心。是則能勝一切衆生。能淨一切衆生心。亦能演說無上道。又云。如恒河沙等衆生悉任聲聞辟支佛乘。欲比菩薩初發心業。百分千分不可爲喻。何以故。二乘之人自爲解脫觀於煩惱。菩薩不爾。常爲衆生得解脫故觀諸煩惱。又頌云。如恒河沙等世界。滿中妙寶持用施。雖有如是無量福。不如憐愍發菩提。無量億等恒沙佛。淨妙華香以供養。如是福德猶不如。發菩提心七卓步。八辨其喻者。大集經云。譬如小寶亦不可輕。何以故。如是小寶能作大事。多所利益。菩薩亦爾。初發心時亦不可輕。又云。如餘小王一切悉屬轉輪聖王。一切人天亦復如是。悉來歸屬初發心菩薩。又云。無甘蓮子則無種種不蜜諸味。若無菩提心者亦無種種三寶諸味。又頌云。若有菩薩勤精進。即能破壞諸煩惱。如火能焚乾草木。菩提心能燒煩惱。又發菩提心經論云。菩薩初發心。譬如大海初漸起時。當知爲彼下中上價乃至無價如意寶珠而作住處。此寶皆依大海生故。菩薩發心亦復如是。爲三乘人禪定智慧一切功德之所生處。又如三千大千世界初漸起時。當知便爲二十五有其中所有一切衆生。悉皆荷負作依止處。菩薩亦爾。一切初漸起時。普爲一切無量衆生六道四生乃至四姓。一切荷負作依止處。又大莊嚴論廣有喻事。恐繁不引。九明退緣



者。瑜伽論云。有四因緣能令菩薩退菩提心。一種姓不具。二惡友所攝。三於諸衆生悲心微薄。四於長時生死大苦。難行苦行法畏驚怖。十顯守護者。大般若經云。菩薩摩訶薩常勤守護是菩提心。猶如世人守護一子。亦如護者護餘一目。如行曠野守護導者。菩薩守護菩提之心亦復如是。因護如是菩提心故。得阿耨多羅三藐三菩提。

次發願中又分爲二。初願後誓也。願者所習本矣。誓者能續緣矣。將備成功。闕一無可。亦猶輪翼待而飛御。故發菩提心論云。菩薩云何發趣菩提。以何業行成就菩提。發心菩薩住乾慧地。先當堅固發於正願。攝受一切無量衆生。我求無上菩提。救護度脫令無有餘。皆令究竟無餘涅槃。是故初始發心大悲爲首。以悲心故能發轉勝十大正願。何等爲十。一者願我先世及以今身所種善根施與一切。悉共迴向無上菩提。令我此願念念增長。生生不忘。爲陀羅尼之所守護。二者願我迴向大菩提已。以此善根於一切生處。常得供養一切諸佛。恒常不生無佛國土。三者願我得生諸佛國已。常得親近。隨侍左右如影隨形。無利那頃遠離諸佛。四者願我得近佛已。隨我所應說法。即得成就菩薩五通。五者願我得五通已。即達世諦假名流布。了第一義得正法智。六者願我得正法智已。以無厭心爲生說法。示教利喜皆令開解。七者願我開解諸衆生已。以佛神力遍至十方無餘世界。供養諸佛聽受正法廣攝衆生。八者願我於

諸佛所聞正法已。即能隨轉清淨法輪。十方世界一切衆生聽我法者聞我名者。即得捨離一切煩惱。發菩提心。九者願我能令一切衆生發菩提心已。常隨將護除無利益與無量樂。捨身命財攝受衆生荷負正法。十者願我能荷負正法已。雖行正法。心無所行。如諸菩薩行於正法而無所行亦無不行。爲化衆生。又瑜伽論有十大願。若諸菩薩願於當來。以一切種上妙供具。供養無量無邊如來。名第一願。願於當來。攝受防護諸佛正法。傳持法眼令無斷壞。名第二願。願於當來。從觀史多天宮降下。八相成道。名第三願。願於當來。行一切種善薩正行。名第四願。願於當來。普能成就一切有情。名第五願。願於當來。一切世界皆能示現。名第六願。願於當來。普能淨修一切佛土。名第七願。願於當來。一切菩薩皆同一種意樂加行趣入大乘。名第八願。願於當來。所有一切無倒加行皆不唐捐。名第九願。願於當來。速證無上正等菩提。名第十願。諸聖教中願行非一。恐繁不具。

既發願已。次立於誓。准莊嚴論。由五義故立六種誓。五義者。一能堅固其心。二能制伏煩惱。三能遮放逸。四能破五蓋。五能勤修六度。云何立誓。若有人來種種求索。我於爾時隨有施與。乃至不生一念慳吝。若我持戒。乃至失命建立淨心。誓無改悔。若我修忍。爲他侵害。乃至割截。常生慈心。誓不恚礙。若修精進。遭逢寒暑王賊水火師子虎狼無水穀處。要必堅固誓不退沒。若我修禪。爲外事惱不

得攝心。要繫念境。誓不暫起非法亂想。若修智慧。觀一切法如眞實性。隨順受持於善不善有爲無爲生死涅槃。不起二見。若我心惛悔患。擬退沒亂想。起於二見如彈指頃。以施戒忍精進禪智求得報者。我即欺誑十方世界無量無邊阿僧祇現在諸佛。於未來世亦當必定不證菩提。菩薩以十大願持正法行。以六大願制伏放逸。必能精進修習六度成無上菩提。

次求善友者。善友之義大矣哉。將趨艱險會常樂者。無莫由之。故攝大乘唯識等云。要善友力方成菩提。佛菩薩等是爲善友。勝利無極。難以具言。且略舉三用表求意。一者能爲菩提近因故。涅槃經云。佛告諸大衆言。一切衆生爲阿耨多羅三藐三菩提近因緣者。莫先善友。何以故。開王若不隨着婆語者。來月七日必定命終墮阿鼻獄。是故近因莫若善友。二者趣向如來智時有十功能。故華嚴經云。善知識者則是趣向一切智門。令我得入眞實道故。善知識者。則趣向一切智乘。令我得至如來地故。善知識者則是趣向一切智船。令我得至智寶洲故。善知識者則是趣向一切智炬。令我得生十力光故。善知識者則是趣向一切智道。令我得入涅槃城故。善知識者則是趣向一切智燈。令我得見夷險道故。善知識者則是趣向一切智橋。令我得度險惡處故。善知識者則是趣向一切智蓋。令我得生大慈涼故。善知識者則是趣向一切智眼。令我得見法性門故。善知識者則是

趣向一切智願。令我滿足大慈水故。三者能令越生死海故。大集經偈云。若得親近善知識。至心聽受無上法。觀察內外空三昧。即能越度生死海。問於善知識起於何心而求於彼。答華嚴經云。於善知識生十種心。謂於善知識生同己心。令我精勤。辦一切智照道法故。於善知識生清淨自業果心。親近供養生善根故。於善知識生莊嚴菩薩行心。令我速能莊嚴一切菩薩行故。於善知識生成就一切佛法心。誘誨於我令修道故。於善知識生能生心。能生於我無上法故。於善知識生出離心。令我修行普賢菩薩所有行願而出離故。於善知識生具一切福智海心。令我積集諸白法故。於善知識生增長心。令我增長一切智故。於善知識生具一切善根心。令我志願得圓滿故。於善知識生能成辦大利益心。令我自在安住一切菩薩法故。或一切智道故。得一切佛法故。

後明修行者。夫天池別乎行澤者。百川納而莫遺。地岳殊於推阜者。衆塵積而無棄故。求無上正等菩提。一切諸行莫不備習。於中分二。一總二別。總者。其資糧等五位中。皆具自利利他二行及福智二十波羅蜜。故唯識論云。十波羅蜜五位皆具。然修習位其相最顯。即此六度慧爲性者。皆名爲智。非慧爲體。並名爲福。六波羅蜜通相皆二。別相前五說爲福德。第六智慧。又此六度爲濟於他而修六者。六皆利他。若爲自修。六皆自利。既云十度通五位修。又即六度通於福智二利所攝。

故知十度二利福智通五位也。

問善提分法及四攝等。皆是功德所修之法。二利等中是何所攝。答攝增相說。善提分法自利行收。四攝事等利他行攝。若依實言。皆通二利。

問善提分等體義云何。答分之爲三。初善提分。次明四攝。後顯六度。善提分法略爲二門。一者釋名。二略問。答初中又二。先總後別。三十七善提分法者。善提梵音。此譯名覺。即如來等盡無生智。照境窮源故稱爲覺。分者因也。此三十七能爲覺因。故名爲分。次別名者種類不同。分爲七例。一四念住。二四正斷。三四神足。四五根。五五力。六七覺支。七八正聖道。一四念住者。謂身受心法。身等四法。是所觀境。慧是能觀。慧與念俱。故慧從念稱爲念也。住者即境是能觀慧所住之境。總稱念住。別言身者。五根四大積集名身。領納於境目之爲受。集起名心。執持稱法。二四正斷者。體一精進。義用不同。分之爲四。已生惡法斷之令滅。未生惡法令永不生。已生善法修令增長。未生善法修令得生。此四功能斷自所除懈怠障故。故名四斷。三四神足者。神謂神通。妙用難測故名神也。即慧之用。足者彼因。體即勝定。由依勝定能發通故。故名神足。足雖一定。定因有四故名四也。其四者何。謂欲勤心觀。於境樂觀名欲。止惡進善曰勤。定能攝心稱心。於境簡擇名觀。此四非足。足之因也。四五根者。增上之義是根義也。由五能生諸善法故。故總名根。其五者何。謂信精進

念定慧也。謂於三寶四諦等中。能深忍樂清淨之性。名之爲信。勇猛進修。目爲精進。於境憶持。故稱爲念。專注所緣。號之爲定。簡擇得失。故得慧名。五力者。不可屈伏故名爲力。即前五根據不可屈轉立力名。故瑜伽云。誰不能屈。答此清淨信若天若魔乃至諸煩惱。纏亦不能屈。故名難伏。體即五根。更無別也。六七覺支者。覺者是智。支者分類。分類不同而有七種。名七覺支。其七數者。一念。二擇法。三精進。四喜。五輕安。六定。七捨。於境明記。名之爲念。觀察得失。故名擇法。熾然修善。號爲精進。於意適悅。故得喜名。調暢身心。名爲輕安。專注所緣。故名爲定。遠離沈掉平等寂靜。目之爲捨。問擇法是慧。可名覺支。餘非慧收。何得名覺。答念支覺法所依止故。擇法自體而是覺故。精進是覺出離支故。喜是覺法利益支故。輕安定捨此三是覺無染支故。是以自體及除非慧總名覺支。何故此三名無染支。答無染重爲因能生諸染。輕安近能治此染重。名無染因。由依定故方能離染。定即名爲離染所依捨正除染。即是無染之自性也。故此三種得無染名。七八聖道者。契理通神。目之爲聖。運載遊履稱之爲道。其八者何。謂正思惟。正語。正業。正命。正精進。正念。正定。正見。審量義理。名正思惟。語離四非。稱爲正語。身遠三過。名爲正業。無漏身語離五邪命。名爲正命。修善斷惡有勝堪能。目爲精進。明記所緣。稱爲正念。攝心不亂。號爲正定。推察諦理。故名正見。二略問答者。問

小乘之人修菩提分教有誠文。何以得知大乘亦學。答智度論云。問三十七品是聲聞辟支佛道。六波羅蜜是菩薩道。何故於菩提道說聲聞法。答菩薩摩訶薩學一切道。既云一切。故知亦通菩薩所學。問菩提分法通諸位者。何故唯論聲聞。答云。四地方得菩提分耶。答彼據三地得定戒等。相同世間。四地相同二乘出世。道品無漏而是出世。故言四地方得起也。問三乘同行相何別。答中邊論云。二乘之人以自相續身為境。以修對治。菩薩通以自他相續身為境。而修對治。聲聞獨覺於身等境。以無常等行相思惟而修對治。若諸菩薩於身等境。而以無所得行相思惟。修於對治。聲聞獨覺修念住等。但為身等速得離繫。若諸菩薩修念住等。不為身等離繫。但為證得無住涅槃。由此三緣。與二乘別。

次明四攝。略分二門。初釋名字。後辨行相。初中又二。先總後別。總者。以此四事攝諸有情。故名四攝。或攝者益他。以施等法益有情故。故瑜伽云。所有攝事能成就他一切有情。能成就者即是益也。釋別名者。一者布施運心普及。稱之為布。輟己惠人故名為施。二者愛語音聲屈曲表彰名語。聞者悅樂故目為愛。三者利行。行是所修之行。即是因名。利是所得利益。即是果稱。故瑜伽云。由此能令於現法中得身輕安。於後法中。般涅槃等此現輕安後般涅槃。皆並名利。有所益故。四者同事。同者等也。事者事業。謂與有情等修行業故。

名同事。二行相者。菩薩若欲攝化有情。不過此四。若欲化彼。先行於施。謂隨於彼所須外財金銀等物。及以內財手足等類。隨求皆與。由隨意與故。諸有情親附菩薩。是名施攝。既親附已。次以愛語悅豫彼心。令其受道。故瑜伽云。云何菩薩自性愛語。常樂宣說可意語等。略有三種。一慰喻語。對諸有情含笑先言。命進問安。隨宜慰喻。二慶慰語。見諸有情有昌盛事而慶悅之。三勝益語。為諸有情宣說一切圓滿殊勝微妙法教。既行如上所有愛語。令所化生心起愛慕歸依菩薩。既歸依已。次教修行。瑜伽云。謂諸菩薩由彼愛語。為諸有情示現正理。隨其所應。於諸所學。隨義利行。此意即說。隨彼諸乘根性差別。而教行彼三乘等行。得自乘果。又若菩薩如是行中。必住悲心。無愛染心。勸導調伏。起利行已。次與所化同其事業。問但化彼行。何假身同。答自若不行。人焉肯學。為令彼修故。要自作。故瑜伽云。謂諸菩薩若於是義。於是善根勸他受學。即於此義。於此善根自現受學。如是菩薩與他同事。故名同事。由此四事攝諸有情。不增不減。

後明六度。六度之義乃有多種。今者略示八門差別。一辨別。二釋名。三顯相。四加行。五淨相。六不增不減。七相攝。八勝德果利。一辨別者。施有三種。一捨財等名為財施。二以三藏等教施於有情名為法施。三令他離怖。名無畏施。戒亦三種。一者能離不善防護受持。名律儀戒。即沙門等七眾所學戒等是也。二以一切佛法為體。名攝善法戒。三者以此戒善資物。名饒益有情戒。忍亦三種。一者忍對能受。名耐怨害忍。二者貧病寒熱種種苦至。忍而修道而不退屈。名安受苦忍。三者於甚深法能諦思惟審觀義理。名諦察法忍。精進亦三。一者若修諸行。發起勇悍於行不退。如入陣者被鎧甲。故即無怯退故。名被甲精進。二者修諸善品而勤進趣。名為攝善精進。三者能以精勤利樂含識故。名利樂精進。定亦有三。一者而能安住現法樂故。名為安住靜慮。二者以此能發六神通故。名為引發靜慮。三者用此能成利有情事故。名辦事靜慮。慧亦有三。謂生空無分別慧。法空無分別慧。俱空無分別慧。如次即是別緣我法及俱緣彼根本之智。簡異後得言無分別。

二釋名者。先總後別。言總名者。解深密經及瑜伽云。何緣此名波羅蜜多。由五緣故。一無染著。不染著波羅蜜多相違事故。二無顛戀。謂於一切波羅蜜多諸果異熟及報恩中。心無繫故。三無罪過。謂於如是波羅蜜多。無間雜染法。離非方便行故。四無分別。謂於如是波羅蜜多。不如言詞執著自相故。五正迴向。謂如是所作所集波羅蜜多。迴求無上大菩提果故。又對法論云。到所知彼岸名波羅蜜多。又波羅是所知彼岸義。蜜多是到義。釋別名者。攝論云。能裂慳嗔貪瞋。及能引得廣大財位福德。故名為施。能息滅惡戒惡趣。及能引得善趣等持。故名為戒。能滅盡忿怒怨憎。及能善住自安隱故。故名為忍。妙能遠

離所有懈怠惡不善法。及能出生無量善法。故名精進。能消除彼所有散動。及能引得內心安住。故名靜慮。能除遣一切見趣諸邪惡慧。及能真實品別知法。故名爲慧。

三辨相者。問但施等即得名爲波羅蜜多。爲不爾耶。答有得不得。故唯識云。要七最勝之所攝受。方可建立波羅蜜多。一安住最勝。謂要安住菩薩種姓。二依止最勝。謂要依止大菩提心。三意樂最勝。謂要悲愍一切有情。四事業最勝。謂要具行一切事業。五巧便最勝。謂要無相智所攝受。六迴向最勝。謂要迴向無上菩提。七清淨最勝。謂要不爲二障間難。若非此七所攝受者。雖行施等。但名施等。不得名爲到彼岸也。

四加行者。問將修此六。以何加行方能進習。答二利爲心能修此六。故大般若經一百二云。菩薩摩訶薩行六波羅蜜時。當作是念。我若不行布施波羅蜜多。當生貧賤家。尚無勢力。何由成就有情嚴淨佛土。況當能得一切智智。我若不護淨戒波羅蜜多。當生諸惡趣。尚不能得下賤人身。乃至況當能得一切智智。我若不修安忍波羅蜜多。當生諸根殘缺容貌醜陋。不具菩薩圓滿色身。若得菩薩圓滿色身行菩薩行。有情見者必獲無上正等菩提。若不得此圓滿色身。乃至況當能得一切智智。我若懈怠不起精進波羅蜜多。尚不能獲菩薩勝道。乃至況當能得一切智智。我若心亂不入靜慮波羅蜜多。尚不能起菩薩勝定。乃至況當能得一切智智。我若無智不

學般若波羅蜜多。尚不能得諸巧便慧超二乘地。乃至況當能得一切智智。又三百五十一云。於此六種波羅蜜多動修學時。恒作是念。世間有情心皆顛倒。沒生死苦。不能自脫。我若不修善巧方便。不能解脫彼生死苦。我當爲彼諸有情類。精勤修學布施淨戒精進安忍靜慮般若波羅蜜多善巧方便。以此念觀故。能熾然修六度也。

五淨相者。二種不同。初總後別。總者。解深密經及瑜伽云。總說一切波羅蜜多清淨相者。當知七種。何等爲七。一菩薩於此諸法不求他知。二於此諸法見已不生執著。三即於如是諸法不生疑惑。謂爲能得大菩提不。四終不自讚毀他有所輕蔑。五終不憍傲放逸。六終不小有所得便生喜足。七終不由此諸法於他發起嫉妒憎恨。行六度時離此七種。方得名爲六度清淨。次別相者。大集經云。一成就八法能淨檀波羅蜜。謂離我能施。離爲我施。離愛結施。離無明見施。離彼我菩提相施。離種種相見施。離希望報施。離慳嫉其心平等如虛空等施。離此八法。是謂清淨。二成就八法能護淨戒。謂不忘菩提心能護於戒。不求聲聞辟支佛地能護於戒。境界無礙能護於戒。不特諸戒能護於戒。不捨本願能護於戒。不依一切生處故能護於戒。成就大願故能護於戒。善攝諸根爲滅煩惱故能護於戒。是謂八法。言護戒者。即滅淨相。三成就八法能淨羼提波羅蜜。謂善淨內淳至修羼提波羅蜜。謂善淨外不憍望修忍。於上中下究

竟無障礙修忍。隨順法性無所染著修忍。去離諸見修忍。斷一切諸覺修忍。捨一切諸願修忍。除一切諸行修忍。是謂八法。四成就八法能淨毘梨耶波羅蜜。謂淨身故發動精進。知身如影。不著於身。爲淨口故發動精進。知口聲如響。不著於口。爲淨意故發動精進。知意如幻。無所分別。不著於意。爲具足諸波羅蜜故發動精進。知諸法無自性因緣所攝。不可戲論。爲得照菩提分法故發動精進。覺了一切法真實性故無所礙著。爲淨一切佛土故發動精進。知諸佛國土如虛空故不恃所淨。爲得一切陀羅尼故發動精進。知一切法無念無非念故不作二相。爲成就一切佛法故發動精進。知諸法人一相平等故而不壞法性。是爲八法。五成就八法能淨禪波羅蜜。謂不依諸陰修禪。不依諸界修禪。不依諸入修禪。不依三界修禪。不依現世修禪。不依後世修禪。不依道修禪。不依果修禪。是爲八法。六成就八法能淨般若波羅蜜多。若菩薩精勤欲斷一切不善法。而不著斷見。精勤欲生一切善法。而不著常見。知一切有爲法皆從緣生。而不動於無生忍法。善分別說一切字句。而常平等無有言說。善能辨一切有爲無常苦法。於無我法界寂靜不動。善能分別諸所作業。而知一切法無業無報。善能分別垢法淨法。而知一切法性常淨。善能籌量三世諸法。而知諸法無去來今。是爲八法。能淨般若波羅蜜多。若有人能依總別淨相所修六度。真實而能到於彼岸

六不增不減。如深密經論等云。世尊何因緣故。施設如所應學事。但有六數。善男子。二因緣故。一者饒益諸有情故。當知前三。謂諸菩薩由布施故。攝受資具饒益有情。由持戒故。不行損害等饒益有情。由忍辱故。彼損害等堪能忍受饒益有情。二者對治諸煩惱故。當知後三。謂諸菩薩由精進故。雖未永伏一切煩惱等。而能勇猛修諸善品。彼諸煩惱不能傾動善品加行。由靜慮故。永伏煩惱。由般若故。永害隨眠。由斯六種不增不減也。

七相攝者。大般若經第三云。以無所得修行布施。了達一切施者受者及所施物皆不可得。如是布施能滿布施及餘五度。以無所得修行淨戒。了達一切犯無犯相皆不可得。如是淨戒能滿淨戒及餘五度。以無所得修行安忍。了達一切動不動相皆不可得。如是安忍能滿安忍及餘五度。以無所得修行精進。了達一切身心動怠皆不可得。如是精進能滿精進及餘五度。以無所得而修靜慮。了達一切有味無味皆不可得。如是靜慮能滿靜慮及餘五度。以無所得修行般若。了達一切諸法若性若相皆不可得。如是般若能滿般若及餘五度。又攝大乘云。謂於一切波羅蜜多修加行中。皆有一切波羅蜜多互相助成。謂修施時。禁防忍受策勵專心能善了知業果相屬。如是施中即有餘轉。若修戒時。遠離慳吝慈悲憍怠散動邪見。如是戒中即有餘轉。修智所餘亦如是說。如有願言。施時無貪無犯戒。無嫉無恚起慈心。諸來求者便施

與。無倦無亂無異見。八勝德果利。言勝德者。如深密經論云。一切波羅蜜多各有四種最勝威德。一正行時。能捨慳吝犯戒憤恚懈怠散亂見趣所治之法。二正行時。為無上菩提資糧。三正行時。於現法中。能自攝受。饒益有情。四正行時。於未來世。能得廣大無盡可愛諸果異熟。言果利者。由行六度。而為勝因。能感當來種種妙果。遠則菩提。近人天等。故華嚴經第五頌云。昔於衆生起大悲。修行布施波羅蜜。以其身最勝妙。能令見者生歡喜。昔在無邊大劫海。修治淨戒波羅蜜。故獲淨身遍十方。普滅世間諸重苦。往昔修行忍清淨。信解真實無分別。是故色相皆圓滿。普放光明照十方。往昔勤修多劫海。能轉衆生深重障。故能分身遍十方。悉現菩提樹王下。佛久修行無量劫。禪定大海普清淨。故令見者深歡喜。煩惱障垢悉除滅。如來往昔修諸行。具足般若波羅蜜。是故舒光普照明。剋殄一切愚癡暗。此即由行六度之因具佛果德。又深密經論云。世尊如是一切波羅蜜多何果異熟。善男子。當知此亦略有六種。一者得大財富。二者往生善趣。三者無怨無壞多諸喜樂。四者為衆生主。五者身無惱害。六者有大宗業。如其次第配其六度。此通因中所得之果。然六度義乃有無量。粗示八門。餘略不說。

上來所明菩提分法四攝六度。並通相修。通相修中。按諸經論。而更廣明四無量等。恐繁且止。

●二別修者。且資糧位。三十七種菩提分中。修四念住四正斷及四神足。何以爲證。中邊論云。由四神足。心有堪。能順解脫分善根滿。已復應修習五種增上。既云由四解脫分滿。明知神足在資糧位。四念四斷在神足前。是故亦在資糧位也。問此之三四何在先修。答先修念住。次四正斷。後四神足。問何爾耶。答無始來於身等境。作諸染淨差別之相。起於愛憎沈沒苦海。是以創觀身受心法。此之四種以爲無相。故中邊云。若諸菩薩於身等境。以無所得行相思惟而修對治。雖觀身等四境無相。未能除障。次修四斷斷所斷障。故中邊云。今爲遠離所治障法。及爲修集能對治道。於四正斷精勤修習。雖能伏障。未能隨意所欲皆成利樂事等。是故次修四神神足。故中邊云。修四神足。是諸所欲勝事因故。問神通要定方能發起。此位得通。明已有定。何故除論言資糧位而住外門。外門即是非定攝。故答餘論但言多住外門。不言唯外。故亦有定。散多定少。故言多住外門轉也。

又此地中而亦別修十種法行。故論云。謂諸菩薩先於勝解行地。依十法行極善修習。即此資糧加行二位名勝解行地。未能證解。但信解故名爲勝解。十法行者。准顯揚論云。一者書寫。於菩薩藏。若多若小。尊重恭敬。謂自書寫。若使他書。二者供養。若劣若勝。諸供養具。謂自供養。若將已物令他供養。三者施他。若自書已。由於慈悲而施於彼。四者諦聽。若他闡讀。由宗仰故。五者自讀發淨信解

恭敬重心。六者漏誦從師受已而漏誦之。七者受持既誦已。爲堅持故。以廣妙智而溫習之。八者開演。悲愍他故。傳授與彼。隨其廣略而爲開演。九者思惟。獨處閑靜。極善研尋。十者修習。如所思惟。修者摩他毘鉢舍那等。

問此十法行何德須修。答能爲聞思修等三慧。作助伴故。故中邊頌云。此助伴應知。即十種法行。又云。由修此十。而得無邊諸功德故。

問於何乘教。行斯十行得無量福。答於大乘教。非餘二乘。故顯揚云。於菩薩藏。中邊亦云。此於大乘有十法行。

何故爾耶。答中邊釋云。一由最勝。二由無盡故。於大乘修福無邊。非二乘也。

問法門一軌適絕躊躇。教輒分岐。屢焉不惑。且夫阿含至教。預我法留。般若幽玄。無非若幻。華嚴一切心起。法性不亡。涅槃四德。無爲我體。照立有無。紛亂人法。交馳使乎弱喪。歸方何路。若存乎法我。外道之藉足依。觸類皆空。日親之典。徒習豈可。適空華爲。環珞。墮焰水爲華池者哉。法類於斯。諸何可効。一切靡作。十行徒施。鋒鏑斯存。物疑那遣。答法體無異。應感有差。文雖不同。理實何別。良以有情無始執我不無。初折彼迷。說我非有。二乘由是計我爲無。妄執離心而有實法。復除其病。總說爲空。如來說空空。心外法。有情不悟。執一切空。空病既增。理當除遣。故華嚴說三界唯心。涅槃乃陳無爲我淨。言心內有。空病因

除。說境外無。有疾便發。既殊外道。滅堪所依。又不全空。十行須習。

問既說皆空。明總非有。若內心有。何曰皆空。故般若說。照見五蘊等皆空。故答密意。總說一切爲空。至理但言。遍計非有。依他成實。識內非無。不說此二亦爲非有。問何以爲明。答解深密經。瑜伽等言。勝義生菩薩白佛言。世尊。我常獨在靜處。心生如是尋思。世尊以無量門會說。諸蘊所有自相。生相滅相。永斷遍知。未生令生。生已堅住。不忘修習。增長廣大。世尊復說。一切諸法皆無自性。無生無滅。本來寂靜。自性涅槃。未審世尊依何密意。作如是說。世尊答言。勝義生當知。我依三種無自性性。密意說言。一切諸法皆無自性。謂相無自性性。生無自性性。勝義無自性性。一謂諸法遍計執相。此由假名安立爲相。非由自相安立爲相。是故說名相無自性性。意云。遍計無其體相。名相無性。而言相者。依名假立。非是遍計有體相。故方立爲相。即以相無自性爲初無性。故重言性。餘二准知。二謂諸法依他起相。此由依他緣力故有。非自然有。是故說名生無自性性。意云。依他不以自然之法而生。名生無性。三謂諸法圓成實相。亦名勝義無自性性。法無我性。名爲勝義。無自性性之所顯故。由此因緣。名爲勝義無自性性。意云。眞如是無我性。體即勝義。而非無性。然因我法二空所顯。從彼能顯二空爲名。亦名無性。又云。我依如是三種無自性性。密意說言。一切諸法皆無自性。又云。我依相無自性

性。密意說言。一切諸法無生滅等。何以故。若法自相都無所有。則無所有生。若無有生。則無滅。若無生滅。乃至於中都無少分所有。更可令其般涅槃故。

此中既言。依三無性說諸法無。明知不說成實。依他亦爲非有。成實依他而體非是三無性故。又一切法若皆是無。如來往昔說彼爲無。正當其理。佛今何故稱爲密意耶。凡言密意。不盡理故。此即說彼依他等上無遍計。故言無一切。非依他等實總無矣。明知阿含般若經等。隨所化宜。覆相談也。生由漸深。堪聞至言。故深密等而談諸法非空非有。方名了教。

問何以知然。答深密經云。勝義生菩薩白佛言。世尊。初於一時。在婆羅痾斯仙人墮處。施鹿林中。唯爲發起聲聞乘者。以四諦相轉正法輪。雖是甚奇甚爲希有。一切世間諸天人等。先無有能如法轉者。而於彼時所轉法輪。有上有容。是未了義。是諸譯論安足處所。世尊在昔第二時中。唯爲發起修大乘者。依一切法皆無自性。無生無滅。以隱密相轉正法輪。雖更甚奇甚爲希有。而於彼時所轉法輪。乃至譯論安足處所。世尊于今第三時中。普爲發起一切乘者。依一切法皆無自性。無生無滅。本來寂靜。自性涅槃。無自性性。以顯了相轉正法輪。第一甚奇最爲希有。于今世尊所轉法輪。無上無容。是眞了義。非諸譯論安足處所。今略釋云。婆羅痾斯此乃梵音。是河之稱。仙人墮者。昔有一王。將諸姝女在園遊

戲。有五百仙。騰空欲度。見已墮落。而失神通。從事爲名言仙墮處。施鹿之事如常應悉。初爲一乘偏談四諦。法非至極。名有上容。當恐二乘著於空見。但說依他圓成爲有。不說遍計而體是無。名爲未了。即四諦教。諸部小乘因此互乖。名譯安處。第二時中。爲初發趣大乘菩薩。破其有病說大般若。約遍計執明諸法空。恐有病增。不說依他圓成爲有。名猶未了。第三時中具辨三性。遍計名無。依他圓成稱之爲有。名真了義。更無法過。名無上容。言二性有。當爲發趣二乘之人。談遍計空義。當爲初發大乘者。具辨三性。即當爲彼久學菩薩。由此故云善爲發趣一切乘者。大師既自斷唯空有。名不了義。故不可執唯有唯空。以爲至極。以斯三性通釋諸經。說有談無。何爽通理。若唯言有。明從成實依他。若總說空。顯依遍計所執。有空雙舉對三性言。空有俱亡。據絕言義。是以迷心不悟一行。尙不能依達士通性。十法齊修何咎。

問有情沈沒本因煩惱。此位未伏。尙住外門。云何而能進修勝行。於無上果勤求不退。答攝論第六唯識第九皆云。此位二障雖未伏除。修勝行時有三退屈。而能三事練磨其心。於所證修勇猛不退。一聞無上正等菩提廣大深遠。心便退屈。引他已證大菩提者。練磨自心勇猛不退。二聞施等波羅蜜多甚難可修。心便退屈。省己意樂能修施等。練磨自心勇猛不退。三聞。謂佛圓滿轉依極難可證。心便退屈。引他龜善況已妙因。練磨自心勇猛

不退。由此三事練磨其心。堅固熾然修諸勝行。初二意云。彼是丈夫。而能成佛。能行難行所有施等。我亦丈夫。何乃不能修行成佛。第三意者。如世間者修微小善。小善猶感大果。我所修行殊勝無邊。何故不能感菩提果。又攝論頌云。無量十力諸有情。念念已證善逝果。彼既丈夫我亦爾。不應自輕而退屈。由此練磨故不退也。

共加行位修五根力。故中邊云。決擇分中。攝頂二種在五根位。忍世第一在五力位。決擇即是加行位也。問先修何者。答先根後力。故中邊云。順解脫分善根滿已。復應修習五種增上。五種增上即五根也。次修五力即前五根能伏於障。不爲障伏。功能轉勝。改立力名。故中邊云。即前所說信等五根有勝勢用。復說爲力。謂能伏滅不信障等。亦不爲彼所陵雜。故又大集經云。五根五力非體有別。故知約用分爲二也。問此五何乃有是次第。答此依因果相引而立。謂若決定信有因果。爲得果故發此精進。精進發已便住正念。住正念已心則得定。得定心已能如實知。既如實知無事不辦。故由此義有是次第。攝論二位而修五根。忍第一法修其五力。引證如前。又此攝等四位之中修唯識觀。攝頂二位觀所緣境離識皆無。忍世第一印所取境。觀能取心亦非實有。謂自無始宿伏昏夜。見林樹聲。疑網交密。匪悟一切皆唯已心。妄執六塵識外他造。因乎漏浪浮沈莫停往返遊行。下上焉息。由是菩薩依因善友作意資糧。自益

益人。修唯識觀。先依攝頂觀無所取。所取者何。謂即名義自性差別。此之四種識外無也。四體者何。答攝大乘論云。此中名者。謂色受等義者。如名身等所詮表得。蘊界處等。自性者。即是名義二種自體差別者。即是名義等上謂無常等差別之義。尋思此四唯假非實。似外相轉。實唯在內證知。四種虛妄顯現。依他起攝。了達四種遍計執義皆不可得。此中意云。名義等四攝一切境。境依於識衆緣而生。非有似有。依他起攝。不了此四依識緣生。妄執識外有實自體。其心外法而實無也。名計所執。菩薩觀此觀外名義自性差別悉皆是無。是名觀無所取境也。非是觀於不離識境亦爲無也。設爾何失。答成顛倒過。不離識法緣生似有。撥有爲無故成顛倒。故楞伽經云。由自心執著。心似外境轉。故我說一切唯有識無餘。又厚嚴經。如愚所分別外境實皆無。習氣擾濁心。故似彼而轉。又大集經言。有爲法一切皆以識爲種子。又華嚴經云。世間所見法但以心爲主。隨解取衆相。顛倒不如實。准此等經。故知識外諸法皆無。若不離識可許似有。問不離識法體既非無。何故稱似。答諸法離言詮不逮。愚夫妄執。假相當情。不了內心。執爲外有。今顯內法似彼妄情。是故稱似。非言似者即稱於法。以法本體而離言故。對彼妄情故稱似也。問雖授聖旨斥境留心。以事詳參。物有乖返。至如天蓋所覆。坤輿所載。川岳萬類并木千殊。事驗目存。何斷非有。答海樓崇聲。歷氣虛構。色境紛雜心



相幻起。樓非越巖。迷者執巖異樓。境不離心。惑者計境非識。若信境非實。隨心可見不同。執境是真。何乃同觀觀異。是以人瞻淨水。魚鴈華堂。天視瑠璃。東瞰炎火。其處一也。見四有差。諒可由心否臧淪別。又若層峯巖石中。非遊步之極。大工威神出入排於坦路。斯謂凡情自礙山擁莫通。聖智融貫石空何隔。山雖是一。通塞兩殊。改轉既自于心。離識明非實有。以斯言矣。存沒照然。何乃臨岐永懷猶豫至理言矣。萬法由心。無有一物而非心也。故華嚴經云。心如工畫師。能畫諸世間。五蘊悉緣生。無法而不造。又云。若人知心行。普造諸世間。是人則見佛。了佛真實性。此即菩薩居爛頂位觀所取也。爛頂名義如前已辨。問以何等智作斯觀耶。答以四尋思加行之智而作此觀。智體是一。對境分四。四境即前名義自性差別是也。以智推尋。此之四種假有實無。故能推智名四尋思。故攝論云。於加行時。推求行見假有實無。說名尋思。故知尋思即觀四種加行之智。

次依於忍印所取無。觀能取識亦復不有。世第一法雙印能取所取皆無。問何故爾耶。答前四尋思觀所取無未重印可。今重印彼決定是無。故名爲忍。又能取心對境而立。境既非實。心焉實歟。亦猶因風浪起。風息浪沈。籍境心生。境無心滅。此忍雖亦印能取空。而未雙能印於識境。故世第一而能雙印識境皆空。問外境本空。談無未乖正理。內識因起。不有乃爽中宗。華嚴三界唯心。大集識爲法種。

准斯聖旨。有義皎然。何得今言同境非有。答依他幻識似有非無。執有實心遍計非有。今觀無彼遍計執心。不說依他識體非有。故唯識云。若執唯識是實有者。亦遍計攝。由斯聖教並不相違。問依他識有即名唯識。內境非無。應名唯境。答依他識有復能變境。境雖內有不能變識。故言唯識。不名唯境。又境之體通於內外。外無內有。識唯是內。若境言唯。恐濫外境亦是實有。由境有濫。境不言唯。識無斯過。故言唯識。問何智能觀遍計識等爲無等耶。答四如實智。此智是前尋思智果。故攝論云。了知假有實無所得決定行智方便果。相名如實智。所言了知假有實無。即尋思也。故知實智是尋思果。問雖觀遍計心境皆空。空此境心修乎無相復何攝益。答不了內心妄執外境。外境既執。因增貪等。貪等既熾。盲無聖眼。聖眼莫起。不達真理。真理未證。詎亡惡業。惡業猶存。沈溺五趣。五趣不息。豈登極果。了達內心。不執外境。外境不執。便息貪等。貪等息矣。故生聖眼。聖眼既生。能達真理。真理既證。便除惡業。惡業因亡。五趣果息。五趣息已。便登佛果。有斯勝利。故修此觀。深密瑜伽而有頌云。若不了知無相法。雜染相法不能斷。不斷雜染相法故。壞證微妙淨相法。不觀諸行衆過失。放逸過失害衆生。懈怠住法動法中。無有失壞可憐愍。

問此加行位能觀遍計心境皆空。何不此時即證真如。答此位雖觀遍計心境。而猶未能除空有相。由有此相不能證理。要二相亡方

達真理。故唯識云。以彼空有二相未除。帶相觀心有所得。故非實安住真唯識理。彼相滅已方實安住。又此位中雙修安立非安立觀。即四諦等名爲安立。二空觀等名非安立。此乃略明加行位中別修行相。其通達位別修相者。修七覺支。故中邊論云。由此覺支位在見道。故見道中修其七覺。七覺名義已如前說。又見道中真相不同。真見道中。或說三心二心剎那。二即無間及以解脫。三謂無間解脫勝進。故唯識云。斷惑證滅期心別故。無間斷或解脫證滅。相見有三。三心相見。雜集唯識瑜伽等云。初內遣有情假。法緣心生。能除更品見道所斷煩惱龜重。二內遣諸法假。法緣心生。能除中品見道所斷煩惱龜重。三遍遣一切有情諸法假。法緣心生。能除一切見道所斷煩惱龜重。釋云。先計有情。以之爲有。今緣有情。但有內心。似有情現。實無其體。名之爲假。能除妄執假有情故。是故名爲遣有情假。生空所顯真如之理。名之爲法。緣此智生名緣心起。第二觀法餘同於前。第三雙觀人法二空。餘亦同上。

次十六心相見道者。對法等云。謂於苦諦有四種心。一苦法智忍。謂觀三界苦諦真如。二苦法智。謂忍無間觀前真如。證前所斷煩惱解脫。三苦類智忍。謂智無間無漏慧生。於法忍智各別內證。言後聖法皆是此類。四苦類智。謂此無間無漏智生。審定印可苦類智忍。釋。苦者苦諦。法者。謂是苦諦所起增上教法。

智者謂於方便道中緣苦法智。忍著。謂於苦諦之中所起現證無漏之慧。一苦法智謂忍無間者。大前忍後而起緣如名無間也。餘可悉矣。苦諦既爾。餘之三諦諦各有四。准苦諦說。又此十六。八觀真如。八觀正智。法忍法智而緣於如。類忍類智而緣於智。

次修習位別修相者。苦提分中修八聖道。中邊論云。於修道中而建立故。又云。一分別支。謂即正見。此雖是世間。而出世間後。得由能分別見道位中自所證故。此意說云。此正見體是後得智。故名世間。非是有漏。名為世間。既言世間。復說分別見道所證。故知修道修八聖道。又修習位十地不同。通而言之。地地皆修十波羅蜜。若依別說十地。如次各修一度。其究竟位衆德明備更無修習。說修何過。答若許更修。不名無學。亦不得言諸佛平等。進趣不息。先後異故。既云無學。復稱平等。明果無習。義無惑矣。故唯識云。此諸佛果圓滿。善法無增無減故非能薰。彼若能薰。便非圓滿。前後佛果應有勝劣。言能薰者。即修習義。佛果既不許有能薰。故知佛位即無修習。上來雖有總別不同。合當第二大段之中。明修

行訖  
大明斷障。分之爲二。初明二障。後辨斷位。初中復四。一釋二障總名。二隨列別釋。三約識分別四顯俱生分別。言煩惱障者。煩者擾也。惱者亂也。擾亂有情不令出離生死苦海。故名煩惱。障者覆也。蔽也。即此煩惱覆蔽涅槃。不得解脫。名煩惱障。二所知障者。有漏無漏

有爲無爲一切諸法。是應知境。由障障彼所知之境。礙能緣心。令心於境而不解了。名所知障。據實。二障俱障二果。約別而言。初障涅槃。後障菩提。

二隨列別釋者。先明煩惱。後列所知。煩惱之中初明根本。後彰隨惑。言根本者。總有六種。謂貪瞋癡慢疑惡見。謂此六種是隨煩惱之根本。故得根本名。所言貪者。謂耽著爲性。瞋者。損害爲性。癡者。於諸理事迷闇爲性。慢者。恃己於他高舉爲性。疑者。於諸諦理猶豫爲性。惡見者。於諸諦理顛倒推度染慧爲性。性是不善。或復有覆無記所攝。故總名惡。此惡見中差別有五。一薩迦耶見。於五取蘊執我我所。薩迦耶見者梵言。唐云移轉身見。此見執彼五取蘊法爲我所。故亦名爲我所見。二邊執見。謂即於彼隨執斷常。此意說云。我見後起。執彼我見所執之我。爲斷爲常。故稱邊也。三者邪見。一切倒見。於所知事顛倒而轉。皆名邪見。四見取者。謂於諸見及所依蘊。執爲最勝能得清淨。意云。言諸見者。六十二等差別不同。故名爲諸。隨自所學二別見。計而此見及見所依五蘊之體。而爲最勝能得清淨解脫出離。名爲見取。五戒取者。謂於隨順諸見戒禁及所依蘊。執爲最勝能得清淨。意云。謂諸外道各依自見而受諸戒。戒因見起。名順見戒。妄執此戒及戒所依五蘊之體。而爲最勝能得涅槃清淨之果。故名戒取。後隨煩惱者。而是根本等流品類。復依彼立。故得隨名。故瑜伽云。如是所說諸隨煩

惱。當知皆是煩惱品類。隨惑不同有二十種。一忿。依對現前不饒益境憤發爲性。二恨。由忿爲先。懷惡不捨結怨爲性。三覆。於自作罪惡失利譽隱藏爲性。四惱。忿恨爲先。追觸暴熱俱戾爲性。五嫉。矜自名利不耐他榮妬忌爲性。六慳。耽著財法不能惠捨秘惜爲性。七誑。爲獲利譽矯現有德詭詐爲性。八諂。爲納他故矯設異儀險曲爲性。九害。於諸有情心無悲愍損惱爲性。十矯。於自盛事深生染著。醉傲爲性。十一無慚。不顧自法輕拒賢善爲性。十二無愧。不顧世間崇重暴惡爲性。十三掉舉。令心於境不寂靜爲性。十四懈怠。令心於境無堪任爲性。十五不信。於實德能不忍樂欲心機爲性。十六懈怠。於善惡品修斷事中懶惰爲性。十七放逸。於染淨品不能防修縱蕩爲性。十八失念。於諸所緣不能明記爲性。十九散亂。於諸所緣令心流蕩爲性。二十不正知。於所觀境謬解爲性。次所知障根本亦六。隨有二十。與煩惱同。何故如是。答煩惱依於所知障立。能依所依故數等也。故唯識云。所知障者。隨其所應或多或少。如煩惱說。如此准知數同煩惱。更不別列。

三約識分別者。問此等煩惱八識之內何識相應。答且根本十准唯識云。第八識識全不相應。第七末那有四俱起。謂貪癡慢及我見。第六意識十皆相應。眼等五識但有三種。謂貪瞋癡。問何所以耶。答第八唯是無記性攝。煩惱染污。性既不同故不俱也。第七相續恒內執我愛所執我。故得有貪。實非其我。迷無

我理。故有無明。特所執我令心高舉。故得有慢。於非我法妄計爲我。故有我見。何故無餘。答由愛我故不得起瞋。我見決定不得起疑。有我見故故無餘邊見。以此五見體皆是慧。不可一心多慧並起。所以第七但四惑俱。第六意識通三性。緣內外境有勝功力。故得具十。眼等五識不能稱量故無有慢。無分別故不得有疑。不起執故故無五見。隨煩惱者。此唯染故非第八俱。第七識中唯有大八。謂掉舉。惛沈。不信。懈怠。放逸。失念。散亂。不正知。第六意識容一切俱。五識得與無慚無愧掉舉等八十種相應。問何所以耶。答第八第六義同前釋。以掉舉等八遍諸染心。第七是染故得八俱。五識有染亦得有八。無慚無愧遍不善心。眼等五識得有不善。故得相應。次所知障者。數之多少諸識相應亦同煩惱。故唯識云。七轉識內隨其所應。或多或少。如煩惱說。論既例同。故今不說。

四顯俱生分別者。若是煩惱不因邪教及邪分別邪師等力。自任運起。此等之類名曰俱生。若要惡友及邪分別邪教等力方得生者。名爲分別。其根本惑十種之中。貪瞋慢癡身見邊見。此之六種而通俱生及以分別。若疑邪見見取戒取。此之四種唯分別起。而由惡友或邪教力自審思察方得生故。其隨煩惱既依根本煩惱而生。若依根本俱生起者。即二十種能依隨惑皆名俱生。若依根本分別惑起。能依隨惑皆名分別。故唯識云。二十皆通俱生分別。隨二煩惱勢力起故。其所知

障亦有根本及是隨者。俱生分別亦同煩惱。故不別言。四段不同。總是第一辨其障也。後明斷位者。然斷煩惱總有二種。一斷種子。令永無餘。二但折伏。令種力衰不生現惑。若斷其種。唯無漏智。若令力衰。有漏無漏二智皆得。且資糧位頓悟菩薩無漏之智未起現行。一向不能斷其二障。雖有四力信唯識理。然亦未能伏於二障。故唯識云。此位未證唯識真如。明知未得無漏之智。又云。此位菩薩依因善友作意資糧四勝力故。於唯識義雖深信解。而未能了能所取空。故於二取所引隨眠。猶未有能伏滅功力。令彼不起二取現行。言二取者。即是煩惱所知二障。即二障種名爲隨眠。以此種子隨途有情三界流轉。名之爲隨。恒常處在第八識內故。名爲眠。問若言此位不伏二障。略而言之。且違三教。一者唯識自成。何須彼論復云。菩薩住此資糧位中。二龜現行雖有伏者。二違華嚴。解十住位菩薩頌云。能滅諸煩惱。永盡無有餘。十住即是資糧位攝。三違中邊。彼論亦云。今爲遠離所治障法。及爲修集能對治道。於四正斷精勤修習。別修四斷在資糧位。准此三文。皆伏斷惑。何故第九乃云未伏。答障有俱生分別不同。其俱生者。此位之中全未能伏。分別起者。有伏不伏。若自思惟而所起者。此位能伏。若因邪師邪教起者。即未能伏。或復翻此初言未伏。約彼俱生及邪教等所起者說。後說伏者。約自力等分別起者。中邊論義准亦同之。會華嚴經而有二義。一依自等分別起

者。此位全伏名爲永盡。二據佛法功力可能永滅煩惱。非言此位即已盡訖。若一切惑此位實除。何不此時即成正覺。後過十地方得佛耶。故對望別。諸教無違其加行位已經資糧。備修福智練磨心。已有勝功力。欲入見道而能伏除分別二障。二障俱生猶未全伏。俱生分別二種種子並未全斷。以未證得真無漏故。有漏觀心有所得故。有分別故。未全伏除。未全能滅。此前二位並以加行有漏之智而能伏惑。問此有漏智以何等力而能伏耶。答如瑜伽云。以修三種對治力故。能伏煩惱。一了知煩惱自性過患。知能發業能招現後二世苦惱。二思惟對治所緣境利。學觀二空所顯真如。三以勝善品慈心相續。修六度等。以資於心。當知此是永斷正見前行之道。次通達位者。真相不同。其具見道而能斷彼三界分別煩惱所知二障種盡。得入初地。斷行相者。對法論云。問從何而得斷耶。答不從過去。已滅故。不從未來。未生故。不從現在。道不俱故。然從諸煩惱重而得名斷。爲斷如是如是品重。起如是如是品對治。若此品對治生。即此品重滅。平等平等猶如世間明生闇滅。由此品離繫故。令未來煩惱住不生法中。是名爲斷。今逐難釋。所斷重及能治道而皆非一。重云如是。能治正生。所治正滅。生同滅時。是一平等。滅同生時。復一平等。是以重言平等平等。總意不說斷三世也。又瑜伽論。初約遮門。不斷三世。同於對法。後約證言。容斷三世。即彼論云。正見相應

能對治心。於現在世無有隨眠。於過去世亦無隨眠。此剎那後離隨眠心。在未來世亦無隨眠。後此已後於已轉依已斷隨眠。身相續中所有後得世間所攝。善無記心去來。今位皆離隨眠。是故三世皆得說斷。此意說云。就於一身前後相續修聖道力。令本識等三時皆得離隨眠。故名斷三世。問其真見道但唯一心。何故對法於能治道重言如是。答據彼三心見道者說。或可見修治道合言。故據伽云。諸修行者斷煩惱等。明通一切斷煩惱說。

不唯見道。二相見道亦分爲二。初三心相見所斷之惑。謂軟品等所有輕重。名如上列。問何品煩惱名軟品等。釋。上品煩惱名爲軟品。上品法障名爲中品。二障下品總名第三。問初之二障是上品者。何言軟中。答以能斷道是下中故。障從其智。名軟中等。問准此二障。但分上下。何乃不立第二中品。答中品不定。或屬上下。故不別開。上下不爾。故不相攝。即如經中而但說有根上下力。不說中力。斯意亦爾。

後十六心所斷惑者。此亦二種。謂能所取及上下諸二種不同。然所斷惑數同無異。今者但依能所取觀。對法等云。謂苦諦下有四種心。一苦法智忍。謂觀三界苦諦真如。正斷三界見苦所斷二十八種分別隨眠。釋。欲界苦諦具十煩惱。謂根本十上之二界苦諦各九上無瞋故。所以三界但二十八。三界苦諦既爾。集滅道三三界合言。一一皆有二十八也。都計四諦。百一十二分別煩惱。是相見除。問

真見道中斷分別盡。更何得有分別煩惱言相斷耶。答理實相見不斷煩惱。擬宜於真假說斷也。問何故上界而無瞋耶。答瞋唯不善。上二界中由定力故無有不善。

次修習位。初總後別。且總斷者。俱生煩惱。七地以前諸識中者猶得現起。八地以上而能折伏畢竟不行。十地滿已金剛喻定現在前時。一剎那中三界所有俱生煩惱一時斷盡。得成正覺。其所知障。十地之中地地漸斷。至金剛定而方斷盡。前六識中所知之障。八地已去永不現行。由第六識純無漏故。前五識雖非無漏。由能引識是無漏故。無漏勢伏。故眼等識亦無其障。其第七識八地已去亦得容起。以第六識入生空時。其第七識即是。有漏故。障得起。若入法觀。其第七識即平等智。故不俱起。問十地菩薩何不漸彼煩惱障種而但伏耶。又七地前總伏不起。有是能不。答以煩惱障不障十地。所以不除。由礙涅槃。金剛永捨。又菩薩力初地即能然欲濟生。故留不去。七地猶起。故唯識云。其煩惱障。初地以上能頓伏盡。令永不現行。如阿羅漢。由故意力。前七地中。雖暫現起。而不爲失。又攝論云。留惑至惑盡。證佛一切智。准此等文。但故意留非不能伏。問七地菩薩既許起惑。應爲染失。答雖起煩惱。無染無失。何以爲明。答據伽七十八深密等云。是諸菩薩於初地中。定於一切諸法界已善通達。由此因緣。菩薩要知方起煩惱。非爲不知。是故說名無染汚相。又云。於自身中不能生苦。故無過失。菩薩

生起如是煩惱。於有情界能斷苦因。是故彼有無量功德。又云。今諸菩薩生起煩惱。尙勝一切有情聲聞獨覺善根等。准此等教。雖起煩惱。無染失也。

次別斷者。煩惱障體十地不斷更無差異。其所知障准瑜伽論深密經等。有十重障。十地之中地地別斷。能證十如。今略言之。一異生性障。由此能礙三乘聖性。故立障名。得入初地方斷斯障。問異生性障依於分別煩惱所知二障種立。二障既是見道即除。明異生性亦隨彼斷。何故今言初地方除。答異生性障雖見道除。然此見道而是初地初心所攝。今明十地斷於十障。隱見不論言初地斷。故亦無失。問此障亦依煩惱障立。斷異生性。煩惱亦除。如何但說十障皆依所知障立。十地不斷煩惱障耶。答此異生性雖依二障初地並除。然大乘意取所知障名異生性。又二乘人亦斷煩惱。令顯異彼。但說所知。餘之九障實唯依彼所知障立。問俱生所知初地斷不。答實亦能斷。論等且說最初斷者。言斷異生。理實初地住出心等亦能斷彼俱生障也。二邪行障。而行有虧。三業違犯。故名邪行。此能礙彼清淨禁戒。名之爲障。是所知障俱生一分。入二地時而能永斷。下諸地中所斷之障。一皆是所知障中俱生一分。三闍鈍障。能令三慧所習之法而有妄失。故名闍鈍。復能礙彼勝定總持及勝定等所發三慧。名之爲障。入三地時而便能捨。四微細煩惱現行障。最下品故。不作意緣。遠隨現行。故名微細。此能

礙彼菩提分法故立障名。是第六識所知障中身見等也。由此身見昔時多共煩惱身見任運而生故。今此見立煩惱名。實非煩惱。入四地時即能除此。五於下乘般涅槃障。二乘名下。菩薩同彼樂涅槃厭生死苦。故名下乘般涅槃也。由此能破生死涅槃無差別道故名爲障。入五地時方能除也。六龜相現行障。執滅道二。以之爲淨。苦集爲染。執此二心龜於後地而起未息。名龜現行。由此能礙無染淨道。乃名爲障。入六地時即能除滅。七細相現行障。觀十二緣。而尙見有微細生滅。細生滅相而未能息。名細現行。由此能礙第七地中妙無相道。故名爲障。入七地時乃得除矣。八無相中作加行障。生滅等相皆不當情。名爲無相。無相之智未能自在任運而行。然以加行方乃得起。名作加行。由此加行礙於八地無功用道。故得障名。入八地已即能永滅。九利他中不欲行障。能濟有情離苦得樂。名爲利他。今求己利。不樂導人。名利他中不欲行也。由是能礙九地之中四無礙解。故名爲障。入九地已方得除滅。十於諸法中未得自在障。諸定總持神通事業諸功德等。並名爲法。此法非一故名爲諸。於此法中未能專擅。名未自在。由斯能礙十地之中大法智等。故稱爲障。入十地已方能除盡。以上雖有多門不同。總當第一辨因位訖。

子障於佛地。故此十地不名爲佛。金剛喻定現在前時。彼皆頓斷入如來地。後顯得果。問三祇時滿萬行德備。嘉因畢矣。勝果如何。答彼大菩提圓寂二法。是所得果。故集論云。頓斷煩惱及所知障。成阿羅漢及成如來。證大涅槃及大菩提。是其果也。如來羅漢依菩提等義別說也。非別有體。今涅槃等分之爲二。先明涅槃後辨菩提。涅槃之義義類甚多。今者但依佛所得者。分之爲二。一依唯識辨其四種。二據涅槃明其三事。言四種者。一本來自性清淨涅槃。謂一切法相真如理。雖有客染。而本性淨。具無數量微妙功德。無生無滅。湛若虛空。一切有情平等共有。與一切法不一不異。離一切相一切分別。尋思路絕名言道斷。唯真聖者自內所證。其性本寂。故名涅槃。釋。自體本來而非雜染。雖與容塵煩惱爲依。而不被染。故名本淨。此體即是七真如中實相真如。故名相如。諸法無常涅槃是常。故與諸法不得名一。復是諸法真實性。故不得名異。異應非是諸法之性。如色異聲色非聲性。其性本寂。顯涅槃名。圓滿寂靜是涅槃。二有餘依涅槃。謂即真如出煩惱障。雖有微苦所依未滅。而障永寂。故名涅槃。釋。所依身在名有餘依。餘依之中煩惱皆盡。所顯真理名有餘依。而言雖有微苦依者。異熟有漏苦果之身名微苦也。此據二乘有餘涅槃。不約佛說。如來有漏悉皆總盡。何得有苦。三無餘依涅槃。謂即真如出生死苦。煩惱既盡。餘依亦滅。衆苦永寂。故名涅槃。四無住處涅槃。

謂即真如出所知障。大悲般若常所輔翼。由斯不住生死涅槃。利樂有情。窮未來際。用而常寂。故名涅槃。釋。出所知障得大悲般若。不同二乘樂住涅槃。不同凡夫樂於生死。二皆不住故名無住。然其四種體一真如。約義分也。今者佛果四義皆具。問如來有漏苦依身盡。如何得說具有四耶。答苦惑依盡說無餘依。非苦依在說有餘依。是故世尊可言具四。無漏五蘊名非苦依。次明三事入涅槃者。准涅槃經。祕密之藏猶如伊字三點。若並即不成伊。縱亦不成。如摩醯首羅面上三目。乃得成伊。三點若別亦不得成。我亦如是。解脫之法亦非涅槃。如來之身亦非涅槃。摩訶般若亦非涅槃。三法各異亦非涅槃。我今安住如是三法。爲衆生故名入涅槃。如世伊字。釋。能證生法二空之智名爲般若。所證生法二空真如名如來身。由智證理。離諸障染。不爲染縛。名爲解脫。言伊字者。據西方說。彼國伊字兩點在上。一點居下。下點喻理。是所依故。上二喻於般若解脫。依理起故。何故別三不成涅槃。答言涅槃者。是圓寂義。若唯般若。真如未證障未解脫。何名圓寂。若唯真理。能證智無煩惱不斷。亦何名寂。若唯解脫。解脫體假。理智俱無。誰名圓寂。是故三別不名涅槃。此言總意要非即異。三法俱時方名爲入大涅槃也。智是有爲。理即無爲。理智是實。解脫是假。故非即一。有爲無爲假實異故。智爲能證。理是所證。解脫離縛。故不得異。若別異者。智證於誰名爲能證。理等准此。故知三事

不得條然而別異也。如是方名入大涅槃。涅槃之義其事甚多。恐文繁廣故不具盡。

次辨菩提。分之爲二。初明菩提後身相攝。菩提種子有自無始。但爲二障之所覆蔽。令不得起。三祇伏斷。十地修習。至金剛位二障都盡。智從種生。名得菩提。即此菩提相應心品總有四種。故佛地論等云。一大圓鏡智相應心品。謂此心品離諸分別。所緣行相微細難知。不忘不愚。一切境相離諸雜染。純淨圓德。無間無斷窮未來際。如大圓鏡現衆色像。釋。

與智俱時。心所非一。總名心品。我法等執及能所取。此等皆無名離分別。能緣所緣俱不可側。故名微細。而於其境不迷不暗。故名不愚。一切現前而不忘失。名爲不忘。有漏永盡名爲離染。無雜稱純。離過名淨。淨德備矣。故得圓名。於一切處能現身土。名爲無間。長時相續現而不息。故稱無斷。如大明鏡衆像託起。今依此智身土影生。法待喻明。故稱圓鏡。二平等性智相應心品。謂此心品觀一切法自他有情悉皆平等。大慈悲等恒共相應。一味相續窮未來際。釋。真如理性名爲平等。智緣此理名平等智。又昔凡位由執有我。自他不平。今我執亡觀自他等。故名平等。以無轉易稱爲一味。起無間斷故云相續。三妙觀察智相應心品。謂此心品善觀諸法自相共相。無礙而轉。攝觀無量總持定門及所發生功德珍寶。於大。乘會能現無邊作用差別。皆得自在。雨大寶雨。斷一切疑。令諸有情皆獲利樂。釋。神用莫方。稱之爲妙。遍緣諸境名爲

觀察。六度等法名爲珍寶。因定而起故稱發生。四成所作智相應心品。謂此心品爲欲利樂諸有情故。普於十方示現種種變化三業。成本願力所應作事。釋。三業化等是所作事。智能成彼名成所作。

問此之四智爲體即識。爲不爾耶。答如次與彼第八七六前五識而相應故。非體即識。王臣異故。識爲其王。智是所故。問何故佛地莊嚴攝論等中並云轉彼八識得四智耶。答唯識論中而有兩釋。一智雖非識而依識轉。識爲主故。說轉識得。二若有漏位智劣識強。無漏位中智強識劣。爲勤有情依智捨識故。說轉八識而得四智。理實非以識爲智也。問無漏智強復何須識。又以何明佛果有識。答凡言心所必依心王。若無其識。智依何立。又准如來功德莊嚴經云。如來無垢識是淨無漏界。解脫一切障。圓鏡智相應。准此經文。豈佛無識。問此之四智幾通因果。及唯果耶。答圓鏡成事成佛方得。妙觀平等初地等中而即分得。佛果圓滿。問品猶品類。四智言品。品類幾何。答一一各定有二十二。二十二者。謂遍行五。別境亦五。善有十一。并一心王成三十二。二十二法名義云何。答遍行五者。體遍三界三性諸識。故名遍行。其五者何。一令心心所而觸於境。故名爲觸。二能警覺應起心種引令趣境。故名爲作意。三能領納順達中容境。故名爲受。四能於境安立分齊取其境界。故名爲想。五能令心造善惡等。故名爲思。言別境者。此所伏境而非是一。緣別別境。故名

別境。其五者何。一於所樂境希望名欲。二於決定境印名勝解。三於曾習境明記名念。四於所觀境專注名定。五於所觀境簡擇名慧。言善等者。能於此世他世順益故名爲善。十一者何。一者能於三寶四諦眞淨德中。深忍樂欲心淨名信。二崇重賢善故名爲慚。三輕拒暴惡。名之爲愧。四於三界等不耽著故名爲無貪。五於苦事等不起於悲名爲無瞋。六理事明解名爲無癡。七勤修善事斷斷惡法而能勇決故名精進。八遠離龜重身心調適故名輕安。九防惡修善名不放逸。十令心平直無功用住名爲行捨。十一不損有情故名不害。問遍行等法凡夫等有。理即無疑。佛果云何亦具斯也。答遍與一切心恒相應名爲遍行。故佛必有。若佛無者。何名遍行。信等十一善心必有。佛唯是善故有信等。如來常樂證所觀境故得有欲。於所觀境恒印持。故得有勝解。於曾受境恒明記。故亦得有念。世尊無有不定心。故亦得有定。於一切法常決擇。故得有慧。

問如來之身具無邊德。何故但說二十二耶。答此二十二攝佛一切有爲功德莫不備矣。依此二十二法之上所建立。立種種名。非離此外別有體也。

二身相攝者。初辨於身。後明相攝。佛身不同而有三種。一者法身。謂諸如來眞淨法界。具無邊際眞淨功德。是一切法平等實性。即此實性是大功德法所依止。名爲法身。依止之義是身義故。又此法身唯有眞實常樂我淨。

二身相攝者。初辨於身。後明相攝。佛身不同而有三種。一者法身。謂諸如來眞淨法界。具無邊際眞淨功德。是一切法平等實性。即此實性是大功德法所依止。名爲法身。依止之義是身義故。又此法身唯有眞實常樂我淨。

二身相攝者。初辨於身。後明相攝。佛身不同而有三種。一者法身。謂諸如來眞淨法界。具無邊際眞淨功德。是一切法平等實性。即此實性是大功德法所依止。名爲法身。依止之義是身義故。又此法身唯有眞實常樂我淨。

二身相攝者。初辨於身。後明相攝。佛身不同而有三種。一者法身。謂諸如來眞淨法界。具無邊際眞淨功德。是一切法平等實性。即此實性是大功德法所依止。名爲法身。依止之義是身義故。又此法身唯有眞實常樂我淨。

二身相攝者。初辨於身。後明相攝。佛身不同而有三種。一者法身。謂諸如來眞淨法界。具無邊際眞淨功德。是一切法平等實性。即此實性是大功德法所依止。名爲法身。依止之義是身義故。又此法身唯有眞實常樂我淨。

離諸難染。衆善所依。無爲功德。無心色等差別相用。又正自利。寂靜安樂無動作故。亦兼利他。爲增上緣。令諸有情得利樂故。居法性土。雖此身土體無差別。而屬佛法相性異故。據性名土。是所依止故。約相名佛。是能依止故。又此身土俱非是色。雖不可言形量大小。然隨相事其量無邊。譬如虛空遍一切故。以所遍法而無量故。其能遍法亦名無量。二受用身此有二種。一自受用身。謂諸如來三無數劫所集無邊真實功德及淨色身。相續湛然盡未來際。恒自受用廣大法樂。以自受樂。名自受用。又唯自利。不爲於他說法等故。居自受用土。由昔所修自利功德因緣成故。從初成佛盡未來際。相續變爲純淨佛土。周圍無際。衆寶莊嚴。自受用身常依而住。如淨土量。身量亦爾。眼等諸根及諸相好一一無邊。由無限善根所引生故。又功德智慧既非色法。雖不可說形量大小。依所證理及所依身。亦可說言遍一切處。二他受用。謂諸如來示現妙身。而爲十地諸菩薩衆。現通說法。決衆疑網。令彼受用大乘法樂。名他受用。又具無邊似色心等。利益他化相功德。又唯利他。爲他現故。居於自土。由昔所修利他無漏純淨佛土因緣成故。隨住十地菩薩所宜。變爲淨土。或大或勝或劣。前後改轉。他受用身依之而住。能依身量亦無定限。合此自他二受用身。總名受用。三變化身。謂諸如來變現無量隨類化身。爲未登地諸菩薩衆二乘異生。稱彼機宜現通說法。令各獲得諸利樂

事。方便示現。名變化身。唯具無邊似色心等利樂他化相功德。唯利他攝。爲利他現故。居變化土。由昔所修利他無漏淨穢佛土因緣成故。隨未登地有情所宜化爲佛土。或淨或穢。或大或小。前後改轉。佛變化身依之而住。能依身量亦無定限。二明相攝者。此之三身而與五法相攝云何。答真如一種攝於法身。所以者何。准讚佛論解深密經瑜伽論天親般若論等皆云。法身無生無滅。唯真如體無生滅故。又佛地對法攝大乘等言。佛法身諸佛共有。唯真如理諸佛共有。餘即不爾。若爾何故攝論中云轉去藏識得法身耶。答第八識中含二障種。謂由能滅此二障種。方顯法身。據此故說轉藏識得。實非以識爲法身也。二以圓鏡等四智之中真實功德鏡智所起常遍色身。攝自受用。何以知者。莊嚴論說。大圓鏡智是受用身。攝論亦云。轉諸轉識得受用身。故知總以四智心品實有色心爲受用體。三以平等智所現佛身攝他受用。成所作智所現隨類種種身相攝變化身。此之二身所有色心皆似非實。何所以然。皆爲化他方便示現故。不可說實智爲體。

住成等覺  
大乘入道次第一卷  
夫此章者殊開出苦之戶牖。正示入道之階級。行人之目足。能證之肝心也。所以年來雖發刊印板弘遐邇之願。齋食常空一鉢之中。資貯全絕三衣之外。因茲徒抱流通志。未及彫刻營之虞。幸蒙一乘院家之厚助。忽遂多年惻隱之本望。偏是冥感之所致也。請願採手觸眼同益本性之種。讀文解義。速成菩提之果而已。  
文永八年辛未三月日 願主西大寺沙門 觀尊偏爲正法久住利益有情而已

No. 1865

### 八識規矩補註序

八識頌凡八章。文略而義深。乃集施頌體製衆以韻。故知義彼而文從此。擴充之則唯識理事無遺矣。昔天親慮末學心力減而不永。遂撮瑜仰之文。述三十頌。精擇而從略。欲人之易入。目曰唯識三十論。後護法諸師。各出所見以造釋論。而累映積軸不勝其廣。是乃欲易而反難。由是諸師又各據辭理精粹者。束爲十卷。曰成唯識。暨契三藏至自西域。輒翻此論。其八識頌實出於斯。然而理一而言有廣略者。皆因人而已。蓋人之所得者。或自略。或自廣。或由略以至廣。由廣反乎略。雖所入不一。而所得未嘗不一也。既得之則廣



亦可略。亦可廣略。兼以之兼不以之。是皆無適而不可。豈學者之事乎。茲爲學者言之。且欲從略而入。此八識顯不得不作。顯既出則語略而義深。此又不得不加以註。爲註之人不書其名。往往皆抄錄之本。故不無三家之訛。今但義缺字訛者。補而正之。以自備觀覽。不虞龍華金碧峯圓通常無塵。開予駁筆。過舍索稿。板行之。吁大法垂秋。孰不泥於聲利。能存是心。庶不負諸大士之心也。

正德辛未純陽月普泰書於大興隆官舍

### 八識規矩補註卷上

明魯菴法師普泰補註

性境現量通三性 此言前五識於三境中唯緣性境。三量唯是現量。唯三性俱通也。蓋境則有三性境者性實也。即實根塵能所八法而成。乃有體實相分境。謂此境自有實種生有實體用。現在實法即所緣唯識也。若前五識二種變中因緣變。故唯緣離言自相境。故獨影現假乃分別變緣之三量。唯現量爾。既唯現量緣境之時。明證衆境。故唯緣性境也。此識於善惡無記三性俱通。以五識性非恒一故。解見下文。量有三。謂現比非也。比非注見下。故。量謂量度。判定義。若心心所緣境之時。緣境時顯了分明。得現自性名現量也。若現量境屬心。或俱屬心。或現屬根。量屬心。依士持業依主三釋。言性者。即以無分別智正解心心所證體也。謂現量境時離言自相境。及邪妄分別。名無分別智。此智爲現量證理門。論有四種。一前五識二同時意識。三諸心心所自證分。四一切定。

心此四皆實證境而無分別也

眼耳身三二地居 此言五識界地也。謂欲界欲食睡三也。五趣離居地。色界初禪離生喜樂地。以上三禪既無尋伺。識不起也。以地法無尋伺染故。此句顯影略鼻舌二識。一界一地。唯欲界五趣離居地。以上禪天無段食故。段食以香味觸三法爲體。段食既無。則此二識不生矣。無此食者。段食乃禪天所厭故。遍行別境善十一中二大八貪瞋癡。此言五識之心所也。以其恒依心起。與心相應。繫屬於心。具此三義如屬我物。故曰我所。乃相應唯識也。此前五識於六位心所唯闕不定。言一遍行有五者。謂作者意者能警心爲性。於所緣境引心爲業。此一法有二功力。一心未起時警令心起。二若心起已引令趣境。觸謂令心心所觸境爲性。受想思等所依爲業。受者謂領納違順俱非境相爲性。起欲爲業。又云令心等起歡感捨相。想者能安立自境分齊。謂於境取像爲性。施設種種名言爲業。謂要安立境分齊相。方能隨起種種名言。思者令心造作爲性。於善品等役心爲業。謂能取境正因等相。驅役自心令造善等。謂之遍行者。遍四一切心得行故。謂遍三性八識九地一切時也。故立此名。別境亦五。謂欲勝解念定慧。欲者於所樂境希望爲性。動依爲業。所樂境有三。可忻境。所求境。所欲觀境。第三解正勝解則於決定境印持爲性。不可引轉爲業。念於曾習境令心明記爲性。定依爲業。定於所觀境令心專注不散爲性。智依爲業。慧於

所觀境揀擇爲性。斷疑爲業。以別別緣境而得生故名爲別境。善十一者頌曰。善謂信慚愧。無貪等三根。動安不放逸行捨及不害。唯善心俱名善心。所言信者。於實德能深忍樂欲心淨爲性。對治不信樂善爲業。然有三種。一信實有。謂於諸法實事理中深信忍故。二信有德。謂於三寶真淨德中深信樂故。三信有能。謂於一切世出世善深信有力。能得能成起希望故。對治不信之心。愛樂證修世出世善。忍謂勝解。乃信因。樂欲謂欲。即是信果。此性澄清能淨心等。如水清珠能清濁水。慚者依自法力崇重賢善爲性。對治無慚止息惡行爲業。自即自身。法謂教法。言我如是身解如是法。敢作諸惡也。愧者依世間力輕拒暴惡爲性。對治無愧止息惡行爲業。謂世人譏呵名世間力。輕拒暴惡者。輕有惡者而不親。拒惡法業而不作。無貪者於有。有具無著爲性。對治貪著作善爲業。無瞋者於苦。苦具無無害爲性。對治瞋恚作善爲業。無癡者於諸事理明解爲性。對治愚癡作善爲業。勤謂精進於善惡品修斷事中勇捍爲性。對治懈怠滿善爲業。輕安者遠離龜重調暢身心堪任爲性。對治惛沈轉依爲業。又曰。離重名輕。調暢名安。有所堪可有所任受。令所依身心去龜重得安隱故。不放逸者。精進三根於所修斷防修爲性。對治放逸成滿一切世出世間善事爲業。蓋此不放逸即上精進三根上防修功能。離上四法非別有體。行捨者。精進三根令心平等正直無功用住爲性。對

治掉舉靜住爲業。此行蘊中捨。簡非受蘊中捨。故此名焉。令心等義由捨。令心離沈掉時。初心平等。次心正直。後無功用。此之一法亦即四法。蓋能令靜。即是四法。所令靜。即心平等。等義。不害者。於諸有情不爲損惱無瞋爲性。能對治害悲惑爲業。前八法是實。後三足假。言中二大。八貪瞋癡者。此染心所通二十六種。前五識止具十三根本惑。六中之三隨惑。二十中之十隨惑。總二十分。小中大三等。忿等前十爲小隨。不與五識相應。唯中隨二。并大隨八。乃屬前五。名隨煩惱者。乃隨其根本煩惱分位差別等流性故。由自類俱起遍染二性。遍諸染心。此之三義皆具名大。具一名中。俱無名小。言二性者。乃不善有覆。瑜伽三卷言四性曰。善不。欲界具四。無色色界唯三。除不蓋性故。忿等十法。名別起故。闕自類俱起。唯是不善闕遍染二性。既闕有覆。不遍一切染心故爲小隨。此十與第六意識相應。故此不釋無慚無愧。是自類俱起具一名中也。無慚者。不顧自法輕拒賢善爲性。能障礙慚生長惡行爲業。無愧者。不顧世間崇重暴惡爲性。能障於愧生長惡行爲業。掉舉則令心於境不寂靜爲性。能障行捨奢麼他爲業。惛沈則令心於境無堪任爲性。能障輕安毘鉢舍那爲業。不信則於實德能不忍樂欲心穢爲性。能障淨心墮依爲業。懈怠者於善惡品修斷事中懶墮爲性。能障精進增長爲業。放逸則於染淨品不能防修縱蕩爲性。障不放逸增惡損善所依爲業。失念則於諸所緣不能明記爲性。能障正念散亂所依爲業。

法相。乃根身器界之法。此言眼耳二識取離根之境。何嘗離於能變自證之體耶。若以知處不知處異。壞根不壞根別。則境之離根合根可見矣。故云。以根照境說離合。以心緣境說唯識。離取用勝。故立通也。

愚者難分識與根。此言小乘愚法聲聞。不知根之與識各有種子現行。以為根識互生也。根之種現但能導識之種現。謂根為生識之緣。則可謂生識則不可以識自有能生之種子。故以其未除所知障。於法不了。乃智淺心篤。由是不信大乘唯識教也。此注言根識之種現各別。恐初學尙疑試更言之。蓋根乃色法。即第八之相分。識乃心法。即第八之見分。此色心不同也。根雖屬色。以其為第八親相分故。獨具八之執受二義。執又有攝持二義。以第八攝為自體。無記持令不散。受亦有領覺二義。領以為境。令生覺受。非外六塵無情之物可比。故第八與五根同是無記性。五識心法三性皆具。此根識之性不同也。又根能照境能緣境。此根識之用不同也。大抵根無分別前五識雖有隨念分別。而無計度分別。故常混淆而難辨。故佛為愚心者開心說蘊。愚心者開色說處。俱愚者俱開說界。始華嚴至楞嚴。演此三科不知幾百千過。而阿難尙以心知眼見為言。故佛以門能見否詰之。意謂心以根而見。猶人以燈見物也。以此言之。則根識之難分可知矣。

變相觀空唯後得。此前五了俗見空。變謂變帶。相謂相分。觀目能緣見分。空目所緣真

如。唯後得者。據非根本智。以唯依色根故。後得智不親緣真如者。以有分別智故。不能親緣無分別理。籌度起。故此空即實性唯識。果中猶自不詮真。謂無漏五識在佛果位中。尙不能親緣真如。以其根本智依心根故。親緣真如。後得依色根有分別故。所以不能親緣真如。謂之後得者。根本而後生前五。既無根本何有後得。是彼類故。同達事故。此句頌破異師計也。以安慧宗中前五因中既成無漏變相緣如。以見相二分是遍計性。自證分是依他起性。至佛果位自證分親緣真如。以無相見遍計性故。所以謾法師以此句破也。

圓明初發成無漏三類分身息苦輪。此言前五識因窮得果則相應心品。即成所作智。現三類身止息衆生苦輪也。謂佛位中第八識轉為無漏白淨識已。而相應心所即成大圓鏡智。欽然現前。故云初發。則前五識即成無漏。故云成無漏也。三類分身者。以五識之心所即成所作智現三類身也。三類身者。乃法報化三身之中化身爾。此化身所被之機。優劣不一。故能被之化身復有三也。千丈大化身被大乘四加行菩薩。小化丈六身被大乘三資糧位菩薩。與二乘凡夫隨類化。三乘普被六趣皆然。或曰。前五識成無漏相應心品現身益物。何以先言第八成無漏耶。以圓明初發乃第八相應心品圓鏡智爾。蓋前五根即第八識所變相分。能變本識既成無漏。所變五根即成無漏。能發五根。既成無

漏則所發五識遂成無漏也。或曰。既言轉八識以成四智。何以却言相應心品耶。曰唯識第十云。此四品總攝佛地一切有為功德皆盡。此轉有漏八七六五識相應品。如次而得智。雖非識而依識轉。識為主故說識轉得。又有漏位智劣識強。無漏位中智強識劣。為勸有情依智捨識故。說轉八識而得此四智。下凡言轉識者准此。

三性三量通三境。此言第六識於三性三量三境俱通。以通字貫於上下。言三性者。善則順益義。順於正理。益於自他。不善則違損義。違於正理損於自他。無記者。無不也。記別別於善惡品不可記別。故此以順違損益之義解三性也。又云。順益二世名善性。違損二世名不善性。於愛非愛果不可記別名無記性。謂自體及果俱可愛樂名善性。不善反上。無愛非愛不可記別名無記也。此又約三世漏無漏以解三性。言三量者。現量解現上文。今但解比非二量。比量者。度境無謬。非量者。情有理無。蓋比度不著也。以第六識有五種一定中獨頭。意識緣定境。定境有理事。事又有極略極迴。色及定自在所生法處諸色。二散位獨頭。緣受所引色。及遍計所起諸法處色。如緣空花鏡像彩畫。所生者並法處所攝也。三夢中獨頭緣夢中境。四明了意識。與前五識同緣五塵。五亂意識。即散意識。於五根中狂亂而起。如患熱病青為黃見。非是眼識。是此意也。定中意識唯現量。獨頭散意識比非二量。夢中并亂二識皆非量也。明了意識



心等者其無心眠。如何能令謂從有心眠。其實無心不名睡眠。蓋眠是心所有能令用。彼既無體。豈有令用。故不名眠。尋者。尋求令心忽遽於意言境轉爲性。何謂伺察令心忽遽於意言境轉爲性。二法業用俱以安不安身心分位所依爲業言意言境者。意所取境多依名言。故云意言境。此二並用思慧一分爲體。若令心安即是思分。令心不安即是慧分。蓋思者。徐而細故。慧者。急而龜故。若然則令安則用思無慧。不安則用慧無思。何云並用。通照大師釋有兼正。若正用思急慧隨思能令心安。若正用慧徐思隨慧。亦令不安。是說不違並用。此相應之義有五。謂時依行緣事也。王所同時起同所依根見分行相各同。同一所緣。同一體事。故得相應也。

善惡臨時別配之。此言第六識遇善境時。與善心所相應。遇不善無記境時。與不善無記心所相應。故曰別配之。據理談情。思之可悉。

性界受三恒轉易。言此第六識於三性三界并五受。恒常轉變改易也。以行相易脫故。唯受有五種。論說不一。謂七八二識唯是捨受。前五轉識苦樂二受。第六意識二師說異。若意地有苦師言。第六通具五受。若意地無苦師言。第六唯憂喜捨三受。若約極苦極樂其苦樂之觸。豈有不侵心者哉。若無間之苦三禪之樂。孰能忘其逆順之境。蓋逼悅於身名苦樂受。逼悅於心者名憂喜受。不逼不悅者名捨受。以理言之。意地有苦師盡其義也。

根隨信等總相連。等者。等餘遍行別境及不定也。謂此識與染淨諸法亦相連。性界受等隨識轉易也。

動身發語獨爲最。此言第六識有情動身發語時。於八識中行相最勝。故成業論云。由外發身語表內心所思。譬如潛淵魚鼓波而自表。此識俱思而有三種。謂審慮思決定思。動發勝思。餘識所無。故最勝也。

引滿能招業力牽。此言第六識獨能造引滿二業。此業能招總別二果。以業勝力能牽引故名爲引業。圓總果故名爲滿業。如畫者師資作模填彩。義可知矣。故論云。一業引一果。多業能圓滿。業招於果而有四種。謂一業引一果。一業引多果。多業引一果。多業引多果。

此第六能造業招果。前五一分善惡亦能造七八二識皆不能造業。無記性故。若論八識招業成果。唯是第八前六一分。若非業招唯是第七。前六亦一分。善不善性故。所言總報者。乃善惡趣一報之主。名別報者。壽夭貴賤好醜等是。

發起初心歡喜地。此第六識於初地初心轉成無漏。以分別二障無故。問三世斷何。若斷現惑智不俱。過去已滅。未來不生。爲斷於何。曰但約智起惑除。令未來惑體不續生。名之爲斷。

俱生猶自現纏眠。纏自現行。眠目種子。謂此識於初地初心猶有俱生煩惱所知種現。以未純無漏故。又非恒在雙空觀故。遠行地後純無漏。遠行乃第七地也。此識

於七地已前漏無漏間雜而生。以未常在觀門故。至此地後而純無漏。以俱生二障永不再行恒在觀門故。生空乃恒。法空猶間。又云。十地中前五地。有相觀多無相觀少。第六地有相觀少無相觀多。至七地中。純無相觀也。

觀察圓明照大千。謂此第六識。於初歡喜初心雖無分別二障轉成無漏。俱生障在。歷離垢發光焰慧難勝現前至此遠行。則俱生障永伏不起。無漏淨識而恒生起。相應心所亦轉爲妙觀察智。而恒圓明普照大千之界。非談一界而智功普故。

八識規矩補註卷上

### 八識規矩補註卷下

明魯庵法師普泰補註

帶質有覆通情本。此言第七於三性中唯無記性。於四性中乃有覆無記。此四性界全具。上二覆者。謂染法。障聖道故。又能礙心。令不淨故。此非善惡。故名無記。以性非順益違損故。恒與四惑俱故。故云。有覆四惑者。謂我癡。謂無明。愚於我相迷無。我見。謂我執於非我法。妄我。謂我執於我相。我愛。謂我執於我所執我深生。此識高顯。故名我慢也。我愛。謂我執於我所執我深生。此識於三境中唯緣帶質。以心緣心故。解見上文。

上心字目見分。下心字日本質。謂此相分帶本質生。故名帶質。或曰。此相分亦帶見生。何不云帶情境耶。爲濫獨影是故不爾。隨緣執我量爲非。此第七識。隨所緣第八

見分。執之爲我。執者封著義。以此識唯具俱生我法二執任運起故。非是分別我法二執。何則以非強思計度起故。於三量中唯是非量。不稱境知。恒穩度故。故爲非量也。

八大遍行別境慧貪癡我見慢相隨。此言第七之心所法也。謂此識緣境之時。與大隨八遍行五別境五中之慧。根本煩惱之貪癡見慢四法。總十八所也。何非餘俱。互相違故。何則謂欲者希望未遂合事。此識任運緣遂合境無所希望。故無有欲。勝解則印持曾未定境。此識無始恒緣定事經所印持。故無勝解。念唯記憶曾所習事。此識恒緣現所受境無所記憶。故無有念。定唯繫心專注一境。此識任運剎那別緣既不專一。故無有定。慧即我見五十一心所別開故。此識我見并慧兼具。善是淨故。非此識俱。根隨離總二十六法。既與我見俱故。由見審決疑無容起。愛著我故。瞋不得生故。唯四惑俱忿等十隨行相應動。此識審細故非彼俱。中隨二者唯是不善。此無記故非彼相應。有云。此識不與大隨相應。若無惛沈應不定有無堪任性。掉舉若無應無驚動。便如善等非染污位。若染心中無散亂者。應非流蕩非染污心。若無失念不正知者。如何能起煩惱現前。故染污意決定皆與八隨相應而生。四不定者。惡作追悔先所作業。此識任運恒緣現境非先業。故無惡作。睡眠必依身心重味。外來緣力有時暫起。此識無始一類內執不假外緣。故彼非有。尋伺俱依外門而轉。淺深推度龜細發言。此識唯依

內門而轉一類執我。故非彼俱。故曰互相違故也。

恒審思量我相隨。謂此識恒常審推思察量度第八見分爲我。故云爾也。恒之與審。於八識中四句分別。一恒而非審。謂第八識不執我無間斷故。二審而非恒。謂第六識以執我間斷故。三亦恒亦審。謂第七識執我無斷故。四非恒非審。謂前五識不執我故故護法菩薩云。五八無法亦無人。六七二識甚均平。是也。

有情日夜鎮昏迷。此識恒執我故。則有情恒處生死長夜而不自覺。以與四惑八大常俱起故。

四惑八大相應起。此句頌解釋上句義也。四惑即根本煩惱并隨惑。俱見上注。大抵根本非依他起。隨惑依他起也。

六轉呼爲染淨依。謂第六識呼此第七爲染淨依也。蓋由此識有漏內常執我故。令第六識念念而成就於染。由此識無漏恒思無我故。令第六識念念而成就於淨。是以第六成就成淨。皆由第七也。

極喜初心平等性。謂此識於初地初心既轉成無漏。則相應心品轉智亦成無漏。由第六識入雙空觀故。謂第六入生空觀故。礙此第七我執不生。法執猶恒。故論云。單執末那居種位。平等性智不現前。謂由第六入生法二空觀故。礙此第七我法二執不起。故論云。雙執末那歸種位。平等性智方現前。謂第七識無力斷惑。與執全仗第六識也。故頌云。分別

二障極喜無。六七俱生地地除。第七修道除種現。金剛道後總皆無。故第七成於無漏。皆由第六以斷惑證理勝故。

無功用行我恒攝。謂此識於第八地已前。法執猶恒。我執間斷。由第六不恒在雙空觀故。至此不動地則我執永伏。法執間起。由第六恒在生空觀故。何非斷種。不障因故。最下品故。任運起故體微細故。唯有覆故。

如來現起他受用十地菩薩所被機。謂此無漏第七識相應平等性智。佛果位中現十種他受用身。即能被之佛。十地菩薩。乃所被之機也。此據增勝而言。稱實四智皆能現也。

性唯無覆五遍行。此言第八識因中。於三性則唯無覆無記性。以不與煩惱俱故。平等性則唯無覆無記性。此識緣境之時。相應心無違拒故。是所熏故。此識緣境之時。相應心所唯遍行五。餘互違故。何則無記性非善非惡。非善則善所不與相應。非惡則惡所亦不與之相應。所以互相違也。

界地隨他業力生。此識隨善惡業。於三界九地五趣之中。所感異熟果故。爲總報主故。趣生體也。何偏爲體具四義故。謂實有恒遍無雜業所感果也。故八識之中。唯第八識全業招。前六一分業招。第七全非業招。前六亦一分非業招。善不善性也。謂無記之法。如彼乾土不能相握自成一聚。故須直用善惡業力。如用水膠等和彼乾土。無記之法令成器聚。若善惡法如木石等自成器聚。不假他力故非業招。頌云。業力生者。此也。

二乘不了因迷執。謂此第八極微細故。所

以二乘愚法聲聞。不信有此第八識。唯以前六識等受熏持種。爲彼智淺心癡而迷執者也。

由此能與論主評。因小乘不了有此識故。所以大乘論主引其三經四頌五教十理。證有此識。若阿毘達磨經。解深密經。并楞伽經。此大乘三經。是不共許。若大眾部阿笈摩經。上座部分別論。化地部說一切有部。增壹經。此小乘四。是共許故。十證頌曰。持種異熱心。趣生有受識。生死緣依食。滅定心染淨。此頌具含十義。若大乘。阿毘達磨經云。無始時來界。一切法等依。由此有諸趣。及涅槃證得。此頌第八識自性微細故以作用而顯示之。初半頌第八識爲因。緣用後半與流轉還滅作依持用。蓋界是因義。即種子識無始時來。展轉相續親生諸法。故依是緣義。即執持識無始時來。與一切法爲依止故。謂能執持諸種子故。與現行法爲所依止。此證持種心也。由此有諸趣者。由此第八識故。執持一切順流轉法。令諸有情流轉生死。雖惑業法皆是流轉。而趣是果勝故偏說。或諸趣言通其能所。此與流轉作依持用也。及涅槃證得者。謂由此識故。執持一切順還滅法。令修行者證得涅槃。此則但說能證。得道涅槃不依此識有故。或說所證。是修行者正所求故。或此雙說。俱是還滅品類攝故。後半頌言。雖無漏法。亦依此第八而顯。彼經復說頌云。由攝藏諸法。一切種子識故名阿賴耶。勝者我開示。謂此本識具諸種子。故能攝藏諸

難染法。依斯建立阿賴耶名。此識從無始來至不動地。無我執時名阿賴耶。翻爲藏識。故從功能立名也。解深密經云。阿陀那識甚深細。一切種子如暴流。我於凡愚不開演。恐彼分別執爲我。阿陀那唐言執持。即第八識。以能持種子根身并器界。始生之義。此識以能執持諸法種子令不散失。及能執受色根依處。亦能執取結生相續。具此三義故立斯名。無性不能窮底。故言甚深。趣寂不能通達。故言甚細。乃一切法真實種子緣變便生轉識波浪恒無間斷。故云如暴流。恐彼凡愚於此分別執著。隨諸惡趣障生聖道。故我世尊不爲開演。唯大乘菩薩乃爲開示。此頌亦證持種之義。非前六轉識有此義焉。又入楞伽經云。如海遇順風。起種種波浪。現前作用轉。無有間斷時。此識識海亦然。境界風所擊。恒起諸識浪現前作用轉也。此頌第八非轉識有此義也。既言藏識海。又云。恒起諸識浪。豈前六生滅之識得與於是哉。此上所引。乃大乘四頌。總釋十證頌持種心義。又大眾部阿笈摩中。密意說此名根本識。是轉識所依止故。又上座部經分別論。俱密意說此名有分識。有乃三有。分乃因義。唯此第八恒遍三界爲三有因。又化地部說眾生死蘊。蓋離此第八無別蘊法。窮生死際無間斷時。又說一切有部增壹經。亦密說名阿賴耶。謂愛阿賴耶等。由彼說阿賴耶名定此第八識。上引小乘四教宛然有此第八。何以堅執唯前六識耶。又契經說。難染清淨諸法種子之所集起故名爲

心。若無此識。彼持種心不應有故。謂諸轉識在滅定等有間斷故。根境作意善等類別易脫起故。不堅住故非可熏習不能持種。唯此第八一類恒無間斷。如豎勝等堅住可熏。當彼契經所說心義。此亦證第八名心。符合十證頌初句之持種心也。又云。有異熱心善惡業感若無此識。彼異熱心不應有故。唯異熱心辭牽引業遍而無斷。彼異熱心即第八識。此心字通於持種異熱四字之義也。此上已釋十證頌初句之義。又云。有情流轉五趣四生。若無此第八。彼趣生體不應有故。謂要實有恒遍無雜。具此四義方可立正實趣生。若前五識業所感者。不遍趣生。以無色界中全無此故。意識業感雖遍趣生。而不恒有唯異熱心及彼心所。具四義故。是正趣生此心及所。離第八識理不得成。此釋趣生二字。以證第八爲趣生體也。又契經說。有色根身是有執受。若無此識。彼能執受不應有故。此能執受心唯異熱心。眼等轉識無如是義。又契經說。壽暖識三。更互依持得相續住。若無此識。能持壽暖令久住識不應有故。謂轉識有間有轉。如聲風等無恒持用。不可立爲持壽暖識故。唯異熱有恒持用故。可立爲持壽暖識。此釋識字之義。通上衆義以釋大句。趣生有受識也。此下釋生死緣依食之句。契經云。諸有情類受生命終。必住散心非無心定。若無此識。生死時心不應有故。謂生死時身心昏昧。如睡無夢極悶絕時。明了意識必不現前。六種轉識行相所緣必不可知。是散有



心名生死心。亦有餘部執生死位別有一類微細意識。行相所緣俱不可了。應知即是此第八識。又將死時。由善惡業下上身分冷觸漸起。若無此識彼事不成。轉識不能執受身故。此證生死時心即第八也。又說識緣名色。名色緣識。如是二法展轉相依。譬如束蘆俱時而轉。若無此識。彼識自體不應有故。又諸轉識有間轉故。無力恒時執持名色恒與名色為緣。故彼識言顯是第八。此釋緣字也。又契經說。一切有情皆依食住。若無此識。彼識食體不應有故。由此定知異諸轉識有異熟識一類恒通執持身命令不壞斷。世尊依此故作是言。一切有情皆依食住。故知唯異熟識是勝食性。彼識即是第八識也。此釋依食二字。已上釋第三句生死緣依食竟。又契經說。住滅定者。身語心行無不皆滅。而壽暖猶在。根不變壞。識不離身。若無此識住滅定者。不離身識。不應有故。謂眼等識行相能動。於所緣境起必勞慮。厭患彼故暫求止息。漸次伏除至都盡位。依此位立住滅定者。故此定中彼識皆滅。若不許有微細一類恒通執持壽暖等識在依何而說識不離身。若全無識。應同瓦礫乃非情爾。由斯理趣。住滅定者決定有識。無想等位類此應知。此釋滅定心三字之義。又契經說。心雜染故有情雜染。心清淨故有情清淨。若無此識。彼染淨心不應有。故謂染淨法以心為本。因心而生。依心而住。此釋心染淨三字。蓋心字兼上下而言。此略引成唯識論文。欲義理詳明。請閱第三第四

卷論文。又云若證有此識理趣無邊。觀此言豈特十義而矣。瑜伽論亦有八義證有此識。恐繁不引。已上引釋十證頌訖。此謹法論主。因小乘不信此第八識故。諄諄曉喻反覆辨論。故頌云。由此能與論主爭。是也。

變其氣味也。此第七既有覆性故非所熏。八俱五所具前二義應為所熏。以第三可熏義揀之。謂可熏者自任之義。所非自在。豈當所熏。然而他人第八具此三義。應受熏否。以第四義揀之。曰要與能熏和合。故謂能與所時處皆同方為和合。他八與己殊不相干。若己之能熏熏他第八。何異已食而責飽於人耶。所以第八具此四義。獨得受熏也。此頌第八受熏影顯前七識即為能熏故。以前七識中隱略能熏語故能熏四義者。一有生滅。二有勝用。三有增減。四與所熏和合。謂生滅者。有能生長之作用。故是能熏。然無記色心皆有生滅。亦皆能熏。以第二義揀之。要有勝用。以善惡有覆強勝之力。名為勝用。然則佛位法既是強勝。何非能熏。以第三義故。蓋增減。乃損益之義。佛無損益。故非能熏。蓋應剛則剛。合柔即柔。能成辦事。是為損益。然自身前七具上三義。能熏他否。謂有第四義。要與所熏和合故。是前七王所皆能熏。除無記性。善惡皆具故。所熏唯王。心所不預焉。所若受熏。大過失生。不應齊責。種子根身器界即第八所緣之境。又持種故。所以受熏也。

去後來先作主公。此說是總報主故。有情投胎時最先。命終時居後也。依總經。即雜寶論。與諸論。略辨此識捨出之處。總括經論。頌曰。善業從下冷。惡業從上冷。二皆至於心。一處同時捨。二論。頂樂眼生天。人心餓鬼腹。旁生膝蓋離。地獄脚板出。經謂經論異者。經驗六趣差別。論明善惡兩途。蓋六趣亦不出善惡也。即

受熏持種根身器。此第八識能受前七識熏。能持諸法漏無漏種。以此識為總報主。所以持種。具四義故。所以受熏。謂一堅住性。二無記性。三可熏性。四與能熏和合。言堅住者。從無始之始究竟之終。一類相續故。然則第七亦爾。何非所熏。以第二義揀之。要是無記。猶如荳勝性非香臭。以香即香。以臭即臭。若香臭之物雖熏以香臭。縱經日久卒莫能

見上文。受熏持種根身器。此第八識能受前七識熏。能持諸法漏無漏種。以此識為總報主。所以持種。具四義故。所以受熏。謂一堅住性。二無記性。三可熏性。四與能熏和合。言堅住者。從無始之始究竟之終。一類相續故。然則第七亦爾。何非所熏。以第二義揀之。要是無記。猶如荳勝性非香臭。以香即香。以臭即臭。若香臭之物雖熏以香臭。縱經日久卒莫能

見上文。受熏持種根身器。此第八識能受前七識熏。能持諸法漏無漏種。以此識為總報主。所以持種。具四義故。所以受熏。謂一堅住性。二無記性。三可熏性。四與能熏和合。言堅住者。從無始之始究竟之終。一類相續故。然則第七亦爾。何非所熏。以第二義揀之。要是無記。猶如荳勝性非香臭。以香即香。以臭即臭。若香臭之物雖熏以香臭。縱經日久卒莫能

見上文。受熏持種根身器。此第八識能受前七識熏。能持諸法漏無漏種。以此識為總報主。所以持種。具四義故。所以受熏。謂一堅住性。二無記性。三可熏性。四與能熏和合。言堅住者。從無始之始究竟之終。一類相續故。然則第七亦爾。何非所熏。以第二義揀之。要是無記。猶如荳勝性非香臭。以香即香。以臭即臭。若香臭之物雖熏以香臭。縱經日久卒莫能

前生死心也

不動地前緣捨藏 謂此識從有漏因至無漏果。略有三位。謂我愛執藏位。二善惡業果位。三相續執持位。初從無始至不動地名阿賴耶。此云藏。亦從無始至解脫道名毘播迦。此云異熟。蓋具變異而熟異時而熟。異類而熟。故名異熟。後佛果位盡未來際名無垢識。初阿賴者。有情執為自內我故。異熟者是善惡所引果故。持無漏種現無間斷故。謂此本識初至此地。捨藏識名過失重故。有情不執為自內我故。

金剛道後異熟空 謂二障種習有漏種。現皆永斷捨故。捨此名因并劣無漏亦皆捨盡。大圓無垢同時發普照十方塵刹中。此識至佛果位。轉成上品無漏淨體。號無垢識。與相應大圓鏡智同發起時。普照十方圓明法界也。契經云。如來無垢識。是淨無漏界。解脫一切障。圓鏡智相應通達四智。謂平等性智。妙觀察智。各有三品。見道下品。修道中品。究竟上品。故因中轉也。大圓鏡智。成所作智。各唯上品。故於果中轉也。故頌云。六七二識因中轉前五第八果中圓。

八識規矩補註終

六離合釋法式

西方釋名有其六種。一依主二持業。三有財。四相達。五帶數。六隣近。以此六種有離合故。一一具二。若單一字名即非六識。以不得成離合相故。初依主者。謂所依為主。如說眼識。識依眼起。即眼之識。故名眼識。舉眼之主以

表於識。亦名依主釋。此即分取他名。如名色識。如子取父名。名為依主。父取子名。即名依主。所依劣故。言離合相者。離謂眼者是根。識者了別。合謂此二合名眼識。餘五離合準此。應知。言持業者。如說藏識。識者是體。藏是業。用能顯體。體能持業。藏即識故名為藏識。故言持業。亦名同依釋。藏取含藏用。識取了別用。此二同一所依故云同依也。言有財者。謂從所有以得其名。一如佛陀。此云覺者。即有覺之者名為覺者。此即分取他名。二如俱舍非對法藏。對法藏者。是本論名。為依根本對法藏造故。此亦名為對法藏論。此全取他名。亦名有財釋。言相達者。如說眼及耳等。各別所詮。皆自為主。不相隨順。故曰相達。為有及與二言。非前二釋義。通帶數有財。言帶數者。以數顯義通於三釋。如五蘊二諦等。五即是蘊。二即是諦。此用自為名。即持業帶數。如眼等六識。取自他為名。即依主帶數。如說五逆為五無間。無間是果。即因該果。此全取他名。即有財帶數。言隣近者。從近為名。如四念住以慧為體。以慧近念故名念住。既是隣近。不同自為。名無持業。義通餘二釋。一依主隣近。如有人近長安住。有人問言。為何處住。答云。長安住。此人非長安。以近長安故云長安住。以分取他名。復是依主隣近。二有財隣近。如問何處人。答云。長安。以全取他處以標人名。即是有財。以近長安復名隣近。頌曰。用自及用他。自他用俱用。通二通三種。如是六種

華嚴一乘教義分齊章卷第一

唐大慈恩寺沙門法藏述

今將開釋。如來海印三昧一乘教義略作十門。

建立一乘第一 教義攝益第二

古今立教第三 分教開宗第四

乘教開合第五 起教前後第六

決擇其意第七 施設異相第八

所詮差別第九 義理分齊第十

初明建立一乘者。然此一乘教義分齊。開為二門。一別教。二同教。初中二。一性海果分。二不可說義。何以故。不與教相應。故。則十佛自境界也。故地論云。因分可說。果分不可說者是也。二緣起因分。則普賢境界也。此二無二全體遍收。其猶波水。思之可見。就普賢門復作二門。一分相門。二該攝門。分相門者。此則別教一乘別於三乘。如法華中宅內所指門外三車誘引諸子令得出者。是三乘教也。界外露地所授牛車是一乘教也。然此一乘三乘差別。諸聖教中略有十說。一權實差別。以三牛車亦同羊鹿。權引諸子務令得出。是故臨門三車。俱是開方便門。四衢道中別授大白牛車。方為示真實相。若彼三牛車。亦是實者。長者宅內引諸子時。指彼牛車。祇在門外。此應亦出即得見車。如何出竟至本

所指車所住處。而不得故。後更索耶。亦不可說。界外索車。但是二乘。以經不說彼求牛車人。出門即得。彼牛車故。又不說彼索。先許牛車。唯二乘故。是故經中諸子得出至露地。已各白父言。父先所許玩好之具。羊車鹿車牛車。願時賜與。以此得知三車同索。此中三車約彼三乘所求果說。以是元意所標趣。故問二乘各得小果。何以界外更索耶。答依小乘。云有教有行果。今依大乘。云昔日但有言教。無實行果。故云三車空無。若望自宗並皆得果。若不得者。如何出世。今言俱不得者。以望一乘故。是故以實映權。則方便相盡。故皆無得也。為欲迴彼三乘人入一乘故。是故大乘亦說迴也。若不爾者。彼求牛車人。既出界外。不同凡夫。非求羊鹿。不同二乘。未得露地。大白牛車不同一乘。若非彼三中大乘。更是何色人也。以至自位究竟處。後皆進入別教一乘。問臨門三車為實不實耶。答實不實。何以故。是方便故。由是方便引子得出。非不實。由是方便引。故非是實。此二無二唯一相也。二教義差別。以臨門牛車亦同羊鹿。但有其名。以望一乘。俱是教故。是故經云。以佛教門出三界苦。亦不可說。以佛教言。但約二乘。以經不說。故彼求牛車人。尋教至義。亦同一乘。俱不得。故三所明差別。以彼一乘。非是界內。先許三車。是故界外四衢道中。授諸子時。皆云。非本所望。是故經云。是時諸子各乘大

車。得未曾有。非本所望。亦不可說。非本所望。言但約二乘。以經不說。故聖言無失。故良以門內所許。今皆無得。露地牛車。本非佛冀。故今得之。言非本所望也。四德量差別。謂宅內指外。但云牛車。不言餘德。而露地所授七寶大車。謂寶網寶鈴等。無量衆寶。而莊嚴等。此即體具德也。又彼但云牛。不言餘相。此云白牛。肥壯多力。其疾如風等。用殊勝也。又云。多諸價從。而侍衛等。行眷屬也。此等異相。並約同教一乘。以明異耳。又彼三牛車。唯一。以彼彼宗。明一相方便。無主伴故。此則不爾。主伴具足。攝德無量。是故經云。我有如是七寶大車。其數無量。無量寶車。非適一也。此顯一乘無盡教義。此義廣說。如華嚴中。此約別教一乘。以明異耳。五約寄位差別。如本業經。仁王經。及地論。攝論等。皆以初二三地。寄在世間。四地至七地。寄出世間。八地已上。寄出出世間。於出世間中。四地五地。寄聲聞法。六地寄緣覺法。七地寄菩薩法。八地已上。寄一乘法。若大乘。即是一乘者。七地即應是出出世。又不應一乘在。於八地。是故當知法華中三乘之人。為求三車。出至門外者。則三乘俱是出出世。自位究竟也。即

乘十(人)者  
①(為)十(文)不  
②(經)十(簡)也  
③(揀)十(明)也  
④(先)十(前)也  
⑤(言)十(言)也  
⑥(二)十(大)也  
⑦(之)十(之)也  
⑧(諸)十(諸)也  
⑨(世)十(世)也  
⑩(間)十(間)也  
⑪(云)十(云)也  
⑫(多)十(多)也  
⑬(復)十(復)也  
⑭(已)十(已)也  
⑮(二)十(二)也  
⑯(十)十(十)也  
⑰(世)十(世)也  
⑱(間)十(間)也  
⑲(云)十(云)也  
⑳(多)十(多)也  
㉑(復)十(復)也  
㉒(已)十(已)也  
㉓(二)十(二)也  
㉔(十)十(十)也  
㉕(世)十(世)也  
㉖(間)十(間)也  
㉗(云)十(云)也  
㉘(多)十(多)也  
㉙(復)十(復)也  
㉚(已)十(已)也  
㉛(二)十(二)也  
㉜(十)十(十)也  
㉝(世)十(世)也  
㉞(間)十(間)也  
㉟(云)十(云)也  
㊱(多)十(多)也  
㊲(復)十(復)也  
㊳(已)十(已)也  
㊴(二)十(二)也  
㊵(十)十(十)也  
㊶(世)十(世)也  
㊷(間)十(間)也  
㊸(云)十(云)也  
㊹(多)十(多)也  
㊺(復)十(復)也  
㊻(已)十(已)也  
㊼(二)十(二)也  
㊽(十)十(十)也  
㊾(世)十(世)也  
㊿(間)十(間)也

①唐大慈恩寺沙門法藏述 ②今將開釋 ③如來海印三昧 ④一乘教義略作 ⑤十門 ⑥建立一乘第一 ⑦教義攝益第二 ⑧古今立教第三 ⑨分教開宗第四 ⑩乘教開合第五 ⑪起教前後第六 ⑫決擇其意第七 ⑬施設異相第八 ⑭所詮差別第九 ⑮義理分齊第十 ⑯初明建立一乘者 ⑰然此一乘教義分齊 ⑱開為二門 ⑲一別教 ⑳二同教 ㉑初中二 ㉒一性海果分 ㉓二不可說義 ㉔何以故 ㉕不與教相應 ㉖故 ㉗則十佛自境界也 ㉘故地論云 ㉙因分可說 ㉚果分不可說者是也 ㉛二緣起因分 ㉜則普賢境界也 ㉝此二無二全體遍收 ㉞其猶波水 ㉟思之可見 ㊱就普賢門復作二門 ㊲一分相門 ㊳二該攝門 ㊴分相門者 ㊵此則別教一乘別於三乘 ㊶如法華中宅內所指門外三車誘引諸子令得出者 ㊷是三乘教也 ㊸界外露地所授牛車是一乘教也 ㊹然此一乘三乘差別 ㊺諸聖教中略有十說 ㊻一權實差別 ㊼以三牛車亦同羊鹿 ㊽權引諸子務令得出 ㊾是故臨門三車 ㊿俱是開方便門 ①四衢道中別授大白牛車 ②方為示真實相 ③若彼三牛車 ④亦是實者 ⑤長者宅內引諸子時 ⑥指彼牛車 ⑦祇在門外 ⑧此應亦出即得見車 ⑨如何出竟至本



即大乘也。四約殊勝門。即以三中大乘爲一乘。以望別教。雖權實有異。同是菩薩所乘。故。故經云。唯此一事實。餘二則非真。又云。止息故說。二等。此文有二意。一若望上別教。餘二者。則大小二乘也。以聲聞等利鈍雖殊。同期小果故。開一異。三故。若望同教。即聲聞等爲二也。又融大同。一。故。五約教事深細。如經云。我常在靈山等。六約八義意趣。依攝論。如問答中辨。七約十義方便。如孔目中說。依上諸義。即三乘等並名二乘。皆隨本宗定故。主伴不具故。是同非別也。二明二乘有三種。一者一乘三乘名爲二乘。謂如經中四衢所授并臨門三車。此中合愚法同迴心。俱是小乘。故有二耳。二者大乘小乘爲二乘。此則合一同三。開愚法異迴心。三者聲聞緣覺爲二乘。此通。愚法及迴心。又初約一乘。次約三乘。後約小乘。準可知之。三。明三乘亦有三種。一者一乘三乘小乘名爲三乘。此爲顯法本末故。上開一乘。下開愚法。故有三也。以經中愚法二乘並在所引諸子中。故。知三乘外別有小乘。三車引諸子。故知小乘外別有三乘。三人俱出至露地。已。更別授大白牛車。故知三乘外別有一乘。問何以得知。愚法二乘在所引中耶。答。以彼愚法約大乘終教。已去。並不名究竟出三界。故。何以故。以人執煩惱未永斷。故。但能折伏而已。故彌勒所問經論云。一切聲聞辟支佛人。不能如實修四無量。不能究竟斷。

諸煩惱。但能折伏一切煩惱。故也。又經云。汝等所得。得涅槃。非真滅度。又經云。若不信此法。得阿羅漢果。無有是處。又大品云。故。得阿羅漢等果。當學般若波羅蜜。是故當知。羅漢實義在大乘中。是故大乘必具三也。故普超三昧經云。如此大乘中亦有三乘。則爲三藏。謂聲聞緣覺菩薩藏。唯大乘中得有三藏。餘二乘中則無此也。入大乘論中。亦同此說。是故當知。門外三車不通。愚法。以法華非小乘故。其瑜伽聲聞決擇及雜集等論。辨聲聞等教行位果及斷惑分齊。與婆沙俱舍等。不同者。是其事也。是故當知。一乘三乘小乘分齊別也。由此義故。大智度論云。般若波羅蜜有二種。一。共二不共。言共者。謂此摩訶衍經。及餘方等經。共諸聲聞。衆集共說故。不共者。如不思議經。不與聲聞共說。故。解云。不思議經者。彼論自指華嚴是也。以其唯說別教一乘。故名不共。義準知也。如四阿含經。等經。共集三乘衆。通說三乘法。具獲三乘益。故云共也。此中通大之小非愚法。通小之大非一乘。依此三義故。梁攝論云。善成立有三種。一小乘。二大乘。三三乘。其第三最居上故。名善成立。即其事也。若言說大品等時。一音異解得小果。故有三乘者。說華嚴時。何不異解得小果耶。又說增一等時。何不異解得大果耶。是故當知。三宗各別。理不疑也。二者大乘中乘小乘爲三乘。

此有三義。一則融一乘同大乘。合愚法同小乘。故唯三也。教理可知。此約一乘辨。二則大乘中自有三乘。如上所說。三則小乘中亦有三。如小論中自有聲聞法緣覺法及佛法。此中佛法但慈悲愛行等。異於二乘。故也。四者。或爲四乘。亦有三種。一謂一乘三乘爲四。此則開一異三。合一聲聞故也。二謂一乘三乘小乘人天爲四。此總開意也。三謂三乘人天爲四。準上可知。五者。或爲五乘。亦有三種。一謂一乘三乘小乘爲五。二謂三乘人天爲五。三謂佛與二乘。天及梵亦爲五。並準釋可知。六者。或無量乘。謂一切法門也。故此經云。於一世界中。開說一乘者。或二三四五。乃至無量乘。此之謂也。上來分乘竟。二融本末者。此同文說諸乘等會融無二同一法界。有其二門。一泯權歸實門。即一乘教也。二攬實成權門。則三乘教等也。初則不壞權而即泯。故三乘即一乘而不礙三。後則不異實而即權。故一乘即三乘而不礙一。是故一三融攝體無二也。問若爾。二門俱齊。如何復說有權實耶。答。義門異故。權實恒存。理遍通故。全體無二。何者。謂權起必一向賴於實。是故攬實實不失。實現。未必一向藉於權。故泯權權不立。是故三乘即一。雖具存壞竟必有盡。一乘即三。雖具隱顯竟恒無盡。由此銘融有其四句。一或唯一乘。謂如別教。二或唯三乘。如三乘等教。以不知一故。或亦一亦三。如同教。四或非一

①故二是一乘 ②三乘二乘 ③故二乘 ④即二則一乘 ⑤皆二以融 ⑥愚法及迴心二迴心及愚法 ⑦之二耳 ⑧已二以融 ⑨斷二法 ⑩所一乘 ⑪也一乘 ⑫溫樂一乘 ⑬故二乘 ⑭果十者 ⑮沙二乘 ⑯其 ⑰共二與 ⑱乘集一乘 ⑲之 ⑳亦十名 ㉑其第三三乘 ㉒則二者 ㉓所一 ㉔則一 ㉕或一乘 ㉖亦一乘 ㉗意一乘 ㉘者二乘 ㉙文說二教 ㉚教一乘 ㉛異二別 ㉜存二殊 ㉝現二顯 ㉞竟一終 ㉟二一 ㊱三十或 ㊲四一

非三。如上果海，此四義中，隨於一門皆全收法體，是故諸乘或存或壞，而不相礙也。準思可解。餘釋乘、明體等，並如別說。上

第二教義攝益者。此門有二。先辨教義分齊。後明攝益分齊。初中。又二。先示相。後開合。初中有三義。一者如露地牛車。自有教義。謂十無盡主伴具足。如華嚴說。此當別教一乘。二者如臨門三車。自有教義。謂界內示爲教得出爲義。仍教義卽無分。此當三乘教。如餘經及瑜伽等說。三者以臨門三車爲開方便教。界外別授大白牛車。方爲示真實義。此當同教一乘。如法華經說。二開合者有二。先別。後總。別中一乘三乘各有三句。三乘三句者。或具教義。約三乘自宗說。或唯教非義。約同教一乘說。或俱非教義。約別教一乘說。爲彼所目故也。一乘三句者。或具教義。約自別教說。或唯教非義。約同教說。或俱非教義。唯約三乘教說。隱彼無盡教義故。後總者。或教義俱教。以三乘望一乘故。或教義俱義。以一乘望三乘故。或具此三句。約同教說。或皆具教義。各隨自宗差別說矣。二明攝益分齊者。於中有二。一或唯攝界內機令得出世益。卽以爲究竟。此約三乘當宗說。亦如瑜伽等辨。二或攝界外機令得出世益。方爲究竟。此有二種。若先以三乘令其得出。後乃方便得一乘者。此卽一乘三乘和合說。故屬同教攝。亦名迴三入

一教。此如法華經說。若先於「一乘」已成解行。後於「出世身上證」彼法者。即屬別教。一乘攝。此如「小相品」說。三或通攝二機。令得二益。此亦有二。若先以「三乘」引出。後令得「一乘」。亦是「三一和合攝」機。成「二益」。故屬同教。此如法華經說。若界內見聞。出世得法。出出世證成。或界內通見聞解行。出世唯解行。出出世唯證入。此等屬別教一乘。此如華嚴說。第三叙今古立教者。謂古今諸賢所立教門差別非一。且略叙十家以爲龜鏡。一依菩提流支。依維摩經等。立「一音教」。謂一切聖教皆是一音一味一雨等。但以衆生根行不同。隨機異解。遂有多種。如克其本。唯是如來一圓音教。故經云。佛以一音演說法。衆生隨類各得解等。是也。二依護法師等。依楞伽等經。立「漸頓二教」。謂以先習小乘。後越大乘。大由小起。故名爲漸。亦大小俱陳故。即涅槃等教是也。如直往菩薩等。大不由小故名爲頓。亦以無小故。即華嚴是也。遠法師等後代諸德多同此說。三依光統律師立三種教。謂漸頓圓。光師釋意。以根未熟先說。無常後說。常先說空後說不空。深妙之義。如是漸次而說故名漸教。爲根熟者。於一法門具足演說一切佛法。常與無常。空與不空。同時俱說更無漸次。故名頓教。爲於上達分階佛境界者。說於如來無礙解脫究竟果海圓極祕密自在法門。即此經是也。後光統門下。遵統師等諸德。並亦宗承大同此說。四

依大衍法師等一時諸德立四宗教。以通收一代聖教。一因緣宗。謂小乘薩婆等多部。二假名宗。謂成實經部等。三不真宗。謂諸部般若說。即空理明一切法不真實等。四眞實宗。涅槃華嚴等。明佛性法界眞理等。五依護身法師立五種教。三種同前衍師等。第四名眞實宗教。謂涅槃等經。明佛性眞理等。第五明法界宗。謂華嚴明法界自在無礙法門等。六依耆闍法師立六宗教。初二同衍師。第三名不眞宗。明諸大乘通說諸法如幻化等。第四名眞宗。明諸法眞宗理等。第五名常宗。明說眞理恒沙功德常恒等義。第六名圓宗。明法界自在緣起無礙德用圓備。亦華嚴法門等是也。七依南岳思禪師及天台智者禪師立四種教。統攝東流一代聖教。一名三藏教。謂是小乘。故彼自引法華經云。不得親近小乘三藏學者。又智論中說。小乘爲三藏教。大乘爲摩訶衍藏。二名通教。謂諸大乘經中說法通益三乘人等。及大品中乾慧等十地。通大小乘者是也。三名別教。謂諸大乘經中所明道理。不通小

④⑤以十(用)④⑥ ④⑦[實]—  
 ④⑧\* ④⑨種十(教)④⑩ ④⑪  
 ④⑫[等]—④⑬ ④⑭明二名④⑮  
 ④⑯[名]—④⑰\* ④⑱宗十  
 (者)④⑲\* ④⑳明十(說)④  
 ㉑ ㉒宗二空④㉓ ㉔稱十  
 (等)④㉕ ㉖師十(等)④  
 ㉗[種]—④㉘ ㉙[統攝—  
 教]八字二(該攝一代東流  
 教)七字④㉚ ㉛(故)十又④  
 ㉜ ㉝智十(度)④㉞ ㉟及  
 十(如)④㊱ ㊲[乘]—④㊳  
 ㊴也十(亦名漸教)④㊵

①(也)一② ③明二名④ ⑤[上來一竟]一八字⑥ ⑦(第二…者)七字二(教義攝益第二)六字⑧ ⑨門二⑩ ⑪又二亦有⑫  
 ⑬戰十(經)⑭ ⑮[者如]一⑯ ⑰[爲]一⑱ ⑲分十(實)⑳ ㉑前二解深密㉒ ㉓[者]一㉔ ㉕大白牛車二大牛之車㉖  
 ㉗[方]一㉘ ㉙(教)一㉚ ㉛後樓二總辨㉜ ㉝三二㉞ ㉟美二也㊱ ㊲(二明…者)七字二(第二攝益者)五字㊳  
 ㊴三一二一三㊵ ㊶(二)十樓㊷ ㊸(經)一㊹ ㊺(第三…者)八字二(叙古今立教第三)七字㊻ ㊼(謂)一㊽ ㊾法二  
 ㊿留㊱ ㊲(釋)一㊳ ㊴從二一㊵ ㊶途二放㊷ ㊸克二剋㊹ ㊺(是)一㊻ ㊼護二護㊽ ㊾乘十(等)㊿ ㊱江二  
 ㊲底㊳ ㊴戰十(教)㊵ ㊶者二之清㊷ ㊸(眾)一㊹ ㊺(同時)一㊻ ㊼教二爲觀㊽ ㊾門十(故名爲門)㊿

等諸德豈夫好異。但以備窮三藏。觀斯異軫。不得已而分之。遂各依教開宗。務存通會。使堅疑頓滯。水釋朗然。聖說差異其宜。各契耳。

●第四分教開宗者。於中有二。初就法分教。教類有五。後以理開宗。宗乃有十。初門者。聖教萬差。要唯有五。一小乘教。二大乘教。三終教。四頓教。五圓教。初一即愚法二乘教。後一即別教一乘。以經本中下文內爲善伏太子所說名爲圓滿修多羅故。立此名也。中間三者有其三義。一或總爲一。謂一三乘教也。以此皆爲三人所得故。如上所引說。二或分爲二。所謂漸頓。以始終二教所有解行並在言說。階位次第四因果和合承從。徵至著。通名爲漸。故楞伽云。漸者如菴摩勒果。漸熟非頓。此之謂也。頓者。言說頓絕。理性頓顯。解行頓成。一念不生。即是佛等。故楞伽云。頓者如鏡中像。頓現非漸。此之謂也。以一切法本來自正。不待言說。不待觀智。如淨名以默顯不二等。又寶積經中。亦有說頓教修多羅故。依此立名。三或開爲三。謂於漸中開出始終二教。即如上說深密經等三法輪中後二。是也。依是義故。法鼓經中以空門爲始。以不空門爲終。故彼經云。迦葉白佛言。諸摩訶衍經多說空義。佛告迦葉。一切空經是有餘說。唯有此經是無上說。非有餘說。復次迦葉。如波斯匿王常十一月設大施會。先飯餓鬼。孤貧乞者。次施沙門及婆羅門。甘饌

法二理④⑤  
 下十(卷中)④⑤  
 開二探④⑤  
 [小乘]一④⑤  
 [法]一④⑤\* 所  
 十(有)④⑤  
 [也]一④⑤\* 法  
 二我④⑤ 來十  
 (世)④⑤

①〔等〕一①② ②也十(亦名頤歎)②③ ③爲二請② ④〔即〕一①② ⑤〔等經〕一①② ⑥也十(亦名秘密教以華陀等不見同故)十三字  
 ⑦⑧一①② ⑨一①② ⑩也十(亦名頤歎)②③ ⑪門十(中)②③ ⑫於二請②③ ⑬(後代)十信②③ ⑭則二即②③ ⑮道二眞②③ ⑯〔解〕一①②  
 ⑰一十(名)②③ ⑱謂十(於)②③ ⑲說二請②③ ⑳〔以〕一①② ㉑紙二只②③ ㉒〔及〕一①② ㉓述十(本)②③ ㉔法二  
 德②③ ㉕觀二觀②③ ㉖已二止②③ ㉗卷上之二終②③ ㉘卷上之三首②③ (第四…者)七字二(分教開宗第四)六字②③ ㉙〔數〕  
 一①② ㉚〔此〕十經②③ ㉛〔中〕一①② ㉜承二業②③ ㉝華二拖②③ ㉞額十(數)②③ ㉟額十(諸)②③ ㊱說十(名)②③  
 ㊲〔時〕一①② ㊳二二合②③ ㊴孤十(國)②③ ㊵者一①② ㊶三三②③ ㊷數十(妙)②③ ㊸無上②③ ㊹又十(如)②③



俗皆假。以虛妄故。出世法。皆實。非虛妄故。六諸法但名宗。謂。說一部等。一切我法。唯有假名。都無體故。此通初教之始。準。知。七一切。法皆空宗。謂大乘始教。說一切。諸法皆悉真空。然出情外。無分別故。如般若等。八真德不空宗。謂。如終教。諸經說一切法唯是真如。如來藏實德故。有自體故。具性德故。九相想俱絕宗。如頓教。中顯絕言之理等。如淨名默顯等。準。知。十圓明具德。如別教一乘主伴具足無盡自在所顯法門。是也。

第五乘教開合者。於中有三。初約教開合。二以教攝乘。三諸教相收。初約教者。然此五教相攝融通有其五義。一或總為一。謂本末銘融唯一大善巧法。二或開為二。一本教。謂別教一乘為諸教本故。二末教。謂即小乘三乘。從彼所流故。又名究竟及方便。以三乘小乘望一乘。悉為方便故。三或開為三。謂一乘三乘小乘教。以方便中開出愚法二乘故。四或分為四。謂小乘漸頓圓。以始終二教俱在。言等故。五或散為五。謂如上說。二以教攝乘者有二。一先一乘隨教有五。一別教一乘云云。二同教一乘云云。三絕想一乘。如楞伽。此頓教。四約佛性平等。為一乘等。此終教云云。五密義意一乘。如八意等。此約始教云云。二明三乘亦有三。一小乘中三。謂始別終同。以俱羅漢故。二始教中三。始終俱別。以有入寂故。三終教中三。始終俱同並成佛故。四頓教中三。

始終俱離云云。五圓教中三。始終俱同。汝等所行是菩薩道等故云云。三諸教相收者有二門。一以本收末門。二以末歸本門。初中於圓內。或唯一圓教。以餘相皆盡故。或具五教。以攝方便故。頓教中。恐唯一頓教亦以餘相盡故。或具四教。以攝方便故。漸教中。或一或三。初教中。或一或二。小乘中。唯一。皆準上知之。二以末歸本。小乘內或一。以據自宗故。或五。謂於後四教皆有。為方便故。初教中。或一。是自宗故。或四。謂於後三教。皆有作方便故。漸教中。或一或三。頓教中。或一或二。圓教中。唯一。皆準上知之。是諸教下所明義理交結分齊。準此思之。是則諸教本末句數結成。教網大聖善巧長養機緣無不周盡。故此經云。張大教網。置生死海。渡人天魚置涅槃岸。此之謂也。

第六教起前後者。於中有二。初明稱法本教。二明逐機末教。初者謂別教一乘。即佛初成道第二七日。在菩提樹下。猶如日出先照高山。於海印定中同時演說十法門。主伴具足圓通自在。該於九世十世。盡因陀羅微細境界。即於此時。一切因果理事等一切前後法門。乃至末代流通舍利見聞等事。並同時顯現。何以故。卷舒自在故。舒則該於九世。卷則在於一時。此卷即舒舒又即卷。何以故。同一緣起故。無二相故。經本云。於一塵中。建立三世一切佛事等。又云。於一念中。即八相成道。乃至涅槃流。通舍利。

等。廣如經說。是故依此普聞。一切佛法並於第二七日。一時前後說。前後一時說。如世間印法。讀文則句義前後。印之則同時顯現。同時前後理不相違。當知此中道理亦爾。準以思之。二逐機末教者。謂三乘等有二義。一與一乘同時異處說。二異時異處說。初義者是同教故。末不離本故。依本而成故。後義者本末相分故。與本非一故。此二各有二義。一三乘。二小乘。初者密迹力士經說。佛初成道竟。七日思惟已。即於鹿園中以眾寶等莊嚴法座。廣集三乘眾。梵王請佛為轉法輪。廣益三乘眾。得大小等果。乃至廣說如彼經中。又大品經云。佛初在鹿野轉四諦法輪。無量眾發生發聲聞心。無量眾發生發獨覺心。無量眾發生發阿耨多羅三藐三菩提心。行六波羅蜜。無量菩薩得無生忍。住初地。二地乃至十地。無量一生補處菩薩一時成佛。解云。以此教證。當知最初第二七日。即說三乘法。與一乘同時說也。二小乘者。如彌沙塞律說。佛初成道竟入三昧。七日後乃於鹿野苑而轉法輪。故知小乘亦與一乘同時說也。又普曜經云。第二七日。提謂等五百賢人。施佛妙蜜。佛與授記當得作佛等。此經所說雖通三乘等教。

①(二)第(十)花(法)(三)二  
②(三)第(十)花(法)(三)二  
③(四)第(十)花(法)(三)二  
④(五)第(十)花(法)(三)二  
⑤(六)第(十)花(法)(三)二  
⑥(七)第(十)花(法)(三)二  
⑦(八)第(十)花(法)(三)二  
⑧(九)第(十)花(法)(三)二  
⑨(十)第(十)花(法)(三)二  
⑩(十一)第(十)花(法)(三)二  
⑪(十二)第(十)花(法)(三)二  
⑫(十三)第(十)花(法)(三)二  
⑬(十四)第(十)花(法)(三)二  
⑭(十五)第(十)花(法)(三)二  
⑮(十六)第(十)花(法)(三)二  
⑯(十七)第(十)花(法)(三)二  
⑰(十八)第(十)花(法)(三)二  
⑱(十九)第(十)花(法)(三)二  
⑲(二十)第(十)花(法)(三)二  
⑳(二十一)第(十)花(法)(三)二  
㉑(二十二)第(十)花(法)(三)二  
㉒(二十三)第(十)花(法)(三)二  
㉓(二十四)第(十)花(法)(三)二  
㉔(二十五)第(十)花(法)(三)二  
㉕(二十六)第(十)花(法)(三)二  
㉖(二十七)第(十)花(法)(三)二  
㉗(二十八)第(十)花(法)(三)二  
㉘(二十九)第(十)花(法)(三)二  
㉙(三十)第(十)花(法)(三)二  
㉚(三十一)第(十)花(法)(三)二  
㉛(三十二)第(十)花(法)(三)二  
㉜(三十三)第(十)花(法)(三)二  
㉝(三十四)第(十)花(法)(三)二  
㉞(三十五)第(十)花(法)(三)二  
㉟(三十六)第(十)花(法)(三)二  
㊱(三十七)第(十)花(法)(三)二  
㊲(三十八)第(十)花(法)(三)二  
㊳(三十九)第(十)花(法)(三)二  
㊴(四十)第(十)花(法)(三)二  
㊵(四十一)第(十)花(法)(三)二  
㊶(四十二)第(十)花(法)(三)二  
㊷(四十三)第(十)花(法)(三)二  
㊸(四十四)第(十)花(法)(三)二  
㊹(四十五)第(十)花(法)(三)二  
㊺(四十六)第(十)花(法)(三)二  
㊻(四十七)第(十)花(法)(三)二  
㊼(四十八)第(十)花(法)(三)二  
㊽(四十九)第(十)花(法)(三)二  
㊾(五十)第(十)花(法)(三)二  
㊿(五十一)第(十)花(法)(三)二  
⓫(五十二)第(十)花(法)(三)二  
⓬(五十三)第(十)花(法)(三)二  
⓭(五十四)第(十)花(法)(三)二  
⓮(五十五)第(十)花(法)(三)二  
⓯(五十六)第(十)花(法)(三)二  
⓰(五十七)第(十)花(法)(三)二  
⓱(五十八)第(十)花(法)(三)二  
⓲(五十九)第(十)花(法)(三)二  
⓳(六十)第(十)花(法)(三)二  
⓴(六十一)第(十)花(法)(三)二  
⓵(六十二)第(十)花(法)(三)二  
⓶(六十三)第(十)花(法)(三)二  
⓷(六十四)第(十)花(法)(三)二  
⓸(六十五)第(十)花(法)(三)二  
⓹(六十六)第(十)花(法)(三)二  
⓺(六十七)第(十)花(法)(三)二  
⓻(六十八)第(十)花(法)(三)二  
⓼(六十九)第(十)花(法)(三)二  
⓽(七十)第(十)花(法)(三)二  
⓿(七十一)第(十)花(法)(三)二  
⓿(七十二)第(十)花(法)(三)二  
⓿(七十三)第(十)花(法)(三)二  
⓿(七十四)第(十)花(法)(三)二  
⓿(七十五)第(十)花(法)(三)二  
⓿(七十六)第(十)花(法)(三)二  
⓿(七十七)第(十)花(法)(三)二  
⓿(七十八)第(十)花(法)(三)二  
⓿(七十九)第(十)花(法)(三)二  
⓿(八十)第(十)花(法)(三)二  
⓿(八十一)第(十)花(法)(三)二  
⓿(八十二)第(十)花(法)(三)二  
⓿(八十三)第(十)花(法)(三)二  
⓿(八十四)第(十)花(法)(三)二  
⓿(八十五)第(十)花(法)(三)二  
⓿(八十六)第(十)花(法)(三)二  
⓿(八十七)第(十)花(法)(三)二  
⓿(八十八)第(十)花(法)(三)二  
⓿(八十九)第(十)花(法)(三)二  
⓿(九十)第(十)花(法)(三)二  
⓿(九十一)第(十)花(法)(三)二  
⓿(九十二)第(十)花(法)(三)二  
⓿(九十三)第(十)花(法)(三)二  
⓿(九十四)第(十)花(法)(三)二  
⓿(九十五)第(十)花(法)(三)二  
⓿(九十六)第(十)花(法)(三)二  
⓿(九十七)第(十)花(法)(三)二  
⓿(九十八)第(十)花(法)(三)二  
⓿(九十九)第(十)花(法)(三)二  
⓿(一百)第(十)花(法)(三)二

①(廿)一②③ ④說一部等二一說部⑤ ⑥知二之⑦\* ⑧(法)一⑨⑩ ⑪(諸)一⑫⑬ ⑭(如)一⑮⑯ ⑰中十(絕言之教)⑱⑲ ⑳小乘二理㉑ ㉒宗十(謂)㉓ ㉔(第五...者)七字二(乘教開合第五)六字 ㉕(初...教)十五字 ㉖(二)一㉗ ㉘此終教云云云云此終教云云 ㉙(義)一㉚ ㉛此約始教云云云云 ㉜(有)一㉝ ㉞離十(以絕想故)㉟ ㊱四二同㊲ ㊳圓十(教)㊴ ㊵這二或㊶ ㊷相十(是)㊸ ㊹(教)一㊺\* ㊻本十(中)㊼ ㊽(皆)十準㊾ ㊿二二乘㊿ ㊿(數)一㊿ ㊿(是)十放㊿ ㊿置二互㊿ ㊿義人天魚二度天人龍㊿ ㊿(第六...者)七字二(教起前後第六)六字 ㊿(明)一㊿ ㊿如二則㊿

有義亦攝入天等法亦與一乘同時說也。問說時既同。何故說處別耶。答爲約時處寄顯法故。須同異也。故地論云。時處等校量顯示勝故。同時者。顯是同教故。異處者。示非別教故。如別教一乘在菩提樹下說者。欲明此是得菩提處。即顯如來自所得法稱本而說故。不移處說也。餘三乘等法。欲明逐機改異故。移處就機鹿。因而說顯非本也。第二時處俱異者。由與一乘不即義故。時處俱別也。或三七日後說。如法華經。或六七日後說。如四分律及薩婆多論說。或七七日後說。如興起行經。或八七日乃說。如十誦律說。或五十七日後說。如大智論說。或一年不說法。經十二年方度五人。如十二遊經說。有人解云。智論五十七日者。即五十箇七日。與十二遊經一年同也。以此等教。證當知三乘小乘教。並非第二七日說。由與一乘教差別故。隨機宜。故餘可準知。

第七決擇前後意者。然諸教前後差別難知。略以十門分別其意。一或有衆生。於此世中小乘根性始終定者。即見如來從初得道乃至涅槃唯說小乘。未曾見轉大乘法輪。如小乘諸部執不信大乘者是。二或有衆生。於此世中小乘根不定故。堪進入大乘初教。即便定者。即見如來初時轉於小乘法輪。翻諸外道。後時見轉大乘初教。即空法輪迴諸小乘。如中論初說者是。三或有衆生。於此世中於小乘及初教根不定故

堪入終教即便定者。即初時見轉小乘法輪。中時見轉空教法輪。後時見轉不空法輪。如解深密經等說者是。四或有衆生。於此漸教中。根不定故。堪入頓教。即便定者。即見初示言說之教。猶非究竟。後顯絕言之教。方爲究竟。如維摩經中初三十二菩薩及文殊等所說不二並在言說中。後維摩所顯絕言之教。以爲究竟者。是五或有衆生。於此世中頓悟機熟即便定者。即見佛從初得道乃至涅槃不說一字。如楞伽佛說又涅槃經云。若知如來常不說法。是名菩薩具足多聞等。六或有衆生。於此世中三乘根性定者。見佛從初即說三乘教法。乃至涅槃更無餘說。如上密迹力士經及大品經說者是。七或有衆生。於此世中三乘根不定故。堪進入同教一乘者。即見自所得三乘之法皆依一乘無盡教起。是彼方便阿含施設。是故諸有所修。皆迴向一乘。如會三歸一等。又如上所引三乘與一乘同時說者。八或有衆生。於此世中三乘根不定故。堪可進入別教一乘者。即知彼三乘等法。本來不異別教一乘。何以故。爲彼所目故。更無異事。如法華經同教說者是。九或有衆生。於此世中具有普賢機者。即見如來從初成道乃至涅槃一切佛法。普於初時第二七日海印定中。自在演說無盡具足主伴無窮。因陀羅網微細境界。本末不見說三乘小乘等法。如華嚴經別教中說者是。此約普賢教

分見聞及解行處說十或有衆生。於一乘別教。解行滿足已證入果海者。即見上來諸教。並是無盡性海。隨緣所成。更無異事。是故諸教。即是圓明無盡果海具德難思。不可說不可說也。此約一乘入證分齊處說。餘可準知。

第八施設異相者。然此異相繁多。略約十門以顯無盡何者。十異。一者時異。謂此一乘要在初時第二七日說。猶如日出先照高山等。故論云。此示法勝故。在初時及勝處說也。若爾何故不初七日說。思惟因緣行等如論釋。又此即是時因陀羅網等故。即攝一切時。若前後各不可說劫。通前際後際。並攝在此一時中也。三乘等不爾。以隨逐機宜時不定故。或前或後亦不一時。收一切劫等。二者處異。謂此一乘要在蓮華藏世界海中衆寶莊嚴菩提樹下。則攝七處八會等及餘不可說不可說世界海。並在此中。以一處攝一切處。是故不動道樹。遍昇六天等者。是此義也。又此華藏世界。通因陀羅網。故周測諸塵。於此稱法界處。說彼一乘稱法界法門也。三乘等則不爾。在娑婆界木樹等處。亦無一處即一切處等。問若爾何故佛地經等。亦在淨土中

①相十(隨事)②  
②約十(以)③  
③示十(行)④  
④推十(網)⑤  
⑤際十(也)⑥  
⑥十(諸)⑦  
⑦十(諸)⑧  
⑧十(諸)⑨  
⑨十(諸)⑩  
⑩十(諸)⑪  
⑪十(諸)⑫  
⑫十(諸)⑬  
⑬十(諸)⑭  
⑭十(諸)⑮  
⑮十(諸)⑯  
⑯十(諸)⑰  
⑰十(諸)⑱  
⑱十(諸)⑲  
⑲十(諸)⑳  
㉑十(諸)㉒  
㉒十(諸)㉓  
㉓十(諸)㉔  
㉔十(諸)㉕  
㉕十(諸)㉖  
㉖十(諸)㉗  
㉗十(諸)㉘  
㉘十(諸)㉙  
㉙十(諸)㉚  
㉚十(諸)㉛  
㉛十(諸)㉜  
㉜十(諸)㉝  
㉝十(諸)㉞  
㉞十(諸)㉟  
㉟十(諸)㊱  
㊱十(諸)㊲  
㊲十(諸)㊳  
㊳十(諸)㊴  
㊴十(諸)㊵  
㊵十(諸)㊶  
㊶十(諸)㊷  
㊷十(諸)㊸  
㊸十(諸)㊹  
㊹十(諸)㊺  
㊺十(諸)㊻  
㊻十(諸)㊼  
㊼十(諸)㊽  
㊽十(諸)㊾  
㊾十(諸)㊿

①異此二處異②經十(說)③(證)④(證)⑤(證)⑥(證)⑦(證)⑧(證)⑨(證)⑩(證)⑪(證)⑫(證)⑬(證)⑭(證)⑮(證)⑯(證)⑰(證)⑱(證)⑲(證)⑳(證)㉑(證)㉒(證)㉓(證)㉔(證)㉕(證)㉖(證)㉗(證)㉘(證)㉙(證)㉚(證)㉛(證)㉜(證)㉝(證)㉞(證)㉟(證)㊱(證)㊲(證)㊳(證)㊴(證)㊵(證)㊶(證)㊷(證)㊸(證)㊹(證)㊺(證)㊻(證)㊼(證)㊽(證)㊾(證)㊿(證)

說耶。答彼經但云在光曜宮殿等具十八種圓滿亦不別指摩竭提國等以彼為地上菩薩說佛地功德故。在三界外受用土中。此三乘終教及一乘同教說。若此華嚴皆云在華嚴界內摩竭國等不云娑婆內亦不云三界外。故知別也。餘義準知。三者主異。謂此一乘。要是盧舍那十身佛。及無盡三世間說。如普賢行品云。佛說菩薩說利說衆生說三世一切說等。不同三乘等。是化身及受用身等說。餘義準知。四者衆異。謂此一乘經首唯列普賢等菩薩及佛境界中諸神王衆。不同三乘等。或唯聲聞衆或大小二衆等問若爾何故第九會中有聲聞衆耶。答彼中列聲聞意者有二種。一者對顯法故。爲示如響如音顯法深勝也。二者文殊出會外所攝六千比丘。非是前所引衆。此等皆是已在三乘中。令迴向一乘。故作是說也。五者所依異。謂此一乘教起要依佛海印三昧中出。不同三乘等依佛後得智出。六者說異。謂此一乘。此一方說。一事一義一品一會等時。必結通十方一切世界皆同此說。主伴共成一部。是故此經隨一文一句皆遍十方。多文多句亦皆遍十方。三乘等則不爾。但隨一方一相說。無此主伴該通等也。七者位異。謂此一乘所有位相上下皆齊。仍一位中攝一切位。是故乃至佛等諸位。在信等位中。餘位亦然。三乘中則不爾。但隨當位上下階降。皆不相雜也。餘如下說。八者行異。謂隨一菩薩

\*則具信等六位。一位中。所有定散等差別行相並一時修。如東方一切世界中常入定等。西方世界中。常供養諸佛等。如是十方世界中。盡窮法界行。亦不分身。一時皆遍滿。一念皆遍修。一念中亦如。此信位滿心已去。一位皆如是修。更無優劣。又一行即一切行等通。因陀羅網等。三乘則不爾。地上菩薩猶各有分齊。況地前者乎。餘如下說。九者法門異。謂略舉十種。以明之。一彼有三佛。此有十佛。二彼有六通。此有十通。三彼有三明。此有十明。四彼有八解脫。此有十解脫。五彼有四無畏。此有十無畏。六彼有五眼。此有十眼。七彼說三世。此說十世。八彼有四諦。此有十諦。九彼有四辯。此有十辯。十彼有百十八不共法。此有十不共法。餘門無量。廣如經說。十者事異。謂隨有舍林池地山等事。皆是法門。或是行或是位或教義等。而不壞其事。仍一塵中。皆具足法界一切差別事。因陀羅微細成就。隨一事起。皆悉如是。三乘等則不爾。但可說即空即真如等故。不同此也。又若以神通不思議力。容得暫現。非是彼法自恒如是。餘可準知。第八門竟。後有所詮義理二門。成中下二卷畢十門矣。  
華嚴一乘教義分齊章卷第一

### 華嚴一乘教義分齊章卷第二

唐大廣福寺沙門法藏述

第九明諸教所詮差別者。略舉十門。義差別故。顯彼能詮差別非一。餘如別說。一所以依心識。二明佛種性。三行位分齊。四修行時分。五修行依身。六斷惑分齊。七二乘迴心。八佛果義相。九攝化境界。十佛身開合。第一心識差別者。如小乘論說。於阿賴耶識。但得其名。如增一經說。若依始教。於阿賴耶識。但得一分生滅之義。以於真理。未能融通。但說。雖然不作諸法。故就緣起生滅事中。建立賴耶。從業等種種體而生。異熟報識爲諸法依。方便漸漸引向真理。故說。熏等悉皆即空。如解深密經云。若菩薩於內於外不見藏住。不見熏習。不見阿賴耶。不見阿賴耶識。不見阿陀那。不見阿陀那識。若能如是知者。是名菩薩善薩。如來齊此建立一切心意識秘密善巧。瑜伽中亦同此說。解云。既齊此不見等處。立爲心意等善巧故。是故所立賴耶生滅等相皆是密意。不令如言而取故。會歸真也。若依終

十中經卷九依十乘一乘二乘三乘四乘五乘六乘七乘八乘九乘十乘十一乘十二乘十三乘十四乘十五乘十六乘十七乘十八乘十九乘二十乘二十一乘二十二乘二十三乘二十四乘二十五乘二十六乘二十七乘二十八乘二十九乘三十乘三十一乘三十二乘三十三乘三十四乘三十五乘三十六乘三十七乘三十八乘三十九乘四十乘四十一乘四十二乘四十三乘四十四乘四十五乘四十六乘四十七乘四十八乘四十九乘五十乘五十一乘五十二乘五十三乘五十四乘五十五乘五十六乘五十七乘五十八乘五十九乘六十乘六十一乘六十二乘六十三乘六十四乘六十五乘六十六乘六十七乘六十八乘六十九乘七十乘七十一乘七十二乘七十三乘七十四乘七十五乘七十六乘七十七乘七十八乘七十九乘八十乘八十一乘八十二乘八十三乘八十四乘八十五乘八十六乘八十七乘八十八乘八十九乘九十乘九十一乘九十二乘九十三乘九十四乘九十五乘九十六乘九十七乘九十八乘九十九乘一百乘

【提】一〇二 此十(依) 〇若二而 〇般二教 〇主三三 〇合二邊 〇(無)一〇〇 〇(如普)等 〇二十二字一〇 〇是二變 〇準知二準前知之 〇九二八 〇中十(初) 〇(有)二種一 〇(爲)十有 〇爲示二 〇以彼 〇二教 〇(二文殊)也 〇三十七字二 〇後六千比丘等者非此聲聞如海幢比丘等準之 〇十九字 〇必十(以) 〇(具足)十主 〇(皆)一〇二 〇(謂)一〇二 〇(發)一〇二 〇此十(行) 〇(以明之)一〇二 〇說二有 〇有 〇二說 〇辯二辨 〇百二有 〇(進)一〇二 〇恒二性 〇知十(之) 〇(第八)美二一十一字 〇(華嚴) 〇一十二字二 〇五教章卷上之三終 〇八字 〇(華嚴一乘教義分齊章卷第一)十二字 〇(華嚴二)十二字 〇(華嚴中一乘五教分

教於此賴耶。識得理事。融通二分義。故論。但云不生不滅與生滅和合非一非異。名阿梨耶識。以許其如隨熏和合成。此本識。不同前教業等。種生。故楞伽云。如來藏為無始惡習所熏名為藏識。又云。如來藏受苦樂。與因俱若生若滅。又云。如來藏名阿賴耶識。而與無明七識俱。又起信云。自性清淨心。因無明風動成染心等。如是。非一。問其如既言常法。云何得說隨熏起滅。既許起滅。如何復說為凝然常。答。既言其如常。故非。如言所謂常也。何者。聖說真如為凝然者。此是隨緣作諸法時。不失自體。故說為常。是即不異無常之常。名不思議常。非謂不作諸法。如情所謂之凝然也。故勝鬘經中云。不染而染者。明隨緣作諸法也。染而不染者。明隨緣時不失自性。由初義故俗諦得成。由後義故真諦復立。如是真俗但有二義。無有二體。相融無礙。離諸情執。是故論云。智障極旨開闢真俗別執。此之謂也。此真如二義。同前始教中約法相差別門故。但說一分凝然義也。此終教中約體相銘融門故。說二分無二之義。此義廣如起信義記中說。又如十地經云。三界虛妄唯一心。攝論等約始教。義釋諸賴耶識等也。十地論約終教。釋為第一義真心也。又如達磨經頌攝論等釋云。此界等者。界謂因義。即種子識。如是等。實性論約終教。釋云。此性者。即如來藏性。依此有諸趣等者。如勝鬘經說。依如來藏有

生死。依如來藏有涅槃等。乃至廣說。是故當知二門別也。若依賴教。即一切法唯一真。如心。差別相盡離言絕慮不可說也。如維摩經中三十二菩薩所說不二法門。者是前終教中染淨銘融無二之義。淨名所顯離言不二。是此門也。以其一切染淨相盡無有二法可以融會。故不可說為不二也。若依回教。即約性海圓明法界緣起無礙自在。即一切一切即一主伴圓融。故說十心以顯無盡。如離世間品及第九地說。又唯一法界性起心亦具十德。如性起品說。此等據別教言。若約同教。即攝前諸教所說心識何以故。是此方便故。從此而流。故餘可準之。問云。何一心約就諸教。得有如是差別義耶。答。此有二義。一約法通收。二約機分齊。初義者。由此甚深緣起一心具五義門。是故聖者隨以一門攝化衆生。一攝義從名門。如小乘教說。二攝理從事門。如始教說。三理事無礙門。如終教說。四事盡理顯門。如頓教說。五性海具德門。如圓教說。是即不動本而常末。不壞末而恒本。故五義相融唯一心轉也。二約機明得法分齊者。或有得名而不得義。如小乘教。或有得名得一分義。如始教。或有得名得具分義。如終教。或有得義而不存名。如頓教。或有名義俱無盡。如圓教。其餘義門如唯識章說。第二明種性差別者。若依小乘種性有六種。謂退思護住昇進不動不動性中有三品。上者佛種性。中者獨覺性。下者聲聞性。

如舍利弗等。雖於此中說佛一人有佛種性。然非是彼大菩提性。以於佛功德不說盡未來際起大用等故。是故當知於此教中除佛一人餘一切衆生。皆不說有大菩提性。餘義如小乘論說。若依三乘教種性差別略有二說。一約始教。即就有為無常法中立種性。故不能遍一切有情。故五種性中即有一分無性衆生。故顯揚論云。云何種性差別五種道理。謂一切界差別可得故。乃至云。唯現在世非般涅槃法。不應理。故乃至廣說。是故當知由法爾故。無始時來一切有情有五種性。第五種性無有出世功德。因故永不滅度。由是道理。諸佛利樂有情功德無有斷盡。其有種性者。論伽論云。種性略有二種。一本性住。二習所成。本性住者。謂諸菩薩六處殊勝有如是相。從無始世展轉傳來法爾所得。習所成者。謂先串習善根所得。此中本性。即內六處中意處為殊勝。即攝賴耶識中本覺解性為種性。故梁攝論云。聞熏習與阿賴耶識中解性和合。一切聖人以此為因。然瑜伽既云。具種性者方能發心。即知具性習二法成一種性。是故此二緣起不二。隨闕一不成。亦不可說性為先習為後。但可位至堪任而已。方可約本說有性種約修說為習種。然有二義而無二事。如上攝論云。二義和合為一因。故得知也。問此二種性與仁王及本業經中六種性內習種性種有何差別耶。答。彼經大都約位而說。以

①(識)一②③ ④融通二通融⑤ ⑥(但)一⑦⑧ ⑨(種)一⑩⑪ ⑫故十(是故)⑬ ⑭識識二識識⑮ ⑯信十(論)⑰ ⑱問二門⑲  
⑳言二云㉑ ㉒故二四㉓ ㉔謂十(事)㉕ ㉖即二則㉗\* ㉘聖十(經)㉙ ㉚云一⑳㉛ ㉜同二內㉝ ㉞無二不㉟  
㊱說二說㊲\* ㊳作二者㊴ ㊵義一⑳㊶ ㊷即二謂㊸ ㊹(聖者)十勝㊺ ㊻(如)一㊼ ㊽者十(即)㊾ ㊿說  
二明㊿ ㊿(教)一㊿\* ㊿(種)一㊿ ㊿(業)一㊿ ㊿(若)一㊿ ㊿(謂)一㊿ ㊿(如)十論㊿ ㊿(性)一㊿ ㊿  
㊿二教㊿ ㊿(一)一㊿ ㊿已二以㊿\* ㊿云一㊿ ㊿(差)一㊿ ㊿耶二耶㊿

初習爲習種。性久習積成爲性種。性故說習種在十住。性種在十行。三賢之前。但名善趣。不名種性。瑜伽中。久習名習種。約本爲性種。而此二種非初非中後。是故經說習故成性。論中說爲依性起習。良以此二互成緣起。無二相故。經論互說義方備足。又經說種性在發心後。論中種性在發心前。何以爾者。以其至得位時。功能方顯。是故經說在三賢位中。然後功能必有所依。是故論中說在位前。要由功能顯方可說有故。經不違論。要由有性方起功能。故論不違經。亦是互舉義意融通。問又以何義。知種性至堪任位。耶。答以論說種性必具性習。既已有習。必已修行。若已修行。必至堪任。若不從愚夫至堪任。已來中間修此串習行者。更何位修也。以於愚位未修習故。得位已去。具第二住故。是故當知從愚位未修串習行。至被堪任串習方成。故得性習通融以爲種性。問若要待習方說性者。愚位未習。豈無性種。如其無者。後不應有。先無後有非性種故。如其有者。無習有性。不應理故。論不說故。答此二既爲緣起。故無習時亦無彼性。由此亦立無性有情。先無後有非性種者。此亦不然。以習成處。定先有性。愚位未習。故不說性。後起習已不名無習。是故習成後說有性。隨於諸乘串習何行。爾時即說本有彼性。問若爾此即唯是一不定性。如何得有五種性差別。耶。答即由此義安立五性。

何者謂修六度串習行已。位到堪任成菩薩種子。若習小行。到於忍位成聲聞性。故智論云。煖頂忍等名爲性地。善戒經云。若得世第一法。是名第二四位。故知前三善根屬種性四位。若依俱舍論得順解脫分善根位方說有性。故彼論云。順解脫分者。謂定能感涅槃果善。此善生已。令彼有情名爲身中有涅槃法。獨覺準知。由此。卽立三乘種性。若於三行隨一修行未至本位。爾時立爲不定種性。若於三行全未修行。爾時立爲無有種性。由此當知。諸乘四位皆就習說。問若愚位無習。卽無性者。後縱起習。何得爲有。答有習非是無習位故。是故有習常恒有。無習自恒無。旣不以無習而作習。亦不以無性而爲性。以分位差別故。如涅槃經云。三種人中畢竟死者。喻一闍提無佛性也。善男子。一闍提輩若遇善友諸佛菩薩。聞說深法。及以不遇。俱不得離一闍提心。何以故。斷善根故。一闍提輩亦得阿耨多羅三藐三菩提心。所以者何。若能發菩提之心。卽不復名一闍提性也。善男子。以何緣故說一闍提得阿耨多羅三藐三菩提。一闍提輩實不得阿耨多羅三藐三菩提。如命盡者等。乃至廣說。當知此中就位前後有無恒定不相由也。二約終教。卽就真如性中立種性故。則遍一切衆生。皆悉有性故。智論云。白石有銀性。黃石有金性。水是濕性。火是熱性。一切衆生有涅槃性。以一切妄識無不可歸自眞性故。

如經說言：衆生亦爾。悉皆有「心」。凡有「心」者，定當得成「阿耨多羅三藐三菩提」。以是義故，我常宣說一切衆生皆有「佛性」。問：如有難云：若諸有心，悉得菩提者，佛亦有心，亦應當得。若言佛雖有心，更非當得。是即無性衆生。雖有是心，亦非當得。答：經中已自揀濫故。但云：衆生有心，不云佛矣。以處處受生名爲衆生，故不同佛也。問：若並有性，如何建立五種性中無性者耶？答：論自有釋故。實性論云：一向說闍提無涅槃性，不入涅槃者。此義云何？爲欲示顯謗大乘因故。此明何義？爲欲迴轉謗大乘心，依無量時故作是說。以彼實有清淨佛性故。又佛性論云：問曰：若爾云何佛說衆生不住於性，永無般涅槃耶？答曰：若曾背大乘者，此法是一闍提因。爲令衆生捨此法故。若墮闍提因，於長夜時輪轉不息。以是義故，經作如是說：若依道理，一切衆生皆悉本有清淨佛性。若不得般涅槃者，無有是處。是故佛性決定本有，離有離無故。解云：又此論前文廣破無性，乃至末文云：三者失同。外道有本定有，無本定無，有不可滅，無不可生。此等過失，由汝邪執無性義生。乃至廣說。問：前始教中決定說有無性衆生，此終教中並皆有性，云何會通？答：亦論自有釋。故佛性論第二卷云：何故復有經說闍提衆生決定無有般涅槃性？若爾，一經便自相違。如何會二說？一了，一不了。故不相違。解云：若小乘中但佛一人

①[性]—①②③\* ②名=爲② ③耶二說② ④具二是② ⑤未二來② ⑥後二則② ⑦有二者② ⑧[釋]—①② ⑨[耶]—①②  
 ⑩位二行② ⑪位二住② ⑫種性二性種② ⑬經六二言② ⑭[心]—①② ⑮發十(於)② ⑯[性]—①② ⑰多羅  
 三繞三—①② ⑱皆二悉② ⑲悉十(當)② ⑳右足二是有② ㉑探二爲商②\* ㉒矣二也② ㉓[爲]—①② ㉔[一]  
 一② ㉕[佛]—①② ㉖又二人②\* ㉗曾二惜② ㉘隨二隨一② ㉙息二滅② ㉚是二此② ㉛[文]—①② ㉜[有]  
 一② ㉝[如何]—①②

性必是有爲。如何此教約真如爲種性。耶。答以真如隨緣與染和合成。本識時。卽彼真中有本覺無漏內熏衆生爲返流因。得爲有種性。梁攝論說爲黎耶中解性起信論中。說黎耶二義中本覺是也。又彼論中如來藏具足無漏。常熏衆生爲淨法因。又實性論云。及彼真如性者。彼本云如六根聚經說。六根如是從無始來。究竟諸法爲體故解云。以真如通一切法今。揀去非情故。故約六處衆生數中。取彼畢竟真如理。以爲性種性也。此與瑜伽所說名同。但彼約始教。以理從事。危相而說故。約事中明種性故也。地持云。種性能相我已略說。此之謂也。實性論中。約此終教。以事從理深細而說故。就真如明性種性。是故佛性論云。自性清淨心名爲道諦。又涅槃經云。佛性者名第一義空。第一義空名爲智慧。此等並就本覺性智說爲性種。其習種亦從真如所成故。攝論云。多聞熏習。從最清淨法界所流等。又起信論中。以真如體相二大爲內熏因。真如用大爲外熏緣。以與無明染法合故。是故三大內外說熏以熏力。故無明盡時冥合不二。唯一真如也。三約顯教明者。唯一真如離言說相名爲種性。而亦不分性習之異。以一切法由無二相故。是故諸法無行經云。云何是事名爲種性。文殊師利。一切衆生皆是一相。畢竟不生離諸名字。一異不可得故。是名種性。以此準之。上來約三乘說。竟第三約一乘。

一八六六 華嚴一乘教義分齊章卷第二



有二說。一攝前諸教所明種性，並皆具足。主伴成宗，以同教故攝方便故。二據別教種性甚深因果無二。通依及正盡三世間。該收一切理事解行等諸法門。本來滿足已成就訖。故大經云。菩薩種性甚深廣大。與法界虛空等。此之謂也。若隨門顯現。即五位之中位位內六決定義等。名為種性。亦即此法名為果相。以因果同體唯一性故。廣如經說。餘可準知。問云何種性。約諸教差別不同。耶。答此亦有二義。一約法辨。隱顯相收。二約機明得法分齊。初義者。由此種性緣起無礙具五義門。是故諸教各述一門。隨機攝化。義不相違。何者。為五。一是隨執非有門。如小乘說。二隨事虧盈門。如始教說。三隨理遍情門。如終教說。四絕相離言門。如頓教說。五性備衆德門。如圓教說。義雖有五。然種性圓通隨攝遍收。隱顯齊致也。二明得法分齊者。或一切皆無。唯除佛一人。如小乘說。或一切皆有。唯除草木等。如終教說。或亦有亦無。如始教說。以許一分無性故。或非有非無。如頓教說。以離相故。或具前四。如一。乘方便處說。或即因具果通三世間。如圓教說。餘可準知。

第三行位差別者。於諸教中皆以三義略示。一明位相。二明不退。三明行相。初者依小乘有四位。謂方便見修及究竟也。又說小乘十二住。以為究竟及說三界九地十一地等。廣如小論說。二不退者。此中修行至忍位。得不退故也。其行相亦如彼諸論

說。問何故小乘行位等相不廣顯耶。答此中意者。以義差別顯教不同。而小乘異。大乘乘理無疑故不待說也。若依初教。亦以三義顯。初位相者。此中有二。一為引。愚法二乘令迴心。故施設迴心教。亦但有見修等四位及九地等名同。小乘。或立五位。謂見道前七方便內。分前三種為資糧位。以遠勝力便故。後四善根為加行位。是近方便故。餘名同前。又亦說為乾慧等十地。第九名菩薩地。第十名佛地者。欲引二乘。望上不足。漸次修行至佛果故。又彼佛界不在十地外。同在地中者。以引彼故方便同彼。以二乘人於現身上得聖果故。不在後也。又此位相及行相等。廣如瑜伽聲聞決擇及雜集論說。問何故瑜伽等所明聲聞行位相。而不同彼毘曇等耶。答不同相者。有二義意。一為顯小乘人愚於諸法。不了說故。二為方便漸漸引向大乘故耳。是故所明行位等法。皆悉方便順向大說故不同也。此既非是愚法小乘。又非菩薩。即知是彼三乘教中聲聞乘也。二為直進人。顯位相者。彼說菩薩十地差別。又以十地說為見修。及通地前以為大乘十二住義。何以故。為影似小乘故。又彼地前有四十心。以彼十信亦成位故。此亦為似小乘道前四方便故。是故梁攝論云。如須陀洹道前有四位。謂須陀洹忍世第一法。菩薩地前四位亦如是。謂十信。十解。十行。十迴向。又亦為似迴心教故。以信等四位為資糧位。十迴向後

別立四善根為加行位。見等同前。問何故此教所立名數。多分影似小乘等耶。答為隨方便影引彼。有勝方便故。若全異彼難信受故。若全同彼不名引故。問若引二乘。何須似彼。如為直進。何假似彼。小乘。耶。答有二意。故亦稍似小。一以始教中直進之人。機淺淺故。不能盡受大乘深法。是故所示位等法相亦似小乘。而義理仍別。二凡以大乘。似小乘說者。皆通二義。一為引小。二為淺機。是故說此為始教也。即如何義等者。如瑜伽說。云何已成就補特伽羅相。謂諸聲聞先已串習諸善法故。若時安住下品成。爾時便有下品欲樂下品加行。猶往惡趣。非於現法證沙門果。非於現法得般涅槃。若時安住中品成。爾時便有中品欲樂中品加行。不往惡趣。於現法中證沙門果。非於現法得般涅槃。若時安住上品成。爾時便有上品欲樂上品加行。不往惡趣。於現法中證沙門果。即於現法得般涅槃。如說聲聞獨覺亦爾。何以故。道與聲聞種性同故。乃至廣說。於菩薩位為似二乘。亦立如是三種成就。故彼論云。若諸菩薩住勝解行地名下品成就。住淨勝意樂地名中品成就。住隨決定究竟地名上品成就。若菩薩住下品成。熱猶往惡趣。此盡第一無數大劫。乃至廣說。餘二大劫配二成就。如是等文類例非一。皆具上意。可準而知。二不退位者。依佛性論。聲聞至苦忍。緣覺至世第一法。菩薩至

約十(就)②③④⑤⑥⑦⑧⑨⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺㊻㊼㊽㊾㊿

一終① 華嚴經中一乘五教分齊章卷下之二首② 明二辨③ 二一④ 二一⑤ 二一⑥ 二一⑦ 二一⑧ 二一⑨ 二一⑩ 二一⑪ 二一⑫ 二一⑬ 二一⑭ 二一⑮ 二一⑯ 二一⑰ 二一⑱ 二一⑲ 二一⑳ 二一㉑ 二一㉒ 二一㉓ 二一㉔ 二一㉕ 二一㉖ 二一㉗ 二一㉘ 二一㉙ 二一㉚ 二一㉛ 二一㉜ 二一㉝ 二一㉞ 二一㉟ 二一㊱ 二一㊲ 二一㊳ 二一㊴ 二一㊵ 二一㊶ 二一㊷ 二一㊸ 二一㊹ 二一㊺ 二一㊻ 二一㊼ 二一㊽ 二一㊾ 二一㊿

二約十(就)②③④⑤⑥⑦⑧⑨⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺㊻㊼㊽㊾㊿

一終① 華嚴經中一乘五教分齊章卷下之二首② 明二辨③ 二一④ 二一⑤ 二一⑥ 二一⑦ 二一⑧ 二一⑨ 二一⑩ 二一⑪ 二一⑫ 二一⑬ 二一⑭ 二一⑮ 二一⑯ 二一⑰ 二一⑱ 二一⑲ 二一⑳ 二一㉑ 二一㉒ 二一㉓ 二一㉔ 二一㉕ 二一㉖ 二一㉗ 二一㉘ 二一㉙ 二一㉚ 二一㉛ 二一㉜ 二一㉝ 二一㉞ 二一㉟ 二一㊱ 二一㊲ 二一㊳ 二一㊴ 二一㊵ 二一㊶ 二一㊷ 二一㊸ 二一㊹ 二一㊺ 二一㊻ 二一㊼ 二一㊽ 二一㊾ 二一㊿



十迴向。方皆不退也。當知此中聲聞緣覺非是。愚法是故。皆是此始教中三乘人也。亦可菩薩地前總說爲退。以其猶墮諸惡趣故。如瑜伽云。若諸菩薩住勝解行地。猶往惡趣。故。此盡第一無數大劫。如是等也。三明位中行相差別者。如瑜伽云。勝解行住菩薩轉時。何行何相。或時具足聰慧。於其諸法。能受能持。於其義理。堪能悟入。或於一時不能如是。或於一時具足憶念。或於一時成於妄類。於諸衆生。未能了知調伏方便。於自佛法。亦未了知。如實引發善巧方便。爲他說法。教授教誡。勉勵而轉。勉勵轉故。不能如實知。或時虛棄。如。關射。或中。或不中。隨欲成故。或於一時於大菩提。已發心而後退捨。由。內意樂故。欲令自樂。由。思擇故。欲令他樂。或於一時。聞說甚深廣大法教。而生驚怖。猶預疑惑。如是等類。名勝解行住。解云。此是十二住中。第二住。行相。其第一種性住行相更劣。及地上行相。皆如彼說。若依終教。亦說菩薩十地差別。亦不以見修等名說。又於地前但有三賢。以信但是行非是位故。未得不退故。本業經云。未上住前有此十心。不云位也。又云。始從凡夫地。值佛菩薩。正教法中起一念信。發菩提心。是人爾時名爲住前信相菩薩。亦名假名菩薩。名字菩薩。其人略修十心。謂信進等。廣如彼說。又仁王經云。習忍已前。行十善菩薩有進有退。猶如輕毛隨風東西等。在此修行經十千劫。入十

住位。方得不退故。十住初即不退。墮下二乘地。況諸惡趣及凡地耶。設本業經說十住第六心有退者。起信論中。釋彼文爲示現退也。爲慢緩者策勵其心故。而實菩薩入發心住。即得不退也。其行相者。起信論說。三賢初位中。少分得見法身。能於十方世界。八相成道利。益衆生。又以願力受身自在。亦非業繫。又依三昧。亦得少分見。報身佛。其所修行皆順真性。謂知法性體無。慳貪。隨順修行檀波羅蜜等。廣如彼說。又梁攝論中。十信名。凡夫菩薩十解名。聖人菩薩等。其地上行位倍前準知。是故當知此中行位。與前始教淺深之相差別顯矣。問此教豈不通引二乘。何故行位不似小乘說耶。答此後諸教並皆深勝。所引二乘亦是純熟高勝機故。不假似彼也。若依頓教。一切行位皆不可說。以離相故。一念不生。即是佛故。若見行位差別等相。即是顛倒故。若寄言顯者。如楞伽云。初地即八地。乃至云無所有。何次等。又思益經云。若人聞是諸法正性。勤行精進如說修行。不從一地至一地。若不從一地至一地。是人不住生死涅槃。如是等也。若依圓教者有二義。一攝前諸教所明行位。以是此方便故。二據別教有其三義。一約寄位顯。謂始從十信乃至佛地六位不同。隨得一位得一切位。何以故。由以六相收故。主伴故。相入故。相即故。圓融故。經云。在於一地普攝一切諸地功德。是故經中十信滿心勝

進分上得一切位及佛地者。是其事也。又以諸位及佛地等相即等故。即因果無二始終無礙。於一一位上即是菩薩即是佛者。是此義也。二約報明位相者。但有三生。一成見聞位。謂見聞此無盡法門。成金剛種子等。如性起品說。二成解行位。謂離三昧天子等。從惡道出已。一生即得離垢三昧。前得十地無生法忍及十眼十耳等境界。廣如小相品說。又如善財始從十信乃至十地。於善友所。一生一身上皆悉具足如是普賢諸行位者。亦是此義也。三證果海位。謂如彌勒告善財言。我當來成正覺時汝當見我。如是等。當知此約因果前後分二位故。是故前位但是因。因果在後位故。說當見我也。三約行明位。即唯有二。謂自分勝進。此門通前諸位解行及以得法分齊處說。如普莊嚴童子等也。其身在於世界性。等上處住。當是白淨寶網轉輪王位。得普見肉眼。見十佛剎微塵數世界海等。若三乘肉眼。即不如此故。智論云。肉眼唯見三千世界內事。若見三千世界外者。何用天眼爲。故知不同也。又彼能於一念中。化不可說不可說衆生。一時皆至離垢三昧前。餘念念中皆亦如是。其福分感。一定光顯。照十佛剎。微塵數世界等。當知此是前三生中。解行位內之行相也。以約因門示故。若約信滿得位已去。所起行用皆遍法界。如經能以一手覆大千世界等。手出供具與虛空法界等。一時供養無盡諸

①是②一③④⑤⑥⑦⑧⑨⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺㊻㊼㊽㊾㊿  
〔修〕一①②③④⑤⑥⑦⑧⑨⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺㊻㊼㊽㊾㊿  
〔子〕一①②③④⑤⑥⑦⑧⑨⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺㊻㊼㊽㊾㊿  
①定二終②③④⑤⑥⑦⑧⑨⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺㊻㊼㊽㊾㊿

阿僧祇，仍此教中，就釋迦身，以分此義。如優婆塞戒經云：我於往昔寶頂佛所滿足第一阿僧祇劫，然燈佛所滿足第二阿僧祇劫，迦葉佛所滿足第三阿僧祇劫。我於往昔釋迦佛所，始發阿耨菩提心，又依本業經，又有百劫修相好業，但是變化非實修也。又以一偈歎弗沙佛已，卽迴九劫，但九十一劫卽成佛也。問三無數劫修諸實行，應成報身，何故乃就化身說耶？答由此始教就下機故，有二乘故，此身是彼所知見故，是權教故作是說也。若依終教說有二義：一、定三阿僧祇，約一方化儀故；又此教中修實行，故成實報身，不約化說，故法華云：我實成佛已來，經於無量無邊百千萬億阿僧祇劫。又經云：我於然燈佛所得授記等，皆以方便分別故也。又亦無百劫修相好業等，何以故？以小乘中偏修智分，不修福分，是故臨成佛時，更於百劫別修彼業，始教中引彼亦同彼說，仍是化也。此終教中論其實行，從初發意卽福慧雙修，故成佛時無別修也。二、不定修三阿僧祇，此有二義：一、通餘雜類世界故，如寶勝天王經說：二據佛功德無限量故，如寶雲經云：善男子，菩薩不能思議如來境界，如來境界不可思量，但爲淺近衆生，說三僧祇修習所得。菩薩而實發心已來，不

①生十(等)④②(如)一④③以二已④④此二是④⑤初十(時)④⑥說得二得說④⑦方便二便故④⑧(相)十即④  
 ⑨爾是二是信等④⑩(說)一④⑪未二不④⑫言二云④⑬[是故]一④⑭之—也④⑮[中]一④⑯[阿]一④⑰\* ⑱順二修④⑲經二灌④⑳[合]一④㉑返二溫④㉒沙二姿④㉓若二薩④㉔[定慧]一④㉕三十(阿)④㉖千十(功)④㉗藍二梨④㉘\* ㉙等十(能)④㉚(劫)一④㉛然二燒④㉜拆十(多羅三藐三)④㉝又二亦④㉞又十(由)④㉟[已]一④㊱迺二超④㊲(說)十故④㊳華十(經)④㊴已來經以來④㊵經一④  
 ㊶於然二說於燃④㊷授二受④㊸又亦二亦云④㊹[中]一④㊺[修]一④㊻一十(爲)④㊼(功)一④

可計。數解云。此中不可計數者。是不可計數阿僧祇劫。非但三也。問何故前教定三僧祇。此教有不定耶。答前教生故。此教熟故。方便漸漸勸彼三乘。向一乘故。作此說也。若依頓教。一切時分皆不可說。但一念不生即是佛故。一念者即無念也。時者即無時也。餘可準思。若依圓教。一切時分。悉皆不定。何以故。謂諸劫相入故。相即故。該通一切因陀羅等諸世界。故仍各隨處。或一念或無量劫等。不違時法也。餘準而思之。第五修行所依身者。若依小乘。但有分段身。至究竟位。佛亦同然。是實非化。若始教中。為迴心聲聞。亦說分段至究竟位。佛身亦爾。然此是化非實也。若依直進中有二說。一謂寄位。顯十地之中功用無功用。能細二位差別相故。即說七地已還有分段。八地已上有變易。二就實報即說分段至金剛已還。以十地中煩惱障種未永斷。故留至金剛故。既有惑障。何得不受分段之身。故十地經云。第十地已還有中陰者。是此義也。問八地已上一切菩薩。於煩惱障永伏不行。以無漏智果恒相續故。如阿羅漢。既無現行惑。何得更受分段之身耶。答若是凡夫。即以現惑潤業受生。聖人不爾。但留惑種用以受生。故維摩論云。一切聖人皆以隨眠力故結生相續。又梁攝論云。異凡夫故永伏上心。異二乘故留彼種子。解云。聖人受生非現潤。彼復留種子。如何不受分段身耶。若言。

八地已上。以智障為緣受變易者。所留惑種即便無用。何不於此第八地初永害一切煩惱種子。彼既不爾。此云何然。若約迴向菩提聲聞已斷煩惱者。彼即可以所知障受變易身。通諸位也。問若爾何故聖教說八地已上唯有所知障為依止故受變易身。答此等為欲寄對二乘顯其優劣。故經作此說。然此寄對依諸聖教約位不同略辨十門。一說羅漢即同於佛。更不分位。如律中說。佛度五人已。即云通佛有六。然羅漢出於世間。又同坐等。當知此約小乘教說。二亦於佛地分出羅漢。如對法論說。得菩提時頓斷煩惱障及所知障。頓成羅漢及如來故。此中雖約煩惱盡邊名阿羅漢。而亦為生諸聲聞中心勝欲樂故。寄於佛果以分大小也。三第十地名阿羅漢。佛地超過故。非彼也。如涅槃經中說。四依云。阿羅漢者。住第十地。此寄因異果以分大小也。此上二門。約始教中迴二乘教說。四七地已還寄同羅漢。八地已去寄菩薩位。如仁王經云。遠行菩薩伏三界習因。果業滅。唯後身位中。住第七地阿羅漢位。此寄因中自在未自在位。以分大小也。此約始教直進中說。此中既寄聲聞至七地。故煩惱障及分段身俱至此位。八地已去寄此菩薩。行位勝前。是故唯有彼所知障及變易身。五初二三地寄同世間。以得世間四禪等故。四地寄是須陀洹等。以得道品故。此初出世故。五地

寄此聲聞羅漢。以得四諦法故。六地寄此辟支佛。以得十二緣生法故。七地已去寄此菩薩。以得無生法忍故。此如本業經說。上來唯約三乘教說。以未分出一乘法故。六世間二乘同。前至六地。第七地寄三乘菩薩。以未自在故。八地已去寄一乘法。以得自在故。如梁攝論等說。此約一乘三乘等分相而說。七於初地之中。已過世間及二乘故。如地論等說。此約三乘中比證分齊說。八地前三賢位已過。二乘地如起信論說。又仁王經說。習種性中有十種心。已超過二乘一切善地。此約終教不退說。九信滿心後。即過一切小乘三乘等。如賢首品說。此約一乘說。十初在凡夫地。創發心時即過二乘。如智論說。羅漢比丘知沙彌發心。推在前等。此通一乘及三乘說。由有如是寄對法門故。諸說前後準此而知。

華嚴一乘教義分齊章卷第二

①又仁王經說二  
又如仁王經云  
②教十(退)③  
④(夫)一⑤  
[法]一⑥  
次頁⑦不分卷⑧

①教十(也)② ③教二(中)乃④ ⑤此一是⑥ ⑦悉皆一皆悉⑧ ⑨謂二為⑩ ⑪餘準而思之⑫ ⑬餘準而思之⑭ ⑮五教章卷下之  
二終⑯ ⑰華嚴經中一乘五教分齊章卷下之三首⑱ ⑲(心)一⑳ ㉑(位)一㉒ ㉓[此]一㉔ ㉕(依)一㉖ ㉗一謂寄位二  
一為寄⑲ ㉘中十(有)㉙ ㉚已二以㉛\* ㉜故十地經云第二十住經中㉝ ㉞(行)一㉟ ㊱[之]一㊲ ㊳[人]受生一  
㊴㊵[子]一㊶\* ㊷[以]一㊸ ㊹爾二然㊺ ㊻故十(有)㊼ ㊽(有)一㊾ ㊿經作此二作是㊿ ㊿然一㊿  
㊿(阿)十羅㊿ ㊿(中)一㊿ ㊿[也]一㊿\* ㊿[經]一㊿ ㊿云二言㊿ ㊿寄二是一㊿ ㊿行二連㊿ ㊿果業二  
業果㊿ ㊿唯後身位二住後身㊿ ㊿(第)十七㊿ ㊿此二是一㊿ ㊿此二是一㊿\* ㊿地十(八)過㊿ ㊿(上)十起㊿

華嚴一乘教義分齊章卷第三

唐大慈恩寺沙門法藏述

若依終教。地前留惑受分段身。於初地中。永斷一切煩惱使種。亦不分彼分別俱生。於所知障中。又斷一分。餘品正使。是故地上受變易身。至金剛位。餘義如下。斷惑中說。問若於地上不留煩惱。云何大悲同事攝生。答若於地前及始教中。願智力劣故。留煩惱。協助願受生。今此不爾。願智勝故。自在同生。問如說八地。已還菩薩略有二類。一悲增上。二智增上。悲增者。留惑受分段身故。智增者。伏惑受變易身。故。此義云何。答如此所說良恐未然。何者。若悲增上其慧必劣。劣慧導悲悲應滯見。滯見之悲豈名增上。縱悲智齊均。尚不名悲增上。況以劣慧導悲而言增上。若智增上其悲必劣。劣悲導智智應滯寂。滯寂之智何名增上。以諸菩薩從初。已來異凡小故。悲智相導念念雙修。如車二輪。如鳥二翼。何得說彼有增減耶。當知由此始終二教。無異故。有二生死。非由悲智互增上也。若言彼智增上者。有小乘習怖諸煩惱故。永伏者。若於地前未證真如。可約本習容有此類。以未純熟故。初地。已上行解純熟。同證同行同修同斷。如何得有如是差別。故起信論云。地上菩薩隨性發心修行。皆無差別也。又此教中。地上變易寄位

不同有其四種。等。亦如下指。若依頓教。一切行位既不可說。所依身分亦準此知。廣如大般若經。那伽室利分說。若依圓教。不說變易。但分段身。至於十地離垢定前。以至彼位得。普見肉眼。故知是分位也。又如善財等。以分段身。於因位故也。問何故此中不說變易。答如世界性。等以上身分。甚極微細。出過諸天。應同變易。但以此數不分。生死龜細之相。總就過患。以爲一際。至信滿後。頓斷彼際。故不說也。餘準而知之。第六斷惑分齊者。有云。若依小乘。若依大乘。有二種義。一約位滅惑。二寄惑顯位。相。初義者。若依始教。具足三乘斷惑差別。由此是三乘教故。障有二種。謂煩惱所知。先辨二乘斷煩惱障。於中有二。先障名數後斷惑得果。初中煩惱有二。謂分別俱生。總有十種。一貪二瞋三無明四慢五疑六身見七邊見八邪見九見取十戒禁取。於中四種唯分別起。謂疑邪見見取戒禁取。餘六通二種。五識得起。初三亦通分別及俱生。由用意識中邪師等三因引。故得有分別起也。意識具十種。四分別六通二。末那唯四俱生。六中除瞋及邊見。以瞋唯不善。此識有覆無記故。又以一類相續緣第八識。剎那剎那執我。故無邊見。又以後三見及疑。三因生。此識無彼故不起也。又由恒相續緣故。非第六所引不起。同五識是故唯四。其第八識總不起。唯是異熟。無覆無記性故。此分別俱生皆通三界。

瞋唯欲界。以上二界煩惱。皆有覆無記性。故其分別起者。欲界四諦各有十。使。即爲四十二。上二界除瞋。諸別各有九。即有七十二。并欲界合有一百一十二也。其俱生者。欲界具六。上二界除瞋。各唯有五。合爲十六。通前分別。總有一百二十八也。問何故。前總法小乘中。十使不通迷四諦。此中即通耶。答此有二義。一以三乘中煩惱功力。漸漸寬廣。障一切也。二又由迷等義通一切境也。第二斷惑得果者。先斷分別。有其三人。一若從具縛入真見道。剎那斷三界四諦分別煩惱。預流果。二若倍離欲人。入真見道。兼斷倍離欲。得一來果。言倍離欲者。謂凡夫時欲界修惑九品之中。伏斷前六。故云倍離欲。入見道時。即永斷前所伏故。是以得彼果也。三若已離欲人。入真見道。兼斷九品得不還果。如瑜伽說。入見道果者。有其三種。隨其所應。證三果故。四次斷俱生者。第六識俱生。九地各有九品。又進修道人。有其二種。一漸出離。斷欲界九品。中前六品盡得。一來果。斷九品盡得不還果。斷上二界盡得。阿羅漢果。二頓出離者。謂得初果已。即頓斷三界。漸除九品。即得阿羅漢果。更無餘果。何者。以彼欲界九品修惑。及上二界。總三種九品。各初一品。一時頓斷。故云頓斷三界。堅論九品。一一別斷。故云漸除也。若爾何故有漸斷者。以於三界法。不能頓緣故。對法論云。頓出離者。謂入諦現觀已。依止

前頁 ①不分卷 ②(於)一 ③又二亦 ④備十(即) ⑤智十(恒) ⑥上十(留惑受分段身) ⑦(悲增)者 ⑧十三字一 ⑨(故)一 ⑩(慧)二 ⑪其悲必劣二悲劣 ⑫如鳥二鳥之兩翼 ⑬(上)一 ⑭(等)十 ⑮(等)一 ⑯而如二思 ⑰(有云)一 ⑱乘十(如餘別說) ⑲(相)一 ⑳(惑)一 ㉑(成)二 ㉒(漸)一 ㉓(恒)一 ㉔(緣)一 ㉕(皆十(此) ㉖使二種 ㉗(各)一 ㉘有五二五故 ㉙(斷)一 ㉚(謂)一 ㉛(故)十也 ㉜(盡)一 ㉝六十(品) ㉞(次)一 ㉟離十(者) ㊱(斷)一 ㊲(阿羅漢果二羅漢) ㊳

未至定發出世道。頓斷三界一切煩惱品。品別斷唯立二果。謂預流果及阿羅漢果。乃至廣引指端經等。如彼說其末那煩惱行相微細。前漸頓二人皆與非想地惑一時頓斷。故。瑜伽云。末那相應任運煩惱。唯與非想處共斷。一時頓斷。非如餘惑漸次而斷。故也。問何故前愚法二乘無頓出離。此中有耶。答爲顯前劣故此超過。愚法二乘無此勝智。顯彼教劣。方便漸引起。彼勝欲令捨小從大故作。此說其論末那惑滅。小乘無者。唯準此知。此謂二乘斷煩惱障。其所知障。諸趣寂者入無餘時一時皆斷。唯此非擇滅也。其餘一切有斷不斷。慧解脫人不斷。俱解脫人分有所斷。謂八解脫障不染無知。修八勝解所對治故。如瑜伽說。又諸解脫由所知障解脫所顯。由聲聞及緣覺等於所知障心得解脫。故當知此始教爲引。愚法漸向大故。安立此教。深勝於彼。故所知障亦許分斷。然上所斷不同。愚法以彼唯斷煩惱得故。此即不爾。斷種子故直進菩薩斷惑者二障俱斷。又煩惱障中。不同二乘約界分品。但於二障分別起者地前伏。現行初地見道時。一剎那中頓斷彼種。其俱生中煩惱障。初地已去自在能斷。留故不斷。何以故。潤生攝化故。不墮二乘地故。爲斷所知障故。爲得大菩提故。是故攝論云。由留惑至惑盡證佛一切智。解云。惑盡者。是所知障盡。即由留煩惱障起勝行。故得至此位證佛果。

也。又梁攝論既云留種子。是故當知煩惱障種至金剛位。其所知障行相細故。正障菩薩道是故地地分斷。要至佛地方得總盡。由此即說二障修惑俱至佛地。故對法論云。又諸菩薩於十地修道位中。唯修所知障對治道。非斷煩惱障。得菩提時頓斷煩惱障及所知障。頓成羅漢及如來故。其末那俱生行相細故。亦同。前至佛地盡也。問其二障修惑諸識相應。地上現行有何同異。答其煩惱障內第六識惑既盡。盡故留彼。是故現種皆以智御用成勝行不起過患。猶如毒蛇以呪力御不令死。不起過患。而成餘用。菩薩善巧留惑亦爾。故攝論云。如毒呪所害等。是故當知於彼煩惱或現或種皆得自在。其第七識煩惱性非潤生故非所留。行相細故。七地已還有時暫現。以觀智有間故。其所知障皆後地惑於前地起。或現或種以地地分斷故。問若爾何故有處說七地已還起有漏心等耶。答若約第六識中煩惱障爲有漏者。彼既留惑故。即似有漏。若約所知障爲有漏。即實有漏。此二通十地。若末那煩惱即實有漏。至於七地有無不定。以有時暫起有漏心故。餘義準知。又此教中惑滅智起分齊者。惑種在滅相時。智即在生相同時相返。如印即低低即昂等。廣如對法論說。又此障法。以依識無性故。即空無分別。是其障義。如維摩經云。五受陰洞達空無所起。是苦義。今此障義亦準彼知之。若依終教。諸

聲聞於煩惱障尚不能斷。但能折伏。何況能斷所知障。故彌勒所問經論云。一切聲聞辟支佛人。不能如實修四無量。不能究竟斷諸煩惱。但能折伏一切煩惱等。楞伽經文亦如上說。問此說何故與前教不同耶。答彼爲引二乘故。未深說故。是故以上就下說煩惱障同彼一乘至佛地智方盡。又以下同上。亦許二乘全斷惑障分斷。所知障今此就實。以愚法二乘無廣大心故。不究竟斷煩惱障。又亦可。前約三乘中聲聞。此中約愚法故不同也。其菩薩人。於二障中不分俱生及分別。但有正使及習氣地前伏。使現初地斷使種。地上除習氣。佛地究竟清淨。然彼地前三賢位中。初既不墮二乘地中。於煩惱障自在能斷。留故不斷。爲除所知障等故。是故梁攝論云。十解已去得出世淨心。又云。十解心上已上名聖人。不墮二乘地故。仁王經云。地前得人空而不取證等。又起信論得少分見法身作八相等皆此義也。以此菩薩唯怖智障故。修唯識真如等觀。伏斷波障。然於煩惱障非但不怖不修對治。亦乃故留助成勝行。初地已上斷於所知障一分。故於煩惱障不復更留。是故二障

故一。故二。故三。故四。故五。故六。故七。故八。故九。故十。故十一。故十二。故十三。故十四。故十五。故十六。故十七。故十八。故十九。故二十。故二十一。故二十二。故二十三。故二十四。故二十五。故二十六。故二十七。故二十八。故二十九。故三十。故三十一。故三十二。故三十三。故三十四。故三十五。故三十六。故三十七。故三十八。故三十九。故四十。故四十一。故四十二。故四十三。故四十四。故四十五。故四十六。故四十七。故四十八。故四十九。故五十。故五十一。故五十二。故五十三。故五十四。故五十五。故五十六。故五十七。故五十八。故五十九。故六十。故六十一。故六十二。故六十三。故六十四。故六十五。故六十六。故六十七。故六十八。故六十九。故七十。故七十一。故七十二。故七十三。故七十四。故七十五。故七十六。故七十七。故七十八。故七十九。故八十。故八十一。故八十二。故八十三。故八十四。故八十五。故八十六。故八十七。故八十八。故八十九。故九十。故九十一。故九十二。故九十三。故九十四。故九十五。故九十六。故九十七。故九十八。故九十九。故一百。

一。二。三。四。五。六。七。八。九。十。十一。十二。十三。十四。十五。十六。十七。十八。十九。二十。二十一。二十二。二十三。二十四。二十五。二十六。二十七。二十八。二十九。三十。三十一。三十二。三十三。三十四。三十五。三十六。三十七。三十八。三十九。四十。四十一。四十二。四十三。四十四。四十五。四十六。四十七。四十八。四十九。五十。五十一。五十二。五十三。五十四。五十五。五十六。五十七。五十八。五十九。六十。六十一。六十二。六十三。六十四。六十五。六十六。六十七。六十八。六十九。七十。七十一。七十二。七十三。七十四。七十五。七十六。七十七。七十八。七十九。八十。八十一。八十二。八十三。八十四。八十五。八十六。八十七。八十八。八十九。九十。九十一。九十二。九十三。九十四。九十五。九十六。九十七。九十八。九十九。一百。

不分見修。至初地時正使俱盡。故彌勒。所問經論云。問曰。若聲聞人先斷見道所斷煩惱。然後漸斷修道煩惱。何故菩薩不同聲聞。答曰。菩薩之人無量世來。為諸衆生作利益事。後見真如甘露法界。觀彼一切諸衆生身。而實不異。我所求處。是故菩薩見修道中。一切煩惱能障利益衆生行。故即見道中一切俱斷。此文為證。其末那煩惱。亦初地斷。後除殘習。故無性攝論云。轉染。汚末那得平等性智。初現觀時先已證得。修道位中轉復清淨。解云。轉淨者除習氣也。以正使先斷故。後但云轉淨更不云斷也。若云。此是入真見道時暫伏不起非正斷者。即不得言轉復清淨。以總未斷何名轉淨。若依始教容如彼說。是故當知此教地上但除習氣故。實性論云。不淨者。一切凡夫有煩惱障故。有垢者。以諸聲聞辟支佛等有智障故。有點者。以諸菩薩摩訶薩等依被一種習氣障故。解云。論釋云。地上名摩訶薩。故知但有習氣障也。此中習氣從斷正使種子。無間方有習氣。何以故。未斷已前無微薄故。種斷無間方有微薄故。論說名無間生習氣。問云何地上煩惱使盡而得不墮二乘地耶。答智力勝故。智障正使亦已斷除故。如始教小乘頓出利人斷欲界惑六品盡時。上二界六品亦同斷盡故。猶尚不得彼一來果。況此菩薩道力殊勝。又因已斷智障使故。若地前及始教容有彼失此中無也。又此教中正斷惑時智

起惑滅。非初非中後。前中後取故。云何滅。如虛空本來清淨。如是滅。廣如十地論說。又此教中煩惱等法。皆是真如隨緣所作。是故不異真如。是煩惱義。如起信論說。又經云。一切法即如如是等煩惱準。此是故當知與前諸教施設不同。宜應知之。

第二明寄惑顯位者。諸聖教說略有一十八門。一寄二障以顯二位。謂分惑智二障。以顯二位。故梁攝論云。地前漸除煩惱障。地上漸除智障。又云。十解已去得出世淨心。又云。地前雖得人無我。以法無我未淨故。人無我亦不清淨。又云。其人我執前十解中已除。今唯滅法我執。又仁王經云。習種性已入生空位。得聖人性故。本業經起信論亦同。此說三寄皮等三惑顯三僧祇故。梁攝論云。初僧祇斷皮煩惱。第二僧祇斷肉煩惱。第三僧祇斷心煩惱。三以此三惑寄顯地前三心不同。如梁攝論三十三僧祇中說。地地之中入心除皮。住心除肉。出心除心等。四以二障龜細。寄顯三位。如地持論云。三障三處龜細。謂地前地上及佛地。五以染心龜細。寄於三位以顯三身。如金光明經說。依諸伏道起事心盡得顯化身。依法斷道依根本心盡得顯應身。依勝拔道根本心盡得顯法身。有人解云。伏道是地前起事心。此是第六識。法斷道是地上。依根本心是末那。以依緣賴耶識本心故。勝拔道是金剛位。根本心是賴耶識。六寄於三障直顯三身。故彼經云。煩惱

障清淨能顯應身。業障清淨能顯化身。智障清淨能顯法身。七以迷三無性所起煩惱寄顯三身。故彼經云。一切凡夫為三相故。有縛有障遠離三身不至三身。何者為三。一者思惟分別相。二者依他起相。三者成就相。如是三相不能解故。不能滅故。不能淨故。是故不得至三身。如是三三相能解能滅能淨。是故諸佛至三身。解云。能解者是所執性。但應知解故。能滅者染分依他起性。應斷滅故。能淨者在纏真如修令淨故。八寄四障以顯四位。此有二義。一約正使寄顯地前四位。四因四報。何者。為四。一謂以闡提不信障使滅已。翻顯十信之位。成信樂大乘行為淨德因。及鐵輪王報。二以外道執我障。寄以翻顯十解位成般若行。為我德因。銅輪王報。三聲聞畏苦障。寄顯十行位成。破虛空定器三昧行為樂德因。銀輪王報。四獨覺捨大悲障。寄顯十迴向位成。大悲行為常德因。金輪王報。又翻前四障。所得四行。即為佛子四義。翻初障成信樂大乘種子為因。即如父也。二般若為緣。即如母也。三顯破虛空定離小乘執令。法身堅固。如胎也。四大悲益生。如乳母。具此四緣故。得從地前生在初地。已上諸佛家故名佛子也。又此四種和合。如車輪能運轉至解脫處。如聖王輪備有四事。謂轂輻輳軸。如其次第四義應知。第二以四障習寄顯地上四位。因定四德。四報。一初二三地滅闡提不信習。即顯此一位

起惑滅。非初非中後。前中後取故。云何滅。如虛空本來清淨。如是滅。廣如十地論說。又此教中煩惱等法。皆是真如隨緣所作。是故不異真如。是煩惱義。如起信論說。又經云。一切法即如如是等煩惱準。此是故當知與前諸教施設不同。宜應知之。

第二明寄惑顯位者。諸聖教說略有一十八門。一寄二障以顯二位。謂分惑智二障。以顯二位。故梁攝論云。地前漸除煩惱障。地上漸除智障。又云。十解已去得出世淨心。又云。地前雖得人無我。以法無我未淨故。人無我亦不清淨。又云。其人我執前十解中已除。今唯滅法我執。又仁王經云。習種性已入生空位。得聖人性故。本業經起信論亦同。此說三寄皮等三惑顯三僧祇故。梁攝論云。初僧祇斷皮煩惱。第二僧祇斷肉煩惱。第三僧祇斷心煩惱。三以此三惑寄顯地前三心不同。如梁攝論三十三僧祇中說。地地之中入心除皮。住心除肉。出心除心等。四以二障龜細。寄顯三位。如地持論云。三障三處龜細。謂地前地上及佛地。五以染心龜細。寄於三位以顯三身。如金光明經說。依諸伏道起事心盡得顯化身。依法斷道依根本心盡得顯應身。依勝拔道根本心盡得顯法身。有人解云。伏道是地前起事心。此是第六識。法斷道是地上。依根本心是末那。以依緣賴耶識本心故。勝拔道是金剛位。根本心是賴耶識。六寄於三障直顯三身。故彼經云。煩惱

障清淨能顯應身。業障清淨能顯化身。智障清淨能顯法身。七以迷三無性所起煩惱寄顯三身。故彼經云。一切凡夫為三相故。有縛有障遠離三身不至三身。何者為三。一者思惟分別相。二者依他起相。三者成就相。如是三相不能解故。不能滅故。不能淨故。是故不得至三身。如是三三相能解能滅能淨。是故諸佛至三身。解云。能解者是所執性。但應知解故。能滅者染分依他起性。應斷滅故。能淨者在纏真如修令淨故。八寄四障以顯四位。此有二義。一約正使寄顯地前四位。四因四報。何者。為四。一謂以闡提不信障使滅已。翻顯十信之位。成信樂大乘行為淨德因。及鐵輪王報。二以外道執我障。寄以翻顯十解位成般若行。為我德因。銅輪王報。三聲聞畏苦障。寄顯十行位成。破虛空定器三昧行為樂德因。銀輪王報。四獨覺捨大悲障。寄顯十迴向位成。大悲行為常德因。金輪王報。又翻前四障。所得四行。即為佛子四義。翻初障成信樂大乘種子為因。即如父也。二般若為緣。即如母也。三顯破虛空定離小乘執令。法身堅固。如胎也。四大悲益生。如乳母。具此四緣故。得從地前生在初地。已上諸佛家故名佛子也。又此四種和合。如車輪能運轉至解脫處。如聖王輪備有四事。謂轂輻輳軸。如其次第四義應知。第二以四障習寄顯地上四位。因定四德。四報。一初二三地滅闡提不信習。即顯此一位

障清淨能顯應身。業障清淨能顯化身。智障清淨能顯法身。七以迷三無性所起煩惱寄顯三身。故彼經云。一切凡夫為三相故。有縛有障遠離三身不至三身。何者為三。一者思惟分別相。二者依他起相。三者成就相。如是三相不能解故。不能滅故。不能淨故。是故不得至三身。如是三三相能解能滅能淨。是故諸佛至三身。解云。能解者是所執性。但應知解故。能滅者染分依他起性。應斷滅故。能淨者在纏真如修令淨故。八寄四障以顯四位。此有二義。一約正使寄顯地前四位。四因四報。何者。為四。一謂以闡提不信障使滅已。翻顯十信之位。成信樂大乘行為淨德因。及鐵輪王報。二以外道執我障。寄以翻顯十解位成般若行。為我德因。銅輪王報。三聲聞畏苦障。寄顯十行位成。破虛空定器三昧行為樂德因。銀輪王報。四獨覺捨大悲障。寄顯十迴向位成。大悲行為常德因。金輪王報。又翻前四障。所得四行。即為佛子四義。翻初障成信樂大乘種子為因。即如父也。二般若為緣。即如母也。三顯破虛空定離小乘執令。法身堅固。如胎也。四大悲益生。如乳母。具此四緣故。得從地前生在初地。已上諸佛家故名佛子也。又此四種和合。如車輪能運轉至解脫處。如聖王輪備有四事。謂轂輻輳軸。如其次第四義應知。第二以四障習寄顯地上四位。因定四德。四報。一初二三地滅闡提不信習。即顯此一位



相同世間。又得大乘光明三昧成於淨德。除因緣生死變易報。二四五六地滅。外道我執習。顯此一位相同。二乘得集福德王三昧。成於我德。除方便生死。三七八九地滅。聲聞畏苦習。顯此一位相同。大乘得賢護三昧。成於樂德。除有有生死。四十地至佛地已還。滅獨覺捨大悲習。顯此一位因圓果滿。得首楞嚴三昧。成於常德。無有生死。四德圓故。生死永盡。云無有也。此上義廣如無上依經。本業經。佛性論。寶性論。梁攝論等說。又此四中。初二通二障。後二唯智障。正使地前除。習氣地上淨。此文亦。誠證也。九於十地中。為別相故。三地終心已來。斷二障。修惑正使皆盡。四地。已去但有微習。何以故。前三地相同世間。四地。已去是出世故。是故十地經三地末文云。一切欲轉復微薄。一切色縛轉復微薄。一切有縛轉復微薄。一切無明縛轉復微薄。諸見縛者。先已除斷。地論釋云。一切欲縛。轉微薄者。斷一切修道欲色無色所有煩惱及彼因。同無明習氣。皆悉微薄。遠離諸見縛者。於初地見道已斷故。解云。及彼因者。煩惱障種子也。無明習氣者。所知障種子也。以二障種子同時遠離。故云同也。是故當知。二障修惑正使種子此地皆盡。上來多分約終教說。十又於十地。別相中。寄顯世間。三乘菩薩三位別。故。仁王經說。前之三。地斷三界中色煩惱。四五六地斷三界中心煩惱。七八九地斷三界中色習煩惱。第十地及佛地斷三界中心習煩惱。解云。以三地。終位

得上界定。極至四。空定離。下地色故云斷色惑也。以四地。已去得二乘無漏出世間位。故。於世間色心俱盡。故。七地已去是菩薩位。漸細。於前故。寄滅於色心習氣。以顯彼位也。十一於此菩薩位中。為顯自在及未自在二位別。故。七地已還寄滅三界色心煩惱及彼果報。八地。已去寄滅色心二習無明。故。本業經云。七地。已還滅三界色心二習果報。滅無遺餘。八地色習無明盡。九地心習無明已滅。除十地二習無明滅盡。十二依三無性論。寄滅二性以顯見修二位差別。故。彼論云。由見道故分別性即無。故言不得。由修道故。依他性即滅。故言不見。十三依雜集論等。以分別俱生二種煩惱。寄顯見修二位差別。何以得知。但是寄位非實斷者。如分別我見。籍三緣生。謂邪師邪教及邪思惟。妄計即蘊離蘊等。我如佛弟子。雖居凡位。然依正師正教正思惟。故非直不起。即蘊等執。亦乃願樂於無我性。此人豈斷已。非入見道。邪。若言。雖無現行。然有種故。非入見者。既無現行。即應入資糧加行。義既不爾。是故當知。為顯見道無我理。故。寄彼橫計顛倒龜惑。反以顯之。又以任運所起煩惱細難斷。顯顯修位漸增差別。如實義者。但一煩惱有龜有細。見位斷龜修位斷細。如未那煩惱通二位斷之。如無相論云。第二執識及相應法。至羅漢位究竟滅盡。若見諸內煩惱識及心法。得出世道十六心時。畢竟斷滅。餘殘未盡但屬思惟。是名第二識。無性攝論亦

同此說。如上所引。故得知也。十四於分別惑所籍三緣。寄顯地前三賢位別。謂十解等除邪師等。如次應知。此約直進說。又以邪師邪教所起寄資糧位。伏以行相龜。故邪思惟所起寄加行位。伏以行相細。故。此約迴心二乘說。十五於俱生內六七識惑。七地已來寄有現行。八地。已去永伏不起。此為寄顯入觀有間無間位異。故。作此說。十六又以六識煩惱寄至四地。未那煩惱寄至七地。八地。已去唯有所知障。此亦為顯世間二乘菩薩位。故。作此說也。十七為顯十地至佛地差別。故。以十一無明返寄顯之。十八為顯地地真俗二智。故。以二十二無明寄以顯之。如深密經云。由此二十二種愚癡品及十一龜重安立諸地。故。既云安立。故知寄顯也。此諸義廣如瑜伽對法唯識攝論等說。上來多分約始教說。已上諸門。並是阿含門。寄顯反顯位相差別。何以故。為護十地。故。為令衆生於十地中離慢執。故。位相甚深極難了知。寄顯位生淨信。故。餘義準思可見。若依頓教。一切煩惱本來自離。不可說斷及與不斷。如法界體性經云。佛告文殊師利。汝云何教諸善男子。發菩提心。文殊言。我教發我見心。何以故。我見除即是菩提。故。此文證之準知。若依圓教。一切煩惱不可說其體性。但約其用。即甚深廣大。以所障法。一即一切。具足主伴等。故。彼能障亦如是也。是故不分。使習種現。但如法界一得一切得。故。是故煩惱亦一斷一切斷也。故

①德十(除) ②說二成 ③轉十(復) ④(彼)一 ⑤別十(地) ⑥三二二 ⑦(第)一 ⑧終十(心) ⑨(空)一 ⑩(故)於一 ⑪放十(也) ⑫無明已滅二已滅無明亦 ⑬(之)一 ⑭內二內 ⑮五十(說) ⑯此二二 ⑰(非)一 ⑱邪二邪 ⑲即二則 ⑳反二返 ㉑(之)一 ㉒子十(等) ㉓除二除 ㉔此文證之準知二以此準之 ㉕種現二現種 ㉖(故)一



普賢品明。一障一切障。小相品明。一斷一切斷者。是此義也。又此斷惑分齊。準上下經文有四種。一約證謂十地中斷。二約位謂十住。已去斷。三約行。謂十信終心斷。四約實。謂無可斷。以本來清淨故。廣如經說。又前三乘等諸門斷惑。若一障一切障。一斷一切斷。即入此。非若隨門前後。是三乘等。此約別教言。若約攝方便。前諸教所明並入此中。以是此方便。故及所流所目。故餘義準之。斷惑門竟。第七二乘迴心者。有六種說。一或一切二乘皆無迴心。以竟無餘求故。如小乘中說。二或一切二乘皆迴心。以悉有佛性力為內熏因故。如來大悲力外緣不捨故。根本無明猶未盡故。小乘涅槃不究竟故。是故一切無不迴心向大菩提也。此約終教說。問如瑜伽顯揚論說諸識成。熟及不成。熟中四句內聲聞獨覺入無餘依涅槃者。阿賴耶識及諸轉識俱不成。熟既本識轉識皆滅無餘。後生心以何為因。無因而生。果不應理。故答。彼論依始教門引小乘故。所立賴耶行相龜顯。不從真起。故說有滅。又為順小乘故亦許。彼涅槃非不究竟。故說入已不復起也。今約終教中就實而說。既以根本無明。熏如來藏成梨耶識。彼二乘人。於此二法既俱未斷證。何因得滅阿賴耶識。又由於彼無斷證故。所得涅槃豈為究竟。化城同喻。應便有失。又由上四因。故得生心也。問如生心迴向時分齊云何。答由根不等故

去有遍疾。遍者。遍劫乃起故。楞伽云。味著三昧樂。安住無漏界。無有究竟趣。亦復不退還。得諸三昧身。乃至劫不覺。譬如昏醉人酒消然後覺。彼覺法亦然。得佛無上身。解云。此文但總相說。若差別說者。隨其利鈍各別。經時皆到阿耨菩提心位。如涅槃經云。須陀洹人亦復不定故。經八萬劫。即能得。到阿耨菩提心。乃至云。獨覺經。十千劫。得到阿耨菩提之心。解云。此明最鈍須陀洹人受七生已方入涅槃滅心心法。如入滅定。復經八萬劫乃得生心。受佛教化。即發菩提心。若於一身得第二果受。二生已即入涅槃。經六萬劫即能發心。若於一身得第三果。不還欲界。即入涅槃。經四萬劫即得發心。若於一身得阿羅漢。即現入滅定。經二萬劫即能發心。若獨覺根利經一萬劫便能發心。此五人發心之時。即入十信菩薩位。方名發阿耨菩提心。又有義。前五人從凡得小果入涅槃後起迴心修十信行。信滿心已堪入十住初發心。住已來。隨根利鈍各經彼劫。未必一向在涅槃中經爾許劫也。如直往人既經一萬劫修十信滿足堪能發心。彼獨覺人根最利故。亦似直往人經一萬劫。餘四鈍根。又差別故。時多別也。上來明遲者。若極疾者如法華經云。我滅度後復有弟子。不聞是經不知不覺菩薩所行。自於所得功德生滅度想。當入涅槃。我於餘國作佛。更有異名。是人雖生滅度之想。入於涅槃。而

於彼土求佛智慧得聞此經。唯以佛乘而得滅度。更無餘乘。除諸如來方便說法。此上並約終教說。三或一切二乘亦迴亦不迴。謂決定種性者趣寂不迴。不定種性者並迴向大。如瑜伽聲聞決擇中說。此約始教引二乘說。四或非迴非不迴。以離相故。如文殊般若等說。此約終頓教說。五或合具前四說。以是大法方便故。此約一乘攝方便說。六或俱絕前五。此有二種。一一切二乘悉無所迴。以望一乘皆即空無可迴也。如經中如響如盲者是。二一切二乘等並已迴竟。更不復迴。如經中以普賢眼見一切衆生皆已究竟者是。此並約一乘別教說。問如一乘攝方便中迴心。與三乘中迴心所得法門分齊云何。答若三乘中迴心即入十信已去。順行菩提心及大悲等法門次第而去。若一乘中如下文舍利弗及因陀羅慧比丘等六千人。於文殊師利邊迴心即得十大法門及十眼十耳等境界。義當即是解行身遍於五位法也。餘義如別處說。第八佛果義相者於中有二。先明常無常義。後明相好差別。前中若小乘佛果唯是無常。以不說本性功德故。如佛性論云。小乘以無性德佛性。但有修德也。若三乘始教法身是常。以自性故。亦無常。以離不離故。修生功德是無常。以從因緣緣生故。是有為無漏故。亦得是常。以無間斷故。相續起故。莊嚴論云。自性無間相續三。佛俱常住等。若依終教有二義。先別明後總說。別

○非二教○ ○約二據○ ○故一○ ○二乘一○ ○以一○ ○然二就○ ○果一○ ○彼十諸○ ○彼十  
(教)○ ○(約)一○ ○(廣)二動○ ○(顯)二教○ ○(經)二還○ ○(味)二樂○ ○(經)二還○ 下同 ○(即)二則○ ○  
[之]一○ ○(即)十(能)○ ○(即)二能○ ○(於)一身一○ ○(阿)一○ ○(定)一○ ○(方)一○ ○(住)十(位)○  
○(行)二信○ ○(時)十(得)○ ○(也)一○ ○(此)二是○ ○(或)一○ ○(於)一○ ○(終)二約○ ○(說)一○  
○(顯)二修○ ○(顯)一○ ○(處)一○ ○(以)一○ ○(德)二得○ ○(德)二得故○ ○(緣)一○

中修生功德是無常。以修生故。亦即是常。一得已後同真如故。何以故。本從真流故。無明已盡還歸真體故。梁攝論云。無不從此法身流。無不還證此法身等。寶信論起信論等盛立此義。如彼應知。又智論云。薩婆若不與三世合。何以故。過去世等是虛妄。是生滅。薩婆若是實法。非生滅故。解云。薩婆若此云。一切智。即知佛地圓智同真如故。非生滅也。又攝論云。猶如虛空遍滿一切色際。無生住滅變異等。如來智亦爾。遍一切所知。無倒無變異等。是故當知。非直無間斷。故以爲常。亦即同真如不變異常也。法身是常。以隨緣時不變自性故。亦是無常。以隨緣緣赴機故。何以故。以諸功德既並同是真。是故起用唯是真作故。起信論中。釋報化二身。唯屬真如。用大攝。又論云。衆生心淨法身影現等。又云。復次本覺隨染分別生二種相。與彼本覺不相捨離。謂一者智淨相。二者不思議業相。乃至廣說等。二總說者。由此法身隨緣義故。是故功德差別得成。由不變義故。是故功德無不即真。如舉體隨緣全相不變。二義鎔融無障礙故。是故佛果即常即無常。具足四句。或非四句。隨義應知。問若爾。何故得說非一非異耶。答若始教中。以真如遍故智證真如故非異也。有爲無爲不同故非一也。若終教中。功德有二義。一緣起現前義。以三無數劫功德不虛故。二無自性義。以離真如無自體故。此中初義與法

①信=性②,姓② ③姿=波④②\* ④是+ (是)② ⑤[等]=一②② ⑥[真]=一②② ⑦[緣]=一②② ⑧[是]=一②② ⑨[論]=一②② ⑩[釋]=一②② ⑪[唯]=一②② ⑫又+ (彼)②② ⑬[等二]=一②② ⑭如=以②② ⑮何故=如何②② ⑯非異耶=異也②② ⑰[禮]=一②② ⑱以+ (是)②② ⑲收=取②② ⑳故+ (知)②② ㉑譯=唯②② ㉒即=既②② ㉓句=四②② ㉔不+ (可)②② ㉕體=融②② ㉖[差別]=一②② ㉗[乘]=一②② ㉘辯=辨②②\* ㉙致=到②② ㉚因=同②② ㉛胎=食②② ㉜身+ (本)②② ㉝[所]=一②② ㉞[示]=一②② ㉟耶=也②② ㊱此+ (等)②② ㊲觀=現②② ㊳德+ (法)②② ㊴[相]=一②② ㊵[無生]=一②② ㊶二=一②② ㊷[實]=一②② ㊸中+ (之)②② ㊹[精]=一②② ㊺=此品說②② ㊻[依]=一②②

隨他受用實報淨土。或有說在摩離首羅天化身充滿百億閻浮提是所化分齊。如梵網經及對法論等說。當知此約始教說。何以故。爲二乘教以釋迦身為實報。今即翻彼顯其是化故。於彼天別立實報。又恐二乘不信界外有實淨土故。寄界內最勝處說。其化身但充滿百億等。亦順彼說也。或有說釋迦佛報土在三界外。如涅槃經云。西方去此三十二恒河沙佛土。有世界名無勝。是釋迦佛實報淨土。此約終教說。以不隨下說故。爲顯婆娑唯是化故。是故當知。色頂之身亦非實報。或說化境非但百億。如大智論中。以三千大千世界爲一數。數至恒河沙。爲一世界性。又數此至恒河沙。爲一世界海。數此又至無量恒河沙。爲一世界種。數此又至無量十方恒河沙。爲一佛世界所化分齊也。此亦約終教說。以攝化漸廣於前故。又唯約須彌山世界說。以居此界故。未說樹形等世界故。非一乘也。或說釋迦報土在靈鷲山。如法華云。我常在靈鷲山等。法華論主釋爲報身菩提也。當知此約一乘同教說。何以故。以法華中亦顯一乘故。其處隨教即染淨故。說法華處即爲實也。如菩提樹下說華嚴處即爲蓮華藏十佛境界。法華亦爾。漸同此故是同教也。然未說彼處即爲十華藏及因陀羅等故。非別教也。或有說此釋迦身。即爲實報受用之身。如佛地經初說。此釋迦佛即具二十一種實

報功德。彼論釋爲受用身也。此亦約同教說。何以故。此釋迦佛。若三乘中但爲化身。若別教一乘。以爲究竟十佛之身。今此方便勸彼三乘。顯釋迦身非但是化。恐難信受。故彼經中。爲約說佛果深功德處。明佛身隨教即攝歸實。說爲報身。即方便顯說華嚴一乘法時。此釋迦身亦隨彼教。即究竟十佛法界身也。是故以彼爲同教攝也。或有說此釋迦身即是法身。如經云。吾今此身即是法身。此約頓教寄言而說。以相盡離念故。若別教一乘。此釋迦身非佛境界所依有二。一國土海圓融自在。當不可說。若寄法顯示。如第二會初說。二世界海有三類。一蓮華藏莊嚴世界海。具足主伴通因陀羅等。當是十佛等境界。二於三千世界外。有十重世界海。一世界性。二世界海。三世界輪。四世界圓滿。五世界分別。六世界旋。七世界轉。八世界蓮華。九世界須彌。十世界相。此等當是萬子已上輪王境界。三無量離類世界皆遍法界。如一類須彌樓山世界數量邊畔。即盡虛空遍法界。又如一類樹形世界。乃至一切衆生形等。悉亦如是。皆遍法界互不相礙。此上三位並是一處含那十身攝化之處。仍此三位本末圓融相收無礙。何以故。隨一世界即約龍細有此三故。當知與三乘全別不同也。第十佛身開合者有二。先義後教。義中先約法身。或唯真境界界爲法身。如佛地論五種法攝

大覺地。清淨法界攝。法身。四智攝。餘身。此約始教說。或唯妙智爲法身。以本覺智故。修智同本覺故。如攝論無垢無礙智爲法身。金光明中四智攝。三身以鏡智攝。法身故。或鏡智合爲法身。以境智相如故。如梁攝論云。唯如如及如智獨存名爲法身。此上二句約終教說。或境智俱泯爲法身。如經云。如來法身非心非境。此約頓教說。或合具前四句。以具德故。或俱絕前五。以圓融無礙故。此二句如性起品說。此約一乘辯。大別約釋迦身明者。此釋迦身。或是化非法報。如始教說。或是報非法化。如同教一乘及小乘說。但深淺爲異也。或是法非報化。如頓教說。或亦法亦報化。總如三乘等說。或非法非報化。如別教一乘是十佛故也。數開合者或立一佛。謂一實性佛也。此約頓教。或立二佛。此有三種。一一生身化身。此約小乘說。二生身法身。謂他受用與化身合名。生身。自受用法身。合名法身。如佛地論說。此約始教說。三自性法身應化法身。如本業經說。此約終教說。或立三身佛。如常所說。此通始終二教說。或立四佛。此有三種。一於三身中受用身內分。自他二身故有四。如佛地論說。此約始教。二於三身外別立自性身。爲明法身是恒沙功德法故。是故梁攝論云。自性身與法身作依止故。三亦於報身內福智分二故有四。如楞伽經云。一應化佛。二功德佛。三智慧佛。四如如佛。此

①教十(以)②③(滿)④一⑤⑥在二有⑦(如)⑧一⑨⑩(河)⑪一⑫⑬(又)⑭一⑮⑯(亦)⑰一⑱⑲(居二同)⑳華十(經)㉑②③④⑤⑥⑦⑧⑨⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺㊻㊼㊽㊾㊿  
①(聖)②一③④⑤⑥⑦⑧⑨⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺㊻㊼㊽㊾㊿  
①(等)②一③④⑤⑥⑦⑧⑨⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺㊻㊼㊽㊾㊿

約終教說或立十佛以顯無盡如離世間品說此約一乘圓教說也

華嚴一乘教義分齊章卷第三

華嚴一乘教義分齊章卷第四

唐大薦福寺沙門法藏述

第十義理分齊者有四門。一。三性同異義。二。緣起因門六義法。三。十玄緣起無礙法。四。六相圓融義。初三性同異說有二門。先別明後總說。別中亦二。先直說後決擇。前中三性各有二義。真中二義者。一不變義。二隨緣義。依他二義者。一似有義。二無性義。所執中二義者。一情有義。二理無義。由真中不變依他無性所執理無。由此三義故。三性一際同無異也。此則不壞末而常本也。經云。衆生即涅槃。不復更滅也。又約真如隨緣依他似有所執情有。由此三義亦無異也。此則不動本而常末也。經云。法身流轉五道。名曰衆生也。即由此三義與前三義是不一門也。是故真該妄末。妄徹真源。性相通融。無障無礙。問依他似有等。豈同所執是情有耶。答由二義故。故無異也。一以彼所執執似爲實故無異法。二若離所執似無起故。真中隨緣當知亦爾。以無所執無隨緣故。問如何三性各有二義不相違耶。答以此二義無異性故。何者無異。且如圓成。雖復隨緣成於染淨而

恒不失。自性清淨。祇由不失自性清淨故。能隨緣成染淨也。猶如明鏡現於染淨。雖現染淨而恒不失鏡之明淨。祇由不失鏡明淨故。方能現染淨之相。以現染淨知鏡明淨。知現染淨。是故二義唯是一性。雖現淨法不增鏡明。雖現染法不污鏡淨。非直不污。亦乃由此反顯鏡之明淨。當知真如道理亦爾。非直不動。性淨成於染淨。亦乃由成染淨方顯性淨。非直不壞染淨明於性淨。亦乃由性淨故方成染淨。是故二義全體相收一性無二。豈相違耶。依他中。雖復因緣似有顯現。然此似有必無自性。以諸緣生皆無自性故。若非無性即不藉緣。不藉緣故。故非似有。似有若成必從衆緣。從衆緣故必無自性。是故由無自性得成似有。由成似有是故無性。故智論云。觀一切法從因緣生。從因緣生即無自性。無自性故即畢竟空。畢竟空者。是名般若波羅蜜。此則由緣生故。即顯無性也。中論云。以有空義故。一切法得成者。此則由無性故即明緣生也。涅槃經云。因緣故有。無性故空。此則無性即因緣。因緣即無性。是不二法門故也。非直二義性不相違。亦乃全體相收畢竟無二也。所執性中。雖復當情稱執現。有。然於道理畢竟是無。以於無處橫計有故。如於木杙橫計有鬼。然鬼於木畢竟是無。如於其木鬼不無者。即不得名橫計有鬼。以於木有非。由計故。今既橫

計。明知理無。由理無故得成橫計。成橫計故方知理無。是故無二唯一性也。當知所執道理亦爾。上來直明竟第二問答決擇者。於中有三門。第一護分別執。第二示執之失。第三顯示其義。初門護執者。問真如有耶。答不也。隨緣故。問真如是有耶。答不也。不變故。問亦有亦無耶。答不也。無二性故。問非有非無耶。答不也。具德故。又問有耶。答不也。不變故。何以故。由不變故。隨緣顯示。問無耶。答不也。隨緣故。何以故。由隨緣故。不變常住也。餘二句可知。又問有耶。答不也。離所謂故。下三句例然。又問有耶。答不也。空真如故。問無耶。答不也。不空真如故。問亦有亦無耶。答不也。離相違故。問非有非無耶。答不也。離戲論故。又問有耶。答不也。離妄念故。問無耶。答不也。聖智行處故。餘句準之。依他性者。問依他是有耶。答不也。緣起無性故。問依他是無耶。答不也。無性緣起故。問亦有亦無耶。答不也。無二性故。問非有非無耶。答不也。有多義門故。又問有耶。答不也。緣起故。何以故。以諸緣起皆無性故。問無耶。答不也。無性故。何以故。以無性故。成緣起也。餘二句可知。又以緣起離於四句。又以無性故亦離四句

計。明知理無。由理無故得成橫計。成橫計故方知理無。是故無二唯一性也。當知所執道理亦爾。上來直明竟第二問答決擇者。於中有三門。第一護分別執。第二示執之失。第三顯示其義。初門護執者。問真如有耶。答不也。隨緣故。問真如是有耶。答不也。不變故。問亦有亦無耶。答不也。無二性故。問非有非無耶。答不也。具德故。又問有耶。答不也。不變故。何以故。由不變故。隨緣顯示。問無耶。答不也。隨緣故。何以故。由隨緣故。不變常住也。餘二句可知。又問有耶。答不也。離所謂故。下三句例然。又問有耶。答不也。空真如故。問無耶。答不也。不空真如故。問亦有亦無耶。答不也。離相違故。問非有非無耶。答不也。離戲論故。又問有耶。答不也。離妄念故。問無耶。答不也。聖智行處故。餘句準之。依他性者。問依他是有耶。答不也。緣起無性故。問依他是無耶。答不也。無性緣起故。問亦有亦無耶。答不也。無二性故。問非有非無耶。答不也。有多義門故。又問有耶。答不也。緣起故。何以故。以諸緣起皆無性故。問無耶。答不也。無性故。何以故。以無性故。成緣起也。餘二句可知。又以緣起離於四句。又以無性故亦離四句

【也】一。【華嚴】三。【十二字】二。【五教章卷下之二終】八字。【華嚴經中一乘五教分齊章卷下】十三字。【教義分齊章卷第四】。【教分記卷中之一】。【教分記卷中】。【西本無誤】。【第十義理分齊者二義理分齊第九】。【一。三性同異義】。【二。緣起因門六義法】。【三。十玄緣起無礙法】。【四。六相圓融義】。【初三性同異說有二門。先別明後總說。別中亦二。先直說後決擇。前中三性各有二義。真中二義者。一不變義。二隨緣義。依他二義者。一似有義。二無性義。所執中二義者。一情有義。二理無義。由真中不變依他無性所執理無。由此三義故。三性一際同無異也。此則不壞末而常本也。經云。衆生即涅槃。不復更滅也。又約真如隨緣依他似有所執情有。由此三義亦無異也。此則不動本而常末也。經云。法身流轉五道。名曰衆生也。即由此三義與前三義是不一門也。是故真該妄末。妄徹真源。性相通融。無障無礙。問依他似有等。豈同所執是情有耶。答由二義故。故無異也。一以彼所執執似爲實故無異法。二若離所執似無起故。真中隨緣當知亦爾。以無所執無隨緣故。問如何三性各有二義不相違耶。答以此二義無異性故。何者無異。且如圓成。雖復隨緣成於染淨而恒不失。自性清淨。祇由不失自性清淨故。能隨緣成染淨也。猶如明鏡現於染淨。雖現染淨而恒不失鏡之明淨。祇由不失鏡明淨故。方能現染淨之相。以現染淨知鏡明淨。知現染淨。是故二義唯是一性。雖現淨法不增鏡明。雖現染法不污鏡淨。非直不污。亦乃由此反顯鏡之明淨。當知真如道理亦爾。非直不動。性淨成於染淨。亦乃由成染淨方顯性淨。非直不壞染淨明於性淨。亦乃由性淨故方成染淨。是故二義全體相收一性無二。豈相違耶。依他中。雖復因緣似有顯現。然此似有必無自性。以諸緣生皆無自性故。若非無性即不藉緣。不藉緣故。故非似有。似有若成必從衆緣。從衆緣故必無自性。是故由無自性得成似有。由成似有是故無性。故智論云。觀一切法從因緣生。從因緣生即無自性。無自性故即畢竟空。畢竟空者。是名般若波羅蜜。此則由緣生故。即顯無性也。中論云。以有空義故。一切法得成者。此則由無性故即明緣生也。涅槃經云。因緣故有。無性故空。此則無性即因緣。因緣即無性。是不二法門故也。非直二義性不相違。亦乃全體相收畢竟無二也。所執性中。雖復當情稱執現。有。然於道理畢竟是無。以於無處橫計有故。如於木杙橫計有鬼。然鬼於木畢竟是無。如於其木鬼不無者。即不得名橫計有鬼。以於木有非。由計故。今既橫計。明知理無。由理無故得成橫計。成橫計故方知理無。是故無二唯一性也。當知所執道理亦爾。上來直明竟第二問答決擇者。於中有三門。第一護分別執。第二示執之失。第三顯示其義。初門護執者。問真如有耶。答不也。隨緣故。問真如是有耶。答不也。不變故。問亦有亦無耶。答不也。無二性故。問非有非無耶。答不也。具德故。又問有耶。答不也。不變故。何以故。由不變故。隨緣顯示。問無耶。答不也。隨緣故。何以故。由隨緣故。不變常住也。餘二句可知。又問有耶。答不也。離所謂故。下三句例然。又問有耶。答不也。空真如故。問無耶。答不也。不空真如故。問亦有亦無耶。答不也。離相違故。問非有非無耶。答不也。離戲論故。又問有耶。答不也。離妄念故。問無耶。答不也。聖智行處故。餘句準之。依他性者。問依他是有耶。答不也。緣起無性故。問依他是無耶。答不也。無性緣起故。問亦有亦無耶。答不也。無二性故。問非有非無耶。答不也。有多義門故。又問有耶。答不也。緣起故。何以故。以諸緣起皆無性故。問無耶。答不也。無性故。何以故。以無性故。成緣起也。餘二句可知。又以緣起離於四句。又以無性故亦離四句



義、以緣成無性故。準前。依他是非有非無義。以二不二故。隨取一不得。故準前。三遍計是有約情故。遍計是無約理故。遍計是亦有亦無。由是所執故。遍計是非有非無。由是所執故。餘準前思之。上來別明三性竟。第二總說者。三性一際。舉一全收。真妄互融。性無障礙。如攝論婆羅門問經中言。世尊。依何義說如是言。如來不見生死。不見涅槃。於依他中分別性及真實性。生死涅槃。依無差別義。何以故。此依他性。由分。別一分成生死。由真實一分成涅槃。釋曰。依他性非生死。由此性因真實成涅槃故。此性非涅槃。何以故。此性由分別一分即是生死。是故不可定說一分若見一分餘分性不異。是故不見生死。亦不見涅槃。由此意故。如來答婆羅門如此。又云。阿毘達磨修多羅中。世尊說法有三種。一染污分。二清淨分。三染污清淨分。依何義說此三分。於依他性中。分別性爲染污分。真實性爲清淨分。依他性爲染污清淨分。依此義說三分。釋曰。阿毘達磨修多羅中說。分別性以煩惱爲性。真實性以清淨爲性。依他性由其兩分。以二性爲性。故說法有三種。一煩惱爲分。二清淨爲分。三二法爲分。依此義故作此說也。此上論文。又明真該妄末。無不稱。真妄徹真源體。無不寂。真妄交徹。二分雙融。無礙全攝。思之可見。第二緣起因門六義法。將釋此義。六門分別。一釋相。二建立。三

①[以]—①②③ ②無緣生—緣生無②③ ③猛—猶②③ ④返—取②③ ⑤則—故②③ ⑥代十(諸)②③ ⑦濟—情② ⑧辨—辨②③\* ⑨[也]—①②③ ⑩[故]—①②③ ⑪反—返②③ ⑫具十(有)②③ ⑬[過]—①②③ ⑭夫—無②③ ⑮本即—即亦②③ ⑯無十(是)② ⑰[以知]—①②③ ⑱[示]—①②③ ⑲(第)十二②③ ⑳成二生②③ ㉑[二]—①②③ (第)十三②③ ㉒[通計]—①②③ ㉓是二此②③ ㉔舉二照②③ ㉕死十(爲)②③ ㉖別十(性)②③ ㉗實十(性)②③ ㉘死十(故)②③ ㉙廣二摩②③ ㉚義十(故)②③ ㉛分二品②③ ㉜此二是②③ ㉝[也]—①②③ ㉞末十(相)②③ 末二未封② ㉟稻三二②③ ㊱五教章卷中之—舉② ㊲華嚴—衆教分配卷中之—首② ㊳第二之緣起因門六義法②③







義是別相。六義齊名。因是同相。六義。各不相知是異相。由此六義。因等得成。是成相。六義各住自位。義是壞相。問。六相六義。分齊云何。答。六義據緣起自體。六相據緣起義門。以法體入義門。遂成差別。如以六義入四句。顯是去非。故。順三乘入六相。顯自德故順一乘。是故四句與六相。俱爲入法方便也。第六約教辨者。若小乘中法執因。相。於此六義。名義俱無。若三乘賴耶識如來藏法無我因中。有六義名義。而主伴未具。若一乘普賢圓因中。具足主伴無盡緣起方究竟也。又由空有義故。有相即門也。由有力無力義故。有相入門也。由有待緣不待緣義故。有同體異體門也。由有此等義門故。得毛孔容剎海事也。思之可解。三十三玄緣起無礙法門。義。夫法界緣起。乃自在無窮。今以要門略攝爲二。一者明究竟果證義。即十佛自境界也。二者隨緣約因。攝教義。即普賢境界也。初義者。圓融自在。一切即一。一切不可說其狀相耳。如華嚴經中究竟果分國土海及十佛自體融義等者。即其事也。不論因陀羅及微細等。此當不可說義。何以故。不與教相應故。地論云。因分可說。果分不可說者。即其事也。問。義若如是。何故。經中乃說。佛不思議品等果耶。答。此果義。是約緣形對爲成。因故說。此果非彼究竟自在果。所以然者。爲與因位同會而說故。知形對耳。第二義者有二。一以喻略示。二約法

廣辯初喻示者。如數十錢法。所以說十者。欲應圓數。顯無盡故。此中有二。一異體。二同體。所以有此二門者。以諸緣起門內有二義故。一不相由義。謂自具德故。如因中不待緣等是也。二相由義。如待緣等是也。初即同體。後即異體。就異體中有二門。一相即。二相入。所以有此二門者。以諸緣起法皆有二義故。一空有義。此望自體。二力無力義。此望力用。由初義故得相即。由後義故得相入。初中由自若有時他必無故。故他即自。何以故。由他無性以自作故。二由自若空時他必自有。故自即他。何以故。由自無性用他作故。以二有二空各不俱故。無彼不相即。有無無有無二故。是故常相即。若不爾者。緣起不成。有自性等過。思之可見。二明力用中自有全力。故。所以能攝他。他全無力故。所以能入自。他有力自無力。反上。不據自體故。非相即。力用交徹故。成相入。又由二有力二無力各不俱故。無彼不相入。有力無力。無力有力無二故。是故常相入。又以用攝體更無別體。故唯是相入。以體攝用無別用故。唯是相即。此依因六義內準之。於中先明相入。初向上數十門。一者一本數。何以故。緣成故。乃至十者一中十。何以故。若無一即十不成故。一即全有力故。攝於十也。仍十非一矣。餘九門亦如是。一一皆有十。準例可知。向下數亦十門。一者十即攝一。何以故。緣成故。謂若無十即一不

成故。即一全無力歸於十也。仍一非十矣。餘例然。如是本末二門中。各具足十門。餘一一錢中準以思之。此約異門相望說耳。問。既言一者。何得一中有十耶。答。大緣起陀羅尼法。若無一即一切不成故。定知如是。此義云何。所言一者非自性。緣成是故。一中有十者。是緣成一。若不爾者。自性無緣起不得名一也。乃至十者皆非自性。由緣成故。爲此十中有一者。是緣成無性十。若不爾者。自性無緣起。不名十也。是故一切緣起皆非自性。何以故。隨去一緣即一切不成。是故一中即具多者。方名緣起一耳。問。若去一緣即不成者。此則無性。無自性者。云何得成一多緣起。答。祇由無性得成一多緣起。何以故。由此緣起是法界家實德故。普賢境界具德自在無障礙故。華嚴云。普賢菩薩觀緣起法。於一法中解衆多法。衆多法中解了一法。是故當知。一中十中一。相容無礙仍不相是。一門中既具足十義故。明知一門中皆有無盡義。餘門亦如是。問。一門中攝十盡不。答。盡不盡。何以故。一中十故。盡十中一故。不盡。四句護過去。非顯德等。準之可解耳。別別諸門中準例如是。緣起妙理應如是知。第一門竟。初異體門中。第二即義者。此中有二門。一者向上去。二者向下來。初門中有十門。一者一。何以故。緣成故。一即十。何以故。若無一即無十故。由一有體餘皆空故。是故此一即是十矣。如是向上乃至第

①各不相知是一爲不壞相是名②③六二二④[位]一⑤⑥六相六義一六義六相⑦⑧顯是一顯⑨故十(即)⑩⑪[相]一⑫⑬得十(有)⑭⑮可解二可知耳⑯⑰(三)一⑱⑲義十(第三)⑳㉑事二㉒故二㉓故十(不思議法品等)㉔㉕顯十(現)㉖㉗一十(者)㉘㉙[中]一㉚㉛[法]一㉜㉝[故]一㉞㉟自二①是②用二以③(明)一④反上可知四字甲乙丙三本共作本文⑤攝二收⑥(是)一⑦一即全有力二即一有全力⑧全無二無全⑨也二故⑩例十(本)⑪故十(一)⑫[起]一⑬[十]一⑭不十(得)⑮祇二只⑯盡十(若)⑰理二義



其邊量故此經偈云。不可言說諸劫中。演說一切不可說。不可說劫猶可盡。說不可說。不可盡。又偈云。一切衆生心。悉可分別知。一切剎微塵。尚可算其數。十方虛空界。一毛猶可量。菩薩初發心。究竟不可測。良由此一乘圓極自在無礙法門得。一即得一切。故耳。因果俱齊。無前後別。故地論云。以信地菩薩乃至與不可思議佛法爲一緣起。以六相總別等義而用括之。明知因果俱時相容。各攝一切互爲主伴。深須思之。此事不疑。又此經云。何以故此初發心菩薩即是佛故。悉與三世諸如來等。亦與三世佛境界等。悉與三世佛正法等。得如來一身無量身。三世諸佛平等智慧。所化衆生皆悉平等。又云。初發心時便成正覺。具足慧身。不由他悟。如是云云。無量廣如經文。問此等歎因中德耳。豈可即圓滿德果耶。答此一乘義。因果同體成一緣起。得此即得彼。由彼此相即故。若不得果。果者因即不成。因。何以故。不得果。等。非因也。問上言果分離。緣不可說相。但論因分者。何故十信終心。即辯作佛得果法。耶。答。令言作佛者。但從初見聞已去。乃至第二生。即成解行。解行終心。因位窮滿者。於第三生。即得彼究竟自在圓滿果矣。由此因體依果成故。但因滿者。即沒於果海中。也。爲是證境界故。不可說也。此如龍女及普莊嚴童子。善財童子。弁兜率天子等。於三生中。即克彼果。義等廣如經。辯應準思之。問

①其二生也 ②此十等 ③皆二能 ④顯二現 ⑤耶二者 ⑥則二首 ⑦故一 ⑧(互)一 ⑨合十容 ⑩五教章 ⑪章中之二 ⑫華嚴一乘欲分記章中之三首 ⑬相十(即) ⑭盡十(無盡) ⑮盡十(盡) ⑯之(一) ⑰無盡無盡 ⑱無盡無盡 ⑲無二耳 ⑳現二顯 ㉑是二此 ㉒事十(一) ㉓亦二此 ㉔體十(門) ㉕但二俱 ㉖滿二潤 ㉗可(一) ㉘不二同 ㉙滿德果二果德 ㉚(果)一 ㉛等二故 ㉜今二今 ㉝從初二從 ㉞因十(位) ㉟者十(摩訶) ㊱也二耳 ㊲(并)一 ㊳克二超



中即攝餘門無不皆盡。應以六相方便而會通之。可準。上來所明並是略顯別教一乘緣起義耳。又於其中諸餘法相及問答除疑等。與彼三乘或同或異。所目所設爲方便等。廣如經論疏鈔孔目及問答中於彼釋矣。與彼三乘全別不同。宜可廣依華嚴經普眼境界準思之。問此上道理。與彼三乘義別不同此可信矣。又以何文證知三乘外別有一乘耶。答此經自有誠文。故偈云。一切世界群生類。尠有欲求聲聞道。求緣覺者轉復少。求大乘者甚希有。求大乘者猶爲易。能信是法甚爲難。良由此法出情難信。是故聖者將彼三乘對比決之。又偈云。若衆生下劣其心厭沒者。示以聲聞道。令出於衆苦。小乘也。若復有衆生。諸根少明利。樂於因緣法。爲說辟支佛。中乘也。若人根明利。有大慈悲心。饒益諸衆生。爲說菩薩道。即大乘也。若有無上心。決定欲大事。爲示於佛身。說無盡佛法。一乘也。由此一乘非下機堪受。是故大聖善巧。於彼三乘位中隨其機欲方便少說。由不窮法界源故。權現二身三身等佛。今爲如是無上心機樂大事方始。現佛十身境界。說無盡佛法耳。名現佛身。說無盡佛法也。三乘但隨機而已。未顯諸佛十身自境界故。非現佛身。又隨機少說一相一寂一味理等。非窮盡說也。何以故三乘以此無窮爲過失故。然此一乘以無窮爲實德故耳。又此經云。於一世界中。聞說一乘

① 銘融 = 容持 ①  
 ② ③ [感] = ①  
 ② ③ 顯 + (一切顯) ② ③ 銘 = 容 ①  
 ② ③ \* ④ 就緣 = 據緣起等，就 = 據 ②  
 ② ③ [自] = ① ②  
 ② ③ [於] = ① ②  
 ② ③ ④ 卽 + (全) ②  
 ② ③ ④ 成 + (故爲此) ② ③

[illegible]





No. 1867

五教止觀一乘十玄門合行敍

夫五教止觀也者。華嚴初祖帝心尊者所造。且一乘十玄門也者。第二祖至相大師所撰也。偕釋于大不思議經。而始起五教。迺立十玄。是顯於無圍重重因陀羅珠網之寶冊。示乎圓融隱隱錠光顯黎鏡之玉章也。或曰書林井氏袖彼二小策子來謂云。頃日彫刻入梓。因思欲及于遐邇。而卷軸至少。若別行者恐煩披閱。是故合集以行焉。因乞措一辭於卷首。繇旂應索書而爲叙。

惟時元祿第九丙子八月穀旦。高智積覺眼空敬識。

華嚴五教止觀

京終南山文殊化身 杜順 說  
行人修道簡邪入正止觀法門有五

一法有我無門小乘  
三事理圓融門大乘  
五華嚴三昧門圓教  
二生卽無生門大乘  
四語觀雙絕門頓教

第一法有我無門

夫對病而裁方。病盡而方息。治執而施藥。執遣而藥已。爲病既多。與藥非一。隨機遣修異。所以方便不同。今偏就五停心中。爲衆生著我者。說界分別觀。衆生從無始已來。執身爲一。計我我所。然計我有二種。一即身執我。二離身執我。言離身執我者。謂外道計身內別有神我者是也。廣如經論中破。於此不更繁文。言即身執我者。執我如來慈悲爲破此病。故都開四藥以治四病。其中別門各有藥病。具如後釋。言四病者。一執身爲我一。二執四大。三執五陰。四執十二入。言四藥者。一色心二法。二四大五陰。三十二入。四十八界是也。次釋。若衆生執身爲一我而成病者。即說色心二法爲藥。亦云。此中乃有色心二法。云何爲我一耶。衆生聞此遂即轉執色心爲實成病。即爲開一色。即爲開一心。色爲四色。即四大是也。開一心爲四心。即五陰中四陰是也。此乃是四色四心。云何但執一色一心爲我一耶。衆生又即轉執四色四心成病。佛即爲合四大爲一色。即五陰中色陰是也。合四心爲一心。即十二入中意入是也。衆生聞此又更轉執成病。佛即爲分一色爲十一色。言十一者。即十二入中內五根外六塵。成十一色也。開一心爲七心。即十八界中六識並意識是也。此乃是十八界。云何直執一色一心爲有我耶。衆生聞此遂悟得入空也。然十八界中各有三種。謂內界外界中界。又就三種中各分爲二。一者病三。二者藥三。言病三者。

一內執六根。總相爲我者是也。二外執六塵。總相爲我所者是也。三總計中間六識。總相爲我見者是也。謂我見我聞我覺我知者是也。次言藥三者。一分內六根爲六界。謂眼界等是也。治前計我之病也。二分外六塵爲六界。謂色界等是也。治前計我所之病。三分中間我見聞等爲六識。識。謂眼識界耳識界等者是也。治前我見聞等病。是已上三處合明。帶數標稱分齊差別。彼此不同。總舉題綱名爲十八界法也。所言界者別也。十八者數也。故言十八界。卽於前一一法上。各有六重。一者名。二者事。三者體。四者相。五者用。六者因。所言名者眼根口中是說言者是也。所言事者。名下所詮一念相應如幻者是也。所言體者。八微事也。言八微者。堅濕煖動色香味觸者是也。所言相者。眼如香綫華。亦云如蒲桃埤是也。所言用者。發生眼識者是也。又有四義。一眼識作眼根。二發生眼識。三眼識屬眼根。四眼識助眼根者是也。所言因者。賴耶識根種子者是也。耳根如斜跛。翼相。鼻根如覆爪甲。舌根如偃月刀相。身根如立地蛇相。意根據小乘。如芙蓉相。若據大乘。以四惑俱生爲相。四惑者。我貪我慢我癡我見也。意根體者阿賴耶識是也。事者名下所詮與意識內緣一念相應執我者是也。除意根體事。餘根準眼根思之可知。第二外六塵者。一是有六種。一者名口中言說色塵者是也。二者事名下所詮一念與眼識相應者是也。三者體八微者是也。四者相青黃赤白者是也。五者

○(華嚴·四)十二字二(五教章卷中之三終)八字㊶, (華嚴一乘歡分記卷中)九字㊷㊸ ㊶此下兩本有正應三年七月廿六日午時以或人移點墨。華嚴末墨沙門宣通之本也 ㊷大日本續藏經 ㊸執我 ㊹一 ㊺即當...色 ㊻六字 ㊼一 ㊽識 ㊾一



用引生眼識者是也。六者因阿賴耶識中色種。色種子者是也。聲塵以大小長短音聲爲相。香塵以香臭等爲相。味塵以酸鹹甘辛苦爲相。觸塵冷暖澀滑硬軟輕重等爲相也。法塵以方圓長短形量等爲相。其法塵以無明爲體。除法塵體外餘五塵準色塵思之。中間六識者。一名口中言說眼識者是也。二事者名說不及妙得不亡者是也。三體者用如來藏爲體。四相者清淨圓滿爲相也。五用者得境了知爲用也。六因者以阿賴耶識中眼識種子者是也。然意識中事者。名下所詮與正理不相應者是也。以一切往礙爲相。除意識事相。外餘五識準眼識思之。其名事等一界既六。總計十八界都一百八界也。有經用此爲一百八煩惱。所治之病既爾。能治之藥亦然。俱根塵識等並以藏識爲體。故楞伽經云。藏識海常住。境界風所動。恒起諸識浪。騰躍而轉生。據此經文。是爲可證。若行者觀此十八界。斷前等煩惱。得離我所。此即解脫能觀之心。是智所觀之境。無人名得人無我智也。人我雖去。法執猶存。法執者謂色心也。問此中法執色心與前破一我色心何別耶。答前則一身爲有人。故舉色心以破見。乃至如是展轉開一身爲十一色。開一心爲七心等。至此始知從衆緣和合生。故人見始亡。鑒理未明。猶執衆緣。以爲實有。有斯異也。此略出說小乘破我執。明界分別觀竟。

### 第二生即無生門

生即無生門者。就此門中。先簡名相。後入無

生門。今初簡名相者。且就世間。隨取一物微即得。今且就一枕上微。問不達世間。喚作何物。答是枕。問復是何。答是名。又問。此是何枕。答是木枕。又問。木枕復是何。答不是名。又問。既不是名。喚作何物。答是句。又問。既不是句。喚作何物。答是名。又問。名將何用。答名將呼事。又問。素將來。答枕到來也。即指到來者。是何。止不須語。此是默答。更問。定是何物。答不是枕。又問。既不是枕。枕向何處去。答是名。又問。名在何處。答口中言說者是。又問。此既不是枕。喚作何物。答離言。又問。何以得知離言。答由眼見故假言詮。又問。若假言詮。喚作言何物。答是事。又問。事有多種。或是相事。或是色事。或是理事。答此是相事。又問。相亦有多種。或邪或方圓等相。答此是方相。又問。方相有多種。言多種者。名同事別。答此是枕名下方相。又問。名相事八識之中是何心攝。答眼識門中第六意識心中名相事。又問。從何處得此名相事。忽然於意識心中現耶。答從種子來。問何以得知。答此枕名相不得作席名相。故得知從種子來也。問種子從何處得。答從邪師邊得。又問。當得之時云何得。答由於見聞熏成種子故。又問。此名相事既在意識心中。即合心內看。何故心外向前看。答向前看時。此名相全在心裏。又問。何以得知。答眼識但見色。名相事在意識心內。又問。我迷人唯見名相。汝智者既見色者。相貌云何。何者是色。却問迷人。汝見名相相貌云何。迷人

答曰。四稜六面者是智人。問曰。向稜處看。當見稜耶。見色耶。迷人審諦觀察。答云。唯見色不見稜。餘稜面上亦同此問。答。迷人問曰。既全是色者。名相何在。智人答曰。名相在汝心中。迷人不伏。智人問曰。有何所以不伏。迷人答曰。如我現見佛授記寺門樓。名相是我心中向前看者。名相亦遂在我心中。何故一人取得。一人取不得。智人却問曰。汝取名相來。迷人答言。已取得訖。智人問曰。取得何物。迷人答曰。取得名相。又問。名相軟耶硬耶。答云。硬。智人云。放著硬。但取名相。莫取硬來。迷人答。硬及名相俱得。又問。便可見耶。答不可見。更問。見何物。答但見名相。迷人却問。既取名相得。唯取得名相何在。智人答云。名相在迷人心裏。迷人不伏。名相在迷人心。智人問曰。何以不伏。迷人答。既種種名相俱在我心中。何故不齊得硬。答得硬。若得硬者。是現名相。不得硬者。以是過去名。又難曰。意識不得現量境。云何得有過去現量境耶。答二種名俱在過去。於中有獨行不觸行差別故。又問曰。既二種名相皆是妄識。經云。何有獨影像。有帶質影像。答言。帶質者亦是獨影心緣。方相是比量境。故不是現量。故今說別。以共眼識不共故說別也。又問。分別何故不同。答曰。分別有顯了有憶持。二種不同。是故有託質影。有不託質影。分別不同故也。迷人又問曰。我唯見二種名相。汝智者見何法。答曰。智人唯見色法。不見名相。此箇名竟。次入無生門者。夫智人觀色法者。且如色法。眼識得時

實無分別。不是不得而無分別。此即是法眼識親證如色無異。及其意識不了妄計我。生假分別。倒見。沈淪於事中真妄齊致。何者意識分別不如法也。言真妄者。眼識得故名真。意識緣故為妄。真。懸差別不等。是故證法無人。何以故。法無分別故。經云。法無分別。若行分別。是即分別。非求法也。色法既窮。心法亦然。準以思之。如色無異。故經云。五識所得境當體如來藏等。是則入初門之方便。契自位之妙門。略說大意如斯。廣釋如經論中說。又諸法皆空相無不盡。於中復為二觀。一者無生觀。二者無相觀。言無生觀者。法無自性。相由故生。生非實有。是則為空。空無毫末。故曰無生。經云。因緣故有。無性故空。解云。無性即因緣。因緣即無性。又中論云。以有空義故。一切法得成。又經云。若一切法不空者。則無道無果等。第二無相觀者。相即無相也。何以故。法離相故。經云。法離於相。無所緣故。又經云。一切法皆空。無有毫末相。空無有分別。由如虛空有門論云。無性法亦無。一切皆空。故觀如是法離情執故。故名為觀。問一切法皆空。云何成觀耶。答只以一切法皆空故。是故得成觀也。若不空者。即是顛倒。何成觀也。問作如是觀者。治何等病耶。答治上執法之病。何者。法實非有。妄見為有。由妄見故。即謂真如涅槃可得。生死有為可捨。為斯見故。是故成病。今知法空。如法無謬。故成於觀。故經云。如如與法界。菩提及實際。種種意生身。我說為心量等。又經云。以無

分別空故云觀也。諸法皆空相無不盡。略申綱紀。準以思之。前門則得人無我智。此始教菩薩則得人法二空。亦名法無我智也。

### 第三事理圓融觀

夫事理兩門圓融一際者。復有二門。一者心真如門。二者心生滅門。心真如門者是理。心生滅者是事。即謂空有二。一見。自在圓融。隱顯不同。竟無障礙。言無二者。緣起之法似有即空。空即不空。復還成有。有空無二。一際圓融。二見斯亡。空有無礙。何以故。真妄交映。全該徹故。何者。空是不礙有之空。即空而常有。有是不礙空之有。即有而常空故。有即不有。離有邊有。空即不空。離無邊空。空有圓融。一無二。故空有不相礙。互形奪故。雙離兩邊。故經云。深入緣起斷諸邪見。有無二邊無復餘習。又經云。因緣故法生。因緣故法滅。若能如是解。斯人疾成佛。又經云。甚深如來藏。恒與七識俱。二種攝受生。智者則遠離。又經云。染而不染。難可了知。不染而染。難可了知。依是義故。得有止觀雙行悲智相導。何者。以有即空而不有故名止。以空即有而不空故名觀。空有全收不二而二。故亦止亦觀。空有互奪二而不二。故非止非觀。言悲智相導者。有即空而不失有故。悲智智而不住空。空即有而不失空故。智導悲而不滯有。以不住空之大悲故。恒隨有以攝生。以不攝生。以不滯有之大智故。常處空而不證滅。滅則不滅之滅。滅而非滅。生則無生之生。生而非生。生非生故。生相紛然而不有。滅非滅故。空相

而不然。空相法然而不空。生相紛然而不有。故涅槃生死而不殊。何以故。空有圓融。一不二故。亦可分為四句。以有即空故。不住生死。以空即有故。不住涅槃。空有一塊而兩存故。亦住生死亦住涅槃。以空有相奪兩不存故。不住生死不住涅槃。其猶水波為喻。高下相形是波。濕性平等是水。波無異水之波。即波以明水。水無異波之水。即水以成波。波水一而不礙殊。水波殊而不礙一。不礙一故處水即住波。不礙殊故住波而。恒居水。何以故。水之與波別而不別故。經云。衆生即涅槃相不復更滅。亦得涅槃即衆生性不復更生。又經云。如來不見生死不見涅槃。生死涅槃等無差別。又經云。於無為界現有為界。而亦不壞無為之性。於有為界等亦然。又經云。非凡夫行。非賢聖行。是菩薩行。解云。凡夫行者著有賢聖行者住無。今既有無無二而二。二而不一。是故雙離兩失。頓絕百非。見心無寄。故名觀也。

### 第四語觀雙絕門

夫語觀雙絕者。經云。言語道斷。心行處滅者是也。即於上來空有兩門。離諸言論心行之境。唯有真如及真如智。何以故。圓融相奪離諸相故。隨所動念即皆如故。竟無能所為彼此故。獨奪顯不染不物故。經云。唯如如及如如智獨存等。又經云。諸法寂滅相不可以言宣。又經云。法離一切觀行。又經云。若解真實者無菩提。問若云空有圓融語觀雙絕者。即離觀行。云何證入耶。答非是默而不言。但以語即如故。不異於法。是以無言。觀行亦爾。反

①沈淪於二沉淪於一 ②懸差別二妄懸差 ③二見二無二 ④以不攝生 ⑤不 ⑥恒二不 ⑦

上可知故經云。有三十二菩薩。各說二而不二不二而二。名入不二法門。次至維摩。默答寂無言說。名真入不二法門。文殊歎曰。善哉善哉。默然無言。是真入不二法門。解云。維摩雖默無言。即是說法。何以故。以諸菩薩皆得解故。何者。言說觀行即是法也。問空有無二。

用功間斷。纔作還休。求悟終自難期。望解虛盈歲月。何者。無始習業垢重難穿。雖有覺心。隨見隨滅。若不剋勤懇切。無以成於行心。隨日妄以爲懷。徒自疲於筋力。夫是行者存意思之。

### 第五華嚴三昧門

遂令大士無言。性相鎔融。致使觀心無措者。信如其說。今修學者未審。以何方便而證契耶。答。即於此空有法上。消息取之。何者。以空攝於有。有而非有。有見斯盡。以有攝於空。空而非空。空執都亡。空有即入全體交徹。一相無二兩見不生。交徹無礙。礙而不礙兩相俱存。互擊圓融而不廢兩非雙泯。故契圓珠而自在諸見勿拘。證性海而無罵。蕭然物外超情離念。迥出擬議頓塞百非。語觀雙絕。故使妄心永釋。諸見雲披。唯證相應。豈關言說。是以維摩默答欲表理出言端。天女盛談欲彰性非言外。性非言外。言即無言。理出言端。不說即說。不說即說。故絕情慮之思議。言即無言。故。殄解心之圖度。以斯融奪。豈筆說能申。唯證相應。當自知耳。故經云。如人飲冷水。唯自知也。此意在言外。勿執言思理。理不出言。莫捐而求理。諦解研窮。復自顯然。委細瑩磨。故應明耳。但須勤加用力。專志勿移。行。住。坐。臥。中無令暫廢。久作不已。白皂自分深可信矣。故經云。如人渴須水。穿鑿於高原。施功不已。漸見濕土。知水必近。又經云。譬如人鑽火未熱而止息。火勢隨止滅。懈怠者亦然。又論云。如人夢渡河水。因勇猛力而得覺也。若也。

但法界緣起惑者難階。若先不濯垢心。無以登其正覺。故大智論云。如人鼻下有臭。臭沈麝等香亦爲臭也。故維摩經云。無以生滅心行說實相法故。須先打計執。然後方入圓明。若有直見色等諸法從緣。即是法界緣起也。不必更須前方便也。如其不得直入此者。宜可從始至終一一微問。致令斷惑盡除。法絕言見。性生解方爲得意耳。問曰。云何見色等諸法。即得入大緣起法界耶。答曰。以色等諸事本真實亡證。即妄心不及也。故經云。言說別施行。真實離文字。是故見眼耳等事。即入法界緣起中也。何者。皆是無實體性也。即由無體幻相方成。以從緣生非自性有故。即由無性得成幻有。是故性相相渾融全收一際。所以見法即入大緣起法界中也。問既言空有無二。即入融通者。如何復云見眼耳等即入法界中耶。答。若能見空有如是者。即妄見心盡。方得順理入法界也。何以故。以緣起法界離見亡情繁興萬像故。問既知如是。以何方便令得入耶。答。方便不同略有三種。一者微令見盡。如指事問云。何者是眼。如已前小乘中六種情之。若入一切諸法。但名門中收。無有一法非名者。復須責其所以知眼等

是名。如是展轉責其所以。令其亡言絕解。二者示法令思。此復有二門。一剋顛倒心。既盡如指事。以色香味觸等。奪其妄計。令知倒惑。所有執取不順於法。即是意識無始妄見熏習所成。無始念曳續生三界輪環不絕。若能覺知此執即是緣起。當處無生。二者示法斷執。若先不識妄心示法。反成倒惑。若不示法令見。迷心還著於空。所以先剋妄心。後乃示法令見。三者顯法離言絕解。就此門中亦爲二。一遮情。二表德。言遮情者。問緣起是有耶。答不也。即空故。緣起之法無性即空。問是無耶。答不也。即有故。以緣起之法即由無始得。有亦無耶。答不也。空有圓融一無二故。緣起之法空有一際無二相故也。如金與莊嚴具思之。問非有非無耶。答不也。不礙兩有故。以緣起之法空有互奪同時成也。問定是無耶。答不也。空有互融兩不存故。緣起之法空奪有盡唯空而非有。有奪空盡唯有而非空。相奪同時兩相雙泯。二表德者。問緣起是有耶。答是也。幻有不無故。問是無耶。答是也。無性即空故也。問亦有亦無耶。答是也。不礙兩有故。問非有非無耶。答是也。互奪雙泯故。又以緣起故是有。以緣起故是無。以緣起故是亦有亦無。以緣起故是非有非無。乃至一不一。亦一亦不一。非一非不一。多不多。亦多亦不多。非多非不多。如是是多。是一。亦是多。亦是一。非是一非是多。即不即四句準之如是。遮表圓融無礙皆由緣起自在故也。若能如是者。方得見緣起法也。何以故。圓融一際稱法見故。若不。同前後見者。是顛倒見。

非正見也。何以故。前後別見不稱法故。問如是見已。云何方便入法界耶。答言入方便者。即於緣起法上。消息取之。何者。即此緣起之法。即空無性。由無性故幻有方成。然此法者。即全以無性性爲其法也。是故此法即無性而不礙相存也。若不無性。緣起不成。以自性不生皆從緣故。既全收性盡。性即無爲不可分。別隨其大小性無不圓。一切亦即全性爲身。是故全彼爲此。即性不礙幻相。所以一具衆多。既彼此全體相收。不礙彼此差別也。是故彼中有此。此中有彼。故經云。法同法性。入諸法故。解云。法者即舉緣起幻有法也。同性者。緣起即空而不礙此相故。全收彼爲此。以彼即空而不礙彼相故。既彼此全收相皆不壞。是故此中有彼。彼中有此。非但彼此相收。一切亦復如是。故經云。一中解無量。無量中解一。展轉生非實。智者無所畏。又云。於一法中解衆多法。衆多法中解了一法。如是相收彼此即入。同時頓現無前無後。隨一圓融即全收彼此也。問法既如是。智復如何。答智順於法。一際緣成。冥契無簡。頓現不無先後。故經云。普眼境界清淨身。我今演說人諦聽。解云。普眼者。即是法智相應頓現多法也。即明法唯普眼智所知。簡非餘智境界也。境界者。即法。明多法互入猶如帝網天珠重重無盡之境界也。清淨身者。即明前諸法同時即入終始難原緣起集成見心無寄也。然帝釋天珠網者。即號因陀羅網也。然此帝網皆以寶成。以寶明徹通相影現涉入重重。於一珠中

同時頓現。隨一即爾。竟無去來也。今且向西南邊。取一顆珠。驗之。即此一珠能頓現一切珠影。此珠既爾。餘一一亦然。既一一珠一時頓現一切珠既爾。餘一一亦然。如是重重無有邊際。有邊即此重重無邊際珠影皆在一珠中。炳然高現。餘皆不妨此。若於一珠中。坐時。即坐著十方重重一切珠也。何以故。一珠中有一切珠故。一切珠中有一珠時。亦即著一切珠也。一切反此。準以思之。既於一珠中入一切珠。而竟不出此一珠。於一切珠中入一切珠。而竟不起此一珠。問既言於一切珠中入一切珠。而竟不起此一珠者。云何得入一切珠耶。答只由不出此珠。是故得入一切珠。若出此一珠入一切珠者。即不得入一切珠。此珠內無別珠。問若此珠內無一切珠者。此網即但一珠所成。如何言結多珠成耶。答只由唯獨一珠方始。始結多爲網。何以故。由此一珠獨成網故。若去此珠。全無網故。問若唯獨一珠者。云何言結成網耶。答結多珠成網者。即唯獨一珠也。何以故。一是總相具多成故。若無一。一切無故。是故此網一珠成也。一切入一。準思可知。問雖西南邊一珠總收十方一切珠盡無餘。方各各有珠。云何言網唯一珠成耶。答十方一切珠者。總是西南方一顆珠也。何以故。西南邊一珠即十方一切珠故。若不信西南邊一珠即是十方一切珠者。但以墨點點西南邊一珠者。一珠著時即十方中皆有墨點。既十方一切珠上皆有墨點。故知十方一切珠即是一珠也。言十方一切珠不是西南邊一珠者。豈可

是人一時遍點十方一切珠耶。縱令遍點十方一切珠者。即是一珠也。此一爲始既爾。餘爲初亦然。重重無際點點皆同。杳杳難原。一成感畢。如斯妙喻類法思之。法不不然。喻同非喻。一分相似故以爲言。何者。此珠但得影相攝入。其實各殊。法不不然。全體交徹故。華嚴經性起品云。爲饒益衆生令悉開解故。以非喻爲顯現真實義。如是微密法無量劫難聞。精進智慧者乃聞如來藏云云。經云以非喻爲喻等也。諸有行者準喻思之。

盧遮那佛過去行 令佛利海皆清淨  
無量無數無邊際 彼一切處自在遍  
如來法身不思議 無色無相無倫匹  
示現色相爲衆生 十方受化靡不現  
一切佛刹微塵中 盧遮那現自在力  
弘誓佛海震音聲 調伏一切衆生類  
行人修道簡邪入正止觀法門一卷

華嚴杜順和上略出記

終南山杜順禪師緣起  
其禪師有一弟子。奉事以經三十餘年。其弟子常思。向五臺禮拜文殊菩薩他日忽然諸量而上。弟子意欲向五臺禮拜。順和上慈悲放某甲去。和上再三苦留不得。其禪師遂放去。汝去早來。吾待汝。遂拜辭和上。經旬月方到五臺。志誠頂禮。忽遇一老人云。汝彼從何

●緣十(起)●●別二制●●故十(全收此爲彼)●●此十(一)●●[有邊]一●●高二顯●●坐十(著)●●即十(坐)●●  
●(始)一●●四[華嚴]云云●四十八字一●

處來。弟子答言。從終南山來。汝有何意來。故來禮拜文殊菩薩。老人云。文殊菩薩不在此間。弟子問老人曰。在何處。老人報云。在終南山。杜順禪師是其弟子。驚怪報老人曰。是弟子和上奉事經三十年。老人曰。汝雖奉事。由來不識。汝火急即迴夜頭到即見。若隔宿即不見也。汝便行即得其人極怪。來經一月方到。今日却迴。若為投宿可到信此老人語。即迴須與到西京。其日薄曉甚怪。便且過諸善知識家。皆是不錯。遂過問鼓聲動。即擬趁南門出。早被閉了。甚悵望不得出城。遂却善知識家。寄宿之。上鼓動。即出城急行到山。其和上昨夜早已滅度訖。其人甚怨恨。不得見和上別。極悲哽果。如五臺老人言。方知是文殊菩薩。其禪師述華嚴法界觀十玄止觀義海等章。見行於世。此乃是文殊菩薩化身耳。

No. 1868

### 華嚴一乘十玄門

大唐終南太一山至相寺釋智儼撰  
承 杜 順 和 尚 說

明一乘緣起自體法界義者。不同大乘二乘緣起。但能離執常斷諸過等。此宗不爾。一即一切無過不離。無法不同也。今且就此華嚴一部經宗。通明法界緣起。不過自體因之與果。所言因者。謂方便緣修體窮位滿。即普賢

是也。所言果者。謂自體究竟寂滅圓果。十佛境界一即一切。謂十佛世界海及離世間品。明十佛義是也。問文殊亦是因。人何故但言普賢是其因人耶。答雖復始起發於妙慧。圓滿在於稱周。是故隱於文殊。獨言普賢也。亦可。文殊普賢據其始終。通明緣起也。今辨此因果二門者。因果絕於說相。所以不可以言說而辨。因即明其方便緣修。是故略辨也。問不思議法品等亦明果德。何故得於因門說耶。答此等雖是果德。對緣以辨果。非是究竟圓寂之果。是故與因同一會說也。今約教就自體相。辨緣起者於中有二。一者舉譬辨成於法。二者辨法會通於理。所言舉譬辨者。如夜摩天會菩薩雲集品說云。譬如數十法增一。至無量。皆悉是本數智慧。故差別也。今舉此十數為譬者。復有二門。一異體門。二同體門。就異體門中復有三。一者一中多中。一如經云。一中解無量無量中解一。展轉生非實。智者無所畏。此約相說也。二者一即多多。即一。如第七住經云。一即是多多即一。義味寂滅悉平等。遠離一異顛倒相。是名菩薩不退住。此即約理說也。今約十數明一中多中。中一者。若順數從一至十向上去。若逆數從十至一向下來。如一者一緣成故。一中即有十。所以一成故。若無十一即不成。無性緣成故。一中即有十。所以一成故。三三四等一切皆成也。若一住自性十即不成。十若不成一亦不成也。問既其各各無性何得成其一多耶。答此由法界實德緣起力用普賢境界相應。所

以一多常成不增不減也。如維摩經云。從無住本立一切法。又論云。以有空義故一切法得成也。問此門攝法界。為盡為不盡耶。答亦有盡義。亦無盡義。何者。十中一即是盡。一中十具說即無盡也。又復知。一中等皆具盡不盡義也。次明一即多多即一者。還同前門中向上去向下來也。如似一即十緣成故。若一非十不成也。從上向下來亦如是。十即一緣成故。若十非一一不成也。問何但一不成十亦不成。答如柱若非舍爾時則無舍。若有舍亦有柱。即以柱即舍故有舍復有柱。一即十十即一故成一復成十也。問若一即十此乃無有十。那得言一之與十。乃言以即故得成耶。答一即十即非一者。非是情謂一。所謂緣成一。緣成一者非是情謂一故。故經云。一亦不為一為欲破諸數。淺智者著諸法。見一以為一也。問前明一中十。此明一即十。有何別耶。答前明一中十者。離一無有十而十非是一。若此明一即十者。離一無有十。而十即是一緣成故。問若一多要待緣成者。為是同時為是先後耶。答緣成故常同時而先後。所以然者。一即十十即一故常同時。而向上去向下來故有前後也。問既有明先後去來。即是有增減。何名不動本相耶。答雖先後去來而常不動故。經云。不來相而來也。如一即多而不動一相。如此一相亦非情謂一。多亦如是。雖多即一而不壞多相。亦非情謂多。問此之一多既是緣成不同情謂者。為是本來有此一多。為是始有耶。答今本

①如十(至)②上二且③致十(聖)④大日本續藏經⑤[界]一⑥冠註曰十中一等者折舊記引此文云何者一中十十即是盡十中一具說即無盡復古所引亦同折新疑此文後人改易歟

有不有者。爲欲就智辨本有。爲自就一多體辨耶。若自就一多體辨不論智者。體即息諸論道。同於究竟因果離說相故。今若辨一多者約智說也。如經云智慧差別故。又云智者無所畏。故約智說一多也。問若約智故。其本有者。以智照故本有。答如室中空。開門見時此空即是本有。如涅槃經見佛性已即非三世攝。問亦得是始有以不。答見時。如言有。不見不言有故亦名始有。問若一多之體由智照故。即通本有及本不有者。此智照時得通有照不照以不。答本有故智即非照。本不有故由智。故照明知亦通照不照。一切諸法例如此也。

二明同體門者還如前門。相似還明一中多中。一中即多多即一。今就一中門說者。還明向上去向下來。其中逆順各具十門。今略舉其始終。約十一而說者。如似一中十緣成故。若無十一不成二三亦如是。十即一亦如是。問此同體門中。與前異體門中有何別耶。答前異體門言一中十者。以望後九故名。一中十。此門言一中十者。即一中有九故言一中十也。問若一中即有九者。此與前異體門一即十有何別耶。答此中言一有九者。有於自體九而一不是九。若前別體門說者一即是彼異體。十等而十不離一。問一中既有九者應非緣成義。答若非緣成豈得有九耶。問一體云何得有九。答若無九即無一。次明同體門中一即十者。還言一者一緣成故一即十。何以故若十非一一不成故。一即十既爾。

一即二三亦然。逆順各十門亦然。問此中言自體一即十者。與前同。體一中十有何別耶。答前明同。體中有十而一非是十。此明一即十而一即是十以爲異也。問此明一體即十。爲攝法盡以不。答隨智差別故亦盡亦不盡。何者如一若攝十即名爲盡。若具說即無盡。問爲自門無盡。爲攝餘門亦無盡耶。答一無盡餘所無盡。若餘不盡一亦不盡。若成一一切即成。若不成一切不成。是故此攝法即無盡。復無盡成一之義。於三四義由若虛空。即是盡更不攝餘。故名無盡故亦攝盡不盡也。問既言一即攝盡者。爲只攝一中十亦攝他處十。答攝他十亦有盡不盡義。何以故離他無自故。一攝他處即無盡而成一之義。他處十義如虛空故有盡。上明舉十數爲譬說竟。

此下明約法以會理者凡十門

- 一者同時具足相應門此約相應無先後說
- 二者因陀羅網境界門此約緣說
- 三者秘密隱顯俱成門此約緣說
- 四者微細相容安立門此約相說
- 五者十世隔法異成門此約世說
- 六者諸藏純雜具德門此約行說
- 七者一多相容不同門此約理說
- 八者諸法相即自在門此約用說
- 九者唯心迴轉善成門此約心說
- 十者託事顯法生解門此約智說

就此十門亦一一之門皆復具十會成一。所言十者。一者教義。二理事。三解行。四因果。五人法。六分齊境界。七法智師弟。八主伴。依正。九逆順體用。十隨生根欲性。所言教義者。教即是通相別相三乘五乘之教。即以別教以論別義。所以得理而忘教。若入此通宗而教。即義以同時相應故也。第二理事者。若三乘教辨即異事顯異理。如諸經舉異事喻異理。若此宗即事是理。如入法界等經文是體。實即是理相彰即是事。第三解行者。如三乘說。解而非行。如說人名字而不識其人。若通宗說者即行即解。如看其面不說其名而自識也。相顯爲行。契窮後際爲解。第四因果者。修相爲因契窮爲果。第五人法者。文殊顯其妙慧。普賢彰其稱周。明人即法也。第六分齊境界者。參而不雜各住分位。即分齊境界。第七法智師弟者。開發爲師。相相成即弟子。第八主伴依正者。舉一爲主餘即爲伴。主以爲正伴即是依。第九逆順體用者。即是成壞義也。第十隨生根欲性者。隨緣常應也。如涅槃經云。此方見滿餘方見半。而月實無虛盈。若此宗明者。常增減而常無增減。以同時相應。然此十門體無前後。相應既具此十門。餘因陀羅等九門亦皆具此十門。何但此十門。其中一一皆稱周法界。所以舉十門者成其無盡義也。

今釋第一同時具足相應門者。即具明教義理事等十門同時也。何以得如此耶。良由緣起實德法性海印三昧力用故得然。非是方

便緣修所成故得同時。今且據因是同時者。若小乘說因果者。即轉因以成果。因滅始果成。若據大乘因果亦得同時。而不彰其無盡。如似舍緣以成舍。因果同時成而不成餘物。以因有親疎故。所以成有盡。若通宗明因果者。舉疎緣以入親。是故如舍成時。一切法皆一時成。若有一法不成者。此舍亦不成。如似初步若到一切步皆到。若有一步非到者。一切步皆非到。故經云。雖成等正覺不捨初發心。又如大品經云。非初不離初非後不離後。而明菩提也。問既言一步即到者。何須用第二步耶。答汝言一步即到者。為多是即一以不。又言何用第二步者。此第二步為是一即多。又言若初步是多一。第二步即一多者。云何乃言一步到不用第二步耶。答若不一是多一。多亦不是一多者。何但一步不能到。雖行多步終是不到。故知一步與多步常有到不到義。因中尚爾者。果中亦無果義。故涅槃經云。智者應當定說亦有亦無。今舉一步到者。即是法界緣起海印定力說到不到。不同情謂說到不到。故經云。唯應度者乃能見之。而復不失因果。不墮斷常。故經云。深入緣起斷諸邪見斯之謂也。問若因果同時即因成果。因即成果那得言不失因果耶。答如地論云。依緣二種義示現二種時。依因義者名為因。依果義者名為果。豈得失於因果耶。又且既言因果同時那得言失。若其失者何名因果同時耶。因果同時既如此。教義理事等同時亦然。問既言同時相應者。今舉因果一事。

即得具前教義等十門以否。答今但舉十門者欲成其無盡。若論三種世間圓融。可但一事具此十門。亦具無盡無量法界。空法門。成其無盡復無盡。若但就別事說不成無盡者。只同大乘義也。

第二因陀羅網境界門者。此約譬以明。亦復具有教義等十門。如梵網經。即取梵宮羅網為喻。今言因陀羅網者。即以帝釋殿網為喻。帝釋殿網為喻者。須先識此帝網之相。以何為相。猶如眾鏡相照眾鏡之影見一鏡中。如是影中復現眾影。一一影中復現眾影。即重現影成其無盡復無盡也。是故如第七地讚請經云。於一微塵中各示那由他無量無邊佛於中而說法。此即智正覺世間又云。於一微塵中現無量佛國須彌金剛圍。世間不迫近。此即據器世間。又云。於一微塵中現有三惡道天人阿修羅。各各受業報。此即據眾生世間。又云。如一微塵所示現。一切微塵亦如是。故於微塵現國土。國土微塵復示現。所以成其無盡復無盡。此即是其法界緣起。如智如理實德如此。非即變化對緣方便故說。若是大乘宗所明。即言神力變化故大小得相入。或云菩薩力故入。又言不二故入。不同一乘說。問若此宗明相入不論神力。乃言自體常如此者。斯則渾無疆界。無始無終何緣得辨因果教義等耶。答以隨智差別故舉一為主。餘則為伴。猶如帝網舉一珠為首衆珠現中。如一珠即爾。一切珠現亦如是。是故前經舉一菩薩為主。一切菩薩圍繞。一

一菩薩皆悉如是。又如諸方皆來證誠同其名號。一切十方證誠皆亦如是。所以成其無盡復無盡。而不失因果先後次第。而體無增減故經云。一切衆生盡成佛。佛界亦不增衆生界亦不減。若無一衆生成佛衆生界亦不增。佛界亦不減也。

第三秘密隱顯俱成門者。此約緣起說也。還具前教義十門。所言隱顯者。如涅槃經半字及滿字。昔說半字故半字即顯滿字即隱。今日說滿字。即滿字即顯半字即隱。此即約緣而說隱顯。又如月喻品云。此方見半。他方而彼月性實無虧盈。隨緣所見故有增減。此即是大乘宗中說。若通宗辨者不待說與不說。常半常滿隱顯無別時。如彼月性常滿而常半。半滿無異時。是故如來於一念中。八相成道生時即是滅時。同時俱成故。所以稱秘密。如似十數一即十一即是顯。二三四至十即為隱。又眼根入正受即是顯。於色法中三昧起即名隱。而此隱顯體無前後。故言秘密也。第四微細相安立門者。此就相說。如一微塵。此即是其小相。無量佛國須彌金剛山等即其大相。直以緣起實德無礙自在致使相容。非是天人所作故安立。如似一微塵中有穢國土。而即於此微塵中具有不可說淨國。在此微塵中而於彼穢國不相妨礙。而此淨國之相仍亦不失。乃至有諸國土尸羅盆幢形三方及四維等國。在此一微塵中常不相妨礙。故普賢品云。一切諸世界入於一微塵中。世界不積聚。亦復不離散。故知若與善相



應能於一微塵中見不可說國土。而不雜亂不增不減。豈可須彌納芥子。將爲難事哉。理事等十門安立相容亦如是。問此相容門與前因陀羅網門有何別耶。答諸門隱映互相顯發。重重無盡者。即是因陀羅網門中攝。若諸門一時具顯不相妨礙。即是相容門中攝。

第五十世隔法異成門者。此約三世說。如離世間品說。十世者過去說過去過去說未來。過去說現在。現在說現在。現在說未來。現在說過去。未來說未來。未來說過去。未來說現在。三世爲一念。合前九爲十世也。如是十世以緣起力故。相即復相入而不失三世。如以五指爲拳不失指。十世雖同時而不失十世。故經云。過去劫入未來。現在劫入過去。現在劫入過去。未來劫入現在。又云。長劫入短劫。短劫入長劫。有劫入無劫。無劫入有劫。又云。過去是未來。未來是過去。現在是過去。善薩悉了知。又云。無盡無數劫能作一念頃。非長亦非短。解脫人所行如是。十世相入復相即而不失先後短長之相。故云隔法異成。教義理事等十門相即相入。而不失先後差別之相。故名異成也。

第六諸藏純雜具德門者。此約諸度門說。何者如似就一施門說者。一切萬法皆悉名施。所以名純。而此施門即具諸度等行。故名爲雜。如是純之與雜不相妨礙。故名具德。如大品經一念品明。從始至終不出一念。即名爲純。而此一念之中具於萬行。即名爲雜。雖爾

而與此中純雜義別。何者如彼經一念者。同是無得相應不明緣起德用。若此明純者。若約施門一切皆施。若說忍門一切皆忍。說忍門者諸行如虛空。即名爲純。而此忍門具足諸門。即名爲雜。純雜不相亂故名具德。故不同彼念品。又問此與六度相攝義有何別耶。答六度相攝義者。如似以施攝諸度。而諸度非是施。若此明者以施攝諸門。無門不是施。以緣起力故不同六度相攝。故一攝於九十而九十等皆是一。是故名爲純。而一內即具九十等。是故復名雜。故知不同相攝義。問此與大品相資義復有何別耶。彼中資者闕一即不成。此中十數闕一亦不成。彼此二未審有何別耶。答彼言相資者而能非是所。今言十成。一而一即是十。所以不同資義。

第七一多相容不同門者。此約理說。以一一多。多入一故名相容。即體無先後。而不失一多之相。故曰不同。此即緣起實德非天人所修。故經云。以一佛土滿十方。十方入一亦無餘。世界本相亦不壞。自在願力故能爾。又如普賢品云。一切衆生身入一衆生身。一衆生身入一切衆生身。又云。一切諸世界令入一塵中。世界不積聚。亦復不雜亂。須彌入芥子。此即不說也。

第八諸法相即自在門者。此約用說。還就約教義理事等十門。取其三種世間圓融無礙自在。故一即攝一切。成其無盡復無盡。以其無盡故相即復相入。此約用以說。問此明其無盡復無盡。相即復相入。與前因陀羅網。及

微細相容門有何差別耶。答如譬說同體門中說者。若就隱映相應互相顯發。重重復重重。成其無盡者。即是因陀羅網門攝。若諸門一時具顯不相妨礙者。是相容門攝。若就三世圓融無礙自在。相即復相入成其無盡復無盡者。即是此門攝。問若如是相即復相入成其無盡復無盡者。此乃渾無疆界。何始

何終何因何果耶。答此據法界緣起體性成其無盡復無盡。故先後因果不失。雖不失先後而先後相即復相入。故成其無盡。以先後相即復相入故初發心時便成正覺。如前章門。一即一切無盡亦復無盡。二三亦復爾。故此經歎初發心功德云。彼一念功德深廣無邊際。如來分別說窮劫不可盡。此即明其一即一切成其一切無盡。又云。何況於無量無數無邊劫具足。修諸度諸地功德行。此即是從二三至九十皆成無盡。以是故從十信終心。至十住十行及十迴向地等。皆悉明成佛者。良由始終相即復相入成無盡故。問如前明果德絕於說相。云何十信終心即具佛果德用耶。若十信同果德者。即果德是可說之相。何不可說耶。答因位菩薩有果德者。欲彰果德是不可說。是故歎德文云。菩薩在此一地。普攝一切諸地功德。問若一地即攝一切諸地功德。一即一切初即攝後者。一門即具何用餘門也。答若無餘門一門即不成故。如一升即攝一斗。若無一升此斗即不成。問若無升即無斗者。今舉一升即得一斗以不。若一升不得一斗。一行不得具一切行。答十升

合成一斗。既無其升時將何作斗。故如無升即無斗。有升即有斗。今舉升即斗。斗升之外無別升斗。如龜毛兔角不可得。初心即成佛。成外無別修。其相如虛空。是故言初心成佛者。非謂不具諸功德。如經說。善莊嚴童子一生具見佛聞法。即得三昧。即至後際見佛。滅度後復得三昧。如經一生得見聞。若惡習二生成其解行。三生得入果海。同一緣起大樹而此三生只在一念。猶如遠行到在初步。然此初步之到非謂無於後步。明此童子得入果海。非不久植善根。問既言久修始得者。云何言一念得耶。答言久修行善根者。即在三乘教攝。從三乘入一乘。即是一念始終具足。故經云初發心時便成正覺。乃至具足慧身不由他悟。譬如流入海。纔入一滴即稱周大海無始無終。若餘江河之水深不及入大海一滴。故即用三乘中修。三乘多劫不及與一乘中一念。故下明善財從文殊所。發心求善知識。經歷一百一十城已。而不如一念得見普賢菩薩。故知得入此緣起大海。一念豈不成佛耶。至如初坐用心之徒但取靜心即言成佛者。此亦謂佛成在而不得是圓極之成。如諸江河亦得是水。未得同於大海之水。此中通辨一念成佛義者。若小乘說要三大阿僧祇劫滿百劫。修行相好業始得成佛。行若滿意欲。不成佛亦不得。故無一念成佛義。若大乘明一念成佛義者凡有二種。一者會緣以入實性無多少。故明一念成佛義。如大品經一念品義是也。二者行行既滿取最後念。

名為成佛。如人遠行以後步為到。此亦分用緣起。而明三僧祇劫修道。地前是一僧祇。初地至七地是二僧祇。八地至十地是三僧祇。然亦不定由有一念成佛。故明知不定。若一乘明一念成佛。如大乘取最後一念成佛。即入一乘。以後望初初念即是成。何故以因果相即同。時應。故欲論其成者。成復成成復成。衆生欲在後成佛者。在後復在後在後復在後。故不思議品云。諸佛如來非不先覺為衆生故於念念中新新斷結。亦不住學地而成正覺。故今舉一念成者。即與佛同。時位未見究竟。故復有淺深之殊。如人始出門及與久遊他土。雖同在空中而遠近有別。是故信住等位各各言成佛者。而復辨其淺深。此須善思之。

第九唯心迴轉善成門者。此約心說。所言唯心迴轉者。前諸義教門等。竝是如來藏性清淨真心之所建立。若善若惡隨心所轉故云迴轉善成。心外無別境故言唯心。若順轉即名涅槃。故經云心造諸如來。若逆轉即是生死。故云三界虛妄唯一心作。生死涅槃皆不出心。是故不得定說性是淨及與不淨。故涅槃云。佛性非淨亦非不淨。淨與不淨皆唯心。故離心更無別法。故楞伽經云。心外無境界無塵虛妄見。問若心外更無別境。有無皆由心成者。如人先見障外有物。別有人去物時心由謂有。爾時物實無何名由心成耶。答若隨塵妄心中轉者。此障外物亦隨心之有無。此亦心隨去物不去物而轉。若論如來藏性

真實淨心說者。此物不動本處。體應十方。性恒常轉經移到他方。而常不動本處。此即緣起自在力。然非是變化幻術所為。是故雖復七處九會。而不離寂滅道場。維摩云。文殊師利不來相而來。不見相而見。此之謂也。

第十託事顯法生解門者。此約智說。言託事者如經舉金色世界之事。即顯始起於實際之法。一切幢一切蓋等事是行體也。又如法界品云。開樓觀門相見彌勒菩薩所行因事至菩提道場。以樓觀則菩提相。所以言顯法主解也。若大乘宗中所明亦託事以顯法。即以異事顯於異理法。此中以事即法故隨舉一事攝法。無盡故前舉幡幢等。皆言一切。所以不同大乘說也。此中明因果者如一乘說也。

#### 華嚴一乘十玄門卷

華嚴大教闡揚十玄門者。此為鼻祖。賢首仍之載於教義章內。大意相同而文有詳略。及作探玄記改易二名。用一華葉演說為清涼懸談張本。後人不知。以為清涼十玄與賢首有異者。蓋未見探玄記也。今教義章與懸談並行於世。而復刻此卷。欲令人知其本源耳。楊文會記

# 華嚴五十要問答序

五十要問答二冊者，華嚴第二祖雲華尊者，撮略難華之要義，往復徵實以解其旨，崇者五十餘條，實可稱義學之龜鑑者也。抑儼公者受稱性之說於帝心大師，其製述頗多，所謂搜玄孔目十玄及此章等，竝皆未學據此作蹊徑者不爲少。雖然本邦之俗，祕書不輒許印刻，好古之徒爲之擯首，予嚮過名利討尋而得此章，雖思弘通其本大半脫誤不足爲徵，棄置篋底者久矣。今年幸得善本，對讀校讎，補其脫簡正其僞誤，傍附倭訓乃論之，割斷庶幾遐方終古大教遍播，使學者見鎔融於毛海證法界於當下耳。

元祿八年乙亥五月穀旦  
東奧仙臺龍寶住持比丘長與實養題於洛之智積輪下

## 華嚴五十要問答初卷

大唐終南太一山至相寺沙門智儼集  
今建五十要問答以顯一乘文義節

一十佛及名義，離世間品中釋

問云何見佛及佛名數。一乘三乘小乘等教中不同義。答依小乘教見色身佛三十二相等則是實見。眼根與境同時相應見實色相。

名爲見佛。若依三乘見佛實色身等三十二相不名見佛。由與分別遍計合故。假使見可似之相。即是謂似亦非見佛。若知無性無來去相卽色是空。非色滅空。等不如所謂是名見佛。由與佛體相應故。依一乘教見聞已去乃至會知無生相及應十數見。其十佛一無著佛。安住世間成正覺故。二願佛。出生故。三業報佛。信故。四持佛。隨順故。五涅槃佛。永度故。六法界佛。無處不至故。七心佛。安住故。八三昧佛。無量無著故。九性佛。決定故。十如意佛。普覆故名爲見佛。由如是見順正理故則能觀無上如來。何以故。是成菩提分法及解脫分法。龜細差別對機生信初始不同故。二一乘等佛名數差別多少云何者。一乘教佛名數有十。如華嚴經說。一無著佛。二願佛。三業報佛。四持佛。五涅槃佛。六法界佛。七心佛。八三昧佛。九性佛。十如意佛。三乘佛有三。一法身佛。二報身佛。三化身佛。小乘佛有二。一化身佛。二報身佛。法身佛亦名自性身。卽本有則本有真如也。二報身佛亦名應身。三化身佛。亦名應身。則修生行德成也。若依小乘二佛生身佛化身佛並修生。慈悲愛行成也。若教佛德若一若少。若多時者是三乘。若多數少時乃至多時多數是一乘也。

二受職義。十住品後釋

問諸教成佛受職云何。答若小乘受職但人義中教成無別事義。若三乘受職依理天處成。亦不論理事教義位別。依一乘受職卽具

教義理事位等。廣如華嚴經說

三衆生作佛義。十稠林後釋

問。依諸教中有情衆生作佛云何。答。小乘教於一時中但菩薩一人慈悲愛行。依三十三心次第作佛。餘見行者竝不作佛。但得二種涅槃住無餘也。若依三乘始教則半成佛半不成佛。若直進及回心二人修行滿十千劫。住堪任地者竝皆成佛。若未至此位則與一闍底迦位同。如此人等竝皆不成佛。此據位語。若依此判四句分別準亦可知。此如瑜伽菩薩地說。若依三乘終教則一切有情衆生皆悉成佛。由他聖智願本有佛性及行性。故除其草木等。如涅槃經說。依一乘義一切衆生通依及正竝皆成佛。如華嚴經說。以此義準上四句義。卽是一乘共教非別教也。

四成佛前後義。四十無礙辨後釋

問諸教有情。一切衆生成佛前後自他云何。答。依小乘教但一人成佛。若餘入成佛前後不同時。若教化有情後時作佛。由無十方佛故。依三乘教有十方佛。故得同時他處成佛。若他有情亦得能化所化同時成佛。爲進退不定故。若依一乘教於念念中成佛皆盡所化有情。在諸位中十住以去乃至菩提盡衆生界。成位遍滿無有前後。爲同一緣起大樹故也。

五一念成佛義。亦四十無礙辨後釋

問。一念成佛與多劫成佛差別云何。答。依小乘教世界成壞大劫滿三阿僧祇定得成佛。無一念成佛者。依三乘教或一念成佛。此有

二義。一由覺理位滿足時唯一念故。二會緣從實時法性無多。少長短。一成即一切成。一切成即一成故。若據一三千界定三僧祇成佛。此依華嚴一百二十數說僧祇義。若通餘世界亦不定三僧祇。如勝天王經說。依一乘義成佛時節並皆不定。爲十方世界時節不同因陀羅世界等。並據當分報位說有爲諸劫相作及相入等。故無定時。仍不違時法也。

### 六他方佛成化義 第二品初雲集品中釋

問。依諸教相他方諸佛應化云何。答。依小乘教無他方佛。假使有者即是此方佛往彼變化。依三乘教十方淨土所有諸佛並是實報無有變化。若權起不定始終。今有情機知變化者即屬化攝。若色究竟處及菩提樹下二佛相對有其兩義。一以化顯報。即菩提樹下顯蓮華藏世界海中佛。是報故也。二以報顯化。舉色究竟處成高大身。顯菩提樹下是化義也。若依一乘但有十佛。依行分說不分修生及本有義。若體解大道體即一切種體。相即一切種相。用即一切種用也。諸方現佛若名若義。皆依釋迦海印定現無別佛也。

### 七佛母眷屬義後摩耶中釋

問。佛母摩耶諸眷屬等義相云何。答。依小乘教佛母摩耶此瞻部州是實佛母。餘世界中則無實也。爲佛是化故。依三乘始教於一三千所有佛等並是化佛摩耶眷屬等。亦即非實諸三千界處亦有別佛。化義同前淨土之

中佛母等諸眷屬者亦唯是化。仍是法門化非八相化也。若三乘終教如三千等同類世界現成佛者並是化佛。何以知之。大智度論成佛世界廣引如疏。得知並是一佛化境多處現身。故是化也。摩醯首羅天身亦是化作。由權顯閻浮菩提樹下是化。故蓮華藏世界所有佛者是實報也。通體相用十方淨土所現佛者是報佛也。所有親屬是法門也。爲現引此婆娑小根異習衆生故。如大無量壽經說。若依一乘所有諸佛在釋迦佛所化教網名義顯現者並是釋迦佛海印定力。以此義準諸眷屬等皆悉同然。體相用義及變化改性等準此可知也。

### 八佛情根義 第二品初請中釋

問。佛諸情根相入相作差別云何。答。依小乘教佛菩薩等諸根相作但變化成非改性也。依三乘教變化及改性並得自在。三乘者有二義。一據本性。即大乘菩薩緣覺聲聞。若依現學總名大乘菩薩人也。今攝本性從大乘簡耳。即變化改性二義皆成也。依一乘教變化改性並依緣起本法顯現。亦無別性可變可改。若現爲者同前化攝也。仍一乘之體有彼凡有身。復有其聖德。直進大乘有彼聖德無凡有身。漸悟及小乘有彼凡身。有聖德。而凡身非聖法也。

### 九佛菩薩因果通局義盧舍那品後釋

問。佛及菩薩因果二位云何差別。答。依小乘教一人依一界。依一心次第成佛。因果相稱現量可知。但斷惑因果盡不盡別。若依三乘

多身多心多處現成非一行業。佛亦如此。一切處成。唯蓮華藏世界海佛及三世間智正覺之一分。義相可知。但分齊邊量從此三千世界有情準十方處以爲邊量。不論因陀羅及微細世界所有境界。若依一乘所有成佛因果分齊邊量。則通因陀羅秘密微細一切境界分齊盡三世間分齊邊量。如華嚴經普賢門準也。所有修行斷惑等因果二位皆盡不盡也。

### 十諸教修道總別義 第十地初離垢三昧說

問。諸教修道所有總別業時節分齊云何。答。依小乘教諸菩提分總報業從發心初始次第修行。臨欲成佛十地終心百劫別修相好業。是實非化。若依三乘始教是化非實。若依終教及直進菩薩並從發心以來一切並修。十地終後無別百劫修相好業。依一乘教分與終教相同。既十信已來即成佛即成菩薩。行亦無別時修別相好業。何以故。現十地後修相好業者爲迴聲聞。由聲聞人偏修智分不修福分。今現別修顯彼信心無慢敬愛故也。

### 十一成佛不成佛義 稠林後釋

問。菩薩修造成佛不成佛差別云何。答。依小乘教但修菩提分業。除有退者皆悉成佛無不成佛。依三乘教實行修道皆悉成佛。若對異機現不成佛。若約正理無成不成。依一乘教皆對前機。若須成佛則數數成。皆新斷結成佛亦不住。學地成佛若對不成機則常

不成由。如大海於諸位中無有溢滿。即楞伽經菩薩一闡提是。若對異病機則無成不成。若對普賢則亦成亦不成也。

### 十二佛相貌義。第三知識中釋

問。諸教立佛相貌云何。答。依小乘教以人相為佛。一切智等即屬於法。依三乘教亦德亦相。是佛相貌。依一乘教是德是相。是非德是非相。由緣起理具足逆順作不作義故。

### 十三大師小師義。二地攝生戒釋

問。大師及小師差別云何。答。依小乘教和上為大師。闍梨為小師。佛非大師非小師。依三乘教佛為大師。餘者並為小師。何以故。若小乘人別位制入無餘涅槃果故。權於下位立大小師。一乘大小師。依理為正耳。非由相事也。

### 十四信滿成佛義。寶首品釋

問。十信作佛與十地終心作佛差別云何。答。若但言十信作佛不論十地終心作佛則是三乘教。何以故。由法義道理不具故。若具五位及九位作佛即是一乘圓教攝也。何以故。由具教義等具足說故。小乘佛三乘佛並是阿含佛。一乘佛是義佛也。

### 十五劫滅佛興義。十地後地利益後釋

問。劫滅佛興世分齊云何。答。依小乘教百年為劫滅。依三乘教有二種滅。一時滅非善滅。二時滅亦善滅。八萬劫以下大位為時滅。百年以下大位為善滅。五濁等諸惡增故。

### 十六菩提樹為始義。十住會初釋

問。華嚴經教因何據菩提樹及佛為始餘說

法處及菩薩有情說為末。答。若據迷論舉心動念並是遍計即空無法。今由佛智善覺本性。息相還原設教。綱維皆是佛智故。據佛為始離佛以外無有一法也。

### 十七佛身常無常義。性起品菩提中釋

問。佛身常耶無常耶。答。依小乘佛無常。依三乘佛亦常亦無常。法身佛究竟故常。離不離故無常也。應身一證究竟故常。隨對下位聲聞凡夫得見增減。故是無常。化身如火有處燃有處滅。故是無常。化德相續故說常也。盡未來際故一乘十佛是常。是無常。非常非無常。用不說為說故佛是常。與阿含相應故是無常。隨緣起際故非常非無常也。

### 十八佛轉依義。地品同相不同相釋

問。諸教佛轉依差別云何。答。依小乘教轉滅轉成轉位轉顯。現惑得滅故轉滅。行德滿故轉成。轉凡夫性得聖人性故轉位。聖人法流現在世故轉顯也。依三乘教轉滅轉成轉位轉顯。或得現在上心及種滅及性滅故轉滅。諸德圓滿及性滿故轉成。轉凡夫依得聖人依。及不轉不得成轉位。法身離惑及無離相名轉顯也。依一乘教本有及本有修生。修生及修生本有四位常然。廣如疏說。滅惡不滅究竟常然故。轉依義通共九世及十世。非如前小乘及三乘教一世及三世也。

### 十九轉四識成四智義。亦地品不同相處釋

問。轉滅四識成四智。其義云何。答。依小乘教

但有五識及意識。無彼賴耶及末那。亦無四智可成。若依三乘教則有四識轉滅成四智。而此四智約三乘終教及直進菩薩教四智並從意識成。何以故。為一切果報及末那識得現行並從意識位遠緣成故。若異熟賴耶親從種發。種子同類即從上心意識而生。況復發智。從本識種類等次第發者。此義不可。但佛菩薩將四智名寄顯四識。顯其本識及末那識是有。決定非親四識自類生智。何以故。末那本識及五識等不成總報思業及聞思簡擇不得有故。若有發思業則須別者受生有此過也。教亦無文。若法性賴耶如來藏識全即不合自起發思故。佛地經及無性攝論等二教不同。由為有別義。佛地經云。當知有五種法攝大覺地。何等為五。所謂清淨法界大圓鏡智平等性智妙觀察智成所作智。下次第釋。乃至成所作智通成三業作用。無有別文屬當。賴耶末那意識五識別成轉依得四種智。又如無性攝論。由轉阿賴耶識等八事識蘊得大圓鏡智等四種妙智。如數次第。或隨所應當知。此中轉阿賴耶識故得大圓鏡智。雖所識境不現在前而能不忘。不限時處。於一切境常不愚迷。無分別行。能起受用佛智影像。轉染污末那故得平等性智。初現觀時先已證得。於修道位轉復清淨。由此安住無住涅槃。大慈大悲恒與相應。能隨所樂現佛影像。轉五觀識故得妙觀察智。具足一切陀羅尼門。三摩地門。由如寶藏於大會中能現一切自在作用。能斷諸疑。能雨法雨。

轉意識故得成所作智。普於十方一切世界能現變化。從都史多天宮而沒。乃至涅槃。能現住持一切有情利樂事。故上文既云隨所相應。故知別配轉四識依成四種智此義不定。但為文意隨義顯法取其義不得定然。如寄惑顯位準即可知。當知教意方便顯法故作此說。若約三乘初教此亦可爾。如成唯識論外疑云。若末那識自類不發智者聖人位中即有所少。為答此疑有其四句。或有法凡聖共有。或有法凡有聖無。或有法聖有凡無。或有法凡聖俱無。凡聖俱有者。謂如來藏五義。凡聖俱無者。謂遍計性。凡無聖有者。謂常身。聖無凡有者。謂無常身。既有此句。末那凡有聖無有何過也。此之一義唯三乘教說。一乘不共教無。若約三乘始教門中對小乘人容有此義。何以故。為對小乘不說如來藏不染而染染而不染成賴耶故。

二十教相義。第十地釋名分釋

問。一乘教相建立云何。答。此義相難。令舉喻顯。如一樓觀內外嚴飾盡其功思唯有一門。有智慧者能扣開門。示無智者一乘教義亦復如是。性起樹藏內莊一乘。外嚴三乘及小乘等。有一覺門向菩提樹下。唯有因果二位佛及普賢二人開見。為諸有情可化衆生張大教網。恒生死海渡天人龍置涅槃岸。諸教相中示彼小乘及三乘教。令物生信起行分證。示一乘教令其見聞後得入證。故彼教相似成內外及教義不同。即如法華經界外大牛車及地論第八地已上文即是其事。

二十一 一乘分齊義。四十無礙辯才後釋

問。一乘教義分齊云何。答。一乘教有二種。一共教。二不共教。圓教一乘所明諸義文文句句皆具一切。此是不共教。廣如華嚴經說。二共教者即小乘三乘教。名字雖同意皆別異。如諸大乘經中廣說。可知仍諸共教上下相望有其不共。如小乘教三世有等三乘即無三乘教有小乘即無。或二乘共有如道品等名數共同。或二乘俱無則一乘教是也。可類準知。

二十二 立一乘位義。亦四十無礙後釋

問。諸教立位差別云何。答。略依一乘普賢因果制位不同。有十七門。世間六道即為六門。聲聞緣覺復為二門。小乘中佛及初迴心小乘人佛復為二門。此二佛同依三十三心依四福等發智得成佛故。十信以去至十地五位位位作佛。即為五門。一為迴心聲聞制乾慧等十地復為一門。為直進菩薩從初十信修滿十地後得作佛。成初一念正覺復為一門。廣說如疏本。三乘小乘準以可知。

辯後釋

問。六道因果本非聖位。因何攝在普賢門中。答。六道因果是背聖法。普賢方便迴成返道行及逆行門。令諸有情方便依厭得解脫故。

二十四 立藏不同義。十藏品中釋也

問。修多羅等三藏教網同異云何。答。其三藏教分爲兩義。一所詮三教教即爲三。修多羅

詮定乃至毘那耶詮成。三乘小乘同此名數而義深淺分齊不同。二所爲二故分教爲二。謂大乘小乘。分爲二藏緣覺從其獨覺爲無教故不與藏名。若一乘內即有十藏。如第四會說。

二十五 心意識義。十觀林初釋

問。於諸教內建立心意識差別云何。答。若依小乘但有六識。義分心意識。餘如小論釋。依三乘教初教文中立有異熟賴耶受熏成種所以知之。故無性攝論云。今立異熟賴耶此亦無傷。既知無傷。故知權立。爲迴心聲聞未達法空。權舉異熟相漸引小乘變易生死漸向細滅。實則不然。若據實理一切緣起不離法界。所成理事是法界能。由如金器離金無器是金之能。言熏果報者據位而說。此可思簡。故起信云。真如熏無明。無明熏真如。此意向實也。義若如此何故。瑜伽論異熟受熏爲愚者說。於內於外無有熏習。即不見藏住。能如是知者是名菩薩摩訶薩。起信既熏真如。因何辨成熏習。今會此意。瑜伽爲對聲聞先識異熟後知無生順觀行故。今起信論爲直進菩薩識緣起相即會無生故作別說。仍依楞伽經染淨等法有開有合染開則成七識。合則是梨耶。如來淨藏識亦有二義。合則成八識。開則成九識故。有八九種種種。對治道起有滅。有不滅準此而知。又成唯識論識所變相雖無量種而能變識類別唯三。一謂異熟。即第八識。多異熟性故。二謂思量。即第七識。恒審思量故。三謂了別境。即前六識。了境

相龜故。及言六合爲一種。此三皆名能變識者。能變有二種。一因能變。謂第八識中等流異熟二因。習氣等流習氣。由七識中善惡無記熏令生長異熟習氣。由六識中有漏善惡熏令生長二果能變。謂前二種習氣力故有八識生現種種相。等流習氣爲因緣故。八識體相差別而生名等流果。果似因故。異熟習氣爲增上緣。感第八識。酬引業力恒相續故立異熟名。感前六識酬滿業者從異熟起名異熟生不名異熟。有間斷故即前異熟及異熟生名異熟果。果異因故。此中且說我愛執藏持雜染種能變果識名爲異熟。非謂一切。其末那識依三乘教有其識起四惑不起法執。愚法聲聞不斷但暫伏上心。由觀智淺故。退菩提心聲聞及迴心聲聞等並斷末那。爲觀智勝故。假使瑜伽後分善賴耶識起必二識相應者。此據初起時不據後相續。由約位說直進菩薩義當不起爲正義。迴心者起爲正義故。又初回心菩薩爲留惑故相隨至金剛定斷。直進者習氣至金剛前。言至者據二阿含說。初對小乘故。餘義準可知。意識及五識或同或異。如經論說。心數等義如下別明。

此文在三乘。義通一乘用由同法界故。又一教唯一心顯性起具德故。如性起品說。又說十心欲顯無量故。如第九地說。此據一乘別教言。

二十六諸經部類差別義。序分品集衆文釋。

問。諸經部類差別云何。答。如四阿含經局小

乘教。正法念經舉正解行別邪解行通三乘教。涅槃經等及大品經三乘終教。爲根熟聲聞說故。金剛般若若是三乘始教。初會愚法聲聞故義意在文。維摩思益仁王勝天王迦葉佛藏等爲直進菩薩說。仍直進有二種。一大乘中直進。二小乘中直進菩薩。此二處直進教亦有同異。準攝可知。華嚴一部是一乘不共教。餘經是共教。一乘三乘小乘共依故。又華嚴是主。餘經是眷屬。以此準之諸部教相義亦可解。如法華經宗義是一乘經也。三乘在三界內成其行故。一乘三界外。與三界爲見聞故。餘義準可知。

#### 二十七道品義。第四地中釋

問。諸教道品有差別云何。答。小乘道品名數略有三十七種。三乘道品名數亦同。但義有異。廣在經論。一乘道品華嚴經中離世間品二千句義。即是名字及以體性。又問。一乘道品既名數別體。亦須別因。何有義與三乘同。答。據義分量深淺寬狹並皆不同。今舉義門有差別名字有同。欲引三乘信樂故也。諸教通明等數有增減。亦準此知。

#### 二十八涅槃義。性起品後釋

問。諸教涅槃差別云何。答。小乘涅槃有其二種。謂有餘無餘。有餘者有餘身智也。無餘者無餘身智也。謂報身智。三乘涅槃略有四種。一性淨涅槃。二方便淨涅槃。三有餘涅槃。四無餘涅槃。性淨即法身也。方便淨即應身也。有餘無餘即約化身。辨其義體相不與小乘同。若望其德各成解脫般若法身。三德既同

無有增減。此四唯局果德。無住處涅槃通因及果。此有二種約理量分二釋。如攝論若一乘教即唯有一大般涅槃無有差別。廣說如華嚴經。德用名數亦具十及一切。與法界等。

#### 二十九戒學義。第二地中釋

問。諸戒學等有何差別。答。隨人差別有其八種。八戒及七衆所持戒總成一別解脫戒。與定道別故。別別修持故名別也。定道二戒通前別解脫總成三戒也。此之三戒三衆亦共爲隨所相應故也。三乘菩薩別有三戒。謂十無盡戒二十四戒四波羅夷戒此之三戒。四波羅夷戒爲出家人受。餘之二戒爲俗人受。上下分二。義相如此。戒體或五種十善。或表無表。無表即不相應色心之理也。或即一乘。應法界故。

#### 三十定學義。三地中釋

問。定門何別。答。如八禪定與小乘名大同。於中隨人邪正及發智流無流別即體性皆異。就聖門中一乘及三乘并諸小乘等位皆共用此定。隨所成事異得名別也。三乘位中直進菩薩別有八定等。地前有四。如光德等定。地上有四。首楞伽摩等。依一乘教有十種等。如華嚴說。體性德量皆並不同。

#### 三十一慧學義。第九地中智處釋

問。慧門何別。答。小乘見修及八忍八智等。廣如論說。三乘教內或十一智等或三智等。若以義求十一智等多爲迴心漸悟人說。起彼信便故。加行智等爲直進菩薩說。於彼入道



有勝便故。若依一乘有十種智。如離世間品說。其智所知諸諦十二因緣差別義門。廣如疏說。

三十二賢聖義。善知識初釋

問。住道住果賢聖差別云何。答。依小乘教有二十七賢聖。廣如毘曇成實等說。三乘賢聖有四十二。一乘賢聖有四十五。此通理事行位人法因果等法門也。若主伴別分則一百一十。若散說所依則三千大千世界微塵數。即是善知識也。

三十三色聚義。十明品中釋

問。諸教色文有何差別。答。依小乘色有十一。三乘色有二十五等。一乘色總別有一百一十種。三乘色內通色者。情謂障外之色。影像色者。定心成就色境界等像。彼先色憶持及眼所見色故也。一乘色如十明品釋。不同凡色聖境界故。

三十四不相應義。九地說成就中釋

問。諸教不相應差別云何。答。依小乘家有十四不相應。依三乘教二十四不相應等。依一乘教不相應義與法界等。何以故。小乘不相應如謂實有法。三乘不相應但色心緣發。義理現前而不對事者是不相應義。不相應不與色心事相應也。得不相應者。其事現前異不得理也。三乘一乘無大得小得小得不得大得等也。何以故。一乘三乘立法數等。欲遮止謂情故也。若大小相得即無窮過。名與句不相應者具解在難集論等。一乘不相應義名數與法界等。理亦無窮如法界也。

三十五三性三無性義。初地後十心中釋

問。經論所辨三性三無性異相云何。答。三性法門本安立意。欲別法相知其解行理事教義分齊不同離其慢執故與斯教。今就攝論引他四經明三性果相。即為大軌。初引毘佛略經明有三性。二引婆羅門問經證有三性。三引阿毘達磨修多羅證有三性。四復次有處世尊說等引常無常等三法聖教證有三性。又前一文義差別為知證旨法相故。三性相從為顯理融無性故。三具分乘然顯融事相無礙故。四聖教通目以理會教成智故。若分別性有其一義用。無品類為其體者。與無相性云何差別。答。若分別實相即空是分別性。不現實相是無相性也。若依攝論明三無性差別相者有其三種。一自非有無性。本有法體不自現前。藉因託緣方能生。果無自生故故名無性。此義通三宗。二體非有無性。明諸法體本性非有。若落過未無有自體。但具因緣方始現前。現在有為假有無實。念念遷異不能自住。此亦分成佛。無我義故名無性。此通成實及以大乘。三如取不有等約彼本識法無我理三性不有成其無性。由自體定自非有有不二不盡離諸分別故。非聞思修地上報生善意識智所緣境界。故名無性。此義唯大乘也。此三性印總則為一。別則為四。廣則無量。若對解行用三性印三性之後別明三無性。此約解明。若二性後則辨無性更不會真實性者。此約行說。如是準知。此文在三乘亦通一乘用。何以故。由此法門應法

界性無邊用故

三十六心數及心所有法義。稠林初釋

問。聖立心數及心所有法分齊云何。答。今釋心所有法二門分別。一總約大小乘顯心所有及心數法義。二對彼二乘顯其廣立。先明大小乘心所有法者。先約大乘有其六位。謂遍行有五。一作意。二觸。三受。四想。五思。二別境有五。一欲。二勝解。三念。四三摩地。五慧。三善有十一。一信。二慚。三愧。四無貪。五無瞋。六無癡。七熱。八輕安。九不放逸。十捨。十一不害。四大煩惱有十。一貪。二瞋。三慢。四無明。五疑。六薩迦耶見。七邊見。八見取。九戒取。十。取見。五隨煩惱有二十。一忿。二恨。三覆。四惱。五嫉。六慳。七誑。八諂。九憍。十害。十一無慚。十二無愧。十三昏沈。十四掉舉。十五不信。十六懈怠。十七放逸。十八忘念。十九不正知。二十散亂。六不定有四。一睡眠。二惡作。三尋。四伺。合五十五法。增減者。依百法等論合五見為一。依瑜伽論增邪欲邪勝解。增減如諸論。深有別意。可思準之。略以三門分別。一釋名。辨相貌明分齊。二對諸門分別。三約自乘隨義分別第一門者遍行有二義。一自位相由遍。如自五法一無一切無。互論亦爾。有義亦然。二他位分齊遍。有彼則有此。仍彼不同此。所以知者有時有此遍行。無時無彼所有法。故得知也。遍者分齊也。行者起於緣境也。此名從初義而得。相貌者五法相連不相捨離。行於緣中是其相貌。分齊者乃至在於六位處行而自位連之相

由。餘五位非連之而相伴也。二別境者別有二義。一自位相別如欲非勝解等。有時有欲而無勝解。乃至慧等互無亦然。二就別位如善等位有善而無欲。有欲無善。故是別也。仍此別境名從初義得也。別者是各別非連之義也。境者分齊也。非所緣境。此對前連之遍行故得別境名。相貌者五法相別行。是其相貌。分齊者乃至不定等六位皆通別行。是其分齊。於諸位中時有欲而無勝解。乃至慧等應可準知。三善者性也。從體而得名別。彼前通故局善體得名。相貌者於有流無流位異善惡及無記。是其相貌。分齊者乃至不定等六位應行各別非連之而起也。有時有一而無十等。一一互論有無增減成其分齊。四煩惱者從用得名。由煩惱等於世出世功用義強。於世法能成出世法能壞異前善體故。從用得名也。相貌者於自位處成憂喜二相。是其相貌。分齊者乃至不定等六位數義功用增減而行。非連之而相伴。是其分齊。五隨煩惱者。從彼相由而得名也。此有二由。一由前大惑成隨煩惱。二由此小惑增成大惑。故名爲隨。仍此隨字從初義得。由是假合故。煩惱同前解。相貌者於自緣中各別而相伴非連之起。是其相貌。分齊者於彼六位乃至不定等相由相伴數相義增減有無而行。是其分齊。六不定者體用二義故云不定。異前定體得不定名。相貌者於自位中各別而起。三性體用同時而成。一法有三義。善惡無記同時用事。是其相貌。分齊者於六位中

數義增減起用而生。是其分齊。仍非連之而有相伴也。二對諸門分別者。略對五門。一約乘分別。二約三性分別。三約諸惑分別。四對諸識分別。五約假實分別。初約乘分別者。乘有三種。一乘。二乘。三乘。今此心數是三乘心數。爲治世出世心煩惱。非一非小。非三乘終。非一乘別教。就三乘終大乘教及一乘別教內心數即有無量。竝如緣起法界數量。何以故。諸心數類一一緣別。約其緣別不可總說。故不同三乘等總明數也。三乘始一分心數。爲治煩惱障所知障世間心煩惱說。仍此三乘有始有終。終教二乘心數亦不可說。始教心數即如此。瑜伽對法論等小乘心數同異如下別辨。二約三性有二。一善等三性。二遍計等三性。善等三性者遍行五通三性。仍隨在一性則非餘二。別境五通三性。仍隨在一性五法之中多少不定。善等十一唯隨在一性五法之中多少不定。善等十一唯善性。仍通流無流。若在流則非無流。無流亦爾。煩惱通不善及無記。爲末那識及定地惑。是無記故隨煩惱二十通不善及無記。準前可知。若約達理不善但是不善性。不定四法通三性。不善之時則餘二性準前可知。餘二亦爾。約偏計等三性者遍行等五通三性。仍隨在一性則攝餘二性成此一性。此如三性義中說。隨在一性連之具五。別境等五通三性。仍隨在一性則非餘二攝。同前說。善等十一唯圓成實。此通漏無漏。會攝如前說。煩惱等十通依他起及遍計。相會準前說。隨煩惱等二十法通依他起及遍計。不定等四通三

性。相會準前說。三約諸惑分別者略約三門。一約皮等三惑分別。二約煩惱所知二障分別。三約五住地分別。皮等三惑分別者。遍行通三惑別境亦通三。善等非三惑煩惱唯皮肉。若約寄位則通三。隨煩惱等亦皮肉。若約龜細說則通皮肉心。不定等四亦通皮肉心。由緣成三惑故。煩惱所知二障分別者。遍行通二障。別境亦復然。善等非二惑煩惱唯煩惱。隨煩惱等亦復然。若約相成門則通於二障。不定唯所知。若約相成門則通於二障。約五住地分別者。遍行通五住。別境亦通通。善等非五住。煩惱通五住。隨煩惱等亦通五住。如此之義可準。諸惑障當廣分別。不定通五住。由緣成諸惑故。四約諸識分別者賴耶識起遍行五。末那識起九。遍行五及我見我愛我慢無明。意識起遍行等六位所有法。五識則不定。或初五。或一切。由與意識或同體或異體故。故經云。有一意識與五識共緣境故。此約三乘始教龜相說也。若約三乘終教論則賴耶六識等皆具起一切所有法。由唯一識成十一識故。五假實分別者假實有三。一約緣成辨假實。若約此義或有分別。或無分別。緣成故離分別。應教故有分別。若約此義皆通假實。即無性故實緣成故假。二本末明假實。煩惱爲本。隨煩惱爲末。如論可知。三約事顯理辨假實。理事相應爲實。但理無事爲假。假從事教說故。三隨義分別者。問。諸心所有法可說斷耶。答。遍行及別境不善無記相應者斷。善及自性無記不斷。善等十一不

斷煩惱及隨煩惱說斷。不定等四不善無記說斷。善及自性無記不說斷。此約三乘初教及法住智說。若約終教及一乘則非初非中後。前中後。取故即斷而無相。及不可斷故。餘義皆準之。問。論何故說煩惱或說六。或說十。答。由五利使有其二義。一本末義。由邊見等依身見生。以依本說未攝末從本故。但說六。二起用成過義。由成過義等故分難說十。又問。何故論云隨煩惱內加說邪欲邪勝解。答。由別境內欲及勝解於大小惑有方便及終成二處皆成過故。約離二。法故。約方便及終成爲二數也。第二就小乘分別者有其三義。一釋名。辨相貌。并顯分齊。二對諸門分別。三約自乘隨義分別。初釋名者。心數法有四十六。大分爲六。一通大地有十。一想。二欲。三觸。四慧。五念。六思。七解脫。八憶。九定。十受。善大地有十。一無貪。二無瞋。三無慍。四捨。五信。六。倚。七不放逸。八不害。九精進。十捨。小煩惱大地有十。一忿。二恨。三誑。四慳。五嫉。六惱。七諂。八覆。九憍。十害。大煩惱大地有五。一不信。二懈怠。三無明。四掉舉。五放逸。不善大地有二。一無慍。二無愧。使有四。一貪。二瞋。三癡。四慢。纏有三。一睡。二眠。三悔。加覺觀總爲四十六。及心王爲四十七。初通大地名者。由想等十通與諸心數以爲通依及通行諸數依緣之處故云通。通則力用遍通也。大地者喻名也。如大地能生長萬物爲依。與法相似故爲喻也。相貌者。於自所緣起其體用相伴而行。是其相貌。分齊者。於

諸心數諸位共行而不相離。是名分齊。善大地者。於自位處隨緣而發。與三聚色心不相應等善以爲依處故云大地。小煩惱大地者。於自位處約緣分起。不具大性名爲小也。煩惱如前解。相貌者。於自緣處體用現行而不相離名爲相貌。分齊者。於諸位處及以色心成自他事而不同彼名爲分齊。大地如前釋。大煩惱大地者。具結縛等五義相應名大煩惱。大地如前釋。相貌者。不信等五於自緣處體用現前而非相離。是其相貌。分齊者。於諸位成自他事而非相離。是其分齊。不善大地者。於自位處起其體用違其正理名爲不善。大地如前釋。相貌者。其無慍無愧遊漫諸境起諸業過。是其相貌。分齊者。於他緣位觸物成違而不同順名爲分齊。使者使也。驅使行人成其事業。此從喻名也。相貌者。於自緣處成其事業隨逐不捨。是其相貌。分齊者。於他緣位處成事乃窮而不同彼。是其分齊。纏者喻義名也。如鎖縛象。纏繞成過法亦如是。相貌者。於他緣位連續成過。是其相貌。分齊者。成他事。處而不同彼。是其分齊。覺觀者。與後翻譯尋伺等。名義少有別。覺者覺察。觀者觀達。尋者尋逐也。伺者伺求。名義相貌分齊可知。心王者。心與數爲依。又依於數起如君臣相依。此從法喻名也。相貌者。六識於諸根了別諸境界。是名相貌。分齊者。依根數起而不同根數。是名分齊。廣釋別名具如小論。問。大小乘內心所有義及心數義何別也。答。數者法數義是分齊義。心所有義是屬他。義

從相生。其假實二智不同。二略對諸門分別者。一對諸乘分別。此之心數唯在小乘義通大乘。若入大乘則於三乘前方便處方便教攝。體用相貌並非一乘及三乘始別教名數。心數名義所以如下釋。二依三性分別。通大地數通彼善不善無記等三性。善大地者唯善性也。小煩惱及以四使通達理不善及無記。不善大地唯不善。纏達理不善。覺觀通三性。心王亦如是。三就惑分別者。通大地數通彼一切使纏等惑。善大地不通諸惑小煩惱及四使等一向煩惱。無慍無愧通煩惱非煩惱。由入業故。纏等三者。此則不定。在纏是煩惱。入數則通煩惱非煩惱。由數位通善惡故。又小乘唯煩惱。覺觀通煩惱非煩惱。心王亦如是。四約諸識分別者。通大地數等通六識。覺觀唯意地。五假實分別者。唯實不通假。心王亦如是。餘義如論釋。此略明正所評義以顯大乘心心。法分齊。餘宗準可知。三於自宗中隨義分別者。問。何不不明不礙善根。答。屬通大地慧數攝故。又問。大煩惱中餘五何不名耶。答。邪解即通大地中解脫攝也。不正憶憶攝也。不。順知即慧攝也。失念念攝也。又相隱故。亂即定攝也。又不稱理。定即名亂相隱也。又十使中五見則通中慧攝也。癡入大煩惱中無明攝也。又上所廢者竝爲除惑入道便故也。問。是中善大地是何漏無漏。答。是人無我智漏無漏。問。此諸大地有攝心煩惱及所知障不。答。此諸心數不攝心煩惱就所知障內有攝不攝。障定者攝世間心煩惱

不攝第二。對彼大小二乘顯其廢立者。問。無慚無愧此中何故從隨煩惱。答。無慚及無愧有其二義。一據體說。二據用論。由用成過大故。依小乘入不善性。若據自體類與小惑同。故入此大乘隨煩惱攝。問。何故大乘增失念及散亂等。小乘不說。答。小乘初教其心狹劣。相著者明相隱者不說。問。遍行別境大惑隨煩惱及不定等名於小乘中何故不說。答。小乘心數聖者立意。為治龜惑不假細說。今此等名通治細惑故細分別。與彼入道義相當故。問。小乘大地及諸使等名於彼大乘何故不說。答。大地等名本成龜相。於大乘中即是初入方便之教。為此義故於細教中無要。不說也。欲知聖意以四句明之。一體強而用弱。如大煩惱等。此約大乘數之半。即瞋等也。二用強而體弱。如無慚無愧等。此將小乘對大乘說。三體相用俱強。如大煩惱大地等。此約小乘說。四體相用俱弱。如隨煩惱等。此約大乘說。於中仍有相續廢與。有親成助成成過大小去疑進道。有便無便。佛遂廢立不同。大小二宗更互立名不等非一。可準思攝。問。十種煩惱體用俱強。何故小乘初教不說。答。小乘智淺。如小乘文。不善及煩惱使等並約相用強處說。又對指相覆相成教意。如三結三隨轉。宜可思之。又如瑜伽論說。如是等輩俱有相應心所有法。是名助伴同一所緣不同一行相。一時俱有一一而轉。各自種子所生更互相應有行相。有所緣有所依。問。如是諸心法幾依一切處心生一切地一切時一切

耶。答。五。謂作意等思為後邊。幾依一切處心生一切地。非一切時。非一切耶。答。亦五。謂欲等慧為後邊。幾唯依善非一切處心生。非一切地。非一切時。非一切耶。答。信等不害為後邊。幾唯依染污非一切處心生。非一切地。非一切時。非一切耶。答。貪等不正知為後邊。幾依一切處心生。非一切地。非一切時。非一切耶。答。謂惡作等伺為後邊。因此總料簡其文假實義略有四種。一對性空餘一切法皆是假有。依無住本立一切法故。二約名言因緣互為發起。則一切法並通假實因緣故。實果起故。三約三性法相。遍計即空情謂實有。真實性體故。實理有。依他緣發故。假四品類增微善惡違順以明假實則如此論心所有法乃至不相應等。以明假實瑜伽顯揚等亦然。並相望顯義。漸次成法。若俗諦相隱及遠善而有理用者為假。若相顯彰而有體事用向善者為實有也。何以故。聖者為欲對小機人方便顯法空故。文義云何。八識約事用處明故。皆是實。五十五法若依瑜伽二十七法是實有。餘皆假立。二十七者。遍行五別境五。善中有七。除不放逸捨。是無貪瞋癡及以精進於此四上假立。故有不害。復於無瞋上假立故。瑜伽云。云何諸善法幾是世俗有。幾是實物有。答。三。是世俗有。謂不放逸捨及不害。所以者何。不放逸捨是無貪無瞋無癡。精進分。即是法離染義建立為捨。治難染義故立不放逸。不害即是無瞋分。無別實物也。根本煩惱有六。五實一假。論云。根本六煩惱

中幾世俗有。幾實物有。答。一見是世俗有。是慧分故。餘實物有別心法故。隨煩惱假實者。依瑜伽論決擇中說不定四亦入隨煩惱。即二十四總名隨煩惱分。亦不說邪欲邪勝解。依本地分中有二十六。加邪欲邪勝解。廣如彼釋。復次此隨煩惱幾世俗有。幾實物有。謂無慚無愧不信懈怠此四是實。餘是假有。忿恨惱嫉害此五是瞋分。皆世俗有。慳憍掉舉三是貪分。亦世俗有。覆誑諂媚沈睡眠惡作忘念散亂惡慧九法癡分。皆世俗有。放逸是貪瞋癡懈怠分。是世俗有。尋伺二法是發語言心加行分及慧分。故是假有。若依雜集論二十二。是實物有。餘為假有。二十二者。遍行五別境五。善有七。是實物有。餘四假有。故下論云。無癡者。謂報教證智決擇為體。又決擇者。謂慧勇勳俱。故知無癡用慧為性。不放逸捨並云依止正勤無貪無瞋癡。是故依此四法假立。不害者是無瞋善根一分。故是假有。根本煩惱有十。五是實有。五是假有。慧分故。隨煩惱及四不定合二十四皆是假有。故論云。當知忿等是假建立。離瞋等外無別體故。忿恨惱嫉害此五是瞋一分。同瑜伽論。慳憍掉舉此三是貪分。與瑜伽同。放逸依止懈怠及貪瞋癡四法假立。亦同瑜伽。無漸無愧是貪瞋癡分。不信懈怠是癡一分。並是假立。不同瑜伽。瑜伽此四實物有。誑諂二法是愚癡一分。散亂一法是貪瞋癡分。忘念不正知是煩惱相應定慧為體。覆誑眠沈惡作四法是愚癡分。尋伺二法或思性或慧性。謂

於推度不推度位義別故。前瑜伽隨煩惱中九。謂覆諂誑憍沈睡眠惡作忘念散亂惡慧並是癡分。此論唯覆諂沈睡眠惡作四。是愚癡分。餘五不同。謂散亂一法是貪瞋癡分。誑諂二法是貪癡分。忘念不正知是煩惱中念。所以有此不同者當知。並是諸作論者方便交絡顯其異義。隨其增微廢與差別理不相違。若依毘曇經垢隨煩惱通是貪瞋癡疑五見九使家依。唯除慢使。此中大乘但是貪瞋癡依。非餘使依。所以然者二宗交絡各顯一義。契法師云。西方諸師隨煩惱中七實有。無慚無愧不信懈怠四有別體。論有。成文。憍沈掉舉散亂三法亦有別體。所以得知。解云。為掉舉是貪分故。仍離貪外別得有體。如貪不與瞋相應。掉舉若爾則不與一切煩惱相應過。當知憍沈散亂亦言癡分。故知亦有別體。今準雜集論但隨煩惱中皆是貪瞋癡一分及依止貪瞋癡等。皆是假有。若言是貪瞋癡等者則實有。今此隨煩惱內無慚無愧。憍沈掉舉不信懈怠心亂七使是貪瞋癡分。餘之十三或言一分。或言依止此。準之皆是假有。不定四法亦有別體。由不定故。又若有別體與遍行何別。答。遍行隨起則與行同。不定現前由與事別。此宜思之。又此四法望上不足。望下有餘耳。契法師云。無癡善根別有體性。瑜伽中善十一內三是有。捨不放逸不害此三假有。餘是實有。又大悲用無癡為性。與二十二根慧根不言相攝。故知別有性。如文中將無癡對三慧釋者。但對三慧等

釋顯無癡。非即一體。若準此等義心所有法中三十實有。餘為假有。三十者前二十二內加七隨煩惱及無癡也。依起差別具緣多少作業種類不同。名別廢興等並如瑜伽及成唯識論釋。亦有智者分判大乘準小乘解釋大乘文量恐不可極。宜審定心數。微細難可了知。略舉一隅以示後學也。

華嚴五十要問答初卷終

### 華嚴五十要問答後卷

大唐終南太一山至相寺沙門智儼集  
三十七三世不同義。離世間品初釋

問。諸教世時云何。答。依小乘教三世有法。依三乘教三世之中現在有。過未無。依一乘教九世義。過未現在及現在現在三時有。過去未來及現在各有。過未六世是無。九世各有相入相即。故得成一總句。總別合成十世也。此世等以不相應法為體也。

三十八障義。普賢品初釋

問。諸教辨障義云何。答。若依小乘諸使纏垢等是障名數。此障名通三乘始教。兼則通餘教。何以故。謂惑名同義有深淺。故惑智二障及煩惱所知障凡忘想二十二無明等正在三乘始教。兼則通三乘終教。五住地惑皮肉心三障圓是四障凡夫性無明十一障等此在直進三乘位。兼在終教等。已上諸惑一惑一切

障。一斷一切斷。此屬一乘教。如下說之

三十九一乘別障義。亦普賢品初釋

問。普賢品內據普賢法極深廣大。因何文中初明一障成百障等。答。依小乘教一惑一障一世。一忍一智一斷得一滅。依三乘教初教名同前。義中深淺異。若據三乘終教一惑一障三世。一忍一智非初非中後。斷得三世滅也。據一乘教一惑多障多世。一數多數忍多數一數忍。一數多數智多數一數智。一斷非初非中後。得九世滅及非世滅。今普賢品初明障障等者據首為言。欲顯普賢廣大解行法也。

四十陀羅尼門。知識中第十一處釋

問。華嚴經中以陀羅尼門顯一切法門。其相云何。答。論自引悉曇章。阿<sub>反</sub>等十二聲迦<sub>補我</sub>等三十六半字。以音加半字展轉相乘成一切滿字。其字相仍不離本字音多中<sub>一</sub>。由多中有一初半字及初聲故一中多。一中有多字音能故一即多。半字及音成多字用故多即一。由滿字相等即壞成半字及初音故。以此字法陀羅尼天人共解故。舉此為立陀羅尼法。宜可準用之。此法極用在<sub>一</sub>乘。分用在三乘。餘乘非究竟

後釋

又約諸經論乘有四種。一者二乘。謂大小二乘。於方便中從教趣果分二故。二者三乘。謂大乘中乘小乘。於方便中從理成行分三故。三者依攝論一乘三乘小乘。謂於教門中

成機欲性顯法本末差別不同故。四者依法華經三乘一乘。約界分體相方便究竟不同故。又約數說。謂二及三各通三一義意故說。所言二通三者。謂大乘小乘聲聞緣覺一乘三乘。所言三通二者。有二義意。謂大乘中乘小乘一乘三乘小乘其意各別。準思可解耳。又依下經文或一二三或四。謂一乘三乘。或五。謂三乘人天。或無量。謂一切法門也。此依始終說。

#### 四十二四尋思義。三地初四禪釋也

問諸教四尋思觀法云何。答經論所明尋思觀者略有三種。一四尋思。二六尋思。三三尋思。亦名求知。大門有五。一列名字并教與意。二釋其義并顯主客分齊不同。三對三性明其假實。四明深淺及對如實顯觀分齊。五辨位地及問答除疑。初列名字并教與意者。謂初四尋思。一名謂能詮教法。二義謂所詮之義。三自性謂名義之體能。四差別謂名義相形。及對諸法相別不同故名差別。六尋思者分其名義各有自性及差別。故有六也。三尋思者。合其名義自性及差別則為三也。教與意者。問何故立四尋思。答為中根人有其二見。一和合見。二差別見。和合見者。謂義與名和合成一。差別見者。謂義與名各有自性。有能相應而體不同也。聖者立教對治彼病與四尋思開初名義。對治前差別見合彼自性及差別義對治相應成一之見。問。凡言對治障治須別。外人立一能治之法則界分別成其多法。顯一是假。及彰無等因。何今說開名

義二以治差別。有何道理。答。若對外道及三乘見不依論道則如來噴。今此尋思是菩薩自觀通對一切外道二乘及菩薩。或順論道故與此治。所以知者如界分別分破。合假及自性見則違論道。何以故。合假自性是緣聚法。及是成法界分別等。乃是壞法。成壞不同。賴緣各別故不相治。是以文中與其觀門分齊少別。如下具說。宜可思之。六尋思者。為治差別見即為利根人。三尋思者。對治和合及一見等為軟根人。何故。差別見者是見行故。和合一見者是愛行故也。二釋其義并顯主客分齊不同者。如攝論云。何者名尋思。謂名義自性差別。菩薩於名唯見名。於義唯見義。於名義自性言說唯見名義自性言說。於名義差別言說唯見名義差別言說。於此四處度疑決了說名尋思門。所以自性及差別。安言說者為後二法。觀相深故。若據實觀四種法中皆是言說。問。約何觀相得知後二是深非淺。答。名義二法。一往直計見不深重。自性及差別約其所以驗證成執。故是尤重。翻治觀成加功作業方觀現前故是深也。文云。於名唯見名等者。菩薩於實名皆見假名及無名不見實名也。義等亦然。主客分齊差別者。以空為主。以實為客。以假為主。以實為客。何以故。由攝論云。以無所有為自性。又觀名義唯假立尋思故得知也。有以因為主以果為客。所以然者以客依主立浮寄無根。主與客為依得成其事。所以得知互為因果。成主客義故。攝論云名義互為客菩薩應尋思故得

知也。問。義若如此何故攝論云名無所有於義是客。義無所有於名是客。若據此文則無所有是其客義。何故乃言空無所有是其主。義答。此語乍隱宜須思之。言無所有者即實有也。分別性有與無義同一種。無理不得有。別此相難彰。只欲導實則涉未觀。只欲導空不知分齊。故今舉名說無所有。則知是實。次後偏舉無所有。是名義本性。故知前文名無所有及義無所有即說實也。此約觀智慧境為言。宜可思之。三對三性明其分齊故論傷云。名義互為客菩薩應尋思。應觀二唯量及彼二假說從此生實智離塵分別三。若見其非有得入三無性。前一行半偈明無相觀。次有一句。若見其非有明無生觀。三得入三無性此之一句明無性觀。廣如論辨觀相云何。依依他性以遣分別性。依彼真如遣依他性。云何能遣。由名義無所有能分別亦不得是有。何以故。若所分別名義是有能分別緣此名義可說是有。由名義無所有分別因緣既定是無能分別體亦無所有。此中分別既無言說。亦不可得則入依他無生性。菩薩見此有無無所有則入三無性非安立諦。此三性中分別性是實亦則空。依他性是假非實非空。真實一性是實非空。四尋思觀若入分別性所分別塵是空是實。故釋論云。若菩薩見名義更互為客入異名義分別性。何以故。由無相觀未全成故。但異未觀時。故云異也。此雖知無未壞實見。故尋思觀亦在實中。若見名義自性假說唯分別為體則成分別無相觀

方得究竟。爾時尋思所知即是空。尋思等觀若在依他性則非實非空。亦可是假故。攝論中約彼八喻明其似故。四尋思觀不入無性。何以故。由是觀家初方便故。若得四如實智方入無性。故得知也。四明深淺及對如實顯觀分齊者。論文云。釋自性義已以其深義為境界。以此義求得知名義二門是淺非深自性及差別是深非淺。所言如實觀分別者。釋論解云。何名尋思所引如實智。若菩薩於名已尋思唯有名。後如實知唯有名此則定知名無所有。問。若名定無體者何故立諸法名。答。欲令衆生漸入正理。想見言說依名想義及現證發語教他假立客名。無有實法。故論釋云。若世間不安立色等名於色等類中無有一人能想此類是色。若不能想則不增益。若不增益不起執著。若不執著不能互相教示也。何者義尋思所引如實智。若菩薩於義已尋思唯有義。後如實知義離一切言說不可言說。謂色受等類色非色不可說。法非法不可說。有非有不可說。是名義尋思所引如實智。何者自性尋思所引如實智。於色等類自性言說中已尋思惟有言說。由自性言說。此類非其自性。如其自性顯現。菩薩如實通達此類如化影像。非類似類顯現。是名自性尋思所引如實智。何者差別尋思所引如實智。若菩薩於差別言說中已尋思唯有言說。於色等類中見差別。言說無有二義。此類非。有由可言體不成就。故。非非。有不可言體成就故。如此非色由真諦故非非色。由

俗諦故於中有色言說。故菩薩如實知差別。言說無有二義。是名差別尋思所引如實智。如是等觀菩薩尋思此名義假立自性及差別。如此度疑決了等說名尋思。因此尋思觀名義等定無所有名如實智。此即尋思如實二義不同也。五辨位地及問答除疑者。尋思位地在煇頂兩位。若準修時章在於十信及十解位。如實智位在於忍及世第一法。若準修時章則在十行十迴向位。故攝論云。菩薩於四種尋思修煇頂二種方便道。於四種如實智中修道云何。乃至論釋。緣識為境。了別無塵等。所緣既無能緣必不得生。由此了別故能伏滅唯識之想。唯識既滅從最後剎那更進第二剎那即入初地。又修時章云。如聲聞道前有四方便。謂煇頂忍及世第一法。菩薩地前四位亦如此。謂十信十解十行十迴向。故得知也。問。菩薩見名義相各異。及見相應依義相應。菩薩見自性言說及差別言說皆屬義故名與義相應。云何得知名義互為客。此是論文。義意云何。如外人計名義各有自性及差別各各相應名義二法。自性差別此則各各。平等無偏。云何得知名義互為客。論有三答。一先於名智不生故。證名義不同體而不相應。不同體時則無有法。世數名義皆悉如此。若名與義同體。及與相應未聞名時於彼義中知名智應成。現見知義智生知名智不生。故知名義本不相應。第二義者引一多相違證名義不同亦不相應。如瓶一義。異國立名皆悉不同。若名與義相應得成

有者。名多非一義亦應多。何以故。一義與多名相應成有故。第三義者定不定異故。名義二相不得相應。名不定故。若名與義相應名既不定。義亦應爾。西國有法。以一瞿名目於九義。所謂九者言方地光牛金剛眼天水。以一瞿名目此九義。名與義定相應者目天之時地應隨名與天相應。餘亦如是。既無此義。故知名義二性差別。一亦不相應。何以故。與上三義相違故。若異相應此亦不成。何以故。亦與上三義相違故。問。一異相應二義各別。云何同一三義相違。答。雖復名同三義相違失竝有異。所以得知。若名與義一而相應者見義之智即須是其知名之智。又若一者義既是一。名即不多。又若一者名既不定。義亦應爾。若名與義異而相應知義智生知名之智亦應即生。何以故。名義相別而相應故。又若異者名既是多。義亦應多。二相各別而相應故。又若異者九義是別。一瞿之名亦應成九。何以故。由彼名義別相相應成其有故。此等道理皆悉偏約四尋思說。六尋思等及三尋思準以可知。何以故。不越一異相應成有故。餘可準求。此教在三乘亦得一乘用。何以故。由此觀法一切處用應法界故。

#### 四十三如實因緣義明難品初釋

問。菩薩初起修行。先觀如實因果成入道方便。其義云何。答。凡佛法大綱有其二種所謂真俗。隨順觀世諦則入第一義故。觀相云何。法有多門。且依同時。如實互為因果義。入因果義有二重。第一重內有三門。一明護分別

①(等)②(十)③(是)④(有)⑤(非非有)⑥(非有)⑦(有)⑧(由)⑨(心)⑩(各二客)⑪(本)



義隨定取一義不可得故。果義四門準前知之。第二門竟。第三執成過者。問。因生果何失。答。若生者亦可恒生。亦可恒不生。所以知之。若生者即常生故。又若生者現所有炎果。是能生炷因即無所生。故是斷也。又問。因不生果有何失。答。亦有二失。若炷因不生者即光炎無因故是常也。又若炷不生者既炎無自生。因復不生不可得有故是斷也。亦生不生。非生非不生。準以思之。餘義準可知。又一切因有六種義。一空有力不待緣。念念滅故。二有有力不待緣。決定故。三有有力待緣。如引顯自果故。四無無力待緣。觀因緣故。五有無力待緣。隨逐至治際故。六無有力待緣。俱有力故。問。未知待緣待何緣。答。此待爐油水土等外緣。不取因事及自六義也。又經云。因因亦因。因果果亦果。果者。簡別因果親疎有無力用分齊。初因者親因也。復因者緣因也。亦因因者二因相由也。果果等者準因二果相由成也。餘因果相望則無用耳。又增上緣望自增上果還爲親因。故雜集論會疎緣入親因攝。又成唯識論因緣謂有爲法親辦自果。此體有二。一種子。二現行。種子者謂本識中善染無記諸界地等功能差別。能引次後自類功能及起同時自類現果。此唯望彼是因緣現行者。謂七轉識及彼相應所變相見性界地等。除佛果善極劣無記餘熏本識生自類種。此唯望彼是因緣性。第八心品無所熏。故非簡所依。獨能熏故。極微圓故不熏成種。現行同類展轉相望皆非因緣。

四十四悔過法義第五迴向初釋

問諸教懺悔法差別云何。答此有四門。第一懺悔。第二勸請。第三隨喜。第四迴向。此文在一乘通彼三乘用。廣說如毘婆沙論。小乘教等不具此法也。其滅罪方法具如經論。若發願門皆通理事因果。竝有成事願未成事願可準解之。

四十五陀羅尼用義。亦十一知識中釋之。

問。諸教誦陀羅尼呪法差別云何。答。誦呪利益滅罪生福。乃至成自利利他證果等用。此文在三乘終教通彼一乘用。何以故。應法界故。小乘無此教也。又有四種陀羅尼。一法。二義。三呪術。四忍亦名爲遮忍。知一切言說一切法自性義不可得名忍陀羅尼。後二陀羅尼出地持論。又十陀羅尼是一乘文義如離世間品說。印相施設工巧字相等竝準此

知

四十六唯識略觀義第六地中釋

問諸教之中說唯識觀方便云何答欲觀者先近二知識一行知識二解知識依其靜處自身隨所相應持戒清淨至心懺悔諸十方佛一切賢聖及善神王加被已身結加趺坐左手置右手上正端其身閉目調息以舌約上齦正心住緣所現境相知自心作分別隨息其心即住縱使未住以初作不調習經月日其心則止次連成定是其方便若有魔事相起則就道場悔過行道魔事漸輕所有諸疑臨時消息對解知識決其魔事心但欲使相絕皆須策勵必成不疑懈怠則無成辦煩惱減少是觀成相此通一乘及三乘教初順三乘後順一乘後熟具足主伴故也

四十七空觀義初地後十心中釋

問空觀云何答依華嚴經初觀菩薩依十種法謂身口意三業佛法僧戒依此十法所用威儀竝如前唯識觀說但知十境隨一現前知即是空無本末相其心得住久習則明與定相應又問餘法非空耶答一切皆空但為初修者入觀餘不便故有情染習久遠力強故餘不便也所有疑滯一如唯識觀說疑云前唯識觀後成正定與空觀止云何差別據止觀成一種相似今據方便境界為言故有差別此等觀是止觀體若隨事中行住坐臥四威儀時及益生等事心成前唯識及空觀當心得煩惱損減者竝屬助道攝此觀通一乘及三乘教小乘教中無縱作空觀不同

上義由但得人空故略有五辨為正助方便一真如辨由知如故心相即息二即空辨三唯識辨四妄想辨五緣起辨用此五辨正助二觀即易成也又此空觀及上唯識二境分齊不得如解時知若如解時知還成妄境耳其空有四併成觀境一有為無為虛空二擇數滅空三成實論教性空四地論教性空竝成觀境但深淺異也若窮空方便一乘究竟

四十八普敬認惡義第九迴向初釋

問人集教中說八種佛法差別云何答為滅闡提病成普敬認惡法有其兩段第一段明普敬者於內有八段一者如來藏有二一者法說如來藏是一切諸佛菩薩聲聞緣覺乃至六道衆生等體二喻說者有五段一喻如阿耨大池出八大河河雖差別水體無異一切凡聖雖差別不同藏體無異喻如伎兒作種種伎兩伎兩雖別身無別異如一切瓦皆因泥作瓦雖差別土體無異生死依如來藏如來藏作生死是名善說世間言說故有生非如來藏體有生有死喻如波依水水即作波風因緣故有波非水體有波喻如金莊嚴具衆具雖別金體無別皆同一金一切凡聖差別不同皆是一藏二佛性者亦法喻竝說佛性者是一切凡聖因一切凡聖皆從佛性而得生長喻說者喻如乳是酪因一切酪皆因於乳而得生長一種相似當來佛者一切惡四衆等現在雖行邪善行皆當作佛佛想佛者想一切衆生皆作佛想二者普真

普正佛法莫問邪人學亦得真正正人學亦得真正何以故如來藏佛性體唯是普法唯是真法於中無有邪魔得入其中是故不問邪人正人俱得真正三者無名無相佛法有二種一者一切衆生體是如來藏未有真佛名故名無名未有真佛三十二相故名無相二者一切六道衆生體唯是如來藏更無別名別相故名無名無相四者拔斷一切諸見根本佛法有二種一者一切如來藏悉有聖性唯敬其體不見其惡邪正故故名拔斷一切諸見根本佛法二者一切六道衆生體是如來藏更無別法唯敬作四種佛等不見六道善惡等故故名拔斷諸見根本佛法五者悉斷一切諸語言道佛法一切衆生唯敬其體不說善惡六道等名故名悉斷一切諸語言道佛法六者一人一行佛法一人者自身唯是惡人一行者如法華經說常不輕菩薩唯行一行於自身已外唯有敬作如來藏佛佛性佛當來佛佛想佛等故名一行七者無人無行佛法自身及他一切衆生皆同是一如來藏無有別體故名無人無行佛法八者五種不干盡佛法有二一者欲行此五法唯須調停一自他不干不為自身不共邪善道俗往來二親疎不干不學當根佛法者不共往來三道俗不干一切邪善道俗不與親友往來四者貴賤不干一切貴賤不共往來五凡聖不干一切聖內多有邪魔一切凡內多有諸佛菩薩凡夫生盲不能別得是故凡聖不干唯除乞食難事因緣暫共往來者不在

其限。二自他俱是如來藏唯作一觀。不得作自他親疎道俗貴賤凡聖等解于心。於此八段內更有二義。一一生盲生聾生瘡生佛法。二者死人佛法。第二認惡義云何。答。第二段認惡者於內有十二種。一其心顛倒常錯謬。常行誹謗語。心緣第三階佛法以去。更作餘心。即是顛倒常錯謬。口唯得說如來藏佛法。更作餘語則是常行誹謗語。二者善惡兩種顛倒有二。一者一切邪魔作諸佛菩薩形像。顛倒衆生順本貪心。於內唯見其善不知是邪魔。邪魔非是諸佛菩薩。非善見善故名顛倒。二者一切諸佛菩薩應作。種種衆生顛倒衆生。若違其心必生瞋唯見其惡。諸佛菩薩實非是惡非惡見惡故名顛倒。三者內外四種顛倒有二。一者邪貪。於一切順情之處純見其善。無善見善小善見多善。以善攝惡俱作善解。故名顛倒。邪瞋者違情之處純見其惡。無惡見惡小惡見多惡。以惡攝善皆作惡解。故名顛倒。邪癡者善內得惡不覺。惡內失善不知。故名邪癡顛倒。二者神鬼魔輔心。但使一切諸佛菩薩及世間道俗稱其心者。即是神鬼魔輔心。四者一切經律論常說純說顛倒。但使一切經文內唯說顛倒衆生是惡不說是善。故名一切經律論常說純說顛倒。五者七種別惡顛倒。一者三階。名第三階。二者三聚正定聚不定聚邪定聚。三者法說爲諸菩薩說甚深大乘義。爲諸聲聞說淺近之義。爲一闍提說世間之義。四者噲說。一如定受不死。二死活不定。三定死醫藥所

不能救。五者無慚愧悔。六者恒河第一人名常沒。七者最多阿鼻地獄果。六者六部經說最多顛倒有五段。一者一切佛不救空見有見顛倒衆生。得值無量無邊諸佛。於諸佛所行六波羅蜜由學佛法不當根謗佛法僧。不免墮十方一切阿鼻地獄。一切佛不能救。二者一切法不能救有二種。一者大乘小乘各各誦得八萬四千法聚。由心一念嫌他學十頭陀比丘。即滅爾許善根盡墮阿鼻地獄。如大集經說。二者誦十二部經不免謗佛。現身墮十方一切阿鼻地獄。如涅槃經說。故名一切法不救。三者一切僧不救。四者一切衆生不救。度得門徒弟子六百四萬億。復度得九十六種異學外道。迴心向涅槃不免墮十方一切阿鼻地獄。五者一切斷惡修善不救。大精進大持戒大懺悔。大不自是非他不自高輕他。非佛弟子是無慚愧愧悔。七者十部經說邪盡顛倒。十一部經者。一者迦葉經。二者如大集月藏分經說明法藏盡品正法悉滅。三者如阿含經說正法藏盡。四者如大方廣十輪經說一切人民皆悉起於斷常。五者如薩遮尼乾子經說一切衆生皆悉起於三種顛倒。六者如摩訶摩耶經第二卷說文。當佛滅度一千年已後。唯有兩箇比丘學作不淨觀正坐禪不起高下彼此是非心。七者如大般涅槃經說。末法世時一闍提及五逆罪如大地土。八者最妙勝定經。九者大雲經。十者佛藏經說正人唯有一人兩人。十一者觀佛三昧海經。八者四部經說出顛倒。一者

摩訶衍經說三毒顛倒。二者勝鬘經說二見顛倒。三者薩遮尼乾子經說三種顛倒。一非法貪心。於十不善道生於樂心。二者顛倒貪心。由因自力得依時節。得諸財物不生知足心。方便求他財。是名顛倒貪心。三者邪法羅網之所纏心於非法中生是法想。於非義中生是義想。於末世時非是智者所作言論作正論想。是名邪法羅網之所纏心。四者涅槃經說種種顛倒。九者兩部經說純顛倒。一像法決疑經說。過千年被像法之時。諸比丘比丘尼優婆塞優婆夷所作衆善求名利。無有一念作出世心。二如佛藏經說。增上慢比丘無有一念求涅槃心。但使無有一念出世心求涅槃心。即是純顛倒。十者兩部經說常顛倒。一常沒。二常行惡。三常爲無明所纏繞。四其心顛倒常錯謬。五常汚身口。此五段如涅槃經說。六心常遠離棄捨眞實一切法味。七常爲煩惱及諸邪見惑網所覆歸依六師傷罷聖道。八常行誹謗語。此三段如十論經說。十一者三十二種偏病。自他俱見眞正住持佛法自利利他顛倒於內有三十二。總有二四一五二六一七。一四者名。想忘想不淨說法。二四者依人依語依識依不了義經。一五者一者自他。自身唯見其好。他身唯見其惡。二者上下。空見有見衆生唯欲得學上佛法不肯學下佛法。三者普別。唯樂學別法不行普法。四者善惡。唯斷善外惡不斷善內惡。唯修惡外善不修惡內善。五者自利利他。唯行自利不行利他。一六者一名聞。二利養。三徒

來四多聞、五勢力、六勝他、二六者一貪、二瞋、三癡、四神鬼魔、五空見、六有見、一七者一深賞罰、來僧打罵繫縛、及遣還俗滅一切三寶盡、二者邪正難亂盡、三一切善天龍八部出國盡、四一切惡天龍神鬼魔等就入其國而住、滅三寶殺衆生令一切衆生悉作一切惡盡、設有少分修善衆生惡魔入心爲作留難破心而死、五使一切有緣佛法不相當盡、六一切根機不相當盡、七一切藥病不相當盡、十二者滅三寶成三災盡顛倒、今上二義爲救闡提迴向一乘兼順三乘、於理有順、故錄附之。如來藏義者、依大方等如來藏經、我以佛眼觀一切衆生、諸煩惱中有如來智、如來眼如來身、結跏趺坐儼然不動、一舉彼天眼觀未數華內有如來身結跏趺坐、明如來藏本性具德喻、二譬如淳蜜在嚴樹中無數群峯圍繞守護、有人巧智除蜂取蜜、明本德去染成淨喻、三譬如粳糧米未離皮糲貧愚輕賤、謂爲可棄除蕩既精常爲御用、明藏在染同愚異淨喻、四譬如真金墮不淨處隱沒不現、經歷年載真金不壞、明藏在染難壞喻、五譬如貧家有珍寶藏寶不能言我在於此、又無語者不能開發、明藏在染顯緣喻、六譬如菴羅菓內種不壞種之於地成大樹王、明藏德會緣成果喻、七譬如有人持真金像行諸他國、經於險路懼遭劫奪、裏以弊物令無識者棄捐曠野、人謂不淨、有天眼者知有真像即爲出之令他禮敬、明真德除染生信喻、八譬如女人貧賤醜陋而懷貴子經歷多

時人謂賤想、明轉想會真成智喻、九譬如鑄師鑄真金像既鑄成已外雖黑內像不變、開摸出像金色見囉、明反染歸真應體喻、佛性義者略有十種、謂體性因性果性業性相應性、行性時差別性遍處性不變性無差別性、依佛性論小乘諸部解執不同、若依分別部說一切凡聖衆生並以空爲其本、所以凡聖衆生皆從空出故、空是佛性、佛性者即大涅槃、若依毘曇薩婆等多諸部說者則一切衆生無有性得佛性、但有修得佛性、分別衆生有三種、一定無佛性永不得涅槃、是闡提犯重禁者、二不定有無若修時則得、不修不得、是賢善共位以上人故、三定有佛性、即三乘人、一聲聞、從苦忍以上即得佛性、二獨覺、從世第一法以上即得佛性、三者菩薩、十迴向以上是不退位得於佛性、問、依仁王經言三寶十聖忍中行唯佛一人能盡原、又論云、十解已上已聖人、今十迴向已上得佛性云、何諸經論不同、答、此等不同爲有情機欲各別隨一義說、宜可準之配釋、此佛性論初約小乘及迴心初教說、若後破執成正義即是終教即一切衆生皆有佛性、依二空所顯真如是也、大乘涅槃經四句佛性者、非小乘義中及初迴心人作四句義、即是頓教終教佛性及大般涅槃、仍非一乘別教義也、四句義者、或有佛性、闡提人有、善根人無、謂約行辯性也、或有佛性、善根人有、闡提人無、謂約位辯性也、或有佛性、二人俱有、謂約因辯性也、或有佛性、二人俱無、約果辯性也、問、

闡提之義斷現善根因、何有行善性、答、此約位語、此世生善根可救者有現行善性、他世生善根現不可救者有行因種子、此義不同聲聞宗、此之四位皆具性得及修得二佛性也、何以故、此之二性同於信解淨心處說故、相由成故也、性得及修得二種佛性非初非中後、前中後、取故、又驗經文如來藏爲直進菩薩機說、佛性爲淳熟聲聞機說、此中所明如來藏佛性雖約諸義差別不同皆是同教一乘義也、何以故、爲成普法故普法所成故

#### 四十九四宗義、初地請分後釋

問、大論教中明四宗義、義相云何、答、西域名悉檀、此翻名宗、悉檀有四、一世界悉檀、世者時、界者分界也、理法起於時分故名世界悉檀、二各各爲人悉檀、據機欲上下成彼所說正理分齊故名爲人悉檀、三對治悉檀、據惑明治勝沈在用、約用顯治分齊故名對治悉檀、四第一義悉檀者、總攝一切十二部經八萬法藏等皆是真實無相違背、順理中極名第一義悉檀、云何名世界悉檀、有法從因緣和合故有、無別性、譬如車輪軸輻輳等、和合故有、無別車也、人亦如是、五衆和合故有、無別人等也、世界故有、第一義故無、以五衆因緣有故有人、譬如乳色香味觸因緣有故、若乳實無乳因緣亦應無、今乳因緣實有故、乳亦應有、非如一人第二頭第三手無因緣而有假名、如是等相名爲世界悉檀、云何名各各爲人悉檀、觀人心行而爲說法、於一事中或聽不聽、如爲不信罪福隨滅見者爲說

難生世間難觸難受。計有我有所神。計常中者說無人得觸得受。云何名對治悉檀。有法對治則有。實性則無。不淨觀於貪欲病中名為善對治法。於瞋恚病中不名善對治法。云何名第一義悉檀。諸佛辟支佛阿羅漢所行真法不可破散。上三悉檀不通。此則通過一切。語言道斷。心行處滅。遍無所依。不示諸法。無初無中無後。不盡不壞此名第一義悉檀。上來宗義文在三乘。義通一乘。何以故。應法界故。法界義普成世界。總普成各各為人。總普成對治。總普成第一義。總若從門別小乘亦得分有也。

### 五十二部經義十藏品釋

問。十二部經教差別云何。答。詮理之教約十二部。一修多羅。此方云契經。二祇夜。此云重誦。三伽陀。此云不直說。四和伽羅那。此云受記。五憂陀那。此云無問自說。六尼陀那。此云因緣。七阿波陀那。此云譬喻。八伊帝目多伽。此云本事。九闍陀伽。此云本生。十毘佛略。此云方廣。十一阿浮陀達摩。此云未曾有。十二憂波提舍。此云論義經也。此教體性通二乘三乘。總有六種。一實。二實即空。三可似。四不可似。似五唯識。六異如。廣如經論。其十二部教若約乘論有其二義。一通相說。一乘三乘小乘皆有十二部。二若分別說者。一乘有一部。謂方廣部。有九部。謂無因緣譬喻及論義。如金剛身品說。三乘之中有十二部。復有十一部。除方廣部。故地持云。十二部中唯方廣部是菩薩藏。餘十一部是聲聞藏。問。何

故作如是說。答。為諸教中說二乘及三乘各有二義。言二乘者。一就初心機性及種子說則迴心已還。二是聲聞藏。二直進已去是菩薩藏。二就初迴心上心解行說則迴心已去是菩薩藏。未迴心者是聲聞藏。三乘準可知。今地持文分部者據此第一義也。小乘之中有十二部。復說九部。謂無方廣無問自說及受記。如法華經說。說三乘二乘等。何故皆有二種說十二部。答。由所據望與教顯理不同故。如一乘中一方廣部。即據攝法復有九部者約分齊言。由形下小機故三乘之中有十二部。復說十一部者。十二部據攝法。有十一部者。形上大機故。直進之人有方廣部。迴心之人無方廣部。起彼迴心人信上信心故。小乘之中有十二部。則攝法也。有九部者。欲彰菩薩勝機勝法顯彼聲聞愚下不足故。餘可準求耳。

### 五十一翻依等義。序品後釋。取論道法及地品初釋。取釋文法也。

問。聖教差別隱現不同。云何得知文義分齊。答。若欲解其文義當用八種方便。約之則解。一四意方便。二四依方便。三七例聲方便。四釋門方便。五二證方便。六自相共相方便。七依聲方便。八論義得失立破成量等方便。初四意者。一平等意。二及理普遍故。二別時意。義在別時故。三別義意。義在別證故。四衆生樂欲意。隨彼機欲教義前後不定故。二四依者。一令入依。二相依。三對治依。四翻依。翻依有五。一相望翻。相形取義故。二增字翻。加

字會義故。三會意翻。以意會義故。四借勢翻。如瓶羊闍將前而更却等。五異事翻。於一名下有二義事。而會取正故。三七例聲。一補噓沙。此名俗作業聲。如說樹木等聲。二補噓。私所發至教業聲。如說故思造業等聲。三補噓。聲業具聲。如說刀杖能成等。四補噓。沙耶所為聲。如說助伴等。五補噓。沙所因主聲。如說王主父母等。六補噓。殺害主聲。如說奴僕等。七補噓。轡所呼依聲。如說。音聲名味句等。又七例聲第一如世所直說。第二言即位。由言成。第三起言依位本語。第四起言為所立。第五所由因位等。第六自成由於他。第七所說能證教聲。所屬宜可思準之。六種釋門者。一依主釋。如依師顯弟子業等。二持業釋。舉作用以顯體故。三相違釋。如舉。白以顯。黑等故。四多財釋。舉彼衆德以顯義宗故。五隣近釋。如舉正因以顯親果義等故。六帶數釋。如第一義諦。舉第一數以顯勝故。詮有二種者。一表詮亦名直詮。直顯義故。二遮詮。防彼異非以成是義故。自相共相分齊者。其自相義當彼法體自體相也。共相者假詮實義共如假相故。論義得失立破論等者。廣如羅什翻。論義得失立破論真諦所翻如實論。廣略二因明即大域龍商羯羅所造論等具顯其法也。聲有三種者。一男聲。直申能對治等聲。二女聲。委出所治障等聲。三非男非女聲。如說餘道理等聲。依上方便得會聖教應真實義。此文在一乘及三乘。餘宗不具顯。若無盡究竟唯一乘。何以故。以應法界故。



自在悉皆不同。闊狹亦爾。事淺深者。從凡夫極一顯底迦。乃至燦曜天光無礙解脫法堂淨土之處。事相不同。闊狹亦爾。解淺深者。教有秘密顯示不同。致令生解不解等。闊狹亦爾。行淺深者。如苑馬等。各別殊分。致令業行亦異。闊狹亦爾。義淺深者。三乘一乘差別不同。致令所詮之義淺深非一。闊狹亦爾。文淺深者。能詮之文言無言等不同。故淺深非一。闊狹亦爾。因淺深者。從其名數。初六因四緣。次現生引乃至二十因等。最後互為因等。若約道理辨因淺深。從初法執境界。乃至法無我如實因緣法無我因六義等。深淺不同。闊狹亦爾。果淺深者。從初等流依果。士夫解脫異熟果報等。世間出世間。出世間乃至窮佛不同。闊狹亦爾。上十門義。諸佛善巧會融法界圓通自在。不離見聞。證得普賢微細因陀羅。解脫通明方究竟也。

### 天王讚佛說偈初首顯教分齊義

依教有五位差別不同。一依小乘。有名之教詮有名之義。此在分別遍計位中。二有名之教詮有名之義。有名之教詮無名之義。此當迴心。初教位中義。當即名義即空教也。三有名之教目有名之義。有名之教目無名之義。無名之教目無名之義。此當熱教位中即性實成有之義。非是所謂有也。四無名之教顯無名之義。義當在頓教位中。一實三昧說也。五有名之教說有名之義。無名之教顯無名之義。當在圓教位中見聞處說。有名之教顯有名之義。有名之教顯無名之義。無名之教

顯無名之義。此約圓教處說。為攝義無盡故。分齊通聲聞及凡夫世間所知真實法也。該通三乘小乘文義。及圓教中比證分齊。下一部經所有文義。並約此準。

### 盧舍那佛品中雲集文末普賢文中立一乘三乘義章

經文云。入無上道者。當漸教也。不可盡功德智地者。當熟教分。顯性海中者。當頓教分。此約遍計滅分齊處說。又云。入無上道者。頓教及熟教中終教及義是也。不可盡功德智地者。普賢解行分教義是也。顯性海中者。當是圓教。證分已去是也。亦得即是普賢行願也。其乘名教具在問答中釋。今約下經。約五乘之義。有其三種。一人天共一。二聲聞緣覺共為第二。三始終漸教共為第三。四頓教獨一。五一乘獨一。總為五乘。第二者。人為一。天為一聲聞為一。緣覺為一。大乘為一。第三者。天一梵一聲聞一緣覺一如來一。會彼五乘。成無分別離相一乘。出楞伽經。若凡夫人天乘。佛臨凡夫。同彼人天。引凡夫人。修人天福。既無無漏不辨見修。但論世間禪定。成世間修。就聲聞緣覺及二乘迴心。並約見修。即至究竟成佛成羅漢。從小乘位十二住。即合四果等。共成十二住。十二住者。一聲聞自種性住。二入正未越次取證方便住。三越次取證住。四得不壞淨味聖戒轉上漏盡住。五依增上戒增上意學出生住。六七八得真諦智增上慧學住。九觀察生無相三昧住。十究竟無相住。十一解脫學處住。十二一切種阿羅

漢住。直進菩薩。一人即有十地。并說見修後方得成佛。及說大乘十二住。十二住者。一種性住。二解行住。三淨心住。四增上戒住。五增上意住。六增上慧住。七諦相應慧住。八緣起相應慧住。九有行有開發無相住。十無行無開發無相住。十一無礙慧住。十二最上菩薩住。若熟教位。則不同前義。初地已前。有分段死。先得無漏者。兼有變易死。初地已上。窮第十地。有變易死。十地滿後。方始成佛。若約頓教。即一切行位。皆不可說。以無相故。此據三乘方便說。若依一乘圓通之教。由義自在總別相成。故無前後始終淺深近遠等別。但不退已後。即明得彼普賢之法。約熟教比之。即十信滿心已去。即是其位。其普賢位中。對彼解行法及彼得義。唯有自分勝進。兩義不同。其身在於白淨寶網轉輪王位。十眼十耳等境界。若約解行法分齊。則唯未得離垢三昧。其離垢三昧。是未受職之前。定其身。在世界性等已上處住。而在普見肉眼位中。見十方界。若證得普賢位。在六相方便十地位中。何以故。依十地證義會普法故。若證得彼普賢解行所依身者。亦得在彼兜率天中。成諸天子身。從三惡道出。生彼天中。得無難身。成普賢解行法。如法華經龍女身者。義當即是留惑感彼同生之身。何以故。由此等人。並是過去多種善根故。亦不同是變化之身。何以故。由法華經引彼速成希有勝行證其教勝。若是變化。即非希有。若約滅惑分齊論者。依普賢品說。一障一切障。依小相品說。斷惑



分齊。一斷即一切斷。由彼華嚴經文云。內外各有五百煩惱。及八萬四千煩惱。普滅非別。故得知也。何以故。對彼生死際說故。又白淨寶網轉輪王位時。有定光顯樂鏡。光明照十佛刹微塵數等世界。以此驗之。當知白淨寶網轉輪王之位。福分不少也。若起利用。即令無量衆生發不退菩提心。及發阿耨多羅三藐三菩提。及在十地無生法忍地。唯未得離垢三昧之少分也。餘之位相德用境界。及見佛分齊。具在經文。又一乘義者。分別有二。一者正乘。二者方便乘。正乘如華嚴經說。亦如前分別。方便乘者。分別有十。一對三寶分別。佛實是一乘法。僧是三乘。何以故。佛同無盡故。法僧則不定。二對四諦分別。滅諦是一乘。三諦是三乘。何以故。滅同無盡故。三諦則不定。三對二諦分別。第一義是一乘。世諦是三乘。何以故。第一義諦同無盡故。世諦則不定。四對過分別。無恐怖者。即是一乘。有恐怖者。即是三乘。何以故。如來藏等。依則無過。即同無盡故。六識及心法智。此之七法。剎那不住。不種衆苦。不得厭苦樂求涅槃。由是俗諦故。依緣不自在故。五對人及智分別。有三種人。成三種智。三種智者。一若善男子善女人。成就甚深法智。以爲一人。二若男子女人。成就隨順法智爲第二人。三若男子女人。於諸深法不自了知。仰推世尊。非我境界。唯佛所知。是第三人前之一人。是一乘智。後之兩人。是三乘智。何以故。前第一智是證智。是證智同無盡故。後之二智。未證實法。是不定

故。此依勝覺經說。六對所解了。法處妄契實無分別。隨文解義。是三乘法。知虛妄無分別。是一乘法。何以故。契無分別。同無盡故。隨文取者。是則不定。此依楞伽經義說。七對一乘三乘小乘分別。一乘是一乘。三乘等是三乘。何以故。一乘則無盡故。三乘等則不定。八對大乘中乘小乘分別。大乘即是一乘。何以故。大乘尊上。即無盡故。中乘小乘。義則不定。如經會三歸一故。九對世間出世間出出世間分別。出出世間。則是一乘。餘則三乘。何以故。出出世間。勝同無盡故。餘二則不定。如法華經界外露地別索車者。即是其事。十對譬喻分別。如王譬中明珠及大王等。即是一乘寶珠。繫汝衣裏。及窮子等。即是三乘。何以故。明珠王祕甚深故。餘則不定。此依法華經說。上來所辨。於眷屬經中。欲顯圓通無盡法藏。一乘教義故。於方便之處。示一乘名。令進入者易得解故。作如是說。若橫依方便進趣法門。即有二義。通說一乘。一由依究竟一乘教成。何以故。從一乘流故。又爲一乘教所目故。二與彼究竟圓一乘。爲方便故說一乘。非即圓通自在義也。餘義準可知。上件法門。攝下諸教。頓屬其上。分本教義。漸從其末義。通一乘三乘小乘。何以故。爲彼圓教所目。及三乘終教。寂照寂一相。真如并初教門。染淨即空慧法。小乘苦諦之教。所詮實法有爲無爲等宗並不同。義理各別也。

一切諸法勝音菩薩偈首立轉法輪章轉法輪者有其二種。一一乘轉。二三乘小乘

轉。一乘轉者。一諦有十行。如下經說。一具足清淨四無所畏。二出生四辯淨妙音聲。三明了四諦。四隨順諸佛無礙法門。五清淨等心。悉能普覆一切衆生。六所說不虛。決定濟度衆生苦際。七宿世大悲所持。八以妙法輪音聲充滿法界。一切衆生無不聞知。九阿僧祇劫常說正法。未曾暫息。十轉諸根力覺意解脫諸禪三昧。相續不絕。餘三諦準亦同之。法轉流入衆生心時。說者復有十因。何者爲十。所謂過去願力故。大悲所持故。不捨衆生故。智慧自在。隨其所應爲說法故。未曾失時故。隨彼法器不增減故。決定了知三世智故。身行最勝故。口行無虛故。智隨音聲悉覺悟故。義準亦通。所被之機。具足四緣。其義可解。三乘小乘轉法輪者。一諦之內。有其三轉。成十二行。餘三亦同。成四十八行。如涅槃沙說。轉法輪者。說四諦義三轉十二相。是苦諦。是苦集。是苦滅。是至苦滅道。名爲一轉四相。是苦諦應知。是苦集應斷。是苦滅應證。是苦至滅道應修。名第二轉四相。是苦知已。是苦集斷已。是苦滅證已。是至苦滅道修已。名第三轉四相。四相者。四諦中生眼智明覺。亦云行也。三乘熟教。初分已下。名同不異熟教。終義與頓教之義。唯一真如授與名轉。非謂可轉是名爲轉。上件法門。攝下諸教。頓屬其上。分本教義。漸從其末義。通一乘三乘小乘。何以故。爲彼圓教所目。及三乘終教。寂照寂一相。真如并初教門。染淨即空慧法。小乘苦諦之教。所詮實法有爲無爲等宗不同。義理各別

①如前二非別 ②法十(故) ③知虛二知法處妄(德)

也

### 觀五海說十智文首立五海章

五海者。一一切諸世界海。二一切衆生海。三。性界業海。四一切衆生欲樂諸根海。五一切三世諸佛海。觀彼五海。以說十智。一一切世界海成敗清淨智。二不可思議一切衆生界起智。三觀察法界智。四一切如來自智。五清淨願轉法輪智。六力無所畏不共法智。七光明讚歎音聲智。八三種教化衆生智。九無量三昧法門不壞智。十如來種種自在智。五海等法。入十智說。問何故爾也。答理望前機。不得自顯。由智顯也。離智即無。故由於智。其五海等在智即智。問何故五海不以十名說之。答五海境深。寄三乘教說。欲令易解也。其五海分齊。在十智中。交絡互爲主伴。深淺廣狹染淨理事。是即無窮。上件法門。攝下諸教頓屬其上。分本教義。漸從其末義。通一乘三乘小乘。何以故。爲彼圓教所目。及三乘終教。寂照照寂一相真如并初教門。染淨即空慧法。小乘苦諦之教。所詮實法有爲無爲等宗並不同義理各別也。仍此一乘圓教。局見聞爲始

### 說分文內淨土因緣文初立十世界章

今此世界海上淺深。略有三種。一從三千大千世界已去。乃至一切衆生形類等界。以爲一類。二如瞿夷所居成化之處。十世界等。一世界性。二世界海。三世界輪。四世界圓滿。五世界分別。六世界旋。七世界轉。八世界運。九世界須彌。十世界相。此十世界。當萬子

輪王已去所居。爲第二類。三蓮華藏世界海等已去。盡佛境界爲第三類。如是等類世界海。有十種事。去來今佛之所演說。一謂說世界海。二起具因緣世界海。三住世界海。四形世界海。五體世界海。六莊嚴世界海。七清淨世界海。八如來出世世界海。九劫世界海。十壞方便世界海。此十因緣。通成上三。但爲引機。淺深不同。遂有三別。依此經文。三千界等。顯其融義。蓮華藏界等。明因陀羅微細等義。中間界等。略而不明。準之可解。上件法門。攝下諸教。頓屬其上。分本教義。漸從其末義。通一乘三乘小乘。何以故。爲彼圓教所目。及三乘終教。寂照照寂一相真如并初教門。染淨即空慧法。小乘苦諦之教。所詮實法有爲無爲等宗並不同義理各別也。仍此一乘圓教。局見聞爲始

### 普莊嚴童子處立因果章

依小乘教。六因四緣。一因緣。二等無間緣。亦云次第緣。三所緣緣。亦云緣緣。四增上緣。六因者。一能作因。亦云所作因。二俱有因。亦云共有因。三相應因。四同類因。亦云自分因。五遍行因。亦云遍因。六異熟因。亦云報因。小乘四緣相攝。不與三乘義同。何以故。不原因緣理故。六因所生五果。相應共有二因。感增上果。自分因遍因感依果。所作自分相應共有。感解脫果及士夫果。亦名功用。果報因感報果。此六因四緣等名數通三乘。依三乘初教。六因四緣生引二因二十因。互爲因等。此因緣義生之分齊。以四句顯之。一未成未成。

如因因亦因等。二已成成已成。如果果亦果果等。三未成已成。如因成果等。四已成未成。如果顯因等。此約事說。若約理論。唯是一緣起義。無異因也。二十因者。一生能作。謂識和合望識。由此和合所作本無今有故。二住能作。謂食望已生及未生有情。由此勢力生已。相續不斷故。三持能作。謂大地望有情。載令不墮故。四照能作。謂燈望諸色。了闇障故。五變壞能作。謂火望薪。令彼相續變異故。六分離能作。謂鏤望所斷。令連屬物成二分故。七轉變能作。謂工巧智等。望金銀等物。轉彼方分成異相故。八信解能作。謂烟望火。由此比知不現見故。九顯了能作。謂宗因喻。望所成義。由此得正決定故。十等至能作。謂聖道望涅槃。由此證彼故。十一隨說能作。謂名想見。由如名字取相執著隨起說故。十二觀待能作。謂觀待此故。於彼求欲生。如待飢渴追求飲食。由是此彼欲生因故。十三招引能作。謂懸遠緣。如無明望老死。由此異位展轉。招當有故。十四生起能作。謂隣近緣。如無明望行。由此無間生當有故。十五攝受能作。謂所餘緣。如田水養等望穀生等。雖自種所生。然增彼力故。十六引發能作。謂隨順緣。如臣事王令王悅豫。由隨順引發故。十七定別能作。謂差別緣。如五趣緣望五趣果。由差別自性。招別別果故。十八同事能作。謂和合緣。如根不壞境界現前。作意正起。望所生識。以成自所作。必待餘能作故。十九相達能作。謂障礙緣。如雹望穀。能損彼故。二十不相達能

作。謂無障礙。如穀無障。與上相違。於此能作因差別中。唯說識和合等者。且舉綱要為諸智者。依此一方類思餘故。互為因者。同時互為因果。猶如蘆束。亦如熾炷光焰不在別時。此文在三乘。一乘方究竟。問何故因果名數。

小乘三乘初教及終教。增減不同。答小乘因果數少。未達法空。不盡大理由不具說。三乘初教分達法空知法。次細約事委說。熟教已去。究竟法空。會事從理故不多說。唯論四緣及互為因果等。其二十因。由是能作因中自性之差別故。入能作因攝此。非愚法小乘義。其三乘義因緣得攝增上。何以故。為達法空分。理得相融成故得攝也。如水土與穀為增上。還即與自增上果為親因。親因與親因。互不相知。疎緣亦爾。何以故。無所知故。親因與疎因不相達。何以故。無二相故。互為因果義。親因所攝。又總唯有因緣。此約終教。依一乘教。具一切因緣理事教義人法因果等。又總雖有因緣乃至一即一切一切即一。盧舍那佛普賢行因。成就因果。與三乘等別。問普賢因果法門體性。不與世間道理事同。因何從凡夫世間。得成普賢解行果。答普賢因果。不從凡夫世間剋得。何以故。若未成則不說普賢。若已成。則舊來如此。道理時事。皆悉不同。凡夫之法。本來無物。無物能成。普賢對凡。舊來非有。無所可成。唯普賢望普賢。說成說不成。可準知之。上件法門。攝下諸教頓屬其上。分本教義。漸從其宗義。通一乘三乘小乘。何以故。為被所目。及三乘終教。寂照照寂。

一相真如并初教門。染淨即空愚法。小乘苦諦之教。所詮實法有為無為等宗並不同。義理各別也。已下章門。準此例知。

### 第二會名號品初禮佛儀式章

禮佛有三種。所謂身口意。謂身業禮佛者。大分有三。一隨方儀禮。二佛制教禮。三成極禮。此三禮法。分別有三。一成過禮。身儀不正。與慢相相應。如確上下。佛制有過。名成過禮。二相似禮。相離順正。與雜覺相應。或與倚緣合名相似禮。三順實禮。禮相順儀。與正無分別智相應。或與實性相應。謂如如性也。名順實禮。口業禮義。準前可知。意業有七。一成過禮。謂對尊境。與雜覺相應。名成過禮。二相似禮。與求名利樂有相應。亦與惡欲等合。經文判入一闍提道。今雖似善。當得大苦。名相似禮。三敬德禮。敬上如來無量功德相如金山得順如實。名敬德禮。四滅過禮。自省者無知造過無邊。情無羞恥。今逢聖境。投欲洗之名滅過禮。五迴向衆生禮。自惟無始不了體同。遂加惡於他。流轉無始。今知即體無二。收過從己。欲度衆生歸於本性。唯我一人。能成此事。今所作業。是衆生物。何以故。乘衆生性成故。名迴向衆生禮。六迴向菩提禮。自惟本性與諸佛果究竟覺。同一體無二。今乃。則而不覺。流轉生死。今息相還原。運心所造。更不別有。從如實來。是如實法故。是迴向菩提禮。言迴向者。乃。合不迴向。何以故。是彼本法。無別迴向故。七迴向實際禮。自惟。所修則是實際所有心。智則無我故。無二無別。名迴向實

際禮。上之五禮。並各有二。一起心迴向。三乘所詞。二一實迴向。謂則如如性。無二無別。不可別修。無別起求。為。則一故。本來無動。是實際義。是迴向義。上之五禮。一一準知。上言隨方禮者。隨方儀式發。恭跪搏頰叩頭擎掌等。各隨方儀名隨方儀禮。二佛制教禮者。佛初成道。為給孤獨長者。制其禮義。五輪著地。摩訶取正。名制教禮。佛目七衆若違此儀得違教罪。七衆以外不依此儀。無違教罪。但有依方敬儀之福。三成極禮。成極禮者。五體按地。良久乃起。或其心普遍。與法界等。或身普遍。與因陀羅及微細等。或身心經時三世九世等。名成極禮。一乘之禮。具前諸禮。何以故。為皆通見聞故。三乘諸禮佛所詞者。止佛不詞者。應為上件。諸禮佛儀。並準前條。仍一乘局見聞。

### 十號章

言十號者。一如來。二應供。三正遍知。四明行足。五善逝。六世間解。七無上士。調御丈夫。八天人師。九佛陀。十世尊。上件十號。通一乘三乘小乘道理。如上所件。別教者。名號隨方。有百億萬乃至南西北方十方分齊法門。

### 權道明如來法四生章

四生者。卵生胎生濕生化生。四生屬三界。佛同於胎生。淨土有二生。謂濕生化生。何以故。化生諸根頓具。淨土蓮華有漸成者。故知有濕生。阿彌陀佛。有其父母。準此佛同於胎生。無所準似故無胎生。就三界六道。人中具四生。畜生亦具四。鬼中則不定。若正鬼唯化生。

若邊鬼即通四。地獄及與天唯是於化生。是故小論云。四生攝六道。非道攝於生。六道有四生故。四生攝六道。六道不定二。雙一。爲此六道不攝於四生。餘義如別章。上件四生教之分齊。準餘前件

### 十種淨土章

依小乘義。無別淨土。依大乘義。有別淨土。略準有四。一化淨土。謂化現諸方所有淨土。二事淨土。謂諸方淨土衆寶所成。三實報淨土。謂諸理行等所成。謂三空爲門。諸度等爲出入路。四法性淨土。所謂真如。謂以依無住本立一切法。一乘淨土依準有十。爲此娑婆世界諸四天下。教化一切。一有種種身。二有種種名。三有種種處所。四有種種形色。及有種種長短。五有種種壽命。六有種種諸得。及以諸入。七有種種諸根。八有種種生處。九有種種業。十有種種果報。如是種種不同。衆生所見亦異。問欲明淨土。何故乃辨衆生分齊。不同答。佛土自融。與法界等。無別可別。何以故。由是佛土稱法界故。若欲取別知其分齊。依衆生心業行增減定水昇沈清濁差別。印成佛土亦差別也。故文殊師利歎土深異。寄彼衆生成土相貌也。問一乘淨土大小多少。染淨差別。云何得知分齊同異。答一乘淨土。一即是多。多即是一。具如地論廣釋。欲知分量準其十佛即可知之。闊狹分量。不同三乘所明淨土。與世界海亦別不同。若世界海即在時中。同彼衆生見聞處。說諸佛淨土不同所謂。故不同也。上件所錄三乘淨土異相。唯

簡愚法小乘。問若爾何故論云。有妙淨土阿羅漢當生其中。當知小乘亦有淨土。答小乘無有淨土。所以得知。凡生淨土須有習業。小乘厭其色心。樂其無餘。因何得生淨土。今言生者。引小乘語。明彼阿羅漢先有淨土種子故。得羅漢當生其中。或是大阿羅漢即是菩薩。當生其中。宜可知之

### 四諦品立四諦章

依涅槃經。苦有三種。一苦類。二苦諦。三苦聖諦。集滅道等亦同。苦類凡夫得。苦諦聲聞得。苦聖諦菩薩得。苦類者。苦家流類。如苦苦壞苦等。遍情切已。而無其理。苦諦者。有無常等道理。翻凡成聖。從理正。故得諦名。苦聖諦者。得法無我分。是自所依。順理故得其聖名。亦名有爲四諦無爲四諦。聖諦者。即無爲四諦。故十住經云。復以苦習盡道。分別五陰。生者滅者。有增有減。而悉無形。生苦老苦病苦死苦憂悲惱苦。總憎會苦。思愛離苦。所欲不得。亦復是苦。取要言之。五盛陰苦。是謂最勝名曰知苦。尋察根原。由苦枝黨所生爲習。貪著愛欲。斷之寶之。莫知爲患。知而遠之。故曰知習。諸垢永除。更不造新。願欲畢故。使不復生。色現尋滅。不令停滯。了習苦常寂。是謂知盡。解八正道。亦無體性。親疎近遠住止之處。變化無窮而不可極。薄除塵穢。照曜愚迷。無形無聲存亡之體。爲諸迷惑道引之首。入無爲路。故曰知道。苦薩分別四諦。亦不取證。欲獲一切在生死者。其諦之相無相無形。而不可見。審解如本。即應法性。世俗言教假號有

名。其實字體。不生不滅。無所染著。得聖諦心。不念有無。審解本者。一切諸色普悉平等。亦無高下。生若于心。是則名曰分別聖諦。其有爲諦。如愚法小乘宗中具實分別。若一乘諦。別教究竟。隨一世界。名字差別。有四十億百千那由他。如是十方。隨諸衆生所應調伏。作如是說。上件四諦。攝下諸教。頓屬其上。分本教義。漸從其末。義理分齊。並準上知

### 光明覺品中立業成就章

建立業者依三乘。所謂身口意三業。若善若不善及無記。或漏無漏。或爲無爲。何以故。由業即如故。若論其體。表無表性。或言作無作。身業作。以可見有對色爲體。口業作。以不可見有對色爲體。二業無作。以不可見無對色爲體。愚法小乘名同此。體義即有無不同。若心業作者。以心爲體。無作非色非心爲體。非色非心。名同小乘。其義不同。毘曇及成實。此約三乘初教。終教即異。如若約圓教。具攝前義。及融自在也。上件業成就。依業成就論。廣破諸小乘計。大乘自成。唯據方便。論正業體。故聲所及以爲業性。無可分別也。此論據初教。餘可準之

### 五陰章

五陰者。亦云五蘊。謂色受想行識。問蘊義云何。答諸所有色。若過去若未來若現在。若內若外。若龜若細。若劣若勝。若遠若近。彼一切略說。一色蘊積聚義故。如財貨蘊。如是乃至識蘊。當知依止十一種愛所依處故。於色等

法建立過去等差別。十一種愛者。謂願戀愛。希望愛執著愛內我愛境界愛欲愛定愛惡愛。苦愛妙行樂愛遠愛近愛。由如是愛所緣境故。如其次第。立過去等種種差別。又有差別。謂已生未生差別故。能取所取差別故。外門內門差別故。染不染差別故。近遠差別故。如其所應。於色等諸法。建立過去等差別。已生者謂過去現在。未生者謂未來。外門者謂不定地。內門者謂諸定地。餘句易了。不復分別。又苦相廣大故名爲蘊如大。杖蘊。依止色等發起生等廣大苦故。如經言。如是純大衆苦蘊集。又荷難染擔者。謂煩惱等諸難染法。依色等故。譬如世間身之一分。能荷於擔。即此一分名肩名蘊。色等亦爾。能荷難染擔故。名之爲蘊。問廣分別云何蘊義。云何實有。是實有。爲何義故觀實有耶。答云。此餘根境是實有義。一切皆是實有。爲捨執著實有我故。觀察實有。所以建立此三問者。爲斷相事。二愚及增益執故。如是準知。上件蘊義。聲聞即實。初教即空。終教即如。一乘即法界無爲也。

### 隨附十八界章

云何建立界。謂色蘊即十界。眼等五根界色等五境界。及法界一分。受想行蘊即法界一分。識蘊即七識界。謂眼等六識界及意界。何故建立界。無別相耶。建立蘊中已說。眼等各別相故。是故從諸蘊中出界建立。從諸界中出蘊建立。何等界法蘊不攝耶。法界中無爲。法蘊所不攝。此無爲法。復有八種。謂善法

真如不善法真如。無記法真如虛空。非擇滅。擇滅。不動。及想受滅。如是建立八無爲中。當知。所依差別故。分折真如。假立三種。不由自性故。善法真如。謂無我性空性無相實際勝義法界。何故真如說名真如。由彼自性無變異故。謂一切時無我實性無改轉故。說無變異。當知此則是無我性。離二我故。何故復說此名空性耶。一切難染所不污故。所以者何。由緣此故。能令一切諸難染事悉皆空寂。雖復有時說有難染。當知。但是客塵煩惱之所染污。何等名爲客塵染污。謂由未拔所取能取種子故。令依他性心二行相轉。非法性心。以諸法法性清淨故。何故復說此名無相。諸相寂靜故。諸相者。謂色受等乃至菩提諸所戲論真如性中彼相寂滅故名無相。何故復說此名實際。無倒所緣故。實者謂無顛倒。此處究竟。故名爲際。過無我性。更無所求故。何故復說此名勝義。最勝聖智所行處故。何故復說此名法界。一切聲聞緣覺諸佛妙法所依相故。如善法真如。當知。不善法真如無記法真如亦爾。虛空者。謂無色性。容受一切所作業故。無色性者。謂唯達於色無性相法。意識境界是名虛空。意識境界者。謂法界攝故。唯達色言。爲別受等。共有真如擇滅非滅無常性等。雖羗角等。亦是無性。然彼不與諸法相違。以彼唯是畢竟無故。又羗角等。非唯達色。由與受等諸法共故。是故唯說與色相違。無性相言。爲別受等無色之法。何以故。受等自體是有性相。非無性相故。非擇滅者。謂

是滅非離繫。不永害隨眠故。擇滅者。謂是滅。是離繫永害隨眠故。不動者。謂已離遍淨欲。未離上欲。苦樂滅無爲想受滅者。謂已離無所有處欲。超過有頂。暫息相作意爲先。故諸不恒行心心法。及恒行一分心心所滅無爲。當知。此中有二種應斷法。謂諸煩惱及此所依受。受有二種。謂變異及不變異。如其次第。苦樂非苦樂當知。煩惱斷故。建立擇滅。二受斷故。如其次第。建立不動及受想滅。煩惱斷者。謂除此品應重所得轉依。受斷者。謂除此能治定障所得轉依。是故得第二靜慮時。雖證苦滅。而不建無爲。以反異受未盡斷故。又苦五種。色若受想行蘊。及此所說八無爲法。如是十六。總名法界。五種色者。謂極略色極迥色。受所引色。遍計所引色。自在所生色。問界義云何。答。一切法種子義。謂依阿賴耶識中諸法種子。說名爲界。界是因義故。又能持自相義。是界義。又能持因果性義。是界義。能持因果性者。謂於十。方界中根境諸界及六識界。如其次第。又攝持一切法差別義。是界義。攝持一切法差別者。謂諸經說地等諸界。及所餘界。隨其所應。皆十八界攝。若約小乘即實攝。若約初教即空攝。空者謂無分別空。若約終教即真如攝。攝者謂無所攝。若約頓教。即不可說。若約一乘即如前。一切餘義如別章。

### 隨附十二處章

云何建立處。謂十色界即十色處。七識界即意處。法界即法處。由此道理。諸蘊界處三法

所攝。謂色蘊法界及與意處。由色蘊攝十色界。法界即攝法界。意處攝七識界。是故三法攝一切法。問處義云何。答識生長門義。是處義當知。種子義。攝一切法。義別義亦是處義。復次如佛所說。色如聚沫。受如浮泡。想如陽焰。行如芭蕉。識如幻化。問以何義故。色如聚沫乃至識如幻化。答以無我故。離淨故。少味故。不堅故。不實故。謂非有遠離虛妄不堅實義。是經所說諸句義。又為對治我淨樂常四顛倒故。如其次第。說無我等。諸句差別。以此義準。初教之義。不同小乘。若入終教乃至圓教。如界門說。餘義如別章。

#### 明難品初立唯識章

唯識略開十門。一舉數。二列名。三出體。四明教興意。五建立。六辨成就不成就。七明對治滅不滅。八明薰不薰。九辨真妄不同。十歸成第一義無性性。初舉數者。謂一心即第一義清淨心。二舉三法。謂唯量唯二及種種。又有三法。謂心意識。三或八識。眼等五識意識末那識阿賴耶識。四或九識。謂加阿摩羅識。五成十心。謂十稠林。如地論云。是菩薩。如實知衆生諸心。種種相心。雜相心。輕生不生相心。無形相心。無邊一切處衆多相心。清淨相心。染不染相心。縛解相心。幻起相心。隨道生相。乃至無量百千種種心差別相。皆如實知。六成十一識。謂身識。身者識。受者識。應受識。正受識。世識。數識。處識。言說識。自他差別識。善惡兩道生死識。七攝為四。一似塵識。二似根識。三似我識。四似識識。八或開無量。地

論云。乃至無量百千種種心差別相。二列名者。謂阿賴耶識阿陀那識。心意識。乃至窮生死蘊等。餘七識可知。三出體者。究竟用如來藏為體。所以得知。勝鬘經云。由有如來藏法種衆苦。乃至樂求涅槃等故得知也。又如來藏不染而染。據此即是生死體染而不染。據此生死即是涅槃。更無異法。又經文六識及心法智。是其生滅。非是可依。唯如來藏不起不滅。成究竟依。四教興意者。梁本攝論云。由此心識微細境界所攝故。不為聲聞二乘說。為諸菩薩說。應有勝位。為得一切智故。佛為說。何以故。若離此智得無上菩提者。無有是處。五建立者有三。一依雜集瑜伽等。八相明建立。二依攝論。三相等八義明建立。三依顯揚論。十九相明建立。初八相者。雜集論云。云何知有阿賴耶識。若無此識。執受初明了種子業身受無心定命終無。皆不應理。釋此伽他。如攝決擇分說。由八種相。證阿賴耶識決定是有。謂若離阿賴耶識。依止執受不可得故。最初生起不可得故。明了生起不可得故。種子體性不可得故。業用體性不可得故。身受體性不可得故。處無心定不可得故。命終之識不可得故。一云何依止執受不可得耶。由五因故。謂阿賴耶識先行因。威眼等轉識。現緣因。發如說根境作意力故。諸轉識生。乃至廣說。是名初因。又六識身善惡可得。是第二因。又六識身一類異熟無記性攝。必不可得。是第三因。又六識身各別依轉。隨所依止彼識生時。即應彼識執受所依止餘無執受。

不應道理。設許執受。亦不應理。以離識故。是第四因。又所依止應成數執受過失。所以者何。由彼眼識。於一時轉一時不轉。餘識亦爾。是第五因。二云何最初生起不可得耶。謂設有難言。若有阿賴耶識。應一有情二識俱起。應告彼曰。汝於非過妄生過想。容有二識俱時轉。所以者何。猶如一人俱時欲見乃至欲識。隨有一識。最初生起不應道理。何以故。爾時作意無有差別。根及境界不壞現前。何因緣故識不俱轉。三云何明了生起不可得耶。謂若有定執識不俱生。與眼等識俱行一境。明了意識。應不可得。所以者何。若時隨憶會所受境。爾時意識不明了生。非於現境所生意識得有如是。不明了相。是故應信諸識俱轉。或應許彼第六意識無明了性。四云何種子體性不可得耶。謂六轉識身各各異故。所以者何。此六轉識。從善無間不善性生。不善無間善性復生。從二無間無記性生。下界無間中界生。中界無間妙界生。妙界無間乃至下界生。有漏無間無漏生。無漏無間有漏生。世間無間出世生。出世無間世間生。非如是相識為種子體。應正道理。又心相續長時間斷經久流轉不息。是故轉識能持種子。不應道理。五云何業用不可得耶。謂若無諸識同時生起業用俱轉。不應道理。所以者何。略說識業有四種。謂了別外器。了別依止。能了別我。了別境界。如是四種識了別業。一一剎那俱現。可得非於一識一剎那中。有如是等差別業用。是故必有諸識俱起。六云何身受

體性不可得耶。猶如有一人。或如理思。或不如理思。或不思議。或復推尋。若心在定。若不在定。身受生起非一衆多。若無阿賴耶識。如是身受。應不可得。既現可得。是故定有阿賴耶識。七云何處無心定不可得耶。如世尊說。入無想定及滅盡定。當知。爾時識不離身。若無阿賴耶識。爾時識應離身。識若離身。便應捨命。非謂處定。八云何命終之識不可得耶。謂臨命終時。識漸捨離。所依身分。發起冷觸。或上或下。非彼意識。有時不轉。故知。唯有阿賴耶識。能執持身。隨於身分。若捨此識。冷觸可得。身無覺受。意識不然。是故若無阿賴耶識。命終之識必不可得。問如前論文。心者謂蘊界處習氣所薰。一切種子阿賴耶識。亦名異熟識。亦名阿陀那識。以能積集諸習氣故。習氣者。謂由現行蘊等。令彼種子皆得增益。一切種子識者。謂能生蘊等諸法種子。所積集故。阿賴耶識者。能攝藏諸法種子故。又諸有情取爲我故。異熟識者。先業所生故。阿陀那識者。謂能數數令生相續。持諸根等。令不壞故。又言心者。能積集一切法習氣故。據此文相。阿賴耶識。卽在事中。云何得知是如來藏。答由如來藏不染而染。是其事相無別有事故。是如來藏。故論云。離識以外更無有法。二依攝論建立賴耶。有其八義。初依三相義。知有本識。二依熏習義成有本識。三依互爲因果義成有本識。四依不一不異義。成有本識。五依因果別不別義。成有本識。六依緣生義成有本識。七依彼因緣具不具義。成有本

識。八依會名歸正。成有本識。初約三相建立賴耶。其三相者。一是因相。攝一切因。仍用互爲因爲始。何以故。以互爲因微細與識相當故。二果相。攝一切果。仍用互爲果爲始。三自相。卽是成唯識中異熟相也。異熟之識。攝一切法。所以得知。依一切法種子。異熟得生。不局煩惱業報。名言習等。隨一切相應故得知也。問若如是者。異熟及種子識。皆合受熏。因何獨說異熟果報受熏。答今熏習欲明其種子。種子識。已是其種故。不對釋。異熟之識。無記相顯。與熏相順。故在無記位中。辨其熏義。今梁攝論中。顯阿賴耶三相之義意。明本識是因果體。二約熏習成本識者。明本識中成熏習義餘法卽無。三明互爲因果義。成有本識者。明本識中有互爲因果義。餘法卽無。若爾因何蘊等。得有互爲因果。答餘法之中。互爲因果。卽是轉理之門。假說因果。非真實也。四約不一不異。成有本識者。若本識中諸法得有不一不異。離識不成。若離本識說不一不異者。卽是假說。五約因果別不別。成有本識者。若有本識。卽成因果別不別。離識卽無。何以故。由因果種離識不成故。六約緣生義成有本識者。有其十門。一約三種緣生。體唯有識。顯體相用。謂自性緣生卽是體也。爲識是緣生通因故。二愛非愛緣生。卽是相也。三受用緣生。卽是用也。二舉迷顯正。成唯有識。如論中說。舉六師迷。馬。卽其事也。如涅槃經。舉六執等迷於佛性。今此六執。迷於緣生。當知。緣生卽佛性也。何以故。爲佛性體隨

其流處有種種味故。餘義可知。三記無記辨唯有識者。內種子阿賴耶識卽有無記。或善惡性或染污清淨爲二。餘法則無。由識以外只是遍計卽體空故。四約假實辨者。梨耶是實。餘法是假。何以故。一切法唯有識故。內種子則是真實。何以故。一切法以識爲本故。五約內成六義辨者。卽念念滅。俱有隨逐。至治際決定觀因緣。如引顯自果。必須具六方。是正因義。若闕者。卽非正義。外道聲聞。無有此法。若外種子卽是假說。餘如問答中釋。六約熏成不成辨差別者。梨耶是種子必熏成。若熏成不成。辨差別者。梨耶是種子必熏成。若餘法爲種子卽不熏成。不熏成故卽非實種。問若如是者。穀麥等種非是熏成。應非種義。答外穀麥等。從梨耶熏變故。穀麥等假說爲種。若定是種。種穀麥等。定應齊得。既不齊成。當知。業爲正種。故穀麥等是其假因。此義不疑。故論文舉內爲外本。證內有熏。其熏習之義。梨耶具四德。方堪受熏。一堅謂理實故。堅。識外餘法。依識不自在。並皆不堅。問若諸法無堅。何以故引苣勝爲堅。答苣勝似堅而



法薰。爲此餘法不成可薰問義者如此。何故說衣塔得受薰。答衣亦是假非實。薰所以知之。如香薰衣。壞衣香在。當知。薰不薰於衣。以此驗之。言薰衣者。指位語也。但相四塵等受薰。以次推之。四塵等亦不受薰。何以故。以香薰時。香成即是果義。因果道理。乃是如來藏德離離更無所以知者。但諸法中辨因果者。並轉理門非實義也。四與能薰相應者。唯如來藏。有應諸法義。餘法則無。何以故。以不守自性故。若爾何故。說鏡與質相應。答鏡亦不相應。但鏡應外質。即是正因果理。正因果理。即無自性。無自性故。即無我真如。故知。鏡應質者。是其假說轉理之門也。七明生引二因義。證唯有本識。若以因義顯之。成二種因。一者生因。二者引因。猶如人射。放箭爲生因。響弓爲引因。乃至能生果報及以命終。是其生因。枯喪相續。是其引因。是二種因。離阿賴耶識。即不得成。故唯有識。八內爲外本。證唯有識者。所以知之。一切皆識。故是本也。外法依識成無體即空。當知。識內是其法本。餘法妄建不可據也。九三慧果成者。聞思修法。從微至著。並由本識如來藏成。所以知之。故。聞薰習從真如流。當知。真如是三慧本。受薰成種轉得增上。餘法則無。問若爾真如具德但自流出。何假更薰。答真如實不守自性。待緣方起。故說薰也。十約受用。緣生與識相。相依互爲因果。方得受用。明唯有識。若無賴耶攝受用。緣生即不成受用。故論云。諸法於識藏。識於法亦爾。此二互爲因。亦恒互爲

果。此偈約上心受用處說。其受用義如論云。一說名緣識。二說名受識。了受名分別起行等心法。此之受用。通成種子及上心。皆生引建立。成就不虛。廣如論說。七約因緣具不具者。阿賴耶識。唯互爲因生。餘因更無。餘法不爾。十二緣生。但增上生受用。緣生有三緣生。謂增上緣緣緣次第緣。何以如此。答十二緣生等。是其假相。逐事而說。故緣不同。梨耶。理性不據事說。唯約發起初門。說互爲因果。餘可準知。又約秘密皆具四緣。八會名歸正明有賴耶者。梁本論云。復次正法內人。雖復顯樂無我。違逆身見。於阿賴耶識中。亦有自我愛。釋曰。前復次約佛法外人。此復次約佛法內人。自有三品。一在正思。二在正修。三在有學。此三品人。二人伏我見。一人滅我見。何以故。前二人比知無我。後一人證知無我。故言違逆身見。於阿賴耶識中。長時數習我愛。雖復違逆身見。於本識中。我愛猶恒隨逐。是故身見非愛著處。若將賴耶名曰梨耶義者。則爲最勝。今約此義。梨耶之名。唯在本識。其義即勝。若目人法二我見處。則非勝也。賴耶之義。應準此知。三依顯揚論建立阿賴耶識。有十九門。一謂先世所作增長業。釋曰。識與諸法爲常在前故。二惑爲緣。釋曰。識爲諸法作增上緣故。三無始時來戲論薰習爲因。釋曰。無始戲論。薰習種子。爲識初起之因。四所生一切種子。釋曰。此明一切種子。法種爲識所生也。五異熟識爲體。釋曰。依諸種子。法種爲識所生也。六此識能執受。釋曰。明依本識與諸用此果業爲體也。七了別色根。釋曰。識持諸色。八根所依

處。釋曰。識爲諸根所依成依因也。九及戲論薰習。釋曰。明識與戲處所依。十於一切時一類生滅不可了知。釋曰。明相續生起離諸分別。不可分別知也。十一又能執受了別外器世界。釋曰。明彼本識與器世界同。世界與本識一。而得成就名了別也。十二與不苦不樂受等相應。釋曰。明彼本識相無分別故。十三一向無覆無記。釋曰。明彼本識無善惡諸分別故。十四與轉識等作所依因。釋曰。明彼本識與轉識等作所依因。因時互爲生因。亦爲依因也。十五與染淨轉識受等俱轉。釋曰。明彼本識與染淨轉識及上心流在現。十六能增長有染轉識等爲業。釋曰。明彼本識心成染淨法。十七及能損滅清淨轉識於中有能故爲業也。十八云何知有等爲業。釋曰。明彼本識於清淨有能令生死還淨。是其業也。十八云何知有識。如薄伽梵說。無明所覆。愛結所繫。愚夫感得有識之身。釋曰。論自釋言。此言顯有異熟識也。即引證義也。又說如五種子。謂心心所有色不相應無爲。此則名爲有取之識。釋曰。論自釋言。此言顯有一十九論引傷云。執持識深細諸種如駛流。於愚我不顯。勿彼執爲我。釋曰。此顯執與所爲分問前論云。阿賴耶識者。謂先世所作增長業煩惱爲緣。無始時戲論薰習爲因。所生一切種子異熟識爲體。據此文相。本識即是生死體。若非生死因。何於生死因果相乘處說。答此依成唯識論。但於生死之中。辨因果相生道理。並是轉理門。無真實理。當知。離識以外。更無有法識者。即是不染而染門。如來藏之一義也。故四卷楞伽云。略說有三種識。廣說有八相。何等三。謂真識現識及分別事識。廣既廣略當知與真不異。又云。非自真相識滅。但業相

滅。若自其相滅者。藏識則滅。大慧藏識滅者。不異外道斷見論義。如是微細藏識。究竟邊際。除諸如來及住地菩薩。諸餘聲聞緣覺外道。修行所得三昧智慧之力。一切不能思量決了。大慧善不善者。謂八識。何等爲八。謂如來藏名藏識。心意意識及五識身。非外道所說。大慧如來藏者。受苦樂與因俱。若生若滅。四住地無明住地所醉。凡愚不覺。剎那見妄相薰心。十卷楞伽經云。大慧薰集種子心不滅。取外境界諸識滅。大慧諸外道。作如是說。所謂離諸境界。相續藏識。相續滅已。則滅諸識。大慧如來藏識。不在阿賴耶識中。是故七種識有生有滅。如來藏識不生不滅。何以故。彼七識。依諸境念觀而生。此七識境界。一切聲聞辟支佛。外道修行者不能覺知。不如實知人無我故。以取同相別相故。以見陰界入法等故。義言若達人無我。所謂人執習則達法無我。七識則與如來藏同。大慧阿梨耶識名如來藏。而無明七識共俱。如大海波常不斷絕。身俱生故。離無常過。離於我過。自性清淨。又經文依諸邪念法。是故有識。生八九種種種識。如水中諸波。第二明末那識者。略作八門。一列名。二明體性。三辨建立。四辨相應。五約對治道辨有無。並辨斷之位分。六對三性分別。七約遍計等三性明分齊。八還原顯實。初辨名者。西方名末那。此云染污意。此從過立名。二體性者。從三法出體。則以心聚爲體。三明建立者。攝論云。舉六過失證有末那。一若無末那。則意識不與五識。相似不成。

過。由大乘佛語。意詮下合同時依止根。若無末那。意識則無同時依止根。不與五識。相似不成同時過。二若無末那。第六識得意識名。即無意識過。爲意義是次第滅現無體故。三若無末那。無想滅心。定無差別過。若有末那。無想有。末那滅心無。末那二定則有異。四若無末那。自然成無流過。何以故。意識起解脫分善時。即須是無流。由無我見及我慢等。五若無末那。我執不遍三性過。若無末那。意識起解脫分善時。即須無我執。六若無末那。獨行無明不成過。若有末那無意識時。末那地中無明即成獨行。若無末那。意識行時。末那常爲染污依止。意識無明。即不成獨行。若有末那。即有六德。翻前即是。四相應者。末那一起相續不廢。與我見我慢我愛無明四使相應。及與遍行五數相應。總有九數。問攝論何故不明心所有法。但與四使相應。答攝論教與在其熟教。所以知之。如下論智差別文。舉十二甚深。顯甚深義。不共聲聞。當知教高非是初教。若立心數。即有所妨。於道無益故不明之。五約對治道辨有無并斷之位分者。末那識。於無漏道。即說無有識。何以故。於無我理成其妨故。若說滅時。初見道位。即滅末那。何以故。障見無我理故。故無性攝論云。轉染污。末那故。得不平等性智。初現觀時。先已證得。於修道位轉。復清淨轉。清淨者。即滅習氣。人言。在修道中滅俱生我。末那俱生并無明心煩惱修道斷者。此義不然。末那一起。相續緣我不廢。因何得改境起其法執。若起法

執。何名緣一類我塵。問末那何故唯是俱生。答末那不緣於外緣義。不緣名故。不得起分別我見。問論云。俱生我修道斷。因何末那是俱生我非修道斷。答俱生修道斷者。是寄位語。如初僧祇斷皮。第二僧祇斷肉。第三僧祇斷心。此可爾也。今將分別俱生龜細之相。寄顯見修。非言實斷。六三性分別者。末那識是染污故。有覆無記性攝。七遍計等三性者。末那識是遍計。是依他。是圓成實。是三無性。此約初教。若終教即真如。若圓教即具一切。何以故。由末那識得是心故。八還原顯實者。由末那識本是生死初無。今以智求。即空無實故。一切法皆如也。衆聖賢亦如也。第三明意識者。意識是無邊。分別一切處。分別與其五識或一或異。乃至相應數等發智分齊。並如問答中心數分別。廣如別章。第六辨成就就不成就者。世諦因緣無性故成。第一義諦。本來不作故。不成緣成故。非不成。緣成故。非是成。一切識門。皆如是也。若約成就有二義。一相中辨成就義。二約理體辨成就。初相成就者。依顯揚聖教論問若成就阿賴耶識。亦成就轉識耶。應作四句。謂或成就阿賴耶識非轉識。謂無心睡眠者。無心悶絕者。入無想定者。入滅盡定者。生無想天者。或成就轉識非阿賴耶。謂住有心位。阿羅漢獨覺不退轉菩薩及與如來。或俱成就。謂所餘住有心位者。或有俱不成就。謂阿羅漢獨覺不退轉菩薩及與如來。入滅盡定。若處無餘依涅槃界。二約理體成就者。如瑜伽菩薩決擇中云。乃

至廣慧如是菩薩。雖由法住智爲依止爲建立。於心意識秘密善巧。然諸如來。不齊於此施設彼。爲於心意識一切秘密善巧菩薩。廣慧若諸菩薩於內各別。如實不見阿陀那。不見阿陀那識。不見阿賴耶。不見阿賴耶識。不見積集。乃至是名勝義善巧。齊此名爲於心意識一切秘密善巧。齊此施設於心意識一切秘密善巧菩薩。當知阿賴耶識欲成就者。會須通如來藏。始可得成堅實依止。若但取生滅相識。則同七法不住。非究竟依也。第七對治滅不滅者。梁攝論云。四德圓時。本識都盡。今言滅者。楞伽經云。唯心相滅。非心體滅。解云。心相即空故無所滅。是名爲滅。故地論云。何滅如虛空如是滅。問賴耶相滅在何位盡。答在初地盡。何以故。地論云。十地轉依止。依止常身故。非如無常意識智依止。無常因緣法。據此文證。初地即捨阿賴耶。若據初教。十地終心。捨阿賴耶。何以故。在第十地。頓滅諸障故。問賴耶據何爲始。答一念無明起在現前。即是賴耶始。所以知之。顯揚云。無始戲論無明習氣爲正因故。又起信論云。一念無明即是不覺。覺即不動。動即有苦。果不離因。賴耶異熟。當其果也。故是其始。第八薰不薰者。夫能薰法有三種。一名言薰習識薰習。二見識薰習識薰習見識薰習。三煩惱薰習業薰習果報薰習。所薰者。謂阿賴耶識。如攝論應知勝相中廣說。第九辨真妄不同者。此阿賴耶識。有真妄不同。如地論說十二緣生是第一義諦。即是真義。如攝論說

如幻事處渴夢想驕闍等。譬第一識似如此事。即是其妄有。又知此識無有生性。爲通達真知此識假有。爲通達俗。俗者即是其妄。真者正是其真。又依二乘道理。如瑜伽論說。廣辨賴耶薰習成種。判定異熟生滅報分。後論判言。上來所說。我爲愚癡無智者說。義言愚癡無智。即是聲聞。又論云。我不齊如是說阿賴耶。若知賴耶及陀那識等於內於外。不見藏住。能如是知者。是名菩薩菩薩。當知。爲無智說者。即是其妄。爲菩薩說者。即是其真。又約乘分別。愚法聲聞。對凡夫外道妄執自性。即是其真。法執未除。即明是妄。大乘初教。對彼愚法聲聞分別實執。即是其真。未盡法空。即是其妄。如熟教文。對彼初教細分別。即是其真。自非究竟。即是其妄。何以故。由在名言語境界故。餘義準知。第十歸成第一義無性性者。此唯識門攝一切法。皆是唯識。或唯三識。或唯二識。所謂本識。或唯八識。或唯九識。或唯十一識。或唯四識。是三乘唯識。此據同教言。或唯十識。乃至種種。是一乘唯識。是據別教言。總說唯識。有其二種。一者解唯識。二者行唯識。如意識唯識。初即順行。後即順解。本識唯識。初即順解。後即順行。廣如疏說。當知據唯識門。無識外一切別法。復依論文。知塵無所有。是通達真知唯有識。是通達俗。明知達識即非是真故。論云。初地現證。明得唯識。若知唯識。即是境界。未是真實故。楞伽云。心如工伎兒。意如和伎者。五識爲伴侶。妄想觀伎。衆據此經文。雖知是識。由不免

戲論。又佛性論云。一切虛妄。如石女兒用炎水浴。被龜毛衣著菟角履。戴空華冠入鍵闍婆城。共幻化女戲。義言但起心見法。並皆非有。如上所喻。當知。聖教所顯道理諸法。非有唯一真如。無我實性。以爲究竟。此是三乘義如是等法。爲無盡教攝。即是一乘究竟盡理也。

#### 衆人問文殊處明入佛境界章

佛境界者。一乘三乘小乘境界各別。如小乘人。所知佛法境界。在苦忍已去。得聖法者是。降斯已還。非佛境界。若三乘人所知境界。得空無相解。是佛境界。若隨相解。是凡夫法。於中雖有漸教頓教不同遲疾有異。莫不皆爲成機滅病應理。是佛意也。若與病合。即是生死非佛境界。若據一乘。總別與十一法相應。是佛境界。一佛境界。齊如虛空。此是總也。二據一乘因無量劫修。三應其所入與九世相應。智慧寂然。不同世見。四隨順度生盡佛境界。一得一切得。五起隨俗智三世無礙。皆悉如空。六隨順衆生所說諸法。皆如機性。一差別。住佛境界。七欲知衆生性類不同。與無分別合。如實無分別。八所知佛境界非染識能分別。亦非染心境界。九何相決定知佛境界。謂決定知性起之門。無師智自然智等。究竟真淨能示群生。是決定知佛境界。十欲明照佛境。生死等法煩惱業報等寂滅無所住。無明無所行。平等行世間。如是明照佛境界。十一欲知一乘境界寬廣。知衆生心。盡其十世。以如來心。一念中遍一切。悉明達是境界廣。若

此等法。是一乘佛境界。又佛境界有其因果。若小乘義得因非得果。得果則捨因。三乘之義。初教得果已捨因。而果不離因。亦復不。則因非斷亦非常。何以故。因果則空故。若終教。時則是真如。無有差別。若據頓教。舉心皆當理。若據一乘。一則一切一切。則一。乃至教義皆應因陀羅及微細等也。華嚴經內章門等雜孔目卷第一

### 華嚴經內章門等雜孔目卷第二

終南太一山至相寺沙門釋智嚴集

淨行品初明凡聖行法分齊不同義章

十力章 六波羅蜜章

十八不共法章 四無畏章

寶首品初立發菩提心章

三種佛性章 八種梵音聲章

第三會十住品內本分首種性章

十住章 梵行品初明通觀章

常乞食等四依章 十二頭陀章

受善律儀戒業章 五濁章

發心功德品五戒章 八戒章

四果章 六十二見章

五蓋章 十纏義章

十欲章

明法品初立五停心觀章 損益章

二種莊嚴章 三寶義章

六和敬義章

第四會華聚品初立十波羅蜜章

十藏品內立一乘三乘小乘教藏章

六無爲章 三界章

四辯章 道品章

十二部經章

第五會明十迴向章 法數章

七財章 第五迴向悔過除罪章

第六迴向四輪除八難章

九十六種外道章 七士夫趣章

祕密翻依行續起行作業同異章

第八迴向真如同異差別章

第九迴向初普別始終差別理事諸觀義章

第九迴向未明住地始終寬狹相攝分齊微細差別義章

一乘法海章

第十迴向生成佛德差別章

淨行品初明凡聖行法分齊不同義章

凡聖所修行法。皆由三業成就迴向。並皆不同。且如行施一門。佛教云。破戒破見破威儀者。教令行施。何以故。欲令且離地獄故。此施雖不親順菩提分。解脫分善。佛爲救苦。仍許令行。準此人天善根戒施修等。教令行施。雖非究竟。爲離畜生餓鬼。許行不疑。若修解脫分善。爲離人天故。佛許行。聲聞緣覺即是其事。若修菩薩道。爲迴聲聞。初教許行。爲引初教。終教許行。爲引漸教。頓教許行。爲引頓教。圓教許行。故信位滿心賢首歎德。廣辨行施。興供養事。順一乘善。不棄一法。據佛別意。唯一乘可行餘不可行。何以故。非究竟依

故。如是取捨各別。皆同一施。何以故。悉由智慧故有差別。如施一門。萬行皆爾。準以知之。

#### 十力章

十力者。是處非處智力。自業智力。禪解脫三昧正受智力。諸根利鈍智力。種種解智力。種種性智力。至處道智力。宿命智力。生死智力。漏盡智力。並不可屈伏。故名爲力。無邊智能。故名爲力。此三乘義名與小乘同。義隨二宗高下不等。小乘如所謂實。初教即空。終教即如。頓教不可說。一乘之義。如不思議法品那羅延幢等力可知。

#### 六波羅蜜章

六波羅蜜者。陀那尸羅。提毘梨那。持訶那。般羅若。波羅蜜。陀那者。此名布施。運心周普名布。假己惠人名施。尸羅者。此云清涼。三業炎氣事等如熱。戒能防息。故曰清涼。提者。此名忍辱。他人加惱名辱。於辱情安名忍。毘梨耶者。此名精進。練心於法名精。精心。慈達名進。持訶那者。此名智生。依定生智。故名智生。般羅若者。此名爲慧。於緣決定明了名慧。波羅蜜者。波羅名彼岸。蜜言到。即到彼岸也。此義是三乘小乘名亦同。若望其義。即到彼岸不到彼岸不同。若三乘初教。六度各有十義。如地持論說。又義離三輪相。修其六度。即是空真如。若依終教。知法性無貪。修其檀度。即順真如德。若依頓教。則不可說。若約一乘。六波羅蜜皆有十門。如下經離世間品說。

十八不共法章

不共法者。謂身無失。口無失。念無失。無異想。無不定心。無不知已捨。欲無減。精進無減。念無減。慧無減。解脫無減。解脫知見無減。一切身業隨智慧行。一切口業隨智慧行。一切意業隨智慧行。智慧知過去世無礙。智慧知未來世無礙。智慧知現在世無礙。此之十八。不與因同故名不共。又此十八。別名小乘不解依。如難心用十力四無畏大悲三念處。爲十八不共法。問依攝論。百四十不共法。與小乘同。因何十八別名小乘不解。答此意欲顯一百四十不共法名數與小同。仍欲顯彼小乘文義不同大乘故。於文中作差別說。若一乘義。卽如下經不思議法品不共義中說。

四無畏章

四無畏者。初一切智無畏。二漏盡無畏。三障道無畏。四盡苦道無畏。答難不怯故名無畏。此三乘義與小乘共。但義深淺不同。一乘無畏之義。具其十種。卽無盡法。如下不思議法品說。

賢首品初立發菩提心章

菩提心者。菩提梵語。此翻名果道。果德圓滿故曰菩提。於大菩提。起意趣求。名發菩提心。然此發心。經亦名願。要大菩提。令來屬己故名爲願。體性者。隨義不同。略有三種。一相發。二息相發。三具發。言相發者。深見生死之過涅槃福利。棄捨生死。趣向涅槃。隨相願求名相發心。言息相發者。深悟平等。知其生死

本性寂滅涅槃亦然。生死寂故。無相可厭。涅槃如故。無相可求。返背前相。歸正如道。故名爲發。良以取相背真故。令捨相爲發。亦可離相平等之心。始起名發。故經說言。滅諸發不發。是發菩提心。言滅發者。滅諸相。言滅不發者。不起相發。是發心者。無相相應名爲發矣。三具發者。菩提真性。由來已體。妄想覆故在而不覺。名爲生死。後息妄心。契躬自實。由來已體。知菩提性是已體故。捨彼異求。實相現前。故名發心。亦可真證智起名曰發心。發心六門。一信發心。所謂十信滿心。二位發心。謂十解心。三行發心。謂十行心。四方發心。謂十迴向心。五證發心。謂初地已上心。六究竟菩提發心。所謂佛心。此之分齊。是三乘義小乘分有。一乘究竟。有十種發心。如離世間品說。顯無盡故。其發心德。有二百一十八句經。如下彌勒善知識中說。

三種佛性章

佛性者。諸佛所師。所謂法也。其性平等。猶如虛空。於諸凡聖。無所障礙。名爲佛性。既無限礙。何故偏云佛性。佛性者。據覺時語。所以知者。爲隨其流處成種種味。法身流轉五道。名曰衆生。據此因緣。不名佛性。今對聲聞淳熟人。說有其佛性。爲聲聞人先向無餘不求作佛。今迴聲聞並堪作佛故說佛性。教典如此。略說佛性有三種。一自性住佛性。二引出佛性。三至得果佛性。自性住佛性。卽是本性。引出佛性。卽修得性。至得果性。修因滿足名至得果。又自性住性。卽是本性。引出佛性。本性

引出至得果性。本性至果名至得果。又佛性有十種。如問答中辨。問如來藏性亦說本性。何故如來藏性。不約位說差別之相。佛性義門。卽約地位論其明闇答如來藏差別。爲直進菩薩說故。不約位論其差別佛性之義。爲根熟聲聞說。聲聞見增。今順彼見故說差別。佛性義者。當三乘義。具辨差別。廣在抄中若爲一乘。所目卽入一乘圓教所攝。餘義可知。

八種梵音聲章

梵音聲者。有其二種。一約教義明其音聲。二約佛德以辨音聲。約教義者。如十住經說。如來有八種音聲。一謂見苦。二謂向苦。三謂見習。四謂向習。五謂見盡。六謂向盡。七謂見道。八謂向道。此約教解名曰聲也。二約佛德辨音聲義音者。聲者對根辨質故。二不同音者。有其八種。如十住經說。所謂梵音。一不男音。二不女音。三不強音。四不軟音。五不清音。六不濁音。七不雄音。八不雌音。復有八音。如疏中釋。此之八音。當三乘義。小乘名同。而義不同。謂空有別。小乘則有。初教卽空。一乘音聲。與法界等。不可數量。與因陀羅微細界等。何以故。隨諸衆生所應調伏。作如是說故。

第三會十住品內本分首種性章

次當十信心後成一乘佛。義種性義者。謂性種性。習種性。性種性者。約本性說。習種性者。約修習說。亦有解者。性種性者。是本有性。習種性者。是修生性。此非佛法所樂。何以故。夫

論種性者。順因緣門說。豈容不對因緣而說種性。故今性種性。不得爲本有。又習種性。不得修生何以故。若法性外有修生者。緣起可增。是故不得說修生。故今種性義者。是其佛因。其義廣大。非偏在解。非偏在行。非偏在位。非偏在比。非偏在證。非偏因果。非偏本有。修生故。今立性習二種者。約總說之。性種性。約本性說。位在種子。習種性者。約修生說。義即廣大。此依地持文。若依瓔珞經。有六種性。一習種性。二性種性。三道種性。四聖種性。五等覺性。六妙覺性。此約位說。義即是通。若欲出體。即用本有修生緣起。福慧定慧等門爲體。此順三乘。若一乘別教義者。謂六決定及住十相。即順普賢願行。如發心功德品偈廣說。

### 十住章

十住義者。十者數。住者不退。即成住之位。亦云十解。一發心住。二持地住。三修行住。四生貴住。五方便具足住。六正心住。七不退住。八童真住。九法王子住。十灌頂住。不動故名住。體者無量方便三昧爲體。此順三乘終教說。本即是一乘。初教則無定。愚法小乘。及初迴心。即不說十住。宜可準知。

### 梵行品初明通觀章

通觀者。通伏諸惑。通滅惑種。通修諸行。通觀諸理。故名通觀。即是一無分別智定也。此觀據成離言說相。不可說其體相言義不同。但是一行三昧。據其所刺。亦得與頓教義同。若據方便。即順尋思。及以如實唯識意言等。此

順三乘。若爲一乘所目。即屬一乘。若迴向一乘。知是一乘方便。亦入一乘。初教亦有此門。但作即空說。宜可準知。今爲通觀義。略出諸家說。理不同一。有說。實性順無分別。息相應寂。即爲正義住。不復進。將謂是佛。二如上所說。其心正順久習。則佛乃至無量劫。三論其法性。一切皆如。以本成一切法。非智相所緣。而得法性。如其法性。無二無別一切皆空。是其本性。無明煩惱等。即如所成。無明是何義。是真如義。何以故。真如成無明故。若無真如。即無無明。故起僧論。從無明等。一切諸法。皆是摩訶衍衆生之心。真如體中生滅相用也。若可此義。即得隨順入真如門。一乘所目。亦入一乘。對前正觀。舉其相似。以明其正。依實性論。新發意菩薩。修行心中遂成空亂意。略有三種。一離空如來藏。以失變壞物修行。名爲空解脫門。起如是心。實有物斷滅。後得涅槃。是第一亂意。二者又復有人。以空爲有。物義應得空。是第二亂意。三者又生是心。離色等法。別更有空。我修行爲得彼空。是第三亂意。修觀行者。應比決擇。

### 常乞食等四依章

四依者。一樹下坐。二常乞食。三糞掃衣。四陳棄藥。陳棄者。一用糞爲陳棄。二用陳宿所棄之藥爲陳棄也。問此依與頭陀法何別。答所用各異。頭陀據離煩惱。四依依成其行。有此不同。此順三乘及愚法小乘。如上來行。即順其教。心緣飾好。即是相似非真實行。大乘初教直進行者。惡內之善他人所棄。今修食之。

又知即空。相別之惡義不在言。初迴心人。依前四依事相。知法即空。是名四依。終教四依者。行相即如。無所可得。是其所依。非謂有物而可依也。是名四依。一乘義者。用前諸義以爲方便。又是一乘教之所目。即是一乘。

### 十二頭陀章

頭陀者。抖擻煩惱也。一作阿蘭若。二常乞食。三納衣。四一坐食。五節量食。六中後不飲漿。七塚間住。八樹下住。九露地坐。十常坐不臥。十一次第乞食。十二但三衣。此頭陀法。不名爲戒行。即戒莊嚴氣力。不及不行無犯。頭陀分齊。從正月十五日。至三月十五日。八月十五日。至十月十五日。二時中行所須頭陀之具。具頭陀章。邪正相似。及順三乘一乘義。如上四依法。

### 受善律儀戒業章

毘尼大藏要分有二。一逆順種類不同。二隨受緣別。初種類不同者。謂十十不同。如華嚴經說。二隨受緣別者有三。一制俗人戒。謂五戒八戒。二制出家人。謂五衆所持戒。上二同小乘。三通道俗戒。謂三聚戒等。何以故。同與菩提爲方便故。又通五乘。不通五乘。菩薩戒。不通五乘。應可準之。其出家五衆所持戒者。以作無作善業爲其體也。亦云表無表。作有二種。一受作。二隨作。此二作中。皆有三種。一自作。二教人作。三見聞作。隨善。皆通三業。無作有三種。一是作俱無作。二形俱無作。三隨用無作。即隨緣持時。所發無作。此有二義。一自隨作以發無作。二動他三業成自無作。即

教他作他作發無作屬己者。是身口作。以不可見有對色爲體。意地作以心爲體。身口無作。以不可見無對色爲體。意地無作。以非色非心爲體。何以知之。涅槃經云。無作以非色非心爲體。此據別解脫戒爲言。若據定道無作身口無作。還用不可見無對色爲體。此作無作。並據現行。何以故。可作法捨故業行即空故。終教即如故。一乘教應因陀羅微細行故。小乘無意地持戒。若爾何故問汝何心。答此據相應心。非不相應心。又迴向菩提名爲持戒。不迴向菩提提名不持戒。迴向聲聞名爲破戒。分別無分別等例然。餘皆準此。相應心具緣多少等。廣如別章

### 五濁章

五濁者。一者命濁。二者衆生濁。三者煩惱濁。四者見濁。五者劫濁。濁者不清之義。百歲已下是命濁。不識尊卑。不敬上接下者名衆生濁。增非法貪。刀劍器仗。誹謗亂語。誑妄語。攝受邪法等名煩惱濁。漸起邪見。破滅佛法。邪法轉增。是名見濁。飢饉劫起。疾病刀兵。是名劫濁。依經論文。若於衆生。起一念如實慈心。施一搥食及一丸藥。即得不生五濁劫中。此濁在小乘。初教即空。終教即如。一乘即法界。宜可準之

### 發心功德品初五戒章

五戒者。一不殺戒。二不盜戒。三不邪淫戒。四不妄語戒。五不飲酒戒。其戒亦得分受。是盡形戒。四戒是性戒。不飲酒是遮戒。優婆塞戒經云。食肉得殺生罪。何以故。爲愛肉味。見他

殺生。生其忍可故。其戒是三乘。亦通於小乘及人天等。經云。若欲生天。受持五戒。兼持十善。見壁上彩畫女人不生女想者。其人生天。爲天子身。受其化生。亦通一乘義。爲一乘所目故。迴向一乘爲方便故。問何以故偏用酒爲遮戒。答爲酒過大故。約酒偏制。故大論云。酒有三十五失。引佛語。提迦優婆塞酒有三十五失。一者現世財物虛竭。二者衆病之門。三者闕諍之本。四者裸露無恥。五者醜名惡聲人所不敬。六者覆沒智慧。七者應所得物而不得。已所得物而散失。八者伏匿之事。盡向人說。九者種種事業廢不成。辨。十者醉爲愁本。十一者身力轉少。十二者身色壞。十三者不知敬父。十四者不知敬母。十五者不敬沙門。十六者不敬婆羅門。十七者不敬伯叔尊長。十八者不尊敬佛。十九者不敬法。二十者不敬僧。二十一者朋黨惡人。二十二者疎遠賢善。二十三作破戒人。二十四者無慚無愧。二十五者不守六情。二十六者縱色放逸。二十七者人所憎惡不喜見之。二十八者所貴知識親屬共。擯棄之。二十九者行不善法。三十者棄捨善法。三十一者智人所不信。三十二者遠離涅槃。三十三者種狂癡因緣。三十四者身壞命終。隨惡道中。三十五者若生人道常當狂。驗。爲此偏制

### 八戒章

八戒者。白衣所受日夜戒也。一不殺生。二不盜。三不淫。四不妄語。五不飲酒。六不坐高廣大床。七不著華香璫珞。不香塗身。及不香薰

衣。八不作伎樂。不往觀聽。及不過中食。此八戒中。前四是戒分。次一是不放逸分。後三願修分。此義在三乘及小乘人天等。亦通於一乘。由是一乘所目及迴向一乘成方便故。餘義如別章

### 四果章

一預流果。亦云須陀洹。二一來果。亦云斯陀含。三不還果。亦云阿那含。四阿羅漢果。此義出觀制四果。愚法小乘四人共制。大乘初教亦通上義。亦有不通。何以故。依地位制果故。一人即成。若在終教唯一人成。何以故。約其法門成四果義故。若對一乘上成四果。皆入一乘。何以故。爲彼一乘所目故。廣大故。因陀羅界微細成故

### 六十二見章

六十二見者。不知色陰起十二見。謂常無常。亦常亦無常。非常非無常。有邊無邊。亦有邊亦無邊。非有邊非無邊。如來滅後。如去不如去。亦如去亦不如去。非如去非不如去。龜我與陰一。陰滅我亦滅。是無常義。細我與陰異。陰滅我不滅。是常義。餘義準之。龜我與陰一。隨陰滅故。不如來時去細。我與陰異。陰滅時還如來時去。一陰有十二。五陰成六十。加根本斷常。成六十二。若據小乘。即是煩惱使若據初教。見義即空。若據終教。即如即實。何以故。無所可滅故。若據一乘。不說自體。但論其用。所迷義衆多。能迷用亦大。又攝前三乘小義。即是於一乘。何以故。爲一乘教所目故

### 五蓋章



蓋義者覆障行心。名之爲蓋。蓋有五種。一名貪欲。二名瞋恚。三名睡眠。四名掉悔。五爲疑。蓋有四義。一是障義。能障七覺華故。二是破壞義。能破世及出世道故。三名隨義。四名臥義。長寢生死故。初二正蓋。後三助釋。又現在五蓋亦蓋亦覆。去來五蓋是蓋非覆。妨道名蓋。不障現起故不名覆。問諸煩惱法。菩薩用衆生煩惱。作自煩惱。自煩惱作衆生煩惱。此義云何。答若小乘及初教。則不得迴轉。若終教始終。雖理是正。用理自在。仍於教事不得自在。由教事不具故。依圓教宗中。即得互轉。由得理事自在具足故。餘可準知。

### 十纏義章

十纏者。謂無慚無愧睡悔慳嫉昏忿覆。此十種義。多習成過。如絲縛馬。多故成過。名之爲纏。若依小乘。纏義成過義。若依大乘初教。纏義即空。故維摩經云。五受陰洞達空無所起。是苦義等。纏義準之。若約終教。即是真如。何以故。一切法皆如也。若約一乘。纏義不約自體。唯約用義。所障義大纏過亦重。由法自在故。與法界義同。餘義如別章。

### 十欲章

十欲者。有上欲。無上欲。有餘欲。無餘欲。等欲。不等欲。有所依欲。無所依欲。共欲。不共欲。有邊欲。無邊欲。善欲。不善欲。世間欲。出世間欲。大智欲。淨欲。無礙智欲。無礙智佛解脫欲。清淨欲。不清淨欲。廣欲。狹欲。細欲。麤欲。如是等欲。入十種欲。所謂因苦生欲。方便欲。稀望欲。著味欲。隨因生欲。隨緣生欲。盡

欲。一切欲。初發心菩薩欲。摩訶薩欲。問此欲可斷耶。答欲有二種。一虛妄欲。此即有斷。二非虛妄欲。此即不斷。今此十欲等。與普賢行合。則無有斷。乃至十性十根等。例準相似。若三乘義中。詞其妄欲。則不許欲。一乘義門。若無勝欲。則不應一切得。故成欲網。網者網羅之義。無盡教義。由欲網羅得有建立。又欲無盡。應因陀羅故。舉網相以況之耳。

### 明法品初立五停心觀章

五觀者。一不淨觀。二慈心觀。三緣起觀。四安般念觀。五界分別觀。多貪者修不淨觀。多瞋者修慈心觀。多癡者修緣起觀。多覺觀者修安般念觀。我見多者修界分別方便觀。此觀名共小乘義。與大乘別。依大乘初教。有二種用此觀門。若煩惱現行增重。即依小乘觀行。伏貪欲等。若惑現行中下。即依五法。成即空觀。何以故。大乘初教。據益爲義。故量益臨時成用。不定一觀相也。更有異觀。對其別機。如經下釋。若約終教。一切皆如。若約一乘。如上所說。是圓教所目。及向一乘。即是一乘方便。屬一乘攝。

### 明法品內通依五乘定其解行損益分齊義

夫如來教興意在爲物。由機有淺深。遂成教兩種。一別相教門。二同異教門。別相教者。謂善惡相別。令初機者入正解不謬故。如十善十惡等。即是其事。相準可知。二同異教者。經中亦名秘密之教。所以與者。爲有情衆生煩惱深厚邪智巧滑計量無邊。爲遮此病。遂

致教興。其損益相者。且如五乘大持戒門。從人天已上。未得爲損。得即爲益。進即爲益。住即爲損。乃至諸乘。皆並準此。一行如此。一切解行亦然。又爲名成行。爲世間名即損。爲出世間名即益。乃至一切解行。亦準知之。又爲利故成行。爲世間利即損。爲出世間利即益。乃至一切解行。亦準知之。又爲自是故成行。爲世間自是故即損。爲出世間自是故即益。乃至一切解行。並準知之。非他亦然。又爲樂世有故成行。爲衆生在有即益。爲自身在有即損。乃至一切解行。並準知之。又不求名利。自是非他樂三界有。亦有損益。不求佛名即損。不求世間名即益。乃至不求利樂世等有。並有損益。宜準知之。又初教已上無分別即益。有分別即損。乃至一乘教義。亦準知之。如大持戒一門。具如是損益。大精進大懺悔大無是非大不自是輕他。大智誦大解行等。並皆準此。又諸乘解行理事等所有損益。並爲世間未出世者成損益門。非爲出世者故。梁攝論云。若世間法即可毀。若出世間法即不可毀。問損益之法道理歷然。云何今者說毀不毀。答損益相別理不相雜。今爲決彼前疑有共二種。一爲邪智者爲覆相答。二爲正智者顯相答。今爲覆相。決彼前疑故。通說言毀。又約佛出世時及末代時。定其解行。善惡兩相此亦不定。若說佛世善多。末代惡多。此亦可然。又約上下二機定教。邪正此亦不定。若約及與不及。此即可然。及者成益。不及者成損。乃至隨下皆可準之。如善中損益同異。惡及

無記皆可準之。翻准即是。上來所明約三乘同教說。若約一乘別教。損益無窮。何以故。爲一乘義各別隨緣。不准通說故無盡。又損益之義爲善惡兩含。善中有善。善中有不善。善中善者。如前益門是。善中不善者。如前損門是。惡中惡者。如前翻對違理不善者是。惡中善者。方便迴惡資成善根者是。其善惡二義。損益平等。又善惡損益二門。微細甚深。何以故。爲有情衆生染淨機欲無窮盡故。今略言之。但論知不知避不避。若知而不避。避而不知者難也。

### 二種莊嚴章

莊嚴者。行德資人名爲莊嚴。不同有二。一名福德。二名智慧。資潤名福。資潤之功。名爲福德。照理名智。觀達名慧。嚴義有四。一行能資人名爲莊嚴。二能資心名爲莊嚴。三能資果名爲莊嚴。四諸行平相莊嚴。亦名律儀。亦名菩提具。亦名助道行。此義在三乘。小乘不具足。唯說智門。亦有助滿福教中不誤。三乘教內爲利衆生故。具讚二嚴。一乘教中有十莊嚴。如下經離世間品說。餘義如別章。

### 三寶義章

三寶義者。三是指數。寶是可貴義。能昇行者遠離生死得勝菩提。可貴名寶。謂佛法僧三寶之義。略有三種。一同相三寶。二別相三寶。三住持三寶。同相三寶者。謂同一法性真如。有三義不同。謂覺義軌法義和合義故說三寶。二別相者。謂在緣中尊義是佛。謂同世間身二身一身二身三身四身十身等。如問答

中辨。法蘭理教行果及無盡教義等。僧謂有漏無漏住持羯磨聲聞菩薩摩訶薩等。三住持三寶有二種。一相住持。所謂素蓋影幢等。二謂紙素言聲等法。三謂有漏無漏剃頭袈裟等僧。二理住持。謂法性真如。與凡聖爲依。一生依二境界依。資持建立名理住持。三寶通五教。一在世間。二聲聞緣覺。三漸教菩薩所學。四頓教菩薩所學。五一乘普賢解行見聞等所學。其義準以可知。一乘三寶相者。如下經言。略有十門。一菩薩摩訶薩。教化衆生。發菩提心。是故能令佛寶不斷。二開示甚深諸妙法藏。是故能令法寶不斷。三具足受持威儀教法。是故能令僧寶不斷。四復次悉能讚歎一切大願。是故能令佛寶不斷。五分

別解說十二緣起。是故能令法寶不斷。六行六和敬。是故能令僧寶不斷。七復次下佛種子於衆生田。生正覺芽。是故能令佛寶不斷。八不惜身命。護持三寶。是故能令法寶不斷。九善御大衆心無憂惱。是故能令僧寶不斷。十去來今佛所說正法。不違其教。是故能令三寶不斷。此十三寶一乘教攝。何以故。十三寶相。在修行心證。比較智處無不顯現。即是住持。成其大益。所以說十者。欲顯無量故。此通因陀羅及微細處。二乘小乘。即無此相。餘義如別章。

### 六和敬章

六和敬者。謂身業口業意業同戒同見同學。同亦名同利。戒見利既同。身口業復悉同。無有乖諍故名和敬。此義通小乘三乘一乘。若

愚法小乘。據事忍慈。若三乘初教。依即空忍慈。若依終教。知自他平等一如故起忍慈。依一乘教。上三乘等法。是方便故。是所目故。故屬一乘。餘義如別章。

### 第四會華嚴品初立十波羅蜜章

十波羅蜜者。即十行法也。一檀波羅蜜。二戒波羅蜜。三忍波羅蜜。四精進波羅蜜。五禪波羅蜜。六般若波羅蜜。七方便波羅蜜。八願波羅蜜。九力波羅蜜。十智波羅蜜。即是十行者。但施成自他喜故。一名歡喜行。戒成自他利故。二名饒益行。忍成自他無瞋恨故。三名無悲恨行。精進成勝德故。四名無盡行。禪波羅蜜寂靜故。五名離癡亂行。般若證智緣起現前故。六名善現行。方便善巧成自他事故。七名無著行。願事自在隨意能成故。八名尊重行。勝力自在成就衆生故。九名善法行。三業利他作事不虛。如說能行。如行能說故。十名真實行。起作故是行義。此義在三乘。不通小乘教。初教即空。終教即如。一乘教所目及是方便。復數是十。以顯無量。即一乘攝。問三乘亦十數與一乘何別。答三乘十數。隨力化儀。無別準法。依一乘教。有別準法。復即在三昧中。當知。分齊全別。宜知之。餘義在別章。

### 十藏品內立一乘三乘小乘教藏章

依愚法小乘。三藏義有二種。一者三藏。謂修多羅藏。亦名修妬路。亦名素怛攬。二阿毘達磨藏。三毘尼藏。二者二藏。謂聲聞藏緣覺藏。此名與三乘同。但義有別。小乘三藏體苦諦攝。三乘三藏體真實性攝。此三乘藏有五種。

一者一藏謂摩訶薩藏。二者二藏謂聲聞藏菩薩藏。三者三藏謂修多羅阿毘達磨毘那耶。四者四藏謂加雜藏。五者五藏謂加陀羅尼呪藏。一乘教義並皆不同。所謂十藏。一信藏。二戒藏。三懺藏。四愧藏。五聞藏。六施藏。七慧藏。八正念藏。九持藏。十辯藏。問三藏之義根本據教。十藏之義通其教義。云何將十藏對三藏說。答三乘小乘據事分齊說。教即非義一乘之義以教為教。復以義為教。三乘義中已有此義。何況一乘。此義如別章。

### 六無為章

六無為者。一虛空。二涅槃。三數緣滅。四非數緣滅。五十二緣起。六法界。問何故一乘無為乃同三乘數說。答此義甚深。同下數說。令人易信。廣在疏中。小乘及初教終教及圓教所說。無為空無相無願寂靜離念滅不可說。如是等義。皆悉不同。諸乘相望。亦深淺闊狹不等。如六無為三無為三空八空乃至十八空等。一切法空。即是名數不同據故。亦不可會一。唯在頓教一門。一切有無皆同一相。所謂無相。餘義如別章。

### 三界章

三界者。衆生果報分段依處。分齊有三。從阿鼻獄至他化天男女參居。多諸染欲。故曰欲界。從初禪梵天至阿迦膩吒天。並無女形。亦無欲染。宮殿高大。是色化生。故名色界。從無邊空處至非想非非想天。但有四心無色形質。故名無色界。於此三界。凡聖麤細出沒不同。有其四種。一者繫業分段三界。二者不繫

業分段三界。三者餘習變易三界。四者不捨世間變易三界。問變易及不捨世間同無流法。因何在。三界。答變易等身為慈悲故在於世間。如涅槃經說。常樂我淨。能以大悲還入世間。故在三界。此三界中。大分天位有二十八。欲界六。色界十八。離廣果天。出無想天。成十八。無色有四。此中義相名數麤細。並皆不同。當知。一乘三乘小乘等義。並皆差別。如華嚴經。四天王天。三十三天。夜摩天。兜率陀天。化樂天。他化自在天。梵天。梵身天。梵輔天。梵眷屬天。大梵天。光天。少光天。無量光天。光音天。淨天。少淨天。無量淨天。遍淨天。密身天。少密身天。無量密身天。密果天。此中不開無想天。不煩天。不熱天。善現天。善見天。色究竟天。空處天。識處天。無所有處天。非想非非想天。加其四天。總三十二天。又正法念經云。從阿鼻獄至非想天。於中龜細衆生。次第相疊間無空處。據此因緣。一類衆生。即不可說其分齊。法華經云。此土常安穩。當知。三界內有龜細衆生。龜者見劫壞。細者常安穩。佛所以不同說。欲顯衆生界無盡。乃至因陀羅微細等義。並皆不同。小乘三界唯一同壞。初教三界其義即空。終教三界即如無分別。一乘三界所謂無盡無分別。餘義如別章。

### 四辯章

無礙辯者。謂法無礙。義無礙。辭無礙。樂說無礙。知名字智名法無礙。知義之智名義無礙。言音辯略名辭無礙。令他樂說無礙。通達無礙。

辯故名無礙。以後得智為體。若約小乘。四無礙辯。是其實慧。大乘初教其慧即空。若至終教其慧即如。若至圓教即四十無礙。如下經第九地中說。四無礙智。依十種差別。一依自相。二依同相。三依行相。四依說相。五依智相。六依無我慢相。七依小乘大乘相。八依菩薩地相。九依如來地相。十依住持相。後五是淨相。此據教辨。若據實德。即普賢門中無盡辯也。餘義如別章。

### 道品章

道品有三。一小乘道品。迴心亦同。二直進道品。謂但六波羅蜜。三一乘道品。謂無盡道品。小乘道品名。與迴心初教同。何以故。二處見修不別故。名雖不異。義即全別。小乘道品唯在觀中。大乘道品。通其觀外。理智復別。小乘道品。為人無我智。迴心道品。為法無我智。問何故直進菩薩道品不與迴心同。答迴心道品。為引愚法小乘故。名同小乘。直進菩薩若同小乘分別更增。於理不便。故省之耳。道品者。初四念處。謂身受心法。四正勤者。謂未生之惡。方便令不生。已生之惡。方便令斷。未生之善。方便令生。已生之善。方便令增長。四如意者。謂欲定精進定念定慧定。五根者。謂信根。精進根。念根。定根。慧根。五力者。謂信力。精進力。念力。定力。慧力。七覺者。擇法覺。支精進覺。支喜覺。支猗覺。支捨覺。支念覺。支定覺。支八正道者。謂正見。正思惟。正語。正業。正命。正精進。正念。正定。體歸於十。謂淨信。精進。念。智慧。及喜。猗覺。品相應。捨。思。戒。三。

摩提。信分爲二。謂信根信力。精進分八。謂四正勤爲四精進根。精進力。精進覺支。正精進。念分爲四。謂念根念力念覺支正念。智慧分八。四念處爲四慧根。慧力擇法覺支正見。喜爲喜覺支。猗爲猗覺支。捨爲捨覺支。思是覺數。謂正思惟。戒分爲三。謂正語正業正命。三摩提是定。定分爲八。謂如意爲四。定根定力定覺支正定。盡無生智是菩提。隨順彼法。勢用勝故名助道。亦可。大乘助道當法而成。不以十義相攝。何以故。緣起各別故。直進菩薩。用六波羅蜜以爲道品。六行至果名波羅蜜。六行助果名爲道品。直進與迴心。俱異於聲聞。何以故。道品即空故。終教即如。一乘道品。如經下文離世間品二千答者是。所以知之。由離世間重問行法。復經文中義。義皆有勸進之辭。既普賢願行。廣大無邊。道品亦不得少義歸於此。廣如別章。

### 十二部經章

一條多羅者。此方名線。亦名契經。亦名涌泉。祇夜經者。此云重頌經。伽陀者。此云不重頌經。和伽羅那者。此云受記經。愛陀那者。此云無問自說經。尼陀那者。此云因緣經。阿波陀那者。此云譬喻經。伊帝。日多伽。此云本事經。闍陀伽者。此云本生經。毘佛略者。此云方廣經。亦名方等經。阿浮陀達摩者。此云未曾有經。婆婆提舍者。此云論義經。經以五法爲體。謂音聲名味句偈。問云。造者爲偈體。偈用句爲造者。只有四法。何故今云五法爲體。答若據小乘。卽無別偈。以造者爲體。只有四法。

今據大乘。隨異緣別理亦非一故。得隨事以五法爲體。若愚法小乘。卽據教實入苦諦攝。何以故。貴無我理故。要其事教。大乘初教。卽是空義。是真實性。何以故。會事入理故。與理善爲因緣故。若終教義。一切是真如。若一乘無盡教。卽無盡也。非謂十二。餘義如別章。

### 第五會明十迴向章

十迴向者。一救護一切衆生離衆生相迴向。二不壞迴向。三等一切佛迴向。四至一切處迴向。五無盡功德藏迴向。六隨順平等善根迴向。七隨順等觀一切衆生迴向。八如相迴向。九無縛無著解脫迴向。十法界無量迴向。迴向者。是何義。無迴向是迴向。迴向有三義。一迴向實際。二迴向無上菩提。三迴向衆生。此三義中。誠善法故迴向。非今迴與故迴向。何以故。實際有二義。一菩薩所修行法。從真如流。先是如法。二菩薩所修爲顯本性。卽是本性道具如。既有具亦非新迴向。菩提亦有二種。一菩薩所行從果德智流。所有人法卽從果德。二能成果具卽入助道。復從果德。三迴向衆生亦有二義。一菩薩成就所有人法。並衆生所與。何以故。若無衆生卽不成故。故卽是衆生物。二菩薩成就人法。行德與衆生爲道具。卽屬衆生故非新迴向。迴向者智也。此義通三乘。初教卽空。終教卽如。一乘教所目。及是一乘趣向方便。又十數者。卽顯無量故。入一乘攝。餘義如別章。

### 第五會依其五教明順善法數義

雲集說偈品初法數處釋。夫法數者。自性故

名法。軌則故名法。亦對意故名法。數者法數也。所有理事。對緣發起。在俗數中故名數也。欲知分齊。略有五重。卽是五乘人所軌教也。其初分齊者。如維摩經云。有厭欣二門。初厭門者。是身無常無願無力無堅速朽之法。不可信也。爲苦爲惱。衆病所集。諸仁者如此身。明智者所不。怙。是身如聚沫不可撮摩。是身如泡不得久立。是身如焰從渴愛生。是身如芭蕉中無有堅。是身如幻從顛倒起。是身如夢爲虛妄見。是身如影從業緣現。是身如響屬諸因緣。是身如浮雲須臾變滅。是身如電念念不住。是身無主爲如地。是身無我爲如火。是身無壽爲如風。是身無人爲如水。是身不實四大爲家。是身爲空離我所。是身無知如草木瓦礫。是身無作風力所轉。是身不淨穢惡充滿。是身爲虛偽。雖假以澡浴衣食。必歸磨滅。是身爲災百一病惱。是身如丘井。爲老所逼。是身無定。爲要當死。是身如毒蛇如怨賊如空聚。陰界諸入所共合成。諸仁者此可患厭。二欣門者。當樂佛身。所以者何。佛身者卽法身也。從無量功德智慧生。從戒定慧解脫解脫知見生。從慈悲喜捨生。從布施持戒忍辱柔和勸行精進禪定解脫三昧多聞智慧諸波羅蜜生。從方便生。從六通生。從三明生。從三十七道品生。從止觀生。從十力四無所畏十八不共法生。從斷一切不善法集一切善法生。從真實生。從不放逸生。從如是等無量清淨法。生如來身。諸仁者。欲得佛身斷一切衆生病者。當發阿耨多羅三藐三菩

提心。此教義當人天厭欣二境。乃至梵世亦入此教。若約分齊。義當趣向聲聞方便及初教之初等。其義分齊。當一切法空唯有名。名有二種。一分別名。二思惟名。由二種名。建立一切法。當知陰入界等一切法。依初教初。如是建立。人天邪善根不入此教。又依愚法小乘。聲聞緣覺。依分別遍計性。立其法數。所有世間出世間名數分齊。就如毘曇婆沙所定評正義者即是。正法數諸部執。所顯法相分齊者。即入從小乘。由同分別遍計故。不入大乘攝。但是名數。是諸境。仍與正小乘。作迴心向大乘方便。宜可准知。此即當五乘之中聲聞緣覺二乘法數分齊也。又第四大乘教者。依維摩經。法無衆生。離衆生垢故。法無有我。離我垢故。法無壽命。離生死故。法無有人。離後際斷故。法無寂然。滅諸相故。法無有相。無所緣故。法無名字。言語斷故。法無有說。離覺觀故。法無形相。如虛空故。法無戲論。畢竟空故。法無我所。離我所故。法無分別。離諸識故。法無有比。無相待故。法不屬因。不在緣故。法同法性。入諸法故。法隨於如。無所隨故。法住實際。諸邊不動故。法無動搖。不依六塵故。法無去來。常不住故。法順空隨。無相應無作。法離好醜。法無生滅。法無所歸。法過眼耳鼻舌身心。法無高下。法常住不動。法離一切諸所觀行。準蘊一門界入一切諸法。並皆如此。其相即空。若無如實空。即一切法不成。何以故。由即空故。其義分齊。當初教終。欲說法時。亦有儀式。夫說法者。如說

色門。色以礙爲義。礙義即空。何以故。礙義即遍計分別故。又因緣礙義。即無分別故。故說法時。無說無示。其聽法者。無聞無得。譬如幻士爲幻人說法。當建是意而爲說法。當了衆生根有利鈍。善於知見無所罣礙。以大悲心讚于大乘。念報佛恩。不斷三寶。然後說法。說者即空。說是不斷三寶。餘皆準此。又維摩經云。彌勒當令此諸天子捨於分別菩提之見。所以者何。菩提者。不可以身得。不可以心得。寂滅是菩提。滅諸相故。不觀是菩提。離諸緣故。不行是菩提。無憶念故。斷是菩提。捨諸見故。離是菩提。離諸妄想故。障是菩提。障諸願故。不入是菩提。無貪著故。順是菩提。順於如故。住是菩提。住法性故。至是菩提。至實際故。不二菩提。離意法故。等是菩提。等虛空故。無爲是菩提。無生住滅故。智是菩提。了衆生心行故。不會是菩提。諸入不會故。不合是菩提。離煩惱習故。無處是菩提。無形色故。假名是菩提。名字空故。如化是菩提。無取捨故。無亂是菩提。常自靜故。善寂是菩提。性清淨故。無取是菩提。離繫緣故。無異是菩提。諸法平等故。無比是菩提。無可喻故。微妙是菩提。諸法難知故。何以故。爲一切法皆如也。故據此分齊。義當終教。所有陰入界等一切法數。依此而知。若無不空真如。即一切法不成。由無住本立一切法故。又維摩經云。時維摩詰默然無言。文殊師利難曰。是真入不二法門。義當頓教。默絕萬法。陰入界等染淨諸法。並皆同此。若無維摩默不二理。即一切法不成。

所以知之故。對法論云。不待名言及餘根境。是名實有。一切皆是實有。即顯待名言根境。是假有也。又依無盡圓通教門。即華嚴經第八迴向百句如相。義當略教。普賢性起當是廣義。即無盡圓通究竟宗也。所有無盡法數及餘乘數。皆一乘所目。即是一乘。由同在海印定中成故。不在定說。同教者。入一乘遠方便攝。又安立非安立門者。即三乘義。頓教漸教相望說也。漸由依教。是安立門。亦名依法住智說。頓教名爲非安立門。又亦五教門中。當自宗說。不藉名言根境。是非安立門。藉名言根境。是安立門。宜可準知之。

### 七財章

七財者。謂信施戒聞慧慚愧。資用成佛是財。義。此是三乘義。若爲一乘目。即入一乘教。若據別教門。財義即無盡。故下經文。道場神指其寶藏。任善財取。證會上地顯資財義。餘如別章。

### 第五迴向悔過除罪章

悔過者善悔也。傷在生死迷淪久遠三世過罪。達理之甚。若勸經論大分有二。一達理成過。二達教成罪。如佛法外人。無法。拘制。信緣造罪。是達理罪。若佛法四衆。受佛教制。順其修法。達教成過。名達教罪。二罪按量。達教罪重。達理罪輕。何以故。由教境恩德大故。又以罪數不同。若達理造罪。但有一罪。達教造罪。即具二罪。達理及達教。若懺除滅義亦不同。若達理罪滅。即不定。或方等行道。誦呪爲福。或作理事二觀。並得通除。若達教罪。據其

現身取淨。還須依教。不得通滅。若據未來身淨。亦得通滅。今依此經四義悔法。懺三世罪。得三世淨。何以故。由此悔門順廣大故。與普賢門合。所以知之。此懺三世罪等。其心無限發福處。大小乘及初教則無此事。悔法有四。一懺三世罪。二勸請。三隨喜。四迴向。此四互相成。互作主伴。問依此懺法。無理觀懺。何得是寬。答竝得通成。所以知之。如隨喜勸請門中即具一切。又依三乘懺法有其二門。

一還淨二出離。初還淨者。由善心不由治罰。善心者。如本受持對治。二出離者。有七事。一各各發露遮相續。二受與學罰。三先制後開。先已制戒。後由別意故開。四更捨。若大眾聚集同意如本。更捨先犯罪人是時還淨。五轉依比丘比丘尼。轉男女二根。若不共罪。六如實觀。由四種法。舊陀那觀察諸法。又如對治法相。恒觀察自罪。七法爾得。若見四諦。小隨小罪不更故犯。由法爾所得。餘可準之。廣如別章。

### 第六迴向四輪除八難章

四輪者。一住善處輪。亦云淨國輪。二依善人輪。三自發願輪。四宿殖善根輪。住善處者。謂住中國離於五難。三途為三。長壽天壽單越為五。依善人者。生在佛世。離佛前後一難。自發正願者。即離世智辨聰一難。宿殖善根者。離生盲生聾等一難。謂天人等。依共人法四義。得增善法。離惡成善。具德名輪。即是入道遠方便之要路也。此義通三乘及小乘。一乘方究竟。若小乘成人空無漏緣。若人天成

正善緣。若菩薩成菩提緣。若一乘教成普賢解行緣。若依別教正國土即國土海正士即十佛等平等願即普賢願本功德即性起功德難障唯離之。餘義如別章。

### 九十六種外道章

外道者。在佛法外故云外道。就九十六中。前四別件為一門。何以故。以此四道兩共相知。於諸世間作非法事。後有九十二。各別自領徒眾眷屬。若鬼若神。眾數不同。其數非一。各起異見錯亂佛法。廣如九十六種外道經說。此九十六種外道皆言。是道九十五種是邪佛一種是真佛。邪佛惑人似而不真。真佛無偽。正而不邪。如地持論說。那大迦梅延。共一客比丘同房宿。迦梅延為看客故。入三昧時。客比丘復入三昧。客比丘依三昧定力。看迦梅延心。不知依何禪。後出定問曰。大德依何禪。曰我依空三昧。今此九十六種異道。皆有神鬼映附者。由在小乘。三乘初方便中。應言教憶想之處。還有如此相似。映附小乘。若剋契諦理心及三乘正無想。即無如上神鬼映附。若一乘義。為見聞中有普真普正。諸神鬼等。亦不得便。今言九十五是邪一種是正者。非謂獨一是正。皆綺互相望。一種當其佛法初入方便故言一也。

### 七士夫趣章

七士夫者。亦名七大夫。亦名七聖人。一隨信行。二隨法行。三信解脫。四見到。五身證。六慧解脫。七俱解脫。信他得度名為信行。不從他信名為法行。鈍根三果。是隨信行所得信

果。離縛名信解脫。利根三果。是隨法行所至故名見到。滅盡正受法。似涅槃與身合故。名為身證。障有二種。一煩惱障。二解脫障。但離煩惱障名慧解脫。二障並除名俱解脫。此義即與大乘三乘七地義相同。七地者。如地持論說。一者種性地。即十解已前。二者解行地。即十行十迴向。三者淨心地。即初地。四者行跡地。即二地至七地。五者決定地。即八地。六者決定行地。即九地。七者畢竟地。即十地。如來地。以因果俱究竟。合名畢竟地。所依堅故名地。所歸故名趣。趣者所向也。士夫與地相望是同。餘義如別章。

### 祕蜜翻依行檀起行作業同異章

此翻依義名祕蜜教。何以故。擬伏異學生信證道故與斯教。翻依者。依別文義。顯異文義。名曰翻依。即用智為體。翻依之義。正在三乘。與論道同。其論義法。大分有七。謂義決擇。釋決擇。分別顯示決擇。等論決擇。攝決擇。論軌決擇。祕蜜決擇。論雖有此七門。若對聖教約初分有二。一對三乘二乘。三乘即為顯示。不成祕蜜。小乘對大乘。則名祕蜜。何以故。因緣方便覆相。不顯真實理故。由聲聞機淺方便成信。漸入佛法故不頓說。為小機不勝名祕蜜教。二為伏異學令成正信。佛學論道翻依等義當大乘宗。伏彼外人。令信入佛法故與此教。問與其論道理應定一。何故小因明等立其論道。但立宗因喻等不用結論。何故不問答凡與其論。正欲顯義。若未結時得了義者。則不須結。若須至結了義者。即須安結。

有此二義故不同也。又興論道有始終別。若初教中。則有論與不論。俱名爲論。何以故。二義取要顯佛法故。若至終教。即不論爲論。何以故。息相歸真成證顯義餘不順理故。以不論爲論。若小乘中。但有淨論爲小乘宗。不得法空故。不盡法原故。教不滿故。若至初教。即須言論爲正。初教中不盡法理。以言剋申故。若至終教。不論爲正。由窮法理。不假言申故。論其分齊。於大小乘。唯論道方便即其分齊。其文不可具述。如對法論後論道決擇處說。亦如攝論定學後分中說。梁本論云。論曰。如經言。云何菩薩不損一物不施一人。若菩薩善能行施無量無數。於十方世界修布施行。相續生起。釋曰。菩薩捨自愛。攝一切衆生爲一體。一切行道一切財物。悉屬衆生故。財非己有。用者非他。彼物彼用。豈關於我。若能如此運心。則是善能行施。復次菩薩捨自愛。攝一切衆生爲一體。一切衆生行施。即菩薩行施故。菩薩起隨喜心。得無量施福。亦是不損一物。不施一人。名善能行施。論曰。云何菩薩樂行布施。若菩薩不樂行一切施。釋曰。若菩薩不樂行。隨至等八施義至。但樂行菩薩淨心施。復次若菩薩不樂。世間著三輪施。樂行不著三輪施。復次著名爲樂。若菩薩著施因。或著施果。名樂行施。若菩薩不著行施。名不樂行施。論曰。云何菩薩行信施心。若菩薩不行諸佛如來信心。釋曰。由菩薩自證施故行施。不由信他故行施。前信有根故成信。後信無根故不成信。論曰。云何菩薩發行布施。若

菩薩於布施中不策自身。釋曰。菩薩自性能行施。無有貪吝嫉妬等障。非策自身方能行施。論曰。云何菩薩恒遊戲布施。若菩薩無布施時。釋曰。菩薩非時時施不隨一物施。論曰。云何菩薩大能行施。若菩薩於施離婆羅想。釋曰。婆羅名目二義。一目貞實。二目散亂。貞實是直語。散亂是密語。若取直語離貞實。則與大施相違。若取密語離散亂。則與大施相符。若離欲三界後行施時名爲大施。何以故。離欲菩薩行施。具縛凡夫行施。百千萬倍所不能及。若施定互相妨。不名大施。由不相妨故得大名。論曰。云何菩薩於施清淨。若菩薩鬱波提貪吝。釋曰。鬱波提名目二義。一目生起。二目拔根。棄背生起是直語。拔根棄背是密語。若取直語生起貪吝。則與清淨施相違。若取密語拔根棄背貪吝。則與清淨施相符。拔根是除身見。身見是貪吝。根本棄背。是除貪吝體。由菩薩能斷身見滅貪吝故。於施清淨。論曰。云何菩薩能住於施。若菩薩不住究竟後際。釋曰。究竟後際有二義。一施有初中後。以最後爲究竟後際。若依此義不住施。最後分豈得言能住於施。此則相違。二若有餘涅槃名究竟。無餘涅槃名究竟後際。若聲聞住無餘涅槃。不更起心。無利益衆生事。則不能住施。菩薩依大悲。不同聲聞住無餘涅槃故。恒起六度無有窮盡。若依此義則與能住施相符。論曰。云何菩薩於施自在。若菩薩於施不得自在。釋曰。若菩薩不得施障自在。菩薩於施則得自在。昔在凡夫地中見修二惑。

無道對治。欲起便起故得自在。今入聖位。爲道對治故。菩薩於惑不得自在。於施能得自在。論曰。云何菩薩於施無盡。若菩薩不住無盡中。釋曰。無餘涅槃名爲無盡。菩薩不同聲聞入無盡中無利益他事。是故菩薩。於施無盡。論曰。如施經。於戒乃至般若。如理應知。釋曰。如施經說。施有不了義語說餘度。亦有了義語。皆須如理分判。又依淨土益釋。一僧得施。二現前施。三戒德施。四安居施。五齊限施。六指示施。七給得施。八三世常住僧施。此是三乘正施。又依毘曇八非法施。一怖望施。二怖畏施。三反報施。四期報施。五家法施。六生天施。七求名施。八不求生死樂施。又有一乘十種施。如十無盡藏品廣說。餘義如別章。

#### 第八迴向真如章

真如有二門。一者一乘真如。二者三乘真如。一乘真如者。有二種門。一別教門。二同教門。別教門者。謂圓通理事統含無盡因陀羅及微細等。廣如下經第八迴向百句如中說。同教門者。即與三乘義同。但由智迴向故。入一乘攝。二者三乘真如復有二門。一頓教門。二漸教門。頓教門者。如維摩經不二法門品。維摩直默以顯玄意者是。此如絕於教義相想不及。廣如大般若經那伽室利分說。漸教門者。略有二門。一終教門。二始教門。三世間所知門。終教門者。復有二種。一始二終。言始門者。即維摩經中不二法門品。三十二菩薩顯不二法門者是。言終門者。即不二法門品。文



殊所顯不二者是。其終始兩門。並具無分別教義。空有二門。始教門者。復有二種。一始二終。言始門者。如百法明門論六種無爲。屬一切法攝。人法二空。方入空攝。得真。真如不及二空。二空爲上。此門亦通分別無分別教義。言終門者。如維摩經弟子品內。爲迦梅延說不生不滅是無常義等。又金剛般若經。微塵即非微塵等。又依對法論。開六無爲成八無爲。三種真如。即屬無爲攝。得真。真如成無爲。上此初教始終。並通分別無分別教義。無分別教義者。謂證真如。無分別教者。謂此觀意言無分別境。悟大乘言教故。分別教義者。謂教義即空故。今初教門中真如。但是空義。不同終教。言世間所知門者。復有二種。一始二終。言始門者。即人天正善根。及愚法聲聞緣覺等。入真實性攝。故中邊分別論云。世間所知真實。入真實性攝。準此論文。世間唯除虛誑妄語等。餘並入真實。由許是菩提遠方便故。言終門者。故論釋云。謂一切法但有名。謂分別名思惟名。得知不同遠方便法。此義唯局二種十名中。爲是大乘近方便故。言真如者。自體堅固。不可破壞。觸物皆順不相違故。亦無相可取。由真如故。乃至流在十名理不可壞故。同是真如。餘義準可知。

### 第九迴向初普別始終差別理事諸觀義章

所以於此釋諸觀門。爲第九迴向。初作始終義說普賢法故。於此明但初發心入道之法。隨根差別。設觀不同。所謂真如觀。通觀。唯識

觀。空觀。無相觀。佛性觀。如來藏觀。壁觀。智觀。苦無常觀。無我觀。數息觀。不淨觀。骨觀。一切處觀。八勝處觀。八解脫觀。一切入觀等。竝於修道初門。隨病施設。據病而言。不得一定。何以故。爲病不定故。此等觀法。在於三乘小乘。分有一乘見聞。略說分齊。餘可準知。

#### 第九迴向未明住地始終寬狹相攝分齊微細差別義章

住及地義。或同或別。同者。同是一住。謂佛因位。別者。將住寄初位。謂十解位。將地寄終位。謂證位。若據寬狹。十地即寬。十住即狹。何以故。十地寄法多。若據相攝。十地攝十住。何以故。是證體故。若據微細。十地成微細。十住非微細。問義若如此。微細依普賢法。信位終心。即剋。何以故。十解猶不成微細。答。若據總別義。信位終心。即剋普賢法。若據始終。證位方得故。有如此差別。不同因陀羅等。準此可知。

#### 一乘法海章

經曰。悉得三世一切諸佛所說法海。釋曰。法者通教主。於一一生法。釋曰。謂出生。立義宗法也。一一方便法。釋曰。謂引發聯合。一一語言法。釋曰。謂隨方。法等方便也。一一語言法。釋曰。謂隨方。法名於義法也。一一教法。釋曰。謂隨。法名於義法也。一一說法。釋曰。謂隨。與他人言。一一法門。釋曰。謂隨。說則也。一一法門。釋曰。謂隨。入智。一一決定法。釋曰。謂隨。義宗成說。安立也。

又有十種佛法句。復有十種說法。復有十種說。三世復有十種說。普賢心復有十種說。普

賢願行法。竝是別教。一乘門如離世間品廣說。復有三乘名字法。如攝論說。法人及法義性略及廣名不淨淨究竟十名差別境。釋曰。名有十種。是菩薩境界。何等爲十。一法名。謂色受等眼耳等。二人名。謂信行法行等。三法名。謂修多羅祇夜等。四義名。謂十二部經所顯諸義名。五性名。謂無義文字。六略名。謂衆生等通名。七廣名。謂衆生各有別名。八不淨名。謂凡夫等。九淨名。謂聖人等。十究竟名。謂通一切法真如實際等。論曰。十名差別境。釋曰。此十種差別名。悉是菩薩境界。菩薩所住。唯在第十。通一切法名中。復次略說名有十種。是菩薩境界。法名謂眼等。人名謂我衆生等。法名謂十二部正教。義名謂十二部正教義。性名謂阿阿爲初。訶爲最後。音字合三十七。略名謂有爲無爲。廣名謂色受等及空等。不淨名謂凡夫等。淨名謂須陀洹等。究竟名謂緣極通境出世智。及出世後智所緣一切法真如境。復次名者。謂至究竟名。通一切法。於一切法。無有差別。此名即是法界。此法界以通一切法。不分別一切義爲相。或說名無分別境。菩薩唯於此法中住。餘義如別章。

#### 第十迴向生成佛德差別義章

佛起布德華化攝生。諸宗分齊不同。若依小乘。實佛報身。生在王宮。隨菩提樹成佛。攝生化用及德。皆在其中。若依三乘。法身無方充滿法性。報身成就在色究竟處。化身示現在菩提樹。化用及德皆悉不離。此之三位。若一

乘義所有功德。皆不離二種十佛。一行境十佛。謂無著佛等。如離世間品說。二解境十佛。謂第八地三世間中佛身衆生身等。具如彼說。仍現王宮生及菩提樹其法。乃在十迴向終心。問從因修道十地後證理。應在十地後際便示現菩提樹佛。因何却在十迴向中。答若三乘義容有此相。今一乘義順彼六相。總別之法諸位即無前後。所以十迴向現者。迴向是善巧智明佛大善巧相故。偏在十迴向現。所以知之。菩提樹神在第十迴向故餘義可知

華嚴經內章門等雜孔目卷第二

華嚴經內章門等雜孔目卷第三

終南太一山至相寺沙門釋智儼集

第六會十地品初明十地章

本分中六決定章

加分中意加內明四法章

六正見章

請分中轉依章

請分未證教二大章

說分初料簡諸宗義章

安住地分初五怖畏章

校量勝分初十願章 三種菩提章

行校量中信等十行章

行校量慈悲內緣起章

彼果分中調柔等四果章

第二地初三聚戒章 十惡業道章

七種邪見章

十善業道章

攝生戒中明四倒章

第三地厭分中四靜慮八禪章

三苦八苦章

六神通章

八十種好章

十諦章

三空門章亦有三昧

人法二空章

第八地四種無生忍章

十自在章

第九地十稠林義章

煩惱行使行稠林章

生行稠林章

三聚行稠林成就章

四十無礙辯才章

阿耨達池義

初明十地品十地章

十地者。一歡喜地。二離垢地。三明焰地。四燒然地。五難勝地。六現前地。七遠行地。八不動地。九善慧地。十法雲地。生成佛智住持故名地。地者位也。今十地者。攝佛因位一乘三乘聲聞人天等。故在其中。爲五乘人所觀。普賢證位。佛果攝用。無礙自在。一切皆盡。何以故。十地之法。攝衆生中最初門故。地法甚深最難了別。略約五乘分別分齊。言五乘者。人天等爲一。謂人天乘。聲聞緣覺共爲一。謂爲小乘。漸教所爲爲一。謂漸悟乘。頓教所爲爲一。謂頓悟乘。一乘爲一。謂究竟乘。就初人

天。有三種成佛。一佛爲救三惡道。現身異彼。三惡道外。即成佛身。如佛現黑象脚等。二爲引人趣。現在佛身。如佛爲提謂長者現樹神身等。三爲引人天。爲現其聖身。如人天等知佛是聖。而與供養成世間福者是。二就二乘中有其七義。一約地。謂三界九地十地十一地等外。即成其佛。二約位。見修已外。即成其佛。三者約行。離學已外。無學身中。即現成佛。四約菩薩行。三十三心外。即成其佛。五者約時。小乘六十劫成三僧祇外。即成其佛。六者約生死。最後分段身上。即成其佛。七者依小乘十二住。第十二最上阿羅漢住則同是佛。三者約初迴心教門。有其八義。一約地位。謂乾慧地等十地。第十地中即成佛。所以同十地成佛者。爲佛下同因位故作此說。二約三界九地。十一地等已外。即成其佛。三約位。見修已外。即成其佛。四約行。學位已外。同無學羅漢位。即成其佛。五約時。依大乘三僧祇外。即成其佛。六約菩薩行。三十三心外。即成其佛。八約生死。最後分段身上。即成其佛。此約化身。若約報。分段身後。即成其佛。又約初教直進位。有其七門。一約位。從十信位等。乃至從歡喜地等滿足十地已外。即成其佛。此由佛境界分段身。非同菩薩地分段身故。二復約位。從歡喜地盡第九地。於第十地。即不退成其佛。此亦爲對聲聞下位。於下身中成佛故。故作此說。三約理。謂真如無分別空一念。即成其佛。四約十地後一念證果。即成其佛。五約時。大

乘三僧祇後即成其佛。六約行。究竟無學即成其佛。七約大乘十二住。於第十二最上菩薩住後。即成其佛。又約大乘終教。有其十門。一者約位。從十信行。乃至歡喜等十地滿後。即成其佛。二者從歡喜等初地。至盡第九地。於第十地中。即成其佛。如梵網經所說者是。此爲對聲聞。現凡身上得於果證故作此說。此當變化成。非常實成。三者約位。從初歡喜地至第三地。是世間法相同三界。第四地已去至第七地。相同無流。於世間身中。得彼三乘無流德。名爲出世。第八地已去至第十地。名出出世。即得成佛。第八地成法身。第九地成應身。第十地成化身。此爲於十地中別地相故作是說。四者一念成佛。約無分別真如故作此說。第五約證以明一念成佛。於初地中一念證故。六於十地後一念證果。名一念成佛。上諸一念者。所謂無念也。七約時者。謂大乘三僧祇後即是佛。八約行。金剛心後。得一切智智即是佛。九約生死。滅七種生死後即是其佛。十者依大乘同性經。有三種十地。聲聞十地。緣覺十地。佛十地。爲招引小乘。同於大乘終教之義故作此說。其十地名等。具如疏說。又有差別十地相。廣如梁本攝論修時章釋。第四約頓教明者。唯有一門。所謂無相。何以故。由成一行三昧故。乘彼一味真如所成故。不可說有諸異相門。成佛亦如此。一切俱離。是名佛也。第五約一乘義者。十信終心。乃至十解位十行十迴向十地佛地。一切皆成佛。又在第十地。亦別成佛。如法寶

周羅善知識中說。何以故。一乘之義。爲引三乘及小乘等。同於下位及下身中。得成佛故。又於八地已上。即成其佛。如於此位成無礙佛。一切身故。此據別教言。若據同教說。即攝前四乘所明道理。一切皆是一乘之義。文雖是同。而義皆別。如此等法差別相者。爲護十地故。隨方便門作種種說。令諸衆生於十地中離增上慢。又依六相總別義。即是一乘。隨相別布義。即是三乘。此約教分說。其實一乘十地之法。盡其三世已通究竟。此據證說。餘義如別章

本分中決定章

六決定者。一觀相善決定。真如觀一味相故。如經無難故。二真實善決定。非一切世間境界出世間故。如經不可見故。三勝善決定。此有六義。一大法界故勝。二一切佛根本故勝。三法相差別法爾故勝。四真如觀。勝凡夫二乘智故勝。五順大教故勝。六是無漏故勝。故地論云。大法界故。一切佛根本故。法相義故。真如觀勝諸凡夫二乘智故。說大乘佛法爾故。白法界故。四因善決定。因有二種。一成無常愛果。因善決定。是因如虛空。依見生諸色。色不盡故。二常果因善決定。得涅槃道。如經盡未來際故。五大善決定。隨順作利益他行。如經護護一切衆生界故。次前善決定。此願世間涅槃中非一向住故。六不怯弱善決定。入一切諸佛智地不怯弱故。如經佛子是諸菩薩。乃至入現在諸佛智地故。此六決定。是十地體。通十地故。亦通十住已來。故經云。

十住中有五決定。十行亦同。除大善。十迴向有三決定。謂觀相及大善不怯弱。此之廢與。顯位高下增微故。通義可知。此義通彼修生及本有。非彼三乘及小乘所知。普賢性起在此位中。何以故。同是證故。餘義如別章

加分中意加內明四法章

四法章者。即四堪智。一者緣二者法三者作四者成。此之四智。與六相智類亦相似。但門有別。一緣者。即成法之緣。二法者。相應成法。三者者。謂緣能成也。四成者。謂了別成就。知法之智明了。緣起自在故云堪。此義亦得通一乘及三乘。何以故。由此四堪智。於三乘中。順離四謗。及契中道故。此義如別章

六正見章

六正見者。金剛仙論。一真實智正見。能知理法。二行正見。能知行法。此二是教旨。三教正見。能知教法。四離二邊正見。知前理法不同情取。五不思議正見。知前行法。成德出情。六根欲性正見。知前教法。說隨物心。此之正見。知法分齊也。此順三乘。若依一乘。即十種明了法。如離世間品說。所謂隨順世間明了法。爲欲長養一切世間凡夫善根故。無礙不壞信明了法。解法真性信行人故。安住法界明了法。解法行人故。遠離八邪向八正道明了法。解八人故。除滅業結斷生死漏見真實講明了法。解須陀洹故。觀味是幻還來受生明了法。解斯陀含故。乃至須臾。不樂三界不若受生專求盡漏明了法。解阿那含故。六通自在由八解脫隨意正受九次第定諸辯明了

法解阿羅漢故。常樂寂靜。因外緣解知足少事。不由他悟成就智慧明了法。解緣覺故。成就勝智諸根。明利心常解脫。長養無量功德智慧。滿足諸佛十力。四無所畏。一切佛法。明了法。解菩薩故。問何故引彼下法。釋明了義。一乘甚深。舉下爲況。令人易解故。小乘即無此事。因映成大解故。餘義如別章。

請分中轉依章

轉依者。五門分別。一明轉依所依體。二明能轉智。三明所轉障。四明轉所感果。五明位地。所依者。謂常身由自性身。如來藏先爲生死依。後轉爲法身爲究竟依。能轉智者。謂無分別智。所轉障者。謂八妄想等。所感果者。謂涅槃寂滅果。所依位者。如梁本論云。略有六位。一益力損能轉。由隨信樂位住聞熏習力故。世間修慧損益義成。二通達轉。謂已登地諸菩薩。由真實虛妄顯現爲能故。虛妄者。謂觀俗智。真俗二智並得現故。此轉從初地至六地。有出入觀異。三修習轉。由未離障人是一切相不顯現。真實顯現依故。謂三相不顯現。三無相顯現故。此轉從七地至十地。謂此中同修無相行故。以四地爲其位。四果圓滿轉。由已離障人一切相不顯現。清淨真如顯現至得一切相自在依故。謂智斷恩三德具足也。五下劣轉。由聲聞通達人無我故。六廣大轉。由菩薩通達法無我故。謂人境功能三義勝故。人是菩薩。境是法無我。功能即自利利他功能也。此約直進教釋。若約小乘。即見修等轉。若約初迴心教。亦同見修轉。若約熟教。

地前隨伏。初地頓斷。二地已去斷其習氣。頓教不說斷。圓教一斷一切斷。亦如前說。斷皆非初。非中後斷也。普賢解行位中漸差等伏。餘義如別章。

請分未證教二大章

證教者。即約因果二分說二大也。因分者是教大。果分者是義大。所以約果說義大。爲果是所剋之位。義大是所證之法義。位相似故約之以顯。所以約因明教大者。因是能生之位。教是能目方便義。位相似故約顯之。教證二分德量非小故名爲大。證分絕言。是發趣者究竟所歸。故名爲義。教大者有其三種。一因成就大。二因漸成就大。三教說修成就大。因成就大者。地論偈言。慈悲及願力。因此剋證故名爲因大。位在地前。因漸成就大者。偈言漸次故。漸者說聞思慧等次第。乃至能生出世間智。因故。何者教說修成就大。有二種。一滿足修。二觀修。滿足修者。偈言。非心境故。非心境者。此句示現聞思慧等雜境界處。唯是智因。能生出世間智。而此不能滿彼出世間智地。偈言。智滿如淨心故。如出世間清淨心。能滿彼智地故。觀修者。偈言。是境界難見難說。自心知我承佛力說。咸共恭敬聽。此偈顯何義。是境界難見。自心清淨可見。此境界不可說。如是教說修成就已。餘偈義可知。此義通三乘。小乘中則無。何以故。小乘義中。但說教故。一乘圓教。若約見聞。則不得分教義二大。若約普賢解行證義。即說有其教義二大。若將見聞對普賢證。亦得可言見聞是

教大。普賢證義是義大。可準知之。

說分初料簡諸宗義章

今論一乘三乘小乘。皆有宗趣。若隨機顯藥病別說。則有無量。今依龍樹菩薩釋般若義立四悉檀。其宗通言一切皆得成宗。即是龍樹菩薩大善巧也。四悉檀者。四者數。悉檀者宗也。一世界悉檀。世者時。界者分齊也。在一時中設教當理名世界也。二各各爲人悉檀。機宜各別。各取當聖所爲故名爲人悉檀。三對治悉檀者。明其聖教。擬所當機。伏滅煩惱。名對治悉檀。四第一義悉檀者。無聞教義理事。應得伏滅煩惱生漏無漏智。即是第一義悉檀。第一義者。義中第一也。此四悉檀猶如圓珠隨方皆應。悉檀之義。亦復如是。又有四悉檀印。一苦二無常三無我四寂靜。前四據益。後四據道理。是名悉檀多隨大小乘。因果漏無漏。若理若事。一切皆應。宜可知之。餘義如別章。

安住地分初五怖畏章

五怖畏者。所謂不活畏。惡名畏。死畏。墮惡道畏。大衆威德畏。初地之中。離如是等一切諸畏。何以故。初地離我相故。尚不貪身。何況所用事。故無不活畏。心不希望供養恭敬。我應供養一切衆生故。無惡名畏。遠離我見。無有死畏。菩薩死已。不離佛菩薩。無惡道畏。菩薩在世一切無有等者。何況有勝。無有大衆威德畏。第一第二第五依身口意。第三第四唯依身怖畏。因者略有二種。一邪智妄取想見愛著。二善根微少。是五怖畏。若約小乘。即實

有是法。若約初教。其事即空。是五怖畏。若約終教。怖畏即如是。怖畏義。若約頓教。一切不可說。若約圓教。如前事成。何以故。隨處示現。皆成菩薩道事故。餘義如別章。

### 校量勝分初十顯章

十顯者。一供養顯。謂無餘一切諸佛。一切供養。一切恭敬故。二一切種具足上。深信清淨。廣大如法界。究竟如虛空。盡未來際。此中供養有六種大。一者福田大。謂一切佛。二供事大。謂一切具足故。三心大。深信清淨故。四攝功德大。廣大如法界故。五者因大。究竟如虛空故。六者時大。盡未來際故。二者受持顯。受持三義成就。一者於諸佛所說修多羅教。次第令法輪不斷成就。二者證三種正覺得證成就。三者修行於三正覺因處。各令修行成就。三佛正覺者。聲聞辟支佛。亦名為佛故。三攝法上首顯。於諸佛成佛處。為攝法上首身。四知衆生心行顯。教化一切。令心增長。菩薩所行故。五教化衆生顯。隨彼衆生。隨其差別名色所攝。令信入諸佛所說法中。已入法者。令入二乘菩提故。已入二乘菩提者。令入無上菩提故。六知世界顯。謂知一切相乃至正住等及倒住等。乃至如帝網差別。真實義相故。如業幻作故。真實義相者。唯智能知。餘相者。可現見故。七知淨土顯。有其七種。一者同體淨。如經一切佛土。一佛土。一切佛土。二者自在淨。如經一切佛土平等清淨。三者莊嚴淨。如經一切佛土神通莊嚴。光相具足。光明莊嚴。衆寶等莊嚴故。四者受用淨。如經

離一切煩惱成就清淨道。五者住處衆生淨。如經有無量智慧衆生悉滿其中。六者因淨。如經入佛上妙平等境界故。七者果淨。如經隨諸衆生心之所樂而爲示現故。顯智神力等故。八同心同行顯。有其十種。一者共集善根無怨親故。二者一切菩薩平等一觀故。三者常親近諸佛菩薩不捨離故。四者隨意能現佛身故。五者自於心中。悉能解知諸佛神力智力故。六者得不退隨意神通故。七者悉能遊行一切世界故。八者一切佛會皆現身相故。九者一切生處普生其中故。十者成就不可思議大乘故。具足行菩薩行故。九三業不空顯。於中不空有二種。一作業必定不空。身口意業所作不空故。二作利益不空。如藥樹王身故。得如如意寶身故。十成菩提顯。如經成阿耨多羅三藐三菩提。作業有七種。一示正覺業。二說實諦業。三證教化業。四種種說法業。五不斷佛種業。六法輪復住業。七自在業。如是十顯。初地已上成。地前隨力隨分。此約三乘說。若約一乘教。則十信終心具足一切顯餘義可知。

### 三種菩提章

三種菩提者。一聲聞菩提。二緣覺菩提。三佛菩提。依其教分。自位究竟。虛通曰道。問聲聞緣覺既非究竟因。何共佛得菩提名。答聲聞緣覺。若對於佛。即非究竟。若就當位依教分齊。不別作佛。成自羅漢。即爲究竟故。別得菩提名。若爲一乘所目。即屬一乘。餘義如別章。

### 行校量中信等十行章

十行者。一信。二悲。三慈。四捨。五不疲倦。六知諸經論善解世法。七慚愧。八堅固力。九供養諸佛。十如說修行。此義在一乘見聞。在三乘及聲聞人天等。前信等三十句。是清淨地法。今此十句信等。是彰地淨法。餘義如別章。

### 行校量慈悲內緣起章

緣起者。大聖攝生。欲令契理捨事。凡夫見事。即迷於理。聖人得理。即無於事故。今舉實理。以會迷情。令諸有情知事即無。即事會理。故興此教。故地論云。自相者有三種。一者報相。名色共阿梨耶識生。如經於三界地復有芽生。所謂名色共生。故名色。共生者。名色共彼生。二彼因相是名色。不離彼依。彼共生。如經不離故。三者彼果次第相。從六入乃至於有。如經此名色增長已。成六入聚。成六入已。內外相對生觸。觸因緣故生受。深樂受。故生渴愛。渴愛增長。故生取。取增長。故復起後有。有因緣故。有生老病死憂悲苦惱。如是衆生。生長苦聚。是中離我所者。此二示現空。無知無覺者。自體無我故。當知。十二因緣等。即體自性空。依彼阿賴耶識生。梨耶微細。自體無我。生十二因緣。十二因緣。亦皆無我。故緣生等。無有別法。佛舉緣起觀門。以會諸法。一切無分別。即成實性。故地論云。隨順觀世諦。即入第一義諦。是其事也。緣起觀門。有如是益。此義在三乘。亦通一乘說。何以故。爲是所目故。若據勝劣緣起。是勝觀。亦即是一

乘小乘之中，雖有名字，而不違其義，何以故？不斷法我故，餘義如別章。

彼果分中調柔等四果章

四果者：一、調柔果，二、發趣果，三、攝報果，四、顯智果。言調柔者，即行為體，發趣者，即解智為體，即聞思慧智也。攝報者，即果報五陰為體，顯智者，取成用為其體也。調柔攝報顯智三果，諸地各局不相通也。發趣一果，義通諸地，餘義如別章。

第二地初三聚戒章

三聚戒者：一、攝律儀戒，二、攝善法戒，三、攝衆生戒。其戒種類略有四種：一、依瑜伽四波羅夷等，二、依瓔珞梵網經十無盡戒，三、依方等經二十四戒，謂有二種：第一明菩薩所受二十四戒，一者飢餓衆生，求飲食以具，不與者犯重；二者淫欲無度，不擇禽獸者犯重；三者見有比丘畜於妻子，隨意說過者犯重；四者見人憂愁欲自喪身，以己意增他嘆，敗他命根者犯重；五者取曠路中財寶者犯重；六者見他欲害命，以美言讚令他瞋恚者犯重；七者見他欲燒僧房，不盡心諫者犯重；八者若見若聞他犯重罪，若不作三到喚教懺悔者犯重；九者見有作五逆罪，不呵勸捨者犯重；十者見聞他欲興大善事，更起瞋恚壞他者犯重；十一者見他就食着酒，當以己情往呵，除自因緣犯重；十二者見人姪他婦女，語他夫者犯重；十三者視他怨家，作怨家想者犯重；十四者見他視怨家如赤子，語何能視此

人如赤子犯重。十五者見他聚闘，助力纏打者犯重。十六者見他伏匿事，向他說令他大瞋恚犯重。十七者見聞他善事，云都不作者犯重。十八者行於曠路，見人營塔廟營精舍，而不助者犯重。十九者見聞有人離善知識，親近惡友，讚好不勸捨者犯重。二十者於楞陀羅家惡人處，惡狗家聲聞二乘人處，除已事急往者犯重。二十一者見聞疑殺作不見聞疑想，食此肉者犯重。二十二者見聞疑殺作不見聞疑殺，若不食此肉者犯重。二十三解於方便知衆生根，若謂不說者犯重。二十四者或見諸菩薩，及餘諸見悉不得向人說，現身得障道法，得白癩病，或時愚癡，或時瞋瞋，或時目眩妄想，分別諸法，要得愚癡，第二明謹戒境界者，廣如大方等經第四卷說。四依十地論十善法戒，開此戒何別，答準依戒相，亦有差別。二十四戒爲初學者受，亦寄在俗人。十無盡戒在得位前，通其道俗。四波羅夷戒在於直進，爲出家人，略寄相別。據其根行，利益亦得說通。十善法戒寄在十地，見聞及修行，其義亦通。又此十善戒，是性戒無別受法。據此其義，在高亦可，攝從輪王化俗，此亦通下。雖名下通，而義是別，謂通性起戒，此義不通愚法小乘。若迴心聲聞受者，其戒相差別同異共不共學，廣如梁本攝論戒學中說。

十惡業道章

十惡業者：一殺二盜三邪淫四妄語五惡口六兩舌七綺語八貪九瞋十癡。此業有

二種：一、性不善業性違理故，二、發惡律儀皆通其三業。其性十惡，亦有作無作。作有三種：自作、教化作、見聞隨喜作。無作有一種，謂作俱無作。問惡律儀何故不同戒中形俱無作。答惡律儀業亦有生在惡律儀家，識知已去，執持殺具，即得惡律儀。不專由期心長時分限發惡律儀。有此別義故，不同善戒形俱，亦有管得惡律儀者，非一切也。又有秘密翻依十惡之善，如梁論云：論曰，復有經言，云何菩薩行殺生，若菩薩有命衆生，斷其相續，釋曰，若有命則知有業，若有業則知有惡，由具此三，六道四生相續不斷，若菩薩隨其根性，爲說三乘聖道，令彼修行斷此三法，得無餘涅槃果，不相續衆生，即是斷命故名殺生。論曰，云何菩薩奪非他所與，若菩薩自奪非他所與，釋曰，菩薩以大悲攝一切衆生，爲自眷屬，令離生死險難，奪非他所與衆生，非彼父母及人主等所與故，名奪非他所與。論曰，云何菩薩行邪淫，若菩薩於欲塵起邪意等，釋曰，菩薩三業，與姪欲相反，意知其虛妄不實，爲衆惡本，口亦作如此說，身不行其事，亦是相反，即是於欲塵起邪意等故，名行邪淫。論曰，云何菩薩能說妄語，若菩薩是妄能說爲妄，釋曰，一切法皆是虛妄，菩薩如虛妄而說，故名能說。故名能說妄語。論曰，云何菩薩行兩舌，若菩薩恒住最極空寂處，釋曰，兩舌令彼此不和，菩薩思空說空，令自他不見此彼，何況和合，故名行兩舌。論曰，云何菩薩能住波留師，若菩薩住所知彼岸，釋曰，若依直語，

波留師名目惡口。住惡口人。不爲他所親近。善薩住所知彼岸。卽三無性理。亦不爲衆生所親近。以此理非凡夫二乘所行處故。故名能住惡口。又若依密語。波留師名目彼岸住。卽以密語顯於直語。論曰。云何善薩能說不相應語。若善薩能分破諸法。隨類解。釋曰。善薩能分破諸法。謂根塵識皆無所有。此無所有非定是無。亦非定有。有無悉不可得故。名能說不相應語。論曰。云何善薩行阿毘持阿樓若善薩數令自身得無上諸定。釋曰。若依直語。阿毘持阿樓名目貪欲。行貪欲者。必愛樂外塵。善薩恒樂令自身得最勝定。故名行貪欲。又若依密語。阿毘持阿樓名目數數得定。卽以密語顯於直語。論曰。云何善薩起憎害心。若善薩於自他心地能害諸惑。釋曰。瞋恚以憎害爲相。善薩作意。欲斷自他一切煩惱故。名起憎害心。論曰。云何善薩起邪見。若善薩一切處遍行邪性如理觀察。釋曰。大乘以有分別爲邪性。分別性遍行。於依他性卽是邪性。若離分別。名人法空眞性。小乘以身見爲邪性。因此身見生諸惑故。若離身見。一切邪執皆不得起。得人空眞性。善薩能如理觀察此邪性。見其是邪故。名起邪見。餘義如別章。

### 七種邪見章

邪見者。有其七種。一異乘邪見。隨順正道。而別取無餘涅槃。卽愚法聲聞人。二虛妄分別見。三戒取淨見。謂種種占相吉凶。是虛妄見。惡戒見等是。戒取淨見。惡戒見者。自取所見

故。四自謂正見。將自妄見。謂爲是見卽心煩惱等諸見是也。五覆藏見。六詐現不實見。覆藏者。用隱覆內爲是。詐現不實者。用顯外相爲是。七非清淨見。將世間爲涅槃等者是。此等諸見。並不許佛見爲是故名邪見。此義在三乘小乘中。分有爲彼一乘日。卽屬於一乘。餘義如別章。

### 十善業道章

十善者。翻前十惡成十善也。善義不同。有其五種。一人天十善。二聲聞十善。三緣覺十善。四菩薩十善。五佛十善。問既十善五重。十惡亦應同其十善。答由善義順理。理法甚深故有五重。不等惡業。不善從能相別諸思生故。但有一種。無五重別。此十善業。由附觀智。智既漸深。福亦漸細。故不同也。餘義如別章。

### 攝生戒中明四倒章

四倒者。一常二樂三我四淨。二倒名爲惡意。專念行故。二倒名爲惡心。非專念行。謂我淨思故。二倒惡意專念行者。伺緣名意。常樂二倒。緣中現起故名也。違理名惡。是起煩惱。作意而生名專念行。二倒惡心非專念者。根本集起是其心義。我淨二倒。望前常樂。根本集起故說爲心。我是常本。淨是樂原。此二性成。非作意生。名非專念也。倒者變翻常樂我淨無常無我無樂無淨。是名八倒。聲聞滅四倒。菩薩滅八倒。此據上心正便說。若據殘習。四倒八倒並著薩除。若依初教。第十地斷不分習氣。若據終教。地前伏上心。初地滅種子。第十地已還。漸滅習氣。佛地永斷。若分惑體。

常等四倒。是見道惑。無常等四。是心煩惱。若據一乘。其惑廣大無盡。爲能證普賢門。一切俱斷。餘義如別章。

### 第三地厭分中四靜慮八禪章

世間道禪者。謂世間初靜慮。第二靜慮。第三靜慮。第四靜慮。空無邊處。識無邊處。無所有處。非想非非想處。如是靜慮無色。由四種相應廣分別。謂雜染故。清白故。建立故。清淨故。雜染者。謂四無記根。一愛二見三慢四無明。由此四惑染污其心。於諸染污靜慮定門。令色無色界一切有覆無記煩惱隨煩惱。生長不絕。所以者何。由有愛故。味上靜慮。雜染所染。貪味淨定樂故。由有見故。見上靜慮。雜染所染。依止靜慮。發起計度先際等見故。由有慢故。慢上靜慮。雜染所染。依證勝定。起高慢故。由無明故。疑上靜慮。雜染所染。求解脫者。由未通達眞實道。於勝品所證。常生疑惑。爲解脫也不解脫也。如是煩惱。恒染其心。令色無色大小二惑。相續流轉。清白者。謂清淨靜慮無色。由性善故。說名清白。雖是世間。離纏垢故。亦名爲淨。建立者。有四種建立。謂支分建立。等至建立。品類建立。名相建立。於諸靜慮。具四建立。諸無色中。唯有三種除支分。支分建立者。謂初靜慮有五支。何等爲五。一尋二伺三喜四樂五心一境性。第二靜慮有四支。何等爲四。一內等淨二喜三樂四心一境性。第三靜慮有五支。何等爲五。一捨二念三正知四樂五心一境性。第四靜慮有四支。何等爲四。一捨清淨。二念清淨。三不苦不樂



受四心一境性。問法有無量。何故唯立尋等爲支。答對治支故。利益支故。彼二所依自性支故。由此三種支分滿足不待餘故。初靜慮中。尋伺二種是對治支。能斷欲界欲害等尋伺。喜樂二種是利益支。由尋伺支。治所治已。得離生喜樂故。心一境性。是彼二所依止自性支。依止定力尋等轉故。第二靜慮中。內等淨。是對治支。由此能治尋思故。喜樂是利益支。心一境性。是彼二所依自性支。義如前說。第三靜慮中。捨念正知。是對治支。由此三能對喜樂故。樂是利益支。心一境性。是彼二所依自性支。義如前說。第四靜慮中。捨清淨念清淨。是對治支。由此二能治樂故。不苦不樂受。是利益支。心一境性。是彼二所依自性支。諸無色中。不立支分。以奢摩他一味性故。等至建立者。謂由此七種作意。證入初靜慮。如是乃至非想非非想處。何等名爲七種作意。謂了相作意。勝解作意。遠離作意。攝樂作意。觀察作意。方便究竟作意。方便究竟果作意。此廣分別。如聲聞地後瑜伽處。云何證入初靜慮時。由七作意。謂由定地作意。見欲界中過患等故。了達龜相。初靜慮中。此相無故。名爲靜相。是名了相作意。如是作意爲聞思之所間難。從此已上。超越聞思。一向修相緣龜靜相。以爲境界。修奢摩他毘鉢舍那。數數思惟如所尋思龜靜性相。是名勝解作意。由修習此故。最初斷道。生彼俱行作意。名遠離作意。由此能斷上品煩惱故。及能遠離彼品龜重故。此觀行者。復欣樂上樂見上斷功

德已。○獨少分。遠離喜樂。爲欲除去惜沈睡眠時。修習淨妙作意以悅其心。是名攝樂作意。如是正修行者。方便善品。所資持故。令欲果繫煩惱纏垢不復現行。因此爲欲審察煩惱斷與未斷。復更作意觀察彼生隨順淨相。是名觀察作意。如是行者。數數觀察進修對治。爲令欲界一切煩惱。於暫時間得離繫故。此對治道相應作意。是初靜慮最後方便故。名方便究竟作意。從此無間證得根本。最初靜慮俱時作意。是名方便究竟果作意。又由了相作意。發悟願心。爲正了知所應斷所應得。爲斷故爲得故。由勝解作意。爲所求義發得。由遠離作意。捨上品惑。由攝樂作意。捨中品惑。由觀察作意。安心於所證。遠離增上慢。由方便究竟作意。捨下品惑。由方便究竟果作意。領彼所修作意修果。如爲證入初靜慮定修七作意。如是乃至爲證入非想非非想處定。如應當知。又龜相者。謂於一切下地。從欲界乃至無所有處。如是龜相。略有二種。一住於重苦不寂靜故。二命行微少壽命短促故。靜相者。謂於一切上地。從初靜慮乃至非想非非想處。與龜相相違故。品類建立者。於初靜慮定。具三品熏修。謂軟中上如初靜慮。餘靜慮及無色三品熏修亦爾。由軟中上品熏修初靜慮故。於初靜慮中。還生三異熟。如初靜慮。於餘靜慮中。若熏修若生果。各三品亦爾。諸靜慮中三品熏修生三果者。謂梵衆天。梵輔天。大梵天。如是等廣說如前於無色界中。無別處所故。不立生果差別所以

者何。於無色界。無有安堵宮殿等處故。不建立生果差別。然由三品熏修無色定故。彼異熟生時。有高有下。有劣有勝。彼異熟生時。有高下者。由壽命等有差別故。有勝劣者。染污不染污。多分少分。有差別故。名相建立者。謂於四靜慮中。三摩地差別無量名字。不可算數。不可思議。何以故。於初靜慮所攝定中。諸佛世尊及得究竟大威德菩薩摩訶薩所入三摩地。彼三摩地。一切聲聞及獨覺等。尚不了其名。豈能知數。況復證入。如般若波羅蜜多經中說三摩地。其數過百。如是於餘大乘經中。說三摩地。其數無量。如於初靜慮所攝定。於餘靜慮無色所攝定亦爾。如是所說。皆依靜慮波羅蜜多。清淨者。謂初靜慮中邊際定。乃至非想非非想處邊際定。是名清淨。靜慮無色邊際定者。爲欲別發勝品功德得自在。等修堪任定到究竟處故。問所以不說出世定者。答由今舉世間定證三地。同世間故。又問依瓔珞經。初禪五支別立第六默然心爲定體。何故不同。答雜集論等所明。是初教義。同彼小乘。因定本因定數出體。今瓔珞經。同終教義。具足依數修明。據定位成處說故。兩數不同。此數通三乘及小乘色天等。若爲一乘教所目。即屬於一乘。又外凡夫得定。我慢等所染。聲聞定。我習法執等所染。初教出世心。煩惱等所染。終教三煩惱等習氣所染。頓教方便乘及究竟一乘。清淨無染。應可準知。餘義如別章

### 三苦八苦章

三苦者。苦苦壞苦行苦。苦者苦受體。苦者外

苦具壞者苦緣。壞苦者苦受體。行者無常遷

變不住名行。亦是苦受緣。問無常行但是無

常義。何得名苦。答無常有二義。一自體無常

二無常切己名苦。苦義雖同。望事龜細有別

亦可不別。何以故。以無常切己。附在觀中。少

觸大苦。八苦者。生苦老苦病苦死苦愛別

離苦。怨憎會苦求不得苦。五盛陰苦。五盛陰

苦有二義。一攝前七苦。總為五盛陰。二諸苦

龜重名五盛陰。八苦約事不同。苦體不異三

苦。其二苦教與本。為初入法。人生厭離相。即

苦類攝。未有道理。若入四諦。即苦諦攝。何以

故。為聖教與令得諦故。乃至苦聖諦義。亦準

可知。所以知之。為大乘義含始終故。此苦在

凡夫是苦類。在聲聞入苦諦。若菩薩位。初教

即空名苦聖諦。故維摩經云。五受陰洞達空

無所起。是苦義。若約終教。苦即真如。一切法

亦如也。故若約一乘。前義為一乘所目。名為

一乘。亦苦類等四義。入因陀羅微細等。成無

盡故。餘義如別章

#### 四無量章

四無量者。一慈二悲三喜四捨。無量緣三義。

一眾生緣。二法緣。三無緣。眾生緣者。緣眾生

起慈故。法緣者。緣法起慈故。無緣者。緣

法無我起慈故。喜捨亦然。此義在三乘小乘

中即無。但有眾生緣。一乘義具足。何以故。緣

智為體。終教用如理如量智為體。何以故。無

邊故。曰無量。餘義如別章

#### 六神通章

六神通者。一神足二天眼三天眼四他心

五宿命六漏盡。神足天眼天耳宿命。此四等

智性。亦云生得。他心智通。用法智比智道智

等智。他心智為性。漏盡通。若漏盡人所得。用

十智為性。若知他漏盡。六智為性。謂法智比

智盡智。無生智滅智等智。無漏故曰通。宿

命天眼。是明非示現。神足他心。是示現非明。

漏盡通亦明亦示現。天耳通非明非示現。問

何故地果中辨五通不明六通。答為禪定在

世間成通。非無漏。若凡夫成五通。小乘聖人

得六通。初教出體同聲聞。仍到如實智。其體

即空。終教即如。頓教亦同。如上來諸義。為一

乘目。即是一乘。若據別教。即有十通。如離世

間品說。餘義如別章

#### 第四地三十二相章

三十二大人相者。一足下安平。二足下千輻

輪。三臚足跟。四踝骨不現。五臚臚臚如伊

尼延鹿王。六陰藏如馬王。七纖長指。八平立

手摩膝。九臂肘臚圓。十手足網縷。十一手足

柔軟。十二兩手兩足兩肩頸七處滿。十三身

圓滿如尼拘律樹。十四依大論。菩薩身齊為

中四邊量等身。臚直上身如師子。十五身金

色。十六缺骨滿。十七皮膚細軟。十八塵垢不

著。十九身上廣。二十一毛右旋。二十一

九眼上下瞬如牛王。十眉間白毫。十一肉髻

三十二相無差別因。皆是持戒得。何以故。若

犯戒者。不得下賤人身。況大人相。又由別因。

如瞿夷問經說。三十二相。通凡夫小乘三乘

一乘。但深淺異。凡夫有人。小乘無人。初教即

空。終教即如。一乘無盡。具因陀羅及微細等

依別教。其相如十蓮華藏莊嚴世界海塵數

等相。餘義如別章

八十種好章

八十隨形好者。手足二十爪指。手足八處表

裏平滿。兩膝兩腕兩膝兩腕兩股臂皮藏相

兩圓兩脇兩腋兩乳兩肩兩肘兩腕腰背心臚

咽腹。悉皆妙好。是名咽已下有六十種好。

言腭股者。即外曰腭。內曰股。上下牙齒兩

斷兩唇兩頰兩鬢兩眼兩耳兩眉兩鼻兩孔額兩

角。是名咽已上有二十種好。一切眾生。福德

積聚等一毛相。一切毛相。福德積聚等一隨

形好一切隨形好。福德積聚增至百倍。乃至

一相除。白毫肉髻餘一切相增至千倍。乃得

白毫相。即二十九相。名一切相。白毫相功德

增至百千倍。乃至肉髻無見頂相白毫相功

德增至億百千倍。乃得如來法蓋音相。如來

隨意發聲清淨梵音。乃至十方無量世界種

性地菩薩。成相好種子。解行地菩薩。修集方

便。淨心地菩薩。證得餘地菩薩。漸勝清淨。如

來畢竟快淨。無上人中不具。諸天分有。小乘

實具。初教即空。終教即如。一乘無量。具因陀

羅微細等故。餘義如別章

第五地中七淨章

第五地中七淨章

第五地中七淨章

第五地中七淨章

第五地中七淨章

第五地中七淨章

七淨者。一戒淨。二定淨。三見淨。四度疑淨。五道非道淨。此五大小乘名同。後二名異小乘。後二者。一行淨。二行斷淨。以彼宗趣滅故。後說行斷淨。大乘名者。一名行斷。二名思量。并提分法上上淨。以此宗依其行斷起上勝求。所依位者。若約小乘。戒及定見道前。次三見道。次一修道。次一無學道。大乘三位論之。行斷及行在修道。餘悉同前。淨者分勝離垢。故名淨。此義通三乘及小乘。若為一乘目。即屬於一乘。一乘清淨有十種。如離世間品說。所以說十者。欲顯無量故。餘義如別章。

### 十諦章

十諦者。是菩薩如實知是苦聖諦是苦集諦是苦滅諦。如實知是至滅苦道聖諦。是菩薩善知世諦。善知第一義諦。善知相諦。善知差別諦。善知說成諦。善知事諦。善知生諦。善知盡無生智諦。善知令入道智諦。善知一切菩薩地次第成就諦。及善知集如來智諦。是菩薩隨衆生意。令歡喜故。善知世諦。通達一切法一相故。善知第一義諦。覺法自相同相故。善知相諦。覺法差別故。善知差別諦。覺分別陰界入故。善知說成諦。覺身心苦惱故。善知事諦。覺諸道生相續故。善知生諦。畢竟滅一切熱惱故。善知盡無生智諦。起不二行故。善知令入道智諦。正覺一切法相故。善知一切菩薩地次第成就諦。及善知集如來智諦。以信解力故。非得一切究竟智知。問此之十諦通三乘不。答華嚴十諦。即是一乘瓔珞十諦。即是三乘。何以故。為隨教定故。餘義如疏。

### 論廣釋

#### 第六地緣生章

緣生者。略說十門。所謂因緣有分次第故。一心所攝故。自業成故。不相捨離故。三道不斷故。觀先後際故。三苦集故。因緣生故。因緣生滅轉故。隨順有盡觀故。如是十番十二因緣。一乘義攝。瓔珞十番因緣。三乘義攝。何以故。隨教差別不同故。餘義如疏論及別章釋。

#### 三空門章

三空門者。一空二無相三無願。據境為門。據能觀智。即為三三昧。此義通三乘及小乘。若為一乘教所目。即入於一乘。餘義如別章。

#### 重空三昧章

重空三昧者。謂空空三昧。無相無相三昧。無願無願三昧。以有漏空行。觀無漏空行。名為空空。以有漏無相行。觀無漏無相行。名為無相。以有漏無願行。觀無漏無願行。名為無願。此義屬小乘。若為一乘目。即屬於一乘。若為三乘目。即屬於三乘。餘如別章。

#### 人法二空章

人法二空者。謂人空法空。人我執無處所顯。真如名人空。法我執無所顯。真如名法空。人空通小乘。而未清淨。至三乘方清淨。法空在三乘。而未清淨。至一乘究竟淨。餘義如別章。

#### 第七地中四家義章

四家者。一般若家。二諦家。三捨煩惱家。四苦清淨家。住處所攝。稱之為家。家者家宅也。於七地中。成就長時道品。諸障清淨。最後究竟

有功用無相。復能當成無功用無相義。故名。家也。此義在三乘。若為一乘目。即屬於一乘。般若家者。實性般若也。諸家者。性實故名。捨煩惱家者。自性清淨。無煩惱也。苦清淨家者。苦性即空。是名苦清淨。餘義如別章。

#### 等八地四種無生忍章

四無生者。一事無生。二自性無生。三數差別無生。四作業差別無生。此四無生。廣如論釋。事無生者。於三乘處。加行道中。解法如實故。自性無生者。於三乘中。正體智觀不二。平等平等成就。數差別者。義當三乘中分別法相分齊。即空無分別。作業差別無生者。當三乘中。作佛成就。猶如天鼓無思成事。究竟無分別。寄在八地成。若一乘義。十信地見聞終心成解行。十信終心勝進向十解。得究竟證。餘義如別章。

#### 三世間章

三世間者。於淨佛國土中。有三種自在行。一器世間自在行。二衆生世間自在行。三智正覺世間自在行。器世間自在行者。有五種自在。一隨心所欲。彼能現及不現。二隨何欲。彼能現。三隨時欲。彼能現。四隨關狹欲。彼能現。五隨心幾許欲。彼能現。名器世間自在。云何衆生世間自在行。是菩薩隨衆生差別信。隨決定信差別。彼彼佛國土中。彼彼大會中。如是如是自身示現。是菩薩。若於沙門衆中。示沙門形色。如是等彼彼國土中。如是自身差別示現。云何智正覺自在行。第一義諦智世諦智等。經曰。是菩薩遠離一切身相分別。

得身平等。是菩薩知衆生身。知國土身。知業報身。知聲聞身。知辟支佛身。知菩薩身。知如來身。知智身。知法身。知虛空身。是菩薩。如是知衆生深心起信樂。若以衆生身作自身。或以自身作衆生身。如是等九身如是。是菩薩。如是知衆生深心起信樂。展轉自在成。廣如地論說。此義是一乘三乘小乘人天中見聞。餘義如別章。

### 十自在章

十自在者。一命自在。不可說不可說劫命住持故。二心自在。無量阿僧祇三昧入智故。三得物自在。一切世界無量莊嚴嚴飾住持示現故。四得業自在。如現生後時業報住持示現故。五得生自在。一切世界生示現故。六得願自在。隨心所欲佛國土時。示成三菩提故。七得信解自在。一切世界中佛滿示現故。八得如意自在。一切佛國中。如意作變事示現故。九得法自在。無邊無中法門明示現故。十得智自在。如來力無畏不共法相好莊嚴三菩提示現故。此義在果德。寄顯八地自在義。此義通三乘。一乘方究竟。何以故。自在無邊故。餘義如別章。

### 十怖畏章

十怖畏者。一死怖畏。二煩惱垢怖畏。三貧窮怖畏。四惡業怖畏。五惡道怖畏。六求不得怖畏。七謗法罪業怖畏。八追求時縛不活怖畏。九云何疑怖畏。十大衆威德怖畏。此十怖畏類同初地所離。五怖畏初地已斷。今舉欲顯八地正法。非謂八地有如是畏。餘義如別章。

### 章

#### 第九地十一稠林義章

十一稠林者。一衆生心行稠林。二煩惱行稠林。三業行稠林。四根行稠林。五信行稠林。六性行稠林。七深心行稠林。八使行稠林。九生行稠林。十習氣行稠林。十一三衆差別行稠林。初一句總。餘十句別。所以初句爲心行者。心是種種義。餘十即是心種種之義相更無差別。何以故。由具六相義故。此義是一乘三乘小乘人天見聞故。餘義如別章。

#### 八萬四千法門章

八萬四千者。依普曜經。如來成道。有三百五十度功德。從初光曜無極度。乃至分布舍利度。以六波羅蜜乘之。成二千一百度。以四大六衰十法乘之。成二萬一千。若依攝論。取四諦下十使乘之亦得。以貪瞋癡及等分四法乘之。成八萬四千。大數門如此。於中法行根欲性病等。準此而知。若小乘依門如實。若三乘初教。其義即空。若約終教。其義即如。若依圓教。所目即屬一乘。若入十門。即屬別教。餘義如別章。

#### 煩惱行使行稠林章

煩惱行等者。一乘略分二義。一約位顯煩惱。二據用義顯煩惱。此之二義約三乘顯。除宗準可知。約位者。但諸教中約十地。顯斷麤細分齊者。即屬終教攝。如地論三地文。一切欲縛轉復微薄。一切色縛一切有縛一切無明縛。皆悉微薄。諸見縛者。先已除斷。釋論解云。一切欲縛轉復微薄者。斷一切修道。欲色

無色所有煩惱。及彼因同無明習氣皆悉微薄。遠離故。諸見縛者。於初地見道已斷故。二

但經論中。約見修及九地十一地等。明斷惑不同及麤細者。皆初教所攝。如十卷百論判分別我見見道斷。俱生我見修道斷。如無性攝論轉染汚末那得平等性智。初現觀時。先已證得。於修道位轉復清淨。如是等文。並屬初教攝。百論云。俱生惑修道斷者。此將煩惱寄顯見修。如皮肉心三煩惱。初僧祇斷皮。二僧祇斷肉等。其義例同。若經論中。依十地位顯別無明。不論麤細者。如十一無明及二十二無明等。皆初教中直進教攝。何以故。爲順十地終心頓斷諸惑故。二據用義顯煩惱者。大分煩惱有其二門。一異小乘門。二同小乘門。同小乘者。復分爲二。一者大惑。謂具結縛使垢纏等五義名爲大惑。結者九結。一愛結。二恚結。三慢結。四無明結。五見結。六取結。七疑結。八嫉結。九慳結。難解義是結義。又有五結。謂愛結。恚結。慢結。嫉結。慳結。三界貪爲愛結。三界慢爲慢結。餘三唯欲界繫義。是結義。又有五結。謂五下分結。謂愛結。恚結。身見結。戒取結。疑結。初二界下。大三是衆生下。故名下分結。界下謂欲界。衆生下謂凡夫。又有五結。謂五上分結。謂色愛結。無色愛結。掉結。慢結。無明結。色界修道所斷貪名色愛。無色愛亦爾。色無色修道所斷掉慢無明。即爲三結。此五能繫衆生趣上。不隨下故名上分。又是聖人所行。非凡所行。聖人中那舍所行。非下二果故名上分。又有四結。貪嫉

結噴悲結戒取結見取結。又有三結。謂身見戒取。疑縛者四縛。一貪欲身縛。二瞋恚身縛。三戒取身縛。四見取身縛。欲界貪名貪縛。瞋名瞋縛。三界戒取名戒取縛。三界見取名見取縛。五陰名身。是四要須身口成。故名身縛。縛者不自在義。又有三縛。謂貪縛瞋縛疑縛。縛者有四門。一者七使。謂欲愛使。悉使。有愛使。慢使。無明使。見使。疑使。隨逐驅使。義名之為使。二者十使。一身見二邊見三邪見。四戒取五見取六貪七瞋八慢九疑十無明。三者九十八使。謂欲界三十六者。苦下有十。集下有七。謂邪見見取貪悲慢疑無明。滅下亦七。如集說。道下有八。謂邪見見取戒取貪悲慢疑無明。修道有四。謂貪悲慢疑無明。色界三十一者。苦下有九。除瞋餘如欲界說。集滅各六道下有七。修道有三。竝皆除瞋。餘如欲界說。無色界三十一者。如色說。四者一百九十六使。一百九十六使者。謂九十八使中正習分別故。有一百九十六。垢者有六。謂誑誑憍憍恨害。穢心故名為垢。纏者有十。謂無慚無愧。睡悔慳嫉掉眠忿覆纏者如銷縛焉多繞義。是纏義。又有八纏。謂憍沈眠睡掉舉惡作。嫉慳無慚無愧。數數增盛。纏繞於心故名纏。上來所釋結等五義。是大惑義。不具上五義名小煩惱也。問上具五義名為使義。據此使義即是所成。因何上說使義乃入五義。是能成義。答使義含兩義。一使義。二龜重義。由有使義。入能成義。由龜重義。入所成也。又煩惱流類。別有二十九門。一

三漏。謂欲漏。有漏無明漏。欲界煩惱除無明為欲漏。上界煩惱除無明為有漏。三界無明為無明漏。此三連注。不絕故名為漏。二四倒。謂常樂我淨。此四不順正理。稱之為倒。三四流。謂欲流。有流見流。無明流。欲界煩惱。除見無明名欲流。上界煩惱。除見無明名有流。三界見名見流。三界無明。名無明流。此四漂注故名為流。四四取。謂欲取。見取。戒取。我語取。欲界煩惱。除見名欲取。三界四見名見取。三界戒取名戒取。上界煩惱。除見名我語取。以無我故。但取是語名我語取。執成。判害是取義。五五蓋。謂貪蓋。瞋蓋。睡眠蓋。掉悔蓋。疑蓋。此五唯欲界。能覆三學。名之為蓋。貪欲瞋恚。能覆戒品。掉悔能覆定品。睡眠能覆慧品。疑能覆三品。六五見。謂身見。邊見。邪見。見取。戒取。具四義故名見。一能觀二轉行三所取堅牢四緣中猛利。七五慳出成實論。謂住處慳家慳施慳稱讚慳法慳。憍情名慳。八五心攝。攝謂疑佛法疑僧疑戒疑教化惡口謔。判敗壞共心。不成善根。故名心攝。九六愛出毘曇。謂眼觸生愛。耳鼻舌身意等觸生愛。十七流。謂見諦所滅流。修道所滅流。遠離所滅流。數事所滅流。捨所滅。滅護所滅流。制伏所滅流。十一四扼。謂欲扼有扼見扼。無明扼。十二八慢。謂慢。大慢。慢慢。我慢。增上慢。不如慢。邪慢。傲慢。若於卑自高名慢。於等計等亦名為慢。於等自高名為大慢。於勝自高名慢慢。五陰等處名我慢。於大勝人謂少不如名不如慢。無德自高

名邪慢。又以惡法自高亦名邪慢。於善人及尊中。不肯禮敬名傲慢。十三六十二見。謂於色陰起十二見。常無常。亦常亦無常。非常非無常。有邊無邊。亦有邊亦無邊。非有邊非無邊。如來滅後。如去不如去。亦如去亦不如去。非如去非不如去。色陰有十二句。受想行識。亦有十二。合六十。加身是命身異命為六十二。亦可加斷常二見。十四八種覺。謂欲覺。瞋覺。憍覺。親里覺。國土覺。不死覺。利他覺。輕他覺。若依地持。七名輕慢覺。八名族姓覺。十五一百八煩惱。謂九十八使加其十纏。名一百八煩惱。十六三不善根。謂貪瞋癡。十七三執。謂貪瞋癡。十八三垢。謂貪瞋癡。十九三燒害。謂貪瞋癡。二十三箭。謂貪瞋癡。二十一三所有。謂貪瞋癡。二十二三惡行。謂貪瞋癡。二十三三置。謂貪瞋癡。二十四三熱。謂貪瞋癡。二十五三煩惱。謂貪瞋癡。二十六三譯。謂貪瞋癡。二十七三熾然。謂貪瞋癡。二十八三稠林。謂貪瞋癡。二十九三。拘礙。謂貪瞋癡。又此煩惱雜染。若現行若緣若隨眠若所緣境若龜重。當知。各有二十種相。煩惱現行有二十種者。一隨所欲纏現行。謂在家者。二不隨所欲纏現行。謂出家者。三無所了別。謂處惡說法者。四有所了別。謂處善說法者。五互增上。謂貪等行者。六皆平等。謂等分行者。七微薄。謂薄塵行者。八外門纏現行。謂永離欲者。九內門纏現行。謂由世間道離欲者。十增上纏現行。謂諸異生。十一失念纏現行。謂諸有學。十二分別纏現行。謂堅執著者。十三俱

生纏現行。謂不堅執著者。十四觀察現行。謂喜觀察者。十五不自在現行。謂睡眠者。十六自在現行。謂覺悟者。十七不可救現行。謂無涅槃法者。十八可救現行。謂有涅槃法者。十九取相現行。謂尋思彼隨法而取相貌者。二十不取相現行。謂不尋思彼隨法。不取相貌者。煩惱緣有二十種者。一樂。二苦。三不苦不樂。四欲。五尋。六觸。七先所串習。八隨眠。九不親近善友。十不聽聞正法。十一不如理作意。十二不信。十三懈怠。十四失念。十五散亂。十六不正知。十七放逸煩惱。十八異生性。十九離欲。二十由受生煩惱。隨眠有二十種者。一不定地隨眠。二定地隨眠。三隨自境隨眠。四隨他境隨眠。五被損隨眠。六未。被損隨眠。七隨順隨眠。八不隨順隨眠。九具滿隨眠。十缺減隨眠。十一可害隨眠。十二不可害隨眠。十三增上隨眠。十四平等隨眠。十五微薄隨眠。十六有覺隨眠。十七無覺隨眠。十八生多苦隨眠。十九生少苦隨眠。二十不生苦隨眠。煩惱所緣境有二十種者。一緣有事境。二緣無事境。三緣自相境。四緣共相境。五緣現見境。六緣不現見境。七緣外門境。八緣內門境。九緣自類煩惱境。十緣他類煩惱境。十一緣自境。十二緣他境。十三緣無境。十四緣有漏境。十五緣無漏境。十六緣有爲境。十七緣無爲境。十八緣自心分別境。十九緣憶念分別境。二十緣事相境。龜重有二十種者。一性報龜重。二性煩惱龜重。三性業龜重。四煩惱障龜重。五所知障龜重。六定障龜重。七業

障龜重。八報障龜重。九善障龜重。十不正尋思龜重。十一愁惱龜重。十二怖畏龜重。十三勞倦龜重。十四食龜重。十六經欲龜重。十七大種乖違龜重。十八時分變異龜重。十九死龜重。二十遍行龜重。又若略說了知煩惱由五種相。謂自體相。因相。品類相。於境心亂相。及果相。上明諸使及煩惱等。與小乘名同而義異。若小乘法。如所謂實將爲有體。若大乘初教自性即空。但有名用。是名使及煩惱。二異小乘門者有二門。無明唯在直進教入位門攝。一十無明。謂初凡夫性無明。二依業等於諸衆生起邪行無明。三心遲若無明。四思修忘失無明。四微細煩惱行共生身見等無明。五下乘般涅槃無明。六龜相行無明。七微細相行無明。八於相作功用心無明。九於衆生利益事不用功用無明。十於衆法中不得自在無明。並心迷不解名曰無明。二有二十二無明。一法我分別無明。二惡道業無明。三微細犯過無明。四種種相業行無明。五欲愛無明。六具足聞持陀羅尼無明。七三摩跋提愛無明。八行法愛無明。九生死涅槃一向背取思惟無明。十方便所攝修習道品無明。十一證諸行法生起相續無明。十二相想數起無明。十三微細相行起無明。十四一向無相思惟方便無明。十五於無相觀作用無明。十六相行自在無明。十七無量正說法無量名句味難答巧言自在陀羅尼無明。十八依四無礙解決疑生解無明。十九六神通慧無明。二十入微細秘密佛法無明。二十一於

一切應知境微細著無明。二十二於一切應知境微細礙無明。此二門煩惱。局在初教直進門中。所以得知。由此二門煩惱。遍在十地。不論使習龜細不同。常知。即順十地終心頓斷惑義。又依終教。煩惱有十六門。一有二無明。謂煩惱障智障。二又有二無明。謂惑智二障。三有三障。謂皮肉心。三障亦名皮層骨。四有四障。謂聞提不信障。外道我執障。聲聞畏苦障。獨覺捨大悲障。五有六弊障。謂六波羅蜜別所滅障。六有八妄想。謂念妄想。不念妄想。念不念俱相違妄想。我妄想。我所妄想。自性妄想。差別妄想。攝受積聚妄想。初三是皮煩惱。次二肉煩惱。次三心煩惱。七有九煩惱。出佛性論。一隨眠貪欲。二隨眠瞋。三隨眠癡。四貪瞋癡等極重上心惑。五無明住地。六見諦所滅。七修習所滅。八不淨地惑。九淨地惑。初四及第七修習所滅。皮煩惱爲體。第六見淨地惑。第九淨地惑。用心煩惱爲體。第八不淨地惑。謂見一處住地。欲愛住地。色愛住地。有愛住地。無明住地。諸惑所依名爲住地。見一處。是肉煩惱。欲愛等三。是皮煩惱。無明住地。是心煩惱。九有十三煩惱。謂七見六著。七見者。一邪見。二我見。三常見。四斷見。五戒盜見。六果盜見。七疑見。見一切處故說見。六著心者。一貪。二愛。三瞋。四癡。五欲。六慢。於法界中。一切時起一切煩惱。以十三爲本。無明與十三作本。於法界中。別爲三界報。問十三煩惱既無法執。因何不入共小乘義。答經

意欲明十三惑從無明生能生諸業。欲定無明住地是其因義故。不入共小乘攝。十有八倒。謂常樂我淨。無常無樂無我無淨。四倒障聲聞。八倒障菩薩。十一有四謗。謂增益謗損減謗。相違謗。戲論謗。十二有五散亂。一自性散亂。謂五識。二外散亂。謂意馳動於外塵。三內散亂。謂心高下及噉味等。四龜重散亂。謂計我我所等。五思惟散亂。謂捨大乘。思惟小乘初二未得令不得。第三已得令退。第四令不得解脫。第五令不得無上菩提。十三有二煩惱。謂隨眠煩惱。上心煩惱。十四又有三倒。謂想倒見倒心倒。十五有十二妄想。謂言說妄想。所說事妄想。相妄想。利妄想。自性妄想。因妄想。見妄想。成妄想。生妄想。不生妄想。相續妄想。縛不縛妄想。此妄想三煩惱。謂皮肉心。所以知之。故經云。是名妄想。自性分別通相故得知也。如楞伽經說。十六有八萬四千塵勞煩惱。上十六門煩惱義。常熟教。分亦得通初教中直進教說。若在直進教。其體即空。名為煩惱。若在終教說。其體即如。名為煩惱。若一乘教所具。即屬一乘。若據別教說。即一一煩惱皆無量。是故使等煩惱。是稠林義。何以故。以普賢文中一瞋心能障百千法門等故。餘義如別章。

### 業稠林章

業稠林者。有其三種。謂律儀業。謂善律儀也。不律儀業。不善律儀也。非律儀非不律儀業。謂作善惡二業。不發律儀者是也。又非律儀非不律儀者。謂無記業也。律儀復有三種。謂

別解脫。靜慮。無。滿道。別解脫者。即七衆律儀。依能修行。遠離惡行及欲行。五衆立盡形受。為遠離惡行不離欲行。即波索迦。即波斯迦。立盡形受。為不能遠離惡及不遠離欲行。制日夜近住戒。令漸修學故。問。即波索迦。一分學處。為說成就。為不成就耶。應說成就而名犯戒。又問。扇攏半擇迦等。得成就。即波索迦戒不。答。不遮彼受。而不名。即波索迦。性不堪親近承事比丘等出家五衆。二形亦爾。又半擇迦有五種。謂生妬灌灑除去半月並同前。不得親近五衆。靜慮等業。如前別章。無漏道業。亦如別章。今略舉業門。有三十六種。一故不故。二業曰。故業不故業。先知而作。名為故業。不知而作。名為不故業。又至教聲名故業。不至教聲名不故業。二罪業。謂輕罪業重罪業。三二利業。謂大利業。謂大利業。小利業。四福等三業。謂福業。非福業。不動業。五三業。謂身業。口業。意業。六三惡行。亦名邪行。謂身惡行。口惡行。意惡行。七三妙行。亦名正行。謂身妙行。口妙行。意妙行。八三不巧便行。謂身不巧便。口不巧便。意不巧便。行所作不合法戒。名為不巧便。九三巧便行。謂身巧便。口巧便。意巧便。行。十三邪。謂語邪。業邪。命邪。從嗔癡生。口四過名邪。語從嗔癡生。身三惡名邪。業。從貪煩惱生。身口惡名邪。命。十一三正。謂正語。正業。正命。從無嗔無癡生。口四善名為正語。從無嗔無癡生。身三善名為正業。從無貪生。身口善名為正命。順理故名正。十二三時報業。謂現報業。生報業。後報

業。約時而受名三時報業。十三三受報業。謂樂報業。苦報業。不苦不樂報業。十四三界繫業。謂欲界繫業。色界繫業。無色界繫業。十五曲等三業。謂曲業。穢業。濁業。諸所起業名為曲業。嗔所起業名為穢業。貪所起業名為濁業。十六三性業。謂善業。不善業。無記業。十七三滿業。謂身滿業。口滿業。意滿業。無學身好行滿足故名身滿。口意亦然。十八三學業。謂學業。無學業。非學業。非無學業。學人無漏名為學業。無學人無漏名為無學業。一切有漏業。非學非無學業。十九三斷業。謂見斷業。修斷業。無斷業。二十三世業。謂過去業。未來業。現在業。二十一三障。謂業障。煩惱障。報障。二十二業相。謂黑黑報業。白白報業。黑白報業。不黑不白無報業。二十三四戒。謂別解脫戒。定共戒。道共戒。斷戒。二十四五逆。謂害父。害母。害阿羅漢。破僧。出佛身血。初二背恩養。次三壞福田故名為逆。二十五五戒。謂不殺。不偷盜。不邪淫。不妄語。不妄語。不飲酒。禁防身口。名之為戒。二十六五邪命。一為利養故。詐現奇特。二為利養故。自說功德。三為利養故。占相吉凶。為他人說。四為利養故。高聲現威。令人畏敬。五為利養故。稱說所得供養。以動人心。邪因緣活命故名邪命。二十七六業。謂地獄報業。畜生報業。餓鬼報業。人報業。天報業。不定報業。二十八七不善律儀。謂殺盜淫兩舌惡口妄言綺語。於一切處。起發不善律儀。二十九七善律儀。謂不殺不盜不淫不妄語不兩舌不惡口不綺



六不見言不見。七見謂不見。問言不見。八不見謂見。問卽言見。前四名不淨語。後四名淨語。三十一八戒。卽日夜戒。一不殺生。二不盜。三不婬。四不妄語。五不飲酒。六不坐高太床。七不著花香環珞。不香塗身。不著香熏衣。八不作技樂。亦不往觀聽。及不遇中食。前四是戒分。次一是不放逸分。後三是順修威儀分。三十二邪。謂邪見邪覺邪方便邪念邪定邪語邪業邪命。三十三不善業道。

亦如也。若爲一乘所目。卽屬一乘。若約一乘別教。卽八萬四千等無盡業也。餘義如別章。

根行稠林者。略有二十二。謂眼根、耳根、鼻根、舌根、身根、意根、男根、女根、命根、苦根、樂根、憂根、喜根、捨根、信根、精進根、念根、定根、慧根、未知欲知根、知根、知已根、增上生義是根義。乃至上中下等。廣卽八萬四千性等亦得。若小乘卽實。若初教卽空。若終教卽如。若一乘所目。卽是一乘。若別教卽無量。餘義如別章。

生者有二。一分段生。二變易生。分別有二十八門。一三界。謂欲界色界無色界。二四識住。謂色識住。受識住。想識住。行識住。爲識住所住故名識住。出毘曇。三三生。謂卵生胎生濕生化生。報起所依故名爲生。四四食。謂段食。觸食。思食。識食。五一受。謂身受。五識相應名身受。意識相應名心受。六三受。謂苦受樂受。不苦不樂受。七五受。謂苦樂憂喜捨。八六受。謂眼觸所生受。乃至意觸所生受。九一百八受。如大論說。眼見色。思惟分別心生喜生憂生捨。乃至意識亦爾。是十八受中。有淨有垢。是三十六。三世各有三十六。爲一百八受。亦可分喜爲三。上中下。憂捨各三。一根有九。六根之後有五十四受。現智比智所緣去來諸受。有五十四受。現比之境故。受有一百八。十五果。一增上果。二依果。三報

①受十(心受)力②第二梯

法自性性者。無相正智得無分別理。是一切法性故名法自性性者。諸法性性者。住之體性也。意生者。隨理自在如意。現生故名意生。種類俱生者。種類隨其事種類。俱生者。即事遍應。無二無別名俱生也。應而無作。猶如天鼓。無作業心故名無行作。即事無相。隨機起意自在名意生身。望後佛為生死。望前不足名意生身。問何故煩惱稠林。即分始終二教兩別。業及生稠林則無分相。答煩惱是生死本。為此須分業生二種。以是末相。準前煩惱義。即可知。問變易生死是無流。何故入生稠林。攝答變易生死本教與意。為顯佛法漸漸深遠。將變易死在分段後。顯其終教漸漸甚深。據理論之。變易生死只是分段細相。所以知之。中陰本立為分段身。求生方便故立中陰。如十住經說。中陰之身。乃至涅槃菩提。亦有中陰。但微細漸深。唯佛境界。據此文證。當知變易生死只是分段細相。為其變易。二十

五中陰身。是其報分。其陰大分受經七日為一限。於中不定。或一日二日三日四日。乃至經劫。佛亦於中出世教化。入般涅槃。如十住經說。又如梁攝論。佛二十年中。處中陰身。又如地論。其中陰身。亦得造業有其熏習。二十六三想。謂怨親中人。二十七四想。謂無常常想。乃至不淨淨想。於中簡其取性。二十八八識想。謂八識想由同生滅故。上來所說生稠林義。通其小乘及人天等。若凡夫具人生相。若在二乘。無有別人。但有實生種類。衆同分等。若依初教。生相即空。若據終教。其生即

如若一乘所目即屬一乘。若約別教。即八萬四千塵勞等相。即應因陀羅及微細義。餘如別章。

### 習氣稠林章

習氣有三種。一名言熏習識熏習。二色識熏習。識熏習見識熏習。三煩惱熏習業熏習。果報熏習。此等熏習。皆通染淨及無記。大分有二。一種子熏習。二上心熏習。亦通中陰及生陰。隨上中下乃至無量八萬四千等。若依小乘。其義即實。初教即空。終教即如。一乘所目即是一乘。若約別教。即無有量。餘如別章。

### 三聚行稠林章

稠林有五義。一有涅槃法。謂種性已去。無涅槃法。謂闍提位中。二善行惡行。三惡道善。四外道聲聞。五菩薩差別。謂假名菩薩。於文中。八邪者。謂邪見。邪覺。邪方便。邪念。邪定。邪語。邪業。邪命。起不得方故名邪。八正者。翻八邪。即為八正。三聚等法。若小乘教。其義即實。初教即空。終教即如。若一乘所目即入一乘。餘義如別章。

### 成就章

成就者。亦名得也。謂於善不善無記法。若增若減。假立獲得成就。故善不善無記法。顯依處義。若增若減者。顯自體義。何以故。由有增故。說名成就上品信等。由有減故。說名成就下品信等。假立獲得成就者。顯假立義。得義具此三門說名為得。如是於餘隨其所應建立。當知獲得成就差別有三。謂種子成就。自

在成就。現行成就。種子成就者。謂若生欲界。欲色無色界繫煩惱隨煩惱。由種子成就故成就。及生得善。若生欲界。三界煩惱隨煩惱成就。依未離欲界生說。若已離欲。或生上地。隨所離欲地。即此地煩惱隨煩惱。亦成就亦不成。就未永害隨眠故。對治道所滅損故。如其次第。及生得善者。隨所生地。即此地成就。若生色界。欲界繫煩惱隨煩惱。由種子成就故成就。亦名不成。就。色無色界繫煩惱隨煩惱。由種子成就故成就。及生得善。若生無色界。欲色界繫煩惱隨煩惱。由種子成就故成就。亦名不成。就。無色界繫煩惱隨煩惱。由種子成就故成就。及生得善。若已得三界對治道。隨如是如是。品類對治已生。如此如此。品類種子。成就得不成就。隨如是如是。品類對治未生。如此如此。品由種子成就故成就。已得三界對治道者。謂已得出世聖道。隨如是如是。品類對治已生者。謂修道所斷上品等煩惱對治已生。如此如此。種類種子成就得不成就者。謂已永害隨眠故。自在成就者。謂諸方便善法。若世若出世。靜慮解脫三摩地三摩鉢底等功德。及一分無記法。由自在成就故成就。方便善法者。謂聞所生慧等。雖先有種子。若離今生。數習增長。終不能起現前故。一分無記法者。謂工巧處變化心。現行成就者。謂諸蘊界處法。隨所現前。若善若不善。若無記。彼由現行成就故成就者。若已斷善根者。所有善法。皆由種子成就故成就。亦名不成。就。若非涅槃法。一闍底迦究竟成就。

雜染諸法。由解脫因。亦名阿賴底迦。以彼解脫得因畢竟不成就故。問何等名為解脫得因。答若於真如。先以集起煩惱重者。遇隨順得對治緣。便能永害。此堪任性名解脫得因。若與此相違。名無解脫因。問於成就善巧得何勝利。答能善了知諸法增減。知增減故。於世興衰。離決定想。乃至能斷若愛若悲。此成就法。在慧法聲聞。是事不想應。若在初教。是理不相應。若在終教。由同如故。即不可說。何以故。說即增分別故。若依別教。則具前說不說故。餘義如別章。

### 二十種法師章

云何能作法師事。一者時。二者正意。三者頓。四者相續。五者漸。六者次。七者句義漸次。八者示。九者喜。十者勸。十一者具。十二者不毀。十三者不亂。十四者如法。十五者隨眾。十六者慈心。十七者安穩心。十八者憐愍心。十九者不着利養名聞。二十者不自讚毀他。初時者。離八時難。地論偈云。如王懷憂總病恙。着諸欲險處。無侍衛護。安無患。如是八時中。智臣不應語。心王亦如是。非時不應說。法師口業有二種。遂分兩段。經前段經法師說法師深妙義。後段經法師說法應辯相。此義順三乘。一乘方究竟。餘義如別章。

### 四十無礙辯才章

無礙辯才者。謂四十無礙辯。依其十法。十法有四故成四十。所以說十者。欲顯無量故。如經廣說。

### 第十地受。識章

其受。識義。略說有三。一事受。識。如轉輪聖王具受。識法。二理受。識。如三乘人。契得理實名為受。識。三理事受。識。如得位菩薩。坐大寶蓮華王。十方諸佛放光灌頂等。內應法界名為受。識。廣如問答及以經文。餘義如別章。

### 阿耨達池義

經云。阿耨達池流出四河。趣向大海。涅槃復云。有其八河。阿含婆沙云。有二十河。阿耨達池有四獸口。東有金象口。出恒伽河。西有銀牛口。出辛頭河。南有琉璃馬口。出悉陀河。北頤梨師子口。出博叉河。四各出至四十里外。分為五河。故為二十。佛在東面。多從名聞者。說東面五河并三大本大河。故有八河也。十住經云。阿耨達池。出四大河。從四口出各繞池七匝。然後當方出向大海。其圍繞河。各相去一里。於中有種種名花異色莊嚴。並是阿耨達多龍王分齊境界處。今佛引成地喻。由喻勝故。顯法亦勝。餘義可知。

### 華嚴經內章門等雜孔目卷第三

### 華嚴經內章門等雜孔目卷第四

### 終南太一山至相寺沙門釋智儼集

### 十明品十明章

滅盡定章

### 十忍品十忍章

阿僧祇品時劫章

### 壽命品壽命差別

往生章

### 菩薩住處品住處章

不思議法品顯果德自在章  
如來相海品相海章

解脫章  
小相光明功德品小相用章

普賢行品普賢章  
性起品明性起章

亡是非論  
明涅槃章

見聞供養福分章

第七會離世間品明智章

不共法章  
六念章

九次第定章  
八人章

見法二行章  
辟支佛章

菩薩章  
五生章

第八會入法界品迴心章

賢聖善知識章  
四親近章

釋四十五知識文中意章

融會一乘義

顯華嚴經部品增減義

釋瓔珞本業梵網二經顯華嚴經一乘分齊義

證華嚴經用教分齊義

梵本同異義  
華嚴經一部音義

右義章總一百四十一門

十明品十明章

十明者。十者數。明者照達所由名為明也。此義通十地。即十地德也。不共三乘及小乘。同廣如離世間品說

滅盡定章

滅盡定者。分別有三。謂一乘三乘小乘。一乘義者。謂即體成用。教化衆生成諸佛事。如海幢比丘入滅盡定。即自身上放法界身雲利

益衆生。三乘滅定者。於自身上。不說成用。變作異身。依其異物。成利生等用。得名俱行。約菩薩自身。則不可說相。約衆生心機。方得明其菩薩俱行。小乘定者。則無俱行利他之相。出定以後。方成別事。體者一乘滅定用法界爲體。仍從勝緣。說是滅義。名不相應。不相應者。卽道理也。三乘定體者。卽眞如實性。隨其勝緣說不相應。不相應者。卽理也。一乘道理。一卽一切。一切卽一。具因陀羅及微細等。三乘道理。但是一寂不說別相。名不相應。不相應者。不與分別相應也。小乘滅定者。用不相應爲體。不相應者。卽是事法。不相應聚也。得位差別者。約小乘位。十二人得。謂滅非相惑。有八人得。除其具縛。羅漢辟支菩薩及佛大乘。初教三人得。謂不定位及佛。此中滅定通大小乘。如不定位中得者。是小乘定。先於小乘位。已得滅定故。大乘直進位中四人得。不定位及定位八地及佛地。初二位同小乘。由先得後迴心故。若約熟教位五人得。不定位一。及定位二。初地已上至六地七地三。八地已上四佛地五。初不定位。通大乘初教及小乘。何以故。爲二人俱有迴心入熟教故。若約頓教卽不可說。圓教卽六位得。得從初不定位及定位。并解位第六心初地已上八地已上并佛地。若依熟教。小乘迴心。約別十地。德。則在第六地得。若約初教直進等迴心。則同第七地得。若熟教等迴心。卽依圓教別十地位相。第八地得。得彼一乘滅盡定。何以故。三乘滅盡定。先已得故。餘義如別章。

### 十忍品十忍章

十忍者。謂隨順音聲忍。順忍無生法忍。如幻忍。如炎忍。如夢忍。如響忍。如電忍。如化忍。如虛空忍。此忍通十地。所以說十者。欲顯無量故。廣解如別章。

### 阿僧祇品時劫章

阿僧祇時者。謂大乘小乘二乘不同。小乘以六十劫。爲大劫阿僧祇。小乘經此三僧祇得作佛。大乘義從拘翼已去。成一百句名一受。一受已去。名一阿僧祇。此是大數。十數中第一數也。三乘大乘佛。唯一方化儀。經此三大劫。修道得成佛。若頓教義卽不可說。若一乘義卽無盡劫。何以故。爲依一乘一切衆生已成佛竟。復爲衆生新新成佛。亦不住學地而成正覺。據此不限時分故無盡也。此義教異。校量十地德。生其信也。又此數法。是通十地得。餘義如別章。

### 壽命品壽命差別章

壽命者。謂經時分爲壽。命者命根。又壽卽是命。小乘以非色非心爲體。大乘以不相應法爲體。仍大乘初教不相應。不與小乘同。小乘不相應。卽入事衆攝。大乘初教不相應。是理非事。又卽是空。若依終教。卽事是如。若依一乘。一切自在。何以故。是法界故。長短自在。隨機應見差別不同。問依其經文。將娑婆國土對阿彌陀國等。辨命短長。據此三千界處命根。與佛土命根雖有短長根法不異。此義云何。答據三乘義。淨土說命。卽是報命。雖染淨不同。命義不別。除諸佛菩薩變化者。不入

此例。若一乘義。假使世界性等十種土中所。有命根。雖福分轉勝。命亦不異。除佛境界不可說不可說。若約宗分。凡夫約人辨命。聲聞約實法辨命。若初教菩薩。卽空辨命。若終教菩薩。卽如辨命。若約一乘。卽法界自在辨命。此義通十地。若約別教。信位終心卽得。餘義如別章。

### 壽命品內明往生義

往生義者。總有七門。一明往生意。二明往生所信之境。三明往生因緣。四明往生驗生法。五明往生業行。六明往生人位分齊。七明往生業行迴轉不同。初明往生意者。爲欲防退。娑婆世界難惡之處。中下濡根。於緣多退。佛引往生。淨土緣強。唯進無退。故制往生。往生有二處。一是西方。二生彌勒處。若欲斷煩惱者。引生西方。不斷煩惱者。引生彌勒佛前。何以故。西方是異界故。須伏斷惑。彌勒處是同界故。不假斷惑。業成卽往生。第二往生所信境者。謂阿彌陀佛國一乘三乘不同。若依一乘。阿彌陀土。屬世界海攝。何以故。爲近引初機。成信教境。眞實佛國圓融不可說故。若依三乘。西方淨土。是實報處。通成四土。一法性土。二事淨土。三實報土。四化淨土。化者是報化也。非化身化。於中所有佛及土田菩薩眷屬如攝論。十七觀境。圓淨泉池華菓諸乘。優劣難類不同。並對娑婆有情衆生。依正果報。所有色心境界。皆悉翻對引接。令成生信法門。如西方佛。引此方樂佛習心。西方樹林。引此方樂樹林習心。西方菩薩。引此方樂伴善知

識習心。西方八功德水。引此方樂水習心。如是一切。並皆準知。而依四種淨土。而消息之。第三明往生因緣者。謂得往生。由六因緣成。四緣者。一因緣。二等無間緣。亦云次第緣。三所緣。亦云緣緣。四增上緣。本識業種爲因緣。求生心爲次第緣。淨土等境爲緣緣。餘法不礙爲增上緣。六因者。一能作因。亦云所作因。二俱有因。亦云共有因。三相應因。四同類因。亦云自分因。五遍因。亦云遍行因。六異熟因。亦云報因。六因生五果。相應共有二因。感增上果。自分因遍因感依果。所作自分相應共有感解脫果及士夫果。亦名功用果。報因感報果。往生淨土。五因感五果。除遍行因。此六因四緣名數。通三乘教。愚法小乘。無淨土。不取小乘因緣名。依大乘初教。六因四緣。及互爲因生引二因。及十因二十因等。準之可知。終教唯四緣及互爲因。頓教唯互爲因。圓教一切因。何以故。諸教皆成往生故。餘義準可知。第四往生驗生法者。略有十門。一作道場門。安置道場。建彌陀佛像。幡燈散華。洗浴燒香禮佛行道。念阿彌陀。一日乃至七日。驗得往生。二作三七日法。依前建立道場。念佛行道懺悔禮拜。誦大乘經。三七日滿。驗得往生。三依十六觀及九品生。依經得分齊者。驗得往生。四依孟蘭盆法。依那舍長者起教。造孟蘭盆。依教成者。驗得往生。五依往生經。建立黃幡。及示佛像。并作灌頂法。若未終。若終時已終。竟如法成就。得驗往生。六觀其暖觸臨終之時。頭頂暖者。驗得往生。七依彌勒

發問經。十念成就。盡其一報。亦驗此人定得往生。八驗中陰身。亦得往生。若親見女。隨在一時。知彼父母所有行相。不依前件所驗相者。應爲別作三七日法。稱名行道懺悔滅罪。至心徹到。驗得父母中陰往生。九依灌頂法。四月八日。灌頂佛像。及洗菩提樹。福及父母兄弟姊妹。並驗往生。十盡其一生。六時禮佛懺悔謝過。及來去往還皆參辭禮拜。謝過尊儀。無間絕者。驗得往生。第五往生業者。總說正助一切業行。皆爲往生業行。無問內門外門有流無流。皆爲往生業行。無問現生及過去未來多生所有福慧。及一切五乘等業行。迴向皆爲業行。如是準知。第六往生人位分齊者。大位爲其十解已前。信位之中。成十善法。正修行者。是其教家正所爲之位。何以故。爲此位中防退失故。及退滅故。并廢退故。十解已上。無上三退。教即不爲。此據終教說。若據初教。十迴向已還。是其所爲。何以故。十迴向已去得不退故。若約頓教及圓教。在信位終心自分已還。是所爲位。頓教及圓教。雖無相遲疾異。而約終教辨。其見聞約成多少。仍理自不同。宜可準知。此依觀經九品生文。準即可知。第七往生業行迴轉不同者。其往生業。縱使此土人天正善根。三乘正善根。求生十方淨土。正善根等。迴生西方。並成助行因。若論正生。彼因即簡三界苦集因。無分別智。爲正行因。發願求生爲勝方便。臨終樂欲生。爲次第緣。即是正勝欲。臨終時善知識行及解者。爲親增上宿世善根。大準依經。成多

善根。準現生中一生所作相續大善根多少等者。卽爲正因。非別時意。降斯已下。是別時意。令生西方。至彼得不退。雖有前後。仍取不退。以爲大宗。從此已後。展轉增勝。生無邊佛土。至普賢界。還來入彼蓮華藏世界海。成起化之用。此據極終入宅之言。若依觀經上品上生。聞妙法已。卽悟無生法忍。經須臾間。歷事諸佛。遍十方界。於諸佛前。次第受記。還至本國。得無量百千陀羅尼門。此據初始近至之言。又依往生論。有二種漸次相資法。一因二果。因者有五門。畢竟得生安樂國土。見阿彌陀佛。一者禮拜門。二者讚歎門。三者作願門。四者觀察門。五者迴向門。云何禮拜。身業禮阿彌陀。如來應正遍知。爲生彼國意。故。云何讚嘆。口業讚嘆。稱彼如來名。如彼如來光明智相。如彼名義。欲如實修行相應故。云何作願。心常作願。一心專念畢竟往生安樂國土。欲如實修行者。摩訶他故。云何觀察。智慧觀察。正念觀彼。欲如實修行。毘婆舍那故。廣如論說。云何迴向。謂迴向三處。第二果者。復有五種門。漸次成就五種功德。一者近門。二者大眾門。三者宅門。四者屋門。五者園林遊戲地門。初四種門。成就入功德。第五門成就出功德。入第一門者。以禮拜阿彌陀佛爲生彼國故。得生安樂世界。入第二門者。以讚嘆阿彌陀佛。隨順名義。稱如來名。依如來光明相心修行故。得入大會衆數。入第三門者。以一心專念作願生彼。修奢摩他寂靜三昧行故。得入蓮華藏世界。入第四門者。以專念

觀察彼妙莊嚴。修毘婆舍那故。得到彼處受用種種法味樂。出第五門者。以大慈悲。觀察一切苦惱衆生。示應化身。迴入生死國煩惱林中。遊戲神通。至教化地。以本願力迴向故。菩薩如是修五門行。自利利他。速得成就阿耨多羅三藐三菩提故。

### 菩薩住處品住處章

菩薩住處者。依其五教。五義不同。若約凡夫。我所住處。何以故。爲佛菩薩在凡夫處。示現不異凡夫故。若聲聞住處。唯法我境。無有人故。若菩薩住處。初教即空。終教即如。不可分別。故若依頓教。一切不可說。離分別故。若一乘住處。隨方自在。無二無別。如其法界。今菩薩住處者。即是一乘普賢住處。今舉能相示其軌耳。此義通十地。何以故。舉彼住處。讚普賢德。無礙自在故。餘義如別章。

### 不思議法品顯果德自在章

果德自在者。略說有三種。一小乘佛果德。二大乘佛果德。三一乘佛果德。小乘佛果德者。如下不共義中。一百四十不共義者。即是其事。二三乘果德者。如攝論釋。有二十一種功德相應。彼論略舉法身十德。一相二證得。三自在。四依止。五攝持。六差別。七德八甚深。九念佛。十業顯法身義。廣釋如彼論。今且舉第七功德。有二十一。一與最清淨四無量相應。二八解脫亦名背捨。解脫者。謂一內有色外觀色。二內無色外觀色。三淨身證解脫處。四空處。五識處。六無所有處。七非想非非想處。八想受滅身證位。初三背煩惱名解脫。

次四背下地名解脫。後一背有緣心名解脫。又八解脫者。今解不同。小乘大乘經意。觀色知空。無礙成色。是此文意。初解脫捨染相色。第二者捨色心。第三者成色無礙。第四者捨空心。第五者捨取識想。第六者去少識想。第七者去取定想。第八者去成定取。捨不自在。所以知者。如法集經如來功德中。先列名後次第解。善男子。云何有色見色。有色者皆是因緣。而生空無壽者。能如是知見得捨縛。是名解脫。云何內有色相見外色空無壽者。皆是因緣生。能如是知見得捨縛。名爲解脫。云何信淨故。得脫捨縛。名爲解脫。過一切色相。滅一切有對相。不念一切別異相。知無邊虛空。即入無邊虛空行。無量虛空。如是知得捨脫縛。名爲解脫。過一切虛空。知無邊識。即入無邊識行。此無邊識即是空。能如是知。得脫捨縛。名爲解脫。過無邊識。知無所有。即入無所有行。所有者。名貪瞋癡煩惱。入無所有行者。滅彼煩惱。能如是知。得脫捨縛。名爲解脫。過無所有者。知非有想非無想安穩。即入非有想非無想行。非有想者。性空寂靜。非無想者。以依因緣而有。能如是知見得脫捨縛。得名解脫。過一切非有想非無想。滅一切受想。入滅盡定行。是菩薩如是見。想如陽炎。受如水泡。想即受。受即想。無智者無壽者。能如是知。得脫捨縛。名爲解脫。薩遮尼乾子經。明如來德。釋次第定八解脫等。與法集經並同無異。餘者如別章。三八制入亦名勝處。心能

制境。使境從心故名制入。一內有色想外觀色少好色惡色。二內有色想外觀色多好色惡色。三內無色想外觀色少好色惡色。四內無色想外觀色多好色惡色。五內無色想外觀色青青色青觀青光。六內無色想外觀黃黃色黃觀黃光。七內無色想外觀赤赤觀赤光。八內無色想外觀白白觀白光。勝於境界。勝於煩惱故名勝處。四十一。一切入。謂清黃赤白。地水火風空處。識處。觀上下諸方。青等十法。無二無量名一切入。五無諍三摩提。六願智。七四無礙解。八六通慧。九三十二大人相。十八十小相。十一四種一切相清淨。謂身清淨。境界清淨。心清淨。智清淨。十二十力。十三四無畏。十四四不護。謂身口意命。十五三念處。謂他生非謗。如來亦不瞋他。若能信如來亦不愛。若無毀無信如來亦不捨。十六拔除習氣。十七無忘失法。十八大悲。十九十八不共法。二十一一切相最勝智。二十一等等者。等六清淨。一惑障清淨。由滅惑等三障。三障即皮肉心。二業障清淨。由滅二障。障清淨。由除七種生死故。七種者。三界三種分段。四種變易。四利益清淨。由於生死涅槃無隔礙故。五自在清淨。不由功用。於一切法。如意能現故。六無戲論清淨。由過言語覺觀思惟境界故。前二十功德。通大小乘。後等六句功德。唯是大乘。餘義如論釋。此上功德是三乘義。於中亦有同異。若前二十句。通其愚法小乘。後等字六句。唯是三乘。又前二十句。

通小乘者。但通初教。後六句局大乘者。局在終教。如攝論下十二句甚深。亦有兩判。一是終教甚深。二是頓教甚深。應準二十一一句判。三乘功德者。如不思議品說。佛有十種德。一諸佛利不可思議。二諸佛淨願不可思議。三諸佛種性不可思議。四諸佛出世不可思議。五諸佛法身不可思議。六諸佛音聲不可思議。七諸佛智慧不可思議。八諸佛神力自在不可思議。九諸佛無礙住不可思議。十諸佛解脫不可思議。如經下文廣釋。不同三乘小乘義。此一乘義。下通十地。何以故。一乘因果無二無別故。三乘及小乘。唯果不通因。又如經本攝論十二種甚深云。諸惑已滅伏。如毒呪所害。由惑至惑盡。佛證一切智。論云。諸惑已滅伏。如毒呪所害。釋曰。此下一偈。明第十一滅惑甚深。諸惑謂見修煩惱。於菩薩地中。先已滅盡。餘心煩惱雖復未滅。由智念所伏。廢其功用。譬如毒呪力所害無復本能。心惑亦爾。智念所守。不能復生二惑染污。論曰。由惑至惑盡。佛證一切智。釋曰。諸菩薩留隨眠惑爲助道分。不同二乘速般涅槃。由此事故。修道究竟。得智氣滅盡。及證圓智。又如第四甚深云。若不留此隨眠欲。則同二乘涅槃。若不除上心欲。則與凡夫不異。問十二甚深是果德法身。已離諸障。因何舉留惑已明深義。答。今法身分齊。對生死際已明法身。生死際中是不自在義。法身分中是自在義。故作此說。又如經本攝論云。明三乘義。論曰。復有經言。佛法甚深。釋曰。下明道及道果故言

甚深。論曰。何者甚深。此論中自廣分別。一切佛法常住爲性。由法身常住故。釋曰。諸佛法身常住。一切佛法皆依法身。以法身爲首故。法身常住。爲一切佛法性。論曰。一切佛法皆斷。由一切障皆斷盡故。釋曰。一佛法。悉無惑障及智障故。障斷盡爲一切佛法性。現在煩惱滅爲斷。未來煩惱不生爲盡。即是盡無生智。論曰。一切佛法生起爲性。由化身恒生起故。釋曰。由慈悲本願。生起化身。相續無盡故。化身生起。爲一切佛法性。論曰。一切佛法能得爲性。能得共對治衆生八萬四千煩惱行故。釋曰。一切佛法。以無所得爲性。此是正說。由三無性不可定說有無故。難以無得爲性。亦有能得義。若離佛法。不能得了別所對治惑。不能得安立能對治道故。論曰。一切佛法有欲爲性。有欲衆生愛攝令成自體故。一切佛法有願爲性。一切佛法有礙爲性。一切佛法。凡夫法爲性。釋曰。此有二義。一菩薩攝一切有欲衆生爲自體。一切佛法皆依自體故。二大悲爲愛。愛即是欲。菩薩以大悲攝一切衆生。依大悲生福德智慧行故。願礙及凡夫法亦爾。論曰。一切佛法。無染著爲性。成就真如。一切障不能染故。釋曰。道後真如斷一切障盡。是無垢清淨故名成就。一切障所不能染。一切佛法。以此真實爲體性故。論曰。一切佛法不可染著。諸佛出現於世。非世法所能染故。釋曰。前明真如境。此明真如智。諸佛菩薩。以真如智爲體。即是應身。此體是唯識。真如所顯。非根塵分別所起。非八種世法及

世法所起欲瞋等惑。所能染著。何以故。是彼對治故。修得無分別智成就。名諸佛出現於世。餘義如別章。

#### 解脫章

解脫者。小乘解脫。解脫諸障。三乘解脫作用自在。一乘解脫。無盡自在。所謂十解脫。一切諸佛於一微塵中。悉能普現不可說不可說諸佛出世。二一切諸佛於一微塵中。悉能普現不可說不可說諸佛轉淨法輪。三一切諸佛於一微塵中。教化調伏不可說不可說衆生。四一切諸佛於一微塵中。普現不可說不可說佛刹。五一切諸佛於一微塵中。授不可說不可說菩薩記。六一切諸佛於一微塵中。普現三世諸佛出世。七一切諸佛於一微塵中。普現三世一切佛刹。八一切諸佛於一微塵中。普現三世諸佛自在之力。九一切諸佛於一微塵中。普現三世一切衆生。十一一切諸佛於一微塵中。普現三世一切諸佛事。所以說十者。欲顯無量故。此據得普賢菩薩行法已去。即與相應。餘義如別章。

#### 如來相海品相海章

相海者。依小乘義。佛有三十二相同人。八十種好同天。若三乘義三十二相八十種好。初教即空。終教即如。問三十二相八十種好。依三乘義本在化身。因何攝論攝入功德屬其法身。答。欲知所由。先須知教立其佛意。若小乘人但立二佛。一生身佛。二化身佛。若依大乘。三十二相八十種好。屬其生身。人天中佛亦同報身。但我無我別。若依三乘。或一佛。



謂頓教佛。唯一無分別實性即是佛。或立二佛。謂自性法身佛。應化法身佛。此義當終教。何以故。俱是法身故。依梵網經。但分處舍那報身化身二佛。不分法性身。或說三佛。一法身佛。二報身佛。三化身佛。此之一義。當迴心教。何以故。由小乘人不立法身。此依攝論。又法身亦二種。二十一。句功德等。或屬應身。或屬法身。或說四佛。謂自性身。法身。應身。化身。此義唯當直進教等。何以故。為欲顯法身是差別德。自性身是通一體故。若約此義。三十二相八十種好。所攝不同。若望二身。即俱是法身。若望三身。即屬化身。若望四身。即屬法身及化身。若屬法身。三十二相等。是其德義。若屬化身。三十二相。是其相義。所以得知。為攝論中明其三身。或本有及修生為法身。但現淨土受法樂相。是其應身。八相成道相。是其化身。或將本有為其法身。能依修生。是其應身。依應起化。是其化身。有此不同故。今義判不得一定。宜可思準。又約增數佛。謂一數佛。即如來藏佛。二數佛。一自性法身。應化法身。二應身化身。三數佛。謂法身應身化身。法身三者。本有法身。修後轉依法身。化用隨緣法身。應身三者。謂修得應理應身。淨土應法樂緣應身。隨緣化用應身。化身三者。法身勝德流化之身。應身起化引物之身。應身摩訶引下之身。四數者。謂自性身等四佛。皆離四過。成其四德。自性身有約體德。自性身無即離相德。亦有亦無隨緣德。非有非無離過德。餘身亦準之。今此華嚴不思議法品相

海品小相品。有人判屬三身量。恐未必然。此經無三身。但有二種十身。如前後說。今此三品。初品為體。相海為相。小相明用。此相義依現文中。有九十三相。下文別自廣說。有十蓮華藏莊嚴世界海微塵數等相。若約此文。三乘小乘則無此事。唯是一乘。當知教分三乘小乘。及以一乘。並悉不同。若通總說。極不生解。餘義如別章。

### 小相光明功德品小相用章

小相用者。文中大意。明一乘小相極有大用。為一乘小相德。一即一切。稱法界故。由此義故。小相功德一時之間。即令無量眾生從三惡道出生其天中。感空中聲自然教授。於此一身。即斷八萬四千煩惱。自分勝進皆悉具足。兼及自他。俱證十地離垢三昧。唯除受識。一時既如此。餘時亦復然。時既因陀羅微細自在度生亦如之。有此大利。舉其小相。相形辨勝。當知大相不可說不可說。此品文中意。存大用。不欲明其別好小相。宜可知之。餘義如別章。

### 普賢行品普賢章

普賢者。大分有二。一三乘普賢。二一乘普賢。三乘普賢者。一人二解三行。初人者。如法華經乘象。至行者前是其人也。二解者。如法華經迴三歸一等。即是趣向一乘之正解。三行者。如法華經說普賢品明普賢品。明普賢行者即是。二一乘普賢亦有三。一人。謂第四十五知識普賢者是。二解。即普賢品六十行門。各皆普遍。及漸次深深深深深深深深深。

及等因陀羅微細事等。三行。即離世間品十種普賢心。十種普賢願行法。如文可知。餘義如別章。

### 性起品明性起章

性起者。明一乘法界緣起之際。本來究竟。離於修造。何以故。以離相故。起在大解大行。離分別善提心中。名為起也。由是緣起性故。說為起。起即不起。不起者是性起。廣如經文。此義是一乘。若置位在十地。若善巧在十迴向。若應行即在十行。若應解即在十解。若應信即在十信。終心勝進位中。若究竟即在佛果。若據十即在一時。若據智相。即應六相。餘義如別章。

### 亡是非論

夫自是非彼。美己惡人。物莫不然。以皆然故。舉世紛紜。無自正者也。斯由未達是非之思。云其患者。乃有十種不可。一是非無適主。二自性不定。三彼我俱有。四更互因生。五互不相及。六隱顯有無。七性自相違。八執者情偏。九是非差別。十無是非非。初明無適主者。此云我是。彼云我是。彼此競取。乃令是無定從。彼復云此非。此復云彼非。彼此競與。遂使非無適趣。惑者必欲以是歸自。以非屬彼者。此有何理而可然也。理不然故。強為之者。莫不致敗耳。物豈知其然哉。二自性不定者。是性是於是。或復是於非。非性非於非。亦或非於是。然愚者竊竊唯言。是不許是非。亦許非非。不論非是。自謂得理。不患其失。且共論之。若以是是於是。即有二是過。一所是過。二

能是過。所是過者。所是若是。是已是何用是。所是若非。是應言是非。云何言是。是。能是過者。待所說能。所是既不立。能是亦不成。能所俱不成。何處當有是也。若復非於非。其過亦如此。例是取悟。勿更分別。理盡於此。是以不可也。三彼我俱有者。此是而非彼。彼是而非此。此之與彼。各有一是一非。惑者唯自謂有是。不言有非。謂彼唯非。不許有是。斯有何理而可然乎。四更互因生者。非因自是心生。是因非他心起。以從自是心生故。此即自是者非非他非也。是復從非他心生故。此乃他非者是非我非也。然惑者。偏欲取是自歸以非許人。無如此理。故不可也。五互不相及者。凡自非他者。本欲望非至彼。然彼猶自謂爲是。以猶自謂爲是故。即驗。非不至彼。非他自是者。亦希是至此。然猶爲彼所非。以彼非故。即明。是不至此。是不至此。而言我是。非不至彼。復謂他非。理窮於此。故不然也。六隱顯有無者。尋夫物情惑也。莫不同於自是。均於詳非。均詳非故。舉世無是。我當云何。獨有是也。同於自是。則天下無非。以無非故。我何所非。然惑者。謂有是可是。有非可非。義乃不然。故不可也。七性自相違者。是則性自違非。非乃性自害是。以我獨欲立是定非。是既立已。必爲多非非一。是多非非故。一是那可是。以是不可是故。則非何所非。無所非故。非則自非矣。自非則無非。非是則無是。惑者。欲以是定非。用非非是者。未足然也。八執情偏者。夫物之偏也。皆不見彼之所。見唯自

知其所知。以自知其所知。故因即以爲是。不見彼之所見。故謂彼唯非。若乃見彼所見。謂之非者。或容可爾。既不見彼所見。而言彼非者。彼何必非也。若復自知其所知。因以自是者。此則是已私是。若爲使他亦謂之是也。以此過故。無理可然。九是非差別者。然滯俗之輩。以是爲是。以非爲非。此乃龜兔以是爲非。以非爲是者。顛倒失也。然物外高超。以是非爲非。用無是非爲是。此亦免於是非之一失。猶自存於一是一非。是非雖同。理趣胡越。而惑者。聞是則謂凡聖同是。聞非復謂賢愚共非。失理致此。未足然也。十無是非者。若夫以是非爲非。無是非爲是者。彼且惡於是非。猶不免是非累也。而欲惡於其累。別更有所存者。然其所上。已存於心。亦未免於累也。將欲不累。莫若無心。以無心故。誰謂爲是非。是非亡矣。彼我隨喪。彼我喪故。得失亦無也。不然於然。不可於可。爾乃任放無爲。逍遙累外耳。此又順性起故。錄附之。

#### 明涅槃章

涅槃者有三種。一小乘涅槃。謂有餘無餘。有餘者。有餘身智。無餘者。無餘身智。同數滅無爲。爲體二者三乘涅槃。有其五種。一無住處涅槃。二自性涅槃。三方便淨涅槃。四有餘涅槃。五無餘涅槃。無住者。智慧相導。無住著故。此義通因果。性淨者。本有故。寂滅故。方便淨者。藉緣修故。涅槃同前釋。有餘者。有餘應化。未窮盡故。無餘者。法身無餘。順寂滅故。三一乘涅槃者。如前所有義。若約別教言。

即十種涅槃。如離世間品說。餘義如別章。

#### 見聞供養福分章

福分者。大分有二。一現在福分。據現在去危得樂等用。二據未來成滅罪得世間出世間善因果等用。如教相中。幡燈誦呪結壇印相等功德。意成現在用。非無後世益。如建立行檀等及一乘見聞等。成其後世益。非無現在用。若據人天及小乘三乘并一乘。但由迴向方便不同。遂福分有別。據其福體。無二無別。常稱本性。無有差別。若人天即邪正不同。若聲聞唯成助滿。若初教其體即空。若終教其體即如。若如前諸義。爲一乘所目。即屬一乘。若別教言。見聞已去。即是一乘。餘義如別章。

#### 第七會離世間品明智章

智者有三。一小乘二三乘三一乘。智者照察名智。審達名慧。小乘有十智。謂苦智。集智。滅智。道智。智比智。等智。他心智。盡智。無生智。知苦名苦智。乃至知道名道智。知欲界法名法智。知色無色法名比智。知一切法名等智。即有漏智也。知他心心法名他心智。知煩惱盡名盡智。知煩惱不生名無生智也。并流類有十六心。謂苦法忍。苦法智。苦比忍。苦比智。集法忍。集法智。集比忍。集比智。滅法忍。滅法智。滅比忍。滅比智。道法忍。道法智。道比忍。道比智。八忍爲無礙。八智爲解脫。智名決定。忍與疑。得俱生。不決定故。不得通名智。故與心名有十六行相。謂無常苦空無我。行。因集有緣行。亦名因相。集相生相緣相。滅

止妙出行。亦名滅相靜相妙相離相。道如勝乘行。亦名道相如相行相出相。是行所依名行。亦成業名行。又有四十四智。謂老死苦老死集老死滅老死道。乃至行亦如是。老死有四智爲性。謂法智比智苦智等智。乃至老死道亦四智爲性。如是老死四智。各四智爲性。乃至行四智。亦各四智爲性。以無明不具故不立也。但有四十四。又有七十七智。謂初知生是老死緣。二非不緣有老死。三過去生曾爲老死緣。四非不緣過去生有老死。五未來生當爲老死緣。六非不緣未來生有老死。七法住智。此法是無常。是有爲。從因緣生。是盡法是滅法。是無欲法。如老死有七。乃至行亦七。就老死中。前六智以四智爲性。謂法智比智集智等智。第七法住智。以等智爲性。問何故不說無明緣智。答望十二支。無明已前。無支對故不說也。又解。依成實論於聞思地作四十四智觀。七十七智觀。空有並觀。伏滅無明等。四十四智者。正緣老死。兼知無性。名老死智。即審境觀。二老死集生支。作增上緣。集起老死。正緣於集。兼知無性。名老死集智。名推因觀。三老死滅。正緣老死滅。兼知無性。名老死滅智。此名審滅觀。四老死滅道。正緣滅解。兼知無性。名滅道智。名審行觀。如老死有四。乃至行亦有四。無明無因故不說也。七十七智者。一謂無明緣行。此推因觀。二不離無明緣行。此審因觀。三世各二合成六。此緣有心名法住智。第七無明滅。即性滅名泥洹智。如是七智乃至生支。即成七十

七也。老死後無支故不說也。今大乘義。初教門中。少異成實。雜集論中。雜染流轉說。即彼七十七智也。安立諸說。即三十四智觀。此初教淨順逆二觀。即成實所無也。亦可淨順觀入前第七泥洹智觀。攝餘義不同。復有三智。謂聞思修。二三乘就中有二。一初教有十一智。謂苦智等十智上。加一如實智。又有十三智。謂一信解智。二道理智。三不散智。四內證智。五他性智。六下智。七上智。八厭患智。九不起智。十無生智。十一智智。十二究竟智。十三大義智。又有十三智。謂聞所生智。思所生智。世間修所生智。勝義智。他心智。法智。種類智。苦智。集智。滅智。道智。盡智。無生智。大乘智。上所說智。是初教迴心智。二熟教復有三智。謂加行智。正體智。後得智。復有三智。謂實相般若智。觀照般若智。文字般若智。復有三智。謂聞思修慧智。復有五智。聞思修證報生善意識智。復有一智。謂真如智。上來所說。是大乘智。上大小二門智。一乘所目。即屬一乘。若依別教。即有十智。如下離世間品說。餘義如別章

### 不共法章

不共法者。謂三十二大人相。八十隨形好。四一切種清淨。十力。四無所畏。三念處。三不護大悲。不忘法。斷除諸習氣。一切種妙智。就此一百四十不共法中。四一切種清淨等二十八不共法。快淨滿足時。得此之不共。不與因共。唯是小乘。又有十八不共。謂身無失。口無失。念無失。無異相。無不定心。無不知

已捨欲無滅。精進無滅。念無滅。慧無滅。解脫無滅。解脫知見無滅。一切身業隨智慧行。一切口業隨智慧行。一切意業隨智慧行。智慧知過去世無礙。智慧知未來世無礙。智慧知現在世無礙。此之十八。不與二乘共故名不共。依如雜心。用十力四無所畏大悲三念處。爲十八不共。當知。即是不共小乘。小乘浪計也。此是三乘不共。復有十種不共。即是一乘。如離世間品。所以說十者。欲顯無量故。餘義如別章

### 六念章

六念者。謂念佛。念法。念僧。念戒。念施。念天。此教興意。爲初發心者。堅信心故。復有八念。謂念佛。念法。念僧。念戒。念施。念天。念入出息。念死。此之八念。爲趣修者說。復有十念。一者於一切衆生。常生慈心。於一切衆生。不毀其行。若毀其行。終不往生。二者於一切衆生。深起悲心。除殘害心。三者發護法心。不惜身命。於一切法。不生誹謗。四者於忍辱中。生決定心。五者深心清淨。不染利養。六者發一切種智心。日常常念。無有廢忘。七者於一切衆生。起尊重心。除我慢心。謙下言說。八者於世談話。不生味著心。九者近於覺意。深起種種善根因緣。離於憒鬧散亂之心。十者正念觀佛。除去諸想。當云何念。非凡愚念。非不善念。不雜結使念。即得往生安養國土。此教興意。爲往生修行人。復有十念。一淨心。二不動心。三厭心。四離欲心。五不退心。六堅心。七明盛心。八淳厚心。九快心。十大心。廣說如十

地論前之二念。是小乘通初教。次之一念。在初教通終教。後之一念。在一乘通三乘。餘義如別章。

### 九次第定章

九次第定者。謂初禪二禪三禪四禪空處識處。無所有處非想非非想處。滅盡定。從初禪心起。次入第二禪。不令餘心得入。若善若垢。如是乃至。滅受想心。定出入不越名爲次第定。此義是三乘亦通小乘用。若一乘教所目。即屬於一乘。餘義如別章。

### 八人章

八人者。見道中八忍是也。與智爲別力要故。別得人名。此之八人。通一乘三乘小乘。小乘八人淺。入空未窮。初教八人深。法無我理未盡。熱教法無我德。由未究竟。一乘法界。然始明了。今下經云。明了法者。一乘別教。及同教義。並皆周悉。會解前之行德故。名明了法。宜可知之。餘義如別章。

### 見法二行章

見行法行者。小乘見道前入道方便趣向。利鈍二種人也。由是入聖初方便相故。今別明此二行相。準前八人章。

### 辟支佛章

辟支者有二種。一單角二伴行。覺常樂寂靜。因外緣解知足少事。不由他悟。明了法解緣覺故。其義從聲聞乘。漸漸轉細至於一乘。名緣覺義。此義準前八人章。成其義解。餘如別章。

### 菩薩章

菩薩者。通其五乘。人天凡夫亦名菩薩。何以故。由成比行。是假名菩薩。即五乘前內凡夫聲聞乘。亦有菩薩。有漏善五陰爲體。由慈悲行成作佛故。三初教菩薩。取無漏五分法身爲體。見修究竟作佛故。直進人亦得五分法身爲體。而直進共迴心二菩薩。其體即空。熱教菩薩。無分別智爲體。亦真如爲體。若依頓教。一切不可說。契同一理。觀若爲一乘所目。即屬一乘。若據別教。即普賢菩薩。是又成十種身。如十行中第九行內說。餘義如別章。

### 五生章

五生者。一息苦生。二隨類生。三勝生。四增上生。五最後生。如是五生。並菩薩所作。此義是三乘。若準華嚴經。菩薩住兜率天。乃至下生作佛。皆有十意受生。若依十意受五生身。是一乘。此義如離世間品說。餘義如別章。

### 第八會入法界品初辨迴心章

迴心義者。大分有二。一據未入佛法以明迴心。二據入佛法無流之際解脫分善。以辨迴心。初據未入者。謂其一闡提位相似修行。其修行人。具人法義。文解行病。乃至理事等。從其多劫。修邪善因。後剋究竟無盡阿鼻地獄果等。如來大悲。設法偏救。所有委曲。具在經文。今略要問。作普敬認惡法。會彼闡提。令入一乘。其法具如問答中辨。極至生淨土。得不退位。得常見佛。即迴向一乘。二據入佛法無流際解脫分善者。如來善巧設二門。則一約始門。謂依法華經窮子喻等。義當是愚法聲聞。發過去往劫已來。從闡提位入聲聞

乘。據此教分。即是先在闡提位時。未修一念善提分善所有解行故。文判爲辛苦窮也。仍窮子身。本是長者富有之子者。義當法性實相如來之藏不染而染分。乃至佛性。隨其流處種種味等。是其位也。由不染而染故。所以不說貴名。後若迴心。義當契其法性。其理即合染而不染。名爲王種貴也。據此道理。窮子之喻。約愚法聲聞位說。義通闡提位等。問迴心聲聞一切俱迴耶。答若約聲聞自不退位已後不退。若約初教。迴者迴不退者不退。若約終教。一切俱迴。若約頓教。無迴不退。若約別教。如前所說。一切俱迴者。如楞伽經云。味著三昧樂。安住無漏界。無有究竟趣。亦復不退還。得諸三昧身。乃至劫不覺。譬如昏醉人酒消然後覺。彼覺法亦然。得佛無上身。二約終義辨迴心者。如下經文。大智舍利弗。與五百比丘。迴心向文殊師利。並言宿種善根現。六千比丘。願久共修行。成實眷屬。舍利弗。在佛法中。義當聰明位。今舉爲迴者。則顯其行終具智慧相。今復迴心。當迴之時。即得十種大法。及十眼十耳等際。具在入法界經文。當知其義是終非始。其位在頓悟熱教義。通初教等。舉此始終兩位。爲其法式。中間諸義。準即可知。又迴心法。對彼五乘。亦有始終不等。如窮子一人長者遣使。方便與直等。義當從人天及大眾部已去。乃至初教。如舍利弗迴心等位。義當初教已去。乃至頓教。及終教已下。仍迴心分齊。多種不等。或有從闡提入聲聞者。從聲聞迴向緣覺及初教者。或有

聲聞迴向直進及終教者。或有迴心向頓教及一乘者。如是五乘機性。上下不同。迴心亦別。如是之義。準之可解。於中所有教分。解行理事人法教義等差別不同。接引前機。如是之義。準亦可知。問下經明迴心。大智舍利弗等。佛出世已在他國。異時異處。方與目連等入其佛法。因何華嚴經會第二十七日。佛未移動。即有大智舍利弗等五百聲聞。并有舍利弗弟子六千比丘。其祇洹林。及普光法堂。並未建立。因何具述。在於經文。答如來依解脫德。建立一乘故。下經云。於一微塵中。建立三世一切佛轉法輪。當知。今所成一乘教者。即是其事。依九世入智。融九世法。成其十世。謂過去過去世。過去現在世。過去未來世。現在過去世。現在現在世。現在未來世。未來過去世。未來現在世。未來未來世。三世相即。及與相入。成其十世。當第二十七日時。如是等法。皆悉現前。廣說如經離世間品。若欲識華嚴經無盡教義者。當依六相因陀羅微細智。及陀羅尼自在法智知。餘義如別章。

#### 賢聖善知識章

賢聖者。順理名賢。得理是聖。在物先知。亦為衆情所識。故名知識。賢聖之義。教有三位。一二十七賢聖。謂初隨信行。二隨法行。三無相行。四須陀洹。五行斯陀含。六斯陀含。七行阿那含。八中陰滅那含。九生滅那含。十不行滅。十一行滅。十二樂慧上行。十三樂定上行。十四轉世。十五現滅。十六信解脫。十七見得。十八身證。十九退相羅漢。二十守相。二十一

死相。二十二可進相。二十三住相。二十四不壞相。二十五慧解脫相。二十六俱解脫相。二十七不退相。初有十八人。是學人。次有九人。是無學人。就學人中。初三人是須陀洹行。次一人是須陀洹果。次一人斯陀含行。次一人斯陀含果。次一人阿那含行。次一人阿那含果。此十一人。亦是阿羅漢行。此是小乘。亦同於初教。二次有四十二賢聖。謂十解十行。十迴向。十地。等覺妙覺。四十一是因。一是果。此義在三乘。局在直進及終教。上之二位。賢聖知識。若為一乘教所目。即屬於一乘。三依其別教。有四十五知識。大位有三。一位位及理行。有四十五知識。廣如入法界品。二主伴相資。有一百十三。據起化分齊實行境界。則有三千大千世界微塵數知識。問如大品經。薩陀波闍求善知識。曇無竭菩薩是何知識。答曇無竭。義當熟教信位終心直進教十迴向。二教般若成就信究竟不退處。與物為軌。是三乘義。非一乘位。於三乘中。在十信終心解行位前。知識有十義。如離世間品說。名十種知識。所以說十者。欲顯無量故。所以將十種為知識義。答為知識教興意。在攝物故也。餘義如別章。

#### 四親近章

親近義者。亦通三乘小乘及以一乘。小乘者。親近知識。自求解脫。三乘為救衆生。為衆生故。取其菩提。及顯法性故。初教即空。終教即如。一乘別教。即有十義成。四親近。一須識知識。二須識所說。三須識魔事。四自成成就。五

須具精進。六須敬善知識。七須起求法心。八心向正法。九成其深心。十得明了法。此之十門。一皆具十門。如離世間品說。所以皆說十門者。為應一乘無盡法故。餘義如別章。

#### 釋四十五知識文中意章

就四十五知識文內。初一知識。依一乘別教為迴心人。說十大心。及為善財。分別廣說。諸佛十正法。成信行義。廣說如文。自下十解法。就此文內。第一知識。約一乘別教。說見佛義。第二知識。約一乘別教。觀察大海。得正緣起。蓮華上佛。說圓教義。第三知識。約一乘別教。說如意神通義。第四知識。約一乘別教。從其口中。放大光雲。攝集自在義。第五知識。約一乘別教。入攝一切佛刹無量旋陀羅尼。廣作利益義。第六知識。約一乘別教。入滅盡定。廣作利益義。第七知識。約一乘別教。普莊嚴園林。普現其身。作利益義。第八知識。約一乘別教。上位下加。執手現事。成利益義。第九知識。約一乘別教。成返道法。登刀山投火聚。成利益義。第十知識。約一乘別教。現其法堂。及顯身相。成利益義。得普門陀羅尼等。百萬阿僧祇陀羅尼門。以為眷屬。成解脫究竟相。自下十行相。第一知識。約一乘別教。於城都聚落村邑市里等。別教普處。以成其行。現別教身相威儀節分。以會普賢菩薩願行之力。成陀羅尼無盡之行利益也。即性捨所成。第二知識。約一乘別教。成其別行三聚成文方便利益義。即性戒所成。第三知識。約一乘別教。依四無量方便之門。現其色身。以事食資導。

成其因果契理益義。即性忍所成。第四知識。約一乘別教精進增上。顯其勝堂眷屬殊異。成大莊嚴自在施行。成利益事。即性進所成。第五知識。約一乘別教。善巧遇會。現其勝宅十重八門。契會引導。成利益事。是定內用。即性定所成。第六知識。約一乘別教。真實勝智。依普門法現治病方。以明智用。滅惑生德。又作合香方便。以契自他。成利益義。即性慧所成。第七知識。約一乘別教。善巧自在。顯逆行法。成進退德。殊勝方便。以契利益。即性用方便。波羅蜜所成。第八知識。約一乘別教。三世顯行。成其依正。攝生利益。即性顯波羅蜜所成。第九知識。約一乘別教。現其家內及父母護等。成勝眷屬無礙善根。得勝利益。即性力波羅蜜所成。第十知識。約一乘別教。智顯返道法。成利益義。即性智波羅蜜所成。自下十迴向方便德。第一知識。約一乘別教。利益衆生善知識香作用分齊。以顯投機損益勝能善巧。以離著成利益義。第二知識。約一乘別教。於利生分。現度生事。海濟舟船變時迴轉。成利他義。第三知識。約一乘別教。遍一切處攝生利益。成難勝義。第四知識。約一乘別教。慈悲清淨願行。建立無盡善根之法。周遍一切。等一切佛。成利益義。第五知識。依一乘別教。調柔善巧。成逆行門。現其依正。攝物利益義。第六知識。約一乘別教。行攝生方便。始終堅固難壞利益義。第七知識。約一乘別教。善巧應機成利他事。隨生利益義。第八知識。約一乘別教。稱如作用。隨覺現前。速疾利益

義。第九知識。約一乘別教。成四無量。以契普法。攝化衆生。斷惡成善義。第十知識。約一乘別教。成佛方便。因位剎果。現衆生前。成佛利益義。自下十地證位方便。第一知識。約一乘別教。通神靈德。示生佛家。滅八過義。以應物情。攝生利益義。第二知識。依一乘別教。於成佛處。難垢自在。攝成諸德。利益衆生法門義。第三知識。約一乘別教。近佛便處。隨順如實。示現普德。攝潤衆生法門義。第四知識。約一乘別教。於成佛處。覺自在法。示現衆生利益法門義。第五知識。約一乘別教。於成佛處。隣近聖旨。寂靜應機。方便勝進。種種善巧。守護衆生利益法門義。第六知識。約一乘別教。依成佛處。順理德中。成就緣起。救護衆生法門義。第七知識。約一乘別教。於成佛處。善巧方便。真俗雙觀。修因感果自在法門義。第八知識。約一乘別教。於成佛處。大願自在。速疾成就。攝取衆生。同體成就。利益衆生不共法門義。第九知識。約一乘別教。於可化衆生。闍浮提處。示現受生。在流彌尼園遊觀自在。示現法門。利益衆生義。第十知識。約一乘別教。從佛生處。迦毘羅城。示現慈悲悅意法門。於衆生前。教化自在義。已上是寄位修行相。自下會緣入實相知識。約一乘別教。迦毘羅城生佛之處。實相緣起。體用自在。出生正覺法門義。自下攝德成。因相知識。約一乘別教。順於正相生在南方。因位究竟。成菩提心自在法門義。自下智照無二相知識。約一乘別教。無相吉祥觀照。勝智勇決。猛盛究竟。普賢自在

所行法門義。自下顯因廣大相知識。約一乘別教。見聞普德。究竟廣大自在願行。與果相應。無邊法門義也。又依彌勒文。諸佛菩薩無量劫修。善財一生皆得者。依華嚴經。疾得成佛。有其五種。一依勝身。一生即得。從見聞位後。一生至離垢定後。身即成佛。二依見聞還生疾剋。三依一時疾得成佛。四依一念疾得成佛。五依無念疾得成佛。初義有四。一依世界性等。十世界身輪王之。現身成佛。如普莊嚴童子等。二者依天子勝身。從三惡道出。生兜率天。現身成佛。三者依閻浮提勝功德身。如善財等。現身究竟普賢之行。後生即見佛。四者依法華經龍女之身。南方成佛。義當留惑之身。疾得成佛。二依見聞還生疾剋者。如初地中說。有三時益。一聞時益。二修行時益。三轉生時益。故地論云。是諸如來。加護於諸菩薩。此人能聞持如是微妙法。此是聞時益。諸地淨無垢。漸次而滿足。證佛十種力。成無上菩提。此是修行時益。雖在於大海及劫盡火中。決定信無疑。必得聞此經。此是轉生時益。三依一時疾得成佛者。如善財童子於知識處。一時之間。獲普賢法。四依一念疾得成佛者。如契普賢法。一念即成佛。此依俗諦念也。五無念疾得成佛者。一切法不生。一切法不滅。若能如是解。是人見真佛故。融會三乘。決顯明一乘之妙趣。夫圓通之法。以具德爲宗。緣起理。實用二門取會。其二門者。所謂同別二教也。別教者。別於三乘故。法華經云。三界外。別索大牛之車





依主伴二經相顯者。依璽瑠本業經。初會說十世界海。第二會說十國土海。第三會說十住第四會說十行。第五會說十迴向。第六會說十地。第七會說善財入法界。第八會說璽瑠本業經。第九會說等覺位。第十會說妙覺位。成六明門及七見六著等。別說十無盡戒。以成位也。若依梵網經。釋迦佛在第四禪魔醯首羅天王宮。與無量天梵天王。及不可說不可說菩薩衆。說蓮華藏世界盧舍那佛心地法品時。釋迦身放慧光。照蓮華臺藏世界。其中一切世界衆生。相視歡喜。皆生疑念。是時釋迦。擎此世界。大衆還至蓮華臺藏世界百萬億紫金剛光明宮中。見盧舍那佛坐百萬蓮華光明座上。釋迦及大衆。敬禮盧舍那足下。請問成佛因緣。時盧舍那佛。即大歡喜。爲於大衆。說成佛因緣。及明依正兩報。及成化佛釋迦身等。廣在經文。時盧舍那佛。廣答所化千佛及所化千百億釋迦佛。說四位法。一十發趣心。二十增長。三十金剛。四十地以成勝果。廣在經文。成大第者。盧舍那佛。引三世佛說百劫修行。成心地法。號盧舍那成蓮華臺藏世界海赫赫天光。師子座上。依諸別光成千葉上佛持心地法門。復轉爲千百億釋迦。次第說上心地法門。并勸修行。其佛復各舉身。放不思議光。皆化無量佛。一時以青黃赤白等華。供養盧舍那。各從蓮華藏世界而沒。沒已入體性虛空華光三昧。還本世界閻浮提地。菩薩樹下。還從體性華光三昧出。

出已方坐金剛千光王座及妙光臺。說十世界海復從座起。至帝釋宮。說十住法復至焰天。說十行法。復從座起。至四天王中。說十迴向。復從座起。至化樂天。說十禪定。復從座起。至他化天。說其十地。復至初禪。說十金剛。復至二禪。說十忍。復至三禪。說十願。復至四禪摩醯首羅天王宮。說我本原蓮華藏世界盧舍那佛心地法門品。其餘千百億釋迦。亦復如是。無二無別。爾時釋迦。從初現蓮華藏世界。東方來入天宮。說魔受化經已。下生閻浮提迦夷羅國。母名摩耶。父字白淨。吾名悉達。七歲出家。三十成道。號爲釋迦。於寂滅道場金剛華光座。乃至摩醯首羅天王宮。次第十住處所說。時佛觀諸大梵天王網羅幢。因爲說。無量世界猶如網孔。一一世界。各各不同別異。無量佛說教門。亦復如是。吾今來此世界之中。八千返。爲此娑婆世界。坐金剛座。乃至摩醯首羅天王宮。是中一切大衆。略開心地竟。復從天王宮下。至閻浮提菩薩樹下。爲此地上一切衆生。凡夫癡闇。說本盧舍那佛心地之中初發心中。常所誦一戒光明金剛寶戒。是一切佛本原。一切菩薩本原。佛性種子。一切衆生皆有佛性。一切意識色心。是情是心。皆入佛性戒中。當當有因。當當常住法身。如是十無盡波羅提木叉等。具在經文。上來所錄。璽瑠本業經。廣說其位。行相略說。梵網經行相廣說。位相略說。上釋迦於第四禪說心地法者。即是閻浮化釋迦也。又顯彼天中別有寶報盧舍那身。乃至次第。於

閻浮提七歲出家。已去說十住處者。化身復說報身三乘華嚴十說十住處也。次第到第四禪地。後下閻浮。重說十戒。據此文相。璽瑠經與梵網經。並別不同。重頌十戒處者。亦各不同。此約三乘。盧舍那當彼報身。所化千佛。及化千億釋迦。亦當報身。下閻浮提七歲出家等。當是化身。若依華嚴。即不如此。爲有十佛不同故。其盧舍那等。及化釋迦。並是十佛化用。應可準知。今經文云。於閻浮提八千返。上下說心地法者。通彼應化。二處總籠說。若依大經。本初會說十世界海。及明世界因時分齊義。第二會說淨土海及信解行成就法。第三會說十住法。及明法法。第四會說十行法及十藏法。第五會說十迴向法。第六會說十地因果德用及普賢性起等法。第七重會普光說離世間法。第八會說入法界法。若依大慈恩寺梵本增第九會。佛遊於樹下及普光堂處。說如來功德境界。上境界入品。問何故上來所錄。並皆差別不同。答依大經本所顯義門相。即容融理事自在所有教義。一即一切。一切即一。如帝網喻無盡不同。若諸教網主伴相顯。有定相者。即違大理故。主伴經差別不同。如地經說。六決定義。是其地體。返不用十數目之。十地不同。是其地相。翻用十數目之。以此驗求知。佛慈悲欲令易解。將不滿數目體。以滿數目相。是佛別意也。今華璽瑠本業梵網二經。會數具十。華嚴經本但有七八不具。義並準知。其璽瑠本業梵網二經。是二乘攝。華嚴經是一乘攝。何以故。十數之

義。含有一門。一成圓教門。二不成圓教門。今將梵網經等對大經本瓔珞等十數。即是單別。不具一切圓故。入三乘攝。不具十義數。亦有二種。一目彼三乘。令人分解。二目彼一乘。就彼下機。相對以顯一乘。今據相對顯發門故。用不滿十數教。入一乘攝。餘可準知。

證華嚴經用教分齊義

今依七種教。證華嚴經文義分齊。一經。謂法華經勝鬘經。瓔珞本業經。梵網經。入如來境界。不思議經等。二論。謂十地論攝論。瑜伽論。雜集論。如實論等。三疏。四章。五鈔。六問答。七雜孔目。

梵本同異義

依大慈恩寺華嚴梵本檢。有五百四十一紙。五十五字爲一行。一紙葉背面二千二百八十字。十紙計當二萬二千八百字。三十二字爲一頌。一百紙當二十二萬八千字。三十二萬爲萬頌。五百四十一紙。計當一百三十二萬三千四百八十字。依三十二字爲頌。計當四萬一千九百八十頌餘十字。

世間淨眼品第一從如是我是問已下是

如來品第二從發問已下是

普賢菩薩修入三摩提品第三從入淨藏定已後是

說入世界海品第四從說五海已後是

淨世界海功德海光明品第五從立世界已後是

世界輪圍莊嚴海品第六當知此蓮華藏世界海下是

說世界海莊嚴地品第七彼大新蓮華山已下是

觀世界性處品第八彼大地處已下是

觀世界處安住音聲品第九此香水海此香水海上已下是

第一會了

如來名稱品第十一 四譯品第十二

如來光明熾然覺品第十三 菩薩明難品第十四 圓淨行品第十五

賢勝品第十六

第二會了

須彌頂入如來品第十七

須彌頂如來作菩薩集說偈品第十八

十菩薩說住品第十九 梵行品第二十

說初發心菩薩功德花聚喻偈品第二十一

明法品第二十二

第三會了

蘇夜摩富作品第二十三

蘇夜摩富菩薩集說偈品第二十四

說功德花和合十菩薩行品第二十五

十無盡藏品第二十六

第四會了

如來昇入兜率陀天品第二十七

兜率宮菩薩來說偈品第二十八

金剛幢迴向品第二十九

第五會了

十地品第三十

忍辱品第三十二

心王問算教入品第三十三

壽量品第三十四

菩薩住處品第三十五

說佛法不思議品第三十六

神通品第三十一 十明

說如來十身相海品第三十七

小種好光明說功德門品第三十八

說普賢菩薩行品第三十九

第六會了

出世間品第四十一

第七會了

善財離貪藏品第四十二從入法界品初已下。至爾時善財於此南方有一國土名曰可樂已前是

彌勒離貪名善財所問品第四十三從有國土名可樂已後。至爾時善財得見三千大千世界微塵數知盡已前是

普賢離貪名竟在普賢長行後說如來功德不思議境界上境界入品第四十四竟。從爾時善財得見三千大千世界微塵已後。盡說如來功德不思議境界上境界入品已前是

第八會了

又依梵本。彌勒知識後安其品名道已前文。是彌勒離貪名善財所問品。普賢知識後說偈前云普賢離貪名竟。據此文相。入法界品前。文殊遊行南方已後經文。即是教大之中三大義也。從前文殊至後彌勒。是因漸成就大。從後文殊至後普賢。是因成就大。由是普法故。普賢偈文。是教說修成就大。由是因中教說佛證故。此有二義。一者證修初地已上通其佛地。是證分齊。今依教說。名教說修成就大。二者觀修依地前比位意言無分別觀。今依教說。名教說修成就大。此教說修。通在因成就及因漸成就二大位中。離過顯理用也。

初文殊師利

二名功德雲比丘

三名海雲比丘

四名善住比丘

五名彌伽此方名多雲

良醫觀藥者說藥也

六名解脫長者

七名海幢比丘

八名休捨優婆塞休捨者。梵音呼捨也。呼捨者此云解脫。

九名毘目多羅此云解脫

十名婆羅門優婆塞方便命

十一彌多羅尼子此云彌多羅

十二名善現比丘

十三國名輪那道場童子名釋天主童子

十四城名大體有長者名電住

十五有長者名甘露法頂城名師子滿

十六長者名法寶周羅

十七長者名普眼妙香

十八有王名滿足

十九王名大光

二十有優婆塞名不動

二十一有出家外道名隨順一切衆生

二十二有優婆塞名勝青蓮華香

二十三有海師名自在城名勝出

二十四城名喜樂長者名無上勝

二十五城名迦陵伽婆提此云摩悅

二十六國名嶮難有女名婆須蜜多此云天女

二十七城名首婆羅此云有長者名安住

二十八山名光明菩薩名觀世音

二十九東方菩薩名正趣

三十城名婆羅波提此云門至檢也

三十一道場神名安住

三十二名摩竭提國迦毘羅住處夜天名婆娑婆陀此云依止不沒。準梵本題云婆娑婆也。

三十三夜天名甚深妙德離垢光明

三十四夜天名喜目觀察衆生

三十五夜天名乘道場衆中名妙德救護衆生

三十六夜天名寂靜音

三十七夜天名妙德守護諸城

三十八夜天名開敷樹華

三十九夜天名顯明光明守護衆生

四十天名妙德圓滿

四十一釋迦女名瞿夷

四十二名摩耶夫人

四十三此世界中初利天上有天名正念彼天有女

四十四即是彌勒

四十五後文殊

四十六名普賢

華嚴經內章門等雜孔目卷第四止

跋闍孔目章後

歐陽子日本刀歌曰。徐福行時書未焚。逸書百篇。今尚存。令嚴不許傳中國。舉世無人識古文。吁此事也。僞乎真乎。未得其可徵者。不易與之言矣。但至我大雄氏之教籍。則寔有不愧所言者而存焉。近跋孔目章。印生某者。令余點校。以偶記之。而書爲跋

時

元祿辛巳仲秋望後

武陵金澤僧雲潭揮筆於京師陸沈居

No. 1871

### 華嚴經旨歸

●唐京兆西崇福寺沙門法藏述

夫以。主敎圓通盡虛空於塵刹。帝珠方廣攬法界於毫端。無礙鎔融處舍那之妙境。有崖斯浪普賢眼之玄鑒。浩汗微言實匡尋其旨趣。宏深法海尤罕測於宗源。今略舉大綱開茲十義。撮其機要稱曰旨歸。庶探玄之士粗識其致焉

一說經義 二說經時 三說經佛

四說經衆 五說經儀 六辯經教

七顯經義 八釋經意 九明經益

十示經圖

說經處第一

夫圓滿敎起必周側於塵方。既爲盡法界之談。詎可分其處別。今從狹至寬略開十處。初此閻浮。二周百億。三盡十方。四遍塵道。五通異界。六該別塵。七歸華藏。八重攝刹。九猶帝網。十餘佛同。初此閻浮者。謂此閻浮菩提樹等七處八會說此經法。二周百億者。謂盡此娑婆百億閻浮覺樹王等。同時俱說。三盡十方者。謂盡於十方虛空法界。所有一切須彌山界。無不同時皆說此法。如光明覺品說。四遍塵道者。謂於十方虛空界中。一一塵處皆有彼刹。悉於其中演說此經。五通異界者。謂樹形等異類世界。有不可說佛刹微塵等。一流類皆遍十方虛空法界。爲與前須彌山

●增上寺報恩藏明本 ●明曆二年刊宗教大學藏本 ●平安時代寫小野玄妙氏藏本 ●歸十(一卷) ●唐京兆西崇福寺

界等互不相礙各於其中轉尊法輪。六該別塵者。謂盡虛空界一一塵道。各亦同前攝自同類無量刹海。而於其中亦說此經。七歸華藏者。謂此等一切難染世界各皆同盡。唯是蓮華藏莊嚴世界海數過刹塵。一一皆悉。遍周法界不相障礙。悉於其中演說斯法。八重攝利者。於此華藏一一塵。皆攝無邊諸佛刹海。皆於其中說此經法。九猶帝網者。彼一一微塵。既各攝此無盡刹海。即此刹等復有微塵。彼諸塵內復有刹海。是即塵塵既其不盡。刹刹亦復不窮。如因陀羅網重重。具十不可說其分量也。上來總是虛舍那佛說華嚴處。問若如上說。即七處八會皆悉難亂。如上初利天處說十住時。既遍虛空周側毛道。未知夜摩等處亦說十住不。設爾何失。二俱有過。若彼不說即說處不遍。若彼亦說何故經中云。初利說十住法。夜摩等處說十行等。答此說十住初利天處。既遍十方一切塵道。是故夜摩等處皆有初利。即於如此遍夜摩等初利天處說十住。是故初利無不普遍。仍非夜摩。夜摩等處說十行等。皆亦遍於初利等處。仍非初利當知亦爾。若約十住與十行等全位相攝。即彼此互無各遍法界。若約諸位相資。即彼此互有同遍法界。餘一品一文處。皆亦如是。准以思之。十餘佛同者。如此一佛說華嚴處如是不同。是即十方一切餘佛。各說華嚴處皆不同。准前知之。經云。三世諸佛已說。今說當說。又云。我不見有諸世界彼諸如來。不說此法。又如證法菩薩

所說。當知餘佛無不同說。問餘佛說處與舍那說處。為相見不。設爾何失。二俱有過。謂若相見即乖相遍。若不相見不成主伴。答互為主伴通有四句。謂主主不相見。伴伴亦爾。各遍法界彼此互無故無相見。主之與伴其必相見。伴主亦爾共遍法界。此彼互有故無不相見。如舍那為主證處為伴。無有主而不俱伴故。舍那與證處同遍法界。設於東方證法來處彼有。舍那還有東方而來作證。如是一一具具遠近。皆同遍周法界。一切塵道無障無礙。思之可見。

說經時第二

夫以常恒之說。前後際而無涯。況念劫圓融豈可辨其時分。今略舉短脩分齊。析為十重。初唯一念。二盡七日。三遍三際。四攝同類。五收異劫。六念攝劫。七復重收。八異界時。九彼相入。十本收末。初唯一念者。謂於一刹那中。即遍如前無盡之處。頓說如此無邊法海。二盡七日者。謂佛初成道。於第二七日。普遍如前處說此經法。三遍三際者。謂盡前後際各無邊劫。常在彼界恒說此法。初無漸息。如不思議品說。四攝同類者。謂彼一切無邊劫中。一一劫內各攝無量同類劫海。常說此法。五收異劫者。謂一一劫各攝無量異類劫海。如長劫攝短劫等。恒說此經。六念攝劫者。於一念中。即攝如上無量前後同異劫海。如是念念盡前後際。一一念中。皆各普攝一切諸劫。皆亦如是。如是時劫。常說此法。七復重收者。此一念中所攝劫內。復有諸念。

而彼諸念復攝諸劫。是即念念既其不盡。劫劫亦復不窮。如因陀羅網重重無盡。思之可見。八異界時者。如樹形等無量無邊。異類世界時劫不同分齊各別。並盡彼時分常說此經。九彼相攝者。即彼異界所有時劫。亦各別相收。或互相攝。若念若劫無盡同前。悉於彼時恒說此法。十本收末者。如華藏界中以非劫為劫。劫即非劫。念等亦爾。以時無長短離分限故。以染時分說彼劫故。以時無別體依法上立。法既融通。時亦隨爾。於此無量時劫常說華嚴初無休息。問准此所說。說華嚴會總無了時。何容有此一部經教。答為下劣衆生。於無盡說中。略取此等結集流通故。有此一部。令其見聞方便。引入無際限中。如觀隙隙見無際虛空。當知此中道理亦爾。觀此一部見無邊法海。又復即此一部。是無邊劫海之說以結通。文無分齊故。一說即是一切說故。問若此多劫常恒說者。何故如來有涅槃耶。答說此經佛本不涅槃。法界品中開旃檀塔。見三世佛無涅槃者。又復以此初時既攝多劫。是故示現涅槃亦在此中。以攝化威儀之中涅槃。亦是說法攝生與成道說法。無差別故。是故說法總無休息。復次舍那佛常在華藏。恒時說法。初無涅槃如常住故。

說經佛第三

問說此經佛虛舍那身。既在如前無盡時處。其佛為是一身。為是多身。設爾何失。二俱有過。謂若是一身。何故一切刹中各全現耶。若

①謂十(之)②遍周二周遍③具十④十(應)⑤中十(等)⑥餘十(一會)⑦今說當二當說今⑧諸十(佛)⑨爾二不相見⑩必二心⑪相一⑫說二演⑬說十(遍)⑭如一⑮法二經⑯一二諸⑰悉二皆⑱部十(經教)⑲二二處

是多身。何故經言而不分身。又云。而如來身亦不往彼。答此處舍那法界身雲無障礙故。常在此處。即在他處。故遠在他方。恒住此故。身不分異。亦非一故。同時異處。一身圓滿。皆全現故。一切菩薩不能思故。今顯此義。略辨十重。一用周無礙。二相遍無礙。三寂用無礙。四依起無礙。五真應無礙。六分圓無礙。七因果無礙。八依正無礙。九潛入無礙。十圓通無礙。初用周無礙者。於上念劫剎塵等處。盧舍那佛顯法界身雲。業用無邊。周側如上。一一塵刹。一一念劫。攝生威儀。或現八相。或三乘形。或五趣身。或六塵境。身雲差別名號不同。業用多端。不可稱說。華嚴佛境界分。云。盧舍那佛於一塵中。示現十佛世界微塵數等多威儀路。以攝衆生。如一塵一切。塵亦爾。如一佛一切。佛亦爾。故知如是應機現身。無盡無盡。不可說也。又云。如此見佛坐師子座。一切塵中亦復如是。二相遍無礙者。於上一一差別用中。一一各攝一切業用。如在胎中。則有出家成道等類。如是一切自在無礙。如經微細中說。三寂用無礙者。雖現如是無邊自在。然不作意不起念慮。常在三昧不礙起用。不思議品云。於一念中。悉能示現一切三世佛。教化一切衆生。而不捨離諸佛寂滅無二三昧。是為諸佛不可譬喻。不可思議境界。如末尼雨寶天鼓出聲。皆無功用任運成就。四依起無礙者。如此所現雖無功用。皆依海印三昧之力。而得顯現。經云。一切示現無有餘。海印三昧勢力故。五真應無礙者。則此

應現無盡身雲。即無生滅。則是法身平等一味。不礙業用無有限量。經云。法身多門現十方。如是真應理事混融。無障無礙。是佛境界也。六分圓無礙者。則此遍法界盧舍那身。一支分一毛孔。皆亦有自舍那全身。是故分處則是圓滿法界品云。如來一毛孔中。出一切佛刹微塵等化身雲。充滿一切世界。不可思議故。亦於毛孔。則現十方盡窮法界。一切諸佛一毛孔中。盡過去際一切如來。次第顯現。不可思議。故經稱云。如來無量功德海。一一毛孔皆悉現。又如法界品中。普賢支節及毛孔亦現可知。七因果無礙者。謂於身分及毛孔處。現自舍那往昔本生行菩薩行所受之身。及所成行。亦現十方一切菩薩身雲。及行。經中佛眉間出勝音等。無數菩薩。八依正無礙者。謂此身雲則作一切器世間。經云。或作日月遊虛空。或作河池井泉等。一切世界海。又亦潛身入彼諸刹。一一微細塵毛等處。皆有佛身圓滿普遍。經云。佛身充滿諸法界也。又被所入一切刹海。總在如來一毛孔現。經云。無量刹海處一毛。悉坐菩提蓮華座。遍滿一切諸法界。一切毛孔自在現。普賢亦云。一切諸佛及刹土。在我身內無障礙。我於一切毛孔中現佛境界。諦觀察況於佛也。又如來自在還現自身。於身內刹中教化衆生。無障無礙。非思量境界。九潛入無礙者。於衆生世間無礙自在。謂此佛身遍入一切衆生界中。如如來藏雖作衆生。而不失自性。此亦同也。又亦總攝一切衆生。悉在如來

一毛孔內。一切毛孔亦皆如是。經云。觀見如來一毛孔。一切衆生悉入中。如是等。十圓通無礙者。謂此佛身。則理即事。則一。即多。則依。即正。則人。即法。則此即彼。則情即非情。即深即淺。即廣即狹。即因即果。則三身。即十身。同一無礙自在法界。難可稱說。如來以自在身雲。於前時處常說華嚴無休無息。

說經衆第四

夫衆海繁廣。豈塵算能知。今統略大綱。亦現十位。一果德衆。二常隨衆。三般會衆。四供養衆。五奇特衆。六影響衆。七表法衆。八證法衆。九所益衆。十顯法衆。初果德衆者。謂盡法界一切諸佛。皆在舍那海印中現。同於此會共說華嚴。然有二類。一能加。第一會中盡十方一切諸佛。悉現其身。加於普賢。餘會准之。二證法衆。如發心品末。十方各有百萬佛刹塵數諸佛。悉號法慧。現身讚述。一切十方皆亦如是。如性起品。十方各有八十不可說百千億那由他世界微塵數如來。同名普賢。現身讚述十方亦爾。皆云。我等諸佛爲未來菩薩故。護持此經。令久住世也。第七會末亦盡十方諸佛現身而讚證述。同前解云。當知。現今此經住世。並是佛力。二常隨衆者。如普賢等十佛世界微塵數等大菩薩衆。是盧舍那內眷屬故。動止常相隨。周遍一切微塵道處。於華藏界。助成能化顯一乘法。如舍利弗等千二百五十比丘。與釋迦佛亦常相隨。於娑婆界。助佛揚化。說三乘等法故。三

①云二經言②(盧)一③(佛)一④微細二帝細⑤末二摩⑥此亦二亦此⑦則二即⑧即二則⑨則二即⑩則二即⑪加十(來如)⑫(中)一⑬(一)一⑭(故)一⑮今二令

嚴會衆者。如諸神王天王等衆。有三十餘類。一一類衆各過世界微塵數等。並是道力隨緣殊形異現。俯同世間顯隨類生身。則是衆生世間之身。莊嚴盧舍那佛大衆法會也。餘宗是化爲令淨土示不空故。此中是實。以是海印三昧現故。能顯示大法海故。四供養衆者。如第五會莊嚴師子座。有百萬億菩薩在前立侍。又百萬億梵王而圍繞之。如是彼有五十八衆。一一各有百萬億數。或云無量阿僧祇等。餘會准知。此等並是舍那佛所常供養衆。五奇特衆者。如佛高臺樓觀師子之座。諸莊嚴內。一一各出一佛世界微塵數菩薩。謂海慧等。此是如來依報所攝。以表依正無礙故。入法無二故。又如佛眉間出勝音等佛世界微塵數菩薩。以表因果無礙故。又表從證起教故。六影響衆者。如舍那品中。十方各十億佛土微塵數等大菩薩衆。一一各將一佛世界微塵數菩薩。以爲眷屬。一一菩薩各與一佛世界微塵數等妙莊嚴雲。悉皆彌覆充滿虛空。隨所來方結跏趺坐。次第坐已。一切毛孔各出十佛世界微塵數等一切妙寶淨光明雲。一一光中。各出十佛世界微塵數菩薩。一切法界方便海。充滿一切微塵道。一一塵中有十佛世界微塵數佛刹。一一刹中三世諸佛。皆悉顯現。念念中於一一世界。各化一佛刹塵數衆生。又如法界品中。十方亦各應數菩薩悉來雲集。且如上方大菩薩衆。一切相好一切毛孔。一切支節一切身分。一切莊嚴具一切衣服中。出盧舍那等過去一切諸佛。未來

一切已受記佛。未受記佛。現在十方一切世界一切諸佛及眷屬雲。皆悉顯現。過去所行檀波羅蜜。及受者施者皆悉顯現。過去所修尸波羅蜜。乃至一切行海。充滿法界皆悉顯現。解云。毛孔身分。既攝法界。如是等類極位菩薩。從他方來影響如來。非是自利常隨之衆與普賢等。德位齊等。七表法衆者。如諸首菩薩表說信法信爲行首故。諸慧菩薩表十解法。以慧能解故。諸林表行諸幢表向諸藏表地。如是等類。並是寄諸菩薩表行位法。或十刹塵數。或不可說等。餘並准之。八證法衆者。如諸會未皆有他方同名異界大菩薩衆俱來作證。現此所說決定究竟。或一一方各百萬佛刹塵數等。並各如文。九所益衆者。如諸會中天王天女等。是所益衆又如發心功德品中。十方虛空法界等世界中。一一各有萬佛世界微塵數衆生。是得益衆。性起品中十方虛空法界等世界。一一各有一切佛刹微塵等衆生。又云。彼一一世界中。復各有百千佛刹微塵等菩薩。並是所益。第八會初亦有所益無邊大衆。十顯法衆者。如舍利弗須菩提等。五百聲聞在此法。會如響託此反示一乘法界。由彼方。現此法深廣。猶如因。皂以現白等。此衆無有結通。以是別非普故。相違因故。以前十類爲器爲模印佛法界。以成無盡。法門海耳。

說經儀第五

夫以。無限大悲周衆生界。施化萬品儀式難量。今就通別各開十例。通而論之。或以音聲

或現妙色。或以奇香或以上味。或以妙觸或以法境。或內六根或四威儀。或弟子人物。或一切所作皆堪攝物。具如不思議品說。大別現言聲亦有十例。一如來語業圓音自說。二如來毛孔出聲說法。三如來光明舒音演法。舍那品中。一切如來毛孔。及光明中說偈等。四令菩薩口業說法。如加普賢令說法等。五令菩薩毛孔亦出音聲說法。同如法界品云。於一毛孔出一切佛妙法雷音。又如密嚴經中。金剛藏菩薩遍身毛孔。出聲說法。六令菩薩光明亦有音聲說法。舍那品中。諸菩薩光明中說偈等。七令諸刹海出聲說法。彼品云。諸寶羅網相扣磨。演佛音聲常不絕。八令一切衆生悉爲說法。彼品云。以一切衆生言音。入佛音聲法門教化。九以三世音聲說法。十以一切法中皆出聲說法故。普賢行品頌云。佛說菩薩說。刹說衆生說。三世一切說。解云。佛及菩薩各有三說。餘四各一故爲十也。如音聲說法有此十種。餘色香等者。皆各具十。並可准知。是則已爲一百門說法。

辯經教第六

圓教微言必窮法界。既盡如來無盡辯力。各遍虛空毛端刹海。復各盡窮未來際。頓說常說時處無邊。若斯之教豈可限其部帙。今約准經文。析爲十類。一異說經。二同說經。三普眼經。四上本經。五中本經。六下本經。七略本經。八主伴經。九眷屬經。十圓滿經。初異說經者。如樹形等世界既異。其中衆生報類亦別。如來於彼現身立教。隨彼所宜施設教法。

①問二同 ②表十(佛) ③薩十(一菩薩) ④者一 ⑤尸十(羅) ⑥現一顯 ⑦會十(如寶) ⑧見二黑 ⑨(大)十法  
⑩耳二爾 ⑪演十(說) ⑫(同)一 ⑬出二咪咀 ⑭(諸)十音 ⑮者二九衆 ⑯已二以 ⑰辯二示 ⑱折二折

差別不同。與虛空法界等。唯如來智之所能知。不可定其色非色等。言非言等。舍那品中。廣明樹形河形須彌山形。乃至一切衆生形世界海。末後結云。皆是虛舍那佛常轉法輪處。解云。文中但云常轉法輪。不言法輪分齊相者。以彼施設與此不同故不顯示。俱可准知。彼處亦。設如此法教。部類難量不可說也。二同說經者。唯於此類須彌山界。遍於虛空毛端等處。以言聲說亦無有盡。如不思議品云。如來一化身。轉如是等不可譬喻法輪雲。一切法界虛空界等世界。悉以毛端周遍度量。一一毛端處。於念念中。化不可說不可說佛刹微塵等身。乃至盡未來際劫。一一化佛身有不可說不可說佛刹微塵等頭。一一頭有不可說不可說佛刹微塵等舌。一一舌出不可說不可說佛刹微塵等音聲。一一音聲說不可說不可說佛刹微塵等修多羅。一一修多羅。說不可說不可說佛刹微塵等法。一一法中說不可說不可說佛刹微塵等句身味身。復不可說不可說佛刹微塵等劫。說異句身味身。音聲充滿法界。一切衆生無不聞者。盡一切未來際劫常轉法輪。如來音聲無異無斷。不可窮盡。亦阿僧祇品偈云。彼諸一一如來等。出不可說梵音聲。於彼一一梵音中。轉不可說淨法輪。於彼一一法輪中。雨不可說修多羅。於彼一一修多羅。分別諸法不可說。於彼一一諸法中。又說諸法不可說。又復於彼說法中。說衆生依不可說。又於一一毛道中。不可說劫說正法。如彼一微毛端

處。一切十方亦如是。解云。此中說處非樹形等。言聲說教非色香等故不同。但一類無盡非可結集。不可限其品類多少。亦非下位所能受持。三普眼經者。如法界品中。海雲比丘所受持經。以須彌山聚筆。四大海水墨。書一品修多羅不可窮盡。如是等品復過塵數。此亦但是大菩薩等。陀羅尼力之所受持。亦非具業所能書記。四上本經者。此是結集書記之上本也。故龍樹菩薩往龍宮見。此大不思議解脫經有三本。上本有十三千大千世界微塵數偈。四天下微塵數品此之謂也。五中本經者。彼見中本。有四十九萬八千八百偈。一千一百品。此上二本並祕在龍宮。非閻浮提人力所持故。此不傳六下本經者。謂彼所見下本有十萬偈。現傳天竺。梁攝論中名百千經即十萬也。大智論中。亦名此經爲不思議解脫經有十萬偈。西域記說。在遮俱。槃國山中有此具本。七略本經者。即此土所傳六十卷。本梵本有三萬六千偈。是前十萬偈中要略所出。昔晉義熙十四年。於楊州謝司空寺。譯。天竺三藏法師名佛度跋陀羅。此云覺賢。是大乘三果人。姓釋迦氏。甘露飯王之苗胤。曾往兜率天。就彌勒問疑。具如別傳。八主伴經者。謂舍那佛所說華嚴。雖遍法界。然與餘佛所說之經互爲主伴。一一主經必具無量同類眷屬。如說性起品竟。十方一一各有八十不可說百千億那由他佛刹微塵數菩薩。同名普賢。各從本國來此作證。皆云我等佛所亦說

此法。與此不殊。故知一性起修多羅。十方各有八十不可說百千億那由他佛刹微塵數修多羅。以爲眷屬。如一處性起既爾。餘一切處性起。各攝爾許眷屬。相與周遍法界。如性起既爾。餘會餘品文中。各有證法之數。悉爲眷屬。准釋可知。如此略本七處八會所攝眷屬。當知餘本皆具眷屬。准思可見。九眷屬經者。謂此無盡修多羅海。一則一切。十方塵道同時恒說。下位菩薩二乘凡夫不能聞見。性起品云。此經不入一切衆生手。唯除菩薩。又云。一切聲聞緣覺不聞此經。何況受持。又云。若菩薩憶那由他劫行六波羅蜜。不聞此經。雖聞不信。是等猶爲假名菩薩。解云。以彼器劣不能聞信此通方法。而如來方便隨一方。遍逐彼根機。說宜聞之法。如餘一切權教三乘小乘等經。既無結通十方齊說。故非主經。然亦與主爲勝方便故。但爲眷屬。是故一一主經必具無量方便眷屬。如普眼經。有世界塵數修多羅以爲眷屬。又如普莊嚴童子所受持經。皆有塵數眷屬等經。具如經說。問此與前主伴經何別。答略由三別。一前經文句必與主同。此即不爾。二彼必結通十方同說。此亦不爾。三彼經亦有爲主之義。此亦不爾。是故彼經亦主亦伴。名主伴經。此即唯伴非主。名眷屬經。與彼不同分二部耳。十圓滿經者。謂此上諸本。總混同一無盡大修多羅海。隨於其中一會一品一文一句。皆具攝一切。及一一文句遍入一切。以是普法無分限故。圓滿教法理應爾故。如因

①俱二低②(施)十設③(皆)十悉④(如來)十音⑤同十(前)⑥(以)十四⑦(一)十四⑧(本)一⑨(總)十譯⑩(而)一十就⑪(此)十一⑫持十(義)⑬(無量)十應⑭(之)一⑮主十(伴)⑯乙本通以下至終之



陀羅網無分齊故。盡佛能化無邊境故。舍那品偈云。一切佛刹微塵中。盧舍那現自在力。弘誓願海振音聲。調伏一切衆生類。又法界品中名圓滿因緣修多羅。此之謂也。無盡教海應如是知。

### 顯經義第七

夫以義海宏深真源。渺漫略開二類各辨十門。先明所標之法。浩汗無涯。撮爲十對。用以統收。一教義一對。謂無盡言教及所詮義。二理事一對。謂緣起事相及所依真理。三境智一對。謂所觀真俗妙境。及辨能觀普賢大智。四行位一對。謂普賢行海。及辨菩薩五位相收。五因果一對。謂辨菩薩生了等因。及現如來智斷等果。亦是普賢圓因舍那滿果。六依正一對。謂蓮華藏界并樹形等。無邊異類諸世界海。及現諸佛菩薩法界身雲無礙依持。七體用一對。謂此經中凡舉一法。必內同真性外應群機。無有一法體用不具。八人法一對。謂佛菩薩師弟等人。顯說法界諸法門海。九逆順一對。謂文中現五熱衆轉一王形。障及現施戒順理正修。十應感一對。謂衆生根欲器感多端。聖應示現亦復無邊。舍那品云。一切衆生所樂示現雲等。然此十對同時相應。成一緣起無礙銘融。隨有一處即具一切。是此經中所具之法。次明所顯理趣者。巧辯自在勢變多端。亦舉十例以現無礙。一性相無礙。二廣狹無礙。三多無礙。四相入無礙。五相是無礙。六隱顯無礙。七微細無礙。八帝網無礙。九十世無礙。十主伴無礙。於前

所說十對法中。一一皆有此十無礙。是故即有百門千門等准思之。今且略於事法上辨此十例。餘法准知。具如經中。一蓮華葉即具此十義。謂此華葉則同真性。不礙事相宛然顯現。經云。法界不可壞蓮華世界海等。此是理事一味無礙之門。二則此華葉。其必普周無有邊際。而恒不壞本位分齊。此即分則無分廣狹無礙。經云。此諸華葉普覆法界等。三即此華葉具無邊德。不可言一。融無二相不可言多。此一即多多復即一。一多無二爲一華葉。經云。知一即多多即一等。是謂第三一多門也。四此一華葉。其必舒已遍入一切。差別法中。復能攝取彼一切法。令入己內。是故即舒恒攝同時無礙。經云。以一佛土滿十方。十方入一亦無餘等。是謂第四相入門也。五此一華葉。必廢己同他。舉體全是彼一切法。而恒攝他同己。全彼一切即是己體。是故己即是他。他即是己。己即是己不立。他即是己他不存。他已存亡同時顯現。經云。長劫即是短劫。短劫即是長劫等。是謂第五相是門也。六又此華葉既遍一切法。彼一切法亦皆普遍。此能遍彼則此顯彼隱。彼能遍此則彼顯此隱。此能攝彼亦此顯彼隱。彼能攝此亦彼顯此隱。如是此彼各有即顯即隱。無有障礙。經中東方見入正受。西方見三昧起等。是謂第六隱顯門也。七此華葉中。悉能顯現微細刹土炳然齊現。無不具足。經云。於一塵中。微細國土莊嚴清淨曠然安住。又如第九迴向微細處說。是謂第七微細門也。八又此華

葉一一塵中。各有無邊諸世界海。世界海中復有微塵。此微塵內復有世界。如是重重不可窮盡。非是心識思量境界。如帝釋殿天珠網覆。珠既明徹互相影現。所現之影還能現影。如是重重不可窮盡。經云。如因陀羅網世界。千地論云。帝網差別者。唯智能知非眼所見。是謂第八帝網門也。九此一華葉。橫遍十方豎該九世。謂過去過去去世。過去現在世。過去未來世。如過去世有此三世。現在未來當知亦爾。總此九世攝爲一念。總別合舉名爲十世。具如離世間品說。又以時無別體依華以立。華既無礙時亦如之。是故經云。過去一切劫安置未來。今未來一切劫。迴置過去世。又云。無量無數劫能作一念頃等。是謂第九十世門也。十又此華葉理無孤起。必攝無量眷屬圍繞。經云。此華有世界海塵數蓮華。以爲眷屬。此經圓教所有之法。皆互爲主伴具德圓滿。是故見此華葉。即是見於無盡法界。非是託此別有所表。下文云。從無生法忍所起華蓋等。此一華葉。既具此等十種無礙。餘一切事皆亦如是准之。如事中既爾。如前十對法門之中。一一皆有如是十種無礙。准此知之。

### 釋經意第八

夫以法相圓融。實有所因。因緣無量略辨十種。一爲明諸法無定相故。二唯心現故。三如幻事故。四如夢現故。五勝通力故。六深定用故。七解脫力故。八因無限故。九緣起相由故。十法性融通故。於此十中。隨一即能令彼諸

法混融無礙。初無定相者。謂以小非定小故能容大。大非定大故能入小。十住品云。金剛圍山數無量。悉能安置一毛端。欲知至大有小相。菩薩因此初發心。解云。此中明大非大故有小相也。二明一切法皆唯心現無別自體。是故大小隨心迴轉。即入無礙。又釋謂彼心所現毛端之處。此心於彼現大世界。大小同處互不相礙。下文云。彼心不常住。無量難思議。顯現一切法。各各不相知等。三明一切法如幻故。謂如幻法小處現大皆無障礙。下文云。或現須臾作百年。幻力自在悅世間等。四明一切法皆如夢故。謂彼夢法長短無礙。是故論云。魔夢謂經百年。覺乃須臾。與故。時雖無量攝在一刹。耶等。五勝通力故者。謂自在位中。菩薩諸佛勝神通力。小處現大無所障礙。四種通中幻通所攝。轉變外事故。餘三亦具准思之可見。六深定力故者。謂彼自在三昧力故。令於小處而現大法。無所障礙。下文云。入微塵數諸三昧。一一三昧生塵等定。一塵中現無量刹。而彼微塵亦不增乃至云。是名大仙三昧力。七解脫力故者。謂此皆是不思議解脫力之所現故。如不思議品十種解脫中云。於一塵中建立三世一切佛刹等。八因無限故者。明此皆由無限善根所起故。謂佛地善根所起之法妙極自在。是故一則一切無所障礙。下文云。以一佛土滿十方。十方入一亦無餘。世界本相亦不壞。無比功德故能爾解云。無比功德故者。出所因也。九緣起相由力故者。謂一與多互為緣起。相由成

立故。有如此相即入等。此有二種。一約用。有力無力相持相依。故有相入。二約體。全體有空能作所作全體相是。故有相即。此二復有二義。一異體相望故。有微細隱顯。謂異體相容具微細義。異體相是具隱顯義。二同體內具故。得有一多廣狹。謂同體相入故。有一多無礙。同體相即故。有廣狹無礙。又由異體攝同故有帝網無礙義。現於時中故。得有十世義。緣起無性故。得有性相無礙義。相關互攝故。得有主伴無礙義。是故此一緣起門即具前十義。思之可見。下文云。菩薩善觀緣起法於一法中解衆多法。衆多法中解了一法。又云。一中解無量。無量中解一。展轉生非實智者無所畏。解云。展轉生是互為緣起出因也。十法性融通力故者。謂若唯約事相。互相礙不可則入。若唯約理性。則唯一味不可。則入。今則理事融通。具斯無礙。謂不異理之事具攝理性時。令彼不異理之多事。隨彼所依理。皆於一中現。若一中攝理而不盡。即真理有分限失。若一中攝理盡多事不隨理現。即事在理外失。今既一事之中全攝理。多事豈不於中現。舍那品云。於此蓮華藏世界海之內。一一塵中見一切法界。解云。一切法界是事法界也。又不思議品云。一切諸佛於一一微塵中。示現一切世界微塵等佛刹種種莊嚴。常轉法輪教化衆生。未曾斷絕。而微塵不大世界不小。決定了知安住法界。解云。此中文意。明此大小之事同是安住理法界。故令彼能依事法大小相在無障礙也。

明經益第九  
夫以。信向趣入此普賢法。圓通頓益廣大無邊。略攝經文現其十種。一見聞益。二發心益。三起行益。四攝位益。五速證益。六滅障益。七轉利益。八造修益。九頓得益。十稱性益。初見聞益者。謂依此普法。見聞如來及此遺法。所種善根成金剛種。不可破壞。要必成佛。如性起品云。若有得經卷地如來塔廟禮拜供養。彼衆生等。具足善根滅煩惱患。得賢聖樂。佛子乃至不信邪見衆生見聞佛者。被諸衆生於見聞中所種善根果報不虛。乃至究竟涅槃。斷一切惡諸不善根。具足善根。佛子於如來所。見聞供養恭敬。所種善根不可言說不可為喻何以故。如來不可思議過思議故。二發心益者。謂信位滿稱彼佛境。發此大心。此心即是普賢法攝。是故融通即遍如前無盡時處等法界。既入彼攝彼。則令諸位亦皆圓滿。故經云。初發心時便成正覺。知一切法真實之性。具足慧身不由他悟。又云。初發心菩薩則是佛故。悉與三世諸如來等。廣如發心功德品偈頌中說。三起行益者。謂若起一普賢行時。即遍一切行位。一功德一切法。一切處一切時。一切因一切果。窮盡法界具足一切。如帝網等。是故一行徹至究竟。如普賢品略現六十種普賢行。皆一一遍一切速至佛果。是故經云。菩薩摩訶薩得聞此法。以小作方便。疾得阿耨多羅三藐三菩提。與三世佛等。廣如彼文頌中說耳。四攝位益者。謂信等五位。一位中攝一切位。然有二門。

●史十(頌)● ●耶二那● ●則二即● ●功二切●

一全位相是門。即一切位是一位故。十信滿處即便成佛。二諸位相資門。即一位中具一切位。如十信中有十住乃至十地。如賢首品說。十住等中各攝諸位。皆具二門。如海幢比丘處及十住品等說。又云。在於一地。普攝一切諸地功德。餘廣狹無礙乃至帝網等皆具。准思可知。五速證益者。依此普門一體一切證。速入十地。如合那菩薩在兜率天。放足下光。普照十佛世界微塵數刹。遍照彼處。地獄衆生滅除苦痛。得十眼十耳等。命終皆生兜率天上。聞空聲說法。悉得十地諸力莊嚴。具足三昧。皆悉成就衆生界等。善身口意普見諸佛廣益衆生。並悉頓成。具如小相光明品說。解云。識從地獄出。聞此普法。即得十地者。明是此法之深益也。六滅障益者。依此普門。亦一斷一切斷。謂如前兜率天子得十地已。一一毛孔化作衆生界等妙香華雲。供養盧舍那佛。散香華已。一一華中見諸如來時。彼香雲普熏無量佛刹微塵數世界。衆生其蒙香者。身心快樂諸罪業障皆悉除滅。於色聲香味觸。內外各有五百煩惱八萬四千煩惱皆悉除滅。彼諸衆生。具足種種淨香自在。解云。前地獄天子。非直自身頓得十地。亦乃毛孔香熏。令爾許衆生頓滅如此無量煩惱。並是普法之勝力也。七轉利益者。普行亦成則能頓益無邊衆生。悉亦同得此十地法。如前兜率天子得十地已。毛孔中出蓋雲供養佛。經云。若有衆生見此蓋雲者。彼諸衆生。種一恒河沙轉輪聖王所殖善根。所謂白淨

寶網轉輪王等。菩薩摩訶薩安住如是轉輪王處。於百千億那由他佛刹微塵數世界中。教化彼轉輪王。放曼陀羅自在光明。若有衆生遇斯光者。皆得菩薩十地。又云。彼轉輪王放大光明。名周羅摩尼。若有衆生遇斯光者。得菩薩十地。悉得無量智慧光。明得十種眼清淨行業。乃至十種意清淨業。具足成就淨力三昧。乃至得普見肉眼等。解云。此上三重廣多深益同時成就。一天子得十地。二天子毛孔蓋雲。利他令得輪王。此亦是十地菩薩三輪王放光更轉廣益。復令多人亦得十地。皆利衆數量迅速展轉。皆悉頓成。不可說不可說。廣如彼品說。八造修益者。謂如善財依此普法。於一一生身。從初發心至普賢位。十地位滿。乃至云一切菩薩無量劫修。善財一生皆得。解云。以就普門一得一切得。廣如入法界品說。又如善財前生曾見聞普法成金剛種。遂令今生頓成解行門。此豈不三僧祇劫。答此中時劫不定。或一念則無量劫。無量劫即一念。一生即無量生等。並具如前十種無礙。准思可見九頓得益者。如六比丘頓見如來。一眼境界。祇洹林中不可說塵數菩薩頓得無盡自在法海。如法界品初說。又性起品。十方一一世界。各百千佛刹塵數菩薩。得一切光明等至一生位等。又發心品所得益。及舍那品初雲集菩薩毛光成益。有六重無礙等。具如彼說。十稱性益者。謂依此普法。一切衆生無不皆悉稱其本性。在佛果海中。即舊來益竟更無新。如性起品云。佛子如來

身中。悉見一切衆生。發菩提心修菩薩行。成等正覺。乃至見一切衆生寂滅涅槃。亦復如是。皆悉一性以無性故。乃至云。一切如來無極大悲度脫衆生。解云。辨衆生舊來同佛者。是無極大悲也。

#### 示經圓第十

夫以。法界圓通緣無不契。謂上九門所現之法。總合爲一大緣起法。隨有一處即有一切。無礙圓融無盡自在。若隨義分開亦有十門。一處圓者。謂前無盡處中。隨一處處。即有如上一切處。一切時。一切佛。一切衆。一切儀。一切教。一切義。一切意。一切益。各通帝網重重俱在一處。如一處處一切盡虛空法界。一一塵處皆亦如是。二時圓者。於一念中。則有如前一切時劫。一切處。一切佛。乃至一切益皆通。帝網重重顯示。如一念一切重重諸劫海中。一念攝皆亦如是。三佛圓者。於佛一毛孔中。即有一切佛。一切處。一切時。乃至一切益。如一毛孔一切遍法界。諸毛孔現皆亦如是。四衆圓者。准前五儀圓。六教圓。七義圓。八意圓。九益圓。十普圓。並類准思之。以同一無礙大緣起故。自在難量不思議故。是謂華嚴無盡法海。窮盡法界越虛空界。唯普賢智方窮其底。

#### 華嚴經旨歸

華嚴策林

右唐賢首國師述

夫華嚴宗旨。其義不一。究其了說。總明因果二門。因即普賢行願。果即舍那業用。此諸界爲體緣起爲用。體用全收。圓通一際。語其所以。不出緣起以義迴轉。銘達有空。隨智鑑用。即說多門。隨體湛宗。即說一義。若論玄旨。一多不可。然以不爲了一不多爲了多。恒存常空常有。大況如此。粗陳梗概。今就要義。略申問答。但述大意。餘屬經文。庶得道君子。探其趣焉。

一微普眼 二明理事 三辨正因 四融大小 五結成壞 六通二界 七明隱顯 八明因果 九達色空

一微普眼

問眼色相。依。應有其事。根塵和合。其旨非無。緣會現時。云何得不壞境。云何方名普眼。私答曰。五緣爲因。稱眼爲果。若緣發現。即以緣名爲眼。若以因沒果中。緣皆號眼。然則全色爲眼。恒見而無緣。全眼爲色。恒稱見而非我。非我離於情想。無緣絕於貪求。收萬象於目前。全十方於眼際。是以緣義無盡。隨見見而不究。物性難見思。應法法而難准。十法則眼普義通。乃見通體久自隱。隱照之遂重重。然究十方於眼際。鏡空有而皎明。收萬象以成身。現理事而通徹。謹對

二明理事

問緣起事相。分齊歷然。法界理性。無有所。若以存壞一。體用不巧。亦通事理。收爲不二。爲法枝繁。庶較玄宗。私對。緣起事相。必收性而方成。法界玄宗。亦依緣而現空。有有交徹。體用玄通。言事即有徹空源。談有乃空透有表。或時雙贊。顯毫之論不具。或時相成。廣大之談並見。現全收事。全事而爲理。事非別事。物具理而爲事。何方空隨有現理。遂事彰。一際通觀。萬物可定者矣。謹對

三辨正因

問今時修道入行。必應見佛求法。從因至果。函蓋相依。若見三十二相爲因。遂即無相可親。若證一空爲因。後恐理事懸別。請辨其佛之因。希聞成佛之果。私對。佛以無生空寂爲身。亦以法界無起爲體。但證此理。佛隨理以現身。但入無生。法隨智以顯相。相即無相。色身未足失理。無則不無。空門何得爲寔。久離寂默。三世之所未審。當已去色聲。六根之所罕接。然後證心內。照理成佛。亦同成靜息外緣。智就法亦同就。因滿即果。克發心已成。正覺之基。果滿即因成。得道蓋自初心之本。何必全因至果。恐招所得之基。全理事。將涉有性之論。謹對

四融大小

問有大有小。相狀歷然。一廣一陝。事物差別。若以小收大。或恐大失本形。若以大收小。亦恐小傷無實。寬隘即其不等。出入何得相容。適却兼雲。岐斯智日。私對。大必收小。方得

名大。小必容大。乃得小稱。各無自性。大小所以相容。並不竟成。廣陝以之齊納。是知大是小小。小是大小。小無定性。終自遍於十方。大非定形。歷劫較於一世。則知小時正大芥子。納於須彌。大時正小。海水納於毛孔。若不各壞性。出入何得不備。又以皆存本形。舒卷自然無礙。謹對

五結成壞

問成壞之義。其勢雖明。差別異陳。復乖其致。今者成時壞居何所。壞時成在何方。若異聖乃不容。若同凡又不信。請以珠玉來酬。祛玆瓦礫。私對。壞即成處。壞亦壞即成法界。空而恒有。存壞即有徹於空壞。實存即空彰於有表。然後異亦不異。體之自皎明。迷之自蒙昧。若以性端結空有二邊。若以智照來通成壞一際。謹對

六通二界

問衆生爲迷。諸佛爲悟。體雖是一。約用有差。若以衆生通佛。諸佛合迷。若以佛通衆生。衆生合悟。冀拂塵鏡以顯大明。庶開玄關。開爲暗室。私對曰。恒以非衆生爲衆生。亦非諸佛爲諸佛。不礙約存而恒奪。不妨壞而常成。隨緣具立衆生之名。豈有衆生可得。約體權施法身之號。寧有諸佛可求。莫不妄徹具源。居一相而恒有。眞該妄末。入五道而常空。情該則二界難通。智說乃一如易說。然後雙非雙立互成。見諸佛於衆生身。觀衆生於佛體

七明隱顯

●大日本續藏經 ●有二古 ●此二以 ●不十(一) ●逐二題 ●(依)一 ●五二立 ●充二第 ●二 ●二 ●有十(能) ●乃二朽 ●現二理 ●等二樂 ●物二想 ●遂二逐 ●遂二遂 ●合二令 ●開爲二爲開 ●(約)一 ●通智說二說智通 ●

問隱顯之義。旨趣難原。依空色以通玄。約一多而顯密。若顯時有隱。觀色即合見空。若隱時有顯。見寂應常觀動。請開法藏。此智珠私對。此能攝即此。云彼若收此。亦此顯彼隱。隱在即是顯在。顯時正是隱時。一壞全攝。多成此顯。全收彼隱。法體而恒明。明亦非顯。佛動而常寂。寂亦非隱。隱由顯立。法界開乎緣起中。顯由隱成。萬物鏡於一空之上。然見空即是見色。了妄即是了真。詎歷八萬體心之首。謹對

八明因果

問因果相依。其猶函蓋。若從因獲果。即果成異於因時。若即因是果。衆生同於佛地。不得稱爲斷德。茲又落常。幸旨迷方開斯正路。私對曰。因果二位。同一緣起。相因成立。義不孤興。因徹果源。果究因末。普賢行願。方號圓因。舍那十身。遂稱滿果。然則法無前後。隨了處而因圓。佛雖斷常。遂悟時而理現。果果非是得。因亦不亡。猶是發心方驗。果究因際。菩薩已成正覺。即知因源果位相望。自招斷常之失。同體一解。復招體用之識。自可緣起門中。許因相即。法界證處果異預談

九達色空

問緣起事。分齊差別。法界空理。離於限量。一通一礙自在之義有乖。或隱或顯。融會之端莫準。欲使力齊一味義顯同源。希聽德音。願開高唱。私對色攬空成。如動波之收水。事含理就。似金器。此隨形。色依空立。空約色明。互奪則二義必亡。互成則兩門俱現。現

時即隱故觀色而常空。空時即顯。故觀空而恒色。色既非色。空亦非空。互有力而互無。互相成而互奪。故無生之義遂彰。由相成。故緣起之門乃現。色無自性。舉體全空。空無自體。舉空全色。色空無二。圓通一際。更使一通一礙。溥在相而未。融。有隱。解在性而。方中。謹對

華嚴策林

維時明治二十四年卯五月。南山留學之際。檢出此書於釋迦文院寶庫。偶接悲母四大不順之急報。欲直下山看病。乃祈平癒于三寶奉速寫畢

五月十七日

南都唐招提寺末責

求律沙門智海五夏

No. 1873

華嚴經問答上卷

沙門法藏撰

問三乘事理。普法事理云何別。答。三乘中事者心緣色礙等。理者平等真如。雖理事不同而相即相融不相妨礙。亦不相妨而事義非理義也。普法中事理者。理即事理即理。理中事理中。即中中。雖事理不參而冥。無二隨言全盡。全盡而全不盡。如理事事理亦爾。以心言一切法而無非心。以色言一切法而無非色。餘一切人法教義等差別法門皆

爾。所以者何。緣起陀羅尼無障礙法。隨舉一法盡攝一切。無礙自在故。一無一切無故。三乘即不爾。廢理但事言一向不雜事。事中不自在故。一相教門隨情安立不盡理故。問言盡不盡者。約一法者云何爾。答。其法若一法是者豈爾。而一乘中一法。即一切法是一法。一法是一切法。一切法是一法故。一法言者即一切盡。一法即一切法。是故一法言不可盡。雖不可盡而一言無殘。雖無殘而全不盡

問。此言盡不盡。但言以是耶。有所盡不盡法耶。答。亦得云但言以是。言以外何有法乎。亦得有盡不盡法。盡不盡之言即當法故。法言能所不參。而冥無二相。隨意得爲也

問盡即不盡不盡即盡者。何義耶。答。隨緣生智之義。謂以盡生智即須之盡。以不盡生智即須不盡。所以其法不在於盡不盡。即不在於自故隨須即恣。何物不成乎。其猶虛空無自相。故一切中無妨。隨至即是。謂四尺中至即是。尺。步中至即步。何物非虛空。是所以無障礙故。緣起之法亦爾。准可思也

問。普法中何義事。何義理乎。答。且前方便約一色中。五尺義事。此無礙義理等。若正觀中。五尺義理。無礙義事。亦得。此反亦得。約事中礙義是心。緣義是色亦得。此反亦得。隨須緣恣言。所以正觀智於法得善巧方便。能見機益故

問。若緣義色時中。緣義心壞耶。緣心義不壞緣義色是耶。答。壞亦得。不壞亦得。所以者

●(釋)●十此●●攝十(彼)●●云二隱彼顯●●雖二維●●力二分●●融二亡●●解二顯●●方二萬●●不安末期小野玄妙氏藏本。●元祿十四年刊大谷大學藏本●門十(釋)●●事理二中理事●●別十(耶)●●理二事●●即二既●●尺二釋●●五尺二互釋●●

等因果法皆無所殘此經內在爲顯此義故

眞諦以默爲極。現不無法故。又音等者。凡此

以不壞義以爲心佛。故曰安住故。八三昧佛。

①不非壞不非壞不非壞=非不壞非非壞非非不壞②言十(壞)③(現)一④(問)十三⑤各各二百答⑥(全)一⑦(相)十  
當⑧似二以⑨(似)十⑩一十(切)⑪故十(該受微混無不稱性故)⑫(以)一⑬玄二方⑭(解云)一⑮  
(佛)十及⑯佛以三以佛位⑰以二位⑱(即)十與





問。何義。爲爾乎。答。一多相是前後相是相入故。是故善財者無量劫中。仕無量知識得無量法門。而不過第二七日一時。可思也。問。三乘教中立諸位地令生信解者。不爲如。衍立要至自究竟果耶。有要至自究竟果人耶。答。不定。況三乘教大意爲欲生信解。隨衆生意安立。受此教人有重。若利根人始聞方便教。即知方便之意即入一乘。又有聞教不知方便之意如教修行。此中有多品類。隨根熟處入一乘位。最鈍根人如所聞教至自究竟果。方迴入一乘見聞位。

問。見聞位不定位者。其退相云何。答。聞大法而即不得如聞自在故。細有違教。有墮三途人也。

問。以何知是。答如小相品云。以佛小相光照阿鼻地獄人等。彼光即生兜率天。聞空聲即得十眼十耳等大功德。若無前大善根云何能得爾許大功德乎。

問。此等人可權。往利衆生豈。取爲退人乎。

答。既空聲中教。汝所受地獄之苦無來去處。但汝惡業所感。何不爲退乎。

問。若實惡業所受者。凡夫位自所造之業受地獄苦。由佛光大故令出得大功德。何有。取退大人等乎。答。若爾何人令不出苦。而其中有限苦者。必有深善根人等。令出苦也。

問。如是退人等住下位中。迴入一乘。有惡業人等耶。設三乘自究竟果位中。至成佛人等是耶。答。此義實難解。然教品玄差者自宗中雖至究竟。而爲不聞一乘教。始聞同故。隨位

判並同有退不退也。

問。彼上果人既業煩惱盡。豈得有業煩惱爲主以大悲助往惡趣乎。答。自宗雖盡有一乘障不斷。豈不往乎。

問。此一乘障前自宗所斷之惑耶。更有別耶。答。義不定。所障不同故別亦得。又前。斷爲。而此乘以者全不斷故。乃至亦得。惑法無自隨處。故。

問。前所得智此中障耶不耶。答。亦得障。亦得不障。何爲雖彼宗智而不知一乘無障礙法故爲障。復雖不知而順於一乘進故不障。可思。

問。何知三乘極爲佛而還入一乘也。答。如法華經云。既至三車處方又索車故。佛乃與一車故。彼三車處即三乘果喻故。不可不爾也。

問。三乘大乘教中。盛明三淨土。諸衆生令爲不退處。三乘行者等必至八地上者。定生他受用土。成佛者定在自受用土。豈至不退處而有退墮惡趣乎。答。自宗如問。然而望一乘普法門不關何妨有退也。又彼教中云。三賢十聖住果報。唯佛一人居淨土。何八地上定生淨土乎。十地下位唯在自異熟識所變果報土。然就增上緣故爲淨土耳。斷惑亦爾。彼經云。至金剛三昧以無想信伏諸煩惱不斷。唯佛斷也。

問。若爾彼宗佛既在淨土。亦斷惑。何不入一乘乎。答。彼教中一乘隱於極處。故作如是說。若約教分齊。約行分齊者。彼佛亦有自報土。

或復永不斷。以至三車處方便索故。

問。若爾生淨土得無生忍。約何無生忍乎。答。不定。若生變化淨土入聞一乘。根熟聞一乘法人得一乘中真實無生忍。若乃在三乘分齊人得自宗定慧相應無生忍。以一乘望者相似無生忍也。餘二三等土亦爾。又三乘教所明淨土等者。此一乘教中世界海中攝。非十佛在十種淨土門攝。種種身等十種淨土但十佛在處。一切法之本原雖不別而非餘衆生分齊。竊欲現此義故。仁王經云。唯佛一人居淨土也。

問。若十種淨土但佛在不餘分齊者。與三乘教中自受用土有何差別乎。答。不似。何以故。三乘自受用土但成人所感。自識中因所生五塵等土最勝故。不餘所及。今一乘淨土雖但與在佛在而非捨衆生業身等法。雖不捨而不同分齊。雖不同而即是其也。猶如夢所見等物唯覺心量。雖覺心量而不如夢計。雖不如夢計而不捨夢所見法。彼中道理應知。亦爾也。

問。若爾與終教中法性土何有別乎。答。彼亦不同。所以何者。彼教所明但修人所證。寂照照寂。能所平等一實如爲佛土。非隨衆生妄識所生等種種法即爲。其故唯自定慧等智所識之分齊。在此一乘中即共事法不壞。全攝爲佛土故也。

問。經云。欲知至大有小相者。大因緣成大即爲小相耶不耶。答。得大因緣成即有小相。此大全小。因緣成故。

①爲爾二爾爲②衍一所③光二先④往二性⑤取二取⑥今二得⑦諸爲二爲諸⑧此乘以二以此乘⑨(是)十放  
⑩(耶)一⑪不爾也二爾也不⑫諸衆生令二令諸衆生⑬爾二爾⑭乃十(至)⑮在佛在二在佛⑯佛在⑰  
共二共⑱其故二故其⑳識二識

問若爾因緣全別云何即爲其乎答以因緣別故無關而非他故即爲其

問若所成即是者能成因緣亦爾答亦得即是隨須無妨故即中中自在能成因緣既爾所成之法亦爾一切因緣法皆是可知

問如夢中所見法唯心量是者三教中唯識門中有何別乎答少不同唯識門者雖所見法多而唯一識作無外別法也今所取者此心隨睡眠因緣作種種法時是諸法皆因緣之法無住無我法故無自住無不時所是之義此義隨因緣無住不隨作心故不同也

問此因緣無住即是所喻之緣起法云何爲能喻法乎答即是因緣非別喻然而迷人此夢因緣法隨分可解故取喻諸因緣法耳

問一乘中三處回向之義何爲答謂回向衆生菩提實際三處中無所回向是名爲回向

問既三處中向云何無所回向乎答菩薩起行中即爲衆生故又菩薩行無衆生不起故衆生所與由此二義故菩薩行古以衆生物非適今回向解如是義即無能所二入名爲回向又菩提回向者菩薩行從菩提生

爲成菩提故古以是菩提具無更所回向處故又菩薩行即如實法爲顯如實古以實際具無別所回向如是三義故一切菩薩行無不爾解如是名爲回向此義深趣緣起中道理三乘回向者有隨事別迴向之義可知問或有文云菩薩發心一切衆生已度以後成佛或云爲欲度衆生故修行菩提若未得

菩提者不能度衆生故菩薩言行相應若如前者何故衆生未盡而菩薩已成佛若如後文先成佛者云何與前相應行乎答此處實難解然自所證之理智無障礙故隨緣緣教何有相違謂衆生即菩薩故菩薩成時無不成衆生故永度衆生方成佛亦得以菩薩即衆生故菩薩永無成佛時亦得菩薩衆生不亂故先自成方能度衆生自無德能度他者無有是處故亦得菩薩與衆生不相知故菩薩非能度衆生非所度亦得如是四句遮過遣非顯德等中自在也

問菩薩代受衆生苦時中衆生惡業爲因所生苦爲自爲果受耶以衆生業所生苦令捨以自業所感苦受若如前者云何他作業自受若如後者但受自苦不代衆生答並得隨須處自在故非如三乘教義深可思也云云

問起信論以真如爲無明無明熏真如其相云何答不他故不相知故謂真如平等義無明迷自義非真如無無明非無明無真如是故互熏也此義即顯事理明開相即相融義入無分別理也

問五門論者等約自體緣起中明圓明具德無礙自在義與嚴師別教一乘普法有何別乎答此義難別然少少方便謂彼師等約相融離性自體門明無礙自在義非即約相事明如如無礙義故在於同教分齊此師等即約相明無礙義故當別教分齊耳問如來藏自體中明無礙自在即是熟教等

義何故爲同教分齊乎答此師等不別教分齊故一乘別教義在於藏相明也此義但在於藏體同一乘是義故同教分齊耳若約聖教臨機說分齊別者其相炳別何得不別謂涅槃等約如來無二義門臨根熟二乘等機說說處時亦別華嚴教者成道第二七日十世九世時中約一中多中一多即多即一等多一切事理等法界法門臨普賢等一向大機說機教既別其宗豈同乎可准解也疏云九種阿含證十地爲宗者一者行教相對謂一切言教爲阿含即能詮教此教所詮一切行德等爲證下論云如字藏義藏是也二者位地相對謂地前一切行德依教修故爲阿含地上一切行德教義等但依證位修行故皆名爲證也此下論地前異生衆爲阿含淨地上同生衆爲證淨等也三者修成相對者地上諸地聞思修等方便行及地前加行以所生自類報生識智別相可說爲阿含真無流證真如智等爲證以不可說相故此即下論聞思修等可說地智離文不可說事也四者真偽相對者約真證智從前後方便說彼智現示等爲阿含捨方便當真證智不可說爲證此下論義大不可說說大可說說大者因成就謂慈悲願力也因漸漸成說就大聞思修等也教說修成熟大謂觀修滿足等言觀修者從前方便說彼真證智除障自照之義滿足修者從彼方便說彼真證恒沙德具足現也義大者捨證談自證智唯證智乃知不可示說故義大爲證也五者相

●(乘)十教●●少二小●●[時]一●●[此義]一●●[向]一●●是十(義)●●[先]一●●受十(苦)●●門二問(●●少二小●●相十(事)●●在二存●●別二然●●來十(藏)●●一—二二●●(如)十下●●(如)一●●(當)一●●(當)十下●●就二熟●●(智)一●●

實相對者。證以前方便際中顯現彼證相爲阿含。即此捨現相入契實證爲證。此下論如增上妙光明法門等。言增上妙法者證之。增前相故爲增上。離相細體故爲妙法也。光明法門者。阿含以能照顯彼證法故也。六者體德相對者。約離相真證中如自體明顯名爲證。即此體隨順方便修能成諸德名爲阿含。從彼教修行。行成德故。下論如金體莊嚴所況等也。七者體用相對者。彼前體德含爲證。依彼證隨機緣所起教智用爲阿含。如後得智中起教用等也。此下論如珠光等所況等也。八者自分勝進相對者。前體德用以自分所得名爲證。上地所未得中明解爲阿含。此下論讚金剛藏德中有證阿含二淨也。九者證實相對者。無住大虛空爲證。於虛空中所盡十地教義等諸法門。雖與虛空無異相。而非全無爲阿含也。此下論虛空處爲述所況義等也。

問。何故十入合體相說乎。答。經云。一切菩薩不思議諸佛法。門說令入智慧地故。諸佛法門者。佛證智大虛空也。智慧地者。十地智入者即是十地智入於佛智虛空。若已入者即是一味無別體明入。是故約一味入說十入爲別以現現。若體門以十入全體。若以相者十入全相。若總別者九入全體根本入。根本入全九入故。非謂根本入體九入相也。是故體相合說也。本分中如是十入開體門爲六決定。前相門爲十地名也。

問。何故十地名爲相乎。答。對十障施設十地行德分別可見之相說故爲相。彼證體中無障可對故自在無礙。諸行德具足非情可見故非相也。

問。依位示現。普法中地前解行等中已滿顯示。何用十地中復顯乎。答。雖所顯普法隨位無殘現。而隨位增勝門別非無。謂前舉隨分顯滿。約初發心一念等顯滿故。今十地中舉滿現隨分。謂舉佛證智虛空以說十盡故。法門不同也。

問。約所顯法雖隨位全現。而約行人進修得證者。解行時劣。證時勝之義爲有耶不耶。答。隨行位言此義不無。然而果證時前劣無異證勝法。以前劣自勝名爲證故。若證時至有前劣者。非爲劣勝故。又非劣位動。無劣無勝故。是故不動勝劣位。即是無二。不移無二。即是二也。緣起無住法法爾故也。

問。請分經云。解脫月菩薩讚諸衆以請中。此來有阿含行五證淨四。證淨四中乃至第十地位。得證不隨他教淨等。既得證十地者何用亦說十地請乎。答。有二義。又一義其所得十地約前解行門所得證十地以讚。今所請十地約證門十地以請說。又一義既請言中云爲十力淨心。論釋曰。已入證者令得佛十力。未證入者令入證。故明知已得十地人欲爲成佛故請也。

問。若爾者但請說佛地。何故請說十地乎。答。十地即佛智慧無十地以外佛地。然佛地即爲果故。故不可說。十地因行故。可說示故請說十地。不請說佛地也。

問。若爾既得十地。已因即滿。即入佛果。何用請十地乎。答。欲爲現示十地無盡故。初地中十地。二地中十地。乃至第十地中十地無盡。無盡十地雖得下地十地。而未得上地十地故請說。何有妨乎。

問。若十地無盡者即無十地滿時。即無成佛時。何以爲成佛故請說十地乎。答。修如無盡十地已入無盡佛地。何有妨也。

問。十地證論通四果有何別耶。答。一者調柔果者約行位以說。謂由自地離障故。自行之行離強健故。名爲調柔果。二者發趣果者。有初地時中。能解於十地所行諸事。約聞思慧說也。三者攝報果者。由得初地等故。能得勝自在報。依此報能修自他利之義。四者願智果者。由自地諸行熟故即入證自體無住實相。相成行用與體無異之義也。是故諸地中願智果。雖增勝而無別增。即是雖去而不動。調柔等果雖不動而去之義。

①證二謂②下論如二如下論③此十(如)④非全無二全無數故⑤此十(如)⑥(門)一⑦(證)即⑧門二明⑨(味)一⑩(證)門以二以體門⑪同二得⑫果二對⑬(自勝)一⑭位二德⑮未二求⑯修如二如修⑰(論)一⑱(以)一⑲諸二法⑳(相)一㉑增二地

問。今所說之諸地。地每各有所作之障所  
行之行所得之果等不同。即此依行位等示  
現善法無障礙之法。是故善法中行者。即依  
此法而為修行耶。為此別耶。答。即依此法  
門以修行也。

問。若爾者雖不同所依行位。而亦不壞其法  
門。即為善法無障礙果行修行矣。一位一切  
位。一行一切行。一斷一切斷。一得一切得。故  
修德數斷惑數皆同齊。何故亦云善法中解  
行移返一切識分別。自此以去無分別心中  
修功德乎。答。實皆同齊。然而未得一分無生忍  
中。全迷不知自是本不迷。已得一分無生忍  
以去。全知自不迷。又知善法始終一相。此知  
時中無後際迷不所斷。亦無不所修德故。更  
無復所修斷之法。而法門不得故亦不盡修  
是故此以去所如是無分別心中。入法流具  
諸功德。修修無盡而不動。初門。不動。初門  
而念念斷修增。修增修斷而不修斷。以本無  
不修斷故。故第八地中云。證實性不成佛以  
修功德成佛。然莫捨此忍門也。忍門。謂自體  
本來空寂滅忍。不動此忍修諸功德。雖修功  
德而不動寂滅忍。是故無邊增修而毛毫不  
增。如是方實增亦實不增。實不增故立願智  
果。實增故說調柔等果。此四果雖十地中方  
說而蓋十地。即信解行回向矣。彼即此。此即  
彼乎。可思也。

問。此言增不增之相如何乎。答。經論中如  
所喻也。諸虛空中畫迹等事也。得一相無二  
故無增減之義。即是為願智果行體。若能畫

入言即其畫有增。微之義。即是調柔果等行  
用雖對體用而不有二法。雖無二法而非一  
法。一切諸行皆如是。知。可思也。

問。約九世十世法。得攝諸法盡耶不耶。答。約  
此門盡不盡之義具足。以盡門盡以不盡。門  
不盡同體異體等門。可知得且約一人相續  
以作九世等者。過去去中畜生。現在中人。未  
來中作佛如是。三世。明難品云。一切衆生  
心皆在三世中。又云。一念無量劫等中。過去  
中有三。謂一者過去過去。謂即自當體是畜  
生。二者過去現在。謂即其畜生是現在人。三  
者過去未來。謂即其畜生是未來佛。此為過  
去三世也。約現在有三。謂一者現在過去。謂  
即現在人。是過去畜生。二者現在現在。謂即  
是人自當時人。三者現在未來。謂即現在人  
是未來佛。此現在三世也。約未來世有三。謂  
一者未來未來。謂即其未來佛自當時佛。二  
者未來現在。謂即其佛是現在人。三者未來  
過去。謂即其佛是過去畜生。此未來三世也。  
如是九世法即是一念。故為第十世。合總別  
為十世。此即約即門而說也。經第三十四卷  
普賢行品云。過去是未來。未來是過去。現在  
是去來。菩薩悉了知。又偈云。三世即一念  
說也。中門。准可知也。若一相續一切相續  
亦爾。如一法一切法亦爾。一切即一故。人  
法相即故。

問。現在吾身成未來世佛者。彼佛化今吾身  
令修行耶不耶。答。化令修行也。  
問。彼佛今日吾以修行得。云何能化今吾令

修行乎。答。彼佛不化者今吾身不得作佛故。  
彼佛化方吾能修行成彼佛。

問。此義何為也。答。若約緣起道理者。非彼佛  
即無今吾。非今吾即無彼佛。故知爾也。如對  
今乃至盡過去際亦爾。

問。未來佛即過去等者。為成佛時即昔成  
之義耶不耶。答。是也。  
問。若爾但自是。何用為化。答。非他故化。若  
他者不得化。所以者何。自以外有故。非自所  
化也。

問。自既佛何用為化。答。是佛故化。若非是佛  
終日化不得成佛。本以成佛而不知自是。以  
化令知自是。以化令知自佛。是名化也。故實  
化無所化。實成無所成也。

問。若爾但自以乃化。都無化他之義耶。答。  
亦得化他。非他無自故。以自他緣成無分別  
故。是故佛能見自全他故。無攝物也。化非  
化等四句。自他等四句。設分別遣非顯德。  
隨應可知也。

問。自未來佛還化自現在者。以何文知乎。答。  
瓔珞經中第八地菩薩云。自見己身當果。諸  
佛摩頂說法故。已其說灼然可知。又既諸經  
經每云。三世佛拜故諸罪業滅。未來諸佛者  
何為乎也。

問。此他已成佛拜。何為自未成佛乎。答。拜他  
佛之義非無。而遠緣非近緣。所以者何。況  
諸佛為衆生說佛德。意為欲令衆生自亦得  
彼果故令修行。是故衆生證自當來所得之  
果德。為欲得彼故不惜身命修行。非為得他

○諸二法 ○門二得 ○同二得 ○初門二移得 ○諸二新 ○[乎]一 ○經論中如二如經論中 ○諸二謂 ○微之  
二滅微 ○等門二來得 ○(如)十過 ○(如)一 ○世十(中) ○自當體二因時 ○(說)一 ○(說)十准 ○  
切即一二即一切 ○(化)一 ○(佛)一 ○自以二以自力 ○(他)十無 ○設二沒 ○緣二疎 ○緣二親

佛果故修行。是故正今吾令發心修行。佛但吾當果。已成佛非他佛也。此義不疑怪也。又有他已成佛。即是自當果佛。所以者何。他成佛時即得三世佛平等果故。又吾當果佛即是他今成佛。所以者何。吾得當佛時即得三世佛平等法故。如是展轉更互平等。平等無差別果德皆化今吾令修行。其義亦非無故也。或今吾身全體如來藏佛等是也。今吾即緣吾性佛。以即是而不知故悲怪發。至心修行欲返迷。是故其觀化吾佛即是吾體佛。非遠求他佛。此義其正觀行者大要也。又此吾性佛者。即於一切法界有情。非情中全即在無非一物吾體佛故。若能拜自體佛者無物不所拜。此亦甚大要也。常可思惟之。若行者如是思得者。一切時一切處中。無一處一時起三毒煩惱之義。此即入一乘之觀方便。三世佛無非此行修成佛者也。

問。第六地中明不住道行勝文。十番十二因緣觀相云何。答。此觀甚難解。然。少少開其門爲思所趣也。第一因緣有分次第觀者。釋名因緣有分者。即十二因緣三有之因故爲因緣有分。言次第者。此因緣法因緣漸次以義爲次第也。觀者能見通之義也。此觀以何爲所治。即以人我執爲所治。謂外人計十二但我作。即此身見邪見爲體。即以三空所治。無實我計爲我故。此實即空故。以空門所治。又緣起體非我。生計有我生。以妄生故即無生門所治。或以生及實法相更無所願故。無願門通治彼二執也。若論觀體者。即顯因緣

理次第生義以實空。及以并實性等三性爲順觀體。逆觀即成一緣起無性性觀。即用緣起次第理爲此觀體也。

第二依止一心觀者。釋名者依止即十二因緣。此爲能依止。以梨耶一心爲所依。故名爲依止一心觀。觀如前釋也。若論所治者。治彼外境自性執。所謂一切境別治。然但自性差別積聚等三通治。可知。若能治所依觀體以空。以實等三空門爲順觀體。即以二種唯識爲順觀體。謂一梨耶唯識。即以真識爲體。二意識唯識。即以妄識爲體也。逆觀同前。成緣起無性性觀也。此觀合論但以十二因緣即一如來藏。真識無別法。爲應云云。第三自業助成。論名自因觀。謂即非他外道自性因等故。以自四緣等理爲此觀體。同三性門爲順觀體。以三空門爲逆觀體。問其相云何。答。遣外執以施設。所執實即空。分別性從緣似有爲依他性。依他性所託之實爲真實性。如是爲隨情安立三性十二因緣法。見如此理事名爲順觀也。若以三空門見意所計。實空本來空。非適今空名爲空門。既實空非今方空。故此空計似我相非適今似。古非似之似。如是觀爲無相門。此無相是無生無相。非無實相無相也。又此似既非今方似故。此似所依實性即非有所願證法故。如是觀名爲無願門。此名爲逆觀也。第四不相捨離觀者。無別時生果義。治因滅果生執。因果同時互生理爲此觀體。謂無明緣行者。同時互因果非前後義也。論云。子

時無明果時無明者。以二種義緣事現示。謂一因義。二果義。以因義取時爲子時無明。以果義取時爲果時無明。以無明令行生而不斷名爲子時。即爾時以所生行果者爲果時無明。非別二時。偈曰。衆緣所生法。是即不即因。亦復不異因。非斷亦非常。此偈顯因果各非斷常義。謂行是無明果。故即不是無明因。以是果故不異無明因。因反此可知。非斷常者。行因是果非斷。此果無力非常。即此時中無明是因故非斷。是果因故非常。如是同時因果顯中道也。

第五三道攝觀者。三道者煩惱業生爲三道。道通生義。謂三道互生如束竹。此觀所治即廢事執理執。如言若因緣生一切法一時生。名爲理通因執。廢事別因計如一自性等。一切因執等同分此所治。若因緣事理相應齊生。而事理別故皆不一時生。以煩惱業等善不善等不同故。六道差別故也。三性爲順觀體等同上觀也。第六三際觀者。三時因果理事爲此觀體。所治無因執。無因生果即常見。又無未來老死等執即斷見。即三際因果以爲所對治。三性等觀同上。第七三苦觀者。十二因緣皆苦。苦治淨樂倒。即戒取等見也。能治觀者。約實十二因緣通三聖苦。隨增說無明乃至六入爲行苦。漸增相顯故。觸受二爲苦苦。以對苦具起故。愛等爲壞苦。能壞現身相故。第八因緣生觀者。此即顯因緣有力能故果

①或有②非二化③非二無④體二釋⑤得⑥時十(即於三毒煩惱而)⑦少少二小小⑧生計二性法⑨論二謂⑩(一)⑪(緣)⑫令二全⑬(不)⑭竹十(即共三這是攝三德故)⑮苦十(本性苦故)

法得生義。爲此觀體。治但因生果執。順逆觀同上可知。此觀等無自生義故空。雖有此義而俗有義增空義微也。

第九因緣生滅轉觀者。此觀以三空門爲順觀體。成一生轉無別觀爲逆觀。所治者因緣有力能生。果執等。即法我我所執。能治觀者生滅轉順轉。謂行果生。時中因緣二法非能生。有力故。即其果自體空故不自在。不自在故隨因緣生。隨因緣生故即不生。此。名爲轉此轉果空義增。成平等俗果故。即以三空所見三無性爲順觀體。既不當生不生故。其心無所見處。即成無分別故。逆觀成一生轉無分別觀也。

第十隨順無所有盡觀者。此觀有無一相不相妨礙。如陽炎水濕乾。並顯順觀隨順有觀。即以三空門。逆觀隨順無所有。盡觀無所有。即空理。所隨順盡即能順俗盡。於空更無攝法。全即是空理故爲盡。此即因緣法盡於自如也。即俗事離分別之際。自此。去所即是移衆庶盡顛倒。即此甚深法。隨舉一盡攝一切。無盡自在緣起法。正十數所顯普法緣起道理也。十番十二因緣觀略示如是。廣說如論中三番說云云。

問。三乘緣起一乘緣起有何別耶。答。三乘緣起者。緣集有。緣散即無。一乘緣起即不爾。緣合不有。緣散不無故。

華嚴經問答上卷

### 華嚴經問答下卷

法藏撰

問。十地中配當五乘義爲何義耶。答。寄三乘教爲欲生信解故。所說位地中。十地證實法性之處故。約此爲顯普法無盡十地中具足一切五乘三乘等法。無不在於此。故作如是說。

問。其准相云何。答。初地准人乘。二地准欲界天。三地准上二界天。此三地中爲世間行配。所以者何。初地等中行檀地。同輪王修施似故。二地戒三地定等同諸天似故。相同世間故相配之。四地道具五地四諦等相。同聲聞所行似故。此二地相同聲聞。第六地十二因緣觀同緣覺所行因緣相似故。相同。相緣覺。第七地中所行願行等十方便。不與二乘相似故。爲三乘大乘唯。第八地以上三地中無功用心。隨法流水淳熟根。行成故配一乘位。若約此門者。一切人天世間因果皆有初三地。一切二乘所修之因果行法。皆在四五六三地。一切三乘大乘所修之因果行法。皆在第七地。一切一乘所修之因果行法。皆在八地以上三地。若以此門者。不相參當自位也。

問。初地菩薩行法甚深廣大。已證二無我理。具自利利他諸德。謂四果等事如經所明。何得爲與人相似。乃至六地因緣理亦爾。其不相關。云何得與緣覺相似乎。答。實爾。不相

六〇

似。然而既此十地中一切法皆攝盡矣。人所行施法及天所行禪定等何地中有乎。即有初地。初地檀地故。人所行施此有。乃至三地禪行地故。天所行定即此有。乃至第六地亦爾。緣覺所修明十二因緣法何地有乎。即有第六地。第六地修因緣觀地故。

問。若其人所行法有其地者。斯即其初地人。乃至六地緣覺。何故相同人。及相同緣覺乎。答。若約有其法者即可是。然十地是菩薩修行方起。准十地菩薩行說耳。若菩薩所修法約能化所化者。初地菩薩能修施行。故能化人令修施。乃至六地菩薩修因緣行。故能化緣覺人令修因緣法。如是隨自修得行。能化他令修故。所化人等隨能化人地攝故。亦得言相同也。

問。若爾佛所化之衆生即在佛地。答。亦得爾也。是故以佛者一切法皆無非佛也。餘義可思。

問。三乘中菩薩十地漸漸至佛地方究竟。一乘中初發心見聞至普賢方究竟。云何得言三乘因果皆在第七地。一乘因果唯在八地以上也。答。實爾。然而其門不同。斯但約十地准五乘之義故。作如是說。

問。約十地配五乘者。爲欲現示一切法皆在自證體者。何故但五乘乃配。非三途等配當乎。答。約實皆在十地。然而且舉有行處以配耳。

問。若爾者何地有乎。答。文顯無。約義實者初地乃至十地中皆同有也。若別下初地中有

①果十(報)②(時)一③在不自二力在不④名二若⑤盡三蓋⑥去所二所去⑦(沙門釋)十法⑧地十(以)⑨(相)一⑩唯二准⑪在二有⑫得二行⑬地十(樓)⑭(明)一⑮起二地⑯(能)一⑰(以)一

亦得

問。若爾者人天等何故但有初三地乎。答。約實皆諸地中有。何處中非有乎。然而隨菩薩所行之行現處配當耳。

問。前說隨能化所化相當攝者。當下初地菩薩化人非。餘人化。乃至八地以上菩薩但化一乘衆生。不得化三乘人天。答。此隨相配位行。故作如是說。豈其但爾乎。約實隨所得法門。隨未所得人皆能化度也。

問。第七地文云。第七地至方過二乘人。解脫月菩薩初地已過二乘。何故此方過也。金剛藏答曰。初地過緣大法故過。非自智行。實行此方過。譬如王太子始生王家時即過大臣。以種姓尊貴故。然而諸事非皆過。覺方過。問。此等義約何等義說乎。答。此有深意。謂既言緣大法故勝過非自智行。是即約十信初心即是初地之義說。非約實行位列初地說。

問。云何十信初心即初地乎。答。既約初地證中。立十入以六相示。即可知。初地即信初發心。但生信解門中。信解行回向十地佛地。立。若聞此教修行入行頭並修行。謂修信時無解何信。復無何信。無回向何所信。亦無證體何所信。故得行頭並。既行並者信滿即解滿。是故位位每滿位成佛現示。若約此門者。第七地至方過二乘地者。即是十信十解十行十回向十地中。第七地至之義。此約功用無功用位際說。非實行之極處。若極處者。約列位至佛果方極。約證位初

地中極。約得法門解初極。約行滿信終極。約普法實行位位每極。法門每極如善財所行初文殊中聞解證。乃至普賢位逐無量劫。值微塵數知識。得微塵數法門。而非過第二七日一時。如是義可思也。

問。此十地等處如是不解。意何爲。答。三乘依位行者。欲爲熟根欲入一乘普法故。作如是說。

問。見聞等三位普法正位耶不耶。答。不也。但從三乘位作如是說耳。若普法正位即無位。無不位。一切六道三界一切法界法門皆無不普法位。又一位一位位。一位一位位。如位法門一切行教義等法門皆爾。可思。

問。若爾者普法中以何爲始乎。答。得一法門以爲始。此始即與終無差別始也。

問。受位分中所明授職之義。爲三乘行者實行耶。爲一乘行者實行受位相耶。答。非即三乘行者實行。亦非一乘行者實行。是但依三乘位相。以現示一乘無盡十地頂受位之義。斯即同教相攝也。

問。既云依三乘位地者。豈非所依之三乘行相乎。答。既云依三乘位現示一乘義。故即非三乘自宗行相。所以知。三乘受職唯是阿含受。不具教義理事受故。此處所現者具足教義理事等法門故。

問。若爾可一乘正受職。何故亦非一乘實行乎。答。一乘實行十佛前。普賢菩薩位言無不位。行言無不行。虛空法界一切法門中如法成矣。何但此處如所現之分齊耳。是故下文

以菩薩神力對佛神力校量中。大地塊土四天下。少土等。其爲表十地無盡際故作如是校量。即知非一乘實行此如所示。然而無際處不可示說故。依此分齊以現示彼。無盡十地頂之相耳。

問。無盡十地滿相云何。答。如下普賢知識中所現十方世界一切微塵。微塵每有諸佛大會。其中諸佛皆將諸大衆說法。其諸佛前每普賢菩薩在受各諸佛所放光明等事。一微塵一微塵每如是等事。是無盡十地滿足相廣大如法界量。如虛空界。十世九世中無不所至。今此處中爲欲現彼相故。依離垢三昧現大蓮華。具眷屬華等十處中。放光明等事現示。若以此現之相校量彼相。如十方世界大地一塊土等不可校量。以非分法校量顯

緣勝也。又即此校量之事可知非三乘教所明等覺妙覺之相。所以知者。三乘教所明等覺與妙覺俱所照所斷等一切事皆同一等。但明昧自在別耳。豈如是以大地土等爲校量乎。教別如是。可思也。

問。五地中明不住行勝文中。十種四諦其義云何。答。此十種四諦者即是五地菩薩。知一法界一切法界盡。然不得隨所知之法別現故。總舉四諦染淨因果性相。以現示菩薩所知法故。論云。所知法中智清淨勝也。其義云何。謂初四聖諦即實法分別。謂即四諦實法。無作四諦約終教義。即如來性中清淨因果性實之法是。若一乘中無障礙緣起。法性中四諦諸理。實義爲四聖諦。即無盡四諦。

以菩薩神力對佛神力校量中。大地塊土四天下。少土等。其爲表十地無盡際故作如是校量。即知非一乘實行此如所示。然而無際處不可示說故。依此分齊以現示彼。無盡十地頂之相耳。

①(當下)一② ③餘人化二化餘人④ ⑤出二耶⑥ ⑦位二第⑧ ⑨覺二學⑩ ⑪(問)一⑫ ⑬(立)十信⑭ ⑮(立)一⑯ ⑰既行並者信二者位⑱ ⑲行實二實行⑳ ㉑(地)一㉒ ㉓行二以㉔ ㉕(微)十塵㉖ ㉗說二說㉘ ㉙位二住㉚ ㉛知十(者)㉜ ㉝理事二事理㉞ ㉟(所)一㊱ ㊲少二沙㊳ ㊴(其)十無㊵ ㊶彼二故㊷ ㊸(量)一㊹ ㊺可二所㊻ ㊼(緣)一㊽ ㊾覺十(妙覺之相所以知者三乘教所明等覺)㊿ ㊿昧十(自在不)㊿ ㊿[一]一㊿ ㊿[界]一㊿ ㊿[中]一㊿ ㊿清二染



如是有無盡四諦。而總依滿數。顯現十諦。爲欲現無量故。此中十諦者。一者世諦。謂即四諦之法。一切差別義爲世諦也。二者第一義諦者。即以四諦空理爲第一義。三者相諦者。前二諦以有無爲二諦。計人即爲二法。故即以非有無之中道自相爲相諦。四者差別諦者。以非有無中道爲相諦。計人但爲一法故。即以有無差別法不壞爲中道。非謂捨有無二法方爲中道故。不壞有無之差別諦。五者說成諦者。以有無差別法爲差別諦。又計人不知此有無法緣集義故。以陰入界等諸因緣假施設。有非實有以爲說諦。六者事諦。謂通迷四諦成苦事以爲事諦。七者生諦。謂通迷四諦作集以爲生諦。八者無生諦。謂通解四諦入寂滅以爲無生諦。以苦集本不生故。九者入道諦者。通解四諦。趣入滅諦之行以爲入道諦。此四諦非有。四諦即是事諦也。第十菩薩地及如來地諦者。即前四諦緣起實相大乘因果。是義以爲第十諦。此十諦現菩薩自所知法。而自以現難。故依所化緣以顯示。此中前九爲小乘可化衆生。後一爲大乘可化衆生。此言小乘者。非但思法小乘。設大乘中隨教行者等爲小乘。謂地前教修行等。已論云。爲根未熟衆生故說世諦。謂如愚法小乘及十信以前衆生等。不解諦理故。隨計情以爲說事法等。爲欲熟其根欲故也。爲化已根熟衆生說第一義諦。以得聞諸法空理故爲解。深法衆生故說相諦。謂開前俗具有空諦。又有不解者。真俗爲別法耶。爲一法耶。

即迷有即無無即有有無無二之深理。故說非有無中道自相之四諦。今入中道深理也。爲釋衆生故說差別諦。謂開前說非有無中道自相之諦。即計實道爲一法。故爲說有無差別示深理。令人無遍有無中。謂無即是。有即無。即無故非無。無即有故非有。有故即無。非無故即是有。不壞非有無。而不壞有無法。故常有無。而有無不別。不別而非一。是故能入無邊有無以爲差別諦。此差別即無別之別也。爲化離衆生故說說成諦。理。又有衆生。不知諸法因緣集成之義者。爲說陰界處等諸因緣互資集之義等。爲正見衆生故。次四諦說入四諦之因果之理故。爲大乘可化衆生故說後一諦。即是今入緣起無分別因果理事成大乘因果。因果即菩薩及佛也。如是理法差別隨所化衆生說十諦也。如是十種四諦一乘三乘小乘共行也。廣如論說也。十忍者十地中。內會理用爲忍。何等爲十。一隨順音聲忍。二順忍。三無生忍。此三法說忍。四如幻忍。五如炎忍。六如夢忍。七如響忍。八如電忍。九如化忍。十如空忍。後七喻說忍。此十中約位者。隨順音聲者初三地。順忍四五六地。無生忍七八地。後七忍九地以上。約三智者。音聲順二忍加行智。無生忍正體智。後七後得智。此十忍約行實地地皆有也。

問。此十忍行相云何。答。聞甚深法而無驚怖。心至信爲隨順音聲忍。能順真實無生之理。生決定印可。而未已時爲順忍。已證會無不所及時爲無生忍。後七忍轉遣疑心立。謂疑云。一切無生者何現見是有乎。爲答此疑故如幻。幻法都無生。實法不可得而現耳。有如是諸法可知。又疑云。幻法不得生耳。世法云何知乎。爲答此疑云如炎。炎都無水而能生渴愛心。諸法亦爾。又疑云。炎法不得受用物。世法能受用物云何無乎。爲答此疑如夢。夢法都無。而夢中皆能受用。世時亦爾。實無而妄想夢故爲受用耳。又疑云。夢法覺都無。世法不爾。覺時得有云何無乎。爲答此疑故如響。響法都無得物。而猶現可聞。世法亦爾。都不得而因緣現有。又疑云。響法都無前人無益。世法不爾。人實得益。云何如響乎。爲答此疑故如電光。電光不得物。而能照物令人得益。世法亦爾。無得而能益。又疑云。電有照用。即是實法耶。爲答此疑故如化。化法有用。而非實。世法亦爾。豈有實乎。又疑云。一切法無作者。誰能作是也。爲答此疑故如虛空。能化一切色法。而其空體不可得。一切法亦爾。實體空不可得。而無所不爲如虛空耳。菩薩知是得無生忍等。故其身如幻。乃至如空。非有非無。常住中道實相。以無緣慈悲故不捨生死。不住寂滅。恒修佛法利益衆生也。是即說十地菩薩爲心之德用也。問。三乘緣起一乘緣起有何別耶。答。三乘緣起者。緣集有緣散即無。一乘緣起即不爾。緣合不有。緣散不無。問。一乘緣起法。若緣集不有。緣散不無者。何用爲緣合及散乎。答。雖法無增減而隨順處

①(顯)一① ②(隱)一① ③(故)一① ④(說)一① ⑤(其)一① ⑥(深)一① ⑦(通)一① ⑧(無)一① ⑨(非)一① ⑩(正)一① ⑪(之)一① ⑫(音)一① ⑬(心)一① ⑭(至)一① ⑮(信)一① ⑯(二)一① ⑰(生)一① ⑱(其)一① ⑲(無)一① ⑳(十)一① ㉑(心)一① ㉒(耳)一① ㉓(在)一① ㉔(十)一①

以說故非無益空言。不知緣合之人中。即言爲緣集有言。不知緣散之人中。即言爲緣散。散門。以生解人中。即言散。而非方散。以昔無非散時故。於合門。以生解人中。即言合。而非方合。以昔無非合時故。

問。若爾法。古定爲無合散耶。答。不爾。若定無合散者。何亦言方爲合散乎。

問。若爾法亦可緣合有緣散無耶。答。亦得隨緣有無。雖言有無而既言隨緣。故即可知。非有定有。非無定無。故即知非非定有無。以非有無故。隨緣時非增減。以非非定有無故。隨緣時即非有無。如是諸義能隨緣言無不當。亦無所當。無所當故即無自處。無自處故無是非處。一乘緣起之法非計情所及。雖非計情所及而不遠求。返情即是也。

問。言返情者。不知其方便。云何。答。雖方便無量。而其要言之。隨所見處即不著心爲是。隨所聞之法不取如聞。即能解其所由。又即解法實性也。

問。雖有此言而不知所以。答。汎聖教之言。趣皆有於機緣之所由。謂教是藥。能治衆生病故。若以生而治即以生。若以不生治者即以不生。若法空是生不生者。以生爲是。以不生爲非。以非生爲是。以生即非是也。其法非有於不生。生故。即能以生不生治病無障。問。其法爲有不當生不生法耶。答。不也。若有不當生不生法者。云何能以生不生治病乎。非有不當生不生法故。乃能以生不生治病也。

問。不知其所治之處。爲即衆生不解不生病耶。不知此病離處耶。答。當不解之病不得治。以已是病故。又非已離解處。以已無病故。但此不解心令生解之處。以名爲治病所由。以此治病所由故聖教樂起。是故但言。教有於機緣所由不有於法。

問。其法爲所者何乎。答。此即諸法實性。無住本道。無住本故即無可約法。無可約法故即無分別相。無分別相故即非心所行處。但證者境界非未證者知。是名爲法實相。一切法而無不爾。此處十佛普賢境界。

問。既普賢境界者。普賢即隨機門。無於機所殘現。若爾亦可諸法實相即餘人境界也。答。亦得。普賢如自所得法。無於機緣殘現。經云。正義中置隨義語。正說中置隨語。義謂其義也。

問。不知其義云何。答。言正義者爲一乘義。正義者三乘義。三乘義中隨情安立故。其義但在言中耳。以言攝義故。義即有於言。一乘中語即是義語。故無語而不義。語義即是語義。故無義而不語義。語即義故義而無言不及。義義即語故語而無不及。義語語義無礙自在。圓融無礙故。故其緣起無住今在顯說。終日說非有說。非有有故與不說無分別說。說既爾。能聞者亦爾。一聞即一切聞。可知思也。

問。可於相相當如是聞者。一聞一切聞一切聞。一聞若三乘法但有語。故即無所詮之義耶。答。非無所詮義。然而其義但有言分齊。一

相法門。謂有者但有中盡非不有。不有者即不有中盡非有義。如是一相法門也。雖有無二諦相即相融。而非即其事法相圓融自在。故語義能證所詮分齊不參也。一乘正義中即不如是。隨舉一法盡攝一切故。即中自在故。可思也。

問。若爾一乘法但語說盡。何故言緣起之際不可說但證者乃知乎。答。是汝見耳。但汝見法語中盡故起如是問耳。其法無留處。豈但有語聞。聞處令有於聞。不得聞之處中令有於不聞耳。語中無殘。法無盡故令證者知耳。

問。此經以名號品至小相光明品明緣修因果。自普賢性起二品明性起因果。不知云何爲緣修因果。云何爲性起因果耶。答。從聞熏習等三慧方便緣。以修行所生顯之義名爲緣修因果。即此緣修因果法順自不住實性故。雖隨緣生顯而從本不生。不生故生即不生。不生相不可得之義等名爲性起因果。譬如無我報心。以睡眠因緣故成虎之義爲緣修因果。即其虎無我報心作故。雖作虎而無其心之量過之義。名爲性起因果也。

問。若爾者其虎即無眠緣即無。從本以來不自有。云何性起爲修生因果別耶。答。實爾。其無緣修即無性起。無性起即不成緣修。然即其緣修是離相順體故爲性起。性起即是隨緣故爲緣修。雖無二體二義不相是也。

問。其緣修德即離性相。故與體無差別。與性起離相有何別耶。答。雖二俱離性相。而緣修

○(言)一○ ○(緣)一○ ○(以)一○ ○(即)一○ ○(以)一○ ○(中)一○ ○古二昔○ ○有定有非無定二定有無非定有○ ○(計)一○  
一○ ○者二昔○ ○起二起○ ○非二以○ ○其法爲所二爲其法○ ○無於二於機無○ ○殘十(而)○ ○實二寂○ ○也二耶○ ○無於機無二於機無○ ○語二言○ ○(義)即是語義故無語而不語義○ ○無十(義)○ ○有二說○ ○如是二思知○ ○相當二當相○ ○(之)十義○ ○謂二語○ ○(不)一○ ○(之)一○ ○無二量○ ○爲二與○ ○耶二子○

離。緣不成。性起離緣不損。故有別也。

問。若性起離緣不損者。非特緣修可成耶。答。言不損者。緣集時中不增。自無我量故緣散時亦不損。自無我性故云不損。非謂無緣自體有也。

問。若爾者。即非緣修無性起。非性起無緣修。非性起無緣修。故修生由無不本有。非緣修無本有。故本有非修生無由。既其力齊。何故其有本末義。答。如是緣起無分別法中。其能隨順解者。隨先舉為本。無礙之何有。定本末之義乎。可思解也。

問。本有修生等四句中。有修生本有本有修生二句。其即緣起法故。非本有無修生。非修生無本有。此二句因緣法可解。唯本有但修生此二句。何為因緣法乎。若非由修生而有本有者。與習種以前有本有之義有何別乎。答。聖者能見機益。故四句此善說。若有機緣衆生以性種為前。習種為後利益。即說本有前有修生後有。若有衆生以修生為前。本有為後利益。即說性種為後。習種為前。但隨機處中說耳。勿見法定。本有前後。以其法無前後故。即善當於先後耳。是故諸聖教之說前後不定。然而如言取者。定本有前有法故。失因緣旨違聖意。故與彼人不。同。

問。潛用資成門中。經云。如來性起光明益邪見衆生。如日光益生盲衆生不知。其邪見衆生大遠理。云何得益乎。為益當時。為後時耶。答。二時得益。問。其後時益可知。當時益何也。答。雖其邪見

之性遠理衆生。即其蒙性起慈故得受身心果報。其果報非性起慈。即無果報故。是即深慈一切衆生所不可知之慈也。

問。衆生苦果以衆生自惡心業所感。云何佛慈故所得乎。答。衆生諸苦但以如來藏佛作。無餘法能作衆生苦報故。經云。法種衆苦也。

問。此但一切衆生如來藏作。何為慈乎。答。既舉體如來藏作故。以其如來藏。習故。方離苦得樂果。故其慈甚深。莫過於此。

問。益義可爾。然而其衆生受苦者何佛慈乎。答。若佛令不受苦者。其衆生不得服苦求樂。要令受苦方得生厭苦心。以此義故。得其衆生苦即佛慈故令受也。此言如來藏等。且約終教等言之。若一乘者。即性起之法作也。

問。性起及緣起。此二言有何別耶。答。性起者即言自是言不從緣言緣起者。此中入之近方便。謂法從緣而起。無自性故。即其法不起中令入解之。其性起者。即其法性。即無起以為性故。即其以不起為起。

問。若爾者。即不起何故言為起耶。答。言起者即其法性離分別。菩提心中現前在故云為起。是即不起為起。如其法本性故名起耳。非有起相之起。

問。若爾要待離分別心方起者。為本不起別。何即之以本不起為起乎。答。雖待無分別心。方起與本不起非別相。起與不起同無異故。無增減故。是故經中。以虛空中鳥

所行不所行。俱無別空。為喻說。

問。雖虛空無異而行不行不同。何為無異乎。若無異者。不行處亦云行。行處亦不行耶。答。但以見鳥緣為別耳。若不見其鳥緣即冥無別。如是但見其菩提心。緣為別耳。然而其論法何有別也。性起法其爾可思也。

問。若不見緣者何須其法中為起不起耶。答。實爾。不見其緣即不論起不起。然而即其緣中。即約離緣性論為性起。皆斯隨機緣說。勿見其法中有如是起不起等相。

問。若待無分別心方與本同無異起說者。何故經中以微塵經卷為喻。顯示於衆生無明心中有自然智無師智等性起智乎。答。聖人能見衆生性起法。故如是說有何妨也。

問。若衆生未得自性起智時中。先說有性起智者。此性起智即非緣起法耶。答。聖者即能見其衆生後起時即知本有。故其衆生雖不知自成時而得其法。即緣起法也。

問。經云。雪山樹芽等生時。闍浮提一切樹等皆同時芽等生。如是佛菩薩樹芽等生一切菩薩芽等生者。其義云何。答。此義顯示本有新生不異。謂但一心中有故。新生菩提心等發時定由本有菩提心等。無不由本有行德而有新生行德也。

●(即)一● ●(性)二● ●(約)一● ●(起)如●

●(性)二● ●(非)性起一● ●(之)十(法)● ●(定)二(義)● ●(有)一● ●(本)一● ●(同)十(耳)餘一切法門皆屬須所教所由又解法實性  
●(性)二● ●(約)一● ●(實)二(實)● ●(故)十(又)即若見樂故● ●(者)一● ●(以)一● ●(乘)十(義)● ●(而)煩惱苦相即現五  
●(衆)一(王)形處等皆其義● ●(十)也● ●(自)是言二本具性● ●(有)十(言)● ●(起)十(緣)起● ●(故)十(起)本具性● ●(其)法二其本法  
●(性)二● ●(性)十(一切)性法● ●(其)十(無)● ●(其)十(法)性皆● ●(既)十(即)● ●(云)二以● ●(本)十(具)● ●(爲)二與● ●(別  
何二是何何故● ●(方)二(分)● ●(全)十(非)● ●(性)全現前十起● ●(衆)十(鳥)● ●(而)十(爲)● ●(名)十(不)● ●(耶)二(乎)●  
●(法)十(性)● ●(也)二(耶)● ●(全)性或法法稱性其十性● ●(其)二法● ●(炳)然十可● ●(難)十不● ●(不)妨十即●

問此樹以何爲樹。答以大緣起。大樹

問。先以大緣起樹。者即一切衆生界盡。攝若爾亦得一衆生發心時。一切衆生發心等耶。答。既緣起樹豈不一切衆生即一衆生一衆生即一切衆生。衆生既爾。起行豈不爾。然而此處中文顯者。但示本有新生同時並起義本即佛新即菩薩等

問。若大緣起樹者。而六道中通有。何故地獄二乘涅槃等中不生乎。答約本皆有。然約行用故簡別也

問。若約行用者。二乘等有行用。何故不生乎。答。約行中有向背。故曰生不生。其樹中有何所爲也

問。云何向背耶。答。若能自知自性起法名爲向。不知自性起者提名爲背。若約此義者。但發無上菩提心。乃名爲芽生。不發無上菩提心者。爲背不名芽生。地獄二乘涅槃等永不知自性起法。故不生芽。若人天等中。能如是知者。爲順。名生芽等。若不知者不生芽。又自雖不知而有果藥等。爲二乘人等。不入時中行德等可。迴心也

問。云何不迴而得爲性起果藥耶。答。雖自以不迴。而約其法不無性起之起。故得也

問。若爾一切惡業等及地獄等果皆爾。何故地獄等中無果也。答。約實一切逆順法無不從性起法。然而約善行相顯處。故作如是說。地獄等中不顯行相故也

問。小相品文云。菩薩小相光明照地獄衆生。被光衆生從地獄出。以生兜率天得十眼等。

乃至廣說。疏云。此文難解。謂釋迦菩薩光益一衆生。其一衆生亦益一切衆生。如是益盡窮後際等。其義云何。答。是顯菩薩光明力大。故至未來雖益。且舉所化生展轉益。以顯本光明力大義。所以者何。其光即稱法光明。故如其法作不思議利益。是即一時至三世。望一衆生。每各各差別益。亦能利他。如是作不思議利益事也。此事不思議也

問。此但菩薩光明何故現佛智德乎。答。舉菩薩劣光明校顯佛小相身勝。舉小相顯大相勝耳

問。離世間品中。諸行法皆前諸位所行者。何故重說乎。答。約行實無異。然而前但說依位顯示普法。而未說其所顯示普法行者行何等道品行。故今更寄起行之始會普光處。一乘菩薩所行二千道品行說也

問。前已說諸位地因果方便及性起道理。有何不及故更說。答。前來示現方便修成因果。及此因果行德。何成以何來。然而未說得此行以修行者如是行修之儀則。故今方說爲信解知法人修行如是如是行耶

問。離世間中已說修因得果行相。何故祇林中更說得法門相乎。答。離世間中依所信行之法進修相說。然而未示依人修行得如是法之義。是故入法界品中。更示現依善知識人修得行相。以爲後人軌則也

問。此祇林佛成道第八年中所造。又身子等諸弟子等。成道以後異國中出家入道人等。云何即此第二七日一時述例乎。答。此皆依

如來解脫無障礙九世十世等時。一切處一處一切時一時中說。在事述列不可說。現漸教相列耶

問。漸教相中。舍利弗等法華會至方一乘入。所入一乘即是華嚴別教。既入別教者。何故此文中同在祇林。而如首覽不見聞佛菩薩所現之事。答。爲欲顯教義深故。順前未入時及愚法說不分。約根熟有分故同在會後開法。此即迴入一乘相

問。此處入一乘。聲聞等但愚法也。爲有三乘中聲聞等耶。答。通有二教二乘。若入一乘機熟。如來一代中皆在此會

問。何故前會餘會不在乎。答。約相前諸會唯菩薩依位地說。菩薩因果故。爲顯不共相不在。今此會爲顯入法界之心及入法界之人廣大無限故。得法成德之處故。通始終迴也

問。此顯不共中。但二乘乃不共耶。三乘大乘菩薩等爲不共耶。答。若約未入一乘之義者。皆得爲不共。且從下說二乘耳

問。此會入法界人幾有品類乎。答。雖無限而且約文顯者有二類。謂會初中由佛入奮迅定故。所現之法界行德。見諸菩薩及天王等即入法界。得不思議法等爲一類。此即臨證之際至人等也。由此菩薩等類入佛法即與佛等。以得法故。後文殊等諸知識以所得之法。下攝機緣令入法界故。身子等及善財等人。被攝入法界人等爲第二類也

問。善財值知識時所開法門皆如聞得證耶。

○大(二)爲○ ○(者)一○ ○攝二抄○ ○本二實○ ○有十(無不生芽)○ ○(自)一○ ○乃十(至)○ ○(名)十爲○ ○通二用○ ○(之起)一○ ○也二耶○ ○(染淨)十法○ ○從二全○ ○(有)十顯○ ○益十(一切)○ ○(復)十益○ ○(何)一○ ○(以)十何○ ○之二修○ ○耶二也○ ○年二季○ ○列不可說二例不可○ ○列耶二引也○ ○法華會至二至法華會○ ○一乘入二入一乘○ ○也二耶○ ○(分)十會○ ○餘二諸○ ○且二但○ ○證之際至二至證之際○ ○依二被○

聞以後修行方得耶。答隨所聞法。聞即得證也。

問。若爾既得法門因。緣得。益中明過去無量劫中值諸佛。聞法供養等。諸行修方得此法門。善財今方但聞所說法門耳。非修行無量劫行云何得乎。答。已得此法門即入法性。入法性即自他無二。三世無前後故。善知識所得因果。自利利他法門。即是善財自行成就。隨所得法門其因果前後之法。皆自無不行得法。不移一時而即成無量劫。隨所聞法門無量劫中修行以得。豈不修有得果之義乎。

問。若隨所值知識同因行發心時節者。諸知識聞法。皆可齊同。何故諸知識發心。值佛修行時節。皆不同耶。答。欲顯法不同故。如是示現耳。諸不同皆由同方不同耳。准可思也。

問。鈔云。初菩提心法門中。得信法門。經十千劫成佛者。行佛非位佛。瓔珞經十信行。中非位。中等者。此約一乘行佛成時節。經十千耶。為三乘行佛成時節耶。答。諸三乘教中。十千劫中十信行滿更示現一乘行佛滿之處耳。非三乘滿佛。亦非一乘行滿佛。但十千劫不動此十千劫。不可說不可說劫方行佛滿成。如是八萬劫等。乃至一劫二劫到等之義例可。知思也。又孔目云。華嚴經中成佛有五中。寶莊嚴童子等。二人現身成佛等。云何知其相答。寶莊嚴童子即現身中。值佛聞法得信解自分勝進位諸三昧門等。即知成佛滿佛等。又兜率天子等既現身中即得離垢

三昧少分。速諸功德等。故知現身成佛。善財童子既現身至普賢菩薩知識。而彌勒知識言。當來我成佛時。汝見我故知後生中成佛。此等且約文相。據見聞等三位為三生。故作如是說耳。約實共皆同。但以一身中成佛言一身者。法性身無別分段等身。若隨緣現成佛即同三乘教所說也。約一乘教實法念念每成佛等。如前說也。

問。大解大行等八大人等。所行之行法甚極微細。而樂世有趨聞提道。墮無盡阿鼻地獄等者。其義云何。答。此人等從未入種性等下。至世間毛里無正善人等。即第三階人。其行雖極細而有樂世有之病。故不得出世正善根也。

問。何等樂世有之病乎。答。此病有龜細。龜可知。細者設聞甚深教法及師語極細理。以自分別心尋伺觀察。即計佛法如是。即見法分齊。自心即住於其見聞處故。不得思修慧。及障出世無分別智故。名為樂世有。此即墮隨聲取義五過故。不能進修。無正信解故。

問。若爾何等人離此過乎。答。若自心以不能計處中至者仰推於佛。不自為己心之分。唯佛所知非我境界。如是人乃深信佛智慧者也。

問。何等深理聞乎。答。一切言皆同乃至一切法皆無住無我之言。聞。如聞取不得。不聞故。即迷其無住之理。

問。既聞無住言能信解無住理豈迷乎。答。便解若聞無住言。其心見為無住理者。即是但

自心作無住耳。非佛所言之無住理。所以者何。以自心不得無分別智故。何能見彼無住之理乎。若不見而為見者。豈為正信乎。自中不正信。而亦為他傳說者。即亦誑他。又未得證見佛境。而言佛如是說者。即誘佛。又不見佛境界為見。即增上慢故退勇猛精進。又如是人若值其所見違者。即起盡瞋恚。造諸惡業故。即趨聞提道。不應不慎。行人大要。問。若爾云何見彼理乎。答。既聞無分別之理。但以無分別智乃證者。念念修無分別智方便。可無餘事也。

問。云何正信佛言乎。答。須解佛言緣處中言耳。非謂其法如所言法故如是言也。若能如是解無定見處者。即為欲所信解。不解之處得證知。故速速修無分別智。聖意蓋其如是令進修乎。上來所作之諸文義。皆如是解。莫如言取解也。

華嚴經問答下卷  
先師自筆依為形見結構表紙外題申入於東南院家訖

末學僧信玄

①聞二門 ②益二答 ③諸行修二修諸行 ④(以此行因緣成故)十不 ⑤(皆)一 ⑥又二文 ⑦中二十 ⑧滿佛二佛 ⑨知思二思知 ⑩二二三 ⑪(沒於果海)十等 ⑫進二過 ⑬同十(見等三生只在一念) ⑭里二黑 ⑮列二例 ⑯之二主 ⑰深理聞二深理 ⑱答十(聞) ⑲(聞)一 ⑳其所見進二進其所見 ㉑起盡二盡起 ㉒可二耳 ㉓處二處 ㉔藏二益

## 華嚴經明法品內立三寶章卷上

魏國西寺沙門法藏述

## 三寶章 流轉章

## 三寶章

三寶義略作八門。一明建立。二釋得名。三出體性。四顯融攝。五明種類。六據所歸。七辨業用。八明次第。初明立意者有七種。一爲翻邪故。即翻外道尊師謂自在天等。故立佛寶。二爲翻外道邪論等。故立法寶。三爲翻外道邪衆等。故立僧寶。故涅槃經云。歸依於佛者。是眞優婆塞。終不更歸依其餘諸天神。歸依於法者。則離於殺害終不更歸依外道諸典籍。歸依於僧者。不求諸外道等。二爲除病謂須良醫并藥及看病人。故諸病悉愈。三寶亦爾。故不增減。三爲出怖。如經云。若得一跳即譬一歸。若得三跳即譬三歸。是故三寶慈悲救衆生生死苦。是故三跳得出怖也。四爲生緣念故。爲令衆生念佛求一切智。故立佛寶。爲令念法求證真如。故立法寶。爲令念僧求入聖衆數。故立僧寶。故維心論云。爲開衆生佛法。故立三寶也。五約三義故立三寶。一調御師。二調御師法。三調御師弟子。故實性論云。問曰。依何等義故立三寶。答曰。偈言。依調御師所證弟子故也。六約三乘人故立三寶。爲大乘人取佛菩提諸菩薩。故立佛寶。以此人求作佛故。爲緣覺人自然知法故立法寶。以此人但求證深因緣法。不求佛僧故爲聲聞人立僧寶。以此人但求依僧求解脫故。不求餘也。七約三根故立三寶。爲信供養諸佛如來福田人。故立佛寶。爲信供養第一妙法福田人。故立法寶。爲信供養第一聖衆福田人。故立僧寶。此上三門並如實性論說。故彼偈云。爲三乘信三供養等。是故說三寶。

第二釋名者。於中有二。先釋總名。三是數寶是喻義從數義立名。即帶數釋也。又寶是可貴義。依實性論寶有六義。一希有義。如世珍寶以難得故。無善根衆生經百千劫不能得故。二無垢義。如世珍寶清淨無垢。三寶亦爾。以離一切有漏法故。三勢力義。如世珠寶置濁水中。令水澄淨。三寶亦爾。以具六通等功德故。令衆生澄惡業苦三濁。成淨信智等故。四莊嚴義。如世珍寶能雨寶莊嚴衆生。三寶亦爾。莊嚴行者出世行故。五最上義。如世珍寶。於諸物中最爲微妙。三寶亦爾。過世間故。六不變義。如世珍寶以體真故不可改易。三寶亦爾。以得無流法故。世間八法所不能動故也。彼論偈云。眞寶世希有。明淨及勢力。能莊嚴世間。最上不變等也。後別名者。佛陀此云。覺者。覺有二種。一是覺悟義。謂理智照眞故。二是覺察義。謂量智鑒俗故。又覺察煩惱賊故。從無明睡覺故。自覺覺他覺行窮滿故也。者是假人。即有覺之者名爲覺者。有財釋也。達摩此云法。法有三義。一自體名法。如說諸法離他性。各自住己性。即離分別也。二對意名法。如法處法界等。三軌則名法。法有軌

範開生物解故也。此中正取後一。兼明前二也。僧伽此云和合衆。此有二義。一理和。謂見諦理時。心雖各異所證理同故。二事和。謂四人已上人雖各別同乘成一羯磨事。故名事和。是則佛是覺照義。僧是和合義。法是軌範義。皆從義用立名也。又智論云。僧伽秦言衆多。比丘共一處和合。是名僧伽。第三出體者。三寶有三。一同相。二別相。三住持。初中有三義。一約事就義門。即佛體上覺照義邊名爲佛寶。則彼佛德。軌則義邊名爲法寶。達摩過盡名爲僧寶。三義雖別然佛德不殊。故云同相。此即以佛無漏功德爲體。此義通諸乘但淺深異耳。唯除人天。以彼不了故。二約會事從理門。即三寶相離別。然同以眞空妙理爲性。故云同也。涅槃經云。若能觀三寶常住同眞諦。我性佛性無別。此即以眞空爲體。此義通諸教唯除凡小也。三約理義融顯門。心性眞如中離念本覺名佛寶。即此中有恒沙性功德可軌用。故名法寶。即此恒沙德冥和不二名僧寶。故經云。於佛性中即有法僧也。又淨名經云。佛即是法。法即是衆。是三寶無爲相與虛空等爲同相。是故若就覺義而論。並稱爲佛。軌則而言無非是法。冥符和合莫不皆僧義。說有三不可爲一。然無別體豈爲異也。故云同相。此義通諸教。唯除小乘及始教。同體門竟。第二別相中。先明佛寶。若約世間人天所得。以有漏五蘊爲體。以同世間示黑象脚身。及樹神身等。若小乘中毘盧等宗有二佛。一生身。謂父母生相好之形。是報

無記非可重。故不入佛寶。二法身。以五分功德爲法身。此中唯取無漏功德。謂道後盡智無生智等。五蘊實法爲佛寶體。以有漏功德非可重。故不入佛寶。或有漏及報相從名佛。於理無傷。又此宗中。於彼實法上假施人名。無別假人如貧名富等。若成實等宗五蘊功德等。屬法寶攝。別說假人爲佛寶體。以有假名行人爲師匠益要在假中故也。若三乘中三身佛。或以五聚法中一分爲體。謂無爲中真如擇滅等爲法身。色處爲化身。以心無化義故。以無漏清淨八識心王。二十一心所。及不相應行中小分。并色法界所成假者等相。從總爲受用體。此如瑜伽等說。此約始教之初說。亦是迴心聲聞教也。或以真如爲法身。大定智悉爲應身。色形爲化身。如梁攝論說。或約五法攝大覺地。謂以清淨法界爲法身。鏡智及平等智爲受用身。作事智爲化身。妙觀智通二身。此如佛地論說。此等約始教之終說。義當爲直進人說。或唯以大智爲三身體。如攝論以無垢無礙智爲法身。以後得智爲受用身。後得智之差別爲變化身。或唯以真如爲三身體。如起信論中。真如三大內。以體相二大爲法身。用大爲二身。此等約終教說。此中化身亦有化心。如大迦葉觀如來心知向阿難如是等。又涅槃經云。如來所化無量形類。各令有心故知有心。但前教生故順小說。或唯一實性離言絕慮爲佛寶。亦不分三二等。此約頓教說。若依一乘。二種十佛既通三世間。卽知用一切理事人法等。總爲

佛寶體。仍皆就覺義說。若約所依以海印三昧爲體。亦卽攝前諸教所明。並在其中。以具同別二門故。餘可准知。法寶體者。小乘中理故行果。一以四諦十六行等爲理法體。二小乘三藏教等。音聲名句文聲處法處二法。爲教法體。三以菩薩無漏五蘊。卽見道八忍。八智斷非想結。九無間八解脫合三十三心。在家四果及辟支無漏五蘊等。雖有理和無事和。並是向道法寶攝。此依毘曇宗。若依成實等。三乘無漏在家出家。總屬助道法寶。但以假人爲佛僧故。彼論云。信佛有一切智名信佛。信此真智名信法故得知也。四以佛及二乘所得涅槃。爲果法寶。以相好身及等智等。有助成無漏智故。相從亦入佛僧攝。涅槃非助故是法寶故也。問涅槃是滅諦。助道是道諦。教法屬苦集是則一理法寶已具攝盡。何假後三邪答依毘曇宗有二門。一壞緣者。不分三寶境界差別。若於此門中理實收盡。二不壞緣者。建立三寶等差別。是故就此事中最勝義故。立後三法理亦無違。此義云何。如道有二種。一事道。謂戒定等。二理道。謂道如勝乘。此四冥通是前道諦。戒等約事屬前助道。以理事異故。通別異故分二也。滅亦二種。一事滅。以離惡業品數上下令滅。有優劣故是事滅。屬彼果法。二理滅。謂盡止妙出。此四冥通是前滅諦。亦理事異故分二也。苦無我等是所詮理。教是能詮就勝分二也。問佛僧俱是人。何不但立人法二寶。答因果異故分二也。問若爾法中亦有因果。何不立

四寶。答人用強勝能兼持法。是故分二。法不自弘用劣。故合爲一寶也。若三乘中。或內以四諦十六行。及三無性等理。爲理法寶。二以三藏十二分教假實二法。爲所變等。爲教法體。三以諸道品六度等爲行法體。四以涅槃菩提等爲果法體。仍此四法皆卽空無分別如般若經說。當知此約始教說也。或以真如體相爲理法。從其所流爲教法。從真內薰及依淨教。所起諸行爲行法。此行契真證理究竟爲果法。是故四義迴轉唯一真如也。此如起信等說。問此中果法與佛行法與僧各何別邪。答約如來所成義邊。總屬佛寶。約諸菩薩施學義邊。總屬法寶。行中約上地所得義邊爲僧寶。下地所學義邊爲法寶。義理差別約法體不殊也。當知此就終教說。或以離言真法爲法寶。如此經云云。當知此約頓教顯耳。若依一乘。約有十法謂理事教義因果人法解行。皆就軌範義說。具足主伴無盡因陀羅網等。如此經說此據別教言。若攝方便。前諸教法並在其中。餘可准知。僧寶體者。小乘中若依毘曇宗。僧有二種。一應供僧。上盡諸佛下極至於凡夫沙彌通是僧。是故檀越僧次請一不揀上下。悉得供僧之福。二三歸僧。唯取聲聞人中四果四向以爲僧。以凡僧無聖德不可歸。故不取也。緣覺出世無和合衆不成僧。菩薩單一不成僧。佛是佛寶亦非僧。又聲聞中。唯無漏實功德爲僧寶體。有漏非可重故非寶也。又依彼宗僧又有二。一第一義僧。謂出家四果聖人。二等僧。謂凡夫



僧聖中有三。一。生身。即報五陰。二。等智。有漏戒定等。即方便善五陰。三。無漏五陰。前二相從名僧非正寶體。後一爲正也。若成實以無漏假人爲僧體。仍有四句。謂有僧德無僧威儀等准之。若三乘內菩薩。以三寶已去乃至等覺所有漏無漏功德。及色心等五蘊假者。爲菩薩僧體。獨覺及聲聞人。入資糧位已去。乃至羅漢所成漏無漏功德。五蘊假者總爲僧寶體。又此三乘人。唯取出家同僧法者以爲僧寶。以諸在家聲聞菩薩。及犀角辟支等。皆入法寶故。大智論散花品云。以花散諸菩薩名供養法。以花散諸比丘名供養僧。當知此約始教之初說。或分勝顯劣以明大小。如涅槃經云。僧名和合。和合有二。一者世和合。二者第一義和合。世和合者。名聲聞僧。第一義和合者。名菩薩僧。當知此約始教之終說。或說二乘入大乘者是僧寶不爾。即非由唯以菩薩爲真僧寶故。實性論云。菩薩爲究竟僧也。當知此約終教說。或離相離分別。如論云。實有菩薩不見有菩薩等。此約頓教寄言顯耳。或唯取菩薩隨一皆遍六位。盡三世間無盡法界。具足主伴爲僧寶體。此約一乘別教說若攝方便。如前諸教並在此中。上來別相竟。第三住持三寶者。小乘以塑畫等色法爲佛寶體。但表示一釋迦佛。以無他方佛故。經法紙墨及塑像。皆以色法爲體。出家凡僧以有漏五蘊爲體。四人已上僧。以衆同分不相應法爲體。問如形像致敬損壞。於何處得罪。答立像擬表真容故。於真邊得故。成實

云隨是何塔若能爲損。皆望主故得罪。福亦如是。此明若是佛塔以佛爲表主。餘人亦爾。問若爾殺凡僧應墮邊得罪。答塔像無心命。從其表主。僧即不爾各有心命故。從凡聖自位得罪。若依律中。損經等望財主得罪也。若三乘中佛法及僧像。同以色法爲體。法中亦兼有名句等。凡僧以五蘊爲體。若一乘中並是大法界中。約機緣起所成淨用故。亦遠取本法爲體。餘義准之。上來總明出體竟。第四融攝門者有二重。一約三種。二約三寶。初中有三。一約同相於中即有別相住持。此有二義。一以彼二種皆悉緣成無自性故。不異真空。是故俱在同相中攝。問若彼攝在同相中時。爲有彼二爲無彼二。如其有者云何如同。以有差別非同相故。如其無者云何說攝。以無彼二無所攝故。答但以彼二本來自性空。非壞彼二方得爲空。是故經云。色即是空。非色滅空。又經云。非以空色故名色空。但以色即是空。空即是色。是故當知攝別歸同而不壞別也。約始教說。二以真如體相二大爲內熏因。及彼用大爲外熏緣令生始覺。於此始覺分得爲僧。滿足爲佛。此中妙軌及用中之教。以爲法寶。是故別相三寶。皆從同起不異同也。此如起信論說。又彼論云。本覺隨染生二種相。與彼本覺不相捨離。一智淨相。謂依法力熏習如實修行。此明僧寶也。滿足方便破和合識相。滅相續心相。顯現法身智純淨故。此明佛寶中法身。及自受用身也。二不思議業相者。以依智淨能作一切勝妙境界。所

謂無量功德之相常無斷絕。隨衆生根自然相應。種種而現得利益故。此明他受用身。及變化身。并所流教及住持幢相等。亦在此中。又彼論云。本覺者。謂心體離念。離念相者。等虛空界無所不遍。法界一相。此中既以本覺隨緣作此別相。還不離彼本故歸於同相也。又梁論云。無不從此法身流。無不還證此法身。此中從彼流故成法僧也。還證彼故爲佛寶也。是即不破別而恒同。不乖同而恒別。其猶攝波唯水而不廢動。攝水唯波而不壞濕。攝體全收二義不失。當知此中道理亦爾。思之可見。以此教理。是故同中具於別也。又彼住持之相。即是真中用大中攝。以依泥等所表真相。及紙墨等所顯教相。並是最淨法界之流。剃髮袈裟是出世相。亦從彼流非世法故。是故經中造像懸麥葉露盤。功皆不滅終成大果。又以袈裟至彼微師非法之處。真相不壞。能令象王發勝心等。又如彼續救龍難等。又如出家破戒悉當得泥洹等。又能生天人得十種功德。如牛黃存香焚氣觀。如是功用極廣大者。明此皆從真如流故不異真也。又爲真標相令諸有情即尋此相還至真源故。即真也。故論云。真如用者。能生世間出世間善因果故。是故以末歸本。一切住持三寶幢相。皆是真中相用攝也。第二約別相中。亦攝彼二。既以同相成此別相。是故別中亦攝同盡。如波門攝水水無不盡。此中亦爾。是則不失同而恒別也。除思准之。又住持幢相亦在別中。以泥木像等。若非如來神力加

持，被法登能饒益衆生，生善滅惡等也。又是如來大悲巧智施設攝生。既從智流不離智故，攝在其中，是故經云：不思議菩薩力及佛力故，令於末代得形像，住持如是等故也。

第三約住持於中攝者。此中住持有其二義。一是所住持。由前同相別相真實三寶餘勢力故，舍利形像經卷。凡僧相續不絕故名住持，既以彼持此。此中即攝彼二法也。以此皆是如來圓智中，印機所現龜未之相。如大樹葉不離本莖等故也。二是能住持。謂藉此形像經卷。凡僧住持，同相別相三寶勢力相續，令不斷絕。與諸有情作依止處，令漸修行得彼二故。故名住持。是故彼二由此得立。攝在此中，潛隱而成。所以然者，以若非彼所持無以能持彼。是故二義無二相攝融故也。

第二三寶相收中亦三。初約僧寶攝。二謂諸菩薩中道觀心智慧名佛寶。即此境智軌生物解說名法寶。即此觀心內合中道外和漏淨。故言僧寶。如璣珞經云：菩薩謂於第一中道智爲佛寶。一切法無生動，與則用爲法寶。常行六道與六道衆生和合，故名僧寶。轉一切衆生流入佛海故。二約法寶者。此有二義。一約理法中即有佛僧如前同相中說。二以行法攝僧。果法攝佛。理教通因果。是故法中自具三寶故。經云分別一切法。皆悉無其實。如是解諸法。即見盧舍那。又經云：見緣起法。即是見佛。此明法中佛也。但以覺義和義皆可軌。故不離法也。以得法爲佛行法爲僧。更無異法故也。故論云：行此法者名爲僧也。

三約佛寶者有二義。一約本覺智，如同相說。二約始覺智，謂此圓智無不覺照，故名佛寶。智體遍融智相圓智，與智一味卽爲理教。攬於萬行成一妙果，故於此智卽具行果。就此四義名爲法寶。又此智中含因智，故亦有僧。故經云：雖得佛道轉於法輪，入於涅槃，而不捨於菩薩之道。又經云：聲聞緣覺若智若斷，皆是菩薩二生法忍。是則菩薩無生法忍。亦是圓智攝也。又經云於如來智中，出菩薩及二乘智等一切智慧。又經云：於佛寶中，卽有法僧又論云：依法身有法。依法有究竟僧如是等。上來二門融攝，約三乘教說。亦通一乘以同法界故。若別教辨者，淨法緣起有其三義。支分義。圓滿義。軌則義。以分非圓外分。分圓以成分。是則圓內之分也。圓非分外圓。攬分以成圓。是卽分內之圓也。軌如圓分三義。通融皆全攝也。依是義故，是故經中普賢等菩薩。於毛孔中現諸佛海及轉法輪諸菩薩衆。則僧中自具三寶。又如經中大法界法門。謂理事等法中亦具佛僧。如彌多羅女寶經等事中，現佛菩薩等。又一塵中現佛菩薩。又一法門中，皆具佛僧因果故也。又如經中如來眉間出塵數菩薩。又於毛孔現三世間。轉正法輪爲諸菩薩衆。如是佛中亦具三寶。又以法界身攝一切法並皆都盡。是故一切法，皆是三寶故也。第五明種類差別者有二。先別後總。別中佛寶或同世間身。此約人天或二身。此約小乘。或一身二身三身四身。此約三乘。或十身以顯無盡。此約一乘。

此上名義並如別說。法寶中或唯教法。此約人天或具四種。如小乘，或亦四種或唯一種。此約三乘。名同小乘而義別也。或具前諸說，或具十種謂理事等主伴具足。此約一乘僧中，或唯凡僧此約人天。或唯聲聞此約小乘。或通三乘衆此約三乘。或唯菩薩此約一乘。總說者或有二種三寶。一真實謂前別相二假名謂前住持。此約小乘及人天。但義異也。或三種謂同相等如前。此終三乘。或有十門以顯示。應知此約一乘說何以故。此十三寶相在修行心證。比教智處無不顯現。卽是住持成其大益。主伴具足通因陀羅微細等故。此中亦卽攝前諸教所明三寶，並在其中也。第六探定所歸者。於中有五門。一捨邪歸正門。謂但捨外道三邪，歸於有漏三寶。此約人天說。以於此中無無漏故。佛亦同也。二捨劣歸勝門。以彼有漏諸功德等，悉非究竟安隱處故。不辨歸依彼。但相從攝在寶中，而非究竟真歸依處故。難心言。三寶各二種佛有二種。一生身佛。二法身佛。法亦有二種。一無我法。二第一義法。僧亦二種。一第一義僧。二等僧。皆得名寶。乃至約寶明歸。問云：三寶各二種。爲歸何等耶。答歸依彼諸佛所得無學法。僧學無學法。涅槃無上法。此明唯歸佛無漏五分法身。不歸有漏生身。唯歸僧所得學無學無漏法。不歸有漏等僧。唯歸涅槃無漏法。不歸無我有漏法。故問何故寶中通攝歸中局耶。答欲明三寶是所教養。若其揀擇此有漏此無漏，則敬養心狹生福則劣。歸依

據究竟安隱處者。則可歸依無漏。此有漏則非重故不歸也。如世間田宅俱皆寶重。若欲歸之要捨田歸宅。此亦如是或可通收。此有二義或以實同歸寶唯無漏。如此上辨。或以歸同寶歸亦通收。以皆寶重悉為物依故也。上來約小乘說。三捨權歸實門。謂彼愚法二乘無漏亦非可歸。以非究竟安隱處故。如彼化城終須捨故。唯大乘中。所得無漏同歸實相。是真歸依處也。寶門與供通攝如前。歸門趣本捨權歸實。如經中歸聲聞僧。犯菩薩戒等。此約三乘終教說或通歸二無漏。此有二義。一。如前愚法亦是可歸。以諸趣寂皆究竟故。諸不定性必迴心故。餘寶准之。此約始教說。二。此大乘中自有二無漏故。又亦自有三乘法故。故說通二非攝愚法。此通始終漸教說也。四捨相歸真門。謂自宗中唯同相三寶究竟安隱故令歸依。餘非究竟故佛勸捨。是故涅槃經云。汝今不應如諸聲聞凡夫之人分別三歸。何以故。於佛性中即有法僧。為欲化度聲聞凡夫故。分別說三歸異相。又云。若於三寶修異相者。當知是章清淨三歸即無依處。此等經意。勸捨別歸同。當知此約終教及頓教說也。或亦通收皆可寶重。悉為佛依故。此約三乘教說。五捨末歸本門。唯一乘中十二寶具足主伴窮於法界。盡三世間攝一切法。是真歸處。餘隨物機虧盈不定或亦通收以本末圓融無二相故。攝方便故同一法界故。是故乃至人天所得亦在其中。餘義准之。第七業用優劣者。三三寶中別相敬勝。

餘二漸劣。於中同相業用者。此中既不分三寶。但平等為用。此有三義。謂依持資成別相用故。隨緣顯現別相用故。稱諸菩薩觀智現故。別相中佛寶利益業用最勝。法次僧劣故。涅槃經云。譬如人身頭最為上。非餘支節手足等也。佛亦如是。最為尊上。非法僧也。餘義可知。住持用僧最勝。以能秉持佛法益眾生故。法次。但作境界資成三慧故。佛寶最劣。形像但為生信境故。若一乘三寶業用皆齊。以普賢等亦盡佛境界。法界起用法如是故。又諸乘三寶益用分齊。各望本宗准可知耳。第八明次第者有二。先別後總。初中同相三寶。三相不分無始本有故。無先後也。別相中有四門。一約起化次第。先佛次法後僧。以佛是教主故。依佛說法故依法修行。以成僧故。如經云。始在佛樹力降魔。得甘露滅覺道成。三轉法輪於大千。其輪本來常清淨。天人得道。此為證。三寶於是現世間。寶性論亦同此說。二約入證次第。先法次佛後僧。謂法是諸佛所師故。能生佛故。故先明也。證此法已道成佛也。後度弟子方有僧也。問佛未證法前豈不名僧耶。答如釋迦佛未坐道樹前。不名為僧。以無乘故無僧相無乘法故。三約與教次第。先佛次僧後法。如此經中。佛先現坐寶師子座。次集十方諸菩薩眾。後方加請說示法門。四約修行次第。先僧次法後佛。謂修行之來。先須捨俗投緇。雖復出家必須依法修行。行滿究竟終得成佛也。住持中約元起之由以明次第。則佛寶在先。如憂填王等造像

初故。次佛滅後迦葉等結集法眼故次也。後度凡僧以持佛法。故居後也。若一乘三寶皆無前後。以於法界大緣起中。同時顯現悉具足故。或皆有先後。以主伴相成故。隨舉為首故。總說者。小乘二三寶中。真實居先假名在後。三乘三三寶中。同相居先別相為次。住持在後。一乘十三寶。或前後或非前後如前說。餘義准可知。

#### 流轉章

生滅流轉略作十門。一明違順。二斷常。三。一異。四有無。五生滅。六前後。七時世。八因果。九真妄。十成觀。初中於一有為流轉法上義分為二。謂前念滅後念生。經云。如印印泥印壞文成。此即印壞為滅文成為生。又經云。由前五陰故。後陰相續生等。皆是此流轉義也。此中生滅違順有二門。初總後別。總中有四義。一相違義。以背滅為生生盡為滅。以相違故成生滅。二順義。以前念若不滅後念不生。要由滅前念後念方生。是故相順方成生滅。問若前念不滅後念不得生。以二念不並故者。既其滅已亦不得生。以生無所依故。如論云。滅法何能緣。故無次第緣。是故滅已無物誰能生後。答滅有二種。一斷滅。二剎那滅。今非斷滅故不同無物。問此剎那滅若不同無物。應非是滅。答是剎那滅必引後故不同無物。若不引後非此滅故。問若剎那必引後生。是即不得入無心定等。以滅已無間要必生故。答剎那有二位。一約能依轉識能故。皆從自種生。前念後念近遠俱為等無間緣。二約

所依本識細故。前後流注滅已更生無間相續。問若爾入寂二乘最後滅心。應亦還生。即無涅槃便成大過。答若約小乘初教。可如所難。以後宗中許入寂二乘永滅斷故。若終教等即不如此。以二乘人。燒分段身生滅度想入於涅槃。而餘世界受變易身。受佛教化行菩薩道。乃至成佛。盡於未來無有斷絕。以無衆生作非衆生故。四記論中。滅者復生分別記者。此約小乘說。問此微細滅既自不住。何能有力而生後念。答以依真如如來藏故。令此生滅得生滅也。經云。依如來藏故有生滅心等。又經云。依無住本立一切法等。是故滅無真依無以起生。生不依真不從滅起。起信論云。不生不滅與生滅和合。名阿梨耶識。是即流轉是不流轉轉也。是故相順而成生滅。三此二亦達亦順方得生滅。由前二義不相離故。以若不滅生無以生。生若不依滅無以背滅。是故由極相達方極相順。思之可解。四非達非順方得生滅。由前二義相形奪故。以無二爲一。離二相故。達順雙泯故。第二別解者。此生及滅各開之爲二。前念滅中二義一滅壞義。二引後義。後念生中有二義。一依前義。二背前義。由滅壞與背前生滅極相達。由引後與依前生滅極相順。由滅壞不異引後故。由依前不異背前故。是故亦達亦順無有障礙。由滅壞引後。背前融依前故。生滅非達非順也。更有句數思之可見。第二斷常者。亦先總後別。總中四句。由前滅故不常。中後生故不斷。俱不俱准思之。別中亦四句。

由滅壞及背前故。法不至法本不移而不常。由引後及依前故位不絕。位恒流而不斷。由上二義不相離故不斷即不常。恒流而不轉。不轉轉轉不轉無二故也。由滅壞達生後。由背前達依前。是故非常非非常。非斷非非斷。今此流轉法。亦非流轉非不流轉也。思之可見。第三一異者。亦二門。先總中亦四句。由前念中引後義。後念中背前義。是不一門。俱不俱等思之可知。二別中亦四。謂前後非一。各二非一爲非異。俱不俱思之。又交絡相望亦四句可見。是故一異無礙流而不流也。第四有無者亦四句。一後念中背前義是有義。二前念中滅壞義是無義。三後念中依前義是非有義。四前念中能引後義。是非無義。五由前二義無二。是俱存義。六由後二義無二。是俱泯義。七由存泯無礙。合前六句爲一無障礙流轉。經云。一切法不生滅。我說剎那義。此之謂也。第五生滅者。於中亦二重。初中四句。依前後起是無生義。以不由自能起故引後。是不滅義。以有功能故。俱不俱准思之。又前念滅故不生。後念起故不滅。俱不俱思之。第六前後中亦二重。初總中四句。由依前及引後故。二念不前後。由滅壞及背前故。二念不同時。由上二門不相離故。俱不俱等准思之。是故非初非中後。前中後取故而說流轉。流轉即無轉。別中通論有四重無礙。一不礙前後而說同時。二不礙同時而說前後。三不礙非三時而說三時。四不礙三時而說是非三時。經中劫入非劫非劫入劫等

准之。第七約時世者。於中有三。初約趣向。二約相成。三約時法。初中有四。一從前向後門。謂依前念滅令後念生。是故依過去轉爲現在。現在滅引起當來。由依此門則新新生而無窮盡。二依後向前門。謂依本無今有已有還無。即當來作現在。現在現滅爲過去。由依此門即念念滅而無停積。三由前二義不相離故。亦向前亦向後。依此門故。即生無盡而無不滅。滅無積而無不生。無障礙思之。四由前二義形奪盡故。非向前非向後。依此門故。即滅無積而無滅。生無盡而無生。是謂無礙法門也。第二相成者有五句。一此現在法由當來有。及由過去滅生。是故現在爲二世所成。令現無體入於過去。二此現在法落謝爲過去。引後作當來。是故二世爲現所成。令過去無體。二入於現在。三由前二門不相離故。此約相成有力義故。三世俱立。四由前二義形奪盡故。此約相依無力義故。三世俱泯。五合前四義同一法故。存亡無礙理事雙融。思之可見。第三時法者。於中亦有五門。一時不流而法轉。謂依前滅引後生。此生滅還引後。此是法轉也。然過去時不至現在。現在不至未來。此時不流也。此即約時念念間斷。約法相續恒流。二法不轉而時遷。謂由過去謝滅方有現在。現在落謝能引當來。三世念念無有斷絕。此是時遷流也。過去法不來至現在。現在法不去到於當來。各住自位不相到故。此法不轉也。此即約法本不相到。約時念念無間也。三俱遷者。離法無別時

故。是故以時流法轉無二故。無始已來未曾暫停也。四非遷者。以不流之時不轉之法無二故。無始已來未曾運動也。五合前四句不相離故。從無始來不動而流。遷而不異。無障無礙。是此法體。思之可見。第八因。果門中亦四位。一無二有三俱四派。初中謂此一念法前因已滅對誰稱果。後果未生對誰說因。當念不住非因非果。二假有因果者。如論云。觀現在法有引後用。假立當果。對說現因。觀現在法有酬前相。假立當因。對說現果。因果不無。二俱者。由有引後義故有因。由有酬前義故有果。由滅壞義故非因。由背前義故非果。由引後不異滅壞故亦因亦非因。由酬前不異背前故亦果亦非果。由四義合成一流轉。故具存亡二義也。四俱派者。由滅壞不異引後故非因非非因。背前不異酬前故非果非非果。此二門復不異故。非因果非非因果。又若因果先存可得對之說。非既因果。先自不成今亦無。非因果之可立。思之。第九真妄中亦四。一無人。二無法。三相盡。四理現。初中此中但是前滅後生。無間流轉畢竟無人。從此至彼以生滅法中竟無人。故論云。一切世間法法因果無人。此之謂也。二無法者。此生滅法。由後依前起後無自性無體。又不可從前念而來。由後背前後非前。及此亦不可從前念而來。由前滅壞故無法可至。後念由能引後故體非後位攝。此亦不能至後位。是故前念無法可去至後念。後念無法可從前念來。但緣起力故似有相續。實無有一法從

此至彼。故論云。但從於空法還生於空法。此之謂也。三相盡者。思惟此法過去已滅。未來未至故無體。現在不能自住故無體也。又復思惟前念已謝故無有來。不至後念故無有去。當念速故不能住。是故此法相無不盡。又細思惟現法不離過去。以離首尾無別體故。是故諸相未曾不盡。問若爾者。豈令現在如彼過去耶。亦無體空耶。答即以如過去之空無為現假有故。是故此現有無不是真空。以不礙假有者方是性空故。以是法理空非是斷空故。是故只說此生流轉法。即是真空非滅。此法方為性空。經云。諸法畢竟空無有毫末相。又經云。色即是空非色滅空。此之謂也。思之可知。四理現者。即由如是相自盡故。平等理性未曾不現。論中一種真如內名為流轉真如。以尋思此流轉。相盡真理現露故以為名。又經云。生死即涅槃等。皆此義也。是故諸佛菩薩。看於生死常見涅槃。常見涅槃恒遊生死。如履波者未嘗不踐水。踐水者無不履波。依是道理。諸佛不起涅槃界常在生死中。教化衆生等悲智無礙。斯之謂矣。第十成觀者有二。先令識妄念。後攝念成觀。前中識妄念者。既思惟此流轉之法。細觀其實。唯是一念至於無念。彼能緣之念。亦如所念無不相。及彼此當處相即空故。性本現故。既知法實如此。而昔所見自他人法是非差別。悉是亂識妄想計度。實無所有。應傷己顛倒息諸妄念。又復思惟。即此妄念逐自妄境。此二則今恒無所有。經云。從心相生與心作

相和合。而有共生共滅。同無有住。此之謂也。二成觀中。一先解後行。初解中。一始謂解知。如前所說諸義。令心決定。二終謂知此解是解非行。亦解知正行。不如所解。是故方堪為行方便。二行中亦二。一始謂思惟彼法至無念處。諸見皆絕絕亦絕。言說不及念慮不到。若於乃至作無念等解。並是妄念非是實行。何況餘念。二終謂以念智照無相境。亦非照非境亦無觀無不觀。故云法離一切觀行。久作純熟心不失念。四威儀中常作一切而無所作。雙行無礙難思議也。問若爾則此入門無念便足。何須如上廣分別耶。答若不如前尋思彼義者。即見不伏生。若不解知解行別者。即妄以解為行情謂不破也。設總無知但強伏心而作諸觀。並是謂中作非是真行。究竟增惡見入於魔網。不能成益故。經頌云。百千羶羊僧。無慧修靜慮。設於百千劫。無一得涅槃。聰敏智慧人。能聽法說法。敏念須臾頃。能速至涅槃。其觀中魔事及餘行相觀利益等。並如別說。

華嚴經明法品內立三寶章卷上

華嚴經明法品內立三寶章卷下

魏國西寺沙門法藏述

法界緣起章 圓音章 法身章 十世章

玄義章 七科已上

法界緣起章 並未入疏

夫法界緣起爲礙容持。如帝網該羅。若天珠交涉。圓融自在無盡難名。略以四門指陳其要。一緣起相由門。二法性融通門。三緣性雙顯門。四理事分無門。初緣起相由門者。於中曲有三門。一諸緣互異門。即異體也。二諸緣互應門。即同體也。三應異無礙門。即雙辨同異也。此三門中各有三義。一互相依持力無力義。由此得相入也。二互相形奪體無體義。由此得相即也。三體用雙融有無義。由此即入同時自在也。初緣起互異門者。謂於無盡大緣起中。諸緣相望體用各別。不相參雜故云異也。依持義者。一能持多。一有力是故能攝多。多依一故多無力。是故潛入一。此即無有不客多之一。以無不能持故。無有不入一之多。以無不能依一。如多依一持既爾。一依多持亦然。是故亦無不攝一之多。亦無不入多之一。是故由一望多有持有依全力無力故。能攝能入無有障礙。多望於一有依有持無力全力故。能入能攝亦無有障礙。俱存雙泯二句無礙。亦准思之。相入義竟。二諸緣相奪體無體者。多緣無性爲一所成。是故多即一。由一有體能攝多。由多無性潛同一。故無不多之一。亦無不一之多。一無性爲多所成。多有一空即多亦爾。是故一望於多。有有體無體故。能攝他同己。廢己同他。無有障礙。多望於一有無體有體。亦能廢己同他攝他同己。亦無障礙。亦同他己亦同己他。非同他己非同己他。二句無礙圓融自在。思之可見。相即義竟。三體用雙融有無門者有六句。一

以體無不用故。舉體全用即唯用而無體。但有相入無相即故。二以。用無不體故全用歸體。唯體而無用。但有相即無相入也。三歸體之用不礙其用。全用之體不失其體。是故體用不礙雙存。即亦入亦即。無有障礙銘融自在。四全用之體體泯。全體之用用亡。是則體用交徹形奪兩非。即入同源圓融一味。五合前四句。同一緣起無礙俱存。六泯前五句絕待離言。應可去情如理思。攝緣起異體門竟。二諸緣互應門者。謂衆緣之中以於一緣應多緣故。各與彼多全爲其一。是故此一具多箇一。然此多一雖由本一。應多緣故有此多一。然與本一體無差別。是故名爲同體門也。依持容入者。謂此本一有力能持彼多箇一。故本一中容彼多一。多一無力依本一故。是故多一入本一中。是即無不容多一之本一。亦無不入本一之多一。如本一有力爲持多一。無力爲依。容入既爾。多一有力爲持。本一無力爲依。容入亦爾。是即無不容本一之多一。無不入多一之本一。是即由本一望多一。有持有依有力無力故。能容能入無有障礙。多一望本一。有依有持無力有力故。能入能容亦無障礙。俱存雙泯二句無礙。亦准思之。同體門中容入義竟。二互相形奪體無體者。謂多一無性。爲本一成多一。舉體即是本一。是則本一爲有體能攝多一。多一無體融同本一故。無不攝多一之本一。亦無不即本一之多一。如本一有體多一無體。攝即既爾。多一有體本一無體。攝即亦然。是故亦無

不攝本一之多一。亦無不即多一之本一。是即本一望多一。有有體無體故。能攝他同己廢己同他無。有障礙。多一望本一。亦體無體攝即可知。亦攝不攝亦即無即。非攝不攝非即不即二句無礙。思之可見。同體門中相即義竟。三體用俱融即入無礙者。亦六句無礙。准前思之可見。同體門竟。三應異無礙雙辨同體異體門者。以此二門。同一緣起不相離故。若無異體則諸緣雜亂。非緣起故。若無同體緣不相資。亦非緣起故。要由不雜方有相資。是故若非同體無異體故。若非異體無同體故。是故通辨亦有四句。一或舉體全異具入即俱。二或全體是同亦具入即俱。以法融通各全攝故。三或俱。以同異無礙雙現前故。四或俱非。以相奪俱盡故雙非也。餘入即等准思知之。上來第一緣起相由門竟。餘未作

### 圓音章

圓音義略作四門分別。一舉義。二決擇。三會達。四辨釋。初中有二。一謂如來能以一音演說一切差別之法。所謂貪欲多者。即聞如來說不淨觀。如是等乃至一切故名圓音。是故華嚴云。如來於一語言中。演說無邊契經海。二謂如來一音。能同一切差別言音。謂諸衆生各聞如來唯已語故。華嚴經云。一切衆生語言法。一言演說盡無餘。第二決擇者。或有說言。如來於一語業之中。演出一切衆生言音。是故令彼衆生各聞已語。非謂如來唯發一音。但以語業同故名曰一音。所發多故名曰圓音。或有說言。如來唯發一梵言音。名

爲一音。能爲衆生作增上緣。令其所作感解不同。故名圓音。非謂如來有若干音。或有說言。如來唯一寂滅解脫離相音。名爲一音。而諸衆生機感力故。自聞如來種種音。故名圓音。非謂如來音有一有多。問此上三說何得何失。答若別偏取。三俱有失。何者。初說但多無一音故。次唯一語無多音故。後唯無惟非音義故。如實義者。三說合爲一圓音義。何者。若彼多音不即一音。此但多音非是圓義。以彼多音即一音故。鎔融無礙名作圓音。若彼一音不即一切。但是一音非是梵音。以彼一音即多音故。融通無礙名一梵音。若此等音。不即無性同真際者。是所執故。非如來音。以彼音等離作故。無性故如響故。所以法螺恒震妙音常寂故也。第三會違者。如婆沙論中七十九卷說。世尊有時爲四天王。先以聖語說四諦。二王領解。二不能解。世尊憐愍。愍故變益故。以南印度邊國俗語說四諦。二天王中一解一不解。世尊憐愍。復一一種。復戾車語說四聖諦時。四天王皆得領解。問若以一音異類解。後二天王何不同解。答彼論釋云。彼四天王意樂不同。爲滿彼意故。佛異說。復次世尊欲顯於諸音皆能善解。斷彼疑故。復次有所化者。依佛不變形言而得受化。又所化者依佛轉變形言而得受化。依佛不變形言而受化者。若轉變形言而爲說法。彼不能解。如說佛在摩竭陀國。爲度池堅步行十二由旬。七萬衆生皆得見諸云云。依佛轉變形言而受化者。若不變形言而爲說法。

彼不能解。是故世尊作三種語爲四王說法。准上三釋義理可通。並由衆生宜聞有異。故不相達。第四辨釋者有二。一明分齊。二顯利益。初中佛一言音普遍一切。謂一切處一切時一切法等。根熟之者無遠不聞。根未熟者近而不聞。言遍一切處者。如智論目連尋聲極遠如近故。二遍一切時。謂此圓音盡未來際。未曾休息。三遍一切法。無有一法非圓音所宜說者。四遍一切衆生。謂此圓音無有根器而不聞覺。若爾何故。鷲子在座如響不聞。釋非謂圓音能至所聞。亦能至此不聞之處。故名遍至。問此若普遍。何成語音屈曲詮表。設爾何失。二俱有過。何者。此若等遍失音曲故。如其存屈曲非等遍故。今釋若由等遍失其音曲。是圓非音。若由屈曲乖其等遍。是音非圓。今則不壞曲而等遍。不動遍而差韻。是謂如來圓音。非是心識思量境界。二利益者。若依小乘如來言音未必一切皆有利益。如佛問阿難天雨等。非是法輪音聲所攝。若大乘等中。如來所發世俗言音。無不皆成大利益故。如佛入城唱乞食聲。令城同聞俱獲利益故。經云。諸佛音聲語言威儀進止無非佛事。

#### 法身章

法身義四門分別。初釋名者。法是軌持義。身是依止義。則法爲身。亦名自性身。二體性者。略有十種。一依佛地論。唯以所照真如清淨法界爲性。餘四智等並屬報化。二或唯約智。如無性攝論。以無垢無量智爲法身故。謂

離二障。諸德釋云。此據攝境從心名爲法身。匪爲法身是智非理。今釋一切諸法尙即真如。況此真智而不如耶。既即如何待攝境。三亦智亦境。如梁攝論云。唯如如及如智獨存。名爲法身。四境智雙泯。經云。如來法身非心非境。五此上四句合爲一無礙法身。隨說皆得六。此上總別五句相融形奪泯茲五說。通然無寄以爲法身。此上單就境智辨。七通攝五分。及悲願等法行功德。無不皆是此法身收。以修生功德必證理故。融攝無礙如前智說。八通收報化色相功德。無不皆是此法身收故。攝論中三十二相等。皆入法身攝有三義。一相即如故歸理法身。二智所現故屬智法身。三當相並是功德法。故名爲法身。九通攝一切三世間故。衆生及器無非佛故。一大法身具十佛故。三身等並在此中。智正覺攝故。十總前九爲一總句。是謂如來無礙自在法身之義。三出因者有四。一者了因。照現本有真如法故。二者生因。生成修起勝功德故。三者生了無礙因。生了相即二果不殊故。四者總此勝德爲所依因。印機現用爲所成果。四業用者亦有四。一此理法身。與諸觀智爲所開覺。經云。法身說法授與義故。二依此以起報化利生勝業用故。三或作樹等密攝化故。四遍諸塵道毛端等處。重重自在無礙業用也。

#### 十世章

十世義作二門。一建立者。如過去世中法未謝之時。名過去現在。更望過去名彼過去爲



過去過去。望今現在此是未有。是故名今爲過去未來。此一具三世俱在過去。又彼謝已現在法起。未謝之時名現在現在。望彼過去已滅無。故名彼以爲現在過去。望於未來是未有。故名現在未來。此三一具俱在現在。又彼法謝已未來法起。未謝之時名未來現在。望彼現在已謝無。故名未來過去。更望未來亦未有故。名未來未來。此三一具俱在未來。此九中各三。現在是有六過去未俱無。問若於過去未各立三世。如是過去未既各無邊。此三世亦無邊。何但三重而說九耶。答設於過去未更欲立者。不異前門故唯有九。又此九世總爲一念。而九世歷然。如是總別合論爲十世也。第二相攝者有二門。一相即二相入。此二得成由二義故。一緣起相由義。二法性融通義。初緣起相由者。且如過去現在法。未謝之時自是現在。以現在現在望之。乃是現在之過去。是故彼法亦現在亦過去。所望異故不相違。又現在現在法。自是現在以未謝故。以過去現在望之。乃是過去之未來。又以未來現在望之。復是未來之過去。是故彼法亦現在亦過去。又未來現在法。亦現在亦未來。准之可見。又此九中。三世現在必不俱起。六世過去亦不俱。一現在二過去。此三定得俱。是故九中隨其所應有隱有現。以俱不俱故。且就俱中由過去過去無故。令過去現在法得有也。何以故。若彼不謝此不有故。又由過去現在有故。令過去過去無也。以若不此有彼無謝故。又由過去現在有。令過去未來無

也。以由彼未謝今此未有故。又由此過去未來無故。令彼過去現在成有。以若此有彼已謝故。是故由此未有。彼得未謝故也。又由過去過去無故。令過去未來無也。謂若彼不無此現不成有。現不成有此未來不成無。是故此無展轉由彼無也。又由過去未來無故。令過去過去無也。反上思之。如過去三世有此六義相。由現在未來各有六可知。二就不俱中有二。初顯現相由亦有六義。謂由過去現在有。方令現在現在成有。何者。以若彼不有無法可謝。至此現有。又由現在現在有故。方知過去現在是有。以若此不有彼不有不成故。何者。若無此有。即令彼有不得謝無。不謝之有非緣起有。故不成有也。現在現在望未來現在亦二義。准上思之。過去現在望未來現在亦二義。謂若過去現在不有。即未來現在有不成就。反此亦准知。問俱者可相由。不俱者云何得相由。答俱者現相由。不俱者密相由。亦是展轉相由。以若無此不俱俱不成故。是故此九世總爲五位。有此十門。一如過去過去。唯一謝滅但是過去。現在家之過去故。一如過去現在有二門。謂是過去位中自現在故。以現在望之是過去故。是故此法亦現在亦過去。以所望異故不相礙也。三如過去未來有三門。一以過去現在望之。此未有故是過去家未來。二以現在緣現起猶未謝故。是現在現在。三以未來現在望之。此已謝故是未來過去。是故此現在現在。亦現在亦過去。四未來現在亦二門。五未來未來唯一

門。並准可知。上來次第相由有斯九門第十超間相由。謂若無初一則無後一等。是故如次及超間無礙相由故。依是道理。令諸門相入相即。如經云。過去一切劫安置未來。今未來一切劫迴置過去。斯之謂也。凡論相由之義有二門。一約力用。謂若無此彼不成。仍此非彼故。以力用相收故得說入。然體不難故不相是也。二約體性。謂若無此彼全不成。故此即彼也。是故約體說爲相即。釋此二門如別說。是故不失本位不無即入也。思之可見。經云。無量無數劫能作一念頃等。是此義也。第二約法性融通門者。然此九世時無別體。唯依緣起法上假立。此緣起法復無自性。依真而立。是故緣起理事融通無礙。有其四重。一泯相俱盡。二相與兩存。三相隨互攝。四相是互即。初中以本從末唯事而無理。以末歸本反上可知。經云。非劫入劫劫入非劫。是此義也。二中全事之理非事。全理之事非理。故俱存而不難也。經中諸劫相即而不壞本劫者。是此義也。三中由隨事之理故。全一事能容一切也。由隨理之事故。一切事隨理入一中也。反上即是一入一切可知。四中由即理之事。故全一即一切也。由即事之理故。全一切即一也。是故唯理無可即入。唯事不可即入。要理事相從相即故。是故有即有入。時劫依此無礙法故。還同此法自在即入餘義思之可解。

玄義章

緣起無礙一。染淨緣起二。揀理異情三。藥病

對治四理事分無五，因因果果六。二諦無礙七。真妄心境八。能化所化九。入道方便十。緣起無礙門第一

問緣起諸法會融無礙如何可見。答今釋此義作二門。一開義融通。二句數決擇。初中開有三重四句。一空不空門。謂一切皆空無有毫末相。以緣起無性故。虛相盡故。或一切不空。以空為諸法故。以非情謂之無故。不異色等故。或二義無礙。或兩門俱泯。並可准思。二相在不在門。謂或一切入一中。由一無性。以法性為一。又一切法既即法性。是故一切同在一中。而不相是也。或不在。一謂由無性一多絕故。不壞其有互不雜故。雖恒涉入住自位故。或俱。謂微細相入恒在外故。萬里迢然恒相在故。相在不在是一事故。無障礙故。或俱非。謂入出融故。絕二相故。無在不在。仍有此法難名目也。如一切入一具斯四句。一入一切亦准思之。三相是不是門。或一切即是一。此有二門。一約性。謂如經云。若人欲成佛。勿壞於貪欲。諸法即貪欲。知是即成佛。此經意。以貪欲即無性故。不可壞。諸法即貪欲者。即貪欲之無性理也。若不爾者。豈貪是一切法體耶。是故當知。舉貪名而取貪實。二約事。此中二。一始。二終。始謂法界無別有。即以諸法即法界為法界。一法無別有。即以法界即一法為一法。是故一切法即是一法也。二終者。既全以法界即一法為一法故。是故此一即是一切。一切法即是一也。問若就理性既一多俱絕。則無可即。若約事相入法相

垂。故云何即。若約事有即。即壞其事。即垂於俗。若約理有即。即垂於真。若舉事而取理。即不異前門。更何可辨。答只由此二義故。得相即也。何者。若事而非理不可即。若理而非事無可即。今由理事不二而二。謂即事之理方為真理故。全事相即而真理湛然。即理之事方為幻事故。恒相即而萬像紛然。良由理事相是而不一。故全一多互即而不雜也。去情思之。或若嚮像執言求解終日難見。或一切不是一。謂全體相是而不雜故。不壞本法故。其猶色即空而不壞色等准之。或俱。由前二義無礙具故。或俱非。由前二義互形奪故。絕二相故。無是不是仍有此法也。如一切即一有此四句。一即一切四句准思。此上三重融成一際。圓明具德無礙自在。是謂法界緣起門。思之知耳。二句數決擇者亦三重。先約一多相即不相即。總有四四句。一由一即多故名一。二即多故非一。三即多故亦一亦非一。四一即多故非一非一。多即一准之。第二由一不即多故名一。二由一不即多故非一。三一不即多故亦一亦不一。四一即多故非一非不一。多不即一准之。第三由一不即多故名一。二由一即多故非一。三由亦即亦不即故。亦一亦不一。四由非即非不即故。非一非不一。多即一准之。第四由一即多故名一。二由一不多故非一。三由俱故。俱四由不俱故。不俱多一亦准之。是故此上順有十六句。逆亦十六。總三十二句也。二約相在不在。亦三十二句。三約空不空亦三十二句。是

故合有九十六句。又若三重相融有三重四句。一或唯空不空。或唯即不即。或俱或不俱。二或唯在不在。或唯空不空。或唯不俱等。三或唯即不即。或唯在不在等四句准之。是故三四為十二句。帖前九十六。總為一百八句法門也

### 染淨緣起門第二

問眾生難染及三寶清淨。為俱是妄為亦非妄。答此二各有四句。謂眾生是妄。以橫計有故。眾生非妄。成法器故。此二約用。眾生是妄。由上二句故。眾生非妄。以妄即空故。真如性滿故。三寶是妄。妄情取有故。經云。眾生強分別作佛度眾生。經云。若解真實者。無佛無菩提等。二三寶非妄。以能治妄故。經云。佛菩提智之所能斷故。三三寶是妄。由治妄故立也。無妄即無真故。論云。但隨眾生見聞得益故。說為用也。四三寶非妄。由全體是真故。恒一相故。經云。三寶同一味故也

### 揀理異情門第三

問真空與斷空何別。答略有四別。一約境。謂真空不異色等名法理空也。斷空在色等外。及滅色方為空。名為斷滅空也。二約心。謂真空聖智所得。比證等不同也。斷空情謂所得世人所知也。三約德用。謂觀達真空必伏滅煩惱。令成王行入位得果。若緣念斷空成斷滅見。增長邪趣入外道位。顯墜惡趣。經云。寧起有見如須彌。不起空見如芥子。論云。若復見於空諸佛所不化等。又真空即色故。不可斷空取。是故真空不思議也。斷空不爾。反上

知之。四約對辨異者。問色等既即是真空。斷空何獨不真耶。答若斷空亦即空而實無差別。但爲濫取空名。是故揀之耳。略作四句。一色與斷空不相即。以俱是所執故。如見人畜等。二斷空即空與色即空。二空不別。以無二相故。三色真空與斷空不相即。以情理異故。又斷空與色不相即。亦情理別故。四即空之色與即真之斷得相。即以從詮說理故。就法融通故。如此二門具斯四句。餘一切法相望皆亦如是准思。故經云。諸法即貪者。以即空之諸法。還即彼即空之貪耳。問如貪法既即空。瞋等亦即空。未知瞋等空爲即是貪空。爲猶在貪外。答全是內而外宛然。全是外而內亦爾。以圓融故。無限分故。無障礙故。問爲如堂內空與房內空。此二空無分限故。一味同故。云堂空即房空。而實堂內空不是房中攝。爲如此不。答不也。此是世法非可同彼。若如彼言。房空不移而全在堂內。堂中亦爾。非是彼此相通故說無二。但以彼空元來是此空故名無二也。既非世法難申說也。會意思之。或客可見耳。

藥病對治門第四

問對病與治分齊有幾。修行之要故請示之。答病有二種。一龜謂巧僞修行。二細謂執見不破。前中亦二。一內實破戒而外現威儀等。二假全不破爲他知故求名利故。發滑故伺狎故。不直故謹短故。第二細中亦二。一雖具直心而執我修行。二雖不執有人而計有法。實見不破故。對治之藥亦有二種。一龜亦二。

謂於諸過非而不覆藏。深愧懺悔。二於所修行不難巧僞。皆質直柔軟。作下下意不顯己德。第二細中亦二。一諸修行時知無我人。不計疲苦。二觀察諸法等不二。一相無相入理究竟。二通說者。但深觀諸法平等之時。於上諸病無不治盡。此是大乘修行法門。依佛藏經義說。

理事分無門第五

問如此理事。爲理無分限事有分限耶。爲不耶。答此中理事各有四句。且理一無分限。以遍一切故。二非無分限。以一法中無不具足故。三具。分無分一味。以全體在一法。而一切處恒滿故。如觀一塵中。見一切處法界。四俱非。分無分以自體絕待故。圓融故。二義一相非二門故。事中一有分。以隨自事相有分齊故。二無分以全體即理故。大品云。色前際不可得。後際亦不可得。此即無分也。三俱。以前二義無礙具故。具此二義方是一事故。四俱非。以二義融故平等故。二相絕故。由上諸義。是故理性不唯無分故。在一切法處。而全體一內不唯分故。常在一中全在一外。事法不唯分故。常在此處恒在他方處。不唯無分故。遍一切。而不移本位。又由理不唯無分故。不在一事外不唯分故。不在一事內事不唯分故。常在此處而無在也。不唯無分故。常在他處而無在也。是故無在不在。而在此在彼無障礙也。

因因果果門第六

師子吼品云。佛性者有因有因因。有果有果

果。因者十二因緣。因因者。即是智慧。過去果者阿耨菩提。果果者無上大般涅槃。後四句者。是因非果如佛性。是果非因如大涅槃。是因是果。如十二因緣所生之法。此中具智慧。非因果名爲佛性。中道正性謂法身理也。第三句即爲五種佛性也。或有佛性。闡提人有。善根人無。因性。或有佛性。善根人有。闡提人無。因性。或有佛性。二人俱有。非因果。或有佛性。二人俱無。果與果。十二因緣名佛性者。且如無明是佛性有二義。一當體淨故是法身性。二是能知名義成反流。故名報身性。餘支准此。又初四句中。初者謂染淨緣起門。二內熏發心。三始覺圓四本覺現。又初隨染隱體。二微起淨用。三染盡淨圓。四還源顯實。又初與第四俱是理性。但染淨異。中間二俱是行性。但因果異。又初染而非淨。第二淨而非染。第三亦染亦淨。第四非染非淨。又初是自性住。二是引出三四至得果。又初二因。後二果。又轉初爲四轉二爲三。又依初起二。以二成三。以三證初冥合不二。是故四義唯一心轉。若離無明此四相皆盡也。

二諦無礙門第七

二諦無礙有二門說。一約喻。二就法。喻者。且如幻兔依巾有二門。一覓二巾。兔亦二義。一相差別義。二體空義。巾亦二義。一住自位義。二舉體成兔義。此巾與兔非一非異。且非異有四句。一以巾上成兔義。及兔上相差別義。合爲一際故爲不異。此是以本隨末。就末明不異。二以巾上住自位義。及兔上體空義。合爲一際故爲不異。此是以末歸本就本明不

異。三以攝末所歸之本。與攝本所從之末。此二雙融無礙俱存故為不異。此是本末雙存無礙不異。四以所攝歸本之末。亦與所攝歸末之本。此一俱泯故為不異。此是本末雙泯平等不異。第二非一義者亦有四句。一以市上住自位義。與兔上相差別。此二相違故為非。此是相背非一。市上成兔義。兔上體空非。此二相害故為非。一三以彼相背與此相害。此二位異故為非。一謂背即各相背捨相去懸遠也。相害即與敵對親相殘害。是故近遠非一也。四以極相害泯而不泯。由極相匪存而不存。此不泯不存義為非。一此是成壞非一。又此四非一與上四不異而亦非一。以義不難故。又上四不異與此四不一。而亦不異理通故。是故若以不異門取。諸門極相和會。若以非一門取。諸義極相違謬。極達而極和者。是無障礙法也。第二就法說者。市喻真如如來藏。兔喻衆生生死等。非一非異亦有十門。准喻思之可知。又兔即生即死而無礙。市即隱即顯而無礙。此生死隱顯逆順交絡。諸門鎔融並准前思攝可解。二顯義者有四門。一開合。二一異。三三相。四相在。初開合者。先開後合。開者俗諦緣起中有四義。一諸緣有力義。二無力義。三無自性義。四事成義。真諦中亦有四義。一空義。二不空義。三依持義。四盡事義。合者三門。一合俗。二合真。三合二。初者有三。一約用。謂有力無力無二故。二約體。謂性無性無二故。三無礙。謂體用無二唯一俗諦。合真者亦三。

一約用。謂依持成俗即是奪俗全盡無二故。二約體空不空無二故。三無礙。謂體用無二故。三合二者有四門。一約起用門。謂真中依持義。與俗中有力義無二故。二約泯相門。謂真中盡俗。與俗中無力義無二故。三約顯實門。謂真中不空義。與俗中無性義無二故。四成事門。謂真中空義。與俗中存事義無二故。開合門竟。理事即不即門者。此中理事相即不相即。無礙融通各有四句。初不即中四句者。一二事不相即。以緣相事礙故。二二事之理不相即。以無二故。三理事不相即。以理靜非動故。四事理不相即。以事動非靜故。二相即中四句者。一事即理。以緣起無性故。二理即事。以理隨緣事得立故。三二事之理相即。以約詮會實故。四二事相即。以即理之事無別事。是故事如理而無礙。

#### 真妄心境門第八

真妄心境通有四句。一約情有心境。境謂空有相違。以存二相故。心謂二見不壞是妄情故。或境上有空同性。以俱是所執故。心上亦同。俱是妄見故。二約法亦有心境。境謂空有不二。以俱融故。心謂絕二見。以見無二故。或境上空有相違。以全形奪故。心上亦二。謂隨見一分餘分性不異故。三以情說法說。謂境即有無俱情有。有無俱理無無二為一性。或亦相違以全奪故。心謂妄取情中有。以是執心故。或亦比知其理無以分有觀心故。四以法就情說。境即有無俱理有。有無俱情無無二為一性。或亦相違以全奪故。心謂見理有以智故。見情無以悲故。或見無二心是一心故。此上四門中。約境各有四句。心上各四句。總有三十二句。准思之。

能化所化融作十門第九

諸佛衆生緣起融通總有十門。一分位門。佛有二義。一法身平等。二報化差別。此二是能化佛門。衆生亦二義。一所依如來藏。二能依妄染。此二是所化衆生門。二理事門。以佛法身與衆生如來藏。無二性故。爲理法門也。以佛報化與衆生妄染。以相由是故。是事法門也。三以法身不異如來藏。報化依染器而現。是故總是衆生門也。四以如來藏不異法身。妄染是報化所翻。是故總是佛門也。五以事虛無體故。理性不改故。唯一理門。六以理隨緣故。事無不存故。唯一事門。七以報化外攝妄染內攝理性。唯報化門。八以妄染能現報化復內攝真理故。唯妄染門。九此上諸義無礙現前是俱存門。十此上諸義容融平等。是俱泯門。此十門應以六相准之。

入道方便門第十

作入道緣起要有三義。一識病。二揀境。三定智。初中有二。一僉謂求名利等。二細存見趣理等。二揀境中。一對境。謂情謂之境在邊等。二真境有二。一三乘境。謂空有不二融通等。二一乘境。謂共盡緣起具德圓融等。三定智中亦二。一解謂能生正解。仍解知解行別者是也。二行謂不如所解。以解不能至故。無分別心行順法妄情等。又此行依解成。亦行現前其解必絕。又約境以三空亂意揀之。約

行以無分別智互相揀之。其義即見。又入道方便略作四門。一懺除宿障門。二發菩提心門。三受菩薩戒門。四造修勝行門。造修勝行有二途。一始二終。初中有三門。一捨緣門。二隨緣門。三成行門。初中有六重。一捨作惡業。二捨親眷屬。若出家捨門徒及生緣眷屬。三捨名聞利養。四捨身命。五捨心念。六捨。此捨令絕能所無寄故。二隨緣門者。有四重。一還隨前六事而守心不染。二凡於一切堪情下至微少堪處。皆應覺知不受勿有少染。三於一切違境。乃至斷命等怨。皆應守心歡喜忍受。四凡所作行遠離巧僞虛詐。乃至一念亦不令有。三成行門者。一起六波羅蜜行。云云。二四無量行。云云。三十大願行。云云。願行有二。一諸未起行策令起。二已起行持令不退。皆由願力即通法行也。二終者亦三門。初捨門者。即止行也。觀諸法平等一相。諸緣皆絕。云云。二隨緣門者。即觀行也。還就事中起大悲大願等行。云云。三成行門者。即止觀俱行雙融無礙。成無住行。真俗境不殊悲智心不別。又此境而不別也。又明菩薩住不住行。說有二門。一開二合。開中亦二。初不住。後明住不住亦二。一不住生死。二不住涅槃。初中亦二。一由見生死過患故不可住。二生死見本空故無可住。二不住涅槃亦二。一見涅槃本自有。故不待住。二由不異生死故不住。又智理無別故。能所絕故無能住也。二明住亦二。初住生死者亦二。一由見過患起大悲故。住為除纏故也。二見空故住不怖故也。又二。

一見過生厭故住。二見空則涅槃住。此即當在生死恒住涅槃也。二住涅槃者亦二。一常證理故住。二常化衆生故住。以所化衆生即涅槃故。第二合中有四。初合生死涅槃以無二故。無偏住。故云無住。又即住此無二之處。故亦云住。一合住不住二行者。良由以不住為住住為不住。唯一無分別行。故無二也。三合行境二門者。以法界法門絕能所故。平等法性唯一味故。無境行之異也。四合前開與此合無二無別唯一無礙法門。是故不礙開而恒合。不壞合而恒開無二相故。且言說所不能至也。若更以句數分別。有四重四句。一唯不住生死即是。二唯不住涅槃亦是。三俱不住亦是。四俱非不住亦是。二唯住亦四句。返上思之。三唯住生死唯不住生死俱不俱皆是可知。四唯住涅槃唯不住涅槃俱不俱亦唯之。此上十六門門皆全得。得一即不假餘。餘門仍不壞。是故無障無礙。多即多一即一。隨智取捨思之。

華嚴經明法品內立三寶章卷下

## 華嚴經義海百門 并序

京大薦福寺沙門法藏述

夫緣起難思。諒遍通於一切。法界圓測。誠顯現於十方。莫不性海沖融。應人機而表一。智光赫奕。耀世間以通三。殊勝微言。輕毫彰於圓教。奇特聖衆。騰埃現以全身。迥超情慮之端。透出名言之表。竊見玄綱浩濔。妙旨希夷。覽之者詎究其源。學之者罕窮其際。由是微言滯於心首。恒爲緣慮之場。實際居於目前。翻爲名相之境。今者統收玄奧。囊括大宗。出經卷於塵中。轉法輪於毛處。明者德隆於即日。昧者望絕於多生。得其意則山岳易移。乖其旨則鑽銖難入。輒於一塵之上。顯其實德。窮茲性海。覽彼行林。總舉十門。別開百義。參而不雜。一際皎然。義煥爛於篇題。理昭彰於文字。庶入道之士。粗觀其致焉。所列名目。條之如左。

- |         |         |
|---------|---------|
| 緣生會寂門第一 | 實際敘述門第二 |
| 種智普耀門第三 | 鎔融任運門第四 |
| 體用顯露門第五 | 差別顯現門第六 |
| 修學嚴成門第七 | 對治獲益門第八 |
| 體用開合門第九 | 決擇成就門第十 |

緣生會寂門第一  
夫緣起萬有。有必顯於多門。無性一宗。宗蓋彰於衆德。分其力用。則卷舒之趣易明。覽其玄綱。則理事之門方曉。今就體用而言。略分

## 十義

- |      |      |      |
|------|------|------|
| 一明緣起 | 二入法界 | 三達無生 |
| 四觀無相 | 五了成壞 | 六示隱顯 |
| 七發菩提 | 八開涅槃 | 九推去來 |
| 十鑑動靜 |      |      |

初明緣起者。如見塵時。此塵是自心現。由自心現。即與自心爲緣。由緣現前。心法方起。故名塵爲緣起法也。經云。諸法從緣起。無緣即不起。沈淪因緣。皆非外有。終無心外法。能與心爲緣。縱分別於塵。亦非攀緣。然此一塵圓小之相。依法上起。假立似有。竟無實體。取不可得。捨不可得。以不可取捨。則知塵體空無所有。今悟緣非緣。起無不妙。但緣起體寂。起恒不起。達體隨緣。不起恒起。如是見者。名實知見也。

二入法界者。即一小塵。緣起是法。法隨智顯。用有差別。是界此法。以無性故。則無分齊。融無二相。同於實際。與虛空界等遍通一切。隨處顯現。無不明了。然此一塵。與一切法各不相知。亦不相見。何以故。由各各全是圓滿法界。普攝一切。更無別法界。是故不復更相知相見。縱說知見。莫非法界知見。終無別法界可知見也。經云。即法界無法界。法界不知法界。若性相不存。則爲理法界。不礙事相宛然是事法界。合理事無礙。二而無二。無二即二。是爲法界也。

三達無生者。謂塵是心緣。心爲塵因。因緣和合。幻相相生。由從緣生。必無自性。何以故。今塵不自緣。必待於心。心不自心。亦待於緣。

由相待故。則無定屬緣生。以無定屬緣生。則名無生。非去緣生說無生也。論云。因不自生。緣生故。生緣不自生。因生故。生今由緣生。方得名生。了生無性。乃是無生。然生與無生。互成互奪。奪則無生。成則緣生。由即成即奪。是故生時無生。如是了者。名達無生也。

四觀無相者。如一小塵圓小之相。是自心變起假立無實。今取不得。則知塵相虛無。從心所生。了無自性。名爲無相。經云。諸法本性空。無有毫末相。然相雖取不得。證無之義非絕。以相無體性法即立。以法爲無相之佐。由不失法相故。相即非相。非相即相。相與無相。實無差別也。此無相義。如繩上蛇。全言無蛇。當知。繩是無蛇之依。今法是無相之法。全以法爲無相之相也。

五了成壞者。如塵從緣起立。是成即體。不作於塵。是壞今由了緣非緣。乃名緣成了壞非壞。乃名緣壞。以壞不妨始成於法。是故壞時正是成時。以成無所有。是故成時正是壞時。皆同時成立。無先後後。若無壞即成。是自性有。若無成即壞。是斷滅空。成壞一際。相由顯現也。

六示隱顯者。若觀塵相不可得時。即相盡而空現。由見相時不即於理。是故事顯而理隱。又此塵與諸法。互相資相攝。存亡不同。若塵能攝彼。即彼隱而此顯。若彼能攝塵。即塵隱而彼顯。隱顯一際。今但顯時。已成隱也。何以故。由顯時全隱而成。顯隱時全顯而成。隱。相由成立。是故隱時。正顯顯時正隱也。

七發菩提者。謂此塵即寂滅涅槃無性乃是佛菩提。智所現故。今由了達一切衆生及塵毛等無性之理。以成佛菩提智故。所以於佛菩提身中。見一切衆生成正覺轉法輪也。又衆生及塵毛等。全以佛菩提之理成衆生故。所以於衆生菩提身中。見佛發菩提心修菩薩行。當知佛菩提更無異見。今佛教化塵內衆生。衆生復受塵內佛教化。是故佛即衆生之佛。衆生即佛之衆生。縱有開合。終無差別。如是見者。名發菩提心。起同體大悲。教化衆生也。

八開涅槃者。謂不了塵顯迷顯爲生。復見塵隱迷隱爲滅。即依流動生滅之相。緣於塵上迷心變起。謂是眞實。今求生滅之相。竟無起處。亦無可得。動念自亡。妄想皆滅。隨其滅處。名大涅槃。故經云。流轉是生死。不動名涅槃。

九推去來者。謂塵隨風東去時。求去相不可得。隨風西來時。求來相亦不可得。皆唯塵法。竟無來去之相。以無實故。來時無所從來。去時亦無所去。經云。法無去來。常不住故。良以了塵去來無體。所以去來即無去來。無去來而恒來去。一際成立。無有彼此之差別。是故經云。菩薩不來相而來。不去相而去。所以不移塵處。而詣十方。恒不離十方。而入塵處。恒不來去。而來去之量。等於法界也。

十鑒動靜者。謂塵隨風飄飄。是動寂然不起是靜。今靜時由動不滅。即全以動成靜也。今動時由靜不滅。即全以靜成動也。由全體相

成。是故動時正靜。靜時正動。亦如風本不動。能動諸物。若先有動。則失自體。不復更動思之。

然上諸義緣生既立。理不合孤窮萬有以爲同括。無盡而成總。若尋其奧。雖處狹而常寬。欲究其淵。縱居深而逾淺。緣起之義其大矣哉。

### 實際教跡門第二

夫歸宗巨壑亡。委輪於百川。會寂眞源銷緣。成於萬有。是故衆流亡而相盡。多緣寂而法空。歸體息於攀緣。奪相止於迷惑。今就理而言。略顯十義。

- |      |      |      |
|------|------|------|
| 初二無我 | 二明遮詮 | 三如虛空 |
| 四不生滅 | 五無自他 | 六無分別 |
| 七入不二 | 八無差別 | 九明一味 |
| 十歸泯絕 |      |      |

初明二無我者。謂能分別塵相者。是人所分別之塵。從緣具體。是法由相虛假似有而無實體。即爲人無我。經云。我尚不可得。非我何可得。由塵從緣而無自性。是法無我。論云。若法從緣生。此則無自性。以人法二俱無我爲一味也。

二明遮詮者。問曰。塵是有耶。答曰。不也。從緣無自性。即空故。問塵是無耶。答不也。不礙緣起有故。問塵亦有亦無耶。答不也。空奪有盡。唯空有奪盡。盡唯有互不存故。問塵是非有非無耶。答不也。不礙俱存故。俱除計有無之見。非無法也。經云。但除其病而不除法。是爲護過。

三如虛空者。謂塵體空無所有。即無分限。亦不可取捨。而遍通十方。能與一切理事解行等爲所依。而有無盡大用。猶如虛空。與一切法爲依。而全建立。無有分限。遍通十方。猶如虛空。即得虛空智。虛空身無礙用也。

四不生滅者。謂塵從風起散。而有生滅之相。今推生相滅相。悉皆空無。經云。因緣故法生。因緣故法滅。由生時是無性生。由滅時是無性滅。以無性故生即不生。滅亦不滅。

五無自他者。謂塵是緣爲他也。心是因爲自也。今心不自心。必待於緣。既由緣始現。故知。無自性也。又塵不自塵。亦待於心。既由心方現。故知。無他性也。又一切法。皆不自生。亦不他生。故無自他也。今言自他者。非別異見。自是他自。他是自他。自他一際。自在說也。論云。自性亦不有。他性亦復無。

六無分別者。謂見塵圓小之相好惡飛騰者。是自心分別也。即此分別之心。緣塵而起。尋起無體。名相自亡。是無分別。但分別情破。說爲無分別。非如木石。經云。法從分別生。還從分別滅。又云。無分別智分別無窮。無窮之相。性分別滅。由分別無體。即分別無分別。由無體不礙緣。即無分別恒分別。

七入不二者。謂見塵與心有二。二即無二也。若執塵心爲一。遮言不一。以迷心所見非無緣故。若執塵心爲二。遮言不二。以離心外無別塵故。由心與塵二。即無二。唯心無體。一亦無一。由一無一。由二無二。一二無礙。現前方入不二。當經云。無二智慧中。出入中師子。不



著一二法。知無一二故

八無差別者。謂見塵相圓小。與一切法分齊有異。是為差別。觀塵無體。一切皆空。唯理所現無復異體。是無差別。又此理性隨緣成一切法。非無分齊。是即差別。經云。諸法無差別。唯佛分別。知了差無差法。非無理事故。然差別緣起。萬有無差法界一空。由空與有同別互融。會萬有以爲一空。差即無差。觀一空而成萬有。無差即差。差與無差一際顯現。四句作之可見

九明一味者。謂塵從緣成立。皆無自性。縱理事教義萬差。莫不唯空寂一味。祇以緣起萬差。說空一味。若無萬差。是唯一味。若舉空即一味唯空。若舉性即一味唯性。若舉如則一味唯如。類顯可知

十歸泯絕者。謂心與塵互相泯絕。若以塵唯心現。則外塵都絕。若以心全現塵。則內心都泯。泯則泯其體外之見。存則存其全理之事。即泯常存。即存常泯。四句可知

然上諸義實際難思。心行罕緣其致。真源叵測。名言詭隨其端。然無言不絕言。依體興其萬用。無事不辯事。隨緣顯。以一空明事。要必談空。說體寧不開用。是故敘述則緣心罔托。亡相乃妄識無依。方得稱於緣生。將符順於法界

### 種智普耀門第三

夫大智照明就機毫而觀性海。真源朗現即微塵以眺法身。磊落雲繁。一多開而隨應。崔嵬岳聚。理事分以成形。今就體用現前。略分

### 十義

一顯如量 二分六通 三明難思  
四生佛家 五示圓音 六辯依正  
七會機感 八施佛事 九開五眼  
十分三智

初顯如量者。謂塵體空無。是如理不礙事相宛然。是如量。今塵性順真則無分齊。一切事法。全依性顯。是故一塵中見一切事。此事是如理智中如量之境界也

二分六通者。謂此塵無體。不動塵處。恒遍十方刹海。無去來之相。是神足通。經云。不起于座。遍遊十方。又見。塵法界無際。而有理事教義一切等。諸菩薩皆同證入。皆同修習。此法更無別路。是他心通。又見。塵法界解行現前之時。即知。過去會於佛所親聞此法。以觀心不斷。是故今日得了。爲宿命通。又見。塵性空寂。無相可得。即無二見。若見相即爲二見也。由無相即無有二。名天眼通。經云。不以二相見名真天眼。又了塵無生。無性空寂。即執心不起。是漏盡通。經云。斷結空寂。我是則無有生。又聞說塵法界差別之聲。即知。一切聲全是耳不復更聞也。然此聞無緣無得。於聲悟一切法。是常聞一切佛法。爲天耳通也

三明難思者。謂塵不壞小量。而遍十方普攝一切。於中顯現。斯由量即非量。非量即量。又居見聞之地。即見聞之不及。慮思議之際。即思議之不測。皆由不思議體自不可得故。即思不可思。經云。所思不可思。是名爲難思。四生佛家者。佛以真如法界無生之理爲家。

今見塵無生無性時。即此智從無生法顯生故。名生佛家也。經云。於法不分別。是則從如生。又云。普於三世佛法中。知無生已而化生。但契義理。即名生佛家。是佛之子。亦名佛出現也。有本云。無生之理。若提提衆爲家。

五示圓音者。謂此說塵之音。然音具足智慧之藏。隨衆生機。有深淺之感。若於聲上了大。小音韻。是假立空無所有故。然聲是實者。此乃小乘機性。即愚法教顯也。於聲上即知聲事無體。會事顯理者。此由大乘機性。即終教顯也。於聲上即知大小音聲空無所有。生心動念。即乖法體。一味一相不可分別者。此乃大乘機性。即頓教顯也。於聲上了知聲是緣起法界菩提涅槃主伴自在。一即一切。一切即一。如帝釋殿珠網重重無盡境界。此由一乘機性。即圓教顯也。此一音上。由機有大小。令此法門亦復不一。一切諸聲。各各如是。乃爲如來無礙圓音法輪常轉爾

六辨依正者。謂塵毛刹海是依。佛身智慧光明是正。今此塵是佛智所現。舉體全是佛智。是故光明中見微塵佛刹。又刹海微塵。全用法界性。而爲塵體。是故塵中見一切佛說法化生等事。當知。依即正正即依。自在無礙。乃至塵毛國土一一事法。各各如是。全佛依正也

七會機感者。謂塵如如平等法界。隨智所顯。機大則義顯亦大。機小則理顯亦小。隨衆生之根性。有體悟之淺深。是爲機感。即此機感。全如來法身而應現也

八施佛事者。謂應音聲文字。皆悉性離即解脫故。此無性文字。非事之事。以空無故。佛智所顯。隨所施爲。不失法界。即爲佛事。經云。有所施爲。無非佛事。

九開五眼者。謂應無性之色爲肉眼也。塵是緣起之法爲法眼。塵性空故無所有是慧眼。塵無相可得。息諸分別。不見故名爲天眼。塵性空寂。無相可得。依正無礙念劫圓融有無平等。名爲佛眼。然不可以五眼見於塵。但於塵處隨顯立名也。

十分三智者。謂達塵性空無之理。決擇邪正。順理入真。此決擇之心。是加行智。又見此塵全是亡言絕慮。性超圖度能所不起動念亦非。此爲正體智。又見塵緣起幻有不礙差別。雖種種差別莫不空無所有。以不失體故。全以法體而起大用。一多無礙主伴相攝。一切一切。一切即一。是爲後得智。

然上諸義法無分齊。現必同時理不礙差。隱顯一際。用則波騰鼎沸。全真體以運行。體即鏡淨水澄。舉隨緣而會寂。若曦光之流采無心。而朗十方。如明鏡之端。形不動而呈萬像。

#### 鎔融任運門第四

夫性海無涯。衆德以之繁廣。緣生不測多門。由是圓通。莫不迴轉萬差卷舒之形。隨智鎔融一際開合之勢。從心照不生機。縱差別而恒順用。非乖體。雖一味而常通。今就體勢而言。略分十義。

- 一會理事
- 二達色空
- 三通大小
- 四收遠近
- 五明純雜
- 六融念劫

#### 七了一多 八會通局 九明卷舒 十總圓融

初會理事者。如塵相圓小是事。塵性空無是理。以事無體。事隨理而融通。由塵無體。即通於一切。由一切事事不異理。全現塵中。故經云。廣世界即是狹世界。狹世界即是廣世界。

二達色空者。如見塵從緣成立是色。色無體故是空。空若無色而言空。即是無世諦之妄色。因妄色而有真諦之真空。色若無空而言色。即是無真諦之真空。因真空而有世諦之妄色。今但了妄無體。即是真空。非無色名空也。經云。色性自空。非色滅空。

三通大小者。如塵圓相是小。須彌高廣爲大。然此塵與彼山。大小相容。隨心迴轉。而不生滅。且如見高廣之時。是自心現作大。非別有大。今見塵圓小之時。亦是自心現作小。非別有小。今由見塵。全以見山。高廣之心。而現塵也。是故即小容大也。經云。金剛鐵圍數無量。悉能安置一毛端。欲明至大有小相。菩薩因此初發心。

四收遠近者。謂此塵是近。彼十方世界是遠。今塵無體。該通一切十方。即此十方全是塵之十方。是故遠恒近也。然十方雖遠。祇是塵性之十方。縱超不可說世界。亦是不出塵性。何以故。塵量無體。等虛空界。不可出過故。是故一切十方。唯塵性顯也。又雖離此至十方。時亦見此塵。何以故。由塵無體。事隨理而融現。是故塵性。遍一切時。塵事亦同顯現。此乃

一塵中顯現一切。而遠近彼此宛然。十方入一塵中。遠而恒近。塵遍十方。近而恒遠。塵與十方。近之與遠。一際顯現。更無別異思之。五明純雜者。謂塵無生。即一切法皆無生是純。即塵無生義中。具含理事。亦空亦色。亦菩提亦涅槃等是雜。理不礙事。純恒雜也。事恒全理。雜恒純也。由理事自在。純雜無礙也。

六融念劫者。如見塵時。是一念心所現。此一念之心現時。全是百千大劫。何以故。以百千大劫由本一念方成大劫。既相成立。俱無體性。由一念無體。即通大劫大劫無體。即該一念。由念劫無體。長短之相自融。乃至遠近世界。佛及衆生。三世一切事物。莫不皆於一念中現。何以故。一切事法。依心而現。念既無礙。法亦隨融。是故一念即見三世一切事物顯現。經云。或一念即百千劫。百千劫即一念。

七了一多者。如塵自相是一。由自一不動。方能遍應成多。若動自一。即失遍應。多亦不成。一二三皆亦如是。又多相由成立。如一全是多。方名爲一。又多全是一。方名爲多。多外無別一。明知是多中一。一外無別多。明知是一中多。良以非多。然能爲一多。非一。然能爲多一。以不失無性。方有一多之智。經云。譬如算數法。從一增至十。乃至無有量。皆從本數起。智慧無差別。

八會通局者。謂塵之小相是局。即相無體是通。今無邊剎海。常現塵中。乃通恒局。一塵全

遍利海乃局恒通又不壞小而容大。即不思議。一塵廣容佛刹。不浪大而居小。即不思議。佛刹海常現塵中。是爲通局無礙也。

九明卷舒者。謂塵無性舉體全通十方是舒。十方無體隨緣全現塵中是卷。經云。以一佛土滿十方。十方入一亦無餘。今卷則一切事於一塵中現。若舒則一塵遍一切處即舒常卷。一塵攝一切故。即卷常舒。一切攝一塵故。是爲卷舒自在也。

十總圓融者。謂塵相既盡惑識又亡。以事無體故。事隨理而圓融。體有事故。理隨事而通會。是則終日有而常空。空不絕有。終日空而常有。有不礙空。然不礙有之空。能融萬像。不絕空之有。能成一切。是故萬像宛然。彼此無礙也。

然上諸義鎔融之勢。因無性以得通。任運之形。因緣起而得會。一多全攝。一塵所以頓彰。彼此相收。瞻攝毫以之齊現。良以心通則法門自在。義顯則大智由成。尋之者詎究其源。談之者罕窮其奧。任運之用。何可稱哉。

#### 體用顯露門第五

夫法體圓通真源滿徹。顯則十方洞鑒示。乃一切咸彰。指微塵以觀玄宗。舉纖毫而觀佛境。今達妄開真。略分十義。

- |      |      |       |
|------|------|-------|
| 一顯光明 | 二了境智 | 三明生了因 |
| 四明佛境 | 五辨因果 | 六明佛性  |
| 七表性德 | 八自心現 | 九出世間  |
| 十托生解 |      |       |

初顯光明者。謂見塵中法界真如理事之時。

顯了分明。此是智慧光明照也。若無智光。則理事不顯。但見法時。是心光明。由積智功圓。是故放一光明。則法界無不顯示。常觀察一切法界。是爲放光明照一切也。

二了境智者。如一塵圓小事相是世諦。了塵無生無性是眞諦。彼眞俗二諦。是所依之境。此眞達之心。是能依之智。此智於境無復能取。所取二種分別。何以故。今智由法成時。方得言智。離法則無能分別之智。法由智顯時。方得言法。離智亦無所分別之境。以心智寂故。雖流照而常安。由法隨緣故。雖空寂而恒用。

三明生了因者。謂塵體空寂緣起法界之義。由智方顯。是了因。見塵體已修於解行。生起力用是生因。然生即無生。還同法體了亦非了。豈等緣生。生之與了。無有差別。生則約行。了則據體。無體即體。了則無生。體即無體。生還爲了。契同一際。無所分別。

四明佛境者。謂塵體不可得。此不可得。是佛得塵相無分齊無可依。此無依。是佛依塵體不生。此不生。是佛生塵無分別。是佛分別。由無得無依無生。方能建立一切法。又塵全見更不可見。乃至不可聞。皆是佛見聞。經云。所見不可見。所聞不可聞。

五辯因果者。塵即是緣起事相現前爲因。即事體空不可得是果。果不異因。全以因滿稱爲果也。由因不異果。全以果圓稱之爲因也。若因不得果。果亦非果也。若果不得因。因亦非因也。皆同時成立無別異故。是故初發心

時。便成正覺。成正覺已。乃是初心。經云。初發心時便成正覺。悉與三世諸如來等。

六明佛性者。謂覺塵及一切法。從緣無性名爲佛性。經云。三世佛種。以無性爲性。此但一切處。隨了無性即爲佛性。不以有情故有。不以無情故無。今獨言有情者。意在勸人爲器也。常於一塵一毛之處。明見一切理事。無非如來性。是開發如來性起功德名爲佛性也。七表性德者。問塵是有耶。答是非有之有。如水月鏡像。經云。非有是有。問塵是無耶。答是有之非有。空無性也。經云。有是非有。問塵是亦有亦無耶。答從緣生故有。無自性故空。空有一際自在成也。論云。以有空義故。一切法得成。問塵是非有非無耶。答有相空相俱不可得也。互相奪盡。無所成立。今此性德。但無執著。不礙分別。論云。若因有與無亦遮亦應。聽離言心不著。是則無有過。

八明自心現者。如見此塵時是自心現也。今塵既由心現。即還與自心爲緣。終無心外法。而能爲心緣。以非外故。即以塵爲自心現也。離心之外。更無一法。縱見內外。但是自心所現。無別內外。此無過也。

九出世間者。謂見塵色相作實解。即爲處世間。今塵相空無所有。是出世間也。經云。三世五蘊法說名爲世間。斯由虛妄有。無分別則出世間也。

十托生解者。如見塵相。是事於事處實達。即無生之理現前。是謂托生解也。又別托外物以表此法。表塵法自在故。以塵表之顯

法潤益故。以雲雨表之。顯塵性德深廣故。以海表之。如是無量。更有所表。各異以智推之。

然上諸義。悉盡智生相亡體顯。差別緣起。方應性海之波。一味真源。用顯隨緣之鏡。會真之道失。何遠哉。

### 差別顯現門第六

夫滿教難思。窺一塵而顯現。圓宗叵測。觀纖毫而頓彰。然用就體分。非無差別之勢。事依理顯。自有一際之形。今且略舉大綱。以顯十義。

一明止觀

二開二諦

三出入定

四通性起

五辨六相

六顯帝網

七鑒微細

八通逆順

九定主伴

十登彼岸

初明止觀者。如見塵無體空寂之境爲止。照體之心是觀。今由以無緣之觀心通無性之止。體心境無二。是止觀融通。由止無體不礙是心故。是以境隨智而任運。由觀心不礙止境故。是以智隨法而寂靜。由非止觀以成止觀。由成止觀。以非止觀。二而不二。不二而二。自在無礙。

二開二諦者。謂如見塵相圓小。幻有現前。是世諦。了塵無體。幻相蕩盡。是真諦。今此世諦之有。不異於空相。方名世諦。又真諦之空。隨緣顯現。不異於有相。方名真諦。又空依有顯。即世諦。成真諦也。由有攬空成。即真諦成俗諦也。由非真非俗。是故能真能俗。即二而無二。不礙一二之義。歷然。經云。於解常自一。於

諸常自二。通達此無礙。真入第一義。

三出入定者。謂見塵性空。即是十方一切真實之理。名爲入定也。然見此塵無性空理之時。乃是十方之空也。何以故。由十方之心。見於一塵。是故全以十方爲塵。定亦不礙事相宛然。是起然起之與定俱等虛空界。但以

一多融通同異無礙。是故一入多起。多入一起。差別入一際起。一際入差別起。悉皆同時一際成立。無有別異。當知。定即起起即定。一與一切同時三昧起。一切塵中入正受。一毛端頭三昧起。

四通性起者。謂塵體空無所有。相無不盡。唯一真性。以空不守自性。即全體而成諸法也。是故而有萬像繁興。萬像繁興而恒不失真。體一味。起恒不起。不起恒起。良以不起即起。起乃顯於緣生。起即不起。不起乃彰於法界。是故此塵即理即事即滅即生。皆由不起而起也。此塵亦空理亦境亦隱。由起而不起。是故終日繁興。而無施設也。

五顯六相者。今塵全以理事解行教義以成緣起。此爲總也。由塵總義現前。方於塵處。辨體用解行教義。各各差別是別也。此一塵處所辨諸義。各各無性。互不相違。是同也。此一塵處。諸義體用性相各各差別。是異也。此一塵處。諸義現前塵法方立。是成也。此一塵處。諸義各各顯自性相終不相成相作。是壞也。一切諸法。皆具此六相。緣起方成。若不如是。則失六義也。

善提涅槃教義。及解行等。由此諸義無性。理通十方。圓明一際。或一現一。或一現一切。或一切現一。或一切現一切。四句同時。一際顯然。重重無盡。自在現也。如帝釋殿珠網。重重互現無盡。論云。帝網差別。唯智能知。非眼境界。

七鑒微細者。謂此塵及十方一切理事等。莫不皆是佛智所現。即此佛智所現之塵。能容持一切剎海事理教義。無不具足。所以然者。由十方差別雖多。恒是一塵之十方。一塵雖小。恒是該通一切之塵。是故顯現。無有先後。不礙差別。遠近宛然。經云。微細世界中。容受大世界。境界無不了。智慧山王行。又云。於一塵中。普現三世一切佛刹等。又云。乃至一塵一毛。一世界。一佛一衆生等。皆如是顯顯故。

八通逆順者。謂舉塵相。不必見理爲逆。以塵無體即空爲順。由相取不可得。逆則常順。以理不礙事。順則常逆。由事理融通。是以逆順無礙自在用也。

九定主伴者。謂塵是法界體無分齊。普遍一切。是爲主也。即彼一切各各別故是伴也。然伴不異主。必全主而成伴。主不異伴。亦全伴而成主。主之與伴。互相資相攝。若相攝彼此互無。不可別說一切。若相資則彼此互有。不可同說一切。皆由即主即伴。是故亦同亦異。當知。主中亦主亦伴。伴中亦伴亦主也。

十登彼岸者。謂塵名相生滅。是此岸。今了塵名相空寂不生不滅。是彼岸。但以不了爲此。了即爲彼。依了不了邊。寄彼此以言之。經云。

菩薩不住此岸。不住彼岸。而能運度衆生於彼岸。

然上諸義體無別異。舉則全彰。理不殊途。談皆頓顯。良以二邊相盡差別體融。隨智卷舒。應機屈曲。是故言起。即起誰云路之不通。舉多即多。孰談法之無在。自非迥超特達。接心物表之者。焉能了此乎。

### 修學嚴成門第七

夫菩提大寶性起靈珠。既琢既磨。資智慧。而觀察爲調爲舒。藉解行以嚴成。今總舉大綱粗分十義。

- |      |      |      |
|------|------|------|
| 一法供養 | 二弘六度 | 三修解行 |
| 四常莊嚴 | 五明智慧 | 六崇善根 |
| 七了夢幻 | 八曉鏡像 | 九達五蘊 |
| 十不共法 |      |      |

初法供養者。謂以無生心中施一切珍寶。乃至微塵。皆能攝於法界。即以此法界一塵。而作供養。以此供養。乃至遍通三世一切諸如來前。無不顯現。彼諸如來。無不攝受。何以故。由塵即攝法界。是理與佛體性法界相應。是故遍至一切佛所。名廣大供養。無空過者。經云。諸供養中法供養勝。

二弘六度者。如見塵緣起無盡。理事中說。施一切衆生。是檀波羅蜜。又塵相空無。即無非可防。無惡可斷。是尸羅波羅蜜。又塵相空無。所有則緣心不起。息諸惱害。是羼提波羅蜜。又塵無體時執心自盡。離於妄念。是精進波羅蜜。經云。若能心不妄。精進無有涯。又以塵無性。心亦自寂。是禪波羅蜜。經云。不見心

相。是名正定。又塵緣起無生無相空寂之理。是智慧波羅蜜。經云。色不生是般若波羅蜜。生常以如理六度。修明其心。亦不礙事六度。饒益衆生。理事不二。爲實行也。不以理中具六而礙事六。但了事爲理也。

三修解行者。謂於塵處。悟達理事色空無性之義。是解也。理解在心。是智也。行通爲行。若行心作真解作俗解。非名解也。不作一切解。解心無寄。是爲大解也。又若起心。作凡夫行。作聖人行。亦非行也。不作一切行。行心無寄。是名大行。行非是過。由心起作。解亦非過。由心住著。常無住著希望。乃是真解行也。

四常莊嚴者。如以智心觀察。全塵法界緣起現前無有分別。是爲嚴淨佛土。又修戒願理事。解行圓明。全塵法界理智圓通功德顯示。是爲莊嚴佛身。又說示塵體緣起主伴帝網。微細曉示一切。是爲轉淨法輪。於一切處。皆是莊嚴。不礙七寶。以用莊嚴。

五明智慧者。謂塵從緣成假。持似有所現。此達有之心是智。即此假持幻有畢竟空無所有。此觀空之心是慧。若住於空。即失有義。非慧也。若住於有。即失空義。非智也。今空不異有。有必全空。是爲智慧也。要由名相不存。方名智慧。若存名相。即非智慧也。由不存即是存。存即是不存也。

六崇善根者。謂顯塵是法界涅槃。及以解行。此皆從塵處所顯發。是故即以塵爲善根也。常觀察修習。是爲於塵處而種善根而長養之。所有一切塵毛剎海。佛及衆生。常應如

是也

七了夢幻者。謂塵相生起迷心爲有。觀察即虛。猶如幻人。亦如夜夢。覺已皆無。今了虛無。名不可得。相不可得。一切都不可得。是爲塵覺悟空無所有。

八曉鏡像者。謂塵相大小。但似有顯現。畢竟取不可得。故知。塵即虛無。如鏡中之像。經云。觀察諸法。如電光。如水月鏡中之像。似有非有。取不可得。故以塵空寂不礙假相。宛然於法界中假實二義。但由影像也。

九達五蘊者。如塵質礙爲色。心領納是受現塵假相於心是想。心緣塵取捨是行。辨了於塵是識。今了塵無體。緣慮自亡。經云。三世五蘊法。說名爲世間。斯由虛妄有。無即出世間。

十不共法者。謂二乘凡夫。見塵有相有體。但見一塵。而無自在業用。今則不爾。不與彼同。此要達塵無體證之。以成佛土。依塵修起智慧。莊嚴法身。然小恒容廣大世界。一塵常能普攝一切。是爲不共法也。

然上諸義體雖空淨。資行願以嚴異性。縱包含依智慧而開顯。是故體稱本有。行約修生。生即不生。還同本體。體亦非體。復等修生。何曾體而礙生。生而失體。得意亡言。千里跬步。豈與夫憊道之子同年而語哉。

### 對治獲益門第八

夫病起藥興。妄生智立。務止啼於楊葉。資靜亂於空業。百非息於攀緣。四句絕於增減。然而悟緣無體。智則自融起用。恒沙無非清

淨今略分十義以明對治

一觀十二因緣 二修四威儀

三明三性 四顯教義 五示法輪

六知無常 七入真如 八出魔網

九消藥病 十離解縛

初觀十二因緣者。謂於塵上名相所惑。不了無體。是無明緣。於塵上心計生起。是行緣。於塵上分別之心恒轉流注。是識緣。於塵上妄識依止成種。是名色緣。於塵上六根受入。是六入緣。於塵上根塵相對。是觸緣。於塵上領納塵境。是受緣。於塵上樂受自潤。是受緣。於塵上不了即空。是取緣。於塵上愛集成業。是有緣。於塵上業熟起五蘊身。是生緣。於塵上名相變壞。是老死緣。今了塵名相空寂。則心不緣隨了之時緣自寂滅

二修四威儀者。於塵上開顯法界法門。曉示一切群生。是行。經云。菩薩有二種行。所謂聞法行。樂聽法故。說法行。利益衆生故。於塵上平等大智隨順觀察。塵從緣起。無生無相。是住。經云。所謂隨順住。住正法故。於塵上空寂甚深之義。是坐。經云。所謂坐師子座。演說甚深法故。於塵上名相蕩盡。觀心寂滅。淡泊無爲。是臥。經云。所謂寂靜臥身心淡泊故。又禪定臥。正念思惟觀察故。不礙事處。四威儀即事恒理也

三明三性者。謂塵上迷心所執計有相生以爲實也。今了塵圓小之相取不可得。惑相自亡。是爲遍計相。無性爲人無我也。又塵與自心爲緣。心法方起。今了緣無自體。依心方現。

無自體生。是爲依他也。無生性是法無我也。由二義現前。乃圓成勝義性也

四顯教義者。謂塵能表生信解。令通達故。是教。即解之時句味可證是義。即此塵具足法界理智。是無盡教義也。教無實體。隨器施設。義無實體。隨智開合。了妄無體。教亦非教。經云。我說十二部經。如空拳誑小兒。是事不知名曰無明

五示法輪者。塵處開演。如上市法門。隨心迴轉。清淨顯然。是謂轉無盡法輪也

六知無常者。謂塵念念生滅。是無常。即生滅無體。是爲常。即生滅不生滅名凝然常。經云。不生不滅。是無常義。即常不礙隨緣。即常不異無常。又無常體寂滅。即無常不異常。若去無常。即常義亦失。若去常。即無常義亦失。當知。常即無常。無常即常也

七入真如者。謂一塵隨心迴轉。種種義味成大緣起。雖有種種。而無生滅。雖不生滅。而恒不礙一切隨緣。今無生滅是不變。不礙一切是隨緣。即此隨緣不變

八出魔網者。若於塵上。心計生滅違順有無緣慮等。是處魔網也。於塵上能觀察平等一味真實。而無生滅之見。即出魔網。經云。衆魔者樂生死。菩薩於生死而不捨故

九銷藥病者。如見塵大小生滅。有無流動。是病。了大小無大小。了生滅不生滅。知有非有。等是藥。藥即非藥。以無妄可斷故。病亦非病。以智深達故。當知動心緣境。即爲病。經云。何謂病本。謂有攀緣

十離解縛者。謂於塵上執生滅之相。是縛。了生滅相不可得。是解。經云。有慧方便。解無慧方便。縛但了相非相。於縛常解。若住無相解。還是縛。了妄無體。縛即非縛。縛既無縛。解亦無解。經云。諸法無縛。本解脫故。諸法無解。本無縛故

然上諸義。妄情增起。緣於名相。以心行迷。識住生於有無。而成結業。所以病妄則藥妄。舉空拳以止啼。心通則法通。引虛空而示遍。既覺既悟。何滯何疑。消能所以入玄宗。泯藥病而歸法界

### 體用開合門第九

夫玄宗渺濤在緣起而可彰。至道希夷入法界而無見放。標體開用。助道之品蓋多。就性明緣差別之門不一。合則法界寂而無二。開乃緣起應而成三。動寂理融。方開體用。今就大況而言。略分十義

- 一顯人法 二世流布 三觀體用
- 四五分法身 五開三藏 六即不即
- 七異不異 八明本末 九會三乘
- 十畢竟空

初顯人法者。謂能達塵者是人。所了塵者是法。即此人法相由顯現。由人方能顯法。由法以用有人。論云。以人知有法。以法知有人。離人何有法。離法何有人。今以人無相故。方爲顯法之人。以法無性故。方爲成人之法。二而不二。不二而二也

二世流布者。謂今見此塵名相大小。是世流布而共說也。然塵體全法。無復種種差別。全

以用不異體，是故存此假名。經云：一法有多名，真法中即無不失法。性故，流布於世間。

三觀體用者，謂了達塵無生無性一味是體，智照理時不礙事相宛然是用。事雖宛然，恒無所有，是故用即體也。如會百川以歸於海，理雖一味，恒自隨緣，是故體即用也。如舉大海以明百川，由理事互融故體用自在。若相入則用開差別，若相即乃體恒一味，恒一恒二，是為體用也。

四明五分法身者，謂塵空無所有，即無非可防。是戒身。以塵無相心自不緣，是定身。了塵空寂是慧身。由塵空無則不緣於有，不住於相，是解脫身。由了塵體，更無異解，是解脫知見身。身以依止為義，謂智依法顯，而得成立故，為法身也。

五開三藏者，謂塵是法界體性及涅槃，皆由大智所現，而行照也。即以文字記持，塵處所現之理，書之於簡為經，即修多羅藏也。謂塵處觀察，體性不住名相，隨順調伏，令息諸惡，是戒即毘奈耶藏也。於塵上體用法智真妄相對，發智生解，事方究竟，是論即阿毘達磨藏也。

六明即不即者，如塵相圓小分齊無體，唯法故說即也。不礙塵相宛然故，說不即也。祇由塵相不即於法，會通而言方為即也。又由塵即法故是即，不礙緣起是不即也。

七明異不異者，謂塵之事相是異，克體唯法是不異。祇由法體不異即異義方成，以不失體故，祇由塵事差別即不異義方成，以不壞

緣起方言理也。經云：甚奇世尊，於無異法中而說諸法異。

八明本末者，謂塵空無性是本，塵相差別是末。末即非末，以相無不盡故，本亦非本，以不礙緣成故，即以非本為本。雖空而恒有，以非末為末，雖有而恒空，當知末即隨緣，本即據體。今體為用本，用依體起。經云：從無住本立一切法。

九會三乘者，謂見塵相空無所有，然法是實，據此見為小乘。悟塵從緣，息於緣慮，據此見為中乘。了塵無性，無生空寂一味，據此為大乘。今法是一，學者分三，非以學三令法亦三，非以法一令學亦一。但人自三乘法非三也，當知一即三乘，所學之歸一也。三即一乘，隨應之機有三也。

十畢竟空者，謂塵不礙事相，而常空寂，是為畢竟空也。今事相雖存，即相不可得，名亦不可得，理義不可得，以一切不可得，名為畢竟空。非無表說也。然畢竟空，空時不礙塵法宛然，塵法宛然，恒畢竟空。然上諸義法體不空，緣生非有，非有之有即有，遍於十方，不空之空即空。成於一切，用開差別諸法宛然是羅體合事銷多門寂而雲斂。

### 決擇成就門第十

夫緣情未泯，見有正邪。法體隨迷故，隨緣而生滅。法界沖寂，泯寂滅以是非。今欲顯其實趣，簡彼權門，使皂白以雙分，令真妄而兩別。略舉大綱，題茲十義。

一簡正見

二辨染淨

三顯無知

四佛出世

五辨四依

六除業報

七定權實

八明頓漸

九入佛海

十證佛地

初簡正見者，如見塵名相是邪，見塵空寂是正。又若以見見於塵，此非為正，以不見見於塵，此亦非正。但知塵全是見，不復更見，以不見見於塵也。然見此塵時，不可以慧眼見法，以塵眼看佛眼觀肉眼視天眼瞻見於塵也。以塵即慧即法即佛即肉即天，不復更以慧眼見眼見。又若見即不見，謂以見見即不契塵也。若不見即見，謂更將不見，以見於塵，亦不契於塵也。若不見即不見，謂不知塵是見，名為總不見也。若見即見，謂知塵全是見，方名為見。經云：見者即是垢，彼則無所見。諸佛離所見，是故見清淨。

二辨染淨者，謂見塵生滅有無是染，即體不生不滅非有非無是淨。若空異於有，則淨不名淨。以迷空故，若有異於空，則染不名染。以執有故，今有即空，方名染分。空即全有，方名淨分。由空有無礙，是故染淨自在也。經云：染而不染，不染而染。

三顯無知者，謂了知塵時，塵全是知也，終不以知知於塵也。若以知知於塵，有所不知也。若知於知，此無知不異知也。今塵即是知，不復更以不知知於無知者，但無能所之知非無知也。經云：顯現一切法，各各不相知。

四佛出世者，今如來出現，全以塵無自性，法界緣起菩提涅槃，以為如來身也。此身通三



世間。是故於一切國土一切衆生。一切事物。一切緣起。一切業報。一切塵毛等各各顯現。如上諸義。菩提涅槃等爲佛出世也。若一處不了即不成佛。亦不出現。何以故。由不了塵處。仍是無明。是故不成佛。亦不出現也。具如性起品文思之。

五辨四依者。謂心了塵空寂不緣名相。是依智不依識。謂了塵是緣起之法非在分別。是依法不依人。謂了塵無生無相之義。不在文字。是依義不依語。謂了塵上。若具顯一切法界。非有分限。此則依了義經。不依不了義經。六除業報者。謂塵上不了自心。謂心外有法。即生憎愛。從貪業成報。然此業報由心迷塵妄計而生。但以有顯現。皆無真實。經云。猶如淨明鏡隨其面像現。內外無所有。業報亦如是。迷者謂塵相有所從來而復生滅是迷。今了塵相無體。是悟。迷本無從來。悟亦無所去。何以故。以妄心爲有。本無體故。如繩上蛇。本無從來。亦無所去。何以故。蛇是妄心。橫計爲有。本無體故。若計有來處去處還是迷。了無來去是悟。然悟之與迷。相待安立。非是先有淨心後有無明。此非二物不可兩解。但了妄無妄。即爲淨心。終無先淨心而後無明。知之。

七定權實者。謂塵事是權。空寂是實。然實非實。以理不礙事故。權亦非權。以事體即空故。若作權解實解。此非善解。若知權實俱不可得。寄言以明法體。是名善解也。

八明頓漸者。若於塵處。了幻相不可得。方見

無相。了塵無自性。方見無生。了塵色無體。方見空。如此推尋。方見名爲漸。今不待推尋。而直見諸法無性空寂。如鏡現像。不待次第。對緣即現爲頓。

九入佛海者。謂全塵處。見如上百門義。並是佛大願海。大智慧海。大方便海之所顯現。乃至一切塵。一切毛。一切國土刹海。一切佛及衆生。一切事物等。莫不皆空。是佛智慧大海。無邊無盡。深廣不可測也。當知。學者若於塵處見一切法界者。即是入佛法界智慧海也。若以開合卷舒或塵內或毛孔而能資攝。一即一切。一切即一。可說即不可說。主伴自在。依正無礙。普是如來智海之業用。若人如是通達者。與如來等也。

十證佛地者。謂塵空無我無相是地。然此地體性猶未清淨。以從我相彰得了心猶未寧。亦是垢見。若作遠離空無相之念者。猶爲垢心。謂有遠離之想未止也。今不作遠離之想。亦無動念者。由初得念息。近從動念處顯也。今者無作遠離之念。亦無不作遠離之念者。此地顯時。即智慧不得以方便證。不得以文字說。當自顯然。此猶假論若稱理而言。非智所知。如空中鳥飛之時迹。不可求依止迹處也。然空中之迹。雖無體相可得。然迹非無。此迹尋之逾廣。要依鳥飛方論迹之深廣。當知。佛地要因心相而得證佛地之深廣也。然證入此地。不可一向住於寂滅。一切諸佛法不應爾。當示教利喜。學佛方便。學佛智慧。具如此地義處。思之。

華嚴經義海百門

詳校題辭

義海百門者。賢首國師宗別教一乘所製也。囊括大經發揮玄旨。總十門而析百義。融萬法而歸一塵。嗟乎。吾祖之訓。遺文尙存。莫有傳者。晉水法裏。淨源字伯長。苦志于茲有年數矣。遂遍搜古本。歷考十門以前之九門。具彰序意。列義通結。唯後之一門。亡其通結。或諸本傳寫闕文耶。或祖師立言互略耶。抑又第六差別顯現。誤題圓明解縛者。蓋後人橫議編簡異同。今僭詳定。以第六至第十。通前五門。合爲一卷。恐來者不知故。直書以見其意。時熙寧二年歲次己酉四月十九日。於青墩寶閣講院方丈序。

湖州照慶軍烏程縣烏墩鎮普靜寺比丘  
精洎徒弟等謹捨長財二十貫文足開  
義海百門集茲勝因用薦 先和尚殊首座  
并報

四恩三有者

上黨鮑 隱 書  
直林氏晉悅 句當

## 修華嚴奧旨妄盡還源觀

唐大薦福寺翻經沙門法藏述

夫滿教難思。窺一塵而頓現。圓宗巨測。觀纖毫以齊彰。然用就體分非無差別之勢。事依理顯。自有一際之形。其猶病起藥興。妄生智立。病。妄則藥。妄。舉空拳以止啼。心通則法通。引虛空而示遍。既覺既悟。何滯何通。百非息其攀緣。四句絕其增減。故得藥病雙泯。靜亂俱融。消。能所以入玄宗。泯性相而歸法界。竊見玄。綱浩瀚妙旨希微。覽之者詎究其源。尋之者罕窮其際。是以真空滯於心首。恒爲緣慮之場。實際居於目前。翻爲名相之境。今者統收玄奧。囊括大宗。出經卷於塵中。轉法輪於毛處。明者德隆於即日。昧者望絕於多生。會旨者山嶽易移。乖宗者鎔銖難入。輒以旋披往誥。鈔觀舊章。備三藏之玄文。憑五乘之妙旨。繁辭必削。缺義復全。雖則創集無疑。況乃先規有據。窮茲性海。會彼行林。別舉六門通爲一觀。參而不雜。一際皎然。冀返迷方。情同曉日。傳道君子俯而詳焉。今略明此觀。總分六門。先列名。後廣辨。一顯一體。謂自性清淨圓明體二起二用。一者海印森羅常住用。二者法界圓明自在用。三示三遍。一者一塵普周法界遍。二者一塵出生無盡遍。三者一塵含容空有偏。四行四德。一者隨緣妙用無方德。二者威儀住持有則德。三者柔和

質直攝生德。四者普代衆生受苦德。五入五止。一者照法清虛離緣止。二者觀人寂怕絕欲止。三者性起繁興法爾止。四者定光顯現無念止。五者事理玄通非相止。六起六觀。一者攝境歸心真空觀。二者從心現境妙有觀。三者心境秘密圓融觀。四者智身影現衆緣觀。五者多身入一境像觀。六者主伴互現帝網觀。

一顯一體者。謂自性清淨圓明體。然此即是如來藏中法性之體。從本已來性自滿足。處染不垢。修治不淨。故云自性清淨。性體遍照無幽不燭。故曰圓明。又隨流加染而不垢。返流除染而不淨。亦可在聖體而不增。處凡身而不減。雖有隱顯之殊。而無差別之異。煩惱覆之則隱。智慧了之則顯。非生因之所生。唯了因之所了。起信論云。真如自體。有大智慧光明義故。遍照法界義故。其實識知義故。自性清淨心義故。廣說如彼。故曰自性清淨圓明體也。

自下依體起二用者。謂依前淨體起於二用。一者海印森羅常住用。言海印者。真如本覺也。妄盡心澄。萬象齊現。猶如大海因風起浪。若風止息。海水澄清。無象不現。起信論云。無量功德藏法性真如海。所以名爲海印三昧也。經云。森羅及萬象。一法之所印。言一法者。所謂一心也。是心即攝一切世間出世間法。即是一法界大總相法門體。唯依妄念而有差別。若離妄念。唯一真如。故言海印三昧也。華嚴經云。或現童男童女形天龍及以阿脩

羅乃至摩嚴羅伽等。隨其所樂悉令見。衆生形相各不同。行業音聲亦無量。如是一切皆能現。海印三昧威神力。依此義故。名海印三昧也。二者法界圓明自在用。是華嚴三昧也。謂廣修萬行稱理成德。普周法界而證菩提。言華嚴者。華有結實之用。行有成果之能。今則託事表彰。所以舉華爲喻。嚴者。行成果滿契理稱真。性相兩亡。能所俱絕。顯煥炳著。故名嚴也。良以非真流之行無以契真。何有飾真之行。不從真起。此則真該妄。末。行無不修。妄徹真源相無不寂。故曰法界圓明自在用也。華嚴經云。嚴淨不可思議刹。供養一切諸如來。放大光明無有邊。度脫衆生亦無限。施戒忍進及禪定智慧方便神通等。如是一切皆自在。以佛華嚴三昧力。依此義故。名華嚴三昧也。

三示三遍者。謂依前二用。一一用中普周法界。故云遍也。言三遍者。一者一塵普周法界。謂塵無自性。攬真成立。真既無邊。塵亦隨爾。經云。華嚴世界所有塵。一一塵中見法界。寶光現佛如雲集。此是如來刹自在。準此義故。當知一塵普周法界也。二者一塵出生無盡遍。謂塵無自體。起必依真。真如既具恒沙衆德。依真起用。亦復萬差。起信論云。真如者。自體有常樂我淨義故。清涼不變自在義故。具足如是過恒沙功德。乃至無有所少義。故經云。如此華嚴世界海中。無間若山若河。乃至樹林鹿毛等處。一一無不皆是稱真如法界。具無邊德。依此義故。當知一塵即理即事。即

人即法。即彼即此。即依即正。即染即淨。即因即果。即同即異。即一即多。即廣即狹。即情即非情。既三身即十身。何以故。理事無礙。事事無礙。法如是故。十身互作自在用故。唯普眼之境界也。如上事相之中。一更互相容相攝。各具重重無盡境界也。經云。一切法門無盡海。同會一法道場中。如是法性佛所說。智眼能明此方便。問據其所說則一塵之上。理無不顯。事無不融。文無不釋。義無不通。今時修學之徒。云何曉悟達於塵處。頓決群疑。且於一塵之上。何者是染。云何名淨。何者為真。何者稱俗。何者名生死。何者名涅槃。云何名煩惱。云何名菩提。云何名小乘法。云何名大乘法。請垂開決。聞所未聞。答。大智圓明觀。纖毫而周性海。真源朗現。處一塵而耀全身。萬法起必同時。一際理無前後。何以故。由此一塵虛相能翳於真。即是染也。由此塵相空無所有。即是淨也。由此塵性本體同如。即是真也。由此塵相緣生幻有。即是俗也。由於塵相念念遷變。即是生死。由觀塵相生滅相盡空無有實。即是涅槃。由塵相大小皆是妄心分別。即是煩惱。由塵相體本空寂緣慮自盡。即是菩提。由塵相體無遍計。即是小乘法也。由塵性。無生無滅依他似有。即是大乘法也。如是略說。若具言之。假使一切衆生懷疑各異。一時同問如來。如來唯以一塵字而為解釋。宜深思之。經云。一切法門無盡海。一言演說盡無餘。依此義故。名一塵出生無盡遍。三者一塵含容空有遍。謂塵無自性即空也。幻相宛然即有也。良由幻色無體必不異空。真

空具德徹於有表。觀色即空成大智而不住生死。觀空即色成大悲而不住涅槃。以色空無二。悲智不殊。方為真。實也。實性論云。道前菩薩。於此真空妙有猶有三疑。一者疑空減色取斷滅空。二者疑空異色取色外空。三者疑空是物取空為有。今此釋云。色是幻色必不礙空。空是真空必不礙色。若礙於色即是斷空。若礙於空即是實色。如一塵既具如上真空妙有。當知一一塵等亦爾。若證此理即得塵含十方無虧。大小念包九世延促同時。故得殊勝微言。纖毫彰於國教奇。特。聖衆輕埃現於全體。迥超言慮之端。透出筌蹄之表。經云。如有大經卷。量等三千界在於一塵內。一切塵亦然。有一聰慧人。淨眼普明見。破塵出經卷。廣饒益衆生等。若據理而言。即塵衆生妄計經卷。即大智圓明。智體既其無邊。故曰量等三千界。依此義故。名一塵含容空有遍也。

自下依此能遍之境而行四德。謂依前一塵能遍之境。而修四種行德。一者隨緣妙用無方德。謂依真起用。廣利群生。衆生根器不等。受解萬差。樂欲不同。應機授法。應病與藥。令得服行。維摩經中具明斯義。又以大悲故。名曰隨緣。以大智故。名為妙用。又大壞假名而常度衆生。故曰隨緣了知衆生性空。實無度者名為妙用。又理即事故名隨緣。事即理故名妙用。又真不違俗故隨緣。俗不違真故妙用。又依本起末故隨緣。攝末歸本故妙用。良以法無分齊。起必同時。真理不礙萬差。顯應無非一際用則波。騰鼎沸。全真體以運行體。則鏡淨水澄。舉隨緣。而會寂若曦光之流彩。無心而朗十方。如明鏡之端形。不動而呈萬像。故曰隨緣妙用無方德也。二者威儀住持有則德。謂行住坐臥四威儀也。大乘八萬小乘三千。為住持之楷模。整六和之素緒。出三界之梯磴。越苦海之迅航。拯物導迷。莫斯為最。但以金容匿彩。正教陵夷。傳授澆訛師於己見。致使教無綱紀。濫挹淳流。得失齊舉。妄參真淨。故令初學觸事成非。不依經律。混亂凡情。自陷陷他。甚可悲矣。故瑜伽論云。非大沈非小浮。常住於正念。根本眷屬淨修梵行。華嚴經云。戒是無上菩提本。應當具足持淨戒。梵網經云。微塵菩薩衆。由是成正覺。起信論云。以知法性體無毀禁。是故隨順法性行。尸波羅蜜。所謂不殺不盜不淫不妄語。遠離貪瞋。欺詐。諂曲邪見。亦應遠離憒闌少欲知足。乃至小罪心生大怖不得輕。於如來所制禁戒常護護。不令衆生妄起過罪。用此威儀住持。以化衆生也。問準上文所說。真如一相。佛體無二。具足一切功德者。何故要須威儀等戒行耶。答。譬如大摩尼寶。體性明淨。久被塵累。而有龜穢之垢。若人唯念寶性。不以種種磨治。終不得淨真如之法體性空淨。久被無明煩惱垢染。若人唯念真如。不以持戒定慧種種熏修。終無淨時。準此義故。理須持戒也。問出家五衆。超然出俗。可具威儀。在家之流。身纏俗網。寧無愆犯。答。出家之輩。自有嚴科。在家之儔。通持五戒。夫三歸五戒者。蓋是出苦海之津梁。趣涅槃之根本。作毘尼之漸次。為七衆之崇基。萬善藉此而生。寔佛

法之平地。經云。尸羅不清淨。三昧不現前。當知戒爲定體。慧爲定用。三學圓備。卽證菩提。四分律云。第一持戒不毀犯。比丘威儀自端嚴。怨家之人不能近。若不如法。卽被訶。依此義理故。云威儀住持有則德。三者。柔和質直攝生德。謂大智照真名爲質直。大悲救物故曰柔和。又質直者。約本性不遷。柔和者。約隨流不滯。柔則伏滅煩惱。和則順理修行。用茲調和之法。以攝衆生也。又質直者。體無妄僞。言行相符。蘊德居懷。不拘名利。輕金若塊。重教逾珍。但爲正業調生。速願自他圓滿。故曰柔和質直攝生德也。四者。普代衆生受苦德。謂修諸行法。不爲自身。但欲廣利群生。冤親平等。普令斷惡。備修萬行。速證菩提。又菩薩大慈大願。以身爲質。救於三惡趣。救贖一切受苦衆生。要令得樂。盡未來際。心無退屈。不於衆生希望毛髮報恩之心。華嚴經云。廣大悲雲遍一切。捨身無量等利塵。以昔劫海修行力。今此世界無諸垢。謂衆生妄執念。念還流名之爲苦。菩薩教令了蘊空寂。自性本無。故云離苦。問衆生無邊苦業無邊。云何菩薩而能普代衆生受苦。答菩薩代衆生受苦者。由大悲方便力故。但以衆生妄執不了業體。從妄而生。無由出苦。菩薩教令修止觀兩門。心無暫替。因果喪亡。苦業無由得生。但令不入三塗。名爲普代衆生受苦德也。雜集論云。於不堅覺深住於顛倒離煩惱所惱得最上菩提。已上明四種行德竟。

自下攝用歸體入五止門。五止門者。謂依前

能行四德之行。當卽空相盡心澄而修正

也。所言入者。性相俱泯。體周法界。入無入相

名爲入也。華嚴經云。如來深境界。其量等虛

空。一切衆生入而實無所入。又準入佛境界。

經云。入諸無相。定見諸法寂靜。常入平等故。

敬禮無所觀。此乃一切衆生本來無不在如

來境界之中。更無可入也。如人迷故。謂東爲

西。乃至悟己西卽是東。更無別東而可入也。

衆生迷故。謂妄可捨。謂真可入。乃至悟己妄

卽是真。更無別真而可入也。此義亦爾。不入

而入。故云入也。何以故。入與不入本來平等。

同一法界也。起信論云。若有衆生能觀無念

者。是名入真如門也。言五止者。一者照法清

虛離緣止。謂眞諦之法。本性空寂。俗諦之法

似有卽空。眞俗清虛。蕭然無寄。能緣智寂所

緣境空。心境不拘。體融虛廓。正證之時。因緣

俱離。維摩經云。法不屬因。不在緣故。依此義

理故。云照法清虛離緣止也。二者觀人寂怕

絕欲止。謂五蘊無主。名曰寂怕。空寂無求。名

爲絕欲。故云觀人寂怕絕欲止也。三者性起

繁興法爾止。謂依體起用。名爲性起。起應萬

差。故曰繁興。古今常然。名爲法爾。謂眞如之

法。法爾隨緣。萬法俱興。法爾歸性。故曰性起

繁興法爾止。經云。從無住本。立一切法。卽其

義也。四者定光顯現無念止。言定光者。謂一

乘教中。白淨寶網。萬字輪王之寶珠。謂此

寶珠體性。明徹十方。齊照無思成事。念者皆

從離現奇功。心無念慮。華嚴經云。譬如轉輪

王成就勝七寶。來處不可得。業性亦如是。若

有衆生。入此大止妙觀門中。無思無慮。任運

成事。如彼寶珠。遠近齊照。分明顯現。廓徹虛

空。不爲二乘外道塵霧煙雲之所障蔽。故曰

定光顯現無念止也。五者理事玄通非相止。

謂幻相之事。無性之理。互隱互顯。故曰玄通。

又理由修顯故。事徹於理。行從理起。理徹

於事。互存互奪。故曰玄通。玄通者。謂大智獨

存體周法界。大悲救物。萬行紛然。悲智雙融。

性相俱泯。故曰理事玄通非相止也。上來明

五止竟。

自下依止起觀。問準上義理。依之修行。足

爲圓滿。云何更要入止觀兩門耶。答起信云。

若修止者。對治凡夫住著世間。能捨二乘法

弱之見。若修觀者。對治二乘不起大悲狹劣

之過。遠離凡夫不修善根。以此義故。止觀兩

門。其相成助。不相捨離。若不修止觀。無由

得入菩提之路。華嚴云。譬如金翅鳥以左右

兩翅鼓揚海水。令其兩側觀諸龍衆。命將盡

者而四搏取之。如來出世亦復如是。以大止妙

觀而爲兩翅。鼓揚衆生大愛海水。令其兩側

觀諸衆生。根成熟者而度脫之。依此義故。要

修止觀也。問止觀兩門。既爲宗要。凡夫初學

未解安心。請示迷途。令歸正路。答依起信論

云。若修止者。住於靜處。端坐正意。不依氣

息。不依形色。不依於空。不依地水火風。乃

至不依見聞覺知。一切諸想。隨念皆除。亦遣

除想。以一切法本來無想。念念不生。念念不

滅。亦不隨心外念境界。然後以心除心。心若

馳散。卽當攝來。令歸正念。常勤正念。唯心識

觀一切魔境自然遠離。凡夫初學邪正未分。魔網入心欺誑行者。又無師匠詰問莫遷。依四魔功將爲正道。日月經久邪見既深。設遇良緣終成難改。沈淪苦海出離無由。深自察之無令暫替。此義如起信論中說也。六起六觀者。依前五門即觀之止。而起即止之觀。何以故。理事無礙法如是故。定慧雙融離分齊故。一多相即絕前後故。大用自在無障礙故。言六觀者。一者攝境歸心真空觀。謂三界所有法唯是一心造。心外更無一法可得。故曰歸心。謂一切分別但由自心。曾無心外境。能與心爲緣。何以故。由心不起外境本空。論云。由依唯識故。境本無體故。真空義成。以塵無有故。本識即不生。又經云。未達境唯心起種種分別。達境唯心已分別即不生。知諸法唯心便捨外塵相。由此息分別悟平等真空。如世有醫王。以妙藥治病。諸佛亦如是。爲物說唯心。以此方知。由心現境由境現心。心不至境境不入心。當作此觀智慧甚深。故曰攝境歸心真空觀也。二者從心現境妙有觀。即事不滯於理隨事成差。謂前門中攝相歸體。今此門中依體起用。具修萬行莊嚴報土。又前門中攝相歸體。顯出法身。今此門中依體起用修成報身。故曰從心現境妙有觀也。三者心境秘密圓融觀。言心者謂無礙心。諸佛證之以成法身。境者謂無礙境。諸佛證之以成淨土。謂如來報身。及所依淨土圓融無礙。或身現刹土。如經云。一毛孔中無量刹。各有四洲四大海。須彌鐵圍亦復然。悉現其中無迫

隘。或剎現佛身。如經云。華藏世界所有塵。一塵中佛皆入。普爲衆生起神變。毘盧遮那法。如是就此門中。分爲四句。如玄談疏中說。如是依正混融無有分齊。謂前兩觀各述一邊。今此雙融會通心境。故曰心境秘密圓融觀也。四者智身影現衆緣觀。謂智體唯一能鑑衆緣。緣相本空。智體照寂。諸緣相盡如如獨存。謂有爲之法無不俱。含真性。猶如日輪照現迴處虛空。有目之流無不。親見生盲之瞽亦蒙潤益。令知時節寒熱之期。草木無情悉皆滋長。如來智日亦復如是。故曰智身影現衆緣觀也。五者多身入一鏡像觀。即事事無礙法界也。謂毘盧遮那十身。互用無有障礙也。經云。或以自身。作衆生身。國土身。業報身。聲聞身。緣覺身。菩薩身。如來身。智身。法身。虛空身。如是十身隨舉一身攝餘九身。故曰多身入一鏡像觀。如一身有十身互作。一一毛孔。一一身分。一一支節中。皆有十身互作。或以眼處作耳處佛事。或以耳處作眼處佛事。鼻舌身意亦復如是。何以故證此大止妙觀法力加持。得如是故。經云。或以多身作一身。或以一身作多身。或以一身入多身。或以多身入一身。非一身沒多身生。非多身沒一身生。皆由深定力故得有如是。或以異境入定同境起。或以同境入定異境起。或以一身入定多身起。或以多身入定一身起。故曰多身入一鏡像觀也。六者。主伴互現帝網觀。謂以自爲主。望他爲伴。或以一法爲主。一切法爲伴。或以一身爲主。一切身爲伴。隨舉

一法即主伴齊收。重重無盡。此表法性重重影現。一切事中皆悉無盡。亦是悲智重重無盡也。如善財童子。從祇桓林中漸次南行。至毘盧遮那莊嚴大樓閣前。暫時歇念。白彌勒菩薩言。唯願大聖。開樓閣門令我得入。彌勒彈指其門即開。善財入已還閉如故。見樓閣中有百千樓閣。一一樓閣前有百千彌勒菩薩。一一彌勒菩薩前。各有善財童子。一一善財童子皆悉合掌在彌勒前。以表法界重重。猶如帝網無盡也。此明善財童子依此華嚴法界之理修行位極頓證法界也。此舉一樓閣爲主。一切樓閣爲伴也。故云主伴互現帝網觀。亦是事事無礙觀也。此上所述六重觀門。舉一爲主餘五爲伴。無有前後始終俱齊。隨入一門即全收法界。此理喻如圓珠穿爲六孔。隨入一孔之中。即全收珠盡。此亦如是。開爲六門。隨入一門即全收法界圓滿教理。法自爾故。善財一生皆全證故。卷舒無礙隱顯同時。一際絕其始終。出入亡於表裏。初心正覺攝多生於剎那。十信道圓。一念該於佛地。致使地前菩薩觸事生疑。五百聲聞玄鑑絕分融通無礙。一多交參。圓證相應名爲佛地。然此觀門名目無定。若據一體爲名。即是海印炳現三昧門。若約二用而論。即名華嚴妙行三昧門。若據三遍爲言。即是應舍十方三昧門。若準四德爲名。即名四攝攝生三昧門。若約五止而言。即爲寂用無礙三昧門。若取六觀爲名。即是佛果無礙三昧門。如是等義隨德立名。據教說。爲六觀。隨入一門衆德咸

具無生既顯幻有非亡。攝法界而一塵收。舉一身而十身現。如斯等義。非情所圖。識盡見除思之可見。余雖不敏。素耽茲經。聊伸偶木之文。式集彌天之義。頌曰

備尋諸教本 集茲華嚴觀

文約義無缺 智者當勸學

修華嚴奧旨安盡還源觀

紀重校

○宋晉水沙門淨源述

昔孤山智圓法師嘗稱。杜順尊者。挾華嚴深旨。而撰斯文。蓋準唐中書舍人高郢序北塔銘耳。淨源向讀唐丞相裴休述妙覺塔記。記且謂。華嚴疏主仰賢首還源說味亡載。若驪龍之戲珠也。乃知斯觀實賢首國師所著斷矣。抑又觀中。具引三節之文。皆國師之語章章焉。熙寧元年冬十一月。特抱諸郡觀本。再請錢唐通義大師。子寧重校其辭。寧公學深知古。力考諸文。朝而思夕而玩。因與源曰。賢首所集具引之語。救而得之矣。請試陳其一。二焉。觀不云乎。用就體分。非無差別之勢。事依理顯。自有一際之形。茲乃義海百門之一也。又曰。拯物導迷。莫斯為最。豈非般若心經疏序歟。又謂就此門中。分為四句。此亦晉疏玄談。又已明矣。源應之曰。夫有條不紊。表其綱之在綱。探乎深辭。貴其通於與義。然則君子博覽祖訓。負卓卓之識。豈獨瞻昔有之乎。源愛通義師傳慈恩祖教。講儒者五經。而考文責實。章灼同異。意猶吾心也。於是乎題之卷末。云耳

○紀重校 竟

No. 1877

### ○規鐫華嚴遊心法界記序

天下之言性也。則故而已矣。而性亦非一也。蓋世間之性。賢與不肖也。實無事。而不肖整也。出世之性。三衍。定性局。不定通。而進者性如。盡者性藏已。若夫出出世之性。謂七大焉。三千焉。帝網焉。即不思議運之稱。以名于法界也。然以法界為自性者。其惟別教一乘乎。茲之教。蓋婆竭之所降。非海不受。豈不稱之別也。麟現之所遊。非白牛不俱。其謂之一宜矣。所謂別教一乘者。普賢是也。普賢者。心色而已矣。夫海由水滴深。山從累土高。智積材而博。心統性而厚。是故心以法界為性矣。於乎法界不可須臾離也。李唐魏國西寺賢首大師所撰遊心法界記。乃彌勒觀之寶梁。普賢道之轡轡也。苟或乘路反己。豈茅膏絢欲不至其得乎。如夫內城不解而為他所保者。則弗與焉。其身不正而媚乎浮圖者。恥也。豈不思諸匹夫之修德者是君。和順畜中而英華發外。雖聖或不修。則不肖矣。普賢惡有他哉。亦人之類已。南邁童子從遊金貌而覓師於百十。此進普賢行之碩跡也。跡為則象為鑒。法界記之所由起也。記者以先信焉。夫商丘開之。信偽猶能泳水得珠。矧其真矣。懸矣乎。何謂信不疑是已。心一而止分別。一以貫之。真矣。忠矣。橫六合而莫逆也。若夫投于五熱。豈思作意邪。故有云。信理亡是非。信

性亡安危。亡也者。唯也。唯而需事者。信也。真矣。懸矣。奚不為哉。云何是信。曰。信乎心之法界。信乎遊心法界。群生心有何界邪。曰。目短於自見。故鏡照物。智短於自知。故心觀界。其苟觀之。奚不遊心于法界歟。夫一拳之轡。綱以御八尺龍馬。九府之開閉。受制於寸闕。故曰。五寸之矩。以盡天下之方。能譬哉。心奚不遊於法界哉。人之遊山焉。野焉。自爾矣。然不行不遊。行乎其行。聞焉。必進。進焉。必動。遊之能證入焉者。亦自爾矣。假使目視鼻向。無信其亦如鸞鳳耳。法界乎廣矣。大矣。豐饒。聰辨。孰不法界者。乾坤其無緯哉。嗚呼。亦大矣。其苟或壞。則雖法界弗與矣。亦未由見道今也。東方國運隆盛。人文丕彰。蕩蕩大和。真風競起。則十宗奮動。四輪咸發。蓋探新軋藏者。信手而得焉。皇矣。聖道之昭也。伯令之曠也。人事備富。技器不乏。惟我天不延壽之事。則古矣。自是以來。未有若是盛也。昔者吾先師白天老人。遊南都東大寺。得遊心法界記一部。以欲示大方弗果。亡幾師逝矣。噫。逝矣。吾其何為。夫不為乃已。為之何所不為。于是小子飛錫而西也。千里翩翩。然來東大寺。乃遂得其真本而校之以垂不朽也。此記寥寥。乎未出入間尚矣。今而公於世。此非吾聖德昭曠之所致歟。伏惟。明德其有為乎。何所不為。且也。金剛場因果。無二菩薩者。乃苦界直入報土。開引之證也。如小子山於其浩。浩思波未能涓滴報之也。是以繼白老人之志。願梓以布諸海內。

享保戊申仲夏日

武陽沙門白蘋雅山謹題於京師之高舍

### 華嚴遊心法界記序

猗歟盛哉吾本邦也。自往富乎聖典。反勝於震旦高麗之微。或可倍蓰矣。至今儼然而存。世編猶謂中國失禮求之四夷。況聖教乎。茲有蓮宗之賓。叩余遂云。久積是書。爲我師之遺志。將壽之於梓。其可也歟。予聞太歎且獎。因爲作序云。夫遊心法界記者何也。其文源出華嚴。而記實賢首祖師之談也。舊經偶曰遊心法界如虛空是人乃知佛境界。蓋謂遊心者能觀之智行也。法界者所觀之諸理也。如虛空者直是不俟三轉而誦。虛即假也。空即空也。如虛如空即中也。非虛非空義在厥中。夫此文者是大節也。天台止觀嘗揭斯文作三諦觀。而不曾此文獨大節義。抑且如真言三藏曰。彼華嚴中而文而句咸具顯略深祕二門之義。誠哉。是判豈可輒得測度耶。斯偈既言。是人乃佛境界。則明匪祇果海鎔融而已。萬惑繁冗。是知佛境界劍林刃山西來之祖意介爾有心。三千宛焉。創心起觀之局也。祕要入理之樞也。微塵剎剎靡不諸聖人出於世之處。良以難與劣慧而語。幾止而已矣。頃有腐儒。著斷簡云。東海不出聖人。西海不出聖人者。於虛胡爲愚之輩哉。最小見矣。徒認一介孔丘以爲聖人。矧僧區區支那而想中國。獨獲化徵傳稱靈祥。以思瑞應兮。夫吾法中乍儼麟角獨覺僅小聖者。尙無其

德及千萬分之一焉耳。噫所謂真之蛙見矣。

蓋與夫坐井觀天曰天小者亦不甚迷。不足復言。予自今念震丹雖闕於我正法未東漸之前。適有曰聖人而出者。而後不復出。豈不聞乎。東漢天子自夢金人則西方有聖人出昭昭然而著矣。街童巷婦而不可欺。何況東海我日域者神聖之國也。上下神祇皆盡神孫。蔑有不爲神之民者。然則凡諸託生於中者所有蠢動皆戴於神之天。共鳩乎神之地。實爲神之民者則其猥曰東海不出聖人者。上誣罔乎神譏刺於祖巨。謫於國之姦賊者其愆莫逾于斯也哉。而所以其幸國家未誅戮彼或弛而免於充軍者。政之寬仁故歟。或由草賊歟。斗符之輩不足算耳。固是千鈞之弩不爲礙而發機之謂與。宜矣。大率自古諷國敵于朝廷之屬罕無人之不罪者。神能罰之神之俾免者或天必喪焉。天之爲憐者或理自亡矣。更無否者。矧乎彼謗正法之人奚待閻王新闢於底根之邦乎。自己既造阿鼻之業。天授生身圻而陷。莫如之何。予便爲渠追薦且懲後者。退而顧之是書其文雖從金口而宣其義親自祖手發障。而復文義雖既來自支竺流之見聞獨在我邦。永霽其益則驗知。夫神聖之所護今尙儼存不可疑猜焉。此皆沐我國家之皇恩者也。猗歟盛哉。我本邦也。

告

享保歲旅戊申聽寶嚴旦  
大日本洛京華嚴寺住持沙門僧潛鳳潭畔曉

敬書于遊心觀之壁

### 華嚴遊心法界記

京兆西崇福寺釋法藏撰

夫約理題詮。詮如理而非異。據門陳教。教即門而不殊。故能驟五位以分鑊。趣一乘而並轡。是知隨機攝教。開諸經於心端。順理圓通。總萬途於智海。海吞衆瀆。味竟無差。心流五乘。意終無異。今以粗陳綱要。總以五門。隨自所宜引之如左。言五門者。一法是我非門。二緣生無性門。三事理混融門。四言盡理顯門。五法界無礙門。

第一法是我非門者。即愚法小乘三科法也。如四阿含等經及毘曇成實俱舍婆沙等論明也。

第二緣生無性門者。即大乘初教。即前諸法緣生無性也。如諸部波若等經及中百等論明也。

第三事理混融門者。即大乘終教。空有雙陳無障礙也。如勝鬘諸法無行涅槃密嚴等經及起信法界無差別等論明也。

第四言盡理顯門者。即大乘頓教。離相離性也。如楞伽維摩思益等經明也。

第五法界無礙門者。即別教一乘。奮興法界主伴綾絡逆順無礙也。如華嚴等經明也。問如是次第據何聖教。答。按法華等經有如是次第。故經云。昔於波羅奈轉四諦法輪。又云。



今復轉最妙無上大法輪。又云。未曾聞如是深妙之上法等。楞伽經云。乃至此爲佛子說等。華嚴經云。乃至說無盡佛法等。如是大第不等。皆爲機各不同。施門故異。隨人定教。教逐人分。以教裁人。人依教轉。人教相藉。次位有殊。會意而言。唯歸一路。此云何知。按華嚴經云。張大教網。且生死海。濟天人龍。置涅槃岸等是也。當如經取意。不可執教爲定。以道心源隨語。生解用裁其法。此即皆非應理。與教相違。背道歸冥。解益遠矣。此云何知。按法華經云。以佛教門出三界苦等。問。如以上以義定教。教即然耶。答。此但且舉大例作如是斷。若門門具論。經經之中。皆具此五。是云何知。按大品等經云。欲得聲聞果者。當學般若波羅蜜。乃至欲得菩薩道者。當學般若波羅蜜。又密跡力士經云。轉四諦法輪時。無量衆生得阿羅漢果。乃至無量菩薩得成佛等。寶積經亦然。可准知之。問。據上教門不一。機復有殊。深淺既自兩分。故知方便亦異。仰陳其狀。並述所由。致使習者不詣邪途。證者勿乖於理。答。大聖無私。等太陽而鑒物。至人無念。若天鼓而雷音。隨機所現。短長是故。有斯差別。但自宜聞有異。致令法教不同。隨宜入者爲良藥。不相應者爲毒藥等。又維摩經云。應病與藥。令得服行等。問。有機教相應者未知。隨上諸門等。以何方便而得入耶。答。言隨門入者。方便無窮。隨宜不定。由機故爾。非爲法然。唯以類通。一不差失。如次應知。第一入三科法門方便者。即蘊界處法也。蘊者積集

也。即五蘊法。界者差別等也。即十八界法。處內者外六處也。即十二處法也。言三者是數。科者是類。法者是自性執持。門者是通智遊入。是故總名爲三科法門也。就此門。中開爲二觀。一者總相觀。二者別相觀。初者三科雖異。唯色與心故名總相。即審諦觀察唯法而無我人。故名爲觀也。此云何知。按涅槃經云。若色此父。四陰應非。乃至和合是父者。無有是處等。又維摩經云。起唯法起。滅唯法滅等。即以總收別。唯總而非別。故名爲總相觀也。此約利根入法方便也。二別相觀者。即於上總相之中。分別而觀。故名別相觀。言分別者。色中分爲十一。謂內五根外六塵。雖復內外有殊。別體總名爲色。故云色法有十一。心法有七者。初從眼耳終至末那。始終雖差。並同心稱。故云心法即七也。色心合舉。故有十八。各別不同。故云別相。即於此三處觀察。人我能所。俱離。故名爲觀也。十二入等。可准知之。此云何知。按涅槃經云。若我衆生爲界。分別觀等。又云。六入不爾。一向無人等。今即以分別總唯別。而非總故名別相觀也。同異等准之。問。既云觀法。即以人無我者云何。觀察人無耶。答。且如今之色等法。眼等識得時。實無分別。不是不得。雖得而無分別。此即是法。眼等識親證如色等無異。及其意識不了。謂實我人。妄緣分別。謂實人我。於一事中有真妄齊致。何者。意識分別不稱法也。言真妄者。即眼等識親證是真。意識妄緣爲妄。真妄既玄。差別不等。是故證法人無也。此云何知。

按維摩經云。但除其病而不除法。又云。起唯法起。滅唯法滅等。色法既真實。心法亦即如色無差。能了識知塵。是即遊行無礙也。此即入初門之勝便契真之妙因。略述大意如斯。廣辨如餘章說。有相應者當審思之。一一指陳以事徵。一百八義具在斯焉。第二入諸法皆空。相無不盡之方便者。於中復分爲二觀。一者無生觀。二者無相觀。言無生觀者。即法無自性。相由故生。生非實有。是即爲空。空無毫末。故曰無生。以性自不生。故。此云何知。按大品等經云。一切法皆空。無有毫末。相。空無有分別。同若如虛空一等。又三論云。因緣所生法。我說即是空。等是也。二無相觀者。相即無相也。何以故。此法離相。故。此云何知。按維摩經云。法離於相。無所緣故等。又般若經云。無法相。亦無非法相。等。言觀者。觀智。是法離諸情計。故名爲觀也。問。一切法即既空。無相。云何成觀耶。答。只以法即空。無相。是故得成爲觀。何者。能觀是慧。所觀是無相。今慧照彼無相之境。故名爲觀也。若也不見諸相。即無是即還成倒執。何成觀類耶。問。作如是觀者。治何病耶。答。治上執法等病。何者。法實非有。妄見爲有。由妄見有。故乃謂真如涅槃可證。即謂生死有爲可捨。爲斯見。故是即爲病。今體諸法。即空。無相。有見不生。故成治也。此云何知。案中邊論云。無能取所取。有而能取。所取無。是二不二爲空相也。是故觀法。無生相。無不盡也。略陳其狀。準以思之。更有異門。依前可解。

第三入事理兩門圓融一際方便者。復有二門。一者心真如門。二者心生滅門。言心真如者。是理即真諦也。心生滅者。是事即俗諦也。此即明空有無二自在圓融隱顯俱同竟無障礙。言無二者緣起之法似有即空。空即不空復還成有。二而無二。一際不殊。兩見斯亡。空有無替。何以故真妄交映令該徹故。何者空是不滅有之空。即空而常有。有是不異空之有。即有而常空。有而常空故有即不有。離有邊有。空而常有故空即不空。離無邊空。空有圓融一無二。故雙離俱邊空有一體互形奪故兩雙離邊此云何知。按維摩經云。深入緣起斷諸邪見有無二邊不復餘習等。又華嚴經云。因緣故法生。因緣故法滅。若能如是解斯人疾成佛等。依此義故得有止觀雙行悲智相導。何者以有即空而不有故是止境也。以空即有而不空故為觀境也。空有全收而不礙二。故止觀二法融也。空有二而不二故是止觀二法離也。即以能觀之心契彼境故是止觀融也。言悲智相導者。觀有即空而不失有。故悲導智而不住空。觀空即有而不失空。故智導悲而不滯有。以不住空之大智故恒隨有以攝生。即大悲也。以不滯有之大悲故常處空而證滅。即大智也。滅即是不滅之滅。滅而非滅。不礙存也。生即是不生之生。生而不生。不待壞也。以生非生故生相紛然而不有。色即空也。以滅非滅故空相湛然而不空。空即色也。空相湛然而不空。故即生死涅槃而不異。生相紛然而不有。故即涅槃生死

而不殊。何以故。空有圓融一不一故。亦可分為四句。以有即空故不住生死。以空即有故不住涅槃。空有一塊而不礙兩存。故亦住生死亦住涅槃。其猶水波高下動轉是波濕性平等是水。波無異水之波。即波以明水。水無異波之水。即水以明波。心猶水波。波水一而不礙殊。水波殊而不礙一。不礙一故處水而即住波。不礙殊故住波而即居水。何以故。水之與波別而不別故。此云何知。按維摩經云。衆生即涅槃相不復更滅。亦得說言涅槃即衆生相故不復更生也。又云。非凡夫行非賢聖行。是菩薩行等。是此意也。解云。凡夫著有賢聖住無。今既有無無二而二故。是故雙離兩生頓絕百非。見心無寄故名觀也。問。作是觀者治何等病耶。答。治上空有兩見之病。何者空有無二謂之爲二。是故捨有而趣於空。遂情等惡取空見。捨空趣有反上同然。由彼倒執而與此門。准以思之可類通耳。

第四入言語道斷心行處滅方便者。即於上空有兩門離諸言論心行之境。唯有真如及真如智獨存。何以故。圓融全奪離諸相故。隨一切動念即皆如故。竟無能所爲彼此故。獨奪顯示染不拘故。此云何知。按法華經云。諸法寂滅相不可以言宣等。又云。諸法從本來常自寂滅相。維摩經云。言語道斷心行處滅等。問。若云空有圓融語觀成絕者既離言觀。云何證入耶。答。非是無語不言。但以語即如故不異於真是以無言。觀行亦爾。准上可知。此云何知。按維摩經中三十二菩薩各說二而不一。各入不二法門。次至維摩。維摩默答。寂無言說名入不二法門。文殊歎曰。善哉善哉。當知無有言說名字名入不二法門等。解云。何故顯默不二者。心法本自不二更不待言而方不二也。又但默然無言即是說入不二法門。何者以諸菩薩解得無言是真不二以語說觀行即是法故。亦即思益經中聖默然是此意也。問。空有無二遂令大士無言性相鎔融。致使觀心無措者信如其說。今修學者未審。以何等方便而得入耶。答。即於空有之上消息取之。何者以空全奪有有空而無有。有見蕩盡也。以有全奪空空有而無空。空執都亡也。空有即入全體交徹。一相無二雙見俱離也。即以交徹無礙而不壞兩相雙存。非見成泯也。得是方便而入法者是即契圓珠於掌內諸見不拘。證性海於心端道然物外。超情離念迥越擬議頓塞百非。語觀雙絕。故既妄心永滅諸見雲披唯證相應。豈關言論。有相應者當自思之。故論云。如人飲冷水。唯證者自知等。楞伽經云。真實自悟處覺想所覺離。結意在言外。勿執言思。理不出言。莫捐言解。審諦研察後漸分明。行坐臥中無令暫替。久作不已當自顯然。深可信矣。此云何知。按法華經云。譬如有人渴乏須水於彼高原穿鑿求之。由見乾土知水尚遠。施功不已轉見濕土遂漸至泥。其心決定知水畢近等。又十地經云。如人夢渡河水因勇猛中而得覺等。若也用功間斷繼作退休求悟終自難明。望解虛盈歲月。何者無始習業厚重難

穿，雖有覺心隨見隨滅。若不翹然懇切無以彰於行心，隨日過以爲懷徒自疲於筋力，是故行者存意思之也。此云何知，按華嚴經云：譬如人鑽火未熟，數休息火勢隨止滅。懈怠者亦然等。問：作是觀者治何等病？答：治諸法觀行之病。何者？凡所動念皆是妄也。此云何知，按維摩經云：法離一切觀行等。智論云：動即魔網。不動是法印等。如上諸義並是入法界之妙軌。忘諸見之良規。俱陳入理之方並述獨病之法。若據其自位盡究竟無餘。論其一切歸即權實有異也。此云何知，按法華經云：開方便門示真實相等。解云：開方便門者即前權教也。示真實相者即後所入一也。又釋：以上教義但以除非顯理爲功。長養機緣爲德。是故名爲方便也。法華經云：於餘深法中示教利喜等。問：云前之四說皆是方便。後法界無礙門即爲究竟說者此云何知？答：此據聖教非寄愚情也。故華嚴經賢首品偈云：一切世界群生類，多有欲求聲聞道。求緣覺者轉復少。求大乘者甚希有。求大乘者由爲易，能信此法甚爲難等是也。九地初偈云：若衆生下劣其心厭沒者，示以聲聞道令出於衆苦。若復有衆生諸根少明利樂於因緣法爲說辟支佛。若人根明利有大慈悲心，饒益於衆生爲說菩薩道。若有無上心決定樂大事爲示於佛身說無盡佛法。今按此文故知前之三教是開方便門後之一說爲示真實相，定無疑也。何者？以賢首品中明信終善隨化用自在與十地不殊。爲欲簡教有權實兩教

故作是說也。又九地菩薩爲說法師。先知教之權實不等，機有利鈍不同。是故於九地之初先明教有差別也。問：若後之一說獨爲究竟，前諸說皆是方便者，何故法華經中不言止息，故說三而但言說二耶？答：大乘自有二種：一者實教，二者權教。若以開權實許二入滅，即三乘名殊。小不向大皆爲究竟。不言止息。今就泯權歸實實教大乘即真不待迴故。所以但言息處說二，不言說三也。此云何知，按法華經云：菩薩乘者即佛乘也等。此就泯權說也。若言大乘無權實者，何故華嚴經云：無量億那由他劫修習道品善根行六波羅蜜。不聞此經雖聞不信，此等由爲假名菩薩等。今按此文故知權實分耳。又解：若權教大乘即是實教一乘者，既於無量億那由他劫行菩薩道，不聞此經是何人也。既云行菩薩道不可名曰小乘。權教即是實教一乘，如何現行不信。既不聞不信一大乘經，謂殊分。豈愚智之能裁，聖自無施有異。縱無經文可證，據義懸別不同。守株之類可惡。陳已非於聖說，權教定非實教，棄情隨法信焉。更有文義不同。廣如餘經論說。今欲入法界無礙者，要先發得徹到信心。何者？以信爲初基。衆行之本。一切諸行皆藉信生。是故最初舉信爲始也。此云何知，按華嚴經云：信爲道元功德母，增長一切諸善法。乃至信爲寶藏第一法。爲清淨手。受衆行等也。是故欲入法界無礙要須發此徹到信心。若不發得如是之信心，無以入於法界無礙也。何以故？器不堪受無礙

法故。若得此心現前能堪受無礙法也。此云何知，按涅槃經純陀請辭云：吾有調牛良田除去株杭。唯希如來甘露法雨，雨我身田，令生法芽。解云：此是純陀已發徹到信心，希佛爲說大般涅槃也。言有調牛者，純陀自述發信心已得身口等七處調柔也。良田者，即此徹到之信，唯在於法。更無名利等念也。唯希如來甘露法雨者，信心堅實堪受法也。雨我身田，令生法芽者，一聞不退。菩薩萬行皆解行也。又華嚴經云：皆由直心精進力故等。若能發得如上心者，即見煩惱能除，無行不成也。何以故？是堅信心能破諸見成大事故。此云何知，按華嚴經云：信力堅固不可壞等。又言：譬如水精珠能清諸濁水等。即其事也。問：今令發此信心未委。云何是信而言發耶？答：今以事求。是即可見。何者？且如於一衆僧所發至信心是時得信。日時既至發於信者，求索飯食是時信者一切皆無。又復量有所求之樂時中極促不得久展。當爾時間具有六種難事。言六者何？一日時催促難。二遍無資產難。三外求不得難。四信心不動難。五能捨身命難。六歡喜慶悅難。第一日時催促難者，日至時到心無異相。唯求供養百味無厭。第二遍無資產難者，是時信者隨身資產一切皆無。唯求妙饌種種供養。無有少念猶豫之心也。第三外求不得難者，自己過無又外求不得。於如是際勇猛無疲。第四信心不動難者，雖遇逼惱心定如初。縱有衆苦集身念無改易也。第五能捨身命難者，既求不得，又內

盡資緣。唯在於身。樹割供養。第六歡喜慶悅難者。捨此身。命心竟無身。由自難言。何期三寶甚為易遇。捨此身。命如恒河沙。由未稱我一念供養之心。云何今日忽遇寶聚。發此堅信。一向無迴。如隨高巖中無有息。如童子捨命亦是此意也。若能如是。佛說此人皆堪受法界究竟三昧。何以故。於法苦行不怯怖故。如說能行教相應故。此云何知。按華嚴經云。此經不入一切衆生之手。唯除菩薩即其事也。解云。手者信手也。不入者若無此信不能解置法界無礙之法。是故華嚴不入手也。何以故。信心虛偽不應教故。於是人所而不要故。唯除菩薩者。以菩薩心口相應畢竟無謬。於菩薩行勇猛能為堪可進修諸餘行等。華嚴妙典玄挈手中。何以故。法界無礙此人要故。若無如是信者。雖有衆解悉皆顛倒。何以故。無信之解不應行故。顛倒之解即非解故。此云何知。按華嚴經云。譬如水所漂。懼溺而渴死。不能如說行多聞亦如是。又云。譬如貧窮人日夜數他寶。自無半錢分。多聞亦如是等。即其事也。若能具上堅信。現前方可入於法界三昧。何者以機感所宜性相應也。此云何知。按法華經云。乃至深信堅固。如是之人乃可為說。又云。常修慈心。不惜身命。乃可為說等。是故行者將欲求入法界無礙者。先自檢知信虛實。不可妄說。即以爲真。豈可在他能爲苦事。自己取樂而不饒他。此乃爲人上不能成。何得妄言生信。然今法登漸滅邪見繁興。唯濁害以爲懷。乃曰大乘令爾聽學。唯

高於口而竟不潤於心。用陵蔑以爲功。將是非爲確理。此但苟求名利。指斥賢良。乃言。但自識心。何假妄修諸行。幸願有心君子勿執見而懷。當自變壞。羚羊緣崖之涉。小徑翹企。自勵若履水而蹈火。請察斯言。仰據聖教。業果不失。諸佛同云。如影隨形。豈爲烏有。要心眞實。萬行擬宜也。

言華嚴三昧者。解云。華者菩薩萬行也。何者以華有生實之用。行有成果之能。雖復內外兩殊。生感力有相似。今即以法託事故。名華也。嚴者行成果滿。契合相應。垢障永消。證理圓潔。隨用讚德。故稱曰嚴也。三昧者理智無二。交徹鎔融。彼此俱亡。能所斯絕。故云三昧也。亦可華即嚴。以理智無礙故。華嚴即三昧。以行融離見故。亦可華即嚴。以一行頓修一切行故。華嚴即三昧。一行即多而不礙。多故。亦可華嚴即三昧。以定亂變融故。亦可三昧即華嚴。以理智如故。如是自在無有障礙。或定或亂。或即或入。或智或理。或因或果。或一或異。性海實德。法爾圓明。應如理思。絕於見也。此云何知。按華嚴經云。一切自在難思議。華嚴三昧勢力故如是如是。廣如經辨。此解行爲言。名爲華嚴三昧。如其據果亦名海印三昧。此即同時前後爲名。頓現互融爲目。猶如大海現四兵像。像類各差。頓現前後。然即像形非一。水竟不殊。像即水而湛然。水即像而繁雜。歷然前後。終始難源。宛爾繁興。寂然無相。齊頭頓現。隱顯難知。互入無礙。鎔融絕慮。此云何知。按華嚴經云。如是不思

議思議不可得。深入不思議。思非思寂滅等。廣如經辨。又海者。即諸像重重無盡。際限難源。窮一竟無有窮。隨一宛然齊現。是故云海也。印者。衆像非前後。同時品類萬差。即入無礙。一多兩現。彼此無違。相狀不同。異而非異。故云印也。定者。類多差別。唯一不殊。萬像競興。廓然無作。故名爲定也。亦可海即印。四像宛然故。海印即三昧。作即不作故。亦可爲四句。一唯海而非印。不壞像而即水故。二唯印而非海。不隱水而即像故。三亦海亦印。以像海圓融一而異故。四非海非印。以海像鎔融互形奪故。亦可海即印。自在無礙故。乃至亦即亦不即。非即非不即。無二性故。准思之如是之義。後文當顯。准彼知此。按此義邊。故名法界無礙也。將欲入此三昧。方便非一。總而言之。不過二門。一者解。二者行。就前門中復有二門。一者緣起相由門。二者理性融通門。所以有此二門者。以諸有法。無自性故。無自性者。空有圓融。成幻有也。是故於此開作二門。就初門中復有二說。一者開說。二者合說。初者一切諸法。有力無力也。言有力無力者。且如緣起之法。若無此彼不成。何者以彼有力能成此也。既彼能成此。以能成他故。是有力此不自有故。依他。是無力以彼有力故。能攝此。以此無力故。能入彼。是故一切皆在彼中隱。復彼有一切。一切不即彼。何以故。此但是力用。互無非空有互奪故。是故一成即一切成。一壞即一切壞。故下文云。以一佛土滿十方。十方入一亦無餘。世界本相亦不壞。無比功

德故能爾等。又云。一一微塵中各示那由他無數億諸佛於中而說法等云云。廣如經辨。良以方力無力故然。是故得一即得一切者由此門也。如是在法爾。如斯亦非神力變化故爾。此云何知。按華嚴經云。法自爾故。又云。一中解無量。無量中解一。展轉生非實。智者無所畏等。即其事也。

第二合說者。彼有力能攝此時即是此有力能攝彼時。何者以彼有力由無力故成。無力由有力故立。是故有無別有全以無為有。無別無全以有為無。以有為無故是故有即無。以無為有故是故無即有。無即有故無無。有即無故無有。有故全無無故全有。今即以全有之無為有。全無之有為無。如是圓融一際而不礙。有力無力兩存舉一即一切咸收不妨。重重無盡。何以故。互相交徹一多成故。其猶因陀羅網皆以寶成。由寶明徹影遞相現。於一珠中現餘影盡。隨一即爾。更無去來也。今且向西南邊取一顆珠驗之。即此一珠能頓現一切珠之影。此一珠既爾。餘一亦然。既一一珠皆一時頓現一切珠影。即此西南邊珠復現一切珠中一切珠影。此珠既爾。餘一一亦然。如是重重無有邊際。即此重重無邊際之影皆在此一珠中炳然遞現。餘皆准此。若入一珠中即入十方重重一切珠中也。何以故。此一珠中有十方重重一切珠。故十方重重一切珠中有此一珠故。是故入一珠時即入重重一切珠也。一切亦然。反此思之。即於一珠中得入重重一切珠。而竟

不出此一珠。於重重一切珠中入一珠。而竟不離此重重一切珠也。問。既言於一珠中得入重重一切珠而竟不出此一珠者。云何得入重重一切珠耶。答。只由不出此一珠是故得入重重一切珠。若出此一珠即不得入重重一切珠也。何以故。此一珠之外無重重一切珠故。若出此一珠即不得入重重一切珠也。問若離此一珠內無重重一切珠者。此網即但一珠所成。如何言結多珠成耶。答。只由唯獨一珠方始結多為網。何以故。由此一珠是多珠故。若去一珠網全無故。問。若如是者此網即唯一珠所成。不得言結多為網也。答。言結多成者。即是結一珠即多珠之一珠也。何以故。以一珠即一切珠之一故。若無此一一切無故。是故此網唯一珠成也。一切準此。問。此但據義相攝。就彼義邊說云。一珠即是一切珠。可實一珠是一切珠耶。答。今所說者但在一珠中說一切珠。不離此一珠中說一切珠也。若不信一珠即是一切珠者。但以置點點西南邊一顆珠著時即點著十方重重一切珠也。何以故。一切珠上皆有點故。若言十方重重一切珠不即是西南邊一顆珠著者。豈可一時遍點十方重重一切珠耶。縱令遍點即應前後有點云何一時一切珠上皆有點耶。是故一切珠即是一珠者定無疑也。西南一珠既爾。十方重重一切珠亦然也。既珠重重無際點一皆周。主伴始終一成咸畢如斯。如喻例法思之。法不即然。非喻為喻也。據一分相似故以為言。喻但影周質不即入也。此

云何知。按華嚴經云。以非喻為喻。即其事也。如上的義可審思之。

第二理性融通者。復有二門。一者空不空門。二者是不是門。初空不空者。彼有力能成此為不空。以與他為體故。此亦然也。此無力依於彼為空。以此非自有由彼有故。彼亦然也。兩法互由二而不二故名空不空也。是故全空而即有有即微空有。全有而即空空即微有。微有空故一切在有而即空。微有空故一切在空而即有。何以故。真非分限故。是以事隨理而圓通。理隨事而差別。此云何知。按涅槃等經云。佛性隨流成其別味等。又維摩經云。法同法性入諸法故等。

第二是不是門者。以一切有皆是一有也。何以故。由有即空故。既有即空空無別異。是故一有即是一切有。故云是也。一切是一不礙彼此歷然。故云不是也。何以故。以有即是空。一切即以一有成故。如是無礙準思取解。此云何知。按華嚴經云。知一即多多即一等。如是諸一非一。具足同時即入銘融圓成一塊。或隱或顯。乍有乍無。合即圓融顯現。離乃炳然不離。形聲孤立等山嶽之陵太空。力用雙融若滄波之生溟渤。生伴交映終始難源。隨智為端頭不可得。此云何知。按華嚴經云。任放辨才說不待次。言辭不斷等。已說解分竟。

自下第二別明行者。即於上解中審諦取之。何者且如一中有一切時。即是一切中有一時。即一與一切即入一時。何以故。以諸有法

性自爾故。藏心隨染遇轉成故。如是交參掩映。即異即同一時致令解心絕奇覺亡指。乞之頓觀相無施功用浪。追尋乞計繁興萬像統十世而難終。鼓躍濤波該一念而無卷。潛百千於毫末促十方於微塵。展一即一切而難源。卷一切即一巨測。是故舍那朗圓光於性德若太陽之曜九天。普賢運悲海於緣生等重雲之亘千嶽。所以地分三處天關四門。聚則如宿鶴投江。散則似驚鷺墮海。論其解也如彼。語其行也如斯。應准思之。勿拘其教。言不及義誠有斯文。觀不達源信如其說。是故行者存意思之問。如上所言教義文。即解行俱陳。云何就解爲言而得不言其行耶。答。行法離見亡言。言見俱爲方便隨言見而入證。入證言即無言。不丁無見非真。妄執將正行是故妄解不稱行心也。此云何知。按楞伽經云。言說別施行真實離文字。乃至愚者廣分別等。問。既言行法離見亡言。言見莫之能入。今既知行亡言離見。此見豈非見耶。答。若知此見是解。此解即爲解。若即以此見爲行非但不是行。亦復不是解也。何以故。妄見之解即非解故。此云何知。按維摩經云。無以生滅心行說實相法等。問。行若爾者豈可除名離相等兔角之空無絕慮亡言若入寂之灰斷。此乃還成倒執。既行人有常斷之愆。爲真反立邪宗令聖智有無因之咎。何得今云語觀威非修行者歟。浪相灰心豈即爲真者矣。意在防過通乃彌彰。恐滯情源情隨見起。如何上說所作感非。若云離彼解心未知何者

爲行。請陳其狀令物見聞答。云行離念亡言者。與法相應絕情見也。何以故。無念之見性顯通故。理智交徹見無見故。任放自在念不動故。此云何知。如說不動是法印動則魔羅網。解云。若動見此之見看彼即彼此俱不見。而言見彼此者即是妄緣非是正見也。故名魔羅網也不動見此之見即見彼者即彼此俱見。故名爲法印也。問。既如是者云何可見耶。答。只於上門中方便取之。何者又如說云一中解無量。無量中解一等。解云。以一中解無量時即是無量中解一時。何以故。一法法爾具一切故。是故不動此見即見彼也。若此唯有無有彼者即不見此也。由見不稱法故名魔網也。今見一時即見一切。故名爲一。以稱法見故名爲法印也。依上道理此即應知。即入重重准思可爾。是故若動即入魔網也。故華嚴經云。如有良醫自知無常以諸妙藥用塗其身。命終之後由藥力故屍不乾爛亦不散壞。還復如常行於醫法。解云。醫人者即行心也。自知無常者諸見盡也。以諸妙藥用塗其身者。行契妙理悲願修也。言命終之後屍不乾爛者。法流水中離功行也。不散壞者。雖離功行不凝住也。還復如常行醫法者。熾然爲作諸有法也。雖復爲作而竟無心醫法不失。華嚴三昧亦復如是。雖離諸見能於諸法實德化用竟無妨也。何以故。得心自在如心爾故。稱法修行作無作故。問。若如是者今據何事而得然耶。答。但約理事即爾亦不遠指其常。何者以諸理法即如來藏實德用也。問。現

理非真。是衆生之妄境。云何此法即是而不遠指真常耶。答。今題要而言此一事中有真妄兩異。如一衆生眼耳鼻舌諸相。是無明用以順泳生死不成熱故。無性即空是真如體。以湛然常住不遷變故。如莊嚴具。形相是博士所成。即博士功用相虛而金體自寂。而性凝然。雖復金體自寂而性凝然不失相狀紛雜。相狀紛雜而不礙凝然者。謂金與相狀一體而差別也。菩薩聲聞是真如用。何者以反流出纏所成熱也。餘如前說準可知之。此云何如。攝論云。生死涅槃依無別。又云。無染即無淨等。今明斯義方爲妄境故。然妄境若不現前無以施教綱。何以故。緣未相應如虛空故。問。緣起未如虛空。不言因緣緣起集成未審何先後耶。答。緣起集成竟無前後。同時炳現終始難源。圓即一際無傾缺。即諸峯競舉重重頓現前後無遠。念念遞彰新舊恒別。不妨同時異。無礙別時同。爲一即一切而不多。作多即一而不一。却則紛然滿目。取即圓寂無礙。但可證而不可知。只可行而不可見。即所以文殊立指南之則。普賢樹摩頂之儀。彌勒置彈指之能。摩耶示見正之德。此即名表隨門證異明妄徹於真源。並託事以彰人。故顯真該於妄末。今但粗陳其說梗概而論。唯妙覺之遊衛豈妄心之履徑也。問。既云因緣故有未委力用如何。答。言因緣起者要具力無力也。因既親生。緣名假發。且就流轉爲言即無明業種爲因。是即力也。淨心隱體爲緣。即無力也。何以故。以流轉即順無明而

達淨心故。既以達淨心而成染法故知無明爲有力也。故不增不減經云。法界身流轉五道名曰衆生等。若就出纏爲語反前知之。維摩經云。衆生即涅槃相不復更滅等。言有力無力者事一而名異也。何者以無明有力即以淨心無力爲有力。既以無力爲有力。是故淨心即無明也。淨心有亦爾。反以思之。文同前例。問。若有力即無力云何爲有力。無力即有力云何爲無力耶。答。只由有力即無力故名爲有力。無力即有力故得爲無力。若有力不以無力無有力者即一切各有自性。即無有力無力也。今既有力即無力。是故一切即一而不礙一切歷然。一即一切而不礙一相堪然。如是道理極難申述。當思之耳。問。果起要藉因緣。因緣互從無定。現今世間諸法未審我自何生耶。答。既云果法起必從緣。緣法體無自性。既責果從何立實從緣力即是無生也。何以故。以力無力即無性故。既有自性。何有能生於果。是故果立親自無生也。無性亦準以思之。問。若據此說即因果無別云何乃有因果異耶。答。力無力者爲緣。無性空理爲因。即由此因緣不二約法方成爲果。果無別果。即因成爲果。因無別因。即果立爲因。因成即果故。果即不果。果立爲因。故因即不因。因即不因而果立。果即不果而因成。其猶世繫種。種無別種。即聚變爲種。繫無別繫。即散種爲繫。應準思之。問。若如是者果即是因。因即是果。云何乃言因能生果耶。答。只以因即是果果即是因。是故此

因方能生果。何以故。因果一際而別不同。故據論此事。但可審思取入。非語能宣。若也親證無言即因果歷然而不失。若不窮源盡見還歸常斷之說也。問。若如是者但是性起。云何得有緣起門耶。答。即上力無力相由名爲緣起。何以故。由彼此相奪果方生故。即彼此相由而無自性。無性爲果而生。生即不生名爲性起。何以故。即果自體而是性故。其猶壁上畫樹乍看謂言從壁上生。剋體全總是壁。應准思之。問。若自體全性是即無生。云何今說果法生耶。答。以力即無力生即是無生。即無力即有力無生即是生。何者以有力無力無二性也。是故由斯道理皆爲滅見之方。不可執此不行。解方終不差病。事須用功無怠久習方成。懷勿以解爲修而即將爲正行也。此但增於見愛。終無歸本之期。暫疲倦於波瀾竟無獲珠之日。何以故。唐捐歲月無功勳故。此云何知。按法華經云。如王髻中明珠不以與人有功勳者而賜之等。解云。王者所謂心王。髻中明珠者。即明此行心最尊勝。即華嚴三昧也。不與人者。無實功行不證法也。唯有功勳而賜之者。有實功行能破諸見得此三昧也。是故行者要實修行不可虛言妄爲異證。如斯妙理宜審思之。更有異門。如餘章說。問。既見如上道理爲但只見而已。即爲是行耶。爲亦須布施持戒等修諸行耶。答。若如是見已布施即爲大布施。持戒等亦然。何以故。由稱布施等法故。既知稱法。是故熱修布施持戒等也。故論云。然知法性無有慳貪。是

故修行檀波羅蜜等。今就事顯。是即可知。何者且如布施一物與一人時。於中即有五種具足。一自身具足。二他身具足。三財物具足。四時善具足。五處所具足。自身具足即身無盡。他身財物亦然。時善具足即世世難窮。處所亦爾。如是一身布施一物。於一時處中即一切前後時劫中一切方處中。以無盡財物布施滿足無盡衆生。如是等事非所思量。皆於一念而頓成就。如非實實是妄緣。何者以一法既一時即具一切法也。其由一錢具十錢等。此云何知。按華嚴經云。毘目多羅仙人執善財手。令善財入供養門中供養佛。多劫多身等。即其事也。是故得知。如是等法皆是順門也。既順門如是。達門亦然。此云何知。按華嚴經云。一障一切障。一斷一切斷等。問。如上所說就法可然。是得今時凡情即見耶。答。今時凡情不得即見。何以故。由具煩惱障智眼故。問。若如是者云何上言得如是見已布施持戒皆名大耶。答。言得如是見者。但信解等見非證入見也。即彼信解等心明徹得見彼法。如眼現見。故名爲見也。依因此見得成證見。依此信見受身如見。是故菩薩身得自在等。何以故。以見爲身故。其猶衆生煩惱具而受於身。是故此身而因見得。既知如是存意思之。如上所明廣如經說。今更重明真空妙有之義總有二重。一者處。二者細。所言處者。即謂諸法從緣皆無自性。無自性故是即名空。以有即空空不異有。是故此空名真空也。由無自性有方得成。以不異無性



而成有故。是故此有名爲妙有。雖復空有圓融得成真空妙有而由是破病之說未是其論。真空妙有也。何者以空有故名空。以有空故名有也。若有不有是空是即不名有。若空不空有是即不名空。何以故以空不自空。以有不有自故。此即但是遮言非是直說真空妙有也。何以得知以空由有故名真空。若不由有而說空者是即斷滅非真空也。以有由空故名妙有。若不由空而說有者是即常見非妙有也。此即但遮彼異見之失。非是直顯空有。縱令迥超四句絕離百非。而由是破病之談未是顯真之談也。此之空有無二融通即當終教絕方便說也。此云何知。按法鼓經云。一切空經是有餘說。唯有此經是無餘說。即其事也。

第二細者。即前空有俱空爲趣入之方便也。既空有俱空方是入之巧方便者。是知彼法即不有也。此云不空不有。非是此法無故言不空不有。以是空有故言不空不有也。夫言有者爲遮情過故。令此不爲有情過之言。是故不空不有亦得空不空故是空。以有此空法故。何得言空者情計未盡不見空也。故般若云。空不空不可得者是此義也。亦可有不有故是有。以有此有法何得言有。今若欲作彼空有之見解而言是空有者即非空非有也。以是自解故。如人取物更著異物是即非物。此即是普賢文殊等機所見。即冥契不二無有念動。即是究竟行圓更不得遮。但逐法顯耳。是故創於二七日唯爲大菩薩說者意存

於此也。華嚴經云。所謂如說能行如行能說等。此即空有一體兩相不亡。何者即彼空不空之空有不有之有是也。問。若言此真空妙有是直顯不待遮故名直顯空有者。云何乃言空不空有不有也。答。此是顯言不是遮說。何者直明此空不空。有不亦有爾。取意思之問。若言此空即是顯法不是遮情者。如前所說空亦即是顯法。云何乃言是遮非顯。何者前所說空亦即是不空之空。何以故。若有此空即非空故。前既已說何言非。後復重論如何即是耶。答。後非前說。何者後直顯實。不是空故明空。前即以空故明空。不是不空故明空也。有亦爾。准思知之。此即與前全別不同。勿濫爲其類也。又約所取亦別不同。如空故空即智慧之所得。如不空故空。即是慧智之所證。慧智即爲行契證。智慧即爲解決擇解。即入行之前緣。慧智即究竟之真證。是故兩說不可同互而語哉也。問。若如言爾者未知頓終二教更何所言耶。答。頓終二教法在圓中。何者以彼空有無二圓融交徹是即爲終。即融通相契兩相盡邊是即爲頓。一多處此即爲圓。三法融教詮故別。是故華嚴寄彼二教辨也。又此諸法緣起相。由即云彼中有此此中有彼。是即但得其門不關其大緣起義也。何者以大緣起法而定一異不可得相由而成融通無礙故。且如一中有一切時。即是一切中有一時。今欲定其門說。故知但得其門不得其法也。既不得彼法而言一切中有一一切者。此但是妄接非稱大緣起法也。

如人見水向東駛流於上有泡。言泡中有水。而計泡於手中即言手泡內有水者。此是妄心中非稱水有也。以泡離水即無何得有泡。而言泡中有水此是緣起已壞。不可言有也。夫言一者必具一切方是一也。若不具一切即不是一。一切亦爾。此大緣起法法爾具足。必須心中證。彼知不可說得向人者方見緣起之氣分也。若作可說得解是即不見也。終日言由妄爲言也。必須絕解寔修是即順爲正見。若也解心爲得是即一世虛行。深信之耳。餘如別說。既知是已常須繫念相續勿令惡見聞之。乃至證見如常見世間物等者。方名入大緣起法界也。若不得如是念者須向靜處繫念現前。不可口言即爲入也。若口有而心無者即如狂人耳。可准思之。

華嚴遊心法界記終

No. 1878

### 華嚴發菩提心章凡例

此章別有異本。而文畫多紕謬。字句頗缺脫。今以梅尾南都諸本隨義參訂改正。筆削非私意也。每值文有大異繫之龜頭。法界義鏡曰。香象大師菩提心章載法界觀門以明發心相。故今章明第四表德中有五門。自第一真空觀至第三周遍含容觀全舉彼觀文耳也。又如圓超疏鈔錄雖然華嚴宗要義永超東域傳燈錄及高山寺藏目等皆標爲賢首撰也。

華嚴發菩提心章

發心第一  
簡教第二  
顯過第三

初中問曰。云何名爲發菩提心。答曰。依起信論有三種心。一者直心。正念真如法故。二者深心。樂修一切諸善行故。三者大悲心。救度一切苦衆生故。依此三心各開十門。就初直心中具有十心。一者廣大心。謂誓願觀一切法悉如故。二者甚深心。謂誓願觀真如要盡源底故。三者方便心。謂推求簡擇趣真方便故。四者堅固心。謂設逢極苦樂受此觀心不捨離故。五者無間心。謂觀此真如理盡未來際不覺其久故。六者折伏心。謂若失念煩惱暫起。卽覺察折伏令盡使觀心相續故。七者善巧心。謂觀真理不礙隨事巧修萬行故。八者不二心。謂隨事萬行與一味真理融無二故。九者無礙心。謂理事既全融不二還令全理之事互相卽入故。十者圓明心。謂頓

第二節教者。問。衆生修行爲要。藉受持聖教。方成行耶。爲要須捨教法。方成立耶。答。通

辨此義略有十類衆生。一者自有衆生元不識教。懸捨聖言師自妄心。或隨邪友違教修行以爲心要。外現威儀內實朽爛。巧僞誑惑。是魔徒黨。此爲最惡人也。二者自有衆生亦背聖教不讀經典。唯以質直心隨逐前巧僞人。謂爲出要。勤苦修行竟無所益。此雖勝於前類猶非好人也。此上二人俱捨聖教不得義理。三者自有衆生聞前二人背教爲損。即便唯讀聖言不解義意。莫知修行。唯以巧僞傍依聖教求名求利。違自所誦順妄背真。此雖不捨聖言猶非好人也。四者自有衆生唯以直心讀誦爲業。雖無巧僞勝過前人猶非究竟。此上二人俱不捨聖教而不得義理也。五者自有衆生讀誦聖教分知解行。隨力修行。多讀文句少有修行。雖是好人猶未究竟。六者自有衆生廣尋聖教遍知解行。漸略聖言。而順教修行。取意專修不復多讀。此雖復勝前猶非究竟。七者自有衆生受持聖教深會其意。亡筌得實。唯在修行不復尋言。雖捨教筌猶非究竟。八者自有衆生尋教得旨。知一切法無不稱性。是故於文字教法亦不待捨離。持此順稱之教則爲正行。此雖不捨教而得真猶非究竟。九者自有衆生常受持稱性之言教。遂得於教不捨不著。恒觀絕言之真理乃得於理亦不捨亦不滯。俱起二行故。經曰。聖說法聖默然者是其事也。此雖理事無礙二行俱起猶非究竟。十者自有衆生專教得真。會理教無礙常觀理而不礙持教

恒誦習而不礙觀空。故經曰。成就第一誠諦之語如說能行如行能說。乃至學三世諸佛無二語隨順如來一切智慧等。此則理教俱融合成一觀方為究竟也。

第三顯過者。問。色空空色為相即耶。為不相即耶。答。有二門。一顯過。二表德。第一顯過中有四句。謂即亦不可。非即亦不可。俱亦不可。俱非亦不可。初中有二。謂據人及法。就人有四句。若色即空有二過失。一凡迷同舉過。以凡夫見色即是空故。二聖智同凡過。以所證真空即是凡見色故。若空即色亦有二過失。一聖應同凡見妄色故。二凡應同聖見真空故。就法四句者。若色即空還有二過失。一壞俗諦過。以青黃等色即是真空則無別俗故。二者壞真諦過。既以青黃等相為真空則別無真空故。若空即色亦有二過失。一壞真諦過。以空是青黃等則無真空故。二壞俗諦過。以真空為色則無妄色故。第二非即亦不可者。亦有二失。據人四句者。若色不即空有二失。一者凡迷不成過。以所見色非虛妄故。二凡無悟聖過。以所見妄色隔真空故。若空不即色亦有二失。一聖智不成過。以空取色外是非真空故。二聖不從凡過。以空異妄色聖自聖故。就法四句者。若色不即空亦有二失。一壞俗諦過。以色不無性則待緣不得有故。二壞真諦過。以不會色歸空則無真空故。若空不即色亦有二失。一壞真諦過。以色外斷空理非真故。二壞俗諦過。以空非色妄無依故。第三俱亦不可者。謂若色即空不即空。

空即色不即色。亦有二種失。初據人有二失。一凡聖難亂過。二迷悟不成過。次就法亦有二失。一二諦難亂過。二二諦不成過。思之可見。第四俱非亦不可者。謂若色非空非不空。空非色非不色者。亦有二種失。就人有二失。一迷無悟聖期。悟不從凡過。二聖凡難亂。二位俱壞過。二據法者亦有二失。一二諦各別俱不成過。二二諦混雜失法體過。思之可見。第四表德者。自有五門。一真空觀。二理事無礙觀。三周偏含容觀。四色空章十門止觀。五理事圓融義。

第一真空觀法。於中略作四句十門。一會色歸空觀。二明空即色觀。三空色無礙觀。四絕無寄觀。就初門中為四。一色不即空。以即空故。何以故。以色不即斷空故。不是空也。以色舉體是真空也。故云以即空故。良由即是真空故。非斷空也。是故言由是空。故不是空也。二色不即空。以即空故。何以故。以青黃之相非是真空之理故云不即空。然青黃無體莫不皆空。故云即空。良以青黃無體之空非即青黃故云不即空也。三色不即空。以即空故。何以故。以空中無色故不即空。會色無體故是即空。良由會色歸空中必無有色。是故由色空。故色非空也。上三句以法揀情訖。四色即是空。何以故。凡是色法必不異真空。以諸色法必無性故。是故色即是空。如色空既爾一切法亦然。思之。第二明空即色觀者。於中亦作四門。一空不即色。以空即色故。何以故。斷空不即是色。故云非色。真空必不

異色。故云空即色。是故要由真空即色故令斷空不即色也。二空不即色。以空即色故。何以故。以空理非青黃故云空不即色。然非青黃之真空必不異青黃故。是故言空即色。要由不異青黃故不即青黃。故言空即色不即色也。三空不即色。以空即色故。何以故。空是所依非能依。故不即色也。必與能依作所依故即是色也。良由是所依故不即色。是所依故即是色。是故言由不即色故即是色也。上三句亦以法揀情訖。四空即是色。何以故。凡是真空必不異色。以是法無我理非斷滅故。是故空即是色。如空色既爾一切法皆然。思之。第三色空無礙觀者。謂色舉體不異空。全是盡色之空故。即色不盡而空現。空舉體不異色。全是盡空之色故。即空即色而空不隱也。是故菩薩觀色無不見空。觀空莫非見色。無障無礙為一味法。思之可見。第四絕無寄觀者。謂此所觀真空不可言即色不即色。亦不可言即空不即空。一切法皆不可。不可亦不可。此語亦不受。迴絕無寄。非言所及。非解所到。是謂行境。何以故。以生心動念即乖法體失正念故。又於前四句中初二句八門皆揀情顯解。第三句一門解終趣行。第四句一門正成行體。若不洞明前解無以踴成此行。若不解此行法絕於前解無以成其正解。若守解不捨無以入茲正行。是故行由解成。行起解絕也。

第二理事無礙觀者。謂理事銘融存亡逆順通有十門。一理遍於事門。謂能遍之理性無

分限。所逼之事分位差別。一一事中理皆全逼。非是分逼何以故。以彼真理不可分故。是故一一微塵皆攝無邊真理無不圓足。二事逼於理門。謂能逼之事是有分限。所逼之理要無分限。此有分限之事於無分限之理全同非同。何以故。以事無體還如理故。是故一塵不壞而逼法界也。如一塵一切法亦然。思之。此全逼門超情離見非世喻能況。如全大海。在一波中而海非小。如一小波匝於大海而波非大。同時全逼於諸波而海非異。俱時各匝於大海而波非一。又大海全逼一波時不妨舉體全逼於諸波。一波全匝大海時諸波亦各全匝互不相礙。思之。問。理既全體逼一塵何故非小。既不同塵而小何得說為全體逼於一塵。又一塵全匝於理性。何故非大。若不同理而廣大何得全逼於理性。既成矛盾。義極相違。答。理事相望各非一異。故得全收而不壞本位。先理望事有其四句。一真理與事非異。故真理全體在一事中。二真理與事非一。故理性恒無邊際。三以非一即是非異故。無邊理性全在一塵。四以非異即是非一故。一塵理性無有分限。次以事望理亦有四句者。一事法與理非異。故一塵全匝於理性。二事法與理非一。故不壞於一塵。三以非一即非異故。一小塵匝無邊真理。四以非異即非一故。匝無邊理而塵不大。思之。問。無邊理性全逼一塵時外諸事處為有理性。為無理性。若塵外有理則非全體逼一塵。若塵外無理則非全體逼一切事。義甚相違。答。以

一理性融故。多事無礙故。故得全在內而全在外無障無礙。是故各有四句。先就理四句者。一以理性全體在一事中時不礙全體在一塵處。是故在外即在內。二以全體在一塵中時不礙全體在餘事處。是故在內即在在外。三以無二之性各全在一中故。是故亦在內亦在外。四以無二之性非一切故。是故非內非外。前三句明與一切法非異。此之一句明與一切法非一。良為非一非異故內外無礙。次就事四句者。一一事全匝於理時不礙一切事法亦全匝。是故在內即在在外。二一切事法各匝於理時不礙一塵亦全匝。是故在外即在在外。三以諸事法同時各匝故。是故全在內亦全在外無有障礙。四以諸事法各不礙故。彼此相望非內亦非外。思之。三依理成事門。謂事無別體。要因真理而得成立。以諸緣起皆無自性故由無性理事方成。故如波攪水以成動。水望於波能成立故。依如來藏得有諸法。當知亦爾。思之。四事能顯理門。謂由事攪理故則事虛而理實。以事虛故全事中之理挺然露現。猶如波相虛令水體露現。當知此中道理亦爾。思之。五以理奪事門。謂事既攪理成。遂令事相皆盡。唯一真理平等顯現。以離真理外無片事可得故。如水奪波波無不盡。此則水存已壞波令盡。六事能隱理門。謂真理隨緣成諸事法。然此事法既達於理。遂令事顯理不現也。如水成波動顯靜隱。經云。法身流轉五道名曰衆生。故衆生現時法身不現也。七真理即事門。謂凡是

真理必非事外。以是法無我理故。事必依理。理虛無體。是故此理舉體皆事方為真理。如水即波無動而非濕。故即水是波。思之。八事法即理門。謂緣起事法必無自性。無自性故舉體即真。故說衆生即如不待滅也。以波動相舉體即水故無異相也。九真理非事門。謂即事之理而非是事。以真妄異故。實非虛故。所依非能依故。如即波之水非波。以動濕異故。十事法非理門。謂全理之事事恒非理。性相異故。能依非所依故。是故舉體全理而事相宛然。如全水之波波恒非水。以動義非濕故。此上十義同一緣起。約理望事則有成有壞。有即有離。事望於理有顯有隱。有一有異。逆順自在無障無礙同時頓起。深思令觀明現。是謂理事圓融無礙觀也。

第三周遍含容觀者。謂事如理融攝無礙交參自在。略辨十門。一理如事門。謂事法既虛相無不盡。理性真實體無不現。此則事無別事。即全理為事。是故菩薩雖復看事即是觀理。然說此事為不即理。二事如理門。謂諸事法與理非異。故事隨理而圓逼。遂令一塵普遍法界。法界全體遍諸法時此一微塵亦如理性。全在一一切法中如一微塵。一切事法亦爾。三事含理事無礙門。謂諸事法與理非一。故存本一事而能廣容。如一微塵其相不離大而能容攝無邊法界。由利等諸法既不離法界。是故俱在一塵中現。如一塵一切法亦爾。此事理融攝通非一非異。故總有四句。一一切中。二一切中。三一切中。四一切中。

切各有所由思之。四通局無礙門。謂諸事法與理非一。即非異。故令此事法不離一處。即全遍十方一切塵內。由非異即非一故。全遍十方而不動一位。即遠即近即遍即住無障無礙。五廣陝無礙門。謂諸事法與理非一即非異。故不壞一塵而能廣容十方利海。由非異即非一故廣容十方法界。而微塵不大。是則一塵之事即廣即陝即大即小無障無礙。六遍容無礙門。謂此一塵望於一切由普遍即是廣容。故遍在一切中時即復還攝彼一切法全住自一中。又由廣容即是普遍故令此一塵還即遍在自內一切差別法中。是故此一塵自遍他時即他還自。能容能入同時遍攝無礙。思之。七攝入無礙門。謂彼一切望於一法。以入他即是攝他故一切全入一中之時即令彼一還復在自一切之內同時無礙。又由攝他即是入他故一法全在一切中時還令一切恒在一內同時無礙。思之。八交涉無礙門。謂一法望一切有攝有入通有四句。謂一攝一切一入一切一切攝一切一切入一。一攝一法一入一法。一切攝一切一切入一切。同時交涉無礙。九相在無礙門。謂一切望一亦有入有攝。亦有四句。謂攝一入一攝一切入一攝一入一切攝一切入一切同時交涉無障無礙。十普融無礙門。謂一切及一普皆同時更互相望一一具前兩重四句。普融無礙準前思之。令圓明顯現稱行境界無障無礙。深思之令現在前也。

第四色空章十門止觀者。第一會相歸性門。

於中有二種。一於所緣境會事歸理。二於能緣心攝將入正也。第二依理起事門者。亦有二種。一者所歸理非斷空。故不礙事相宛然。二者所入止不滯寂。故復有隨事起修妙覺觀。第三理事無礙門者。亦有二種。一由習前理事能通交徹故今無礙也。二雙現前故遂使止觀同於一念頓照故。第四理事雙絕門者。由事理雙觀互相形奪故遂使而雙俱盡非理非事寂然雙絕。是故令止觀雙泯迥然無寄也。第五心境融通門者。即彼絕理事之無礙境與彼泯止觀之無礙心。二而不二故不礙心境。而冥然一味。不二而二故不壞一味。而心境兩分也。第六事事相在門者。由理帶諸事全遍一事。是故以即止之觀於一事中現一切法。而心無散動。如一事一切亦爾。第七彼此相是門者。由諸事悉不異於理復不異於事。即是一切而念不亂。如一事一切亦爾。第八即入無礙門者。由交涉非一與相含非異體無二故。是故以止觀無二之智頓現。即入二門同一法界即心無散動也。第九帝網重現門者。由於一事中具一切。復各具一切。如是重重不可窮盡。如一事既爾餘一切事亦然。以止觀心境不異之目頓現一切。各各重重悉無窮盡。普眼所囑朗然現前而無分別。亦無散動也。第十主伴圓備門者。菩薩以普門之智頓照於此普門法界。然舉一為主一切為伴。主伴伴主皆悉無盡。不可稱說。菩薩三昧海門皆悉安立自在無礙。然無異念也。

第五理事圓融義者。亦有十門。第一理事俱融門。事處理實相攝全收融成十義。一緣起事法以虛空無性故舉體全理也。二異性理法以真實故不礙舉體全事也。三由前二義不相離故理事俱存。四由二義相奪故理事雙絕也。五事全理而事不壞。六理全事而理不失也。七二俱存而俱不立。八俱亡而俱不泯。九前八相順而俱現。十皆各相奪而不泯。並會意思之。

第二理法隱顯門。理性隨事隱顯融通亦有十義。一以理全事故理隱也。二事全理故理顯也。三以前二不相離故隱顯俱立也。四以二義相奪故非隱顯。五以全事而不自失故即隱常顯也。六以事盡而不泯他即顯常隱也。七此二不相離故即俱隱俱顯也。八相奪二亡故俱非隱現也。九由前八義同一理性不相礙故同時俱顯也。十同時相奪義無不盡泯。同一味亦非一也。深思可見。又單隱單顯各有十義。及俱存俱泯十義思惟可知。第三事法存泯門。事相隨理存亡自在亦融成十義。一以事全理故事泯也。二以理全事故事存也。三以前二不相離故亦存亦泯。四以二相奪故非存非泯也。五以舉體全理事方成故即泯而存也。六以事舉體全成理無不盡故即存而泯也。七以二義相順故即俱俱存。八相奪故即存即泯俱泯也。九以前八義同一事法存亡自在無礙俱現故也。十以同時相奪義故無不盡。圓融迥超出情表。亦深思可見。單存單泯等十義準前思之。

第四事相在門。諸法緣起力用相收亦有

十義。一衆緣起法。於中若無一緣餘一切緣全不成故。是故即一緣有力能攝一切。餘並無攝在一中。即一現多隱也。二以多唯一故。是故即多緣有力而能收一。一緣無力攝在多中。即多現一隱也。三由前二義不相離故無礙俱現也。四以各相形奪無不盡故即非隱非現也。五由有力攝他時必無力入他故現即隱也。六無力入他時必有力攝他故隱即現也。七俱攝無不俱入。故隱顯俱現也。八俱攝俱入必不俱。故隱顯斯絕也。九以前八義同一緣起故自在俱現前也。十各相形奪超然無寄。圓融絕慮也。亦深思會意可以準知。又單攝單收入等十義準前思之。

第五一事隱現門。一事望多有攝有入。隱顯自在亦有十義。一由攝多故一現也。二由一入多故一隱也。三以攝入同時一法故亦隱亦顯也。四全攝相奪各盡故非隱非現也。五由一能攝多方能入於多。是即現常隱也。六由入多故方能攝多。是即隱常現也。七由具前六義方爲一。故俱隱俱現也。八二義同一相奪俱盡。故非隱非現也。九合前八義同在一法。無礙頓現前。十由前諸義各相奪盡泯然無寄適超言慮即俱現也。並各去情如理思之。又如攝入具隱顯有此十義。當知隱現具攝入亦有十義。準思之。

第六多事隱現門。多事望一有攝有入。隱顯自在亦有十義。一由多攝一。故多顯也。二由多入一。故多隱也。三以顯入俱現故亦隱

亦現也。四攝入相奪故俱非也。五以多能攝一方能入一即顯常隱。六以多能入一方能攝一。故即隱常顯也。七以具前二義方爲多故即隱即現俱現也。八同體二義必相奪盡。即隱顯非也。九合前八義同時頓現相現前也。十以前法義。各相形奪泯然超絕。準前思之。又隱顯具攝入十義同前思推。

第七事相是門。緣起事法展轉相成體互相無彼此相。是亦有十義。一於大緣起中若無一緣起非直所起不彼能起。緣體亦不成。是故一緣是能成爲有義。多緣所成無體。是空義。是即多歸於一。故一存多泯也。二多亦爲一。故多爲能成。是有義。一爲所成。是空義。是即一歸於多。故存一泯。三兩門二義並不相離故即存亡俱現。四形奪俱盡故即存亡俱泯也。五。爲能成必有所成。故是則攝多同一之有。即是廢自同他之空也。六多爲能成必有所成。故亦攝廢同前。七一多各二不相離。故無礙俱現也。八攝廢同體定不得。故即俱非也。九一多緣起隨義成立。故則相是存亡俱存現前。十能所存亡空有俱盡。故泯然超絕也。深思可知。

第八一多存泯門。然一望多有攝他廢自。相是存泯亦有十義。一此法有攝他同己。故自存也。二廢己同他。故自泯也。三收廢俱現故亦存亦泯也。四以二義全奪故俱非也。五非盡已同他。無己盡他同己。是故即泯常存也。六反上句。故即存常泯也。七二義不相離故存即泯泯即存俱現也。八相奪全盡故存泯

泯存俱非也。九合前八義一事法不相障礙。俱現前也。十法義同體相奪俱盡故超然絕慮也。思之可見。

第九多事存泯門。然多望一既攝他廢自。相是存亡亦有十義。一以多有攝一。同己故多存也。二以多有廢自。同一故多泯也。三以前二義不相離故存泯雙現。四形奪俱盡故雙非也。五以非不攝一同多無以廢多同。一是故存即泯也。六非不同一。無以攝一故泯即存也。七由存即泯故有泯。由泯即存故有存。二義不相離故存泯泯存俱現前也。八由存無不泯故非存。由泯無不存故非泯。二義形奪兩亡故俱非也。九由八義同位相順法體方立。是故即通無礙俱現前也。十由前諸義各互相奪定取不得。是故無不超絕。挺然無寄唯證相應也。會意思之。

第十圓融具德門。然上法門並同大緣起無障礙則明自在。亦有十義。一諸門融合圓明頓現具足一功。二隨舉一門亦具一切。三隨舉一義亦具一切。四隨舉一句亦具一切。五以此圓融俱總相。是故融攝一切。六俱是別相。莫不皆是所攝一切。七俱是同相能所攝義齊均故。八俱是異相。義各別不離故。九俱是成相。緣起義門正立俱現故。十俱是壞相。緣起無作同一味故。然此具德門中一法法爾性具善惡。故經曰。於一微塵中各示那由他無數億諸佛於中而說法。於一微塵中現無量佛國須彌金剛國世間不迫作。於一微塵中現有三惡道天人阿修羅各各受業報。

如斯並是實事非變化作。是法性實德法爾如此也。如上之義去情深思可知。然此十門同時相應爲一緣起。就初門中有十義圓融。隨一各具餘一切義。如初門既爾餘理法隱顯等九門亦然。但隨門異耳。是故一一門中各有十百千等。思之可見又此上法義中各有解行境。會意思之。此則略辨理事圓融。若能熟思便法理現前。則華嚴義旨由此少聞耳。

華嚴發菩提心章

No. 1879

### 花嚴經關脈義記

夫以三乘漸次究之者可測其津涯。一乘圓融尋之者莫知其源底。良以稱性之說窮法界而遍十方。無盡之談周利海而該九世。重重互現本末異而參差。轉轉相由主伴分而交映。卷則一言無外。聲聞掩視聽於中延。展則塵算難知。文殊仰進推於後位。豈凡情之測非淺識之能思。但起聽習數年彌增愛樂。依傍師訓有少見聞故。私記爲篇名爲關脈義記也。今略斷簡此經。上下文意乃有多勢不同。且以四勢明之。餘者准思取解。言四勢者。一展轉無盡勢。二卷攝相無勢。三卷展無礙勢。四問答取之文勢。第一展轉無盡者。復有二門。一展一爲多。二類結成本。第一展一爲多者。創展取清淨法界爲理智兩門。即開

菩提涅槃之異。又理開體用。即題中大方便三字是也。又智分因果。即題中佛花嚴三字是也。即總以名而貫穿得成詮表。即題中經之一字是也。然統前括後而有七字差別。合爲一部經題目也。又展此題目以爲第一會。於中五海等是理。十智等是智。依正兩報爲果。莊嚴童子爲因。今即理智因果並彰。所以展成一會。總爲所信之果會也。又展此一會爲後七會。於前因中。別開信解行願證及會信解等不同。以爲六會。總爲能信之因會也。以一一會信解皆有所信果故。是故通前總有七個會也。以能信等法皆託境而生非自起故。又能此信等法滿已必證入法界故。有第八會所證入會也。以信等法皆證入法界方究竟故。言別開信等及會解等不同者。即從前第二會終盡第六會。通明信等五位。即總是因行造修。第七第八別明行證。即理智冥契。此就解行證趣不同。即總分爲八個會也。又於證中。自分爲五十五會。即第八會中。初從文殊終至末後普賢是也。以證依入顯法界德故。即通前後總有六十三會也。以解行證等同時無前後故。又展一一知識會。即無盡重重會。如仙人執手令善財見不可說不可說微塵等會也。又下文云。於普門國見三千大千世界微塵等諸善知識。此等即爲無盡重重會也。當如文知之。既一知識所如是重重。餘亦准之。又展不可說不可說會。遍諸異類同類微塵毛道菩薩主伴重重等世界。總通本末會故。即爲無極重重會也。准經

結通文思之。第二類結成本者。即展前無盡重重之會。通十方微三際盡同類異類等世界微塵等一一重重會一一說十顯無盡故。即總略結此等會目爲下本。有十萬偈也。又展此下本。盡同類異類等世界盡十方各盡同類異類等世界遍法界盡同類異類世界微塵等利一一重重會說十表無盡及主伴重重故。總略結此說目爲中本。有四十九萬八千八百偈也。又展此中本。盡一切同類異類一切世界等盡一切十方盡一切同類異類世界等一切世界等一切重重會及一切主伴重重會據本門中一切重重會本門及主伴重重會故。復總略結此說爲上本。有十三大千世界微塵數偈也。又展此上本。盡一切重重會十方盡一切重重會十三世盡一切重重會同類異類世界盡一切重重會微塵毛道盡一切重重會本門中一切重重會本門內及主伴一切重重會內等重重會一切轉轉說故。即總略結此一切一切重重會說爲無盡重重會說爲廣本也。故下文云。以大海等墨須彌山聚筆書寫此經。一品乃至一一句中義味。猶不能盡。廣如經說。一品既爾。餘品及主伴既爾。一切品及主伴亦然。一切品及主伴既爾。餘一切重重會品及主伴亦然。既一切重重會品及主伴既爾。一一句句味重重會及主伴亦然。一一句句味及主伴既爾。即所依之處重重會及主伴重重會亦然。此即不可知其分齊。非言說筆墨之所能顯也。此則遍無盡重重會十方世界微塵毛端等一一重重會及主伴無盡一切



重重之極說也。若據此說。有無盡重重具及主伴眷屬一切重重具本也。准經結文知之。故經云。若欲具足演說一句法。於阿僧祇劫不可盡等。准因陀羅喻思之。總結爲普眼重重具會也。如是等展轉盡無極之重重具說也。餘本門中重重具本門。及本門中重重具門。盡未來過去現在。並同體異體相即相入及相攝等同時重重具。准以知之。故經云。不可說劫猶可盡說。不可說不可盡。及果海不可說者。是此義也。是即十佛圓融之會也。然此展轉盡無窮之極說者。皆從最清淨法界所流。即是無差別之差別也。故論云。無不從法身流等。唯以思之。上來且據一勢。就可結集及可顯說。如是更有餘多勢及餘多本。現說常說不可顯其分齊及可知者。准以類知。如性起品說思之。

第二卷攝相無者。復有三門。一攝廣就略。二以義圓收。三攝末歸本。第一攝廣就略者。即總卷現說常說以爲不切無盡重重具之極說也。以於現說常說之中借事顯發。知餘不可說不可說。非筆墨所能記之。如經云。我之所演暢。如海微滯也。又卷無盡重重具圓融無無極之說以爲廣本。以一一文句。後皆結通重重具無盡無盡具一切說故。又卷廣本以爲上本。以文文句句皆結通盡一切同類異類重重具世界等及主伴眷屬一切重重具無不盡故。又卷上本爲中本。以會會品品之後皆遍周法界及塵道毛端一切重重具無盡盡結通故。又卷中本。以皆結通盡前會處重重故。

又卷下本爲其一會。然隨其一會。皆悉具故。所言具者。一切說十。表無盡也。又總卷一會。

爲人法兩門。即前法後人會也。又卷爲心境圓證。即初從文殊會至普賢會也。又卷爲七字。即經題中能詮所詮理智因果悉具足故。如前辨。又卷七爲三。亦是卷三爲二。亦是卷二爲一。亦是卷一非一。亦是以性含萬德無事不充故。第二以義圓收者。今取文勢義言。通明一部總有四字。亦文義具足。何者爲四。一教謂文雖浩汗。唯一教字所收。即題中經字是也。二義義門無量。但一緣起義所攝。即題中方廣是也。三成謂解行因果德用等。雖各成不同。據其成立。唯一成所攝。即題中佛花嚴等是也。四處謂一切重重無盡同類異類重重無盡會處。唯一處所目。即會所依處也。今以總卷而言。然義唯一性。教唯一文。成唯一念。處唯一塵。何以故。一即一切。故一切即一。故經云。知一即多多即一。義味清淨悉具足等。又云。一中解無量。無量中解一等故。統法師云。一言無不略盡。殊說更無異盈。此之謂也。第三攝末歸本者。今案前題目。然則大之一字是一部通名。所指果海。方廣二字是果海德能。通明一部緣起作用。佛之一字能證之智。通明一部能證之人。花嚴之因通明一部解行圓滿。又攝用歸體唯理也。攝因歸果唯佛也。又以法成人。人無自性則真姓也。性無自性則非性也。總以詮此義爲教。教即非教也。何以故。文字性離即解脫故。果海離言不可說故。是則差別亦無差別也。論云。無不還證此法身。斯之謂也。

第三展卷無礙者。先明展後明卷。初展者。開用異體。則用有殊。緣性差別。法門不同。即大方廣是也。開因異果。則解行不同。彼證差別。師弟有異。即佛花嚴是也。即經緣緣證示有殊。即一切無盡重重具說也。廣如前辨。准知之。二卷者。復有五門。一以位統收。二攝會從人。三以人明法。四境智圓融。五泯同果海。第一以位統收者。然此經文雖復無盡。總爲三節統收。所謂解行證也。就解之中。自分爲二境。即第一會中舉佛依正兩果勸生信樂。則案此文名爲舉果勸修生信分也。二解。從第二會修盡第六會。廣明五位次第生解之相。則案此文名爲修因契果生解分也。二第七一會復明前五位成行之修。即會前諸解以成其行。則案此文名爲託法進修成行分也。何以知者。重會普光即其事也。若不爾者。何不重會以第一第三會。以第二會是說信解之始。今既會解成行。理須從信爲首。是故重會普光意在此也。亦可顯諸會同時第二七日頓普宣說無前後殊。何者。以單說重說皆同第二七日也。三。第八一會復說五位依人入法證前所舉之果。則案此文名爲依人入證成德分也。何以得知。證前所舉之果者。初既攝樂前果。以生信解。既會解成行。即證前果。是故會即前會也。若不爾者。因舉前果得生信解。既會解成行。豈別證耶。今據文義相生。所以得知後會即前會也。是故總爲三節。極順經文。如上所明思之可解。

第二攝會從人者，後總括以爲一會，唯第一會也。何者，以第一會是最解等所依之境，至後解滿即會前差別，成一圓融行德，證入前法，究竟亡言，是故第八會人明證入法界，有斯意也。言寄人明者，即第八會中如來自入師子奮迅三昧，令諸菩薩皆入法界，是前所舉之果，勸令忻樂，即當前第一會也，以如來自入奮迅三昧，欲令菩薩悉證入故，又始從文殊終至瞿夷，是前修因契果生解之相，即當前五個會也。以善財詢問諸人，別求信解，廣遍知故，後從摩耶至末後文殊，是前託法進修成行，即當第七會也，以第七會中修行已終，至後文殊授其瓔珞，以顯正行圓滿令修福故，摩耶是一切諸佛諸佛之母，以表行成德證入故，即當第八會也，以見普賢菩薩即見微塵數善知識等，第三攝人從位者，謂知識會中，又始從文殊終至瞿夷，總有四十一人，名爲寄位修行相，寄前信等五位，依人求解，漸次修行也，第二初從摩耶後至德生童子等，總有十一人，名爲會緣入實相，即會前五位成行契證法界也，第三攝勸一人，名爲攝德成因相，即攝前行德爲證入正因，與前成證不同故開二位也，第四後文殊一人，名爲智照無二相，即行成究竟朗悟在懷，照前行唯一實大智，更無前後明昧等也，第五普賢一人，名爲顯因廣大相，即始覺同大智現前遍周法界無處至不，普賢容入也，第四境智圓融者，復就前人中，總束爲

二。文殊是能證之大智，即前解行等也。二普賢是所證也。也之法界，即前所信所入也。何者，以文殊當般若位，普賢當法界門也。所以者，師云，三藏言有經作如是說，又案此經中意義文勢深有此意，又古尊德既判後文殊名爲智照無二相，故知前諸人總是後文殊一人，故下文云，善財還經一百一十城復至文殊者，是此意也。又文云，文殊師利教我相算等法，又長者云，文殊師利憶念力故等，又下文云，善男子，文殊師利是汝善知識，能令汝得生如來家，長養善根積功德聚，乃至滿足大願淨諸法門，皆由文殊師利威神力等智既圓滿得證法界，所以因滿普賢居後，故下文云，我於一一毛孔中現佛境界諸觀察等，又云，汝且觀我清淨法身等，解云，既令觀淨法身，故知善財見普賢，即是證法界也。又束爲一，謂境智冥契無有差別，是故後文殊更無身相，何故如是，以初見文殊即善財信心之始，後不見即善財智滿之終，中間諸人皆是善財修行次第，以善財障盡惑除未始動念，是故反照唯是初心更無異也，後不見者有思意也，故經云，從文殊師利智慧所起等，又論云，始覺同本覺，無始覺之異，此謂之也，第五派同果海者，謂因行圓滿沒果海中，離始離終圓滿具德，亡言絕慮唯證相應也，如是卷展無礙同時隨說爲門，竟無前後，是故卷展有斯無礙難申述也，當如文思之，故經云，如是眞佛子，甚深微妙義，衆生欲思量，迷亂心發狂，此謂之也。

第四問答取文者亦二，一問答會遠，二結勸修學。第一問答會遠者，問前既言摩耶會，前諸緣爲其實，何得會已猶有十人不同耶，答會已而有十人者，此顯緣起實德，託十以表無盡也。何者，以不離摩耶，並是摩耶之實德也，即當前五位三世界同修至究竟也，故經云，我是一切諸佛之母，一切諸佛皆從我生等，亦可表示諸位即異歸融卷舒無礙，是故一位即辨成佛者，意存此也，問摩耶無體，但會前諸位成身，餘人亦復如然，何悉不具十耶，答但摩耶中具此十人者，即是前一人所皆具足也，何以故，摩耶即會前諸人，總以爲一身故，以一人即是摩耶，摩耶即是一人，故今獨摩耶中具者，有斯意也，問摩耶即是前諸人，即言此其餘亦具者，亦可諸人即是後摩耶，何不前具後不具，答摩耶是總，餘是別，但使總具別即具，何者，別未究竟，總究竟也，若未究竟，別無可別，何得具也，是故摩耶中具者，即是餘人中亦具也，問八會之中，何故昇天四會皆言不起菩提樹及自會而昇餘等，云何人中三會不言不起此而昇彼耶，答此有二意，一據解，二約行，初解中復三，一近二遠三總，初近者，以人中三處同在人間，據地無有異，法爾相攝此不待言，所以不言不起此而昇彼也，二遠者，以人天類別復懸隔不同相攝難知，所以帶前而明赴後，此即緣起無礙諸會同時也，三總者，以總攝別，別在總中，昇降不同，皆云不離覺樹，互相融攝門自有殊，雖去彼中，而恒在

此。爲表生物解故。云不起此而昇彼也。二就行者復二。一申義。二釋防。初者。然昇天等會據解託處爲言。解滿即行證無差。所以後二不論也。又不類天者。有斯意也。二者以信自無正值位。是故兩處不言也。問上云。善財至後文殊即云智滿反照。唯是初心更無異者。何以經明善財歷諸位耶。答。歷諸位者有二種。一者約教行布言。故有次位。節級不同。善財歷位據此而論。二者約義。以大緣起法界同時具足無有次位前後等。則善財

一生案此而說。今以兩義合辨。然歷位不離初心。一生未移多劫。經所明者具斯意也。故經云。一念即無量劫。無量劫即一念等。今若以教攝義而言。是則名爲同教一乘也。若以義攝教而言。是則名爲別教一乘也。然善財歷位不離初心。者據斯說也。問何故末後知識更無指後及結說等耶。答。結會文殊因已究竟。指歸後位即證入融通。見一即一切理圓。是故更無指結也。故經云。善財於普賢菩薩相好支節諸毛孔中。見不可說不可說世界海諸佛充滿。一一如來以不可說不可說大菩薩衆以爲眷屬等。第二結勸修學者。上來序經中少意。如管窺天。餘勢多端莫知涯際。盡窮來劫。誓畢修行。唯願捨身受身常生此會。如善財心念。一切世界經終火起。乃至六天悉燒盡。要當入此劫火中求法。誓盡心眞實。若有信歸修學速證菩提。隨分見聞必成堅種。當須發大歡喜。自慶希逢也。故經云。善財汝應發大歡喜。不久當得大果報。

故善薩於無量劫修。汝今一生皆悉具得。乃至其有欲得如是法者。應如善財之所修學等。又云。過去諸佛專求菩提修習此行。於無量劫諸有爲中受無量苦。猶不值遇。乃至云。得大善利。成滿大願。親近諸佛。爲佛眞子。必成佛導等云云

### 華嚴關脈義記

無礙勢。四問答取文勢

第一展轉無盡者。復有二門。一爲多。二類結來本。初者展最清淨法界。爲理智兩門。即分菩提涅槃之異也。又理開體用。智分因果。即題中大方廣佛華嚴是也。總以前後連合巧成詮表。即題中經之字是也。然即該括始終。撮其機要。爲七字。以統收一部文義。爲題目也。又展此題目爲第一會。於中初明十海等是理。即大方廣也。十智等是智。即華嚴也。廣說蓮華藏世界海等。即十智所成之果也。略辨威光童子等修行。即依果所起之圓用也。總辨理智因果不同。所以展成一會也。即所信之果會也。展此一會爲後七會。於前因中。別開修行願等及會修行并會別行等不同。所以展爲七會也。即能證之因會也。以一一會皆有所信果。是故通前有八會也。以十住等行皆託境而生非自起故。又行融因滿必證入法界。是故有通後九會也。言別開住

等及會修行不同者。即初說第二會。終盡第六會。通辨住等諸位。即明因行造修歷位差別也。第七第八兩行融攝無二爲一。普賢無障礙行也。此等行因必入法界方乃究竟。所以一部經中廣明斯法。昇降不同。總有九箇會也。又於所證之中。自分爲五十五會。即初從覺城終至普門會等是也。以證契於事深法界德差別故。是故通前本會。總有六十四會也。即此寄人明法顯別教。依人異餘。教故。又展一一知識會爲無盡重重會。以一切融無礙故。如仙人執手。令善財見不可說不可說佛刹二。佛刹有微塵數等諸佛會是也。亦即下文。向普門國。見三千大千世界微塵等諸善知識會。此等即爲無盡重重會也。廣如經辨。誰知之。既於一知識所。有如是重重會。餘亦\*誰。亦。又展如是等不可說不可說無盡重重會。遍諸異類同類世界及微塵毛道一切世界海等。主伴重重總過本重重無盡等會。故有無盡重重會也。准經結通等文思之。第二類結來本者。今案此下文勢及諸傳記。略而言之。有其五本。一總結前六十四會。以下本。以五千五百會等皆是第九會攝故。有十萬偈三十九品也。二總結前無盡重重會以爲中本。以一一各盡同類異類等世界及盡一一世界等十方法界各盡同類世界微塵中刹一一重重及盡主伴重重等故。有四十九萬八千八百偈一千四百百也。三又結前不可說不可說

◎錄會時代凝然寫。小野玄妙氏藏本 ◎教一 ◎誰二准 \* ◎亦二爾 ? ◎以十(爲) ? ◎百十(品) ?

無盡重重會以爲上本以一一各盡一切同類異類世界等一切十方各盡一切同類異類世界等微塵中刹各盡一切同類異類世界盡同類異類世界中重重十本門內一切重重十及本門中重重十故有十三大千世界微塵數偈四天下微塵數品也。四又結盡一切一切重重十世界海等盡一切一切重重十法界盡一切一切重重十十方盡一切一切重重十世界微塵等刹盡一切一切同類異類等世界盡一切一切微塵毛道盡一切一切重大門等重重十及本門等主伴一一一轉一切轉說故。以爲喻一切轉一切轉說本也。故下文云。以大海量等須彌山聚筆。書寫此經一品乃至一一句中義味猶不能盡。又六十二云。此普眼法門一一品中一一門一法一一義等句不得少分。何況能盡。廣如經說。此不可定其偈數及品目多少也。一品一門等既爾。餘品餘門及主伴等既爾。一切門及主伴等亦然。一切品一切門及一切主伴等既爾。餘一切一切重重十品一切一切重重十門及一切一切重重十主伴。然既一一重重十品品一切一切門一切一切重重十主伴等既爾。一文句味重重十及主伴等亦然。一文句味及主伴等重重十既爾。即所依之刹等重重十及主伴等重重十既爾。即刹中塵

內刹等重重十亦然。此即不可知其分齊。非言說筆墨之所能顯也。此即是盡無盡盡十十方法界微塵毛道一一重重十及一切一切重重十等本也。准經文知之。此即第五現說者本也。如是展轉一切互現重重十無盡無盡十等。准經知之。故經云。事說劫猶可盡說。不可說不可盡。又云。若欲具足演說一切法。於阿僧祇劫不可盡等思之。是即十佛所說圓融之本也。然此等盡無盡之極說者。從清淨法界流。即無差別之差別也。故論云。無不從此法身流等。思之。上來。具據一勢。就事結集及事顯說者有如是本。更有餘多勢及除多本等。不顯其分齊偈數品類者。准此知之。廣如經說

第二卷攝於無勢者。復有三門。一攝廣就略。二攝末歸本。三以義圓收。第一攝廣就略。有者。即總卷現說者說以爲一切無盡重重十之極說也。以於現說之。者說等。假以顯示。知餘不可說不可說非筆墨等所能說之。如經云。我之所演暢。如海一微滴等。又卷無盡重重十圓融無極之說。以爲喻說本。以一一文句。復皆結通重重十無盡無盡十一切一切說故也。又卷喻說本。以爲上本。以文句皆結通盡一切同類異類重重十世界及重重十等主伴眷屬一切重重十無盡無盡故。又卷上本爲中本。以會會品品文文句句。復皆通周法界及一切世界塵道毛端等一切一切重重十等。普該收故。又卷中本。以爲下本。以普結通盡會實等一一重重十故。又卷下本爲其一會。然隨其一會。皆悉重重十具一切一切十無盡無盡重重十等故。所言具者。一會中皆說十數表無盡也。又總卷一會。爲人法兩門。即前法分。後人會是也。又卷爲心境圓證。後人會中。初從文殊會至後普賢會是也。又卷以爲七字。即題中能證所證理。皆因果悉具足故。如前辨。又卷爲三字。亦是以融人等。從彼法故。又卷三爲二字。亦是以攝歸體故。卷二。爲。亦是以攝證理從故。卷一非一。亦是以性。合萬德無事不無盡故。第二以義圓收者。今取文勢義言。通明一切會等。總有四字。亦文義具足。何者爲四。一教。謂文雖浩汗。唯一教字所收。即題中經字是也。二義。義門無量俱一緣起義所攝。即題中方廣是也。三成。謂解行因果德用等。雖各緣起不同。據其即成立。唯一成字所攝。即題中佛華嚴是也。四處。謂一切一切重重十無盡無盡十同類異類等重重十會處唯一處。唯一處字所同。即會所依一切一切重重十會處是一也。總卷而言。然義唯一性。教唯一文。成唯一念。處唯一塵。何以故。一即一切故。一切即一故。經云。知一即多多即一。義味清淨悉具足等。又云。一中解無量。無量中解一。等故。統法師云。一言無。不略盡。殊說更無異。盈此之謂也。第三攝末歸本者。今案前題目。然則大之一字是一部通名。所證

①(亦)十然? ②(者本也)一 ③具二凡? ④有—? ⑤者二當一 ⑥爲十(一)? ⑦合二合? ⑧不二分

果海。方廣二字是果海德能。通明一部緣起作用。佛之一字能證之智。通明一說之人。華嚴二字能嚴之因。通明一部修行圓契。又攝用歸體唯理也。攝因歸果唯佛也。又以法成人。人無性則真性也。性無自性即非性也。總以緣起連合詮表此義爲教。教即非教也。何以故。文字性離即解脫故。果海離言不可說故。是即差別之無差別也。論云。無不還證此法身。斯之謂也。

第三展卷無礙者。先明展後明卷。初展者。開用異體。即體用有殊。緣性差別。法門不同。即大方廣是也。開因異果。即解行不同。修證差別。師弟子有殊。即佛華嚴是也。即經緯證示有殊。即一切無盡無盡重重重重之說。即經字是也。廣如別辨。准知之。二卷者。復有五門。一以位統收。二攝會從人。三以人明法。四境智圓融。五泯因果海。初者。然此經文誤落顛倒。總有三節。無不略收。所謂解行證也。就解之中。自爲二境。即第一會中。舉佛依正等果。勸生信樂。即案此文。名爲舉果勸樂生信分也。二解。始從第二會終盡第六會。於中廣明住等四位次第生解之相。案此文。名爲修因契果生解分也。二亦二。一依位行。二異位行。初第七會中。會前別解以成依位。普賢之行總融成一實。普賢行故。所以二重會也。是故普光法有兩重會者。意存此也。即案此文。名爲託法進成行分也。何以知者。以在普光重會即其事也。若不爾者。何不重會第

三等會耶。以第二會是說解等之始。今會解等成行。理宜從始爲首。是故重會普賢之行。所以不此所亦可顯諸會同第二七日。頓普演說無前後故。何以。單說重說皆同第二七日故。三證。第九會中。復說五位依人入證門前所舉之果者。初既攝樂前果。以生信解。既會解成行。即證得前果。是故後分會。而別證論耶。今據文即是前會也。若不爾者。舉前果生其信解。既會解成行。而別證得前果耶。今據文義相生。所以得知未會即初會也。是故總爲三節。極順經文。準思可解。第二攝會從人者。復總融爲一會。唯第九一會也。何者。以第一會是前解等所依之位。其後解滿即會前差別之解。成一圓融行德。證入前法。究竟亡言。是故第九寄人明證入法界。爲顯斯深意。所以第九會中。明依人入證也。言寄人明者。即此第九會中。如來自入師子奮迅三昧。令諸菩薩證入法界。是前所舉果勸令忻樂。即當第一會也。以如來自入奮迅三昧欲令菩薩悉證入故。又始從文殊終至瞿姨。是前修因契果生解之相。即當前七會也。以善財詢問諸人。別求信解廣遍知故。後至摩耶彌勒兩人。是前託法進修行成無二。當第七會。第八會中俱明普賢大行無礙圓融自在究竟故。至文殊據其璣珞。以明福智二嚴萬德俱備故。又摩耶是一切諸佛之母。以表行成能生佛。故普賢居後。當緣起法界。以表行成得證入故。

故當第九會。是依人入證成分也。以見微塵數善知識及普賢菩薩。更不推後故。第三攝人從位者。謂知識會中。又始從文殊終至瞿姨。總有四十一人。名爲寄位修行相。即寄前住等四法。依人求解。漸次修行也。第二初從摩耶終至德生童子等。總有十一人。名爲會緣入實相。即會前住等。成普別兩行。契法界也。第三彌勒一人。名爲攝德成因相。即會前依位普門。總爲證入之因也。第四後文殊一人。爲智照無二。相。即。融究竟朗悟在懷。照前行等。唯一實圓智。更無前後明昧等也。第五普賢一人。名爲顯因廣大相。即始覺同本。大智現前遍周法界。無處不至。普包容也。第四境智圓融者。復就前人中。總束爲二。一文殊。是能證智。即前解行等。二普賢。是所證之法界。即是所信所入也。何者。以文殊當彼若位。普賢當法界門。所以知者。師云。三藏者。有經作如是說。又案此經中意義文勢。深有此理。又古尊德既判後文殊名爲智照無二相。故知前諸人總是後文殊一人也。故下文云。善財還還百一十城。復合諸文殊者。是此意也。又文殊師利教我於數筆等法。又下文云。文殊師利憶念力故等。又下文云。善男子。文殊師利是汝善知識。能令汝得生如來家。長養善根。積功德聚。乃至滿足大願。淨諸法門。皆由文殊師利威神力等者。既圓滿得證法界。所。所因滿。普賢居後故。下文云。我於一一毛孔中現佛之

●存二在● ●進十(修)● ●相十(故)● ●(行)十融● ●所二以●

境界。諸觀察等。又云。汝具觀我清淨法身等。解云。既令觀清淨法身。故知善財見普賢。即是證法界也。又東爲一。謂境智一如無有差別。是故後文殊更無身想。教即何故如是。以初見文殊。即明善財信以之始。至後不見即見善財智滿足之經。中間諸人皆是善財修行次第。以善財障盡除。未必動念。是故反照唯是初心更無異也。後不見者。有斯意也。故經云。從文殊師利智慧所起等。亦是論中始覺同本覺。無始覺之異。此之謂也。第五浪同果海者。謂因行圓滿沒果海中。明始明終圓融具德。亡言絕慮。唯證相應也。如是隨說爲門。意無前後也。是故卷展爲斯無礙難申述。取者如文思之。故下文云。如是眞佛子。甚深微妙之義。衆生欲思量。迷亂心發狂。此之謂也。

第四問答取文勢者亦二。二問答會前。二結勸修學。第一問答會前者。問前既言摩耶會。前諸緣爲其一實。何得會已修有十人不同耶。答會已而有十人者。此顯緣起無盡託十顯之。何者。以不離摩耶。並是摩耶之實德也。即寄前五三世同修。至於究竟出生佛也。經云。我是一切諸佛母。一切諸佛皆從我生等。亦可表亦諸位即異鎔融卷舒無礙。是故一位即辨成佛者。意存此也。問摩耶無體。俱會諸位成。餘人亦復如然。何不悉皆具十耶。答摩耶中具此十人者。即是前一一人所皆具之也。何以故。摩

耶即會前諸人。總以爲一身故。以一人即是摩耶。摩耶即是一一人故。令獨摩耶中具十人者。有斯意也。問摩耶即是前諸人。即言此具餘亦具者。亦可諸人即是後摩耶。何不前具後不具。答摩耶是總餘是別。俱使總具別。何者。別未究竟。總不究竟也。智未究竟。別無可別。何得具耶。是故摩耶中具者。即餘人亦具也。問八會之中。何故昇天四會皆云不起菩提樹而昇天等。云何人中三會不言不起此而昇彼耶。答此有二意。一據解。二約行。初解中復三。一近二遠三總。初近者。以人中地接相去不遠。法爾通收不待言示。所以不言不起此而昇彼也。遠者。以人類體復極隔不同相攝難知。所以帶前而起後也。此乃顯緣起無礙互鎔融也。三總者。以總攝別別在總中。昇降不同。皆云不離覺樹而昇彼也。此以融攝遍門自有殊。雖去彼中而恒在此。爲欲表生物解故。舉後而帶前生也。二約行者復二。一申義。二釋妨。初者。然昇天等會據解據處爲言。解滿即行證無差別。所以後二不論也。不類天者。有斯意也。二者以信自正位。是故二處不言也。問上言善財不見文殊。即言表其智滿。唯是初心無異者。何以經說善財歷諸位耶。答經說歷諸位者有二種。一者約教行而言。教有次位。節級不同。善財歷位據此而說。二者約義圓融言。以夫大緣起法界同時具足無有次位前後等差別。善財一生案此而說。

今以兩義令辨。然歷位不離初心。一生未初多經劫所修而具斯意也。故佛地經云。一念即無量劫。無量劫即一念等。今爲以教義而言。是即名爲同教一乘。若以義攝教而言。是即名爲別教一乘也。然善財歷在不離初心者。據斯說也。問何故未後知識更無指後及結說等耶。答結會文殊即善財因已究竟。至後普賢菩薩即辨善財得證相應。所以一見即意一俱圓。是故更指後無故等也。故下文云。善財於普賢菩薩相好交節諸毛孔中。見不可說不可說世界海諸佛充滿。二如來不可說不可說。大菩薩以爲眷屬等是也。如前辨。第二結勸修學者。上來序經中少言。如管窺天。餘勢多端。莫知涯際。盡窮來劫。誓畢修行。唯願捨身受身常生此念。若有信歸修學。速然證菩提。所以見聞必成堅穩。當復發大歡喜自慶又希。逢也。故經云。善財汝應發大歡喜。不久得大果報故。無量菩薩於無量劫修。汝今一生皆悉具德。乃至具有欲得如是法者。定如善財之所修學等。又云。過去諸佛專求菩提修習此行。於無量劫諸有爲中受無量苦。猶不值遇。乃至云。成大善利。成滿大願。親近諸佛。爲佛眞子。必成佛道云云。廣如經辨。準之華嚴關脈義記一卷。

寓本云。永仁五年丁酉暮春三月五日。於東大寺戒壇院。爲實圓比丘書寫之。

No. 1880

# 金師子章雲間類解

晉水沙門淨源述

法非喻不顯。喻非不生。是故至人。見一真之性匪殊也。故用金師子以況之。見群生之器匪齊也。故用諸法章以導之。富哉。非吾祖賢首垂一乘之文。廓十方之典。則何以流慈訓世。隨機有授。非天冊聖帝卑萬乘之心。尊三寶之教。則奚能因喻了法。由法達性者乎。然而斯文。禪講席莫不崇尚。故其注解現行于世者殆及四家。清源止觀禪師注之於前。昭信法燈大士解之於後。近世有同號華藏者。四衢昭昱法師。五臺承遷尊者皆有述焉。層觀其辭。或文煩而義闕。或句長而教非。遂使修心講說二途。方輿傳習之志。反陷取捨之情。源不佞。每念雅誥膏肓于懷。既而探討晉經二玄。推窮唐經兩疏。文之煩者刪之。義之闕者補之。句之長者剪之。教之非者正之。其間法語奧辭。與祖師章旨炳然符契者。各從義類以解之。于時絕筆於雲間善住閣。故命題曰雲間類解焉。元豐三年歲次庚申四月八日序

華嚴金師子章 華嚴標所宗經。金師子章正立其名。舉喻顯法。序文備矣

京大薦福寺沙門法藏述 京即長安漢高祖

所都也。大薦福寺。唐中宗所建也。沙門。乃釋子生善滅惡之稱。次二字名諱也。出家傳道。翻宜茂德。具如聖宋高僧傳。并唐闍少監碑銘。若夫判五章教道。則隴西美之。於釋論集六重觀門。而河東推之於塔銘耳。抑又遵此章旨而為規式。則雜華圓覺二疏載之詳矣。述者樂記云。明也。鄭玄曰。訓其義也

初明緣起。夫至聖垂教。以因緣為宗。緣有內外之殊。世出世之異故。標第一明諸緣起也

二辨色空。前明緣起莫逾色空。幻色俗諦。真空真諦。二諦無礙唯一中道。故次辨色空也

三約三性。空宗。俗諦明有。即遍計依他也。真諦明空。即圓成實性也。故次第三約三性也

四顯無相。遍計。情有理無。依他。相有性無。圓成。理有情無。性有相無。故次第四顯無相也

五說無生。前之四門。真俗有無皆成對待。今此一門。唯辨妙性本無增減。故第五說無生

六論五教。夫妙性無生。超群數而絕朕。然機緣有感。逐根性以類分。故次第六論五教也

七勒十玄。以義分教。教類有五。前四小大始終漸頓皆偏。今示圓融。故次第七勒十玄也

八括六相。雲華十玄根於觀門。剛藏六相

源乎大經。經觀融通相玄交徹。故第八括六相

九成菩提。六相遺文。一經奧旨。非情識所窺。唯智眼所觀。將遊薩婆若海。故第九成菩提

十入涅槃。菩提智果。覺法樂也。涅槃斷果。寂靜樂也。照而常寂。心安如海。故第十入涅槃

## 明緣起第一

謂金無自性。隨工巧匠緣。金喻真如。不守自性。匠況生滅隨順妄緣

遂有師子相起。喻真妄和合。成阿賴耶識。此識有二義。一者覺義。為淨緣起。二者不覺義。作染緣起

起但是緣故名緣起。經云。諸法從緣起。無緣即不起。即理事無礙門。同一緣起也。上句示緣。中句辨起。下句總結。然釋此初章。非獨據起信申義。亦乃採下文為準

## 辨色空第二

謂師子相虛唯是真金。幻色之相既虛。真空之性唯實。諸本無虛字唯五臺注本有之

師子不有金體不無。色相從緣而非有。揀凡夫實色也。空性不變而非無。揀外道斷空也

故名色空。色蘊既爾。諸法例然。大品云。諸法若不空。即無道無果。上句雙標色空。次句雙釋。下句雙結

又復空無自相。約色以明。空是真空。不礙於色。則觀空萬行沸騰也



不礙幻有。名爲色空。色是幻色不礙於空。則涉有一道清淨也。總而辨之。先約性相不礙隨緣。以揀斷實。後約不住生死涅槃。以明悲智。

約三性第三

師子情有。名爲遍計。謂妄情。於我及一切法。周遍計度。一一執爲實有。如癡孩。鏡中見人面像。執爲有命質礙肉骨等。故云情有也。師子似有。名曰依他。此所執法。依他衆緣相應而起。都無自性。唯是虛相。如鏡中影。故云似有也。

金性不變。故號圓成。本覺真心始覺顯現。圓滿成就眞實常住。如鏡之明。故云不變。有本作不改。亦通上文依空宗申義。蓋躡前起後也。此章引性宗消文。亦以喻釋喻也。若依教義。章明三性各有二義。遍計所執性有二義。一情有。二理無。依他起性有二義。一似有。二無性。圓成實性有二義。一不變。二隨緣。今文各顯初一。皆隱第二。仰推祖意。單複抗行。義有在焉。

顯無相第四

謂以金收師子盡。既攬眞金而成師子。遂令師子諸相皆盡。金外更無師子相可得。眞金理也。師子事也。亦同終南云。以離眞理外無片事可得。故名無相。名號品云。達無相法住於佛住。無量義經云。其一法者。所謂無相。然名號品約果。無量義約理。理果雖殊。無相一也。

說無生第五

謂正見師子生時。但是金生。上句妄法隨緣。下句眞性不變。偈云。如金作指環。展轉無差別。

金外更無一物。離不變之性。無隨緣之相。問明品云。未曾有一法。得入於法性。

師子雖有生滅。金體本無增減。成事似生。而金性不增。則起唯法起也。體空似滅。而金性不滅。則滅唯法滅也。

故曰無生。大經云。蘊性不可滅。是故說無生。又云。空故不可滅。此是無生義。疏云。無生爲佛法體。諸經論中皆詮無生之理。楞伽說。一切法不生。中論。不生爲論宗體。

論五教第六

一師子雖是因緣之法。念念生滅。以師子屬乎緣生。原人論辨小乘教。亦云。從無始來。因緣力故。念念生滅相續無窮。實無師子相可得。論次云。凡愚不覺執之爲實。

名愚法聲聞教。因說四諦。而悟解故號聲聞。既除我執。未達法空。故名愚法。有本作愚人法名聲聞教。然此一教下攝人天。由深必收淺。故上該緣覺。以其理果同故。例如約人辨藏。唯出聲聞藏耳。

二即此緣生之法。躡前起後也。初文師子二字。亦通此用。下三皆然。各無自性徹底唯空。始自形骸之色。思慮之心。終至佛果一切種智。皆無自性徹於有表唯是眞空。以色性自空。非色滅空也。

名大乘始教。始初也。大品云。空是大乘之

初門。此教有二。一始教。亦名分教。今但標始教者。以深密第二第三時教。同許定性無性俱不成佛故。今合之唯言始教耳。

三雖復徹底唯空不礙。幻有宛然。空是眞空。不礙幻有。即水以辨於波也。

緣生假有。二相雙存。有是幻有。不礙眞空。即波以明於水也。

名大乘終教。緣起無性。一切皆如。方是大乘至極之談。故名爲終。此亦有二。一終教對前始教立名。二實教對前分教立名。分猶權也。始權而終實。以有顯實宗故。然終實二宗。并始分二教。皆大乘漸門耳。

四即此二相。互奪兩亡。以理奪事而事亡。即眞理非事也。以事奪理而理亡。即事法非理也。亦同行顯疏中。形奪無寄門。情僞不存。反疏上句。理事雙亡。則情識僞相。無所存矣。

俱無有力。空有雙泯。由前互奪故皆無力。理奪事則妙有泯也。事奪理則眞空泯也。心經略疏云。空有兩亡。一味常顯。

名言路絕。棲心無寄。通結心言罔。及寶藏論云。理冥則言語道斷。旨會則心行處滅。

名大乘頓教。頓者。言說頓絕。理性頓顯。一念不生即是佛等。故楞伽云。頓者如鏡中像。頓現非漸。此亦有二。一逐機頓。即此文示之。二化儀頓。即後圓教收之。

五即此情盡體露之法。混成一塊。情盡見除也。大疏亦云。情盡理現。諸見自亡。混成一塊者。約法則混成眞性。約喻則一塊眞金故。

表相序云。融瓶盤。釵釧爲金。

繁興大用。起必全真。用則波騰鼎沸。全真體以運行。

萬象紛然。參而不雜。萬法起。必同時一際。理無先後。釋上二節。依還源觀。

一切卽一。皆同無性。無量中解一也。大經云。華藏世界所有塵。一一塵中見法界。

一卽一切。因果歷然。一中解無量也。禪證都序云。果徹因源位滿。分稱菩薩。

力用相收。卷舒自在。一有力收多爲用。則卷他一切。入於一中。卽上文一切卽一。皆同無性也。多有力收一爲體。則舒已一位。入於一切。卽上文一卽一切。因果歷然也。文雖先後。義乃同時。故云卷舒自在也。

名一乘圓教。所說。唯是法界緣起無礙。相卽相入重重無盡。此亦有一。謂同教一乘。圓全收諸教宗。別教一乘。圓全揀諸教宗。

勒十玄第七

一金與師子同時成立。圓滿具足。師子六根。與金同時成立。以表入法因果體用悉皆具足。妙嚴品云。一切法門無盡海。同會一法道場中。

名同時具足相應門。大疏云。如海一滯具百川味。

二若師子眼收師子盡。則一切純是眼。若耳收師子盡。則一切純是耳。眼耳互收。純一事故。

諸根同時相收。悉皆具足。會諸根之同。例眼耳之別。

則一一皆雜。一一皆純。爲圓滿藏。眼卽耳等皆雜也。如菩薩入一三昧。卽六度皆修無量無邊諸餘行德。俱時成就故名爲雜。耳非眼等皆純也。又入一三昧唯行布施無量無邊。更無餘行名之爲純。卽教義章云。純雜自在無不具足。名圓滿藏。

名諸藏純雜具德門。此名依至相立。賢首新立廣陝自在無礙門故。大疏云。如徑尺之鏡。見千里之影。

三金與師子相容。成立一多無礙。多容一則六根成立。多容多則師子無殊。

於中理事各各不同。金性喻理。師子喻事。二雖互容。性相各別。

或一或多。各住自位。此經偈云。以一佛土滿十方。十方入一亦無餘。世界本相亦不壞。無比功德故能爾。

名一多相容不同門。大疏云。若一室之千燈。光光相涉。

四師子諸根。一一毛頭。皆以金收師子盡。諸根諸毛。各攝全體。

一一徹遍師子眼。眼卽耳。耳卽鼻。鼻卽舌。舌卽身。諸根相卽。體非用外。

自在成立。無障無礙。經云。一卽是多。多卽是一。文隨於義。義隨文。

名諸法相卽自在門。大疏云。如金與金色二不相離。

五若看師子唯師子無金。卽師子顯金隱相顯性隱。

若看金唯金無師子。卽金顯師子隱。性顯相隱。

相隱。若兩處看。俱隱俱顯。性相同時。隱顯齊現。隱則秘密。顯則顯著。賢首品云。東方入正受。西方從定起。

名秘密隱顯俱成門。大疏云。若片月澄空。晦明相並。

六金與師子。或隱或顯。或一或多。若觀金時師子似隱唯顯一金。觀師子時金性似隱。具顯諸根。

定純定雜。有力無力。一體真金純而有力。六根分異雜而無力。

卽此卽彼。主伴交輝。此主彼伴。交光互參。理事齊現。皆悉相容。教義章云。猶如東箭。齊頭顯現。

不礙安立微細成辦。經云。一塵中有無量刹。刹復爲塵說更難。

名微細相容安立門。大疏云。如琉璃瓶。盛多芥子。

七師子眼耳支節。一一毛處。各有金師子。一一毛處師子。同時頓入一毛中。以一切攝一切。同入一中。卽交涉無礙門。偈云。一切佛刹微塵等。爾所佛坐一毛孔。

一一毛中皆有無邊師子。又復一一毛。帶此無邊師子。還入一毛中。又以一切攝一切。帶之。復入一中。卽相在無礙門。偈云。無量刹海處一毛。悉坐菩提蓮華座。

如是重重無盡。猶天帝網珠。梵語。釋迦提桓因陀羅。此云能仁。天主網珠。卽善法堂護淨珠網。取譬交光無盡也。

名因陀羅網境界門 大疏云。若兩鏡互照。傳耀相寫。

八說此師子以表無明。語其金體具彰真性。妄法生滅無明也。如來藏不生滅真性也。理事合論。況阿賴識令生正解。理事即真。

妄論云。真妄和合非一非異。名阿賴耶識。此識有覺不覺二義。覺即令生真性正解。不覺即令生無明正解。若約善財參諸知識。遇三毒而三德圓。皆生正解。

名託事顯法生解門 大疏云。如立像豎臂。觸目皆道。

九師子是有爲之法。念念生滅。隨工匠緣。時時遷謝。

剎那之間。分爲三際。攝前標後。謂過去現在未來。此三際各有過現未來。普賢行品云。過去中未來中過去。亦離世間品。答普慧之問也。

總有三三之位。以立九世。即東爲一段法門。如師子諸根諸毛。本純一之金也。

雖則九世各有隔相。由成立融通無礙。同爲一念。通玄論云。十世古今。始終不離於當念。

名十世隔法異成門 大疏云。若一夕之夢。翱翔百年。

十金與師子。或隱或顯。或一或多。各無自性。由心迴轉。謂全心一事。隨心遍一切中。即一隱多顯也。全心之一切。隨心入一事中。即多隱一顯也。以表師子與金悉皆迴轉。而無定相耳。

說事說理。有成有立。經云。應觀法界性。一切唯心造。

名唯心迴轉善成門 賢首亦改此一門。爲主伴圓明具德門。故大疏云。如北辰所居。衆星拱之。

括六相第八

師子是總相 一即具多。爲總相。

五根差別是別相 多即非一。名別相。共從一緣起是同相 多類自同。成於總。

眼耳等不相濫。是異相 名體別異現於同。諸根合會。有師子是成相 一多緣起理妙成。

諸根各住自位。是壞相 壞住自法常不作。教義章中。有入句偈文。上引六句。隨文注之。

末後二句結歎。勸修云。唯智境界非事識。以此方便會一乘。彼章廣寄一舍。以喻六相。後學如仰祖訓。宜悉討論耳。

成菩提第九

菩提。此云道也。覺也。翻梵從華。新舊二義。

謂見師子之時。即見一切有爲之法。更不待壞。本來寂滅。淨名云。衆生即寂滅相。不復更滅。

離諸取捨。即於此路。流入薩婆若海。故名爲道。離諸取捨之言。義屬上句。文連下句。謂不捨一切有爲。而取寂滅無爲。則義屬上句。

也。既取捨情亡。自然流入一切智海。則文連下句也。第八不動地亦明斯旨。薩婆若。云一切智。今明果德爲道。故深廣如海耳。即了。無始已來所有顛倒。元無有實。名之爲。

覺。起信論云。一切衆生不名爲覺。以從本來念念相續。未曾離念。故說無始無明。即同此文。無始已來所有顛倒也。論又云。若得無念者。則知心相生住異滅。乃至本來平等同一覺故。即同上文。元無有實。名之爲覺矣。

究竟具一切種智。名成菩提。究竟極果也。亦名究竟覺。一切種智即三智之一也。昔圭峯疏。圓覺以一切種智。釋圓明。賢首述還源。由圓明而證菩提。今文謂具一切種智而成。

菩提者。通而辨之。雖發辭小異而歸宗大同也。若依起信。有大智用無量方便。乃至得名一切種智。皆屬同教。又按昭信鈔文。叙五教機各成菩提。唯取圓宗。以因果二門相攝。即別教耳。

入涅槃第十

見師子與金二相俱盡。煩惱不生。二相俱盡。所觀境空也。煩惱不生。能緣心泯也。內外雙亡。玄寂著矣。

好醜現前。心安如海。新記云。如金作器巧拙懸殊。即好醜現前也。記次文云。一以貫之。唯金究竟。即心安如海也。上句覆疏二相俱盡。下句覆疏煩惱不生。

妄想都盡。無諸逼迫。出離離障。永捨苦源。名入涅槃。惑業都盡。無集諦之妄想也。三苦皆亡。無苦諦之逼迫也。無漏智發出離離障。則道諦已修也。解脫自在。永離苦源。則滅諦已證也。入者。了達解悟之名。涅槃義翻圓寂。

經云。流轉是生死。不動名涅槃。然涅槃一章。誠難華之淵藪。故晉譯寶王性起。而搜。

玄探玄。鉤深以索隱。唐翻如來出現。則舊疏新記。聯芳而續焰。且高麗國中斯文尙備。而傳授不絕。況此諸部盡出中華。願諸後昆。求師鑽仰。同報雲華寶首清涼圭峰之勛。重德耳金師子章雲間類解

No. 1881

### 金師子章序

夫龍象之蹴踏於乾坤。開奧藏兮說妙法。蟻蟻之跌踟於土塊。傳深法兮轉法輪。杜順智儼祖師既湧大法於碧落。香象清涼賢德早話明理於黃泉矣。所以雖大聖之說傳一味。華嚴一乘秀榮教。雖弘經之達士其德同。香象獨勝餘師焉。爰於如來出興之法。有何教教內而不見其說否。設有教內而不見其說。有教外而有其文否。設有教外而有其文。說權之五十一品之名。而不隔歷其位否。設有說其位之名不隔歷。於十信之初位。盡五十二品之功。證得無生忍。斷盡無明者否。復有甚教說一於。而包三世間之說否。設不對權教故。名之曰別教。是非隔別之故云。別不廢權立實之教。頓實者否。設有頓實者其經說處純淨土而莊嚴微妙否。設有其處淨土而莊嚴微妙。非變化而真土否。設有非變化而真土。於所說之法不約理。而以事顯性者否。復有那經於序首直烈深位之菩薩否。復有那教首隔二乘。顯身土之高廣。終攝二乘。密顯

三世間一而不缺之義否。設有攝二乘。直有益女人否。設有利撫女人。有現坐之得益五百否。設有那經不離自國兮得果否。設有不離自國兮悟道者。現以龍畜身兮悟道者否。設以龍畜身兮悟道者。其數一萬否。設有少分。以龍畜之身悟道者。不言攝闍提否。闍提者。是中乘生世間也。又設有攝闍提。備說中道否。設有說中道。正有說止觀否。設有說止觀之名。現說十如否。設有說十如。正有後方便者否。設有方便。切有不依橫計與空花二妄否。設有不墮二妄。有譬高山先得蒙性光之照益否。設少分有益。於教主之故光因果俱時否。設有因果俱時。非暫時之益否。設有非暫時之益。於其佛現實報。而有包十身通三世間否。設有其文。復有具十頭十眼十耳十鼻十口十舌十身十手十足十智十如十忍十明十通十解脫十辨十音十無畏十不具法十佛土十處十會十菩薩十波羅蜜十方便十願。如是十十無盡事事無礙事事理理圓融之法否。唯此一經具此諸德矣。所以談之教內。世尊拍膝傳之祖道。三佛卷舌。提祖之號。纓札於鴈足。降胡國於楊州。韻保之梳粉髮於南風。催舊淚於鷄林。此皆國土世間之說法。如來恒說之華嚴也。以佛寶出銀於口中。切普賢億億之頂。祖室擡手於法筵。破昆虛純一之貌。既往獨說之家無利益。流派之境有功德。師子之齣破一塵兮出大經卷。大象之踏迷大虛收眾中矣。復有那師文義共通通達一代所說之經法否。設有通達一代立五教。判聖

教。超先代否。設有判教超他德。說道超世。教化同佛否。設有說道超他。入經藏對三藏勝論議入否。設有對三藏論議入。有傳教教人得教外益否。設有令得教外益。從口現出五光入否。設有出光入。所出光變成寶蓋否。設有光成寶蓋。舉世號小釋迦否。設有號小釋迦。入王宮爲御見拜否。設有爲王被拜。爲皇后見拜。并爲皇后說經典否。設有爲皇后被拜。及立寺塔被歸依。現身不易生。并都率否。設有登都率。門徒繁昌六國。所流之法不斷絕。于今盛否矣。爰金師子章者。依則天皇后請。藏大師之所說也。文約而義深。言少而意廣。是則破小塵兮出大經卷。約大虛兮置一毛中。大悟指掌。現益扶手。碩學大悟之菩薩阿不動行者乎。若欲繼佛祖之跡。欲傳事事無礙之功者。先須結跏趺坐。或用半跏趺坐。謂正大座之時。一卜坐處於閑寂。上用蒲團。略明方軌。雖不事一順。向面於初地方。當後於十向處。以左足在右膝上。舉右足安左膝上。以右手安右膝上。舉左手在右掌中。教二之大拇指面與面相柱矣。凡正坐之時。不得右側左傾前低後仰。須耳與肩對鼻與臍相向。以舌挂上腭。唇與唇。上齒與下齒相近。眼似閉不開。似閉不開。是學大聖之人方軌也焉。次半跏趺坐者。舉左足壓右膝若也。須以止觀之行可依無念一門。念發則隨發。不發念者是有念也。生死何休。發念隨念則無念也。是名大涅槃。無念之無念。無相之無相。有念之有念。有相之有相。皆悉外道之所執也。

更非佛家之說法也。請願諸有心倫。歸釋迦佛之海印三昧藏大師之事事觀門。莫依小乘家之滅盡三昧外道宗之惡邪執矣耳。

### 大方廣佛華嚴經金師子章

五臺山真容院沙門承選註

●金師子章 金師子者。能喻法也。究其本元。即有。唐賢首法師對。則天聖帝。以示大經教旨。所謂華嚴理深事廣文博義玄。非入理聖人無以達其奧。是以立見邊之喻。曉無涯之法。金況法界體也。師子喻法界用也。今則從法就喻。略啓十門分別。故得理事鎔融一多無礙矣。

●初明緣起 萬像本空。假緣方有。

二辨色空 幻法紛然。真空不動  
三約三性 迷之名相。悟之即真  
四顯無相 相即無相。非相即相  
五說無生 無生之生。生即無生  
六論五教 根器不同。設教有異  
七勸十玄 緣起交映。法法重重  
八括六相 法無定相。舉一即多  
九成菩提 萬行既圓。本覺露現  
十入涅槃 智體即如。名大涅槃  
●第一明緣起者 謂萬法無體。假緣成立。若無因緣。法即不生。故經云。諸法從緣起。無緣即不起。

謂以金無自性。喻真理不變也。隨巧匠之緣。遂有師子相起。喻真理隨緣成諸事法也。

起但是緣故名緣起。結真理不動動即事也。金喻一真之性。師子喻緣起事法。理本無生。隨諸緣法成差別相。相起繁興理即無生。故清涼云。理隨事變。則一多緣起之無邊。

●第二辨色空者 色者悲也。空者智也。觀色即空成大智。而不住生死。觀空即色成大悲。而不滯涅槃。能辯之智。煥然明。

謂以師子相虛。喻色空也。唯是真金。喻性實也。師子不有。喻緣起幻色不是實有。金體不無。喻真空常存。

故云色空。又復空無自性。約色以明不礙幻存故名色空。真空無形。假色相以明。法本亡言。就言詮而顯道。故清涼云。雖空

空絕迹。而義天星像璨然。第三約三性者 迷心所執計有相生以爲實者。謂之偏計性也。不了緣生依他性也。依他無性即是圓成。隨舉一法三性具矣。謂以師子情有名為遍計。謂一切衆生無始已來煩惱業習疑迷不了。周遍計度心外有法。顛倒取捨。隨情起惑。自纏自縛。枉受輪迴。

師子似有名爲依他。謂一切衆生依真起妄。似有之法妄執依他内外不實。故論云。依他起自性分別緣所生。

金性不變故號圓成。圓而不滅成而不增。師子雖則相殊。金且不隨殊變。釋曰。法與自心爲緣。心法方起。今了緣無體。依心方現。無自體性。是爲依他無自生性。由二義現前。乃爲圓成勝義性也。經云。從無住本立一切法。

●第四顯無相者 不了諸法而無相迷。心爲有者生死也。觀察即虛相即無相出世法也。謂以金收師子盡。喻理無事。金外更無師子可得。喻緣起事法當體本虛。

故名無相。釋曰。離真理外無片事可得。故如水波浪波無不盡。故。此則水存以壞波令盡。故經云。所見不可見。所聞不可聞。了知諸世間。是名爲無相。

●第五說無生者 法本無生。從緣有故。既無自體。生而無生。謂以正見師子生時。但是金生。喻真理隨

金性不變故號圓成。圓而不滅成而不增。師子雖則相殊。金且不隨殊變。釋曰。法與自心爲緣。心法方起。今了緣無體。依心方現。無自體性。是爲依他無自生性。由二義現前。乃爲圓成勝義性也。經云。從無住本立一切法。

大方廣佛華嚴經金師子章二註金師子章一卷 此經前甲本有唐賢首沙門法藏述九字 (華嚴經)十金 (法)一 (元)一 (有)二 (耳) 則天聖帝二天帝 (以示大經教旨)示華嚴經 (華嚴)大經 (今則)得十四字 (理事)矣九字 (故得)一明緣起 (緣起)二顯 (唐賢)述十一字 (初明緣起)一 (萬二)物 (設)二立 (初)二 (重)二無 (重)二 (即)二如 (大緣)起萬有必顯於多門無性一宗宗蓋彰於衆德分其體用卷舒之極易明其玄綱理事之門方興今就所喻之法略明緣起之理也五十四字 (第)一 (起)二生 (以)一 (喻)一 (也)一 (工)一巧 (子)十 (之) 理二如 (結)一 (即)一 (理)十性 (相)一 (故)一 \*



一毛頭皆各。以金收師子盡。 \*喻。法界緣起一切諸法皆互相即相遍也

一皆徹師子眼眼即耳耳即鼻。無礙無障

\*喻布施即。九度。多行即一行也

故名諸法相即自在。門

\*第七微細相安立門 \*者謂金與師子。或隱或顯或一或多定散同時 經云。汝應觀我諸毛孔。我今示汝。佛境界俱時歷然。即此即彼有力無力主伴交。輝理事齊現所現萬法海印炳然

悉皆相容不礙安立微細成。辦 以理成事。事法不定互相容攝安立同時

故名微細相安立門

\*第八十世隔法異成門者謂此師子是有為之法念念生滅 \*喻。真理隨緣成諸事法各各不實也

利那之間分為三際謂有過去未來現在三際 總相之中分限不同

總有三三之位以立九世 一即多多不壞則束為一段法門 一法門中無量門種種脩短各各不同

雖則九世有隔不同相由成立融通無礙同為一念 攝末歸本

故號十世隔法異成門

\*第九由心迴轉善成門 \*者謂金與師子或顯或隱或一或多各無自性由心迴轉 法無定法。隨心轉變

說理說事有成。立 法本具足。隨機隱顯故名由心迴轉善成門

\*第十託事顯法生解門 \*者謂說師子用。表無明論此金體具彰真性 觀萬法相用顯真理

若理事合論況阿賴耶識令生正解 即染而淨。動靜俱泯方為正解

故名託事顯法生解門

\*第八括六相者 \*謂師子是總相五根差別是別相。其一緣起是同相眼耳各不相到是為異相諸根合會成相諸緣各住自位是壞相 顯法界中無孤單法隨舉一相。具此六相緣起集成各無自性。一相中含無盡相。一法中具無盡法

\*第九成菩提者此云。道也覺也 略說店言有此二義

眼見師子之時。一切有為諸法更不待壞本來寂滅。喻。師子相不實。當體是金不可壞也

離諸取捨即於此路流入薩婆若海故名為道也 諸法無生。畢竟空寂。包含無外。不拒衆流。大道無邊。悟則斯在。是故觀此師子相。便入一切智海。更無異路。薩婆若者此云無生智也

即了無始已來所有顛倒元無實有名之為覺 妄起諸顛倒。都無有實體。正覺若現前。如空皆寂滅。即外無纖塵。內無誠念。也

畢竟具一切種智名成菩提 一悟永悟。一成永成。大智現前更無餘物即成菩提也

\*第十入涅槃者謂見師子與金二相俱盡喻也

煩惱不生好醜現前 身心相盡煩惱不生即大涅槃究竟寂寂

心安如海 經云。若能安心如海。中好醜皆空無所住

妄想都盡無諸逼迫出纏離障永離苦源名為入涅槃也。妄盡全真。無諸逼迫。任道遙出纏。魔惱不相侵奪。離障法門無滯

\*礙湛然寂靜。常安樂。利益群生出苦源。我今稽首獲無餘。一切有情同解脫。肇公云。功流萬世而常存。道通百劫而彌固。成山假就於始。修途託至於初。步果以功業不可朽

融故也。然三乘之教有次第故。圓頓之理渾融無礙。一法之上。上了一切法。一行之中。具一切行。因該果海。果徹因源。果是即因之果。因是即果之因。平等無二相也。經云。平等真法界。界外無佛無衆生。矣

大方廣佛華嚴經金師子章 一卷

煩惱不生好醜現前 身心相盡煩惱不生即大涅槃究竟寂寂

心安如海 經云。若能安心如海。中好醜皆空無所住

妄想都盡無諸逼迫出纏離障永離苦源名為入涅槃也。妄盡全真。無諸逼迫。任道遙出纏。魔惱不相侵奪。離障法門無滯

\*礙湛然寂靜。常安樂。利益群生出苦源。我今稽首獲無餘。一切有情同解脫。肇公云。功流萬世而常存。道通百劫而彌固。成山假就於始。修途託至於初。步果以功業不可朽

融故也。然三乘之教有次第故。圓頓之理渾融無礙。一法之上。上了一切法。一行之中。具一切行。因該果海。果徹因源。果是即因之果。因是即果之因。平等無二相也。經云。平等真法界。界外無佛無衆生。矣

大方廣佛華嚴經金師子章 一卷

煩惱不生好醜現前 身心相盡煩惱不生即大涅槃究竟寂寂

以金二全。 (謂)十法。 無礙無障。 九二相。 此下甲本有清涼云如金與金色二不相離十二字。 或隱或顯。 然十也。 理二。 此下甲本有清涼云如琉璃空虛多芥子十一字。 (此)一。 (謂)十真。 不實二。 變不。 (有)一。 (三際)一。 壞十。 (一)一。 量二。 (各)一。 有隔不同二。 各有隔。 此下甲本有清涼云若一夕夢轉百十年十一字。 (有)十立。 此下甲本有清涼云如一尺之鏡見千里之象十三字。 (以)十表。 觀二。 淨二。 此下甲本有清涼云立像照時觸目皆道也十二字。 是二。 共十。 (成)一。 到是。 以。 知。 合二。 共。 相二。 法。 果二。 等無。 法十。 (也)一。 道也。 量也。 覺也。 道也。 說二。 就。 (即)十一。 諸二。 (如)



# 二聖圓融觀門

## 沙門澄觀述

夫上聖觀人設教。言不虛陳。按指發揮。觸事皆通。因有妙德。叩示以二聖表法之二義。遂著三聖圓融觀。一毛之智觀。難以度成。粗依教理。略示綱要。惟冀遠識虛己而求之焉。三聖者。本師毘盧遮那如來。普賢文殊二大菩薩是也。大覺應世輔翼塵沙。而華嚴經中。獨標二聖爲上首者。託以表法。不徒然也。今略顯二門。一相對明表。二相融顯圓。且初門中。三聖之內二聖爲因。如來爲果。果起言想。且說二因。若悟二因之玄微。則知果海之深妙。然二聖法門略爲三對。一以能信所信相對。謂普賢表所信之法界。即在纏如來藏。故理趣般若云。一切衆生皆如來藏。普賢菩薩自體遍故。初會即入如來藏身三昧者。意在此也。文殊表能信之心。佛名經云。一切諸佛皆因文殊而發心者。表依信發故。善財始見發大心者。當信位故。經云。文殊菩薩出生一切菩薩。無休息故。然信但有信而未見。及所信所證無二理故。無初普賢。信可始生。理唯極見故。文殊居初普賢居後。二以解行相對。普賢表所起萬行。上下諸經皆言普賢行故。文殊表能起之解。通解事理窮方便故。慈氏云。汝先得見諸善知識。聞菩薩行。入解脫門。皆是文殊威神力故。又云。文殊常爲一切

菩薩師故。又云。文殊師利心念力故。三以理智相對。普賢表所證法界。即出纏如來藏善財童子入其身故。又云。得究竟三世平等身故。一毛廣大即無邊者。稱法性故。普賢身相如虛空故。又見普賢即得智波羅蜜者。明依於理而發智故。文殊表能證大智。本所事佛名不動智故。慈氏云。文殊師利常爲無量百千億那由他諸佛母故。文殊於諸經中。所說法門多顯般若旨故。又云。從文殊師利智慧大海所出生故。見後文殊。方見普賢。顯其有智方證理故。是以古德銘後文殊。爲智照無二相。不視。身相者。表極智甚深心境兩已信解變絕故。又理開體用智分權實故。以文殊二智。證普賢體用。此之一門。古德觀問三藏。言有經說未傳此方。又此一門亦表定慧。理本寂故。智即慧故。亦表體用。普賢理寂以爲心體。文殊智照爲大用故。第二相融顯圓者。亦二。先明二聖法門各自圓融。謂文殊必因於信。方能成解。有解無信。增邪見故。有信無解。長無明故。信解真正。方了本原。成其極智。極智反照。不異初心故。初發心時。便成正覺。又前方便之智不離智體故。後文殊名智照無二相。照信不殊於智故。從無身相而展右手。是以文殊三事融通隱隱。次普賢三事自相融者。理若無行。理終不顯。依體起行。行必稱體。由行證理。理無行外之理。由理顯行。無理外之行故。隨所證理。無不具一證一切證故。見普賢一毛所得法門過前不可說倍。又是即體之用故。毛孔法門緣起無盡。由是

普賢三事涉入重重。二者二聖法門互相融者。謂要因於信方知法界。信不信仰。信即爲邪。故能所不二。不信自心有如來藏。非菩薩故。大要藉於解。方能起行稱解。起行行不異解。則解行不二。次以智是理用。體理成智。還照於理。智與理冥。方曰真智。則理智無二。故經云。無有外智能證於如。亦無智外如爲智所入。又法界寂照名正寂。而常照名觀。觀窮數極妙符乎寂。即定慧不二。又即體之用曰智。即用之體曰理。即體用無二。是以文殊三事融通隱隱。即是普賢三事涉入重重。此二不異。名普賢帝網之行。故普賢行品反上下諸經廣顯理事圓融。爲普賢行。非獨事行。名普賢行。既二聖相融而不名文殊行者。攝智屬理。唯一心法界故。舉一全收。二聖法門既相融者。則普賢因滿離相絕言。沒因果海。是名毘盧遮那。光明遍照唯證相應故。法界品中。普賢之後便揭讚佛德者。顯果相也。品初如來自入三昧。現相無言。表所證絕言。而普賢開顯放光令悟。表能證絕言。而文殊開顯者。即斯意也。若合三聖法門。以爲經目者。普賢是大所證理體。無不包故。文殊是方廣理上之智爲業用故。又通是普賢理含體用。通爲所證故。文殊普賢二俱華嚴萬行披敷信智解行皆是因。華嚴嚴本寂體故。舍那即佛通圓諸因證上體用。故說即爲經。因言顯故。既包題目無遺。則攝大經義盡。亦一代時教。不離於此理智等。然上理智等。並不離心。心佛衆生無差別故。若於心能了。則念念

因圓。念念果滿。出現品云。菩薩應知。自心念念常有佛成正覺故。而即一之異。不礙外觀。勿滯言說。若與此觀相應。則觸目對境。常見三聖及十方諸菩薩。一即一切故。心境無二故。依此修行。一生不剎。三聖必圓矣。

三聖圓融觀門畢

貞享二年乙丑仲秋念一。莫於南都邸舍抄之。

No. 1883

### 華嚴法界玄鏡卷上

唐清涼山大華嚴寺沙門澄觀述

余草思大經薄修此觀。羅其旨趣已在疏文。恐墮業於深經。少讚演茲玄要。精誠之者時一發揚。數子懇求叩余一聞。咸言注想訪友尋源。或學或傳。遍求衆釋。積歲疑滯。今方煥焉。夕惕勤勵。願釋深旨。願以西垂之歲。風燭難期。恐妙觀之淪溺。使枝辭之亂轍。乃順誠請。略析幽微。名法界玄鏡。冀將來道友。見古賢之深衷矣。

觀曰。修大方廣佛華嚴法界觀門。略有三重。終南山釋法順俗姓杜氏。釋曰。大等六字所依之經。略無經字。法界觀下能依之觀。今先略釋經名。大方廣者。一切如來所證法也。佛華嚴者。契合法界能證人也。法分體相用。人有因果。大者體大也。則深法界。諸佛衆生之心體也。曠包如空。湛寂常住。強稱爲大。故

經云。法性遍在一切處。一切衆生及國土三世悉在無有餘。亦無形相而可得。即大義也。方廣者。相用周遍。即體之相。相德之法無邊。即相之用。業用廣而無盡。三無障礙。舉一全收。聖智所緣爲所證之法界也。佛者果也。萬德圓明。華喻因也。衆行榮曜。嚴通能所。而有二重。一華因能嚴。佛果所嚴。以十度因成十身果。無行不備。無德不圓。二華爲能嚴。大方廣者則所嚴也。嚴體相用成佛三德。稱體而嚴。顯真常德。如相而嚴。辯修成德。依用修嚴。成大用德。遍嚴如德。成德無邊之華嚴也。故一總題有體相用。人有因果。入法雙題。法喻齊舉。一經三大皆大方廣。五周因果並佛華嚴。二題七字各有十義。今當略釋。大十義者。則七字皆大。一大者體大。法界常遍故。二方者相大。性德無際故。三方者用大。稱體用周故。四佛者果大。十身皆悉遍法界故。五華者因大。普賢行願自體遍故。六嚴者智大。佛智如空能爲嚴故。七經者教大。竭海墨不能書一句故。八者義大。上六字所證皆稱性故。九者境大。總斯七字普以衆生爲所緣故。十者業大。以斯教旨橫遍豎窮無休息故。具十無盡故稱大也。方廣十義者。如體之相稱體之用。即十方方法十大用也。佛十義者。一大者法身。佛以法爲身。佛身充滿於法界故。二方者。智身。智如法故。三廣者。具於二身。一者化身。一身普周爲無量故。二者意生身。一多隨意無不周故。佛者含五六身。一菩提身。覺樹道成故。二者威勢身。初成正覺映菩薩故。

華者含七八身。七福德身。三世所行衆福大海因不可盡故。八者願身。毘盧願因周法界故。嚴者。第九相好莊嚴身。十蓮華藏相好嚴故。經者。第十力持身。舍利圓音聲教無盡故。則經七字皆成佛也。華嚴十義者。以十度華嚴於十身爲嚴不同。即十嚴故。略無經字。十義亦略。是攝是貫是常是法。並可知也。無盡教海不出七字。故依此教以成觀門。修法界觀門略有三重者。略標綱要。修之一字總貫一題止觀。熏修習學造詣也。言法界者。一經之玄宗。總以緣起法界不思議爲宗旨。然法界之相要唯有三。然總具四種。一事法界。二理法界。三理事無礙法界。四事事無礙法界。今是後三理事法界歷別難陳。一一事相。皆可成觀。故略不明。總爲三觀所依體。共事略有十對。一教義。二理事。三境智。四行位。五因果。六依正。七體用。八人法。九逆順。十威應。隨一事皆爲三觀所依之正體。其製作人名德行因緣。具如傳記。

觀曰。真空觀第一。理事無礙觀第二。周遍含容觀第三。釋曰。此列三名。真空則理法界。二如本名。三則理事無礙法界。言真空者。非斷滅空。非離色空。即有明空。亦無空相。故名真空。如文具之。二理事無礙者。理無形相全在相中。互奪存亡。故云無礙。亦如文具。三周遍含容者。事本相礙大小等殊。理本包遍如空無礙。以理融事。全事如理。乃至塵毛皆具包遍。此二相望成於十門。亦如下說。然事法名界。界則分義。無盡差別之分齊。故理法名

界界即性義。無盡事法同一性故。無礙法界具性分義。不壞事理而無礙。故第四法界亦具二義。性融於事。一一事法不壞其相。如性融通重重無盡故。

觀曰。第一真空觀法。於中略作四句十門釋曰。此標章也。前二各四。加第三四故為十門。

觀曰。一會色歸空觀。二明空即色觀。三空色無礙觀。四泯絕無寄觀。釋曰。此列名也。

觀曰。就初門中為四。一色不即空。以即空故。何以故。以色不即斷空故。不是空也。以色舉體是真空也。故云以即空故。良由即是真空故。非斷空也。是故言由是空故不是空也。釋曰。四觀皆有三段。謂標釋結。然準下文前三以法揀情。第四正顯法理揀情。三句標名則同釋義則異。今先總明三句所揀。所揀有三。一揀即離。二揀亂意。三揀形顯。初中就通相說三句皆揀。即離從多分說。初句明空不離色。以揀離色。次句明空不即色。以揀太即。

第三句雙明不即不離。揀具即離。由揀三情故。第四句顯其正理。第二揀亂意者。謂實性論。明地前菩薩有三種空亂意。以不了知真如來藏。生死涅槃二際平等執三種空。一謂斷滅故空。初句揀之。二取色外空。第三句揀之。三者謂空為有。第二句揀之。既揀三種不正之空故。第四句說真空也。第三揀形顯者。有云。第一句形色體空非斷空。第二句顯色無體自性空。第三句空無形顯一體空。第四句色空不二俱空空。解曰。此第三義乍觀有

理。以見第二有青黃言。謂為顯色。第一第三無青黃言。便為形色故。為此釋細詳有違。何者一三。何以不言形色長短等耶。第二何以遍言顯色耶。何以形色揀非斷滅顯色。不得揀斷滅耶。第二顯色何以得言青黃之相。非即真空之理形色。何以不得言長短方圓非真空耶。故第三釋非為悞。當但揀前二足顯真空。而文第二遍言青黃非其空者。顯色明相。相顯著故。又形色是假。顯色是實。實色即空。例假形色亦即空矣。是知三句皆含形顯二皆即空。次正釋文。今初。第一句有三。初標。次何以下釋。此揀離色明空及斷滅空。言離色者。空在色外。色外復二。一對色明空。如牆處不空牆外是空。此第三句揀二滅色明空。謂如穿井除土出空要須滅色。今正揀此。故中論云。先有而後無。是即為斷滅。然外道二乘皆有斷滅。外道斷滅歸於太虛。二乘斷滅歸於涅槃。故肇公云。大幻莫若於有身。故滅身以歸無。勤莫先於有智。故絕智以淪虛。又云。智為難得。形為枉桎。故灰身滅智撥棄無餘。若謂入滅同於太虛全同外道。故楞伽云。若心體滅不異外道斷見戲論。今文云不即斷空。次以色舉體下。釋上以即空故三良由下結成。於中先約義結。由即真空故非斷滅。後是故下。結成標名。

觀曰。二色不即空。以即空故何以故。以青黃之相。非是真空之理故云不即空。然青黃無體。莫不皆空故云即空。良以青黃無體之空。非即青黃。故云不即空也。釋曰。亦標釋結。釋中揀二妄情。一揀太即。以聞色空不知性空。便執色相以為真空。故須揀之。故云青黃之相非是真空之理。此唯揀凡也。小不計色為即空故。次然青黃下。明亦非離相有性。要即青黃無體為真空耳。由此義故則似雙揀。亦揀小乘。然是舉法雙揀情。後明不離是舉法耳。二亦用上文以揀亂意。三種空中以空為有。彼謂別有一物是於空體。故今揀之。故十地經云。有不二不盡此一句經。揀三亂意空。以有揀斷滅空。以不二揀異色明空。以不盡揀空為有。不謂有體盡滅。今當不盡。謂空若是物則有盡滅。若有盡滅則有生起。今法空相不生不滅。豈有有耶。故般若云。是諸法空相不生不滅等。又青黃之相尚非真空。要須無性。豈得以空而為有耶。三良以下結成。舉其無體之空。結非色相。明空非有豈得色耶。觀曰。三色不即空。以即空故。何以故。以空中無色故不即空。會色無體故是即空。良由會色歸空。空中必無有色。是故由色空故色非空也。上三句以法揀情訖。釋曰。此中文二。先釋當句。後結前二。前中亦三。初標。次釋。釋中先雙揀即離。以空中無色故色不即空。以離色無體故空不離色。不即不離方為真空。二揀亂意異色明空。彼執色外有空與色為異。如前對色明空。今明空中尚無有色。何得有空與色相對。又會色無體故說即空。豈於色外有空對色。古人云。色去不留空。空非有邊住也。三良由下。結成上義。以下即空結上

不即空也。特由會色爲空。安得空中有色。二上三下總結三門。

觀曰。四色即是空。何以故。凡是色法必不異眞空。以諸色法必無性故。是故色即是故。如色空既爾。一切法亦然思之。釋曰。此中有二。先正顯眞空之義。後結例諸法。前中亦三。初標次釋。以色從緣必無性故者。依他無性即眞空圓成。三是故下結。既非滅色異色。不即不離故即眞空。空非色相無遍計矣。緣生無性即依他無性。無性眞理即是圓成。故此眞空該徵性相。二如色空既爾下。結例諸法。上之四門但明色空。色即法相之首。五蘊之初故。諸經論凡說一義。皆先約色故。大般若等。從色已上種智已還八十餘科。皆將色例。今此亦爾。例一切法。若略收法不出上之十對所依體事無不即空。皆須以法揀情。顯即事歸理。

觀曰。第二明空即色觀。於中亦作四門。釋曰。此總標也。然此四門總相但翻上四。亦前三句以法揀情。第四句正顯法理。就揀情中。翻前色空義則大同。取文小異。亦標語則同。釋義有別。今先總揀。亦有三義。一揀即離。二揀亂意。三揀形顯。今初第一句明眞空不離前色。第二句明眞空非即色相。第三句明眞空雙非即色離色。第二揀三亂意者。第一句明斷空非是實色。第二句明相有非眞空。即揀相有。第三句明所依非能依。即揀能依。其第三義揀形顯者。有云。第一句明非斷空不礙形色。第二句明自性空不礙顯色。第三句

明一體空俱不礙形顯。第四句明俱空空不礙二空色。解曰。前會色歸空觀。第三揀義既達正理。今離列之以對前文亦不取也。次正釋文四句亦各有三。後二復加有二。

觀曰。一空不即色。以空即色故。何以故。斷空不即是色。故云非色。眞空必不異色。故云即色。要由眞空即色。故令斷空不即色也。釋曰。此門亦三。初標二釋。釋上二句。初句明斷空非異色。對前色即空中實色非斷空。下句明眞空不異色。對前不離色明空雖含即離。下句則是舉正上句是所揀情謂離色。二揀亂意者。揀斷空非實色。對前會色歸空觀。實色非斷空。三要由眞空下。結成以下句舉正結上句。是所揀情。

觀曰。二空不即色。以空即色故。何以故。以空理非青黃故。云空不即色。然非青黃之眞空。必不異青黃故。是故言空即色。要由不異青黃故。不即青黃故言空即色不即色也。釋曰。此亦有三。初標。釋中先揀即離。明眞空非即色相。云空不即色。正揀太即。對前會色歸空中。色相非眞空。後然非青黃之理。必不異青黃者。明不即色之空亦非全在色外對前亦非離相有性。二揀亂意者。揀謂空爲有。既空理非青黃豈是有耶。對前眞空不是相有三要由下結。舉不異之正結前太即之情。觀曰。三空不即色。以空即色故。何以故。空是所依非能依故。不即色也。必與能依作所依故。即是色也。良由是所依故不即色。是所依故即是色。是故言由不即色故即是色也。上

三句亦以法揀情訖。釋曰。就文亦二。先釋此句。後結上三句。前中亦三。初標。釋中雙揀即離可知。但前約空中無色揀。此約能依非所依揀。次下當知。然正反前應云色中無空。故今不云爾者。空中無色有理有文。色中無空文理俱絕。以空中無色。由事即理。理絕相故色必有空。無空之色非實故。故不反上。別就所能依以釋其義。二揀亂意者。唯取下句必與能依爲所依。故揀於異空之色。對前異色明空。三良由下結。以一所依雙結不即不離。意云。既是所依之空。必非能依之色。故云不即色。二既是色之所依。非餘所依故不離色也。結離亂意者。既必與能依之色而爲所依。明色非空外。對前空非色外也。二上三句下。總結三門義如前說。

觀曰。四空即是色。何以故。凡是眞空必不異色。以是法無我理非斷滅故。是故空即是色。如空色既爾。一切法皆然思之。釋曰。此門亦二。先釋第四。後結例諸法。今初亦三。初標。二釋。言以是法無我理等者。出所以也。無我即空。以是法空。即法無我故空是色。三是故空即是色者。結此門也。二如空色下結。例舉上四門。空即是色。則例此空是一切法。況不是十對所依耶。

觀曰。第三色空無礙觀者。謂色舉體不異空。全是盡色之空故。即色不盡而空現。空舉體不異色。全是盡空之色故。即空即色而空不隱也。是故菩薩觀色無不見空。觀空莫非見色。無障無礙爲一味法。思之可見。釋曰。此

觀有三。謂標釋結。二謂色下釋。釋相云。全是盡色之空者。有本無盡色之三字。但云全是空故耳。而釋義亦通。以不對下文理非全現故。今依有本釋。然色是有中之別稱。通是空有二門耳。空有各有二義。空二義者。謂空非空。有二義者。謂有非有。空中言空者。以空必盡有故。言非空者。亦無空相故。又不礙有故。有中言有者。有必盡空故。非有者。有相離故。又不礙空故。今明色空無礙中。初明色不礙空。取空上盡色之義。次明空不礙色。取色上盡空之義。其不相礙即是舉體全是之義。其離空有相義。在第四浪絕門中。然今文中色空之上各有三句。皆初句標無礙。下句出無礙相。色中出相。言色不盡而空現者。以色不礙空。故色不盡也。即是盡色之空。故而空現也。空中出相。云即空即色而空不隱者。以空不礙色。故空即色也。而是盡色之空。故空不隱也。若總相言。但色舉體。即空即色不盡。以即空故。空便現也。空上亦然。以空舉體。爲色故。空即色。既即是空。空不隱也。若依此釋。前無三字義理亦通。則應後句滅却盡空之三字。今依有本。三是故下。結成無礙。亦是前明所觀。此正明能觀故。云菩薩見色等。

觀會釋成總。今即初也。文中三。初標名。二謂此下釋相。三何以下徵結。此中大意。但拂迷現圓。若細釋者。然色空相望。乃有多義。一融。二諦義。初會色歸空。明俗即故異。二明空即色。顯真即是俗。三色空無礙。明二諦雙現。四浪絕無寄。明二諦俱泯。若約三諦。初即真諦。二即俗諦。後一即中道第一義諦。若約三觀。初即空觀。二即假觀。三四即中道觀。三即雙照明中。四即雙遮明中。雖有三觀意。明三觀融通爲真空耳。二者色空相望。總有四句。取文小異。初會色歸空觀中四句。前三句明色不異空。第四句明色即是空。第二明空即色觀中四句。前三句明空不異色。第四句明空即是色。第三觀明但合前二。今第四句。拂四句相。現真空相不生不滅。乃至無智亦無得真空觀備矣。若約三觀。就心經意。色不異空。明俗不異真。空不異色。明真不異俗。色空相即明是中道。即上四句爲空假中之三觀也。與今義同。取文小異耳。三者色空相望。總有三義。一相成義。二無礙義。三相害義。廣如第二理事無礙觀中。今文含有三。前二相即亦相成義。第三色空無礙觀。正明無礙義。今第四觀。即相害義。相害俱泯。故雖有此三意。俱顯於真空義耳。若別消文者。不可言即色不即色者。拂前第二。明空即色觀。不可言即色者。正拂第四句。不可言不即色者。亦拂前三句。以空非空故。無可言即色不即色。又理本絕言故。約觀即心冥真極故。方成妙色觀耳。次云亦不可言即空不即空者。拂第一會色

歸空觀。不可言即空。正拂第四句。不可言不即空。亦拂前三句。以色亦即非色。無可言即空不即空。故即事同理。故理本絕言。故心冥真極。無心即故。方成即空觀耳。又上會色歸空。無增益謗。明意即色無損減謗。色空無礙無雙。非戲論謗。今無可相即。無相違謗。四謗既無。百非斯絕。故過絕無寄。又云。一切法皆不可者。結例總拂。言結例者。非獨色法成其三觀。並皆拂之。受想行識萬化之法。皆同前色。言總拂者。總拂前三會色歸空觀等皆不可也。亦無四句可絕。三觀可拂。故不可亦不可。言此語亦不受者。若受不可說。言是則有受。有受則有念。有念者。皆是心言之迹。故過絕無寄。二邊既離。中道不存。心境兩亡。亡絕無寄。般若現矣。若生心動念。皆不會理。言語道斷。故言不及。心行處滅。故解不到。言是謂行境者。結成上行。然有二意。一者上是行家之境。今心與境冥。智與神會。亡言虛懷。冥心遺智。方詣茲境。明唯行能到。非解境故。二者即上心智契合。即是真行。行即是境。行分齊故。三何以下反釋成行。觀曰。又前四句中。初二句八門皆據情顯解。第三句一門解終趣行。此第四句一門正成行體。若不洞明前解。無以攝成此行。若不解此行。法絕於前解。無以成其正解。若守解不捨。無以入茲正行。是故行由解成。行起解絕也。釋曰。此即第二總結四門。然上第四門唯結當門成行。今總結四門。然云上二句八門者。則句大門小前總標中亦云四句十門。

皆句大門小。上結中云上三句以法揀情。此第四句一門是則門句互通。應合門大句小。義既互通此隨文釋。於中三句。初正分解行二。若不洞明下。反顯相資。如目足相資。於中初以解成行。次若不解下。絕解成解。後若守下。捨解成行。三是故下。結成二相。總成真空絕相觀也。則內外並冥。緣觀俱寂也。觀曰。理事無礙觀第二。釋曰。即理事無礙法界也。

觀曰。但理事鎔融存亡逆順通有十門。釋曰。此觀文三。初總標。二別釋。三結勸。今則初也。即總顯觀名。具爲十門。本就前色空觀中。亦即事理不得此名者。有四義故。一雖有色事爲成空理。色空無礙爲真空故。二理但明空。未顯真如之妙有故。三派絕無寄。亡事理故。四不廣顯無礙之相。無爲而爲無相而相。諸事與理炳現無礙雙融相故。爲上四義故。不得名至此獨受。是以今標。具下十門無礙之根鎔融。是總該下十門。似如洪鐘鑄衆像。故鎔謂鎔冶。即初銷義。融謂融和。即終成一義。以理鎔事。事與理和二而不二。十門無礙其義同故。又此二理事鎔融。別當相遍相遍互融故。次存即九十。真理非事。事法非理。二相存故。亡即七八。真理即事。事法即理。廢已同他。各自泯故。逆即五六。真理事。理逆事也。事能隱理。事逆理故。順即三四。依理成事。理順事也。事能顯理。事順理也。故此二句總攝十門。方爲事理無礙之義成第二觀。然事理無礙方是所觀觀之於心即名能觀。此

觀別說觀事俗觀。觀理真觀。觀事理無礙成中道觀。又觀事兼悲。觀理是智。此二無礙。即悲智相導成無住行。亦即假空中道觀耳。觀曰。一理遍於事門。謂能遍之理性無分限。所遍之事分位差別。一一事中理皆全遍非是分遍。何以故。以彼真理不可分故。是故一

一識塵皆攝無邊真理無不圓足。釋曰。此第一門。然下十門應即爲十以釋二意。便總料揀故分五對。第一理事相遍對。第二理事相成對。第三理事相害對。第四理事相即對。第五理事相非對。亦名不即對。然此五對皆先明理。尊於理故。又皆相望。一三五七九以理望事。二四六八十以事望理。初對爲二。先正釋。二料揀。前中二門。即分爲二。今初也。文中有三。初標名。二謂能遍下。釋事理相性空。真理一相無相。故不可分則無分限。事約緣起故分位萬差。三一

事中下。釋其遍相理非事外。故要遍事。經云。法性遍在一切處。一切衆生及國土故。次何以下。釋全遍所由。謂要全遍者。若不全遍理可分故。非如浮雲遍滿虛空隨方可分故。是故下。別指一事顯其遍相。以塵含理顯理全遍。觀曰。二事遍於理門。謂能遍之事是有分限。所遍之理要無分限。此有分限之事。於無分限之理。全同非同。何以故。以事無體還如理故。是故一塵不壞而遍法界也。如一塵。一切法亦然思之。釋曰。文亦有二。初標。二謂能遍下。示能所相三。此有分下。明遍理之相。於中初正明。以全同名遍。次何以下。釋同所

以。有分之事全如理故。若不遍同事有別體。次是故下。結示遍相。後如一塵下。例一切法。此對爲下四對之本。由相遍故。有相成等。觀曰。此全遍門超情難見。非世喻能況。釋曰。第三料揀上二門也。於中三。初標難喻。二寄喻別顯。三問答解釋。今初也。言難見者。以道理深故。有本云。離見離見即超情義耳。言難見者容。有見理故下。寄喻以明難。言世喻難喻耳。言難喻者。事理相殊而互相遍。理遍事故無相全在相中。事遍理故一塵便無涯分。一塵既無涯分。何有法之當情。無相全在相中。至理何曾懸遠。即相無相五目難觀。其容全理之事。世法何能爲喻。故經云。譬如法界遍一切。不可見取爲一切。又云。三界有無一切法。不能與此爲譬喻。顯下海喻亦分喻耳。

觀曰。如全大海在一波中而海非小。如一小波匝於大海而波非大。同時全遍於諸波而海非異。俱時各匝於大海而波非一。又大海全遍一波時。不妨舉體全遍於諸波。一波全匝大海時。諸波亦各全匝。互不相礙思之。釋曰。第二寄喻以明也。既無可喻而舉喻者。借其分喻通其玄意。令諸達識因小見大亡言領旨。文有三重無礙。初以大海對一波明大小無礙。此舉喻上事理相遍二義竟也。文但舉喻略無法合。若總相合以海喻理。以波喻事。配文可解。然意猶難見。大海何得全在一波。以海無二故。一理何得全在於一事。以理無二故。一波何以全匝大海。以同海故。一

應何以全遍於理。事同理故。一同時全遍下。以一海對諸波明一異無礙。約法。卽一理對於諸事。以辯無礙。又上卽非大非小。此卽非一非異。其一異等相至下問答自明所以。三又大海全遍一波下。以大海雙對一波諸波。互望齊遍無礙。約法。卽以一理對一事多事。相望齊遍無礙。

觀曰。問理既全體遍一應。何故非小。既不同應而小。何得說爲全體遍於一應。又一應全匝於理性。何故非大。若不同理而廣大何得全遍於理性。既成矛盾。義極相違。釋曰。第三問答解釋。雙釋法喻而其文中但就法說。例使曉喻。上喻之中文有三節。今但合爲兩重問答。一問廣大而答兼一異。二對前第三以大海雙對一波諸波互望齊遍無礙爲問。前中先問後答。今初問也。文中二。先以理望事問。約喻。卽前大海全在一波。而海非小故云理既全體遍等。卽以遍難小既不同應而小下。以非小難遍二。又一應全匝下。約事望理難。先以一應難大。次云若不同理而廣大下。以非廣難遍。約喻。卽前一波全遍於大海而波非大。既成矛盾下。結難。矛盾也。盾者排也。昔人雙賣二事。欺盾卽云。矛刺不入。戟矛卽云。能穿十重之盾。買者云。我買汝矛還刺汝盾。豈不傷哉。意明二語互相違。觀曰。答理事相望各非一異。故得全收而不壞本位。釋曰。此下答中二。先雙釋。後雙釋。今卽初也。上問但問大小。今正答一異兼於大小。由於理事二法相望。故云各非一異。

觀曰。先理望事有其四句。一真理與事非異故。真理全體在一事中。二真理與事非一故。理性恒無邊際。三以非一卽是非異故。無邊理性全在一應。四以非異卽是非一故。一應理性無有分限。釋曰。此釋理望事四句中。前二正明遍應非小之相。初句遍應。第二句非小。其三二句遍應其難難意云。遍應非小二義相違。何得互通。今第三句明大理遍在一應。第四句明雖遍非小。其無分限則非小也。卽雙答遍應難非小及非小難遍一應難雖兩段但一相遍耳。

一應。若應外無理。則非全體遍一切事。義甚相違。釋曰。此下第二番對。前以大海雙對一波諸波。互望齊遍無礙之喻而爲問答。今此問也。彼前喻云。又大海全遍一波時。不妨全體全遍於諸波一波。全遍大海時。諸波亦各全遍互不相礙。文中先正問。後答。若應外有下。結成妨難。若約喻問應云。大海全遍一波時。餘諸波處。爲有大海。爲無大海。若波外有海。則非全體遍一波。若波外無海。則非全體遍一切波。對難文可知。

### 華嚴法界玄鏡卷下

唐清凉山大華嚴寺沙門澄觀述

觀曰。次以事望理亦有四句者。一事法與理非異故。一應全匝於理性。二事法與理非一故。不壞於一應。三以非一卽非異故。一小應匝無邊真理。四以非異卽非一故。匝無邊理而應不大。思之。釋曰。答事望理。卽答前一應遍理何故非大等。亦初二句正明遍理非大之相。初句一應遍理。第二句明其非大。亦三四句正答相違之難。亦第三句明一小應遍於大理。亦第四句雖遍於理而應不大。但明事理非一非異。兩義難通。

觀曰。問無邊理性全體一應時。外諸事處。爲有理性。爲無理性。若應外有理。則非全體遍一應。若應外無理。則非全體遍一切事。義甚相違。釋曰。此下第二番對。前以大海雙對一波諸波。互望齊遍無礙之喻而爲問答。今此問也。彼前喻云。又大海全遍一波時。不妨全體全遍於諸波一波。全遍大海時。諸波亦各全遍互不相礙。文中先正問。後答。若應外有下。結成妨難。若約喻問應云。大海全遍一波時。餘諸波處。爲有大海。爲無大海。若波外有海。則非全體遍一波。若波外無海。則非全體遍一切波。對難文可知。



今此明全在一處。以遍一切豈揀一處。第三句明其總遍內外。此是恒理故亦無間。若問應云爲齊遍不。第四句雙非。亦非遍義。故不爲問。義理無妨故。具出四句。後前三下。結成無礙。亦酬前結難義甚相達之言。內外無礙故不相違。

觀曰。次就事四句者。一一事全匝於理時。不礙一切事法亦全匝。是故在內即在在外。二一切事法各匝於理時。不礙一處亦全匝。是故在外即在在內。三以諸事法同時各匝故。是故全在內亦全在外。無有障礙。四以諸事法各不礙故。彼此相望非內亦非外。思之。釋曰。此約事四句。前問所無。今影出之。前喻却有喻云一波全匝大海時。諸波亦各全匝互不相礙。先舉一波以望於海故。是就事四句故前標云多事無礙故。若別爲問者。應問云一事遍於理時。餘事亦遍理不。若亦遍者。則理有重重。若不遍者。多事則不如理。故今答云多事如理同理。而遍則無重重。何以故。理無二故。但事同理即無分限。故云遍耳。於中第一句一事遍不礙多事遍。第二句多事遍不礙一事遍。第三句諸法同時遍。第四句一多之相歷然。問理望於事在一事爲在內。在多事爲在外。今事望理。以何爲內外邪。答亦以一事爲內。多事爲外。若爾何異前門理望於事。答前門先舉理遍於事。名理望事。今門先舉事遍於理。名事望理。故分二門本意。但問多事遍理。一事遍不前門答之。又問一事遍理。多事遍不。故用此門答之通相。皆以事爲內

外故。前門中但有一重之問。即第一句一事全遍理故在內。不礙一一亦遍理。故即在在外。以其一多皆即理故。故云全遍非有多理與事遍也。故第四句云彼此相望非內非外。以前約理。第四但以性非一切。居然非內非外。今此約事望理。理無內外。何有非一非異。故言既不壞相。要須一事之中非是一切。一切事中非是一故。方成第四。故須彼此相望非內非外。已釋第一相遍對竟。

觀曰。三依理成事門。謂事無別體要因真理而得成立。以諸緣起皆無自性故。由無性理事方成故。如波攬水以成動。水望於波能成立故。依如來藏得有諸法。當知亦爾。思之。釋曰。此下第二相成對。然下八門皆先標名。後謂字下解釋。下更不料揀。就此對中。先明理望於事即第三門。先正釋。後以諸下。出所以所以有二。一由無性故。二真如隨緣故。而文有三。初明由無性成。中論云。以有空義故。一切法得成。若無空義者。一切則不成。大品云。若諸法不空。則無道無果。二如波下喻。喻有二義。一上喻無性。由水不守水自性故。而能成波。二下喻真如隨緣成故。謂若無水則無有波。若無真如依何法成。三依如來藏下。合於上喻真如隨緣。即勝鬘經云。依如來藏故有生起。依如來藏故有真如。謂若無真如將何合妄而成生死。以一切法離於真心無自體故。其如來藏即生死門之真如也。故問明品文殊難云。心性是一。云何見有種種差別。覺首答云。法性本無生示現而有生。則是

真如隨緣答

觀曰。四事能顯理門。謂由事攬理故。則事虛而理實。實以事虛故。全事中之理挺然露現。如由波相離令水體露現。當知此中道理亦爾。思之。釋曰。此第四門事望理也。文有法喻合。今釋之。然攝前門成。謂無第三則離理有事。今第四門何能顯理。如離水無波。波起現水。既攬理成故能現理。以法從緣則無性故。況從無性理而成於事。事必無性故從緣無性。即是圓成。夜摩偈云。分別此諸蘊其性本空寂。空故不可滅。此是無生義。由蘊之事方顯性空。性空即是無生。真理又須彌偈云。了知一切法自性無所有。如是解法性。則見虛含那一切法事也。無所有即真理也。

觀曰。五以理奪事門。謂事既攬理成。遂令事相皆盡。唯一真理平等顯現。以離真理外無片事可得故。如水擊波波無不盡。此則水存已壞波令盡。釋曰。此下第三相害對。言相害者。形奪兩亡故。今此第五。理望於事故。理奪事。文有法喻。亦攬第三成此第五。以全將理而爲事故。事本盡矣。先正釋。後以離真下。出其所以。真外無事故則奪事也。如攬水爲波。波唯是濕波自虛矣。故出現品云。設一切衆生於一念中悉成正覺。與不成正覺亦無有異。何以故。菩提無相無非相故。物物無相斯理顯現。生佛兩亡。

觀曰。六事能隱理門。謂真理隨緣成諸事法。然此事法既達於理。遂令事顯。理不顯也。如水成波動顯靜隱。經云。法身流轉五道名曰

衆生。故衆生現時法身不現也。釋曰。此事望理也。文分爲三。初正釋。亦由第三門成。以全理成事。事有形相。理無形相。故。事覆理。故。然此事法既達於理。故隱也。有本云。既匪於理不及達也。次喻顯取靜爲水隱義。明故。三經云下。引證。即法身經下當更釋財首。亦云世間所言論。一切是分別未曾有一法。得入於法性者。事隱理故。

觀曰。七真理即事門。謂凡是真理必非事外。以是法無我理。故。事必依理。理虛無體。故。是故此理舉體皆事。方爲真理。如水即波無動。而非濕故。即水是波。思之。釋曰。此下第四相即對也。前明隱奪。事隱於理而理不亡。理奪於事而事猶存。雖言奪事皆盡。而意在彼事相虛。非無彼事也。今明相即廢已同他。各唯一耳。今第七門。理望於事亦有法喻。法中先略釋。後以是法無我下。出所以。若是但空出於事外。則不即事。今以即法爲無我理。離於事外有何理耶。故理虛無體。全將事法。本來虛寂爲真理耳。喻中無動而非濕。以事即理。意明全將濕爲動。故理即事耳。

觀曰。八事法即理門。謂緣起事法必無自性。無自性故舉體即真。故說衆生即如不待滅也。如波動相舉體即水。故無異相也。釋曰。事望理也。亦有法喻。中論曰。若法從緣生。是則無自性。若無自性者。云何有是法。無自性者是真理也。故事即理。故說衆生即如下。開引淨名。淨名勸勸章云。一切衆生皆如也。又云。若彌勒得滅度者。一切衆生亦應滅度。所

以者何。一切衆生即真如相不復更滅。森羅及萬象一法之所印。觸事而真。不壞假名。而說實相。舉喻可知。是即第八衆生寂滅即是法身。第七法身隨緣名曰衆生。衆生法身體一名異。從本已來未曾動靜。亦無隱顯。以名異故。有互相即。有互隱奪。以一體故得互相即。得互隱顯。由此相即真俗二諦曾不相違。夜摩偈云。如金與金色。展轉無差別。法非法亦然。體性無有異。理即事故雖空不斷。事即理故雖有不常。理即事故無智外如。爲智所入。事即理故。無如外智能證於如。

觀曰。九真理非事門。謂即事之理而非是事。以真妄異故。實非虛故。所依非能依故。如即波之水非波。以動濕異故。釋曰。此下第五相非對也。即雙存義。若不雙存無可相成。相即隱奪等。此門則隨緣。非有之法身。恒不異事而顯現。後門則寂滅。非無之衆生。恒不異真而成立。謂於此門理望於事。而有三對。一是真。二是實。三是所依。即顯第十門。是妄。是虛是能依故。

觀曰。十事法非理門。謂全理之事。事恒非理性相異故。能依非所依故。是故舉體全理而事相宛然。如全水之波。波恒非水。以動義非濕故。釋曰。此第十門。事望於理。但有一對。一明事是於相則影出。第九理是於性都有四對。二能依所依不異。前門。文並可知。若依此對二諦對立。即於諸常自二七八。即於解常自一五六。則二而不二。三四則不二而二。由初一對。則令前義皆得相成。

觀曰。此上十義同一緣起。約理望事。則有成有壞。有即有離。事望於理。有顯有隱。有一有異。逆順自在。無障無礙。同時頓起。深思令觀明現。是謂理事圓融無礙觀。釋曰。第三結勸。於中二。先結東前義。後勸修成觀。前中先總標。若闕一義非真緣起。後約理下。別收十門以成八字。然一三五七九理望於事。二四六八十事望於理。先理望於事有成者。第三依理成事門。有壞者。第五真理奪事門。有即者。第七真理即事門。有離者。第九真理非事門。事望理中有顯者。第四事能顯理門。有隱者。第六事能隱理門。有一者。第八事法即理門。有異者。第十事法非理門。然成壞等就功能說。言有成者。理能成事。非理自成。餘七亦然。則一一門皆有真理無礙之義。故云約理望事等。不會相逼者有三義故。一是總相後八。依此相逼而得成故。二者相逼無別異相。非如成壞隱顯等殊故。三者大同相即相攝故。言逆順自在者。理事相望各二順二逆。三成七即理順事也。四顯八即事順理也。五奪九非理逆理也。六隱十非事逆理也。其相逼言亦是順也。欲成即成。欲壞即壞。欲顯即顯。欲隱即隱。等故云自在。成不礙壞。壞不礙成。等故云無礙。正成之時。即壞時等故曰同時。五對無前後故云頓起。又上四對理望於事。但有成等而無顯等。事望於理。但有顯等而無成等。事從理成故。可許言成理非新有。故但可言顯事。成必滅故得言壞。真理常住但可言隱理。無形相故但可即事。事有萬

差可與理冥。故得云一理。經諸相故云離事。事有差異故云異相。上約義別有此不同。統而收之但成五對。五中前四明事理不離。後一明事理不即。不即不離方為緣起相。又五對之中共有三義。成顯一對。是理事相作義。奪隱不即此之二對。即是事理相連義。相連相即二對。是事理不相礙義。又由相連故有相作。有相作故有於相即。由相連故有於不即。又若無不即則無可即乃至相連。由相連故四對皆成。故說真空妙有各有四義。約理望事有其空四義。一廢已成他義。即依理成事門。二泯他顯己義。即真理奪事門。三自他俱存義。即真理非事門。四自他俱泯義。即真理即事門。由其相即故得互泯。又由初及三。有理遍事門。以自存故舉體成他故遍他也。後約事望理有妙有四義。一顯他自盡義。即事能顯理門。二自顯隱他義。即事能隱理門。三自他俱存義。即事法非理門。四自他俱泯義。即事法即理門。又由初及三。有即事遍於理門。以自存故而能顯他故遍他耳。故約有存亡無礙。真空隱顯自在故。故逆順自在無障無礙。二深思下。勸修成觀學而不思同無所得。體達於心。即凡成聖矣。

觀曰。周遍含容觀第三。釋曰。即事事無礙法界也。觀曰。事如理融攝無礙。交參自在。略辯十門。釋曰。此觀有三。初總標舉數。二別顯觀相。三結勸修行。今則初也。即總名之意。以事事無礙。若唯約事則彼此相礙。若唯約理

則無可相礙。今以理融事。事則無礙。故云事如理融。然理含萬有無可同喻。略如虛空。虛空中略取二義。一普遍一切色非色處。即周遍義。二理含無外。無有一法出虛空故。即含容義。理亦如空。具於二義無不通故。無不包故。即事如理乃至諸塵亦能包遍。故云事如理融攝無礙。攝即含容義。無礙二義。一偏不礙攝。二攝不礙遍。故事事能攝能遍等皆無礙。其交參自在亦遍十門。

觀曰。一理如事門。謂事法既虛。相無不盡。理性真實體無不現。是則事無別事。即全理為事。是故菩薩雖復看事即是觀理。然說此事為不即理。釋曰。此下十門展轉相生。然事理相如大同前門相遍門也。即為總意能成下八。比二猶兼理事無礙。有此二故。得有事無礙之義。屬事攝攝。而有本云。理如事現。事如理遍。乍觀釋文多遍現義細尋成局。但有遍現闕餘義故。遍現二字諸本多無。無則義寬。今依無本。今理如事者。如事之現。如事之局。如事差別。如事大小一多等。故後門事如於理。非但如理遍亦如於理。無相無礙非內外等。又若有遍現。亦似事理。無礙觀中事理相遍。故無遍現於義為正。十門皆先標名。後解釋。今初理如事中。先正釋。既以事虛理實理體現。是則真理如事之虛。以虛名為實體。虛即是實名無別事。次是故菩薩下。以人證成由見事實。是故見事即是見理。後然說此事下。不壞相故。若壞於相理何所如。是則真理。如事相大小。

觀曰。一事如理門。謂諸事法與理非異故。事隨理而圓遍。遂令一塵普遍法界。法界全體遍諸法時。此一微塵亦如理性。全在一切法中如一微塵。一切事法亦爾。釋曰。據初釋文。似但明遍義。遍是理之別稱。相無分限。故既一微塵舉體。全在一一切法中。亦如理之不可分也。文中先出所因。由不異理故。由第一門理如事故。遂得此門事全如理。言圓遍者。無分故圓體周故偏。次遂令下。別示遍相。謂遍理法界。從法界全體下。明壞遍事。由塵如理故遍諸事。次如一塵下。舉微塵例諸事。即事事皆遍。斯則事事重重無礙矣。

觀曰。三事含理事無礙門。謂諸事法與理非一故。存本一事而能廣容。如一微塵其相不大。而能容攝無邊法界。由剎等諸法既不離法界。是故俱在一塵中現如一塵一切法亦爾。此理融攝通非一非異故。總有四句。一一切中。二一切中。三一切中。四一切中。一切各有所由思之。釋曰。文有三。一正釋。二結例。三融通。今初。由上一事含於理故。餘一切事與所含理體不異故。隨所含理皆在一事中。而言與理非一者。前門與理非異。同理而遍。此門亦是如理。而含則亦不異。由不壞一相方有能含。對前非異故言非一。下通局中則顯第二亦不壞相。如一微塵其相下。出事含相。二如一塵下。結例。三此事理下。融通就廣。容門有此四句。此中能含所含不出一多。交絡成四為能含邊。皆具與理非一非異義。由非一故有體為能含。由非異故有用。

觀曰。事如理融攝無礙。交參自在。略辯十門。釋曰。此觀有三。初總標舉數。二別顯觀相。三結勸修行。今則初也。即總名之意。以事事無礙。若唯約事則彼此相礙。若唯約理

則無可相礙。今以理融事。事則無礙。故云事如理融。然理含萬有無可同喻。略如虛空。虛空中略取二義。一普遍一切色非色處。即周遍義。二理含無外。無有一法出虛空故。即含容義。理亦如空。具於二義無不通故。無不包故。即事如理乃至諸塵亦能包遍。故云事如理融攝無礙。攝即含容義。無礙二義。一偏不礙攝。二攝不礙遍。故事事能攝能遍等皆無礙。其交參自在亦遍十門。

觀曰。一事如理門。謂諸事法與理非異故。事隨理而圓遍。遂令一塵普遍法界。法界全體遍諸法時。此一微塵亦如理性。全在一切法中如一微塵。一切事法亦爾。釋曰。據初釋文。似但明遍義。遍是理之別稱。相無分限。故既一微塵舉體。全在一一切法中。亦如理之不可分也。文中先出所因。由不異理故。由第一門理如事故。遂得此門事全如理。言圓遍者。無分故圓體周故偏。次遂令下。別示遍相。謂遍理法界。從法界全體下。明壞遍事。由塵如理故遍諸事。次如一塵下。舉微塵例諸事。即事事皆遍。斯則事事重重無礙矣。

方能含爲所含邊。但約與理非異義耳。如初一中一者。上一不壞相故。有能含體而與下一理非異。故便能包含下一。而下一由與上一理非異。故隨所含理在上一中。以離理無事故。二一切中一者。以一切不壞相故。有能含體與下一理不異。故能含於下一。下一與上一一切理不異。故隨下一自一之理在上一一切中。三一切中一者。由一不壞相故。得爲能含而與下一一切理不異。故能含一切所含一切與上一理不異。故隨自一切之理在上一中。四一切中一者。由上一一切不壞相故。有能含體與下一一切理非異。故能含下一一切。下一一切與上一一切理非異。故隨下一一切之理在上一一切之中。是故結云各有所由。前第二門是廣遍義。此第三門是含容義。已具此觀之總名矣。此下之七門。並皆不離廣遍含容之二義也。

觀曰。四通局無礙門。謂諸事法與理非一即非異。故令此事法不離一處。即全遍十方一切塵內。由非異即非一故。全遍十方而不動。一位即速即近。即遍即住。無障無礙。釋曰。此門重釋第二。第二俱遍今不壞相有不遍義。遍即是通。不遍是局。文中與理非一故局。非異故通。即速下結遍即是通。住則是局。觀曰。五廣陝無礙門。謂諸事法與理非一即非異。故不壞一塵而能廣容十方利海。由非異即非一故。廣容十方法界。而微塵不大。是則一塵之事。即廣即陝。即大即小。無障無礙。釋曰。此重釋第三門。三明如理包含。今由

與理有非一義。不壞陝相而能廣容。文中非一故陝非異故廣。先明非一即非異。故明不壞。廣容下句反上。是則一塵下結。

觀曰。六遍容無礙門。謂此一塵望於一切。由普遍即是廣容。故遍在一切中時。即復還攝彼一切法。全住自一中。又由廣容即是普遍。故令此一塵還即遍在自內一切差別法中。是故此一塵。自遍他時。即他遍自。能容能入。同時遍攝無礙。思之。釋曰。此門正合前四五二門。兼合二三。以四五二門釋二三。故廣容普遍不相離。故名中遍即普遍。容即廣容。釋文中。先標。次釋。後結。今初。以一望多有通容義。以有彼多可得遍故。此一能容。若多望一即無遍容。以所望之一無可言遍。能望之多而得於一。不可得言爲廣容。故次由普遍下。釋有二對。初遍即是容。唯一遍一容。後又由下。容即是遍。亦是一容一遍。前中遍即是容者。一遍多時。還攝所遍之多。在我一內。猶如一鏡遍九鏡時。還攝九鏡在一鏡內。後容即是遍法約反上。謂如一鏡容多鏡時。能容之一鏡。却遍所容多鏡影中。故云還遍自內一切差別法中。是故下結。可知。

觀曰。七攝入無礙門。謂彼一切望於一法。以入他即是攝他故。一切全入一中之時。即令彼一還復在自一切之內。同時無礙。又由攝他即是入他故。一法全在一一切中時。還令一切恒在一內。同時無礙。思之。釋曰。釋相之中。先標。後釋。今初。但約以多望一能攝。即前能容入。即前遍而前一爲能遍。有多可通。

今入但入於一。不得言遍。前門有多可容。故得言容。今一無多可容。故但云攝。次以入他即是攝他故。下別釋其相。亦有二對。前對多爲能入。故還攝所入之一。在能入多中。如九鏡入於一鏡。還攝所入一鏡。在能入多鏡之中。後對但反前多能入爲多能攝耳。謂多攝一時。多爲能攝。一爲所攝。而多即能入。故還將此多。入於所攝一法之中。如九鏡爲能攝。還將九鏡入所攝一鏡之中。然上二對能入能攝。皆是於多即攝即入。名攝入無礙。而一但爲所攝所入。不得能攝能入之名。至第八門方有能攝能入耳。後同時無礙者。結也。結上多能入時。即爲能攝。故云同時。

觀曰。八交涉無礙門。謂一法望一切。有攝有入。通有四句。謂一攝一切一入一切。一切攝一切一切入一切。同時交參無礙。有本後二句入在頭。釋曰。釋文亦三。初標所依。次釋。三結。初中但一望多。有攝有入。次通有四句下。釋。以一望一切故。一在初。然第六門。亦一望多。但有容遍二句而無攝入。第七門但多望一。有攝有入亦唯二句。今第八門。雖一望一切。而一與多俱爲能攝能入。得交涉名。又交涉者。前第七門多能攝一。即多亦爲能入。今第八門。多攝於一。所攝之一亦能攝多。故能攝之多却爲所攝。故入一中得交涉名。既一之與多俱爲能攝能入。便有四句。雖似八句二二合故。故但四句。四句皆具攝之。與入第一句云。一攝一切一入一切者。謂上句一爲

能攝一切爲所攝，而所攝一切，亦得爲能攝。即上能攝之一，却爲所攝故。上之一却入一切之中故。云一入一切。第二句云，一切攝一入一者，上句一切爲能攝，一爲所攝，而所攝一亦爲能攝，故上之一，却却爲所攝云一切入一。此句但反上第一句耳。三即以一望他。四即第三句中，一切復望別一切，以其四句爲能攝邊，同理之包爲能入邊，同理之通故。又四句皆由與理非一非異故。由與理非一，有一多體可爲攝入。由與理非異，便能攝入。若以十鏡爲喻，一鏡爲一，九鏡爲多。謂初句云，一攝一切一入一切者，應云一鏡攝九鏡，一鏡入九鏡，謂上一鏡爲能攝，則九鏡爲所攝。而所攝九鏡亦爲能攝，故上能攝之一鏡，却入九鏡之中。云一鏡入九鏡。下三例然。第二句云，一切攝一入一者，應云九鏡攝一鏡，九鏡入一鏡，謂上九鏡爲能攝，則一鏡是所攝。以所攝一鏡亦爲能攝，故上能攝之九鏡，却入所攝一鏡中。云九鏡入一鏡。第三句一攝一法一入一法者，應云一鏡攝一鏡一鏡入一鏡，謂第一一鏡攝第二一鏡，第二一鏡亦入第二一鏡，第四句云，一切攝一切一入一切者，應言十鏡各攝於九鏡，十鏡皆入於九鏡，而所入所攝但云九鏡者，留一爲攝入故。言有本云後二句入在頭者，云一入一法一攝一法，一切入一切一切攝一切，以不例前故。依現本四句，皆攝在初。

觀曰：九相在無礙門，謂一切望一亦有入有攝。亦有四句，謂攝一入一，攝一切入一，攝一入一切，攝一切入一切，同時交參無障無礙。釋曰：初標名，云相在者，自己攝法入他法中。他又攝法在我己中，故云相在。至下句中常見釋中亦三，謂標釋結。標云，一切望一者，一切在初正反第八，二亦有四句下釋。釋四句中，上標既云一切望一則有四句。四句之首皆合有一切之言以爲能攝。今並略耳，但取所攝所入以成四句。然此四句與前全異。如前一攝一法一入一法，但明白一隨對他，自一攝他一時，亦入他一耳。今則不然，謂第一句云攝一入一者，此謂一切隨攝一法將入一法。約十鏡說，總以九鏡爲能攝，第一句者，九鏡攝第一一鏡入第二一鏡之中。二攝一切入一者，謂九鏡皆攝九鏡入一鏡中。三攝一入一者，九鏡各攝一鏡遍入九鏡之中。四攝一切入一者，九鏡皆攝九鏡各入九鏡之中攝。將隨一入彼一中，復攝彼一在此多中，等故名相在。約法一一作者，且約諸佛望衆生說。總以諸佛爲一切是能攝，衆生爲所攝所入。第一句者，諸佛攝一衆生入一衆生中。二者，諸佛攝一切衆生入一衆生中。三者，諸佛身攝一衆生，入一切衆生身中。四者，諸佛各攝一切衆生，入一切衆生身中。餘法相望一多皆爾。三同時下總結，由此互攝互在故。有帝網重重之義。問此一切望一，皆一切在初，則一望一切何不四句皆一在初。答若但一在初唯有兩句，謂一攝一切一入一切爲一句，一攝一法一入一法爲

兩句耳。今由相涉第二句一切，是前所攝爲能攝故。第三句互一相對，第四句唯一相對，故成四句耳。故不得四句皆一在初，然正義如前，更有一意。如攝一入一，謂一切正攝一時，即能入一等。若爾何異第八，第八一攝一入一者，一入所攝一中，今趣舉一其皆入，以正同理廣容，即同理普遍故。若爾何異第七，第七但有二句，亦自入所攝一中故。此中一切正攝一亦入。餘一亦入一切等故。若約十鏡作者，一鏡爲一，九鏡爲一切，一者九鏡攝一鏡，九鏡亦能入一鏡。二者九鏡攝九鏡，九鏡入一鏡。三者九鏡攝一鏡，九鏡即入九鏡。四者九鏡攝九鏡，九鏡亦即入九鏡。爲攝一切入一切，雖通此釋今不取之。亦有云，前第八門是複四句，一攝一一入一，兩句方成一句故。今一攝一者，但攝其一入我一中，二但攝一切入我一中，若爾但有一攝句耳，亦無入義故不取之。

觀曰：十普融無礙門，謂一切及一普皆同時，更互相望一一具前兩重四句。普融無礙準前思之。釋曰：此第十門總融，前九近且收三。第八門一望一切，第九門一切望一，今具此二，以一望一切，有第八門四句，以一切望一，有第九門四句，其第七門雖不具四句，而是一一切攝一中收故。近收三，言總收九者，九門不出一多故。由其初門理如事故，一可爲多。由第二門事如理故，多可爲一。二四如理之遍，三五如理之包，二即二而不二，四即不二而二，以不壞相故。三即非廣而廣，五即廣

觀曰。今圓明顯現。稱行境界無障無礙。深思之。令現在前也。釋曰。第三結勸修學。謂若圓明在心。依解生行。行起解絕。雖絕而現解行雙融。修而無修。非唯周遍一門。實亦三觀齊致。無心體極無間常行。何障不消。何法能礙。斯觀顯現。聖遠乎哉。體之則神矣。體非權小聖亦難思矣。故初生王宮。貴極臣佐。離此成觀。安造玆玄。余久深玄籍。注想華嚴。此之一觀。久而究盡。不鏡方寸。虛負性靈。故名法界玄鏡。時已從心之歲矣。本文結云。華嚴法亦玄一卷。有本無文字今依有本也今夾本文在內。別題云華嚴法界玄鏡。

## No. 1884

法界者。一切衆生身心之本體也。從本已來。靈明廓徹。廣大虛寂。唯一真之境而已。無有形貌而森羅大千。無有邊際而含容萬有。昭昭於心目之間。而相不可觀。晃晃於色塵之內。而理不可分。非微法之慧目離念之明智。不能見自心如此之靈通也。甚矣衆生之迷也。身反在於心中。若大海之一漚爾。而不自知。有廣大之威神。而不能用。殼鯨而自投於籠檻。而不自悲也。故世尊初成正覺。歎曰。奇哉。我今普見一切衆生。具有如來智慧德相。但以妄想執著。而不證得。於是稱法界性。說華嚴經。令一切衆生。自於身中得見如來廣大智慧。而證法界也。故此經極諸佛神妙智用。徹諸法性相理事。盡修行心數門戶。真可謂窮理盡性者也。然此經雖行於世。而罕能通之。有杜順和尚。歎曰。大哉法界之經也。自非登地。何能披其文。見其法哉。吾設其門以示之。於是著法界觀。而門有三重。一曰真空門。簡情妄以顯理。二曰理事無礙門。融理事以顯用。三曰周遍含容門。攝事以顯玄。使其融萬象之色相。全一真之明性。然後可以入華嚴之法界矣。然此觀雖行於世。而罕能入之。有圭山禪師。歎曰。妙哉法界之門也。自非知樞鑰之淺深。識閭闔之廣狹。又何能扣其門而入之哉。於是。直以精義注於觀文之

下。使人專注而見門。得門而入觀。由觀以通經。因經以證性。朗然如秉炬火而照重關。必廣說而爲華嚴答曰。吾聞諸圭山云。法界萬象之真體。萬行之本源。萬德之果海。故如來演萬行之因華以嚴本性。而顯示諸佛證法性之萬德也。故九會之經。品品有無量義。或剎塵數因地行願。或恒沙數果位德用。行布差別。無礙圓融。故佛身一毛端。則遍一切。而含一切也。世界爾衆生爾。塵塵爾。念念爾。法法爾。無一法定有自體而獨立者。證此本法。故能凡聖融攝。自在無礙。納須彌於芥中。擲大千於方外。皆吾心之常分爾。非假於他術也。由是觀之。則吾輩從來執身心我人。及諸法定相。豈非甚迷甚倒哉。然則華嚴稱法界而極談。猶未爲廣也。問曰。華嚴理深而事廣。文博而義玄。非法身大士不能證入。今數紙觀文。豈能盡顯之哉。若觀門以文略義廣爲得。則大經以文繁義局爲失矣。答曰。吾聞諸圭山云。夫欲觀宗廟之遷美。望京邑之巨麗。必披圖經而登高臺。然後可盡得也。不登高而披圖。則不可謂真見。不披圖而登高。則眊眊然無所辨。故法界具三大。該萬有性相。德用備在心。不在經也。明因果。列行位。顯法演義。勸樂生信。備在經。不在觀也。觀者。通經法也。文者。入觀之門也。注者。

①增上寺報恩藏明本，②慶安二年刊大谷大學藏本，③宮內有圖書寮藏宋本 ④〔唐〕一⑤⑥ ⑦理事二事理 ⑧色二康 ⑨說一  
 以 ⑩ ⑪直二眞 ⑫乘二失 ⑬界十〔之〕 ⑭〔而〕一 ⑮經二障 ⑯也十〔世人見說諸佛菩薩神變必謂假於他術或謂  
 虛誕之辭此二罪皆非也若青假於他術者豈可聖人動不合理而假妖怪以惑人哉若言虛誕之辭者魔妖精魅何能神變況法身真人猶不能  
 爲之哉〕夾註 ⑰託十〔晉胃日少暗光〕夾註 ⑱〔晉胃日少暗光〕夾註 ⑲德用二功德 ⑳也十〔如宗廟京邑之美麗在城中不在  
 園上〕夾註 ㉑〔如宗廟京邑之美麗在城中不園上〕夾註 ㉒也十〔如宗廟遠近街衢之閑陬在園不在臺〕夾註 ㉓〔入觀通經以證性如登  
 高乘披圖而望京邑也〕夾註 ㉔〔觀者通經法也〕一 ㉕也十〔入觀通經以證性如登高乘披圖而望京邑也〕夾註 ㉖也十〔如高

門之樞鑰也。故欲設法界之性德莫若經。通經之法義莫若觀。入觀之重玄必由門。關三重之秘門必由樞鑰。夫如其則經不得不廣。門不得不東矣。然則其門何以爲三重。答曰。吾聞諸圭山云。凡夫見色爲實色。見空爲斷空。內爲筋骸所格。外爲山河所眩。故困踣於迷塗。局促於轄下。而不能自脫也。於是菩薩開真空門以示之。使其見色非實色。舉體是真空。見空非斷空。舉體是幻色。則能廓情塵而空色無礙。泯智解而心境俱冥矣。菩薩曰。於理則見矣。於事猶未也。於事開理事無礙門以示之。使觀不可分之理。皆圓攝於一塵。本分限之事。亦通遍於法界。然後理事圓融無所罣礙矣。菩薩曰。以理望事則可矣。以事望理則未也。於是開周遍含容門以示之。使觀全事之理。隨事而一一可見。全理之事。隨理而一一可融。然後一多無礙。大小相含。則能施爲隱顯神用不測矣。問曰。觀文有數家之疏。尙未能顯其法。今略注於文下。使學者何以開心目哉。答曰。吾聞諸圭山云。觀者見法之智眼。門者通智眼。令見法之門。初心者悟性之智雖明。不得其門則不能見法。此文卽入法之門矣。但應以智眼於門中觀照妙境。若別張義目而廣釋之。是於門中復設門也。又此門中重重法界。事理無邊。雖百紙不能盡其義。徒以繁文廣說。無復真法而惑後人爾。且首標修字者。欲使學人冥此境於自心。心慧既明。自見無盡之義。不在備通教典碎列科段也。然不指而示之。則學者

亦無由及其門。故直於本文關要之下。隨本義注之。至其門已。則使其自入之也。故其注簡而備。不備則不能引學者至其門。不簡則不能使學者專妙觀。夫觀者以心目求之之謂也。豈可以文義而至哉。問曰。略指其門誠當矣。吾恐學者終不能自入也。答曰。吾聞諸圭山云。夫求道者必資於慧目。慧目不能自開。必求師以助其膜也。若情膜未扶。雖有其門。亦焉能入之哉。縱廣何益。問曰。既遇明師。何假略注。答曰。法界難觀。須依觀以修之。觀文難通。須略注爲樞鑰之用也。惑者稽首讚曰。入法界之術盡於此矣。

### 注華嚴法界觀門

圭峯蘭若沙門宗密注

修止觀卽熏習造詣

大方廣佛華嚴 所依經也。大方廣是所證法。佛華嚴是能證人。大者體也。諸佛衆生之心體。方廣卽體之相用。佛者果也。華嚴因也。華喻萬行。卽卽大智。大智爲主。運於萬行。嚴大方廣成佛果也。略無經字。意不在文法界。清涼新經疏云。統唯一眞法界。謂總該萬有。卽是一心。然心融萬有。便成四種法界。一事法界。界是分義。一一差別。有分齊故。二理法界。界是性義。無盡事法。同一性故。三理事無礙法界。具性分義。性分無礙故。四事事無礙法界。一切分齊事法。一一如性

融通。重重無盡故

觀情盡見除。冥於三法界也

門此八九紙文約此成觀故

略有三重。除事法界也。事不獨立故。法界宗中無孤單法故。若獨觀之。卽事情計之境。非觀智之境故。若分析義門。卽有其四。今以對能觀之智。故唯三重。此三但是一道豎窮展轉玄妙。非初法界外別有第二第三。既不旁橫。故云三重。不云三段。

京終南山釋杜順集。姓杜。名法順。唐初時行化。神異極多。傳中有證。驗知是文殊菩薩應現身也。是華嚴新舊二疎初之祖師。儼尊者爲二祖。康藏國師爲三祖。此是創製。理應云作。今云集者。以祖師約自智。見華嚴中一切諸佛。一切衆生。若身心。若國土。一是一此法界體用。如是義境。無量無邊。遂於此無量境界。集其義類。束爲三重。直書於紙。生人觀智。不同製述文字。故但云集。此則集義非集文也。

眞空第一。理法界也。原其實體。但是本心。今以簡非虛妄念慮。故云眞。簡非形礙色相。故云空也。

理事無礙第二。卽此名之法界。周遍含容第三。事事無礙法界。

眞空觀。第一眞空觀法於中略開四句十門。一會色歸空觀。二明空卽色觀。三空色無礙觀。四泯絕無寄觀。就初門中爲四。前三簡情。後一顯理。前三

①也十(蓋高門深非善用福論者不能開也)夾註②③ ②經十(性德廣大非經局說不能盡也)夾註④⑤ ③觀十(法義廣廣不出三重法界非觀不能入也)夾註⑥⑦ ④門十(觀境廣深無門不可入也)夾註⑧⑨ ⑤幻色二眞法⑥門二文⑦(義)一⑧已則二則已⑨心目求之求目⑩略指一指略⑪(慧目)一⑫扶一扶⑬入二大⑭(華嚴)一⑮注二註⑯眞二眞⑰(義)一⑱(大智)一⑲(謂)一⑳三二二㉑(略)一㉒事二事㉓(東)一㉔(眞空觀)一㉕



中一箇斷空。文中結釋云：是其非斷故。二箇實色。文中結釋云：無體之空非青黃故。言實色者。約妄情計爲確然實有自體。故不以形顯二色。分假實也。約情計於形顯俱爲實故。然此文中以顯色例形色也。三雙簡。文中直云會色歸空。空中必無色。故據義則句句皆簡情計斷空實色。據文則初二句影略互彰。第三方雙簡也。實性論亦簡空亂意菩薩計三種空。恐煩觀智。不必和會。和會亦不全同也。一色不即空以即空故。標也。何以故。微也。次下釋也。最後結也。餘皆倣此。色不即是斷空故不是空也。釋上句也。斷空者。虛豁斷滅。非真實心。無知無用。不能現於萬法。此有二種。謂離色明空。及斷滅空。離色空者。空在色外。如牆處不空牆外是空。斷滅空者。滅色明空。如穿井除土出空。要須滅色也。今簡異此。故云不是斷空也。故中論云。先有而後無是則爲斷滅。然外道小乘皆有斷滅。外道斷滅歸於太虛。二乘斷滅歸於涅槃。故聲論云。大患莫若於有身。故滅身以歸無。勞動莫若於有智。故絕智以論虛。又云。形爲桎梏。智爲雜毒。楞伽云。若心體滅。不異外道斷滅戲論。以色舉體是真空也。故云以即空故。釋下句也。以色等本是眞如一心。與生滅和合。名阿梨耶識等。而爲能變。變起根身器界。即是此中所。名色等諸法。故今推之。都無其體。歸於眞心之空。不合歸於斷滅之空。以

本非斷空之所變故。所言歸者。下有其文。良由即是眞空故非斷空也。結成所釋。是故言由是空也。故不是空也。結所標也。上結下句。下結上句。二色不即空以即空故何以故以青黃之相非是眞空之理故云不即空。釋上句也。以聞經說色空。不知色性空。便執色相以爲眞空。故須簡也。此簡凡夫及初心菩薩。不簡小乘。小乘不計色爲即空故。然青黃無體。莫不皆空也。故云即空。眞也。釋下句。然前云色舉體是眞空。此云青黃無體莫不皆空者。雖云青黃。即兼長短等。必依質礙有青黃等故。空有三義。以破於色。一無邊際義。謂空若有邊。則有色法在空界外。空既無有際畔。則占盡十方邊量。無有其外。更於何處而有有色等法耶。二無壞義。諸惑者云。空雖無外。何妨色等。祇在空界之中。故以無壞義破之。謂若有物入於空中。則隨此物大小分量。穿破於空以容其物。如搬入地中。釘錐之類入於木中。皆隨搬等大小分量穿於地等。若地等不破。則不容搬等而入。救曰。如水不可穿破。而容物入水中。何妨虛空亦爾。破曰。水雖不破。然物入時。隨物大小分量。排之以容其物。以水性至柔。不妨流動移轉故。虛空豈同此水。被排之動轉耶。三無難義。謂惑者又云。空界無外。空體無壞。不妨萬物皆在空中。以空是虛通無罣礙故。能含容故。破曰。若物在空中。空又不壞不轉。其物與空應相混雜。如一團堅密之物。方亭一尺。

此方尺分量之空。既不壞不轉。元在本方一尺分量之處。則與此方尺之物。豈非難耶。若言不難。則須。一去一存。若言俱存又不難者。則一尺之分。各占五寸之地。如此轉不相應也。若言俱存俱遍一尺之分。理亦不然。何者。以空與色有二相違。不應全體同遍當處。何者二違。一空是無物。色是有物。二空是虛通。色是質礙。不可方尺分中。言全是無物復言全是有物。又不可言全是虛通。復言全是質礙。豈有此理耶。故上云青黃之相。非是眞空之理。此云青黃莫不皆空也。是知虛空既無邊無壞無難。則空中必定無有色。故云即空也。良以青黃無體之空。非即青黃故云不即空也。舉其無體之空。結非色相。明空非有。豈得明耶。三色不即空以即空故何以故以空中無色故不即空會色無體故即是空也。良由會色歸空中必無色。決定而斷也。般若心經云。是故空中無色。無受想行識。十二處。十八界。十二因緣。四諦等。佛頂云。云何是中。更容他物。是故由色空也。故色非空也。上皆當句上三門以法簡情訖。總結三門。四色即是空何以故凡是色法必不異眞空以諸色法必無性故。從緣有故。依他無性即圓成故。是故色即是空。既非滅色存色。不即不離。故即眞空。空非色相。無遍計矣。依他緣起無

①知二智 ②也一 ③智爲雜毒 ④名二明 ⑤於一 ⑥諸二謂 ⑦此二只 ⑧空一 ⑨一去一 ⑩無一 ⑪明二色 ⑫故一 ⑬即是二 ⑭門二句 ⑮\*

性。無性真理即是圓成。古人云。色去不留空。空非有邊住。

如色空既爾一切法亦然思之。色是法相之首。五蘊之初。故諸經凡欲說空義。皆約色說。如大般若列八十餘科名數。皆將色例也。舉要而示。則六道衆生。及十方諸佛菩薩二乘人等。五蘊十二處十八界也。此宗染淨無二相故。應云受想行識不即是斷空等。其青黃等文。即云領納等相。非是真空之理等。乃至諸佛。即云神通光明等相。非是真空之理等。即不可以身相見如來也。

第二明空即色觀者於中亦有四門。簡情顯解。標微釋結等。一一如前。四門但文勢相翻。以成後文空色無礙。泯絕無寄。當般若心經。空即是色等文也。唯第三句。非敵對相翻。義亦不異。一一反上以成中道更無別義也。一空不即色以空即色故何以故斷空不即是色故云非色。釋上句也。

真空必不異色故云空即色。釋下句也。要由真空即色。結下句也。

故令斷空不即色也。結上句也。

二空不即色以空即色故何以故以空理非青黃故云不即色。釋上句也。

然不異青黃故言空即色。釋下句也。

要由不異青黃故不即青黃。結釋。

故云。即色不即色也。結標。

三空不即色以空即色故何以故空是所依非能依故不即色。釋上句也。對上空中無色。無色方是色之所依故。如鏡中之明無影也。

必與能依作所依故即是色也。釋下句也。無色故能與色爲依。如鏡中之明。無影像故。方能與影像作所依也。故不即是影。此不敵對反上文者。以空中無色。有理有文。色中無空。文理俱絕。故但約能所依持而簡也。有理者。摩尼珠中。必無黑等。色。有文者。如上所引。經云。是故空中無色。無受想等也。理絕者。珠所現色。色處必有明珠也。文絕者。諸聖教中。悉不見有色中無空之文也。

良由是所依。故不即色是所依故即是色。釋結。是故由不即色。故即色也。以義結標。上三門亦以法簡情訖。

四空即是色何以故凡是真空必不異色以是法無我理。即真空體也。謂二空所顯之真如也。

非斷滅故。真如不守自性也。上皆釋竟。是故空即是色。結也。

如空色既爾一切法皆然思之。真空既不異色。亦不異一切法也。如前所例。

第三。空色無礙觀。雖有空色二字。本意。唯歸於空。以色是虛名虛相。無纖毫之體。故修此觀者。意在此故也。文中舉色爲首云空現。舉空爲首不言色現。還云空不隱也。是故但名真空觀。不言真空妄色觀。

謂色舉體。不異空全是盡色之空故則色盡而空現空舉體不異色全是盡空之色故則空即色而空不隱也。色空之文。各有二句。皆先標無礙所以。下出無礙之相。謂若色。是實色。即礙於空。空是斷空。即礙於色。今既色

是幻色。故不礙空。空是真空。故不礙色。也有本云。色不盡而空現。亦通。然不如無是故菩薩看色。無不見空。觀空莫非見色。無障無礙爲一味法思之可見。

第四泯絕無寄觀。文二。初釋此觀。後總辨四門。初中二。初正泯絕。後微釋所以。初中文云不可等者。既本文自釋。今不重註。亦得。後文勢展轉不同。今亦略別配釋於文下。

謂此所觀真空不可言即色。空若即色者。聖應同凡見聖妄色。凡應同聖見真空又應無二諦。

不即色。若不即者。見色外空。無由成於聖智。又應凡聖永別。聖不從凡得故。上二句。拂前第二觀也。

亦不可言即空。色若即空者。凡迷見色。應同聖智見空。又亦失於二諦。

不即空。若不即空者。凡夫見色。應不迷。又凡夫所見色。長隔真空。應永不成聖。上二句拂前初觀也。

一切法皆不可。拂上結例。上云。如色空既爾。一切法亦然。是也。

不可亦不可。見彼等皆不可。亦同分別此語亦不受。受即是念。

迥絕無寄。般若現前。非言所及。言語道斷。

非解所到。心行處滅。故不可智知。故是謂行境。有二境。一是行之境。今心與境冥。冥心遣智。方詣茲境。明唯行能到。非解境故。二者如是冥合。即是真行。行即是境。

①無性 ②人二入 ③(無) ④空即是色 ⑤色即是空 ⑥(也) ⑦色十(也) ⑧(故) ⑨唯二性 ⑩(不異空) ⑪(色) ⑫(是) ⑬(無) ⑭註二法 ⑮後二然 ⑯安二青 ⑰永二求 ⑱(夫) ⑲(色應) ⑳又凡夫二凡 ㉑(如) ㉒今二令 ㉓(心) ㉔道二道

行分齊故

何以故以生心動念即乖法體失正念故 第二

二微而釋也。真空理性。本自如然。但以迷之。動念執相。故須推破簡情顯理。今情忘智泯。但是本真。何存新生之解。數。若有解數。即為動念。動念生心。故失正念。正念者。無念而知。若總無知何名正念。此下總辨四門

又於前四句中初二句八門皆簡情 各前三句 各當末句

顯解 各當末句

第三句一門解終趣行第四句一門正成行體

已上正分解行也。此下反顯相須。如目足更資也。又初句會色歸空。無增益。二明空即色。無損。滅。三空色無礙。不是雙非。無戲論。四浪絕無寄。不是亦空亦色。無相違

謗。四謗既無。百非斯絕。已當八部般若。無相大乘之極致也。況後二觀展轉深玄。又初句當色即是空。次句當空即是色。第三當色不異空。空不異色。第四即當不生不滅。乃至無智亦無得也。又乍觀文相。似當初句空觀觀真諦。次句假觀觀俗諦。三四二句中道觀觀

第一義諦。三即雙照明中四即雙遮明中。細詳觀文所宗。即不然也。以雖有空色等言。但為成於真空觀也。名題昭然若此。即空假真俗。三觀三諦已備。大理事無礙。復是何觀。故知不然。次下反顯行解相資云

若不洞明前解無以攝成此行 由前成此若不解此行法絕於前解無以成其正解 絕

解為真解也。由此成前

若守解不捨無以入玆正行 捨解成行

是故行由解成行起解絕

。理事無礙觀

理事無礙觀。觀第二。前雖說色是簡情計以成真空。空色無礙。浪絕無寄。方為真如之理。未顯真如妙用。故唯是真空觀門。未為理事無礙。今諸事與理炳然雙融。故得此觀名也。文三。謂一標二釋三結勸。也

但理事 對對理在上者。是所依本故

銘 銘治也。謂初領義

融 融和也。謂相成義。以理銘事。事與理而融和也。即初二門。二門互融。故互遍也

存亡七逆五順四通有十門 標也具此等十方名理事無礙觀之於心即名。能觀。觀事當俗。觀理當真。令觀無礙。成中道第一義觀。自然悲智相導。成無住行。已當大乘同教之極致。故下第三觀是別教一乘迥異諸教。上釋所標。訖。次下別釋十門者。有五對。一相遍

二相成。三相害。四相即。五相非。初對中四一正釋。二歎深。三喻指。四問答。初中文二也

一理遍於事門

謂能遍之理性無限 性空真理。一相無相故

所遍之事分位差別 染淨心境。互為緣起。起滅時分。此彼相觀。不可具陳

一一事中理皆全遍 不全即是可分

非是分遍 經云。法性遍在一切處。一切衆

生及國土。三世悉在無有餘。亦無形相而可得。二句即全遍。末句即不可分也

何以故彼真理不可分故 釋全遍所以也

是故一一微塵皆攝無邊真理無不圓足

二事遍於理門

謂能遍之事是有分限所遍之理要無分限此有分之事於無分之理全同非同 以全同名遍

何以故以事無體還如理故 非如浮雲遍空是故一塵不壞而遍法界也。如一塵一切法亦然思之。上正釋二門竟。此下結以歎深

此全遍門超情離見 一塵既無涯分。何有法之當情。即不可以識識也。真理全在塵中。何五眼而可觀。即不可以智知也。有本云難見。似明容有可見之分。然不及離字

非世喻能況 經云。三界有無一切法。不能與此為譬喻。此因結歎。便簡後喻。亦不得以世俗情所見矣。世人焉見全一大海在一波中耶。上釋結歎。竟。此下喻指文三。一喻大小無礙。二喻一異無礙。三喻諸法各各全遍。此但以海波指理事之位。以分義相非全喻法

如全一大海在一波中而海非小 海無二故

俱鹹濕故

如一小波匝於大海 即同海故

而波非大 不壞相故此以喻上理事相遍

竟

同時全遍於諸波而海非俱時各匝於大海

而被非一 非一異者。下自問答明示

又大海全遍一波時不妨舉體全遍諸波一波

①數十(也) ②動念一 ③此下總辨四門一 ④滅二滅 ⑤雙二相 ⑥三二二 ⑦理事無礙觀一 ⑧相一終 ⑨此二此 ⑩訖十(一) ⑪文二即 ⑫世二出 ⑬二二三 ⑭真二俱 ⑮以一

全匝大海時諸波亦各全匝互不相礙思之  
思之者。將此合於理事也。但以大海字爲眞  
理字。以波字爲事字讀之。即見義分齊也。  
故下文不合之。上釋第三喻指竟。此下第  
四問答細釋也。有兩重問答。一對喻中初兩  
節所喻爲問答。二對後一節所喻爲問答。初  
云

問理既全遍一塵何故非小 以遍難小  
既不同塵而小何得說爲全體遍一塵 以小  
難遍上皆約理望事難也

一塵全匝於理性何故非大 以遍難大  
若不同理而廣大何得全遍於理性 以大  
難遍上皆約事望理難也

既成矛盾 矛盾也。即槍戈之類。盾干也。  
排也。昔人雙賣二事各歎其勝。歎盾云。矛刺  
不入。歎矛即云。能穿十重之盾。智者語云。我  
買汝矛還刺汝盾。入與不入。即無辭矣。

義極相違 問以大小。意兼一。異答以一。異  
兼之大小

答曰理事相望各非一異故令全收而不壞本  
位先理望事有其四句 初二句正明遍塵  
非小之相

一眞理與事非異故 因也  
眞理全體在一事中 宗也。上全遍下非小

二眞理與事非一故 眞理體性恒無邊際  
上定義宗。下正答難

三以非一即非異故 因也  
無邊理性。全在一塵 宗也

四以非異即非一故一應理性無有分限 宗

因例上。以非一非異爲因。答理全遍塵而非  
小之宗矣

大事望理亦有四句一事法與理非異故全匝  
於理性

二事法與理非一故不壞於一塵 亦上定宗  
下正答也

三以非一即非異故一小塵匝於無邊眞性  
四以非異即非一故一塵匝無邊理而塵不大  
思之 宗因例上也。以非一非異爲因。答塵  
全匝理。而不大之宗矣。初問答竟。二對後一  
節所喻爲問答云

問無邊理性全遍一塵時外諸事處爲有理性  
爲無理性 上開兩闕。下牒之而難

若塵外有理則非全體遍一塵若塵外無理則  
非全遍一切事義甚相違 每以理性字爲大  
海字。以事字爲波字。讀之爲問亦得

答以一理性融故 標下約理四句  
多事無礙故 標下約事四句此皆因也  
故得全在內而全在外。無障無礙 宗也

各有四句。先就理四句  
一以理性全體在一切事中時。不礙全體在  
一塵處。是故在外即在內 前問外諸事處  
理性有無。今答云有也。前問有則非全。今答  
云全。謂理與多塵非異。故理性全體遍多塵。

亦與一塵非異故。不妨還遍此一塵。且約名  
字而言。如一父對十子。一一全爲其父也

二全體在一塵中時。不礙全體在餘事處 前  
問有無。今答云有。父子反上也  
是故在內即在外

三以無二之性各全在一切中故是故亦在內  
亦在外 理與內外非異故。同時能遍於內  
外

四以無二之性非一切故是故非內非外 理  
性雖能遍內外。理性恒非是內外

前三句明與一切法非異此之一句明與一切  
法非一良爲非一非異故內外無礙 前難外  
事有理則不全遍於一塵。若全遍一塵。則不  
全遍於外事。今以非一非異。故內外皆全而  
無礙也

次就事四句 即前總標多事無礙故也。此  
就事者。前問所無。海波喻有。今影出之。若  
問者應云。一塵全遍理時。一切事亦全遍否  
若遍則有重重之失。若不遍則多事不如理  
也

一一塵全匝於理時不礙一切事法亦全匝是  
故在內即在外 一遍不礙多遍也。謂一塵  
與理非異。故云云

二一切法各匝理性時不礙一塵亦全匝是故  
在外即在內 多遍不礙一遍也。父子反上

三以諸法同時各匝故是故全內亦全外無有  
障礙 諸法同時遍也。謂內外與理非異故。  
內外同時匝理性也

四以諸事法各不壞故彼此相望非內非外  
一多之相歷然不壞則性非一多。故居然非  
內外也

思之 問前理望事。以理在一爲內。在多爲  
外。今此以何爲內外。答亦以一多爲內外。但  
前舉理此先舉事。故分二門爾。故但一重

思之 問前理望事。以理在一爲內。在多爲  
外。今此以何爲內外。答亦以一多爲內外。但  
前舉理此先舉事。故分二門爾。故但一重

①〔下〕一②③ ④〔以遍難大〕一⑤⑥ ⑦〔以大難遍上皆〕一⑧⑨ ⑩〔槍二鎗〕 ⑪〔位〕一⑫ ⑬〔宗…思之〕百一字一⑭ ⑮〔不…處〕八字⑯〔前…有也〕十五字夾註⑰ ⑱〔是故…內〕七字⑲〔前問…父也〕五十八字夾註⑳ ㉑〔妨二如〕 ㉒〔有十也〕  
⑳父子反上也㉑也父子反上㉒〔之失〕一⑳

問也。以一多皆即理。故全通非有多理。令事各通。故第四句云。非內外也。

三依理成事門

謂事無別體。要因真理而得成立。上宗下

因

以諸緣起。此有二因

皆無自性故。一也

由無性理事方成故。二也。真如隨緣故中

論云。以有空義故。一切法得成。大品云。若諸

法不空。即無道無果

如波要因於水能成立故。依如來藏得有諸

法當知亦爾思之勝鬘云。依如來藏故有生

死。依如來藏故有涅槃。楞伽亦說。如來藏造

業受報。起信論云。依如來藏故有生滅心等。

問明品云。法性本無生。示現而有生等

四事能顯理門。如影像表鏡明。識智表本

性。起信云。因無明能知名義。為說真覺等。

謂由事攪理故則事虛而理實。以事虛故全事

中之理挺然露現。猶如波相虛令水體露現

當知此中道理亦爾思之。須彌偈云。了知

一切法。自性無所有。如是。解法性。即見

盧舍那

五以理奪事門。由前門理顯故此奪也

謂事既攪理遂令事相皆盡。唯一真理平等顯

現。上宗下因

以離真理外無片事可得。故如水聲波波無不

盡。此則水存以壞波令盡。出現品云。設一

切衆生於念念中悉成正覺。與不成正覺。亦

無有異。如化人化心。化成正覺也

六事能隱理門。由第三成事故即隱理也

謂真理隨緣成諸事。法然此事法既達。亦云。於

理遂令事顯理不顯也。如水成波動顯靜隱經

云。法身流轉五道名曰衆生。故令衆生現時法

身不現也。問明品亦云。未曾有一法。得入

於法性

七真理即事門

謂凡是真理必非事外。上宗下因

以是法無我。理故事必依理。虛無體故。若但

是空。出於事外。則不即事。今以即法為無我

理。離事何有理耶

是故此理舉體皆事。方為真理。如水即波無動

而非濕。故即水是波思之

八事法即理門

謂緣起事法必無自性。無自性故舉體即真。故

說衆生即如不待滅也。淨名云。一切衆生

皆如也。又云。一切衆生即寂滅相。不復更

滅

如波動相舉體即水無異相也。前門法身流

轉名曰衆生。此門衆生寂滅。即是法身。法身

衆生。義一名異

九真理非事門

謂即事之理而非是事。以真妄異故實非虛故

所依非能依故。後門義應。一一反此三對。

但文小異爾

如即波之水非波以動濕異故

十事法非理門

謂全理之理事恒非理。相性異故。前云。真

妄虛實。今但有一對

能依非所依故。是故舉體全理而事相宛然。

如全水之波非水以動義非濕故。七八於解

常一。九十於諸常二。此下結勸也。先結束前

義云

此上十義同一緣起。真空四義。一廢已同

他。第三門也。二泯他存己。五也。三自他俱

存。九也。四自他俱泯。七也。妙有四義。一隱

他存己。六也。二顯他自盡。四也。三即十也。

四即八也。一二三總故不配之。上結束。下別

收十門

約理望事則有成也。三有壞也。五有即也。七有離也。九事

望於理有顯也。有隱也。六有一也。八有異也。

逆五六九十

順三四七八

自在。即成即壞等

無障無礙。成不礙壞等

同時頓起。非前後也。又事無體藉緣。可言

成壞等。不可言隱顯等。理性本有。可言隱顯

等。不可言成壞等。不會初二者。是總相故餘

之八門。依此成也。又相遍門無別異相。非如

隱。現等殊故。此下勸修云

深思令觀明現。是謂理事圓融無礙觀

●周遍含容觀

周遍含容觀第三。事事無礙也。文三一。一觀。

二釋。三結勸

事如理融。一一事皆如理故融通也。謂若

唯約事即彼此相礙。若唯約理即無可相礙。

亦無可通容。今以事如理融。故有十門無礙。

通。周攝含無礙。理含萬德。無可同喻。略如

●令二全● ●解法性一諸法● ●念二一● ●一一二二● ●相性二性相● ●門十(云)● ●證十(真)● ●現二顯● ●(周遍含容觀)一● ●通二容●

虛空二義謂遍通含容

交參 彼此涉入

自在 同時互爲能所

略辨十門 一爲法義體用之本 二是周遍

三是含容此三備矣四釋二也五釋三也六

七皆收四五也八九顯攝六七十收八九也

一理如事門 由此真理全爲事故 如事顯

現如事差別大小一多變易乃至無量無盡

也 有本標云 理如事現 事如理遍 乍觀釋

中 多遍現義 細尋成局 闕餘義相故

謂事法既虛相無不盡 不待泯之

理性真實體無不現 真理即與一切千差萬

別之事俱時歷然顯現 如耳目所對境也 亦

如芥 餅亦如真金 爲佛菩薩比丘及六道衆

生形像之時 與諸像一時顯現 無分毫之

隱 亦無分毫之像 今理性亦爾 無分毫隱 亦

無分毫事 不同真空觀 及以理事門中

唯是理現也 故次云

此則事無別事即全理爲事 上釋也 下以

人證云

是故菩薩雖復看事即是觀理然說此事爲不

即理 不壞事故

二事如理門 一事 皆如理遍通廣大 如

理徹於三世 如理常住本然

謂諸事法與理非異 先出遍之所由前門

理如事故即 事不異理 故遍此與前門互相

如爲一對 又與後門以非一非異互望 能遍

能含爲一對

故事隨理而圓通 總標宗也 下別示遍相

遂令一塵遍法界法界全體遍諸法時此一

微塵亦如理性全在一切法中 且指一事爲

例釋之

如一微塵一切事法亦爾 例諸佛菩薩緣覺

聲聞及六道衆生一一皆爾

三事合理事門 文二 一正釋此門 二總融

二門

謂諸事法與理非一故存本一事而能廣容

如一微塵其相不大而能容攝無邊法界由

利等諸法既不離法界是故俱在一塵中現

指一爲例也 由上一事含於理故 餘一切

事與所合理體不異故 隨所合理皆於一事

中現也 然此亦與理非異 方能含 今但標

非一者 約存本一事爲能含法故 又以對前

門故

如一塵一切法亦爾 例此理事融通非一非異

故總有四句 爲能含邊 皆具與理非一非

異義 由非一故 有體爲能含 由非異故 有

用方能含也

一 一中一 上一中有下一也 上一是能含

下一是所含 下一是能遍 上一是所遍 也

餘三句一一例知

二 一切中一 一 一切中一切 一切中一切 各有

所由思之 通論四句 皆上爲能含 即當所

遍 下爲能遍 即當所含 若準下一多相望

不同 即第二句是遍義 第三句是含義 末

句互爲含遍 初句皆闕也 但應云攝入 至下

當明

四通局無礙門 釋第二門 二門唯通 今不

壞相有不遍故愛局

謂諸事法與理非一故即非異故 令此事法

不離一塵即全遍十方一切塵內由非異即非

一故全遍十方而不動一位即速即近即遍即

住無障無礙

五廣隱無礙門 釋第三門

謂事與理非一故即非異故 不壞一塵而能

廣容十方利海由非異即非一故廣容十方法

界而微塵不大是則一塵之事即廣即隱即大

即小無障無礙

六遍容無礙門 六七二門 皆合前四五 兼

之二三 以廣容遍通不相離故 二四唯遍 三

五唯容 故今合之 同時具二 但以多反覆

相望 故成六七二門 文中有兩對 初明遍即

是容 後明容即是遍 初中云

謂此一塵望於一切由遍通即是廣容 以一

望多 故有遍容義 以有彼多可一一遍故

可悉容受故 若多望一 即無此義 以所望

唯一 無可言遍言容 但應云攝入 即當後

門

故遍在一切中時即復還攝一切諸法全住自

中 謂一遍多時 還攝所遍之多在我一內

若以鏡燈喻者 如四方四維布八鏡 又上下

各安一鏡爲十 於中安一燈 即十鏡互入

如一鏡遍九鏡時 即容九在一內也

又由廣容即是遍通故令此一塵還即遍在自

內一切差別法中 但覆上也一容九時 即

能遍九

是故此塵自遍他時即他遍自能容能入同

時遍攝無礙思之

七攝入無礙門

謂彼一切望於一法 反上也 故名義皆殊 亦有兩對

以入他即是攝他 入即前遍攝即前容 以多望一無多可遍 故云入也無多可容 故云攝也

故一切全入一中之時即令彼一還復在自一切之內同時無礙思之 多入一時 還攝所入之一 在我能入多內 如九鏡入彼一鏡中時 即攝彼一鏡 還在能入九鏡之內 同時交互 故云無礙

又由攝他即是入他 反上能入為能攝也 故一法 此是所攝

全在一一切中時 彼多攝之

還令一切 是能入也

恒在一內 一是所入

同時無礙思之 謂九各攝一 在己中時 九即同入彼一鏡內也

八交涉無礙門 六七二門 約一多互望 能

所義別 故有遍容攝入之殊 今此多能攝一

入一 即此一亦能攝多入多 即能即所 即攝

即入 即一即多 一切一時薄收無礙 故云交

涉 謂交相 關涉也

謂一法望一切有攝有入通有四句 雖似八

句 二二合故 問既總上二門 何得但云攝

入不言遍容 答前約一多相望義別 故分

二門名殊 今同時互即故遍即是入 容即是

攝 若更開遍容四句 即文義成重 若句句云

攝容一切 遍入一切等 即文句繁雜 故但云

攝入即是遍容也 問若一多相即 何得此還

攝云一望一切 後門云一望一 答雖且舉

一為首 而亦同時遍互 故釋中初句一望一

一切云攝入 次句一切望一云攝入 三即一望

一 四即一切望一切 文昭然也 二門且相

對 各舉一例 其實一 一迴互自具 故第十

門總之名薄融也 然二門義不重者 至後門

當示

謂一攝 如舉東鏡為能攝也 同時即為能

入及所攝 是下一入字也 此能入即彼所攝

此能攝即彼所入 彼謂一切也 故上釋云 即

能即所 即攝即入 即一即多矣

一切 如舉九鏡為所攝也 同時即為所入

及能攝 便是後舉一切字 一一例上反之

一入 則上能攝之一 同時便為此能入及

所攝也

一切 即上所攝 同時便為此所入及能攝

也 故以兩句為一句 據此句 以一望多 祇

合云遍容 不合云攝入 今由此門 一反覆

相即故 迴互無礙也

一切攝一 正是上一入一切也

一切入一 正是上一攝一切也 文勢一一

反上釋之

一攝一一入一 如東鏡攝彼西鏡入我東鏡

中時 即我東鏡便入彼西鏡中去

一切攝一切 一切入一切 圓滿常如此句

但以言不頓彰 故假前三句 三句皆遍也

同時交參無礙 同時具如上釋

九相在無礙門 我攝餘法在他法中 他又

攝餘法在我法中 此彼互在 故云相在也

謂一切望一 以一切在初者 反於第八 其

實亦一望一切 乃至四句

亦有入有攝亦有四句 此與前句不同 前

但此彼同時攝入 今則欲入彼時 必別攝餘

法 帶之將入彼中 發起重重無盡之勢也

攝一入一 上一是所攝 下一是所入 二皆

是所 則顯上必別有能攝之法為主 本文恐

句中難開難會 故略之也 餘三句亦然 且此

句者 應云一能攝一入一 如東鏡能攝南鏡

帶之將入西鏡之中 即東鏡為能攝能入 南

為所攝 西為所入也 此即釋迦世尊攝文殊

菩薩入普賢中也 直舉一切佛為能亦得

攝一切入一 如東鏡攝餘八鏡 帶之將入

西鏡中時 即東鏡為能攝能入 八鏡為所攝

西鏡為所入也 則一佛攝一切佛 一切衆生

帶之同入一衆生中 都以九鏡及一切佛 為

能亦得

攝一入一切 如東鏡攝南鏡 將入八鏡中

也 或九鏡皆攝東鏡 將入九鏡中也

攝一切入一切 此中正明諸法互相攝入

一時圓滿重重無盡也 前三句 且趣舉其一

令漸大見其義用 論其諸法交涉相在 即以

同時 今現見鏡燈但入一燈當中之時 即鏡

鏡中一時各有多多之燈 無先後也 即諸佛

菩薩六道衆生 不有即已 有則一刹那中 便

徹過去未來現在十方一切凡聖中也

同時交參無礙 前三句都在第四中 名同





然豈免入海算沙也

大 嘆上體大。獨存。起下絕相包遍

包含法界 森羅萬象總在其中

絕去來非中外 三世十方何處可覓

爲三際師作四生宰 三世信實聖果稟之證

真師摸也。十方胎卵濕化依之遂妄主宰也。

蕩然豈有無歷劫何成壞 放蕩沙界不屬有

無。歷歷劫來何曾成壞

任是僧繇妙筆。那邊下手圖繪 世間無限

丹青手。到此都虛畫不成

波斯失却夜明珠走向江邊流螃蟹 拋却甜

桃樹。延山覓醋梨。波斯者別寶人也。如看大

經不悟最初大字。一向尋行數墨。恰似失却

驪珠。返尋螃蟹之目。以當明珠。是深可傷也。

敢問夷門。如何是大。下云

嘆 石人冷笑。大音希聲

方 隨緣真德相。觸目盡昭彰

方 嘆上純真相大。起下依正萬差

大矣汪洋 性海冲虛大矣。隨緣波相汪洋

耳鼻舌色聲香 六根六塵。總十二處

或肥或瘦若短若長 肥瘦短長諸相。恒無

異而差別

中外大昭昭古今常堂堂 十方三世萬像齊

彰 四聖六凡列派 染淨正報。羅列分派

刀山劍樹分光 器界依報區分光像。依正

二報攝一切法

三幅曉風楊柳路一竿春色杏花牆 會得唯

心萬像空。頭頭盡露真消息

看 開眼合眼。真境無間

廣 繁興妙用。應物無私

廣 嘆上難思。用大起下。隨機有準

靈然浩蕩 靈機赴感。隨類昭然。浩浩蕩蕩。

其量無涯

悟心源開寶藏 心源者。流注無窮。寶藏者。

含藏衆妙。能悟能開。是善巧智。用也

隨高隨下無偏無黨 道物智平。體絕憎愛

海印發光輝 海印者。定名也。猶海晏清萬

像俱現。心光定光物無不見。如印印物文體

皆現。大經寶首品云。或有刹土無有佛於彼

示現成正覺。乃至云。衆生形相各不同。行業

音聲亦無量。如是一切皆能現。海印三昧威

神力。科云。圓明海印。正報大用所依也

微塵含萬像 善財讚喜目夜神曰。我於所

經處悉見諸微塵。一一微塵中各見微塵刹

觀云。如一微塵其相不大而能容攝無邊法

界。由刹等諸法不離法界。是故俱在一塵中

現。依報體空用也。然依正相義有六句。一

依內現依。謂塵含世界。二正內現正。謂毛端

含衆生念念等。三正內現依。謂毛端世界塵

塵等。四依內現正。謂塵含佛及衆生。五依內

現正依。謂塵中見佛菩薩及世界等。六正內

現依正。謂毛孔中現刹土并四聖六凡等。然

一塵毛爲能含遍者。具有三義。一有力。二爲

主。三具非一非異義。謂一塵毛與理非一故。

不壞一塵一毛之小相。爲能含遍。與理即非

異故。方能含遍也。世界等法無力爲所含遍

候忽雲起南山須臾雨傾北嶺 寶首品云。

大海龍王游戲時。普現諸處得自在。與雲充

遍四天下。其雲種種莊嚴色。閻浮提雨清淨

水。微細悅澤常應時。長養衆花及果藥。成熟

一切諸苗稼。乃至龍王自在悉能作。而身不

動無分別。清涼云。龍王大用不同德。又雲門

垂語云。古佛與露柱相交。是第幾機。衆無語。

自代云。南山起雲北山下雨。且道是何用也。

大師下云

王婆街裏弄猴猴露柱却嫌無伎倆 竿頭絲

線從君弄。不犯清波意自殊。斯則無用之用。

用不涉功

昨 泥牛吼月。齒冷牙寒

佛 滿分覺者。具足十身

佛 嘆上妙覺。果大起下。真應難分

光含慧日 謂佛說法先放身光。後展慧照

破暗除疑。故慧如日

朗重昏 二十六根本隨惑障等。佛慧盡能

除之。如破重昏

開秘密 祕者。非器不傳。密者。隨機有受。唯

佛一人能開能示

或則談經 修多羅經藏也。隨三乘人契機

合理。演說法也

或時說律 毘尼四分律藏等。謂調伏三業

不合造惡等。不言論者。菩薩造也

譬如優曇花時時乃一出 此翻希有。佛將

出世。此花先開。表瑞應也

跋提樹示雙趺 跋提者。此云泥連。或云金

九年。度人無量。末後至拘尸城邊泥連河側。娑羅雙樹下。右脇累足寂然而逝。人天聖衆莫不大慟。乃以白氈香油塗之。纏蓋已畢。內金銀鐵三重棺槨之中。諸天神等咸獻香薪。積若高山。將赴荼毘。是時大迦葉波在耆闍崛山大石窟中。見諸異相乃謂衆曰。佛今捨我入大涅槃。遂將五百弟子趨步而至。方禮足已。如來出示雙趺。而說偈言。我法最長子。是名大迦葉。阿難勸精進。能斷一切疑。憍畢收足。金棺自舉高七多羅樹。遶城數匝還至本處。諸天奉火皆不能然。自化火光三昧而自焚之。得舍利八斛四斗。遍周沙界起塔供養。斯則是入涅槃相也。

雪嶺蘆芽穿膝。謂佛爲太子時。年一十九歲。時淨居天人於窓隙前跪而報曰。出家時至。勿戀深宮。太子遂圓遊四門賞觀花果。因見生老病死而大厭惡。夜夢諸瑞。時方三更。淨居天王率八部等空中旋遶。時四天王各捧馬足踰城而出。初到檀特山。脫珍御衣。身披鹿皮。自除紺髮。乃師阿藍迦藍。習不用處。非想之定。經三年知非究竟。次至鬱頭藍弗處。修非想非非想定。又經三年知非亦捨後乃往詣雪山。假以苦行兼降魔外。現種種相。調伏衆生。容鵲巢於頂上。掛蛛網於眉間。蘆芽長於膝中。白麝生於口畔。又經六載。二月八日。於夜後分明星現時。示成正覺。號天人師。時年三十。此成道相也。大經五十九說妙覺果有十種相。一住天相。二示沒相。三入胎相。四住胎相。五初生相。六在家相。七出家

相。八成道相。九轉輪相。十入涅槃相。然諸

教言八相成道此又言十。何者端的。下云

要會老胡端的處。西域記說。葱嶺東有胡

國。至五印土數萬餘里。非佛生處。此方凡外

相習。呼佛爲西胡人也。然華嚴經如來名號

品云。此娑婆世界有百億四天下。如來於彼

有百億萬種名號。令諸衆生各別知見而

爲說法。今大師順俗呼佛爲老胡。有何不可。

一二三四五六七。去一拈七。言端語的。恁

麼會得絕爾情識。故佛言。是法非思量分別

之所能解。所以僧問洞山。如何是佛。山云。麻

三斤。僧問法眼。如何是佛。眼云。汝是慧超。

自餘答佛例皆如此。與大師此語好本多同

何也。不見道。懷州牛膝青州棗。到底輸他出

處精。夷門下云

收。收得龜毛。失却兔角

華。普賢萬行。德若敷榮

華。嘆上真流行大。起下契果深因

萬藥千葩。三千威儀。八萬細行

香遠布天涯。真流行滿三千界。實顯香騰

百萬州

居文殊地向普賢家。行因解生似地。能證

極果如家

昔日五莖施徒勞記釋迦。案本行經說。佛

於第二阿僧祇劫修行時。爾時有城。名曰蓮

花。城中有王名降怨。彼國有大菩薩名曰然

燈。出家成佛時。降怨王虔心迎請供養然燈。

王勅城外十二由旬禁斷諸花不令私賣。王

皆自買以供如來。彼國雪山有一梵志仙人。

名曰珍寶。有一弟子。名曰雲童。法號善慧。於

彼衆中而爲上首。所有仙法皆學已畢。童子

辭師赴無遮會。得金錢五百欲送於師。至蓮

花城見城隍。因問於人。何故如斯。人乃報

曰。王請然燈如來作大供養。童子聞已踴躍

歡喜。遂捨金錢。於一女處買得優鉢羅花五

枝。供養然燈佛。時佛入城。散佛頂上。以願力

故變成花臺。隨佛行住。佛以神力化一方泥。

童子見之布髮而掩。復作是念。願得如來踏

我身過。若不蒙記我終不起。如來既至履之

而過。止諸徒衆皆不令踏。佛與授記。汝於來

世當得作佛。號釋迦牟尼。十號具足。與我無

異矣。今夷門推之。從始發心合於本覺成究

覺位。願自功圓不從他得。故曰。徒勞記矣。

靈雲見處幽莽玄沙特地過遮。幽莽者。輕

薄不用心也。莊子云。君爲正焉勿齒莽。治民

勿易滅裂矣。昔福州靈雲山志勸禪師。久依

大潯祐禪師。一日因見桃花忽然悟道。以一

偈呈於潯山曰。三十年來尋劍客。幾逢葉落

又抽枝。自從一見桃花後。直至如今更不疑。

潯山曰。從緣悟入永無退失。汝善護持。時玄

沙聞舉乃云。諸當甚諦。當敢保老兄未徹在。

故號遇遮。是宛轉未許之義也

會得南泉親的旨。南泉願禪師。因與陸亘

大夫坐次。大夫曰。肇法師也甚奇特。解道天

地與我同根。萬物與我一體。南泉以手指庭

前一株花云。大夫時人見此一株花如夢相

似也

東村王老賣甜瓜。當行中買賣。不許外人

知。噫時人皆道王老賣瓜。以因行花得佛滿果。或云王老是南泉。常自呼爲王老師。切莫錯會。何則南泉叫大夫。嘗吟堤畔柳。以手指庭花。蝶舞樹頭春。恐人不領。又出王老賣瓜絕情之語。若更不明夷門亡。

合。合取屠皮。却較夢子。

嚴。權實俱通。因果兩嚴。

嚴。嘆上能嚴智大。起下更互通。依因果相兼。運普賢萬行因花。嚴遮那十身滿果。故曰相兼也。

智爲鉤行作。權實二智導物冥真。如廉得鉤收卷。有則理事二行妙合天眞。如門得廉遮魔外。故斯乃明能嚴因。行下明所嚴果德也。

長空雲起。雲喻如理智。空比法身也。

錦上添花。花喻如量智。錦比報身也。

一輪晃秋夜。千派落寒蟾。月喻智也。秋夜比法身也。千派類報身善應群壽。斯則現自他受用。是理量雙融智。

淨穢樓閣重疊。二十重華藏世界。染淨區分。百萬億佛國莊嚴。樓閣無盡。二種依報更互通。依種種相容。故曰重疊也。

聖凡影像交參。四聖六凡。若燈影像交互相參同時包攝。此明二種正報也。李長者云。依正二報身土交參。上二句明混融無礙智也。

若人欲了箇中意。苦者苦兮甜者甜。會得舌根知味者。黃連甘草盡圓通。

知衆妙之門。於斯顯矣。

經。體則聲名句文。義乃貫攝常法。

經。嘆上一乘教大。起下圓別幽深。萬古芳馨。正法一千年。像法一千年。末法一萬年。盡末法數。故曰萬古。聲教流傳。如香遠騰也。

花得線免凋零。西天佛敎。呼之爲線。取貫花作線結。不失隨義。此方儒典稱經。取經緯相織爲義。其理頗同也。

塵中剖出。華嚴五十一偈云。如有大經卷。量等三千界。在一微塵內。一切塵悉然。有一

應慧人。淨眼悉明見。破塵出經卷。普饒益衆生。佛智亦如是。遍在衆生心。妄想之所纏。不覺亦不知。諸佛大慈悲。令其除妄想。如是乃出現。饒益諸菩薩。清涼云剖微塵之經卷。念念果成。

言下惺惺。且如橋陳那五比丘等。初聞佛於鹿野苑中說法。悟四諦人空。皆證阿羅漢果。圭峯云。一言之下。心地開通。一軸之中。義天朗耀。自餘聞經悟道之者。不可具引也。

四流波浪息。十地品云。欲流有流無明流。見流。相續起心。漂流苦海。難得出離。今聞四音頓悟心源。湛然凝寂。不隨四流。是息生死之波浪矣。

六國得安寧。謂迷時於六根境內各有一類心心所法。識於自境之內。取捨無休。如國有賊。不得安寧。今則因經證性。達妄全真。根境不偶。識魔自消。似國無賊。故得安寧矣。

這迴朝看暮轉。因指見月。何妨時戲。指端悟教。通真豈礙。隨流看轉。如有僧問藥山云。

和尚尋常。誠人不令看經。何故却自看耶。山云。我要遮眼。是此意也。

休更拔楔抽釘。二執二障。於真理中。若釘楔在於木內。難以除之。今既開經解悟。執障俱消。更說甚麼。轉凡成聖。古德云。道泰不傳天子令。時清休唱太平歌。

昨夜長天吼霹靂。金剛推倒望州亭。泥牛哮吼。誰是知音。然則大經圓音。若霹靂震於乾坤。無聲之聲。似泥人推倒華亭。這般穿鑿一場好笑。且道如何。是此一卷經。大師云。

晒。句裏呈機。堪悲堪笑。

咄。七字經題。一喝歷然。

咄。嘆上現量機大。起下三根獲益。

無知枯朽。不得大經。何異朽木。

臭形骸皮裹骨。不妨道著。永嘉云。深嗟懣懣。頑皮粗。大經云。譬如生盲不見日月光。亦爲作饒益。願下根人也。

精精冥冥。半明半暗。恍恍惚惚。謂中根人。乍聞大經說。初發心時。便攝五位。而成正覺。暫爾聞熏。足不放光。三四十地。語驚凡聽。理出常情。恍惚驚疑。若存若忘。性莫能決定也。

金烏鳴谷。生玉兔。咸池沒。金烏急。玉兔速。不可展事。見夷門也。然雖如是。扶桑國有山。號曰暘谷。取日出貌也。咸者周易卦也。兌上艮下矣。象曰。山上有澤。咸。今夷門意取日沒西山澤也。又日出結上二根獲益。起下上根頓證矣。經云。譬如日光出現時。先照山王次餘山。後照高源及大地。而日未始有分別。月

沒者。比上根悟理難以傳受。賴其光耳。故下云。

且憊遲驚遲。休話後慶。且憊者。不盡之辭也。驚駭者。蹇人鈍馬也。喻上智通明大經玄奧。又悟祖域幽宗。罕遇知音。不能傳授。故且混俗伴癡伴鈍說。甚麼如鷹以鷹之俊。到此一筆句下。清涼云。調高格。唱極應。希難得其人也。

大方廣佛華嚴經打破無明山鬼窟。一丸療衆病。不假藥方多。若不得後話。前話難圓。然而如是一法普益三機。共在茲焉。故感應傳云。聞七字之功。德不墮修羅。念一偈之殊勳。脫離地獄。又憊麼去也。畢竟合如何。夷門云。

斬。利刀斬斷俱忘像。千古令人愛作家。山野云。儉。

修大方廣佛華嚴法界觀門有三重。撮略本章精義。豈敢妄。如穿鑿義曰。修者。止觀熏習造詣也。止觀者。能入之法也。妙絕諸緣曰止。幽靈獨耀曰觀。因名止觀。果名定慧。止爲觀體。觀爲止用。以此兩法雙融。無盡之妙境也。熏習者。正明其修也。造詣者。修之趣也。用止觀二法熏習其心。成造入之妙行。大方廣佛華嚴者。所依經也。下七字。能依觀文也。大方廣所證法也。佛華嚴者。能證人也。大者。體也。諸佛衆生之心體也。方廣者。即體之相用也。佛者。果人也。華嚴。因人也。華喻普賢萬行。嚴即文殊大智。大智爲主。運於萬行。嚴大方廣而成佛果也。法界者。所觀三重妙境

也。總該萬有。統唯一真。更無別法。但一心耳。謂一心有執持故。名之爲法。有性分故。復立界名矣。真心不變。自體曰持。隨緣成德曰軌。

成事差別曰分。體空同一曰性。故知法界即心之義用也。觀者。能觀淨慧也。情盡見除也。情謂識情。通諸妄心。見謂推求。總目諸見。謂顛倒推求。乖背正理。今都除之。方可契合三重妙境也。門者。即能證之教。此八九紙之文也。兼所詮義。是觀智所遊履之門也。有三重者。除事法界也。謂事不獨立矣。故法界宗中無孤單法。離理無事。若獨觀之。即是情計之境。故今除之也。若以六相釋此題者。總者。舉體不分。別者。分總成別。同者。別別帶總。異者。各談功能。成者。更互相資。壞者。各住自位。一一法上六相皆然。又修者。總貫一題。爲悟入之先。大者。當體得名。常遍爲義。方者。就法得名。執持爲義。廣者。從用得名。包博爲義。佛者。就人得名。覺照爲義。華者。從喻得名。惑果嚴身爲義。嚴者。功用受稱。資莊爲義。法界者。從軌持性分得名。交徹融攝爲義。

觀者。攝境從心得名。忘情了法爲義。門者。從出入無礙得名。能生妙智爲義。有三重者。異空觀第一。於中略開四句十門。揀情妄以顯用也。理事無礙觀第二。於中十門分別融事理以顯用也。周遍含容觀第三。於中十門分別攝事以顯玄也。

異空觀第一。著語云。題目分明。好箇入路。義曰。揀非虛妄念慮曰真。揀非形礙色相曰空。依一心體義用立名矣。觀者。無分別如理

妙智也。妄情了法攝境從心得名也。絕相離念不空之空。玄寂獨存端第一。此門行離相之行。運如理之智。除斷空實色之情。離能證所證之見。契實際之真空。具異常之妙德。有斯大第行布。略開四句十門。既然。垂手入纏。不免科分多段。

一會色歸空觀。鎔瓶盆釵釧爲一金。變乳酪酥醍作一味。義曰。融會緣生幻色歸於真空矣。觀者。能觀智也。從所觀境得名。或可所歸空是體也。觀是智用。依主持業二種釋也。下皆同此。心通者。可會可歸。意閉者。須遣須除。妄情久執難除。故作四門分別矣。

一揀斷空。切忌錯認。故須拈却。然有夷門所下之語。此不合著語。曲爲初學更代一轉語。亦不妨也。義曰。揀者。通能所也。下五皆同。擇去妄執存真法也。斯揀外道小乘人著斷滅空病耳。觀云。一幻色不即斷空。是所揀也。以幻色即真空故。是能揀法也。下皆同此。

無物可斷本來寂滅。此是夷門所下揀斷空空語。意顯真空外無斷滅空。因妄計成。物本寂然。無非真空也。故法華云。諸法從本來。常自寂滅相。頌曰。下皆含有準此略之。

真空不壞有。就路還家。有何不可。此頌滅色明空之病。疏云。如穿井除土。出空要須滅色。中論云。先有而後無。是爲斷滅。今簡易此故云。不壞有也。論肇云。豈待割宰以求通哉。白樂天云。不離妄有而得真空矣。

離色非真空。切忌話作兩橛。棄有著空是

錯此頌離色明空之病。疏云。空在色外如牆。處不空牆外是空。永嘉云。棄有著空病亦然。還如避溺而投火矣。

驚覺<sup>主聲</sup>之聲聞夢。涅槃床上夢。聞教忽然醒。此頌著空斷滅之病。謂此等人心外取法。

滅色明空。執蘊界等實有自體。妄計未來諸根境滅以爲涅槃。便乃厭苦欣寂灰身滅智。永同太虛取寂爲樂也。故帝心禪師。集大經中真空不壞幻有之義。用驚趣寂聲聞迴心。

向大。若不迴心。如作長夜之大夢耳。何時而覺寤矣。疏二乘斷滅歸於涅槃。豁開外道蒙。撥去無明翳。閃出舊精明。此頌凡外撥無因果之病耳。心遊道外。故曰外道。謂彼凡夫不知三界唯心萬形由業。因果不斷生死相續。自計執云。諸無因自然而有。聚而爲有。散而爲無。神滅形離。根無來報。疏云。外道斷滅歸於太虛。此二種人既蒙法力。迴心決定兵隨印轉。

有星皆拱北無水不朝東。畢竟水潮滄海去。到頭雲霓故山歸。此頌會色歸空。如拱北潮東無有不歸者也。轉面觀諸法都來一照中。瞥然心自醒。妄計悉歸真。此頌聲聞外道迴頭返觀。前執斷空盡歸真空智照之中。雖論云。真諦無兔馬之遺。般若無不窮之盡也。

二揀實色。不知陷破茄子。一夜蝦蟇索命。義曰。謂凡夫執色實有自體。以青黃之相。非是真空之理。疏云。以聞經說色空不知色性空。便執色相以爲真空。計色不忘。故須揀也。

觀云。二實色不即真空。實色是所揀。以幻色即真空。故是能揀法也。

物本寂然因計成有。依他境寂遍計執而似有。古德云。妄計因成執。迷繩謂是蛇。

鏡裏元無影。影虛顯鏡明。水因有月方知淨。天爲無雲始見高。此頌真空中無實色也。幻色無體。以顯真空也。

空中何有有。本來無一物。何假拂塵埃。此頌青黃無體莫不皆空。故云。即空真理也。然疏中空有三義。以破於色。謂無邊義無壞義無難義。顯世間虛空中尚無色法可存。況真空中而有實色於中可存焉。

有色爲迷盲。一翳在眼。空花亂墜。此頌以青黃之相。非是真空之理。故云。不即空也。揀凡夫執色實有體在空中包含矣。兼揀初心菩薩計色相。以爲真空之病。不揀二乘人。彼無此執也。

了幻非幻。糊餅麪成人盡信。秤錘是鐵。我無疑。此頌色法緣會所成。如幻師術所成。像。以智了知元無自體。即是真空。圓覺經云。幻滅滅故非幻不滅。非幻者即是真空也。

當生生不生。石牛吞華岳。木女產嬰兒。此頌幻色仗緣而生。緣無自性。生無生相。雖生不生也。然幻生幻滅。他豈然哉。或有外疑云。幻而非幻。生而不生。如何是非幻不生的旨。故下云。

終南的的旨。日午打三更。半夜日頭明。不識大寂極。此頌不犯無生玄旨。妙會非幻幽宗。帝心密顯雙融。夷門傍通一線。真可謂語。

帶玄而無路。舌頭談而不談。終南者。長安南壽山名也。帝心生居於此。今舉起辨人。故曰終南也。

三雙揀斷實。兩岸蘆花色正鮮。一陣金風暗除掃。義曰。前雖已揀約偏執而除之。今則雙遣以顯同時。此以幻色不即法。揀去斷空實色之情計訖。觀云。二實色不即真空。實色是所揀。以幻色即真空故。不即斷空。斷空是所揀也。

有無不計是非香絕。二執既遣。那有能遣爲是所遣爲非。故曰冥絕也。

休厭黑暗女。莫憐功德天。一念無私照。憂喜悉皆除。此頌顯雙遣也。涅槃經說。有一女名曰功德天。常在前行問人求宿。人間之汝何能也。彼女答曰。我所至處。人民和合悉皆歡喜。人遂留矣。說住未久。又見一女在門外立。主人問曰。汝何人也。答曰。我名黑暗。亦來求止。主人曰。汝何能也。彼女答曰。我所至處。令人憂怖全家不樂。人曰。爾去。吾不用汝。女曰。汝太愚也。吾之妹在爾家。我何不往。自從無始已來常相隨逐。未常離也。作是語已。即入室矣。是時宅主見女人入。果然全家哀哭憂苦也。經意功德天喻人之愛生也。黑暗女喻人之怖死也。有智之者。不憐不厭。悉免憂喜。此舉雙揀之妙況也。三祖云。至道無難。唯嫌揀擇。但莫憎愛。洞然明白。

無心一亦棄。有智二俱捐。兩頭撒開。中間放下。此頌法合雙揀也。無心者。二乘人。入灰心定。并斷滅外道著空病也。有智者。計常凡

夫并初心菩薩若有病也。既是二執俱捨。方達三界唯心。苟且不然。看取夷門向下注脚耳。

風送和煙雨池開雨蒼蓮。雨滴千峯翠。花無一點塵。此頌應感俱遺。物唯心。純是真空。更無他法耳。法燈云。岸柳含煙翠。溪花帶露鮮。誰人知此意。令我憶南泉。

到頭只這是休要問南泉。人有古今異。道無前後殊。此頌達唯心之旨。何必只在於前人哉。法燈云。令我憶南泉。目前實際。同道方知。夷門云。休要問南泉。截斷葛藤。自肯親切。

然二師舉南泉因緣。花字頌中具引。且如夷門道。只這是旨意如何爲當。是指上風送池蓮之詞。爲復是奪人聲價也。若定當得出。便見句裏呈機。劈面而來。賺迦羅眼。絕纖埃。苟或未明。只這之機。願理頌中全然漏豆也。

四顯理。塵垢盡時光始現。心法雙亡性即真。義曰。前斷實情。境俱盡。顯出一真之理。觀云。凡是色法。必不異真空。以諸法必無性故。是故幻色即真空。故依他無性。即圓成矣。

頭頭物物獨圓無私。萬像光中獨露身。唯人自肯乃方親。

雲散家家月。昨夜浮雲風掃盡。一輪明月滿山川。此頌雲喻。依他相。虛前已除之。今顯理如月。即家家。人人心地明白矣。

情獨處處彰。情忘開正眼。觸處見全真。此頌遍計情除。處處物物一真獨露。下云。

曉風楊柳路春香。杏花點點雨。春潤萬物。唯心的的旨。物物露真機。此頌一真

之理。處處昭彰也。法燈云。誰信天真佛。與悲幾萬般。春花開古岸。白鷺立沙灘。露滴庭莎長。雲散溪月寒。頭頭垂示處。仔細好生看。譬論云。物我同根。是非一氣。潛微幽隱。殆非群情之所盡耳。

無依無用處。便是法中王。諦觀法王法。法王法如是。此頌無依者。揀去斷實依他境也。無用者。亡二執遍計情用也。法王者。三界依正所歸之主也。今正結顯緣幻色。會歸真空之理也。明證此理。是法空之王矣。若明空即色。觀中獨王三界。故曰法王。次當辨矣。

二明空即色觀。密移一步。大地逢春。義曰。此辨真空不異幻色也。一一反上以成中道。更無別義也。然妙解者。迴光返照。不守虛凝。擔板者。只見一邊。墮坑落壑。曲爲擔板流。重宜四句偈也。

一揀斷空。前來雖點破。疑情恐未消。義曰。前門約境。此約心揀之。然文勢相翻。成後二門之義。觀云。一斷空不即幻色。斷空是所揀也。以真空即幻色。是能揀法也。

境空心寂言不頓彰。色歸空已開命。空即色而顯聞。

色空空色難。會色歸空猶易。明空即色尤難。此頌色空者。前門以三義破色似易領解。此門即空爲色。難可比況。亦難解會。故曰明空即色難也。

子細思量看。事不厭細。再思可矣。此頌誠會色歸空之人。不令守空而住。住則成斷空之病。與外道無異也。故曰子細看耳。

外道計冥諦。莫將堤岸柳。喚作古巖松。此頌楞伽經云。大慧。或有外道。有覺二十五真。實作涅槃想。謂彼教中立二十五種諦理。最初一諦。號爲冥性諦。計以爲常。皆二十五名神我。亦計爲常。我思勝境。冥性變即。二十三諦爲我受用。我既受用。爲境纏縛。不得解脫。我若不思冥諦不變。既無纏縛。我即解脫。名爲涅槃。又楞嚴經云。分別都無非色非空。拘舍離等昧爲冥諦也。

聲聞趣涅槃。只見錐頭利。不見整頭方。此頌涅槃者。此翻滅度。無爲圓寂三義。爲二乘人厭生死之苦受。欣涅槃之寂樂。捨有餘而趣無餘。昧本覺而成空病矣。擔板情深。故成不迴病耳。

只知雲冉冉。不覺水漫漫。徐六擔板。只見一邊。此頌冉冉者。雲行貌也。漫漫者。大水行貌也。謂小乘外道。認小爲大。以妄爲真。只知其一也。

月落簫聲岸。何人把釣竿。身閑臨華岸。心靜樂煙波。此頌上句約境明空。下句約人即色也。如把釣竿人。心心只在釣竿頭。何落空之有也。譬論云。諸家通第一義諦。皆言。廓然空寂。無有聖人。乃至若無聖人。知無者誰。誰與道遊。明空即色。妙解潛彰於斯。顯然。

二揀實色。已除鼻上泥痕。更遣心頭妄計。義曰。謂彼凡夫。妄計色法。實有自體。情執難忘。故再揀耳。觀云。二真空不即實色。實色是所揀。以真空即幻色故。是能揀法也。

空既即色何色之有。真既成渠。實渠何立。



水凍結成冰心迷境界。法喻雙彰。二妄顯然。此頌水仗潮風緣成。心因妄境迷執。二俱無體。是所揀也。

水消元蘊水心悟本無生。法喻齊舉。心境全真。此頌妄水消而清水現。真心悟而本無生。

破穢仍須鍊。埋塵大寶。須設治方。此頌除實色之情。必假觀智之力。去穢內之石。須重而鍊過可矣。

真金豈用烹。一成真金體。不復重為礦。此頌喻聖人悟真空之後。不復再同凡夫見妄色也。然而如是我有試金石也。須重驗過。若見十分色。不設餘門矣。理事門中要成器用。數數入火。又且何妨。

一輪秋月何處不分明。此夜一輪滿。清光何處無。此頌實色妄情雲盡圓明。心月全彰也。處處分明。皎然獨露。

三雙揀斷實。心境既雙遣。斷實一齊休。義曰。前雖單揀遍計之情。今顯同時。故曰雙揀。此以真空即不即法。揀去斷空實色之情。計訖觀云。三斷空不即幻色。斷空是所揀。以真空即幻色故。真空不即實色。實色是所揀也。

彼此俱亡湛然寂靜。二病既瘥。一體輕安。說有何曾有。須知遠煙浪。別有好思量。此頌法相宗。佛言。一切法無我。一切法者。略有五種。細而分之。有一百名數。一一有法於賴耶脚下。自有親生名言種子。至如賴耶識等亦從種子。多談法相少談法性。所談法性亦

法相數。如六無為等。乃至成佛。皆從修因斷障。歷三僧祇轉識成智。智為能證。二空真理為所證也。從此而學者。多分計一切法實有。自體成計常病者多矣。佛說相教為始空病。空病既除。有亦不真。意顯中道。故云何曾有言。無未便無。眼觀東南。意在西北。此頌破相宗。且如大般若經八十餘科名數。皆是遺執。蕩相遮境明空。說三性三無性。至於佛德言大空真如。金剛云。凡所有相皆是虛妄。若

見諸相非相。即見如來。又云。離一切諸相。即名諸佛。又般若心經中所離文中。無世間三十二緣能證所證。亦不可得也。從此而學者。多分計一切法空。成斷滅病者多矣。佛雖說空法。謂遣執有之計。有執既除。空藥亦遣。意顯中道。故云未便無也。賢首國師判上二種教法。未盡大乘至極之說。為大乘始教。有無俱不計。二邊純莫立。中道不須安。此頌法性宗。謂佛說終頓經等。圓覺云。有無俱遣。是則名為淨覺隨順。又法華涅槃會上。呵小讚大會權歸實。三乘同會一佛乘。五性皆歸一佛性。方盡大乘終實至極之說也。然前來隨機設教。為破斷常之執。今則二執既遣。中道雙融。解真空是不空之空。達妙有是不有之有。故能有無不計。妙解雙通。既成無功之功。決定功不虛棄。

賞汝髮中珠。重賞之下必有勇夫。此頌法華云。譬如強力轉輪聖王。兵戰有功。賞賜諸物。唯髮中珠。不以與之。如有勇健能為難

事。王解髮中明珠賜之。舉斯妙況。用明契中道之深旨耳。賢首判為終教。方盡大乘至極之說。

覆庇貧和病。提携獨與孤。煩惱海中為雨露。無明山上作雲雷。此頌無法財曰貧。有惑障曰病。凡外病也。專自利曰獨。闕明導曰孤。小乘病也。是故至聖契中道妙理。空有齊觀。運悲智心。設權實教。慈應貧病。智拔孤獨。如得輪王髮珠。普資一切也。

迴光歸去來。始覺廢功夫。當時不憚穿雲路。過後思量愁殺人。此頌至聖出世為一大事。因緣出現於世。為衆生緣熟而來。衆生緣盡而去。非但如今。歷劫已來。為斷常之流。難可化度。而設種種方便。引導衆生。令離諸著。能事畢矣。後入涅槃。始覺利生廢其功夫耳。或可多是來賢人通徹性相二宗。妙達圓頓一乘。見權實方便多門。仰歎先聖云。廢却多少功夫耶。

四顯解。功夫不到不方圓。言語不通非眷屬。義曰。前門約境。境相無實。歸於真空。故云顯理也。此門約心。心非斷滅。不異幻色。故云顯解也。觀云。四真空即幻色故。凡是真空。必不異色。非斷滅故。

華嚴七字經題法界觀三十門頌卷上

# 華嚴七字經題法界觀二十門頌 卷下

夷門山廣智大師本嵩述

空即一切總莫動著 動著頭角生 落在第二念 今不動著 妙解前生

阿誰無作用 便是死了底漢 猶棺槨中瞋眼 此頌人人分上活潑潑地皆有作用 是顯解也

作用復由誰 看他家事忙 且道承誰力 此頌人人無不承恩力 指前顯理也 今推解不離理也

當處和根拔 移花兼蝶至 買石得雲饒 此頌即理而生解 理爲解本 今顯即理 故曰和根拔得也

梁儂由未知 君子若似我 一切法無差 此頌梁儂也 儂我也 南方時語也 今嘆理智不相離 人人總不知 目前空即色 遍界野雲飛

虛空雲片片 曠野草離離 野花開似錦 潤水湛如藍 此頌真空即幻色而物物明矣 法登云 今古應無雙 分明在目前 片雲生晚谷 孤鶴下遙天 是此義也

早諸燈是火 飯熱已多時 早知今日事 悔不愜當初 此頌前會色歸空 是影揀斷實之情 唯言顯理 未云顯解也 今此正揀情執逼計 影揀依他境空 悟此解心不離前理大似

不知燈元是火 空忍飢腸耳

三空色無礙觀 大海從魚躍 長空任鳥飛 義曰 空是真空 不礙幻色 色是幻色 不礙真空 故曰無礙 此則約能觀之智有無雙照 約所觀之境真俗雙融 不二而二 以顯色空 二而不二 明其無礙 以此爲門 出生觀智成立趣行之解

東涌西沒元無二法 繁興大用 起必全真 賢首品云 或於東方入正定 而於西方從定出 乃至如是入出遍十方 是名菩薩三昧力 清涼云 菩薩寂用無涯三昧門 於器世界業用自在也 既曰三昧 豈有二法也

去住都無我 縱橫豈有他 入浪穿雲都無罣礙 此頌去住者 三際出入無礙也 縱橫者 十方往來自在也 由前八門我法二執都遣 到此空色同如 豈有他法於其間哉 由是豎窮三際橫遍十方 爲一味之圓通 顯二法之無我 非情識之所測 唯同道乃方知 下云

寒山子撫掌拾德笑呵呵 因何一老呵呵笑 不是同風人不知 此頌斯二散聖 不住那邊混跡今時 或笑或歌 左右逢源 別有深意 嶺上木人叫溪邊石女歌 故國消息斷 石

虎叫連宵 此頌前八門情盡見除 似木人石女 到此趣行解與如能叫能歌 豈有情解於其間哉

色空同一味 笑殺杜鵑和 當局者迷 傍觀者哂 此頌空色無礙蹤跡未亡 無寄人前堪悲堪笑 達士可耳 只如杜撰禪和笑箇甚麼 乃云 我衲僧門下 佛魔並掃 光影齊亡 纔有

少分相應 況更說色說空說一說異 是好笑也

也

四泯絕無寄觀 混然寂照寒宵永 明暗圓融未兆前 義曰 泯謂遺泯 泯前八門情執 絕謂止絕 絕九門趣行之解也 然則前門有空可色有色可空 今此門中二俱不立 情執兩亡 令心絕待都無所寄 以此爲門 出生觀智矣 然初句當般若心經中色即是空 二句當空即是色 三句當色不異空空不異色 此句當是諸法空相至無智亦無得 顯法體離一切相 與此真空理同 齊大乘始教

心若死灰口宜掛壁 欲言言不及 林下好商量 心者無寄觀心也 到此聖凡情盡境智俱冥 如死灰遇煩惱薪而不能然 豈可言思而能到也 觀中拂跡文云 非言所及 非解所到 令解心如灰 不可以心思也 非言所及 使辨口似壁 不可以口議也

境空智亦寂 不居明暗室 懶坐正偏床 此頌妙絕能所對待 正顯無寄也 照體露堂堂 照體獨立 物我冥一 此詛觀智孤朗般若獨存 既曰獨存 心外無法 法法皆心 下云

熱即普天熱涼時匝地涼 靈光獨露處 純一更無雜 此頌心境重重本覺性一 可謂一香一花稱性而遍周沙界 一瞻一禮離相而恒對佛前 所以僧問洞山 寒暑到來如何迴避 山云 何不向無寒暑處去 僧云 如何是無寒暑處 山云 寒時寒殺閻闍 熱時熱殺閻闍 雪竇云 垂手還同萬仞崖 正偏何必要安排 既不安排 信手拈來 都明此意也

既不安排 信手拈來 都明此意也

無心未徹在有意轉乖張。無心尚隔一重關。有意固應難趣向。此頌不可。亦不可展轉。拂迹之語也。此語亦不受。於觀心上都無纖毫。一念猶隔玄津。況乃將前解心欲事此境耶。唯妙契者即物神會。且道有無不可及底句。合作隱生會。

要會終南旨。春來日漸長。將謂別有奇特。元來天陰地潤。此頌浪絕玄趣。言象莫測。於無言象中立絕言象之妙。是以終日言而未嘗言者也。

理事無礙觀第二 山高不礙雲舒卷。天靜何妨鶴往來。義曰。理者是前真空不變。理事者此門隨緣成底事也。然前門但是揀情顯理。如金出礦未爲器用。今明真理隨緣成其事耳。無礙者理事相望體用互收。若不變即隨緣理不礙事也。成事即體空事不礙理也。觀者權實雙融無礙智也。只爲此門隨緣所以落在第二。此門行理量變融之行。運權實互融之智。超理事大小之情。離體用一異之見。證理事無礙雙融之中道。此門法義已當大乘。同教之極致也。但理事銘融存亡七八五順三。通有十門。同一緣起矣。然成五對。一相遍。二相成。三相害。四相即。五相非。且初第一對者。

一理遍於事門 功盡忘依處。轉身覺路玄。義曰。一者數之始也。謂一真不變之理。妙能隨緣遍於千差事法。觀云。一一事中理皆全遍。非是分遍。何以故。彼真理不可分故。以此爲門出生觀智。行人於此當了法身自性有

隨緣妙用。正明理不礙事也。

獨曜無私對揚有準。應物現形。如水中月。寂爾本非多隨緣處。和密移一步六門。無限風光大地春。此頌玄寂不變體一妙絕群數。故曰非多也。靈鑒隨緣用廣數而應之。故曰處處和也。正明理遍於事者也。鎔金金作器動水水爲波。截瓊枝寸寸是寶。析柳檀片片皆香。此頌真理隨緣成事顯事事全真矣。

染淨元無自聖凡豈有他。應觀法界性。一切唯心造。此頌一一依正俱無自性盡。是真隨緣緣而成。豈有他法而別有體也。故經曰。真如淨境界。一浪未常存。能隨染淨緣。遂分十法界也。

東西南北看那畔不彌陀。佛身充滿於法界。普現一切群生前。此頌觀智精明法眼通徹。見一一塵皆淨土。一一心盡彌陀。大經解脫長者云。我欲要見安樂世界阿彌陀佛及十方佛。隨意即見。

二事遍於理門 影現建化門頭。身遊實際理地。義曰。以千差事法各各全遍一真之理。觀云。以有分之事於無分之理全同非同。何以故。此事無別體還如理故。此全遍門。超情離見非世喻能。況如全一大海在一波中。而海非小。如一小波匝於大海。而波非大。此相遍二門。文雖前後法乃同時。此二爲總。下八爲別。別不離總。爲生發義。本正明事不礙理。

由同作異異乃全同 翻手覆手。只是這手。

只由金作器所以器皆金。一點水墨。兩處分明。此頌理遍事而金作器。事遍理而器皆金。二門喻顯也。

況事唯心現。塵塵盡是心。隨緣成底事。物盡全真。此頌三界唯心更無別法。性空人易信。法住聖難任。體空全遍人皆委。

法別有體聖難容。此頌緣生事法性空人易信矣。法別有體實住聖難任持。何則聖人證一切法空而成果海。豈別有一法不空者。故古德云。若有一法毘盧墮在凡夫矣。有作性難任者。恐非智者。詳之。

緣微無緣處緣實甚深。法眼通明。方能徹證。此頌能微觀智所徹性空。緣性既空即不變理。故曰甚深也。肇論云。緣覺覺緣離以即真矣。

三依理成事門 隨緣成妙有。大用獨全彰。義曰。事無別體依真理而成。如波因水方得成立。此門唯隨緣義也。明明底事處處施張。山河及大地。全露法王身。

澄澈絕纖塵能爲染淨因。絕點純清水。能隨風起波。此頌是一心之妙體。查絕纖塵十法界之親因。隨緣成矣。

聖凡無異路迷悟有疏親。染淨體一。愚智妄分。此頌四聖六凡所依性一。迷者從識而似疎。悟者就智而全親。迷悟在於人矣。何關法性者哉。

不變時時隔。無爲無事人。猶遭金鎖難。此頌隔者。塞而不通也。時時者。長遠也。若真

如無隨緣之用。則真妄長塞而不通也。有僧問法眼云。情生智隔。情未生時如何。師云。隔是此意也。

隨緣日日新。草木精神換。江山氣象新。此頌正顯此門義也。謂真如能隨緣。新新不住。成諸事法若法。有住不名妙用也。且道是何人分上。

披毛戴角者方是箇中人。斫倒那邊無影樹。却來火裏又抽枝。此頌隨緣人也。謂自古賢聖了證真理。由悲故迴入塵勞。由智故方便利物。宗門中喚作異類中人也。丹霞云。戴角披毛異類身。是此意也。

四事能顯理門。乾坤盡是黃金骨。萬有全彰淨妙身。義曰。事法體空為能顯也。真理為所顯也。觀云。以事虛故全事中之理。挺然露現。猶如波相虛令水體露現。此門唯體空義也。

青皚白雲誰人分上。然宗門中以青山為體。白雲為用。即此體用阿誰分上。要會麼。萬里江山無異路。一天風月盡吾家。從緣緣本虛。則道方孤。若了依他起。無別有圓成。此頌緣無自性事法體空。唯顯一道真空。孤標而獨立也。

空谷無音響。實由外叫呼。驀地喚一聲。猶如鏡中現。此頌空谷者。事法體空因也。外叫者。疎助緣也。顯喻因緣無性。是事家用也。見聞性自離知覺寂然。通見聞覺知非一。山河不在鏡中觀。此頌離者。捨去也。通者。懸遠也。謂所顯真理離一切相。不可以見

聞覺知。六情所測也。若以見聞覺知趣求者。捨去此理。懸遠久矣。維摩經云。法離見聞覺知。若行見聞覺知。則是見聞覺知。非不法也。直須放下情塵迴光可耳。

暫爾迴頭看。衣穿露寶珠。水穿瘦骨露。屋破看星眠。此頌衣穿者。事法體空也。寶珠者。理實也。如暫然放下見聞情念知覺妄心。以觀智慧眼觀破。一。一事中理皆全露。又如貧子還家。遇長者指示衣珠。忽自迴頭。見破衣內果有明珠。隨其心而驟富也。

五以理奪事門。實際理地不受一塵。義曰。理為能奪。事為所奪。以一真不變之理。奪盡千差事法也。觀云。以離真理外無片事可得。如以水奪波波無不盡。此則水存以壞波令盡。由四門所顯之理。到此便為能奪。此門唯不變義也。

摩竭掩室毘耶杜口。摩竭者。唐翻無毒害。以彼國汝無形戮故。佛於茲成道。三七日內不說法也。表名言路絕。狀若掩室也。毘耶離。唐翻廣戲。以城中平廣戲。淨名居士示疾。於此會諸菩薩各說不二法門。時文殊問言。何等是菩薩入不二法門。淨名默然無言。名為杜口也。且如二聖人。豈可無辨才也。蓋辨所不能言也。要會麼。欲明空劫未生前。從來佛祖豈能宣。

物際獨巍巍。從來卓爾獨存。不與萬法為侶。此頌不變理體獨露堂堂。奪盡物之邊涯際畔也。冥冥息萬機。萬機休罷處。一曲韻無私。此

頌奪盡千差念慮也。

境閑情淡。淡心止思。微微。境智冥寂。情忘慮息。此頌所觀境既空閑。能緣情慮則淡薄。微細隱也。

差路終迂曲。一源絕是非。直截根源。佛所印。摘葉尋枝。我不能。此頌隨相行多岐委曲。長劫行之離相行。一路直截是非俱泯。泯無能浪。奪無所奪。一道靈光有何間斷也。

纖毫情不掛。何處不光輝。皮膚脫落盡。獨露一真實。此頌奪盡心境千差顯一純真之智。靈無方而不顯現也。

六事能隱理門。佛事門中不捨一法。義曰。事為能隱。理為所隱。由第三成事即理隱也。觀云。真理隨緣成諸事法。遂令事顯理不顯也。如水成波動顯靜隱也。法身流轉五道。名曰衆生。衆生現時法身不現。此門唯顯成事義也。

浩浩波瀾當處澄澄。數峰青翠處。孰委是雲根。波瀾者。千差事法也。澄澄者。純清一理也。唯顯成事之波。不顯湛然理矣。

物物既緣成。緣成翳本明。只為隨他法。與却本來真。此頌因隨緣而成事。唯顯成事而隱理也。

但觀波浪起。不見水澄清。貪觀白浪。失却手筭。此頌約境則唯顯俗諦而隱真諦。約人則迷於理而滯於事。

遠境危峰。小平湖野。艇橫。莫隨境轉。落今時。恐失本來光彩去。此頌要見即俗之真。信取境唯心耳。野人云。看。

同他泯其事也。卽妄徹真源。雖有而非常也。觀云。故說衆生卽如。不待滅也。如波動相舉。

是無味之談塞斷人口。真理既非其事。誰敢道著。不敢承當也。

異故。卽真俗雙存以成雙照中道矣。此門體空卽成事義。

全真物萬行沸騰 大用全彰。非其理也。

理全事亦全何處不方圓 人人皆具足。物盡圓成。此頌理事俱全真俗雙照。以明中道處處方圓。下云

縱目極天際橫顧小檻邊蔽空雲變雙匝地草芊芊 簾頭落底千千藥。不是神農人不知。此頌物物全真信手拈來。縱橫得妙苟不仙陀。如何領會。下云

更欲論玄妙金剛擎起拳 赤心片片。重重相爲。此頌上四句中不明玄旨。又問。夷門意趣如何。師云。金剛擎起拳。是同坑無異土。若又不領。假使普慧雲興二百問。普賢瓶瀉二千答。不過知音也。是徒勞話會。然則忽遇箇中人。如何別通一線。要會麼。不解金剛擎起拳。領取泥牛耕水月

周遍含容觀第三 幢網珠光無向背。自他光影一時周。義曰。一事法如理融通。包通自在。約差別事法論其體用而顯玄也。歷無不窮曰周。橫無不極曰遍。外無不包曰含。內無不攝曰容。觀者混融無障礙智也。第三者前已標矣。要知次第無塔級。前三三。是後三三。此門行無盡之行。運混融之智。超定一定多之情。離先後同時之見。證事事無礙法界出生觀智。號普融無障礙智矣。此門法義迥異諸詮。是毘盧性海之圓宗。實一乘別教之玄旨。事如理融遍攝無礙。交參自在各辨十門。一爲法義體用之本也。二是周遍義也。三是含容義也。此三備矣。四釋二也。五釋二也。六七皆收四五也。八九融攝六七也。十收八

九也

一理如事門 心隨萬境轉。轉處實能幽。義曰。此因前九十二門全理全事。到此遂令一味純真全同差別法也。此是總句。爲法義體用生發之本

一切唯心兵隨印轉 魚母憶而魚子長。蜂王起而蜂衆隨

並安千種器千月落其中 千江有水千江月。萬里孤舟萬里身。此頌所如千差事法

一道澄江淨唯餘一月通 一念心清淨。一佛出世間。此頌所如一法

同爲異復異 放去彌綸沙界。森羅萬象齊彰。此頌分同作異異乃全別。顯上四句法合一多之法。全同爲全異也

異作同還同 收來蹤跡全無。誰是能同之者。此頌攝異爲同。同無同相強稱爲同也。同者玄寂體也。異者靈密用也。肇論云。是以般若之與真諦。言用即同而異。言寂即異而同。同故無心於彼此。異故不失於照功

誰得圓通妙終南箇老翁 箭穿江月影。須是射鵰人。此頌理雖如事而異明異而全同。是雙照而雙遮。故號圓通。夷門推此玄道。唯我齊心禪師無得而得之者也

二事如理門 法依圓成。還同圓遍義曰。謂諸事法與理非異。故能隨理而圓遍也。與前門爲相如一對矣。此門周遍義。三門是含容義。與後門爲周遍含容一對。結歸觀題也

君既無涯我亦隨爾 思來義往今古如然。理遍一多法一多同理然 水起千波異。千

波一濕同。此頌相如二門一多法義

意無往來相誰後復誰先 不動而變。二際俱亡。此頌一多之法同時相如。各不離本位互相如遍。終無往來先後之相。則知十方三世湛然常住矣

舉措皆儒首縱橫盡普賢 頭頭妙行。物物無虧。此頌儒首者。是般若會上儒首菩薩達俗即真不遺細行也。普賢者。曲濟無遺曰普。隣極亞聖曰賢。此二菩薩運同體之悲智。化異見之衆生。真即俗而事相存。俗雖存而不異真

日中迷路者掘地覓青天 將南作北情猶想。掘地尋天更可悲。此頌著相凡夫不達相即無相。廣設相而相外求真何異迷人將南作北迷情難遣。又如掘地尋天何日相應。遠之遠矣。故佛言。迷中倍人誠可憐愍耳

三事合理事門 網珠千影相。盡在一珠中。義曰。前所遍之一事到此便爲能含。由上一事體空能含中。餘一切事皆體空不離法界。是故俱在一塵中現不壞相而廣容也。然上三門法義備矣。下之七門自此而生也

一毛稱性攝法無遺 雖分理事異。一法普包容。法者理事法也。遺者失也。一毛正報與法性相具非一非異。故能攝而無失也

塵中無數刹利有佛難思 十方依正一塵中。無限遮那轉法輪。此頌依中現依正也。然依正二報一一如理在一事中分明顯現。非因依人情識所解也

眼耳絕聞見身心何覺知 栴檀林裏坐。鼻

孔不知香。此頌上二句依正融通。是大菩薩遮那智境。聲聞尚杜視聽於嘉會。況凡夫迷妄身心。何能覺知矣。佛果云。現定見聞覺知是法。此法離見聞覺知。若著見聞覺知。即是見聞覺知。大凡達法之士。超出見聞覺知。不住見聞覺知。却來受用見聞覺知。然則且道受用底一句。作麼生道。

閑堂行道夜靜室坐禪時。經行坐臥中。受用法王法。此頌達法之士。四威儀中。閑堂靜室之內。或行道坐禪之時。受用融通包容理事之法樂也。

日用自家底。何煩尋路歧。閑堂行道全由我。靜室安禪更在誰。此頌一身之事。變融理事在自己。日用之中。何必煩勞別尋玄道哉。

四通局無礙門。法界華嚴大道場。纖毫不動一齊彰。義曰。通者事法體空也。局者不壞成事相也。一。事法互不相妨。故曰無礙。由前二門與理非異。故唯通也。今加非一義。顯成事體。故兼局也。故經云。隨緣赴感靡不周。是通義也。而恒處此菩提座。是局義也。不動一位而遍在一切位中也。釋第二門周遍義也。

無在不在十方目前。遍住一致。遠近齊彰。無在者。體空而遍十方遠也。不在者。無所不在也。不壞相而住。在目前近也。李長者云。無邊剎境。自他不隔於毫端。十世古今。始終不離於當念矣。又維摩經云。天女問舍利弗言。女身色相。今何所在。舍利弗言。無在無不在。天女曰。一切亦復如是。夫無在無不在者。佛

所說也。不動步而遍縱橫。就是渠。一月在天。影分衆水。此頌上句局不礙通。下句通不礙局也。故十方自在。無非達士之妙用也。

塵塵非一異。刹刹豈親疎。當堂不正坐。誰赴兩頭機。此頌事非一則成事。義非異則體空義也。理非異則不變義。非一則隨緣義也。約悟者。轉物同己。則似親矣。迷者。心隨物轉。則疏遠矣。今則通局無礙。混一異絕親疎。物物明矣。

柳帳長橋掛花細。小砌鋪頭。頭頭盡露真消息。物物全彰古佛心。此頌目前實際性相圓融。信手拈來。不勞心力。

若明法爾力。何用費功夫。本自圓成。不勞心力。此頌真如不守自性。從來法爾隨緣成。柳帳而作花細。全彰妙有。現天文而明地理。盡顯真空。何勞妙辨。以宣揚。豈假神通而顯示。達者可爾。不用功夫。若乃情關固閉。識鎖難開。未明法爾全真。須假終南觀智而冥會矣。

五廣狹無礙門。華藏世界所有塵。一一塵中見法界。義曰。由非異故。一塵體空。悉能廣容無邊剎海。故名廣也。由非一故。不壞一塵。微細小相成事之體。故名狹也。廣狹互融。故曰無礙。三門唯廣。此兼狹義釋。第三含容也。

不動一毛包容無盡。芥納須彌。上狹下廣。毛端容剎海。剎海入毛端。正容依依入正。此頌上狹不礙廣。下廣不礙狹。

剎海元非小。毛端本不寬。各住自位。都無往來。此頌一多事法。不壞相而更互容攝。唯智照可明。非識情所造。

迴眸覓即易。進步討還難。肯來兩手相分付。擬去千尋不可攀。此頌忘情反照。却易相應。以識十度進求。誠難會矣。且如玄會終南。觀旨一句。作麼生道。

要會終南旨。牛頭尾上安。空手把鋤頭。步行騎水牛。此頌帝心禪師。廣狹相參之妙句。下無私應須玄會耳。

六遍容無礙門。唯一塵密身。一切塵中見。義曰。一四唯遍義。五唯容義。今合之同時具此二義也。一法望多時。雖普遍而即廣容也。多法望一法時。攝一法在多法中。雖廣容而即普遍也。遍即容容即遍。故曰無礙。

一法望多同時遍攝。遍攝雖同時。說時多在後。

一鏡入多鏡。多身入一身。一身普現一切水。一切水月一月攝。此頌上句一法望多法。以喻顯法也。下句多法望一法。即後門法義在同時。

時窮唯一念。處處極但纖塵。一念入多劫。一塵遍十方。此頌約時一念緊窮三際。約處一塵橫遍十方。一法望多同時之義。在斯爾。

見月休觀指。歸家罷問津。得兔忘筌。得魚忘筌。此頌一念既悟。見一塵中同時遍攝。互無障礙。如見月而不觀指端。似到家而罷問關津矣。

李陵居北塞。元是漢朝臣。英雄不服蠻夷。



死。更築高臺望故鄉。此頌李陵者。李廣之子。名陵字少卿。前漢武帝時。將五千兵卒北征單于。因力不及遂陷番不迴。特築高臺而望故鄉。取一法望多法。不可以情所到也。

七攝入無礙門。十方所有佛。盡入一毛孔。義曰。多法望一名攝入者。謂無多可遍無多可容。故曰攝入矣。正攝即入正入即攝。故曰無礙也。多法者是前所遍所容一切事法也。到此却爲能攝能入矣。一法者是前能遍能容一事也。到此却爲所攝所入也。言有前後法在同時耳。

多法望一更無前後。攝入無前後。立義一在先。

此能即彼所今所是前能。改頭換面只是舊人。此頌一多互望無定能定所。雖能所而非能所。法在同時耳。

遍攝無前後爲門立異名。歸源性無二。方便有多門。此頌體絕對待圓融無前後。用隨得彰行布有異名也。

鏡多有準則燈一無虧盈。一燈光互照。千鏡影相承。此頌多鏡喻多法。一燈喻觀智也。若然一燈在十鏡中心見燈燈互照。鏡鏡相容。準則成事分齊虧盈智無增減。可謂正互容而不礙互遍。正互攝而不礙互入矣。

新額乘樣望黃河徹底清。天眼龍睛徹底觀。此頌引博物志云。天河與海通。海濱年年八月有靈槎木來往不失期信。有博望侯張騫。還積槎乘槎而去。忽忽不覺晝夜。忽至一處所見室中多有織女唯有一夫牽牛臨渚不

飲簫而問曰。公何由至此。簫乃問曰。此是何處。夫曰。君可往蜀問嚴君平。簫乃如其言。君平曰。某年月日有客星犯於斗牛。正是至今也。既犯斗牛必奇人也。分取觀智法精明方能徹矣。故出無味之談。不可以識情妄測。八交涉無礙門。諸佛法身入我性。我性還共如來合。義曰。交謂交互。涉謂關涉。以六中一望多關涉七中多望一也。七中多望一交互六中一望多也。交互關涉無有罣礙。成一年多兩重主法。

遍容攝入有主無伴。主者在義。交涉又何妨。

羅紋結角中執辨主人公。有客須遵主。無賓獨等尊。此頌羅紋結角四義。意取天涯海角。四方八面。一多之主法既不立伴。其誰是辨別識主之者。

道異何曾異。文有一多異。主無彼此殊。此頌行步一多稱異。圓融妙體無殊。今顯主法圓融拂其異跡。故曰何曾異也。

言同甚處同。說同因異立。無異同何同。此頌同因異立異因同彰。今此門中異伴不立獨顯主法。拂其對異之同。故曰甚處同也。

三門對佛殿露柱燈籠。臂長衫袖短。脚瘦草鞋寬。此頌牀上同異俱遣。唯主獨存物物純真。信手拈來縱橫得妙。夷門曲爲諸仁不免重宣此義。

涼觸林鍾夜北來一陣風。捲箔秋光冷。開窓暑氣清。此頌林鍾者。六月律令。故取北風爲涼也。此與三門佛殿露柱燈籠一狀領過

矣。既論主中之主。誰敢道著名字。須是遇互密旨不犯當頭。洞山云。但能不觸當今諱也。勝前朝斷舌才。

九相在無礙門。一聲遍入諸人耳。諸人耳在一聲中。義曰。前八門中雖已收六七二門。能遍能容能攝能入。一多兩重主法也。今此門中收所遍所容所攝所入。兩重伴法也。兼攝餘法入他法中。故得凡聖混融因果交徹。全主爲伴。互各相在矣。

所攝所入有伴無主。伴者客寄義。萍跡混他鄉。

圓明處處真執辨主中賓。九宮不肯戀。獨自入方衢。此頌圓明者。揀異凡夫無明。二乘似明。菩薩分明。佛號圓明。表全爲主全伴。謂彼聖智證真之後。功成不宰。迴入塵勞混同凡跡處處圓明而不昧也。既無賓外之主。誰是辨別全主爲賓之者。意顯獨立。故曰誰辨也。

昔作堂中主今爲門下人。不顧家園風景好。却隨柳絮路頭忙。此頌前全爲主法。今爲門外墻下之人。顯全爲伴法也。

故新新復故。舊佛新成。新成舊佛。此頌去新曰故。明主法也。去故曰新。明伴法也。新復故者。是全賓爲主也。牀前八門一多之主法也。

新故故還新。隨緣即不變。不變却隨緣。此頌故還新者。是全主爲伴。正顯此門一多之伴法也。如豐千萬回塞山拾得散髮人等。了却那邊實際理地。却來建化門頭示現形儀。



學無常師。博致內外以原自身。原之不已果得其本。然今習儒道者。祇知近則乃祖乃父傳體相續受得此身。遠則混沌一氣剖為陰陽之二。二生天地人三。三生萬物。萬物與人皆氣為本。習佛法者。但云。近則前生造業隨業受報得此人身。遠則業又從惑展轉乃至阿賴耶識為身根本。皆謂已窮而實未也。然孔老釋迦皆是至聖。隨時應物設教殊塗。內外相資共利群庶。策勸萬行。明因果始終。推究萬法。彰生起本末。雖皆聖意而有實有權。二教唯權。佛兼權實。策萬行懲惡勸善同歸於治。則三教皆可遵行。推萬法窮理盡性至於本源。則佛教方為決了。然當今學士各執一宗。就師佛者。仍迷實義。故於天地人物不能原之至源。余今還依內外教理推窮萬法。初從淺至深。於習權教者。斥滯令通而極其本。後依了教。顯示展轉生起之義。會偏令圓而至於末。末即天人物文有四篇。名原人也

原人論序終

## 原人論

終南山草堂寺沙門宗密述

斥迷執第一習儒道者

儒道二教說。人畜等類。皆是虛無大道生成養育。謂道法自然生於元氣。元氣生天地。天地生萬物。故愚智貴賤貧富苦樂。皆稟於天。由於時命。故死後却歸天地。復其虛無。然外

教宗旨。但在乎依身立行。不在究竟身之元由。所說萬物不論象外。雖指大道為本而不備明順逆起滅染淨因緣。故習者不知是權執之為了。今略舉而詰之。所言萬物皆從虛無大道而生者。大道即是生死實愚之本。吉凶禍福之基。基本既其常存。則禍亂凶惡不可除也。福慶賢善不可益也。何用老莊之教耶。又道育虎狼胎榮紉。天顏冉禍夷齊。何名尊乎。又言萬物皆是自然生化非因緣者。則一切無因緣處。悉應生化。謂石應生草。草或生人。人生畜等。又應生無前後。起無早晚。神仙不藉丹藥。太平不藉賢良。仁義不藉教習。老莊周孔何用立教為軌則乎。又言皆從元氣而生成者。則欲生之神未曾習慮。豈得嬰孩便能愛惡驕恣焉。若言。欲有自然便能隨念愛惡等者。則五德六藝悉能隨念而解。何待因緣學習而成。又若生是稟氣而欲有。死是氣散而欲無。則誰為鬼神乎。且世有。達前生追憶往事。則知生前相續。非稟氣而欲有。又驗鬼神靈知不斷。則知死後非氣散而欲無。故祭祀求禱。典藉有文。況死而蘇者說幽途事。或死後感動妻子讎報怨恩。今古皆有耶。外難曰。若人死為鬼。則古來之鬼墳壘巷路。合有見者。如何不爾。答曰。人死六道。不必皆為鬼。鬼死復為人等。豈古來積鬼常存耶。且天地之氣本無知也。人稟無知之氣。安得欲起而有知乎。草木亦皆稟氣。何不知乎。又言貧富貴賤賢愚善惡吉凶禍福皆由天命者。則天之賦命奚有貧多富少賤

七〇八

多貴少。乃至禍多福少。苟多少之分在天。天何不平等。況有無行而貴守行而賤。無德而富有德而貧。逆吉義凶仁天暴壽。乃至有道者喪無道者興。既皆由天。天乃與不道而喪道。何有福善益謙之賞禍淫害盈之罰焉。又既禍亂反逆皆由天命。則聖人設教責人不責天。罪物不罪命。是不當也。然則詩刺亂政。書譏王道。禮稱安上。樂號移風。豈是奉上天之意。順造化之心乎。是知專此教者。未能原人

斥偏淺第二習佛不了教者

佛教自淺之深。略有五等。一人天教。二小乘教。三大乘法相教。四大乘破相教。此四在上一乘顯性教。此一在第三篇中一佛為初心人且說三世業報善惡因果。謂造上品十惡死墮地獄。中品餓鬼。下品畜生。故佛且類世五常之教。天竺世教儀式雖殊。惡惡動善無別。亦不離仁義等五。而有無行可修。知此國欲令持五戒不殺不盜不邪淫不妄語不飲酒。不飲肉。神氣清淨益於智也。得免三途生人道中。修上品十善及施戒等生六欲天。修四禪八定生色界無色界天。題中不憚天地獄者。界地不同。見聞不及。凡俗何不知。況肯察本。故對俗教且。然業有三種。一惡。二善。三不動報。有標原人。今敘佛經理。宜具列。故名人天教也。三。詰之曰。既由造業受五道身。未審誰人造業誰人受報。若此眼耳手足能造業者。初死之人眼耳手足宛然。何不見聞造作若言心作。何者是心。若言肉心。肉心。有質繫於身內。如何速入眼耳辨外是非。是非不知。因何取

①於二子②欲二欲③聖二鑑④此一⑤當一⑥深二經⑦途二途⑧凡二風⑨有二者

捨且心與眼耳手足俱爲質。豈得內外相通運動應接同造業緣。若言但是喜怒哀惡發動身口令造業者。喜怒等情。乍起乍滅。自無其體。將何爲主而作業耶。設言不應。如此別別推尋。都是我此身心能造業者。此身已死誰受苦樂之報。若言死後更有身者。豈有今日身心造罪修福。令他後世身心受苦受樂。據此則修福者屈甚。造罪者幸甚。如何神理如此無道。故知但習此教者。雖信業緣不達身本。

二小乘教者。說形骸之色。思慮之心。從無始來因緣力故。念念生滅相續無窮。如水涓涓。如燈焰焰。身心假合似一似常。凡愚不覺執之爲我。實此我故即起貪食名利。就造種種非理等三毒。三毒擊意發動身口造一切業。業成難逃。故受五道苦樂等身。三界勝劣等處。於所受身還執爲我。還起貪等造業受報。身則生老病死。死而復生。界則成住壞空。空而復成。從空劫初成世界者。須曰。空劫大風起。此名持界風。先音金藏雲。布及三千界。雨如車輪下。風過不聽流。深十一洛又始作金剛界。次第金藏雲。注雨滿其內。先成梵王界。乃至夜摩天。風鼓諸水成。須彌界。金等。注滿爲山地。四洲及泥犁。鹹海外輪圍。方名器界。立時經一增減。乃至二增減。盡下生人間。初食地餅林。後復長不銷。大小便利。男女形別。分明立主求臣位。種種差別。經十九增減。兼前德二十增減。名爲成劫。滿日。空劫劫中。是消滅指云虛無之道。然道體寂寂無通。不是虛無。老氏或迷之或謬說。持絕人欲。故指空界爲道。空界中大風。即彼混沌一氣。故彼云道生一也。陰陽雲者。氣形之始。即太極也。雨下不流。陰氣凝也。陰陽相合方能生成矣。梵王界乃至須彌者。彼之天也。洋彌三才備矣。地神已下乃至種種。即三生萬物。此當三皇以前穴居野食。未有火化等。但以其時無文字記載。後人傳聞不明。展轉錯謬。諸家著作種種異說。佛教又緣通明

三千世界。不同大略。故內外教文不全同也。住者住劫。本經二十增減。經者經劫。亦二十增減。前十九增減。有增減。後一增減。無增減。是水火風等三災。劫劫生輪迴不絕。無終無始。如汲井輪。道數只知今時一度空劫。云虛無混沌一氣等。名爲元始。不知空界已前早經千千萬萬遍成住壞空劫而復始。故知佛法中。小乘淺淺之說。已都由于不了此身本不是我。不是超外典深深之說。故知佛法中。我者。謂此身本因色心和合爲相。今推尋分析。色有地水火風之四大。心有受想行識之四。能取行。念念遷流。識別者。之四。蘊。若皆是。我。即成八我。況地大中復有衆多。謂三百六十段骨。一一各別。皮毛筋肉肝心脾腎。各不相

是。諸心數等亦各不同。見不是聞。喜不是怒。展轉乃至八萬四千塵勞。既有此衆多之物。不知定取何者爲我。若皆是我。我即百千。一身之中多主紛亂。離此之外復無別法。翻覆推我皆不可得。便悟此身但是衆緣似和合相元無我人。爲誰貪瞋。爲誰殺盜施戒。知苦遠不滯心於三界有漏善惡。雖集。但修無我觀智。以斷貪等止息諸業。證得我空真如。論乃至得阿羅漢果。灰身滅智方斷諸苦。據此宗中。以色心二法及貪瞋癡。爲根身器界之本也。過去未來更無別法爲本。今詰之曰。夫經生累世爲身本者。自體須無間斷。今五識關緣不起。意識有時不行。無想定無想定。無色界天無此四大。如何持得此身。世世不絕。是知專此教者。亦未原身。三大乘法相教者。說一切有情無始已來。法爾有八種識。於中第八阿賴耶識。是其根本。頓變根身器界種子。轉生七識。皆能變現自

分所緣都無實法。如何變耶。謂我法分別熏習力故。諸識生時變似我法。第六七識無明覆故。緣此執爲實我實法。如患重病心惛見夢夢想所者。患夢力故。心似種種外境相現。夢時執爲實有外物。寤來方知唯夢所變。我身亦爾。唯識所變。迷故執有我及諸境。由此起惑造業生死無窮。廣說悟解此理。方知我身唯識所變。識爲身本。如後所破。

四大乘破相教者。破前大小乘法相之執。密顯後真性空寂之理。大乘經。前之三教。依先後。此教隨就即破。無定時節。故龍樹立二論破。若一。共。共者。二乘同聞。破二乘法執。不共者。唯菩薩。指此空教。或云。在唯識法相之前。或云在後。今意取後。將欲破之。先詰之曰。所變之境既妄。能變之識豈真。若言一有一無者。此下却將所見物應異。異則夢不是物。物不是夢。夢來夢滅。其物應在。又物若非夢。應是真物。夢若非物。以何爲相。故知夢時則夢想夢物。似能見所見之殊。據理則同一虛妄。都無所有。諸識亦爾。以皆假託衆緣無自性故。故中觀論云。未曾有一法不從因緣生。是故一切法無不是空者。又云。因緣所生法。我說即是空。起信論云。一切諸法唯依妄念而有差別。若離心念。即無一切境界之相。經云。凡所有相皆是虛妄。離一切相即名諸佛。如此等文。是知心境皆空。方是大乘實理。若約此原身。身元是空空即是本。今復詰此教曰。若心境皆無知無者誰。又若都無實法。依何現諸虛妄。且現見世間虛妄之物。未有不依實法而能起者。如無濕性不變之水。何有虛妄假相之波。

①相二和②地十也③者十是④元二無⑤大⑥一⑦羅⑧我⑨四⑩千⑪指二指⑫二一寒⑬差別二則差⑭二⑮二⑯之⑰一

若無淨明不變之境。何有種種虛假之影。又前說夢境同虛妄者。誠如所言。然此虛妄之夢。必依睡眠之人。今既心境皆空。未審依何妄現。故知此教但破執情。亦未明顯真靈之性。故法鼓經云。一切空經是有餘說。有餘者。餘未了也。大品經云。空是大乘之初門。上之四教展轉相望。前淺後深。若且習之自知未了。名之為淺。若執爲了。即名爲偏。故就習人。云偏淺也。

直顯真源第三 佛了義

五一乘顯性教者。說一切有情皆有本覺真心。無始以來常住清淨。昭昭不昧了了常知。亦名佛性。亦名如來藏。從無始際。妄相翳之不自覺知。但認凡質故。就著結業受生死苦。大覺惑之說一切皆空。又開示靈覺真心清淨全同諸佛。故華嚴經云。佛子。無一衆生而不具有如來智慧。但以妄想執著而不證得。若離妄想。一切智自然智無礙智。即得現前。便舉一座含大千經卷之喻。應況衆生。經況佛智。次後又云。爾時如來普觀法界一切衆生。而作是言。奇哉奇哉。此諸衆生。云何具有如來智慧迷惑不見。我當教以聖道。令其永離妄想。自於身中得見如來廣大智慧與佛無異。評曰我等多劫未遇真宗。不解返自原身。但執虛妄之相。甘認凡下。或畜或人。今約至教原之。方覺本來是佛。故須行依佛行心契佛心。返本還源斷除凡習。損之又損。以至無爲自然。應用恒沙。名之曰佛。當知迷悟同一真心。大哉妙門原人至此。然佛說前五教。或漸或頓。若

會通本末第四 會前所斥同歸

有中之下之。則從五乘。漸漸而後。先說初教。令離居住。本說二三。令離染住。後說四五。破相顯性。會權歸實。依實教修。乃至成佛。若上上根。則從本至末。而後依第五教。指一真心。心體既顯。自覺一切皆是虛妄。令來空寂。但以遠故。託真而起。須以悟真之智。斷惡修善。息妄歸真。安樂真圓。是名法身佛。

真性雖爲身本。生起蓋有因由。不可無端忽成身相。但緣前宗未了。所以節節斥之。今將本末會通。乃至儒道亦是。初唯第五教所說。從後段已去。前教方向諸教。各謂初唯一真靈性。不生不滅。不增不減。不變不易。衆生無始迷睡不自覺。知由隱覆故名如來藏。依如來藏故有生滅心相。自此方已生滅諸相。所謂不生滅真心與生滅妄想和合。非一非異。名爲阿賴耶識。此識有覺不覺二義。此下方是第三法。依不覺故。最初動念。名爲業相。又不覺此念本無故。轉成能見之識及所見境界相現。又不覺此境從自心妄現。執爲定有。名爲法執。此下方是第二小執此等故。遂見自他之殊。便成我執。執我相故。貪愛順情諸境。欲以潤我。瞋嫌違情諸境。恐相損惱。愚癡之情展轉增長。此下方是第一人。故殺盜等心。神乘此惡業。生而於地獄鬼畜等中。復有怖此苦者。或性善者。行施戒等心。神乘此善業。運於中陰入母胎中。此下方是儒道。稟氣受質。所說以氣則順具四大漸成諸根。心則順具四蘊漸成諸識。十月滿足生來名人。即我等今者。身心是也。故知身心各有其本。二類和合方成一人。天修羅等大同於此。然雖因引業受得此身。復由滿業故貴賤貧富壽夭病健盛衰苦樂。謂前生敬慢爲因。今感貴賤之果。

乃至仁壽殺天施富慳貪。種種別報不可具述。是以此身或有無惡自禍。無善自福。不仁而壽。不殺而天等者。皆是前生滿業已定。故今世不同所作自然如然。外學者不知前世。但據目觀唯執自然。會彼所說。復有前生少者修善老而造惡。或少惡老善。故今世少小富貴而樂老大貧賤而苦。或少貧苦老富貴等。故外學者不知唯執否泰由於時運。會彼所說。然所稟之氣展轉推本。即混一之元氣也。所起之心。展轉窮源。即真一之靈心也。究實言之。心外的無別法。元氣亦從心之所變。屬前轉識所現之境。是阿賴耶相分所攝。從初一念業相分爲心境之二。心既從細至麤。展轉妄計乃至造業。如前境亦從微至著。展轉變起。乃至天地。彼說自太極五重運轉乃至太極。太極生兩儀。見分。後云。元氣如此一業既成熟。即從父母稟受二氣。與業識和合成就人身。據此則心識所變之境。乃成二分。一分即與心識和合成人。一分不與心識和合。即成天地山河國邑。三才中唯人靈者。由與心神合也。佛說內四大與外四大不同。正是此也。哀哉。寡學異執紛然。寄語道流。欲成佛者。必須洞明龜細本末。方能棄末歸本。返照心源。龜細除靈性顯現。無法不達。名法報身。應現無窮。名化身佛。

原人論終

① 廣二鏡 ② 依二因 ③ 以二已 ④ 相二想 ⑤ 返二反 ⑥ 說二說 ⑦ 合二本 ⑧ 知二之 ⑨ 所二此 ⑩ 此十之 ⑪ 於一 ⑫ 同二因 ⑬ 不知一 ⑭ 太二大 ⑮ 識和一 ⑯ 成二足 ⑰ 返二反 ⑱ 身十自然

覺世間。智正覺者。佛菩薩也。三種世間攝盡法故。不論餘者。廣義者。如華嚴經說第二別相門中。三門分別。一說印文相。二明字相。三釋文意。

一問。何故印文唯有一道。答。表如來一音故。所謂一善巧方便。何故多有。繁迴屈曲。以隨衆生機欲不同故。即是當三乘教。何故一道無有始終。顯示善巧無方。應稱法界。十世相應圓融滿足故。卽是義當圓教。何故有四

面四角。彰四攝。四無量故。此義依三乘  
顯一乘。印相如是。

二問。何故字中有始終耶。答。約修行方便。顯因果不同故。何故字中多屈曲。顯三乘根欲差別不同故。何故始終兩字。安置當中。表因果兩位法性家內真實德用。性在中道故。字相如是。

[illegible]

問。上云因果不同。一家實德性在中道。未知所由。其義云何。答。此義其實難解。雖然。依天親論主。以六相方便立義分齊。准義道理。隨分可解。若約十句。以辨六相。如下說。今且約印像。以明六相。示一乘三乘主伴相成現法分齊。所謂六相者。總相。別相。同相。異相。成相。壞相。總相者根本印。別相者餘屈曲。別依止印。滿彼印故。同相者印故。所謂曲

將欲釋文。二門分別。一總釋印意。二別解印相。問何以故依印。答欲表釋迦如來教網所攝三種世間。從海印三昧。變出現顯故。所攝三種世間。一器世間。二衆生世間。三智正

別而同印故。異相者增相故。所謂第一第二等曲別增安故。成相者略說故。所謂成印故。壞相者廣說故。所謂繁迴屈曲。各各自本來不作故。一切緣生法。無不六相成也。所

謂總相者義當圓教。別相者義當三乘教。如總相別相成相壞相等。不即不離。不一不異。常在中道。一乘三乘。亦復如是。主伴相資。不即不離。不一不異。雖利益衆生。而唯在中道。主伴相成。顯法如是。一乘別教三乘別教。准義可解。汝所問疑。義亦如是。初曲如因。乃至後曲如果。如初後不同。而唯在當中。雖因果義別。而唯住自如。依三乘方便教門。故高下不同。依一乘圓教。故無有前後。所以得知。如經說。又一切菩薩不可思議諸佛法。明說今入智慧地故。論曰。一切菩薩者。謂住信行地。不可思議諸佛法者。是出世間道品。明者見智得證。說者於中分別。入者信樂得證。智慧地者。謂十地智。如本分中說。此是根本入。如經。又一切菩薩不可思議諸佛法。明說今入智慧地故。此修多羅中。說依根本入有九種入。一者攝入。聞慧中攝一切善根故。如經攝一切善根故。二者思議入。思慧於一切道品中。智方便故。如經善分別選擇一切佛法故。三者法相入。彼彼義中。無量種種智故。如經廣知諸法故。四者教化入。隨所思義。名字具足善說法故。如經善說諸法故。五者證入。於一切法平等智。見道時中。善清淨故。如經無分別智清淨不離故。菩薩教化衆生。卽是自成佛法。是故利他亦名自利。六者不放逸入。於修道時中。遠離一切惡善提障故。如經一切魔法不能染故。七者地地轉入。出世間道品無貪等善根淨故。如經出世間法善根清淨故。復有善根。能爲出世間道品因故。

① 大日本續藏經。② 正德二年寫大谷大學藏本。〔華嚴一乘法界圖〕— ③ 字二守。④ 末二末。⑤ 目二目。⑥ 入二入。⑦ 空二空。⑧ 隔二隔。⑨ 第一集。⑩ 第二集。⑪ 相故二故相。⑫ 名二得。⑬ 菩提二煩惱？





證法性。無有源底。以究竟清淨。湛然明白。三種世間於中顯現。名曰海印。繁者熾盛義。故。出者涌出無盡故。如意者從喻得名。如意寶王無心而兩寶益生。隨緣無窮。釋迦如來善巧方便。亦復如是。一音所暢。應衆生界。滅惡生善。利益衆生。隨何用處。無不如意。故名如意。

三約修行方便者。此中有二。一明修行方便。二辨得利益。初門行者。謂見聞一乘普法已去。未滿證普法已還。是此約別教一乘說也。若約方便。一乘說。五乘總是入一乘攝。何以故。以一乘所流一乘所目一乘方便故。若約此義。總攝五乘。一乘修行者亦得所流所目者。約緣起道理語。方便者。約智語。何以故。進趣不住。名曰方便。不迴心者。不名方便故。亦可約聖者意說。何以故。以善方便。引接衆生故。如五乘說人法因果。解理事教義等。一切諸法。准例如是。

問。所謂五乘等法。爲是能詮教法耶。爲是所詮義耶。答。能詮所詮一切諸法。皆在言中。其義如所詮之法相皆絕。諸佛世尊。以大慈悲。本願力故。諸佛說法。如是故。施設言教。爲衆生說。以是義故。教網所攝一切諸法。皆悉在言中。是故經言一切諸法但有名字。即其義也。

問。證分之法。言相不及。言教之法。在於事中者。證教兩法。常在二邊過爲。答。若約情說。證教兩法。常在二邊。若約理證。教兩法。舊來中道。一無分別。所以得知遍計無相。依

他無生真實無性三種自性常在中道。三法以外更無證教。是故當知。一無分別。是故至人得此理。故名相不及。爲生說。故言在事中。故經偈云。一切諸如來。無有說佛法。隨其所應化。而爲演說法。即其義也。是故聖者隨遍計故。建立三性。且安窮心。漸漸已後。現三無性。覺悟夢人。此即聖者大善巧也。問。如攝論云。遍計所執。凡夫境界。依他真實。聖智境界。何故聖者隨遍計耶。答。遍計諸法。顛倒故有。是故論云。凡夫境界。畢竟空故。無所可對。是故論中。非聖境界。非謂智空。非聖境界。是故聖者慈悲方便。隨眼病故。言說空華。有何妨難。意在於此。依他起相。從因緣生。無有自性。離二邊過。無我同。圓成實性平等法。圓融彼此。不可分別。舊來一味。以此義故。分別不及。是故論言聖智境界。別意如是。若約實說。三種自性。皆是凡夫境界。何以故。隨性說事安。立。三種自性。即聖智境界。何以故。隨智顯理。非安立故。是故經中亦有處。三性以外。不立三無性。亦有處。三性以外。別立三無性。所以者何。隨情安立。約解門故。別立三無性。隨智顯理。約行門故。三性以外。不立三無性。尚二。以外無有真實。何況三性以外。別有三無性。所以得知無相等智現前。畢竟無法可對。唯在中道故。是故須解教立所由。

問。如上所言。證分之法。及緣起分法。有何差別。答。別不別。其義云何。證分之法。約實相說。唯證所故。緣起分法。爲從衆緣生。無有

自性。與本不異。是故不別。問。若如是者。以自所證。爲衆生說。與未不異。尋常差別耶。答。得其義。若爲所證。在言與未不異。言說在證。與本不異。與本不異。故用而常寂。說而不說。與未不異。寂寂而常用。不說而說。不說而說。說即非說。說即不可得。不說即非不說。故。不說即不可得。二俱不可得。故。二俱不相妨。以是義故。說與不說。等無差別。生與不生。等無差別。動與不動。等無差別。一切差別相對法門。准例如是。故經云。有爲無爲。一切諸法。有佛無佛。性相常住。無有變異。是其義也。亦可正說法中。言說以外。更無別義。以言爲義。正義法中。正義以外。更無別言。以義爲言。以義爲言。故言無非義。以言爲義。故義無非言。義無非言。故。義即非義。言無非義。故。言即不言。言即非義。二俱不可得。是故一切法。本來在中道。中道者。通言非言。何以故。諸法實相。不在言中。離名性故。言說法不在真性。在機益。故名無真性。離名性。故名無名。名而無名。故以名求實。實不可得。名無真性。故名而無名。我同故名。性不可得。以此義故。二俱不可得。唯證所知。非餘境界。是故經云。一切諸法。唯佛所知。非我境界。問。前後兩義。何別。答。前義。可別。以本末相即。相即相融。顯中道。後義。以名義互爲。客顯無我義。所顯道理。不離理。能證方便。別。此即本末相資。名義互。客。開導衆生。令致覺。自無名真源。能化所化。宗要在此。問。此義義

①解十(行) ②法十(言教之法) ③理十(入說) ④覺二意 ⑤性二情 ⑥立十(故) ⑦種十(無) ⑧三(性) ⑨以外二外以 ⑩所十(知) ⑪與本二本與 ⑫我同故 ⑬可別 ⑭相即 ⑮道十(義後) ⑯客二客 ⑰理二異 ⑱互二不 ⑲自十(還)

當頓教宗何故此問說答如上說說與不說等無差別何以故總是實德故無有妨難且護分別故順三乘說蓋是智者勝妙能也如上證分及緣起分義當論中義大教大也背\*反分別得無分別名曰無緣順理不住故名善巧如說終行得聖者意故名爲捉如意如前歸家者證本性故家者何義陰覆義住處義故所謂法性真空覺者所住故名爲宅大悲善巧陰覆衆生名曰爲舍此義在三乘一乘方究竟何以故應法界故所謂法界陀羅尼家及因陀羅家微細家等此是聖者所依住故名曰爲家隨分者未滿義故資糧者助善提分故如下經離世間品中二千答等是也二明得益謂陀羅尼者總持故如下數十錢法中說實際者窮法性故中道者融二邊故坐床者攝一切故安在法界十種涅槃廣大寶床攝一切故名曰坐床寶者可貴故床者即攝攝義故十種涅槃者如下經離世間品說舊來不動者舊來佛義故所謂十佛如華嚴經一無著佛安住世間成正覺故二願佛出生故三業報佛信故四持佛隨順故五化佛永度故六法界佛無處不至故七心佛安住故八三昧佛無量無著故九性佛決定故十如意佛普覆故何故十數說欲顯多佛故此義諸法之真源究竟之玄宗甚深難解宜可深思

問斷惑云何答如地論說非初非中後前中後取故云何斷如虛空如是斷故未斷已還名爲斷現斷已去名爲舊來斷也猶如覺夢睡悟不同故建立成不成斷不斷等其實道理諸法實相不增不減本來不動是故經言菩薩法中不見一法滅清淨法中不見一法增是其事也有人說言如是等經文約即理說非即事說若約三乘方便教門合有此義若依一乘如實教門不盡其理理事冥然一無分別體用圓融常在中道自事以外何處得理

問三乘教中亦有寂而常用用而常寂如是等義何故上言偏即理門不即事中不自在也答理事相即故有如是義非謂理事相即何以故三乘教中欲治分別病會事入理爲宗教若依別教一乘理理相即亦得理事相即亦得理事相即亦得各各不相即亦得相即何以故中即不同故亦有具足理因陀羅尼及事因陀羅尼等法門故十佛普賢法界宅中有如是等無障礙法界法門極自在故其餘道順主半相成等法門准例相攝隨義消息若欲觀緣起實相陀羅尼法者先應覺數十錢法所謂一錢乃至十錢所以說十者欲顯無量故此中有二一者一即十十中一二者一即十十即一初門中有二一者向上來二者向下下去言向上來中有十門不同一者一何以故緣成故即是本數乃至十者一中十何以故若無一十即不成仍十非一故餘門亦如是准例可知言向下

①(巧)一②終二終③永二求④是二假⑤永二未⑥善薩二煩惱⑦未二末⑧即二中⑨例十(事)⑩(中)十道⑪因緣二緣因⑫(是)一⑬亦二復⑭文二又⑮准二唯⑯(之)一

故。乃至十者一即十。何以故。若無一。十即不成故。緣成故。第二門中亦有十門。一者十。何以故。緣成故。乃至十者。十即一。若無十。一即不成故。餘者准例。以此義故。當知一一錢中。具足十門。

問。如上多門一時俱圓耶。前後不同耶。答。即圓。即前後不同。何故如是。須圓即圓。須前後即前後。何以故。法性家內德用。自在無障礙故。由緣成故。皆得如是。問。如上所說來去義。其相云何。答。自位不動。而恒來去。何以故。來去者隨緣義。即是。因緣義。不動者向本義。即是緣起義。

問。因緣與緣起何別。答。亦別亦同。所謂別義者。因緣者隨。隨俗義別。即是因緣相望。顯無自性義。正俗諦體也。緣起者隨性無分別。即是相即相融。顯平等義。正隨第一義體也。俗諦無自性故。順第一義。是故經云。隨順觀世諦。即入第一義諦。即其也。別義如是。同義如前龍樹釋。就一一錢中。於同時具足等。一門。以迴轉者。准之可解。十門如上說。如錢中第一。乃至第十不同。而相即相入無礙相。雖因果理事人法解行教義主伴等衆多門別。而隨說一門。盡攝一切。餘義准之。上來數錢法者。且依遍計事錢。顯示依他因緣緣起錢也。亦可依指示顯生一切諸法。終不可得。執遍計物。迷緣起法。顯法逗留金別。經云。初發心菩薩。一念功德不可盡者。如第一錢。何以故。約一門顯無盡故。何況無量無邊諸地功德者。如第二錢已去。何以故。約

異門說故。初發心時便成正覺者。如一錢即十故。何以故。約行體說故。

問。初發心菩薩者。信地菩薩。即是弟子位。成正覺者。佛地。即是大師位。高下不同。位地。今一別。何以故。同處並頭脚耶。答。三乘方便法。與圓教一乘法。法用逗留。各別不得難用。其其義云何。三乘法頭脚各別。何耶。兒子年月不同。何故如是。約相說故。生信心故。圓教一乘法者。頭脚總一。阿耶。兒子年月皆同。何以故。由緣成故。約道理說故。

問。一者何義。答。一者一無分別義。又問。同者何義。答。同者同不住義。無分別不住故。始終同處。師弟子並頭。問。同處並頭者何義。答。同處並頭者。不相知義。何以故。無分別故。又問。無分別者何義。答。無分別者。緣生義。即是始終等是無二別。何故如是。一切緣生法無有作者。無有成者。無有知者。寂用一相。高下一味。猶如虛空。諸法法爾。舊來如是。是故經云。觀一切法無生無滅。因緣而有。如是等文。即其義也。

別。何故上言頭脚各別耶。答。非無此義。未滿故。從下爲言。

問。所以得知自三乘以外。別有圓教一乘分齊。如下經言。一切世界群生類。若有欲求聲聞道。求緣覺者。轉復少。求大乘者。甚希有。求大乘者。猶爲易。能信是法。甚爲難。若衆生下劣。其心厭沒者。示以聲聞道。令出於衆苦。若復有衆生。諸根小利。樂於因緣法。爲說辟支佛。若有根明利。有大慈悲心。余益於衆生。爲說菩薩道。若有無上心。決定樂大事。爲示於佛身。說無盡佛法。聖言如常明珠。不須驚怪。

問。一乘三乘分齊別義。因何得知。答。且依十門。即知也。一同時具足相應門。於中有十相。謂入法理事教義解行因果。此等十門相應。無有前後。二因陀羅網境界門。此中具前十門俱義。從喻異耳。餘可准之。三秘密隱顯俱成門。此亦具前十門俱義。從緣異耳。四微細相容安立門。此亦具前十門俱義。從緣相異耳。五十世隔法異成門。此亦具前十門俱義。從世異耳。六諸藏純雜具德門。此亦具前十門俱義。從事異耳。七一多相容不同門。此亦具前十門俱義。從理異耳。八諸法相即自在門。此亦具前十門俱義。從用異耳。亦可依性。九隨心迴轉善成門。此亦具前十門俱義。從心異耳。十託事顯法生解門。此亦具前十門俱義。從智異耳。餘可准之。上十玄門。並皆別異。若教義分齊。與此相應者。即是一乘圓教。及頓教攝。若諸教義分。與此不應。而不具足者。

●門二門● ①因二同● ②隨二相● ③其十義● ④一二十● ⑤之云云● ⑥功二切● ⑦今一二亦● ⑧其一● ⑨乘二本● ⑩何耶阿耶● ⑪同二因● ⑫總一● ⑬頭者二頭● ⑭即一● ⑮蓋二藏起● ⑯顯二頭● ⑰大文● ⑱余二衆● ⑲當二家● ⑳從二位● ㉑前十(二)● ㉒玄門二門玄●

即是三乘漸教。如是知也。如是十門具足圓者。如華嚴經說。餘廣義者。如經論疏抄孔目問答等分別也。一乘法界圖。合詩一印。依華嚴經及十地論。表圓教宗要。總章元年七月十五日記問。何故不。看集者名字。答。表緣生諸法無有主者故。又問。何故在年月名。答。示一切諸法依緣生故。又問。緣從何處來。答。從顛倒心中來。顛倒心從何處來。從無始無明來。無始無明從何處來。從如如來。如如在何處。如如在自法性。法性以何爲相。以無分別爲相。是故一切尋常在中道。無非無分別。以此義故。文音詩。法性圓融無二。相乃至舊來不動名爲佛。意在於此。所以依詩即應顯實。故誓願。見聞修集一乘普法名字及義。以斯善根迴施一切衆生。普重修盡衆生界。一時成佛。法界圖章。一乘法界圖。

華嚴宗香象大師末葉非人釋題頭法師之執筆也。建曆二年三月三日。子始許於高山以法勝寺同本一校。賢穴八吁。

No. 1887 B (Cat. No. 1887 A)

### 法界圖記叢錄卷上之一

一乘法界圖。合詩一印。五十四角。二百一十字。

夫大聖善教無方。應機隨病非一。迷之者守跡。不知失機動而歸宗末。日。故依理據教。略

制盤詩。冀以執名之徒。還歸無名真源。讀詩之法。宜從中法爲始。盤迴屈曲。乃至佛爲終。隨印道讀。

死涅槃常共和是故界實寶殿窮坐。生意如出繁理。益行法意如提巧寶。覺不入境中事。利者嚴歸資糧善際。正思大能味冥得還莊家。得以緣中便議。賢人三然器本寶隨分陀無道。時雨普海印。無隨際盡無尼羅得床。心寶佛十別分生。恒息妄想。必不存發。益生滿虛空。衆法佛爲名。動不來初。成別隔亂。雜不性餘。境妙不守自十方。一切塵中。仍圓非真。微無名性。含卽念一念。亦卽融知。性極相無隨中。是劫卽一如相。無所甚深。絕緣塵無遠量。無是互二智證。切一來成。微量劫九世十世。相諸法不動本。一一卽多切。一卽一中多切。一中

一乘法界圖。二百一十字。大記云。以此一乘法界圖等分配。儼師五重海印。謂一乘法界配忘像海印。此說初編云此配釋圖之一字配現像海印。謂圖者像也。經云。卽如其像現神通力。藏師釋云。如其所念。如上一百二十四問及下至第六會來所說法門。答此問者。皆於如來法界身中。無不圓明。頓現其像云云。下經云。清淨法身中。無像而不現放也。已上。此文通於內證外化。今約內證配也。合詩一印。配佛外餉海印。謂詩表普賢機。印表佛外向心。佛外向心印。冥合普賢大機。內向心頭故也。五十

四角配普賢入定觀海印。謂普賢內證有二義。一若約佛普賢門。則普賢入定非但窮證。外向心印。亦乃通證初二海印。以普賢內則十佛。十佛向外則普賢故。二若約就機作區門。則於佛外向唯證一分。以未滿故。今約後義。於此淨藏定中五教。乃至無量乘根性生熟。及法界諸法頭角頓現故也。二百一十字配普賢出定。在心中及現語言海印。謂於此海印分示五周因果等法。施設文字語言故也。神琳之意。則一乘法界圖者。法界之法是所證。今日我心是能證。卽此能所不可得。處

是一能修之人行位名乘。如是不動之軌。則分齊成故。云法界也。法界法之本位。是吾五尺身。欲示此義。畫作全法界一身之像。故云圖也。謂圖印中盤者是三乘也。謂背一乘平道教中無住本體。盤盤一念不生不二之處。乃至著於一相一跡之中。報佛果故。迴著是小乘也。謂不知有法空真如。但自迴著人空理故。屈者是人天也。謂不知有出世行德。屈執五戒八成人天業故。曲者是三途也。謂不知有人天行業。曲執邪見墮三途故。如是盡盡三乘三途之相故。云畫作全法界一身之像也。

法融大德記云。一乘法界圖有二重簡取。一簡教分唯取證分。謂一乘之法。通於證教而言界者。簡教分也。以證分者。一乘法之究竟際故。二唯簡三乘通取一乘證教二分。謂以一乘簡三乘故。此一乘之一。及此下離始終之一朱印。與儼師本末相生門中一字印並

一義也。大經之首按一字印者。欲明一部始終所說文句唯現一也。又五卷疏對邪現正之處按一字印者。於諸法中若生二解則是邪。知法是一即是正也。謂若菩薩起一

前後際斷。即是法之究竟際義也。圖者像也。如爲不知象人畫作象像而示之。如是行者不知自之身心是法界佛。故畫作法界佛像而指示也。

入法界品抄云。今入法界隨所相應成法

及坐禪讀誦經典無惱生惱。已惱增長。是第八重罪。若已犯者當依虛空藏菩薩懺罪滅之。初發心菩薩若欲弘通大福利益自他者。先離前過。後依第九地法師。法門即應法界。

起於自他別執之中故。云若生二解即是邪也。若菩薩起同體大悲。則百萬障門成六十普行也。謂見三世間法是自身心。爲起同體大悲故。云知法是一即是正也。又入法界品抄按一字印者。若見諸法爲二爲三。即犯八根本罪。不得入於一乘法界。若於諸法不生二解。即得入於一乘法界故也。此中亦爾。從始至終非是證二證三。只要現一故耳。所言一者。無能所中且強分之。有能觀一有所觀一。謂若了自身心總攝諸法。無側無遺絕能所。則爲能觀一。即此身心住處爲所觀一也。問於此一中。云何得入。答修止觀也。問云何止觀。答若依一乘修止觀者。以六相印印十普法不動各位融而爲一。了了分明者觀也。如印印物不舉不轉。如是觀智稱契於法。離能絕所一無分別而不動者止也。乘者於上一處能決定信名爲乘也。不如是信不名乘也。若三乘則聞真如之法不能頓信。漸次信故。有十信。不能頓解。漸次解故。有十解。乃至不能頓證。漸次證故。有十證。如是漸次至佛果。故名爲乘也。乘如實道來成正覺者。是其義也。若一乘則於上一處。若起圓信即是圓證故名乘也。一運即一切運者即此義也。法者是我身心也。界者即此身心統包絕待

分齊光離其過。初發心菩薩趣向大乘有八根本罪。燒盡一切善根墮於惡趣。離安隱處失人天樂。亦失大乘境界之樂也。一生五濁世有餘善根。近善知識歸趣深法。發無上心。聞甚深法。讀誦受持。向小智人讀誦解說。他人聞已驚疑怖畏。於菩提心而生退沒。樂聲聞乘。是第一重罪。唯須知根了心次第爲說從淺至深。又語人言。汝涅槃。是第二重罪。又語人言。汝何用學戒威儀當速發大乘心。受持讀誦大乘經典。身口意業當得清淨亦不受惡報。是第三重罪。又語人言。汝不應讀誦聲聞經典。當覆聲聞經典。聲聞法中不能斷結使惑。當聽受清淨大乘甚深經典。此能滅惡生菩提。善有信受者二人俱得。第四重罪。又爲求利故說大乘法。見說大乘得利憎毀輕嫉。是第五重罪。又爲求利故我解深法不言從他聞得違負諸佛菩薩。是第六重罪。又作旃陀羅行。取他善比丘物及三寶物。賞上官人及與大王。依王官力輕善比丘。瞋嫌憎嫉。是第七重罪。又作惡行。自恃王官勝力。及恃財施輕善比丘。戲辱鬪亂。非法說法。捨正經律。違法立制。於善行比丘

真秀大德記云。一者無他之義。三乘云性一也。一乘云緣一也。緣一者。隨約是中道及如也。此是迴向品百句如謂日如月如等也。雖即是如。而有日名月名。月名月相。不無名相。然約普賢證者。無此名相。但爲引三乘依名相耳。此約普賢教分辨也。問隨約是中道已是甚深。更約何義爲普賢證耶。答隨約是中道及如者。依三乘教用日名月相等故。云與教相應也。此證分者言語道斷故絕名也。心行處滅故離相也。問若爾此處與淨名默何別。答淨名默者以名相倒。離此名相方爲默也。九會佛默名相中默故玄別也。謂不捨名相即此名相中默。非如虛空都無物也。此約普賢證分辨耳。問言語道斷心行處滅亦極甚深。更約何義爲十佛境界耶。答前雖是默名相中默。若果分則初初不見名相處也。問若爾此處無法無物耶。答如前位中所論之法初初無也。問然則此中實無法耶。答具有也。問有何物耶。答此是古德所云反情見處也。乘是運載義。問上一字中既有三義。乘亦爾耶。答爾也。從異果之因至異因之果者三乘乘義。今約因即果義名運載也。此是普賢教分也。背因果名相。約言語道斷心行處滅之義。則是普賢證分運載義也。性海果分則

不可說。故唯云不思議乘。此約不動名為乘也。法有三義。一自體名法。約三乘云。牛自體

外有馬。馬自體有牛也。約一乘云。此法側無彼法。彼法側無此法。故云自體也。二對意名法。約三乘云。第六意識所對名為法塵。約

一乘。則無盡意識所對名為法也。三軌則義可知。界亦三義。一性別義。約三乘云。善惡無記三性各別故也。約一乘則於三性中隨舉

全盡各互無側故。云性別。二因義。約三乘云。唯生眼識名為眼識。名言種子。約一乘則通

生六識為眼識。名言種子也。二持義。約三乘云。異果之因持異因之果。約一乘則全果之因持全因之果。故云持也。圖則依海印像表

一乘三乘教及根欲。謂朱印之前後差別者。三乘教也。朱印之圓者一乘教也。印之前後

差別中字則三乘根欲也。印之圓滿中字。則一乘根器也。

法融德記云。合詩一印者。一道朱畫合諸黑字方成圓印。故云合詩。問書黑字後畫朱畫耶。畫朱畫後書黑字耶。答。二俱是也。先書後

畫者。以理從事之義。先畫後書者。以事從理之義也。儼師雖作七十三印。但欲現其一印之義。而相和尚深得師意。故唯作此一根本印也。

真秀德記云。詩者圖文有七言三十句。故云詩耳。非約韻言也。一印者。欲現一大緣起故也。大記云。五十四角者。下文云。何故印文唯有一道。答表如來一音。故云云。將性起品十種

音歷。對五乘機。即成五十。此能應佛具將四攝。四無量故。云四角也。

真秀記云。五十四角者。表人知識。謂五十五知識也。以合初後二文。殊故唯五十四。合舉

初後通取中間為一圓智。普賢知識是所證理。法界諸法不出理智故也。二百一十字者。法知識也。謂離世間品普賢雲興二百句問。普賢瓶瀉二千句答。每一句問。皆以十句答。故云一十也。

大記云。二百一十字者。五周因果。除初因果於後四周簡果取因。於四周因各有五十位。

故成二百。其四周中所有果位合四為一。欲現此果同是十佛果故。言一十也。問何故除初因果耶。答。但是所信非所成行故。問何故果位合為一耶。答。因位既有差別。平等證相別故。果應亦爾。然欲現同是十佛果故。總為一耳。又云。此海印中所現三世間十門十法也。謂下文十錢喻及十普法為二十。二十

各論十玄。合為二百。并本十玄故云二百一十也。又此印為總。七十三印為別。就別印中。

將七十印歷三際印。一際各七十故合為二百一十也。故合二百一十印成一海印三昧

總相印也。七言三十句者。前之法喻各十。并本十玄合為三十。此三十句不出經題七字故。以七言造詩也。是故法界之法雖云無盡。不出二百一十字。總此即成三十句。又

總此不出七字。又總此不出理智。又總此不出一最清淨法界。是故題云一乘法界圖也。

清涼疏總釋題名中云。第六卷攝相盡者。謂從後漸卷乃至不出九會。九會不離初

會。初會不離總題。總題不出理智。非理不智。故理外無智。非智不理。故智外無理。則

理智不二。亦攝智從理。離體無用。攝用歸體。體性自離。故體即非體。本來清淨。強名之清淨法界。是以極從無盡乃至一字無字。皆攝花嚴性海。無有遺餘。

大聖善教至隨病非一。法融記云。大聖者。於諸教中今此教主最尊勝故也。問下四教中能化所化皆不及耶。答。爾也。問三乘能化三

身但是十身之用故不及也。問十佛即自受用佛即樹下佛也。何云不及耶。答。若約此義可云及焉。然欲辨教品云不及耳。

清涼疏教起因緣中云。今說此經佛為真為應為一為多。若言真者。何名釋迦居娑

婆界人天同見。若云應者。那言遮那處蓮花藏大菩薩見見佛法身。若云一者。何以多處別現。若云異者。何以復言而不分身。故說此經佛並非前說。即是法界無盡身雲真應相融一多無礙云云。先明十身後彰無礙。言十身者。自有二義。一約融三世

間為十身者。一衆生身。二國土身。三業報身。四聲聞身。五緣覺身。六菩薩身。七如來身。八智身。九法身。十虛空身。二就佛

上自有十身。一菩提身。二願身。三化身。四力持身。五相好莊嚴身。六威勢身。七意生身。八福德身。九法身。十智身云云。言無礙

者略有十義。一用周無礙云云。十圓通無礙。謂此佛身即理即事。即一即多。即依即正。即入即法。即此即彼。即情即非情。即深即廣。即因即果。即三身即十身。同一無礙法界身雲。

法融記云。善教者約三乘。則此生他世順益者善也。此生他世違損者惡也。於此二中無可記別者無記也。約一乘。則只是善也。何者。謂儼師云。圓通之致處無不善。觸緣斯順不擇物而施已上。故知一乘唯一善耳。問若爾無記與惡只一善耶。答爾也。問爾則舉惡時亦如是耶。答爾也。然云善者約隨舉無側義云耳。無方者。若三乘則隨說一二乃至無量非是無方。何者。三乘之教隨別機說故非無方。一乘之教隨說諸緣度等徹於海印究竟之際自在而說故云無方也。應機隨病非一者。猶如小醫各別與藥。若大醫王普集天下種種諸物作一團藥。無問病之若于差別。平等普與病無不治。一乘之佛亦復如是。普應諸教機根之病。唯以一種海印定法稱根而說。聲聞人中與全海印四諦之法。獨覺人中與全海印緣生之法。菩薩人中與全海印六度之法。乃至熱頓人中亦全與之耳。大記云。不四教人皆病機也。圓機則不爾也。又圓教之機有大病也。起一瞋心即有百千障礙門故。真秀記云。大聖者。對下三乘小聖云大聖也。善教者。文持教也。此文持教從海印定全體而起故。於一噴水言中火木等法皆具來也。

於一言中諸法具來。故云教具足。此水言中有水濕義。水濕義中具火熱等法界諸義。故云義具足。如是諸義於水言具。是故合云一大緣起教也。問欲用火時用噴水言中所至之火耶。答此但水緣故。若用火時用火言中來至之火也。問若爾水來中火與火來中火別耶。答至故同也。問若爾何須更起火來辭耶。答既須火處須起火辭。問若火來中火方得用者。水來中火非實火耶。答是實火也。然而成。水之火故。與火中之火為門別也。無方應機者。如上善教稱法界。無別取捨之方所故云無方。此謂無盡圓滿總相教也。應普賢機也。隨病非一者。下四教也。

旨歸章云。夫以主教圓通盡虛空於塵刹。帝珠方廣攬法界於毫端。無礙銘融。盧舍那之妙境有涯斯浪。普賢眼之玄鑒浩汗微言。實巨尊其旨趣。宏深法海尤穿測於宗源。今略舉大綱。開茲十義。撮其機要稱曰旨歸。庶探玄之士粗識其致焉。說經處第一。夫圓滿教起必周側於塵方既為盡法界之談。可分其處別。今從狹至寬。略開十處。初此閻浮。二周百億。三盡十方。四遍塵道。五通異界。六談別塵。七歸花藏。八重攝利。九猶帝網。十餘佛同云云。演經時第二。夫以常恒之說前後際而無涯。況念劫圓融豈可辨其時分。今略舉修短分齊折為十重。初唯一念。二盡七日。三遍三際。四攝同類。五收異劫。六念攝劫。七復重收。八異界時。九彼相入。十本收末云云。說

經佛第三。問說此經佛盧舍那身既在如前無盡時處。其佛為是一身為是多身云云。今現此義略辨十重。一用周無礙。二相逼無礙。三寂用無礙。四依起無礙。五真應無礙。六分圓無礙。七因果無礙。八依正無礙。九潛入無礙。十圓通無礙。說經衆第四。夫衆海繁廣。豈塵算能知。今統略大綱亦現十位。一果德衆。二常隨衆。三殿會衆。四供養衆。五奇特衆。六影觀。七表法衆。八證法衆。九所益衆。十現法衆。說經儀第五。夫以無限大悲周衆生界施化。萬品儀式難量。今就通別各開十例。通而論之。或以音聲。或現妙色。或以奇香。或以上味。或以妙觸。或以法境。或內六根。或四威儀。或弟子人物。或一切所作。皆攝攝物。次別現音聲亦有十例。一如來語業四音自說。二如來毛孔出聲說法。三如來光明舒音演法。四令菩薩口業說法。五令菩薩毛孔出聲說法。六令菩薩光明亦出聲說法。七令刹海出聲說法。八令一切衆生說法。九以三世音聲說法。十以一切法皆出聲說法。示經教第六。圓教微言必窮法界既盡。如來無盡辯力各遍虛空。毛端刹海復各盡窮未來際。頓說常說時處無邊。若斯之教豈可限其部秩。今約准經文析為十類。一異說經。二同說經。三普眼經。四上本經。五中本經。六下本經。七略本經。八主伴經。九眷屬經。十圓滿經。現經義第七。夫以義海宏深真源渺漫。略開二類各辨十門。先明所標



之法浩汗無涯。撮爲十對用以統收。一教義一對。二理事一對。三境智一對。四行位一對。五因果一對。六依正一對。七體用一對。八人法一對。九逆順一對。十應感一對。次明所現理趣者。巧辯自在。勢變多端。亦舉十例以現無礙。一性相無礙。二廣狹無礙。三多無礙。四相入無礙。五相是無礙。六隱現無礙。七微細無礙。八帝網無礙。九十世無礙。十主伴無礙。釋經意第八。夫以法相圓融定有所因。因緣無量略辨十種。一爲明諸法無定相故。二唯心現故。三如幻事故。四如夢現故。五勝通力故。六深定用故。七解脫力故。八因無限故。九緣起相田故。十法性融通故。明經益第九。夫以信向趣入此普賢法圓通頓益廣大無邊。略攝經文現其十種。見聞益。二發心益。三起行益。四攝位益。五速證益。六滅障益。七輕利益。八造修益。九頓得益。十稱性益。現經圓第十。夫以法界圓通緣無不契。謂上九門所現之法總合爲一大緣起法。隨有一處即有一切無礙圓融無盡自在。若隨義分開亦有十門。一處圓。二時圓。三佛圓。四衆圓。五儀圓。六教圓。七義圓。八意圓。九益圓。十普圓。以同一無礙大緣起故。自在難量不思議故。是謂花嚴無盡法海窮盡法界越虛空界。唯普賢智方窮其底迷之者。至歸宗未日。法記云。迷之者。下四教人也。以不知一乘無住本法故也。守跡不知失體者。比如獵人空守兔跡。不知兔身之

遠也。如是三乘之人。三無數劫如說修行所得之果。只是迹耳。守爲究竟。不知失其一乘實體故也。動而歸宗未日者。無量億那由他劫行六波羅密。修習種種善提分法故云動也。然而還於一乘之家。無日故云歸宗未日也。依理據教。至無名真源。法記云。依理據教者。理則忘像海印。謂佛心中證三世間。而佛證心一無分別也。教則現像海印。謂佛所證三世間法不動。各位性在中道了了現現也。是故依忘像理道。二朱畫。據現像教列多黑字。作圓印也。略制盤詩者。黑字盤於朱畫。朱畫盤於黑字。故云盤也。黑盤於朱則事通於理。朱盤於黑則理通於事也。大記云。冀以執名之徒還歸無名真源者。有以外化有名相際並爲執名。直約內證爲無名真源。然執名之徒但下四教無名真源者。若約實則內證外化一無分別之處。故下文云。若約理云。證教兩法舊來中道一無分別也。且約所證。佛證則名爲證分。菩薩證則名爲教分耳。問守迹之人歸真源時。捨前所守教迹而後歸耶。所守之迹即所歸之源耶。答如後問。若爾解緣起實體一乘之人亦解四諦緣生等耶。答見其不動諸緣之名即是無盡圓通之法也。問若爾守迹之人亦解無盡圓通之法耶。答約我則非他約其則不開也。中法爲始。隨印道讀。法記云。中法爲始盤迴屈曲乃至佛爲終者。盤迴則直見印圓。屈曲則約諸角曲也。問若約印道即離始終。何故約字法始佛終耶。答若直約理則雖無始

終。如其不示始終則不得入法方便故也。隨印道者。若唯約字則三乘別教。若唯約印則一乘別教。以印隨字以字隨印則一乘同教。若具此三則一乘圓教也。以印隨字者。一乘垂於三乘。以字隨印者。三乘參於一乘。上參下垂並同教。教分記云。同教者云云。初約法相交參以明一乘。謂如三乘中。亦有說因陀羅微細等而主伴不具。或亦說花藏世界而不說十等。或一乘中亦有三乘法相等。謂如十眼中亦具五眼。十通中亦有六通。而義理全別。此即一乘垂於三乘。三乘參於一乘。是即兩宗交接連綴引攝成根欲性令入別教一乘故也。大記云。就圖印文有多義釋。有云。以儼師五重海印配釋者。初四重則不分文句故皆通配也。約第五重亦具五重。以此第五重所具五重分配諸句。則初證分四句初二重海印也。次真性下緣起分十四句則第三重海印也。次能人下利他行四句則第四重海印也。次是故行者下修行方便四句則第五重海印也。後四句是修行所得之益也。初四句中初一句影不現海印。次一句影現海印。次一句釋前法性無二相也。後一句釋前諸法本來寂也。問題中約法則法界圖。約喻則海印圖。與此中法性何別耶。答緣起分中分界種海各別配者。以隨行者之心故爾。若證分則本不分示界種海故。但是一味法界之處。是故法界海印法性同一量也。是故初會中分界

種海，第二會中不言三別，而但總云佛刹不可思議也。依於此印，若是上根直入證分，若是中根真性下教分之中而能得入，若是下根於後行者下修行方便之中方始得入也。表訓真定等十餘德從和尚所學此印時，問云：不動吾身即是法身自體之義云何得見？於是和尚即以四句偈子而答之云：諸緣根本我，一切法源心。語言大要宗，真實善知識。仍云：汝等當善用心耳。表訓德作五觀釋：一實相觀，二無住觀，三性起觀，四緣起觀，五因緣觀也。初觀者法源心與大要宗也。後四觀者根本我也。因說頌曰：我是諸緣所成法，諸緣以我得成緣。是因緣觀，以緣成我我無體，以我成緣緣無性。是緣起觀，諸法有無元來一，有無諸法本無二。是性起觀，有時非有還同無，無時非無還同有。是無住觀，諸法本來不動，能觀之心亦不起。是實相觀，作此五觀以呈和尚。和尚曰：是也。以此五觀准三十句，則證分四句實相觀，次十四句無住觀，次四句性起緣起觀。後諸句緣起觀因緣觀也。真定德作三門釋：一理事具德門，二事融現理門，三修行增長門。於此三門表訓德，加不動建立門為四門也。以此准三十句者，證分四句不動建立門。次十四句理事具德及事融現理門。後諸句修行增長門也。謂十四句中初四句理事具德門，此中初一句無住體故理，次一句無住相故事，後二句無住用也。具德者，真性理中具六道因果小乘因果乃至圓教因果等普賢三十二位。二十二

位中具真性體故也。後十句則事融現理門也。謂一應緣融含十方之道理現前故也。修行增長門者，若分配諸句雖屬利他四句，然此中意始從證分或微或釋，令知自身即是法性耳。又以四滿義科，則證分四句行實滿義，真性甚深下體滿義，初發心時下法滿義，是故行者下人滿義此辭，亦是訓德之義。上元元年在皇福寺說也。行滿者，但行滿則是證分故。證滿者，為是證分滿足之法方得一切一切一即一切等無礙自在故。法滿者，初發心時便成正覺者以法滿足方得成故。人滿者，不動凡身即滿足佛故，如此印中以此四義科。文亦於一部大經之中以此四義科也。謂行滿者一部始終只是十佛內證也。證滿者一部始終一多大小無障礙義也。法滿者一部始終唯初發心即滿足法成正覺義也。人滿者一部始終即此凡身是自體佛義也。印則分配諸句，經則亦通配始終自在科也。

十句章云：十隔越科文成義自在者，欲成初會義。若餘諸會處法文句等在於此初自在能成。如初會義餘亦爾，准之。其相云何？若問初會名何耶？答是初利天會。若問說何法？答是十住法如是言說不遠能成義。何以故？初會論時為諸會本故。能攝諸會。如初會餘會亦爾。隨約是本能攝前後也。

法性圓融，非餘境。法記云：何者是法。借因分詮若強指者，汝身心是。何是性。即圓融

是也。云何圓融，無二相故，一故無二。二而無二耶，非是一故無二，即其二相直云無二何是諸法，法性是也。何故不動圓融故。何故本來寂，無二相故，本來寂處可得名耶，不可名目，以無名故。何故無名，以無相故。何故無相，絕一切故。若爾此中修證亦絕耶，絕也。實無修證耶，實無也。然而聖亦修證，要須修證，如何修證。若可證者是教分故，唯大文夫善用心處非餘境也。此證分中一切諸法具耶，闕耶，具也。若爾亦具遍計非法耶，何得具耶，爾則闕耶。何得闕耶，謂無有一物非普法故，何得具耶，不動遍計非法即滿足法。何得闕耶，故儼師云：一乘中何法缺，非法缺，何法不缺，非法不缺也。

真記云：法性者，微塵法性，須彌山法性，一尺法性，五尺法性。若約今日五尺法性論者，微塵法性須彌山法性等，不動自位稱成五尺，不增小位不減大位而能成也。圓融者，微塵法滿五尺，須彌山法契五尺故也。無二相者，微塵雖滿，須彌雖契，只唯五尺故也。諸法者，指前法也。不動者，指前性也。性者無住法性也。故此和尚云：約今日五尺身之不動為無住也。本來寂者，指前無二相也。只是五尺法性側無餘物故。云本來寂也，無名無相絕一切者，如最初初不見名相處也。證智所知非餘境者，唯佛與佛乃可能知故也。

古記云：表訓德問相和尚言云：何無住。和尚曰：即我凡夫五尺身稱於三際而不動者是無住也。問若約三際分之則多種五

尺耶。和尚云。以是緣之五尺故。須一卽一須多卽多也。問若稱三際而不動者卽有住耶。和尚曰。若不見五尺住處。將來有住無住我當說也。又月瑜寺會神琳德云。昔相元師問真定師云。無住故無住耶。有住而無住耶。答二並不是。問若爾云何無住耶。答唯是令住故云無住耳。問無住令住耶。有住令住耶。答亦並不是已上。此則問雖堪問不堪答。答雖堪答不堪問處也。若假言者非如有爲法利那不住故云無住。非如無爲法三際不住故云無住也。又林德說法之時。大雲法師君白言。緣起分說法如是。證分說法云何。林德默然有頃云。答之已了也。雲法師君未會。林德云。君之起此問時。所坐之床及一切法界諸法同時發問者是耳。但君問而餘一切法不起問者非也。法師君白六。法界咽喉無盡舌端同時發問者緣起分之問乎。林德云。三世間法同時發問者證分之問。稱於默然不動者證分之說。三世間法各住自位本來不動者證分之問也。

真性其深至隨緣成。法記云。上證分中指其身心直示法性由無名相機難得入故。以法性轉名真性令其習也。比如盲人欲學織錦匠者教云。當集具來。而彼盲人執草繩來。如是證分絕一切故。唯證所知。然以八識妄心而欲證入故。於此人不能直指證分之處。乃下一步假作真性之名以示之也。甚深者。入真性之門。謂花藏世界之甚深與彌勒樓閣

之甚深也。花藏世界甚深者。以一塵中見法界故。是故約一微塵求其內外並不可得。彌勒樓閣甚深者。謂彌勒彈指開樓閣門。善財入已頓見三世自身及法與諸善友故也。極微妙者中道也。非謂離二邊故以爲中道。卽約諸邊云中道也。不守自性等者。由自無性。以他爲性。由他無性。以自爲性。故云不守自性隨緣成也。

真記云。問真性與上法性何別。答有云別也。謂法性則通真妄取圓融。又通情非情也。此則唯是真而又唯是有情門。以下釋真性段約衆生十二支故也。然而今約實云。真性卽是法性也。所謂真性之體甚深微妙者。但以不存自性攬諸緣成故也。若約三乘論者。自性清淨心隨無明之風緣成差別萬法也。若自一乘義。則以緣前無法故。非先有真性而隨緣成。且吾今日或爲水用或爲石用。緣中法界諸法無遺頓起故也。如是法中而有水名水相。石名石相等。故不無名相。而此名相卽無名相。是故且約衆生一無明支。歷十番觀。則不動無明名相卽甚深法無所取捨。故云微妙。是故不動名相卽成無側名相。若約普賢證。則不動無側名相卽正離名絕相。若約十佛證。則初初不見名相等也。如無明支既爾。乃至老死支皆亦如是。是故經云。一切諸如來無有說佛法。隨其所應化而爲演說法。無有說者證分說則教分

道身章云。若定自古則緣起有性不得自在。所謂緣起者無性。無性者無住。無住者

不偏於一。不偏於一者無所不當。問如是等理豈不自古。答三乘中先置一法此法隨緣。一乘不爾。緣卽是法。緣外無隨緣之法。既云自古。卽知是今緣起故爾。若定住古又定住今非緣起。故可云緣起法以無性爲真性矣。

大記云。訓德意則真者無住本法也。性者本分種也。本分種者。若指文處初會果地玉海也。以此五海爲本識體。約此本識後諸會中或云種性或云行業。或云願善決定等也。謂若上根人直依證分得自身心正卽法性。然此證處絕名相。故中下之人未能信得。故說五海是汝本識之源。由是前機得自身心卽是法性。是故依此真性方始建立本識義。故於諸教中或說具分賴耶。或說一分生滅賴耶等。唯普賢機得自本識是五海之源。故云十佛普賢大人境。問真性卽如是甚深微妙。於何義中分二十二位耶。答以不守自性故。隨我所須地獄乃至佛果等緣成二十二位也。如是二十二位以普字印。卽則皆普賢自體故。第三重海印正是普賢大人之境也。

崇業師觀釋中。釋明難品心性是一之文云。藏師約寄位釋故立遮救重難。嚴師直約一乘種種心濕過海義釋。故云心以無分別爲一性。云何能成種種事耶。此問意者。前光明覺品中佛之智光稱周法界現只一佛智也。所以其中列六道因果及小乘因果乃至圓教因果等普賢二十二位者。以一乘中普賢爲教分之軌。十佛爲證

分之軌故也。是故欲示教分之軌故列之耳。欲得佛智。若除一物必不得全法界之智。是故要以六道因果小乘因果等爲普賢阿含位。融鍊其心得成一佛智。故以佛智爲普賢證也。因此問云。佛智是一。云何能生六道乃至佛等種種身心果報等耶。故經答云。諸法不自在求實不可得。是故一切法二俱不相知。眼耳鼻舌身心意諸情根。因此轉衆苦。而實無所轉。法性無所轉示現故。於彼無示現示現無所有。釋曰。諸法者通於一性及種種果也。謂一無自故以種種爲一。種種無自故以一爲種種也。是故善惡趣中種種身心皆不相知自位不動。故云不自在也。是故儼師云。無分別不住故。能成衆事也已上。不自在者不住義。不住義者不動義。疏云。作無主故者。若其身心有主宰而造諸業者。受種種果。若身心無主而造業者。如虛空動作故不受種種果也。然而從虛空之因生虛空之果故。因果之義亦不礙也。疏云。文云不相知者。非謂情知。今言知者。力性作也。若力則塵數緣力是中門也。性則無住法性是即門也。作者不思議作是中即門之果也。一切諸法要具中即方有所作也。非是有自性法去來之義。故云中門者虛空建立門。即門者虛空動作門也。故儼師云。緣者無側義。無側者力性作也。昔林德云。明離一心海者過於濕。起信一心海者留於濕也。若立在濕留海中答者。義有所礙。若立在

濕過海中答者。義無所礙也。實應大德在大白山智悟師盡結夏之大。得大經中法性無所轉文。及孔目中性種性本有習種性修生者非佛法所樂。乃至云法性外有修生起者緣起可增失等文。呈於林德云。此是濕過海之證耶。林德曰。是也。解云。緣起可增失者。若謂所證之理從古而有。能證之智今適始起者。則以智證理之際望其未證之時。有增勝義。故云緣起可增之失也。智是緣起也。此中約眼耳等爲法性也。問何故上云由眼耳等故衆苦轉也。而次復云是法性故無所轉耶。答不知一切法是普賢身故。此眼耳等對善惡境起諸業果轉衆苦也。今知一切是普賢身。故眼耳等物正即法性無所轉也。若眼耳等非法性者。緣起可增失也。問何知是普賢身耶。答經中普賢云。得此究竟三世平等清淨法身。復得清淨無上色身。則何有一物非普賢耶。問此普賢身如何見耶。答經云。普賢身相如虛空。依真而住。非國土。如是見也。又何者吾身虛空是也。何者虛空。吾身是也。以無側故。又六道即是虛空。虛空即是六道也。頌曰。虛空法界爲身心。行住坐臥念相續。所見諸物亦身心。念念相續無絕已。空三印文云。心性者三種世間爲濕過海心。依海起波。二波波皆三世間。故是濕過海心。依海起波則海因波果。依波起海則波因海果。同時互爲因果也。此是大緣起□俗諦大法

一中一切至多即一。法記云。問何故不守自性隨緣成之次明此句耶。答凡緣起法二無別自性。互相以他而爲自性。方能隨緣無側而起。故不守自性之次明一中一切等義也。問若緣起法隨起無側者。唯是緣前無法之義耶。答就緣論之。緣前無法。就性論之。緣前有法。何者。就緣論時。現於今日緣中之五尺是緣起本法無側而立。故緣以前無一法也。就性論時。本有性起法體也。真記云。一中一切等二句重現緣起體之隨緣成義令明了也。初一句因果道理門。謂得一而定得十。得十定得一。得因而即得果。得果即得因也。十緣是因。所成之一是果。此因果者即一時中二位不動。故云因果道理門。次一句德用自在門。謂此即彼彼即此。無礙無側。故云德用自在門及位動門也。問前是中門故有力無力門。此是即門故有體無體門何云用耶。答此則因緣當體即因即果之義名爲用耳。非力用之用。問一中一切者。十緣是因。所成之一是果。然則合能所成爲十一耶。答於一緣中約望他之義爲能成。因。絕待之義爲所成。然此二義無二故非十一也。大記云。一中一切下欲現大緣起中因果道理及德用自在之義。故有此二句也。崇業師云。三乘亦有此義也。謂若初教顯耶識中三性種子與本識體同無記性故也。解云。本識體中薰成之義是體門。又德用自在義也。三性種子隨能薰別者是力門。因果道理義也。若熟教中如來藏體是德用自在之義。若生

若滅者以是用故因果道理之義也。若一乘中隨法辨因故。十善法中隨舉一法具體具用。體則德用自在。用則因果道理也。

道身章云。問西風波非東風波。東風波非西風波。但約二波之水體不二義得言即門。則約二波不得即門。若爾但約此事彼事理體無二得言即門。何得二事不除論相即門耶。答若放二風水無二波。既無二波。以何即何乎。既以此即彼。故可知不除二波論相即耳。非約理體論相即矣。此中此波之水與彼波之水。體是一。故波雖無盡體言即一者三乘義耳。若非此波即無彼波。若非彼波即無此波。是中門。此波非自性故在於彼波。彼波非自性故在於此波。是即門者一乘也。

古記云。入即之中諸家立名非一。謂或云中門即門。或云相入相即。或云相在相是。或云相資相攝。或云互相依持力無力義。互相形奪體無體義。又古人云。中門如燈光相入。故但諸燈用相入耳。即門如波水相收。故波體水體無一相即耳。

一微塵中至亦如是。法記云。微塵者。初教云。極微塵。熟教云。空隣塵。一乘云。總相塵。此總相塵者。須小即小。須大即大。故塵中頓現十方也。問下教有方分之塵者與一乘塵何別。答一乘塵須方分即有方分。須無方分即無方分。隨須自在故別也。問無方分之塵非更碎耶。答亦須碎盡。何者。若其情謂所計之無方分則要須用六相分析也。

真記云。一微塵中含十方者。攝十方界成一塵故云含十方耶。覆十方界成一塵已新新更含十方耶。答二義俱得。問成一塵時攝十方盡更無有餘。何得新新含耶。答是須處須故。成一塵時須十方盡須新新含時。亦不礙後後起也。

大記云。一微塵者。佛剎塵數劫中勤修所鍊故。方能含受十方世界無礙自在。此是事法最細之初位。真定德云。事融現理門者。約塵含十方之道理云耳。非謂一塵泯融同理也。道身章云。相和尙曰。一微塵中含十方世界者。同是無住故爾。元師問云。微塵無住小。十方世界無住大耶。答一量也。問若爾何言塵小十方世界大耶。答微塵與十方世界各無自性唯無住耳。所言塵小世界大者。是須處須耳。非是小故云小大故云大。所謂不知塵小世界大機中令知塵小世界大故。且說塵小世界大耳。非是一向塵小自性世界大自性矣。亦得云塵大世界小。道理齊一無住實相也。

古記云。有彌碎彌小之塵。有彌碎彌大之塵。有彌碎如本之塵也。俱舍頌曰。極微微金水。兔羊牛除塵。蟻虱麥指節。後後增七倍已上。隙塵者。遊於窓隙日光之塵人眼所見也。析此至七分之一分者天眼所見也。此上二塵窓隙塵也。析此天眼所見至七分之一分者鐵塵。初果所見。析此至七之一銅塵。第二果所見。析此至七之一銀塵。第三果所見。析此至七之一金塵。第四

果所見。析此至七之一水塵。大獨覺所見。析此至七之一微塵。三十四念斷結得菩提之佛所見。解云。此上並是遍計分所攝。析此至七之一極微塵。初教菩薩所見。析此至七之一似塵。自受用佛所見。解云。此上依他分所攝。析此至七之一法塵。終教佛所見。析此至七之一空塵。頓教佛所見。解云。終教以後圓成分所攝。此中色心二法皆是真如所成也。此終教法塵者。意識所緣也。初教亦說意識所緣。然終教中立一意識。故約第一義一心眼所見為法塵也。析此至七之一總相塵。普賢眼所見。此普眼所見之塵則三乘五眼終不能得見也。故此經中欲示不共別教之義。約微塵虛空為初位也。問此一乘之塵與三乘理何別。答約三乘云。則是理也。約普眼所見則是最細事法也。此上所說初雖引俱舍實非彼論義。此是林德授融秀之義。約觀心體聖教而說也。

又記云。七微者。窓遊塵。羊毛塵。兔毛塵。牛毛塵。金塵。水塵。極微塵也。解云。窓遊塵者。遊於窓隙日光也。羊毛塵者。析窓遊塵為七分故。唯止羊毛末也。兔毛塵者。析羊毛塵為七分故。不止羊毛唯止兔毛末也。牛毛塵者。析兔毛塵為七分故。唯止牛腹下毛末也。析此為七者透金而出金不礙也。析此為七者透過於水水不能潤也。析此為七者是極微也。此一塵皆生子故名七母塵也。此極微塵於初教中三無數劫分而

析之。約此初教之塵。於終教中不可計劫分而析之。至一乘中二佛世界塵數劫中分而析之。至最細際方爲一乘極微塵也。無量遠劫至隔別成法。記云。無量遠劫即一念者。堅析一髮爲十分乃至百分千分。以其一分置玉板上。舉利刃斷。約其利刃至板之時爲一念也。

真記云。十世者。一云第十世也。謂總相念故。一云十世也。謂總別合舉故。問總相一世取現在一念者。別相之世唯是八耶。答約現在一念。望現在之過去。則前後相對而立別相之中。故別相之世是九非八。不望前後統包絕待。則爲總相第十世也。

大記云。九世即入成十世耶。爲約十世更論即入耶。答二義並得。故康藏云。然此九世迭相即入故成一總句。總別合成十世也。此十世具足別異同時現現成緣起故得相入也。解云。初釋九世即入成十世也。後釋約十世令相即入也。

旨歸圓通鈔云。三乘中立法孤單故時隔於法。法既流轉故時流轉也。一乘中立法圓滿故時隔於法。法不流轉故時不流轉也。故總結經云。佛告梵摩達王說。汝前臥狗是汝過去身。將我是汝未來佛云云。又羅國僧智通乃相和尚十聖弟子之一也。居大白山彌理窟穴修花嚴觀。忽一日見大豬過穴門。及通依常禮木刻尊像盡具誠懇。像語通曰。過去之猪是汝過去之身。我即是汝當果之佛也。通聞此語即悟三世

一際之旨。後詣相和尚叙之。和尚知其成器。遂以法界圖印授之也。已上。則與梵摩達王事。雖時有正像之異。處亦中邊之殊。然其因緣亦相類也。云云。三乘中過去唯狗位。現在唯人位。未來唯佛位。故從過去狗至現在人。從現在人至未來佛。故云三乘中立法孤單故以時隔法。法是無常。時亦無常。一乘中過去狗中具人佛。現在人中具狗佛。未來佛中具狗人。故不從過去狗遷到現在人。不從現在人轉至未來佛也。故云一乘中立法交徹故以時隔法。法是常住故時亦常住也。問法雖是一。互望而成九世耶。如九世別法亦別耶。答如後義。謂且約吾身。於一年中約月。則一年十二月故吾身亦十二也。一月三十日故身亦三十也。一日十二時故身亦十二也。一時八刻故身亦八也。如是一年三百六十日。一日百刻故身亦三萬六千也。故如九世別法亦別也。問約五位論九世者。昨昨日是過去過去故唯一也。昨日者約當體則過去現在。望今日則現在過去。故具二也。今日者望昨日則過去未來。約當體則現在現在。望明日則未來過去。故具三也。明日者望今日則現在未來。約當體則未來現在。故具二也。明明日是未來未來故唯一也。是故唯是五位互望論故成九世。則法唯是一。互望論故亦成九世法也。何故云如九世別法亦別耶。答康藏云。以時與法不相離故故知爾也。三乘中色心等

是法。約此法上前後遷流之義立爲時。故時即假也。是故不論此義。一乘中以時與法不相離故。時亦是實也。是故如時之別法亦別也。

道身章云。如一夜中夢。已過父及未生子各三有九。覺時見之。但在一念心中。非此心中片分爲父。片分爲我。片分爲子。總在一心。隨舉即攝。九人無所相知。而非絕無九人之別。又非一念之外立三爲有。立六爲無。有無同處一念而非有無之別。已上。是故但其無我報心。全爲父全爲我全爲子故。如九世別法亦別也。問現在一念簡餘八世之別義與於九世中無偏當之總義何別。答儼尊者以喻示相和尚云。如人夢見父及祖父登上蓋屋。子與孫子在下輪瓦。自處中間傳次而授也。祖父是過去。過去故唯一位。父是過去現在。現在過去故具二位。中間身則是過去未來現在現在未來過去故具三位。子是現在未來未來現在現在故具二位。孫子是未來故唯一位也。其在中間傳瓦之人約當體則簡餘八世。故現在現在也。通夢五人則於九世中無偏當也。故此人上具有二義。是故以總別時隔法也。

道身章云。儼師還神十日前。學徒進所問訊。師問大眾曰。經中一微塵中含十方世界與無量劫即一念等言。汝等作何物看。衆人白云。緣起法無自性小不住小大不住大短不住短長不住長故爾耶。師曰。

然之然矣。而猶生白云何謂師曰莫須多  
導只言一故

初發心時至常共和。法記云。問何故九世十  
世相即之大說初發心時便成正覺之義耶  
答證分之法不可得故。或有行人於此無分  
故。爲此人以證分之法性轉示之云。一無自  
性以一切爲性。一應無自性以十方爲性。無  
量劫無自性以一念爲性。一念無自性以無  
量劫爲性。如是名爲甚深真性也。行人意謂。  
已知真性如何得證。故復誨云。要當以此真  
性爲心而發。於是行人如是而發。故發心即  
滿果也。是故住涅槃時常遊生死。遊生死時  
常住涅槃。故云生死涅槃常共和也

所詮章佛種性文云。第三約一乘有二說。  
一攝前諸教所明種性。並皆具足主伴成  
宗。以同教故。攝方便故。二據別教種性。甚  
深因果無二。通依及正。盡三世間。該收一  
切。理事解行諸法門本來滿足已成熟訖  
故。大經云。菩薩種性甚深廣大與法界虛  
空等。此之謂也

真記云。初發心時便正覺者。約同教云。三賢  
十地中十解初發心住成滿。佛復治地住等  
成滿。佛此無明昧之殊然寄現也。若自別教。  
即吾身心名正覺耳。無寄十解位也。生死涅  
槃常共和者。若寄位云。寂滅涅槃之體從緣  
成生死。成生死時即性淨涅槃之體故也。約  
一乘。則生死涅槃非本自有在。吾須緣何者。  
須生死緣中即具涅槃。須涅槃緣中即具生  
死故也。問何者生死。何者涅槃。答生死即汝

身涅槃即汝身

探玄釋經中初發心菩薩即是佛之文云。  
或云因中說果。或云解同佛境。或云約理  
平等。若約三乘教亦得。如上說。今尋上下  
文。約一乘圓教始終相攝圓融無礙。得始  
即得終。窮終方原始。一由陀羅尼門緣起  
相攝故。二由普賢菩提心遍該六位故。即  
因是果也。三由法性無始終故。發心入始  
即正是終故。是故上文云。初發心時便成  
正覺。具足惠身不由他悟也

妙理圓成觀云。今辨此義略分四別。一唯  
因門。從無始時盡未來際。恒是菩薩修萬  
行故。或純或雜無有休息。何以故。於一  
行無究竟故。衆生界不可盡故。經云。我常  
於十方國土中行菩薩行。謂虛空不可盡  
衆生不可盡故無成也。如文殊爲諸佛師。  
摩耶爲諸佛母。此並住因門攝化也。二唯  
果門。盡前後際恒是佛故。何以故。德相全  
真不墮時數無盡極故。三亦因亦果門。謂  
有發心及成正覺於一切時念念發心心念  
成佛故。罪因非果門。謂無心可發。無佛  
可成故。眞法界中無二性故

道身章云。問三世間爲佛身心者。佛身大  
寬故衆生等在佛身心耶。衆生業果即是  
佛耶。答二義共得。舍那品云。佛一毛孔中  
無量衆生住。各自受苦樂而不知去來等。  
又亦得衆生業果等即是佛。問衆生業  
果即是佛者。從古即佛。何言初發心時方  
成佛耶。答從古是佛。而發心時方知是佛

耳。如夢走馳。自夢即寂。而悟朝方知走即  
臥耳

大記云。初發心時等者。二十二位之中隨何  
一位起善惡心。爲初發心即是便正覺也。問  
以起善心爲發心正覺者可也。何以起惡心  
爲初發心亦正覺耶。答約無住別教。則二十  
二位皆是無住之位故。始起惡心之時乃至  
攝於後際佛果故也。問若爾無住別教中亦  
有如是發心正覺之義耶。答隨於何位起善  
惡心便正覺者。非謂先迷後覺。但本來覺故  
云正覺耳。生死涅槃等者。二十二位中三途  
五乘等所有分段變易。及圓教中分段變易。  
合取爲生死邊。其中所有二四涅槃及十涅  
槃。合取爲涅槃邊。此二互不相知一無分別  
故。云常共和也

問然財生死非所厭。何故至相云六道因果  
依厭求脫耶。答望二乘等諸有情故作是說  
耳。若約普賢門云。皆實自德更無異事也。問  
若爾三途之因十惡等業爲所修耶。答約實  
則爾。是故滿足王知識事等是實法門也。問  
若爾者。何故云如幻法門等耶。答但隨三乘  
相如是云耳。又言罪福者。約我人實執位云  
耳。若離此執。一切罪福如幻如空。如是法中  
有何罪福。故云幻也

觀師釋滿足王法門云。此教所說一切皆  
實。何以言化。答自力攝生一切皆實。逆行  
苦事須云權化得。此中意化亦是實。實體  
遍故。實亦化故也  
道身云。一乘緣者。隨舉一法總攝餘法無



餘爲此一法之緣耳。四緣等諸緣之實皆消於一乘。問若以此門亦得云。作十惡生天。修十善墮獄。答至得此意得云。此義未得。此意非粗。所傳儼師恒遠了。問淺深方須。答義云云。問一乘殺彼生時。能殺亦死亦有罪耶。答解行以上自在位中逆順並修。見聞以下劣凡夫者不能見機。漫殺物命於物無益亦自墮獄。如彼鼠子效師子跳墮火坑等云云。問三世間皆是佛者。草木取用則害佛身得罪耶。答以佛言雖皆是佛。以衆生云都非是佛。斷有何罪云云。衆生與草木是須處所須雖同我。內衆生者殺而有罪之所須也。草木者斷取無罪之所須矣。

理事冥然至大人境。法記云。此中理事者。生死無性以涅槃爲性。涅槃無性以生死爲性。則生死涅槃之無性爲理。無性之生死涅槃爲事。故古人云。緣起無性無性緣起也。緣起無性是理。無性緣起是事也。理亦真性之理。事亦真性之事。故云冥然無分別此是十佛普賢境也。

真記云。理事冥然等者。總明上意。上來所現雖有多法。而不出理事故也。十佛普賢境者。問緣起分唯普賢境。何云十佛耶。答佛外向心與普賢心冥合不分故。正取普賢而不分。義中并舉十佛耳。

大記云。理事冥然等者。通結證教二分大意耶。唯教分耶。答一云通結也。謂下句云十佛普賢大人境故。一云唯結教分。謂證分結云

證智所知非餘境故。問初意中何理何事耶。答證分理。緣起分事也。則證教無分別也。故下文云。證教兩法舊來中道一無分別也。又約證分以佛證心爲理。所現三世間注爲事。又緣起分中無住本法爲理。二十二位爲事。是故證分理事無分別者十佛大人境。教分理事無分別者普賢大人境也。此意則證分唯是十佛之境。教分之中不言十佛也。謂內向則十佛。外向則普賢故。今通結內外之時如是言耳。後意則問。既云十佛大人境也。何云唯結教分耶。答緣起分中亦有十佛。以此教分亦是十佛外向門故也。此約佛與普賢相續各別之義。

簡義章云。八尺柱相爲事。柱之無生爲理者。三乘之義。若一乘中即此八尺柱相爲理。柱之無生爲事。又理平等則事亦平等。事差別則理亦差別也。若體解大道則自事以外何處得理。故至相云。冲宗不遺於玄想。圓道莫簡於始門。蓋在此矣。三乘說平等一心。一乘說種種心。則亦得言三乘理平等一乘理差別。問只其名異。所詮則應無別耶。答須理即理。須事即事。所須緣別理事有殊。然以一柱隨須立。故全體無二。問理事平等差別四句云何。答立在同教應作四句。此別教中不作四句。以法深言淺故。但一柱言下須理即理。須事即事。平等差別隨須皆得。是故須而即圓。舊而即是無側無陰。據而中道。約而滿宗。非前非後。一乘幽致厥爾。請虛襟而取焉。

能入海印至得利益。法記云。海印中真自利他。謂攝入三世間法是自利。現現三世間法是自利他。然一乘中無利他也。何者。所化衆生是自內證五海之中衆生故。應機而起能破之。教從自海印定中所起故也。繁出如意者。從海印定所起之教爲如意也。此有二義。一稱於佛意故。二稱於衆生之意故。名爲如意。比如輪王所有如意。在王藏內不雨衆寶。若轉輪王以此如意出置幢上。爲貧窮人請雨。衆寶隨其所須雨種種物。無不如意。然此物等本不在於如意珠內及輪王身。而虛空中但以衆生之感及王勢力。此如意珠雨寶無盡也。如是以佛智願及衆生感。海印之教應衆生也。在藏內時喻佛內證。出置幢上雨寶之時喻佛外化也。不思議者。從不思議內證而起。應不可說。衆生數起故也。雨寶益生滿虛空者。虛空無邊故世界無邊。世界無邊故衆生無邊。於此無邊衆生。如是之教無所不被故也。衆生隨器得利益者。此如意教於三乘五乘無量乘等一切衆生中各各稱根令得利益故也。問若爾於此花嚴得三乘別果耶。答無也。謂此大經中具無量乘故。乃於此經所具無量乘中。大品經等得別果耳。

真記云。海印三昧者。自證離言。何故利他之初明耶。答表利他緣起無別自體。但依十佛內證海印所起故也。若不爾者。道有私隱故。繁出等者。於念念中起如意教盡未來際無休息故。又但一念全攝法界無側故也。是故云不思議也。雨寶者。約教云寶也。又是衆生

曲隨字而屈曲也

受用種種寶物也。滿虛空者。衆生衆不思議數。則知其不動凡心與法性虛空只是一物。本自圓滿故也。隨器得利者。山王普攝得總相教。差別小機得差別教。各自成益故也。大配云。海印者。通證數二分故明於教分耳。又此四句是第四重海印故也。問第四重海印是定內故利他相隱。何故以配利他耶。答第四重內具同別二教故。若直約一道朱印而論。即無差別故是別教。若約屈曲而言。是差別故即同教中逐機之義也。是故逐機屈曲之朱印故云如意教也。是故前云依理據教者。約第三重則無住理無住教也。約第四重則無住理如意教也。約此第四重四句更以五重海印分配。則初二句如次配初二海印。次十句第三海印。次一句後二海印也。謂下文釋此海印云。究竟清淨湛然明白三種世間於中現現等故。和尚之意此中海印非唯一向當第四重。是以此中更分配也。初句影離海印。次句影現海印。故云繁出如意等。次句第三重。能化之佛雨十普法之寶。益普賢機也。後句於第四重。如意教之朱印稱機屈曲。故云衆生隨器也。於第五重。起言說法令機信解行證。故云得利益也。然以第四重正義釋者。能人者能化佛也。海印者淨藏定也。繁出如意者如意教之朱印應機現現也。雨寶益生滿虛空者。雨十普法於正爲中全全而應。謂一道朱印圓滿現現也。衆生隨器得利益者。於衆轉引遠爲之中分分而應。謂隨彼機宜各令得益。如大角則大曲。小角則小

還起。何者。黎耶本識是我之根。其末那識是我之莖。六及前五皆是二我出入之門故也。比如有入欲上須彌。乾八海竟依陸而行得上須彌。如是行者若欲返本。漸息八識妄想海已而得至者。三乘義也。一乘之中若履初海即履諸海踐須彌頂。故不移一步得還本際也。無緣善巧等者。問何故息妄想次有此句耶。答欲還本際要息妄想。欲息妄想。要須無緣故也。問無緣者何。答五識緣於五塵境時。意識同緣。其末那則向內執我。黎耶本識緣三類境。是以不能捉如意也。以無緣故得聖者意名爲善捉如意也。歸家者。歸法性家也。得資糧者。行者加行方便也。

異記云。息妄想者約寄位云。初智求斷不可得斷。以中後智求斷亦爾。故論云。非初非中後。然以不可得斷而爲斷故。斷義得成。故論云。前中後取也。若直約一乘則舉其障體量等法界界智亦爾。故至相云。如緣起性如是斷也。若以別障之智欲斷別智之障者。以不息妄想故必不得也。持戒亦爾。若別取善以爲能防。取其不善以爲所防。如是持者猶名破戒人也。無緣善巧等者無分別也。如意者教也。歸家者還真源也。資糧者二千道品等也。

是故行者至得資糧。法記云。行者則凡諸信向普法之人也。本際則內證海印也。巨息妄想必不得者。以二我執爲妄想也。如上內證海印之際無我之人乃能得至。若存我則必不得至故也。如海邊井有海水故不得令渴。如人意識人法二我由彼末那及黎耶海藏而

觀釋云。小乘中戒有受有捨。大乘中戒有受無捨。一乘中戒無受無捨。謂熟教中教其背本逐末之人知自本覺如來藏故。有其所受。得本覺已恒自覺故。無所捨也。一乘之戒本無受捨離能所防。以第二地佛

□爲一乘戒。而一乘中無諸凡小及與菩薩。唯有滿足之佛故也。於十番中初三番是名號品身業所行。次四是四諸品口業所行。次五是光明覺品意業所行。如是三業示現法界一切諸法皆是佛之三業。今此吾身是佛十善之所感得。是故本無迷時更無受法。竟三世際恒自不動亦無捨法。身外無境。境外無身。離能所防。

大記云。問前第四重內得益之機如何見耶。答普賢有二義。若約八會助化之義不云機也。於第三重方爲機也。若約第四重。則威光善財皆是淨藏定中得益之機也。但是定內所得之益於定外說示耳。約是義故云得利也。於此第五重內以所流所目之機方爲所化也。問若威光善財正是定內得益之機。則唯初後二會是定內耶。答若約第四重。則八會之法皆是定內。然且舉威光善財云耳。謂法界品抄云。一乘求知識唯是定內。故知以定內事示之耳。問何故第三重內不以威光善財等爲機耶。答彼第三重則是不共別教故。但以普賢方爲機也。於第四重具同別教故。以威光善財而爲機也。故法界品抄云。若依三乘科文者有五相等。是以見開解行等三生依三乘位現一乘耳。此三生位於第四重內無淺深。於第五重有淺深也。言行者者。約第五重則所流所目機也。若第四重則威光善財也。然約實則諸體□□嚴之人皆是此中行著。而威光善財修行□□故偏舉□此行者等知自身心舍那體。故云還

本際也。問於第四重內以何爲本際耶。答威光善財所得花藏世界果及塵數法門等是也。言妄想者通所流所目等也。謂下教之人守自教跡執爲究竟故。約此迷執總爲妄想。若斷此執要須用六相刃也。且熟教中於三祇劫覺四相夢計有異如。謂爲究竟。守迷而住故。以六相中異相印印之。則其所斷竟前二十夢各位不動而歷然差別也。是故若入一乘要息三乘。謂斷妄想之心若不息。其謂斷妄想之妄想。則以不息妄想故必不得入也。然則斷妄想之心斷除不起。是名此中息妄想也。又云所謂妄想者。凡自身心之外希佛求法之心總爲妄想也。一云。以別教義釋此文者。應云不息妄想。若息妄想必不得故也。然而下句既云隨分得資糧故。約同教釋者宜也。以此是其因緣觀故。問下文釋行者云。行者者見聞一乘普法已去。乃至此約別教一乘說也。何故此云同教耶。答此約所目別教云耳。非是不共先住別教。所云見聞一乘普法者。立於第五重海印。約定外見聞云耳。言善巧捉如意等者。比如盲人由其盲故迷自寶所。長年貧困遠乞他鄉。有具眼人心生哀憫。爲持一索繫彼寶所。以其一末授盲人手而指歸云。汝若不失尋索而行。則返汝寶所。盲人聞已不失尋行得至寶所。其寶所中亦有寶樂。以藥氣力眼得開明。所有衆寶自在取用。行者亦爾。智眼盲故迷自內證法性寶所。無始時來窮乞於他。有大聖者起大悲願。垂一中一切多中一等陀羅尼索授於

行者信心之手。以真性甚深之一末繫彼證分寶所。而教誡云。汝若不失勤行精進則必直返汝法性寶宅。行者信受得聖者意捉如意教。初發心時便開十眼。不動一步直入內證法性寶所。受用無盡自家珍寶。是故行人若欲還歸法性家者。要須善捉陀羅尼索持而勿失爲資糧也。

道身云。問修與不修別。何得以佛言皆覺乎。答佛無量劫修意非爲古無新得。亦非有所斷煩惱故欲斷。知煩惱本無所斷名爲斷耳。又法之實者三世間照曜爲一大緣起。舊來如是無量劫修證得法者。豈但我覺簡除他人及與不石乎。若爾是增減邊大邪見非正道。又道身云。有文云。一斷一切斷。有文云實無所斷。彼是則此非。此是則彼非。云何會通。答以德言之。從始無障。以惑望之。覆無盡德。若實無所斷者。何故迷人未得。若有所斷者。所斷者何。文云。非初非中後。前中後取故。三時之中不得斷相。而覺以去三時無障。道理不在斷不斷中。隨機言斷。又無所斷。欲爲機者。尋教證入。斷與無斷無礙實相如是設耳。相和尚曰。惑者但用無體智具體用。問無體何得有用。答體是無住實相。迷用爲惑迷用息耳。無體可斷。問一斷一切斷者。既無體。約何爲一及一切耶。答可約所障法門故。云一與一切。以障一卽一切法門故。古記云。大海非是毒藥所壞。大空非是利劍所傷。緣起三毒亘三際。直得無分別耳。

非更息滅方爲斷也

以陀羅尼至名爲佛。法記云。陀羅尼者。法界法之無盡義也。問衆多法故云無盡耶。但約一法亦云無盡耶。答二義皆得。實寶殿者。約證分則法性處也。約緣起分則花藏世界離染真性也。問若以陀羅尼莊嚴法性實寶殿者。證分之處可許。重重中即微細等義耶。答以彼證分不可說故。不說如是義耳。然法無遺缺滿足一切故。因陀羅等究竟之極乃證分也。問花藏世界離染真性是何。答佛外向門是也。花藏淨土三乘共學處故。隨三乘機分界離海。若約自宗。唯一海耳。無三品也。窮坐者。十世相應應稱法界故也。中道者。以三世間爲自身心。無有一物非身心者故也。舊來者。上證分中本來寂也不動者。上證分中諸法不動也。比如有人在床入睡。夢中通行三十餘驛。覺後方知不動在床。此中亦爾。從本法性經三十句還至法性只一不動故。云舊來不動也。問此義與熟教中迷於一心流轉六道悟復一心之義有何異乎。答彼熟教中混二十夢方歸一心。此宗之中不動夢念即法性故。無所棄捨。無別所歸。故迥異也。真記云。陀羅尼者。總持也。實寶殿者。世界海也。窮坐實際中道床者。徹到一乘究竟真源也。舊來不動名爲佛者。問何故具縛有情舊來成佛耶。答如其未起修緣之時不得名爲舊來成佛。何者。今日發心緣中法界諸法方頓起故。須智緣中煩惱等□爲成智之緣而起。須煩惱緣中亦是也。是故要待今日

發心之緣無側起時方舊來成耳。緣以前無一法故。不云舊來也。若三乘則有所尊定本故唯取始覺即同本覺之義論也。一乘不爾。無所尊定本本末不定故。隨須皆得一

大記云。實寶殿者。或云國土海。或云性起果與三德差別果也。然三德非究竟故。正是性起果也。窮坐實際中道床者。因位學窮至於果位故也。舊來不動名爲佛者。初起法字終至佛字。初起終至是一處故也。是以和尚所云行行本處至至發處蓋此意也。

古記云。一乘之中舊來成佛有二義也。一不修衆生已成佛義。二已成諸佛本不修義。若須六相可得此旨。謂佛爲總相。衆生爲別相。一切衆生是佛義。齊以爲同相。一切衆生各不相。是以爲異相。一切衆生緣起究竟正即是佛。以爲成相。一切衆生各住自位舊來不動以爲壞相也。

大記云。此印大意以其白紙表器世間。謂如白紙本不染色。點墨即黑點朱即赤。器界亦爾。不局淨穢。衆生處則染穢。賢聖處則清淨。故以其黑字表衆生世間。謂如黑字一等皆黑箇箇不同。衆生亦爾。煩惱無明皆自暗覆種種差別。故以其朱畫表智正覺世間。謂如朱畫一道不斷始終連環貫諸字中光色分明佛智亦爾。平等廣大遍衆生心。十世相應圓明照曜故。是故此印具三世間。若約觀釋即有四義。一若取白紙則黑字朱畫皆去。故字與朱畫不離於紙。如是若離器界無佛衆生。故於器中具生及佛也。是故經云於一微

塵中現有三惡道人天阿修羅各各受業報。於一微塵中各示那由他無數億諸佛於中而說法。一塵中有無數刹。二刹有難思佛。一佛處衆會中我見恒演善提行。又云。一微塵中普現三世一切佛佛事。二約黑字亦爾。故於生中具器及佛也。是故經云。於一毛孔中普見十方刹。彼刹妙莊嚴諸佛菩薩會。一毛孔中億刹不思議種種相莊嚴。未曾有迫隘。一切刹土及諸佛在我身內無所礙。我於一切毛孔中現佛境界諦觀察。又云。菩薩知自心念念常有佛成正覺。乃至云。如自心一切衆生心亦復如是。悉有如來成正覺。三約朱畫亦爾。故於佛中具器及生也。是故經云。三世一切劫佛刹及諸法諸根心法一切虛妄法。於一佛身中此法皆悉現。普盡十方諸刹海所有一切衆生海。佛智平等如虛空。悉能現現毛孔中。又云。一切諸佛於一念中悉能示現無量世界無量無數清淨衆生。四白紙黑字朱畫皆全相收不可別取。而三物各異。如是三種世間融通相攝混爲一團而爲門各別歷然不動也。故此一印若以器門觀則是器海印。是故經云。花藏世界所有塵。一一塵中見法界。普光現佛如雲集。此是如來刹自在。以衆生門取則是衆生海印。以佛門取則是佛海印。是故疏云。衆生心中佛爲佛心內衆生說法。佛心內衆生聽衆生心中佛說法也。問若爾何但局云能人海印耶。答約實如是。非局於佛。且從妄盡心澄之義。假名能人海印耳。

## 法界圖記叢錄卷上之二

文云：將欲釋文。二門分別。一惣釋印意。二別解印相。問何故依印答欲表釋迦如來教網所攝三種世間。從海印三昧繁出現現故。所謂三種世間。一器世間。二衆生世間。三智正覺世間。智正覺者。佛菩薩也。三種世間攝法盡故。不論餘者。廣義者。如花嚴經說第二別相門中。三門分別。一說印文相。二明字相。三釋文下意。一問何故印文唯有一道。答表如來一音故。所謂一善巧方便。何故多有盤迴屈曲。以隨衆生機欲不同故。即是義當三乘教。何故一道無有始終。現示善巧無方。應稱法界。十世相應圓滿足故。即是義當圓教。何故有四面四角。彰四攝四無量故。此義依三乘現一乘故。印相如是。二問何故字中有始終耶。答約修行方便。現因果不同故。何故字中多有屈曲。現三乘根欲差別不同故。何故始終兩字安置當中。表因果兩位法性家內真實德用性在中道故。字相如是。問上云因果不同而一家實德性在中道。未知所由。其義云何。答此義其實難解。雖然依天親論主。以六相方便立義分齊。准義道理隨分可解。若約十句。以辨六相。如下說。今且約印像。以明六相。示一乘三乘主伴相成現法分齊。所謂六相者。惣相別相同相異相

成相壞相。惣相者。根本印。別相者。餘屈曲。別依止印。滿彼印故同相者。印故。所謂曲別而同印故。異相者。增相故。所謂第一第二等曲別增數故。成相者。略說故。所謂成印故壞相者。廣說故。所謂盤迴屈曲。各各自別本來不作故。一切緣生法無不六相成也。所謂惣相者。義當圓教。別相者。義當三乘教。如惣相別相成相壞相等不即不離不一不異常在中道。一乘三乘亦復如是。主伴相資不即不離不一不異。雖利益衆生。而唯在中道。主伴相成現法如是。一乘別教三乘別教准義可解。汝所問疑義亦如是。初曲如因後曲如果。如初後不同。而唯在當中。雖因果義別。而唯住自如。依三乘方便教門故高下不同。依一乘圓教故無有前後。所以得知。如經說。又一切菩薩不可思議諸佛法明說令入智惠地故。論曰。一切菩薩者。謂住信行地。不可思議。諸佛法者。是出世間道品。明者見智得證說者於中分別。入者信樂得證。智惠地者謂十地智。如本分中說。此是根本入。如經。又一切菩薩不可思議諸佛法。明說令入智惠地故。此脩多羅中。說依根本入有九種入。一者攝入。聞惠中攝一切善根故。如經攝一切善根故。二者思議入。思惠於一切道品中。智方便故。如經善分別選擇一切佛法。三者法相入。彼彼義中。無量種種知故。如經廣知諸法故。四者教化入。隨所思議。名字具足善說法故。如經善決定說諸法故。五者證入。於一切法平等智見道時中。善清淨故。如經無分別智清

淨不雜故。菩薩教化衆生。即是自成佛法是故利他亦名自利。六者不放逸入。於修道時中。遠離一切煩惱障故。如經一切魔法不能染故。七者地地轉入。出世間道品無貪等善根淨故。如經出世間法善根清淨故。復有善根能爲出世間道品因故。八者菩薩盡入。於第十地中。入一切如來祕密智故。如經得不思議境界故。九者佛盡入。於一切智入智故。如經乃至得一切智人智境界故。是諸入爲校量智義差別。次第轉勝。非根本入。一切所說十句中。皆有六種差別相門。此言說解釋。應知除事。事者。謂陰界入等。六種相者。謂惣相別相同相異相成相壞相。惣相者是根本入。別相者。餘九入。別依止本滿彼本故。同相者入故。異相者增相故。成相者略說故。壞相者廣說故。如世界成壞。餘一切十句中。隨義類知。論文如是。准是論主立宗道理。故知雖因果信解行迴地佛自位不動。而無前後。何以故。諸法各異住自如故。一如多如如相不可得故。是故經云。問云何深信佛法。答一切諸法唯佛所知。非我境界。若如是者。名爲深信佛法。是其義也。問六相者爲現何義。答正現緣起無分別理故。以此六相義故。當知雖一部經七處八會及品類不同。而唯在地品。所以者何。以是根本攝法盡故。地品中雖十地不同。而唯在初地。何以故。不起一地普攝一切諸地功德故。一地中雖多分不同。而唯在一念。何以故。三世九世即一念故。一切即一故。如一念多念亦如是。一即一切。一

念即多念等。反前即是。以此理故。陀羅尼法主伴相成。隨舉一法盡攝一切。若約會說。會中盡攝一切。若約品說。品盡攝一切。乃至若約文說。文句句盡攝一切。何以故。若無此彼不成故。陀羅尼法如是故。如下說。何故依印至佛菩薩也。真記云。何故依印。答欲表釋迦如來教網所攝等者。釋迦教網則深淺雖殊。有名相際應。取云也。三種世間從海印三昧繁出現者。三世間法繁出則離海印體耶。答三世間法即是海印全體現。本不離也。問攝三世間為總相。佛則總別不一故。為四世間耶。答智正覺中有待他之義。有絕待義。約此二義不一故。亦可得云四種世間。然約二義不異故。但云三種世間耳。問器及衆生宜云世間。智正覺者既已出世。何云世間耶。答始成正覺時中。三世間法四明現。故云世間。謂時為世。中為間故也。問至相以菩薩合於衆生。何故此中合佛菩薩為智正覺耶。答約覺同云耳。何故印文至現一乘故。大記云。何故印文唯有一道者。立在第四重海印起此間也。謂既隨根欲而成屈曲。何故云一道耶。如是問也。如來一音者。法界品云。我知法界一性如來一音一切衆生無不了故已上。問若一切衆生了一音者。非是各得解也。若各得解者。非是一音無不了也云云。若對此難。以惣別二相答也。謂不壞屈曲而能等遍故。是一音。不動等遍而差酌故。能成屈曲。此中能成等遍者惣相也。音酌差者別相也。別即惣故。雖衆生各得解。而

了一音也。惣即別故。雖是一音而各解也。真記云。如來一音者。惣相音也。法界品云。我知法界一性如來一音云云。此義者一切衆生種種差別音聲等即是如來一音耳。問此守護夜神善知識證見一音云。我知法界一性也。何故云一切衆生耶。若見一切衆生者。何云我知法界一性耶。答見法界一性。故知一音中有一切種也。以得惣相知不分之別相故。如家之一言。契柱立梁橫諸緣而呼故也。若不契立橫諸緣。則家之一言何處起耶。法記云。盤迴屈曲者。既知法界一性。則無三乘。故亦無印中角曲耶。答有異相故。有稱性不動之角曲也。問若爾有三乘耶。答一乘角曲全盡印四故。無三乘一邊之角曲也。真記云。善巧無方者。無偏順之方所也。如前無方中釋也。應稱法界者。橫盡法界故。十世相應者。堅貫三際故也。法記云。圓融滿足者。猶如虛空攝一切物。約此一柱包攝十種普法無所遺餘故也。是故普法章云。諸佛善巧會融法界。圓通自在。不離見聞已上。以一乘中見聞圓通之法故。見聞位中即得滿足究竟佛果。故云不離見聞也。真記云。義當圓教者。有三乘別教。三乘同教。有一乘同教。一乘別教。有一乘圓教也。若就樓觀而論者。內莊一乘外嚴三乘門則同教也。所謂門者通內外故。內雖一乘而門內則同教一乘也。又此同教約三乘。已上之義。即為別教。一乘亦得以約所目為別教故。問所

目三乘義當於外是嚴三乘。何云別教一乘耶。答此經之內所流所目之三乘。具含二義。一者令彼下機計謂同於我法之義。二者令彼解其自所得法。全是花嚴大虛之義也。約初義則當於門外故。是三乘為外嚴也。約後義則當於門內故。是一乘為內莊也。今約後義故。以所目為同教一乘。乃至亦名別教一乘耳。直約樓觀之內方自體別教一乘也。初初不見三乘故。云自體別教也。圓教者通融前四教也。問是則與彼同教二三和合之義何異耶。答欲引下機而和合者是同教也。欲為自家實德而通融者是圓教也。故古人云。同教如大地。長養三乘草木故。別教如大海。不宿三乘死尸故。圓教如虛空。為二所依故也。

古記云。同教別教分有九種。謂一黃牛車同。共羊鹿故。大白牛車別。三乘外故。二大白牛車同。王醫中珠別云云。三法花同。花嚴別云云。四第二會至隨好品同。普賢行品以去別云云。五普賢現語言。墮在文字故同。普賢內證。離文字絕言說故別。六普賢內證是因分故同。佛外向是果分故別。七佛外向向機緣故同。佛內向則離花嚴定中為果德。乘示國土海法而背離因機故別。八佛內向有背向故同。海印定中法性不可說離背向故別。九上來所明說不說等有勝劣深淺故同。此海印定法性不可說中說不說無二則無分別故別也。相和尚云。若約情說。證教兩法常在二邊。若約理云。證教兩法當來中道。一無分別。蓋謂

此乎。上來且約理分。若據文義分齊。同別非一。謂通於一部分之。則差別緣同教。本實則別教。若據一化始終。則衆多別義一言通目故同。隨機各別故別也。

大記云。四攝四無量者。以此四攝四無量之二四因果。表下四教因果八位。若以七十三印之中一字印印之則不動。此八因果之位即是一乘無側因果也。以此一乘因果加於前八即成十也。五因是菩薩。五果是佛也。以其四佛分置四方。以一乘佛安置當中。以五菩薩分置亦爾。如是因果但我心內本具之法也。此中四方及六方八方十方等依三乘分也。謂聲聞明四諦故。依此分四方。緣覺觀十二支而是二六故。依此分六方。始終教中通有四攝四無量而二四即八故。依此分八方。同教中即其同中含有別教十無盡義故。依此分十方也。若約無住別教。則本無方也。是故文云。善巧無方。乃至云。義當圓教也。問始終二教亦明十方。何故唯云八方耶。答此約八葉之軌云耳。又始終教中總約四攝因果等故分八方耳。問若并取頓教中因果則頓教中亦分八方耶。答約實則通。然因果是位。頓教之中位相隱故且除耳。問何是八葉軌耶。答此是毘盧遮那經及佛地經中八葉作佛之軌也。依三乘現一乘者。一乘圓印雖無角面。此印攝盡一切法故。具其四面四角相。以分三乘四方六方八方十方等。漸現一乘無方之圓印故也。若唯見角面則一向三乘。唯見圓印則一向一乘。若依角面見圓印

則是同教也。故云依三乘現一乘也。問若爾前之屈曲若唯見屈曲則一向三乘。若依屈曲見圓印則亦是依三乘現一乘耶。此角面則是同教也。前之屈曲但是別執三乘耶。答屈曲亦是一道理朱印之能隨之德故。是以亦有依三現一之義也。

何故字中至性在中道。法記云。何故字中有始終耶。答約修行方便現因果不同者。所言修行方便則一乘修行耶。三乘修行耶。答但是三乘修行方便耳。問何故一乘無修行方便耶。答以一乘中無因果故。問若爾何故下云因果兩位法性家內真實德用性在中道耶。答只爲三乘執因先果後之人現因果同時義故云耳。若約實云。此宗之中無因果名。問若爾則全果之因全因之果亦無耶。答爾也。故至相云。因無異果之因。果無異因之果。然因果之稱寄現於緣虧盈自彼於我無爲。故知一乘無側因果亦不立也。問印之五十四角一一全盡印圓如是。全印之角亦應捨耶。答若約自宗。無如是事。何更捨也。以證分中無有因果證分教分。一乘三乘同教別教等事。緣起分中方說因果證教一三同別教等種種事耳。是故就緣起分云因果兩位性在中道也。問若實不立因果。豈不是撥無因果之大邪見耶。答立在過越因果之處言無因果。豈是撥無耶。故和尚令人難此義云。法性之中有因果耶。無因果耶。若法性中有因果者。應非法性。以法性中無因果故。又令答云。無因果也。問然則根本入中所開九入不滿本耶。答

滿也。問若爾何云無因果耶。答非汝所執攝思議等能滿彼也。但是入入能滿彼本。是故於彼無因果也。若約入入。隨攝思議等而生解。則有勝劣因果之位。故是同教。若約攝等。隨於入入而生解。則有性在中道無勝劣之因果。亦是同教。若除入入但約攝思議等。即是三乘別教。若直約根本入。則是一乘別教也。約此三義以現印義。亦現大經具含多義。大記云。何故字中多有屈曲現三乘根欲等者。約實則字中屈曲通於三道人天。然而字者是生解之詮故。且約解教相現但云三乘根欲耳。何故始終兩字安置當中等者。法字是因。佛字是果。通一乘三乘也。欲現三乘之前後因果即是法性德用性在中道故。以始終二字安置當中也。問若爾唯約三乘因果而論。何云因果通一乘耶。答若約實道理諸法各各住自如位本來不動。然三乘之人唯見前後。一乘不爾。隨須自在。是故約前後因果。現性在中道之義。在於一乘。故云通一乘也。法性家者有二。謂證分之法性。及無住別教之法性也。實相總相法身中道等亦通二義也。施設門中有分示證教之義。有分示一乘三乘之義。故云因果通一乘三乘。法性通證分教分。

真記云。法性家者。約今日緣中所起之法。爲證分及緣起分之法性也。或云。證教不分之中道方爲法性家也。

上云因果至無有前後。法記云。上云因果不同乃至其義云何等者。起此問意。前云。約修



行方便現因果不同。而次又云。因果兩位法性家內真實德用性在中道。故未知此意如是問也。問前印相終更無別。問何故此中釋字相已更復設此問答耶。答其印道則隨字相而畫故。委釋字相則可解印相故也。

大記云。依天親論主以六相方便立義等者。佛於四種菩薩行文現六相意者。若諸菩薩欲入法體。要以六相融鍊其心。方可得入故也。論主得佛意故。於十入處明六相方便。以治三乘攝入等是三賢乃至佛盡入是佛果。

如是次第轉勝之執現其攝等九入稱根本入無勝劣也。故古辭云。天親菩薩於十入處明六相日始報佛恩也。和尙得此論主意故。云依天親論主立義分齊。准其道理。則三乘之前後因果性在中道所由可解也。約此六相方便之言。融質德云。六相者唯是教門施設耳。於法體上無所關也。故言方便也。故和尙云。入法性家之要門。開陀羅尼藏好鑰匙。康藏云。以此方便會一乘又云。四句與六相俱爲入法方便已上。故知但是能詮教門之方便也。思惟德云。六相者但約法體巧相集成名方便耳。此外更無所入法體也。故和尙云。一切緣生法無不六相成。又云。六相者正現緣起無分別理。乃至云。以此理故陀羅尼法主伴相成。康藏云。第四集成方便諸法同體巧相集成故名方便。智論云。此法善巧集成故名方便已上。故知但約所詮法體爲方便也。解云。此上二說若偏執。則二俱有過。謂各滯一隅不當理故。若據道理。各有所憑二說

俱是。何者。如同教中破定執見故。只是教門入法方便也。若別教中直明法體故。即是圓融之法善巧集成方便也。一乘三乘主伴相成者。無住別教是主。別執三乘是眷屬伴。此中立主伴法體故。云成主伴相也。問若爾何故下云主伴相資耶。答立主伴法已。令其別執三乘之伴習因緣緣起等三觀修鍊其心故。所流三乘之伴至於性起之後際。與無住別教之主相資。得成圓明主伴故也。

法記云。主伴相成現法分齊者。餘處三乘但是眷屬。不得爲伴。此中意者。印圓則一乘故是主。五十四角則三乘故是伴也。由諸角故得成印圓。由印圓故得成諸角。是故一乘三乘互相成也。其一一角全盡印圓者。是所現分齊也。大記云。六相者總別二相表法無盡。同異二相現法無礙。成壞二相示法無側。一乘法義不出此三也。若別釋者。總相直標無住法之自體。別相指無住總之無盡。同相現無盡之無礙。異相釋無礙之無遠。成相示無遠之無側。壞相表無側之不動也。問無住法之自體云何。答法界之法混爲一身是。問法界之法爲是動故成一身耶。答只由不動成一身耳。若約此一堂論。則像等諸緣各自不動。方得成一總相堂耳。問別相表無盡等者何耶。答別相者緣等諸緣各差別故現一總相堂中非一之德故云別相指總相之無盡也。緣等緣中須同相。則丈二之緣稱二十步堂。餘緣亦爾。故云同相現無盡之無礙也。又此緣中須異相。則丈二之緣雖稱於二十步堂

而不動自丈二位。餘緣亦爾。故云異相明無礙之無遠也。見其丈二緣之成此堂時側無餘緣。故此一緣即是無側餘緣亦爾。故云成相示無遠之無側也。壞於成處壞故。云壞相表無側之不動也。問何故唯六不多不小。答總別一對上根得入。同異一對中根得入。成壞一對下根得入。良以下根於同異中不能得總。故不減至四五也。雖是下根歷學成壞必得入總。故不增至七八也。康藏云。總相者一含多德故。別相者多德非一故。別依止總滿彼總故已上。問一含多德者。總總多德。別別多德。答一一義俱得。謂攬別成總故。云別別多德亦得。然其總中所具別德一一皆全盡總。故云總總多德亦得。問若爾應立無盡總耶。答雖云多德。非是一外之多。故無此難也。問既云總相者一含多德。故所含多德與能含一義門各異。何云非是一外之多耶。答但其多德合處目爲能含一總耳。是故非是一外之多。外之一也。別依止總滿彼總者。問若以類各分六相。則總同成爲一際。別異壞爲一際也。既與總爲一類。故同有同總義。成有成總義。何故別相與異壞爲一類而有滿總之義耶。答若得總相。不須別相。但於未得機中欲示總相故開也。開別之時總義已現。是故別中有滿總義。問及滿耶不及耶。答及滿也。問此是別相釋義故。應不及滿。本總何云及耶。答既分總之時由開總故。現彼別德。還以別滿總之時及滿也。問若爾總中有別貌耶。答無也。何者。本於無別貌之總中所開故。雖其別相及

滿本總總中無別貌也。問若爾與三乘派差別。俗歸平等。真何異耶。答一乘中分別全無分別。無分別全分別。非派分別方歸無分別。是故異也。同相者。欲現總德故。開別相。既開別已。恐有惑人謂其別相迥別於總故。欲令其知彼別相全同於總故。於別相之大明同相也。同有多義。謂上同下同。內同外同。若約此舍論者。諸緣同於總舍者上同。總舍同於諸緣者下同。就上同中。諸緣同於舍者內同。諸緣相望成合力義齊同者外向同也。又有分同滿同二義。謂一尺之瓦出一尺之力同於二十步堂者分同。一尺瓦出二十步力同於二十步堂者滿同也。異相者。示其能成諸緣形類差別各位不動之義也。問若實異者。應非同耶。答只由異故得有同義。若不異者。瓦既一尺。椽亦一尺。違本緣位失前齊同作舍之義。問若爾一尺之瓦出二十步力同於二十步堂。椽亦如是者。此亦豈非失本緣位耶。答瓦若動自一尺之位同於椽之丈二之位。然後出二十步力。椽亦如是者。應失本位。瓦自不動本一尺位。椽亦不動丈二之位。而各出二十步力同於堂故。雖並出二十步力。瓦非丈二椽非一尺。各住自位故不違也。成相者。明不作之作。謂諸緣等各位不動得成舍也。前同相中。椽等諸緣相望相攝成合力義齊同。又約椽等諸緣。望於總則舍帶於椽總。望於緣則椽帶於舍。故有相望相攝相帶之義。此成相中。隨約一緣。卽正是總絕待無側。能成緣外無別所成。是故不說相望

相攝之義。壞相者。明作之不作。謂椽等諸緣各住自法本來不動也。問此中不動與前異相中不動何別。答前異相中位不動故。瓦一尺位與椽丈二位各雖不動。而有相望之義。此中體不動故。法法各各不相知也。約成相堂語。於諸緣柱成耶。乃至瓦成耶。如是遍詰無有一物成彼堂。由如是故成相堂究竟也。卽作而不作故。壞相卽成。非滅壞之壞也。古記云。問古德云。因緣堂作則得成。不作則不得成。緣起堂作則不得成。不作則得成。此義云何。答同相舍有作之作。成相舍無作之作故也。同相成相相對說。則同相者緣起現前義。成相者緣起無性義。成相壞相相對說。則成相者不作之作故。無性緣起義。壞相者作之不作故。緣起無性義也。古辭云。始從柱底石終梁上瓦方立全舍者遍計堂。荷斧打木隨一打立全舍者因緣堂。斧不墮木木不犯斧立全舍者緣起堂。木芽青時立全舍者性起堂也。就於性起中。木種下時立全舍者無住堂。種卽異者實相堂也。康藏云。何是舍耶。椽卽是舍。何以故。爲椽全獨能作舍故。乃至問。若椽全獨能作舍者。未有瓦等亦應作舍。答未有瓦等時不是椽故不住已上。問雖無瓦等。現見是椽。何故云無瓦時不是椽耶。答遍計之難耳。大經云。智海廣無涯未測返增謗。可不慎哉。母以有生滅心。疑實相理。我此普法因緣之椽。自是一椽卽攝自類餘椽。若一尺椽。若八尺柱。乃至瓦焉

石焉。鍊木之工燔瓦之父等。一切諸法普皆攝盡作舍究竟。然後方得爲是緣故。是以爾也。古人云。今日採柱欲作昨日已成之舍。若爾昨日已成之舍無柱而成耶。既云今日採柱欲作昨日已成之舍。故知昨日已成之舍非無柱而成矣已上。是故舍成方是柱。又舍成方是椽也。

真記云。所謂六相者。此中大意。盧舍那佛最尊勝。我等衆生最卑劣。舍那是總相。衆生是別相。衆生身者無別自體。全以舍那身成。然今示二各別義也。不他故云不起。不一故云起也。故康藏云。未依於本有起不起。同相者。約衆生身無餘物唯是佛身故。衆生身帶有彼佛異相者。雖衆生身帶彼佛身。而不動能帶恒衆生也。約帶義云有同。約衆生義云有異也。故康藏云。彼所起未既帶於本。是故相望有同有異。成相者。卑衆生身卽正尊佛身。無毫末許與佛身別時。故不令同於彼。同相觀者令同於彼。成相觀者卽正一耳。壞相者。法界差別之法各自不動。卽是衆生身中真實德用性在中道也。卽正一耳。故云有存。各自不動故云有壞也。故康藏云。彼帶本之末既爲本攝。是故當體有存有壞也。

古記云。昔林德入唐就融順師作難而問。既已成佛初初不動凡身何。順云。六相之中有同異也。有何難哉已上。問何不通用有六相故。而但特取同異云耶。答若約舍云別。則椽等諸緣別於總舍而已。非謂見其形曲長短。又其壞者但見諸緣各住自

法本不作耳。唯同異相隨約一緣攝帶諸緣成滿足舍力義齊同。而柱則八尺。椽則丈二。瓦則尺餘。如是長短差別之位各自不動故。但取此義而答也。

六相章云。一即具多名總相。多即非一是別相。多類自同成於總。各體別異現於同。一多緣起理妙。成壞住自法常不作。唯智境界非事識。以此方便會一乘。

大記云。總相者根本印別相者餘屈曲別依止印。滿彼印故者。根本印者離別之總。滿彼印者帶別之總也。然雖有二義。而無二總。所謂總者無別可對。故云離別。然此離別之總既攬別成。故云帶別耳。依總開別有分開滿開。故約滿開之義云滿彼印也。問若爾別外更無本總。何云依印與滿印耶。答約實而言。即不應云依印滿印。然欲令解無側至不相知處故。具分能所如是云耳。同相者印故者。諸屈曲等。一雖別。而同是圓印故也。同有二義。謂等故同。一故同也。等故同者。六相列門之同相故。諸緣相望力義齊同也。一故同者。同相一緣攝盡諸緣即是總也。異相者增相故者。初曲次曲各異增數故也。增有二義。謂內向增外向增也。謂同於總之諸緣不相是者內向增。互望和通之諸緣不相是者外向增也。成相者略說故者。謂諸屈曲合成一印故也。至於諸緣究竟之際。只言一緣。即是總故云略說也。壞相者廣說故者。諸曲各住本無爲作故也。遍徵諸緣令至不增不減自如之處。故云廣說也。

法記云。總相者根本印別相者餘屈曲者。總則一含多德。別則多德非一也。問一者是何多德。答法界法之隨舉無側之義是一也。此無側一之無盡之義是多德也。問無側一之無盡之義如何見耶。答且約此緣成一堂云。則每一一緣皆滿足堂者是也。謂隨舉一法無側起而究竟。絕待者是無側一。此一所含別德亦各統包一究竟。故每一一緣皆滿足法者。是無盡之德也。若引例而言者。文殊知識是智照無二相。若隨所依而散說。則善財見文殊時。即見三千世界塵數知識。謂能照智與所照境只是一故。見一文殊時。所依三千即是知識。故云即見三千世界塵數知識也。若捨所依而說。則總攬法界諸法成一文殊故。見一文殊時。非但得見三千世界塵數知識。亦得頓參法界塵數諸善友也。是故約一文殊盡法界際三千世界塵數知識。一亦盡法界際也。問然則一文殊耶。多文殊耶。答隨所約約是一文殊。隨所約約是一堂也。是故一文殊亦得。多文殊亦得。一堂亦得。多堂亦得也。同相者印故者。五十四角同一印圓故。云曲別而同印也。問分同滿同之義云何。答不可分異之大虛分爲十方。一方虛空同大虛時。十方虛空同時同者滿同。唯見一方同。不見餘方同者。分同也。異相者增相故者。問數增耶。位增耶。答一云。第一角第二角如是而數故。隨其數增位亦增也。一云。第一第二如是而數故云數增。然非角增故。非位增也。成相者略說故者。比如有人立在堂前。以

人一言呼堂內衆。衆皆口許。如是以印一言呼印之時。五十四角皆即是印故。康藏云。緣成和合略言標現。問同相中明一角同於圓印之義。此中明何義耶。答隨一角曲每即是印爲成相耳。非謂諸角成於印也。壞相者廣說故者。如執人身詰其人名。無有一物的受人名。如是廣辨五十四角次第詰之。無有一角受圓印名故。康藏云。緣散無作廣辨因緣也。故此印中印之圓滿者。是總相也。圓滿印之諸角曲者。是別相也。諸角曲之二齊同印者。是同相也。齊同印而不動各異者。是異相也。不動異而無所偏當即正印者。是成相也。即正印而各自住不爲作者。是壞相也。此六相門正是一乘不共方便。亦是不共法體也。以此六相且配三觀。則別相是遍計也。同異則因緣觀。成壞則緣起觀。本總則性起觀也。此則寄位言耳。若約一乘。則因緣緣起性起三觀無淺深也。總相者義當圓教別相者義當三乘教者。問圓教者是同教耶。是別教耶。答是同教也。謂印圓是圓教。五十四角是三乘。是故圓教及三乘皆同教也。何者。離印圓無諸角。離諸角無印圓故也。

大記云。林德依此處立五重總別。謂一離別之總。是五重海印之初海印也。二帶別而離別之總。亦云緣中現而離緣之總。是第二海印也。三總即別別即總。是第三海印。四亦總亦別。是第四海印也。五非總非別。是第五海印也。謂攬別成總故非總。依總成別故非別。並形奪故也。於此五重之內。初總次別。又第

二總第三別等。如是相望而作總別。又此二各具總別也。謂除初海印。於第二重佛體心是總。所現三世間別。此別不劣於總也。此中無同異成壞。此之總別只是一體故。是緣起六相之所入真源也。於第三重。不防用六相也。此亦法證非方便六相也。約第四重以去配。因緣緣起性起等三觀含有三義。謂一總相者無住別教。別相者所流三乘。於所目中。同異相者因緣觀。成相者緣起觀。壞相者性起觀。此中約所治之病爲別相耳。非能治六相中別相也。二除無住別教及別執三乘。就所目中。總別相者性起觀。同異相者因緣觀。成壞相者緣起觀也。又此三觀一各具六相也。此第四重以去是方便六相也。以此五重釋處處文義理方盡。今此文中文具五重也。

古記云。相和尚總章元年十月十一日。在清禪寺般若院中。問於儼師。受持普法軌則云何。師曰。汝能持否。且舉領毛齊提綱目正也。問是義云何。師曰。下至世俗之法。皆是中道實相也。遂說十重總別以示之。儼師行錄中總別之文卽是此也。一順總違別。謂總相果法以塵數緣成故。順則總。成總緣別故。違則別也。二違總順別。謂成總之緣自位不動故。違則總。自位不動而能成故。順則別也。三如別之總如總之別。謂別全是總故如別之總。總全是別故如總之別也。四別不知之總總不知之別。謂所成總中無別貌故別不知之總。能成緣中無總貌故總不知之別也。五離別之總

離總之別。謂總相果中緣而無不總故離別之總。無異總之別故離總之別也。六無住總無住別。謂無住者不自在義。以總相果法不住於自故云無住總。此無住總塵數緣中無所偏當故無住別也。七實相總實相別。謂總相果法離於智之分別了知故實相總。緣無別相故實相別也。所謂無相也。八法性總法性別。謂總相果法性自圓通觸緣斯順故法性總。斯順之法全無側起故云法性別也。九海印總海印別。謂無盡法數圓□頓現無遺故云海印總。頓現之法各不相知故云海印別也。十證總證別。謂總相果法唯佛證處故云證總。於此證中諸法不動故云證別也。林德云。以此十種總別平法。然後方能得見一座一蟻舍含那佛元是一身。依如是等義。方有同時具足及因陀羅網微細境界等也。問第四總別與第五何別。答第四重雖不相知。非無二位之殊。第五重則於一體上云總云別故別也。問第六無住總別與第七實相總別何別。答實相云離於智之分別。則簡於第六無住之智也。至於第八法性具足理智可知也。

大記云。如總相別相乃至常在中道者。有二釋。謂一意從總相至中道方云如字。一意於總相別相下卽云如字。解云。初意則總非別別非總成非壞壞非成等故。云不卽不一。然而總全別別全總故。云不離不異等也。後意則不卽不離則成壞相也。不一不異則同異

相也。謂下教人至究竟果處。執真妄同體故。以壞相印印之。則真妄各住本來不動。故云不卽。以成相印印之。則真妄真故云不離也。又當始覺同本覺之位有凡聖一異之病故。以同相治之。謂卽同本覺之日執凡聖一身故。以異相治之。凡聖各異故云不一。以同相治之。凡聖一量故云不異也。如是以因緣緣起等三觀。對治別執三乘卽離一異之病故。其三乘眷屬與一乘主。爲不卽不離之伴。得成圓明具德之主伴也。問用六相則病應已盡。何須更用四句耶。答若得總相則不須四句。然爲許別之人說四句耳。一乘三乘主伴相成者。問一向一乘主三乘伴耶。或反此而云耶。答有云。如後雖然。唯是一向一乘是主三乘是伴也。謂一向根本入名爲總。九入名爲別耳。非以根本入之名爲別。餘九入名爲總故。但以一乘之名爲總爲主。三乘之名爲別爲伴也。問若爾何故云主伴相成耶。答由一乘故有三乘。由三乘故有一乘。是故一乘則總含三乘爲主。三乘則要依一乘爲伴。故云相成也。一乘別教三乘別教准義可解者。用六相義唯同教門故。除一乘別教及三乘別教。然若委說。則一乘別教爲主。三乘別教是眷屬伴。約此現示中道之義可准解也。一云。前云圓教及三乘皆是同教。今此一乘別教深於同教。三乘別教淺於同教。准義可解故也。

法記云。唯住自如者。非是三乘相融體不融之平等真如也。約體相俱融無分別之處與

境相中本來不作各住自如之義云也。依三乘方便教門故高下不同等者。若約三乘方便修行。則行布因果高下不同。若依一乘實意。則因果圓融法性德用但在中道。故云無有前後也。

簡義章云。圓融行布說有四門。一三乘行布一乘圓融。如圖文云。依三乘方便教門故高下不同。依一乘圓教故無有前後等。二就此經中。外相同教有二。一上同。以空畫向空即體同空隨分無礙。二下同。下似地畫有前後故。上同是圓融義。下同是行布義。如地品中以一鳥跡通於二故。三外相同教爲行布。自體別教爲圓融。如所詮章云。安立諸教有二善巧等。又科簡云。普賢位有二等是也。四就自體別教。不壞本位是行布。無礙圓融是圓融。謂廣狹中分無分。又相入門無性不壞。又不動自位而恒去來。又六相中三圓融三行布等也。

一切菩薩陰界入等。法記云。論曰一切菩薩者謂住信行地者。信者十信。行者三賢。地者十地也。若約大分門。則信行地者三賢得證者十地也。不可思議諸佛法者是出世間道品者。不思議佛法則是佛內證也。謂猶如池水具含影像。有二義也。謂攝入諸像義及現現諸像義。而有一人立在池邊。見此諸像爲他說也。如是佛證三種世間爲自身心。如彼水中攝入諸像。以自內證隨機外向分示十地。如彼水中現現諸像。金剛藏之定中稱受佛外向法出定已後爲機而說。如彼一人

立在池邊見水中像與他說也。謂如約內證。則唯不思議法。無十地相。然以前機多三乘故。佛意欲令爲說十地。故於外向心頭分示十地。是義大不可說。剛藏入定稱受其法出定已後所說十地。是說大可說也。故至相云。地有二分。一因二果。因謂世間方便修行。即加行地分齊。果謂出世離相真證。即正證智分齊也。出世間道品者。問何故出世間處道有品耶。答若約不思議法。則雖無道品。然爲機緣分示十地故有道品。是故至相云。今此十地者攝佛因位。一乘三乘聲聞人天並在其中。爲五乘所觀。普賢證位佛果攝用無礙自在。一切皆盡。何以故。十地之法攝衆生中最初門故。地法甚深最難了別故也。明者見智得證者。以證見之智。得證衆生身心是不思議佛法也。問何故衆生不知不見耶。答若約證見之智不動。今日箇箇衆生之身心即是不思議佛法。即是世間道品。然但凡夫自不知耳。問何故至相云。前二觀解後二行解。見始智終。得始證終耶。答此但寄修云耳。若假言者。二佛世界塵數劫中。修緣起實相陀羅尼者是觀解。念念得證者是行解也。說者於中分別者有二。一若約佛心。則雖無十地。由所引機多三乘故加金剛藏爲說十地。欲令信行地菩薩證入智慧地故。乃於後得筆中分示十地以爲說也。二剛藏菩薩定中稱受後得言說以爲說也。謂佛以無言爲其說故。是無言教之本也。剛藏之稱受亦是無言。而爲待言教之本也。入者信

樂得證者。佛言。我已修習證汝身心。汝等應知更無異事。何故我等未得知耶。但以無信故不得耳。信則能知。要須信也。是故能信自己身心是不思議佛法故云信也。不捨此信而能恒守故云樂也。由如是信樂故親證自己身心故。云得證也。智惠地者謂十地智者。至相與遠師同以此句爲根本入也。問加所爲二十句者。爲是正說時言耶。爲是經家所列耶。答約文則經家。約義則正說也。問若約義則正說者。爲佛口業所攝耶。意業所攝耶。答口業也。問佛在定中無有口業爲作之說。何云口耶。答以教之所起從口業故也。此所起之教從何而起耶。本以不說爲根故是意業。若約現相放光摩頂執手觸目等示法之軌。則是身業所攝也。然佛口業稱大虛故所起之教亦稱大虛也。攝入者。信聞不思議法之心其法頓現故云攝也。心契稱法故云入也。聞惠中攝一切善根者。佛陀三藏云。稱體聞惠攝圓宗理與理相應爲可貴也已。上。稱體者。稱海印體也。比如衆苗皆依大地。世出世間一切善根無有不依海印而起。不依海印而住也。此海印之法於信心中了了頓現。故云聞惠中攝一切善根也。思議入者。聞惠所聞思而不失也。議者。於思惠中所思之法。以意言觀了其相狀。入者同上。一切道品者。不思議法也。智方便者。若聞法時心不外緣。專依此法相續思惟。是方也。由如是故。心便於法。是便也。分別選擇者。其心行於所聞之法。別其逆順。由如是故。取其順

法是選也。捨其逆法者，是擇也。法相入者，所思之法於心現現了了分明故也。彼彼義者，以不思議法非一故也。無量種種知者，凡所觸向對面無非不思議佛法故。所知之法既無有量，能知之智亦無量也。教化入者，前攝入中聞不思議法，思議入中思察其法相，法相入中彼不思議法現其心也。菩薩最初發誓願者，非先自度，欲先度他故。以其心所現之法教諸衆生故。云教化入也。隨所思議名字具足善說法者，以其思惠所思之法教化衆生故。云隨所思議也。稱前聞惠所聞之法立名教化故。云名字具足也。善決定說者，若以傳聞之法而教他，則非善決定說也。比如明見掌中之珠，心中了法亦復如是。而以如自所得法爲他演說故。云善決定說也。證入者，以自所得之法化衆生時，自行即滿故也。一切法者，是不思議法也。平等智者，此菩薩心得彼法時，其心與法不可得分。比如以器汲盈池水，還注池中，不可得分。此是器水此是池水，故云平等智也。教化衆生即是自成佛法者。問何故至證入後方釋教化入耶。答辨證入時方現利他即是自利之義也。謂菩薩發誓只欲度他，然先度他時，法爾自證真如法故。至證入後釋教化入也。不放逸入者，如緣柱時，心若有轉，即是放也。由其放故，趣於他境，即是逸也。如是菩薩依不思議佛法其心不轉，又於他境心亦不趣，故云不放逸入也。言一切魔法不能染者，魔有四種，一天二人三陰四煩惱也。煩惱魔者，三毒爲

根所起煩惱也。謂修行之心對違順境，或或貪，不能寂靜，是煩惱魔也。陰魔者，五陰之中，四是心。一是色，修行之時，貪求衣食等及五塵境界，是色魔貪求之心，是心魔也。人魔者，修行之時，父母檀越惡友好色等類，皆人魔也。天魔者，修行之時第六天魔即自思惟，此人起其勝心修其勝行，必得勝果。非我眷屬，是故不離此人常欲惱亂，若不能惱亂，即欲令其死，此等是天魔也。地地轉入者，七地已前雖能趣向無相而修，然是有功用位故，猶起加行作意，乘於自心行力而修八地已上，無相觀智現前究竟故。乘本誓願及與法力，任運進修故。云地地轉入也。無貪等善根淨者，不思議法中本無三毒故。無貪等善無始時有，然約寄位，則七地以前有功用位執心不捨故。三種善根清淨之義不得現前。至於八地任運之位三種善根淨義竟現前。云無貪等善根淨也。復有善根等者，決伏疑也。於十地中，一地皆有地前加行善根，約有地上善根故。約地前加行，云復有善根。約地上善根，則是不思議佛法也。疑云七地以前加行善根生於八地以上善根耶。爲決此疑故，云唯八地之加行善根生其八地善根也。是故云復有善根能爲出世間道品因也。菩薩盡入中如來秘密智者，約不思議佛法，則雖無十重，而隨寄位且分十種秘密智也。此秘密智是不思議法故。約得此法云入一切如來秘密智也。佛盡入中於一切智入智者，一切智者是佛一切智一切種智也。入智者，

菩薩智也。由菩薩智入佛圓智故。菩薩之智亦成圓智也。問菩薩盡入中云入如來秘密智，與佛盡入中云入佛一切智，何別。答菩薩盡入中得不思議佛法，而但是盡果之因位。佛盡入中得不思議法，是盡因之果位。故別也。問遠公以佛盡入爲在因中，與菩薩盡入何別。答約建立則菩薩盡入立第十地，佛盡入立佛果位，而以佛盡爲因中之果者，以信行地菩薩得不思議佛法故。以爲因中果，而云得佛果德，非謂佛盡爲在因也。是諸入爲按量等者，從是諸入至差別爲所按量者，是遠公之意。從諸入至轉勝爲所按量者，是藏師之意也。遠公意則三賢十地次第轉勝之位，是所寄故是所拂也。九入差別是根本入中德義差別故，非所拂也。藏師意則三賢十地是全不思議佛法之位也。攝等九入亦全不思議佛法也。是故九入差別及三賢十地之轉勝皆不捨也。是則智義差別之九入次第轉勝三賢十地皆非所拂，是故按量而不捨也。其三乘中行布次第差別轉勝決定者皆所捨也。問既全不思議法之三賢十地應無勝劣，何云有轉勝耶。答雖無情計之勝劣，亦有緣起之勝劣也。問緣起勝劣云何。答猶如瓶中含大虛空，甕中亦爾。然含大空之瓶童稚能提含大空之甕童不易提。如是十信位中攝盡法界，十住等位亦攝法界，雖攝法界義同，而隨位別故。攝法界之十信是劣，攝法界之十住是勝也。故緣起差別非所拂也。是故約一信位，成佛之義順梵行，將二德

立爲圓滿佛。餘人等立爲隨分佛。於是林德舉此二義。就問相元曰。俱非和尚之意。則以十信一位形十住等爲門別故。云隨分佛。然全攝法界究竟無側故。云圓滿佛也。是以一乘隨何一位。成佛之時具足分滿二義也。已上。故藏師之意。九入中入者。是根本入之入也。九入中攝等九者。是根本入中智惠地也。故皆不捨也。此言說解釋者。有三義。遠公云。此九入言說中。以六相解釋之義應知也。藏師二釋如疏。除事者。謂陰界等者此義實難可解。故林德問於大乘問公。問云。於陰界入須六相則融之無難。而言除者。言三科百法不用六相也。然而若除陰界入。何處用六相耶。故非吾所可知也。餘師云。六相者引三乘時之所用方便也。然彼所執體性各別。三科法上用六相。則其法雜亂不得利益。故云除事也。融順和尚云。要以六相言說說花嚴經。若以三科百法說。則是三乘。故云除事也。

藏疏釋加所爲中二十句文依二利分。初十共他自利。後十共自利他云云。前中論王佛四門解釋。一總釋現本云云。四本末無礙。初中總論地法緣起有六義。一一切菩薩是信行地者。舉所被機。謂地前菩薩未證真如。但依信心而起行故云云。不可思議諸佛法者是出世間道品者。此是所得之法。然有二釋。一約因謂十地法體是出世間。無流之法。心言路絕。名不思議。通生佛果故。名爲道。下云。大聖道者是彼因故。

十位品類差別名品云云。二約果。謂佛所得之法故名佛法。非下位圖托名不思議。令地上菩薩分證此法名出世間道品。地智所遊曰道。分證未圓名品。三明者。創闢名見。委照名智。智照非比故名爲得。冥神契合故復名證云云。四說者於中分別者。於此能所證得法中。以言分釋十位差別明智行優劣功惠等異故也。五入者信樂得證者。謂地前信樂遠有入義。地上證得現成交入。通論入義。必從此至彼故具始終也。亦信始樂終。得始證終。六智惠地者謂十地智如本分中說。謂此證理聖智有生成住持佛果等用名地。始從歡喜終至法雲。本分中現可知。此上六義融合無礙通教。及義通證。及比通境及智通入。及法通因。及果混通無礙。總爲一圓名十地法。若展於後種種差別。皆悉於此總句中出。是故名此爲根本入。二依本開未分成九句。於中四位謂願樂位見位。修位。究竟位。初四寄前地前願樂位。次一寄初地。次三寄修位。後一明究竟位。問此中正爲說十地法。何故乃說地前及佛果。答爲現十地前有起下之功後有成上之義。又釋由十地證智放阿含光。是故地前是此十地阿含分攝。由此地智依果海成故有佛果。上不思議佛法及下鳥跡所依空等。並是其事。初中初一約開惠修善根名攝一切。二明思惠之始。簡擇道理。論中智方便者釋善分別也。道品釋佛法也。三思惠之終。謂因思

廣知。彼彼義釋諸法。種種。知釋廣知。四明修惠。無疑立教可信故云決定說。謂修通二利。今舉利他。菩薩化他即是自成佛法故。入自利攝。論中隨所思議是思惠所思名字具足是開惠所持。故決定說也。上來現信樂。自下辨得證。五見位云云。論中一切法平等智。釋無分別智。謂於初地正證真如。無能所二相。故云平等。見道時中善清淨者。釋善淨不雜。謂離二我分別隨眠。六明修道位中地地別斷一無明。故於煩惱障亦永伏離。故云世法不離名不放逸入。魔法是母法也。七明修位中智行轉進名地地轉入。謂無流善根永離一切三不善法。無貪等善根等者。等取無嗔無癡也。復有善根能爲出世間道品因者。是諸地中加行善根也。八十地學窮名菩薩盡入。如下大盡分中明。第十地菩薩入如來十種秘密智。以祕隱深密難可測知故名不思議。九究竟位明因道既圓佛果斯剋窮滿果圓名佛盡入。論中入智者。釋得字也。三會末歸本。言是諸入者。騰上九入爲按量等者。現其無別之別。謂寄地前地上乃至佛地。按量地智差別次第轉勝之相。非謂根本入中亦如此等行布次第決定差別。是故融末歸本現無二矣。前依本起末明無別之別。今會末歸本明別而無別故也。四本末無礙者。謂明六相總別無礙故也。釋此六相義作六門。一明教興意。謂破定執見以現緣起圓融之法。此理現前一



切惡障一滅一切滅一切行位一成一切成等二種類者不自不他等四句及不有不無等四句并不生等八不十不等皆悉會事入理是此流類但彼等入理以順一寂今此入理圓融彼事使相即相入成普賢法有斯左右耳三明所出者此文出在下經第四大願中經家自說非是論主率意而作四明建立者何故唯六不多不小者謂汎諸緣起法要有三門一末於本有起不起二彼所起未既帶於本是故相望有同有異三彼帶本之末既為本攝是故當體有存有壞若不具此三不成緣起三各二故但唯六五問答決擇者有二初逆謂非總別等各自互相形奪諸相皆盡故也二順謂亦總亦別等各各順相成就等思准作之六釋文有五一約法舉數謂於所說法中有六種相等二辨定教義此言說解釋者是定教謂於此中安此六相之言說為欲解釋經文應知此義又釋此中釋六相非是此處經文但是論主解釋之意應知除事謂陰界入等者此辨定其義謂約道理說融通非是陰等事相中辨故除簡之三列名可知四釋相中別內別依本者明依總開別滿彼本者還能成總謂要依本之別方能滿本故也增相者是前九入漸增之相以現異也緣成和合略言攝現緣放無作廣辨因緣如世界成壞者舉喻以現謂如百億四天合成一娑婆略言攝現為成若分別廣說百億差別令

一娑婆無所依住故為壞五餘一切者勸於一切處准類知之

總非以餘九入名為總一向餘九入名為別非以根本入名為別也問若爾何成本末無礙耶答依總開別時若破根本總而成九入末則別礙於總也會別成總時亦若爾則總礙於別也然而總不動而成別別不動而成總故本則恒本末則恒末而能成無礙也問六相章云緣即是舍故名總相舍即是緣故名別相已上依此文則可許本還為末末還為本耶答一乘之中若不成就則已成則離始終故雖云緣即是舍既是舍時離始終故非是先有別緣後成舍也是故不云本還為末末還為本也問緣是別緣既云緣即是舍故亦有攝入等別為總之義故亦可云末還為本之義何不然耶答若攝入等為總之義即是根本入故但以總名為總不以別名為總也是以攝入等若為總則但云根本入也

古記云根本入大虛之中有八難也若得知此八難則雖不見其本疏可謂得知地論之妙旨若不知此八難則雖得一二十家疏不可謂知地論之旨也謂一此大虛中雖無總別之相而有可分總別之義此難見也謂於上五重總別約初三重見也二此大虛中雖無諸教行位而有可分諸教行位亦難見也於所流三乘九入處見也三此大虛中雖無常無常而有常智斷障無常智斷障亦難見也約復有善根等文見也若約品會者是差別平等二周因果修生本有之二智也四此大虛中有

常無常智。合成一無流智。亦難見也。謂初會四十類法體及法界會神衆則有爲也。普賢文殊等同生衆則無爲也。此有爲無爲合成法身。毘盧遮那自體智也。五此大虛中有生滅不生滅。合成法體。亦難見也。是無住別教門中無淺深三觀之生滅。證分中無生佛法之不生滅也。六此大虛中不動根本無明即是滿足法體。亦難見也。於終教根本枝末等無明以普字印。印定而見也。七此大虛中於佛盡入發心。於攝入位成佛。亦難見也。約是諸入爲按量。智義差別等文見也。八此大虛中無地獄位發心之人。然有地獄中發心成佛。亦難見也。依此言說解釋應知之文見也。

諸法各異至諸地功德。法記云。諸法各異住自如故。一如多如如相不可得者。約五十四角故。云如如而不可分。此是第一角如此是第二角如等故。云相不可得。約一角時即約五十四角故。云如如約第二角亦如是也。至此竟答前問。上云。因果不同而一家實德性在中道。未知所由之義。

大記云。是故經云。問云何深信佛法。答一切諸法唯佛所知。非我境界等者。引勝鬘經證上自謙也。謂前云。此義其實難解。雖然依天親論主。乃至隨分可解云者。意云。唯佛所知。非我自分所解。然依教理隨分現此義也。是故引經中仰推之智而爲證也。彼經云。成就甚深法智爲第一人。成就隨順法智爲第二人。仰推如來非我境界爲第三人。解云。初則

證智。次則三賢。後則十信也。

法記云。七處八會及品類不同而唯在地品。所以者何。以是根本得法盡故者。如悉曇章。一切諸字初章爲本。如是世出世間一切諸法十地爲本。故云攝法盡也。

古記云。一乘十地如何見耶。答。浮石山四十日會和尚云。一乘十地橫也。豎也。相元智通等以謂已得和尚之意。及其會終各呈所領。和尚曰。並不得也。一乘十地者。依寂滅道場始成正覺佛心而見也。後林德釋云。初會十地者。如生盲人見色而見也。光明覺品以去十地者。如生聾人聞聲而見也。謂依初會本起後光明覺品十地。修生十地。佛果十地本有十地。離世間十地入法界十地也。問。一乘無盡十地如何見耶。答。三乘中依三千界法明也。一乘隨門中亦依界法明也。自別教中依於種法明也。三乘十地者。初地依百葉蓮花明也。謂仲密證遍滿真他受用身之所依也。亦是應身也。其百葉中全統一葉則淨土之化也。又一乘中各有百億釋迦。則穢土之化也。二地則依千葉蓮花明也。准前可知。乃至第十地則依無數葉蓮花明也。亦准前知此。三乘中蓮花者。十地菩薩之所依住也。一乘蓮花則是十地體也。一乘隨門中依界法辨者。同於三乘。但以六相成故別耳。言依種辨者。初會中合有五十重十地。謂教分之一重證分之五十五重也。言教分一重者。世界海中有十不可說佛刹

塵數之香水海。最中央海出大蓮花。此蓮花上有世界種。此一種中有二十重世界。此二十重即是十地。十地各有自分勝進。故有二十重也。如此一種既有十地。餘一種皆有十地。故有十不可說世界塵數十地。故云無盡十地也。此則一重耳。若進見者。即有重重無盡十地。可思。言證分十地者。約五海十智見也。謂以海入智故有五海。則五重十地。以智入海故有五百智。則五十重十地。是故證分中合有五百五十重十地也。是約一行門也。若進見者。即有重重無盡十地。可思。問。三乘以歡喜離垢等爲十地。一乘中何以名耶。答。同教隨門中與三乘同。若別教中世界名海名智名等皆十地名也。圓教門中歡喜等名世界等名皆十地名。謂三乘中唯有名耳。無實法體。圓教之中以具法體爲十地也。又三乘初教十地者。豎位也。謂從十信十住漸至佛果故也。熟教十地者。橫位也。謂於一如來藏體中之所分立故也。一乘中具橫豎也。謂橫包虛空法界。豎貫九世十世故也。十信十住等皆從十地而起也。故藏師云。十地者前攝地前上攝佛果也。會會本分皆云有海。是知皆以十地爲根本也。和尚之意應知爾耳。

法記云。不起一地普攝一切諸地功德等者。此中正明緣起法。故云一攝一切也。問。若約緣起。滿足無側法者。即其一言已足。何必重言普攝耶。答。實則如是只言一地足矣。



乘總是入一乘攝。何以故。以一乘所流。一乘所目。一乘方便故。若約此義總攝五乘。一乘修行者亦得。所流所目者。約緣起道理。諸方便者約智語。何以故。進趣不住名曰不退心者。不名方便。故亦可約聖者意說。何以故。以善巧方便引接衆生故。如五乘說。人法因果解行理事教義等。一切諸法准例如是。問。所謂五乘等法。爲是能詮教法耶。爲是所詮之義耶。答。能詮所詮一切諸法皆在言中。其義如何。所詮之法言相皆絕。諸佛世尊以大慈悲本願力故。諸佛家法如是故。施設言教爲衆生說。以是義故教網所攝一切諸法。皆悉而言。是故經云。一切諸法但有名字。即其義也。問。證令之法言相不及。言教之法在於事中考。證教兩法常在二邊過。答。若約情說。證教兩法常在二邊。若約理云。證教兩法舊來中道一無分別。所以得知。遍計無相。依他無生。眞實無性。三種自性常在中道。三法以外更無證教。是故當知。一無分別。是故至人得此理故。名相不及。爲衆生說故。言在事中。故經偈云。一切諸如來。無有說佛法。隨其所應化。而爲演說法。即其義也。是故聖者。隨遍計故建立三性。且安窮心。漸漸已後現三無性。覺悟夢人。此即聖者大善巧也。問。如攝論云。遍計所執凡夫境界。依他眞實聖智境界。何故聖者隨遍計耶。答。遍計諸法顛倒故有。是故論云。凡夫境界畢竟空故。無所可對。是故論中非聖境界。非謂知空非聖境界。是故聖者慈悲方便。隨眼病故。言說空花。有何防難

意在於此。依他起相起因緣生。無有自性。離二邊過。與無我同圓成實性。平等法性圓融。彼此不可分別。蓋來一味。以此義故分別不及。是故論云。聖智境界別意如是。若約實說。三種自性皆是凡夫境界。何以故。隨情說事安立三故。三種自性即是聖智境界。何以故。隨智現理非安立故。是故經中。亦有處三性。以外別立三無性。所以者何。隨情安立。約解門故。別立三無性隨智現理。約行門故。三性以外不立三無性。尚二性以外無有眞實。何況三性以外別有三無性。所以得知。無相等智現前。究竟無法可對。唯在中道故。是故須解立教所由。問。如上所言。證分之法及緣起分法。有何差別。答。別不別。其義云何。證分之法約實相說。唯證所知緣起分法。爲衆生說與緣相應。是故全別緣起之法。從衆緣生。無有自性。與本不異。是故不別。問。若如是者。以自所證爲衆生。與末不異。尋常差別耶。答。亦得其義。若爲所證在言。與末不異。言說在證。與本不異。與本不異故。用而常寂。說而不說。與末不異故。寂而常用。不說而說。不說而說故。不說即非不說。說而不說故。說即非說。說即非說故。說即不可得。不說即非不說故。不說即非不說。二俱不可得故。二俱不相防。以此義故。說與不說等無差別。生與不生等無差別。動與不動等無差別。一切差別相對法門。准例如是。是故經云。有爲無爲一切諸法。有佛無佛性相常住。無有變異。是其義也。亦可。正說法中。言說以外更無別義。以

言爲義。正義法中。正義以外更無別言。以義爲言。以義爲言故。言無非義。以言爲義故。義無非言。義無非言故。義即非義言。無非義故。言即非言。言即非言。義即非義故。二俱不可得。是故一切法本來在中道。中道者通言非言。何以故。諸法實相不在言中。離名性故。言說之法不在眞性。在機益故。在機益故。名無眞性。離名性故。名而無名。名而無名故。以名求實實不可得。名無眞性故。名而無我同名而無我同故。名性不可得。以此義故。二俱不可得。唯證所知非餘境界。是故經云。一切諸法唯佛所知。非我境界。問。前後兩義有何差別。答。前義以本末相即相融。現中道義後義以名義互爲客。現無我義所現道理不異能詮方便別。此則本末相資。名義互客。開導衆生。令致自體無名眞源。能化所化宗要在此。問。此義當頓教宗。何故此問說。答。如上說。說與不說等無差別。何以故。總是實德故。無有妨難。且護分別故順三乘說。蓋是智者勝妙能也。如上證分及緣起分義。當論中義大教大也。背反分別得無分別。名曰無緣。順理不住故。名善巧。如說修行得聖者意故。名爲提。如意如前。歸家者證本性故。家者何義。陰覆義。住處義故。所謂法性眞空覺者所住故。名曰爲宅。大悲善巧。陰覆衆生。名曰爲舍。此義在三乘。一乘方究竟。何以故。應法界故。所謂法界陀羅尼家。及因陀羅尼家。微細家等。此是聖者所依住故。名曰爲家。隨分者。未滿義故。資糧者助善提分故。如下經離世間品

中二千答等是也

初云。緣起證。准例可解。大記云。初云緣起體者。即是一乘陀羅尼等者。緣起之體通十普法。然云真性唯約有情門者。以下文云。今且約一門現緣起義。而約十二支解釋故也。問。前以行實滿義配證分者云何。答。若有行者。唯依證分而修。唯依數分而修。則非實行也。和尙之意。則雙證證教而修。爲實行故爾也。以證滿義配緣起分者云何。如示總相所具法時。開其別相。如是欲現證分之中滿足法故辨真性故爾也。

法記云。且約一門現緣起義者。指真性也。問。何故不釋法性真辨真性耶。答。以彼證分不可指示故也。大聖攝生等者。比如醉人見庭中杙。謂爲寶鬼。如是衆生迷其十二有支。即是甚深真性之體。計爲生死之法。是故大聖起大悲慈。令其得知十二有支。即是甚深真性之體故。云令諸有情知事即無。即事會理也。大聖通見杙與鬼耶。答爾也。以下文云。聖人陷病眼故。言說空花。有何防難。故知通見也。論云。自相等者。自相者指自身也。報相者唯是色時。非是報也。唯是心時亦非是報。約此心之抱不淨色時。爲報相也。名色者。非色四陰無相深淺。非名莫現故。云名也。色相龜故。當體云色也。又釋唯是心時不可立名。唯是色時亦不立名。但約此心抱不淨色之初刹那。目爲人身。目爲馬身故。云名色也。共阿梨耶識生者。求生中有將種子藏梨耶識生。猶如有人帶中盛物。將去水中將去火中。

隨意往也。本識如田。無明反行如下種子。所下種子。是生五果之種也。愛取二支。如土與水。其有支則是能生。生老死之業也。其生老死則是所生果也。問。五果是種耶。答。五果非種。但能生五種之種也。問。五果之種是何。答。梨耶識中三性種也。此種在於第三識支位中。是故此種合爲識也。於三界地復有芽生者。此是諸聖最起甚深大悲愛之處也。復者往而復來。往而復來故云復也。彼因相者。彼因者梨耶識也。相者名色也。彼果次第相者。於中有六支也。此二示空等者。約色而推色無病苦。約心而推心無病苦。如是無知無覺故。自體無我也。非衆生數者。色與心合方得處處受生。若色心離。而但是色時。不得受生故。云非衆生數也。即成實性者。一塵無自性。以一切法爲自性故。無有一法非一塵性。是故云成實性也。此塵即是海印之體故云實性也。隨順觀世諦等者。猶如水中攝入諸像。是自利故。爲真諦。水還現像。是利他故。爲俗諦也。是故若順世俗。即得入真也。以第一義諦而外之義爲俗諦。十二因緣故隨順觀世諦。即入第一義諦也。

探玄云。第二具足諸苦中有三。初現十二緣相。二如是下結成苦聚。三是中下明緣體空彰有是倒。論中。於前初段內。前之三支合爲一分。二於三界下辨後九支。於中論主分爲三相。一自相。二同相。三顛倒相。釋有二門。一約分位。二約隨義。前中自相者。謂明現在因緣體狀故。二同相者。謂未

來因緣同現在故。理實現在亦有生老等。未來亦有識名色等。今約分位分相故立二相。三顛倒者。現緣體實空現執有是倒。二約隨義者。一約從因生微細行相。是緣起自相。二約果相。現彰緣起過患。遍通果位故。云同相。三緣實無我妄取爲倒。問。同相中二支。一向是果。一向現行。自相七支爲現果爲因種。設爾何失。俱有過故。若取因種。則不應言三界地生芽。若取現果。即彼前四不異生等。後三復非所生果攝。答。此等並是現生果位。却談因。名以現自相。就自相七支內論分爲三。一報相。名色共阿梨耶識生者。謂名色支中。有義通攝一切名言種子。阿賴耶即識支通有三義。一依雜集論第四。以業種爲識支故。屬能引識種入名支攝。是故此支前支一處釋者。以俱足能引故。二以本識種爲識支。是故此中識種及名色等種。爲惑業引潤力故。起此種子。令生苦果。三現行第八亦是識支。是故此中因相。云名色不離本識故。謂此共識所生名色生已。依於現行第八爲彼執持故名因相。理實此中識等五種。由前熏發同特而生。但依當來現起分位。有次第故。說爲前後。是故名爲彼果次第相也。愛取有三。雖非所生。然正生時具有此。故唯識論說。生引同時是此義也。云云。此明本識與能依和合。名爲報相。二現能依無體於所依故。說此識名爲因相。三能依相盡唯所依。轉轉入彼位名果。亦以

本識轉爲此果。是故漸略餘相。皆盡唯有識在。此上約始教。若約終教。則此本識是如來藏。初則與染和合。次則染法依真。後乃染不異真。故唯真轉也。如是因緣下。結苦聚也。是中無我下。現顯倒相。並如論釋。

觀師十二因緣觀云。十二因緣者。乃是生死大樹。亦名生死大河。何故名樹如世間樹。有根莖枝葉花果相續而生。十二因緣亦復如是。過去有二因。名之爲根。二因者。一無明支。二行支。現在有五果。五果者。一識支。二名色支。三六入支。四觸支。五受支。現在有三因。三因者。一愛支。二取支。三有支。未來有二報。二報一生支。二老死支。過去二因中。一無明支者。謂過去一切煩惱名無明支。又云。於緣不了名無明。二行支者。謂一切身口意善惡等業。悉皆名行。以無明故發生於行。無明與行二種是過去二因也。行者生死業也。此二能感現在五果故。名之爲根。現在五果中。一識支者。以有過去行業發起現在識神。初受生時。入胎一念心。名之爲識。二名色支者。以有受生識故。發起名色。名色者五蘊也。謂第二念已去心也。與父母赤白精血和合。乃至百日諸包未開。但是肉團。未成眼耳鼻舌相。但有名色故名名色。三六入支者。由名色故發生六入。六入者。六根通住識道故爲六入。此謂在胎內百日已外也。肉團之內。起業生風吹肉團開敷。變作諸根。

相名爲六入支。四觸支者。由六入故發生根塵識等。三事和合觸對名觸。此謂出胎已去兩歲也。未分別餘塵。但能覺飢渴熱寒犯火觸毒。則啼哭之名爲觸支。五受支者。由觸境故發生於受。領納名爲受。此謂兩歲已去。心漸分別諸塵。五六歲已來。名爲受支。此五支酬過去二因。名爲現在五果。如世間樹。既有樹身。須有枝柯花果。愛取有三因。復感未來生老病死二報。現在三因中。一愛支者。由領納故發生於愛。於緣起染名爲愛也。此謂七歲已去十五已來。愛花貪果。心欲追求。名之爲愛。二取支者。由染愛故發生於取。於緣染入有所執故。名之爲取。三有支者。由取着故發起於有。身口意造作。能招未來有。以未來果日爲現在。三因故名有也。此謂隨其所取財色殺盜邪淫。取得入手稱遂本心。慳思成業。能有當來果。名爲有支。如花結果。此花能生後果。復名爲因。既有其因。能感未來兩報。兩報者。一生支。由現在發起。令有未來受生。於法始起。名爲生也。二老死支者。由有生故起於老死。生是老死之緣故。生緣老死。此二支是後生果。果復爲因。因果相生猶如大樹。一切衆生皆爲十二因緣。漂流流轉。隨逐生死往來三界。牢獄之中受苦無窮。如世間河漂沒相似。凡夫不覺故。智者了達則不從流。修道斷除即得出離。夫十二因緣者。生死繫縛之因緣也。必須滅此因緣。乃得免於生死。是

故經云。無明滅則行滅。乃至生滅則老死滅。滅此因緣要須修道問。云何修道。答。推求十二因緣根本乃是無明。因無明故起煩惱業。因業故起果報。有果報故有苦。皆因無明爲根本。流轉生死分離三世如樹如河。智者了知。欲伐其根及斷其源。猶如伐樹。先伐其根。亦如斷水。先斷其源。今欲伐斷十二因緣樹河。先斷無明。無明何者是。答。不覺心是。以不覺故妄起分別。心外見境。謂有謂無。謂是謂非。謂得謂失。諸果報法身心等苦。皆是無明之力。我今欲斷無明。先須自覺心源。隨心所起一切妄想。皆從不覺心生。今須知自心之本性。無生無滅無來無往。何得知。一切妄念忽然妄起。覺則不生。云何名覺。如貪瞋癡起時。還以自心觀察思量推求。此貪瞋癡有何形狀。爲青爲黃。爲過去爲未來爲現在。爲在內外中間。推求貪瞋癡都無形狀。若貪瞋癡本來是有。今日覺時亦應可見。今覺即無。故知。由不覺故忽然妄起。覺則不生。故。覺是無明對治。此覺現在無明不得在心。以無無明故。一切妄想煩惱不生。煩惱不生故。業不生。業不生故。無過去二因。無二因故。現在五果不生。五果不生故。愛取有三因不生。三因不生故。未來二報不生。名斷十二因緣大樹。濁十二因緣大河。此十二因緣無處。名爲涅槃。此自覺聖智名爲菩提。

真記云。大聖攝生欲令契理捨事等者。此約

同教義云也。一報相者，如來藏與染和合成名色報。如大海水因風成波也。二彼因相者所起名色，即是如來藏真識。如所起波即是水也。三彼果次第相者，彼所起果無有餘物，唯一真心之所迴轉。如差別波，波唯一海水所迴轉也。此中離我所者，唯一真心之體無有餘物。何者是我，何是我所乎。非衆生數者，猶如流水恒流不絕無厭捨時，由無念故也。衆生亦爾，流轉生死無斷絕者，只由自體無我故爾。是故云非衆生數也。黎耶微細者，黎耶即如來藏故也。即成實性者，約三乘云如來藏實性也。約一乘云甚深真性也。下云此義在三乘，亦通一乘故也。

古記云。林德入唐，得達融順和尚問云。一乘中言黎耶者何耶。順曰。一切諸法皆以黎耶爲本。廣則無量，略則有五。謂一白淨無記識。持三性種。二阿摩羅識。持恒沙德。三性起識。持十善法。四法界安立識。持三種世間法。五法界因陀羅識。持無盡因陀羅尼法。全法界之有爲。全法界之無爲故云黎耶。共善等三性及無爲集起。

法記云。所謂因緣有分次第者。因緣者生十二支因緣也。有者三有也。分者十二支別也。次第者。初無明支乃至最後老死支也。一心所攝者。一心是能攝也。所攝是十二因緣也。自業成者。簡他邪因。不簡自佛法中疎緣義也。前門中云十二因緣是一心所作。恐有疑云。唯一心作不待緣耶。故明要由業故。作十二因緣也。不相捨離者。前支不離後支。後支

不離前支故也。前門現自因生中。增上緣之成十二緣義。此觀現自因生中。因緣之成十二緣義。三道不斷者。欲現不斷三道故。十二支不相離也。觀先後際者。明前門中不斷三道者。以過去無明生現在五果。以現在三因生未來老死故也。三苦集者。現其以三際。因得此具足三苦之身。此觀取因所得果以立也。不取能生因也。因緣生者。因緣是俗諦所依也。生是所生果法也。破因緣親疎偏力。現全力生果義也。因緣生滅縛者。廣俗諦所依也。生者所生果法也。滅者即離因緣生果之力義也。縛者順縛也。謂生則順縛於滅滅則順縛於生故。和尚云。生是無側之生。此生即無生也。滅是無側之滅。此滅即無滅也。此二無二。是滿足生滅也。以滅縛生時。生雖非滅亦不離滅。猶如以繩縛置二人。雖不相離。亦非合爲一身。此則分喻。非是滿喻也。此中

生滅則今日所用之法。現前爲生。以本不生爲滅也。是故以滅縛生。滅是能縛。生是所縛。以生縛滅亦如是也。此觀破前全力生果之義。以現資於無力。無生之緣生果法義也。又云。心惑者。世出世間心煩惱也。迷世間法。名爲世間心煩惱也。迷出世法。名出世間心煩惱也。如是增執於所執法。迷其理事。名爲人法二我執也。此二我執。前第八觀治之能迷之心。於此觀中治也。隨順有盡觀者。問何故此性起門中。以前緣起門。無力無生之緣生空果之義。爲所治耶。答。性起門中。空有並現故。能治於前門偏空之執也。十番離別

而同成無我者。一乘中以海印體爲無我也。如十二因說餘緣生諸法准例可解者。上來直現法性。而機難得證故。改云真性指緣起體。將欲令習。且約衆生十二支。以十番觀而指示之。故餘一切法亦爾觀也。如是教誨故。云准例可解也。

真記云。若約別教一乘略說十門者。前引論云。隨順觀世諦即入第一義諦者是同教也。今直辨十番意故。云若約別教一乘等也。若以十番觀一無明支。則具三世間成一無明支體故。不動過患即是性在中道之法也。如一無明乃至老死等皆亦爾也。問。所觀如是能觀云何。答。能觀亦爾。初一因緣有分中。具攝餘九。餘九亦爾也。然雖各攝餘九。而初則觀有分次第。二則觀十種性起心。乃至八因緣九緣起十性起。如是爲門別也。問。璣路經十番與花嚴經十番何別耶。答。璣路經十番。盡於一法界體。此經十番。則盡於無盡法界故。云准教差別不同也。

大記云。真定德於十番中以三生滅釋也。謂前七遍計生滅。第八因緣生滅。後二道理生滅也。林德以四生滅釋也。謂前因緣生滅。第九緣起生滅。第十性起生滅。越情見處無住生滅也。訓德以五生滅釋也。謂中間五觀則遍計生滅。第八因緣生滅。第九緣起生滅。第十性起生滅。初二觀無住生滅也。今依訓德之意釋。則無住生滅中。第二觀後半。是無住體。初觀及第二觀前半。是無住位也。以其十二緣相等爲無住。別教中二十二位故也。



清涼第六地疏云。今經文內。略現十重窮究性相。以現無盡非唯寄位同。於二乘言十重者。一有支相續。二攝歸一心。三自業助成。四不相捨離。五三道不斷。六三際輪迴。七三苦集成。八因緣生滅。九生滅繁縛。十隨順無所有盡。各有逆順。即成二十故。下經云。如是逆順觀察。逆則緣滅。順則緣生云云。於緣起論。三觀者。一相諦差別觀。二大悲隨順觀。三一切相智觀。初但觀二諦。有為無有我故。即大悲為首觀也。二悲隨物增。即大悲增上觀。三即委悉窮究因緣性相諸門觀故。即大悲滿足觀。初一下同二乘一切智也。次一自現菩薩道相智。後即上同諸佛一切種智。故涅槃云。十二因緣下智觀故得聲聞菩提。中智觀故得緣覺菩提。上智觀故得菩薩菩提。上上智觀故得佛菩提。初二菩提。即初觀意。餘二各一可知。前約為物三皆稱悲。今約觀心三皆智觀。是知三句各有悲智相導。此三觀唯在一心。甚深般若於是而現。探玄云。何者十觀一因緣分次第云云。十隨順無所有盡。於中各有順觀逆觀故。有二十門也。謂順觀大悲不住涅槃。逆觀大智不住生死故。名不住道云云。一因緣分次第中。正現有支無我。於中有二。初明倒執有我妄起緣分。二明迷諸諦理起緣次第。初中有三。一辨定無我。二迷成緣起。三云云。初中二句。初言世間受身皆由著我者。反舉感情明我非理。若我理有著我。順理應

得出世。既生世間明我非理。二若離著我即無生者。順舉解心明理非我。若理有我離我。這理應生世間。既得出世。明理無我。二明迷此無我起彼有支。於中先順觀緣起後逆觀無我云云。二一心所攝中。言三界虛妄唯一心作。此之一文。諸論同引證成唯識。今此所說。是何等心。云何名作。今釋此義。依諸聖教說有多門。一相見俱存故說唯識。二攝相歸見故說唯識。三攝數歸王云云。四以末歸本。五攝相歸性。六轉真成事。七理事俱融。八融事相入九全事相即。十帝網無礙。於中初三。約初教說。次四約終頓說。後三約圓教中別教說。總具十門。約同教說云云。三自業助成中。此十二支皆有二義。一明自行相。二助成後用。謂緣中癡惑是無明。自相與行作因。是助成業。四不相捨離中。前能起後。離後無前。後依前起。離前無後。不相離故。各無自性。無性緣起如幻現前。五三道不斷中。如淨意菩薩十二緣。論云。煩惱初八九業二及與十餘七說為苦。三攝十二盡。從三故生。二從二故生。七從七復生。三。是故如輪轉。一切世間法唯因果無人。但從於空法還生於空法。解云。此辨三道相生現。二無我。六分別先後際中。此十二支初二能引。次五是所引。次三是能生。後二是所生云云。一依此經開能所引分。先際中際合能所生。總為後際。以引遠故開之。生近故合也。七三苦分別中有二門。一理實遍通

門云云。二隨相增現門。如此經說。謂初五支還流相現故稱行苦。觸受二種觸對生苦故云苦苦。餘為壞苦者。但壞樂名壞苦。老死支既無樂可壞。何故名壞苦耶。釋有二。一樂壞為苦。望所壞說。二以壞是苦故云壞苦。此老死支能壞生故。屬壞苦也。八因緣生中。理實無明望行無因緣義。而言因緣生行者有二義。一自種為因。無明為緣。合說故云因緣。然隱彼親種現此勝緣故。云無明因緣也。二但彼增上緣。望自增上果還是親因故說無明為行因緣。餘亦如是。欲明果不自起。要從因緣。因緣形奪。復各無性。是故言因緣生乃現無生。此猶順觀逆觀一浪非生不生。可知云云。此深觀中攝後三門合成四句。一不自生。二不他生。三不共生。四不無因生。釋此四句諸論不同。略有五說。一約破外道釋。謂諸法不從冥諦。自性生故。云不自生。二不從梵天自在天等生故。云不他生。三亦非微塵大種和合生故。云不共生。四亦非無因自然而起故。云不無因生。二約破二乘。一謂諸法不定。從自同類因生故。云不自生。二不定從異熟因生故。云不他生。三又亦非彼俱有因生故。云不共生。四小乘中。許無明支前不正思惟托虛而起。似若無因。今亦不爾。故離無因三。約法現空。一果不自起。名不自生。二自既立。對誰辨他。又他亦各自皆不成。自云何他生。故云不他生。三自他因果既各不成。故云不共生。

四離因緣外無別果法故。云不無因生。此上三重。如般若燈論及中論等說。四約因緣形奪。對法論云。自種有故不從他。待衆緣故非自作。無作用故不共生。有功能故非無因。凡諸緣起。雙土二句已爲甚深。況總土四句。是故緣起最極甚深。五約緣起無礙門。但因緣生果。因緣相望各有二義。一全有力。二全無力。謂因望於果有全不生。緣必全生。故云因不生緣生。故云緣不生。望於果。亦全不生。因必生。故云緣不生。自因生。故云三力不俱。故不共生。四二無力。亦不俱。故不無因生。此門有二義。一據力具有不有義。故令相入。謂因有力時。緣必無力。是故由因有力故能攝他。由緣無力故能入他。會彼緣力總歸因力。名不他生。雖言不他。反現自生。因力歸緣。不自亦爾。反前思之。以二力二無力各不俱。故無彼不相入。一力一無力相歸。故恒時相入。以不相障礙。增上緣寬故。一切諸法無不相入。十忽品云。菩薩善觀緣起法。於一法中解衆多法。衆多法中解了一法。良由此門故也。二據體有空。不空義故有相。即謂非直因力歸緣。明其相入。亦乃因體由緣現。因性空攝同於緣。何者。謂若無緣。即無因。故以生果名。因無緣果不生。是時不名因。明知。此因會歸彼緣。爲不自生。是故緣是有義無不能攝。因是空義無不受攝。因受攝。故發已同緣。緣能攝。故攝因同。已餘因攝緣受等。並准思知。由此義故。諸法相即

無所障礙。上文云。知一即多多即一等。皆此義也。是故無盡大緣起法。無礙自在。皆從此門而開現矣。九因緣轉說中。因緣生轉者。謂此緣起互相轉住不得。是生以是轉。故復非是滅。以一轉字。印此法體離諸分別。然是緣起轉相亦離故。寄言以現。故云轉說。爲明此轉。但在說中。此門現緣起法事相。向盡理性。將現極微妙處。故論云。隨順觀世諦。即入第一義諦。是此門也。十無所有盡中。明此有支虛相既盡。隨順無所有。徹到第一義。此現不壞俗。而恒真也。故云無明。因緣諸行生是隨順無所有。問。無明生行。是順所有。何故乃言順無所有。答。乘前諸門次第。至此現彼無明。正生行時。即順無生入理。故也。云云。何故經中順無。論名順有。釋經意。以緣歸理說。論意以性從相說。各現別意。故作是說。云云。一有支行列。二攝歸一心。三力用相生。四前後相屬。五三道輪環。六三際因果。七三苦過失。八從因無性。九似有若無。十泯同平等。配結前十文。現可見。

云云。又依小乘六因四緣。若依三乘。即十因二十因等。若依一乘。即隨法辨。因爲二因緣理事各別。與法界等。今六因義唯一乘能窮。此約別教說也。九因緣生滅轉觀。此下二觀。但治心惑。通義可知。謂因緣共力能感果。執云云。前因緣生果。生義是增空義。是微爲因緣。法順生迷增故。今緣縛法空義。是增生力義。微爲緣起法。順生無分別智故。故下經云。緣起之法。離有無也。此雖無生力。以空義成故。離自性生。經云。無住爲本。故十無所有盡觀。所治局心惑。亦可通諸使。俗諦通攝故。爲執因緣。但有應俗相。自體空義。不現在前故。是障也。云云。諸緣生法不起則已。起則現。如彼渴鹿見陽炎。水乾濕並彰。又如鏡像染淨。現此。是正理。問。其所現空。爲是真諦。爲是俗諦。又此觀法與前緣生。及以生縛云何取別。答。因緣及縛唯成順有。今第十觀空有俱順。又此空有並是俗諦。汎明真俗。此有多義。一體相相對。二空有相對。如此分真俗。其義非一。若空有分真俗。有則爲俗。空則爲真。即證智所知。若體相相對。空有可以相論。若約此義。俗諦通空。有。此空是自體空。非事空也。故論云。是心真如相。能示摩訶衍體。故知雖是真如得名俗相。不是體也。此則空有同爲一相。以緣順性理事。爲此觀體故。上文云。十二緣生是無爲也。十觀亦有相生次第。爲知諸虛妄過故。故有第一。既識妄已未

知妄法。依何得生。故有第二識。知所依未知有何理。故有第三。已知生理。未知依何時。故有第四識。知時已未知約何義。故明第五。知其義已有何本末。故有第六。知本末已未知有何過。故有第七。知其過已云何對事成。故有第八。知成已未知有何相。故有第九。知相已疑謂乖理。故有第十。依經十番訖。

雖穴記第十觀云。此即因緣盡於自如也。比即俗諦離分別之際。自此去所即是初最難愚疑顛倒即此甚深法。隨舉一盡攝一切。無盡自在緣起法。正十數所現普法緣起道理也。

緣起一言。無分別者。大記云。緣起一言乃至何須多門等者。起此問意。初標真性。示緣起體。即無分別理已現了手。何煩更說中即等多門耶。如是問也。答。具縱奪文現可知。問。何不釋六門而問答耶。答。第六門者總結上意故。釋五門其義已盡故也。了手者事畢之言也。法記云。姪怒癡性即是菩提者。古人云。只知用水令淨於物。不知令淨濁水也。此意云何。謂如欲淨於水。若取於石水不得淨。不動土石水方自淨。淨自心者亦復如是。若欲斷除三毒煩惱。則心不得淨。三毒不動。心自清淨。是故凡諸勝熱婆羅門善知識所受癡法門。即得安住照明。遇滿足王知識受禪法門。即得安樂。三昧。遇婆須密知識受食法門。即得離欲實際也。

探玄方便命知識。疏云。如是反道上下文

中。總有三類。一此位同邪見。二滿足王同順惠。三婆須密同貪愛。是故三毒相並有正法。然有四義。一當相即空故諸法無行。經云。貪欲即是道。患癡亦復然。於此三事中。有無量佛法。解云。此約即空是佛法。非事即是佛法。二約巧攝生說為佛法。非謂即是如淨名云。先以欲拘牽後令入佛智等。三留惑潤生長。菩薩道說有佛法。非謂即是如淨名云。一切煩惱為如來種。四當相即是。不同前三。

法記云。七種苦諸者。七種生死也。謂分段有三變易有四。分段三者是三界也。變易四者。一方便生死。二因緣生死。三有有生死。四無有生死。

法常公攝論疏云。一方便生死。即以無明為緣感生死。非是親因故。稱方便。二因緣生死。即以無漏業為因感生死。由是親因故名因緣。三有有。則由前因緣感生有果。有此果故。名有有。四無有則老死支謝。其報盡後。更無有有果故。曰無有云云。

清涼演義云。無上依經云。阿羅漢辟支佛。大地菩薩。為四種障。不得如來法身四德。一者生緣感。二者生因惑。三者有有。四者無有。何者生緣感。即是無明住地生一切行。如無明生業。何者是生因惑。是無明住地所生諸行。比如無明所生諸業。何者有有。緣無明住地因。無明住地所起無漏行。起三種意生身。比如四取為緣。三有漏業為因。起三種有。何者無有緣。三種意生身

不可覺知。微細隨滅。比如緣三有中。生念念老死云云。於三界中有四種難。一者煩惱難。二者業難。三者生報難。四者過失難。無明住地所起方便生死。如三界內煩惱難。無明住地所起因緣生死。如三界內業難。無明住地所起有有生死。如三界內生報難。無明住地所起無有生死。如三界內過失難。

法記云。無分別者。問。各各不相即等四句。合取云耶。答。爾也。謂前三句即門故。是體門也。不相即句是中門故。位不動門也。位不動故方得相入。能成一致是故合取。不相即義云。冥然無分別也。

約喻得名。至無不如意。大記云。海印者約喻得名者。以修羅帝釋相戰之時。諸兵具等。現於明淨海中之義。喻其三毒常相不動。即是內證海印究竟法體故也。

古記云。雲華尊者云。唯花嚴經所說之法。依海印定起也。時有智積國統難云。大集經云。如閻浮提一切衆生身及外色。如是色相海中皆有印相。是故名大海為印。菩薩亦爾。得大海印三昧。見一切衆生心行云云。則下四教法亦依海印定起。何故云不爾耶。雲華答曰。海印有五。一者三大阿僧祇劫歷修之帝釋。昇法空須彌山頂與所知障阿修羅戰之時。三科百法像。現於大圓鏡智海中之海印也。二者不可數劫歷修之帝釋。升本覺須彌頂。與根本無明阿修羅相戰之時。恒沙性德像。現於一心

真如海之海印也。三者一念不生之帝釋。升一行三昧須彌頂。與妄想阿修羅相戰之時。無相無分別像。現於不二實相海之海印也。四者二佛刹微塵數劫歷修之帝釋。升總相須彌頂。與遍計阿修羅相戰之時。十種普法像。現於世界海之海印也。五者十佛之帝釋。升法性須彌頂。與無住實相阿修羅相戰之時。三種世間像。現於國土海之海印也。已上此五之中。前三如次始終頓也。後二如次外化內證也。於此加論約因海印。應有六種。謂普賢之帝釋。升解行須彌頂。與百障阿修羅相戰之時。無盡普法像。現於錠光玻瓈鏡之海印也。若約前三重意。則三乘隨分亦論海印也。而言三乘皆是海印定外所說者。約一乘海印云耳。

清涼釋海印云。以十義釋之。表無盡之用。一無心能現義。二現無所現義。三能現與所現非一義。四非異義。五無去來義。六廣大義。七普現義。八頓現義。九常現義。十非現現義。

大記云。如意者。從喻得名。乃至無不如意等者。猶如如意珠王。無福德人得之。則變為毒蛇。反害其人。若有福德之人得之。則隨其意樂。雨無盡寶廣施貧人。一乘普法義理亦爾。若無圓信下劣之機聞之。則執已情見生疑起謗。反墮惡道受無盡苦。若有大心正信之人聞之。則纔聞即信。即得一乘稱性之益。廣利自他無不如意也。見聞一乘至如五乘說。大記云。行者者。謂見

一乘普法已去。未滿圓證普法等者。若約無住別教。則見聞即是圓證。今約寄位故。云見聞一乘乃至云未滿圓證普法等也。

古記云。三生有多重。一約報則過去見聞。現在解行。未來證入。二約界則界內見聞。出世得法。出出世證成。又界內通見聞解行。出世得法。出出世證成。三約自分勝進。證入。四約信解增長門。則十信見聞。三賢解行。十地證入。五約比證。則地前見聞。從初地至七地解行。八地以上證入。六約一乘三乘。則四地見聞。五六七地解行。八地證入。七約五乘配門一乘義。則八地見聞。九地解行。第十地證入。八約知識。則文殊為見聞。德雲以去能行。彌勒告云。當來見我為證入。又普賢知識為證果海也。智通記云。問見聞等三位普法正位耶。答。不也。但從三乘作是說耳。若普法正法即無位無不位。一切六道三界法界法門。無不善法正位。又一位一切位。一位一位。如位法門。一切行教義等法門。亦爾。可思。問若爾普法中以何為始。答。得一法門以為始。此則與終無別也。

大宗地玄文論云。無超次第漸轉位者。偈云。五十一位中。如次無超轉。一中具一切名為漸轉位論釋曰。唯一行者。五十一種別相位中。如其次第。無超過法也。無餘究竟總持位者。偈曰。五十一位中。隨其先得人。攝一切一切。各無餘究竟論釋曰。五

十一位別相中。或有行者。以信趣入。或有行者。以真如地趣入。或有行者。以大極地趣入云云等。隨先得入盡攝一切。一切位地究竟無餘。亦無移轉亦無出入。一白也。周遍圓滿廣大位者。偈曰。五十一種位。無前後一時俱轉俱行故。名周遍圓滿。論釋曰。五十一位無有前後。一時俱轉俱行。無有所餘。亦五十一別相位中。所有無量無邊諸位。無有前後。一時俱轉一時俱行。橫轉無向道人也。一切諸法俱非位者。偈曰。諸無量無邊。一切種種位。皆悉非建立。名俱非位地。論釋曰。非因非果等云云。以其非義立為位故也。一切諸法俱是位者。偈曰。一切種種法。無非金剛身。以一身義故。名為俱是門。論釋曰。是名無病道人也。一身金剛寶輪山王。其相云何。偈曰。漸是盡非滿。一時及前後。與俱并俱非。一異時處轉。

大記云。五乘總是入一乘攝以一乘所流一乘所目一乘方便故者。言所流者。猶如百川。無不從彼大海而流。三乘五乘等一切諸法。無不從本一乘而流成也。所目者。約三乘則為眼目之義也。約一乘則為名目之義也。言三乘中為眼目者。其所熏習一切諸法。全是一乘普法故。以此即為入花嚴普法之眼目也。一乘中為名目者。若約無生佛法。則不可名目。然為機緣。以諸名字題目而示也。方便者。猶如欲登高堂。勇疾之人一躍便登。如其末者教令退。行三四步許。從却步時。已得升

堂之力。如是上根之人。一聞普法直入一乘。中下之根未能直入一乘普法。佛以大悲施設三乘。爲入一乘之方便也。所流所目約緣起道理語者。非謂大緣起道理也。一乘之法。於機緣中起故也。方便者約智語者。約下教機。知自三乘是假施設。迴入一乘之智云也。亦可約聖者意者。能化大聖。以善方便。於一乘中分說三乘。引中下根入本一乘之意也。是故云約聖者意說。何以故。以善巧方便接引衆生故。

十句章記云。所目者是此經所流。方便等者是下四教也。問。於機緣中起者。約何機緣耶。答。下教機緣也。問。若爾。所目亦是下教耶。答。花嚴經中。所目之法向外而流。於下教機緣中起也。爲欲現此緣中所起下教之法。本是花嚴經中所目故。所以并論所目耳。

大記云。如五乘說人法因果乃至准例如是等者。五乘則三乘小乘人天乘也。准例如是等者。隨機緣而五乘雖別。其五乘法與一乘不異也。謂前約隨機。所分五乘論行者已。此中約其法。則准例可知也。一云。非約一乘十種普法言准例也。約五乘中。所有人法等云耳。謂如攝五乘入一乘中。其五乘所有人法等。亦得總攝入一乘故也。

所謂五乘。勝妙能也。大記云。問。所謂五乘等法。爲是能詮教法耶。爲是所詮之義耶。等者此下有七重問答。此初問答中問意。欲現五乘教外。別有離言絕相之旨故也。又欲現

彼五乘教法。即是離名相之所詮故問也。答意則古德云。此是將彼黃葉即正真金。如是指誨之處也。古辭云。曉師遇相和尚決疑有三。謂一始覺同本覺。爲凡爲聖之義。二濕過海種種心之義。三此能詮所詮皆在言中之處也。曉師之意則謂下教中實有法體。及見此文乃知。能詮所詮皆在言中。無實法體也。問。此能詮所詮皆在言中者。立有何處云耶。答。普賢爲所流所目之機。於無生無名處。以種種名題目。於此時中能詮所詮成差別故。約此處云皆在言中也。又進此而云。佛乃向外爲山王機常說遍說故。於此時十玄十法具足自在。然亦望上十佛內證。則猶是與教相應故。約此處亦得。可云皆在言中也。以大慈悲本願力故。乃至施設言教等者。諸佛世尊。從性海分發大悲願。以自證法外向機心起二言說。謂法界門中。說世界海成敗清淨智等。不思議般若門中。說佛國土不可思議也。此二言說雖普賢文殊出定以去。然依至相果地。五海十智之義。則奮迅定中。起此言說也。是故佛土不思議之言。稱於內證土海。而起普賢文殊等。稱此言說而證故。云親證分故此門中。佛與普賢一相續也。是故云向內則十佛。向外則普賢也。問。普賢內證之淨藏三昧。是佛外向也。何故向內則十佛。向外則普賢故。是一相續也耶。答。佛外向際並普賢圓因。此圓因向內則是十佛故。云一相續也。

法記云。本願力者。佛修因時。即發誓。念我

當成佛。爲三乘機施設教已。不令住勝。要必迴入一乘實體。如是起願也。法如是者。三世諸佛成正覺時。法爾如是起此願也。

大記云。第二問答。問中證教兩法常在二邊過者。前云。所詮之法言相不及。又云。一切諸法皆悉在言故。據其二言起此問也。答中先舉二義正答。所以得知者重問。遍計無相下重答也。

法記云。證教兩法舊來中。道一無分別者。猶如水中現。現諸像在水邊。人但見其水與像別異。只由不以其水爲眼故也。如是若不以海印爲眼。則不見三世間法即是海印。若以海印爲眼。則得見諸法即海印體。海印所現三世間是教分也。攝三世間之海印。即是證分也。是故云證教二法一無分別也。遍計無相依他無生。其實無性三種自性。常在中道等者。三性是教。三無性是證。是故具證教之無。依他無生是似有之無。非自體空。圓成之無。依他無生是似有之無。非自體空。圓成無性是自體空。非緣之無性。是故遣三性現三無性也。若約理云。只是一真即是無相。即是無性等故即不可分。此是遣遍計之無相。此是遣依他之無生等。故三無性即一際也。但依一真所分三故。三性亦一際也。是故云三種自性常在中道也。若約樹林論。則是證旨三性故初教也。若約析金爲三。論三性則有證旨三性義。又有熟教中義。若約以酥分三。論三性別當熟教宗。若約分虛空爲三而論三性。則當同教一乘也。就第二義中。以金

分於三處處別者。是三性。隨其處別金像亦別者。是三無性。此則有重故。是詮旨三性也。若約金體。則三處之金唯一種者。是三無性也。三處金像是一金所成是三性也。此義當熱教也。就第三義中。分酥爲三者是三性。三器之酥體德齊一者。三無性也。若約理實。則三性者。初教之中。隨分而論熱教之初。究竟而論熱教之終不用也。同教一乘中。欲引三乘習三性之人。依其所習三性之軌。且分大空以爲三畫。故舉一全收不可分也。

真記云。遍計無相依他無生。乃至三法以外更無證教者。直辨一乘證教最難故。寄彼熱教所論三性示此義也。就一遍計無相中。有解門行門也。解門者。離遍計情有。入依他似有等也。行門者。情有即是真位也。故康藏云。緣無別緣以體盡緣。是故差別緣起即是甚深土海也。

大記云。第三問答中間意。則因前聖者隨遍計之言。引論而難也。答中從初至別義如是者。正答言現之。問若約實說下。兼答意見之間也。言說空花者。如淨眼人不見空花。隨其病眼說其空花。聖者亦爾。已達遍計之空。隨遍計人建立三性也。一云。此空花喻通於五教。謂小乘中說人空之空花。乃至頓教中說一念不生之空花。一乘之中不動空花遍計。即是普賢無住別教究竟法也。

法記云。三種自性皆是凡夫境界者。依他圓成非凡夫境。然爲說示此是遍計。此是依圓故。凡夫得入無性故也。約解門故別立三無

性者。問。解門中三無性云何。答。理無不及似有。無性不及隨緣。謂熱教中三界唯是無明所作。又云。真妄和合所作。又云。唯一真心所作。這此三重所作。以現滅理故。遍計之理無不及真妄之似有。此似有之無性不及真如之隨緣故也。約行門故。三性以外不立三無性者。問。行門中若不別立三無性者。約何爲三無性耶。答。只由無故得云三無性耳。若是有者云何無性耶。問。若爾何故六地疏云。遣實境滅時。即得一分無相性。無相現故。唯識想境並即不生。名得無性性。此是行門唯識觀耶。答。只由遣故。方知無耳。

道身章云。一乘中。若非依他無遍計。則遍計是果。依他爲因。若非遍計無依他。則依他是果。遍計爲因。如是之義。即是緣起耳。問。遍計爲緣起者。机中有實鬼耶。答。机中由有爲似鬼及實鬼之義故。計爲鬼也。若机中無爲實鬼之義。應無机中計爲實鬼。故云云。又云。遣三性辨三無性。兩宗不同。始教但遣遍計。又但以所執爲遍計。能執之心屬依他攝。若爾遣三性現三無性者。何但遣遍計中三性耳。所謂計青色等謂實爲遍計遍計。計能執心爲實。爲依他中遍計。若計圓成爲實。爲圓成中遍計。此宗當解門。終教三性皆遣。亦能計心合爲遍計。此當行門。又云。合三性一際者。約三性即三無非三之行門。三性示現三性圓融。此是方便所趣。爲現一乘無盡性耳。

大記云。尚二性以外無有真實等者。以無相

智。遣遍計所執分別境時。能取依他並即不生。無相現故。此外無別圓成實也。無相等智現前者。無相智現。依他心境皆無故。云無相等智現也。無法可對者。依他無生真理現時。更無圓成真實故也。

法記云。須解立教所由者。前雖已現證教中道。及三性外無三無性之道理。若不解其立教所由。則不得知此。是熱教三性三無性之中道。此是一乘之中道故也。又熱教中雖云遣三性現三無性。但融其相令歸真性耳。一乘方云體融真故。即此在前露柱名相。正是海印究竟法體故。云證教兩法常在中道。是故凡於所聞。慎勿如言取義。須解所由也。

道身章云。一乘緣起法非情所及。雖非情及。而不遠求。反情即是。問。反情方便云何。答。方便無量。而其要者。隨所見處不著心。爲是隨所聞法不取。如文即能解其所由。又解法實相。問此言何耶。答。凡聖言起皆機緣之所由。謂教是良藥。能治生病。若以生可治則以生。若以不生可治。則以不生。若法定是生不生者。以生爲是不生。即非不生爲是生。則非是其法不在於生不生故。能以生不生。治病無障。十句章釋第二句云。二隨文取義有五種過者云云。若聞凡名非聖等者。即有五過。一不正信。二退勇猛。三詐他。四誘佛。五輕法也。

大記云。第四問答中。通據約情約理問。故以別不別如次答也。一云。前約三性三無性之

證現證教中道。今約本末相資等義。現中道故問也。答中別不別義。並約理門也。一云。前約證教。明一無分別之義故。若爾證教云何別耶。如是問也。謂德之意。則此第四問答以下。有四段義。謂從問如上所言。至是故不別者。標也。問若如是。至二俱不相防者。釋也。說與不說等者。結也。是故經云。下引證也。標中初標證教相對。以明別義。後標本末相對。以明不別。二釋中有五。一問若如是。至與本不異者。釋本末相對。二與本不異。至不說而說者。是寂用無礙釋義說相對。三不說而說。至說則非說者。釋上證分亦是可說。教分亦是不可說義。四說即非說。至不說即不可得者。釋證教兩法性。在中道一味之義也。五二俱不可得者。現種種不礙一味故。具說不說也。此上五段釋句。准於五重海印也。三結中說與不說義說二大生與不生顯善決定。六決定處動與不動者。根本入九入等也。

大記云。第五問答中。問意則前問答中。但明緣起。無性與本不異不現。其本與末不異。故欲現此義起此問也。答中先總答其義。若為者。應問。所證在言下。廣答。此廣答中。并現前中別不別之義。於中有二。先明教證中道後亦可正說下。現正義正說無二中道。此正義正說者。一云。正義內證正說外化也。然正義則一乘。正義則三乘也。諸法實相不在言中者。問以言為義。則言是中道。何云實相不在言耶。答。言義究竟之處。言正是義。即是中道故。云不在言也。在機益故。名無異性者。

非是。雖上不在真性為無異性。約無自性之實故。云無異性也。離名性故。名而無名下。應現諸法實相。不在言中之義。名無異性故。下應現言說之法。不在真性之義也。

法記云。中道者。通言非言。何以故。諸法實相不在言中等者。問。中道與實相何別。答。中道則既云通言非言。故通於證教實相。則既不在言。故唯是證也。謂以義為教。教外無義。教無側故。教是中道。義亦如是。故。是證中道也。

大記云。第六問答中。前後兩義者。約亦可正說法中。以上為前義。以下為後義也。本末相即等者。本則佛也。一乘也。末則眾生也。小乘三乘也。此等總是法性家內真實德用故也。名義互為客者。一切諸法不出名義也。為定執名義自性之人。現其互相為客。無有自性之道理也。自體無名真源者。正是證分。兼是緣起無住別教也。問。真源則本末相資之所現故深也。相資之本。雖云是證。而猶淺耶。答。且順三乘作是說耳。若約實則同是一處也。以此中道化眾生者。究竟正是一乘故。云能化所化宗要在此也。

法記云。本末相即者。熱教中。混依本所起之末。還歸於本。方現一心。寄彼以現一乘證教。二法性在中道也。名義互為客者。初教中。以名義互憑客。現名及義無我道理。寄彼以現一乘證教。二法無自性義也。所現道理不異。能證方便別者。初教熱教所立義別。而寄彼所現無我及中道之義。以現一乘證教無二

之義故也

第七問答中問意。則混差別歸中道。終教之中得論此義。然約最極故。云此義當賴教宗也。答。意則維摩經文殊之言。默於一寂。八會佛默不動言說之默故別也。謂混其說與不說名義本末令歸中道者。且順三乘之說。若約一乘實意。則不動名義本末。即是法性家內真實德故。不當賴教宗也。

法記云。且護分別故。順三乘說等者。直令三乘之人。捨其所習入於一乘。恐難信受。故以方便寄順其執護分別也。一云。雖下四教總是實德。若言小乘及初教等。即是一乘。則稱其所習增分別故。寄彼三乘差別病。盡顯教義說故。云且護分別。故順三乘說。蓋是智者勝妙能也。

如說修行。聖名曰為家。大記云。如說修行得聖者意者。修行趣證方得。諸佛欲令群迷畢竟終至法性家故。施設言教之大意也。法性真空者。約究竟則證分法性家也。然此中意不分證教。總明行者。修行方便。故通證教也。法界陀羅尼者。證分。因陀羅尼家等者。教分。無住別教也。

融記云。宅者證分。舍者緣起分也。法界陀羅尼家者。理也。因陀羅尼及微細等者。事也。謂約一法全攝法界無側無遺者。法界陀羅尼也。一一法法重重相攝無盡無盡者。因陀羅尼也。於一法中一切諸法。齊頭並現者。微細也。聖者所依住故。名曰為家者。十玄門也。問。此十玄門為是教分亦證分耶。答。若約自



證則證分，爲他施設則教分也  
法界圖記叢錄卷下之一

### 法界圖記叢錄卷下之二

文云：二得益。謂陀羅尼者，總持故，如下數十錢法中說。實際者，窮法性故。中道者，融二邊故。坐坐者，攝一切故。安坐法界十種涅槃廣大寶床，攝一切故。名曰坐床。寶者可貴故。床者攝持義故。十種涅槃者，如下經離世間品說。舊來不動者，舊來成佛義故。所謂十佛如花嚴經說。一無著佛，安住世間成正覺故。二願佛出生故。三業報佛信故。四持佛隨順故。五涅槃佛永度故。六法界佛無處不至故。七心佛安住故。八三昧佛無量無著故。九性佛決定故。十如意佛普覆故。何故十數說欲現多佛故。此義諸法之真源究竟之玄宗，甚深難解且可深思。問具縛有情未斷煩惱未成佛智，以何義故舊來成佛耶。答煩惱未斷不名成佛。煩惱斷盡福智成竟，自此已去名爲舊來成佛。問斷惑云何。答如地論說，非初非中後前中後取故。云何斷。如虛空，如是斷故未斷已還不名爲斷。既斷已去名爲舊來斷也。猶如覺夢睡悟不同，故建立成不成斷不斷等。其實道理諸法實相，不增不減本來不動，是故經云：煩惱法中不見一法滅，清淨法中不見一法增，是其事也。有人說云：如是

等經文，約即理說非即事說。若約三乘方便教門合有此義。若依一乘如實教門不盡其理，理事冥然一無分別。體用圓融常在中道，自事以外何處得理。問三乘教中亦有寂而常用，用而常寂，如是等義，何故上云逼即理門，不即事中不自在耶。答理事相即故有如是義，非謂理事相即，何以故。三乘教中欲治分別病，會事入理爲宗故。若依別教一乘，理相即，亦得理事相即，亦得理事相即，亦得各各不相即，亦得何以故。中即不同故，亦有具足理因陀羅及事因陀等法門故。十佛普賢法界宅中，有如是等無障礙法界法門，極自在故。其餘逆順主伴相成等法門，准例相攝隨義消息。若欲觀緣起實相陀羅尼法者，先應學數十錢法。所謂一錢乃至十錢，所以說十者欲現無量故。此中有二：一者，一十中一；二者，一即十即一。初門中有二：一者，向上來；二者，向下去。言向上來中有十門不同：一者，何以故。緣成故，即是本數，乃至十者一十中。何以故。若無一十即不成，仍十非一餘門亦如是。准例可知。言向下去中亦有十門：一者，十。何以故。緣成故，乃至十者十中一。何以故。若無十一即不成，仍一非十故。餘亦如是。如是往反勘當即知：一一錢中具足十門，如本末兩錢中具足十門。餘八錢中准例可解。問既言一者，何得一中名爲十耶。答大緣起陀羅尼法若無一，一切即不成。故定知如是其相，如何所言一者，非自性一緣成故。一乃至十者，非自性十。緣成故，一

切緣生法無有一法定有自性，無自性故即不自在。不自在者，即生不生，不生者，即是不住義。不住義者，即是中道義。中道義者，即通生不生，故龍樹云：因緣所生法，我說即是空，亦說是假名，復是中道義，即其義也。中道者，是無分別義，無分別法不守自性，故隨緣無盡亦是不住，是故當知：一十十中一，相容無礙，仍不相是。既一十中具足十門，故明知：一十中有無盡義如一門，餘亦如是。問一十中攝十盡不盡，答盡不盡所以者，何須盡即盡，不盡即不盡，其義云何。以一事辨一多故即盡。以異事辨一多故即不盡。又一事中一多義不相是，即是多一事故，即是一四句護過去非，現德准之可解。異事亦准同。問須者何義。答須者緣成義。何以故。因緣法一不差失，別諸事門中准例如是。緣起妙理應如是知故。第一門說第二門此中二門：一者，向上去；二者，向下去。初門中十門不同：一者，一。何以故。緣成故，乃至十者一即十。何以故。若無一十即不成，緣成故。第二門中亦有十門：一者，十。何以故。緣成故，乃至十者十即一。若無十一即不成，緣成者准例，以此義故當知：一一錢中具足十門，問如上多門一時俱圓耶。前後不同耶。答即圓即前後不同。何故如是。須圓即圓，須前後即前後，何以故。法性家內德用自在無障礙故。由緣成故，皆得如是。問如上所說來去義，其相云何。答自位不動而恒來去，何以故。來去者隨緣義，即是因緣義，不動者向本義。

即是緣起義。問因緣焉緣起何別。答亦別亦同。所謂別義者。因緣者隨俗差別。即是因緣相望。現無自性義。正俗諦體也。緣起者順性無分別。即是相即相融。現平等義。正順第一義體也。俗諦無自性故順第一義。是故經云。隨順觀世諦。即入第一義諦。即其義也。別義如是。同義如前龍樹釋。就一一錢中。依同時具足等十門。以迴轉者准之可解。十門如下說。如錢中第一乃至第十不同。而相即相入無礙相。成雖因果理事人法解行教義主伴等衆多門別。而隨托一門盡攝一切。餘義准之。上來數錢法者。且依遍計事錢。現示依他因緣緣起錢也。亦可依指示緣生一切諸法終不可得。執遍計物迷緣起法。現法逗留全別。經云。初發心菩薩一念功德不可盡者。如第一錢。何以故。約一門現無盡故。何況無量無邊諸地功德者。如第二錢已去。何以故。約異門說故。初發心時便成正覺者。如一錢即十故。何以故。約行體說故。問初發心菩薩者。信地菩薩。即是弟子位。成正覺者佛地。即是大師位。高下不同位地全別。何故同處並頭脚耶。答三乘方便法焉。圓教一乘法。法用逗留各別不得難用。其義云何。三乘法者頭脚各別。阿耶兒子年月不同。何故如是。約相說故。生信心故。圓教一乘法者頭脚總一。阿耶兒子年月皆同。何以故。由緣成故。約道理說故。問一者何義。答一者一無分別義。又問同者何義。答同者不住義。無分別不住故。始終同處師弟並頭。問同處並頭者何義。答同

處並頭者不相知義。何以故。無分別故。又問。無分別者何義。答無分別者緣生義。即是始終等是無二無別。何故如是。一切緣生法無有作者。無有成者。無有知者。寂用一相高下一味。猶如虛空。諸法法爾舊來如是。是故經云。觀一切法不生不滅。因緣而有。如是等文是其義也。問所以得知信位菩薩。乃至佛同處並頭。如下經云。初發心時便成正覺。亦如地論釋。信地菩薩乃至佛六相成故。明知有如是義。六相如上。此語欲入法性家要門。開陀羅尼藏。好鑰匙故。上來所明者。唯現示一乘陀羅尼大緣起法。亦可論一乘無礙辯才體非三乘分齊。問初教已去。一切諸法即空即如一無分別。何故上言頭脚各別耶。答非無此義未圓故。從下爲言。問所以得知自三乘以外。別有圓教一乘分齊。如下經云。一切世界群生類。妙有欲求聲聞道。求緣覺者轉復少。求大乘者甚又布有。求大乘者猶爲易。能信是法甚爲難。若衆生下劣其心厭沒者。示以聲聞道。令出於衆苦。若復有衆生。諸根小利樂於因緣法。爲說辟支佛。若人根明利有大慈悲心。饒益於衆生。爲說菩薩道。若有無上心。決定樂大事。爲示於佛身。說無盡佛法。聖言如掌明珠。不須驚怪。問一乘三乘分齊別義。因何得知。答且依十門即知也。一同具足相應門。於中有十門。所謂人法理事教義解行因果。此等十門相應無有前後。二因陀羅網境界門。此中具前十門。但義從喻異耳。餘可准之。三祕密隱現

俱成門。此亦具前十門。但義從緣異耳。四微細相容安立門。此亦具前十門。但義從相異耳。五十世隔法異成門。此亦具前十門。但義從世異耳。六諸藏純雜具德門。此亦具前十門。但義從門異耳。七一多相容不同門。此亦具前十門。但義從理異耳。八諸法相即自在門。此亦具前十門。但義從用異耳。亦可依性。九唯心迴轉善成門。此亦具前十門。但義從心異耳。十托事現法生解門。此亦具前十門。但義從智異耳。餘可准之。上十門玄並皆別異。若教義分齊焉此相應者。即是一乘圓教及頓教攝。若諸教義分齊與此相應而不具足者。即是三乘漸教攝。如是知也。如是十門具足圓者如花嚴經說。餘廣義者。如經論疏抄孔目問答等分別也。

一乘法界圖合詩一印。依花嚴經及十地論表圓教宗要。總章元年七月十五日記。問何故不著集者名字。答表緣生諸法無有主者故。又問。何故存年月名。答示一切法依緣生故。又問。緣從何處來。答從顛倒心中來。顛倒心從何處來。從無始無明來。無始無明從何處來。從如如來。如如從何處。如如在自法性。自法性以何爲相。以無分別爲相。是故一切法尋常在中道。無非無分別以此義故。文首詩言。法性圓融無二相乃至舊來不動名爲佛。意在於此。所以依詩即虛現實。故賢願見聞修集一乘普法名字及義。以斯善根迴施一切衆生。普熏普修盡衆生界。一時成佛。所謂十佛至甚深難解。大記云。所謂十佛者。

若以佛字印印之則證分。十佛若以普字印印之則是教分十佛也。

法記云。一無著佛。安住世間成正覺故者。無著即著而無著也。安住世間者。三乘中出世成佛故。非安住一乘中以三世間為自身心。故云安住世間也。以證心看只是心耳。無所對境是為著也。非如分別意識取著別境也。無著即著者。雖心不見境。而一切境無非我心也。著而無著者。一切無非我心之日。凡所趣向約約無側也。成正覺者。猶如眼識。以眼根塵為體。而不為膿血皮膚。不淨所染成淨眼識。若針耳孔許除膿血。則淨眼不成。智正覺者亦復如是。以三世間為自身心。而不為衆生。業煩惱所染得成正覺。然大緣起中隨去一法。一切諸法舉體不立。故於衆生業惑煩惱。若云一物不成正覺也。二顯佛出生故者。海印中出生三世間一切諸法。又三世間一一之法。出生法界諸法於念中。新新無盡。無盡故約此義云出生也。如是法法若修不修。一切衆生身心之中常然常然。所以如來現見此法者只由顯。故能出生如是法也。衆生不見者只由不能顯。故約此出生義云顯佛也。三業報佛信故者。世間六道之因。出世聲聞緣覺菩薩因等為業。第九地業行稠林文可見。報者六道之果。聲聞緣覺諸佛等果為報。此乃海印圓明之法。故云業報佛也。一切衆生所以不知自真佛之在其身心者。只由不信。唯於信心得成業報佛。故云信也。四持佛隨順故者。若舉一塵側無道起。故

無側而盡之。所以者何。一切諸法無不隨順一坐故。若不隨順則此一坐那得盡一切法乎。餘諸法中如是准思。一即一切一切即一。主伴具足無盡自在之道理皆此義也。約如是隨舉攝持之義名為持佛也。五涅槃佛永度故者。三乘中要捨生死方證涅槃。由是還沒生死之中。故非永度也。謂有二故衆生無二。故即佛是。故若於生死涅槃之中見有二者。何得不沒生死中哉。一乘中且約吾身別報。一眼瞋子即徹海印究竟之際。於此以上更無轉處。故云永度。餘一切法約約皆然。約如是義為佛名也。六法界佛無處不至故者。若執此舍上棟之西末。求西分齊盡。西方虛空而不得分齊盡。東方虛空求此西末。無處不至。其西分齊終不可得。所以者何。法界西末故。西方即東方故。餘方皆然。如此一棟一切諸法皆亦如是。一一法法舉舉約約無處不至。是法界佛也。七心佛安住故者。若心言時一切諸法無不是心。此義非。謂遍於識中故忘也。非謂真心之所成故。亦非安心之所作故。但心見時只是心耳。故云。心佛謂一法界性起心。稠林中心等也。三乘中心是緣慮色。是質礙一乘中心。是種種義也。色是無質礙義也。既心是種種義。故以心見時無物不心。既色是無質礙義。故若色云時無物不色。若約濕過海義。明之過中實而名心。一切諸法自位不動。正即是心故云安住。約如是義名為心佛也。八三昧佛無量無著故者。寶首品中。十種大三昧。及諸會諸大三昧皆為三

昧佛也。隨一三昧一切諸法無不滿足。故云無量。就無量中。每一一法隨舉無側。故云無著。依於三昧見法如是。故名三昧佛也。九性是決定無住之理。有佛無佛性相常住。約如是義而為佛名也。十如意寶王。名出生無盡。此寶珠王能生海陸一切珍寶及大海水。大海之中一切生類此水為家。此水為食。皆得生長。因於大海得有大地。若河若川及諸池井。潤益生長一切草木及諸穀菜。養育衆生。如其無此無盡寶王。則海水乾渴穀菜焦枯。水陸衆生由何能得長養利也。此如意王唯因諸佛。長養衆生本願所生也。若無諸佛本願力。則無此寶王。故知一切衆生所以能得長養利益者。皆如意佛之慈焉養焉之德也。如是等義唯吾身心真佛之所有道理。以十種名說示之耳。此義諸法之真源者。問此處尚有十名耶。答無也。謂緣起分有十名耳。證分之中無十名也。問然則此十佛名證分外耶。答證分之中有實名也。問十種淨土章云。欲知分量准其十佛即可知之。其義云何。答無著也。顯也等者。但說名耳。佛則不可說。如是種種名等但說證相耳。土海則不可說故云。准可知也。

大記云。諸法之真源者。緣起分究竟之玄宗者。證分也。此義證教二分。通有十佛故也。若唯證分之中有十佛。則證分是教分之源。故云真源也。又秀業之意則真源。則智玄宗

則境也。真智所見之境方得云玄耳。故云甚深難解也。

古記云：相和尚住大仙山大盧房時，爲真定智通等，說行人欲見十佛者，應先作眼目通等。問云：何是眼目耶？和尚曰：以花嚴經爲自眼目，所謂文文句句皆是十佛，自此以外求觀佛者，生生劫劫終不見也。和尚曰：所謂無著佛安住世間成正覺故者，今日吾五尺之身名爲世間，此身遍滿虛空法界，無處不至。故曰正覺。安住世間故，離涅槃之著成正覺故，離生死之著，若約實而言，三種世間圓明自在。故曰無著佛也。顯佛出生故者，百四十願，十迴向願，初地願，及性起願等，皆顯佛也。此佛以無住爲身故，無有一物非佛身者，所謂隨舉一法盡攝。一切稱周法界名爲顯佛也。業報佛信故者，二十二位之法，本來不動圓明照曜。若諸行人能如是信，即云信也。若舉實道理而說，上自妙覺下至地獄，皆是佛事。是以若人敬信此事，可謂業報佛也。持佛隨順故者，法界森羅諸法雖云無盡，若以海印印定，則唯一海印定法。彼持我我持彼，故云隨順。是故以世界持佛以佛持世界。是名持佛也。涅槃佛永度故者，證見生死涅槃本來平等，故云永度。所謂生死非喧動，涅槃非寂靜，是此義也。法界佛無處不至故者，一塵法界，松木法界，栗木法界，乃至十方三際虛空法界，總是佛身。所謂真如前際不滅，後際不生，現在不動，如

來亦爾，過去無滅，未來無生，現今無動，無形無相如虛空界，不可量故。百千萬劫已說今說當說，終不可盡。無有邊際故，曰法界佛也。心佛安住故者，息心即佛起心非佛。如人以水淨器，不知能淨濁水也。水淨影明，水濁影昏，心法亦爾。息心法界圓明，起心法界差別。是故心安住則法界，諸法現於吾五尺身也。三昧佛無量無著故者，海印三昧之法，舉約無住著故。曰無量無著三昧佛也。性佛決定故者，法性有二，所謂大性及與小性。何者若一法起竟，三世際無內無外。故曰大性。一法之位遍一切中方得成者，是名小性。所謂一柱盡法界際，但是柱者名爲大性。此一柱中橡欂栳等諸位現者，名爲小性也。如意佛普覆故者，如大龍王有大寶王。若無此寶一切衆生無所衣食故。五穀九穀千種萬種並成熟者，唯此室王之德也。如意佛恩亦如是也。

貞元經吉祥雲知識疏云：問法門無量，何以初方便教念佛，答略有三義。一念佛三昧衆行先故。二依佛方能成勝行故。三功高易就以將寸物故。四觀通深淺能遍攝故。五消滅重障爲勝緣故。六兼人法易加護故。七十地菩薩皆念佛故。八三寶吉祥經初說故。初此念佛海雲說法，妙住依僧爲次第故。九即心即佛易一境故。十爲表初住緣佛發心樂供養故。云云略爲三門，一明所念差別。二會釋經文。三以能念收

束。今初謂：十身三身為觀不同，略爲十種。云云言十種者，一若作是觀佛以法爲身，清淨如虛空，無念念者即念真如。是念法身。二花藏世界海法界無差別，依真而住不依國土。是念性土。三十蓮花藏塵數相，此等皆是念報身相。四有無盡德，一一難思念報內德。故上經云：一切威儀中常念佛功德。晝夜無暫斷。如是業應作。五觀花藏利無量寶嚴量周法界。是念報土。六或觀佛相具三十二，若總若別若逆若順。丈六千尺。此等皆是念化身相。七十力無畏十八不共。此等皆是念化身相。八餘方淨土水鳥樹林。此等皆是念化身依。九前二是性。後六是相。相外無性性外無相，交徹真佛真土。是念第九性相無礙。十以性融相相隨性融。令前九門合爲一揆。故德德無盡相相無窮。塵塵剎滿猶如帝網。是第十念重重融攝得後二門。前皆真實經。難別說義必該融云云第三能念收束。略有五種。一緣境正觀念佛門。若真若應若依若正，皆是境故稱名屬口。非真念故略而不言。二攝境唯心念佛門。是心是佛是心作佛，諸佛正遍知海。從心想生。況心佛衆生三無差別。三心境俱泯念佛門。心即是佛心即非心，佛即是心佛亦非佛。非心非佛遠離一切故。無所念方爲真念。四心境無礙念佛門。双照事理存亡無礙等。真門之寂寂何佛何心。鑒事理之明，明常心常佛。双亡正入寂照双流。五重重無盡念佛門。理既

無盡以理融事。事亦無盡。故隨一門攝一切門。斯五門以爲一致。即是此中能念之心。與前十佛境合。非合非散。涉入重重難思境也。念佛一門諸教攸議。理致深遠。世多共行。故復略叙無厭繁說云。普賢知識疏云。第一禮敬諸佛文三段者。第一牒名由心恭敬。運於身口而遍禮故。除我慢障起敬信。善勸那三藏說七種禮。今加爲十。謂一我慢禮。如確上下無恭敬心。二唱和禮。高聲喧雜辭句渾亂。此二非儀。三恭敬禮。五輪著地捧足殷重。四無相禮。深入法性離能所相。五起用禮。雖無能所普運身心。如影普遍禮不可禮。六內觀禮。但禮身內法身真佛。不向外求。七實相禮。若內若外同一實相。八大悲禮。隨一一禮普代衆生。九總攝禮。攝前六門以爲一。觀十無盡禮入帝網境。若佛若禮重重無盡。

維穴問答云。問自未來佛還化自現在者。以何文知乎。答經給經第八地菩薩云。自見己身。當果諸佛摩頂說法故。則聖說炳然可知。又既諸經云。三世諸佛拜敬故。諸罪業滅未來諸佛者何乎。問此他已成佛拜義。何爲自未成佛乎。答拜他佛之義非無而遠疎。所以者。凡諸佛爲衆生說佛德。意爲欲衆生自亦得彼果。故令修行。是故衆生望自當來所得之果德。爲欲得彼不惜身命修行。不爲得他佛果故修行。是故正令吾發心修行。佛但吾當果已成佛。非他佛也。此義不疑怪也。又他已成佛。即是

自當果佛。所以者何。他成佛時即得三世佛平等果。又吾當果佛即是他今成佛。所以者何。吾得當果佛時。即得三世佛平等法。故如是轉展更互平等。平等無差別果德。又此吾佛。於一切法界有情無情中。全即作在。無一物非吾體佛故。若能拜自體佛者。無物不所拜。此甚大要常可思之一。自體佛觀論云。問何自性界。何自體佛耶。答無住自性界。實相自體佛。問此自體佛何觀耶。以偈答曰。諸緣根本我。一切法源心。語言大要宗。真實善知識。問此義云何。答一切法源心。是自體佛。大要宗。是自體圓因。真實善知識。是自體滿果。具三義故我也。此即自體佛也。問此佛果有修耶不修耶。答不簡修不修。不擇情非情。三世間不動故。問此佛化度衆生耶。答大虛之內諸法無不大虛。是故如虛空化虛空。是名自體佛化也。一本云。自體佛內無不自體佛者。是名自體佛化耳。問不知云何語言乎。答如汝不知語言。此言甚大也。問此言云何。答如緣起際言也。問何緣起際耶。答我心是動。大虛不動。離動不動爲緣起際也。問約緣起際其法常然。初修之人何遊其心耶。答約法論離修不修也。試明初趣。初起一本云。我心及我身令相語言也。謂將心而尋身。將身而尋心。心遍於身。身遍於心。然名爲語言也。問相遍故更無所語。何曰語言耶。答心言時言以外無所語。身言時言以外無所語。是故無言言無聞聞也。問此但我我心我身。何云一切法源耶。

答求我心邊際盡法界際。我身四大亦復如是。問若如是者唯我身心。何云真實善知識耶。答法界諸法無不我身心。皆順名爲善知識也。問若爾則無迷悟。別何名佛耶。答有二故衆生無二。故即自體佛。如是觀者爲正觀也。大法界緣起者。諸緣根本我佛實。一切法源心僧寶。語言大要宗法寶。真實善知識。此大法界緣起義。心得人雖往六道四生決定不疑畏。此云自體三寶。謂身業佛寶。口業法寶。意業僧寶。佛者謂緣合成故。法者一切法湧出故。僧者一切法中無障礙故。此佛仕人三業契著。身業五條口業七條意業九條。如是三契著一切處。此佛仕人不久窮。實法界法見也。復見處處三種世間具得也。故三種世間無不是也。

具縛有情至隨義消息。大記云。具縛有情未斷煩惱未成佛智。以何義故。舊來成佛耶者。起此問意。若約十佛。則法界諸法無非是佛。然此今日我等盲冥凡夫何能。即是十佛耶。如是難也。答意則超情之法。反情即是。若反情見法界圓明。一切衆生煩惱斷盡。福智成竟。豈非佛耶。如是答也。凡如是問答者。寄彼三乘斷障成佛之義。欲現一乘舊來成佛也。問爲是本來斷煩惱耶。爲知本來煩惱不動耶。答知本來斷耳。以覺者不見夢人。所見五尺鬼故。問然則達於所引經中。煩惱法中不見一法滅之義耶。答本來無故云何見滅。異記云。非初非中後者。分三剎那求所斷障。

如初剎那學智求障。無非智體不可得斷。中後亦爾故也。前中後取故者。不斷而斷故也。如虛空。如是斷者。若寄位云則虛空者。無物義故無能所斷。爲如虛空斷也。約一乘則虛空者。無側義故智與障體互無側也。以無側義爲如虛空。如是斷耳。

法記云。猶如覺夢睡悟不同者。如有二人共在一床。一人初初不睡。故三時求夢。初時不得。中後亦爾。其一人則竟夜睡。故三時恒覺。如是約一乘斷障成佛。則全他爲自而恒覺。故初初不睡。全自爲他而恒夢。故常常不悟。是故三乘斷障者。不及斷於未斷之處。一乘及斷未斷之處。三乘之佛不及斷者。自相續外衆生之障。一乘之佛及斷之處。是自所證衆生海之障也。一切衆生今日發心斷障修證。即是諸佛不盡門德也。其實道理諸法實相不增不減者生佛既共一法性床。離云衆生無所缺剩。雖云諸佛無所添除故也。理理相即等者。前三句即門。後一句中門也。問理理相即者二空並耶。答不並也。問若爾不相即耶。答相即故不並也。

大記云。十佛普賢法界宅者。卽上法性家。及法界陀羅尼家等。正約外化而通內證也。其餘逆順主伴相成等者。逆則五熱衆神。順則十度正行等也。以此爲首。通取一切無盡之法故云准例。相攝隨義消息欲觀緣起至逗留全別。大記云。若欲觀緣起乃至數十錢者。開宗云。數十錢法治執。著病之第一藥成無礙德之最勝門也。解云。若得體達此數錢之法

者。於諸境界日用之中。隨所聞見不取不著。一一毛孔一塵中。見一切佛聞一切法。起心動念舉足下足。凡所施爲無非究竟滿足佛事。故云治病之第一藥成德之最勝門也。

古記云。雲華尊者曰。有一樓觀。內莊一乘外殿三乘。此中有門。名曰覺門。向菩提樹而諸衆生妄想纏縛以障此門。由如是故不見一乘珍寶莊嚴。是故天親菩薩。以六相鑰匙示開此門。而天竺人未解六相。故以其所習悉曇章總持之法而誨示也。已上東土之人又不解其悉曇章總持之法。是故雲華尊者。以其所習教錢之法而指示也。問此悉曇章及數錢之喻。於聖教中有耶無耶。答有之也。謂悉曇之喻。十地品中說之數法之喻。第四會精進林菩薩頌曰。比如算數法增一至無量數。法無體性智惠故差別。問此錢之中。何是遍計。何是因緣耶。答如是十錢第一。第二乃至第十皆有自性故。取一則無一。取二則無二等者。是遍計錢也。因緣錢者。此一錢位具中卽故若無餘九卽此一錢亦不得成。是放此一錢卽是無盡之一也。問以此十錢之喻初導童蒙方便云何。答和尚告童蒙曰。汝先堅列十錢。其人應命堅列。和尚曰。此十錢爲是自性十耶。爲是緣起無性十耶。其人白云。此錢實是自性十也。和尚曰。莫作是說。此十乃是緣成十。故一一具十耳。然其迷人未會此意。和尚告曰。若此十錢悉是自性十箇錢者。汝當數之。迷人應命數

其錢云。一二乃至十也。爾時和尚去却第一錢。問有幾耶。白云只有九耳。和尚曰。汝可更數。其人數云。一二乃至九。和尚曰。汝前既云。此十定是自性之十。何故汝令以前第二爲第一。乃至前十爲九耶。白云。由和尚去却一錢故爾。於是和尚還置一錢。問有幾何。答有十也。和尚曰。汝應復數。彼人承命復數之云。一二乃至十。白云。和尚去却一錢時。以第二爲第一等。和尚還置一錢。亦得復以第一爲第二等。然則非自性十應。是由一有十由十有一。是故一一緣起無性耳。

法融云。一者向上來者。一云。此門初錢但有去義無來義。第十錢中但有來義無去義。一云。反此也。謂初錢有力將十錢來故云來。第十錢有力將十錢去故云去也。本數者。問本一與本數何別。答位不授時呼一則十皆應云。吾亦一。吾亦一故授第一乃至第十等位時。以第一之一本是一。故授第一位。故云本數一也。又以數十之初一故云本一也。大記云。一者一乃至卽是本數者。問何知初一受本法名耶。答佛自證法離一二證。而不守自性隨緣成時。若呼一則全法界是一也。既授位云。一也二也乃至十也。故云初一得受稱本法名也。問既橫列十錢。隨我所舉爲初而數。故十皆本數耶。答既隨所舉爲初而數。方爲本數。由隨所舉次第受二三等名。故是末數也。問若此和尚以一爲本。則經中比如數法。十皆悉是本數之文如何通耶。答是

一之十故舉十耳。是故一之十。故十皆是一。故云皆悉是本數也。問若爾應是十皆本數何不爾耶。答授其位時。既云二三等。故唯初一是本數也。然而其十是一之十。故皆是本數也。法融云。即生不生等者。即生者無明因緣行果生。故即生也。生縛說者不生也。不生者無明滅故。行滅則不生也。滅縛說者生也。不住義者。且約一塵不住於自位。盡於法界約約皆然故也。中道義者隨舉無側故也。

大記云。不自在者自己空義也。即生不生不生者含有一意。一生不生者無生佛法之證分也。不生者緣起分也。二就緣起分不生者。緣起觀無力無生故。生者因緣觀有力有生故。龍樹云。因緣所生法等有二釋。一云初三句同教。後一句別教也。一云。即是空者緣起觀。是假名者因緣觀。中道義者性起觀也。法融云。無分別者。此十錢中每一錢隨舉。無側不可標指故也。不守自性者。二不守性三四及十亦不守自成一之體。故云隨緣故云不住也。以一事辨一多者。由一有十。故若取其一則二三乃至十皆不成。故呼一之時十皆口許。吾亦一吾亦一也。以一之多故云辨一多。故即盡也以異事辨一多等者。呼二之時十皆口許。我是二等故云以異事辨一多故不盡也。謂以二盡十以三盡十。乃至以十盡十。皆初一錢之不盡德也。問以二事辨二多者。是第二錢之盡也。此第二之不盡何耶。答以一事辨一多。以三事辨三多等。皆是第二之不盡也。問藏師所云。一中十故

盡之一。與十中一故不盡之一何別。答同也。問若爾何故十中一則不盡耶。答一中具十。故云一中十故盡也。具十之一但為第一之一而盡十。不為第二第三乃至第十而盡十。故云十中一故不盡也。謂一中十之一者。具二具三乃至具十之一也。十中之一者。不能為二攝十。不能為三攝十。乃至不能為十攝十之一也。

大記云。問以一事辨一多者通十錢耶。答爾也。謂約錢體故又隨位云。以二事辨二之多等。亦得餘門例爾。謂約錢位故。此中約錢體云也。此中以異事等者。今遍計人習因緣故約列位之離垢等異事。若令因緣人習緣起。則以一一具十。故約其歡喜所具。十中離垢等為異事耳。不約列位之離垢等也。故下又釋中約一門辨盡不盡。是故約初義則不能盡。故不盡也。約後義則以無盡故不盡也。問何知以異事者。但是歡喜所具離垢等耳。非列位之離垢耶。答藏師云。為但攝自一門無盡耶。為亦攝餘異門無盡耶。答或俱攝或但攝自一門無盡。何以故。若無自一門無盡。餘一切門中無盡皆悉不成。是故初門同體。即攝同異二門中無盡。無盡窮其四極法界。無不攝盡已。古德云。餘異門者。上云一門中既有十。然此十復自相即入。重重成無盡也。是故約自所攝為餘異門。故知非是列位之離垢也。

一多之義耳。四句護過等者。問若執為一有。何過耶。答斷常過也。謂有十方有一無十。謂一是斷也。無十而執一故是常也。去非者。問一耶。答不也。一即十故。問十耶。答不也。十即一故。亦一亦十耶。不也。離相違故。非一非十耶。不也。離戲論故。現德者一耶。是也。十即一故。十耶。是也。一即十故。亦一亦十耶。是也。双存無礙故。非一非十耶。是也。絕待離相故。異事亦准同者。如第一錢論盡不盡。及以四句護過等。第二錢等亦爾。准知也。須者緣成義者。或處云。緣者須義。須者無他義。或處云。須者緣義。緣者無他義也。一者向上去。二者向下來者。唯初一錢舉體為二。乃至為十。故云向去耳。非約將去云去也。從十向一舉體而來故云來耳。非約將來云來也。謂此即門。是形奪門。故約其自體去來之義云去來耳。前中門是相順義。故約將來。將去之義云來去也。自位不動而恒來去者。問前中門則是力門。故可云不動。此即門者是體門。故位動門也。何云自位不動耶。答雖云一即二。一即三乃至一即十。而不捨一名至第十錢。故云。自位不動而來去也。

大記云。來去者隨緣義。即是因緣義。不動者向本義。即是緣起義者。藏師云。去來不動即一物故已。各現一義故亦互許也。平等不起故名緣起。故云向本義即是緣起義也。

法融記云。因緣相望等者。因緣錢者。一一相資有力。能生之全力而成十錢。緣起錢者。資無力。無生之空力而有十錢。若不資無力。無



生之空力則不立。故緣散即無緣。集即有性。起錢者自體空。故緣集緣散不增減也。六記云。且依遍計事錢。現依他因緣緣起錢也。亦可依指示緣生等者。初節則依遍計錢。現示因緣緣起錢。故不以錢爲喻也。謂如三性次第。依遍計事現依他法。約依他法現因緣緣起等也。後節意則以錢爲證也。一云。初復次從淺現深。如文可知。亦可依下。所以明此數法者。欲解迷愚故重釋云。直指示緣生之法無有自性。離名相故終不可得。是故且依執遍計物迷。緣起法者之所解十錢。以現數法與上所明。離相之法逗留全別。謂且此世俗所知數錢之法尙能如是。甚深玄妙況彼聖智所證。離言絕相之法乎。如是現也。但依字在前。故文相稍似隱耳。逗留者事由也。

南岳觀公記云。錢有七重。謂遍計。依他。因緣。緣起。性起。無住。實相也。一。遍計錢有二。凡夫二乘所見也。凡夫但見此錢方圓之相。不見四大四塵之所合成。亦但見一非二非三等差別相。終不見錢無自性。二。乘漸見假集空相。此亦猶爲遍計錢耳。以二乘雖見四相。而未得解法空理。故此上並名遍計錢也。三。乘之人方解此錢。依他因緣而起。起時無生故名依他。而未解因緣親疎無二。就一乘中明此因緣。無親疎故名因緣錢。然從前病治。其病故名因緣耳。三。乘分說無親疎義。然今直明一乘親疎無二之義。然猶此門但明緣起現前有力生果義耳。次現緣起無性空平等義。

故名緣起錢。是故經云。平等不起故名緣起。次明空有不二混爲一體。自體空義故名性起觀。此等多約十二緣生十番觀立。是故或云順三乘義。問於上三門有何勝處。復說無住實相等耶。答更亦有勝。謂論無住時語空即足。不加有語。語有亦爾。語其一尺即滿足法。不加餘語。據據即足。性性並圓不改本位。以令滿不轉前名而使圓不布快。而令寬不崇。卑而令高。故古人云。無住者不動之異名也。實相者初入無名真源之門。終消緣起究竟之際。解終入行行成入證也。

菩薩一念。無礙辯才。大記云。初發心菩薩一念功德。乃至約一門等者。初門同體也。無量無邊諸地功德。乃至約異門者。第二門以去同體也。初發心時乃至約行體者。是異體門也。然雖有是義。今釋之義。無問同異體約一門現無盡等者。是第一錢現無盡也。無問同異體約異門說者。是第二錢以去義。如一錢即十約行體說故者。上來雖明一門現無盡。又云。約異門說也。而不明其所具之無盡重重。故今指一門及異門內所具。故云。如一錢即十故也。約行體說者。一云。以初發心即萬行體故。又信滿成佛是行佛故也。阿耶兒子年月皆同者。一念即九世故兒年非小。九世即一念故父歲非多。故古辭云。一歲女妊五十年產。得五十歲大丈夫也。謂初發心菩薩攝五十位。即成妙覺位也。一者無分別義者。諸法體一故。同者不住義者。此不自在故。

同於彼。彼不自在故同於此也。同處並頭者。不相知義者。舉頭則頭外無足。舉足亦爾。無可對故。即不相知也。無有作者無作用義。無有成者無體性義。無有知者體用俱無義。此是緣起觀。由無體用方成空果故也。法性家者證分也。陀羅尼藏者緣起分也。謂無住別教門中約法道理明六相者。是入證分家之要門也。同教門中說方便六相者。是開無住別教藏之好鑰匙也。問入家之要門開藏之鑰匙。則六相以外別有所入所開等耶。答一云。所入乃是證分。六相正是緣起分故別也。一云。六相即是法性家及陀羅尼藏。故更無所入所開也。然云。六相方便者。是約法體巧相集成方便也。無礙辯才體非三乘分齊者。雖是無住別教。而以六相方便爲言說故也。謂別教中雖義即是言。言即是義。而言義不難也。

同時具足。如華嚴經。大記云。同時具足相應者有多義釋。或依大疏同異圓備中謂。前九門總合爲一。大緣起法令多種義門。同時具足之文而云。唯總非別也。或依綱目謂。此一應攝上十對。同時具足亦攝後之九門。玄義之文而云。初節別同時義。後節總同時義也。今云。二義皆然不可局執。言同時者有云。海印圓明之時也。有云。於世染分十二時中隨何云耳。又此二說亦皆有理。言於中有十門。所謂人法理事等者。依普法章唯東五對十法不同。大疏等十對二十法也。但開合耳。義無加減也。言十門者何故十法而云。

門耶。謂以智之所入義同故耳。言相應無有前後者。一云。時法相應也。一云。十普法中海一法不相知義也。因陀羅網境界者。如帝釋殿五色珠網玄相。瀉影重重無極。緣起法法法爾。相攝所攝復爲能攝。重重相攝無盡無盡故。向內尋心入入猶外。向外尋邊出出猶內也。故古人云。比如王宮有多重門。從外入內之時。謂入此門即爲內也。而其門內復有異門。故前所入還是外也。又謂。入此即爲內也。而其門內又有異門。故前所入還是外也。如是重重故入入猶外也。從內出外之時。謂出此門即是外也。而其門外又有異門。故前所出還是內也。如是重重故出出猶內也。言境界者。簡餘門。豈非證智境界。何故此門偏得此言耶。答地論云。帝網差別者。真實義相。真實義相證者境界。故從此論文立此門名耳。非謂餘門。非智境界也。此中具前十門者。爲是一種十普法耶。爲是隨門各別立耶。答二義皆得。謂門門皆云。具前十故。一種亦得。然而隨門不雜。乃至百門千門各有所具。故各別亦得。從喻異者約法。應云。從重重無盡異耳。問何故初門無此簡辭。答既是初門除不盡故。若對後之諸門簡者可云。從無前後異耳。餘可准知者。前門十法並具足。具足故准此。應云。人法因陀羅乃至因果因陀羅等餘門例爾。是故第十門末亦有此言也。祕密隱現俱成者。有文云。於一微塵入正受。一毛端顯三昧起。如是在彼隱此現。正受起定同時祕密成矣。有文云。隱則祕密。現則現

著。名爲祕密隱現俱成門也。初意云。隱與現一時俱成故祕密也。後意云。祕密隱與現俱成也。從緣異者是機緣也。故十玄章云。隨緣所見故有增減也。又云。所須緣也。謂十普法中須人則人現餘隱。須餘亦如是故也。微細相容安立者。微細目能含相容目。所含安立通能所也。或反此云。微細則所含相容。則能含安則能安立。則所立也。下一多相容門。具一容多。多容一等二義。此微細門。約一容多之義。故古人云。如瑠璃瓶盛多芥子也。又云。微細者難知之義。謂塵不轉大而能容刹。刹不轉小而能入塵。如是道理甚深難知故也。相容者一能容多故。又一皆皆亦如是故也。安立者一多不壞故也。又云。若是神通變化所作非。謂安立直是緣起實德法爾。相容故云安立也。從相異者此就相說。謂小相大相一相多相等也。十世隔法異成者。問應云。九世隔法。何故并取總一念云隔法耶。答以總別時隔總別法。亦無難也。從世異者。一一世中各具十法。此是世門所具故也。諸藏純雜具德者。依十無盡藏品立也。從門異者一行長修。則云純門萬行齊終。則云雜門也。一多相容不同者。古人云。微細相容一多相容。二門何別耶。相容雖同而義別也。謂何者相容故有一多相容門。相容之貌如何故有微細相容門也。從理異者非。謂真如之理是因果道理也。謂因能具果。一能具多等故也。諸法相即自在者。因緣當體。即因即果能成。因外無別所成果法也。從用異者德用自在故

也。謂舉體相即之用也。亦可依性者。無住法性也。問餘門何不依無住法性耶。答雖皆依性。非無遠近之殊。謂中門者但約力用而論。此中明無住本性所成之法。當體即空。全體相即與性切近故也。唯心迴轉善成者。十一稠林心及十種性起心等也。從心異者。唯心迴轉而不動故也。托事現法生解者。所托事相正即所現無盡法體。非是托此別有所表也。從智異者。約生解云也。

花嚴略策云。十表無盡一一造玄。隨舉一法即具十。謂一同時具足相應門。如海一滴具百川味。二廣狹自在無礙門。如徑尺鏡見千里影。三一多相容不同門。一室千燈光光涉入。四諸法相即自在門。如金金色二不相離。五祕密隱現俱成門。澄空片月晦明相映。六微細相容安立門。如瑠璃瓶盛多芥子。七因陀羅網境界門。兩鏡玄照傳輝相瀉通出無窮。八托事現法生解門。立像豎臂觸目皆道。九十世隔法異成門。一夕之夢翔翔百年。十主伴圓明具德門。北辰居所衆星拱之。圓通首座記云。且約吾身論十對。十門者。一吾五尺身表令生解爲教。即是所詮爲義。二吾五尺身即同法性爲理。經云。衆生即法身法身即衆生。故五體四大歷然差別爲事。三吾五尺身從頭至足。空寂無礙爲所觀境。如是觀者是吾心。智爲能觀智。四吾之所造善惡無記等行爲行。由此行故得凡夫位等爲位。五吾所

造業爲因。由此業故所感之報爲果。六吾五尺身八萬戶虫所依處。故又諸佛遍吾毛孔說法。又經云。衆生形世界故爲依。而是有情故爲正。七吾本覺性本來常住不還不動爲體。宛然現現爲用。八吾五尺身爲人。以緣起法之所攝故爲法。九吾所造作不善之法。逆於真故爲逆。所造相似善行爲順。十吾當果佛內熏我身。無暫捨頃。我若作善助令增長。我若作惡依厭令脫爲應。是我迷心之所得故爲感。如是吾五尺身本自滿足。若圓若分即具教等十對。爲同時具足相應門。不動五尺周遍十方之際。爲廣狹自在無礙門等。是故行者。若修此觀不動凡身。即是自體毘盧無盡法海總相普賢。即是內證國土。亦是花藏世界。亦可謂之大方廣佛法嚴經也。圭峯禪師行願品抄中釋。剝皮爲紙。刺血爲墨。折骨爲筆。書寫經典等。文云。二約觀智釋。謂觀察此身若皮若骨都無定實。舉體全空無我我所。雖然目觀似有身相。其猶聚沫泡焰芭蕉。既無自體元同法界。如是推窮三諦具足。成空假中微妙。三觀詮於此義生。得此解契合心機。即是寫經以經。是詮表生解義。故若不觀察心迷取相。即無經也。已亦當此義花嚴學人胡不勉旃。南岳觀公記云。問十門甚深難可得見。請且施設門相。答有十種緣起道理。謂一同時具足者。法界相應道理。二因陀羅網者。法界無盡道理。三祕密隱現者。法界相成

道理。四微細相容者。法界齊現道理。五十世隔法者。法界流轉道理。六諸藏純雜者。法界具德道理。七一多相容者。法界因果道理。八諸法相即者。法界德用道理。九唯心迴轉者。法界集起道理。十托事現法者。法界現前道理深思之矣。問十玄緣起觀法如何可成。若隨十門而成十觀。進心曠蕩不成一觀。何以故。隨十門別遊其心故。若捨十門觀行。局促不應無盡即同三乘。答此義實難。然有二義。生解成行。若約生解具說十門不爾。不得生無盡之解故也。若約成行具說十門。謂緣起一言諸法無二即現了。手何須多門。然言一不達多言。多不達一故。經云。若見緣起法即見處舍那此之謂也。若成一緣起觀。則十門相應也。問其性海果分不論。因陀羅等心智路絕。唯觀性海足矣。何須成十門觀耶。答但觀性海其觀有偏。彼三乘菩薩尙雙照二諦。俱遊空有名爲無住。況乎一乘不起則已起。則離始終故。起與不起合爲一際方。爲無住緣起中道觀也。問一乘行者。至於何位有十門無礙用耶。答至解行位方有大用。若見聞生機成金剛種耳。又見聞中即起無礙大用。問廣狹門中四句六句云何見耶。答或廣無際。或分限歷然。或廣狹俱存。或廣狹俱泯。或具前四。是解境故。或絕前五。是行境故。此中前三句是緣起現前義。次一句是緣起無生義。問何故具前四句。是解境耶。答起解之人以別知

諸法普。別性相方起正解。若不別知即滯邪見。是故前二句是普別相對。後二句是性相相對。故流轉章云。問一門無念便足。何須如上廣分別耶。答若不如前深思。彼義則見不伏生。若不別知解行別者。即妄以解爲行情。謂不破設總無知。但強伏心而作諸觀。並謂。中作非是真行究竟。增惡見入於魔網。不能成益故。經云。百千嚧羊僧無惠修靜慮。設於百千劫無一得涅槃。聰敏智慧人能聽法說法欲念。須臾頃能速至涅槃。問何故或絕前五。是行境耶。答唯是總觀法是一身。故無五句差別也。是故雲華云。莫須多門。只言一故。又經云。於諸法中不生二解。問總觀法是一身不作廣等四句者。不爲廣狹攝耶。答雖具一觀而是無住。故隨須無礙。如雲華所云。無分別不住故。能成衆事。問解中四句豈非無分別耶。又行境中雖是一觀不防四句者。解行差別云何可見。答二並各通。然有偏增。謂欲成解則以一之多義其解不偏。若欲成行便是多之一。觀其行不亂。問何故但以俱絕爲行耶。應云。普賢行中具足諸句無碍用耶。答雲華云。真俗二諦非分別知。但對情見故分二相。唯越情見逆順相應。以此故知絕其五者。唯是令越情見耳。問絕前五句成其一觀者何耶。答若言廣不須餘語言狹亦爾。然越情見廣狹相應也。又故人云。行步是解。不行步是行。此言有在也。林德云。有離別總相。是諸法究

竟之體也。以絕廣等四句。方爲廣等究竟。故知都絕別相諸緣。正是究竟總相也。又有云。解者是進修者解也。境者廣狹等法也。初修之人以緣起分無礙之法。爲所解故。行者是緣起分普賢之行。境是十佛性海。謂緣起分行人。以彼性海爲行境故。如古人言。一乘行者唯修國土海。正在茲乎。大記云。如花嚴經者。古人云。大經題名中。大方則器界。廣佛則佛界。花則是因。上從等覺下至六趣。即是生界。嚴則此三緣起互相融。即圓明自在。經則於前境界。以六相觀智。是解是行。貫持不失故也。若觀智有間。不得相續貫持。則非經矣。總則七字題名。別則無盡。品會同則品會皆同。異則品會各異。成則緣起集成。壞則品會各住。

花嚴錦鈔云。第一釋經題目云云。大等七字略以七門分別云云。第四展演無窮者。從微至著。略有八重。廣則十重。初於最清淨法界強分理智二門。即菩提涅槃之異。二於理開體相用爲大方廣。於智開因果爲佛花嚴。嚴通因果故連合成證。乃名爲經。即題中七字上二展法。下皆展處。三展七字以成初會。初會總故彼有十海十智。十海之中有體相用。即大方廣十智之中有因有果。即佛花嚴詮釋。於此即名爲經。餘皆例此。四展初會以成後八會。八會之中有四重因果。其所觀所證。即大方廣。能觀能證。皆佛花嚴。五展遍於法界。同類刹中皆有九會。六遍同類刹。七遍法界。

異類刹中。八遍法界異類刹。若同若異各兼主伴。即成十重。或以遍虛空塵道帝網刹土以爲十重。斯則法界之內無有一塵一刹不說此經也。故大經云。毘盧遮那佛願力周法界一切國土中。恒轉無上輪。又如於此處見佛坐。一切塵中亦復然。佛身無去亦無來。所有國土皆明見。第五卷攝相盡者。謂異類刹所說不殊異類刹中所說。異類刹中所說不殊同類刹所說。同類刹中所說不殊普光八會所說。八會所說不殊初會所說。初會所說不出題中七字。題中七字不出理智。理智不出清淨法界。只此清淨法界之名。亦是安立體不可得。斯則泯蹤絕跡言思所不及也。故大經云。法性本空寂無取亦無見。性空即是佛不可得思量。又云。若實若不實若妄若不妄。世間出世間但有假言說。第六展卷無礙云。展卷一時無有障礙。廣即是略略即是廣。皆無障礙故。第七攝歸觀心者。上來約教詮義。有是多門。若不攝歸一心則於我何預。今則令知有行。發意修行。所言大者。即是心體。心體無邊故名爲大。方是心相心具德相之法。故名爲方。廣是心用心有稱體之用故。名爲廣。佛是心果心解脫處名之爲佛。花是心因心所行行。喻之以花。嚴是心之功用。心能善巧嚴飾。目之爲嚴。經是心教心起名言詮現於此。故名爲經。斯則大等七字並不離心。然心之一

字非體非用。非因非果非義非教。雖非一切能爲一切。何以故。以一法界心是絕待法故。問所言觀行者行相如何。答云。對事事無礙法界即成。事事無礙觀故。相即相入廣狹隱現主伴交參。重重無盡等亦以法本如此。依法而觀故名爲觀。依觀起行。行亦如之。

四大常轉法輪觀云。欲得此經意合有三段。一說大方廣佛等七字。二釋三十九品大意。三現道理依觀廣釋。初說題目者。大方廣者所觀之境。佛花嚴者能觀之心。經者通於境智。所謂大者四大。方者四大之塵。廣者一一塵相法界虛空界。九世十世中無所不周。佛者解此理心。花者此心清淨湛然離染。嚴者離染心中具逆順德。經者能所無二。二釋品大意說有總別。總者三毒。即三智。一智中具十德。故是爲三十。又一智中具三世。具見聞解行證。具三世間故。是爲九品。別者云云。三現道理依觀廣釋者。先融心相解此經意。云何融心相。一念無生正念觀心。與實相理相應時中離諸心相。爾時具得三種利益。一者超過十種外道所爲作事。二者獲得十種利。三者自身心中具見諸法。如執明鏡自見面像。十種利益者。一者自身心中具戒定惠。一切法如經云。制心一處無事不辦。繫心在一處能開智慧門。守一不移精神不散。萬靈扶衛。初學不思議三昧繫心一緣。若久習者觀心成就更無心相。恒與定俱。一

切心相即。非心故。是名不思議定云云。經有五種。一一切經。二心經。三自體經。四無住經。五實相經。謂於一法界以一心印印諸緣體。一切諸緣無不印文。故一切經也。此一切經唯一心量。故一心經也。心之諸法有體。故自體經也。自體無我於一切中無著。故無住經也。此無住經湛然無相。故實相經也。初文字經。次則義經。次則觀經。次則定經。後一法經也。

心輪鈔云。始成正覺。佛入海印三昧。所證法門。略有六重經。一者離內外經。二者向內經。三者向外經。四者內外相應經。五者內中略說經。六者為機將說經。所謂前三經是果分自利故。果分別教。後三經是因分自利故。因分別教。

圓通首座記云。花嚴經首。如是我聞四字釋有三義。對此則下始成正覺亦有三義也。第一離言玄寂之處。謂絕相不可目法性。玄微超出意外之處也。不可目之法性者。法界法之名位不動處也。若今我五尺身者。唯五尺是耳。此五尺上不許更目佛名法名故。云不可目之法性也。此五尺名正即法體。而謂此名是法上所立。如是計者所不及處故。云超出意外。又云。絕相也。問唯五尺是耳者。緣起之際可許此義。何云性海耶。答於此五尺名之緣中立五尺法者。緣起因分也。此名以外更無一法可立者。性海果分也。是故藏師云。緣無別緣以體盡緣。是故差別緣起。即是甚深

土海。又相和尚云。言說在證與本不異也。然則教分之中言是能證證所證義。今此之中言即證體故。無能所證之異也。問吾五尺上不可更許佛之。與法名目之義。以何為證而得知耶。答如是所發我言為證。然竟兼證者。光明覺品云。多中無一性。一亦無有多。至相引此為即門之證也。然而所言多者只是多耳。多中更無成一之性。所言一者只是一耳。一中更無成多之性。是故唯吾五尺是耳。此上不得佛法名目也。以此義釋此文者。如者如也。即是法本如者如均也。是故正即是我聞也。此意者唯我聞耳。我聞以上更不加餘語也。既約我論故但我耳。上不更加。佛與菩薩名位等也。聞者局於我也。問既絕名離相。何故舉五尺名耶。答此證分中五尺之名即實法體。此名以外更無法體故也。緣起分中名之與義二位不同。故令相即。今此證分之中即不如是。第二離修離證圓極至道也。不簡處之與人隨約。是佛不別主之與器觸事如是。是故光明覺品云。國土及衆生一異不可得。如是善觀察名知佛法義。處人不簡。主器不分。器與衆生本非異也。以一佛體故。又亦非一。以各各不動自名位故。由是得知。離三世間是一佛體。而非融三方為一也。雖一佛體即三世間。而非分一以作三也。然則三世間之名位不動。是即佛也。以此義釋此文者。如者我與聞為一之時即是佛也。約此上二重之義言

之。則如是我聞四字。正即究竟法體故。無以此為首。料簡下文所目之義也。第三正覺智日出於道樹。謂約佛論佛則法界諸法無非是佛也。然而隨衆生緣示有成佛示有說法。故於道樹始成正覺。約此義釋者。七處八會之法是佛所說。而結集人言如是我聞也。是故章主依此義云。料簡下文所目之義也。就上三中。第一佛所證。第二佛能證也。具此二佛是海印定。與此定俱能證之智名為大空。此大虛空隨機所須成種種名也。所成之法塵算難窮。要略而言不出十種也。三乘所明三科百法。從異熟識之所生故。不論主伴相成之義。今此十法本於證智。大虛空中全全所目故。云主伴成宗也。又三佛中。初二佛則始成正覺之證分也。第三佛則始成正覺之教分也。就證分中初義則所證也。第二義則能證圓智也。教分者即此圓智。與緣相應之義也。問若以初釋見者。如是即我聞也。始成正覺則如何釋耶。答並以此例釋也。謂一時者亦即滿足法性。更無所加處亦爾也。始成正覺者。亦非古迷今覺。應稱法界竟三世際。即是滿足究竟法體。乃至六十卷經末。衆生心微塵等偈亦如是也。若以第二釋見者。如者是我與聞為一之時。即是佛也。我是能聞。聞是所聞。能聞之我與所聞法。二而不二。唯一體者。即是如佛體也。處者菩提場是佛體也。約圓現而見也。始成正覺者第三佛也。以此義等釋

一部始終方爲妙也

古記云。大經略有十重解釋。謂第一環瑯經三寶十地三乘。此經所辨三寶十地一乘。若約此義釋此經文。則如是我聞一時佛始成正覺。於第一寂滅場中。說花藏世界。第二普光堂中說十信。乃至第八舍衛國中說入法界。第二就此經中行次第者。三乘六相圓融者一乘。約此義釋。如是我聞。乃至寂滅場中。說花藏世界。第二寂滅場內普光堂中說十信。乃至第八寂滅場內舍衛國中說入法界。第三前二是表相。故三乘內則一乘。約此義釋。則如是我聞。乃至第一舍衛國中說花藏世界。第二普光堂中說十信。第三他化天宮說十住。第四兜率天宮說十行。乃至第八寂滅場中說入法界。此義者是普賢二十二位。卽位脫位故無勝劣。如明難記所明。第四前之內表並是三乘。普賢無盡法數現者是一乘也。約此義釋。如是我聞。乃至寂滅場中。說花藏世界。第二寂滅場說十信。乃至第八寂滅場說入法界。第五前並紙墨所載故是三乘。無文字之虛空是一乘也。第六無文字之虛空是三乘。有文字之虛空是一乘也。第七前並教分。是普賢因門。故是三乘。佛外向是一乘也。第八佛外向是三乘。佛內向是一乘也。第九佛內向是三乘。離向背是一乘也。第十離向背是三乘。法性是一乘也。此是梵體德。所傳聞玄德所受也。梵體德云。普賢應德在世。達

實講起信論時。云。若不得知花嚴經中十重解釋者。終不能得花嚴文義。又若不知起信論中八重解釋。則亦不能得此論文義也

賢首大師花嚴三昧觀門中。問云。衆生修行爲要受持聖教耶。爲須捨教耶。答有十類。一者自有衆生。無識懸捨聖言師。自愚心復隨邪友。違教修行巧偽誑惑。此爲惡人也。三有衆生。亦背聖教以實直心。謂爲出要勤苦修行。竟無所益。此二人俱捨聖教不依義理。三者唯誦聖言不解義意。依傍聖教求名利。達自所謂。亦爲惡人。四者唯逐文句不知義理。但以直心誦誦。雖無巧偽亦無所益。此上二人俱不捨教。不得義理。此上四門皆不可依。五者讀誦聖教。分知解行多讀文句。少有修行。六者廣尋聖教遍知解行。漸略聖言取意專修。七者受持得意。唯在修行不復尋言。八者尋教得旨。知一切法無不稱性。是故於教亦不持捨。卽此言教稱性約教修行。九者常持稱性之言不捨不著。恒觀絕言之理不棄不滯。此上五門猶未究竟。十尋教得實理。理教無礙。常觀理而不礙持教。常持教而不礙觀空。此則教理俱融合爲一觀。方名究竟。此上十門前四全不可依。次五從淺轉深隨根悟入。然革凡成聖之方便。猶未究竟。唯第十門方爲究竟也。又賢首大師明受持大乘經。須知五法。一明其文有五。謂善知分段起盡前後相續次第連合詮義

圓滿無增無減。二解其事亦五。謂說處說主徒衆請儀及知圓音所說。三達其義亦五。謂略標綱要廣釋除疑譬喻令解引事證成舉益勸學。四得其意亦五。令發大心觀真理伏煩惱慈悲救物勤修萬行。五修其行自有五種。一於所聞法行。在身心未曾暫息。二歷前四門次起勝心。於前文教起難遭想。於前事相起尊重心。嘆佛難逢傷已薄祐。於前義理起愛樂心。於前意旨悲喜交集。三受持正法。謂於文教辯寫流通圖盡事相。表佛法會攝略義趣曲示行人。四自行增長爲親。善友繫念思惟。五成無礙行。謂得旨忘詮故不可守。志詮由教故不可捨。是故於教生無守無捨行。今此雖開爲十法行。但是衆緣資成正助相幫。總曰受持修習全依此者。可謂圓因動修不退皆證滿果。自教至唐古今有依法修學。通感靈瑞其類實繁。具如花嚴傳及纂靈記所說

法界圖記叢錄卷下之二

No. 1883

### 釋華嚴十明論叙

宋寶覺圓明禪師惠洪覺範撰  
顯謨閣待制朱公世英。爲余言。頃過金陵。謁王文公於鍾山。公以彥里開晚生有志學道。謂曰。若讀史見勾踐伍員事乎。勾踐保栖會

稽置臚於坐臥則仰瞻飯食亦嘗臚也。伍員去楚憂載而去昭關至蒲伏行乞於吳市。二子設心止欲雪恥復仇。而焦身苦思二十餘年。而後遂其欲。蓋有志者事竟成也。然移此心以學無上菩提。其何以禦之。世英囑予記其言。世英歿一年。余還自海外。築室筠溪石門寺。夏釋此論。追念平時之語曰。嗟乎流轉三界未即棄去。其恥亦大矣。因轉五陰未能超出。其仇亦深矣。以吳楚之仇恥較之。其相倍如日劫。而學者亦思掣肘徑去。然至誠惻怛勇決力行。較勾踐伍員特太山毫芒耳。豈不惜哉。金剛般若經。須菩提聞世尊言以恒河沙等身命布施。不如受持四句偈爲他人說之福。於是泣下。其心豈不謂學者多以一身味著懈怠故自爲障礙乎。夫難華具四天下微塵數偈。而其所說者。如來普光明大智一法而已。親近隨順此智者。戒定慧三法而已。以戒定慧觀照方便破滅無明。一切衆生彈指實證。故金剛藏菩薩曰。隨順無明起諸有。若不隨順諸有離。是謂成佛顯訣人法要旨。借令三世如來重復宣示深奧。不能加毫末於此矣。其於利害去取。曉如白黑其義理昭著。譬如日星。不知學者於戒定慧何疑而不隨順。於無明煩惱何戀而不棄遠乎。孟軻曰。今有無名之指屈而不信。非疾病害事也。如有能信之者。則不遠秦楚之路。爲指之不若人也。指不若人則知惡之。心不若人則不知惡。此之謂不知類也。今之知類者。吾特未見耳。豈密行暗證。隱實顯說。世不得而知歟。

抑觀力能浮習重。境強多遇緣而退歟。余切慕。思大智者父子於道能遺虛名收實効。三十年間決期現證。皆獲宿智通。入法華三昧。乳中之酪此其驗矣。嗚呼安得如南嶽天台兩人者。與之增進此道哉。政和五年六月十日書

### ●解迷顯智成悲十明論

唐太原李通玄撰

#### ●釋十二緣生

夫十二緣生者。是一切衆生逐妄迷真。隨生死流轉波浪不息之大苦海。其海廣大甚深無際。亦是一切諸佛衆聖實莊嚴大城。亦是文殊普賢常遊止之華林園苑。常有諸佛出現於中。普賢菩薩恒對現色身。在一切衆生前教化無有休息。文殊師利告善財云。不厭生死苦。乃能具足普賢行。一切諸佛功德海參映。重重充滿其中。無有盡極。與一切衆生猶如光影。而無障礙。以迷十二有支名一切衆生。悟十二有支即是佛。故衆生及以有支皆無自性。若隨煩惱無明行識名色。六根相對生觸受愛取有成五蘊身。即有生老死常流轉故。若以戒定慧觀照方便力照自身心境。體相皆自性空無內外有。即衆生心全佛智海。如經頌云。欲知諸佛心當觀佛智慧。佛智無依處。如空無所依。衆生種種樂及諸方便智。皆依佛智起。如華嚴經。佛子

菩薩摩訶薩有十種退失。佛法道應當遠離。何等爲十。爲於善知識生憍慢心。失佛法道。畏生死苦失佛法道。厭菩薩行失佛法道。厭惡受生失佛法道。樂著三昧失佛法道。於諸善根起疑惑心失佛法道。誹謗正法失佛法道。斷善薩行失佛法道。樂求聲聞及緣覺乘失佛法道。起瞋恚心失佛法道。若修行者求大菩提心者。無勞遠求。但自淨一心。心無即境滅。識散即智明。智自同空。諸緣何立。以空智慧光明普見法門入十住初心。此如善財童子登妙峯山頂。以明相盡法門故。欲令其心轉更增勝。上入海門國。重觀十二有支生死大海。見佛出興說普眼經及佛功德海諸波羅蜜海乃至禪波羅蜜。方始一終。又至十地中第六地作十度。逆順觀察十二有支。成般若波羅蜜門。三空自在智慧現前。以大慈大悲爲首。故不盡諸行。又以空慧入諸行海。長養大慈大悲入生死海。如蓮華處水而無染污。如阿修羅處海緣沒半身。像大悲菩薩以空智隨流處經不沒。廣如經說。今略叙其十法。令後學者不妄別求。設使自外他求畢竟須明此理。若厭十二緣生別求解脫智海者。如捨水而求水。逐陽焰以求藥。若以止觀力照之。心境總忘。智日自然明白。如貧女宅中寶藏不作而自明。如窮子衣中珠無功而自現。十門如下

第一明。一切衆生十二緣生惡覺生死。從何所生。第二明。十二緣生爲是本有。爲是本無。第三明。諸佛解脫智慧。爲是本有。爲是



修生第四明。十二緣生與智慧誰爲先後。第五明。十二緣生及佛智慧有始有終否。第六明。十二緣生是一心所變。云何受三界苦樂不同。第七明。解脫法中何法有依。何法無依。第八明。諸佛解脫無有性相體無處所有。無量功德。有一佛刹微塵身土莊嚴牙相映徹。爲是有常。爲是無常。第九明。一切諸佛皆有。大願。云誓度一切衆生盡方自解脫。如今一切衆生無數。云何無量諸佛已成現成佛者。如無量利應。豈不違其本自大願無量力耶。第十明。十二有支是大生死之源。如何超度使令迷解同佛大智大悲。成大法門。一切智慧佛功德海。

第一明十二緣生惡覺生死從何所生者。爲一切衆生從本已來。無本無末。無始無終。無性無相。無古無今。真智慧之體是一切衆生之本源也。爲真智慧無體性。不能自知無性。故爲無性之性不能自知無性故名曰無明。如華嚴經第六地。不了第一義故號曰無明。將知以真智慧本無性故不能自了。既不自了。是以諸佛更須示現出世說法利樂人天。本無衆生可度。既先賢得道利樂世間。明知真智。要得了緣方能現也。若言真智本來自然常不變易者。即有所依。即有所住處。即堅然形質。十方虛空不可相容納也。即同外道及二乘并淨土菩薩皆有所依。故衆生自衆生聖自聖不須教化也。故知有賢聖得道。會真明知真智無性。不得了緣但迷心境。十二有支隨事染著。不能自知有性無性。妄作我

見。隨順無明行。識名色對六根爲觸。識爲種子。意爲能緣。隨事和合。觸受隨生。無明行二事緣眼耳鼻舌身五根。與名色相對。無明行爲所緣。意爲能緣。名色是所緣之境。識對諸根隨事和合。分別善惡取納名受。此一段五根從意及識七法爲現行緣。領受貪著不捨。便生愛取有。從愛取有三緣成來世業因。生老死三緣爲來世苦果。此愛取有及生老死。常以生老死爲果。生生無有停息。隨自貪欲乘憍慢放逸貪嗔勝劣等業三界受生。苦樂不同。皆是自心變非由他與。應如是知是一切衆生所生苦海之源。以迷真智故便有業生。十二有支因此而起。若達無我則無所生處。則一切法自性無生。是故經云。世間生滅皆由著我。若離於我即無生處。執著我故常有無不正思惟起於妄行行於邪道。罪行福行不動行。積集增長。於諸行中植心種子生有漏身。復起後有。生及老死所爲諸業爲田識爲種子。無明闇覆。愛水爲潤。我慢既濃。見網增長。生名色芽。名色增長生五根。諸根相對生觸。觸相對生受。受生已復希求生愛。愛增長生取。取增長生有。有生已於諸趣中起五蘊身名生。生已衰變爲老。老已劣造業成病。病已業盡爲死。死時生諸熱惱。故憂悲愁嘆果皆集。此因緣果故集。無有集者此明。經意爲名第一義。故妄生苦緣。實可悲感。爲迷心境狂流生死。衆苦悲惱飄轉何休。但淨意根空慧現前。十二有支都無所有。及名色識觸受等五法。皆爲根本智之法界

自在緣生諸法門大海及諸波羅蜜諸功德海。以明迷者。即諸煩惱海一切心境總爲苦海。若覺悟者。即是諸法門及波羅蜜海。正覺悟時無明不見滅。智慧不見生。是故經云。一切法不生。一切法不滅。若能如是解諸佛常現前。此明迷解。是故一切衆生於第一義根本無作智中妄起作業。愛取有生。是故十二有支迷真智慧生。十二有支以爲生源。以此三乘教法諸般若中。爲中下種人但說五蘊十二緣空。空亦空有爲無爲及畢竟空。乃至十八空等。皆未明達十二緣生煩惱苦海。便爲智海正覺海諸法門海諸波羅蜜海菩薩萬行諸功德海。文殊普賢毘盧遮那三法皆悉圓滿。一一塵中十方諸佛及一切衆生同住無礙海。法如是故非是權乘神通所作。一切大小皆無邊方。參映重重重重無礙。如經廣明。

第二明十二緣生爲是本有爲是本無者。此中有二義。一妄。二真。一如世情妄見。隨三世古今爲心計其萬事實有。又計生死等以爲無常。此乃如世情心想所計。言無常並是妄心妄想裁接無有窮盡。言常無常並是虛妄無有定法。皆不可依也。言真如理智常不變易亦是虛妄。是故淨名經云。無以生滅心行說實相法。以此十二有支是一切衆生自心自誑情計變生。今言十二有支常。以是虛妄。若言無常法。又以滅而取證。或厭而往生者。皆且得變化生死。非真解脫。是故常與無常同第一義智。不可以情知也。經云。不了第一

義。故說曰無明。又世諦即第一義諦云何。十二有支定說爲常及與無常。又如正會第一義諦時。不見身心及境界若生若滅常與無常。是故十二有支無決定性。不可說言常與無常。同第一勝義諦故。

第三明諸佛解脫智慧爲是本有爲是修生者。此一段須知四謗。言法本有增益謗。言法本無損減謗。亦有亦無戲論謗。非有非無相違謗。若言諸佛解脫智慧本有增益謗。若言本無要假修生損減謗。此之一段非情意思量言所及也。情亡神會想盡智圓。何以情論於有無。談其無功之智也。言其本有即體性如同虛空。本來無迹。言其本無因修而得者。亡情虛而始會一乘。若以滅識亡情亦非是。當一切衆生以情想恒存者。常迷不知存。修即却敗。放逸即全乖。若言本有修生皆爲過失。何以然者。言本有一切衆生元來是佛。何因苦樂流轉不停。若言修生還成敗壞。有爲之法皆是無常故。須除此二障方可相應。乃故頌曰。諸法不自生。亦不從他生。不共不無因。是故說無生。此乃禪定觀行方便。以爲了緣迷解自明。不可以情慮計度。云修生本有此果體無以斟酌知。無以思量得。當以止觀力功熟方乃證知。急亦不成。緩亦不得。但知不休。必不虛棄。如乳有酪。皆須待緣。緣緣之中無作者。故其酪成已亦無來處。亦非本有。如來智慧以戒定慧衆善方便而以照之。而緣緣之中無作者。無成壞故。然於一切智一切種智。於中而得明然。於諸法中無能作

所作者。故亦非本有。亦非本無。以第一義中無本無末。無始無終。無成無壞。無三世古今。亦不可作本有及以修生。成就世間斷常諸見及諸謬論。應如是知。如經中頌云。一切法不生。無有常見。一切法不滅。無有斷見。若能如是解諸佛常現前。以無斷常故。即是成佛義也。是故不可作修生本有。卜度之妄想也。重執妄想不可相應。當須於一切法無心。道自現也。無心道現正智方明。正智現前方覺心境諸緣自皆無性。心境無性智日同空。境何。能立智空境寂識浪無生。所有現行都無能所。如空谷響。應物成音。空谷無心智。亦如是應物分別都無所生。於此是他同於幻住。所有心境皆如。不見一法有生住異滅成壞等相。名法界緣起自在無生門。如善財至德生童子有德童女所。得空幻智幻生幻住法門。一切處受生皆同幻住。

第四明十二緣生與佛智慧誰爲先後者。如世情識妄業所見者。即十二緣生生死在前。若以道現智明。古今元來不變。無動轉故。已是無量劫中所作善惡業果報德。道現智明悉能見之。如彌勒樓閣中善財入已彌勒三世古今業行悉於中現者是也。以自淨智業圓明。十方諸佛及一切衆生三世古今業行無不普現。以無明總盡一切智成。自合如是。但淨自心不可希望。如世間初心。但且息心淨念者。亦得少分外邊生死境界所現。故求大道者不取也。不可以螢光滯於大智之明。此是攝亂息心所見也。亦有邪鬼入身。亦見

少分皆不可取也。善決擇之。如十地菩薩得百萬阿僧祇三昧。世無不明。坐大寶蓮華之上。量等百萬三千大千世界。授如來職。其身充滿大蓮華之上。此大蓮華四邊次有十三千大千世界微塵數蓮華。以爲眷屬。諸菩薩皆坐其上。向猶於普賢行猶爲障礙。欲見普賢菩薩不能得見。當捨五障方見普賢。略釋中已明。善財欲入大悲位。但見摩耶夫人處寶眼天。具明五障之數。何況世間息念少分淨心。怕怖生死畏懼華緣之心而少分可見。亦爲障道。未作須作。已作須過。勿滯其中。一依善財童子所有十住十行五位行樣不錯也。如是根本大智之海。不可更求前後之見。皆從迷十二緣生之法。於心境上意識魔王妄變。自惑其心。至無始沈淪。由迷不覺存前存後。見古見今。第一義中都無此也。一切處文殊師利同聲說偈云。一念普觀。無量劫無去無來亦無住。如是了知三世事。超諸方便成十力。又以大智體中同三世事。以過去世入現在未來世。以未來世入現在過去世。以現在世入未來過去世。以根本智無三世性。妄執三世。智現自圓無古無今。一世通爲三世。以三世中一世上三世爲九世。通平等世爲十世。如圓珠上求方。環輪上求始末。虛空中求大小中邊。前際後際終不可得。應如是知如是見。即於大小前後諸見無所惑亂也。如是見盡。三世都忘名初發心時便成正覺。然後成普賢之行矣。

第五明十二緣生及佛智慧有始有終者。如

有人於少時間夢見無量劫。忽然醒覺。所有夢中時量劫數。不可得。亦如是見無明及佛智慧。亦不可得。爲無明等十二有支及佛智慧皆虛妄也。經云。無明亦無無明盡。乃至無老死亦無老死盡。爲真妄總同一虛空性故。不可於空中求其生滅等相。不見無明滅。不見智慧生。以無生滅故。一切法亦如是。無生無滅。無始無終也。

第六明十二緣生是一心所變云。何受三界苦樂不同者。金剛藏菩薩云。於第一義諦不了。故名曰無明。所作事是行。行依止初心是識。識共生四取蘊爲名色。無明行識名色爲四。名色增長六處。六根是也。根境識三事和合是觸。觸生受。於受染著是愛。愛增長是取。以從此愛取中。不順貪瞋忿恨各隨執業深淺輕重種種不同。因此惡道人天諸業各各差別。修行者大須觀察淨治識種。以現智門。而於心境即得自在。餘意下當更明。

第七明解脫法中何法有依何法無依者。聲聞獨覺皆厭生死。依寂滅涅槃淨土。菩薩厭生死所依淨土。般若中菩薩破有歸空。成空智慧。應生淨土。留惑潤生。教化衆生。如涅槃中。依一切衆生有自性清淨。亦具普賢行。俱是三乘中諸教菩薩等法門。國土皆有大小廣狹所依分量可得。皆有所依故。爲衆生根品量度未圓。所有修行心量各依自分所得。唯一乘佛果。毘盧遮那文殊普賢理智大悲圓滿。皆遍至六道衆生及三乘菩薩二乘聲聞緣覺一切所依皆恒遍故。十方充滿猶如

虛空。皆無所依。非大小限量度狹所依住也。亦非情想計度所窮任。無功無作大智之所印也。以達十二緣生法中迷解。智現故。無厭除心。無自他境。不出不沒。智印十方。無去無來。恒對現色身普遍一切衆生前。無去無來故。亦無神通變化之心。以無所作之智法爾能隨物應感現其身。宜應所化也。如空谷響普應。諸聲皆無所依。一切衆生及諸賢聖皆無所依。但以自情妄見也。但智明迷解道自如是。非是情所作得也。故名不可思議。更有餘意。後當更明。

第八明諸佛解脫皆無體相本無處所有功德身土莊嚴爲是。有常爲是無常者。如來報身及國土三界淨土菩薩所知見故。乃至十地菩薩受職位。但見如來出世。三昧涅槃解脫身土功德微妙境界猶不能見。成佛果德已後恒行普賢行。常處世間。十方六道無休息行。亦不能見也。如十地道滿。欲見普賢行。以十地中三昧力三度倍倍入無量三昧。畢竟不見普賢身及所有境界。況如來果後恒行普賢行。十方國土悉遍於中功德如何見也。如華嚴經世界成就品。如許難類世界如來行普賢行之遍處。如華嚴。即是文殊師利化入人間覺城東大塔廟處。轉說此經。號普照法界修多羅經。於大海中有無量百千億諸龍。而來其所聞此法已深厭龍趣。正於佛道威捨龍身。生天人中。一萬諸龍發大菩提心得不退轉。有無量無數衆生。於三乘各得調伏。移城人間。文殊師利童子莊嚴幢娑

羅林中。大塔廟處。無量衆從城而出來詣其所。略舉優婆塞優婆夷童子童女。各言五百入法之衆。以是義故。但以文殊師利轉教人間。若如來報身及國土。諸天十地菩薩及淨土諸菩薩所不能見。何況二乘及凡夫得見。此出過眼耳鼻舌身情識之境界。不可云常無常生滅。比量如來身及國土妙相。不可以形質譬喻所分判知。一一毛孔皆無有邊際。所得一切功德身。不可以世間情所卜度言。常及無常皆無決定之體。不屬生滅性故。不可以妄知。

第九明一切諸佛皆以大願度衆生令盡。若一衆生不盡者。我不取正覺。如今現有無量衆生在。以有無量諸佛已成現成佛者。豈不違其本願力也。如十方世界。不見一佛已成現成佛者。常行普賢行。處十方世界度脫衆生。無古無今。不出不沒。但以衆生宜應所見成佛及以涅槃。無作菩提何得。何證。何成。何壞。但以普賢行物常然。恒利衆生而無利者。但以無作之智性自遍周應現。解迷本無成壞也。正迷解時不見迷。已不見智慧。如善財入慈氏之門。入已還合。以諸法中實無一法有成壞故。若於諸法中見有佛成佛者。是無常義。如涅槃經。自具明文。勿生疑滯。第十明十二有支是大生死之源。如何超度使令迷解。同佛大智大悲成大法門。一切智海佛功德海者。如華嚴經第二會。普光明殿中說十信門。如來足下輪中十度放光。其光從如來眉間毫相中出。照耀十方世界已來入佛

足下輪中，以明佛果光，以佛果光用成信位，其光名一切菩薩智焰照耀十方藏，其狀猶如寶色燈雲，以此光明從足輪中出，初照三千大千世界，令修行者隨光心作光明想，遍照三千大千世界，作此想，成已其光明照於東方十三大千世界，四維上下亦復如是，次第一周，一一方所想成，十方過此，是初觀第二次第，乃至第十倍倍增廣，量度想念皆盡虛空，令其自心亦盡虛空，心同虛空，其心自定朗然安樂，方從定還起，十方觀四維上下周遍推求自心，內外都無所得，方始了知空慧現前，名憶念一切諸佛智慧光明普見法門，在此位中定亂俱忘，名初發心住，以此空慧觀察世間一切衆生及以國土，皆如幻化無有體相，同佛空慧解脫法門，入佛知見已，以此名念佛門，以無念正慧相應，故入十方境界念佛門，空慧自性普周遍故及一切佛成正覺轉法輪，三世劫在一時，無時分延促之相可安立故，如經廣明，入此十種廣大如虛空量念佛門，方入海門國，第二治地住法門，方廣達十二緣生海成普眼經及成十波羅蜜行海佛功德海入清淨無染大悲蓮華無垢大智普光明海，如經云，善財童子問言，欲入一切無上智海，而未知菩薩行，云何能捨世俗家生如來家，如是十問具如經說，海雲比丘十種讚勸發之後方云，我住此海門國十有二年，常以大海為其境界，所謂思惟大海廣大無量，思惟大海甚深難測，總勸十種，觀察十二緣生生死大海，便見大海之

下有大蓮華，忽然出現，以觀心圓淨生死無染業，成十無盡寶莊嚴，十王供養恭敬，明十智波羅蜜功德，不出生死之海，於生死大海之中利樂衆生，無染自在，以王表之，阿修羅王云百萬者，檀波羅蜜中行滿也，手執持其璽，明不離根本智處生死而不沒，以阿修羅王表之，已下思之，表法如是，餘可推知，設有其事亦為表法來也，蓮華有佛，出現說普眼經者，觀達十二緣生根本普光明智，起差別智，普現一切名色，色聲香味觸法虛空等，隨一切衆生欲皆說為經，衆生無盡心想無盡，對彼根欲以世間萬事應所宜說之為教，有何盡耶，經云，以大海量墨須彌衆寶書寫此普眼經法一品中一門一門中一法一法中一義一義中一句，不得少分，何況能盡知，我於此佛所千二百歲受持如是普眼法門，以十陀羅尼門為諸人天龍神等，廣宣流布，以十二緣中一緣之上有百煩惱，十二緣中以爲法門，故云千二百歲，但是一切賢聖所說不離四諦，一切世間不離苦集，一切解脫不離滅道，一切苦集不離無明，乃至一切諸緣行等十方隨事各各不同，如華嚴四聖諦品是諸修行者一一依十信十住十行十迴向十地及普賢等覺位自明，若不遍學不遍知，住一法中莫知進路，一乘之教即以普光明根本智，以爲信解勝進之門，以智無三世古今之體還以不移利那際成大菩提，依智成就不立古今，智圓三世多劫不離一念，以智無延促無有去來，智體同空，本無廣狹，不可以分

刺知，不可以增損見，雖有勝進功高時節不移毫分，三乘之教以立三僧祇劫佛果在十地之終，聖智依根立教，如是樂之者，即作勿疑聖旨，致有沈吟，恐作空過，以十信之住六品經文還於普光明根本智殿中說，還以十箇智佛以爲十信云覺首目首，遍文殊師利以爲所信之行首也，金色世界及一切處金色世界及下九箇世界總通爲十，是所信之法十箇世界皆名爲色，所謂金色世界妙色世界等以十信之心是生滅心生信解故還如漸卦鴻漸於陸，千磐等類是也，略且如是，不可具言十二緣生十住中第二住亦觀成普眼經也六地菩薩亦觀十二緣生起因緣成無障礙智慧光明，今後學者觀之，論主頌曰

凡夫無智慧 執著生於我  
常求於有無 不能正思惟  
妄行於邪道 罪行及福行  
乃至不動行 常於諸行中  
植心之種子 生諸有漏業  
成於後有身 生死恒流轉  
諸業以爲田 識心爲種子  
無明以爲覆 愛水以爲潤  
我慢爲氈氈 諸見生名色  
名色既增長 五根由是生  
諸根對名色 識種種受觸  
觸受既增長 愛取生諸有  
有生五蘊身 生已有衰變  
老壞皆歸死 死時生熱惱  
憂愁衆苦集 以此常流轉

生於六趣身	此中無一物
虛妄故如是	能以禪悅心
心念無虛妄	方能起空慧
普照於十方	是中無一物
能於無物中	方現如來智
既得智光已	復照諸衆生
常於十方刹	具足普賢行
以化衆生故	而於佛果門
安立信住地	十行十回向
十地等覺位	使令修行者
修行不失錯	十信是生滅
十地入佛位	以此佛位中
饒益衆生故	解脫智無染
名之爲十行	以此解脫行
迴入生死中	周遍十方界
廣利諸群生	名之爲回向
常於生死中	長養大慈悲
名之爲十地	仍於生死海
樂著解脫心	涅槃三昧樂
以除五種障	安立等覺位
成就普賢道	如於十住中
初住第二住	乃至第三住
而於佛果海	觀察十二緣
多求出世心	三比丘表之
四住五住中	便以解脫心
返照世間境	及以十二緣
一切衆塵勞	無不恒清淨
身心無內外	十方悉無礙
一切皆禪林	與諸如來等

以明返照世間是解脫。以彌縫解脫二俗士表之。有國名住林。十二年行方至以表。十二緣生觀達一終。

第六住位中 出世及世間

如是二解脫 皆悉總圓滿

寂滅大神通 無功神慧滿

以海輪比丘表之。離出入息無復思慮。神用無方皆悉自在也。

第七方便住 廣度諸衆生

長養大悲行 以滿願便第八無功智

毘目瞿沙仙 能隨邪見流

以同諸佛衆 令入清淨智

住處與前同 俱名爲海岸

以表智悲同 第九婆羅門

號名爲勝熱 明九波羅蜜

能同邪見林 五熱及刀山

從空而投火 摧伏諸苦行

悉令入正見 第十灌頂住

於智波羅蜜 以明十住滿

以智行慈悲 師子幢王女

如此十住中 以十波羅蜜

和會智慈行 各各皆不同

勝進故如是 乃至十行中

十向十地中 及以等覺位

一一諸位中 波羅蜜行別

互參各不同 不離初發心

右已上法門皆如來普光明智爲體。差別智爲用。使令智慧充滿。以爲法界。大乘經云。十

二有支皆依一心而立。隨事貪欲與心共生。心是行名色。於行迷惑生識。行識共生名色。

名色增長六處。三分合爲觸。名色識三觸共生是受。受無厭生愛。愛攝不捨是取。彼諸有支

生是有。有所起名生。生熟爲老。老壞爲死。下經云。十二有支皆有。於十二有支爲三苦。一無明

及行六根是行苦。觸受是苦苦。餘是壞苦。有死是也。以無明滅三苦總滅。即得三空三昧。空

三昧無相三昧無願三昧。於一心境無有願求。唯以大悲爲首。教化一切衆生故。二乘觀

十二有支。空煩惱。總滅智慧。大慈大悲亦滅。菩薩觀之。諸緣由性空。無生無滅。無受命者。

教化衆生不滅諸行。乃至十空三昧現前。常恒不捨一切衆生。廣如經說。十二緣生法雖

一法一切賢聖皆於中作觀。各各獲利不同。十波羅蜜一法。五位菩薩勝進各各名目德

用不同。不可一向准之。

解迷顯智成悲十明論

No. 1883

海印三昧論一卷并序

依大方廣佛華嚴經

明島所述

若夫大道無邊非隘行之能尋。至理深玄非淺智之所識。如以局情入道。道非局入。執

教求理。理非執求。要以無方大行始可稱道。屏空圓智適會理矣。故請將來君子同懷。寄

筆之意

歸命盡十方 法界中三寶

我欲報佛恩 略演契經義

願慈加護念

滿我本誓願

至涅槃爲終頌曰

[illegible]

生死涅槃非異處  
涅槃親而無人識  
身心本來無生滅  
無生無滅無住處  
智者一中解一切  
無量法則是一法  
一佛土滿十方刹  
一佛國容十方界  
一塵包含十方刹  
不令一塵增曠大  
無量無數曠大劫  
一念未曾演長遠  
遍詣十方求成佛  
往昔精進捨生死  
煩惱菩提體無二  
菩提近而甚難見  
一切諸法亦如是  
則是菩提涅槃體  
一切法中解於一  
一法則是無量法  
一刹本形亦不大  
而諸世界不重累  
一切塵中皆如是  
諸刹本相恒如故  
智者了知則一念  
長劫亦不縮成促  
不知身心舊成佛  
不知生死則涅槃

論曰：此法門者，能開一切菩薩慧眼。能果一切菩薩所願。一切行者，欲生淨土，當依此門念念習學。一切時中勿令間斷。乘此法者，用小方便速至佛果。譬如有人乘船，入海欲度彼岸，得好順風，用小方便速達彼岸。乘此法者，行住坐臥一切時中恒入滅定，乘此法者，不久當得不礙忍地。有如是等種種利益，乃至諸佛住無數劫說不能盡。三世諸佛祕密法藏莫過於此陀羅尼頌。若有行者意欲速進，無上菩提，應當先發廣大妙願。於諸衆生起大慈心。於善知識生難遭想。敬重三寶，破除我慢。依大乘經至心懺悔一切罪障。然後專求大善知識。

諸問法要。聞說法已。繫念思惟。如說修行。一切時中。無間斷心。若能如是不久。當入陀羅尼門。如上所說。海印三昧。出華嚴經十地品中。其印像者。以義安也。其頌文者。總述一部經中要義。以爲頌耳。云何印道。無始終者。欲顯一道。離三世際。前際後際不可。攝故。云何印道有盤曲者。欲顯一道。隨緣稱機。應三乘行現差別故。以何義故。五十六角。共成印者。欲顯地前四十心位。及與十地等覺妙覺。如是五十二位人等。皆依一道而修。四攝度衆生故。五十二角表其五十二種人也。餘四角者。表四攝也。十信位中。仰信一道。四攝法故。十解位中。信解一道。四攝法故。十行位中。信行一道。四攝行故。十迴向中。解行俱圓而行。

No. 1830

# 華嚴一乘成佛妙義一卷

青丘沙門見登之集

歸命十身遮那佛

盡窮法界諸如來

三種成佛圓滿輪

普賢文殊海會等

我在生死具結位

惛心往生淨佛國

唯願加哀增智念

開此深理益自他

令法久住報佛恩

夫以法性茫茫無岸。佛海眇眇無盡。斯則闢  
提成佛極說。非情皆成盛談。極位大聖難窮。  
通慧賢者匠度。何況末代凡愚。豈稱大師妙  
意。故今私識探處。處文開成佛旨。略作五門。  
一者出成佛種。二者辨定得人。三者顯教差  
別。四者疾得成佛種類。五者問答分別門。  
第一門中。成佛有三。位行理佛。故疏三云。義  
准上下一部經意有三成佛。一者約位。二者  
約行。三者約理。初約位者。寄終教三乘十住  
等五位明此成佛。故本疏云。以六相方便即  
十信終心勝進分後入十解初位即成佛。以  
此是三乘終教不退之位故。以一乘六相融  
攝即具諸位至佛果也。意初發心住即是總  
相。第二住等是別相也。第二住等同帶發心  
義。故名爲同相。第二住等然各互無即名異  
相。依第二住等成總發心故名成相。第二住  
等各住自法常不作故即名壞相。故別第二  
住等攝總發心位即成佛也。故地論二云。以  
信地菩薩乃至與不思議佛法爲一緣起。以

是彼等若不破除我慢。不悔本心。難可教示。  
設使口誦不會深理。縱使多聞唯長憍慢。徒  
勞無益。如經偈言。譬如貧窮人日夜數他寶。  
自無半錢分。多聞亦如是。有如是等種種衆  
生。欲護彼故更不釋義。恐彼惡見轉加增長。  
永沈苦海無出期故。如經偈言。破法不信故  
墮於三惡道。我寧不說法。疾入於涅槃。如上  
所說。陀羅尼義是無邊行等法界智所知境  
界。如經偈言。遊心法界如虛空。是人乃知佛  
境界。以何義故存其本者。欲顯正法畢竟常  
住三世諸佛共所依故。譬如繩墨是常法則  
前匠後匠共所依故。復次欲令假名菩薩捨  
末尋本達本原故。欲令正法常住不滅法光  
恒照畢竟不絕破除衆生無明闇故。欲令衆  
生世世生處佛種不斷故存本也。契經要義  
略述如是。欲盡其原唯佛窮了。但仰信解讀  
揚教耳。欲發弘願。以偈讚曰

佛法甚廣大 量同於虛空

我已所述義 如一毛孔分

所述諸功德 普施衆生類

速登十地位 皆共成佛果

海印三昧論一卷

局省峯陰省力屏林文內  
好答現陰知里爲

永久元年癸巳八月二十日書寫了 筆生  
助範享保六年三月以城乾高山寺藏本對  
校

一道四攝行故。十地位中及等覺位正證一  
道行四攝故。妙覺位中究竟圓證一道根原。  
盡未來際以四攝法化衆生故。云何頌中縱  
橫同有十四字者。欲顯菩薩行雖無量。種不  
離於十波羅蜜四攝行故。十方無邊一切世  
界諸菩薩等。皆依此行爲根本故。云何頌中  
有始終者。爲欲安慰怯弱菩薩。佛道雖遠修  
行不絕。終歸成佛勿退行故。云何頌首及與  
頌末俱處中者。欲顯初心所習正觀不異如  
來正觀智故。云何縱橫四圍循環皆失句者。  
欲顯甚深陀羅尼義。非斷常見及邊見人所  
能知故。云何從中尋得句者。欲顯甚深陀羅  
尼義中道正觀乃能知故。云何印外更無頌  
者。欲顯佛教雖越塵沙不離一道。一道以外  
更無法故。云何不釋頌中義者。欲令行者於  
少文中多解義故。恐諸行者棄本逐末貪數  
文句失大益故。如經中言。寧以少聞多解義  
味。不願多聞於義不了。欲驗行者得利多少  
根機深淺行生熟故。欲令小見憍慢衆生於  
正法中生重心故。然此深義非九種人所知  
境界。何等爲九。一非凡夫所知境界。二非世  
智辨聰境界。三非分別法相境界。四非聲聞  
緣覺境界。五非空見行者境界。六非散心多  
聞境界。七非邊見衆生境界。八非斷見衆生  
境界。九非常見衆生境界。如是等輩互相嫌  
言。我智則勝彼智必弱。唯我獨能盡解佛法。  
如是等輩甚可憐愍。於五尺身起長大我。將  
方寸意量虛空盡。亦如小兒盡孟酌海。謂言  
唯我量大海盡。小見衆生度量佛法亦復如



六相總別等義而用括之。意云、明知因果俱時相容即各攝一切互爲主伴、深須思之、此事不疑言信地者即信行地、是地前三寶位疏第九卷有二問、何不言依信位成、答、疏第四云、若約終教此信但是十住位之方便自無別位、故本業經云、未上位前有此十心、又仁王但言三寶十聖不言四也、又此經中後四位中皆有入定出已列十名辨十義等、唯信中無此、故得知也、問、初發心位成佛者、若五位相攝成、若六位相攝成、答、開六位相攝成者、十信攝初住、五位相攝成、開六位相攝成者、五教下卷云、一約寄位顯、謂始從十信乃至佛果六位不同、隨得一位得一切位、何以故、由以六位相取故、主伴故、相入故、相即故、圓融故、意初發心位爲主時餘前後位爲伴、乃至佛果爲主時餘前位爲伴、相入約用、相即約體、圓融者體用無礙、說此諸位相攝疏第五卷在三故也、一由陀羅尼門緣起相攝故、二由普賢善提心遍該六位故、三由法性無始終故、此三故是總、下卷五故是別、總別合八故、陀羅尼者是總持、位位互相攝故名爲總持、普賢六十行是即六位行、如前記之、故云該六位、意雖一乘普賢行一行即一切行等、寄終教位地見之一位即一切位等、即此行寄信滿行成名行成佛、寄住等位成名位成佛、是要節耳、問、今初發心位名佛者、所依理平等故言初發心即佛、答、疏五云、即是佛者有人釋、或云因中說果、或云解同佛境、或云約理平等、若約三乘教亦得如上說、

今尋上下文約一乘圓教、始終相攝圓融無礙、得始即是終、窮終方原始、乃故上故知理智行位等總圓融無礙、問、今初發心該攝前後位、成佛者隨所攝名佛、若能攝即名佛、答、如要記也、問、立此位成佛、若有所依文、答、證文非一、五教在七文、初三文及第五文即是通證、餘三文別證、初發心位成佛言七文者、在於一地等、二知一即多多即一、三經三十一卷云、不可言說不可說充滿一切說、不可言說諸劫中說不可說不可說不可盡、新十四同四經第十云、新十一一切衆生心悉可分別知衆生心行一切剎微塵尙可算其數、本復然、五十可數知以信地菩薩乃至與不思議佛法爲一緣起、以六相總別等義而用括之、此得意文指其正文、有云、第三卷行、交量文、故彼文云、經曰信者信諸佛如來本所行入乃至不思議佛法、無中無邊如來境界起無量行門、諸如來境界入指事、破云、是甚謬失、所以者何、彼行、交量中不說六相故、又彼但說信行不說信地故、又引此證爲證初發心位到佛果位義、非初地位證得佛果義、是故甚非也、有云、第一卷說十入文是章所引故、彼文云、一切菩薩不思議佛法乃至廣說、即案云、地前信地菩薩乃佛果不思議佛法爲一緣起、以六相方便圓融相即故一一位中各攝六位、一一位滿皆到佛果、六初發心菩薩即是佛故等、七經第九卷云、新十如是觀者以小方便疾得一切諸佛功德、常樂觀察無二法相斯有是處、若諸菩薩如是觀行相攝於諸法中不生二解、一切佛法疾得現前

初發心時便成正覺、即得阿知一切法真實之性、即心具足慧身、不由他悟、問、如是觀者何等觀、答、次上文云、具足長養大慈悲心悉分別衆生、而不捨衆生亦不捨寂滅、行無上樂不求果報、觀一切法如幻如夢如電如響如化、疏五云、正問有三、初問修梵行、二成位、三得果、即經云、云何方、何修習梵行、具足菩薩十住道地速成無上平等菩提、第三內二初法後喻乃至答、第三問中二初法前二起後、起後中兩重、顯少因得大果、於中各二、先標後釋、初標中以少方便是因疾得等、是果釋中何以小因而疾得大果、釋以常樂觀悲智空有等無二法故、是故疾得云斯有是處也、餘如廣記引

第二行成佛、疏第三云、約行總不依位、自分勝進究竟即至佛果云云、章下卷云、由信成故是行佛非位佛云云、問、若不依位何諸文言寄十信滿攝後後位即成佛耶、答、凡行成佛可有二義、一約一乘當體德、二約寄門、故疏四云、若約圓教有二義、若依普賢自法一切皆無位、若約寄法則同終教、然信滿入位之際通攝一切諸位、皆在此中無不具足、此則約行攝位故也、疏第三文約初義說、餘文約後義、就初義普賢當體德者、疏四云、以信滿成此賢首位、故同普賢等廣大三業該因及果、遍一切處盡一切時、常作無邊法界大用、此爲恒成、當相而論不依諸位、今約信門之中顯現則屬信收、又上文云、或唯約普賢當體德辨如普賢行品說、案普賢品有六十行、此即一行即一切行、一切行即一行、重重無

盡故不依彼位地漸次。故疏十六云：第二辨普賢行中。先明所治廣大有百千障能治廣大有六十行。又以所障法界如帝網重重。令能障同所亦皆無盡。言自分勝進分者。疏第二卷云：然此分通說有七重。一約一行生熟分。二約二行。如施行已成後修戒等。三約二利以分。四就修行位以得位為勝進。五約比證以分。六約二位。謂前位已成為自分趣向後位為勝進。七就因果。因成自分。八果勝進。今此第七當普賢圓因成趣性起妙果故。故疏文言該因及果。問就後義今信滿者要。所也。通十信名。若第十信名為信滿。答。通十信名。何者未入位。前次第修習十信心。亦更一二三劫增修十心入初住位名為滿心。故疏四云。若約終教此信但是十住位之方便自無別位。故本業經云。未上住前有此十心名字。謂一信心。二念心。三精進心。四慧心。五定心。六不退。七迴向心。八護心。九戒心。十願心。增修是心。一劫二劫三劫乃得入初住中。心有十增成名百法明門。名入習種性中。故知無位但是方便行也。問。其二二三劫者萬劫內劫若外劫耶。答。萬劫內劫。故起信論疏云。如本業經云。是信相菩薩於十千劫行十戒法。當入十信心入初住位。釋云。此中言入初住位者。謂十住初發心住位也。以至此位方得不退信心。是故亦名入十信心。非謂十解以前之十信也。意既言十千劫入初住位不言十千餘。故知內劫間。十信滿心初發心住有何差別。答。此無差別。故起信論疏云。

非謂十解以前十信云云。又疏第四云。此約信終彼就住初。故無二也。問。若爾十信終心成佛即位成佛。何名行成佛。答。此義望異彼體不異。意不退階位即名為位。信心行義名為行也。問。終教三乘十信滿心現八相成佛。與此一乘信滿成佛有何差別。答。彼於此位示成佛時。於後諸位皆不自在。以未得故。但是當位暫起化故。此則不爾。於初位中起此用時。於後諸位並同時起。皆已得故。是實行故。該六位故。問。一乘三乘義如是。別何同信滿勝進分上起此用耶。答。為欲方便顯此一乘信滿成佛令易信受。故於彼教先作是說。問。就一乘門既一位中有一切位。及信滿心即得佛者何須更說後位諸耶。答。後說諸位。即是初中之一切也。如初後亦爾。問。若即具後得初。即得後者亦可後亦具初即不得後。應亦不得初耶。答。實爾。但以得初時無不得後故。是故以得後位必得初位。問。何得初位後皆得耶。答。一乘當德修一行中該法界行。修一切行亦該一行。此一即多等行。寄終教位相見之隨得一位彼一切位一時皆得自在無礙。問。何一乘行。被一行中修一切行一切行中亦修一行。答。觀一切法如幻如夢如電如響如化等故。一行即一切行等。故梵行品云。觀一切法如幻乃至如化。如是觀者以小方便疾得一切諸佛功德。乃至初發心時便成正覺等。意且約初二喻。幻師述力幻一巾而作大山及大小畜等種種形類。此一大山全一巾成。大小畜亦然。體既無二。彼相何異。

故舉一小畜大山舉。體皆悉所取如此。無明幻師述力幻一法界作諸依他種種形類。一塵全是一法界成大山等。然故觀一塵為如幻。大山等諸法皆悉所攝。故隨舉一法法界諸法皆悉所舉。故一行必一切行。一切行即是一行。故十忍品云。此菩薩深入諸法皆悉如幻觀緣起法。於一法中解衆多法。衆多法中解了一法云云。又經云。或現須臾作百年。幻力自在悅世間。如夢喻者如人夢中見少年至老者住。然覺是刹那如夢。諸法亦復如是。故經云。處夢謂經年。覺乃須臾。故時雖無量攝在一刹那。故知一念行即無量劫行。約時已然。餘處等亦然。一乘妙義唯此留意。故得初位時同時皆得。問。若得初位得一切位。何諸經論說諸位階降次第。答。以此經中安立諸位有二善巧。一約相就門。分位前後寄同三乘。引彼便故是同教也。二約體就法。前後相入圓融自在異彼三乘。是別教也。但以不移門而恒相即。不壞相即而恒前後。是故二義融通不相違也。問。若此信等初門即一切者。何不信位初心即得而說滿心等耶。答。若自別教則不依位成。今寄三乘終教位說。以彼教中信滿不退方得入位。今即寄彼得入位處一時得此一切前後諸位行相。是故不於信初心說。以未得不退不成位相。但是行故。問。信滿不退方入位故說滿心者應住位成佛。何名信滿。答。由信成故是行佛。非位佛也。上下問。依何等文立此成佛。答。初發心菩薩彼一念功德等云云。依此文立故。實首品

疏云。此是起信論三種發心中當最初信成就發心。故云初也。同下文初發心住及發心功德品。此約信終成就住初。故無二也。又疏十八云。若以行攝位。即十信滿心成佛如賢首品說。此之一轍非此圓教。餘處總無正是一乘宗之□例。起信論疏云。信成就發心者。信在十住兼取十信。十信位中修習信心成就。發決定心即入十住初心名發心住。即十信行滿名信成就。進入十住之初故云發心。問。何此品發心約信終說。答。賢首品說十信行。故約信滿說。問。何此信滿菩薩行德深廣無邊。答。疏云。有四種難。故雖是初心今此功德廣大無邊。一處難謂。於生死苦惱之處而能發心此生德廣也。二時難謂。久已發心一向不動未足為難。今則反此故生德多也。三境難謂。能求此無限菩提以心從境故廣大也。四心難謂。若發心進退不定生德不廣。今則久此廣大也。香象問答云。問。抄文云。約菩提心法門中得信法門至十千劫成佛者行佛非位佛等者。此約一乘行佛成時。道運十千耶。為三乘行佛成時。道耶。答。諸三乘教中十千劫中十信行滿更示現一乘行佛滿之處耳。非三乘滿佛。亦非一乘行佛滿但十千劫不動。此十千劫不可說不可說劫方行佛滿成。如是八萬劫等。乃至一劫二劫到等之義例可。知思也。

第三理成佛。疏第三卷云。三約理則一切衆生並已成竟更不新成。以餘相皆盡故。意云。一切衆生皆真為體。隨其體性論差別相。

其相皆盡一味平等。故先總佛問。佛者是覺者。衆生迷位何以一味真為體故皆總是佛。答。以一真理為體衆生彼上相亦都無差別。是故一切衆生覺者佛身所現。彼所現衆生同能現佛身故。故衆生無不成佛。問。此一乘成佛唯約理說。若通事說。答。通理事說。意佛所依理名為理也。能依智等諸功德皆名事。此理事合名為佛身。此佛身所現故能同所而具足理事。問。若爾一切衆生發心修行成。發心修行成且約釋迦佛。釋迦初發心攝一切衆生。皆發心竟亦攝彼無數大劫難行苦行修行門。皆修行竟攝菩提樹下成佛門。皆成佛竟乃至涅槃亦復如是。如一佛爾攝十方三世諸佛門亦然。故先成竟後復新亦成。此如能現佛所現衆生無闕一義。故諸位亦具足也。問。何知攝佛門見一切衆生發心修行等皆竟。亦後後發心修行乃至成佛。答。經三十七云。佛子如來身中悉見一切衆生發菩提心修菩薩行成等正覺。乃至見一切衆生寂滅涅槃亦復如是。又三十二卷云。一切諸佛調伏教化一切衆生。故於念念中成等正覺。非不先覺諸佛正法。亦不住學地而成正覺。疏第十六解初文云。下明現因果門。此以菩提身等衆生故是悉於中現。以彼所現同能現故。是故衆生無不成佛。若圓教即一切衆生並悉舊來發心亦竟修行亦竟成佛亦竟更無新成具足理事言乃至涅槃者。於八相中舉初乃至末故。問釋此初文有幾因耶。答。經以十因釋。故經文云。皆悉一性

以無性故。無相無盡無生無滅故。我非我性故。衆生非衆生性故。覺無所覺故。法界無自性故。虛空界無自性故。疏云。何以衆生同菩提性。略以十因釋成此義。一以衆生依於菩提無自性故。是故同於菩提成正覺等。二無自染相故。三無所盡故。四本來不生故。五亦無新滅故。上四同為一句。六我性自空故。七衆緣之生非是生故。八設起覺智無所覺故。九所依法界亦無性故。十本性空界無體性故。問。何如是等覺一切無性。答。次經結云。如是等覺一切無性。無盡智自然智一切如來無極大悲度脫衆生。疏云。下總結中無盡智者照用無限故。自然智者不待功用故。無極大悲者同體攝化故。同體攝化者起信論云。衆生外緣有二種。一差別緣。二平等。平等者一切諸佛菩薩皆顯度脫一切衆生。自然熏習恒常不捨。以同體智力故隨應見聞而現作業。所謂衆生依於三昧乃得平等。見諸佛故。疏云。於中顯度生者平等心也。自然等者常用應機。以同體智力者釋成常用也。隨應等者顯其用相。二明對機顯平等義。謂十住已去諸菩薩等依三昧力悉見諸佛身量平等無有彼此分齊之相。故云平等見也。問。一切衆生皆成佛者。何現有衆生不即佛耶。答。此權所見不同。於圓教機舊來成佛。問。何機所見不同。答。若於人天位者具足人法二我實物。若小乘教中看此衆生。唯是一聚五蘊。實法本來無人。若大乘初教唯識所現。如幻似有當相即空無人無法。若約終教

並是如來藏緣起。舉體即如具恒沙德。乃是衆生故不增不減。經云。衆生即法身。法身即衆生。衆生法身義一名異。解云。此宗約理衆生即是佛。若約顯教衆生相本來盡理性本來顯。延然自露更無所待。故不可說即佛不即等也。如淨名杜默之意等。故所見異。汝今就初人天位中觀彼衆生當相即空猶亦不得。況復得見圓教中事。是故汝見現有衆生。我不約彼說此成佛。但令情見若破。法界圓現一切衆生成佛者。名究竟教化。不同餘宗。故下結中名如來無極大悲度脫衆生。問。准釋結文似約理說。何故標中有發心等五位。因成佛等八相果。答。此是以法性融通門釋。謂事隨理以融通。故得相即相入故也。又餘教中觀無生唯照理性。此圓教中具足一切佛菩薩法。依宗思之。疏第十五解後經云。七正覺自在中有二釋。一隨文釋。謂一切各爲調化。自所化故各示成正覺。故云念念。非是一佛。既各示成非先不覺。今乃始覺故云非不先覺等。此是現化身用。二就義釋。一佛即遍一切衆生。周十方微塵盡三世。念念同時前後俱成正覺。此則實成非化。但以不成則已成則舊來成。故云非不先覺等。以攝三世盡故。無過不成故云不住學地等。此准宗思之。問。此三種成佛若互通耶。若各別。答。理成佛可通上二。上二不通。問。何理成佛通上二成佛。答。信滿攝諸位亦約理事融通說。住等攝諸位亦然。故章文云。然此無盡皆悉在初門中也。故此經初發心菩薩一念功

德海等。乃至又云。至初發心時便成正覺。問。上言一念即作佛者三乘中已有此義。與此何別。答。三乘望理爲一念即作佛。今此一乘即得具足一切教義理事因果等。如上一切法門。及與一切衆生皆悉同時。同時作佛。後能新新斷惑亦不住學地而成正覺。具足十佛以顯無盡逆順德。故及因陀羅微。網九十世等遍通諸位。謂十信終心已去十解十行十迴向十地及佛地等同時遍成無有前後具足一切耳。然此一念與百千劫無有異也。問。若爾可立二成佛。何立三成佛。答。初二狹後一寬。故別立也。何者理成佛亦通信滿以前一切凡位。初二限信滿及住等故有此寬狹耳。

### 第二辨定得人門

於中有二。一明三種成佛能得人別。二出疾成佛人類不同。初中三成佛。能得之人或同或異何者。且一人行寄信門故是行成佛。寄住等故即位成佛。此即理事即入佛故名理成佛是故同也。故疏四云。問。未知此舍那佛是何位中佛。答。若說信法即信位中佛。餘位亦爾。准此知也。然理成佛通餘一切凡夫及非情等故是異也。後明疾成佛類。總有四人。一依世界性。等十世界身。輪王子現身成佛。如普莊嚴童子等。二者依天子身勝。從三惡道出兜率天現身成佛。三者依閻浮提勝功德。如善財等現身究竟普賢之行後生即見佛。四者依法華經。龍女之身南方成佛。當留惑之身疾得成佛。

成佛等者問。普莊嚴童子選二佛世界塵數劫修成佛。何故一生成佛。答。此人分段身。即成佛故一生成佛。問。以何文爲證。答。藏師云。一約位十信終心勝進分後入十解即成佛果等。解云。十信終心即成佛等。故知一生成佛。兜率天子。□身成佛者。此人過去由開經故。隨三惡道。而以彼善根身承小相光明從地獄出生兜率天。此天身是解行身。此身即成佛故一生成佛。又善財童子一生還知識遇即成佛也。龍女之身南方成佛者。此人亦依華嚴教則留惑得龍女身。即是身成佛故云一生成佛。今案此記意普莊嚴童子現身成佛。是分段一生者。恐不順文。何者案經文一期現身解一乘故。此則解行生中行相故。五教下卷云。又彼能於一念中化不可說不可說衆生。一時皆至離垢三昧前。餘念念中皆亦如是。乃至是此前三生中解行位內之行相也。分段生是通見聞等。故非此生也。問。且何此童子名普莊嚴。答。德周法界曰普。普德交飾爲嚴。普之嚴普即嚴普嚴之童子。普嚴即童子。新本名大威光太子。今此本中太子名功德勝。今此童子第三王子二疏無釋。可勘餘文。父王及太子福分。此童子慧分故爲道器。問。何此王子名世界性輪王之子。答。疏第三云。此中世界性者謂積世界成性。積性成海等如上所引智論說。又此文於世界海中有世界性。世界性中有一世界等。故知積成也。何故名性者有二義。一望前諸界攝諸流類結成性。如久習成性等。二望後

海等有爲因義。故亦得名性。問。積界成性界亦因義。何不名性。答。無融結故。初義也。問。十世界中海望於後亦積成餘界。何不名性。答。初積結攝已得名性。後開異義轉立別號。故不名性也。上引智論云。若依終教如智論中。以三千大千世界爲一數。數至恒沙爲一世界性。數此性復至恒沙爲一世界海。數此復至恒沙爲一世界種。數此復至無量恒沙爲一佛世界所化分齊。又云。三千界外別有十世界性海輪圓分旋轉運須相。此等當萬子已去輪王境界。問。何如此普莊嚴童子當萬子已去輪王之子。答。已經文言二萬五千子。故知萬子已去輪王子。判定記三有二釋。一云。言王子五百人別本云二萬五千人者。案璣經金輪王千輻子乃至第十地菩薩皆二萬子。釋曰。第十地菩薩亦現爲王。當無二萬五千。案喜見統領及未見波羅蜜善眼佛。前猶未至第二地。恐二萬五千誤也。二云。約教說異理亦無失。今云。後順本疏會。初釋達文。云經彼約三乘故疏云。問涅槃中一切輪王皆定千子不增不減。何故。中乃不同耶。答。彼是王四天下之輪王約三乘說。此是王世界性之輪王。故寬。細於彼。如白淨。梵網等。以恒沙金輪王福所感此約一乘說不同也。今私案經本疏所說太有道理。何者夫人數新古本共言三萬七千。亦同言人壽二小劫。言小劫者基法華疏二云。即以日月年等爲劫。故名爲小。元曉和尚劫義云。大論云。時節歲無量名爲小劫。既多時中。在三萬餘夫

人。何可無二萬餘子。故知與三乘人壽八萬歲時輪王出世全別。或問第二。兜天子何位成佛答。第二兜率天子。問。此天子墮地獄及出生天何。答。經云但以顛倒愚癡緣故得地獄身。又云。以不放逸故於諸佛所種善根故。遇善知識故。舍那。成力故生此天上。問。此天子有何得益。答。大有二益。一地獄益。二天上益。初中有二。一除苦益。二得十種六根淨益。天上益中亦有二種。一聞教獲益。二傳通之益。然生天益攝地獄益。何者地獄身。被光得益故。故疏文云。照獄生天一益。問。若爾此生天益爲收除苦。爲收根淨。答。通二收。何以故。依除苦淨根方生天故。問。何此益。疏云。越於餘益。疏云。照獄生天一益故越餘也。意除苦生天等爲一益故名越餘也。第二天上益中聞教益者於中有四。一除兜率天益。二欲天益。三天女益。四當機天子益。初益者經云。說是法時百千萬億那由他佛刹微塵數諸世界中兜率天子皆得無生法忍。第二益者。無量無邊阿僧祇欲界諸天子皆發菩提心。第三益者。六欲天中一切天女捨女爲界得不退轉菩提之心。第四益者。於中四益。一攝位益。謂聞普賢迴向善根悉得十地諸力莊嚴具足三昧。迴向善根者案離世間品五十五。云菩薩有十善根迴向。一以我善根同善智識。願如是成就莫別成就。二同心。三同行。四同善根。五同平等。六同念。七同清淨。八同所住。九同成滿。十同不壞。具如上文

疏云。以已善根順同善友故云也。初二同心。初二同。次一同行。次二同修。同修事。次同治。謂正念能治現前。清淨所治已離。清淨所治故。次一同位。後二同證。得究竟。諸力莊嚴者無明釋文。然疏十六云。得無盡陀羅尼力名成就諸力。若約一乘十信已去善薩是也。若三乘八地已上能受此法。准此明知。十地諸力者是約寄門說。二行成益。謂皆悉成就衆生界等善身口意業。即上法界三業懺悔文是也。三滅障益。即滅一切障皆得清淨。即下文中間供養香。八萬四千煩惱等滅是謂之也。四見佛益。見百千萬億那由他佛刹微塵數七寶蓮華。一一華上皆見菩薩結跏趺坐放大光明。彼光明中見衆生界等諸佛結跏趺坐隨所應度而爲說法。然總結文云。猶未能見離三昧之少分也。判定記中開三昧益爲五益也。問。此等四類皆地獄得益人。答。不然。第四類是地獄得益人也。問。約地獄得益人有二益。即幢王光所益。千界塵刹地獄衆生清淨光所益。六十億那由他佛刹微塵數界地獄衆生之中何類。答。通二類。問。此二類天子名當機人非初三類。答。此二類人昔見聞普法殖金剛種。故今值舍那光速解窮困位。餘人不然。故此二類爲一乘機。問。若爾初三類得何地益。答。疏云。此二地前益。第二傳通益更有三種。一華益。廣見諸佛故。二香益。廣滅惑障故。三蓋益。廣成行故。意正機兜率天子。一一毛孔化作衆生界等妙華香雲供養舍那佛。即此天子散香花已。一一花中見諸如來。時

彼香雲普熏無量佛剎塵數世界衆生。其蒙

香者八萬四千煩惱業障皆悉除滅。具足自

在光明善根。若見蓋者種一恒河沙轉輪聖

王所殖善根廣如經說問。何此益名傳通成

無盡行。答。見初天子所供花香蓋後復得益

無盡。意天子自所供一一華中見諸如來。塵

數衆生蒙天子所供香得滅障益。有諸衆生

見此天子所供蓋雲種一恒沙輪王善根。此

輪王放曼陀羅自在光。有諸衆生遇此光明

皆得菩薩十地。此輪王亦放周羅摩尼光。見

者皆得菩薩十地。悉得無量智光。得十六根

成就淨力三昧。此即一隨相一光明力傳通

成如是無量行。餘相光亦然。故疏云。以此却

推總是如來一小相中一光明力。一光既爾

餘光亦然。一小相既爾。餘小相亦然。小相既

爾。其餘大相海等則不可說不可說也。文意

如此思之。言世等衆生悉先修善者。明宿有

見聞一乘。修普賢善根故。問。其一恒沙輪王

位者是何位。答。十地位。故疏云。此天子毛孔

所出香華蓋等復益衆生。令得輪王亦是十

地。問。何不言二等恒沙輪王言一恒沙。答。疏

云。初明見此法界法門之蓋。故得一恒沙輪

王善根。皆如白淨寶網等。此是世界性中萬

子已去輪王。如愛見善慧王等。非是金輪千

子王四洲等。謂一恒沙箇白淨寶網輪王。善

根暫見此蓋頓得成就

第三善財童子。言善財者。由此福報財寶

相起立善財名。即善爲因財爲果。又得此順

道之財故曰善財。又生時寶現爲財。後歎其

行德爲善。如善現空生等。又智論釋常啼名

等。准此可知。二歎其德行十句爲五對

初會供佛種善。明此善財已曾宿種解脫分

善根也。二樂淨近友三三業修。四求修果法

五心淨具行。以心無異念故淨如空。又無現

煩惱等故。問。此童子爲王子爲長者子。

答。經文但言有五百童子。謂善財等不明其

父母。然准其宅內有七寶藏是長子者。

不言宮內故非王子也。雖非王子既感得七

寶。故孔目等說閑浮提勝身。問。何此童子求

善知識。餘人不求。答。此人過去善根故。今亦

求善友故。經云。此童子者已曾供養過去諸

佛深種善根。常樂清淨近善知識。身口意淨

修菩薩道求一切智。問。文殊教之令求善友。

若有所表。答。疏說七故。一爲軌範故。謂求法

說法軌範。二行緣勝故。謂成行之要莫不以

良友爲先。三破見增故。令善財等新學菩薩

破自憍慢及。報見故。四寄成行故。即求善友

行及求法行。五寄顯位故。廣寄善友顯信等

五位。六顯深廣故。表佛法深廣故。雖位極稱

我唯知此一法門。善財設位至登位云。我未

知云何菩薩行等。七顯緣起故。善財與善友

同成一緣起。以能入所入無二相故。是故無

善友之外善財。故彰一即一切。明善財歷諸

位也。無善財之外善友。故顯一切即一明多

位成在於善財也。問。善友義云何。答。此有三

類。一入二法。三合辨。初中有六。一有人雖

能濟苦不勸修善。非真善友。二雖勸修世善

免於惡道不勸向出世。亦非真友。三雖修二

行非勸善薩道。四雖修善薩道猶存相善。五

要勸衆生修無相行爲真善友。六要勸令具

普賢行法方究竟真善知識。二法善知識亦

有六重。一入天法。二乘法。三初教法。四

終教法。五頓教法。六圓教法。依此等法成正

行。故名爲善友。三合辨中亦有六重。於上六

位法各說一門。以授機緣則人法雙辨也。二

別辨下文。諸善知識皆具前三。此三位中各

具三義。如疏十八。然諸知識數有異說。如疏

十八本及綱目說。問。約此童子分三生何。答。

依圓教宗有其三位。一見聞位。即是善財次

前生身。見聞如此普賢法故。成彼解脫分善

根故。故歎德文云。此童子者已曾供養過去

諸佛深種善根。又性起品云。云何菩薩知

見如來所見聞敬供所種善根。此菩薩是善

根皆悉不虛。功德無盡離一切愛究竟解脫。

果報不虛。滿足諸願於一切有爲法中不可

窮盡。而能隨順無爲智慧起諸佛智究竟未

來際。其諸佛地具如廣記。二解行生謂頓修

如此五位行法如善財。此生所成至善賢位

者是。又兜率天子等從惡道出已一生。即

至離垢三昧前得十眼十耳等境界。廣如小

相品說。三證果海生。即因位窮終。偈同

果海。善財來生是也。謂經文如彌勒勸告善

財。言我當來世成覺時汝當見我。如是等當

知此約因果前後。分二位故。是故前位但是

因四果在後位。故說當見我。案正經文第

六十云。我於彼中壽終下生成正覺時汝及

文殊俱得見我。釋有三義。一云。我當來成佛

時。二云。我當來成正覺時。三云。我當來成佛

時亦說此華嚴。彼時亦有文殊善財所說之法故云也。二云。我成佛時汝與文殊俱來助我宣揚法化。三爲表法。謂善財何故上於佛會俱求諸善知識而不佛者。以善財此生是修因之身未成果故不至佛所。非謂不求。但成果隔因故說當見佛。此三人是就文相分三生。若依法生三人皆同。故香象問答下云。又孔目云。華嚴經中成佛有五中。普莊嚴童子等。一人現身成佛等云何知其相。答。普莊嚴童子即現身中值佛聞法得信解。自分勝進位法三昧門等。即知成信滿佛等。又兜率天子等既現身中得離垢三昧少分。還諸功德等。故知現身成佛。善財童子既現身至普賢菩薩知識。而彌勒知識言。當來我成佛時汝見我。故知後生中成佛。此等只約文相據見聞等三位爲三生。故作如是說耳。約實共皆同。但以一身中成佛言一身者。法性身無別分段等身。若隨緣現成佛即同三乘教也。約一乘教實法念念每成佛等。加前說二問。普莊嚴童子兜率天子前後生名果海生。答。如要記說。問。上三人具定何位菩薩。答。疏十此善財是何位菩薩。答。經無正斷位相難明。或有判爲地上菩薩。設。後發心即是四種發心中後二位也。又是論中三發心內證發心也。或有說是實報凡夫但有信心能求善友。今更准釋應善趣信中行。兜率天子普莊嚴童子十住菩薩故。孔目第二同說現身成佛。普莊嚴童子善趣者。未入初發心以前十信位故。下卷云。三賢之前但名善趣不名種

姓。問。未至十信滿心。初發心位何得五位。答。趣信位已解一乘。故因位究竟耳。如疏三說。問。善財是信位何。疏下文云。若爾善財定是何位。謂是何位。以在信是信位在住是住位一身曆五位。故隨得說彼位。理實如上疏文。是信位菩薩

位中初既即不墮二乘地故。於煩惱障自在能斷留故。不斷爲除智障等故

第四龍女 慈恩法華疏云。華嚴經說十信菩薩八相成道。今或說此勸示衆人。伽耶山頂經淨光天子問有幾發心。文殊答有四。一證發心謂入初地。二行發心次六地。三不退發心八九地。四一生補處發心。心謂第十地。今此龍女或即第四發心化爲龍女。小而能學法華速得菩提。勸獎衆人非爲實爾。然今意十住菩薩。何以故現身成佛故。此女亦前生見聞位次。前生彼解行生。證果生此生。即此。即經文龍女宮被文殊教解一乘。智積問文殊云。頗有衆生勤加精進修行此經速得佛不。文殊答云。有婆竭羅龍女。乃至於剎那頃發菩提心得不退轉。乃至往南方世界成等正覺者證果海生。問。何知此人生得佛果。答。于玄章今言作佛者。但初從見聞已去乃至第二生即成解行。解行終心因位窮滿者。於第三生即得彼究竟自在圓融果矣。由此因體依果成故。但因位滿者勝進即。役於果海中也。爲是證境界故不可說耳。此如龍女及普莊嚴童子善財童子兜率天子等。於三生中即剎彼果義。問何此女名留惑身。答。爲爲利生故留煩惱成龍女。問。何知她前菩薩故留煩惱。答。五教下卷云。然彼地前三賢

依孔目第三顯六教差別

第一人天乘教。此有三成佛。一佛爲救三惡道現身異彼三惡道外即成佛身。如佛現黑象脚等。新羅記云。佛現黑象脚身見地獄邊無礙行。故欣之植善根。約此義故云。一佛爲救三惡道乃至即成佛身等也。二爲引人趣現在佛身。如佛爲提謂長者現樹神身等記云。佛初成道其合河邊樹下示十六尺身及現相好具足身。諸商人等見此佛身爲神之奉時善根人爲引是人現成佛身也。三引人天爲現其聖身等。如佛是聖而與供養成世間福者。是記云。佛在樹下時梵天知供養佛而佛默然七日。更梵天請說法。故佛第二七日說法時多人種善根。故云爲引人天乃至如人等知佛是聖等也

第二二乘中有其七義。一約地。謂三界九地十地十一地等。外即成其佛。言九地者。四禪四無色及欲界地。十地者。是初未至中間禪四禪四無色。十一地者。上十加欲界。故智論二十云。三解脱門在九地中。四禪未到地禪中間三無色無漏性故。或有說者。三脫唯無漏。三三昧通二。以是故三昧解脫有二名。如是說者在十一地。六地。四根本初未三無色欲界及有頂地。若有漏者繫在十一地。無漏者不繫。二十三云。是無常者亦有漏亦無漏在九地。若有漏在十一地。二約位。見修學已外即

①不十(至)②③二二三④⑤原本冠註曰還字更動⑥後二復⑦(心)一⑧說果生此生二此生證果生⑨(即)一⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺㊻㊼㊽㊾㊿



學成其佛。記云。佛在樹下六行等智通。而悲想地以還下三空煩惱俱伏。起見道無漏時前所伏修惑俱斷也。斷悲想地九品修惑之九無間九解脫斷見所斷煩惱證四諦理。為第十六心見道也。悲想地第八解脫以還俱為修道也。唯第九解脫為無學道也。三者約行。離學已外無學身中即現成佛。四者約菩薩行三十三心外即成其佛。記云。問。三十三心八忍八智九無間八解脫。前約位釋時竟。何故更釋耶。答。前約通一切人義明成佛也。此唯明釋迦菩薩成佛軌則。故更別釋也。雖位心同時時位心既已開合不同。明此差別故別釋也。問。若爾何故如是。答。菩薩唯是修三十三心。無修餘成佛義。故此不共於餘也。聲聞不定。謂次第八百七十八念中有成佛之人。而唯無出見修無學。故約見修通一切人也。今此孔目所說見修約善惡說也。菩薩不爾。唯三十三心故。唯不共於餘中也。問。次第八人何故修百七十八念成佛。答。九地中一一地有九品煩惱具無間解脫。故得百六十二念。此中加八忍八智故有百七十八念。如是念攝於見修云何。答。見道攝八忍八智故有百七十八念。如是念攝於見修云何。答。見道攝八忍八智也。九九八十一品煩惱中斷第八十一品煩惱之解脫為無學道也。餘皆攝於修道。故見修已外即成佛者並通一切中也。五者約時。小乘六十劫成三僧祇外即成。孔目四云。小乘以六十劫為大劫阿僧祇。小乘經此三僧祇得作佛。其佛記云。小乘中阿僧祇有六十劫中約第五十二劫。故唯是一劫為

阿僧祇也。此於八十小劫中除空劫二十云六十劫也。此六十劫中第五十三小劫為阿僧祇也。六十四劫中一劫者是半劫。故總八十小劫為一劫也。總六十四劫為一劫者。是大劫更可學。五教下卷云。上根者謂佛定滿三僧祇劫。此中劫數取水火等一劫為一數。十個一為第二數。如是展轉至第六十為一阿僧祇。依此以數三僧祇也。曉劫義云。第八明聲聞藏中二十風劫中隨一一劫為第一數。從此一數至十為第二數。即以第二為數至十為第三數。即當百劫即以三數為一。從此一數至十為第四數。即當千劫即以第四數為一。以此一數至十為第五數。即當萬劫即以第五數為一。從此一數至十為第六數。即當億劫。以第六數為一。數從一數至十為第六數。即當十億劫。以第六數為一。數從一數至十為第七數。即當十億劫。以第七數為一。數從一數至十為第八數。即當此間百億。梵名為俱胝。如此轉數至第六十大數。去一大僧祇劫。以此三段數故云大僧祇劫。故俱舍云。八十中大劫大劫三無數。問第八云。三大僧祇何故云無數乎。答。若以在數法算不可知其數。故云無數等。准此後二師說孔目六十劫成等者。六十劫成一僧祇。後二亦然。上記文未見所以。可勘婆娑俱舍等論。凡成佛修行有幾何時。答。下卷云。又依婆娑等菩薩成佛有二身。一法身。二生身。法身者謂戒等五分。修此法身具有四時。一三僧祇劫修有漏四波羅蜜時。二於百劫修相好業時。三出

家苦行修禪定時。四菩提樹下成正覺時。生身者但百劫修相好業。於最後身伽耶城淨飯王家受生報身。於摩伽陀國而登覺道。記云。問。三僧祇劫中修有漏四波羅蜜時。在何身修耶。答。未發見道無漏以前。皆有凡夫身具事也。過去時三僧祇劫中。修有漏四波羅蜜。次百劫中修別報相好業。次生兜率天中。千劫學佛威儀。然後生王宮中。摩耶夫人為母。次成太子。以我藍伽藍外道。為師習正定。次座於樹下。寅時以六行等智道。而三界中無所有處以還修惑俱伏。起見道無流時前所伏煩惱俱斷。不得初三果。越得第三那含果耶同時斷。悲想地九品修惑。得阿羅漢實時即得成道。同六行等智道何故不伏見所斷惑。答。欣上厭下。緣世俗事之道故不伏障諦之見所斷煩惱。顯覺道方便得伏見所斷煩惱。又欣勝厭劣。道謂生死。是劣亦道勝。於此之有緣緣此理時。伏見道障煩惱。同見道無漏者依何位起。答。若起真見道者。小乘大乘並依第四邊際定起也。若起相見道者。地持論云。三依五生。所言三者智諦現觀。正諦遍智諦現觀。後得究竟現觀。言依五生者四根本禪未至定。是故相見道依五定起。小乘云。加中間禪依六定起相見道也。總說雖然若別說者。慧解脫人不斷定障無知。故是此人方依根本定起見道也。問。本業。經云。百劫修相好業。與小乘有何別。答。此經意者。為曉小乘故。汝三僧祇中修有漏四波羅蜜故。我云。地前為一僧祇。初地至七地為二僧祇。八

地至第十地爲三僧祇。滿此三僧祇後。金剛喻定現在前時。方得百劫千劫恒沙劫中。修相好業也。六者約生死最後分段身上。即成其佛。下卷云。若依小乘但有分段身。至究竟位佛亦同然。是實非化。七者依小乘十二住。第十二最上阿羅漢住則是同佛。下卷云。於諸教中皆以三義略示。一明位相。二辨不退。三明行相。初者依小乘有四位。謂方便見修及究竟。又說小乘十二住以爲究竟。不退者。此中修行至忍位得不退故也。其行相亦如彼諸論說。終南問答云。若依小乘教見色身佛三十二相等。即是實見眼根與境同時相應。見實色相名爲見佛。小乘佛有二。一。生身。二。化身。佛並修生慈悲愛行成也。於一時中。但菩薩一人慈悲愛行。依三十三心次第作佛。餘見行者並不作佛。但得二種涅槃住無餘也。但一人成佛。若餘人成佛前後不同。若教化有情。後時作佛。由無十方佛故。世界成壞大劫。滿三僧祇定得成佛。無一念成佛者無他方佛。假使有者。即是此方佛往彼變化。佛母摩耶此瞻部洲是實佛母。餘世界中即無實也。爲佛是化。故佛菩薩等諸根相作。但變化成非改性也。一人依一人依一界依一心次第成佛。因果相稱現量可知。但斷惑因果盡不盡別。諸菩提分總報業。從發心初次第修明臨欲成佛。十地終心百劫別修相好別業。是實非化。但修菩提分業除有退者。皆悉成佛無不成佛。以人相爲佛。一切智等即屬於法。五教下卷云。若依小乘種性有六。

謂退思護住昇進不動。不動性中有三品。上中下如次三乘人也。雖於此中說佛一人有種性。然非是彼大菩提性。以於佛功德不說盡未來際起大用等故。是故當知。於此教中。除佛一人餘一切衆生。皆不說有大菩提性。第三約初迴心教門有其八義。一約地位。謂乾慧地等十地。第十地中即成佛。所以同十地成佛者。爲佛下同因位故作此說。記云。法鏡論云。引小心開發大行。命佈向忘遣解守也。解云。立乾慧等十地意。令捨小乘解守。入大乘中故也。問。若爾何故爲乾慧地等耶。答。未成空覺解故。不令利爲乾慧地。謂空理津液如水。故覺空方得智心增長也。二性地者。由解空故。以此解伏結。解堅不改故云性地也。三八人地者。由解真似四諦故。四諦中一一諦二人故名八忍爲八人地。一一諦中二忍。故欲界苦諦中苦忍。上二界苦諦中苦類忍。餘三諦中准之也。八忍者希無聞也。此八忍所引八者是解脫也。四見地者。由此八忍故得八地。滿第十六心故見四諦平等理。是故云見地也。五薄地者。從見地起修道智。斷欲界九品修惑中初六品。止後三品。故云薄地。六離欲地者。後三品修惑皆盡故不還欲界。是故云離欲地也。七已辦地者。三界結竟盡故得阿羅漢果。是故云已辦地也。後三地可知也。上來括法鏡論意也。問。乾慧等十地三乘共行。十地何故此章中。初教迴心教中說乾慧十地。五十要問答中。初立六道因果。次明愚法二乘。次明小乘及迴心小乘佛。

大明一乘五位滿心佛。然立乾慧等十地。最後立直進菩薩十七門次第。答。慧鏡德云。昇建立三乘共行十地之本。當是法華師所導。彼師准位以三反釋。謂一釋三乘別教十地。二會別教十地入通教位中。三會通教十地入通宗位中。若依初位者。外凡終性空隣位中說乾慧地<sup>此五停心觀可作</sup>性地者。謂總想念處別相念處。及與善四根合此五方便位。爲性地也。此五方便中總別二念處中同觀性空。後四善根中辨觀法空。故合總別二念處爲一也。八人地者。立於苦忍位也。見地者。立於須陀洹見道位也。薄地者。立於斯陀含位也。離欲地者。立於阿那含位也。已辦地者。立阿羅漢位。此七地者。屬聲聞乘中。辟支佛地者。可知也。菩薩位者。此別教中未說三十心位。唯約十住。唯於四菩薩謂初住名爲新發意住。第二住至第六住。名爲久行道地。第七住至第九住。名爲阿毘跋致地。第十住名爲一生補處位。更等覺金剛心不說。以第十住爲終也。此即是丈六色相之實佛成也。第二番者。別教之佛即是覆跡之佛。故退在通教十信。令入十信也。二乘五果者。安十信前。令入十信位中也。問。若爾何故二乘五果不安十住。雖在十信初心。仁王經云。習種初心中既出過二乘。故知不安十住也。五方便中所說性乾慧地並退安於信前凡位中。會如是。別教十地而爲欲令入通教。故立三乘共行十地。既是通教。方得知佛道長遠。更逐三賢十地修方得成佛。是故通教十信即有五品弟

子謂聲聞四果辟支佛果爲五問。若爾菩薩四位云何准。答習種爲新發意菩薩。性種道種爲久行道。初地已上並阿毘跋致等覺是一生補處。妙覺是菩薩也。問以通教會別教。會別教而假別教位准通教中。如是直自通教說三乘共行十地云何。答二乘五果入於通教十信位中。名爲乾慧地。三賢位是性地。八初地中近方便名爲八忍地。初地名爲見地。二地是斯陀含名爲薄地。三四二地名爲離欲地。五地與諦觀相應。故名爲阿羅漢已辦地。六地是因緣觀。故名爲辟支佛地。至等覺名爲菩薩地。妙覺名爲佛地。第三番者。斷通教障染盡。所得佛果還退。安於通教十信中也。通教十地退安於通教十住位五品弟子。謂須陀洹有向果。故如次准於初二住也。乃至第五品弟子名辟支佛。此亦有向果。故准於第九第十二住中。問若爾何故共佛果立於通教十信滿心中。通教十地爲十住五品弟子。答約實五品弟子及與佛不別相續。唯依通教爲至於其教佛果位。而退安信滿心。故實佛退時竟而退其性。爲五品弟子立同。是故此人實退信滿之佛。轉名全修十信行時爲聲聞。又爲十住菩薩。細可思也。問若爾何故退通教佛立信滿中。唯被通宗教令修十住行。更不令修通教十信。答其乘教不實說。通教方得爲實時有於其佛果即信通宗。是故其乘佛果與通教信。一如類初地中起一乘信時即其初地成就一乘信也。問何故別教三乘佛更修通教信。答彼教三十

四念有成佛。皆說此事。有實佛信故其人實佛還令修通教信。而莫信此事故無至別教佛果人。更令修大乘信也。問通教勝於彼宗更修此行。答十信中初五是信等五根。增此五根義中立五心。約實其五中具足法體。通教行者具世間信等五根。一時具足。若未具前五根。直進行者還十千劫。方得修十信行成就此信心。問若爾別教三乘具小乘出世五根。故被通教時即信心成就。答小乘根及大乘根不異。問若爾此五弟子既修十住行時。以何義故與聲聞名。答此人被通宗教修行故。聞音起行聲聞故。約此義爲聲聞弟子。若唯約解一真心道理之義者。是十信菩薩也。既斷障染成佛。何故退安通教十信初中。答汝所立佛果。此吾十信位八相成道所放變化佛。爲實佛故退還令修。問若爾會通教次第中。作三乘共行形相如何。答須陀洹人作五方便。即爲十信三位。謂大集經云。十信爲三品。謂一下品爲乾慧。二中品爲隨信地。三上品爲法行地。謂中上品爲性地也。次二住爲薄地。謂第三第四二住也。乃至第十住爲辟支佛地。若准位者。性種爲新發意。道種爲久行。初地已上爲阿毘跋致也。等覺爲一生補處。妙覺爲佛地。若約自通教者。十信爲外凡。故乾慧地習種位通二。謂若從頓教而入者。立五品弟子。隱菩薩位道理。以十住爲乾慧地。性種道種二位入初地近方便故。爲八忍地。初二三地是信忍。故名須陀洹爲見地。四五六地是順忍。故名斯陀含爲薄地。七

八九地是無生忍。故名阿那含爲離欲地。第十地是寂滅忍。下品故名阿羅漢爲已辦地。等覺爲辟支佛地。通名前諸位爲菩薩地。名妙覺爲佛地。上來括法鏡論師意。嚴和上意彼師義有三重教。謂三乘共行十地者。弟子無圓教。所以者何。二乘名無入一乘者故。又小乘中唯一釋迦菩薩成佛。自餘無成佛者故也。不立共行十地故凡立共行十地。意引一切小乘人爲入大乘故。是故問答意同不立共行十地類。故先明小乘及一乘。通始終頓三教之迴心義立初也。始終頓三教直進義合來立次也。今此章意約實雖通終教。而約初迴心發說乾慧等十地。頓教有三乘共行十地。而不明別位次第。故不用三乘共十地。問若爾何故疏文頓教復作立乾慧等十地之所以。而云此十地是一乘所用是三乘所入耶。是即一乘亦立共行十地耶。答同教一乘約智故。同教一乘所用約別教直機故。小乘人無一乘故。不立共行十地。同教一乘所用。引下教中立共行十地之機者。皆是一乘所令。故約此義有共行十地。可思之也。又法標師依佛陀三藏爲師。此三藏所立通宗大乘明如來藏真心道理爲極。故此中皆攝楞伽仁王華嚴。以別教三乘六識爲軌則。修成佛迴入通教。通教以妄識爲軌則。修成佛依通宗。如來藏真心依位地。更令修覺儼師意者。三藏通宗大乘是三乘外華嚴一乘也。下始教攝於通教大乘。依此通教修成行者不信彼一乘。故名自受用身佛。爲假名菩薩。

此師義中無諍論。故自受用身佛名假名菩薩。藏師義中。耳極鈍根人不遇初地。故名自受用身佛爲假名菩薩。又初地之前菩薩名假名菩薩。有此諍論。問。佛陀三藏依楞伽經所說。說通大乘通宗大乘。故立通宗等教。何故嚴師楞伽經不攝通宗中。答。文依楞伽經而義意趣。取華嚴爲通宗。此師如是通三藏義也。爲佛下因位故者。爲欲引二乘時佛在十地。已外彼二乘不爲求佛。故下因位中立佛地也。又下卷云。又亦爲說乾慧等十地。第九名菩薩地。第十名佛地者。欲引二乘望上不足。漸次修行至佛果故。又被佛果不在十地外。亦同在地中者。以引彼故方便同彼。以二乘人於現身上得聖果。故不在後也。意十地者乾慧等十地。二約三界九地。十地十一地等已外即成其佛。三約位見。彼已外即成。佛下卷云。但有見修等四位及九地等名同小乘。或云五位。謂見道前七方便。內分前三種爲資糧位。以遠方便故。後四善根爲加行位。是近方便故。餘名同前。四約行學已外無學羅漢位即成其佛。五約時依大乘三僧祇外即成其佛。劫數如下卷。又孔目第四云。大乘義從狗裂已去成一百句名一受。一受已去名一阿僧祇。此是大數十數中第一數也。三乘大乘佛唯一方佛化儀。經此三大劫修道得成佛。六約菩薩行三十。忍三心外即成其佛。七約無分別空理一念即成其佛。記云。迴心教中存依他法。似有相而性是空。約此性空之假相空理不爲真如理。八

約生死最後分段身上即成其佛。此約化身。若約報身分段身後即成其佛。記云。約報身者滅分段身後成佛也。下卷云。若始教中爲迴聲聞亦說分段至究竟。佛身亦爾。然是化非實也。

人修行滿十千劫住堪任地者並皆成佛。若未至此位即與一闍底迦位同。如此人等並皆不成佛。此據位語。若佛母者於一三千所有佛等並是化佛。摩耶眷屬等亦即非實。諸三千界處亦有別佛化義。同前淨土之中。有佛母等諸眷屬者。亦唯是化佛。是法門非八相化也。若百劫修相好業者是化非實。已上唯若一切衆生佛前後者。有十方佛故得同時他處成佛。若化有情亦得能化所化同時成佛。爲進退不定故。若他方諸佛應化者。十方淨土所有諸佛並是實報無有變化。若權起不定始終令有情機知變化者。即屬化攝。若色究竟處及菩提樹下二佛相對有其兩義。一以化顯報。即樹下顯蓮華藏世界海中佛。是報故也。二以報顯化。舉色究竟處成高大身。顯菩提樹下是化義也。以上文是通始終教。今此文初通二教兩義。已下以一乘報始教報身望化說也。故疏第三云。若始教在色界頂爲引小乘。同界說。若依終教不在三界。如涅槃云。西方去此三十二恒河沙佛土有世界名無勝。是釋迦佛報佛淨土。若諸根相入相者有二義。一據本性。即大乘菩薩緣覺聲聞。若依現覺。總名大乘菩薩人。今攝本性從大乘簡耳。即變化改性二義皆成也。若修道成佛不成佛者。實行修道皆悉成佛。若對異機現不成佛。若約正理無成不成。若佛相觀者。亦德亦入相。是佛相貌。此等文意通始終教。若種性差別者。五教云。一約始教。即就有爲無常法立種性故。則不能遍一切有情故。五

親資助因緣生死。此前二生死非正變易以與變易爲方便及因緣亦名生死。如三界中惑業是分段方便因緣。亦名分段生死。故梁攝論云。苦集通名生死。三有有者依無流業。是業名爲因緣生死。此前二生死非正變易以與變易爲方便及因緣。亦生死。如三界中惑業。是分段生死。故梁論云。苦集通名生死。三有有者依無流業。有流業。所引變易生死名有有生死。故佛性論云。有有生死者是無明住地爲方便。無流業爲因。三種聖人。意所生身。譬如四取爲緣。有流業爲因。三界內

生身。四無有者是變易生死最後身。故名無生身。故佛性論云。無有生死者是三種聖人。意有。故佛性論云。無有生死者是三種聖人。意生身最後身為緣。是不可思惟退墮。譬如生為緣死等為過失。問。何者是三種聖人。答。勝鬘經云。無明為緣無流業因生阿羅漢辟支佛大力菩薩三種意生身。在地上故。楞伽經第五卷云。有三種意生身。一者三昧樂意生身。謂第三第四第五地。二者如實知諸法相意生身。謂於第八地。三者種類無作行意生身。諸師釋不同。一師云。約三學別地。三地是定。若約六度五地是定。故云三四五名三昧樂受意生身。第六地般若。般若現前。故六七八地名如實。覺知諸行智意生身。而言第八者。舉其終也。九地已上名種類無作行意生身。第二師云。第一略初二地。故言三四五。第二亦略初二。故云第八地。理實而言。第一通前五地。第二通六七八三地。第三通九十二地。第三師云。次第二於第八地。則知第一七地。

已還而唯云三四五者。此中略先後也。以實而言。第一通前七地。第二唯第八地。第三九十二地。又四卷楞伽云。第一名三昧樂受。樂生身。今依佛性論。真諦師釋。勝義經。三種意生身者。是三乘種性聖人。入初地已上。受意生身。故名三種。非是楞伽經中三昧樂等三種意生身也。故佛地論云。有有生死者是三種聖人意。所身。無有生死者是三種聖人意。所生最後身依生。梁論八地已上是有有生死。金剛菩薩是無有生死。此二生死既佛性論皆言三種聖人。故知三乘種性至八地已上受有有生死。從本種姓為名。名羅漢辟支大力菩薩。故楞伽經第七卷云。大慧。聲聞辟支佛於第八地菩薩中。樂著寂滅三昧樂門。故不能善知。唯息見隨自相同相熏習障礙。故隨人無我見過。故以分別心名為涅槃。而不能知諸法寂滅。大慧菩薩白佛言。世尊。說聲聞辟支佛。入第八地寂滅樂門。如來。後說。聲聞辟支佛不知但是自心分別。後說。聲聞得人無我而不得法無我空。若如是說。聲聞辟支佛尚未能證初地之法。何況八地寂滅樂門。佛告大慧。聲聞有二。言八地寂滅門者。此是先修菩薩行者隨聲聞地。還依本心修菩薩行。同入八地寂滅門。非增上慢寂滅聲聞。以彼不能入菩薩行。未曾覺知三界唯心。未曾修行菩薩諸法。未曾修行諸波羅蜜十地之行。是故決定寂滅聲聞不能證彼菩薩所行寂滅樂門。問。何故得生死名。答。通名變易生死者。轉變改易。若生若死。並

是就相為名。別名方便因緣。此二約用。有有無有對後為名。故佛性論云。有有生死如上述般阿那含人。於第二生中般涅槃者。餘有一身故。故名有有。無有生死是變易生死最後身。故復更無生死。故名無有也。問。約位判云何。答。若約頓悟八地已上受變易生。由此已上煩惱不起。無容更受分段生故。若漸悟者。七地已還亦受變易。若約四種據通而言。位位皆有。若據位別。唯依梁論。二十二無明。或十一無報中。初八無月。或四無報。是方便生死。故知方便在前四地。次六無明。或三無重。是因緣生死。故知因緣在五六七地。次六無明。或三無重。是有有生死。故知有有在八九十地。次二無明。或一無重。是無有生死。故知無有是金剛位。若是方便及因緣。并有有生死。自地起自地斷。若無有生死障。佛地金剛斷。所以爾者。十地是學位。故自地障自地斷。佛地無學位。故佛地障金剛斷。問。若如前說。方便因緣乃是變易方便。因緣非正生死。何故皆言所感重報是變易耶。答。若是漸悟方便。因緣位中即是分段名。重報。若望後說。初之四地相同。凡夫。無明增強。遠與八地已上變易生死為其方便。五六七地相同。二乘及初修菩薩。修無流道亦與八地已上所感變易為資助因也。若後二種正變易體。慧遠師云。說二生死各有六重。所言分段六重者。惡道三重與善道三重也。問。惡道三重如何。答。一凡夫所受分段惡業為因。四住地為緣。二十信所受分段惡業為因。四住

地為緣。悲願為隨助。三種性已上乃至初地所受分段惡業為因。悲願為正緣。四住地為隨助。約此三重為惡道分段。問。善道三重分段如何。答。一凡夫二乘大乘十信所受分段善業為因。四住地為緣。二種性解行所受分段善業為因。四住地為正緣。悲願為隨助。三地上所受分段善業為因。悲願為正緣。四住地為隨助。約此三重為善道分段。所言變易生死六重者。事識三重及妄識三重。問。事識三重變易如何。答。一阿羅漢辟支佛所受變易事識中生空觀為因。無明住地為緣。二種性解行所受變易事識中法空觀為正因。無明住地為緣。三地上所受變易事識中非有無息相之解為正因。無明住地為緣。約此三重為事識中。三重變易生死如何。答。一地前所受變易妄識中。一切妄想依真觀以為因。無明住地以為緣。三八地已上所受變易妄識中。唯真無妄。息想觀以為正因。無明住地為緣。約此三重為妄識中。三重變易生死。下卷云。若依終教地前留惑受分段身。於初地中永斷一切煩惱使種。亦不分彼分別俱生。於所知障中亦斷一分。品正使。是故地上受變易身。至金剛位。十者依大乘同性經有三種十地。聲聞十地緣覺十地佛十地。為攝引小乘同於大乘終教之義。故作此說。其十地名等具如疏說。又有差別。十地相廣如梁論修時章釋。記云。彼經亦名一切佛行入智毘盧遮那藏說經有二卷中引初卷也。修時章者。此引彼論第十一卷修時章第五。如彼

●樂二重● ●所十(生)● ●後二復● ●八二入● ●(問)●十約● ●註註曰攝或招賊原字不明

論云。若見真如即入清淨意行地。從初地至十地同得此名。清淨意行人自有四種。初一從道立名。謂清淨意行後三從別立名。謂有相行無相行無功用行。此清淨意人從第六地以還說名有相行。乃至第七地是無相行有功用。乃至若人入八地有無相行無功用未成就。若八地圓滿於八地無相行無功用已成。於九地十地無相行無功用未成就。第三阿僧祇劫此無相無功用乃成。譬如須陀洹斯陀含阿那含三位製立為五人。若三位云何製立為五人。由位差別故成五人。從初方便至須陀洹為第一人。家家為第二人。斯陀含為第三人。一種子為第四人。阿那含為第五人。菩薩位爾。初地為第一位。從二地至七地為第二位。八地至第十地為第三位。亦得製立為五人。從方便至初地為第一人。從二地至四地為第二人。五地至六地為第三人。七地為第四人。八地至十地為第五人。解云。此約聲聞乘果。釋十地者顯他人釋十地中別。故此章引此文顯三乘十地差別不同。問。若爾與此十地准釋意云何。答。惠鏡德云。從方便至須陀洹為第一人。為初地人者。是同見道類故。家家者。此從人死生於天中。還亦至人中。如從家至家故云家家。第二地中修惑時以無流智而修行。至四地中還得彼無流智。故約此義准家家也。五地六地於無相中最勝故有相行薄唯薄地人也。第七地中離有相行。唯有功用位故唯受半生。准也。八地已上離有功用。故准已離欲人可知。

也。惜非情作佛者。問答云。若依三乘終教即一切有情衆生皆悉成佛。由他聖智顯本有佛性及行性。故除其草木等。如涅槃經說。若成佛處者。終南。問答云。若終教三乘如三千等。同類世界現佛成者並是化佛。何以知之。大智度論成佛世界廣引。如疏得知。並是化佛化境多處現身故是化也。摩醯首羅天身亦是化作。由權現閻浮提樹下。是故化佛蓮華藏界所有佛者是實報也。通體相用十方淨土所現佛者是報佛也。所有親屬是法門也。為現引此婆娑小根畢習衆生。故如大乘無量壽經說。若修相好業。若依終教及直進菩薩並從發心以來一切並修十地。終教無別。百劫修相好業。下卷云。此終教中論其實行。從發意即福慧双修故成佛時無別修也。若種性者。下卷云。即就真如性中立種性。故則遍一切衆生皆悉有性。故智論云。白石有銀性。黃石有金性。水是濕性。火是熱性。一切衆生有涅槃性。以一切妄識無不可歸自真性故。如經說言衆生亦爾。悉皆有心。凡有心者定當得成阿耨菩提。以是義故我常宣說。一切衆生悉有佛性。問。如有難云。若諸有心悉當得菩提者佛亦有心亦應當得。若言。佛雖有心更非當得。是則無性衆生雖是有心亦非當得。答。經中已自為簡。故但云衆生有心。不云佛也。以處處受生名衆生。故不同佛也。廣如彼說。位地亦如下卷說。第四約頓教朋唯有一門。所謂無相。何以故。由成。行三昧乘彼。一味真如所成故不可。

說。有諸異相門成。亦此一切俱離是名佛也。若修時者孔目云。若頓教義即不可說。若種性者下卷云。唯一真如離言絕相名為種性。而亦不分性習之異。以一切法無二相故。是故諸法無行經云。云何是事名為種性。文殊師利一切衆生皆是一相。畢竟不生離諸名字。一異不可得故是名種性。又行位者一切行位皆不可說。以離相故。一念不生即至佛故。若見行位差別等相即是倒故。若寄言顯者如楞伽云。初地即八地。乃至云。無有所有何次等。若所依身者一切行位既不可說。所依身分亦准此知。第五約一乘義者。十信終心乃至十後位十行十迴向十地皆成佛。又在第十地亦別成佛。如法寶周羅善知識中說。何以故。一乘之義為引三及小乘等。同於下位及下身中得成佛。又八地已上即成佛。如於此位成無礙佛一切身。故此據別教言。記云。經四十九云。其宅廣大十重八門乃至云。見第九重補處菩薩充滿其中。見第十重一切如來充滿其中。解云。八門謂八聖道也。十重謂十地。既第十地中一切如來充滿其中。故云又在第十地亦別成佛也。案廣疏十九卷有三釋。初依右師。十重中八重內開八九。餘重如次。配初地乃至等覺妙覺。故疏云。九補處等者明十地受職位等。亦是等覺位。十一一切如來者妙覺位。從初發心等明攝因成果。孔目依此釋意說。疏第二釋配十行位。第三釋總不約位說。十顯無盡其如疏也。此知識是第五

●〔人〕一●●●冠註曰准字更動●冠註曰補入問字●冠註曰是下問答有一佛二字●冠註曰教問答作後●冠註曰行上孔目有一字  
●一十〔行三〕●●冠註曰亦上孔目有佛字。下有如字●〔等〕一●●冠註曰後孔目作解●右二古●●



無礙亂行善知識也。法寶周羅者。疏云。此云頂髻。即以法成人。實爲頂髻。天竺本云。有法長者名寶周羅。顯其定用可貴尊極之相。若據同教說。即攝前四乘所明道理。一切皆是一乘之義。雖是同而義皆別。如此等法差別相者。爲護十地故。隨方便門作種種說。今諸衆生於十地中。離增上慢。記云。三乘人定運十地方得成佛。故爲增上慢。而爲欲令離此增上慢故。位位即得佛成。

又依六相總別義。即是一乘隨相別布義。即是三乘。此約教分說其一乘十地之法。蓋其三世已通究竟。此據證說。記云。於此十地用六相緣起陀羅尼法者。即是無礙自在。十地故爲一乘也。若隨法空智分位用勝劣出爲十地者。即是三乘。此約教分說者用六相教。今法緣起方得爲一乘者。此約教分而釋。若約證分者自在盡三世。通究竟處爲證位也。若情非情作佛者。問答云。依一乘義。一切衆生通依及正並皆成佛。如華嚴經說。以此義准上四句。義即是一乘共教非別教也。若成佛前後者。於念念中成佛皆盡所化有情。在諸位中。十住已去乃至菩提皆盡衆生界。成位遍滿無有前後。爲同一緣起大樹故。若成佛時者。依一乘義成佛時節並皆不定。爲十方世界時節不同。因陀羅世界等並據當分報位。說有爲諸劫相作及相入等。故無定時。仍不違時法也。下卷云。一切時分皆悉不定。何以故。爲諸劫相入故。相即故。該通一切因陀羅等諸世界故。仍各隨處。或一念或無量劫等不違時法也。孔目四云。若一乘義即無盡劫。何以爲依一乘。一切衆生已成佛。復爲衆生新成佛。亦不住學地而成正覺。據此不限時分。故無盡也。此義教與。教量十地德生其信也。又數法是通十地德。若他方佛應化者。若依一乘但有十佛。依行分說不分修生及本有義。若體解大道體即一切種。體相即一切種相。用即一切種用也。諸方現佛若名若義皆依釋迦海印現無別佛也。若佛母者若依一乘。所有諸佛在釋迦海印定力。以此義准諸眷屬等皆悉同然。體相用義及變化改性等准此可知也。若情根相入相作者。依一乘教變化改性並依緣起。本法顯現亦無別性可變可改。若現若爲者同前化攝也。仍一乘之體有彼凡有身復有體德。若因果差別者。若依一乘所有成佛因果分齊通量即通因陀羅秘密微細一切境分齊。盡三世間分齊通量。如華嚴經普賢門准也。所有修行斷惑等因果二位皆盡不盡也。若修道成佛者。依一乘教皆對前機。若須成佛即數數成皆新斷結成佛。亦不住覺地成佛。若對不成機即常不成。由如大海。於諸位中無有溢滿。即楞伽經菩薩一闍提是。若對異病機即無成不成。若對普賢即亦成不成。若佛相貌者。依一乘教是德是相。是非德是。相非由緣起理具足逆順作不作義故。種性行位所依身等如下卷說。

#### 第四疾得成佛種類門

孔目第四云。又依彌勒文諸佛菩薩無量劫

悟。善財一生皆得者。依華嚴經。疾得成佛有其五種。一依勝身從見聞位。後一生至離垢定後身即成佛。二依見聞運生疾剋。三依一時疾得成佛。四依一念疾得成佛。五依無念疾得成佛。初義有四。門也。二依見聞運生疾剋者。如初地中有三時益。一聞時益。二修行時益。三轉生時益。故地論云。是諸如來加護於諸菩薩。此人能聞持如是微妙法。此是聞時益。諸地淨無垢。漸次而滿足。證佛十種力成無上菩提。此是修行時益。雖在於大海及劫盡火中決定信無疑必得聞此經。此。展生益。意信行地菩薩聞持此金剛藏所說勝法。即得諸佛加護離諸魔事。此爲聞時益。聞既此勝法漸次修滿十地諸行。乃至成菩提。是名修行時益。或有不定趣衆生聞此十地微妙法殖金剛種。雖生善道惡道難處還多劫數。彼難處中必得同此經。此名轉生時益。問。若爾已還多生。何言疾成佛。答。經多生是三乘門意。悟入一乘時疾成佛。故玄門云。問既言久修始得者云何言一念得耶。答言久修善根者即在三乘教攝。從三乘入一乘。即是一念始終具足。故經云初發心時等。乃至下明善財從文殊發心。求善知識逕歷百一十城已。而不如一念得見普賢菩薩。故知得入此緣起大海。一念豈不成佛耶。三依一時疾得成佛者。如善財童子。於知識處一時之間獲普賢法。此約最後善知識說。如次上所引玄門文意。至此善友也。已得普賢法故。因果無二故。疏第二十云。第五顯因廣大

相知識以前照理無二顯甚深。方堪成佛廣大之因故。在道場如來前者表普賢齊佛果故。因果位同故。又云。一身充滿明普賢身下有十三種。等於諸佛。此是因位圓滿更無所修。是故但云與諸佛等。不辨更求知識修因。普賢位竟。故知此約理成佛因果無二故。一時成佛。此善趣行人未入信滿及初住等。故非行成佛位成佛。四依一念疾得成佛者。如契普賢法。一念即成佛此依俗諦念也。此亦約善財等。上約聞說法時說成佛。此取念念念成佛義。是理成佛。故隨取自在依俗諦說一念。五無念疾得成佛者。一切法不生。一切法不滅。若能如是解是人見真佛。故記云。有云。約維摩一念不生即是佛。此義不然。同是俗諦念即是無生。故云無念成佛。一切法不生等者是昇夜摩天宮文可尋文處。

#### 第五問答分別門

問。宗意一切衆生皆是佛時佛與衆生有何差別。答。同一緣起法故。佛時全佛無別衆生。衆生時全唯衆生亦無別佛。若非全佛非全衆生緣起不成。故無衆生亦無佛。一切法是一如所成緣起法故。互全攝方立衆生門。故全衆生。佛門故皆佛。故非無彼能化佛所化衆生。佛全覺人衆全惑者。若佛與衆生一者唯是惑耳。何有能化。亦衆生與佛一者但全覺人。何有所化。答。有二義。一無能化所化。二有能化所化。初義意全衆生故無能化。全是佛故無所化。後義意全作二。故有能所化。何者緣起無障無礙法。定不有一。故隨須

皆得如虛空化虛空。能化所化無障礙。然非所執情能所及也。問佛見迷惑衆生時。若以惑心見。若以覺智見。若以惑心見者惑非善見。何能見。若以覺智見者覺絕見知。何可能見。答。有二義。一惑見覺見。二俱不得見。初義意如鬼見人不見。惑以惑見覺不見。如於瓶見鬼是迷惑見見鬼非惑。此義亦然。惑見惑亦覺非惑是故佛言。我與汝不異。汝自爲別。此意我者覺人。汝者迷執。故知惑覺不異也。後義意惑此見義故非惑見。以惑見惑故非覺見。問佛既覺者何以惑見惑。答。覺惑體無二。而覺任自惑見名爲惑耳。具如香象問答。問。一成一一切成其義何。答。可有二義。一約人。一約位。初義問答云。約緣起人說故一人即一切人是一人。一切人即一人是一人。故修言亦然。一修一切修。一切修一修。故同得云也。問。現一人修而餘不修亦一人。非餘人。何得爲爾。答。汝所見但是遍計耳。不關緣起之法。不足言也。後義者六相義章云。行德即一成一一切成。理性即一顯一切顯。普別具足始終皆齊。初發心時便成正覺等。疏一亦同。問。三乘人極至何位進入一乘即成佛。答。五教上云。至自位究竟處故。後皆進入別教一乘。此各得出世果。處爲自位究竟處約菩薩。又三賢位是得出世益。處具如一乘義。問。一人現在世。是人未來世可成佛。化現在我身令修行。答。化令修行。問。現在人修行可得彼何其佛。化現在我令修行。答。彼佛不化者。今吾身不得作佛。故彼佛化時方吾能

修行成彼佛。意緣起道理非彼佛時即無今吾身。非今吾身時無彼佛。故知爾也。如對今乃至盡過去際亦然。問。未來佛是現在及過去人相即者。彼過現人已成佛未成佛。答。已成。與未來佛同一緣起法故。問。若爾唯佛何爲化。答。過現人望未來佛是同一體非他人故未來佛化現等人。若他人者不得化。所以者何。能化外有故非自所化。問。可化外人何言他人者不得化。答。若能化所化差別者緣起不成。故不得化自外他人。問。自既佛。何用爲化。答。是佛故化。若非是佛終日化不得成佛。問。何自非佛時不得化。答。一切衆生本來成佛。而不知自即佛。故化令知此理。名爲化之。故實化無所化。實無所成。問。若爾但乃化都無化他之義。答。亦得化他。非化無自故。以自他緣成無分別故。是故佛能見自全他。故他無攝物。問。約此化非化及自他等。分別四句。何。答。問化自。答。不也。非他無自故。問。化他。答。不也。化是佛故。問。自他共化。答。不也。二執不並故。共不化。答。二離執故。此遣非四句示執顯四句。准三性門可知也。約自他亦可有此三四句。准上可知。問。未來佛還化現在自身者有所依文。答。有所依文。故璣路經中第八地菩薩云。自身已身當果諸佛佛頂說法。故已其說炳然可知。又既諸經經每云。三世佛拜故諸罪業滅。未來諸佛者何爲。畢也。問。他人修行已成佛窮來際。亦可成說之言拜未來。何言拜彼自當成佛。答。拜他佛之義非無。雖然他佛遠自佛近。何者汎諸佛爲

衆生說佛德。意爲欲令衆生自亦得彼果。故令修行。是故衆生證自當來所得之果德。爲欲得彼故不。借身命修行。非爲得他佛果故修行。是故正今吾令發心修行。佛祖吾當果已成佛非他佛也。此義不疑怪也。又有他已成佛即是自當果佛。所以者何。他成佛時即得三世佛平等果故。又吾當果佛即是他今成佛。所以者何。吾得當佛即得三世佛平等法故。如是展轉更互平等。平等無差別果德皆化今吾令修行。其義亦非無故也。互有今吾身。全體如來藏佛等是也。今吾即緣吾性佛即吾。而不知故悲怪。發至心修行欲返迷。是故其觀化。吾佛即是吾體佛。非遠求他佛。此義甚正觀行者大要也。又此吾性佛者即於一切法界。有情無情中全即在無非一物吾體佛故。若能拜自體佛者無物不所作。此亦甚大要也。常可思。性之。若行如是思得者一切時一切處中。無一處中無一處一時起三毒煩惱之義。此即入一乘之觀方便。三世佛無非此行修成佛者也。具如香象。答也。問。一切情非情皆有佛性成佛。答約教不同。小乘唯佛一人有佛種性。餘無種性。始教門約有爲無常法立種性。故不遍一切。終教爲真性立種性。故一切有性。頓教門唯真如離言絕相名爲種。不分性習。約一乘門有二說。一攝方便故。諸教所明種性並皆具足主伴。成宗以同教故。攝方便故。一據別教種性甚深因果無二。通依及正盡三世間。該收一切理事解行等。廣如下卷說。問。此諸教所說有

無種性。爲理佛性。爲行佛性。答。通二。何者二佛性。一體二義故。如下卷說。問。就一乘門有性無性有情非情皆成佛者。說五性差別教何會。答。下卷云。論自有釋。故實性論云。向說聞提無涅槃性。不入涅槃者此義云何。爲欲示顯勝大乘因故。此明何義。爲欲迴轉諍謗大乘心。依無量時故作是說。以彼彼實有清淨性故等。問。若爾唯可立不定性。何立性。答。修六度申習行已位到堪任住成菩薩種性。若習小行到於忍位成聲聞性。故智論云。燭頂忍等名爲性地。獨覺准知。若於三行隨一修行未至本位。爾時立爲不定種性。若於三行全未修行。爾時立爲無有種性。問。約種性分別四句何。答。終南問答云。或有佛性。聞提人有善根人無謂約行辨性也。或有佛性。善根人有聞提人無謂約位辨性也。或有佛性。二人俱有。謂約因辨性也。或有佛性。二人俱無。謂約果辨性也。問。聞提之義斷現善根。因何有行善性。答。此約位語。此世生善根。可救者有現行善性。他世生善根。現不可救者有行因種子。此義不同聲聞宗。此之四位皆具性得及修得二佛性也。何以故。此之二性同於信解淨心處說故。相由成故也。性得及修得二種佛性非初非中後。前中後取故。又驗經文如來藏爲直進菩薩機說。佛性爲淳熟聲聞機說。此中所明如來藏佛性雖約諸義差別不同。皆是同教一乘義也。何以故。爲成普法故。普法所成故。問。本性住性習所成種性何前何後。答。隨機緣前後不定。故

香象問答云。問。本有修生等四句中有修生本有本有修生二句。其即緣起法故非本有。無修生非修生無本有。此二句因緣法可解。唯本有但修生。此二句爲因緣法乎。若非由修生而有本有者。與習種以前有本有之義有何別。云。答。聖者能見機益故四句皆普說。若有機緣衆生。以性種爲前習種爲後利益。即說本有前有修生後。若有衆生以修生爲前本有爲後利益。即說性種爲後習種爲前。但隨機處中說耳。勿見法定有前後。以其法無前後故即善當於先後耳。是故諸聖教之說前後不定。然而如言取者定本有前有法故失因緣旨遠。其意故與彼人不同耳。餘一切法門皆爾。須解教所由。又解法實性也。華嚴一乘十玄成佛妙義一卷

寫本云

于時應長元年九月二十八日於東大寺戒壇院以尊勝院之御本加反點了。但文字散散極不審多。有後覽者可有交定候也

小比丘實圓

享保三龍集戊戌仲秋初九天依淨俊成業御許可而繕寫之。上件本者示觀國師俗甥之神足。禪明房實圓之御本也。乍然文字魚魯鳳凰之謬尤多。後覽君子夫思之矣。實首嗣祖勸息國賊性空。夏曆一九歲

●佛國禪師文殊指南圖讚

中書舍人張商英述

華嚴性海納香水之百川，法界義天森寶光之萬像。極佛陀之真智，盡含識之靈源。故世主妙嚴文殊結集，龍宮誦出，難嶺傳來，繼踵流通。普聞華夏，李長者合論四十軸，觀國師疏鈔一百卷，龍樹尊者二十萬偈，佛國禪師五十四讚，四家之說學所宗，若乃撮大經之要樞，舉法界之綱目，標知識之儀相，述善財之悟門，入境交參，事理俱顯，則意詳文簡，其圖讚乎，信受奉行爲之序引。

善財童子初詣娑羅林中，參 文殊師利菩薩，象王願盼，師子嘯呻，六千比丘言下成道，五衆益友頓啓初心，得根本智指南法門，證十信心。

讚曰



出林還又入林中 便是娑羅佛廟東  
師子吼時芳草綠 象王回處落花紅  
六千乞士十心滿 五衆高人一信通  
珍重吾師向南去 百城煙水渺無窮

善財童子第二詣妙峯山，參德雲比丘，羅尋覓七日方見在別峯上徐步經行，頂禮問法，入佛境界，得憶念諸佛普見法門，證發心住。

讚曰



七日既云尋未見 一朝何故却相逢  
發心住處師緣合 普見門中佛境空  
回首夕陽坡下望 白雲青嶺萬千重

善財童子第三詣海門國，參海雲比丘，十二年中觀海現佛，千二百歲摩頂說經，憶念受持，聚筆難寫，得普眼法門，證治地住。

讚曰

一入多門又到門 分明普眼照乾坤  
十年觀海深深趣 千載聞經品品存  
白浪涌花成異瑞 紅蓮現佛獨稱尊



須彌聚筆休云寫 萬頃滄波欲斷魂

善財童子第四詣楞伽道傍，參善住比丘，來往空中廣現神變，手摩日月，身出煙焰，遍遊佛刹，普散天花，得普速疾供養諸佛法門，證修行住。

讚曰

迢迢一到海楞伽 遙望空中事可佳  
念念遍遊諸佛刹 紛紛艷曳落天花  
手摩日月三輪外 身出煙雲四面遮  
若也更求生貴樂 禹門洪浪跳金螭



善財童子第五詣達里茶國。參 彌加長者。問已作禮散香花寶。放光照耀。分別字輪。究萬類音。悟總持法。得妙音陀羅尼法門。證生貴。在

讚曰

檀末金花香寶珍 繽紛散後現威神  
騰騰光照三千界 落落言分萬字輪  
鬱密林。疊處虎豹 深沈。潤澤聚龍麟



妙音唱出陀羅語

辨盡胡人與漢人

善財童子第六詣住林城。參 解脫長者。一身中現十方佛刹土。佛無異國土何殊。不來而來。要見即見。得如來無礙莊嚴法門。證具足住

讚曰

十二年中到住林

住林深處訪知音



有時要見十方佛 無事閑觀一片心  
不去不來如焰影 緣生緣滅過光陰  
莊嚴門啓誰人到 幽徑落華流水深

善財童子第七詣摩利伽羅國。參 海幢比丘。半年觀察三昧。定境現十四類。涌百千相。般若智照何所不彰。得普眼捨得法門。證正心住



讚曰

光陰已過半。身間 終日冥然靜若山  
身上出生十四類 毫中涌現百千般  
一心觀察無休息 六月思惟。不等閒  
摩利伽天好春色 柳鶯梁燕語綿蠻

善財童子第八詣海潮處園林。參 休捨優婆塞。堂閣莊嚴。陂池間錯。智悲同運。生死雙



摧。啓菩提心。悟究竟願。得離憂安隱幢法門。證不退住


讚曰

寶樹園林間寶籙 金光明網布金床  
千層堂閣穹崇麗 萬派陂池汗漫香  
究竟願門周法界 菩提心廣遍塵方  
河沙諸佛曾承事 安隱幢高是歇場

善財童子第九詣那羅素國。參 毘目瞿沙仙人。無量仙人同音讚。已下林執手佛刹現前。悟真淨智。卷舒自在。得無勝幢法門。證童真住。

讚曰

毘目仙人下寶床 摩頭執手看殊祥  
十方佛境同時現 萬象星羅忽頓彰  
無勝妙幢騰瑞色 蓮那文藏顯靈光



卻還本座求端的 轉覺平生見處長

善財童子第十詣伊沙聚落。參 勝熱婆羅門。五熱炙身。心生疑惑。諸天共讚。頓悔自愆。直上刀山。投身火聚。得無盡輪法門。證王子住。

讚曰

求師擇友古今難 邪正誰分萬慮間



善財童子第十一詣師子奮迅城。參 慈童女。師子宮殿龍勝天衣。一一器中佛佛影現。能證諸行所了境智。得般若波羅蜜多法門。證灌頂住。

若使全身投火聚 先須努力上刀山  
六天讚後方知妙 五熱熏時豈等閒  
無盡輪中王子住 玉樓金殿鎖塵寰



讚曰

控鶴乘雲入帝鄉 漸觀真境漸難量  
機現城裏音容秀 龍勝床高雅韻長  
一一器中含佛刹 重重影內現神光  
千門萬戶今朝啓 成朵波羅花滿堂

善財童子第十二詣三眼國。參 善見比丘。作本經文。三道圓光一尋。萬字胸標金輪掌。



現。順機順法。無念無照。得隨順燈法門。證歡喜行。

讚曰

直入城中借問人 人人指點在雲林  
便知求友到三眼 忽見吾師光一尋  
三十八河崇佛事 百千萬劫聽潮音  
出家何必云年少 一息蹉跎歲月深

善財童子第十三詣名聞河渚中。參自在童子。八部龍天空中告語。十千童子樂共戲沙。工巧方術商農算印。得工巧大神通智法門。證饒益行。

讚曰

十千童子樂無涯  
河渚沙中共戲沙  
不可數窮為轉轉  
阿庾多計洛叉叉  
巧書算印將何用  
賢相商農未足誇



大智光明如會得

滿天星月屬皇家

善財童子第十四詣海住城中。參見足優婆夷。數十億座。延無量人。安一小器。涌無量寶。萬方來者悉得滿足。得無盡福德藏法門。證無違逆行。

讚曰

海住城高瑞氣濃

更觀奇特事無窮



善財童子第十五詣大興城。參明智居士。處高臺上。仰視空中一切諸寶繽紛而下。若貴若貧。財施法施。得隨意出生藏法門。證無屈撓行。

須知隱約千般外  
盡出希微一器中  
四聖授時成聖果  
六凡食後脫凡籠  
少林別有真滋味  
花果馨香滿木紅



讚曰

萬象澄明絕點埃  
大興居士在高臺  
求財窮子紛紛到  
聽法高流疊疊來  
施物應機心路遠  
出生隨意藏門開  
萬般千樣從空落  
無量人天飽暖迴

善財童子第十六詣師子宮城。參寶善長者。執手觀宅。重疊妙閣。見十界生。施十種



寶過去修因盡積智藏。得無盡藏法門。證離作無礙。癡亂行。

讚曰

執手歸家看技能  
善財一見長威稜  
十重樓閣從頭觀  
三世如來最上層  
今日人間成妙果  
當年佛所施香燈  
若將此事為奇特  
辜負南山萬歲藤



善財童子第十七詣藤根國。參 普眼長者。  
調香調藥。理身理心。運平等。悲。利益無量。  
是生皆度。是佛俱見。得普見諸佛歡喜法門。  
證善現行。

讚曰

遠入藤根路渺茫  
普門普眼趣何長  
身心安樂渾無病  
香藥調和別有方  
禪悅珍羞平濟惠  
名衣上服等分張



微塵生佛如求見  
細把波羅蜜味嘗

善財童子第十八詣多羅幢國。參 無厭足  
王。詔入宮殿。細觀善惡。示現調伏。令修福業。  
了生如幻化。幻如生。得如幻法。門。證無著  
行。

讚曰

幢王一詔入深宮  
風閣龍庭事莫同



劍戟刀山成妙用  
妄言惡舌當須斷  
便是金輪化天下  
錢湯爐炭顯神功  
殺盜邪淫禁不通  
大千沙界鼓颺風

善財童子第十九詣妙光城。參 大光王。明  
明三昧入一切智。法法顯現諸天圍遶。種性  
莊嚴觀仰無盡。得大慈轉法門。證難得行。



讚曰

百寶光城物象鮮  
山川草木皆迴轉  
以法攝持千萬衆  
爲君傳道誠難得  
又觀王入定中國  
鳥獸魚龍悉現前  
歸心侍衛幾重天  
十地三賢未比肩

善財童子第二十詣安住城。參 不動優婆  
塞。光觸身者即得清涼。經乎塵劫不生慾心。



諸種勝法一智無礙。得求法無厭法門。證善  
法行。

讚曰

夷夷相好世難倫  
過去劫逢無垢佛  
幾生欲海澄清浪  
求法既云未休歇  
正是當年箇女人  
至今成得有爲身  
一片心田絕點塵  
朱顏應不惜青春

善財童子第二十一詣都薩羅城。參 遍行  
外道。徐行山頂。色相圓明。十千天人九十六  
種。觀器觀機。無依無作。得一切處菩薩行法  
門。證真實行

讚曰

城裏相尋晚景分 中宵城外去尋君  
輝華氣象凝青嶂 色相圓明步白雲  
隨類現身非一一 當機演法未聞聞



東西南北微塵內 外道天魔盡出群

善財童子二十二詣廣大國中。參 優鉢羅  
華長者。探諸寶香合成一味。變化祥瑞普熏  
法界。使聞香者獲法身香。得調和香法門。證  
離衆生相回向

讚曰

優鉢羅華向日開 滿天風味入靈臺



雪山牛首皆收到 象藏龍宮盡採來  
一炷普熏成雨露 十方騰瑞起風雷  
吾家不用調和法 也自馨香遍九垓

善財童子第二十三詣樓閣城中。參 船師  
婆施羅。一切商人共論寶。聚酌海深淺。於其  
遠近望月觀星。知來識往。得大悲幢法門。證  
不壞回向



讚曰

平生活計聚城樓 來往商人古岸頭  
鷗鷺過時江夢嫩 驚鴻歸後白蘋秋  
碧天有月尋珠浦 滄海無風到寶洲  
鼓掉呈機何處客 入雲帆勢去悠悠

善財童子第二十四詣可樂城中。參 無上  
勝長者。無憂林中理斷世務。八部龍天一切



人畜無貪無瞋無聞無評。得一切處無作神  
通法門。證等一切佛回向

讚曰

十有餘年四海遊 因尋上勝到無憂  
幾多魔畜貪瞋息 八部龍天聞靜休  
一切處修菩薩行 三千世界鬼神愁  
祇因成就如斯力 曉得勞生盡轉頭

善財童子第二十五詣輪那國中。參 師子  
嚩呬比丘尼。妙勝光王日光園中。八德流泉  
百花寶木。頭頭映現一一示身。得成就一切  
智法門。證一切處回向

讚曰

師身已得意生身 遍往處方指示人  
泉沼靈源八德美 園林寶樹百花新  
頭頭顯現輝心鏡 名各隨宜轉法輪



多劫既能師子吼

不知何處又嚩呬

善財童子第二十六詣煥難國中。參 婆須蜜  
女。現真金色。身出光明。或現或觸。無染無  
著。了性欲空皆獲道果。得離貪慾際法門。證  
功德藏回向

讚曰

相逢相問有何緣

高行如來一寶錢



執手抱身心月靜  
人非人女皆隨現

吻唇啖舌戒珠圓  
天與天形應不偏  
三德已明貪欲際  
酒樓花洞醉神仙

善財童子第二十七詣善度城中。參 韓瑟毗  
羅居士。如來塔開栴檀香座。百千諸佛悉來  
此中。無涅槃者但為調伏。得不般涅槃際法  
門。證善根回向



讚曰

山川重疊轉艱難 到此平生意氣歡  
韓瑟毗羅如月滿 栴檀佛塔似天寬  
但觀種種示調伏 不見如來般涅槃  
三昧境隨成正覺 十方應刹掌中看

善財童子第二十八詣補陀本經作怛落迦山。參  
觀自在菩薩。諸菩薩衆各坐寶石。猶如滿



月共演慈音。說離怖畏。隨宜攝化。得大悲行  
法門。證隨順衆生回向

讚曰

遙遶山西巖下求 金剛寶石月輪秋  
善財童子叮嚀語 却問觀音那路修  
一切含生離怖畏 百千異類等調柔  
聞思修入三摩地 犬吠鷄啼卒未休

善財童子第二十九卽此空中。參 正趣菩薩。放大光明映著諸相。足按地六種震動。過微塵國事無量佛。得普門速疾行。證真如相回向

讚曰

堂堂此界太虛中 身放毫明照不同  
日月星辰光映奪 天人龍鬼貌瞻臨  
從來國土無空過 所到師門有變通



普疾行功聊借問

竹房雲鎖日頭東

善財童子第三十詣墮羅鉢底城。參 大天神。長伸四臂取四海水。以自灌沐。示現珍寶供養如來。令離諸欲。得雲網法門。證福德藏回向

讚曰

四手長伸取四溟

持來掌上壽頭傾



回觀面目身心淨  
雲網碧幢重疊疊  
試拈此物爲施設

又見乾坤日月明  
花香寶聚積盈盈  
蠢動含靈道自成

善財童子第三十一詣菩提場。參 安住地神。各放光明。阿僧祇寶悉皆涌現。昔善根力佛記無忘。得智慧藏法門。證法界無量回向



讚曰

行到閻浮摩竭陀 地神百萬列星羅  
口談佛記心持盡 足按僧祇寶涌多  
得此法門常出入 便觀塵劫不請訛  
等將法界同回向 普放光明見也摩

善財童子第三十二詣迦毘羅城。參 婆瑠婆演底主夜神。諸天星辰炳然在體。雲霧黑



暗現日月明。蟾蜍蝦蟆道作橋梁路。得破礙暗光明法門。證歡喜地

讚曰

西落金烏夜放光 迦毘羅國現焚煌  
密雲重霧行平陸 暴雨飄風涉渺茫  
便向暗中懸日月 却來嶮處架橋梁  
已知多劫成方便 今日相逢喜一場

善財童子三十三詣菩提場。參 普德淨光主夜神。十種聖智四禪定心。三寶威光五停識觀開出家門示正道路。得普遊步法門。證離垢地

讚曰

自喜求師不遠尋 不離場內聽潮音  
翻思昔日閑談妙 未似今宵得意深  
十種法門圓聖智 四禪分別合天心



又能寂靜還遊步 離垢花開向少林

善財童子第三十四不離菩提場。參 喜目觀察衆生主夜神。一一毛孔涌出身雲。現相隨機。演他心智入解脫海。誠希有事。得大勢力普喜幢法門。證發光地

讚曰

諸方堂奧足參人 子細尋思未似君



念念出生成念海 身示和現身雲  
他心智妙智非智 天耳聞通聞不聞  
幾劫辛勤求大用 而今勢力頓超群

善財童子第三十五即衆會中。參 普救衆生妙德主夜神。兩眉放光舒身濟頂。大人境界。知佛現時普焰出世妙眼發心。得調伏衆生法門。證焰慧地



讚曰

眉裏舒毫灌頂時 淨輪三昧合如之  
論心境界重重現 說佛光明漸漸知  
妙眼我身何有異 寶王慈氏更無疑  
普賢普焰今何在 雪滿長空花滿枝

善財童子第三十六即道場中。參 寂靜音海主夜神。念念出生無邊大喜之心。發起無



量大悲法藏法義。如雲如海。得出生廣大喜莊嚴法門。證現前地

讚曰

百萬僧祇衆遶身 摩尼幢座涌蓮新  
從來念念出生喜 發起心心觸處真  
我見我觀無量境 成雲成海有前因  
略言師友逢多少 二剎如來是故人

善財童子第三十七詣如來會中。參 守護一切城主夜神。普現色身演佛法藏。聞思修慧密赴群機。令諸含識守護心城。得甚深自在妙音法門。證難勝地。

讚曰

寶座光中普現身 又開佛藏濟生民  
我觀法界無邊表 誰信陀羅有利人  
行法名輪重演說 聞思修慧再宜陳



妙音雖是胡家拍

韻出陽春雪曲新

善財童子第三十八詣佛會中。參 開敷木本樹花主夜神。隨心現身。普使知見蓮華覆合輪難惡道。救拔有情令斷愛網。得出生廣大喜光明法門。證遠行地。


讚曰

開裏花生盡護歸 不令嶮路受驅馳



愚迷羅網刀摧後 貪染稠林杵挫之  
智慧山王騰化日 寶光明女發心時  
算來已是經多劫 遠地相逢也。深奇

善財童子第三十九詣道場中。參 大願精進力救護衆生主夜神。隨機隨像。一身多身妙色妙智如日如月。普救罪人獲心眼淨。得教化衆生令生善根法門。證不動地。



讚曰

太子當年救罪人 而今普現一多身  
十千信士心離垢 百億那由眼絕塵  
妙色瑩如秋色靜 智輪明似日輪新  
寶光佛出林中後 又見曇華幾度春

善財童子第四十詣毘嵐園中。參 妙德圓滿主夜神。普觀十方一切佛降往劫乳母今



朝圓主。悟受生藏生如來家。得受生自在法門。證善慧地。

讚曰

逢君直語受生因 便作如來家裏人  
一念盡觀塵數佛 十方同看降威神  
欲知今日園林主 便是當年乳母身  
別有世間曾未見 一行一步一華新

善財童子第四十一詣法界講堂。參釋種  
瞿波女。一萬宮神俱來迎讚現前法爾。過去  
因緣香牙園佛菩提種智。得觀察三昧海法  
門。證法雲地。

讚曰

因遊法界講堂中 逢見瞿波女不同  
盡說目前千萬事 又云塵劫許多功  
法雲容與舒祥岳 教網張羅滿太空



檢點人生成好笑 香牙園裏杏花紅

善財童子第四十二詣此世界中。參佛母  
摩耶聖后。在大樓觀坐寶蓮華。色相端嚴威  
光顯著。念念佛出生生爲母。得大願智幻生  
法門

讚曰

我又如何近問津 守堂羅刹再三陳



遙看樓觀重重妙 忽見蓮華葉葉新  
念念願爲諸佛母 生生示作女皇身  
可恰心腹含容大 包盡微塵世界人

善財童子第四十三詣三十三天上。參天  
主光天女。歷微塵劫事微塵佛。受持法語未  
曾忘失。有發悲智無不現前。得無礙念清淨  
莊嚴法門



讚曰

三十三。大天主天 不知何代結因緣  
青蓮花界初心啓 妙月光中得意圓  
勤苦已經無量劫 修持又覺有多年  
閱浮界內人相問 諸法如今已現前

善財童子第四十四詣迦毘羅城。參童子  
師遍友。即時指去不示一言。顯無法真法無



得是得。空過此處未易前程。昔者聞名。今朝  
見面

讚曰

萬里相尋自不言 却云他得藝能全  
求人忽若渾如此 是我平生豈偶然  
傳道友方成妄說 說名師軌也虛傳  
已傾肝膽尋知誠 料得前頭必有緣



善財童子第四十五不離當處。參 善知衆  
藝童子。以無礙智窮世間藝。唱諸字母入諸  
法門。鳥獸音聲雲霞氣候。得善知衆藝菩薩  
字智法門

讚曰

聞得吾師衆藝全 而今相見試敷宣  
阿多波者言言諦 縱彌迦陀字字詮  
四十二門流布後 三千世界古今傳



大明一智如何也

雲散長空月正圓

善財童子第四十六詣婆阻那城。參 寶勝  
優婆夷。心自開解利樂衆生。眼耳鼻舌身意  
智性出生功德。普現光明。得無依處道場法  
門

讚曰

自開自解自爲人

便向紅塵利有情



眼耳鼻含功德聚  
能生能出門庭靜  
會得道場圓滿處

舌身意現智光明  
無盡無依境界清  
一身鋒。銳致昇平

善財童子第四十七詣沃田城。參 堅固解  
脫長者。百千萬劫十方佛所。勤求正法未曾  
休息。大師子吼大福智聚。得無著念清淨莊  
嚴法門



讚曰

精進人希懈怠多 師勤法道恰相和  
十方佛所無休息 百劫身心有切謹  
萬仞峯頭雲去後 千尋松頂鶴來過  
自怡處世。間清淨 花落閑庭長綠莎

善財童子第四十八即此城中。參 妙月長  
者。不談法義。略示名字。顯無得中又無所得。



即此無得又無得矣。是謂真得也。得淨智光  
明法門

讚曰

妙月高人又指他 向時逼友也空過  
翻思兩處語言少 却笑諸方路布多  
悲焰明輝休語會 智光解脫是如何  
君今不爲通消息 白玉無瑕自琢磨

善財童子第四十九詣出生城。參 無勝軍長者。垂示二法。而為開誘。見無量佛。得無盡藏。悟其所以。實亦省運。得無盡相法門。

讚曰

迢遙遠入出生城 鬧市門頭話道情  
多謝吾師言兩句 却深思我路千程  
得無量藏因離悟 見盡高人合自明



●作夜松床秋夢起

一天星月照簷櫺

善財童子第五十即此城南聚落。參 最寂靜婆羅門。發菩提心無有退轉。過現未來已退當退。隨意作為皆悉成滿。得誠願語法門。

讚曰

城南聚落法門低 聞願忻然意不迷



過去以誠成解脫 未來因語得菩提  
隨心隨處作為滿 無退無當旨趣齊  
須信江南二三月 百花香裏鷓鴣啼

善財童子第五十一詣妙意花城。參 德生童子有德童女。幻生智悲。緣相知見。無明煩惱。國土衆生。依正同空。悉皆如幻同。得菩薩幻住法門。



讚曰

德生有德兩和融 同幻同生意莫窮  
同住同修成解脫 同悲同智顯靈功  
同緣同想心冥契 同見同知道轉通  
若要一生成佛果 毘盧樓閣在南中

善財童子第五十二詣毘盧藏樓閣。參 彌勒菩薩。佇立門前遠方而至。頂禮入觀妙境。



重重映現。佛佛全彰。出已還閉。思議不及。得一生佛果三世境界法門。

讚曰

樓閣門前立片時 龍華師主遠方歸  
不唯彈指觀深妙 又聽慈音語細微  
理智行為身日月 菩提心是道樞機  
許多境界何來去 萬里天邊一雁飛

善財童子第五十三詣佛會中。參 普賢菩薩。乘白象王處紅蓮座。一心親近諮問法要。智悲圓滿。行願功成。即獲佛德。顯同果海。得一切佛刹微塵數三昧法門。

讚曰

百一由旬摩頂歸 片心思見普賢師  
堂堂現在紅蓮座 落落分明白象兒  
沙劫智悲方滿日 微塵行願正圓時



佛功德海重宣說

愁見波濤轉渺渺

佛國禪師昔居龜寺。今在鳳城。觀善財童子參諸知識未有休期。咄直下承當豁然休歇大用現前。

讚曰

時光已是覺蹉跎 嗟爾平生跋涉多  
五十餘人皆問訊 百重城郭盡經過



而今到此休分別 直下承當得也麼  
忽若更云南北去 分明鷄子過新羅

## 關中創立戒壇圖經并序

大唐京師西明寺沙門釋道宣撰

余以開昧。少參學府。優柔教義。諮質賢明。問道絕於儒文。欽德承於道立。故居無常師。追千里如咫尺。唯法是務。跨關河如一草。周流晉魏披閱。累於初聞。顧步江淮。緣構彰於道聽。遂以立年方尋鉛墨。律儀博要。行事謀猷。圖傳顯於時心。鈔疏開於有識。或注或解。引用寄於前經。時抑時揚。專門在於成務。備通即目流漸可知。至於戒本壇場。曾未陳廣。雖因事叙。終非錯言。今年出繼心。旦夕蒲柳。一尋此路。若墜諸隄。力疾書之。遺滯非咎。乃以乾封二年。於京郊之南。創弘斯法。原夫戒壇之興。所以立於戒也。戒為衆聖之行本。又是三法之命根。皇覺由此以興慈。凡惑假斯而致滅。故文云。如何得知佛法久住。若中國十人。邊方五人。如法受戒。是名正法久住。是知比丘儀體非戒不存。道必弘。非戒不立。戒由作業而克。業必藉處而生。處曰戒壇。登降則心因發越。地稱勝善。唱結則事用殷勤。豈不以非常之儀。能動非常之致。然則詳其廣也。談論可以處成。尋其要也。行事難為準的。是以諸律文云。方相莫委於分齊。唱令有昧於前緣。衆集不曉於別同。通和

情分於成敗。並曰。非界咸乖。則難受不獲。以無界故。是知空地架屋。徒費成功。無壇結界。勝心難發。今博尋群錄。統括所聞。開法施之初門。仰住法之遺則。若不分術。則推步者不誠其由。故略位諸門。使曉鏡者知非妄立云爾

## 戒壇元結教與第一

明壇場築基。本唯佛也。十方同會。詳述壇場。昔者无明。王如來初建。故與在大聖。不在人謀。敬重之極也。

## 戒壇立名顯號第二

名實兩難。豈唯常習守株。難革。

## 戒壇形重相狀第三

周繞三重。雙脊作網。用障住法。

## 戒壇高下廣狹第四

於智者商度論通。

## 戒壇大界內外第五

統詳諸律。內外在緣。今以議求。外為別意。古德行事。大界在先。今有明檢。境前界後。境界必初創基址。集僧軌。自有成規。後學傳心。多無本義。必事注。敬細。依法集人。

## 戒壇集僧遠近第七

經本義。必事注。敬細。依法集人。

## 戒壇作業成敗第八

六和不能。述事則四界各攝。

## 戒壇受時儀軌第九

儀軌。令備資有儀。旋繞立。如儀候轉也。

## 戒壇功能遠近第十

金剛場地。名義若斯。非聖不曉。凡唯仰止不可輕焉。

## 戒壇贊述辨德第十一

戒壇勝德諸聖共讚。建無上之善根。拔下之深累。必由此地。方得證之。豈不須此神功贊揚。德。

## 戒壇元結教與第一

檢別傳云。佛在祇樹園中。樓至比丘請佛立壇。為結戒受戒故。爾時如來依言許已。創置三壇。佛院門東名佛為比丘結戒壇。佛院門西名佛為比丘尼結戒壇。外院東門南置僧為比丘受戒壇。初置壇日。乃集十方諸佛。子時有八百億。同名釋迦佛。十方諸佛同名亦爾。時大梵天王。造佛院內東戒壇。魔王波旬。造佛院內西戒壇。壇既成已。諸佛登之。共議結戒輕重持犯等相。又議度尼滅正法。相諸佛通議曰。古有四部。今何獨無初雖正法滅半。能行八敬。還住千年。故此二壇唯佛所登。共量佛事。僧受戒壇。佛非僧攝。有時度聖人者。亦臨壇。一時行事。非羯磨攝。

## 戒壇立名顯號第二

律論所顯壇兩別。西天諸國皆立別儀。此土中原素未行事。不足怪也。今定其名實。或有異議。案僧傳云。宋文帝元嘉中。聖僧功德。遊化建業。於南林寺。前園中立戒壇。令受戒者登壇於上受也。及其終後。又於壇上。而開維之餘如下引。又翻十誦律主卑摩羅叉。答五百問於慧觀法師亦云。壇上師僧為他受戒。餘文廣有。不復叙之。故知。壇名其來久矣。今人不識。混而雷同。平場高壇莫分二別。誤哉。案別傳云。佛涅槃後。迦葉結集。來戒壇上。使小目連鳴鐘召百億四天下凡聖僧衆。普集壇已。白四羯磨。罰賓頭盧及阿

難畢竟。令阿難披佛僧伽梨上座。先誦遺教經。如佛約勅。諸大菩薩及阿羅漢天龍八部皆大悲泣。大迦葉從座而起。披僧伽梨。捉尼師壇。至阿難前。數尼師壇禮阿難已。右繞三匝。大梵天王執大寶蓋覆阿難上。初利天主進七寶案置阿難前。魔王波旬將七寶拂授與阿難。魔王帝釋夾侍兩邊。四天王立侍高座四脚。三十二使者隨迦葉後互跪。迦葉禮拜已至阿難前。問訊起居。如世尊在時不異。迦葉爾時作三千八百問。諸有疑事。阿難一一答之。今略取戒壇一問。除者闕之。大迦葉問曰。汝隨如來二十年來。戒壇高下闊狹依何肘量。戒壇上中安舍利不。戒壇四面用何物。砌四面階方別多少。繞壇四面作何形像。無石國中土沙作不。阿難一如此卷中圖相。而用答之。初祇桓戒壇北有鐘臺。高四百尺。上有金鐘。重十萬斤。莊嚴希有。下有九龍盤像。龍口吐八功德水。時欲受戒人至場壇所。龍便吐水灌頂。如轉輪王陞壇受位灌頂之相。故初受戒人。如佛法王受法王位。有摩尼珠光。觸受戒人得清涼樂。又表受人戒珠清淨。若諸聖人受戒之時。得通菩薩擊鐘。聲震三千世界。有聞證果。惡趣停息。凡夫受時。使摩抵比丘擊之。聲聞小千世界。此比丘有力當十萬人。其鐘臺如須彌山形。在大池中。九龍出頭。構結盤住。諸梁柱等安龍頭上。並黃金作之。屋瓦用頗梨寶。若有受者登壇。諸龍即轉口。出香雨香雲。覆灑壇上。池之四邊砌以白玉。底布銀沙。水色清淨。甘如

乳蜜。諸持戒人有疾飲者。無不除差。破戒若飲。如吞鐵汁。佛欲涅槃。水先枯竭。屋瓦飛去。迦葉結集。阿難答時。屋瓦還來。池還出水。色白如乳。然無乳味。以表滅後正法隨滅。展轉無味。如涅槃經加水乳譬可以準也。結集問事都了。僧向王城。大鐘寶臺飛上兜率。池玉銀沙龍王收去。水亦枯竭。今有其地。相狀都無。迷其初緣合與壇位。故廣叙之。壇之立名在佛世矣。此土現有群經律論。咸明王城兩處結集之相。然出沒差互不同。不妨阿難座為結法之元匠也。但存迦葉所問。阿難相同佛形。比丘咸疑是佛也。聽說我聞便息。如今所傳達通悟者不見此土結法相者。尙自不知。況今所出有不信者。固其常爾。自佛滅後至於正像。結集之相乃有多塗。初五百人。次千人。次大衆。次育王。次七百。且列五條。餘非不有。上並小乘。至於大乘。阿難迦葉在王城廣結集。文殊師利與大菩薩。在鐵圍山略結集。並如此土諸經所說

### 戒壇形重相狀第三

依名顯相。理有異儀。場乃除地令淨。無諸丘坎。俗中治場令平者是也。戲場戰場例斯可解。至於壇相。則出地立基。四郊祠祭諸壇者是也。余案行諸壇。方基者多。唯圓丘一壇分基九派。各施階墜。其緣如別。今之戒壇初爲天造。天工巧妙。理出人謀。然佛指彈。又非凡度。故其相狀不同恒俗。依別傳云。戒壇從地而起。三重爲相。以表三空。爲入佛法初門。

散釋凡惑。非空不遺。三空是得道者遊處。正戒爲衆善之基。故限於三重也。昔光明王佛制。高佛之五肘。表五分法身。釋迦如來滅爲二肘半。上又加二寸爲三層也。其後天帝釋又加覆釜形於壇上。以覆舍利。大梵王又以無價寶珠。置覆釜形上。供養舍利。是則五重。還表五分法身。以初層高一肘。二層高二肘半。三層高三肘。則三分也。希羅加寶蓋。則四重也。梵王加寶珠。則五重。五分具也。初佛在世。祇桓園中立戒壇訖。大梵王所施寶珠。大如五升瓶。大福德者見之。光照八百由旬。薄福德者見之。如聚墨也。如來一代常在戒壇。及佛涅槃。珠亦隨沒。尊者大迦葉結集之時。珠復還來。阿難滅度。此珠還去。後大梵王乃以明珠替處。以供養舍利也。珠下以寶蓮華用承之。作九龍以承華足。天帝釋又奉二珠。以供養舍利。用金蓮華承足。下設金柱。柱下安師子。此之二珠結集既竟。並各不現。帝釋二珠今在初利天歡喜園中。供養般若波羅蜜。今時諸處立壇。既無珠可供養者。隨力作二明燈。若石若木。常在壇前。高於上層。令光明遠照。上下通曉。其壇上鋪石爲地。每有受戒之候。西南角別安高座。使比丘登之。登或艱阻。時大梵王於南面西階道西。化作鐵蓋銀龍銀蓮華。開合轉關華葉相接。對鉤欄上。共高座相當。令使登者而無躓礙。祇桓既殄。斯蹤亦絕。然今後作者則而施之。近以乾封二年九月。中印度大菩提寺沙門釋迦蜜多羅尊者長年

人也。九十九夏來向五臺，致敬文殊師利，今上禮遇，令人將送。既還來郊南，見此戒壇。大隨喜云：「天竺諸寺皆有戒壇，又述烏仗那國東石戒壇之事。此則東西雖遠，壇禮相接矣。其壇相狀，下之二重以石砌累，如須彌山王形，上下安色道，四面壇身並列龜鶴，窺內安諸神王。其兩重基上並施石鉤欄，欄之柱下師子神王間以列之。兩層四角立高石柱出於壇上，柱外置四天王像。既在露地，並鑿石爲之，使久固也。四角欄上石金翅鳥銜龍於上，表比丘既受戒已，常思慈業而制除也。戒壇周圍布列神影者，表護持久固之相也。斯並大聖之羽儀，生善之弘道，備舒圖傳，具列儀容，各有名號，義難隱伏，事須標勝，其名顯置其狀，則使見者發心識幽明之協護矣。今案：梁高祖勅釋寶唱著神鬼錄，凡有三卷，故其序略云：自如來出世，至教博遠，天龍鬼神莫不迴向，故能奉侍三尊，擁護四部。凡諸鬼神各有依住，故依地之神名曰堅牢，乃至寺塔山林河海風雨，如長阿含經，並依止所往而守衛之。今以壇圖一面，三方配映諸神，依方列相，或尊或卑，時立時坐，後有違者，依經置之。今前列護佛塔神名，多出華嚴灌頂孔雀王寶懺大集大智論等，以繁文故，於此總而叙之。神名設開羅波尼，梁言：神名婆里早，河但反。梁言力士。初堅固光曜神，二日光曜神，三須彌華神，四淨雲音神，五阿脩羅神王，取脩羅爲名，非脩羅也。六勝光明神，七樹

音聲神，八師子神王，已解。九淳厚光藏神，十珠華光神，右十二金剛力士神王。依雜阿含經，金剛神持金剛杵，猛火熾然，經律中亦說，八金剛神列侍四面。又云：五百金剛常侍衛佛，如華嚴經，諸金剛神與微塵數力士俱，久發誓願侍衛如來，住持道法。今據文求相，不言戒壇，然此戒壇即佛塔也。以安舍利，靈骨處中，非塔如何？迷名固執者不足言評。重爲提示，原夫塔字此方書乃是物聲，本非西土之號，若依梵本，瘞佛骨所名曰塔婆，此略下婆，單呼上塔，所以經中，或名伽婆，婆等，依如唐言方墳，塚也。古者墓而不墳，墳謂加土於其上也。如律中，如來知地下有迦葉佛舍利，以土增之，斯即塔婆之相狀矣。今戒壇安佛舍利，層基標別，四列神影守護顯號，固其然乎？前十二神常守護佛塔，下層下據地壇有五階，階列二神，故有十也。以下層爲戒壇基本，其猶金剛，故以十金剛依階而位列也。下層四角大神，所謂金剛力士金毘羅散脂，並護佛塔，故時列四隅，以護持本也。東南角神名跋闍羅波尼，又領較支分大軍主神。西南角神名婆里早，又領較支分大軍主神。西北角神名金毘羅，又領較支分大軍主神。東北角神將名散脂，又領較支分大軍主神。層南面二階東畔階道，東神名堅固光曜，西神名日光曜。西畔階道，東神名須彌華，西神名淨雲音。東面一階道，南神名阿脩羅王，北神名師子王。北面一階

道，西神名淳厚光藏，東神名珠華光。第二層上四角大神，所謂四天王也。常護佛法及以衆生，豈唯壇塔而在情外，故須造立儀像，依方隅而列之。依灌頂經云：五種鬼神，鬼子母神五百兒子，及摩竭羅，摩尼跋陀，維利跋陀五神，於佛後當護衛塔，不使邪人所壞。若破壞者，當如正法誅滅。故使然也。東北角天王名提頭賴吒，領乾闥婆及毘舍闍衆，住東弗婆提洲。大智論云：四天王並壽九百萬歲，各有九十一子，皆護佛法。其王領四神軍主，出灌頂經，下同今配。戒壇第二層基東面兩階各二神，南階道二神，南神名阿利，北神名阿利。北階道二神，南神名阿利，北神名阿利。東南角天王名毘摩勒叉，領鳩槃荼及蘇丹多衆，住南閼浮提洲。所領四神軍主，配南面二階各二神，東階道二神，東神名伽藍，西神名伽藍。西南角天王名毘摩博叉，領諸龍及富多羅衆，住西瞿耶尼洲。其所領四神軍主，配西面二階各二神，南階道二神，南神名阿利，北神名阿利。北階道二神，南神名阿利，北神名阿利。又及羅刹衆，住北鬱單越洲。多來閼浮提，其王手中掌擎佛塔，古佛舍利在中。佛在時令其持行，所在作護，佛法久固。又令天王威德勢力領四神軍主，配北面一階邊各二神，西邊二神，一名陀羅，二名阿羅，三名伽藍，四名伽藍。東邊二神，一名伽藍，二名伽藍。依賢愚經，此等鬼神皆名夜叉，形色青黑，眼赤如血，鉤牙上出，頭髮悉豎，火從口出，經雖如此，及論顯和，義須別應，不

可一像。其第二層上四面七階道頭各有二神。則十六也。必須其名。可如灌頂經。四天王所部諸神隨名便配。且存前數。何由可盡其數量也。兩層色道內竈窟中神。經中大多。今依孔雀王經。明七星神。依方守護。其上層中安竈既少。可列七星神。配坐竈中。然二十八星神出沒增減。常行於世。有大光明。深能利益。東方七星神名。基栗底柯一。摩喜尼二。摩梨伽尸羅三。阿陀羅四。不捺那婆修五。弗沙六。阿沙離沙七。南方七星神名。訶可一。雨頤二。求尼三。訶沙多四。質多羅五。莎底六。里釋珂七。西方七星神名。阿塞羅他一。折沙他二。牟藍三。弗婆莎他四。鬱多羅莎他五。阿昆止六。沙羅波那七。北方七星神名。陀爾他一。捨多毘沙二。弗婆跋陀羅三。鬱多羅跋陀羅四。離婆底五。阿離尼六。婆羅尼七。右二十八神方別七龜依名位列。至於下層亦有龜窟。約方開影。其量則多。臨時分像。依優波斯那呪經及灌頂經。神名極多。亦依方住。至時檢經。隨龜多少就列名號。爲存繁文故略不出。最上第三重止高二寸。表二諦也。欲明諸佛說法常依二諦。用表受戒出家者必知二諦爲宗歸也。何者。以身口二業。動必依相。相爲俗有。心行所期。離相爲本。本爲出道之所依也。故二寸爲準的量相。上壇四角各立師子。背上有孔。欲行事時必施尊儀。上安帳竿於孔中也。帳之莊嚴

隨力所辦。上壇是方七尺爲量。以表七覺意也。三乘入道不越三十七品。於此品中。七覺意在道思擇。其功最高。故在上而列也。壇外四周一丈內。種四時華藥。已外植華樹八行。種種莊嚴。依善見論云。戒壇極小。容二十一人。此據出罪之相也。然亦不分壇場之異也。

## 戒壇高下廣狹第四并引圖相

檢別傳云。比丘受具戒壇初結之時。釋迦如來召十方諸佛。時須彌燈光明王最居其長。身長五丈。欲立戒壇三重。重高佛五肘。表五分法身。釋迦如來云。娑婆世界衆生少見少聞。若依佛五肘爲量。恐生疲怠。無由可成。滅同迦葉佛二肘半量。則易成就。所以取佛肘量者。以諸佛肘骨並是金剛。闍維之時肘骨不灰全堅。舍利所在流化。故壇身量取佛肘以定之。欲令比丘持戒堅固如金剛而不壞也。戒壇亦爾。雖經劫壞而常存故檢釋迦如來一肘。則中人二肘。如來在世倍人。人肘長唐尺一尺五寸。則佛肘三尺。佛肘既長二肘半。則唐尺七尺五寸也。又云。準迦葉佛肘爲量者。則又長於釋迦肘矣。依今北天竺東石戒壇。縱廣二百步。高一丈許。此則隨時不定。今且從釋迦丈六爲言。其下層從地起甚高。佛一肘。則唐尺高三尺也。謂在色道下座身爲言。餘亦同之。然此色道上三下四。唯多出爲佳。以在露地。色道廣覆。而風雨不至。諸窟神王久而得固也。如今浮圖出檐。可不然耶。

不得過於一肘者。恐地裂故。又表比丘於壇受戒制心專一而不散亂也。其第二層高佛一肘半。則唐尺四尺五寸也。同轉輪聖王初登壇上受灌頂之時壇度也。其第三層高二寸者。以佛指二寸爲量。則當中人四寸也。今北印度烏仗那國東千餘里。度鐵索橋至烏仗那舊都。其地平坦名果皆備。即古轉輪王之果園也。有大石戒壇焉。佛滅度後三百年時。有大阿羅漢優樓質那者。威德巨勝。於園北山石崖造大寺。南北周院五十餘里。僧所住處一十五里。請彌勒尊者。爲指揮之役。使工匠經三百年。以大神力住諸人壽。五重精舍純石爲之。最上重者高三百餘尺。中安栴檀像。相亦如之。乃至下重安赤銅像。今上四重皆閉。非凡所幸。而石若琉璃。內外映徹。人從邊過。照見藏腑。其下重者今人受用。四周華果列植充滿。東有石壇。縱廣二百餘步。四周石欄雕飾難言。基上平饒奇態轉勢。高可一丈。上壇中心安佛舍利。覆釜在上。如前所述。受戒之日如上集僧。別施高座。先誦遺教經。諸比丘聞皆悉涕泣。及受戒訖。又誦遺教。其事見在。往往有僧從彼而來。玄奘法師西域傳中。略述大栴檀像事。而不辨其緣由。至於戒壇。文事蓋闕。豈非行不至彼隨聞而述。不足怪也。今約祇樹園中。總有六十四院。通衢大巷。南有二十六院三門之左右。



大院西門之右六院

初三果學人四諸院。二學人十二因緣院。三地方三乘八

學道院。四四天下我見僧人院。五外道欲出家院。六凡夫禪師十一入院

東門之左七院

初大梵天王院。二維那知事院。三大龍王院。四居士清信長者院。

五文殊師利院。六僧庫院。七僧戒壇

中門之右七院

初緣覺四諸院。二緣覺十二因緣院。三菩薩四諸院。四菩薩十二

因緣院。五無學人問法院。六學人問法院。七佛香庫院

中門之左六院

初他方僧人香庫院。二他方比丘菩薩院。三尼請教誡院。四教誡

比丘尼院。五他方諸佛院。六諸仙院

繞佛院外有十九院

在通衢外。巷北自分五門。二巷周通南出

中院東門之左七院

初律師院。二戒壇院。三諸論師院。四修多羅院。五佛

經行院。六佛洗衣院。七佛衣服院

中院北有六院

初四章院院。二天下不同文院。三天下陰陽書院。四天下疊方院。五

僧淨人院。六天下童子院

中院西有六院

初無常院。二聖人病院。三佛示病院。四四天王獻佛食院。五俗

宰院。六流廁院

正中佛院之內有十九所

初佛院門東佛爲比丘結戒壇。二門西佛爲

比丘尼結戒壇。三前佛殿。四殿東三重樓。五殿西三

重樓。六七重塔。七塔東鐘臺。八塔西經臺。九後


佛說法大殿。十殿東五重樓。十一殿西五重樓。十二三

重樓。十三金鐘。十四方華池。十五三重閣。十六


閣東五重樓。十七閣西五重樓。十八東佛庫。十九西佛庫

余以恒俗所聞唯存聲說。附事經論。則紛然莫舉。豈非信文誦語不存行事。徒喪生涯。於道何益。所以每事研覈文質相師。隨有作業

名實非爽。雖加砭石。久弊膏肓。空費言時。卒未懷革。故示見圖開張。觀聽更有廣相。如別所存。今略顯之。且救恒要。庶或值者知其致焉。原夫戒壇之場。隨依大界僧住。不可恒準方隅。不定東西。多以東方爲受戒之場。由創歸於佛法之地也。西方爲無常之院。由終沒於天傾之位也。從多爲相。餘則隨機。其初壇下層縱廣二丈九尺八寸。中層縱廣二丈三尺。上層是方七尺



余所撰祇桓圖上下兩卷。修緝所聞統收經律。討讎諸傳極有蹤緒。然五大精舍佛所常遊。祇桓一代最佳經久。故二十五載弘化在茲。四藏五部咸稱舍衛。故一佛化相事迹極多。備在本圖。故此存略致。諸教中。樹立祇桓開化元首。總而會之。大有科要。如賢愚經。初講祇桓。在八十頃地。中布舍買地。舍利弗角神通力伏外道。六師與須達提繩經度精舍。或喜或憂。如常聞見。又曰。汝於毘婆尸佛乃至迦葉。爲佛起寺。而蟻生不絕。生死長遠。唯福爲要。以栴檀塗佛窟。別房住止千二百處。百二十處別打鍵稚。如是云云。廣文如彼。又檢聖迹記云。繞祇桓圖有一十八寺。並有僧住。又別圖云。祇桓一寺十字巷通於外院。又云。寺有二門。一南一東。又云。寺有五門。又云。七日所成。大房三百口六十餘院。案北齊靈裕法師寺誌述祇桓圖經。具明諸院。大有華的。又案別傳。祇桓一寺頓結三壇。今雖荒毀。不妨初有。自爾至今千七百載。前後重造凡二十返。形相不同。不足可怪。且據元始。如前略存。今明東夏創立戒壇之源。梁僧傳云。昔宋文帝元嘉七年。有罽賓國沙門求那跋摩者。梁曰功德鎧也。越自南海來達楊都。文帝禮異恒倫。號稱三藏。譯出經戒。嘗遊南林寺。見竹樹扶疎。便有終焉之志。乃於寺前園中立戒壇。令受戒者登壇上而受也。人有疑其得道者。密以華布諸僧座下。唯跋摩所坐者。華更鮮榮。預知亡日。端拱而卒。手出遺文云。獲二果。仍於戒壇上焚之。咸見一



物狀若龍蛇。衝煙上天。至元嘉十一年。有僧伽跋摩者。時號三藏法師。與前三藏同至楊都。爲諸僧尼等。於南林寺壇重受具戒。于時祇桓寺僧慧照等五十人。影福寺尼慧果等三百二十三人。同從重受。有慧義法師。稟性剛烈。不耐諠譁。謂三藏曰。大法東流。傳道非一。先賢勝哲。共有常規。豈獨改異。何穆衆望。答曰。五部之異。自此常理。相與棄俗。本爲弘法。法必可傳。何忤衆情。又問曰。夫戒非可見之色也。頃見重受戒者。或依舊臘次。或從後受爲始。進退之間。足致深疑。答曰。人有二種。故不一類。若年歲不滿胎月未充。則依今受爲初。若先年已滿。便入得戒之位。但疑先受有中下心。理須更求增勝。而重受戒。即依本臘而永定也。又問。自誓不殺。身口已滿。有何不盡。更重受耶。答曰。戒有九品。下爲上因。至於求者。心有優劣。所託緣起。亦自不同。別受重發。有何障礙。五戒十戒。生亦各異。乃至道定律儀。並防身口。不同心業。有一無二也。如是云云。又問。三藏昔存之日。布薩僧事常在寺內。及論受戒。何爲獨出邑外等。咸是善法。何以異耶。答諸部律制。互有通塞。唯受戒法。重不同餘事。以餘法不成。唯得小罪。罪可懺悔。夫紹隆佛種。用消信施。以戒爲本。若不成就。非出家人。障累之源。斷滅大法。故異餘者。於是慧義欣然無言。遂令弟子慧基等。渡蔡州岸於船上受戒。云云。今通檢別傳諸記。南國諸方戒壇。非一。宋都一境。如上已辨。東晉法汰。道安法師之同學也。生知天授。先

於楊都瓦官寺立壇。晉支道林於石城淩洲各立一壇。晉支法存於若耶謝敷隱處立壇。竺道壹於洞庭山立壇。竺道生於吳中虎丘立壇。宋智嚴於上定林寺立壇。宋慧觀於石梁寺立壇。齊僧敷於蕪湖立壇。梁法超於南潤立壇。梁僧祐於上雲居棲霞歸善愛敬四寺立壇。今荊州四層長沙二寺刹基下大明寺前湖中並是戒壇。以事覈論。自淪州已下江淮之間。通計戒壇三百餘所。山東河北關內劍南事絕前聞。經傳不錄。故使江表佛法經今五六百年。曾不虧殄由戒壇也。以戒爲佛法之源。本立而不可傾也。故使中原河之左右既不行之。由此佛法三被誅除。誠所宜也。又江漢之間英靈間出。山川秀麗。見便忘返者。土地之使然也。人依外報。故使外報既勝。內智亦奇。致諸賢達之士通鑒輔臣。詳度佛教深有可歸。必無敗壞之理也。可謂江漢滔滔。南國之紀事雖聞於往代。語迹見於今乎。中原兩河晉氏南渡之後。分爲一十六國。以武猛相陵。佛法三除。並是獲帶之胤。本非文國之後。隨心即斷。故其然乎。所以戒壇之舉。卽住法之弘相也。餘則略之云云。善見云。戒壇上不得立房。縱使王立。有慚比丘別壞。餘材草送住寺比丘。唯置佛殿及樹木也。據斯以言。明是法住之處。非人所宅。

兩位別也

#### 戒壇大界內外第五

依僧祇律。戒場初立在大界外。後有過起。方徙於內。四分律中。戒場在內文云。衆中四僧

事起令衆疲極。佛令結戒場。若在界外。本無所妨。何勞於衆。故知在內爲定。然須辨了三相決絕無疑。妄指山石樹林垣牆屋坎。會非目閱其分齊。隨語漫喚其東西。自唱尙迷。於他豈識相從誦語。於事多昏。鈔疏極詳。臨機便用。斯之惡習。並是舊迷。幸願改張。絕其常習。若不革者。今生既爾。後代亦然。何由可出。今依法結已。則四處集僧。各御衆法。都不相妨。一戒場內集。二場外四周空地集。三大界內如常僧集。四大界外集。於四集中。二是作法界。二是自然界。由界限約相可隨方。作業並得成就。以前識四界限域灼然。故有四集。各不相攝。言雖繁重。事則唯單。深可誠之。

#### 戒壇結法先後第六

今見講解諸家。並依古疏。先結大界。却結戒場。便云。我依律文。先後如此。此不知教之次第也。原究律文。初大衆集。莫識界之分齊。故初約自然。次約大界。後爲衆集法多數數勞倦。故聽立戒場。是知事起先後。不言結法先後也。何爲妄執律文橫生五過。佛有誠教。當隨義分。今若先結大界未分戒場。約何法制以分兩界。雖預開空地。終是無法之地。故佛制戒場。先以法限。後開空地。外以大界繞之。此則法法相隔。無錯涉之非也。故五分律云。應先結戒場。後結大界。若先結大界者。當捨已更前結之。然後唱相結大界也。毘尼母善見二論亦同五分先後之文。今猶有人。先結大界者。此不見諸部明文。直信意言。都

不領解。五百問云。先結大界。後結戒場者。如卑摩羅叉律師云。於中受戒。恐無所獲。又卑公云。若先不知。同於未制。賴有此路。則通僥倖。斯言抑揚。成敗難測。僥倖非分。過福之言。先結戒場。不虛功受。無疑於戒之有無也。覈論作法。備分三相。一戒場外相。二大界內相。三大界外相。此之三相。並入羯磨立法之分齊也。皆定其方維。刻其分齊。標相體別。三位歷然。標則不定其內外。相則隨標而位立。及論界體。必在相內。先須考定具識楷模。然後加結言。又繁重誠舉多迷。五百問中。受戒值天雨。若移戒場屋下者。先解大界。却結戒場。後結大界。方得。

#### 戒壇集僧遠近第七

戒場爲諸界之本也。先於自然集僧。僧有不集。結無成就。故作法者。初必審悉。於諸自然界中。子細窮考。有僧普集。不得受欲。事雖難現。臨事多迷。遺略不集。僧便別衆。結既不成就。妄稱有界。盡於來際。於中受法。徒枉自他。虛行一代。豈唯此生。來報果集。還遇無界而受具足。可不然耶。今欲行事。並約標界。戒場大小。從界者。多由場小於自然。故約自然而集。三唱外相。白二結之。次結大界時。引五六比丘出。場外空地。入大界體中。依界標集僧。三唱大界內外相。白二結已。至明日先解大界。次解戒場。還如前結集僧。遠近皆定。如前。此更須審悉。一定之後。盡於來際。未須解。故比人行事。不行重解重結之法。西梵現行此事。以初結界已。惡鬼被圍。不得出界。極苦。

惱故佛令爲解。使其得出。重更加結。以如法故善神方集。故使律中界內有鬼神廟屋。五分云。結界通取聚落。護諸俗人。不爲非人所惱等。其事符同云。

### 戒壇作業成敗第八

此篇要  
成敗一時

成敗之相其用在人。人兼明昧故事涉興毀。是以謹慎之士不自師心。雖於戒相分明。不妨臨用迷忘。是以律文統約。有陵犯處並開迷忘。至於結界持護必須。是非通顯。若疑若誤捨而重加。豈非敬慎之至極也。今行事者率多輕略。不審界之遠近。莫顯僧之別同。欺罔佛法妄稱僧傑。誦文不識綱目。目親不識是非。飾詐抱迷輒興構結。今略示數相以顯是非。一約相集僧。則識僧之真偽。一一人中以五十餘法簡定之。不入簡者不足稱僧。則非作法之匠也。簡法如律鈔中。二依相三唱。必審標相分齊。尺寸灼然。入則有足數別衆之儀。出則非二相之攝也。今時往往有結二界不集相外之僧。直將五六人往場相地而結者。或於場內通唱二界三相已。具加二界羯磨者。或有場內通唱二界相已。隨界而結者。或於大界內不入場中。遙唱場相而結者。如五分之中。不唱方相不成結界。今隔界虛唱。全非正法。唱不明了。不知分齊。咸名不唱界結不成。如是類知。並是約界分齊之是非也。然大界戒場並須成就。事不獲已。大界不成。乍可以無界之場得受戒也。戒場不成。大界雖成。終是無法之地。何有得行法事。故勤動作業戒場爲初。必須依法取成。不得依

併作法廢。謂是僧曰知法之人。可不思之。取名棄實言又繁矣。臨事多惑。老叟重言固其宜也。三明事義。即結界也。界有大小之差。地分內外之別。先須曉了後方就法。四謂作業。即羯磨也。不但一僧獨誦。並須通衆具解。有不解者。非足非別。以闇昧者。莫知和忍之緣。孰識同別之相。故非二攝。不集非各。作業成敗必約。四緣謂僧界事法。如上備列。持律之士務學在斯。闡此四緣。不足登壇位也。故十誦云。作羯磨者應分別云。是白是第一羯磨。第二羯磨第三羯磨。如是分別。其聽作者莫餘覺餘思惟。應心心相憶念。此白此羯磨如是分明。故佛世執法猶行五非。豈是不學無知人耶。臨機心境迷忘故也。

### 戒壇受時儀軌第九

夫立非常之相以顯非常之法。法即戒也。戒爲出道之基。定非入俗之致律云。所以立戒學者。爲除三毒令盡故。所以立非常壇相。以動恒俗之情也。今不行壇事。隨緣而受。則心志蒼茫。如顯如晦。何能發法界之律儀。定獲無記之虛福也。故論云。欲受戒者。先於有智人所。令於壇境上。起慈護心而發戒也。今不存此。臨集僧訖。正行事時。但云汝發上品心得上品戒。沙彌素無識性。教授曾未討論。空雷發於上天。絕雨流於下地。故博考衆說。立斯軌儀。非出師心。並從聖授。今末學者經傳罕聞。鑒執生常。驚怪斯作。復何可怪。並由耳目之所不該。足趾之所不蹈。若曾該蹈。復是生常之恒法。統而括之。可以論廣也。登壇

授受十師行事相。比來行事無法自居。隨人立用。得登壇境。無發覺仰。如俗。余見行事。叢雜交。每事問之。可不慎與。

原夫證師證戒功用。則三師。一同三師各有行事。證成由十師。得遂有初戒。列坐昏若海遊。高視而望衆儀。遠聽而詳羯磨。乃有一乞三乞。唱乞三一不分。一白三說錯脫。曾無指斥。俛首送默。是非俱顯。默然端坐。表和同別。咸言和合。若斯御衆。誠在三師。有見非違。即須彈舉。無宜妄稱。大物是非。不撓其心乎。確須七證。卓明。何勞更繁。隨喜。故中土受戒止須十人登壇。諸餘隨助。浪僧臨時下層亦有故。於儀首重而列之。不妨新受戒者。神爽明白。作塞。故約此二不。初十師登壇相。其教授阿闍梨當執香爐前引。從南面下層東階道。接足而上至層上。東出北迴。繞壇一匝。上座在西頭。當佛前禮三拜。十師卓立。具修威儀。廣運心想。請十方現在諸佛諸大菩薩聲聞僧衆。普會戒壇。天龍八部遍滿虛空。以佛在時。多行受戒。咸陞壇上。雖非羯磨僧數。而行善來。戒法亦同具戒。佛滅度後。行事聖僧羅列。佛像擬佛在時故也。亦使僧法有依。非佛不可。故置靈儀。不徒設也。第二重壇上西行。南頭置一高座。次設三虛座。一擬豆田邪菩薩比丘。二擬樓至菩薩比丘。三擬馬闍邪菩薩比丘。以三菩薩比丘。請佛立受戒結戒。戒壇之首。於戒有功。故列三虛座以處之。十師運想已。教授師執爐。引衆面西却行。取上層西階道。接足上壇頂。東轉北迴。繞佛一匝已。至

三空座前。一一禮已。依次而坐。其高座者先差一僧令陞座已。誦道教經。此時應打鍵稚多燒名香讚明功德。所集之僧無問大小戒。普至以聽遺教。於上下二層依位坐已。令維那引欲受戒者至南面東階道下。面西而立。威儀教授師從南面東階却下。引向西階道上。至下層上便東迴北轉西出。又東面北作行。禮佛三拜已。互跪聽經訖。維那又引。至南面東階。却行而下。出界外行立。若未解威儀折旋俯仰者。令知法維那一一指授。庠序弘緩。引而行之。及問難之時。維那一一引至戒場內。當東階南設席。擬問難。其受具者至於席側。執衣鉢當東階面北而立。教授師從南面東階却下。具修威儀令眾可觀。故律中執持威儀。不失法度。如頌韓比丘以威儀而伏邪道。故知威儀肅物。來自久矣。彼至問席所敷座。坐已仍取受人衣鉢。訖令其脫屣上席。先取尼師壇。為受持已。令在上坐。又取安多會。為受持已。令在身著。次取爵多羅僧。為受持已。令於上披。又取僧伽梨。為受持已。如前儀之。教彼人云。此三衣名唯佛法有。九十六種外道所無。何得不敬。故坐具尼師壇如塔之有基也。汝今受戒即五分法身之基也。良以五分由戒而成。若無坐具而坐汝身。則五分定慧無所從生。故坐具如塔之基也。三衣斷三毒也。五條下衣斷貪身也。七條中衣斷瞋口也。大衣上衣斷癡心也。如是廣之隨時說導。問難適訖。此受持衣。諸部並在問難前。今時在受戒後。無文可出。不足行

用。彼教授師如常威儀。從下層東階上。至層上西迴。至第二層南面西階上。向東迴。當佛前禮三拜已。東轉北迴。至羯磨師前。相去舒手及處。立作白召已。至南面西階上召之。依師召而上。便引欲受戒者。向三上座坐處禮已。次又一禮十師竟。威儀師令於羯磨師前互跪教乞戒。彼復座已。羯磨師依法單白。問難已。和僧羯磨與受戒。竟令於十師下互跪諸受具人。總了一時就佛前面北。互跪更聽遺教而立住。其教授師執香爐起。至西面北階頭。立引十師下階。循下層上。面南出東迴面北。當佛像前禮三拜立住。維那又引新受戒人。從東面南階却下至地。北出繞壇迴。至南面下層西階下。東迴面北禮佛竟立住。師僧見新受戒者來。便從下層東階南下出。雁行相待於華林間。新受戒者從後而行。至場地林間。方令受戒者在。教授師引十師出場門入大眾。如常所止。此之威儀聖所行法。法隱既久。執生常者謂是新儀。幸詳之也。余以乾封二年二月八日及以夏初。既立戒壇。仍依法載受具戒。于時前後預受者二十七人。並多是諸方。謂雍州洛州魏州蒲州晉州貝州丹州坊州隴州潼州荊州台州并州。如是等州依壇受具。故引大略知非謬緣。諸有同法之備遊方之士。聞余創建興心齋赴者。略列名位取信於後

終南山雲居寺大德僧伽禪師  
京師西明寺大德真懿律師  
京師弘法寺大德恒善律師

終南山雲際寺大德悟玄律師  
京師西明寺大德薄慶法師  
京師大慈恩寺大德弘度律師  
昭陵瑤臺寺大德道誠律師  
終南山龍池寺智善律師  
京師光明寺新羅國智仁律師  
華州西嶽沙門法藏禪師  
終南山寶德寺道光律師  
荊州長沙寺智藏律師  
荊州景元山無行禪師  
荊州覆船山玉泉寺弘景律師  
并州六通寺智琛禪師  
潤州明慶寺玄寂律師  
衡州南嶽雲峰寺義本律師  
洋州儋城寺道寂律師  
荊州天王寺道譽法師  
荊州四層寺智瑞禪師  
京師西明寺大慈律師  
京師西明寺四依律師  
齊州東嶽沙門明藏禪師  
荊州安寶寺慧忍禪師  
荊州善集寺道恪禪師  
台州天台山白巖寺慧莊禪師  
襄州峴山報善寺慧瑤律師  
荊州昇覺寺慧璉禪師  
荊州開聖寺慧儼禪師  
荊州陟岵寺慧獎法師  
荊州無量寺玄曠法師  
洛州天宮寺守節法師

晉州沙門曇獎法師

東嶽沙門名格律師

京師空觀寺行滔禪師

秦州麥積崖沙門法度禪師

魏州大興國寺義方律師

荊州長沙寺德行律師

京師弘濟寺懷素律師

自外不備列名。至如終南山大翠微寺等諸沙門。及巖隱野居追朋問道之資。翕習容裔整帶而赴。高垣觀行禮度折旋。而鑒其敬仰者。或在空外界中送心隨喜。佇立合掌而欣其威儀者。將有百計。行事既了。維那引至僧住堂中。列坐飯之。諸有清信士女崇屬之鄉來者滿院。皆合掌隨喜立而稱善。亦一塗之造化也。追萬古之清塵焉。

### 戒壇功能遠近第十

案結界之地也。隨其限域。下至金剛之輪。雖經劫壞終焉莫毀。如諸論說。佛法將滅。結界法失。有論者言。先結不失。後結不成。斯爲定義。今案諸傳說。天竺印度咸有聖蹟。並經多劫於今見在。至如八字捨身之事。子女流血之徵。破骨出髓之苦相。布髮掩泥之遺緒。端然有證。開述如初。以此往微。界結非沒。印度諸師相從二釋。初言。結界聖相並是神功。災劫焚漂斯爲俗有。俗非壞道之法。故道法恒存。致使前相於今不絕。有論師言。斯是佛之化迹所在。弘利終期不灰。所以三災起時。淪亡從於大地爲空爲水。蹤緒罕事。世界後成。所有故處還依舊立。故此聖迹儼然如

初。不足怪也。如彼色欲二界。咸化爲空後成。立時。如前置立。衆生業力一不思議。佛之流化二不思議。豈以凡謀奪于聖慮。故結界堅住必無所損。問曰。若如所述。賢劫四佛咸有舊蹤。立寺結界僧之常法。今時立相豈不與舊界相重。重結不成。作法敗矣。如何釋之。答曰。隨一佛化一佛之僧。何有能仁之子。與飲光爲資乎。各師所師故非別衆。卽如釋尊一代。僧具六和。一見不和。兩不足數。各結各部類例見聞。故知前佛之僧界不妨後佛之行事也。故律鈔中。五種互結。各不相妨也。然前佛之遺基後佛皆就而興起也。如舍衛祇桓之地。九十一劫常爲佛遊。身子觀瞻。應而興悲事可知也。自餘更有辭繁且略。

### 戒壇發述辨德第十一

開壇創築戒場之壇文

維唐乾封二年仲春八日。京師西明寺沙門釋道宣。乃與寓內嶽諸州沙門。南較律儀。討擊機務。敢於京南遠郊。邊福二水之陰。鄉曰清官。里稱遵善。持律衆所建立戒壇。原夫戒定慧法衆聖之良筌。攝律善生三佛之津導。是知戒爲入聖之本。爲出俗之基。皇覺寄此而開權。正法由茲而久住。所以四依御寓。必祖戒而啓蒙泉。五乘方駕。亦因戒而張化首。自法流東漸居七百年。戒場之壇名實乖爽。律論所顯壇壇兩馳。各備機緣。隨事便舉。有晉揚紫竹林戒壇。德鍾聖士。厥初基構。中原正僞。蔑爾無聞。有以大界爲戒場。有以平場爲壇上。斯由法被三廢。後興在於羈縻。

或由師心獨斷。討論絕於經教。若夫創置戒壇。專弘戒本。良由律儀所攝。用統有空。約情充切於大千。論法該通於六位。陰入界處莫匪戒緣。上聖下凡咸資戒護。遂使小戒大戒。開行業之始終。有願無顯。顯因心之漸頓。經叙菩薩戒聚。非白四而不生。律明聲聞正禁。因十僧而克果。若欲行斯羯磨。要假壇場。故以戒法爲名。全是淨行之本。大界初興。僧法兩設。至論作業。戒場則多。此則僧住法住。各有其致。今立戒壇之場。備依教旨。暨三標而分兩界。圍空地而絕錯疑。先結小界爲壇壇之本。依自然而集僧。曉同別之殊致。三述戒場之外相。白二約而結之。故使三階肅而時列。委登降之接足。四維晏而在隅。識辰晷之斜正。後結大界。僧出戒場。隨相各集。別唱別結。因使四處僧事無乖別之蹤。六和顯德有乘權之務。作業成遂。七萬之歲不亡。德僧自在三災之變無沒。由斯以言。戒場之舉不徒設也。成則佛法常住。壇則正教淪亡。此言匪妄。又彌慎也。是知受隨二戒。寄斯地而克隆。持犯兩儀亦因茲而還淨。故經云。若無此戒。諸善不生。諒是定慧之本基。誠卽業惑之良藥也。比人行事輕斯者多。不築壇基。隨宜授受。或妄結小界。曾非難緣。或輒居佛殿。僧皆背像。或在空迴。或在村坊。迷昏別衆。誦文徒結。斯塗紛糅。無足叙之。故僧傳云。中國僧來欲受戒者。揚都行事並在江舟別結而受。有問其故。答曰。結界法本同別難知。故於舟中相絕非難。說戒等法不成。可。夫欲住持



正法弘護聖儀斷絕煩惱。非戒不得脫。非界地戒業無依。虛承剌染。心無聖法徒喪一生。終淪萬劫。豈不累於自他。虛為釋尊之種也。故彼梵僧動勤若此。此生死人平平若此。彌天所誠可不思哉。有人聞結齋而私謂。余告之曰。非敢立異。斯乃一同經教具周。人不行爾。竊以淨教所詮依法為本。文明四說之印。遺語三藏之功。順則揚三寶之初秋。達則滅四僧之後轍。文云。戒場極小容二十一人。明壇上之廣量也。應至舒手及處。明壇非覆障之內也。應留中間。明二界非相接也。先結場已大界繞之。明初後之軌儀也。但置佛殿。明僧寶之所依也。若有僧住有慚劇除。明有羞僧弘崇戒謹易成就也。文有臨壇師。壇上僧則非場地之恒度也。此壇唯存戒住。今則多有僧住。固可詳諸誠敬。若斯義難隱忍。所以狀白叙構。業業兢兢。晨夕饑校。仰遵遺寄。輒備通引。永垂無味云爾。

大唐雍州長安縣清官鄉淨業寺戒壇之銘  
原夫戒壇之興其來久矣。肇於祇樹之始。流漸淮海之陰。開佛化之羽儀。扇仁風於寰寓。遂得定慧依託。非戒無以成基。業行是依。必律儀方能堪濟。其德既廣。非恒地之所任持。其績既高。豈常務而能構克。故使於僧院內別置戒場。又於場中增基列陸。階除四布。壇塔高嚴。幽明之所監護。凡聖於焉景仰。集僧作業。經三災而莫虧。登降受行。歷萬古而長薦。是則慈化弘遠。誠資戒德之功。煩惑廓消。咸假場壇之力。統其績也。豈不盛哉。若不式

樹旌銘。將何啓其津徑。略述所緣。其辭曰  
幽關未啓。妙茲弘導。匪藉能仁。誰其覆護。覆護伊何。諒惟戒力。三聖位隆。四生仰極。昏谷作梗。煩勞莫息。錄茲長往。於何取則。在昔給園。皇覺願命。創築場壇。開敷嘉令。金河既竭。玉門高映。道流淮海。南林一盛。周發靈臺。漢微明堂。事遵往帝。締構餘皇。戒壇式緒。時惟法王。用隆化本。永永無疆。爰有英達。厥稱僧傑。德懋時雄。智包整烈。齊梁作軌。縉紫垂節。廣樹法場。橫張像設。是號文國。山夷海截。有惑斯宗。人坑法滅。中原失緒。三犯凶咽。仁祠奄室。法侶與悲。考定斯咎。明壇靡基。敢遵往則。式表離辭。永鎮終古。茲文在茲。

終南山北邊福之陰清官鄉淨業寺戒壇佛舍利之銘

維大唐乾封二年歲在丁卯孟夏朔日。京師西明寺沙門釋道宣。與諸嶽瀆沙門。會于前鄉之道場。平章法律。仰惟三聖垂教。以戒為先。四生歸德。遵塗莫絕。遂使住法六萬之壽。作化在於律儀。時經三變之秋。啓務資於定慧。所以敢承餘烈。克構場壇。陳瘞靈軀。鎮茲福地。冀願皇覺慈照。景業統宇宙而無疆。垂裕含光。神功諒堪濟而逾遠。序之不足。略為短銘。其辭曰  
皇矣正覺。作化在三。戒為良導。萬善攸談。冰涼于水。青更逾藍。非斯組織。餘則誰甘。嶽瀆法儔。乘時蔚時。板築福壇。猶登帖帖。戒護是陞。幽明咸履。悠哉後裔。則為高軌。敢述時

緣通流芳紀

荊州等界寺沙門無行。觀化秦川。遇茲盛集。贊而述之。

大唐乾封二年四月朔日。荆南渚宮沙門釋無行。戒壇舍利贊。

余等登趾荆岑。搜玄秦嶺。承律讓於上德。聞所未聞。稟清範於靈壇。日新日損。是以皇覺慈訓弘之在人。祇樹高風。幽心祥感。幸逢嘉會。靈骨於福壇。玄綱載維。想德鎧之非遠。不勝手舞。景仰神光。敢述玄猷。乃為贊曰。覺智圓明。應物唯靈。非滅示滅。無生現生。為人演法。三學開津。場壇肅穆。戒德氤氳。金河晦影。鶴樹澄神。能仁散體。多寶全身。奇光昭晰。嘉瑞攸陳。二端尚在。八斛猶均。厥後無憂。爰初啓信。近護分光。靈壇是鎮。靈墳現奇。震嶺標基。扶風散彩。淮海騰輝。粵自荆岫。尋真太一。希世之風。載揚茲日。壇模山像。登頓有秩。鎮以遺身。幽誠云畢。願言遐曠。克念崇尚。識鏡澄明。心河靜浪。庶劫石之力。消觀神珠於妙相。

大唐中原開輔戒壇儀

余以乾封二年二月八日。創築戒壇。四方嶽瀆沙門。尋聲遠集者二十餘人。至於夏初。衆侶更集。載受具戒。多是遠人。京寺同學咸來觀化。余以法利希行。恐有乖忤。和悅上下。務成爲先。有京師西明寺真懿律師。今之律匠也。彭亨勇銳。最所忌情。恐東迴左繞。傷俗之行事也。余諡之曰。律師勿見東迴左繞。以爲非法耶。此天常之大理也。人惑左右。習俗

罕分深顯體之勿慮非咎。便答余云。此不敢怪也。吾昔見大莊嚴寺大德恭禪師若行道時。必東迴北轉。此爲右繞。彼告吾云。子不見俗中城門耶。東入西出。咸言左出右入也。如是云云。行事之家觀時制度。餘方不爲清淨。則不行之。余七十暮年。脚疾摧朽。願求法者。不遠關山。今秋氣已清。客心飛舉。將事終天之別。必爽載面之期。力疾集之。用爲送終之贈也。言此飲淚。窮獨可悲。乾封二年二月十四日。於清官結大界淨地。并出淨厨語。關中創立戒壇圖經。

吾祖之道。猶義和昇於隅夷。則何物不明矣。幸於早年尋師問津。探蹟其奧旨。時爲節度僧道。而傳演之道難矣。遂守愚於開元昭慶。會證悟依止。重築戒壇。忝預校量制度。壇將成因思。吾祖戒壇圖經真悟記主雖曾鐫板。緣兵火燬燼。深慮湮沒其道。遂遍募同袍。仍將舊本校刻。流通永彰不朽。使末代知壇制之殊勝耳。

嵒紹興二十二年十二月朔

臥龍景德院住持比丘惟定期

No.1893

### 淨心誠觀法序

餘杭郡沙門釋元照述

太近至易無如自心。入死出生了不知覺。其體明瑩其量包容。故使一迷遽生諸法。其猶

寶鑑因明而像生。又若長川緣澄而波動。謂心異物爲物轉心。吸攬塵緣積成勞結。淪歷諸有沈屈已盡。除趣無知。人倫妙學。縱令聽習多隨邪癡。奔逐名聞封著知解。至有江南江北走覓菩提。曲見邪心未嘗正直。野猿騰躍家犬遲迴。勞我聖師提耳垂誨。曲留妙藥的指病根。囊括兩乘津通萬行。託彼親度用表弘慈。囑使竊聞。特彰秘勝。深詞講論苦勉修治。然古德傳通雙弘教觀。諸部則以教開解。斯文乃以觀示修。既非無目而遊。豈是數他之寶。須信。從真起妄。舉體現前。達妄卽真。不從他得。淨心之要。覽者宜知。

### 淨心誠觀法

終南山沙門釋道宣撰  
敬禮三寶藏 薩婆若法身 隨力誠初學  
惟聖哀慈聽

時在隨州興唐伽藍。夏安居撰令送泰山靈巖寺付慈忍受持。凡三十篇。如右

- 釋名篇第一 序宗篇第二 五停篇第三  
校量篇第四 自慶篇第五 善根篇第六  
破戒篇第七 邪命篇第八 誑佛篇第九  
造過篇第十 解脫篇第十一 食緣篇第十二  
流轉篇第十三 不動篇第十四 過患篇第十五 心濁篇第十六 二報篇第十七  
結使篇第十八 緣生篇第十九 安般篇第二十 相資篇第二十一 因果篇第二十二

止劫篇二十三。一諦篇二十四 心行篇二十五 菩提篇二十六 教化篇二十七 佛性篇二十八 福田篇二十九 受持篇三十 淨心誠觀法五字釋名。法篇第一

淨心者。於汝現行煩惱諸部過患。教修對治。令汝即時隨分解脫。垢染漸滅。心轉明淨。發生定慧。起於大乘清淨信心。趣向菩提種性住處。以今微因後感當果。是故教汝察病對治。興隆功業。修入信境。成決定根力。其三賢十聖無垢妙覺四十二地空宗真理。唯可知聞影像龜相。下地凡夫力所未及。亦未能行。今唯使汝淨除業鏡客塵障等。見汝身中少分佛性。汝可飲服般若甘露洗蕩蓋纏漸顯淨心。心若清淨令衆生界淨。衆生既淨則佛土淨。始除煩惱令戒清淨。戒既完具定復清淨。以戒定淨令智慧淨。智既淨已顯自身源。有此義故名爲淨心。已下諸篇治過雖別同名淨心。誠者。令汝誠知對治初門。先除魔染根本惡業。知病知藥守心慎口。勵已修道離過患故名誠觀者。察義。觀察此誠與佛法相應不相應及障道過患名字句偈。審諦思量。如實解心得誠本意。又能隨順止觀二門。此二法者定始慧初。生長一切禪支道品。故名觀。法者。卽此誠文首軸次第。懇懇曉示。欲使禁斷煩惱止諸惡業。加行勝進住不退心。故名爲法。下諸篇中皆有此淨心誠觀法五義當須知之

誠觀序宗法第二

夫欲修道於三業中先斷財色二種。若不貪

財即無諍。若不貪色。即無熱惱。經云。背捨離欲。順苦提分。當修身觀。精勤一心。除世貪愛。制伏垢惱。令心清淨。以斷財色。成無漏善根。薰本識中。成無貪種子。漸盡惡染。入賢聖位。今見解法人等。仍貪財色。長養結使。與諸漏相應。惡業繫縛。堅三惡道。經云。既非道人。又非白衣。無所名也。多求利故。專習屠吻。莊補華綺。戲論諍訟。遞相誇嫉。三毒轉熾。煩惱增長。沈淪苦海。知而故犯。無解脫時。千佛出世。不見不聞。以是因緣。地獄罪畢。受惡龍身。爲盜佛衣食。破戒瞋垢。所得惡果。如盲龍經說。即知解義不救業苦。汝宜依誠如說修行。隨病對治。隨分解脫。不可口言而得清淨。三毒五結。何者偏重。先治重者。輕即自差。披戒定鎧。摧心魔賊。一切苦因果。財色爲本。一切樂因果。戒定爲本。然此因果。悉在衆生心微塵中。何故不禁餘過。先誠財色。大乘經云。八萬四千障道罪業。悉因財色。以爲根本。何以故。十方衆生。無始已來。爲財相殺者。過微塵數。爲色相殺者。數復過是。道俗二流。爲於財色。今現有一百二十六大地獄中。受千萬種苦。經無量劫。始入畜生餓鬼。縑素二人。同爲財色之所傷害。初持後犯。能免者稀。若有斷者。名善薩行。名真持戒。名爲賢士。名佛弟子。財色二事。相欲似輕。感罪尤重。河沙誑惑。由財色起。此之二過。能壞君臣。師徒。夫婦等。亦壞內外親族。朋友知識。若離財色。更無世間。人天脫苦。聖凡同讚。諸漏滅盡。進至佛果。爲此先誠財色二種。因色生憍。因財生

憍。憍而且憍。雖有餘德。亦不足觀。先斷財色。使功行成立。後聽經論。即是入道次第也。言逆行疾。故名淨心。偈曰

煩惱如河沙 先斷惡二種  
一財二是色 死時神不恐  
吉羅須護持 況言犯四重  
三聚戒清淨 布薩心喜踊  
鄙夫愛財色 誠汝斷貪著  
由財三世苦 因色入火鑪  
色能障聖道 財能令行薄  
審諦自看心 知貪是狂錯  
智避如火坑 頑愚不嫌惡  
若犯當悔除 除已更勿作  
一切有形類 終歸填溝壑  
持戒禁情苦 後受大安樂

誠觀五停心觀法第三

五妄想者。如除刺樹。先斷其根。故修五停觀。息五過。止不令起。故名停心觀。因修此觀。現惱不行。得小解脫。所由之處。戒定調柔。漸證神通。名大解脫。十障滅盡。名真解脫。莫不因今五停觀法。如是修入。名爲淨心。偈曰

自知欲情多 一向觀不淨  
背捨得解脫 欲竭即得定  
若當逐講論 念欲轉熾盛  
是即非對治 下道入險徑  
自知瞋恚多 一向修慈悲  
毒火得清涼 成就善律儀  
若當逐講論 非治徒勞疲  
貪瞋更增長 重被煩惱羂

自知愚癡多 諦觀十二因  
始悟輪迴苦 了知無我人  
若當逐講論 見諍終日喧  
放本求枝葉 不能拔斷根  
自知我慢多 諦觀十八界  
方得無人解 吾我病即差  
若當逐講論 反益三塗債  
計我常求勝 名利自桎梏  
自知亂想多 常數出入息  
覺觀漸得成 加我戒定力  
若當逐講論 喧塵未能息  
遞互相是非 何時滅事識  
此是毘曇中七方便法。五停觀成名第一方便。自餘別相念處。總相念處。燭法。頂法。忍法。世第一法。名七方便。觀行成就。得須陀洹果。若初入道。大小乘人。通修此觀。偈曰

何因說五停 復不逐講經  
抱疾說藥方 祇欲取聲名  
凡夫貪利養 無心治忘情  
若修五停觀 決定修道成

何故令修五停觀法。止逐講論。有二要法。一者佛教次第。入道對治。重煩惱。二者見解法義人。知而故犯。不畏佛戒。不修威儀。五篇淨戒。悉皆破盡。見他持戒。復起憎謗。唯貪財色。瞋惱。誹謗。憍慢。無漸無愧。身壞命終。必墮地獄。畜生。餓鬼。經歷多劫。當觀此事實。前驗知。故修五停止過。起道順佛教。故名爲淨心。偈曰

貪如豺狼性 瞋如惡龍心

壞法故毀禁

污戒犯姦淫

誡法望除毒

反更作罪深

造業心無悔

命過就刀林

墮大無間獄

佛性歷劫沈

如職除名罰

失勢不堪任

云何破戒口

噉人食僑恣

云何破戒手

受人財物施

云何破戒身

坐臥好床褥

云何破戒業

受他禮已足

云何破戒行

默受稱揚讚

若犯此五事

諸天共悲歎

佛教新受戒者五年學律。然後學經。律有五部。一四分。二五分。三十誦。四僧祇。五解脫。

此五部律同一毘尼大藏。文相廣博。卒難悉識。今欲知者財色爲宗。能斷財色即名奉律。

禁戒清淨發生定慧成就聖道。知律綱要故名淨心。偈曰

五部戒律中

宗要斷財色

修禪觀不淨

對治自忍抑

林野歎死屍

內心懷悲惻

我身會當然

貪熱即時息

三毒甚強盛

摧之用智力

衣求破弊衣

食即一坐食

常行平等心

淨意恒質直

若不能如此

袈裟覆荆棘

聖教萬差爲根性不同。病藥衆多愚者致惑。難用功力非正對治。妄貪名利更增塵垢。是以先修五停後學講論。知道次第名爲淨心。

偈曰

世人習多聞

未曾行一分

妄情取妄法

誹競起紛紜

入道依次第

戒定自資重

淨命如迦葉

勿得同六群

誠觀末法中校量心行法第四

凡夫解義皆因聽學。爲知法人身犯四重。畜八不淨財。食噉俗饌。無羞無恥。知而故犯。不畏後世。是故令汝校量心行。先淨禁戒。後方聽經。汝用五誠得名淨心。古者大德講華嚴經。唯一卷疏。於後法師作三卷疏。今時講者十地一品出十卷疏。各逞功能競顯華詞。文字浩博。寄心無所。然文者當體即義。何須人語。今時愚人竟求於名不求於法。法尚不可著。何況著文字。法離文字。言語斷故。大集經云。經文是一講者異說。各恃己見壞亂正法。天神瞋故三災俱起。以是因緣佛法淡薄。如一斛水解一升酪。看似酪色食即無味。諦思講論人情測佛。佛智境界豈人能測。如是審察名爲淨心。偈曰

敷演說法師

二種陞高座

一者福無量

二者離罪過

慈心成就人

法施勝財貨

瞋垢是非他

棘刺上坐臥

有漏爲基塔

無明作根本

解經不除毒

法師自傷損

賊心求名利

忽忽未思付

嬰孩欲登梯

先須戒足隱

學士聰明者

舉動多輕躁

或有錯解義

邪見復顛倒

是故定治動

七覺中法要

定慧平等修

種智得微妙

世尊在世時

唯教修出離

習善莫生足

少惡即遠避

念念觀無常

勤修眞對治

寂慮學禪那

何須著文字

何因世尊在世時悉得聖道及生天中。依大

而學不越毘尼入道有方。五年習戒。夜則修

定攝心守境。安處林野不畜餘食。少欲慚愧

一心諦觀無常不淨。離諸調戲意不散亂。舉

動進止恒令淨潔。無惡姿容。先意問訊。以是

善緣悉得道迹。汝能一心依此學者名爲淨心。偈曰

正法證道時

淨法調衆生

隨事秉羯磨

除垢獲三明

像法盡至末

羯磨廢不行

雖復似和合

集則起鬭諍

凡是諸經律

甘露亦毒藥

解脫百疹癰

不消病發作

知法不向心

解經行轉薄

棄捨戒定業

文字處起著

所以韻句撰

讀時心歡樂

靜坐好思量

觀察自付度

何緣重頌偈

文少義廣博

依戒益汝身

信受勿疑惡

或見他毀罵

輕賤心漠漠

此約大乘教

與理不違錯

誠觀六難自慶修道法第五

一者萬類之中人身難得。如提謂經說。今得

人身難於龜木。二者雖得人身中國難生。此土即當邊地之中具足大乘正法經律。三者雖有正法信樂復難。今隨力信不敢疑謗。四者人身難具。今受男形根無殘缺。相貌成就。五者雖具男形六根無缺。五欲纏染出家甚難。今得割愛出家修道披著佛衣受佛淨戒。六者雖受禁戒隨戒甚難。汝可於戒律中尊重愛樂慚愧慎護。於此六事若不觀察即便放逸深障聖道。既超六難。常應喜慶難得已得。得已莫失。如是思量名為淨心。偈曰

世有六種難 難得已得具  
勤修戒定慧 善解名味句  
是故學大乘 間即須知處  
受他檀越食 飽腹無智慮  
無智長貪瞋 不能如法住  
犯禁毀戒足 命終生四趣

誠觀世相如夢修出世善根法第六

云何方便能令衆生離苦出世。但愚人貪愛我即不貪。何者是名世愚貪愛。所謂官榮封賞車馬庫藏臺觀園林采女音樂上服美饌遊戲射獵宴會倡伎嫁娶賓席。恃怙族姓。追朋逐勢。三軍列陣。前鋒精銳謀策將略。果毅傷殺。平除除蕩快意適情。攻城破網收縛。縛斂刀筆。豪俠意志建立俗藝醫方工巧。居積攝斂奠祭。以要言之如此。衆多世務無量。殺害飲酒噉肉。鬪諍勝負怨讎熱惱悲喜安危吉凶禍福能於此中悉捨離者名真修道出世人也。衆生迷倒於此世事謂是真法。不知無數劫來生死大苦。身壞命終墮三

惡道。恒河沙劫受大燒煮。雖遭此苦仍於生死貪著無厭。迭相承習迷惑塵境。皆由未值善導未聞正法。汝今既聞。如聞修學名為淨心。偈曰

凡夫狂癡性 所見常不正  
資養三毒身 貪瞋轉增盛  
未觀屍穢形 持糞如行屏  
常遊違順境 詐偽起諂佞  
實無常我樂 妄見常我淨  
罪業顛倒故 恒遊諸險徑  
智者如實解 慧命心決定  
觀世如夢幻 窮真道成聖

誠觀破戒僧尼不修出世法第七

僧尼破戒者。所謂畜養奴婢僮僕牛驢車乘。田宅種植園林華果金銀粟白屏風氍毹。好枕細席箱篋盆瓮銅器盤碗上好三衣牙床坐褥房舍退屋厨庫雕磨脂麵藥酒雜鮓醬酢異種口味王公貴重。多人願識。生緣富貴數過親舊餽送吊問。申訴衙府。身為衆首門徒彊盛。講說相難。好喜音樂。常居一寺評量僧事。迭相擯罰。借問早濫豐儉盜賊水火毒獸之事。經過酒店市廛屠膾獵射之家。親友婦女琴瑟詩賦園基雙陸。讀外書典。高語大笑。嫌恨諍竟。飲酒食肉。綾羅衣服五色鮮明。勤剃鬚髮。爪利如鋒。畜八不淨財寶富足。於此等事貪求愛著。積聚不離名真破戒。經云。此等比丘名禿居士。名披袈裟賊。名禿獵師。名三塗人。名無羞人。名一聞提。名謗三寶。名害一切檀越眼目。名生死種子。名

障聖道。遠離此等十種惡名即為淨心。偈曰

可怪凡夫人 積聚貪瞋癡  
破戒無羞恥 輕賤木叉珍  
追求忙如火 種種涉艱辛  
敬他多布施 自捨若抽筋  
傲慢善知識 恃怙驕血身  
放逸著五欲 何時出苦津  
衣食五色服 食貪常飽肚  
捨靜入慣鬧 經戒未曾觀  
拔草復掘地 旣灌治園圃  
生業過俗人 竟墮居三五  
唯憂財不足 鎖門牢閉戶  
高聲大語笑 諂慢心未普  
毀犯四重禁 毆突兇如虎  
身壞永沈淪 罪畢生夷虜  
可念衆生狂 癡暗無慧光  
但貪目前利 不見當來殃  
出家望靜樂 返為馳逐忙  
抱財忽命終 道俗竟分張  
惡性如蛇蝎 惡貪如豺狼  
剃頭無實德 高容返自傷  
隱罪求名聞 不畏利養瘡  
白衣修戒施 壽盡生天堂  
沙門倒憊惜 不觀空無常  
唯知造惡業 觸事皆面牆  
破戒違經律 無慚故覆藏  
我作還我受 三塗遣誰當  
雖無我人法 善惡亦不亡  
三界輪迴苦 六道生死長

如是諸惡過 謹慎好思量

願斷相續因 持心如金剛

定水洗煩惱 戒城自遮防

德如螺髻梵 去處見西方

誠觀外現威儀內起邪命法第八

邪命者。所謂淨治住處。嚴飾道場。羅列幡華及諸道具。數為洗剃。常帶袈裟。覆膊靴履。威儀齊整。緩行直進。下聲軟語。或復靜默閉目低頭。衣鉢隨身。執着律相。然其內心常求名利。望他請喚恭敬尊重。進戒度人。強為師首。處在徒衆希他依止。設解經律。問時生難。性多嫌恨。惡眼視人。少見侵觸。不受其懺。口若發言。喜說機刺。嫉他得利。如火燒心。情塵意垢。曾未除遣。雖坐繩床。起惡覺觀。雖緣亂想。念世欲事。今夜惡夢。漏失不淨。惡覺染意。薰本識。結惡業種。染能障淨。生死不絕。輪迴無際。受諸苦惱。三業不淨。乖八聖道。外白裏黑。順八邪徑。是名邪命。欺誑凡聖。如是觀察得名淨心。偈曰

口誦無常經 身作有常計

求望他利養 合眼未觀諦

三衣唯欲好 不肯著破弊

內心至卑賤 外相真似細

欺誑世間人 大悲為流涕

賢聖不讚歎 善神不扶衛

業障日夜增 戒定念念滯

雖有兩箇眼 復患一雙瞎

誠觀取相特善誑佛法第九

經云。何者比丘名為誑佛。若言我修慈悲

彼人瞋恚。我能布施某甲飯食。我具淨戒。彼人犯戒。我勤精進。彼人懈怠。我有智慧。彼人太愚。我今樂靜。彼人樂鬧。我修威儀。彼人輕躁。我如法住。彼不如法。或特隱山。絕粒納衣。一食常坐。不臥塚間樹下。或講經律。善解法相。我有如是福德智慧。取此相者。即名我見。衆生見誑者見。堅執是相名為誑佛。何者修道名不誑佛。若人修空。無相。無願。三解脫門。亦不生著。唯觀世諦。虛妄顛倒。如幻如夢。無有一實。成此觀門。修戒定慧。精進不怠。已能輕他無德。柔和質直。謙下無諍。以此善根迴向無上菩提。如是離相修者。名不誑佛。不誑佛故。得不等法。法眼明。朗能淨智障。不著空有名為淨心。偈曰

八萬四千法

對治多種病

是名大方便 成就善巧行

執相名誑佛 著我起見諍

比丘自沈溺 不能到究竟

故修三脫門 法空資慧命

深觀緣集故 證智更歡慶

誠觀慢天憍人屏處過法第十

凡夫憍諂威儀不恒。人前欲攝名為諂詐。屏處造過名為憍逸。所謂破諸戒儀。私飲盜食。赤露裸跣。河池澡浴。露地便利。下氣出聲。摩捫屏處。仰眠。伏地。踞踞支頰。走驟顧盼。吟詠歌嘯。略要而言。故名憍諂。三業四儀悉不如法。人前似人屏處如鬼。一切天神證知此過。身壞命終生餓鬼中。及鬼魅中。為犯戒儀。果報對至。不欺闇室。即其義也。何以故。大

業之樹光明如鏡。衆生造業於彼悉現。神天有二字同生。二字同名。人不見天。天常見人。業力持罪不在晝夜。行者謹慎屏露無羞。大千世界在佛毛孔。豈容屏過賢聖不知。是故菩薩有八萬威儀。聲聞戒有三千威儀。汝應修集威儀。屏屏露二處。一等用心。乃至失命不虧仁範。如是持行名為淨心。偈曰

賢聖出三界

常遊三界境

觀諸衆生業

如形對日影

智者慎威儀

持戒心勇猛

屏處無闕失

四念堅固乘

觀身如毒蛇

察心如冤家

身心是大患

覆罪如河沙

智者犯已悔

終不蓋疵痕

藏過嬰惡名

地獄受鐵叉

苦哉末法時

比丘比丘尼

剃髮雖改服

猶守貪瞋癡

假名優婆塞

諂諂優婆夷

名中喚五戒

實未具一支

口常誦藥方

心病不肯治

惡業覆障故 邪命求餘資  
身見執著我 不覺即分離  
亦不觀五陰 氣息若懸絲  
人前粗欲攝 屏處踰須彌  
唯懼人怪笑 不畏天證知  
欲醉狂情發 行坐染心思  
纏綿破重戒 命終墮阿鼻  
地獄經一劫 劫盡更復移  
此苦難堪忍 屏處最慎之

爲造狂業故 諸佛發大悲  
犯欲須臾樂 受苦無量時  
經云人從生 即有二種天  
晝夜與身俱 共人同受年  
一念爲善惡 了了皆現前  
惡多天減算 善強命長延  
毘盧遮那佛 身界廣無邊  
於一毛孔中 容受三大千  
性照圓明徹 含生上福田  
以衆屏多過 無緣起慈憐

誠觀女人十惡如實厭離解脫法第十一

女人十惡者。具說難窮。今略言之。令生厭離。  
一者貪姪無量無厭。經云。十方國土有女人  
處。即有地獄。一切障道。此爲是苦。女人欲男  
如海吞流。百千萬劫。畢竟不滿。得一望。心  
意狂亂。見可意男。悉願與交。猶火納薪。多益  
多熾。晝夜行坐。無忘欲時。受五道身。皆女形  
攝。先際已來。女根未轉。微窮劫世。不免女身。  
故名貪欲無厭。二者嫉妬心。如毒蛇。家有  
婦類。悉生憎妬。口似相親。心如冤家。若同夫  
婿。更相規命。或作符厭。解奏毒藥。或雇人殺  
害。或截支節。或毀面目。或削衣食。鞭打罵  
辱。方便除他。欲得獨立。故名嫉妬。三者諂曲  
詐親。凡見人時。未語先笑。口云。憶念心懷。嫌  
恨。對於夫婦。思他男子。願夫遠行。或願早  
死。或與外人。多種謀計。及見夫時。諂媚附近。  
身向心背。名爲詐親。四者放逸。但念綵衣。裝  
粉。銀釧。修治面目。望他愛念。耽著五慾。不避  
親疎。不畏後世。畜生餓鬼。名爲放逸。五者口

多惡業。出言虛誑。實情難得。凡所論說。虛多  
實少。喜道鄙弊。穢惡之語。母女姊妹。不相避  
忌。兩舌鬪亂。傳送消息。數作呪誓。不畏殃報。  
屏罵尊長。野逐諍訟。是名口多惡業。六者厭  
背夫主。若見端正男子。無羞追逐。或遣信逼  
或自身往坐臥。不安休廢。生業。或結成病。或  
時託病。屏處飲噉。人前不食。夫婿辛苦。勤勞  
得財。割減儉糲。供給傍夫。共作謀計。規欲殺  
害。見夫即瞋。冤家無異。是名厭背夫主。七  
者一切女人。多懷詭曲。實情難得。所以女人  
姦險。性器難量。雖與對面。共言心隔千里之  
外。皆爲貪求。世利性。逐澆浮。言是返引。爲非  
指。虛翻將爲實。顛倒常理。每事多端。向背有  
無。情隨冷熱。或憑勢要。或黨親知。或因財  
色相誣。或謬名位而起謗。是以口如脂膏。心  
若錐刀。八者貪財。不顧恩義。父母養育。劬勞  
難報。及嫁得夫。棄忘恩德。規父母物。潤益夫  
家。多得便喜。不稱便恨。父母飢寒。無心供給。  
是名貪財。不顧恩義。九者慾火燒心。不恥父  
母。不懼刀杖。或未嫁。奸身。或奔逐他逃。或拘  
引他人。向家造過。恥辱父母。敗亂宗親。出嫁  
已後。復叛夫婿。夫亡未幾。更思後嫁。男女成  
人。猶棄改出。心迷欲醉。不避羞恥。女人過患  
窮劫難盡。故名欲火燒心。十者女身。臭惡不  
淨。常流。春夏熱時。虫血雜下。經云。女根之中  
二萬姪虫。形如臂釧。細若秋毫。腥臊臭穢。私  
墮胎孕。懷妊產生。污穢狼藉。善神見聞。悉皆  
捨去。惡鬼魘魅。數來侵擾。如是鄙僻。愚人猶  
貪棄捨。念處破佛淨戒。死入獄中。畜生餓鬼

長劫受苦。無解脫時。是名女人十種惡業。能  
觀能遠。名爲淨心。偈曰

四百四種病	宿食爲根本
三塗八難苦	女人爲根本
生死無數劫	貪愛爲根本
賢聖解脫樂	離欲爲根本
四蛇成身界	顛倒想爲心
膿血遍九竅	淨想起貪姪
順情稱快樂	不信墮刀林
報生猪狗道	由前貪愛深
一切女人性	少實多諂曲
不念臭穢身	坐臥思念欲
邪視他男子	情喜相逼觸
百千萬億劫	畢竟不滿足
不羞慚父母	敗損諸親族
男少女多者	家衰數被辱
女具十惡業	死入鐵床獄
大錘刺女根	苦痛大嗥哭
地獄罪畢已	轉入母猪腹
噉糞居圜廁	臭泥生漏虫
復被屠割苦	累劫罪難終
從畜入餓鬼	穢食恒不充
支節皆火然	骸骨不消融
貪欲暫時樂	受報苦無窮

誠觀極越四事。從苦緣起。出生法第十二  
損害生命。名苦業。筋骨斯盡。名苦緣。經云。  
食者從耕種。鋤刈收治。闢發。害藏。運載。舂  
磨。炊爨。蒸煮。聊設供給奉送。又種菜造醬。  
溉灌田園。營爲醬酢。計一鉢食。出一鉢汗。汗



在皮肉即是其血。一食工力出於作者一鉢

之血。況復一生凡受幾食。始從耕種乃至入

口傷殺無數雜類小虫。是以佛戒日受一食

支持性命寄過一生。衣服者養蠶殺蠶。取桑

織絡染浣裁縫。衆緣調度無量辛苦。計上下

衣資凡殺幾露出幾氣力。蠶繭入湯受幾痛

苦。是故佛教著糞掃衣。隱弊陋質莫得修道

房舍者從起立牆壁穿坑掘地傷殺土虫。斫

伐材木傷林樹虫。造磚瓦時殺泥土虫。放火

陶冶殺柴草虫。作人苦力施主費財。飲食衆

緣勞損甚大始成一房。是故行者依於塚樹

草庵自安。念食是苦節身而食。念衣殺命著

糞掃衣。念房舍臥具從苦緣生。志樂頭陀三

月一移。念四事難消少欲知足。經云。受檀越

食如飢饉世食子肉想。受施主衣如熱鐵纏

身。入房舍時如入鐵鑊。受床坐時如熱鐵床

事破此身猶如微塵。不以破戒之身受人供

給。三塗苦報皆爲受衣食樂好房舍。若破

戒因緣還債施主。或作奴婢鞭打驅策。或受

畜生形。披毛帶角。生償筋骨死還皮肉負重

力盡起而復倒。虛受信施樂不足言。及償施

主苦過萬倍。是故教汝知慚愧。慎護後世。

莫破戒受施名爲淨心。偈曰

智者不貪食 貪食者無智  
不念出糞苦 唯取人食利  
自噉腦中涎 上盛向下棄  
慧命斷四食 行者不貪嗜  
比丘不樂靜 貪利受道具  
追求心散亂 忽忽緣諸務

得一更望一 心規恒不住

宜應愧施主 臭身裏破絮

勤觀三脫門 離相自調御

少欲學知足 可依釋子賦

誠觀六道流轉受報無窮法第十三

三界衆生無始已來造善惡業皆熏本識成業

種子。淨染合雜數過塵算。受六道報生死無

邊。從地獄出生諸天中人中鬼神畜生中。畜

生者先受蜣螂蠕動形類。一日一夜百死百

生。千死萬生漸受大身。乃至摩竭魚等長十

千由旬。脫畜生身受修羅身。天上福盡復生

地獄餓鬼中。經云。鬼有百千萬種。果報各別

六道人畜各千萬種。色命苦樂實像好醜千

差萬品。說難窮盡。今言人道本業來處。經云。

受形顏貌端正爲性淨潔諸天中來。皮膚龜

弊不喜修施畜生中來。形色醜惡暗瞶少智

地獄中來。舉動輕躁獼猴中來。機捷調戲妓

兒中來。性多猜妒鬼神中來。略而言之。廣即

難盡。一道之中有恒河沙因果。受一身分猶

經多劫。況受餘形及餘道中。是故生死不可

窮盡。汝可諦觀。捨身命時受大苦痛。受身

生時復大苦痛。如是苦痛已經歷劫。已捨無

數身已受無邊苦。愚者於中猶行放逸。汝可

思之勤求出離。專精策勵成無學果。證真解

脫快樂安隱。能如是觀者名爲淨心。偈曰

凡夫暫樂忘大苦 受大苦時復忘樂

所受苦樂皆空華 本來祇是情迷錯

迷解悟道獲神通 永斷生死名真樂

誠觀八風力大智者不動法第十四

何者爲八。一利二衰三毀四譽五稱六譏

七苦八樂。一切衆生爲八所動不自安心。故

名八風。何者動相。得利便悅。衰惱便憂。毀辱

即瞋。譽讚即喜。逢苦懷感。遇樂生逸。稱讚情

歡。譏刺抱恨。此之八法能令癡凡動搖不安。

毀譽聲一。妄起二業造三塗因報四趣果。波

浪五道成就十纏。永處樊籠。何時解脫。然十

界者緣和故生。性空故滅。體解生滅即無嫌

恨。恨風不起罪火不然。火不熾然心得清涼

無諸熱惱。以無熱惱故名爲淨心。偈曰

愚人貪美食 憎惡腹內屎

見生竟愛染 薄賤老病死

毀譽同響聲 瞋喜更互起

取相心高下 不識平等理

癡惑著音聲 凡夫共如此

死生糞與食 經文遣相比

耳被虛聲誑 神仙墮崖死

智者解真空 視聽不相似

誠觀身心相苦惱過患法第十五

身相者。六道異類陰大假成。咸現前果酬過

去因。故名身相。身相有八萬四千種形。依正

二報各各差別。一人遍受爾許種身已經無

量阿僧祇劫。今誠觀身唯及人道。一人有九

萬九千毛孔。八百種風出入其中。八萬戶

虫遍身充滿。四百四病更互發動。三百六十

八

骨節迭相依持。百一十苦無時不受。三十六種不淨膿血合成陰身。九孔漏瘡穢物流出。如上苦業始成一人。賢聖捨離如除惡病。故名觀身。心相者。一念之間九十刹那生住異滅。猶如電光。塵起識生。貪境招報。經云。貪欲心有二萬一千。瞋恚心有二萬一千。愚癡心有二萬一千。等分心有二萬一千。合有八萬四千塵勞。一百八種煩惱。五百四十種受。有九十八種使。故名觀心。若入安般觀法心中。所漸息。乃至九次第定還歸一真清淨心中。此清淨心名為佛性。名真常法身無心之心。無相之相。如是觀察名為淨心。偈曰

廢緣託淨境 正命自養身  
諦觀虛空心 隨分得解脫  
貪瞋若欲起 觀空以止遏  
河沙煩惱根 定力能斷割  
專定不修智 小乘非大慧  
雖復苦身行 徒自歷年歲  
定慧平等修 方知佛性體  
直至大涅槃 何況世間諦  
淨心誠觀。法卷上

淨心誠觀。法卷。下

誠觀詐善場名口清心濁法第十六  
聖賢密行內智外愚。凡夫狂癡內愚外智。未有戒定現戒定相。彰揚善名招引利養。隱匿垢過外顯清白。常向道俗說己功德。經云。此

是無刀大賊。罪於劫掠。誑詐犯重墮三惡道。詐善之人具足五業。一者天神不護。證知缺戒受施。二者五千大鬼常遮其前。唱言大賊掃其腳迹。三者或於現世得大衰惱。四者常不值佛生邪見家。五者自欺亦欺誑他。自受苦報。施主無果。是為五業。是以誠故。推直於人引曲向己。祕善陰德似不能言。何以故。善如金玉不用他知。惡如糞土不須藏覆。糞土之法貴在早除。細貨寶物默然牢掌。知足之性不求好名。少欲寂靜寧懼惡聲。計我之人欲得名利。察身無我。名利安在。名利俱空。離我即實滅於空實正入平等能捨名利。是為淨心。欲得淨土當淨其心。隨汝心淨即佛土淨名為淨心。偈曰

出家行非法 感得多衰惱  
危苦隨念豐 安樂稱情少  
天神不愛護 魔事數來擾  
死時懷恐懼 長劫墮惡道  
善德深密藏 其猶摩尼寶  
過惡悉除滅 理同苗邊草  
真行不求名 戒定內明了  
詐善覆藏惡 佛法中非好  
諦觀此誠文 繫意開懷抱  
一切障道因 懺悔更莫造

誠觀衆生各著依正二報法第十七  
三界衆生住著堅牢為貪二報障於解脫。非非想天自謂涅槃果報終極。懷增上慢不逸三塗。色界衆生貪著禪味。自謂安樂更無過者。復念身光宮殿明淨我果最勝。欲界衆生

性多放逸。貪五欲樂不覺無常。天福亦盡還歸惡道。薄地凡夫臭身隔陋果報卑劣。起大憍慢各恃我見。謂此人中常樂我淨更無過者。畜生萬類巢居穴處。各愛壽命不顧人天。不嫌己身。不希淨土。此雜類身一身遍受。乃至毒蛇屏虫之類。悉愛壽命貪著住處。不覺身中同有佛性。然此諸身無始已來隨業轉換無暫停時。汝可諦觀當起厭離。勤求方便脫於生死依正二報。漸證法身巍巍不動。至得如是覺悟除諸疑惑決定誠信。名為淨信。偈曰

三界六趣中 無數種衆生  
形壽各差別 依正亦難明  
今就人道修 對治隨分行  
觀諸衆生類 憎愛心不平  
貪瞋更互起 愛即長癡盲  
各貪愛危命 處險未知驚  
造因不畏果 寧知死復生  
菩薩以是故 欲令衆生樂  
衆生煩惱垢 方便為除却  
教觀十八空 六塵莫取著  
四倒及五欲 禁斷更莫作  
愚人貪現樂 不識當來惡  
當來還是我 如何即疎薄  
假使多身樂 一一填溝壑  
為此求常住 解脫無明縛

誠觀煩惱結使法第十八  
一切生死障道苦業皆因結使。如毘曇說。今

略況言令息覺觀。結有十結。使通三界九十八種。今恐文繁。少分略說。結使者。阿梨耶藏染分種子名之爲結。受六道果報名之爲使。使業發生增有漏種。如賊居險潛伏聚集名之爲結。持仗劫害掠人財寶名之爲使。貪瞋性習依真潛伏。還緣起。發能劫取財取著諸塵害於智寶。剎那相續追求如使。無對名結。外觀名使。止虛名結。繫緣名使。繫念名結。役心名使。爲有結使愛惡互生。由愛惡故成取捨業。妄取捨故癡翳轉厚。故障其慧眼。慧眼未開名無明闇。闇心緣事與顛倒相應。抱真常性愛生死苦生死流浪。迷失正道未見正道名爲迷惑。無常常想。無樂樂想。無我見我。無淨見淨。如是狂錯皆因結使。如是結使造顛倒業。欲斷結使即修五停觀法以對治之。安般守。意入三脫門。觀空離相結使斷除身心寂靜。故不起煩惱。煩惱滅處名眞解脫。解脫者則大涅槃。欲起染心當自挫辱。挫不令散名爲淨心。偈曰

佛於波羅奈	三轉厭離行
授與四諦法	爲治煩惱病
永斷生死根	成就智慧命
修禪斷結使	照理心懸鏡
調心唯柔軟	持戒須彌硬
戒淨不悔恨	布薩心喜慶
煩惱生結使	結使長煩惱
唯有禪定力	摧之如腐草
結使妄取捨	賢厚障見道
故修五停觀	淨心內明了

誠觀十八界假緣生法第十九  
何名十八界。身有六根。謂眼耳鼻舌身意。外有六塵。謂色聲香味觸法。中間生六識。三六假合名十八界。云何名根。能生諸業長養任持。故名根。云何名塵。空汚淨心觸身成垢。故名塵。云何名識。能了前境妄起分別名爲識。然此根塵互相涉入名十二入。假緣生起無眞實性。衆生不達謂內外入有常樂我淨。貪心熱惱堅著執取。迷惑昏謬不信聖道。順情生貪。違意起瞋。以此貪瞋增長結使。此名凡夫以十八界。學人十八界者。著三十二相名貪色。願聞說法名貪聲。願上香供養名貪香。願證大乘理教諸法實相名貪味。願得清淨法身名貪觸。願成一切智名貪法。於此緣修之中有善貪瞋癡。進求上地名貪。背捨劣行名瞋。情有向背名癡。見身證道名慢。故云學人十八界。義名智障。非有煩惱。非無煩惱。能知二種根塵而熾然修入平等大道無爲法中。故名淨心。偈曰

塵境雖如幻	見色起慈悲
發意離諂慢	不失四威儀
六塵行空汚	亦是行者師
除病不除法	七覺分修持
雖觀文字空	要須遍讀經
廣尋聖者義	般若漸得成
雖觀根塵空	和敬護人情
戒儀須具足	修德慎惡名
雖觀諸行空	對塵修五停
貪癡結使斷	寂滅心安寧

雖觀三界空 擇惡善須歸  
修行擇覺分 離垢識是非  
雖知三諦空 知諦義窮微  
常依二諦說 與理不相違  
十八界雖妄 出生於珍寶  
觀解緣和義 不生亦不老  
七地大菩薩 不名無煩惱  
金剛心滅後 然證無爲道  
誠觀修習安那般假相觀法第二十  
夫坐禪要法當有十種

一者先託靜處遠於水火禽獸音樂八難土境令心安隱。二者厚敷草蓆中高邊下。三者緩帶衣裳。節食少飲。四者結加趺坐。左手壓右手。閉目合口齒不相觸。端身平視。五者年少腹飽當數出息。年老腹飢當數入息。六者當觀出息去鼻遠近入到何處。即知氣色。初龜後細。下至氣海上衝於頂。七者從第一息數至第十。若未至十緣於異想還攝取心更從一數。八者手掌之內置一明珠。繫念觀珠心相續光明即現。九者如五停觀對治現行五種煩惱。隨起隨治。隨分解脫煩惱不行令戒清淨。以戒清淨故諸天歡喜善神衛護。十者以修定故舉動審諦心不卒暴。謙下柔和忍辱無諍。以是功德增長智慧。臨命終時他方菩薩來迎神識不遭苦患。諸天世人所共稱讚。生於淨土見佛聞法永離三塗受解脫樂。自餘諸法如經所說。汝當受行戒定根。根性明利名爲淨心。偈曰

凡夫學道法 唯可心自知

造次向他道 他即反生誦  
諦觀少言說 人重德能感  
遠衆近靜處 端坐正思惟  
但自觀身行 口勿說他短  
結舌少論量 默然心柔軟  
無知若聾盲 內智懷實貨  
頭陀樂閑靜 對修離懈惰

誠觀善惡相資法第二十一

夫善者是諸惡之師。惡者是萬善之資。經云。衆生能度佛復度衆生。何以故。一切諸佛皆因衆生而成佛道。經云。高原陸地不生蓮華。淤泥之中出生華耳。又一切衆生皆因於佛而得解脫。言諸惡者。謂五逆十惡。犯四重八重禁。謗諸賢聖。破正法輪。一闡提等。菩薩於此將爲福田。何以故。同體大悲故。於三塗四趣代諸衆生受碎身等苦。軟語引導教令懺悔。慈心拔濟救令得樂。廣開甘露說微妙法。破彼惡業善言誘示。令信十善生人天處。復勸迴向無上菩提。因是功德菩薩道成。即名衆生亦能度佛。又身中真性由人弘顯。若無信力聞思修等諸佛菩薩雖具慈悲無如之何。是故誠汝。凡是罪惡可賤衆生惟起哀愍。不應瞋罵生下劣心。又見上行清淨好人不應偏重別請供養。何以故。善惡一如性俱空故。於好醜色二見平等。常觀空寂入三解脱門。含生之類皆如幻化不著諸相名爲淨心。偈曰

欲得解脫樂 疎己常觀他  
行慈拔彼苦 自度生死河

若聞我與彼 便是分別魔  
衆生壽者見 賢聖共譏訶  
法界同一如 眞妄水共波  
波者即是水 水者即是波  
善門有多途 慈悲最是急  
是故薩陀倫 世號常啼泣  
憐愍衆生故 捨樂懷憂悵  
護生成佛因 損生佛道滋  
無財施貧厄 分食與滅粒  
若能修一慈 十六分不及

誠觀六道衆生善惡因果法第二十二

造因感果數若恒沙。今略言之。一十八種。一者龜因果。二細因果。三大因果。四小因果。五輕因果。六重因果。七明因果。八闇因果。九香因果。十臭因果。十一延因果。十二促因果。十三愚因果。十四智因果。十五凡因果。十六聖因果。十七眞因果。十八妄因果。先舉現果後出其因。龜果者。地獄畜生餓鬼等故。細果者。無色界四陰身故。大果者。色界梵天及大龍金翅鳥摩竭魚等。三由旬者節級乃至八萬四千由旬及阿鼻地獄身等。善惡報差大果所攝。小果者。下至翻飛蠕動如小微塵。但動不能行故。輕果者。諸天報身輕舉飛行故。五通諸仙緊夜叉鬼神等故。重果者。如鐵圍山中大蟒大獸大海盲龍身。重如山故。明果者。人天中有日月火光珠身光等故。闇果者。如八大地獄。但聞忍苦聲日不見故。香果者。上界諸天毛孔之中皆出妙香。聞者心悅及依報處宮殿等香故。臭果者。畜生餓鬼不

淨業鬼人中臭物無可比故。延果者。非非想天壽命八萬劫故。促果者。如蜉蝣等生。生竟即死不得暫停故。愚果者。凡夫鬼畜等故。智果者。衆生中爲導師故。凡果者。人天中未發道心故。聖果者。阿那含已下及人天中五淨居處故。眞果者。三乘學人漏未盡故。妄果者。四大五陰。身心緣集故。此等是六道中正果。何故名因。今次第相對說。龜因者。四重八禁五逆十惡。謗大乘正法一切賢聖。用三寶財物。殺發菩提心衆生。破塔燒寺故。細因者。修福定業。外道邪命梵行故。大因者。修四無量心善因故。破三聚淨戒惡因故。小因者。始脫地獄入畜生道故。輕因者。淨修梵行。十善業緣故。重因者。損害三寶。一闡提行者故。明因者。施燈明燭火照佛形像。同十善道故。闇因者。毀他眼目。盜塔燈明。點滅經字。破人善業。污佛戒故。香因者。造旃檀塔廟香木形像。香水灌像沐浴洗僧香華供養故。臭因者。觸僧淨食噉辛入寺。畜養豬雞。十惡業故。延因者。修不殺戒及四空定邪正二業故。促因者。殺生餘業故。愚因者。不信正法故。智因者。受持經律熏修般若故。凡因者。無明癡愛貪五欲故。聖因者。戒定慧故。眞因者。本性清淨故。盲因者。諸根對塵生識故。論六道因果唯佛知盡。今說少分爲除疑網。深信因果。汝可思量種種善根收納善果。所行之善皆迴向無上菩提成解脫分善。不取六道有漏善。如是修習諦知因果無漏名爲淨心。偈曰

可憐罪衆生 墮在無底坑

不知因果義 冥冥暗中行  
抱其未覺識 有眼猶名盲  
真樂無心趣 妄色共相諍  
今爲除疑網 略指因果業  
若能決定信 近三僧祇劫  
以信因果故 常聞大乘法  
應趣種性地 勇猛心勿怯

誠觀行者善護戒財塵賊止劫法第二十三

一切衆生從無始來受生死苦。迷失聖道障於常住清淨法身。唯因誠心貪取塵境。譬如家貧智者教業隨教修業漸多財寶。有六惡賊夜來劫奪持仗扣門臨欲危害。財主即便牢下關鑰。高懸深遠。免劫失身。安財固無衆苦惱。貪瞋瞋瞋身無一善。智者教業喻佛經律。漸多財寶喻集福智。六賊喻六塵。夜喻無明。劫喻貪愛。持仗扣門喻根對於塵。牢下關鑰喻修道人堅住四念及五停觀。高懸善知識及毘尼正法。懸深喻深心弘誓不犯律禁。免劫者喻全梵行戒無缺。漏諸佛歡喜聖凡同讚。身安喻生善道人天淨土及大涅槃安隱快樂。財固喻持戒守心行不退。菩提諸波羅蜜增長不失。法喻並顯。汝宜知之。比丘破戒墮三惡道沈溺苦海者。皆由無善知識方便勸導。又不修習四念處法五停觀法等。汝可依戒順此教授。煩惱魔賊不能得便。是故守心禁勒根門幻惑塵賊莫令前入。繫意觀空離我所。如是修行名爲淨心。偈曰

六塵如狂賊 貪塵聲與色  
妄情同惡馬 牢加禪轡勒  
欲入佛法海 堅修戒定德  
當住三空門 心淨樂靜默

誠觀世諦第一義諦法第二十四

世諦者。特估宗望公卿爵祿籍曹婚姻文武伎藝墓陵碑積。爭勳競封取着空名。或爲財色不惜軀命。輕身爲惡。更相殺戮。譽歎弓馬驍勇前鋒。自謂丈夫猛略身手。或侵妻奪職。傷殺於人。枉法受求。苦毒非理。噉食生命。耳貪絲竹晝夜放蕩。不避親疎。飲酒醉亂。開打惡罵。迭相是非。或大怨讎。或逐財色不慮艱阻。喜著色衣。食無時節。愛養臭穢膿血之身。不覺利那念念生滅。老病既至。身壞命終。腫脹臭。爛虫出。獸噉。神魂受報。生三惡道。百千萬劫無解脫時。是名世諦。第一義諦者。非貪上來虛妄等事。隨順善提至無爲道。不同世間生死出沒待對緣修。非色至識。非眼至意。非念工夫。見聞覺知。非名句味。清淨平等。猶如虛空。湛然凝寂。是名第一義諦。能觀世諦如幻化。諸誑癡凡。無有實性。畢竟於真常道中作此解脫。故名爲淨心。偈曰

世法誑癡人 謂實起貪瞋  
若知無自性 慧性入童真  
凡夫歷生死 因愛取諸塵  
若覺根塵空 性本是法身  
貪愛名世諦 輪迴十二緣  
除貪卽出世 此句佛親宣  
第一義諦者 離相絕音聲

所言平等者 假名平等名  
寄言以表諦 故說一切經  
方知陰法空 對治滅心形

誠觀晚出家人心行法第二十五

夫晚出家者有十種罪過。一者健闘。世言竭斗。俗氣成性。我心自在。意凌徒衆。不受呵責。二者喜見他短。自謂精誠。所作事業未必合道。短知短見。未解作解。言說常多綺語。所攝三者見師僧過。起嫌恨心。燒滅功德。修三惡道。四者輕慢他人。自謂丈夫。身心剛強。不從折伏。五者舉動造次。威儀不整。高語大笑。無所畏忌。六者喜好瓶鉢衣服鮮華。心無實德。貪求利養。七者心想散亂。憶俗時事。增長煩惱。不能如法對治。八者笑他破戒。自謂清淨。拘著相貌。不達真理。專愚執見。諍論取勝。未具五德。奢養沙彌。唯貪其力。無心教授。九者不攝諸根。身疲神倦。放縱睡眠。不念明相。夜數惡夢。諸天不護。十者親入佛法。莫沾道味。憂慮疑惑。情思還俗。嫌薄三寶。反懷悔恨。既自還俗。憎出家人。輕賤行者。成闍提業。此之十惡過患。是地獄畜生餓鬼正因。汝當省察。名爲淨心。偈曰

俗氣力方強 三毒至猛盛  
年晚始入道 猶守本時性  
不解將護他 造次強是正  
自謂最精鍊 七支未必淨  
喧喧逐講論 不肯修戒定  
已說十種過 若犯須除屏  
身無一德行 沙彌度三兩

有過不肯呵 犯罪不與杖  
破齋犯僧前 污戒惡名響  
入天漸漸希 三塗轉增長  
唯教作福法 無軌令人傲  
自身如小兒 況能調剛強  
處衆好調諍 恒懷嗔恨想  
四輩不恭敬 眷屬寧欽仰  
告慈忍已前二十五篇 對治諸垢煩惱業淨  
汝身心 既淨矣名自利行。今更爲汝略說  
大乘利他之行。汝可順菩薩道自他俱利。名  
爲淨心。自除垢染名眞淨心。自利利他名廣  
大淨心。偈曰

如鳥欲遊空 長力養毛翅  
菩薩欲利他 養德自先利  
三慧隨分明 然可授人智  
淨心功行立 彼此俱對治

誠觀對發菩提心法第二十六

夫發道心如滴水寄海 雖復微鮮 水終不失。  
經云。一搆乳頃起大乘心 當成佛道。何以故。  
若修道時百一十苦悉堪忍之。所謂飢渴寒  
熱蚊虻蚤虱風暴雨四百四病呵責罵辱惡  
口誹謗水火劫盜毒虫猛獸鞭打侵惱難忍之  
事悉皆甘受不見苦相。我身能忍修行六度  
修三空門。以是因緣故至成佛果。經云。此  
國一日修道勝他方一劫。何以故。此中多惱  
害能忍者希。雖忍諸苦功德易長。淨土無惱  
佛道難成。於佛法中若欲退心當憶過去。經  
無量劫在地獄中。受熾猛火碎身等苦無逃  
避處。人中苦者百千萬億不重於彼一瞬目

頃。若不堅固動行諸度云何能盡生死大苦  
因緣。三塗罪人若爲能救。若不能救衆生何  
名慈悲。既無慈悲菩提分法依何爲本。若無  
根本則遠種性。是故菩薩願盡後生不破菩  
薩戒。聲聞之人受形俱戒。汝可善知二戒差  
別。菩薩者不染三界。不厭三界。求無爲道  
不住無爲。常處生死而無生死。何故不染三  
界。煩惱盡故。業不繫故。不厭三界惡衆生故。  
大慈悲故。求無爲道故。欲自他利故。隨順大  
乘故。何故不住無爲。攝正法故。攝衆生故。何  
故常處生死。利行同事故。本願無盡故。而非  
生死業種盡故。得大自在入解脫海故。是以  
不在此彼。不著中流。離於中邊心不住邊道。  
何以故。不守自性法應爾故。常觀四諦十二  
因緣。生死苦聚常起四弘誓願建大丈夫志。常  
以四攝饒益衆生。常修四無量心怨親平等。  
常行六度自他利益。常修萬德求無上菩提。  
爲成十力無畏不共之法。今唯略勸。廣惡文  
繁能依此誠名廣大淨心。偈曰

若發菩提心 動念起慈悲  
求於無爲道 身常處有爲  
四攝調衆生 然可受三歸  
譬如大暗處 日輪放光暉  
自未脫諸苦 先當救艱危  
無緣修四等 饒益與除衰  
逢一百十苦 甘忍未曾瞋  
亦不見苦相 又不見我身  
身苦二空俱 忍法亦復然  
諸苦及人法 三相滅隨眞

菩薩不住道 隨逐利益行  
常處於三界 救濟苦衆生  
迷道令見道 無明令得明  
慧手執金錘 決膜療群盲  
滅者不永滅 生者不常生  
生滅畢竟空 凡聖本來平  
願從今日後 乃成法界主  
不起一慾心 貪染一切女  
願從今日後 乃至成佛道  
於一切衆生 不嫌不瞋惱  
願從今日後 乃至證眞如  
不起顛倒心 取著世六塵  
願從今日後 乃至無爲岸  
不起繫緣心 念諸惡覺觀  
今發菩提心 生生超八難  
弘誓要期已 道心勿退散

誠觀教化衆生法第二十七

既發道心。宜修萬德。宗旨綱要不過二種。一  
者自利。二者利他。自利之行略已宣說。利他  
之法今亦少言。先垂慈悲念三界苦。且就人  
道化益衆生。愛言軟語令其調順。誠信因果  
歸依三寶。量其根性利鈍廣狹授與諸乘階  
梯正法。人乘天乘三界果報。雖是有漏堪受  
道化。從人天中引入三乘無漏之境。或有衆  
生我慢放逸貪瞋熾盛不敬三寶謗無因果。  
定知此業必墮地獄畜生餓鬼。即用方便善  
巧之譚說可其心令意歡喜。然後誘化示人  
天道教修十善五戒六齋。使離三塗得人天  
果。若被罵打灰土塗散毀辱憎賤悉能忍受

不生退悔。彼人知己迴心慚愧受其教化。或復出家求無上道。學二乘者爲說四諦十二因緣。令生厭悔知有爲過。四諦者苦集滅道是名四諦。如實解了是名諦。苦者是果。集者是因。何故先果後因。苦有三種。苦苦壞苦。此二能惡衆生目驗能起厭心。行苦一門。智人能解。此三苦者遍十方界。故先說苦。苦從集生。教斷集因者根本十惡及有漏十善。滅者生死永盡證解脫樂。知此滅度云何可得。故須修道。道者戒定慧等從五停觀起。乃至三十七品六波羅蜜。故名知苦斷集證滅修道。十二因緣者。暗心無知如盲人夜行曠野失於正道。故曰無明。貪染世法名爲行。虛妄知見故名識。識神入胎向受生處。與不淨合。故曰名色。現陰成根通識來往。故名六入。根塵相對故名觸。觸生違順愛惡事成。故名爲受。於順情中貪染心熱。故名爲愛。愛之不捨故名爲取。取已觸身成有漏業。故名爲有。有業既定感後果報故名爲生。生命不住故名爲老死。老死復生終而復始千萬億劫。捨身受身。故名輪迴。十二因緣。次教十善對治十惡。人間短壽殺生餘報。欲得長命慈心勿殺。人間多病食噉肉血鞭打他人二種餘報。欲得康強斷食肉血勿行楚撻。人間貧窮偷盜餘報。欲得大富竭情布施斷除貪吝。人間卑賤憍慢餘報。欲得尊貴當勤恭敬。人間醜陋瞋怒餘報。欲得端正忍前毀辱。人間愚蒙飲酒餘報。欲得智明讀誦大乘。人間貪婬鬼畜餘報。欲得梵行常觀欲過禁斷姪姪。人

間惡性龍蛇餘報。欲得調柔和顏離諍伏心遠離。有過思悔每自呵責。人間邪見謗法餘報。欲得正法近善知識。此是十種正對治行。何因說餘不言正報。餘者現見即能起厭。地獄餓鬼不現見故恐疑不信。畜生一道雖在目前實見正報。癡人猶言天生供厨疑非是業。此之十事人間惡重。教未信者令心開解。惡墮三塗永失人路。是以先化令生天上受諸快樂。儼佛出世先度諸天。下劣之人聞大乘實相空理心驚迷悶。或起誹謗。是故諸佛先化未解拔凡入聖。譬如坑深百千丈。下有屎尿諸虫膿血寒熱飢渴鞭打繫縛斬斫誅戮憂悲啼哭苦惱臭穢充滿其中。有癡衆生樂著此坑將爲快樂。智者慈悲不避艱險入坑誘引令使出離千萬億言既不從用。不信坑外更有勝處唯謂此坑是常住法。爾時智者內心思量。坑裏穢惡苦惱難居。我要化盡然可出坑。於恒沙劫同止坑中不辭勞倦。坑人瞋恨反生誹謗。種種示導都無出心。坑喻三界。下喻凡夫。諸苦不淨喻五陰身。智者喻佛。化喻慈悲。哀衆生難拔喻坑下人天乘。已前四諦十二因緣是名二乘。破相六波羅蜜緣修十地是名大乘。如是大品華嚴廣分別說。又浪道諦及十八空入平等理不思議海離於形名是爲佛乘。如思益維摩信力入印首楞嚴經等。住真空理語斷行滅。如江河萬流若人大海失本色相。道諦緣修方便淨法亦復如是。汝當修集無緣慈悲隨力勸化。自勸勸他於身命財爲大乘。故莫生吝惜。爲

一衆生經多年月設多方便說多佛法。令使悟解背生死苦得自在樂。爲多衆生亦復如是。是名利他教化衆生。雖有此益勿生一念六相之心。譬如幻人爲幻說法。若見我說彼受我化則有我人衆生壽者。即是魔心生死之心。障礙之心。自縛縛心。汝但發起菩薩之心莫生怯弱。譬如百疋之經始緯一絲。雖未成疋非不貫攝。得其頭緒即是發起起作之始。漸漸累功自至端疋。利他六度者爲除他惱。自行布施持戒忍辱精進定慧等亦復如是。先自行道然後化他他即信伏。自造惡行教他作善信用語者無有是處。或口勸說十二部經方便善巧種種譬喻令人信解。或以身勸。自修萬德一切善業令他做習。或以意勸。思念教。導作易解章句。布施衆生令他誦持起正信解。名爲利他。說法解釋五乘自成辯才淨於口業。善現威儀恭敬禮拜供養三寶。勤苦利他自成相好淨於身業。若念衆生迷惑忍苦思欲救濟淨於意業。利他令衆生淨信反資己身成三真業。明知利他還是自利。雖復利他恒自益己。然受化者非不蒙潤。若化百千無數衆生智慧轉增漸成四辯。不同財施損滅竭盡說法之時不念財食。是故世尊說法未曾先說後受供養。教化功德高於須彌深於巨海。以此利他之因當成佛果。能如是學名廣大淨心。偈曰

若見重愚癡 莫說甚深法  
聞者生誹謗 受苦百千劫  
宿世無習氣 聞法疑恐怖



我見計斷常 未信三世業  
量根授法藥 是名大智人  
心邪無正見 開法反生瞋  
如蠶吐絲繭 罪業復自纏  
以不聞法故 常爲愛網牽  
一切真如門 巧用方便起  
凡欲化衆生 愛語令歡喜  
菩薩同體悲 觀他如我已  
柔和善將護 似乳投於水  
或時須多言 有時須寂默  
知時名法師 見面量根力  
若不觀機性 不名具智德  
冥之於心內 所爲成法則  
有用冥語時 有時須覓緣  
契根冥語調 伏強現威猛  
種種調衆生 對治種種境  
如是巧方便 唯有菩薩乘  
凡欲教化人 慈悅勿使瞋  
觸情起毒心 卽造地獄因  
無聞非法者 授戒令生人  
且免三塗苦 漸引歸正真  
爲說四諦法 顯示十二因  
令知生死苦 正趣涅槃門  
有大性欲者 入理爲譚論  
破相十八空 身中無世尊  
五乘漸分化 拔斷無明根  
是名利他義 順教報佛恩  
誠觀佛性不二非有無含中道不著中法第  
二十八

既發道心復自他利。須知衆生同有佛性。略說十種廣在諸經。一者生死煩惱從真性起。喻如大水本淨湛然。爲因風故遂生波動。後因大寒乃結成冰。衆生佛性本淨有水。由覺觀風波浪生死。貪愛堅固成煩惱冰。欲顯佛性者。慧火融水。禪定息波。永液波止水卽清淨。佛性影現。二者如金在鐵。龜弊無堪。於後融銷金始顯。現實中世上無能嫌者。衆生佛性在煩惱纏。戒定慧火鍊出真性法界之中。最上無比。三者如牛未產乳。血和雜。緣成始停。構取煎煖乃生醍醐。淨。隨器變色不守自性。衆生佛性爲煩惱合如雜血乳。假緣修治漸至佛果。發起神通隨衆生變。同。類救苦不守自性。四者喻如一人行千萬里。經多屋宿。屋雖多種。人是一人。屋喻五陰人喻佛性。衆生佛性經五道陰。雖差別佛性是一人別屋別。故名不一。人常一人。故名不二。冰凍未融水卽非有。冰消卽水。故名非無。佛性道理。不一不二。非有非無。五者四諦十二因緣四等六度三十七品道諦所攝名爲佛性。六者四親近法名爲佛性。一親近善知識。二親近正法。三親近靜思。四親近如說修離。此四法得成佛者無有是處。七者佛性非邊中道是也。衆生五陰託佛性起。故名非斷生滅如幻名爲非常。人依五陰乃得修道。陰藉神持方能存立。八者離真妄者名爲佛性。立真辯妄。對妄表真。若滅妄法真名不生。佛性清淨智不能知。識不能識。九者能說之法顯於無說。無說之空亦不可取。故名佛性。十者

空平寂靜與有亂俱行。證離於形名常顯名色是爲十性。無礙之智與疑凡一如。如真解脫本從凡起。雖有此喻佛性之義。唯佛能知。略說十種。廣恐文繁。汝能觀解。名真淨心。偈曰

一切諸衆生	平等有佛性
佛性難煩惱	塵染未清淨
戒定除客塵	卽離生死徑
性隱名生死	性顯名賢聖
五陰雖流轉	佛性本來定
欲知佛性者	勵已修八正
初發道意走覺道	心邪曲見未正直
江南江北求菩提	菩提共行不相識
身外覓訪既疲勞	一處靜思頓止息
忽然醒悟覺少分	乃知菩提身中匿
解煩惱性空如幻	未死不久自窮極
涅槃生死同一如	道理不二亦不卽
若能明了根塵法	長養無礙神通翼
觀察五陰假緣生	自性本來包十方
誠觀智差別福田	不等法第二十九

已起大心修自他利兼觀佛性。此是因相。次須觀果。果是佛智。經云。滿大千界衆生智不及一須陀洹智。世界須陀洹智不及一斯陀含智。世界斯陀含智不及一阿那含智。世界阿那含智不及一阿羅漢智。世界阿羅漢智不及一辟支佛智。滿十方世界辟支佛智不及一種性菩薩智。如是節級不及一十地菩薩智。滿十地菩薩智不及如來一念之智。是故世尊智慧大海恒沙大士咸共思量不知

如來舉足之事。是故汝當一心精進求佛智慧。若以飲食衣服臥具湯藥施一世界凡夫衆生。不及布施一須陀洹。布施世界須陀洹不及一斯陀含。乃至節級不及一辟支佛。不如供養一種性菩薩。節級乃至不如初地聖人二地三地四五六七八九十地。布施此諸三賢十聖滿足一劫不及供養如來一食果報。何以故。如來有大智慧故。消諸天世人供養恭敬。智慧多故。消於多供。無一智慧地上水葉尚不得消。何況人食。汝當領解誠之本意。修習淨戒莫令缺犯。以戒淨故易得禪定。定心清淨發生智慧。福德具足成五分法身。一切種智。諸佛智力今更略說。十方世界一時細雨經多年月一瞬頃頃悉知滴數。十方江海總知斛斗。十方鐵圍須彌大地普知斤兩。法界刹土爾許塵數或遍虛空界衆生心行悉知善惡。一一衆生知其劫作佛。十方山海天地日月置於掌中遊行世界。帝釋梵王不覺來去。十方水火吸著口中水不滅火。火不損口。若欲具說不可窮盡。如是神力從五停觀生。從三十七品生。從四無量心生。從六波羅蜜生。從大乘十地生。是名諸佛智力神力。從斷財色五停觀生。因起已來諸行次第至今佛地。即是此誠始終說相。菩薩別行前後階位如華嚴說。汝可發起慈悲種子布衆生田。恭敬種子置三寶田。福智芽生乃成佛樹。陰覆法界十方華敷結無上果。從發道心畢至究竟其間功用悉名智障。到如來地二障永盡。反望生死如幻如夢本無真實。礙

惑礙人唯佛正覺。故稱遍知。汝今應取如來智海勇猛修入名決定淨心。偈曰

大千世界人	自謂根性利
悉集共思量	不及信行者
世界信行人	衆議出情端
多時共思議	不及須陀洹
世界須陀洹	議論共宣譚
見解之慧力	不及斯陀含
節級辟支佛	節級十地人
節級智差別	不及如來身
布施節級聖	果報節級大
布施十地聖	不及佛田最
是故汝當知	佛智最窮深
福田難思議	信者名淨心

誠觀內行密修。應付殷勤受持法第三十告慈忍。父母七生師僧果劫義深恩重。愚者莫知。汝始入道方復別師且暮念汝。汝思吾否。彼若依止得好人日夜有宜。如無善匠心何所寄。汝既出家受如來戒。失意之間長劫受苦。今時末法衆生心薄背恩絕義。易厭師僧樂獨遊居。適情自在。恐不如法墮於惡道。無那纏懷撰製斯誠。略述近標表宣人事。諸餘部帙大家共知。當道經論汝應自有。大乘要義率土咸同。更欲顯示惡卷軸繁滋。直洗汝心猶過千句。汝可如渴得水隨飲莫辭靜處披讀。何勞他見。我之微意汝未能知。縱使世人亦不諸悉。唯有天眼者證知我心。汝可依行。終不誑誤。何故靜尋不令人看。唯聖與聖物以群分。愚智別類。方以類聚。今時

學者意見差殊。迭相是非。破他自譽。讚己毀人。邪情怪笑。無急之語。競共嚮持。要切之言。賤而輕薄。欲得廣知不欲廣行。願多達解。衆中獨出。規貪虛譽。聰明聲息。背捨身心。野倫名利。三塗即至。終無免期。經云。譬如一日挑千人眼。如是日日挑多眼。此人實行罪重於前。爲此避護。唯汝自知。非是誠中多有過失。世有難語並語。壞彼語華綺語。越理語。衰語。番語。謬語。迷入語。惱亂語。差問語。今時後生專學此語。在前解者欺未解者。直習戲論。何關修道。口勞神疲。心無一潤。煩惱更增。吾我轉大。一生勤苦。損功無福。意在名利。未詳淨心。假名得利。何由可消。如大猛火難受難近。又復如法語易解。語身心語戒律語要切。語離罪語治障道語入理語成就語。若見如是等語。即拍手大笑。眼不欲視。何況受持。汝當緩尋字字思量。一字之中。含無量義。若直讀之。少時即遍。依誠起行。一生不徹。貴在快行。不在快讀。手執眼看。宜應垂淚。生難遣想。如見世尊。何以故。宜揚勸發。順聖道故。教汝淨心。趣菩提故。凡經論誠義有二種。一者順理。如來祕藏。空平等法。泯相入真。冲玄密境。補處莫知。二乘不測。是名順理。二者文義易解。讀時滑利。或作偈頌。美妙悅心。名爲順情。相欲似淺。因斯入深。廢見皆是。立見悉非。譬如大海。初入沒踝。漸進無涯。底不可得。如七日嬰兒。未消上饌。庸野田人。豈乘輦輿。未食便餐。必被噎塞。非乘輦乘智者呵責。但佛法大海。無智莫入。寶臺千仞。非階莫升。始入道

門未修戒定越學空宗佛不隨焉。積世鄙夫  
輒持國璽。王若見者必當重罰。要從五停除  
惱證聖。今此誠者體無華巧。惡汝情深指事  
約勒。又恨冒沾師首愚於教訓。故遣苦切入  
心之語。如對面言。成汝道行既自知已。轉教  
同學及餘智者。吾甚疾劣。宿不保安。儻不見  
汝此當還囑旨不殷勤。如誠淨心  
淨心誠觀卷下

No.1894

### 釋門章服儀序

法身無相。舍那御珍服。暨乎逗三乘根。應濁  
世之機。如來自以丈六形。著龜布僧伽梨。學  
佛之徒靡不遵則。焉泊流代盛談心性。儀相  
竊遺。幣魔乘便大變聖制。所謂冬服綫羅。夏  
查紗縠。華蕩奢靡無不為。殊不知蠶衣之誠  
出於如來慈心之餘。而為世福田。精脫劫奪  
難也。負識高流莫不為之痛心疾首。南山  
章服儀於是乎作也。則使有志之士知有方  
而所自。豈謂之小補哉。然斯書雖存。而後  
世講者鮮矣。何居蓋聖制之興廢者。時運之  
所繫也。當像季際。魔屬甚熾則知者亦隨衆。  
所以雖廢亦興也。至于闢謬堅固之運。則庸  
昏之徒含識而已。於是乎救世大士直明佛  
性常住之旨。為續慧命。且後扶律之儀。救  
其所急。譬如見饑寒者。先與之食而後與之  
衣。所謂為護法故與。共和光者也。人多不

見大士之意。一飯之後將凍殺之。是聖制之  
所以不能興也。乃者省我比丘。欲刻章服儀。  
廣布于世。而併應法記自書。且請以余之言。  
辯于編首。余改容而曰。比丘以不肯亦為釋  
氏之子乎。欲不以人廢言乎。呼余之言謹取  
焉。然而余亦蓋有所聞。有所聞者。非余之言。  
亦何辭為之叙

寬文五年乙巳之冬

草山桑門不可思議題

### 釋門章服儀

神州沙門釋道宣述

有漢陰沙門。告於秦山開士曰。僕聞。慈濟之  
道。通古之所式瞻弘施之方。由來於焉景仰。  
豈非仁育成化則覆羣冠於兩儀。攝御開業。  
則惠澤逾於三大。固當恢廣夷路。顯性命於  
四生。疎解精靈。暢慈悲於九有。比見諸沙門。  
威容崇盛。言行殊倫。深登耆域之職。重納隱  
侯之責。蠶絲被體。非華綺。無以肆其心。柔茵  
仰藉。非輕軟。無以安其慮。衣食斯恥。既失  
德於儒宗。聖種頓亡。固喪道於玄府。是則專  
門靜訓。徒張誡誥之儀。違途蓋寡。妄設護遮  
之約。將非正法類紐終於千六百年乎。輒以  
所疑請為披釋。開士曰。自法王利見盛。開導  
於慈悲博愛之道。寔津梁於品彙。欲界亂善  
尙兼濟為言初。色有靜緣。亦四弘為導。肯況  
復道超區宇。德跨樊籠。非安忍於不仁。豈

容情於殺戮。斷可知矣。卿不開乎。重為開引。  
肉食之與蠶衣。隨機開制。損生之與害命。終  
期頓斷。是知適化之舉。妙以達性為功。攝用  
之略。畢歸資理為務。但以淳源久謝。澆風  
不追。遂使袈裟有變白之微。沙門絕檀玄之  
路。擁膝長想。伊何具言。彼沙門曰。僕本漢陰  
荆楚外屏。薄蒙餘慶。叨俸望蹤。每聞。變俗形  
服。為入道之初門。靜慮思微。樹出世之元旨。  
至於衣食之累。久捐擲於俗塵。見愛之纏。未  
解散於胸臆。所以不遠千里。問道三秦。至  
止已來。更新其致。向蒙餘論。薄示規猷。而昏  
識未萌。倒情難曉。請重書紳。廣開衢路。庶使  
儀形有據。法炬之照常明。幽途重朗。道樹之  
風逾遠。余重諭曰。原夫道隆下土。綱領一焉。  
理則廓紛累於清心。事則顯嘉相於形有。良  
以正道玄漠。長劫之所未窺。靈胤昭彰。含識  
於斯攸仰。是知鹿園創啓。鶴樹終期。開萌濟  
世之模。昌示容光之迹。剝染之異。變俗習之  
生常。量據之儀。必幽求於正檢。且四含八藏。  
難用備尋。一襲三衣。何容昏曉。既是釋門常  
務。無時不經。義匪妄存。事符真教。固使住法  
萬載。唯承形服之功。出有三聖。咸祖前修  
之業。今略為子位以十篇。隨篇組織。務光陳  
述

制意釋名篇第一 立體拔俗篇第二 勝德  
經遠篇第三 法色光俗篇第四 裁製應法  
篇第五 方量幢相篇第六 單複有據篇第  
七 縫製裁成篇第八 補浣誠教篇第九  
加法行謹篇第十

制意釋名篇第一

形服之所感。懷生務本。道法之所迴向。辟化初源。故釋父逾城。途經林澤。行見獵者。服以袈裟。便脫寶衣。實得能布僧伽梨。卽而服之。成正覺道。及開化也。若自若他。創染玄綱。先乘此服。故善來聲發。俗衣變而成法衣。八事隨身。如善見說。羯磨等受。先立形同正儀。故律云。彼剃髮著袈裟。與出家人同。此誠證也。斯何故耶。良由非變服。無以光其儀。非異俗。無以顯其道也。括其大歸。莫非截苦海之舟航。夷生涯之梯躋。故賢愚經云。服此法衣。當於生死疾得解脫。故梵王布化存生而立運通。釋尊垂範亡我而捐罪福。傾五住於心廩。排二死於內外者也。是知嚴女一披歷長劫。而依脫縛。獸王幾見。忍死苦而誠歸心。誠不虛也。問。已知制意。未識何名。答。尋夫西梵之與東華。音義乖越。聖種之與凡習。理絕名言。故薩婆多論云。如來立此三名。異於外道也。斯則三名。出於金口。殊非管識所籌。如彼呪詞祖而不譯也。或以名含多義。從本不可翻之。自道化東漸。經律所傳。號曰袈裟。通稱法服。然則袈裟之目。因於衣色。卽如經中壞色衣也。聖色異俗。有目同知。知何等衣。但見其色。卽目此色。爲袈裟衣。律中。所顯微附衣形。故十誦。以爲敷具。謂同毼席之形也。四分。以爲臥具。謂同衾被之類也。如尼師壇。本唯梵僧所坐之物。如此所坐之具。卽而正翻名爲坐具。至於衣服。猶迷莫練。然經律中。但名僧伽梨者。未嘗有法也。所以

者何。名出俗道標。此無有比。相如毼被之具。故名臥具也。尋名之師。依名取義。卽解云。毼臥具等。須加羯磨而捨受也。論稱五過。正在其人。故薩婆多云。臥具者。三衣名也。卽僧祇云。老病比丘。持毼僧伽梨。從僧乞法。卽其義也。安用羯磨。而加毼席乎。縱有前聞。未行其事。不可虛也。今以義約終。須建名。故文云。無名相中。假名相說。如律名爲調伏衣。故文云。結使已調伏。乃應披袈裟也。如經中。內起瞋心。外著袈裟。無不息滅是也。或經云。法衣應器者。謂懷道者。服之名法衣也。堪受供者。用之名應器也。深思其名。聽言觀行。不徒設也。自餘衆名。具如鈔疏說也。問。如大集云。雖除鬚髮。不去結使。被服染衣。心不離染。此卽去取一亂。如何以分。答。勿迷其名。當取遠致。染謂壞於俗色。卽染而是色標。故知兩據其道。而捨於俗也。故律中。以袈裟色。染五正色。是如法色也。

立體拔俗篇第二

問。出家據道。未資形服。故文云。趣得支身。用濟寒苦。所以養衣十種。遠聖元宗。自餘衣納。得便受用。依之修心。足以度世。至如律經所誡。四邪五邪。聖所許。少欲知足。致令有章。絕假道之路。俯仰犯科禁之儀。形神繫於天網。受持乖於正法。如何通決。會於趣得之文耶。答曰。至聖立教。隨教攝修。是非利益。罔不通道。夫道在清心。無適爲義。如世夷途。莫有滯者。今人行道。事理兩分。言事則俗習未亡。尋理則真心體附。斯則強分二諦。有凡

聖之殊途。故張兩儀。無去取之恒式。致使於衣知足。務在無瑕。事清心淨。便懷入道。故十種遺棄之衣。世情所捨。三聖服之無厭。道儀所歸。觀事無異俗之嫌。涉理有資神之用。斯則斟酌二諦。寄空有而攝修。歸承四依。諒無愧於流範。故有持彼養衣。遠詣遠池。而洗濯者。諸天欣其解脫。取其穢汁。用自浴身。莫不以財淨而心清。不以穢迹而累於道也。及得通外道持鬘往浣。諸天遙遙勿汚吾水。告曰。邪心感利。凡聖之所忌也。以此文證。故知道在清心。不虛設也。是知求財之時。如法受畜。不陷刑科。內不愧於戒神。外無慚於負俗可也。焉得崎嶇世路。婆娑恒習。惡求多求。喪命耶。生則爲佛之賊。死則爲鬼之囚。刺染依佛爲師。師教拒而不用。自陳損力。謂三途之可推。不思此形有四山之相逼。故文云。死時懷恐懼者。卽斯人也。何異蠶娘拒蠶之智勇乎。不聞經論之明誡乎。肉衣鐵衣。隨感而至。受惱受熱。抑可言哉。一生形體委之溝壑。累世靈神繫於業道。任運長赴。無由返源。同常擺撥常習。遵仰聖言。外無犯於憲章。內有涉於清蕩。屬斯懷觀。夫復何求。問。上顯求之有方。則理事雙得。然求之所幸有布。有縷。或毼毼相乘。或毛綿間獲。五納百結。聞諸僉徒。木食草衣。偏資山衆。蒙既惑焉。願欣其要。答曰。出俗五衆准的四依。聖有成儀。無經凡慮。開濟形苦。意在心清。事不獲已。置斯聖種。而正律進許。慈悲務先。得而生惱。必不容納。故肉食蠶衣。爲方未異。害命天生事均

理一。暴顯憫憐，非可忍之痛。懸痾登祖，成惡業之酷。漁人獻鮓，桑妻登絲，假手之義不殊，分功之賞無別。是以至聖嚴鑒，審惡報之難亡，經律具彰，兩俱全斷。故涅槃象腋，楞伽大雲，莫不盛顯行慈，昌標止殺，殺為罪之元也。俗戒首焉，何有違宗，安行其事，說導創演，必化之以慈仁。身服所先，必衣之以縵綌，縵綌所成，非殺不登，其安忍不思，非犯無由自處。顰眉撫事，良可嗟之。是以震旦承教，全具不倫，斷肉之制久行，禁絲之儀莫用。非為誠教不約，過在迷文，或可於文不迷。愛沒無由將出，故律中，蠶家乞綿用成臥具，為俗所訶，名殺生也。佛因制戒，不許服之。縱得已成，斬碎塗壁，此則永捨之極誠也，必須斷之。如律中用蟲飲蟲，異途同制，野蠶家蠶分緣通約，若純若雜，俱犯於部篇，自成他成，咸碎於斤斧。今僧迷名為非法服，故不行矣。如上正名，想無有惑，故僧祇云：儒者耶者，蠶口初絲，事同四分，五分不許為服，縱得衣財，經緯俱布，中穿一絲，亦通制斷，又極誠也。薩婆多云：外國用綿成衣，自有二種，或細學分布，如作氈法，或引成經緯，即綿紬也，皆不許之。自古諸師，不思教意，縱是昔迷云，即以具由殺害得，尚令斤碎，安有道服慈忍者相。由殺害得，反聽受持也。是知受持聖法，非淨不行，妄以傳之，誠乖本意。故大唐塞外，三垂海濱，大夏諸蕃，有佛法處，所被道服，皆資氈布，無用絲綿，即良證也。此土齊魏名僧，周隋高勝所服，大衣皆資以布，雖未委教，闢與文同。

豈非慈惻之深，法衣依法故也。如俗常習，以布為衫，通國同遵，不可頓易。故大論所顯，布僧伽梨者，明是古佛道法，出有聖標，名為聖種，是以大聖依而服之，以為後式，五分針坏亦同此也。是知法衣應器，非凡所行。佛不出世，則不現也。故諸明達，遵途莫違，有承據矣。即難含云：修四無量，服三法衣，則成慈悲者之服。余少經律，講至斯文，無席開遮，引用蓋寡，深懷猜貳，未敢通行，隨得披服，覆形而已。貞觀末歲，參傳譯經，顧訪蠶衣，方知莫用，深恨知之晚矣。且形體所寄，資於溫暖，就報強羸，難用通約，所以涅槃密教，開抑有由，諒有殊意也。不可同肉全斷，則下人報弱，無入道之期，似乳通開，則上行慢求。有情學之務，所以方便引喻，為道資形，故諸經云：依法而用，雖受十萬，不以為多。必未能行，一盃之水，一納之衣，不許輕受，斯誠致也。是知取納之務，務在清心，雖許披服，服而不著可也。然三種法衣，理非通限，還資氈布，用准於前，良以自餘裙屐，唯擬遮寒，事不獲已。開濟形苦，生涯形報，終入死門，業命未傾，資心助道，事不獲已，供其衣食，終號養怨，無所益也。如能志節高劬，情割浮華，敬重正宗，死而無恨者，斯則比丘法行列聖崇之。如草繫海版之儔也。約戒命難，是所通開，約心忍死，奉而不捨，故為幽冥之所翼贊，經論之所昌言。此但適戒以死持之，何況性重多而不厭，誠可怪也。問：縵綌過本，非仁育所懷，微行供獻，有開福之業，如何頓斷絕，杜希向之心耶。

答：夫供施之法，淨於三事，隨一有染，名不淨施。論分四句，豈不然耶。且淨行滅惑，作福難諧，機緣構接，開其供施，用捨本貪，不遮財淨，致難受報。若全閉拒，則豪俗無由樹因。至於難報，則生生常淪苦海，罪福雙感，厥致在茲。而央囑云：縵綿皮物展轉，來離於殺者手，然持戒者，不應服著。若服者，然非悲不破戒，據此教門，開閉殊致，閉則示含生之可救，誠損害之難任。開則以喪命，而成衣。權接救於寒苦，且自無悲之誠，終為永斷之言，許服之方，止是救時之弊。至如山寒賊奢，開服皮毛，疾急苦煎，聽資乳蜜，非為通化，薄設權宜。仰度誠文，意言為允。革衣皮服，律具制之，去其奢甚，止足為本。至於黑白氈衣，律亦通約，求索過度，傷俗壞道，制捨入僧，剪毛存命，誠用顯仁。故開服著，然則損生之累，厭趣難清，薄為引之。鎮銘座右，且身為苦器，安能繁而不食，隨身粒粒，存生之務誠重。至於放火焚山，引水溉地，翻覆殺傷，殘害逾甚。況復囚憤捋乳，劫蜂賊蜜，蟲豸之封榮蔬，蠅蝻之依食器，薪水生靈，過於倉粟，草土含識，同聚成村。身口所經，寔難無患，然則過之大者，無越蠶衣，觀其養殺之儀，經稱惡戒。比夫屠獵之量，萬計倍之，而世言屠伯，無不恥之。及至同利縵綌，昌言顯述，而莫厭者，同惡相濟也。固當齊約，用息凡情，但五濁未消，三障常縈，豈非嗜欲之變，使之然乎。當知報居季俗，宅此形神受用，使之損他成己，為惱為辱，深可厭也。至如商那比丘，胎衣被體，面王釋

子報服隨身長指四海而為家日一餐而謀道無欲無為斯可尚也況復北有樹衣上天化服隨心輕重遂運新奇或委質淨邦以法喜而充食寓神華內以慚愧而為衣斯道可新行因無不至也問如何立行用祈彼耶答夫萬化在於一心行成而終果剋如影響矣義須厭斯胎報暫竭貧源則受生依化矣身既化生則飢渴寒熱絕於心矣形服所資不傷含識既安柔忍則所服無外矣故有梁

沈約碩學英才位處權衡情安仁恕立究竟慈悲論曰外典云六十者可以食肉則此年已前宜布矣七十者可以食肉則此年已前宜菜矣夫聖道隆深無思不洽仁被群生理無偏漏禁肉之旨載現于言黜繒之義斷可知矣然禁淨之始猶通蠶革蓋是敷說之儀隨機未已豈非一朝裂帛可以終年烹宰待膳且時引日拯危濟苦先其所急敷說次序義在於斯自涅槃東度三肉罷緣服膺至訓長蔬靡倦而蠶衣繒服曾不惟疑此蓋慮窮於文字思迷於弘旨文多不載觀隱侯此論得其大歸律制嚴明非可詳覽故與宏致耳竝如上所引可用鏡諸

勝德經疏篇第三

問上明衣體慈忍居宗蠶帛由於燔繒義當永約麻布在於緝紡理歸弘訓固得受淨無染持奉有儀頗有殊功開明世表答善因積德於心嘉祉緣成於境幅相既立則群鹿安神鳥王懷怖龍子保命惡鬼潛形人見生善即其事也況能祖承正教受用得儀近則

隨行自修遠則資成聖業故大悲經云披著袈裟者性是沙門汚沙門行於彌勒佛乃至樓至佛得入涅槃悲華經明五種功德一入我法中雖犯重罪一念敬心三乘授記二天龍人鬼能敬著衣三乘不退三者人鬼得衣乃至四寸飲食充足四者衆生違反念袈裟力尋生悲心五者兵陣不傷若無五力斯十方佛等

法色光俗篇第四

問上引大乘中被服染衣未知何色成於如法答如經律中通云壞色故文云當以三種青黑不闌隨用一壞成如法色良以習俗難改貪愛區除戒律從緣其相隨結據故在新制廣狹等例是也故五大上土色不成受持也莫非隨事節心捨於俗習如世朱紫非榮選則無服之異等例也不正壞色唯釋門所懷別邪正也故九十六種外道其徒不倫或裸或衣或素或染莫有定者釋門不爾俱服染衣色非純上絕於奢靡然上明青黑名同五色如論律中似而非正木蘭一染此方有之赤多黑少若乾陀色經云見我弟子被服赤色謂呼是血論言我著赤衣映珠似肉等是也今有梵僧西來者皆著此色即共證也然赤為正色微有差殊此土真緋僧祇所斷明知不正即袈裟色也由色外顯容光易明見色知人是解脫者如上已說餘有難染衣色非正非上即得加持但離俗習便成道相故頭陀五納水浣為淨新衣壞色故撰為淨坐具初成亦以故撰引多文證者莫

不抑貪競之奢華割封滯之生情者也

裁製應法篇第五

問出家靜節省事為先隨得受用安心行道比見法衣橫加割裁方復連綴號曰聖儀損功妨道豈復過此幸賜誠文用法昏淺答論其本制出自聖心義不徒張深有弘致故律云三衣者賢聖標幟理越凡心也故律中沙門衣有三種賤初體賤者人世所棄之衣也二色賤非是正上之色也三刀賤割碎連之斷貪賊之利也又異於外道故服此衣且條堤之相事等田疇如畦貯水而養嘉苗譬服此衣生功德也佛令像此義不徒然故律云五條十隔者是也至於條數多少提量短長各有誠文如別所引昔江表十誦律師臆斷彌勇見於七條兩長一短便謂九條三長為正是聞薩婆多論九品大衣明教也彼論上品三種大衣四長一短下品三種同於七條不可乖也此見條葉不附正儀三寸四寸任情開闊浸以成俗彌開華蕩之源故僧祇律廣齊四指小如積麥得分畦畔為世福田今則過其正度故非法服所以衣服立量減開過制者俱同抑貪競之情也此見梵僧縫其條葉問其本據云彼皆然今以律檢都無縫者故裁縫見葉表其制利今竝縫合無相可分如律道行刺鉤葉破當反披之又衣葉寬脫當馬齒鳥足縫之又五分云衣下數破當倒披之在雨中行水入葉中應順披之而今總縫何勞若此是知中國失禮求之四夷中濁邊清於斯可驗且印度部

執偏駁不倫。隨得一文。曾無考究。律中四說。不許輒行。但依誠教。自無尤執矣。

力量幢相篇第六

問方衣出俗殊異世流。炭狹之間如何取約。答諸律明量多依身肘。然其身肘兩有乖張。隨報定儀。可以成准。故文云。度身而衣。故也。通而大約。三肘五肘以爲本宗。臨事制宜。不局名教。然減量而作。同儉約之儀。過限妄增。有成犯之法。故文云。四肘二肘。不爲非法。與佛等量。便結正篇。即其證也。引載下流駢奢。其度至論儉狹。不見其人。而大聖本制三衣。西方但有此衣。餘無別服。故文云。但三衣也。後有覆肩袴支之服。相亦異。方故僧祇。云長四肘廣二肘是也。元制所興。本唯尼衆。今僧服著僧通下位。而袴支上狹下廣。壞絕淳源。即僧傳云。不意方袍。復有平叔者是也。又曰。袈裟無領標解脫之衣。鉢盂無底表難量之器。皆謂被服足以遮形。解釋索然無繫。成本志也。今時三衣如本未改。亦有生情妄施。網紐兩覆肩。上左右掩之。大繩結束以爲頭陀者。未之前聞。然律有泥洹內衣。還如方服。繞腰而掩。以繩三圈。兩跨正後分爲三襠。抽拔令齊。不許其皺。如菩薩象所著之裙。此土餘衣隨俗裁製。江淮則襦襖正背。關河則褊袒袴支裁剪尖斜。同諸俗服。雖云取異。終乖本儀。因言傍及善無取矣。竝如亡物儀中廣之。

單複有據篇第七

問律明三衣。因寒故制。論開五義殊有大功。

約事御時不無乖各。如何通耶。答誠如來問。但以變在人情。不惟源本。本在適寒。單疎非分。諸部通會。僧伽梨者。唯複無單。新者兩重。故者四重。餘之二衣重單兩許。養帶五納。無論重數。今時夏末一月作衣。但計裙帳之少多。衫襦之厚薄。綫紬之精最。華縠之新華。唯彼法衣。置而不問。是則重三聖之所輕。厚九流之所薄。用斯矯世。不亦悲乎。當知慣習所熏。在心成種。輕聖所重。世世常輕。重凡所輕。世世常重。如何開導靈府。預善來之命哉。

縫製裁成篇第八

問夫性有昏明。命有厚薄。法衣如法。成規則難。大聖乘機。故當有教。請爲疏解。用濟時緣。答無所不通。名爲聖也。安有膠柱。信度而爲通照乎。諸律成衣隨其豐儉。先其本制。後隨開給。如僧伽梨。欲創裁者。二十五條四長一短。以爲基本。財少不足。以次減之。乃至九條。又少不足。乃至縵作。加縵受持。開如法服。揀葉五納。例此可知。作安陀會。五條爲本。割裁成之。財少不足。揀葉屈襠。一長一短。猶少不足。縵作受持。釐多羅者。二服之中。可三兩反也。是知至人靈鑒。權機莫思。依法而行。無非法行。背此妄作。自受凶終。可不誠乎。至於成衣之期。不許延日。隨時連合。趣得遮身。反刺直縫。新故殊制。故大衣制五日。不成結罪。餘之二衣以類准犯。今有不肖之夫。情纏嗜好。自迷針縷。動必資人。但論刺作之纖媚。不計償功之高下。或有雇縫之直倍於衣財。履歷嬌荒。機過斯負。通觀誠教。衣唯

自縫。今則反之。罪由此起。有心行者。徒轍開際。當尋聖主之誠。又窺遺囑之旨。隨宜約略。即得依承。終歸大捨。未勞曲慮。所以陳如入般。乃在窮林。收入質衣五文而已。自餘凡鄙。安可強乎。恥惡衣惡食。俗儒不行。況出有者。心懷此也。及成衣也。四周安緣。四角安縵。前鉤。後紐。中條兩縵。障垢膩衣。縵於領背。竝出正量。如事鈔中。今作衣法。大如所論。鉤紐安施。相量顛倒。十誦云。去緣四指。前施鉤。去緣八指。後施紐。良以用衣右角。掩覆左肩。前鉤後紐。收束便易。五分明裙。左掩其上。如俗所傳。左衽是也。今時行事。裙皆右掩。法衣披著。右角垂前。故迴背紐。前施八指。如律所約。象鼻著衣。正篇明犯。理須反述。所以西來聖像。東土靈儀。衣在左肩。無垂髀膝。威儀不壞也。今則不爾。或有縫帶長垂。銀鈎現臆。金玉之飾。亂舉於蒙心。華俗之結。觀縷於道服。佛胸萬字。條條間施。在尼師壇。坐坐成罪。況復綾羅紗縠。絲縷已是蠶衣。文綵輕疎。約教彌成俗服。斯蓋竝乖。正則作者詳之。

補浣誠教篇第九

問世相成壞。居然有之。如有敗壞。何方補浣。答誠教所及。有義有文。如善見說。衣中壞者。縫合兩頭。刀決開之。加緣而服。不失受法。乃至一條二條。以物替補。如四分中。破及二指。即須補之。如論所明。若浣重染。皆不失受。如薩婆多論。縱使都壞。但緣不斷。皆不失法。廣如事鈔。



加法行護篇第十

聖種之衣。以法成異。無法之衣。未足祇奉。如律所約。令受持之。然不出文。蓋是傳略。通括外部。咸有受文。故須該練隨受辨護。自古羯磨咸引其文。乃引異宗共成此部。或用僧祇加受持者。計法本一隨流味分。須知行護其義不等。四分辨失。隔於明相。僧祇開會暗去明來。是則持犯天乖。何成以隨資受。誠不可也。十誦明斷四分不殊。可依彼文。用加此服。至於行護部別具彰。如四分云。所行之處。衣鉢隨身。猶如飛鳥。僧祇敬謹三衣。當如塔想。十誦不得捷資增木等。律中。五事留僧伽梨。一疑雨。二疑怖。三藏舉。四洗染。五經營。若有瘦病。衣重難持。僧作法開得離一衣。乃至九月。緣一有差。不許加法。然釋門正化以法爲宗。准法承修。如車行轍。故衣雖多。不受持者。無離法罪。但越威儀。別有科咎。所以隨道。要務並加持故。法衣被身以遮外也。應器資食以充內也。內外不持皆結其犯。違犯順法。俱名作持。上既衣食以濟形。必須憑處以清誠。故隨身坐具以法加持。結形正意。終於生報。斯事畢矣。世之情學。多不依承。初受具日無不受持。漸染消亡。率皆縱蕩。隨得引著。曾不留心。既無法服。恒知露體。以此生世。徒喪天年。故文云。徒生徒死者。得其人也。天折之甚。無過斯酷。計其恒度以法煩心。事不獲已。須剃須著。何者。割情約欲。誰不知高習俗。未亡欣於下。違刺染之相。意在降心。依法不服。交虧厚利。是則懷利養身。終歸螻蟻。以

斯經世。同上可悲。何如外依聲教。如法奉持。內觀心本。以靜封澹。逆旅之喻。已挂於俗流。磨銳之方。復弘於道法。懷情據此。夫何言哉。

余以貞觀末。屏擯山林。終於顯慶二年。十有二載。年立耳順。朽疾相尋。旦夕守死。無容於世。不以庸薄。曾預見聞。輒舒引式。酬來貺。諸後遇者。幸究遠圖。願不以情累於文也。顯慶四年。重於西明寺。更爲陶練。文不逮意。略可詳之。終擬諸後。披而拔俗者可。不爾徒虛言爾。終南山沙門吳興釋道宣。記其程器時序。

釋門章服儀

乙卯1896

新刻量處輕重儀序

亡僧衣資處斷甚難。蓋以聖教廣博。而部計不同也。往古宗師。尚弗能無疑。況淺學寡聞。何由盡曉。是故我高祖南山法慧大師。括諸部大義。立一家洪範。著量處輕重儀。用貽來裔。其文煥然如日月之光。而輕重之判。無餘蘊矣。所以歷代重之以爲龜鏡也。猗乎屬有鳩峯乘春律師。是律海之長鯨也。深慨其書雖存。而傳世之不弘。乃爲對校。鏤梓流通。余今秋偕在南京西大寺光明真言會場。忽遇其成續頂奉。重開歎曰。斯典也。雖招提真和尚。始傳本邦以來。大凡一千載。未聞印行。今

時當末法之運。觀此一舉。豈不曰吾門之大幸乎哉。春公徵余爲序。余并躍之餘。而不甚辭。輒懸鄙辭。少申隨喜。庶樂學戒之士。展轉流行。遠達龍華。同由斯文。斷其輕重。俱遵一道。淨行云。

告

貞享五年歲在戊辰仲秋望旦。終南山圓律宗後裔慈覺慈光慧門。謹書于京北朝日山華嚴方丈。

量處輕重儀

唐貞觀十一季神州遺僧釋迦道宣撰叙

重更修理

序曰。余昔在帝京。周流講肆。深文伏義。力志幽求。頗嘗清叙。惟以輕重爲要。而附事臨機。多隨意情。博訪明據。文義莫憑。先所宗承。首律師者。孤情絕照。映古奪今。鈔疏山積。學徒雲踊。齊流五部之輝。通開衆見之表。而準事行用。浩汗難分。學者但可望崖尋途。未通鑽仰。余曾請訣斯要。直斷非疑。便告余云。夫講說者是通方之大解。豈局一見而爲成濟乎。其猶身計國謀。誠不可兩遂矣。又以受通諸部。隨相偏闕。若限之一文。則不流衆說。余乃撫膺獨慨。學本自攝兼他。今隨以微緣。而聞於決滯者。豈名博瞻。機教弘濟時俗耶。然則諸律持犯。互說是非。物類重輕。據量者衆。但約之受體。紛譁自銷。今此神州通行四分

諸部成文。則何事而不詳。何義而非決。遂圖補舊章。撰述事鈔。雖體相謬。允文據的。明猶惡意用未周。事須廣流視聽。至大唐貞觀四年。發憤關表四出求異。傳見者多。并部誦詔守文。河陽準疏約斷。繁詞瑣語結軫連衡。有魏郡羈律師者。即亦一方名器。撰述文疏。獨步山東。因往從之。請詢疑滯。而封文格義。語密竟沈。學士守句而待銷。外聽披章而絕思。亦以輕重難斷別錄疏文。而前後亂繁。事義淆紊。乃是一隅之慧猶未通方共行。今約先舊鈔。更引所聞科約事類。錄成別件。名爲量處輕重儀也。原夫重物輕物皆望責道。道在虛通義非局約。由並因僧利而獲斯物故。身亡之後還返入僧。使二僧懷受用之資。謂常住之資。俱寄重。現前之輕物利也。兩施有福流之潤。謂遺俗七衆之人。俱行僧得之施也。故總判入僧。不屬佛法計並入僧。理亦通濟。而僧有常住現前不同。物亦輕重兩異。故律中佛斷物並入僧。及論附事方舒二別。由斯約義。處斷明須。故於輕重之中深加剖決者。由倒說輕重即懷二見。律文正斷不許五衆。故闕思尋。但爲物類難收諸部互缺。現有儲畜教不備載。約文附事濫委縱思。物既現前。義須決絕。自古傳授梗概。相承指事混如渺邈河漢。余每於此路躊躇未引。嘗於業正之暇。顧意思焉。約教附情薄知途軌。然諸師行事通悟者希。隨見立儀。六斷輕重竝有明據。抑亦難求。今但取一判用通諸說。卽以當律爲正上下求文。文或隱顯非明斷者。則統開

諸部例決相成。處今種類收羅科條有緒。用備無悶。兼被緣須。意以普攝資生之財。總收衆具之物。附事決遲疑之咎。臨時定輕重之儀。執物案文不看他面。隨機轉軸。譬同抵掌。冀懷道之士。時復披尋。足遣犯過。極刑足除。由來深惡。然以人情忌狹。獲結非無。知事則親常住引輕入重。別僧則私自利引重從輕。倒亂昏情。脫鑑終古。承開。六百段網入重。罪風陣子入輕之類。出家據道。彌須勵心。鄙俗淺懷。久須捐擲。又夫邊服華夷。儀形資具。風俗既別。物號亦殊。並準例決。知輕重自別。始末該覽。足鏡規猷矣。余所撰刪補行事鈔三卷。篇分上中下也。門有三十不同。言有二十餘萬。若僧法軌模住持綱要者。則上篇上卷首領存矣。若受戒種相持犯懺儀。則中篇中卷名體具矣。若衣藥受淨諸行務機。則下篇下卷毛目顯矣。故輒略。總引粗知梗概。今依下卷衣法之中單解六物。略分十門。

初制入僧意門 財因偏利佛法未精  
二分法差別門 豈彼諸事十斷不同 唯第  
三同活共財門 財生亡一期方得此情  
四囑授成不門 決定捨施使須付也 若  
五員債還拒門 債息追送雖本重輕  
六斷割重輕門 輕重物相深究細分  
七分物時處門 須送還返使招接各  
八檢德賞勞門 有勞不賞 事經後升  
九正分輕重門 人財兩傷佛法須通  
依教即分無宜異

十物之所屬門合得進不。終是爲僧。縱外管理。須給待。

此之十斷粗相且開。而第六門中條緒非一律中通列諸物。例竝入僧。後別條五三。用分輕相。此卽物類亦有兩斷。輕重隨義可知。相傳隨義約判。亦是一途匡濟。而就律文卒檢榜附。交加後銳。前修猶懷縹緲沈於初學。疑妨是難終未濟時。故且刪削必欲晚。緣據如後具明。則迷悟俱開。始終兩照。故前依律本如佛斷之。準事取類榜出附見。隨務據量足爲龜鏡也。凡居處量之任宰割要模。先擊磬集僧。次總收現物。已外重大資具。歷帳具條。對衆持讀。令知顯晦。先問共財同活。隨信判之。次問囑授有無。亦隨機判。後問負債是誰。又隨檢付。作上三方法定現財。餘如本鈔。律本云。時有舍衛國多知識比丘死。多有僧伽藍。多屬僧伽藍園田果樹。多有別房。多屬別房物。多有銅瓶銅斧。鑿燈臺。多諸重物。多有繩床臥床。木床臥褥坐褥。多畜伊犁。多延陀耆羅耆耆羅毘毘。多有守僧伽藍人。多有車輿。多有澡罐錫杖扇。多有鐵作器陶作器。皮作器竹作器。木作器。剃刀。多有衣鉢尼師壇鐵筒。諸比丘不知云何。白佛。佛言。多知識無知識一切屬僧。律文如此。準相約斷十三之明。今依上條隨修具解。並如下列也。

第一多有僧伽藍。律斷入重。準下種類亦同上判。乃至屬伽藍物。如下條判入重。謂私有小寺莊宅店肆等。

第二多有屬僧伽藍園田果樹。律斷入重。準下種類例竝從之。謂寺院內外所有園田果菜穀米衆具養生調度等。其類有七





六難莊飾具其例初二謂采畫之具謂俗中畫幀丹青  
繩直尺專具規謂尺專具規後好既衆具謂屏風障子山水人物遊仙  
畫之謂所須之物也古寶傳記書註及雜書具

已前兩件亦同上儀。但可浮情所欣。終非登  
要。宜權入常住具飾僧堂。

七寶鑒諸貨其例初是重寶謂金銀珠玉等尼瑪瑪  
及諸玉謂寶石銅鐵鉛錫車渠瑪瑙此之七寶也。  
鑒也。二是輕寶謂白銀。并諸銀珠。三是錢寶謂金  
錢。乃至皮作等謂錢治所須。并  
八種上有文像者謂錢治所須。并

已前四件並是正重。嚴禁俗財。初及三四義  
非自畜。容有助道說付白衣。身亡入重。故

在常住。二是輕寶隨緣三途。若是本體塊段  
銅鑄。人來以施不擬形用。則隨本重說付淨

主。若是百一梳鉢衣鈎之徒律開受用。故在  
輕限。銅段擬用例此可分。故僧祇中。一切錢

金銀真珠珊瑚珂貝珊瑚車渠馬腦玉石入  
重。若已成器物入百一物數者入輕。此非正

寶也。故僧祇云。錢金銀不得觸。若餘輕寶得  
觸。不得著。得作百一物用。如論所明。不須說

淨。準此作諸器具理非重收。四分律中。但  
明錢金銀三。餘者不論明知通在輕限。錫鐵

之屬文雖不列。律令用以補鉢非重物。隨鉢  
入輕不疑。今有擅行律教。依論分金及錢金

床等物。此非統明成教。隨文即用。與己貪  
惑相符。不唯教文明昧。聖有四依四大聖印。

宜須憑準。生死無暇聞聲即斷。便同道聽今  
爲重疎分金。緣叙此文出於摩得勒伽論也。

此迦葉遺部本律。不至於此非其所機。言分  
金床者初有比丘。從天生。此人中資具非其

所安。情亂不安。常思天中所有衆具。佛令  
阿難依須給之。一夕處中便登無學。由此曲

開。非通今部。分別功德論中具述此事。故  
持世佛藏諸經。佛令弟子修道。爲懷衆具有

關不能會道者。並權開之。必不修道。樂世法  
者。水不許服。地不許行。諸大鬼神遮前掃後。

斯豈人語。大聖正言。分金之徒並妄行不了  
之教。順本貪貯。便乖清信之徒。焉有出俗高

僧。正制不行。情存財事未足算也。大般涅槃  
窮終之極教也。一部之文十明八不淨物。佛

說魔說用此分途。故文云。若有人言佛開比  
丘畜於金寶八種不淨毒蛇物者。是爲魔說。

非我弟子。反此上言是名佛說。乃至文云。祇  
桓比丘分金之事佛亦正斷。分河飲水。乃至

四分律中。迦旃延不受王之寶施。因此如來  
制大小持戒難度。我之弟子不同諸外道沙

門受畜金寶等。又如來滅後二百年。毘舍離  
國跋闍比丘擅行十事。說戒之日唱言分金

時。耶舍比丘集闍浮提七百人。重更明斷不  
許分也。佛在祇桓一制也。滅後毘舍二制也。

今或有之三犯也。分金犯於墮罪。死入火中  
二十一億四千歲。耳此小罪也。不信未來

火燒。現在亘火在身。必信苦而欲去也。今有  
犯於四禁經律同曰斷頭。犯者安然不畏。而

作人師法主。不信一犯九百二十一億六十  
千歲生報在無間中。況此分金。不足怪也。學

教之士並所共非。豈意於今弊風重舉。金爲  
邪俗之所重也。聞名即欣。管事之徒矣。若草  
芥流俗尙爾。況出道乎。縱有分者恒河長沒

之人。不足怪也。但詞煩惱。人不足論。至如  
一化之制戒並絕俗前。唯有四戒對俗重制。

一經。二酒。三寶。四邪命也。經爲生死之本。  
三聖絕其根源。酒爲昏醉之藥。四逆由之得

遂。寶爲起貪之緣。諸惑因之繁茂。邪命害我  
之因。惡道爲之開坦。淫聲諸律備明顯之。何

不披讀聖典。而行曲廢之教。故文云。日月不  
明淨者。由煙雲塵霧所翳。我法不淨者。由於

比丘行四事也。若有弟子。以我爲師。而行前  
四者。我非其師。彼非我之弟子。由不信我之

法律故也。此之所說四分十誦現律論等咸  
有誠文。何得依此律受戒而用彼部分金。捨

制而取開。未識機教之通塞。而與貪癡之相  
會不足統觀極教之明禁。可不誠慎也。哉。

生則塵汗迷徒。死則自當苦楚。信一時之重  
欲爲萬劫之凶惡。深可悲矣。

八諸雜重物其例有八。謂一切石。一切水精。一  
銅。一切色土。加俗中諸漆器食具

初如十誦一切石物不應分。除水瓶水盂蓋  
水物刮汗算灌鼻筒肘斗香爐鉢鈎禪鎮金瓶

二斗已下應分。餘石物不應分。如寶白銀鐵白及  
則非輕限。義加俗入器物。如盤碗匙筯之屬。並

入重收。廣如下出  
已前一段石物準上以斷。律有通塞。四分無

文。義須正準。其供養香爐之具。或是花香  
別類。或鐵石銅鑄成者。若常擬佛前供養。不

問金銀裝飾有無。並隨本處用之。若本心不  
定。擬後轉易。自資者隨前件。斷入輕。必有金  
銀鑒飾者入重。若本懷供養。則三寶通舍則

隨能用者用。本主出物造供養。不許自資。

故入三寶。若入輕分便成盜業。可不慎耶。故

僧祇中。錢金銀者不得捉畜。若異珠琉璃珂

貝珊瑚琥珀車渠馬腦者得觸。不得著用。明

知作百一物。得受用之。上云不得著者。謂

同衣也。如供養之具。得加飾鑿。縱律中寶裝

飾具。亦例餘輕寶者。皆謂難開。填內加以金

銀故耳。縱論中隨能供養者與之。謂定別屬

佛法故耳。必有寶裝。可如經論供養所判不

入重收。其餘香爐供具不定屬者。即如律正

斷分之。其有火匙巾帟案匣蓋具。並隨香爐

輕重所在。必巾含綺繡。隨本入輕。以事在奉

養。不同鐵鉢之俗也。若案匣重大非量所開。

或常不隨行。或金飾寶銅者。別抽入重。謂不隨也

二一切水精物不應分。除釜瓶熏鉢鉤香爐

熨斗。餘如上說

三一切瓦物不應分。除釜瓶二斗已下應分。

水盆盥水物鉢小鉢半鉢鍵鎚刀算刮汗算灌

鼻筒熨斗香爐禪鏡。除爾所物。餘一切瓦物

不應分

已前瓦物中。律文斷自二別。佛開畜二釜二

瓶四蓋四杓。準斗量而定重輕。其澡豆器。或

以銅鍍絞紵木皮輞瓠作者。既常所洗濯鉢

具要資。準量入輕。若重大難持。及輕小隨處

者入重。雖開釜瓶止是供給要務。或有含俗

諸器。未足在輕

四一切貝物不應分。除刀算刮汗算灌鼻筒

熨斗香爐禪鏡熏鉢鉤。戒服藥函七鉢支應

分。餘不應分

五一切齒物亦爾。齒謂牙等器物

六一切銅物二斗已下應分。如上錯鑿鐵爪

刀子裁衣刀戶牌曲戶鉤等亦爾

已前銅器總明斗量。餘雖不出例準開之。即

鑄鐵鉛錫白鐵等是也。又當律開分割刀。此

由資用要器。則隨有礪石袋匣相從入輕。餘

有刀子鐵針等。文雖不列而十誦有之。正斷

入輕。如楞伽經中。開畜四寸刃刀頭如月形。

為割截袈裟故。毘尼母中亦開畜刀子六枚。

各有所為。此則可準例也。不問頭刀方尖柄

之大小數之多少。通斷輕收。過量者重攝。已

外非法者。雖小細物而入重中。謂指甲剃刀等也

七一切角物不應分。除半斗已下應分。除桿

衣鈎壁上鈎刮汗算灌鼻筒禪鏡藥函七鉢

支。如是一切可分。餘不應分

八一切緒土不應分。一切染色。若煮未煮不

應分。餘有一切染色紫草黃藥梔子乾陀等

已前諸事八種不同。十誦約體而斷。故有分

不分別。今畜積之物同異者多。不必如律

可比其大小像貌。商度輕重二儀。如鉢支入輕鉢

此類例。隨務深恩也。如義加漆器俗物。謂俗中盤

碗盞合須鉢。食具匙筯食憚無問大小多少。

並入重收。以全是俗有非道所用。事同俗衣。

極制不畜。出家衣鉢令異俗儀。今若許分。俗

心不拔。故令入重。永斷世流

第七多有繩床木床臥褥坐褥。律斷入重。餘

類如別。謂床褥案机榻席薦席茵枕簪等。隨

以竹木毛綿雜物作成者

已上準斷入重。言二褥者。隨其大小多少。皆

謂內治氈為骨。綿攪於外通以布帛縷之。若

但一邊氈布者入輕。乃至坐蓐机束及氈物

相屬者。通入重也。其高座一色。本擬說法

經。無問高下大小。可屬法家受用

第八多有伊梨延陀耨耨耨耨。此前三件

並是律文俱斷在重。佛法東度爰至於今。講

解持律判輕重者。咸言。上三大小帳行步障

耳。初則伊梨延陀可非障。次則耨耨耨耨。豈

非大小帳也。帳似於帽。故云耨耨。用此當司。

一何可笑。聞聲即判。曾未討其字源。隨語

便翻。即音定其體物。此則勇於取類。拙於事

實。且伊梨延陀名為鹿也。經中所謂。如來降

相如伊梨延陀鹿王之降。斯則多畜生鹿之

皮也。耨耨耨耨並是獸名。狀如虎兕。豹

額之屬。皮厚毛軟。而可坐之。余曾以事問諸

梵僧。此二獸皮于道已西諸國並有。神州既

無其物。隨彼本土之音。豈可即音定體便言

帳障之物。古人有言。迷名生法癡。誠可誠也。

隨文增五失。深大累也。尋名揣義。陵谷多矣。

昔有開楞伽經。外人問曰。諸經或人法受名。

此經何為以苦具立目。高座茫然莫知教解。

反以問之。乃云楞伽。豈非大枷八楞耶。大衆

道俗一時大笑。所謂恥屈於一人之下。呈拙

於千萬之上者也。伊梨鹿皮。此方有而小異。

此則皮薄而毛轉。彼則皮厚而毛柔。若羊之

皮。恒可藉坐。有而不同。故存本名也。三並皮

物故在重收。羊皮毛輕重。下更為述。氈

此土本無。其物皆從西北塞外而來。若耨耨耨耨而出

毛頭。兼有文象人象等狀者名曰毳毼。字書載云毳毼。

若以輕絨毛如此細者名 律本云 毼毼毛長三指  
長五寸。廣三寸者應分。余昔以爲量同三衣  
故入輕收。毼被之屬例此分量。而開輕重律  
文不了。隨文則失。近以乾封二年季春冥感  
天人。厥姓費氏蜀人也。夏桀之時生於南天  
王下爲使者。親樂律相。躬受佛果。弘護爲懷  
謂余所撰鈔疏儀錄其失蓋微。然於重輕隨  
濫則有。雖隨律斷文非明了。是翻譯過。豈是  
學人。可改前迷。宜從後悟。如毼毼體量乃  
逼三衣。中國不開。偏被寒土。謂西北近海。則  
衣服重。有諸比丘。住在斯土。三衣。無由取濟。  
佛慈之爲開教本。若在此諸寒國者。多用布。復  
貯著之。若無此者。彼有軟。緣爲成衣而服之。又無  
草者。可有樹皮。提打令軟而服之。又復無者。可以毛  
毼如毼法割截成三衣。毛在於內披之。又復無者。可用  
諸皮亦同。毼被三衣而服之。如此次第漸薄而服。若  
中方自有法衣。則樹皮等並入重也。如律所制。安得俗  
中毼被依而修服。無此非也。律不云乎。邊方開於五  
事。諸羊皮等作毼具。毼具即三衣也。薩婆多論具解  
之。但以三衣名相東土本無。準如此方之毼具。即以  
名之坐具。彼俱有依。名便會其體。故律中。塞國  
比丘買安居資。南往佛所。既出雪山。地平時熱。衣服  
重負持困苦。余問。重可幾何。答云。可重三石。彼土  
諸人例皆長一丈已下。故毼。此衣佛開。爲今修造不爲  
形。故至南方請開爲道。開毼一月五月。此衣。錦  
余按十誦迦葉伽藍重三百斤。冥符書也。錦  
綺斑紗。此方有之。文綺結縹緗衣。或有班雲霞來  
經開。無問土女。用以成衣。例準重收也。  
已前一件準律如毼毼。純色入輕。雜者入重  
毼毼如前。三衣之相在輕。四分不聽寄錦衣補衣  
通多少。五分錦綺毛毼拘執毛。過三指不可  
分。若純色者應分。亦準上解加三衣相量者。誰有厚  
薄。厚者過三衣量入重。薄者過三衣量入輕。誰有厚  
有薄道入輕。被則不爾。全是重收。長衣不開。被非淨  
施。故是俗物亦出適用。若通開者與俗不殊。故諸俗服  
白衣服外道衣並不開寄。深有大意。惡敬道也。無問厚  
薄大小。白衣外道之服並入重收。律中。比丘著此二服  
至佛所言。此是頭陀斷嚴法。斷佛。佛言。汝等嚴人  
避我所制更作餘事。自今已去一切白衣外道服不得著  
著。嚴教者此。何教嚴之。故經淨。此有重輕。薄

須條律。毼厚過三衣。如上斷重。故薄其可裁。無當  
大小多少入輕。故律中老病比丘毼被開。乃至六年  
以具輕色毼具等皆輕三衣也。用以尋事不同。毼被。既  
則全是俗物。此毼通於道務也。彼有單被單軍之屬。彼  
不同被用。等諸布三衣可從輕限。故五分云。毼身衣即  
身約而輕三衣者。四分復寄衣者是也。單被衣諸散在床  
上。我四而者皆輕入輕。豈可藉下非  
重。上覆非輕。故可例知其分齊也  
第九多有守僧伽藍入。律斷入重。其例既多  
如下多判。大分爲六  
一謂施力供給  
二謂部曲客女  
已前二件雖良賤乃分。而繫不繫別。前條施  
力有二種人。若能給盡形隨僧處分。若所給  
盡形前僧既終後情自改。任意去留。若他遣  
供給還送本主。若本是自己有倩俗蔭養者。  
依本入僧。若暫來非永。隨時將送  
第二部曲者謂本是賤品。賜姓從良。而未離  
本主。本主身死可入常住。衣資畜產隨身所  
屬不合追奪。若本擬盡形供給手疏分明者。  
準毼尼母論放去  
三謂奴婢賤隸所有子息資生並入常住。若  
身死無親者常住收之  
已前一條判如母論云。若私有奴婢應放令  
去。如前若不放者。作僧祇淨人  
四謂畜諸家畜即駝馬驢牛羊等。并鞍轡  
轡羈繫園園槽檻等  
五謂畜諸野畜即猿猴麋鹿熊羆雉兔山雞  
野鴛鴦雁等類。并以籠架等  
六謂畜惡律儀即貓狗鴟鵂鷹鼠鼯鼠鴛  
弓獵等。及弓箭五兵機羅殺具者  
已前六件前三隨事已明。第四家畜之中。既

是煩慮之元。宜從重攝。故母論。駝馬驢等可  
與寺中常住僧運致。已外所有乘具。隨所畜  
之。如有鞭杖苦具。並須焚蕩。以生譴責故也。  
第五野畜彌是障道。故僧祇中。若將來施不  
合受之。令給水草翹成放去。由畜獸妨道。世  
中多有放鴉鴉鴉者。亦自塵染清淨。有畜  
鸚鵡鳩鳥者。彌是道俗同恥。必有斯鳥獸。可  
放山林川藪。籠架拘繫之具。總集以火焚之。  
第六惡律儀具。事類乃希。時復緣邊塞首中  
表無知。或加畜用。既事在罪增。並可焚屏。則  
同瓦屋之非法也。故善見論云。若有施器仗  
者。僧應打壞。不得賣。若賣與人。前得行殺。  
賣者同業故。論中共有畜非法之物。衆主破  
之無損財答。正論明斷。準用何疑。亦有養  
畜貓狗專行殺害。經論斷在惡律儀。同畜便  
失善戒。出賣則是生類業障更深。施他還續  
害心。終成纏結。宜放之深。殺任彼行藏。必繫  
之願柱更增勞役。但依前判彼我夷然。便息  
生殺怨家。新樹慈悲聖宅。例此嚴空  
第十多有車輿。律斷入重。準例下斷。其例  
初常所乘御。并供給車馬等物。例此嚴空  
二送終凶器。謂棺槨車馬等物。例此嚴空  
三祭祀器具。謂香燭宗廟器具。例此嚴空  
已前三件並是重收。下二凶祭之具。若預作  
擬後者。身亡並入常住。若爲內外親姻七衆  
道俗追旌故。實光衍將來而造作者。身雖亡  
沒隨屬所爲之緣。由決本原。捨別屬故也  
第十一水瓶深羅錫杖扇。律並斷重。今以文







如皮鞭。面前決開行則左右掩繫。必平尖二轉似此相從。並準入輕餘有短鞭高頭類列亦宜從履履同斷

重之曰。上準律文例斷出處的明。而神解不同。意用難約。理須分門。這路以義相收。然重輕兩物非相須知。必先究委定其綱致。則相種曉據便處斷懷然。譬臨深履薄。詳而後述者。其在茲乎。然僧物乃多。或一部二部。或四種八種。今但約位就人。四科皆盡。故隨科條理。並如下引

一局限常住僧物。謂約界限不通餘寺。恒供別住。故云然也。物相如何。即田園房宇山林池澤人畜等是也。若盜損斯物罪科二重。有主望監治。即主無護通僧結。滿五皆擯棄不至須衆治。有人言。盜僧物者唯結偷蘭。由體還四方之僧。乃錢不滿五故也。如律中時有此丘。盜分僧物以爲四分。但結偷蘭者。文成證也。余則謂之不然。何者律據暫還僧也。初爲在村行惡汚染俗家。僧衆往攬。故生斯計。分物且屬四人僧。則住無安所。內財既無。不有損外跡。彌復澄清。以此進僧可爲明略。然本非長永。故罪事不成。律據本情依情權結。所以身子目連深鑒緣據。還依本計明判不成。故使衆僧仍舊復用。若盜必結。正隨物多少雖罪階二位。謂滿五波羅夷。減五餘開道也。莫非決屬也。若奪斯物望主極刑。以損我故罰他。罪則究竟。若不損故還我。罪則方便。方便故可奪。彼此無瑕。究竟故屬他。自他同惱。出在僧祇。聖量明乎善見婆沙。故彼律云。時有知事比丘。

以僧物爲佛法兩用。佛言。波羅夷。此豈望四方而通方便也。必若疑於四方常住交難重輕者。又彼文云。假使能集十方僧。共分此物亦不得也。故知通望一僧總爲一主。畢竟無分此物也。如何約數言可分之。言可分者謂四方現前及四方常住物耳。律本乃云。若僧若衆多人若一人。不應分此物。實此物。及自入己者。此據別時因過爲言。若諸部相融分賈明顯。故律令通易田地。論許轉賣房堂。開則坦然公行。制則爲遮心過。必有須微奪者。不得不微。皆謂賊情猶豫未決也。今別屬已定。如何還奪。若故奪者。還及坐之。故律本云。時有奪劫者物。佛言波羅夷。是名賊復奪賊。正教如此。奪劫彌難。既令他犯盜。必須納現賊。賊既返收。罪便虛結。非爲損物。盜則空來。若此任法司。便推繩酷濫九橫陳之。終古五枉更衍將來。余以凡語難依聖情易照。可依僧祇明斷隨物重輕。必五衆亡後。入重之財處斷或違。如下顯相。若當別主所護望主結其二罪。謂防手聖僧制之。意防慢則望別主。若現僧共分同賈皆望常住結之。謂滿五皆須棄。並如大鈔隨相釋之。此則文據據然。譬猶天分地裂形聲大矣。人誰惑哉。若昏冒未懷。乃抱昔習者。良以惡類卒而難屏故也。

二者四方常住僧物。謂義通域外。事限坊中。故云然也。物相如何。即現熟僧供分噉之物是也。若盜此物罪亦兩科。主掌自偷罪便單結。謂望四方僧人無滿五分。唯結偷蘭道。約分三品故也。若有主守護望別結輕重。謂滿五分。故也。有人云。無問生熟食具。盜者

偷蘭余亦謂之不然。謂物體通局也。前以人被四方法均凡聖故。罪分二品。並約根本究竟。今集僧分食。謂是可食者分之。及至過緊鐘磬。何曾均行米麪。但以四方僧侶望利爲家。法食義通。臨時進飯。今若方中賦粟。理須饋造。若待成熟限期已過。終非急濟。豈曰當飢畫餅。劇談驗之今矣。故佛令聲召八方依時通給。受者執鉢而仰請。授者歡心而俯施。皆即可進口。不待火成。若猶須搗炊。便應持釜鏝五熟之器。制必吝之。此則罪滋滔天。福流沈地。必若然者。則自煮內煮。繼附未央。壞生熟生卒難逃責。今以凡心巨禁。聖制易依。故僧祇中。時有盜將僧食還房。佛言偷蘭。此約四方僧不滿五也。善見論中。結重罪者爲約守護爲言耳。此則輕重明文。深有所以故結也。前達通收輕重者。濫委彌彰。然教有開合。前後相融。若執現文俱須重斷。故薩婆多云。不打鐘而噉僧食者犯盜。善見論云。至空寺不聲聲。而食果者亦犯盜。此又正論明判。承古彌難。而文但言盜。故盜通大小也。故彼多見母等三論。並云隨直多少結。而不定罪名。準例如上。約判想無差忒也。由作法集僧但分可噉之食。則米麪穀麥不是僧分。若本由此等熟則可分。故入輕者。則田疇六畜園樹五行火調之器須分。百穀之糧均給。既飯時無此。正法唯指現噉科之。故知能熟衆具生舉觀糧。即是不分僧物。義同前段。重具有損結之極刑。文如本鈔所明。都別照鏡。以外五衆云。現成熟食宜同上律具解。通

望四方不滿。但結一品儉蘭。必供濟別住義通事局。宜作白二羯磨分。上二物送給他寺者。佛正開之。

三者四方現前僧物。謂情通內外。立法違分。即道俗七衆爲僧得之施。存亡五衆入分。輕物等是也。若據量罪相亦結兩途。主掌自儉則望四方僧不滿五。唯結儉蘭。若有別主望別結重。此謂未加法前故名僧財物。則望三千世界一化通僧。皆獲福利反資施主。若盜此物望僧結之。而僧終難集。義須法約。故聖令羯磨遮制外來。若已加白二。物局現集之僧。而令通付一人。任其量數分給。若執掌自盜罪望現前結之。若盜者遵守護人罪便兩結。謂事守聖僧法。故善生經云。亡比丘物未羯磨前取十方僧罪輕。謂治輕。業重也。若已羯磨望現前僧罪重。謂現治重。業重也。

四者當分現前僧物。謂供身家具限分衣資也。猶事局別人。非望僧結。罪居兩位。大如上陳。皆望現前一身爲財主。縱有多人同活通望俱一科之。猶財事既均故淨捨俱受。律本云。誰犯尼薩耆。佛言。若僧若衆多人若一人。準此一人說淨通皆不犯罪也。如僧祇云。若衆多人分得。分已中有善毘尼人。爲說淨者一切不犯。若多人共財雖犯過限。而無有罪。以物雖現在情乖事別必須分破。方名入已。故彼律云。若多人共分未入手等。過口不犯捨墮。若盜此物望護主結之。即例喝授有旁仰而擊者。余以輕重難分。隨事條緒雖物名具顯判決灼然。猶恐類聚繁多卒尋難曉。便私情斟酌。

任意驅除。過重從輕。便招極法。轉輕從重。亦陷刑科。或囑授未成。曲筆斷與。或負債漢落勇意付他。或前事實虛。或在緣難練。遂私懷賄納託勢。隨情迴換重輕。罔冒僧利。並皆重罪。懺脫難期。故重委格言前後唱示。既位非初果。抵償義難。必通濫始終。方可科擬。

第二次用義門收束。顯開制所由出。處斷條緒雖與上門交映。而意在悟迷。前但約相用分。而未通輕重深意。今隨義曲解。以類統收。顯其聖教明文。拔其量處弘致。有殊途故分無爽。然五衆亡物大要有三。一制令畜物。謂不得不有。即衣鉢坐具等。此並入輕。謂輕可隨務二不制令畜物。謂畜便妨道。故制止之。即人畜寶物等。此斷在重。謂事在重。附帶心強。三聽開畜物。謂畜不畜俱得。即供身家具等。此通輕重。謂持律及益。本據律道。在清虛。隨機開制也。

次解第一制令畜物。初引文制畜。後引文斷輕。其例有三。一者三衣。謂僧伽梨。上衣。多羅羅僧也。中衣。安陀會。此云下。律本云。自今已去畜三衣。不得過。多論云。一切外道無此三名。佛自制立。阿含云。此名法衣也。

二者鉢器。謂鉢多羅。此單羅鉢也。律本云。自今應持鉢行用鐵泥作應量受。僧祇云。此恒沙佛標誌。經中名爲應器也。

三者坐具。謂尼師壇也。此謂爲坐具。如世中所用衣鉢名。亦爲臥具。律本爲身爲衣爲臥具故制如世數被之總名也。律本爲身爲衣爲臥具故制必畜之。僧祇云。此是隨坐衣。不得累用也。

已前三件並入輕者。由資道正要。聖制令畜。

止令隨身。不令欠減。故佛言。所行之處與衣鉢俱無所顧戀。猶如飛鳥。以此文證所爲處重。非不如法。故入輕收。由並制受持無緣輒捨。必有違離俱結正愆。故法衣以覆身。應器以資養。尼師壇具用以安坐。必若乖制並制有罪。

次解第二制不聽畜物。初引文證制不許。後明斷在重。其例自五。初田園種植。律本中自種樹。若教他不爲佛法僧者。名爲行惡行。善見云。居士施田地。別人不得受。五分若施僧田宅聽受。使淨人知之。

二養育人畜。律本中大小持戒毘度中云。沙門釋子不同餘外道廣畜人畜等。廣明。僧祇云。施僧奴婢及諸畜生。一切別人不得自受。爲料理僧故受已付僧。

三伎樂衆數具。律本云。受十戒者。不應觀聽伎樂等。善見云。若施樂器者。不得捉得賣。四五兵戎器。律本中不許比丘見諸兵戰乃至戲笑等。善見云。若施器仗者僧應打壞。不得賣。薩婆多云。若以似寶或作男子莊嚴具。如矛矟軍器樂器。不得手授。

五錢穀七寶。律本云。有施錢寶者。付淨人掌云。此不淨物汝當知之。餘不開。僧祇中錢寶等入重。已成百一物者入輕。非謂金寶之器物也。謂似寶銅鐵作者。若不爾者豈有比丘執而受用。可上下求文。薩婆多云。若金銀摩尼真珠珊瑚車渠碼瑙七寶捉者犯墮。若似寶銅鐵等及雜色珠。不入百一物數者。捉

取得吉羅。不取如法說淨者得。準付淨主知之。僧祇中乃至知事人不得。捉三寶金銀錢等及形像者皆墮。善見云。比丘不得捉生種子。必有施者依多論。十日內說淨付俗人知之。

已前五件通入重攝。並招護障道之元首也。初田園務。俗鄙儒士尚不窺臨。況復出世五衆。理非身所暨護。故智度論中云。下邪命者。謂耕田種植取利活命。離此經營方名正命。今親自執役。或教人栽種。汚家惡行生過妨道。染誘尤深。故入重攝。第二制者人畜生命事待資給。比丘清舉高標濟遠。今人畜同聚。穢亂事深。世事尚爲供承。何成入道津要。既勞斃兩用。故入僧中。留放多途如前諸判。第三制者。伎樂蕩逸之器。本非眼心所懷。聞音尙制有愆。何況眼觀無罪。正制不令身觸。爲遺著心。今便親自鼓持。理由耽醉故。有涕零垂淚解體移神。俗士號爲俳優。良有以也。既道禁彌塞過濫特深。理宜焚毀用旌懲革。然俗生歡美釋怒。除紛微有供福之緣。薄展歸依之相。必有宜將出賣便順正論通文。第四制者。其戎仗軍器本妨慈道。有國不獲已。而設用擬非虞。出道本厭。今欣彌成過本或惡戒之數。或生刀兵之劫。現未俱損。義豈停留。宜打破焚除用傾離惡。第五制者。金銀寶重錢穀利深。能開不義之門。正塞清昇之道。故經律同悲滅法。道俗俱知穢心。準論差入棄之。顯強不淨之業。然律通時議。意在革慝。生則說淨付他俗人掌護。死則收入常住。

任委綱維

次解第三聽開畜物。律本廣張例如下述

已前一段之物名狹事寬。光連張敬觀。後方開例。並由報優降隨務退增。聖制被機意存據道。若心懷正觀。勵節拔群。而力志雄壯風霜未拘。其懷者則樹下坐。但三衣以覆之。乞食以充之。但中下之徒同土上。而身報庭頓有顯無施。雖勵力前來而道根後退者。權開華飾房宇綺靡衣資衆具緣。須隨機通給。本爲增道。非止養身。故中含云。我開諸弟子畜諸衣物者。皆善法故。持世佛藏經云。若不除我倒隨事生著者。乃至不許飲一杯之水。服一納之衣。何況餘事。故知開意深重也。不獲已開之。律緣人情意存道業。經約心帶事起。因成全無貯畜。靜緣修道。故楞伽中寺內煙起者。如實行人不應食也。十誦亦云。寺絕淨地。涅槃經云。雖開受畜。如是之物要須淨施。篤信檀越。等正教明斷。彌須謹依。然根器鈍羸卒難迴拔。還須隨機附教任事重輕。若據本開義須分取。但爲財物擔累在無事則繁省閑要故。此一段類聚極多。義該二僧事通輕重。若據律斷通令不分。以從多爲論故也。今總收諸類。須三例分之。第一性輕性重。第二事輕事重。第三從用輕重。各分一半爲先定三重之物。初名性重。由體相金石土木等所成。非隨道。二名事重。由非道要。三名用重。體是輕物。初性重之物有五。一房舍所有。謂窗戶櫺窗竿架秤閣瑣輪床席枕蓆燈具火爐爐等。

律本云。檀越爲比丘令隨作房法一切聽與。事事具出如前猶多。阿難得別房開受。如僧殘中開造大小房。白二加法作之。又開給住房比丘大小繩床大小木床等。又若夜開須燈器鐵繕鐵柱火爐燈籠者開之。

二諸雜作具。律本云。時鐵作者出家。欲作鉢佛開作之。須鐵槌鉗錘鑄鐵器。作俗盛之。懸枕上。亦開熏鉢調度。治鉢者給鐵鍊及木作等器開畜。縫衣患曲者。開繩墨赤土耕治尺度等。作枕張之。

三開畜器皿。律本聽畜大小釜及蓋四甃及杓并二瓶兩蓋尼開說淨。僧則隨順。終並隨於重輕不可以說淨。非重又開煮藥銚鐵土三種釜瓶。煎餅鐵鈞鈞銅鐃。擣藥杵臼簾箕。從掃帚。煖水瓶。澆水筒。澡罐。盤斗秤等。諸裁衣皮之具。洗衣具。供給食具。押果汁具並開。又聽畜水瓶洗瓶盛水器。此並供給比丘。資道要用身所憑濟事不獲已。上士頭陀衣鉢如鳥。何用上物。大成擔累。餘有一切俗家器皿盤碗盞合匙筋幢巾酒泉食案膾刀肉机。凡非道用。無問大小多少。並入重收。以斷俗懷專務出道故。自餘有異於俗而是比丘要須者。若準十誦一切石物一切瓦物一切銅物。不應分器受二斗已上者。一切水精物貝物齒物角物。不應分半斗已上者。律文如此。如前。約相屬中具明不分法。必隨機正委不務隨通故也。四助身之物。律本云。若老病不堪步涉。聽作步挽車。若與若轝若車。隨事並給。除皮繩髮繩。不得使比丘擔牽。若道行恐毒虫螫當。

執錫杖搖。若筒盛碎石。若破竹作聲。若患熱者聽作種種蓋自造。若作大扇。若轉關扇小扇等。又開如意唾壺。廣如四分雞房兩聚。五廟祀諸相。律本云。開五衆並得起塔廟。俱得致禮。謂依本夏次故僧祇律云。律師法師營事比丘德望比丘死者應起塔。相輪懸施幡蓋。在屏處安置。不得在經行處多人行處。令僧和合已作之。既許營塔廟。理懷薦奉。饌羞雖通凡聖表心義一。故律本云。今上塔種種美食金寶爲器盛之。設養食訖已與比丘沙彌婆塞經營塔作者。食之應使白衣伎樂供養。若有香華羅列基上欄上棧上簷前亦得。用香泥作輪像乃至有餘應泥地。增一中開比丘以香華散死屍上。僧祇中亦爾。

已前性重之物。體是沈累根源。約事無宜。造修詳過。義須遮斷。但爲人機弱劣隨事擁心。故曲順物情權開通道。前事繁雜有累清神。生則接其身資。且聽服用。死則斷入常住。約絕踵前。又送終禮供之物。祭祀衆具所須。正教正開。用答恩造之德。順生順俗彌旌息慢之儀。若不具立影形。則瞻仰何寄若不薄申徵供。則殷志寧生。必斷入重輕如上。如後具列。故第一房舍所有。律本正斷云。若多有別房及屬別房物燈臺床蓐。並入重收。第二作具。律本通列五種。謂鐵陶皮竹木作并斧鑿之器。並入重中。第三器皿之屬。律本通斷甕瓶澡罐重物。皆在重限。未分大小量齊。可準十誦二斗已上入重。其斗量是非如前廣述。第四助身衆具。律本但有車輿杖扇入重。餘

全不論。但是略無義須例顯。並如上決。第五廟祀供養衆具。既有別屬即非自專。還依本處。若自造擬死後可入重收。自外不盡之文義例自看上下。

大明事重之物。其例自六。律斷無文。準如條顯。

初內外經籍。律本中。時有比丘。盜他經卷。佛言。經書。爲快俗故。又爲快外道故。開讀外經。不依徒見故也。

右準斷云。其內典經書如上母論所判。其俗中九流傳集並可重收。以久習多著樂世法故。若有紙墨隨例重收。若本爲法化須有鈔錄者。則同輕攝。

二圖書飾字。律本開裝號房內。文繡裝校并餘雜色人彩畫之。佛並開釋。唯除和合非法像。餘有山林人馬像並開。

右準斷入重。其餘彩色器具雜事及離壁素畫。並是重收。由久染耽著故也。

三皮毛重服。律本通方得數羊鹿皮爲三衣臥具。更有十種皮。若覆床以下褥皮不得坐。及一切皮衣皮帽不得著。德德毛過三指。長三肘廣五肘亦入重收。

右準斷覆德成三衣相量者如前入輕。若至中土便從重攝。皮三衣者準上可知。厚大者入重。餘並不斷。義約云。既不許服用。便成體重所收。然以開於俗家邊地受用。未是通遮。故入事重中。伊梨三皮律不斷者。明是重攝。

四白衣之服。律本云。汝等癡人遊我所制。更作餘事。自今已去一切白衣服不得著。若著如法治白衣服者。應擯行摩手衣等。十誦云。凡大色衣一切毛皮衣編袖衣袴貯衣一切鞋衣一切頭衣兩袖衣一切襪衣一切衫袴襪並不得著。

右準斷云。諸律斷中並無已上衣。而入重者今以義約。如律文中。王施大價衣。佛令應

量者淨施。明知異俗王衣可同此土山龍華蟲日月紛米之服也。余聞施於冥告云。西土諸王多重佛教。外理國政則服俗衣。內遵法行便懷道服。咸著僧伽梨。同比丘所服者。其價極貴。或出萬金。故者婆羅佛一衣。價直十萬。而諸清信士女逮及菩薩在家咸著三衣。乃至色有諸天亦同此服。不同於王。此土王臣士女依經亦有服者。如梁陳時俗士等咸著用。今以事用徵送教至。如梁高祖親依佛教。三衣錫杖而受持之。所以登座講說脫於帝服著於法衣。如簡文帝集中。高祖數賜納袈裟。表謝具明。又蕭瑀爲大唐僕射。公事既了入靜院。著三法衣禮佛讀誦。以此爲常。及薨後送衣入津梁寺。輕法羯磨。近貞觀中太宗以所著七條納施勝光寺僧珍法師。價直三萬。及終後還追入內。又以所著七條與恭宣二法師。令製詩先成者與之。及作一時成。令學士評其勝劣。俱云一等。因令市估價直六萬。乃進衣出絹人付百段。又賜玄奘法師一納。今現在。有買者酬十萬猶不與之。以此諸證故知。王著貴價三衣不謬矣。所以愛道在俗。佛出家後戀慕無已。手自成一金縷。貴價觀衣擬奉世尊。後以獻佛令僧中之。愛道不從。佛言。但僧中行具三寶。何者其人隨順我語供養佛也。爲解脫故供養法也。衆僧受用供養僧也。若供佛者失餘二歸。便依行之。並不收受。次至彌勒取而服之。威儀具足。言金縷者。非用金也。縷色同金。光綵殊異裝飾若金。豈有比丘服於金寶。據此法衣

理充在輕。自餘一切白衣外道之服。並不許服。俱入重攝。以斷惡法修出道標。何得仍懷於俗事也。如瓦屋綿衣斬壞打破。絕流俗故。息貪競故。順知足故。不同不淨財食死後通分。食是非復畜者。財即同諸三衣。今之僧服體狀全俗。著即滯情。故入重攝。若已改張。壞色失相。或異常俗如裙如襖。名雖含俗然相有殊。並可從輕。故編祖祇支方裙正背俱非西梵所服。然異東華俗儀。故俯。徒情事理義可通。俱從輕限。餘並例之以定二途

五外道之服律本云。一切外道衣不得著。謂一切草衣皮衣樹皮衣葉衣鳥毛牛馬毛等衣。今亦有著紙衣者。此即是樹皮衣。亦有大德高望者著青色千袿樹皮製者。亦同外道衣也。

右準斷並重。由體相既非若著壞心障道。又生世不信。必有輕服壞色相者。如白衣中分之六文像綺服律本云。不得著綺文衣。衣五分縷縷者吉縷。

右準如五分律斷。錦綺是不可分物。若純色者應分。由相類同於法衣故也。無問大小多少。俱在輕中。其例朝霞斑布獨登之類。並入重也

已前六件並由事涉世護。本非道服。宜通斷重。而事容大小。過起遲速。貯備延促未可該含。故隨條斷。並各如別。其俗衣兩斷義指如前。猶存俗相者深取後文。宜從輕限

次第三解從用重物其例

初以諸衣帛飾飾房宇律本開書地敷等。即謂經帳床帳承塵帳等。右準斷云。元作擬隨房宇。即任住處受用。要是隨時分。房者方可留之。若自擬改換權施受用者。可隨輕物入分

二以諸衣帛莊嚴飾車乘律開書車輿有勝車衣物。前後帳幔覆轡脚皮。

三以諸衣帛盛裝重物謂案几床衣簪飾巾履之類。右前二件之物。若元作屬車乘案几。亡後隨車必暫安非永。可隨事輕重兩分

四以諸衣帛隨身所障律開書被褥。五分云。被褥床褥四角故。謂床褥四角故。則是不可分。

右準斷如注入重。亦本為隨身常障。不容改換。若如五分既亦在重。而不分大小。若論隨床所用無論厚大入重。必不定者準上衣量。覆疊量任其重輕

已前四件並是體非重分。理入輕收。但為擔累沈積繫縛深故從重斷。而義分四句。句圖度之一。以重成重即木屐板食土庫等。五穀錢寶等。二以重貯輕謂木面櫛箱。用貯衣鉢。三以輕貯輕即衣帛等。收束帛箱等。四以輕成輕重文自分矣。初及第四入重。二三兩事入輕。

大段第二次定三輕之物

第一性輕之物其例初是十種衣財律中一一列名。一者總衣。或名失中。謂出之。提花所作。如白縷之例。東師有也。三名縷衣已外諸衣。此無正翻。並皆中天之物。此方有無。縷縷用成諸衣財等。

右準斷入輕。由體現交須即堪裁服。無問多少厚薄。若色非色若正不正。並入分之。有人云。真緋正紫既大色上染。佛斷不服著。得墮罪故須入重。今不同之。由體是應法即堪改轉。還類法衣。如律受淨。若以不許便入重者。

五大上色之衣佛並通制。何為獨在緋紫。一開一制但出意言耶。若必擅遏不通者。如生財絹匹綿屯及餘雜段財帛。皆未染成。亦不許服。如何入輕。故知並由改轉可成壞色同

布絹之白色也。又不同錦繡氍毹染則可得如法。未染體是斑文綺錯外相五彩分炳。又佛正斷在重無宜抑例通分

二是所成之縷。謂成前衣縷。即用糸麻毛綿現在經緯及雜緝染散縷者

右準斷並輕。若麻縷糸絢如上已判。若雜重物亦準前斷

三是綿絮絳謂已離麻縷。縷成上相者。右準斷云。若現成前列者入輕。若生熟蠶繭必害命。因隨復屍入重。若蠅蟲自出蠶之繭者。準多論輕分。然蠶所出絲綿。計本深當性制。故乞綿臥具三衣。律斷斬剉塗埋。又橋奢耶繒綵涅繫正制不服。央掘許其轉來。且接小機。後云。不成悲者非大乘行。故五分云。有將綿來施者受以入僧。即非自己。四分云。若得已成者斬剉和泥。判非所服。由本損生害命而獲。何成慈悲法服也。正是懷道者所忌。尤當譏過者初元。今一方禪侶並不服之。皆以布艾為衣裳。可謂學大乘行之階漸也。余親聞西來遊僧。五竺諸蕃無著蠶絹為三衣者。雖于園國養之而無殺害。映前所言彌光大矣

已前三件號曰性輕。謂體是輕虛資道正要。又隨身機濟深有事勢。今從本而定。輕名非在多而入重也。類例並隨且斷。踰巡炳然。而次第三件中絲綿所作者。意猶疑妨。何者由損害所利無宜在分。生得尙剉壞滅蹤。死後事關分通計。若準此義誠難決之。且履央掘經中受者非悲。而不破戒。故在輕限。必更有



說淨。不  
者犯捨墮

針縷刀尺足可成衣。鉤錐袂紐服常要具。香

然恨以教義未周臨機多擁。雖伏膺高座而

以行事爲先。涉歷炎涼。經載紀。至於持犯深旨。彌有憲章。輕重淺相。情求路絕。亦有高彥盛德。常學律門。聞斷重輕。便存疑口。目觀斯狀。又增倒懸。貞觀初年。關表求解。晉魏中原。號稱學府。即而請誨。重增昔迷。獨有相州律師。制輕重相。言雖綸綜。還類古蹤。由此意言。遂出斯路。皆比擬於成教。絕疑於古今。而以王著貴衣。同於俗服。邊方毛皮臥具。類等輕分。此則文義關彰。致令處斷斯答。幸以天人交迷。意存據道。云余所斷迷。故非違白衣諸服。佛制嚴明。何得雷同。如王衣例。且王衣邊服。本是三衣迷名。同於臥具。悟則更張琴瑟。又云。諸佛大聖。尚有後制。過前或復前開除後。及論行事。並以教廢前。故稱智人名大覺也。昔雖立儀。大存比擬。然非目驗。故有小違可改。白衣見成之服。非輕。已壞色相全乖非重。故積念成佛。初念似是而非。第二。反觀初則全非後是。如是前後。各觀皆前昧而後明。始自三賢。終于十住。乃至彌勒。大士猶有一觀未融。及至龍華道成。方等十方妙覺。況今沈俗。凡僧動恒相結。既封執見。結彌繁然。則凡力所資。堪耐在此。至於不存心用。何可而論。故知王衣邊服。並是三衣。諸俗恒服。宜從重攝。又云。比丘之法。少欲知足爲懷。故佛見頭陀開房同宿。諸有儲積。同夏不前。良以少欲。顯入道之初門。多積爲恒俗之恥。故制白衣俗服。生絕觀之。死絕分之。令見存者。絕於著用。意存道檢。不徒設也。如是勤勤囑累。余以其過。遂敢改以後釋前。庶

見此儀幸同遺寄。又云。言非助道。雖是佛說亦違。縱是凡言。雖非經文。亦準。故佛言。雖非我制。於餘方爲清淨者。不得不行。此則佛自明言。何得相通輕攝。況不識王衣邊服之相。故準而入輕。前行迷而非過。後結悟而是福。用上諸誨。可不信歟。最處輕重儀末終。

新刻輕重儀後序

有必然事。曰之死矣。西天獨尊。東域衆聖。猶且預之。苟預之。則其釋迦法中。輕重之儀判。是須臾不可離者。繇旂我法。惠大師鈔疏。明文。雖勤尙爲張沈文伏義。或感靈以出之。輕重儀。雖輕重難操之中。其文瀟灑。落落如日月皎然。諸家竝珍。三國引領。良有以矣。而祖宗中微之後。此儀輒光也久矣。樂學戒之賓衛茲于此。於戲。天不喪此文。與偶於石清水神宮律寺書庫得之。義雖若無巨害。文少缺。可謂危矣。竊惟儀主依命。晚住於西明。則後人邂逅律策。國師興正菩薩。依命紹興于宮寺。則今時邂逅此文。斯知聖賢不苟來遊。余又恐祖教時逸。有負信大士。輒寫焉。然魚魯益以網羅。句讀不無齟齬。斯廼資後字于傍。以應判闕氏請之由耳。冀有必然事之時。判斷立得。免假人于胡救溺之悔。貞享五年八月十五日。石清水大乘律院小菰獨實長春謹記于摩尼寶珠殿。

No. 1896

釋門歸敬儀上卷

沙門釋道宣大唐龍朔元年於京師西明寺述

敬本教興一

謂佛法初興。聖德乘時。行斯教。所以廣弘。故信首之

初宗。密有不惑於敬。

謂季俗。果鈍非教。不弘。故濟時。機察習推遷。遂使相從。奔競上下。相避。

濟時護法二

謂時涉。薄情。分利。鈍。致立教者。開抑殊途。或彼佛德。高。罪。難。或

既不亂倫。三寶由盛。

謂時涉。薄情。分利。鈍。致立教者。開抑殊途。或彼佛德。高。罪。難。或

因機立儀三

謂時涉。薄情。分利。鈍。致立教者。開抑殊途。或彼佛德。高。罪。難。或

此方本淨二

謂時涉。薄情。分利。鈍。致立教者。開抑殊途。或彼佛德。高。罪。難。或

乘心行事四

謂事在未亡。因心行用。約緣。課業。條流。須識。由心通三性。事染六塵。因

寄緣真俗五

謂法被。權。道。情。投。業。理。心。形。兩。位。指月。雙。筌。或。以。鄙。俗。淺。度。不。識。分。量。因

實爲沈俗

謂末法。根。鈍。多。封。性。習。須。引。聖。言。以爲。教。量。今。以。四。依。檢。行。四。印。觀。明。

引教徵迹六

謂末法。根。鈍。多。封。性。習。須。引。聖。言。以爲。教。量。今。以。四。依。檢。行。四。印。觀。明。

無涉淨言

謂末法。根。鈍。多。封。性。習。須。引。聖。言。以爲。教。量。今。以。四。依。檢。行。四。印。觀。明。

約時科節七

謂心行。舉。動。情。不。恒。故。立。法。檢。心。分。時。策。行。是。知。克。念。修。聖。斯。言

有歸。不爾流

謂心行。舉。動。情。不。恒。故。立。法。檢。心。分。時。策。行。是。知。克。念。修。聖。斯。言

威儀有序八

謂教相。顯。心。處。說。有。被。今。須。引。誠。教。具。列。容。儀。則。容。止。若。思。言。詞。安。定

不以法繩。則

謂教相。顯。心。處。說。有。被。今。須。引。誠。教。具。列。容。儀。則。容。止。若。思。言。詞。安。定

手足無所措矣

謂教相。顯。心。處。說。有。被。今。須。引。誠。教。具。列。容。儀。則。容。止。若。思。言。詞。安。定

功用感通九

謂業。假。行。成。功。由。心。起。心。懷。染。淨。染亦。廣。虛。此。由。想。見。未。清。善。惡。交。集。

迷淨顯明

謂業。假。行。成。功。由。心。起。心。懷。染。淨。染亦。廣。虛。此。由。想。見。未。清。善。惡。交。集。

程器陳述十

謂。言。行。時。俗。學。依。故。立。條。例。以。清。心。路。一。弘。無。價。必。不。與。教。有。教。必

敬本教興篇第一

謂。言。行。時。俗。學。依。故。立。條。例。以。清。心。路。一。弘。無。價。必。不。與。教。有。教。必

先德信。信明信

謂。言。行。時。俗。學。依。故。立。條。例。以。清。心。路。一。弘。無。價。必。不。與。教。有。教。必

本教。隨後生故也

謂。言。行。時。俗。學。依。故。立。條。例。以。清。心。路。一。弘。無。價。必。不。與。教。有。教。必

序曰。自法王之利見也。必以靜見爲先。故論

謂。言。行。時。俗。學。依。故。立。條。例。以。清。心。路。一。弘。無。價。必。不。與。教。有。教。必

云。何處何時。誰起此見。一切諸見。佛悉斷

謂。言。行。時。俗。學。依。故。立。條。例。以。清。心。路。一。弘。無。價。必。不。與。教。有。教。必

故。文良證也。然則習熏日久。取會無由。事須

謂。言。行。時。俗。學。依。故。立。條。例。以。清。心。路。一。弘。無。價。必。不。與。教。有。教。必

立敬設儀開其信首之法。附情約相顯於成化之功。然後肝膽塗地形骸摧折。知宇宙之極尊則敬逾天屬。

以父母生身也。報應在於一生。或功高難賞德澤不謝。佛起法身也。隨處終於某劫。深谷厚。非圖所及也。曉教義之遠大則道越常。

迷。以七略時。立身立國之政論歷於三有也。觀

斯以言則識形心兩途事理雙軌。形則轉於俗習苦陰常纏。故當折挫以歸依。剖析剖析觀其優惑也。心則封於迷倒。倒在生常故須

鏡生滅以懲之。追想追想知其妄著也。深惟四山恒逼。非念念而莫知切於身也。八倒纏綿。非新新而不曉節於心也。所以剖析靜於

慢惑非愛斷者所欣。追想厭於妄著是異生者所背。固當撫攬誠教以法糾微。則生身不徒委於下塵。無識不徒生於上趣矣。敢序斯

致引文證之。小乘論云。敬者以慚為體也。由我德薄前境尊高故行敬也。今反無慚。不恥深可笑也。大乘論云。由信及智故敬於彼。信

故非邪智故與敬。故引誠教。信智及敬敬之本矣。本起經曰。佛初誕降周行十方。舉手

指天地曰。天上天下唯我獨尊。以時俗所重九十天師也。為絕邪歸正故示此相。唯佛獨尊。六部說為大聖人皆邪道。既曰尊嚴。歸依弘護非信敬之不成。三界皆苦無可樂者。三界業生三苦交集。無思願背身附更思苦本。觀造業惡深是苦因。不沒諸見便得解脫。餘則以苦捨苦長論苦中。此之一經成歸敬之本也。定信守之宗也。理須依憑託附以登高。遠之趣也。故論云。歸依者迴轉之語也。由昔背正從邪流蕩生趣。今佛出世興言極尊。遂即迴彼邪心。轉從正道故也。於是乃立歸法有五等之差。始於背俗之初終於

入道之極。皆歸三寶以為心師之迹也。所。師

極矣。所為大矣。謂初以身從佛。安得傲然情無憚。況復加以誘訓流言通俗。自沈苦海出濟無期。重使身心惡習念念增。亦使威儀失節時時結業。覆器之喻塵露於目前。捕鼠之誣頻繁於胸臆。可不誠歎可不誠歎。又依佛見瓶沙王經曰。如來於伽耶山成道。度迦葉已念瓶沙王昔有先請。將諸徒眾往赴彼國。王及士眾并沙門。或云桑門沙門。那是天竺

敬。或有禮足而坐者。或舉手問訊而坐者。或稱姓名。或叉手合掌。或默然而坐者。皆疑迦葉是宿舊師。今從佛來。未知誰為所依者。迦葉知已欲決眾疑。升空而下禮敬佛足。以手摩捫以口鳴之。自云。佛是我師。我為佛之弟子。又持扇在佛後搖之。此第二經明禮敬。正儀之萌兆也。文中不足。有者言之。手摩口

鳴者愛重之極。不能已已也。遠敬在於所卑故始於足。自餘稱名顯相。使疑者決之非正敬也。智度論云。外道是他法故來則自坐。白衣如客法。故命之令坐。一切出家五眾身心

屬佛。故立不坐。若得道羅漢如舍利弗等皆坐聽法。三果已下竝不聽坐。以所作未辦結賊未破故。此第三文明位列敬相也。今有安坐像前情無敬讓。可謂無事受罪枉壞身心。如三果尚立。況下凡乎。像立而坐彌是不敬。比今君父可以例諸。故知。遠旋行立為敬故行。安得長傲禮儀獲罪。此言易矣。應機難哉。常志在心努力制抑方可改革。不爾難

讀不教常習思之惟之。故增一阿含經云。無恭敬心於佛者常生龍蛇中。以過去從中來。今猶無敬多睡寢等斯為良證。大悲經云。佛過去時行菩薩道。見三寶舍利塔像。師僧父母青年善友外道。諸仙沙門婆羅門。無不傾側謙下敬讓。由是報故成佛已來。山林人畜無不傾側禮敬於佛。此第四文明致敬之因本也。如俗禮云。無不敬儼若思安定詞。傲不可長。欲不可縱。志不可滿是也。依經律論明

立敬儀佛告比丘。汝等共相恭敬。迎逆問訊從何為始。比丘白佛各言其志。或云大姓貴族者。或云神智高遠者。或云佛所宗親者。或云道登聖果者。以事舉之。佛言。汝等所言皆是長慢。無可觀者。應隨順法訓流布於世。於我法律更相恭敬。佛法可得流布敬儀有四。道不禮俗一也。僧不禮尼二也。守戒者不禮犯戒者三也。前受戒者不禮後受戒者四也。自餘五眾存亡乃殊。皆約年夏次第而設敬也。因引古事。昔有鴛鴦獼猴大象。同在一

林以為朋友。乃相謂曰。先生宿舊禮應供養。如何同住不識禮敬。象云。我見此樹生齊吾腹猴言。我曾蹲地手挽樹頭。鳥言我於遠林食此樹子墮出而生。我應最長即時大象背負獼猴。鳥在猴上周遍而行。仍說偈云。有敬長老者。是人能護法。現世得名譽。將來生善道。於是人皆効之悉行禮敬。諸有智人以喻取解。經云。恭敬於塔廟。謙下諸比丘遠離自高心。常思惟智慧。又云。若有智慧則無貪著。今貪慢而著隨則其愚不可及也。

入道之極。皆歸三寶以為心師之迹也。所。師

極矣。所為大矣。謂初以身從佛。安得傲然情無憚。況復加以誘訓流言通俗。自沈苦海出濟無期。重使身心惡習念念增。亦使威儀失節時時結業。覆器之喻塵露於目前。捕鼠之誣頻繁於胸臆。可不誠歎可不誠歎。又依佛見瓶沙王經曰。如來於伽耶山成道。度迦葉已念瓶沙王昔有先請。將諸徒眾往赴彼國。王及士眾并沙門。或云桑門沙門。那是天竺

敬。或有禮足而坐者。或舉手問訊而坐者。或稱姓名。或叉手合掌。或默然而坐者。皆疑迦葉是宿舊師。今從佛來。未知誰為所依者。迦葉知已欲決眾疑。升空而下禮敬佛足。以手摩捫以口鳴之。自云。佛是我師。我為佛之弟子。又持扇在佛後搖之。此第二經明禮敬。正儀之萌兆也。文中不足。有者言之。手摩口

鳴者愛重之極。不能已已也。遠敬在於所卑故始於足。自餘稱名顯相。使疑者決之非正敬也。智度論云。外道是他法故來則自坐。白衣如客法。故命之令坐。一切出家五眾身心

屬佛。故立不坐。若得道羅漢如舍利弗等皆坐聽法。三果已下竝不聽坐。以所作未辦結賊未破故。此第三文明位列敬相也。今有安坐像前情無敬讓。可謂無事受罪枉壞身心。如三果尚立。況下凡乎。像立而坐彌是不敬。比今君父可以例諸。故知。遠旋行立為敬故行。安得長傲禮儀獲罪。此言易矣。應機難哉。常志在心努力制抑方可改革。不爾難

入道之極。皆歸三寶以為心師之迹也。所。師

極矣。所為大矣。謂初以身從佛。安得傲然情無憚。況復加以誘訓流言通俗。自沈苦海出濟無期。重使身心惡習念念增。亦使威儀失節時時結業。覆器之喻塵露於目前。捕鼠之誣頻繁於胸臆。可不誠歎可不誠歎。又依佛見瓶沙王經曰。如來於伽耶山成道。度迦葉已念瓶沙王昔有先請。將諸徒眾往赴彼國。王及士眾并沙門。或云桑門沙門。那是天竺

敬。或有禮足而坐者。或舉手問訊而坐者。或稱姓名。或叉手合掌。或默然而坐者。皆疑迦葉是宿舊師。今從佛來。未知誰為所依者。迦葉知已欲決眾疑。升空而下禮敬佛足。以手摩捫以口鳴之。自云。佛是我師。我為佛之弟子。又持扇在佛後搖之。此第二經明禮敬。正儀之萌兆也。文中不足。有者言之。手摩口

鳴者愛重之極。不能已已也。遠敬在於所卑故始於足。自餘稱名顯相。使疑者決之非正敬也。智度論云。外道是他法故來則自坐。白衣如客法。故命之令坐。一切出家五眾身心

屬佛。故立不坐。若得道羅漢如舍利弗等皆坐聽法。三果已下竝不聽坐。以所作未辦結賊未破故。此第三文明位列敬相也。今有安坐像前情無敬讓。可謂無事受罪枉壞身心。如三果尚立。況下凡乎。像立而坐彌是不敬。比今君父可以例諸。故知。遠旋行立為敬故行。安得長傲禮儀獲罪。此言易矣。應機難哉。常志在心努力制抑方可改革。不爾難

濟時護法篇第二 謂護持濟時

三寶而不離

序曰。夫以立像表真恒俗舞訓。寄指筌月出  
道常規。但以妄想倒情相沿固習。無思懷革  
隨業漂淪。是以經言。為善若登清升若爪之  
士。為惡若崩沈滯如下之地。此言在斯。誠  
為極誠。何以知耶。但以慢山上攀俯視於人  
物。我室四壁包藏於見愛。慢無納法之實經  
明覆器之寶。我有懷著之功。論顯納烟之義。  
器仰無思不服。有服必拔慢根。室壞便歸  
太虛。見愛安形無地理例然也。背此非凡所  
行。情事得也。乖斯是聖遊履適化然也。然則  
封迷長劫。佛世有退席之人。不識分量。季  
俗豐輕生之士。此誠不思之徒也。當知我身  
屬於他緣。冥冥不知來處。我神屬於惡業。忽  
忽莫測何心。經云。命如風中燈。不知滅時節。  
今日復明日不覺死時至。冥冥隨業緣。不知  
生何道。此至言也。乾豆莫干其慮吁可悲哉。  
且自等智有三。我同牛羊之智出道唯一。牛  
羊異我非倫。人道道緣。不行還同畜獸。獸道  
報重頑厚非其所聞。今既形有輕清誠心機  
舉。厭勞生於往劫。欣解網於將來。固當立像  
表儀傾塵聚。而頂禮寄緣引領。蕩煩累於新  
心。是則情異牛羊。乘明智而弘道。身如木  
石假彫琢而成器。可不然而乎。可不然而乎。  
鼠入角而至窮。更知何趣。名引言而顯實理極於  
斯。況復五洋交橫四山常逼。而能安忍於時  
事還是昏昏之所媚乎。所以大聖知時通化  
陶誘。立正三寶導濁識之所歸。開明四印示  
迷生之不昧。固得住法萬載。功由歸敬之勤。

神升四天諒精傳揚之力。廣如慈經所出。豈  
虛構哉。今此之述本被後進之初心。曲授稱  
功體非前良之早慮。固須叮嚀指掌鋪繭相  
狀。識三寶有數種之權謀。解七來無貳師之  
希向。言唯實露意在修行想有識者。知無繁  
於輪墨。故佛言。吾言不在綺飾。令人受解為  
要。敢附斯轍筆記序云。今於此篇顯三寶相  
相隨見起隨機四位。初謂一體。二謂緣理。三  
謂化相。四謂住持。各有名相。初言一體三寶  
者。一是非二之名。體謂本識之謂。但以無  
始心體性淨如空。妄想客塵封迷隨染。致使  
相從至于今日。經生歷死無由厭曉。故經云。  
諸法本來性相空寂。衆生妄計彼此得失。輪  
迴生死不得解脫。經云。一切衆生並有佛性。  
即我本識出障嘉名。迷故曰凡悟便名聖。所  
以貧女寶藏力士額珠。性常清淨有而無用。  
為惑所覆無由光顯。如經深叢覆寶移流難  
味。然其本性光潔無玷。所以前修聞此勵力  
勤觀。日故劫新遠證斯德。及成妙覺轉依法  
身。身非始生寄緣修顯。後進聞此與大志求。  
彼去已還我云何住。遵途進德還登位極。自  
昔已來此乘無機。皆成正覺迥出樊籠。俯應  
群心與悲赴感。我之與佛無始實同。彼以先  
覺故先出有。我獨不悟盤桓下凡。一思此事  
悔熱何及。今若不修後生何據。所以承遵梵  
網以網魚龍。經云。內修如龍。外修如魚。海  
學。愛初投足先奉戒宗。戒本有三。三身之  
本。一律儀戒謂斷諸惡。即法身之因也。由法  
身本  
淨惡不顯。今修  
淨惡。功成德現故。攝善法戒謂修諸善。即報身

之因也。報以素善所成。善無高止作。三攝衆生  
戒即慈濟有心功成化佛之因也。以化佛無心開  
用則齊。約佛有三。隨義三別境非心外。百慮  
咸歸理實如此。不可餘見。或迷此及試重廣  
之。然則功德之本非戒不弘。道初俗歸必先  
敬受。隨境起心無非三戒。如約一生心不懷  
惡攝律儀也。有慈起善攝善法也。將濟離苦  
護衆生也。內緣既爾。三佛皆然離合待時不  
定三一。故經云。吾今此身即是法身。斯本從  
跡也。又云。色聲見我名行邪道。此跡異本也。  
故摩。竭道成高山先照。祇園開政下乘後席。  
衆說備之可用通鏡。故先顯由緣後明性相。  
欲明性體因言致理。不是飾非終歸顯實。將  
使通明性體。解若心燈後被。以文登岸捨  
筏可也。言一體三寶者。行者既知心性本淨  
悟解無邪名為正覺。覺即佛也。性淨無染法  
也。性淨無塵僧也。今覺於本名始覺也。本  
實體淨名先覺也。如此安心如此練身。俯仰  
周循無念不剋。俗云。惟狂克念作聖。惟聖罔  
念作狂。彼沈俗士尚此放言。豈惟出道翻無  
此致。都不可也。問曰。卿發斯言欲何標據。念  
念總是識心。言言都非智略。如何依準得  
一舉而騰九萬耶。答曰。夫以聖道遠而難希。  
淨心近而易惑。為山基於一簣。為佛起於初  
念。故萬里之剋離初步而不登。三劫之功非  
始心而罔就。是知。行人發足常步此心。開  
示不由外來。悟入誠因內起。迷時謂禮外境。  
悟已還體自心。故經云。心想佛時是心是佛。  
如是念念會必精勤。積熏不已自然清淨。忘

此外求甫當行道。徒役身心終爲世福。故身子不思經劫而居退忘。難陀整慮終朝而拔其神。上明一體三寶也。二明緣理三寶者。理謂。至理天真常住。還是心體。且從染說無始有終。但爲惑網不能出障。今以三學剋剪纏結。惑業既傾心性光顯。始終性淨無始無終。由法成立隨境分相。即號此相爲五分法身。謂戒定慧解脫解脫知見也。前之三學從因受名。由戒護助果成法身。故云戒身。定慧準此可以類知。後二從果次第受名。解脫身者由慧剋惑。惑無之處名解脫身。解脫知見以乃出纏破障反照觀心。故云知見身也。唯佛法中三乘聖者具此五分。能爲六道作大歸依。故論云。歸依於佛者。謂一切智五分法身也。歸依於法者。謂滅諦涅槃也。歸依於僧者。謂諸賢聖學無學功德自身他身盡處也。即自他惑滅所無之處。故云盡處也。故經云。一切聖人皆以無爲法得名。無爲即無漏之別目也。由此三寶常住於世。不爲世法之所陵慢。故稱寶也。如世珍寶爲生所重。今此三寶爲諸群生三乘七衆之所歸仰。故名正歸。若無專信雜事邪神。雖受歸戒不得聖法。故經云。歸依於佛者。真名清信士。終不妄歸依其餘諸天神。斯何故耶。以真三寶性相常住堪爲物依。自餘天帝身心苦惱。有爲有漏無力。無能自救無暇。何能救物。惟出世寶有力能持。言歸依者如憑王力得無侵害。今憑正寶威福無涯。故使神龍免金翅之誅信士。超夜叉之難。五種三歸皆歸此寶。或即名之

同相三寶。由理通三世義盡十方。常住三寶此爲至極。經云。若人得聞常住二字。是人生不墮惡趣。斯何故耶。以知法佛本性常。故一時聞解熏本誠心。業種既成淨信無失。況能立願歸依奉爲師範。固當累劫清勝義無陷沒。如經有人受三歸依。彌勒初會解脫生死。此乃出苦海之良津。入佛法之階位。但以罪多惡重輕而慢者。雖曾受歸隨緣還失。是故智人初受歸。時專心緣此得名歸依。故感善神隨逐護助。上明佛竟。後之二寶緣此而生。如前廣叙。以開靈府。此理三寶能生化相。弘道利生罪福通感。故調達出血業成劫罪。者域出血業成梵福。以化佛無心猶如光焰。儀像非情體唯無記。所感罪福還約法身。由顯相狀法身依故。以法本非形無漏無色。不以相顯群有何依。故立像表真。厭趣斯矣。是知。化佛供毀一自法身。無有與亡獨稱常住。言極繁矣。意在通之。但以澆淳在數倚伏赴機。故列三法限於萬載。所以金河西竭玉關東驚。代出八九年逾六百。三遭殄除終還興顯有何致。斯曆數未也。萬載已後澆風不追。固無傳授天祿終也。由慈氏運開緣生道會。淳源將發交謝應期。不虛設也。此明理寶是歸依所宗。故覆詳之。令心有寄。故出釋云。道之在心不問老少。惟在剛烈乃名道耳。信心以存何往不剋。文良證也。可不鏡哉。三明化相三寶者。謂釋迦如來爲佛寶也。所說滅諦爲法寶也。先智苦盡爲僧寶也。此化相三寶或名別相。體是無常四相所遷。滅過千

載但可追遠用增翹敬。以賢劫中三佛已往。無我第四群生何依。長淪苦海解脫無路。是以能仁膺期出世說法度人。開八正之妙門示一直之平道。近出人天之欲泥。遠登賢聖之津。筏將趣斯道增漸有由。說理三寶令物歸向。豈非真理常住乘權御實。疎解形心稱爲佛子。受道之寶證澄無之本淨。筌蹄之喻顯性空之玄理。事義光矣。神用明矣。群生依資生滅盡矣。既而能事已隆告以數終之運。非色現色表法身之不二。無形留骨示化迹之無泯。所以碎身以生物信。全眼以導神功。斯道莫思恩德非謝。故當敬養塔像興起信根。先備此心方知由委。四明住持三寶者。人能弘道萬載之所流慈。道假人弘三法於斯開位。遂使代代興樹處處傳弘。匪假僧揚佛法潛沒。至如漢武崇盛初聞佛名。既絕僧傳開緒斯竭。及顯宗開法遠訪華胥。致有迦竺來儀演布聲教。開俗成務發信歸心。實假敷說之勞。誠資相狀之力。名僧寶也。所說名句表理爲先。理非文言無由取悟。故約名數說聽之緣名法寶也。此理幽奧非聖不知。聖雖云亡影像斯立名佛寶也。但以群生福淺不及化源。薄有餘資猶逢遺法。此之三寶體是有爲具足漏染。不足陳敬然是理寶之所依持。有能遵重相從出有。如俗王使巡歷方隅。不以形徵故敬齊一。經云。如世有銀金爲上寶。無銀有鍮亦稱無價。故末三寶敬亦齊真。今不加敬更無尊重之方。投心何所起歸何寄。故當形敬靈儀心存真理。導緣設化義

極於斯。經云。造像如麥。獲福無窮。以是法身之器也。論云。金木土石。體是非情。以造像故。敬毀之人。自獲罪福。莫不表顯法身。致令功用無極。故使有心行者。對此靈儀。莫不涕泣橫流。不覺加敬。但以真形已謝。唯見遺蹤。如臨清廟。自然悲肅。舉目摧感。如在不疑。今我亦爾。慈尊久謝。唯留影像。導我慢幢。是須傾屈接足。而行禮敬。如對真儀。為我說法。今不見開心。由無信。何以知耶。但心用所擬三界尚成。豈此一室頑癡不動。大論云。諸佛常放光說法。衆生無始罪。故對面不見。是須一像既爾。餘像例然。樹石山林。隨相標立。導我心路。無越聖儀。又作是念。見雖是色。了色心生。心外無塵。名為真觀。言從心起。實唯識有名為俗觀。漸次增明。念念無絕。時功既積。熏習逾增。觀道修明。不迷緣假。名願樂位。修道人。焉道為人。修人能修道。故稱行者。名為道人。今則聞告懷嫌。誠當實錄。日損之謂於斯。自明。可不誠哉。

隨機立教篇第三 謂智有昏明 教存理事

序曰。禮者履也。敬而已矣。經云。恭敬塔廟。謙下比丘者是也。然則性涉昏明。推步通局。多沿名相。少懷經遠。所以隨文綜習。道聽途傳。曾不討論。妄行章句。俗中尚云。學而不思則罔。思而不學則殆。況佛法玄奧。理事兼該。聞即依行。沈淪非一。至如經明淨土。佛德無涯。尋聲不敢移心。愛重不忘心口。乍聞穢土。諸佛情無一欣。便言無德。可歸有罪。未能消蕩。何憎愛之若此。誠不足以詳之。又聞論說多

實別時引。情自謂精進果決。便即禮念絕緣。濁下愚凡。行斯膠固。性習雖久。終須漸移。如不更新。凡無成聖。綜執前迷。負愧彌重。以茲紹嗣。誠非遺寄。是知教門善巧。隨機淺深。深者行十使。而無瑕。淺者示五燒。而有淨。淨方不一。隨意欲而受生。佛智莫窮。任時緣而冥會。其猶明月。在空流光。小大之器。震雷雲裏。飛聲顯晦之間。聞在前緣。不可一其情道。器惟積習。誠難等其利鈍。從此而觀。方知螺髻身子。染淨各封其心。忍土安樂。穢潔互陳其略。故文云。我淨土不毀。而衆見燒盡。即其證也。寧不知彌陀難穢。復示此。而通引乎。豈不知六種震動。發蒙心之晝昏。三輪示現。統群情之夜朗。不虛設也。經云。吾從成佛已來。種種因緣。種種譬喻。廣演言教。無數方便。引導衆生。令離諸著。著是病本。隨言即封。聞淨著淨。聞染著染。論云。如蠅無處不著。唯不著火。焰。衆生亦爾。善不善法中。皆著唯不著性空。故佛說四依。依智不依識。若肉眼見聞。如牛羊無異。正教如此。何得致迷。固當杜五過。於未然。祖四依而作則。斯言極矣。復欲何哉。恐好事者。須稟教量。故出一二。用弘其道。道貴清通。義非壅結。仍須識分。以自揣摩。無容冒罔。自謂超挺。生報茫然。孰識夷險。必有斯人。則自溺苦海。誰能濟拔。今約兩緣。立儀表行。入道多門。不過理事。理謂道理。通聖心之遠懷。事謂事局。約凡情之延度。聖非自聖。終假導而漸明。凡非定凡。亦因聞而達解。是知愚智深淺。賢聖位階。由解行之遠近。致利鈍之乖異。故論云。無分別智。即是菩薩。菩薩即是無分別智。菩薩約位。且列五十餘階。故知無分之智。念念利鈍。此言有旨。然使鈍士。依事引方土之數。且以安身安而後道也。利人行理。剋正念。而漸性靈。用以清心。心清而出有也。然利鈍千差。昏明等級。薄知網領。標控神解。故歷諸篇。通斯一致。則披者不昧。於由徑。行者無滯。於發足矣。

乘心行事篇第四 謂誠心迷倒 三惑當識

序曰。上已顯其機緣。心行備矣。誠真俗之交務。審理事之相由。文明祖習之經。義曉疎通之理。至於附相行事。故習難傾。三賢猶染其塵。四果尚迷斯旨。是以迦葉起舞。舍利作瞋。難陀悅於練色。陵伽興於慢相。斯竝正使。雖盡餘習未亡。猶增惱於六塵。自網弊於三受。況乃下凡。煩惑無始習熏。今生道種正論。倫而不忍。以斯昏濁。徒生徒死。甚可惜哉。良以界稱忍土。經云。強識念力。義當以正信而鞭後。以正解而導前。解則見理。明則求邪。倒而難獲。俗云。夫志士有所之。口與心實。行人所忍。人所不能忍。謂苦樂也。觀人所不能忍。謂情欲也。況出道者。正教滿目。不能行之。隨終方悔。自取此溺。信則誠真。仰止知歸。情之易亡。如此。極神可謂乘心行事。如此。整慮可謂無曠稻梁。焉有他食在腹。而業繫無知。他衣覆形。而行增愚惑。誠不可也。若夫心應使性。知誰不無。誠則無邪。常須節約。若任而縱者。無解脫期。故經譬覺賊論。示御心。制之一處。無事不辦。豈虛累哉。下凡煩惱。微細難知。愈而易覺。勿過三毒。自毒害他。深可厭患。貪瞋一發。業構三

苦報。又如受形短陋由嫌塔高。聲駐軍馬由

喻逼形器於剝削，屠肆牛羊切性命於漏刻。

令行敬養  
令見我身俯仰上下唯應生滅來



往屈申。此隨俗也。重觀此身但塵非我。妄謂我所能有行敬。據此一理名通真也。真本非

精。故有教述殊異。如能一以貫之則大觀於日月矣。

### 引教微事篇第六

敬謂聖教。事即經教。故引四依以證三義。

心今隨心起名隨俗也。知真非心名道真也。如是念念以後奪前。漸漸增明久而明利。若隨故習忽此不修。還同無始生死輪轉。是以力勵隨念剋思。一一科程令其升進。然則聖凡之道自古相傳。凡非定凡。故有逆流返本之迹。聖非自聖終因漸悟觀達之功。故凡可爲聖。以佛性爲宗元。聖不爲凡以悟解爲歸敬。是知理事行務且隔形心。至於動用真俗竝觀。所以隨其發足畢約兩緣。知無顯真知識是俗。種從緣起方可有階。若身心兩分真俗二路。三倒常行革凡何日。有人心路憚憚情投莫準。聞余此及勃爾與言。撫掌大笑曰。言何容易。一何虛誕。嗟乎不學浪有涉言。吾聞真俗竝觀登住方修。如何下凡僭他上聖。理義不可急須改之。余曰不可改也。發心畢竟初後心齊。唯識四位凡聖通學。今則在凡不學何有剋聖之期。故須發足竝修。修明自然位聖。是知修道行人常觀正理不可執文便乖義實。故四依檢失念念準承。當須依智不依於識。識俗所習智是道筌。聖立正儀無容輒還。文明上地止據階緣。嚴其雙遊終歸妙覺。故經云。常在三昧見諸佛土不以二相。斯文可依。如執未開更爲廣引。經論明地位殊途。初地施淨二地戒淨。豈可經一僧祇方行施戒。此亦示地位之淺深。開行相之階漸。令諸修趣之士踐跡可期。若爲說萬行齊修方齊同進。則心路茫然不知蹤

緒。故有教述殊異。如能一以貫之則大觀於日月矣。

性空。秉持此心以爲道路。一分知非明順空理。一分觀厭明達有事。如此安心分名修趣法性真道。二明依義不依語者。語是言說止是張客。義爲達理化物之道。證解已後絕虛杜言。法尚應捨何況非法。故經有捨筏之喻。人懷目擊之談。豈不以言詮意表得意忘言。月喻妙指無宜不曉。今謂得義乃是言。真行道者常觀常破。常觀依語常破隨義。謂言隨義還是誦言。但無始妄習執見鏗然。靜退詳研方知此過。不爾奔飛追聲不及。又可思惟。三言依智不依識者。識謂現行隨塵分見。眼色耳聲耽迷不覺。與牛羊而等度。同邪凡而共行。大聖示教境是自心。下愚永執塵爲識外。所以化導無由捨之。是知滯歸凡識倒遣聖心。懸迷履歷常淪三倒。勇勵特達念動即知。知倒難清名爲依識。知流須返名隨分智。如是加功漸增明大。後見塵境知非外來。境非心外是自心相。安有愚迷生憎生愛。思擇不已解異牛羊。有人問云。卿立此論明智異愚。如何達觀猶稱凡識。答聖智無涯積空顯德。豈惟一述即謂清昇。此但得語隨言還執深知。此執無始習薰。三祇無間方能頓盡。難血之乳不可偏言。起伏之相於是乎在。如經初地行施。餘隨分修。高軌立儀令人修學。何言一解剩能窮智。必智可窮。未曰高勝今人口誦其空心未忘有。騰空不起入火逾難。俱是心相封迷故爾。後得通達心隨轉用。豈不如鳥之遊空。自當如布之火浣。不足怪也。所以修道正士念念分心。捨前詳後新新轉妙。

一俯一仰恭敬尊重，並足合掌收攝怠惰，分增明仍猶過習，如何永執一觀便休。此乃凡懷遠承倒我，我因循何由見覺，故當籌此分有出期，還執出見猶承愛種，載思載削氣味淳深，重徵此味還由自起，知唯識有何日消亡。在凡道行城心齊此，更有勝道非復在言，言既莫存焉賓翰墨此一途也。重惟翰墨實是心相，如前開責無非道緣，並委登機臨陣交決，如論中，依是初軍，憂愁第二，但出聖道無始未經，今欲革凡理變恒習，自揣形服都非俗流，如何想觀全乖道望，誠可笑也，四依了義經，不依不了義經者，此之兩經並聖言量，凡入道者率先曉之，則無壅不通，有疑皆決，但為群生性識深淺利鈍不同，致令大聖隨情別說，然據至道但是自心，故經云：三界上下法我說惟是心，此就世界依報以明心也。又云：如如真際涅槃及法界，種種意生身佛說唯心量，此據出世法體以明心也。終窮至實畢到斯源，隨流赴感還宗了義，故佛以法約定權機，何以知然，且如欲有亂善，如世無不能出有，體封下界，經中有說為不動業及以成佛並非了義，以此凡愚少厭欲苦，令修淨觀多生退沒，故隨意樂說為道業，然其此業因亂果定，覈其修證成相似報，得生善趣事淨國土，終非事業剋於佛果，後因前業重更修明，靜智澄清方遂前願，故論云：若有誦持多寶佛名，得生淨土者別時遠意，且就一權自分龜細福道交加純雜備有，恐新聞者有致煩昏，故且筆削，餘如凡聖行

法次第廣解，此之一篇分定邪正，不解不行則非所述，行四依者，律中自明三乘行者，通所資用，所謂納衣乞食樹下麤糲各有開制，如常共傳，餘有四種墨印四種廣說如別顯之，故不備載矣。

約時科節篇第七 謂六時禮敬。

序曰：夫為務學之士無時不行，固得念念策心新新習起，豈可前念背惡遂剋苦而靜慮，後念陵善便縱意而揚念，所以論美四修，謂長時無間經款一慮，謂行住坐臥，然後方能正想，恭敬無餘也，經款一慮，謂一心也，然後方能正想，革絕凡懷，但為倒想沸騰難為執捉，教稱野鹿又等圓珠，不可微治無由待對，事須商量分次以法籌之，是以論云菩薩書三夜三禮念諸佛，致使宗文之士崇遵此教，遂分六時以淨三業，餘時捨縱且習由來，此則福淺罪深無由拔本，又理都不然情亦不可，何以知乎，夫以六時之候接俗恒儀，類彼八齋同於五戒，言雖有數事義無窮，準此以論故知擇日分時可以例準，經云：汝等若則勤心修習善法無令失時，初夜後夜亦莫有廢，此謂晝夜無入無法故也，中夜誦經以自消息，此謂日夜常行道無懈怠也，以此文證通日連夜安有閑時然自未代下凡煩惱濁重，約令恒作退住俗流，或竊服疑陽因，修歲月寄心無地投形無所，連日通夜一敬不行，任業流溺知何不起，故設六時以接愚惑，微得漸集猶勝沈昏，後漸明閑連時接運，猶謂為好好故須除，凡夫起行各異，會習便欣未行便捨，致有去取衆務紛然，竊聞泥洹法域入有多門，萬行雖殊宗

歸捨著，但以罪業遠理，一向不行福業順生觀時修捨，出世道業由來未經，故須專志不容寧捨，經雖廣說不出此三，約理求文斯皆統攝，然今隨習各有生心，或樂禪靜則以禮拜為龜疎，樂禮拜者又以禪思為坐睡，讀誦講解偏誦默念之徒，苦節獨住特忿清談之叟，是則相從奔競莫委其情，朋朋任情不可比擬，夫以大聖立教卓出恒倫，序其指歸終為離著，至於隨境流觀陶甄性靈，廣張聲教都惟可學，學在三位以攝教源，祖而修奉不越斯位，乃至分時督課，前修舊行日夕三時禮悔相續，可謂儀形有據，不墜彝倫外攝群小，開俗信於未然，內斂恒情增天龍之護助，若此行之不徒設也，且禮念之法自有威儀，三學言歸俗多分異，元立三學同傾一惑為宗，以三征之不可分為三別，如論所云戒如捉賊，定如縛賊，慧如殺賊，明喻即目何用深思，尋喻乃三約賊唯一，事分三義宗成一滅，故重張之意存通領，且如禮敬一法用意慢高，如不屈躬斯名犯戒，常念在心斯學定也，常知無我斯名慧也，一敬如此餘行同然，是則萬行殊途三學攝盡，今學教者皆三別蹤，又執自計以破他部，擬前喻說理不容非，固須一事訟修隨，分二學，更為重顯，如佛立戒，無境不修名作持，情名止犯，犯從止起畏犯修持，持名隨戒戒名警策，是為戒學安心此學，非定不行名定學也，深思此學為滅倒情，縱而不學還順生死，為絕苦本非學不明，力勵微責名慧學也，如此漸境漸境託心，凡

倒漸輕聖解漸厚。積功不已無往不成。千里一步。如前具述。時序可惜無容自欺。  
釋門歸敬儀卷上

釋門歸敬儀卷下

威容有儀篇第八

謂威容有儀。威容。威儀也。容。儀也。威。威儀也。容。儀也。威。威儀也。容。儀也。

序曰。聖者立儀同法齊觀。道宗乃異形敬畢。通。備列群經無宜不用。如有乖軌亂倫自招殃咎。故達明諸罪深難宥。今生居叔世。代稱濟。所以寄此形。駭澄練性識。屈折柔軟慢我將。必若縱緩橋高彌增故習。此語繁矣。無奈患深。徒。施攻擊膏盲難及。如不信此言可試讀此文。檢此心行。雖然不動可謂上智。下愚中流之人。義有向背。故經云。今以若干苦切之言。乃可入律。此真用行供養佛人。經云。隨順我語名供養佛。書云。聞諫如流。斯言可錄。狼戾不信。惡馬難調。命盡計窮。會思此告。撫膺多愧。常以自箴。庶有同倫致序心曲。今明諸經所叙威儀相狀。中邊時俗各有異儀。隨國行之。以敬為本。此乃初心非學不解。故須。幸。歷用曉未聞。久行碩德固非所望。然中天虔敬震旦不同。彼則拜少而遠多。此則不遠而饒拜。彼則肉袒露足而為恭。此則巾履備整而稱敬。誠道俗之殊容。乃方土之異等。且自統詳儀飾事有機緣。容預朝觀則三業殷勤。時序忽切則四支削略。斯竝行藏在

要。智出不思。足使加敬盡衷。彼我通意可也。故出曜經曰。有信士威儀。有出家威儀。大道人威儀。由是善行趣道之基。故生善處。以此文證明知。歸信威儀入道之始。不可隱略。故叙以命之。俗中周禮有九品之拜。出自太祝之官。斯非內教。然禮貴從俗故也。一曰稽首拜。謂臣拜君之拜也。稽訓為稽。計矣。即久稽留停頭至地少久也。二曰頓首拜。謂平敵者如諸侯相拜也。即以頭叩地虛搖而不至地也。三曰空首拜。此君答臣下之一拜。即以頭至手。所謂拜手者。四曰振動拜。謂敬重之戰慄動變之拜也。五曰吉拜者。謂拜而後稽顙。謂齊衰不杖以下也。言吉者此殷之凶拜也。周以其與吉拜頌首相近故謂之吉拜。即先作稽首拜後作稽顙。顙是額也。以額觸地無容儀也。六曰凶拜者。稽顙而後頓首拜。謂三年服者拜也。七曰奇拜者。謂先屈一膝。即今時所謂雅拜也。一說奇拜但一拜以答臣下之拜也。八曰褒拜者。褒讀為報。報拜者再拜是也。又云。褒拜今時持節之拜也。即再拜於神與尸也。九曰肅拜者。但俯下手。今時揖者是也。亦指婦人拜。又肅或至三也。空首奇拜唯一。餘則再拜之。上竝俗禮正文。鄭康成依位釋之如此。今據內教以禮敬為初。大略為二。即身心也。佛法以心為其本。身為其末。故須菩提靜觀室內。如來歎為禮見法身。華色初至寶階。如來毀為拜於化佛。故知靜慮思敬念愈進。觀形聖貌新新在俗。能所未免想見齊生。我倒現前即為障道。故

佛約此而分身心敬也。如能即色緣空觀境心造。紛紛集起不無染淨。知識妄念未可清澄。想倒空時緣念斯絕。今居凡地力極制御。止得如斯念念自然漸能清淨。常起兩觀不得單行。謂知無境是漸向真。謂知唯識是漸背俗。如此策修長時不已。分分增明三祇方就。前已明訖數數須知。經中明敬有衆位之差。故先目錄後依具解。謂初識敬事之儀。然後依之而隨從。  
南無 稽首 敷坐具 脫革履  
偏袒 五輪著地 頭面禮足 右膝著地 胡跪 一心合掌 右繞 曲身瞻仰  
初言南無者。經中云。那謨婆南等。傳梵訛僻。正音繫淡。唐言我禮也。或云歸禮歸亦我之本情。禮是敬之宗教也。或云歸命者。此義立代於南無也。理事符同表情得盡。俗有重南無而輕敬禮者。不委唐梵之交譯也。況復加以和南諸佛迷生彌復大笑。言和南者謂度我也。今流溺生死河。念依拯濟而得出也。準此以言豈非和南先在尊師。義通上聖念救拔也。故經中來至佛所。云南無所著至真等正覺等。是名口業稱讚如來德也。且夫貴賤不同。尊敬致異。天竺設敬先以身禮後以頌歎。如無量義經。八萬菩薩來詣佛所。頭面禮足。遶百千匝。散華燒香。以衣寶瓔珞并鉢器百味。充滿盈溢。香具足。又設幢幡軒蓋。衆妙妓樂。處處安置。鼓作樂器而供養佛。即前互跪合掌一心。俱共同聲說頌讚曰。大哉大悟大聖主。無垢無染無所著。天人象馬調御師。道風德香熏一切。如是等頌有三十餘

章。例諸大經並有讚頌。如唐境俗中天子以下美敦盛德。其流極廣。或以聲歌或以文頌。時俗敬向其風彌遠。所以香口比丘報。由歎佛正業所感爲人所名。據其行事應在拜後。因此稱揚遂及歎耳。二明稽首者古文爲稽。今則爲稽。俗所常行不必從古。白虎通云。稽者至也。首者頭也。言下拜於前頭至地。卽說文云。謂下首者爲稽也。三蒼云。稽首頓首也。謂以頭頓於地也。然今行事頓首爲輕。謂長立頓首於空也。故晉時釋慧遠與俗士書。但云頓首而不揖也。謂非是曲身而但立也。故長揖司空不必身曲。然頓首頓首頓首中恒度。首頓之總名額額之別目。然古儀有稽首稽首頓額頓額。上敬天子殷重之謂。故重言之準此。頓額以額至地而拜也。三明敷坐具四明脫革履者。中梵極敬。此土群臣朝謁之儀皆在殿庭。故履屣不脫。有時上殿則劍履皆捨。此古法也。天竺國中地多濕熱。以革爲履制令服之。如見上尊卽令脫却。自餘寒國隨有履之。行事之時既脫足。已可踐土地應在坐具。尋討經律無數坐具之文。但云脫履禮足。今據事用理須坐具。故制坐具緣云。爲身爲衣爲僧臥具。既爲身衣明知前說。又坐具之目本是坐時之具。所以禮拜之中無敷者。故如來將坐如常自敷。準此比丘自敷而坐。不合餘人爲敷。今見梵僧來至佛前禮者。必先褰裙以膝拄地。合掌長跪口讚於佛然後頂禮。此乃遺風猶在。可準用之。無坐具明矣。比有行敬在佛僧前。仍令侍者爲敷

坐具。此乃行儀未是致敬。又有要待設席方始禮者。亦不可也。如見尊長卽須下拜安待寬席耶。以事詳準隨時設禮。不可待席。有則從席。無則從地可也。如在清廟闕庭公衛之所何有設席。以此準例則敬慢兩分。五明偏袒右肩。或云偏露右肩。或偏露一膊者。所言袒者謂肉袒也。示從依學有執作之務。俗中短右袂。便於事是也。今諸沙門通著衫襦。少袒三衣者。遂割破襦子以爲兩片。號爲褊袒。此則名義俱失。不可尋之。故行事時。袒出一肩。仍有衫襦非袒露法。故大莊嚴論云。沙門釋子者右肩黑是也。外道通黑。沙門露右故有不同。律中但有三衣通肩被服。如見長老乃偏袒之。安以衣遮名爲偏袒。一何可歎也。故知肉袒肩露乃是立敬之極也。六明五輪著地者。亦云五體投地者。地持亦云當五輪著地而作禮也。阿含云。二肘二膝并頂名爲五輪。輪爲圓相五處皆圓。今有梵僧禮拜者。多褻衣露膝。先下至地然後以肘按地。兩掌承空示有接足之相。今時行禮觀時進退。若佛像尊師却坐垂足。方可如上五輪接足。如其加坐則隨時而已。亦見有人聞有頂足之相。遂致就坐拔他足。出云我欲頂戴。一何觸惱。又是呈拙。故知折旋俯仰意在設敬。如是例知。七明頭面體足者。正是拜首之正儀也。經律文中多云頭面體足。或云頂禮佛足者。我所高者頂也。彼所卑者足也。以我所尊敬彼所卑者。禮之極也。如俗中重尊友者。不斥其名字相名爲足下者。義類同也。又

如天子太子有所稱謂。不敢及形或稱乘輿車駕或云陛下殿下。皆敬儀一也。然中邊行敬其家不同。此土設敬遠拜爲重。天竺設敬近形接足拜乃爲至極。故經中陳如久不見佛。來禮佛已以面掩佛足上。斯則頭面體足之相具也。善見云。辭佛法遠佛三匝已四方作禮而去。合十指爪掌叉手頂上。却行絕不見佛。更作禮迴前而去。智度論其禮有三。初謂口禮。二屈膝頭不至地。三頭至地是。爲上禮。若聞諸佛功德。心敬尊重恭敬讚歎。知一切衆生中德無過上。故言尊也。敬畏之心過於父母師長君主。利益重故故云重也。謙遜畏難故云恭也。推其至德故云敬也。美其功德爲讚。讚之不足又稱揚之爲歎。隨以一事至佛。其功不可盡也。八明右膝著地者。經中多明胡跪互跪長跪。斯並天竺敬儀屈膝拄地之相也。如經中明。俗多左道所行皆左故。佛右手按地以降天魔。令諸弟子右膝著地。言互跪者左右兩膝交互跪地。此謂有所啓請。悔過授受之儀也。佛法順右卽以右膝拄地。右膝反。在空右指拄地。又左膝上戴左指拄地。使三處翹翹曲身而就。故得心有專志請悔方極。此謂心隨其身。行慢失矣。今行事者都無思審。徑至佛前加趺坐地者。右膝著地者。兩膝並坐者。經中名爲踞坐也。此並身既慢惰心亦從之。來欲請福反收慢罪。既乖禮意又增慢習一成苦業。獸中報受可不思哉。故律中請悔或跪或跪。文自解云跪者謂尻反。不至地斯。正量也。僧是丈夫

剛幹事立故制互跪。尼是女弱翹苦易勞故令長跪。兩膝據地兩脛翹空。兩足指指地挺身而立者是也。經中以行事經久苦弊集身。左右兩膝交互而跪。經中比丘亦有兩膝至地白佛者。言胡跪者胡人敬相。此方所無存其本緣。故云胡也。或作胡跪者。檢諸字書。即天竺國屈膝之相也。俗禮云。授立不趨。趨謂屈膝俗所諱之。凡有所授膝須起立。九明一心合掌。律文或合十指爪掌供養釋師子者。或云又手白佛者。皆謂隨前緣而行事也。莫不。敎束其心不令馳散。然心使難防。故制掌合而心一也。今行事者掌合不得。以事校量心堅硬而散亂也。將欲反源更始須加功用。當開指而合掌修善行。不得合指而開掌從惡習也。又兩足據地多乖儀節。敬俗不立況行道乎。亦須準前十倍努力。當。敎指而開跟如敬俗流。不得。敎跟而開指作八字立。令無識者笑也。斯言苦楚斯事現行。萬失不覺不。枉濫也。有心行者既觀斯文。撫臆論心一何縱誕。固當如上。準酌漸漸依行。心性調柔方可論道。道在清通無繫無我。如何存著反立慢根。用此日生深非生寄。門門指掌庶或可觀。十明。在繞恭敬者。經律之中制令右邊。故左行繞塔為神所訶。左邊麥積為俗所責其徒衆矣。且述知之。今行事者順於天時。面西而北轉。右肩袒侍而為敬也。比見有僧非於此法。便面東而北轉為右繞也。天竺梵僧聚京邑經行旋繞。目闕其蹤並從西迴而名右轉。以順天道如日月焉。然檢

經中匝數無定。或云一匝三匝七匝百匝千匝無數匝者斯何故耶。皆謂隨務緩急致有不同。莫不身曲掌合徘徊瞻。不能已已。周旋敬重申已信重之心也。故內外清信來至佛前。禮而後遠遶已復禮。加敬重者無得恒準。總而言之以敬為本。故語曰。禮與其奢也寧儉。故知禮與其敬寧重。重則隨心。顯晦萬途其致一矣。故孔門贊素王。曰仰之彌高鑽之彌堅。瞻之在前忽焉在後是也。已前約相且列十條。餘有曲身低頭注目瞻仰隨心機用。何可備之。然一以貫之多陷前列。至於律制頗亦殊倫。故下座之禮先備五法。一偏袒。二脫履。三禮足。四互跪。五合掌也。上座於下座前悔。則有四法除其禮足。是知餘四通於尊卑。禮足一法不行下位。此謂機罪故立四儀。自餘當時四法都創。下座互跪亦據請承理不。上總明禮相策發心行。文事備矣。方便成矣。禮儀既具。引至像前身不妄起。起必加敬。目不妄。禮視必瞻顏。口不妄語。語必歡德。如前所顯甚易可知。若至臨陣多負重責。故論云。佛世尊前無異言也。可不思哉。可不思哉。今此之目目彼初心。素未經懷無由鏡曉。勿怪綱綱事義須之。諺云。教兒嬰孩教婦初來。言雖淺俗其喻深遠。故阿難白首而迦葉呼為少年。非謂歲積而為老也。以不善教誨而非老也。理固隱審觀行如何。然三寶為敬誨之尊。是以明其相狀。古德遺告云。行者云何至心歸命常住法身。所謂如來成就十力四無所畏。五眼六通十八不共法。大慈大悲三

念處等。一切種智無上調御。功德智慧微妙清淨廣大如法界。究竟如虛空。安慰世間普覆一切。無障無礙無所分別。不可以智知。不可以識識。而能示現三十二相八十種好。常舉右手安接衆生。放大光明除無明暗。百福莊嚴萬德圓滿。雨甘露雨轉正法輪。濟益衆生出生死海。是故號佛衆聖中尊無上法王。我今歸命。次又歸命十二部經。上中下善義味清淨。自然具足開現梵行。最上第一度於彼岸。甚深實相平等大慧。自性清淨。心行處滅言語道斷。而此正法境界無礙。為衆生說不違實義。由是無上出世良藥破滅衆生無始煩惱。故我今日至心頂禮。次又歸命三乘淨僧。所行三慧是菩薩道。披弘誓鑑策精進馬。執忍辱弓放智慧箭殺煩惱賊。直心深心決定正趣無上第一平等正道。不離念佛念法念僧。受行諸佛一切言教。常以六度度諸衆生。常以四攝攝諸含識。為尊為導為依為教。安置衆生佛菩提道。是故號僧。法朋善友。常以方便利益世間。是良福田真供養者。故我頂禮清淨僧海。今所撰集為始行人。若不標顯起心無寄。若語令念佛則落漠煩學。故曲示相起心標意。如此專注永絕遲疑。心性醒悟作業清白。不爾順舊癡鈍無明。雖加嚴艾病深不覺。有人聞余此告掉笑輕之。余云不。要必捉探收束聞名即禮。作意策御方可及耳。現見俗人禮佛拜拜不虧。道人在道慈拜希有。其人聞此猶故不信。及禮五十三佛情露慢散都不聞之。事竟乃悟方始慚恥。

余又告曰。止得自叩努力裁割。酌當奈何當復奈何。如怪此言對陣方委。勒那三藏見此下凡悲心內充。爲出七種禮法。文極周委。鈔略出之。初名我慢禮者。謂依次位心無恭敬。高尊自德無師仰意。恥於下問諸受無所。心無法據如確上下。一形所作無境任心。輕生薄道徒勞無益。外觀似禮內增慢惑。猶如木人。情不殷重手不至地。五輪不具。此是慢業。名我慢禮。二唱和禮者。雖非慢高心無淨想。粗正威儀身心虔敬起伏相順。片有相扶其福薄少。非真供養。三身心恭敬禮者。聞唱佛名便念佛身。如在前相好具足莊嚴見。心相成就實對三身。中手摩頂除我罪業。是以形心恭敬無有異念。供養恭敬情無厭足。是名境界禮佛心。眼現前專注無味。此人導利人天爲上爲最。功德雖大未是智心後多退沒。四發智清淨解達佛境界禮佛者。行者慧心明利深知法界本無有礙。由我無始順於凡俗非有。有想非礙礙想。今達自心虛通無礙。故行禮佛。隨心現量禮於一佛即一切佛。一切佛即一佛。以佛法身通同無礙故禮一佛遍通一切。如是種種香華供養例同於此。法僧加敬義亦同之。以三寶同性理無異故。三乘名異解脫床同。故知。一禮則一切禮。一切禮則一禮。如是三寶既能通達。一切三界六道四生同作佛想。供養禮拜自淨身心蕩蕩無障。念佛境界心和轉明。一拜一起爲尊爲勝。是名真實果報殊大。由心無限故使淨業無窮。五明遍入法界禮敬供養者。行者想觀。自己身心法從本已來。不在法界

佛法身外。亦知。諸佛身心法不在我身外。發解冠達自身一切身遍滿法界。是名法界不增不減清淨法門。如是解了。故知。我今禮於一佛。一佛之身遍於法界。法界之中所有三界位地無漏法身皆有佛身。佛身既遍一切。我身隨佛亦遍一切。所以禮敬供養一切身中具足莊嚴。然此法界性常寂然隨緣遍滿。乃至行住坐臥因緣果報不離法界。身隨於心故解無礙。法界緣起一切事成。如一室中懸百千鏡。有人獨見鏡。鏡之中皆有像現。佛身清淨明逾彼鏡。一切法界悉現身中。故我供養一切凡聖。凡聖之身皆同供養。有目者見盲者不覩。如此行學法界法門。大有利益終至此解。不學不知。是故行人常須緣觀所得功德不可校量。既知我身在佛身內。如何顛倒妄造業耶。六明正觀禮自身佛。不外緣境他佛他身。何以故一切衆生自有佛性平等滿足。隨順法界緣起熾然。但爲迷解有外可觀。所以妄倒常淪生死。若能返照解脫有期。若向他境謂有可觀邪人邪行。經教不許。故云。不觀佛不觀法不觀僧。以見自己正法性故。又云。色聲見我名行邪道。是故行人常行禮拜但見身心。有禮有敬未能通解。常厭常行。後一通達知心無外。方識自心清淨本性。此即自性住佛性也。隨力修明引出佛性也。三祇果圓十地位極。至得果佛性也。此解微妙。唯聖達之。位在下凡不宜不解不修習也。七明實相三寶自他平等禮者。大意同前。前猶有禮有觀自他兩異。今此無自無他。佛凡一如古今無別。見佛可禮大邪見人。

經云。觀身實相。觀佛亦然。以實相離念不可以心取。不可以相求。不可以禮敬。不可不禮敬。禮不禮等供不供等。安心寂滅名平等禮。故文殊十禮云。不生不滅故敬禮無所觀。此後二禮寂而能通。福而行道。故使止觀雙遊真俗並運。心乃虛蕩身實果緣。在凡行學其相齊此。過此不行下愚妄習不足問也。然以隨相者多止得自解。故文云。凡夫淺識深著五欲。計我見者莫說此經。以聞不解重增謗毀。不如不聞行凡事福。

功用顯述篇第九 勤情雖殊無非功用。勤則聖美。惰則凡非。

上備明其勤惰。其相備矣。下濁迷凡多懷曲見未能行用。先出謗疑故列群經。用杜水執。庶有心行者知予意之在斯焉。是知。初心後進必須憑師善友。今依止三寶常樂親近。故大智度論云。若菩薩未入法位。遠離諸佛。壞諸善根。沒在煩惱自不能度。安能度人。是故不應遠離諸佛。譬如嬰兒不離其母。行道不離糧食。熱時不離涼風。寒時不離火。度水不離好船。病苦不離良醫。是故菩薩常不離佛。何以故父母親友。人天王等。不能益我度諸苦海。唯佛世尊令我出苦。是故常念不離諸佛。今欲親觀諸佛聞出世法。作何方便修行正行。以凡無始約相修福。故還約相行遠離法。論云。未位大清淨已來終無住故。所以先置道場。安設尊像。幡蓋華香隨力供養。有十種相見佛善根。一者禮拜。二者讚歎。三者發願迴向。四者觀佛相好。五者專念修慈。六者三歸十善。七者發菩提心。八者讀誦經戒。九者供養舍利造佛形像。十者修行正觀。

萬行難殊 今以釋尊道法所修行者 茲付慈佛

令悟聖果 文相既廣 理固難達 或願生淨土 例亦無差 以正覺義齊拯濟情 一解脫便止 何有乖離 且以慈氏標宗 餘則十方準例 初明禮拜得見佛者 行者以至誠心 質直心 專注心 敬重心 深信心 如敬父母 禮拜彌勒等十方佛者 能除重障 生彼佛前 故上生經云 若有敬禮彌勒佛者 除却百億劫生死之罪 乃至來世龍華樹下 亦得見佛 又云 我滅度後 四衆八部 聞名禮拜 命終往生兜率天中 若有男女 犯諸禁戒 造衆惡業 聞是菩薩大慈名字 五體投地 誠心懺悔 一切惡業速得清淨 若有歸依彌勒菩薩 當知 是人得不退轉 彌勒成佛 見佛光明 即時授記 增一云 禮佛有五功德 一者端正 以見相好 二得好聲 以見時 三多饒財 以見其香 四生處高貴 以見佛時心無染著 又云 五生天上 以念佛功 右勝若地長跪叉手禮故 又云 以念佛功德 二明讚歎佛德者 以清淨心口業加歎 如成佛經梵王讚曰

正遍知者 二足尊 天人世間無與等 十力世尊 甚希有 無上最勝良福田 其供養者 生天上 稽首無比大精進 又如文殊問經讚佛曰

我禮一切佛 調御無等雙 丈六眞法身 亦禮於佛塔 生處得道處 法輪涅槃處 行住坐臥處 一切皆悉禮 諸佛不思議 妙法亦如是 能信及果報 亦不可思議 能以此祇夜 讚歎如來者

於千萬億劫 不墮於惡趣

如善薩本行經曰 正使無數億計人成辟支佛 有人百歲四事供養 功德甚多 不如有人以歡喜心 一四句偈讚歎如來功德無量 又如善生經云 以四天下寶供養於佛 又以重心讚歎如來 是二福德等無差別 大悲經云 一稱佛名 南無佛者 以是善根入涅槃界 不可盡也 三明發願迴向者 行者善根力劣 以願扶持 如行無目平地顛仆 故須願行相須如輪涉遠 應作是言 願我先世及以今身 所修善根 施諸衆生 皆共迴向無上佛道 生彌勒前 聞清淨法 悟無生忍 願命終時心無障礙 隨善根力自在往生一切佛前 故智度論云 有人修少福業 聞有樂處 常願往生 及至命終 各生其中 又莊嚴佛國事大 獨行功德不能成就 要須願力 如牛雖力挽車 要須御者 能有所至 淨佛國土 由願引成 以願力故 福德增長 不失不壞 常見佛故 四明修念佛相好者 行者專心 閑室端坐 正念如來身相 閉目開目 了了分明 罪業重者 多時乃見 以此想觀 知惡重輕 俱是妄想 而善惡天別 不可思議 生死切人 不容自怠 若素不作意 後遭重病 周障困悶 寄心無地 一切惡業 自從心生 無善種子 如何排棄 若素懷善 常念佛故 隨其心相 須臾即見 故觀佛三昧經云 我滅度後 佛諸弟子 捨惡去 闢少語 省事 晝夜六時 乃至須臾 念佛白毫 了了不亂 注意不息 若見殊相 或不見者 是人除却九十六億那由他 恒河沙微塵劫 數生死之罪 設復有人 但聞白毫 心不驚疑 歡喜信受 此人亦

八六

除八十億劫生死之罪 佛言 如來相好 八萬四千 不及白毫少分功德 是故我今爲來世人 說白毫相 大慧光明消惡觀法 若有惡人 聞此毫觀 生瞋恨者 白毫相光 亦覆護之 除三劫罪 後生佛前 五明專念佛德 修習慈悲 名眞供養者 行者以清淨深心 於一切時 念佛大恩 令出生死 如念父母 此但生身一世之養 佛恩深重 爲諸衆生 入三有獄 殷勤教誡 令修正行 得出生死 無數劫苦 故我今日常念佛恩 況念佛故 生善種子 功德果報 不可窮盡 故金光明經云 於佛起業 果報無邊 又如觀佛三昧經云 佛人中寶 祐利處多 聞名禮拜 供養者 尚獲重報 何況繫念 思佛正相 又上生經曰 佛滅度後 若有精勤修諸功德 威儀不缺 掃塔塗地 華香供養 行諸三昧 讀誦經典 如是等人 雖不斷結 如得六通 應當繫念 念佛形像 稱彌勒名 若一念頃 受八戒齋 修諸淨業 命終之時 即往生兜率天上 蓮華臺中 應時見佛 白毫相光 超越九十億劫生死之罪 隨其宿緣 爲說妙法 令得不退 大悲經云 若志誠心 念佛功德 乃至一華散於空中 於未來世 諸天梵王 其福不盡 以其不盡 終至涅槃 增一云 衆生三業造惡 臨終憶如來功德者 必離惡趣 得生天上 正使極惡之人 以念佛故 亦得生天 又華嚴云 若能須臾念佛者 智慧光明 滅癡暗也 又智論云 菩薩常愛念佛故 捨身受身 恒值諸佛 大悲經云 假使三千世界 滿中 聲聞辟支佛 有人 於一劫中 一切樂具 供養 乃至滅後 起塔 盡形供養 功德雖多 不如有人 於如



來所起一淨信。思惟信解諸佛智慧不可思議。以此善根勝前無比。何以故。如來功德大慈大悲五分法身無量無礙。由是境界不可思議。若有敬養亦不可思議。是故果報亦不可思議。次又依教修習慈悲四無量心。何故如是。以諸佛心所謂大慈。今不修習。行不同佛。無由得見。故念佛時行修慈觀。行者初心欲修慈時。閑處端坐。繫念十方一切眾生。皆如己親。無惡礙想。以上妙具四事供給。或一念頃一時一日。能生功德。隨心分量不可限故。大集經云。若修慈者。當捨命時。見十方佛手摩其頂。蒙手觸故。心安快樂。尋得往生清淨佛土。余見世間性行柔軟。臨於安隱如意自在。本性純疎。臨終荒忽。眼光先落。失音不語。雖有善教。不相領解。即事以求。行慈為極。今忽不行。止是惡業。無慈悲心。須投惡道。故經云。如是修慈。見無量佛。若修法緣。無緣慈者。具四無量。獲得佛道。六明受三。自歸。并十善戒者。以諸道俗有識之徒。皆須歸依三寶。請求加護。所得功德。無有限量。七衆約戒。前已受歸。不妨重受。重感無作。善惡既爾。戒亦通之。若未受戒。止得但受。歸三。歸。日別六時。隨時便受。顯歸三寶。自誓不迴。其受法云。我某甲。盡形壽。歸依佛。歸依法。歸依僧。一心向佛。如上。我某甲。盡形壽。歸依佛。歸依法。歸依僧。如上。三說名得歸法。如善生經云。若人法竟歸依。得果報不可窮盡。如四大寶藏。受三自歸。所得果報。不可窮盡。如四大寶藏。舉國人民。七年之中。運出不盡。受三歸者。其福過彼。不可稱計。又按量功德經云。四有州中滿。二乘果有人。盡形供養。乃至起塔不

如。男子女人。作如是言。我某甲。歸依佛法僧。所得功德。不可思議。以諸福中。惟三寶勝故。若起謗毀。獲罪無邊。以善惡例同故。若城調達。同出佛血。以心有善惡。致使劫毒。獲於苦樂。又難合經云。與須達交者。令受三歸。終生天上。有懷妊者。為其胎子。受三自歸。生已復受。後有知見。復教三歸。設有奴婢。客人。懷妊生子。亦如是教。若買奴婢。受三歸。及以五戒。然後買之。不能不買。乃至乞貨。舉息。要受三歸。然後與之。若有施三寶物者。從世尊問。稱名。呪願。乃得生天。佛言。善哉。如來有無上知見。審知方便。皆得生天。故處胎經云。佛告彌勒。偈曰。汝所三會人。是吾先所化。九十六億人。受我五戒者。次是三歸人。九十二億者。一稱南無佛。餘廣如正念經。受歸果報。生天樂相。次明受十善法者。謂身三口四意三善行。此之十業。戒善之宗。今多依相。罕有受者。比有愚夫。不肯受之云。不作惡。即名為善。今謂不然。先須願祈。不造眾惡。依願起行。有可承準。若不預作。輒然起善。內無軌轉。後遇罪緣。便造不止。由先無願。故造眾惡。大聖知機。故令受善。若謂我不作惡。便是善者。汝不作善。亦應是惡。如是牛馬驢騾。亦不殺生。豈是善耶。此乃心在無記。無罪福業。故須起念。專至深重。方成業道。故未曾有經云。下品十善。謂一念頃。中品十善。謂一食頃。上品十善。謂且至午。於此時。中心念十善。止於十惡。故野干心念十善。七日不食。生兜率天。又上生經云。我滅度後。四衆八部。欲生第四天。當於一日至第七日。繫念彼天。持佛禁戒。思念十善

行十善道。以此功德。迴向願生彌勒佛前。隨念往生。言七日者。且從近說。尚感彼天。何況一生。而不兜獲。問曰。天上勝報。不可思議。如何七日。便成大福。答善因。雖微。獲果甚大。如小火所起。能燒大山。一善乃微。能破大惡。又一念邪見。誅謗大乘時。雖極短劫。受苦。因果道理。業不思議。不可以凡情臆度。次明受法。有師從受。無師自誓。如上三歸。三自歸。已口自發言。我某甲。盡形壽。於一切眾生。起慈仁意。不起殺心。如後九善例。此而不復繁文。七明發菩提心者。菩提云。覺。自覺覺他。故名佛也。行者既在佛法。即佛種子。須發覺求作意觀度。此乃趣佛果之津梁。成萬行之根本。如空之含萬像。若海之納百川。若不先建此心。起行則便迷沒。是菩提者。其相如何。今欲發心有理有行。在緣乃二於義則通。不爾真俗兩乖。非正法義。言理發者。即是自心五陰諸法。本性無我。深知此要。名菩提心。故淨名云。寂滅是菩提。離諸相。故假名是菩提。名字空故。又如問菩提經云。菩提相者。出三界過俗法。言語斷滅。諸發無發。是名發菩提心。如是眾經例造。想故名發心。謂此心體本清淨。究達此理。作業令淨。故曰發心。即名行也。行者如上安止心。已生大欲心。我入佛道。廣度眾生。所修善根。皆悉迴向無上正覺。故智論云。若人發心。言我定當作佛。已過諸世間。應受勝供養。又十住論云。若人發心。求佛不休不息。有人以指舉大千世界。在空劫住。不足為難。若發願言。我當作佛。是人希有。何以故。世人心劣。無大志故。發菩提心論云。有十

大正願常志修行。一願我先世及以今身所種善根。施與衆生迴向佛道。令我此願念念增長。生生所生終不忘失。爲陀羅尼之所守護。二願以此善根生處。值佛常得供養。不生無佛國中。三願我親近諸佛。隨侍左右如影隨形。既得親近爲我說法成就五通。四願通達世諦假名。流布解第一義。得正法智。五願以無厭心。爲衆生說示教利喜。皆令開解。六願以佛神力。遍至十方一切世界。供養諸佛。聽受正法。廣攝衆生。七願我隨順清淨法輪。一切衆生聽我法者。聞我名者即得捨離一切煩惱。八願隨逐衆生。將護與樂捨身命財。荷負正法除無利益。九願我雖行正法。心無所行亦無不行。爲化衆生不捨正願。十願我此十大願遍衆生界。攝受一切恒沙諸願。若衆生界有盡我願乃盡。然衆生界不可盡故。我此大願亦不可盡。行者如是發正願。已次受菩薩三聚淨戒。其文易了故不備之。須見者如正行儀下卷。八明讀誦佛正經典者。以此大乘了義經教。宣說甚深清淨空法。由從如來法身所流。行者以清淨心愛重大乘。受持讀誦普爲供養。乃至餘乘所有經典皆是大乘之所流故。我亦受持無相違背。是故功德得見諸佛。如大品說。若有受持般若文字。親近讀誦憶念書持種種供養。不墮惡趣常見諸佛。從一佛國至一佛國。亦以供養諸佛。涅槃云。若爲恐怖故利養及福德。書是經一偈。則生不動國。若爲希福利一日讀誦經。或自身財寶施於說法者。若能聽書寫受持及讀誦諸佛之祕藏。則生不動國。又金剛

三昧經云。若有暫聞佛勝智慧。深心隨喜不起誹謗者。於百千劫不墮惡道。生處值佛乃至念佛法身。功德無邊。九明供養舍利造佛形像者。如大品云。佛見是利故入金剛三昧。碎身如芥子。若有得佛舍利隨力供養者。是人天上人中受樂。乃至苦盡福猶不盡。又無上依經云。假使娑婆世界碎爲微塵。皆是四果辟支佛等。有人盡形供養乃至起塔。其福雖多不如。男子女人取佛舍利如芥子造塔。如阿摩勒大樹利如針大。露盤如葉大。造像如麥大。此之功德勝前無量不可思議。若不迴向無上道者。以此功德聚盡娑婆世界微塵數。作六欲天王轉輪聖王不可說盡。又涅槃云。若於佛法僧供養一香燈。乃至獻一華則生不動國。善守佛僧物塗掃拂僧地。像塔如母指。常生歡喜心亦生不動國。此即淨土常嚴不爲三災所動。十明修習正觀者。至理真極不越人法二空。唯佛道有餘道則無。由人法二空則二執斯斷。一切煩惱無因得生。故金剛般若云。一切衆人皆以無爲得名。此謂三乘聖賢深淺有異。至於入證唯在二空。行者修學當依地持。論云。修行法者託虛寂靜身不遊行。口默少言。少睡多覺。常一坐食不雜種食。思量如來所說諸法。知非有無。以其所知遍通諸法令得善解。以此文證行者須知。觀察自心從本已來自性清淨。非空非有非染非淨。離諸分別但爲妄想。致有是非得失罪福因之增長。今達本性可謂還源。當作此觀不見人法即是達空。空本無形如何起妄。如是一切作業動身運想不得失

念。如上已明。此是實觀。餘名虛解。華嚴經云。觀察諸法及衆生國土世間悉寂滅。心無所依無妄想。是名正念佛菩提。又云。若欲得佛智當離諸妄想。有無俱通達疾作天人師。行者修行此觀一時一念。功德無邊。故迦葉經云。大千衆生所有福德如彌尼王不如。有人修遠離法。淨心相應解諸法空無來無去。如是少忍功德非譬喻所能及之。又普賢觀經云。若有晝夜六時禮十方佛。誦大乘經思第一義甚深空法。一彈指頃除百萬億那由他恒河沙劫生死之罪。行此法者真是佛子。從諸佛生。十方諸佛及諸菩薩爲其和尚。是名具足菩薩戒者。不須羯磨自然成就。應受一切人天供養。

程器陳述篇第十 謂表心因觀形外道。內省曰察。託事明理。

余年侵蒲柳。旦夕待盡。非業莊嚴何假傍及。又述撰行相其徒寔繁。隨時救急總攝亦備。今有觀方志道相從問津。季代常徒禮敬爲切。須余撰銀擬用錢銘。不若苦及。遂復陳叙。凡此十篇止存三業。上弘佛道下攝自他。詞甚丁寧。義存遺著。庶其覽者知其意焉。如或有虧請俟後議。

釋門歸敬儀下卷

歸敬儀者統真俗之宗。歸究事理之極致。文簡義豐。是以廣勸五衆開印板。遠期三會貽利益而已時也。日本永仁三年乙未閏二月日

寓東山泉涌小比丘觀昭謹題

●翻刻教誡律儀叙

諸善律儀。佛家之柱石也。道品之樓觀。禪定之心城。皆基于此矣。南山大師嘗著行事鈔。若于卷。廣開毘尼之學風。然其文浩瀾望洋難聞。故重編此書以誘。新學文簡義深。行相條件提耳。指掌可謂至矣。牛門正定教院。弦我上人。捐衣鉢資。翻刻之布于世。今復欲附其標版于我綠山。以施之乎四方。一日上人來謀于余。余嘉其志重謀諸上座。上座允之。乃印刷之。則字畫鮮明章句精正。頗為善本。古人曰。流通法者莫若於印造。吁上人蓋在于此歟。頃日余應諸子之囑講此書。因粗摭其引由爾。

安政戊午春正月 綠山南溪圓海撰

教誡新學比丘行護律儀

終南山沙門道宣述

觀夫創入道門未即開其妙行。要遵承以法訓。方乃曉其律儀。事若關於師承持護冥然無準。故知不有教誡行相誰宜。不有學人軌模奚設。然釋迦行化法本西天。自金口收光言流東域。化教含其漸頓。瀝定水於三千。制教輕重斯分。戒香於百億。律制五年依止意在調伏六根。有智聽許離師。無智猶須盡

壽。屢有初心在道。觸事未諳。曾不尋其教章於法每疑。疑網或非制而制是制便違。或云。我是大乘之人不行小乘之法。如斯者衆。非一二三。此則內乖菩薩之心。外闕聲聞之行。四儀既無法潤。乃名枯槁衆生。若此等流古今不絕。自非持法達士孰能鑒之者哉。時有學人運情疎疎。求行者少。求解者多。於制儀門極爲浮漫。夫以不修禪那三昧長乖真智之心。不習諸善律儀難以成其勝行。是以古今大德實爲世者良田。淨業成於道儀。清白圓於戒品。氣高星漢。威肅風雲。德重丘山。名流江海。昂昂傑秀。學千尋。浩浩深慈。恩波萬頃。懷師子之德。現象王之威。人天讚承。龍神欽伏。實謂。蒼生有感世不空然。所以德焰聯輝。傳光靡絕。雅行堅操。眞僧寶焉。予乃愧省。下流實懷慚。於上德。準教纂斯清訓。以將呈誨未聞。夫戒律之宗。理有任持之志。遂使內自增其心善。外令儀軌可觀。凡諸行條件錄。之後用光新學。并題序云。行相法都四百六十。五條在下具明。

入寺法第一十一條

一到寺門外具威儀。二入寺門禮拜便跪說如常狀。三收坐具合掌曲躬。然後歛容旁廊一邊緩行直視。四不得垂手。當有所畏。五不得踢殿塔影。六逢尊宿殿前不得禮拜。七若入殿塔當合掌右繞。不得左轉。八出殿門隨類舉足。九涕唾須知屏處。十須參禮尊宿。十一須知大小便處。

在師前立法第二六條

一不得直前立。二不得直後立。三不得太近。四不得太遠。五不得在高處立。六不得上風立。當須對師額角七尺許立。

事師法第三十一條

一當瞻師顏色勿令失意。二凡至師所當具威儀。三在師前不得與同類人相禮。四在師前不得受人禮拜。五向師前問訊當據合掌曲躬。六共師語不得爭勝。七常須軟語。八師語未了不得語。九凡欲作事要須咨白。十師所教誨常須隨順。不得違逆。十一凡得教訓當設禮謝。十二若被呵罵當須自責軟語懺謝。十三被師呵責不得起瞋嫌心。十四見師衣裳巾襪垢膩白師洗濯令淨。十五見師衣破當縫補之。十六整師鞋履。疊疊衣被。十七先洗師鉢。次洗己鉢。十八常須作意。不得喧笑。十九不得在師前臥。二十不得在師後起。二十一凡欲入師房至門先彈指然後方入。二十二平明三下鐘了即問訊白事。二十三於一切處避師坐不得撻撻。二十四若隨師行不得喧笑。不得踴躍。相去可七尺。二十五奉教令當生慚愧念修戒定以報師恩。二十六聞師外歸當出迎接。二十七師從外歸當須疊疊衣裳。二十八師欲洗足當具湯水拭巾。二十九常掃師房院。三十見師床有塵土當掃去之。三十一師常坐臥床不得輒坐臥。三十二凡入師房門當旁門頰行。隨門頰舉足。三十三揚門簾出入當手承著門頰。勿令有聲。閉門戶不得作聲。三十四凡下簾不得懸放。當以手承下。三十五凡上簾法當從裏



在房中住法第六三十二條

汚氣。三十一不得露然燈燭。三十二房中常須淨潔。不得狼籍。

對大已五夏閑梨法第七十二條

一對大已五夏閏梨須帶袈裟紐。二不得通肩被袈裟。釋云。比丘對佛僧及上座不得通肩披袈裟。死入鐵錮地獄。三不得邪脚倚立。四不得垂手立。五不得非時喧笑。六立如前事師法。七若有教誡當須設禮。八須作謙卑心。九對人不得抓瘡。十不得對人前洩睡。十一不得對人嚼楊枝。十二未喚坐不得輒坐。十三不得共同床坐。十四不得坐大已五夏人常坐臥處床。十五夫五夏已上卽閑梨位。十夏已上是和尚位。切須知之。十六尊人喚坐須合掌曲躬然後乃坐。十七坐不得無禮自恣倚東西。十八若有所言語須謙下。不得取上分。十九不得張口欠去。當以手遮之。二十不得以手埽面。二十一不得大噓氣作聲。二十二坐當須端身定住。

二時食法第八十條

一聞三下鐘卽須息務先且出入。二先用皂莢洗手令淨。三凡所著裙不得太高。不得太低。常須齊整。可齊脚踝。四著七條當令橫披共衣領齊。直下臂上半覆肩膊。五欲把鉢上堂。又須淨手於巾上拭手令乾中指夾巾。六至堂食未了已前常須護手指面及掌。不得觸。設使堂頭把經手不勞更洗。但以香淨卽得。七其鉢盂外三分之二二分向上爲淨。下一分爲觸。八凡把鉢滌瀉瀉水不得高。當須曲腰低頭瀉水。令鉢去地一側手。九若令童行過鉢亦同比丘夾巾之法。不得把巾。令童

行捧鉢過生極多。不能繁述。人多犯此。若單令過鉢。自夾巾彌善。十待歛鐘聲。發卽如法夾巾把鉢。令匙柄向身。十一把鉢不得太高。不得太低。則當胸。十二須離算宿門前。當旁廊柱。不得在廊中心行。又不得喧笑。十三不得共上座並行。須讓上座向前行。十四行須直視地七尺。十五不得急行。當庠序令威儀可觀。十六初入食堂。隨門類舉足。出時亦爾。十七至所坐處。先放巾。次放鉢。後手指夾取鞋履安床下。十八當抽坐具。開張亦用指夾。十九禮拜收坐具卽上床坐。不得在地而跪及在地立。必若鐘聲欲斷。乃可且立。不得跪地。二十凡上床坐待鐘斷。不得留坐具致床前席上。二十一凡欲上床不得露脚蹠。二十二坐時不得令內衣出。二十三入堂未歛鐘聲禮拜且收坐具。上床坐不得令衣服垂著床緣。二十四行香時不得籠手。須出手冷掌。不得語笑。二十五不得輕刺索飲食。二十六若當次唱禮須一佛一禮。不得太急太緩。令須得所。二十七當次作梵須盡偈讚。不得半梵。人衆少時亦須盡其偈讚。不得略。二十八若達僧制。聞白椎聲卽下。不得違拒。二十九當須收攝橫帳。不得坐著袈裟。三十開食巾。邊指甲不得觸著指面。三十一敷食巾時令與床檣緣齊。三十二椀鉢常須離膝巾。不得安手致膝上。三十三不得傾鉢中水瀝滴床前。三十四凡所受食須令椀鉢離床。三十五凡所喫食不得太急。猶如餓人。又須把鉢椀就口。又不得食滿頰邊。如獼猴藏。三十六凡

所受食須仰手。三十七凡所受食不得把匙筋於淨人手中自抄撥取。三十八不得過匙筋與淨人。令於僧食器中取食。三十九凡欲受食有疑當作漫心。言漫心者如早朝受粥。恐淨人錯唱當作念一切粥皆受。餘一切食皆受類然。四十凡欲受食若作克心。受得食了心境相違食不成受。更須重受。方乃得成。言克心者如受破粥。受了乃是豆粥名心境相違。四十一凡欲受食淨人抖擻餅屑及以菜汁等。迸落碗器中必須更受。四十二凡欲出生粥不得令淨匙挂著淨人出生器中。若著處即須更受匙。四十三凡所受食量喫多少不得有餘。四十四凡欲喫食不得大攪及歡欲作聲。四十五凡所出生餅當如一半錢大。飯不過其七粒。自餘飯食亦不得多。四十六凡所出生食須事事如法。四十七出生食不得將所棄惡食物致生中。四十八凡出生法。須安床邊淺處令淨人掠取。不得自用手拈。意在護手。四十九不得用匙筋刮鉢碗作聲。當用湯水滌蕩取。即不損鉢光。若損鉢光鉢即受膩難洗。五十不得大張口滿匙抄飯。令遺落鉢中及在匙上狼籍。又上座不應先食。五十一凡一口之飯須匙頭三抄食。令匙頭直入口。五十二不得遺落醬汁飯粒等落在巾上而食。五十三不得安致食巾上而食。五十四若有食遺落食巾上不得取食。當押聚安一處付與淨人。五十五飯中有穀去皮食之。五十六鉢中若有餘殘不得將歸房院。五十七常住一食已外將歸院須倍備

之。五十八所食須生慚愧常作觀法。五十九須知喫粥有十利。具如偈中明之。六十須識施食五常。一色。二力。三壽命。四安樂。五無礙。

食了出堂法第九十條

一衆中食了不得漱口作聲。二衆中食了不得吐水致鉢碗及餘處。三聞處世界梵合掌念偈。四食了已作斷心不得咽津。五下床不得令脚蹠露。六食了出堂先舉門頰邊脚。當令匙柄向身。執鉢當胸不得顧視。七食了出堂未至院中及屏處不得吐唾。八出堂門外須旁廊一邊行。令威儀庠序雁行而行。九不得並頭語笑令失次。十欲出堂先收攝橫帳整理袈裟勿令僚亂。依次而行。

洗鉢法第十七條

一下堂歸房內。須先以水浸鉢。二當用一大合水於碗中浸早英可長二寸。三洗漱用灰及楊枝。當向屏處。不得對上座。當與手遮。四鉢床若短當讓上座。不得亂安著妨他洗鉢。五凡欲洗鉢先須收攬衣裳。勿令著地。六凡欲洗鉢先用清水一遍。次用碗中早英汁瀉向鉢中。仍須碗盛早英水。揩摩食器堅膩方得盡。必須淨洗。七凡欲洗鉢先洗四邊。次洗餘處。八不得於鉢洗手。九洗鉢不得語笑。當須用心。十洗鉢須令離鉢床。高低可一側手地。十一不得洩唾於鉢床四邊。十二淨盥及杓子柄。初洗鉢時先把觸處。洗了即以水洗杓柄。方得手把。十三洗鉢了不得口銜鉢邊吸水漱口。十四夏月洗鉢了當須淨處覆令

乾。十五夏月熱時早朝洗鉢須用新水。十六若有夜宿水更須再瀉了洗鉢。恐水經宿有蟲生。十七喫粥了若受外請鉢不能隨身。當用早英洗。不問春夏秋冬皆耳。

護鉢法第十一十三條

一不得安鉢筯竿下欄干上。二不得安鉢。放懸物下。三不得安鉢在倚竹木樹枝邊。四不得安鉢於石上五。不得安鉢於果子樹下。六不得在有果樹下洗鉢。七不得安鉢於床角及四邊臨危之處。八不時將手巾盛鉢及盛餘物。九不得與童行鉢器食。若與童行鉢食者深違佛教。又恐打破。切須忌之。十不得一手把兩鉢。除中間有隔。十一若携鉢隨身行須鉢口向外。十二不得挂鉢於杖頭。十三一切危險處不得安鉢。

入衆法第十二條

一著衣須齊整。二當持坐具安臂上。三坐須知大小。四未打鐘不得前入堂。五上座未坐不得先坐。六當斂容寂默。不得語笑。七上床下床當須如法。不得令脚蹠露。八坐須端身安住。不得數動。九不得左右顧視。十若欲欠去當以手遮口。不得作聲。十一不得抓癢。十二當念本業。不得餘緣。入堂布薩法第十三條。具如鈔文及布薩儀。此不備述。上廁法第十四二十條。一覺欲出入須早去。不得臨時失儀則。二須揖手把瓶。不得垂手。三至廁前知有尊宿當須避之。四至廁前彈指三下。或警歛聲。知無

人方入。五隨高下褰衣漸蹲漸擗。不得預高擗衣令身亦露。六夜暗黑當用廁簣於廁孔中向前後劃令知闊狹長短正及不正。七不得洩睡廁四邊板上及尿闔中。八用廁簣了當刺廁孔中。不須安壩內及板上。不得用文字故紙。九隨手方便把瓶當七度用水洗淨。若不淨不合坐臥僧床席。十用水切不得濕濕廁口四邊板上。十一多人之處。若廁外有人待急。縱未了且須出廁。十二若脫觸履不得安淨鞋履常所踏處。十三手淨摩洗。先用黃土二三度。次用細早灰。十四常具廁簣。不得失闕。十五常用灰。次用土。不得少欠。十六見廁狼藉當掃令淨。十七見內外狼藉當掃除去令淨。十八拭巾不淨當洗令淨。十九見觸履不淨當洗令淨。二十用灰土處不得狼藉。

於六時不得語笑法第十五條

一禮佛。二聽法。三衆集。四大食。五小食。六大小便。

入溫室法第十六條

一具威儀持坐具。二尊宿未浴不得先浴。三要須持瓶。四不得垂手把餅。五當提手把餅。六不得共大已五夏人同浴。七初脫衣不得將袈裟在餘衣下。八入浴室內脫淨衣安淨竿上。九脫觸衣安觸竿上。十不得浴室內大小便。當須預出入然後方入。十一洗浴先從下洗上。十二當用濕手巾兩手各把一頭橫安背上抽牽。垢膩即落。十三當須寂默不得喧笑。十四不得汚觸湯水。手若不淨當用

餅水淨之。十五在浴室內不得洩睡。十六浴了當用湯水洗滌坐處令淨。不得早著狼藉。

見和尚閑梨不得起法第十七條

一病重時。二剃髮時。三大食時。四小食時。五己在高座時。

見和尚閑梨不得禮法第十八條

一在佛前。二在殿塔前。三衆集時。四病時。五高座時。六師臥時。七師洗鉢及剃髮時。八師正洗足時。九師正嚼楊枝灌漱時。十師在聚落道行。十一師洗浴及大小便時。

看和尚閑梨病法第十九條

一懷孝養心作父母想。二不得嫌有臭穢。三常經營湯藥。四所忌之食不與食。五飲食常令得所。六洗濯衣裳。七數除糞穢。八動燒香。九常令衣被厚薄得所。十常具火燭。十一常須作意細心。不得龜噪。十二常念觀音菩薩。願師所苦早得痊平。

敬重上座法第二十條

一見上座須起迎接。二上座未坐不得先坐。三上座未受食不應先受食。四上座未食不得先食。五於上座不得爭勝。六凡有勝事先推上座。七上座行事不是當軟語設諫。不得呵罵。八被上座呵罵當軟語懺謝。九於上座邊不得輕有譏諷。十於上座常下心謙敬。十一被上座嫌罵不得常瞋。當順上座。不得有違。十二如請之事當順上座。不得違命。十三行須讓路。坐須讓位。十四凡有苦事不座前行先作。十五不得在上座前行。十六見上座

當問訊。不得喧鬧說是非之事。

掃地法第二十一條

一不得灰土飛起。二地若乾燥當以水洒停少時然後乃掃。三須順風。不得逆掃。四須淨掃。不得有遺跡。五不得背人。六掃輕就重。七不得聚糞土安戶扉後及餘處。八掃地了箕箒送於屏處。

用水餅法第二十二條

一當令淨餅滿水。二不得餅當人行路。三用水餅當須隨地。不得濕。若衣裳。四洗漱不得口含餅屑。五不得用灰塵餅。六不得安致危險之處。七夏熱時頻須換水。八不得安餅致洗鉢床上。九凡把餅當須提手。不得垂手。十添餅不得在盆水上。恐觸水滴淨水中。

入聚落法第二十三條

一事如法伴不如法不應往。二事不如法伴如法亦不應往。三事伴俱不如法亦不應往。四事伴俱如法應往。五無切緣不得入俗家。六設有切緣亦不得自入。七無緣事不得數入鄽市。八凡入聚落要將水瓶隨身。九若入聚落宿當持三衣坐具水袋。餅等。十行須直視。看地七尺勿踰蟲蟻。若得伴共當須相去七尺。十一當具威儀。行不得急。十二遙見官人及醉人當須避之。十三行不得垂手掉臂。十四在道不得共女人行。十五在道不得共尼師及女人共語。十六不得與喫五辛飲酒人同行。十七不得入屠家及酤酒家除請召。十八不得入無男子家。除請召。有伴則往。十九不得入街賣女色家。二十入俗家坐起具



四威儀。當令俗人生善。二十一常須護淨。十二設是價舊俗人家若欲入須打門然後方入。二十三不得共女人語話。二十四不得邪命教化。擊發俗人令其惡。二十五不得自讚己德毀餘比丘。二十六不得喧笑。二十七不得說世間閑事。當須說法語增其善心。二十八當護俗人意。勿令失敬信心。二十九發言慈善不得龜。三十常攝六根不得放逸。

上來教誡略述如斯。餘有行相具在戒本。當須懇懇請問隨戒辨相。則甘露灌頂。醍醐入心。利潤無涯。師承有本矣。教誡新學比丘行護律儀終。

No. 1898

### 重刻律相感通傳序

唐終南山澁照大師。兼通三藏。而精於毘尼。親承曇無德宗。橫弘聖揚。天下釋氏之徒。不失僧伽之所以為僧伽。猶之春行大地。萬物咸被其澤。而其弘揚依開顯扶談之意。令諸學者。誠心於圓極之乘。聖僧寶頭盧當為現身。以佛滅已來弘律第一稱之。豈不爾耶。為其持戒殊勝戒光直透天宮。感得諸天神將常來護衛供以天饌。因凡事可質者。一一舉之。天神隨問隨答。大師錄其有談戒律之相者。以為一卷。律相感通傳是也。是傳傳於本邦尚矣。惜其印本未免有魚魯之謬。近有僧

高淳元者。得諸本對校。將欲重梓行之。來謁予序。昔大慈禪師常讀是傳。往往以傳中事。自奉示人。蓋追仰大師也。今或有不信是傳。輒生誣謗者。所謂欲隨日月。多見其不知量也。是傳之行固不俟予言。但佳元好學。萌志于扶宗。故為言之。其讀是傳者。庶幾有增尊信矣。 告

河南龍山沙門慧淑敬撰

### 律相感通傳

唐乾封二年仲春。終南山沙門釋道宣撰。余曾見晉太常寺寶撰搜神錄述。晉故中平令蘇韶有才識。咸寧中卒。乃書現形於其家。諸親故知友聞之。並同集。飲噉言笑不異於人。或有問者。中平在生。多諸賦述。言出難尋。請叙死生之事。可得聞耶。韶曰。何得有隱。索紙筆著死生篇。其詞曰。運精氣兮離故形。神眇眇兮爽玄冥。歸北帝兮造鄴京。崇囂鬱兮廓嶢嶢。升鳳閣兮謁帝庭。邇卜商兮室顏生。親大聖兮。項良成。希吳季兮慕嬰明。抗清論兮風英英。敷華藻兮文瓌瑑。庶擢身兮登崑崙。受祚福兮享千齡。餘多不盡。初見其詞。若存若亡。余見梁初江泌女誦出淨土大莊嚴等三十餘經。逮于即日。猶有斯事。往緣有幸。近以今年二月末。數感天人。有若曾面告余云。所著文翰。續高僧傳。廣弘明集等。裨

助聖化。幽靈隨喜。無不讚悅。至於律部抄錄疏儀。無足與貳。但於斷輕重物。少有疎失。斯非仁過。抑推譯者。如何以王貴衣。同於白衣俗服。相從入重。乃至覆覆。同法衣相量者。亦在輕收。且王著貴衣。同比丘之三衣也。價值十萬者。故曰貴衣。用以施僧。可同輕服。白衣外道之服。斯本出家者絕之。三衣唯佛制名。著者定得解脫。是故白衣俗服。佛制斷。若有亡者。並在重收。至於覆覆三衣。相量同三衣也。邊方開皮臥具。亦是三衣。條葉在外。柔毛在內。寒酷之國。佛開為道。必至布鄉。還非輕限。可改前迷宜從後悟。如來在日。尚有後制廢前。何況於今。不存迷悟之事也。余問所從來。有一天人。來禮敬叙。涼涼已曰。弟子性王名瑤。是大吳之蘭臺臣也。會師初達建業。孫主即未許之。令感希有之瑞。為立非常之廟。于時天地神祇。咸加靈被。於三七日。遂感舍利。吳主手執銅餅。傾銅盤內。舍利所衝。盤即破裂。乃至火燒鎚試。俱不能損。闕澤張昱之徒。亦是天人護助。入其身中。令其神爽通敏。答對諸允。今並在天。弘護佛法為事。弟子是南天章將軍下之使者。將軍事務極多。擁護三洲之佛法。有闕譯陵危之事。無不躬往和喻令解。今附和南天欲即來。前事擁隔不久當至。且令弟子等共師言議。不久復有天來云。姓羅氏蜀人也。言作蜀音。廣說律相。初相見時。如俗禮儀。敘述緣由。多有次第。遂有忽忘。次又一天云。姓費氏。禮敬如前云。弟子迦葉佛時生。在初天章將軍下。諸天貪欲所

●原本及甲本冠註曰得下學護律儀合有闕字 ●大日本續藏經 ●律相感通傳一遺宣律師律感通錄 ●校者曰原本冠註曰原本題號作道宣律師律感通錄云云以下與原本校異以 諸表之 ○(唐乾封二年)七字二(麟德元年)四字 ●項良二樂果 ●遺十(錄) ●令二合 ●領二寫 ●

醉弟子以宿願力。不受天欲。清淨梵行。偏敬里尼。章將軍童真梵行。不受天欲。一王之下有八將軍。四王三十二將。周四天下。往還護助諸出家人。四天下中。北天一洲少有佛法。餘三天下佛法大弘。然出家人多犯禁戒。少有如法。東西天下少有。點慧。煩惱難化。南方一洲雖多犯罪。化令從善。心易調伏。佛臨涅槃。親受付囑。並令守護。不使魔撓。若不守護如是破戒。誰有行我之法教者。故佛垂誡。不敢不行。雖見毀禁。惑而護之。見行一善。萬過不咎。事等忘瑕。不存往失。且人中臭氣。上薰於空。四十萬里。諸天清淨。無不厭之。但以受佛付囑。令守護法。佛向與人同。止諸天不敢不來。章將軍三十二將之中。最存弘護。多有魔子魔女。輕弄比丘道力微者。並為惑亂。將軍恒惶奔赴。應機除剪。故有事至。須往四王所。時王見皆起。為章將軍修童真行護正法故。弟子性樂戒律。如來一代所創。里尼。並在座中。聽受戒法。因問律中諸隱文義。無不決滯。然此東華三寶素有。山海水石往往多現。但謂其靈。而敬之顧訪來由。莫知投詣。遂因此緣。隨而咨請。且泛學文相。以理括之。未曾博觀。不可以語也。余少樂多聞。希世拔俗之典籍故。搜神研神冥祥冥報。旌異述異。志怪錄幽。曾經閱之。非疑慮。況佛布天人之說。心進勇銳之文。護助形神。守持城塔。事出前聞。非為徒說。後諸緣叙並依出而疏之。

益州成都多寶石佛者。何代時像從地涌出。答曰。蜀都元基青城山上。今成都大海之地。昔迦葉佛時有人。於西耳河造之。擬多寶佛全身相也。在西耳河驚頭山寺有成都人。往彼與異。請像將還。至今多寶寺處。為海神蹈缸所沒。初取像人。見海神。子岸上遊行。謂是山。怪。遂殺之。因爾神腹覆沒。人像俱溺。同在一缸。多寶佛舊在驚頭山寺。古基尚在。仍有一塔。常發光明。今向彼土道。由。朗州過。大小山。算三千餘里。方達西耳河。河大闊。或百里。五百里。中有山洲。亦有古寺經像。而無僧住。經同此文。時間鐘聲。百姓殷實。每年二時供養古塔。塔如戒壇。三重石砌。上有覆釜。其數極多。彼土諸人。但言神塚。每發光明。人以蔬食祭之。求福祚也。其地西北。去樹州二千餘里。去天竺非遠。往往有至彼者云云。至晉時有僧。於地見土墳出。隨出隨除。終不可平。後見拆開。深怪其爾。乃掘深丈餘。獲像及人骨在缸。其體瘦骨。肘脛悉龜大。數倍過今人。即迦葉佛時。閭浮人壽二萬歲時也。今時命促形小。固其常然。初出之時。牽曳難得。弟子化為老人。指揮方便。須臾得出。至周滅法。暫隱。隋興重更出之。蜀人但知其靈從地而出。亦不測其根源。見其華趺。有多寶字。因遂名為多寶佛。遂名多寶寺也。余問。多寶佛書出於亡秦之代。如何迦葉佛時。已有神州書耶。答云。亡秦李斯諱書此乃近代。遠承隸書之興。興於古佛之世。見今南洲四面千有餘洲。莊嚴閭浮。一方百有餘國。文字

言音同今唐國。但以海路遠。動數十萬里。譯者莫傳。故使此方封懷守株。不足怪也。師不聞乎。梁顧野王大學之大博士也。周訪字源。出沒不定。故玉篇序云。有開春申君墓。得其銘文。皆是隸字。按春申是周代六國時也。隸字則非春併之日也。此國篆隸諸書。猶有茫昧。事知迦葉佛時之事乎。非其耳目之所聞見也。余又問。今京城西高四土臺。俗謠云。是蒼頡造書臺。如何云隸字古時已有。答云。蒼頡於此臺上。增土造臺。觀鳥跡者。非無其事。且蒼頡之傳。此土罕知其源。或云黃帝之臣。或云古帝王也。鳥跡之書其變一途。今所聞施。有無益之言。不勞述也。又有天人姓陸名玄暢。來謁云。弟子周穆王時。生。在初天。本是迦葉佛時。天人為通化故。周時暫現。所問京西高四臺者。其本迦葉佛於此第三會說法度人。至穆王時。文殊目連來化。穆王從之。即列子所謂化人者是也。化人示穆王。高四臺是迦葉佛說法處。因造三會道場。至秦穆公時。扶風獲一石佛。穆公不識。棄馬坊中。穢污此像。謹像神。令公染疾。公又夢遊上帝。極被責教。覺問侍臣由余。答云。臣讀古書。周穆王時。有化人來此土。云是佛神。穆王信之。於終南山。造中天臺。高千餘尺。基址見存。又於蒼頡臺。造神廟。名三會道場。公今所患。殆非佛神為之耶。公開大怖。語由余曰。吾近獲一石人。衣冠非今所製。棄之馬坊。將非是佛神耶。由余問往視之。對曰。此真佛神也。公取像澡浴。安清淨處。像遂放光。公又

①受二總 ②隨而二而便 ③見十 (請像將還至今) ④六字 ⑤子二子 ⑥怪二芝 ⑦如二如 ⑧大小山算 ⑨一 ⑩耳 ⑪里十 (聞) ⑫申十 (君) ⑬國十 (君) ⑭也 ⑮一 ⑯隸二文 ⑰非 ⑱一 ⑲隸二 ⑳在初二初在 ㉑王十 (穆王) ㉒教二教

怖謂神瞋也。宰三牲以祭之。諸善神擊棄遠處。公又大怖以問由余。答曰。臣聞。佛神清潔不進酒肉。愛重物命。如護一子。所有供養燒香而已。所可祭祀餅果之屬。公又大悅。欲造佛像。絕於工人。又問由余。答曰。昔穆王造寺之側。應有工匠。遂於高四臺南村內。得一老人。姓王名安。年百八十。自云。曾於三會道場。見人造之。臣今年老無力能作。所住村北有兄弟四人。曾於道場為諸匠。執作請追共造。依言作之。成一銅像。稍好。則備。公悅。大賞。齋之。彼人得財。並造功德。於土臺上造重閣。高三百尺。時人號為高四臺也。或曰高四樓。其人姓高。大者名四。或曰兄弟四人同立故也。或取大兄之名。以目之。故高四之名至今稱也。又問。目連佛在日已終。如何重現。答曰。同名六人。此曰小目連。非大目連也。至宇文周時。文殊師利化為梵僧。來遊此土云。欲禮拜迦葉佛說法處。并往文殊所住之處。名清涼山。遍問道俗。無有知者。時有智猛法師。年始十八。返問梵僧。何因知有二聖跡。答云。在秦都城南二十里。有蒼頡造書臺。即其地也。又云。在沙河河南五十里。青山北四十里。又問。沙河青山是何語。答云。渭水終南山也。此僧便從渭水直南而涉。遂到高四臺。便云。此是古佛說法處也。于時智猛法師隨往禮拜。不久失梵僧所在。智猛長大。具為太常章卿說之。請其臺處依本置寺。遂奏周王。名三會寺。至隋大業中。廢入大寺。因被廢毀。配入菩提寺。今菩提寺西。堂佛首即三會寺佛也。

釋迦如來度迦葉後十二年中。來至此臺。其中見有迦葉佛舍利。周穆王身遊大夏。佛告彼土有古塔。可返禮事。王問。何方佛。答。在鄯京之東南也。西天竺國具有別傳。去歲長年師子國僧。九十九夏三果人也。聞斯聖跡。跣行至此。尋清涼山。國家供送。今夏在彼。所願應遂也。余問曰。自昔相傳。文殊在清涼山。領五百仙人。說法經中明。文殊是久住娑婆世界菩薩。婆娑則大千總號。如何偏在此方。答曰。文殊諸佛。仙之元師也。隨緣利見。應變不同。大士之功。非人境界。不勞評。泊。但知多在清涼五臺之中。今彼見有五臺縣清涼府仙華山。往往有人見之。不得不信。又問。今五臺山中。臺之東南。四十里。見有大孚靈鷲寺。兩堂隔澗。猶存。南有華園。可二頃許。四時發彩。人莫究之。或云。漢明所立。或云。魏孝文帝作。互說不同。如何。答云。俱是二帝所作。昔周穆之時。已有佛法。此山靈異。文殊所居。周穆於中造寺供養。及阿育王亦依置塔。漢明之初。摩騰天眼亦見有塔。請帝立寺。山形像靈鷲。名曰大孚。孚者信也。帝信佛理。立寺。度人。元魏孝文。北臺不遠。常來禮謁。見有人馬行跡石上分明。其事可知。豈惟五臺。今終南太白太華五岳名山。皆有聖人。為住佛法。處處有之。人有供設。必須預請。七日已前。在靜室內。安置軟座。燒香列疏。閉戶祈求。無不感應。至時來赴凡聖難知。若不爾者。緣請者多。希來至飯。今時有作寶頭盧聖僧像。立房供養。亦是一途。然須別施空座。前置

碗鉢。至僧食時。令大僧為受。不得以僧家盤盂設之。以凡聖雖殊。俱不觸僧食器。若是俗家。則隨俗所設。若不置前靜室等者。止可諸餘聖衆。或可降臨。以三天下同一供養。隨緣別計。故此寶頭盧難一遭遇。又問。今涼州西番。和縣山裂像出。何代造耶。答曰。迦葉佛時。有利寶菩薩。見此土人不信業報。以殺害為事。于時住處有數萬家。無重佛法者。菩薩救之。為立伽藍。大梵天王手造像身。初成已後。菩薩神力。能令此像如真佛不異。遊步說法。教化諸人。雖蒙此尊。猶不信受。于時菩薩示行怖畏。手擎大石。可四於聚落。欲下壓之。菩薩伴怖勸化。諸人便欲迴心。信敬於佛。所有殺具。變成蓮華。隨有街巷。華如種植。瑞像自此方攝神力。菩薩又勸諸清信士女。令造七寺。南北一百四里。東西八十里。彌山亘谷。處處僧坊佛堂。經十三年方得成就。同時出家有二萬人。在七寺住。經三百年。彼諸人等現業力大。昔所造惡。當世輕受。不入地獄。前所害者在惡趣中。又發惡願。被害我者。及未成聖。我當害之。若不加害。惡業便盡。我無以報。其吐大火。焚燒寺舍及彼聚落。一時焚蕩。縱盜得活。又以木水漂溺殺之。無一才遺。時彼山神寺未破。前收取此像。遠在空中。寺破已後。下內石室。安置供養。年月既久。石生室滅。至劉薩訶禮山示像。其薩訶者。前身元是利寶菩薩。身首別處。更有別緣。又問。江表龍光瑞像。人傳維什將來。有說扶南所得。如何。答曰。非羅什也。斯乃宋孝武征

●高+(立)● ●以目之●因名樓● ●欲二當陽● ●年二耳● ●(仙)● ●但知二薄聖知● ●四二一● ●象十  
(似)● ●度二勸● ●飲二樓● ●我二寬● ●(於聚)● ●(四)● ●惡十(衆)● ●說二款●

扶南獲之。昔佛滅後三百年中。北天竺大阿羅漢優婆塞。以神力加工匠。三百年中。鑿大石山安置佛。窟從上至下。凡有五重。高三百餘尺。諸彌勒菩薩。指揮作檀像。以處之。玄奘法師傳云。高百餘尺。聖跡記云。高八丈。足跌八尺。六齋日常放光。其初作時。羅漢將工人。上天三往方成。第一梅檀。第二牛頭栴檀。第三金像。第四玉像。第五銅像。凡夫今見。止在下重。上四重閉。石窟映微。見人藏。第六百年。有佛奈遮阿羅漢。生已母亡。生扶南國。念母恩重。從上重中取小檀像。令母供養。母終生楊州。出家住新興寺。獲悟三果。宋孝武征扶南。獲此像來都。亦是羅漢神力。母今見在。時往羅浮天台西方諸處。昔法盛曇無竭者。再往西方。有傳五卷。略述此緣。何得云什師背負而來耶。余問。什師一代所翻之經。至今若新受持轉盛何耶。答曰。其人聰明善解大乘。以下諸人並皆俊文。一代之寶也。絕後光前。仰之所不及。故其所譯以悟達為先。得佛遺寄之意也。又從毘婆尸佛已來。譯經。又問。俗中常論以淪陷戒檢為言。答。此不須評。非悠悠者所議。什師今位階三寶。所在通化。然其譯經刪補繁闕。隨機而作。故大論一部十分略九。自餘經論例此可知。自出經後。至今盛誦。無有替廢。冥祥感降。歷代彌新。以此證量深會聖旨。及文殊指授令其刪定。特異恒倫。豈以別室見識。頓忘玄致。殊不足涉言也。又問。防州顯際寺山出古像者。何代所立。答云。像是秦穆公所造。像出處是

周穆王造寺處也。佛去世後。育王第四女又造像塔。於此供養。于時此寺有三果人住中。秦相由余常所奉敬。往者迦葉佛時。亦於此立寺。是彼沙彌顯際造也。仍其本名以為寺額。又問。今玉華宮南檀臺山上有壇塔。面別三十步。下層極壯。四面石龕。旁有碎磚。又有三十餘窠。古老莫知何代。然每聞鐘聲。答云。此穆王寺也。名曰靈山。至育王時。勅山神於此造像。西晉末亂。五胡控。堀劉曜都長安。數夢此山。佛見在壇塔中坐。語曜曰。汝少飲酒。莫耽色欲。勸去邪候。進用忠良。曜不能從。後於洛陽酒醉落馬。為石勒所擒。初曜因夢所悟。令人尋山訪之。遂見此像坐小壇塔。與夢符同。便毀小塔。更作大者高一十九級。並造寺宇。極存壯麗。寺名法燈。度三百僧住之。曜沒趙後寺有三十二人。修得三果。仙神於今塔後。又造一寺。供養三果僧。神往太白。採取芝草。供養聖僧。皆獲延齡。寺今見存。凡人不見。所聞鐘聲即寺鐘也。其塔本甚離因劉曜。仍是穆王立寺之處。又是迦葉如來之古寺也。貞觀年中。玉華山北。慈烏川山上。常見鹿集。逐去還來。有人異之。於鹿集處。堀深一丈。獲一石像長丈許。又問。荊州前大明寺梅檀像者。云是優填王所造。依傳。從彼模來至梁。今京師又有何者是本。答云。大明是其本像。梁高祖既崩。像來荆湘。至元帝承聖三年。周平梁後。收國寶皆入北周。其檀像者。有僧珍法師。藏隱房內。多以財物。賂遣使人。像遂得停。隋開皇九年。高祖遣使人柳

顯言往迎。寺僧又求像。令鎮荆楚。顯言既是鄉人。從之。令別刻檀像。將往供。當時訪匠。得一婆羅門僧。名真達。為造。即今興善寺像。是也。亦甚靈異。本像在荊州。僧以漆布緘之。相好不及舊者。本是作佛。生來七日之身。今加布漆。乃同壯年相狀。故殊絕異於元本。大明本是古佛住處。靈像不肯北遷。故也。近有長沙義法師。天人冥讚。遂悟開發。剝除漆布。真容重顯。大動信心。披觀靈儀。全檀所作。本無補接。光殊殊異。象牙彫刻。卒非人工所成。興善像身一一乖本。又問。荊州河東寺者。此寺甚大。余與慈恩寺當法師交故。積年。其人即河東寺雲法師下之學士也。云。此寺本曾住萬僧。震旦之最。聞之欣然。莫測河東之號。請廣而述之。亦佛法之大觀也。答曰。晉氏南遷。郭璞多聞之士。周訪地圖云。此荆楚舊為王都。欲於荊州置之。嫌逼山遂止。便有宜都之目也。下至松滋。地有面勢都邑之象。乃掘坑秤土。嫌其太輕。覆土本坑。土又不滿。又見有一小堂子。周迴有塑像。云此地已屬三寶便止。自昔金陵王氣於今不絕。固當經三百年矣。便都建業。仍於此地置河東郡。遷裴柳薛杜四姓居之。地在江曲之間。類蒲州河曲。故有河東名也。東西二寺者。符堅伐晉。荊州北岸並沒屬秦。時桓冲為荊州牧。要翼法師。度江造東寺。安長沙寺僧。西寺安四層寺僧。符堅敗後。北岸諸地還屬晉家。長沙四層諸僧各還本寺。東西二寺因舊廢立。自晉宋齊梁陳代。僧徒常有數萬人。陳末隋初。

①東十(上車) ②今盛一誠讚 ③設二陰 ④防二坊 ⑤城二世 ⑥沒二如 ⑦仙二山 ⑧三二二 ⑨迎二定 ⑩供二泰 ⑪者十(員) ⑫生二成 ⑬沙二妙 ⑭日二號

有名者三千五百人。淨人數千。殿一十。二間。唯兩柱通梁。五十五尺。梁極重疊。國中京觀即彌天。釋道安使弟子翼法師之所造也。自晉至唐。曾無虧損。殿前有四鐵鑊。各受十餘斛。以種蓮華。殿前塔宋王義季所造。塔內塑像。及東殿中彌勒像。並是初利天工所造。西殿中多金銅像。寶帳飛仙珠幡華珮。並是四天王天人所造。寺內僧衆兼於主客出萬餘人。當途講說者五十人。得其聖果。各領千僧。餘小法師五百餘人。十誦律師有四十九人。得聖果。大小乘禪師八百餘人。其得聖果者二百四十四人。徒衆嚴肅。說不可盡。寺法立制。誦經六十紙者免雜那。誦法華經度者免直歲。寺房五重。並皆七架。別院大小合有十所。般舟方等二院莊嚴最勝。夏別常有千人。寺中屋宇及四周廊廡等。減一萬間。寺開三門。兩重七間。兩廈殿宇橫設。並不重安。約準地數。取其久固。所以殿宇至今三百年餘。無有損敗。東川大寺唯此爲高。映曜川原。實稱壯觀也。又問。彌天釋氏宇內式瞻云。乘亦驢荆襄。朝夕而見未審如何。答實也。今東寺見有驢臺存矣。後人崇敬其處。於上植樹。周砌石池。蓮華莊嚴供養。此印手菩薩不思議之跡也。又一本云。乘驢事虛也。問曰。若爾傳虛何爲河東寺尚有驢臺。峴山南有驢村。據此緣由。則乘驢之有地也。答曰。非也。後人築臺於上。植樹供養焉。有佛殿之側頓置驢耶。又中驢之名本是閭閻郡國之故地也。後人不練。遂妄擬之。此事兩本所說各

異。故備錄之。又問。蜀地簡州三學山寺空登常明者何。答曰。山有菩薩。寺迦葉佛正法時初立。有歡喜王菩薩造之。寺名法燈。自彼至今。常明空表。有小菩薩三百餘人。斷粒遐齡。常住此山。此燈又是山神。李。特續後供養。蜀主故。至正月處處燃燈。以供養佛寺。又問。涪州相思寺側多有古跡。篆銘勒之。不識其緣。答曰。迦葉佛時有山神。姓羅名子明。蜀人也。舊是持戒比丘。生憎破戒者。發諸惡願。令我死後作大惡鬼。破戒戒人。因願受身。作此山神。多有眷屬。所主土地。東西五千餘里。南北二千餘里。年敬萬人已上。此神本曾爲迦葉佛兄。後爲弟子。彼佛憐愍。故來教化。種種神變。然始調伏與受五戒。隨識宿命。因不噉人。恐後心變。故佛留跡。育王於上起塔。在山頂。神便藏於石中。塔是白玉所作。其神見在。郭下寺塔。育王所立。事見付南海循州北山興寧縣界靈龜寺多有靈跡。此乃文殊聖者弟子。爲此山神。多造惡業。文殊惡之。便來教化。遂識宿命。請爲留跡。我常禮事。得離諸惡。文殊爲現。今者是也。貞觀三年。山神命終。生兜率天。別有一神來居此地。即舊神親家也。大造諸惡。生天。舊神惡之。下請文殊。爲現小跡。以化後神。又從正法。故今此山大小跡現。莫不匪由焉。事見付又問。涪州北山見今石窟中佛常有光明者何。答云。此窟迦葉佛二時備有。往昔周穆王第二子造迦葉佛像。又問。涪州終南山有佛面山七佛洞者。事同於前。南山庫谷大藏。是迦葉佛自手所造之

藏也。今見有十三緣覺。在谷內住。又曰。今諸處塔寺多是古佛遺基。育王表之。故福地常在。不可輕也。今有名塔如常所聞。無名藏者。隨處亦有。河西甘州郭中寺塔中有古佛舍利。及河州靈巖寺佛殿下亦有舍利。秦州麥積崖殿下亦有舍利。山神藏之。此寺周穆王所造。名曰靈安。經四十年。常有人出。荊州長寧寺塔是育王造。下有舍利。入地丈餘。石函五重。盛碎身舍利。益州三塔。大石。今名武擔今名。雒縣。並有神異。如別傳。之。又問。楊州長干塔。鄧縣塔。是育王者非耶。答曰。是昔劉薩訶威靈。今往楊州。登越城。望見長干。有異氣。因標掘獲。如今傳所明。余問。若爾。已有長干。便爲佛刹。不答。非刹干也。干是地之長隴。名隴爲干。塔逼長隴之側。書不云乎。包括干越。越地多長隴也。臨海鄧縣塔者。亦是育王古塔。小塔是賢劫初佛中者。有迦葉佛臂骨。非人所見。羅漢將往鐵圍山。留小塔。從地涌出。爲開俗福也。其塔大有善神。恒現二魚。井中鰓鯉魚護塔神也。其側有佛足跡石上者。云是前三佛所踏處也。昔周時。此土大有人住。故置此塔。又問。若爾。周穆已後諸王建置塔寺。何爲此土文紀罕見。答云。即立塔。爲於前緣多是神靈所造。人有見者少。故文字少傳。楊雄劉向尋於藏書。往往見有佛經。豈非秦前已有經塔。今衡嶽南可五六百里。在永州北。有大川。東西五百餘里。南北百餘里。川中昔有人住。數十萬家。今生諸巨樹。大者徑二三丈。下無草木。深林可愛。中

○二二三○ ○氏二道安○ ○李二李○ ○特二特○ ○鬼二力○ ○白玉二育王○ ○積岸二積岸佛○ ○(之)一○ ○州二龍○ ○立二靈○

有大江東流入湘江。尋湖覓之。即得川南有谷北。出入谷有方池。四方砌石。水深龍居。有犯者輒雷震。山谷左側多。出橘柚楊梅之屬。列植相次。池南有育王大塔。石華捧之。上以石龜覆。而與地平。塔東崖上具有碑記。篆書可識。登梯抄取。足知立塔之由。衡山南大明師置寺處。亦有石塔云云。其寺南北十餘里。七處八會。流渠靜院。處處皆立。又問。此土常傳。佛是殷時。周昭魯莊等。互說不同。如何定指。答曰。皆有所以。弟子夏桀時生天。具見佛之垂化。且佛有三身。法報二身則非人見。並化登建已上。唯有化身。普被三千百億天下。故有百億釋迦。隨人所感。前後不定。或在殷末。或在魯莊。俱在天干之中。前後咸傳一化。感見隨機前後。法報常自湛然。不足疑也。又問。今時瑞像多者。云育王第四女所造。共事幽遠。難得其實。答云。育王第四女。厥貌非妍。久而不出。常恨其醜。乃圖佛形。相好異佛。還如自身。成已發願。佛之相好。挺異於人。如何同我之形儀也。以此苦邀。彌經年月。後感佛現。忽異昔形。父具問之。述其所願。今北山玉華。荊州長沙。楊都高悽。及今崇敬寺。並是其像。或書光趺。人罕識者。育王令諸神鬼所在。將往開悟佛法。今諸像面莫匪女形。崇敬寺地本是戰場。西晉將來。五胡大起。兵戈殺害。此地極多。地下人骨。今猶見在。所殺無辜。殘害酷濫。故諸鬼神。携以鎮之。令諸冤魂得生。善念周朝滅法。神亦徒之。陪主載隆。佛還重。起。又問。諸神自在。威力殊大。至

如蜀川三塔。威名大石。人有掘者。莫測其源。至如秦川武功一塔。古老相傳。名曰育王塔。三十年中。一度出現。真觀已來。兩度曾出。雖光瑞殊壯。而舍利如指骨。在石函中。如何狹陋若此。答云。諸鬼神中。貧富不定。各是往業。如人不殊。天中亦爾。隨其所有。而用供養。此塔云云。又問。幽冥所感。俗中常有疑。以神去形朽。而猶前來。如記傳中。或經七日。百日至三年者。識來形起。如生不殊。如經中云。錄其精神。在彼王所。五三。七日者何耶。答曰。人稟七識。識各有神。心識為主。主雖前往。而餘神守護。不足怪也。彼問余云。師言受戒一戒幾神。余云。見五戒中。一戒五神。未知大戒如何。答云。僧之受戒。有二百五十神。若毀一重戒。唯一神不在。則二百四十九神。恒隨犯戒者。又問。荷荷此見者。綿州巴西縣人也。得第二果。客遊新繁村中。教學。其人不食酒肉。村人多信外道。與其酒肉令食。其人不食。村人遂打之。其人能書。村人從乞。不與。又更被打。復不禮遇。遂即憤懣。因發誓願。於村外草中仰臥。以筆向空書之。村人怪問。答云。我書經本。這天看讀。不許人見。上界諸天。將天中紙向下承筆。遂寫得金剛般若經一卷。經于七日。力始得了。諸天於上。造作寶蓋覆之。地遂無草。放牛小兒。避雨多於其下。村人怪其衣燥。答云。我於荷先生。寫經處避雨。村人因此遂即信敬。今於其處。以木為欄。不許侵污。每至齋日。村人於中設會。又問。鼓山竹林寺名。何代所出。答云。是迦葉佛時造。周穆王

於中更重造寺。穆王佛殿。並及塑像。至今見存。山神從佛。請五百羅漢。住此寺。即今見有二千聖像。遠寺。左側見有五萬五通神仙。供養此寺。云云。已後。論律相天問余云。師本在梁。已為持律之首。大有著述。論名。人皆聞之。建初定林。成其所住。及生見慈尊。少有慢情。亦大有決律相。故今生人間。今之所解。百不存一。然有所注記鈔儀。並是曾聞餘習。計師報命。已終過一年矣。今則以傳錄餘業。慈力所薰。天人扶助。故日復一日。師豈不知。去年已來。無降損日。但枯爽耳。如枯樹朽車。無由更壯。余問。若爾。意欲更讀藏經。抄錄要行見事。可得遂不。答云。師前讀藏經。太篤。但究與律相。扶者。至於優柔。文義。過非深細。必欲重讀。隨分亦應得耳。無奈報命久終。生處復欲師到。師常觀不願早生。在人。有弘律教。幸願悉之。又曰。前所製章服儀。靈神咸喜。自佛法東傳。六七百年。南北律師。曾無此意。安用殺生之財。而為慈悲之服。全不然也。師何獨拔此意。答曰。余讀智度論。見佛著龜布僧伽梨。因懷在心。何得乖此。及聽律後。便見蠶衣。臥具。縱得已成。並斬壞塗墍。由此重增景仰。古昔周朝。老僧咸著大布衣。一生服一補者。咸布乃至重二三斤者。復見西來梵僧。咸著布氈。具問。答曰。五天竺國。無著蠶衣。由此與念。著斯章服儀。通瞻古今。成教。融會。臥具。三衣。且凡情瑣細。保固尤重。身服所接。莫匪損生焉。肯捐捨著法服。又法服所擬。本顯慈仁之心。非仁無以拔濟。

辭必由慈而讓。故佛心者大慈也。殺生而行慈。未見其可。故沈隱侯之著論也。五畝之宅。樹之以桑。則年六十者。容色已衰。內假繡綺。外存大布。所以大布之服。通於富貴貧賤也。今猶通行於王臣。古法不改。有老少之殊。故致降殺之異。道無損害之理。長少咸一法衣。法是慈化焉。通損害也云云。又曰。三衣破緣而縫。江表咸然。此何不爾。余曰。四分無文。故。絕。二縫。答曰。十誦有文。何得不用。此制有以。不可不行云云。又大衣重作師比行之。然於上葉之下。乃三重也。豈得然耶。即問其所作。便執余衣。以示之。此葉相者。表於稻田之腰。以割截衣段。就裏刺之。去葉。懸麥許。此則條內表。田。葉上表渠。豈不然耶。今則通以布。一非割截。二又多重。既非本制。非無著之失。然猶。全單之者。正從得失為論。又問余云。坐具兩重斯成本制。割截後更接。但是一邊一頭意者。接於四面。通皆周緣如何。余云。今信誠教。不徒設也。律云。於本制外。廣長更增半握手。據文止是一廣一長。不云四周之廣長也。在事非無不便。猶勝跋閣之蹤。便默然。又問余云。今見比丘行者。以坐具置左肩上。情有不同。何者。坐具資下之具。如何忽在上肩。又衣角多在左手。今則如何在左肩上。弟子俗人未廣知律。師可說之。樂聞斯要。余曰。坐具在肩。斯誠教也。舍利弗初起祇垣。外道雲踊。須達命舍利弗。乃具修威儀。以尼師檀置左肩上。庠序入大衆中。至高座取而敷之。又諸律論多處有

文。比丘食已。入定出定。以尼師檀在左肩上。入林坐禪。且三衣右角皆在左肩。坐具安上。又加鉢袋於上。故善見云。鉢袋貫左肩。青色分明。豈非古人行事也。今則三衣。下置左肘。坐具藏于內臂。及論方坐若食若語。並在左膝。鉢袋絡左腰。下垂左腋。時代訛變。遂失本源。余見古之瑞像。今此方見制者。莫不以衣搭於左肩。然始後取衣角共左臂內衣角。屈而捉之。努出二角。如羊耳之相。斯則俯同此律。亦是聖之楷模焉。有行則收。來左肩。坐則放縱左臂。未見正文所許。終是放逸威儀。又坐具之制本為護。於身衣及僧臥具也。其中表裏俱淨。不同此土之僧。故經中。乞食已還至本處。收衣鉢方始洗之而坐。至於革屣。拭刮綱系。如面手焉。故身衣俱淨在肩。無有不淨之者。此土之僧。身之臭穢。焉可以言。左古便利。曾不潔除。內外衣裳。曾何淨潔。三衣少備。裙袴尤多。人見猶有厭其腥臊。天間義當悲其忍辱。據此誠文。今在肩上。觀事止可藏於臂中。如有依法沙門。不行惡習。內外俱淨。形服可觀。豈得背佛誠言。不順左肩之法。故十誦奈耶云。三衣之鉤紐也。前去緣四指施鉤。後去緣八指施紐。以右角挑左肩上。後紐綴於前鉤。今則一倍反之。豈是教文所許。但以凡僧識想。憑準正教。及以見緣。如有差違。賜垂譴誨。諸非人等咸皆默然。次後不久。有一天人來云。弟子黃瓊致敬已云。向述坐具。殊有可觀。憑準經論。無差違者。然始終不備故。重仰論元。佛初度五人。

爰及迦葉兄弟。並制袈裟左臂。坐具在袈裟下。西天王臣皆被白氎。搭左肩上。故佛制。衣角居臂異俗。頗轉比丘威儀度物。爾時法服猶未搭肩。後度諸衆。徒侶漸多。少比丘儀容端美。入城乞食。多為女愛。由是佛制。衣角在左肩。後為風飄。聽以重物鎮上。比丘不達佛意。自造鎮衣之物。種種莊嚴。諸俗譏嫌。比丘以事白佛言。我前聽安重物。即是尼師檀。餘者不合。後王舍城外道。名達摩多。稱一切智。所著衣服。並皆鮮淨。日易一衣。日三十浴。所食皆以香薪香炭作之。所住皆以香材。塗泥皆以香汁。園林皆植香樹。所種花藥。皆是香者。流泉池水。皆聚牛頭檀香內水中。以為香潔。雖帝釋歡喜之國。未能加也。世尊爾時將諸比丘。入城乞食。執持衣鉢。坐具在肩。有諸外道。語達摩多言。今瞿曇沙門。入城乞食。可往言論。降從大師。時達摩多領諸徒衆。身披白氎。所披一張。價直千兩紫磨黃金。將至佛所。時大梵天王。請佛昇天。外道至唯見比丘。便問比丘。肩上海布持將何用。答曰。擬將坐之。又問。汝所披衣名何等。聖答云。忍辱鎧也。又問。何名忍辱鎧。答曰。即是為三寶之相。上制天魔。下降外道。達摩多云。此衣既為可貴。有大威靈。豈得以所坐之布而居其上。為是瞿曇教汝。為是汝自為之。諸比丘咸皆默然。外道云。若瞿曇教汝。此法不足可尊。云何自稱一切智人。若是汝自為之。師何復不教汝耶。比丘食訖還僧坊中。以事白佛。由此佛制。還以衣角。居于左臂。坐具還在衣下。於

①二三三②③之十(此葉之下乃三重也)④八字等⑤翻麥許一橫表已後⑥田十(款)⑦師⑧全單二合革⑨正二止⑩(始)⑪⑫來左肩二來左臂⑬如十(前)⑭後十(後)⑮仰二却⑯



後比丘披著袈裟，多不齊整。諸羅車子譏言，無有威儀。所披衣服，狀如婦女。猶如象鼻。由此始制。上安鉤紐，令以衣角達于左臂，置於腋下。不得令垂如上述也。前引舍利弗事，此乃前開不見後制。義須輪綜。往者鷄鳴之詩，聖壺掌漏刻之官。齊侯無道官失其守。諸侯來朝，顛倒衣裳。詩人刺之。可不銳哉。書云：冠雖賤，不可以居下。履雖貴，不可以居上。此言雖小，可以況大。古人或詢薊薊，伏願仁慈，不以人微廢教也。余備開雅論前代憲章，斯則一化之所宗承。三藏之弘轍也。如或鏗執，頓拒未聞。何殊結集永開八事之緣。不遵上座重結之相也。雖無此示，情或廣之。五分律中，餘方不為清淨者，雖制不行。據此可依準的。況復天人賜降，周統開制。恨知之晚也。然於現教事等亡篇，仰以信之。亦同飲光之罰歎喜也。如是云云。又云：元制坐具之意，用表塔基之相。僧服袈裟在上，以喻法身之塔。塔基既不偏邪，坐具寧容長廣。縱使四周具貼，不違半據之文。但以翻譯語略。但云各半據手。十字而論，即是四周之義。又問：比見西域僧來，多縫衣業者何。答曰：此佛滅後，將二百年。北天竺僧與外道同住。外道嫉之，密以利刀內衣葉中。同往王所，外道告王。沙門釋子內藏利刀。將欲害王。因即檢獲。由此普誅一國比丘。時有耶舍阿羅漢，令諸比丘權且縫合，為絕命難。此乃北方因事。權制，非佛所開。今有南方比丘，皆悉縫合，有無識者，亦學縫之。又問余曰：戒壇之興，佛所重也。祇

●垣一寺頓結三壇，兩居佛院。唯佛所登。為集諸佛登壇而論，僧尼結戒也。僧院一壇，為受具者莊嚴列窟。如須彌座。神王石柱守護。不虧。下至水際，經劫無沒。北天竺東見有石壇，相狀弘偉。師今何緣特立壇相。天人顯顯，莫不讚悅。余答云：曾見僧傳，南林戒壇，意便重之。故仰則也。彼云：豈唯一所。今重幽求南方大有。初昔宋求那跋摩於蔡州立壇。晉竺法汰於瓦官寺立壇。晉支道林於石城沃州。各立一壇。晉支法領於若耶。謝敷隱處立壇。竺道壹於洞庭山立壇。竺道生於吳中虎丘寺立壇。宋智嚴於上定林寺立壇。宋慧觀於石梁寺立壇。齊僧敷於蕪湖立壇。梁法超於南湖立壇。梁僧祐於上雲居栖霞歸善愛敬四處立壇。今荊州四層寺刹基，長沙刹基，大明寺前湖中，並是戒壇。今以事斷。江左淪州已下，迄于江淮之南，通計戒壇總有三百餘所。山東河北關內劍南戒壇，事不絕故。使江表佛法經今四五百年，曾不退廢。由戒壇也。戒為佛法之初源。本立而不可傾也。自此河之左右，曾不聞名。由此佛法三被誅殄。又江漢之南，山川秀麗，綺錯見便忘返者，土地之然也。人依外報故，使情智聰敏，形心勇銳，遂能詳度佛教，深有所依。無所疑慮。不可忘廢也。中原兩河，晉代南度之後，分為一十六國。以武猛相陵，佛法三除。並是北狄之胤。本非文地。隨心即斷。曾未大觀。豈不然乎。戒壇之舉，住持之重，戒相也。衆僧說戒受戒，咸往登之。事訖東迴左轉，南出而返也。余問：經中

咸言右旋右脇右邊等相。今云左邊如何。答云：天常法爾人常乃右也。故日月星辰皆左行也。天氣風轉，遂從西沒。不見月之始生也。初在西方。漸漸而東。亦從西沒。漸上東迴也。西沒風轉也。地上蔓草生必左旋。此是天常也。今有西從日月之轉人謀也。佛亦從之。左轉者，此方不為清淨也。故如來右脇而臥。首北面西。觀本生地佛法久流。於此方制。諸比丘悉右脇臥云云。因從請出祇垣圖相。遂取紙畫分齊。一一諸院述其源流。如別可有百紙。又復不久有天來云：姓姚氏云：弟子天人自有姓字。語同天竺。師既不解。還述本音云云。不久復有天來云：姓荀氏云：弟子本相州人也。往以夏殷多難，將家入白鹿山。山中素有辟支佛住云云。最後一朝章將軍。至致敬相問。不殊恒禮云：弟子常見師在安豐坊。初述廣弘明集，割斷邪正，開釋明顯，異於前者。甚適幽心。常欲相尋。但為三天下中，佛僧事大。闕訟與兵。攻伐不已。弟子職當守護。慰喻和解。無暫時停。所以令前諸使者，共師言議。今暫得來，不得久住。師今須解佛法衰味。天竺諸國，不及此方。此雖犯戒，太途慚愧。內雖陵犯。外猶慎謹。故使諸天見其一善忘其百非。若見造過，咸皆流涕。悉加守護。不令魔子所見侵惱。余問：欲界主者豈非魔耶。以下諸天皆非魔屬耶。答曰：魔若行惡。四天帝釋皆所不從。若下二天行諸善法。魔及魔子無如之何。此方僧勝於大小乘曾無二見。悉皆奉之。西土不爾。諸小乘人獲大乘經。則投火中。

●代二後 ●長廣縱二縱橫 ●略二異 ●(增)十半 ●推十(且立) ●悉二亦 ●垣二垣 ●汰二遺 ●●十(漢字) ●此二北 ●平十(故) ●成二作 ●原本冠註曰法華準事抄僧象當作乃至 ●推十(云云) ●

小僧皆賣於北狄。耆者奪其命根。不可言述。今菩提大寺主威猛象。有八萬僧戶數。十萬。王征不得。遠塔之下。日有金帛。收已自納。厨內生魚積成大聚。羊腔懸之。劇。屠宰肆然。亦守護。不令惡鬼害之。余問曰。可無善神龍王。何因縱其造罪。答曰。血食之神咸來齋衛。諸受佛語者。守護大乘寺僧。余曰。常見此國以殺戮為功。每願若死生龍鬼中。有大勢力。令其不殺如何。此神還縱其殺者。答曰。並是衆生惡業所致。魚羊還債。是其常理。余問。還債之業誠是可嘉。然彼殺戮無不由惑。惑是貪嗔癡。貪癡之惑結在惡道。如何諸神故縱造耶。答曰。亦是業定諸佛不能除。況諸神者生此國中。正念既失。便縱其殺。余曰。先有此願。脫生失念。墮彼如何。答曰。自非觀行明白。在涅而不。纔。方可得行此也。韋將軍所言既終。作禮而退。律相感通傳卷終

高麗本卷尾記云

此一卷書藏所無。然而可洪音疏云。出貞元日錄。勘經慈澄上座傳來寄映。故在此函。丙午歲。高麗國大藏都監奉勅影造。右校訂四本。以示其異。雖竭愚誠。尚恐有所漏。然皆鑒取拾於四本。考援引于諸典。無敢以臆斷。妄改易者矣。至舊刻字畫僞誤而今歸正。則不錄也。讀者須知。豈享保歲次戊戌春三月望日金峰後學沙門慈元敬識

No. 1839

祇洹圖經序

蓋聞。蒼生敬福之靈歸真之基起立支提。景仰塔像其結實皇矣。至如給孤布黃金於祇陀之園。優填影梅檀於牟尼之像。建乎爪髮兩塔衣影二臺。竝皆如來在日既見成軌。且夫真身無形因感。故彰感既有差池。形應亦有殊。若乃心路隔絕則真儀無應。至誠精誠則變動天地。昔者平仲憂大旱。自焚火起而雨至。杞婦哭梁殞之屍。宮城爲之崩。由是觀之神依物感。豈曰虛哉。釋教東漸咸歸風化。形像塔廟每懸競列。泊乎像末之選。法教衰替人情浮蕪製造無範。輕慢於是乎生。禮敬於是乎廢。若有覺人號曰南山教主。照大師。利見震旦應肇律主。天地同其大德。日月合厥重光。玄關幽鍵感而遂通。遠源浚波酌而不竭。龍鬼歸仰天人攀足爲摩。我祖之麗德豈可得稱乎。而汎愛不捨物。恐後世造塔廟無所表彰。竊據靈威製祇洹圖經雙卷矣。叔世懷道之士無有出乎玉關。超乎蒼嶺繁索攀杙之勞。宛然如視聖迹者匪此經之益耶。當大宋之曆雖律風勃興此經既喪矣。我大智律師邂逅遇乎日域將至矣。方今漢地再有斯書。吾國之爲也余偶雖得乎一本繕脫淫滅書誤絡繹。每披卷未嘗不喟然而歎矣。頃載有故移偶乎石清水神官寺大乘律院。茲獨賞長謂余云。經坊之中祇洹圖經

中天竺舍衛國祇洹寺圖經序

唐乾封二年季春終。南山釋氏威靈所出夫寺塔之基其源遠矣。自賢劫創啓諸佛告成。引四生而開三聖。引五乘而會一極。莫不以革俗爲出有之本。通理爲入空之致。故使權圖匪定而義實斯顯。所以道場別住。木石上宇周微短長。院坊小大僧佛位殊故。設置斯別凡聖性異故。禮供分倫重門洞開啓三七之嘉謂。林池交映引四八之康途。表稱既彰其尊亦穆。故十方清信歸迹雲集。九界靈祇投誠霧結。至於六師異道傾影覆之威奇。四俗懷生得真教之雅趣。斯並古佛之行事故。蟻窟而猶存。流施不窮致來聖。而同襲然。卽世相不停。陵谷交資能事斯復。故接非常。今則大野丘墟同泰離之永歎。遺基茫昧顧寒露而深淒。自告隱兩河歸真雙樹。法流振且方聞勝蹤。而法勇法盛之儔。道蓋道生之侶憤發精爽。慷慨未聞視死若生。追蹤高軌

既達故地。止見遺塵。雅相雖繁終傳往迹。莫若面親用啓幽心。但以昔緣未絕冥威有從天人及殊聞。義便舉敢以所述。用陳幽鏡遂蒙照示圖而傳之。自大聖入寂以來千六百歲。祇園與廢經二十返。增損備缺事出常機。故使圖傳紛紛藉以定斷。其中高者三度殊絕。自餘縮構未足稱言。隋初魏郡靈裕法師名行夙彰。風操貞遠撰述寺誌具引祇園。然以人代寂寥經籍罕備法律通會緣叙未倫。然則布金留樹重閣層門七日而騰架於千畝。鐘鐃而各聲於百院。語斯大然事蹟常經。莫非統機之緣天人助其成務。通感之義龍鬼贊其神功。昔聞輪皇建塔一時而興八萬。大土化物大室納於兩儀。豈惟人謀乃繁玄承草創。今則無從此所傳者。生在初天即南天王之大將八之一也。見始及終止過時朔。親受遺寄弘護在懷。慈濟無蒙非其視聽。流此圖經傳之後葉。庶或見者知有所歸。輒錄由來無昧宗緒。余以祇園本寺主久所居二十五年。一期化迹七處八會之鴻業形不從於此園。五部四合之玄藉法多從於斯寺。由是搜探群篇特事通叙。但以出沒不同懷鉛未即。忽於覺悟感此幽靈。積年沈鬱豁然頓寫。然夫冥隱微顯。備聞前絕于寶搜神之錄。劉慶幽明之篇。祖台志怪之書。王琰冥祥之記。廣張往往未若指掌。流俗低環之儔或生果論。未達通方之臣昌斯傳不足以聞。又有旌異述異之作冥報顯報之書。類叙煩攝光問古今。余即所列事等文宣天王之錄。亦同

建安石佛之作。覺夢雖異不足懷疑。恨以八十位年情爽頓絕面藉指授耳。聆曲誨及至修疎十不存一。納緒圖傳發未聞想。諸同儕恕其梗概之云爾

### 祇樹給園圖

敘某園寺伽藍別作精舍。大有因緣致不遺廣引。

經律大明寺之基趾。八十頃地百二十院准的東西近有十里。南北七百餘步。如近有傳云。昔佛在時須達祇園同共造立經中述致。如前所聞經二百年。則當此土周姬第十三主平王之三十一年也。被燒都盡其故何耶。祇陀太子保愛此園。須達逼買不辭金費。太子情恪殷殷重悔。須達志堅確乎不動。太子見其不吝黃金情欣供養。告長者曰。吾自造寺不假於卿。須達不許。太子立願。樹金不須可以供養。後若荒廢願樹還生恰至被燒。屋宇都盡所立樹者如本不殊。須達昔為凡時。賣肉得財居賤。出貴常願荒儉。雖獲巨富財由穢心。以此造寺終遭煨燼。太子力淨心。樹生業行雖虧不思議也。於後四百年有稱育迦王。依地而起十不及一。經千百年被賊燒燼。經十三年有王六師迦者。依前重造屋宇狀麗皆寶莊嚴。一百年後惡王壤之為殺人場。四天王及娑竭羅龍王忿之。以大石壓殺毀者。九十年荒無人。物。切利天王令第二子下為人正。又依地花造飾嚴好。過佛在時經百五十年。魔天王燒滅。則當此土漢末獻帝時二十九年。以事往徵顯宗已。後和安桓靈

之代西域往來行人踵接。則見天王蒼構之作祇樹載茂之緣。後雖有者脫甚至今日。荒涼而已寺名祇樹給園獨闕。依寺誌中凡有十二日淨住舍。三日法同舍。四日出世舍。名。一曰。二曰。三曰。四曰。五曰。六曰。七曰。八曰。九曰。十曰。十一曰。十二曰。此十名依經釋相。各有其致如彼語中。今依諸經初造此園。其地南北周徼八十餘頃。東西長列在舍衛城南五六里許。被諸神怪。守護此場院。大牆有三重。高可二丈。施步檐。椽廡相架朱粉相暉。案寺語云。外面重院。牆外表三歸依止外護相。內一重院。牆內表三寶因果歸鏡相。內院高出外院。五尺以表三寶因果出過五道故也。餘有佛法寶僧院堂房多少。圖續相狀類例殊倫。梵王天王之別座。野鬼餓鬼之殊室。具繕供侍常以八王之與六齊。財施法施隨時少食之與大食各有其致。廣文如彼

此寺大院但列三門於三方。北方不開。案裕師聖迹記。寺開東北二門。遠祇園院有十八寺。又案寺語云。祇園一所四門通徹。十字交過據今上圖。北方無門以事詳之。則前後起造制度各別隨時聞見。即而列之不足疑怪。此之圖經最初布金繼之作也。南面三門中央大門。有五間三重重樓映奪者。祇陀太子所造。此三重者表三空門。明於佛法三空也。為本創入佛理衣為初宗。故立三重表三空也。門外渠水飛橋北跨亦有五道。彫飾之異

特非人有。東西二門三重同上。俱有三間。門外飛橋三道。亘入外有林樹。清淨旋繞。及至三邊花樹。接見者發於敬重。深心入。大中門左右院巷門戶。當對水樹交加。大院東門對於中道東西通微。此門高大出諸院表。上下重沓一十二重。橫闊布地十七門。莊飾之奇。挺冠空野。四方道俗初來禮觀。未敢北面。多歷此門在。院已方乃謁現。案寺誌云。此門宏壯者表始信入道之處也。其門重閣表裏素畫。作大梵王像。天帝釋像。四大天王。人大鬼王。神龍王諸像。所以圖其形相者。表同影響。通護三寶之住持也。大院西門其狀未聞。行事在於無常。故使相量不顯也。大門之東。自分七院。南畔西第一院。名他方白衣菩薩之院。院開北門。其內有堂。花樹充滿。每有他方俗士菩薩。遠來朝覲。初止此中。後方見佛。其院中有頗梨師子。兜率天王手自作之。形如拳大。至時口出妙音。如命令鳥。音中說八萬波羅蜜。諸菩薩聞法登位地。每至臘月八日。含衛城中士女各執香華來聽法音。及命令鳥金翅鳥子。鵝鴈鳳凰皆來相。人及諸鳥。或得初果。及入大乘法眼淨者。大小巷北一院。名他方菩薩之院。門勒南開。其內堂房林樹如前。中有健槌。是散脂大將所造。作一銅龍。眞石蓮花。日出花開。日沒花合。關至時。花合。關諸葉皆動。猶若風吹。龍即出聲。維那聽音。即鳴健槌。西院之東南畔一院。名比丘尼來請教授之院。一門北。關對東門街。一門東。關內有堂樹。如西院中。每月晦望。尼來

請教誠時依住於此院。有剎于高三丈許。阿修羅王所造。其剎于有鳳口銜銅鈴。尼若來時鈴卽自鳴。不如法者鈴卽惡鳴。罵詈以醜詞有精進事。出聲譏謔又說六度諸法。次以巷北一院名教誠比丘尼院。內有堂樹門對南開。一門東開如前院相。每月二時受尼往教誡。前西北有一大院。名他方諸佛之院。爲通化故時來此中。內有林地花樹充滿。東西二門對大街開。大梵天王化作十二方石。清淨光潔佛坐上。中有摩尼天鼓。時至白鳴。和修吉龍王所造。其聲遠聞。下至水際上至有頂。地獄人聞離苦生天亦有入果。小乘人聞得至大乘。初發心者得入七地。他方佛院巷北又分二院。西邊一院名佛香庫院。門向西對大街開。其中天童所執。次東一院名諸仙之院。門向南闕堂樹充滿。中有一部天樂三千種。七寶所成。一。皆有七寶人擎持此樂。仙人若集諸樂自鳴奏神仙曲。佛入仙院爲說法時。諸七寶人便奏六度四諦之曲。諸五通仙我慢山崩。或得三果或入初地不可具說。其樂聲聞一四天下。維衛佛時香山中摩利大仙所造。佛去世後文殊持來清冷山中。釋迦佛出持詣祇洹。如來滅度此樂自飛往清冷山金剛窟中。上七院者並在大門之東東門之西。其中渠流交過通徹清潔。復廣觀見傾仰忘勞疲。南面東門如上三重。直北跨橋有烏頭門。五道亘入又至五門方達中街。東門之東自分九院。初南西有一院。名大梵天王之院。東西二門中有天螺一

十二枝。諸梵集時先止此中。解脫衣常蒙嚴飾。欲參佛前螺卽自鳴。聲聞三千大千世界梵王欲問六度四諦。螺如所會便爲吐音。諸聞聲便集佛所。又院內有玉池。池內有金蓮花。中復有十三天童。擊螺鬘常念佛至花開。佛涅槃後大梵天王將歸天上。次東一院名知時之院。其門西開諸院。維那看相觀時在于斯院。其內曾有漏刻院。中復有黃金須彌山海水。山中奇事不可述盡。上有金城。白銀七寶以爲樓。檣高三丈餘。大梵天王第三子所造。四角四樓四面合十二門。四中門上亦皆有樓。其四樓內各有寶人。時至卽出却敲打一鼓。於斯城上露處已有一十二人。各執白拂唱午時至。南門卽開馬從中出。時過卽縮門便還閉隨十二時。獸之出沒其例亦爾。夜中別有多人行更一分明。佛臨涅槃山動出聲。所作時節並皆不著。寶人涕泣或有手折。滅度之後經十二年。大梵天王收歸天。彌勒下生還來本處。二院之北有一大院。卽於此大院更分爲四院。初西南畔一院名魔王施物之院。門向東開。魔天初下先且入此院中內有一鐘。七楞七角摩尼寶作受三十萬斛。入天大集祇洹之時。馬星比丘令喜見魔子擊鐘。聲聞大千界魔王聞之。卽領八百億魔天子。下又有百億魔王。亦同時至擎寶獻佛。地獄者皆卽離苦。此鐘器是星宿劫前古佛所作。佛去世後龍收入海。又次東一院名大佛像院。門向西開。於中莊嚴堂宇寶城花果池林言不能述。兩院北畔復有兩院。

次西一院名龍王之院。門向東。廟中有大堂。又內一瑠璃寶瓶。瓶內善七金雞。龍至便鳴。聲聞三億里。娑竭龍王來時七雞俱鳴。自餘龍至但一雞鳴。其耕內外映徹。金雞形如此。山雞音如笙聲。諸龍聞者嘆心便敬。如來臨滅諸雞飛去。迦葉結集二雞還來。阿難涅槃飛去不返。昔日諸大龍王來觀佛者在先詣此院中。捨其龍相乃至佛所。又有玉磬三重。龍大集時富蘭比丘令摩那斯龍子打之。聲聞大千世界。其中龍王各持寶物來供於佛。磬是星宿劫中娑竭龍王所作。佛滅度後龍收入宮。又次東一。所名樓殿之院。其院向西開門。院內所有花樹如前。次北有一大院名居士之院。門向南。巷開中有一堂。諸居士俗等初入伽藍。先止此院有四銅鐘。各重三千斤。形如此土周敬王之所鑄者。四邊皆有白銀隱起之像。又作如來為太子時。繫馬角力諸像。鐘鼻鑄銅龍形。有仙人騎背上。手執金槌向下擊鐘。聲聞一閣浮提。四時分音。奏如天琴聲。中說聲聞四諦法。夏如天竺聲。中說菩薩六度及菩薩四諦法。秋冬二時如天雷聲。中說諸佛初成道法。其鐘大是四天王各造一口。祇洹本院地下鬼神藏之有緣。便現諸居士等聞鐘聲者。即解如來所說法要。春得三果。夏得地前四十心。秋冬證得二地。居士院北別有兩院。西畔一院名文殊師利菩薩之院。其門向南。巷開。此大菩薩時處其此中。內有佛堂具足莊嚴。花池林竹天人集會。弘揚正化度脫有緣。有大鐘臺并有大

鼓銀口金面。文殊為諸菩薩說六度者鼓說六度。餘法亦爾。其鼓從他化天來此供養。佛涅槃後還返天上。振聲聞三千大千世界。地獄聞者離苦解脫。文殊菩薩院東一所名為僧庫院。門向南。巷開。僧家財寶資具並積藏中。東大巷之南都了。大門之西又有七院。最南東邊第一。名菩薩四諦之院。內有大堂門向北。巷林池充滿。諸菩薩等詳述四諦。詞理博約有空縛解。凡聖通塞並集其中。諸院學宗。例此不備廣述。院有金鐘三重。鼻有九龍形。至時龍口多吐雲氣。鐘即自鳴聲如天琴聞二十里。和修吉龍王所造。昔拘樓婆佛因地時。佛工巧師自運思造。願我當來得金色身。恒令此鐘供養諸佛。

緣覺性人樂聞二法。佛隨根性而為說之。中有大堂林池清淨。此極幽栖之處中。有銅合鑲鐘。人扣發聲聞齊百里。造此院時掘地所獲。地神堅牢子之所施也。此四院北有一大院。名無學人問法之院。門向北。巷諸大阿羅漢來問法者同集其中。有大佛堂極望。高顯林池交灌見者欽。重佛來說以為常。唯有一竹鐘形相如鈴。本是乾闥婆王所造。鐘鼻有金崑崙。手自提槌。至時便扣聲如人琴聞止當院。音中所說十二部經。每春花敷。舍衛城中諸童子等悉來觀聽。受五欲樂聞法獲果。又小巷北東西自分二院。西畔一院名學人住止聽法之院。門向南。巷堂池林映如上不殊。大梵天王造天竺婆。純用銀置此院中。至時初利天吹聲至非想。諸天聖人聞說六度。凡夫聞如篋篋聲。舍衛城中諸姪女等多未觀聽。得五欲樂由獲樂。故悟初聖道。次東一院名佛油庫院。東隔大街對佛香庫。沙彌所執四部獻油。供養佛者咸集其中。西門之西自分六院。南初東第一院名。他名他方三乘學人八聖道之院。東西二門堂房林池衆具備足。有鐘一口可容二十石。形如此土晉州出者。身有八楞下有一百二十角。角有一百二十寶珠。鐘形三分。下分黃金作口紺瑠璃隱起。中分白銀頗梨隱起。上分瑠璃天金雜作。鼻上金作象形二頭。又作三十三天形。其天居象頭上。天形五尺以緣頗梨作戴銀天冠。天人手中各執白拂。至時象便鳴喚諸人衆。舉拂作舞唱八聖道曲。歌詞釋提桓

次小巷北一院名緣覺四諦之院。門向南。開

次小巷北一院名緣覺十二因緣之院。門向南。巷堂樹莊嚴中無有鐘。有金獅子如小倭子。至時作聲如天竺篋。音中所說菩薩四諦十二因緣無常苦空。其聲遍滿舍衛城。若欲止時以物約口。其聲便止此猶子。是摩那斯龍王所造。如來欲涅槃時。獅子眼中血。流出唱言。奇哉世尊却後三月。當涅槃最先唱告信。人天聞咸懷悲悼。

次菩薩四諦院。院西又有一院。名緣覺十二因緣之院。東對菩薩四諦院。堂樹同之門向北。巷中有金鐘形如三箇牛角。小頭相連上有昆崙子形作金鐘鼻。至時微風吹動聲聞八里。此迦葉佛時毘沙門天王所造。每至四月八日鐘能誦迦葉佛涅槃經。四衆咸聽。

因作之。曲即八萬四千曲。詞亦有八萬四千詞。一曲治衆生煩惱病。三十三天唱此歌曲及舞。一邊然後舉挑。唱奏菩薩六度歌詞竟。鐘即自鳴聲聞中千。世。聲中所說菩薩行八聖道。斷煩惱一。智數行八聖道。菩薩聞鐘皆起位地。王舍城及舍衛城有八千童子菩薩。年八歲日別三時。來此院中聽佛說法。說法之時鐘聲變爲天琴清。如無比諸修八正。聞此聲聽佛說法自開解。此鐘拘樓秦佛時兜率天王所造。彼佛滅後須彌山神收入金剛窟中。釋迦佛出世時至祇洹供養。至夏三月安居之時。二十八天諸童子有八百億。各奏天樂從天而下。至此院中聽佛說法。每年不絕至今。諸天猶至故奏天伎樂。佛臨涅槃告天童子曰。我度女人損我正法。五百年我滅度後。惡比丘尼不行八敬速滅我法。汝當來此常奏天樂。令我正法久住於世。諸天童子聞皆涕泣。不自勝持戒曰。不敢命如何。當來有惡比丘尼致令喝罵。我等年年至此供養。不欲令法因此滅故。大小巷西一院名學人四諦之院。門向東巷中有堂樹。餘如上說。有大銅鐘須彌山形。舍衛城中長者子須繼那造。爲自出聲如破盆響。年如十歲發心希敬飛至三十三天。梵天王知其心。至使天竺工匠指授儀則。鐘既成已其人獲得雷聲勝報。鐘上有帝釋四王宮殿日月星辰四海之像。聲如龍琴聞千里內。近聽如江南尼衆贊唱之聲。大小巷北一院名學人十二因緣之院。南東二門並向巷開。堂樹如前中有

銅鐘。外似鉢形內有七楞。鼻有金師子下有三十七角。時至自鳴不待人扣。婆竭龍王第三子所造。由悉鼻有血因緣。比丘教化令造。使龍工巧匠。是毘婆尸佛時人鐘既成。已鼻血便滅聲至三百里。大小巷東一院名角力之院。門向西巷。諸四天下我見之。及諸魔王欲與佛角道力者住此院中。內有黃金須彌山。山上有日月星辰。諸論議者多開陰陽及以諸論。初伏光味大仙在此院中。佛涅槃以法付囑。百億四天下日月星辰二十八天並在於此。又有十二金鼓。形長五丈面經二丈一尺。有十二金銀蓮花上擊此鼓。若有異論邪見外道俗人。誡悔。智術五通神仙拘。誡。陰陽日月算數相陵侮者鼓即自鳴。一一鼓上有九金龍。自相繞結金龍口上皆銜金翅鳥王。鳥頭各有信相菩薩像。皆高丈二手執寶拂戴紅頭梨冠至論難時。菩薩。拳拂口聲如雷。鼓鳴所及振大千界。地六種動。十方諸佛十地菩薩莫不集中。諸論義者先有辭辯。聞皆忘失驚怖智寒。鼓音又放大光明遍十方。光中又說菩薩不可思議神化法門。諸欲角者聞悟地位。此鼓摩尼跋陀大將所造。於迦葉佛時以持供養。彼佛滅後收在金剛窟中。至迦葉佛出還。後將來佛滅度後收入龍宮。據此爲證賢劫諸佛悉應同矣。大小北有二大院。名外道來出家院。南門對巷。諸異人創歸正化止此院。有一銀天簪。又有一銀天人坐七寶蓮華上彈此箏。天人頂上有一摩尼寶王。若諸外道來入此院。天彈

簪。放光明。外道聞音光明。舉身受清涼樂。所有邪惡因此消除證第三果。此樂是楞伽山羅刹鬼王於迦葉佛時所造。彼佛滅後文殊持往清涼山中。至釋迦佛世持祇洹。佛滅度後經十二年。猶在此院過此年已。文殊聖者還持清涼山金剛窟中。又小巷北有一大院。凡夫福思之院。南門向巷。修十一切入者之所止住。內有石磬。迦樓羅神所施。拘樓秦佛時物石如青玉而非真寶。形如鈴舌聲聞二十里。上諸院內各一大堂。林。流交灌如諸院說。自此已前通。自上已來總有二十九院。在中永巷之南。其北大院東西通徹。大橋連隔但有二門。巷中二渠並向西流行。樹蔭映冬夏常茂。地土平正淨如琉璃地有草葉。人神除屏凡有禮觀。來履此地莫不戰慄。小有侵墮非人呵毀故。有至者惡心不生。中院端門在大巷之南。有七重樓。樓有九間五門。高廣可二丈許。佛當來往向南不遠有鳥頭門。亦開五道。又南大橋高峻崇麗。下水西流清潔澄淨。又南即至寺大南門。故有來者自北面觀重複。綺麗驚神悚汚拭目。瞻視五情俱解。道之左右列種種奇花菓異樹。莫識其名觀者同怪。中院南門面對端門。亦有七重橫列七門。櫛枇高敞以表七覺意也。言意此中院唯佛獨居。不與僧共分有擇法。故佛覺知常爲弟子說令明了覺。故名佛門七表鳥入門。不遠有大方池。池中蓮華四時遍滿。四色殊絕香氣芬郁駁烈未開。池南有九大金鏤下施足跡。周外怪獸填突羅烈合沓勇猛。相狀紛

輪鑲內外。中諸奇花葉紛披重香光色相暉。熱視目亂不敢久住。方池正北有大佛塔。高下七層狀麗宏異純以異石。次玉相狀重會異態不可名目。上有殊盤金鈴無數。微風常動清響和徹。塔下有迦葉佛爪髮舍利。當時備說骨相及述。迷忘故不具論。塔傍左右立二鐘臺。左邊是他化天王第三子名無畏所造。鐘及臺並頗梨所成。右邊是兜率天王所造。鐘及臺並金銀所成。二鐘各受五十斛不常鳴。每至十方諸佛集始鳴。聲聞百間百億世界。次北有大佛殿。高廣映奪諸院飛廊兩注及宇憑空。東西夾殿大樹莊嚴。冬夏常榮重陰蔽日。殿內簷下角內有二香山。是往古毘婆竭羅龍王所造。初成之日始由乾陀山高<sup>半山</sup>。凡夫所見止高一丈二尺。其形一同須彌。半要以下全用金銀。頂有大池。四面獸頭狀等阿耨達池。山有樹林花菓。山王四面莊嚴皆用四寶所成。山色多有紫檀牛頭沈水等樹。花如車輪。凡夫見者止如錢大。至六齋日花悉開。水流下地都不見。山所有樹木皆能說法。山下九龍常吐香雲出水香潔。於六齋日病者飲之無不即愈。如來有時與十方佛來集說法。咸百億諸佛菩薩天龍八部悉入山中。聲聞衆中十大弟子亦得從入。諸餘事相說不可盡。殿內有蓮華藏。高一丈三尺。狀若此間明堂形。臺下九龍盤結爲脚。紫磨金作龍頭。上有七寶蓮花。花中有摩尼跋陀大神將立身。用黃金作之。白銀彫鑲項以七寶頭戴七寶。蓮花之上以白銀爲七層臺。

臺有八楞。八面有窓。窓下有門以金爲扉。有黃金鎖形如師子自然開。開不以人功。以紅顏梨爲瓦。瓦頭皆有金師子。師子口中皆銜金銀鈴。臺上相輪如今塔上者。然有八角角別金鎖具之。鎖上懸金師子如上銜鈴。皆八楞珠王爲舌。珠王如雞。相輪上珠如金翅鳥。鳥上普賢菩薩乘白象王。覆以寶蓋。<sup>從金翅鳥以上至蓋一珠</sup>所上叙蓮花藏相。每六齋日四衆禮敬。九龍口中先頭吐香煙。大將口中誦責破戒。八門鎖頭瓦頭諸師子及諸鈴或讚持戒功德。又說十善等法。諸欲受戒比丘先來臺所致敬祈請。是金翅鳥王便出大聲。初如摩尼天鼓。後如百千天樂。音中所演正明持戒功德。故有聞者得大歡喜心志勇銳。普賢菩薩放眉間光說一實道。教之以平等大慧。誨之以無相持戒。行者聞法得果登地。往業障累一無聞見。如是請已方往戒壇依法受具。普賢光明先照戒壇。然後遍照十方世界百億佛刹。彼受戒已還來禮臺。若獲上品戒者臺門自開見百千佛。爲說普賢諸大行願。或登諸地便見臺中八萬四千白銀樓觀。隨觀皆有百億金臺。隨臺皆有百億化佛。其銀觀內各有八萬四千普賢菩薩。其金臺內各有百億佛土。於土中心有蓮華藏世界。隨界皆有蓮華臺內皆以七寶莊嚴。謂之寂滅道場。隨場皆有百億虛合那佛。說平等法身當說華嚴於此臺中。大梵天王移臺在摩竭提國。以梵王爲請法主故也。上諸九龍是娑竭羅龍王自手造之。大神將諸蓮華皆大梵王目運手造。臺

身者是金剛普菩薩造。諸寶寶剎填亦是娑竭所施。此華藏相所觀惟是賢聖隨其業行。如上見聞凡夫下劣都非境界。至佛滅時龍王收之藏諸海殿。殿內大佛座兩角各有玉塔。是迦葉如來因地時作。塔高丈六楞一百三十層。通身一收玉也。塔中諸佛菩薩八部形相各有一百一十億。其像彫飾希世難論第十三層以下同須彌山。層四王下作釋迦佛初成道像。度五比丘思惟。三世諸佛皆此塔中說尼羅藏。我今亦請樓至比丘。說大毘尼藏凡八百億偈。昔佛在時布薩說戒及以受戒。此塔常放光明。直照戒壇化爲臺蓋應臺。蓋中十方佛現呵責破戒。讚持戒者有得遇者咸登九地。便入塔中。正法念處經此塔中說至佛滅後。娑竭羅龍王收將在海。當陽殿中大立像者。碧玉爲身金銀彫鑲。往昔文殊菩薩在拘樓秦佛時自運手造。普光跋高一丈八尺。如來遊化不在此像便爲人天說法。大像東畔兩鋪立像。紫磨黃金所造。白銀七寶以填鑲之。天人龍鬼一切功思所不能及。舉高丈八諸有侍衛及供養具有三百事。乃往維衛佛臨涅槃時手自造立。兩金師子踞在像前。若有天魔外道與惡難問者。師子大吼地六種振動。魔等怖懼懷欣而退。往者釋尊在忉利天。此像在殿爲諸比丘教戒說法。乃至諸王不見佛思慕釋迦。此像爲王三度說法。祇園初立戒壇。成時此像領前徒衆。至戒壇所遠三匝已。步步皆生金色千葉蓮花。每受戒時花自然開。中有天童奏於天



樂。餘時便合至說戒日。花復開敷。天童作樂讚佛功德。此像眉間有一珠玉形如鳳鳥。維那鳴鐘。珠便放光照耀其身。唱言時至。無其所造。娑竭羅龍及佛滅後經十三年。還收入海於彼供養。大像西畔兩鋪坐像。一是瑪瑙。用金銀玉三種鑲之。一是白銀。以黃金鑲之。二像並用七寶填之。各坐寶蓮花亦高丈八。是金剛幢菩薩於維式佛時造之。釋迦如來成道經十五年。問此像曰。過去諸佛說何經。現在有古佛經證無。此像答云。過去有十三億佛。說毘尼教一。不同。修多羅阿毘曇。諸陰陽書數。工巧算計。隨其理各各不同。今並見在。三藏正典在娑竭羅宮。陰陽書數在須彌山金剛窟中。今共世尊往至彼處。可集百億諸大菩薩。爾時釋迦放眉間光集諸菩薩。從二世尊至彼龍宮取前經論。又至窟中取陰陽等書。於祇園中隨院安置二像。侍衛八部眷屬有四百二十一種。前二師子一白銀一瑪瑙。有二童子。騎上手執白拂。有諸比丘欲受戒。時此二童子乘師子至戒壇上。舉拂歌持戒功德。轉身盤舞。師子蹀躞遶壇而歌。清妙無比。飛鳥往聽。遊者應節。諸受具者聞則皆獲聖位。或登七地。像又放光至天童所。光中天樂以應歌舞。六會讚歎持戒功德。受戒既了。各返故處。佛將涅槃。此像送佛至闍維地。彼二童子於金棺上歌涅槃樂。聞證無生。又歌無常苦空等曲。人天聞者多證四沙門果。既闍維已。隨龍還宮。不返祇樹前佛殿。東樓上層有八萬白銀佛坐七寶蓮華。

於銀像內有八萬四千七寶樓觀。一一樓觀各各有如來成道降天魔轉法輪入涅槃等像。七寶寶樓內有一寶池。寶花莊嚴。花上諸佛各說妙法。其像多少白玉作之。池中蓮花院內有十六億白銀寶塔。於諸塔心有天眞殊塔百二十角層數亦爾。塔下有三百二十頭盤龍。上承珠塔。塔表有大珠王。其形如鳳。鳳上文殊師利乘之。每月布薩。殊王放光。至戒壇所照諸比丘。光呵破戒。有覆罪者光觸其身。又見頭上。犯重比丘。珠光射心。發熱燒身。交受苦惱。至誠悔者。珠光出水清冷。灌注身心。得清涼樂。戒根還生。大悲文殊放白毫光。又照比丘。呵責破戒。讚持戒者是珠塔者。又從地出飛。至壇所遶壇行道。塔中天樂皆說諸平等大悲。歎譽持戒諸大功德。此珠塔中有釋迦多寶二像。說法華經。第七會者在此塔中。大眾八部入不相障。將欲制戒時。金剛幢菩薩為請主。塔中先有迦葉維衛二佛。毘尼藏。釋迦如來十二年後制戒之時。於此塔中披討古律。阿難比丘常在習誦。此珠塔上四面百億天人皆乘殊風。手執樂器常以供養大毘尼藏。每受戒時。塔至壇所。諸天樂遶塔供養。有功德者。塔門自二開見世尊。手摩其頭受已。此塔返於故地。其中微妙不思議事不可說盡。已前諸相總是金剛智菩薩於維衛佛時所作。其珠寶者。娑竭羅王也。釋迦如來將往涅槃前。塔中像樓觀池塔乘空送之。至闍維所。天人便奏常樂我淨曲。闍維事了。珠塔放光。嚴諸大眾。又出大聲。塔門即開。

見二世尊。爾時寶積菩薩為諸大眾請決所疑。過去諸佛入涅槃時。如何教戒諸弟子等。闍維起塔分布等相。佛皆隨。答因菩薩請。遂名其經名大寶積。其經三分一與涅槃經相似。既說經已。塔門還閉。娑竭羅王收還海宮。依今別傳。且塔中見有此經。十萬餘卷。玄非法華。亦非法華。只謂一分名大寶積。實則大寶。六度四攝。佛不共法。餘者。妙法華經。事同華嚴般若。多會說之。今此所翻當第三會。佛華嚴經亦數度說。一說各有七處八會教主不同。寶樓中層內有十六介七寶樓觀。隨觀有多彌勒菩薩像。經中善財童子遇彌勒菩薩於斯觀中。又五百白銀臺內各有五百金臺。隨臺各有七寶池。各有千葉金蓮花。隨花有佛。復有七寶蓮花小小。諸天童子等作天伎樂。中有碧須彌山。山上作釋迦如來度諸龍像。上來寶樓並無言。菩薩於維衛佛時造而供養。逮至于今。如來涅槃。初利天主收往天上。寶樓下層作牛頭栴檀大梵王像。并梵眷屬。又作帝釋四王部容等像。佛成道後三十一。年。之文殊師利告之像形。音言動止與真無異。中央有大金鐘。帝釋像每日擊之。振三千界。及佛滅後經十二年。大龍收入海殿供養。前殿西樓臺內上層有六十四須彌山。並以青白碧玉三色共成。山下周海七寶為岸。大山中有八十億真珠樓觀。隨觀各有佛成道降天魔轉法輪般涅槃等像。隨山王上各有百千諸佛國土。中心山頂有大寶樓。迦葉如來於此樓觀。說勝天王思蓋華嚴各十萬偈。此樓臺中有星宿劫中諸佛所說修多羅藏。臺之中

心有白銀幢三千級。幢三千級。上百億天童乘金師子。常作天樂供養前經。樂中多說平等大會普賢行。幢頭有大金翅鳥。珠王口銜金鐘七枚。至時珠王自鳴。鐘聲即發聲振大千。召集九地菩薩并十方佛。都台此臺多說諸佛神通變化迴動天地。古昔諸佛種種莊算咸集此臺。珠王背上普賢菩薩乘白象王。每有受具放眉間光。三道亘列一照諸佛制戒壇。二照比丘尼戒壇。三照大僧受戒壇光至三壇上化為衆寶花臺。隨臺百千諸佛說普賢行願。願讚歎持戒功德。此臺觀者佛成道已十一年中。彌勒維摩之共所造。及佛滅後三年猶在過此。娑竭羅龍王收將入海。寶臺中層內有大寶蓮花。居七寶池。池中金龍銜花盤住花上。又有十三億七寶樓。樓中有白玉寶塔。塔有維摩文殊對談之相。塔表有大摩尼珠。至時出聲遍至大千。音如天鼓又放光明。與聲俱往他方佛刹。光中化佛說諸如來無生大慧。有聞法者或得法忍至三四果。於六齋日蓮花即開。有願者見見餘合時。便為灌福人。每受具戒時金龍吐水。直至戒壇化為香雲雨。諸香雨事已便絕。此諸功德是拘那含佛所造。前在龍宮。娑竭羅龍王將來供養。佛滅將焚蓮花及池乘空來現。開維既了金龍如上。吐雲注雨滅所焚火。又隨迦葉至戒壇所。金口中出大音聲。摩尼珠王放大光明。光中出聲音作十三問。尊者阿難如問而答。三日已後隨娑竭羅龍王還其所。至寶臺中層下立。大龍王各有龍屬沈吞為之。

大梵天王然所造也。有八金鐘諸龍王像。有時龍王手自擊鐘。聲至小千。地獄聞者來苦暫息。佛滅度後帝釋將上歡喜園中。親所供養。祇洹圖經卷上

### 中天竺舍衛國祇洹寺圖經下卷

第二大複殿高廣殊狀。信加前殿層相屬。義重者。朱粉金碧。窮寶工天下第一。旁有飛廊兩接樓觀。亦以衆寶間廁莊嚴。殿內層下有四銀臺。兩臺內有黃金疊修多羅。白玉為疊。黃金為字。兩臺內有毘尼。黃金為疊。白銀為字。律是龍王書經。是魔王書。此並星宿劫前古佛經也。閼浮州中此兩部書最為第一。佛滅度後娑竭羅龍王收將入宮殿內。以瑠璃為地。底岸布以金沙。有大蓮花三十二。遶龍之花中坐佛一身四面頂戴圓冠。南是七寶黃金鑲填。西是白銀北面青玉東面黃金。此像常為人天說諸法要。蓮花葉中復有十萬小花。花中又有天龍八部聲聞菩薩像。都合十萬總用寶網。遍覆之遶大蓮花邊。有十億金龍各銜寶花。花中有金銀白至三色佛像。相間而列。隨佛像所亦有十方八部二乘。遶相間繞於一一佛後有萬種蓮花。花中天童作天伎樂。於池四面各有八行寶樹。四角各有金山。多有齋林香池。池水流注入大地中。又有諸鳥。自然而現不以人功。

每六齋日作佛說法。大童奏樂四金山上各有六所祇園精舍像。上諸功德普賢文殊共所造之。至佛滅後迦葉結集已能收將去。復殿化壁釋迦如來自書八相變像。圖此書是。佛臨滅時當殿大像自然發音。請釋迦曰。後代衆生若為圖像。佛因此問便為畫之。復殿東臺五重皆七寶作。娑竭羅龍王所造。上施寶珠夜望如日。故此大殿晝夜常明。複殿東樓臺上層有星宿劫中第二佛全身七寶塔。一千三百級六十四楞白玉為臺。塔內有彼佛入涅槃像。八部侍衛次下始有金身。遶塔四邊有八萬金臺觀。中有化佛能說法。塔上大寶珠正形如白象。上有普賢菩薩像。佛去世後六年入金剛窟中。第二層有千葉金蓮。一一葉上皆有十六金觀。觀中多有普賢菩薩。花心有盧舍那佛。於中說花嚴經百萬偈。是第四度說。又有迦葉佛時。此震旦國一人書大毘尼藏及修多羅藏。修多羅藏紙金書。毘尼金紙銀書。此經時。在今荊州大明寺處。經蓮花東南臺內律在葉上。西南臺內莊嚴供養不可說盡。百億四天下文字與此同者斯人承一。雖鍾張王衛之儔未足為比。如來在日諸國聖人來者。若文字與同佛多以此經示之。佛去世後文殊收入此清涼山金剛窟中。第三層內有七寶海。海有十六億金龍。各銜一大寶蓮華。華上金銀共作。一臺內有過去佛說毘尼書。有三萬八千種。百億四天下同此。方書最為第一。一一臺內各有摩尼珠王以為燈明。每至受戒珠放光明。

照戒壇上化百千金觀。觀中各有普賢菩薩像。爲受戒人說過去諸佛戒律不同相。又說菩薩持戒法門。諸受戒聞得發初地。佛滅度後迦葉持往狼跡山修羅窟中。彌勒出時便將來本處依前安置。此是金剛慧菩薩。於星宿劫中第三佛時所造。第四層有牛頭旛檀塔十六枚。一一塔各有一千三百級。塔內多有釋迦成道轉法輪像。一一塔上各有七寶納覆四角。大金鈴鳴聞小千世界。聲中多說造塔功德。佛成道已十五年。令彌勒菩薩將迦葉菩薩。往由乾陀山探上檀香造之。佛滅度後龍收入海。第五層有釋迦化迦葉兄弟像。是耆婆童子請切利天人工琢玉作之。如來滅後毘沙門王將往北天宮中。複殿西臺五重上層有大摩尼珠。六楞如此國舍利塔形。面有一門。白玉臺三重。深瑤瑤作之。此珠過去諸佛曾於中說法花。三變淨土隨經所有於中具現。人無見者。文殊神力開塔方現。西臺亦爾。四天王造。頗黎瑤瑤兩國成之。自上已來叙諸功德。並是諸佛淨業所爲。隨機利見種種化導。知諸淨土何可具之。蹤極思尋終在時日。故隨所見聞略述三五。諸院事相例亦同之。故存益闕。余聞天人垂迹南方天王第三子張翼者。撰述祇園圖經凡一百卷。在天上繪綜此之所出梗概。而已有。情學者見猶謂繁。斯人不足給大方也。天人云。北方天主第十六子造。立精舍記有五百餘卷亦在彼天。故知諸佛設化深有所由形既反俗住殊國邑。故別立寺宇駭常人之所宅。

儀像標奇動凡心之所見。致使開便傾播誠歸信之言。觀即解形曉津途之有奇。極北重閣三重又高前殿。花飾秀峙晃朗太虛。此三殿閣次第重映。北望極目殆非人謀。並是古仙住所有形像。各施寶座極世珍奇。如來隨時集衆而止。故廿五載多住不移。至於夏中住於重閣。經中所謂重閣講堂即其處也。或登上下機轉待緣不定恒准。閣中但有諸座無餘形像。莊嚴之事如常所云。閣北。桓牆周匝四面。皆覆廊廡。朱粉莊嚴之無有闕處。東西二庫在牆兩角。名爲佛庫。諸有花香供具多集其中。時於十方而作佛事也。重閣東西有大寶樓。大梵王造。與閣相扶即花開也。莊飾彫刻天工所營既非人匠。故絕言象。樓西飛廊連注重閣。鑲檻文棍亦非人有。天人衆衆經過旋樓並處其中。閣西寶樓天帝所造。高廣花麗同諸東梵。飛廊連閣如前不殊。大院南門內東畔有壇。大梵王造。西對方池名曰戒壇。樓至此丘請佛立之。初欲結戒乃集十方諸佛。于時有八百億同名釋迦。十方諸佛同名亦爾。創立戒壇壇既成已。諸佛登之共論戒法。其壇華麗非世所有狀若須彌。旁置龜窟皆安神像。常有天神恭敬守護。四周花林衆相難離。惟佛所登。人不敢上。門西內有壇魔王所立。莊飾之舉亦等東方。初度尼時恐滅正法。乃集諸佛登壇。籌議理義百度遂有四部。故此兩壇惟佛行事。自上已來並述佛院棟宇壇池樓觀殿閣。其外所有並列植奇花異樹。四時常榮地若淨鏡。片無草穢。故來至者但聞香氣。淨境遂依此相

號名道場。依境立目不徒設也。佛院之東西北三邊永巷。長列子無門戶。南。從大牆依方開戶通於大巷。永巷三方樹林八行。交覆枝葉光陰不晴。僧衆前佛左邊邊爲常。東迴北轉天常也。地上騰轉准而可知。大明僧院。三方邊佛重屋。上下前開後開。房中所有但是床敷樓送被枕曾未至此。從西爲始號稱衆道房。有九間二重三隔。他方菩薩之所居住非凡所宅。次北一房兩重一隔。是大迦葉舍利弗住。次北一房同上重隔。是愛婆離房恒所栖止。次北一房是羅睺羅富樓那目捷連三人所住。次北一房是阿羅周利所住。西行所極東轉北行諸房西半是無學人所居。東半是三果人所住。南轉東行諸房南是遠方凡僧所居。北是內外二凡僧住。此則邊佛房都盡。僧房院外三周大巷通徹無礙。兩邊開門南。邊通中街。三門廣闊兩渠雙列。亦植奇樹交陰相接。二門東西各有院巷。四面周牆各旋步。兩不連及。中院東門之左自分五院。南頭巷南又分兩院。西名持律東曰戒壇律院。三門惟不開。中有大堂。律部律師多集住中。房邊三匝諸持律衆於此諸受。有銅鐘重三萬斤。四王共造。欲集大千聖衆。目連以神通力擊之。臺高七丈鐘形如漢地者。四面多有日月星辰山川河海之像。又有升籬秤尺等像。四衆常集凡僧打者亦聞三千界也。然目連所擊隨所爲事立中造知。凡夫打者出聲而已。次東戒壇院有三門。如前院相中立戒壇。狀亞佛院。創

立之時有八百億同名釋迦，十方諸佛同名，  
唐舉花樹周渠南流而出合外大渠。每有冠  
受有踐斯壇，然此具戒聖道因基佛所堅立，  
其緣周備後之作者徒有其名。至於行事經  
旋而已。今叙昔緣知所爲之重也。往昔明王  
佛形長五丈立戒壇，法制以五肘爲基，表五  
分法身。釋迦如來告曰：娑婆衆生小見小聞  
恐大難成，或起疲怠故減成之爲二肘半，制  
三重者表於三空。下佛舍利於壇心內，時天  
帝釋於舍利上加覆釜形。大梵天王以無價  
珠置覆釜上以供舍利。今以前壇三重加覆  
釜珠還表五分法身。是以制量同迦葉二肘  
半也。其壇相量下之二層四角並安石柱四  
天王像，當角而下層高佛一肘不得過。過則  
地裂制心專一故一肘。佛在人倍人。人長八尺佛則  
丈六。人肘長八尺佛則  
尺六。第二層高佛一肘半者。同轉輪王灌頂之  
時。踞坐壇上令諸小王以四海水。灌大王頂  
而受位也。即類比丘初登此壇。紹繼佛種位  
法久固如佛時也。取佛肘量者欲令比丘持  
戒如金剛也。過去諸佛散身舍利除種種碎。而  
其戒  
壇牢固經劫不灰事同金剛。故以肘爲量故  
也。其壇兩重並安鈎欄。其堅柏以上加金珠  
臺。又金翅鳥銜龍同於上。此鳥非佛本制。後北天  
竺阿羅漢漢樓實那之立  
所擬新受戒者以戒自防離除煩惱。如鳥吞  
龍故置此像。下層二重須彌座。並安色道  
用級相覆。當要四面分龜安神。鈎欄柱下師  
子神王相間而圓。隨狀彫飾盡思壯嚴。上第  
三重但高二寸用表二諦。方七尺許。明佛說不出二  
諦。此中心上惟佛所行故  
也於座四角各安師子。背上有九孔擬安帳。

柱下之二層四角階道各有四神。上層三面  
各立二階。北面一階下層南面二階東西北  
面各一階。階有三坎。壇外周圍一丈。內種四  
時花草。已外種花樹。八行其梵王寶珠大如  
五升。福德人見光明照百由旬。薄德見者猶  
如聚墨。佛入涅槃珠自然隱。迦葉結集此珠  
復現。阿難滅度亦潛亦沒。帝釋二珠結法既  
了。便在天上歡喜國中供養般若。今說無珠。可  
處。在壇前安二登高顯壇  
上。使光遠高以供佛故也。初立戒壇。每有法事必  
說遺教。於壇西南頭置坐說之。大梵天王於壇南  
頭置坐。對欄上承高座也。大明登降壇儀。初十師  
轉迴南東遠二重匝了。當佛禮三拜運想。請  
十方現在諸佛諸大菩薩羅漢聖僧降臨壇  
上。天龍八部遍滿空中。又請現在三上座行  
受戒法者。一名豆田那。二名樓至。三名馬蘭  
那。並是菩薩比丘原請佛立戒壇。結戒受戒  
者今並請之願降臨此。十師却行取南面上  
層西階而上。東轉北迴遠佛面已。留三上座  
於下次坐。其欲受人將聽遺教。維那列下層  
東階道頭面西而立。威儀師從上東階下列  
向西階道。上下層已即東迴面北禮佛。三拜  
已踞跪聽經竟。取東階却行接足。而下出戒  
壇外立。然後維那一一列入至問遮處。正當  
東階面北而立。威儀師從上東階接足而下  
問遮難已。從下層東階上西迴。從上層西階  
上東迴。當佛前禮三拜已。東轉北迴至羯磨  
師前作白和已。便喚受戒者登壇。如威儀師  
法。三上坐前禮已。次禮十師。一一三禮拜威

儀教其。乞戒羯磨者白和問遮難白。四受戒  
已隨次東面踞跪。餘者受已總赴至佛前踞  
跪。重聽遺教已立修威儀。勸理衣鉢立待指  
授。十師從西面北階下南出東迴正北佛前  
禮佛三拜已。新受戒人從東面階下。北出遠  
壇至南面下層西階下。東迴北面禮佛竟。十  
師方從下層東階下踞履南出。新受戒者從  
後而行。而華林間方令受者在前十師從後  
還所止。戒壇院內有大鐘臺高四百尺。上有  
聖鐘。重十萬斤形如須彌。蓋上立千輪王像  
輪王千子。各各具足四面。各有一大摩尼寶  
珠。大如三升陷於鐘腹。足有九龍相盤之像。  
龍口吐水具八功德至受戒時。將欲受者至  
鐘。四面九龍吐水灌諸僧。如頂生王受轉輪  
王位。金鐘灌頂之像。今令受戒人新受佛戒。  
如佛法王受法王位不徒設也。又梵王摩尼  
珠放光照受戒人。光燭身時清涼樂將使戒  
珠明淨如摩尼寶珠塵不染。前之大鐘劫初  
時輪王所造。聖人受戒令得通者擊之聲振  
三千。一切聖人聞皆證果。惡趣聞者皆證宿  
命智。凡夫受戒則使摩底比丘擊之。其人是大力  
筋力之最剛  
不可記也。人中力士擊者聲聞大千世界。隨  
界新受比丘成誡宿命因緣善惡之事。皆謹  
禁戒如持浮囊。其鐘臺相須彌山形。在大池  
中有九金龍向上盤結。一龍九十一頭於諸  
頭上構架金寶千梁萬柱。純諸名珍瓦用頗  
黎晃曜心目。初受戒者創登壇時其臺即轉。  
諸龍口中皆出香。其兩足上龍口吐香雲。色  
如黃金蓋覆壇上。其摩尼珠放大光明又遠戒

壇。上有天樂讚持戒者所獲功德。其臺及龍是羅羅阿修羅所造。頗梨瓦者帝釋所造。其下地者和修吉龍所造。其池四面砌以白玉下布銀沙。池水水者散脂大將施水色清甘如乳不異。諸持戒者有病飲之無不除愈。破戒若飲如吞熱鐵。佛將涅槃水先枯竭屋瓦飛去。佛滅度已供養舍利。經于一月方始。周維焚了即日分舍利竟。往至祇洹具問事已。經十三日結集三藏。方往王城至結集時。大迦葉集僧。僧上使目連鳴鐘。集百億四天下凡聖僧衆。便白四羯磨罰寶頭盧及阿難。已令阿難上高座。披如來龜布僧伽梨。阿難受教先誦遺教。如佛約勅。諸大菩薩大阿羅漢。一切比丘天龍八部皆悉悲號涕泣。尊者大迦葉從座而起。披龜布僧伽梨捉尼師壇。至高座前數尼師壇。禮阿難已又遶三匝。大梵天王持寶蓋覆阿難上。天帝釋進七寶案置阿難前。魔王波旬持七寶拂受與阿難。魔王帝釋夾侍兩邊。四天王侍高座四脚。三十二使在迦葉後。踰跪而止時。大迦葉禮阿難。已右遶三匝至前。問訊如佛無殊。便問阿難。汝隨如來二十餘年。世尊所制毘尼教門先於何處。若布薩時常用何籌籌爲長短。說戒之時作何方法。最初受戒師僧弟子若爲昇壇。最初戒壇若爲集衆。高下闊狹何依何時時量安舍利不。四面周圍用何物砌開幾階道邊壇。四面作何形像。無石國中得作壇不。無土國中得用沙不。伽藍院宇何方相邊方。受戒幾僧得受。末法時中無清淨

僧。初受戒者若爲龍具比丘尼戒。先無尼衆比丘得不。如是大第三千八百問。阿難如問次第答曰。最初成道於鹿野苑中度五拘倫。便說法答戒壇初上集佛。諸佛之中須彌登王最爲長宿。釋迦佛問往。古諸佛何方法教諸比丘。登壇布薩用何作籌登壇如上。往古諸佛布薩之時金剛爲籌。比丘用於香水。欲令持戒心如金剛智一一簡擇煩惱惡覺令絕滅。故籌相者當用檀等諸香木作之。內外賣者竹草中空皆不可作。又不得畫繪及以漆塗。爲損衆生遇之飾好。應以素函盛之。籌極長如佛一握手半。短者一握手。說戒之前當先悔過對手懺已。維那差一好音比丘。誦遺教經。諸比丘各踰跪聽。如對法佛自前誦已。維那方答說戒衆具。先洗足香水洒地勿作聲。然始出籌至上座前。上座受已維那灑水。上座浴籌先以清水次以香湯。淨巾拭乾勿令有聲及以爲地。若作籌者須諸鬼神。轉地者損者及開墮。皆大歡喜。備地居衆生亦損比丘。魔王則靜聲聞比丘亦令死也。是故說戒時比丘寂靜不得亂語。當念世間無常早出生死。維那執籌至檄所。立鳴槌唱沙彌入。令誦五德十數。已方如常唱白或誦戒序。已唱沙彌出依法誦戒竟。維那又命經師。令誦遺教了方散。又答最初受戒。善來應五拘倫於鹿苑中白四羯磨。於竹園迦蘭陀精舍爲狗吠彌國難提比丘。有一犯重比丘在十僧數。難提受已白佛爲得戒否。佛問沙彌未受戒時知彼犯不。答知。佛言不得戒不知者得。佛爲難提於祇洹戒壇集僧更受。又答戒塔土之與沙

任時得作。又答尼受先無尼者僧獨得受。若後尼至進二部僧更爲重受。僧尼足數離見聞疑。得充爲用如是次第阿難答竟。池水還出色白如乳然失乳味。以表佛法正法衰微漸漸薄淡。如涅槃中如水乳譬結集都了。大鐘寶臺乘上兜率。池之四周砌玉銀沙。龍王收去水便枯竭。大巷北院又分爲二。西名論院。論及論師皆集其中。中有大堂。周房四邊三面開門。唯西不開。有一銅鐘形如要鼓。乾闥婆王之所造也。上有梵王帝釋魔王四天王。娑竭龍王及阿修羅宮殿部位男女等像。若諸異學外道繫論。則使神通無學擊之。聲振三千世界。諸論議者將欲拒抗。聲聞訥鈍無敢發言。有好心者欲聞解疑。聞聲登惠開。菩薩萌動神智得不退轉。大東一院名修多羅院。門向西北開。中有三重高閣。周房遶之連池流渠林樹交影。經部經師皆所同止。有一石鐘形如漢槌。如青碧玉。可受十斛。鼻上有三十三天像。四面以金銀隱起。東西兩面有大寶珠。陷在其腹大如五升。八角分曜杜若花形周圍。作十方諸佛初成道像。至日出時鐘上諸佛皆說十二部經。舍衛城中童男童女悉來聽之。聞成聖果。犯欲之者則不聞誨。每至說前摩尼大將以金剛杵擊之。聲聞百億世界。寶珠光明遍照十方。其光明中百千釋迦說修多羅。此鐘是拘樓婆佛所造。彼佛滅後娑竭龍王收去。釋迦佛與龍復將來。及佛將滅珠光唱言。釋迦如來却後三月當般涅槃。鐘鼻諸天聞皆涕泣。龍復將去。次

北大院名佛洗衣院。南開一門中有大堂。周房三匝方石圓池天之所作。花林交植香淨充滿。佛樂洗衣天人同集。釋提桓因施以天樂一部。若佛不至樂音之中但說無常苦空。佛若臨者乾闥婆王自來鼓之。六時奏樂初不斷。及佛滅後婆羅王收。將入宮供養經典。此樂有三千餘器。迦樓羅王之所造也。

次北大院名爲佛經行所。南開一門中有大堂。前二珠柱帝釋所作。晝夜常照佛多遊此院中莊嚴特高。諸處名花奇樹倍勝於前院。有兩部天樂。帝釋所施。樂器純以七寶作之。形小前樂。天諸童子六時常鼓。有三萬餘種。未奏之前諸樂音中多說六波羅蜜行。又說持成功德讚嘆受行者。舍衛城中根不具者聞音得其。破戒人聞悲泣發露戒根還生。及迦葉登壇殯二聖已阿難昇座已。諸天童子還奏此樂。音中所說過去諸佛行毘尼法。又說釋迦如來教勸弟子行戒律事。諸天龍八部聞皆悲泣至結集了。兜率諸天將上天去。今在彌勒佛所。

次北一院名曰佛衣服院。堂房如上。南門向巷。阿難所止常護佛衣。有一銅磬可受五升。磬子四邊悉黃金。鏤作過去佛弟子。又鼻上以紫磨金爲九龍形。背上立天人像。執玉槌用擊磬。聞三千世界。音中亦說諸佛教誡弟子法。磬是梵王造之。及佛滅度婆羅龍王收入海宮。佛院之東自分六所。下之諸院南門向巷。巷中花樹如上已陳。東頭第一名曰

遠陀院。外道同宗以爲極教。佛許比丘一時讀之。爲伏外道故中有周閣。四天下中韋陀之文普集其中。院有七寶小鼓子。若有比丘欲讀韋陀典者鼓即自鳴。僧伽藍人執鑰匙開院。此鼓是王舍城人工匠所造。次西第二院名爲書院。大千界中不同文書並集其中。有大重閣安置書籍。佛開擊讀不依其見爲伏俗故。中小銀鼓石人頭戴。若欲入院石人舉手向上擊鼓。僧伽藍人即來開戶。其鼓聲者如人琴音。比丘讀書鼓聲不絕自然開解。鼓是弗波提州無施王所造。

次西第三院名陰陽書籍院。百億天下陰陽群籍總集此坊。佛開比丘一時有閱爲惟異術。有六小鼓三金三銀形如五升鉢。蓮花三莖用承此鼓。鼓上有日月天子像。手執金銀二槌。時至便擊僧人如前聞聲。開戶比丘讀書鼓聲不絕。便自開解不勞人授。鼓音又說日月星辰宮殿廣狹度數之法。及百億世界陰陽異術。其白銀鼓者月天子所造。黃金鼓者日天子所造。及佛滅後上兜率宮本院。昔時有百億世界渾天圖。及漏刻法尺寸升斛升合秤兩釐撮籌量。水爲機關。就是天龍人功共造。諸渾天圖日月星像並用金銀。佛臨滅度諸機關等並皆墮落天文垂。佛滅既已收入龍宮。

次西第四院方之院。諸天下中所有醫方皆集坊中有銅鈴。狀如菱角可受三斗。以金師子爲鼻。比丘入院鈴鳴門開不勞寺人。音如琴音聲。比丘聞之自然開解諸業通塞。三果

已上有病。來入此院開鈴便愈。凡僧病聞不能不差。鈴是着婆用藥所作。佛滅後着婆收隱。當取銅時三門選銅。除北有洲洲六處。亦來震旦江南牛頭山。取之用藥合成。

次西第五院名僧家淨人坊。十八以上二十已下。諸子等常止此中。掃洒諸院清潔無勝。

次西第六名天童院。諸天童子常有三百爲供。佛故止此院中。大院西巷門西自分六院。南第一院開於三門。西塞名無常院。中有一堂但以白銀。四面白廊白華充滿。畫白骨狀無處不有。諸欲無常皆舉至此。令見白骨諸非常相。既命終已從南門出西大牆之西門。一切無常皆由此路。院有八鐘。四白銀四銅。梨銀鐘在院四角。起臺置之。頗黎鐘者在無常堂四隅。銀鐘四口各重十萬斤形如須彌。九龍盤遶。壇鐘鼻在臺上仰。銀蓮華中一一鐘邊。一白銀人戴天冠。摩尼寶王在頂上。高一丈二尺手執銀槌比丘將逝。四角銀人一時打鐘。音中所說諸佛入涅槃法。他化天人聞此鐘。天童將白華幡來。下供養比丘死屍。兜率諸天便持天中十六種花下投院中。是病比丘聞於鐘聲。不失本心得生善道。其頗梨鐘形如腰鼓。鼻有一金毘命。乘金師子手執白拂。病僧氣將大漸。是金毘命口說無常苦空無我。手舉白拂鐘即自鳴。音中亦說諸行無常是生滅法。生滅滅已寂滅爲樂。病僧聞音苦惱即除得清涼樂。如入三禪垂生淨土。若大德人四頗梨鐘腹放大光明。光中所說

菩薩六度。病人見光生諸佛國。而是鐘光隨亡神往所生之處。暮日月光弊諸天光。上銀鐘者帝釋所造。願梨鐘者月天子所造。其聲所至百億世界。至佛滅後二鐘上去各還本土。裕師又說大小巷北第二院。名聖人病坊院。開門如上。舍利弗等諸大聖人有病投中。房堂器具須皆備。有醫方藥庫常以供給。但擬凡聖非所止。

次北第三院名佛病坊。開門如上。堂宇周列花樹兩列。耆婆阿難在此瞻侍。大梵天王施八部樂。一一樂器有十六種。皆以金銀七寶所成。佛為衆生示疾。凡此諸樂出音以娛樂佛。如來聞音病即除愈。若病不除樂音便奏六度神足等曲聲遍三千。初地十住有現疾者聞音除愈。如來滅後經十六年。猶在院中過此。梵收今在色界。

次北第四院名四天王獻佛食坊。亦南北東開堂房如上花樹亦爾。四天王來獻食者皆至此院。佛為受之。佛受人衣天食者為表人天大福田。故准常乞食。為物受之非佛所食。諸天受之皆作佛事。以化身故不受不食。無有便利與天不殊。亦有佛則示知而已。病院之中有一錢樂。黃金為舌四王所造。佛示食時四王便搖至子食訖。錢放光明奪於日月。遠照百億世界。中光所說施食功德語四王。我滅度後有諸弟子。破戒無戒無有威德不能自活。我以白豪百分減一光明。汝施三分光明共汝供給末法比丘。四天王敬諾。一如佛教。又誠四王。我滅度後可將此錢。入此

院中日別一搖。令我弟子易得供養。四王流涕如佛所勅乃至於今。日日常下祇洹故地。搖鼓此錢順佛遺命。

次北一院名為浴坊。三門如上。浴室之諸具充足。溫冷稱情便訖。即流方入大院。次北第六院名為流廁。有大高屋三重而立。飛橋雙上甚自清淨。下施廁坑砌以伏寶。天帝手作上無臭氣。大渠從大院北西注。南入廁院伏流入寶。北出會於大河人無見者。一切比丘皆此便利。余聞此說深為獲相。故江淮已南諸古寺者皆設都清一所。中已北周屏澆院。臭處蓬勃伊何可言。會至并州城北置一都清。樓道登上類同天竺。斯則閣舍未足為高。但為寺居塗泥不穿漏故。設斯宇非同大臭。但置一清斯言必虛妄。各者彼者則武德諸房多少屏。豈是尊尚。援不立周清者乎。自上至此東西粗了。又寺大院四角內各有一院。西北角地神堅牢云是女神。部屬八十億當門立大神像。神問佛曰。自古諸佛皆有鬼神形像。世尊來年滅度何以不教作之。護持伽藍弟子遺法。佛命淨居天作地神堅牢散脂大將。用天金作形如其神。佛滅度後二十六年。龍剎木代之金像。將入大海宮後三院像亦爾。東北角院諸龍王像純以碧玉作。百億天下龍部位並擬之。是婆稚阿修羅共大梵天王第二作。東南角是大千世界力士院部位。八十億化樂天王用銀作之。西南角是大千世界大梵天王摩王帝釋部位。百四十萬七寶所成。金剛慧菩薩造寺。大院東大路

之左名供僧院。路闌三里中有林樹一十八行。花葉相間東西兩渠北流清駛。西邊渠者從大院伏寶東出北流。此之大路巖淨潔車馬不行。路之南北左右各置一大石神。地神堅牢之所造也。手執戟足踏鬼。威嚴猛毅不可仰瞻。有行者過低目急步。僧淨厨院自有三所南北而列。是佛滅後十二年中為病比丘制斯地。諸比丘等從四大院東門而出。門對淨厨中院。南巷厨院。南橫二大院中開一巷。南北施門南門極大。題曰寺大圍門。門西一院自分南北。兩院中央開巷。南邊東西又分二所。各開一門。西畔一院名諸聖人諸王天衆出家處。門東開。大碧玉石縱廣一里。出地二尺金為界。道南北而列。東畔一院名凡下出家處。門向東開。當出家時忉利天王將上宮殿下來。布置兩院莊嚴。

次北一院名曰菓園。或曰佛經行地。門向南開。波斯匿王之所造也。山池極多各施異狀。渠流文轉繞遶泉林。清淨香氣充滿斯地。佛多經行遊歷於此。門東一院名曰竹菜園。門向西開。與向果園巷門相對。翠竹衆蔬分畦列植不可傳盡。竹菜園之東北別有一院。名解衣車馬處。門向北開通於大巷。是諸國王解衣車馬所。圍宇連亘皆以石作。天帝所為。凡有王至從巷東門來至此院。解散王服。履諸儀。車馬侍從並居此。然後西出入於寺院。次西一院名諸王夫人解衣服院。門向南開。末利等諸王夫人來欲禮佛。先於此中解衣嚴服。然後入大院中見佛。次北中大院



名供食院。自分兩所各橫分三大門。南北門入食院。院隔以大牆。中開二門通於三所。中央大院所受天供中立□大堂。東西極闊有大功德事。諸天輒下爲營具膳。堂北大井東西各一。青石鑿砌涌注無竭。東是梵王西是帝釋。一開已後終無竭敗。院西南角有一小院。中有小堂是維那者監護住此院。東南角有一小院名牛馬坊。中院西坊是淨人住。周遍三面列房開戶。院門南東開。諸造食者常止此中。唯是男子十八已上修飾客儀。入於中院北入食廚。造生成熟其房。次北有一佛堂鐘臺周廊是上淨人常禮事房中。院東坊有倉碾確磑。南西北方各開門。日有米穀食調營理煩煩。人物棲內此院尤甚。其北大堂名造食廚。橫置一舍廣極眺矚。有三十六竈。東西而列銀同所成。中諸食器爲是天有人非所議。廚東一院門向南開。是米麵庫衆具藏此院。東北角有一小院。中有房宇典座所居。凡日造食。維那廚舍之前。典座居廚之後。院更有職司不相攝屬。最巷北大院名僧食所。自開三門中門之北有大食堂。堂前列樹方維相對交陰相接。渠流灌注甚可觀。凡僧食者多止此林。值雨依堂故有兩設林。南院北門之右食廚之地置一食堂。凡造訖淨人持之來置此堂。不入北院時至。行訖量此堂中僧。但取食會不見諸食具故有僧制。東廚食房非知事者不得輒至。斯則淨穢兩別各有其途。淨地所置事不獲已。故在寺東三里而置。別結大界於上加時。若依教中大

小乘經皆所不許。僧厨淨厨縱有結者。是佛前制後勒廢前。自有常則得安樂。然行於廢教甚可畏也。後竹園寺依教立厨三里。里中荒林疎峻。有黑師子殺諸比丘。佛又開教阿難狹制限至三間。巷開無權不許遮礙。用斯諸地可不鏡乎。食林之東有一小院。門向南開。是僧淨人常行食者小便之處。院東北角有小便處。若大便者出大院外別有處所。院北藥庫是供凡夫病比丘者。庫北二院。西是凡僧病人所居。東是病者大小便處。故寺僧院有凡僧病皆詣此中。食院西方又分二院。各不相通。南邊一院南東北門名脫著衣院。堂屋充滿。北有一院名浴室坊中有兩堂。東是衣堂西爲浴室。浴具豐足。南開一門與前相對。佛在世時乃至後立。老病比丘不堪乞食力入此厨佛爲法王常入城乞食返住常所示受飯食。諸餘侍從何得安坐。故諸老病每日食時。從大寺院東門雁行。而出北至厨院。北巷西門北入解脫衣院。脫大上衣置此院中。又著故衣從東門出入林。食訖在浴室院。脫故衣入浴室。洗訖入衣院中。著入寺禮從南門出。西巷南入大寺。明日來時脫著還爾。又東院僧之淨人男女大小皆止其中。亦有田業事不可述。裕師聖迹記總集諸傳。以法顯爲本。余以近聞亦未見諸錄。如經往述。互相符會至於戒壇。凡舉僧房異設。院宇雖廣莫顯別之所由。層架單重熟明立之緣。今所圖傳備顯源流。尋諸聖意略可知矣。有人不信。謂是幽冥幻夢之傳。何足希仰。余爲幻夢

影響凡聖同之。俱是性空知何准的。但凡素識有若霧遊昏迷方所。妙假津導導之有漸。或天或人詞理可從。無越前軌如可承寄。隨凡則行忽與理乖聖亦須擲。豈有雷同都無情誨。故佛大聖人也。堂堂相狀天下獨尊。有邪見者敬而不敬。佛亦隨性任其誹之。如有所說與法不違。佛亦聽之隨而受學。故文云。所謂法者佛說天說化人所說。據斯論說顯威陳。余以亦以此事門之所聞。則同天人說。凡莫信不受斯述。彼日爲信者施自然獲福。彼不信者目覩佛經尙不能用。聞此不信何足涉。之置之言外不胥述彼。余聞斯告情事粲然。故備出之。非無遺囑擬重祈請。庶觀聖跡有若面焉。

華胥大夏中天竺舍衛國祇洹圖經卷下終

唐乾封二年春未感通出之。統祥諸西域聖迹。此爲條貫隨語隨疎。且存筆受事超凡表周絕飾詞。幸有逢者知斯大意。余見前代諸傳。組織表軸殊有可觀。至於時代罕有存者。覽法師所作前後表之。敢附後庶足爲鑑鏡。開卷鑒目無味心神可不好耶。

唐元和一紀十二月初旬一日記了

合如法經寫筆陳其在本。此圖經一本荷湛譽禪師自輪。紙筆兼勞書之。施于圖珍。其喜永爲佛種後生。同會祇洹精舍奉親。牟尼金容蒙授尊位。日本元慶四年八月一日。延曆寺沙門圓珍於總持坊記。昨口彼將來。佛此方燈期。胡日故墳忌不語。

已上智證大師御記

祇洹圖經跋

大日本國純一無雜大乘之域。而幽顯歸于我。千有餘歲於斯矣。未曾聞信邪小。蓋金口之懸記不徒然耳。是以名藍大刹星列。非布佛說。祖教月照岳立。故我大智律師初震于此經。所謂逸書今尙存也。然異境之俗不知天龍鬼神冥助土木之功。而謗吾以殷宇費財產而蠹國家也。由是或蒙天誅或陷貶謫。偶看此經者免彼難而已矣。此余憤鑠以傳無窮之微意也。或曰此經也。寓言鬼神。而其說甚怪也。誰敢容焉。蒙謂釋典怪說凡俗中賢哲尙知信用。之況形圖繙林還輕忽。之則可謂枯槁衆生也。且寓言鬼神也者。道世之爲開敏也。贊導之爲弘雅也。仰信之俯會之。嗚乎人道愧于先達。學謝于後生。輒生過慢。無有此處。第疑猶間有三已之訛。雖然他本難得不能訂正焉。祖意難量不能改削焉。故和點有亦不決也。敢期後君子云。

日本天和元年十月下旬六日重受。比丘乘春記石清水神宮律寺

法苑珠林第五十二曰。依宜律師祇洹寺威通記云。經律大明祇洹寺之基趾。多云八十頃地一百二十院。準約東西近有十里。南北七百餘步云云。又鳴鐘部云云。又說法部云云。

宋高僧傳第十四曰。有天人云。曾撰祇洹圖經。計人間紙帛一百許卷。宜苦告口占

一一抄記上下二卷

又曰至於乾封之際。天神合沓或寫祇洹圖經付囑儀等。且非寓言於鬼神乎。君不見十誦律中語。此丘尙揚言。目連犯妄。佛言目連隨心想說無罪。佛世猶爾。像季嫉賢斯何足怪也。

僧史略曰。案祇洹圖經寺中有玻黎師子。形如拳許大口出妙音。菩薩聞之皆超地位。每至臘月八日。舍衛城中士女競持香花來聽法音。

又曰案靈裕法師寺誌。凡有十名寺。一曰寺乃依祇洹圖經釋。相各有意致。如彼寺誌也。

資持記曰。圖經近日本將至文有兩卷。卽祖師撰者。

南山律師撰集錄曰。祇洹寺圖二卷。乾封二年製未見。

戒壇圖經曰。余所撰祇洹圖經上下兩卷。修緝所聞統收經律。討鑿諸傳極有蹤緒。義楚六帖二十一曰。宣律師祇洹圖威通記云。地八十頃東西十里。須達布金買之云云。百丈清規云云。

往生要集上本曰。病僧聞聲苦惱。卽除得清涼樂。如入三禪乘生淨土。

No. 1900

佛制比丘六物圖


大宋元豐三年夏首餘杭沙門元照於天宮院出

初明三衣爲三物

此衣九品具示


僧伽梨大衣

上品餘準減作




此二比？ ① 萬治二年刊藥師寺藏本，② 德川時代刊宗教大學藏本，③ 大日本藏經

弊多羅僧七條



安陀會五條



比見樂學戒者。欲置法服。不知所裁。既昧律儀。多承妄習。然其制度。遍在諸文。故撮其大要。兼所見聞。還宗舊章。且分十位。援引正教。庶令事有準承。指斥非謬。所謂不看他面

畜。通諸一化。竝制服用。有違結罪。薩婆多云。欲現未曾有法。故一切九十六道無此三名。爲異外道故。四分云三世如來。竝著如是衣。僧祇云三衣是賢聖沙門標。誠志維含云。修四無量服三法衣。是則慈悲者之服。十誦云。以刀截故。知是慚愧人衣。華嚴云。著袈裟

者。捨離三毒。四分云。懷抱於結使。不應披袈裟。賢愚經云。著袈裟者。當於生死。疾得解脫。章服儀云。括其大歸。莫非截苦海之舟航。夷生涯之梯陸也。所以須三者。分別功德論云。爲三時故。冬則著重。夏則著輕。春則服中。智度論云。佛弟子住中道故。著三衣。外道裸形無恥。見故。白衣多貪重著。見故。多論云。一衣不能障寒。三衣能障等。戒壇經云。三衣斷三毒也。五條下衣。斷貪身也。七條中衣。斷瞋口也。大衣上衣。斷癡心也。子。爲三衣者。釋矣。天台智者制法第一條云。三衣六物道具具足。若衣物有闕。則不同止。清涼國師十誓第一云。但三衣一鉢。不畜餘長。歷觀經論。遍覽僧史。乃知聖賢躡跡。華竺同風。今則偏競學宗。強分彼此。凡削髮既無殊態。染衣何苦分宗。負識高流。一爲詳鑑。況大小乘教。竝廣明袈裟功德。願信教佛子。依而奉行

二釋名有二。初通名者。總括經律。或名袈裟。從染色。或名道服。或名出世服。或名法衣。或名離塵服。或名消腹服。或名遮華服。或名間色服。或名慈悲衣。或名福田衣。或名臥具。亦云敷具。皆謂相次別名者。一梵云僧伽梨。此云雜碎衣。從用則名入王宮。聚落衣。時著。二弊多羅僧。名中價衣。謂財直當從用名入衆衣。禮時著。三安陀會。名下衣。最居下。從用名院內道行雜作衣。則不得著。若從相者。即五條。七條。九條。乃至二十五條等。義翻多別。且提一二

三明求財分二。初明求乞離過。由是法衣。體




條衣受二長一短。劒截衣持。三衣受持。律家說也。中衣則云。此臂多羅七條衣受。兩長一短割截衣持。大衣則云。此僧伽梨。二十五條衣受。四長一短割截衣持。餘詞同上。次明捨法。律僧祇文。大德一心念我某甲。此安陀會是我三衣數。先受持。今捨。一說。除二準改。並須求明律者。對首言之。次明行護。十誦。護三衣如自皮。鉢如眼目。著大衣不得墮木石土草掃地等種種作務。不應爲之。決正二部律論。著大衣入村。見師僧上座別人。不得。得禮佛及兼信。十誦。所行之處。與衣鉢俱。無所顧戀。猶如飛鳥。若不持三衣。入聚落犯罪。僧祇云。當如塔想。祖師云。諸部並制隨身。今時但護宿者。不應教矣。於此須明攝護。略分四門。初明衣界律云。若人衣。異處越宿。得捨墮罪。此衣須捨。言墮罪者。墮束合地獄。一晝夜爲人開闢。十四箇四十千歲。律明離護。並約卑論。見有多制。大略分二。一者作法攝衣界。

謂聚落中結界。電於院前。須加攝。二者自然護衣  
衣羯磨。結已除無村聚。邊界護衣。  
**界**。本宗他部。總有十五種。僧伽藍界一謂垣  
棚。四面周匝。雖結界處。望  
不精攝衣。亦號自然衣界。  
上。準舍界中。  
更有六種別相。一者聚落界。謂村邑分舍處也。一者  
家。齊聚落外雜居及處。已外名異界。二同界者。謂多室  
相涉。多論。四聚中間棧四向相及。在四聚不失。僧  
祇臥四聚中。頭足兩手。各在一界。衣在頭底。天明頭顱  
犯捨。手脚相及不犯。多論安衣二界中。身臥二界上若不  
失。各有  
身分故。一者家界。謂一家內有多家者。亦有司別。若  
異業。名別界。父母兄弟同處同業名同界。異食  
即下族界也。二者族界。謂一家中異食異業。亦有同  
二處及。作食便  
利得來處皆失  
屋中。庭衆  
處。失  
**五遊行營處**。諸戲笑等人暫止之處。若園  
等處。失。失。異主則失。若單據間。僧祇祇隱道外  
二十五肘了論。衣在下  
身在左者失。反此不失。**樹界**三。足隆如跌。此有五別



後開增量



初制意四分中爲護身護衣護僧臥具故二釋名梵云尼師壇此云隨座衣亦云座具如此方隨擗之類愚者迷名云因尼師故制又不識中間貼故呼爲壇子因合召爲尼師壇者取笑於時不學故也三定量四分長佛二攤手攤手五分佛一攤手制一尺則長四尺也廣一攤手即三寸是上本制量律云時迦留陀夷身大尼師壇小對佛說之便聽更增廣長各半攤手各增此是後聽戒疏云更增者開緣也還從本制限外別增爲制非也又云卽世爲言衣服座具皆樂廣大食飲受用並樂華厚云云然捨制從開理雖通得但迦留極大止加半攤今時卑陋豈是初量不容耶苟曰不然請以誠證鈔云如法作者準初量已截斷施緣若座時膝在地上者依增量一頭一邊接裨之此是定教正文故知雖不出地亦不前數非然前代但於長頭廣邊各增一尺後天人告祖師云縱使四周具貼不違半攤之文但翻譯語略云各半攤耳十字而論卽是四周之義坐具四貼由此始矣四製造法色同袈裟十誦新者二重故者四重不得單作

鼻奈耶云應安緣五分須據四角四分作新者須以故物縱廣一攤手據之亦准佛一攤手入手記捨離罪若得已成新者又不得不截通取增量此跋闍安法五加法云大德一心念我某甲此尼師壇應量作今受持三說捨法改下十誦離宿吉羅亦不失法行用大同鉢耳

某甲此尼師壇應量作今受持三說捨法改下十誦離宿吉羅亦不失法行用大同鉢耳寄此略辨初制意者尼女報弱故制祇支披於左肩以襯袈裟又制覆肩掩於右膊用遮形醜是故尼衆必持五衣大僧亦有畜用但是聽衣耳二釋名者梵語僧祇支此云上狹下廣衣此據律文以謂全垂衣相若準法覆肩華語未詳梵言三明衣相僧祇二衣並長四肘廣二肘故知亦同袈裟製方但無條葉耳四明著用世多紛譁今爲明之此方往古並服祇支至後魏時始加右袖兩邊縫合謂之偏衫截領開裾猶存本相故知偏衫左肩卽本祇支右邊卽覆肩也今人迷此又於偏衫之上復加覆肩謂學律者必須服著但西土人多袒膊恐生譏過故須掩之此方襖覆重重仍加偏袖又覆何爲縱說多途終成無據若生著者是僧應者何獨律宗不著豈不生著況經妙契染離色俱非佛制俗服全乖道相何委之有或云分宗違者傳教但以三學分宗且三衣大聖嚴制而謂形服與者未之聞矣會未覆身覆肩祖師累斥堅持不捨良以弊風一扇歷代共迷復由於教無知遂使開義不徒更引明證請試詳之章服儀云元制所興木唯尼衆今僧服者僭通下位又住法圖贊云阿難報力休壯圓滿具足士女咸興愛著乃至目悅淨色心醉神昏繫子頸而沈殺者由此曲制今著覆肩之衣今則僥倖而妄

服者濫矣據此乃斥內無偏衫單覆者耳若今重覆後時既無不著言服且單覆猶爲僭倖況今重覆非法何疑

澆水囊第六物



初制意鈔云物雖輕小所爲極大出家慈濟厥意在此今上品高行尙飲用蠱水況諸不肖焉可言哉四分不得無澆囊行半由旬二十里無者僧伽梨角澆二澆法者薩婆多云欲作住處先看水中有蠱否有者作餘井猶有者捨去凡用水法應清淨者如法澆置一器中足一日用令持戒審悉澆竟著淨器中向日諦視看故有者如前說即作餘井捨去然水陸空界無非皆是有情依處律中且據澆囊所得肉眼所見以論持犯耳三作囊法多論取上細麁一肘作囊此間宜用密縫細作僧祇蟲太細三重作四分作澆水袋如杓形若三角若作宏擲若作澆瓶若患細蟲出安沙於囊中澆訖還著水中此是私用者若置於東處當準舊傳式樣用絹五尺兩頭立柱釘鉤著帶繫上中以橫枕撐開下以盆盛等鈔云今有不肖之夫見執澆囊者言律學唯在於澆袋然不知所爲處深損生妨道者猶不畜澆袋縱畜而不用雖用而不瀉蟲雖瀉而損蟲命且存殺生一戒尙不遵奉餘之威



儀見命。常沒其中。不加受者。輕小物故。或當持放。如無無者。不得行半由如是也。昔孤山嘗著護靈誌。乃云。懸於草堂。以備法物之數。如用之則未能也。余謂中庸子。知教孰不知教。來者幸無取焉。

智論云。受持禁戒為性。剃髮染衣為相。然濁世凡庸。鮮能修奉。且憑儀相。用光遺教。苟內外都亡。則法滅無日。願諸上德。同志持危。即華嚴云。具足受持威儀教法。能令僧寶不斷。受佛遺寄。得其人矣。

佛制比丘六物圖

No. 1601

# 護命放生軌儀法

唐三藏法師義淨撰

夫以懷生者。皆愛其生。上通賢智。有死者。咸畏其死。下洎蠕蟲。由是善惡隨事而修慈。不損含識。量內身而准物。刀杖不加。唯以大悲。宣揚法化。於護生處。極致殷勤。是佛弟子。理應隨作。觀蟲瀝水。是出家之要儀。見危存護。乃悲中之拯急。既知有蟲。律文令作放生器者。但為西國久行。人皆共解。東夏先來未識。故亦須委其儀。若不具陳。無由曉悟。其器任用鐵銅瓦木。瓦即安鼻鐵木准成。若擬隨身將去。可用銅作。唯受二升三升。即是舊來小銅罐子。還施銅系。令穿手得過。底傍一邊。須安銅鈕。可受小拇指頭。若乞食去時。穿在左臂。以衣掩蓋。右手携鉢。乞食得已。隨至一

家。安置飯鉢。自將淨繩一條。如龜箸許。隨井深淺。繫繩取水。瀝以小繩。斟酌得足。即以繩一頭穿鈕。急繫繫系等。繫小鐵鉤。鉤系起時。務令平穩。此並預先作了。不得臨時求覓。即以小繩。覆蟲罐內。徐徐放下。至水縱鉤。拔繩令覆。再三下濯。方牽出井。此是乞食之儀也。或用銅碗漆碗。穿孔著系。權用亦得。若在寺者。即以常用鐵罐覆之。如前安置。少有別處。底傍著鐵鎖。可容三指。以繩鉤內中。攪起系等。同前著鉤。覆蟲在中。放使至水。假令深井。亦得為之。若別畜繩。恐成勞擾。若井深處。或可別為盆貯。或可送往河池。瀉水竟時。還須滌器。斯其法也。瀝繩樣式。如別處言之。豈容井口之上。翻羅。元無放生之器。欲似護戒。寧願蟲亡。但以如來聖教。慈悲為本。所制戒律。罪有性遮。遮則准事合經。性乃理應從重。性罪之內。殺生最初。是故智人。特宜存護。若將此為輕者。更復何有重哉。若能依教作者。現在得長命果報。來世當生淨土。且神州之地。四百餘城。出家之人。動有萬計。於瀝水事。存心者寡。習俗生常。見輕佛教。不可一一門到口傳。冀諸行人。遞相教習。設使學通三藏。坐證四禪。鎮想無生。澄空心理。若不護命。依教奉持。終亦不免佛所訶責。十惡初罪。誰代受之。且如見有屠兒牽羊入寺。不過數口。放作長生。衆共聚看。彈指稱善。寧知房內用水。日殺千生萬生。既知理教不輕。宜應細細觀察。自利利物。善護善思。復有令人耕田種植。規求小利。不見大尤。水陸俱傷。殺生無數。斯之

罪咎。欲如之何。直如束手泉門。任他處分。故經云。殺生之人。當墮地獄。餓鬼畜生。設得為人。短命多病。嗚呼此苦。誰當受之。脫有能為善哉。其善可謂釋迦末法。其結慈念之因。彌勒初成。俱證無生之果。廣如別傳。此不煩云。

護命放生軌儀法

No. 1602

# 受用三水要行法

唐三藏法師義淨撰

准依聖教。及西方現今衆生所用之水。有其三別。一時水。二非時水。三觸用水。

言時水者。謂是沙彌俗人。自手瀝漉。觀知無蟲。午前任受而飲。若大僧手觸盆羅及杓水。即不堪入口。而況食用。有惡觸故。即如僧家常用之水。大僧豈可得觸。雖大僧不觸。於午後時不合飲用。然水體無觸。已是俗人等觸。帶於染膩。非全極淨。是故須受

二非時淨水者。謂大慈芻及沙彌等用意之人。並須澡豆及上屑等。連腕四指。咸須淨洗。無有垢膩。瓦盆及羅并須新淨。不與垢膩相染者方得。羅瀝此水。皆用銅碗銅杓灰揩去。膩始得取水。若無此等可求。必有染木之器。不會與觸膩相染。每日淨洗塵垢不停者。通用亦得。若常用水可貯在淨瓶。淨瓶須是瓦。非銅漆罐。由其瓶內有銅青不淨。不得灰揩

故。拔出銅釵搭拭。即知淨穢。然銅以灰揩爲淨。聖教親說。若澡豆洗。但去食膩。銅垢不除。可取銅匙灰揩。足爲目驗。其瓦瓶水盂。每須洗滌中間方盛新水。然五天之地。無將銅瓶爲淨瓶者。一爲垢生帶觸。二爲銅腥損人。此之淨水時與非時。任情取飲。是佛別開。以其淨故。更不勞受。若茲獨在非時中。煎藥煮茶作蜜漿等。皆用此水。不得用前時水。以有過故。然用銅杓碗器。皆須離食染。並悉灰揩。方合煮物。其淨水盆瓶。宜於淨處安置。須淨物覆蓋。瓶即置在竹籠。不得輒令觸。欲用水時。先淨洗手。或用乾牛糞。淨揩手已。無膩方觸。或以淨絹布及葉。用替瓶觸。然後方提。律云。除水及楊枝者。謂此清淨之水。非是餘二。楊枝若是新條濕者。應須火淨受而嚼。故知不可直執戒文。凡欲以水入口。若飲若漱。時與非時。皆須澡豆淨洗手洗淨兩脣。漱口再三。方合飲水。喫食亦然。又中食了時。若恐淨瓶水少。須令俗人授前時水。嚼齒水澡漱已。然口津未得輒咽。要須以此淨水三漱口已。方是清淨得咽口津。目見西方南海僧衆共行此法。又此方古德律師有知斯事。然行之者希。若不如是。餘賦不除咽咽得罪。亦齋不成。

三觸用水者。但使無蟲。不論淨觸即得受用。謂添觸瓶向大小便處。及洗手足。更餘用不得輒將入口。況食用耶。此等三水觀知無蟲。乃至明相未出已來。皆隨事得用。明相既出。即便不合無問多少。乃至瓶內一抄盆中一

合。悉須備盡明目觀察。若無蟲者。雖經多日任用無犯。西方僧徒及俗人五戒以爲急。若外方客僧不解此水淨觸法者。無容入寺。又復西方寺法。若見有僧將淨瓶上廁飲觸瓶水者。以爲滅法。即擲出寺。以此言之。冀諸行人。共爲存護。令佛法久住。若能依教行者。即是與佛在世無有異也。

又舊律十誦五十九云。有淨澡罐則澡罐。四十一云。有淨水瓶常水瓶。又新譯有部律文。淨瓶觸器極分明。此並金口親言。非是人造。寧容唯一銅瓶不分淨觸。雖同告語不齒在心。豈可以習俗生常故違聖教。准如此理。諸寺房中及行方等處。所有用水非常狼藉。或大盆貯。或瓮子盛安瓶內。皆不合用。以是大僧手觸不好羅遮。經宿不觀。停貯多時定有生命。設使無蟲。當第三水飲用得罪。謂由盆羅及杓是不淨手觸有不淨塵故。又如尋常用水銅瓶。若自取飲者。以其不淨不受而飲。有不淨罪。若中前觸至過午飲。增觸罪。若今日觸明日飲。有宿觸罪。不受而提。有惡觸罪。不淨洗手。復有汚手捉飲器罪。不淨洗脣口飲水。有不淨罪。此之六罪。各有方便成十二罪。皆有不敬聖教罪。此有因本。復二十四。添前成三十六罪。經宿覆藏。復有因本成七十二。添前有一百八罪。此等若其不學。若有不學無知二罪。復有因本成四百三十二罪。添前總成五百四十罪。又復從覆藏已下。及不學無知。皆有不敬教方便根本。更有一千八百。添前五百四十。總有一千五百四十罪。此

等略據一咽一宿生罪多少。若論十咽經宿罪。有一萬五千四百八十。若多時覆藏展轉生罪。乃至未懺已來。莫知其數重者。咸須對清淨人說悔。若先知者無無知罪。若非時飲鹽湯及蜜漿等。銅杓碗器用水羅遮。不能如法。或帶膩觸。與時食相需。手口不淨。不仰手受。咸悉有罪。然杏子茶湯西方不飲。若寺內皆須親自檢看。必在俗家細問知其淨不。若不如法。即不可飲。豈以口腹暫時所須。而當來長受辛苦。共知賢羅鉢龍故損一葉。現今未脫不記了時。況此常爲能無業道。身吞一咽。罪乃無邊。負擔終身。誠可悲矣。故經云。勿輕小過以爲無殃。又曰善護淨囊防其微隙。大乘小乘意皆同此。略陳要行。餘如大律。願諸行者。准聖教行。受用三水要行法。

No. 1903

### 說罪要行法

唐三藏法師義淨撰

每於半月月盡懺所犯罪。準法而說。或故妄語。或飲酒。或非時食等。或請香不淨洗手而食。

每於旦朝或復餘時。不觀水而飲用。不如法放生故。斷衆生命。自壞生地。或教他壞。不作知淨語。於五生種不以火等作淨而便食。用鉢碗不淨洗而食。銅匙匙筋不以灰揩而食。

凡是銅器皆以灰揩方淨。若以澡豆水洗不  
得成淨。

或飲用殘宿惡觸瓶水。及殘宿惡觸刀子割  
餅等而食。非時飲不淨茶湯酥蜜等水。

食五正食已。捨威儀竟。吞咽餘津。

自受捉金銀錢寶。及使人受捉。不作知淨語。

凡觸火不持心。

燒香等觸火不持心。

非時入聚落不白苾芻。與未受具人同室宿

過二夜與未受具人同誦。及同聲唱佛。此等

波逸底迦罪。據數犯者言之。餘皆准此罪應

三。又每旦及大食後不嚼木。或向塔嚼齒木

等。用訖不洗而棄。在僧淨地中洩唾。或棄蚤

虱等不依處所。或食時飲嗽作聲。或食時含

食語話。

或齧半食。與未受大戒人同床席坐臥。

或立小便。或大小便不洗淨。大小便時嗽口

吐水。及洩唾棄齒木皆不彈指警歎。汚手捉

飲食器。不淨洗手嗽口飲水等。

非時食蜜。不以水滴作淨。或觀男子及以女

人。不善持心而生欲想。或自觸身起愛染心。

或不繫想光明縱心眠睡。在燈燭光下眠臥。

雖有開緣若觸火等不持心。或於三寶師僧

父母所。起不尊重心。及生瞋忿而不忍受。滅

燈火不持心。此等皆是惡作罪。且隨要言之。

若更有餘者隨所憶罪。此等皆須對人一說

而悔。或有責心者。云何責心。凡出家者。於不

謹慎心中違律教時。即須自責心云。此事是

我所不應作。我從今已去更不如是。若常能

如此自剋責時。自然不虧諸戒。須知佛教意

在如此。

又凡出家受十戒及大戒已去。一事皆白

親教師或軌範師。唯除五事不須言白。云何

為五。謂大小便利。飲淨水。嚼齒木。同一界內

齊四十九尋內。禮佛繞塔。餘皆須白。若不白

師者。一一皆得惡作罪。

凡至褒灑陀日。應對不同犯清淨苾芻。隨其

大小而為敬儀。踰踰合掌憶其罪名。作如是

說。具壽存念。我苾芻某甲有故妄語等。隨其犯

犯衆多根本波逸底迦罪。及衆多方便惡作

罪。或不嚼齒木等。隨其犯衆多根本惡作罪。及

衆多方便惡作罪。此等諸罪。各有不敬聖敬

波逸底迦罪。及此方便惡作罪。并不向人發

露各有覆藏罪。此所犯罪。我今於具壽前從

清淨來。並皆發露不作覆藏。由發露已便得

安樂。<sup>三說</sup>

彼應問言。汝見罪不。答言。我見。又問。將來

諸戒能善護不。答言。能護。所對苾芻應云。奧

軍。迦。此是解脫之方便也。其說罪者答言。娑

度。此云。若犯僧伽伐尸沙罪者。但且對人發

露。後別行法。若犯舉吐羅。及犯捨墮罪。准法

除之。

每食罷發願法

准如律教。若苾芻食了之時。若須誦持敬舉

伽他。謂施頌也。隨於靜處或坐或立。或可經

行。先誦小經一紙半紙。次誦伽他云。飯食已

訖。當願衆生。德行充盈成十種力。所為布施

諸以寺舍房宇。布施衆僧。造寺之主。及護寺

天神。國主百僚。師僧父母因緣眷屬。及一切

衆生。若先亡者。願生西方見阿彌陀佛。或生

親史多天見慈氏尊者。脫屣塵勞悟無生忍。

其現存者。願無病長壽福智莊嚴。願我自身

無諸障惱。常持淨戒不犯尸羅。於小罪中心

生大懼。於所犯罪悉皆發露。盡未來際不失

信心。逢善知識。願生中國離於八難。常存正

見至求解脫。恒與衆生作不請之友。即以此

福普施一切。同出有流證無上果。若於每日

不作如是念誦發願者。是懈怠人不銷信施

洗淨法

其大小便室。必須別處。各安門扇。并置橫串。

凡入小行室及上廁時法。合持瓶勿口含水

用為洗淨。警歎彈指或再或三方始前進。亦

既入已却串門扇。持土兩塊或灰一抄。半用

洗身半洗左手。筒槽帛拂皆非本儀。既出廁

外。其瓶可置三叉木上注水向身。或安於脾

令水斜出。若無瓶時盆子盛水權充亦得。以

土十五塊。安在右邊地上或墻版上。七塊偏

洗左手。七塊兩手俱洗。餘有一在。將洗瓶器

其墻版上即須淨洗。然後安置觸瓶。取淨瓶

水漱口三度。方合淨儀。始得受禮禮他。虔敬

三寶坐諸床席讀誦經。若不如是依律行

者。凡有所為咸招惡作之罪。或在行路及乘

船時。任意事斟酌。希諸行者。知是聖教勿輕

灰覆。終墮泥型。奉持獲福。輕法罪生。此既

常事。皆示分明

說罪要行法

根本說一切有部出家授近圓羯磨儀範

原夫膽部嘉運。至四佛釋迦文如來遺教利見也。大元御世第五主。憲天述道。仁文義武。大光孝皇帝登極也。天資福慧。諱信內乘。普使萬邦咸歸一化。雖敷天垂拱。而至治無垠。睿支那弘道。而在躬不息。欲以自佛相承。師資繼踵。迄今不替。正戒儀範。爲拳拳從善之行人。俾一一恒持於淨戒。精練三業。堅守四儀。此實聖皇匡正佛法之睿旨也。昔因善逝與人天衆。普說無諍聲聞藏教。一切有部別解脫經。依此採拾。未得令得。律儀方便羯磨儀範。此乃聖光德師之總集也。始從天竺。次屈西番。爰有洞達五明法王大士薩思迦。粉底達。名稱普聞。上足茲爲拔合思巴。乃吾門法主。大元帝師。道德恢隆。行位恒測。授茲儀範。衍布中原。令通解三藏比丘。住世觀演說正本。翻譯人善三國聲明。辯才無礙。舍伊羅國翰林承旨彈壓孫傳華文。譯主生緣北庭都護府。解二種音。法詞通辯。諸路釋門總統。合台薩哩都通。暨翰林學士安祿。總以諸國言詮。奉詔譯成儀式。序本帝師之親製。繪爲華跡以編陳。始末旌彰。聊記歲月。時庚午歲至元七年冬至後二日序。

出家授近圓羯磨儀範

元帝師苾芻拔合思巴集

敬禮一切智

凡有欲求出家者，隨意詣一師處。師卽應問：所有障法，應如是問：汝非外道否？汝非年不滿十五否？汝雖年滿十五，非不能驚鳥否？雖能驚鳥，非年不滿七歲否？汝非奴等否？汝非負債否？汝非父母不聽許否？汝雖父母不聽許，非不遠鄉所否？汝非有疾病否？汝非汚苾芻尼否？汝非賊住否？汝非別住否？汝非不共住否？汝非鬪割人否？汝非黃門否？汝非化人否？汝非傍生否？汝非趣外道否？曾作外道，先已出來。汝非殺母否？汝非殺父否？汝非殺阿羅漢否。汝非破和合僧否？汝非惡心出佛身血否？汝不於四他勝中隨有犯否？汝非因有所犯，爲不悔過故，衆所驅擯否？汝非觸手等否？不具汝非黃髮等否？汝非獨指甲等否？汝非王所揀別等否？汝非王不聽許否？汝雖王不聽許，非不遠鄉所否？汝非強盜名稱否？汝非毒害人否？汝非皮匠人否？汝非屠脍人非？汝非鄙賤種族人否？汝非非人趣否？汝非北俱盧洲人否？汝非再三轉相人否？汝非似男子婦人否？汝非疎陋人否？汝非別州異貌人否？問障法時，若言是者，便可答言：隨汝意去。若遍淨者，卽應攝受。可授鄔波索迦律儀戒。如是授時，先教求出家者，最初令禮敬佛三遍已，次令禮敬軌範師三遍。在前踰居合掌，教作是

**說**

大德存在念。我某甲。始從今時乃至命存。歸依佛陀兩足中尊。歸依達磨離欲中尊。歸依僧伽諸衆中尊。大德證知。我盡形壽。是鄔波索迦。如是三說。至第三番。應言阿遮利耶證知。師云好。答云善。此是授鄔波索迦律儀竟。次授鄔波索迦五學處教云。汝隨我說。阿遮利耶存在念。如諸聖阿羅漢乃至命存。棄捨殺生。遠離殺生。我某甲亦如是。始從今時乃至命存。棄捨殺生。遠離殺生。此第一支。是諸聖阿羅漢之所學處。我當隨學隨作隨持。又如諸聖阿羅漢乃至命存。棄捨偷盜邪姪妄語。果實酒醞造酒令醉亂性。放逸之處。乃至遠離果實酒醞造酒令醉亂性。放逸之處。我某甲亦如是。始從今時乃至命存。棄捨偷盜邪姪妄語。果實酒醞造酒令醉亂性。放逸之處。此五支學處。是諸聖阿羅漢之所學處。我當隨學隨作隨持。師云好。答云善。此是鄔波索迦儀範竟。

次差一茲。寫作白衆。彼應問本師云。所有障難並已問未。答言已問。若問者善。若不問而白者。得越法罪。次爲白衆。一切僧伽當須盡集。或巡房告知。次將至衆中致禮敬已。在上座前蹲居合掌。作如是說。

大德僧伽存在念。此某甲從鄔波駄耶某甲。希求出家。在俗白衣未落鬚髮。願於善說法律出家。此某甲願欲出家剃除鬚髮。披染色衣。起正信心。捨家趣於非家。從鄔波駄耶某甲。求出家。言無遮難遍淨。僧伽許某甲出家否。

衆咸言若遍淨者應與出家俱問者善。如不問者得越法罪。此是爲出家白衆僧儀範竟。

次請爲五波駄耶者。禮親教師已踰居合掌。作如是說。

阿遮利耶存念。我某甲今請阿遮利耶。爲鄒波駄耶。願阿遮利耶爲我作鄒波駄耶。由阿遮利耶爲鄒波駄耶故。我當出家。如是三說。至第三番。應言由鄒波駄耶爲鄒波駄耶故。師云好。答云善。此是請鄒波駄耶儀範竟。

次爲請剃髮者。彼便盡剃其人後悔。佛言應留頂上少髮。問曰除爾頂鬚不。若言不者。應言隨汝意去。若言除者。應可剃除。次與洗浴。若寒與湯熱授冷水。

次親教師應與鉢器。并與染衣。彼接師足至自頂已可授鉢衣。

次親教師可與著衣與著裙時。當須檢察。恐是無根二根及不全等。此是初作儀範竟。

次授三歸依并出家者。先令禮敬佛。次令禮親教師已。踰居合掌。教作是說。鄒波駄耶存念。我某甲始從今時乃至命存歸依佛陀兩足中尊。歸依達磨離欲中尊。歸依僧伽諸衆中尊。彼薄伽梵如來應供正等覺釋迦牟尼釋迦師子釋迦帝王我等至尊。彼既出家。我當隨出。棄捨俗容出家形相。我正授持。我今正趣。如是三說。至第三番。應言我因事至說名。鄒波駄耶名某甲。師云好。答云善。此是出家儀範竟。

次親教師應付一苾芻。與授沙彌律儀謹者。

彼即應問親教師。此人如何是遍淨否。若遍淨者。應作沙彌。次禮敬佛禮親教師。踰居合掌。應如是說。

大德存念。我某甲始從今時乃至命存。歸依佛陀兩足中尊。歸依達磨離欲中尊。歸依僧伽諸衆中尊。願大德證知。盡形壽我是沙彌。如是三說。至第三番。應言願阿遮利耶證知。盡形壽我是沙彌。師云好。答云善。此是授沙彌律儀軌範竟。

次除阿遮利外隨一苾芻。即當量影作商矩指。并晝夜分時等法。皆如苾芻戒中作。

次授十學處教云。汝隨我說。阿遮利耶存念。如諸聖阿羅漢乃至命存。棄捨殺生遠離殺生。我某甲亦如是。始從今時乃至命存。棄捨殺生。遠離殺生。此第一支。是諸聖阿羅漢之所學處。我當隨學隨作隨持。又如諸聖阿羅漢乃至命存。棄捨偷盜淫欲妄語。果實酒醞造酒令醉亂性放逸之處。歌舞作樂香鬘璫塗彩。高床大床非時食。畜金銀乃至遠離畜金銀。我某甲亦如是。始從今時乃至命存。棄捨偷盜淫欲妄語。果實酒醞造酒令醉亂性放逸之處。歌舞作樂香鬘璫塗彩。高床大床非時食。畜金銀乃至遠離畜金銀。此十支學處。是諸聖阿羅漢之所學處。我當隨學隨作隨持。師云好。答云善。此是授沙彌戒儀範竟。

授具足戒儀範。若被年滿二十者。鄒波駄耶師應與求鉢及三衣等。爲請羯磨師屏教師。并入壇場諸苾芻。

獨衆若共集時。其半月間。於防護懺悔守持內。各各思尋。知已過犯。應以防護懺悔守持熏修。然後方坐。若中國者可集十衆等。若邊國者共律師。可集五衆等。令受戒者。初禮敬佛三遍。次衆僧處一一各須禮敬三遍。然敬有二種。一謂五輪至地。謂是額輪二手二謂兩手執師脇足任行。於一既致敬已。應請鄒波駄耶。先以禮敬置一磚或坏以草敷上。受戒者。其上踰居合掌。若先是鄒波駄耶。或是阿遮利耶者。隨時稱說。若先非二師者。應云大德。或云尊者。若請軌範師者。類此應爲。當具威儀作如是說。

大德存念。我某甲今請大德爲鄒波駄耶。願大德爲我作鄒波駄耶。由大德爲鄒波駄耶故。當授近圓。如是三說。至第三番。應言由鄒波駄耶爲鄒波駄耶故。當授近圓。師云好。答云善。此是請鄒波駄耶儀範竟。次鄒波駄耶師。應可加持三法衣。若各各疊共搭彼人左肩上。後親教師共受戒人同起。其受戒人兩手持把僧伽氍毹。應如是說。鄒波駄耶存念。我某甲已作成衣。是堪可應受。用此法衣。爲僧伽氍。我今守持。如是三說。師云好。答云善。次兩手持把僧伽氍僧角。應如是說。

鄒波駄耶存念。我某甲已作成衣。是堪可應受。用此法衣爲僧伽氍。我今守持。如是三說。師云好。答云善。次兩手持把安恒婆娑角。應如是說。

內衣應如是說。

內衣應如是說。

內衣應如是說。

內衣應如是說。

內衣應如是說。

內衣應如是說。

內衣應如是說。

內衣應如是說。

內衣應如是說。

內衣應如是說。

內衣應如是說。

內衣應如是說。

鄒波馱耶存念。我某甲已作成衣。是堪可應受用此法衣爲安。但婆娑。我今守持。如是三說。師云好。答云善。此是守持裁制縫刺三衣儀範。

若無割縫成衣服。應以守持段匹應加持。時二人俱起。將三件物。令各各疊共搭彼人左肩上。持作僧伽底物。應如是說。

鄒波馱耶存念。我某甲此衣爲僧伽底法衣。我今守持。若無障難當作九條衣等。及作兩長一短等。我當浣洗展張割縫刺縫。或就上貼補。隨堪使用此衣。是堪可應受用。如是三說。師云好。答云善。次持作僧伽底物。應如是說。

鄒波馱耶存念。我某甲此衣爲僧伽底羅伽。我今守持。若無障難。當作七條兩長一短條象法衣。我當浣洗展張割縫刺縫。或就上貼補。隨堪使用此衣。是堪可應受用。如是三說。師云好。答云善。次持作安但婆娑物。

角應如是說。鄒波馱耶存念。我某甲此物爲安但婆娑。我今守持。若無障難。當作五條安但婆娑法衣。兩長一短。我當浣洗展張割縫刺縫。或就上貼補。隨堪使用此衣。是堪可應受用。如是三說。師云好。答云善。此是守持未曾割縫三衣儀範。

次將鉢可示衆僧。次一苾芻左手掌鉢。張右手掩鉢口上。從上座一一僧處。躬身應如是說。或云大德。或云具壽。存念彼具壽某甲。有此波恒羅。非小否。非大否。非白色否。應如是問。若無障難。大衆可皆言好。若言好者善。若

不言者得越法罪。此是示鉢儀範。

大鄒波馱耶應自加持波恒羅。應如是作。共受戒人同起。二人左手共持鉢。各各右手掩鉢口上。教如是說。

鄒波馱耶存念。我某甲此波恒羅。應可用食。是堪可器。是大仙器。是乞食器。我今守持。如是三說。師云好。答云善。此是守持波恒羅儀範。

大應授坐具。灑水羅。次後與彼僧伽底衣。教禮衆僧三遍。應安在見處離間處。教其一心合掌向衆虔誠而立。其羯磨師應問衆中。誰先從彼鄒波馱耶某甲受請。當於屏處爲教示某甲。故彼受請者答云。我某甲。次羯磨師應問。汝茲芻某甲。某甲爲鄒波馱耶。能於屏處教示某甲否。彼應答言。我能。次羯磨師將屏教師爲問障難。作單白羯磨。次羯磨師坐已。應如是說。

大德僧伽存念。此苾芻某甲。某甲爲鄒波馱耶。能於屏處教示某甲。若僧伽時至聽者。僧伽應許。此苾芻某甲。某甲爲鄒波馱耶。與屏處教示某甲。此是白。此是差。屏教師儀範。

大屏教苾芻將至屏處。教禮敬已。踰居合掌。作如是說。具壽汝聽。此是汝真誠時實語時。我今少有問汝。汝應以無畏心。若有言有。若無言無。不得虛誑語。汝是丈夫否。答言是。汝具男根否。答言具。汝年滿二十未。答言滿。汝三衣鉢具否。答言具。汝父母在否。答言在。在者聽汝出家否。答言聽。若言死者。更不須問。

汝非奴否。汝非偷來人否。汝非爲求利養來否。汝非有爭競人否。汝非是他賣人否。汝非王家棟別人否。汝非王家恐懼人否。汝非王家毒害人否。汝非自與王家作害教他作害人否。汝非強盜名稱否。汝非獨割人否。汝非黃門否。汝非汚苾芻尼否。汝非賊住否。汝非別住否。汝非不共住否。汝非外道否。汝非趣外道否。汝非殺阿羅漢否。汝非破和合僧伽殺母否。汝非惡心出佛身血否。汝非化人否。汝非傍生否。應如是問。皆答言非。汝非負他人或少或多些少債否。若言有者。應可問言。汝能授近圓已還彼債否。言能者善。若言不能者。汝可問彼許者方來。汝非先出家否。若言我曾出家者。應問。汝不於四他勝中隨有犯否。汝歸俗時善捨學處否。答言犯重隨汝意去。若無犯者。汝現是出家人否。若言是者。汝行梵行否。答言行。問言。汝名字何。答云。我名某甲。問汝鄒波馱耶名字何。答云。我因事至說鄒波馱耶名。鄒波馱耶名某甲。具壽應人身中有如是病。謂癩病。癰病。漏病。瘡。白癰。疥癬。串皮脚瘡。乾瘦病。忘魂。飢病。寒腫。脚氣。陰漏。時氣病。極時氣病。或一日二日。三日四日。風黃痰癰。總集病。日減日發病。長時病。暫時病。癰疽。黃胖病。嗜睡病。欬嗽。喘氣。癰。手足刺痛。諸塊血病。疽病。痔漏。嘔逆。淋瀝。困病。遍體熱病。骨痛。骨節煩痛。汝無如是等病。及餘諸病否。答言無。具壽汝聽。如我今於屏處問汝。然諸苾芻於大衆中亦當問汝。汝於彼處

以無畏心。若有言有。若無言無。還應答。汝且住此。未喚莫來。此是屏處教授儀範竟。

次羯磨師前行半路。向衆合掌而立。應如是說。大德僧伽。彼某甲我於屏處已正教示。問其障法。某甲爲鄒波駄耶。唯言遍淨爲聽來否。合衆咸言。若遍淨者。應可喚來。咸言者善。如是不言者。得越法罪。次應遙喚來。既至衆中。先禮衆僧三遍。爲乞授近圓。禮敬佛三遍。又禮衆僧三遍。於輦草座上踞居合掌。教作是說。

大德僧伽存念。我某甲今因事至說名。某甲爲鄒波駄耶。今從僧伽求受近圓。我某甲因事至說名。某甲爲鄒波駄耶。今從僧伽乞受近圓。大德僧伽。願與我授近圓。大德僧伽。願濟拔我。大德僧伽。願隨持我。大德僧伽。願教示我。具哀愍心。大德僧伽。能哀愍故。願哀愍我。如是三說。此是乞求近圓儀範竟。

次羯磨師於僧伽中爲問障難作單白羯磨。次羯磨師坐已。作如是說。大德薄伽存念。此某甲。某甲爲鄒波駄耶。今從僧伽求受近圓。此某甲。某甲爲鄒波駄耶。今從僧伽乞受近圓。若僧伽時至聽者。僧伽應許。我於衆中某甲爲鄒波駄耶。檢問某甲所有障難。此是白。此是內中問障難羯磨儀範竟。

次羯磨師於僧伽中應問障難。彼受戒人禮羯磨師。踞居合掌。教如是說。具壽汝聽。此是汝真誠時實語時。我今少有問汝。汝應以無畏心。若有言有。若無言無。不得虛誑語。汝是丈夫否。答言是。汝具男根否。答言具。汝年滿

二十未。答言滿。汝三衣鉢具否。答言具。汝父母在否。答言在。在者聽汝出家否。答言聽。若言死者更不須問。汝非奴否。汝非偷來人否。汝非爲求利養來否。汝非有爭競人否。汝非是他賣人否。汝非王家棟別人否。汝非王家恐懼人否。汝非王家毒害人否。汝非自與王家作害教他作害人否。汝非強盜名稱否。汝非獨割人否。汝非黃門否。汝非汚苾芻尼否。汝非賊住否。汝非別住否。汝非不共住否。汝非外道否。現是外道。汝非趣外道否。曾作外道。先已出重。汝非殺父否。汝非殺母否。汝非殺阿羅漢否。汝非破和合僧伽否。汝非惡心出佛身血否。汝非化人否。汝非傍生否。應如是問。皆答言非。汝非負他人或多或少多些小債否。若言有者。應可問言。汝能受近圓已遍彼債否。言能者善。若言不能者。汝可問彼許者方來。汝非先出家否。若言我曾出家者應問。汝不於四他勝中隨有犯否。汝歸俗時善捨學處否。答言犯重。隨汝意去。若言無犯者。汝現是出家人否。答言是。若言是者。汝行梵行否。答言行。問言。汝名字何。答云。我名某甲。問汝鄒波駄耶名字何。答云。我因事至。語鄒波駄耶名。鄒波駄耶名某甲。具壽應聽。人身中有如是病。謂癩病。癰病。蠅漏。瘡。白癰。疥癬。串皮。脚瘡。乾瘦病。忘魂。飢病。寒腫。脚氣。陰漏。時氣病。極時氣病。或一日二日。三日四日。風黃痰癰。總集病。日減日發病。長時病。暫時病。癰疽。黃胖病。瘰癧病。欬嗽。喘氣。胸。手足刺痛。諸塊血病。疽病。痔漏。嘔逆。淋瀝。因病遍

體熱病。脅痛。骨節煩痛。汝無如是等病及餘諸病否。答云無。此是授近圓戒初作儀範竟。

次羯磨師應作白四羯磨。坐已作如是說。

大德僧伽存念。此某甲某甲爲鄒波駄耶。今從僧伽求受近圓。此某甲某甲爲鄒波駄耶。今從僧伽乞受近圓。是丈夫亦具男根。年滿二十。三衣鉢具。某甲自言。遍淨無諸障難。此某甲某甲爲鄒波駄耶。今從僧伽乞受近圓。若僧伽時至聽者。僧伽應許。今某甲某甲爲鄒波駄耶。今從僧伽與授近圓。此是白。次作羯磨。

大德僧伽存念。此某甲某甲爲鄒波駄耶。今從僧伽求授近圓。此某甲某甲爲鄒波駄耶。今從僧伽乞受近圓。是丈夫亦具男根。年滿二十。三衣鉢具。某甲自言。遍淨無諸障難。此某甲某甲爲鄒波駄耶。今從僧伽乞受近圓。是故僧伽今爲某甲某甲爲鄒波駄耶。與授近圓。若諸具壽。與此某甲某甲爲鄒波駄耶。付授近圓。若許者默然。若不許者說。此是初羯磨。如是三說。至第三番。應言僧伽已聽許。僧伽與某甲某甲爲鄒波駄耶。已授近圓。由其默然故。今如是持。此是授近圓根本儀範竟。

次除羯磨師外。隨一苾芻。即應量影可取細籌。長許四指。堅置日中。度影。長短影與籌齊。名爲一人。此中一指是名一足。若有增減。准此應思量影。訖時即應告彼。次或在夜或在晝陰。即可准酌告之。謂是清旦日中日暮。或



一諸衣中糞掃衣是清淨物。易可求得。茲偈  
依此。於善法律。出家近圓成慈愍性。汝某甲。  
始從今日乃至命存。用糞掃衣而自支濟生  
欣樂否。答言。欣樂。若得長利施絹大白氎。或  
毛白氎羅。或縵國絹。或大白毛氎紅毛氎。甲  
羅綿紅羅細迦尸氎。中平色卑下色。或毛子  
衣。或舍那衣。或胡麻衣。或劫貝衣。或覩拘  
羅衣。或嬌曇波國衣。或日下國衣。若更得餘  
清淨衣者。若從衆得。若從別人得。汝於斯等  
隨可受之。知量受用。願能持否。答言。願能  
持。

某甲汝聽。四陳棄藥是清淨物。易可求時。茲  
獨依此。於善法律。出家近圓成苾芻性。汝其  
甲。始從今日乃至命存。用陳棄藥而自支濟  
生欣樂否。答言。欣樂。若得長利酥油蜜乳糖  
沫。宜時藥宜更藥。或七日若至愈。根藥莖藥  
葉藥華藥果藥。若更得餘清淨棄者。若從衆  
得。若從別人得。汝於斯等隨可受之。知受用  
願能持否。答言。願能持。此是四依法竟  
次說四墮落法  
某甲汝聽。有此四法。是諸世尊如來應正等

具壽汝聽。他不與取。世尊以無量門種種毀責離不與取。稱揚讚歎是勝妙事。汝具壽。始從今日不以賊心乃至麻糠。他不與物而故竊取。何況五磨灑。若過五磨灑。具壽如佛世尊。如來應正等覺所知所見說。若復苾芻若在聚落。若空閑處。他不與物以盜心取。如是盜時。若王若大臣若捉呵責言。咄男子。汝是盜賊。寢無所知。作如是盜。若殺若縛若驅擄。

者，茲獨若如是作此不與取。彼茲獨使墮落不可共住。於如是事，茲獨犯者隨當作時便非茲獨。非沙門，非釋迦子。失茲獨性，破沙門法。此便損減摧壞墮落，爲他所勝不可重收。譬如斬截多羅樹頭，更不能生增長高大。汝從今日，於此不應作事不可作事。非所作事應當可斷。可作事中，可以正念作不放逸。殷勤防護自心。汝於是事能不作否？答言：不作。具壽汝聽。殺害生命，世尊以無量門種種毀責。遠離殺生，稱揚讚歎是勝妙事。汝具壽，始從今日乃至蚊蟻不應故心而斷其命。何況於人若人胎。具壽，如佛世尊如來應正等覺所知所見說。若復茲獨，若人若人胎故自手斷其命，或持刀授與令人送刀。若教令死，讚死語言，咄男子。何用此罪累不淨惡活爲？汝今寧死死勝生，隨自心念。以餘種種言說勸讚令死。彼因死者彼茲獨便墮落。不可共住。於如是事茲獨犯者，隨當作時，便非茲獨。非沙門。非釋迦子。失茲獨性，破沙門法。此便損減摧壞墮落，爲他所勝不可重收。譬如斬截多羅樹頭，更不能生增長高大。汝從今日，於此不應作事。不可作事。非所作事應當可斷。可作事中，可以正念作不放逸。殷勤防護自心。汝於是事能不作否？答言：不作。具壽汝聽。說虛妄語，世尊以無量門種種毀責。遠離妄語，稱揚讚歎是勝妙事。汝具壽，始從今日不應故心乃至戲笑而爲妄語。何況實無上人法說言已有。具壽，如佛世尊如來應正等覺所知所見說。若茲獨實無現前證，無遍知

自知，不得上人法寂靜勝者，殊勝證，悟智見得獲。而言我如是知我如是見，即爲墮落。欲自清靜，彼於異時若問若不問，作如是說。具壽，我不知不見，言知言見。虛誑妄語除增上慢，彼茲獨便墮落。不可共住。言知何法者，謂言我知苦知集滅道。言見何法者，謂言我見諸天。我見諸龍。我見夜叉。我見迦樓羅。我見乾闥婆。我見緊那羅。我見摩睺羅伽。我見餓鬼。我見毘舍闍。我見鳩槃荼。我見部多那。我見羯吒部多那。我見旋風鬼。或言：諸天見我。諸龍見我。夜叉見我。迦樓羅見我。乾闥婆見我。緊那羅見我。摩睺羅伽見我。餓鬼見我。毘舍闍見我。鳩槃荼見我。部多那見我。羯吒部多那見我。旋風鬼見我。或言：我聞天聲龍聲。夜叉聲迦樓羅聲。乾闥婆聲緊那羅聲。摩睺羅伽聲餓鬼聲。毘舍闍聲鳩槃荼聲。部多那聲羯吒部多那聲。旋風鬼聲。或言：天聞我聲。諸龍夜叉，迦樓羅乾闥婆，緊那羅摩睺羅伽，餓鬼毘舍闍，鳩槃荼部多那，羯吒部多那，旋風鬼聞我聲。或言：我往觀天諸龍夜叉，迦樓羅乾闥婆，緊那羅摩睺羅伽，餓鬼毘舍闍，鳩槃荼部多那，羯吒部多那，旋風鬼。或言：天來觀我。諸龍夜叉，迦樓羅乾闥婆，緊那羅摩睺羅伽，餓鬼毘舍闍，鳩槃荼部多那，羯吒部多那，旋風鬼。或言：我共諸天語。我共諸龍語。我共諸餓鬼語。我共諸毘舍闍語。我共諸鳩槃荼語。我共諸部多那語。我共諸羯吒部多那語。我共諸旋風鬼語。我共諸諸天共語言談論。共相歡樂。長時共住。或言：諸天共

我語言談論。共相歡樂。長時共住。諸龍夜叉，迦樓羅乾闥婆，緊那羅摩睺羅伽，餓鬼毘舍闍，鳩槃荼部多那，羯吒部多那，旋風鬼，共我語言談論。共相歡樂。長時共住。或不得而言。我得無常想。無常中苦想。苦中無我想。厭食想。一切世間不可樂想。過失想。斷想。離愛想。滅想。死想。不可意想。青澹想。膿爛想。膀胱想。蛆蟻想。啄噉想。異赤想。離散想。骸骨想。別異空觀想。或不得而言。我得初靜慮二靜慮三靜慮四靜慮。慈悲喜捨空無邊處。識無邊處。無所有處。非想非非想處。預流果一來果。不還果。阿羅漢果。神境智神通。天耳智神通。他心智神通。宿住智神通。死生智神通。漏盡智神通。或言：我是阿羅漢。八解脫中定善解脫。俱善解脫。茲獨若如是說。彼茲獨便墮落。不可共住。於如是事，茲獨犯者隨當作時，便非茲獨。非沙門。非釋迦子。失茲獨性。破沙門法。此便損減摧壞墮落，爲他所勝不可重收。譬如斬截多羅樹頭，更不能生增長高大。汝從今日，於此不應作事。不可作事。非所作事應當可斷。可作事中，可以正念作不放逸。殷勤防護自心。汝於是事能不作否？答言：不作。此是四墮落法。竟次說沙門四種所應作法。具壽汝聽。此四沙門法諸佛世尊如來應正等覺所知所見。爲諸依。如是法出家受近圓。作茲獨者。說沙門四種所應作法。云何爲四。具壽汝聽。始從今日若他罵者。不應返罵。他罵不應返罵。他打不應返打。他調不應返調。

有如是等惱亂起時。汝能攝心不返報否。答言。不報。此是沙門所應作法竟。

次漂滿心希望勝願

具壽汝聽。汝先漂心有所希望。作如是念。我當何時得於世尊善說法律。出家近圓成茲獨性。汝今已得汝已出家。今授近圓。得好如法親教師。及軌範師等。和合僧伽乘白四羯磨。文無差舛極善安住。漂滿心希望勝願竟。

次明同得學處法

具壽汝聽。如餘苾芻雖滿百夏。所應學者汝亦修學。汝所學者彼亦同然。有此因緣。同得尸羅同得學處。同說別解脫經。汝從今日當於是處。起敬奉心。不應厭離。明同得學處法已竟。

次依世間喻說儀範

汝從今日於親教師。應生父想。師於汝處亦生子想。乃至命存侍養瞻病。共相看問。起慈悲心。至老至死。依世間喻說竟。

次住調伏法

汝從今日於同梵行所上中下座。常生敬重隨順恭勸。而為共住。住調伏法竟。

次成辦所須法

汝從今日受持教法。讀誦思惟修諸善業。於蘊善巧。處善巧。界善巧。緣起善巧。處非處善巧。未得求得。未求解解。未證求證。弗捨善軀。成辦所須法竟。

次說儀範中未曾說防護法

我今為汝舉其大綱。餘未知者。於半月說別

解脫經時。自當聽聞。又當於軌範師并親教師。及同學親友。善應諸問。准教勤修。說儀範中未曾說防護法竟。

次說發至信偈

汝最勝智教 具足受尸羅  
無障身難得 志心當奉持  
端正者出家 清淨者圓具  
正覺之所知 實語者所說

說發至信偈竟

次略說勤修方便法

具壽。汝已受近圓竟。勿為放逸。當謹奉行。略說勤修方便法竟。

次新受戒苾芻禮。親教師軌範師。并諸僧伽三遍已。謝恩奉持授近圓。作苾芻儀範已竟。

若受羯磨時。應作守持除罪。令僧伽於授羯磨處。次第坐已。作羯磨。苾芻在眾前坐。應作是說。大德僧伽存念。今是僧伽作授近圓儀範之時。一切僧伽有犯律儀戒。為除所犯。於此僧中然無一人能向餘住處。對清淨苾芻如法除其罪名。若僧伽時至聽者。僧伽應許。僧伽今時守持自罪而作授近儀範後。向餘處對清淨苾芻當如法除罪。此是單白羯磨。

大僧伽為住處。應作同意作羯磨。苾芻在僧眾前坐。已應如是說。大德僧伽存念。營造已成。界外周繞一尋地畔。於此房中僧伽為授近圓故。可共同意。若僧伽時至聽者。僧伽應許。僧伽營造已成。界外周繞一尋地畔。於此房中僧伽為授近圓。共同一意。此是白二羯磨。

磨

次當作羯磨。大德僧伽存念。營造已成。界外周繞一尋地畔。此房僧伽授近圓處。同意願求。是故僧伽營造已成。界外周繞一尋地畔。此房僧伽為授近圓。聽許故。若諸具壽。營造已成。界外周繞一尋地畔。此房僧伽為授近圓。同一聽許者默然。若有不聽許者。說僧伽聽許。僧伽營造已成。界外周繞一尋地畔。此房僧伽為授近圓。默然聽許故。是事如是持。此是說營造已成。房舍儀範餘外營造未成。房者。應言營造未成。或在露地者。應言未曾營造地。同前作羯磨儀範。

教求出家法

凡有求出家者。須當次第受律儀戒。最初欲授鄔波索迦戒時。先應問其障難。問障難已。次教作是說。南無佛馱耶。南無達摩耶。南無僧伽耶。世尊如來應供正等覺。明行足善逝世間解調御丈夫無上士天人師佛世尊。善說妙法。初善中善後善。義妙文巧無雜圓滿。清潔淨白。近觀智者內證。世尊聲聞僧者。善行如理行。質直行同行。隨法成就。彼既出家。我當隨出。如是說已。應授三歸鄔波索迦律儀戒。

出家授近圓羯磨儀範

根本說一切有部

No. 1905

# 根本說一切有部苾芻學略法

元帝師慈弼拔合思巴集

敬禮一切智

教示增上戒學律藏有三種

第一未得令得儀範 第二已得律儀不犯

護持方便 第三若有犯者令修補法

第一未得令得儀範者有四種

能為得律儀作障 能為安住律儀作障 能

為增長德業作障 能為端嚴衆作障

若俱無此四種違緣 復以歸處形相身體思

念儀範 若全有此五種順緣者 方得律儀此

差別義如儀範中應知

第二已得律儀不犯護持方便者有五種

一依依止師護持 二以對治想護持 三了

知應捨相違護持 四淨自戒律護持 五依

安樂住緣護持

第一依依止師護持者

若受近圓已滿足十年 二十一種五德法中

具十五法 解律比丘求為依止師 應作不應

作 一切事業應問彼師 如師教示隨教所行

自受近圓滿十年等 三種德業圓滿已來 應

依彼師

第二以對治想護持者

於一切時中念知不放 逸具此三種法 除一

切相違法 成就一切善法

第三了知應捨相違護持者

總集為五篇二百五十三 應捨法中具清淨

戒 或具應修補戒 有心有念 復非初緣不捨

學處 不犯學處 第一波羅夷篇者 茲弼於三

道中 隨一一道行不淨行者 犯第一波羅夷

罪 若盜非屬己身他人物者 犯第二波羅夷

罪 除己身外人或人胎斷其命者 犯第三波

羅夷罪 妄說過上人法者 犯第四波羅夷罪

此四波羅夷罪 皆能斷絕正戒根本 說第一

篇竟

第二十三僧伽婆尸沙篇者 若故泄精者 若

染心觸女人身者 若共女人說淫欲龜惡名

者 若於女人前讚歎自身 可持淫欲法供養

者 若為人成夫婦事者 若三不堪處 從他人

乞地并材物造房者 若不堪處 建僧伽藍者

若無根謗苾芻犯波羅夷法者 若無根以小

因緣 謗說苾芻犯波羅夷法者 若破和合僧

者 若助破和合僧者 若因汚他家以為僧擯

毀謗僧者 若自戒中他比丘 以憐愍心欲令

勸時 言說諸僧伽因我一切戒法 莫論說我

而違拒者 此十三法從僧伽應修補 故名為

僧伽婆尸沙 第二篇竟

第三波逸底迦篇有二種

第一三十泥薩祇波逸底迦者

初篇十種者 若未曾加持衣畜過十宿者 若

已加持三衣 過一宿離者 若三衣物不足望

他 足過三十宿畜彼物者 若使非親尼浣洗

衣者 若從比丘尼取衣者 若有三衣從在家

人乞衣者 若自無三衣從他人乞時 過分乞

者 若他欲與物未與索者 若他人各各欲與

物 未與索者 若已送到不堪作衣物 若過三

語索 或過三默索者 初遍十種竟

第二遍十種者

若蠶綿作新敷具者 若純黑羊毛作新敷具

者 若合黑白羊毛作敷具者 若減六年作第

二敷具者 若作新坐具不以故者 縱廣佛一

張手貼新者 上用敷者 若無持負羊毛人 自

持負羊毛 過三由旬者 有持負人自持負過

一里者 若使非親比丘尼驢羊毛者 若畜自

己珠寶目觸教人觸者 若以資財出納求利

者 若買賣者 第二遍十種竟

第三遍十種者

若應量器不加持畜過十宿者 若自有鉢更

求餘者 若使非親織師不與工錢 織作成衣

者 若他人為己使人織作衣間 為自利益敷

長織者 若與比丘衣或鉢已後還奪取者 若

夏安居中所得利養安居內取要 或安居中

分散 或安居竟自恣後 彼利養不分者 若住

阿蘭若苾芻 聚落村舍內留法衣過六夜 後

不到留衣處 或自阿蘭若處者 若雨浴衣安

居一月前求者 或安居後過半月畜者 若欲

與衆僧物 或欲與一僧物 自週入己者 若應

堪取捨四種藥 各各過限畜者 此是第三遍

十種三十泥薩祇波逸底竟

第二九遍十種波逸底過者

初遍十種者 若苾芻故妄語者 若說他苾芻

過失者 若兩舌令二苾芻等離間者 若有誣

競苾芻和合已後 再發舉誣者 若與在家婦

誦教示法者。若知他慈獨有犯墮落法。或僧殘法。隨一一與在家人說者。若向未近圓人。未證聖諸人實說所得上人法者。若衆僧執事慈獨無過失而毀說。言以僧物人事與知識者。若布薩日誦微碎戒時。輕呵而言。何須說如是雜碎戒。令他慈獨聞者。初遍十種竟

### 第二遍十種者

若壞種子斷青草木者。若嫌毀輕賤僧伽執事慈獨者。若同學法人教利益語而違惱者。若將僧伽敷具。以放逸心安置露地者。若於僧房內敷草。或棄用已不除掃者。若從僧伽藍遣慈獨出者。若僧住處後來慈獨欺凌先住慈獨者。若僧住處不堅固。重房棚上坐臥脫脚床者。若爲他使用有蟲水等者。若壘寺僧伽藍牆時除許量外。過量壘者。第二遍十種竟

### 第三遍十種者

若僧伽不曾差。自意往教誡慈獨尼者。若教誡慈獨尼至日暮者。若實無此念而毀說他。爲此小飲食教誡慈獨尼者。若慈獨與慈獨尼友者。若慈獨與慈獨尼縫衣者。若慈獨與慈獨尼作伴道路行者。若慈獨與慈獨尼同乘船者。若慈獨共女人屏處坐者。若慈獨與女人屏處立者。若因慈獨尼讚歎受在家人食者。第三遍十種竟

### 第四遍十種者

若一時食中無利養受再食等者。若於外道住處經一宿住受再食等者。若慈獨足食竟。

不作餘食法更食者。若乞食慈獨從在家人受過兩三鉢食者。若慈獨足食竟勸令更食者。若慈獨離衆僧常食處。各無己食。共三慈獨等別食者。若自洲日斜至明相出食。非時食者。若食或自或他。慈獨經畜食者。若食不與不受食者。若從施主索美食食者。第四遍十種竟

### 第五遍十種者

若有蟲水等爲己身用者。若在家人行不淨行時。同房坐者。若在家人行不淨行時。同房立聽者。若與裸形外道食者。若觀欲戰戰整軍者。若無因緣軍陣中過二宿住者。若混亂排定軍陣者。若打慈獨者。若以擬手向慈獨者。若知他慈獨有龜惡罪覆藏者。第五遍十種竟

### 第六遍十種者

若施主欲與慈獨食以冤酬故。遮不令與當日絕食者。若觸火者。若因慈獨作羯磨時。與他欲已而後悔者。若慈獨與未近圓人。近一尋地內。宿過一宿者。若說姪欲不爲障礙執事惡見。若僧諫時不捨者。若共衆僧所遣比丘而作伴者。若知是被擯沙彌。而收攝而作眷屬饒益共住者。若受用不染色白衣敷具等者。若屬他寶及以寶好物。自觸教人觸者。若從四月初一日。至六月十五日。除此兩個半月。其餘時中。若未至半月而洗浴者。第六遍十種竟

### 第七遍十種者

若故斷畜生命者。若言慈獨汝非慈獨。令須

與不樂者。若以指擊壓慈獨者。若水中戲者。若獨自共在家人。一室同宿至明者。若慈獨但一因由恐怖慈獨者。若藏慈獨衣者。若與慈獨衣不還還復取受者。若慈獨無僧殘罪無因。或以小因謗說犯僧殘罪者。若共在家人更無男子同道行者。第七遍十種竟

### 第八遍十種者

若共盜賊或匿稅商旅同道行者。若知年未滿二十。與授近圓者。若堅實地中掘一抄土者。若受在家人請。住過四月者。若不依僧伽制而反毀謗。告白慈獨言。汝愚癡無所知者。若共有聞譯慈獨欲令聞譯往彼聽其所說者。若從僧伽所作羯磨處。不問一慈獨從坐而起。遠去離聞聲地者。若應敬信僧伽處。僧伽執事等處。不敬信不隨順者。若飲諸酒等者。若不問慈獨等。向暮入聚落者。第八遍十種竟

### 第九遍十種者

若慈獨受食家請。午時前去行詣入餘三家等。或向暮時。除僧伽集處。入餘四家等者。若日沒之後。紅相已滅。至明相未出。入灌頂王宮內。或后妃宮內者。若布薩日誦別解脫戒經時。於難碎戒中。言我今始知如是難碎戒。是應可學而輕呵者。若用象牙等作鐵筒者。若坐臥足過量床者。若將僧伽敷具。以木綿等覆汚者。若作坐具。應長三肘廣二肘六指。過此量作者。若作覆衣。應長六肘廣三肘。過此量作者。若作雨浴衣。應長九肘廣三肘。

一十八指。過此量作者。若同佛衣量作衣。或教他作者。犯波逸底迦。如來衣量者。長中形。人一十五肘廣九肘是也。第九遍十種竟。總九十波逸底迦竟。

第四四種波羅底提舍尼者

若聚落或聚落外。或在道中或近道外。從茲獨尼受食者。若於白衣家內有茲獨尼。趣次指授食不止而食者。若衆僧所制白衣家內。反取食者。若差看守怖難道。却不看守。受食坐者。四波羅底提舍尼竟。

第五一百一十二應當學者

齊整著安陀會。不太高不太下。衣角不象鼻。不多羅葉。不穀圓形。不蛇頭。齊整披法衣。不太高不太下。乞食行時善護身語行。齊整披法衣。行不作聲。行不亂視。行當觀一尋地量行。若入聚落不得用衣覆頭行。不得抄衣行。不得收衣附。肩行。不得兩手交項上行。不得兩手交腦後行。不得跳行。不得探脚行。不得蹲行。不得足指行。不得授腰行。不得搖身行。不得掉臂行。不得搖頭行。不得磨肩行。不得連手行。若不請不得在白衣家敷具上坐。不善觀察不應坐。不得放身重坐。不得交足坐。不得交腿坐。不重內外踝坐。若床上坐時。不得曲脚入床下。不得叉脚坐。不得寬脚坐。應正意受食。不得滿鉢受食。不得菜食齊等受。應依坐次受食。應視鉢受食。行食未至不得預伸鉢爲更望重受。不得以食覆菜。不得以菜覆食。若受食時不得安鉢在食上正意而食。不得作極小搏而食。不得作極大搏而食。

應作中搏而食。若食未至不得張口待食。不得含食語。不得皺眉而食。不得嘔噎口食。不得呵氣食。不得吹氣食。不得舒舌食。不得一粒粒取食。若受食時不得叱笑他。若受食時不得換類嚼食。不得彈舌食。不得齧半食。不得舐手。不得振手。不得刮舌舐。不得振鉢內食。食畢作塔形。不應損壞而食。不得輕笑。比坐茲獨鉢。不得汚手捉淨水瓶。不得有飯水灑近坐茲獨。不問房主有飯水。不得棄白衣家內。應棄殘食。不得置於鉢內。若地上無替不應安鉢潤邊。不得置鉢危峻處。不得置鉢峻崖處。不得置鉢。不得立洗鉢潤邊。不得洗鉢危峻處。不得洗鉢峻崖處。不得洗鉢迎暴流。不得以鉢酌水。應當學。人坐已立。不應爲說法。人臥已坐。不應爲說法。人在高座已在下坐。不應爲說法。人在前行已在後行。不應爲說法。人在道行已在非道行。不應爲說法。不應爲覆頭人說法。不應爲抄衣人說法。不應爲收衣拊肩人說法。不應爲兩手交項人說法。不應爲兩手交腦後人說法。不應爲以髮作頂髻人說法。不應爲戴帽人說法。不應爲戴冠人說法。不應爲戴華鬘人說法。不應爲纏頭人說法。不應爲乘象人說法。不應爲乘馬人說法。不應爲乘輿人說法。不應爲乘坐諸物人說法。不應爲著靴人說法。不應爲持杖人說法。不應爲持刀人說法。不應爲持蓋人說法。不應爲持劍人說法。不應爲持兵器人說法。不應爲披鎧人說法。不得立大小便。不得水中大小便及涕唾嘔吐等。不得青

草上大小便及涕唾嘔吐等。從說法爲首。此三十九應當學。中除有病茲獨無犯除難緣。不得上樹過人頭。應當學。一百一十二種應當學突吉羅竟。

已上四波羅夷篇。十三僧伽婆尸沙篇。三十尼薩祇波逸底迦。并九十單波逸底迦。共爲一百二十波逸底迦篇。四波羅底提舍尼篇。一百一十二應當學篇。總爲二百五十三律儀法。受近圓茲獨精進護持者。此是第三了知。應捨相違護持。

第四淨自戒律護持者

爲淨自戒故作布薩法。又爲除滅自他身命惡災難等。結夏安居三月安居竟。作自恣。此三種者是第四淨自戒律護持。此廣差別義應看餘律。

第五依安樂住緣護持者

衣服飲食住處醫藥。於此四中遠離奢樂極苦二邊。應以處中而住。此是第五依安樂住緣護持。此有差別義。餘略羯磨儀範文中。或廣毘奈耶中應看。

第三若有所犯令修補法者

欲除覆藏罪應須發露。欲除所犯罪。應須懺悔。身語未作意中。所有微細罪業。應須防護。爲欲羯磨中不作障難。應須守持爲令不復更犯。應須治罰。此是第三若有所犯者。再修補法。此廣差別義。百一羯磨中應看。若作此受戒護持修補法時。應慎謹諸惡。不令損害一切有弊。願獲涅槃。應須護持。根本說一切有部苾芻學略法。

恭惟略本之始。通大元世主今上明君。睿  
智日新。鴻慈天賦。萬機之暇。釋教是遵。爰  
有帝師。智慧備足。名稱旌顯於十方。教理  
洞明。威德普洽於萬彙。能引三聚薩埵。徑  
至三種菩提。復設近圓令正滿覺。帝師盛  
德。心口匪窮。既具種種事能。致使燈燈傳  
授。有三藏茲獨法救。奉聖主出輪。蒙帝師  
揮塵集成略本。庶廣流通。今合伊羅國人  
解三種聲明。通法詞二辯。翰林承旨彈壓  
孫譯成畏兀兒文字。宣授諸路釋教都總  
統合台薩哩都通。翻作華言。至元八年上  
元有五日云

No. 1906

### 大賢法師義記序

大薦福寺僧道峯撰

吾觀悠悠群動。營塵業。以增夫漏根。遑遑衆  
人。攀垢緣。以津於惑樹。譬乎空花起滅。火輪  
施馳。故真梵衰夫。運之以寶筏。世雄宰化授  
之。以金章。若隨其精微。冥厥中秘。則超識妄  
海。遺捐汨紛。宅神靈。憚用恬止。自天鼓始  
奏於光曜。道實正真。世眼初滅於堅林。理唯  
一悟。至乎千歲之後。二宗肇興。執有則遺空。  
著空則遺有。各據邊岸。未涉中源。嗟乎德風。  
龍熏。仙露失味。大義將喪。孰云提綱。則五日  
傳照於五天。還舒麗景。千部飛聲於千古。再  
樹洪勳。信夫繼燭傳燈。春蘭秋菊。然應五百。

而傑起。其誰歟。即東國大賢法師其人也。玄  
風清邁。道氣孤雄。龍章鳳雛之姿。河關岳聲  
之量。雖弱冠之歲。栽覺樹於青丘。將成立之  
年。泛慈舟於陸海。而跡幽期遠。遂潛用韜光  
燁義苑之影榮。敷法橋之堅構。因述瑜伽纂  
要三卷。造唯識決擇一卷。菩薩戒本宗要一  
卷。并本母頌一百行。用傳來葉。並詞妍理遠。  
文約義豐。彪炳之惠日增明。采察之覺山踰  
麗。庶使迷於歧路。直觀南指之車。味其形顏。  
仰鑒西秦之鏡者爾。

### 菩薩戒本宗要一卷

青丘沙門大賢撰

勇士交陳死如歸 丈夫向道有何辭  
初入恒難永無易 由難若退何劫成  
丈夫欲取三界王 當揮智劍斷衆魔  
吾於苦海誓無畏 莊嚴戒筏攝諸方

今依此經釋持犯要。略有二門。一申經意門。  
二能所成門。三修行差別門。

一經意者。經曰。梵網經廣遮那佛說菩薩心  
地品。梵者。能淨之義。網者。攝有情義。謂此經  
者。乃至有頂生死大海。拘持有情。終致無上  
寂滅之岸。無盡饒益諸飢渴類。如世網故。由  
斯世尊。因梵網說一部宗心。生長萬德名爲  
心地。

二能所成門者。略有二門。一能成相門。二所  
成相門。一能成者。如經曰。一切有心者。皆應

攝佛戒。謂無上乘。至深至廣。以至深故。極之  
良難。由至廣故。一切成因。一塵微滯山海本  
故。由此諸佛制戒無礙。但解語者。所發之心。  
由種姓力皆成。因故。此復云何。謂如有一人  
決定。希求斷一切惡。修一切善。盡有情界。至  
丈夫行。爾時於此解脫分心。由羯磨緣。得菩  
薩戒。一切惡者。從初發心乃至菩提所斷及  
捨一切難染。一切善者。從初發心乃至菩提  
所生及得一切清淨。有情界者。窮未來際所  
荷負。一切求道莫大斯焉。名至丈夫。何者。鳳  
凰之卵雖未破。殼自在超境之勢。初發之心  
雖在纏裏。便有。近物性蚊虻舉翼。而無。翳  
天之用。二乘出染。而無覆生之功。如經迦葉  
菩薩頌曰。發心畢竟二無別。如是二心先  
心難。自未得度先度他。是故我禮初發心  
初發已爲天人師。勝出聲聞及獨覺。如是  
發心過三界。是故得名最無上。二所成相  
者。如經曰。一切菩薩已學。一切菩薩當學。一  
切菩薩今學。已略說波羅提木叉相貌。謂菩  
薩戒依實取捨。不同餘戒。知時宜。說輕爲  
重。說重爲輕。故於三際。戒相決定。然望聲  
聞。略有三種不同分相。一受不同分相。謂菩  
薩戒。除具七遮。一切受得。如本業說。六道衆  
生受得戒。但解語得戒不失。佛子三世劫中。  
一切佛常作是說。由此亦有自受之法。又雖  
犯重。若非七遮現身得受。不同餘戒。如本業  
說。十重有犯無悔。得使重受。瑜伽亦爾。然此  
經中。約犯七遮密意總說。犯十重者。現身不  
得戒。二犯不同分相。攝大乘說。菩薩性罪不



現行故。與聲聞共相似。遮罪有現行故。與彼不共。於此處所有聲聞犯菩薩不犯。有菩薩犯聲聞不犯。菩薩具有身語心戒。聲聞唯有身語二戒。謂人與行各有四句。人四句者。一內邪外正。二外染內淨。三俱淨。四俱染。行四句者。一合小福而乖廣大。二順深遠而違淺近。三俱順。四俱違。此中菩薩取中間二故。與聲聞自有不同。由此亦有性罪現行。如瑜伽說。善權方便為利他故。於諸性罪。少分現行。而無所犯。反生功德。乃至廣說。若以至知唯佛境界而隨分故。一切由心。不爾如何。自判地獄。以諸聖者已斷彼故。如契經言。菩薩知以破戒因緣。令人受持愛樂大乘。則得破戒。菩薩爾時應作此念。我寧一劫若減一劫。墮無間獄。受此罪報。要令是人。不退菩提。文殊白佛言。為此毀戒。墮阿鼻獄。無有是處。佛讚善哉。瑜伽亦同。問既生功德。何名性罪。答意樂雖善。方便惡故。然處處說不染不犯。但由意樂。不由方便。以方便時亦有染故。如說。在家慈心行姪。出家不爾。護聲聞故。問同受三聚。戒支應等。如何一事犯不犯別。答戒支雖等。修有分。齊如不定性。所知障性。隨其所望。染不染故。三捨不同分相。比丘五緣。菩薩四緣。如論廣說。又比丘三品犯重。皆捨淨戒。菩薩必由上品纏捨。如慈尊說。若諸菩薩毀犯四種他勝處法。數數現行。都無慚愧。深生愛樂。見是功德。當知說。名上品纏犯。非諸菩薩暫一。現行他勝處法。便捨菩薩淨戒律儀。如諸苾芻。又比丘戒。必總受持故。犯一重便失

一切。菩薩不爾。如瑜伽言。菩薩戒中。無無餘犯。乃至廣說。謂上品纏雖破一重。不失餘故。猶如近事總受持一。雖名犯戒。而成其性。如契經言。有而犯者。勝無不犯。有犯名菩薩。無犯名外道。又初誘戒。由有一分受。亦有一分持。如世尊言。受一戒。名一分優婆塞。菩薩亦爾。隨分戒。如契經言。有受一分戒。名一分菩薩。乃至十分。名具足受戒。又比丘戒。隨命即捨。菩薩不爾。雖轉餘生戒隨遂故。廣說如論。又如經說。一切菩薩凡聖戒。盡心為體。是故心盡戒亦盡。心無盡故戒亦無盡。問亦可菩薩。期願勝故。別受八戒。過日夜持。答如支無過所制而受。時亦應。然。寧過邊際。如觀經說。大王日日受八戒。問若爾。如時必應具支。或復如支亦可減時。是則違經。如說。我於一時。住恒河邊。迦旃延來作如是言。世尊。我教衆生。令受。齊法。或一日。或一夜。或一時。或一念。如是之人。成。齊不耶。我言。比丘是人得善。不名持齋。我諸弟子。聞是說。已不解我意。唱言。如來說八戒。齋具受乃得答。一惡應遮。一支成戒。欲進定慧。不減其時。菩薩七衆。隨順聲聞。八戒亦爾。別受如彼。如涅槃經頌曰。若為無上道。一日一夜中。受持八齋法。則生不動國。

三修行差別門者。略有四門。一親近善士門。二聽門正法門。三如理作意門。四如說修行門。一近善士者。如世尊言。一切衆生。為大菩提。近因緣者。無不善友。謂友有四。一順善達惡。二順惡違善。三善惡皆順。四善惡俱違。此中初一。應與事同。雖其惡者。以改爲師。不以同心斷金之友。開於額上之珠。使成菩提器。雖有不惡勝。近而立其功者也。是故親近善士為先。二聞正法者。如契經言。設滿世界火。必過要聞法。謂由一句。能斷苦輪故。聞半偈。魂沈雪山。然於四處。安住正念。然後請問。如論應知。朝聞未夕。要必流通。以他正行。為自萬行。以他成道。為自菩提。設誤正念。墮阿鼻獄。利一衆生。甘心受苦。如契經言。為一衆生。憊劫修行。使無量衆。令度苦海。三如理作意者。謂觀四事。先治四倒。一者諸行無常。生必滅故。諸盛歸衰。非究竟故。二者有漏皆苦。由三苦故。然以愛網纏生死輪。今離毒刃之所割裂。受苦火箭之所射然。廣說如論。三者三界。不淨難染性故。然似淨現如怨誑親。諸不淨想。如論廣說。四者諸法無我。二我空故。謂諸蘊法。生滅為身。起不不起。滅無滅想。諸法一相。所謂無相。如幻緣生。無自性故。無性之性。即諸法性。雖不出相。莫見其軀。雖在言裏。未談其狀。四如說修行者。誓起十地。遠志菩提。出家辭別所受之類。掃衣量。鉢如法受持。樹百姓門。以為家糧。戒定慧中。如說修行。此復云何。謂於四門善巧。菩薩能淨戒行。妙具資糧。一護正念門。二波羅密多勝門。三輕重性門。四持犯相門。一護正念者。謂於可愛。應作此念。諸欲無飽。如枯骨等。乃至厄如樹端爛果。如羅刹女。少味多災。遍害於世。出世義利。於此不忍。何盡苦際。若對相違。應作此念。雖諸有情。一如來藏。而迷自心。計為他

故。妄生喜患。沈於苦流。自業受果。引他爲緣。令墮惡趣。深是自過。我曾向求無義利事。不顧地獄。長受大苦。況爲菩提。暫時小苦而不忍受。若在中容。應作此念。命如放箭。俯仰一生。今日欲盡。何義利成。無始供身。身所反害。無邊生死。無所不羈。如世尊言。大地無有汝等長夜。不受無量生死苦處。一人一劫所受身骨。不爛壞者。其聚量。齊王舍城側廣博脇山。所飲乳汁如四海水。身所出血。復愛別離所泣之淚。多四大海。大地草木盡斬爲籌。以數父母。亦不可盡。無量劫來。或在地獄。或在畜生。或在餓鬼。所受行苦。不可稱計。如是思惟。夙夜匪懈。乃至中夜。右脇而臥。住光明想。如野鹿寐。如坐禪經曰。煩惱深無底。生死海無邊。度苦船未立。云何得睡眠。二波羅。密多攝門者。略有二門。一總性攝門。二別相攝門。初者諸行。由作不作應作四句。七種最勝之所攝受。乃名到彼岸故。廣說如論。然到彼岸各有九相。如瑜伽說。應當善巧。後者有三種。一因果。攝前爲後依故。順前句攝。後淨持前故。順後句攝。雖別別修。由引持故。一一自然遍修一切。二者體攝修。一一行。一切無貪施性。一切思業戒性。一切無瞋忍性。一切勇悍精進性。一切專注靜慮性。一切正見後五性。由此一行修一切行。必相應故。三者用攝無貪等法。一一具有無畏等施。乃至成就有情智儀。互相資助展轉眷屬。皆以一切俱行功德。爲自性故。由此於一切行。行一切行。是則一念修一切行。豈唯阿僧企耶已。

後。又無數劫實在一念。如旋行者。實向自項。爲未來際。項亦背顛。爲過去際。無始無終歸一念故。如有頌言。處夢謂經年。悟乃須臾。項。故時雖無量。攝在一刹那。三輕重性。門者。所取及捨。雖攝一切雜染清淨。於加行業。制禁戒故。略有十重四十八輕。然菩薩戒。意地爲本。若見勝利。縱身語故。無惡不由貪瞋癡者。無不爲引好推惡。所以後四爲根本重。攝善戒中極達有二。一修福捨智。二棄大向小。貪偏引初。愚癡逼引。餘二引後。達大乘故。攝有情中極達有二。一先自後他。二有親怨想。惟惡引初。貪瞋引後。愚癡邪見通引一切。由此隨應。爲三聚本。四持犯相門者。略有三門。一總相門。二別相門。三究竟門。一總相者。若作必犯。設犯亦作。四句分別。或有作而非犯。謂見勝利菩薩戒中。乃至下凡。善心所作。皆非犯故。或有不作而犯。謂隨喜等。餘句應知。若犯必染。設染定犯。謂有四句。第一句者。無覆無記。無知。放逸。此罪助惡招彼果故。第二句者。謂欲斷彼。生起意樂。發動精進。煩惱熾盛。繫抑其心。時時數起。餘句應知。若犯必罪。設罪亦犯。謂順前句。以犯亂等。無所了知。故思業故。若有重罪。亦業道。設有業道。亦重罪。四句分別。或有是重而非業道。謂酤酒等。及餘一分或有業道而非重罪。謂綺語等。餘句應知。若重業道亦必捨戒。設捨戒者亦重業耶。應作四句。一中下品纏。犯他勝處。謂有慚愧。亦不深耽見是功德。二自及向他。捨善提顯。三上纏。總別犯他勝處。

起根本罪。除爾所相。爲第四句。問若爾何故本業經言。菩薩戒有受法。而無捨法。有犯不失。盡未來際。答下乘向大。有應捨法。棄菩薩戒。無應爾故。或菩薩戒。無無餘犯。無有總盡。如前說故。二別相者。若於自他。讚毀必罪。設毀讚者。亦是福耶。謂有四句。或有讚毀罪毀讚福。如次他邊損害故。饒益故。或有讚毀福毀讚罪。摧邪等故。佞引利故。或有讚毀亦福亦罪。毀讚亦爾。謂順淺小違深廣等。或有讚毀毀讚非罪非福。謂如彼心增上犯亂。或重苦逼。或未受戒無記所作。若讚毀罪。必他勝處。設他勝處。亦讚毀耶。謂輕重相難可決定。隨位持犯極微細故。然約初業四句分別。謂有讚毀而非重罪。雖有愛憎。不爲利等。雖染犯罪。而非重故。餘句應知。此中且說讚毀一戒。所餘持犯類此應知。謂菩薩戒。與諸行心。廣蕩無方。無所據礙。行者之機。過塵沙故。萬行一一以千門。應應機。修一一故。罪福之性難別。一行應應之故。邪正之相易。雖無數機。皆入菩薩之道。雖無礙門。莫出菩提之因。無不道故。高出狹情之誘。皆爲因故。深入廣慧之歎。雖同人面。豈合一相。雖向遠路。寧唯特足。如契經言。於乘緩者。乃名爲緩。於戒緩者。不名爲緩。菩薩摩訶薩。於此大乘。心不懈緩。是名奉戒。爲護正法。以大乘水而自濯浴。是故菩薩。雖現破戒。不名爲緩。三究竟者。即以二空亡三輪相。如契經言。應以不謹圓滿淨戒莊嚴。密多。犯無犯相。不可得故。謂戒罪人。三輪之相。不即緣故。雖相非無。不

離緣故。自性非有。即離中間。亦不可得。性非有故。勿增能持。相非無故。不撥無犯。空而不撥。不失戒相。有而不增。無犯戒性。雖明輕重是非之相。而見三輪非究竟行。諸法如義。即名如來。由修無我。之所得故。此無相行。永斷二障。能滿二利。名為究竟。何者。一念之內。三際圓融。便謂菩提。不離發心。增上意樂。從此而生。如契經說。當果諸佛。摩頂說法。一法之空。一切無生。便謂。自心流成六道。同體大悲。從此而起。如契經言。即此法身無量煩惱之所動。往來生死。名為衆生。護持既爾。出離亦然。如有頌曰。一切業障海。皆從妄想生。若欲懺悔者。端坐念實相。衆罪如霜露。慧日能消除。是故應至心。勤懺六根罪。此三聚戒。離苦樂邊。證斷智恩三身德本。誠如調絃妙取其中。如契經說。菩薩為道受四供養。身不堅牢。則不忍苦。不忍苦故。不能修善。於苦生悲。於樂生貪。乃至廣說。吾為遍訪一切論宗。數寶之項。少年位滿。今為半錢之利。竭此要門。為後修集古迹。如瑜伽記并頌。申自意樂。如唯識判一卷。幸有同趣。詳而取決。已開聖典微密要。圓鏡懸空照。長霄。人身聖教難可再。有心欲出宜及時。菩薩戒本宗要一卷。

No. 1907

### 菩薩戒本持犯要記

新羅國沙門元曉述

菩薩戒者。返流歸源之大津。去邪就正之要門也。然邪正之相易濫。罪福之性難分。何則或內意實邪。而外迹似正。或表業同染。而中心淳淨。或有作業合少福。而致大患。或有心行順深。而違淺近。是以專穢道人。剋私沙門。長事似迹。以亡真正。每剋深戒。而求淺行。今將遺淺事。而全深。去似迹而逐實。為自忽忘。撮要記別。幸同趣者。詳而取決。持犯之要。有三門。一輕重門。二淺深門。三明究竟持犯門也。初門之內。有其二句。先即總判輕重。後以別顯差別。言總判者。輕重垢罪中。細論支別。頭類乃有八萬四千。括舉其要。別有三類。或四十四。如達摩戒本所說。或四十八。如多羅戒本所判。或有二百四十六輕。如別解脫戒經所立。此第二中。有共不共。共不共相。依文可解。重戒之中。總說有十。論其類別。亦有三種。或有共小之重。謂前四也。或有不共之重。謂後四也。或立在家菩薩六重。謂十重內在前六也。此中合。有共與不共。總判輕重義類如是。若明差別者。今依達摩戒本。辨其性相差別。文言。於有違犯。是染。非染。契中上品。應當了知。欲悲。雖所作業同。而犯。無犯。異言有犯者。謂由四因。所犯諸事。無違犯者。謂由三緣。所作諸事。三緣是何。謂

若彼心增上誑亂。若重苦受之所逼切。若未曾受淨戒律儀。此三無犯。通一切戒。別論無犯。如文廣說。於有犯中。有其二聚。重內應知。契中上品。輕中當識。是染。非染。通而論之。四因中。若由無知。及由放逸。所犯衆罪。是不染污。若煩惱盛。及由輕慢。所犯衆罪。是其染污。別論染不染者。亦依本文。可知。凡說雖然。一二論者。且就初戒。以示其相。於一讚毀。有四差別。若為令彼赴信心故。自讚毀他是福。非犯。若由放逸無記心故。自讚毀他是染。非染。若於他人。有愛患心。自讚毀他是染。非重。若為貪求利養恭敬。自讚毀他是重。非輕。第四之中。有其三品。成三之由。亦有二途。謂由事故。及由纏故。由纏故者。若纏現行。非極猛利。或發慚愧。是為要品。雖極猛利。無慚無愧。未見為德。猶在中品。都無慚愧。深生愛樂。見是功德。是名上品。由事故者。若毀別人。是為要品。若毀一衆。即是中品。普毀衆多。乃為上品。上品之內。罪非一端。隨其難別。略示三雙。佛法內人。多依三學。起似佛道之魔事故。猶如師子身內之虫。乃食師子餘無能故。第一雙者。依於心學。有二類虫。食滅佛法。一由貪故。二由慢故。由貪故者。如有一類。閑居靜慮。離諸散亂。攝心禪門。由心澄靜。髣髴有見。或由邪神加力。令識。于時由自少聞不別邪正。又欲引致名利恭敬。隨所見識。令他聞知。耀諸世人。咸疑是聖。此由獨揚似聖之迹。普抑諸僧。為無可歸。以破佛法。故得重罪。是謂諸僧之大賊也。由

慢故者。如有一類。長住深山。有所得心。修寂靜業。魔知彼心。可以動壞。發空中聲。讚其所行。其人由是。起自高心。普抑諸僧住人間者。誰當稱美爾等所行。此人罪過重於前者。是謂菩薩魔陀羅也。第二雙者。依於戒學。有二類。食減佛法。一坐邪戒。二坐正戒。坐邪戒者。如有一類。性非質直。或承邪戒。或自邪念。不衣絲麻。不食五穀。變欲貪求利養恭敬。自揚無比。誑諸癡類。希望群愚咸仰已德。普抑一切無異迹者。由是內以傷真。外以亂人。傷亂之罪。莫是為先也。坐正戒者。如有一類。性是淺近。於世大運。多慢慢時。獨正其身。威儀無缺。便起自高。滯池之心。慢毀乘急戒緩之衆。此人全其不善。以毀大禁。轉福為禍。莫斯為甚也。問邪戒之罪。應如所說。持正戒者。何必是罪。所以然者。如有一類。內無諸纏。不觀餘人作與不作。唯察自心。獨持正戒。如是菩薩何由成犯。答若無染心。不在前說。而於此人。亦當分別。若由獨淨。令諸世人普於諸僧。謂非福田。利養尊重偏歸於己者。雖順聲聞自度心戒。而逆菩薩廣大心戒。如似聲聞無常等觀。雖於淺事。是無顛倒。而於法身。即是顛倒。當知此中順逆亦爾。若由獨淨。令諸世間未信者。信者增長。普於諸僧。平等供養者。非直無犯。乃生多福。然由獨淨。居難雜間。以此望得不抑染衆。又欲令他生等敬心者。猶如頭戴日月。而行而欲不却其暗者矣。自非知機大聖。豈能得其然也。以是之故。古之大賢。誡其子云。慎莫為善。其子對曰。當為

惡乎。親言善尚莫為。況為惡乎。第三雙者。依於慧學。亦有二輩。自讚毀他。一由增益。二由損減。由增益者。如有一類。性是斜聽。為勝他故。廣習諸論。不解諸法。皆離言說。執有如言自性差別。為得名利。作如是言。我得三世諸佛意說。若異此者。皆是漫說。此人於一讚毀。具四顛倒。以亂佛法。故成重罪。謂其妄執有所得見。去佛意遠。如天與地。而謂我近佛意。是一倒也。佛意甚深。絕諸戲論。於一切法。都無所得。而引同己妄見。是二倒也。揚此二倒之見。加於四部之上。是三倒也。抑諸離邊說者。置其偏執之下。是四倒也。由損減者。如有一類。稟性狹劣。不近善友。不廣學問。偏習一分甚深經論。不解密意。如言取義。誹撥諸法。依他道理。起如是見。作如是言。三性三諦。但是教門。無所有中。施設假名。如是解者。乃為真實。異此說者。皆是戲論。由是獨特自見。不受他言。設遇鈍根少聞之人。墮其所破。從其所言者。即云此人神明正直。若值聰明解文義者。巧能立義。不墮其破者。便言脫失。謂是心惑。未識自解味鈍。不能逐破意。謂彼心不正。未及我意。此猶家狗逐兔。望不能及。便謂已超。止而顧見。此損減人。略由二愚。失壞佛法。故成重罪。一舉下為高愚。二特小許多愚。第一愚者。此損減見。於諸見中。最在底下。亦復不如外道我見。其故何耶。此人服最深藥。變成重病。重病之狀。極似無病。是故更無醫術能治此病。亦豈有人自覺是患。猶如根本無明極闇。與般若明。其狀極似同。

無能所故。俱無能所故。故彼無明最難可滅。此病難治。當知。亦爾如偈說云  
為除有執故。如來說其空  
若人復執空。諸佛所不化  
又復此見。由其解味。漫起信心。若依此見。修心明利。必發信心。墮大邪見。於無數劫。受無間苦。是故菩薩。深悲餘人有隨彼。故預誡之言。一切有智同梵行者。不應共住。一切外道所起我見。雖有乖理。而無是患。如偈說云  
寧起我見。如須彌山。不起空見  
如毫釐許  
由此二緣。最在底下。而其不了。起增上慢。如似最下沙彌。謂居和上之上。是謂舉下為高愚也。第二愚者。然佛道廣遠。無礙無方。永無所據。而無不當。故曰。一切他義。咸是佛義。百家之說。無所不是。八萬法門。皆可入理。而彼自少聞。專其樣狹見。同其見者。乃為是得。異其見者。咸謂脫失。猶如有人。掌管窺天。謂諸不窺其管內者。皆是不見蒼天者矣。是謂特少許多愚也。問如經言。譬如貧乞兒。日夜數他寶。不能如說行。多聞亦如是。又言。若有人。分別姪癡反道。是人去佛遠。猶如天與地。是知。多聞。有所得見。與乞兒近。去佛道遠。雖曰得意。而不忘言。橫求名利。甚於俗人。其隨偏執。事在灼然。今我學徒。與彼一殊。不殉名利。捐棄俗事。深信佛法。專求寂靜。唯樂隨分修心。潔行。驗知。所解非邪。是正。且復執有曰增。取無曰損。我所趣宗。有無俱遣。蕭然無據。以為所觀。觀狀如是。何得為患。答逐名利

者背道向俗。其爲失理。何足可惜。堪絕世無將。趣道方服藥成疾。甚爲可傷。且覺自迷者。非大迷矣。知自闇者。非極闇矣。設使子之心行。不違法相。實不誹撥依他道理故。不執有。而不墮無者。子自離邊。玄會中道。不在彼類。那忽跳赴。雖然自是於中。而非於他者。還墮邊執。猶非淨智。如經偈云。不肯受他法。是名愚癡人。諸有戲論者。皆是大愚人。若依自是見。而生諸戲論。設此爲淨智。無非淨智者。設使子之見解。墮惡取空。誹撥緣有。亦撥其無。最極損減。而不自覺者。唯子最遠於道。乃還近於乞兒。如乞兒云。多寶者富。少財者貧。我無多寶。亦無少財。蕭然無據故。我非貧。今子所言與彼同焉。是知無多無少者。最極貧窮也。撥有撥無者。最極損減也。然至道昏昏。是非莫分。心行蜜蜜。得失難別。唯有宿殖善根。稟性質直。深伏我慢。近善知識者。仰依聖典。以爲心鏡。自內審觀。熱微心行。若能如是之人。幸治惡取空病。向說諸佛所不化者。爲欲令彼自內驚改。是故還爲諸佛所化。以不化言。使自化故。問者欲於此自察心病。依何等典。最爲明鏡。答如深蜜經言。若諸有情性。非質直。非質直類。雖有力能思擇廢立。而復安住自見取中。聽聞甚深密意之說。而無力能如實解了。於是法。雖生信解。而於其義。隨言執著。謂一切法。決定皆無自性。決定不生不滅。本來寂靜。自性涅槃。由此因緣。於一切法。獲得無見及無相見。由是見故。撥一切相。皆爲無相。誹撥諸法三種性相。何以故。

由有依他起相及圓成實相故。故遍計所執相方可施設。若於二相見爲無相。彼亦誹撥遍計所執相。是故說彼誹撥三相。彼雖於法起信解故。福德增長。然於非義。起執著故。退失智慧。智慧退故。退失廣大無量善法。喻伽論云。如有一類。聞說難解空性相應。未極顯了密意趣義。甚深經典。不能如實解所說義趣。起不如理虛妄分別。由不巧便。所引尋思。起如是見。立如是論。一切唯假。是爲真實。若作是觀。名爲正觀。彼於虛假所依所處。實有唯事。撥爲非有。是則一切虛假皆無。何當得有一切唯假。是爲真實。由此道理。彼於真實。及與虛假。二種俱謗。都無所有。當知是名最極無者。如是無者。一切有智同梵行者。不應共住。世尊依此密意。說言。寧如一類起我見者。不如一類惡取空者。云何名爲惡取空者。謂有沙門或婆羅門。由彼故。空亦不信受。於此而空。亦不信受。如是名爲惡取空者。何以故。由彼故空。彼實是無。於此而空。此實是有。由此道理。可說爲空。若說一切都無所有。何處何者。何故名空。亦不應言。由此於此即說爲空。是故名爲惡取空者。乃至廣說。且止傍論。還結本宗。持犯輕重略相如前。次第二明持犯淺深者。乘前所說讚毀之戒。以顯持犯淺深之相。如多羅戒本云。常代衆生。受加毀辱。惡事自向己。好事與他人。若自讚揚己德。隱他人好事。令他受毀辱者。是爲波羅夷罪。依此文淺深解何者。下士聞之。齊言取解。自毀讚他。必是福業。自讚毀他。定爲犯

罪。如是一向隨言取故。將修其福。福行少而罪業多。欲捨其罪。却罪一而除福三。是謂淺識持犯過也。上士聞之。拘解意趣。舉一隅。便以三隅。而變就一文。每用四句而判。由是審別無所惑故。無福而遣。無罪而辨。是謂深解持犯德也。言四句而判者。或有自毀讚他是。福自讚毀他是罪。或有自毀讚他是罪。自讚毀他是福。或有若毀讚若讚毀。或罪或福。或有非毀讚非讚毀。或福或罪。第一句者。如入深惡衆生受辱。欲引他所受辱向己。推自所應受榮與他。此意自毀讚他是福。若欲自受其榮。令他受辱。此意自讚毀他是罪。第二句者。如知時世風俗所習多。憎自讚毀他之人。每敬自謙揚他之士。又知毀彼彼必皆我。我若讚他他還美我。由此知故。巧求自高自毀讚他。是爲重罪。若知他人所執非理。可捨。自內所解是道。應修直欲建立佛法。饒益有情。自讚毀他。是爲大福。第三句者。如有一類性多誑僞。爲欲誑惑世間諸人。凌他所長。覆自己所短。由此意故。作矯亂言。毀己小長爲過。讚他所短爲功。揚己多短爲德。抑他所長爲失。又有一類。稟性質直。爲欲開導世間諸人。識善別惡。捨罪修福。由斯志故。直言無僻。見自惡。而必皆聞他善。而即歎。覺己德。而還褒。知彼罪而直貶。前人毀讚揚抑。直是誑諂之罪。後士皆歎褒貶。並爲忠直之福也。第四句者。如有高士性。是弘懿放神苞朴。不知端兒。混禍福。而歸一。忘彼我。爲無二。其神常樂遊是處故。亦不自毀讚他。亦不自揚抑彼。又

有下愚稟性鈍朴莫知是非難別菽麥不識

善之爲善不了惡之爲惡其意常昏忘憎愛

故亦無自謙美他復無自褒貶他此爲下愚

渾鈍之罪彼是上智純朴之福也是謂四句

以判罪福依前兩句則福業變作重患罪行

更爲大善尋後二句則誑語與忠談無隔上

智共下愚同迹是知行者持犯之要只應微

察自之得失不可輒判他之德患持犯淺深

意趣然矣第三明究竟持犯者雖依如前所

說法門能識輕重之性兼知淺深之狀而於

戒相不如實解於罪非罪未離二邊者不能

究竟持而無犯不趣清淨戒波羅蜜其故何

耶然戒不自生必託衆緣故決無自相即緣

非戒離緣無戒除即除離不得中間如是求

戒永不是有可言自性不成就故而託衆

緣亦不無戒非如兔角無因緣故如說戒

相罪相亦爾如戒罪相人相亦然若於此

中依不是有見都無者雖謂無犯而永失

戒誹撥戒之唯事相故又於此中依其不無

計是有者雖曰能持持即是犯違逆戒之如

實相故菩薩修戒則不如是雖不計有能持

所持而不誹撥戒之唯事是故終無失戒巨

過雖不見無罪與非罪而不違逆戒之實相

是故永離犯戒細罪由是巧便深智方便永

忘三輪不墮二邊方趣具足戒波羅蜜如經

言罪非罪不可得故應具足戒波羅蜜戒

本云戒光從口出有緣非無因非色非心

明淨難染同一味故故緣戒光顯戒實相戒

無自性必藉他緣故曰有緣有緣之言非據

是有直顯不無其所從因故曰非無因非無

因戒性非質礙亦非緣慮故曰非色非心雖

非色心而離色心永不可得雖不可得而非

無戒故曰非有非無雖非無戒而離果無

因離因無果故曰非因果法戒爲因性雖

不可得而諸佛果必藉戒因故言諸佛之本

原也戒爲果性雖不可得而戒要藉善提心

因故言菩薩之根本也問戒相如是甚深難

解解之尙難況乎修行故知如前所說行

相唯是大地菩薩所修不關諸新發意所行

答經中正答如汝問言菩薩從初發意已來

常行無所得法因無所得法故修布施持戒

乃至因無所得法故修智慧此答意者若使

彼行由未曾修難可行故今不修者今不習

故後亦不修如是久久彌在其難故令從初

仰習其難習行漸增轉成其易是謂新行發

趣大意究竟持犯略明如是

仰依聖典了義文粗述戒藏開要門

普爲法界燃一燈願用傳燈周十方

四句三聚戒圓滿六意五修爲成辨

遠離二邊滅諸罪等食一味遊方外

持犯要記一卷

寬元二甲辰十一月二十四日摸功畢

勸進大安寺僧信忍

般若寺轉法輪藏

萬泉涌小比丘記焉

No. 1908

## 大乘六情懺悔

釋元曉撰

若依法界始遊行若於四威儀無一唐遊念

諸佛不思議德常思實相朽銷業障普爲六

道無邊衆生歸命十方無量諸佛諸佛不異

而亦非一即一切一切即一雖無所住而

無不住雖無所爲而無不爲一相好一一

毛孔遍無邊界盡未來際無障無礙無有差

別教化衆生無有休息所以者何十方三世

一塵一念生死涅槃無二無別大悲般若不

取不捨以得不共法相應故今於此處蓮花

藏界盧舍那佛坐蓮花臺放無邊光集無量

衆生轉無所轉大乘法輪菩薩大衆遍滿虛

空受無所受大乘法樂而今我等同在於此

一實三寶無過之處不見不聞如響如旨無

有佛性何爲如是無明顛倒妄作外塵執我

我所造種種業自以覆弊不得見聞猶如餓

鬼臨河見火故今佛前深生慚愧發菩提心

誠心懺悔我及衆生無始以來無明所醉作

罪無量五逆十惡無所不造自作教他見作

隨喜如是衆罪不可稱數諸佛賢聖之所證

知已作之罪深生慚愧所未作者更不敢

作此諸罪實無所有衆緣和合假名爲

業即緣無業離緣亦無非內非外不在中間









不勤勞豈當致困。徒喪身命於事無益。或復自棄其說理實如之。不知推果尋因。妄構此惑。若遇善知識則其惑可除。遇惡知識則其惑更甚。因疑惑故墮三惡道。在惡道中悔何所及。

今日道場同業大眾。凡有此疑因緣無量。且疑惑習氣。出三界外尚未能盡。況在今形云何頓去。此生不斷後。更復增。大眾相與方涉長途。自行苦行。當依佛語如教修行。不得疑惑辭於勞倦。諸佛聖人所以得出生死度於彼岸者。良由積善之功故。得無礙自在解脫。我等今日未離生死。已自可悲。何容貪住此惡世中。今者幸得四大未衰五福康寧。遊行動轉去來適意。而不努力復欲何待。過去一生已不見諦。今生空擲復無所證。於未來世以何濟度。撫臆論心實悲情抱。大眾今日唯應勤課努力勤修。不得復言且宜消息。聖道長遠一朝難辦。如是一朝。已復一朝。何時當得所作已辦。今或因誦經坐禪動行苦行。有小疾病。便言誦習勤苦所致。而不自知。不作此行早應終亡。因此行故得至今日。且四大增損疾病是常。乃至老死不可得避。人生世間會歸斷滅。若欲得道當依佛語。運而得者。無有是處。一切衆生達佛語故。所以輪轉三途備嬰萬苦。若如佛語都無休息。勤於諸法如救頭然。勿使一生無所得也。相與人人等一痛切。五體投地如大山崩。奉為有識神以來至于今。身。經生父母。歷劫親緣。和尚阿闍梨。同壇尊證上中下座。信施檀越善惡

知識。諸天諸仙護世四王。主善罰惡。守護持呪。五方龍王龍神八部。廣及十方無窮無盡一切衆生。歸依世間大慈悲父。

南無彌勒佛 南無維衛佛 南無式棄佛  
南無隨葉佛 南無拘留秦佛 南無拘那含佛 南無迦葉佛 南無釋迦牟尼佛  
南無無邊身菩薩 南無觀世音菩薩

又復歸依十方盡虛空界一切三寶。願以慈悲力。同加攝受。以神通力覆護拯接。從今日去至于菩提。四無量心。六波羅蜜。常得現前。四無礙智。六神通力。如意自在。行菩薩道入佛智慧。同化十方俱登正覺。一拜

今日道場同業大眾。重復志誠善攝心念。相與已得入歸信門。唯應秉以趣向為期。於內外法莫復留難。若本業不明。自不能造。見人作福唯應獎勵。彈指合掌明進其德。不宜起心生諸妨礙。使彼行人成阻退。若是不退彼進如故。彼既無減唯當自損。空構是非於身何益。若能於善無有礙者。可謂合道有力大人。若今作礙者。於未來世云何能得通達佛道。就理而尋損害實重。阻他善根罪真不輕。如護口經說。有一餓鬼。形狀醜惡。見者毛豎莫不畏懼。身出猛焰猶如火聚。口出蛆虫無有窮盡。膿血諸毒以自嚴身。臭氣遠徹不可親近。或口吐焰支節火起。舉聲號哭東西馳走。是時滿足羅漢問餓鬼曰。汝宿何罪今受此苦。餓鬼答言。吾往昔時曾作沙門。戀著資生。慳食不捨。不護威儀。出言龜惡。若見持戒精進之人。輒復罵辱偏眼惡視。自恃豪

強謂長不死。遺棄於無量不善之本。而今追悔無所補。事以利刀自截其舌。從劫至劫甘心受苦。不以一言誹謗他善。尊者還問淨提。以我形狀。誡諸比丘及佛弟子。善護口過勿妄出言。設見持戒不持戒者。念宜其德。吾受鬼身經數千劫。終日竟夜備受楚毒。若此

命盡復入地獄。是時餓鬼說此語已。舉聲號哭自投于地。如大山崩。今日道場同業大眾。如經所說大可怖畏。止以口過獲報累劫。何況其餘不善之本。捨身受苦皆由作業。若不作因云何得果。若有造因果終不失。罪福不遠身自當之。譬如影響不得捨離。因無明生亦因而死。去來現在行放逸者。未見是人而得解脫。能守護者受福無窮。今日大眾。宜各慚愧洗滌身心懺謝前各畢故不造新。諸佛稱歎。相與從今日去。若見人之惡善。莫論成與不成久與不久。但使一念一頃一時一刻一日一月半年一歲。已自勝於不作者矣。所以法華經言。若人散亂心。入於塔廟中。一稱南無佛。皆已成佛道。而況有人能發如是大心勤於福善。不隨喜者。聖所悲念。甲等自愧。無始生死以來至于今日。已應有無量惡心阻人。勝善何以故。然若無是事。云何今日於諸善法多有留難。禪定不能習。智慧不能修。少時禮拜已言大苦。暫執經卷復生厭怠。終日勞擾起諸惡業。使此身形不得解脫。如蠶作繭自縊自縛。如蛾赴火長夜焦然。如是等障無量無邊。障善提心。障善提願。障善提行。皆由惡心誹謗他善。今始覺悟生大慚愧。

①及十(是故於此不應疑惑) ②疑惑習氣二習氣疑惑 ③更二書 ④攝隨一附聲 ⑤已二還 ⑥途一還 ⑦萬一乘 ⑧身二日 ⑨此下乙本有維衛佛等七佛善德佛等十佛出分別功德金剛不壞佛等三十五佛出決定尼經普光佛等五十三佛出觀藥王經上二菩薩經寶海佛等百七十佛出稱揚諸佛功德經拘樓孫佛等千佛出三劫三千佛名經此係過去七佛世尊起九十二字夾註 ⑩仗十(如是) ⑪(者)一 ⑫於二諸 ⑬吾受鬼二受鬼鬼 ⑭若二我 ⑮命二報 ⑯(修)十善 ⑰故一知 ⑱

稽顙求哀懺悔此罪。唯願諸佛請大菩薩。以慈悲心同加神力。令<sup>甲</sup>等所懺除滅所悔清淨。所有障礙無量罪業。因今懺悔淨盡無餘。相與人人等一痛切。五體投地歸依世間大慈悲父。

南無彌勒佛 南無釋迦牟尼佛 南無善德佛 南無無憂德佛 南無栴檀德佛 南無寶施佛 南無無量明佛 南無華德佛 南無相德佛 南無三乘行佛 南無廣衆德佛 南無明德佛 南無師子遊戲菩薩 南無師子奮迅菩薩 南無無邊身菩薩 南無觀世音菩薩

又復歸依如是十方盡虛空界一切三寶。相與胡跪合掌。各自稱名念口言<sup>甲</sup>等從無始生死以來至于今日。未能得受道此報身。於四事中。未得相離三毒熾然貪瞋嫉妬。起衆惡業。見人布施。見人持戒。自不能隨喜。見人忍辱。見人精進。自不能隨喜。見人坐禪修習慧業。自不能隨喜。如是等罪無量無邊。今日懺悔。願乞除滅。又復無始以來至于今日。或見人作善修諸功德。不能隨喜。行住坐臥於四威儀心無慚愧。憍慢懈怠。不念無常。不知捨此身形應入地獄。於他身色起種種惡。障人建立三寶與顯供養。障人修習一切功德。如是罪障無量無邊。今日懺悔。願乞除滅。又復無始以來至于今日。不信三寶是歸依處。障人出家。障人持戒。障人布施。障人忍辱。障人精進。障人坐禪。障人誦經。障人寫經。障人造像。障人齋會。障人供

養。障人苦行。障人行道。乃至他人一毫之善皆生障礙。不信出家是遠離法。不信忍辱是安樂行。不知平等是菩提道。不知離瞋忘相是出世心。致使生處多諸障礙。如是罪障無量無邊。唯有諸佛諸大菩薩。盡知盡見。如諸佛菩薩所知所見罪量多少。今日慚愧發露懺悔。一切罪因苦果。願乞消滅。從今日去至坐道場。行菩薩道無有疲厭。財法二施無有窮盡。智慧方便所作不空。一切見聞無不解脫。相與志心五體投地。仰願十方一切諸佛大地菩薩一切賢聖。以慈悲心同加神力。令六道一切衆生。以今懺法。一切衆苦皆悉斷除。離顛倒緣不起惡覺。捨四趣業得智慧生。行菩薩道不休不息。行願早圓速登十地。入金剛心成等正覺<sup>一拜</sup>。

懺悔第三<sup>將欲發誓提心必須懺悔</sup>  
故次第三願懺悔法門

今日道場同業大眾。經言在凡謂之縛。在聖謂之解。縛即是三業所起之惡。解即是無礙之善。一切聖人安心斯在。神智方便無量法門。明了衆生善惡之業。能以一身作無量身。能以一形種種變現。能促一劫以爲一日。能延一日以爲一劫。欲得壽命則永不滅。欲現無常則示涅槃。神通智慧出沒自在。飛行適性坐臥虛空。履水如地不見險難。畢竟空寂以爲棲止。通達萬法空有俱明。成就辯才智慧無量。如是等法不從惡業中生。不從貪瞋嫉妬中生。不從愚癡邪見中生。不從懶惰懈怠中生。不從憍慢自養中生。唯從謹慎不作來惡勸行善業中生。何處見人修諸善業。

隨從佛語。而有貧窮者。有醜陋者。有痿殘百疾不自在者。有卑賤爲人陵慢者。有所言說不爲人信用者。今以身證。若有一人。隨從佛語修諸功德。不爲自身而得惡報者。寧以我身入阿鼻地獄受種種苦。使此等人得惡報者。無有是處。

今日道場同業大眾。若欲捨凡入聖者。當依佛語如教修行。莫辭小苦生懶墮心。宜自努力懺悔滅罪。經言。罪從因緣生。亦從因緣滅。既未至凡類。觸向多迷。自非資以懺悔。無由出離。相與今日起勇猛心。發懺悔意。懺悔之力不可思議。何以知然。阿闍世王有大逆罪。慚愧悔責重苦輕受。又此懺法令諸行人得安隱樂。若能自課努力披誠至到稽顙懺悔。歸依畢竟爲期者。而不通感諸佛。未之有也。惡業果報影響無差。應當怖懼苦到懺悔。各各志心等一痛切五體投地念口言。作如是說。遙請諸佛同加哀愍。

願救我苦厄 大悲覆一切 普放淨光明  
滅除癡暗眼 念我及一切 方嬰地獄苦  
必來至我所 施令得安樂 我今稽首禮  
聞名救厄者 我今共歸依 世間慈悲父  
南無彌勒佛 南無釋迦牟尼佛 南無金剛不壞佛 南無寶光佛 南無龍尊王佛  
南無精進軍佛 南無精進喜佛 南無寶火佛 南無寶月光佛 南無現無愚佛  
南無寶月佛 南無無垢佛 南無離垢佛 南無師子幡菩薩 南無師子作菩薩 南無無邊身菩薩 南無觀世音菩薩

①(如是)一② ③(各自稱名)一④ ⑤未得相離三毒熾然貪瞋嫉妬一⑥無始生死以來至于今日一⑦(見人)一⑧ ⑨(自不...道)十  
三字一⑩ ⑪人十(惡等精進自不能行不隨喜見人)一⑫ ⑬(或)一⑭ ⑮造像二齋會 ⑯齋會二齋會 ⑰忘相二安  
想 ⑱(於欲...門)十九字一⑲ ⑳即是二亦是三業 ㉑是十(三業) ㉒量二量 ㉓(爲人...惡)二百六十二字一⑳ (於)  
十凡

某某重復志誠五體投地。又復無始以來  
至于今日。依於六根。行於六識。取於六塵。眼  
著色。耳著聲。鼻著香。舌著味。身著細滑。意  
著法塵。起種種業。乃至開八萬四千塵勞門。  
如是罪惡無量無邊。今日懺悔願乞除滅。

某等重復志誠五體投地。又復無始以來。至于今日。依身口意行不平等。但知有我身。不知有他身。但知有我苦。不知有他苦。但知我求安樂。不知他求安樂。但知我求解脫。不知他亦求解脫。但知有我家。有我。家眷屬。不知他亦有眷屬。但知自身一癢一痛。不可抑忍。楚撻他身。恒恐苦毒不深。但自知畏。

子某甲今日以三不善根起四顛倒造作五逆行於十惡熾然三毒長養八苦造八寒八熱諸地獄因造八萬四千萬子地獄因造一切畜生因造一切餓鬼因造人天生老病死種種苦因受於六道無量苦果難可堪忍不可聞

見。如是罪惡無量無邊。今日懺悔願乞除滅。  
\*某甲等重復苦到五體投地。求哀悔過。又復無  
 始以來至于今日。以三毒根○起於三有中歷  
 二十五有。處處起諸罪惡。隨逐業風不自知  
 覺。或障人持戒修定修慧。或障人修諸功德  
 修諸神通。如是罪障障苦提心。障苦提願。障  
 善提行。今日懺悔願乞除滅。  
\*某甲等重復苦到  
 五體投地。又復無始以來至于今日。以貪  
 愛心○構起六識。隨逐六塵起衆多罪。或於衆  
 生邊起。或於非衆生邊起。或於無漏人起。或  
 於無漏法起。如是貪瞋所起罪惡。今日懺悔  
 願乞除滅。又愚癡心○起顛倒行。信於邪師受

某某等重復增到五體投地。又復無始以來至于今日。輪轉三界。備歷六道受四生身。或男或女非男非女。遍一切處起無量罪。或爲大身衆生。更相噉食。或爲細身衆生。更相噉食。如是等殺業無量無邊。障菩提心。障菩提見。障菩提行。今日懺悔願乞除滅。某某等重復

志誠五體投地。自從有識神以來。至于今日。於六道中受四生身。於其中間所起罪惡。無窮無盡。如是等罪。唯有十方一切諸佛大地菩薩。盡知盡見。如諸佛菩薩所知所見。罪惡多少。今日志心稽顙求哀慚愧懺悔。已作之罪。願盡銷滅。未作之罪。不敢復作。仰願十方一切諸佛。以大慈心受<sub>甲</sub>等今日懺悔。

①實十(一拜) ②地十(東京御通) ③又復二自從\* ④白讀既耳罪無二十八字依乙本加補之 ⑤(本)十求 ⑥(有我家)一 ⑦(家)一 ⑧有十(家本有) ⑨恒一唯 ⑩知二具 ⑪吾二彼 ⑫起二建 ⑬(起)一 ⑭(或障人)一 ⑮愛二 ⑯起二然 ⑰(羅)十波 ⑱(某甲等)十自 ⑲經二量 ⑳不二可 ㉑





三寶。心念口言。<sup>甲</sup>等今於十方一切諸佛前。

於十方一切尊法前。於十方一切菩薩前。

於十方一切賢聖前。<sup>乙</sup>胡跪合掌直心正念

起殷重心。不放逸心。安住心。樂善心。度一切

心。護護一切心。等諸佛心。發菩提心。<sup>甲</sup>等

從今日去至坐道場。不著人天心。不起聲聞

心。不起辟支佛心。唯起大乘心。求一切種

智心成就阿耨多羅三藐三菩提心。唯願十

方盡虛空界。一切諸佛大地菩薩一切聖人。

以本願力現為我證。以慈悲力加助攝受。令

等今日發心在所生處堅固不退。若在三

途及墮八難。於三界中受種種身。受種種苦。

難堪難忍。誓不以苦故退失今日大心。寧入

無間大火輪中。受種種苦。誓不以苦。故退失

今日大心。此心此願等諸佛心。同諸佛願。重

復至誠頂禮三寶。

等從今已去至于成佛。不捨二法。知一切

法空。不捨一切衆生。相與至心等一痛切。

五體投地心念口言。<sup>甲</sup>等不為自身求無上

菩提。為救濟一切衆生。取無上菩提。從今

已去至于成佛。誓當荷負無量無邊一切衆

生。起大慈悲盡未來際。衆生若有三途重罪

六趣厄難。<sup>甲</sup>等誓不避衆苦以身救護。令此

衆生得安隱地。唯願十方盡虛空界一切諸

佛。

南無彌勒佛 南無釋迦牟尼佛 南無

蓮華光遊戲神通佛 南無財功德佛 南

無德念佛 南無善名功德佛 南無紅

焰幢王佛 南無善遊步功德佛 南無

寶華遊步佛 南無寶蓮華善住娑羅樹王

佛 南無國戰勝佛 南無善遊步佛 南

無周匝莊嚴功德佛 南無棄陰蓋菩薩

南無寂根菩薩 南無無邊身菩薩 南無

觀世音菩薩

願以大慈悲力現為我證。令<sup>甲</sup>等今日發

菩提心行菩薩道。在所生處具足成就。所到

之地一切解脫。重復至誠五體投地。頂禮

十方一切三寶。<sup>二拜</sup>

等不為自身求無上菩提。為度十方一切

衆生。取無上菩提。從今已去至于成佛。若有

衆生愚癡黑暗。不識正法起諸異見者。復有

衆生雖修德行不達法相者。如此衆生。乃至

未來<sup>甲</sup>等誓以佛力法力資聖力。種種方便

令<sup>乙</sup>入佛慧。令此衆生具足成就一切種智。相

與至心等一痛切五體投地。歸依十方盡虛

空界一切諸佛

南無彌勒佛 南無釋迦牟尼佛 南無普

光佛 南無普明佛 南無普淨佛 南

無多摩羅跋旃檀香佛 南無旃檀光佛

南無摩尼幢佛 南無歡喜藏摩尼寶積佛

南無一切世間樂見上大精進佛 南無摩

尼幢燈光佛 南無慧炬照佛 南無海

德光明佛 南無金剛牢強普散金光佛

南無大強精進勇猛佛 南無大悲光佛

南無慈力王佛 南無慈藏佛 南無慧上

菩薩 南無常不離世菩薩 南無無邊身

菩薩 南無觀世音菩薩

仰願諸佛諸大菩薩。大慈悲力。大智慧力。

不思議力。無量自在力。降伏四魔。斷除五

蓋力。滅諸煩惱力。無量清淨業障力。無量開

發觀智。無量開發無漏慧力。無量無邊神

通力。無量度脫衆生力。無量護護衆生力。無

量安隱衆生力。無量斷除苦惱力。無量解脫

地獄力。無量濟度餓鬼力。無量救拔畜生力。

無量攝化阿修羅力。無量攝受人道力。無量

盡諸天諸仙漏力。具足莊嚴十地力。具足莊

嚴淨土力。具足莊嚴道場力。具足莊嚴佛果

功德力。具足莊嚴佛果智慧力。具足莊嚴法

身力。具足莊嚴無上菩提力。具足莊嚴大涅

槃力。無量無盡功德力。無量無盡智慧力。

以如是無量無邊自在不可思議力。不違本誓

不違本願。悉以施與十方一切四生六道及

今日同發心者。必使皆得發心圓滿具足成

就諸功德力。具足成就菩提願力。具足成就

菩提行力。今日十方若幽若顯。若怨若親。若

非怨親。四生六道有緣無緣。窮未來際一切

衆生。以此懺法永得清淨。在所生處同得如

願。一向堅固心無退轉。等與如來俱成正覺。

乃至後流一切衆生異於願界。皆悉令入大

願海中。即得成就功德智慧。同諸菩薩滿

十地行。具足一切種智莊嚴無上菩提。究竟

解脫。<sup>一拜</sup>

發願第五

今日道場同業大眾。相與已得發大心。喜

踊無量。宜復應發如是大願。等一痛切五體

投地。歸依世間大慈悲父

南無彌勒佛 南無釋迦牟尼佛 南無旃

①於一②③\* ④胡跪合掌一⑤⑥ ⑦發二大 ⑧起一發 ⑨人二寶 ⑩在三途及墮八難三途及處 ⑪寶十(一拜) ⑫不捨二度諸十方 ⑬提十(而) ⑭途二重 ⑮願二願 ⑯(南無彌勒)百二十二字の(以大三寶)五十五字 ⑰名十(稱) ⑱十(帝) ⑲十(重復至誠五體投地頂禮十方一切三寶一拜) ⑳(願)一 ㉑重復至誠二一痛切 ㉒頂禮十方一切三寶一拜 ㉓歸依世間大慈悲父 ㉔(一拜)一 ㉕入佛慧令此衆生具足成就一切種智 ㉖一切諸佛二大慈悲父 ㉗淨佛十(南無海德光明佛) ㉘(南無海德光明佛)一 ㉙(以)十大大 ㉚力十(仰願十方盡虛空界一切諸佛諸大菩薩) ㉛道十(衆生) ㉜(皆得發心圓滿)一 ㉝界二者 ㉞得十(具足) ㉟(一拜)一\*



檀窟莊嚴勝佛 南無賢善首佛 南無善  
意佛 南無廣莊嚴王佛 南無金剛華  
佛 南無寶蓋照空自在王佛 南無虛空  
寶華光佛 南無琉璃莊嚴王佛 南無普  
現色身光佛 南無不動智光佛 南無降  
伏諸魔王佛 南無才光明佛 南無智慧  
勝佛 南無彌勒仙光佛 南無藥王菩薩  
南無藥上菩薩 南無無邊身菩薩 南無  
觀世音菩薩

願以不思議力同加覆護。令<sup>某某</sup>等所有賢願  
皆悉成就。在所生處常不忘失。究竟無上菩  
提。成等正覺。拜<sup>某某</sup>各自心念口言。等從今日  
去。願生生世世在在處處。常得憶念發菩提  
心。令菩提心相續不斷。等從今日去。願生  
生生世世在在處處。常得奉<sup>某某</sup>值無量無邊一切  
諸佛。常得供養。供養眾具皆悉滿足。等從  
今日去。願生生世世在在處處。常得持大  
乘方等一切諸經。供養眾具皆悉滿足。等  
從今日去。願生生世世在在處處。常值十方  
無量無邊一切菩薩。供養眾具皆悉滿足。等  
從今日去。願生生世世在在處處。常值十  
方無量無邊一切賢聖。供養眾具皆悉滿足。  
等從今日去。願生生世世在在處處。常得  
奉報覆蔭慈恩。有所奉給隨心滿足。等從  
今日去。願生生世世在在處處。常得奉值  
和尙阿闍梨。所應供養隨念滿足。等從今日  
去。願生生世世在在處處。常得奉值大力國  
王。共與三寶使不斷絕。等從今日去。願生  
生生世世在在處處。常得莊嚴諸佛國土。無有

三毒八難之名。等從今日去。願生生世世  
在在處處。得四無礙智。具六神通。恒在  
現前常不忘失。以此教化一切衆生。相與至  
心等一痛切。五體投地。歸依世間大慈悲  
父

南無彌勒佛 南無釋迦牟尼佛 南無世  
淨光佛 南無善寂月音妙尊智王佛  
南無龍種上尊王佛 南無日月光佛 南  
無日月珠光佛 南無慧勝王佛 南  
無師子吼自在力王佛 南無妙音勝佛  
南無常光幢佛 南無觀世燈佛 南無慧  
威燈王佛 南無法勝王佛 南無須彌光  
佛 南無須曼那華光佛 南無優曇鉢羅  
華殊勝佛 南無大慧力王佛 南無阿  
闍毘歡喜光佛 南無無量音聲王佛  
南無山海慧自在通王佛 南無大通光  
佛 南無才光佛 南無金海光佛 南  
無一切法常滿王佛 南無大勢至菩薩  
南無普賢菩薩 南無無邊身菩薩 南無  
觀世音菩薩

又復歸命如是十方。盡虛空界一切三寶  
願承諸佛諸大菩薩一切賢聖大悲心力。令  
等所發誓願所生之處。隨心自在。等  
從今日去。願生生世世在在處處。若有衆  
生。見我身色即得解脫。若入地獄。一切地獄  
變爲淨土。一切苦緣變爲樂具。令諸衆生六  
根清淨。身心安樂如第三禪。斷諸疑網發初  
無漏。等從今日去。願生生世世在在處處。  
若有衆生。得聞我聲心即安隱。滅除罪垢。得

陀羅尼解脫三昧。具足大忍辯才不斷。俱登  
法雲成等正覺。等從今日去。願生生世世  
在在處處。一切衆生得聞我名。皆悉歡喜得  
未曾有。若到三途斷除衆苦。若在人天盡諸  
有漏。所向自在無不解脫。等從今日去。願  
生生世世在在處處。於一切衆生。無有與奪  
之心。無有怨親之想。斷三毒根離我所。信  
樂大法等行慈悲。一切和合猶如雲集。等  
從今日去。願生生世世在在處處。於一切衆  
生心常平等猶如虛空。毀譽不動怨親一相  
入深廣心學佛智慧。等親衆生如羅睺羅。滿  
十住業得一子地。離於有無常行中道。相與  
至心等一痛切。五體投地。歸依世間大慈悲  
父

南無彌勒佛 南無釋迦牟尼佛 南無寶  
海佛 南無寶英佛 南無寶成佛 南無  
寶光佛 南無寶幢佛 南無寶光明  
佛 南無阿闍佛 南無大光明佛 南無  
無量音佛 南無大名稱佛 南無得大安  
隱佛 南無正音聲佛 南無無限淨佛  
南無月音佛 南無無限名稱佛 南無  
月光佛 南無無垢光佛 南無淨光佛  
南無金剛藏菩薩 南無虛空藏菩薩  
南無無邊身菩薩 南無觀世音菩薩  
又復歸依如是十方盡虛空界一切三寶  
願<sup>某某</sup>等與四生六道。以今懺悔發願功德因  
緣。從今日去。至于菩提。行菩薩道無有疲厭。  
財法二施無有窮盡。智慧方便所作不空。隨  
根應病授以法藥。一切見聞同得解脫。等

●金剛華二金華光● ●(一拜, 各自心念口言)一● ●值二事● ●毒二惡● ●[得]一● ●[具]一● ●神通恒在一神通力恒得●  
●理二志● ●(南無善...王佛)三十九字●[南無阿闍子吼自在力王佛]● ●[南無妙音勝佛]一● ●[南無才...光佛]十一  
●[南無阿闍歡喜光佛]● ●[南無阿闍王佛]十●[南無妙音勝佛]● ●[南無山...光佛]十六字●[南無才...光佛]十一  
字● ●合二依● ●慈心二慈悲● ●途二途● ●[稱]一● ●月九二日月光明● ●光十(明)● ●與四生六道以今懺悔發  
願功德因緣二以今懺悔發願功德因緣四生六道●

又願從今日去乃至菩提。行菩薩道無諸留難。所到之處常能作大佛事。建立道場。得心自在得法自在。一切三昧無不能入。開總持門顯示佛果。居法雲地注甘露雨。滅除衆生四種魔怨。使得清淨法身妙果。<sup>甲</sup>等今日所有衆願。悉如十方諸大菩薩所發誓願。所有衆願。悉如十方諸佛。本時所發一切大願。廣大如法性。究竟如虛空。<sup>甲</sup>等得如所願。滿菩提願。一切衆生皆悉隨從得如所願。仰願十方一切諸佛。一切尊法。一切菩薩一切賢聖。以慈悲力現爲我證。又願一切天主一切仙主。一切善神一切龍神。以擁護三寶慈善根力。現爲證知。令諸行願隨心自在。<sup>一</sup>拜發迴向心第六

今日道場同業大眾。已發菩提心。已發大誓願。大應發迴向心。相與至心等一痛切。五體投地。歸依世間大慈悲父

南無彌勒佛 南無釋迦牟尼佛 南無日光佛 南無無量寶佛 南無蓮華最尊佛 南無身尊佛 南無金光明佛 南無梵自在王佛 南無金光明佛 南無金海佛 南無龍自在王佛 南無一切華香自在王佛 南無樹王佛

南無勇猛執持牢仗棄捨戰鬪佛 南無內豐珠光佛 南無無量香光明佛 南無文殊師利菩薩 南無妙音菩薩 南無無邊身菩薩 南無觀世音菩薩

又復歸依十方盡虛空界一切三寶。願以慈悲力現爲我證。<sup>甲</sup>等願過去所起一切善業。

現前所起一切善業。未來當起一切善業。若多若少。若輕若重。悉以迴施四生六道一切衆生。令諸衆生皆得道心。不向二乘。不向三有。同共迴向無上菩提。又願一切衆生所起善業。若過去若現在若未來。各各迴施不向二乘。不向三有。同共迴向無上菩提。今日道場同業大眾。相與發菩提心。發大誓願。發迴向心。廣大如法性。究竟如虛空。去來現在一切諸佛諸大菩薩一切賢聖。皆爲證明。重復至誠頂禮三寶。<sup>一</sup>拜<sup>甲</sup>等發心發願其事已畢。喜踊無量。重復至心五體投地。奉爲

國王帝主父母師長。歷劫親緣一切眷屬。善惡知識。諸天諸仙護世四王。主善罰惡守護持呪。五方龍王。龍神八部。一切靈祇過去現在窮未來際。一切怨親及非怨親。四生六道一切衆生。歸依世間大慈悲父

南無彌勒佛 南無釋迦牟尼佛 南無師子奮佛 南無大強精進勇力佛 南無過去堅住佛 南無鼓音王佛 南無日月英佛 南無超出衆華佛 南無世燈明佛 南無休多易事佛 南無寶輪佛 南無常滅度佛 南無淨覺佛 南無無量寶華明佛 南無須彌步佛 南無寶蓮華佛 南無一切衆寶普集佛 南無法輪衆寶普集豐盈佛 南無樹王豐長佛 南無圍繞特尊德淨佛 南無無垢光佛 南無日光佛

又復歸依過去無數劫諸佛大師海德如來

敬禮無量無邊盡虛空界無生法身菩薩

敬禮無量無邊盡虛空界無漏色身菩薩

敬禮無量無邊盡虛空界發心菩薩

敬禮興正法馬鳴大師菩薩

敬禮興像法龍樹大師菩薩

敬禮十方盡虛空界無邊身菩薩

敬禮十方盡虛空界救苦觀世音菩薩

讚佛願

大聖世尊 巍巍堂堂 神智妙達

衆聖中王 形遍六道 體散十方

頂肉髻相 項出日光 面如滿月

妙色金莊 儀容挺特 行止安詳

威震大千 群魔驚遠 三達洞照

衆邪潛藏 見惡必救 濟苦爲糧

度生死岸 爲行舟航

故號如來應供正遍知明行足善逝世間解無上士調御丈夫天人師佛世尊。度人無量拔生死苦。以此發心功德因緣。仰願

當今皇帝<sup>梁武帝</sup>太子殿下。國家眷屬從今日去至<sup>于</sup>道場。亡身爲法如薩陀波崙大悲滅罪如虛空藏。能遠聽法如瑠璃光。善解難法如無垢藏。又願<sup>甲</sup>等所生父母歷劫親緣。從今日去至<sup>于</sup>道場。散形空界如無邊身。具十功德如高貴德王。聞法歡喜猶如無畏。神力勇猛如大勢至。又願<sup>甲</sup>等和尚阿闍梨同學眷屬。上中下座一切知識。從今日去至<sup>于</sup>道場。各得無畏如師子王。影響大化猶如寶積。聞聲濟苦如觀世音。善能諮問如大迦葉。又願<sup>甲</sup>等出家在俗信施檀越。

●本十(修行) ●南無一切華香自在王佛 ●南無樹王佛 ●依十(如是) ●所一已 ●(乃至)十未 ●復二發 ●諸二善 ●勇二猛 ●繞二連 ●淨十(王) ●日二月 ●歸依二敬禮 ●詳二座 ●連一性 ●皇帝雲大衆皇帝太子二主上陛下王太子 ●當云大衆皇帝二陛下 ●國家二諸王 ●于二坐 ●亡二忘 ●某甲一我 ●



身自當之。杳杳冥冥別離長久。道路不同會見無期。又諸天神記人善惡。乃至毛髮無片遺漏。善人行善獲。倍億壽。惡人行惡命短苦長。如是輪轉又墮餓鬼。從餓鬼脫生畜生中。罪苦難忍。受之無竟。

今日道場同業大眾。各自覺悟起慚愧心。經言。作善得善作惡得惡。而五濁惡世不可作惡。善不失善報。為惡自招殃。莫言輕脫。立此懺法。經言。莫輕小善以為無福。水滴雖微漸盈大器。小善不積無以成聖。莫輕小惡以為無罪。小惡所積足以滅身。大眾當知。吉凶禍福皆由心作。若不作因亦不得果。殃積罪大肉眼不見。諸佛所說誰敢不信。我等相與生世強健。復不動學自力行善。臨窮方悔亦何所及。今已共見一切過患。如經所說。自知其罪豈得不思捨惡從善。今生若復不能用心。判捨此形必墮地獄。何以知之。今見為罪之時。未嘗不。以含毒猛烈懷恨深重。若瞋一人必欲令死。若嫉一人惡見其好。若毀一人必陷苦處。若鞭一人。窮天楚毒。忿恚暴害不避尊卑。惡罵醜言無復高下。聲震若雷眼中火現。至於為福之時。善心微劣。始欲為多末遂減少。初欲速登續後且住。心既不。至日月推遷。如是進退遂就忘失。是為作罪之時心氣剛強。為福之時志意劣弱。今以弱善之因。求離強惡之報。豈可妄得。經云。懺悔無罪不滅。每至懺悔之時。必須五體投地如大山崩。此云不惜身命。為滅罪因緣故。殷勤勸勵。等相與各省。今生已來已

曾幾過。作此忿責。不惜身命悍勞忍苦。作此懺悔。暫時禮拜已。言氣力不堪。或暫端坐。復言。應須消息。或言。四體不可過勞。宜應將養。不可使困。一伸脚眠差如。不死。何處復憶我應禮佛。掃塔塗地辦所難辦。且經教所明。未見一善從懶惰懈怠中生。亦未曾見有一善法從憍慢自恣中得。等今日雖有其形。心多背道。何以知然。今試檢按從旦至中。從中至暮。從暮至夜。從夜至曉。乃至一時一刻一念一項。無有片心念三寶四諦。無有片心報父母恩。無有片心報師長恩。無有片心欲布施持戒忍辱精進。無有片心欲學禪定修習慧業。清白之法。無一可論。煩惱重障。森然滿目。若不作此檢察。亦自言我功德不少。有小。片善。而生恃賴言我能作他不能作。言我能行他不能行。意氣高傲。傍若無人。追此而言實可羞恥。今於大眾前披誠發露懺悔衆罪。願布施歡喜將來無障。大眾亦宜自洗身心。果報之徵具如向說。豈得自寬不求捨離。大眾莫言。我無是罪。我既無罪。何須懺悔。若有此念。願即除滅。且懺微小失已成大咎。警然之恨。瞋恚便起。性與習成難可改革。心不可縱。意不可逞。若能抑忍則煩惱可除。如其怠惰未見濟度。等今日仰承諸佛慈悲念力。諸大菩薩本誓願力。說罪業報應教化地獄經。宜各靜慮一心諦聽。如是我聞。一時佛住王舍城耆闍崛山中。與善薩摩訶薩及聲聞眷屬俱。亦與比丘比丘尼優婆塞優婆夷及諸天龍鬼神等。皆悉集

會。爾時信相菩薩白佛言。世尊。今有地獄餓鬼畜生。奴婢貧富貴賤種類若干。凡有衆生聞佛說法。如孩子得母。如病得醫。如裸得衣。如闇得燈。世尊說法利益衆生。亦復如是。爾時世尊觀時已至。知諸菩薩勸請殷勤。即放眉間白毫相光。照于十方無量世界。地獄休息苦病安寧。爾時一切受罪衆生。尋佛光明來詣佛所。遠佛七匝至心作禮。勸請世尊廣宣道化。令諸衆生得蒙解脫。

今日道場同業大眾。我今至誠勸請諸佛。亦復如是。願諸衆生同得解脫。相與至心等一痛切。五體投地。勸請十方盡虛空界一切諸佛。願以慈悲力。救諸苦惱令得安樂。又復勸請世間大慈悲父

南無彌勒佛 南無釋迦牟尼佛 南無梵天佛 南無不退轉輪成首佛 南無大興光王佛 南無法種尊佛 南無日月燈明佛 南無須彌佛 南無大須彌佛 南無超出須彌佛 南無香像佛 南無圍繞香動佛 南無淨光佛 南無香自在王佛 南無大集佛 南無香光明佛 南無大光佛 南無無量光明佛 南無師子遊戲菩薩 南無師子奮迅菩薩 南無堅勇精進菩薩 南無金剛慧菩薩 南無無邊身菩薩 南無觀世音菩薩 南無佛陀 南無達摩 南無僧伽

又復歸依如是十方盡虛空界一切三寶。一拜

大慈大悲。唯願救拔一切苦惱。令諸衆生

①倍億二福益 ②復二有 ③思一 ④以一 ⑤必陷二必使陷於 ⑥必使一 ⑦乃至十 ⑧至二志 ⑨信二知 ⑩則十無 ⑪每二夫 ⑫此云二乃至 ⑬因緣一 ⑭某甲等一 ⑮各省二 ⑯已一 ⑰得 ⑱今試檢按 ⑲不二小 ⑳亦未曾見有一善二無一 ㉑某甲等二 ㉒有其二得 ㉓人 ㉔復二歸依 ㉕彌佛十 ㉖南無如須彌佛 ㉗繞香動二邊香薰 ㉘光佛十 ㉙南無法最佛 ㉚南無大光佛 ㉛大光二火光明 ㉜一拜一 ㉝推顯十大 ㉞唯願一

即得解脫。改往修來不復爲惡。從今日去。畢竟不復墮於三途。身口意淨不念人惡。離諸業障得清淨業。一切衆邪不復更動。常行四等精進勇猛。植衆德本所爲無量。捨身受身恒生福地。念三途苦發菩提心。行菩薩道不休不息。六度四等常得現前。三明六通如意自在。出入遊戲諸佛境界。等與菩薩俱成正覺。

今日道場同業大衆。起怖畏心。起慈悲心。一心一意攝耳諦聽。爾時世尊放眉間白毫相光。遍照六道一切衆生。時信相菩薩爲愍念諸衆生故。即從座起前至佛所。胡跪合掌白佛言。世尊。今有衆生。爲諸獄卒剗斲斬身。從足斬之乃至其頂斬之。已訖。巧風吹活還復斬之。受此苦報無有休息。何罪所致。佛言。是諸衆生以前世時不信三尊。不知供養。不孝父母。與惡逆心。屠兒魁膾斬害衆生。以是因緣故獲斯罪。

復有衆生身體頑痺。眉鬚墮落。身身洪爛。烏棲鹿宿人跡斷絕。親族棄捨人不喜見。如是惡報名之癩病。以何因緣故得此罪。佛言。以前世時不信三尊。不孝父母。破壞塔寺。刺奪道人。所射聖賢。傷害師長。背無反覆。背恩忘義。常行狗犬。玷汚所尊。不避親疎。無有慚愧。以是因緣故獲斯罪。

復有衆生身體長大。雙腋無足宛轉腹行。唯食泥土以自活命。爲諸小虫之所嗜食。晝夜受苦無有休息。何罪所致。佛言。以前世時爲人自用。不信好言。不孝父母。違戾反逆。或爲

地主。及作大臣。四鎮方伯。州郡令長。里禁督護。恃其威勢侵奪民物。無有道理使民窮苦。以是因緣故獲斯罪。

復有衆生。兩目失明都無所見。或抵樹木。或墮溝坑。於是死已更復受身。既得生已還復如是。何罪所致。佛言。以前世時不信罪福。障蔽光明。縫閉他眼。瞞閉衆生。皮囊盛頭不得所見。以是因緣故獲斯罪。

今日道場同業大衆。如經所說。大可怖畏。我等亦可已作是罪。無明所覆不自憶知。如是等罪無量無邊。於未來世方受苦報。今日至心等一痛切。五體投地稽顙求哀。慚愧改悔。已作之罪因懺除滅。未作之罪從今清淨。仰願十方一切諸佛。

南無彌勒佛 南無釋迦牟尼佛 南無開

光明佛 南無月燈光佛 南無月光佛

南無日月光明佛 南無火光明佛 南無

集音佛 南無最威儀佛 南無光明尊佛

南無蓮華軍佛 南無蓮華壽佛 南無多

寶佛 南無師子吼佛 南無師子音佛

南無精進軍佛 南無金剛踊躍佛 南無

度一切禪絕衆疑佛 南無寶大侍從佛

南無無憂佛 南無地力持勇佛 南無最

踊躍佛 南無師子作菩薩 南無棄陰蓋

菩薩 南無寂寂菩薩 南無常不離世菩

薩 南無無邊身菩薩 南無觀世音菩薩

南無佛陀 南無達摩 南無僧伽

◎大慈大悲救護接。令諸衆生即得解脫。爲諸衆生滅除地獄餓鬼畜生等業。令諸衆生

畢竟不復受諸惡報。令諸衆生捨三途苦。悉到智地。令得安隱究竟樂處。以大光明滅諸癡闇。廣爲分別甚深妙法。使得具足。無上菩提成等正覺。

今日道場同業大衆。重復至誠一心諦聽。信相菩薩白佛言。世尊。復有衆生。嘗吃瘡口不能言。若有所說不能明了。何罪所致。佛言。以前世時誹謗三尊。輕毀聖道。論他好惡求人長短。強誣良善。憎嫉賢人。以是因緣故獲斯罪。

復有衆生。腹大頸細不能下食。若有所食變爲膿血。何罪所致。佛言。以前世時偷盜衆食。或爲大會施設餽饋。私取麻米屏處食之。慳惜已物但貪他食。常行惡心與人毒藥氣息不通。故獲斯罪。

復有衆生。常爲獄卒之所燒炙。熱鐵灌身。鐵釘釘之。釘之既訖自然火起。焚燒其身悉皆焦爛。何罪所致。佛言。以前世時坐爲針師。傷人身體不能差病。誑他取物令他痛苦。故獲斯罪。

復有衆生常在鐵中。牛頭阿旁手捉鐵叉。又著鐵中煮之令爛。還即吹活而復煮之。何罪所致。佛言。以前世時屠殺衆生。湯灌城毛不可限量。以是因緣故獲斯罪。

今日道場同業大衆。如經所說。大可怖畏。我等不知在何道中。已作如是無量惡業。於未來世方嬰劇報。亦可即身應見此苦。嘗吃瘡口不能言。或復大腹小頸不能下食。人生何定。今日雖安明亦難保。果報一來不可得。

脫。宜各人人覺悟此意。直心正念莫復餘想。等一痛切五體投地。普為今日四生六道一切衆生已受苦者。未受苦者。歸依世間大慈悲父。

南無彌勒佛 南無釋迦牟尼佛 南無自在王佛 南無無量音佛 南無定光明佛 南無寶光明佛 南無寶蓋照空佛 南無妙寶佛 南無諸幢佛 南無梵幢佛 南無阿彌陀佛 南無殊勝佛 南無集音佛 南無金剛步精進佛 南無自在王神通佛 南無寶火佛 南無淨月幢稱光明佛 南無妙樂佛 南無無量幢佛 南無無量幢佛 南無大光普遍佛 南無寶幢佛 南無慧上菩薩 南無常不離世菩薩 南無無邊身菩薩 南無觀世音菩薩 南無佛陀 南無達摩 南無僧伽

又復歸依如是十方盡虛空界一切三寶。仰願諸佛諸大菩薩大慈大悲。救護一切受苦衆生。以神通力滅除惡業。令諸衆生畢竟不復墮於苦處。得清淨趣得清淨生。功德滿足不可窮盡。捨身受身恒值諸佛。同諸菩薩俱登正覺。

今日道場同業大眾。重加心力攝耳諦聽。信相菩薩白佛言。世尊。復有衆生。在火城中燒燬齊心。四門雖開則自閉。東西馳走不能得出。為火燒盡。何罪所致。佛言。以前世時焚燒山澤。決撒陂池。火炮雞子。使諸衆生溺燒而死。以是因緣故獲斯罪。

復有衆生常在雪山。寒風所吹皮肉剝裂。求

死不得求生不得。苦毒萬端不可堪忍。何罪所致。佛言。以前世時橫道作賊。剽奪人衣以自資養。冬月隆寒裸他凍死。皮剝牛羊苦痛難忍。以是因緣故獲斯罪。

復有衆生。常在刀山劍樹之上。若有所捉。即便割傷支節斷壞。痛毒辛酸不可堪忍。何罪所致。佛言。以前世時。屠殺爲業。烹害衆生。屠割剝裂。骨肉分離頭脚星散。懸於高格稱量而賣。或復生懸痛不可忍。以是惡業故獲斯罪。

復有衆生五根不具。何罪所致。佛言。以前世時飛鷹走狗彈射鳥獸。或破其頭。或斷其足。生擒其翼使受痛苦。以是惡業故獲斯罪。今日道場同業大眾。如經所說。大可怖畏。相與至心等一痛切。五體投地。普為十方一切衆生。已受苦者當受苦者。歸依世間大慈悲父。

南無彌勒佛 南無釋迦牟尼佛 南無淨光佛 南無寶王佛 南無樹根華王佛 南無維衛莊嚴佛 南無開化菩薩佛 南無見無惡懼佛 南無一乘度佛 南無德內豐嚴王佛 南無金剛堅強消伏壞散佛 南無寶火佛 南無寶月光明佛 南無寶最佛 南無寶蓮華步佛 南無壞魔羅網獨步佛 南無師子吼力佛 南無悲精進佛 南無金寶光明佛 南無無量尊豐佛 南無無量尊離垢王佛 南無德首佛 南無藥王菩薩 南無藥上菩薩 南無無邊身菩薩 南無觀世音菩薩

又復歸依如是十方盡虛空界一切三寶。願以大慈大悲。救拔十方一切衆生。令現受苦者即得解脫。當受苦者畢竟斷除。畢竟不復墮於惡趣。從今日去。于道場。除三障業。滅五怖畏。功德智慧具足莊嚴。攝取一切衆生。同共迴向無上菩提。咸等正覺。

今日道場同業大眾。重復增到一心諦聽。信相菩薩白佛言。世尊。復有衆生。癱瘓背腰腰寬不隨。腳膝手折不能行步。何罪所致。佛言。以前世時爲人僱割。行道安槍。或施射戈。陷墜衆生。以是惡業故獲斯罪。

復有衆生。爲諸獄卒。繫繫其身。枷杻苦厄不能得免。何罪所致。佛言。以前世時網捕衆生。繫繫六畜。或爲宰主令長貪取民物。枉繫良善。冤訴無所。以是惡業故獲斯罪。

復有衆生。或顯或隱或在或昧。不別好醜。何罪所致。佛言。以前世時飲酒醉亂。犯三十六失。後得癡身。猶如醉人不別尊卑。以是惡業故獲斯罪。

復有衆生。其形短小陰藏甚大。挽之身疲。臂復進引。行步坐臥以之爲妨。何罪所致。佛言。以前世時持生販賣。自譽己物毀他財寶。巧弄升斗。瞞秤前後。以是惡業故獲斯罪。

今日道場同業大眾。如佛所說大可怖畏。相與至心等一痛切。五體投地。爲今日現受苦一切衆生。當受苦一切衆生。乃至六道現受當受一切衆生。又奉爲父母師長信施檀越善惡知識廣及十方一切衆生。歸依世間大慈悲父。

●未二當● ●蓮二照● ●寶十(一拜)● ●量十(一拜)● ●皮二何● ●屈二幸● ●已二今● ●于二生● ●寶二一● ●劉二利● ●[或]一● ●[射]一● ●[穿]十后● ●數二執● ●狂二狂● ●竟二忍● ●皆復二背伏● ●步二住● ●解二法● ●[奉]一●



南無彌勒佛 南無釋迦牟尼佛 南無無  
數精進與豐佛 南無無言勝佛 南無無  
量豐佛 南無月英豐佛 南無無異光  
豐佛 南無逆空光明佛 南無最清淨  
無量輪佛 南無好諸住唯王佛 南無成  
就一切諸利豐佛 南無淨慈德豐佛 南  
無淨輪輪佛 南無瑠璃光最豐佛 南無  
寶德步佛 南無最清淨德寶佛 南無  
度寶光明塔佛 南無無量慍愧金最豐佛  
南無文殊師利菩薩 南無普賢菩薩 南  
無無邊身菩薩 南無觀世音菩薩

又復歸依如是十方盡虛空界一切三寶  
某甲等今日承佛力法力諸菩薩力為其積願  
求哀懺悔若已受苦者以佛菩薩大慈悲  
力令即解脫未受苦者從今日去至于道  
場畢竟不復墮於惡趣離八難苦受八福生  
得諸善根成就平等具足智慧清淨自在同  
與如來俱登正覺

今日道場同業大眾宜加用心攝耳諦聽信  
相菩薩復白佛言世尊復有衆生其形極  
醜身黑如漆兩耳復青高頰俱阜面平  
鼻兩眼黃赤牙齒疎缺口氣臭臭短短擁  
腫大腹小腰脚復矮矮瘦脊凸助費衣健  
食惡瘡膿血水腫乾消疥癩癰疽種種諸惡  
集在其身雖親附人不在意若他作罪橫  
羅其殃永不見佛永不聞法不識菩薩賢  
聖從苦入苦不得休息何罪所致佛言以前  
世時爲子不孝父母爲臣不忠其君爲上不  
敬其下爲不下恭其上朋友不賞其信鄰

黨不以義從朝廷不以其言斷事不以其道  
心意顛倒無有其度殺害君臣輕凌尊長  
罰國掠民攻城破塢偷劫盜竊惡業非  
一美己惡人侵凌孤老誣謗賢善輕慢  
師長欺誑下賤一切罪業悉具犯之衆罪業  
故故獲斯罪

爾時諸受罪人聞佛世尊作如是說號泣動  
地淚下如雨而白佛言唯願世尊久住說法  
化我等輩令得解脫佛言若我久住此世薄  
福之人不種善根謂我當常在不言無常善  
男子譬如嬰兒母常在側於母不生難遭之  
想若母去時便生渴仰思戀之心母方還來  
悉乃生喜善男子我今亦復如是知諸衆生  
善惡業緣受報好醜故般涅槃于時世尊即  
於受罪衆生而說偈言

水流不常滿 火猛不久燃 日出須臾  
沒 月滿已得虧 尊榮豪貴者 無常  
復過是 念當勤精進 頂禮無上尊

爾時世尊說此偈已諸受罪人慙悲白佛言  
世尊一切衆生作何善行得離斯苦佛言善  
男子當勤孝養父母敬事師長歸奉三尊勤  
行布施持戒忍辱精進禪定智慧慈悲喜捨  
怨親平等無有二相不欺孤老不輕下賤護  
人猶己不起惡念汝等若能如是修行則爲  
已得報佛之恩永離三途無復衆苦佛說是  
經已菩薩摩訶薩即得阿耨多羅三藐三菩  
提聲聞緣覺即得六通三明具八解脫其餘  
大眾皆得法眼淨若有衆生得聞是經不墮  
三途八難之處地獄休息苦痛安寧信相善

薩白佛言世尊當何名斯經菩薩摩訶薩云  
何奉持佛告信相善薩善男子此經名爲罪  
業報應教化地獄經當奉持之廣令流布  
功德無量時諸大眾聞說此法一心歡喜頂  
戴奉持行

今日道場同業大眾如佛所說大可怖畏相  
與今日起怖畏心起慈悲心承諸佛力行菩  
薩道念地獄苦發菩提心當爲今日現受地  
獄道苦一切衆生現受餓鬼道苦一切衆生  
現受畜生道苦一切衆生乃至六道現受苦  
者一心一意爲其禮懺令此衆生悉得解脫  
我等若不勤行方便轉禍爲福者則於一地  
獄皆有罪分相與至心當念父母師長親戚  
眷屬未來應受苦報亦念自身未來現在方嬰  
此苦等一痛切五體投地至誠懇惻至到用  
心願令一念咸十方佛一拜斷除無量衆苦  
若六道中已受苦者以佛力法力賢聖力令  
此衆生即蒙解脫若六道中未受苦者以佛  
力法力諸賢聖力令此衆生永得斷除從今  
日去畢竟不復墮於惡趣除三障業隨念往  
生滅五怖畏自在解脫勤修道業不休不息  
妙行莊嚴過法雲地入金剛心成等正覺  
今日道場同業大眾重復用心攝耳諦聽善  
思念之雜藏經說時有一鬼白目連言我  
兩肩有眼胸有口鼻而無有頭何罪所致目  
連答言汝前世時恒作魁膾弟子若殺人時  
汝常歡喜以繩結挽以是因緣故受此罪此  
是華報果在地獄復有一鬼白目連言我此  
身形常如塊肉無有手足眼耳鼻等恒爲

○彌勒十(南無最清淨德寶佛)○ ○南無最清淨德寶佛一○ ○寶十(住)○ ○寶十(一拜)○ ○(仰)十承○ ○(若)一○ ○量十  
(一拜)○ ○復二重○ ○高二雙○ ○經二國○ ○攝二攝○ ○(手)十十○ ○(復)一○ ○食二食○ ○福二福○ ○  
(不護)十賢○ ○教二愛○ ○其二期○ ○沒二沒○ ○攝二伐○ ○地二邑○ ○善二聖○ ○故二報○ ○常二長○ ○  
(違諸無是不善之本後方追憶悔無所及)十善○ ○善惡業緣受報好醜二不求常住○ ○然二照○ ○已二還○ ○下二貧○ ○  
(皆)一○ ○(汝)十當○ ○(之)一○ ○行十(一拜)○ ○乃至二廣及○ ○至二苦○ ○(諸)一○ ○量十(一拜)○ ○  
○我十(身)○ ○恒二當○ ○



虫鳥之所。食噉如是苦痛難堪難忍。何罪所致。目連答言。汝前世時。常與他。藥。令諸衆生命不全活。以是因緣故獲斯罪。此是華報。果在地獄。

復有一鬼。白目連言。我腹極大咽喉如針。窮年卒歲不得飲食。何罪所致。目連答言。汝前世時作聚落主。自恃豪貴飲酒縱橫。輕欺他人。奪其飲食。飢困一切。以是因緣故獲斯罪。此是華報。果在地獄。

復有一鬼。白目連言。我一生來有二熱鐵輪。在兩腋下。舉身焦爛。何罪所致。目連答言。汝前世時與衆作餅。盜取二番挾兩腋下。以是因緣故獲斯罪。此是華報。果在地獄。復有一鬼。白目連言。我常以物。自縊籠頭。畏人來殺心。常怖懼。何罪所致。目連答言。汝前世時姪犯外色。常畏人見。或畏夫主捉縛打殺。常懷恐怖故。受此罪。此是華報。果在地獄。

今日道場同業大眾。如經所說。豈得不人。人生大怖畏。相與無始已來至于今日。已應作如是無量罪惡。如是等罪皆因。無明無慈悲心。以強。欺弱傷害衆生。作如是罪乃至盜竊他物。迷惑失道。謗謗賢善。作種種罪。如是罪報。於惡道中必受其苦。今日至心等一痛切五體投地。普爲六道。已受苦者當受苦者。求哀禮懺。奉爲父母師長一切眷屬。求哀禮懺。亦爲自身。求哀禮懺。已作之罪願乞除滅。未作之罪不敢復作。唯願世間大慈悲父。

南無彌勒佛 南無釋迦牟尼佛 南無蓮華尊佛 南無淨寶與豐佛 南無電燈幡王佛 南無法空燈佛 南無一切衆德成佛 南無寶幢王佛 南無一切寶緻色持佛 南無斷疑拔欲除冥佛 南無意無恐懼威毛不豎佛 南無師子佛 南無名稱遠聞佛 南無法名號佛 南無奉法佛 南無法出轉佛 南無大勢至菩薩 南無常精進菩薩 南無不休息菩薩 南無虛空藏菩薩 南無無邊身菩薩 南無觀世音菩薩 南無以大慈大悲。救護六道現受苦當受苦一切衆生。令此衆生即得解脫。以神通力。斷除惡道及地獄業。令諸衆生從今日去。于道場。畢竟不復墮於惡趣。拾苦報身得金剛身。四等六度當得現前。四辯六通如意自在。勇猛精進不休不息。乃至進修滿十地行。還復度脫一切衆生。

慈悲道場懺法卷第三  
慈悲道場懺法卷第四  
顯果報之餘  
今日道場同業大眾。重加至誠一心諦聽。佛在王舍城迦蘭陀竹園。爾時目連從禪定起遊恒水邊。見諸餓鬼受罪不同。時諸餓鬼各起敬心。來問目連往昔因緣。一鬼問言。我一生來恒抱飢渴。欲至廁上取糞噉之。廁上。大

力鬼。以杖打我初不得近。何罪所致。目連答言。汝爲人時作佛圖主。有客比丘來寺乞食。而汝慳惜不與客食。待客去後乃行舊任。緣汝無道慳惜衆物。以是因緣故獲斯罪。汝今華報。果在地獄。

復有一鬼。問目連言。我一生來肩上有大銅瓶。盛滿鮮銅。以杓取之。還自灌頭。痛苦難忍。何罪所致。目連答言。汝爲人時作寺維那知大眾事。有一瓶酥藏著屏處。不依時行。待客去後乃行舊任。酥是招提之物。一切有分。緣汝無道慳惜衆物。以是因緣故獲斯罪。汝今華報。果在地獄。

●食二味● ●常與他二與他● ●樂十(隱胎落孕)● ●自縊一縊● ●(其)十願● ●常二生● ●汝二以● ●受此二獲斯● ●是二時● ●(已)一● ●[無明]一● ●欺二欺● ●[作如是罪]一● ●已二今● ●唯願二歸依● ●佛十(南無須彌燈光明佛。南無寶藏莊嚴佛。南無極樂摩尼光佛。南無金海自在王佛。南無大慈光明王佛。南無優鉢羅華嚴佛。南無蓮華嚴莊嚴王佛。南無金剛寶嚴王佛。南無殊勝月王佛。南無日月光王佛)八十一字● ●(南無極樂摩尼光佛)十南無大● ●(頌)十以● ●(又復歸依如是十方盡虛空界一切三寶願)十七字十以● ●[大]一● ●生十(一拜)● ●此的乙本有發運慈悲道場懺法一心歸命三世諸佛。南無過去毘婆尸佛。南無尸棄佛。南無毘舍浮佛。南無拘留孫佛。南無拘那含牟尼佛。南無迦葉佛。南無本師

懺悔。若已作之罪因今除滅。未作之罪不敢復造。仰願十方一切諸佛

南無彌勒佛 南無釋迦牟尼佛 南無拘樓孫佛 南無拘那含牟尼佛 南無迦葉佛 南無師子佛 南無明焰佛 南無牟尼佛 南無妙華佛 南無華氏佛 南無善宿佛 南無導師佛 南無大臂佛 南無大力佛 南無宿王佛 南無修藥佛 南無名相佛 南無大明佛 南無炎肩佛 南無照曜佛 南無日藏佛 南無月氏佛 南無衆炎佛 南無善明佛 南無無憂佛 南無師子遊戲菩薩 南無師子奮迅菩薩 南無無邊身菩薩 南無觀世音菩薩 南無佛陀 南無達摩 南無僧伽

。大慈大悲。救拔十方現受餓鬼道苦一切衆生。又願救拔十方地獄道畜生道人道一切衆生無量衆苦。令諸衆生即得解脫。斷三障業。無五怖畏。八解洗心。四弘被物。而奉慈願諸承妙教。不起本處諸漏永盡。隨念俯應遍諸佛土。願行早圓造成正覺。一拜

今日道場同業大衆。重復至誠一心諦聽。爾時佛在王舍城。城東南有一池水。屎尿污穢盡入其中。臭不可近。有一大虫生此水中。身長數丈無有手足。宛轉低昂觀者數千。阿難往見。具以啓佛。佛與大衆共詣池所。大衆念言。今日如來當爲衆會說由本末。佛告大衆。維衛佛泥洹後時有塔寺。有五百比丘經過寺中。寺主歡喜請留供養。盡心供饌無有遺

惜。後有五百商人。入海采寶還過塔寺。見五百比丘精勤行道。並各發心欣然共議。福田難遇當設薄供。人拾一珠。得五百摩尼珠以寄寺主。寺主後時生不善心。圖欲獨取不爲設供。大衆問言。買客施珠應當設供。寺主答言。是珠施我。若欲奪珠我當與汝。若不時去割汝手足投之糞坑。衆念其癡默然各去。緣是罪惡受此蟲身。後入地獄又受衆苦。

佛在王舍城。又見一衆生其舌長大。鐵釘釘舌熾然火起。終日竟夜備受楚痛。目連問佛。此何罪報今受此苦。佛答目連。此人昔時經作寺主。呵罵驅遣諸客比丘。不與飲食。不同供養。以是因緣故獲斯罪。又有衆生身體長大。頭上有鐵熾然火燒。滿中炸銅從四面出灌其身上。乘虛而行無有休息。目連問佛。此何等罪今受此苦。佛答目連。此人昔時作寺知事。擅越送油。不以分與諸客比丘。待客去後乃分舊住。以是因緣故獲斯罪。

又一衆生熾然鐵丸。從身上入從身下出。乘虛而行苦痛難忍。目連問佛。此何等罪今受此苦。佛答目連。此人往昔作沙彌子。盜衆園中果子七枚。死入地獄受無量苦。餘業未盡故獲斯罪。

又見大魚一身百頭頭頭各異墮他網中。世尊見已。入慈三昧乃喚此魚。魚即時應。世尊問言。汝母何在。答言。母在廁中作虫。佛語諸比丘。此大魚者。迦葉佛時作三藏比丘。以惡口故受多頭報。其母爾時受其利養。以是因緣作廁中虫。佛言。得此報者。皆由衆生惡

口彊強。宣傳彼此鬪亂兩家。死入地獄。獄卒燒熱鐵鑊。表裏洞赤以烙其舌。復燒鐵鉤。鉤有三刃利如鋒鋸。以斷其舌。復以牛梨耕破其舌。復燒鐵杵刺其咽中。數千萬劫罪畢。乃出生鳥獸中。佛言。若有衆生論說君主父母師長其罪過是

今日道場同業大衆。聞佛此言大可怖畏。今善惡二途皎然可見。罪福果報諦了無疑。唯應努力勤行懺悔。相與披經具見此事。若不努力小復懈退。我今所作何由得辦。譬如欲求勝妙法。欲度脫衆生者。不可止在於心。既在心事。宜自努力勤而行之。相與至心等一痛切五體投地。爲地獄道餓鬼道畜生道人道一切衆生。求哀禮懺。又爲父母師長善惡知識并及自身一切眷屬求哀禮懺。若已作之罪願乞除滅。未作之罪不敢復作。仰願世間大慈悲父

南無彌勒佛 南無釋迦牟尼佛 南無提沙佛 南無明曜佛 南無持靈佛 南無功德明佛 南無示義佛 南無燈曜佛 南無興盛佛 南無藥師佛 南無善濡佛 南無白毫佛 南無堅固佛 南無福威德佛 南無不可壞佛 南無德相佛 南無羅睺佛 南無衆主佛 南無梵聲佛 南無堅際佛 南無不高佛 南無作明佛 南無大山佛 南無金剛佛 南無將來佛 南無無畏佛 南無珍寶佛 南無師子幡菩薩 南無師子作菩薩 南無無邊

●(若)一● ●仰願十方一切諸佛一● 一●末切歸依世間大慈悲父● ●名二石● ●大慈大悲一願以大慈悲● (又復歸依如是十方虛空界一切三寶)十大● ●(唯願)十救● ●無一● ●(一拜)一● ●(誠)一● ●采一採● ●(還)一● ●諸客二客善● ●十(心)● ●五二志● ●(若)一● ●仰願二一修切歸依●

身菩薩 南無觀世音菩薩

●以慈悲力。大智慧力。不思議力。無量自在力。度脫六道一切衆生。滅除六道一切衆苦。令諸衆生皆得斷除三途罪業。畢竟不復造五逆十惡更墮三途。從今日去。捨苦報身得淨土生。捨苦報命得智慧命。捨苦報身得金剛身。捨惡趣苦得涅槃樂。念惡趣苦發菩提心。四等六度常得現前。四辯六通如意自在。勇猛精進不休不息。乃至進修滿十地行。復能度脫一切衆生。一拜

出地獄第一。一。向已具述因果報以衆不悟。雖在惡道故復相續地獄門。

今日道場同業大衆。雖復萬法差品功用不一。至於明闇相形。唯善與惡。語善則人天勝果。述惡則三途劇報。二事列世。然非虛。而愚惑之者多起疑異。或言人天是妄造。地獄非真說。不知推因驗果。不知驗果尋因。既因果不分。各執世解。非但言空。談有乃亦題篇造論。心乖勝善。未曾云謬。設使示誨執固益堅。如是等人。自投惡道。如射箭墮在地獄。慈親孝子不能相救。唯得前行入於火鑊。身心摧碎。精神痛苦。當此之時。悔復何及。今日道場同業大衆。善惡相資。猶如影響。罪福異處。宿預嚴持。幸各明信。無措疑心。何謂地獄。經言三千大千世界鐵圍兩山黑闇之間。謂之地獄。鐵城縱廣一千六百萬里。城中八萬四千萬下以鐵爲地。上以鐵爲網。火燒此城表裏洞赤。上火徹下。下火徹上。其名則有衆合黑闇刀輪劍林。鐵樹刺林。鐵網鐵窟。鐵丸火石。炭坑燒林。虎狼叫喚。鐵湯爐

炭。刀山劍樹。火磨火城。銅柱鐵床。火車火輪。飲銅吐火。大熱大寒。拔舌釘身。犁耕斧斫。刀兵屠裂。灰河沸屎。寒水淤泥。惡癢啼哭。雙盲瘡痼。鐵鉤鐵嘴。復有大小泥犁阿鼻地獄。佛告阿難。云何名阿鼻地獄。阿者言無。鼻者言遠。阿者言無。鼻者言救。合言無遠無救。又阿者言無間。鼻者言無動。阿言極熱。鼻言極惱。阿言不閉。鼻言不住。不閉不住名阿鼻地獄。又阿言大焰。鼻言猛熱。猛火入心名阿鼻地獄。佛告阿難。阿鼻地獄縱廣正等三十二萬里。七重鐵城。七層鐵網。下十八萬。周匝七重皆有刀林。七重城內復有劍林。下十八萬。高八萬四千重。於其四角有四大銅狗。其身長大萬六千四里。眼如掣電。牙如劍樹。齒如刀山。舌如鐵刺。一切身毛皆出猛火。其煙臭惡。世間臭物無以爲譬。又有十八獄卒。頭如羅刹頭。口如夜叉口。六十四眼。眼散迸鐵丸。如十里車馬鈎牙上出高百六十里。牙頭火流燒前鐵車。令鐵車輪一一輪輞化爲一健火。刀鋒刃劍戟。皆從火炎中出。如是流火燒阿鼻城。令阿鼻城赤如融銅。獄卒頭上有八牛頭。一牛頭有十八角。一角頭皆出火聚。火聚復化成十八火輪。火輪復變作大刀輪。如車輪許。輪輪相次在火炎間。滿阿鼻獄。銅狗張口吐舌在地。舌如鐵刺。舌出之時。化無量舌滿阿鼻城。七重城內有七鐵輞。輞頭火涌如沸涌泉。其鐵流迸滿阿鼻城。阿鼻四門。於門闌上有十八等。沸銅涌出從門漫流滿阿鼻城。二萬間有八萬四千鐵蟒大

蛇。吐毒吐火身滿城內。其蛇嗥吼如天震雷。雨大鐵丸滿阿鼻城。城中苦事八萬億千。苦中苦者集在此城。又有五百億虫。虫八萬四千。嘴頭火流如雨而下滿阿鼻城。此虫下時。阿鼻猛火其炎大燄。赤光火炎。照三百三十六萬里。從阿鼻地獄上。衝大海沃焦山下。大海水如車輪許。成大鐵尖滿阿鼻城。佛告阿難。若有衆生殺父母罵辱六親。作是罪者命終之時。銅狗張口化十八車。狀如金車寶蓋在上。一切火炎化爲玉女。罪人遙見心生歡喜。我欲往中我欲往中。風刀解身。寒急失聲。事得好火。在車上坐。然火自燃。作是念已。即便命終。揮霍之間已坐金車。願瞻玉女。皆捉鐵斧斬截其身。身下火起如旋火輪。譬如壯士屈伸臂頃。直墮阿鼻大地獄中。從於上萬如旋火輪至下萬際。身遍萬內。銅狗大吼。齧骨嚼髓。獄卒羅刹捉大鐵叉。叉頭令起。遍體火炎滿阿鼻城。鐵網雨刀從毛孔入。化閻羅王大聲告勸。癡人獄種。汝在世時不孝父母。邪慢無道。汝今生處名阿鼻地獄。汝不知恩。無有慚愧。受此苦惱。爲樂不耶。作是語已。即滅不現。爾時獄卒復驅罪人。從於下萬乃至上萬。經歷八萬四千萬中。撐身而過至鐵網際。一日一夜。爾乃周遍。阿鼻地獄一日一夜。此閻浮提日月歲數六十小劫。如是壽命盡一大劫。五逆罪人無慚無愧。造作五逆。五逆罪故。臨命終時。十八風刀如鐵火車解截其身。以熱逼故。便作是言。得好色。華清涼大樹。於下遊戲不亦樂乎。作此念時。

●(圖)十以●, (又復歸依如是十方虛空界一切三寶)十以● ●[大]一● ●途二●\* ●二二八● ●[內已...門]二十四字夾註一● ●●二● ●持二持● ●指二指● ●斧二新● ●星二重● ●(有)十六● ●二二● ●二二● ●二二● ●●二●\* ●二二●

阿鼻地獄。八萬四千諸惡劍林化作寶樹。華果茂盛行列在前。大熱火炎化為蓮華。在彼樹下。罪人見已。我所願者今已得果。作是語時。疾於暴雨坐蓮華上。坐已須臾。鐵嘴諸虫從火華起。穿骨入髓。徹心穿腦。攀樹而上。一切劍枝削肉徹骨。無量刀林當上而下。火車爐炭十八苦事一時來迎。此相現前。陷墜地下。從下而上。身如華敷。遍滿下焉。從下而起火炎。猛熾至於上焉。至上焉已。身滿其中。熱惱急故。張眼吐舌。此人罪故。萬億鎔銅百千刀輪從空中下。頭入足出。一切苦事過於上說百千萬倍。具五逆者。其人受罪足滿五劫。復有衆生。破佛禁戒。虛食信施。誹謗邪見。不識因果。斷學般若。毀十方佛。像佛法物。起諸穢污。不清淨行。不知慚愧。毀辱所親。造衆惡事。此人罪報。臨命終時。風刀解身。偃臥不定。如被楚撻。其心荒越。發狂癡想。見已室宅男女大小。一切皆是不淨之物。屎尿臭處盈流于外。爾時罪人。即作是語。云何此處無好城郭。及好山林。使吾遊戲。乃處如此不淨物間。作是語已。獄卒羅刹以大鐵叉。擊阿鼻獄及諸刀林。化作寶樹及清涼池。火炎化作金葉蓮華。諸鐵嘴虫化為鳥雁。地獄痛聲如詠歌音。罪人聞已。如此好處。吾當遊中。念已尋時。坐火蓮華。諸鐵嘴虫從身毛孔。嗜食其軀。百千鐵輪從頂上入。恒沙鐵叉挑其眼睛。地獄銅狗化作百億鐵狗。競分其身。取心而食。俄爾之間。身如鐵華。滿十八焉。一一華。葉八萬四千。一一葉頭身。手支節。在一兩間。地獄

不大。此身不小。遍滿如此大地獄中。此等罪人墮此地獄。經歷八萬四千大劫。此泥裂滅。復入東方十八焉中。如前受苦。此阿鼻獄南亦十八焉。西亦十八焉。北亦十八焉。誘方等經。具五逆罪。破壞賢聖。斷諸善根。如此罪人具衆罪者。身滿阿鼻獄。四支復滿十八焉中。此阿鼻獄但燒如此獄種衆生。劫欲盡時。東門即開。見東門外清泉流水。華果林樹。一切俱現。是諸罪人從下焉見。眼火暫歇。從下焉起。宛轉腹行。擇身上走到上焉中。手攀刀輪。時虛空中雨熱鐵丸。走趣東門。既至門間。獄卒羅刹手捉鐵叉。逆刺其眼。銅狗蓄心悶絕而死。死已復生。見南門開。如前不異。如是西門北門亦皆如此。如此時間。經歷半劫。阿鼻獄死復生。寒水獄中。寒水獄死生黑闇處。八千萬歲。目無所見。受大虫身。宛轉腹行。諸情闇塞。無所解知。百千狐狼。牽掣食之。命終之後。生畜生中。五千萬身。受鳥獸形。如是罪畢。還生人中。瞽盲瘡痂。癩癧癰疽。貧窮下賤。一切諸衰。以自莊嚴。受此賤形。經五百身。後復還生餓鬼道中。餓鬼道中。遇善知識。諸大菩薩。呵責其言。汝於前身。無量世時。作無限罪。誹謗不信。墮阿鼻獄。受諸苦。惱不可具說。汝今應當發慈悲心。時諸餓鬼聞是語已。稱南無佛。稱佛恩力。尋即命終。生四天處。生彼天已。悔過自責。發菩提心。諸佛心光不捨。是等攝受。是輩慈哀是等。如羅睺羅。教避地獄。如愛眼目。佛告大王。欲知佛心光明所照。常照如此無間。無救諸苦衆生。佛心所緣。常緣

此等極惡衆生。以佛心力。自莊嚴故。過算數劫。令彼惡人發菩提心。今日道場同衆大衆。聞佛世尊說上諸苦。宜加攝心。莫生放逸。相與若復。不動方便。行菩薩道。則於一一地獄。皆有罪分。今日同爲現受阿鼻地獄等苦。一切衆生。當受阿鼻地獄等苦。一切衆生。廣及十方。一切地獄。現受當受。無窮無盡。一切衆生。等一痛切。五體投地。歸依世間大慈悲父。

南無彌勒佛 南無七佛 南無十方  
四十佛 南無三十五佛 南無五十三佛  
南無百七十佛 南無莊嚴劫千佛 南無  
寶劫千佛 南無星宿劫千佛 南無十方  
菩薩摩訶薩 南無十二菩薩 南無無  
邊身菩薩 南無觀世音菩薩

又復歸依十方盡虛空界無量形像。優填王  
金像。旃檀像。阿育王銅像。吳中石像。師子國  
玉像。諸國土中金像。銀像。琉璃像。珊瑚像。  
琥珀像。硨磲像。碼碯像。真珠像。摩尼寶像。  
紫磨上色閻浮檀金像。

又復歸命十方如來一切髮塔。一切齒塔。一  
切牙塔。一切爪塔。一切頂上骨塔。一切身中  
諸舍利塔。袈裟塔。匙鉢塔。澡瓶塔。杖塔。  
如是等爲佛事者。

又復歸命諸佛生處塔。得道塔。轉法輪塔。般  
涅盤塔。多寶佛塔。阿育王所造八萬四千塔。  
天上塔。人間塔。龍王宮中一切寶塔。又復  
歸依十方盡虛空界一切諸佛。

歸依十方盡虛空界一切尊法。

①(萬億)一② ③(葉)一④ ⑤(千十)⑥ ⑦(身)二⑧ ⑨(億)二⑩ ⑪(相與)一⑫ ⑬(不勝)二⑭(不能勝)⑮  
⑯(佛)十⑰(南無)⑱(半尼佛)⑲ ⑳(過去)十七㉑ ㉒十佛十(南無二十五佛)㉓ ㉔(若)十(南無)㉕(南無)㉖(南無)㉗  
㉘十(一拜)㉙ ㉚(依)十(一拜)㉛ ㉜(法)十(一拜)㉝

歸依十方盡虛空界一切賢聖

仰願同以慈悲力安慰衆生力無量自在力無量大神通力攝受。今日道場同爲阿鼻大地獄受苦一切衆生懺悔。乃至十方不可說一切地獄衆生懺悔。及父母師長一切眷屬今日懺悔。以大悲水洗除今日現受阿鼻地獄等及餘地獄等苦一切衆生罪垢令得清淨。洗除今日道場同懺悔者及其父母師長一切眷屬罪垢令得清淨。又洗除六道一切衆生罪垢令至道場畢竟清淨。從今日去至于道場皆得斷除阿鼻地獄苦及十方盡虛空界不可說不可說諸地獄苦。畢竟不復入於三途。畢竟不復墮於地獄。畢竟不復爲十惡業。造五逆罪受諸苦惱。一切衆罪願盡消滅。捨地獄身生得淨土生。捨地獄命得智慧命。捨地獄身得金剛身。捨地獄苦得涅槃樂。念地獄苦發菩提心。四等六度常得現前。四辯六通如意自在。具足智慧行菩薩道。勇猛精進不休不息。乃至進修滿十地行。入金剛心成等正覺。還度十方一切衆生。

今日道場同業大眾。諸餘地獄雜受苦報不復可記。如是名號楚毒無量。相與披覽具見其事。經云。閻羅王一念之惡便總獄事。自身受苦亦不可論。閻羅大王昔爲毘沙國王。與維陀始王共戰兵力不如。因立誓願。願我後生爲地獄主治此罪人。十八大臣及百萬衆皆悉同願。毘沙王者今閻羅王是。十八大臣今十八獄主是。百萬之衆今牛頭阿旁等是。而此官屬悉隸北方毘沙門天王。長阿含經

云。閻羅大王所住之處。在閻浮提南金剛山內。王宮縱廣六千由旬。地獄經云。住地獄間。宮城縱廣三萬里。銅鐵所成。晝夜三時有大鐵鑊。滿中烱烱自然在前。有大獄卒臥王熱鐵床上。鐵鉤擊口烱烱灌之。從咽徹下無不焦爛。彼諸大臣亦復如是。十八獄主。一曰迦延。典泥犁獄。二曰號屈尊。典刀山獄。三名沸毒。典沸沙獄。四名沸曲。典沸屎獄。五名迦世。典黑耳獄。六名熾憊。典火車獄。七名湯謂。典錢湯獄。八名鐵迦然。典鐵床獄。九名惡生。典嵯山獄。十名呻吟。典寒水獄。十一名迦迦。典剝皮獄。十二遙頭。典畜生獄。十三提薄。典刀兵獄。十四夷大。典鐵磨獄。十五悅頭。典寒水獄。十六名穿骨。典鐵符獄。十七名身。典蛆虫獄。十八觀身。典烱烱獄。如是各有無量地獄以爲眷屬。獄有一主。牛頭阿旁其性兇虐無一慈忍。見諸衆生受此惡報。唯憂不苦。唯恐不毒。或問獄卒。衆生受苦甚可悲念。而汝常懷酷毒無慈愍心。獄卒答言。如此罪惡諸受苦者。不孝父母誘佛謗法謗諸賢聖。罵辱六親。輕慢師長。毀陷一切。惡口兩舌。詭曲嫉妬。離他骨肉。瞋恚殺害。貪欲欺詐。邪命邪求。及以邪見。懈怠放逸造諸惡結。如是等人來此受苦。每至免脫之日恒加勸喻。此中劇苦非可忍耐。汝今得出勿復更造。而此罪人初無改悔。今日得出俄頃復還。展轉輪迴不知痛苦。令我筋力疲此衆生。從劫至劫與其相對。以是事故。我於罪人無片慈心。故加楚毒。望其知苦知慚知恥不復更

還。觀此衆生。乃可至苦終不肯避。決不修善。往往趣泥洹。既是無知之物。不知避苦求樂。所以痛劇倍於人間。何容於此而生慈忍。今日道場同業大眾。今以世間牢獄比校。便可立知信非虛唱。若使有人三淪獄戶。雖是親族周旋已無憫愍。況牛頭阿旁。見此衆生得出復入。受苦事長。得免暫有。唯應修心變其所習。若不改悔永沈苦處。墮在其中次第經歷。從苦入苦無有休息。故三世怨對因果相生。善惡二環未曾暫輟。報應之徵皎然可見。爲惡得苦。還以報之。在地獄中窮年極劫具受劇苦。地獄罪畢復墮畜生。畜生罪畢復生餓鬼。如是經歷無量生死無量苦痛。豈不人人及時行道。相與今日等一痛切五體投地。普爲十方地獄道獄王大臣牛頭阿旁各及眷屬。餓鬼道餓鬼神等各及眷屬。畜生道畜生神等各及眷屬。廣及十方無窮無盡一切衆生。求哀懺悔。改往修來不復爲惡。已作之罪願乞除滅。未作之罪不敢復造。唯願十方一切諸佛。以不思議自在神力。同加救護哀愍攝受。令諸衆生應時解脫。又願世間大慈悲父

南無彌勒佛 南無釋迦牟尼佛 南無華日佛 南無軍力佛 南無華光佛 南無仁愛佛 南無大威德佛 南無梵王佛 南無量明佛 南無龍德佛 南無堅步佛 南無不虛見佛 南無精進德佛 南無善守佛 南無歡喜佛 南無不退佛 南無師子相佛 南無勝知佛 南無法氏

◎主十(一拜)◎ ◎生十(一拜)◎ ◎王主二◎ ◎號二名◎ ◎[鐵]一◎ ◎寒水一灰河◎ ◎[名]一◎ ◎第二福◎ ◎兩夜一何故◎  
◎主二◎ ◎住二直◎ ◎忍二忍◎ ◎[既]十得◎ ◎智有二三◎ ◎[有]十無◎ ◎[可]十不◎ ◎[苦]十盡◎  
◎又願二歸依◎ ◎[無]十量◎ ◎無量佛十(南無樹王曼長佛。南無國特尊德淨佛)◎





親一切眷屬。皆是我等三世怨根。一切怨對皆從親起。若無有親亦無有怨。若能離親即是離怨。何以故爾。若各異處遠隔他鄉。如是二人終不得起怨恨之心。得起怨恨皆由親近。以三毒根自相觸惱。以觸惱故多起恨心。所以親戚眷屬。生責望。或父母責望於子。或子責望父母。兄弟姊妹一切皆然。更相責望。更相嫌恨。小不適意便生瞋怒。若有財寶親戚競求。貧窮之日初無憂念。又得者愈以爲少。愈得愈爲不足。百求百得不以爲恩。一不稱心便增忿憾。是則人懷惡念。遂起異心。故結讐連禍世世無窮。推此而言。三世怨對實非他人。皆是我等親緣眷屬。當知眷屬即是怨聚。豈不人人慙懣悔過。宜各至心五體投地。奉爲有識神已來至于今日。經生父母歷劫親緣。於六道中結怨對者。若對非對若輕若重。今日若在地獄道者。若在畜生道者。若在餓鬼道者。若在阿修羅道者。若在人道者。若在天道者。若在仙道者。今日現前在眷屬中者。如是三世一切衆怨。各及眷屬。甲等今日以慈悲心無怨親想。等諸佛心。同諸佛願。普皆奉爲歸依世間大慈悲父。

南無彌勒佛 南無釋迦牟尼佛 南無梵德佛 南無寶積佛 南無華天佛 南無善思議佛 南無法自在佛 南無名聞意佛 南無樂說聚佛 南無金剛相佛 南無求利益佛 南無遊戲神通佛 南無離闇佛 南無名天佛 南無彌樓相佛 南無衆明佛 南無寶藏佛 南無極高行

佛 南無提沙佛 南無珠角佛 南無德讚佛 南無日月明佛 南無星宿佛 南無日明佛 南無師子相佛 南無達藍王佛 南無福藏佛 南無衆陰蓋菩薩 南無寂根菩薩 南無無邊身菩薩 南無觀世音菩薩 又復歸依如是十方盡虛空界一切三寶。願以佛力法力大地菩薩力一切賢聖力。令甲等父母親緣於六道中有怨對者。各及眷屬。皆悉同時集此道場。共懺先罪解諸怨結。若有身形拘礙不得到者。願承三寶力。攝其精神皆悉同到。受甲等今日懺悔。一切怨對願蒙解脫。道場大眾宜各人人心念口言。父母歷劫親緣姑姨伯叔內外眷屬。以三毒根起十惡業。或以不知。或以不信。或以無明。故起諸怨結。於父母眷屬乃至六親道亦有怨對。如是等罪無量無邊。今日懺悔願乞除滅。又復無始已來至于今日。或以瞋恚。或以貪愛。或以愚癡。從三毒根造種種罪。如是罪惡無量無邊。慚愧懺悔願乞捨施。又復無始已來至于今日。或爲田業。或爲舍宅。或爲錢財。起怨對業。於眷屬中備加殺害。如是種種罪不可具說。所起怨對無有罷期。今日慚愧發露懺悔。願父母六親一切眷屬。以慈悲心受我懺悔。一切捨施無復恨想。乃至盜竊邪淫妄語。五逆十惡無不備作。妄想顛倒繫緣諸境。造一切罪。如是等罪無量無邊。或於父母。或於兄弟姊妹。或於姑姨伯叔眷屬。乃至有

識神已來至于今日。於六親邊。起如是等罪。因苦果受對劫數怨結多少。唯有十方一切諸佛大地菩薩。盡知盡見。如諸佛菩薩所知所見。罪量多少怨對劫數。於未來世方受對者。甲等今日慚愧懺悔。自責。改往修來。不敢復作。唯願父母親緣眷屬。以柔軟心調和心樂善心歡喜心守護心。等如來心受甲等今日懺悔。一切捨施無怨親想。又願父母親緣一切眷屬。若有怨對在六道中者。亦願六道一切衆生。同共捨施。三世怨結一時俱盡。從今已去至于道場。永離三途絕四趣苦。一切和合猶如水乳。一切無礙等如虛空。永爲法親慈悲眷屬。各各修習無量智慧。具足成就一切功德。勇猛精進不休不息。行菩薩道無有疲倦。等諸佛心。同諸佛願。得佛三密。具五分身。究竟無上菩提成正覺。今日道場同業大眾。相與已解父母怨竟。次復應解師長怨結。自大聖已還體未圓極。至於無生法忍。猶爲三相還滅。在平如來尙假苦言。令惡衆生因茲悟道。而德明化物。猶現此辭。況復凡愚理絕淨境。今善惡難辨明白未分。豈能頓離三業之失。若聞所說。正當慚愧師長恩德深自悔責。不得驚疑。人懷惡念。經言。雖復出家。未盡煩惱未得解脫。不得便言無復諸惡。在俗之人不得便言都無其善。且置是事。如經所說。佛告大眾。汝當緣念師長之恩。父母雖復生育訓誨。而不能使離於三途。師長大慈誘進童蒙。使得出家。稟受具戒。是即懷羅漢。胎生羅漢果。離生死苦得

①人二機②③世十(得)④[前]一⑤某甲等二某等⑥名二多⑦(南無星宿佛)⑧(南無日月明佛)⑨寶十(一拜)⑩(之)十力⑪(以慈悲心)十受⑫(或以不信)十以⑬道十(中)⑭(殺罪)十不⑮五逆十惡二十延五逆⑯母十(邊起)⑰妹十(邊起)⑱眷屬一邊起⑲親十(眷屬)⑳(如是罪)十因㉑如二於㉒乎二于㉓正二應㉔人二而㉕未盡煩惱未得解脫二猶未解脫今離出家



涅槃樂。師長。既有。如是出世恩德。誰能上報。若能終身行道。正可自利。非報師恩。佛言。天下善友莫過師長。今日道場同業大眾。如佛所說。師長有如此恩德。而未會發念報師長恩。或復教誨亦不信受。乃至貪言起於誹謗。橫生是非。使佛法衰落。如是等罪何當免離。三。途。苦報無人代者。及其捨命棄去苦歸。神情慘憺意用。惛迷。六識不聰五根喪敗。欲行足不能動。欲坐身不自立。假使欲聽法言。則耳無。所復聞。欲視勝境。則眼無。復所見。當如此時共思今日禮懺。豈可復得。但有地獄無量衆苦。如是苦報自作自受。故經言。愚癡自恃不信殃禍。謗師毀師憎師嫉師。如是等人法中大魔。地獄種子。自結怨對受報無窮。如華光比丘。善說法要。有一弟子。恒懷驕慢。和上為說都不信受。即作是言。我大和上空無智慧。但能讚歎虛空之事。願我後生不復樂見。於是弟子法說非法非法說法。雖持禁戒無有毀犯。以謬解故。命終之後如射箭墮阿鼻獄。八十億劫恒受大苦。今日道場同業大眾。如經所說。豈得不人人起大怖畏。止於和尙發一惡言。墮阿鼻獄八十億劫。何況出家已來至于今日。於和尙邊所起惡業。其罪無量。判捨身形同彼無疑。何以故。爾和上開裂恒加訓誨。而未會如法修行。於諸師長多生違逆。或復給與而無厭足。或師瞋弟子。或弟子恨師。於三世中喜怒哀無量。如是等罪不可稱計。經言。起一瞋心怨對無量。如是怨對非但六親。師徒弟子懷恨亦甚。又

復同房共住上中下座。不能深信出家是遠離法。不知忍辱是安樂行。不知平等是菩提道。不知離瞋忘相是出世心。師及弟子同房同住。結業未盡互相違逆。忍辱之心紛然亂起。所以世世不得和合。又出家人或同學業。或復共師。見解不等。昇進之日便含毒懷瞋。而不自言宿習智慧。彼有福德。我無善根。聞見他榮不安隱性。有漏之心亟生高下。多起鬪諍。少能和合。不能推厚居薄。更相嫌恨不省己非。唯談他短。或以三毒更相譏謗。無忠信心。無恭敬意。何處復念我違佛戒。乃至高聲大語惡罵醜言。師長教誨都無信受。上中下座人各懷恨。以懷恨故更相是非。於惡道中多有怨對。皆是我等師徒弟子。同學共住上中下座。起一恨心怨對無量。所以經言。今世恨意微相憎嫉。後世轉劇至成大怨。何況終身所起惡業。今日道場同業大眾。各不自知在何道中。於諸師長上中下座起諸怨結。如是怨對無有窮盡。無有年期。亦無劫數。當受苦時不可堪忍。所以菩薩摩訶薩捨怨親心。離怨親想。以慈悲心平等攝受。相與今日已得發菩提心。發菩提願。宜應習行菩薩所行。四無量心六波羅蜜四攝法四弘誓。如諸佛菩薩所行之行。我等今日亦應習行。怨親平等一切無礙。從今已去至于菩提。誓當救護一切衆生。令諸衆生究竟一乘。相與至心五體投地奉為有識神已來經生出家和上開裂有怨對者。同壇尊證有怨對者。同學眷屬上中下座有怨對者。三世衆怨若

對非對若輕若重。各及眷屬。若於六道一切衆生有怨對者。於未來現在應受對者。今日懺悔願乞除滅。若六道中一切衆生各各有怨對者。等今日以慈悲心無怨親想。普為三世一切衆怨求哀懺悔。願悉捨施。無復惡念相加懷毒相向。同共捨施一切歡喜。從今解結無復瞋恨。各自恭敬念報恩心。等諸佛心。同諸佛願。各各至心歸依世間大慈悲父

南無彌勒佛 南無釋迦牟尼佛 南無見有邊佛 南無電明佛 南無金山佛 南無師子德佛 南無勝相佛 南無明讚佛 南無堅精進佛 南無具足讚佛 南無離畏佛 南無應天佛 南無大燈佛 南無世明佛 南無妙香佛 南無持上功德佛 南無離暗佛 南無寶讚佛 南無師子頻伽佛 南無滅過佛 南無持甘露佛 南無人月佛 南無喜見佛 南無莊嚴佛 南無珠明佛 南無山頂佛 南無名相佛 南無法稱佛 南無慧上菩薩 南無常不離世菩薩 南無無邊身菩薩 南無觀世音菩薩 又復歸依如是十方盡虛空界一切三寶 願以佛力大力大地菩薩力一切寶聖力。令彼三世無量衆怨若對非對盡空法界一切衆生。皆同懺悔解怨釋結。一切捨施無怨親想。一切和合猶如水乳。一切歡喜猶如初地。一切無礙猶如虛空。從今已去至于菩提。永為法親無別異想。常為菩薩慈悲眷屬。又

①〔既〕一② ③如是二此④ ⑤正止止⑥ ⑦三途二此之⑧ ⑨〔此之〕十苦⑩ ⑪憎一昏⑫ ⑬所復二復所⑭ ⑮復所二復所⑯ ⑰故二所以⑱ ⑲〔離〕一⑳ ㉑忘相二安相⑳ ㉒安想㉓ ㉔同二共②⑤ ㉕懷二反②⑥ ㉖〔見解不等〕一②⑦ ㉗〔聞見他榮不安隱性〕一②⑧ ㉘〔是非怨對〕十皆②⑨ ㉙盡十〔無形之對〕②⑩ ㉚有年期二形之對②⑪ ㉛〔得〕一②⑫ ㉜〔已〕十發②⑬ ㉝所二之②⑭ ㉞〔四攝法〕②⑯ ㉟〔四弘誓〕②⑰ ㊱之二本②⑱ ㊲〔有緣無緣廣及四生六道〕十三②⑳ ㊳〔有緣無緣廣及十方四生六道〕十三②㉔ ㊴生十〔中〕②㉕ ㊵〔中〕一②㉖ ㊶〔一切〕一②㊷ ㊸悉二皆②㊹ ㊺同共二願六道一切衆生同共②㊻ ㊼願六道一切衆生亦同②㊽ ㊾長十〔師〕②㊿ ㊽香二香②㊾ ㊽〔南無寶讚佛〕②㊿ ㊽〔南無師子頻伽佛〕②㊿ ㊽稱二讚②㊿ ㊽〔彼〕一②㊿ ㊽空法二虛空②㊿

# 一、二、三、四、五、六、七、八、九、十

1. *Chlorophyll a* (Chl *a*)

100

①今+(日)②覺十(一拜)③④[他]—②⑤相與—我等⑥⑦[受生死身]—②⑧而亦將—亦⑨⑩當復得見—時當復得見,時當得復⑪⑫不十(志意)⑬⑭[其志]—②⑮使二隔⑯⑰日十(禮懺)⑱⑲(五體—悔)八字—②⑳趣向—勇猛㉑㉒故—所以㉓㉔故二—是㉕㉖[而]—②㉗其願必虛—必事不即直㉘㉙[其]—②㉚在十(王)㉛㉜手—首㉝㉞(無)十量㉟㊱實—實㊲㊳[可]—②㊴滅—解㊵㊶覺十(一拜)㊷㊸(經爲)十兄㊹㊺(無)十量㊻㊼照明—明照㊽



無不備作。自恃年命不長。鬼神唯恐我不勝人。人莫及我。或以華門望族。傲物。凌人。作如是怨。或以識達凌人傲物。作如是怨。或以篇章技藝凌人傲物。作如是怨。或以誇豪奢侈凌人傲物。作如是怨。或以辯口利辭凌人傲物。作如是怨。如是衆怨。或於尊像福田邊起。或於和尚閣梨邊起。或於同住上中下座邊起。或於同學眷屬邊起。或於父母親戚邊起。如是怨對無量無邊。今日懺悔願乞除滅。又無始已來至于今日。或經於天道人道起諸怨結。或於阿脩羅道地獄道起諸怨結。或於畜生道餓鬼道乃至十方一切衆生邊起諸怨結。如是罪惡無量無邊。今日懺悔願乞除滅。又等又。復無始已來至于今日。或爲嫉妬。或爲詭曲。自求升進。或爲名譽。或爲利養。隨逐邪見。無有慚愧。如是怨結若輕若重。罪因苦果數量多少。唯有諸佛菩薩盡知盡見。諸佛世尊當慈念我。若我累生從無始生死已來。所作衆罪若教他作。見作隨喜。若三寶物自取教他取。見取隨喜。或有覆藏。或不覆藏。如諸佛菩薩所知所見罪量多少。應墮地獄餓鬼畜生。及諸惡趣邊地下賤。受怨對者。今皆懺悔願乞除滅。諸佛神力不可思議。願以慈悲心救護一切。受<sup>某某</sup>等今日向四生六道。父母師長一切眷屬。懺悔往罪解怨釋結。願令六道怨對各各歡喜。一切捨施無怨親想。一切無礙猶如虛空。從今日去至于菩提。結習煩惱畢竟斷除。三業清淨衆怨永盡。天宮寶殿隨意往生。四無量心六波羅蜜常能

修行。百福殷身萬善具足。住首楞嚴三昧得金剛身。以一念頃遍應六道。更相濟度使無遺餘。同坐道場成正覺。今日道場同業大衆。相與已得懺悔身罪。身業雖淨所餘口過。復是一切怨禍之門。故諸佛誠。不得兩舌惡口妄言綺語。當知詭曲華辭構扇。是非<sup>某某</sup>故言之爲患招報實重。夫人處世心懷毒念。口施毒言身行毒業。以此三事加害衆生。衆生被毒即結怨恨。誓心欲報。或現世獲報。或終後從心。如是怨結備居六道。更相報復無有窮盡。皆由宿命非空所得。當知罵身口。實衆惡之源。處俗者<sup>某某</sup>恣之不幸。死入秦山。便有湯火之酷。出家者不樂佛法。所生之處常與惡會。如此<sup>某某</sup>惡對皆資三業。三業之中口業實重。乃至獲報備諸楚毒難曉之夜不覺不知。今日道場同業大衆。我等所以輪迴六道者。皆由口業。或復輕言肆語。詭口利辭浮虛假飾。言行相乖。自招其報歷劫無免。豈得不人人悚然。增到懺洗此過。相與從有識神已來。至于今日。口業不善。於四生六道父母師長一切眷屬邊。靡惡不宣。出言龜鶴發語毀暴。朋遊聚語無義而說。指空爲有。指有<sup>某某</sup>言空。見言不見。不見言見。聞言不詳。不聞言聞。作言不作。不作言作。如是顛倒反天易地。自利傷物更相譏謗。言已則應德不歸。說他則何惡不往。乃至品<sup>某某</sup>詳聖賢。裁量君父。譏說師長。背善知識無道無義。無所顧難。世有幽厄傷形喪命。未來楚痛永劫嬰報。置直戲

笑之頃。便能具足無量重罪。何況苦言以加一切衆等相與無始已來至于今日。以惡口業。於天道人道有怨對者。於阿脩羅道地獄道。有怨對者。於餓鬼道畜生道。有怨對者。若於父母師長一切眷屬。有怨對者。等以慈悲心。同菩薩行同菩薩願。普皆奉爲歸命敬禮大慈悲父

南無彌勒佛 南無釋迦牟尼佛 南無淨斷疑佛 南無無量持佛 南無妙樂佛 南無不負佛 南無無住佛 南無得又迦佛 南無衆首佛 南無世光佛 南無多德佛 南無弗沙佛 南無無邊威德佛 南無義意佛 南無藥王佛 南無斷惡佛 南無無熱佛 南無善調佛 南無名德佛 南無華德佛 南無勇德佛 南無金剛軍佛 南無大德佛 南無寂滅意佛 南無香象佛 南無那羅延佛 南無善住佛 南無不休息菩薩 南無妙音菩薩 南無無邊身菩薩 南無觀世音菩薩 南無又復歸命如是十方盡虛空界一切三寶願以佛力法力菩薩力賢聖力。令四生六道一切衆生。重使覺悟同到道場。若有身形拘礙有心。不得到者。願以佛力法力賢聖力。攝其精神一切同到。受<sup>某某</sup>等懺口業罪。從無始無明住地已來至于今日。以口惡業因緣。於六道中備起怨結。願以三寶神力。令四生六道三世怨對。所懺除斷所悔永滅。等從無始已來至于今日。或以瞋恚。或以貪愛。或以愚癡。從三毒根造十惡行。以口四惡

①鬼神二神鬼 ②莫及二能勝 ③(傲物) ④(凌人) ⑤以十(多聞) ⑥又十(復) ⑦(經)一 ⑧(復)一 ⑨(諸大)十 ⑩世尊二菩薩 ⑪前生從二自從 ⑫(自作)十教 ⑬覺十(一拜) ⑭身業三則身業濟 ⑮(清)十淨 ⑯(故)一 ⑰言之爲患一爲患不輕 ⑱業二行 ⑲身口二身三口四 ⑳恣之不二不行忠 ㉑便二乃 ㉒會二俱 ㉓惡二怨 ㉔能二辯 ㉕自招其報一惡報自招 ㉖言二爲 ㉗詳二訴 ㉘背二誘 ㉙直二且 ㉚(若)一 ㉛實十(一拜) ㉜力十(菩薩力) ㉝除二途 ㉞永

起無量罪。或以惡口。惱亂父母。及切眷屬。或於父母起妄語業。或於親戚眷屬起妄語業。或於師長起妄語業。於諸衆生起妄語業。或復見言不見。不見言見。或聞言不聞。不聞言聞。或知言不知。不知言知。或爲驕慢。或爲嫉妬。起妄語業。如是罪惡無量無邊。今日懺悔願乞除滅。又無始已來至于今日。起兩舌業。受他惡言不能覆藏。向彼說此。向此說彼。使人離散令其憂苦。或口戲笑鬪諍兩家。譏亂君臣。忿擾一切。離人骨肉破他眷屬如是等罪無量無邊。今日懺悔願乞除滅。又無始已來至于今日。造綺語罪。說無義語無利益語。或惱父母。或惱師長。或惱同學。乃至六道一切衆生。皆起惱害。如是口業所起怨對。無量無邊今日懺悔。願乞除滅。願以佛力法力諸菩薩力一切賢聖力。受某甲等今日懺悔。令四生六道三世衆怨一切怨結。畢竟解脫一切罪業。皆悉斷除畢竟不復起諸怨結。更入三途。畢竟不復於六道中。楚毒相加。從今日去一切捨施。無怨親想。一切和合猶如水乳。一切歡喜猶如初地。永爲法親慈悲眷屬。從今已去乃至菩提。三界果報永不復受。斷三障業。無五怖畏。四無量心六波羅蜜各自深修行大乘道入佛智慧。一切願海皆能滿足。六通三達無不明了。得佛三密具五分身。登金剛慧成種智果。

今日道場同業大眾。相與已得懺身口罪竟。次復應須清淨意業。一切衆生。輪轉生死不得解脫者。皆由意業結集牢固。十惡五逆必由意造。故佛誠言。不得貪欲瞋恚愚癡邪見。後墮地獄受苦無窮。今日相與共見心之驕役諸識。亦猶君之總策其臣。口發惡言身行惡逆。於六道中能招劇報。當知滅身事由心造。今欲改悔。先挫其心。大折其意。何以故。經言。制之一處無事不辦。當知潔心是解脫之本。清淨意業則進趣有期。三途劇報不來惡道。受苦受不往。然身口業難易遣。意地微細難除。如來大聖一切智人。於身口意始得不護。況凡惡愚夫。而不守慎。若不折挫未見其善。經云。防意如城。守口如瓶。相與無始世界已來。及此一形。無明起愛增長生死。亦能具足十二苦事。八邪八難。三途六道。輪迴流轉無不經歷。如是諸處受無量苦。皆由意業擣起惡對。念念攀緣未曾暫捨。扇動六情。馳役五體。輕重惡業無不備造。或身口不遂心增忿毒。更相殺害無憐愍心。若微有痛癢不可抑忍。比至在他唯恐楚毒。不深見人之過。意願宣說。自有愆失不喜他聞。有如是心。實可慚愧。又意地起瞋大道怨賊。所以經言。劫功德賊無過瞋恚。又華嚴經云。佛子。若起一瞋恚心。一切惡中無過此惡。何以故。爾起一瞋恚心。則受百千障礙。所謂不見善提障。不聞法障。生惡道障。多疾病障。被謗毀障。生聞鈍障。失正念障。少智慧障。近惡知識障。不樂賢善障。遠正見障。離佛正教。入魔境界。不見善知識。諸根不具。乃至生惡業家。生於邊地。如是等障不可具說。我

等無始已來至于今日。已有無量無邊瞋恚惡心。乃至起瞋不避親族。何況六道諸衆生等。及其煩惱猛毒不復自知。但事不得爲心想。何所不念。若使得遂心意。則誰不被困。故天子一怒伏屍萬里。降斯已還。自空粉骨。種種楚縛有諸罪苦。當此之時何處應言。我達善哉唯恐苦酷。不深不重。是意地惡通於有識。智慧不免豪賤共有。未嘗一日慚愧改悔。今日道場同業大眾。瞋恚苦惱意慮情深。雖復欲捨對境。以發動與惡俱念念相觸。何時當得免離斯苦。大眾相與既知其罪。豈得晏然而不改悔。相與今日懇到披誠。懺滅此罪。宜各人人等一痛切。五體投地。歸依世間大慈悲父。

南無彌勒佛 南無釋迦牟尼佛 南無無所負佛 南無月相佛 南無電相佛 南無恭敬佛 南無威德守佛 南無智日佛 南無上剎利佛 南無須彌頂佛 南無治怨賊佛 南無蓮華佛 南無應讚佛 南無知大佛 南無離憍佛 南無那羅延佛 南無常樂佛 南無不少國佛 南無天名佛 南無見有邊佛 南無甚良佛 南無多功德佛 南無寶月佛 南無師子相佛 南無樂禪佛 南無無所少佛 南無遊戲佛

南無師子遊戲菩薩 南無師子奮迅菩薩 南無無邊身菩薩 南無觀世音菩薩 又復歸依如是十方盡虛空界一切三寶 願以慈悲力無量無邊自在力。受某甲等今日

①及一切二聞長 ②屬十(及諸衆生) ③親戚眷屬二師長 ④師長二眷屬 ⑤於諸二或於一切 ⑥二一分 ⑦口二因 ⑧二二 ⑨二二 ⑩二二 ⑪二二 ⑫二二 ⑬二二 ⑭二二 ⑮二二 ⑯二二 ⑰二二 ⑱二二 ⑲二二 ⑳二二 ㉑二二 ㉒二二 ㉓二二 ㉔二二 ㉕二二 ㉖二二 ㉗二二 ㉘二二 ㉙二二 ㉚二二 ㉛二二 ㉜二二 ㉝二二 ㉞二二 ㉟二二 ㊱二二 ㊲二二 ㊳二二 ㊴二二 ㊵二二 ㊶二二 ㊷二二 ㊸二二 ㊹二二 ㊺二二 ㊻二二 ㊼二二 ㊽二二 ㊾二二 ㊿二二

向四生六道。父母師長一切眷屬。懷意所起。一切怨對。若對非對。若輕若重。已起之怨。願懺除滅。未起之怨。不敢復作。仰願以三寶力。同加攝受。哀愍覆護。令得解脫。<sup>甲</sup>等從無始已來。至于今日。以意惡業因緣。於四生六道。父母師長一切眷屬。起諸怨對。若輕若重。今日漸愧。發露懺悔。一切怨對。願乞除滅。又無始已來。至于今日。依三毒根起於貪心。因於貪使起於貪業。若幽若顯。盡空法界。他所有物。起於惡念。我當取之。乃至父母。母師長物。一切眷屬物。一切衆生諸天諸仙物。如是。一切皆念屬己。如是罪惡無量無邊。今日懺悔。願乞除滅。又無始已來。至于今日。起於瞋業。晝夜燒然。一時一刻。無暫休息。小不適意。便大瞋怒。取諸衆生種種惱害。或加鞭杖。或復沈溺。乃至飢餓。懸縛幽繫。如是瞋罪無量無邊。今日懺悔。願乞除滅。又無始已來。至于今日。隨逐無明。起於癡業。無惡不造。無有正慧。信於邪言。受於邪法。如是癡業。造諸怨對。無量無邊。今日懺悔。願乞除滅。又無始已來。至于今日。行十邪道。無怨不結。無業不造。念念繫緣。未曾暫捨。扇動六情。起諸結業。或身口不遂其事。而心增毒厲。乃至戲笑。構起是非。不以直心與人。從事恒懷詭曲。無有慚愧。如是等罪無量無邊。於六道中受大苦惱。今日懺悔。願乞除滅。<sup>甲</sup>等從無始已來。至于今日。以身業不善。口業不善。意業不善。如是惡業。於佛邊起一切罪障。於法邊起一切罪障。於一切菩薩賢聖邊起一切罪障。如是罪障

無量無邊。今日至誠求哀懺悔。願乞除滅。又無始已來。至于今日。身三口四意三惡業。五逆四重無罪不作。今日懺悔。願乞除滅。又無始已來。至于今日。六根六塵六識。妄想顛倒。繫緣諸境。造一切罪。今日懺悔。願乞除滅。又無始已來。至于今日。於攝中大威儀戒攝善法戒攝衆生戒多有毀犯。身壞命終。墮三惡道。在地獄中。受無量無邊恒沙等苦。又墮餓鬼。無所識知。恒抱飢渴。受寒熱惱。又墮畜生。受無量苦。飲食不淨。飢寒困苦。又出生人中。墮邪見家。心常諂曲。信於邪言。失於正道。沒生死海。永無出期。三世一切衆惡怨對。不可稱計。唯有諸佛。盡知盡見。剋如諸佛。所知所見。罪報多少。今日懺悔。願乞除滅。願以諸佛大慈悲力。大神通力。如法調伏。諸衆生力。令<sup>甲</sup>等今日懺悔。一切怨對。即得除滅。六道四生。今日已受對者。未受對者。願以諸佛大地菩薩。一切賢聖大慈悲力。令此衆惡畢竟解脫。從今日去。至于菩提。一切罪障。畢竟清淨。捨惡道。生得淨土。捨怨對。得智慧命。捨怨對身。得金剛身。捨惡道。苦得涅槃樂。念惡道。苦發菩提心。四等六度。常得現前。四辯六通。如意自在。勇猛精進。不休不息。乃至進修滿十地行。還度無邊一切衆生。

發願第四

今日道場同業大眾。過去現在四生六道。窮未來際一切衆生。願以今懺法。同得清淨。同得解脫。具足智慧。神功自在。願諸衆生。從今日去。至于菩提。常見十方盡虛空界。諸佛法身。常見諸佛三十二相。紫磨之身。常見諸佛八十種好。分形散體。遍滿十方。救衆生身。常見諸佛眉間白毫。大光普照。濟地獄苦。又願今日道場同業大眾。以今懺悔。清淨功德。因緣。從今日去。捨身受身。不經地獄。道錢湯。割炙受之苦。不經餓鬼。道辟銅灌口焦爛之苦。不經畜生。道剝裂楚毒之苦。若在人道。不經四百四病。觸身之苦。不經大熱大寒。難耐之苦。不經刀杖毒藥。加害之苦。不經飢渴困乏之苦。又願大眾。從今日去。奉戒清淨。無點污心。常修仁義。念報恩心。供養父母。如視世尊。奉敬師長。如對諸佛。敬重國王。如真法身。於餘一切。皆知如己。想。又願大眾。從今日去。乃至菩提。深法義智。無所畏。明解大乘。了見正法。即自開解。不由他悟。一向堅固。志求佛道。還度無邊一切衆生。等與如來俱成正覺。

今日道場同業大眾。願為證明。今日微願。<sup>甲</sup>等正願。願生聖人所居之處。常能建立道場。興顯供養。為一切衆生。作大利益。常蒙三寶慈悲攝受。常有勢力化導。得行常修精進。不著世樂。知一切法空。於非怨親。同以善化。乃至菩提。心無退轉。從今日去。一毫之善。悉資願力。<sup>甲</sup>等又願。若生人中。修善家。更立道場。供養三寶。一毫之善。悉施一切。願與和上闍黎。不相捨離。自然蔬食。絕愛染心。不須妻子。忠信清直。仁恕和平。損己濟物。不求名利。<sup>甲</sup>等又願。若捨此身。不蒙解脫。生鬼神中。願為大力護法。善神。濟苦善神。不須

①起二結②母十(物)③(一切)一④一切二等物⑤願二悲⑥(斷道)十俱⑦造二結⑧(而)一⑨(以)一⑩一切二結⑪(於)十一⑫(大)一⑬悲二諸⑭淨樂二樂⑮發願第四一⑯法二悔⑰(故)十原⑱大二相⑲(普照)一⑳續二續㉑割炙二焦形觸體㉒辟銅灌口十之㉓辟銅灌口焦爛二針咽錢湯錢湯㉔懷錢抱渴針咽錢湯㉕割炙楚毒二償債酬命斷惡宰利㉖點二玷㉗敬二事㉘(今日)一㉙(所發)十數㉚一切二諸㉛非二諸㉜(某甲等)一\*㉝更二恒㉞(慈悲)十道㉟願二恒



衣食自然溫飽。又願捨此身命。不蒙解脫。隨畜生中。常處深山。食草飲水。無諸苦事。出則為瑞不被龍繫。又願捨此身命。不蒙解脫。隨餓鬼中。願身心安樂。無諸煩惱。化諸同苦。皆令悔過。發菩提心。又願捨此身命。不蒙解脫。墮在地獄。自識宿命。化諸同苦。皆令悔過。發菩提心。又願捨此身命。不蒙解脫。墮在畜生。令菩提心相續不斷。仰願十方一切諸佛。大地菩薩。一切聖人。以慈悲心現為我證。又願諸天諸仙。護世四王。主善罰惡。守護持咒。五方龍王。龍神八部。同為證明。重復至誠。歸依三寶。

讚佛願

大聖世尊	巍巍堂堂	三達洞照
衆聖中王	分身濟物	現坐道場
天人歸仰	食稟未央	八音遠被
群魔驚退	威震大千	慈化流芳
以慈悲力	普攝十方	長辭八苦
到菩提鄉		

故號如來。應供正遍知。明行足。善逝世間解。無上士。調御丈夫。天人師。佛世尊。度人無量。拔生死苦。以今懺悔。清淨讚佛功德因緣。願四生六道一切衆生。從今日去。至于菩提。以佛神力。隨心自在。慈悲道場懺法卷第六

慈悲道場懺法卷第七

今日道場同業大眾。夫至德渺漠。本無言無說。然言者德之詮道之。選說者理之階。聖之導。所以藉言而理顯。理故非言。理由言彰。言不越理。雖言理兩乖。善惡殊絕。然影響相符。未曾差違。在於初學。要言以會道。至於無學。乃合理而忘言。自惟凡愚。悟惑障重。於諸法門。未能捨言。今誠能故不盡其妙。見淺故不臻其極。然言之且易行之實難。唯聖與聖。乃得備舉。今有難言。自不能正。云何正他。汝自三業穢濁。云何勸人清淨。自不清淨。欲使他清淨。無有是處。既不堅固。何以勸人。今言行空說。便成惱他。他既生惱。何且不且止。反覆尋省。寧不自愧。余是善知識。故發此言。於是整理衣服。斂容無對。今聞善知識此辭。心慚慚。自知深過。不敢欺誑。聖人隱覆其失。今欲毀除。恐脫有人。因此增福。適欲存之。復恐有人。生謗。進退迴遑。不知所措。且立懺法。心既是善。善法無礙。但應努力。不得計此。今唯憑世間大慈悲父。覆護攝受。既已有其言。不容毀滅。正當慚愧。大眾願無觸惱。若誤與理合相與。因此懺法。改往修來。為善知識。如其不會衆心。願布施歡喜。不成惡知識。猶為菩提眷屬。

自慶第一 為六道禮佛第二 迴向第三  
發願第四 懺畢第五  
自慶第一 此略申自慶大意其  
中慶事隨自莊嚴

今日道場同業大眾。從歸依已來。知至德。可憑斷疑。懺悔則罪惡俱遣。續以發心。勤勞兼行。怨結已解。逍遙無礙。豈得不人人踊躍歡喜。所應自慶。今宜其意。經云。八難。一者地獄。二者餓鬼。三者畜生。四者邊地。五者長壽天。六者難得人身。七者難獲百疾。七者生邪見家。八者生佛前。或生佛後。有此八難。所以衆生輪迴生死。不得出離。我等相與生在如來像法之中。雖不值佛而慶事光多。凡難之為語。罪在於心。若心生疑。非難成難。心若無疑。是難。非難。何以知之。第八難云。生在佛前。或在佛後。是名為難。而城東老母。與佛同生一世。共俱在一處。而不見佛。故知心疑是難。未必異世。皆云是難。波旬懷惡。生陷地獄。龍聞說法。便得悟道。當知人天。未必非難。心苟不善。稟報不殊。六天之主。墮在地獄。畜生之賤。超登道場。是則心邪。故輕難成重。心正故重難無礙。今日道場同業大眾。以心礙故。觸向成難。心能正者。則難非難。舉此一條。在處可從。故知佛前佛後。無非正法。邊地畜生。莫非道處。今若正心。則無復八難。如其疑惑。則難成無量。如是自慶事實不少。大眾日用。不知其功。今略陳管見。示自慶之端。大眾若能知自慶者。則復應須修出世心。何者。自慶佛言。地獄難免。相與已得。

（者）一（）  
（得）二（能）\*

某甲等二某某等 〔本〕一（） 寶十（一拜） 送二（） 此前三本有啓護慈悲道場懺法一心歸命三世諸佛南無過去毘婆尸佛南無尸棄佛南無毘舍浮佛南無拘留孫佛南無拘那含牟尼佛南無迦葉佛南無本師釋迦牟尼佛南無當來變阿彌陀佛七十一字 此下甲本有藥師諸大菩薩名號八字 還一（） 〔願〕十（） 理由二（） 理而（） 〔還〕十（） 言（） 〔因〕十（） 除二（） 〔由〕十（） 〔生〕十（） 〔日〕一（） 〔二〕二（） 〔自〕五（） 〔二〕三（） 一（） 一（） 一（） 〔此略〕十五（） 一（） 〔在〕十（） 佛（） 〔於〕十（） 佛（） 得二（） 別（） 相與生二（） 難生不值佛（） 難不值佛而慶事光二（） 其慶事不云不（） 光二（） 在二（） 佛俱（） 一（） 〔說〕一（） 知十（） 不必在（） 未二（） 便言（） 主二（） 首（） 在二（） 落（） 〔大眾〕一（） 〔能〕一（）



施檀越。善惡知識諸天諸仙護世四王。聰明正直天地虛空。主善罰惡守護持呪。五方龍王龍神八部。諸大魔王五帝大魔。一切魔王。閻羅王泰山府君。五道大神。十八獄主并諸官屬。廣及三界六道。無窮無盡含情抱識。有佛性者。至誠歸依十方盡虛空界一切三寶。願以慈悲心同加攝受。以不可思議神力。覆護拯接。令諸天諸仙一切神王及三界六道一切衆生。從今日去。越生死海到涅槃岸。行願早圓俱登十地。入金剛心成等正覺。一拜。

警緣三寶第二

今日道場同業大衆。宜復人人緣念三寶。何以故爾。若使不知三寶。云何得起慈心愍念衆生。若使不知三寶。云何得起悲心救攝一切。若使不知三寶。云何得起平等怨親同觀。若使不知三寶。云何能得妙智證無上道。若使不知三寶。云何明了二空其實無相。佛言。人身難得。今已得。信心難生。今已生。我等今者各各有心歸憑三寶。而眼不見。貪欲瞋恚愚癡之色。耳不聞地獄餓鬼苦楚熱惱之聲。鼻不聞地獄餓鬼剝裂膿血之氣。舌不嘗天下臭惡不淨之味。身不觸錘鎚燒寒冰之苦。意常得知佛。爲無上慈悲之。知一切法。爲諸衆生良藥。知諸賢聖。爲看病父母。意常警緣三寶。護世有識念處。我常得知。我等今日雖不值佛。生在像末。具有信心。六根清淨無諸衰惱。優遊適性往來無礙。此之勝報。莫非宿緣三寶恩力。又令

今世發菩提心。諸如此益非可具說。

今日道場同業大眾。豈得不人人報恩供養一切功德供養中最故。經說言。惟念過去世供養爲輕微。蒙報歷劫餘福值天師經言。設欲報者起塔精舍。燈燭幡蓋華香茵褥種種供養。將來之世自受其福。雖是供養非報佛恩。欲報佛恩唯發菩提心立四弘誓造無量緣莊嚴身相修淨土行。是爲智者知恩報恩。

今日道場同業大眾。諸佛慈恩不可報菩薩摩訶薩碎身猶不能報萬分之一。況我凡夫而能報者衆等唯當依經所說利人爲上。各各志心五體投地普爲十方無窮無盡四生衆生歸依世間大慈悲父

南無彌勒佛 南無釋迦牟尼佛 南無德寶佛 南無應名稱佛 南無華身佛 南無大音聲佛 南無辯才讚佛 南無金剛珠佛 南無無量壽佛 南無珠莊嚴佛 南無大王佛 南無德高佛 南無高名佛 南無百光佛 南無喜悅佛 南無龍步佛 南無意願佛 南無寶月佛 南無滅已佛 南無喜王佛 南無調御佛 南無喜自在佛 南無寶髻佛 南無離山佛 南無寶藏佛 南無月面佛 南無淨名佛

(豈得供養) 人人報恩  
一(文)  
二(又)  
三(忍)  
四(不)  
五(志)  
六(高)  
七(行)  
八(已)  
九(長)

①得造難痛切二能免離此苦 ②中二此 ③典二旨 ④植二種 ⑤(更)一 ⑥(良)+因 ⑦(此)+人 ⑧(已得)+濟 ⑨得  
 二向 ⑩拜二禮 ⑪爲十(溫向) ⑫方十(一切) ⑬有所爲作不爲自身一爲善不酬 ⑭大衆同得懷通二時得聞誦  
 典 ⑮時得披覽經典 ⑯摩十(佛百) ⑰而今見有二我亦有時 ⑱[者]一 ⑲(廣)+及 ⑳淫樂二於彼 ㉑[拜]  
 二\* ㉒[第二]一 ㉓二一十 ㉔等十(心) ㉕已二日 ㉖[各々有心]一 ㉗貪欲廣乖離離二地獄衆苦亡火  
 ㉘天下良惡不淨二美穢腐敗 ㉙無上慈悲之父一切二諸衆生無上醫王 ㉚(作大醫王)+知 ㉛生十(病之) ㉜[知  
 諸]一 ㉝(諸衆生)+看 ㉞(一切衆生)+看 ㉟(之)+母 ㊱[我常得知]一 ㊲像末二末法 ㊳說十(豈得不人人報恩供養

\_\_\_\_\_

京州同知謝務漸督方志耶

◎依十(如是)◎ ◎[第三]—① ◎三十二◎ ◎[某甲等]—②\* ◎今十(段)◎ ◎經二卷◎ ◎戒二愛◎ ◎象二像◎ ◎實十(一拜)◎ ◎[第四]—① ◎四二十三◎ ◎以今二相與又以今日◎ ◎著二因緣◎ ◎〔八部〕十神王◎ ◎〔八部〕十神將◎ ◎〔若〕—① ◎境二界◎ ◎〔三界〕—② ◎某甲等二某等◎\* ◎諸惡結二惡釋結力◎ ◎結十(力)◎ ◎力數喜二歡喜力◎ ◎〔諸〕—① ◎連十(身)◎ ◎世十(兩大菩薩藏、(音))◎ ◎之—② ◎〔隨一切時〕十成◎ ◎〔諸大〕—② ◎貨二如響、(如)十實◎ ◎〔諸〕—③ ◎法十(性)◎ ◎切十(智)◎ ◎〔諸大〕—②

常懷慚愧。不計。吾我同善。知識見有布施持戒忍辱。精進禪定智慧。見之。歡喜怨親一觀。心無驕慢。不說他人善惡長短。不傳彼此和合分離。所言柔軟不出惡詞。默佛功德樂學深經。愛護衆生如己身。見有作福不行。誹謗。慈心和合。猶如聖衆。同諸菩薩成等正覺。

### 爲六道禮佛第二

奉爲天道禮佛第一  
今日道場同業大衆。諸天諸仙一切善神。於諸衆生。有無量不可思議恩德。願諸衆生長保安樂。懇勸守護唯善是從。何以知然。佛勸

①提頭賴吒四天王 慈心擁護受持經  
令聞慈悲名號者 猶如天子法臣護  
又勸海龍伊鉢羅 慈心擁護受持經  
如護眼目愛己子 晝夜六時不遠離  
又勸閻婆羅刹子 無數毒龍及龍女  
慈心擁護持經者 如愛頂腦不敢觸  
又勸毘留勒迦王 慈心擁護持經者  
如母愛子心無厭 晝夜擁護行住俱  
又勸難陀跋難陀 婆伽羅王優波陀  
慈心擁護持經者 恭敬供養接足禮  
猶如諸天奉帝釋 亦如孝子敬父母  
慈悲道場施安樂 教諸衆生結法親  
後生佛前入三昧 畢竟當得不退轉  
若聞諸佛名號者 又聞無邊觀世音  
消除三障無諸惡 五眼具足成菩提  
諸天神王念一切 恒加勸獎助威神

今日道場同業大衆。諸天神王。有如此恩德。

覆護衆生。而諸衆生。未曾發心念報恩德。古人尚能感一食之惠。遂捨命亡身。而況諸天善神八部神將。於諸衆生。有此恩德。此思此德。功無邊際。我等今日懺悔發心。皆是天王密加神力。獎助行人使心成就。若不加助如是等心。早應退沒。所以菩薩摩訶薩。每歎善知識者。是大因緣。能令我等登踐道場。若無善知識。云何令我得見諸佛。投身不足報洪慈。殞命不足報深澤。菩薩摩訶薩。尚致此言。況降斯已下。而無報答。大衆今日既未能投骸殞命。則應且行勤勞。精進亦是報恩之漸。相與各宜增到運心知恩報恩。不可隨流。自反無方。如前自慶重遇爲難。難得今果。復欲何待。失比一會知更何。趣唯當勇猛忘身爲。物事成有敗如春有。冬時不待人命焉。得久念此一別。相見末期各自努力。等一痛切五體投地。奉爲十方盡虛空界一切天主。一切諸天各及眷屬。歸命敬禮。世間大慈悲父。南無彌勒佛。南無釋迦牟尼佛。南無善逝月佛。南無梵自在王佛。南無師子月佛。南無福德威德佛。南無正生佛。南無勝佛。南無日觀佛。南無寶名佛。南無大精進佛。南無山光佛。南無施明佛。南無電德佛。南無德聚佛。南無供養名佛。南無法護佛。南無寶語佛。南無救命佛。南無善戒佛。南無善來佛。南無定意佛。南無喜勝王佛。南無師子光佛。南無破有闍佛。南無照明

佛 南無上名佛

南無無邊身菩薩 南無觀世音菩薩  
又復歸命十方盡虛空界一切三寶。願十方盡空法界一切天主。一切諸天各及眷屬平等空慧。恒得現前。智力方便開無漏道。十地行願各得增明。六度修心四等廣被。行菩薩道入佛行處。四弘誓願不捨衆生。辯才不斷樂說無窮。善權接化利益四生。俱登法雲證常住果  
奉爲諸仙禮佛第二  
今日道場同業大衆。人各至心等一痛切。五體投地。奉爲十方盡虛空界一切仙主一切真仙各及眷屬。歸命敬禮世間大慈悲父。南無彌勒佛。南無釋迦牟尼佛。南無利瑟佛。南無珠月佛。南無威光佛。南無不破論佛。南無光明佛。南無珠輪佛。南無世師佛。南無吉手佛。南無善月佛。南無寶炎佛。南無羅睺守佛。南無樂善提佛。南無等光佛。南無至寂滅佛。南無世最妙佛。南無無憂佛。南無十勢力佛。南無喜力佛。南無德勢力佛。南無德勢佛。南無大勢力佛。南無功德藏佛。南無真行佛。南無上安佛。南無提沙佛。南無無邊身菩薩。南無觀世音菩薩。又復歸命十方盡虛空界一切三寶。願以慈悲力同加覆護。願諸仙主一切真仙。各及眷屬。解脫客塵。清淨緣障。妙色湛然。等佛身相。四無量心六波羅蜜。常得現前。四無礙智六

①吾二被 ②見之二成生 ③(見)一 ④之十(人成生) ⑤詞二辭 ⑥自己身二已無異 ⑦(爲六二)七字一 ⑧(第一)一  
⑨一二十四 ⑩(佛勸)一 ⑪提頭賴吒二佛勸提頭 ⑫迦王二又迦 ⑬持經者二受持經 ⑭(精進)一 ⑮無二天  
⑯光十(王) ⑰南無施德佛 ⑱十字(南無德) ⑲十六字 ⑳聚十(王) ㉑寶二寶 ㉒命十(如是) ㉓(願  
以慈悲力同加護)十願 ㉔(第二)一 ㉕二二五 ㉖慈十(王) ㉗月十(光) ㉘光十(王) ㉙明十(王)  
㉚珠二珠 ㉛妙二妙 ㉜力十(王) ㉝德二得 ㉞命十(如是) ㉟願二願受

神通力。如意自在。出入遊戲。普遊境界。等法。雲地入金剛心。以不思議力。連接六道。奉為梵王等禮佛第三。

今日道場同業大眾。重復至誠五體投地。奉為梵王帝釋。護世四王。各及眷屬。歸命敬禮。世間大慈悲父。

南無彌勒佛 南無釋迦牟尼佛 南無大光佛 南無電明佛 南無廣德佛 南無珍寶佛 南無福德明佛 南無造鏡佛 南無成手佛 南無善華佛 南無集寶佛 南無大海智佛 南無持地德佛 南無義意猛佛 南無善思惟佛 南無德輪佛 南無寶火佛 南無利益佛 南無世月佛 南無美音佛 南無梵相佛 南無衆師首佛 南無師子行佛 南無難施佛 南無應供佛 南無明威德佛 南無大光王佛

南無無邊身菩薩 南無觀世音菩薩 又復歸命如是十方盡虛空界一切三寶。願以慈悲力同加攝受。願梵王帝釋護世四王。各及眷屬。六度四等。日夜增明。四無礙辯。樂說無盡。得八自在。具六神通。三昧總持。應念現前。慈悲普覆。十方四生百福莊嚴。萬善圓極。三達開了。五眼具足。為法輪王攝化六道。一拜。

慈悲道場懺法卷第七

慈悲道場懺法卷第八

奉為阿脩羅道一切善神禮佛第四

今日道場同業大眾。重復至誠五體投地。奉為十方盡虛空界一切阿脩羅王。一切阿脩羅。各及眷屬。又奉為十方盡虛空界一切聰明。正直天地虛空主善觀惡守護持呪。八部神王八部神將。乃至若內若外若近若遠。東西南北四維上下。遍空法界有大神足力。有大威德力。如是十方八部神王八部神將。各及眷屬。歸命敬禮一切世間大慈悲父。

南無彌勒佛 南無釋迦牟尼佛 南無寶名佛 南無衆清淨佛 南無無邊名佛 南無不虛光佛 南無聖天佛 南無智王佛 南無金剛衆佛 南無善障佛 南無建慈佛 南無華國佛 南無法意佛 南無風行佛 南無善思名佛 南無多明佛 南無密衆佛 南無功德守佛 南無利意佛 南無無懼佛 南無堅觀佛 南無住法佛 南無珠足佛 南無解脫德佛 南無妙身佛 南無普高佛 南無普德佛 南無無邊身菩薩 南無觀世音菩薩 又復歸命如是十方盡虛空界一切三寶。願以慈悲力同加攝護。願阿脩羅王一切阿脩羅。各及眷屬。又願聰明正直天地虛空主善觀惡守護持呪。八部神王八部神將。各及眷屬。解脫客塵清淨緣障。發起大乘修無礙道。四無量心。六波羅蜜常得現前。四辯六通。

如意自在。恒以慈悲救護衆生。行菩薩道入佛智慧。度金剛心成等正覺。奉為龍王禮佛第五

今日道場同業大眾。重復至誠五體投地。奉為十方盡虛空界一切不可思議龍王。妙化龍王。頭化提龍王。五方龍王。天龍王。地龍王。山龍王。海龍王。日宮龍王。月宮龍王。星宮龍王。歲時龍王。青海龍王。護形命龍王。護衆生龍王。乃至十方若內若外。若近若遠。東西南北四維上下。遍空法界有大神足力。有大威德力。如是一切龍王一切龍神。各及眷屬。歸命敬禮一切世間大慈悲父。

南無彌勒佛 南無釋迦牟尼佛 南無妙智佛 南無梵財佛 南無寶音佛 南無正智佛 南無力得佛 南無師子意佛 南無華相佛 南無積智佛 南無華齒佛 南無功德藏佛 南無名寶佛 南無希有名佛 南無上戒佛 南無無畏佛 南無日明佛 南無覺壽佛 南無一切天佛 南無樂智佛 南無寶天佛 南無珠藏佛 南無德流布佛 南無智王佛 南無無縛佛 南無堅法佛 南無天德佛 南無無邊身菩薩 南無觀世音菩薩 又復歸命如是十方盡虛空界一切三寶。願以慈悲力同加攝受。願諸龍王各及眷屬。增輝光明神力自在。以無相解斷除緣障。永離惡趣常生淨土。四無量心。六波羅蜜。常得現前。四無礙辯六神通力。隨心自在。以慈悲心。連接一切。妙行莊嚴。過法雲地。入金剛心。

①三三六②光十(王)③(智)一④(德)一⑤(猛)一⑥火二大⑦光⑧命二依⑨寶十(一拜)⑩此兩乙本有普還慈悲道場懺法。一心歸命三世諸佛。南無過去毘婆尸佛。南無尸棄佛。南無毘舍浮佛。南無拘留孫佛。南無拘那含牟尼佛。南無迦葉佛。南無本師釋迦牟尼佛。南無當來變阿彌陀佛七十一字 ⑪此下甲本有梁朝諸大法師集撰八字 ⑫(第四)一⑬四二十七⑭(自在)十王⑮求二來⑯高二道⑰德佛十(南無光王佛)⑱寶十(一拜)⑲覺十(一拜)⑳第五一㉑五二一十八⑳(可)一㉒諸智二智後㉓寶二寶㉔寶十(一拜)㉕寶二寶

成等正覺

奉為魔王禮佛第六

今日道場同業大眾。重復至誠。奉為大魔王五帝大魔乃至東西南北四維上下盡虛空界一切魔王各及眷屬。歸命敬禮一切世間大慈悲父

南無彌勒佛 南無釋迦牟尼佛 南無梵

牟尼佛 南無安詳行佛 南無勤精進佛

南無炎肩佛 南無大威德佛 南無薩

華佛 南無歡喜佛 南無善衆佛 南無

帝幢佛 南無大愛佛 南無須臾色佛

南無衆妙佛 南無可樂佛 南無善定

義佛 南無牛王佛 南無妙臂佛 南無

大車佛 南無滿願佛 南無德光佛

南無寶音佛 南無金剛軍佛 南無富貴

佛 南無勢力行佛 南無師子力佛

南無淨目佛

南無無邊身菩薩 南無觀世音菩薩

又復歸命如是十方盡虛空界一切三寶

願以慈悲力同加覆護。願大魔王五帝大魔

一切魔王各及眷屬。無始已來至于今日。一

切緣障皆得清淨。一切罪業皆得銷滅。一切

衆苦皆得解脫。四無量心六波羅蜜常得現

前。四無礙智六神通力如意自在。行菩薩道

不休不息。先度衆生然後作佛

爲人道禮佛第七

今日道場同業大眾。相與已得。奉爲諸天諸仙。龍神八部。禮佛竟。次應奉爲人道一切人王禮佛報恩。又爲父母師長一切人民。何以

故爾若無國王一切衆生無所依附。由大王

故一切得往。行國王地飲國王水。諸餘利益

不可具說。大衆宜各起報恩心。經言若能一

日一夜六時忍苦爲欲利益奉報恩者。應當

發起如是等心習行慈悲。以是願力報國

王恩。報施主恩。又當念行道報父母恩慈育

之恩。又當行道報師長之恩。又復運

心念如來恩。若能至心常念不絕者。如是

等人得入道疾

奉爲國王禮佛第一

今日道場同業大眾。諸佛大聖慈恩開誘。慇

懃如此令知恩報恩。我等今日既仰賴國王。

於末世中與顯佛法。種種供養不惜財寶。率

土臣民望風歸附。又令出家之人安身行道。

行住坐臥初無留難。凡百不預唯獎以善。皆

願我等速出生死。闡無量法門開人天正路。

而國王有如此恩德。豈得不人人禮拜奉報

其恩相與至心等一痛切。奉爲國王。歸依世

間大慈悲父

南無彌勒佛 南無釋迦牟尼佛 南無

迦葉佛 南無淨意佛 南無知次第佛

南無猛威德佛 南無大光明佛 南無日

光曜佛 南無淨藏佛 南無分別威佛

南無無損佛 南無密日佛 南無月光佛

南無持明佛 南無善寂行佛 南無不

動佛 南無大智佛 南無德法佛 南

無莊嚴王佛 南無高出佛 南無炎熾佛

南無華德佛 南無寶嚴佛 南無上善佛

南無寶上佛 南無利慧佛 南無嚴土

佛

南無無邊身菩薩 南無觀世音菩薩

又復歸命如是十方盡虛空界一切三寶。願

以慈悲力同加攝受。願

當今皇帝。聖體康御。天威振遠帝基

永固。慧命無窮慈露無際。有識歸心菩薩盛

化。天人讚仰四等六度。日夜增明四無礙辯

樂說無盡。得八自在具六神通。三昧總持。應

念現前慈悲。即世恩遍六道。萬行早圓速登

正覺

奉爲諸王禮佛第二

今日道場同業大眾。重復至誠五體投地奉

爲

皇太子殿下。分土諸王。各及眷屬

歸依世間大慈悲父

南無彌勒佛 南無釋迦牟尼佛 南無

海德佛 南無梵相佛 南無月蓋佛

南無多炎佛 南無達藍王佛 南無智稱

佛 南無覺想佛 南無功德光佛 南無

聲流布佛 南無滿月佛 南無華光佛

南無善戒佛 南無燈王佛 南無電光佛

南無光王佛 南無光明佛 南無具足讚佛

南無華藏佛 南無弗沙佛 南無日端

上陸下帝 帝仁此王 帝二王 帝三王 帝四王 帝五王 帝六王 帝七王 帝八王 帝九王 帝十王 帝十一王 帝十二王 帝十三王 帝十四王 帝十五王 帝十六王 帝十七王 帝十八王 帝十九王 帝二十王 帝二十一王 帝二十二王 帝二十三王 帝二十四王 帝二十五王 帝二十六王 帝二十七王 帝二十八王 帝二十九王 帝三十王 帝三十一王 帝三十二王 帝三十三王 帝三十四王 帝三十五王 帝三十六王 帝三十七王 帝三十八王 帝三十九王 帝四十王 帝四十一王 帝四十二王 帝四十三王 帝四十四王 帝四十五王 帝四十六王 帝四十七王 帝四十八王 帝四十九王 帝五十王 帝五十一王 帝五十二王 帝五十三王 帝五十四王 帝五十五王 帝五十六王 帝五十七王 帝五十八王 帝五十九王 帝六十王 帝六十一王 帝六十二王 帝六十三王 帝六十四王 帝六十五王 帝六十六王 帝六十七王 帝六十八王 帝六十九王 帝七十王 帝七十一王 帝七十二王 帝七十三王 帝七十四王 帝七十五王 帝七十六王 帝七十七王 帝七十八王 帝七十九王 帝八十王 帝八十一王 帝八十二王 帝八十三王 帝八十四王 帝八十五王 帝八十六王 帝八十七王 帝八十八王 帝八十九王 帝九十王 帝九十一王 帝九十二王 帝九十三王 帝九十四王 帝九十五王 帝九十六王 帝九十七王 帝九十八王 帝九十九王 帝一百王

①南無勢力行佛 ②力佛 ③南無德光佛 ④寶十(一拜) ⑤佛十(一拜) ⑥爲二奉爲國王 ⑦(第七)一 ⑧七 ⑨二十 ⑩大有 ⑪報國王恩 ⑫報國王恩 ⑬報施主恩 ⑭報施主恩 ⑮報施主恩 ⑯報施主恩 ⑰報施主恩 ⑱報施主恩 ⑲報施主恩 ⑳報施主恩 ㉑報施主恩 ㉒報施主恩 ㉓報施主恩 ㉔報施主恩 ㉕報施主恩 ㉖報施主恩 ㉗報施主恩 ㉘報施主恩 ㉙報施主恩 ㉚報施主恩 ㉛報施主恩 ㉜報施主恩 ㉝報施主恩 ㉞報施主恩 ㉟報施主恩 ㊱報施主恩 ㊲報施主恩 ㊳報施主恩 ㊴報施主恩 ㊵報施主恩 ㊶報施主恩 ㊷報施主恩 ㊸報施主恩 ㊹報施主恩 ㊺報施主恩 ㊻報施主恩 ㊼報施主恩 ㊽報施主恩 ㊾報施主恩 ㊿報施主恩



師長於我恩德無量。大慈獎。論恒使修善。願  
出生死到於彼岸。每事利益。令得見佛。除煩  
惱結永處無爲。如此至德誰能上報。若能終  
身行道。正可自利非報師恩。故佛言。善知  
識者莫過師長。既能自度亦復度人。相與今  
日。粟得出家。受具足戒。此之重恩從師長  
得。豈不人人追念此恩。相與至心等一痛切  
五體投地。奉爲和上阿闍梨同壇尊證上中  
下座各及眷屬。歸依世間大慈悲父

南無彌勒佛 南無釋迦牟尼佛 南無最  
上佛 南無清涼照佛 南無慈德佛  
南無妙音佛 南無導師佛 南無無礙  
藏佛 南無上施佛 南無大尊佛 南無  
智。力勢佛 南無大焰佛 南無帝王佛  
南無制力佛 南無威德佛 南無善明佛  
南無名聞佛 南無端嚴佛 南無無垢  
佛 南無威儀佛 南無師子軍佛 南無  
天王佛 南無名聲佛 南無殊勝佛 南  
無大藏佛 南無福德光佛 南無梵開佛  
南無無邊身菩薩 南無觀世音菩薩  
又復歸依如是十方盡虛空界一切三寶  
願以慈悲力同加攝受。願和上阿闍梨同壇  
尊證上中下座各及眷屬。從今日去至坐道  
場。一切罪障皆得清淨。一切衆苦悉得解脫。  
一切煩惱皆得斷除。隨念往生諸佛淨土。普  
提行願皆悉具足。財施無盡法施無盡。福德  
無盡安樂無盡。壽命無盡智慧無盡。四無量  
心六波羅蜜。當得現前。四無礙智六神通力。  
如意自在。住首楞嚴三昧得金剛身。不捨本

誓還救衆生

爲十方比丘比丘尼禮佛第三十六

今日道場同業大衆。以此禮拜之大。重復  
增到五體投地。普爲十方盡虛空界。現在未  
來一切。比丘比丘尼式又摩那沙彌沙彌尼  
各及眷屬。又爲十方盡虛空界一切優婆塞  
優婆夷各及眷屬。又爲從來信施檀越。善惡  
知識有緣無緣各及眷屬。如是人道一切人  
類各及眷屬。等。今日以慈悲心。普爲歸  
依世間大慈悲父

南無彌勒佛 南無釋迦牟尼佛 南無燈  
王佛 南無智頂佛 南無上天佛 南無  
地王佛 南無至解脫佛 南無金髻佛  
南無羅睺日佛 南無莫能勝佛 南無平  
尼淨佛 南無善光佛 南無金齊佛 南  
無衆德天王佛 南無法益佛 南無德  
臂佛 南無慈伽陀佛 南無美妙惠佛  
南無微意佛 南無諸威德佛 南無師子  
鬘佛 南無解脫相佛 南無威和佛  
南無斷流佛 南無慈藏佛 南無智  
聚佛 南無無礙讚佛  
南無無邊身菩薩 南無觀世音菩薩  
又復歸依如是十方盡虛空界一切三寶  
願以慈悲力同加護。願十方盡虛空界一  
切比丘比丘尼式又摩那沙彌沙彌尼各及眷  
屬。又願十方一切優婆塞優婆夷。各及眷屬  
又願從來信施檀越善惡知識有緣無緣各及  
眷屬。乃至一切人道一切人類。無始已來至  
于今日。一切煩惱皆得斷除。一切緣障皆得

清淨。一切罪業皆得消滅。一切衆苦皆得解  
脫。離三障業。無五怖畏。四無量心六波羅  
蜜。當得現前。四無礙智六神通力如意自在。  
行菩薩行入一乘道。度脫無邊一切衆生  
爲十方過去比丘比丘尼禮佛第三十七

今日道場同業大衆。重復至誠五體投地。代  
爲十方盡虛空界一切過去比丘比丘尼。武  
又摩那沙彌沙彌尼。過去優婆塞優婆夷。廣  
及十方一切人道一切人類有命過者各及眷  
屬。等。今日以慈悲心。等諸佛心同諸佛  
願。普爲歸依世間大慈悲父  
南無彌勒佛 南無釋迦牟尼佛 南無寶  
聚佛 南無善高佛 南無山王相佛  
南無法頂佛 南無解脫德佛 南無善端  
嚴佛 南無吉祥佛 南無愛語佛 南無  
師子利佛 南無和樓那佛 南無師子法  
佛 南無法力佛 南無愛樂佛 南無讚  
不動佛 南無衆明王佛 南無覺悟衆  
生佛 南無妙眼佛 南無意住義佛  
南無光照佛 南無香德佛 南無令喜  
佛 南無不虛行佛 南無滅患佛 南無  
上色佛 南無善步佛  
南無無邊身菩薩 南無觀世音菩薩  
又復歸依如是十方盡虛空界一切三寶  
願以慈悲力救護接。願過去一切比丘比  
丘尼。式又摩那沙彌沙彌尼。各及眷屬。又願  
過去一切優婆塞優婆夷。各及眷屬。若有地  
獄道苦今日即得解脫。若有畜生道苦今日  
即得解脫。若有鬼神道苦今日即得解脫。離

①除二障②令二今③正二止④故佛言二所以佛言天下⑤案二幸⑥(可)十不⑦流二淨⑧(十)十(力)  
一⑨大二火⑩寶十(一拜)⑪救二度⑫生十(一拜)⑬(第六)一⑭六二二十五⑮以二今⑯此二斯  
⑰又二復⑱(某甲等)一⑲案二種⑳益二法㉑愛二帶㉒(南無威相佛)㉓(南無慈藏佛)㉔(南無  
斷流佛)㉕(南無智聚佛)㉖寶十(一拜)㉗無二除㉘生十(一拜)㉙(第七)一㉚七二二十六㉛(某甲等)一  
㉜高二言㉝(衆生)一㉞(南無妙眼佛)㉟(南無光照佛)㊱(南無意住義佛)㊲(南無香德佛)㊳寶十(一  
拜)㊴畜生二獄鬼㊵鬼神二畜生





地獄。如是十方盡虛空界一切地獄。今日現受苦一切衆生<sup>某某</sup>等以菩提心。普爲歸依世間大慈悲父

南無彌勒佛 南無釋迦牟尼佛 南無梵財佛 南無寶手佛 南無淨根佛 南無具足論佛 南無上論佛 南無弗沙佛 南無提沙佛 南無有日佛 南無出泥佛 南無得智佛 南無護難佛 南無上吉佛 南無法樂佛 南無求勝佛 南無智慧佛 南無善聖佛 南無網光佛 南無琉璃藏佛 南無名聞佛 南無利寂佛 南無教化佛 南無日明佛 南無善明佛 南無衆德上明佛 南無寶德佛 南無師子播菩薩 南無師子作菩薩 南無無邊身菩薩 南無觀世音菩薩 又復歸依如是十方盡虛空界一切三寶願以慈悲力同加救拔。今日現受灰河等苦一切罪緣皆得解脫。一切苦果永得除滅。地獄道業畢竟清淨。捨地獄身得金剛身。捨地獄苦得涅槃樂。憶地獄苦發菩提心。同出火宅至于道場。與諸菩薩俱成正覺

爲飲銅炭坑等<sup>某某</sup>獄禮佛<sup>第三</sup>

今日道場同業大眾。重復至心五體投地。普爲十方盡虛空界一切地獄。飲銅地獄衆合地獄。吽喚地獄。大叫喚地獄。熱地獄。大熱地獄。炭坑燒林。如是等無量無邊眷屬等獄。今日現受苦衆生<sup>某某</sup>等以菩提心。普代歸依世間大慈悲父

南無彌勒佛 南無釋迦牟尼佛 南無人

月佛 南無離眼佛 南無甘露明佛 南無妙意佛 南無焰明佛 南無一切主佛 南無樂智佛 南無山王佛 南無寂滅佛 南無德聚佛 南無天王佛 南無妙音聲佛 南無妙華佛 南無住義佛 南無功德威聚佛 南無智無等佛 南無甘露音佛 南無善守佛 南無利慧佛 南無思解脫義佛 南無音勝佛 南無梨陀行佛 南無善義佛 南無無過佛 南無行善佛 南無堅勇精進菩薩 南無金剛慧菩薩 南無無邊身菩薩 南無觀世音菩薩 又復歸依如是十方盡虛空界一切三寶願以慈悲力同加救護。飲銅等地獄。現受苦衆生一切罪障皆得消滅。一切衆苦皆得解脫。從今日去畢竟不復墮於地獄。捨地獄身得淨土生。捨地獄命得智慧命。四無量心六波羅蜜常得現前。四無礙辯六神通力如意自在。出地獄道得涅槃道。等與如來俱成正覺<sup>二拜</sup>

爲刀兵銅釜等<sup>某某</sup>獄禮佛<sup>第四</sup>

今日道場同業大眾。重復至誠普爲十方盡虛空界一切地獄。想地獄黑砂地獄。釘身地獄。火井地獄。石白地獄。沸砂地獄。刀兵地獄。飢餓地獄。銅釜地獄。如是等無量地獄。今日現受苦衆生<sup>某某</sup>等今日以菩提心力。普爲歸依世間大慈悲父

南無彌勒佛 南無釋迦牟尼佛 南無華藏佛 南無妙光佛 南無樂說佛 南無

善濟佛 南無衆王佛 南無離畏佛 南無辯才日佛 南無名聞佛 南無寶月明佛 南無上意佛 南無無畏佛 南無大見佛 南無梵音佛 南無善音佛 南無慧濟佛 南無無等意佛 南無金剛軍佛 南無善提意佛 南無樹王佛 南無樂陀音佛 南無福德力佛 南無勢德佛 南無聖愛佛 南無勢行佛 南無城王佛 南無棄陰蓋菩薩 南無寂根菩薩 南無無邊身菩薩 南無觀世音菩薩 又復歸依如是十方盡虛空界一切三寶願以慈悲力同加救護。刀兵地獄一切地獄眷屬等獄。受苦衆生即得解脫。一切衆苦永得除斷。離地獄緣得智慧生。憶地獄苦發菩提心。行菩薩道不休不息。入一乘道滿十地行皆皆有神力還接一切。同坐道場俱登正覺<sup>一拜</sup>

爲火城刀山等<sup>某某</sup>獄禮佛<sup>第五</sup>

今日道場同業大眾。重復至誠。普爲十方盡虛空界一切地獄。火城地獄。石窟地獄。湯澆地獄。刀山地獄。虎狼地獄。鐵床地獄。熱風地獄。吐火地獄。如是等無量無邊眷屬等獄。今日現受苦衆生<sup>某某</sup>等以菩提心力。普爲歸依世間大慈悲父

南無彌勒佛 南無釋迦牟尼佛 南無雷音雲佛 南無善愛目佛 南無善智佛 南無具足佛 南無德積佛 南無大音佛 南無法相佛 南無智音佛 南無虛

①爲二代②根二眼③誤一辯④作菩薩十(南無地藏菩薩)⑤實十(一拜)⑥(願)十今⑦(獄受)十苦⑧(地獄受)十苦  
⑨(罪)二衆生⑩(地)十獄⑪(第三)一⑫三二二十九⑬(獄)二大⑭(衆)十  
(力)⑮守二手⑯(音)二勝音⑰(地)十獄⑱(第四)一⑲四三十三⑳爲二代㉑(力)一㉒(地)十獄  
拔願㉓竟二究㉔(地)十獄㉕(第五)一㉖(現)一㉗德二寶  
根菩薩十(南無地藏菩薩)②實十(一拜)③(願)十刀④地獄二等⑤(今日)十即⑥道二行⑦有二以⑧(地)  
十獄⑨(第五)一⑩五三十一⑪(現)一⑫德二寶

空佛 南無祠音佛 南無慈音差別佛

南無功德光佛 南無聖王佛 南無衆

意佛 南無辯才輪佛 南無善寂佛

南無月面佛 南無日名佛 南無無垢佛

南無功德集佛 南無華德相佛 南無辯

才國佛 南無寶施佛 南無愛月佛 南

無不高佛

南無慧上菩薩 南無常不離世菩薩

南無無邊身菩薩 南無觀世音菩薩

又復歸依如是十方盡虛空界一切三寶

願以慈悲力同加攝受。刀山等獄。受苦衆

生。即得解脫。乃至十方不可說一切地獄。現

受苦當受苦一切衆生。願以佛力。力。菩

薩。力。實。聖。力。令諸衆生同得解脫。永斷十

方諸地獄業。從今已去。于道場。畢竟不復

墮於三途。捨身受身常值諸佛。具足智慧清

淨自在。勇猛精進不休不息。乃至進修滿十

地行。登金剛心入種智。果以佛神力隨心自

在

爲餓鬼道禮佛。第四六

今日道場同業大衆。重復至誠五體投地。普

爲十方盡虛空界一切餓鬼道。餓鬼神等一

切餓鬼及各眷屬。等今日以菩提心力。普

\*爲歸依世間大慈悲父

南無彌勒佛 南無釋迦牟尼佛 南無師

子力佛 南無自在王佛 南無無量淨佛

南無等定佛 南無不壞佛 南無滅垢佛

南無不失方便佛 南無無燒佛 南無妙

面佛 南無智制住佛 南無法師王佛

南無大天佛 南無深意佛 南無無量

佛 南無法力佛 南無世供養佛 南無

華光佛 南無三世供佛 南無應日藏佛

南無天供養佛 南無上智人佛 南無真

誓佛 南無信甘露佛 南無金剛佛 南

無堅固佛

南無藥王菩薩 南無藥上菩薩 南無

無邊身菩薩 南無觀世音菩薩

又復歸依如是十方盡虛空界一切三寶

願以慈悲力同加攝受。救拔一切餓鬼道苦

東西南北四維上下。盡十方界一切餓鬼道

一切餓鬼神各及眷屬。一切餓鬼各及眷屬

一切罪障皆得消滅。一切衆苦皆得解脫。身

心清涼無復熱惱。身心飽滿無復飢渴。得甘

露味開智慧眼。四無量心六波羅蜜常得現

前。四無礙智六神通力如意自在。離餓鬼道

入涅槃道。等與諸佛俱成正覺。一拜

爲畜生道禮佛。第七

今日道場同業大衆。重復運心五體投地。普

爲東西南北四維上下。如是十方盡虛空界

一切畜生道四生衆生。若大若小水陸空界

一切衆生各及眷屬。等今日以慈悲心力。普

\*爲歸依世間大慈悲父

南無彌勒佛 南無釋迦牟尼佛 南無寶

肩明佛 南無梨陀步佛 南無隨日佛

南無清淨佛 南無明力佛 南無功德聚

佛 南無具足眼佛 南無師子行佛

南無高出佛 南無華施佛 南無珠明佛

南無蓮華佛 南無愛智佛 南無樂陀嚴

佛 南無不虛行佛 南無生法佛 南無

相好佛 南無思惟樂佛 南無樂解脫

佛 南無知道理佛

南無常精進菩薩 南無不休息菩薩 南

無無邊身菩薩 南無觀世音菩薩

又復歸依如是十方盡虛空界一切三寶

願以慈悲力同加攝受。東西南北四維上

下。盡虛空法界一切畜生道。一切四生各及

眷屬一切罪障皆得消滅。一切衆苦皆得解

脫。同捨惡趣俱得道。身心安樂如第三禪

四無量心六波羅蜜常得現前。四無礙智六

神通力如意自在。離畜生道入涅槃道。登金

剛心成等正覺。一拜

爲六道發願。第八

\*甲等以今奉爲諸天諸仙龍神八部禮佛功

德因緣。願十方盡虛空界。四生六道窮未來

際一切衆生。從今日去至于菩提。不復還更

枉誤形骸。受諸楚毒不復更造十惡五逆。

却入三塗。承今禮佛功德因緣。各得菩薩

摩訶薩。淨身口業。各得菩薩摩訶薩。所有諸

心大地心。生諸善根。大海心。受持諸佛智慧

大法。須彌山心。令一切安住無上菩提。摩尼

寶心。遠離煩惱金剛心。決定諸法堅固心。衆

魔外道不能沮壞。蓮華心。一切世法所不能

染。淨日心除滅一切愚癡障。虛空心。一

切衆生無能量者。又願四生六道一切衆生。

從今日去思量識性思量決信解性。棄捐調

戲常思法語。所有皆施心無愛惜。心心勇猛

不壞怯弱。所修功德悉施一切不還邪道。專

①道一音②世菩薩十(南無地藏菩薩)③寶十(一拜)④(願)十刀⑤歡一地獄今日現⑥(力)一⑦于二生⑧在十(一拜)⑨(第六)一⑩六三三三⑪天二人⑫上菩薩十(南無地藏菩薩)⑬寶十(一拜)⑭(救一切餓鬼道苦)一⑮(第七)一⑯七三三三⑰眼二德⑱好二明⑲寶十(一拜)⑳願二同加㉑(願)十東㉒空法二虛空㉓(一切)一㉔生十(衆生)㉕器二果㉖(第八)一㉗八三三四㉘還更枉一枉㉙(更)一㉚却二更㉛所有諸二大㉜世二諸㉝染十(優曇鉢華心一切劫中蘇得渡過)㉞(等)十心㉟愛二音

心一向見善如化見惡如夢。捨離生死。速出三界。明了觀察甚深妙法。各得供養一切諸佛。供養衆具皆悉滿足。各得供養一切尊法。供養衆具皆悉滿足。各得供養一切賢聖。供養衆具皆悉滿足。若有後流一切衆生。異等今日願界者。皆悉令入大願海中。即得成就功德智慧。以佛神力隨心自在。等與如來俱成正覺。一拜

今日道場同業大眾。相與已得爲六道禮懺。竟。次復應須悟也。無常。夫三世罪福因果相生。惻然在心慮不斯隔。常謂影響相符乃可胡越。善惡之致非可得而舛也。唯願大眾覺悟無常。勤修行業以自資身勿生懈怠。而不努力智者常歎。假使千萬億歲。受五欲樂終不得免三惡道苦。況我百年而不得半於此。促期那得自寬。且世間幻惑終歸磨滅。常者皆盡高者亦墜。合會有離生必應死。軍官厚祿誰得免之父母兄弟。六親眷屬愛徹骨髓。當捨壽時不得相代。榮華豪貴。錢財寶物。亦不能延人之壽命。亦不可以言辭飲食求囑脫者無形之對誰能留者。經云。死者盡也。氣絕神逝。形骸蕭索。人物一統無生不終。而捨命之時受大苦惱。內外六親圍繞號哭。死者遍怖莫知依投身虛體冷氣將欲盡。見先所作善惡報相。其修善者天神扶衛。其行惡者牛頭在側。獄卒羅刹永無寬恕。慈親孝子不能相救。夫妻恩愛相看就盡。

風刀解身苦不可言。死者爾時肝膽寸裂。無量痛惱一時同集。神識周轉如狂如醉決欲起一念善作一毫福。懷恨在心不復能得。如是苦惱無人代受。涅槃經言。死者於險難處無有資糧。去處懸遠又無伴侶。晝夜常行無有邊際。深達幽闇無有光明。入無遮止到不得脫。生不修福死歸苦處。愁毒辛酸不可療治。非是惡色令人怖畏今日道場同業大眾。生死果報如環無窮。孤魂獨逝無人見者。不可尋覓。不可物寄。唯各努力捍勞忍苦勤修四等六波羅蜜。以爲獨逝諸趣之資。莫以強健而自安。心宜各至心等一痛。切五體投地歸依世間大慈悲父

南無彌勒佛 南無釋迦牟尼佛 南無多聞海佛 南無持華佛 南無不隨世佛 南無喜樂佛 南無孔雀音佛 南無不退沒佛 南無斷有愛垢佛 南無威儀濟佛 南無諸天流布佛 南無寶步佛 南無華手佛 南無威德佛 南無破怨賊佛 南無富多聞佛 南無妙國佛 南無華明佛 南無師子智佛 南無月出佛 南無滅闍佛 南無無動佛 南無師子遊戲菩薩 南無師子奮迅菩薩 南無無邊身菩薩 南無觀世音菩薩 又復歸依如是十方盡虛空界一切三寶 願以慈悲力同加覆護。今日道場同懺悔者。從今日去乃至菩提。一切罪因無量苦果悉得斷除。煩惱結業畢竟清淨。諸佛法會皆現身相。行菩薩道隨意自在。四等六度如說修行。四辯六通無不滿足。百千三昧應念現前。諸總持門無不能入。早登道場成等正覺。一拜

爲執勞運力禮佛 今日道場同業大眾。重復至誠五體投地起慈悲心。無怨親想。爲今日轉生作執勞隨喜施工運力助營福者。各及眷屬又爲卽世牢獄憂厄困苦困圍繫閉及諸刑罰。念其處世。雖獲人身樂少苦多。枷鎖桎梏未嘗離體。由何所致或今身造惡。或過去所追。或應免脫無由自申。重罪分死無救護者。如是衆生各及眷屬。等今日以慈悲心。普爲歸依一切世間大慈悲父

南無彌勒佛 南無釋迦牟尼佛 南無次第行佛 南無福德燈佛 南無音聲治佛 南無憐憐佛 南無勢力佛 南無身心住佛 南無善月佛 南無覺意華佛 南無上吉祥佛 南無善威德佛 南無智力德佛 南無善燈佛 南無堅行佛 南無天音佛 南無安樂佛 南無日面佛 南無樂解脫佛 南無戒明佛 南無住戒佛 南無無垢佛 南無師子播菩薩 南無師子作菩薩 南無無邊身菩薩 南無觀世音菩薩 又復歸依如是十方盡虛空界一切三寶 願以慈悲力同加覆護。今日執勞隨喜者。各及眷屬。從今日去至于菩提。一切罪障皆得消滅。一切衆苦畢竟解脫。壽命延長身心安樂。永離災厄無復障惱。發大乘心修菩薩行。

○常十(第三十五)○ ○(發願)十○ ○也二○ ○唯二○ ○常二有○ ○(重官厚祿誰得免之)一○ ○六親二妻子○ ○(重官厚祿)十○ ○(之)一○ ○速二○ ○(慈然在目)十○ ○在二○ ○(南無無動佛)○ ○(南無無動佛)一○ ○(之)一○ ○(願)十○ ○皆現身相一常得身相○ ○(意自在二自在受生)○ ○佛十(第三十六)○ ○(五體投地)一○ ○(普)十○ ○福十(業)○ ○[由何所致]一○ ○某甲等二某等○ ○意二○ ○吉二○ ○寶十(一拜)○ ○(願)十○

六度四等皆悉具足。捨生死苦得涅槃樂。又願東西。二治諸餘牢獄徒囚繫閉憂厄困苦。諸有疾病不得自在者。各及眷屬。以今爲其禮佛功德威力。一切衆苦皆悉解脫。惡業對因畢竟。斷除出牢獄戶入善法門。壽命無窮智力無盡。身心永樂如第三禪。憶牢獄苦。念諸佛恩。改惡修善。皆發大乘。行菩薩道至金剛際。還復度脫一切衆生。同登正覺神力自在。一拜。

已懺悔發菩提心竟次應迴向發迴向第三

今日道場同業大眾。已得發心辦所辦竟。次復應須以前功德各發迴向。何以故爾。一切衆生所以不能得解脫者。皆由著於世間果報不能捨離。若有片福一毫之善能迴向者。則於果報不復生著。便得解脫優遊自在。所以經歎修行迴向爲大利益。是故今日應發迴向兼勸一切不著果報。我等相與先應至心五體投地。歸命敬禮世間大慈悲父。

南無彌勒佛 南無釋迦牟尼佛 南無堅出佛 南無安闍那佛 南無增益佛 南無香明佛 南無遠藍明佛 南無金玉佛 南無蜜鉢佛 南無無礙相佛 南無信戒佛 南無至妙道佛 南無樂實佛 南無明法佛 南無具威德佛 南無至寂滅佛 南無上慈佛 南無大慈佛 南無甘露主佛 南無彌樓明佛 南無聖讚佛 南無廣照佛 南無文殊師利菩薩 南無普賢菩薩 南無無邊身菩薩

南無觀世音菩薩

又復歸依如是十方盡虛空界一切三寶。願以慈悲力同加覆護。一切行願皆得圓滿。今日道場同業大眾。從今日去至于菩提。行菩薩道誓莫退還。先度衆生然後作佛。若未得道中間留住生死者。以此願力令諸大衆在所生處身口意業恒自清淨。常發廣大勝妙之心柔軟心。調和心勇猛心不放逸心。寂滅心。真心不雜亂心。無貪恪心。大勝心。大慈悲心。安住心。歡喜心。先度一切心。守護一切心。守護菩提心。誓等佛心。發如是等廣大勝妙心。專求多聞修離欲定。饒益安樂一切衆生。不捨菩提同成正覺。

說迴向法

今日道場同業大眾。相與胡跪合掌心念口言隨我今說

十方諸天仙	所有功德業
我今爲迴向	同歸正覺道
十方龍鬼神	所有勝善業
我今爲迴向	同歸一乘道
十方諸人王	所修菩提業
我今爲迴向	同歸無上道
六道衆生類	所有微善業
我今爲迴向	同歸無上道
十方佛弟子	善來比丘衆
無著四沙門	及求緣覺者
隱顯化衆生	明了因緣法
如是衆一切	盡迴向佛道
十方諸菩薩	讀誦受持經

入禪出禪者 勸總行衆善 如是等三乘 一切衆德本 盡迴施衆生 同歸無上道 天上及人間 聖道諸善業 我今勸迴向 同歸無上道 發心及懺悔 自行若勸人 所有微毫福 盡迴施衆生 衆生不得佛 不捨菩提願 一切成佛盡 然後登正覺 仰願佛菩薩 無漏諸聖人 此世及後生 惟願見攝受

相與至心五體投地奉爲

國王帝主迴向。奉爲父母親緣迴向。奉爲師長同學迴向。奉爲信施檀越善惡知識迴向。奉爲護世四王迴向。又爲十方魔王迴向。又爲聰明正直天地虛空主善罰惡守護持呪五方龍王龍神八部迴向。又爲幽顯一切靈祇迴向。又爲十方盡虛空界一切衆生迴向。唯願十方諸天諸仙龍神八部一切衆生。從今日去至于菩提。恒會無相不復耽著。一拜 慈悲道場懺法卷第九

●東西二治諸餘牢獄二天下字數諸餘刑禁 ●二治二南北 ●斷除二除斷 ●(已懺...向)十二字一 ●三三三十七 ●(世間) 一 ●二遊 ●金玉二念王 ●(道)一 ●(南無至寂滅佛) ●(南無大慈佛) ●主二王 ●實十(一拜) ●留住二 繫縛 ●諸二此 ●(廣大勝妙之心)一 ●(勇猛心)一 ●(大)十勝 ●勝妙心二勝妙之心 ●(願)十同 ●是十 (一拜) ●說十(代發) ●(我今...道)五十字的(天上...願)五十字 ●(六道...法)五十字的(如是...道)五十字 ●(今日道場同業大眾)十相 ●唯二惟 ●

慈悲道場懺法卷第十

菩薩迴向法

今日道場同業大眾。相與已得捍勞忍苦。修如是等無量善根。宜復人人起如是念。我所修習善根。悉以饒益一切衆生。令諸衆生究竟清淨。以此所修懺悔善根。令一切衆生皆悉滅除地獄餓鬼畜生閻羅王等無量苦惱。以此懺法爲諸衆生。作大舍令滅苦陰。作大護令脫煩惱。作歸依令離恐怖。作止趣令至智地。作安隱令得究竟安隱處。作大明令滅癡闇。作大燈令得安住究竟明淨。作大導師令入方便法得淨智身。

今日道場同業大眾。如此諸法。是菩薩摩訶薩爲怨親故以諸善根同共迴向。一切衆生等無差別。入平等觀無怨親想。常以愛眼視諸衆生。若衆生懷恨於菩薩起惡逆心者。菩薩爲眞善知識。善調伏心爲說深法。譬如大海一切衆毒所不能壞。菩薩亦爾。愚癡無智不知報恩。如是衆生起無量惡。不能動亂菩薩道心。譬如皎日普照衆生不爲無目而隱光明。菩薩道心亦復如是。不爲惡者而生退沒。不以衆生難調伏故退捨善根。菩薩摩訶薩於諸善根信心清淨長養大悲。以諸善根普爲衆生深心迴向。非但口言。於諸衆生皆發歡喜心。明淨心。柔軟心。慈悲心。愛念心。攝取心。饒益心。安樂心。最勝心。以諸善根迴向。菩薩摩訶薩發如是善根迴向。我等今日

亦應仰學如是迴向心念口言。若我所有迴向功德。令諸衆生得清淨趣。得清淨生功德。滿足。一切世間無能壞者。功德智慧無有窮極。身口意業具足莊嚴常見諸佛。以不壞信聽受正法。離諸疑網憶持不忘。淨身口業心常安住。勝妙善根永離貧乏七財充滿。修學一切善法所學。得諸善根成就平等。得妙解脫一切種智。於諸衆生得慈愛眼。身根清淨言辭辯慧。發起諸善心無染著。入甚深法攝取一切。同住諸佛住無所住。所有迴向悉如十方菩薩摩訶薩所發迴向。廣大如法性。究竟如虛空。願等得如所願滿善提願。四生六道同得如願。重復增到五體投地。歸依世間大慈悲父。

南無彌勒佛 南無釋迦牟尼佛 南無威德佛 南無見明佛 南無善行報佛 南無善喜佛 南無無愛佛 南無寶明佛 南無威儀佛 南無樂福德佛 南無功德海佛 南無盡相佛 南無斷魔佛 南無盡魔佛 南無過衰道佛 南無不壞意佛 南無水王佛 南無淨魔佛 南無衆生王佛 南無愛明佛 南無菩提相佛 南無智音佛 南無常精進菩薩 南無不休息菩薩 南無無邊身菩薩 南無觀世音菩薩 又復歸依十方盡虛空界一切三寶。願以慈悲力同加攝受。令迴向心具足成就。若具有無量惡罪業。應受無量無邊楚毒。於惡道中不能自拔。違今日發菩提心。違善

提行違善提願者。願十方大地菩薩一切聖人。以慈悲心不違本願。助。道中。救諸衆生令得解脫。願不以苦故捨離衆生爲我。荷負重擔滿平等願。度脫一切衆生老病死愁憂苦惱無量諸難。令諸衆生悉得清淨。具足善根究竟解脫。捨離衆魔遠惡知識。親近善友真善眷屬。成就淨業盡滅衆苦。具足菩薩無量行願。見佛歡喜得一切智。還復度脫一切衆生。

發願第四

又願今日道場同業大眾。各自發如是願。尋衆惡所起皆緣六根。是爲六根衆禍之本。雖爲禍本。亦能招致無量福業。故勝鬘經言。守護六根淨身口意。以此義證生善之本。故於六根發大誓願。

初發眼根願

願今日道場同業大眾。廣及十方四生六道一切衆生。從今日去乃至菩提。眼常不見貪欲無厭詐幻之色。不見諂諛曲媚佞會之色。不見玄黃朱紫惑人之色。不見瞋恚鬪諍醜狀之色。不見打扑苦惱損他之色。不見屠裂傷毀衆生之色。不見愚癡無信疑闇之色。不見無謙無敬驕慢之色。不見九十六種邪見之色。眼常不見如是一切衆惡不善之色。願眼常見一切十方常住法身湛然之色。常見三十二相紫磨金色。常見八十種好隨形之色。常見諸天諸仙率衆獻散華之色。常見口出五種色光說法度人之色。常見分

此前三乙本有菩薩慈悲道場懺法一心歸命三諸佛。南無過去無量阿僧祇劫。南無尸棄佛。南無毘舍佛。南無拘留孫佛。南無拘舍牟尼佛。南無迦葉佛。南無本師釋迦牟尼佛。南無當來變佛。南無七十一字。此下甲本有集諸大法師集撰八字。法十(第三十八)②一切二諸②合十(宅)②(救)十護②作十(大)②明十(照)②燈十(明)②法十(門)②一切二於諸②依二命如是②願二誓②諸二厄②生十(一拜)②已通一願十一字一②四三十九②(又願)一②各自發二已發迴向竟次復願須發②(夫)十衆②爲二知②初二先②眼常不見如是二惟願②惡不善之色二生從今日去②願眼常二眼常願眼常得②(一切)一②

身散體遍滿十方之色。常見諸佛放肉髻光  
感。有緣來會之色。又願眼常見十方菩薩  
辟支羅漢衆聖之色。常得與諸衆生及諸眷  
屬觀佛之色。常見衆善無欺假色。常見七覺  
淨華之色。常見解脫妙果之色。常見今日道  
場大衆歡喜讚法頂受之色。常見四衆圍繞  
聽法渴仰之色。常見一切布施持戒忍辱精  
進之色。常見一切靜默禪思。修習慧之色。常  
見一切衆生得無生忍現前受記歡喜之色。常  
見一切登金剛慧斷無明補處之色。常見  
一切沐浴法流不退之色。已發眼根願竟。相  
與至心五體投地。歸依世間大慈悲父

南無彌勒佛 南無釋迦牟尼佛 南無善  
寂佛 南無梵命佛 南無智喜佛 南  
無神。相佛 南無如來王佛 南無持地  
佛 南無愛日佛 南無羅睺月佛 南無  
華明佛 南無藥師佛 南無持勢。力佛  
南無福德明佛 南無喜明佛 南無好音  
佛 南無法自在佛 南無梵音佛 南無  
妙音菩薩 南無大勢至菩薩 南無無邊  
身菩薩 南無觀世音菩薩

又復歸依如是十方盡虛空界一切三寶  
願以慈悲力同加護護令 某甲等得如所願滿  
菩提願 一拜  
次發耳根願

又願今日道場同業大衆。廣及十方四生六  
道一切衆生。從今日去乃至菩提。耳常不聞  
啼哭愁苦悲泣之聲。不聞無間地獄受苦之  
聲。不聞鐵湯雷沸。振響之聲。不聞刀山劍樹

鋒刃割裂之聲。不聞十八地獄間隔無量苦楚  
之聲。又願從今日去耳常不聞餓鬼飢渴熱  
惱求食不得之聲。不聞餓鬼行動節間火然  
作五百車聲。又願從今日去耳常不聞畜生  
身大五百由旬爲諸小虫嚼食苦痛之聲。不聞  
抵債不還生。駝駝驢馬。牛身常負重鞭杖楚  
撻困苦之聲。耳常不聞愛別離憎會等八  
苦之聲。不聞四百四病苦報之聲。不聞一切諸  
惡不善之聲。不聞鐘鈴螺鼓琴瑟笙簧琳瑯  
玉珮惑人之聲。唯願一切衆生從今日去耳  
常得聞諸佛說法八種音聲。常聞無常苦空  
無我之聲。常聞八萬四千波羅蜜聲。常聞假  
名諸法無性之聲。常聞諸佛一音說法各得解

之聲。常聞一切衆生皆有佛性法身常住不滅  
之聲。常聞十地菩薩忍。音修進之聲。常聞得  
無生解善入佛慧。出三界之聲。常聞諸法身  
菩薩入法流水真俗並觀念念具足萬行之  
聲。常聞十方辟支羅漢四果之聲。常聞帝釋  
爲諸天說般若之聲。常聞十地補處大士在  
兜率宮說法不退轉地。行之聲。常聞萬善  
同歸得佛之聲。常聞諸佛讚歎一切衆生能行  
十善隨喜之聲。願諸衆生常聞諸佛讚言善  
哉是人不久成佛之聲。已發耳根願竟。相與  
至心五體投地。重復歸依世間大慈悲父

南無彌勒佛 南無釋迦牟尼佛 南無善  
業佛 南無意無謬佛 南無大施佛 南  
無名讚佛 南無衆相佛 南無德流布  
佛 南無世自在佛 南無德樹佛 南無  
滅癡佛 南無無量佛 南無善月佛

南無無邊辯相佛 南無寶月菩薩 南無  
月光菩薩 南無無邊身菩薩 南無觀世  
音菩薩

又復歸依如是十方盡虛空界一切三寶  
願以慈悲力同加護護令 某甲等得如所願滿  
菩提願

次發鼻根願

又願今日道場同業大衆。廣及六道一切衆  
生。從今日去乃至菩提。鼻常不聞殺生。噉味  
飲食之氣。不聞敗壞放火燒害衆生之氣。不  
聞蒸煮熬炙衆生之氣。不聞三十六物革囊臭  
處之氣。不聞錦綺羅縠惑人之氣。又願鼻不  
聞地獄剝裂焦爛之氣。不聞餓鬼飢渴飲食  
糞穢膿血之氣。不聞畜生腥臊不淨之氣。不  
聞病臥床席無人看視瘡壞難近之氣。不聞  
大小便利臭穢之氣。不聞死屍腥脹虫食爛  
壞之氣。唯願大衆六道衆生從今日去。鼻常  
得聞十方世界牛頭旛檀無價之香。常聞優  
曇鉢羅五色華香。常聞歡喜園中諸樹華香。  
常聞兜率天宮說法時香。常聞妙法堂上遊  
戲時香。常聞十方衆生行五戒十善六念之  
香。常聞一切七方便人十六行香。常聞十方  
辟支學無學人衆德之香。常聞四果四向得  
無漏香。常聞無量菩薩歡喜離垢發光焰慧  
難勝。遠行。現前不動善慧法雲之香。常聞  
衆聖戒定慧解脫解脫見五分法身之香。  
常聞諸佛菩提之香。常聞三十七品十二緣觀  
六度之香。常聞大悲三念十力四無所畏十八  
不共法香。常聞八萬四千諸波羅蜜香。常聞

①(於)十有②③[又願眼]一④⑤修十(智)⑥⑦寂二滅⑧⑨命二相⑩⑪相二明⑫⑬師十(上)⑭⑮[力]一⑯⑰寶十(一拜)  
⑱⑲[一拜]一⑳㉑振二震㉒㉓[又願從今日去耳常]一㉔㉕節間一支節㉖㉗[又願]一㉘㉙[常]八字㉚㉛[常]十(中)  
㉜㉝[耳常]一㉞㉟瑞玉佩二琅玉佩㊱㊲唯二惟㊳㊴(悟之)十聲㊵㊶香二聲㊷㊸[超]十出㊹㊺[法]一㊻㊼[法]十  
行㊽㊾名二明㊿滅癡二斷疑㊿寶十(一拜)㊿願十(一拜)㊿(十方四生)十六㊿修二莊㊿[又願鼻]  
一㊿(遠行)㊿(現前)㊿



十方無量妙極法身常住之香。已發鼻根願竟。相與。至心五體投地。歸依世間大慈悲父。

南無彌勒佛 南無釋迦牟尼佛 南無藥

陀法佛 南無應供養佛 南無度愛佛

南無樂安佛 南無世意佛 南無愛身佛

南無妙足佛 南無優鉢羅佛 南無華嚴

佛 南無無邊身菩薩 南無信聖佛 南

無德精進佛 南無妙德菩薩 南無金剛

藏菩薩 南無無邊身菩薩 南無觀世音

菩薩

又復歸依如是十方盡虛空界一切三寶。願以慈悲力同加攝受。令某甲等得如所願滿菩提願。

次發舌根願

又願今日道場同業大眾。廣及十方四生。六

道一切衆生。從今以去乃至菩提。舌恒不肯

傷殺一切衆生身體之味。不肯一切自死之

味。不肯生類血髓之味。不肯怨家對主毒藥

之味。不肯一切能生貪愛煩惱。滋味之味。願

舌恒甘露百種美味。恒嘗諸自然飲食

之味。恒嘗香積香飯之味。恒嘗諸佛所食之

味。恒嘗法身戒定慧之所熏修所現食味。恒

嘗法喜禪悅之味。恒嘗無量功德滋治慧命

甜和之味。恒嘗解脫一味等味。恒嘗諸佛泥

洹至樂最上勝味之味。已發舌根願竟。相與

至心五體投地。歸依世間大慈悲父。

實佛 南無天主佛 南無高音佛 南

無信淨佛 南無婆耆羅陀佛 南無福德

意佛 南無焰熾佛 南無無邊德佛 南

無聚成佛 南無師子遊佛 南無不動佛

南無信清淨佛 南無虛空藏菩薩 南無

薩陀波輪菩薩 南無無邊身菩薩 南

無觀世音菩薩

又復歸依如是十方盡虛空界一切三寶。願以慈悲力哀愍覆護。令某甲等得如所願滿菩提願。

次發身根願

又願今日道場同業大眾。廣及十方一切衆

生。從今日去乃至菩提。身常不覺五欲邪媚

之觸。不覺鐵湯爐炭火寒水等觸。不覺餓鬼

頭上火然烱爛口焦爛之觸。不覺畜生剝

裂苦楚之觸。不覺四百四病諸苦之觸。不覺

大熱大寒難耐之觸。不覺蚊蚋蚤蟲諸虫之

觸。不覺刀杖毒藥加害之觸。不覺飢渴困苦

一切諸觸。願身常覺諸天妙衣之觸。常覺自

然甘露之觸。常覺清涼不寒不熱之觸。常覺

不飢不渴無病無惱休強之觸。常覺臥安覺

安無憂無怖之觸。常覺十方諸佛淨土微風

吹身之觸。常覺十方諸佛淨國七寶浴池洗

濯身心之觸。常覺無老病死諸苦之觸。常覺

飛行自在與諸菩薩聽法之觸。常覺諸佛涅

槃八自在觸。已發身根願竟。相與至心五體

投地。歸依世間大慈悲父。

明佛 南無龍音佛 南無持輪佛 南

無財成佛 南無世愛佛 南無法名佛

南無無量寶名佛 南無雲相佛 南無

慧道佛 南無妙香佛 南無虛空音佛

南無虛空佛 南無越三界菩薩 南無跋

陀婆羅菩薩 南無無邊身菩薩 南無觀

世音菩薩

又復歸依如是十方盡虛空界一切三寶。願以慈悲力覆護攝受。令某甲等得如所願滿菩提願。

次發意根願

又願今日道場同業大眾。廣及十方一切衆

生。從今日去乃至菩提。意常得知貪欲瞋恚

愚癡爲患。常知身殺盜淫妄言綺語兩舌惡

口爲患。常知殺父害母殺阿羅漢出佛身血

破和合衆是無間罪。常知謗佛法僧不信

因果人死更生報應之法。常知遠惡知識親

近善友。常知諸受九十六種邪師之法爲非

常知三漏五蓋十纏之法是障。常知三途可

畏生死酷劇苦報之處。願意常知一切衆生

皆有佛性。常知諸佛是大慈悲父無上賢王。

一切尊法爲諸衆生病之良藥。一切賢聖爲

諸衆生看病之母。願意常知歸依三寶應受

五戒次行十善。如是等法能招天上人中勝

報。常知未免生死應修七方便觀願頂法

等。常知應行無漏苦忍十六聖心。先修十六

行觀觀四真諦。常知四諦平等無相故成四

①至三志 ②寶十(一拜) ③願十(一拜) ④惡二寬 ⑤味十(之味) ⑥諸十(天) ⑦之(之所) ⑧至三志 ⑨(樂)十高  
⑩輪二諦 ⑪寶十(一拜) ⑫願十(一拜) ⑬(四生六道)十一 ⑭寒水二灰河 ⑮之二信 ⑯諸二道 ⑰(常  
覺無有刀杖苦楚之觸)十當 ⑱憂無二諸憂 ⑲國二主 ⑳音十(五) ㉑輪十(妙) ㉒名二明 ㉓寶十(一拜) ㉔  
願十(一拜) ㉕(四生六道)十一 ㉖(是無知)六字(佛佛...果)八字 ㉗途二宜 ㉘(願意)一 ㉙法等二等法

萬諸行。常知斷除八萬四千塵勞。常知體會無生必斷生死。常知十住階品次第具足。常知以金剛心斷無明闇得無上果。常知體極一照萬德圓滿果。都盡成大涅槃。常知佛地十力四無所畏十八不共無量功德。無量善法。已發意根願竟。相與至心五體投地。歸依世間大慈悲父。

南無彌勒佛 南無釋迦牟尼佛 南無天王佛 南無淨佛 南無善財佛 南無燈焰佛 南無寶音佛 南無人主王佛 南無羅睺守佛 南無安隱佛 南無師子意佛 南無寶名聞佛 南無得利佛 南無遍見佛 南無馬鳴菩薩 南無龍樹菩薩 南無無邊身菩薩 南無觀世音菩薩 又復歸依如是十方盡虛空界一切三寶 願以慈悲心哀愍。覆護攝受。令 甲等得如所願滿菩提。願

次發口願 又願。大眾。廣及十方。一切衆生。從今日去。乃至菩提。口常不毀三寶。不謗弘通。經人說其過惡。不言作善不得樂報作惡不得苦果。不言人死斷滅不復更生。不說無利益損他人事。不說邪見外道所造經書。不教人作十惡業。不教人造五逆惡業。不稱揚人惡。不言俗間無趣好戲笑事。不教人僻信邪惡鬼神。不評論人物好醜。不瞋罵父母師長善友。不勸人造罪。不斷人作福。願口常讚歎三寶。讚歎弘通法人說其功德。示人善惡果報。常說悟人身死神明不滅。常發善言使人利益。

常說如來尊經十二部。常言一切衆生皆有佛性。當得常樂我淨。常教人孝事父母。恭敬師長。常勸人歸依三寶。受持五戒十善六念。常誦誦經典。誦說諸善。常教人近善知識。遠惡知識。願口常說十住佛地無量功德。使人修淨土行莊嚴極果。常教人勸禮三寶。常教人建立形像修諸供養。常教人作諸善事。如救頭然。常教人救窮濟苦無暫停息。已發口願竟。相與至心五體投地。歸依世間大慈悲父。

南無彌勒佛 南無釋迦牟尼佛 南無世華佛 南無高頂佛 南無無偏辯才佛 南無差別知見佛 南無師子牙佛 南無梨陀步佛 南無福德佛 南無法燈菩薩 南無目連連佛 南無無憂國佛 南無無意思佛 南無樂善提佛 南無師子遊戲菩薩 南無師子奮迅菩薩 南無無邊身菩薩 南無觀世音菩薩 又復歸依如是十方盡虛空界一切三寶 願以慈悲力覆護攝受。令 甲等得如所願滿菩提。願

諸行法門 又願十方盡虛空界四生六道一切衆生。從今發願之後。各能具足諸行法門。篤信三寶。愛敬法門。不懷疑惑堅固法門。欲斷起惡勤機法門。欲願清淨念悔法門。自心清淨護身法門。永淨四事護口法門。不毀三業謹意法門。具足所願善提法門。第一不害悲心法門。化使立德慈心法門。不毀他人歡喜法門。不

欺他人至誠法門。欲滅三途三寶法門。終不虛妄真實法門。不慢彼我捨害法門。無有猶豫棄結法門。斷斷惡意無諍法門。奉行平等應正法門 又願衆生具足如是無量法門

心趣法門觀心如幻。意斷法門捨不善本。神足法門身心輕便。信根法門不願退。進根法門不捨善軌。念根法門善造道業。定根法門攝心正道。慧根法門觀無常空。信力法門越魔威勢。進力法門一去不還。念力法門未曾忘捨。定力法門滅衆妄想。慧力法門周旋往來。進覺法門積行佛道。正定法門遠得三昧。淨性法門不樂餘乘

願諸衆生悉具菩薩摩訶薩諸如是等八萬法門。清淨佛土勸化憐愍。悉度衆惡八難之處。攝諸諍訟瞋恚之人。勸行衆善攝懷忘者。定意神通攝諸亂想。已發願竟。相與至心五體投地。歸依世間大慈悲父

南無彌勒佛 南無釋迦牟尼佛 南無天敬佛 南無斷勢力佛 南無極勢力佛 南無慧華佛 南無堅音佛 南無安樂佛 南無妙義佛 南無愛淨佛 南無無愧顏佛 南無妙髻佛 南無欲樂佛 南無樓志佛 南無樂王菩薩 南無樂上菩薩 南無無邊身菩薩 南無觀世音菩薩 又復歸依如是十方盡虛空界一切三寶 願以慈悲力救護攝受。令三界六道四生衆生。以今慈悲道場懺法發心發願功德因緣。

①量十(智慧無量)②音十(聲)③(護護)一④願十(一拜)⑤(今日道場同業)十大⑥方十(世界)⑦(四生六道)十一⑧(口)十不⑨經二法⑩思二惡⑪業二罪⑫(師)十鬼⑬慈經十二部二十二部經⑭事二業⑮我教二教事⑯明說諸善二說諸善事⑰(願口)一⑱(常)十使⑲窮濟二濟窮⑳偏辯文二辯辯⑳達辯文成⑳普二蓋⑳寶十(一拜)⑳愛二恭⑳自心清淨二不毀三業⑳不毀三業二息心清淨⑳第一二一切⑳根一輪⑳(諸)一⑳(南無法...佛)十二字⑳(南無極...佛)十一字⑳(力)一⑳志二至⑳寶十(一拜)

各各具足功德智慧，以神通力隨心自在。  
已發願意大應囑累流通

囑累第五

今日道場同業大眾，相與已爲六道四生衆生發誓願竟。大以衆生付囑諸大菩薩，願以慈悲心同加攝受。以今懺悔發願功德因緣，令一切衆生悉皆樂求無上福田，深信施佛有無量報。令一切衆生一心向佛，具得無量清淨果報。願一切衆生於諸佛所無慳吝心，具足大施無所愛惜。又願一切衆生於諸佛所修無上福田，離二乘願行菩薩道，得諸如來無礙解脫一切種智。又願一切衆生於諸佛所種無盡善根，得佛無量功德智慧。又願一切衆生攝取深慧，具足清淨無上智王。又願一切衆生所遊自在，得諸如來至一切處無礙神力。又願一切衆生攝取大乘，得無量種智安住不動。又願一切衆生具足成就第一福田，皆能出生一切智地。又願一切衆生於一切佛無嫌恨心，種諸善根樂求佛智。又願一切衆生以妙方便，往詣一切莊嚴佛刹。於一念中，深入法界而無疲倦。又願一切衆生得無比身，盡能遍遊十方世界而無疲厭。又願一切衆生成廣大身得隨意行。得一切佛神力莊嚴究竟彼岸。於一念中顯現如來自在神力遍虛空界。已發如是大願竟，廣大如法性，究竟如虛空。願一切衆生得如所願滿菩提願，相與至心五體投地。  
甲等若受苦報不能救衆生者，以衆生囑累無量無邊盡虛空界無生法身菩薩 無量

無邊盡虛空界無漏色身菩薩 無量無邊盡虛空界發心菩薩 興正法馬鳴大師菩薩 興像法龍樹大師菩薩 十方盡虛空界無邊身菩薩 十方盡虛空界救苦觀世音菩薩 文殊師利菩薩 普賢菩薩 師子遊戲菩薩 師子奮迅菩薩 師子瞻菩薩 師子作菩薩 堅勇精進菩薩 金剛慧菩薩 棄陰蓋菩薩 寂根菩薩 慧上菩薩 常不離世菩薩 藥王菩薩 藥上菩薩 虛空藏菩薩 金剛藏菩薩 常精進菩薩 不休息菩薩 妙音菩薩 妙德菩薩 寶月菩薩 月光菩薩 薩陀波輪菩薩 越三界菩薩

又復囑累如是十方盡虛空界一切菩薩。願諸菩薩摩訶薩，以本願力誓度衆生力，攝受十方無窮無盡一切衆生，願諸菩薩摩訶薩，不捨一切衆生同善知識，無分別相願一切衆生知菩薩恩親近供養。願諸菩薩慈愍攝受，令諸衆生得正直心，隨逐菩薩不相遠離。願一切衆生隨菩薩教不生違反，得堅固心不捨善知識，離一切垢心不可壞，令諸衆生爲善知識，不惜身命，悉捨一切不達其教。令諸衆生修習大慈，遠離諸惡，聞佛正法悉能受持。令諸衆生同諸菩薩善根業報，菩薩行願究竟清淨，具足神通隨意自在。乘於大乘乃至究竟一切種智，於其中間無有懈怠，乘智慧乘至安隱處，得無礙乘究竟自在。從始至未歸依三寶斷疑生信懺悔發心，願果報出地獄，解怨自慶，發願迴向，乃至囑累。

所有功德悉以布施十方盡虛空界一切衆生

彌勒世尊現爲我證。十方諸佛哀愍覆護，所悔所願皆得成就。願諸衆生同慈悲心俱生此國。預在初會聞法悟道，功德智慧一切具足。與諸菩薩等無有異，入金剛心成等正覺。

讚佛呪願

多陀阿伽度阿羅訶三藐三佛陀三德具足，度人無量拔生死苦。以今懺悔禮佛功德因緣，願諸衆生各各具足，得如所願滿菩提。願甲等今日所發誓願，悉同十方盡虛空界一切諸佛諸大菩薩所有誓願，不可窮盡。我今誓願亦復如是，廣大如法性，究竟如虛空。窮未來際盡一切劫，衆生不可盡，我願不可盡。世界不可盡，我願不可盡。虛空不可盡，我願不可盡。法性不可盡，我願不可盡。涅槃不可盡，我願不可盡。佛出世不可盡，我願不可盡。諸佛智慧不可盡，我願不可盡。心緣不可盡，我願不可盡。起智不可盡，我願不可盡。世間道種法道種種智慧道種種不可盡，我願不可盡。若十種可盡，我願乃可盡。一切和南三乘聖衆。

慈悲道場懺法卷第十

No. 1910

御製水懺序

夫三昧水懺者，因唐悟達國師知玄，遇迦諾

①在十(一拜) ②[已發通]十字一 ③五二四一 ④(又願以慈悲念力)十 ⑤(遊)十自 ⑥地十(前) ⑦(諸)十衆 ⑧[救苦]一 ⑨輪二 ⑩(諸)十善 ⑪相二想 ⑫諸二一切 ⑬息二 ⑭在十(一拜) ⑮從始至未二始從 ⑯乃二終 ⑰生十(仰願) ⑱覺十(一拜) ⑲三德二十 ⑳諸佛菩薩所有誓願十不 ㉑衆十(一拜) ㉒明萬曆十八年刊增上寺報恩藏本

迦尊者以三昧水為灌積世怨讐。知玄遂演大覺之旨。述為懺文。普利將來甚盛心也。其為福德莫可涯涘。所謂三昧者。正受之名也。不受諸受乃為正受。真空寂定此心不動。其要使人求之於己而已。蓋人之生於世也。自非上智之資。豈能無故作誤為之愆。或宿世冤業之繞。如來廣慈悲之念。啓懺悔之門。苟能精白一心懺悔。為善則積累罪業一旦冰釋。譬諸水也。身之煩而濯之無不清。衣之汚而滌之無不潔。器之穢而溉之無不淨。其幾不踰於方寸之間而已矣。故曰。心者身之神明。所為善則善應。所為惡則惡應。若影之隨形。響之隨聲。其效驗之捷速不爽毫髮。此三昧水懺之作。所以利於人也。其功博哉。恒惟知玄以十世高僧尚負宿報。矧常人乎。昔孫皓穢犯金像。陰遭譴罰。懺悔自陳。禍即消釋。法佐交車。議師不慎。幽獨。師重加責。以懺獲免。若此者固多。凡人揆之于心。豈能無愧。匪由懺悔。曷以滌除端能趨進善途。一絲惡念不萌於心。則舊禍潛消。福德增長。若雨潤群卉。生息繁茂。目雖不覩。而陰受其滋益者多矣。然則三昧者。其惟在於人心。而不必他求也。朕遂書此。以冠于篇。并以鐫梓。作方便利益。是為汲大海之三昧。以遍周沙界。灌濯塵劫者也。觀於斯者。尚慎其所趨向哉。

永樂十四年七月初一日

### 慈悲道場水懺序

竊謂聖教經律論藏譯席所翻之外。爾後群賢製作。未有無所感而為之者。平若條陳枚舉品別而言。未易紀極。即此靈文。而口水懺者。請言其由。昔唐懿宗朝。有悟達國師。知玄者。未顯時。嘗與一僧。還迨於京師。忘其所寓之地。其僧乃患迦摩羅疾。衆皆惡之。而知玄與之為隣。時時顧問。略無厭色。因分袂。其僧感其風義。祝之曰。子向後有難。可往西蜀彭州茶隴山。相尋其山。有二松。為誌。後悟達國師居安國寺。道德昭著。懿宗親臨法席。賜沈香為法座。恩渥甚厚。自爾忽生人而瘡於膝上。眉目口齒俱備。每以飲食餒之。則開口吞啖。與人無異。還召名醫。皆拱手默歎。因記昔日同住僧之語。竟入山相尋。值天色已晚。彷徨四顧。乃見二松於煙雲間。信期約之不誣。即趨其所。崇樓廣殿。金碧交輝。其僧立於門首。顧接甚歡。因留宿。遂以所苦告之。彼云。無傷也。巖下有泉。明旦濯之。即愈。黎明童子引至泉所。方掬水。問其人面瘡。遂大呼。未可洗。公識達深遠。考究古今。曾讀西漢書。袁盎屍錯傳。否曰。曾讀既曾讀之事。不知袁盎殺屍錯乎。公即哀盎。吾即屍錯也。錯腰斬東市。其冤為何如。哉。累世求報於公。而公十世為高僧。戒律精嚴。報不得其便。今汝受人主龍。過過奢名利心。起於德有損。故能害之。今蒙迦諾。迦尊者洗我。以三昧法水。自此以往。不復與汝為冤矣。悟達聞之。凜然魂不住。體連忙掬水洗之。其痛徹髓。絕

而復甦。覺來其瘡不見。乃知聖賢混跡非凡。情所測。再欲瞻敬。回顧寺宇。不可復見。因卓菴其所。遂成招提。迨我宋朝。至道年中。賜名至德禪寺。有高僧信師。古作記紀其事。甚詳。悟達當時感其殊異。深思積世之冤。非遇聖人。何由得釋。因述為懺法。朝夕禮誦。後傳播天下。今之懺文三卷者。乃斯文也。蓋取三昧水洗冤業為義。命名曰水懺。此悟達感迦諾之異。應正名立義。報本而為之云耳。今輒叙夫故實。標顯先猷。庶幾開卷若誦者。知前賢事跡之有端由。歷劫果因之不昧也。

#### 啓運慈悲道場懺法

一心歸命三世諸佛 南無過去毘婆尸佛  
南無尸棄佛 南無毘舍浮佛 南無拘留孫佛 南無拘那含牟尼佛 南無迦葉佛 南無本師釋迦牟尼佛 南無當來彌勒尊佛

#### 慈悲水懺法卷上

一切諸佛。慈念衆生。為說水懺道場總法。佛言。衆生垢重。何人無罪。何者無愆。凡夫愚行。無明闇覆。親近惡友。煩惱亂心。立性無知。恣心自恃。不信十方諸佛。不信尊法聖僧。不孝父母。六親眷屬。盛年放逸。以自憍慢。貪一切財寶。貪一切歌樂。貪一切女色。心生貪戀。意起煩惱。親近非聖。憐憐惡友。不知懺悔。或殺害一切衆生。或飲酒昏迷。無智慧心。今日披誠。一一懺悔。過去諸罪。現作衆惡。今日志誠。悉皆懺悔。未作之罪。不敢更作。弟子某甲等。今日志心。歸依十方盡虛空界一切諸佛。諸

大菩薩摩訶薩支離漢四果四向。梵王帝釋。天龍八部一切眾來願垂證驗。

南無毘盧遮那佛 南無本師釋迦牟尼佛

南無阿彌陀佛 南無彌勒佛 南無龍

種上尊王佛 南無龍自在王佛 南無寶

勝佛 南無覺華定自在王佛 南無製

幢佛 南無師子吼佛 南無文殊師利菩

薩 南無普賢菩薩 南無大勢至菩薩

南無地藏菩薩 南無大莊嚴菩薩 南無

觀自在菩薩

禮諸佛已。次復懺悔。夫欲懺悔。必須先敬三

寶所以然者。三寶即是一切眾生良友福田。

若能歸向者則滅無量罪。長無量福。能令行

者離生死苦得解脫樂。是故弟子某甲等

歸依十方盡虛空界一切諸佛。歸依十方盡

虛空界一切尊法。歸依十方盡虛空界一切

聖僧

弟子今日所以懺悔者。正言。無始以來在凡

夫地。其間貴賤罪自無量。或因三業而生罪。

或從六根而起過。或以內心自邪思惟。或藉

外境起於染著。如是乃至十惡增長。八萬四

千諸塵勞門。然其罪相雖復無量。大為憐

不出有三。一者煩惱。二者是業。三者是果報。

此三種法能障聖道及以人天勝妙好事。是

故經中目為三障。所以諸佛菩薩。教作方便

懺悔除滅。此三障者。則六根十惡。乃至八萬

四千諸塵勞門皆悉清淨。是故弟子某甲等。

今日運此增上勝心懺悔三障。欲滅三障者。

當用何等心。可令此障滅除。先當與七種心

以為方便。然後此障乃可得滅。何等為七。一

者慚愧。二者恐怖。三者厭離。四者發菩提心。

五者怨親平等。六者念報佛恩。七者觀罪性

空。第一慚愧者。自惟。我與釋迦如來。同為凡

夫。而今世尊成道以來。已經爾所塵沙劫數。

而我等相與耽。染六塵輪轉生死永無出期。

此實天下可慚可愧可羞可恥。第二恐怖者。

既是凡夫身口意業常與罪相應。是以因緣

命終之後。應墮地獄畜生餓鬼受無量苦。如

此實為可驚可怖可懼。第三厭離者。相

與常觀生死之中。唯有無常苦空無我。不淨

虛假如水土泡。速起速滅。往來流轉猶如車

輪。生老病死八苦交煎。無時暫息。眾等相與

但觀自身。從頭至足。其中但有三十六物。髮

毛爪齒涕淚涕唾垢汗二便皮膚血肉筋脈骨

髓肪膏腦膜脾腎心肺肝膽腸胃赤白痰癰生

熱二藏。如是九孔常流。是故經言。此身衆苦

所集。一切皆是不淨。何有智者而當樂此

身生死。既有如此種種惡法。甚可患厭。第四

發菩提心者。經言。當樂佛身。佛身者。即法

身也。從無量功德智慧生。從六波羅蜜生。從

慈悲喜捨生。從三十七助菩提法生。從如是

等種種功德智慧生如來身。欲得此身者。當

發菩提心求一切種智。當樂我淨薩婆若果。

淨佛國土成就衆生。於身命財無所吝惜。第

五怨親平等者。於一切衆生。起慈悲心無彼

我相。何以故。爾若見怨異於親即是分別。以

分別故起諸相著。相著因緣生諸煩惱。煩惱

因緣造諸惡業。惡業因緣故得苦果。第六念

報佛恩者。如來往昔無量劫中。捨頭目髓腦

支節手足。國城妻子象馬七珍。為我等故修

諸苦行。此恩此德實難酬報。是故經言。若以

頂戴兩肩荷負。於恒沙劫亦不能報。我等欲

報如是恩者。當於此世勇猛精進。捍勞忍苦

不惜身命。建立三寶弘通大乘。廣化衆生同

入正覺。第七觀罪性空者。罪無自性從因緣

生。顛倒而有。既從因緣而生。則可從因緣而

滅。從因緣而生者。狎近惡友造作無端從因

緣而滅者。即是今日洗心懺悔。是故經言。此

罪性不在內。不在外。不在中間。故知此罪從

本是空生。如是等七種心已緣想十方諸佛

賢聖擊拏合掌。披陳至到慚愧改革。舒歷心

肝洗滌腸胃。如此懺悔亦何罪而不滅。亦何

福而不生。若復不爾。悠悠緩縱縱情慮躁動。徒

自勞形於事何益。且復人命無常。喻如轉燭。

一息不還便同灰壤。三塗苦報即身膺受。不

可以錢財寶貨囑託求脫。杳杳冥冥恩赦無

期。獨嬰此苦無代受者。莫言我今生中無有

此罪。所以不能懇懺懺悔。經中謂言。凡夫之

人舉足動步無非是罪。又復過去生中皆悉

成就無量惡業。追逐行者如影隨形。若不懺

悔罪惡日深故知包藏瑕垢佛不許可說。悔

先罪淨名所尚。故使長淪苦海實由隱覆。是

故弟子某甲今日發露懺悔不復覆藏。所言

三障者。一曰煩惱。二名爲業。三是果報。此三

種法更相由藉。因煩惱故所以起諸惡業。惡

業因緣故得苦果。是故弟子某甲今日至心

懺悔。第一先應懺悔煩惱障。而此煩惱皆從

意起。所以者何。意業起故。則身與口隨之而動。意業有三。一者慳貪。二者瞋恚。三者癡闇。由癡闇故起諸邪見造諸不善。是故經言。貪瞋癡業能令衆生墮於地獄餓鬼畜生受苦。若生人中得貧窮孤露兇狠頑鈍。愚迷無知諸煩惱報。意業既有如此惡果。是故某甲等今日至心歸命諸佛。求哀懺悔。夫此煩惱諸佛菩薩入理聖人種種訶責。亦名此煩惱以爲怨家。何以故。能斷衆生慧命根故。亦名此煩惱以爲賊。能劫衆生諸善法故。亦名此煩惱以爲瀑河。能漂衆生入於生死大苦海故。亦名此煩惱以爲羈鎖。能繫衆生於生死獄不能得出故。所以六道牽連四生不絕。惡業無窮苦果不息。當知皆是煩惱過患。是故今日運此增上善心求哀懺悔。某甲等自從無始以來至于今日。或在人天六道受報。有此心誠常懷慙惑繁滿胸膺。或因三毒根造一切罪。或因三漏造一切罪。或因三苦造一切罪。或因三倒造一切罪。或貪三有造一切罪。如是等罪無量無邊。惱亂一切六道四生。今日慙愧皆悉懺悔。又復某甲等自從無始以來至于今日。或因四識住造一切罪。或因四流造一切罪。或因四取造一切罪。或因四執造一切罪。或因四緣造一切罪。或因四造一切罪。或因四縛造一切罪。或因四貪造一切罪。或因四生造一切罪。如是等罪無量無邊。惱亂六道一切衆生。今日慙愧皆悉懺悔。又復某甲等自從無始以來至于今日。或因五住地煩惱造一切罪。或因五蓋造一

切罪。或因五慳造一切罪。或因五見造一切罪。或因五心造一切罪。如是等煩惱無量無邊。惱亂六道一切衆生。今日發露皆悉懺悔。又復某甲等自從無始以來至于今日。或因六情根造一切罪。或因六識造一切罪。或因六想造一切罪。或因六受造一切罪。或因六行造一切罪。或因六愛造一切罪。或因六疑造一切罪。如是等煩惱無量無邊。惱亂六道一切衆生。今日慙愧發露皆悉懺悔。又復某甲等自從無始以來至于今日。或因七漏造一切罪。或因七使造一切罪。或因八倒造一切罪。或因八垢造一切罪。或因八苦造一切罪。如是等煩惱無量無邊。惱亂六道一切衆生。今日發露皆悉懺悔。又復某甲等自從無始以來至于今日。或因九結造一切罪。或因九緣造一切罪。或因十煩惱造一切罪。或因十纏造一切罪。或因十遍使造一切罪。或因十二入造一切罪。或因十六知見造一切罪。或因十八界造一切罪。或因二十五我造一切罪。或因六十二見造一切罪。或因見。諦思惟九十八使百八煩惱。晝夜熾然開諸漏門。造一切罪。惱亂賢聖。及以四生。遍滿三界。彌亘六道。無處可避。今日至禱向十方佛尊法聖衆。慙愧發露皆悉懺悔。願某甲等承是懺悔。三毒一切煩惱所生功德。生生世世。三慧明三達朗。三苦滅三願滿。願承是懺悔。四識等一切煩惱所生功德。生生世世廣四等心立四信業。滅四惡趣得四無畏。願承是懺悔。五蓋等諸煩惱所生

功德度五道豎五根。淨五眼成五分。願承是懺悔。六受等諸煩惱所生功德。生生世世具足六神通。滿足六度業不爲六塵惑。常行六妙行。又願承是懺悔。七漏八垢九結十纏等一切諸煩惱所生功德。生生世世坐七淨華。洗八解水。具九斷智。成十地行。願以懺悔十一遍使及十二入十八界等一切諸煩惱所生功德。願十一空。能解常用栖心自在。能轉十二行法輪。具足十八不共之法。無量功德一切圓滿。發願已歸命禮諸佛

南無毘盧遮那佛 南無本師釋迦牟尼佛  
南無阿彌陀佛 南無彌勒佛 南無龍種上尊王佛 南無龍自在王佛 南無寶勝佛 南無覺華自在王佛 南無袈裟幢佛 南無師子吼佛 南無文殊師利菩薩 南無普賢菩薩 南無大勢至菩薩 南無地藏菩薩 南無大莊嚴菩薩 南無觀自在菩薩

禮諸佛已。次復懺悔。夫論懺悔者。本是改往修來。滅惡興善。人之居世。誰能無過。學人失念。尙起煩惱。羅漢結習。動身口業。豈況凡夫。而當無過。但智者先覺。便能改悔。愚者覆藏。遂使滋蔓。所以積習長夜。曉悟無期。若能慙愧發露懺悔者。豈唯止是滅罪。亦復增長無量功德。豈立如來涅槃妙果。若欲行此法者。先當外肅形儀。瞻奉尊像。內起敬意。緣於想法。懇切至禱。生二種心。何等爲二。一者自念。我此形命。難可常保。一朝散壞。不知此身何時可復。若復不愼。諸佛賢聖。忽逢惡友造

衆罪業。復應墮落深坑險趣。二者自念。我此生中。雖得值遇如來正法。不爲佛法紹繼聖種。淨身口意善法自居。而今我等私自作惡。而復覆藏。言他不知。謂彼不見。隱隱在心。傲然無愧。此實天下愚惑之甚。卽今現有十方諸佛。諸大菩薩。諸天神仙。何曾不以清淨天眼。見於我等所作罪惡。又復顯顯靈祇。注記罪福。纖毫無差。夫論作罪之人。命終之後。牛頭獄卒。錄其精神。在閻羅王所。辯駁是非。當爾之時。一切怨對。皆來證據。各言汝先屠戮我身。炮煮蒸炙。或先剝奪於我一切財寶。離我眷屬。我於今日始得汝便。於時現前證據。何得敢諱。唯應甘心分受宿殃。如經所明。地獄之中。不枉治人。若其平素所作衆罪。心自忘失者。臨命終時。造惡之處。一切諸相。皆現在前。各言汝昔在於我邊。作如是罪。今何得諱。是時作罪之人。無藏隱處。於是閻羅王切齒訶責。將付地獄。歷無量劫。求出莫由。此事不遠不關他人。正是我身自作自受。雖父子至親。一旦對至無代受者。我等相與得此人。身體無衆疾。各自努力。與性命競。大怖至時。悔無所及。是故至心求哀懺悔。某甲等自從無始以來。至于今日。積聚無明障蔽心。隨煩惱性。造三世罪。或耽染愛著。起貪欲煩惱。或瞋恚忿怒。懷害煩惱。或心慣憍慢。不了煩惱。或我慢自高。輕傲煩惱。疑惑正道。猶豫煩惱。謗無因果。邪見煩惱。不識緣假。著我煩惱。迷於三世執斷常煩惱。朋狎惡法。起見取煩惱。僻專邪師。造成取煩惱。乃至一切等四執。

橫計煩惱。今日至誠。悉皆懺悔。又復無始以來。至于今日。守情堅著。起慳吝煩惱。不攝六情。奢誕煩惱。心行弊惡。不忍煩惱。怠惰緩縱。不動煩惱。疑慮躁動。覺觀煩惱。觸境迷惑。無知解煩惱。隨世八風。生彼我煩惱。諂曲而譽。不直心煩惱。驕強難觸。不調和煩惱。易忿難悅。多含恨煩惱。嫉妬擊刺。很戾煩惱。凶險暴害。慘毒煩惱。乖背聖諦。執相煩惱。於苦集滅道。生顛倒煩惱。隨從生死。十二因緣。輪轉煩惱。乃至無始無明。住地恒沙煩惱。起四住地。構於三界。苦果煩惱。無量無邊。惱亂賢聖。六道四生。今日發露。向十方佛。尊法聖衆。皆悉懺悔。願某甲等。承是懺悔。意業所起。貪瞋癡等。一切煩惱。所生功德。生生世世。折惱慢幢。渴愛欲水。滅瞋恚火。破愚癡暗。拔斷疑根。裂諸見網。深識三界。猶如牢獄。四大毒蛇。五陰怨賊。六入空聚。愛詐親善。修八聖道。斷無明源。正向涅槃。不休不息。三十七品。心心相續。十波羅蜜。常得現前。懺悔已至。心信禮常住三寶。

慈悲水懺法卷上

### 慈悲水懺法卷中

一切諸佛。愍念衆生。爲說水懺道場總法。今當歸命。一切諸佛。

南無里盧遮那佛 南無本師釋迦牟尼佛  
南無阿彌陀佛 南無彌勒佛 南無龍種

上尊王佛 南無龍自在王佛 南無寶勝佛 南無覺華定自在王佛 南無契茲幢佛 南無師子吼佛 南無文殊師利菩薩 南無普賢菩薩 南無大勢至菩薩 南無地藏菩薩 南無大莊嚴菩薩 南無觀自在菩薩

禮諸佛已。次復懺悔。某甲等相與。卽今身心寂靜。無諂無障。正是生善滅惡之時。復應各起四種觀行。以爲滅罪作前方便。何等爲四。一者觀於因緣。二者觀於果報。三者觀我自身。四者觀如來身。第一觀因緣者。知我此罪。藉以無明不善思惟。無正觀力。不識其過。遠離善友。諸佛菩薩。隨逐魔道。行邪險徑。如魚吞鉤。不知其患。如蠶作繭。自纏自縛。如蛾赴火。自燒自爛。以是因緣。不能自出。第二觀於果報者。所有諸惡不善之業。三世輪轉。苦果無窮。沈溺無邊。日夜大海。爲諸煩惱。羅刹所食。未來生死。冥然無涯。設使報得轉輪聖王。王四天下。飛行自在。七寶具足。命終之後。不免惡趣。四空果報。三界極尊。福盡還作牛領中蟲。況復其餘無福德者。而復憍怠。不勤懺悔。此亦譬如抱石沈淵。求出應難。第三觀我自身。雖有正因靈覺之性。而爲煩惱黑暗叢林之所覆蔽。無了因力。不能得顯。我今應當發起勝心。破裂無明。顛倒重障。斷滅生死虛僞苦因。顯發如來大明覺慧。建立無上涅槃妙果。第四觀如來身。無爲寂照。離四句絕百非。衆德具足。湛然常住。雖復方便入於滅度。慈悲救接。未曾暫捨。生如是心。可謂滅罪之



良津除障之要行。是故志誠求哀懺悔。某甲等無始以來至于今日。長養煩惱日深日厚。日滋日茂。覆蓋慧眼令無所見。斷除衆善不得相續。起障不得見佛。不聞正法。不值聖僧。煩惱起障不見過去未來一切善惡業行。出離煩惱障。受人天尊貴之煩惱障。生色無色界禪定福樂之煩惱障。不得自在神通飛騰隱顯。遍至十方諸佛淨土聽法之煩惱障。學安那般那數息不淨因緣觀等諸煩惱障。學煖頂忍第一法七方便等諸煩惱障。學慈悲喜捨聞思修等煩惱障。學空平等中道解三觀義煩惱障。學助道品念處正勤根力如意足諸煩惱障。學八正道示相之煩惱障。學七覺支不示相煩惱障。學八解脫九空定煩惱障。學於十智三三昧煩惱障。學三明六通四無礙煩惱障。學六度四等煩惱障。學四攝法廣化之煩惱障。學大乘心四弘誓願煩惱障。學十明十行之煩惱障。學十回向十願之煩惱障。學初地二地三地四地明解之煩惱障。學五地六地七地諸知見煩惱障。學八地九地十地雙照之煩惱如是乃至障。學佛果百萬阿僧祇諸行之煩惱。如是行障無量無邊。弟子某甲今日至禱稽顙。向十方佛尊法聖衆。慚愧懺悔願皆消滅。願藉此懺悔障於諸行。一切煩惱所生功德。願在在處處自在受生。不爲結集業行之所迴轉。以如意通於一念頃遍至十方。淨諸佛土攝化衆生。於諸禪定甚深境界及諸知見通達無礙。心能普周一切諸法樂說無窮而不染著。得心自在。

得法自在方便自在。今此煩惱及無知結習畢竟永斷。不復相續。無漏聖道朗然如日。發願已歸命禮諸佛

南無毘盧遮那佛 南無本師釋迦牟尼佛  
南無阿彌陀佛 南無彌勒佛 南無龍種上尊王佛 南無龍自在王佛 南無寶勝佛 南無覺華定自在王佛 南無袈裟幢佛 南無師子吼佛 南無文殊師利菩薩 南無普賢菩薩 南無大勢至菩薩 南無地藏菩薩 南無大莊嚴菩薩 南無觀自在菩薩

禮諸佛已。次復懺悔。某甲等略懺煩惱障竟。今當次第懺悔業障。夫業者。能莊飾世趣在在處處不復思惟求離世解脫。所以六道果報種種不同形類各異。當知皆是業力所作。佛十力中業力甚深。凡夫之人多於此中好起疑惑。何以故爾。現見世間行善之人觸向轉軻。爲惡之者是事諸偶。謂言天下善惡無分。如此計者皆是不能深達業理。何以故爾。經中說言。有三種業。何等爲三。一者現報。二者生報。三者後報。現報業者。現在作惡現身受報。生報業者。此生作善作惡來生受報。後報業者。或是過去無量生中作善作惡。於此生中受。或在未來無量生中受其報。若今行惡之人現在見好者。此是過去生報後報善業熟故。所以現在有此樂果。豈關現在作諸惡業而得好報。若今行善之人現在受苦者。此是過去生報後報惡業熟故。故現在苦報力弱不能排遣。是故得此苦報。豈關現在作

善而招惡報。何以知然。現見世間爲善之者。人所讚歎人所尊重。故知未來必招樂果。過去既有如此惡業。所以諸佛菩薩教令親近善友。共行懺悔。善知識者於得道中則爲全利。是故今日至誠歸依於佛。某甲等無始以來至于今日。積惡如恒沙造罪滿大地。捨身與受身。不覺亦不知。或作五逆深重濁纏無間罪業。或造一闍提斷善根業。輕誣佛語謗方等業。破滅三寶毀正法業。不信罪福起十惡業。迷真反正癡惑之業。不孝二親反戾之業。輕慢師長無禮敬業。朋友不信無義之業。或作四重八重障聖道業。毀犯五戒破八齋業。五篇七聚多缺犯業。優婆塞戒輕重垢業。或菩薩戒不能清淨如說行業。前後方便汚梵行業。月無六齋懈怠之業。年三長齋不常修業。三千威儀不如法業。八萬律儀微細罪業。不修身戒心慧之業。春秋八王造衆罪業。行十六種惡律儀業。於諸衆生無敬傷業。不矜不念無憐愍業。不拔不濟無救護業。心懷嫉妬無度彼業。於怨親境不平等業。耽荒五欲不厭離業。或因衣食園林池沼生蕩逸業。或以盛年放恣情欲造衆罪業。或作有漏善迴向三有障出世業。如是等罪無量無邊。今日發露向十方佛尊法聖衆。皆悉懺悔。願某甲等承是懺悔。無明等罪。諸不善業願皆消滅。所生福善願生生世世滅五逆罪。除闍提惑。如是輕重諸罪惡業從今已去。乃至道場誓不更犯。常習出世清淨善法。精持律行守護威儀。如渡海者愛惜浮囊。六度四等常標

行首。戒定慧品轉得增明。速成如來三十二相八十種好。十力無畏大悲三念常樂妙智八自在。歸依諸佛。願垂護念。某甲等前已總相懺悔一切諸業。今當次第更復一一別相懺悔。若總若別若龜若細。若輕若重若說不說。品類相從願皆消滅。別相懺者。先懺身三。次懺口四。其餘諸障次第稍類。身三業者。第一殺害。如經所明。忍己可爲喻。勿殺勿行杖。雖復禽獸之殊。保命畏死其事是一。若尋此衆生。無始以來或是我父母兄弟六親眷屬。以業因緣輪迴六道。出生入死改形易報不復相識。而今與害食噉其肉傷慈之甚。是故佛言。設得餘食當如饑世。食子肉想。何況食噉此魚肉耶。又言。爲利殺衆生以財網諸肉。二俱是惡業。死墮號叫獄故知殺害及以食噉。罪深河海過重丘嶽。然某甲等無始以來不遇善友皆爲此業。是故經言。殺害之罪能令衆生墮於地獄餓鬼受苦。若在畜生則受虎豹豺狼鷹鶴等身。或受毒蛇蠍蝎等身。常懷惡心。或受鷹鹿熊羆等身。常懷恐怖。若生人中得二種果報。一者多病。二者短命。殺害食噉既有如是無量種種諸惡果報。是故至誠求哀懺悔。某甲等自從無始以來至于今日。有此心識常懷慘毒無慈惡心。或因貪起殺。因瞋因癡及以慢殺。或與惡方便害殺。願殺及以呪殺。或破決湖池。焚燒山野。敗獵漁捕。或因風放火。飛鷹放犬傷害一切。如是等罪今悉懺悔。或以檻索抗撻杖戟弓弩。彈射飛鳥走獸之類。或以罟網罾釣撩澆水性

魚。龍龜蝦蟆螺蚌濕居之屬。使水陸空行藏竄無地。或畜養雞猪牛羊犬豕鵝鴨之屬。自供庖厨。或貨他宰殺。使其哀聲未盡毛羽脫落鱗甲傷毀身首分離。骨肉消碎剝裂屠割炮燒煮炙楚毒酸切。橫加無辜。但使一時之快口得味甚夥。不過三寸舌根而已。然其罪報殃累永劫。如是等罪今日至誠皆悉懺悔。又復無始以來至于今日。或復興師相伐疆場交爭。兩陣相向更相殺害。或自殺教殺。聞殺歡喜。或習屠僱賃爲刑戮。烹宰他命行於不忍。或恣暴怒揮戈舞刃。或斬或刺。或推著坑塹。或以水沈溺。或塞穴墳巢。或土石礮礮。或以車馬雷轆踐踏一切衆生。如是等罪無量無邊。今日發露皆悉懺悔。又復無始以來至于今日。或墮胎破卵。毒藥蟲道傷殺衆生。裂土掘地種植田園養蠶煮繭。傷殺滋甚。或打撲蚊蚋拾嚼蟲虱。或燒除糞掃開決溝渠。枉害一切。或噉果實。或用穀米。或用菜茹。橫殺衆生。或然樵薪。或露燈燭燒諸蟲類。或取醬醋不先搖動。或瀉湯水澆殺蟲蟻。如是乃至行住坐臥四威儀中。恒常傷殺飛空著地微細衆生。凡夫識暗不覺不知。今日發露皆悉懺悔。又復無始以來至于今日。或以鞭杖枷鎖桁桎壓拉拷掠打擲。手脚蹴踏拘縛籠繫。斷絕水穀。如是種種諸惡方便苦惱衆生。今日至誠向十方佛尊法聖衆。皆悉懺悔。願承是懺悔。殺害等罪。所生功德生生世世得金剛身。壽命無窮永離惡憎無殺害想。於諸衆生得一子地。若見危難急厄之者。

不惜身命方便救脫。然後爲說微妙正法。使諸衆生親形見影皆蒙安樂。聞名聽聲恐怖悉除。我今稽顙歸依於佛。

南無毘盧遮那佛 南無本師釋迦牟尼佛  
南無阿彌陀佛 南無彌勒佛 南無龍種上尊王佛 南無龍自在王佛 南無寶勝佛 南無覺華自在王佛 南無袈裟幢佛 南無師子吼佛 南無文殊師利菩薩 南無普賢菩薩 南無大勢至菩薩 南無地藏菩薩 南無大莊嚴菩薩 南無觀自在菩薩

禮諸佛已。次復懺悔。某甲等次懺劫盜之業。經中說言。若物屬他。他所守護。於此物中一草一葉不與不取。何況竊盜。但自衆生唯見現在利。故以種種不道而取。致使未來受此殃累。是故經言。劫盜之罪能令衆生墮於地獄餓鬼受苦。若在畜生則受牛馬驢騾駝等形。以其所有身力血肉償他宿債。若生人中爲他奴婢。衣不蔽形食不充口。貧寒困苦人理殆盡。劫盜既有如是苦報。是故今日至誠求哀懺悔。某甲等自從無始以來至于今日。或盜他財寶與刃強奪。或自奪身逼迫而取。或恃公威。或假勢力高桁大械。枉壓良善吞納姦貨。撈直爲曲。爲此因緣身罹羶網。或任邪治領他財物。侵公益私侵私益公。損彼利此損此利彼。割他自饒口與心恬。或竊沒租估。偷渡關津。私匿公課。隱隱使役。如是等罪皆悉懺悔。又復無始以來至于今日。或是佛法僧物不與而取。或輕像物。或治塔寺物。

或供養常住僧物。或擬招提僧物。或盜取誤用特勢不還。或自借。或貸人。或復換貨漏忘。或三寶物。混亂雜用。或以衆物穀米。權斷鹽敗醬醋菜。如果實錢帛。竹木。錯雜蓋香華油燭。隨情逐意。或自用。或與人。或摘佛華果。用僧贓物。因三寶財物私自利己。如是等罪無量無邊。今日慚愧皆悉懺悔。又復無始以來至于今日。或作周旋。朋友師僧同學父母兄弟。第六親眷屬共住同止。百一所需更相欺調。或於鄉隣比近。移難拓墻侵他地宅。改標易相虜掠資財。包占田園因公託私。奪人邸店及以屯野。如是等罪今悉懺悔。又復無始以來。或攻城破邑。燒村壞棚。偷賣良民。誘他奴婢。或復枉壓無罪之人。使其形刑血刃。身彼徒鎖。家緣破散。骨肉生離。分張異域。生死隔絕。如是等罪無量無邊。今悉懺悔。又復無始以來至于今日。或商估博貨。邸店市易。輕秤小斗。減割尺寸。盜竊分銖。欺誑圭合。以魚易好。以短換長。欺巧百端。希望毫利。如是等罪今悉懺悔。又復無始以來至于今日。穿窬墻壁。斷道抄掠。抵捍債息。負情違要。面欺心取。或非道陵奪鬼神禽畜四生之物。或假託下相取人財寶。如是乃至以利求利。惡求多求。無厭無足。如是等罪無量無邊。不可說盡。今日至禱向十方佛。尊法聖衆皆悉懺悔。願承是懺悔。劫盜等罪。所生功德生生世世得如意寶常雨七珍。上妙衣服百味甘饌種種湯藥。隨其所須應念即至。一切衆生無不憐愍。皆能少欲知足不耽不染。常樂惠施行給濟

道。捨頭目髓腦如棄涕唾。迴向滿足檀波羅蜜。某甲等大復懺悔貪愛之罪。經中說言。但爲欲故。闢在癡獄。沒生死河。莫知能出。衆生爲是五欲因緣。從昔以來。流轉生死。一切衆生。歷劫生中所積身骨。如王舍城毘富羅山。所飲母乳。如四海水。身所出血。復過於此。父母兄弟。六親眷屬。命終哭泣。所出目淚。如四海水。是故說言。有愛則生。愛盡則滅。故知生死貪愛爲本。所以經言。淫欲之罪。能令衆生墮於地獄。餓鬼受苦。若在畜生。則受鴿雀鴛鴦等身。若在人中。妻不貞良。得不隨意。眷屬淫欲。既有如此惡果。是故今日至誠求哀懺悔。某甲等從無始以來至于今日。或偷人妻妾。奪他婦女。侵陵貞潔。汚比丘尼。破他梵行。逼迫不道。濁心邪視。言語嘲調。或復恥他門戶。污賢善名。或於男子五種人所起不淨行。如是等罪無量無邊。今日至誠皆悉懺悔。願承是懺悔。淫欲等罪。所生功德。生生世世自然化生。不由胞胎。清淨皎潔。相好光明。六情開朗。聰利明達。了悟恩愛。猶如桂栢。觀彼六塵。如幻如化。於五欲境。決定厭離。乃至夢中不起邪想。內外因緣。永不能動。懺悔發願已。歸命禮三寶。

前已懺悔身三業竟。今當次第懺悔口四惡業。經中說言。口業之罪。能令衆生墮於地獄。餓鬼受苦。若在畜生。則受鴿雀鴛鴦鳥形。聞其聲者。無不憎惡。若生人中。口氣常臭。有所言說。人不信受。眷屬不和。常好鬭諍。口業既有如此惡果。是故今日志誠歸依三寶。皆悉懺悔。某甲等自從無始以來至于今日。以惡口業於四生六道造種種罪。出言龜龜發語。暴橫。不問尊卑。親疎貴賤。稍不如意。便懷瞋怒。罵詈辱罵。毀譽譏謔。惡無所不至。使彼銜恨。終身不忘。連禍結讎。無有窮已。又或惡口地誑實鬼神。貶斥聖賢。輕汚良善。如是惡口所起罪業無量無邊。今日至誠皆悉懺悔。又復無始以來至于今日。以妄語業作種種罪。意中希求名譽利養。匿情變詐。昧心厚顏。指有言空。指空言有。見言不見。不見言見。聞言不聞。不聞言聞。知言不知。不知言知。作言不作。不作言作。欺調賢聖。誑惑世人。至於父子君臣。親戚朋舊。有所談說。未嘗誠實。致使他人誤加聽信。亡家敗國。咸此由之。或假妖幻。每自稱讚。謂得四禪四無色定。安那般那十。六行觀。得須陀洹至阿羅漢。得辟支佛不退菩薩。天來龍來。鬼來神來。旋風土鬼。皆至我所。顯異惑衆。求其恭敬。四事供養。如是妄語所起罪業無量無邊。今日至誠皆悉懺悔。又復無始以來至于今日。以綺語業作種種罪。言辭華靡。輪疊麗。文過飾非。巧作歌曲。形容妖冶。模寫娼態。使中下之流。動心失性。耽荒酒色。不能自返。或恣任私。離忘其公議。使彼忠臣孝子志士仁人。強作篇章。文致其惡。後世披覽。遂以爲然。令其抱恨。重泉無所明白。如是綺語所起罪業無量無邊。今日至誠皆悉懺悔。又復無始以來至于今日。以兩舌業作種種罪。面譽背毀。巧語百端。向彼說此。向此說彼。唯知利己。不顧害他。譏問君臣。輕

發良善。使君臣猜忌父子不和。夫妻生離親戚疎曠。師資恩喪朋友道絕。至於交屬二國淪盟失歡。結怨連兵傷殺百姓。如是兩舌所起罪業無量無邊。今日至誠向十方佛尊法聖衆。發露求哀皆悉懺悔。願某甲等承是懺悔。口四惡業所生功德。生生世世具八音聲得四辯才。常說和合利益之語。其聲清雅一切樂聞。善解衆生方言言語。若有所說應時應根。令彼聽者即得解悟。超凡入聖開發慧眼。懺悔發願已。歸命禮三寶。

前已懺悔身三口四業竟。今當次第懺悔六根所作罪障。某甲等無始以來至于今日。或眼爲色惑愛染玄黃紅綠朱紫珍玩寶飾。或取男女長短黑白之相姿態妖嬈起非法想。或耳貪好聲。宮商絃管妓樂歌唱。或取男女音聲語言啼笑之相起非法想。或鼻藉名香沈檀龍麝鬱金蘇合起非法想。或舌貪好味鮮美甘肥衆生血肉資養四大。更增苦本起非法想。或身樂華綺綿繡綵縠一切細滑七珍麗服起非法想。或意多亂想觸向非法。由此六根所造罪業無量無邊。今日至禱向十方佛尊法聖衆皆悉懺悔。願以懺悔眼根功德。願令此眼徹見十方諸佛菩薩清淨法身不以二相。願以懺悔耳根功德。願令此耳常聞十方諸佛寶聖所說正法如教奉行。願以懺悔鼻根功德。願令此鼻常聞香積入法位香。捨離生死不淨臭穢願以懺悔舌根功德。願令此舌常啗法喜禪悅之食。不貪衆生血肉之味。願以懺悔身根功德。願令此身披如來衣。

著忍辱鎧。臥無畏床坐法空座。願以懺悔意根功德。願令此意成就十力洞達五明深觀二諦空平等理。從方便慧入法流水。念念增明顯發如來大無生忍。發願已歸命禮三寶。

慈悲水懺法卷中

### 慈悲水懺法卷下

一切諸佛慈念衆生爲說水懺道場總法今當歸命一切諸佛

南無毘盧遮那佛 南無本師釋迦牟尼佛  
南無阿彌陀佛 南無彌勒佛 南無龍種上尊王佛 南無龍自在王佛 南無寶勝佛 南無覺華定自在王佛 南無袈裟幢佛 南無師子吼佛 南無文殊師利菩薩 南無普賢菩薩 南無大勢至菩薩 南無地藏菩薩 南無大莊嚴菩薩 南無觀自在菩薩

禮諸佛已。次復懺悔。已懺身三口四竟。次復懺佛法僧間一切諸障。經中佛說。人身難得佛法難聞。衆僧難值信心難生。六根難具善友難得。而今相與宿植善根得此人身六根完具。又值善友得聞正法。於其中間復各不能盡心精勤。恐於未來長溺萬苦無有出期。是故今日至誠求哀懺悔。某甲等自從無始以來至于今日。常以無明覆心。煩惱障意見佛形像不能盡心恭敬。輕蔑衆僧殘害善友。

破塔毀寺焚燒經像。出佛身血。或自處華堂安置尊像卑猥之處。使煙薰日曝風吹雨露塵土污塗雀鼠毀壞。共住同宿曾無禮敬。或裸露像前初不嚴飾。遮掩燈燭關閉殿宇。障佛光明如是等罪。今日至誠皆悉懺悔。又復無始以來至于今日。或於法間以不淨手把捉經卷。或臨經書非法俗語。或安置床頭坐起不敬。或關閉箱篋蟲蠹朽爛。或首軸脫落部帙失次。或挽脫漏誤紙墨破裂裂自不修習不肯流傳。如是等罪。今日至誠皆悉懺悔。或眠地聽經仰臥讀誦。高聲語笑亂他聽法。或邪解佛語僻說聖意。非法說法。法說非法。非犯說犯。犯說非犯。輕罪說重。重罪說輕。或抄前著後。抄後著前。前後著中。中著前後。綺飾文詞安置已典。或爲利養名譽恭敬。爲人說法無道德心。求法師過而爲論議非理彈擊。不爲長解求出世法。或輕慢佛語尊重邪教。毀皆大乘讚聲聞道。如是等罪無量無邊皆悉懺悔。又復無始以來至于今日。或於僧間有障殺阿羅漢破和合僧。害發無上菩提心人。斷滅佛種使聖道不行。或剝脫道人褻褻沙門。楚撻驅使苦言加謗。或破淨戒及破威儀。或勸他人捨於八正受行五法。或假託形儀闖竊常住。如是等罪今悉懺悔。或裸露身形輕衣褻褻。在經像前不淨腳履踏上殿塔。或著屢屐入僧伽藍。涕唾堂房汚佛僧地。乘車策馬排揆寺舍。凡如是等於三寶間所起罪障無量無邊。今日至禱向十方佛尊法聖衆。皆悉懺悔。願承是懺悔佛法僧間所有罪障。

生世世常值三寶。尊仰恭敬無有厭倦。天  
增妙緣。衆寶纏絡百千伎樂。珍異名香華果  
鮮明。盡世所有常以供養。若有成佛先往勸  
請開甘露門。若入涅槃願我常得獻最後供。  
於衆僧中修六和敬。得自在力興隆三寶。上  
弘佛道。下化衆生。如上所說。於三寶間輕重  
諸罪皆已懺悔。其餘諸惡。今當次第更復懺  
悔。經中佛說有二種健兒。一者自不作罪。二  
者作已能悔。又云。有二種白法。能爲衆生滅  
除衆障。一者慚。自不作惡。二者愧。不令他作。  
有慚愧者可名爲人。若不慚愧與諸禽獸不  
相異也。是故今日至誠歸依於佛。如法懺悔。  
某甲等自從無始以來至于今日。或信邪倒  
見殺害衆生。解奏魑魅魍魎鬼神。欲希延年  
終不能得。或妄言見鬼假稱神語。如是等罪  
皆悉懺悔。又復無始以來至于今日。或行動  
傲慢。自高自大。或恃種姓輕慢一切。以貴輕  
賤用強陵弱。或飲酒鬪亂不避親疎。醉終  
日不識尊卑。如是等罪今悉懺悔。或嗜飲食  
無有期度。或食生鱗。或噉五辛。薰穢經像排  
揆淨衆。縱心恣意不知限極。疎遠善人狎近  
惡友。如是等罪今悉懺悔。或貢高矯假假差  
自用。跋扈抵牾不誠人情。自是他非希望僥  
倖。如是等罪今悉懺悔。或臨財無讓不廉不  
恥。屠肉沽酒欺誑自活。或出入息利計時賣  
日。聚積慳刻貪求無厭。受人供養不慚不愧。  
或無戒德空納信施。如是等罪今悉懺悔。或  
捶打奴婢驅使僮僕。不問饑渴。不問寒暑。或  
伐樹橋梁杜絕行路。如是等罪今悉懺悔。或

放逸自恣。無記放亂。穢滿園林。群會屯聚飲  
食酒肉。更相擾亂。無趣談話。論說天下。從年  
竟歲空喪天日。初中後夜。禪誦不修。懈怠懶  
惰。尸以終日。於六念處心不經理。見他勝事  
便生嫉妬。心懷慘毒。備起煩惱。致使諸惡猛  
風吹罪。薪火常以熾然。無有休息。三業微善  
一切俱焚。善法既盡。爲一團提。墮大地獄。無  
有出期。是故今日至誠稽顙。向十方三寶皆  
悉懺悔。上來所有一切衆罪。若輕若重。若龜  
若細。若自作若教他作。若隨喜作。若以勢力  
逼迫令作。如是乃至讚歎行惡法者。今日志  
誠皆悉懺悔。願承是懺悔一切諸惡。所生功  
德。生生世世慈和忠孝。謙卑忍辱。知廉識恥。  
先意問訊。循良正謹。清潔義讓。遠離惡友。常  
遇善緣。收攝六情。守護三業。捍勞忍苦。心不  
退沒。立善提志。不負衆生。發願已歸命禮諸  
佛。

南無毘盧遮那佛 南無本師釋迦牟尼佛  
南無阿彌陀佛 南無彌勒佛 南無龍種  
上尊王佛 南無龍自在王佛 南無寶勝  
佛 南無覺華定自在王佛 南無袈裟幢  
佛 南無師子吼佛 南無文殊師利菩薩  
南無普賢菩薩 南無大勢至菩薩 南無  
地藏菩薩 南無大莊嚴菩薩 南無觀自  
在菩薩

禮諸佛已。次復懺悔。向來已懺悔煩惱障。已  
懺悔業障。所餘報障。今當次第披陳懺悔。經  
中說言。業報至時。非空非海中。非入山石間。  
無有地方所脫之不受報。唯有懺悔力乃能

得除滅。何以知然。釋提桓因五衰相見。恐懼  
切心。歸誠三寶。五相即滅。得延天年。如是等  
比。經教所明。其事非一。故知懺悔實能滅禍。  
但凡夫之人。若不值善友獎導。則難惡而不  
造。致使大命將盡。臨窮之際。地獄惡相皆現  
在前。當爾之時。悔懼交至。不預修善。臨窮方  
悔。悔之於後。將何及乎。殃禍異處。宿預嚴待。  
當獨趣入到地獄所。但得前行入於火鏡。身  
心摧碎。精神痛苦。如此之時。欲求一禮一懺。  
豈可復得。衆等莫自恃盛年財寶勢力。懶惰  
懈怠。放逸自恣。死苦一至。無問老少貧富貴  
賤。皆悉墮滅。奄忽而至。不令人知。夫人命無  
常。喻如朝露。出息雖存。入息難保。云何忽此  
而不懺悔。但五天使者既來。無常殺鬼卒至。  
盛年壯色無得免者。當爾之時。華堂蓮宇。何  
關人事。高車大馬。豈得自隨。妻子眷屬。非復  
我親。七珍寶飾。乃爲他玩。以此而言。世間果  
報。皆爲幻化。天上雖樂。會歸敗壞。壽盡魂逝。  
墮落三塗。是故佛語。須跋陀言。汝師鬱頭藍  
弗利根聰明。能伏煩惱。至於非非想處。命終  
還作畜生道中。飛狸之身。況復餘者。故知未  
登聖果已還。皆應輪轉。備經惡趣。如不謹慎。  
忽爾一朝。親嬰斯事。將不悔哉。如今被罪行  
詣公門。己是小苦情地。悼惶。眷屬恐懼。求救  
百端。地獄衆苦。比於此者。百千萬倍。不得爲  
喻。衆等相與。應劫以來。罪若須彌。云何聞此  
安然。不畏不驚。不恐。今此精神。復嬰斯苦。實  
爲可痛。是故志誠求哀懺悔。某甲等從無始  
以來。至于今日。所有報障。然其重者。第一唯

有阿鼻地獄。如經所明。今當略說其相。此獄周匝有七重鐵城。復有七重鐵網羅覆其上。下有七重鐵刀爲林。無量猛火縱廣八萬四千由旬。罪人之身遍滿其中。罪業因緣不相妨礙。上火徹下。火徹上。東西南北通徹交過。如魚在鱗脂膏皆盡。此中罪苦亦復如是。其城四門有四大銅狗。其身縱廣四千由旬。牙爪鋒長。眼如掣電。復有無量鐵豬諸鳥。奮翼飛騰。噉罪人肉。牛頭獄卒形如羅刹而有九尾。尾如鐵叉。復有九頭。頭上十八角。角有六十四眼。一眼中皆悉迸出諸熱鐵丸。燒罪人肉。然其一瞋一怒。哮吼之時。聲如霹靂。復有無量無邊刀輪空中而下。從罪人頂入。從足而出。於是罪人痛徹骨髓。苦切肝心。如是經無數歲。求生不得。求死不得。如是等報。今日皆悉稽顙慚悔。次復懺悔刀山劍樹地獄。身首脫落罪報。懺悔鐵湯爐炭地獄。燒煮罪報。懺悔鐵床銅柱地獄。焦然罪報。懺悔刀輪火車地獄。劈碎罪報。懺悔拔舌犁耕地獄。楚痛罪報。懺悔吞噉鐵丸。群銅灌口地獄。五內消爛罪報。懺悔鐵磨地獄。骨肉灰粉罪報。懺悔黑繩地獄。肢節分離罪報。懺悔灰河沸屎地獄。悶罪報。懺悔鹹水寒水地獄。皮膚破裂凍凍罪報。懺悔豺狼鷹犬地獄。更相殘害罪報。懺悔刀兵距爪地獄。更相搏撮。斫刺罪報。懺悔火坑地獄。炮炙罪報。懺悔兩石相礮地獄。骸碎罪報。懺悔衆合黑耳地獄。解剔罪報。懺悔開冥肉山地獄。斬剝罪報。懺悔錐釘身地獄。斷截罪報。懺悔鐵

棒倒懸地獄。屠割罪報。懺悔燒熱叫喚地獄。煩冤罪報。懺悔大小鐵園山間。長夜冥冥。不識三光罪報。懺悔阿波波地獄。阿婆婆地獄。阿吒吒地獄。阿羅羅地獄。如是八寒八熱。一切諸地獄中。復有八萬四千兩子地獄。以爲眷屬。此中罪苦。炮煮楚痛。剝皮割肉。削骨打髓。抽腸拔肺。無量諸苦。不可聞不可說。南無佛。今日在此中者。或是我等無始以來。經生父母一切眷屬。我等與彼命終之後。或當復墮如此獄中。今日洗心懇禱。叩頭稽顙。向十方佛大地菩薩。求哀懺悔。今此一切罪報。畢竟消滅。願承是懺悔地獄等報。所生功德。即時破壞。阿鼻鐵城。悉爲淨土。無惡道名。其餘地獄一切苦具。轉爲樂緣。刀山劍樹。變成寶林。鐵湯爐炭。遂華化生。牛頭獄卒。除捨暴虐。皆起慈悲。無有惡念。地獄衆生。得離苦果。更不造因。等受安樂。如第三福。一時俱發。無上道心。懺悔已。至心信禮。常住三寶。

南無毘盧遮那佛 南無本師釋迦牟尼佛  
南無阿彌陀佛 南無彌勒佛 南無龍種  
上尊王佛 南無龍自在王佛 南無寶勝  
佛 南無覺華定自在王佛 南無袈裟幢  
佛 南無師子吼佛 南無文殊師利菩薩  
南無普賢菩薩 南無大勢至菩薩 南無  
地藏菩薩 南無大莊嚴菩薩 南無觀自  
在菩薩

禮諸佛已。次復懺悔。已懺地獄報竟。今當復次懺悔三惡道報。經中佛說。多欲之人。多求利故。苦惱亦多。知足之人。雖臥地上。猶以爲

樂。不知足者。雖處天堂。猶不稱意。但世間人忽有急難。便能捨財。不計多少。而不知此身。臨於三塗深坑之上。一息不還。便應墮落。忽有知識。勸營功德。令修未來善法資糧。執此慳心。無肯作理。夫如是者。極爲愚惑。何以故。經中佛說。生時不齎一文而來。死亦不持一文而去。苦身積聚爲之憂惱。於己無益。徒爲他有。無善可恃。無德可估。致使命終墮諸惡道。是故今日。歸命三寶。至誠懺悔。次復懺悔畜生道中。無所識知罪報。懺悔畜生道中。負重牽犁。償他宿債罪報。懺悔畜生道中。不得自在。爲他斫刺屠割罪報。懺悔畜生道中。無足二足四足多足罪報。懺悔畜生道中。身諸毛羽鱗甲之內。爲諸小蟲之所啖食罪報。如是畜生道中有無量罪報。今日至誠皆悉懺悔。次復懺悔餓鬼道中。長受飢渴。百千萬歲。初不曾聞漿水之名罪報。懺悔餓鬼食噉膿血糞穢罪報。懺悔餓鬼動身之時。一切肢節。火然罪報。懺悔餓鬼腹大咽小罪報。如是餓鬼道中。無量苦報。今日稽顙求哀。皆悉懺悔。次復懺悔一切鬼神修羅道中。諛諂誑詐罪報。懺悔鬼神道中。擔沙負石。填河塞海罪報。懺悔鬼神羅刹鳩槃荼諸惡鬼神。啖血肉受此醜陋罪報。如是鬼神道中。無量無邊一切罪報。今日稽顙向十方佛大地菩薩。求哀懺悔。悉令消滅。願承是懺悔畜生等報。所生功德。生生世世。滅愚癡垢。自識業緣。智慧明照。斷惡道身。願以懺悔餓鬼等報。所生功德。生生世世。永離慳貪飢渴之苦。常淍甘露。

解脫之味。願以懺悔鬼神修羅等報所生功德。生生世世實直無諂。離邪命因除醜陋果。福利人天。願從今以去乃至道場。決定不受四惡道報。唯除大悲為衆生故。以誓願力處之無厭。已懺三塗等報。今當復次稍懇懺悔人天餘報。相與稟此斷浮壽命。雖曰百年滿者無幾。於其中間盛年夭枉。其數無量。但有衆苦煎迫。心形愁憂。恐怯未曾暫離。如此皆是善根微弱惡業滋多。致使現在凡有所爲皆不稱意。當知悉是過去已來惡業餘報。是故某甲等今當懺悔無始以來至于今日。所有現在及以未來人天之中無量餘報。懺悔人間流殃宿對癡殘。百病六根不具罪報。懺悔人間邊地邪見三惡八難罪報。懺悔人間多病消瘦促命夭枉罪報。懺悔人間六親眷屬不能得常相相守罪報。懺悔人間親友調喪愛別離苦罪報。懺悔人間冤家聚會愁憂怖畏罪報。懺悔人間水火盜賊刀兵危險驚恐怯弱罪報。懺悔人間孤獨困苦流離波迷亡失國土罪報。懺悔人間牢獄繫閉幽執側立鞭撻榜楚罪報。懺悔人間公私口舌更相羅染。更相誣謗罪報。懺悔人間惡病連年累月不癒。枕臥床席不能起居罪報。懺悔人間冬瘟夏疫毒癘傷寒罪報。懺悔人間賊風腫滿否塞罪報。懺悔人間爲諸惡神伺求其便欲作禍祟罪報。懺悔人間鳥鳴百怪飛屍邪鬼爲作妖異罪報。懺悔人間爲虎豹豺狼水陸一切諸惡禽獸所傷罪報。懺悔人間自縊自殺罪報。懺悔人間投坑赴火自沈自墮罪

報。懺悔人間無有威德名聞罪報。懺悔人間衣服資生不能稱心罪報。懺悔人間行來出入有所運爲。值惡知識爲作留難罪報。如是現在未來人天之中。無量禍橫災疫厄難衰惱罪報。某甲等今日至誠向十方佛尊法聖衆求哀懺悔。願皆消滅。前已懺悔三業六根一切煩惱障。一切業障。四生六道一切報障。今當次第發願同向。某甲等願以此懺悔三障所生功德。悉皆同向施與一切衆生。俱同懺悔。願與一切衆生現生之內身心安樂。三災八難不吉祥事咸悉消除。衣食豐饒。正信三寶。捨此報身皆得往生極樂世界。親觀彌陀得授記別。當來世中見彌勒佛。聽聞正法如教進修。又願生生世世在在處處。常值國王與隆三寶。不生外道邪見之家。又願生生世世在在處處。蓮華化生種族尊勝。安隱快樂衣食自然。又願生生世世在在處處。慈仁忠孝等心濟物。不生一念逆害之心。又願生生世世在在處處。常爲諸佛之所護念。能降魔怨及諸外道。與諸菩薩俱會一處。菩提道心相續不斷。又願生生世世在在處處。與顯佛法修行大乘。分身無量救度衆生。直至道場無有退轉。如諸佛菩薩所發誓願。所修福智所行同向。我亦如是。發願修集同向虛空界盡。衆生界盡。衆生業煩惱盡。我此修行同向終無有盡。發願同向已。至心信禮常住三寶。

慈悲水懺法卷下